





50170/B

F  
5

N. IX

17/5

R. W. 1185  
2 vols.

13 leaves,  
1368 pp, 40 leaves

With 15 plates

(14 folding & 1 double-page)

A 34 h.











JOH. CHRISTOPHORI STURMII  
IN UNIVERSITATE NORIMBERGENSIUM ALTORFINA  
PHILOSOPHIÆ NAT. ET MATHEMATUM  
PROFESSORIS PUBLICI

PHYSICÆ  
ELECTIVÆ

*sive*

HYPOTHETICÆ

TOMUS SECUNDUS  
Partem Physicæ Specialem

DE GEOCOSMO, SEU MUNDO ELEMEN-  
TARI, DE MUNDO SIDEREO, SIVE MACROCOSMO,  
NEC NON PRIORIS SPECIALIORA ET POSTERIORIS DE PLANETIS  
SPECIALISSIMA, COMPLECTENS

CUM PRÆFATIONE

CHRISTIANI WOLFII, Consilarii Aulici

Regis Borussiae, in Academia Regia Fridericiana Mathematicum  
Professoris Publici & Ordinarii, Societatum Regiarum Britannicæ  
atque Borussicæ Sodalis.

ACCEDUNT FIGURÆ ÆRI INCISÆ,

ut & Indices tam ad Tomum primum quam secundum locupletissimi.

NORIMBERGÆ,

Sumptibus WOLFGANGI MAURITII ENDTERI.

Typis JOH. ERNESTI ADELBULNERI. AN. MDCCXXII.









## PRÆFATIO.



Tſi ab omnibus retro ſeculis rerum naturalium ſcientia fuerit exculta, haudquaquam tamen hodieque deeſſe videas, qui methodum de iis philoſophandi in controverſiam ducunt. Neque vero in ea expendenda fruſtra ſumi operam putandum eſt: ex methodo ſcientiæ momenta pendent. Ego iterum ac ſæpius monui, rerum naturalium cognitionem triplex involvere diſcrimen, quo non niſi accuratius evoluto, in natura perquirenda magnifice conata perficiuntur. Prima huius cognitionis ſpecies ea eſt, quam *hiſtoricam* appello, obſervationum ac experimentorum cancellis circumſcripta. Proximus ab ea locus cedit alteri, quam *ſcientificam* nuncupo, ex obſervationibus & experimentis multum ac diu æqua lance penſitatis dogmata decenſiſſime condens, non violabilia Naturæ de rerum eventu decreta. Supremum tenet tertia, quam *mathematicam* dico, virium atque effectuum quantitatem ad menſuram revocans. Illa ceterarum baſis eſt & fundamentum ea concatenatum rerum nexum ſiſtit: hæc cauſas phænomenorum ſufficienter perſpectas eſſe evincit. Omnes ſororio vinculo connectuntur ſibi que mutuo & auxilia & fundamenta præſtant. Hiſtoricam naturæ cog-

nitio-



## PRÆFATIO.

nitioem ex parte habet etiam vulgus, eam imprimis, quæ ad vitæ necessitatem & artem exercendam facit: magis exquisita delectantur, qui experimentis operam assiduam navant, Naturæ scrutatores indefessi ingenioque pollentes. *Plinius* olim, quæ Natura spectanda exhibet delineare decreverat in Historia mundi, quam conscriptam posteritati reliquit: sed levi nimis penicillo adumbrat, quæ nativis coloribus pingi oportebat. Nec hodie prostat Historia naturæ integra, in qua defectus *Pliniana* emendatos reperiatis, utut passim apud præclaros Autores reperiantur, quæ haud contemnendam ejus partem constituunt. Laborant observationes multis ut plurimum defectibus: id quod satis experiuntur, qui iisdem ad Scientiam promovendam uti decernunt. Neque è longinquo petenda est ratio: observationum in scientia usum qui ignorat, nec momenta perspicit, ad quæ potissimum animum advertere convenit. Magis igitur exasciatae ab iis expectandæ sunt, qui cum observandi studio scientiam conjungunt. Enimvero ad cognitionem Naturæ scientificam & mathematicam observationes solæ non sufficiunt; experimentis insuper opus est: cujus rei rationes alibi exposui distinctius. Experimenta plurimum urisit *Verulamius*, sed quæ ipse cum in Sylva Sylvarum, tum in scriptis aliis larga manu dedit, nondum ea fuerunt, unde scientia præclara haurire potuit incrementa. Superiori demum seculo Philosophiæ experimentalis studium decentissime tractari cepit, cum aëris gravitas invictis argumentis contra *Aristotelicos* à *Galileo* adstrueretur. Cum enim ipse in Dialogis de motu modum ponderandi aërem & ejus cum aqua æquilibrium exhibuisset atque methodum examinandi veritates ipsas mathematicas per experimenta introduxisset; mox ejus discipulus *Torricellius* ejusdem aëris cum Mercurio



curio sive argento vivo æquilibrium detexit inventis Præceptoris consentiens : quo celebri experimento excitati *Pascalius Mersennus* aliique posteriores ad Philosophiam experimentalem excolendam stimulos addiderunt. Postquam *Otto de Guericke*, Consul Magdeburgensis antliam pneumaticam invenisset, ac inexpectatis admodum experimentis Philosophiam naturalem locupletasset, ejusque exemplo excitatus in Anglia *Robertus Boyle* eodem instrumento in experimentis capiendis non sine successu uteretur, ab eo sane tempore majore animi contentione experimentatum fuit ubi vis locorum, quam unquam antea factum fuerat. Quod autem modo de observationibus annotavimus, idem quoque de experimentis monere tenemur, scilicet ea subinde multis laborare defectibus, quod usum in scientia non prævidentes minime intelligant, qua circumspectione instituenda veniant. Quamobrem & magis exasciata experimenta ab iis expectanda sunt, qui cum experimentandi studio scientiam conjungunt. Cognitionem scientificam & olim affectarunt, & hodiernum affectant multi, qui inter naturæ mystas comparere laudi ducunt. Veteres in ea parum profecerunt, partim methodi, partim experimentorum defectu : quo contingit Philosophiam naturalem magis verbalem evadere, quam realem. Multum etiam impedimento erat ignorantia inter notiones confusas atque distinctas, quam optime *Cartesius* in sua philosophandi methodo sustulit, etsi discrimen non satis in theoria exposuerit : id quod demum à *Leibnitio* factum, & à nobis in nostris meditationibus Logicis aliquoties brevi annorum spatio recursis in usum traductum fuit. Etsi autem hodie plerique à confusis notionibus in Philosophia naturali abhorreant, nec occultas scholæ qualitates, sympathias & antipathias, vires attractrices aliaque hujus generis complura



## PRÆFATIO.

luxuriantis imaginationis monstra probent ; exemplo tamen *Cartesii* in fingendi licentiam prolapsi hypotheses ad arbitrium exsculpunt & scientiæ progressui obicem ponunt. Equidem non omnem hypothesisum usum prorsus rejicio, cum in Tentamine, quod paucos ante annos de vera causa multiplicationis frumentorum idiomate patrio publici juris feci, luculenter ostenderim, quem in inveniendo usum habeant, & quamnam experimentandi ansam præbeant, ut tandem ad veritatem liquidam perveniantur: non tamen probo, si qui hypotheses fingunt rationibus parum firmis munitas, ut rationes, quas ignorant, reddere posse videantur, si quis causas phænomenorum sciscitetur. Ego sane in scientia non admitto principia, unde aliorum ratio reddatur, nisi quod ex observationibus atque experimentis legitimo consequentiæ filo fuerit deductum. Mathematica rerum naturalium cognitio, inter paucos distributa, cum Matheseos, quam puram vocant, haut proletariam notitiam supponat. Primam sui originem Astronomis ea debet, qui Geometriam ad observationes applicantes id tandem effecerunt, ut motus siderum & quæ inde suspenduntur legibus alligarent nec vano eventu prænunciarent afflatu quasi divino tacti. Mox alterum comparuit specimen in Optica, cujus illa opem sæpius implorat: quamobrem & *Keplerus*, Astronomus summus, de parte Astronomiæ optica commentatus in Paralipomenis ad *Vitellionem* Opticum percelebrem. Tertium specimen jam olim exhibitum est in Musica, ubi soni mensuris subiciebantur. Enimvero longius multo processit *Archimedes*, maximum illud Græciæ lumen, qui cum in libris de æquiponderantibus, tum in cæteris de insidentibus humido genuinam patefecit methodum naturam mathematice tractandi. Postquam ea per plura secula neglecta jacuerat, superioris demum  
initio



## PRÆFATIO.

initio *Galileus* eadem felicissime usus nova cognitionis naturæ mathematicæ specimina dedit in dialogis de motu curvarumque in ea usum præclaro exemplo illustravit. Specimina magis illustra longo post intervallo impertitus publico inter excelsa ingenia in sublimi constitutus *Hugenius*, cum in excellenti opere de horologio oscillatorio tum in discursu de causa gravitatis, quæ adeo profuerunt profundæ indaginis Viro *Isaaco Nevvtono*, ut in incomparabili Principiorum Philosophiæ naturalis Mathematicorum opere unus omnium maxime naturam mathematicè tractandam aggressus fuerit, cujus deinde exemplum secuti sunt alii, quorum merita intra arctos præfationis limites comprehendere non licet, præsertim postquam incomparabilis *Leibnitius*, Vir in omni eruditionis genere summus novum calculi genus invenerat, à *Joh. in primis Bernoullio* insigniter promotum, quo naturam mathematicè subjicere nunc magis, quam antea, in potestate est. Ego cum multis gravibus argumentis essem convictus, quod postea *Roggerium Baconem* in specula Mathematica distinctione prima capite tertio p. 9. affirmare legi, in aliis scientiis excluso Mathematicæ beneficio tot esse dubitationes, tot opiniones, tot errores a parte hominis, ut non possint explicari, de eo potissimum eram sollicitus, ut ad naturæ contemplationem mathematicam plures invitarem. Conscripsi eum in finem elementa Aerometriæ, ut exemplis non adeo difficilibus docerem Philosophos, quomodo Mathesin ad experimenta applicare sicque ad certam in Phycis cognitionem pervenire debeant. Ne deessent fundamenta, quæ ex Mathesi petenda sunt ad cognitionem naturæ mathematicam adspiranti, mox universæ Matheos elementa continuo vinculo inter se connexa ac eo ordine digesta, exhibui, ut methodi quoque vim perciperent in iis evolvendis decen-



## PRÆFATIO.

decenti cum attentione versantes. Quodsi DEUS vitam ac otium concesserit, aliis laboribus absolutis, quibus scientiarum incrementa promovere constituimus, Mathematicam naturæ cognitionem ut amplificemus omnem movebimus lapidem, Mathesin ad experimenta applicaturi, & Geometriam in hypothesebus non alienis atque ad arbitrium confectis, sed naturæ conformibus exercituri.

Quam naturæ cognitionem amplificare studuerit B. *Sturmius*, de Mathesi & Philosophia naturali optime meritus, non ignorant rerum naturalium curiosi, quorum nemo est, qui non Scripta *Sturmiana* ad Philosophiam naturalem spectantia evolvat. Studia Mathematica ex Academiis Germanicis fere exulabant: ut ut enim non deessent Professores, qui Mathesi docendæ destinabantur, deerant tamen auditores, qui mathematicis disciplinis animum imbuere gestiebant. *Sturmius* itaque eadem instauravit & tempori serviens lacte nutrit, quorum stomachus cibos solidiores digerere nesciebat, atque sic tandem effecit, ut nunc cum applausu altiora doceri possint, ubi antea nauseam movebant elementa. Nec ipse destitutum sese sensit hac voluptate, ut ad sublimiora aspirantibus dux & autor viæ existeret. Quamvis vero Mathesi excolendæ cum laude incumberet, majorem tamen Physicæ operam navavit & ad veriore naturæ cognitionem viam ut commonstraret nihil intentatum reliquit. Primus in Academiis Germanicis antequam in exteris quispiam de simili instituto cogitaret, experimentis physicis vacavit & ut quæ doceret, omnibus constarent, alibique alii Professores labores tam utiles imitari possent, eadem typis publicis describi curavit, titulo Collegii experimentalis. Opere tunc temporis tam singulari tantam nominis celebritatem consecutus, ut exteri etiam ejus ami-



amicitiā ambirent. Ex eo sane apparet, quam accuratus ac circum-  
spectus fuerit in experimentando, quam acutus in rationibus reddendis,  
quam sedulus in autoribus melioribus perlustrandis. Ex eodem quo-  
que perspicimus, quod non modo historicam, verum etiam scientificam  
naturæ cognitionem habuerit, nec à mathematica abhorruerit, licet  
pro instituti ratione eadem parcius uteretur. Qui *Sturmii* nostri Col-  
legium experimentale attentus perlegebat, nil quicquam magis in votis  
habebat, quam ut vir ad studium Philosophiæ naturalis natus integrum  
systema conderet. Augebatur commune eruditorum desiderium, cum  
ex conamine Physicæ conciliatricis intelligerent, virum merito suo ce-  
lebrem scripta Physicorum tam veterum, quam recentiorum multo cum  
studio perlustrasse, singulorum sententias ad trutinam appendisse, quæ  
terminis differebant, ideis conveniebant, inter se conciliasse, atque sic  
eum esse, qui unus omnium optime docere possit, quicquid boni in  
Physicorum scriptis passim reperitur. Huic desiderio satisfacere decreve-  
rat Physicæ hypotheticæ electivæ opus editurus, sed ut nemo sibi mi-  
nime satisfactum conqueri posset, illud minime præcipitavit, quin po-  
tius singula iterato examini submitit, antequam in publicum proferret,  
ne quod consummatum non esset luci publicæ exponeret. Ne tamen  
diutius differret, quod multorum votis expetitur, anno 1697 Tomum  
primum publicavit, quæ partem Physicæ generalem complectitur. Ju-  
dicabant intelligentes expectationi ex æsse satisfecisse celeberrimum Au-  
torem: videbant enim phænomena accurate recenseri, hypotheses Au-  
torum celebrium, quibus eadem salvantur, fideliter exponi, & post-  
quam ad examen accuratum fuerint revocatæ, perspicue doceri, quid  
ex iis pro stabiliendis dogmatis desumi possit, partum cognoscebant suo  
Autore dignum. Applausus itaque, quo Tomus primus excipiebatur,  
calcar addebat *Sturmio* nostro, ut laborem ceptum indefesso studio con-  
tinuaret, atque ante obitum suum integrum Tomum secundum absol-  
veret, qui Physicam specialem comprehendit. Doluere hætenus mul-  
ti, quod tot annis à morte Viri celeberrimi elapsis arbitrarentur, eum  
rebus humanis creptum fuisse, antequam opus ceptum perficeret, or-  
bem eruditum carere prorsus debere opere tam proficuo. Quamob-  
rem non dubitamus fore, ut, cum nunc in publicum præter expecta-  
tionem veniat, tanto majori cum applausu excipiatur. Non exiguam  
spondet Physicæ verioris cultoribus utilitatem. Accurata phænomeno-  
rum



rum descriptio historiam naturæ in compendio sistit. Neque vulgare hoc compendium censi debet; sed exactum, quod non modo ad effectus naturæ cognoscendos sufficit, verum etiam ad earum causas investigandas manu ducit. Invenies hic, quæ plurimorum annorum observationibus vix obtinentur, multoque cum temporis dispendio apud Autores, eosque non ubivis obvios, dispersa colliguntur. Fida hypothesis recensio servit loco introductionis in historiam Physicæ literariam, ut multo temporis ac laboris compendio, addiscamus quid aliis viris doctis de rebus naturalibus meditati in mentem venerit, ita ut unum opus instar Bibliothecæ physicæ esse possit. Imo majorem revera usum præstat Bibliotheca physica integra, cum non modo temporis ac labori parcatur, dum multorum loco nonnisi unus evolvendus est liber, verum etiam non cujusvis sit tam accurato examine dijudicare, quid de hypothesebus Autorum sit statuendum, quemadmodum à nostro factum est. Denique Epicrisis à doctissimo Autore superaddita monstrat, quid hætenus in Philosophia naturali præstitum sit, ne novo labore quæramus quod jam ab aliis inventum, nec ab eo investigando desistamus, quod nondum à quopiam in apricum fuit protrahendum. Dæst equidem pars Physicæ specialissima de plantis, animantibus brutis atque homine, cui B. Autor manum admoveere non potuit: rebus humanis exemptus, cum vix Tomum secundum ad umbilicum perduxisset. Enimvero hunc defectum supplevit, dum Editori persuasit, ut *Honorati Fabri* de hoc inprimis Physicæ argumento præclare meriti opus de plantis, brutis ac homine prælo subiceret. Cui adeo volupe fuerit eundem cum duobus Tomis *Sturmiæ* conjungere, is sane habebit totius physicæ systema, quo nondum orbis eruditus novit præstantius; quod si quis scire gestiât, num forsân in nonnullis à *Fabrianis* placitis recedat *Sturmius* noster, is compendium Physicæ sanioris consulat, quod ipso vivo lucem adspexit. Dabam Halæ Magdeburgicæ d.

27. Martii, Anni 1722.



# PARTIS SPECIALIS

*sive*

*Libri secundi*

PHYSICÆ HYPOTHETICÆ  
SEU ELECTIVÆ

PRÆLIMINARIA.

I.



Uemadmodum Librum primum seu partem  
generalem subdivisimus in tres Sectio-  
nes, quarum prima agebat de principiis  
& Causis corporum naturalium, per ca-  
pita distincta quinque; Secunda de cor-  
porum naturalium affectionibus genera-  
lioribus per decem separata capita; ter-  
tia denique de Corporum & Affectionum naturalium mu-  
tationibus uno & viginti diversis capitibus: Sic Librum  
hunc secundum, sive Partem Scientiæ Physicæ specia-  
lem, in Sectiones duas generales disspescemus, quarum  
prior sive Uranographica Macro-cosmum, seu Mundum  
aethereum, contemplabitur, h. e. circa Cælum & corpora  
cœlestia occupata erit; posterior Geocosmum sive Mun-  
dum elementarem, h. e. Terram & corpora terrestria cæ-  
teraque elementaria considerabit; Ultraque porrò Sectio  
a in



✻   ✻   ✻

---

in plures articulos , & quilibet articulus in distincta capita subdividentur ; & primus quidem prioris Sectionis articulus Cœli ac cœlestium corporum , vel omnium vel plurium , attributa communia perpendet , alter quorundam corporum cœlestium naturam & proprietates specialius considerabit : Primus autem posterioris Sectionis articulus elementarium corporum vel omnium vel plurium attributa communia spectabit ; secundus de ignis elemento separatim aget ; tertius in terræ stricte sic dictæ , h. e. partium solidarum globi terraquei naturam & proprietates inquiret ; quartus aquam , & quintus aerem , & his cognata corpora & phenomena excutienda sumet &c.

## II.

Tametsi verò distinctio illa totius Corporum naturalium *συντάξις* in Macro-cosmum & Geocosmum , h. e. in cœlum & in terram , *ἄλογος* quodammodo , & in partes nimis inequales facta videri queat ; perinde ac si quis vastissimam magni Ducis sive Caesaris moscovitici aulam in partes distributurus , alteri balneum aut Zibelli cicurati caveam , alteri verò reliquam urbi amplissimæ assimilandam ædificiorum molem , accommodum viginti hominum millibus domicilium , assignaret ; aut (quod est Guil. Gilberti Angli, in hanc divisionem pariter inducti, simile p. 9. Philos. sue novæ de mundo nostro sublunari,) universum terrarum orbem siccum & solidum, in *ὁικουμένην* seu partem habitabilem & frugiferam , & in Insulas Infelices in mari pacifico vix reperiundas (adeò sunt exiguae





exigua) dispersere vellet, tanquam inhabitabiles & Natura noverca sic enatas, ut ad hominum sustentationem necessaria omnia ipsis denegaverit: non adeò incongrue tamen Physica nostra in duas partes generales discriminabitur, alteram Uranographicam, de cœlo ac cœlestibus, alteram Geographicam, de terra & terrestribus corporibus, separatim acturas; quandoquidem particularium corporum multitudo non minor intra Sphæram terrestrem pedibus nostris subiectam, quam intra cœlestem, non nisi eminus ac per nebulas quasi inspicendam, hætenus innotuit, nec pauciora horum, quam illorum, phenomena ad causas suas deducenda sese offerunt.

### III.

In quibus omnibus eadem constanter utemur methodo, qua, fusiùs in Preliminaribus Libri sive Tomi I. cum primis Articulo III. exposita, per totum illum tomum usos non esse, nedum quidem aut pœnitet, aut pudet; utpote quæ scientiæ hujus, nunquam plenæ obtinendæ, sed perpetua incrementa omnibus quæ possunt sperari vel expectari seculis futuris capturæ, novis accessionibus vacuum quasi aut occupandum locum ubique adaperit. Sive enim experientia novum quoddam in natura contingens, γινόμενον aut παρὰ φύσιν obtulerit, id congeneribus aliis hoc vel illo capite narratis, adjungere promptum erit, citra mutationem in serie priorum vel ordinis vel numeri: si-ve Hypothesis aliqua nova undecunque prodierit, hæc etiam cæteris interseri aut postponi, & tandem in ἀνάγκη





cum prioribus censeri, aut, si melior illis judicata fuerit, præ omnibus eligi possit; donec tandem in eam aliquando incidamus, quæ omnes melioris hypotheseos conditiones, quas Artic. III. num. I, & II. Prelim. Tom. I. præmissorum exposuimus, habere jure videri possit & pro ipsa vera & genuina phenomenorum causa vel ratione generali agnosci: dum econtrà Scientiarum augmentis nihil magis obstet, judice Verulamio Lib. V. cap. II. de Augmentis Scient. & post ipsum Joh. Bapt. du Hamel de mente humana p. m. 120, quàm illa recepta ubique methodus & præposterum studium, scientiis incerta suisque limitibus circumscripta systemata, tanquam jam absolutas ac penitus exhaustas, neque correctionis ullius porrò indigas distribuendi. Cujus rei specimina nullibi luculentiora occurrunt, quam in Theologia, circa res credendas, ubi sectæ, proh dolor! innumerabiles suos quæque fidei articulos tanquam solam & unicam veritatem in verbo DEI infallibili fundatam ita decretis conciliorum ac synodorum, confessionibus & libris normalibus, aliquæ juramentis etiam & poenarum horrendarum interminationibus, itaque muniunt ac circumsepiunt, ut, dum omnes postulant ceterarum quamlibet, suam seriò sub examen revocare fidem, agnitisque erroribus in sua castra transire, nulla tamen earum idem à se quoque eodem jure postulari posse credat, quod ipsa à ceteris omnibus sub æternæ damnationis periculo desiderari posse sibi persuadet.

#### IV.

Hæc ita tunc apud animum meum conceperam, cum





*ad secundam Physicæ hypotheticæ seu electivæ partem, ex voto non editoris tantum, sed eruditorum virorum non exiguo numero, me accinxissem, mox autem Superiorum jussu ad complendam Mathesin juvenilem, in usum præcipuè Gymnasii Norimbergensis, è cineribus noviter resuscitati destinatam, excitarer. Huicigitur tam justo jussui parere cum par esset; priori dictæ Matheseos tomo paulò ante vulgato, posterior etiam aggrediendus erat. Cui, cum intra mensium viginti circiter intervallum, adjuvante Divinâ gratiâ, ultimam imposuissem manum, tandem ad interrupta hæc secundæ Partis Physicæ hypotheticæ primordia bono cum DEO me recepi, suppleturus Parti generali pridem editæ, nunc etiam secundam specialem. Quod dum molior, & superiorem futuri operis delineationem denuò expendo; subiit animum pristini consilii mutatio quedam: Ut nimirum, ceu primus Tomus in Sectiones tres distinctus fuerat, ita secundus etiam eodem Sectionum numero gauderet; quarum prima Geocosmum, seu Mundum elementarem generatim contemplaretur; Secunda ad Macrocosmum sive Mundum æthereum (maximum illud & stupendum optimi maximi Numinis opus) lustrandum festinaret; Tertia denique ad terrenum hoc habitaculum nostrum quasi postliminio rediret, ejus particularia quoque sollicitè magis ex omnibus quasi angulis protrahenda & curiosius perscrutatura.*

V.

*Quod dum agemus, in id omnem nostram curam*





*præcipuè impendemus, ut ex hac stupendi opificii mundani seria contemplatione, summi Opificis & Conditoris ἀόρατα τοῖς ποιήμασι νοούμενα, τήντε ἀΐδιον αὐτῆς δύναμιν καὶ θεότητα, pro posse ac debito nostro patefaciamus; speciatim autem illam indubiam nobis veritatem, de qua, post exuta & superata feliciter omnia præjudicia, in conscientia nostra penitus convicti sumus (quòd nimirum omnium creaturum vis activa, quam ipsis tribuimus, nihil aliud sit, quàm ipsa Divina virtus, sola verè activa, in illis & per illa, non remotè, sed immediatè, h. e. nulla alia virtute ipsis peculiari & virtuti Divine contra distincta mediante, actualiter & indefinenter operans, ut hoc pacto verè agnoscamus, quod in Orationis Dominicæ clausula profitemur: Ὅτι σὺ ἐστὶν (ὦ Θεὸς) ἡ βασιλεία, καὶ ἡ δύναμις, καὶ ἡ δόξα, εἰς τὰς αἰώνας, Ἀμήν. i. e. TUUM EST (O! DEUS!) REGNUM! ET POTENTIA! ET GLORIA! IN SECUA, AMEN!*



*Si doctrina physica, quatenus hæc ut scientia primariis capitibus absolvenda considerari solet, spectetur, omnino secundum hunc Tomum tertius etiam exciperet, pro objecto & argumento residuo mundum animatum, & primo quidem hominem ejusque mentem seu animam rationalem, secundo animalia bruta cum anima sua sensitivâ & loco - motiva & tertio denique plantas cum anima sua vegetativa habiturus, verum cum celeberrimus noster Auctor citius, quam is propositum scopum assecutus, mortalium numero exemptus fuerit, his ultimis conatibus nos destitui merito dolemus; interim*





supplementi loco opera diversorum Auctorum, quæ ad scopum nostrum faciunt, indigitanda rati; sunt autem inter hæc præcipua P. Honor. Fabri S. J. Tractatus de plantis, generatione animalium & de homine (quos ob præstantiam Editori hujus operis apprime perquam commendabat Sturmius noster ut eisdem typis exscribi curaret) Opera Cartesii quam plurima, Gassendi Animadversiones in X. Librum Diog. Laërtii, Claubergii opera, in specie Theoria corporum viventium, & conjunctio Animæ corporisque; Hamelii Tr. de mente humana & corpore animato, Ludovici de la Forge de mente humana, Cordemæi de distinctione corporis & mentis, Harvæi & Perraltii Scripta nonnulla, Malphigii & Neh. Grew Anatome planetarum, Raji historia plantarum, & alia, quæ minoris sunt momenti, in notis partis specialissimæ posterioris Physicæ conciliatricis reperiunda, quæ tandem etiam argumenti hujus notitiam nobis suggerent.







# INDEX

*Sectionum, Articulorum, & singulorum Capitulorum  
hujus Tomi secundi.*

## SECTIO PRIMA

De  
GEOCOSMO SEU MUNDO ELEMENTARI.

### *Articulus primus.*

De Geocosmo generatim.

- CAP. I. De Elementis mundi sublunaribus, eorumque generalibus affectionibus. Pag. 2
- CAP. II. De Elementorum communi gravitate & respectiva levitate. p. 26
- Epilogus, quædam conspectaria ex demonstratis huc usque phænomenorum primùm enarratorum causis deducens. p. 82
- CAP. III. De Geocosmi, è quatuor Elementorum sphaëris compositi, magnitudine ac dimensionibus. p. 84
- Epilogus cum conspectariis quibusdam consideratione non indignis. p. 91

### *Articulus secundus.*

De  
IGNIS ELEMENTO.

- CAP. I. De effectibus & essentia Ignis. p. 93
- Epicriseos antecedentis attentione dignissimus Epilogus. p. 109
- CAP.



- CAP. II. De generatione, conservatione & interitu seu extinctione ignis. p. 115  
CAP. III. De notabilioribus quibusdam ignis accidentibus. p. 123

*Articulus tertius.*

De

ELEMENTO AERIS.

- CAP. I. De effectibus, proprietatibus & natura aeris generatim. Pag. 130  
CAP. II. De gravitate aëris in specie. p. 143  
CAP. III. De aëris compressibilitate, indeque consequente spontanea dilatabilitate, seu virtute elastica. p. 147  
CAP. IV. Plurima naturæ Phænomena, olim nescio cui vacui fugæ adscripta, nunc ad veriores, imò verissimas procul dubio causas suas reducens. p. 156  
CAP. V. De sphaeræ aëreæ supra terram altitudine, &, quo eandem premit, ingenti pondere. p. 177  
Epilogus Articuli tertii de aëre. p. 185

*Articulus quartus.*

De

ELEMENTO AQUÆ.

- CAP. I. De aquæ effectibus, proprietatibus & natura generatim. p. 192  
CAP. II. De mari ejusque salledine. p. 223  
CAP. III. De æstu, sive fluxu & refluxu marium. p. 235  
CAP. IV. De aliis marium motibus, præsertim illo generali & perpetuo ab oriente in occidentem. p. 268



*Articulus quintus.*

De

ELEMENTO TERRÆ.

CAP. I. De natura elementi terræ.	p. 278
CAP. II. De terræ-motibus.	p. 283
Epilopus hujus CAP. II. de terræ-motibus;	p. 319
CAP. III. De mixtionibus & mixtis corporibus.	p. 327
CAP. IV. De analysi vel resolutione mixtorum corporum.	p. 355
CAP. V. De residuis quibusdam corporum resolutionibus, e.g. præcipitationibus, volatilisationibus, fixationibus &c.	p. 396

SECTIO SECUNDA.

De

MUNDO SIDERE0,

Sive.

MARCO-COSMO.

Quædam Prolegomena.

MEMBRI PRIMI SEU PARTIS GENERALIORIS. Pag. 428

*Articulus primus.*

De

MUNDO ABSTRACTE ET MATHEMATICÆ  
CONSIDERATO.

Cap. I. Hujus considerationis generalia complectens, de galaxia, finitate, vel infinitate mundi &c.	p. 440
Cap. II. De spheræ mundanæ abstractè consideratæ, per puncta, plagas, ac circulos, divisione.	p. 455
CAP.	



CAP. III. De triplici sphaera mundanae positu, intuitu diversorum in terra horizontum. P. 476

CAP. IV. De mundi zonis ac domibus coelestibus. P. 477

### *Articulus secundus.*

De

## MUNDI PARTIBUS AC DIVISIONE PHYSICA.

CAP. I. De coelo sive aethere, ejusque substantia. P. 488

CAP. II. De mundi finiti determinata magnitudine. P. 513

CAP. III. De stellis, tanquam partibus mundi physicis coelo contentis. P. 519

CAP. IV. De stellis errantibus separatim, sive de Planetis in communi consideratis. P. 538

### *Articulus tertius.*

De

## COELI STELLARUMQUE COMMUNIBUS AFFECTIONIBUS IN MOTU MAXIME CONSISTENTIBUS.

CAP. I. De coelestium corporum generali & quotidiana, ab horizonte ortivo ad occiduum, circumlacione. P. 548

CAP. II. De coelestium corporum alio quodam & priori contrario, ab occidente in orientem, obliquius incedente motu. P. 561

CAP. III. De Planetarum quorundam retrogradatione, statione, ac directione vel acceleratione, in motu ipsorum proprio sive secundo. P. 586

CAP. IV. De Planetarum vicissitudinario quodam accessu, & recessu quo terrae nunc propiores multo fiunt, nunc ab ea multo remotiores. P. 606



*Articulus quartus.*

De

STELLARUM ALIIS AFFECTIONIBUS COMMUNIBUS, IN POSITU MAGIS QUAM MOTU CONSISTENTIBUS.

CAP. I. De corporum cœlestium variis occultationibus & obscurationibus. p. 616

CAP. II. De corporum mundanorum magnetismo, sive de terræ & planetarum plerorumque constanti & perpetua, secundum certas sui partes, in polos mundi nostri directione. p. 623

CAP. III. De stellis novis sive extraordinariis. p. 635

CAP. IV. De Cometis speciatim, h. e. de eorum natura, motu & origine. p. 645

APPENDIX indicatarum aliarum, præsertim Cartesianæ, de cometarum natura & origine, Hypothesum. p. 697

CAP. V. De siderum influxu, seu efficacia in mundum sublunarem. pag. 706

CAP. VI. De Cometarum & novarum stellarum κατ' ἐξοχήν sic dictarum, efficacia in hunc mundum sublunarem separatim. p. 740

*Articulus quintus.*

AD AFFECTIONES IN POSITU CONSISTENTES, E DIVERTICULO IN VIAM REDIENS.

CAP. I. De positu cœlestium singulorum, interventu parallaxium definito. p. 777

CAP. II. De positu cœlestium singulorum, interventu refractionum definito. p. 804

CAP. III. De reliquis generalioribus cœli Phænomenis, quæ ab opticis fundamentis, & visus deceptione quadam dependent. p. 809



# SECTIONIS SECUNDÆ.

## MEMBRUM ALTERUM

Sive

## PARS SPECIALIOR,

De Planetis specialissimè.

### *Articulus primus.*

De

### SOLE.

CAP. I.	De Solis natura & substantia.	p. 820
CAP. II.	De maculis, umbris, & faculis solaribus.	p. 845
CAP. III.	De Solis eclipsibus, defectibus aut deliquiis.	p. 864
CAP. IV.	De diversis Solis in diversis terris effectibus.	p. 872

### *Articulus secundus.*

De

### CORPORE LUNARI.

CAP. I.	De Lunæ natura & substantia.	p. 881
CAP. II.	De lumine Lunæ secundario.	p. 897
CAP. III.	De Lunæ motibus mensuris, & nominatim de libratorio.	p. 908
CAP. IV.	De Lunæ eclipsibus, defectibus, aut deliquiis.	p. 918
CAP. V.	De diversis Lunæ in terris effectibus speciatim hinc considerandis.	p. 928



*Articulus tertius.*

De

**TELLURE INTER PLANETAS PRIMARIOS  
EX MENTE COPERNICANORUM  
CONNUMERATA.**

- CAP. I.** De terræ lumine mutuatio. p. 939  
**CAP. II.** De variis telluris, five veris, five apparentibus, in cœlo motibus. p. 946  
**CAP. III.** De terræ eclipsibus five obscurationibus realibus. p. 951  
**CAP. IV.** De terræ in Lunam reciprocis effectibus, ac circa utriusque notata superius memorabilia, reflexas quasdam mentis cogitationes & conjecturas complectens. p. 957

*Articulus quartus.*

De

**DUOBUS SUPREMIS PLANETIS.**

- CAP. I.** De Jove seorsim. p. 962  
**CAP. II.** De circum jovialibus, five Jovis satellitibus. p. 969  
**CAP. III.** De Saturno separatim. p. 978  
**CAP. IV.** De Saturni quinque satellitibus. p. 989

*Articulus quintus.*

De

**RESIDUIS TRIBUS PLANETIS, MARTE,  
VENERE, ET MERCURIO, CIRCA SOLEM  
GYRANTIBUS.**

- CAP. I.** De Marte seorsim. p. 999  
**CAP. II.** De Venere & Mercurio. p. 1005  
**CAP. III.** De stellis, fixis quædam specialia complectens. p. 1017  
**CAP.**



CAP. IV. & ultimum. De vorticibus seu fluidis cœlestium orbibus.  
p. 1024

## SECTIO TERTIA.

GEOCOSMI sive MUNDI ELEMENTARIS.  
specialiora complectens.

### *Articulus primus.*

#### De FOSSILIBUS.

CAP. I. De fossilium primo secundoque genere ; variis nempe terrarum , sive communium , sive pretiosarum , succorumque concretorum speciebus. p. 1030

CAP. II. De tertia fossilium classe , mineralium nempe & horum duplici , metallorum puta , & corporum metallicorum genere. p. 1054

CAP. III. De ultimo fossilium genere , lapidibus & gemmis. p. 1075

CAP. IV. De magnete speciatim. p. 1088

### *Articulus secundus.*

#### AQUARUM SPECIALIA QUÆDAM CON- SIDERANS.

CAP. I. De fontibus eorumque origine. p. 1118

CAP. II. De fluminibus. p. 1136

CAP. III. De lacubus , stagnis , & paludibus. p. 1150

### *Articulus tertius.*

#### AERIS ALIQUA SPECIALIORA ADHUC DECLARATURUS.

CAP. I. De vaporibus & exhalationibus. p. 1163

CAP. II. De ventorum natura & proprietatibus. p. 1174

CAP. III. De vento generali & perpetuo sub Zona torrida. p. 1193

CAP. IV. De ventis anniverfariis sive periodicis. p. 1201

*Arti-*



*Articulus quartus.*

DE METEORIS REALIBUS VEL COR-  
PULENTIS.

- CAP. I. De nubibus, nebulis, nive, pluviis, rore, pruina, cæterisque  
meteoris aqueis. p. 1217  
CAP. II. De tempestatibus aqueis & ventosis. p. 1234  
CAP. III. De tempestatibus igneis, tonitru, fulgure fulmine &c. p. 1249  
CAP. IV. De cæteris meteoris ignitis. p. 1278

*Articulus quintus.*

DE METEORIS EMPHATICIS SIVE APPA-  
RENTIBUS IMPRESSIONIBUS.

- CAP. I. De Iride. p. 1292  
Epilogus de Demonstrationibus physicis. p. 1322  
Problemata ad Iridem spectantia. p. 1328  
CAP. II. De halonibus sive coronis. p. 1335  
CAP. III. De parheliis & paraselenis. p. 1347  
CAP. IV. De virgis, foveis, & residuis quibusdam apparentiis lumi-  
nolis. p. 1362





# GEOCOSMUS

five

## MUNDUS ELEMENTARIS,

ejusque

Pars prior hîc & generalior.





PHYSICÆ  
ELECTIVÆ seu HYPOTHETICÆ  
Liber Secundus

Sive  
PARS SPECIALIS

De  
Corporibus naturalibus inanimatis.

---

SECTIO PRIMA

GEOCOSMUM

Seu

Mundum elementarem, five  
sublunarem considerans.

ARTICULUS I.

De Geocosmo generatim.

CAPVT I.

De Elementis Mundi sublunaris, eorum-  
que affectionibus in genere.

I. PHÆNOMENA

Elementorum generalia.

**P**HÆN. I. Inferior hic mundus, quem sublunarem alio-  
quin & elementarem quoque dicimus, ex diversorum ge-  
nerum corporibus & massis grandioribus est compositus:  
ali-



alibi namque siccam solidamque habet substantiam, quam *Terram* dicimus, quam plurimis porro fossilium, metallorum, mineralium, lapidum &c. speciebus variam: alibi fluidæ humidæque substantiæ vim ingentem, *Aquas* scilicet immensa copia, vastissimis receptaculis, sive sub dio, sive sub terra conclusas tenet: *Aeris* porro spirabile potius quam fluidum corpus, maximam partem supra terram & aquas expansum, hinc inde tamen etiam per terræ siccae poros & cavernas subterraneas diffusum, ultro citroque meat: *Ignis* denique in apertam flammam passim & frequenter erumpens, intra terræ viscera multus delitescit procul omni dubio.

*PHÆN. II.* Et hæc quatuor corpora sive massæ mundum hanc sublunarem componentes, *Ignis, Aër, Aqua & Terra*, quia singula magnam ejus partem conficiunt, ipsa quoque sibi invicem variè permixta, (Terra namque nullibi fermè omni humore destituitur, æerique etiam transitum ad interiora sui largiter concedit; ut aqua haud facile ab omni limoso sedimento depurata penitus reperitur, nec æer à vaporibus aqueis & halitibus prorsus liber, nec ignis denique, & flamma præsertim, ab æere fumosisque ac terrestribus exhalationibus omnino purus, uspiam reperitur,) si mundi hujus inferioris *Elementa* dici velint; id quidem fiet, nostra opinione, nemine repugnante, aut saltem nullo jure repugnante, quandoquidem alphabeti literæ orationis elementa vocari dudum consueverunt, & Euclides libros suos Geometricos XII, aut, secundum alios XV, Geometriæ Elementa salutare voluit; quod nimirum horum demonstrationes, profundiores alias, tanquam simpliciores, & ut principia respectivè saltem simplicia, essent ingressuræ: quemadmodum literarum elementa, vocabulorum, periodorum, & ex his compositæ orationis integræ texturam, tanquam horum intuitu simplicia, ingrediuntur. An verò omnia alia partialia quoque corpora, ut animalia, plantæ, metalla &c. ex illis iisdem hujus inferioris mundi elementis, & omnia quidem ex his omnibus, neque pluribus neque paucioribus, mixta sint & composita? an item supra æerem



amplissima quædam ignis sphaera diffusa sit? &c. de his quidem inter hypotheses videndum est.

*PHÆN. III.* Interim experimentis, partim quotidie obviis, partim studio singulari institutis, constat, non terræ siccæ partes tantum, ut lapides, ligna, metalla &c. sed & aquas & aërem ipsum, ex editiore loco versus humiliorem continuo descendere, si non impediuntur, aut conando saltem descendere, obstacula sua urgere, premere, verbo movere minimum, si non multum aut sensibilibiter promoveant. Ac de cæteris quidem uti res obvia est, ita de aëre non inde tantum constat, quod is, qui terræ superficiem attingit, in foveas & fossas de novo factas sponte sua descendit, sed ex eo maxime, quod sclopeta pneumatica, vasa recipientia &c. cum aëre turgent, bilances magis deprimant & plus ponderent, quam aëre vacua aut minus turgida: quo ipso argumento jam olim Aristoteles conclusit Lib. IV. de Cælo cap. IV. ὅτι ἐν τῇ γὰρ χώρᾳ πάντα βάρος ἔχει, πλὴν τοῦ αἵματος, καὶ ὁ αἷς. h. e. *in suo loco (elementa) omnia pondus (& gravitatem) habent, excepto igne, etiam aër*; tametsi experimentum, ad quod provocat, (σημεῖον δὲ inquiens ὅτι ἔλκει πλεῖον ὁ πεφυσημένος ἀσκὸς ἢ κενός, h. e. *Signum est, quod inflatus uter plus trahit bilancem deorsum, quàm vacuus*) non satis evincit id, quod evincendum erat; uti deinceps, ubi de gravitate aëris speciatim agetur, pluribus videbimus. Et hunc corporum conatum ac tendentiam versus interiora vulgò dicimus ipsorum *Gravitatem*; de cuius causa efficiente & genuina ratione inferiùs peculiari capite agetur.

*PHÆN. IV.* Et cum unum corporum genus (ubi diversa inter se comparantur sub eadem mole) sit alio (plumbum e. g. ligno hoc cerâ &c.) notabiliter gravius; sit inde, ut solidorum quidem (alioqui promiscuè sibi incumbentium, quia cedere alterum alteri non potest) à bilance suspensorum, graviore descendente, minus grave ex opposito elevetur, qui descendents nisus in subiectam lancem, ejus *Momentum*, quasi *Movimentum*, dici solet; fluida verò, quæ facile cedunt, leviora tamen alia sustineant & inna,



innatare sibi faciant, sed ab alio graviore pressa statim ascendant, & locum isti inferiorem concedant, uti certe aërem ex foveis aut vasis aliis, dum hæc injectâ terrâ vel affusâ aquâ replentur, ad superiora eniti quivis facile judicat, é porosis autem (ut pane, cornu cervi &c.) in aquam subito demersis, eundem bullatim ascendere etiam videt, inter cantharorum operculatorum labia sub aquis eructantem auditu quoque percipit &c, inde factum est, ut ea, quæ absolutè gravia sunt ac deorsum nituntur, ab aliis gravioribus autem attolluntur, *respective levia* dicerentur, & Peripateticis quidem Terræ elementum statueretur simpliciter grave; Aqua respectu terræ quodammodo levis, magis tamen gravis quam levis æstimaretur; Aër econtrâ magis levis quam gravis; ignis denique simpliciter & absolutè levis censeretur, quod is cedere prementi aëri, & ad superiora eniti subinde cerneretur, aliud verò corpus ab igne premi vel urgeri nunquam observatum esset.

*PHÆN. V.* Enim verò, cum hoc ipsum, quod ignis tantò majore nisu sursum tendit, quantò magis ab ambiente aëre premitur, (in antliarum enim recipientibus candelarum flammæ tantò minus acuminatæ cernuntur, quò plus aëris exhaustum fuerit) suspectam reddidisset ejus absolutam levitatem, felici sanè ausu celeberrimus quondam Anglorum Philosophus, *Robertus Boyle*, lamellis metallicis variis ad bilancem, cum illæ frigerent primùm, deinde cum candefactæ essent, singulari cura & industria examinatis, igni quoque suum inesse pondus, nec aliam quam respectivam levitatem tribuendam esse, demonstravit: cujus rei experimenta compluria, parvulo tractatu, *de ignis & flammæ ponderabilitate*, anno 1673. edito, complexus est, quæ proximè, ubi de igne speciatim, & impofterum, ubi de Elementorum gravitate, & gravitatis causâ generali ex professo, peculiari capite, agetur, fusius enarrabimus.



## II. HYPOTHESES PRIMÆ.

De

Elementis, ut particularium in  
hoc inferiore mundo corporum compo-  
sitionem ingrediuntur.

I.

**A**ristoteles & ejus sequaces non solum decantata quatuor Ele-  
menta tanquam partes hujus inferioris mundi integrantes &  
grandiusculas spectant, & in totidem sphaeras quasi ratione  
gravitatis majoris aut minoris sibi invicem subordinatas, distinguunt;  
quarum infima sphaeram elementi terrestris constituat, supra hanc au-  
tem aquarum sphaera diffusa teneatur, deinceps hæc secunda sibi su-  
pereminentem tertiam aëream sustentet, & ultra hanc tertiam, etiam  
quarta ignea altissimè exporrecta, finem universæ sphaeræ elementari  
usque ad Lunæ concavum, quod vocant, expansæ, imponat; (de qua qui-  
dem elementarium sphaerarum dispositione & subordinatione, in se-  
quentibus secundis hypothesibus plura dicentur;) sed etiam eadem  
ipsa elementa, tanquam ingredientia compositionem omnium corpo-  
rum particularium, quæ vel ex terra pronascuntur, vel in aquis gignun-  
tur, & natant, vel in aëre generantur & volitant, vel denique si quæ sint,  
quæ in suprema sphaera ignea prodire & sustentata supponi possunt,) in  
immenso illo spatio inter terram & lunam, 50000. circiter mill. ger-  
manicorum, reperire possunt, considerant, alium tamen planè illorum  
conceptum, etiam contra suam protestationem, formantes.

II. Tametsi enim expressis verbis fateantur, hæc elementa nus-  
piam pura in hoc mundo reperiri, in genere tamen *Elementum* defi-  
niunt, quod sit *Corpus simplex, ex quo alia corpora constant, & in*  
*quod alia corpora dividuntur, quibus potentiâ inest, ipsum autem*  
*in alia secundum speciem diversa dividi non potest.* Systema Er-  
nestinum Lib. II. part. special. cap. X. p. m. 2. 8. quam definitionem  
hauserunt hoc & alia Systemata Physica, ex Aristot. Lib. III. de coelo  
cap. 3. Ubi ὑποθέμενος τί ἐστὶν ἡ τῶν στοιχείων φύσις, *supponens, quæ*  
*sit Elementi natura,* ἔωδὴν, αἰτ, τὸ στοιχεῖον τῶν σωμάτων, εἰς ὅ τὰ ἄλλα  
σώματα διαίρεται ἐνυπάρχον δυνάμει, ἢ ἐνεργείᾳ (τὸτο γὰρ ποτέ-  
ως,



ως, ἐτι ἀμειψιμόν,) αὐτὸ δ' εἶναι ἀδιάρετον εἰς ἕτερα τὰ εἶδη.  
 h. e. *Sit igitur Elementum corporum id, in quo alia corpora divi-*  
*duntur, inexistens potentia aut actu, (hoc enim est adhuc in dubio,*  
*utrum scilicet verum sit.) ipsum autem est indivisibile in alia specie*  
*diversa.* Quo loco notabile est, quod Aristoteles primo non dicat,  
 elementum corporum est id &c. sed, esto corporum elementum id &c.  
 subindicans, definitionem hanc non esse realem, sed merè nominalem;  
 qualem etiam dedit Materiæ primæ, sive Materiæ potius in genere,  
 Lib. I. Phys. cap. 9. sub finem, λέγω γὰρ ὕλην &c. 2.) non absolu-  
 tè definiat, quòd elementa in corporibus tantum potentiâ insint, sed  
 hoc tanquam disputabile, in medio relinquat.

III. Et quòd hanc controversiam attinet, videtur *Honoratus*  
*Fabri*, qui Peripateticum sese expressè profitetur, conciliationem ali-  
 quam partium controvertentium tentare, dum asserit, in quibusdam  
 mixtis imperfectis, & in quibusdam fortè perfectè quoque mixtis, ele-  
 menta actu inesse, e. g. ignem in flamma, aquam in mari, ignem etiam  
 in ferro candente, vel ære accenso &c. Tract. V. Lib. II. Prop. XXVI.  
 & XXVII. In aliis verò plerisque mixtis elementa esse potentiâ, non  
 actu, Prop. XXVIII. Scilicet hoc ita explicat, ut clarius nemo alius:  
 Elementa in mixtis esse, non actu physico sive sensibili, prout sanè ignis  
 sit in ligno, non verò sub forma ignis, aut sub actu physico ignis, sed  
 sub actu physico ligni: quod adhuc clarius forte diceretur, ignem in  
 ligno esse, non collectis, sed sparsis inter cætera elementa particulis, in-  
 carceratis & inclusis, propter separationem suam actum ignis physi-  
 cum exerere non valentibus; Objicienti, si mixtum actu est, igitur  
 miscibile quoque actu est, respondet: quod infertur non sequi, ideo  
 quòd miscibilia oporteat alterari, ut in esse mixti abeant. Urgenti,  
 mixtum resolvi posse in elementa, igitur constare actu ex elementis,  
 regerit, mixtum quidem constare actu ex elementis, sed ex elementis  
 potentiâ talibus, imò resolvi posse in elementa, & elementa esse in mix-  
 to potentiâ, idem prorsus esse.

IV. Epicurus, teste Gassendo Animadversionum in Lib. X.  
 Diog. Læert. p. m. 186. admittit quidem quatuor vulgaria elementa,  
 ignem, aërem, aquam & terram; verum admittit illa solum, quatenus  
 sunt elementa seu partes componentes mundi sublunaris sive Geocos-  
 mi, non autem quasi sint elementa sive principia concretorum corpo-  
 rum partialium, nisi secundaria magisque propinqua. Prima enim  
 concretorum elementa, & remotiora principia esse ipsas atomos, sta-  
 tuit



tuit: quod idem asseruit Democritus apud Vitruvium & Leucippus apud Lactantium. Et quamvis Epicurus apud Servium in 6. Aeneid. dicit: *duo esse principia, Corpus sc. & Inane*, i. e. non atomos solum esse materiam corporum, verum ipsum quoque inane, quo nihil absurdius dici posse Gassendus judicat; ideò cit. l. p. 185. (cum similia interim loca de Epicuro ex Plutarcho quoque, ac de Leucippo & Metrodoro ex Clemente Alexandrino ex Stobæo & M. Tullio allegat, de Leucippo verò ac Democrito Aristotelem Lib. 1. Metaph. cap. 4. τὸ πλῆρες καὶ τὸ κενὸν στοιχεῖα εἶναι φάσι: h. e. *plenum & inane elementa esse dicunt*, asserentem) ita hæc conciliare & excusare nititur, ut dicat, utcunque aliquo sensu dici possint illa duo principia vel elementa universi, non idcirco tamen, illa eadem esse principia vel elementa rerum generabilium, sed solas atomos hujusmodi esse, inane vero solum locum discriminationemque ministrare &c. Tandem tamen, post interjecta in hunc sensum plura, posse adhuc auctoritatem illorum eatenus defendi, superaddit, quatenus nihil concretum est, in quo præter atomos, non sit inane intermistum, quod sit unicuique rei necessarium, ut certâ ratione seu temperatione cohæreat.

V. Cùm in definitione sua Aristotelici dicunt, elementum esse corpus simplex, id intelligendum esse ipsi dicunt, non cum exclusionem cujuslibet compositionis, quandoquidem ex materia & forma saltem omnia sunt composita, sed hoc solum sensu, quod nullum eorum ex cæteris sit compositum. Quo eodem sensu etiam ultima verba erunt intelligenda procul dubio, quod elementa in plura specie diversa dividi non possint, quia nimirum ex plurimis specie diversis elementis eorum nullum est compositum. Quòd autem hæc quatuor Geocosmi elementa, non possint simul pro elementis corporum concretorum partialium haberi, hoc præcipue persuadere videri posset; quod e. g. cum mixtum quoddam supra terram, vel infra terram, generandum est, non appareat quomodo partes ignis ex illius sphaera suprema, per sphaeram aëream inter mediam ad locum mixtionis supra vel infra terram evocetur vel accersatur.



## III. HYPOTHESES SECUNDÆ.

## De Sphæra ignea supra aërem.

## I.

**H**Ac occasione commodè ventilabitur nota illa controversia de Sphæra ignis supra Sphæram aëris ab Aristotelicis collocari solita. Edidit jam ante semiseculum *M. Joh. Stierius* Præcepta Physicæ Tabulis inclusa & quæstionibus controversis illustrata, in quibus p. 16, dari elementum ignis ratione probat, quod nempe summus calor alicui corpori simplici debeatur, qui tamen, cum nec aëri conveniat (qui humilidatem summam cum aliquo calore sibi vendicet) nec aquæ, nec terræ competat, igni necessariò tribuendus sit. Huic rationi (quam postea p. 51. confirmat) subjicit hanc definitionem: *Ignis est elementum calidissimum, siccum & levissimum, existens sub Concavo Luna.* Similiter Systema Phys. Ernestinum p. m. 183. *Igni, ait, supremus tribuitur locus; infra hunc ponitur aër; aërem excipit aqua; infimum denique locum occupat terra:* Et hæc est communis omnium systematum Aristotelicorum, ex multis retrò seculis, sententia, quam etiam subtilis Scaliger Exercit. 9. multis inculcat. Nec mirum, cum antehac moris fuerit in scholis Aristotelicis magistrum ubique κατὰ πόδα sequi, is autem Lib. II. de cœlo cap. IV. vel textu 16. (tamen conditionatè) dixisset, τὸ μὲν ὕδωρ ἐκὶ περὶ τὴν γῆν, ὃ δὲ αἴρ περὶ τὸ ὕδωρ. τὸ δὲ πῦρ, περὶ τὸν αἶρα, i. e. *Aqua quidem existit circa terram, aër autem circa aquam, ignis denique circa aërem &c.*

II. Non obstante tamen hac vel Aristotelis vel Scaligeri aut Scholarum universarum authòritate, *Joh. Sperlingius* Prof. Witteb. Instit. Phys. Lib. IV. p. 626. quæst. 1. cap. V. negat ignem elementarem supra aërem sub concavo lunæ existere, plures rationes rationibus Scaligeri opponens, quas hic recensere operæ pretium non est. Idem negat *Petrus Gassendus* Animadvers. in X. Diog. Laërt. p. m. 326. his expressis verbis: *Sphæra ignis, qua statuitur vulgò supra aërem, & ad lunam usque nulla est, aut saltem nulla esse videtur.* pag. 756. autem, & 757. probare nititur hanc opinionem ex eo originem habuisse, quod antiqui Philosophi ignis elementi nomine ipsum cœlum intellexerint. Sic *Honoratus Fabius* quoque Tract. V. Lib. II. de Elemen-



tis, Propositionem integram CL. infumit ad probandum: *Nullam esse ignis sphaeram in concavo Lunae*. Verbo, moderni Philosophi plerique omnes hanc ignis sphaeram passim hodie explodunt, quibus pridem praeiverunt *Athanas. Kircherus* in itin. ecstat. p. m. 97. & 98. & *P. Schettus* in Schol. huic pag. subjecto, in quo quaestionem hanc: *An supra Aërem & infra lunae concavum sit ignis?* ex professo tractat, & inter negantes etiam allegat *Scheinerum* in rosa Ursina; *Borrum* in Astronomia; *Kircherum* etiam in arte magna lucis & umbræ fol. 655. *Cabeum* Lib. 1. Meteor. tex. 4. qu. 5. & passim in toto illo libro; ex ipsis Scholasticis denique *Arriagam* & *Suarezium*, aliosque.

III. Aristoteles ipse verò, quasi *παλινωδίαν* canens Lib. I. Meteorol. cap. 3. & 4. clarissimis verbis docet, per ignem illum supra aëreum nihil aliud se intelligere, quàm aëris supremam partem sicciorē &, opinione sua inflammabiliorem. Ait enim l. c. priore: *Ἐπὶ μὲν ἔν τῷ μέσῳ καὶ πρὸς τὸ μέσον τὸ βαρύτερον ἐστὶ καὶ ψυχρότατον ἀποκεκλιμένον, γῆ καὶ ὕδωρ. περὶ ταῦτα, καὶ τὰ ἐχόμενα τέττων, αἵρτε καὶ* (NB.) *ὁ δὲ διὰ συνήθειαν καλεῖται πῦρ* (NB.) *ἐκ ἐστὶ δὲ πῦρ ὑπερβολὴ γὰρ θερμῆς, καὶ οἷον ζέσις ἐστὶ τὸ πῦρ.* h. e. *Supra medium ac circa medium gravissimum & frigidissimum secretum est, terra & aqua; circa hac & his cohaerentia, aër, atque id quod per consuetudinem vocamus ignem,* (NB.) *non est autem ignis. Est enim ignis excessus quidam caloris & veluti fervor.* (qualis, intellige, in illo loco supra aërem non percipitur.) Si urgeas, quid ergo per illum ignem non ignem propriè loquendo intelligendum sit? pergit ulterius eodem loco Aristoteles: *ἀλλὰ δεῖ νοῆσαι, τῷ λεγομένῳ καὶ καλεμένῳ ὑφ' ἡμῶν αἶρος τὸ μὲν περὶ τὴν γῆν, οἷον ὑγρὸν καὶ θερμὸν εἶναι, διὰ τὸ ἀτμίζοντε καὶ ἀναθυμίασιν ἔχειν τῆς γῆς. τὸ δὲ ὑπὲρ τῆς τοῦ θερμὸν ἥδη καὶ ξηρὸν. καὶ ἐστὶν αἵρτις μὲν δύναμις, οἷον ὕδωρ, ἀναθυμίασις δὲ δύναμις, οἷον πῦρ.* i. e. *Sed oportet cogitare, partem illam aëris, quem dicimus & vocamus, quæ prope terram est, esse quasi humidam & calidam, propterea quòd vapida sit & exhalationes terræ (humens) habeat. Illam verò (partem) quæ supra hanc est jam calidam esse & siccam. - Et est quidem vapor potentia velut aqua; exhalatio autem (non humens puta, qualis in hanc superiorem partem evehitur) velut ignis.* Ex quibus deinde tanquam causam conjicit Philosophus, non existentium in illo loco superiore nubium, quòd ibi non solum aër sit, sed quasi ignis potius aliquis; quam.



quamvis & aliam causam hujus defectus nubium mox subji-  
ciat.

IV. Non inconsultum verò fuerit alterum etiam locum Aristote-  
lis é sequenti cap. 4. allegatum porro subjicere, tametsi paulò iterum  
prolixiozem. Ita verò ibi inquit, sub ipsum fere capitis principium:  
θερμαινούμενης τῆς γῆς ὑπὸ τῆς ἡλίου, ἀναθυμιάσιν ἀναγκαῖον γίνεσθαι,  
μὴ ἀπλὴν ὡς τινες οἴονται, ἀλλὰ διπλὴν. τὴν μὲν ἀτμωδεζέραν, τὴν  
δὲ πνευματωδεζέραν. τὴν μὲν τῆ ἐν τῇ γῇ, καὶ ἐπὶ τῇ γῇ ὑγρῶ ἀτμίδα,  
τὴν δ' αὐτῆς τῆς γῆς ἔσης ξηρᾶς καπνώδη. καὶ τέτων, τὴν μὲν πνευ-  
ματώδη ἐπιπολάζειν διὰ τὸ θερμὸν, τὴν δ' ὑγροτέραν ὑφίστασθαι, διὰ τὸ  
βαρὺ. καὶ διὰ ταῦτα τῶτον τὸν τρόπον κεκόσμηται τὸ πέριξ. πρῶτον  
μὲν γὰρ ὑπὸ τὴν ἐν κύκλιον φορὰν ἐς τὸ θερμὸν καὶ ξηρὸν. ὃ λέγομεν  
πῦρ. ἀνώνυμον γὰρ τὸ κοινὸν ἐπὶ πάσης τῆς καπνώδους διακρίσεως.  
ὅμως δὲ διὰ τὸ μάλιστα πεφυκέναι τὸ τοιῶτον ἐκκρέματων σωμάτων,  
ὥτως ἀναγκαῖον χρῆσθαι τοῖς ὀνόμασιν. ὑπὸ δὲ ταύτην τὴν φύσιν αἰρ.  
δεῖ δὲ νοῆσαι οἷον ὑπέκκαυμα τῶτο ὃ νῦν εἶπομεν πῦρ, περιτεταῖσθαι  
τῆς περὶ τὴν γῆν σφύρας ἔχοντος. h. e. *Calefacta à Sole terra, oportet exhalationem fieri, non simplicem illam quidem, uti nonnulli putant sed duplicem, alteram scilicet vaporosiore alteram spirituosiore (vel fumosiore:) illam ex humore intra vel supra terram, vaporem; hanc autem ipsius terre, cum sicca est, fumosam. Et spirituosam (sive fumidam) altius evehi propter calorem, humidio-rem verò subsidere, propter gravitatem. Et propter hæc dicto modo dispositum est hoc quod circa nos est (elementare Systema.) Primum enim quod est infra circularem (coeli lunaris) lationem est ejus portio calida & sicca quam vocamus ignem. caret enim commune illud omnis fumose secretionis (speciali) nomine. Nihilominus quia id maxime aptum est accendi inter corpora, necessum est hoc modo nominibus uti. Sub hac verò (impropriè sic dicti ignis) natura est ær. Oportet autem cogitare, illum quasi fomitem (seu inflammari aptum halitum) quem nunc (abusivè) vocamus ignem. circumex-pan-di in hac circa terram sphaera, ultimo loco.*

V. Hæc ita fusiùs ex Aristotele allegare volui, ut haberetur spe-  
cimen quoddam evidentissimum, quàm negligenter hujus, quem tanti  
fecerunt, Viri scripta legerint ii, qui Sphæram illam igneam sub Con-  
cavo Lunæ, tanquam Aristotelis genuinum fœtum, & ut verum sum-



meque calentem ignem, ex intervallo plus quàm bis mille annorum, ut rem certam ac nemini ferè dubiam, propagarunt; cùm ipse tam apertis verbis, ut apertioribus non potuisset, iis in faciem contradixerit: *ὁ δὲ διὰ συνήθειαν καλῶμεν αὐτὸν. ἔν ἐστι δὲ πῦρ.* Cum igitur post viginti demum Secula evanuerit hæc inter elementares Sphæras suprema & altissima, coeperunt recentiores Philosophi in ejus veram & genuinam sedem aliam inquirere; quandoquidem eam ex hoc Systemate elementari prorsus exulare noluerunt. Et Kircherus quidem, sub Cosmielis persona de Solis igneo globo loquens, *verissimus ait, & realissimus ignis est, isque, uti lucidissimus, ita ardentissimus est: neque enim aliud in natura elementum ignis datur, nisi is quem vides: hic enim totum mundum su solarem calore suo fovet, nutrit, calefacit; imo terrenus ignis (qui quidem nihil aliud nisi vapor inflammatus dici potest) ut sit, & in essentia sua conservetur: huic caelesti igni acceptum ferri debet.* Et huc respiciebant illa, quæ Kircherus è Cosmiele suo p. 97. Itin. ecstat. quæsierat, cùm nimirum à pueris in Schola Peripatetica multa de Sphæra ignis inaudivisset, quam tamen nec supra nec infra Lunam in itinere suo ad Lunam viderit, cur nempe in toto illo itinere nihil horum aut viderit oculis suis, aut tactu senserit: ubi Cosmiel, errare ipsum summopere respondet, si credat, Aristotelem de rebus naturalibus, iis maximè quæ ad supremorum corporum naturam pertinent, omnia vera sibi locutum esse expansum illud, per quod ipsum hætenus deduxerit, non ignem esse, sed limpidissimum ætherem; quænam verò propria ignis Sphæra sit, se postea ostensurum esse, cùm globum solis examinaverit.

VI. Equidem in hoc ipso suo itinere p. 658. Kircherus sese sub nomine Theodidacti à Cosmiele suo in horrenda ignium subterraneæ receptacula & pyragogos sub America canales deductum fingit &c. In mundo suo subterraneo autem Lib. IV. Sect. I. cap. V. sive pag. 179. ea omnia quæ ibi se vidisse dixerat, hic ut vera professus, peculiari Schemate æri inciso, quodammodo adumbrare voluit, quo pacto credibile sit, non solum in ipso terræ centro ingentem ignis copiam ardere, sed inde per canales & quasi ramos ignifluos in universam globi terreni vastitatem diffusam, ingentia pyrophyllacia passim in imis ejus visceribus constituere, è quibus ulterius per similes vias & angustiores canales ad ignivomos tandem montes in superficie terræ passim obvios deferantur stupenda incendia, tanquam testes oculis ipsis ingerentes ea, quæ sub terris abscondi ratio conjectare solum poterat. Quæ qui-



quidem non sine omni fundamento conjectasse Kircheri rationem, vel ex libri de mundo cap. 4. p. m. edit. Sylburgianæ 11. patet, hæc inculcante : Εμπερίεχει δὲ καὶ πολλαὶς ἡγῆ ἐν αὐτῇ. κατὰ πέρ ὕδατος, ἔτω καὶ πνεύματος καὶ πυρὸς πηγὰς. τῶν δὲ, αἱ μὲν ὑπὸ γῆν εἰσιν ἀόρατοι. πολλαὶ δὲ ἀναπνοαὶ ἔχουσι καὶ ἀναφυσήσεις, ὥστερ λιπάρα τε καὶ Αἴτνη, καὶ τὰ ἐν Αἰόλῳ νήσοις, αἱ δὲ καὶ ῥέουσι πολλαῖς ποταμῶν δίκην, καὶ μύδρες ἀναρριπτῶσι διαπύρες. ἔνιαι δὲ ὑπὸ γῆν ἔσω, πλεισίον πηγαίων ὑδάτων, θερμαίνουσι ταῦτα. h. e. *Continet autem terra intra se ipsam velut aquarum, sic etiam ventorum & ignis scaturigines. Earum verò aliqua infra terram sunt invisibiles. Multa autem spiracula habent & evaporationes, uti sunt Liparæ insula, (Vulcania præsertim cum monte ignivomo ad Siciliam) & Ætna, (in Sicilia) & cætera in Aeoli insulis. Quadam verò (ejusmodi igneæ scaturigines) fluunt instar fluminum, & globos massasque candentes eructant; aliqua infra terram manentes, prope fontanas aquas, has fervefaciunt &c.* Conferantur, quæ de montibus ardentibus & ignivomis nominatim habent compluria. Kircherus Lib. II. cap. X. & XI. & Varenius in Geograph. cap. X. Prop. V. p. 100. & seqq.

VII. *Renatus des Cartes* part. IV. Princip. æque ac *Kircherus*, in terræ centro quidem vastissimam ignis Sphæram collocat, utpote ex illa sua hypothesi, quam ipse falsam & fictitiam num. 1. ipse agnoscens num. 11. tamen doctrinæ gratiâ retinendam esse putat, (quasi nimirum Tellus olim unum ex Sideribus fuisset, ex sola materia primi elementi, instar Solis, constans) adhuc residuam; eamque fortasse cum suis pontificiis pro inferno habet, cùm notanter dicat, num. V. eam terræ regionem parum ad nos spectare, quia nemo unquam ad ipsam (NB) vivus accesserit: eum tamen ignem, qui subter terras, aut in aëre nostro passim vires suas exerit, sparsum magis & occasione data demum in flammam excitandum, quàm sub actuali flammæ forma perpetuò ardentem supponit. Cujus ejusdem sententiæ *Gassendus* etiam est (nisi quòd illum centralem ignem, etsi ipse quoque Pontificius explodat) *Scient. Phys. Sect. III. Memb. I. Lib. I. cap. VI.* ex ea maximè ratione flammæ subterraneas, iis exceptis, quæ eo ipso, cum eructantur, gignuntur, negans, quòd aëris liberi ventilatione destituantur, alendis aliàs flammis quàm maximè necessaria; atque quædam solùm ignis flammantis semina per interiora terræ, præsertim halitus sulphureos ac



bituminosos, dispersa & abscondita supponit, quæ occasione commisionum aliquarum aliquando elici & in flammam tandem erumpere contingat. *Honoratus Fabri* denique, etsi nec igneam Sphæram supra aërem agnoscat, neque adeò peculiarem ipsi &, uti reliqua elementa habent, separatam sedem in hoc elementari mundo ipsi assignet, sed ob peculiare usus admixtum cæteris omnibus putet, neque verò vastissima ignium receptacula, per omnem terræ profunditatem, inter se invicem & cum centrali sphæra ignis communicantia, cum Kircherō fingat, eum tamen peculiariter etiam & passim sub terris grassari, & intra cavernas ignivomorum montium saltem, nunquam ferè penitus extinguī putat, quippe spiraculis suis continuè ventilatum, & pabuli quippiam è percolatis terrarum, maritimarum præsertim, succis subinde nactum, haut rarò etiam per venas materiæ combustibilis, subterraneis ductibus propagatas, aliò migrare solitum &c.

#### IV. HYPOTHESES TERTIÆ. De Elementorum Numero.

##### I.

**N**umerus elementorum quaternarius in scholis Aristotelicis tam sanctus & immutabilis olim habebatur, ut nefas fere ac piaculum crederetur, eum vel unica unitate aut augere aut imminuere, non aliter ac decem Decalogi præceptis vel addere unum vel demere religioni nobis ducimus. Et operosè quidem probare conatur hunc quaternarium elementorum numerum; *Honoratus Fabri*, *Scient. Physic. Tractat. V. Lib. II. primis 12. Propp. ex 4.* nempe qualitatibus primis, ex earundem qualitatum primarum combinatione, ex triplici corporum statu, ex ipso corporum plexu, ex totius orbis sublunaris compositione seu conformatione, ex ipsa denique resolutione Physica &c. quæ singula inferius forte examinanda, si pretium operæ fuerit. Aliis argumenti loco fuit autoritas Aristotelis, qui non uno loco quaternarium hunc inculcat elementorum numerum. E. g. *Lib. IV. de Cælo cap. V.* cuius rubrica græca apud Sylburgium sic habet: ὅτι ἀνάγκη τεσσαρα εἶναι τὰ στοιχεῖα, *quod necessarium sit quatuor esse elementa.* In ipso autem capite sub initium hæc habentur expressa: Επεὶ δ' ἐστὶν ἓν μόνον ὃ πᾶσιν ἐπιπολάζει, καὶ ἐν ὃ πᾶσιν ὑφίσταται, ἀνάγκη δύο ἄλλα εἶναι, ἃ καὶ ὑφίσταται τινὶ, καὶ ἐπιπολάζει τινὶ. ὥστε ἀνάγκη καὶ τὰς ὑλὰς τοσαύτας εἶναι, ὅσα πρὸς ταύ-



ταῦτα, τέτταρας, ἔτω δὲ τέτταρας, ὥς μίαν μὲν ἀπάντων τὴν κοινὴν.  
 h. e. *Quandoquidem unicum tantum est, quod omnibus super emi-  
 net, & unum quod omnibus substat; necessum est duo alia esse, quæ  
 & superemineant alicui, & alicui substant.* Ut hinc necessum sit  
 totuplices etiam esse materias, quotuplicia ipsa sunt (nempe) qua-  
 tuor: Ita verò quatuor, ut una sit omnium communis (prima intelli-  
 ge vel simplex materia.) Lib. II. de gener. & corrupt. cap. 3. his ex-  
 pressis verbis incipit: ἐπεὶ δὲ τέτταρα στοιχεῖα &c. *Quandoquidem  
 quatuor sunt elementa &c.* quænam verò illa sint nominatim se-  
 quuntur cap. 5. sub initium statim occasione controversiæ cujusdam,  
 recenset, αἶρα ἢ ὕδωρ, ἢ πῦρ, ἢ γῆν, idemque in multis aliis locis  
 facit.

II. Non potest tamen negari Aristotelem præter hæc quatuor  
 etiam quintum elementum agnovisse, & Lib. III. de cœlo cap. I. inter  
 elementa recensuisse etiam id quod constituit τόντε σύνολον ἔρανὸν καὶ  
 τὰ μέρη αὐτῆ. i. e. *totum cælum & partes ejus*, & paulò post ex-  
 pressam mentionem facit τῇ πρώτῃ τῶν στοιχείων, *primi elementorum*,  
 de quo jam dictum sit, & quale sit secundum naturam suam, nimirum  
 ὅτι ἀφθαρτον καὶ ἀγέννητον, h. e. *quod incorruptibile sit & ingenera-  
 bile.* Quo adeò nomine nihil aliud intelligere potuit, quam æthe-  
 rem sive cælestem substantiam, Simplicio quoque teste, in com-  
 ment. ubi cum Aristoteles inter simplicia recensuisset πῦρ καὶ γῆν καὶ,  
 τὰ σύστοιχα τέτοις, per hæc postrema, alia tria intelligi dicit simplicia  
*quintum scilicet aërem & aquam.* Conferatur Liber de mundo, qui  
 cap. II. αἰθέρα dicit ἑστὶν στοιχεῖον ἕσταν ἕτερον τῶν τεσσάρων, h. e.  
 ætherem esse elementum diversum à quatuor (vulgaribus intellige,) &  
 cap. III. expressis verbis πέντε στοιχεῖα (*quinque elementa*) numerat  
 in his apertissimis: πέντε δὲ στοιχεῖα ταῦτα ἐν πέντε χώραις σφαιρικῶς  
 ἐγκείμενα, περιεχομένης αἰεὶ τῆς ἐλάττω καὶ τῇ μείζονι. λέγω δὲ, γῆς  
 μὲν ἐν ὕδατι, ὕδατος ἐν αἵρι, αἵρος ἐν πυρὶ, πυρὸς δὲ ἐν αἰθέρι, τὸν  
 ὅλον κόσμον συνεστήσαντο. h. e. *Quinque sanè hæc elementa in  
 quinque regionibus ita sibi inclusa, ut minus semper à majori com-  
 prehendatur (dico autem, terra quidem in aqua, aqua in aëre, aër  
 in igne, ignis autem in æthere) totum mundum constituunt.*

III. Etsi verò tum hoc loco totum mundum ab his quinque ele-  
 mentis, tum supra Lib. III. de cœlo cap. I. à primo illo elemento, quod  
 hic



hic quintum dicitur, ibique ἀθάτοτον καὶ ἀγέννητον dicebatur, *totum  
cælum & ejus partes* constitui dicatur; certum est tamen, Aristote-  
lem præter hæc quinque hæctenus ex ejus scriptis evidentissimè eruta,  
sextum insuper agnovisse, manifestissimum est ex Lib. II. de Generat.  
Anim. cap. 3. ubi πάσης μὲν ἐν ψυχῆς δύναμις, ἑτέρῃ σώματος ἔοικε  
ἀκοινωνηκέτα, καὶ θειοτέρῃ τῶν καλεσμένων στοιχείων. ὡς δὲ διαφέ-  
ρουν τιμιότητι αἱ ψυχὰ καὶ ἀτιμία ἀλλήλων, ἕτω καὶ ἡ τοιαύτη δια-  
φέρει φύσις. πάντων μὲν γὰρ ἐν τῷ σπέρματι ἐνυπάρχει. ἕπερ ποιῆ  
γόνιμα εἶναι τὰ σπέρματα, τὸ καλεσμένον θερμὸν. τὸ δ' ἔστι πῦρ.  
ἔστι τοιαύτη δύναμις ἐστίν, ἀλλὰ τὸ ἐμπεριλαμβανόμενον ἐν τῷ σπέρ-  
ματι καὶ ἐν τῷ ἀφρώδει πνεῦμα, καὶ ἡ ἐν τῷ πνεύματι φύσις, ἀνάλο-  
γος ἔστι τῷ τῶν ἀστρων στοιχείῳ. h. e. Omnis igitur animæ (mate-  
rialis etiam, nam de mente humanâ immediatè ante dixerat τὸν νῦν μό-  
νον δύνασθαι ἐπεισιέναι, καὶ θεῖον εἶναι μόνον. i. e. *mentem solam in-  
fusus introgredi, & solam esse divinam*) potentia, participare  
videtur diverso ac diviniore corpore, quam sunt (vulgò) vocata  
elementa. Quemadmodum autem nobilitate vel ignobilitate ab  
invicem differunt anima, ita etiam differt hæc (ab ipsis participata)  
natura. Omnium enim spermati inest illud (vulgo) dictum cali-  
dum (de quo Hippocrates integrum librum scripsit) quod facit semi-  
na fecunda (& generationi apta.) Illud verò non est ignis, nec talis  
(igni similis) potentia, sed est spiritus in semine & spumoso (seminis  
corpore) inclusus ac circumclusus. & natura (quædam) in spiritu,  
elemento stellarum analoga. Ex quo palam est, in æthere, quem su-  
pra dixerat totum cælum & ejus partes constituere, tanquam primum  
aut quintum elementum ipsum discernere partem ejus quandam subti-  
lissimam, ex qua tanquam sexto & proprio suo elemento stellæ con-  
sistent, quas alibi dicit esse suorum orbium sive cælorum partes nobilis-  
simas εὐλογώτατον, inquiens, Lib. II. de Cælo cap. VII. καὶ τοῖς εἰρημέ-  
νοις ἐπόμενον ἡμῖν, τὸ ἐκαστον τῶν ἀστρων ποιεῖν ἐκ τῆς τῆς σώμα-  
τος, ἐν ᾧ τυγχάνει τὴν πορὰν ἔχον. h. e. *Probabilissimum est & iis  
que dicta sunt à nobis consentaneum, quodlibet ex astris facere* (aut  
factum supponere) *ex eo corpore, in quo id moveri contingit.*

IV. Hanc verò naturam elemento stellarum analogam per omnia  
mundi corpora diffusam esse, ut omnia, etiam minutissima repleat spa-  
tiola, docet idem Philosophus III. de Generat. Anim. cap. XI. (aliis X.)



γίνεται δ' ἐν γῇ, καὶ ὑγρῷ inquiens, τὰ ζῶα καὶ τὰ φυτὰ διὰ τὸ ἐν γῇ μὲν ὑπάρχειν ὑγρὸν, ἐν δ' ὕδατι πνεῦμα, ἐν δὲ αἵματι παντὶ θερμότητα ψυχικὴν. ὥς τρόπον τινὰ πάντα ψυχῆς εἶναι πλήρη. h. e. *Generantur in terra & humore animalia, quoniam humor in terra spiritus in humore, calor vero animalis in universo inest: ita ut quodammodo plena sint anima omnia.* Quibus egregie consentiunt ea, quæ Lib. de mundo cap. 4. circa vocis πνεῦμα æquivocationem monentur hisce verbis: λέγεται δὲ καὶ ἑτέρως πνεῦμα, ἢ τε ἐν φυτοῖς καὶ ζώοις, καὶ διὰ πάντων διήκοντα ἑμψυχός τε καὶ γόνιμος ἔσθαι. h. e. *Dicitur autem alias etiam spiritus, illa, quæ in plantis & animalibus (animadvertitur) omnia permeans, anima plena & proifica substantia.* Cui loco addi tandem potest alius ex Lib. II. de An. cap. VII. ubi post abstractas lucis, coloris & perspicui definitiones, inter cætera multa pellucida esse aërem dicit & aquam, & multa solidorum (corporum, qualia sunt exempl. grat. vitrum, crystallus &c.) non quatenus est aër aut aqua &c. ἀλλ' ὅτι ἐστὶ φύσις ἐνυπαρχούσα ἢ αὐτὴ ἐν τέτοις ἀμεφοτέροις καὶ ἐν τῷ αἰδίῳ τῷ ἀνω σώματι. h. e. *Sed (ideo illa sunt pellucida) quia natura quedam in his utrisque eadem inest, & in aeterno illo supero corpore;* de qua natura communi paulo post dicit, quod sit ignis aut tale quippiam, & quod lumen non sit quidem ipsum hoc corpus, nec effluvium corporeum, sit tamen ἢ πυρὸς ἢ τοιούτου τινὸς παρσεία ἐν τῷ διαφανεί. i. e. *Ignis aut talis cujuspiam præsentia in aëre &c.* Quæ loca omnia inter se solcite collata oculariter ostendent, aliam planè fuisse & recentioribus hypothefibus multo congruentiorem Aristotelis philosophiam, quam illa vulgo in scholis earumque systematibus proponi solet.

V. Dabit hujus rei specimen singulare, *Cartesii* de elementis hypothesis, quam nobis prolixissime exponit Part. III. Principiorum á num. LII. per sequentes quamplurimos, è quibus universam hypothefin hic in compendium contrahemus, aut potius in dicto num. LII. in epitomen jam coactam distinctius, sicubi opus fuerit, exponemus. “Tria igitur esse hujus mundi aspectabilis elementa docet num. dicto: “*Primum* ejus materiæ, quæ tantam vim habeat agitationis, ut aliis corporibus occurrendo, in minutias indefinitæ parvitatis dividatur, & figuras suas ad omnes angulorum ab iis relictorum angustias implendas accommodet. *Alterum* est illius materiæ, quæ divisa est in particulas sphæricas, valde quidem minutas, si cum iis corporibus, quæ oculis cernere possumus, comparentur; sed tamen certæ ac determi-



„natæ quantitatis ac divisibiles in alias multo minores; *Tertiumque*  
 „quod paulo post inveniendum dicit, constans partibus vel magis cras-  
 „sis vel figuras minus admodum aptas habentibus. Et ex his tribus  
 „omnia hujus mundi aspectabilis corpora componi, se ostensurum  
 „pollicetur, nempe solem & stellas fixas ex primo, cœlos ex secundo,  
 „& terram cum planetis & cometis ex tertio. Addens tandem, cum  
 „sol & fixæ lumen ex se emittant, cœli illud transmittant, terra, planetæ  
 „& cometæ remittant: triplicem hanc differentiam in adsp̄ctum in-  
 „currentem, non male ad tria elementa se relaturum esse., E quibus  
 ad oculum patet, primum illud Cartesii elementum, quod etiam mate-  
 riam subtilissimam appellat, ex quo solem & stellas fixas gignit, aut ge-  
 nitas supponit, esse ipsum illud stellarum elementum, quod Aristote-  
 les supponit, & cui analogam naturam, tanquam reliquias illius ele-  
 menti in ipsam solis & fixarum substantiam insumpti, per universum  
 mundi reliquum spatium & per omnia viventia & animata corpora dif-  
 fusam in superioribus supponit. Secundum autem, quod differentię  
 causa subtilem materiam nuncupat, nihil aliud esse quam Aristotelis  
*ἀνω σῶμα* sive ætherem, non solum illud immensum cœlorum spatium  
 replentem, & á subtilissima materia, sive natura stellarum elemento ana-  
 loga, in subtilibus suarum particularum interstitiis permeatum, sed  
 etiam totum hunc mundum elementarem ejus partes omnes ac singu-  
 las, una cum subtilissima materia sibi intermixta permeantem, lucisque  
 adeo & pelluciditatis subjectum aut vehiculum constituentem. Ter-  
 tium denique & crassissimum Cartesii elementum, quatuor vulgaria  
 Aristotelica actu ipso complectitur; quorum singulorum generatio è  
 duobus prioribus, præsertim verò ex primo deducta, habetur in Part.  
 IV. principiorum: aëris quidem num. XLV. aquæ num. XLVIII. ter-  
 ræ num. LXXI. ignis denique num. LXXX. ubique interim in numeris  
 intermediis, singulorum præcipuis proprietatibus explicatis.

VI. Hæc itaque cum principiis Aristotelicis apprimè convenirent  
 nisi hoc scandalosum aliquibus videretur, quod Cartesius hæc sua tria,  
 aut saltem quatuor crassiora elementa, è supposita fictitia & falsa (ut  
 ipse fatetur) Geogonia deduxerit; cum utique Tellus ex elementis  
 præsuppositis debuerit componi, neque adeò elementa effectus natu-  
 ræ esse potuerint, sed ejus potius efficientia, & immediatè ab omnipo-  
 tente manu Creatoris producta esse debuerint: quemadmodum  
 etiam prima simpliciora & subtiliora elementa mechanico modo ex  
 materia prima detornata & abrasa fingit; dum num. XLVIII. partis III.  
 „sup-



“supponit illas particulas, in quas totam hujus mundi materiam ini-  
 tio divisam prius supposuerat, non potuisse quidem esse sphæricas,  
 quia plures globuli simul juncti, spatium continuum non replent; sed  
 cujuscunque figuræ tunc fuerint, eas non potuisse successu temporis  
 non fieri rotundas, quandoquidem varios habuerint motus circula-  
 res. Cum enim in principio satis magna vi motæ fuerint, ut unæ ab  
 aliis sejungerentur, eadem illam vim perseverantem, haut dubiè satis  
 magnam etiam fuisse ad earum angulos, dum sibi mutuò postea oc-  
 currerunt, atterendos: ad hoc enim non tantam, quam ad illud requisi-  
 tam fuisse, Et ex hoc solo, quod alicujus corporis anguli sic atteran-  
 tur, facile nos intelligere, illud tandem fieri rotundum; quia hoc in lo-  
 co nomen anguli ad omne id, quod in tali corpore ultra figuram  
 sphæricam prominet, sit extendendum. Hoc igitur pacto æther cum  
 suis globulis minutissimis ab acumine Cartesiano fuit detornatus,  
 ne verbulo quidem facta DEI Conditoris mentione; quamvis neces-  
 sariò utique supponere debuit, vim illam particulas materiæ dicto  
 modo detornantem, infinitam prorsusque divinam fuisse., Iam  
 quod originem primæ elementi ex detornatione hujus secundi spectat,  
 illam in sequenti numero XLIX. minus difficile erat deducere. “Cum  
 enim (uti porro ratio cinatur *des Cartes*) nullibi spatia omni corpo-  
 re vacua esse possint, cumque rotundæ illæ materiæ particulæ, simul  
 junctæ, per exigua quædam intervalla circa se relinquant, necesse est,  
 ista intervalla quibusdam aliis materiæ ramentis, minutissimis figu-  
 ras ad illa implenda aptas habentibus, easque pro ratione loci occu-  
 pandi perpetuo mutantibus, impleri, nempe dum earum materiæ par-  
 ticularum, quæ fiunt rotundæ, anguli paulatim atteruntur, id quod  
 ex ipsis eraditur, adeo est minutum, & tantam celeritatem acquirit, ut  
 sola visui motus in ramenta innumerabilia dividatur, sicque impleat  
 omnes angulos, quos aliæ materiæ particulæ subingredi non pos-  
 sunt.,

VII. Jam quæ sparsim apud alios de elementis eorumque numero  
 traduntur, in epitomen, instar spicilegii ut contrahamus, *Chymici* v. g.  
 sua tria principia hypostatica, sal, sulphur & mercurium, quatuor vul-  
 garibus Aristotelicorum elementis superaddunt aut præferunt: alii  
 ignem, tanquam vorax ac destructivum elementum ex mixtionis ne-  
 gotio excludunt, reliquis tribus solis, aëri, nempe aquæ & terræ, id of-  
 ficii deferentes: *Helmontius* ex eo capite ignem inter elementa nu-  
 merare renuit, quod in creatione universi ignis mentio nulla fiat, cœ-



lum autem terram & aquam, tanquam elementa corporum deinceps nascendorum creata esse afferit: *Wendelinus* duo tantum elementa, terram & aquam, admittit, aërem cum cœlo idem esse contendens: Nonnulli modernorum chymicorum obsoletam *Thaletis* opinionem renovantes, aquam esse omnium corporum principium, & in eam cuncta resolvi contendunt, teste *Hamelio*, *Phys. Gener. Tractat. I. Dissert. III. cap. 1. conclus. I.* E contra *Democritici* & *Epicurei* innumera elementa ipsas scilicet *Atomos* supponunt: *Anaxagoras* autem totidem homogencarum particularum quasi acervos, quot sunt mixtorum genera, carnearum puta pro carnibus, ossearum pro ossibus &c. generandis; quæ obiter tantum & in transitu hic commemoro, quod magni momenti non judicentur obsoletæ hæ ac dudum explosæ opiniones.

V. Εκλεξις Επικριτική

hactenus enarratarum hypothesisum.

I.

**Q**Uatuor elementa vulgaria terram, ignem, aquam & aërem, non solum totum Geocosmum componere, sed etiam particularia in ipso corpora ex iisdem suam mixtionem necessariò habere, ex eo manifestum est, quod mixta illa particularia intra illarum massarum elementarium ambitum omnia comprehendantur, neque adeò sua miscibilia aliunde quam ex iis ipsis habere possint. Esetque frustra, si cujus mentem fortè subiret, illa dubitatio, quo pacto ad quemlibet, sive suprâ sive infrâ terram, sive in aqua sive in aëre locum, in quo nimirum aliquod mixtum generandum est, ex late patentibus locoque dissitis sphaëris elementaribus requisita miscibilia accersi & quasi convocari possint? Occupatus enim jam est aut exemptus potius, si quem urfisset, scrupulus, per id, quod sub initium *Phæn. II.* præmonitum est, non esse scilicet elementa in hoc mundo pura, sed sibi invicem variè permixta, ut e. g. piscis in mari generandus, non aquæ solum partes abundè circa rudimentum sive ovulum suum, sed sufficientem etiam aërearum, terrearum & ignearum particularum copiam (quantam scilicet aquosior piscis natura de-

pos-



poscere potest) ipsi aquæ mediæ passim permixtam, toto generationis tempore ex hac ipsa petere valet, idemque circa alia vel in aëre, vel infra aut supra terram generabilia dicendum est: maxime, quod experientia notissima docet, arborum & fruticum ramos, eorumque & folia & flores, radices & caules &c. ex aqua sola nutritionem & augmenta sua capere, ut evidens sit, non humiditas tantum, sed siccas etiam portiones elementares (quæ lignosam fruticum partem constituunt) ex aqua haberi posse.

II. Quod verò sphæram ignis supra aërem longe lateque expansam, & ad lunæ concavum usque exporrectam, attinet; illam supposititiam esse, non solum supra citt. num. II. III. &c. celebres Physicorum veteres tum recentiores, & inter illos ipse Aristoteles ingenuè confessi sunt, quibus accensere hoc loco licet etiam *P. Paulum Casatum* in Dissert. de igne III. sed ipsa recta ratione iudice certissimum est, cum indubia experientia constet, sub ipsa zona torrida media in planitie calidissima, montes repetiri in altum elevatos ac perpetuis alicubi nivibus repletos, (quos *Sierras nevados* Lusitani appellant) testes adeo indubios, quod supra aërem frigus potius intensum regnet, quam ignea quædam sphæra in immensam altitudinem 50000. circiter milliar. germ. protensa dominetur, utpote à qua stupendæ molis ignea sphæra, si verè ignea esset & calore sensibili saltem prædita, aër immediate subiectus, si non æstu ubique vehementissimo, tempore duntaxat indefinente & perpetuo afficiendus esset. At enim verò nō contemnendus hic scrupulus urget hanc negatæ prorsus igneæ sphæræ supra aërem existentis sententiam. Scilicet indubitatum est apud omnes omnium seculorum philosophos ignes flammantes perpetuo suorum igniculorum fluxu supra aërem eniti, aut (secundum recentiores hypothèses, de quibus plura in sequentibus) ab ipso aëre illis graviore sursum extrudi. Hoc vero semel admissò, si quis secum perpendat, ex quolibet pago, quavis urbe, harumque quibusvis caminis & focis, ex montibus ardentibus in superficie terræ, noctes atque dies, aut per intervalla saltem, ingentem igniculorum vim & inestimabilem copiam super aërem elevari,



idque ex pluribus quam 500. retrò seculis continuè, is haut immeritò mirabitur, cur vasta illa, quæ super aërem protenditur ad lunæ concavum usque sphaera, non dudum ignibus repleta fuerit, quicquid sit de superius allegata experientia, nec ipsa quidem ulla ratione inficianda.

III. Sed enim non est adeo exemptu difficilis hic scrupulus. Nam I.) Ignis flammans (ut in seqq. evidentissimè docetur, & hoc loco ex fumis & fuliginibus, una cum flamma in altum sublevari solitis, ad oculum patet) ex duabus præcipue partibus constat, altera crassiore, solidiore & pungentiore, fibrillas organi tactorii fortius ac sensibilius afficiente, altera verò subtiliore & valide celerrimeque agitata. Jam uti hæc posterior, licet agitativissima, propter suarum minutiarum subtilitatem organi tactorii fibrillas ac texturam illæsas transit, & meatus ipsarum etiam fibrillarum, latis patulos respectu dictarum minutiarum, indemnes transmittit, nullum adeo vel caloris sensum, vel ustionis dolorem, aut dissolutionis effectum per se causatura, sic eadem subtilissima ignis portio, si solitaria ab aëre graviore sursum altissime quoque extruderetur, ignis tamen calidi sensum ibi quoque nullum efficeret. Verum cum portiones alteræ, crassiusculæ ac duriusculæ, rigidæ & acutæ, sed immobiles ac torpidæ perpetuo futuræ, nisi ab illis subtilioribus agitativissimis abreptæ in alia corpora crassiora impingerentur &c. cum hæ crassiores, inquam portiones, 2.) in flamma vehementissime agitata, in majore verò distantia à distractioribus jam subtilioris illius fluenti minutiis segnius segniusque gradatim expelluntur, ac tandem altius evehi prorsus cessant, tunc à gravitate propria versus commune centrum iterum descendunt, exuta jam omni flammæ formâ, ut hoc pacto ullus ignis verè talis, formaliter & actualiter urens aut calefaciens, in notabili aliqua supra aërem altitudine, colligi nunquam possit, vel ut ignis dicatur mereri, sed potius ita κατὰ συνήθειαν (consuetudine vulgari & opinione supra memorata) ita dicto, illud Aristotelicum epiphonema statim subungere oporteat: *ὃν ἔστι δὲ πῦρ. Ignis autem non est.*

IV. Cum



IV. Cum itaque sphæram igneam super aërem longissimè exporrectam inficiari omnino cogamur, nec illud quidem qualecunque θερμὸν sive calidam exhalationem, & οἶον πῦρ, h. e. *quasi ignem*, admittere valentes; (Quod enim mox subjicit Aristoteles, in illo loco superiore nubes nec gigni, nec existere posse, quod ibi non aër amplius, sed quasi ignis aliquis locum habeat; id fallaciam non causæ ut causæ sapit, cum alia & multo verior causa in promptu sit, nimirum vaporum aqueorum, ex quibus nubes concrecunt, ponderositas, quæ altius illos evehi prohibet) & verò ignis elemento penitus destitutum mundum hunc elementarem, nec ratio statuere patitur, nec experientia, quid dubitabimus amplius igni elementari locum in aëre potius aut infra ipsum in aqua, maximè verò in terra & sub terra assignare? quandoquidem is ipso facto ibi sese manifeste prodit, nec ob fugacitatem suam alibi detineri commodius, quam ibi potest, pabulo scilicet massarum ingentium sulphurearum, bituminosarum, picearum &c. earumque ubique diffusarum exhalationum; aut rectius in locum partium perpetuo ab aëre graviore expressarum (quod cum magno commodo superiorum corporum fit) novæ subinde succedere valent. Quod si vero cuiquam, cum Kircheri aliisque locum hujus elementi in sole quærere lubeat; id hoc forte sensu fieri poterit, quatenus ignis solaris, elementari nostro multo subtilior emissis luminis sui radiis, obvias in aëre nostro & corporibus terrestribus particulas, tanquam spicula quædam exagitat, & in ignem crassiores sensibiliter calefacientem, urentem, aut planè adurentem, convertit. Ipse enim ignis solaris subtilior, cum pars elementaris mundi non sit, sed ab ipso immensum distet, elementis nostratibus accenseri nullo modo potest. Neque verò, dum genuinam igni elementari sedem sub terra assignamus, ideo sphæram illam ignis centalem Cartesii, Kircheri, aliorumque admittimus, utpote ex Cartesii commentitio supposito meram materiam subtilissimam; ex mente Kircheri verò verè flammantem, sed ob defectum ventilationis, & accessum aëris in immensa illa profunditate impossibilem, frustra suppositum.

V. Quod



V. Quod numerum tandem elementorum attinet, non ita inhærendum putamus vulgari quaternario, mundum hunc elementarem præcipue constituendi, quin etiam alia duo insuper his adjungenda putemus; ætherem nempe ære multo subtiliorem, qui vasta non solum spatia cœlorum undiquaque repleat & constituat, sed etiam vulgaribus Geocosmi elementis undique permixtus, luminis quasi vehiculum & subiectum passivum componat, & subtiliorem adhuc aliam, quam Cartesius materiam subtilissimam & primi elementi vocat, per omnia interstitia ætheris, sive materiæ subtilioris ac secundi elementi quoque undique diffusam, Aristoteli stellarum elementum, aut naturam stellarum elemento analogam dictam. Hæc, inquam, non tam propter autoritatem Aristotelis & Cartesii, quæ supposita non probat, sed illustrat tantum, sed rebus ipsis ita postulantibus vulgaribus adjungenda credimus; non solum ut universalis totius universi elementa, sed etiam ut elementa Geocosmi, utpote vulgarium essentias indubiè ingredientia, uti progressus docebit: quemadmodum vicissim vulgaria forte & particularia Geocosmi elementa, in aliis mundi corporibus itidem, vel eadem specie vel analoga saltem, reperiuntur, ut hoc pacto sex ista hætenus enarrata & communia universi elementa, & simul specialium quorumvis corporum mundanorum elementa dici posse videantur.

VI. Id solum monendum adhuc videtur: Nullam esse nostro judicio necessitatem, ut cum Cartesio materiam quandam continuam fingamus, ex qua magna vi in minutas, quasi cubicas particulas diffracta, & his porro eodem vehementi impetu circa sua centra raptatis, minutissimi globuli ætherei sive secundi elementi quasi detornati, ex abrasis autem horum globulorum præ-existentibus angulis primi elementi sive subtilissimæ materiæ indefinite comminuenda ramenta; ex horum ramentorum denique variis iterum coalitionibus & concretionibus, tertii denique seu crassioris elementi particule terreæ, aqueæ, æereæ & igneæ, pronatæ supponantur, sed ita potius cogitandum esse, cum pro-

posi-



positum esset Divino Conditori ex materiæ cujusdam minutiis mundum quendam componere, cujus composita, minora, majora, maxima denique illos deinceps ederent effectus, easque obirent functiones, quas nunc ea obire deprehendimus, ipsum Divinum Opificem, pro summa sua sapientia & potentia eam in principio statim materialium particularum varietatem in mente sua concepisse & concipiendo re ipsa exhibuisse, simulque sic ipso facto exhibitam sub eas formas nullo vel labore vel negotio distribuisse, quæ destinatas cuique operationes, interventu, divina sua virtute impressi, eademque sola virtute continuandi motus, deinceps constanter exequerentur, id quod hoc loco summa brevitate, consequenter multa adhuc obscuritate, dictum in progressu majori gradatim claritate Lectoris attenti animo sese insinuat.

## CAPVT II.

De

*Elementorum communissimis Affectionibus,*

*GRAVITATE & LEVITATE.*

*I. PHÆNOMENA.*

**P**HAEN. I. Terram, aquam & aërem, absolute gravia esse corpora, h. e. ubi non impediuntur, versus centrum hujus Geocosmi continenter descendere, impedita vero saltem eò conniti, & hoc ipso nisu impedimenta quævis validè urgere & premere ex parte jam penultimis duobus Phænomenis cap. I. præced. paucis dictum est, deinceps fusius etiam dicendum. Hic vero nunc de eo pluribus videndum est, quod ultimo dicti cap. I. phæn. intimatum est, de ignis vulgaris & flammæ ponderabilitate, ab illustri Boylio, primum, quod sciam, tentata, & parvulo libello Anglico sermone primum conscripto, deinceps autem in latinum sermonem verso comprehensa, qui libellus inscribitur: *Experimenta nova, quibus ostenditur, posse partes ignis & flammæ reddi stabiles ponderabilesque.*

D

PHÆN.



*PHÆN. II.* Horum experimentorum *primum genus* sequentibus circumstantiis absolvebatur: 1.) Laminæ cupreæ frustum, *duas drachmas & grana viginti quinque* ponderans, crassitiem autem dimidii scudi non æquans, in crucibulo lata sui parte, horizontaliter ita firmabatur, ut inverso licet crucibulo, à positu suo haut facile dimoveri posset, cujus fundus parvo foramine erat pertusus, ad exitum fumis præbendum; deinde vulgâris sulphuris *sesquiuncia* crucibulo alii latiori immissa, hæc prius crucibulum cum lamina inversum ita inferebatur, ut sulphure accenso, flamma, non verò fustum sulphur, laminam contingeret, exitumque aliquem ultra eam per supra dictum foramen inveniret. Hoc sulphur per bihorium circiter ardebat, nullis interim floribus sulphuris ad interiores superioris crucibuli parietes deprehensis, flamma tamen ad laminam, insigni licet intervallo ab ignito sulphure distantem, reapse penetrâsse visa, ita ut tumorem aliquem sensibilem majoremque crassitiem ei manifeste conciliaverit. Quo facto exempta lamina, & pauculis quibusdam adhærescentibus sordibus absterfis, deprehensa fuit illa, ad eandem exactissimam bilancem, (quam summo studio paratam philosophicam appellare solebat,) *triginta duo* ferè *grana* amplius, quam ab initio pendere, ac proinde pondere suo supra partem quintam crevisse. 2.) Eodem experimento cum argenti purificati (beneficio nempe nitri *unciam unam argenti Sterlingani* ad *drachmas septem* & aliquando minus reducendo) frustulo, quod *unam drachmam* minus *duobus granis* ponderabat, instituto, posteaquam sulphuris *unius* circiter *uncie & quadrantis* flammæ lamellam per sesqui horam percussisset, ea quoque non-nihil, oculorum testimonio, tumefacta videbatur, ejusque inferior superficies, flammæ proxima ad insignem lævorem redacta, pondere ipsius interim ad *drachmam unam & grana quinque* cum *tribus quartis* adaucto: incremento adeo multo minore, quam quod superius cupro accesserat.

*PHÆN. III.* E secundi generis experimentis sequentia excerptam: 1.) Crucibulo, cujus parietes ex industria fuerant circum-

cum.



cum circa ita dejecti, ut per breve redderetur, immittebatur laminarum cuprearum *uncia una*; eaque furno probatorio imposita, ibique per duas horas servata, tumque extracta, cuprum (quod fustum non erat) appendebatur, cineribus omnibus prius difflatis, inveniebatur ponderasse *unciam unam & grana triginta*. 2.) Eodem experimento cum ramentis cupreis *unius* iterum *unciae* repetito, (quod actionem ignis in hæc, amplioris quippe superficiæ respectu molis suæ, majorem expectarent) cum ea in simili depresso crucibulo, sed hic fornicata tegula cooperto, per trihorium in igne probatorio asservassent, dehinc verò simili cautela exempta per quam obscuro colore imbuta, non fusa tamen, sed in unam simul massam compacta, deprehendissent; pondere *granorum quadraginta novem* aucta invenerunt. 3.) Rem eandem cum *uncia una* cornu cervi calcinati per bihorium tentantes, loco ponderis aucti, *sex eam septemve grana* prioris ponderis deperdidisse observabant. 4.) Verò *unciam unam* stanni anglici melioris, catino bonæ notæ, sub tegula fornicata furno impositam, mox fundi quidem, at sub bihorii finem probe calcinatum apparere; tumque exemptum & seorsim appensum *drachmam integram* lucratum fuisse deprehendebatur. 5.) Catinum acceperunt *duas* circiter *uncias* ponderantem, ex decem partibus præterpropter cinerum osseorum, & una parte cinerum ligneorum, confectum. Hic seorsim imponebatur furno probatorio sub tegula fornicata, & operarius librandi peritus, jussus fuerat eum eximere omnino excalescentem, & ponderare dum in statu illo erat, me tunc præsentem. Hoc facto, actutum tegulæ fornicatæ iterum fuit suppositus, ibique per bihorium circiter asservatus, tandem exemptus candens, & mox eidem bilanci, ut prius impositus, ubi difflatis cineribus (cum antea non nisi *duas uncias & duo grana* pependisset, quando tegulæ fornicatæ primo subtraheretur) eodem pondere lanci adversæ imposito, eundem tantum non *grana viginti & unum*, acquisivisse deprehendebatur. 6.) Cum suspicio esset flammam vim majorem exerturam in ferrum & chalybem, maximè in exiguas partes redacta;



ramentorum chalybeorum *drachma quatuor*, per duas horas in catino sub fornicata regula detentæ, incrementum ponderis acquirebant *unius drachmæ & sex granorum cum quadrante &c.*

*PHÆN. IV.* Cum in hætenus enarratis phænomenis liber igni flammæque fuisset accessus concessus, placuit alia tentare tertii generis, quibus corpora igni exponenda binis crucibulis sese mutuo cooperientibus, commissuris etiam luto chymico probe munitis, includebantur. Et 1.) *uncia una* chalybis recenter ab illo metallo abrafa, cum dicto modo, inter duo crucibula concluderetur, & in vehementi igne per bihorium detineretur, donec ignis extingueretur, reclusis crucibulis, ramenta firmiter compacta reperiiebantur, obscurumque colorem, nigro & cyaneo intermedium acquisiverant; pondere vero *granorum quinque* aucta fuerant. Similiter 2.) *uncia una* talium ramentorum eodem modo intra ignem sesquihoram durans, *sex grana* acquisiverat, & *uncia dua* laminarum cuprearum, *dua* item *stanni* ac *dua plumbi*, binis singulæ crucibulis includebantur, furnoque probatorio immissæ per sesquihoram circiter in igne vehementi detinebantur (dum scilicet alia ibidem explorarentur.) Tum vero exemptis iis, laminæ *cupreæ*, cohærentes quidem, at non plane fusæ, pondus *octo granorum* lucratae fuerant: *plumbum* pervaserat fundum crucibuli, elusa sic observatione: *Stannum* autem pondus *granorum sex* acquisiverat. 3.) Supponentes, cuprum in tenuiores multo laminas bracteatum, quam supra & in igne diutius detentum, plus etiam ponderis acquisiturum, concluderunt, more solito, cupri tenuiter malleati *unciam unam*, sollicitè lutan do caventes, ne ignis metallum immediate attingeret, idque per tres circiter horas in furno docimastico detinuerunt, tumque reclusis vasis, invenerunt metallum desquamatum eleganter coloratum, sed una cum istis squamis pondere æquans *unam unciam & grana unum & viginti*. 4.) Tentatis experimentis similibus in furnis arenariis ope retortarum, per biduum vel circiter una cum metallis fusilibus (ut *Stannum*) in fusione inter-



rim servatis, detentarum, aliquod saltem ponderis, licet leviculum, augmentum (e. g. in selibra stanni puri, quod Anglis *Block-tinn* appellatur, *duorum granorum* & paulo amplius repertum fuit.

*PHÆN. V.* Quarei denique generis quoque experimenta nonnulla hic excerpimus, in quibus corpora quædam jam semel ejusmodi tentationibus subiecta, iis iterato subiciebantur, sive immediate & aperte, sive operculata, sive duobus crucibulis inclusa & accessum igni liberum denegantia. E. g. 1.) *Uncia una* calcis stanni novo catino immissa, & sub tegula fornicata per bihorium circiter detenta, inde exempta fuit fervida & bilanci imposita; ubi pulvis ille lucratus fuisse deprehendebatur pondus *drachmæ unius & granorum triginta quinque.* 2.) Ex portione quadam ramentorum chalybis, quæ antea fuerant igni exposita, suoque pondere creverant ad aliquot grana, sumpra est *uncia una*, & eodem tempore, una cum calce stanni, igni exposita, perque idem temporis spatium in igne detenta, elapso verò bihorio cum eam exemissemus, pondus auctum inventum fuit *duabus drachmis & granis viginti duobus.* 3.) Aliqua cupri num. 2. Phæn. IV. commemorati, portione casu deperdita, residui *uncia una & drachmæ quatuor* intra duo crucibula concludebantur, ignique vehementi per bihorium exponebantur, sed & ibidem durabant, donec extingueretur ignis. Exempta materia deprehendebatur acquisivisse pondus *granorum decem*; cum in allegato experimento *uncie duæ* crevissent pondere non nisi *granorum octo.* Atque sic his 4. Phænomenis nucleum habemus eorum experimentorum, quæ partem priorem laudati Tractatuli constituunt. Cæterorum vero novem experimentorum, ad eundem scopum collineantium, mantissam, Lectoribus nostris ipsis considerandam recommendamus.

*PHÆN. VI.* Nos interim cætera circa gravitatem notabiliora phænomena adnotabimus, quorum hoc, post illa tria cap. I. jam memorata, Illtium nempe IVtum & quintum, præ aliis notabile occurrit, quod in actuali descensu gravium, solido-



rum præsertim, peraërem liberum, ea hoc ævo deprehensa sit notabilis circumstantia, quod is descensus habeat velocitatis suæ continua incrementa, ita ut sub initium tardius, deinde semper velocius ferantur: Quale quid Aristoreli quoque jam olim suboluisse ex cap. 8. his verbis p. m. 21. conicere datur, quando post plura, ἔδὲ θᾶττον ἂν πρὸς τῷ τέλει ἐφέρετο, εἰ τῇ βίᾳ καὶ τῇ ἐκθλίψῃ. πάντα γὰρ τὰ βιασαμένα πορρωτέρω γινόμενα βραδύτερον φέρεται. καὶ ὅθεν ἂν βία, ἐκεί φέρεται ὃ βία. h. e. *Neque enim sub finem celerius ferretur* (terra intellige, aut portio quædam terræ) *si violenter & expulsionem* (quædam ferretur, ὡς περ τινὲς φασί.) *Omnia enim à violenter pellente remotiora facta, tardius feruntur* (ut in pyrobolis, sive missilibus ignitis, bey den Racketen /videre est.) *Et unde violenter* (scilicet feruntur) *eo feruntur non violenter*, (sed naturaliter & cum incremento velocitatis.) Clarins autem adhuc rem eloquitur in paulo superioribus, ostensurus, neque gravia deorsum, neque levia sursum, in infinitum abire, περὶ μῆριον δὲ inquiens τὰ μὴ εἰς ἀπειρά φέρεσθαι, καὶ τὸ τὴν γῆν μὲν, ὅσῳ ἂν ἐγγυτέρω ἢ τὰ μέσσω, θᾶττον φέρεσθαι. τὸ δὲ πῦρ, ὅσῳ ἂν τὰ ἄνω. εἰ δ' ἀπειρον ἦν, ἀπειρὸν ἂν ἦν καὶ ἡ ταχυτής &c. h. e. *Signum enim est, quod non in infinitum ferantur*, (neque gravia neque levia,) *etiam hoc, quod terra* (sive quævis terræ portio) *quando propior fuerit medio* (sive centro) *tanto celerius feratur.* *Ignis autem, quando* (propior) *loco supremo.* *Quod si vero infinitum* (hoc) *esset, etiam celeritas esset infinita, &c.*

**PHÆN. VII.** Et quidem hæc incrementa velocitatis in descensu gravium actuali sequuntur quam proxime proportionem arithmeticam numerorum imparium ab unitate ascendentium, ita scilicet, ut, quod primo temporis momento per unius ulnæ spatium decidit grave, descendat in secundo per tres ulnas, in tertio per quinque in quarto per septem ulnas &c. atque adeo collectim sumpta spatia sint inter se ut quadrata temporum etiam collectim sumptorum, h. e. uno scrupulo temporis, si grave acciderit per unius ulnæ spatium, duobus absolvat ulnas quatuor, tribus ulnas novem &c. Experimenta, quibus hæc velocitatis cres-



crescentis proportio fuit sæpe comprobata *Galilæo, Baliano, Ricciolo*, videantur hujus *Almag. Novi Lib. II. cap. XXI.* ubi ad hoc explorandum se & P. Fr. M. Grimaldum præparâsse dicit plurimos globos cretaceos ejusdem molis, & singulos unciarum 8. quos demiserint ex diversarum turrium aut ædium fenestris aut fenestellis ad mensuras capiendas aptioribus, usosque se fuisse in primis Bononiensibus turribus, nempe *Asinellorum*, quæ sit alta pedes Romanos 312. & *S. Petri* alta pedes 208. & *S. Petronii* alta pedes 200, & *S. Jacobi* alta pedes 189. & *S. Francisci*, alta pedes 150. licet non tota earum altitudine usi fuerint, sed illa quæ apta fuerit ad proportionem prædictam: Præterea vero ad tempus subtilius pernosendum, quo globi demissi ad pavementum perveniebant, adhibuisse duos perpendiculos minimos, (de quibus cap. 20. anteced. Prop. XIII.) quorum scilicet una simplex vibratio valuerit 10. primi mobilis. Inter multa autem experimenta, duo infra scripta selectissima, & omnium certissima exhibet in tabella sequenti:

Experi- menta.	Vibrationes perpendi- culi sim- plices.	Tempus vib- rat.onibus congruens.	Spatium confectum à globo cret. unc. 8. in fine temporis.	Spatium g. se- orsim conficit singulis temp. æqualibus.	Proport. incr. ve- loc. in simplici- busnum.	
I.	5	// 0	/// 50	Sc. Ped. Rom. 10	Ped. Rom. 10	1
	10	I 1	40	40	30	3
	15	2	30	90	50	5
	20	3	20	160	70	7
	25	4	10	250	90	9
II.	6	I 1	0	15	15	1
	12	2	0	60	45	3
	18	3	0	135	75	5
	24	4	0	240	105	7
	fere 26	4 fere	20	280		

Cæterum hæc Galilæi, Baliani & Riccioli observata (qui postremus sua se aggressum testatur, antequam Galilæi Dialogum



gum 2. de mundi systemate & Baliani opusculum de motu naturali Graviorum solidorum & liquidorum vidisset) confirmavit etiam *Pet. Gassendus* Animadvers. in X, Diog. Laert. p. 475. eandem proportionem semper cessisse, etiam cum inclinato non solum alvelo, sed etiam applicito ipsi vitreo tubulo duas prope orgyas longo & in centenas partes distincto, fuisset globulus per ipsum demissus, siquidem gravia tardius quidem per inclinatam planum ferantur, sed eadem tamen accelerationis ratione, quodum ad perpendiculum cadunt &c.

*PHÆN. VIII.* Observavit laudatus *Ricciolus* eodem loco  
 1.) *Corporum duorum æqualis molis, illud quod gravius est, naturali motu citius descendere ex eodem termino ad eundem terminum, quam illud quod est levius:* Confectis enim duodecim globis ex argilla solida unc. 20. & totidem aliis ex charta compressa & argillaria testa superindutis æqualibusque cum prioribus molis, sed unciarum 10. binisque ex turri Asinellorum Bononiæ eodem plane momento dimissis, h. e. uno decunciali, altero vigeunciali, illum qui gravior erat observavit, percussisse solum subjecti pavimenti, cum ille, qui levior erat, abesset adhuc ab eodem pavimento pedes circiter 15. 2.) *Duorum corporum ejusdem speciei, sed inequalis molis ac ponderis, illud quod gravius est, naturali motu citius descendisse ab eodem ad eundem terminum, quam quod est levius.* Demisisse enim se anno 1645. Augusti 4. ex turri Asinellorum plurimos cretaceos globos, simul binos & binos, unos unciarum 4, alteros unciarum 8. iteratis quindecies experimentis, & semper observasse, graviores percutere pavementum, cum adhuc levior ab eo distaret pedes 4 aut paulo amplius: adhibitis autem aliis globis, distantiam leviorum à pavimento notasse, tunc cum graviores pavementum percussissent. nunc 15, nunc 30, nunc 20, nunc 25, nunc 40, nunc 12, tantum &c. 3.) *Duorum corporum inequalis gravitatis, non esse eandem proportionem in descensu & velocitate, quæ in gravitate;* uti quidem Aristoteles crediderat. Nam si vera fuisset Aristotelis positio, debuisset globum unciarum 10. quo tempore glo-



Fig: XV.



Fig: XVI.



Fig: XIX.



Fig: XVIII.




Fig: XII




Fig: X  
num. i.




Fig: V.



Fig: VIII.



Fig: X.  
n. 2.




Fig: XI.




Fig: IX.




Fig: VII.




Fig: VI.




Fig: IV.




Fig: XIV.




Fig: I.





Fig: III.









globus unciarum 20 confecit spatium pedum 280, abesse à pavimento adhuc 140 pedibus, cum tamen abfuerit solum 15, &c. Hanc Aristotelis opinionem etiam *Honoratus Fabri* confutat Tract. I. Lib. IV. p. 268. Putat autem Ricciolus hanc opinionem plures fovisse, quod vel nulla prorsus ejus rei experimenta habuerint, vel ex parva altitudine lapillos demiserint, ideoque parvum esse intervallum tum spatii tum temporis asseruerint, ut *Galileus & Balianus*, inter levioris & gravioris casum, id scilicet experti in altitudine pedum tantum 50. aut 100. pedd. cum ipse cum sociis pluribus, experimenta instituerit ex turre Asinellorum Bononiensi alta pedd. Romanos antiquos 312, & locus demissorum globorum minimum 280.

*PHÆN. IX.* Sicut autem gravium motus naturalis deorsum cum acceleratione continua conjunctus est, sic ex adverso gravium violentæ projectiones & emotiones in sublime paulatim evadunt tardiores, ac tandem omnino cessant, projectis via contraria, per impetum gravitatis naturalem ad terram redeuntibus. Nec incongrue forsan huc pendulorum phænomena revocabimus, cum e. g. suspensus è catenula aut virga ferrea globus A B (Fig. I.) & ex altitudine 50 aut 60. grad. A D demissus, impetu propriæ gravitatis non solum ad perpendicularum A B redit, sed & ultra hoc in partem oppositam per arcum B E ascendit, non tamen ad E usque (ut ascensus B E esset æqualis descensui D B) sed ad punctum F notabiliter inferius, a quo relapsus iterum pondere proprio ultra perpendicularum versus D, æquali cum priore temporis intervallo, denuo excurrit, punctum G tamen, quod à B cum F æqualiter distat, ne nunc quidem attingens, sed in vicino- re H ascensum finiens &c. ita semper oscillationibus prioribus existentibus vehementioribus & plus spatii decurrentibus æquali temporis intervallo, quam posteriores quælibet. Vid. de his prolixius Collegii nostri Curiosæ Tentam. XIV. p. 127. & seqq.

*PHÆN. X.* Quod si gravia in descensu suo terram jam attigerint, aut qualicunque modo suspensa in sublimi teneantur, quiescere sic & *promovere* nihil visa intra sensibile temporis

E

spa-



spatium, non cessant tamen *movere* viribus omnibus, descensumque tentare; hunc suum conatum (quem *Gravium nisum* appellamus) indiciis certissimis varie demonstrantia, ut enim saxa grandiora terræ, epitaphia sepulchris incumbentia, tractu temporis magis magisque demerguntur; guttæ ex stillicidiis diu pendulæ tandem auctiores decidunt, sic lapis ex funiculo suspensus, aquæ aggeribus coërcitæ, haut raro hæc sua impedimenta remonent, viamque ad inferiora diu frustra tentatam, ruptis tandem vinculis & obicibus, sibi met aperiunt.

*PHÆN. XI.* Quod si molis æqualitas in comparandis duobus gravibus servetur, siquidem ea naturæ quoque & speciei ejusdem fuerint (uti v. g. duo globi palmares ex eodem ligno) æqualium quoque momentorum inveniuntur, & *ejusdem specificæ gravitatis* esse dicuntur, tamen si contingat quoque, etsi rarius, ut corpora diversæ licet naturæ, sub æquali mole æqualia habeant pondera & momenta, ut aqua & cera, temperato præsertim tantisper alterutro. Frequentius autem multo contingit, ut corporum duorum, natura quodammodo saltem diversorum, æquales moles (e. g. duo vel plures cubi vel tessellæ pollicares, ex auro unus, alter ex plumbo, tertius ex marmore &c. vel etiam duorum fluorum diversorum, ut mercurii, aquæ & olei &c. æquales mensuræ) pondere quoque & gravitate differant: quo casu equidem, sive solida cum solidis, aut liquida cum liquidis, sive etiam liquida cum solidis, comparentur, id quod sub æquali mole plus ponderis habet, *specie gravius*, alterum vero, quod sub æquali mole minus ponderis ac momenti habet, *specie levius* appellatur.

*PHÆN. XII.* Quamvis autem (ut in Phæn. IV. cap. I. dictum) ea corpora, quæ in fluidis gravioribus ascendunt, (velut oleum quoque aquæ commixtum ad ejus summitatem evchitur, spiritus vini eidem aquæ, metalla omnia, præter aurum, argento vivo supernatant, imo violenter ad ejus fundum detrusa non aliter ac lignum in aqua, & multo etiam celerius attolluntur) *Levia* dici solent; non est tamen hæc levitas aliud quid, quam minor gra-



gravitas, ac notatu omnino dignum, ejusmodi respective levia corpora, eo ipso etiam, dum actu ascendunt, gravitatis suæ nisum nihilominus integrum deorsum exercere, id quod vel hoc unum experimentum evincit, quo lignum una cum aqua, in qua ascendit, ad bilancem expensum, eandem ponderis utriusque summam exhibet, quam faciunt utraque ejusdem libræ examen seorsim subeuntia. Et hæc sunt magis ordinaria gravium leviumque Phænomena, quibus extraordinaria quædam paucissimis adjungenda veniunt, cum e. g. flammam ex lychno ardente, in alius recens-extincti fumigans ellychnium inferius ad motum descendere, non aquam solum & alia potulenta, sed argentum vivum etiam per fistulas erectas & siphones reflexos, exsucto aëre, ascendere; sanguinem è sectis carnibus, & has una in cucurbitas calefactas attolli &c. ex adverso aquas circa patula clepsydrarum foramina, doliorum superne quidem obturatorum, inferne vero relictorum, aperta epistomia hære, pondera centum librarum & amplius, ex polito marmore pendere videmus, non alio vinculo aut glutine, quam aquæ aut olei aut alius pinguedinis lubrica humiditate detenta &c.

*PHÆN. XIII.* Minus vulgata verò & magis admiranda illa sunt, quod in *Paschaliano experimento*, & major & minor aquæ copia inæqualium superne vasorum A & B (Fig. II.) embolos inferos C ac D & mole & pondere æquales, ab eodemque pondere libratos, sub eadem altitudine æqualiter exprimant, quod in *Steviniano experimento* (vid. Fig. III.) aqua paucissima, vix decimam aut vigesimam sextarii partem conficiens, vasculi, fixo cuidam cylindro ligneo intus fundo suo applicati, reliquis angustis excepta, eidem ponderi oppositæ lancis (cui plenus aliàs sextarius æquiponderat) quod in vase recurvo (Fig. IV.) copiosissimus in crure ampliore liquor à paucissimo in crure angustiore, non solum in æquilibrio detineatur; sed etiam, si tantillum accreverit hujus paucioris altitudo, universum illius pondus absolutum, tametsi vel centuplo majus, attollatur &c. Quæ res equidem adeo superare omnes naturæ corporeæ vires *Henrico Moro*



V. C. videtur, ut spirituali cuidam agenti & hæc, & hætenus enarrata pleraque, accepta ferenda putet.

*PHÆN. XIV.* Hisce verò suppar est illud quoque universæ Mechanicæ fundamentum præcipuum, quod in statera sive vecte (vid. Fig. V.) pusillum ex brachio longiore suspensum pondusculum, alii vel centuplo ex brachio centies brevior pendenti æquiponderat, unaque adeo libra decenter applicata tantundem momenti habet, quantum integer centenarius, ita, ut facta illi quavis accessione levicula, universum hujus pondus emoveri at-tollique soleat.

## II. HYPOTHESES PRIMÆ

Circa

Recens-assertam Ignis elementaris, sive vulgaris flammæ gravitatem.

I.

**N**on solum *Robertus Boyle*, Philosophus Anglorum insignitissimus, iis experimentis, quæ supra in primis V. phænomenis enarravimus, ignis absolutam gravitatem evincere conatus est, sed multi postea viri docti iis ipsis experimentis commoti, calculum ipsi suum adjecerunt: quos inter utique commemorandus est *Paulus Casatus*. Soc. Jesu, in Dissertationibus Physicis de Igne, ubi p. 36. in fine & seq. 37. Edit. Francof. & Lipsiensis idem illud inculcat, quod antequam hoc ejus scriptum vidissem, mihi pridem in mentem venerat; „Ignem nimirum aëre leviorē esse, non sequi tamen inde ipsum absolute levem esse, sed ab aëre, tanquam graviore extrudi; „quemadmodum nempe aër quoque ab aqua extruditur, nec tamen „ideo absolute levis, sed respectively solum talis ab ipso Aristotele ejus- „que sequacibus habetur, uti verba ejus expressa Phæn. III. cap. I. allegata sunt: De cætero terram, aquam & aërem idcirco ad centrum nisu „perpetuo conari, ut moles hæc universa consistat particulis presse co- „hærentibus, nulloque hiatu disjunctis. Ad hanc igitur universi concinnitatem æque spectare censendam esse ignis gravitatem, ut & ibi „nihil hians, intercepta inanitate, deprehendatur, aut si satis esset ignem  
suo



fuo se supremo in loco tutari, quin deorsum conetur, cur & aërem<sup>66</sup> eodem jure non uti, omni adempta gravitate? Quare igni pariter<sup>66</sup> suam tribuendam esse gravitatem, ejusdem locum esse centrum, nisi<sup>66</sup> prohibeatur.,,

II. Objicit sibi Vir laudatissimus, sub persona Mauroceni, locum aliquem Scripturæ Sacræ ex Esdræ Lib. IV. cap. 4. 5. & ad illum respondet. Verum cum alioquin incongruum judicemus de rebus naturalibus ex Scripturis, sive affirmative sive negative argumentari, ac præterea liber allegatus ab Evangelicis in canonem non recipitur, ideo non est, ut nos de illo loco (in quo angelus Uriel Esdram alloquens, *Vade, inquit, pondera mihi pondus ignis*) simus solliciti. Quin potius ea argumenta huc allego, quæ mox p. 61. sub persona Danduli in medium affert, “dum satis notum est, ait, lapides in calcem excoctos<sup>66</sup> multo leviores fieri quam cum in flumine colligebantur, aut ex rupe<sup>66</sup> exscindebantur, cum *saxa*, ut ait Vitruvius Lib. II. cap. V. *excocto liquore circiter tertia parte ponderis imminuta esse inveniuntur*. Si tamen recentem calcem vivam fortiolem (antequam ex aëre hali<sup>66</sup> tus aqueos exugat, quibus illa extinguitur) igni vehementi in catino<sup>66</sup> exposueris, post duas aut tres horas eductam, & bilanci statim imposi<sup>66</sup> tam, deprehendes auctam pondere non condemnando. Nam mas<sup>66</sup> fula pendens drachmas duas inventa est acquisivisse in pondere grana<sup>66</sup> viginti novem spatio horarum duarum, id quod tribuendum videtur<sup>66</sup> additamento igniculorum; quorum pariter accessionem factam in<sup>66</sup> excoquendo latere non levis est conjectura, sulphure scilicet una<sup>66</sup> cum salinis particulis lignorum, pervadente meatus lapidis, seque ter<sup>66</sup> reis illius particulis commiscente. Imo catinos ipsos (quos cupel<sup>66</sup> las dicimus) ex ossium cineribus confectos, si primum expendantur<sup>66</sup> accurata bilance, ubi jam probe incaluerint & omnis prorsus vapor<sup>66</sup> avolaverit, deinde in furno probatorio, ad duas saltem horas, vehe<sup>66</sup> mentia ignis permiseris, candentes extractos & statim libra exami<sup>66</sup> natos, deprehendes auctos pondere, quod non nisi ab igne lucrari<sup>66</sup> potuerunt: Nam si in ipsa libra tamdiu illos subsistere permiseris, quo<sup>66</sup> ad omnia refrixerint, tunc demum aliud pondus accedet ex aquei va<sup>66</sup> poris, quo imbutus est aër, accessione.

III. Luculenter apparet, hætenus enarrata experimenta vel esse ex numero eorum, quæ supra Phæn. quinque primis ex Boylio enarravimus, vel ad eorum analogiam saltem instituta; maxime quod immediate Dandulo succedens collocutor Maurocenus, non levem sibi



injectam fuisse jamdudum suspicionem ait, ignem esse gravem, cum incidisset in *Dissertationes de Terramachinis mota*, quamvis Autor ab illa tunc aliena quaestione maluerit abstinere, mox autem novissime oblatum sibi libellum illustris Boylii de *flamma ponderabilitate*, ita se inclinasse in eam sententiam fatetur, ut in maximam verosimilitudinem pene transierit conjectura. Urget deinde & iterato inculcat, ipsa experimenta. Phæn. II. à nobis exposita, nec adnotata, ibi ponderis augmenta aliunde fuisse concludit quam è subjecta sulphuris flamma, quæ & intumescere sensibiliter lamellas cupreas & argenteas effecerit. Deinde vero, cum Dandulus anglicis his experimentis opposuisset Florentinorum Academicorum aliud experimentum (fol. 256.) quo duæ planè æquales virgulæ chalybeæ delicatissimæ bilanci impositæ fuerant, altera ignita, altera frigida, hæc autem paulo gravior apparebat, sed ubi ad hanc proxime admota fuisset pruna, aut ferrum candens, illicò redibat ad æquilibrium; id quod etiam contingerit sive aureæ sive argenteæ, sive ex quolibet alio metallo fuissent virgulæ. Imo in lancibus vacuis ejusdem delicatissimæ libræ observatum esse, si alteri lanci admoveatur ex parte superiori accensus carbo, illam quasi leviolem attolli, at vero si carbo ei subjiciatur, eandem quasi graviolem factam, descendere. Cum hi, in quam scrupuli à Dandulo injecti fuissent; Maurocenus utrumque sequenti modo eximere conatus fuit.

IV. Ut à postremo, quod quasi *πάρρηγον* adjectum erat quaestioni primariæ, inciperet, respondebat, non esse mirum lancem vacuum, subdito carbone accenso descendisse, & illo supernè admoto sublatam fuisse, si illud, quod apud omnes extra controversiam est, admittamus; videlicet aërem vi caloris rarefcere. Si igitur ab ardente pruna aër infra lancem fit rarus, ac propterea levior, quam aër oppositæ lanci subjectus, utique lanx magis supra illum gravitat, ideoque descendit: contra vero aër intra lancis labra comprehensus ex calore admoti carbonis rarefcit, adeoque moles ex lancis metallo & aëre rarefacto composita, fit specie levior quam fuerat prius, proinde levior quam opposita lanx, ideo à graviolem attollitur. Quod vero spectat ad virgulas illas cæteroquin æquales, dispares tantum ratione caloris & frigoris; dicit, graviolem apparere frigidam, quia aër intra ejusdem poros & lancis labra comprehensus, non est æque rarus, ac aër implens poros virgulæ ignitæ, cujus calore rarefcit etiam aër, qui lancis labris continetur: statim igitur, ac admota pruna rarefcit aër circa & intra frigidam virgulam, fit etiam levior, & moles ex hoc aëre raro & chalybe composita



posita fit secundum speciem levior, ac proinde utraque virgula in æquilibrio consistit. At in experimento Boylæo, lamina cuprea aut argentea, non tantum calefacta est & ignita, sed diuturnitate temporis, hoc est duarum horarum spatio, congesti sunt intra ejus poros igniculi, excluso fortasse omni aëre, qui sua levitate metalli gravitatem imminuere valeat.

V. Cum in sequentibus sub *Gradonici* persona sibi objecisset sulphureæ fuligini, patentes cupri aut argenti meatus pervadenti tribui posse illam ponderis accessionem, ut necessum non sit ignem ideo gravem dicere &c. post plura (quæ referre omnia prolixum foret) illas tandem observationes, in quibus omni fuliginis suspicione submota, nihilominus adhuc augeri pondus innotescebat, urgebat sub *Mauroceni* persona, & solis igniculis gravitatis incrementumtribuendum judicat; quando nimirum laminæ metallicæ duobus crucibulis sibi invicem oppositis & coaptatis conclusæ fuerunt, commissuris omnibus atque rimis luto chymico probe obductis, ne quiquam illabi posset, in diversis experimentis Phæn. IV. in quibus id quoque notatum à Boylio fuerat, stannum e. g. granorum sex pondus inter duo crucibula lucratum fuisse partim redactum in calcem valde candidam, majorem vero partem abiisse in massam eleganti colore luteo, aurum fere æmulante imbutam, quibus utrisque nihil esse commercii potuerit cum atro fuliginis colore, quæ quippe per crucibulorum meatus irreperere non potuerat. Prout etiam cum uncia calcis stanni novo catino immissa esset, & per duas horas sub tegula fornicata in fornace probatoria detenta, postmodum exempta & adhuc fervida bilanci expofita, deprehensa est auxisse pondus drachma una & granis triginta quinque &, ne qua subesse posset fuliginis suspicio, pulvis ille majorem ex igne albedinem contraxerat &c.

VI. Adducit deinde idem *Maurocenus*, duplex experimentum à *Joh. Rudolpho Glauber*, Lib. de auri tinctura pag. 4. allatum, quod ad præsentem scopum non parum facit. "Solve inquit ille, metallum" aliquod sulphureum, ut ferrum aut cuprum, quovis spiritu acido, de-  
nuoque abstrahere spiritum: id quod remanet candefacito, non tamen  
nimis sed quantum sufficit ad omnimodam spirituum expirationem.  
Reliquam hujusmodi materiam observato prius illius pondere) cru-  
cibulo immissam colloca in igne (cave tamen, ne fluat metallum, sed  
saltem obscure candeat trium vel quatuor hebdomadum spatio. Quo  
tempore elapso, iterum exemptum metallum ad libræ lances examina-  
,, & re-



„& reipsa evidens experiere metalli tui incrementum. Alterum est, quod ille vocat evidentius. Colloca cuprum, vel aliud metallum, sulphureum cum 16 vel 18 partibus plumbi, in cupella optime cremata, facta ex cineribus ligni vel ossium, in fornace docimastica (observato prius exactissime pondere cupellæ, cupri & plumbi) & igne non tamen nimio, fac evanescere cum plumbo cuprum. Quo facto exime cupellam, ubi refrikerit: & illam denuo examinatam libra, reperies longe graviolem, ita ut pondus ejus (quamvis multum plumbi in auras abierit in cupellatione) excedat, non modo proprium, sed etiam cupri & plumbi pondus. His addit *Maurocenus* hoc breve epiphonema. *Quid additum est præter ignem?*

VII. *Gradonicus* deinceps, se non abhorre ab hac philosophandi methodo confessus, facileque adduci, ut admittat tenuissimas ignium particulas ita in metallorum poros se insinuare, ut illis implicata & permixta cohæreant; non diffitetur interim, ab illa tam penitus insita, tam vetusta opinione, quæ Lycea oppleverit, de ignis levitate, tam prompte se expedire non posse, quin subinde novi scrupuli subeant animum suum. Veniam igitur exorans noviter ratiocinandi, fingit molem aliquam ex ferro & ligno compositam, eamque in aqua ponderatam, deinceps in ardenti fornace tantisper retinet, dum lignum vi ignis absumatur, aut potius (ne quam forte additi ponderis suspicionem ingerant igniculi) cultro eximi jubet aut omnes, aut plurimæ partes ligni, deinde molis gravitatem iterum in aqua examinari, ubi majorem deprehensam fore, quam prius asserit: non ideo, quod aliquid grave additum illi fuerit, sed quia aliquid leve, videlicet lignum demtum sit, quod sua levitate in aqua detriverit (vel imminuerit specificam) ferri gravitatem, quamvis in aëre facta sit minor gravitas, demto ligno, quod pariter in aëre est grave. Quid si conjectat inde simile aliquid in allatis de ignis ponderabilitate, experimentis forte contingat? Cum primum ex vena metallum sejunctum fuit, & ope ignis solutum in massam frigore cōaluit, intra poros plurimas ignis permixti particulas conclusit, quas si dixerimus aëre leviores, utique metalli gravitatem (in aëre) imminuunt. Jam verò si metallum igni rursus exponatur, in eoque diutius, ad aliquot horas detineatur, vi caloris ita recludi posse intimos meatus, ut levissimæ particulae, ibi jam dudum conclusæ, & raritatem majorem affectantes, tandem avolare valeant, fiatque metalli major secundum speciem gravitas; non quia graves aliquæ ignis particulae additæ fuerint, sed quia metallum particulas aëre leviores amiserit.



VIII. Ingeniose excogitatum !reponit *Maurocenus*. An veritas prorsus congruat, se non satis scire. Si ex caloris vehementia metallicarum laminarum, aut scobis, aut calcis meatus recluduntur, inquit, & ignei spiritus, quos, si cum aëre comparentur, leves dicis, inde avolant, quid in eorum locum succedit? Nonne similes igniculi? & quidem majore copia pro meatuum amplitudine majore, qui proinde, si aëre leviores essent, multo magis metalli gravitatem imminuerent, quam tamen auctam observemus. Fatendum igitur esse, igniculos in materiam metallicam irruentes, dum alii ab aliis urgentur, ita demum intra poros constipari, & cum aliis particulis complicari, ut pro sua mobilitate avolare nequeant, id quod aliquam temporis diuturnitatem exigere, experiendo se didicisse testatur. Et quamvis in iis quæ immediate sequuntur, videatur *Casatus*, (licet adhuc sub persona *Mauroceni*.) sincere eloqui quod res est, & cavendum judicare, ne plus æquo tribuatur ejusmodi experimentis, nec nisi meram conjecturam ex iis conjectandam censere, maxime si sola considerentur: nosse enim se, *quam multa sint, quæ nos fallant probabilitate magna*. ut ait Cicero in Academicis, sed neque ob quamlibet objectam difficultatem, illa (experimenta scilicet) rejicienda esse. Cum enim nullo adhuc experimento didicerimus, ita posse aërem constipari, ut aquæ gravitatem superet, non facile etiam admittendum esse, congestos igniculos fieri aëre graviores posse, si singuli sint secundum speciem leviores ipso aëre. Verbo, si solis hujusmodi experimentis ignis absolutam gravitatem plenè evinci adhuc dubitat, ad eam tamen sine hæsitatione agnoscendam, ideo per experimenta dicta assensum sibi extorqueri, fatetur, quia cum cæteris argumentis consentiant, quibus adducatur ut credat, ignem non solum absolute gravem, sed etiam omnium sublunarem hanc universitatem constituentium elementorum gravissimum esse, atque illi infimum deberi locum in Systemate elementari. Quæ quidem argumenta nunc essemus dictis experimentis superaddituri, nisi ea sphaeræ philosophicæ limites supergrederentur, ac præterea in opinione quadam religiosa sectaria fundarentur, adeoque intra philosophiæ eclecticæ pomæria, admitti prohiberentur, ut inferius in Epicrisi nostra pluribus dicetur.



### III. HYPOTHESES SECUNDÆ.

De

#### Causa Gravitatis efficiente.

I.

**N**atura agit per vias ita secretas & imperceptibiles, dum corpora, quæ vocantur, gravia versus terram deducit, ut quacunque etiam adhibita attentione & industria, sensus nihil possint detegere, inquit *B. Hugenus* in præfatione Tractatus Gallici, Lugduni Batavorum anno 1690. editi *de la Pesanteur*; mox hanc difficultatem, subjiciens, obligasse philosophos præteritorum seculorum, ut causam tam admirabilis effectus non quærerent, nisi in ipsis corporibus gravibus, eamque attribuerent qualitati cuidam internæ & inhærenti, quæ ea faceret tendere deorsum & versus centrum terræ, aut appetitur cuidam partium ad uniendum sese cum toto. Non potest hæc Peripateticorum latinorum opinio plenius exposita legi, quam apud *Jacobum Zabarellam* Lib. I. de motu gravium; ubi cap. II. duas antiquorum sententias exponit, primam *Empedoclis*, qui statuerit elementa, & ex illis mixta corpora, ad sua loca moveri à Cœlo, quod motu suo rapidissimo illa procul à se pellat, sed Zabarellæ judicio absonam rationi, prout Aristoteles probaverit in calce Lib. II. de cœlo, quia sic motus elementorum ad sua loca forent violenti &c. de quibus infra in Epicurisi pluribus agetur: alteram dicentium, elementa suis locis moveri, quoniam locus vim habeat attractricem, à qua trahitur singulum ad proprium locum. Quæ opinio cum duos possit habere sensus, ut locum dicat attrahere & movere vel tanquam finem, vel tanquam efficientem; in priori sensu quidem eam posse admitti, sed motum illum esse improprie & metaphorice dictum, de quo in præsentī non sit sermo: in posteriore vero, eam esse falsam, quando quidem efficienter moveri non possit elementum à loco, quando in ipso est, quia tunc quiescit, non movetur, neque cum extra ipsum est, quia motus debeat fieri per contactum, ita ut movens sit cum moto.

II. CAP. III. proponit sententiam ipsius Aristotelis, quam proponit in context. 32. (sive cap. IV.) Lib. VIII. Phys. & in 24 & 25 Lib. IV. de Cœlo; quam à Zabarella comprobata, nos in seqq. speciatim enarrabimus. Cap. IV. eorum sententiam refert, qui contra claros Aristote-



stotelis textus ante allegatos, ex aliis tamen ejusdem Philosophi textibus exsculpere conantur, elementa à suis formis vel sursum vel deorsum moveri; cujus sententiæ fuisse Scotum, Gregorium Ariminensem, Joh. Gandavensem & Zimaram, aliosque tunc recentiores complures. Sequentibus V. & VI. Cap, refert Averrois dubias & repugnantes, aliquorum judicio, sententias, eum quidem in finem, *ut appareat, rem hanc summa plenam esse difficultate.* CAP. VII. Scoti & aliorum plurium sententiam recenset, qui dicunt, elementum moveri à se ipso, non per accidens, uti dicere videtur Averroes, sed per se, at quia hoc dicentes ostendere debuerunt, quomodo elementum dividatur in partem moventem & partem motam, iudice quidem Zabarella, in eo declarando non consenserunt. Scotus enim opinabatur, non esse in elemento necessariam hanc distinctionem inter partem moventem & motam, cæteris cap. VIII. realem distinctionem moventis & moti omnino deposcentibus, licet subiecto non sejungantur; formam quippe esse movens, materiam id quod movetur &c. Zabarella interim (cap. IX.) pro Scoto magis, quam pro his ejus impugnatoribus stante. Quæ omnia (cap. XI.) eo pertinuisse dicit, ut quanta sit in hac re difficultas, ex iis quæ ab aliis dicuntur, intelligeremus: quam ob rem etiam plura de his aliorum dictis narrare noluimus, utpote non nisi tenebras & obscuritates Lectorum nostrorum oculis ingesturi. Ipse vero Zabarella hoc eodem cap. XI. distinctiones potentia & agentis, satis & ipsas obscuras, præmittens, tandem cap. XII. quinque declarat propositiones, quibus tota rei veritas, ut ait, concluditur; de quibus tamen quid sentiendum videatur, dicere vix possumus, priusquam Aristotelis decreta Lib. VIII. Phys. cap. IV. lustraverimus.

III. Is igitur cit. loco, universale hoc axioma stabiliturus: *ὅτι πᾶν τὸ κινούμενον ὑπὸ τινος, καὶ ὑπὸ ἄλλου κινείται.* h. e. *quod quicquid movetur ab aliquo, & alio quidem moveatur;* cum duo quidem obstare asserto vel maxime videbantur, animalium motus quasi spontaneus quaquaversum, & motus gravium leviumque deorsum vel sursum, de priori quidem asserit sub initium cap. IV. *τὸ μὲν ζῶον ὅλον φύσει αὐτὸ ἐαυτὸ κινεῖ.* h. e. *Animal equidem totum natura, ipsum seipsum movet.* communi scilicet loquendi more; paulo post tamen non esse obscurum ait, an ab aliquo moveantur, sed quomodo oporteat distinguere τὸ κινεῖν, καὶ τὸ κινούμενον, *movens* & *mobile*, id esse quodammodo obscurum. Et innuit quidem geminum



modum quo res hæc distincte concipi possit: alterum hoc ipso loco quo scilicet in navibus remex navem ope remi protrudit, & hoc pacto totum compositum ex navi & nauta seu remige, seipsum movere dicitur, cum tamen reverà distinctus sit remex, tanquam movens à navi, tanquam mobili; sic etiam in animalibus divisum esse id quod movet, & id quod movetur, atque ita totum movere seipsum dici: quatenus, intellige, spiritus animales ex cerebro per nervos in musculos influentes his inflatis & abbreviatis articulos pedesque levant ac promovent, his autem promotis animal totum transfertur &c. quæ alio loco plenius deducuntur. Alterum verò cap. antecedenti II. tex. 20. *Quod prius quiescebat* (animal puta de quo loquitur) *postea ambulat nulla re externa movente* (NB.) *ut videtur. Sed hoc est falsum. Videmus enim semper aliquid innatum in animali moveri* (spiritum e. g. animale, & hoc mediante musculos &c.) *cur autem hoc moveatur, non ipsum animal est causa, sed fortasse id quod ambit;* (lux v. g. sonus, odores &c. in aëre) *horum autem aliqua movere cogitationem vel appetitum hunc autem jam movere totum animal &c.* alibi cum superioribus uberius deducenda. Nunc autem, quod ad locum præsentem maxime spectat, videndum: quomodo gravia & levia, & quo motore, moveantur? In his enim, quando præter naturam, ubi lapis sursum moventur, manifestum est, quod ab alio moveantur, ad propria vero loca cum moventur, nempe leve sursum, grave deorsum, τὸ δ' ὑπὸ τίνος καὶ ἐν ἑτι φανερόν. i. e. *id à quo moveantur, nondum liquet.* τότε γὰρ αὐτὰ ὑπὸ αὐτῶν φάναι, ἀδύνατον. h. e. *Ipsa namque à se ipsis moveri est dictu impossibile, uti pluribus argumentis deinceps confirmat.*

IV. *Primum argumentum* ex eo medio termino deducit, quod à seipsis moveri (eo quo supra dictum est modo) sit ζωτικόν τι καὶ τῶν ἐμψύχων ἴδιον, h. e. *vitale quippiam & animantium proprium;* Siquidem lapis e. g. spiritibus animalibus, & nervis, & musculis, & articulis &c. quæ ad hoc requiruntur, ut sano illo sensu à seipsis moveri animalia dici possint, destituitur. *Secundum argumentum* in his consistit: καὶ ἰσάναί αὐν δύνατο αὐτὰ. λέγω δ' αἶον εἰ τῆ βασιλεῖν αἰτίον αὐτῶν, καὶ τῆ μὴ βασιλεῖν, ὥς, ἕως ἐπ' αὐτῶ τὸ ἀνω φέρεσθαι τῶ πῦρ δῆλον ὅτ' ἐπ' αὐτῶ καὶ τὸ κάτω. h. e. *Et sistere seipsa possent* (si seipsa movere) v. g. *si quid sit sibi causa ambulandi, erit etiam non ambulandi.* Quare cum in ipso igne positum sit, ut sursum



sum feratur, manifestum est in ipso etiam positum esse, ut feratur deorsum, id quod tamen absurdum est & falsum. *Tertium argumentum huc redit*: Ἀλογον δὲ καὶ τὸ μίαν κίνησιν κινεῖσθαι μόνην ὑφ' αὐτῶν, εἴγε αὐτὰ ἑαυτὰ κινῶσιν. h. e. *Absurdum quoque est, uno tantum motu a seipsis cieri* (e. g. lapidem semper recta deorsum naturaliter intellige, & ignem recta sursum) *si ipsa seipsa movent*; prout sane in animalibus res obvia est, ea nempe pro lubitu quasi, huc, illuc, istuc moveri. *Quartum argumentum* his verbis conceptum est: Ἐτι, πῶς ἐνδέχεται συν ἔχες τι καὶ συμφοῦς αὐτὸ ἑαυτὸ κινεῖν. h. e. *præterea, qui fieri potest, ut continuum quid & copulatum* (sive concretum potius) *seipsum moveat*? ἢ γὰρ ἐν καὶ συνεχές, μὴ ἀφῆ, ταύτη ἀπαθές. ἀλλ' ἢ κεχώρισται, ταύτη τὸ μὲν πέφυκε ποιεῖν. τὸ δὲ πάχειν. ἔτο ἄρα τέτων ἔδ' ἐν. αὐτὸ ἑαυτὸ κινεῖ συμφοῦ γὰρ. ἔτ' ἄλλο συνεχές ἔδ' ἐν. ἀλλ' ἀνάγκη διηγεῖσθαι τὸ κινεῖν ἐν ἐκάστῳ πρὸς τὸ κινεῖμενον. οἷον ἐπὶ τῶν ἀψύχων ὁρῶμεν. ὅταν κινή τι τῶν ἐμψύχων αὐτά. ἀλλὰ συμβαίνει καὶ ταῦτα ὑπὸ τινος αἰεὶ κινεῖσθαι. h. e. *Quatenus enim unum est & continuum* (velut e. g. baculus) *non contactu* (solum, uti globus globo contiguus est) *eatenus est impatibile*, (h. e. pars una continui non potest alteram movere, sed totum ab alio moveri necessum est, si motum esse debeat) *sed quatenus separata sunt, eatenus natura est comparatum ut alterum efficiat* (& moveat,) *alterum patiatur* (& moveatur.) *Neque igitur horum aliquid seipsum movet, quoniam* (concrecendo, ut circulus insitus caudici) *copulata sunt neque aliud* (proprie dictum) *continuum, sed necessum est, in unaquaque re divisum esse id quod movet, ab eo quod movetur; ut in rebus inanimatis cernimus, cum aliquid animatum* (licet vinculo copulatum, non tamen in unam massam quasi coalitum) *eam movet. Sed contingit etiam hæc* (animata nempe) *ab aliquo, (a se diverso) semper moveri, quod perspicuum fiet dividantibus* (rite causas, eo modo, scilicet quem clare exposuit in verbis antecedente num. allegatis).

V. Ipso igitur Sole clarius ex dictis elucet, Aristotelis iudicio, hoc saltem loco, gravibus & levibus causam suorum motuum assignari ipsis extraneam & ab ipsis mobilibus separatam ac diversam; idque denuo claris verbis inculcat Lib. IV. de coelo cap. 3. text. 24. & 25. (tametsi in antecedentibus videri poterat, (p. 20. v. g. lin. 22) plane oppositum docuisse, respiciens nempe manifeste ad locum priorem Lib. VIII. Phys. c. IV. In his ultimis cap. 3. modo allegati verbis: καὶ ἀπερ εἰρη-



ται ἐν τοῖς πρώτοις λόγοις, ἐν οἷς διωρίζομεν, ὅτι ἔδεν τῶν ἑαυτὸ  
 κινεῖ. h. e. *quemadmodum dictum est in prioribus sermonibus, ubi  
 definimus, (NB) quod nihil horum seipsum moveat.* Tametsi vero  
 in iisdem illis πρώτοις λόγοις aperte satis dixerat hoc queri, διὰ τί  
 ποτε κινεῖται εἰς τὸν αὐτὸν τόπον τὰ κῆρα καὶ τὰ βαρέα. i. e. Hoc  
 (præcipue) *queri, cur ad sua ipsorum loca moveantur gravia &  
 levia?* ubi tamen apertè & clavis verbis dicendum erat, quænam sint  
 illæ causæ, à quibus levia sursum & gravia deorsum moveantur, vide-  
 tur, id præstare non valens in omnes partes se vertere, ac sub initium  
 text. 32. causam difficultatis allegare, æquivocationem vocis *potestate  
 tale vel tale esse*; cum enim ad nauseam quasi repetivisset in immédia-  
 te antecedentibus, ignem ac terram moveri ab aliquo, violenter qui-  
 dem, cum præter naturam, naturaliter autem, quando εἰς γὰρ ἑαυτῶν  
 ἐνεργείας, (in suos ipsorum actus:) moventur, cum sint *potestate δυνά-  
 μει ὄντα*) statim ita pergit: ἐπεὶ δὲ τὸ δυνάμει πλεοναχῶς λέγεται, τῷ  
 αἰτίον τῷ μὴ φανερόν εἶναι, ὑπὸ τίνος τὰ τοιαῦτα κινεῖται, οἷον  
 τὸ πῦρ ἄνω καὶ ἡ γῆ κάτω. i. e. *Quoniam autem esse potestate  
 dicitur multis modis, hæc est causa, cur non appareat, a quo talia  
 moveantur, ut ignis sursum & terra deorsum.* Duobus autem præ-  
 cipue modis potestate quiddam grave est vel leve, Cum enim est  
 aqua potestate quodammodo est leve, & cum ex aqua factus est aër,  
 adhuc est potestate levis, si contingat eum impediri, quo minus sursum  
 actu feratur. Igitur duas videtur Aristoteles tandem causas agnovisse,  
 cur gravia deorsum, levia autem sursum, ad sua quodque loca scilicet  
 ferantur? *Primam* nempe id quod genuit aut fecit, leve ex gravi &  
 grave ex levi; tunc enim (quod paulo ante dixerat) ea est rei levis &  
 gravis essentia, ut illa loco supero, hæc loco infero definiatur: *alte-  
 ram* autem, id quod amovit τὸ ὑπὲρ μέγρον καὶ κωλύον, ut qui fulcrum  
 subtraxit, aut lapidem ademit utri sub aquis impositum: quanquam de  
 hac altera causa statim subjecit, eam aliquo modo tantum movere, ali-  
 quo vero modo non movere, aut expressius per accidens movere,  
 prout videlicet pila percussa non à pariete mota est, sed ab eo, qui  
 eam in parietem projecit. Quæ dum ita satis tautologicè repetit, &  
 iterum iterumque inculcat nihil horum seipsum movere, sed ἀρχὴν τῆς  
 κινήσεως quidem habere, verum, ἔτῃ κινεῖν i. e. *active movendi*, ἔδῃ  
 τῇ ποιεῖν, *nec faciendi*, ἀλλὰ τῇ πάσχειν, *sed patiendi*, tantum, atque  
 adeo



adeo hoc ipso tacite fatetur, se vere active moventem causam gravium leviumque corporum, nondum detexisse aut detegere potuisse, cum in extremis verbis capitis hujus concludit: τὰ κῆφα καὶ τὰ βαρέα, ἢ ὑπὸ τῶ γενήσαντος καὶ ποιήσαντος κῆφον ἢ βαρὺ ἢ ὑπὸ τῶ τὰ ἐμποδίζοντα καὶ κολύοντα λύσαντος κινεῖσθαι, h. e. *Gravia & levia aut ab eo qui genuit & fecit leve seu grave, aut ab eo quod impediencia & prohibentia amovit, moveri*; quandoquidem de hoc ipse confessus est, id per accidens tantum movere, de illo vero quod generat leve ex gravi è supra dictis pariter constat, isti non communicasse aliam τῆς κινήσεως ἀρχὴν quam passivam & recipiendi alicujus activi impulsus aptitudinem.

VI. Nunc quinque propositiones Zabarellæ quibus totam rei præsentis veritatem cap. XII. declarare conatus est, paucis videbimus. *Prima* hæc est: „Si loquamur de primi elementi potentia quæ est ad motum, & essentialis appellari solet, ab hac elementum ad actum ducitur à solo generante, nam est essentialis gravi non ascendere, nec potest hunc modum recipere, nisi à generante, quod mutet ipsum in leve, sic enim, dans ipsi levitatem dat etiam consequentem ascendendi facultatem. *Secunda* illa: Si loquamur de secunda potentia ad motum, quæ accidentalis vocatur, ut potentia ascendendi in elemento levi, quando impeditum non ascendit, ab hac ad actum ducitur à removente impedimentum.,, Has duas propositiones neminem negare dicit: fatetur tamen, quemadmodum in motu projectorum Aristoteles non putat causam motus continuati esse manum projicientem, sed vult esse necessarium aliquod movens, quod comitetur illum motum & illi coexistat, ideoque causam refert in partes aëris, per quas projectum fertur: similiter in motu naturali non sufficere generans, cum non coexistat motui nec satis esse dicere, elementum motu naturali moveri à generante &c. *Tertia* igitur propositio est: „Si consideremus tertiam potentiam in gravi & levi, existente extra suum locum, nec impedito, quæ est potentia ad locum, quem non obtinet, de hac ad actum ducitur, & ad suum locum movetur per se à sua forma, tanquam ab agente per solam emanationem.,, Nempe, uti primum motorem projectorum nemo ignorat, sed motor proximus & inceptum à projiciente motum continuans, ignorabatur, quem supponit esse partes aëris à tergo projecti recurrentis, ita in motu naturali Aristotelem non potuisse negare, necessum esse movens proximum & coexistens, quod non possit esse aliud quam propriam formam; generans enim esse causam primam & remotam, cujus actio jam olim defuerit ante longum tem-



tempus & fortassis ante mille annos &c. uti consideranti manifestum sit. Quod si quis desideret explicari sibi motum agendi per emanationem, formarum scilicet in gravibus pariter & levibus, nihil equidem reperio, quod ad satiandum hoc desiderium à Zabarella afferatur, præter hanc criticam adnotationem; Videri Aristotelem ipsum hoc efficientium discrimen pulcherrime significasse in illo contextu 32. VIII. Phys. cum efficienti transmutanti accommodet verbum ποιῆν, i. e. *facere*, de hoc loquens dicat, grave & leve non habere in se principium effectivum motus, sed solum passivum: efficienti autem per emanationem accommodet verbum ἐνεργεῖν, quod ibi latine legatur, *agere* seu *operari*. *Quarta* conclusio hæc est: In motu naturali gravium & levium requiri necessario, ut non penitus sit re distinctum movens à moto, nam agens quidem transmutans rem de potestate ad actum, esse necessario distinctum re à patiente, quia nihil ita in seipsum agat, sed agens per emanationem non posse esse redistinctum à patiente &c. *Quinta* conclusio hoc intendit: Si motum elementi redigere velimus ad motorem per veram efficientiam & per transmutationem, elementum movetur à seipso ut ab agente transmutante, non tamen per se, sed per accidens. Nam grave descendens movet aërem, qui ei cedit, quare motum aëris consequitur ut grave deorsum feratur, non enim moveretur grave, nisi substans aër, vel aliud ejusmodi corpus illi cederet &c. notatque tandem Zabarella, modum hunc movendi se per accidens, reduci ad remotionem impedimenti; quando enim grave descendit, removet aërem impediens, & ita movet se per accidens &c. quæ ex prolixo capite in hunc unicum paragraphum contrahere lubuit, ut quid scholæ hoc in negotio præstare voluerint, vel unius Zabarellæ, scholasticorum facile ingeniosissimo exemplo disceretur.

VII. Proxime superiori seculo, cum cæpissent Philosophi rerum naturalium causas è principiis valde simplicibus materiæ scilicet particulis seu minutiis earumque diversis figuris, diverso positu, motu &c. imaginabiliter explicare, inter cæteros *Renatus des Cartes* primus, quod sciam, conatus est in physica sua gravitatem declarare per motum certæ cujusdam materiæ quam circa terram gyrare, supposuit, *Et c'est beaucoup d'avoir eu le premier celle pensée, i. e. multumque est, quod ipsi primo tale quid in mentem venerit*, inquit Hugénus in suo tract. num. 1. allegato sub ipsum principium, neque dissimulat in præfat. quod ipsius conatus, etsi frustranei, sibi viam aperuerint ad inveniendæ ea, quæ rectiora & meliora se reperisse confidit in hoc rerum gene-



genere, scilicet in Part. III. Princip. philosoph. num. LV. & seqq. legem naturæ esse dicit, ut corpora omnia, quæ in orbem aguntur, quantum in se est à centrīs sui motus recedant, & in hoc conatu recedendi lucem consistere, & ab ipsius cognitione multa alia dependere dicit, gravitatem partium terræ inter cætera intelligens procul dubio, de qua agere incipit part. IV. num. XX. Idem fundamentum ponit in suo tractatu *Hugenius* provocans ad idem experimentum de funda, quod habet *Cartesius* cit. l. tametsi non eodem modo gravitatis effectum ex eodem communi principio deducant. Hinc experientiam, quam Dominus des Cartes proposuerit in una suarum epistolarum typis excusarum (scilicet in epist. XXXII. partis II. p. 127.) multum differre dicit, à suo experimento, (quod ipse paulo ante proposuerat pag. 132. & nos deinceps distincte proponemus) quando is impleri iussit vas aliquod rotundum minutioribus globulis plumbeis & his intermisceri frustra quædam ligni aut cujuscunque alterius materiæ plumbo levioris, & hoc vase circa centrum suum celeriter converso, repertum iri dicit, ab isto plumbo versus centrum vasis propelli particulas ligneas, aut lapides, quanquam multo grandiores plumbeis, per quas materiam subtilem repræsentet. Hoc ait *Hugenius*, se facile credere, maxime si leviter percutiatur vasis ambitus, ad facilitandam separationem geminæ illius materiæ. Verum id quod hic contingit, nullo modo idoneum esse addit ad repræsentandum effectum gravitatis, siquidem alias exinde concludendum foret, ea corpora, quæ minus materiæ continent, plus ponderis habere, id quod contrarium sit observatis in vera gravitate.

VIII. At enimvero, cum genuina Cartesii de gravitatis causa hypothesis, ex ejus principiis philosoph. potius, quam ex literis ad amicos, in quibus talia concisius ac sæpe negligentius tractari solent, addiscenda sit, age eruemus eam ex ejus doctrinæ genuina sede, quæ est partis IV. princip. philosophiæ, num. XX, XXI, XXII &c. 1.) Igitur notat, si omnia spatia circa terram, quæ ab ipsius terræ materia non occupantur, vacua essent, & interim hæc terra circa suum axem rotaretur motusque sibi proprio volveretur, fore, ut illæ omnes ejus partes, quæ sibi mutuo non essent valde firmiter alligatæ, hinc inde versus cœlum dissilirent &c. 2.) Cum vero tale vacuum nullum sit, nec terra motu proprio, sed à materia cœlesti eam ambiente, omnesque ejus poros pervadente, deferatur; hæc autem materia cœlestis, quatenus ejus partes plus habent agitationis, quam in rotundam terram impendant,



semper terræ occurfu à motibus suis secundum lineam rectam persequendis impediatur, fieri inde ut particulæ illæ cœlestes semper à terra, quantum possunt recedant, & in hoc earum *levitatem* consistere. Hanc vero vim, quam habeant singulæ partes materiæ cœlestis ad recedendum à terra, 3.) suum effectum fortiri non posse, nisi dum illæ ascendunt, aliquas partes terrestres, in quorum locum succedunt, infra se deprimant & propellant. Atque ita 4.) gravitatem cujusque corporis terrestris non proprie effici ab omni materia cœlesti illud circumfluente, sed præcise tantum ab ea ipsius parte, quæ, si corpus istud descendat, in ejus locum immediate ascendit, ac proinde ipsi magnitudine æqualis est. Notandum denique 5.) quamvis particulæ materiæ cœlestis eodem tempore multis diversis motibus cieantur, omnes tamen earum actiones ita simul conspirare, ac tanquam in æquipondio consistere, unasque aliis opponi, ut ex hoc solo, quod terræ moles objectu suo earum motibus adversetur, quaquaversus æqualiter propendeant ad se ab ejus vicinia, & tanquam ab ejus centro removendas. Tandemque 6.) advertendum, per materiam cœlestem hic non intelligi solos globulos secundi elementi, sed etiam materiam primi iis admistam, imo terrestres quoque aliquas, quæ illarum cursum sequuntur, cæteris celerius moventur, quales sint eæ omnes, quæ aërem componunt.

IX. Hæc axiomata, quæ vocat ipse, Cartesiana, fideliter etiam enarrat *Henricus Morus*, Anglus in Enchirid. suo Metaphysico cap. XI. eaque quam vera sint, postmodum examinat prolixius, è quibus potissima saltem hic enarrarem, nisi certus essem, omnia quæ congeffit ibi dubia non oblata sibi, sed eo proposito consilioque quæsitâ fuisse, ut materiales & corporeas gravitatis causas sufficientes reperiri posse negans, immateriale suum hylarchicum principium nolentibus quasi extorqueat: cujus tamen nullitatem & absurditatem in Collegio curioso sive experimentalis passim & prolixè demonstravimus. His igitur hac vice missis, ea potius in compendio hic enarrabimus, quæ *Jacobus Robault* in Tractat. Physici Part. II. cap. XXVIII. p. m. 482. ex communi sibi cum Cartesio principio circa gravitatem & levitatem paulo distinctius philosophatus est. Hanc nimirum ipse quoque ex naturæ legibus unam esse supponit, ut partes totius, quod in gyrum movetur circa centrum, secessum ab eo moliantur; atque eam dispositionem majorem esse debere in iis, quæ plurima movendi vi donatæ sint, quam quibus minor inest: atque ita massa ex terra, aëre & aqua &c. conflata in gyrum acta, eas partes, quæ majore vi se movendi, quam



quam alia pollent, majore quoque conatu secessum à centro moliri, ut omnes quidem quodammodo *leves* dici possint, ex tamen, quibus minus virium ad ejusmodi secessum inest, à robustioribus depressæ & repulsæ, graves videantur. Hoc egregiè confirmato per experimentum, quod Domino Hugenio debemus, num. seq. ex ipso Hugenio à nobis enarrandum, inde luculenter apparere, infert, gravitatem revera nihil aliud esse, quam minorem levitatem: Et quamvis inde sequatur, corpora quæ deorsum feruntur, nullam insitam habere ad descensum vergentiam; apertum tamen esse, quod motus ille naturalis dici debeat, quandoquidem à naturæ lege quadam dependeat. Materiam autem illam, quæ cæteris, terreis, aqueis & aëreis, partibus validius à centro recedere conetur, esse fluidiorem illam cœlestem, à qua sphaera elementaris viginti quatuor horarum spatio in vertiginem agatur, motu quidem majore, quam ad illam vertiginem terræ requiratur, ut sic, quod superest illius impetus, id impendatur in illum conatum recedendi à centro, cum quo depressio partium elementarium, ad motum scilicet ineptiorum, conjunctus sit. Ita enim intelligo verba versionis latinæ, hoc loco inprimis obscuræ; quando ipsum textum authenticum, editionis præsertim posterioris, inspicere hætenus mihi non licuit. Quibus omnibus illustrandis tandem figuram adjicit nobis, numero VI. in qua si massam elementarem totam divisam concipiamus in innumeras pyramides, A E B similes, & in hac una concipiatur positum corpus terrestre L, nec ullum simile in pyramidibus vicinis; in illa minus futurum virium, quam in cæteris, recedendi à centro: Unde inferre liceat, materiam quarundam illarum pyramidum recessuram à centro, & coacturam corpus L, ut ad illud accedat; eodem pacto, quo ii, qui existimant corpora omnia gravia esse, ajunt suberem ab aqua sursum impelli.

X. Jam cum Dominus Hugenius in præfatione sua vereatur, nihil novi in suo tractatu allatum iis visum iri, qui legerint tractatum Physicum Domini *Robault*, ideo quod sua Theoria inibi fere tota enarratur, quia laudatus Philosophus viderit suum experimentum, & ejus applicationem (velut ipse ingenue fateatur) cognoverit, visus etiam hanc verosimilem opinionem suam secuturus, monet tamen, eum suis cogitationibus, quodammodo admiscuisse illas Cartesii & suas proprias, quodque plura omittat ad hanc materiam pertinentia, quorum aliqua etiam nosse haut potuerit, ideo sibi gratum accidere & consultum visum, ut lectores sui videant, quomodo ipsemet hanc materiam



tractaverit. Quamobrem nunc ipsum Hugonii experimentum ex ejus tractatu gallico, quanta fieri poterit fidelitate, referemus. *Potest inquit, videri hic effectus per experientiam aliquam, destinato consilio à me factam quæ notari utique meretur, quia gravitatis imaginem quandam ad oculum exhibet.* Assumsi vas cylindricum 8. vel 10. circiter digitorum in diametro, cujus fundus candidulus erat & planus. Ejus altitudo dimidium erat aut pars tertia sue latitudinis. Postquam id implevissem aqua, injeci ceram hispanicam contritam, quæ cum sit tantillo ponderosior aqua fundum petebat. Postmodum id cooperui vitro, aquæ immediate applicato & cemento undique probe munito, ne quid aquæ effundi posset. Ita paratum imposui tabula rotunda mediæ super cardinem quendam convertibili, eaque in vertiginem acta, vidi statim minutias cera hispanica in vasis fundo herentes, vasisque motum magis quam aqua, sequentes, undiquaque ad margines excurrere, quod plus virium haberent recedendi à centro, quam aqua. Verum cum paucisper continuassem hanc vasis cum tabula vertiginem, per quam aqua magis magisque motum circularem acquirebat, subito stiti tabulam, eoque momento cera hispanica minutia omnes ad centrum in cumulum quendam confugiebant, qui mihi representabat effectum gravitatis. Hujus autem ratio erat, quod aqua vase jam quiescente, nihilominus continuabat motum suum circularem, & consequenter conatum suum recedendi à centro; dum e contra cera hispanica suum vel omnino aut maximam partem, perdiderat, propter contactum fundi vasis quod subito quieverat. Notavi quoque quod pulvis ille ad centrum se spiratim receperit quod aqua eam aliquantisper secum traxisset. Verum, si quis in illo vase corpus aliquod sic adjungat ut prorsus non possit sequi motum aquæ, sed solum excurrere versus centrum, id eò postea pelletur recta prorsus via: ut si L sit globulus aliquis parvulus, qui possit libere provolvi supra vasis fundum inter filamenta A A, B B tertiumque paulo elevatius K K, horizontaliter tensa per vasis medium, conspicietur eo momento, quo sistitur vas, globulus excurrere ad centrum. Estque notandum, quod in hac ultima experientia, corpus L possit parari ejusdem ponderis cum aqua, ut res adhuc melius procedat, & sine omni gravitatis differentia in corporibus vase contentis, solus motus effectum producat.

XI. Nunc igitur, cum inventus sit effectus aliquis in natura, similis effe-



effectui gravitatis, & cujus causa sit nota, restat ut videamus cum Hugenio, si possit supponi simile quippiam respectu terræ contingere, h. e. motum aliquem dari materiæ cujusdam, qui cogat corpora tendere ad centrum, quique simul accommodus sit ad omnia alia gravitatis phænomena explicanda. Quod si supponamus terræ motum diurnum, quodque aër & æther, ipsam ambientes, eundem cum ipsa habeant motum; nihil dum habebimus, quod debeat producere gravitatis effectum; postquam, secundum experientiam paulo ante relatam, corpora terrestria non deberent sequi illum motum circularem materiæ cœlestis, sed illius intuitu quasi in quiete esse, si oporteret illa per hanc versus centrum propelli. Quod si quis velit materiam cœlestem in eandem partem cum terra rotare, sed cum celeritate multo majore; sequeretur inde, motum adeo rapidum, materiæ continue motæ & in eandem partem, debere sentiri, & una secum auferre corpora in superficie terræ occurrentia; eodem modo, quo aqua ceram hispanicam secum aufert in nostro experimento: id quod tamen nullo modo contingit. Præterea vero, motus ille circularis circa axem terræ, non posset in quovis casu corpora, quæ non sequerentur eundem motum, alio propellere quam ad eundem axem; ita ut non essemus visuri corpora gravia cadere perpendiculariter ad horizontem, sed perpendiculariter ad axem mundi; quod itidem adversatur experientiæ, & ab *Henrico Moro* hypothesei Hobbesianæ, à *Perraltio* autem communi Cartesianorum, objectum fuit, novo adeo hypotheseos additamento (quod postea videbimus) emendandum. Ad explicandam igitur gravitatem, secundum suum conceptum, supponit *Hugenius*, quod in spatio sphærico, terram & corpora circa illam ad magnum intervallum, reperiatur materia quædam fluida consistens in particulis valde minutis, & quæ diversimode agitetur quaquaversum, cum magna rapiditate quæ materia cum egredi non possit ex eo spatio, quod ab aliis corporibus cinctum & conclusum supponitur; dico, ejus motum debere tandem devenire quodammodo vel ex parte circularem circa centrum; non ita tamen ut rotetur tota in unam eandemque partem, sed ita, ut illi motus differentes fiant in superficiebus sphæricis circa centrum dicti spatii quod hoc modo evadit etiam centrum terræ; Ratio hujus motus circularis est, ex mente Hugonii, quod materia contenta in aliquo spatio, facilius movetur hoc modo, quam per motus rectilineos sibi invicem contrarios, qui eo ipso quo reflectuntur, (ideo, quia



quia materia non potest egredi spatium quo concluditur) eo reducuntur ut mutantur in circulares.

XII. Cum in medium attulisset compluria talis motus in omnes partes sese vertentis specimina, e. g. in proba argenti per cupellam, quam vocant, ope globuli plumbei cum argento misti, cujus partes per calorem valde agitatae circa ipsius centrum nunc in hanc, nunc in aliam partem gyrauntur, adeo celeriter, ut oculus adeo variantes gyrationes vix assequatur; quod idem circa globulos sebaceos candelarum ex apice emunctorii suspensos flammæque admotos, observari testatur; in aqua bulliente intra phiolam aliquam, quantam motuum varietatem in plagas etiam contrarias subeat propter maximam mobilitatem & partium exilitatem, quæ utraque tamen in materia coelesti incomprehensibiliter major imaginanda est, quam in aqua; ita ut ista facillime recipiat differentes impressiones ex diversis obviationibus suarum partium, & variantissimis impulsione aliorum corporum: Ita ut sæpe contingat motus circulares materiae fluidæ circa terram interrumpi & in alios mutari, ut tamen eorum semper plures supersint, quam istorum, qui vias à prioribus diversas sectari occæperunt: id quod sufficiat ad præsentem scopum. His ita suppositis, concludit tandem *Dn. Hugenius*, non est difficile explicare, quomodo per hunc motum gravitas sit producta. Etenim, si intra materiam fluidam, quæ gyrat in spacio à nobis supposito, occurrant partes grandiores iis, quæ materiam illam componunt, aut corpora ex pluribus parvis particulis concreta, non sequantur motum illum rapidum materiae sæpius dictæ, illa necessario pellentur versus centrum motus, ibique formabunt globum terrestrem, siquidem illa in sufficienti copia affuerint, supposito nempe terram nondum extitisse, sed inferi adhuc esse. Estque eadem hujus ratio, quæ in experimento superiore ceræ hispanicæ pulverem coacervavit ad centrum vasis. In hoc igitur consistit vero similiter corporum gravitas, quam dicere adeo possumus, esse conatum materiae fluidæ circulariter gyraantis circa terræ centrum in quascunque plagas (*en tous sens*) conatum, inquam, recedendi ab illo centro & pellendi in suum locum ea corpora, quæ motus illius rapiditatem non assequuntur &c.

XIII. M. Perrault, de l'Academie Royale des Sciences, Docteur en Medecine de la Faculté de Paris, edidit anno 1680. tractatum Gallico sive vernaculo sibi idiomate conscriptum, & *Essais de Physique* h. e. *Tentamina Physica* inscriptum, quod in rebus naturali-



ralibus, tanquam divinæ manus opificiis; non nisi conjecturis & hypothesibus aliquousque saltem progredi nobis liceat (prout fusius in Præfatione ac erudite differit) in cuius Tom. I. de *Gravitate, Elatere ac Duritie* speciatim agens, circa primam, illam præcipue difficultatem, quæ hypothesin Gravitatis, ex gyro quodam æthereo terræ globum circa suum axem volvente, deducendæ cumprimis urget, evitare conatur, quam Henricum Morum Hobbiana hypothesis obijcere supra diximus, & Hugenius quoque in proxime antecedentibus declinare annis fuit. Cum vero Autor ipse, utpote rarior in his oris, ad manus nunc non sit, sed pauca quædam excerpta solum, quæ olim in privatum usum adnotavimus; ideo quandam illorum excerptorum epitomen hic exhibebimus, in sequentibus consistentem: (1.) Quod pars æëris ætherea omnibus aliis corporibus quoque admixta sit, non horum solum poros & interstitia sed etiam ipsius æëris subtilis interjecta globulis ejus spatiola replens; quam quidem esse causam gravitatis in æëre subtili credit, hunc autem deinde causam ejusdem gravitatis in æëre crassiore, cæterisque corporibus ipso adhuc crassioribus. (2.) Quod corpus hoc æthereum circulariter moveatur ac celerrime circa mundi axem, ab occasu in ortum, & quidem naturaliter. (3.) Quod omnia alia corpora habeant repugnantiam aliquam erga illam ætheris rapiditatem, atque adeo illius impulsui resistent; prout navis non æque celeriter moveatur, ac ventus qui eam propellit. (4.) Circumlationem illam ætheris in diversi planis esse diversam, & in diversis circulis eorundem planorum, utrobique infinitis: prout sc. aqua, quæ intra canallem vel alveum, celerius fluit in medio quam ad latera, & in summo quam in fundo; quia sc. in fundo & ad latera impeditur, inde vero recedendo, paulatim minus. Esse vero supponenda singula plana ætheris Aequatori parallela, & cujuslibet plani peculiarem vorticem proportionaliter eo ferri rapidius quo magis ab æquatote distat; sicut etiam circuli cujusque plani tanto rapidius, quo magis à centro distiterint: ob rationem scilicet similem impimenti hic majoris, ibi minoris. (5.) Quamlibet etiam particulam minimam corporum, e. g. æëris subtilis globulum, satis latam esse, ut à pluribus circulis vorticis ætheris & ejusdem plani simul tangi pelli que possit.

XIV. Cum itaque secundum hæc supposita in Fig. VIII. Q. R. citius absolvat suum circuitum quam I K quia hic magis impeditur à terra quam ibi, & G H citius quam O P &c. in infinitum; in  
Fig.



Fig. seq. IX. planum circuli æquatoriei C similiter absolvat citius periodum suam quam D, & hoc quam E &c. in infinitum; ideo tota Perraltiana hypothesis, post multa per pagg. plures ad illorum superiorum quinque suppositorum illustrationem facientia, in quibus p. 87. illud cartesianum suppositum, de recedendi conatu circulariter motorum à centro motus, non debuisse ut regulam universalem adhiberi, monet, cum is nitatur solum experientia particulari circa corpora gravia) huc tandem redit p. 110. & seqq. in epitomen redactis: corpus B in Fig. IX in vortice plani æquatoriei à circulo celeriore C ad tardiores D, ab hoc ad E &c. gradatim lentiores, protrudi, & sic in aliis vorticibus versus centra ejusque plani; deinde vero simul ab uno vortice & plano ad alterum, nempe à vicinioribus polo, tanquam celerioribus, versus planum æquatoris, tanquam tardissimum: ut hoc modo necessario versus centrum Aequatoris feratur, motu ex duobus, imo ex tribus, composito & in unum rectum quoad sensum degenerante; nimirum præter duos ante memoratos quadantenus specificatos, etiam generalis ætheris circulatio; quam tamen, quia nos non à terra solum rotata, sed ab ipso æthere nos una rotante deferimur, non sentiamus, & sic pro nullo habeamus.

XV. Sic igitur Perraltius ab ætheris (neque gravis neque levis) circulatione rapidissima in aëre subtili primum, dein, hoc mediante, in aëre crassiore ac cæteris adhuc crassioribus, deducit, Democriti vero quondam aut verius Epicurus & ipsum sequentes atomis generaliter omnibus pondus & gravitatem absque ratione attribuebant, ex eo vero deinceps omnium corporum elementarium derivabant gravitatem. Cum enim Democritus visus sit tribuere atomis non nisi duas proprietates, *μεγέθος τε καὶ σῆμα*, *Magnitudinem & Figuram*, uti Plutarchus habet I. de Plac. Phil. cap. 3. Epicurus tamen præter illas duas adjecit tertiam, τὸ βάρος, puta, seu *Gravitatem* aut *Pondus*, teste iterum Plutarcho, & rationem addente, ut motus atomis necessario tribuendi causa quædam τῇ τῶ βαρέος πλυνῇ, *gravitatis impulsione*, assignaretur. Motum igitur hunc atomorum, eumque ab omni æternitate, supposuit Epicurus, eumque duplicem, *naturalem*, puta, quo atomus suo deorsum pondere fertur, & *reflexum* quo atomus una in aliam atomum incurrens reflectitur; utrumque deinceps porro in alias duas species distin-



distinguens: & naturalem quidem (de quo solo adhuc dicemus) in eum qui κατὰ σάτυον, *ad perpendiculum*, sive, ut Cicero interpretatur, *ad lineam*; & alterum κατὰ παρέγκλισην, *ad declinationem* sive *declinationis*. Qui posterior ita necessarius est visus, quoniam alioqui nullus atomorum concursus futurus fuisset, nulla-que proinde illius unquam rei generatio, id quod Aristotelici ipsi objecturi forent, & nominatim Themistius Comment. in 4. Phys. t. 74. actu ipso objectavit, tametsi nosse poterat, parasse sibi Epicurum ex motu declinationis responsionem; prout Cicero quidem non nescivit, in illam Lib. I. de Fin. acriter & copiose invectus, utpote *pueriliter* primum *totam confictam*, *nec tamen id cuius causa hæc finxerat, affectam &c.* “Merito igitur laudatissimus Hugenius in Præ-“ fatione sua, posteaquam dixisset superiorum seculorum Philosophos“ attribuisse mirabilem gravitatis effectum qualitati cuidam internæ“ & inhærenti, quæ faceret corpora tendere deorsum & versus cen-“ trum terræ, vel ad appetitum quendam partium ad uniendum se“ cum toto, quod tamen non sit exponere causas, sed supponere tan-“ tum principia obscura & non intelligibilia; addit tandem: id posse“ quidem condonari iis, qui contenti fuerint similibus solutionibus in“ multis occasionibus; non vero perinde Democrito ejusque sequa-“ cibus, qui, cum suscepissent reddere rationes ex atomis omnium ef-“ fectum, solam tamen gravitatem exceperint, corporibus terrestri-“ bus, atque adeo ipsis atomis, adnectentibus, non inquirentibus, un-“ de illa potuerit ipsis advenire.“

XVI. Cæterum ei quod Hugenius de appetitu quodam partium uniendi se cum toto commemorat, simile est illud quod narrat Zabarella citl. fuisse quondam Philosophos aliquos, qui gravium descensum ab attractione quadam extrinseca pendere existimarent; eam-que opinionem (ut nihil dicam de quibusdam Peripateticis, qui locum cuivis elementi proprium alliciendi illius vim, & quasi trahendi ad se, facultatem habere dicebant, tanquam ad eum, qui cuivis conservando esset maxime accommodus) fere propriam sibi fecit acutissimus *Gassendus*, qui, Scient. Phys. Sect. I. Lib. V. p. 347. Terram instar maximi magnetis concipit, emissis hinc inde particulis & effluviis, remota corpora terrestria allicientis ac ad se pertrahentis, si supponatur inquit, manui frustum ferri unius libræ sustinenti robustus“ aliquis magnes; experietur tum ferrum pendere longe amplius, &“

H IV gra-



„gravitatem jam esse non unius, sed plurium librarum; pariterque, si  
 „supponatur similiter magnes, dum in statera ferrum appenditur,  
 „agnoscetur certe gravitatem esse posse, quæ non sit insita, sed im-  
 „pressa extrinsecus vis: Cur vero non omnis ejusmodi sit, & ut il-  
 „la superaddita ex attractione magnetis est, non possit esse, quæ præ-  
 „existat ex attractione ipsius terræ? &c. id quod fusius præstitum  
 Animadvers in X. Diog. Laërt. p. 314. dicit, in Epistolis de motu  
 impresso à motore translato inscriptis; in quibus id quoque proba-  
 bilius facere conatus sit, quod aut omnia corpora sint gravia, aut gra-  
 ve & leve non dicantur nisi comparate, quam quod Aristoteles cen-  
 set gravitatem & levitatem qualitates inexistentes &c. quemadmo-  
 dum etiam Epicurum docet cit. I. Animadversionum p. 315. levita-  
 tem non negare quidem, at nolle tamen eam esse vim quandam  
 qualitatemve ingenitam, sed esse potius vim extrinsecus impressam;  
 adeo ut sursum tendant, non nativo impetu, sed extrusione corpo-  
 rum aliorum, quæ seu occurrentia, seu concurrentia, ipsa elidant &  
 sursum propellant &c.

XVII. Quemadmodum in eo quoque Gassendus (Phys. Sect. I. Lib. VI.) cum cæteris plerorumque recentiorum unanimiter consen-  
 tit, quod respectiva gravitas, h. e. ponderis inæqualitas in æquali mo-  
 le diversorum corporum, ex eo pendeat, quod unum plus habeat  
 elementaris ac terreæ materiæ, magis adeo condensatum, alterum  
 minus, ac sparsas magis, interjectis amplioribus poris, particulas con-  
 tineat. Quemadmodum etiam quod adjectitiam illam gravitatem  
 attinet, quæ corpori decidenti in via supervenit, & per accelerationem  
 accrescit, cessante vero casu evanescit, in eo consentiunt *Gassendus* &  
*Cartesius* multique alii recentiorum, quod impressus cadenti corpo-  
 ri gravi primus impetus, sive à terra trahente & (quod correxit ta-  
 men postea Gassendus) aëre à tergo recurrente, sive à cœlo depellente,  
 non pereat, sed accedentibus subinde novis impulsibus magis magisque  
 augeat: cum alii non pauci quondam, teste Simplicio Comment. 86.  
 in Lib. I. de cœlo, statuissent, lapidem e. g. sublimem segnius descen-  
 dere, quod multum aërem resistentem haberet, ac tanto celerius fer-  
 ri, quanto pauciores offendit humilior; eo modo sc. quo pondera  
 per aquam cadentia segnius ferantur prope superficiem quam prope  
 fundum, ob majorem nimirum ibi quam hic resistentiam.

XVIII. Denique, ut Aristotelici plerique quibusdam corporibus,  
 & in primis igni, absolutam quandam levitatem sive ab ipsorum for-  
 mis



mis, five ab alia quadam innata qualitate oriundam attribuiunt, & Cartesius ætherem saltem suum, terras ambientem & undique pervadentem, absolute levem concipere videtur, ac nisu quodam ad superiora præditum, qui ex ejus orbiculari motu profluat: ita cum Gassendo & Cartesio recentiores plerique alii, & ex Peripateticis etiam *Honoratus Fabri*, levium ascensum nulli alii causæ, quam graviorum isthæc loco suo pellentium, descensui adscribunt; adeo, ut secundum hos leviora ascendere dicantur, quia graviora descendunt, & tamen secundum Cartesium dici quoque possent gravia omnia descendere ideo, quod levissimum (non absolute quidem, quo modo neque gravis neque levis dicendus videtur Cartesio, sed ex circulatione tantum) ætheris corpus, ad superiora perpetuo enitens, illa contra in locum suum derelinquendum detrudat, prout sane superius num. IX. *Robaltium* expresse dicentem audivimus, *Gravitatem revera nihil aliud esse quam minorem levitatem.*

XIX. Ultimo loco *Isaaci Vossii* de gravitatis causa hypotheseos, ex ejus variarum Observationum Libro Londini 1685. edito, mentionem hic injiciemus, mirantis illos, qui quovis ævo solem quiescere ac terram moveri statuerunt, vel præteriisse, vel leviter adeo attigisse argumentum, quod vel solum ad demonstrandum telluris motum potuisset sufficere. Si enim quiescat tellus, nullam posse comminisci rationem, quare omnia gravia ad centrum tendant? At vero si terram circumagi statuamus, certam & necessariam nos habere rationem. Ex lege naturæ enim graviora quælibet difficilior moveri adeoque si terra in orbem volvatur deorsum tendere, veluti ad locum tanto majoris quietis quanto minores & propiores centro sunt circuli & orbes, in quibus gravia moventur, & sic necessum esse ut leviora ad superficiem expellantur. Movet deinde notam difficultatem de rota, quæ in orbem acta res quaslibet impositas non ad centrum agat, sed excutiat, & ob hanc creditum semper fuisse in terra vertigine similiter omnia disjectum iri; eam vero non satis feliciter à Galilæo solutam remove sic conatur: Corpora quæcunque super quodcunque planum ea ratione mota, ut axem habeant parallelum seu æquidistantem plano horizontis, motu semper ferri recto; atque adeo, quæ rotæ alicui imposita una cum ipsa incipiunt moveri simul ac rota celerius currere incipiat, quam ut, propter aëris resistantiam, ejus celeritatem isthæc assequi valeant, cito, & quidem recto motu excuti, atque à centro recedere. Quod si velimus efficere ut cor-



pora quæcunque, five in aqua, five in aëre collocata, ad centrum se conferant, id demum nos consecuturos, si talem indicamus (ita habent ejus verba exp. 203. excerpta) motum, quo corpora erecto axe in gyrum moveantur, clarissimum ejus rei exemplum se dedisse, inquit, ante viginti & plures annos in vase latioris fundi cui aqua esset infusa, injectis globis plumbeis ferreis, lapideis & ligneis unaque cum aqua circumactis, quorum plerique, præsertim plumbei, ad medium vasis tetenderint, ligneis folis, quod aqua essent leviores, ad oram vasis expulsi &c. quæ, quia author ipse ad manus nunc non est, ex excerptis tantum allegare noluimus.

#### IV. Epicripsis eclectica super commemoratas hætenus hypotheses.

##### I.

**Q**Uæ de gravitate ignis absoluta in hypothesis primis ex Boylio dicta & ex quinque primorum Phænom. experimentis deducta sunt, mihi quidem certa penitus ac indubia sunt, non solum non rejicienda ob quamlibet objectam difficultatem, uti Maurocenus num. VIII. primarum hypothesisum judicaverat. Et videtur quoque, semotis etiam istis tum Boylii tum Glauberi &c. experimentis, res à priori adeo manifesta, ut mirum sit, oppositam ignis absolutam levitatem ulli unquam potuisse in mentem venire, ex iis præsertim, qui terram, aquam & aërem ideo conari ad centrum nisu perpetuo agnoverunt, ut moles hæc geocosmi universa consisteret, quique adeo (cum ignem non minus, si non magis ad ejusdem geocosmi concinnitatem & necessitatem requiri non possint non fateri) eadem necessitate illi gravitatem aliquam, licet omnium reliquorum elementorum gravitate minorem, attribuere coguntur, alioqui quippe terras dudum aut omnes aut maximam partem saltem ex plus quam quinquaginta seculorum intervallo deserturum.

II. Neque quicquam nos afficeret illa Gradonici num. V. objectio de fuligine sulphurea patentibus cupri, argenti, aliorum.



rumque corporum meatibus se insinuante, quandoquidem non de puro & omnibus fuliginibus destituto igne, sed de quavis vulgari, sive crassiore sive subtiliore, flamma sermo erat, cum de flammæ ponderabilitate esset. Unde etiam tanto minus ponderis augmentum accedebat laminis vel ramentis metallicis quanto vel ipsa flamma purior erat, vel ejus impuritibus accessus magis occludebatur. Quod si vero in capp. sequentibus ostensum fuerit, in omni igne sensibili & quomodocunque urente geminas esse supponendas substantias, alteram coelestem magis, alteram terrestrem, a priori quoque nota erit ratio, cur omnis flamma utcunque tenuis, modo urens quodammodo & alia corpora dissolvens, necessario ponderis quippiam habeat.

III. Quo ipso non solum à Gradonico num. V. allatis difficultatibus, sed etiam Danduli objectionibus de Florentinorum experimentis, abunde satisfactum putamus, ut & ingeniosæ ejusdem Gradonici subtilitati num. VII, expositæ ingeniosa pariter argumenti inversione obviam itum: Verum hyperbolicam postremam Mauroceni assertionem, qua non solum aliquam igni gravitatem, sed inter cætera hanc universitatem inferioris mundi constituentia elementa maximam omnium, infimum adeo locum postulantem, attribuit contra manifestam ignium in aëre enitentium experientiam, vel hoc solo argumento rejicimus, quod in præjudicio quodam religioso Pontificiis proprio (de cujus vel veritate vel falsitate nostrum hoc loco judicare non est) incumbat, & cujus tantam vim in animum suum habuisse nullus dissimulat *Casatus* Jesuita, ut qui prius enarratis Boylii, aliorumque, imo suis ipsius ocularibus experimentis, plenariam adhibere fidem, ob unicum Ciceronis dictærum detrectaverat, mox ob eum consensum, quem experimenta prædicta cum illo suo præjudicio habent, assensum sibi extorqueri fateatur, ut jam non absolute solum gravem, sed cæteris omnibus elementis graviolem, satis, absurde quidem, & contra priorum oculorum fidem affirmet.



IV. Jam quod causam gravitatis elementis omnibus nunc assertæ, & circa hanc enarratas superius hypotheses, attinet, de his nostram qualemcunque laturi ἐπιμερίσιν ita nos geremus, ut 1.) quæ receptis hodie & unanimiter fere approbatis philosophandi principiis dissona sunt, ante omnia secernamus ac removeamus; 2.) ea quæ approbari sparsim in singulis posse videantur sincere dicamus; ac 3.) denique nostram sententiam filo continuo & cohærenter deducamus. Et quod primum quidem spectat, ad inveniendam causam aliquam gravitatis intelligibilem (imo imaginabilem) oportet videre, quomodo fieri possit, ut non supponendo in natura alia corpora, quam quæ facta sint ex una eademque materia, in quibus non consideratis ulla qualitate aut inclinatione ad sibi mutuo appropinquandum, sed solum diversæ magnitudines, figuræ & locomotiones; quomodo, inquam fieri possit, ut plura tamen ejusmodi corpora directe tendant versus idem commune centrum, ibique se accumulent; utpote quod est maxime ordinarium & principale phænomenon ejus rei, quam vocamus gravitatem; ita habent latine verba Hugonii sub introitum Discursus de causa gravitatis. Nos uni voci (*intelligibilem*) substituimus aliam istam (*imaginabilem*) ut nimirum causa gravitatis ejusmodi inveniatur, quæ non ipsa solum, sed ejus operandi modus quoque ante oculos quasi & vim imaginativam ita depingatur, ut sui quandam imaginem & figuram ipsi exhibeat: id quod in materialibus & extensis rebus declarandis apprime necessarium esse ostendimus, in Præliminaribus Tom. I. Phys. Hypothes. Articuli. III. num. III.

V. Inde vero statim evidens est, nullam vel qualitatem intrinsecam & inhærentem corporibus, vel formam substantialem aut essentialem, vel quamcunque aliam virtutem allegari pro causa gravitatis debere; utpote quæ nomina omnia satis intelligibilia sunt, & quam rem denotent, indicat; ipsam vero rem, quibus partium materialium figuris, qua earum magnitudine crassitie aut subtilitate, quo denique motu, quave hujus tarditate, celeritate, determinatione &c. peragatur & consequatur, nullo



modo declarant aut imaginatione sistunt. Ita, cum e. g. Zabarella inter plures operosas conclusiones (de quibus postea videbimus) num. VI. secundarum hypothes. concl. tert. proximam dejectionis gravium causam nobis allegat ipsas corporum gravium formas; teneturis utique 1.) evidenter & imaginabiliter ostendere, quo pacto, cum forma lapidis e. g. consistat in coacervatione & coalitione seu conglutinatione quadam arenularum, in aliis crassiores in aliis subtiliores, earumque citra omnem fere motum super invicem quiescentium &c. forma autem aquæ contra consistat in particularum solutarum, teretium, aut sphaerarum similiumve, fluxu quodam & prolapsu per declivia continuo &c. quomodo, inquam, ex tam diversis & adversa quasi fronte pugnantibus formis, & sic ex aliis innumerabilibus, toto sæpe cœlo differentibus, unus idemque gravium actualis descensus, aut nisus saltem dependere possit. 2.) Ut generalius ostendat modum aliquem imaginabilem quo ex data quacunque (e. g. lapidis forma separatim) ejusmodi pulsus lapidis deorsum versus terræ centrum provenire possit, quemadmodum ejusdem lapidis pulsus sursum à catapulta, aut à pulvere pyrio, vel manu pelientis factus, imaginabiliter concipi potest.

VI. Quis autem est ille modus imaginabilis, quem Zabarella nobis hoc in casu assignat? Forma lapidis, inquit ille, & sic de omni alia, depulsus illum causatur *per emanationem*. Novam, inquam ego, audio vocem, quam lubens admittam, si res ipsa illa voce significata ita imaginationi meæ exponatur, ut evidenter percipiam, quomodo lapidis motus localis, à forma lapidis stabili, quietem magis suarum partium & immobilitatem quandam potius, & deorsum quidem magis quam sursum involvente, enarrare possit. Quod si hoc præstare non possit, (uti certe allegato loco non potuit) ignoscat quæso, si satiari vocibus non amplius assuetus, rem adhuc desiderem, eodem modo scilicet quo motum indicis in exteriori tabula horologii evidenter observans quis & causam hujus motus circularis declarari sibi cu-

piens



piens, nunquam acquiescat aut acquiescere poterit. si dicerem ipsi, vim illam movendi circulariter indicis ex forma horologii emanare, (etiamsi verum id esse facile intelliget) sed modum illius emanationis, ex rotarum dentatarum mutuis implicationibus, denticulorum proportionato numero, ponderis, rotæ vel axi primo appensi & circumvoluti, tractioni cæterisque ad motum ejusmodi lentum & regularem producendum requisitis, ita aut oculorum sensui, aut imaginationi saltem, evidenter exhibeatur, ut illam indicis circula rem rotationem, ex dictis requisitis necessario consequi debere plane perspiciat.

VII. Hæc obscuritas emanantis ex gravium formis actualis eorum descensus, cum sit apertissima, multo minus illas alteras causas, quas ipse Zabarella insufficientes judicavit, pro talibus agnoscere poterimus, *causam* puta *generantem*, corpus grave aut leve, & *causam impedimenta removens*. Sicut enim causam generantem non esse nisi remotam, hic autem quæri proximam recte dixit, sic ego eadem fini dico, non quæri hic potentiam vel habilitatem passivam, qua corpus aptitudinem recipiendi illos depulsus à generante accepit, & porro quoque ipso non amplius existente servat, sed quæri potius agens aliquod vel impellens activum à quo illa habilitas in actum deducatur. Et sicuti causa impedimenta removens non est ipsum impellens, sed causa solum illius impulsione per accidens, fatentibus & Zabarella & Aristotele; ita restat etiamnum illud impellens, aut causa illa per se illius detractionis, quam quærimus. Neque plus claritatis, sed plus etiam obscuritatis, habent opiniones scholasticorum num. II. allegatorum, ut nec illis acquiescere queamus.

VIII. Illam quoque Epicuri hypothesein, quam num. XV. enarravimus, phænomeno gravitatis ordinario & principali minus quadrat; quandoquidem atomorum, quam supponit gravitas, ipso fatente, non ad commune centrum, sed parallela tendentia in infinitum pergit, ut rationes Themistii ac Ciceronis adversus illam jure allatas, sicco non prætereamus pede. Neque digna magis consideratu videtur illa vel uniendi sese cum toto suo



suo partium gravium appetitio, vel altera loci aut centri earundem attractio. Sicut enim appetitus proprie attribui inanimatis non potest, quæ maximum tamen gravium numerum conficiunt, ita modus aliquis imaginabilis & distinctus frustra confingetur, quovis aliqua attractiva, sive effluvia quædam, ex centro terræ ad supremam ejus superficiem, imo ultra illam longius, emissa (id quod concipi adhuc posse non inficiabimur) eò delata tamen non solum cum summis & mediis quibusq; verum etiam cum centro propioribus terræ partibus primum connecti & colligari, deinde connexa & colligata (quibus vero vinculis, & quibus connectentibus?) retro converso quasi gradu, versus centrum iterum reduci & annexa sibi gravia secum abripere & cum tanto impetu queant? sæpe certe miratus fui, neque persuadere mihi unquam potui, *Petrum Gassendum*, virum adeo acutum & ingeniosum, serio scripsisse, quæ vel de attractione ferri librati ad magnetem, aut magnetis librati ad ferrum, & hujus porro exemplo incertissimo, de attractione corporum gravium ad centrum terræ, virtute hujus quasi magnetica (vera enim virtus magnetica non esset, quia non ferrum solum & chalybem, uti magnes sed lapides quoque ligna & quævis alia gravia ad se pertraheret) philosophatus fuit.

IX. Inter has denique minus speciosas gravitatis causas, illam *Isaaci Vossii*, ultimo loco inter hypotheses enarratam, haut injuste credo, (certe nullo in doctissimum virum affectu) censemus. Tametsi enim cum Aristotele, Cartesio, Rohaltio, Hugenio, Peraltio, causam gravia extrinsecus depellentem recte agnoscat, & speciatim telluris vertiginem, tanquam causam certissimam alleget, ipsa deductione tamen allegatæ causæ non videtur plus confecisse quam Aristoteles cum suo generante & impedimenta removente. Si enim quiescat tellus, inquit, nullam possumus comminisci rationem, quare omnia gravia ad centrum tendant. At vero, si terram circumagi statuamus, certam ac necessariam habebimus rationem. Quæ vero illam? Ex lege enim naturæ pergit, graviora difficilius moventur, (supponens adeo jam gra-



via, quæ per terræ motum, tanquam causam, talia demum fieri debebant) ideoque, si terra in orbem volvatur, necessario deorsum tendunt (contra communem illam notissimamque experientiam, qua gravia in orbem acta à centro potius recedunt, lapidis in funda circumacti manifestissimo, imo plumbi lapidem mole æquantis adhuc manifestiore exemplo) veluti ad locum tanto majoris quietis, quanto minores & propiores centro sunt circuli & orbes. In qua illatione iterum supponitur partes terræ esse graves, & propiores centro, graviores etiam ante rotationem ejus; cum ostendendum tamen fuisset terrestrium partium tendentiam ad centrum telluris, ex hujus vertigine sive rotatione dependere; cui memorata ante experientia directe reclamatur, ut jam non dicam, solutione difficultatis, quam ille, tanquam Galileana meliorem venditat, nobis ea multo obscuriorem videri, in insequentibus autem hac multo clariorem datum iri.

X. Quemadmodum autem in Aristotelis genuina hypothesis (quam num. III. & IV. hyp. secundarum prolixè deduximus) hoc unum, quod in Vossiana quoque laudare potuimus, in primis approbamus, quod impulsus illum gravium deorsum & levium sursum, à causa quadam utrisque extrinseca dependere, quatuor non contemnendis, rationibus evicit; tametsi quænam sit illa causa externa, licet in omnes partes sese versans, reperire haut potuerit, ita Cartesius, Rohaltius & Hugenus ad causam illam externam gravium depellentem, proxime omnium collineasse videntur, & quidem ex uno illo communi principio, de nisu in orbem actorem versus exteriora & à centro motus orbicularis. Quod experimentum etsi particulare solum putet Peraltius, neque ideo universalius etiam ætheri (qui neque gravis neque levis sit) accommodandum, videtur tamen effectus ille ex ratione motus orbicularis potius, quam ex ratione gravitatis, quæ effectum ordinariè prorsus contrarium habet, originem suam deducere.

XI. Et quamvis Hugenus existimet suam hypothesis à Cartesiana & Rohaltiana plurimum differre, nihil tamen eam cum



cum his utrisque magis convenire videtur, quam ipse putat. Quod enim pag. 133. experientiam Cartesii ex epist. XXXII. part. II. num. VII. hypoth. secund. nullo modo idoneam esse dicit ad representandum effectum gravitatis, cum alias concludendum fuisset portiones ligneas &c. ad centrum globi propullas, plus ponderis habuisse quam plumbeas, versus circumferentiam emotas, id quod indignum acumini Cartesiano, eique adeo tale quid imputare injustum videtur. Dicendum igitur omnino, Cartesium nullatenus in mente habuisse, isthoc experimento ipsum gravitatis effectum representare, sed fundamentum solum suæ hypotheseos oculis ipsis exhibere, quod erat: cum solidiora & porosiora corpora simul in orbem aguntur, priora ad peripheriam enixa, posteriora ad assequendam gyrationis celeritatem minus apta, versus centrum compelli, quod equidem Cartesii experimentum evidentissime comprobaverat.

XII. In hoc igitur communi principio cum omnes tres apprime consentirent, nihil in Hugeniana hypotheseo reperio, quod à cæteris dissentire videatur, nisi hæc duo p. 134. in fine annotata, quod 1.) posita ætheris gyratione cum elementis in eandem partem, sed ipsis celeriore, prout Cartesius supponit, eam & sensibilem esse oporteret, & elementaria corpora una secum abriperet, quorum neutrum tamen contingat; 2.) quod cum motus ætheris gyrantis non nisi circa terræ axem fieret, non secutura essent elementaria ejus recessum ab axe, nisi versus eundem axem, ita ut non essemus visuri corpora gravia perpendiculariter ad horizontem, sed perpendiculariter ad axem tendere, id quod experientiæ rursus contrarietur: cum ipse interim, supponens recessum illum ætheris non fieri præcise secundum lineas ad axem parallelas, sed quaquaversum & in omnes partes (*en tous sens*) hoc posterius etiam absurdum evitet ac declinet.

XIII. At enimvero, quod hoc posterius attinet; prævidit procul dubio hanc difficultatem, omnibus aliis prompte obviam etiam perspicax Cartesii ingenium, ideoque loco superius allegato, num. XX, non solum dicit, *vim gravitatis à tertia illa globu-*



*lorum cœlestium actione* (qua scilicet guttas aqueas in aëre reddat rotundas) *non multum differre*, sed etiam rationem asserti hanc addit: *ut enim illi globuli per solum suum motum quo* (NB.) *si- ne discrimine quaquaversus feruntur, omnes cujusque guttae particulas versus ejus centrum æqualiter premunt, sicque ipsam guttam faciunt rotundam, ita per eundem motum,* (NB.) *totius molis terræ occursum impediti, ne secundum rectas lineas ferantur, omnes ejus partes versus medium propellunt, atque in hoc gravi- tas corporum terrestrium consistit.* Idem prorsus de Rohaltio dicendum est, cum numero X. cap. allegati de gravitate & levi- tate, talem recessum materiæ fluidæ circa terram rotantis ab hu- jus centro supponere, qui non fiat secundum lineas rectas ad axem tantum perpendiculares, sed quaquaversum. Ita enim ha- bent Autoris verba secundum versionem Genevensensem; hoc ipso quidem loco multum obscuram, præsentī tamen scopo non ad- modum derogantem: „Ea enim materia fluida (ætheris puta circa terram gyrantis) multo majori motu cietur, quam necesse<sup>est</sup> sit, ut spatio horarum viginti quatuor cum terra convolvatur,<sup>est</sup> adeo ut ejus partes, quod ex eo robore superfluit, impendant<sup>est</sup> tam in celeriori circumgyratione, eo sensu, (NB.) *quam ad mo- tum in omnia latera & diversissimos modos.*

XIV. Ut hoc pacto tres hæ Cartesii- Rohaltii & Hugenii hy- potheses in his duabus saltem partibus præcipuis concordare vi- deantur, quod gravitatis in corporibus elementaribus causa prin- cipalis sit, ætheris circa terram gyrantis eamque una secum cir- cumvolventis, sursum ex illa gyratione consequens enixus, & cum hoc necessario connexus partium elementarium, ad gyra- tionem scilicet illam minus idonearum in locum illius enitentis derelinquendum inferiorem successus. Et quamvis in Perraltia- na hypothesi negatus ætheris ad superiora nisus videtur elemen- tarium detrusione non habere consequentem, ut certe Hugenius p. 134. non abs re judicare videtur, si supponamus mo- tum diurnum terræ, aëremque & ætherem eundem motum cum illa habere, nondum in hac suppositione adesse quod debeat pro- ducere.



ducere gravitatem, quandoquidem, secundum experientiam paulo ante narratam, corpora terrestria non deberent sequi illum motum materiæ coelestis, sed eo intuitu quasi in quiete esse, si pelli illa oporteret versus centrum, altera tamen hypotheseos portio, qua detrusionem illorum non ad axem tantum terræ, sed ad medium ejus & æquatoris centrum fieri debere, inter ingeniosiores censi meretur. Ex his igitur, & proxime antecedentibus tribus, nunc universam de gravitate hypothesin, prout à nobis ea concipitur, uno continuo filo deducemus.

V. Epicrisis eclectica altera selectiorem de causa gravitatis hypothesin pleno & cohærente contextu deducens.

I.

**U**T planiora fiant omnia, supponemus sphaeram hanc elementarem sive Geocosmum hunc, ut nondum factum, sed faciendum adhuc & fientem, i. e. omnes illas partes & materiæ minutias, ex quibus nunc actu compositum observamus, adhuc solutas sine omni gravitate & levitate, sine omni ordine, confusum quoddam chaos constituere, quod particulas æthereas, æreas, igneas, aqueas ac terreas, imo his omnibus etiam multo subtiliores ubique intermixtas, promiscue continentem: quas equidem materiales singulorum generum minutias Deum ipsum uti totius universi, sic Geocosmi quoque Conditorem primitus formasse, suisque quaslibet usibus destinasse necessarium est, quandoquidem natura, quæ tum nondum fuit, sed ex his deum oritura erat, earum effectrix & formatrix supponi nullo modo potest, id quod insuper ex diversis earum in quovis genere figuris & magnitudinibus ad producendos effectus, quos nunc in iis observamus, provide accommodatis, evidenter per sequentia capita deducemus.



II. Supponemus deinde confusum & iners hoc & inordinatum chaos ab eodem omnipotente Creatore, circa certum aliquod punctum, quod ipsi placuit & quod nunc terræ vel Geocosmi centrum appellamus, fuisse arbitraria celeritate in orbem actum & ab occasu in ortum, instar vorticis aquosi, circumactum, quem vorticem etiam in hac sua gyratione semel capta servare constanter decreverit, quamdiu totam hanc mundi compagem durare pro liberrimo suo beneplacito voluerit. Quæ quidem ejusmodi vorticum sive gyrorum suppositio, non ex mera libidine confingitur, sed plurimis hujus mundi phænomenis suadetur, imo deposcitur quasi, si lunæ motui menstruo circa terram, quatuor sideribus aut lunis nostræ similibus circa Jovem, (inde circumjovialibus dictis) & quinque aliis circa Saturnum &c. causas aliquas secundas, sive medias & naturales assignare velimus. Tamen si enim in primis & simplicissimis naturæ condendæ principiis declarandis ad virtutem Conditoris activam ita merito necessarioque confugimus, ut ne quidem ullo medio vel instrumento corporeo in iis stabiliendis usus fuerit, sed immediate egerit omnia, tum imediatione virtutis (ut cum scholis loquamur) tum imediatione suppositorum; ita in natura jam condita præparatisque jam organis suppositisque variis, agit equidem etiamnum omnia immediate, imediatione ejusdem suæ virtutis unice activæ (aliam enim virtutem vere activam in natura corporea non agnoscimus, ut in Tomo primo demonstravimus, & in sequentibus ulterius inculcare necessum habemus, utpote præjudiciis humanis admissu difficillimam etsi meo judicio præjudiciis istis DEI gratia feliciter liberato, penitus indubiam) sed non amplius imediatione suppositorum sive instrumentalium causarum, quæ agere quidem dicuntur, sed actæ ab eadem illa unice vereque agente virtute, verum istis mediantibus, ac merere passivis.

III. His igitur ita, sed cum ratione, suppositis, quid consecuturum aut necessario, aut verosimillimè videatur, nunc videbimus. Per experimenta Cartesii, Hobbii, Hugenii, Mori etiam aliorumque unanimi consensu approbata constat 1.) corpora in gyrum & vert-



& vertiginem acta, nisum quendam acquirere a centro versus circumferentiam, quem lapis in funda circulariter aut in orbem actus adeo luculenter sentiri facit, ut manum agitantis non solum magno conatu trahat, & à polo quasi sui motus æque ac à centro descripti circuli discedat, sed etiam 2.) quo solidior fuerit in funda lapis, & quo 3.) celerius moveretur, eo majore nisu recedat; Ex quibus 4.) consequitur, quod vis è corporibus ita in gyrum actis, si solitarium ageretur, leve potius quam grave futurum, & à centro gyrationis secundum lineam rectam tangentem excursurum esse, prout sane lapis in funda celeriter circumactus, si subito laxata funda dimittatur, non continuat motum per arcum circula-rem, sed per ejus tangentem. Quod si vero si corpus una cum aliis ipso minus solidis in gyrum agatur, omnia quidem ut antea, à centro recedere nituntur, sed id, quod solidius est cæteris, actu ipso solum recedit: cætera vero minus solida 6.) quia solidiora inde recedunt ac nituntur efficacius à fortiori & prævalente superantur, ac lege circulationis in contraria vertitur, & gravitatis nomine imbuitur, impulsu quidem extrinseco sursum enitentium, non ideo tamen violento, sed secundum naturæ leges peracto, prout certe quondam in Aristotelis schola motus orbium coelestium pro naturalibus habebantur, tametsi ab intelligentiis ac motoribus externis fieri supponebantur.

IV. Nunc autem illa sola difficultas in tota hac hypothese superest, quam olim mihi solvendam objecit Vir doctissimus in literis Basilica ad me perscriptis hoc verborum tenore conceptam: *Posita hac hypothesis* (Cartesianam intelligit) *certum esse puto, corpora gravia secundum illam lineam detrusum iri, secundum quam materia subtilis à terra recederet; recederet autem quælibet particula (qui genius est rotationis) secundum lineam talem quæ in eodem jacet plano cum circulo per rotationem particule descripto, i. e. secundum lineam parallelam Equatori. Ita dum punctum A (Fig. X.) circa polum B motu diurno describit parallelum AC, acquirit conatum recedendi secundum lineam AD in eodem plano jacentem cum AC parallelamque Equatori*



tori *FE*. Quare necessum omnino esset, ut corpora gravia vicissim per lineam *D A* repelleret, non vero per perpendicularem *GH* sicque sub nostra latitudine gravium lapsus à perpendiculo ad horizontem inclinaret 48. gradibus, augeturque subinde cum sphaera obliquitate.

V, Ego tunc ita respondebam: „Hæc tua difficultas supponit conatum coelestis materiae recedendi non à centro terræ, sed à centro circuli Aequatori paralleli, quo posito necessum est illud ἀτοπov sequi quod tu inferis, quodque idem Hobbianæ hypothesis pluribus objicit *Henricus Morus*, Enchir. sui Metaph. pag. edit. prioris 115. & seqq. Enimvero cum ista ætheris gyratione circa terram supposita vorticesque mundani omnes ad explicanda plurima phaenomena, alias inexplicabilia, valde accommodi, causam naturalem habere non possint, sed ad arbitrium & sapientissimam DEI dispositionem veniant reducendi; talis ipsorum concipi debet coordinatio, quæ fini obtinendo possit apta videri. Quod si ergo vorticum aut orbium istorum coelestium fluidorum talem gyrationem supponamus, qualis in orbibus aut globis solidis contingit, ut partes singulae, singulos etiam circulos circa singula centra describant, totusque adeo vortex non tam circa centrum, quam circa axem aliquem convolvatur, non solum hoc, de quo nunc sermo nobis incommodi sequetur, sed necessum etiam foret, hoc motu vorticoso stellas & corpora mundana, non sphaerica, sed cylindrica potius facta, sub polis autem gravitatem nullam esse &c. Quamobrem in vorticibus hisce fluidis, in quibus particulae singulae gyrationem supponuntur, ita singularum circulos aequatori parallelos oportet statuere meo iudicio, ut omnes tamen gyrationis suæ impetum ex uno eodemque Aequatoris centro nactus supponamus, earumdemque adeo conatus recedendi ab uno eodemque puncto dependeat: quo posito ea, quæ te urget, difficultas sponte sua evanescet, prout adjectam figuram nostram cum tua comparanti manifestum erit. Posse autem corporis alicujus motum circularem conjunctum esse cum conatu recedendi,

„non



non solum à centro proprio, h. e. puncto in ipso plano circuli medio, sed etiam ab alio quodam puncto, tanquam polo suo, exemplo fundæ constare potest, qua circumactus in orbem I, K, L, lapis L, non solum à centro O, sed etiam ac vel maxime, à manu rotantis M, recedere nititur, conatu in ipsa manu abunde sensibili.

VI. Hoc pacto tunc Amico scrupulum eximere conatus sum, cui cæteroquin in eo mecum conveniebat, *inter varias Doctorum opiniones illam maxime plausibilem esse, quæ gravitatem corporum terrestrium derivat à gyratione materiæ terræ ambientis, ejusque conatu recedendi ab ejus centro.* Quod si hæc solvendæ difficultatis ratio non satisfecit Viro doctissimo, id mirum me nullatenus habuit, quando nec mihi met ex omni parte satisfaciebat. Perspicere namque facile poteram, nondum eò rem esse deductam, ut in una simplice DEI voluntate gyrandi ætheris circa terram possimus acquiescere, sed rationem aliquam & medium quoddam requiri posse, quo gyratio illa æquatori parallelas facta una oblique versus ejus centrum determinetur. Quod cum à Cartesio & Rohaltio per occursum particularum elementarium, tanquam ad motum paulo ineptiorum, crederetur obtineri, quo occursum scilicet particulæ æthereæ in varias partes reflexæ, neque adeo secundum lineas æquatoris diametro præcise parallelas à partibus elementaribus, sed in omnes plagas promiscue recedentes, has etiam promiscue ex omni parte detruerent; ab Hugenio autem ipsa prima suppositione particularum ætherearum singularum, aliarum ad hæc, aliarum ad alia vortices circumfusi certoque spatio sphærico inclusi, puncta jugiter excurrentium indeque maximam partem circulariter ex omnibus plagis recurrentium, & elementaria versus commune centrum deprimentium, pari saltem effectu confici; nihil etiam impossibile in Perraltii supposito (quod num. XIII. ac XIV. Hyp. secundarum compendiose narravimus) reperitur, ut quo horum modorum, vel etiam an eorum ullo, uti lubuerit sapientissimo Conditori (cui mille imo innumeri suppetunt ad rem eandem confici-



ciendam) præcise quidem definire nulli possimus, interea tamen unum alterumque videntes ad præcavendam difficultatem proxime superiore num. IV. relatam probabiliter saltem facientem, causam habemus, ne ab hypothese primaria tam concinna & (seposita dicta difficultate) plana cæteroquin ac facili deterreri nos patiamur.

VII. Nec incongruum forte fuerit aliam hanc (quæ inter hæc deducendum commode mihi in mentem venit) hypothesin prioribus superaddere. Notum est, Copernicanos, præter motum diurnum circa centrum proprium, & annum circa solem, etiam tertium Telluri nostræ attribuere, quem inclinationis motum appellant, quo scilicet inter circumvolvendum circa solem in eadem directione versus mundi polum perpetuo servetur. Notum etiam est ad triplicem hunc terræ motum physice declarandum concinne satis supponi. 1.) Vorticem æthereum circa solem (S) vastissimum cujus gyratione terra & planetæ omnes ab occasu in ortum tempore & velocitate cuius proportionato circumvehantur: 2.) Vorticem alium parvulum & particularem circa terram, (T) ab occasu similiter in ortum gyrantem, à quo luna (L) menstruo spatio circa terram, ac terra ipsa circa centrum suum unius diei intervallo circumvolvatur. 3.) Fluxum quendam æthereum vel magneticum rectilineum, ex alio vortice æthereo, solarem in B, B, B, (vid. Fig. XI.) alioque ex opposito eundem solarem in A, A, A, contingente, perpetuo ultro citroque manantem; à quo nimirum, per terræ cæterorumque poros jugiter fluente, hæc omnia & singula certis sui partibus ita versus mundi solaris polos B B B & A A A constanter dirigantur, ubicunque etiam locorum in vortice solari fuerint, prout observationes testari, in Disputat. quondam peculiari, de Magnetismo corporum mundanorum 1671. habita, & 1686. in Philosoph. eclectica p. 591. recusa, docuimus, eodem modo scilicet quo navigium aliquod in fossa quadam rotunda remorum ope circumactum, a plustre interea suum, posito vento ex austro spirante, in septentrionem perpetuo dirigeret. Quid si  
igi-



igitur, dum vortex æthereus ab occasu in ortum, secundum æquatoris ductum, gyrans, elementaria corpora ad axem terræ ubique deprimere nititur, rectilineus ille à septentrione in austrum, & contra, pergens constanter influxus (cujus suppositionem etiam magnetis proprie dicti miranda phænomena flagitant) cum priore illo vorticoso sic attemperatus esset, ut ex utrisque junctim operantibus motus exurgeret mixtus in corporibus elementaribus, ad ipsum centrum Æquatoris ac terræ sensibilibiter directus?

IIIX. Ita vero nunc primario gravitatis phænomeno probabiliter deducto, ad cætera secundaria quoque deducenda progrediendum nobis est. Et primo quidem cum quiescere corpora quædam gravia impedita omnino videntur, illa tamen revera nunquam quievisse eventus docet, quia scilicet ætherei depulsus eandem vim inferunt impeditis, quam alias non impeditis, ex quo consequitur, ea nisi saltem & conatum procedendi exercere, si actu ipso procedere cohibentur, nonnunquam autem viam interclusam ipsa sibi, hoc nisu suo nunquam cessante, pandere, aut vinculum, quo detinetur tandem abrumpere, postquam scilicet continuato interim nisu filamina funium & fibræ, ligamentorum aliorum, continuata quoque tensione, magis magisque laxaverant & laxando debilitaverant, ut hoc pacto cap. præsentis phænomeno X. sua constet ratio. Porro vero quæ plures habet partes elementares corpus aliquod, siue *extensive* siue *intensive*, tanto plures id ætherearum particularum pullus recipiet, h. e. tanto *gravius* est futurum, cæteris omnibus paribus existentibus, & quidem, si sub æquali mole plus partium elementarium habuerit, quam aliud, & sic plus impulsuum æthereorum receperit, hoc etiam erit *specie gravius*, quemadmodum etiam, ubi partium elementarium, & sic impulsuum æthereorum multitudo æqualis est sub æquali etiam mole, in iis etiam est æqualis quoque nisu deorsum, *eademque* adeo *specifica gravitas*, ut hoc pacto *internum* quoque *gravitatis principium* in aprico sit, & formæ corporum quoque siue internæ particularum arctiori aut laxiori dispositioni vel coordinationi, tanquam prin-



cipio cuiusdam, gravitas attribui debeat, sed tanquam passivo solum, eoque intuitu generans quoque, quod talem partium elementarium coordinationem, h. e. talem formam ipsi conciliavit, causa gravitatis ipsius dici verè possit, sed talis causa, quæ non ipsum actualem descensum aut detrusionem in ipso active procuraret, sed quæ habilitatem solum & aptitudinem ad tales impulsus recipiendos eidem olim conciliaverit.

IX. Jam quia fluida quæque partes habent elementares vel homogeneas (si puriora sint & simpliciora) vel æqualiter saltem mixtas, ejusdem adeo quam proxime soliditatis, easque solutas insuper & parum cohærentes, illæ omnes æqualiter pulsæ, æqualiter etiam circum invicem disponuntur, non valentes unæ sursum extrudere alias, ut ita politici in fluidorum supina superficie ratio in propatulo sit. Quod si vero fluida diversi generis, ut aqua & oleum, aqua & aër, aër & ignis &c. invicem permixta fuerint, cum partes olei v. g. aut aëris minus etiam impulsus ab æthere gyrante recipiant, quam partes aquæ solidiores, hæ certe majore nisu deorsum tendentes, illas conatu debiliore eodem connixas in locum suum necessario per circulationem sursum extrudunt, idemque cum faciant post infimas successive cæteræ quoque superiores omnes, non cessat hæc extrusio, donec portio illa minus gravis, h. e. minus solida ad gravioris summitatem usque elevata fuerit. Similiter si firmum quoddam & stabile corpus, cujus partes sunt minus solidæ, in fluido partium tantillo solidiorum, e. g. lignum in aqua demersum fuerit, moles quæque fluidi stabili huic corpori æqualis, majore descendendi conatu, hoc in locum à se derelinquendum necessario extrudit, ut subsistere nullibi, nisi in summitate possit. Et hoc est illud, quod *Levitatem* in his elementaribus dicimus, scilicet nihil aliud quam *minor gravitas*, quæ interim non cessat esse gravitas, ideoque juxta cum fluidi pondere, firmi quoque sui, etsi levioris, corporis pondus sentiri facit, quo ipso nunc Phæn. XII. ratio, quoad partem sui priorem plenius constabit.

X. Quod



X. Quod vero cætera posterioris partis experimenta magis extraordinaria spectat, quibus vel levius aliquod infra gravius descendit, vel gravius in leviori ascendit, prout in Phænomeni XII. parte posteriore annotatum fuit, flamma quidem ex ardente lychno in humiliorem recens extinctum descendere videtur, sed revera non descendit eadem numero flammæ portio, verum in halitu inter lychnum ardentem & ellychnium recens extinctum & fumigans adhuc, novam successive flammam progignit, donec ultima hujus portio ellychnium recens extinctum corripiat. In cæteris autem id quod observatur totum & universaliter fere ex eo pendet (ut infra de aëris gravitate specialibus acturi demonstrabimus) quod gravioribus illis fluidis, aquæ & mercurio &c. sphæra aëris, istis specie quidem levioris, absolute vero satis gravis, magnitudine & altitudine ponderosissima incumbat. Quod equidem quamdiu fit æquabiliter ex omni parte, tamdiu servant locum inferiorem illa gravia, sin ex una parte illa pressio incumbentis atmosphæræ tollatur aut impediatur (id quod fit in plerisque allegati phæn. casibus) in cæteras autem vim suam exerat, mirum non est ex hac inæqualitate pressionis, ponderi corporum proprio accedentis, contingere, ut hæc ex ea parte sublevantur aut suspensa teneantur, ex qua prementis atmosphæræ subsidium ipsis denegatur. Sed hæc, uti dictum, eorumque applicatio ad casus in allegato phænomeno singulos, aliosque plures infra plenius deducuntur.

XI. In actuali vero gravium per aërem descensu, quod nova subinde velocitatis incrementa accedant, inde est, quod quantum impulsus à partibus æthereis per terminum à quo gyrantibus recipiunt momento primo, tantundem recipiant singulis momentis subsequen-  
tibus ab eodem æthere per reliqua loca inferiora similiter gyrante, præcedentibus impulsibus (nec enim in momento cessat impressus corporibus impetus) nondum extinctis, sed conjunctis jugiter cum novis subinde subsequen-  
tibus: quemadmodum é contra motui gravium sursum projectorum singulis momentis obviat novus ætheris deprimentis impulsus



eodem modo semper augescens, adeoque plus semper ipsi derogat, ut tardiorem hunc subinde fieri, tandemque finiri penitus & in contraria converti necessum sit.

XII. Quod vero secundum progressionem numerorum pariter imparium procedant ista velocitatis inter descendendum incrementa, ejus rei ratio physica ex Galilæi schemate (Fig. nostra numero XII.) illustrari multum potest, cum in triangulo rectangulo  $ABC$ , partibus catheti æqualibus,  $Ab, bd, df, fh, hB$  &c. totidem tempora æqualia, lineis transversis,  $bc, de, fg, hi, BC$ , velocitates momentis singulis æqualiter auctas, juxta ordinalem numerorum seriem, areis autem interceptis  $Abc, cde, def, fgh, iB$ , spatia singulis momentis decursa, & secundum progressionem numerorum imparium augescencia, designantur. In primo enim tempore  $Ab$  grave cum conficiat, e. g. spatium  $Abc$ , acquisito paulatim primo velocitatis gradu  $bc$ , (quem, si statim ab initio habuisset, utique duplum illius spatii, nempe  $bz$ , percurrisset;) sequitur in tempore secundo idem grave, vi primi hujus velocitatis  $bc$ , jam pleni possessi, spatium prioris duplum, & vi novi gradus velocitatis hoc secundo tempore paulatim acquisiti, adhuc unum, adeoque ad summam tria spatia  $cde$ , conficere: Similiterque tertio temporis intervallo, sub cuius initium jam possidet integros duos velocitatis gradus  $de$ , horum ope quatuor spatia & vi novi paulatim interea acquisiti adhuc unum adeoque ad summam quinque spatia absolvere, eodemque modo, quarto tempore spatia 7, quinto 9 &c. Sumptis autem collectis temporibus pariter ac spatiis, uno tempore  $Ab$ , spatium unum  $Abc$ , duobus temporibus  $Ad$ , spatia 4,  $Ade$ , tribus temporibus  $Af$ , spatia novem  $Afg$ , & sic in cæteris emetiri.

XIII. Similiter ex adverso in projectorum ascensu eandem servabunt retro progressionem spatiorum decurrendorum decrements. Nam si v. g. projectum  $B$  recepisset ab initio velocitatis gradus quinque plenos, horum ope utique decurrisset primo tempore  $Bb$ , 10 spatia, nisi ob unicum velocitatis gradum  
inte-



interea paulatim amissum, unum quoque spatium deficeret, novem adeo solum confectis, pariterque residui, tempore secundo *hf*, velocitatis gradus pleni quatuor, conficerent spatia octo, nisi unus interea velocitatis gradus, atque adeo spatium quoque unum, excideret, non nisi 7 adeo revera emensis &c. Quibus ita deductis Phænomm, VI. & VII. suæ rationes etiam cum auxilio aliquo constabunt.

XIV. Restat autem hoc unicum circa incrementa velocitatis in gravium descensu monendum: Hæc ita deducta procul dubio secundum numeros impares perpetuo progressura esse, ex quacunque etiam altitudine lapsus gravium contingeret, nisi aer aliquam resistantiam haberet, eamque crescentem cum incrementis velocitatum in descendente gravi, quod ipsum magis magisque comprimit, tam facile quippe cedere nescium. Unde contingere potest, ut hæc resistantia medii magis magisque coacti tandem ad eum compressionis gradum deveniat, qui cum accessoriis ætheris impulsibus paria faciat, & ulteriora velocitatis incrementa nulla admittat, id quod suspicioni Cartesii aliorumque virorum doctorum, (quod illa velocitatum, secundum numeros impares, incrementa non sint in infinitum progressura,) pondus aliquod & momentum addere poterit.

XV. Et absque hac æris resistantia si esset, inæqualia quantumcunque pondera ejusdem speciei, ex eadem altitudine demissa, eodem momento terram attingeret procul dubio (nisi forte diversa figura supposita varietatis aliquid causaretur) cum e. g. in duplo graviore, duplus equidem sit ætheris impulsus, sed in duplo plures etiam partes distributus, ita ut singulis partibus in majori æque ac in minore corpore tantundem impetus & velocitatis communicetur. Verum enimvero, cum minus grave pro ratione molis suæ plus habeat superficiem (prout e. g. globus octuplo ponderosior alio ejusdem materiæ, superficiem solum quadruplo majorem habet,) aer autem corporibus descendenti-  
bus secundum superficiem, qua ipsum attingunt resistat; manifestum est, minori corpori pro ratione molis suæ plus resisti ab aëre  
quam



quam majori, adeoque hoc semper citius illo (non tamen secundum proportionem ponderis, ut Aristoteles credidit) præfixam metam attingere.

XVI. Interea, cur duorum corporum æqualis molis, illud quod gravius est, naturali motu citius descendat ex eodem termino ad eundem, quam illud quod est levius, ejus rei ratio ex hactenus dictis prompte concludi potest. Quandoquidem enim id quod sub æquali mole levius est, porosius esse & paucioribus particulis elementaribus constare, necessum est, pauciores etiam illud impulsus æthereos excipiet, (plurimis in spatia interjecta, vel inania, vel leviori materia repleta, admissis) & sic tardius deprimetur, quemadmodum etiam duorum corporum ejusdem speciei, ejusdemque adeo porositatis, sed molis ac ponderis inæqualis, id quod gravius est etiam citius descendit, quam quod levius est quia minus, ex ratione præcedenti numero dicta: ut sic phænomeni VIII, quoque, partiumque ipsius rationes, nunc etiam in propatulo sint, nec alia restent quam tria magis extraordinaria, experimentum scilicet Paschalianum, experimentum Stevinianum, stateræ denique & vectis potentiæ ad rationes suas reducantur.

XVII. Quod igitur aqua in vase recurvo A B (Fig. IV.) tam in ampliore vasis parte A, quam in angustiore parte B, sub eodem æquilibrio, & eadem altitudine, consistat, cum tamen (si supponamus superficiem A decuplam superficiem B,) decuplo plus aquæ in crure A quam in crure B contineatur, adeoque decuplo plus ponderis ibi quam hic, ejus rei causam hanc reddo: Si superficies aquæ A descendere deberet ad altitudinem simplam Aa, necessum esset tantundem aquæ in crure B debere ascendere, h. e. superficiem aquæ simplam ad decuplam altitudinem, usque ad Cc, elevari. Jam vero sicut orbiculus Aa reciperet e. g. decem impulsus aëreos per simplum spatium Aa sic orbiculus Bb illius subdecuplus, per 10. spatia Bc reciperet pariter 10. impulsus æthereos sibi adversos, ut hoc pacto tantundem ex hac par-



parte sit resistentiæ, quantum ex illa parte virium deprimendi, atque perpetuum, rebus ita stantibus, æquilibrium, id quod ad *experimentum Stevinianum* quoque applicare, non est adeo difficile: Quia nimirum aquæ cylindrus cavus gracilis sub altitudine v. g. decupla L M, (Fig. III.) tantundem debet eundem fundum N M premere lancemque O sustentare, quantum idem fundus antea premebatur ab aqueo cylindro solido ejusdem altitudinis, non aliter ac in priore Fig. IV. cylindrus gracilis B D basin communem D E æque premebat ejusdem ascensui resistebat, ac cylindrus multo copiosior A D, premebat eandem basin D E, ejusque descensui resistebat.

XVIII. Nec alia ratio erit experimenti Paschaliani (Fig. II.) dummodo ad huc unum attendatur, hic intercedere commercium mutuum duobus cruribus fluidorum diversorum, aquæ nempe & aëris, quæ non sub eadem altitudine, ut in casu (Fig. IV.) sed sub altitudine ponderibus reciproca, æquilibrium servant, si scilicet aëris altitudo F E vel H G sit millecupla circiter altitudinis aquæ A C vel B D, sicut econtra aqua specie millies solidior & gravior est aëre, de cætero vero eadem est, quæ supra aut similis illatio: Nimirum si cylindrus aëris F E vel H G embolum C aut D deberet protrudere sursum e, g. quinque lineas, aqua A vix ad dimidiam esset attollenda (posito scilicet aream A esse baseos emboli C decuplam) quemadmodum econtra aqua B ad 10 lineas veniret sursum extrudenda, si hujus area, dimidia pars tantum esset baseos emboli æqualis D. Jam vero ascensus areæ decuplæ A per lineam dimidiam non plures impulsus ætheris adversos sibi habet quam quinque nec area B (quæ est dimidia areæ D) per lineas decem, pauciores quam quinque tales, quales habent aërei cylindri per spatium quinque linearum. Quamobrem utrobique æquilibrium æqualiter futurum esset, nisi proprium emboli pondus, utrobique æquale, superpondium etiam æquale adjungeret.

XIX. Similiter se res habet cum statera & vecte, quoad τὸ δῶτι vix uspiam clare satis demonstrata. Servant e. g. (Vid.



Fig. V. l. XIII) pondus 1. lb. & pondus 10. lb. ex longitudinibus reciproce proportionalibus  $BC$  &  $AC$ , se mutuo in æquilibrio, quia, si majus pondus descenderet per tantillum spatium  $Bb$ , deberet eodem tempore minus attolli per spatium decuplum  $Aa$ , per decuplum autem spatium pondus simplex tantundem impulsu recipit, quantum pondus decuplum per spatium simplex. Quare impetu utrobique æquales exsuperare alteri alteros haut valent, & hinc necessario æquilibrium servabunt, tunc demum evertendum, si alterutri parti aliquid porro ponderis, & sic aliquot novi impulsus ætheris gyrantis, accesserint.

## VI. EPILOGUS

Quædam confectaria ex demonstratis huc  
usque Phænomenorum primum enarratorum  
causis deducens.

### L

**E**X hac de gravitate corporum elementarium hypothese sua sponte fluunt compluria hic attingenda magis quam diducenda, & hoc quidem primo loco : Causam aliam haut esse, quæ terræ molem ingentem ita libere suspensam in æthere sustineat, quam eam ipsam cœli gyrationem, qua partes ejus singulæ versus commune centrum compelluntur, siquidem impossibile est ex ulla parte terram, aut ejus tantillam portiunculam, uspiam emigrare, cum ejus partes undiquaque æqualiter ab ambiente cœli gyro comprimantur.

II. Ex eadem hac gyratione sphæricam terraquærei globi figuram nunc eo felicius quis deduxerit, quam partium gravitati dudum tribuerat Aristoteles, circa genuinum interim gravitatis principium activum indicandum mirum in modum sese torquens.

III. Cum porro luna, sol ac reliqui planetæ, adeoque & reliquæ



liquæ stellæ, soli simillimæ procul dubio, & globosæ figuræ sint, & in cœlo fluido, æque ac terra, libere pendeant, non est, ut aliam utriusque conditionis causam quæramus, quam similem ætheris circa singulas gyrationem, aliis etiam phænomenis circa plerasque jam comprobata, ut in sequentibus videbimus.

IV. Inde vero porro infertur: partibus lunæ, solis &c. non minus ac terrestribus, suam competere gravitatem, h. e. versus centrum totius, aut versus centrum sui orbis, tendentiam, nifum aut descensum, id quod, præter *Kircherum*, *Schottum*, aliosque dudum perspexit *Honoratus Fabri*, Peripateticus recentior, gravium qua talium usum alium non esse, quam ut cum aliis gravibus compingant globum totalem, accurate demonstrans.

V. Toti globi interim, etsi graves & ipsi, ita ut violenter ex orbis sui centro emoti, cessante movente violento, ad idem redituri essent procul dubio, in centro tamen hoc actu constituti non amplius gravitant, siquidem punctum, quo tenderent aut conniterentur, extra se nullum habent, & ambientis orbis fluore ex omni parte æquabiliter premuntur: ut hoc pacto, ex ingenti licet partium pondere, totis tamen globis, una cum suis orbibus, ad motus etiam concitatissimos, intra alios majores orbis sive vortices subeundos, nulla sit impotentia sive inertia metuenda.

VI. Quod vero coelestium illorum orbium fluor ob absolutam suam levitatem non avolet penitus, centrumque, & eo compulsa corpora deserat (id quod futurum suspicio esse posset,) ejus rei causa obvia nunc est, aliorum orbium, circa alia corpora similiter gyantium renitentia, ut vel ex hac sola causa cœlum etiam fluidissimum *Firmamentum* tamen nomen sibi omni jure vindicet.

VII. Eleganter etiam hinc licet concipere rationem perpetuæ & invariabilis fixarum stellarum (tamen si solidis è crystallo rotis non affixarum) ab invicem distantia; siquidem singulorum ambientes gyri vel orbis fluidi, singulas etiam in suo centro necessario penitusque defixas retinent.

VIII. Econtra verò, quod planetæ suas inter se distantias mutant, & à fixis aliis aliisque variè discedant, aliunde verosimi-



lius, credo, nemo deduxerit, quam ex eo, quod eorum quisque circa se peculiarem quidem habeat gyrum æthereum, & hoc mediante nonnulli alios porro minores globos (e.g. Jupiter 4. Medicae sidera, Saturnus quinque suas lunulas, æque ac terra suam unicam) circa se in orbem agant, una tamen cum his ipsis suis gyris minoribus, intra solis gyrum multo majorem comprehendantur, adeoque circa solem eadem ratione, qua ipsorum Satellites circa ipsos, tardius aut velocius pro ratione distantiae circumvehantur, id quod, quia huc præcise non spectat, hic etiam fusius haut licet deducere.

### CAPVT III.

De

*Geocosmi, è quatuor elementorum sphaeris compositi, magnitudine ac dimensionibus*

#### I. PHAENOMENA.

**P**HAEN. I. Mundum hunc terraquaërigneum, quem geocosmum hactenus appellavimus, revera globosum sphaericumque esse, è superiore de causa gravitatis hypothese à priori deduximus. In confirmationem illius hypotheseos ea nunc enarrabimus phaenomena vel observata, quæ rotunditatem sive sphaericam ejus figuram à posteriori nobis demonstrant; non quidem rotunditatem mathematicam sive geometricam, in qua singula puncta supremæ ejus superficiei à centro communi æqualiter distent, (id enim montium valliumque inæquabilitas ipsis oculis obvia, manifeste refellit) sed physicam & eminus saltem, ex Luna v. g. per mentis quandam fictionem prospicienti oculo, vel etiam ex altitudine multo minore, sine dubio conspicabilem; quandoquidem inæquabilitas illa oculo vicino nimis perceptibilis



bilis, in notabili ejus à terris intervallo necessario evanesceret, quod altissimi quoque montis elevatio, & vallis depressissimæ profunditas ad ingentem terræ profunditatem vel altitudinem, in oculo centum aut mille milliaria saltem supra terram elevato, non esset habitura sensibilem aliquam proportionem: quemadmodum certe Luna é terris spectata non solum oculo nudo, sed etiam tubis astronomicis armato, quoad ambitum suum exactissime rotunda apparet; tametsi superficiem ejus æque ac illam terræ nostræ montosam & inæquabilem esse certissimum, sit, uti suo loco constabit.

*PHÆN. II.* Primum igitur, ambitum terræ ab oriente in occidentem rotunditatem habere, ex eo constat, quod Sol e. g. aut Luna, populis orientalioribus citius, occidentalioribus serius oriatur, h. e. horam orientis Solis, Indi v. g. multo citius quam Persæ, hi quam Turcæ, Turcæ quam Germani, Germani quam Galli, Hispani, Americani denique, numerent. Id quod ex eo certo cognosse datum est, cum e. g. lunaris alicujus eclipseos initium aut finis à Viris Mathematicis, accurate observandi peritis, eo ipso momento quo contigit, notatur, simulque hora horæque minuta, quæ in cujusque loco tunc numerantur, (non secundum usualia & vulgaria horologia, quæ multum fallunt, sed ex altitudinibus notabiliorum quarundam stellarum fixarum accurate computata) sedulo adnotantur, adnotata vero & invicem communicata, inter se solcite comparantur: qua comparatione deprehenditur, & sæpe jam deprehensum est, ea loca omnia, quæ ab oriente in occidentem distita idem eclipseos incipientis tempus (omnes enim illud initium eodem temporis momento observant, tametsi illud momentum diversimode numerent) unius horæ differentia variant, æqualibus etiam quamproxime milliarium intervallis ab invicem distare; idque gradatim in occasum progrediendo: id quod satis arguit, eadem illa loca per circulum lineam esse disposita; quandoquidem, si in eadem planitie illa sita essent, sole uni oriente simul oriretur cæteris, ideoque



idem ab oriente sole tempus ab omnibus numeraretur: sin in curvitate, sed irregularem & inæquabilem, disposita essent, non foret eadem temporis & horarum in æqualibus intervallis varietas.

*PHAEN. III.* Sicut igitur ex hac observatione rotunditas terræ secundum longitudinem ab oriente in occidentem, & contra, satis aperta est; sic eadem ex parte latitudinis, sive ab austro in boream, observatione simili deprehensa fuit. Nimirum, cum ab austro in boream progredimur, vel contra à borea in austrum, intervallo 15. mill. germanicorum, (ubique etiam terrarum id fiat) deprehendimus semper polum septentrionalem in priore casu uno gradu amplius elevari, in posteriore casu uno gradu deprimi, idque æquabiliter, uti jam innuimus: ut hoc pacto rotunditas terræ secundum latitudinem, sive ab austro in boream, & contra, pariter manifesta sit. Illud vero corpus, quod secundum longitudinem & secundum latitudinem rotundum est, sphericam habere sive globi figuram, ex primis geometriæ ideis notorium est.

*PHAEN. IV.* Hoc vero ut magis adhuc dispalescat, enarranda sunt paulo distinctius illa experimenta de prudenti consilio & multo labore in eum finem præcipue instituta, ut non hæc solum terræ rotunditas, sed ejus cum primis magnitudo innotesceret. Ex innumeris fere modis magnitudinem terræ ejusque dimensiones æstimandi, quos exponit Ricciolus in Geographiæ reformatæ toto Lib. V. nos unius solum & alterius, ejusque simplicioris, hoc loco distinctam faciemus mentionem, unius item & alterius operosioris non nisi transcurso-riam. Ex posterioribus solum Willebrordi Snellii Professoris quondam Leydensis dimetiendæ terræ praxin obiter indicabo ex cap. XI. cit. Lib. V. qua per plurimas stationes & partialia intervalla viginti quatuor, plurium triangulorum solutionem involventia, tandem conclusit, inter Alcmariam & Leydam recto itinere intercedere pedes Leydenses 177000. seu passus 35400, cumque asserat inventam à se differentiam altitudinis poli



poli inter duas dictas urbes, minutorum  $31\ 4''$ ; inde deduxit, in uno gradu circuli terræ maximi esse passus Leydenſes (quos Romanis æquales putat) 68400; in ambitu vero terræ colligit millia passuum 24624: quos Ricciolus in conclusione capitis, adhibitis diversis correctionibus, reducit ad milliaria Italica Vespasiani tempore usitata, 30 in uno gradu circuli maximi. Simile tentamen dimetiendi ambitum telluris instituerunt Academia Regiæ Parisiensis Socii anno 1688. ex ea causa, quod, cum Snellius sua dimetiendi methodo reperisset pro uno terræ gradu 28500. perticas rhinlandicas, quæ faciunt sex pedes (sive *toises*) Parisienses 55021; dum contra Ricciolus alia methodo pro 1. gradu terræ 64363. passus bononienses, quas ad æquare proxime 62900. sexpedas parisienses adnotarant laudatæ Academia Socii p. 2. sub fin. versionis Anglicæ, quæ in manus meas pervenit sub inscriptione: *The Measure of the Earth*. Propter hanc notabilem differentiam inter numerum Riccioli & illum Snellii in Erathostene Batavo (quem numerum communiter, tanquam exactissimum, sequebantur) maxime quod in Snelliana methodo parvitatem baseos, multitudinem triangulorum, exilitatem plurium angulorum &c. culpabant, eandem rem eadem generaliter methodo, sed evitatis quæ culpaverant, & instrumentis plurimis accuratioribus adhibitis, inter *Paris & Amiens*, aut præcisius inter *Malvoisine & Sourdon*, aggressi, computarunt p. 31. in gradu uno circuli maximi 57060. sexpedas sive *toises* parisienses, vel 29556. perticas rhinlandicas.

**PHAEN. V.** Verum cum hæc exactitudo in præsentiforo physico non desideretur; sufficiant nobis opiniones illæ selectæ quas Ricciolus recenset Lib. V. Geogr. reformatæ cap. XII. *Adriani Metii* nempe de Usu globi, affirmantis, sub eodem meridiano sitas Daventriam ab Æquatore distare grad. 52. min. 11. & Franequeram  $53^{\circ} 11'$ ; & inter eas esse iter 15 mill. communium. Deinde *Alberti Curtii* Soc. Jesu, docentis in Amu-



Amussi Ferdinanda Prop, 93. sub eodem proxime meridiano situm Neustadium & Viennam Austriae; & communiter censi altitudinem poli Neostadii  $47^{\circ} 50'$ ; Viennae autem Gr.  $48^{\circ} 20'$ , ita ut sit arcus inter eas, sive differentia altitudinum, minorum 30; est autem earum urbium intervallum milliarium germanicorum  $7\frac{1}{2}$ . Unde concludit in uno gradu esse milliaria 15. Cæterum celeberrimæ hujus opinionis de 15 mill. germ. uno gradu conclusis assertores præter modo memoratos duumviros, recenset nobis Ricciolus cap. 11. sæpe cit. Lib. V. p. 137. in Classe V. *Danielem Santbech, Guil. Gilbertum, Longomontanum, Milichium, Mastlinum, Apianum, Cluverium, Blaëu, Gemmam Frisium, Mercatorem, Herigonium, Brietium, Regiomontanum, Tychonem, Keplerum* & alios.

*PHAEN. VI.* Pro sphaericitate porro telluris physica argumentum universaliter concludens suppeditat ejus umbra in eclipsibus lunaribus, qua parte Luna eam permeat, ambitu rotundo & lunulata figura ejus faciem lucidam ubique interfecante. Equidem Conus & Cylindrus, si basi sua luminoso corpori, ut soli, directe objiciantur, umbras suas in oppositum parietem pariter circulares projiciunt: Verum si latus coni aut cylindri vel recta vel oblique luci exponantur umbras suas non rotundas, sed vel rectangulas aut triangulares alioqui distortas exhibebunt. Tellus autem, sive ex orientali, sive ex occidentali plaga sive ex boreali à sole infra ipsam posito in austrum, aut alias intermedias regiones umbram suam in lunæ faciem effundat, rotunditatem satis exactam ubique videndam exhibet.

*PHAEN. VII.* Advenientia è longinquo navigia, primum a plustrium solum summitatibus, deinde gradatim inferioribus malorum sui que partibus in conspectum sese dant è litoribus prospectantium; & vicissim, è malorum corribus prospicientes terrasque desideratas quæritantes, cuspides turrium primum, deinde templorum tecta, porro humiliora ædificia, tandem ipsum solum, propius propiusque paulatim litoribus accedentes, detegunt; evidenti utrobique argumento, quod



quod ipsa marium superficies in rotunditatem composita, unum cum terra sicca globum constituat.

## II. HYPOTHESES UNICÆ

Ipsam veritatem procul dubio attingentes,

### I.

Cum ex receptissima observatione, progressis in terræ superficie ab austro in boream, sub eodem meridiano, quindecim communia mill. germanica, poli altitudo uno gradu augescere deprehensa sit; obvium fuit concludere, gradum unum in ambitu terræ rotundo exæquari quindecim milliaribus germanicis communibus. Cum vero rotunditas circularis quælibet in tales gradus 360 divisa concipiatur; in numerato jam habebatur totus telluris ambitus 5400 milliarium communium, inferendo sc.

I. Grad. dat 15 mill. germ. quid 360? Fac. 5400 mill. Iam si demonstrationem Archimedis ex ejus cyclometriæ Prop. 2. huc applicemus, qua ostendit, circumferentiam quamque ad suam diametrum se habere quam proxime, ut 22 ad 7; proveniet tota telluris diametralis spissitudo seu profunditas, inferendo sc.

Ut 22 ad 7, sic 5400 ad diam. 1719, quam proxime.

Pro quo mill. numero assumunt communiter magis rotundum 1720, cujus dimidium 860 mill. dat semidiametrum terræ, qua loco mensuræ uti solent Astronomi in dimensionibus cœlestium.

II. Jam cum area circuli cujuscunque producat per multiplicationem dimidiæ semidiametri in totam peripheriam [potest enim universa area divisa concipi in triangula innumera infinitæ quasi gracilitatis, quorum singulorum bases sint partes circumferentiæ insensibilis curvitatæ, altitudo vero sensibilibus ipsa semidiameter] i. e. in omnes illas peripheriæ minutissimas partes; ideo peripheria circuli terrestriis maximi, 5400 mill. germ. multiplicata per semidiametrum terræ dimidiam, h. e. 430 mill. dabit aream circuli terrestriis maximi, quæ basis foret hemisphærii telluris in duas partes æquales, sive per medium centrum, sectæ; aream, inquam, 2,322, 000 sive duorum

M

mil-



millionum. ac præterea ter centum viginti ac duorum millium milliar. german. quadratorum, h. e. arearum quadratarum talium, quæ singulæ milliaris unius longitudinem & latitudinem habent. Quod si pro longitudine aut latitudine unius talis milliaris computemus 20,000 pedes, comprehendet area unius milliaris quadrati 400,000,000 pedes quadratos & si pro homine commode staturo assignemus 4 pedes quadratos; poterunt super unius milliaris quadrati area stare homines satis commode 100 000 000; & hic numerus in superiorem 2322 000 multiplicatus, dabit numerum 232'2 000 00'0 00000 omnium hominum, qui supra planum circuli maximi, sive basin unius hemisphærii terrestris, stare possent, nimirum, bis centum ac triginta duo bimilliones (sive millions millionum) & præterea ducenties mille millions hominum; ingens profecto & incomprehensibilis numerus, omnium hominum imaginitationem sua vastitate eludens.

III. Quoniam autem Archimedes Lib. I. de Sphæra & Cylindro Prop. 31. (aliis 30, in recentissima Barovii editione 37) & nos in conscriptariis Prop. XXXIX Mathes. Enucl. demonstravimus: Sphæra cujuscunque convexam & externam superficiem esse circuli maximi planitie quadruplam; consequitur superficiem telluris sphæricam complecti 9,288,000 milliarum germanica quadrata, consequenter tota sua capacitate complectentem quadruplum superioris ultimi numeri, nimirum 928',800,000'0,00,000 homines; si stare omnibus in sicco daretur. Quod si denique hujus superficiem tertia pars in semidiametrum, aut pars tertia semidiametri in totam illam superficiem sphæricam multiplicetur; habebitur globi terrestris soliditas 2,662',560,000, h. e. bis mille sexcenti & sexaginta duo millions, & præterea quingenties sexagies millia milliarum cubicorum, sive talium partium tesseræformium, quæ singulæ integri milliaris germanici longitudinem, latitudinem & altitudinem habent, tantam adeo terræ molem unaquæque seorsim complexæ, quæ vim humanæ imaginæ omnem multis superat modis, si uno mentis obtutu vel una earum velit comprehendere. Quod autem alterutro dictorum modorum soliditas corporis globosi cujuscunque obtineri queat vel ex eo judicari potest, quod in superficie ejus assumi possit areola quædam quadrata tam pusilla, quæ nihil amplius convexitatis sensibilis habeat, & è cujus quatuor angulis *a b d e* ad cen-



centrum *c* ductæ rectæ pyramidem pusillam constituent , cujus altitudo sit adeo sensibilibiter ipsa semidiameter (in terra v. g. 860. milliarium ut hoc pacto, vel tertia pars hujus semidiametri  $286\frac{2}{3}$  in omnes talium pyramidum bases, h. e. totam superficiem 9288000, vel hujus superficiiei tertia pars, 30 96 000 per totam altitudinem 860, multiplicata, ante-memoratam capacitatem, 2662560 000 milliarium cubicorum sit productura.

### III. EPILOGUS cum CONSECTARIIS

quibusdam consideratione non indignis.

#### I.

**I**llud ex dictis plane elucet, quod absolute quidem & in se, stupendæ molis globus sit hoc commune nostrum habitaculum; etsi respective verum & illud sit, quod Aristoteles, Lib. II. de coelo sub finem asseruit, ἐτι δὲ, inquiens, διὰ τῆς τῶν ἀστρων φαντασίας, ἔ μόνον φανερόν ὅτι περιφερὲς, ἀλλὰ καὶ τὸ μέγεθος ἐκ ἑσῶ μεγάλῃ. h. e. *Præterea, per astrorum apparentiam, non solum manifestum est, quod rotunda sit terra, sed et, quod mole non magna sit.* Subjungit autem statim hanc utriusque rationem: Μικρὰς γὰρ γινομένης ἡμῖν μεταβάσεως πρὸς μεσημβρίαν καὶ ἀρκτον ἐπιδήλως ἕτερον γίνεται ὁ ὀρίζων κύκλος. ὥστε τὰ ὑπὲρ τῆς κεφαλῆς ἀστρον μεγάλην ἔχει τὴν μεταβολὴν, καὶ μὴ ταῦτα φαίνεσθαι πρὸς ἀρκτον τε καὶ μεσημβρίαν μεταβαίνεσθαι; ἐνιοὶ γὰρ ἐν Αἰγύπτῳ ἀσέβεις ὁρῶνται καὶ περ κύπρον. ἐν τοῖς πρὸς ἀρκτον δὲ χορίοις ἔχ' ὁρῶνται. Καὶ τὰ διὰ παντὸς ἐν τοῖς πρὸς ἀρκτον φαινόμενα ἐν ἐκείνοις τοῖς τόποις ποιῆται δύσιν. ὥς ἔ μόνον ἐκ τέτων δῆλον περιφερὲς ὄν τὸ χῆμα τῆς γῆς, ἀλλὰ καὶ σφαῖρας ἔ μεγάλης. ἔ γὰρ ἂν ἔτω ταχὺ ἐπίδωλον ἐποιοι μεθισταμένοις ἔτω βραχὺ. h. e. *Parvo enim facto nobis transitu ad meridiem et Arcton manifeste alius fit horizon, ita ut Astra, quæ sunt su-*



pra caput, magnam subeant mutationem, nec eadem appareant ad ursam & in meridiem transeuntibus. Quadam enim stellæ in Ægypto quidem videntur, ac circa Cyprum, in iis autem quæ ad ursam vergunt regionibus, non videntur. Et ea quæ in illis quæ ad ursam vergunt regionibus semper apparent, in illis (quæ diximus) locis occidunt: ut non solum ex his manifestum sit, figuram terræ rotundam esse, sed etiam sphæræ non magnæ; nec enim tam celeriter insignis quadam mutatio fieret, translatis nobis adeo parum.

II. Quamvis igitur, uti dictum, globus terræ per se spectatus ingens moles sit, respectu Solis tamen ex mente Tychonis vix centesima quadragesima, aut sesquicentesima pars, ex Riccioli computo vero ne quidem tricies millesima; intuitu denique totius Sphæræ mundanæ reapse vix tenuis arenulæ rationem habet. Suadet hoc evidenter vulgare & quotidianum phænomenon, quo in superficie terræ constituti coeli dimidium non minus cernimus ac si ex medio ejus centro possemus prospicere. Quam digne igitur Philosopho Seneca vere magnanimus, in Præf. Nat. quæst. de animo ad coelestium cognitionem præparato, dignoque facto, qui in consortium DEI veniat, „Tunc juvat, inquit, inter sidera ipsa vagantem divitum pavimenta ridere, & totam cum auro suo terram! Tunc totum circumiens mundum, & terrarum orbem superne despiciens „sibi ipse ait: Hoc est punctum, quod inter tot gentes ferro „& igne dividitur! O quam ridiculi sunt mortalium termini! & porro terricolarum molimina cum formicarum in angusto laborantium discursibus facete comparans, Punctum est (iterato inculcat) illud, in quo navigatis, in quo bellatis in quo regna disponitis; minima, etiam cum illis utrinque oceanus occurrit &c. &c. dignissima profecto, quæ attento animo universa legantur.

III. Plura alia deducit corollaria ex magnitudine globi terraquei, laudatissimus supra Ricciolus, in cap. XXXVIII. Lib. V, Geographis reformatæ; ex quibus illæ præcipue sunt ejus  
cogi-



cogitationes, quibus rationem aliquam magnitudinis globi terreni conijcere audet; existimans non incongrue forte statui, DEUM O. M. ad mensum fuisse Terræ globum humanæ staturæ & facultati ambulatrici; ut unus homo, si vellet, posset uno anno discernere omnes tempestatum vicissitudines, quas efficit Sol abeundo ab uno Tropicorum ac redeundo ad eundem; nimirum, (si miliarium Bononiensium loco, quibus ipse utitur, nos germanica nostra substituamus) divisa anni magnitudine  $365\frac{1}{4}$ . dierum per 180. grad. ab uno polo ad alterum intra id temporis spatium itinere pedestri absolvendos, gradum quemvis requirere  $2\frac{1}{2}$ . fere dies. Cum igitur gradus unus non habeat nisi 15. mill. germanica communia; si homo unus toto die ambulando conficiat 6. mill. duobus diebus, 12. conficiet 8. residuis horis sive tertia diei parte 2. atque ita  $2\frac{1}{2}$ . diebus 14 mill. germ. Quod si vero  $6\frac{3}{4}$ . uno die absolvat, & rursus  $6\frac{3}{4}$ . altero die,  $2\frac{1}{2}$ . vero residua tertia diei parte (quæ viarum spatia dictis temporibus commodissime conficerentur) haberemus confectum meridianum integrum 180. nullo labore & negotio, cum interjecta quiete singulis diebus plus quam 12. horarum, ut satis occasionis otiique habiturus esset pius viator, quo ex hac contemplatione (ut cum Ricciolo concludamus) subinde raperetur in admirationem & amorem sapientissimi & munificentissimi Conditoris.

## ARTICULUS II.

### De ignis elemento.

#### CAPUT I.

De

*Effectibus & essentia ignis.*

#### 1. PHÆNOMENA.

**P**HÆN. 1. Cum rei cujusque naturam non melius quam ex effectibus hariolari detur, vulgatissimi omnium ignis effectus



fectus sunt *lucere*, & eminus in proportionata distantia *calefacere*, cominus autem etiam adurere, concremare & in cineres redigere, arctissime quoque connexa resolvere, partium nexum validissimum dirumpere, & ad intimos corporum etiam solidissimorum plexus penetrare. Nec enim aquas tantum aut aërem aliave fluida intimius pervadit & incallescere facit, sed in ferri quoque aliorumque metallorum & lapidum durissimorum poros ita se insinuat, ut ea penitus candefaciat, & in ignem tantum non transmutet, intensior, etiam in calcem ea tandem redigat, aut ruptis omnibus partium vinculis, eorum solidissimam substantiam in fluorem diffundat. Hi vero vulgatissimi ignis effectus & proprietates *Lux* & *Calor*, cum à sole quoque, etiam citra radiorum artificiosam collectionem, jugiter emanent, vel soli sufficerent ad comprobendam solis igneam naturam, si maxime cæteri effectus hactenus enarrati nunquam, nisi per collectionem radiorum refractivam, contingerent, de quibus tamen infra, cum de sole speciatim agetur, pluribus erit videndum.

*PHÆN. II.* Separat insuper solutas mixtorum partes, & singula genera, promiscue ante implicita, seorsim colligit, uti quidem ejus rei sexcenta exempla in operationibus chymicis occurrunt, ubi ex uno eodemque corpore, nunc phlegma, seu aquosus liquor, deinde spiritus & igneus magis, mox intensiore fervoris gradu oleosa pinguedo, salia & similia, seorsim singula colliguntur, in fundo tandem terreo quodam & sicciore sedimento relicto, ut ita, quod Aristoteles de *Calore* dixit, aut de *Calido* potius, Lib. II. de Generat. & Corrupt. cap. 2. (Τερμὸν γὰρ ἐστὶ, τὸ συγκρίνον τὰ ὁμογενῆ, h. e. *calidum est, quod congregat ea quæ sunt ejusdem generis*,) de igne tanquam caloris excessu, vel maxime verum sit, prout in verbis ibi immediate sequentibus ignis nominatim mentionem facit, dum addit: τὸ γὰρ διακρίνειν, ὅπερ Φάσι ποιεῖν τὸ πῦρ, συγκρίνειν ἐς τὰ ὁμόφυλα, i. e. *Segregare enim (heterogena) quod dicunt (nonnulli) facere ignem est congregare homogenea*, eo ipso nempe quo diversa genera, unum ab alteris segregantur.

*PHÆN.*



*PHÆN. III.* Jam quod condensata rarefaciat & expandat, ut aërem, aquam, lac &c. vel culinarum experimenta quotidiana demonstrant: imprimis de aëre, vesica, hujus semiplena, in sole vero, æstivo præsertim, vel ad fornacem calentem hyberno tempore plene inflata, ad oculum patefacit; maxime de ipsa sphaera aëris æstivo tempore, ob rarefactionem, multo altiore, quam hyeme, (id quod crepusculorum ibi longitudo, hic brevitates evidentius arguunt) ad sensum constat. Quod item quædam emolliat, ut ceram, butyrum, &c. aliqua mollia contra induret, ut argillam &c. quædam denique nec induret nec emolliat, ut glaciem; quod porro humida exsiccat, vapores & fumos ex aquis, nivibus, nubibusque excitet ac in sublime attollat, & similia, ita nota sunt cuivis, ut non opus sit vel verbum addere.

*PHÆN. IV.* Illud interim negligendum non est, quod iidem illi, aut similes effectus, haut raro observentur, ubi calor igneus se manifeste prodit, lux autem aut flamma nulla conspicitur. Ita v. g. oleum aut aqua fervida thermarum vel ad focum luculentum ebulliens, carnes & cutem animalium exurunt, fauciant & instar flammæ excoriant, calx viva superaffusam sibi aquam, haut aliter ac ignis facit effervescente, quod idem in permixtione liquorum quorundam chemicorum, aliquando in flammam penitus erumpentium, frequenter observatur, fœnum recens non satis exsiccatum, ita latente calore nonnunquam absumitur, ut (etiam sine concepta flamma, quæ tamen aliquando subito insequitur, aëre præsertim libere admissio) in cineres ferè redigatur, & calor animalis in sanguine & spiritibus ultra modum effervescent, animalium carnes & viscera arefecit & exussit, ut de causticis medicorum remediis nunc omnino sileam. Non immerito igitur Physici vel ignem à flamma, vel ignem lucidum à non lucido, vel ignem sive flammam potentia talem, ab igne sive flamma actuali distinguere necessum duxerint.

*PHÆN. V.* Quemadmodum ex opposito flammæ reperiuntur adeo tenues, e. g. accensi spiritus vini, petrolei seu naphthæ &c. quæ corpora alias facile inflammabilia, nihil lædunt, ali-

quæ



quæ vero luculæ in lignis putridis, piscibus sale conditis vel eorum squamis putrescentibus, sparsis aquæ guttis, & perstrictis felium pilis, nihil omnino caloris conjunctum habent, ignis adeo lucidi, sed non calidi, nomen aliquibus mereri visæ,

*PHÆN. VI.* Possunt scilicet ignes cum P. Casato saltem dubitanter distingui vel locis, ut alii terrestres dicantur, qui vel in extima telluris facie excitantur, vel inimis cavernarum latebris delitescent, vel (é summis montium crateribus erumpunt, vel in silicum aliorumque lapidum venis abstrusi, quasi flammæ semina in horreis recondita otiantur, vel corporibus insiti cæterisque elementis permisti ac in unam speciem temperati, calorem, quo naturæ subsistunt, foveant: Alii æerei, qui sublimes geniti, vel brevi spectaculo oculis blandiuntur, ut trajectiones vel innoxia flamma inter nubes coruscant, ut fulgura, vel nubium conflictu expressi in terras emittuntur, ut fulmina; alii demum coelestes, ut sol & astra reliqua certis locis infixæ, nec alienam lucem mutuata suis micant ardoribus. Aut certius tripartita divisione totum atque integrum ignium genus complecti possumus, ut unus ignis sit splendidus absque calore, fatuis ignibus, quos vocamus & lambentibus, accensendus, quique interdum prorsus latentes noctu tantum videntur, ut lampyridum & noctilucarum flammulæ, alter absumendi vim habens, aut facultatem excitandi aliquem caloris sensum nihil tamen lucis, quod in oculos incurrat, cujusmodi sunt caustica omnia, ut argentum vivum præcipitatum, quod citra dolorem carnes exest, piper item & pyrethri radix &c. quæ nemo dentibus extenuare potest & in ventriculum demittere, quin caloris vim haut obscuram sentiat, tertius denique calidus pariter atque splendidus, κατ' ἐξοχὴν ignis, & vivus ignis, appellatus.

*PHÆN. VII.* Inprimis notabilis sunt stupendi illi ignis effectus, quos edit interventu pulveris pyrii in pyrobolis, bombardis, tormentis, mortariis, cuniculis & furnis subterraneis &c. cum e. g. pyroboli (Raggetten vulgo dicti) non unius modo pondo, sed viginti, quinquaginta, centum librarum &c. parvo pul-



pulveris pyrii manipulo accenso in aërem sublimem perpendiculariter cum ingenti strepitu evehuntur; cum non solum bombardarum glandes plumbei semunciales, unciales &c. ope deflagrantis in sclopetis exiguae pulveris pyrii copiae (quanta videlicet extremis quatuor digitis comprehendi potest) ad passus geometricos ducentos & amplius intra oculi nictum cum impetu mortifero, projicit; sed etiam metallicos globos 60, 80, 100 librarum, è tormentis interventu paucarum drachmarum, unciarum, selibrarum, aut bombos (quos hodie vocant) duorum, quatuor, sex & septem centenariorum, virtute paucarum librarum pulveris pyrii intra momentum infernali quasi igne displosarum, ad plusquam quartae partis ex integro milliari intercapedinem, cum effectu horrendo emittit; cum item pluribus unà tonnis vel doliis diabolico isto pulvere refertis, ac intra cellam subterraneam arte paratam, decenter coordinatis, & una in halitum converfis, incumbentes desuper ingentes propugnaculorum moles, cum integris insistentium militum turmis & cohortibus, in sublime horrendo spectaculo abripit, &c. &c.

### III. HYPOTHESES VARIAE

#### Circa naturam & essentiam Ignis.

##### I.

**E**X Aristotelicis, latinis praesertim, scholis & sectatoribus, si, quid ignis sit, quaesiveris, in promptu habent responsum è Lib. II. de gen. & corrupt. cap. 3. τὸ πῦρ ἐστὶ σοιχῆρον θερμὸν καὶ ξηρόν. *Ignis est elementum calidum & siccum*; aut melius secundum alios. *Calidissimum & siccissimum*. (Vid. Gilberti Jachæi instit. Phys. Lib. VI. cap. 11, p. m. 412) etsi de posteriore superlativo aliis (uti Zeisoldo in Notis ad hunc l. p. 419.) iterum contrà videatur, qui terræ potius summam siccitatem tribuendam judicant, quippe magis consistenti ac sub propriis terminis contineri solitæ: sic enim τὸ ξηρόν ex [alleg. ante] loco de gen. & corr. defi-



definiunt, quod proprio termino facile continetur, difficulter alieno. [*Conf. etiam Systema Phys. Ernestin. Lib. II. Part. spec. cap. X. p. m. 227. cum Zeisoldo consentiens*] Enimvero, si non contentus hinc urgeas, quid sit esse calidissimum (talem enim esse ignem nemo ignorat, sed cur, & quo modo sit talis? inter philosophos, quos ultra plebem sapere decet quæritur) & in quo consistat illa ὑπερβολὴ τῆς θερμότητος καὶ ζέσεως, cujus meminit Aristoteles I. Meteor. cap. III. quo modo ignis urat, cremet, ac cætera quæ superius enarravimus, efficiat &c. tunc tantum non iniquum postulare videberis hominibus istis, tandemque solitum ipsis suspirium extorquebis: *Lacere plerarumque rerum, & speciatim elementorum formas, aut esse altem dubium, sintne qualitates primæ elementis formarum loco, an vero ab illis distinctæ statuendæ?*

II. Ipse vero Aristoteles (cui locis cit. aliisque similibus itidem abstractius loquens) Sect. XXIV. tamen Probl. 3. optimam respondendi ad hæc quæsitæ rationem init. ubi, postquam quæsisisset. *Cur aqua nonnunquam ipsa flamma calidior, non adurat tamen ligna, uti flamma eadem adurit?* respondet: ὅτι ἡ μὲν φλόξ λεπτομερὴς, καὶ τὸ ἀπ' αὐτῆς πνεῦμα τὸ δὲ ὕδωρ μεγαλομερὲς. h. e. quia flamma quidem & halitus ex ea igneus. tenuium est partium; aqua vero majuscularum: ὥστε ἐκ εἰσδύεσθαι, adeo ut non subintret: ἡ δὲ φλόξ καὶ τὸ ἀπὸ τῶν ἀνθρώπων διὰ λεπτότητα εἰσιὼν, δαλύει, flamma autem, & quod à carbonibus (emittitur effluvium igneum) propter partium tenuitatem penetrans, dissolvit. Ignis igitur naturam, vires, proprietates ipsissimamque essentiam, in certis particularum, ipsum componentium conditionibus, hoc loco posuit Philosophus, ac procul dubio ex professo docuit ἐν τοῖς περὶ πυρὸς, ad quæ provocat Sect. sequente XXX. Probl. 1.

III. Agnovit autem Plato quoque ante Aristotelem, in Timæo Locro hanc ignis λεπτομερείαν, imo, præter τῶν τε μορίων σμικρότητα, καὶ τῆς φλογὸς τάχους, celeritatem motionis exigit; & specialius minutissimis ignis particulis figuram tetrahedricam sive pyramidalem assignat; prout Epicurus quoque, Democritus, & cæteri atomorum assertores, voluerunt, atomos caloris esse debere mole exiles, figura rotundas, motu celeres, teste Gassendo



animadv. in X. Lib. Diogen. Laërt. p. m. 38. & Philoponus Comment. in Lib. I. Phys. Τὰς μὲν σφαίρικας, αἷς ὡς ἐκινήτας, θερμότητι & καὶ τῇ πυρὸς αἰτίᾳ, ὡς γὰρ ἐκινῆτον διαρῆσι δᾶττον καὶ διαδύναστι. τῆτο δὲ ἴδιον πυρὸς, τὸ τμητικὸν καὶ ἐκινῆτον h. e. *Sphericas (atomos) tanquam facile mobiles, esse caloris ignisque causas. Quatenus enim sunt facile mobiles, dividunt, subeuntque velocius, id quippe ignis proprium est, & dividere & moveri facile posse.*

IV. Et hunc veterum conceptum hodie quoque suum faciunt recentiores Philosophi plerique omnes, in eo ignis essentiam unanimiter statuentes, quod ex particulis constet *primo* minutissimis *deinde* figura quadam in poros inflammabilium se facile insinuant, & ad resolvendum, sive pungendo sive secando, aliove modo, apta prædictis; ac *tertio* celerrime & vehementissime agitat: his tribus enim positis, omnibus ante enumeratis effectibus abunde satis fieri posse existimant. In assignanda saltem istis particulis speciali, figura quodammodo dissentiunt, dum e. g. *Gassendus* sphaericam cum Philopono cæteris antehabere videtur, tum quod sphaerulæ adeo minutulæ, ut platoniarum pyramidum angulos non excedant, eandem cum hisce pungendi ac dividendi vim habeant; tum etiam, quod ea figura huc apprime faciat, ut promptius se extricent igniculi & libertatem motus facilius assequantur, utpote quæ neque hamulis neque angulis præpediantur; *Cartesius* contra Part. IV. Princip. num. LXXX. nullam peculiarem figuram earum particularum determinat, sed particulas terrestres omnes, (Willisus è chymicorum hypothese sulphureas in specie deponit & nitrosas, de anima brut. p. 13. ac de fermentatione cap. X. p. m. 74) cujuscunque sint magnitudinis aut figuræ, cum singulæ seorsim elementi primi motum sequuntur, ignis formam habere docet.

V. Scilicet ut natent aut volitent verius, intra primi elementi subtilissimam materiam, exiguas admodum esse oportet si maxime ejusdem magnitudinis non sint omnes, & sic, ut pungant secant, rumpant concretarum partium nexus, quævis figura sufficere videtur; neque adeo quicquam ultra requiritur, quam ut vehementissime agitentur, & in corporum poros ac plexus cum impetu maximo impingant. Hunc vero impetum statim acqui-



runt, ubi ab aliarum particularum, æthereorum præsertim globulorum, consortio eas liberari & in solitaria primi elementi materia natate contigerit. Hæc enim intra globulorum æthereorum interstitia conclusa, non cessat quidem ibi motum, quem sub initium recepit, continuare, & obviantes sibi particulas valide percutere; sed tamen, ubi liberius & amplius spatium nata fuerit, non ipsa tantum expeditius motus suos celerrimos exercet, sed correptas terrestres particulas quaquaversum vehementissime propellit & explodit, quæ prius ob ad mixtorum æthereorum globulorum obstaculum impetum receptum statim iterum deperdiderant: ut ita hæc hypothesis cum modernis cæteris motum particularum ignis celerrimum non supponat tantum, sed, quod istarum ita commode nulla potest, insimul causam illius motus celerrimi, in particulis ante quietis & quasi-incarceratis, producti à priori demonstrare conetur.

VI. Ut specimen aliquod generandi de novo ignis, ubi nullus antea fuerat, (nam cum parva flamma materiæ inflammabili admotæ ejus augmentum aliquod exinde procurat, id mirum non est, quando quidem materiam illam solvens, particulas quasdam terrestres & una subtilissimæ materiæ aliquas sibi adjungens, illas autem eadem rapiditate abripiens, augmentum successivum, acceleriter quidem capere facile concipitur) ex num. LXXXIV. & LXXXV. Part. IV. Princip. Philosophiæ, afferamus, cum nihil „usitatus sit, quam ut è silicibus ignis excutiat, id ex eo fieri „existimat, quod silices sint satis duri & rigidi, si percutiantur ab „aliquo corpore etiam duro, spatia quæ multas eorum particulas „interjacent, & à globulis secundi elementi solent occupari, solito „fiunt angustiora, & ideo isti globuli exsilire coacti, nihil præter „solam materiam primi elementi circa illas relinquunt, deinde ex „eo quod sint friabiles, simul ac istæ silicum particule non am- „plius ictu premuntur, ab invicem diffiliunt, sicque materiæ pri- „mi elementi, quæ sola circa illas reperitur, innatantes, ignem „componunt. Vid. Fig. XV. & confer cum dictis & cum subjun- „cta porro applicatione, ita ut A exhibeat silicem, inter cujus- „anteriores particulas globuli secundi elementi conspicui sunt: B repræsentet eundem, cum ab aliquo corpore duro percutitur, & „ejus meatus angustiores facti, nihil aliud nisi materiam primi ele- „menti possunt continere; C vero eundem jam percussam, cum

quæ-



quædam ejus particulæ ab eo separatae, ac simplicissimam materiam solam circa se habentes, in ignis scintillas sunt conversæ. Quod si lignum, quantumvis siccum, hoc pacto percutiatur, non idcirco scintillas ita emittet, quia cum non adeo durum sit, prima ejus pars, quæ corpori percutienti occurrit, flectitur versus secundam, eamque attingit, priusquam hæc secunda flecti incipiat versus tertiam. Sicque globuli secundi elementi non eodem tempore ex multis eorum intervallis, sed successive nunc ex uno, nunc ex alio discedunt. Atqui, si hoc lignum aliquandiu & satis valide fricetur, inæqualis ejus particularum agitatio & vibratio, potest ex pluribus earum intervallis globulos secundi elementi excutere, simulque ipsas ab invicem disjungere, atque ita in ignem mutare.

VII. *Honoratus Fabri* cum *Gassendo* & *Cartesio* in eo quidem consentit, quod in igne particulas quasdam minutissimas, puncta seu minima physica, ut ipse loquitur, concipit; sed in his duobus maxime capitibus ab istis dissentit, quod (1) cum isti calefactivam & ustoriam vim non ponant in re alia, quam in acutissimarum istarum & agitatissimarum particularum punctione & sectione quasi hic contra calorem habeat pro qualitate quadam physica absoluta, (quales duas tantum agnoscit, nempe præter calorem etiam impetum, cæteras omnes cum modernis Philosophis pro modalibus, h. e. è particularum figura, positu, motu, magnitudine, pendentibus) & puncta illa physica, licet singulatim insensibilia, singula tamen in summo calida & lucida supponit; quorum lux & calor destrui nunquam possit, sentiri autem & effectus fortiri suos in corporibus crassioribus tunc demum incipiat, ubi magno numero collecta, ac desinere rursus sub forma ignis seu flammæ sensibili comparere, ubi à causa quacunque separata rursus ac dispersa fuerint; (2) Figuram istis ignium punctis seu particulis tribuat oblongam, teretem, cylindricam, ac præterea rigiditatem istis adimat, in qua maximam earum vim ponunt cæteri, & flexilitatem eam tribuat, ut involvi & implicari invicem & cum aliis, imo neri & in filamina duci queant; è filaminibus enim constare ignem multis, ait, experimentis evinci, cum extinctis lucernis in fumo, qui prius flamma fuerat, mirabilis filaminum plexus cernatur; in resolutione corporum, a volante halitu, cineres supersint, indicio manife-



sto, quod halitus ignei implicatione, partes prius cohæserint, quæ multo igne & multa terra constant, ut plurimum dura sint, ab arctiore partium plexu, qui filamina dicat, non terræ, quæ in cineres abeat, sed ignis; halitus denique accensus flagellatus aut ventilatus non nihil rumoris edat, quem non accensus non edit. ob majorem sc, ibi resistantiam, h. e. implicationem filaminum &c.

## EPICRISIS ECLECTICA

circa præmissas Hypotheses.

### L

**P**Lacet omnino illa partium ignis λεπτομέρεια, quam veteres cum modernis statuere coacti quasi sunt à plerisque effectuum circumstantiis; illa maxime, quod ignis non fornacum solum fidelias, ollas & crucibula, sed vitrea quoque & metallica vasa, imo massas metallicas ingentes, solidissima marino-  
ra &c. intime penetret, arctissios etiam consolidatissi morum corporum plexus subiens & violentissime dissolvens. Quod postremum etiam motum igniculorum celerrimum ac vehementissimum evidentissime arguit, oculis interim ipsis quoque manifestissimum. Est certe combustio v. g. solutio corporis aliquando solidissimi, quæ partium minutissimarum violentam divulsionem & rupturam plexuum supponit, quam sine motu & impetu tenuinum quoque quasi spiculorum & cultellorum, concipere est impossibile.

II. Figuram vero & reliquas conditiones illarum partium quod attinet, ut habeant in enarratorum superius phænomenorum explicatione commoditatem suam, Honorati Fabri filamina inepta saltem videntur ad subeundum in corporum poros penitiores, quia rigiditate destituta non possunt, ut cunei à cuneis subsequenter, trudi & in intimiores recessus cogi, sed flexilitate sua sibi mutuo implicita sub ingressum statim sisterentur, adhuc ineptiores autem forent ad pungendum, secandum, rumpendum, cæterosque effectus producendos, quos ab igne pendere  
nimis



nimis manifestum est. Neque satisfacere huic dubio illud potest, quod his viribus opus non habeant, cum innato singulis punctis calore summo effectus istos edant; innatus enim ille calor in quo consistat, & quo tandem modo effectus istos producat, id ipsum est, quod hic quærebatur. Et quemadmodum in superioribus Democritorum hypothesis pro gravitate corporum elementarium explicanda, ideo rejiciebatur, quod gravitatem, quam ex primis illis ac simplicibus principiis de figura, situ, motu, &c. particularum materialium, non sine causa deduci expectabant moderni præsertim philosophi, in ipsis atomis sine omni ratione supponebant, sic in ignis natura & virtute calefactoria declaranda, tanto minus congruum erit, ignis naturam & summum calorem in ipsis minimis ac punctis supponere, quando caloris & ignei furoris augmentum cum ipsa incendi magnitudine crescit, id quod fieri posse non videtur, si quodlibet ignis punctum sive minimum summo calore præditum sit, & tamen illo interea (quod mirum) insensibili: uti certe facile concipimus, quomodo corpus aliquod gravius altero esse possit, quod nimirum ex pluribus atomis (quæ singulæ gravitatem aliquam habere supponuntur) conflatum est, quod ex opposito imaginabile non esset, si quælibet atomus summa gravitate prædita supponeretur. Quod si modum quo paulo ante memorati effectus producantur, dixisse eo ipso putetur, dum qualitatem rarefactivam esse calorem asserit, Tractatu II. lib. I. prop. X. ac cætera omnia rarefaciendo facere contendit, dicendum nobis contra est, hanc rarefactionem suam ita concipere Fabrum, ut cum expansionem ejusdem subjecti ampliorem multo, sine tamen materiæ novæ accessione, supponat, ejus rarefactionis conceptus jam multo sit obscurior, quam ipse caloris conceptus, quem in corpusculorum aliquo profluvio consistere expresse negat.

III. Præferenda igitur nobis omnino videtur cæterorum hypothesis, quibus calor non est qualitas ipsis particulis igneis inherens aut connata, sed ex ipsarum celerrima agitatione demum resultat, nec opus esse videtur, ut igniculis istis una sit ac certa



certa singulis vel figura vel magnitudo, quandoquidem ignes diversi, diversos habent caloris gradus, ut e. g. ignis è ligno quercino sensibilius urat, quam ex populo, tilia aut salice, ignis item ex oleo quam ex vini spiritu, qui postremus caloris est aut ustoriarum virtutis adeo moderatæ, ut muccinia vini spiritu vulgari imbuta ardeant quidem, sed illæsa, & intincti digitorum apices flammam quidem concipiant cum aliquali dolore citra adustionem tamen id quod aliunde esse non potest, quam quod particulæ ignium diversæ magnitudinis, vel figuræ, vel rigiditatis vel ponderis, sint, ut scilicet inæquali celeritate rapiantur, vel æqualiter raptæ, rigidiores tamen & acutiores profundius adigantur fortiusque lædant, quam flexibiliores & magis cedentes &c.

IV. Illud interim in Cartesiana hypothesi singulare est, uti supra jam illam hoc nomine commendavimus, quod originem illius diversi quodammodo gradus, sed ubique tamen rapidæ & vehementis agitationis generalem assignet, qualem in cæteris, uno saltem alterove casu frustra quæsieris, quainde consentaneè judicantem habemus *Ioh. Baptistam du Hamel* Phys. gen. p. m. edit. Norimb. 77 & 78, ubi Cartesianam hypothesin Epicuræ hoc „maxime nomine præfert, “quod hæc atomos ignis ita esse in „corporibus aliis atomis irretitas putet, ut si forte ab harum vinculis solvantur, ultro nec accepto aliunde motu, agitentur: Illa vero subtilem substantiam cuncta permeantem in perpetuo „motu versari existimant, adeo ut solutis & è carceribus suis liberatis eum motum communicet. Quod enim ante quiescebat, „moveri non potest (addit) nisi ab alio jam moto corpore „motum ipsum accipiat. Quo minus mirandum, si „primo elemento, aut tenuissimæ admodum substantiæ motus „ille ignis celerrimus referatur acceptus.” Etenim, si maxime in eo casu, quo corpus aliquod admota flamma accenditur absque ratione diceretur, liberatos suis vinculis igniculos ipsos sua sponte intermissum hætenus impetum de novo iterum incipere, ob rationem ab Hamelio datam evidentissimam, ex opposito vero commodè dicatur, præexistentis flammæ particulas rapidiss.



diffime jam agitas objecti sibi corporis nexum & poros laxando, incarceratas e. g. sulphureas, aut oleosas, salinas &c. liberare, ac liberatas in eundem secum motum rapere, in casibus tamen latentis primum, deinde vero inopinato erumpentis incendii, vix est ut applicationem materiæ subtilissimæ Cartesianæ similem tam facile instituere possimus, nisi ad eum similesve modos recurramus, quorum speciem unum atque alterum ex Cartesio num. VI. Hypothesium proxime antecedentium, in medium attulimus.

V. Ex quibus porro summa necessitate consequitur, quemlibet ignem sensibiliter urentem aut saltem calefacientem, ex duabus diversissimis portionibus componi, quarum altera mere passiva, diversarum terrestrium particularum congestione absolva-  
tur, altera vero magis actuosa, isti torpidæ congestioni motum celerrimum (quam & ipsa aliunde jugiter accipit) communicet: ut adeo ignem urentem quidem & sensibiliter calidum, simplicem esse substantiam, simpliciter sic impossibile, sed ex crassioribus terrestribus, rigidis & acuminatis, (quæ per se tamen nihil agant, sed torpidæ perpetuo jaceant, non aliter ac aciulæ, spicula, cultelli, terebræ & similia organa aptitudinem solum passivam habent, ob illam tamen perpetuo immotæ futuræ) & subtilioribus alteris celeriter agitatis, prioribusque istis natura sua torpidis, impetum suum vehementem communicantibus, compositam esse necessum sit. Sic enim, uti has particulas subtilissimas omnia libere permeare, etiam carnes & ossa nostra sine læsione & dolore quasi transvolare ultro citroque dicendum esset, non tam ignis urentis nomen, quam baseos illius nomen merentes, ita crassiores illæ terreæ, præcedentium illarum subtilissimarum impetu abreptæ, quia in poros carniū, nervorum, ossiumque seipsis multo minores vehementer intruduntur omnem sensum ac dolorem inferunt, fibrisque, filaminibus & horum nexui vim inferunt, ac rupturam dissolutionemque causantur, non aliter, ac aciculis, scalpellis, frameis, pugionibus, cultris, gladiis &c. per se immotis organis, si impetus pungendo, secando, pertundendo,  
O raden-



radendo, cædendo, fortior accesserit, notissimas corporum strages ac destructiones causatur, ubi spiritus animales per nervos & musculos organa ista inanima valide agitantes locum vicemque supplent materiæ illius subtilissimæ, quam Aristoteles ignem quidem (urentem puta) esse negat, θερμότητα tamen *φυσικὴν*, *calorem omnia animantem* & per omnia citra læsionem diffusum, lib. de mundo cap. IV. II. de gener. an. cap. III, ac III. de gen. an. c. XI. vocitavit. De quibus equidem causis in mundo materialibus maxime actuosis, & pro vere agentibus habitis (cum tamen non nisi moræ & patiando, adeoque improprie agant) passim in Physicæ parte gener. nominatim pag. 152. & seq. p. 304. & seq. &c. à nobis actum est.

VI. Ea vero ignis natura supposita, quæ ad ipsam veritatem quam proxime accedere videtur, promte deducuntur eorum, quæ supra recensuimus Phænomenorum rationes. Ac *primo* quidem acutissimæ ac minutissimæ ignis, terrestres tamen, portiones, sed à multo adhuc subtilioribus rapidissime agitatae & in poros corporum confertim intrusæ, candere ea, h. e. sub forma ignea spectari faciunt, cum collecti sic in meatibus innumerabiles igniculi splendore suo ita occupant universam corporis candentis superficiem ut præ fulgore isto interstitia pororum minimorum distincte alias non internoscibilia videri prorsus non possint. *Deinde* continuatis ictibus, puncturis, sectionibus &c. solidissimorum etiam corporum nexus & juncturas dissolvunt, ac inter dissolvendum eas primum partes, quæ minus arcte vel sibi vel cæteris cohærent, segregant à cæteris & expellunt eoque ipso segregatas ejusdem conditionis (aqueas e. g. tanquam lubricas (ut postea audiemus) & ideo facilius a se mutuo, & ab aliis separabiles, per accidens in vase quodam aut recipiente congregant; deinceps autem ordine cæteras magis implicitas, majore vi auctioris ignis expellunt, donec crassissimæ & ponderosissimæ solitariae resideant, & sic homogenea quodam quasi consilio, segregatis prius successive heterogeneis, congregata fuerint,



VII. Subeundo porro, ceu diximus, in corporum solutorum & minus cohærentium poros sive meatus, hos facile extendit ac dilatat, ut e. g. ipse hæc spatia dilatata occupans, partes aëris vel aquæ, aut aliorum quorundam concretorum debilius connexas leviter sublevet, & ab invicem longius extrudat ac disjungat, massaque tota ita distracta una cum partibus ignis eam sic distrahentibus necessario plus spatii deposcat, quam prius exclusis adhuc ingenti copia igniculis, id quod rarefactionem propriissime sic dicendam, in partis gener. sect. III. cap. V. huiusque in primis epicrisi p. 582. subijuncta, prolixius ostendimus. Cum item aquosos aliosque humores è corporum, quos hi replent, poris impetu suo facile expellunt, sibi que locum cedere cogunt, hoc ipso conceptum exsiccationis & indurationis facillime imaginabilem menti exhiberi cap. III. & VIII. cit. sect. docuimus, in oleum vero aut butyrum concretum aut ceram frigore induratum dum lentè subeunt, flexiles horum corporum fibras tantisper emovendo locumque derelictum replendo, ut postea prementi digito cedant, eo ipso emollitionis effectum præstant, quem allegato eodem cap. III. declaravimus. Intacta vero & illæsa dimittunt corpora quædam igniculi dicti, si subtiliores fuerint, & fortasse minus rigidæ, quam ut crassiores & cohærentiores illorum partes disjungere & loco movere queant.

VIII. Quod vero vehemens calor in aqua vel oleo fervente, in aqua item calci vivæ superaffusa, sine luce tamen & flamma sentiatur, ejus rei ratio ex eo procul dubio arcescenda est, quod igniculi inter particulas aquæ & olei fortiter agitati licet & immerfas liquori ferventi manus calore vehementi afficientes æthereas tamen particulas aqueis confuse interim agitatis ac turbatis intermixtas & impeditas, immediate & libere satis in directum pellere premereve (quod ad luminis effectum requiri partis gen. sect. II. cap. VIII. ostendimus) non possint: quod idem impedimentum etiam in cæteris phæn. IV. casibus defectum luminis similem procul dubio causatur, dum ex opposito haut difficulter imaginari licet aliquos ignes adeo re-



nues, ut in tenebris quidem lucere, h. e. ætheri motum luminis imprimere, caloris autem sensum terrestrium corporum nulli valeant inducere, id quod ex hypothese Cartesiana (juxta num. XC. part. IV. princip. philos.) tunc fieri dicitur, cum plurium terrestrium particularum simul junctarum intervalla tam angusta sunt, ut soli primo elemento locum dent, etsi forte hoc primum elementum non satis habeat virium ad ipsas disjungendas, uti quidem interim habeat ad æthereos globulos actione luminis impellendos. Quo ipso ratio phæn. V. patere quoque potest, insimulque differentiarum inter ignes varios Phæn. VI. annotatarum causa declarari.

IX. Tandem phænomeni VII. & ultimi, singulorumque inibi annotatorum casuum specialium rationes, ex hac una generali experientia ubique decenter applicata haberi possunt, quod pulvis pyrius (cujus intentio bono an malo genio sit accepta ferenda, hæremus ambigui,) sit mixtura ex nitro, sulphure & carbonibus minutissime pulverisatis ac certa proportionē & mentura in pastam quandam ita contemperatis, & artificio quodam paucis noto (quia periculi plena est ejus curiosior indagatio) in mola pulveraria in granula sive globulos minutissimos contritis, ut flammam admotam parvulam singuli globuli, in acervum alibi minorem, alibi majorem congesti, licet innumera- biles, uno tamen fere eodemque momento, in halitum amplissi- mum longeque lateque diffusum subitanea & momentanea dis- plosione convertatur: quo ipso fit, ut cum singulorum gra- norum vis dis- plosiva seorsim exigua sit & insensibilis) conjunctæ tamen & una factæ innumera- bilium ejusmodi granorum dis- plosiones, aut harum explosionum potius innumera- biles myriades, stupendam illam vim producant, quam in singulis memoratis phæn. VII. casibus attoniti experiemur, eamque pro ratione co- piæ congesti pulveris, in immensum fere multiplicatam. Nimi- rum hoc universaliter animadvertendum est, omnem vim mo- tivam quam in natura hætenus observare datum, sive fulminum sive terræ motuum, sive has pulveris pyrii stupendam potentiam intue-



intuemur) vere & mere active à sola infinite potenti virtute Conditoris, passive vero immediatius à subtilissimis halituum quasi pulvisculis, incomprehensibili numero una in corpora majora & crassiora impactis, unice dependere, prout sane vel solo vaporum in humido aëre circumvolitantium & in angustos lignorum asserumque, præsertim viridum adhuc invisibiliter ac lentissime temporisque notabili successione interveniente, infarctorum exemplo abunde constat, quando valvas & januas ex asseribus non satis exsiccatis paratas ea vi intra alveos suos sensim intumescere experimur, ut ex his ad aperientis aliquando nullo hominum aut jumentorum robore, citra fracturam, emoveri queant.

IV. *Ἐπιπίστεως* antecedentis attentione dignissimus  
Epilogus.

ΠΡΩΤΟΝ I.

**U**T ultimo exemplo præcedentis epicriseos, aliisque deinde similibus, aliquanto pressius inhæreamus, operæ pretium esse existimamus, ob usum insignem deinceps inde expectandum. Cum igitur effectum expansarum validissime valvarum & januarum intra suos alveos, à vaporum invisibilium successiva intrusionem recte arcesserimus, & vero illa vaporum intrusio motus aliquis sit, lentus quidem, at revera localis, qui necessario ab aliquo movente diverso dependeat (diversum enim esse oportet id quod movetur ab eo à quo movetur, ipsa sana ratione dictante) quærentes, quodnam sit illud agens, à quo vapores in aërem sublatis, & ex aëre in poros asserum valvas januasque recentius componentium intrusi fuerint? Facile quidem agnoscemus, illam vaporum excitationem & sublationem, consequentemque in poros lignearum valvarum & januarum successivam, tanquam cuneorum post cuneos, intrusionem, calori sive effluviis ignis subterranei aut solaris, vel etiam utriusque deberi,



II. Cum vero omnem ignem calidum & omne effluvium sensibilibiter calefaciens, ut movens quoddam respectu vaporum sublevandorum & intrudendorum, considerare debeamus, & vero omnis ignis calidus, & omnis calor sive calefaciens effluvium ideo tantum movet vapores & in poros lignorum intrudit quia ejus partes prius moventur, palpabile est ignis aut effluvii ignei partes motas ut causam moventem & intrudentem vapores spectari, ideo potius quod moveantur & in vapores impingantur, quam quod ipsæ sua quadam virtute moveant vereque agant. Quod si vero ulterius quæras, quænam sit illa causa, à qua partes ignis aut caloris moveantur, ad protrudendum vapores in poros asserum? è supradictis constat, omnem ignem & calorem igneum duobus corpusculorum generibus componi, alterum crassiusculorum & magis passivorum, terreæ adeo ac torpidæ conditionis, quæ ut movendæ motæve spectantur, quia quietæ & immotæ essent mansuræ, vaporesque adeo pariter immotos relicturæ, nisi ab alteris subtilioribus & mobilioribus impellerentur, quas adeo respectu priorum, crassiorum, & absolute patientium, ut agentes & moventes intuemur; quamvis & ipsæ revera mobiliiores quidem & ad recipiendum impulsus habiliores, ob subtilitatem suam recipiendi tamen impulsus non minus indigæ, quam priores fuerant.

III. Ut nova nunc oriatur quæstio: unde hæ subtiliores vel primi elementi Cartesiani, vel naturæ stellarum elemento analogæ Aristoteli dictæ, particulæ suam accipiant impulsus, per ipsas porro in crassiora ignis spicula, & his mediantibus ulterius in vapores aquosos transmittendum? Cui quidem quæstioni satisfacturi, vel novum ejusmodi improprie movens (quod nempe movere dicatur, quia ipsum aliunde movetur & sic patiando tantum agit, uti securis in lignum agere dicitur, dum revera & proprie loquendo in lignum agitur virtute lignatoris) allegare, eique rursus simile aliud præsupponere in infinitum, necesse habebimus, (absurdo quidem & prorsus inutili processu,) vel tandem primo hujusmodi improprie moventi præficere tenebimur primum propriissime dictum motorem, Deum, qui non motus  
aliun-



aliunde, sed unica sua vere activa eaque infinite potenti virtute, volendo solum & annuendo, immediate quidem materiam primi elementi sive subtilissimam hac mediante vero crassiuscula ignis ac terrea spicula, horum impulsu demum vaporum cuneolos agitet & in meatus lignorum apertos validissime adigat, ut hoc pacto & vapores, & ignea caloris spicula & subtilissima scobs elementi primi, & si quod porro fingi materiale inter medium velit, hæc omnia inquam, unum per alterum, moveantur, sola autem Divini Conditoris virtus active i. e. proprie motrix, illa omnia moveat & impellat, non aliter ac in horologio aliquo, rotæ ac cætera organa cum indice horarum extimo, omnia immota stant, æternum etiam statuta, nisi pondus appensum sua solius gravitate & motrice virtute (quam interim ut vere motricem fingimus, etsi revera ab externo ætheris gyrantis impulsu dependentem, & ad eandem omnipotentis vim vere h. e. active motricem unicam ultimato referendam) omnes rotas, unam per alteram, & cum his tandem omnibus indicem horarium quoque moveret.

IV. Quis vero jam non agnoscere cogetur, si ponamus loco appensi ponderis hominem aliquem statui, qui sua virtute (quam vere & active moventem cum ipsis interim supponemus) funem rotæ primæ axi circumvolutum adducat, & eadem hac adductionis vi rotam primam in gyrum agat, insimulque rotam etiam secundam priori suis denticulis implicitam, & huic similiter indentatam tertiam, hujusque tandem centro vel axiculo annexum indicem, hanc inquam, hominis funem adducentis virtutem unice movere omnia, rotas & cætera omnia tantum agi & moveri, nec actionem veram ullam ipsis aut singulis aut universis tribui posse, quandoquidem apertissimum est, agente solum virtute motrice hominis funem trahentes, cætera agi & moveri omnia, hac vero vel unico momento cessante, quiescere illa omnia, æternum etiam immota futura, si vis funem trahens æternum etiam abfuerit. Cum hoc ipso sole clarius sit & nullo modo inficiabile, cur, amabo vos, non agnoscamus quoque irrefragabi-



gabiliter, solam motoris primi virtutem & nutum omnipotentem movere materiam elementi primi sive stellarum elemento analogi? eadem etiam virtute, nulla alia intermedia, partes ignis crassiusculas in illo elemento subtilissimo quasi natantes, celerrime abripi, & cum his celerrime quaquaversum agitat, etiam vapores ipsis permixtos in poros lignorum detrudi &c. atque ita hanc Dei virtutem solam & unicam omnia illa intermedia & ultima movere, hic autem aut singulis aut universis nullam veram & proprie dictam actionem tribui posse aut debere; quandoquidem hic etiam apertissimum est, agente solum virtute motrice Conditoris omnipotentis, cætera agi & moveri omnia; illa vero vel unico momento cessante quiescere non solum cætera omnia, sed & ulteriora esse consecutura, quæ nunc attendere præsentis instituti non est.

V. Ex quo adeo porro necessario consequitur, virtutem illam motoris primi, non tantum immediatè movere istam mobilium totam catenam (immediatione virtutis puta tametsi non immediatione suppositorum patientium) sed eandem illam virtutem activam unicam & primo sive simplicissimæ materiæ elemento, quod immediate movet,) & elementi tertii partibus majusculis (quas mediante illo subtilissimo, nulla tamen illius virtute, quæ revera nulla est, agit & impellit) & vaporum denique halituosæ congeriei (quam mediantibus illis crassioribus in igne portionibus in poros asserum intrudit) omnibus, inquam his & singulis efficaciter & perpetuo præsentem esse quandoquidem illa omnia intermedia materialia organa non magis capacia sunt potentiæ alicujus movendi activæ, quam rotæ in horologio, sed uti hæ, sic illa diversa sua mobilitate, h.e. alia aliaque, figura, magnitudine aliisque conditionibus, habilia sunt, impressum divina virtute motum diversimode recipiendi, & hoc modo diversimode patiendi diversos etiam in mundo effectus producendi. Quæ res tametsi in parte generali frequenter & passim (præcipue toto cap. IV. Sect. I. Lib. I. à pag. 115. usque ad p. 196, prolixissime) ad nauseam quasi incul-



eulcata, hac tamen, & alia quavis occasione subinde obtrudenda est, ideo quod non alia veritas philosophica clarior & evidentior sit iis, quibus universale fere ac epidemium de materialium creaturarum activis potentiis præjudicium exuendi felicitas contigit, nec ulla sacrorum scriptorum, DEUM omnia in omnibus operari, effectuumque naturalium, etiam communissimorum ut pluviarum, nivium, tonitruum, graminum, frugum &c. authorem & causam efficientem absolute innumerabilibus locis deprædicantium assertis consonantior, digniorque tandem potentissimo rerum Creatori.

VI. Quod si enim hac ignis natura, quam ex ipsis ejus effectibus & phænomenis per analysin quandam deduximus, aut saltem huic analogam quapiam, dictis effectibus similiter deducendis accommodata admissa, (qualiscunque enim fuerit, dummodo imaginabilis, actualis fuerit, qualem physicas rationes deprecere, in præliminaribus part. gener. artic. III. ostendimus, postmodum observationum evidentiâ coacti, solis immensum globum, vere igneum aut ex stellarum elemento, sive materia subtilissima & agitativissima conflatum, statuamus similiter necessum erit, cujus incomprehensibilis copia non solum omnem suam existentiam infinitæ Creatoris potentiæ debeat, sed incredibilem particularum suarum agitationem ab ipso creationis initio non solum semel divinitus impressam, sed etiam eadem virtute & voluntate continue perpetuoque actualiter conservandam, eidem actu ipso incessanter operanti acceptam ferre necessum habebit, quod enim semel necessum habuit ab alio, & quidem ab infinita Creatoris potentia moveri, non poterit profecto deinceps à se ipso (quod prius non potuerat) moveri, nec ab alio quam infinita ejusdem Creatoris virtute moveri. Quod si igitur *Heraclitus* olim, gentilis Philosophus, terrestri flammæ & foco luculento assidens, amicos tergiversantes, *accederent*, admonuit, *cum ibi quoque Deos adesse certus esset*; annon nobis Christianis Philosopho tanto magis incumbet? non solum cum Syracide exclamare: *Magnus Dominus qui fecit illum!* sed profundius aliquando



quantum philosophantibus admirari, τὸν μόνον ἔχοντα ἀθανασίαν hoc etiam φῶς ἀπείσιτον δινεῖν, & virtute sua ipso actu perpetuoque præsente puriorisque hujus coelestis flammæ minutias indefinenter agitante, inenarrabilia inferiori huic mundo (nec isti soli credibiliter) exhibere beneficia!

VII. Non solum enim generalissime in confesso est, sine solis lumine & calore vitam ullam, siue in plantis siue in animalibus, vix concipi posse, atque uti nobilissimus videndi sensus penitus fere ex hoc mundo sublatus foret, propter luminis solaris defectum, ita ob defectum caloris solaris vix aliquem cæterorum sensuum usum fore, aut facultatem aliquam morricem, vel ejus exercitium sperari posse, propter summam fibrarum, tum sensoriarum, tum motoriarum, obrigescentiam, credendum esset, sed & specialius, vaporum ex terris & aquis exsuscitatio cessatura esset, nubium ex defectu vaporum concretio nulla expectanda, defectum nubium exceptura esset carentia pluviarum & nivium, hanc porro penuria nutrimenti pro plantis, (si maxime per calorem deficientem eas vivere & augescere possibile esset) exarescentia fontium, rivorum, fluminum &c. omnimoda adeo & universalis desolatio: cum econtra scaturiginum & aquarum necessariis proventus ex generatione & subsequente resolutione nubium, harum copia ex concretione vaporum, vaporum suscitatio à solis calore, caloris solaris effectus ab agitatione portionum ignis crassiorum, hæc à particularum subtilissimæ materiæ rapidissimo impetu, hic denique à nutu benignissimo Divinæ voluntatis, actu ipso jugiter operante ita concatenata serie, summaque necessitate dependeat, ut summo jure effectus illi omnes, intermediis illis causis, tanquam passivis & mere instrumentalibus, primi & unici motoris voluntati non remote & é longinquo Dei autem tanquam sed immediate & ex vicinia mere active operanti ut uni & soli efficienti principali attribuendi veniant, etiam tum, cum ex æterno decreto operatur, utpote quorum decretorum vis & efficacia in remotissime futura tempora non minus, ac in præsentia quævis sese exporrigat,



## CAPUT II.

De

*generatione, conservatione & interitu seu  
extinctione ignis.*

### I. PHÆNOMENA.

**P**HAEN. I. Generatur & excitatur ignis variis modis, & primo quidem ac usitatissimo, admovendo jam actu existentem & ardentem ignem alium, aut ejus pusillam saltem portionem, corpori cuidam inflammabili v. g. sulphuri, naphthæ, pici, oleo, ceræ, adipi, ligno, chartæ, linteo &c. quorum alia facilius alia difficilius ignem concipiunt, ut est quidem notissimum. Deinde collidendo fortiter duriora quædam corpora, citra admotionem alius actualis flammæ, uti silices inter se, aut cum chalybe studio collisi, ad eliciendas stricturas aut parvas scintillas, quæ fomite quodam, h. e. linteo tenui maximam partem jam exusto, aut juncorum medulla decorticata probeque exarefacta, exceptæ, pabuli quippiam tantisper nanciscuntur, donec admotis sulphuratis, aut ligillis aridis liquefacto sulphure quoad extrema tinctis, durabilius pabulum acquirant, & adjecta deinceps copiosiore materia, in amplius incendium sese dispendant. Ad quem locum pertinent fortuitæ illæ accensiones sub & supra terram frequenter fieri solitæ, quarum exemplum recentius ante paucos annos nobis exhibuit turris Limericensis in Hibernia, cujus collapsa quædam ex improvviso saxa mutuo allisu scintillas quasdam exsuscitarunt, à quibus pulvis pyrius in profundo absconditus, correptus magnam urbis civiumque stragem fecit, testibus novellis Londino perscriptis d. 8. Mart. styli novi Anno 1694.

PHAEN. II. Tertio etiam affricando mutuo duriora corpora ignis elicitur, velut apud Americanos alicubi moris est, loco silicum & chalybis, quibus destituuntur, inter se collidendorum, bacillos quosdam ligneos è duriorum lignorum genere, quibus



in Brasilia & alibi abundant, decussatim sibi fortiter adfricare & hoc pacto scintillas quasdam elicere, & elicatas in ulteriorem usum in majus quoddam augmentum, interventu pabuli cujusdam exsuscitare. Quod idem nonnunquam casu contingit in molendinis, ut axes rotarum ferrei matricibus suis ferreis continue gyrando fortius adfricti, in flammam aliquando & incendia erumpant, cujus periculi evitandi causa in molis chartariis (ubi alias, ad pannolorum linteolorum faciliorem contusionem, aquarum affluxus perpetuus requiritur, una rivuli perennes ad illos rotarum axiculos infrigidandos derivantur. Quin ex nimia funium compressione ac tensione ignem haut raro accendi testantur Viri fide dignissimi, nominatim *Honoratus Fabri* tractatu V. lib. II. prop. LXV.

*PHÆN, III.* Suscitatur etiam ignis colligendo radios solares, & collectos ipso unionis puncto in corpus inflammabile directo, experimento hodie, per lentes etiam vitreas minores, & specula cava metallica, non adeo magni ambitus, tam familiari, quam admirando, præsertim cum ignium nostrorum culinarum radii per specula vasta *Villeti*, & ingentes lentes *Tschirnhusianæ* collecti, eundem effectum non edant, quem alias utraque mediantibus radiis solaribus stupendum producant, ut nimirum eos vel reflectendo vel refringendo unientes, non solum arida ligna in aëre accendant, sed viridia quoque ex arboribus recens excisa, insuperque sub aquis profunde demersa inflamment, metallicas laminas cujusvis generis intra pauca temporis momenta liquefaciant, calcum, asbestum, frustilla laterum &c. in globulos vitreos nullo negotio fundant. Videantur de speculis metallicis *Villetanis* *Acta philosophica Anglicana* d. 6. Novemb. 1665. de cupreis *Tschirnhusii* *Acta Lips.* ad an. 1687. mense Jan. p. 52. & ad an. seq. 1688. mense Aprilis p. 206. de lentibus denique *Tschirnhusianis* ad an. 1697. mense Sept. p. 414. usque ad 419.

*PHÆN, IV.* Fermentationis aliqualis ope in confusione diversorum liquorum, nonnunquam aut ignis in flammam erumpens, aut effervescentia saltem ignea exoritur, uti v. g. aqua for-



fortis super scobem ferream affusa incalescentiam & ebullitionem insignem causatur, & aqua communis etiam frigida, calci vivæ superingesta fumos & calorem ustivum, ignis præsentis indubios testes, sensibus ipsis exponit, fœnum etiam humidum adhuc nec satis exsiccatum, in horrea congestum, ibi diu quiescens temporis progressu vehementer incalescit, & occultum ignem in sinu fovet, qui quandoque in apertam flammam erumpit, ubi compressior acervus fodicatur & laxatus aliquantum aërem insufflantem admittit. Quod idem in gliscente & fumigante intra clausa conclavia igne contingere solet, ut in occulto serpens adhuc incendium, & cautione debita adhibita facile suffocandum, si fores & valvæ imprudentius adaperiantur aëris flatu intromisso drepente in vivam flammam erumpat, similem effectum in fimetis & scapis racemariis arctius compressis, & in cumulum congestis, observare licet.

*PHÆN. V.* Ad conservandum ignem semel excitatum primo pabulo opus est & inflammabili materia, id quod foci luculenti in culinis & fornacibus, nova ligna in locum exustorum substituenda perpetuo deposcentibus, satis testantur. *Secundo* ventilatio quoque requiritur & liber aëris accessus, id quod Belgarum Camini nos antehac frequenter docuerunt, cum cameræ sive conclavia arcte clausa è regione ipsorum spiraculis murorum satis amplis destituerentur. *Tertio* fuliginum & fumorum non impeditus discessus, aut caminorum, ceu vulgo credunt, non sufficiens istorum subtractio.

*PHÆN. VI.* Etenim, ubi cera vel sebum in accensis lychnis, oleum in lampadibus, lignum in furnis & rogis, defecerit, evanescit, ubi arctius conclusus intra minorem laternam, aut alium angustiore locum undique clausum detineatur, aut desuper operculo tegitur, fimo, aqua, adipe inversi lychni, aut fumo ipso obruitur &c. suffocatur, ab aëris etiam vehementiore afflatu sæpius extinguitor.

*PHÆN. VII.* Negari tamen non potest, aëris afflatuam & aquæ adspersionem haut raro ad conservandam, imo alendum



& augendam flammam in prunis ardentibus facere; id quod ex fabrorum quotidiana praxi notorium est, qua insufflationi suorum follium ordinarie asperginem guttosam aquæ modicæ adjungunt, vel inspersione salis modica ardenti foco alimoniam & accessionem notabilem faciunt; quin etiam incendiis ex fulmine grandioribus, aqua sæpe non pauca sed incendii magnitudini non satis proportionata, augmentum potius, quam extinctionem procurant.

## II. HYPOTHESES VARIAE pro his phænomenis excogitatæ & confictæ cum subjuncta brevi epicrifi,

### I.

**Q**uod primum & vulgatissimum ignis potentia latitantis modum attinet; illud quidem in confesso apud omnes est, per admotam pusillam flammam meatus inflammabilis materiæ, solvendo & expellendo sub forma fumi & fuliginis, successive, quasdam portiones, aperiri, & in libertatem quasi assertis, quæ antea inclusæ & quasi incarcerationæ fuerant, sulphureas, similesque solidiores & rigidiores particulas sufflaminatum tantisper impetum, & hætenus impeditum, non sua quidem sponte repetere (id enim ζωτικὸν quodammodo esset, uti loqui amat Aristoteles) sed ab actualiter admotâ flammula in consortium & communem rapiditatem abreptæ, in locum perpetuo abscedentium gradatim substitui: ita quidem ut, dum in progressu paulatim plures accedere contingat, quam discesserant, sensim equidem augmenta quædam flammulæ primæ accedere; & brevi quidem tempore tam subitanea & accelerata, ut haut injuria Aristoteles in Analyticis cum celerimis geometricæ proportionis incrementis ea comparaverit. Quæ quidem pars hypotheseos Cartesianæ adeo illam præ cæteris commendat, ut eam proxime omnium ad veritatem ipsam accedere judicandum ducam.

II. Quo pacto vero è collisione duorum silicum, aut vehementiore confrictu duriorum lignorum de novo & integro generetur ignis, & cætera fiant, quæ Phæn. I. & II. annotata fuerunt, num. VI. Hypoth. cap. anteced. jam dictum est; nec enim melior aut



aut hæcenus data & hypothesis, nec imposteriorum facile credo dabitur. Dico autem in hoc secundo casu plane de novo ac de integro generari ignem, cum antea scilicet nullus omnino ibi fuisset. Cum enim vulgo dicere solemus multum e. g. ignis in ligno, in pice, & similibus concludi, rectius forte veriusque diceretur, multum materiæ igni generando aptæ inibi latitare, h. e. multas particulas terreas, quæ vel ignem flammantem & lucidum constituere possunt, si contingat eas à sola materia subtilissima, (quæ sola ignem fundamentalem ac cæteris elementis contradistinctum constituit, qui mixtorum compositionem cum istis alteris ingrediatur, non destructivus, consumens, vorax & dolorificus, sed blandus & omnis vitalitatis origo) abripi & rapidissime agitari; vel sensibilem & calefacientem, si à blando sanguinis, & nominatim ejus, qui ventriculum circumfluit, calore, i. e. ab eadem materia subtilissima sed ætherea paulo crassiore permixta, & sic temperatius agitata provehatur. Estque speciatim circa casum Limericensis similesque notandum, cum scintillæ ex fortuito lapsu lapidum elicita, pulverem pyrium in turris profunditate absconditum, ac tonnis proculdubio conclusum, attingere immediate haut potuerit; mediante halitu sulphureo & nitroso, per vasa ipsa exhalante, totumque aërem replente, in aëre libero accenso vim earum ad profundiora penetrare potuisse.

III. Collectio radiorum solarium, quod adeo stupenda vi ustiva polleat, non tam ab ipsis radiis solis, tanquam materiæ subtilissimæ propaginibus, earumque pulsu & pressura quam à particulis terreis dependet in hoc mundo sublunari ipsi occurrentibus, indeque vehementer agitatibus, & hac agitatione jam satis calefacientibus, etiam nondum facta collectione. Quod si igitur deinceps innumerabiles ejusmodi radii, reflexione mediante in speculis cavis, vel refractionis interventu in lentibus moderate convexis, ad unum locum exiguæ amplitudinis dirigantur, conjunctis ita innumeris ejusmodi terrestrium particularum agitationibus, circumstantes alias subtiliores ætheris sive globuli sive punctula insensibilia ab istis facile remonentur & excluduntur, ut illæ terrestres solæ intra materiam subtilissimam, atque adeo vehementissime agitentur: Unde etiam, quo plus capacitatis habent illa vel specula metallica, vel specilla vitrea, tanto major eorum deprehenditur vis ustiva.



IV. Cur foenum recens, si recondatur antequam sit siccum, paulatim incalescat, flammamque sponte concipiat, non alia ratio est, inquit Cartesius part. IV. princip. num. XCII. quam quod multi spiritus vel succi per herbarum viridum poros ab earum radicibus versus summitates fluere assueti, atque ibi vias ad mensuram suam accommodatas habentes, maneant aliquandiu in herbis excisis; quæ si interim angusto loco includantur, particulae istorum succorum ex unis herbis in alias migrantes, multos meatus, in ipsis jam siccari incipientibus inveniunt, paulo angustiores, quam ut illos una cum globulis secundi elementi subire possint; ideoque per illos fluentes sola materia primi elementi circumdantur, à qua celerrime impulsæ, ignis agitationem acquirunt. Ita e.g. si spatium, quod est inter duo corpora B & C (Fig. XVI.) repræsentet unum ex meatibus alicujus herbæ virentis, ac funiculi 1. 2. & 3. exiguis orbiculis circumdati, sumantur pro particulis succorum sive spirituum à globulis secundi elementi per ejusmodi meatus vehi solitis; spatium autem inter corpora D & E sit alius meatus angustior herbæ siccæ, quem subeuntes eadem particulae 1, 2, 3, non amplius secundum elementum, sed primum duntaxat circa se habere possint; perspicuum est ipsas inter B & C motum moderatum secundi elementi, sed inter D & E motum celerrimum primi sequi debere &c.

V. Neque multum absimilis est huic Cartesianæ deductioni, illa, quam dedit Anonymus quidam author Libelli inscripti: *Essai d'Anatomie* anno 1686. Lugduni Batavorum editi, in quo miram quadam brevitate & simplicitate corpuscularis Philosophiæ principia exposuit, supponens e.g. particulas *acidorum*, figuris infinite differentes, de cætero præ cæteris duras & minus porosas, ratione magnitudinis autem, aliquas grandiores ac solidiores, vehementi adeo tantum calore separabiles, quas fixas appellare liceat; alias ex opposito volatiles, quæ exhalant mediocris caloris impulsu. Ex opposito *alcalica* corpuscula, multo porosiora, & consequenter parum dura, de cætero infinites pariter variantia, & quadam etiam angulis acutis, instar acidorum, prædita quæ mixto adeo nomine *acido-alcalina* queant appellari; pororum varietate itidem diversa, & ratione magnitudinis pariter in alcalia fixa, quæ potius in vitrum convertuntur quam exhalent, etiam à vehementissimo igne; & in volatilia distinguenda, quæ mediocris caloris ope, exhalant. His ita suppositis, ostendit Sect. IV. quomodo facta



Quia mixtura acidorum cum alcalicis diversi gradus fermentationum possint contingere, quando nimirum posteriorum poros multa materia ætherea repletos, ingredientibus particulis acidis cum suis apicibus, alcalicarum pori coangustantur, ut æthereæ agitatisimæ partes libere ultro citroque commeari non possint, sed exitum cum violentia quærant, solutionem adeo partium alcalicarum actumultus vel alium emotionis gradum causantes, qui tamdiu duret, donec ætherea materia libertatem suam iterum plenè nacta fuerit &c.

VI. Uterhorum duorum modorum in casibus similibus adhibeatur, perinde fuerit; cum uterque saltem ejusmodi phænomena melius declararet, quam si ad inanla nomina occultarum qualitatum, sympathiæ, antipathiæ &c. provocetur. Atque ita, cum Cartesius num. XCIII. cit. Part. IV. princip. in lapidibus calcinatis multoseorum meatus, solis adeo globulis secundi elementi pervios adeo laxari dicit, ut aquæ particulas sed primo tantum elemento cinctas, admittant: Et ut omnia simul complectatur, quoties aliquod corpus durum admistione liquoris alicujus incalescit, id ex eo fieri existimat, quod multi ejus meatus sint talis mensuræ, ut istius liquoris particulas, sola materia primi elementi cinctas, admittant, nec disparem rationem esse putat, cum unus liquor alteri liquori affunditur: semper enim, inquit, alteruter constat particulis ramosis, aliquo modo implexis & nexis, atque ita corporis duri vicem subit; hujus loco anonymus laudatus speciosius forte dixisset: cum non facile dentur liquores inter se tumultuantes, qui salibus destituantur, si alterius sales alcalici sint, alterius acidi, dicto prius modo illos inter se effervesce magis aut minus posse. Facilius equidem incalescentia calcis vivæ per affusionem aquæ frigidæ conciperetur, si diceretur, in calcis poris plurimos igniculos ex præcedanea exustione latitare, qui ab insinuantibus sese aquæ particulis, laxatis tantisper poris inde liberentur, imò extrudantur & colligantur. Verum quomodo liberati sic & vinculis suis quasi soluti igniculi interruptum hætenus impetum de novo accipiant, dici non potest, nisi forte quis cum Honorato supponat, non requiri novum impetum, sed collectionem solum particularum ignearum, utpote natura sua calidarum singularum: id quod in epicrisi eclectica cap. præced. num. II. à nobis rejectum fuit.

VII. Quemadmodum autem in Phæn. V. observatum, aëris accessum ejusque ventilationem ad ignis vivacitatem quasi & conserva-



servationem plurimum facere; sic è contrario fuligines & fumi, si è caminis egredi vel à ventis, vel à sole impediuntur, vel à fabrica caminorum non adeo proportionata non satis prompte trahantur, uti loquimur; in his casibus omnibus desiderata causa physica non potest reddi simplicior, quam si dicamus cum Honorato Fabri, à fumis & fuliginibus impeditis, & interea subinde autis, obrui tandem & suffocari flammam, aut igneas flammæ particulas per fuliginosas, illis violenter iterum intrusas & immixtas, ab invicem dividi ac disjungi: in qua disjunctione particularum ignearum, flammæ interitum cum primis consistere, (uti ex opposito collectione augefcit & plenius quasi vivit) ex eodem Honorato simplicissime intelligitur. Et enim e. g. flamma lychni ardentis, aëris paulo vehementiore afflatu, affusa aqua, injecta terra &c. extinguuntur; siquidem ubique fit partium ignis per admixtas alienas divisio; maxime si aqua per siphones incendiarios eum impetu immittatur, ut in interiores etiam lignorum ardentium meatus adigatur: Flamma lychni & cerei, cum is invertitur, prompte quoque extinguuntur, quando liquefcent materia & per porosam ellychnii substantiam descendens, ignis partes separat: Prunæ accensæ, ferrum ignitum &c. aëri libero exposita citius extinguuntur, quam cineribus tecta; quia mercurius sive humor aëris igniculos successive dividit, cujus appulsum vel illapsum cineres impediunt &c.

VIII. De pabuli vero necessitate, quæ Phæn. V. & VI. adnotata fuerunt, ea præcipuam causam habent ignis vel flammæ naturalem fluxilitatem, ex eo principaliter pendentem, quod ignis aëre levior, sive minus gravis, ab hoc sursum perpetuo protrudatur; ita effugiturus facile omnis, nisi novus ex materia inflammabili subinde submittatur. Observavit enim jam suo ævo Aristoteles in libello de juventute ac senectute cap. 3. ὅτι τὸ πῦρ αἰὲρ διατελεῖ γινόμενον, καὶ ῥέον ὡς ποταμὸς, ἀλλὰ λανθάνει διὰ τὴν ταχέως. h. e. ignem perpetuo gigni ac fluere instar fluminis; quamquam id propter celeritatem nos lateat, aut rectius fluxus ille, propter flammæ divisibilitatem & majorem gradatim rarefcientiam, longius cerni non possit. Hinc igitur, nisi in locum velut invisibiliter abeuntis & fugientis alius, & quidem copiosior, subsequatur, quam abierat, deficere prorsus flammam necessum est. Subsequitur, autem copiosior ideo maxime, quod ignis jam flammantis alle-



allevatio ab aëre graviore fit (ut in sequentibus distinctius audiemus ; novi autem substitutio fit ab ignis pabulo admoti actione multo violentiore ac celeriore , quam est aëris exprimentis actio.

IX. Quod vero afflatu aëris super prunas ardentes , earum flamma, ut experientia docet , adaugeatur ; id ex eo est procul dubio , quod afflatu illo aëris , solutæ jam ex pabulo per admotum ignem particulæ , tanto celerius citiusque extrudantur, quanto validius aëris nativa gravitas, extraordinaria illa flatus accessione adjuncta, in prunarum solutas particulas agit. quam tranquilla & sine flatus accedente adjumento. Id vero magis mirum est, etiam aquam, hostem alias ignis infensissimum, si moderate sc. adspargatur, adjutorium quoddam flammæ adferre : id quod tamen duplici forte modo contingere potest : vel, quod paucæ & minutiores guttulæ prunis adpersæ , suo pondere (quod majus habent, quam aëris minutia) magis etiam, quam hæ, igniculos jam solutos exprimant ; vel etiam, quod particulæ aqueæ, tametsi flexiles magis quam salinæ, alias istis multum similes, (excepta rigiditate) à flamma jam valde potenti abreptæ, loco salinarum aliarumque terrestrium in fibras corporum sensibilibus adigi, & quodammodo saltem lædere possunt, prout certe eadem flexiles aquæ particulæ, à vehementiore saltem venti impetu abreptæ molestiam haut exiguam nudatis faciei aliarumque corporis partium, fibris, creare solent, Quod ipsum quoque in causa esse potest , cur non adeo sparsa, sed collectior etiam aqua (quæ alias parvum ignem facile obrueret ac divideret) in ingens incendium effusa , dicto modo in augmentum flammæ potius, quam in ejus interitum converti queat.

## CAPVT III.

De

*notabilioribus quibusdam ignis accidentibus.*

### I. PHAENOMENA.

**P**HAEN. I. Varius in diversis flammis aut ignibus color notatur, & candidissimus ut plurimum conspicitur in lignis



maxime aridis e. g. in furnis vitriariis, & in flamma solari per collectionem solarium radiorum excitata, candidus item in lychnis sebaceis ac cereis, præsertim ex cera alba & sebo candidiore: Iubar in flammis viridium lignorum, cæruleus in ardente spiritu vini, sulphure &c. quamvis hinc inde candor aliquis in hoc emicet, & ille contra circa portionem infimam subcæruleus appareat.

*PHÆN. II.* Opacitatem notabilem habet ignis, alius tamen alio majorem, ita scilicet ut pone se positorum corporum conspectum adimat.

*PHÆN. III.* Fumum emittunt flammæ aliæ aliis crassiorum ac tanto quidem crassiorum, quo minus luculenter ardent, ut in lignis viridibus, lucernis minus emunctis, videre est.

*PHÆN. IV.* Pleræque flammæ figuram conicam induunt, ac superne in apicem terminantur, id quod lychni ardentes cum primis ostendunt: basin e contra habent in his inferne convexo rotundam.

*PHÆN. V.* Apex ille flammæ calidior multo sentitur, si digitum ad moveris, quam ad inferiores aut collaterales partes, idemque per canalem afflatus, & in acutissimum acumen exporrectus, vitrum vel smaltum, quod vocant, in quod dirigitur, in momento quasi temporis liquat.

*PHÆN. VI.* Non solum sua sponte subinde altius ascendit flammæ apex, & quasi subsultat, sed & impendente superne digito, statim altius eniti, & petere quasi digitum videtur, tum vero cum primis assurgit & in sublime fertur, cum extinctioni & evanescentiæ proxima est ex pabuli defectu, quos ultimos morientis nixus & conatus quasi dicunt.

*PHÆN. VII.* Recens extinctæ lucernæ fumus, si ardenti adhuc alii inferne ad motus fuerit, per aliquod etiam loci intervallum accenditur, ita quidem, ut humiliter detenta, ceu dictum, modo extincta & adhuc fumigante lucerna, ex ardentis basi quasi decerpta quædam flammæ particula in istam visibiliter desilire cernatur.

*PHÆN.*



*PHÆN. VIII.* Cum duæ flammæ propius junguntur, in unum statim conum coëunt, imo ante contactum etiam, modo propius invicem admoveantur, altera ad alteram (& minor quidem ad majorem potius, quam major ad minorem) accedere cernitur.

*PHÆN. IX.* Aliquando tenuior flamma, ut in accenso spiritu vini, à pabulo suo quasi separata, in aëre libero suspensa & nutabunda spectatur.

## II. HYPOTHESES

potiores circa enarrata modo Phænomena,  
interspersa brevi Epicrisi.

I.

**S**ecundum *Honoratum Fabri* flamma, quo purior, eo esset candida magis & albicans; alios autem colores induit, quo plus heterogeneæ materiæ, & humoris inprimis, admixtum habet; hæ namque humoris particulæ igniculorum radios interstinguunt & interrumpunt, h. e. sua crassitie & gravitate cæteras sulphureas nitroas &c. multo subtiliores impediunt, quo minus particulas æthereas flammam circumstantes & ad ejus, medium perpetuo connitentes secundum rectas lineas fortiter satis repellant, & hoc pacto sensum notabilem lucis ingerant. Præcipue vero circa imam flammam lucernarum dicendum esset, partes eductas nondum prope defæccatas esse per secretionem partium, quod in temporis momento fieri non possit &c. dum alii forsàn cum *B. Weigelio nostro* putarent; istum colorem cæruleum oriri ex mistura quasi optica rarioris ad basin luculæ, & nigredinis ellychnii post illam occurrentis; prout sane apertum esse constat luculam aëris tenuem & transparentem, ante obscuras montium & sylvarum superficies obversantem, cærulescere.

II. Opacus est ignis h. e. radiis alieni luminis aut coloris non transmittit, ex opinione Fabri, ideo, quod universim ignis in ignem non agat; aut clarius forte ad ipsius mentem, quod ignis purissimi radii adeo confertim & continui quasi fluant, ut aliis à tergo venientibus locum & transitum non concedant; ideoque, si fue-



rit impurius ignis, ut in ardente aqua vitæ, eum etiam minus opacum statuit, ex ratione sc. contraria, quod multæ sint humoris partes, aliquid adeo pelluciditatis habentes, interceptæ inter partes ignis, minus adeo collectas & rariores, & ex ea ipsa causa colorem quasi cæruleum præferentes. Ex hypothese Cartesiana dicendum forte foret (nec enim ad hoc Problema vel ab ipso Cartesio, vel ab ejus sectatoribus ex professo responsum scio) ideo ineptum esse, transmittendæ actioni luminis ignem, quod æthereos globulos excludat, in quorum rectilineo nisu actio illa consistit; ita sc. ut e. g. in Fig. XVII. species aliqua luminosa ex parte B existens non possit penetrare per flammam A ad partem oppositam C oculumque ibi existentem, quia transmissio speciei per globulos B ad globulos C fieri non possit ob interruptam in flamma A utrorumque continuationem; atque ideo vi hujus hypotheseos opacior esse illam flammam, quæ particulis terrestribus magis ac solidioribus constat, utpote globulos æthereos validius arcentem, quam flamma spiritus vini, cujus particulæ tenuiores sunt ac minus validæ. Ac nescio sane an impurius dici possit hæc, de qua modo loquebar flamma, quam illa, quæ ex ligno vel pice elicitur.

III. Fumus ex mente Cartesii ex iisdem illis particulis constat, quæ paulo ante flammam urentem constituerant; ubi nempe materiæ subtilissimæ impetu sursum propulsæ, extra hujus sphaeram in aëre vicino paulatim agitationem suam deponunt, mox iterum sua gravitate, una cum aliis particulis terrestribus aëris vicini, & globulis æthereis violenter à loco flammæ repulsis, ad hunc ipsum locum ruituræ flammamque protinus suffocaturæ, si hæc nihil aliud quam purum elementum esset. Sed particulæ terrestres novæ ex ellychnio assidue succedentes, statim, atque primo elemento immersæ sunt, ejus cursum sequuntur, & occurrentes illis aëris particulis, quæ paratæ erant ad descendendum in locum flammæ, ipsas repellunt, sicque ignem conservant. Cum Honorato vero ignis à fumo & fumus ab igne toto genere distinguendus esset, & fumus quidem ipsi mixturam humoris nondum subacti, & particularum terrestrium una cum ipso avehi solitarum dicit, ut ignis congeriem particularum flexilium nativo calore & lumine imbutarum. Quod posterius uti jam supra nobis displicuit; ita circa prius etiam Cartesiana suppositio Fabriana nobis magis aridet.



IV. Pyramidalem seu conicam flammæ figuram adscriberent Peripatetici proculdubio connatæ ipsius absolutæ levitati, & ab ea opinione non adeo longe abesse Cartesius quoque videri possit, quando Part. IV. Princip. Philos. num. XCVI. & XCVII. iterato dicit, materiam primi elementi, quæ est flammæ pars fundamentalis, leviolem esse globulis cœlestibus aëris meatus occupantibus, eamque adeo niti sursum versus, ut se removeat à centro terræ &c. indeque fieri ut flamma soleat esse acuminata. Sed intellexit dubio procul non nisi respectivam levitatem, utpote non dicens, materiam primi elementi simpliciter esse levem, sed materia subtili sive ætherea aëris meatus occupante leviolem; ut hoc pacto quoad rem idem sentiat cum Honorato Fabri, Tract. V. Lib. II. Prop. CIX & in Lib. de gravi & levi, ex professo docente, nullam prorsus dari levitatem absolutam; de cætero seqq. decem Propp. usque ad CXIX. fundamenta plura operose ponente, è quibus denique ea ipsa Prop. 119. causam deducat conicæ in flamma figuræ; quæ deductio huc in compendio redit: Halitus tenuiores impetu accepto sursum eniti, & sic efficere, ut flamma, ab ambiente aëre alioquin æquabiliter undiquaque premenda (velut aër ab ambiente aqua in formam convexo-rotundam comprimitur) nunc à parte supera minus, quam in cæteris, pressa, ibi altius in apicem assurgat; circa basin interim & latera rotunditatem, ab æquabili illa pressione oriundam, servans.

V. Scilicet (ut nostro etiam concipiendi modo rem eandem exprimamus) cum indubium sit (1) Leviora quævis sive fluida, sive solida, à fluidis gravioribus, perpendiculariter deorsum nitentibus, perpendiculariter è contra sursum elevari, uti lignum in aquis & bullas aëreas ex cornu cervi, alce, sacharo, similibusque porosioribus sub aqua positis corporibus, perpendiculariter extrudi oculis ipsis cernimus; sic igneas flammæ particulas, aëreis minus graves, ab his gravitationis virtute similiter ad perpendicularum extrudi. Cum (2) vulgaribus aliis experimentis notissimum sit, lapidem aliquem, aut sagittam ex arcu dimittendam, multo longius projici ab homine prævio cursu in eandem plagam dimissum, aut inter velociter eodem equitando currendum laxatam; quoniam impetus à manu pericientis, lapidi vel à chorda arcus laxata, sagittæ impressus, conjungitur cum impetu hominis currentis in lapidem emittendum, vel equitantis in arcum & sagittam laxandam una reduntante: Ita ergo cum (3) partes flammæ non  
solum



solum ab aëre gravitante sursum extruduntur, sed una celerrimus ipsarum impetus, quem à materia subtilissima recipiunt, eodem dirigitur; ita geminatus impetus in aërem desuper prementem multum prævalet, præ illa pressione, qua circa latera in acumen quoddam necessario exprimuntur igniculi.

VI. Altius autem assurgit apex iste, quando digitus desuper imminens aërem perpendiculariter impendentem tantisper arcet, ut apex flammæ ab ambiente lateraliter premente paulo fortius sursum exprimatur; aut quando per intervalla aër ambiens, variis ac perpetuis agitationibus obnoxius, plus minusve flammam urget; ve etiam paucior aut copiosior halitus ex inflammato corpore ascendit uno momento quam altero, ob diversitatem materiæ heterogeneæ, una parte citius alia tardius solubilis; maxime vero quando ultima flamma, h. e. ea quam ex pabuli defectu alia non sequitur, ultimos quasi morientis conatus adhibere creditur: id quod per meram metaphoram ita dicitur, veram autem effectus sensibilis rationem non suppeditat; quæ alia non est, quam quod deficiente pabulo nova materia flammæ ultimæ succedere cessat, ejus loco aër subito sese ingerit ultimamque illam flammam paulo altius extrudit & cum subsultu quasi tandem dissipat.

VII. Quod vero apex flammæ multo sentiatur calidior, quam partes ejus laterales, ex ratione num. V. data, ultro fluit; quandoquidem versus perpendiculum ille geminato impetu extruditur, atque adeo in organi tactorii propius admoti poros impetuosius & validius intruditur; quemadmodum etiam è carbone accenso multo plus doloris percipimus eum arcte, prensantes, quam si leviter ipsum tangimus, aut à manu in manum ultro citroque transmittimus: id quod in altera parte Phæn. V. manifesto experimento confirmat artificum vitriariorum, qui flatu suo per angustum canalem A, B, C, D, (Fig. XVIII.) continue trans flammæ D apicem in eam subtilitatem ad E usque attenuare norunt, ut canaliculos vitreos tenuiores aut Smalti, quos vocant, graciles cylindros, dicto loco applicatos, facillime liquefacere & liquefactos in varias imagunculas manuum suarum dexteritate effingere didicerunt.

VIII. Accedunt ad invicem duo vicini ignes, non quod alter alterum trahat instar magnetis (uti vulgo loquuntur, aut sympathica quadam vel occulta virtute invicem afficiantur; sed quod interstitium parvulum inter utrumque ignem (e. g. E in Fig. XIX.)

videa-



videatur equidem igne carere, non careat tamen halitu semiaccenso & flammis visibilibus invisibiliter interjecto, qui cum aëre ejusque pressionem excludat, fit ut ambiens reliquus utramque flammam ex omni parte, sola intermedia illa excepta, premat, & sic ad contactum compulsæ flammæ in unam tandem coëant, & minor quidem potius ad majorem, quod illa facilius impellatur. Quod si vero similis aliqua ratio in magnetis ad ferrum, vel ferri ad magnetem, accessu deprehendi possit (quod infra videbimus) tunc equidem virtutem quandam magneticam, sed non amplius occultam, hoc etiam casu possemus agnoscere, explosa tamen fictitia illa tractione, quam vulgus imaginatur.

IX. Desultus etiam ille flammæ adhuc ardentis in ellychnium recens-extinctum, non est ita concipiendus, ac si revera, uti quidem oculis apparet, pars aliqua flammæ ex ardente lychno decerpta in extinctum subito transfiliat (id quod contra ignis flammæque naturam esset futurum,) sed quod halitus intermedius, qui tantum non perfecta flamma est, subito iterum ignescat à vicina flamma, porroque eadem virtute fumans adhuc ellychnium ignescere de novo & subitanea successione faciat, ita ut plurium flammarum quasi momentanea productio, videatur unius esse localis transitus, ea prorsus ratione, qua umbras nostras cum corpore moveri videmus & credimus, dum revera singulis momentis locisque nova creatur, ita quidem improprie loquendo.

X. Cum denique flamma quædam rarior, à pabulo suo quasi separata cernitur, ejus rei ratio jam supra num. VI. luculenta data fuit, nunc insuper ex eo confirmanda, quod infima flammæ portio pabulo proxima, ut in flammis plerisque observamus, est plerumque minus accensa, (sive quod globulos cœlestes ibi minor impetus nondum prorsus excluderit, secundum Cartesium, sive quod ex Honorati mente multus humor admixtus ignis particulas colligi satis non patitur) & hoc casu ob tenuitatem suam inconspicua, ita ut flammans superne conus à pabulo suo penitus divisus appareat, cui tamen per intermedium ignem nondum lucentem continuo tractu adhæret.



## ARTICULUS III. De elemento aëris.

### CAPUT I.

*de*

*Effectibus, proprietatibus, & natura aëris  
generatim.*

#### I. PHÆNOMENA.

**P**HÆN. I. Tenuissimum ac fluidissimum esse corpus aërem ejus invisibilitas è vicinia, prompta permeabilitas, & permeandialia facilitas (quæ postrema in sonorum per angustissimas rimulas ad interiorum etiam conclavium penetralia promptissima diffusionem, maxime conspicitur, amplius autem ex anthræ pneumaticæ experimentis constat, in quibus recipientium valorum clausuræ, & partium commissuræ, nunquam adeo sollicitè obturari, ullave colla, luto vel glutine præmuniri possunt, quin aër intervallo saltem aliquo temporis exiguo subrepat & uti forex seipsum prodat,) abunde cognoscitur, ut spirabile rectius, quam fluidum corpus cum Honorato Fabri diceret. Dixi autem invisibile corpus aërem, sed ex vicinia tantum, cum è longinquo ipsum visibilem evadere, non uno modo constet. Non solum enim cæruleum istud, quod aëre sereno læti intuemur cœlum versus, sed etiam illud alterum, quod inter montes ac sylvas remotiores interjectum, frequenter cernimus, nihil aliud quam aërem esse, quoad hoc posterius apertum est, quoad prius autem è sequentibus elucescet. Mira vero res hæc cuiquam videri queat, cum alias ex opticis principiis notorium sit, corpora quæque alia tanto certius, evidentius, distinctiusque videri, quanto oculis nostris sunt viciniora, cæteris quidem paribus.

PHÆN.



*PHÆN. II.* Non impedit tamen hæc tanta ejus subtilitas ac raritas, quo minus & tactu sentiatur, cum agitatus corpulentiam suam percipi manifeste facit, & attenuari amplius magisque rarefcere à calore poffit: id quod 1.) vulgare phænomenon veficæ flaccidæ modiceque inflatæ, collotenus autem arctiffime constrictæ, manifettiffime docet, quippe quæ, vel in folis radio, vel ad fornacem calentem, aut propius à foco luculento, fufpenfa notabiliter intumefcit, ab aëris intus conclufi, caloris interventu facta, expansione manifettiffime diftenta, & novo quafi flatu immiffo ad duritiem fere undique exporrecta. 2.) Aëris æftivi multo altior, quam hyberni fphæra, crepufculorum ibi longe quam hic diuturniorum, argumento comprobatur, id quod in fequentibus proluxius é fua caufa deducetur. Cum primis autem 3.) Thermometrorum jucundiffima Phænomena, oculis ipsis ingerunt, in quibus fpatia aëre plena, contiguis aliis liquore quodam refertis evidenter contradiftincta, ad oculum ampliari & liquores fibi contiguos loco fuo movere, five fufsum five deorfum, manifette fenfu ipfo deprehendimus, ipsos autem hos effectus hos expansivos à calore provenire indubia ratione cognofcimus. Qua de re cum prolixè jam egerimus in part. general. feët. III. cap. V. p. 569. nolumus hic quicquam addere, ne crambem bis coctam cum Lëctorum noftrorum faftidio videamur apponere velle.

*PHÆN. III.* Quin & nullo calore urgente, fua fpon te fe, ac valide quidem, dilatat, ubi conclufus alicubi, etiam citra ullam violentam compreffionem, ab ambiente extus alio aëre liberatur, prout vefica fimiplena, aut lagena vitrea, probe claufæ, intra recipiens exhaustum, veficulæ cyprinæ intra Tubum Torricellianum; vefica fuilla flaccida in fummitatem altiffimi cujusdam montis delata, aliaque experimenta plurima teftantur. Tanto validior autem eft hæc fpontanea quafi aëris dilatatio, quam *Aëris elaterium* aut *virtutem elasticam* vocant recentiores, fi valida infuper ac violenta compreffio præcefferit. Non folum enim ab igne rarefactus aër à fuccedente frigore coire rurfum & conden-



fari in angustiora spatia solet, ut ex circumstantiis eorundem experimentorum, ad quæ phæn. II. provocavimus, certum est, sed etiam è statu suo ordinario, violentæ compressionis ope, in sclopetis e. g. pneumaticis, fontium artefactorum hydraulis, in angustiam incredibilem cogi se patitur. De qua quidem aëris tum *compressibilitate* tum *Dilatabilitate* postea peculiari capite III. prolixius agere operæ pretium erit.

*PHÆN. IV.* Tametsi respectu aquæ levis admodum est aër, in se tamen, & absolute gravis est, & in proprio quoque loco suo gravitat; id quod non solum Aristoteles pridem agnovit & lib. IV. de cœlo cap. 4. experimento comprobavit (quo tamen & ipsum falsum fuisse, & suo exemplo ac autoritate, inter alios innumeros etiam nos fefellisse, paulo post in capite separato, quod hæc res omnino meretur, ostendemus) cui aliud postea recentiores indubium & evidentissimum, ponderationem scilicet recipientis ordinario aëre primum pleni, dein maximam partem exhausti, aut compresso multo referti, substituerunt: quo quidem aëris gravitatem fere submillecuplam esse ad gravitatem aquæ comparatam, compertum fuit, tametsi subinde variet, uti Barometrorum quotidianis experimentis constat, ubi in dies & horas fere mutari videmus altitudinem hydrargyri, circa vigesimum septimum & octavum digitum in tubo torricelliano, non sine perpetua fere variatione, ut plurimum sustentati, prout capite proxime sequenti fusius enarrabimus.

*PHÆN. V.* De maxima aëris pelluciditate ex adnotata Phæn. I. ejusdem invisibilitate constare jam potuit, quam etsi magnam, illunibus præsertim ac serenis una noctibus, summam tamen non esse, quanta cœlorum est, ex ejus colore cæruleo interdiu, & crepusculari mane vesperique lucula (in qua magnum Conditoris beneficium devota mente paulo post agnoscemus) promte concludimus.

*PHÆN. VI.* Digna quoque observatu est aëris efficacia & necessitas, non solum in animalium vita conservanda, quandoquidem ab incumbente ipsorum corporibus ingenti aëris  
pon-











ponderosi mole illa conculcanda quasi penitus, & vitalium florum commeatus omnis intercipiendus foret (ut in Epicrisi sequenti aliquantisper, suo loco vero, cum de respiratione nos agere DEI gratia concesserit, ex professo demonstrabimus) & in igne, elemento huic sublunari mundo universo adeo necessario, fovendo & nutriendo, (qua de re in superioribus jam pluribus actum est) sed etiam ex opposito, in corrumpendis, putrefaciendis, arrodendis & rubigine obruendis etiam solidissimis quibusdam corporibus, quæ alias aut sub aquis vulgaribus, uti magnes, ligna quercina &c. aut intra spiritus quosdam & liquores balsamicos, aut in recipientibus ab aëre maximam partem evacuatis, aut alio quocunque modo contra aëris liberum accessum, ejusque multipliciter variantes alterationes, caute munita, diutissime conservantur.

*PHÆN. VII.* Etetiam e. g. Magnes non solum virtutes suas attractivam & directivam sub aquis incorruptas magis servat, sed etiam sub scobe ferrea quasi sepultus roborari quodammodo & panno rubro amictus adversus æruginem (à qua alias in aperto aëre facile arroditur) præmuniri, deprehensus est, comperi etiam destinata opera institute experimento, anno abhinc circiter decimo quinto (cujus circumstantias in parte II. collegii curiosi sive experimentalis p. 7. pluribus enarravi) res alioqui facile corruptibiles, e. g. frustulum panis recentis, butyri libum, oculum bubulum recens exsectum, narcissi lutei florem plenum, & hyacinthi cærulei flosculos aliquos super orbiculo ligneo intra campanam vitream suo plumbo onustam, duobus ligillis transversis, inferæ cera firmatis, imposito, sub aquas in aqualiculo piscibus asservandis alias destinato, demisisse, (quem apparatus in Fig. XX. contueri licet) & ultra octiduum continuum ibi, in aëre quidem, sed tranquillo & immutato detenta, in pristino vigore deinceps in lucem protracta spectasse, panem prorsus ut ante recentem, oculi tunicas & corneam tantillum albicantes sine omni alio putredinis indicio, hyacinti flosculos unum atque alterum adhuc vegetos, cæteris alboris aliquid jam indutis, narcissum colore pri-



stino adhuc aridentem, butyrum absque squalore omni, etsi horum nihil aquam interim attigisset, dum econtra res similes prorsus singulorum generum in aperto aëre, loco tamen umbroso intra penuarium asservatas, emarcidas, arefactas, æquali temporis intervallo, spectavimus, præter unicam butyri particulam, quæ rancoris aliquid contraxerat, solus aër intra campanam conclusus, cæterorum commune receptaculum, foetorem multum contraxerat, inclusis omnibus, atque adeo ipsi vitro sic impressum, ut post plures elutiones eum vix exueret. Ita ova recentia pampinis involuta & intra dolium quoddam conclusa diu incorrupta servari posse expertus sum, sic intra lagenam quandam vitream liquore balsamico plenam asservo salamandram, vermem nigrum luteis maculis eleganter distinctum, serpentes binos, lacertam elegantissime pictam, ranam viridem &c. ex annis 10, 12, 15, &c. vivo omnia & immutato penitus colore, tanquam heri demum intromissa, & viva quidem singula demersa, imo duos alios minus formosos salamandras intra merum vini spiritum ex annis jam pluribus integros adhuc detineo.

*PHÆN. VIII.* Denique nec illud, etiamsi vulgare, negligendum est, quod calidior & frigidior, humidior item ac siccior per vices evadat aër, prout solis longior, aut brevior supra horizontem mora, & humor vaporosus aut pluviosus eum plus minus affecerit, item quod ordinarie partem ejus superiorem, etiam æstate media, valde frigidam esse, perennes passim editiorum montium nives, in Alpibus e. g. Helveticis (in quibus quotannis usque in mensem Julium asservatæ, tunc augescente calore magnam quidem partem, nunquam tamen omnes, liquecunt, Rhenique fluentis tunc magnam accessionem suffundunt) imo sub ipsa zona torrida passim reperiundæ, testantur, cujusmodi quidem juga nivibus anno toto tecta Lusitani & Hispani *Sierras nevados* appellare solent. Essetque hic locus commodissimus, de *Hygroscopiis* vel *Hygometris* plura dicendi, nisi dudum in parte I. Collegii curiosi tentam. XIV. & part. II, tentam. XIII. pronuper



nuper autem in part. gener. phys. hypothet. sect. III. cap. VIII. pag. 637. illorum bene multa enarrassemus.

## II. HYPOTHESES PRÆCIPUÆ

circa

naturam & substantiam aëris,

I.

**I**N Peripateticorum scholis elementaris hæc aëris sphæra, quatenus ut pars hujus mundi sublunaris consideratur, impurior ac cæterorum elementorum partibus permixta statuitur, in tres regiones dividi communiter solita, nimirum in *infimam*, quæ pertingat ad eum usque locum ubi finiuntur reflexi radii solares; *mediam*, quæ inde ad altissimorum montium cacumina protendatur, aut secundum alios forte an rectius, quæ nubium concretioni locum præbeat, eminentibus haut raro montium cacuminibus supra ipsas nubes, ac *supremam*, ob rapidum vicini cœli motum, & ignis proximi summum fervorem, calidam & ad sphæram ignis elementaris usque prorensam, de quibus prolixè videri potest *Systema phys. Ernestino-Gothanum* lib. II. part. spec. cap. IX. p. m. 184. & seqq. & *Stierrii Tabb.* Tract. 1. part. spec. cap. V. p. m. 16. basis interim impurioris hujus massæ traditur elementum aëris puri, qui corpus sit simplex calidum temperate, at humidum in summo, levitate scilicet calorem nativum, diffluendi promptitudine humiditatem attestante.

II- Si *Honoratus Fabri* non neget supra nubes eminere quorundam montium cacumina, negat saltem Tract. V. lib. II. p. 194. hæc mediam aëris regionem superare, cum altissimi montes nivibus tegantur, uti supra dictum. De cætero ridet definitionem infimæ regionis peripateticam, licet ipse quoque peripateticus, eo nomine quod hanc eo usque exporrigi dicat, ubi finiuntur reflexi radii solares: *Si hoc esset*, inquit pag. 192. *ad firmamentum usque porrigeretur cum eo usque radius reflexus diffundatur, unde scilicet terra videri potest.* Certo vero definiri ejus altitudinem vix posse putat, & altate quidem eo usque extendi putat, quousque vis caloris in attollendis vaporibus porrigitur, hyeme vero infimam cum media pene confundi existimat. De cætero puriorem aërem per universum mundum diffundi statuit p. 195, ætherem ab iplo distinctum omni-



omnino negans, & puncta seu particulas aëris sub forma cubica, quæ sola vacuitates omnes replere possit, concipiens, nullosque adeo poros in aëre admittens, compressibilitatem autem aëris ab istorum punctorum cubicorum nativa extensione, (quam decuplam quoad latus, intuitu cubulorum aqueorum, quoad faciem centuplam, quoad internam soliditatem vel capacitatem p. 188. millecuplam æstumat ex proportionem gravitatis aquæ ad aërem; ita ut secundum longitudinem decem cubi aquæ adæquent unum aëris, & centum illius decem hujus, mille illius, centum hujus &c.) ob quam in spatiosa angustissima possint arctari singula, deducens.

*Isaacus Vossius*, de motu marium cap. XXI. pag. 94. Fabellam de quatuor elementis, uti loquitur, cum multis aliis explodens, credit aërem esse aquam seu humorem dilatatum è lacubus fluviiis, nivibus, præcipue vero maribus genitum, & ad legem æquilibrii quaquaversum se extendentem. Cui sententiæ proxime accedunt nonnulli vacuistæ, nisi quod non aquearum tantum, sed terrestrium quoque particularum, atque adeo effluviorum innumeris modis variantium & ex terraqueo globo in inane cœli spatium aliquotusque sublevatorum miscellam congeriem, aëris atmosphæram componere supponant. *Thomas econtra Willisius* in literis mensis Feb. 1687. ad me datis, aërem existimat non perfecte fluidum, sed ex multis quasi filis & fibrillis contextum corpus, quæ scilicet elastica sint atque invicem implicita, ut in floccis lanæ, quæ non tam facile se accommodabunt exiguis oculis, ita ut aqua pressa subtilior existens, in ea interstitia sese intromittat, ubi aër (nisi pressus admodum) se non insinuabit.

IV. Alii, quos inter *Magnanus* & cum primis *Schottus* in Tech. curios. p. 222. hanc effluviorum congeriem admittunt quidem, sed in æthere, h. e. corpore quodam tenuissimo, à terræ superficie ad extima cœlorum usque protenso, ita ut aër nihil aliud sit, quam æther dictis effluviis refertus & quasi infectus, id quod totidem fere verbis *Joh. Hevelius* Cometograph. lib. VII. p. 355. profitetur. Neque multum ab his discedit *Cartesius* part. IV. princip. num. XLV. & XLVI. nisi quod congeriem particularum tertii sui elementi multo tenuiorem, quam possunt esse aut vaporum aqueorum, aut exhalationum terrestrium siccarum, portiones intelligere videatur, atque adeo ab invicem distinguere ætherem sive globulos cœlestes, per universum mundum omniaque hujus spatia, ipsam etiam terram omnia;



omniaque corporum mundanorum penetralia intima, pervadentes; aërem deinde, sive flexiles, instar mollium plumularum, vel tenuium membranularum aut funiculorum particulas, quibus libet motibus istorum globulorum obsequentes, atque adeo à se invicem plane disjunctas, ac distinctas: Denique effluvia terrarum crassiora, quæ huic aëri per accidens se admisceant.

V. *Mons. Perrault* de l'Academie Royale des Sciences, Doct. en medecine de la Faculté de Paris, edidit anno M DC LXXX. Tractatum Gallicum sub inscriptione generali *Essais de Physique* &c. quem supra Sect. I. cap. II. Hypoth. II. numer. XIII. jam allegavimus; in quorum Tom. I. de corporum gravitate, elatere, ac duritie agit, & fundamenti loco, aërem nos ambientem supponit ex tribus partibus compositum esse, præter vaporum & exhalationum crassissima effluvia, quæ ipsi per accidens admixta esse soleant; Nimirum *primam* vocat, la partie grossiere *Aerem crassiorem*; alteram *Aerem subtilem*; ac tertiam denique *partem* ejus *ætheream*; Primam dicit esse congeriem corpusculorum mediocris subtilitatis, & ponderis, & compressibilitatis insignis: secundam corpusculorum multo subtiliorum & multo ponderosiorum, sed prorsus incompressibilium: Tertiam omnium subtilissimam, sed omni pondere destitutam, ut quæ ipsa sit gravitatis causa in prioribus &c. Hanc Perraultii hypothesein *Joh. Baptista du Hamel*, quoad aërem crassiorem vaporibus & fumis contradistinctum & quoad ætherem ipsi interfusum Parte Phys. gener. p. m. edit. Norimb. 84. & sequ. quoad subtiliorem aërem vero Lib. III. de consensu vet. & nov. Philos. p. 735. ejusd. edit. penitus approbasse videtur, tanquam summopere necessariam ad ea præsertim phænomena, quæ in seqq. capitibus specialius enarrabuntur, circa aëris gravitatem, elasticam virtutem, & compressibilitatem.

### III. EPICRISIS ECLECTICA super enarratas Hypotheses.

#### I.

**A**ristotelicorum hypothesein multis difficultatibus obnoxiam esse, & phænomenis enarratis rite explicandis insuffi-



sufficientem, non possumus diffiteri. Tametsi enim verissimum sit, sphæram hanc aëris, prout in rerum natura extat, impuriorem esse ac elementorum cæterorum particulis, igneis, aqueis, terreis, passim permixtam, basin tamen ejus aërem purum esse, h. e. particulas aëreas meras, abstractione quadam mentis à cæteris separandas, easque corpus simplex esse & moderate quidem calidum, in summo vero humidum &c. hæc inquam, quomodo inter se conciliari queant, & cum recentiorum verosimillimis hypothefibus, non reperio. Etenim, ut obiter solum attingam, aërem nonnisi abusive & improprie humidum dici, quia τὸ ὑγρὸν apud Aristotelem geminam significationem habet, alteram veræ proprieque dictæ humiditatis vel madoris, qualis aëri non competit ex natura sua, sed ex accidenti tantum, quatenus aqueis & vaporosis particulis vel pluviarum guttulis imbuitur, alteram ab ista priori valde diversam, quatenus notat diffusuentiam aliquam & difficultatem propriis terminis subsistendi, quæ ipsi cum aqua communis, & major quidem quam in illa est, quandoquidem guttulæ saltem aqueæ, præsertim in loco pulverulento sub figura sphærica aut hemisphærica saltem, suisque adeo terminis, uti credimus, subsistunt. Sed hæc significatio *fluiditatem* rectius, quam *humiditatem* infert. Neque vero vel hanc fluiditatem aëris, nec ejus moderatum calorem imaginabiliter explicare licebit, nisi mixturam aliquam in hoc elemento, æque ac in elemento ignis, admittamus, ac distinctionem partium aërearum movendarum, & partium multo subtiliorum illas moventium, ut nimirum, ceu ignem ex particulis terreis, acutis, rigidis & sua natura immotis, & ex particulis sive ramentis materiæ subtilissimæ sive primi elementi istas rapidissime agitatæ essentialiter componi diximus in superioribus; ita hic aërem essentialiter componi dicamus ex particulis aëreis crassioribus sua natura pariter immotis futuris, & particulis æthereis sive materiæ subtilis minus rapidæ illasque adeo placidius agitantibus eoque pacto aerem moderate calidum valdeque fluidum facientibus.



II. Quemadmodum autem summe fluidus, aut (Aristotelicorum idiomate) summe humidus, dici nequaquam aër poterat, quia ignis hoc sensu multo humidior, h. e. fluidior, ac diffusentior manifeste dicendus est (qui alias vulgari loquendi modo humiditatem omnem excludit,) ita aër non magis, quam ignis, corpus simplex dici potest, nisi eo sensu, quatenus unum elementum ex cæteris non componitur uti alia, ideo κατ' ἐξοχὴν sic dicta mixta corpora. Quod verò tres aëris regiones attinet, terminos primæ regionis ab Aristotelicis assignatos cum Honorato merito explodimus. Solares enim radii à terra reflexi saltem ad lunam usque pertingunt, & inde ad nos usque regrediuntur, teste luce lunæ secundaria, de qua infra suo loco pluribus. Neque vero Aristoteli eo loco, ex quo sententiam suam erroneè hauserunt ipsius latini interpretes, ea mens fuit, quam ipsi affingunt, prout inspecto textu græco res erit evidentissima: sic enim ejus verba habent I. Meteor. cap. III, γίνονται γὰρ αἱ τῶν νέφων ἀθροίσεις, οὗ λήγουσιν ἤδη διὰ τὸ χιζέσθαι εἰς ἀχανές αἱ ἀκτῖνες, i. e. *Fiunt enim nubium coactiones (ibi) ubi cessant radii intellige notabiliter calefacere) propterea quod diffinduntur (divergentes à se mutuo magis magisque) in immensum, uti recte reddit Alexander Piccolomineus in Comment. Alex. Aphrodis, ab ipso converso.*

III. Placet itaque vel maxime illa opinio, quæ non solum à fumis & vaporibus aëri accidentarie tantum admixtis, ipsum distinguunt, ut Hamelius inter cæteros p. 84. tom. I. edit. Norimb. probans id ex vi aëris elastica quam sequ. cap. III. pluribus evincemus, & qualem in fumis & vaporibus nullam pene esse, vel eo experimento novimus, quo fumi & vapores in recipiente aliquo studio excitati subsidere deprehenduntur, postquam aër ex illo mediante antlia pneumatica magnam partem extractus est, uti loquimur, sed etiam ætherem ipsi, tanquam partem essentialem, cujus præsentiam ad proprietates ejus palmarias recte declarandas deposci res ipsa loquitur, intermiscendum judicant. Ut ita nativas aëris particulas flexiles & ramosas variarum figurarum



commodissime concipiamus, ac intra ætheris mobilissimum fluorem quasi natantes & placide volitantes, eodem modo, quo plumas alioqui sparsas in aëre circumvolitare videmus. Hoc enim supposito & dilatabilitas, & compressibilitas, & elastica virtus aëris, ac cæteræ proprietates ejus, promte declarabuntur, uti capita sequentia sigillatim docebunt.

IV. Et profecto si Aristotelem ipsum potius audiamus quam scholas, ejus nomen verius quam Philosophiam professas, ex ejus II. de generat. animal. capit. 3. III. de generat. animal. capit. 11. (al. 10.) libr. de mundo capit. 4. libr. II, de an. cap. 7. &c. luce meridiana clarius est, ad hanc recentiorum hypothesein infra nobis probandam, eum accedere proxime, aërique subtilius quoddam corpus admixtum statuisse. Non pigebit ejus expressa verba alibi jam aliâ fini exhibita hic iterato inculcare. Primus locus ita habet: πάσης μὲν ἐν ψυχῆς δυνάμεις ἑτέρε σώματ' ἔοικε κεκοινωνηέναι, καὶ θεϊότερε τῶν καλεμένων στοιχείων. πάντων μὲν γὰρ ἐν τῷ σπέρματι ἐνυπάρχον, ὅπερ ποιεῖ γόνιμα εἶναι τὰ σπέρματα, τὸ καλούμενον θερμὸν, τὸτο δὲ ἔ' πῦρ, ἔδὲ τοιαύτη δυνάμις ἐστίν, ἀλλὰ τὸ ἐμπερ, λαμβανόμενον ἐν τῷ σπέρματι καὶ ἐν τῷ ἀφρώδει πνεῦμα, καὶ ἡ ἐν τῷ πνεύματι φύσις, ἀνάλογ' ἔσται τῷ τῶν ἄστρον στοιχείῳ h. e. *Omnis animæ potestas*, (loquitur autem de materialibus tantum animabus, de mente enim immediate ante dixerat, λείπεται δὲ τὸν νῦν μόνον θύραθεν ἐπεισιέναι καὶ θεῖον εἶναι μόνον, *reliquum autem est mentem forinsecus cæteris intellige animabus supervenire, & solam esse divinam*) videtur alius, ac d. v. inferioris iis quæ elementa vocantur, particeps esse corporis. *Omnium enim semini inest illud quod vocatur calidum, quod prolifica facit semina. Illud autem non est ignis nec similis alia facultas, sed in semine spumoso intus conclusus spiritus, & in spiritu (conclusa) natura stellarum elemento analogæ*, quæ certe, quoad rem ipsam, nihil aliud est, quam illa, quam supra diximus, ignis vulgaris basis, verbo Cartesii primum elementum sive materia subtilissima, ex qua solem & stellas fixas omnes constare judicat.



V. In secundo loco hæc habet : γίνεται δ' ἐν γῇ καὶ ὑγρῷ τὰ ζῶα καὶ τὰ φυτὰ, διὰ τὸ ἐν γῇ μὲν ὑπάρχειν ὑγρὸν, ἐν δ' ὕδατι πνεῦμα, ἐν δὲ τῷ παντὶ θερμότητα ψυχρὴν ὡς τρόπον τινα πάντα ψυχῆς εἶναι πλήρη. h. e. *Fiunt autem in terra & humido animalia & plantæ, propterea, quod in terra quidem existit humidum, in aqua vero (vel humido) spiritus in universo vero (& ubique) calor animalis, ita ut animæ quodammodo omnia sint plena.* Tertius locus his conceptus est verbis : λέγεται δὲ καὶ ἑτέρως πνεῦμα, ἥσε ἐν φυτοῖς καὶ ζώοις, καὶ διὰ πάντων διήκονσα ἐμψυχός τε καὶ γόνιμος εἴσα. h. e. *Dicitur autem & alio modo spiritus, illa in plantis & animalibus (se se exerens) omniaque permeans animalis & prolifica substantia, quam equidem nullam aliam esse quam ætheream, Cartesio secundum elementum & materiam subtilem dictam, & ultimo loco palpabile est.* Ibi namque hæc expressa habet : Διαφανὲς δὲ λέγω, ὃ ἐστὶ μὲν ὁρατὸν, οὐ κατ' αὐτὸ ὡς ἀπλῶς εἶπέν, ἀλλὰ δι' ἀλλότριον χρώμα. τοιοῦτον δ' ἐστὶν ὁ αἶρ καὶ ὕδωρ, καὶ πολλὰ τῶν σερεῶν. εἰ γὰρ ἡ ὕδωρ, εἰ δ' ἡ αἶρ διαφανὲς. ἀλλ' ὅτι ἐστὶ φύσις ἐνυπάρχουσα ἢ αὐτὴ ἐν τέτοις ἀμφοτέροις καὶ ἐν τῷ αἰδίῳ τῷ ἀνω σώματι. h. e. *Perspicuum autem voco, quod est quidem adspectabile verum, ut simpliciter dicam non adspectabile per se, sed per alienum colorem (corporis puta, quod per illud pellucidum videtur, adeoque per accidens.)* Ejusmodi vero est aër & aqua, & solidorum complura. Non enim pellucidum est quatenus est aqua, nec quatenus est aër, sed (NB.) quia natura quædam in his utrisque eadem inest, & (NB.) in æterno illo supero corpore. Quid evidentius esse posset, quam Aristotelem, æque ac recentiores, requirere in aëre præsentiam ætheris ejusdem qui in cœlo est, ad aëris & aquæ pelluciditatem explicandam. Quod si cæteris utriusque proprietatibus, e. g. fluiditati essentiali, aëris virtuti elasticæ &c. deducendis necessariam similiter judicasset, forte non negasset aërem & aquam quatenus talia pellucida esse, siquidem pelluciditas æque ac fluiditas utrisque essentialis est, etiam si verum interim manet, utramque utrique propter interfusum ætherem competere.



VI. Neque displicebunt forte *Hugenii* & *Perraltii* cogitata de crassiore & alio tenuiore aëre, ubi pridem noviter occurrens Phænomenon, quod novam illam hypothesin deponere videbatur, nobis plene innotuerit, id quod fiet in sequentibus. De cætero, si quid circa qualitates aeris vulgares determinandum sit, cum in sensu scholarum, sed valde abusivo humidissimum dici jam supra taxavimus, & consequenter ignem minus humidum inepte dicendum putamus, sensu vulgari vero siccum verius natura sua, & frigidum magis quam calidum esse dicendum putamus, cum frigus in ejus regione media perpetuum, perpetuæ montium excelsorum nives satis probent, & calorem ipsi à sole maxime, humorem ab elevatis hujus ope vaporibus & sub forma pluviarum deinceps aut nivibus iterum desuper emissis, communicari, nimis manifestum sit.

VII. Quemadmodum etiam reliquas aut conservandorum aut corrumpendorum corporum vires, non tam ex natura propria, quam ex admixtis sibi ac adventitiis è terra variis exhalationibus, salinis, sulphureis corrosivis, igneis, venenatis, pestiferis &c. habere merito judicatur, nisi, quod animalium respirationem ex innata sibi gravitate & compressione ordinaria, procurare videatur, & sicuti pelluciditate sua (quam intersperso particulis suis ætheri, luminis subjecto & vehiculo debet, Aristotele quoque judice, ceu paulo ante vidimus,) ineffabilem usum animantibus præbet, sic aliquali tamen opacitate sua non minus commodi crepusculino suo lumine adferat, gemino sane & luculento Divinæ Providentiæ argumento, de quibus in sequentibus plura erunt dicenda,

da,





## CAPUT II.

De

*Gravitate Aeris in specie.*

### I. PHAENOMENA.

**P**HAEN. I. Sub initium hujus operæ de Geocosmo sive Mundo elementari. Cap. I. Phæn. III. Aristotelem quoque tanquam testem allegavimus gravitatis in aëre experimento comprobatae; quod tamen experimentum id non evincere, quod, evincendum erat, hoc loco nos demonstraturos recepimus. Equidem deceptos nos cum ingeniosissimo Ricciolo, & viris eruditissimis sine numero, autoritate Aristotelis, utrem inflatum aëreque plenum plus ponderare ad bilancem, quam evacuatum, confidentur asserentis, non decebat tamen, in collegio præsertim experimentalis, ea autoritate simpliciter niti, sed rei veritatem (de qua nulli dubitamus) propriis tamen oculis visuri, loco utris unius aliquot vesicas suillas primum inflatas & aëre multo confertas dein compressas & flaccidas, unoque ex filamentis, quibus plenæ constrictæ fuerant, etiam vacuus maximam partem colligatas (nullo interim ex filis reliquarum dempto, nec novo assumpto) ad bilancem accuratiorem examinavimus; deprehendentes tantillo minus pondus in compressis & evacuatis, quam antea in inflatis vesicis, idque testibus spectatoribus nostris non illa prima tantum vice, (qua p. 17. Part. 1. Collegii curiosi id paucis verbis adnotavimus, tanquam rem nemini dubiam, ob rationes præsertim in Auctariis p. 24. experimento superadditas) sed etiam pluribus deinde vicibus, quibus in sequentibus annis & occasionibus, in iterato, tertiato &c. simili Collegio, bene multi intererant: tametsi, ne quid dissimulemus, tam parum semper differentiae inter pondera memorata deprehensum sit, ut semper etiam opus haberemus illius



illius differentiæ exiguitatem excusare, tum ipsa aëris paucitate in paucis istis inflatis vesicis suillis, tum impossibilitate illum omnem ex compressis earumque plicis plurimis exprimendi & eliminandi.

*PHÆN. II.* Accidit autem, cum anno 1684. sexta vice reiterato Collegio, denuo tentaremus hoc idem aëris in aëre ponderandi experimentum, ut inopinatum sese nobis objiceret Phænomenum, quod fideliter deinceps p. 44. Part. II. Collegii curiosi annotavimus. Scilicet cum sex vesicas inflatas junctim omnes ad bilancem expendissemus, ac postmodum expresso aëre ad eandem bilancem denuo examinaremus hæ vacuæ nunc ab aëre plus habebant ponderis, quam antea inflatæ; id quod nunquam ante contigerat, neque etiam per somnium unquam nobis in mentem venisset. Mira res hæc videbatur primo intuitu, & quamvis vel in bilancem minus accuratam, vel in eorum, qui vesicas forte satis valide non inflassent, negligentiam aliquam culpa transferenda posset videri, ut sc. aëris pauculi pondus eo pacto evasisset insensibile; non potuisse saltem eandem lancem vacuas plus deprimere, quam antea utcunque plenæ fecerant, ingenue fatendum erat, nisi alia specialior causa, discriminis præcedentium tentaminum à præsentis, intervenisset. Quam equidem postquam invenissemus, inferius inter hypotheses exponendam, hoc tandem judicium de experimento Aristotelis, loco præjudicii mentis illius autoritate occupatæ, ferre cogebamur: Eum scilicet aut simili præjudicio occupatum, aut credibilius experimentum cum utre plane ne tentasse quidem, sed ratiocinando potius præcepisse, ac tanquam indubium supposuisse; quemadmodum de alio ejus experimento, quod IV. Phys. cap. VIII. t. 56. ex mente veterum vacuistarum quidem adducit, de cinere, qui recipiat vase aliquo contentus, ἵσον ὑδωρ, ὅσον τὸ ἀγγεῖον τὸ κενόν. i. e. *tantundem aquæ quantum vas, cum est inane*; Sect. XXV, autem Probl. 8. causam ejus operose inquit, judicandum est absque dubio eum utique frustraneum illum laborem nunquam fuisse sumturum, si experimentum ipsum unquam tentasset, &, quod nobis id soli.



solicite tentantibus accidit, id falsum comperisset; prout certe sana ratio suspicandi satis causæ suppeditabat.

*PHÆN. III.* Cum igitur vetustum illud aëris in aëre ponderandi experimentum minus procedere deprehensum esset, necessum erat alius recentioris experimenti facere periculum, cujus mentionem facit *P. Franciscus Lana, nel Prodromo premesso all' Arte Maestra* p. m. 52. supponens, pro suo proposito fabricandæ navis per aërem remis & velis agenda, aërem habere suum pondus, idque neminem philolophorum sibi negaturum, qui vel leviter in experimentis versati fuerint; *poiche è facile il fare la proua con cavare, se non tutta, almeno parte dell' aria, che sia in un vase di vetro: il quale pesato prima, e dopo che n' è stata cavata l' aria, si ritrovera notabilmente diminuito di peso. i. e. ,* siquidem facile est ejus rei facere periculum, exantlando, si non omnem, saltem partem magnam ejus aëris, qui fuerit in vase quodam vitreo; id quod appensum prius, & postquam evacuatum fuerit, iterum liberatum, deprehendetur pondere notabiliter imminutum. Confirmatur autem à *P. Schotto* p. 229. *Technicæ curiosæ & ex professo* Lib. I. ejusd. cap. II. p. II. & à *Guerikio* in novis experimentis *Magdeb* Lib. III. cap. XXI. p. m. 100. Hujus igitur rei periculum cum nos quoque facere constituissemus, prima quidem vice anno 1693. d. 26. Aprilis, suspensum aëre ordinario plenum recipiens, sed ad exhauriendum aërem plane paratum, ad bilancem ex pharmacopolio satis exactam expendimus eoque reducto ad æquilibrium exactissimum, lancem oppositam cum ponderibus injectis seposuimus, cum cura observantes, ne quid istorum inde moveretur. Deinde impositum antliæ recipiens una cum omnibus suis funiculis, è quibus ad bilancem suspensum fuerat, aliquousque exhausimus, eoque facto illud denuo bilanci admovimus; ubi lanx altera prius seposita cum suis ponderibus multum præponderare vidimus, nimirum (quod subtractio ponderum, donec æquilibrium rediret, indicabat) una



uncia cum dimidia, sive 3 semunc. vulgarium. Idem experimentum anno 1697. reiteratum, post haustus antliæ 200 vitreum recipiens sex circiter semunciis levius exhibuit: anno 1699, medio fere Augusti 7. semunciis & 1. drachma levius deprehensum fuit. Nuperrime anno 1701. mense Majo, Norimbergæ in confessu Virorum senatoriæ dignitatis, aliorumque Patritiorum publicis muneribus admotorum plerorumque quasi viginti, ponderavimus recipiens cupreum grandius, quod fusius descriptum habetur Part. II. Collegii curios. Tentam. X. in diametro habentis  $24\frac{1}{2}$ . digg. Rhinland. &c. 400. haustibus non satis exhaustum antliæ sc. pistillo laxius reciprocat. Totum recipiens evacuatum pendebat 50. lb. 31. semuncias: admissio deinde aëre,  $7\frac{1}{2}$ . semunc. amplius reperto sc. recipiente 51. lb 6 $\frac{1}{2}$ . semunc. ut judicare promptum esset, si pressius eunte antliæ embolo recipiens haustibus 800. circiter exhaustum fuisset, aëris intus contenti pondus minimum 10 semunc. reperiundum fuisse futurum.

*PHÆN. IV.* Præter hanc, nunc à nobis etiam, non una vice, confirmatam aëris ponderandi praxin, qua nullam luculentiore, ingeniosiore, ac certiore repertam fuisse, *P. Schottus* p. 229. testatur, alios etiam modos minus accuratos, pagg. antecedd. 227. & 228. ex *Ricciolo*, *Mersenno*, *Magnano Boylio* &c. adducit; quorum postremo alium ejusdem auctoris hic subungere placet quo bullam vitream ovali figura & ovi gallinacei magnitudine ad flammam lampadis conflata, & postquam aëre ordinario per angustum orificium impleta esset, hermetice sigillatam alteri lanci justissimæ bilancis appendit, & simul cum plumbi pondere è regione æquilibrium faciente, recipienti antliæ suæ pneumaticæ immisit, viditque, quo magis exercebatur anthia, & aër recipientis exhauriebatur, tanto magis bullam cum suo aëre præponderare & ab æquilibrio discedere; cumque altera vice rem eandem tentaret, addito prius ponderi plumbeo, trium quartarum unius grani superpondio, post crebras antliæ agitationes bullam cum suo aëre cum adver-



so pondere, quod antea prævaluerat, ad æquilibrium reduxit. Quod geminum experimentum, p. m. 338. Exper. nov. Phys. mech. XXXVI. fusius enarratum etsi, ipsimet nunquam tentavimus, pro indubio habere jure possumus, ob tanti Viri novissimam in experimentandi fidem ac dexteritatem; posteaquam præsertim experimento superiore de rei veritate jam plene certi sumus.

### CAPVT III.

De

*Aëris compressibilitate, indeque consequente spontanea dilatabilitate, seu virtute elastica.*

**P**HAEN. I. Aërem gravem esse & in ipso aëre actualement suam gravitationem exercere, cap. præced. indubiis experimentis infallibiliter evicimus. Nunc ejusdem compressibilitatem quoque & virtutem elasticam seu expansivam similibus experimentis confirmabimus. Et illam quidem, velut in spongiis, lana, nive, similibusque laxis & porosis, corporibus ad oculum videre datur; sic in aëre, licet inconspicuo, valde notabilem conspicuamque habemus (1) experimento communi inflandarum oris halitu vesicarum & pilarum grandiorum lusoriarum, in quas non solum aër ordinarius intromittitur, sed per assarium sive ventile, ope siphonis intruditur, ut indurescant penitus illæ pilæ & vesicæ; vasa autem vitrea aliaque fragiliora haut rarò dirumpantur ab aëre valde compresso, h. e. duplo vel triplo imo pluries copiosiore in idem spatium coacto, quod alias aëre ordinario multo pauciore compleri solet.

PHAEN. II. Ita (2) si canna sclopeti alicujus inferne circa foramen igniarium (ben dem Zündloch) solícite obturetur, superne vero aëre ordinario ad summum usque repleto baculo oneratorio mit dem Rad-Stecken) eam arcte replente, insuperque



que gossypio obvoluto & oleo inuncto, (ne aër vel internus elabi vel alius forinfecus intromitti possit) claudatur & magna vi adigatur; deprehendetur, omnem illum aërem, qui cannam sive canalem sclopeti repleverat, pro vi bacillum intrudentis ac detrudentis, in spatium decuplo, imo vigecuplo angustius cogi comprimique posse. Sic 3) in globum cavum æneum canaliculo A B (Fig. XXI.) desuper ad fundum usque demisso, ibique firmato & foramine parvulo laterali ad B patente instructum, si per apertum superne orificium aqua infundatur ad partem fere vasis tertiam, deinde, clauso epistomio C, per assarium sive ventile D siphonis ope multus aër intrudatur; illum, qui jam ante aquæ B incubuerat, valde comprimi necessum est, quandoquidem noviter intrusum cum eo qui jam inerat & spatium globi superius totum repleverat, simul intra hoc ipsum spatium contineri oporteret: maxime cum aliunde certum sit, & paulo post experimentis pariter invictis demonstrandum, aquæ elementum contra aut nullius penitus, aut non-sensibilis compressionis capax esse.

*PHÆN. III.* Inprimis autem ejusmodi validissimæ compressionis in aëre sclopeti pneumatica specimina egregia edunt, in quibus eodem modo, quo in phæn. præcedente, aër per intrusionem subinde novi, ope siphonum factam, valde comprimitur. Horum sclopetorum pneumaticorum sive æoliorum diversas constructiones videre, qui volet, poterit apud *Mersennum* in phæn. pneumat. Prop. 32. & 33. *Gasp. Schottum* in *Mechanica Hydraulico-Pneumat. Part. II. Classe I. Machina XIII. & XIV. Honoratum Fabri* *Scient. Phys. Tract. I. Lib. II. Prop. CCXLVIII.* aliosque. Nos hic recentiore aliquam ejus structuram delineabimus, cujus inspiciendæ copiam nobis olim fecit Amicus quidam noster *μηχανωτάτος*. Partes machinæ duæ sunt præcipue, quarum alteram Fig. XXII. circumscribit literis A B E F, alteram (priori tamen firmiter connexam & adferuminatam, literis B C D E. Terminus communis, utramque partem connectens, est valvula seu ventile, ut vocant B E



versus A F sese aperiens, versus C D vero firmiter claudens  
 Pars hæc posterior B C D E nil nisi tubus æneus est, extus par-  
 vo foramine ad I patens, intus embolo sive pistillo G H instructus,  
 quo reciprocato aër per foramen I successive subingressus, è tubo  
 B C D E per valvulam B E in anteriorem tubum B E F A protru-  
 dit, protrusumque valde comprimit. Huic ipsi vero ampliori  
 tubo alius multo angustior insertus est, qui parte sui anteriore ad  
 a patulus, amplioris tamen ipsum ambientis orificium exacte  
 complet & claudit, posteriore parte vero ad fundum quidem, quo  
 valvulam B E respicit, occlusus, non longe tamen à fundo binis  
 aperturis è diametro sibi oppositis patens, quarum superior b,  
 paulo amplior, sed valvula arcte ipsam desuper claudente munita  
 intra tubum ampliorem concluditur, inferior autem c brevi cana-  
 liculo, exterioris quoque tubi latus perfodiente, in apertum aërem  
 producit, ita tamen ut, qua parte canalicus ampliorem tubum  
 perforat, solícite huic ejus ambitus committatur & ad ferrum ine-  
 tur, ne per commissuras in tubi amplioris cavitatem quicquam  
 aëris subingredi, nec ex illa clanculum prorepere possit: quam-  
 vis interim in tubum interiorem aperta via per hunc canaliculum  
 c pateat, pro admittendo scilicet parvulo embolo, qui manubria  
 de (quod altero suo extremo anello cuiusdam seu unculo e, cum  
 opus fuerit, inseritur) adhæret, circa quendam axiculum in d  
 mobilis, ut & facilius & rectius meatui c immitti, pressoque in  
 d manubrio profundius intrudi possit ad removendam opposi-  
 tam valvulam b. Sic igitur structura habet & partium coordi-  
 natio, usus autem & effectus postea declarabitur, cum de virtute  
 aëris compressi elastica vel expansiva quædam dicta prius fue-  
 rint.

*PHÆN. IV.* Alia aëris compressio ab aquæ pondere facta  
 in campana urinatoria deprehenditur. Cum enim campana  
 aëre margine-tenus plena in aquam demittitur, illa ob aëris intus  
 conclusi ac cedere loco non valentis validum renixum non mer-  
 gitur nisi valde onusta, & aquæ vicissim eidem aëri sursum reni-  
 tens gravitas, hunc sensim comprimit & in arctum cogit, ita ut



urinator in campana existens aquam sensim in campanam altius insinuari & versus pectus assurgere sentiat, aëre interim tanto magis ab aquæ sursum prementis pondere compresso & coacto, quanto profundius demersa campana fuerit, ea quidem vehementia, ut aquæ pondus ingens corporis inferiora in magna profunditate vehementissime premens, & aëris compressi vis ejusdem superiora nimis undiquaque stringens, sanguinem sæpe ex aurium nariumque ruptis vasculis ubertim exprimat. Apertius autem hæc aëris compressibilitas & actualis compressio ex ponderosiorum liquorum pondere in tubis recurvis cernitur, cum crure breviori superne hermetice clauso, in crus longius aqua, aut effectu multo majore mercurius, altius altiusque infunditur.

*PHÆN. V.* Hinc aëris partem hanc inferiorem in quo vivimus actu, & vehementer compressum esse, non solum à posteriori plurimis experimentis, quæ mox videbimus, sed ratione quoque manifestissime comprobatur. Quandoquidem enim quamvis aëris portionem suum pondus habere, & super aliam inferiorem ejusdem portionem, illud suum pondus exercere & exerere, per experimenta cap. præcedentis indubie constat, & vero in fœnorum & lanarum, similiumque respective leviorum corporum accumulationibus inferiora à superioribus & præ illis valde compressa reperiri, ac tanto quidem magis compressa, quanto altiores fuerint illi cumuli, necessum est in aëris hujus nostri altissima sphæra partes aëris hujus ordinarii infimas vehementer compressas perpetuo haberi.

*PHÆN. VI.* Ex quo uti porro sua sponte consequitur, remotis partibus superioribus aut circumstantibus comprimentibus, sive ex toto, sive ex parte aut quomodocunque inferiores hæc minus compressas fore, seque adeo quasi sponte sua dilatare, sic ipsa experientia ipso facto docet, non uno modo rationem dictam confirmans. Nam 1) vesica leviter inflata ad montis alicujus radices, ibidemque adhuc notabiliter flaccescens filo seu funiculo firmiter collo constricta, dum per acclivia montis deportatur, gradatim magis magisque inflatur, nullo interim novo aëre sub-



subingredi valente: id quod *Paschalius* olim in monte *Puy de Domme* factum esse experimentum in auctariis nostris Part. I. collegii curiosi p. 27. testatur, & nos anno 1674. mense Majo in monte nobis vicino Mauritano feliciter tentavimus. 2) Sensibilis multo rem eandem in omnibus nostris collegiis curiosis Spectatorum oculis exhibuimus, dum vesicam flaccidam, collo prius firmiter constrictam intra recipiens vitreum aëre ordinario plenum, vel sub campana vitrea arctiore, suspendimus, & munitis clausisque more solito rimis omnibus, antliam exercuimus. Vidimus enim post singulos antliæ suctus sive haustus, aërem intra vesicam conclusum sese notabiliter dilatare & vesicam flaccidam paulatim magis magisque inflare: quia nempe in casu primi experimenti aëris altitudo per ascensum gradatim imminuta, in casu secundi compressio aëris in recipiente aut campana vesicam ambientis, post singulos haustus debilitior: aërem intra vesicam conclusum gradatim minus comprimebat, isque adeò, prout minus comprimebatur, gradatim sese magis dilatabat & expandebat: quemadmodum vicissim 3) quo magis vesica, in montis cacumine multo inflatior, ad inferiora rursum deferrebat, aëris altitudini sensim majori substans, aut exhaustus è recipiente vel campana aër per apertum inferne epistomium iterum admittebatur, eo magis vesicæ inclusus iterum comprimebatur, vesicamque flaccidam relinquebat.

*PHÆN. VII.* Et hæc est illa aëris, cum à compressione saltem aliquatenus liberatur, spontanea quasi *dilatabilitas* sive *vis elastica* h.e. *expansiva*, aut ab aliis dictum *elaterium aëris*, cujus insignem confirmationem insuper suppeditant (4.) duo alia experimenta; primo illud cum vesiculis cyprinis, quod in part. I, collegii curiosi p. 16. distinctissime descripsimus, hoc adeo loco non repetendum: deinde alterum cum lagena vitrea rotunda aëre ordinario plena, sed superne, quoad angustum orificium non solum operculo ligneo, cera & vesicis circum-

liga-



ligatis, sed insuper plumbo superligato & robustis funiculis constricta munita; ne sc. aëri intus contento ullus non solum egressus pateret, sed ne vis quidem ulla concederetur operculum ligneum, aut superadstrictum plumbeum vel hilum latum loco suo emovendi, sic enim fit, ut lagena vitrea intra recipiens vitreum suspensa, hujus aëre magnam partem exhausto, quandoque post haustus trecentos aut quadringentos, aliquando (quod nuper mense Majo 1701. in Collegio Norimbergæ habito accidit, embolo antliæ paulo arctius eunte) post ducentos, ab intus concluso aëre ac dilatare sese vehementissime anniso, tandem extrorsum cum insigni fragore in frustra innumera dirumpatur. Quod experimentum anno 1679. d. 9. Aprilis in recipiente cupreo deinceps anno 1690. d. 29. Novembr. sub campana vitrea quoque (sed lagena vitrea post decentem præparationem intra vesicam suillam abscondita, ne forte campanam unà diffringeret) aliisque pluribus vicibus, quas in Parte Collegii Experim. III. Deo dante unà cum nupera Norimbergensi distinctius enarrabimus, feliciter tentatum est. Dixi autem hanc vim aëris expansivam sive dilatabilitatem quasi spontaneam, propter causam eum ita valide dilatantem inconspicuam. Quia vero certissimus, hanc vim expansivam absque aëris motu quodam non fieri, nihil autem moveri à seipso posse sana ratio dicitur; ideo causam illam hætenus inconspicuam & in aëre latentem, nunc ope sequentium hypothesisum pro virili investigabimus, ad mediatam aliquam, sed & ipsam adhuc passivam & patiando tantum agentem, facile deducturi; hac autem & alia forte simili mediante, ad primam absoluta & mere active moventem iterum elevaturi.



## II. HYPOTHESES PRIMAE

circa

Gravitatem aëris speciatim declarandam.

I.

**Q**Uæ Sect. hujus primæ Artic. I. CAP. II. & hujus Hypoth. II. de causa gravitatis efficiente generatim diximus, & in Epicrisi eclectica altera cum selectu & pleno quidem ac cohærente contextu deduximus; ea hic speciatim ad aërem applicanda veniunt.

II. Nimirum quod particulæ aëreæ porosæ & ramosæ (uti mox pluribus adhuc audiemus, & in articuli præsentis III. cap. I. Epicrisi eclectica, hujusque num. III. jam audivimus) cum æthereis solidioribus adeoque ad motum & circulationem aptioribus à centro vero magis versus peripheriam connitentibus in communem gyrum raptæ, ab illis per circulationis legem deprimuntur, & quidem pro ratione minoris suæ soliditatis, vel ut in cæteris elementis: ut verbum hic addere ultra c. I. dicta necessum haut sit.

## III. HYPOTHESES SECUNDÆ

circa

Aëris compressibilitatem, elaterium, & particularum ejus probabilissimas conditiones.

I.

**Q**Uæ causa physica sit illius compressibilitatis in aëre, cujus singularia specimina in præcedenti capite ab experientia petivimus, potuissent equidem Aristotelici ex analogia crassiorum quorundam corporum, ut spongiarum, lanæ, plumarum, nivium & similium, facile hariolari. Spongiam enim, lanam &c. ideo valde comprimi posse manifestissimum est, quod par-

U

tium



tium & filamentorum suorum laxam admodum texturam habent, cujus adeo pori & meatus copioso aëre, vel aëris loco, aqueo similive fluore alio replentur: qui fluores, quoniam manui spongiam aut lanam comprimenti facile cedunt, ideo propria illorum corporum textura in locum expressi aëris vel expressæ aquæ facile coarctari cogique potest. Sed hic modus nimia facilitate & simplicitate sua primum vilescabat, aliusque minus plebejus lectorumque ingenio dignior deposcebatur, qualem tamen reperire nullo datur. Deinde præjudicium quoddam antiquum obstabat, de aëris, aquæ, &c. continuitate, quod vererentur, si aër & aqua essent corpora ex particulis solutis ac separatim agitatis constantia, ne cogerentur inter illas particulas spatiola quædam inania statuere, magna quidem, uti putabant, cum absurditate.

II. At enimvero recentiores Philosophi de hoc vacui metu securi, aërem aquam & alia fluida è particulis exiguis & oculo inermi inconspicuis, imo ne armato quidem distincte visibilibus componi, iisque solutis & separatim agitatis supponunt; de spatiis inanibus grandioribus penitus securi, quod ipsi illi fluores soluti atque insimul graves eo statim confluant, ubi vacuum aliquod spatium sensibile futurum erat: Insensibilia autem inania naturæ operationes nihil impeditura credunt, nisi quædam saltem ejusmodi inania futura spatiola, subtiliorem adhuc materiam illa replentem in se continere necessitas suadere videretur.

III. Illustris itaque Boylius geminum modum facile imaginabilem, in novis experimentis physico-mechanicis, de vi aëris elastica & ejusdem effectibus factis &c. p. m. 27. & sequentibus tradidit; quorum prior huc redit: aërem nostrum aut constare, aut saltem abundare istius modi partibus, quæ, si quando incurventur, vel incumbentis atmosphæræ, aut quovis alio corpore comprimantur in arctum coëant (in quo adeo aëris compressibilitas consisteret) his autem contiguis corporibus, quibus compressæ tenentur interim contrahendo, à pressione ista sese liberare, quantum valeat moliantur, & tandem occasione data actu se liberent, seseque adeo explicent, & hoc modo aëris molem ante compressam iterum expandant; in quo adeo vis aëris elastica ponenda esset, qualem equidem in arcubus tensis & pinnis chalybeis contortis horologiorum & veruum quoque deprehendimus.



IV. Verum cum hæc hypothesis *πλασματώδης* & nimis artificialis videri possit, cum ars quidem naturam haud raro, non vero vicissim natura artem imitari soleat, ac præterea causa virtutis elasticæ in illis spirulis ac pinnulis quasi chalybeis singulis non minus ac in tota earum congerie ærisque mole, indaganda restet; ideo p. 30. etiam aliam spiram vel elaterium æris explicandi rationem priori subjungit, supponendo sc. juxta solertissimi Cartesii sententiam, ærem nihil aliud esse, quam congeriem aut acervum minutarum & maximam partem flexibilium particularum, magnitudinis variæ, omnigenarumque figurarum, quæ per calorem aut fluidum illud & subtile corpus æthereum, quod terram circumambit, ordinarie distrahantur, & intra illum fluorem æthereum fluctuent & quasi natent, qua materia ætherea particulis æreis interfluente, per occasionem expressa, ær ipse in arctum coëat & cogatur, cessante vero causa comprimente, subtilis illa ætheris materia, violenter antea expressa & ab æquilibrio suo, quod inter ipsam & partes æris, violenter nunc compressas, ordinarie intercesserat, emota cum impetu inter particulas æris compressas sese iterum ingerat, easque in pristinam & ordinariam laxitatem diducat & ad solitum æquilibrium reducat.

V. Quæ quidem Cartesii hypothesis, nostris potius quam ipsius aut Boylei verbis concepta, veritati saltem proxima nobis videtur ad æris tum compressibilitatem, tum dilatabilitatem & virtutem elasticam imaginabiliter declarandam. Quemadmodum enim spongia manu comprimi ideo potest, quia ær inter filamenta in laxis his interjectis meatibus & poris contentus vi compressionis illius eliminatur: Sic ær intra sclopeti ferrei aut canalis vitrei recurvi cavitatem stabulans, ab incumbente virtute bacillum ibi detrudente vel à superaffusi liquoris pondere cogi in arctum potest, quia æther sive materia subtilis inter æris crassiores particulas intercepta per metalli & vitri poros, æri imperiosum exitum invenit ac cedere potest. Econtra vero, sicut ær è spongia expressus locum in ambiente necessario quarit, illumque adeo invitum quasi & quodammodo renitentem cogere cedit, æquilibrium ita ordinario sublato; desinente vero manu spongiam comprimente, ab externo illo renitente iterum in coarctatos illius meatus repellit, ad æquilibrium recuperandum, eoque modo hos & totam spongiam quasi sponte sua iterum dilatat, quam vim dilatabilitatis elasticam spongiæ virtutem vel elaterium ejus ap-



pellamus : ita ex compresso sclopeti vel vitrei tubi recurvi aëre (sive virtutis animalis, sive ponderis naturali violentia) expressus violenter æther per angustissimos metalli aut vitri meatus, & exterioris ætheris æquilibrium quodammodo turbans, eumque vicissim comprimens cedit quidem, sed cessante tantisper virtute aut pondere aëre intra tubum comprimente, ille expressus æther ab exteriori interim etiam aliquantum compresso repëllitur ad eisdem tubi meatus, per quos expressus fuerat, inibique partibus aëris prius compressi sese subito insinuans, hunc iterum dilatat, & hic hac dilatazione sua seu elastica virtute eos effectus innumerabiles edit, quorum præcipuos in natura obvios sequenti peculiari capite, ex jactis ita veris aut verosimillimis saltem fundamentis, nunc deducemus.

## CAPUT IV.

*Plurima naturæ phænomena, quæ olim nescio  
cui vacui fugæ adscripta fuerant, ad veriores, imo  
verissimas procul dubio causas suas  
reducens.*

### I.

**C**UM innumera sint naturæ effecta partim vulgo etiam nota, partim minus familiaria, omnia interim & jucunda adspectu & vel eo nomine omnibus admiranda usque ad præsens nostrum superiusque seculum, quod veras & reales, imaginationique evidentes causas eorum hætenus dare non licuisset; eorum plurima hoc loco ex jactis hætenus fundamentis & principiis, speciminis loco deducere operæ pretium duximus: ut ad horum imitationem alia deinceps sine numero similiter demonstrare promte liceat, & hoc ipso palam ostendere, quanta accessione scientifica, saltem ex his paucis de aëre novis principiis, scientia physica locupletata sit.

II. Est e. g. simplicissimum phænomenon, quod si fistulam aliquam aut calamum, aut tubulum vitreum utrinque in A & B apertum altero suo extremo B (Fig. XXIII.) liquori cuidam, ut aquæ, vino, ipsi etiam ponderosissimo mercurio, im-

mer-



mergatur, alteri vero A os admotum sugat, liquor in vase per tubum à B versus A ascendat & vel in os ipsum sese infundat; id quod vulgo attractionem salutamus, sugendo nos liquores ad os ipsum attrahere dicentes. Verum enimvero, cum propriissime loquendo non nisi tunc tractio aliqua fieri dicatur, cum trahens, quod vocatur (ut equus) corpori trahendo (ut currui) mediantibus loris aut funibus connexum in partem adversam promovetur & sic funem sibi, & corpus trahendum funi annexum, post se trahere dicitur; vel si hominis exposita brachia arreptam funis partem unam post alteram alternatim corpori suo, interim quasi immoto, admovent, & hoc ipso cohaerentem funi molem ad se gradatim propius adducunt.

III. Neuter vero horum modorum praesenti casui accommodari potest, quandoquidem os hominis, tanquam trahens hoc loco considerandum, neque locum mutat, nec aër in tubo A B ori proximus huic vicinus quidem & continguus, non connexus tamen verè est, nec ipsae partes aëris inter se cohaerent, sed solutae singulae & separatae ab invicem, instar fumi aut nebulae, sunt, (id quod aëris facillima permeatio evincit) neque denique ultima portio aëris cum contingua aquae portione in B connectitur, ne tandem supremæ partes aquae, cum insequentibus profundioribus cohaesionem habent, cum arreptam supremam guttam & elevatam sequentes deorsum reliquæ non sequantur: uti hæc omnia palpabilia sunt & ipso sole clariora. Quod si quis immotum quidem os sed oris interna organa mobilia dicat, uti brachia in altero tractionis casu; deficit tamen ipsa aëris attrahendi, & aquae cum hoc et cum propriis suis partibus connexio, uti dictum est: ut hoc attractionis vocabulum genuinam ascendentis & ad os sublatis liquoris causam non nisi crasso quodam, plebeio & quasi superficiali, nihilque ἀκρυβείας habente modo exprimat.

IV. Hinc Philosophi in scholis olim accuratiorem, uti credebant, & scholarum subtilitate dignum magis modum plebeio isti substituebant, quem *vacui fugam* nuncupabant, supponen-



tes scilicet omnia in hoc mundo saltem elementari, materia plena esse, neque locum ullum in eo esse aut esse posse, vel minimæ aut conceptibilis utcunque amplitudinis, qui ab omni materia vacuus esset; quod equidem assertum, etsi à Philosophiæ capitibus & quasi duumviris, Aristotele & Cartesio acerrime defensum, nescio an indubium adeo & infallibile sit, posito tamen illo, frustra saltem natura vacuum aut metuere aut fugere diceretur; quandoquidem, quod impossibile est illud frustra fugitur aut metuitur; ut taceam neque metum neque fugiendi studium in naturam proprie loquendo cadere, cum illa cognitione, affectu & voluntate destituatur. Frustra igitur in præsentī casu dicitur aquam in fistula commemorata ascendere ad os sugentis ne vacuum in fistula detur; hæc enim loquendi ratio supponit notitiam aliquam in aqua futuri vacui (quod tamen futurum esse nunquam potest) supponeret voluntatem in aqua, aut necessitatem saltem aliquam ascendendi potius contra naturalem suam inclinationem, quam ut permittat vacuum locum, qui futurus metuitur, si aër ex fistula sugendo attraheretur; id quod tamen fieri non magis posse jam ante ostensum est, quoniam vacuum ab omni materia locum impossibilem esse scholæ supponunt. Quod si rectius cum Platone dicatur, ejusmodi effectum sequi, *quia non datur vacuum*, quam cum scholis Peripateticis, *ne detur vacuum*, (quod posterius consilium importat, & modum aliquem imaginabilem declarari postulat, quo vacuum adeo metuendum evitari queat) attamen illa rectior locutio deberet una rationem explicare, ob quam ex eo, quod nullum detur in natura vacuum, sequatur necessario ascensus aquæ ad os sugentis; quam rationem solæ aëris recentius demonstratæ affectiones & conditiones suppeditant.

V. Scilicet, quia suctionem fieri non posse, quin cavitas pectoris & una abdominis sensibiliter ampliatur, unumquemque propria experientia doceat, & vero aër in fistula ori admota, gravis & valde compressus stet quasi ante fores oris, non potest non is subito dilatari & in pulmones pectorisque cavitatem aliquan-



tum ampliata & ex parte saltem vacuum descendere locumque suum vel deferere, vel valde debilitata & rarefacta residui substantia eundem occupare. Quoniam vero externus extra fistulam aër compressionis statu & elaterio adhuc integro vasculi aquæ B incumbit, hanc necessario valide premit & ad aërem in fistula valde debilitatum ac promte cedentem exprimit, eumque porro in tracheam & pulmonum vesiculas detrusum sequi ad os usque fugientis &c. cogit. q. e. d.

VI. Est aliud vulgare phænomenon, quod relictum ante dolium nihil emittat contenti liquoris, aut stillatim saltem excidere patitur per reſeratum licet epistomium, nisi superum etiam operculum (*der Spund*) aut remotum aut perterebratum saltem fuerit, aëremque desuper incumbentem admittat. De fictitiis causis vel rudis plebeculæ vel scholarum, quas in antecedente exemplo confutavimus, ea quæ ibi dicta sunt hic & in aliis sequentibus applicare volumus; cætera vero aliorum commenta sub finem hujus capituli attingemus. Hic veras præsentis & secutorum phænomenorum causas ex deductis supra principii derivabimus. Cum igitur aperitur epistomium B reſiti dolii, operculo interim superno A (Fig. XXIV. n. 1.) probe adhuc clauso, effluxuro pondere suo liquori forinsecus obstat aër ab incumbente altissima superioris mole valde compressus, & suo solius pondere parum, à superincumbente reliqua aliquot milliarium altissima sphaera vero multo onustior quam est pondus vini vel cerevisiæ specie quidem gravioris sed altitudine sua in dolio cum aëris forinsecus obstantis altitudine ne comparandum quidem. Vincit igitur aëris forinsecus obstantis D B vis & efficacia, liquoris exire connitentis debiliorem nisum eumque reprimat & instar solidi corporis figit & consistere facit, & si forte una vel altera aëris particula valide obnitens juxta aliquam liquoris contranitentem particulam subrepat, illa tandem hanc in locum suum extrudit, sed ejusmodi mutuae harum & illarum cessiones multæ contingere non possunt, tum propter epistomii angustiam, tum propter ramosam & quasi plumosam aërcarum

par-



particularum figuram & incongruitatem. Verum, si removeatur & aperiatur superne operculum A vel etiam graciliore terebra perforetur, aër huic angustiae vel aperto laxiori orificio incumbens D A subintrat, & pro conditione fluorum generali, per universam liquoris in vase contenti superficiem sese diffundit, cum externo D B ex aequali altitudine aequaliter etiam premens; cui pressioni aëris super A factae, cum accedat proprium liquoris, etsi minus alti, pondus, hoc adeo quasi duplicatum vel auctum saltem, aëris D B solitario necessario praevalere ac cedere hunc fluxumque concedere coget.

VII. At enim, si epistomio B forinsecus accommodetur tubulus recurvus, commoditatis ergo vitreus, & contra liquoris effluxum sive exstillationem satis muniatur; effluens per epistomium B liquor non continuabit diutius quam ad eandem altitudinem in hoc exteriori tubo consistat, cum ea quam in dolio habet, quia tunc & aër utrinque & liquor sub aequali altitudine aequaliter etiam premunt, seseque adeo in aequilibrio servant. Ex quo gemina utilitas emergere potest, una, ut hoc modo in applicato sic tubo vitreo semper videri, cognoscique possit, quousque dolium vacuefactum sit, altera curiositas magis quam vera utilitas, quod per tubum ita exterius applicatum E D in Fig. XXIV. n. 2. dolium universum ab infra repleti possit, dum modo tubus sensibilibiter altior ipso dolio fuerit. Cum enim liquor in dolio & in tubo eandem semper altitudinem servant, affusus per tubum E D continue liquor tandem in dolio ad supremum orificii A marginem assurgat, ultimo si porro affusio in E continuaretur, ultra margines etiam effluxurus.

VIII. Eadem ratio quae in dolio superne obturato, in clepsydris & siphonibus vinariis rectis, quos vocamus, pariter obtinet. Cum enim clepsydra M (Fig. XXV. n. 1. & 2.) in fundo plurimis foraminulis pertusa sit, siphon autem rectus vinarius non nisi uno majusculo pateat, hic tamen & illa si liquori directe & sensim immergantur, ab infra ad summum O repleti possint. Quod si vero deinceps orificio O superne pollex admoveatur firmiterque ap-



apprimatur, inferne per siphonis majusculam aperturam, & per clepsydræ minutiora foraminula liquor non effluet, sed utrumque vasculum, ob usum notum, de loco in locum transportari quasi siccum potest: quia nimirum aër externus ex dicta in prioribus ratione liquorem sub exigua altitudine facile gestat & sustentat, quamdiu orificium O superne clausum pollice manet, nec aër externus ibi quoque incumbens, liquorem desuper premere & attingere valet. Hoc enim ubi fit, remoto scilicet tantisper pollice, aër per O premens à liquoris pressi pondere adjutus alterum solitarium contra fundi foramina nitentem, vincit liquoremque emittit. Statim tamen pollice superne iterum admoto liquor denuo sistitur ab externo aëre, foraminibus integro adhuc elaterio obnitente, cum intus admissi aëris elaterium, dum aquæ copiam aliquam exprimendo dilatatum est atq; ita debilitatum una cum adjuvantis liquoris pondere, interim pariter immixto, tantundem non amplius valeat, quantum externus solus fundo & foraminibus salva & plena sua virtute elastica obnitens, id quod de aëre intra dolium per apertum semel operculum admissum pariter intelligendum. Si enim post admissum aërem priorem, operculum æque fortiter adigitur & munitur, effluxus liquoris per apertum licet epistomium multum iterum cohibetur.

IX. In recurvis autem sive reflexis siphonibus (Fig. XXV, n. 3. & 4.) si crus B A brevius liquori immergatur, longiori autem A C os admoveatur cum sugendi conatu, liquor ex vase B per crus B A ascendit, & ab A deinceps pondere proprio ad os sugens C descendit, oreque sugente tum remoto per C in apertum aërem, aut in vas aliud suppositum effluit, suumque hunc effluxum tamdiu continuat, quamdiu crus A B liquorem transmittendum attingit, idque ex eadem ratione, quam num. II. & V. superius deduximus, quod nimirum per sugendi conatum in C adhibitum dilatato pectore, aër e fistula recurva B A C virtute sua expansiva in pectus dilatatum descendat, externus autem vasculo vel dolio forinsecus incumbens integra plenaque sua virtute pres-



soria liquorem attollat aërique cedenti succedere faciat ultra flexuram siphonis A ubi deinceps vel proprio pondere, ceu dictum, descendit & effluit. Idem tamen effectus consequitur, si repleto prius toto siphone reflexo simili liquore ei qui transfundendus est, orificium C admoto pollice obturetur, crus brevius B A (è quo interim, licet inverso, nihil effluit, quia aër compressus ex magna altitudine, brevem liquoris columnam B A facile sustentat, juxta ea quæ num. VI. diximus) vasculo aut dolio immergatur, & hoc immerso demum pollex à C removeatur, tunc enim liquori in crure longiori A C, tanquam ponderosiori, aër orificio C obnitens cedere cogitur & effluxum permittere, quia altera aëris portio liquori in breviori crure B A sua pressione oppositus, in hunc tanquam breviorum ac minus ponderosum, plus valet & hoc modo fluxum continuat, quamdiu orificium B liquorem in vase vel dolio, interea semper decrecentem, attingere valet. Ubi vero tandem hunc non amplius attingit, tunc aër loco liquoris per B irrumpens omni liquore in siphone residuo subito deturbato, fluxum finit.

X. Qui fluxus etiam interea, dum crus brevius profunde satis adhuc liquori immersum est, pro arbitratu siphone utentis finiri potest, quoties lubitum fuerit, dummodo crus longius A C elevetur, ut extremitate sua infra alterius cruris extremitatem non amplius propendeat. Cum enim liquores ponderosi secundum perpendiculum premant (velut omnia gravia perpendiculariter deorsum tendunt) ideo crus longius in siphone reflexo non tam secundum obliquam canalís sive fistulæ A C, quam secundum depressiorem ejus infra lineam horizontalem positum aestimatur, ita ut portio siphonis A C (Fig. XXVI. n. 1.) reipsa longior, possit cruris brevioris vicem ipso effectû subire, si perpendicularem altitudinem C D minorem habeat, quam crus alterum B A longitudine sua priori A C multum cedens, ratione positus autem altitudinem B E majorem habet. Verbo: illud est in siphone recto, ejusque usu crus effective longius, quod infra lineam horizontalem longius perpendet, id quod notasse operæ pretium fuerit.



XI. E posteriore vero siphonis reflexi usu & apparatu, quem num. IX. sub finem declaravimus, fuit jucundum & festivum quoddam spectaculum, dum intra poculum aliquod argenteum v. g. absconditur siphunculus reflexus *b a c* (Fig. XXVII.) cujus crus brevius *a b* terminetur orificio suo *b* aperto in poculi fundum, supremo autem flexu *a* non attingat penitus poculi marginem, crus longius *a c* vero permeet fundum poculi, (circumcirca tamen clausum ne poculum perfluat) & exporrigatur usque ad poculi basin, vel ap pedis partem *c* qua pollice prensari potest. His ita preparatis, si pincerna artificii gnarus poculum vino repleat eò usque ut suprema vini superficies non excedat altitudinem aut flexum siphonis supremum *a*, poterit poculum securus porrigere primum bibituro, & hic illud indemnis evacuare. Quod si vero pincerna responsuro ex compacto illudere velit, admoto pollice ad orificium patulum *c* infundat vinum, ut in poculo supra flexuram siphonis *a* emineat, & hoc modo poculum responsuro porrigat, pollicem non prius ab orificio *c* removens, quam converso gradu discesserit. Tum vero qui poculum recepit, alii ipsum propinaturus, sentiet vinum per ejus basin vel latus in *c* effluere, eumque effluxum non prius cessaturum, quam omne poculi vinum ad fundum usque effluxerit, nec poculi labia oris sine vestimentorum humectatione & sordidatione poterit admove, nisi monitus, pollicem orificio *c* patienti opposuerit.

XII. Pertinent huc filtra hortulanorum, quæ nihil aliud sunt, quam laciniaë pannosæ, quæ altero extremo *b* Fig. XXVIII. n. i. intra aquam vasculo contentam demersa, altero *c* extra vasis marginem propendent sensibilibiter humiliter interiori extremo *b*, quæ quidem laciniaë *b a c* dicto modo dispositæ, & (quod in primis observandum) prius probe totæ madefactæ, inter sua filamenta lanea quasi tubulos quosdam formatos habent, eosque humore jam repletos, unde, dum humor hic per portionem longiorem *a c* proprio pondere incipit exstillare, aër aquæ in vasculo ad *b* incumbens novum alium per portionem *b a* perpetuo succedere facit, isque ita subjectas tenellas plantulas paulatim irrigat.



Idem præstari potest ope cancri elixi intra vitrum aqua vel vino plenum incurvata sua cauda suspensi, quamdiu enim hæc vinum in poculo attingit, tamdiu illud per cancri nares extrorsum pendulas exstillabit, describente & fusius prosequente plebejam hanc experientiam B. Harsdörfero in delic. Philol. & Mathemat. part. III. p. 469. & seq.

XIII. Neque vero vinum, aqua &c. tantum, sed argenti vivi quoque fluor ponderosissimus ita per siphonis recurvi ambages transfundi potest, si toto siphone prius repleto crus brevius deinde residuo vasis argento vivo immergatur & per longius emittatur (remoto digito) is qui intus continetur. Verum notatu dignissima hic, nec adeo in vulgus nota, iterum occurrit circumstantia, quod fluxus ille statim sistatur, si crus acclive sive brevius supra trium circiter pedum altitudinem attollatur, h. e. eam, sub qua alias mercurius in barometro suspensus tenetur, de quo barometro cum plura distinctius loquendi occasio hic offeratur, id solum in antecessum hoc loco monendum prius, quod novum hoc phænomenon Mercurii in siphone recurvo ultra tres pedes non transfluentis, novum argumentum idque infallibile suppeditet, rationem à fuga vacui petitam, qua in scholis transfusorum per recurvum siphonem liquorum causa physica declarari solet, veram illius rei causam non attingere. Etenim, si mercurius in siphone recurvo decenter præparato nec duobus pedibus, ratione cruris brevioris, altiore, per crus longius fluxum ideo continuat, quia semel cæpto hoc fluxu ob proprium, & majus quidem quam in breviori crure, pondus, secuturum esset in siphone vacuum, nisi ad hoc evitandum sublequeretur in crure breviori mercurius fluxumque continuaret, manente in altitudine siphonis trium pedum eadem ratione, de secuturo in siphone vacuo, subsequutio mercurii tamen in crure breviori & in longius transmissio deficit, evidentissimum est, allatam rationem ne quidem in priore casu fuisse veram.

XIV. Nunc igitur ut Barometri rationem exponamus sciendum est *Evangelistam Torricellum* magni Ducis Hetruriæ  
Ma-



Mathematicum, anno 1640. circiter experimentum, nescio qua occasione, instituisse cum argento vivo in tubulum aliquem vitreum trium, quatuor, aut plurium pedum altitudine ex una parte apertum, ex altera clausum hermetice infusum, quem inde tubum Torricellianum deinceps appellarunt. Experimentum ita habebat: per aperturam dicti tubi infundebatur mercurius sive argentum vivum ad summitatem usque, deinde, digito summmitati isti caute admoto & impresso, tubus una cum mercurio dextre invertebatur & inversus digitoque adhuc munitus alii mercurio, intra vasculum aliquod B, trium aut 4. digitorum altitudine contento, demergebatur, demersoque demum digitus ab orificio B removebatur, quo facto mercurius è tubo A B (Fig. XXIX. n. 1.) proprio suo pondere delabi & per orificium B effluere in idem vasculum incipiebat, non continuabat tamen effluxum illum donec expleretur tubus, aut evacuairetur omnis mercurius, sed ubi delapsus esset à vertice tubi A hermetice clauso usque ad E circiter, ut E B reliqua altitudo esset adhuc 27 vel 28 circiter digitorum, tunc semper, post paucas librationes, substitit, non obstante nec immutata immersi orificii B apertura, quæcunque etiam fuisset totius tubi B A, sive minor etiam tribus pedibus, sive multo major 4 v. g. 5, 6, &c. pedum altitudo.

XV. Replevit fama novi hujus & insoliti experimenti, pauci temporis intervallo, universum orbem literatum, & in causam suspensi sub dicta solum altitudine mercurii, inquire caput, confugeruntque statim Peripatetici, maximum tum inter Philosophos numerum facientes, ad consuetum sibi vacui metum, dicentes: Delabantem sub principium pondere suo mercurium non deferere quidem penitus spatium A E (sic enim vacuum ipso facto fatendum fuisset) sed intra illud spatium valde attenuatum & rarefactum id invisibiliter adhuc replere, ubi vero jam summe rarefactus esset, nec attenuari ulterius posset; tunc substituisse ipsum, ne porro delapsus vacuitatem aliquam concedere cogeretur. Sed enim, si portio mercurii suprema, non nisi per spatium A E attenuando se dispandere potuit, in tubo altiore 5 vel 6 pedd. æquali



portione ad æquale spatium similiter dispanſa, reliquus mercurius multo altius ſubſiſtere debebat, id quod tamen experientiaſe manifeſte contrarium deprehendebatur: ut taceam, admiſſa licet ratione data, modum ſaltem aliquem imaginabilem exponi debuiſſe, quo natura uſa ſit aut uti potuerit in ſuſpendendo ponderoſo adeo cylindro mercuriali B E, inſuperque illud etiam præteream, quod ope antliaſe pneumaticæ (*der Luſtpumpe*) vel uno hauſto procurari poſſit, ut cylindrus mercurialis in E alias ſubſiſtens, ulterius infra E deſcendat, quo loco adeo, vi conſequentiaſe peripateticorum, vacuum aliquod, ipſiſe etiam invitiffimiſe, ipſo facto futurum eſſet.

XVI. Ut igitur nos veram illam rationem, qua uſa ſit natura in ſuſpendendo Tubi Torricelliani mercurio ad altitudinem 27 vel 28 digitorum recte eruamus, ſupponenda eſt ante omnia Antliaſe pneumaticæ fabrica, quam in Collegii experimentalis part. II. præprimis p. 18. poſt partis I. tentam, XIII. p. 100. & ſeqq. deſcripſimus, & allegandum præcipue illud phænom. quod p. 42. part. II. narravimus, tubi Torricelliani ſcilicet decenter præparati (quem *Barometrum* ſive *Baroſcopium* ſequentes Torricellum philoſophi, deinceps vocarunt) ac ſupra orbem orichalceum ita poſiti, ne aëriſe exitum per foramen medium impedi- ret, porro vero campana vitrea conformi ſuperne ad D (Fig. XXIX. n. 2, perforata texiſſemus, & munito cera & veſica ſuilla hoc foramine, antliam exercere cæpiſſemus, mercurius primo ſtatim hauſtu à B infra D quinque vel ſex digitos delapſus eſt, ſecundo hauſtu iterum per notabile, priore tamen minus ſpatium & ita conſequenter, dum econtra, deinceps exhaustus prius aër per epistoſium inferius iterum admiſſus, mercurium ante delapſum in tubulo ſubito ruſum eveheret ad priſtinam altitudinem. Quibus ita factiſe promptum erat concludere, quo ſublato minuebatur altitudo mercurii in tubo Torricelliano, & quo admiſſo ruſum mercurius ad priſtinam altitudinem iterum alle- vabatur, illud vera & poſitiva cauſa eſt ſuſpenſi in tubo Torricel- liano mercurii, atqui aër compreſſus & intra campanam con-  
for-



formem mercurio in vasculo Cincumbens, dum ponitur vel uno antliæ haustu debilitatus, mercurium statim aliquousque delabi patiebatur, minuta sic statim ejus altitudine, eaque magis adhuc in haustu secundo ac tertio &c. admissio vero mox eodem aëre externo, mercurius ante delapsus ad pristinam altitudinem elevabatur. Ergo aër externus vera & positiva causa est primum suspensi sub altitudine altiore 27 aut 28 digitorum, deinceps vero humilioris ac remissi, prout scilicet ejus compressio & vis elastica gradatim imminuta fuerat. Ex quo porro inferre in proclivi fuit, ideo mercurium in tubo Torricelliano quantæcunque altitudinis semper fuisse delapsum donec ad definitam altitudinem 27 vel 28 digitorum pervenisset, quia scilicet sub hac ipsa altitudine, neutiquam vero sub majori, mercurii pondus, cum aëris altitudine indeque dependente gradu compressionis & elaterio, æquilibrium obtineat.

XVII. Quandoquidem vero ratio ipsa facile cuique dictabat, si hæc genuina causa sit, suspensi in tubo Torricelliano mercurii, aqua vero mercurio pluribus vicibus sit levior, etiam aquam in tubo multo altiore sub multo majore altitudine suspendi debere. Fecerunt hujus rei periculum *Paschalius* Rhotomagi in Gallia, *Caspar Bertus* (à quo tubus hic grandior Bertianus, ad imitationem Torricelliani, dictus fuit) Romæ in Italia, ego denique hic Altdorffii, prout res fusius enarrata fuit part. 1. Collegii curiosi tentam. VII. ejusque Auctario p. 57. & seqq. In meo Tentamine erectus fuit tubus 36 circiter pedes altus ex tubis partialibus vitreis 5, 6 circiter pedes altis, & cavitatem digitorum indicem minimum admittentem habentis multo labore compositus. Paratis omnibus tubus inferne ligneo epistomio instructus claususque, desuper per apertum orificium, non sine novis difficultatibus dicto loco commemoratis, at hic tacendis, ad summum usque repletus est, mox autem orificium dictum supernum cera & vesica suilla solícite munitum. Quo expedito, inferne epistomium reclusum est, & visus subito cylindrus aqueus intra tubum 36 pedes altum, delapsus ad pedem trigesimum primum circiter, atque



atque ibi demum substitit, recluso licet inferne manente epistomio. Cum igitur hoc modo in superiori hypothesis confirmati essemus, quod cylindrus aqueus ab externo aëre vasi aquæ pleno (cui epistomium immersum fuisse, commemorare antea obliti fuimus) incumbente, gestatus & sustentatus fuerit sub tanto maiore altitudine, quanto aqua mercurio levior est, quia alteri ejusdem aëris portioni quæ summitati tubi incumbebat, ingressus ibi penitus interclusus erat, amplius confirmati ex eo fuimus & prorsus indubii redditi, quod cum aëri, perforatis acu cera & vesica suilla, ingressus desuper esset concessus, eo momento omnis aqua hactenus suspensa hærens, per inferum epistomium, magno etiam impetu deturbata fuerit, quod ultimum experimentum etiam in tubo Torricelliano studio, superne, non hermetice clauso, sed cera solum & vesica munito pari effectu tentavimus. Nam & hic per summitatem cera & vesica clausam vix tenui acicula foramen fuit apertum, cum ecce omnis mercurius ante pensilis subitaneo lapsu, cum illo, qui in vasculo continebatur, conjunctus fuit.

XVIII. Post præcedentia duo phænomena majoris momenti (quorum peculiaris usus in sequentibus occurret) alia rursum momenti minoris, notabilia tamen, ad veras suas causas reducenda veniunt. Talia sunt sequentia, quod 1) si follis undique probe clausus & extremo solum angustioris fistulæ orificio aquis immersus fuerit, diductis subito ejus lateribus, aqua, nequicquam renitente ejus pondere, per fistulam ascendat follisque cavitatem subingrediatur: quia nimirum diductis follis probe clausi lateribus, aër intus contentus ab interfuso sibi æthere dilatatur, & sic imminuto suo elatere aëri externo aquæ in vase B (Fig. XXIX. n. 3.) incumbenti occasionem præbet, integro adhuc elaterio suo aquam sursum premendi. 2) similiter in syringa sive siphone recto A B (num. 4.) attracto pistillo, sequitur aqua per extremitatem angustam B, expressa scilicet ab aëris externi compressi pondere vel elaterio in locum ab attracto pistillo relictum, in quo nulla est resistentia.



cia. 3) Quod de folle in casu priore dictum est, id ad respirationem animalium commodissime applicatur. Cum enim in embryone intra matris uterum nulla fiat ordinaria respiratio, siquidem aëri externo ad uterum clausum, multo magis ad os & pulmones foetus intra geminam membranam undique conclusi, accessus omnis præclusus est; quam primum is, ruptis inter pariendum ordinarie dictis membranis, in aërem liberum aperto & hiantem ore prodit, aër vehementissime compressus ac dilatari gestiens in os, tracheam & pulmones embryonis cum impetu irrumpit (unde credibiliter primus ejus clamor seu prima vociferatio sub ipsum nativitatis momentum, per aëris impetuosæ irrumpentis retroflexionem quandam, arcessenda est) maxime, quia divinus Conditor singulari providentia in pectoris cavitate cor & pulmones complectente, vacuitatem quandam (quam adeo adversam naturæ Aristotelici pariter & Cartesiani clamitant) summo studio & admirabili prudentia procuravit, ad facilitandam respirationem adeo necessariam, de qua (si Deus vitam viresque concesserit) in tomo tertio præsentis operis ex professo agemus, hoc loco id tribus adhuc verbis, monentes, vacuitatem dictam in pectoribus animalium etiam mortuorum experimento manifesto obviam esse, si abdomine aperto in macellis lanionum diaphragma cultro perforatur. Audimus enim per illud foramen diaphragmatis aërem externum cum strepitu & sibilo irrumpere, non aliter ac in recipiens magnam partem exhaustum, ad aperto epistomio irrumpit.

XIX. Quod de syringa sive siphone recto num. præced. diximus, ad antlias spirantes sive suctorias etiam eodem jure, eademque ratione, accommodari debent: siquidem adductum fursum embolum B sequitur aqua E B (Fig. XXX.) pressa ab aëre exteriori C D in derelictum ab embolo locum, in quo nulla est resistentia. Fatetur tamen Cartesius in parte II, epist. XXXII, p. 123. & seqq. id evenire cum aqua non est nimis alte attollenda, tunc enim pro aqua non nisi spumam extrahi, h. e. aquam aëri



commistam. Quæ confessio etiam Aristotelicis agnoscenda satis docet, nec Aristotelicos neque Cartesianos veram & genuinam hujus effectus causam cognovisse. Secundum Aristotelicos enim dicendum fuit, aquam ex loco C D subsequi embolum ab E ad B, porroque à B sublatum ad F, ne *vacuus* utrobique *derelinquendus locus emboli esset*. At enimvero, si embolus F in loco 30 pedibus altiore constitutus supponatur, num embolum ibi quoque altius adductum aqua sequetur? negat hoc Cartesius, negat experientia; ergo in hoc quoque casu metuendum foret vacuum, & ad illud evitandum aqua deberet subsequi, quod tamen non fit, aut in prioribus quoque casibus non erat necessarium, ut vacuum, adducto embolo, subsequeretur &c. Cartesius dicit: aquam sequi subductum embolum F, non, ne detur vacuum, sed quia non datur vacuum, atque adeo sursum adductus embolus F aërem desuper incumbentem protrudit sursum ad A & Z, inde vero is, locum vacuum nullibi reperiens, per circulationem defertur ab A & Z ad C & C, & qui in C fuerat, ad aquam D ac D, & hæc in locum aquæ E &c. Hoc idem vero fieri debebat in altitudine 30 pedd. & amplius, & tamen ad illam altitudinem, aqua non evehitur. Ergo nec hæc Cartesianæ corporum circulatio (quæ quondam etiam nobis arriserat) genuinam novi phænomeni causam exhaurit, sed missis omnibus circulationum ambagibus, dicendum est simpliciter: aërem ordinario suo pondere non nisi sub altitudine 30 ad summum pedd. in tubo Bertiano aquam sustentare, nedum ultra illum terminum sublevare posse.

XX. Quæ res ut oculis ipsis manifestissime ingereretur, loco simplicis tubi Bertiani supra n. XVII. descripti, anno 1684. in iterato Collegio curioso, siphonem recurvum, primum sub altitudine 25 pedum erigere, & secundum præscriptum num. IX sub finem, mutatis mutandis (epistomiis B & C nempe Fig. 20. part. II. colleg. experim. p. 253. digitorum loco pro crurum clausura substitutis, & successit ex voto transmissio aquæ ex vase altiore B, per curvaturam K L, in vas humilius C. Verum cum altitudinem



nem siphonis reflexi ultra 36 pedes, ingenti labore & insuperabilibus fere difficultatibus, (quas fule enarrant part. II. pag. 255. & seqq. collegii exper.) exporrexissemus, tentata aquæ ex vase B in vas C transmissio successum nequaquam habuit, sed delapsa in utroque crure usque ad altitudinem 29 pedd. Rhinland, & 1 dig. super aquæ nempe superficiem in utroque vase. Unde certi jam sumus, experimentum *Ioh. Baptistæ Portæ*, quod refert B. noster Swenterus in deliciis Physico Math. p. 48. nequaquam successurum, si mons, aut collis potius, altitudine sua 30 pedes Rhinlandicos excederet, id quod sciri prius haut potuit, antequam experimenti vera & genuina causa innotuisset, quod nimirum aëris altitudo indeque dependens pressio, vix altitudini aquæ 30 pedd. Rhinland. æquiponderet. Conf. quæ diximus parte II. colleg. cur. p. 78.

XXI. Aliud geminum & festivum experimentum habet laudatus Swenterus in iisdem deliciis Physico-Math. pag. 462. quæst. XI. & XII. quorum posterius nos in part. I. collegii (vid. Fig. XXVIII. n. 2.) cur. quoque p. 39. num. VII. tentavimus, sc. in vitro solo aëre pleno accensa stupa sive charta, & sic rarefacto aëre totum vitrum cum ardente stupa inversum mergebatur intra patellam aqua aliquatenus repletam, & subito aqua è patella in vitri cavitatem ascendebat. Prioris autem, utpote posteriori simillimi, actu ipso periculum nunquam, nisi hoc ipso momento quo hæc scribo, feci, idque verum quidem aliquatenus deprehendi sed plus difficultatis, quam credidissem in eo perficendo offendi. Ratio autem a viro B. data, *quod scilicet aër ab igne densior aut spissior evadat, minusque spatii occupet quam prius ideoque ne vacuum aliquod contingat, aquam ad se trahat intra vitrum*, omni specie destituitur, quandoquidem notorium est, ignem & calorem rarefacere & attenuare potius aërem, quam condensare, veraque adeo ratio est utriusque experimenti, quod aër intra vitrum attenuatus vim suam elasticam ex parte deperdat, externus autem aër salvo integroque elaterio aquam intra vitrum propulset. Quæ etiam causa est effectus cucurbitarum



scarificatoriarum, in quas externus aër & carnes lanceola sectas, & sanguinem ex venulis sectis exprimit.

XXII. Id quod ulterius alio quoque experimento egregie confirmatur, quo mortarii cujusdam satis ponderosi fundo exterius applicuimus circulum coriaceum madefactum prius B C D (Fig. XXVIII. n. 5.) deinde accensa similiter stupa vel charta intra cavitatem vitri A, hujus orificium circulo isti coriaceo celeri manu superimposuimus, eoque facto deprehendimus, vitrum mortario (uti cucurbitæ scarificatoriæ carnibus) arctissime cohærens, ut non solum una attolli, sed ne quidem violenta manu ab invicem separari possent. Scilicet aër intra vitrum per calorem & rarefactionem imminutus ac debilitatus, non poterat pro solito resistere prementi extrinsecus undiquaque aëri, & sic mortarium vitrumque non desuper in A solum, sed ab imo sursum quoque fundum mortarii internum, mediante circulo coriaceo (qui ad rem totam interim nihil confert, nisi quod aërem inter vitrum & mortarium aliàs facile subiturum suo madore excludat) tam arcte comprimenti. Quæ eadem causa & aëris utrinque, desuper & ab imo sursum, comprimens vis duo plana polita vel orichalcea, vel quod melius, chalybea aut marmorea, vel etiam duo grandia hemisphæria cuprea tam valide connectit & conglutinat (dum interim aër inter bina plana vel hemisphæria, non igne quidem & calore, sed in prioribus politis & mediante paucula pinguedine facta confractione, in posteribus exantlando, eliminatur & excluditur) ut prima viri robusti unius, secunda duorum, tertia triginta pluriumque hominum, imo plurium equorum in adversa, (directe quidem, non obliquius) trahentium viribus divelli nequeant: prout horum experimentorum historiam prolixè legere datur part. I. colleg. curiosi pag. 24. & part. II. pag. 44. & seq. pag. denique 177. & seq. tentam. X. integro.

XXIII. Non est omittendum ludicrum quodammodo experimentum fugendi tabaci fumum per aquam, & sic quodammodo defæcationem. Fistula scilicet tabaco sugendo destinata A B (Fig. XXXI. n. 1. & 2.) vel per angustum phialæ collum, vel per



per operculi lignei foramen demittitur sub aquam in phiala vel calice contentam, ita ut caput fistulæ vel vasculum A, quod tabaci folia minutim concisa capit, foras promineat, orificia vero & margines vitrorum contra aëris ingressum vel egressum probe munita sint. Deinde vero fragmentum aliud fistulæ detruncatæ alio phialæ vel vitri loco D insertum firmetur, ita ut extremitate sua aquam non attingat, eritque sic parata machinula sugendi purius tabaci fumum. In usu ipso tabacum in capitulo A accenditur, unaque sugendi conatus in C adhibetur, quo facto aër infra D elaterio suo connititur descendere in pectus sugentis, ita non parum debilitata ejus virtute expansiva, quare externus aër integro adhuc elaterio in A non sine strepitu irruit, fumumque ex accenso tabaco per fistulam in aquam B detrudit, ubi is ab aqua graviore sursum in aërem D expressus, cum hoc & ab hoc per fistulam D C ad os hominis sugentis propellitur, nulla vera tractione interveniente, utpote quæ in fluidis, solutis & non cohærentibus corporibus est impossibilis.

XXIV. In experimento siphonis recti notatu dignæ sunt nonnullæ adhuc circumstantiæ ex inculcata hætenus de aëris pondere, compressione & elaterio, hypothese promte deducibiles, ut quod 1.) oclusa extrema siphonis fistula vel obturata, pistillum vel embolus difficillime extrahatur, quia nimirum tota aëris altitudo pistillo incumbens, id validissime deprimit, per fistulam inferne obturatam autem alia portio aëris subire non valet, quæ cæteroquin illius extractionem ex parte opposita esset adiutura; quod 2.) eadem siphonis non obturata sed aperta fistula in lagenam aqua plenam demersa, sed orificio C cera & vesica suilla arte munito, attractum licet, cum notabili iterum ex causa modo dicta difficultate embolum sive pistillum, aqua ex lagena sive phiala B non sequatur, quia scilicet aëri externo ad aquam in phiala premendam accessus est prohibitus. Facto ergo & concesso eidem, per exiguum in cera C aciculæ foraminulum accessum, is aquam subjectam statim premet & per fistulam C sursum exprimet, eoque ipso attractionem pistilli mirifice facilitabit: ut



vel hæc ipsa eventum cum præviis ex hypothefi conjecturis mirabilis correspondentia, hypothefin ipsam egregie confirmet, imo cum ipsa veritate eam locum commutasse credibile fit.

XXV. Si phialæ vel lagenæ aqua plenæ collum angustius digito obturatum aquis in alio supposito vase demergatur, remoto licet postea digito, nihil tamen effluit, quia tota aëris altitudo cum ingenti suo pondere, vasi aquæ incumbit, eaque mediante alteram in phiala facile sustentat. Quod si vero phiala vel lagena in aperto aëre invertatur, aër externus quidem perpendiculari colli angustiae valde quidem obnuitur & aquæ effluxum retardat, sed tamen magno suo nisu, eoque contrario, aër & aqua in aliquali colli laxitate sibi invicem cedunt, aërque subrepens aquam alternis quasi ructibus deturbat, quod aër externus solitarius, à subrepente intrinseco proprio aquæ pondere adjuto superatur, ac cedere cogitur. Quod si collum multo angustius sit, aut tubulus etiam quinque sex & plures pedes altus auricularem digitum vix admittat, tum impletus & mox inversus ad perpendicularum tubus ne guttam quidem aquæ demitteret, nisi obliquus aliquantum inclinatus, cum in obliquo quidem tubuli positi paucae aëris patticulæ totidem aqueis successive cedant, ut filatim quasi exstillent, in positu vero erecto cessio illa difficulter fit, propter aërearum particularum irregularem & ramosam figuram aquearum lubricarum licet descensum facile sufflaminantem.

XXVI. Commodum hic incidit elegans adhuc phænomenon tubi Torricelliani, mercurium sub altitudine A B (Fig. XXIX. n. I.) sustentans, quamdiu inferius tubuli orificium B sub mercurium in vasculo demersum est. Verum si admoto ad B digito tubulus A C, sive totum Barometron ex mercurio in alterum vasculum B, aqua magnam partem repletum, transferatur, & tum demum digitus ab orificio B removeatur, tunc elapso subito mercurio, aqua contra in ejus locum celerrime & cum impetu quidem, non ad E solum, ubi mercurius prius hæserat, sed ad summitatem usque A ascendet, adeo notabili & sensibili impulsu, qui



qui tubulum è manibus excutere valeret, nisi caute provideque teneatur. Ex quo duæ sequentes circumstantiæ manifeste consequuntur: 1.) Spatium E A in tubo Torricelliano revera ab omni aëre vacuum fuisse, quia tubus B A totus ad summum usque apicem aqua repletus fuit: 2.) vehementem illum impetum subvectæ aquæ vim pressionis in aëre externo maximam multum confirmare. Quod si vero tubus Torricellianus prædicto modo in vasculum B num. 2. non aqua sed lacte plenum translocatus fuisset, tunc lac, uti prius aqua, cum pari impetu ad summum A propulsa fuisset, neque tubulus in aërem apertum perpendiculariter protractus vel guttulam etiam lactis elabi passus esset. Verum si tubulus ita lacte plenus imò orificio aquæ superficiem leviter attigerit, lac mox in aquam filatim aut nubeculæ potius in morem descendit, è quo 3.) hoc discere licebit, majorem esse particularum aquearum & lactearum inter se congruitatem, quam lactearum aut aquearum cum aëreis, quia illæ in angusto tubulo sibi mutuo facile, hæ vero nullo modo cedunt.

XXVII. De cætero, quia supra num. VI. sub initium diximus, sub finem hujus capituli cætera aliorum commenta nos breviter etiam perstricturos, ideo duorum adhuc celebrium Anglorum hypothèses hoc loco commemorabimus, quorum prior est *Henricus Morus* vir cæteroquin ingeniosissimus at in præsentis negotio spirituum in mundo adversus Atheos multiplicandorum nimio studio abreptus, qui aëris pondus & elaterem concedit quidem, sed hæc salvandis hætenus deductis phænomenis strenue negat, & in *Enchirid. Metaph.* 167 r. Londini edito totus in eo est, ut *Principium* quoddam *hylarchicum*, quod vocat, h. e. spiritum aliquem Deo subordinatum (intellectu vel etiam sensu aliquo præditus sit, ipse expressis etiam verbis dubitat) his aliisque naturalibus effectibus præficiat, cujus nutu scilicet & jussu gravia nunc descendere, nunc ascendere, nunc in suspensio hære cogantur ut legibus à Creatore præscriptis (ut enim ipse vilioribus hisce se immisceat, ex ejus dignitate non esse) satisfiat.

Eum



Eum in finem, ut scilicet illius principii hylarchici necessitatem extorqueat, in allegato scripto experimenta pluscula excogitavit, quorum rationes nec ex ante dicta hypothese de aëris pondere & elaterio neque consequenter (cum prior illa sit omnium optima & speciosissima) nec ex ulla alia dari posse confidenter asserit. Verum cum de hoc Henrici Mori spiritu hylarchico, non solum in Auctariis part. I. colleg. curiosi à pag. 34. usque ad 56. per 22. fere continuas, & alibi passim fuisse actum sit, parte II. vero scripta ad virum celeberrimum sub finem annexa prolixissima epistola totam hanc rem ex professio tractavi, frustra essem, si vel verbum hoc loco adderem.

XXVIII. Mori popularis *Franciscus Linus*, conatu simili, sed alio prorsus consilio, aëris pondus & elaterium ab eo, quod alii detulerunt ipsis, officio remove contendit, in tractatu de corporum inseparabilitate Londini, 1661. edito, in eum scilicet finem, ut *metum vacui Peripateticorum* non solum reduceret, sed lapsui prorsus, imo jam dudum lapsum, ex novo quodam sustentaculo suspenderet. Scilicet, funiculum is nobis nectit è liquidorum corporum superficiebus, ita ut e. g. dicat: In tubo Torricelliano 29 $\frac{1}{2}$  digg. brevioris argentum vivum non descendere, quia suprema hujus superficies adhæreat vertici, nec detur sufficiens pondus ad nexum illum dissolvendum, aut separandas & extendendas aliquot superficies, in longiore tubo autem illud descendere, quia jam sufficiens pondus habeat ad distrahendas aliquot superficieculas & ex iis tensis nectendum funiculum h. e. partem argenti superiorem rarefactam & in subtilissimam quandam auram extenuatam procurandam, sub altitudine denique digitorum 29 $\frac{1}{2}$  iterum consistere, quod argentum vivum jam non habeat amplius sufficiens pondus ad novas superficies separandas &c. Hæc omnia vero de quovis alio liquore, servata gravitatis proportionem esse intelligenda, funiculumque istum dicto modo extensum, si pondus extendens imminuatur, sua sponte se ac subito contrahendi vim habere &c. Enimvero huic ita contexto funiculo non sine causa valde metui-

mus,



mus, quod fluidorum, ut aquæ, argenti vivi &c. partes adeo facile separabiles aliàs observemus, imo actu ipso separatas, & contiguas magis quam coherentes, concipere phænomena jubeant, ut imaginari vix liceat illam superficieularum superiorum difficilem, sive à rubi vertice, sive ab invicem separationem, & separatarum tandem extensionem, partiumque cæterarum ab illa extensa tenacem adeo dependentiam, à tanto pondere argenti vivi non rumpendam.

XXIX. Deinde vero, cum argentum vivum è tubo 29. digitis brevior (siquidem is in aperto aëre invertatur, aut inversus aquæ immergatur,) facillime omne excidat, neque vertici superne clauso ullo modo adhæreat, causam videre nullam possumus, cur in eodem tubo (siquidem is inversus alii argento vivo immersus fuerit) tanta vi adhærescat, ut suprema ejus superficiecula totam inferiorem satisque ponderosam mercurii columnam sustineat, maxime cum *tertio* incisa superne vel minutissima rimula, aut facto aciculæ foramine, tota simulac semel excidat. Quæ cum imaginabiliter explicari nequeant, ac præterea in dudum explosum vacui metum tandem resolvi videantur, nulla nobis appareat ratio, cur aëris tot experimentis comprobatum, & effectis naturæ explicandis tam aptum elaterem, cum Lini non-conceptibili funiculo permutemus.

## CAPVT V.

De

*Sphæræ aëreæ supra terram altitudine, &, quo eandem premit, immenso pondere.*

I.

Cum experimento indubio ostendi possit in tubo recurvo, A B C (Fig. XXXIII.) quod duo diversa & diversæ gravitatis fluida se mutuo servant in æquilibrio, etsi diversæ quoque



que sint molis & altitudinis, modo altitudines illæ sint ponderibus ipsorum reciproce proportionales, ut e. g. aquæ cylindrus, qui cylindrum mercurii tenet in æquilibrio, sit quater ac decies circiter hoc altior, quemadmodum reciproce mercurius quater ac decies gravior est aqua ejusdem molis, h. e. si vas idem accurate replentes aqua & mercurius, ad bilancem examinentur, evidens est, si aëris ad aquam proportio sub quavis aëris altitudine *primo* eadem esset (id quod tamen non esse, multo credibilius est, quandoquidem aërem circa horizontem & montium radices multo crassiores esse, quam in altissimis montibus, & ratio & experientia docet) *secundo* exacte mensurari posset, tunc aëris altitudinem quoque supra terram exacte satis haberi posse,

II. Communiter equidem creditur aëris pondus ad pondus aquæ sub eadem scilicet quantitate esse ut 1 ad 1000; sunt tamen inter viros doctos, qui majorem multo, sunt etiam qui minorem æstiment illam proportionem, & recenset quidem experimenta compluria *Carolus Renaldinus* in magno suo opere de resolutione & compositione mathematica p. 178. & 179. quibus illa proportio determinari posset; & *Ricciolus* quidem, teste *Boylío* in experim. nov. physico-mechan. XXXVI. p. m. 358. eam proportionem ad numeros 1 & 10000 revocavit, tenuis vesicæ adminiculo parum exacto; *Boylíus* ipse vero majori multo cura adhibito vase cupreo &c. aëris pondus ad ejusdem molis aquam esse comperit, ut 11 ad 10320, h. e. ut 1 ad 938; ut *multum non aberraturos credat, qui aquam aëre millies prope graviores æstimaverint*, p. 360. præsertim cum aëris in diversis locis (*Londini* v. g. & *Parisiis*) verisimiliter non una sit consistentia, unde p. 363. iterato assumit & pro concessio habet *proportionem gravitatis inter aquam & aërem*, (saltem prope *Londinum*) *quasi mille ad unum esse*.

III. Nos igitur hanc eandem proportionem pro concessa similiter assumemus. indeque per legem num. 1. hujus observatam inferemus: aëris altitudinem reciproce millies majorem esse, altitudine aquæ in tubo *Bertiano* ipsi æquilibratæ, h. e. sicut  
aqua



aqua in experimento nostro alta 31 pedd. cum aëre in æquilibrio stabat, sic aërem huic altitudini æquilibratum altum esse minimum 31000 pedes, atque ita tantum premi terram ab aëris sphaera sibi undiquaque impendente, quantum premeretur, si obruta esset aquis undiquaque ad altitudinem 31 pedum.

IV. Quandoquidem vero pes aquæ cubicus unus (h. e. aqua vase cubico unum pedem longo, lato & alto contenta) adæquat 60 circiter pondo, aquæ prisma quadrangulare, cujus basis unius pedis quadrati & altitudo sit 31, vel rotundo numero 30 pedum, premet terram pondere 1800 librarum; incumberent adeo toti superficiei terræ tot ejusmodi prismata quadrangularia (singula 1800 librarum) quot pedes quadratos tota terræ extima superficies complectitur, nimirum 3715'' 200 000' 000 000, h. e. 3 mille septingentos & quindecim bimilliones (sive milliones millionum) & insuper ducenties mille milliones; id quod sic probatur: terræ maxima peripheria sive ambitus circularis omnium maximus continet 5400 milliaria germanica, & secundum proportionem Archimedeam peripheriæ ad diametrum (ut 22 ad 7, sic 5400 erunt ad 1719, sive rotundo numero 1720) proveniet tota terræ diameter 1720, & semidiameter 860 milliar. germ.

Iam vero per alias regulas Stereometriæ indubias, diameter per circumferentiam multiplicata dat superficiem terræ 9,288,000 milliaria quadrata; milliare quadratum unicum autem continet 4000 passus geometricos, h. e. 20000 pedes in longitudine & latitudine, & consequenter multiplicato hoc numero in seipsum, prodibunt pro uno milliari quadrato pedes quadrati 400 000 000: per hunc vero numerum multiplicata milliaria quadrata totius superficiei, terræ dabunt pedes quadratos in tota terræ superficiei - - -

$$\begin{array}{r}
 5400 \\
 1720 \\
 \hline
 108000 \\
 378 \\
 54 \\
 \hline
 9288000
 \end{array}$$

$$\begin{array}{r}
 9288000 \\
 4000000000 \\
 \hline
 3715200000000000 \\
 Z 2
 \end{array}$$

V. Jam



V. Jam si singulis hisce pedibus quadratis insistere concipiantur totidem prismata aquea 30 pedum alta, & quæ singula pondus habeant 1800 librarum; evidens est, omnis aquæ, quæ terram inundaret & obtegeret sub altitudine 30 pedum, h. e. totius aëris ponderosæ sphaeræ immensæ illi aquarum moli æquiponderantis, pondus universum tot esse librarum, quot producuntur ex multiplicatione numeri supra inventi

$$\begin{array}{r}
 37152 \text{ } 000 \text{ } 000 \text{ } 000 \text{ } 00 \\
 \text{per } 18 \qquad \qquad \qquad 00 \\
 \hline
 297216 \\
 37152
 \end{array}$$

h. e. 668736 000000000000000000      librarum  
 five 6687<sup>''</sup>36 000000'00000000      centenariorum;

qui numerus per millions & bimillions expressus diceret, *sexagies sexies mille & præterea octingentos & septuaginta tres bimillions centenariorum, ulterius autem sexcenties mille millions eorundem.*

VI. Tametsi vero omnis hæc immensa moles & hoc ingens pondus totius sphaeræ aëreæ, universæ quidem superficiei terræ, & omnibus partialibus super eam extantibus corporibus simul sumptis, incumbit, uni autem singulari corpori, e. g. unius hominis, vel animalis alicujus, aut arboris cujusdam, non nisi aëris pars, quæ totam ejusmodi corporis singularis superficiem undique tangit, & undiquaque non solum desuper, sed ex omni latere, ab imo etiam sursum premit, pondere minimum 18 vel 20 vel plurium centenariorum, prout ex hætenus deductis concludere licet. Hinc vero statim cuilibet hæc talia audienti ingens hoc dubium sese offert: si tam ingens aëris & aquæ pondus nos undiquaque premit, qui fit, quod homines & animalia cætera id non sentiant, & quod mollia corpora ab incumbente tanta mole non penitus procudantur? quibus rite solvendis ipsa hypothesis de aëris pondere, pressione & elaterio probe distin-



stineteque concipienda est, & præter hætenus dicta sequentia adhuc distinctius adnotanda veniunt & attendenda 1) Pondus & pressionem fluidorum effectum suum habere, non solum, uti gravia solida, deorsum, sed propter partium suarum minorum solutam conditionem, quaquaversum in omnes partes: id quod in tubo ligneo forma rectangula in varias partes flexo ad oculum videre est; qui quocunque loco transforatus fuerit, recta vel oblique, deorsum, sursum, & lateraliter, pro foraminum diverso positu diversimode ab urgentibus aliunde partibus aquam effundere cogetur: ut 2) corpus quodcunque in medio aliquo fluore, sive aqueo sive aëreo, positum undiquaque prematur, & aliququaliter quidem intuitu ipsius floris, aliquando vero inæqualiter, pro circumstantiis & conditionibus corporis pressi.

VII. Quod si igitur 3) corpus aliquod eam figuram & conditionem habeat, ut e. g. lagena aliqua vitrea, sive quadrangularem aut rotundam sive sphaericam habeat figuram, modo intus & extus ab eodem fluore, sive aqueo sive aëreo repleatur & prematur, ab intus scilicet extrorsum, & ab extra introrsum, prorsus ac directe oppositis pressionibus, tunc æqualiter ab omni parte pressa lagena nihil mali aut damni sentit, nec frangitur, etiam si ab aquæ, profundioris præsertim, aut aëris altioris ingenti pondere valde utrinque prematur, duabus oppositis pressionibus sibi mutuo æquali vi resistentibus: idemque in casu præsentis contingit, quamcunque etiam figuram lagena habuerit. Verum si 4) lagena quadrangularis sit, atque adeo circa angulos spissior primum quam circa latera, ubi lamina vitrea sensibiliter duplo vel triplo tenuior quam in angulis, præterea vero (quod caput rei est) extrinsecus & anguli & latera validissime ab ambiente aëris compressione & pondere premantur, cui pressioni tamen laterum robur multo minus quam angulorum illud resistere valet; internus autem aër ex lagenæ cavitate extrahatur (ut amamus loqui) tunc validam illam externi aëris pressuram, cui deficiens internus contrapon-  
dium suum opponere amplius non valet, vitri fragilitas, jam



inæquabiliter forinsecus solum pressa, cum sua ruina quasi sentit & in frustra disjicitur, magnoque cum fragore irruentis forinsecus aëris in mille fragmenta diffilit. Enim vero si 5) vitrum aut lagena, licet tenuioris laminæ, accurate tamen rotunda sit, si maxime intus ope antliæ aëre suo evacuetur, externus tamen ejus ambitus tanto magis roboratur, quo magis forinsecus premitur; non aliter ac fornicum arcuata figura tantò firmitus clauditur lapidumque in circuli formam dispositorum nexus fortius constringitur, quanto majoribus aggravatur oneribus.

VIII. Applicentur jam hæc ad animalium hominumque corpora, & solventur haut difficulter illa dubia, quibus hypotheses immane quantum gravium sphaerarum aëris & aquæ vulgo premuntur. Scilicet quamdiu fluores illi, licet ponderosissimi, undiquaque & in omnes partes, sursum deorsum, recta vel oblique lateraliter in sese mutuo pressiones suas mutuas exercent, tamdiu hæc sese mutuo tollunt, ut insensibiles sint, & quasi nullæ fuissent: quemadmodum, duo vel plures homines æque robusti, dum longurionem aut vectem robustum unum atque alterum alter alteri intentant æquali robore, atque hoc ipso suas mutuo vires quasi destruunt retundunt, & inanes reddunt, dum viribus unius alterius viribus resistunt & quasi contraponidium opponunt. Ubi vero vel ex unica parte hæc oppositio defecerit & nisus oppositus absit, ibi vires resistentiam non inveniunt, in effectum statim erumpunt; eodemque modo in ponderosorum liquorum pressuris, dum quævis oppositum sibi nisum offendit, altera alterum retundit tollitque: ubi vero ex una parte nisus ille contrarius impeditus, imminutus aut sublatus fuerit, ibi statim reliqui communi conatu in locum illum resistentiæ defectum aliquem passum, proruunt seseque sensibiles efficiunt. Velut experimento manifesto constat, quo quis antliæ orificio volam manus imponere fortiter jussus, nullam sentit vel supra manum, vel infra illam aëris, sine dubio ponderosissimi pressuram, quia aër desuper non magis, quam ab imo, sursum intra cavitatem orificii detentus premit: Ve-



Verum, cum adducto antliæ embolo aër ille imus infra volam orificio pressius incumbens, ab ea, virtute sua elastica, tantisper discedit, embolumque adductum sequitur; tum aër exterior aversæ manui integro elaterio incumbens adeo fortiter carnosas volæ partes intra cavitatem orificii deprimit, ut non nisi difficulter ab ea & cum crepitu quodam separari queat. Neque solus aër forinsecus aversæ manui incumbens, sed internus quoque in carnum poris venis & vasculis ubique obviis, occasionem nactus sese expandendi, resistentia sive contrapondio aëris intra cavitatem orificii antliæ imminuto ac cedente, fibras carnum sensibiliter intra cavitatem ab aëre desertam detrudit.

IX. Nimirum mirabiliter hic sapientissimus ac providentissimus Conditor, animalium plantarumque vitæ consuluit, cum in auras pronas cituras tenellas plantulas & embryones delicatulos, tantum aëris molem & immensum pondus, sua tamen necessitate & utilitate multiplici insigniter profuturum, subituros prævidisset. *Primo* namque hi posteriores in uteris matrum suarum sensim quoad enutrienda prima stamina è sanguine & succo materno, jam ante ex providentia simili, elasticis ejusmodi particulis aëreis innumeris, per ipsorum venulas, arteriolas, omnes succos, meatus & porulos sufficienter instructi fuerunt, ut, quamvis in illis suis latebris nondum ita libere & immediate ab ambiente ponderosa aëris sphaera cingerentur, ipsius tamen in corpora matrum, his mediantibus in uterum, mediante utero in proprias embryonis tunicas & inclusos his liquores redundantibus pressionibus, efficaciter satis interea resistere valerent. Deinde vero, cum uteris exclusi tenelli foetus & claustris suis, ruptis nempe ordinarie in partu tunicis, liberati immediatam aëris undique circumfluentis compressionem subire necessum haberent, eodem momento idem aër elasticus per os apertum, quasi motu spontaneo, in pectus & pulmones quodammodo vacuus descendit & externæ pressionis, nimiae alias futuræ, obicem aliquem opponit, cui murus quasi osseus at flexilis



xilis tamen & in rotunditatem quandam quantum opus est, conformari aptus costarum arcuatarum, ad instar laminarum rigidarum in vitreis recipientibus, succenturiatur: ut hoc pacto, ceu vitrea illa fragilitas fornicata sua concameratione pondus ingens sustinere valet; ita osseus hic fornix & tenacitate notabili & flexilitate aliquali circumpressioni illi sphaericæ aptari doctus, eandem tanto facilius sustineat. Interea vero demissus in pulmones eorumque vesiculas aër copiosus, nulla mora in contiguous tracheæ ejusque bronchiis vicina ubique magno numero vascula sanguifera, via quidem nedum satis detecta, sese insinuat, sanguini se admiscens huic suum fluorem elastica sua expansione conservat, transpirando etiam per tenerrimas in extremitatibus arteriolarum membranulas omnes fibrarum carniūque porulos inflat, eoque modo toto corporis habitu circumpressioni stupendæ exteriori sufficienter resistit, quamdiu hoc æquilibrium, interventu mirabili respirationis perpetuo reciprocantis artificii (de quo suo loco plura) servato, ipsa quoque vita servatur.

X. Sed quid interim fit de animalibus structura hac respiratoria destitutis? & quid de plantis tenellis in quibus tale quid ne somniare quidem olim licuit? Scilicet his etiam prospexit de analogo respirationis artificio Creator optimus max. Deprehenderunt enim Lyncei quidam proxime superioris ævi Philosophi, microscopiorum beneficio, in exteriori bombycum habitu corporis, punctula quædam tanquam foraminula, quorum usum ut expiscarentur illorum compluria instillatis olei guttulis obturarunt, experti tandem, plurimis illorum punctulorum sive stigmatum nigrorum, in singulis insectorum illorum annulis cerni solitorum, ita obturatis, animalcula ista exspirasse; tandemque compertum fuit, illa stigmata nigra esse aperta foraminula, per quæ aër externus subeat tubulum, qui in ramulos albos pene innumeros divisus, ad intima usque viscera descendat, quique in majoribus insectis aciculæ crassitiem æquet. In piscibus branchiarum conformationem iisdem pene usibus, quibus



bus aliâs pulmones, addicuntur: In amphibiiis, ut in ranis, bufonibus, salamandris aquaticis, testudine, pulmones quidem, ut in aliis animantibus, cernuntur, sed penitus membranosi, quibus corpus in aqua facilius libratur, uti piscium corpora à vesiculis aëre plenis grandioribus. Sic in plantarum caulibus *Marcellus Malpighius* præter canales succiferos etiam alios grandiores vacuos, aut aëre potius plenos, observavit, quos probabiliter pulmonum vicem obeuntes, ideo tracheas appellavit. Quod si quis ulterius in hypothesei prementis aëris etiam ad hanc conditionem recte attenderit, quod pressio non solum deorsum sursumque, sed ex omnibus plagis undiquaque fiat, prætereaque partes externi aëris exiguae, non in pororum tantum interstitia, sed in ipsos etiam poros inibique contenta fluida, vim suam pressoriam exserant; tunc ad reliqua quoque dubia quæ passim hypotheseos non satis periti impertinenter objiciunt, facilis erit responsio: quales (ne cramben bis coctam apponam) in Auctariis 1. Part. Collegii curiosi plures nos dedisse, à p. 67., per sequentes, hoc loco solum obiter indicare volumus,

## EPILOGUS

### articuli tertii de aëre.

#### I.

**I**N ultimis duobus præced. capitis numm. demonstravimus evidentissimam summi Numinis providentiam in procuranda respirandi facultate, vel analogo quodam aëris intus recepti penu, cujus expansiva virtute humores vitales & carniû fibræ vel fluxum suum in venis & arteriis continuare, vel structuram suam laxiorem adversus immensum illud, quod argumentis & experimentis indubiis evicimus, aëreæ sphaeræ pondus munire ac tueri valeant. At enim vero, excipiat aliquis, quid opus fuit, aut quæ utilitas, (quam maximam utique fuisse futuram merito hariolamur) ingentem adeo vim elasticam & com-



pressoriam conciliare; cum levi condito aëre absolute, impendens illa gravitatis moles molestiae nihil creasset, neque adeo illa respirandi necessitas imposita nobis fuisset, sed ut in utero materno sine aëre, saltem extrinsecus inspirato, novem menses viximus, ita in aërem hunc ex istis uteri materni claustris emissi absque respirationis adeo nunc necessario subsidio, eandem vitam continuare potuissemus. Ita vero fortasse nos etiam judicaremus, si plebeio tantum oculo mundi hujus elementaris compagem ejusdemque scopum ex effectibus judicandum intueremur.

II. Illum vero paulo pensculatius consideraturi, ex hactenus compertis de gravitate aëris indubia, de consequente inde inferioris ab incumbente superiore valida compressione, & quæ porro ex ista fluit, compressi hujus perpetuo nisu sese expandendi, & sicubi actualis illa gravitatio defecerit, in actum ipsum erumpente expansione (quæ omnia non sunt mera tantum ratiocinia [*des raisonnemens*] sed experimentis evidentissimis comprobati effectus) id ante omnia, antequam dubio illi, vel quæstioni satisfaciam, comperior & cognosco; partes aëris exiles & invisibiles, illis exinde consecuturis admirandis effectibus prudenter & provide fuisse accommodatas, ut (sive spirarum in morem inflexæ & contortæ supponantur, quod forte artificiale nimis videri posset & manuarii laboris, sive plumularum aut membranarum tenuium in morem expansæ, sive quocunque alio modo formatæ ac dispositæ ad propositos fines & scopos stuantur, (quis enim, quod innumeris diversis modis fieri potuit, ad certum aliquem præcise restringere ausit?) id saltem ante omnia certo cognosco; tales ad varios istos scopos accommodas aëris particulas, à natura non esse formatas, tum quod natura, si quid agit, sine prudentia & consilio agat; tum vero maxime, quod ex aëre cæterisque elementis hæc saltem inferioris mundi corpora, quæ naturam hanc componunt, conflata demum, & sic aëre ejusque minutiis posterior sit natura. Ut sic dubium esse non possit, harum minutiarum, ut aliarum omnium existentiam, figuram, aliasque conditiones, ad prædictos



ctos scopos utiles, non nisi providam curam & potentissimum nutum Creatoris optimi maximi præsupponere.

III. At enimvero, hæc æreorum particularum existentia & figura, qualiscunque etiam fuerit, ad effectus & proprietates earum hautquaquam sufficeret, nisi quædam alia adhuc subtilior & actuosior materia ipsis admixta & superaddita fuisset, quæ illis vim gravitatis sibi proportionatam conciliasset, & cum gravitate proportionatam quoque laxitatem indeque secutam compressibilitatem & compressionem actualem porro consequens elaterium &c. de quibus supra cap. II. pluribus egimus. Hæc vero subtilior & ætherea materia, cum sine aliquo suo motu ista præstare non valeat, neque vero seipsam movere; ideo suadentibus porro aliis naturæ effectibus, aliam adhuc subtiliorem materiam, quam cum Cartesio subtilissimam appellare liceat, supponimus, à qua ætherea materia suum impetum accipiat, ærique notabiliter crassiori porro communicet. Verum, quia nec subtilissima illa materia rapidam suam agitationem à seipsa, sed necessario aliunde habet, nisi ulterius etiam subtilissima subtiliorem supponere velimus, & sic in infinitum absurde progredi; necessum est hic iterum inculcare, quod alibi jam ad nauseam inculcatum est: primam simplicium materialium non potuisse aliunde motum suum accipere quam à primo unice activo motore, qui, ut alia moveat, non opus haberet ipse prius aliunde moveri, sed solo suo nutu & unica volitione non solum materiæ simplicissimæ ejusque minutiis impetum imprimere posset tam efficacem, & pro liberrima voluntate sua propositisque, quos secuturos vel proximè, vel in futurum, quacunque data occasione, destinaverat effectus, sufficientem, ut ætheream materiam æreis particulis destinato consilio interfusam agitet, ad imprimendum gravitatis nisum, per hunc inferioris hujus æris compressum statum procurandum, hujus compressionis ope ad inde pendentis elaterii interventu eos, quos hætenus deduximus, & innumerabiles alios, quorum



adhuc paucorum mox mentionem faciemus, effectus producendos.

IV. Nunc amabo vos, quicumque hæc legitis & attente legitis, judicate ipsimet, num aliud hic agens præter virtutem & voluntatem Omnipotentis interveniat? Annon materia subtilissima immediate ab illa voluntatis divinæ virtute moveatur? Annon hujus subtilissimæ materiæ sic agitatae interventu subtilis etiam & ætherea materia ab eadem illa divina virtute sola & unica moveatur, intercedente quidem subtilissima, sed nulla ejus distincta virtute, & isti divinæ in ea operanti contradistincta? ut agat quidem illa divina virtus in materia subtilissima, sed agat etiam in ætherea vel subtili, atque adeo plura quidem media vel supposita, plura patientia sive mota occurrant, sed unicum agens, & illa omnia, unum immediate sine alio supposito, medio vel instrumento, alterum mediante illo priore, non minus tamen quam hoc alterum patiente? Si quid sub sole clarum est, hoc profecto est clarissimum! Finge enim subblatum aut cessans solum illud unicum movens, illam unicam DEI omnipotentis potentissimam virtutem: num agitabitur subtilissima materia? Minime gentium! Num ea sua peculiari virtute activa movebit alteram subtilem materiam? Multo adhuc minus! Moveri enim apta est, pati apta est, agitari apta est, quævis materia; movendi activam potentiam recipere inepta, nisi eo modo quo primi motoris virtutem recipit, patiendo nimirum. Frustranea etiam esset, si maxime possibilis, illa communicatio activæ potentia; quandoquidem ea, deficiente primi motoris virtute, (fatentibus ipsi adversariis) operari nihil in aliam materiam potest, præsentem vero, illa omnia, quæ in altera materia peragenda sunt, potentissime peragi possunt. Quamobrem divina virtus sola per materiam subtilissimam, quantum opus est, rapide agitatum, movet materiam subtilem, at illa tanto crassiolem, tanto etiam tardius, (velut, exemplo Aristotelis, homo mediante baculo celerius impactu movet lapidem, ponderosiolem multo tardius) subtilior hæc porro, aut po-



potius eadem vis divina per subtilem hanc & ætheream, tardius adhuc movet ærem & hoc motu mediante ejus gravitatem, compressionem & vim elasticam causatur, prout in antecedentibus ostensum fuit. Verissime ergo & in rigore philosophico manet: Unicam DEI virtutem per diversa media varie, pro cujusque conditione, mota, varios non solum modo dictos, sed innumeros ex his porro consequentes, eoque pacto omnes alios in universa natura, efficere, peragere omnia adeo in omnibus solam operari.

V. Redit tandem nunc illa quæstio, quam num. I. hujus Epilogi ex aliorum mente formavimus: Quid opus fuit, aut quæ necessitas vel utilitas æris tam gravis & ponderosi condendi, ut deinde necessum esset huic æris nimio ponderi & stupendæ pressioni novum respirationis subsidium opponere &c? Respondeo igitur *primo*, aliquam æris gravitatem utique necessariam fuisse, alioqui, si levis absolute fuisset, terras utique deserturus dudum omnis fuisset, & à mixtorum hic in terris producendorum generatione penitus absfuturus, cum tamen ipsum quoque cum elementis cæteris ad mixtionem corporum requiri, communis omnium sit sententia. Sed habeat, inquires, aliquam gravitatem, cujus interventu circa terram detineatur: non opus tamen fortasse fuit adeo stupendam & incredibilem fere ipsi conciliare, qualem ipsi revera competere caput præcedens quantum suavit & calculo subduxit? Respondeo *Secundo*: Si calculus tantum ac tam incredibile fere pondus æris subduxit, nec error aliquis in eo ostendi potuit; quid proderit contra calculum manifestum insurgere, & veritatem isto confirmatam frustra in dubium vocare velle?

VI. Age vero nunc ostendam *tertio* necessitatem multiplicem hypotheticam, quæ tantum pondus æræ sphæræ postulavit, si talem voluit hunc mundum inferiorem Creator optimus, qualem nunc ipso facto deprehendimus. Invenimus e.g. 1.) plurimas in hujus terræ superficie silvas & arbores in illis innumerabiles non 30 solum aut quadraginta, sed 50, 60, 70,



& plures pedes altas, per quarum adeo fibrillas & canaliculos succiferos succus nutritius ad summos apices evehi & contra inclinationem naturalem extrudi oportebat. Est autem per experimenta superiora notum, ad aquam ad 30. pedd. altitudinem evehendam, vel evectam sustentandam in Tubo Bertiano, vix sufficere aëris altitudinem 30000 millium pedd. cum omni suo ingenti pondere, & quæ porro inde consequerentur. Hæc omnia vero sustentura nequaquam fuissent ad eandem aquam ad altitudinem plusquam duplam exprimendam, nisi huic aëris ingenti pressioni, nectum tamen sufficienti, geminum aliud adhuc subsidium succenturiasset sapientissimus Creator; rarefactionem scilicet aëris *primum* in fibris & tubulis foliorum, frondium & ramulorum superiorum per calorem solis factam, cuius ope vacuitatibus quibusdam obortis in ampliatis calore tubulis, succus nutritius jam præter solitum altius attolli & in illas vacuitates, ob resistantiæ defectum, promte admitti potest; *deinde* vero tubulorum illorum incredibilem angustiam, quæ vix microscopiis optimis observari potest, ac præterea talem configurationem, ut ex innumerabilibus invisibilibus fere vesiculis constent, quæ osculis adhuc multo angustioribus correspondentes, totidem quasi assariis sive ventilibus ingestum sibi humorem tantisper sustineant ac retrolabi negent, dum succedentes aliæ novæ guttulæ, ob similem causam ulterius evectæ, præcedentes illas sensim ac sensim in maiorem altitudinem expriment: non aliter ac in tubis hydraulicis aquæ gradatim per succedentes novas aliarum expressiones medianibus intermediis assariis sive valvulis, ponderis partem ubique gestantibus ac sustentantibus, ad maximam tandem altitudinem eleventur. Ex quo apparet, non solum necessariam esse ad præsens negotium magnam illam aëris altitudinem, quæque inde consequitur inferioris compressionem &c. immo maiorem etiam multo requisitam fuisse, nisi novis subsidiis aliis hæc ulterior altitudo compensata esset à divina sapientia, quam hic, ut alibi, merito admiramur & glorificamus; Hanc inquam aëris altitudinem necessaria.



cessariam fuisse, sed ex hypothesi, si Deus eam arborum altitudinem desideravit, quæ hominum navigationibus in construendis navigiorum malis inservire potuit:

VIII. Ita similiter, si Deus attollendæ aquæ in primam aut secundam ædium aliquarum contignationem prodesse hominum commoditati destinavit per antlias adspirantes sive suctorias; in eo casu minimùm altitudinem aëris 30000. circiter pedum postulari ex cap. V. innotuit. Dum equi & alia jumenta ex aqua profluente ore prono bibere gestiunt, communis equidem sententia est illam aquam à bibentibus sursum adduci & in ventriculum attrahi: sed hanc attractionem cum Philosophis modernis cap. IV. num. II. ac III. fictitiam esse demonstravimus; & Philosophorum etiam antiquorum fugam vacui ibidem num. IV. explosimus, veramque adeò & genuinam causam num. V. reddidimus; qua scilicet animal ore fluentis admoto, sugendi conatum adhibet, & hoc ipso aëri interno, pectus dilatando, viam aperit, quam elastica sua virtute quasi sponte ingreditur, eoque modo multum debilitatus externo aëri occasionem præbet, pressionem & vim sese expandendi adhuc integram aquæ fluenti applicandi illudque in œsophagum contra naturalem inclinationem sursum expellendi. Quod cum citra virtutem aëris elasticam non fiat, ideo & hanc ipsam, & aëris notabilem altitudinem super terra, (tamen si non adeo ingentem ut in casibus superioribus) in his & aliis similibus phænomenis requiri manifestum est: ut non dicam, montium quoque plurimorum insignem altitudinem, magis adhuc insignem aëris supra istos altitudinem, & consequenter ad ipsorum radices magnam profunditatem, magnam etiam compressionem, & huic opponendam intra corporum animalium habitum magnam vim expansivam requisitam fuisse.





## ARTICULUS IV.

De

## ELEMENTO AQUÆ.

## CAPUT I.

de

*Aquæ effectibus, proprietatibus & natura generatim.*

## I. PHÆNOMENA.

**P**HÆN. I. Nulla magis obvia est aquæ affectio; quam ejus *fluiditas* & per declivia rapidus decursus; quamvis & oleum, sanguis, lac & humores alii quoque fluidi reperiantur, cum aliquali tamen singulorum à singulis differentia, nec in tanta copia, in quanta quidem aquæ fluores quotidie cernimus, vel in rivis, fluviis & amnibus in territorio nostro Norico tantum obviis innumeris. Quod si majora per universam terram noctes atque dies devolvi solita connumerare sola sustineamus, Danubium, Rhenum, Albim, Vistulam, &c. in Germania, Rhodanum, Sequanam, Ligerim Garumnam &c. in Gallia; pauciora in Hispania, in Anglia, in Italia, in aliis innumeris regionibus innumera; immensam illam aquarum vim ne cogitando quidem assequi nobis licebit, ex tot retro seculis, à primo mundi exortu in hunc usque diem, noctes atque dies in vastissima illa receptacula marium oceanorumque elapsam, ad quam fundendam ne liquescens universus terrarum orbis sufficere potuisset, ut indubium sit, *aquarum quandam circulationem* iteratis innumeris vicibus necessario quovis ævo factam esse, & adhuc hodie fieri.

PHÆN. II. Patet & pelluciditas ejus ad oculum, ac tanto quidem illa major, quo purior ac limpidior est aqua & à limo impuritatibusque aliis immunis magis fuerit.

PHÆN.



*PHÆN. III.* Et cum id habeat commune cum liquoribus plerisque ut particulas aliquas suas aliorum corporum superficiebus adhærere faciat, id quod humectare vocamus, id tamen à pinguioribus plerisque oleo præsertim (quo cum etiam ægre miscetur) quod humectata à se corpora, facilius iterum deferat & vi caloris promptius exhalet, prout lintheamina lota & chartæ madefactæ, in aëre sicco, etiam umbroso & parum calido, suspensa, brevi exsiccantur, dum oleo inuncta etiam in calidissimo sole penitus ab omni pinguedine liberari vix possibile est: ab argento vivo contra in eo distincta sit, quod illud pleraque corpora ab aquis madefieri solita, sicco, ut sic loquor, pede transcurrat (sicut aqua quoque nonnulla glabra, polita, pingua, e. g. brassicæ & alni folia, laminas æneas politiores, pilos obesiorum animalium &c.) ex adverso autem ab auro, argento aliisque metallis, aquam fere, politiora præsertim, respuentibus, avide imbibatur.

*PHÆN. IV.* Rarefieri aquam notabiliter ab igne & calore (paulo pinguior imprimis, ut juscula, glutinosa &c.) nimis notum est, ut non raro ultra ollarum vasorumque aliorum margines ebulliant, imo sic aliquando rarefieri, ut novam formam sensibilem induens, novo quoque vaporis nomine veniat. Attamen uti sic rarefacta aqua, aut vapor aqueus, in aquam iterum facile frigoris ope concrevit, & quæ ebullit in amplius spatium sublata, ad pristinam molem frigefacta subsidit: ita in statu suo naturali & ordinario nec condensari sensibiliter à frigore, neque violenta ulla machinatione multum comprimi, aut in notabilem angustiam cogi potest, si maxime tantillum eam compressam aliquibus experimentis constare possit.

*PHÆN. V.* Tentamina hujus rei videri possunt apud *Gassendum*, Phys. Scient. sect. I. lib. II. p. 212. *Honorat. Fabri* tract. V. lib. II. prop. CCXVII. p. 158. *Vossium* de mar. mot. p. m. 48. *P. Lana* tom. II. lib. V. p. 156. usque ad 158. Ex hoc postremo loco lubet aliqua specialia adnotare: 1) enarrat unum alterumque experimentum Florentinorum Academicorum, in



quibus usi aqua, ope copiosæ glaciei contritæ summopere infrigida, nominatim loco tertio experimentum cæteris simplicius „& minus operosum, quo iusserunt ingentem, sed tenuem pilam ex liquato argento in modulis efformari, eamque imple- „tam aqua glacie infrigidata, obturarunt cochlea firmissime. „Posthæc leviter eam malleo percutere cæperunt circumquaque, „unde contusum argentum (quod ob naturalem suam crudita- „tem non patitur se extendi & attenuari, uti contingeret in auro repurgato, aut in plumbo vel alio dulciori metallo) restringe- „batur, imminuebaturque interna ejus capacitas, absque ulla „aquæ vel minima compressione. Etenim singulis percussioni- „bus cernebatur exsudare instar vivi argenti per omnes metalli „poros.

*PHÆN. VI.* Simile deinde narrat ex *Verulamio*, quod novi organi lib. II. num. XLV. p. m. 390. his verbis legitur: „Fieri fecimus globum ex plumbo cavum, qui duas circiter pin- „tas vinarias contineret, eumque satis per latera crassum, ut ma- „jorem vim contineret. In illum aquam immisimus per fora- „men alicubi factum; atque foramen istud, postquam globus „aqua impletus fuisset, plumbo liquefacto obturavimus, ut glo- „bus deveniret plane consolidatus. Dein globum forti malleo „ad duo latera adversa complanavimus: ex quo necesse fuit, „aquam in minus contrahi, cum sphaera figurarum sit capacissi- „ma. Deinde cum malleatio non amplius sufficeret, ægrius se „recipiente aqua, molendino seu torculari usi sumus, ut tandem „aqua impatiens pressuræ ulterioris, per solida plumbi (instar ro- „ris delicati) exstillaret. Addit denique ex *Roberto Boyle* (quem locum reperio in experimentis novis physico mechani- „cis num. XX. p. m. 176.) implevisse se per exiguum foramen glo- „bum stanneum capacem duarum librarum aquæ, cumque me- „diante syringa plus aquæ quam naturaliter vas capere poterat, „violenter in illud adegisset, aquam ipsam compressam sensim in- „tumuisse, supra superficiem exigui illius foraminis, ejusdemque „aliquot guttas ad latera vasis defluxisse. Jussisse deinde foramen „occlu-



occludi & adferruminari ita, us nullus aër in vase remaneret (vel ut authoris ipsa verba habent, ut nemo suspicaretur aliquid præter aquam intus relictum esse.) Postremo vas ita ferrumine occlusum caute & sæpius ligneo malleo in variis locis percussum fuisse, quo liquidò comprimeretur, & aqua inclusa in angustiore loco coarctaretur, quam quem antea occupaverat, atque ita, cum arrepta acu, mallei impulsu vas perforassent, & dein acum extraxissent, aquam (sed non nisi tenuissimo rivulo) projectam esse in aërem ad altitudinem duorum aut trium pedum. Cum vero hæc duo ultima experimenta viderentur prioribus Florentinorum adversa; præmonuerat jam P. Lana, nullam inter hæc & illa repugnantiam, sed utraque vera esse judicanda, quod Florentini usi fuissent aqua ad summam frigiditatem glacie mediante redacta, in cæteris autem talis infrigidationis antecedaneæ nulla facta sit mentio &c.

*PHÆN. VII.* Concrescere tamen augescente frigore hyberno in glaciem solet, adeoque è corpore fluido in stabile ac durum, è pellucido in opacius transmutari, præter frigus aquæ ordinarium, imo in glacie multo intensius, sola superficiei politie superante in nostris intellige europeis climatibus: in India enim orientali, cum Europei narraissent, ipsa etiam flumina & alicubi maria in tantam soliditatem duritiemque quotannis concrescere ut saxeorum pontium instar onusta plaustra, imo nonnunquam integros exercitus transmittat, pro meris id fabulis habitum & incredibile prorsus fuit. Facile tamen hæc glacies liquatur accedente calore, in his nostris oris meridionalioribus, in septentrionalioribus autem & durior est sensibilibior glacies, & utrobique etiam hyemis tempore, etiam in aprico posita, minus ac difficiliter liquefcit, quam vere vel æstate, in umbris autem, maxime in locis subterraneis recondita, etiam æstate media diu asservatur, præsertim si stratis alternis pælearum aut straminum probe contegatur.

*PHÆN. VIII.* Congelantur autem omnium facillime stagnantes aquæ, difficiliter flumina & marina aqua, nisi frigus



urgeat intensissimum, & vastissimi quidem oceani, etiam hyperboreus, glacialis communiter ex anticipatione dictus, qua parte maxime patent à littoribus remotissimi, nunquam congelantur, ad littora vero & in fretis maxime aliquando in glaciem spississimam, imo montes quasi & moles glaciales incredibilis altitudinis haut raro concrescunt, ex accumulata congestione fragminum glacialium in angustias fretorum ex fluminibus grandioribus devolutorum. Cujus rei specimen mirandum pariter & miserandum, ingenti suo malo experti sunt Hollandi Anno 1596. prope novam Zemblam, & 7. Augusti obviam habuerunt glacie molem sive massam orgiis 16 supra aquam & 36 sub aquis profundam: d. 15. autem prope Oraniam insulam pene oppressi sunt ab altera massa glaciei; dumque circumnavigare Zemblam tentant, circumobsessi à glacie desperantesque tunc reditum in Hollandiam, ex truncis arborum, ac ramis quos glacies in Zemblam protruserat, ædes constructæ sunt & focus excitatus; d. 2. Nov. sub elevat. poli 76 sol horizontem ambibat, d. 4. vero non amplius apparuit, licet sereno cœlo; d. 24. Jan. 1597. Jacobus navi præfectus nunciavit, visum sibi solis marginem supremum; d. 27. sol pene totus apparuit, quod secundum Astronomiæ leges 10 vel 11 post dies demum fieri debuerat. Tandem d. 14. Junii nova Zembla discedentes versus patriam, per glacies eluctati per Kolam in Hollandiam appulerunt 29. octobris, & pedestri itinere Amstelodamum ingressi sunt superstites ex toto numero non nisi 12.

*PHÆN. IX.* Et est quidem illa circumstantia maxime notabilis, quam annotavit *Honoratus Fabri* Phys. tr. VI. lib. III. prop. CXX. n. 12. quod aqua, dum in vase congelatur, suprema sua superficie amplius assurgat, quam liquida surrexerat; id quod à se innumeris experimentis confirmatum scribit; quodque in plura quasi fragmenta inæquabiliter sublata asperitatem aliquam subeat; imo generatim majori extensioni & moli subsit, quam eadem liquida, rariorque evadat, ita quidem, ut solidiora sæpe vasa diffingat, ex acquisita levitate aquis innatet.

*PHÆN.*



**PHÆN. X.** Memorabilis inprimis est artificialis aquæ congelatio in summa æstate expedienda, cujus mentionem jam fecit in meteoris suis Cartesius cap. III. de sale num. V. sub init. *Hinc, scribens, etiam causas arcani per æstatem componendæ glaciei discere possumus, quod, licet jam satis vulgatum, ex optimis tamen est quod ejusmodi arcanorum studiosi habent. Salem equali copie nivis aut glaciei contusa mixtum, circa aliquod vas aqua dulci repletum disponunt, & sine alio artificio, ut illa solvantur, hac in glaciem coit.* Hujus experimenti circumstantiæ nullibi fusius descriptæ habentur, quam in tractatu *Roberti Boylei* Anglico idiomate conscripto, sub tit. **NEW EXPERIMENTS AND OBSERVATIONS touching COLD** &c. quarum præcipua & notatu dignissima hæc est: Quod cum congelatio aquarum ordinaria & sub dio, vel in aperto aëre facta, semper incipiat ab aquæ summitate, qua aërem immediate contingit, artificialis cum mixtura salis & nivis ordinarie incipiat ab aquæ imo sive vasis fundo, possitque studio præcaveri, ne suprema aquæ superficies unquam congeletur, nisi congelatis prius partibus inferioribus, nimirum si mixtura salis & nivis, vitro aquam continenti circumponenda semper humilior servetur summa superficie aquæ in vitro contentæ, attestantibus passim experimentis dicti tractatus *Title V. pag. præsertim 180; Title XV. & sparsim aliis.*

**PHÆN. XI.** Obvia sunt & illa phænomena magno numero, quæ partes aquæ inferiores à superioribus valde premi manifeste ostendunt, etsi quædam alia hoc ipsum, non satis attendentibus reddere dubium videantur. Vulgare sane est relicto recens dolio cerevisiam majore multo cum impetu prosilire quam exhausto ad medietatem & ultra; & veterum clepsydrarum ea erat ratio, ut per inferius foramen primo temporis minuto multo plus aquæ quam secundo vel tertio efflueret; non alia certe ex causa, quam quod primæ vel infimæ partes epistomio proximæ ab incumbantibus superioribus valide pressæ & junctis gravitatis viribus propulsæ essent,



*PHÆN. XII.* Nec tamen ex aquæ mole seu copia, sed ex altitudine magis augefcit hujus preffionis vis & efficacia; fiquidem c. g. in erecto tubo vitreo plusquam triginta pedum, qui tamen ultra tres aquæ cantharos vix recipiebat, per apertum inferne epiftomium vel decuplo impetuosius aquam profilire vidimus, quam ex ampliore cupa, quæ plures amphoras continebat,

*PHÆN. XIII.* Atque ita quidem urgentur imæ partes aquæ a fuperioribus, ut non deorfum tantum per obvias in fundo aperturas, fed & per collaterales, imo per erectos in fublime canales cum vehementia profiliat; ac tanto majore quidem cum vehementia, quanto plus aberit apertura à fuperiore aquæ fuperficie: quæ omnia indicio funt manifefiffimo, non premi tantum inferiores, aquæ partes à fuperioribus, fed preffionem illam (quod eft fere fluidorum proprium) deorfum, furfum, antroorfum, retroorfum, dextroorfum, finiftrorfum, in omnes adeo partes fefe exferere.

*PHÆN. XIV.* Attamen nec pifcium etiam teneriorum genera quidquam ex illo aquarum pondere (quod ingens tamen effet in magna oceani profunditate) fentiunt moleftiæ; nec Urinatores fub aquis profundis incumbentis fibi ponderis quidquam percipiunt; & fitulæ fub aquis putealibus levi brachio attolluntur quæ deinde ad fummmitatem fublatae per aërem multo jam ponderofiores multum negotii faceffunt: imo generatim gravia omnia, ut lapides, metalla &c. fi fub aquas demerfa è fune vel catena fufitententur, pari certe facilitate attrahuntur, ac fieret, fi nulla eis aqua incumberet, aut verius, facilitate etiam multo majore; alia quoque, ut ligna, fub aquas profundas merfa licet, fponfe quafi fua emergunt &c.

*PHÆN. XV.* Nihilominus cum bullas quasdam vitreas ita parari feciffemus, ut in ipfo igne, poftquam is aërem intra bullæ cavitatem penitus rarefeciffet, hermetice clauderentur, earundemque unam lanci impofitam, addito pondere fub aquas demerfam, reduxiffemus ad æquilibrium cum exteriori lance per injectum huic facoma, tandemque anguftam feciffemus in collo bul-



bullæ sub aquis, ope forcipis, aperturam; vidimus & aquam in bullæ cavitatem illapsam, & bullam hac accessione auctam, descendere ac præponderare, & postquam tubo vitreo paulum ampliori immissum esset vasculum BCD (Fig XXXIV.) argento vivo plenum, & huic tubulus alius angustior AEB utrinque apertus, affusa paulatim aqua in tubum capaciore supra stagnan- tem mercurium, visus est is idem mercurius per angustiore tubulum tanto magis ascendere ad E, quanto altior esset aquæ sum- mitas supra mercurii in vasculo superficiem, adeo, ut sub aquæ profunditate 40. circiter digitor. mercurius elevatus spectaretur trium circiter digitorum altitudine: id quod certe aliunde factum non esse, quam quod impendens aquæ moles argentum vivum in tubulum angustiore valide premendo sustulerit; qualia quidem experimenta plura alia in collegio nostro curioso habui- mus, & ante nos pridem ingeniosissimus *Dn. de Paschal*, in Gal- lia, & illustris *Boylus* in Anglia fecerunt evidentissima.

## II. PHAENOMENA ALTERA

Immersorum fluidis, & humido innatan-  
tium,

**P**HAEN. I. Corpus leve corpori graviori vel impositum, vel innatans, gravitate communi cum eo gravitat. E. g. cu- bus ligneus 10. lb. innatans aquæ intra vas contentæ 40. lb. una cum hac aqua simul appensus, 50. libras pender, & si vas prædictum, cum aqua & cubo ligneo innatante mercurio impo- neretur; haut dubie attolleret 50. fere libras mercurii. Hinc etiam, si frustum ligni laminæ plumbeæ impositum, simul cum lamina attollas, utriusque pondus senties, idem de pluma vel fe- stuca dicendum. Hinc fieri potest, ut corpus feratur sursum, & tamen deorsum tendat, ut lignum, dum emergit ex aqua, eo ipso simul tendit deorsum, non quidem effectu & motu sensibili, sed nisu; quia sursum extruditur ab extrinseco, propriumque adeo  
nisum



nifum adhuc retinet. Ita cum manu elevo corpus grave illius vim & pondus ea ipsa manu sentio, qua illud elevo, tametsi altera manus ipsi sic sublato supposita nihil sentiret, ut evidens sit, in fluidis partes superiores in subjectas inferiores actu gravitare, tametsi gravitationem illam propter mutuas unarum partium ab aliis reflectendo factas sublaciones, nemo sentiat.

*PHÆN. II.* Si cubum ligneum plumbeo imponas, & utrumque sic una per aërem demittas, plumbeus inter cadendum à ligneo separatur, ac velocius descendit, ligneus autem tardius, & sic in æquali velocitate feruntur, si in ligneo deorsum spectante una demittantur, æqualiter deorsum eunt. In eadem vero hac hypothese gemini cubi, lignei scilicet inferioris & plumbei superioris, hic plumbeus tardius descendit, quam si seorsim descenderet.

*PHÆN. III.* Parallelepipedum ex duobus cubis scilicet contiguis & connexis compositum, plumbeo scilicet & ligneo, æque velociter descendit, sive plumbeus ligneo, sive ligneus plumbeo supponatur, & conflatum hoc ex duobus cubis, ligneo scilicet & plumbeo, velocius descendit, quam conflatum ex duobus ligneis; sed tardius, quam conflatum ex duobus plumbeis. Quæ quidem etsi ratione potius conclusa, quam actuali experimento à quoquam unquam deprehensa videri queant; non est tamen dubium, quin experimenta simili modo tentari possent, qua globorum ex magnis altitudinibus demissorum accelerationes observatæ sunt; nec rationum evidentia dubitare sinit, quin talia futura essent, qualia hoc loco supponuntur.

*PHÆN. IV.* Ejus generis etiam sunt sequentia: 1) Duo parallelepipeda, ejusdem materiæ & ejusdem basis, licet diversæ altitudinis, (in dupla v. g. proportionem) æque velociter descendunt. 2.) Supposita eadem materia, cuncta parallelepipeda ejusdem altitudinis, sed diversæ baseos, æque velociter descendunt. 3) Parallelepipeda ejusdem ponderis & materiæ, sed diversæ altitudinis & basis, æque velociter descendunt. 4.) Cuncta denique parallelepipeda ejusdem materiæ, diversæ basis & altitu-



itudinis, æque velociter descendunt. Quorum singulorum rationes cum adeo obviæ non sint, sed profundioris indaginis, ipsa experimenta, siquidem operæ pretium esset fututum, ipso facto instituta, animum addere possent ad rationes Honorati Fabri ingeniosas excutiendas, quas affert lib. IV. tractatus I. à prop. LXXV. usque ad LXXVIII. inclusive.

*PHÆN. V.* Si aqua in vase perforato contineatur, & lamina lignea levissima, vel palea, respondeat foramini, vel potius sit intra cylindrum aquæ, cujus foramen est basis, nullo modo sursum extruditur. Luculentum est experimentum, & sæpissime probatum, inquit Honor. Fabri, & nos quoque pridem parte II. colleg. experim. tentam. XII. hujus experimenti circumstantias plurimas etiam non sine tædio compertas, enarravimus, earumque rationes inquisivimus. Hoc loco postmodum in hypothesebus secundis Fabrianas afferemus, aliqua forte varietate delectaturas.

*PHÆN. VI.* Virgula in situ verticali aquæ immersa, eo majore vi extruditur, quo altior est aqua. Et, si tubus perpendiculariter erectus, juxta basin, ad latus &c. perforetur, primumque aqua plenus, majore vi aqua per foramen extruditur, quanto tubus altior est. Quod equidem succenturiabitur iis quæ num. VI. cap. V. præced. artic. III & vicissim ex Fig. XXXIII. num. 2. ibi adhibita illustrabitur. His in seqq. plurimas proportionales subjungit ac demonstrat Honoratus, de jactibus aquarum ex tubis lateraliter perforatis, ex Galilæo ac Torricello, quæ à nobis hoc loco omittuntur, sicut ipse in Scholio p. 284. multa alia quoque prudenter à se omitti dicit.

*PHÆN. VII.* Corpus levius innatat fluido graviori, ut lignum aquæ, plumbum, stannum, cuprum, ferrum, ac cætera metalla, præter aurum, mercurio, aurum enim hoc gravius est. Id tamen corpus levius, quod innatat medio, aliqua sui parte immergitur, & consequenter, quando corpus levius superimponitur supremæ superficiæ mediæ descendit, & quidem (quod ratione magis quam observatione cognoscitur) motu accelerato.



Hinc, si virgula vel oblongus cylindrus aqua levior ita decidere in eam permittitur in situ verticali, ut sua sponte descendat deorsum, descendit infra limites totalis ac debitæ immersionis, ideoque sursum deorsumque libratur, donec in debito loco quiescat.

*PHÆN. VIII.* Corpus etiam aqua levius non innatat aquæ per foramen extrusæ, si decussatim imponatur; ac si secundum longitudinem prædicta lamella imponatur, omnino innatabit, & aquæ currenti facilius innatat corpus ipsa levius; prout in suis ipsorummet corporibus experiuntur, qui natare didicerunt, utpote facilius in fluvio, quam in aqua stagnante nantes.

*PHÆN. IX.* Una aquæ selibra potest facere æquipondium cum pluribus libris ferri aut aliorum gravium etiam si utræque appendantur in brachiis libræ æqualibus. Hoc, ait Honoratus prop. CIV. lib. IV. tract. I. est vulgare satis experimentum; idque nos aliquoties jam exhibitum sub nomine experimenti Steviniani, pluribus descripsimus in colleg. experiment. parte II. p. 216. Quia tamen Schematismus Honorati paulo aliter conceptus est; illum quoque Fig. XXXV. exhibitum his brevissimis declarabimus; cylindrus  $F I K G$  affixus supponitur immobiliter in  $H$ , alter cavus  $A D C B$ , affixus brachio libræ  $O L N$ , sed cum hoc mobilis, tantulo spatio inter hunc & istum relicto, trutina  $M$ , pondus gravissimum  $P$  in  $N$ , brachio  $L N$  tantillum demisso, attollitur  $L O$ , ita ut basis  $D C$  tangat basin  $I K$ . Quod si per  $A F$  vel  $G B$  infundas aquam, donec impleat illud spatium intermedium, statim deprimitur basis  $D C$ , nec tangit amplius basin  $I K$ , igitur tantulum aquæ prævalet maximo pondere. At enim, quod pace tanti viri dixerim, non ita quovis maximo pondere adhibito res procedet, sed opus est prius cylindrum cavum  $A B C D$  separatum adhuc ab immobili  $F I K G$ , fere ad summum aqua repleri, & pondus  $P$  in  $N$  appendere, non nisi hoc aquæ pondus adæquans: deinde effusa hac aqua, cylindrus cavus vacuus immobili  $F I K G$  dicto modo accommodandus, ita demum res succedet, cujus tamen rationem satis esse difficilem dicit,



cit, & vix, quod sciat, bene explicatam. Nos infra, postquam ejus rationem satis obscuram viderimus, aliam clarissimam facilissimamque dabimus.

*PHÆN. X.* Corpus aliquod aqua gravius innatare potest, id quod laminæ ferreæ & aureæ, secundum latiore suam superficiem aquis impositæ, acus item chalybeæ, in aquæ superficiem lentissime demissæ, ad oculum testantur, quin etiam Honorato oculato teste, cubuli quoque aqua graviores, e. g. eburnei & quod magis mirum, etiam sphæræ, modo sint in minima proportionem graviores, innatare visæ sunt, quales sunt e. g. sphærulæ ex cera & admixta scobe ferrea paratæ, tantillo scilicet aqua graviores.

*PHÆN. XI.* Grandia vero etiam ex cupro & plumbo corpora aquis innatare notorium est, magnis etiam oneribus desuper gravata, cujus testes habemus in bellis modernis naves cupreas non solum aliquot armatos viros, sed etiam injectis pontibus pro transmittendis magno numero equitibus, plaustris &c. onustas. Quæ res à ruricolis & villicis ditioribus forte mutuo sumta est, qui pro lacticiniis in frigidior loco melius asservandis, ollis utuntur cupreis, lactibus ad summum fere repletis, quæ aquis & scaturiginibus subterraneis innatantes lacticinia ab accessu diu tuta asservant. Cui vel etiam vasorum figuræ non. nihil conferunt, prout e. g. carinæ navium acutiores altius immerguntur, sed aquam facilius sulcant, velut ex opposito inferius latiores & complanatæ magis in locis vadosis commodius adhibentur.

*PHÆN. XII.* Neque profundius mergitur navis in aqua profundiore quam in minus alta, dummodo hujus altitudo superet altitudinem immersionis: nec in aquam marinam tam alte quam in fluviatilem, sicut etiam ova recentia, quæ in aqua dulci penitus merguntur, in salsa supernatant, & minus quidem demersa, quo copiosiore sale illa imbuta est. Sic etiam lignum & glacies, etsi dulci æque quam salæ aquæ supernatant; minus tamen profunde in hac quam in illa merguntur. Cur vero cor-



pora demersorum (quæ propter capitis molem ponderosiores præcipue fundum petunt, alioqui facile natatura) post aliquot dies sponte emergant ac supernatent, inter hypotheses dicendum est.

*PHÆN. XIII.* Omnia fere animalia à natura ad natandum apta nata sunt, tametsi una alteris aptiora; anates e. g. anseres, olores, mergi &c. aptissima; canes deinde, equi, boves &c. difficiliter natant, & tamen in primo statim aquarum ingressu, siue spontaneo siue coacto, id præstant. Solus homo vix sublimem se sustentat in aqueo hoc elemento, nisi prævia laboriosa quadam assuefactione & exercitatione, vel adhibitis artificiosis adjumentis, vesicarum inflatarum, fasciculorum junceorum, cingulorum natatoriorum, hydraspidum &c. in quibus excogitandis divinus Conditor homine ratione sua uti passus est, sicut ex opposito cæteris animantibus ratione destitutis de variis adiutoriis, summa sua ratione providentissime & benignissime prospexit, prout infra distinctius indicabimus.

## II. HYPOTHESES PRIMAE

circa

naturam & substantiam aquæ, & causas affectionum in phænomenis primis enarratarum.

### I.

**P**eripatetici, cum aquam in natura sua & abstracta puritate considerant, eam definiunt ex Aristotele στοιχεῖον ψυχρὸν καὶ ὑγρὸν, *Elementum frigidum & humidum*, & acriter inter se postea decertant de gradu frigoris & humiditatis in hoc aquæ elemento. frigidissimum aliis, sed moderate humidum (aërem quippe humidissimum) statuentibus; aliis contra humidissimum quidem, sed temperate frigidum (terram quippe frigidissimam) asserentibus; aliis denique utramque illam qualitatem ipsi non nisi in gradu temperato & remisso concedentibus; prout inter innumeros

Ari-



Aristotelis commentatores scholasticos, vel *Instit. Gilberti Jachai* cum notis *Zeisoldi* Lib. VI. cap. II. edit. Jenensis anno XLVI. p. m. 412, 413, 421 &c. &c. legere dignanti, & *Honorati Fabri* Tract. V. Lib. II. Prop. CCI & CCXIII. consulenti patef-  
cet. Interim, in quo consistat illa humiditas, aut frigus illud, non  
explicant; multo vero minus, quo modo ceteræ affectiones se-  
cundæ sive ortæ, quas vocant, qualitates, ex istis primis, vel ex  
ipsa natura aquæ profluant, imaginabiliter declarant.

II. *Honoratus Fabri* autem, etsi Peripateticorum principiis  
quoad ejus fieri potest solícite inhæreat; in generalissimis tamen  
illis ne hoc quidem loco acquiescit, sed in minutias elementorum  
iplas inquirens, aquæ particulas natura quidem cubicas ait esse  
(Tract. V. Lib. II. Prop. CCX) ut scilicet aquam faciant ha-  
bere rationem medii totum spatium occupantis, ut nihil vacuitatis  
relinquatur; at tamen, ab extrinseco determinata induere posse  
omnem figuram, secundum diversam pororum terminationem,  
nativa quippe humiditate & ipsa instructa: Inde vero in promptu  
esse rationem, cur aqua in plano declivi facile fluat, cum & polita  
planitie gaudeant ejus particulae, & graves sint, unæque adeo su-  
per alteris prono lapsu prorepant: inde aquam in naturali suo  
statu condensari parum posse, cum vel nihil ignis admixtum ha-  
beat, si pura sit, vel parum, si in eo statu, quo nunc est ordinarie;  
condensationem autem à frigore esse quod in aqua majus esse vix  
possit: Compressionem difficilius pati quam aërem, quod mille  
partibus resistat, cum aër una, ideoque millecuplam vim adhiben-  
dam, quod nunquam factum sit: Facile exhalare & rarescere,  
quod filaminibus nullis constet, unionemque habeat partium, non  
continuitatis, sed contiguitatis tantum, & pororum, per quos ex-  
eundo, figuras facile induat: Adhærere facillime scabris corpo-  
ribus, quod in poros eorum promte subeat &c. In glaciem indu-  
rari aquas, cum frigus humorem condensat, h. e. humoris quam-  
que particulam contrahi in orbem faciat; inde vero, ne vacuum  
detur, ignis divisas particulas humoris partes sese contrahentes  
sequi, & quoquo versum, instar bullarum tenuissimarum ambire,  
ut fluere amplius haut possint: explicari porro glaciem in amplius  
spatium, quia cubuli in sphaerulas mole æquales, aut etiam tan-  
tillo minores, contracti plus spatii postulent, ac poros inter se  
multos relinquunt, quibus ante caruerant; atque ita glaciæ levi-



tatem ac cætera sponte sua sequi: prout hæc ultima quidem Tract. VI. Lib. III. Prop. CXX. num. 1. 2. 3. 12. & 14; priora vero Tract. V. Lib. II. à Prop. CCX. usque ad CC XXVII. inclusive prolixè legere datur.

III. *Gassendus cum Epicuro suo*, aquæ fluorem partim ab orbicularibus caloris particulis, aquæ admixtis, partim vero ab aquearum particularum pondere deducit; pressas nempe inferiores à superioribus in plano declivi cedere, atque ita unas super alteras proserpere, aut provolvi potius concipiens, Phys. Scient. Sect. III. Memb. I. Lib. II. p. 17. & 83. In glaciem autem eas concreescere statuit, cum orbicularia corpuscula extruduntur, sive à coarctantibus sese, quæ intra eandem aquam sunt, corpusculis planis, sive (quod vero similis putat) subingredientibus ex aëre frigido planis corpusculis, nitri scilicet & aliorum salium, quæ orbicularia eadem ex aqua explodant, & cum planis quæ in eadem aqua remanserint, coadunentur. Inde porro glaciem aqua leviolem evadere, quod subingrediens aër intercipiatur, & interceptus postea maneat.

IV. *Renatus Des-Cartes*, Princip. Part. IV. num. XLVIII. & Meteor. cap. 1. num. III. exiguas illas partes, quibus aqua componitur, longas, læves & lubricas esse, anguillarum parvularum instar, supponit, quæ licet jungantur & implicentur, nunquam tamen ita nexæ cohæreant ut non facile ab invicem separentur; provocans cap. III. de Meteor. num. 1. ad plura phænomena, quæ hæc conditiones aquearum particularum suadeant, Præterea vero supponit, ab interfluente materia subtili seu globulis athe-reis majusculis (quorum scilicet robur resistentiæ partium aquearum proportionatum sit) ita has agitari & singulas seorsim moveri ac in fluore conservari à minusculis autem (quales esse soleant in aëre sublimi, aut hyemis tempore circa terram) non posse illas satis inflecti & agitari, unde fiat, ut confuse & sine ordine unæ aliis impositæ sistantur, atque ita corpus durum, glaciem videlicet componant: eandem adeo differentiam inter aquam & glaciem nos posse imaginari, quam inter cumulum parvarum anguillarum, seu viventium seu mortuarum, innatantem piscatoriæ scaphæ foraminibus undique pertusæ, quibus aqua fluviatilis, qua moventur, admittitur, & inter cumulum earundem anguillarum, quæ siccæ & gelu rigidæ in ripa jacent. Hinc fieri, ut porriglaciei, qui tum



tum formentur ad mensuram globulorum minusculorum, sic ar-  
ctentur, ut paulo majores excludant, atque ita glacies maneat fri-  
gidissima, licet in æstatem reservetur, suamque duriciem semper  
obtineat, nec paulatim instar ceræ mollescat; impediēte poro-  
rum angustia, quo minus calor ad interiora penetret, nisi quate-  
nus exteriora liqueſcunt &c. Inde porro eſſe, quod tam prono  
lapſu ſubēant leviores aquæ partes in aliorum corporum poros, ſed  
& facilius inde expellantur quam oleosæ pinguium corporum portio-  
nes, quæ ramoſæ magis, ab invicem, aut ab aliorum corporum pro-  
minentiis, ægrè magis divellantur; facilius etiam in vapores ex-  
halent, & è vaporibus novo congressu in aquam iterum commu-  
tentur &c. quæ cum reliquis, & maxime cum Gaſſendica ſeu De-  
mocritica, communia fere habet Cartefiana hypotheſis; uti con-  
ferenti cum hac Gaſſendi Animadverſ. in X. Diog. Laërt p. m. edit.  
Lugdun. 337. manifeſtum evadet.

## IV. HYPOTHESES SECUNDÆ

circa

gravitationem aquæ.

I.

**G**Ravem eſſe aquam in confefſo eſt apud omnes, & hanc ejus  
gravitatem aliquando in ſubjecta ipſi corpora efficaciter  
exeri, nimis manifeſtum eſt; cum vel hauriendo aquas ea-  
rum pondus ſatis ſentiamus, & ab hoc ipſo haut raro vaſorum fun-  
di & latera, imo alveorum ſaxeï parietes, ſæpius emoveantur:  
Quam quidem gravitatis in alia corpora aliquando ſenſibilem effi-  
caciā peculiari nomine *Gravitationem* dicunt Philoſophi, &  
quam in certis caſibus dubiam facere conantur Peripatetici, pro-  
pter experimenta quædam obvia, quorum unum alterumque  
in Phænomen. primorum XI<sup>mo</sup> ac XIV<sup>to</sup> commemoravi-  
mus. Hinc in omnium fere ore ſunt illa tritiſſima: *Elementa in*  
*proprio ſeu naturali loco non gravitant*, nec in alia corpora, puta  
ſibi immerſa, nec in ſuas ipſorum partes, ac multo etiam minus.  
Et in proprio quidem loco tunc eſſe dicuntur, quando ita ſunt col-  
locata, ut gravia ſint ſub minus gravibus, & levia ſupra minus le-  
via



via, ignis e. g. supra aërem, & aqua supra terram; in alieno vero vel non naturali loco tunc, cum minus gravia sub gravioribus, & minus levia supra leviora, aërem e. g. supra ignem, ac terram supra aquam, collocari contingit. Quod si quis objiciat, aquam conari infra vasorum vitreorum aliorumque corporum ipsa in specie graviorum, æque ac ligneorum in specie leviorum, fundos descendere; respondent: Id ideo fieri, quod sub illis vitreorum quoque vasorum fundis aër sit, corpus utique aqua in specie levius &c. conf. Append. II. Paradox. Hydrostat. p. m. 220.

II. Et hanc Peripateticorum sententiam etiamnum tenent *Honoratus Fabri*, (qui secundum omnes circumstantias idem sentit, nisi quod novum excipit casum, quo aquæ partes unæ in alias, aut aër in aërem, gravitare soleat, nempe, si fuerit inæqualis aquæ vel aëris altitudo) & *Henricus Morus*; qui cum alioqui, particulas elementorum inferiores à superioribus necessario pressum iri, & sic elementa in propriis locis gravitare debere, confiteatur, & in *Enchir. Metaph. cap. XIII. p. m. 152.* ipse demonstrasset, siquidem gravium corporum motus aliud, quam corporeum principium non haberet; amore propriæ hypotheseos & stabiliendi principii sui hylarchici gratia, contrarium defendit, experimenta illa eadem *Phann. XI. ac XIV. de urinatoribus &c.* ac illud in primis urgens, quod impossibile foret ut orbis ligneus, non nisi paulo minoris diametri quam vas cylindricum aqua plenum, ab hujus fundo ad summitatem sua sponte ascenderet; & hoc insuper fere peculiare habens quod aqueas particulas in situla, junctim quidem omnes in situlæ fundum gravitare, eumque adeo premere, fateatur, inter se ipsas tamen gravitare, aut infimas à superioribus premi, neget: quod alias necessarium fore denuo docet, si nullæ causæ, nisi meræ mechanicæ aut materiales, in edendo illo phænomeno sese intermisceant &c.

III. Quin & *Renatus des Cartes* Part. IV. Princ. num. XXVI. ad marginem, eandem illam quæstionem. *Cur corpora non gravitent in locis suis naturalibus?* expressis verbis proponit eamque „ex hoc principio confirmat, quod in omni motu sit circulus corporum quæ simul moventur, nullumque corpus à gravitate sua deorsum feratur nisi eodem temporis momento aliud corpus, magnitudine ipsi æquale, ac minus habens gravitatis, sursum feratur. „Unde etiam fiat ut in vase, quantumvis profundo & lato, inferiores,



res aquæ alteriusve liquoris guttæ à superioribus non preman-  
tur, nec etiam premantur singulæ partes fundi, nisi à totidem gut-  
tis, quot ipsis perpendiculariter incumbunt. Nam ex causa in  
vase A B C Fig. XXXVI, aquæ gutta 1. non premitur ab aliis 2.,  
3., 4., supra ipsam existentibus, quia, si hæ deorsum ferrentur, debe-  
rent aliæ guttæ 5., 6., 7., aut similes, in earum locum ascendere;  
quæ cum sint æque graves, illarum descensum impediunt. Hæ  
autem guttæ 1., 2., 3., 4., junctis viribus premunt partem fundi B;  
quia, si efficiant ut hæc descendat, descendant etiam ipsæ, ac in  
earum locum partes aëris 8., 9., quæ sunt ipsis leviores, ascendent.  
sed eandem vasis partem B non plures guttæ premunt, quam hæ,  
1., 2., 3., 4., vel aliæ ipsis æquipollentes; quia eo temporis momen-  
to, quo hæc pars B potest descendere, non plures eam sequi pos-  
sunt. Atque hinc (ita tandem concludit) innumera experimen-  
ta circa corporum gravitatem, vel potius, si sic loqui licet, gra-  
vitationem, quæ male philosophantibus mira videntur, per facile  
est explicare.

IV. Idem *Cartesius* in Epist. XXXII. Part. II. ad R. P. Mer-  
fennum inter alia, sub initium, hæc rescribit. Non memini, quam  
assignet *Stevinus* rationem, cur gravitas aquæ non sentiantur ab  
iis, qui sub aqua sunt; sed vera ratio est, quod non plus aquæ gra-  
vitet in corpus, quod in aqua est, vel sub aqua, quam quantum aquæ  
descenderet, si corpus illud loco suo cederet. Sic ex. ca. si sup-  
ponatur homo in vase B (Fig. XXXVI, num. 2.) qui corpore suo  
ita incumbat foramini A, ut exitum aquæ impediat; sentiet, sibi  
impendere totum pondus cylindri aquæ A B C, cujus basin sup-  
pono esse ejusdem magnitudinis cum foramine A; quia, si ipse  
per illud foramen descenderet, totus etiam iste cylindrus aquæ des-  
cenderet: sed, si paulo altius supponatur, ut ad B, ita ut non pro-  
hibeat amplius egressum aquæ per foramen A; tum nullam gravi-  
tatem sentiet ex aqua, quæ inter B & C ipsi superincumbit, quia  
si ipse descenderet versus A, nequaquam descenderet aqua ista cum  
illo, sed contra pars aquæ quæ illi versus A subjacet, pariter cum  
eius corpore magnitudinis, in ejus locum ascenderet; unde fit, ut  
aqua illum sursum evehat potius quam deprimat, prout experien-  
tia comprobatur. Ejusdem opinionis est *Isaacus Vossius* in libello  
de motu marium, p. 44. & sequ. nec aquam premere aquam asse-  
rens, sed tantum ea, quæ leviora sunt aqua, & provocans ad experimen-



rimentum notorium, quo tabella lignea in fundum vasis alicujus demissa, post affusam aquam emergit ad aquæ superficiem; aperto vero fundo, & foramine factò non ascendit, sed premitur à cylindro aqueo foramen factum probasi habente, idque tanto majore vi, quanto basis cylindri ejusdemque altitudo major fuerit.

V. Cum in Epist. præced. num. alleg. Cartesius commemoret, se non meminisse quam rationem assignet Stevinus, cur gravitas aquæ non sentiatur ab iis, qui sub aqua sunt? operæ pretium fore duxi & ipso Stevino ejusque Lib. V. de la Pratique de L' Hydrostatique sub finem, ejus rationem in compendio sic exhibere: Posito casu hominis sub aquam profunditate 20. pedd. demersi, & superficie sui corporis integra 10. pedd. exæquantis, ponderis autem unius pedis cubici aquæ 65 lb; concludit universum pondus aquei cylindri contra corpus hominis prædicti prementis, exæquaturum 13000. lb. rationemque adeo quæri posse quâ possibile sit, hominem in casu formato non procudi penitus & conquassari à tam ingenti onere? Istam rationem huic superstruit fundamento, quod si per hanc aquæ ingentem pressionem pars aliqua pressi corporis è loco suo emoveretur (id quod tamen non fieri experientia testetur) necesse foret eam in alium locum emoveri, qui nullus tamen foret extra corpus, ob æqualem & æquabilem aquæ ex omni parte pressionem; nec ullus etiam foret intra corpus ob carentiam vacui æque intra quam extra, corpus: unde consequatur, partes omnes se mutuo æqualiter premere [*que les parties s'entrepoussent également*] ut hoc pacto nulla pars corporis extra suum locum emoveatur, adeoque nec ullo modo corpus lædatur. Quod si quis effectu ipso videre velit, hanc esse veram causam, eum nihil aliud oportet facere, quam auferre obicem vel epistomium A (Fig. XXXVI. n. 2.) quo factò nulla amplius pressio futura sit versus dorsum hominis in A qualis adhuc est in omnibus aliis corporis locis; in quibus adeo id patietur validam compressionem, pro ratione columnæ aqueæ basin habentis foramen A & altitudinem A C.

VI. Quemadmodum igitur hætenus laudati viri celebres gravitationem & pressionem elementorum in loco proprio, extra casum saltem sublatis æqualis ex omni parte nisus, negare videntur; Sic alii è recentioribus Philosophis, ac nominatim, *Robertus Boyle* Anglus, sequutus. Dn. *de Paschal* in Gallia, *Sinclarus* item in Scotia, alique hodie magno numero, in eo toti sunt, ut experi-



mentis manifestissimis commonstrent, aquas etiam in mediis aquis gravitare, & aërem in medio aëre &c. è quorum experimentorum numero ea quoque sunt, quæ Phæn. primorum XI. XII, XIII. narravimus. Et cum ex ejus generis experimentis, qualia Phæn. XIV. habet isti concludunt, elementa in propriis locis non gravitare; hi contra infirmitatem illationis ex iisdem experimentis demonstrant, cum lapis & plumbum &c. æque ac situla aquæ plena longe facilius in aqua quam in aëre, attollantur ac minus gravitent, tametsi in alieno loco constituta, imo etiam ab incumbente ipsis desuper aqua premantur; siquidem alias non adimi quicquam eorum ponderi, sed addi deberet.

VII. Ipsi vero interim aliam istorum phænomenorum, ac veriorem, causam assignant: Revera scilicet & situlam & lapidem desuper ab aquis premi, videlicet à tota illa aquæ columna, cujus basis adæquat situlæ aut lapidis amplitudinem; interim vero ejusdem situlæ fundum contra sursum etiam urgeri ac premi ab inferiore aquæ columna ad fundum usque protensa, idque ideo, quod ipsa à vicinis aliis, totam aquæ profunditatem emetientibus, validius urgeatur ab imo sursum, quam quidem incumbens, lapidi vel situlæ (quippe brevior) superne possit: indeque fieri, ut, si superior hæc aquæ columna arte quadam removeatur, ac lapis aut metallum quodvis ad certam profunditatem demersum, infra se quidem habeat aquæ cylindrum seu columnam cui incumbat, non autem supra se alium, qui incumbat ipsi; ut inquam, tunc lapidea hæc aut metallica moles inferioribus istis aquis libere supernatet, nec fundum petat prout experimentum illud à Boylio excogitatum Paradox. Hydrost. XI. p. m. 175. ipsimet multoties, ad spectantibus multis exhibuimus.

VIII. Hinc spes est indubia conciliandarum penitus adversarum illarum primo intuitu sententiarum, quas hætenus enarravimus; conclusimus enim ex hoc ultimo experimento merito: Et premi alias lapides ac alia corpora ab aquis desuper impendentibus (quoniam his remotis non descendunt præsentibus autem descendunt) & sursum quoque attolli ab aquis inferioribus (quia remotis superioribus, molem sustentant) & sic mirum esse non debere, quod pressio superioris non sentiatur aut parum sentiatur à sustinente manu, utpote à pressione contraria compensata aut imminuta &c. Hinc porro inferitur in cæteris quoque casibus, quos



urget pars adversa, prementis aquæ pondus non sentiri, ubi ex opposita vel ex omni, parte pressio ac nîsus æqualis contra urgeat, atque id quidem circa urinatores & alia sub aquis viventia contingere; cum alioqui, si pressio fuerit inæqualis, ea satis evadat sensibilis, prout superius num. V. constitit, & infra in Epicrisi secunda amplius constabit.

## V. Epicrisis prima, circa aquæ naturam & essentielles proprietates.

### I.

**Q**uod aquæ naturam sive substantiam attinet, ac inde fluentes effectus enumeratos, id quidem generatim necessarium esse videtur, ut aquæ tribuantur partes, & ab invicem separatæ, sive contiguæ saltem, & ab interfluente subtiliore quadam materia leviter sublevatæ, & graves denique ac lævigatæ seu lubricæ, sic enim & aquæ fluxilitas, & pelluciditas, & facilis rarefcentia, & affectiones cæteræ, facili quodam & imaginabili modo deducuntur, ut in ipsis Hypothesibus vidimus. Id quoque indubium hoc etiam loco habendum, quod supra in Epilogo art. III. circa particularum aërearum conditiones & figuram adnotavimus, tamen, quænam & qualis sit aquearum particularum figura, & quæ cæteræ earundem conditiones, certo scire nequeamus, id tamen 1.) certissimum esse, quod harum etiam existentia omnem naturam anteverterit, adeoque ipsum naturæ authorem sui quoque formatorem agnoscat, quem consequenter isthæc omnia ad futuros effectus providentissime accommodasse plusquam indubium est: 2.) nec illud à quoquam inficiabile, quod cum aquearum illarum minutarum existentia & figura destinatis effectibus neutiquam suffecisset, nisi subtilioris cujusdam & actu ipso agitationis elementi facta fuisset admixtio, hæc etiam agitatio ejusque conservatio & continuatio, summi & primi Motoris volitionem efficacissimam pro causâ unica & immediata habeat; ut in quavis minutissimæ scaturiginis stridula propul-



pullulatione, in quolibet vilioris rivuli defluxu in cujuslibet eundo augescentis fluminis prolapsu, (necum in immensi maris motibus stupendis) Omnipotentis indefinentem & ubique præsentem efficaciam, indefinenter quoque in hac etiam ejus mirabili creatura intueri liceat, & venerabunde adorare deceat.

II. Etiam si vero mirabilem hanc aquei elementi fabricam utpote arbitrariam & voluntatis Divinæ summam libertatem unice præsupponentem) præcise definire nulli queamus; non erit tamen prohibitum, eam utcunque ex ipsis effectibus hario-lando æstimare, atque adeo cubulos Honorati Fabri, ante omnes alias figuras respicere, tum quod istos alia hypothesis, nobis improbabilis visa, pepererit, exclusio nempe pororum omnium & admixtæ heterogeneæ materiæ in universum, tum etiam, quod cubica figura ad fluorem videatur omnium ineptissima, ac propterea coactus sit P. Fabri cubulis illis suis singulis fluiditatem, seu, ut ipse loquitur, humiditatem, & in quamcunque figuram se facile induendi nativam aptitudinem attribuere, id quod inexplicabile nobis & cum hypothesis priore pugnare videtur. Et quamvis rotundæ seu sphæricæ particulæ tum recentiorum quorundam Atomistarum, tum veterum quorundam Peripateticorum (e.g. Philoponi) ad aquæ fluxilitatem declarandam mire quadrent, aliquali tamen aquæ visciditati (quam guttularum medicorum è stillicidiis pendentia, acicularum chalybearum, aquarum summitati libere innatantium, sustentatio, & similia phænomena suadent) explicandæ minus aptæ sunt, cum globulorum præsertim politorum, figura, non nisi punctualem contactum admittens, cohesionem omnem excludere videatur.

III. Placent igitur magis Cartesii teretes & quasi vermiculares particulæ, ac tam diu quidem, donec alia figura salvandis phænomenis aptior excogitetur, id quod proprium fuit ipsius Cartesii de hac sua hypothesis judicium, dum Anonymo cuidam, inter cætera minutiarum aquearum anguillarem figuram taxanti, part. II. epist. II. p. 8. sic respondet: Manifestum est, non fuisse mihi animum asserendi, quod partes aquæ ullorum animalium figu-  
ram



ram referant, sed solum oblongas esse, læves & flexiles; jam vero, si possit ulla alia figura reperiri, per quam aquæ bene, atque per hanc, omnes illarum proprietates explicentur, per me licet illis tribuatur, sin minus, non video, cur non liceat illas sub hac æque bene, atque sub ulla alia concipere, cum aliquam necessario habeant, hæc autem sit inter simplicissimas.

IV. Hujus igitur ope aquarum fluiditas ita commode declaratur per cylindrulos læves & glabros per declivia facile provolubiles, ut aliqualis earundem visciditas una ex cylindrulorum illorum simul supposita flexilitate & aliquali implicabilitate apte deducatur. Pelluciditatem autem limpidioris aquæ admixtus aqueis passivis portionibus æther præstat, nisu vel pressione rectilinea tanquam genuinum luminis vehiculum, ut ex parte generali constet, quemadmodum actuali sua in omnes partes agitatione tantisper elevatos ac suspensos quasi cylindrulos, ad fluorem conciliandum, provolvi facit: ut adeo pro salvandis primo & secundo phænomenis, nihil restet, nisi circulationis aquarum à scaturiginibus, rivis & fluminibus ad maria, & è maribus vicissim ad scaturigines &c. summe necessaria suppositio, aut infallibilis potius veritas; quamvis de modo hujus circulationis nonnullæ adhuc difficultates supersint, suo loco inferius in specialioribus excutiendæ.

V. Jam quod III. phænom. attinet, facilis adhæsiō particularum aquearum in superficiebus corporum asperitate quadam & porositate gaudentium, ex eo pendet, quod ob figuram oblongam & flexilem vel ex parte saltem in poros se insinuent, vel circa superficieum prominentias circumvolvuntur; æque facilis autem earundem iterum separatio, & hanc consequens madefactorum exsiccatio, ab earundem particularum lubricitate levique implicatione, caloris motu facile rursus solvenda, promte petitur: dum e contra ramosæ pinguium minutia non sibi mutuo solum sed aliorum corporum uti chartæ, lintheaminum & pannorum, fibrosis extremitatibus firmitus implicantur, nec nisi vehementis caloris impetu dissolvi possunt, velut ex opposito aquarum



rum glabræ ac lubricæ insuperque graviores portiones ab oleosis & pinguibus difficilior sibi admixtæ servantur, polita vero glabra & pingua, ob pororum angustiam & prominentiarum, defectum, penitus præterlabuntur.

VI. Neque plus difficultatis habet notabilis aquarum ab igne & calore facta rarefactio, expansio ac dilatatio, phæn. IV. notata, præsertim si glutinositatis aliquid ipsis admixtum fuerit, ob quam cohærentes bullulæ innumarabiles cuticulam quandam formant, liberam evaporationem quodammodo cohibentem, & sic intumescunt quandam ac ebullitionem causantem, cum in aqua puriore copiosa quidem evaporatio ab igne & vehementi calore, aut à leni quoque lenta & successiva saltem consequatur, ob lubricarum particularum pronam separabilitatem, ebullitio vèro similis, ob visciditatis notabilis defectum, contingere haut possit. Quod vero in statu suo naturali nec à frigore sensibilibiter condensetur, nec externa vi etiam ingenti, in angustiam notabilem comprimi se patiatur, id quod phæn. V. & VI. prolixè testantur, id inde est procul dubio, quod ponderosiores aquarum particulæ & inter se, & cum interfusis æthereis, solidissimis procul dubio, punctis immediato contactu uniantur, ac super his leniter rotatis provolvantur, immediato adeo hoc contactu sensibilibiter adhuc propiorem omnino respuentes, nisi pauculis forte caloris particulis ex aqua non summe frigida violenter expressis, aliqualis compressionis species quædam (cujus sub finem VI. phæn. facta est mentio) potuit contingere.

VII. Jam, si cum Cartesio statuamus hiberno tempore minutiores multo globulos æthereos, quorum adeo vis debilior movendis & provolvendis aqueis particulis haut sufficiat, intermisceri, quam æstate, si simplicius & observationi communi convenientius dicamus, ob solaris caloris, ex dierum brevitate & radiorum obliqua nimis in aërem nostrum incidentia, defectum, aqueas particulas motu consueto reptili sublevari amplius haut posse, una vero earundem flexilitatem deficere, consequenter inter rigescentes & plus spatii sensim occupantes aquæ minutias  
aërem



aërem tum frigidissimum sese insinuare &c. rem totam de conglaciatione ordinaria plene, credo, obtinebimus, rationem quietis, consistentiæ ac duritiei, raritatis item & levitatis in glacie, facile dabimus, causamque inchoantis semper à suprema aquæ superficie, (qua parte scilicet aërem frigidissimum contingit) conglaciationis, porroque deorsum successive spissescens, in promptu habebimus, quandoquidem ex aëris hiberni, præsertim nocturni omni sensibili calore destituti contactu immediato, mobilitas aquarum in summa superficie particularum ante omnia deficit, in tenuem adeo crustulam glaciale concrescens, quæ postea simili contactu suo frigidissimo sequentes immediate inferiores particulas in communem immobilitatem sibi adjungit, eoque pacto majorem indies spissitudinem acquirit, consequenter etiam majorem indies soliditatem ac duritiem, neque dubium est, majorem duritiei gradum in glacie septentrionaliorum climatum, ex majori caloris solaris defectu, simili consecutione deduci posse.

VIII. Quemadmodum autem frigore mediante aquarum fluor in stabilitatem ac duritiem glaciei concrescit; ita vicissim redeunte calore glacies eadem facilitate liquefcit, non tamen simul & semel, intus una & extus uti cera vel alia liquefcencia sed successive & quasi lamellatim, propter pororum angustiam & inordinatam correspondentiam, ut non nisi extima quasi lamina in fluorem resoluta, calor ad ulteriorem penetret, similiter resolvendam &c. atque ita tanto fortius agens, quanto major ille & glacies minus dura fuerit, in profundis autem omnium debilissime, præsertim in laminas glaciales straminum & palearum diversis stratis sejunctas, sub quibus adeo æstate media diu servari possunt, quod calor per iterata illa tegmina, non aliter ac in culcitrarum plumis implicatur & infinities fere retunditur, nec ad potulentorum istis involutorum frigus imminuendum penetrare valet. Et facilius quidem stagnantes aquæ congelascunt, utpote particulis suis ad quietem jam ante magis dispositæ, qualis in congelatione omnimoda requiritur, cumque in hac, minutia aqueæ antea flexiles obri-



## VI. Epicripsis secunda super secundas Hypotheses.

## I.

Ec

mo-



motum fuerit. Et hic nifus five conatus gravium id est, quod *gravitationem* appellamus.

II. Ridiculum igitur profecto est, rebus mere naturaliter & ex necessitate agentibus, quoddam quasi arbitrium & selectum locorum quendam attribuere ac dicere v. g. aquam vel aërem, cum in loco proprio sunt, illa nempe in aqua, hic in aëre, cum item super gravioribus seipsis existunt, non gravitare, tunc vero demum gravitare, quando sese levioribus impendent, aut in alieno loco existunt, tanquam nifus ille gravium ipsis non ex necessitate quadam competeret, sed in ipsorum arbitrio quasi positus esset, suppositione nova magis etiam ridicula libertatis alicujus nunc exercendi gravitatis suæ nifum, cum scilicet existunt extra locum proprium, nunc eundem suspendendi cum domi quasi sunt & in loco natali, quæ porro suppositio aliam adhuc maxime omnium ridiculam præsupponit, quasi nosse possent ac distinguere elementa, quando in loco natali, & quando in peregrino loco versentur, quando item levioribus seipso unumquodlibet, & quando gravioribus superemineant? ut scilicet pro diversitate casuum gravitationis suæ nifum aut exerceant, aut suspendant: ut nunc taceam, actuale hunc nifum in utroque casu, & aërem & aquam, actuali quoque motu ac descensu comprobasse in phæn. primorum ultimo cap. præsentis, & in phænom. III. cap. II. artic. III. de aëris elemento.

III. Illud insuper incomprehensibile nobis semper visum fuit, cum nonnulli Viri cæterà doctissimi & ingeniosissimi, nominatim *Henricus Morus*, & alii, à præcedente præjudicio occupati, sibi persuaserunt, aquæ situlam replentis partes omnes illius fundum premere, ut interim inferiores à superioribus non premantur; prout nimirum lignū una cum aqua in eundem situlæ fundum gravitat, juxta phæn. alterorum I. interim vero aquam sibi subjectam non premat, quod posterius ego simpliciter nego. Etiam si enim lignum demersum ab aqua graviore sursum trudatur, non sequitur tamen aquam ligni nativo pondere 10. exempli gr. lb, non vicissim premi, tametsi ab aquæ pondere 40. lb. illa



illa pressio superetur & inefficax ad sensum saltem reddatur, non aliter ac puer hastam in virum robustum intentatam omnibus suis viribus premere, negari nullo modo potest, eo ipso quo eadem hasta majoribus viri robusti viribus retrusa priorem illam pressionem inefficacem reddit.

IV. Itaque tota hæc lis hac una distinctione tolli è medio posse videtur, si dicamus: aquam in vasis fundum, una cum ligno in ea interim ascendente, totam efficaciter gravitare & premere, dum interim eadem aqua in demersum lignum, & in partes aquæ inferiores, premit quidem desuper revera, sed absque omni ad sensum quidem efficacia, quandoquidem major aquæ ad fundum usque altitudo, pressionem suam inde per reflexionem quandam in imam ligni demersi superficiem majore vi continuat, quam minor aquæ super supremam ligni superficiem, ut adeo hæc cedere cogatur, quoad sensum ita inefficax reddita.

V. Quod idem, quia de singulis aquæ partibus, perpendiculariter & oblique, quavis equidem obliquitate, deorsum prementibus dici possit, his totidem alias perpendiculariter & oblique, sub quavis iterum obliquitate, factas pressiones ubique opponi, eoque pacto alteras ab alteris inefficaces reddi, quasi nullæ essent, cum revera omnes sint, (id quod *Stevinus* superius num. V. hypoth. II. hac loquendi formula commode expressit, *que les parties s'entrepoussent également*: eodem modo scilicet quo *Cartesius* in alio casu part. I. epist. LXI. p. 157. materiæ partem E (Fig. XXXVII.) respectu trium tuborum A C, B D, F G & trium intro flantium, quos per foramina A, B, F, æqua vi flare supponitur, in tanta æqualitate constitutam dicit, ut nulla sit ratio, cur per singulos tubos æqualiter impulsa moveatur versus D potius quam versus G aut versus C &c. aut aptius forte, prout arietem in murum oppositum impingere magno nisu conante homine uno, si alter muro vicinus eundem pari nisu repellere tentat, utroque quidem valide premente, neutra tamen pressio, utpote altera per alteram quasi sublata, vim ullam in parietem facere potest,



ita corpora in mediis his pressiōibus constituta, ab earum nulla quidquam patiuntur, singulis quippe à singulis oppositis ita quasi retusis, ut agentes singulæ, nullæ tamen agere sentiantur.

## VII. Epicripsis tertia super altera Phænomena fluidis immerforum.

### I.

**C**um diversis hoc loco hypothesibus opus non videatur, rationibus dictorum phænomenorum in aprico positis plerisque omnibus, primi quidem phæn. ratio ex num I. præced. II. epicripsis. Secundi vero causa ex eo manifesta redditur, quod cum plumbeus cubus superimposito ligneo multo gravior sit, is etiam juxta phæn. VIII. cap. II. sect. I. citius descendat ligneo, & ab hoc necessario separetur. Sic III. phæn. ratio in aperto quoque est, cum idem compositum ex diversis cubis quomodo-cunque connexis, idem pondus habeat, atque adeo eandem in descensu velocitatem. Verum, quia conflatum ex plumbeo & ligneo cubo gravius est conflato ex duobus ligneis istis æqualibus, sed levius conflato ex duobus plumbeis, ideo primum illud celerius secundo, & tardius tertio deorsum ferri necessum est. Quarti denique phænomeni partes cum manifeste contrariantur experimento Riccioli in alleg. modò phæn. VIII. n. 2. & rationes Fabrianæ profundiores (ut ipse fatetur prop. LXXV. laudati Lib. IV. tract. I.) hoc loco examinare non videatur operæ pretium, ideo paradoxorum horum veritatem aut falsitatem penes autorem suum relinquemus.

II. Quinti phæn. ratio parte II. Colleg. curiosi p. 220. Conclus. II. à nobis jam data hæc fuit, quod pressio aquæ altioris supra vasis fundum, deorsum magis per apertum foramen, quam sursum in basin orbiculi fuerit determinata, & sic cylindrus aquæ medius orbiculi plano superiori incumbens vicerit, & ascensum fortiter cohibuerit, dum econtra in casu non perforati vasis, pressio altioris aquæ in fundum integrum indeque in basin orbiculi per



per reflexionem facta, vincere debuerat cylindrum breviorē in superius orbiculi planum prementem. Quod vero in phæn. VI. de virga in situ verticali aquæ immersa, & de aqua ex tubo perpendiculari pertuso, tanto majore vi extrusis, quanto aqua altius supra virgæ basin, & supra pertusi tubi foramen elevata est, id ex eo fundamento maxime pendet, quod aqua secundum altitudinem magis, quam secundum copiam, premat. Ratio vero VII. phæn. ex eo petitur, quod innatans respectively levius absolute tamen grave sit, aquamque cui superimponitur, aliquousque deprimat, quem terminum depressionis necessario transgreditur, cum non lente aquæ superimponitur, sed ex alto cum impetu accelerato demittitur. Denique cum lignum paulo longius aquæ minus latæ per foramen extrusæ transversim imponitur, ejus pondus majus esse potest, quam ut ei ferendo gracilior aquæ extrusæ cylindrus esse queat, dum ex adverso secundum longitudinem extrusi jactus aquei imposita lamina lignea facilius sustentari possit, quippe tota ab aquæ extrusæ cylindro gestata. Oportet autem in toto hoc negotio & lignæ molis & multitudinis aquæ extrusæ, atque in super impetus ejus extrudendæ rationem haberi.

III. Quod attinet IX. phæn. illius circumstantias cum non satis perceperit P. Fabri, mirum esse non debet, cum & rationem illius non solum satis difficilem agnovisse, & vix ab ullo bene explicatam, sed ipse quoque cit. I. & aliam obscurissimam rationem non minus obscure confutat, & suam nihilo clarius proponit. Ea vero quam nos hic dabimus, huc redit: Quoniam pondus P in N appensum ex æqua verat aquam vas A B C D non ad summum replentem; ideo effusa hac aqua, idem pondus P vas vacuum A B C D in sublime sublatum, immobili cylindro solido F I K G firmiter applicavit. Infusa vero deinceps aqua in cavitatem cylindri A B C D residuam, solidum cylindrum F I K G undique cludentem, & ad summum usque quidem infusa, altior erat aqua superiori vas fere totum explente, sed multo paucior. Quoniam vero altior aqua super eandem basin C D plus gravitans, quam antea humilior, inter basin hanc mobilem & alteram im-



mobilem I K sese ingerebat, ideo mobilem istam CD necessario depressit, & pondus N oppositum elevavit, ita plus ponderans paucior, quam antea ponderaverat copiosior.

IV. Ratio X. phæn. in eo solo fundatur, quod recula tantillo solum aqua graviores ab aliquali visciditate & quasi cuticula quadam supremæ superficiei sustententur, quam facile dirumpunt & fundum deinceps petunt, nisi valde lente & provide in eam demittantur. Quod vero grandia quoque corpora, specie licet graviora, aquis cum impositis magnis oneribus innatare phæn. XI. & communis experientia docent, id ex eo est, quod ejusmodi corpora metallica in amplæ cavitatis figuram expansa sint, ita ut descensura ingentem aquæ molem sibi succumbentem & vasis istis cavis metallicis multo ponderosiores, in suum locum elevare deberent; id quod fieri nequit, & in latioris fundi vasis adhuc minus, quam in illis, quæ sunt fundi magis acuminati.

V. Et cum major aut minor aquæ profunditas ejus gravitatem specificam non mutet, non potest navis mergi altius in minus profunda quam in profundiore, nisi quod in vadosa nimis ipsum fundum attingere, & sic in latus inclinari queant. Animalia vero pleraque omnia cum ejus sint structuræ ac texturæ, ut aqua mole ipsis æqualis plus ponderis, quam ipsa, habeat; ideoque pleraque omnia natura natant, solo homine excepto, in quo solius capitis & in ejus calvaria contenta cerebri moles, pro ratione corporis major quam in ullo animalium genere, excessum aliquem ponderis causatur, ob quem suspensum ejus corpus in aqua servari nequit, nisi artificio quodam adhibito: ut sic phæn. XII. ac XIII. rationes quoque satis pateant.





## CAPUT II.

De

*Mari ejusque salsedine.*

### I. PHÆNOMENA.

I.

**P**HAENOM. I. Magnam superficiei terrestris partem occupant oceanus & maria, quamvis præcise definiri non potest, quota cuique, aquæ scilicet & continenti, in telluris superficie portio competat, antequam tota terrestris sphaeræ sicca superficies explorata fuerit. *Jul. Caf. Scaliger* Exoter. Exercit. XXXVIII. videtur cum *Vegetio* existimasse, tertiam tantum globi terrestris partem in superficie ab aquis liberam esse; & sane Mapparum Geographicarum universalium inspectio non parum confirmare hanc sententiam videtur. At enim *P. Fabri* magnam satis globi terrestris partem superiorum seculorum experientia detectam fuisse inculcat, quæ antea latuerat, magnamque credit etiamnum superesse detegendam: Ut haut inepte quis in eam sententiam forte descenderet, quam *Vir* laudatus *Alexandro Piccolomineo* tribuit, multa cura ac diligentia exquisitam, qua superficiei portionem mari assignat paulo minorem ea, quæ terræ ac continenti competit. Neque vero nostrum hic institutum est, vel hæc, vel similes alias hydrographicas dimensiones hoc loco prosequi; sed physica potius aquarum marinarum phænomena recensere, & ad causas suas postea, quoad ejus fieri poterit, reducere.

PHÆN. II. Absoluta interim oceanî vastitas & immensa magnitudo, quam hominum ex avaritia maxime primum pronata audacia ac deinceps accedens Regum Magnatumque ambitio hætenus ex omni fere parte emensa est, ipsum rerum naturalium æstimatorem adeo in admirationem rapit, ut mirabilem hanc creaturam suis oculis qui nunquam lustravit, ex  
omni-



omnibus Omnipotentis DEI miraculis omnium fere maximum nondum vidisse dicendus sit, & merito Psalmista psalmo „CVII. qui descendunt mare in navibus, facientes operationem in aquis multis, illos, dicat, vidisse opera Domini, & mirabilia ejus in profundo, eosque, qui ascenderunt modo usque „ad coelos, modo descenderunt usque ad abyssos &c. jubeat confiteri Domino, & mirabilia ejus filiis hominum. Lætandus certe recordor, cum primavice in Hollandia anno superioris seculi sexagesimo Lugduno cum amicis ad littus Catvici excurrerem, mirabilis hujus creaturæ primum visendæ ingenti desiderio, quantum aures meas obstupescendo primum ex intervallo quartæ partis milliaris germanici strepitu ac susurro, post colles arenarios adhuc latitans, oppleverit, & quando cum stupore naves piscatorias eminus ex fluctibus ejus quasi penfiles conspiciatus fuerim; deinceps ejus miracula vel in brevi, quod Amstelodamo, Hamburgum versus institueram, itinere, præsertim in parvula Insula *Vlie* dicta, ulterius contemplatus.

*PHÆN. III.* Ex specialioribus phænomenis, illud primum occurrit, quod ingens aquarum innumerabilium & vastissimorum fluminum vis perpetuo decursu ab oceano excepta (è solo v. g. Danubio sexaginta annuum confluentes aquæ, sex ostiis duorum mill. germ. latitudine, in pontum Euxinum infunduntur) nihil ipsum augescere, nedum exundare, faciat; nisi quod rarius, ex particularibus causis, in quibusdam litoribus specialibus exundationes quædam contingunt: id quod in primis de Caspio, parvulo quippe & ab oceano separato mari mirum est, cum in ipsum flumina ingentia quamplurima, sese exonerent, *Rha* v. g. per Casanum & Astracanam regna decurrens & in mare caspium 25. ostiis influens tanta vi aquarum, ut illud multa milliaria dulce reddat, Europæis alias *Volga*, Tartaris *Edel* dictus; *Jaxartes* item in Bactrianis, *Oxus* in Sogdianis, aliique innumerabiles.

*PHÆN. IV.* Cum è litore prospicientibus maria assurgere in altum manifeste videantur, id quoque in admirationem multos rapuit, quod eorum fluctus in terram declivi laplu non pro-



proruant : quamvis negari non potest, alicubi maria suos extendere, sed sensim, alveos, uti meo tempore *Catuvich* pagus in Hollandia dimidia sui parte ab intranti oceano occupatus dicebatur; prout è contra nonnunquam novos terræ tractus à se desertos aperit : velut e. gr. à moenibus Arelatensibus, à quibus olim non ita procul abfuerat, hodie 20, fere mill. Italicis, à D. Audomari fano (vulgò *S. Omer*,) autem ad quod propius quondam accesserat, nunc 12, fere ejus generis milliaribus distat, P. Fabri teste.

*PHÆN. V.* Varios in diversis locis colores exhibent oceani & viridem quidem ordinarie, præsertim circa Promontorium inde viride (*Capo de verde* vulgò) dictum, cærulæum vero vel ad atrum magis accedentem ubi profundius est mare. Dum tempestatibus agitur, modo albicat propter spumam, & speciatim. Euxino ponto candidum colorem tribuit Aristoteles sect. XXIII. Probl. 6. Aegeo vero mari nigricantem. Quin & venti diversi diversos colores mari conciliant; Auster v. g. turbidam aquam facit, boreas è contra perspicuam. Inprimis autem notabilis illa observatio est, quam breve illud iter Amstelodamo Hamburgum naviganti mihi obtulit; cum noctu quadam valde serena & calente oceanus moderate fluctuans totus quasi ardere & flammare in tenebris cernebatur : cujus deinceps phænomeni in meteoris Cartesii cap. III. num. IX. mentionem quoque factam deprehendi. Alicubi etiam revera fervere marinas aquas & calidissimas sentiri, pluribus exemplis confirmat P. Fabri Prop. X. Lib. II. Tract. VI.

*PHÆN VI.* Notissima omnium aquæ marinæ proprietas est ejus *Salsedo*, & illa quidem communis maribus omnibus, ne quidem Caspio excepto, quod aliqui per errorem videntur excipere, forsitan ex eo ortum, quod de Wolga fluvio sub finem Phæn. III. notavimus. Traditurque hæc salsedo maris æstate fervente, & sub Zona torrida, quam versus polos, notabilior, ad stipulante quoque Cartesio cit, I. num. VIII. Obtinet illa in fundo quoque maris non minor, quam in summi-



tate, idque experimento vasculorum ab urinatoribus ad maris fundum demum caute repletorum, ac pronuper aliorum, singulari artificio ita paratorum, ut ad fundum demissa, & haustis ibi aquis, iterum attracta, in via nullas porro aquas alias admitterent. Etsi dissimulandum non est, quod refert *Job Hugo Linschotanus* in relatione sua de itineribus in Indias orientales susceptis, anglico sermone conscripta; proxime insulam *Barem vel Baharem* in sinu Persico quibusdam instrumentis (quorum descriptionem tamen non addit) aquam hauriri sub salsa 4. circiter aut 5. orgyarum profunditate, dulcedine haut inferiorem aqua quavis fontana. Cujus veritatis testes P. Fabri Div. Thomam quoque & Scaligerum nobis allegat, cum quo testimonio conferri quoque potest Gassendus scient. Phys. Sect. III. p. 54.

*PHÆN. VII.* Instrumenta, quibus aquæ ex maris fundo hauriri possint sine admittance superiorum, simplicissima esse possunt, vasa colli angusti cera vel aliis obturaculis munienda. Singulare vero artificio cæterorum instrumentorum, quorum præced. Phæn. facta est mentio, describitur in Actis Anglicanis ad ann. 1665 ab Oldenburgio anglicè conscriptis, & à C. S. in latinum idioma conversis, Lipsiæque editis anno 1675. p. m. 111. 173. & 359. sequenti modo: Est situla ex ligno quadrato confecta cujus fundi E E (Fig. XXXVIII. num. 1.) ea ratione sunt fabricati, ut, dum pondus A submergit ferrom B (cui situla C mediantibus duabus ansis D D sub extremitatem duos fundos mobiles E E, quasi duas portæ valvulas habentibus, annexa est) & ita situlam in profundum agit; aquæ resistantia situlam contineat in situ C, ita ut aqua facillime transire possit eo tempore quo descendit. Verum, simul ac situla à chorda F in altum trahitur, aquæ resistantia à motu illa excitata in profundum agit situlam, inque situ G eam servat, ita ut nec aqua interius inclusa exire, nec exterior intrare possit. Verbo (si quid obscuritatis inesse vel figuræ ex actis Angl. huc translatae (num. 1.) vel in his interpretis verbis, nonnullis forte videatur)



deatur) fabrica simplicissime sic concipienda est : Ferramentum B B B (num. 2.) à pondere A in maris fundum detruditur, à fune F iterum reducitur una cum situla C, cujus valvulae mobiles E E inter detrudendum ab aqua ipsa apertae servantur, omnemque transmittunt; in reductiōe vero firmiter clauduntur, aquamque in imo admissam solam, examinandam afferunt.

*PHÆN. VIII.* Aqua marina fluviali & fontana gravior est, ut & quævis alia sale multo de consilio imprægnata; utpote cui supernatant ova recentia, quæ in dulcibus merguntur. Quod cum Cartesius etiam cap. III. de meteor. adnotasset, operæ pretium tamen existimavit inquirere, cur salis particulæ graviores inter leviores aquæ dulcis remaneant, nec ad fundum omnes innato pondere subsidant, sed salis grana in aquæ marinæ superficie forment?

*PHÆN. IX.* Porro vero pinguedine quadam & uligine gaudent aquæ marinæ; inde & minus frigida, & ad extinguendos ignes minus aptæ ac inter cæteras earum proprietates illa tacenda certe non est, quod nauseare faciat ac vomere plerosque illos, quos, primum navigantes in primis, hospitio suo excipit; quamvis de me bona fide testari possum, me paucis illo quinque dierum intervallo, quo Amstelodamo Hamburgum delatus fui (sereno quidem ac tranquillo maximam partem mari, cum alioqui vento fortiori propulsa navigia breve illud iter multo breviori tempore emetiantur) ne minimum quidem nauseandi aut vomendi conatum sensissè, aliis interim, præsertim è sexu debiliore, isto malo satis vexatis,



## II. HYPOTHESES PRIMAE

circa

marium falsedinem.

I.

**I**N eo quidem consentiunt hodie Authores plerique omnes, quod maris aquam salinam credant ex admixto copioso sale, & salis quidem particulas concipiant & longiusculas &c. De eo vero in diversas abeunt sententias, utrum admixtus ille sal oceano natus sit, an aliunde haustus & ascititius? Et *Honoratus Fabri* quidem priori subscribit de admixto originaliter sale & cum aqua simul creato, interim ab aqua maximam partem separabili, & has ipsas salis particulas oblongas, asperas &c. concipit *Tract. VI. Prop. XIV.* inprimis autem *Cartesius* ejus est sententia, *Meteor. cap. III.* qui salinem nihil aliud esse dicit, quam crassiores aquae particulas, quae non valeant convolvi & flecti actione materiae subtilis, uti ceterae, ideoque rigidae sint & in cuspides erectae instar telorum aquamque inde marinam graviolem esse dulci, & tamen ponderosiores illas salis particulas ceteris permixtas manere, quod flexiles haec istis sese circumvolvunt ita simul utraque ab interfluente materia subtili sustententur ac in fluore conserventur, & facilius quidem quam in aqua dulci solitaria, ubi flexiles aquae particulae sibi mutuo magis implicentur: indeque porro & pellucidior esse marinam aquam fluviali, & difficilius gelu constringi & similia plura, in quibus praecipue granorum salis cubicorum generationem & proprietates ingeniose prosequitur usque ad finem capitis.

II. *Petrus Gassendus* autem, aquas marinas ab initio dulces fuisse supponit, ac salinas postmodum redditas ab exsoluto & inhibito sale copiosissimo ex iis terris, quae sub mari sunt & extantibus, ut in aliis plerisque, sic in eo quoque. similes procul dubio fuerint, quod multis collibus minerisque salis, uti reliqua terra, abundaverit &c. *Phys. Sect. III. p. 12. & seqq.* addens & subterraneas aquas, ab exsoluto simili ratione sale impraegnatas & cum aperto mari communicantes salinasque aquas omnes alias cum fluviiis in mare defluentes &c. eamque suam hypothesein inde praesertim

con-



confirmare nititur, quod, uti quidam lacus sunt dulces ita nonnulli salsi sint, nec possit tamen esse discrimen illud nisi ex eo, quod aquæ salforum lacuum sortitæ sint mineras salis, quales aquæ dulces sortitæ non sint, atque adeò mare, quod nihil aliud quam magnus quidam lacus sit, videri esse redditum falsum ex his salis mineris, quas fuit hic illic passim sortitum &c. Secundum hanc igitur hypothesein sal esset terræ siccæ connatum, & aquis adventitium; e contra secundum priorem cum & in aquis natum, terris percolando demum fuisset communicatum. Conf. ejusd. Gassendi Animadv. in X. Laërt. p. ed. Lugd. 109. & seqq.

III. *Aristoteles* quoque, si Gassendum modo cit. I. audiamus, & ejus communiores interpretes, in Lib. II. meteor. cap. III sive text. 13. 14. in eorum classe reponendus est, qui falsedinem maris adventitiam statuunt, sed aliunde prorsus, quam ex ipsa terrape- tendam. Ad exhalationes quippe siccas, terreas & indigestas recurrit, quæ una cum humidis in nubes concretæ & in pluvias resolutæ, mari falsedinem concilient, eo modo quo sudor, urina, & similia ab indigestis portionibus terreis salsa existant: cum jam olim *Anaximander* & *Anaxagoras* (teste Plutarcho III. de Plac. 16.) censuissent, mare nihil aliud esse, quam humoris primi reliquias, quæ præ adustione salsæ remanserint, *Metrodorus* autem ad terram, per quam quasi coletur, veluti lixivium per cineres, *Theophrastus* apud Olympiodorum in II. meteor. ad terram ipsi mari substratam, maris falsedinem retulissent, ad mentem Gassendi quamproxime: ut taceam eos, qui vel ab halitu quopiam calore solis è fundo maris educto, vel ab ignibus subterraneis in sulphure, nitro, bitumine, alumine, sub mari ardentibus vel ab adustione maris per ignem solarem &c. istam aquarum marinarum qualitatem arcessunt.

IV. Quod si interim alicubi è mediis quasi salis aquis haustæ fuerint dulces, id quidem recentiores plerique eo referunt, quod flumina quædam subterranea, aut largi aquarum dulcium fontes è maris fundo erumpant, aut olim in continente existentes deinceps mari cooperti fuerint, ab ambiente aqua salsa nunquam occupati: prout videmus aquas calidas ex frigida media prosilientes aut flumina, qua parte oceano commiscuntur, non colorem tantum, sed & dulcedinem aquarum suarum, longius etiam ab ostio, conservare.



### III. HYPOTHESES SECUNDÆ

De  
cæteris ante commemoratis Phænomenis,

#### I.

**O**Ceanum ex illapsu tot ingentium fluminum ideo non augescere vel exundare statuunt unanimiter Philosophi, quòd cum eadem flumina & fontes omnes ex oceano habeant originem suam (tametsi, quomodo inde promanent, non conveniunt, ut infra videbimus) alibi tantundem aquarum reddat fontibus, scaturiginibus, nivibus, pluviis, quantum ab his omnibus, mediante fluminum decursu recipit: Ex eademque causa nec dulcescere marinas aquas ex admixtione tot dulcium cum evaporando & percolando tantundem iterum dulcium aquarum, pluviis ac nivibus generandis, & fontium scaturiginibus implendis, impendant.

II. Quod si de Mari Caspio, Ponto Euxino, Mari Balthico &c. speciatim quæatur, cur ex appulsu tot fluminum non diluantur & subigantur? respondet *Honoratus Fabri*, Tract. VI. Lib. III. Prop. XVI. Mediterraneum quidem & Balthicum mare ab oceano æstum accipere, & sic aquas commisceri (etsi negari non possit, aliquos marium tractus à tot receptis dulcibus fluminibus, in littoribus præsertim, temperari) Caspium autem ductibus seu cavitatibus subterraneis cum Euxino coïre, per quas aquæ continuo commisceantur: qua in re consentientem imprimis habet *Athanasium Kircherum* qui, Mundo subt. Lib. II. cap. XIII. non cum Euxino solum, sed etiam cum Persico sinu communicare Mare Caspium, cum Sinu Arabico mare mediterraneum, mare mortuum etiam cum eodem mari rubro &c. subterranea commercia habere multis speciose probat.

III. Diversitatem colorum in aquis marinis, *Honoratus* ab ipsarum agitatione, ab admixto & advecto cum ventis halitu diverso, à diversa profunditate, ab herbarum in fundo maris germinantium virore, ab arena alicubi rubra, aut potius à spuris quibusdam Coralliis, quibus Erythræi maris fundum ipsi stratum videtur



detur &c. deducit. Quod vero noctu agitatae scintillent, id particulis aquae rigidioribus & inflexilibus, verbo salinis, non omnibus tamen, sed laevioribus adscribit *Cartesius*. Part. IV. princip. num. XCI. & meteor. cap. III. num. IX. quae vi tempestatis, aut alterius cujusque motus concitatoris è guttis excussae, & spiculorum inflar vibratae, si punctim potius quam transversim oculum versus ferantur globulos æthereos prope lant, ac scintillas lucis producant, non ab similes iis, quae solent emicare ex silice percusso &c.

IV. Tumorem porro marium à lictoribus in altum quasi accumulatorum (qualem notabilissimum mihi quondam per campos desertos inter Arnhemium & Hardervicum iter facienti, cum posteriori loco proximus in crepera lucula vespertina mare ex opposita urbis parte contueri daretur, oblatum memini) non nisi apparentem esse ex optica quadam deceptione oriundam, unanimiter docent auctores omnes, opticae quidem scientiae periti. Nimirum quævis amplior planities, extremis & ab oculo remotioribus suis partibus optice elevatur, quod radius visorius inde ad oculum sublimius deferretur, quam à vicinioribus: sublimior quippe fertur radius MO quam NO (Fig. XXXIX) vel PO. qui in oculo contra humiliore loco *m n p* recipiuntur, ex quibus deinde mentis judicium, ex *m* ad M altius, ex *n* ad N &c. humiliter incedit: vel etiam, ut P. Fabri in Synops. Opt. Prop. VII. Coroll. I. rem declarat, illa altitudo, quam è dato quovis æquoris puncto ad cœlum (quod vulgo sic creditur) erecta linea oculo metimur, sub angulo acutiore, adeoque tanto minor apparet, quanto ab oculo fuerit remotior; unde solum gradatim assurgere ac cœlum deprimi videtur; prout in amplioribus conclavibus pavementum in partibus ab oculo remotioribus sensim optice attollitur, & laquear sensim deprimitur, ex eadem causa.

V. De nausea denique, quam procreare mare solet plerisque navigantibus, sic statuit vir laudatissimus loc. cit. Prop. XXVII. agitatione illa navis, cum libratione quadam conjuncta, qua ventriculus modo attollitur, modo subsiliente & quasi excussa materia, quam continet, deprimitur, ventriculum ad motum istum determinari, ad quem alias à minimo œlophagi vel faucium etiam contactu, à bile sollicitante aliisve emeticis determinari soleat: addens & navis foetorem, & auram marinam, quæ bilem excitet, à qua nausea quoque procedat. *Hamelius* de meteoris & fossil, edito



edito Paris. separatim Tractatu p. 38. sub fin. Non alia, inquit, ut mihi videtur, causa est, cur mare nauseam ac vomitum provocet, nisi quod circumfusus vapor multo sale volatili inficiatur, cujus corpuscula ventriculi fibras vellicant &c.

#### IV. BREVIS EPICRISIS super enumeratas utrasque Hypotheses.

##### I.

**Q**uemadmodum de nausea marina non incongrue judicasse *Hamelium* & *Honoratum* existimamus, & illum quidem etiam alia phænomena ex eodem fonte dimanantia, ut quoque atram bilem expurget aqua marina, quia nimirum lenis meatus oclusos salis corpuscula aperiant; quod scabiem sanet, quia scilicet exsiccet & abstergat; quod lintea, imo & ligna, nisi pice oblinentur, adurat, filamentis linteorum à corpusculis salinis disruptis; quod cadavera & naufragiorum reliquias in litora evomat, non virtute quadam secreta, sed æstuum aut fluctuum impetu &c. Ita miramur certe, cur alleg. prop. XXVII. Honoratus *Fromondum* ineptire dicat, qui nausæ effectum ab halitu repente, vel ab ipsa navis agitatione deriveret, quasi vero in belgicis hypocaustris aer tepidior non sit, & qui curru vehuntur, vehementius ut plurimum non agitentur. Profecto tepidam aquam (non calidam) ventriculum ad vomendum sollicitare, vulgatiores docet experientia; & qui curribus vehuntur, non tam ob vehementiam impetus, quam irregularitatem agitationis, præsertim retro sive in partes vultui adversas vecti, plurimi vehementer vomere coguntur experientia quotidiana teste. Ex affectu igitur in *Fromondum* malevolo hoc etiam loco *Fabrum* judicasse, vel verba sequentia, & ejusdem generis loca alia scient. hujus physicæ innumera satis ostendunt.

II. Cæterum quod *Hamelius* cit. I. præter salis spiritum, multa aqua permixtum huic nauseationis incommodo remedium assignat, quodque aliud adhuc nuper edidisse *Alexandrum* de



de Rhodes, virum omni pietate ac doctrina præditum refert, nimirum pisciculum e majoris ventriculo extractum, qui assatus permodico aceto & sale conditus, vomitum illum vi quadam occulta inhibeat, item quod attinet Peirescii ingeniosum inventum præcavendi illam nauseam, ap. Gassend. in ejus vita ad annum 1606. (qui liber nunc ad manus non est) legendum; hæc, inquam & similia ulteriori examine & confirmatione indigent, antequam de causis eorum solliciti simus. Quod vero nonnulli huic incommodo aut nunquam aut non semper obnoxii sint, id ad fibrarum in ventriculo robur referendum est procul dubio, quod aliquando etiam fortissima emetica quasi deridet. Placent vero etiam reliqua tum modo laudatorum, tum aliorum in secundis hypothesebus allegatorum virorum, cogitata singula, tanquam à veritate ipsa nihil aut parum abludentia & probabilitatis suæ præclarum testimonium, vel e consensu plurimorum aliorum accipientia.

III. Aristotelis equidem hypothesein *Gassendus* tum in scien. phys. tum in animadversionibus in X. libr. Laërt. cit. II. ex multis capitibus recte confutat, ut quod probari non possit halitus ab ipso memoratos aut esse sallos, aut posse mari salledinem imprimere, quam ne inprimant quidem ipsi pluviae? Vere quidem ipsum dicere mare factum esse salsum ex admixtione cujuspiam rei, quæ naturæ sit ab aqua diversæ, sed non probare, illud esse hujusmodi halitus, & cum pluvia quidem commistos, autumnales pluvias repugnante experientia dici salas, non debere lacus & stagna, addo & flumina minus salia esse quam mare, cum in ipsa perinde cadant halitus cum pluvia commisti: porro hanc causam non competere falsis fontibus, ut in quos halitus cum pluviis non cadant, sal exustione non fieri, frustra que eas res, quæ sale destituuntur, torreri, ut inde sal eliciatur, juscula quidem per ignem & calorem reddi falsiora, sed partes dulces evaporando, eodemque modo urinam sudorem, cæteraque animalium excrementa falsa fieri, marinas aquas ipsas intra lebetem ebullientes, exhalando partes dulces, gradatim magis salas sentire; mare



in imo quam in summo dulcius reperiri, tum rationi repugnare (quando graviora ima petunt) tum experimentis inter phænomena narratis: neque fabulosum esse putandum, quod de lacu Palæstinæ inauditur, non immergi nempe, sed innatare hominem aut jumentum vinctum, cum ille lacus ipso mari salrior sit & sustinentior &c.

IV. Illa ex primis hypothesebus præferenda nobis videtur, quæ salem aquis concreatum ac nativum, neque adeo mare compositionem quandam naturæ, sed ipsius Creatoris immediatam constituit, probabiliter ad natatiliū corporum carnes à putrefactione diutius præservandas; quandoquidem ad immensam illam aquarum vim salitudine imbuendam omnis oceani fundus è sale constituisse, & resolutus ab aquis, alias supponendus videretur; cum ipse tamen Gassendus fateatur, eam terram quæ sub mari est, ejusdem conditionis seu naturæ esse cum ea, quæ relictæ est, quippe pari modo inæquabilis superficie, hanc habere alicubi rupeam, alicubi arenosam, alicubi argillaceam, alicubi plantis lætam, passimque ea producentem unde pisces nutriantur &c. per quas adeo fundi partes aqua penetrare non valuit, ad solvendos, qui sub isto jacuisse supponuntur, salinos colles. Quod autem de lacubus quibusdam salis affert, siquidem ipsi concederemus, eorum aquas à resolutis inter eundem sale saporem illum contraxisse (quanquam quid veret, eorum plerosque ab oceano falso per vias subterraneas emanare?) non sequeretur statim idem de toto oceano, qui fontes & scaturigines, uti lacus illi, non habet, nec alias quam dulces fluminum aquas excipit. Et est certe facilis hujus rei conceptus, si aquam cum Cartesio è particulis oblongis compositam statuamus, quarum aliquæ crassiusculæ & inflexiles (uti certe nulla in natura corpora videmus adeo accurate similia, quin semper aliquantulum, etiam magnitudine differant) illo suo rigore linguæ poros ægrius; & cum punctura quadam vel sectione subeant, ac falsum saporem inducant.

V. Cæterum, quod æstate quam hyeme, & sub zona torrida quam alibi, major sit aquæ marinæ salitudo, in summa puta aquæ



aquæ superficie, causa procul dubio illa est, quam pro Anaxagora quoque adducere possemus; siquidem constat, solis æstum tempore æstivo multo vehementiorem, copiosiores multo vapores excitare, qui non semper eodem relabuntur, unde venerunt, sed plerumque aliorum in loca polis viciniora. Sicubi vero ex imo maris, vel ex quacunque ejus profunditate, aquæ dulces protrahantur; ideam ob causam fit procul dubio, quæ num. IV. hypoth. primarum adducta fuit.

### CAPVT III.

de

*Aestu sive fluxu & refluxu marium.*

#### I. PHÆNOMENA.

**P**HÆN. I. Inter affectiones seu proprietates oceani, locum principalem obtinet ejus *æstus* sive *reciprocatio*, quam *fluxum* & *refluxum marium* communiter appellant; in quorum causis genuinis declarandis Phisici passim deludant. Quod ut felicius expediatur, oportet ante omnia ipsam hujus rei historiam sive circumstantias probe perspectas habere. Primum igitur irrefragabili & quotidiana experientia constat, oceanum in plerisque regionibus maritimis bis in die ex alto ad litora accedere & in adversa sibi flumina redundare, bis item à litoribus recedere, ita ut sex ferme horis continuis sensim litoribus admotus notabiliter intumescat & adversa quoque flumina intumescere faciat, si litora elevatiora fuerint, sin planiora, ad passus plurimos, alicubi ad integra milliaria, in ultiores terræ sinus & angulos sese diffundat: sequentibus autem sex circiter horis lente iterum vel retrahatur vel subsidat. Quæ res & olim nota fuit, uti patet è Plinio lib. II, cap. 97, Plutarcho lib. III. de placit. Phil. cap. 17. &c. & hodie quotidianis experimentis in litoribus Hispaniæ, Galliæ, Angliæ, Hollandiæ &c. est confirmatissima, nobis ipsis gemino præsertim experimento obvia, cum de hac re ne cogitassemus



quidem, altero in litore Catwicensi, cum oceani extremitati proximi stantes, paulo post aquas, nihil tale metuentes, calceis nostris illabi ex improvise sentiremus, deinceps autem de consilio cedentes, easdem vestigia nostra sensim legere observaremus, altero in itinere nostro in litore insulæ *Plie* oblato, cum ob nimiam maris tranquillitatem, deficiente vento anchoram jaceremus ac cymbæ subsidio terram peteremus, satis longe tum è pago remoti pedestrique itinere hunc petentes, prandium interea temporis ibidem capturi. Sed ecce, cum parato è piscibus prandio nondum plene satiati essemus accepto è navigio nuntio, ocyus nos ad illud reciperemus iussi (quod ventus commodus ad navigandum insperato se obtulisset) eo festinantes, mirabundi experiebamur, aquas oceani interea temporis ad ipsum fere pagum accessisse & intervallo centum circiter passuum litoris planitiem, in qua prius sicco pede ambulaveramus, occupasse.

*PHÆN. II.* Dixi notanter ad litora oceani aquas accedere &c. nam *circa litora magis, quam in alto, deprehenduntur hi motus*, inquit *Plinius* lib. II. cap. 97. & *Kircherus* in mundo subt. cap. IV. sect. II. lib. III. p. 136. *Fluxus & refluxus ratio in alto mari non advertitur, sed tantum in littoribus, in quibus tantummodo accessus & recessus maris notatur.* Quibus *succinit Bernh. Varenius* Geogr. gen. in littoribus alveisque fluviorum *affluxum & refluxum manifestius deprehendi, quam in alto pelago*, asserens p. 175. ab init. Et sane ipsa ratio sana nobis dictat, cum maris accessus & incrementum, in littoribus gradatim sensibilius contingat, ex adverso in alto mari recessum aliquem aquarum ac decrementum necessario contingere, & vicissim dum aquæ insequentibus sex horis à littoribus iterum recedunt, eas in altum mare iterum relabi ibique novum incrementum ex summa necessitate causari debere: quamvis neque hoc incrementum, neque prius decrementum, in alto mari sensibile sit, idque ex hac generali ratione, quam reddit idem *Kircherus* p. 144. sub finem cap. VII. *Dici vix potest, inquiens: quantum in diversis maris fluxibus oculi nos subinde fallant, non dicam*  
im.



imperitos, sed rei nautica à juventute assuefactos; dum putant mare in hanc vel illam partem currere, cum tamen nihil aliud quam maris fluctuatio, qua illudimur, existat, unde, quemadmodum superius quoque diximus, (NB.) nihil difficilius sit quam in alto mari fluxum & refluxum maris observare.

**PHÆN. III.** Estque hæc diurna maris reciprocatio ita cum lunæ motu diurno connexa, ut regulariter post ortum lunæ in quovis horizonte maritimo maris incrementum incipiat, atque sic continetur per sex horas circiter, donec summum sit incrementum (*Gallis la Marée sive flux de la Mer*, Germanis *die Fluth* / oder *die See-Fluth* dictum) luna meridianum attingente; inde vero, post paucorum minutorum intercapedinem (qua dubia est incrementi an decrementi sensibilis ratio) iterum sensibilibiter decrescere paulatim incipit, idque decrementum iterum continuat usque ad occasum lunæ, circa quem fit summum aquarum decrementum, paululum postea rursus consistens, donec luna sub Horizontem lapsa novum aquarum incrementum inducat, summumque iterum sub meridiano inferiore constituta faciat, ac tandem in progressu suo ab inferiore meridiano ad horizontem ortivum, alterius quoque decrementi finem comitetur? Habemus harum circumstantiarum testes *Cartesium* Princip. Part IV, num I. *Système de Philosophie* du *Pierre Sylvain Regis* Tom. IV. p. 215. *Athanas. Kircherum* mundi subterr. p. 128. in fine, & 129. in principio. *Varenium* denique pag. 179. in fine.

**PHÆN. IV.** Imo tam arcta est hæc æstuantis maris cum lunæ motu diurno connexio, ut, quemadmodum luna non præcise eadem hora, qua heri, meridianum alicujus loci maritimi hodie iterum accedit, sed  $\frac{4}{5}$  unius horæ, sive 48. minutis, tardius; sic aqua viva, seu summum incrementum, non redeat altero die iisdem horis, quibus præcedente sed  $\frac{4}{5}$  itidem unius horæ, vel 48. min. serius; adeo ut e. g. Amstelodami, Roterodami &c. ubi tempore novilunii aut plenilunii æstus marium maximus, sive aqua viva, fuit hora tertia post merid., aut me-



diam noctem, postero die eadem redeat 48'. post illam horam tertiam; tertio die 36'. post horam quartam &c. Quo fundamento nixi calendariographi in regionibus maritimis, incrementa ista ac decrementa, suo quisque loco (& sic facile quivis alius ad locum quemvis alium) in futurum etiam certo prænunciare possunt, modo hoc unum, qua hora in noviluniis aut pleniluniis, in unoquoque loco, contingant, ipsis constiterit.

*PHÆN. V.* Est & hæc vel maxime notabilis hujus variationis diurnæ in æstibus marinis circumstantia, quod eadem hora, qua æstus maximus in loco aliquo superioris hujus hemisphærii terræ, luna in ejus loci meridiano existente, contingit, idem æstus marini summum incrementum insimul in locis maritimis sub opposito inferiore meridiano positis pariter contingat, & contra, cum lunam ab occasu nostro post 6½ horas ad inferiorem meridianum delatam, ibi summum æstum caulari ex analogia nostrorum phænomenorum concludimus, eodem tempore in iis locis, quæ tum sub meridiano superiore consistunt, eundem æstum summum contingere ipso facto observemus. Id quod *Cartesium* supposuisse non solum ex fine num. XLIX. constat, sed „etiam *Varenius* p. 179. confirmat, & cum approbatione quidem, dum in demonstratione Cartesii illud, tanquam in primis „ingeniosum laudat, quod apte & concinne ostendat, quomodo „non tantum ad locum affluxus fiat, vel intumescencia, cum luna „ad verticem illius vel meridianum moveretur, sed etiam cum luna „infra horizontem ad meridianum mediæ noctis moveretur. Utrum hanc circumstantiam utrique hi Viri ingeniosi ex analogia superius memorata tantum concluderint (ut videtur) an vero ex collatis inter se diversarum observationum in oppositis locis factarum relationibus ea constare ipsis potuerit; id equidem pro certo asserendi causam sufficientem non habeo. Id interim negari non potest *P. Fabri* quoque hoc phænomenon admisisse, idque ex prop. LVIII. lib. III. tract. VI. luculenter apparet, & magis adhuc ex prop. C. num. 14, 15 & seqq. speciatim ex num. 20. qui simul etiam *Libertum Fromondum*, ipsi (ceu ex hoc iterum loco



loco nimis elucet) hominem invisissimum, hoc phænomenon pro indubio habuisse, indubie probat. *Kircherum* denique in hoc phænomen. pariter consensisse, tum *schematismus* ejus p. 132, tum hujus explicatio & applicatio pag. præced. 131, evidenter evincunt. Atque hæc est *prima* ex regularibus æstus marini, nempe *diurna variatio*, quæ multas admittit irregularitates, deinceps videndas.

*PHÆN. VI.* Secunda ex regularibus variationibus *menstrua* est, in hoc consistens, & in eo diurnæ simillima, quod sicut ibi bis in die summum est aquarum incrementum, bis item summum earum decrementum, intermediis horis media ratione se habentibus, ita hic bis in mense, nempe in *noviluniis* & *pleniluniis*, summa ista incrementa ac decrementa, cum intermediis suis gradibus, sint notabiliter majora, bis item in mense, nempe in quadraturis, notabiliter minora, quam diebus intermediis, adeo ut in quibusdam littoribus, in quibus toto mense reliquo nullus fere sensibilis æstus est, appareat tamen aliquis tumor, luna existente nova aut plena, e. g. in sinu mexicano & probe Cubam ac Hispaniolam, nec non in aliquibus mediterranei maris oris &c. teste *Ricciolo* almag. novi lib. IX. p. 368. sub fin. cui adstipulatur *Kircherus* mundi subtr. p. 129. sub ipsum principium ita loquens: „In motu vero menstruo æstus ita se habet: tempore novilunii „mare omnium maxime tumet fervetque usque ad quartum fere „ætatis lunaris diem inclusive, nam à quarto usque ad septimum „notabiliter aquæ incipiunt decrescere, ita circiter die à novilunio „octavo sint humillimæ usque ad undecimum, & ab hoc usque „ad decimum septimum incrementum resumunt, à decimo „septimo vero usque ad vigesimum secundum decrescunt usque „ad vigesimum quintum, & hinc usque ad conjunctionis tempus „continua incrementa denuo suscipiunt, durante perpetuo alternata hac incrementorum decrementorumque vicissitudine. *Cartesius* idem breviter indicat num. LI. *Varenius* autem cap. XIV. prop. XII. p. 182. pluribus idem inculcat, & in pleniluniis tamen observari motum vehementiorem dicit, quam in noviluniis



niis, saltem in quibusdam locis. *Pet. Sylvanus Regis* denique lib. V. system. sui philosoph. cap. XIX. edit. Gallicæ Lugdun. p. 217. aquarum summa incrementa tanto majora esse, quanto dies, quibus illa contingunt, sunt noviluniis aut pleniluniis propiores, & tanto minora, quo plus illa accedunt ad quadraturas.

*PHÆN. VII.* Annuam denique variationem quoque in his marium motibus observavit curiosorum industria, eamque duplicem quidem, scilicet luna in æquinotiali constituta (h. e. in signo  $\vee$  aut  $\equiv$  consistens) cum nova sit aut plena, tunc omnium maxima totius anni contingere aquarum incrementa, minima contra cum in alterutro solstitiorum luna nova aut plena est, teste *Varenio* cit. l. prop. XIII, & consentiente *Kirchero* mundi sub. p. 129. *Monf. Regis* cit. l. attestante, quod mare multo sensibilius crescat in iis noviluniis & pleniluniis, quæ contingunt circa æquinotia, quam in iis, quæ incidunt in solstitia, cum hac tamen notabili circumstantia, quod circa hæc tempora maxima incrementa aquarum non incidunt præcise in ipsos dies noviluniorum & pleniluniorum, sed duos aut tres dies post illa, factis in hanc rem accuratissimis observationibus à Domino Coubart Prof. Regio Hydrogr. in portu Brivates (vulgo *Brest*) & à Domino de Mauvaison mathem. in portu S. Malo institutis. Illud etiam fidem omnem meretur, iudice Ricciolo tom. II. almag. N. p. 370, quod ex observatione Domini de Candal refert *Furnerius* lib. IX. hydrogr. cap. 21, scilicet ad ostia Garumnæ & in ora Medoacensi (fluvii scilicet Venetorum *Brenta* dicti) nunquam majores æstus fieri, quam in noviluniis & pleniluniis, quæ sunt Septemb., ac deinde Martio, & aquas humillimas esse in solstitiis hibernis, ac deinde in æstivis. Et hæc de phænomenis æstuum mariorum regularibus.

*PHÆN. VIII.* Irregularitates in his tribus regularium generibus singulis innumerabiles occurrunt, quarum potiores tantum hoc loco indicabimus. Primam illam generaliore, quod in quibusdam oceani partibus nullum sensibile accrementum



tum aut decrementum aquarum, nullus adeo fluxus & refluxus deprehendatur; & 1) in mari mediterraneo referente *Varenio* p. 184. in Ponto Euxino item, mari Tyrrheno ad oras Italiæ occidentales, Galliæque & Hispaniæ orientales, in litoribus item Græciæ &c. vix sensibilis vel ex Africæ vel Europæ litoribus, nisi quod in sinu veneto vel adriatico, itemque in freto siculo (notante Kircherō pag. 151.) & in portu *Golettæ* satis notabilis observetur. 2.) in mari vel sinu balthico, ut etiam toto mari septentrionali ultra Angliam ad Norwegiam, Groenlandiam, nondum deprehensus est fluxus & refluxus, sicut nec in Pacifici maris boreali litore; verbo, in illis maribus, quæ vel à lunæ via longe remota sunt, vel ab occidente in orientem aut in septentrionem longius extenduntur, vel denique multis insulis & procurrentibus terris impediuntur, locum haut facile æstuum variationes inveniunt. 3.) Huc referri possunt lacus & stagna, & cum his Caspium quoque mare, ejusmodi motus non sentientia, exceptis quibusdam oceano vicinis ut sunt in Mexicano regno duo, quorum alter, sapore dulcis, ipsam urbem Mexico hodie gestat, referente Kircherō p. 145.

*PHÆN. IX.* Alibi contra maximus est & concitatus, ut in Adriatico sinu, ubi olim ad Ravennam & Aquilejam multa millia passuum occupavit; hodie veneti litoris duo circiter miliaria obruit; in euripis & fretis plerisque, magellánico, siculo, chalcidico inter Eubœam insulam ac Bæotiam &c. in sinu Arabico seu mari rubro; in India occidentali ad Indi & Gangis ostia, Cambajæque litora, ubi ad 30. usque leucas se infundit; ad Anglica denique Hibernica, Danica, Hollandica, Flandrica &c. adeo ingentes, ut in Britannia nudentur litora in refluxu ad 9. miliaria, & Tamēsis Londinum usque æstum sentiat ad miliaria usque 50. & 60. attollente se aqua 20. circiter cubitis. Cum primis vero notabilis est maris australis, vulgo *del Zur*, ad Panamam urbem insolitus & incredibilis æstus, ideo maxime notabilis quod oppositum *del Nord*, & non nisi exiguo isthmo disjunctum, juxta portum *Nombre di Dios*, vix sensibilem habeat: Quæ omnia prolixius diducta videre licet apud *Ricciol. Lib. IX. Almag.*



novi p. 366. seqq. in Histor. quam vocat, æstus marini accurata, *Varen.* item in Geogr. gen. pag. 183. *Kirch.* Mundi sub Lib. II. cap. VIII. p. 144. Quibus adjungi meretur *P. Fabri* de Æstu maris, per octoginta circiter Propp. Lib. III. Tract. VI.

**PHÆN. X.** Occurrunt etiam notabiles irregularites ratione durationis fluxuum & refluxuum ordinario brevioris aut longioris scilicet 1) alicubi tempus fluxus superat tempus refluxus alibi contra. E. g. Garumnæ, Gallici fluminis, ostia horis 6 $\frac{2}{7}$ . implentur, horis 6. iterum detumescunt: Circa Hipponense litus Africæ (teste Augustino Lib. de Mirac. S. Script.) fluxus mediocris per quinque horas ebullit, refluxus per 7 horas demum litorum dorsa retegic: Ad ostia nigri fluminis alias *Senega* dicti (quod narrat Kircherus Lib. III. M. sub. p. 139. & 142. & confirmat Ricciol. Lib. IX. p. 367.) quaternis horis incrementa, octonis decrementsa fiunt &c. 2) Aliqua loca, quamvis sub eodem meridiano aut proxime sita, non tamen eadem hora æstum patiuntur; id quod exemplo Amstelodami, Enchusæ & Frisiæ patet. Cum enim in ora Frisiæ, die novæ aut plenæ lunæ aqua viva seu æstus altissimus contingit hor. 9. ante merid. Enchusæ fit in ipso meridie, & Amstelodami hora 3. post merid. Ricciol. Lib. IX. pag. 368. 3) Cum ordinarie pedetentim crescat mare, alicubi post superata demum obstacula quædam, repente totum incrementum capit, uti cernitur ad montem S. Michaëlis prope Aurantium ad Cambajæ litora, ubi referunt & P. P. societ. Jes. & plerique scriptores de hoc argumento, mare horis 2. se in litus effundens occupare 30. circiter leucas, sed alibi 15. milliaria, ut habet Trimarchus & Ramusius tom. 1. Navigationum p. 130. & tanta quidem rapiditate, ut, nisi homines cymbalis admoniti, concitato cursu fugiant, præmergantur ab æstu; refluyente autem binis item horis mari, plurimæ naves in sicco hæreant destitutæ. Cujus rei exemplum narrat *Q. Curtius* Lib. IX. & Nearchus apud Ramusium tom. 1. Navigat: Tanto enim impetu recessit mare, ut



re, ut tres naves in sicco licore destituerit, quas repetito postea æstu restituit suo cursui. Sed finis non esset, si cæteras omnes æstuum irregularitates enarrare constitueremus, quas Autores sæpius laudati, aliique passim, nobis recensent; quibus annumerandus adhuc celebratissimus toties Ricciol. in Geogr. Lib. X. cap. IV. V. & VI.

## II. HYPOTHESES PRO SALVANDIS

enarratis Phænomenis excogitatæ.

### I.

**P**AUCA reperiuntur argumenta physica in quibus Philosophi amplius se exercuerunt, quam in hoc de fluxu & refluxu marium. *Sylvanus Regis* allegati Tomi sui IV. Lib. V. cap. XX. p. 219. *Timplerum* in Part. I. Lib. III. Phys. decem diversas opiniones recensentem, de quibus se tamen locuturum negat, ideo quod nullam probabilitatis speciem habeant, ac trium aliarum solum mentionem facit, quæ videntur melius fundatæ, primam nempe *Galilei Galilei* secunda *Athanasii Kircheri*, ac tertia *Anonymi* cujusdam ex modernis Philosophis, qui suam sententiam nondum publicaverit. Sequenti vero cap. XXI. recenset prolixiusque deducit quartam Hypothesin, & verisimiliorem quidem tribus præcedentibus, uno verbo Cartesianam; cujus nomen tamen studio dissimulare videtur. *Ricciolus* Lib. IX. Almag. nov. Sect. IV. cap. XIV. Galilæi argumentum pro motu terræ annuo ac diurno, ex maris æstu derivato, ex professo examinaturus, ea occasione & historiam æstus marini accurate tractat, & p. 373. ac seqq. octodecim diversas opiniones de causa æstuantis maris pariter enarrat & examinat; tandemque Galilæi famosam opinionem distincte exponit & sufficienter, meo judicio, confutat. *P. Fabri* Tract. VI, Lib. III. Prop. XCIX. eandem sententiam Galilæi de æstu marino refellit, dein seq. Prop. C. viginti circiter alias hypotheses breviter perstringit & confutat. In antecedentibus autem septuaginta Propp. propriam suam per omnia fere phænomena tam ordinaria & regularia, quam extraordinaria, ita, prolixissime deducit, ut videatur hæc, Cartesianæ quodammodo æmulatrix, præ cæteris omnibus digna, quæ



cum Cartesianain certamen admittatur & examen rigorosius subeat. Quod equidem ut in seqq. II. Hypoth. separatim fiet; ita hoc loco cæteras brevius aut prolixius exponemus, prout cujusque major aut minor ingeniositas & probabilitas mereri videbitur; epicrisi qualicunque nostra ubique breviter subiecta.

II. *Primo* itaque *Honoratus* unam alteramque Hypothesin ridiculam obiter solum perstringit, ut illam *Kepleri*, terram ut ingens animal considerantem, cujus respiratio æstus faciat; aliamque aliorum, qui aquis marinis naturalem appetitum affingunt, quo ad aquas in littoribus forte reperiundas ferantur in unionem sui cum illis; quas nugas quidem refellere pudeat. *Secundo* quem alii nihilo verisimilius huc accersunt, vacui metum deridet, ob quem, aëre in locum lunæ succedente aquam in aëris locum assurgere concipiunt. Quid enim fiet de aëre, qui locum lunæ cedit? quid post occasum lunæ faceret æstus? Quod denique plenilunia, novilunia, quadraturæ &c. cum vacui metu commercium habent? *Tertio* nonnulli solem aquas marinas rarefacientem æstus marini causam posuerunt, quam cramben recoctam *Isaacus Vossius* cum aliqua quidem specie reposuit, sed rationem cur sole altero die redeunte non æstus etiam marinus, sed cum luna demum 48. min. serius, redeat? cur item cum motu lunæ menstruo & annuo palpabilis adeo connexio marino æstui intercedat? &c. cap. XVIII. expedire non potuit: & cur lacus non paterentur æstus? & cur non majorem æstate quam hyeme? &c. *Quarto*, qui æstus maris ad fluminum appulsum, referre, cum *P. Cabeo* gestiunt, dicant & illi: Quid hæc ad lunam cur bis in die? Cur in Caspio, Euxino. Balthico (quæ maxima flumina recipiunt) nullus fit æstus? Quid adhæc novilunia, plenilunia, æquinoctia &c. Alii *quinto* angelos accersunt, pie quidem, at parum apposite.

III. Lunam denique *sexto* marini æstus causam fateri coguntur, qui ad Phænomena attendunt: sed vel ad virtutem aliquam magneticam, qua luna pollens aquas ad se trahat, cum peripateticis apud Scaligerum Exerc. LII. rem detulerunt, sed reclamantibus iterum phænomenis. Cur enim aquas fluminum & lacuum minores non trahat? cur aliter in novilunio, & in plenilunio, quam in quadraturis? eadem interim facie in terram conversa? cur post occasum aquas superiores? &c. Qui *septimo* lumini lunari cum *Kirchero* hunc effectum adscribunt, dicant velim quid luna nova, lumine



mine destituta, eadem virtute eas moveat, quæ plena, & majore, quam in quadraturis? In novilunio solis lumen à cœli cavitare reflecti, vel per corpus lunæ, quod opacum est, transmitti, eodem jure negatur, quo asseritur. Cum *octavo* vim lunæ rarefactivam allegant, major utique est in sole cæteraque, quæ superius movimus dubia, de mari Caspio &c. de luna sub horizonte &c. hoc etiam loco recurrunt. Cum *nona* spiritus aut nitrosos arguit quispiam, ex fundo maris eductos similem febrili æstui maribus conciliet, aut bituminosos, aut vitriolicos &c. accipe, inquit P. Fabri, quantum volles nitri. aut bituminis & vitrioli, aquæ admisce, exponito lunæ, & meram aquæ quietem aspicias! & cur in novilunio est tantus æstus &c? At ex lunæ maribus in maria terræ descendunt sales heterogenei aut humores lunæ nativi (in quo errore se quondam fuisse, fateatur P. Fabri) & ebullitiones ejusmodi causantur? Itane vero ex tam immensa 50000 miliarium distantia? & sales quidem adhuc valde dubii? & in lacuum minus profundis alveis otiosi? Si *decimo* virtutem humectativam lunæ tribuas, illa lacubus aliisque marium portionibus non minus admisceretur. Si maria alicubi fervere excipias; illos continue fervere cogita nec à luna eductos, sed ab ignibus subterraneis excitatos; nec fervoris illius reciprocationem neque cum summo calore, sed cum frigore conjunctam senties, neque cum noviluniis, pleniluniis, quadraturis, æquinoctiis ullam connexionem agnosces. Neque porro *undecimo* maria motum lunæ sequi cum specie dixeris, quo aërem ipsa, & hic aquam, movet tanta vi, qua moles aquæ ingens loco moveatur, aëre interim sæpissimè tranquillissimo & immoto.

IV. Qui marinos æstus, *duodecimo*, ignibus subterraneis ascribunt, illis universalia ista obstacula, istorum scilicet connexio cum lunæ motibus, noviluniis, pleniluniis, æquinoctiis, &c. contrariantur; deficiens aquarum æstuantium calor repugnat: & cur non continue agitantur, sed per intervalla reciproca? Cum *decimo tertio* contra vim lunarem ea maxime circumstantia urgetur, quod post occasum lunæ æstus supra terram denuo repetuntur, & cum summo incremento quidem, luna in imo cœlo existente; aliqui radios lunares in globo terrestri colligi fingunt, ut in pila crystallina. Quinam vero radii, quærit P. Fabri? non luminis certe, cum terra opaca sit: Num occultæ virtutis? utique & occultæ perpetuo futuræ, ideoque tanquam figmentum rejiciendæ. Alii id fieri dicunt *decimo quarto*, inftar vibrationis, ut subside aqua in



punctis oppositis, in aliis punctis oppositis simul intumescat, Sed hoc verum fore respondetur, si prematur mare in punctis oppositis; id quod, quomodo luna, unica existens, præstare queat, non apparere: Alii *decimo quinto*, ad vibrationem, nescio quam, confugiunt, qua luna ad meridianum sublata, indeque ad horizontem occiduum delapsa, accelerato deinceps impetu, ultra genuinos limites prolapsa, pendulorum more redeat æquali tempore; sed præterquam, quod non capiam similitudinis applicationem, ea, si qua commoda foret, hoc saltem absurdo urgeretur, quod æstus post lapsum lunæ factus deberet semper minor esse præcedente, contra experientiam. Exceptio *decima sexta* Crescentii fictione rotarum per contactum in partes oppositas se moventium, eodem jure exploditur, quo conficta fuit, cum nemo unquam viderit oceani quadrantes moveri ut rotas &c. Dum *decimo septimo*, nonnulli qualitatem illam æstus motricem totam terræ molem permeare, nec illi terræ opacitatem obsistere, atque ita in parte opposita simul agere; magnum quid equidem postulant, sed eo concesso, sequeretur *primo* vim illam per totum terræ orbem diffusam æstum simul & semel ubique concitare debere, quod est absurdum, & *secundo*, ubi cunque etiam agere supponatur, totam hanc ejus actionem in obscuro, & id ipsum esse, quod hoc loco quaeritur. Lepidum denique *decimo octavo* est Fromondi figmentum, quo lunæ conspicuæ, in opposito cœli puncto aliam anti-lunam inconspicuam opponit, cujus virtute simili æstus in parte globi terræquei opposita exciteretur: quæ ludendi in re seria libido castigationem quidem aliquam mereretur; non eam tamen, qua in summam Austriacæ Domus invidiam operose adeo & prolixè adduceretur.

V. Nunc Galilæi sententiam, quæ præ omnibus aliis plurimorum animos occupaverat, separatim proponemus & examinabimus; quam etsi è recentioribus *P. Fabri* quoque loco sæpius cit. Prop. XCIX, & *Pierre Silvain Regis* novissime Livre cinqu. de la Physique chapitr. XX. attigerint, clarius tamen ac distinctius ante ipsos proposuit rem omnem & examinavit. *P. Riccioli* l. supra cit. quem ideo præeuntem maximam partem sequemur. *Galilaus* igitur Dia. 4. de mundi system. gemino, sub ipsum init. lectis & auditis vanitatibus insignibus, quas multi ad rationem horum accidentium (in aquæ motibus sc. à se & aliis observatorum) reddendam adduxerant, non leviter allectum se sensit, dicit, ad duas hæc conclusiones admittendas: 1. *Si globus terrestris sit immobilis, tunc fluxum & refluxum*



*xum maris naturaliter fieri non posse. Contra II. si eidem globo conferrantur motus jam assignati, necessarium esse, ut mare fluxui & refluxui subjaceat, secundum omnia illa, quæ in ipso observantur. Et si vero paulo post fateatur, se non sibi tantum arrogare, ut possit reddere rationem adæquatam omnium effectuum, qui forte deprehendantur in maribus extra mediterraneum positis (quo ipso tacite fatetur, non nisi eorum phænomenorum, quæ in mari mediterraneo occurrunt, se habuisse noticiam; cum in cæteris vastis oceanis multo magis stupenda nobis offerat historia, quibus cum illa maris mediterranei ne comparanda quidem veniant, velut ex enarratis supra Phænomenis videre est;) ut vel hoc nomine prædestinata nobis merito videatur hypothesis, quæ ex paucioribus, iisque levioribus phænomenis concinnata est; & Ricciolus haut injustè videatur in ipso statim limine Galilæi judicium desiderare, dum fidenti adeo animo in sequentibus affirmat, causam æstui mediterraneo satisfaciendam, satisfacturam quoque esse omnibus omnium marium æstibus, sibi licet adhuc incognitis & incompertis.*

VI. Jam ut ipsam ejus hypothesein propius inspiciamus, tres, ait, observari periodos in fluxibus ac refluxibus aquæ marinæ: Primam diurnam, quæ alternatim aquæ per 6. horas attollantur, & per alteras 6. horas iterum deprimantur; siue id fiat absque motu progressivo siue solo motu progressivo absque intumescencia vel elatione & opposita depressione; siue una cum elatione ac tumore, etiam cursu aliquo progressivo & regressivo conjuncto, uti Venetiis accidere solet: Secundam mensuram, quæ videatur à Luna non effici quidem, sed alteratione primæ variari, prout luna nova vel plena, vel bifida fuerit. Tertiam denique annuam, quæ videatur pendere à sole, quatenus ille reddat diversos fluxus in solstitiis ab iis, qui fiunt in æquinocitiis. Quibus prænarratis refutat duas horum effectuum causas ab aliquibus adductas, & cum effectus hosce sequi non posse, deduxisse se putat, sitellus, tanquam vas maria continens, immota quiescat; disquirendum esse, dicis, an per motum vasis hujus explicari possint illæ causæ? id quod facit considerando, quid vasi aut navis aqua plenæ eveniret, si placido quidem cursu progressivo versus unam partem vas aut navis sed inæquali velocitate, (quæ em eadem, ex mixtura motus annui ac diurni in motu telluris supponit, & schematico deinceps demonstrare conatur) proveheretur, aquam enim, utpote fluidam nec vasi firmiter coherentem, dum vas retardaretur, ipsam concepti impetus partem retinentem in anteriora



riora procursuram, & in vasis extremo præeunte attollendam fore; contra vero si incitaretur motus vasis; aquam tarditatis suæ partem retinentem ac retro nonnihil remanentem (antequam novum impetum tota conciperet) recessuram in partem subsequenter vasis, ibique exaltandam fore in medio autem vasis vix tumorem ullum aquæ apparituram, sed potius cursum aquæ insigniorem, quam ad extremos margines. Cum igitur hujusmodi effectus cernere liceat in æstibus mediterranei; consentaneum esse. Vas ipsius i. e. tellurem moveri talibus motibus, qui eam modo retardent, modo incitent. Quibus deinceps quinque notabilia æstus marini accidentia considerat Galilæus, & ex totidem reciprocantis, in vase sic moto, aquæ variationibus deducit; omnia Ricciolo fidelius clariusque, quam ab ullo alio factum sciam, referente: ut, si quem forte Galilæi mentem plenius ex ipso ejus dialogo exponendi lubido incesset illo præeunte rem felicissime proculdubio esset expediturus.

VII. Nos, quæ contra hanc diurni æstus deductionem Galilæanā jure excipi posse videantur ex parte tantum videbimus. Ac primo quidem p. 378. *Scipionis Claramontii* argumentum, quod immediate Galilæi fundamentum petat, adducit *Ricciolus*; sed invalidum illud esse ingenue fatetur. Deinde vero ipse totam hanc æstus marini explicandi Galilæanam hypothesein, & Copernicano systemati, & ipsi Galilæo è diametro repugnare ostendit, dum istud, non tellurem aquæ aërique contradistinctam, sed totum systema elementare, eadem velocitate ac specie motus cum terra versus orientem moveri supponit, quam suppositionem ipse Galilæus Dial. 2. de mundi systemate confirmat; hoc vero loco mari tribuit motum fluxus & refluxus diversum à diurna terræ conversione. Tertio, si motus terræ diurnus cum annuo ex oborta inde motus inæqualitate, deberet ille transitus à velocitate ad tarditatem, aut contra, repentina mutatione fieri; nisi enim repentina mutatione vas concutiat, non fluctuat sensibiliter aqua nec ab uno margine ad alterum attollitur. Sed posito tellurem moveri inæqualiter, non fieret tamen id, per ipsam Galilæi demonstrationem, uno impetu, sed paulatim ac sensim sine sensu, *Cabeo* etiam 2. meteor. t. 6. qu. 8. hoc idem urgente imo hæc ipsa inæqualitas esset insensibilis, uti cap. 19. à num. 9. & 11. se postmodum ostendisse testatur *Ricciolus*: quo fors, san etiam respexit *P. Sylvain Regis*, quando p. 222. ex eo, quod Galilæus ipse agnoscat, quod motus totius terræ & ille cujuslibet partis futuri essent uniformes, si non nisi unum haberent motum,



vel diurnum solum, vel annum solum; ex eo concludit, motum annum, cum sit communis (h. e. ut ego intelligo, in eandem cum diurno plagam) non posse mutationem ullam in diurno causari consequenter absque fundamento asserere Galilæum, quod terra & ejus partes irregulariter moveantur."

II. Illud hoc loco præcipuè notandum est, ex historia supra tradita & regulis nauticis circa horam summi æstus prænoscentiam, quod maris æstus evidenter habeat connexionem maximam cum lunæ motu diurno simul & menstruo, & in iisdem locis in quibus fit quotidie postponat per 48. circiter minuta, & quod summus æstus fiat, luna ad meridianum supra vel infra horizontem accedente, etiam extra meridiem vel medinoctium. Quæ omnia cum frustra forent, maris æstu à motu terræ pendente, ideo Ricciolo iudice, Galilæus aut imperitum se rerum nauticarum ostendit, aut eorum regulas æstu dissimulat: quemadmodum etiam vel ex imperitia vel æstu negavit, in mari rubro æstum fieri; quod falsum esse plurimis ac manifestis experimentis in historia marini æstus docetur. Scilicet, si unica esset æstus marini causa inæqualitas motus telluris versus orientem, utique nullus æstus sensibilis aut magnus fieri posset in litoribus ac portibus versus septentrionem aut austrum sitis; cui tamen reclamant omnis experientia. Non solum enim in mari rubro fit æstus, ita quidem, ut Sacrarum literarum osiores ausi sint, inquit Scaliger exercit. 50. temere mentiri, Moysen in sicco transmississe, nactum occasionem refluens maris &c. sed etiam ad litora Americæ australia ultra sinum mexicanum, & in ora itidem australi Indiæ orientalis à Caledonia ad Cambaiam, ubi tam rapidus est ac vehemens, ut 15. minimum milliaria litoris occupet binis horis ac totidem horis refluendo eadem denudet &c. Sicut in Archipelago S. Lazari æstum quotidie tanto impetu ferri versus meridiem refert Furnerius Lib. IX. Hydrog. cap. 16. ut perumpat funes ingentis crassitie; hoc ipso adeo argumento usus contra Galilæum, sicut & Cabanis II. Meteor. supra cit. loco.

IX. Superessent octo adhuc apud Ricciolum argumenta adversus causam diurni æstus à Galilæo adductam, quatuor item contra causam varietatis mensuræ & annuæ in marino æstu, à Galilæo fictam. Sed nos hæcenus aliatis contenti, ad potissimas duas hypotheserum exponendas festinamus, quæ multum sibi similes, in eo quoque contra omnes alias consentiunt, quod luna non sit proprie dicta causa, sed occasio tantum, cur mare intumescat; id quod P.



*Fabri* duabus separatis Propp. XXXIV & XXXV. expressis verbis docet; *Cartesius* autem in ingeniosa sua deductione Num. XLIX. Part. IV. Princip. implicite saltem docet, dum occasione lunæ, spatia inter terram & extrema vorticis lunaris in diametro hujus breviora multo angustiora fieri ostendit, quam extra hanc breviora diametrum, indeque hoc consequi, ut materia cœlestis in istis angustioribus spatiis celerius fluat atque ideo magis premat tum superficiem aëris, tum superficiem aquæ ipsi subjectæ: Quam pressionem utique tanquam veram & effectricem causam hujus effectus speciose assignat; ideo fortassis à P. Fabri quoque selectam, sed (ne videretur aliquid à Cartesio mutuo accepisse) in rationes penitus oppositas detorsisse: id quod alibi quoque in doctrina de iride (suppresso utrobique Cartesii nomine) ipsum fecisse, haut levis est suspicio. Sequantur igitur.

### III. HYPOTHESES SECUNDÆ BINÆ INTER

cæteras omnes præcipuæ, Cartesiana &  
Fabriana.

#### II.

**C***artesius* nullibi in rerum physicarum explicatione magis ingenii sui vim demonstrasse, quam in *iridos & aestus marini* difficillimis argumentis; illi quoque qui cætera hujus viri non omnia promiscue probant, ingenue confitetur. Quos inter cum præcipue commemorari mereatur *Bernhardus Varenius* hoc in antecessum hic sciendum est, eum, *Geographiæ part. gener. cap. XIV. Prop. IX. p. 171. Acutissimi*, quem ibi vocat, *Cartesii* mechanicam explicationem prolixè enarrat; & quamvis in hac *viri ingeniosi* explicatione p. 173 quædam desideret; p. 174. tamen illud observatum, quod in plenilunio & novilunio vehementior sit motus ille maris ab oriente in occidentem, in quadraturis minus vehemens; id quidem *Cartesii demonstrationem egregie demonstrare*, non dicit solum, sed ostendit; Et, quamvis cum luna plena est, possit illa intumescencia referri ad majus lumen lunæ, tamen cum luna nova est, illam rationem cessare, inquit, *atque ideo evinci lumen non esse causam hujus motus, sed potius pressuram illam Cartesianam*. Postquam deinde p. 177. & seqq. pag. eandem illam Cartesii demonstrationem denuo una cum suo diagrammate exposuit, non obstante illo scrupulo



Num:  
2.



Fig: XLV.




Fig: XLIV.

Fig: XLVI.  
Num: 1





Fig: XLVII.  
SEPTENTRIO.



XLII. Fig:




Fig: XL.




Fig: XLIII.





Fig: XLI.









pulo, qui ipsum (ex male intellecta hypothese, uti postea videbimus) adhuc urgebat; illud tamen in ea, *tanquam in primis ingeniosum* laudat, quod apte & concinne ostendit, quomodo non tantum ad locum, affluxus fiat vel intumescencia, cum luna ad verticem illius vel meridianum movetur, sed etiam cum luna infra horizontem ad meridianum media noctis movetur. Imo adeo deperit hanc Cartesii hypothesein, ut p. 180. existimet, absurditatem illam, (quam ipse in erroneo conceptu suo involverat) removeri posse à demonstratione, modo idem Cartesio videatur; id quod ipso facto, licet frustraneo labore, præstare conatur.

II. Sed age, ad ipsam adeo deamatam Varenio hypothesein nunc properabimus, non aliis rectius, quam ipsius Cartesii verbis ac diagrammate, quæ in alleg. num. XLIX. habentur, proponendam. „Sic igitur ille: Superest alius regularis maris motus, quo bis in die singulis in locis attollitur & deprimitur, interimque semper ab oriente in occidentem fluit. Ad cuius motus causam explicandam, ponamus nobis ob oculos exiguum illum cœli vorticem, qui terram pro centro habet, quique cum illa & cum luna, in majori vortice circa solem fertur. Sitque A B C D (Fig. XL.) ille exiguus vortex; E F G H terra; 1 2 3 4 superficies maris, à quo majoris perspicuitatis causa terram ubique tegi supponimus; & 5 6 7 8 superficies aëris mare ambientis. Jamque consideremus, si nulla in isto vortice luna esset, punctum T. quod est centrum terræ, fore in puncto M, quod est vorticis centrum; sed luna existente versus B, hoc centrum T esse debere inter M et D, quia, cum materia cœlestis hujus vorticis aliquanto celerius movetur quam luna vel terra quas secum defert, nisi punctum T aliquanto magis distaret à B quam à D, lunæ præsentia impediret, ne illa tam libere fluere posset inter B & T, quam inter T & D: Cumque locus terræ in isto vortice non determinetur, nisi ab æqualitate virium materiæ cœlestis eam circumfluentis. evidens est ipsam idcirco non nihil accedere debere versus D. Atque eodem modo cum luna erit in C, Terræ centrum esse debet inter M & A; sicque semper terra non nihil à luna recedit. Præterea, quoniam hoc pacto, ex eo quod luna sit versus B, non modo spatium per quod materia cœlestis fluit inter B & T, sed etiam illud, per quod fluit inter T et D, redditur angustius; inde sequitur, istam materiam cœlestem ibi celerius fluere, atque ideo magis premere, tum superficiem aëris in 6 & 8, tum superficiem aquæ in 2 & 4, quam si luna non esset in



„vorticis diametro B D; cumque corpora aëris & aquæ sint fluida,  
 „& facile pressioni isti obsequantur, ipsa minus alta esse debere su-  
 „pra partes terræ F & H, quam si luna esset extra hanc diametrum B  
 „D; ac e contra esse altiora versus G & E, adeo, ut superficies aquæ  
 „1, 3. & aëris 5, 7, ibi protuberent.

III. Hic certè *Joh. Baptista du Hamel* quoque laudato supra *Varenio* succinit *Phys. Part. II. Tract. II. Dissert. I. de Meteoris cap. V. p. m. Ed. Norimb. 432.* postquam *Cartesii* modo datam hypothesein ipse suis verbis exposuisset, hæc immediate subjiciens: *Illud sane inficiari non possumus, nihil fere ingeniosius excogitari potuisse; mox autem addens: Sed tamen graves ea hypothesis patitur difficultates.* Quasnam vero illas? *Primo*, quod terræ motum supponat; cui difficultati tamen ipse statim remedium quærit, *quanquam non dubito*, inquit *quin etiam in vulgari sententia eadem aëris pressio locum sit habitura*; id quod non solum non dubitandum, sed infallibiliter certum est. Etenim, si terra quiescat, & luna motu, primo si ve diurno circa ipsam moveatur angustia illa inter lunam & terram indeque consequens pressior ætheris fluxus, successive ab una parte oceani ad alteram versus occasum perinde progredietur, ac si terra ab occasu in ortum diurno motu circumvoluta, easdem oceani partes, eodem ordine, sub lunam hoc intuitu immotam successive adducat: quanquam, quæ difficultas est *Hamelio*, ut pontificio Ecclesiæ autoritatem & grave fulmen vereri coacto, ea alios tyrannide ista liberatos non attingeret. Quænam vero *alia* urget ingeniosam *Cartesii* hypothesein *difficultas*? Hæc novam hypotheseos partem respicit, quam in superioribus nondum audivimus, mox autem audiemus. Nimirum. *In pleniluniis & noviluniis luna non semper est perigæa aut terra proxima*, uti quidem hæc pars hypotheseos mox exponenda, videtur necessario supponere. Sed gravem hanc secundam quoque difficultatem jam superavit *Hamelius*, *Verum*, subjungens. *huic difficultati nuper satisfactum fuit ab ingenioso & pererudito juvene*; tametsi modum, quo id factum fuerit, quod mirum, non subjungat. *Tertia* difficultas ea ipsa est, quam *Varenius* adeo sollicitè inculcat, mox specialius videnda. Sed huic etiam difficultati aliquod remedium reperit *Hamelius*, *Cartesianos utcunque saltem respondere posse*, dicens, *mare luna subiectum deprimi quidem sed proximum (versus litora) intumescere.* Quæ responsio, cum totam difficultatem, non utcunque, sed radicitus tollat; dubitare quem merito faciat, an serio locutus sit *Hamelius*, dum graves



ves dicit Cartesianam de æstu marino pati difficultates, quibus omnibus tamen ac singulis paratas habet responsiones, meo quidem iudicio certissimas, uti sequentia docebunt.

IV. Hanc enim tertiam difficultatem quod attinet, illam quidem *Varenius* ante Hamelium Geogr. gen. p. 179. his verbis proponit: Inprimis illud mirum videtur, Cartesio non venisse in mentem, quod juxta demonstrationem minima aquæ altitudo & omni-  
moda detumescencia esse debebat, luna in meridianum veniente, ut luna in B existente, est in 2 & 4 minima aquæ altitudo, & contra aqua accrescit cum secedente luna vel terra, ita ut cum F erit in G, h. e. sex horis à luna habebit intumescencia seu altitudinem maximam: quod sane est manifeste contra experientiam; cum lunæ enim accessu ad meridianum accrescit aqua, & cum decessu decrescit; Cartesii vero tam verba quam diagramma contrarium afferunt. Quid igitur quæso te Varenii, asserunt? Annon, aquarum depressionem in loco maris F sub ipsa luna perpendiculariter collocato? idque ideo, quod inter F & lunam spatium omnium sit angustissimum, fluxusque adeo ætheris omnium pressior, & consequenter æris & aquæ pressio maxima? At hoc est manifesta contra experientiam, inquis. Ego vero contra, hoc cum experientia manifestissime convenire demonstro. Nempe, quo magis luna ad loci alicujus maritimi meridianum accedit, eo magis affluit mare ex alto ad litus illius loci, vel progrediendo longius & in terræ planitiem se insinuando, vel intumescendo, ubi litus est impeditum, & plus altitudinis acquirendo, juxta *Phæn.* II. Experientia igitur in litoribus maxime habetur, in alto vero mari minus, imo, si rationem evidentissimam audire velimus, nihil omnino animadvertitur, cum quicquid aquarum ad litora extruditur, id ex alto mari necessario subtrahitur. Quamobrem innoxius error tuus doctissime Varenii ex eo ortus est, quod non distincte satis Phænomena æstus marini, & hypothesein Cartesii, quam ipse ut ingeniosam non semel laudas, mente tua concepisti. Verissimum est, quod dixisti, cum lunæ accessu ad meridianum accrescit aqua, in litoribus nempe, non in alto mari & sub lunæ perpendiculo, & cum decessu lunæ à meridiano, decrescit aqua in litoribus, in alto mari vero consequenter paulatim crescit; Cartesii vero tam verba quam diagramma hoc idem dicunt & oculis subjiunt; luna nempe in meridiano loci existente, aquas perpendiculariter lunæ subjectas, vi hy-



potheseos, esse maxime depressas & ad litora expressas, prout experientia postulat.

V. Ita igitur tertia hæc difficultas, non utrunque ceu Hamelius judicaverat, sed plenarie ex ipsis hypotheseos essentialibus conditionibus sublata est. *Secunda* vero, quæ variationem æstus marini menstruam attinet, mihi quondam magna semper visa fuit ac diu insolubilis. Sic enim Cartesius post superiora jam penitus salva, „num. LI: „Notandumque est, hunc vorticem ABCD non esse „accurate rotundum, sed eam ejus diametrum, in qua luna ver- „satur cum est nova vel plena, breviorē esse illa, quæ ipsam secat ad „angulos rectos, ut in superiore parte ostensum est; unde sequitur, „fluxus & refluxus maris debere esse majores cum luna nova est vel „plena, quam in temporibus intermediis. Ex his Cartesii verbis pronumerat inferre, lunam ergo cum plena est vel nova semper esse in perigæo: Quod cum manifeste falsum esset, Ephemeridibus sæpissime contradicentibus; hinc nata est illa maxima difficultas, quam Hamelius jam supra proposuerat, *quod in pleniluniis & noviluniis luna non semper sit perigæa aut terra proxima.* Cum vero statim subjungeret, huic difficultati nuper satisfactum fuisse ab ingenioso & pererudito juvene, ægerrime profecto tuli hanc solutionem à viro laudato non fuisse adjectam, ut una cum ipso à magno illo dubio, quod tot annis me sollicitum tenuerat, liberaret; cum præsertim persuadere mihi difficillime possem, sublime illud Cartesii ingenium tam obviam & pudendam absurditatem non prævidisse.

VI. At enim vero, cum inter legendum ea, quæ *Pierre Sylvain* Regis in *System. Philosophiæ* Tom. III. p. 166. & Tom. IV. p. 226. ac seqq. adnotaverat, verba Cartesii proxime allegata propius inspicere, deprehendi, nunquam dixisse Cartesium, maximos fluxus & refluxus fieri tunc, cum luna est in perigæo, sed cum ea est in breviorē suæ ellipseos diametro. Nempe in spatio BT brevioris diametri, materia æthereæ utique compressior fluit, quam in spatio longioris diametri CT, si maxime luna nulla in hoc cœlo esset. Quod si vero corpus nunc in illo, nunc in hoc positum concipiatur, sive propius à terra, sive remotius, utrobique illud æquale spatium occupat, & æquale ætheris fluori impedimentum affert. Ergo adhuc manet ætheris fluxus in diametro breviorē coarctatior præsentē luna, quam in diametro longiorē, eadem luna præsentē: Ergo ibi adhuc magis prementur ær & aqua subiecta mediante aëre, quam hic: Ergo adhuc ibi major erit & copiosior affluxus, quam hic. Neque putandum



dum est (quod meam etiam mentem præoccupaverat) ad illud solum spatium respectum hic haberi, quod est utroque; inter lunam ac terram; hoc enim supposito, necessario, si spatium illud in noviluniis & pleniluniis semper esset angustius, quam in quadraturis, ibi semper luna deberet esse perigæa, hic apogæa. Verum hoc solum voluisse Cartesium, attendenti manifestum est: Totum spatium, arctius ex hypothesi lunari in BT, quam in CT, arctius adhuc manere præsentem lunæ vasto corpore, quam hoc alterum, eodem præsentem; ideoque ætherem tam infra quam supra lunam (sive in perigæo illa, sive in apogæo fuerit) pressius in BT, fluere debere, quam in spatio CT, utroque pariter casu.

VII. Tametsi vero hæc ita expedita sint; nondum tamen est (ne quicquam dissimulemus) omnium difficultatum finis. Desideratur enim merito ratio aliqua, ob quam adeo confidenter dicere potuerit Cartesius, lunam novam & plenam semper occupare minorem vorticis diametrum? Quam rationem cum ille non dicat, nostro iudicio id hinc nosse potuit: Cum vortex lunæ parvulus *abcd* in Fig. XLI. una cum terra T intra magnum solis vorticem ab A & B, spatio 27 $\frac{1}{2}$ . dierum, sive mensis periodici intervallo minimum 26. gradus provehatur, dum interim terricolis sol videtur totidem gradibus à C ad D processisse fit hac circumductione vorticis lunaris orbiculari, ut diameter brevior *bd* in A erectior, in via ab A ad B sensim dextrorsum obliquetur, ut in statione secunda situm habeat *b d*, à prioris erecto & parallelo hic posito *bd* dextrorsum emotum angulo *d t d* æquali angulo CSD; adeoque cum luna in suo vortice finito mense periodico existeret in pristino situ *ab*, ac decurrendos adhuc haberet 26. circiter gradus à *d* ad *d*, finito sic mense synodico demum ad lineam syzygiæ in breviori vorticis diametro perveniebat. Et hoc modo menstruæ quoque æstus marini variationi satisfactum est; tametsi illam solvendæ difficultatis rationem satisfaciendam ingeniosi ac pereruditi juvenis, cujus Hamelius meminit, nondum quidem videre contigit.

VIII. Superest tertia & *annua* æstus marini variatio, quam in Phæn. VII. adnotavimus; cujus equidem rationem nos à positu lunæ super æquatorem æquinoctiorum tempore, adeoque super majorem aquarum copiam, quam prope Tropicos, existentis, alias simplicissimè deducere cum Hon. Fabri Tract. VI. p. 342. solebamus. „Cum enim luna tunc, inquit ille, & satis quidem meo iudicio verosimiliter sit circa æquatorem, vel in ipso æquatore, tum in novilunio tum in plenilunio, cum 5. tantum gradibus declinare possit, & cum sub æqua-

æqua-



„æquatore immensa sit aquarum vastitas, ut patet ex Geographia;  
 „quid mirum si major compressionis seu pressionis effectus inde con-  
 „sequatur? — In solstitiis autem longe minor æstus sentitur: de hy-  
 „berno ratio est, quia tunc vel plenilunium vel novilunium confide-  
 „ratur; si primum, luna est versus tropicum canceri, igitur ille globi  
 „terraquei tractus, illi parallelo, quem tunc luna decurrit, subjectus,  
 „parum aquæ continet, ut consideranti patebit; igitur circuli pres-  
 „sionis modicam premunt maris superficiem; igitur modicus re-  
 „spondet effectus; igitur æstus parum attollitur. Si vero novilu-  
 „nium consideratur, luna est versus tropicum capricorni; igitur  
 „cum punctum maximæ elevationis versus austrum (sive litora au-  
 „stralia, uti supra versus borealia) maxime declinet, quid mirum si  
 „vel inde in nostro mari Britannico, Gallico &c. quod longius à  
 „tropico capricorni distat, aqua minus assurgat. — quod vero spe-  
 „ctat ad æstum, qui fit in solstitio æstivo, si novilunium consideretur,  
 „minimus erit æstus, diurnus tamen major nocturno; primum qui-  
 „dem, quia tunc luna est in tropico canceri, ac proinde ut jam supra  
 „ostendi minor est pressionis effectus, quia minor maris portio ei-  
 „dem tropico subjacet; secundum vero, quia in diurno æstu tumor  
 „aquæ eidem tropico canceri subjacet, in nocturno vero tropico ca-  
 „pricorni; igitur inde major æstus hinc minor redditur, in nostro  
 „scilicet mari.

IX. Et hæc videntur commode applicari posse verbis Cartesii  
 num. LII. in quibus *notandum*, dicit, *lunam semper esse in plano ec-*  
*liptica vicino* utpote à qua nunquam amplius 5. gradibus abest) *ter-*  
*ram autem motu diurno secundum planum aquatoris converti; qua*  
*duo plana in æquinoctiis se interfecant* (aut rectius forte coincidunt)  
*in solstitiis autem multum ab invicem distant: unde sequitur, ma-*  
*ximos* (anno toto) *æstus maris esse debere circa initia veris & au-*  
*umni*, (quibus sc. novilunia & plenilunia æquinoctiis proxima con-  
 tingunt.) Qua equidem applicatione sic decenter facta, tertia quo-  
 que, nempe annua variatio, ex communi utriusque hypotheseos  
 principio rite deducta esset. Verum, quia *Silvain Regis* Tom. IV.  
 de la Physique Livre cinquième p. 236. hanc etiam è sola Cartesiana  
 hypothese videtur velle deducere (quam deductionem forte non-  
 dum plene capio;) ideo ipsa ejus verba Gallica hic subijciam, & post-  
 modum versionem meam superaddam, ut lectoribus meis (quibus  
 autor hic Gallicus rarius conspicitur) constare possit, utrum ejus  
 mentem assecutus sim necne? Posteaquam igitur in margine num. 15  
 quæ-



quæsiuisset: Pourquoi les plus grandes marées arrivent environ les pleines & nouvelles Lunes des Equinoxes? i. e. Cur æstus maximi contingant circa plenilunia & novilunia æquinoctiorum? responsum in ipso contextu sequentem subdit:

X. Quant à ce, que les plus grandes marées arrivent aux pleines & nouvelles lunes des Equinoxes, cela dépend vray-semblablement de ce, que le tourbillon du soleil presse alors plus directement la masse elementaire, qui ne la presse dans toutes les autres saisons. En effet, lors que la terre se trouve au commencement du belier & de la balance, comme son axe & tellement situé qu'il n'incline ni ne decline du soleil, le plan de l'Ecliptique repond directement à l'Equateur terrestre & par ce que le tourbillon du soleil agit plus fort par ce plan, que par toutes ses autres parties, il est necessaire aussi que l'Equateur terrestre soit plus comprimé dans les Equinoxes, que pendant toutes les autres saisons de l'année, à raison de quoy la ligne des conjonctions & des oppositions étant plus courte, il faut de nécessité que, quand la lune s'y rencontre, elle cause les plus grandes marées h. e. Quantum ad illud, quod æstus maximi contingant in pleniluniis & noviluniis æquinoctiorum, illud dependet verosimiliter ex eo, quod vortex solis tunc directius premit massam elementarem (quo nomine intelligit totum lunarem vorticem circa terram) quam eam premit omnibus cæteris anni partibus. Certè, tunc cum terra inter initium arietis & libræ versatur, cum axis ejus ita positus sit ut nec inclinet neque declinet intuitu solis, (sed dirigatur potius in ipsum solem ut b t d) planum eclipticæ respondet directe æquatori terrestri; & quia vortex solis fortius agit per hoc planum, quam per omnes alias suas partes (ideo procul dubio, quod in hoc, tanquam circulo maximo ejus motus sit velocissimus) necessum etiam est æquatorem terrestrem (& consequenter aquas ibi reperiundas vastissimas) plus comprimi in æquinoctiis quam ulla alia anni tempestate; quæ ratione linea conjunctionis & oppositionis, brevior adhuc existente (quam alias ordinariæ) necesse est, ut luna ibi existente fiant æstus omnium maximi.

XI. Subjungit autem laudatus Dn. Regis immediate rationem ejus Phæn. quod notaverat p. 217. & cujus incidenter Hamelinus quoque meminit p. 432. edit. Norimberg Cur nempe summi æstus circa æquinoctia contingant ordinariæ triduo, vel etiam nonnunquam biduo tantum post novilunia & plenilunia? cujus rationem esse dicit, quod illi æstus non solum ex eo dependeant, quod luna versetur in brevioræ diametro massæ elementaris, sed insuper



à dispositione aquarum marinarum ad motum, quæ tanto major sit, quanto fortius illæ commotæ fuerint diebus præcedentibus. Unde mirum non esse, si æstus summi crescant adhuc duos dies posteaquam mare receperit maximam impulsione à luna. Quod si quis ad hæcenus dicta adjiciat, quod ventî possint concurrere vel contrariari motibus aquarum, & quod litora, prout illa diversimode posita, illos diversimode quoque possint determinare; nos habituros, inquit, explanationem satis exactam omnium particularitatum in fluxu & refluxu; ad mentem intellige *Hypothesen Cartesianæ*, quam hic finiemus.

XII. Nunc *Fabrianam* quoque videbimus, in qua cit. sæpius loco Prop. XXIX. in fine, clarissimam se afferre, dicit autor, æstus marini causam, à nullo, quod sciat, hæcenus excogitatam; nisi forte, quod valde est probabile, Cartesii pressio primam ipsi suæ excogitandæ occasionem obtulit. Prolixus autem valde cum sit in enarrandis hypotheseos suæ partibus; non inconsultum, credo, fuerit, ejus epitomen primum ex Hamelio cit. supra loci cap. V. p. m. 433. hanc afferre: Itaque existimat *P. Fabri*, rem omnem explicari posse, si statuamus, lunam esse telluri persimilem, suam habere atmosphæram & circumfusum aërem: in eam quoque corpora gravia tendere, dummodo ei sint propiora quam terræ; adeo ut aër inter lunam & tellurem interjectus quasi in duas partes distractus videatur. Pars illius in terram, pars altera in lunam & nititur & gravitat. Cum igitur Luna est perigæa, tum minor aëris columna subjectam terram & mare premit, nam partem illius luna terræ æmula ad se rapit. Cumque corpus lunare ad meridianum circulum pervenit, tum aqua huic subjecta minus premitur, quam in aliis locis, quæ lunæ non subjiciuntur: unde aqua eò loci attollitur & intumescit. Quod si terram mari opertam, ut in mundi exordio, concipiamus, tum sane figuram pene ellipticam obtinebit: adeo ut circa latera sit depressior. Atque hac ratione omnia phænomena æstus marini facilius explicantur, quam in Cartesianæ. Hæcenus *Hamelius*, in hac tamen etiam hypothese nonnulla desiderans, quæ infra forte in epicrissi commemorabimus.

XIII. Nos ex propp. XXX. & seqq. plurimis, & ex earum nimis abstracte conceptis schematismis simpliciores ita formabimus: 1) cum aër circa terram diffusus gravis sit, & versus centrum T. gravitet; si nulla adesset terræ vicina luna, tellus cum aquis suis undiquaque ex æquali altitudine (aër enim indefinitæ altitudinis supponitur & ipsa spatia ætherea replere, ut æther nihil aliud esse putetur quam subtilior & purior aër; id quod patet ex Tract. V. Lib.



Lib. II. Prop. CCLXI. p. 195.) æqualiter etiam premeretur, nec ulla marium intumescencia ex ulla parte, nullus adeo marium æstus futurus esset. Verum quia 2) lunæ globus terraquei globi æmulus dicendus hunc perpetuo ex uno saltem latere, nunc in meridiano cujusque loci supero, nunc in alterutro ejus horizonte, nunc in inferiore meridiano, nunc in plagis intermediis, comitetur, teste quotidiana experientia; & vero 3) hic etiam lunæ globus, ut omnes alii globi mundani, ex partibus gravibus ad commune centrum L tendentibus, conflatus adeoque aër ipsum ambiens versus L gravitare credi debet; consequens est. 4) aërem communem, qua parte utrumque globum respicit, in duas partes, pro ratione ipsorum globorum, inæquales, diremtum esse concipiendum ut minor pars Z L versus lunam, major autem Z T versus terram gravitet; idque ubique ita fieri concipiendum est, ubi terra ac luna via brevissima ab invicem removentur. Hinc vero 5) sua sponte consequitur: Aëris terram ambientis in aquas eidem undique ab oriente in occidentem circumfusas pressionem, ex ea parte, qua lunam terræ proximam respicit & in binas gravitationis sphæras dispescitur, sub linea scilicet perpendiculari T L, omnium esse debilissimam in cæteris autem versus T gravitantis quasi sphærae partibus, uti majorem (imo in determinatam aëris altitudinem; ita majorem premendi efficaciam: quafi fiat, ut aquæ sic inæqualiter pressæ in locum lunæ perpendiculariter subjectum accumularentur, (id quod adeo desideraverat *Varenius*) hoc ipso vero simul ad litora lateraliter & quacunque etiam obliquitate, posita summum ibidem æstum, seu summam aquarum intumescenciam, causentur, quæ in alto quoque seu medio mari simul contingens, ibi tamen sensibilis ita, ut in litoribus, non esse posset.

XIX. Quæ sane, ratione contraria eundem effectum produ-  
cendi ratio non minus ingeniosa judicari quam Cartesiana possit.  
modo simul in loco terræ B, Lunæ diametraliter opposito eandem  
debere fieri, aut factam esse, eodem tempore aquarum accumula-  
tionem, & consequentem versus litora defluxum, æque ingeniose  
ostendi possit. Hic vero conatus est *P. Fabri* rem quasi obiter, tan-  
quam facile obviam, innuere & quasi ut notam supponere dum e. g.  
Prop. XXXI. Dato globo æmulo, v. g. L, & minima pressione facta  
in A (ubi scilicet minima est altitudo aëris versus T gravitantis,  
& majores deinceps in B, C, D, E, F, G & H (ut in quibus locis omni-  
bus altitudo aëris indeterminata est) num 1. maximam elevatio-  
nem aquæ, sive summum tumorem fieri dicit in linea minimæ gra-



vationis, np. AT, sed producta quoque versus M, ut maxima elevatio sit in punctis N & M, maxima depressio autem in punctis O & P, à quibus expressæ aquæ tendant tum versus M, tum versus N; *cur enim*, inquit num. 4, *potius versus unum, quam versus aliud?* Si excipias forte, pressionem & accumulationem aquarum, vi hypotheseos, potius ad N, quam ad M, imo ad solum punctum N, fieri debere, quia in puncto N omnium minima est pressio seu gravitatio, in O, P, & M vero omnes majores, & æque magnæ; responde num. 9. ejusd. Prop. *Licet vis aëris gravitantis sit æqualis in punctis B C M (in nostra Fig O P M) quia tamen in tota peripheria circuli, cujus diameter est BC (in nostra Fig. O P) premit ac pellit aër; quid mirum si prævaleat tota pressio peripheria circuli supra pressionem unius tantum puncti M, nulla enim est puncti ad lineam vel peripheriam proportio.* Quod equidem merum & pudendum Sophisma velim egregio huic viro & insigni Mathematico nunquam excidisse! Quis enim non videt, uni puncto M fallaciter opponi innumera puncta totius circuli; & cur non potius totius hemisphærii?

XV. Vidisse hujus illationis futilitatem virum ingeniosum necessum est; alioqui non impendisset eidem rei demonstrandæ integram Prop. XXXVI. eamque non prolixam solum, sed valde operosam. Probandum scilicet erat: *Lunam, quæ est causa elevationis aquarum quibus incumbit, esse etiam causam elevationis æqualis oppositæ.* v.g. Si luna incumbat puncto A, & aqua attollatur in N, etiam sublatum eam iri in M. „Demonstratio nititur „hoc fundamento: Cum pressio in circulo B C (in nostra Fig. O P) „sit omnium maxima, haut dubie prævalet supra pressionem circuli  $\delta\beta$ ; & hæc supra pressionem QY: hæc denique supra pressionem puncti w &c. Hic mirari primum subit, cur pressionem hæc ab aëris gravitate, vel gravitatione, versus centrum T oriundæ, fieri sint concipiendæ per lineas aut circulos parallelos O P,  $\delta\beta$ , Q Y, & non potius per lineas centrales AT, BT ac CT, DT & ET FT & G, ac denique HT; prout alias in doctrina gravitatis fieri ubique solet? Si rem absque omni præjudicio aut partium studio velimus æstimare, insolita hæc pressionum in aëre gravi concipiendarum ratio non alium habuit scopum, quam pressionum aliquam inæqualitatem undecunque exsculpendam; quandoquidem nimis apertum erat, si pressionem & gravitationem aëris more consueti versus centrum T fieri concipiantur, æqualium altitudinum partes in aëre ambiente æquales etiam premendi vires ex omni parte æquales esse



esse agnoscendas; illas vero quæ ex lineis sive altitudinibus brevioribus, à linea confinium B A C, omniumque brevissimam A T, istis prioribus multo debiliores: ut adeo necessum foret pressiones priores his posterioribus & viribus, & numero prævalentes omnem aquam ex hemisphærio inferiore R W X ad superius utrinque versus V protrudi & sic in N denique elevari; in M vero tantum abesse ut accumulatio vel elevatio quædam aquarum fiat, ut potius ex W versus V ob dictam rationem extrusas tanto in W depressiores factas, quantam in V versus N elevatæ habentur, ex axiomatico communi judicandæ sint, quo idem manens in eodem vase fluidum, si quacunque occasione ex una parte attollatur, ex opposita decrescere necessario judicatur.

XV. Sicut igitur nova hæc hypothesis (quocunque tandem consilio quæsitæ esse possit) dummodo hac etiam parte rectius firmari potuisset, innumera æstuum marinorum phænomena pulchre deduxisset; ita nunc principali hoc phænomeno deficiente, cætera quoque pleraque deficere, adeoque hypothesis ipsam claudicare, necessum est. Quod idem iudicium de alia huic simili *Athanasii Kircheri*, ferendum est. Hic enim vir pariter doctissimus & multam laudem meditationibus suis, in mundo præsertim subterraneo, natus, cum lib. III. Sect. II. cap. II. p. præsertim 130, inculcasset, maris intumescantis detumescantisque causam unicam esse, qualitatem quantam flatuosam, & secundum analogiam ad corpus telluris nitrosam vel salinam, lunari corpori ab initio rerum concreatam, lucis lunaris tempore temperatam &c. &c. cum, inquam, hanc specificam sympathicamque lunæ qualitatem, qua lunamiro illos affluxuum a defluxuum effectus præstet, multis, at, ut solent esse talia, obscuris verbis commendasset; tandem, his ipse quasi diffusis, p. 131. *aliud modum, quo luna dum premit mare, dicta incrementa ac decrementa perficiat*, se demonstraturum pollicetur, idque interventu peculiaris alicujus schematismi. sive Fig. num. XLIV. in quo mare in parte sub luna E, & opposita V depressum, in Q & Y vero tumidum, ut Cartesius exhibet, utrumque autem satis prolixè quidem, at iis verbis demonstrare præsumit, quæ, si verum dicere sine affectu velim, quo sæpius lego & perpendo, tanto minus intelligo. Ut taceam hanc hypothesis videri præcedentibus directe contrariari; dum in hac fig. aqua sub luna depressa supponitur, cum lunæ in præced. vis rarefactiva & tumefaciens ubique indigitatur.

XVII. *Isaacus Vossius*, quem supra inter primas hypotheses jam allegavimus, hic denuo citandus est, ad reddendam, ceu gloriatur



p. 75. de motu marium, veriore & aptiore rationem illius phænomeni, quo constat, æstus marinos supra & infra terram semper simul contingere, & quidem absque eo, ut opus sit vel ad anti selenem aliquam confugere (cum Fromondo sc.) aut à suo cursu dimovere tellurem (cum Cartesio) Age igitur, audiamus & hunc ingeniosum „virum cap. XVII. italoquentem, Esto tellus A B C D, eamque ambiens oceanus E F G H. Immineat sol parti A E, secundum eam quæ diximus, intumescet oceanus, & adsurget usque ad I. Elapsis „deinde sex horis, imminebit sol punctis D H (nempe figura inspicienda erit oculo in septentrionem converso) attolleturque oceanus „usque ad K, subsidebit interim tumor in D non tantum usque ad E „sed etiam aliquanto inferius, nempe ad N. ubi vero sol perpendicularis fuerit factus punctis C G, elevatumque fuerit mare ad L, oceanus qui quadrante seu sex horis distat, interea subsidebit usque „ad O. Quia vero omnis motus habet suam restitutionem, fiet ut „interea mare quod toto distat semisse, denuo ascendat & intumescat usque ad I, aut paulo inferius, quia restitutio secundum leges „naturæ minor esse debet, quam motus primarius: Ita huc usque Vossius, satis, ut videtur, ingeniose. Age vero relegemus hæc ejus vestigia, ut, quid, & quantum horum accurate sequatur pervideamus. Immineat sol parti A E, & intumescat (imo jam intumuerit ad summum) usque in I. Elapsis sex horis imminebit sol punctis D H, & oceanus interim erit sublatus in K, subsidente interim tumore I non usque ad E tantum, (sed more pendulorum) aliquanto inferius, np. ad N. quoniam pars aquarum interim in novum tumorem H K erat infumenda. Hactenus bene & recte omnia! Postquam vero elapsis horis sex aliis sol perpendicularis fuit factus punctis C G, novoque ibi tumore facto G L, prior tumor subsedit in O, relapsa interim parte hujus tumoris in N, restitutum esset ibi mare in primum situm E, nec ulla erat necessitas ut denuo ascenderet usque in I; quia motus ejus inceperat ab E usque in I, ejusque restitutio jam facta erat paulatim in progressu solis ab E ad H, & quidem (pendulorum more) ultra terminum; ut jam in ulteriore solis progressu ab H ad G, non nisi residuam particulam illius excessus N E, opus esset restituere.

XVIII. Hac occasione simul alterum Vossii errorē detegemus, quo motum marium cum luna (ut ipse fatetur sub init. cap. XVIII.) communem, quo scilicet totidem, quot luna momentis tardius accedat, minutis nempe 48, seu quatuor fere quintis unius horæ) per se non pendere à motu lunæ, sed talem necessario esse ex



natura motus à sole acquisiti, uti loquitur pag. 78. fere in medio. Ita vero in anterioribus ratiocinatur : *Cum sol sive tellus semper progrediatur motu continuo & non interrupto, maria vero absoluto cursu, quo ad litora seu ad finem motus sui tendunt, non statim refluant, sed per aliquod tempus absque sensibili motu quasi suspensa maneant* (quid vero ambo ista sic suspensa tenet, in statu præsertim motus sursum & violento ? Resp. Vossius) *uti in omni fit reciprocatione, & ut ipsa motus necessitas exigit ; id quod nullo unquam exemplo probabit.* Tametsi enim in pendulorum & in omnium aliorum gravium relapsu inter violentam eorum extrusionem & subsequentem relapsu morula aliqua intercedat unius forte alteriusque minuti secundi ; nunquam tamen illa mora integrum minutum primum, nedum duodecim talium minutorum spatium. & horæ quadrantem fere, durabit, ipsa gravitatis ratione extreme repugnante. Itaque aliam nos, & veriore hujus retardationis causam assignabimus : ut res tota clarissima evadat, fingamus luna nova in ipso æquinoctio cum sole in meridiano existente summum æstium sub illo meridiano contingere sequentibus sex horis autem maris refluxum ac decrementa esse consecuta usque ad solis occasum ; quo tempore tamen luna propter retardationem suam (quæ toto die 48. circiter minuta, & sex horis non nisi 12. min. conficit) horizontem occiduum nondum attigit, sed 12. min. postea demum attingit, interim aquas oceani tantisper adhuc premens, ita leviter tamen ut decrementa horum ultima in quadrante maris occidentali supero, sint insensibilia, nec tamen ullum etiam incrementum novum sensibile : ut hoc pacto motus maris quasi suspensus appareat. Et si revera vix momentum temporis unum quiescat ; causa interim hujus apparentis suspensionis luna evidenter existente ac toto decrementis maris tempore existente 6. hor. 12. min. sicuti totum incrementi antecedentis tempus itidem eadem ratione fuerat 6. hor. 12. min. Quod idem temporis spatium cum postea sequenti novo incremento, & porro in sequenti ultimo decremento cedat ; palpabile est novum horum æstium orbem post 24 horas & 48 min. demum denuo exorsurum esse, & à lunæ potius cursu, quam à solis motu pendere ; cum non solum absoluto solis orbe 24 hor. non redeat una incrementorum ac decrementorum marinorum orbis, sed singulis diebus 48. minutis tardius ; verum etiam, præter hanc motuum marinorum cum lunæ motu diurno connexionem, insuper alia eorundem cum lunæ motu menstruo, ac tertia denique cum hu-



ius annua quoque periodo, cohærentia, utrorumque motuum vinculum indissolubile summa necessitate postulet.

XIX. Denique, ut obiter adhuc attingamus *Joh. Baptista Baliani* hypothesein, qua veriore æstus marini causam dari posse sustinuit, quam quidem Galilæus dederit, si tellus non circa solem, sed circa lunam revolveretur, quam nunquam tamen specialius explicuit, aut absolute approbavit, sed Ricciolo tantum duabus epistolis, in hujus *Almag. n. p.* 381. legendis, intimavit; simul autem tribus verbis commemoremus, in medio peripato repertum fuisse *Andream Casalpinum*, è telluris quodam motu causam æstus marini repetentem; eam adhuc, quam *Cesar Arconsius*, sive d' Arcons, in suprema curia, quæ Burdigalæ est, causarum Patronus, in operibus suis circa annum 1668. Gallice in 4. editis inter alia ingeniose intimavit, hypothesein paulo distinctius exponemus. Hæc igitur supponit 1) terram F G H I (Fig. XLVII.) motu quodam reciproco nunc attolli versus polum mundi septentrionalem, ita, ut ejus centrum, à centro mundi A emotum, ad R evehatur; nunc in oppositas partes eodem suo centro ad L deprimi: Sic igitur in priore casu aquas ad S à centro mundi A remotiores natura sua declivia petere, ac circa prædictum centrum se composituras, ex S per G & I ad T confluere & intumescere, in posteriore contra tumorem aquarum in M futurum ex eadem ratione; ac utrobique quidem versus polos esse maximum; in æquatore, ubi æqualis fere est à centro mundi distantia, ferme nullum 2) Itum illum terræ ab R ad L sex horis, & reditum ab L ad K aliis sex horis absolvi: indeque sex horis in alterutro hemisphærio fluxum alteris, sex refluxum durare. 3) In L & R, tanquam terminis librationis terræ centrum 12. min. commorari, & cum hoc unoquoque die quater contingat ideo æstus diebus singulis recurrere 48. min. tardius, & motum lunæ, quæ pariter (etsi plane per accidens)  $\frac{4}{5}$  unius horæ tardius ad meridianum redit diebus singulis, haberi vulgo pro causa reciprocantis oceani. 4) Circa decimum lunæ diem usque ad 18vum, h.e. à quadratura prima fere ultra plenilunium, per  $7\frac{1}{2}$  dies circiter, emotionem illam centri terræ indies crescere, ita ut sub initium hujus periodi, termini librationis, R & L, duobus tantum pedibus ab A removeantur, insequentibus diebus & librationibus subinde amplius, donec circa decimum octavum ad pedes 30. usque recedant; inde vero usque ad 25. diem lunæ h.e. fere ad quadraturam secundam, hos terminos ita paulatim contrahi per alios  $7\frac{1}{2}$ . dies, & exacta demum hac periodo 15. dierum centrum terræ 12. minutis unius



unius horæ quiescere in centro A. priusquam novam ineat periodum à quadratura secunda circiter ad novilunium & hinc ad quadraturam primam. Hoc vero modo fieri, ut à quadratura prima ad plenilunium, & à secunda ad novilunium, æstus summi indies majores evadant, et circa plenilunium ac novilunium maximi, vivæ adeo aquæ dici merentes; à plenilunio vero ad quadraturam secundam, & à novilunio ad primam, iterum paulatim decrescant, ac circa ipsas quadraturas sint omnium minimi, aquæ mortuæ inde appellatæ: 5.) Cætera specialiora ex litorum figura & situ, ex alveorum amplitudine & angustia, ex obstaculis in via occurrentibus &c. deducenda esse.

## BREVIS EPICRISIS

super

has secundas Hypotheses.

I.

**Q**uandoquidem *Honorati Fabri & Cartesii* hypothesen phænomenis æstuum marinorum salvandis omnium accommodatissimas judicavimus; utra harum principalibus phænomenis magis satisfacere videatur, in hac epicrisi paucis dicendum est. Jam vero ex omnibus phænomenis notatu dignissimum illud non sine admiratione habetur, quod cum luna sub alicujus loci maritimi meridianum accessit, non solum in illo litore accessus vel affluxus maris, per sex antecedentes horas paulatim augescens, summam altitudinem attingit, vel, si planum est litus, expansionis ultimum terminum, sed etiam in litore inferioris hemisphærii telluris idem semper contingat. Cui circumstantiæ cum Cartesiana hypothesis facili quodam & jucundo modo satisfaciatur, eoque nomine doctissimo Varenio cum primis probata sit, prout in hypothesibus secundis num. I. & II. patuit; Fabriana vero hypothesis in declarandis alioqui concinne phænomenis plurimis aptissima visa, in hoc uno valde deficere deprehensa est, uti sequentes num. XIV. & XV. aperte docuerunt, non possumus non priori præ posteriore palmam adjudicare.

LI

II. Cum



II. Cum vero postea *Isaacum Vossium* sibi persuasisse deprehenderem, se rem hanc nullo fere negotio, ac citra operosum, quod credebatur, Cartesii machinamentum conficere posse, ejus quoque hypothesein studiose & cum desiderio excussi, (*Kircheriana*, quam num. XVI. examinaveram, peculiari epicrisi non amplius mereri visa) nec tamen reperiēbam quod speraveram, teste num. XVII. paulo ante dato; siquidem non solum restitutio aquarum ex E in I violenter emotarum, non debebat fieri altera vice in I, sed in E, unde illæ primum discesserant, prout num. dicto clare ostensum est, sed hoc ipso novum argumentum se nobis, nihil tale cogitantibus, obtulit, quo principalis hypotheseos Vossianæ pars (qua scilicet æstus maris non à cursu lunæ, sed à sole aquas rarefaciendo emovente, dependere supponitur) se ipsam destruebat. Unde necessum tandem fuit, palmam Cartesianæ hypothesei semel adjudicatam, eidem etiamnum relinquendi, imo sic judicandi, non solum præ omnibus aliis hanc laudem & prærogativam mereri, sed etiam ab ipsa veritate nihil aut parum abesse, id quod nullo in virum affectu à medici, ii norunt, quibus in multis aliis me ab ejus cogitationibus dissentire, imo à nonnullis plane abhorrere, notissimum est.

III. Et quamvis *Hamelius* de meteoris lib. I. cap. sive Dial. II. sub persona Simplicii, p. 29. ed. Paris, de novissima Arconssii hypothesei ita concludat: Quocirca, cum rem omnem ad ipsius rationis trutinam exigo, multum in Cæsaris Arconssii opinionem propendeo. Motus quippe oceani, si quis alius, est maxime naturalis, cum sit constans & æquabilis, aqua vero naturaliter non fluit nisi per declivia. Necessè igitur est, ut terra sursum, deorsumve moveatur, ut aqua fluere & relabi possit, & mox p. seq. 33. Quicquid sit, inquit, hæc hypothesis cum experientia adeo convenit, ut quicquam probabilius afferri posse plane desperem. Quamvis inquam, Simplicius cit. l. hanc amici sui sententiam collato pede se tueri velle aperte profiteatur, ita ut ad quinque Menandri collocutoris objectiones p. 34, 35, 36, 37, prolixè respondere sustineat, nobis tamen præter illa Menandri obje-



objecta (quibus an satisfecerit Simplicius, nunc non examinabo) sequentia ingeniosam Arconſii hypotheſin ſuſpectam adhuc relinquant; Quod 1) telluri motum aliquem rectilineum, ſurſum ac deorſum affingat, eumque 2) nunc ad duos tantum, nunc ad triginta uſque pedes, ſine omni vel probabili à priori ratione, imo ſine omni exemplo, (nuſpiam enim in hoc toto univerſo corporis ullius mundani exemplum reperimus, quod in eadem recta linea nunc ſurſum nunc deorſum, nunc tardiſſime, nunc multo celerius, alternatim aſcenderet ac deſcenderet.) ſed ideo ſolum, quod his ſuppoſitis phænomenis & effectibus obſervatis ſpecioſe ſatisfieri queat, cum in Carteſiana præſenti, & aliis etiam approbatione quidem dignis hypotheſibus, ſuppoſita non nude ab exigentia phænomenorum ſui neceſſitatem extorqueant, ſed aliunde quoque verosimilitudinem aliquam mutuentur. Quod idem 3) de iis partibus Arconſianæ hypotheſeos urgendum eſt, in quibus non ſolum quotidie tellus in terminis extremis ſuæ librationis R & L ſed etiam finita integra quaque periodo 15 dierum, in centro A, 12 minutis unius horæ quieſcere ſupponitur, id quod certe non ſolum probabili ratione omni deſtituitur & gratis prorsus aſſumitur, ſed etiam improbabile valde eſt, in motibus naturalibus tantas interponi moras poſſe, antequam à termino uno, quem aſſecuti ſunt, ad partes oppoſitas convertantur; quod ſupra quoque num. XVIII. II. hypoth. circa Voſſianam monuimus. Quod 4) denique nunquam perſuadere nobis poſſumus, convenientiam illam motuum non ſolum diurnorum, ſed menſtruorum & annuorum quoque in luna & æſtibus marinis, per accidens tantum & fortuito prorsus contingere; quin potius axiomatis vicem habere nobis videtur, ſi duarum quarumcunque rerum, poſita prima ponitur etiam ſecunda & viciffim ſecunda poſita, etiam prima ponitur, idque ſemper & reciproce, inter illas non fortuita & caſu contingens, ſed neceſſaria eſt connexio,



## CAPUT IV.

de

*aliis marium motibus, præsertim illo generali & perpetuo ab oriente in occidentem.*

## I. PHÆNOMENA.

**P**HÆN. I. Primus ac præcipuus motus maris & ventorum est, inquit *Vossius de motu marium* in ipso libri ingressu, qui inter tropicos solem constanter ac perpetuo sequitur, quamvis nusquam magis viget ac manifestius cognoscitur, quam in mari pacifico, quod Peruviam, sive occidentale Americæ littus & Moluccas insulas interjacet: quod totum spatium, ultra bis mille ac ducentas leucas germanicas patens, trimestri, imo etiam multo breviori tempore, naves à Lima, Panama aut Acapulco solvantes conficiunt. Idem illas ventus subsolanus, idem oceani cursus in occidentem semper vergens, Moluccas & Indiæ utque litora comitatur. Sed & eodem vento & æstu feruntur, qui à Moluccis aliisque Indorum insulis ad orientale Africæ littus & caput bonæ spei proficiscuntur. Tertia, quæ superest oceani portio, quæ nempe caput bonæ spei & Brasiliam, sive potius Africæ occidentale litus, & opposita Americæ litora zonæ torridæ subiecta intercedit, eandem perpetuo conservant legem.

PHÆN. II. Ejusdem motus generalis mentionem quoque facit *Athan. Kircherus mundi subt. lib. III. cap. II. testatus* & ipse, eos qui ex India versus occidentale bonæ spei promontorium, atque ex Lusitania aut Hispania in Mexicum solvunt, multo breviori temporis spatio conficere ejusmodi iter, quam vel ex Lusitania in Indiam, vel ex Mexico in Hispaniam. Præterea, qui ex portu Acapulco novæ Hispaniæ in insulas Philippinas navigare solent, ex dicto portu, ubi perpetua fere malacia est, ad decimum gradum latitudinis borealis contendunt, & juxta dictum decimi gradus parallelum tam feliciter in occasum navigant, ut immotis  
(vel



(vel invariatis) velis, spatio 85 dierum 3000 milliarium spatium conficiant &c. Similia his, atque eadem fere cum Vossio, notavit *Varenius* cap. XIV. prop. VII. sive pag. 169.

*PHÆN. III.* E contra vero ex Moluccis sub dicto decimo parallelo novam Hispaniam petere non possunt (ita pergit narrare dicto loco Kircherus) utpote vento marique semper ipsis contrario, sed necesse est, ut ex insulis Philippinis in novam Hispaniam navigaturi, quadragesimum gradum latitudinis borealis adeant & ventos boreales ibi regnantes in subsidium vocent, Californiam istorum auxilio petentes, ita narrantibus Kirchero oretenus *P. Simone Cotta*, & *P. Didaco Bobadilla*, insularum Philippinarum procuratoribus, qui dictum mare jam bis sulcaverant. Itaque, si quis gnarus nauticæ & tempestatem in singulis locis, orbem circumire proposuerit, (infert *Vossius* pag. 2.) minime dubitandum censeo, quin decem aut etiam novem mensium spatio voti sui compos fiat, dummodo ita instituat cursum, ut opportuno tempore, mense nempe Decembri aut Januario, australia Americæ freta pertranseat. At vero, si quis eandem hanc viam velit insistere, & contra solem velificetur, ab occidente nempe in orientem, is ne viginti quidem annis, & forte nunquam, iter hoc perficiet.

*PHÆN. IV.* Venti sæpe immutant motum maris generalem, inprimis illi statim, quos *motiones* (moussons) appellari docet *Varenius* cap. XXI. Horum motuum specialium magnam esse notat vir modo laudatus varietatem prop. XXIII. & seqq. pluribus, quibus nempe una aliqua oceani pars aut perpetuo aut certis mensibus movetur. Ex specialibus perpetuis 1) est is, quo maris atlantici vel africani pars circa Guineam à promontorio viridi movetur versus curvaturam seu sinum Africæ, quam vocant *Fernando Poo* h. e. ab occidente in orientem &c. 2) Circa Sumatram mare fluit ab austro versus septentrionem in sinum Bengalensem &c. 3) is est, qui inter Madagascar insulam & promontorium bonæ spei observatur, ab Euroboreæ plaga ad Zephyro-astrum, & à borea ad austrum, pro litorum extensione

Ll 3 &c.



&c. 4) est in mari pacifico, ad litora Peruviana & reliquæ Americae, ubi mare movetur ab austro in boream. 5) observatur in mari ad litora Americae, à promontorio S. Augustini Brasiliæ ad insulas Antillas Mexicani sinus versus Floridam, h. e. ab austro in septentrionem. 6) Sextus occurrit in Freto le Maire, ubi nautæ classis nassovix deprehenderunt mare ferri ab occidente in orientem, sed unica tantum observatione. 7) His accensentur illi quoque, quos efficiunt fluvii ingentes, e. g. ad litora Lowango, Congi &c. Item ad insulam Lamon Chinæ adjacentem, ubi mare movetur à litore ad eum, contra generalem motum, qui est ab euro versus Chinam. Ita similiter specialium motuum maris cessantium sive periodicorum maxima est varietas, à Varenio Prop. XXX. adnotata, quorum omnium, ut & circularium seu vorticum, nec non concussionum sive tremorum &c. causas exquirere non est unius nec ævi nec hominis.

## II. HYPOTHESES PRÆCIPUÆ

circa

motum maris generalem ab oriente in occidentem.

I.

**M**otus hic marium generalis Aristoteli ejusque sectatoribus, imo omnibus Philosophis Europæis, ignotus fuit ante Lusitanorum navigationes per oceanum zonæ torridæ; posteaquam vero innotuit, Aristotelicæ Philosophiæ sectatores eum statim deduxerunt à motu cœli primo, non solum omnibus stellis, sed etiam aëri ex parte & oceano communi, quo ab oriente in occidentem omnia transferantur. Deinceps autem Copernicani quidam, uti *Keplerus* & *Galilaus*, motum terræ diurnum primas in hoc negotio partes agere statuebant, aquam nempe, cum non continua sit, sed tantum contigua terræ, existimantes non posse sequi circumrotationem terræ, sed restitare versus occidentem, dum terra se subducit in orientem; atque ita non tam mare moveri ab



ab uno loco telluris in alium, quam terram partes aquæ relinquere, unam post aliam: prout rem proponit doctissimus *Varenius* in *Geograph. gen. cap. XIV. Prop. IX. p. 171.* & nos prolixius eam exposuimus in *Hypoth. primis cap. præced. num. V.*

II. Alii vero, quibus nec Aristotelica neque Copernicana satisfaciebat explicatio, ad lunam confugiebant, tanquam Dominam omnium humorum, oceanum secum circumducentem vel trahentem ab oriente in occidentem. Si quæsilivisses, quomodo? vel occulta est qualitas, inquiebant, influentia, sympathia, & similia; vel ejus lumen accersebant, aut, si hoc phænomenis non usquequaque respondere videbatur, vim quandam aliam flatulentam vel tumefactivam aut rarefactivam, à diversorum salium lunarium terrestriumque commixtione oriundam &c. allegabant: donec *Cartesius*, & hunc secutus, sed via contraria, *P. Fabri* per aliquam aëris pressionem rem expedire conabantur; lunam adeo non pro vera causa effectus hujus efficiente sed pro occasione solum agnoscentes.

III. *Isaacus Vossius* hic quoque lunæ non virtutem illam activam, nec etiam agendi occasionem tribuens, sed indicii solum honorem concedens, vim omnem autem commovendi maris in occidentem uni soli, eandem viam motu primo sectanti, adscribens, à cujus calore nempe aquæ tantisper dilatentur & attollantur vel ad unius pedis altitudinem; id quod sufficere putat tum ad motum hunc genalem maris in occidentem, de quo hic in primis agimus; tum etiam ad æstus in litoribus ad maximam alicubi vel octoginta & plurium pedum altitudinem deducendas. Quod enim aqua etiam modico calore aut frigore dilatari, & constringi possit, manifeste patere dicit sub finem cap. XI. de motu marium, si quis vitrum amplioris & angusti orificii aqua frigida plenum calidæ aut tepenti tantum aquæ immerferit. Post primam enim coarctationem, quæ momentanea est & aquam frigidam ad subitum contactum paululum facit subsidere, eadem mox ascendet, idque ad legem & proportionem calidæ (sic enim legendum, pro frigida, procul dubio) foras ambientis &c. Deinceps autem cap. sequ. XII. maris sub sole intumescentiam ex ejus calore maximam & minimam, idque intra Tropicos, nec in litoribus, sed in medio alveo, ubi profundissimum est & bis mille passuum seu pedum 1200 vix unius pedis intercedere discrimen; in litoribus autem



tem ubi vix centum pedes altum est, vix sensibilem esse ejus elevationem, utpote proportionaliter, ex præsentī quidem principio, centesimam & vicesimam pedis partem, non superaturam.

IV. Verum, quod incrementa æstuum in littoribus attinet, ea ex alio principio derivanda esse cap. XIII. existimat; quod, licet in præced. potius cap. quam hic attendendum fuisset, nunc tamen (ut eo plenior *Hypothesis Vossiana* habeatur,) postliminio quasi „paucis ex ipso exponemus. Duos esse considerandos motus, „inquit. Prior est ille, quo maria ubique & præcipue in medio „intumescunt, qui quidem, si solus spectetur, imperceptibilis omnino esset æstus in litoribus. Alter motus est quidem effectus „prioris, longe tamen illo citatior & sensibilibior evadit, & quidem „tanto magis, quanto longius ab origine sua recesserit. Quando „enim maria accedente sole turgere incipiunt, continuo in occidentem moventur, nempe ad declivius libramentum. Quia vero „non cessat sol, sed continuo instat, & successive sequentes ocean „ni partes adspicit, necessario etiam acceleratur motus ille solis „æquus. Cum enim ad singula puncta, quibus imminet sidus, re „stituatur & renovetur declivitas, fieri aliter non potest, quin „cursus aquarum semper intendatur. Estoque superficies maris A G, „(Fig. XLV.) quæ imminente sole intumescendo attollatur, us „que ad B. Manifestum est, aquas per declivitatem B D fluere. „Sed vero dum undæ sic devolvuntur jam quoque singula hujus „declivitatis puncta adventu solis intumescunt. Sole itaque im „minente puncto D, jam quoque intumuit ista maris portio, eleva „turque usque ad C, ita ut planum inclinatum B D ascendat in BC, „& fiat parallelum superficiei A D. Sole dein illustrante decli „vitatem CF, & hæc quoque intumescit, donec declivitas CF ele „vetur in CE, & fiat parallela superficiei DF. Eadem est ratio de „clivitatis E G, simili modo etiam illa intumescit, & sic porro. Cla „rum est igitur æstum maris instar cochleæ (non *trochleæ* legen „dum est) Archimedæ descendendo semper ascendere. Cum „vero omnia gravia descendendo motum accelerent, etiam hoc pa „tet, quare in litoribus elevatiores & magis conspicui sint æstus, „quam in medio oceano unde fit decursus.

V. Quid in his desideremus, deinceps, in Epicrisi dicemus: Nunc *Varenii* hypothesin ex Prop. X. p. 175. declarabimus. Ita nimirum ex hujus mente statuendum est, quod fluxus & refluxus maris



maris non sit distinctus motus à generali illo motu, quo oceanus continē movetur ab oriente in occidentem (prout Vossius credidisse videri posset, qui fluxum & refluxum, tanquam effectum, à motu illo generali, tanquam à causa sua efficiente, distinguit) sed quod sit hujus generalis motus quidam modus seu quædam affectio: Et ideo, si hic motus spectetur & consideretur in toto vel medio liberoque oceano, minus recte dicatur fluxus & refluxus maris, sed intumescētia oceani in occidentem continua, *Profluxus* potius dicenda, proprie dicto refluxu (ab occidente scilicet in orientem,) destituta: *refluxus* autem appellatio soli aquarum ex medio mari ad litora violenter expressarum, relapsui spontaneo versus medium, servanda est. In oceano enim remoto à litoribus, sub zona torrida, non alius motus deprehenditur quam is, quo ab oriente in occidentem fertur; quia ibi nusquam penitus cohiberi vel impediri potest, sed occasionem sui continuandi passim reperit: cum e contra in ipso hoc progressu suo simul ad latera & litora deflexus, inde propter obstacula ad medium iterum, cessante interea ibi causa eum eo violenter exprimente, necessario relabitur: dum in mari medio causa illud in occidentem protrudens nunquam cessat; uti mox ex Hypothesi Cartesiana distinctius intelligetur.

VI. Ita vero *Cartesius*, post ea verba, quæ superius pro æstuarii reciproco salvando exposuimus, num. LIII. ex Fig. nostra XL, ad quæst. marginalem, *cur aër & aqua semper ab oriente in occidentem fluant?* Præterea notandum est, inquit, dum terra fertur ab E per F versus G, sive ab occidente in orientem, aquæ tumorem 4, 1, 2, itemque aëris tumorem 8, 5, 6, qui nunc parti terræ E incumbunt, paulatim ad alias ejus partis magis occidentales migrare; ita ut post sex horas incumbant parti terræ H, & post horas duodecim parti terræ G: idemque etiam de tumoribus aquæ & aëris 2, 3, 4, & 6, 7, 8 est intelligendum. Unde fit, ut aqua & aër ab orientalibus terræ partibus in ejusdem partes

occidentales fluxu continuo ferantur. Nimirum ut





### III. EPICRISIS HYPOTHESEBVS

hactenus enarratis nunc paucis etiam subjiciatur.

#### I.

**Q**uoniam æstu marino declarando non alia nobis aptior visa est, quam Cartesiana hypothesis, hæc ipsa multum confirmabitur, si ad motum marium generalem ab oriente in occidentem continuum declarandum ejus conditiones ac circumstantiæ pariter quadraverint: quandoquidem extra dubium videtur, quod *Varenius* in hypothesebus proximis inculcavit, motus illos duos, quorum alterum *æstum reciprocum*, sive *fluxum & refluxum*, alterum vero *motum maris generalem* appellamus, non esse duos realiter diversos, sed modo concipiendi solum ab invicem distinctos motus, quatenus nimirum motus oceani ab oriente in occidentem continuus & non interruptus spectatur: citra reciprocationem ab occidentali plaga, eatenus *motus generalis* salutatur, quatenus autem idem oceani motus, propter aquæ fluidam naturam, non potuit ita dirigi à premente luna in occidentem, quin una ad lateralia quoque litora exprimeretur, ac dum interim obvias sibi alias aliasque in mari medio aquas antrorsum in occidentem premere pergit, priores autem lateraliter expressas retro se versus ortum reliquit, illæque adeo ab illa pressione paulatim liberatæ, naturali sua gravitate ad oceanum medium sensim relabuntur, eatenus *fluxum* aquarum ad litora coactum, & *refluxum* ad medias partes spontaneum abolvere dicitur.

II. Utrique autem huic motui expediendo major utique vis requirebatur, quam vis caloris solaris cujus interventu *Vossius* totum hoc negotium conficere conatur. Ut enim non dicam, calorem solis aëre sereno multo efficaciorum esse, quam nubilo marique nubibus obvelato, ut multum inde varietatis vel unica solis diurna rotatione in diversis oceani partibus contingere posset, quod adeo sensibile tamen fortasse non esset futurum; illud tamen



tamen experimentum, quo vir laudatus num. III. superiorum hypothesium aquas etiam à modico calore dilatari & attolli posse conatur approbare, ad rem probandam parum facere non immerito videtur, cum vas vitreum uteri amplioris & ex opposito angusti orificii, in cujus supremitate vel levissima ex aquæ calidæ vel repentis contactu oborta elevatio foret sensibilis, & quidem ex immersione vasis aquæ frigidæ pleni, cum procul dubio aquæ latè patentis ac desuper à solis radiis excalefactæ conditiones experimento dicto instituendo accommodatiores multo futuræ fuissent, in quo casu valde dubito, an incrementum aut dilatatio aliqua aquæ (in lacu e. g. valde amplo & profundo) potius quam decrementum aliquod expectari potuerit; præsertim si consideremus nimiam aquæ pronitatem ad evaporandum, qua olla aquæ plena ad focum luculentum vapores sub forma densi fumi tam copiosos emittit, ut intra breve temporis spatium sensibilibiter imminuta deprehendatur.

III. Concipi igitur nullo modo potest, quomodo aqua sub sole perpendiculariter posita, ingentis certe amplitudinis, & consequenter ponderis, possit ope caloris ad altitudinem saltem unius pedis supra reliquam maris superficiem attolli, quin inter dilatandum & elevandum, (quod certe sensim fieri oporteret ac lentissime ex parte solis in occidentem continue progredientis,) simul etiam ex parte opposita eadem lentitudine & insensibilitate perpetuo rursus subsideret ac diffunderet; ut impossibile esset aquam ex hypothese continue antrorsum & successive rarefactam, at insimul retro continue iterum remittentem & lentissime licet, subsidentem, sensibilem aliquem elevationis gradum acquirere posse, quandoquidem vase nullo concluditur & coërcetur, nec sol supra eundem locum vel unicum temporis minutum quiescit. Deinde, posito etiam solem super aquæ amplissimum spatium, idque vase vel alveo conclusum, tamdiu agere calefaciendo, donec ea omnis altitudinem integri pedis acquireret, (quod profecto multum temporis suppositurum esset) postea vero subito etiam laxato alveo, simul omnis delaberetur, etiam ac-



celerato impetu, quem putamus effectum habiturum hunc ex tantilla altitudine lapsum, per immensa oceani spacia distribuendum? & quanto magis insensibilem judicabimus, si & insensibiliter fiat (ceu supra dictum) aquarum ascensus, & insensibilis hunc sequatur descensus, insensibilis adeo acceleratio? Qui denique possibile erit & credibile, ex tam levi & contemnendo principio tam stupendos effectus æstuum ad 50, 60, imo octoginta alicubi pedum altitudinem accumulatum?

IV. Jam quod hypotheses num. I. & II. allatas, tanquam minoris momenti, attinet, ea quæ supra coeli motu primo, qui vim suam una in aëris quoque & oceani sphaeram exerceret, fundata est, vel eo nomine suspecta esse debet, quod si motus coeli primus aërem simul & oceani aquas ab oriente in occidentem circumraperet, is videretur etiam terram ipsam in æthere liberissime pendulam in eandem plagam circumvolvere debere, & sic novum telluri motum, & Copernicano quidem omnino contrarium, conciliare, cui non solum Anticopernicani, sed etiam Copernicani ipsi forent contradicturi. Copernicanus vero telluris motus majori specie posset videri terram in ortum convolutam maribus eodem sequi non valentibus subtrahere, insimulque motum in partes contrarias, ab oriente versus occidentem imprimere, nisi multo plures aliæ difficultates in hypoth. primis superioris cap. huic hypoth. num. VII. & IX, objectæ, hoc etiam loco adhuc valerent. Qui denique ad lunam confugiunt in motus marium causa rimanda, recte quidem illi, meo judicio faciunt, cum impossibile videatur (ut alibi jam dictum) non solum hunc generalem maris motum, sed etiam cohærentes cum hoc, cæteras affectiones & modificationes, adeo cum lunæ motu diurno, menstruo, & annuo connexas & implicitas esse, nisi ipsi cum his effectibus magna affinitas & cognatio intercederet. Verum, si tractione quadam negotium hoc conficiendum sit, modus ille sic trahendorum marium edoceatur, si per influentiam, sympathiam &c. res peragi credatur, dicatur saltem distincte in quo horum unumquodque imaginabiliter consistat, si tumē-

facti.



factivam aut rarefactivam vel luminis lunaris, vel alius qualitatis operationem quis alleger, hujus quoque rationem apertam & imaginabilem edisserat, aut si horum omnium denique nihil præstare possit, illam denique hypothesein, quam immediate ante hanc epicrisin num. V. & VI. denuo commendavimus, si non ut veritatem ipsam, saltem ut verosimillimam mecum, si volet, eligat.

V. Quod vero speciales motus marium *Phæn. IV.* ex Varenio adnotatos attinet, circa *primum* quidem valde vehementem, ita ut naves à litore Mourræ (*Fort Nassau*) ad Rio de Benin, per 100. milliaria, sæpe bidui spatio delatæ, contra à Rio de Benin ad Mourre retro vix sex vel septem hebdomadibus interdum revertantur; duas affert vir laudatus p. 199. rationes, quæ ipsimet sufficere non videntur, similiterque circa *secundum* motum specialem in sinum Bengalensem, itidem validum non minus hæret. *Tertius*, tam incitatus ac vehemens, ut naves vix valido vento illum superare & contrariam viam ad Madagascar tenere possint; cum e contra, qui à canali inter Madagascar & Africam navigant, sine ventorum ope, solo maris motu ad promontorium bonæ spei deferuntur, causam à Varenio datam videtur agnoscere, reflexionem nempe motus generalis ab itinere directo versus promontorium dictum, si huic adjungas motum ejusdem maris orientalis in canali supra memorati angustia accelerati. *Quartus motus specialis causa* sine dubio recte assignatus est ventus in litore Peruviano perpetuo australis, sicut & *causa quinti* probabiliter motus generalis in litus Brasiliense incidentia, indeque facta reflexio secundum litora latioris & liberioris in septentrionem viæ. De *sexto* plures observationes expectantur, ac *septimum* multitudo fluminum in oceanum exoneratorum causatur procul dubio, quæ simul ad causam primi motus specialis aliquid conferre potest. Certe, quæ supra *phan. IV.* proposita & hoc loco nunc propositis superaddita fuerunt, non alium scopum habent, quam ut occasio sint ulterioris inquisitionis.



ARTICULUS V.  
De  
Terræ elemento,  
ejusque generalioribus affectionibus.

CAPUT I.

*de*

*natura elementi terræ.*

I. PHÆNOMENA.

cum HYPOTHESIBUS mixtim proposita.

**P**HÆN. I. Terram, prout actu ipso in hoc mundo elementari reperitur, difficilius multo est sub elementi forma, & sub aliqua simplicitate considerare quam cætera, quæ hæcenus consideravimus, aqua, aër & ignis; ut in quibus non nisi unicam essentialem, duarum partium compositionem spectandam habebamus, quarum una passiva magis, elementi partem torpidam & immotam absolvebant, particulas in aqua teretes, oblongas, politas & flexiles, in aëre ramosas & quasi plumosas, flexilitate quidem aliqua, sed aliquali quoque rigiditate gaudentes, in igne rigidioris, acuminatas ac cæteris subtiliores &c. supponentes: altera magis activa, torpidis istis motum & quasi vivacitatem conciliantia; ut in aqua & aëre materia subtilis vel æthereæ, in igne materia subtilissima sive primi elementi, Aristoteli stellarum elemento analogæ dicta.

PHÆN. II. Jam in terrei elementi massa vix alias quam passivas reperimus aut supponimus particulas, torpidas & intuitu primo penitus immobiles, easque ex effectibus, inenarrabilis quoad figuram varietatis. Nec enim cum Platone figuram cubicam, neque cum P. Fabri sphaericam omnibus aut plerisque  
fal.



saltem hujus elementi punctis tribuere licet, si diversis adeo mixtorum terreorum rationes aliquatenus assignare voluerimus.

*PHÆN. III.* Cum phænomenorum loco hypotheses hic commemorare liceat, Aristotelici hoc terræ *elementum* omnium *siccissimum* definiunt, quatenus nimirum in abusivo vocis significatu siccum dicitur, quod proprio termino facile, alieno difficulter continetur & clauditur. Quatenus autem secundum vulgarem sicci significationem, & prout in ipsa natura obvium est, multo humore passim permixtum reperitur, *siccum* tantum moderate dici, cum aqua merus humor sit, ignis econtra omnis humoris expers, adeoque vulgari loquendi modo *siccissimum* omnium elementum dicendus sit. Et cum idem ignis elementum particularum suarum rapidissima agitatione calidissimum quoque mereatur dici, ex opposito terreum elementum, utpote cujus portiones in quiete sunt omnium maxime hoc intuitu *frigidum*, imo *frigidissimum* quoque salutare facile patiemur.

*PHÆN. IV.* Si phænomena propriissime sic dicta, ex quibus elementi terrei naturam distinctius æstimare liceret, enarrare vellemus consultum foret, effectorum vel hodie gignendorum, vel olim in principio rerum genitorum, mineralium puta, metallorum, lapidum, sulphurum, salium, bituminum &c. varietatem inenarrabilem, quantum pote, recensere, ad eliciendas particularum terrearum variantissimas species, tanquam totidem inanima semina, ex quorum collectione tam varia & specificè differentia corpora oriri potuerunt. Verum, cum de his inferius in parte altera mundi elementaris specialiore, post interjectionem *Macrocosmi* sive mundi sideralis contemplationem, tradenda, in doctrina de fossilibus ex professo agendum sit, hoc loco plura addere nunc supersedebimus.



# EPICRISIS GENERALIS

De

tota hac tractatione elementari.

## I.

**T**Ametsi sub ipsum principium hujus στοιχειολογίας nonnulla in ipso Cap. I. ejusque hypothesibus tertiis & subsequente tandem Εκλέξει επικριτικῇ de elementorum numero quædam, non contemnenda forte monuimus, consultum tamen visum est, istis sub ejusdem finem quædam ulterius adjicere. Ac illud quidem, quod cum viris doctis aliis jam pridem monuit *Franciscus Baconus de Verulamio* lib. I. de augm. scient. p. m. 22. (quem locum è regione pag. I. lib. I. sive part. gen. phys. nostræ ecl. verbotenus exscripsimus) hoc loco vel maxime inculcare conveniet, quod scientiarum incrementa inprimis impediatur ac sufflaminetur, si in certa systemata & synopses ita concinnentur ac circumscribantur, ac si jam omnibus numeris absolutæ, neque novam accessionem ullam, neque correctionem antea receptorum admitterent: inprimis autem, ubi superstitiosis cautelis, nonnunquam etiam juramentorum formulis ita limitentur ac circumsepiantur, ut postmodum nil aliud nisi quod prius dictum fuerat, dicere, nihil nisi quod majoribus placuit, statuere liceat.

II. Hujus rei exemplum in hac, quam huc usque tractavimus, στοιχειολογία luculentum cernere licet. Cum Aristoteles, homo gentilis, inter mundum hunc inferiorem & superiorem ingentem differentiam mente concipiens, hæc posteriora Θεῖα, ἀπλὰ ἀφθάρτα & ἀγέννητα, priora sola vero γέννητὰ, φθάρτα & ex diversis principiis mixta & composita statuisset; illa principia componentia corporum illorum, tanquam impuriorum & fecis quasi materiæ, *elementa* nuncupavit, & cum in hoc mundo sublunari præter illas distinctas notabiliter corporum manifeste mix-



mixtorum massas sive sphaeras, terram, aquam aërem & supra hæc omnia, fictitiam ignis sphaeram (quam verè tamen ignem esse ipse negavit) nihil aliud offendisset, elementa quoque numero quatuor, crasse satis & plebeio more philosophatus, iisdem terræ aquæ, aëris, ignisque nominibus, insignita, eaque simplicia quidem, sed in hac simplicitate sua nuspiam reperiunda constituit: atque ita quaternarius elementorum numerus semel constitutus, tanquam Evangelium quoddam, in media Christianitate admittebatur, etsi, quænam esset singulorum illorum elementorum distincta ratio, nec ab Aristotele ipso doceri unquam nec ab ejus sectatoribus potuit. Et quamvis alibi, cum de cœlo cœlestibusque ageret dictus Philosophus, incidenter & sparsim, mentionem ipse fecisset vel *primi* alicujus, aut respective *quinti* elementi, itemque *elementi* cujusdam *stellarum* (ceu in superioribus abunde inculcatum fuit) ille elementorum crassiorum quaternarius numerus tamen in systema mundi sublunaris semel coalitus, in monachorum scholis usque ad superius seculum, imo per illud quoque tam sanctè servatus est, ac si alterius, ac diversi ab istis elementi, mentio nunquam ullibi facta fuisset.

III. Reperti tamen paulatim fuerunt viri docti, quibus & numero suo quaternario, & obscuritate sua suspecta evaderent hæc mundi sublunaris solius elementa ceperuntque de mundi potius universi elementis cogitare, qualia tria quidem Cartesius reperit, quorum omnium simplicissimum quidem *materiam subtilissimam* sive primi elementi, secundam *materiam subtilem* sive secundi elementi, vel ætheream; tertiam denique *tertiæ elementi* nomine insignivit, sub illo quidem quatuor vulgaria Aristotelicorum elementa ita complexus, ut non solum in mundo hoc sublunari in corporibus manifeste mixtis, sed etiam in mundo supralunari & siderali, eorumque verosimiliter mixtis itidem corporibus (extinxerant enim gradatim observationes cœlestium accuratiores horum præsumtam divinitatem & incorruptibilitatem cum primis macularum solarium, cometarum item & planetarum phænomena, quæ suadebant, in cœlo non minus



reperiri corpora ex crassioribus elementis mixta & composita; quemadmodum vicissim subtiliora & simpliciora coelestium, totum hunc inferiorem mundum pariter ubique penetrarent; id quod paulo post *secunda sectio* de macrocosmo seu mundo siderali, plenius docebit,) hæc etiam locum sedemque non minus ac simpliciora ista & puriora, in sphaera hac elementari occuparent; nempe, quemadmodum materia subtilissima in sideribus fixis, tanquam illorum quasi proprium elementum regnare, ita materia subtilis coeli spatia replere, sed intermixta sibi ubique etiam subtilissima; utraque porro sublunaria & elementa crassiora pervadere, & contra crassiora hæc, vel his similia, in globos planeticos & sometas concreta, & maculas in sole aliisque forte fixis constituere nunc concipiantur.

IV. Quod si igitur nunc mundi elementa, eaque singula simpliciora connumerare luberet ac imaginabiliter concipere, statuendum esset *primum* omnium illa Cartesii subtilissima materia, quæ tenuissimis quasi ramentis constans, immediatum esset primi summiue Motoris organum, tanta scilicet rapiditate ac celeritate motum, quæ sufficeret omnibus totius mundi corporibus una per altera movendis, quodque cum aliis forte paucioribus crassioris cujusdam elementi portionibus conjunctum *stellarum elementum* Aristoteli dictum solem aliaque astra fixa constitueret. *Secundum* forent illi globuli coelestes Cartesii, sive punctula quasi rotunda quæ vasta illa spatia mundi sideralia, sideribus ipsis interjecta, replerent, & in hac sua simplicitate sine motu ullo spectata *cælorum elementum* dici possent, quatenus autem elementi primi ramenta ipsis intermissa motum illis luminis communicant, eatenus mixtum quoddam componunt, *aether* vocatum. *Tertium* elementum comprehenderet quatuor vulgaris Aristotelica, sed si simplicitatem suam tueri vellent, quoad particulas solum passivas, igneas scilicet subtiles valde, rigidas & acutas, aëreas paulo crassiores, ramosas & plumosas, quodammodo flexiles, sed cum elasticitate quadam, aqueas, glabras, oblongas, teretes & sine elasticitate flexiles, terreas denique omnium crassissimas, varique figuratas &c, quæ deinde vel in-

tra



tra solas materiæ subtilissimæ particulas celerrime agitatae ignis vulgaris, vel ab admixto æthere moderatius motæ, æëris vel aquæ mixta, vel denique cum ipso æëre vel aqua modice permixta (non exclusis cæteris subtilioribus elementis) varia mixta terrestria componant.

V. Dixi notanter, *variā mixta terrestria*, eodemque modo dici possent etiam varia mixta aquæ, æërea & ignea, quæ etiam varietatem aliquam in ipsis elementis vel elementaribus particulis præsupponunt, quicquid etiam Aristoteles in definitione elementi requisiverit, *ipsum in alia secundum speciem diversa dividi posse non debere*. Cum enim ignes e. g. specificè variare manifesto videantur, differentia vero illa non sit ab elemento primo, portionibus elementi ignis passivis admixto, igitur in his ipsis portionibus igneis passivis illam constitui necessum est. Et quamvis in hisce igneis passivis portionibus, non tam speciei quam gradus varietatem agnoscere quis vellet, vix tamen idem in varietate mixtorum terrestrium nimia facere licebit; ubi e. g. metallorum diversæ species, & variantissimæ singulorum affectiones & proprietates, diversitatem quoque specificam particularum elementarium, licet in eodem genere terrestrium, postulare videantur, ut adeo peculiaria auri, alia iterum argenti, alia stanni, plumbi &c. semina inanima & improprie sic dicta & quidem divinitus, æque ac cæteræ elementares particulæ, producta statuenda videantur.

## CAPVT II.

de

### TERRÆ MOTIBUS

*Affectiōe terreī hujus elementi, uti stupenda,  
ita consideratu dignissima.*

#### I. PHÆNOMENA.

**P**HAEN. I. Ipsæ mensis Julii nonæ anni MDC LXXXVI. argumentum præsentis tractationis nobis suppeditarunt, quibus circa diei noctisque confinia, secundam inter ac ter-



tiam antemeridianam, Germaniæ nostræ pars magna, Italiæque vicinæ non exigua, subito se commotam sensit & contremefactam, ut apud nos quidem Altorffii æque ac in aliis vicinæ Bavarix, Sueviæque urbibus, Ratispona, Memminga, Nordlinga & cæteris multis, excussio somno, terrorem incusserint magnum titubantes lectuli tremulæque fenestræ; alibi, ut Oeniponti ac Venetiis ruinam minata sint nutantia tecta & ædificia, Halæ demum ad Oenum plenariam aliquæ turres, domus egregiæ non pauca, muri ac parietes hinc inde, horrendo plane spectaculo passa sint, ita ut hominum quoque nonnullis miserabiliter à collapsis ædificiis disjectaque urbe oppressis, reliquis universis fere extra urbis moenia per aliquot dies profugis, ne ibi quidem satis esse securis licuerit: prout hæc & plura literis prolixioribus ipsa Hala plorante emissis, tum temporis ad nos delata fuerunt.

*PHÆN. II.* Triste sane & horrendum naturæ phænomenon! alibi quoque aliisque temporibus quam frequentissimum, atque adeo dignum cujus & causam indagent naturæ scrutatores, & effectus quam tremendos tam inevitabiles exhorrescant universi! Quid enim cuiquam satis tutum videri potest (exclamet aliquis merito cum eloquentissimo Seneca è lib. VI. quæst. nat. cap. I.) si mundus ipse concutitur, & partes ejus solidissimæ labant? si, quod unum immobile est in illo fixumque utcunque in se intenta sustineat, fluctuat? Quam latebram prospicimus, quod auxilium, si orbis ipse ruinas agitet, si hoc, quod nos tuetur & sustinet, supra quod urbes sitæ sunt, quod fundamentum quidam orbis esse dixerunt, discedit ac titubat? Quid ibi esse, non dico auxilii, sed solatii potest, ubi timor fugam perdidit? Quid est cuidam satis munitum? Quid ad tutelam alterius ac sui firmum? hostem muro repellam: præruptæ altitudinis castella vel magnos exercitus difficultate aditus morabuntur: à tempestate nos vindicant portus: nimborum vim effusam & sine fine cadentes aquas tecta propellunt: fugientes non sequitur incendium: adversus tonitrua & minas cæli, subterraneæ domus & defossi in altum specus remedia sunt: ignis.







fursum magis feratur, σφουγμὸς Aristoteli seu *pulsus*, Senecæ *succussio*, dictus: nunc nutare terram instar navigii faciat, Senecæ inde *inclinatio*, Garcæo in meteor. è Plinio *arietatio*, præsertim tum, cum inclinationi in plagam unam renicitur contrarius ictus in oppositam, lib. de mundo ἐπικλίντης, (*inclinator*) nominatus; His omnibus porro casibus haut raro structuras robustissimas, urbes integras subvertat, quandoque præsertim in casu secundo, ipsa terræ viscera violenter disrupta (quo casu ῥήκτης audit) vel in altum projiciat (βράσσης ideo lib. de mundo, Ammiano Marcellino *Brasmatias* salutatus) vel introrsum concidere & absorberi faciat, lib. de mundo, & ex hoc Ammiano, Marcellino,) χασματίας, vulgo *labes*, *ruina*, &c. nuncupatus; & quæ sunt aliæ in seq. annotandæ varietates.

*PHÆN. V.* Habent has differentias, *Seneca* lib. VI. nat. quæst. cap. 4. *Plinius* II. hist. nat. cap. 80. Nomina item istarum varietatum, ille cap. 21, hic 82. Ammianus Marcellinus lib. XVII. cap. 13. Exemplum vero variationum istarum exhibuit noster terræ motus supra phæn. I. commemoratus, qui *tremor* fuit nobis & vicinis, *pulsus* aut *succussio* Venetiis, Oeniponto &c. *Subversio* Halensibus; aliud *tremoris* solius observavit Gassendus Anno 1617. Idib. Jan. *Succussionis* autem superiori seculo obortæ d. 6. Ap. 1580. quia totum Belgium commotum Parisios usque & Eboracum Angliæ pulsus continuavit, Artrico urbe notabiliter elevata, ita ut saxa quædam è turribus, templis &c. hinc inde disjicerentur, *Meterranus* lib. 10. Aliud anno 1654. quod ipse Romæ præsens sensit, Gasp. Schottus, in mech. hydr. p. 62. *Inclinationis* atque *arietationis* phænomena describunt Seneca cit. lib. c. 31. & Plinius lib. II. cap. 82. & hic quidem in loco posteriore, in primis horrendum duorum montium inter se concurrentium, crepitu maximo assultantium, recedentium &c. ille vero notabile de tessellis seu quadris in pavimento balnei ab invicem separatis rursumque commissis, aquamque inter commissuras nunc recipientibus, nunc ejicientibus &c. *Subversionis* denique & *ruinarum* spectacula plura sistuntur apud eosdem  
alios-



aliosque Authores, e. g. Nicomediæ in Bithynia homines quamplurimos una opprimentis strages ap. Ammian. Marcell. lib. XVII. c. 13. duodecim Asiæ urbium (quas nominatim recenset Garcaus in meteor. p. 394.) una nocte tempore Tiberii, prostratarum miseria, ap. Senecam c. I. Plin. lib. II. cap. 84. & Tacitum lib. II. Annal. qui notanter addit, diductis terris haustos esse, "qui in aperta prorumpendi effugia quæsiverant, sedisse immen-  
"sos montes, visa in arduo, quæ plana fuerant &c. Campaniæ fer-  
"me totius commotio, pluriumque circa Neapolin urbium casus mirabilis apud eundem Senec. cit. I. Miseranda clades in Ang-  
lia facta anno 1571, 12. Kalend. Martii è Camdeno apud Jonston. in admir. meteor. c. 7. urbium, montium, fluminum, circa Li-  
mam in Peruvia anno 1604. 7. Kal. Decemb. unius horæ qua-  
drante susque deque versorum horrendus adspectus, apud Gas-  
send. Animadv. in Diog. Laërt. X. p. 1049. ex Hydrogr. Furnerii lib. XV. cap. 18. Euphemiæ nobilis in Calabria oppidi sub Mar-  
tii finem 1638. intra oculi quasi nictum in lacum putidissimum commutatio, apud Athan. Kircher. horrendorum tum temporis terræ motuum per dies 14. dictæque item cladis oculatum testem non sine vitæ periculo, in præf. ad tom. II. mundi subterranei cap. II.

*PHÆN. VI.* Post exempla illa antiquiora, operæ pretium fuerit, etiam recentissima quædam, ex relationibus variis fide dignis, Belgicis, Gallicis, Italicis, Germanicis, à nobis prolixè in excerptis nostris annotata, hic in compendio recensere. Anno 1662. d. 18. april. Arimino scriptæ novellæ narrabant, d. Viridium hora 22. populo maximam partem in templis congregato, urbem horrendo terræ motu ita fuisse concussam, ut 12. templa humi prosternerentur, urbisque reliquiæ maximam partem col-  
laberentur, continuante hoc malo usque in Saturni Solisque diem, quibus 31. insuper palatia & ædificia dejecta fuerunt, perierunt homines ultra 700. diversi sexus & conditionis, plures adhuc misere vulnerati; senserunt & vicinæ urbes, *Fano, Pesaro, Sinigaglia &c.* suam cladem. Ephemerides Gallicæ, s. *Journal*



*nal des Sçavans* ad an. 1678. mense Maji 16. ex libello edito Paris. in 4. 1677. sub nomine *La vie de la venerabile mere*, &c. meminerunt terribilis terræ motus, à 5. Febr. 1663. hor. 5 $\frac{1}{2}$  vespert. per totam Canadam usque ad mensem Julium durantis, non continui quidem, sed iterati singulis diebus & noctibus, horæ partem octavam, quartam, aliquando etiam dimidiam. Effectus ejus horrendi, montes arietantes: aliquorum etiam præcipitia in fluvium S. Laurentii, quidam translocati cum omnibus arboribus &c. iique ad 400. mill. extensi &c. &c. Ex literis Cornelii Frank Præsidentis & Consilarii in Ternate, ad Dn. Wilhelm Maetsuyker, Consiliarium in Banda d. 22. Aug. 1673. datis percipimus duo inaudita naturæ miracula; alterum magni & altissimi montis *Gammacnorra* disruptio, & in aërem maximam partem eructatio, cum notabili terræ motu, ac cinerum tam effusa densaque projectione, ad 100. (quod postmodum aliunde compertum fuit) mill. intervallum, ut die Pentecostes, 21. Maji aër eam indueret caliginem, in qua homines obvios dignoscere difficillimum esset, &c. &c. alterum terræ motus prorsus stupendus & inauditus, qui Ternatenses d. 12. dicti mensis Augusti noctu inter decimam ac dimidiam undecimam inopinato oppressit, monte ternatensi ex latere meridionali ab imo ad summum discisso, regisque Mandarsahas ædibus lapideis humi prostratis, montium frustis absorptis &c. Mari insuper ita furente, ut navigia in portu detenta submersionis periculum subirent, &c. durante etiam ipso primo Septembris valida concussione, ut ex literis noviter submissis cognoscebatur. Ex epistola quadam auctore *Antonio Bulifon*, ad Capitaneum generalem regni Siciliae Italicè scripta, habemus relationem de terræ motu neapolitano, anno 1688. d. Junii quinto, ipsa vigilia Pentecostes exorto, tam potenti quidem, ut videretur urbs è fundamentis suis emovenda, adeo incipiebant ædificia sublimari primum, deinde nunc huc, nunc illuc vacillando vehementer agitari, idque tam furiose, ut in quibusdam templorum turribus campanæ sua sponte sonare inciperent, eaque nominatim, quæ in horologio d. S. Angelo, à Nido



Nido dicto, observaretur plus integro palmo prodire & propendere extra arcum, in quo pendebat: quodque terrorem magnopere augebat, erat fremitus impetuosus adeo durante terræ motu, ut videretur universum susque deque versum iri, ut præterantur silentio ingentia damna in templis aliisque structuris oborta &c. Anno 1690. mense Julio novellæ ex Insulis Americanis, (S. Christophori, aliisque in qua urbs Charles Town) enarrant miseriam collapsarum ex terræ motu ædium saxearum & à terra hiantē absorptarum, alibi terræ in magnos colles assurgentis, alibi arborum altissimarum intra hiatus terræ alicubi 7. pedum latitudine sese aperientis, profunde sepultarum, Collegii Jesuitarum in Insula Christophori, omniumque aliarum è saxo quadrato structurarum funditus prostratarum &c. Neapoli & Roma de 3 & 7 Febr. 1693. narrabatur, in Sicilia, oppidum Catanea maximam partem devastatum, Augustam, Syracusam, Regium, cum multis Calabriae partibus multum passas fuisse, reliquæ Siciliae partem circiter dimidiam everSAM, plus quam centum hominum millia sub ruinis viginti septem devastatarum urbium miserrime periisse; de primaria urbe Augusta, de Taormina, Syracusa & Catanea, vix vestigia quædam moenium & propugnaculorum superesse, & in ultima octodecim mille homines interiisse; montis cacumine sexcentorum pedd. altitudine intra ejus voraginem sex mill. ital. vastam desedisse &c.

*RHÆN. VII.* Plerumque cum ingenti fragore & boatu, conjunctæ sunt ejusmodi terræ concussiones & rupturæ, (quæ Autori lib. de mundo *μικτρία σεισμὸι*, Ammiano Marcellino *mycematix* dicuntur:) Non raro etiam ejusmodi antecedunt concussionem, vel audiuntur etiam nulla sequente sensibili commotione. Plinius lib. II. cap. 80, præcedit vero, ait, comitaturque terribilis sonus, alias murmur similius mugitibus aut clamori humano, armorumve pulsantium fragori. Quibus gemella habet Aristoteles lib. II. meteor. t. 46. addens idem quod Plinius, ὅτι καὶ ἄνευ σεισμῶν, ἤδη αὖ γεγόνασιν ὑπὸ τὴν γῆν. Testis Vesuvius, Ætna, Hecla, è quorum postremo miros audiri sæpe



sonos referunt, lamentationibus fere similes, ita, ut creduli multi infernum ibi & impiorum cruciatus statuerint. Testis tota Sicilia, quæ cum anno 1537. per undecim dies tremuisset, ingens, & horrendus mugitus ac fragor auditus fuit, quasi magna tormenta bellica exploderentur; Varenius lib. 1. Geogr. cap. X. prop. 5. Testis Calabria, Kircherò narrante loco proxime citato.

*PHÆN. VIII.* Frequentissime, ubi terra dehiscit & rumpitur, flammæ simul eructantur & fumosæ exhalationes latissime dispersæ, lapides item & metallici torrentes, aliquando etiam concussionem & rupturam antecedentes, sæpissime post ipsam diu continuati è montium ignivomorum crateribus. Vid. Seneca lib. VI. nat. quæst. c. 4. Tacitus l. c. in magno illo circa Tiberii tempora oborto terræ motu *effulsisse inter ruinas ignes*, commemorans. Ita cum sævitia illa, qua totam Siciliam commotam fuisse ante diximus, per dies XI. continuasset, disrupta fuit vel hiatu se aperuit hinc inde terra; unde magna vis flammæ & ignis erupit, qua intra quatuor dies omnia absumta sunt & cremata, quæ non ultra quinque leucarum distantiam ab Ætna aberant. Paulo post crater per tres integros dies ingentem favillæ cinerumque copiam ejecit &c. Varenius l. paulo ante cit. Quædam priscorum temporum exempla habet Aristot. II. Meteor. t. 42. Novum vero aliud enarrat Hieron. Welschius oculatus testis itiner. sui pag. 80. cum 16. Decemb. st. n. 1631. Neapolis ingentem terræ motum sensisset, audivissetque aliquot horrenda tonitrua, sub lucem tandem ipsam vidisse Vesuvium ardentem, multisque locis disruptum, nec dum tamen desinente tonitru ac terræ motu. Cæterum præter Ætnam, nunc *monte Gibello*, & Vesuvium seu Veseuvum, hodie *Monte* vel *Montagna di Somma*, Heclam item Islandiæ fornacem &c. quamplurimi alii ignivomi seu Vulcani, ut vocantur, hisce posterioribus seculis innotuerunt. In Italia mons *Sulfero* aut campus potius sulphure ardens & fumans juxta Putteolos, *Solfatara* dictus: *Stromboli* item seu *Strongylus*, ante

30. &



PHÆN. IX. Sæpius etiam aquarum torrentes, post illas rupturas effunduntur, adeo ut lacus, fluvii, fontes oriantur, ubi prius nulli fuerant; integræ item urbes ac insulæ submersæ sint. Confirmat hoc Seneca cap. 4. lib. sæpius citat. verbis quam elegantissimis; & Arist. II. meteor. c. 46. ἡδὴ καὶ ὕδατα, inquit ἀνιπράζοντι γινόμενων σεισμῶν, h. e. *Iam autem & aquæ eruperunt factis terræ motibus.* Liber item de mundo, οἱ δὲ, ait, πηγὰς φαίνουσι πρότερον ἢ ἔσας, *Alii vero, (terræ motus intellige) fontes adaperiunt, qui prius haut fuerant.* Exempla qui volet, videat Kircherum de lacu putido, loco Euphemiæ urbis repente enato, & conf. tom. I. p. 77. tom. II. p. 257. Gassendum & Furnerium de terræ motu Peruviano, locis supra ad phæn. IV. alleg. De Buræ & Helices in sinu Corinthiaco submersione Plin.



lib. I. cap. 92. & à Callisthene Senecam cap. 23. de Atalanta insula absorpta eund. Senecam è Thucyd. cap. 34. de Atlantide terræ motu pariter suffocata in Platonis Timæo, Kirch. lib. II. mundi subter. cap. 12. Simulque sciat, hæc phænomena Democrito veteribusque Poëtis ansam dedisse, ut aquas subterraneas causam terræ motuum assignarent, indeque Neptunum ἐννοσίγαιον ἢ σεισὶν ἰδονα, quasi dicas *terræ motorem & quassatorem* appellarent, teste Gellio lib. II. noct. Atticarum c. 28.

*PHÆN. X.* Venti quoque & flatus antecessisse & comitari, rupturas præsertim terræ, deprehensi sunt. In terræ motibus, inquit *Verulamius in hist. vent.* Ventos quosdam noxios & peregrinos, & ante eruptionem flare observatum est: ut fumi quidam minores solent emitti ante & post incendia magna. Ita Seneca quoque lib. VI. c. 17. Sæpe cum terræ motus fuit, si modo pars ejus aliqua disrupta est, inde ventus per multos dies fluxit, uti factum traditur eo terræ motu quo Chalcis laboravit, quod apud Asclepiodorum invenies, auditorem Posidonii in ipsis quæstionum naturalium causis. Invenies & apud alios autores, hiasse uno loco terram, & inde non exiguo tempore spirasse ventum, qui scilicet iter illud ipse sibi fecerat, per quod ferebatur. Exempla habes in superius allegatis hinc inde, & apud hunc ipsum Senecam, cap. 1. statim, notabilius aliquod venenosorum flatuum in isto Campaniæ motu, cujus occasione sextum libr. quæst. nat. conscripsit, diffusorum, à quibus 600. ovium gregem in Pompejana regione tunc exanimatum esse ibidem narrat.

*PHÆN. XI.* Econtra flumina, fontes & lacus evanuerunt, ubi prius fuerant, maria deseruerunt, saltim ad tempus, consueta litora: Insulæ item enatæ, quo loco prius aquarum fluctus libere ultro citroque fuerant agitati. Testis iterum Seneca lib. toties allegato cap. 4. qui & *Therasiam* suæ ætatis insulam in Ægeo mari, nautis inspectantibus, enatam narrat cap. 21. Possetque huc non incongrue trahi, quo de *Sicilia* Italiæ, *Cypro* Syriæ, *Eubæa* Bœotiæ &c. avulsis habent veteres, præsertim Plinius



nus lib. II. cap. 88. postquam fufius in anteced. præfens aſſertum noſtrum confirmafſet. E recentioribus evanidorum fluminum ac lacuum exemplum notabile eſt Peruvianum illud, quod è Gaſſendo & Furnerio jam ſupra attigimus: enatæ vero novæ inſulæ noviffimum de ann. MDCXXXVIII. à Kal. Julii in Eidus, videre licet apud eundem Gaſſend. Animad. in X. Laërt. p. 1051. Ita *Vulcanum*, ad Siciliam montem, ſobolem quaſi produxiſſe novum monticulum, *Vulcanellum* inde dictum, diſcimus è Kircherò loc. cit. Receſſiſſe etiam oceanum, & paulo poſt refluſiſſe ante Peruvianam ſtragem ſæpius jam commemoratam, ejusdem enarratores tradidere; idemque circa noviffimum de anno 1631. exortum Veſuvii incendium, in portu Neapolitano contigiſſe, adeo ut lapſurarum ex aquæ penuria navium metus eſſet, teſtatur Hieron. Welfchius, horrendi accidentis ipſe ſpectator, itin. ſui pag. 81.

*PHÆN. XII.* Aliquando breviffime durant terræ motus, uno ſingulari, vel paucioribus interruptis pulſibus, finiti, nonnunquam in dies, in menſes, in annos, per intervalla tamen continuati. Sin duravere, *inquit Plinius*, lib. II. cap. 82. non ante, quadraginta dies ſiſtantur, plerumque & tardius utpote cum quidem annuo & biennio ſpatio duraverint; quæ habet iterum è libro II. meteor. Ariſtoteles textu 45. qui tamen de forrioribus & vehementioribus hoc dictum voluit, expreſſis his verbis: ὅταν δ' ἰχυρὸς γένῃται σεισμὸς &c. neque ante 40. dies eos finiri audacter negat, ut Plinius, ſed ad 40. dies uſque (μέχρι περὶ τετραράκοντα ἡμερῶν) eos extendi affirmat. Quamvis ne hoc quidem ut plurimum contingat; ſiquidem quod ſcribit cap. 30. de ſupra memorato Campaniæ motu, eum per plures dies continuafſe, vix ad eam dierum multitudinem extrahere licet, & horrendus ille, cui Kircherus præſens ſpectator fuit, non niſi 14. dies duravit; alius item, qui totam Siciliam anno 1537. concuſſit, undecim dierum ſpatio finitus ſit, is denique, quem Gaſſendus Aquis ſextiis anno 1617. nocte ſequente Id. Jan. obſervavit, vix unius minuti dodrantem inſumſit.



**PHÆN. XIII.** Non unum solum locum afficiunt, sed plerumque ad urbes & regiones plures, multorum milliarium intervallo distitas, extenduntur; ita tamen, ut alibi vehementius, alibi remissius, sentiantur, licet eodem tempore, id quod vel nuperum exemplum nostrum abunde confirmaverit, quod allatæ Veneriis, Hala, Ratispona, diverso tempore, literæ unanimiter eidem horæ assignarunt, & præter ea, quæ sub introitum nominavimus loca, *Lindaviam* quoque *Campodunum*, vulgo *Kempten*, *Leut-kirchium* &c. testes expertas adducunt, quibus *Augustam* quoque *Vlmam*, aliasque rumor vulgaris, verissime procul dubio, annumerat. Quam diversus autem fuerit in diversis locis mali istius sensus, ex hujus tractationis introitu patere, simulque cum fructu notari potest, tanto fuisse majorem minoremve, quanto quisque locus Hala ad Oenum, calamitatis maximæ theatro, propius abesset aut longius. Quod idem ferme accidit in isto Campaniæ motu, quem Seneca cap. I. lib. VI. Q. N. „describit, Pompejos, inquit, celebrem Campaniæ urbem de- „sedisse terræ motu, vexatis, quæcunque adjacebant, regionibus. „Et post pauca hæc addens: Nam & Herculaniensis oppidi pars „ruit, dubieque stant etiam quæ relicta sunt. Et Nucerinorum „colonia, ut sine clade, ita non sine querela est. Neapolis „quoque leviter ingenti malo perstricta: villæ vero præruptæ „passim sine injuria tremuere &c. Cap. 25. autem contra, recensitis exemplis, ubi Chalcis tremuit stantibus Thebis, Ægium laboravit, Patristam propinquis nihil de motu audientibus, illa „vasta concussio, quæ duas suppressit urbes Helicen & Burin, citra Ægium constitit &c. concludit, nunquam per ducenta miliaria motum extendi: id quod verum forte tum fuit, hodie non est amplius; siquidem referente Gassendo, loco superius alleg. haut procul à Lima (nuperrime rursus, si recte memini, tantum non plenum interitum passâ) Peruviæ terræ motus contigit, qui tractu quidem leucarum 300. secundum litus, 70. autem in continentem se extendit. Adde quæ postea ad obser. I. é Meterrano & Kircheri allegabimus exempla.

**PHÆN.**



*PHÆN. XIV.* Et quidem, quæ vehementissime his concussionibus vexantur, montosa sunt & maritima loca; cum è contra palustria aliæque nonnullæ mediterraneæ planæque regiones ejusmodi, primariis præsertim, concussionibus minus obnoxia sunt. Ægyptum quidem & Galliam, Delon item insulam &c. liberas omnino esse ab hoc accidente crediderunt veteres, Plinius, Aristoteles & alii. Sed contrarium testatur Seneca cap. 26. & experientia, aliquos in ipsis quoque, etsi nec frequentes nec vehementiores motus, annotantes. E. g. Alexandria Ægypti ad Nilum urbe anno 551. & circa Burdegalam Gallia anno 584. teste Garcao in meteor. p. 389. & 405. imò ab hoc eodem loco Narbonam usque latissime extensum anno 1660. mense Junio, quo de vid. Kircher. mundi subtr. pag. 257. De maritimis & montosis quod diximus, confirmat Aristot. allatis quoque exemplis II. meteor. c. 42. *περὶ τούτων τοιούτων*, inquiens, *οἱ ἰσχυρότατοι γίνονται τῶν σεισμῶν, ὡς ἡ θάλασσα ῥωγῆς, ἢ ἡ χώρα σιμῆς καὶ ὅπαντες*, uti maxime sub montibus esse solet. Adstipulatur Plinius ex eodem Aristotele lib. II. cap. 80. Maritima autem maxime quatuntur, dum scribit, nec montosa tali malo carent, adductis exempli loco Apennino monte & alpibus, quæ posteriores nuperrimæ quoque cladis primaria sedes fuerunt. Exemplo porro sunt Pompeij & Herculaneum, Paphos & Cyprus, Tyrus & Sidon apud Senecam cap. 26. Peruvia item Campania, Calabria, Sicilia &c. superius sæpe memoratae regiones maritimæ simul & satis montosæ. De palustribus limosis & arenosis locis quod additur, Ægyptus, Hetruria apud Kirch. M. subtr. tom. I. p. 222. imò hæc Norica tellus &c. testari possunt. Quod autem Joh. Garcaus australia loca minus opportuna ad hos motus quam septentrionaliora dicit, (aliis contra judicantibus) tum ex iis, quæ supra, præsertim ad phæn. VIII. dicta fuere, tum ex ipso Garcai catalogo in meteor. p. 393. seqq. falsi convincitur.

*PHÆN. XV.* Contigisse item quacunque anni tempestate, noctu pariter atque interdiu, sub his & illis constellationibus, cer-



certum est. Aristoreles & Plinius cum ipso putarunt, vere & autumno, item noctu quam interdiu, & quidem propingua luce, crebriores esse terræ motus, ille II. meteor. c. 41. hic lib. II. cap. 80. quod ex isto ferme totum descripsit. Nostrum equidem exemplum confirmat postremum, obstat è contra primo; ipso mense Julio quippe, sub æstu maximo, sed sub diluculum tamen, præcedente unius horæ mora novilunio, nullo adspectu alio comite, nisi quod instaret  $\delta$  4  $\odot$ , constellatio per Astrologicas regulas hautquaquam malefica. Notatu digna sunt, quæ habet Kircherus tum de his tum de præcedentibus quibusdam tom. I. lib. IV. mundi subc. sub finem X. cap. sect. II. Quæ autem Aristot. tradit de tempore terræ motuum, de insulis in medio mari ab iis immunibus, de quadragenaria duratione dierum; ut experientiæ reclamant, ita universim fides iis habenda non est; non enim in maritimis tantum locis insulisque continenti vicinis, sed & insulis remotissimis, quin & in mediterraneis magnarum continentium regionibus, terræ motus, quovis anni tempore contingere, experientia ita invaluit, ut de eo nullus amplius dubitandi locus relinquatur. Seneca certe notanter scribit cap. I. Pompejos urbem desedisse terræ motu, & quidem diebus hybernis (ipsis quippe Nonis Feb.) quos vacare à tali periculo majores nostri solebant promittere. Is, qui duodecim Asiæ urbes subvertit, nocturnus fuit, Tacito teste; diurnus contra, quem Kircherus observavit locis ante cit. Peruvianus etiam ille ad Limam hyemalis erat 24. Novemb. quippe subortus, quinque diebus à novilunio, conjunctis  $\gamma$  &  $\delta$ , sed insimul eadem  $\delta$  cum  $\eta$  in  $\square$  & cum  $\xi$  in  $\times$  existente. Ruminet, cui vacat, adducta hætenus exempla omnia, legatque simul catalogum terræ motuum Garçai, quæque singulos comitatae sint constellationes, ex Ephemeridibus assignet; experietur, scio, nullam esse anni totius partem, qua non totidem quam alia quavis, & sub diverso semper astrorum positu & adspectu terræ motus acciderint.



**PHÆN. XVI.** Ubi maximi fuere terræ motus, orta que inde incendia horrenda, non subsequitur cito par alius, sed mora longa plerumque interposita, & tunc maxime, cum extincti ferme vulcanii montes de novo vomunt, aut proxime vomituri sunt. Comprobat hoc Seneca c. 31. libri frequentius alleg. loquuntur Campania & Sicilia, Aetna & Vesuvius, aliaque loca plurima superius, Villvo præsertim Phæn. indicata: de quibus porro videantur Authores ibidem laudati. Hoc obiter notandum, esse loca quædam quondam ignivoma, quæ ardere plane jam desierunt; ex. gr. Insulam *Querimodam* ad littus Brasiliæ, non procul ab argentei fluvii ostio, Belgis inde *het verbrandte Eyland* nominatam; montes item quosdam in Congo & Angola, quos ideo appellant *de verbrandte Bergen*. Sic in Insulis Azoribus, in primis *Tercera* & *S. Micbaël*, notant Geographi loca quamplurima olim ardentia, hodie non nisi fumos expellere, crebrius tamen. Quin & hi tandem cessare, atque adeo pars aliqua telluris ab his accidentibus immunis omnino fieri queat (etsi Aristoteli II. Meteor. t. 40. id videatur impossibile) quid obstat, nondum video.

**PHÆN. XVII.** Antecessisse sæpicule narrant, aliquando etiam comitata fuisse, meteora ignita, solis obnubilationem, puteorum & fontium turbationem ac infectionem fatidam ac falluginosam, quadrupedum aviumque secessionem &c. Consecutas denique pestes & infectiones, famem, seditiones, & id genus multa. Vid. Plinius Lib. II. cap. 81. Aristot. II. Met. t. 42, 43. Seneca loc. citr. Garcaus in catal. terræmot. aliique; sed notetur tamen, operæ pretium omnino esse, ut ad isthæc & similia diligentius attendatur, num semper aut ut plurimum saltem naturali quadam cohærentia connexa fuerint? an casu quodam sic ante aut post contigerint? Cæterum, ut recentiora quædam exempla quoque subjiciamus, cum arsisset anno 1631. Vesuvius testatur oculatus testis Hieronymus Welschius It. p. 80, aërem totum, atque adeo



solem quoque obnubilatum fuisse ab eructatis in tanta copia cineribus, ut in montem quendam nubes superantem compositi, multa subinde fulgura emitterent; eademque omnia, imo magis horrenda anno 1660. mense Julio exhibuisse eundem Vesuvium spectacula, variis tum ex Italia literis confirmatum est. Ita mons quidam in Java insula, anno 1586. violenta flagrantis sulphuris eruptione disruptus, tribus continuis diebus tantum fumum atrumque mixtis flammis & favillis evomuisse, ut solem tegeret & fere tenebras diei inferret, scribitur à Varenio Lib. I. cap. X. Prop. V. similia statim de alio monte *Gonnapi* dicto, subnectente: quibus adjungenda hoc loco sunt, quæ supra Phæn. VI. ex literis d. 22. anno 1673, Ternate Bandam emissis de montis *Gammacnoræ* disruptione narravimus. Sic in terræ motibus horrendis qui Senderinenses in Archipelago, anno 1650. à 24. Sept. usque ad 9. Octobris vexarunt, aër vaporibus male-olentibus & sulphureis obtenebratus ac infectus adeo fuit, ut oculi quoque intuentium ab acribus illis vaporibus læsi, omnesque triduo continuo fere cæci effecti sint &c. teste P. Francisco Riccardo in mundo subt. Kircheri p. 182.

## II. HYPOTHESES PRO SALVANDIS PHÆNN.

enumeratis præcipue excogitatæ.

### I.

**U**T omittam, tanquam frivolas causas, Bodini malos genios, quos eum somniasse *P. Honoratus Fabri* Tract. VI. Prop. XXII, Japonensium draconem, de quo in legatione Japonensi fabula legitur, Thaletis item naviculam, terram puta aquis innatantem, & aliquando ita fluctuantem, similiaque somnia; *Democritus* jam olim, cum quibusdam aliis, non repugnante quoque Epicuro, & consentiente fere Seneca Lib. VI. nat. Qu. cap. VII. & VIII.



VIII. voluit, subtus terram magna revolvi flumina & agitari vasta maria, quæ, ubi intumuerint, varias terræ partes tum propellant, tum exedant, sicque ex his collabentibus percussam terram conremiscere: eandemque sententiam poetarum veterum fuisse constat ex Agellio Lib. II. cap. 28. *Anaximenes* autem ipsam terram esse causam suorum motuum dixit (Seneca ipsum allegante cap. X. c. I.) decidentibus nimirum intra ipsam, & ex ipsa, partibus quibusdam, quas aut humor solverit, aut ignis exederit, aut spiritus violentia excusserit, aut denique ipsa vetustas collabi fecerit. Alii (eodem referente cap. XII.) cum *Archelao* ventos in concava terrarum subingressos, & condensatum ibi aërem prementes & eidentes, ita concitare crediderunt, ut claustra sua conaretur diffringere &c.

II. In Peripateticorum schola per complura secula similis opinio viguit, Senecæ quoque non displicens, quæ non excludens quidem ventos forinsecus subintrantes, halitus tamen & vapores subterraneos (eodem Seneca indicante cap. XIII & XXIII,) maxime tantarum calamitatum reos fecit. Aliquam nempe semper evaporationem esse à terra, agebant, quæ modo arida sit, modo humido mixta. Hanc ab infimo editam, & in quantum potuit elatam, cum ulteriorem locum, in quem exeat, non habeat, retro ferri atque in se revolvi: dumque rixa spiritus reciprocantis jactet obstantia, & sive interclusus, sive per angusta enisus sit, motum ac tumultum cieat. Et huc rediisse ipsius etiam Aristotelis hypothesein, è Lib. II. meteor. cap. VIII. satis manifestum est. Statim enim sub initium capitis, & siccas & humidas in terra & circa terram fieri exhalationes, & his existentibus fieri terræ motus. Terra enim humente à sole extus, & ab igne interno calefacta πολὺ μὲν ἔξω πολὺ δ' ἐντὸς γίνεσθαι τὸ πνεῦμα. Καὶ τὸτο ὅτ' ἐ μὲν συνεχὲς ἔξω ῥεῖν πᾶν. ὁ τὲ δ' εἰς πᾶν. ἐνίοτε δ' ἐ μερίζεσθαι, h. e. *Multum extus, multum etiam intus gigni spiritum: Et hunc nonnunquam continuum foras fluere universum; nonnunquam universum introrsum; aliquando etiam dividi.* Cumque hoc suppoluisset, tanquam ἀδύνατον ἄλλως εἶναι, quasi ambages studio quærens, considerandum esse dicit ὅποῖον κινητικώτατον ἂν εἴη τῶν σωμάτων; i. e. *quod nam inter corpora maxime motivum esse videatur?* τὸ σφο-



δρότατον, sive *vehementissimum*, infert; tale autem porro concludit, esse τὸ τάχιστα φερόμενον (*quod celerrime movetur*) & hoc ulterius, τὸ λεπτότατον (*quod subtilissimum est, & per omnia penetrantissimum*) ὥς ἐῖπερ ἡ τῆ πνεύματος φύσις τοιαύτη, μάλιστα τῶν σωμάτων τὸ πνεῦμα κινητικόν. h. e. *Ut ita quandoquidem spiritus natura talis est, spiritus etiam sit corporum omnium maxime motivum.* Ex quo tandem ultimata hæc elicitur conclusio: καὶ ἂν ἐν ὕδαρι, καὶ δὲ γῇ αἰτία εἴη, ἀλλὰ πνεῦμα, τῆς κινήσεως, ὅταν ἴσῃ τύχη πρὸς τὸ ἐξω ἀναθυμιώμενον. h. e. *Non igitur aqua neque terra erit causa motus (ipsius) sed spiritus (sive flatus) quando casu introrsum fluit exterior exhalatio.*

III. Nil defuit Aristotelis hypothese, quam quod exhalationum siccarum intraterram excitata tum actualement accensionem in mentem sibi venire passus non sit, aut ejus applicandæ occasionem ex inflammatione subitanea, pulveris pyrii (qui tunc ignotissimus adhuc fuit) non habuerit: tametsi ardentis Ætnæ & Liparæ insulæ notitiam habuisse certum est, præsertim, si libellus περὶ θαυμασίων ἀκρομάτων ipsius genuinus fœtus est, & sic occasionem sufficientem similium illis cogitationum, quas libellus de mundo cap. 4. apertissimas edidit; in ante cit. l. de Meteor. citra dubium pariter edendas; nisi cum doctissimo Heinio negare velimus, ut ex aliis multis rationibus, ita vel ex hac præsentī quoque Aristotelem esse libelli de mundo authorem. Hic enim de terræ motibus ex fontibus igneis subter terram deducendis ita loquitur, ut ad recentiorum cogitationes quamproxime accessisse videatur. Et confugerunt quidem olim etiam ad ignem *Anaxoras* (referente Seneca cap. IX.) è nubibus subterraneis erumpentia quasi fulmina, eodem modo, quo hæc in aëre fieri solent, in obvia incurrere ac repugnantia divellere, statuens. Alii ex eas quasdam ab ardentibus ignibus partes collabi, ac superimposita sequi &c. dixerunt: Alii ex aquis subterraneis ab igne vicino fervefactis excitatam ingentem vaporum vim ita exagitare terras voluerunt: Alii denique, ut olim *Epicurus* (inter cæteras opiniones scilicet, quas more suo, promiscue admittebat apud Senecam lib. cit. cap. 20.) & antehac in media Peripateticorum schola, *Andreas Cæsalpinus*, lib. III. Quæst. Peripat. IX. sub finem, accensos potius inflammabilium sub-



subterraneorum halitus horrendorum illorum effectuum causam agnoverunt.

IV. Et hæc est communis hodie Philosophorum famigeratorum, *Gassendi Kircheri, Schotti, Varenii, Cartesii, Hamelii, Honorati Fabri &c.* hypothesis; quamvis hic postremus aquas etiam calefactas & valde rarefcentes, proprios adeo carceres aliquando dirumpentes, & halitus quoque in cavernis probe obstructis rarefactos simili modo ex angustiis illis expedire se confisos, inter causas quorundam saltem terræ-motuum connumeret. Hi scilicet intra terram cavitates multas & magnas per medios etiam aliquando canales communicantes, & alias quidem aquis copiosis abundantes alias denique flatibus & exhalationibus, è corporibus etiam inflammabilibus, bitumine, sulphure, nitro &c. metallis item ac mineralibus, collectis, ignibus denique actu flammantibus, vel accendendorum facile seminis, latissime perfusas, agnoscunt, neque sine ratione quidem, nec citra experientiam; ut paulo post prolixius videbimus. Has igitur exhalationes sulphureas, bituminosas &c. aut ab ignis subterranei flammula sive scintillula quapiam, etiam è longinquo per venulam aliquam allapsa, aut alia quadam mixturæ cujusdam fermentatione, eorumve, quos alibi declaramus, alio modo accensos ac subito inflammatos, non posse non pro majori minorive inflammabilium copia, crassitie tenuitate, siccitate &c. varia cavitatum aut cryptarum multitudine, figura, situ &c. varios causari pulsus aliosque violentos effectus: quales quidem in cuniculis sive terræ-motibus artificialibus (quos vocat & pluribus suis circumstantiis declarat Prop. XXX. loci frequentius cit. P. Fabri,) ubi pulvis pyrius, qui nil nisi nitrum, sulphur & carbo est, ex industria congestus, flammulam è longinquo per canaliculos eo deductam conceperit, repente rarefactus edere, miserabili sæpe hominum clade & horrendo spectaculo deprehenditur.

vid. *Gassendus*, phys. sect. III. membr. I. lib. I.  
cap. VI. p. 48, 42.





III. Επ' αἰετῶν ἐκλεπτῶν super enarratas Hypotheses.

*cum explicatione superiorum Phenomenorum deductione.*

**S**cilicet hæc ultima hypothesis est etiam nostra; quippe quam & regionum terræ motibus primario obnoxiarum conditio (recondunt enim pleræque multum sulphuris, nitri, bituminis, & similium inflammabilium) & ignivomorum montium flammæ, in iisdem frequenter conspicuæ, digito quasi commonstrant, & quæ vel sola, vel maxime, omnibus enarratis phænomenis satisfacere potest. Quod ut plenius evidentiusque demonstrare possimus; age, observationes aliquas, tanquam principia futurarum conclusionum hic præmittemus, aliis obviis & quotidianis tacite suppositis.

**I. OBSERVATIO.** Terra multis & magnis cavitatibus, cryptis & canalibus intus undiquaque, præsertim sub montium iugis hiat. Ut enim nihil dicam de specu Coriciano apud Melam, Solinum, Plinium, Strabonem &c. celebri, nihil de Plutonis hiatu, apud Ælium; nihil de aliis antris, apud Senecam hinc inde; nihil de horridis cavernarum subterranearum receptaculis, quas Americana historia sub montibus Andium inventas tradit, tantas scilicet, ut integras regiones in externa terræ superficie adæquent, quibusque similem Martinus Martini in Atlante Chini-co describit, allegante hæc & fusius diducente Kircherò sub finem lib. II. mund. subterr. (vid. interim egregiæ quoque Senecæ collectiones lib. V. quæst. nat. cap. 15. & III. cap. 8. & 61.) Confirmant assertum nostrum Æoliæ cryptæ quam plurimæ, continuos aut frequentes saltem ventorum flatus emittentes; quales à laudatissimo Kircherò descriptas, partim etiam diligentissime expl-



exploratas, vid. c. l. comprobant aquarum innumerabiles scaturigines in vulgus notæ, & alicubilatissimæ; Demonstrant denique Vulcani & ignivomi montes, quales per universam terram, in Italia, Asia, Media, Tartaria, Japonia, in Philippinis & reliqua India, per Africam, australem terram, mare del Zur, insulas Canarias, in utraque America, Grœnlandia, Islandia &c. innumerabiles ferme inveniri constat, relatu Authorum fide dignissimorum, quos allegavimus ad phæn. VIII. ubi hoc inprimis notandum, istas ardentium montium cavernas non ad ipsorum radices finiri, sed porro per canales quosdam & longos meatus inter se jungi sæpius, sibi que mutuo respondere; cujus rei testimonium evidens præbent Ætnea incendia, quæ cum primum incrementa quædam & vires sumere deprehensa sunt, eodem simul tempore Strongylum olim in liparitanis insulis, per consensum quasi pati & ardere, sulphureosque halitus per totam Siciliam subterraneam dispersas efficacius operari cæperunt. Notatu porro æque, si non magis digna est ea Kircheri observatio, qua horrendi terræ motus in Calabria spectator, non solum paulo ante Strongilium, 60. fere mill. Ital. intercapedine distitum, insolito modo furere & ardere totum vidit, sed & tonitrua subterranea, auditu primum obtusiora, dein magis magisque subter terram appropinquantia distincte percepit, donec ad ipsum, cui ipse cum sociis insistebat, locum ea pervenisse magno suo periculo sentirent.

*II. OBSERVATIO.* Cavitatum istarum seu cryptarum, venarum & viarum subterranearum, aliæ aquis repletæ, voragines quasdam, abyssos & rivulos componunt, fontium postea fluviorumque origines; aliæ flatuum & exhalationum plenæ; aliæ denique ignibus & flammis latissime perfusæ sunt. Patent hæc jam ex observationis præced. confirmatione: sed ut porro pateant, quod primam qui-



quidem attinet partem, facile quivis paulo emunctioris naris concipiet ejusmodi ingentia aquarum penuaria, sub *Alpibus* ex. gr. quæ tot ingentes fundunt amnes, *Danubium*, *Rhenum*, *Oenum*, *Rhodanum*, *Ararim*, *Mosam*, *Mosellam*, *Padum*, *Athesin*, *Mincium*, *Ticinum*, *Savum*, *Dravum* &c. Ut taceam maximos in Helvetiis lacus, *Lucerinum*, *Lemanum*, *Tigurinum*, aliosque minores sub Italiae introitum: sub *Tauri* & *Antitauri*, *Caucasi* & *Imai* &c. concamerationibus in Asia, quas *Indus*, *Ganges*, *Oxus*, *Hydaspis* & plurima Sinarum flumina, *Euphrates* item *Tigris* &c. matres & matrices agnoscunt: Sub *luna montibus* in Africa, unde *Nilus* omnium famigeratissimus, lacus item *Zaire*, *Zembre* aliique ingentes scaturiunt: Sub *Andibus* in America meridionali, tot fluvios, tot lacus, eosque tantos quaquaverfum effundentibus, ut nulli fere alii cum ipsis jure comparentur. Equibus porro, me non mone, judicabitur, quam innumerabilia alia minora ejusmodi aquarum receptacula per totum terrarum orbem diffusa esse oporteat, unde fontes & rivuli fluviique minores, numero tantum non infiniti promanent, ut taceam hæc omnia ex aquæ terræque in unum globum combinatione à priori dijudicari posse. Pro secunda parte legantur, quæ de ventis artificialibus intra *Æolias*, quas vocant *Cameras*, ex aquarum lapsu procreatis, habet Gasp. Schottus Kircheri discipulus & compilator, in *Magia musica*, syntagma IV. cap. II. indeque judicetur, quam copiosi venti ab allabente terras undiquaque oceano: ejusque fluctuum ad cavernas hujus impulsu, perpetuo ac necessario in terræ visceribus excitentur. Pro tertia demum parte, velim porro notetur 1) *Thermarum* innumerabilium etiam per Germaniam, Galliam, Hispaniam, multitudinem, quarum originem absque subterraneo igne, ex abyssis forte ardentium montium, per cuniculos innumeros in universa terræ viscera propagata, ne concipe-



eipere quidem liceat. 2) *Æstuaria* ignisque spiracula per Italiam ad *Petram malam*, in campis phlegreæis prope *Puteolos*, alibi que visenda, imo alicubi ex imo pelagi prorumpentia; id quod factum anno 1650. nec non olim anno 1457. & 1570. prope Santerinium insulam in Archipelago: 3) naturalem horum omnium & necessariam cohærentiam; siquidem aquas omnes sub terra rigere & congelascere necessum esset, nisi ab ignis subterranei calore viciniore aliquæ plane incalescerent, remotiores à congelatione servarentur immunes; ignes vero extingui, nisi ab aëris ventorumque flatibus, tum ab oceano dicto modo excitatis, tum per ignivomorum montium crateres patulos admissis, foverentur; denique ab iisdem ignibus omnia tandem consumi, nisi humorum vaporumque interventu hic isthic extinguerentur & compescerentur. Addidissimè verbo tenus insignem è lib. de mundo cap. 4. locum, qui dictis hæc nus gemella plane ante tot secula annotavit, & elegantem ex Andrea Cæsalpino Peripatetico celeberrimo locum è lib. III. Perip. quæst. IX. p. 77. nisi jam justo longior evasisset observationis hujus II. confirmatio.

**III. OBSERV.** Turgent præterea telluris viscera undiqueque plus minus, in locis montosis præsertim sulphuris, bituminis, nitri aliorumque salium, variorum generum succini, &c. metallorum item diversi generis &c. magna copia; præcipue vero ea loca, quæ motus maxime horrendos passa sunt, istis præ aliis abundare observantur. Siciliam omnem, Calabriam, Campaniam ubique totum Latium, Hetruriam, universam denique Italiam, sulphure, bitumine, carbonibus & exustis alicubi pumicibus, ferri, æris cæterisque mineris scatere, Geographia docet è vulgari experientia, idemque de plerisque aliis terræ partibus, non omnia quidem omnibus, sed aliis alia vel suppeditantibus, vel etiamnum abscondentibus. Et generatim, ubicunque mon-



tes ardentes & ignivomi campi per orbem terrarum visuntur (visuntur autem undiquaque plurimi vi VIII. nostri phænomen.) ibi inflammabilium istorum mineralium thesauri ipsa eruptione produntur. Estque inprimis notabile, quod *Ormuzium*, persici sinus insula, quam totam fere nil sine sal esse constat apud Geographos, non solum olim septem annis continuo arsisse scribatur, sed adhuc hodie eructet quotidie ex montibus salinis flammarum globos; evidenti certe indicio veritatis in ea Physicorum observatione, qua sal fossile nusquam facile purum ab omni mixtura metallica, & sine unctuosa quadam pinguedine inveniri asserunt; ut nihil commemorem sal naphiticum & bituminosum Plinii & Alb. m. non dicam ex sale oleum, ex omni metallo, omni denique terræ corpore sal arte chymica extrahi; taceam denique experimentum egregium, quod plenam esse terram ubique pinguedine & flammarum pabulo comprobans, videre licet apud Kircherum tom. I. mundi subtr. p. 185. jam vero de innumeris Germaniæ nostræ, vicinarumque regionum, metallifodinis minerisque apud omnes Geographos decantatissimis dicere quid attinet? hoc tamen notandum, quod, esse in Misnia carbonum montem subinde fumos eructantem, & aliquando ignes (quorum flammæ circa annum 1505. maxime furentes inspectavit *Agricola*, de parte physica mineralogica optime meritis) imo toto illo inter Zviccam & Glaucham tractu flammæ noctu sæpe nitere & emicare scribit *Bernh. Casius* lib. I. de miner. cap. VII. p. 119. apud quem eundem, quæ terræ præ cæteris, sulphure, bitumine, sale, succino, cæterisque mineralibus metallisque per universum orbem abundant, fusissime videre est. Unicum ut addam, ne submarinas quidem terras sulphureis ejusmodi ac bituminosis carere mineris, vel è Santerinensi, quod supra memoravimus, incendio obvium est: possuntque generali tandem argumento inflammabilium istorum in omnibus terræ partibus præsentiam stabilire metecora, nullibi non visenda; quæ certe nonnisi ejusmodi exhalationum inflammationes esse, omnium Physicorum consensu, possunt.



**IV. OBSERV.** Unde vel ratiocinando porro colligere licet (quod tamen experientia quoque comprobat) copiosos halitus ex inflammabilibus istis corporibus perpetuo emissos, subterraneas cavitates & venas hinc inde complere; eosdemque non minus, ac ipsa corpora, è quibus exeunt, inflammabiles esse, tum subterranea quadam scintilla forte illapsa, tum etiam per plurimum corporum aut halituum fermentationem. Cum enim extra terram ad aëris mediam regionem usque eleventur, ibique, nullo igne flammante præsente, accendantur; quidni facilius idem intra terræ cryptas contigerit? sed accumulari copiosas istorum corporum exhalationes in terræ visceribus, obvium est vel inde, quod sulphur effodi non potest in cuniculis subterraneis, sed ex mineris tantum quæ sub dio sunt, fossiores alias suffocaturis, & quod omnia loca circa Asphaltiten lacum sint inhabitabilia. Admota vero flamma tales accendi, vel uno naphthæ exemplo patere potest, cujus aliquot guttulæ effusæ & in halitum pinguem per ampla platearum spatia diffusæ universum istius spatii aërem inflammari repente faciunt. Accensionem denique fermentando fieri, ac nulla flamma præsente, posse, notum est mixturarum quarundam ex nitro, sulphure & calce viva factarum exemplo, quæ humidi adpersione, & vel spuito accenduntur; vid. Gasp. Schott. in mag. pyrotechn. p. 121. Estque hic probe attendendum, non solum inflammabilium istorum aliqua vel solitaria, vel cum aliis mixta, in mediis aquis ardere; sed & aurum aliaque metalla & mineralia &c. certa ratione præparata facillime non igne solum, sed levi calore accendi, magnosque effectus edere; quales & ipse vidi non semel, & fusius commemorat laudatus modo *Schottus* in mech. hydraul. pag. 63. *Gassendus* animad. in Diog. Laërt. p. 1016. &c.

**V. OBSERV.** Inflammabilium istorum accensorum ac repente rarefactorum magna vis est, non movendi solum, sed & cum impetu pullandi & succutiendi. Notum est, quam tum tormenta bellica, & subterranei cuniculi, pyrio onusta pulvere, vi polleant; certe nihil tam solidum, nihil tam bene fundatum est, quod non vel in oculi ictu projiciant prosternantque; &



fi causam quidem tantæ virtutis impulsivæ examinemus, nil aliud, quam pulverem ex nitro, sulphure, carbonibus compositum reperies. Si itaque artificialis pulvis tanto polleat robore (*adde in copia non adeo magna*) quanto majori poliere combustibilis materiæ copiam & multitudinem, sulphuris, inquam, nitri, aluminis, salis ammoniaci, bituminis, cæterorumque spirituum mineralium, metallicorum, auri, cupri, ferri, arsenici, mercurii, quibus intimæ terræ meditullia referta sunt, existimabimus? Verbis loquor sæpe laudati Kircheri; quia commodioribus vix possum. Et sane, qui Vulcanios in agro Puteolano campos inviserunt, non sine horrore narrant, quam impetuosos ventos istorum caminorum aliqui, cum sonitu & fragore formidabili eructent, & cum tanto impetu, ut injectos lapides magna vi foras repercutiant. Quam validum item creent strepitum fulminantes ex auro, cupro, tartaro &c. pulveres flamma concepta, quantaque cum vehementia quidvis suppositum perfringant; in promptu sunt oculorum testimonia, ut nihil dicam de fulminum formidabili ac penetrantissima facultate, cujus exemplum miserabile paucas ante septimanas (quam hæc prima vice scripseram) *Stralsunda*, citerioris Pomeraniæ urbs celeberrima, cum horrore ingentique suo damno, vidit.

*VI. OBSERV.* Magna quoque vis est spirituosorum corporum quorumcunque citra accensionem etiam rarefactorum: verum, nisi aliunde porro accedat impulsus, non tam commovendo subitisve impulsibus aut concussionibus, quam lenta quadam emotione, cum inopinata tandem & simplici ruptura aliquando conjuncta, vim istam exerunt. E. g. quas vidit Romæ, fierique ipse curavit *Gasp. Schottus* vitreas sphaerulas sclopeti crepitum æmulantes, earum aliquot ante 40. & quod excurrit annos Amstelodamo Jenam attuli & amicis distribui. Illas aceto aliove spirituofo liquore ad medietatem repletas ac hermetice postea clausas, ubi candentibus imposuimus prunis, aut calidis cineribus, rarefactus intus paulatim liquor nihil quidem commovit aut tremefecit sphaerulam; sed postquam contineri amplius

haur



haut potuit, uno ictu disrupta est, unico etiam edito crepitu instar sclopeti minoris. Ita marmoreas columnas, centum alias boum jugis non disrumpendas, ab aëre vel spiritulo quodam intra marmoris meatus aut venulas concluso, & ad ignem vicinum rarefacto, fractas esse memorant authores fide digni; sed contremuisse inde aut interruptis pulsibus concussas esse nemo observavit. Idem castaneæ ad ignem aut fornacem assatæ, idem alia multa experimenta confirmant.

*VII. OBSERV.* Metalla & mineralia intra terræ viscera non solum sunt, sed ablata renascuntur. Testem hic habemus obviam experientiam, quam urget ex Agricolaë lib. V. de ortu & caus. subterr. & Conimbric. tract. 13. met. cap. 2. *Bernhard. Casius* lib. 1. de miner. cap. V. sect. 5. speciatim in Ilva vel Elva Thyrreni maris insula, è ferri fodinis erutum hoc metallum post 25. circiter annos restitui observatum est; imbrices item plumbei, subdio etiam in ditiorum tectis aliquot post annis pristinum pondus superare deprehensi, & cuniculi metallici veteres, quos amplos satis agere solent fossores, hominum memoria in tantam angustiam fuere contracti, ut nullum aut difficilem aditum concederent accessuris, non certe nisi per novæ materiæ accessionem, prout Authores allegati optime colligunt.

*VIII. OBSERVATIO.* Halitus mineralium aliqui salubres equidem sunt, aliorum præsertim corporum mixtura temperati; plurimi tamen, imo omnes, si copiosi sint, noxii solent esse homini aliisque animalibus. Prius confirmant vel solæ thermæ & medicatæ aquæ, ejusmodi exhalationibus & imprægnationibus sulphureis, nitrosis &c. temperate mixtæ, quales Italia cum primis, sed & Germania aliæque regiones passim effundunt. Posterius vel soli metallicorum (quot quæso generum!) morbi testantur, quorum alii artus affligunt, alii lædunt pulmones, alii oculis obsunt, alii denique homines interimunt. Observatum est haut semel, in quibus puteis vel cuniculis durities saxorum igni frangitur, in his aërem veneno infici, saxorumque venulas & commissuras subtile quoddam virus



exhalare ignis vi expressum è corporibus metallicis &c. quo veneno infecta animantium corpora continuo turgescunt, omnemque motum & sensum amittunt. Narrant item, ad *Planam* Bohæmiæ oppidum esse nonnullos specus, qui certis anni temporibus halitum emittant, lucernas extinguentem, & fofiores diutius ibi commorantes enecantem, plura qui velit de noxiis expirationibus experiri ipse, Puteolanos, agros specum item canum, vulgo *la grotta di Cane*, lacum Averni &c. in Campania adeat, qui legere, *Bern. Cas.* videat Lib. 1. de Min. cap. VI. Sect. II. Athan. Kirch. mundi subterr. Tom. 1. Lib. V. Sect. III. ac è veteribus Senecam Lib. IV. Nat. Quæst. cap. 18.

Quibus ita præmissis, in promptu nunc esse existimamus veras & genuinas terræ-motuum variorumque circa ipsos observatorum accidentium causas indicare; id quod de præcipuis hujus II. cap. phænomenis, quæ sub initium more consueto enarravimus, nunc præstare conabimur in sequentibus breviter conceptis conclusionibus:

**I. CONCLUSIO.** Cum terra multis undiquaque cavitatibus & canalibus intus pervia sit *per Observ. 1.* quæ cavitates, & qui canales, magnam partem circumcirca intra parietes suos variis metallorum, mineralium & facile-inflammabilium corporum, generibus abundant, *per Observ. 3. & vi sequ. 4.* inflammabilibus inde exhalationibus implentur; facileque contingat, vel ignis per terræ viscera, *secundum Observ. 2.* pariter diffusi flammulam aut scintillam aliquam ad istas cavernas delabi, etiam è longinquo per venulam aliquam, vel subita quadam alia fermentatione oborta, exhalationes istas sulphureas, nitrosas &c. accendi; evidens est *ex Observ. 5.* excitatam ejusmodi sub terris inflammationem & rarefactionem non posse non, pro majori minorive inflammabilium copia, crassitie, tenacitate, siccitate &c. variam cavitarum aut cryptarum, multitudine, figura, situ &c. differentium, varios causari pulsus aliosque violentos effectus: quales scilicet me cuniculis arte paratis, pyrius pulvis, (qui nil nisi nitrum sulphur & carbo est) ubi ex industria



dustria ingestus flammulam è loginquo per canaliculos eo deducam, vel etiam è vicinia ex funibus bombardariis gliscentibus, & pro destinato tempore admensis, conceperit, repente rarefactus edere, miserabili sæpe hominum clade, & horrendo spectaculo, deprehenditur. Quæ quidem pulveris pyrii hoc ævo notitia multam occasionem nobis obtulit & generalem terræ motuum, & specialium casuum rationes, plenius rectiusque rimandi, quam quidem antiquioribus Philosophis, hoc adminiculo destitutis, facere concessum fuit.

II. Neque mirum est, aliquando sine impetu & succussione omni flammulas alicubi aut scintillas tantum fatuas emicare, nec necessarium, ut ad quamvis accessionem subterraneam terræ-motus consequatur; siquidem facile vel humor aliquis admixtus subitam inflammationem impedire & suppressere, vel accensis licet actu halitibus, terra rimulis dehiscens exitum concedere & effugium potest: æque ac cuniculorum seu *minarum*, quas vulgo vocant, flammæ irritæ non raro sunt, si pulvis pyrius humidior, aut injusta ingredientium proportionem mixtus, aut fornix laxior sit, quam pro suggesti pulveris copia, aut exitus alicubi accensis ejus halitibus vel casu pateat, vel artificis incuria, vel ab hoste periculum subodorato, de industria adaperthus fuerit.

III. Quod si vero interclusum fuerit omne inflammatis spiritibus effugium, & majus tamen sit superimpositæ molis onus, aut fortior partium cohæsiō, quam ut ab eorum forti licet impellu superetur; fit inde, ut commoveantur saltem & succussa contremiscant terræ latera, magis vel minus pro majore vel minore impetus ad molem commovendam proportionem. Ut vel obiter hinc, cum nullæ intra terræ interiora cavernæ cum ratione quidem supponi queant, quæ inflammata ad immensam totius globi molem notabilem aliquam haberent proportionem tertii simul Phænomeni causa luculenter eluceat.

IV. Estque cogitatu facile, quod impulsus ille, nunc horizonti parallelus, ad latera, nunc perpendicularis sursum, nunc in-



inclinatus quasi ad obliquas plagas erumpat; id non nisi à diverso cuniculorum situ pendere; prout sc. ipsorum longitudo vel ad latera, vel ex imo ad summa, vel obliquiore ductu ad intermedia se extenderit; non aliter ac videmus in machinis tormentariis impetum accensi pulveris pyrii ad plagas diversas dirigi, pro vario tormentariorum tuborum positu; Ut ita ratio diversitatum quoque generalis in terræ motibus, quas phæn. IV, V. & VI. prolixius enarravimus, patefcat.

V. Neque difficilius est judicare, si contingat, uti facile quidem potest, cuniculum aliquem subterraneum, transversim sua longitudine extensum in parte sui media accendi, atque adeo diviso impetu dextrorsum ac sinistrorsum una pulsare ejus parietes; qua ratione tum superextructorum parietum commissuræ diduci aut alia superextantia longius quam pro solito disjungi, paulo post tamen, remittente violentia, conjungi rursum pristinisque restitui queant sedibus; quo ipso nunc specialis quoque causa *arietationis*, cujus in phæn. V. facta fuit mentio, in aperto erit.

VI. Apparet etiam, quo pacto, concussa paulo vehementius aut tremefacta aliqua telluris parte, etsi non disrupta, superextantes tamen, præsertim altiores structuræ, templa, turres &c. vel subrui, vel saxa quædam saltem aut partes infirmius nexæ reliquis excuti queant; ea ratione scilicet, qua in mensa subtus percussa, vitra ipsi imposita altiora corruunt, aut è patellis poma, nuges aliaque cumulatus congesta & minus coherencia disjiciuntur: id quod *succussionis* aut *subversionis* phæn. IV. & V. speciatim commemoratarum rationem declararet.

VII. Jam si flammæ copiosiori incendio & hujus impulsui vehementiori non sit ferendo superincumbens tellus, quid mirum ejus claustra tandem effringi, omnia susque deque verti summa imis commisceri, collabentibus barathrorum lateribus, integras urbes, montes, fluvios, insulas denique absorberi, miserabilesque illos effectus sequi, quorum horrenda exempla superioribus sex prioribus phænomenis recensuimus; cum  
simi-



similes omnino strages subterranei Bellonæ furores non semel ediderint?

VIII. Cum porro aquarum etiam gurgites ac torrentes sub terris delitescere ex *Observ. II.* constet; quid facilius, quam ut vicinis ejusmodi aquarum receptaculis & fluctibus, per ingentes istas rupturas exitu patefacto, resorptis intra ruinæ voragine ter- ris ac urbibus copiosæ postmodum undæ supernatent, lacus in- gentes constituent, aut novis fluminibus (si obstructi, qui ad fon- tem deducunt, meatus non fuerint) continuum fluxum conci- lient? id quod postremæ parti phæn. V. atque adeo toti VI. (quod non nisi recentiora talium exempla continet) imo & phæn. IX. sufficiat.

IX. Quin & ejecta oblique submarinis cavernis superextans terræ moles, ita ut non in ipsas cavernas & apertas voragine, sed in vicinum solidum adhuc fundum recidat, novam supra super- ficiem maris elatam terram, h. e. insulam (resorpta præsertim aqua copiosiore intra ad apertas abyssos) congerere, vel etiam sola fluctuum intra ruptas cavernas absorptione, tumulus ante sub undis, sed minus alte demersus, emergere, novamque in mo- mento sistere insulam queat, nullum est dubium, ita phæn. quo- que XI. ad genuinam suam causam maximam partem reducto.

X. Nec alia quærenda causa est recessus marium, litora quandoque vel instante vel durante terræ motu, deserentium (quod in phæn. XI. sub finem annotavimus) quam quod in fa- ctas proxime voragine subingressa tantisper disparuere, donec ex alto reflui fluctus novi aquarum jacturam resarcirent.

XI. Mirum quoque nemini erit, quod non semper & ubi- que, quando & ubicunque terra concussa disrumpitur, flammæ compareant; siquidem & à terræ superincumbentis ruinis, & à superfluentibus aquis, (siquidem vehementes adeo & magnæ istæ non sint) facile opprimuntur & suffocantur: ut taceam, sæ- pe adeo vel subtiles vel fumis obnubilatas esse, ut interdiu conspe- ctum fugiant, de nocte alias distincte visibiles; cujus rei testimo-



nia, Ætna, Vesuvius, campi Puteolani &c. tantum non quotidie suppeditant.

XII. Per montium juga vero facilius quam in humilioribus locis erumpunt flammæ, tum, quod modo dicta impedimenta ibi rarius obstant, tum quod cavitates sub montibus, *per Observ. I.* & plures & majores, ac reclinati quasi in se invicem parietes ipsorum, per angustias longiores, ad instar caminorum, faciliorem ipsis præbent exitum, id quod vel fumorum per fumariorum angustias facilior ascensus docet. Quo ipso causa primæ partis *Phæn. VIII.* nunc etiam patet.

XIII. Et cum è tam ingentibus terræ, ac inflammabili materia refertissimis barathris, impulsu tam vehementi, immensam sulphuris, bituminis & saxorum combustibilium metallorumque, nimio calore aliquando liquefactorum, copiam, (æque ac globos lapidesque é tormentis & cuniculis artificiosis) ad montium summa ejici necessum sit, ea certe diuturno sufficere potest incendio, si maxime hiatus abyssi, per collapsa terræ interioris rudera clausæ, novam subinde flammam non suppeditent. Quo ipso causa 2. partis *phæn. VIII.* jam habebitur.

XIV. Obviumque jam est, cur ignivomi hi dracones per intervalla (posteaquam consumpta omni intra crateres suos materia aliquandiu quieverint) pristina sua incendia iterent renoventque; quoties nempe novi fumi halitusque in occlusis interea imis cavitatibus denuo collecti noviterque accensi, per clausum ante hiatum iterato erumpunt, ac novum combustibilium cumulum juxta *Observ. 7.* eructant. Quo ipso jam tertiæ quoque partis toties allegati *phænom. VIII.* verosimiliter saltem erit reddita.

XV. Facile item hinc judicatu est, cur accensi & rarefacti in terræ cavernis fumi, halitusque, nunc ante hæc montium ardentium incendia, nun post ista, terræ tremores & concussiones, vel etiam ventos & flatus causentur: quia scilicet, ibi exitu nondum patefacto, hic antequam omnes erupissent, recluso, impetum in vicinas terræ partes distribuunt, vel aliunde per obvias alibi rimas in



in aërem transfundunt, aut æolia quadam crypta disrupta aërem intus absconditum (sicut ex æolipilis) erumpere faciunt: atque ita phæn. X. ratio probabilissima habebitur.

XVI. Et hæc talia cum magno plerumque sonitu & fragore conjuncta esse, quis mirabitur, nisi qui bombardarum explosiones, pulverum fulminantium tumultus, vesicarum subito ruptarum crepitus &c. nunquam audivit: aut quid sonus sit, non intelligit? Varietatem autem sonorum istorum, ut modo boatum vel mugitum, nunc ejulatum, nunc tonitru &c. æmulentur, à cavernarum & canalium figura & magnitudine pendente, musicorum, organorum & fistularum diversitas, soni item artificiosi varii, animantium voces etiam aliquando imitati, abunde doceant, simulque phæn. VII. causam declarant.

XVII. Quandoquidem item vel pauciores & angustiores ejusmodi camerae, materia combustibili refertæ, ac parietibus non ita spissis contiguæ esse possunt, ut flamma concepta in unis facile perfringat penetretque in alteras; vel plures multo ampliores, ac terra multo sulphure aut bitumine &c. satura disjunctæ, ita ut flamma concepta in unis, non perumpendo subito, sed ardendo, comburendo & quasi pervorando, paulatim transitum ad alias adaperiat: evidens est ratio & facile ubique applicabilis variæ illius durationis terræ motuum, quam XII. phænomenon enarravimus.

XIIX. Et quia per longos sæpe canales ejusmodi cavernæ subterraneæ, vi experimenti Kircheriani sub finem observationis I. notati communicare solent, quid mirum tam longe lateque nonnunquam sese extendere terræ motus? prout sub finem phæn. XIII. adnotavimus.

XIX. Verum & ea terræ loca tremunt sæpe & concutuntur, quæ arenosi quippe aut lutosi soli, per ejusmodi cuniculos & contiguas cavitates communicare cum aliis vix credi possunt, prout hoc nostro vicinoque solo nuper factum? Esto ex consensu scilicet & coherencia terrestrium partium, impulsus ex dictis cau-



sis alicubi receptus in vicina quoque loca redundat, quemadmodum e. g.

— — — — — *plaustris concussa tremiscunt*  
*Tecta, viam propter, non magno pondere, tota :*  
*Ferratos utrinque rotarum succutit orbes &c.*

prout scite Lucretius, adstipulante Kirchero quoque, lib. IV. mundi subterr. sect. II. cap. 10. in fine: quo ipso & initio modo cit. phæn. XIII. satisfactum erit.

XX. Jam quod montosa magis loca & maritima præ cæteris obnoxia sint vehementissimis concussionibus & subversionibus, in causa sunt, tum major inflammabilium copia sub montibus, *vi Observ. III.* tum venti & flatus à fluctuum appulsu excitati, & incendia maturantes *per Observ. II.* In palustribus autem & humidioribus locis, etsi subtus combustibili materia abundantibus (quorum exemplum Hetruriam sistit Kircherus loc. antecit.) oborta licet, aut mox oboritura incendia, ab humore vicino facile supprimuntur, frequentesque adeo terræ motus haut contingunt, ut habeamus nunc causam etiam XIV. phæn. qui cum conferri potest superior. II. conclus. atque insimul quæ causa speciatim nuperæ cladis Halensi terræ, copioso sale diviti, fuerit, tum ex his, tum ex eo, quod de Ormutzio insula ad *Observ. III.* diximus, (atque adeo I. phæn. rationem) cum primis hariolari licebit.

XXI. Nec æstate vel vere magis quam hyemis vel autumnii tempore, nec interdiu minus quam noctu, nec tandem sub una magis quam alia quavis constellatione (quod erat XV. phæn.) inflammabilia ista, de quibus locuti sumus hætenus, flammam admotam concipiunt, unde nec mirum, quod nulla non tempestas aut temporis conditio effectus recensitos tulerit. Esto tamen, quod & ventorum & fluxus refluxusque uno tempore major quam altero vehementia ad istos maturandos conferre forsân aliquid possit.



XXII. Et cum fumosæ illæ, nitrosæ & sulphuræ exhalationes, vel ante sui accensionem, vel etiam postea, ad fontium scaturigines penetrare facile possint, nec raro per montium terrarumque dehiscientium rimas & hiatus, citra flammam in aërem emittantur cineres & fuligines in magna copia est certe palpabilis quoque Phæn. XVII. ratio.

XXIII. Eosdem item halitus satis noxios ac venenatos *per Observ. VIII.* pestes haut raro, aëre scilicet dicto modo infecto esse causatos (quod in extremis ejusdem phæn. ultimi adnotatum fuit) quid mirum?

XXIV. An vero seditiones etiam, aliaque è causis mere naturalibus non pendentia mala unquam portenderint, præsentis equidem fori non est judicare. Hoc interim experientia constat Ætnam, Vesuvium c. g. & vicinas terras ejusmodi pinguioris materiæ cruciatione mirum quam fœcundas, pabulis, vinetis, frugibus reddi; quin & Groenlandiam ac Islandiam, intolerabili alias frigore rigentes, solis his subterraneis ignibus foveri, atque ad habitandum aptas fieri; ut fileam redditus, è sulphure copioso similique alio terræ vomitu, earum incolis in sui sustentationem alioqui difficiliorem futuram redundantes.

XXV. Cæterum negari non potest, sicut oceani fluctus scopulos exedunt, ac terras urbesque adjacentes abluunt; ita posse vim aliquam aquarum telluris interiora corrodere alicubi & excavare, ut superextans tandem moles pondere suo desideat; id quod Seneca quoque statuit cap. 7. lib. VI. quæst. nat. & nuperum exemplum quoddam verisimilius reddit, cum anno 1661. in Bulgaria tractum terræ sex milliaria longum desedisse sine terræ motu, ac in abyssum profundissimam commutatum inaudimus; Cui simile quid de monte quodam in Russia non adeo pridem attulerunt novellæ, nisi tamen ex audito simul mugitu ac fragore, inflammationem quandam subfuisse quis suspicetur. Utinam vero notissimæ Hispanorum urbi Panamæ, in Americæ litore occidentali ad isthmum Dariem sitæ, similem aliquando casum falso prænunciem! maximè si verum sit, quod de illa non-



nulli narrant, in mediis ejus plateis non raro fluctuum marinarum ultro citroque subtercurrentium strepitus ac susurros audiri.

XXVI. Numquid autem ab aquis magna violentia in cavernas quasdam subterraneas illapsis tremor aliquis proprie sic dictus incuti queat, judicet lector benevolus cum Athanasio Kirchero ex ante dictis: hic enim is est, qui tom. I. mundi subterr. p. 145. narrat, *ad Panaman Americae urbem maris affluxum aliquando tam violentum esse, ut ipsam urbem Panamam aquis repleat cum horrendo quodam subterraneo mugitu, nec non terræ motu.* Ut si huc quidem collimasset (quam apud Plutarchum, Senecam, Aristotelem fusius videre licet) opinio Democriti, aquas subterraneas causam terræ motibus assignantis, ea quidem plerisque eorum phænomenis explicandis insufficiens, absurda tamen omnino non fuisset.

XXVII. Neque negari debet Aristoteli aliisque veterum robur & violentia flatuum, præsertim rarefactorum, *vi Observat. nostræ VI.* modo ostendere potuissent, causam aliquam vel repentinæ rarefactionis, ut est e. g. aëris intra bombardas pneumaticas compressi, vel alius vehementioris pulsus copiosis flatibus aliunde impressi; quo sine (per eandem *VI. Observ.*) nec terræ motuum varietatibus satisfieri (uti nec reliquis phænom. præsertim VIII. si maxime talis impulsus origo aliunde effingatur) nec artificiosus Arthmesii, ab Agathio lib. V. descriptus, terræ motus credi potest.

XXVIII. Generatim ergo de his & aliis veterum opinionibus cum Seneca è lib. VI. Q. N. cap. 5. dicendum est, *et si parum exactæ & rudes sint, cum excusatione tamen eos audiendos esse, & si quid inventum est, iis nihilominus referri acceptum debere;* tanquam iis, qui glaciem fregerunt, & hæc profunda procul dubio pridem ac felicissime trajecissent, si pyrii pulveris & cuniculorum tormentorumque bellicorum habuissent notitiam; quippe quæ sola recentiores in eas, quas hætenus tradidimus, rei  
tam



tam abstrusæ causas deduxit, ac tantum non compulit; cuius asserti confirmationem, auctarii loco, sequens epilogus exhibebit.

## IV. EPILOGUS

hujus Cap. II. de terræ motibus.

### I.

**C**Ujus adeo epilogi duo præcipue contenta futura sunt: alterum, ut eorum quoque optatis, qui aliorum autoritate duci, quam proprio credere iudicio malunt, aliquo modo satisfiat; alterum, ut principale totius Physicæ scientiæ scopum præcipuum respiciens theorema adversus præconceptarum opinionum pertinaciam confirmare pergamus. Et prius quidem quod attinet, non urgebimus è veteribus ipsis quam plurimos, ab ignis violentia terræ motuum causas (etiamsi minus commode) deduxisse, Epicurum præsertim è variis suis de hac re opinionibus eam reliquis prætulisse, qua terræ motum creari censuit, cum calida vis spiritus in ignem versa & fulmini similis, cum magna strage obstantium fertur, teste Seneca lib. toties citato: sed recentiorum tantum aliquot, eorumque celeberrimorum Physicorum suffragia exscribemus.

II. Et primum quidem *Cass. Schotti*, quod habet in *mechan. hydraul. p. 61.* elegans testimonium, quo primo cuniculorum bellicorum rationem explicans: Excavant inquit, maritiales Architecti à loco obsidionis ad usque progugnaculum, cui ruinam minantur, viam anfractuosa[m] angustamque magneticae pyxidis ductu. Sub loco deinde ruinæ destinato cameram construunt laxiorem, eamque implent pulveris tormenta-rii vasis, & ostium claudunt, relicto exiguo foramine, perque viam totam, ignis pabulum sternunt, & egressi ignem applicant: qui serpens per viam, accendit pulveris massam omnem camera conclusam, itaque rarefacit, dilatatque, ut angustiarum



„impatiens & laxiorem quærens locum, impositam sibi molem  
 „disjiciat horribili fremitu, nec minore terrore quam damno;  
 „dein hæc notabilia subjicit: nihil unquam magis simile terræ  
 „motui, qui & ipse rarefactionis effectus est luculentissimus, ex-  
 „cogitatum fuit. Eodem enim prorsus modo in terræ concus-  
 „sione flamma ex aliqua subterranea fornace, vel interno calore  
 „per venulam aliquam nitri aut sulphuris serpit, donec perveniat  
 „ad locum, in quo majorem hujusce materiæ copiam inveniat;  
 „qua subito accensa & rarefacta, dum majorem quærit locum  
 „sibi impositas concutit ac disjicit non raro moles &c.

III. Bene autem convenit huic discipulo cum magistro *Kir-  
 chero*, qui lib. IV. mundi subterranei p. 221. postquam de tor-  
 mentis & cuniculis bellicis ea dixerat, quæ nos sub observ. V. ini-  
 tium exscripsimus, hæc tandem immediate subnectit: Terræ ita-  
 „que motus hinc formidabiles emanare quis nescit? Fiunt au-  
 „tem, ut in præcedentibus patuit, in cryptis subterraneis eo qui  
 „sequitur modo: ignis subterraneus caloris sui vehementia, aper-  
 „tis alicubi ruptisque montium claustris, ubi sibi in longe lateque  
 „patentem cavernam viam struxerit; tum ecce aër intus mox  
 „vehementi motu concitatur, & quia combustibilis materiæ co-  
 „pia instruitur, ex subitanea incensione ingentem exhalationum  
 „copiam excitat, cui uti nullibi datur elabendi locus; ita hor-  
 „rido commisso prælio tales fiunt commotiones; quales naturæ  
 „potentia majores tolerare non potest. Exitu itaque ex omni  
 „parte intercluso, nunc intimos montium parietes concutiunt,  
 „nunc molliorum terrestrium fibrarum ductus terebrando, dum  
 „erumpere irritò labore nituntur, ex nimio laborantis naturæ  
 „impulsu terræ motus inde causari necesse est. Tandem ingen-  
 „ti vacui, jurati naturæ hostis, formidine minisque adauctæ, sub-  
 „versis superimpendentium rupium, terrestriumque molium  
 „obstaculis, idem faciunt (NB) quod in artificiali cuniculorum  
 „ductu pulvis pyrius, i. e. omnia perfringunt, urbes & castella  
 „subvertunt; voragines horrendas efficiunt; lacus novos produ-  
 „cunt, & similia, quæ nobis Historicorum monumenta recensent,  
 „præstant.



IV. *Renatus des Cartes* etiam in princip. parte IV, num. LXXV, suum istis addit calculum; Exhalationum particulæ tenuissimæ, scribit, cum celerius agitantur, quam ut in oleum verti possint, si forte in rimas & cavitates terræ magna copia affluant, pingues ibi & crassos fumos componunt, non absimiles iis, qui ex candela recens extincta egrediuntur; ac deinde, si quæ forte ignis scintilla in istis cavitatibus excitetur; illi fumi protinus accenduntur, atque subito rarefacti omnes carceris sui parietes magna vi concutiunt, præsertim cum multi spiritus ipsis sunt admisti; & ita oriuntur terræ motus, vid. & cætera ejus de montium ignivomorum ac terræ motuum duratione placita, Gassendo quoque aliisque communia, quæ nobis quoque præ aliis placuisse non diffitemur.

V. Omnium autem elegantissime has rationes ab igne subterraneo desumptas, inprimis autem similitudinem illam inter effectus militarium cuniculorum, terræque concussiones & ruinas deducit modo laudatus *Gassendus*, animad. in X. lib. Diog. Laërt. p. m. 1045. & seqq. verbis prolixioribus quidem, sed huc tamen haut inutiliter transcribendis. Itaque videtur longe probabilius (ita habent verba) terræ motum contingere ex repentina inflammatione halitus sulphurei ac bituminosi, qui ex intermixti nitri diductione difflationeque ignem perinde concipiat in cryptis illis subterraneis, non multum a terræ superficie distans, ac est ante dictum, consimilem halitum intra nubem concipere evadereque in fulmineam flammam. Etenim perspectum jam est, quæ sit flammæ vehementia (ex materia præsertim hujusmodi) in ipsa sui conceptione; postquam, quæ creatur ex pulvere pyrio, tanta vi concutit tormentariam machinam intra quam creatur. Quanquam hoc loco nihil est necesse ad machinam recurrere; quando exemplo esse possunt subterranei cuniculi quos *Minas* vocant, & in quibus conclusus inflammatusque pulvis pyrius ipso nisu inflammationis superextantes insignes moles propugnaculorum ædificiorumque concutit, convellit, exturbat. Scilicet, quod flamma non admodum magna, in quo cuniculo non magno



„creata, respectu molis superextructæ & circumadjacentis præ-  
 „stat, præstare potest flamma copiosior in capacioribus cavernis  
 „concepta respectu montium terrarumque non incumbantium  
 „modo, sed etiam circumpositarum. Ut flammæ certe cunicu-  
 „lorum non pari semper successu sunt, sed prout illi sunt occlu-  
 „siores, patentiores, majores, minores, profundiores, extantio-  
 „res, ac in materia compactiore, laxiore, sicciore, humentiore, &c.  
 „aut irritæ sunt, aut commovent solum, aut etiam discutiunt,  
 „aut præterea subvertunt, aut eructant demum vibrantque in-  
 „stantia, ita flammæ illæ accensæ ex subterraneis halitibus, pro  
 „condicione varia cavernarum & fornicum, aut inanes plerum-  
 „que sunt, sicubi forte ipse fornix terræ incumbens extiterit la-  
 „xior, dehiscereve facile possit, ut quasi spiramentum fieri, quo  
 „flamma elabatur, valeat: aut solum leviter commovent, in-  
 „termiscereque faciunt, dum superstans nempe moles major est,  
 „quam ut subtercreata flamma moliri quidquam amplius possit;  
 „cum & subducatur se interim, si qua rimulæ aliquæ spiraculave  
 „patuerint, aut præterea solum discutiunt, exsolvuntque terram,  
 „dum terra nimirum succussâ; ubique pene aperiri ac perspirabi-  
 „lis fieri potest, aut insuper quoque subvertunt, dum ob resisten-  
 „tiores partes, hiatus quidam patuli fiunt, in quos, quæ circum-  
 „stiterint partes emotæque fuerint, sorbeantur: aut præterea  
 „demum eructant, evibrantque cineres, fluores, glebas, saxa, pu-  
 „mices, dum ob resistantiam ea est perruptionis exsultationisque  
 „vehementia, ut quodvis obvium longe extrudat, & partem  
 „quoque in calcem cineremve redigat; partem colliquando  
 „reddat fluxilem; partem expungendo humorem resiccet.

VI. Ut tandem é Peripatetica schola quoque testem accersa-  
 mus & adstipulatorem, audiatur præ cæteris *Andreas Casalpi-  
 nus*, qui ante annos jam bene multos lib. III. peripatet. quæst. IX.  
 sub finem (quem locum supra jam in fine II. Observ. nude cita-  
 vimus, hic autem verbotenus exprimimus) postquam de exhalationibus  
 subterraneis aliqua dixisset, hæc addit: Sicubi autem  
 „multum hujus materiæ sublimatum fuerit in eam terræ regio-  
 „nem, quæ non aquam sed aërem in cavitatibus continet, modi-



ca occasione inflammari & converti in ignem potest, ut in nubibus contingit. Hinc igitur ignium eructatio in multis locis; hinc terrarum concussiones & aliquando everfiones, ubi terræ spiracula non sufficiunt ad geniti spiritus emissionem; hinc loca sulphurea & thermæ: sulphur enim & bitumen & hujusmodi corpora inflammabilia ex concreta exhalatione orta sunt; quæ sicubi ignis principium adepta fuerint, ignes subterraneos diutius foveant, calefactis autem ab illo igne circumstantibus corporibus, aquæ præterlabentes effervescent &c. Quæ, etsi cum clara superius dictorum luce comparata obscuriuscula adhuc videntur, in scholarum Aristotelicarum, latinarum præsertim, caligine multa claritate refulgere dicenda sunt.

VII. Nunc ut ad alterum quoque propositi nostri finem deveniamus, id hoc loco vel maxime serio inculcandum est, stupendos hosce terræ motuum effectus & magnitudine sua, & inefabili mirandorum ac tremendorum varietate mereri, ut tanquam proportionatum infinitæ potentia summi Numinis opus ejus uni ac immediatæ virtuti adscribatur, si maxime naturæ quoque vires aliquas activas, isti subordinatas, intervenire demonstrari posset. Jam vero, cum hujus nihil ulla specie demonstrari queat, sacrilegii pene speciem quandam dixerim, sola Divina potentia & virtute dignos hosce effectus agenti cuidam naturali, tametsi Divinæ illi potentia subordinato velle attribuire! Quodnam enim esset illud agens? quænam ista virtus Divinæ virtuti subordinata & consequenter contradistincta? Quid multum querenda illa inquires? Et annon obvia est omnibus & ante oculos, imo sub pedibus eorum furens, & capitibus mille pericula, mille neces intentans ignis subterranei in stuporem quemque rapiens efficacia, quibus hujus furori paulo propius objici miseris contigit?

IX. Non nego stupendam in igne, creatura Creatoris omnipotentis summe admiranda, virtutem & potentiam, etiam plebejorum oculis ac sensibus pene omnibus obviam ac palpabilem, sed non est satis mihi sensu oculoque corporeo, non hominum tantum vulgo, sed brutis etiam plerisque communi, eam



intueri & admirari; verum oculo philosophico, h. e. ratione sana divinitus nobis concessa, illam contemplari, ejusque fontem rimari dum contendo, ejus mirabilem efficaciam solius virtutis Divinæ efficaciam esse constantissime reperio. Deduximus enim in Epilogo cap. I. & analytice investigavimus ignis naturam ex duabus absolute quidem valde subtilibus portionibus compositam, respective vero una multo subtiliore altera: quarum hæc non nisi crassiuscula, rigida, acuta, ex elemento terreo selecta corpuscula, torpida per se & mere passiva, complectitur: ista vero incomprehensibiliter subtiliores elementi primi, summeque mobiles, particulas comprehendit: quæ prius aliunde celerrime agitata, crassiusculas priores, & natura sua torpidas, in communem motum abripiant, eoque pacto illam omnibus conspicuam & palpabilem potentiam ignis exerceant. Cum vero ulterius inquireremus, unde celerrima illa subtilissimarum illarum elementi primi particularum agitatio minutiis istis accesserit? cum à seipsis illas eam habuisse absurdissime diceretur, & iis, ut primi elementi particulis, aliæ priores inepte supponerentur, & de quibus etiam suppositis eadem quaestio rediret, unde hæc rapiditatem suam nactæ fuissent &c. illatum est infallibili consequentia, illam ignis actualem mobilitatem ab incorporeo omnique materia priore & superiore principio non solum ipsum accepisse semel, sed ut accepta sibi semper conservetur, ejusdem principii opera perpetua indigere, vel ut clarius rem eloqui tentem, subtiliores istas ignis minutias solo Divino nutu primitus agitata, ejusdemque nutus Divini virtute crassiores etiam motas, in corpora adhuc crassiora impactas, effectus adeo ignis omnes hæcenus peractos fuisse, hodiernum semper peragi, ac impofterum peragendos esse, verbo: potentiam illam, quam igni tanquam propriam tribuimus, esse ipsum Dei actualem constantemque nutum ac voluntatem, qua semel voluit, partes ignis mobilissimas & his mediantibus etiam crassiusculas constanter moveri, utrisque autem mediantibus ita divinitus motis, omnes ignis effectus edi; frustra que adeo præter hanc Divinam virtu-

tem



tem in igne, & per ejus partes movendo operantem, aliam ignis Deo subordinatam virtutem aut potentiam supponi.

IX. Sola igitur Divina voluntate agitantur ignis subtilissimæ partes, & per has etiam spicula ejusdem corporis crassiora; mediantibus his spiculis vehementissime raptatis & passim adactis, solvuntur, accenduntur, liquefcunt & in fluores cineresque resolvuntur, adhuc crassiora corpora, soluta impetum concipiunt, susque deque vertuntur, uno verbo stupenda illa terræ-motuum effecta producuntur, quæ superius enarrata sunt & exposita: ut mediis quidem innumeris (sed suis penitus secundum omnia, nec aliunde mutuo acceptis) tanquam instrumentis passivis utatur potentissimum Numen, pro suo beneplacito & instituto à se rerum ordine, non autem utatur ulla alia sibi subordinata vereque agente virtute! Quorsum enim hæ facerent? aut quid conferrent? cum datis ab ipso creatisque mediis organis ad movendum aptis omnibus, ipsa ejus unica omnipotens virtus, his singulis pro ratione dispositionis partium in unoquoque impetum proportionatum imprimere sufficientem valet, sive immediate sive mediantibus aliis pluribus aut paucioribus, patiendi quidem diversa aptitudine, nulla autem vere activa, & illi summi Motus contradistincta, virtute instructis; ut adeo denuo, vel cum nausea inculcandum sit, solam voluntatem omnipotentem Creatoris agere, movere & movendo regere & gubernare in universo mundo omnia, & immediate quidem ratione virtutis, h. e. nulla alia vere activa ullius creaturæ, virtute interveniente, mediate vero ratione suppositorum, mediorum, vel organorum, illius unicæ virtutis Divinæ actionem, pro ratione cujusque dispositionis, aptitudinis & capacitatis diversimode recipientium h. e. simplicissime loquendo, diversimode actorum, & his suis diversimodis, non actionibus sed passionibus aut (passive accepta voce) actionibus, ulterioribus aliorum corporum passionibus & effectibus, aut rectius eventibus, occasionem suppeditantium,



X. Annon autem summus mundi Opifex igni potentiam urendi &c. activam potuit communicare, cujus vi deinceps ille solitos suos effectus omnes, atque adeo terræ motus ipse præstare valuit? Respondeo: hoc est illud palmarium & capitale obstaculum, quod assensum Philosophicæ veritati, quam defendo, licet in se clarissimæ, præbendum apud multos adhuc sufflaminat. Utinam vero vel præsentis exemplo evincere mihi detur impossibilitatem ejusmodi potentiarum activarum rebus mere corporeis communicandarum! attende igitur, quæso te, ad ea quæ jam dixi, & quæ porro dicam, de potentia ignis ustiva &c. Nisi hanc potentiam ignis abstractis vocabulis malim definire, quam reali particularum agitatione motuque, qui sensui partim, partim imaginationi evidenter obversetur, comprehendere, necessum est ut cum recentioribus plerisque omnibus philosophis duplicem motum supponam, alterum portionum terrestrium crassiuscularum, hoc suo motu pungentium, secantium, rum-pentium, nexumque aliorum corporum dissolventium, sensitivis autem corporibus summum dolorem inferentium &c. alterum portionum incomprehensibiliter subtilium, & per corporum poros se solis & spiculorum illorum terrestrium consortio destitutus, absque omni non læsione tantum, sed sensibili quoque perceptione, ultro citroque celerrime commeantium. Priorum illum impetum utpote ab harum posteriorum supposita celerissima agitatione evidenter passive dependentem, non posse in igne activam quandam potentiam constituere, per se clarum est & evidens. Itaque, si qua potentia activa igni inesset, in alterarum portionum subtiliorum agitatione illa deberet reponi, & hanc ipsi (si non aliam hac subtiliorem, & hac iterum aliam &c. absur-de velimus supponere) à Deo communicatam dici. Non potuit autem ipsi aliter communicari illa vis agitativa, quam vel concedendo ipsis potentiam seipsas agitandi (id quod in ipsa schola Aristotelica, & in omni sana ratione absurdissimum est;) vel volendo ut ipsa sic agitetur. Agitari autem cum passivum quiddam sit, ab actione voluntatis Divinæ inevitabiliter dependens, palpa-  
bile



bile est in ignis natura nullam potentiam activam, proprie dictam præter illam solam voluntatis Divinæ efficaciam, reperiri, à qua subtilior illa ignis portio, & ea mediante, crassiuscula quoque spicula, agitata & adacta in alia corpora, effectus consequentes cæteros producant, quorum effectuum intuitu, motus ille spiculorum, & respectu hujus motus, agitatio portionum subtilium, respective activi dici quidem possunt, absolute autem passivi sunt omnes, sola potentia Divina aliunde moveri non indiga, atque ita mere vereque activa, motus illos igni essentielles, ac inde pendentes innumerabiles cæteros, vere active & propriissime efficienter producente.

### CAPUT III.

de

*Mixtionibus*

&

*mixtis corporibus.*

#### I. PHÆNOMENA.

**P**HÆN. I. Terram, aquam, aërem, ignem ac cætera elementa, vel eo intuitu considerantur, quatenus mundum hunc, præsertim inferiorem, inde *elementarem*, & ab infima parte *Geocosmum* dictum, tanquam partes integrantes ac distinctis sphaëris conspicuæ, componunt; quo respectu *mundi elementa* jure dicerentur; maxime si demonstretur impofterum, superiora illa mundi sideralis corpora pleraque non adeo diversæ naturæ ab his naturis inferioribus esse, quam olim quidem gentilis superstitio credidit: vel alio respectu, tractanda veniunt, quatenus ut miscibilia corporum specialium, inde *mixta* dictorum, constitutionem intimius ingrediuntur; hoc intuitu *elementa mixtorum* jure merito dicenda.

PHÆN. II. Dari enim corpora mixta, sive ex particulis diversorum elementorum conflata, adeo omnibus notum est,

ut



ut potius necessum habeamus fateri, non alia quam mixta, in hoc saltem mundo sublunari actu ipso uspiam reperiri, adeo quidem, ut ipsa mixtorum elementa (quæ tamen ipsorum respectu, ut simplicia spectari debebant) nuspiam pura, vel aliis non intermixta offendi asseratur, communi quidem sectarum omnium consensu. Quinimo in superioribus à nobis evictum est, ignem, aërem, aquam &c. non solum accidentaliter sibi invicem, aërem puta aquæ, aquam aëri, ignem utrique, permixta haberi, sed in deducendis aquæ, aëris, ignis (prout in natura nobis occurrunt) affectionibus & proprietatibus, essentialem etiam plurium elementorum commixtionem necessario supponi (e. g. in igne, tanquam elemento calidissimo & humiditatis expertissimo, particulas elementi terrei subtiliores, tanquam spicula sensui tactus maxime sensibilia & particulas elementi primi illis spiculis, sua natura torpidis ac immotis futuris, impetum ac rapiditatem impertientes &c.) ut hoc pacto ipsa etiam elementa certo sensu mixta dicenda forent.

*PHÆN. III.* Mixtum scholæ quovis ævo agnitum fuit duplicis generis, *imperfecte* scilicet & *perfecte mixtum*: & huic scholarum mori etiamnum se accomodat *P. Honoratus Fabri* tract. VI. de mixtione & mixtis imperfectis & tr. VII. de mixtis perfectis. Imperfecte mixta vocat illa in quibus vel unum elementum præ cæteris sensibilibiter prævalet; Vel 2) miscibilium vel miscendorum non est perfecta divisio; unde 3) eorundem facilis iterum est separatio: quemadmodum econtra perfecte mixtum quatuor debet, secundum ipsum condiciones habere; ut *primo* non possit esse miscibile alterius mixti; *Secundo*, ne quod elementum ita in eo prævaleat, ut solum in eo actu esse dicatur, & simili nomine appelletur; *tertio*, ut miscibilia ex quibus constat, potentia, non actu insint; *quarto* denique, ne possint arte aliqua miscibilium particulæ educi, parum vel nihil mutatæ vel alteratæ. Quæ quidem vocabulorum perfecte vel imperfecte mixtorum ita limitatæ & conditionatæ acceptiones, potissimum ex acceptione vocis *mixtio* erit dijudicanda.

*PHÆN.*



*PHÆN. IV.* Utrumque mixti genus porro subdividit in alia genera subalterna *P. Fabri* tract. VI. lib. I. prop. XXVII. & XXVIII. perfecte mixtum scilicet in *animatum* & *inanimatum*; quorum illud talis organizationis & dispositionis capax est, quam forma vivens ad suas operationes necessariam desiderat, ut lignum, caro, nervus &c. unde subordinari dicitur formæ viventi; estque triplicis adhuc generis, quia totidem sunt vitæ & viventium genera, scilicet vitæ vegetativæ, sensitivæ & rationalis &c. Inanimatum vero pariter est triplicis generis, scilicet metallum, lapis & succus, sub hoc enim ultimo nomine, omnia mixta perfecta, quæ nec lapis nec metallum sunt, se dicit intelligere, ac de his quidem prolixè agit tract. VII. lib. I. & II.

*PHÆN. V.* Imperfecte mixtum similiter facit duplicis generis, dicta proposit. XXVIII. vel enim ita prævalet unum elementum, ut mixtum ipsum eodem illo elementi nomine veniat, vel ut diverso alioque nomine appelletur; idque rursus gemina varietate, ut nimirum vel nullo alio, nisi elementi nomine vocetur, ut flamma, terra, aqua nostra &c. vel insuper etiam alio, uti videre est in carbone accenso, in metallo candente; nam & ignis & metallum, utroque, scilicet nomine appellatur. Mixtum vero illud, quod elementi nomine non appellatur, iterum facit duplicis generis: nempe vel est mixtum in quod aliud resolvitur, ut fumus, halitus, cinis, fuligo, nubes, aqua distillata &c. vel est mixtum quoddam ex mixtis etiam perfectis, imperfecta nempe mixtione, quæ scilicet artis potius quam naturæ opera perficitur; ut vinum dilutum, theriaca, panis, jusculum, & alia medicamenta vel unguenta, quæ à Pharmacopolis fieri solent &c.

*PHÆN. VI.* De hi. mixtis imperfecte talibus prolixissime agit *P. Fabri*, per quatuor integros libros, II. nempe, III. IV. & V. secundum quadruplex prædominantium elementorum genus; quorum intuitu alia vocat *mixta imperfecta terrea*, in quibus terræ elementum sensibilius est quam aliud quodpiam, & sub quibus ipsas diversas terras, cineres, arenam, fuliginem, carbonem, calcem, salem chymicum, cariem, situm &c. complectitur, lib. II.



separatim considerata singula: Alia nuncupat *mixta imperfecta aquea*, in quibus vel elementum aquæ aliis sensibilibus prævalere videtur, vel quod in statu liquidi corporis permanere potest, citra vim agentis extrinseci: qua definitione comprehendit ipsas aquas vulgares & marinas, & quicquid alias aquæ nomine venit, fontes calidos & frigidos, flumina item, pluviam, rorem, glaciem, nivem, grandinem, pruina, aquas medicatas, distillatas denique, de quibus singulis fusius agit lib. III. Alia nominat *imperfecte mixta aërea*, comprehensis hoc nomine, ipsa aëris ambientis sphaera, fumo & quovis alio halitu (de quo jam egerat, ob causam peculiarem, lib. II.) Nubibus porro, nebula, aura serotina, occulto halitu, halone, virgis, parheliis, iride, ventis, fistula marina, & his omnibus sigillatim, pro cuiusque merito, & secundum notabiliores singulorum proprietates & affectiones, brevius aut prolixius pertractatis, lib. IV. Alia denique nuncupat *mixta imperfecta ignea*, hac appellatione complexus ipsum ignem vulgarem, ignes subterraneos, ignes fatuos, lambentes, aliosque prope terræ superficiem gigni solitos, fulgur item ac tonitru, fulmen, ignes in suprema aëris regione frequenter genitos, de quibus omnibus ac singulis separatim philosophatur per totum lib. V. Nos, uti de pluribus horum, præsertim ad generaliore Geocosmi contemplationem pertinentibus, ut ipsa tellure, ejusque concussionibus ac tremoribus, item de marium falsedine, æstu aliisque motibus &c hac, quæ sub manibus adhuc est, sectione, pluribus egimus; ita de cæteris specialioribus mixtis elementaribus inanimis, post macrocosmi sive sideralis mundi contemplationem, specialiore sectione agemus; hoc loco generaliore adhuc mixtionis conceptum, alias satis confusum, distinctius, quantum fieri potest, formaturi.

*PHÆN. VII.* In prop. XXX. lib. I. alleg. tractat. VI. mixtionum quoque varia genera sive modos recenset; quorum 1) fieri dicit *percolatione* sive filtratione, quo pacto sanguinem, urinam, aquas medicatas, lapides, succos fere omnes, vinum, oleum &c. elaborari opinatur: 2) *coctione*, uti sal, later, testa,



vitrum, &c. fiunt. 3) *sublimatione*, uti fuligo, mucor & forte metalla, saltem ex parte, plures sales &c. 4) *distillatione*, ut plura aquarum genera, imber, ros, aura ferotina, manna. 5) *dissolutione*, ut aqua salsa, chylus &c. 6) *exhalatione*, ut flamma, halitus, nubes & alia hujusmodi; 7) *concretionem*, ut nix, gelu, grando, calculus, cuneus; 8) *calcinatione*, ut multi sales, cinis, calx, unde calcinationis nomen; 9) *simplici commixtione*, ut vinum dilutum, unguenta, panis; 10) *simplici expressione*, ut vinum, oleum & plerique alii succi, de quibus omnibus ita obiter enarratis, deinceps à prop. XL usque ad L explicatius agitur. Possent huc referri prædictis quodammodo similia, quæ habet Aristot. lib. IV. meteor. cap. II. ac III.

*PHÆN. IIX.* Ex dictis cum facile pateat, mixtorum diversissimas esse species; omnia quidem ex iisdem miscibilibus conflata & commixta, sed non eodem modo, hinc alia est unius, alia alterius temperies aut *temperamentum*: de cujus vocis debito significato vel genuino conceptu ita varie disputatum olim in scholis fuit, ut incredibile videri debeat, P. Fabri iudicio, prop. XXXVII, ei qui earum scripta non perlegerit. Ipse num. 12. hujus prop. terminum hunc temperamenti sic distinguit, ut temperamentum 1) vel dicatur *uniforme*, vel *difforme*. Uniforme vocat, quod omnium qualitarum elementarium æqualitatem supponit, elementa scilicet scholarum more sumendo, prout binis qualitatibus ibi mutuo adversis instructa sunt, in ipso adeo mixtionis negotio alteranda prius, deinde post alterationem, & cum ad mediocritatem vel temperiem aliquam reducta sunt, in unum mixtum coalescentia, ut ita *mixtio* secundum tritam scholarum, ab Aristotele ipso totidem verbis acceptam definitionem, sit *miscibilium alteratorum unio*.

*PHÆN. IX.* Sicut autem temperamentum uniforme (si quod sit, aut reperiri possit inter magnas philosophorum lites) utique non nisi unum esse potest, cum una tantum sit æqualitas, ita *difforme* octo conjugationum statuit, cum scilicet vel una tantum qualitas oppositæ prædominari, eamque superare



posset, duabus aliis in æqualitate remanentibus; quo casu 4. ori-  
rentur temperamenta, singulis scilicet qualitatibus seorsim præ-  
valentibus. Si vero binæ binas superarent, calor e. g. & siccitas  
vel calor & humiditas, vel frigus cum humiditate, vel frigus cum  
siccitate, haberemus quadruplex aliud, atque adeo octuplex tem-  
peramentum, quem numerum triplicari tandem, & cum octo  
primis, ad numerum vicesimum reduci posse, additoque unico  
uniformis temperamenti genere, viginti & unum genus consti-  
tui dicit, majori forte quam vel opus, vel satis, sit subtilitate.

*PHÆN. X.* Hanc etiam vocis distinctionem, ad rite con-  
cipiendum totum mixtionis negotium, haut inutiliter credo, in-  
culcat num. 16 & 17. quod vel intuitu nostri corporis & ita re-  
spective mixta alia, vel calidi vel frigidi &c. temperamenti, dici  
possint, quatenus illa v. g. calidi temperamenti dicuntur, ciba-  
ria aut potulenta, non quæ multo igne actu ipso consent, sed  
quæ virtutem habent sanguinem & humores plus accendendi, ut  
vinum, piper &c. cum oleum & pingua plus utique ignis ha-  
beant, quam vinum, non tamen ita resolvi possint, ut ignis parti-  
culæ nostris humoribus puræ ac defæcatæ accedant; aut absolu-  
te ipsæ partes nostri corporis, vel frigidaæ dici possint, uti mem-  
branosaæ partes ac cerebrum &c. vel calidaæ, ut jecur, renes &c. Il-  
la autem pars frigidi temperamenti esse dicitur, cui facile frigus  
conciliatur ob materiæ densitatem, ut ossa, pituita, cerebrum &c.  
calidi vero temperamenti, quæ facile ignem & calorem suscipit,  
ut bilis, sanguis, jecur &c. de humidis & siccis nulla difficultate  
superante.

*PHÆN. XI.* Notat alias quoque vocis temperamenti  
accepciones ad æquivocationes evitandas forte non inutiles, num.  
2, 3, 4, 5. ac temperamenti vocem traduci quoque ad 4. anni  
tempestates, ad hominum ætates, ad regiones, imo ad ingenia  
quoque, cum disputant e. g. quod temperamentum præstan-  
tissimum ingenium desideret, & id genus alia.



## II. HYPOTHESES PRIMÆ

De

mixture physice genuino conceptu.

I.

**A**ristotelici communiter ante omnia distinguunt mixturem pro quacunque quarumcunque rerum accumulatione sumtam, qualis in tritici cum hordeo confusione videre sit, à mixture presse & proprie accepta, pro mistilium unione, i. e. elementorum inter se refractorum conjunctione; *Gilbertus Tachaus* Instit. physicarum lib. Vi. cap. XII. Ad quem locum in subjunctis notis *Joh. Zeisoldus* Prof. Jenensis P. p. 50. mixture improprie dictæ duos notat modos speciales, quorum aliter contingat per appositionem, alter per confusionem. *Appositionem* dicit ex Aristot. 1. de ort. & int. cap. X. text. 85. cum ea quæ miscentur ita in pauca divisa fuerint, & hoc pacto juxta se posita, ut vel nullo sensu dignoscatur, num mista sint nec ne? v. g. si particulæ hordei & tritici simul junguntur in farina ita ut quævis propter quamvis sit collocata. *Confusionem* vero appellat, in qua ea, quæ miscentur, non modo in minimas partes, quæ non conspiciuntur, dividuntur, verum ita inter se confunduntur, ut separari nequeant; prout pharmaca pharmacis mista discerni nequeunt. Huc denique pertinere ait, quod diversi sexus semina in generatione animalium hodie à quibusdam misceri dicantur, quæ mixtio sit vulgi, vel vulgo, non accurata sic dicta.

II. *Systema Physicum Ernesto-Gothanum* lib. II. phys. spec. cap. XII. num. II. eadem quoad rem inculcat, & proprie dictam physicam mixturem illam solum dicit, quæ fit ex elementis immediate, & *prima* quibusdam appellatur; vel etiam ex aliis jam ante mixtis, quam *secundam* mixturem vocant. Certum est, etiam *P. Fabri* mixture vocem ambiguum esse, idque vel ex Prop. XXX. lib. I. Tractat. VI. apparet; veram tamen & physicam mixturem non aliam similiter agnoscit, quam eam, quæ fit ex miscibilibus, h. e. elementis, sed prius alteratis & post alterationem (quam ipse melius quam quisquam Aristotelicorum declarat Prop. XV.) vel etiam inter alterandum, unitis. Nam unionem illam plurimum

Et 3

mis-



„miscibilium, scilicet heterogeneorum, seu collectionem vel complexionem illam, in qua unum tantum esse actu sentitur ex his omnibus resultans, ita ut nullum illorum esse seorsim appareat, saltem in mixto perfecto, esse veram & propriam mixtionem, inquit sub finem Defn. I.

III. Ad hanc mitionem rite expediendam requirit Jachæus cit. I. 1) Elementorum concursum sive confluxum: 2) Eorundem mutuum reactionem, ut scilicet calor in frigus, & contra, agentia se non solum mutuo retundant ac refringant, sed hæc temperata in humidum & siccum agendo in his quoque temperiem aliquam producant: 3) Eorundem in minutas partes divisionem; ut hoc pacto singulæ corporis mixti partes, (ut e. gr. extrema pars digiti) elementa in se habeant, atque adeo mixtæ sint. Quas conditiones omnes confirmat Zeisoldus in suis notis; approbat etiam systema Ernesto-Gothanum Cap. all. num. IV & V; & succinit conditioni tertiæ Prop. XI. secundæ Prop. XIII. Primam vero tacitè supponit, cum agere in se invicem, & pati ab invicem, utique non possint, nisi in uno loco convenient. Sed Zeisoldus circa primam conditionem notat eam gravi difficultate premi, quæ scilicet elementa in unum locum concurrere possint? cum eorum quædam levia sint, quædam gravia, quædam superius constituta, quædam inferius. At his qui ita cogitant sequentia reponit 1) sanguinem sua natura gravem ascendere tamen in corpore humano. 2) In plurimis naturalibus nos rem tenere, modum ignorare; sed meditaturum se de modi explicatione. 3) Igitur sicut omnes motus, ita etiam concursum elementorum ad mitionem pendere à directione cœlestium &c. 4. elementa non esse pura in hoc mundo, sed invicem permixta, atque adeo insensibiliter ea inter se communicare posse; neque mirum esse, quod non pateat eorum ad mixtionem concursus cum elementa superiora, ignis & aër de se non pateant ad sensum: 5) Si non est contra naturam, ab inferioribus elementis ad superiora, mediis exhalationibus, evehi quid aquei, & quid terrei; non fore quoque contra naturam, si vicissim à superioribus corporibus aliquid devehatur ad inferiora, aliquid nimirum ignei vel aërei. Addit tandem, illis, qui universi elementaris indolem & naturam habeant perspectam, nec mira hæc, nec difficilia videri posse.



IV. Monet porro in sequentibus hujus capitis notis: Locum illum concursus, nec esse, nec statui ab Authore, solam terram, frequentius tamen terram, utpote ubi mutuus sit contactus trium elementorum, terræ aquæ & aëris; consentiente System. Ernestino num. IV. cit. at hoc insuper addente: Illos qui supra aërem ignem statuunt elementarem, existimare, illum contra suam naturam descendere in bonum naturæ universalis, ut scilicet generentur mista, & universum hoc conservetur; Aliis tamen, qui, an sub concavo lunæ detur ignis, dubitant, hoc non videri probabile, & concessio etiam, quod ibi detur, eosque existimare, ejus descensum ad misionem non esse necessarium, quia cum reliqua elementa, licet impura, ad misionem sufficiant, etiam ignem, prout apud nos est, impurum licet, sufficere posse ad eandem misionem. Distinguit ulterius Zeisoldus (paulo subtilius forte) inter has duas locutiones elementa concurrere in misione, sive ad misionem conficiendam, & elementa concurrere ad mistum constituendum, adeoque in misto. Priorem spectare ad hanc tractationem, non posteriorem in misione concipere elementa & suis formis substantialibus & suis qualitatibus prædita; in misto non amplius esse actum & formaliter, nec formas elementorum nec proprias & integras ipso. rum qualitates, sed refractas & alteratas, quæ fuerunt quidem qualitates elementorum, sed non amplius sunt. Circa secundam conditionem notat, reactionem illam mutuam esse potissimum requisitum ad misionem, & sine illa fieri tantum mixtionem per appositionem, quæ sit improprie talis. In vera enim misione oportere, ut elementa coëant sub unam formam. Cum vero elementa sint inter se contraria: hæc autem non possint convenire in uno nisi refracta; neque vero refringi, nisi per mutuam actionem: Ergo elementa agere in se mutuo necessum esse. Notat denique, quod recte autor in requisito tertio postulet divisionem in *minutas partes*, non in *minimas*; utpote, quæ divisio in minimas, sit impossibilis. Paulo ante vero utilius videtur monuisse, primum inter omnes qualitates obtinere calorem, sive ipsam misti generationem spectemus, sive præviam ad formam dispositionem & alterationem: utramque enim à calore primario & per se proficisci &c.

V. Hic autem pulchram suboriri quæstionem dicit *Jachæus* cap. XIII, in quo nimirum mistio, & generatio misti distinguatur?  
de



de qua re olim magnæ excitatæ sint inter Erastum & Mercenarium, controversiæ. Ipse vero existimat, misionem & misti generationem re non distingui, sed unam eandemque rem esse: aut, si quæ differentia est, eam esse potius in intellectu; quam in rebus ipsis. — Nomen quippe misionis magis ad elementa respicere; nomen autem generationis referri magis ad ipsum mistum. — Non ergo putandum, misionem vel tempore, vel natura præcedere generationem misti, utraque enim consistit in productione ejusdem formæ, & in utraque, tria ordine sunt consideranda. 1) Alteratio mutua omnium qualitatum contrariarum: 2) est actio duarum activarum in duas passivas: 3) Productio formæ misti; quæ & mistio & generatio misti simpliciter est dicenda. Videtur autem Jachæo contradicere *P. Fabri* Prop. V. Mixtionem differre docens à generatione; imo, licet mixtio dicat necessario generationem, non tamen esse generationem, quia, cum ex ligno fit ignis, non dicitur ignis cum ligno misceri, ut patet; sed cum mixtum fit ex miscibilibus, hæc certe misceri, h. e. alterata uniri dicuntur. Concipit autem mixti productionem sub gemina consideratione: Quatenus mixtum à non esse ad esse transit in communi subjecto, dicitur generari, ipse vero transitus est generatio: quatenus vero miscibilia uniuntur, dicitur mixtio; mixtum vero est, quod ex hujusmodi unionem resultat &c. — Hinc demum, omnis mixtio est generatio, non tamen vicissim omnis generatio est mixtio; v. g. generatio elementi non est mixtio, imo, neque generatio miscibilium, quæ per resolutionem fiunt.

VI. Alia famosa est scholarum controversia aut quæstio, quam Jachæus peculiari capite XIX. resolvit, quomodo nimirum elementa in mixtis insint, actu ne & formaliter? an vero potentia & virtute? laudatus author posterius eligit, & formis elementorum pereuntibus, novam formam misti succedere, verissimum putat; ad stipulante Zeisoldo in notis, & sub initium statim annotante in hac quæstione *de misto* sermonem esse, non *de misione*. Inventos enim fuisse, qui hæc confuderint, sic argumentantes: Quæcunque tantum alterantur, illa formas suas substantiales retinent. Elementa in misione tantum alterantur. Ergo elementa in misione formas suas substantiales retinent. Apparet igitur, discernendas esse duas hæc locutiones: *Elementa non habere suas formas actu in mixtis*, & *Elementa non habere suas formas actu in*



*in mixtione.* Prius asserimus, non posterius. In syllogismo autem allato neganda est minor &c. Probat autem assertionem suam Author sequentibus: Quis enim e. g. credat, inquit, ferro (& minus adhuc ligno) ignem actu inesse? aut quis concipiet, quomodo eidem ferro insint quatuor elementorum formæ & propria ejusdem? aut quomodo formæ tam contrariæ consistere simul possunt? Formæ igitur elementorum non continentur actu in misto, sed tantum virtute &c. Quæ quidem authoris argumenta annotator Zeissoldus ulterius prolixiusque confirmat, nisi quod in ultimo à nobis adducto, de formis substantialibus quæstionem esse, monet, quibus, cum sint substantiæ, nulla insit contrarietas. Specie oppositas esse illas formas, non proprie contrarias: nec propterea, quod qualitates elementorum sunt contrariæ, ipsas eorum formas substantiales contrarias esse oportere.

VII. Ad quæstionem præcedentem P. Fabri Tract. V. Lib. II. Prop. XXVI. per distinctionem respondet: In quibusdam mixtis imperfectis saltem unum aut alterum elementum actu inest, e. g. in flamma, in pruna aut ferro candente; in cæteris, ac præcipue in mixtis perfectis nullum elementum actu inest, sed virtute tantum singula; Prop. XXVIII. Nimirum actu inesse elementum ipsi dicitur cum inest sub forma sua, vel secundum actum suum physicum, aut particulas suas collectas: Potentia vero vel virtute insunt, cum sparsæ ac disjectæ insunt; prout e. g. ignis ejusque particule in sanguine sunt, sed dispersæ ac serosis, salinis, aliisque interspersæ. Unde ibi veram ignis formam, aut actum ejus physicum non habent; quoniam satis collectæ & à peregrinis liberæ non sunt, ut summam suam celeritatem, atque adeo summum calorem (in quo forma ignis, vel actus ejus physicus consistit) exercere valeant.





### III. HYPOTHESES SECUNDÆ

De  
temperamento.

I.

**E**X varia & multiplici elementorum in misto proportionē sponte sua resultat affectio mixtorum generalis, quam vocant *temperamentum*. Et hoc quidem duplex nonnulli statuerunt, *substantiale* & *accidentale*; inter alios etiam *Jacheus* Instit. Phyl. cap. XV. ubi, posterius quidem in contemperatione primarum qualitatum cum aliis authoribus satis clare ponit; prius autem quid ab hoc posteriori differat obscurius tradit. Nec mirum forte, cum annotator ejus judicet, *temperamentum substantiale, & lapidem ligneum paripassu ambulare*. Quas P. Fabri de hac materia cogitationes habuerit, *Phann. VIII, IX, X, & XI*, exposuerunt.

II. Author *Sysem. Ernesto-Gothani*, commemorat cap. XIV. primo veterem Avicennæ opinionem, quod temperamentum sit qualitas aliqua simplex diversa à qualitatibus primis; quam vulgo rejici dicit, quia præsupponat qualitatum primarum omnimodam destructionem. Deinde notat strictiorem temperamenti significationem apud medicos, quibus speciatim notat qualitatem corporis humani à sanguine & spiritibus influentibus dependentem; & laxiorem apud physicos, quibus temperamentum nihil est aliud, quam complexio primarum qualitatum ad certam temperiem, diversis interim modis, redactarum.

III. Distinctionem temperamenti in *uniforme* ac *difforme* hic etiam author admittit, & uniforme quidem sive *equale*, vel cum addito, *equale ad pondus*, cum omnes qualitates primæ æqualiter coeunt, ut ex. gr. tantus sit calor, quantum frigus, tanta item humiditas ac tanta siccitas. Cumque singulas hasce qualitates physici in octo gradus, medici in quatuor tantum dispescere soleant; *Difforme* temperamentum illud dici facile intelligitur, in quo quatuor qualitates inæqualiter coeunt, una v. gr. quatuor gradibus, altera tribus &c. secundum medi.



medicorum distributionem, vel una 7, altera 5, tertia duobus tantum gradibus &c.

IV. Dum hic quæritur, utrum dari possit temperamentum uniforme sive æquale ad pondus? Fatetur equidem *P. Fabri*, magnas etiam hic excitasse lites Philosophos; seipsum vero nullam prorsus sentire difficultatem. Quid enim vetat, inquit, quominus calor & frigus, siccum & humidum eidem mixto secundum æquales gradus insint? quid vetat, quo minus elementa aliquod mixtum secundum æquales portiones componant? æquales, inquam, duobus modis, sc. vel secundum partium entitatem, vel secundum molem? denique, quid vetat, quo minus humores, secundum æquales portiones, nostri sanguinis massam componant? Quod si vero quærere pergas: utrum ille sanguis optimus omnium esset? Rectè diceres, respondet, omnium pessimum: nempe illa portio quæ sanguis proprio nomine dicitur, reliquas superare debet; hac enim proprie nutrimur &c.

V. Alii distinguendum putant inter mistum inanimatum, & animatum: in prioritate temperamentum æquale dari probabile censent; in mixto animato an detur, dubitant, ideo, quod viventia requirant partes heterogeneas, quæ pro functionum diversitate, diversa postulent temperamenta; ut ita in toto illo misto æquale temperamentum esse non possit; tamen si negare nolint, in una aliqua parte misti animati hujusmodi æquale temperamentum dari posse eatenus adeo cum *P. Fabri* consentientes &c.

VI. Difforme interim temperamentum etiam ab hoc authore dividitur in simplex & compositum. *Simplex* vocat, in quo una tantum qualitas prædominatur; ut, si calor sit sex, frigus duorum graduum, humiditas & siccitas quatuor &c. Et, sicut unaquæque ex quatuor qualitatibus dominium obtinere potest; ita quadruplex numerandum est hoc simplex temperamentum; *calidum* nempe in quo calor; *frigidum*, in quo frigus; *humidum* ubi humiditas; *siccum* denique, ubi siccitas prædominatur: notatque sub finem num. IX. hæc nomina interdum comparative accipi, ut e.g. calidum dicatur respectu frigidioris.

VII. Difforme *compositum* temperamentum vocat, in quo duæ qualitates una prædominantur; e.g. calor & siccitas, calor & humiditas &c. Plures enim quam duæ prædominari non possunt: Si enim præter calorem & siccitatem etiam frigus prædominaretur,



vel humiditas; contraria forent in eodem subiecto, calor np. & frigus, vel siccitas & humiditas & quidem in gradibus excellentioribus; quod foret absurdum. Sicut autem quatuor modis fieri potest, ut duæ qualitates in gradibus excellentioribus combinentur: ita quoque temperamentum compositum quadruplex solet constitui. 1) *igneum*, ubi prædominatur calor & siccitas: 2) *aëreum*, in quo prædominatur humiditas & frigus; 3) *aqueum*, in quo prædominatur humiditas & frigus: 4) *terreum*, in quo prædominatur frigus & siccitas; ita denominata singula, quod in igne, aëre aqua & terra, eadem qualitatum combinationes reperiuntur.

II. Eadem hæc composita temperamenta, prout in animali ac speciatim in homine, considerantur, à nonnullis vocantur *cholericum* pro igneo; *sanguineum* pro aëreo; *phlegmaticum*; pro aëreo: *melancholicum* pro terreo: reclamante quidem *Fernelio* lib. III. Phyl. de temper. c. 11. & existimante, hæc nomina non esse temperamentorum, sed redundantium humorum; ita ut e. g. subiecto quidem, ut homini hæc nomina attribui posse admittat, ut dicatur biliosus, phlegmaticus &c. non autem temperamento.

IX. Denique dividi quoque solet temperamentum in *innatum* & *adscititium*; quorum illud ita vocatur, quod corpori in primo ortu concessum fuit; hoc autem, quod post ortum acquiritur à causis temperamentum innatum mutantibus; prout certe temperamentum in homine ratione non sexus tantum, sed ætatis quoque, imo ratione influxus astralis etiam, variare existimat *Vossius* de orig. & progress. Idol. lib. III. cap. 18.

## IV. EPICRISIS ANALYTICA

super

enarratas Hypotheses.

### I.

**T**Ota hæc doctrina, de mixtione, de corpore mixto, ac de temperamento, nititur illa de quatuor elementis eorumque qualitatibus primis; quæ tamen nullibi in hoc mundo, sed in scholarum cellis tantum, & in scholasticorum cere-



cerebris, unice existunt; ipsis quippe, quos ex recentioribus & notioribus superius allegare speciminis ergo voluimus, (reliquis Conimbricensium, Suareziorum, Ruvionum, Fonsccarum totis plaustis insuper habitis) non solum unanimiter fatentibus, ea nupiam purareperiri, sed adhuc clarius P. Fabri docente, ignem, aquam, aërem ac terram, revera corpora mixta esse, eaque imperfecte talia, prout etiam in illorum qualitatibus primis, quas vocant, non parum ambiguitatis involverunt, dum humiditatis in aëre & in aqua diversissima significata supponunt, pariterque siccitatem igni ac terræ, alio prorsus hic, quam ibi, sensu adtribuunt.

II. Hinc necessum erat *primum* sollicitos eos esse de communi loco, ad quem elementa singula è suis quæque locis concurrerent, quoties mixtum aliquod de novo generandum esset; *deinde* vero supposito, tanquam jam facto, illo concursu, magnam fieri pugnam oportebat inter summum ignis calorem & incertum adhuc, aquæ an terræ? summum frigus, inter ambiguam item summam ignis vel terræ siccitatem, pariterque ambiguam aëris vel aquæ summam humiditatem: qua pugna *tertio* refractis invicem excellentioribus istis qualitarum inimicarum gradibus, insimul in minutias insensibiles dividi supponendum erat, ut his unitis & intimius sibi permixtis, nulla mixtine minima quidem particula sensibilis esse debebat, quæ non ex omnium elementorum aliquot saltem particulis commixta esset. Et hæc commixtio, *quarto*, non debebat fieri per appositionem aut per confusionem, (hi enim modi vulgares nimis essent & improprie tales mixtiones) sed per aliam mixtis physicis propriam ac peculiarem miscibilibus, satis jam alteratorum, unionem.

III. At enim vero si elementa dicamus non mixta illa elementaria, quæ singula compositionem aliquam simpliciorum particularum, aliarum natura sua quietarum & immotarum, aliarum vero istas in communem secum motum rapientium, præsupponunt, materiæ subtilissimæ scilicet minutias, ætheris



puncta quasi globularia, ignis vel flammæ semina sive spicula variarum specierum, aëris ramosas aut plumiformes quodammodo portiones, aquæ flexilia lubricaque corpuscula, terræ denique solidiores & respectu priorum crassiusculas atomos, ratione figurarum innumeris modis variantes ac totupliciter differentia, quasi semina inanima metallorum, mineralium, succulentarum concretionum &c. his denique ejusdem summi Conditoris, qui hæc omnia sua quasi manu finxit & formavit, providentissimo consilio passim interspersa & in universalem quandam *πανοπερεια* congesta viventium sive animandorum, aut animari aptorum, rudimenta &c. Si hæc inquam, totius mundi simplicia elementa, non quaternario aut alio certo numero definita, sigillatim interim distinctæ diversæque universe vero insensibilis magnitudinis supponamus, hoc ipso 1) non opus habemus in misti ullius nova generatione, miscibilium in minutas portiones divisione, cum ipsæ elementorum minutæ jam actu ipso sint divisæ & insensibiles, eæque partim in mixta illa imperfecta vulgarium impurorum elementorum, aliaque porro perfectius talia, jam Creatoris ipsius manu distributæ, partim adhuc solutæ & sub forma halituum in ipsis istis massis elementaribus, aëris, aquæ, terræque sphaeris passim & promiscue ubique abundanter obviæ; ut 2) frustra solliciti simus, de miscibilium in communem locum, ubi mixtum aliquod de novo generandum venit, confluxu; quandoquidem nullus est in aëre, in aqua, in terra locus, in quo non particulæ materiæ subtilissimæ, æthereæ, igneæ, terreæ, aqueæ, seminales &c. magno numero occurrant, ad hæc, illa, ista, mixta inanimata & animata generanda; neque 3) opus erit qualitatuni primarum excessivarum in uno loco simul concurrentium pugna & mutua refractione: quandoquidem in flammis non facile quidquam generatur nisi subitanea aliorum corporum resolutione ac destructione, in omnibus aliis locis autem lento progressu miscibilia non catervatim aut collectim, adeoque cum summo qualitatuum gradu, sed sparsim, successive & particulatim, adeoque in gradibus ante satis remissis & alteratis congregiuntur.



IV. Forma itaque mixti quam P. Fabri unam, & entitatem respectivam esse non absolutam, recte meo judicio, dicit, eodem modo scilicet quo aliæ aliorum corporum formæ, oriatur necessum est, atque adeo lenta illa particularum elementarium unione successive facta tandem resulter, ut ipse non incommode loquitur, tum hic, tum alibi, ubi de formis ipsi sermo est. Unio vero illa fit in animatis pro ratione & exigentia meatuum in rudimentis seminalibus sapientissime, pro cujusque futuro usu, scopo & officio organizatis: in inanimatis autem pro ratione pororum, venarum, & causarum moventium, in primis caloris, in terra, aqua & aëre ubique, nunc plus nunc minus, regnantis, & exhalationes has aut illas, prout quarumlibet major aut minor gravitas postulat, in certum locum compellentis. Neque comprehendere possumus, quem alium hujus unionis modum imaginabilem fingere aut velint aut possint, præter *appositionem* vel *confusionem* aliquam, cum ipsa vox mixtionis hoc necessario importet, ut miscibilia sive atomi aut minutia elementares, ita sibi invicem apponantur, interponantur aut circumponantur vel confundantur ut aquea juxta igneam, hæc propter aëream, inter has media terrea aliqua alibi ætherea prioribus aut primi elementi mobilissima minutia, aut credibilis unarum plures aliarum pauciores, sibi invicem permixtæ sint, non aliter ac in acervo quodam frumentario non satis expurgato grana tritici, cum illis siliginis & magis heterogeneis vicinæ &c. vel in commixtione pharmacorum diversi generis pulveres cum diversi generis aquis distillatis in uno vitro confunduntur; hac interim sufficiente inter has mixtiones vulgares & artificiales, & subtiliores illas physicas, manente differentia, quod mixtionem physicam natura ope constituent particulæ elementares insensibiles, illam vulgarem autem artis subsidio & humano consilio portiones mixtorum corporum crassiusculæ, illam elementarium subtilitatem, quantacunque etiam industria ac dexteritate adhibita, nunquam assequentes.



V. Quamvis negandum non sit, non solum ex ipsis simplicibus elementaribus particulis immediate, sed mediate quoque ex actu jam mixtis moleculis plurimas, imo plerasque forte mixtiones naturales fieri, quæ tamen moleculæ subtilitate multum excedere possunt exilitatem minutiarum artis studio factarum. In utroque autem mixtionum naturalium casu apertum est: 1) elementa nostro sensu accepta, h. e. particulas elementares simplices, quin etiam moleculas aliquo modo jam mixtas, alia corpora adhuc magis mixta componentes, actu ipso in mixtis esse, ibi namque sibi invicem actu ipso intermixtas & interpositas; tamen si 2) elementa scholarum sensu accepta, cum integris suis formis, vel in actu suo physico spectata in mixtis actu non sunt, sed potentia & virtute tantum, ut nimirum, quæ sparsæ solum ac disjectæ, sibi que mutuo implicitæ & intertextæ, summi caloris, frigoris, humiditatis aut siccitatis efficaciam (quæ singulorum elementorum naturas & officia, ex Aristotelicorum mente, præstat) exerere haut valent, post resolutionem iterum collectæ & unitæ junctis viribus expediant: id quod in nostra hypothese tanto magis verum est, in qua elementa Aristotelico sensu accepta non solum ipsam mixtionem non ingrediuntur, sed ne concurrere quidem ad istam necessum habent.

VI. Quibus ita explicatius multo ut existimo, & rebus ipsis, quam abstractis scholarum conceptibus, convenientius expositis, specialia mixtionum exempla, quæ supra phæn. VII. ex P. Fabri breviter enarrevimus, nunc prolixius paulo ex jactis ita fundamentis deducemus: *primum genus* dicebatur fieri *percolando*; tamen si colatio sit haut dubie resolutionis quoddam genus, qua purum ab impuro separatur, cujus species crassiores & humano studio institutæ ad naturales percolationes illustrandas multum accommodæ, sunt *cribratio*, qua per cribrum subtiliores partes à crassioribus separantur; *lotio* sive lixivio, sive aqua communi vel distillata fiat; *despumatio*, qua spuma innatans cochleari colligitur; *clarificatio*, qua v. g. ovi albumine quædam purgantur, ut mel, saccharum &c. *Simplex colatio*, qua, per qualum aut

co-



colum, vel per telam lac ac alius liquor, juscula, vinum, cerevisia &c. ab admixtis forte sordibus depurantur; *expressio* denique, qua succus vi quadam, sive manu id fiat, sive prælo exprimitur. Quibus denique exquisitiore opera fieri solita *filtratio*, sive per manicam Hippocratis, ut vocant h. e. colum acuminatum vel laneum vel lineum, admixtis præsertim liquori aromatibus, saccharo &c. quorum corpuscula ita per manicam cum isto fluunt, ut optime permisceantur, nec amplius, saltem sponte sua, separari possint, quo pacto filtratur vinum illud quod vulgo *Hippocras* vel *Hippocraticum* appellamus; sive per aliud filtrum, h. e. per lacinias, chartam bibulam &c.

VII. Hisce crassioribus modis percolationum illæ nunc naturales in corporibus viventium pariter ac non viventium egregie declarantur, quas melius exponere vix possum, quam verbis Honorati Fabri, quibus in parte altera prop. XLVII. ita rem totam concepit: *alia est percolatio longe nobilior*, quæ à natura fit, cujus certe opera maxima mixtorum pars concre-  
scunt. v. g. sanguis percolatione elaboratur: nam ex intestinalis succus per me saraicas exugitur (rectius nunc dicimus in venas lacteas, & his mediantibus ad receptaculum chyli sive lum-  
bare exprimitur, inde per ductum chyli ferum in venam axillarem infunditur, & cum ejus sanguine permixtus cordis dextro ventriculo infunditur) deinceps in pulmonibus, corde, liene, renibus, jecinore, cerebro, toto fere corpore, colatur, scilicet per venularum vel arteriolarum oscula, cum per exigua fissura, (aut forte per arteriolarum ac venularum capillarium tenuissimas ac porulis insensibilibus pervias membranulas sub halitus forma) segregando, & in destinatis huic negotio vasculis colligendo sudorem e. g. bilem, serum, pituitam &c. in renibus perfectum filtrum habes, in quo serosus humor à sanguine separatur; in jecinore tenacior portio in cellulis retinetur, unde in cistim traducitur; in pulmonibus, cordis fuligo à bono sanguine segregatur; in capite non unus plexus est, nec unicum rete in quo pituita purgatur; bilis flava per aures, atra in liene reti-  
netur,



netur, traducto scilicet sanguine arterioso: in fructibus & plantis aliquid simile habes, saxa etiam percolatione succi lapidescentis concrescunt; hic autem in diverso terræ plexu vel colo percolatur, pari modo succus ille præparatur, qui deinde in metallorum materiam abit. Quid plura? tota fere natura corporea percolando perficitur. Porro non modo in percolatione unum ab altero secernitur, verum etiam unum alteri perfecte miscetur, sed per tenuissimas particulas, relictis in colo crassioribus, sic enim præparantur succi, tum lapidescens, tum metallicus, sic aquæ medicatæ per fodinas mineralium, ut vocant, percolantur. Sed de his omnibus suo loco, modo nunc constet, percolationem talem esse, ut illius opera maxima mixtionum & resolutionum pars, quæ scilicet à natura fiunt, perficiatur.

IIIX. *Secundum genus mixtorum* generandorum fit ex mente laudati Patris, *coquendo*; sive liquida sit materia coquenda, sive concreta, & hæc porro vel dura vel mollis. Et liquida quidem I) ut lac, vinum, jusculum, ova & alii succi in fructibus, &c. vel igne culinari citius maturantur, vel igne solari temporis progressu lente excocta cruditatem suam paulatim exuunt, & coquendo, sola aqua excepta, (quam nonnunquam ægrorum gratia coquunt) vel crassescunt, ut lac, mel, mustum, gluten &c. multo scilicet humore aqueo avolante, qui fluiditatem ante corporibus istis conciliaverat, vel indurantur, aut in consistentiam quandam concrescunt, ut pasta farinacea in panes formata, & in furnis excocta, ut esui hominum apta evadant; juscule vero, etsi non facile citra additamentum aliquod inspissentur, salsiora tamen redduntur, quod partibus aquæ dulcis copiose exhalantibus, salinæ tamen, utpote propter majus pondus, ad exhalandum minus aptæ, eadem circiter quantitate intra pauciores dulcium reliquias remaneant. Ubi obiter notandum, vulgus hominum cum coquis nostris, hanc coctionis speciem *das einsieden oder einfochen* appellare, repugnante plane rei conceptu vero & philosophico.



IX Dura vero 2) seu concreta aut consistentia, variis modis coquantur, e. g. caro elixatur in humido aqueo, frigitur in humido pingui, assatur veru versata, torretur in craticula, in olla occlusa lento igne, tanquam in balneo sicco, ut loquuntur Chymici, excoquitur. Et elixa quidem tenerior evadit, solutis ab humore multarum fibrarum plexibus, nutritioni aptior redditur, crudis humoribus vel subactis, vel exhalando expulsis, multum succi jusculis admiscetur, carne jam sicciore & laxiore evadente, vitulina & gallinacea magis albicat, postquam crudus humor alium ante colorem conciliaverat, ova, quo plus lixantur, eo magis indurescunt, a volante scilicet humore, qui prius liquiditatem ipsis conciliaverat, & contractis mox partibus residuis antequam novus humor subire queat: lignum è contra & cornua, elixando non molescunt, imo duriora inde evadunt, nisi major & extraordinaria quædam ignis vis adhibeatur, de qua postea. De fructibus elixis, eadem fere quæ de carnibus dicenda; assa caro, priusquam cocta sit, sensibilem fumum emittit, coctam suavis halitus vel odoris fragrantia testatur, lardo transfixa nimiam siccitatem extus prohibet, & obstructis adipe poris, bonus succus cohibetur ne avolet, crudiore tantum humore aqueo transmissio, extima superficies magis salsa & sapidior evadit, ob salem volatilem ibi hærentem, & his assaturis accensentur, craticula tostæ lucanicæ, carniū suillarum quasi placenta (die Rostbrätlein) pisces item succo quodam ex aceto & oleo adspargendi &c.

X. Frixæ in humido pingui eodem fere effectus consequentes habent, quos in superioribus coctionum generibus notavimus, ut caro v. g. tenerior reddatur &c. ille vero singularis est, quod oleum, licet ob viscositatem non penetret, suo tamen abundantiore calore id præstet, ut carnes & pisces &c. coquantur. Hinc interior piscis & jecoris frixi substantia candidior est, cum tamen exterior nigrescat. Scilicet carnem elixam penetrat humidum calidum, assam verò non penetrat humidum calidum, nec ambit sed aër calidus, præsertim in furno, ubi assaturæ commode perficiuntur; frixam autem non pene-



trat quidem humidum calidum, nec ambit aër calidus, sed humidum pingue & calidum, ita frixione medium locum occupante inter elixationem & affationem.

XI. Subjungit aliud coctionis genus laudatissimum Pater quod scilicet in olla probe obstructa, admixtis aromatis, affusoque modico omphacio, nec sine sale & pipere, subjectis prunis ita coquuntur obsonia, ut valde tenerescant, id quod vulgo in Gallia dicant *Pot pourri à l'estuvée*, quod hæc coctio sit quidam putrefactionis quasi modus, in quo halitus ille, qui avolare non potest, quasi repercutitur, sensimque propter subtilitatem parrium plexum solvit, maxime cum accedat acerrima vis, tum omphacii tum aromatum, quæ vi resolutoria mirifice pollent. Hæc vero coquendi ratio eo efficaciam deducta pronuper fuit ope machinæ cujusdam à B. Boylio excogitatæ, & à *Dionysio Papino*, nunc Prof. Marpurgensi, sub *novi coqui sive digestoris* nomine descriptæ, ulteriusque perfectæ, cujus ope durissima quoque animalium ossa ad eum mollitiei gradum hoc ævo sciunt cogere, ut instar gelatinæ cujusdam esculenta reddantur. Hujus machinæ partes & structuram variosque & insignes usus, qui cognoscere distinctius desideraverit, vel ipsam Papini descriptionem Anglico sermone conceptam & Londini 1681. primum, deinde anno sequenti Parisiis gallice & cum auctario editam, vel Acta Erud. Lips. ad ann. 1682. p. 105 & 306. itemque ad ann. 1687. p. 276. consulere potest. Nos in hujus operis tom. I. p. 539. fabricam nostram simpliciorum Fig. XXII. exhibuimus, & brevi hujus declaratione circumscripsimus, hic autem, ut ipsam Papini designationem Fig. XLVI. n. 1. & 2. ob oculos poneremus, brevi pariter declaratione subjuncta, operæ pretium judicavimus.

XII. Instrumenta diversis usibus accommodata sex figg. exhibet, quarum nos tamen non nisi duas hic dabimus usui primario destinatas, scilicet Fig. XLVI. num. 1. AA lebetem designat æneum in fundo clausum, in summo I. & I. apertum, qui instar Bal. Mar. aquam continet & igni immediate exponitur; BB hujus lebe-



lebetis operculum, ejusdem cum illo figuræ & capacitatis: C C lebetis ansulas; D D, D D, duo ferramenta, altera sua extremitate ansulas C C, altera repagulum E E excipientia, E E repagulum, foraminibus ferramentorum D D trajectum, quod tolli & aptari potest, ubi pro rei exigentia aut aperienda aut occludenda fuerit machina, F F duas cochleas, quæ foraminibus repaguli E E trajectæ capitellum B A & receptaculum A A firmiter combinant: H H tubum seu canalem, operculo B B aptatum & obturaculo P muniendum, cujus canalis usus est, partim ut aqua, commissis jam machinæ partibus, infundi, partim ut pressuræ aëris interni gradus, per elevationem variam obturaculi P accuratius dignosci possint: I & I commissuram lebetis A A & B B: L M baculum ferreum, eminentiæ L Q infixum, qui cum pondere N extremitati ejus appenso, reprimendo obturaculum P, compressionem aëris interni moderatur: O O angustiores canalem obvolutum cannabe & tubo H H ita impactum, ut aliqua extremitate sua aquæ inclusæ immertus aliquid humiditatis hinc ad P derivet, quo hoc ipsum charta obvolutum ac leviter humectatum, orificium tubi H H exactius claudat. Ejusdem Fig. XLVI. num. 2. vas G G exhibet, descripto lebeate angustius, ex vitro, stanno, similive materia conflatum, coquenda, digerenda ac destillanda immediate excipiens, operimento & cochlea sua occludendum, ac machinæ A A, B B immittendum. Lebetem ergo A A. B B furno chymico usque ad ansulas C C imponit Autor, ignem firmatis probe cochleis carbonum ope subdit, & hunc pro operationis conditione moderatur, quæ interpret Gallus ad p. 306. seq. act. Lips. 1682. tanquam facilioris structuræ, superioribus substituit, simpliciore nostræ fabricæ occasionem dederunt; quam vero Papinus ipse anno 1687. Londini edidit continuationem, cujusque excerpta eodem anno in act. Lips. p. 276. & seqq. multis exhibentur, dignissima sunt, quæ consulantur pro pleniori hujus utilissimi inventi intellectu.

XIII. *Tertium genus* generandorum mixtorum fit *distillatione*, quæ multiplex est, & innumeris fere modis.



peragitur, generatim autem resolutionem importat, qua vi caloris corpus primo in halitum, deinde halitu concrefcere, ad contactum frigidioris alembici, in liquorem abit; idque triplici à Chymicis distingui folito modo: 1) *per afcenfum*, cum vi caloris halitus fufum ascendit ac deinde liquescit, quo modo calore folis, destillatur pluvia, res &c. calore flammæ vel fupposita lucerna, flores & herbæ in alembico destillantur; calore item aquæ calidæ, cui vas materiam destilandam continens immergitur, & quam *Balneum Mariæ* vulgo appellant; calore porro vaporis ex aqua fervente ascendentis, quod *Balneum roris* vocant; calore *ficci*, quod nominant *Balnei*, vase materiam destilandam continente intra aliud vas vacuum igni fuperpositum fufpenfo; calore cinerum, scobis ferreæ, arenæ, carbonum denique, vasi materiam continenti circumpositorum &c. quem calorem intendere norunt ac remittere chymici fecundum 4 caloris gradus, totidem fuperne foraminibus fornacum nunc clausis, nunc reclusis &c. 2) *Per defcenfum*, cum e. gr. vulgo fuper ollam aliquam expansæ leviter telæ rosarum folia fuperimponunt, & hæc charta pura tegunt, chartæ vero fartaginem prunis candentibus repletam fuperimponunt, pro aqua rosacea destillanda &c. 3) Ad latus five *per retortam*, seu vas cornutum, alteri, quod *recipiens* appellant, probe conglutinatum forti cæmento; & retorta quidem, patienti quippe ac diuturno igni imponenda luto munitur è stercore bubulo, ad destillanda fcilicet ea, quæ difficulter in halitum resolvuntur, ut nitrum, vitriolum &c. è quibus fpiritus nitri, fpiritus vitrioli, & aquæ fortes regiæque destillantur.

XIV. *Quartum genus* generandorum mixtorum fit *sublimatione*, à distillatione in eo differente, quod hæc ex humidioribus aquas, è ficcioribus nonnunquam aquas primum, deinde majore ignis gradu olea diversa subflavum, subrubrum &c. elevet; illa vero ficca tantum elevet, per alembicos cæcos, aut post præeuntem aliqualem distillationem, quoad rostra claudendos; ut ficci halitus in summitate alembici concrefcant, uti fuilgo in ca-



caminis. Unde sublimata ut plurimum multo igne constant, ut in mercurio sublimato videre est. Fit autem uti destillatio, sic sublimatio quoque, alibi cum igne forti alibi cum remisso, nonnunquam cum pluribus alembicis, nunc sine, nunc cum admixtione alterius, uti mercurius cum vitriolo & sale &c.

XV. *Quintum genus* mixtorum generandorum, fit *exhalatione* qua multa in fumum & halitum abeunt, ut cera, oleum aliaque inflammabilia; similiter aqua & humidum omne, multum una ignis ac terræ quoque secum asportans, ideoque non aquea solum mixta, ut rorem, nebulas, nubes, sed ignea quoque, ut fulmina, aliaque similia meteora progenerans. Quæ *sexto* etiam *concretione* gignuntur, exhalatione v. gr. spirabili in liquidum interventu frigoris, concrecente, prout in rore, pluvia & in aquis destillatis videre est; vel ex liquido in durum, uti metalla & alia caloris vi liquata item grando &c. vel ex molli in durum, ut lutum congelatum; similiterque interventu caloris, vel ex spirabili in durum, uti cuneus fulminaris (si vera tamen est & comperta hæc genesis, de qua multi multum dubitant;) vel ex liquido in durum, uti sal, calculus; vel ex molli in durum, uti testa, lateres, panis &c. facta concretione; Rursum aliis concrecentibus per aliorum admixtionem pulverulentorum v. g. & salium, velut aqua per admixtionem farinæ, aut gypsi triti; aut eadem aqua per admixtionem salis nigri, adhibita simul frigoris opera, congelascens; vel per admixtionem humidi uliginosi, prout mercurius concrescit in pulverem præcipitatum, affuso oleo vitrioli vel sulphuris &c. Vel ex halitu per sublimationem, ut fuligo, mercurius sublimatus, admixto tamen prius vitriolo & sale; vel per calcinationem, ut sal tartari; vel ipsa agitatione materiæ liquidæ, sicut plumbum liquatum si valido motu agitetur, in pulverem (sacharum Saturni chymicis dictum) lac seu cremor lactis, in butyri massam &c. coalescit.

XVI. *Septimum genus* mixtorum generandorum fit *calcinatione*, qua voce generaliter sumpta, *ustionis, cinefactionis*



*Et calcinationis* strictius ita dictæ operationes comprehenduntur. Et *ustionis* quidem exemplum habemus in cornu cervi, quod in olla occlusa ad albedinem usque uritur, deinde extinguitur, teritur &c. *Cinefactionis* exempla suppeditant imprimis ligna, omne plantarum genus, caro, & alia quæ inflammari possunt, imo ossa quoque, quæ flammam alias minime nutriunt: fitque cinefactio vel aperto igne, vel in vase clauso; qui posterior modus majorem vim ignis deposcit, quo non modo vas ipsum, verum etiam materia contenta prorsus ignescat: hoc interim eventu, quod in hoc secundo modo multum salis volatilis, vel sulphuris cum sale fixo, remaneat; cum in primo, quicquid fere volatile est, evanescat. *Calcinationis* denique specialiter ita dictæ exempla dant metalla, lapides & mineralia, quæ per se in flammam non abeunt; quæ porro, vel actuali igne fit, humore præsertim aqueo, penitus expulso & reliquis partibus in pulverem levi opera dilabentibus, idque eo fine ut è corpore calcinato facilius eliciantur olea vel spiritus &c. vel igne virtuali, quem vocant, i. e. accersita aquarum fortium aliorumque liquorum solventium opera, qua metallum v. g. ita solvitur, ut in limpidam aquam abeat, deinceps tamen particulis metallicis in vasis fundum præcipitando deturbatis. Liquores autem illi solventes sunt e. g. acetum distillatum, spiritus salis, nitri, vitrioli, oleum acidum sulphuris, aqua fortis, paranda ex aluminis & nitri partibus æqualibus, vel ex vitriolo duplo & nitro sub duplo; aqua regis, quæ habetur, si sal ammoniacus aqua forti dissolvatur atque iterum distilletur. Singulare denique calcinationis genus, *amalgamatio* chymicis, uti mixtum productum *amalgama*, dicta, quæ fit opera hydrargyri, quod metallum solvit, & ignis vi exhalatum sub forma calcis aut pulveris relinquit.

XVII. *Octavum* genus mixtorum generandorum resultat ex *simplici* diversorum *permixtione*; ut cum 1) sicca optime trita inter se vel insensibiliter miscentur, e. g. farina tritici cum flore farinæ hordei, vel sacharum probe tritum cum sale pro-



probe trito &c. mixto ita constituto valde imperfecto, imo aggregato quodam potius per accidens, nulla fere præcedente alteratione; vel 2) cum liquida cum siccis miscentur, his præsertim probe contritis, ut ab humido subigi ac perfecta dilui possint, mixtionis adeo modo priori multo perfectiore, eoque porro tripliciter diverso; ut scilicet permixtione facta in statu corporis liquidi permaneant, e.g. sal cum aqua, sacharum cum vino mixta, atramentum, spiritus colorati &c. vel ut statum deinceps corporis duri subeant, exemplo laterum, testarum, panis, gypsi, arenati mortarii; vel denique, ut statum corporis mollioris conservent, more theriacæ, omnium fere unguentorum &c. singula hinc enata mixtorum genera, tametsi in primo percolatio, in secundo etiam ac tertio coctio quoque aliqua plerumque accedat, perfecte mixta non sunt, quia miscibilia arte quadam, etiam citra resolutionem ignisfactam, in plerisque saltem separari possunt, e.g. pigmentum ab aqua, sal & sacharum à vino &c. Liquida vero 3) cum liquidis permixta, aqua v. g. cum vino &c. (quem commixtionis modum perfectissimum vocat P. Fabri, & Sennertus ideo talia perfecte mixta credit) tamen non nisi imperfecte mixta constituunt modo laudati P. Fabri iudicio; tum quod vel arte sola separari possint citra naturæ adminiculum, vel si, adhibita prius coctione, id deinde difficilius evadat, quia mixtum perfectum alterius perfecti miscibile esse non potest. Metalla denique 4) & alia quædam corpora ignis opera commiscentur; sed hæc etiam mixta imperfecte talia sunt, cum iterum eadem specie, aquæ fortis ope separari possint; & quæ in quibusdam aquis prorsus solvuntur metalla, ut aqua limpidissima maneat, inde tamen præcipitando educi possunt; prout etiam affuso sulphuris oleo mercurius præcipitatur ad instar tenuissimi pulveris: ubi tamen cum oleo tartariteritur, pristino statui se restituit; indicio manifesto imperfectæ mixtionis.

XIIX. Hæc cum P. Fabri ex communi experientia paulo fusius hoc loco commemorare lubuit, ut intelligeretur, mix-



tionis rationem, prout in natura ipsa exercetur, ab illa abstractiore, quam scholæ in actu signato, ceu loquuntur, proponunt, plurimum differre: quemadmodum etiam doctrina de temperamento pro cathedra solícite admodum secundum quaternarium qualitatum primarum numerum & artificiose distribuitur; Natura vero, ad quatuor tantum elementorum numerum restringi se non passa, cuilibet corporum mixtorum generi vel speciei, peculiare quoque temperamenti genus vel speciem, idque in viventium animaliumque genere, pro ratione ætatis, sexus, climatis &c. multipliciter variabile, communicat: & cum scholarum conceptus temperamenta subtiliter in uniformia ac difformia, simplicia & composita &c. distinguat; Natura tamen nullibi ita exactam & præcisam sese ostentat, ut credi possit aut debeat, vel quatuor elementa vulgaria, vel, quæ aliis multo plura creduntur, ita æqualiter quibusdam corporibus admensa fuisse, ut temperamentum inde uniforme vel æquale ad pondus nanciscerentur: maxime si verum æque sit, ac est probabile, ejusmodi temperamentum, animalibus præsertim & homini parum proficuum, sed noxium potius futurum esse. Ita igneum, aqueum &c. temperamentum aliquod dici patimur quidem, sed cum magna harum vocum latitudine, & ut cholericum seu biliosum dicatur in animalibus, id quod alias igneum appellatur, & sic in cæteris; frustra tergiversante Fernelio; quandoquidem bilis igneæ magis naturæ est, & mediante sanguine cæteris quoque membris corporis plus ignis communicat; atque ita in cæteris.



## CAPUT IV.

de

*Analysi vel resolutione mixtorum corporum & speciatim putrefactione.*

### I. PHÆNOMENA.

**P**HAEN. I. Mixtioni opponitur analysis sive resolutio mixtorum in sua miscibilia, eaque vel à sola natura, nihil penitus conferente humano studio, peracta, qualis est e. g. aquæ in vapores, vaporum in rorem aut nubem, nubis in nivem aut pluviam &c. vel à natura quidem & causis naturalibus effecta, humano tamen studio applicationem saltem solventium vel agentium ad resolvenda vel patientia dirigente; eodem modo, quo fruges terræ & fructus arborum, imo & animalium foetus naturæ quidem opera producuntur, nonnunquam quidem sponte nasci, nemine cogitante, solita, sæpius tamen etiam arte humana juvante & procurante felicius multo nata: quæ ars uti circa terræ fruges occupata, *agricultura*, circa fructus, flores, & plantas colendos, *hortularia* & *horticultura* nominatur, circa foetus animalium multiplicandos aut felicius educandos saltem, peculiari nomine caret; ita in resolutionibus corporum eorundem mixtorum utilius peragendis studium suum ponens, *chymia* vel *chemia* salutari solet: Ars certe uti jucunda, ita studio physico provehendo, hominumque sanitati vel conservandæ, vel deperditæ aut labefactatæ restituentæ, tanto utilior, quanto inanior est, unius syllabæ augmento dicta *alchymia*, insaniens conatus transmutandi metalla viliora in pretiosiora, præsertim nobilissimum omnium, aurum, cuius insatiabilis cupido plurimos hujus artis, aut stultitiæ verius, cultores, & de sana ratione deturbavit, & loco acquirendarum magnarum divitiarum, in extremam pauperiem, multos etiam,



qui alios malitiose deceperunt, in infamiam præcipitavit, vel in malam crucem extulit.

*PHÆN. II.* Generalis resolutionum chemicarum effectus sunt ipsa *principia chemica* communiter ab ipsis *hypostatica* dicta, quod totam mixtorum hypostasim constituent, eaque, præter *terram & aquam* (quæ inertia & passiva tantum ipsis dicuntur) tria solum actiuosa, *salem, sulphur, & spiritum seu mercurium*, numerant, numerumque hunc multis experimentis comprobare student; quorum unicum, speciminis ergo, adducit *du Hamel* Phys. gener. Tract. 1. Dissert. III. cap. V. de vino nempe, quod alembico impositum, ignis calore in varias partes exhalatur. Primum enim *spiritus* seu aqua ardens in aliud vas subjectum exstillatur, quod plures chymici (neque enim inter se consentiunt) mercurium appellant. Hunc excipit aqua insipida (quæ in aliis plerisque antecedere solet) quam *phlegmatis* nomine iis placuit designare. Cum autem in fundo alembici, phlegmate magnam partem exhausto, nihil remaneat, præter materiam viscosam & crassam; hac utique in aliud vas pyro non dissimile, quod *retorta* dici solet, translata, & vehementiori igni admota, primum nonnihil phlegmatis tum liquor acidus (quem mercurium nonnulli vocitant) tandem viscosus, pinguis & oleosus humor egreditur, quem *sulphuris* nomine aut olei insigniunt. Quod superest, jam valde exsiccatum, igne comburunt, tum in vas terreum conjiciunt, cui aqua fervida apponitur. Hæc sale imprægnatur, tum filtrata, seu per chartam bibulam, aut panni lacinias, trajecta, & calore exhalata, *salem* in fundo vasis deponit. Quod remanet ex cineribus, terra est, aut *caput mortuum*.

*PHÆN. III.* Itaque in vini resolutione, præter terram & aquam tanquam otiosa elementa, tria multum actiuosa & vegeta sese in conspectum dant principia, spiritus nempe seu mercurius, qui duplex est pinguis unus & inflammabilis, quique leni calore primus egreditur, isque vini spiritus vocitatur; alter penetrans & macer, quique in aceto plurimus est: secundo liquor oleo.



oleosus & sulphureus majore vi ignis extrahitur: tertio sal ex cineribus elicitur. Ex tribus his principiis, tanquam primis, omnes pene qualitates duci arbitrantur chymici, sapes, odores, colores &c. philosophis interim hæc prima esse negantibus & promixtis omnia habentibus, qua de re plura inter Hypotheses erunt dicenda.

*PHÆN. IV.* Specialiores effectus plurimos solutionum specialiorum, *percolationum* v. g. *coctionum*, *distillationum*, *sublimationum*, *exhalationum*, *calcinationum*, &c. esse mixta alia diversissima é capite superiore didicimus. Nimirum quod generalia alias axiomate dicunt Phisici, unius corporis corruptionem esse simul generationem alterius, id hoc loco specialius eadem veritate sic efferri potest: resolutionem alicujus corporis magis mixti & compositi, qua ipsius forma destruitur & corrumpitur, una generationem esse non unius tantum, sed sæpe numero plurium ac diversorum mixtorum minus compositorum. Id quod præter superiora *putrefactionis* quoque exemplum docet, quam scholæ antehac solam mixtioni inadæquata valde oppositione contradistinguebant.

*PHÆN. V.* Putrefactionem autem cum scholis Aristotelicis *Honoratus Fabri* quoque lib. sæpius cit. prop. XLV. in *perfectam* & *imperfectam* distinguit. In hac solvi quidem mixtum dicit in miscibilia, ita tamen, ut pristino statui restitui possit, quod secus fiat in illa, quæ perfecta est mixti resolutione. Hanc præsertim à calore externo & humido interno dependere experientia communi discimus; dum nimirum calor, præsertim humidus ab austro spirans, corporum poros laxat, spiritus internos & humidum internum istis mediantibus excitat, ut partium plexum solvat, tandemque totum corpus dissolvat in putredinem. Sunt autem in putredine notandæ sequentes præcipue circumstantiæ: quod 1) humida cum primis corpora sint putrefactioni obnoxia, eaque tanto magis quanto humidiora, prout in carnibus præcipue & fructibus videre est: & carnes 2) delicatiores, e. g. perdicum, facilius putrescunt, quam crassiores ut bubula;



æstate quoque 3) quam hyeme, præsertim flante austro. 4) muscæ quoque carnibus insidentes putrefactionem promovent: 4) carnes salitæ & infumatæ, difficilius putrescunt, & aromata quoque, ut & acetum, putrefactionem impediunt; 6) assa etiam caro diutius præservatur quam cruda: 7) putridorum contactus etiam alia salva adhuc facile inficit, uti pomum e. g. quod a putrido tangitur, etiam putrescit. 8) pomum congelatum calidæ immersum statim postea corrumpitur & putrescit, frigidæ vero immersum, gelu sensim dimisso, servatur, idemque circa membra hominum in regionibus frigidioribus gelu nimio constricta nasos e. g. & extremos manuum pedumque digitos observatum est. 9) melle saccharoque conditi fructus diu servantur, ut & in oleo & aceto, & in oleo ovum à putredine intactum per multos annos servari testatur P. Fabri.

*PHÆN. VI.* Multis aliis observationibus etiam sequentia constant, putrefactionem vel promoventia vel impediencia. Nimirum 10) fructuum maturitas eorum computrescentiam promover, unde etiam est, quod limonia sive poma citrea nondum satis matura ad nos advehantur. 11) Corpuscula quædam fermentativa intra corporum texturas abscondita, siquidem putrefactio est quædam quasi species fermentationis. 12) Spirituum abundantium, qui exhalare debebant, retentio, & ventilationis defectus, qui facit ut vestimenta non ventilata, & frumentorum acervi diu immoti, putrescant. 13) Contraria etiam dissipatio spirituum non abundantium, per labores, motus nimios, nimia studia, sudationes nimias &c. exhaustorum, quæ sanguinem ad putredinem facile disponunt. 14) Eorundem spirituum suffocatio, cum scilicet spiritibus omnem quippe vigorem corpori conciliantibus, aliæ particule fermentativæ sese admiscunt & ordinatum illorum motum confundunt & quasi suffocant, id quod maxime in peste fieri solet. 15) Præter has causas internas putredinis externæ quoque istas promoventes & adjuvantes, sunt primo *halitus putridi*, è putrido actu corpore alio, in aliud putredinis capax transmissi; secundo *humor aqueus*, ac tertio

aër



aër aliis corpusculis corrumpentibus ac noxiis imbutus; unde quæ à putredine præservare volumus ab aëre maxime remove studemus, quod aër plus quam aqua putredinem promoveri so-  
leat. Denique non agens cum materia adeo sensibili, uti præce-  
dentes causæ (nec tamen sine materia) *calor* tum *ambiens* tum  
*internus*; de quibus in Phæn. præced. jam dictum est.

**PHÆN. VII.** Quod attinet causas putrefactionem impe-  
dientes inter eas 1) rursus est *dispositio subjecti* contrariam ei,  
quam inter causas internas in Phæn. præced. numerare de-  
buissemus. Scilicet, uti hoc loco, vel nimia densitas, vel nimia sub-  
tilitas putrescentiam impediunt, prout in metallis & gemmis, in  
aquis limpidissimis, in spiritibus rectificatis, & in puro quoque aëre  
videre est, ita ibi porositas & laxitas quædam pororum in corpo-  
ribus ad aptitudinem putrescendum requirenda fuisset, ac præte-  
rea partium heterogenearum, h. e. aliarum magis, aliarum minus  
mobiliū diversitas. 2) est *frigus* inter causas putredinem arcentes  
quasi præcipua, testibus carnibus in hyeme congelando diu sine  
putredine asservatis. 3) *Calor* etiam, quem supra tamen inter  
causas putredinem promoventes retulimus, & utrumque qui-  
dem recte; experientia enim testatur carnes assando à putredine  
præservari, ut & vestimenta quodammodo mucida vel calori so-  
lis, vel foco luculento exposita à putredinis initiis iterum liberari  
&c. 4) *Causæ externæ cum materia crassiore* agentes, & qui-  
dem primo removendo causas internas putrefactionis proximas,  
sive *calefaciendo*, uti jam diximus, sive *fermentando*, prout aqua  
nautarum sub linea putrescens iterum restituitur, dum per fer-  
mentationem ejiciuntur particulæ putrefactivæ, sive *ventilando*  
aut alia quacunque expulsionem humorum crudorum, vel aëris  
impuri agitatione, ut in ventilationibus ædificiorum, vestimen-  
torum &c. sive *spirituum* abundantium *efflatione*, & cum his  
una humorum noxiorum ejectione. 5) *Causæ externæ se-  
cundò* per certæ materiæ crassioris admissionem agentes; nempe  
vel *adstringentia* & *refrigerantia*, uti sunt vitriolum, salia omnia  
& acida &c. ubi de sale vulgari, re alias notissima, illud in primis

nota-



notabile obiter commemorandum est quorundam pharmacopæorum artificium, quo rosas copiosius provenientes, quam ut brevi tempore distillari omnes possint, sale ita condire norunt, ut per multos menses incorruptæ servantur, eo quidem eventu, ut aqua ex iis deinceps distillata nobilior etiam & generosior proveniat altera quæ destillabatur ex recentibus & non conditis rosis: vel *pinguia & oleosa*, prout pharmacopæi succis suis sive syrupis superne oleum affundendo, securitatem à putredine præstant, & nos in museo nostro salamandras, lacertas, ranas & serpentes, intra liquorem aliquem balsamicum suffocatos ex intervallis annorum diversis 25, 12, 10. &c. ea colorum vivacitate in hunc usque diem asservamus, qua in liquorem olim viva intromissa conspiciebantur: vel denique *spirituosa*, uti spiritus vini etiam partes cadaverum anatomie curiosiori adservandas in dies & hebdomadas plures à putrefactione præservat, quorum subsidio quoque & balsamicorum quorundam interventu procul dubio, ante hos annos 40. & quod excurrit, nobilis quidam Roterodamensis, nomine Bilsius, si recte memini, anatomie cultor egregius, integra hominum cadavera anatomie diutius continuandæ præservavit, ut obiter simul commemorem, spiritum vini eundem atramento admixtum, hoc etiam à muco præservare, quo alias obduci solet.

*PHÆN. IIX.* Notata etiam est à viro docto sequens speciatim observatio ex sylva sylvarum Verulamii, (qua continentur mille experimenta magno sumptu instituta) quod aëris expulsio vel exclusio, in quibusdam corporibus, in aliis ejusdem admissio, eundem effectum sortiantur in promovenda vel arcenda putredine. Nimirum admissio aëris, in cerevisia, in vino, in succis &c. putredinem causatur, exclusio contra eandem ab ipsis arcet, ex opposito, ejusdem aëris exclusio vel non admissio in vestimentis & frumentis supra terram in aperto aëre repositis, & sibi cumulatim incumbantibus, computrescentiam causatur; cum e contra eadem exclusio in frumentis aliisque terra defossis, putredinem arceat, estque cum primis notatu digna hîc historia, quam

nar-



narrat experimento 919. laudatus Verulamius: Belgas in nova zembla hibernantes, cum struendo foco lignum deficeret, ignem excitasse ex carbone fossili, qui ad manum erat, magno prius subsidio refocillandi; sed quod mox, ubi paululum assedissent, ipsorum incommodo vertebatur. Otto enim inter eos silentio & velut sermonis tædio, quendam infirmiore animi deliquium passum esse. Hærentibus aliis quid rei esset, aperta janua, cum aëri ingressum præbuisent, vitæ consuluisse.

*PHÆN. IX.* Inprimis vicissitudines frequentes tum caloris & frigoris, tum humiditatis & siccitatis, putredinem valde promovent, cujus testes habemus ædium ligneorum eas facies, quæ in occidentem conversæ sunt, ex qua plaga frequentior est humiditatis & siccitatis alternatio. Ex hac enim parte ligna omnium facillime putrescunt, cum ex parte septentrionali & orientali multo diutius durent. Solent etiam Architecti in fundandis pontibus subliciis, palos quosdam sub aquis in terram altissime defigere, ita quidem ut superne super aquæ superficiem nusquam emineant, & supra hos palos alios ultra aquam in aërem prominentes firmare, in hunc unice finem, ut, ubi pali superiores aëris injuria & frequentibus alterationibus temporis progressu computruerint, inferioribus ac demersis in multos annos porro duraturis, illos superiores ipsisque incumbentem structuram facilius & minore sumptu reparare liceat, quam si inferiores altissime defixos ingenti labore sumtuque una effodere, novosque in priorum locum defigere oporteret.

*PHÆN. X.* Et quamvis ipsa putrefactio in motu quodam consistat, nihil tamen est, quod eam magis impediat, quam motus & agitatio. Unde per frequentiores deambulationes hominum animaliumque, ipsorum sanguis à putredine & hinc orituris alias multis morbis præservatur. Unde medicorum prudentissimus Hippocrates, aërem pestis tempore putridum ingentibus incendiis purgavit, & à miasmatis pestiferis vehementer agitando liberavit, prout etiam hodiernum pestis ingruentis tempore, tormentorum explosionibus & pulveris pyrii frequentibus incendiis,



epidemii illius mali furores ex multa sæpe aëris quiete & tranquillitate, inter causas cæteras, pendentes, sistunt, aut penitus compescunt. Quod autem de aëris diurna quiete, tanquam causa vel occasione saltem pestiferæ nonnunquam ejus dispositionis, diximus, in eo anno sexagesimo proxime superioris sæculi confirmati fuimus publico pro cathedra asserto celeberrimi Philosophi ac Medici *Johannis de Ray*, quod cum anno 1655. pestis in Hollandia regnaret, fuisse aërem toto illo tempore adeo tranquillum, quam alias unquam fuisset observatus.

*PHÆN. XI.* Ad putrefactionem merito referimus cum *P. Fabri cariem & mucorem*; quorum hic in humidis tantum locum habet, illa in siccis, in pulverem tenuem tandem dissipandis, prout analogia quadam aquæ fortes metalla comminuunt, similiterque dens ab humore fere simili vi stygia pollente, (quam à bile esse credibile est.) cariem patitur. Reducitur etiam ad putrefactionem *ciborum digestio* in ventriculo, non solo certe calore (hic enim ossa nunquam liquaret, ut in canibus experientia docet) sed præsertim opera spiritus cujusdam resolutorii, quem recentiores Medici *liquorem gastricum* denominant; cujus analogiam quandam muriæ spiritus vel halitus suppeditat, ipsa etiam murorum saxa abrodens.

*PHÆN. XII.* *Deliquium* etiam putrefactionis genus quoddam facit laudatus Pater, cum sal commune, nitrum & similia, sal tartari, corallorum &c. deliquium patiuntur, h. e. ab aëre humido & frigido in liquorem solvuntur verb. grat. sal tartari intra cellam vinariam, æstate præsertim, repositum extensumque in lamina inclinata, cui vas subjacet, in liquorem pinguem, quem oleum tartari per deliquium vocant, solvitur, quin & illam solutionem, quæ fit per aquas fortes vel alios hujusmodi liquores, ad putrefactionem saltem imperfectam referri posse putat, eodemque adeo jure solutiones multorum quoque salium aqua pura vel frigida vel calida factæ. Qua quidem, opinione stante mirum adeo amplius esse non deberet, quod ab Aristotelicis mixtioni sola putrefactio (in tam laxo scilicet vocis significatu) fuerit opposita.

*PHÆN.*



*PHÆN. XII.* Inter putrefactionis quoque genera numerat etiam chymicis familiarem *fermentationem*, qua mixtum in vase probe obstructo contentum, calore externo resolvitur, vel balnei Mariæ vel balnei roris, sive halitus vaporosi, vel balnei sicci, ut vocant, vel fimi equini, cum aut sine calce, (in quo casu id potissimum observandum monet, ut vas illud, in quo materia continetur, sit probe obstructum, ne scilicet halitus fimi cum fæore penetrare possit) quibus caloris lenti ac diuturni applicandi diversis modis, fermentationes mirificas polliceri dicit & præstare chemicos, non quidem in auro vel argento faciendo, (quod multi frustra jactitent) sed in resolutionibus mirabilibus, liquationibus, tincturis, colorum mutationibus &c. expediendis.

*PHÆN. XIV.* Tandem huc revocat, ultra illam ciborum digestionem, cujus Phæn. XI. mentionem injecimus, etiam alias *digestiones*, tum illam, qua crasso modo fæces à liquore separantur, ut videre est in musto &c. tum illam, qua mixtum resolvitur in liquorem, ut videre est in chylo, tum denique illam, qua sensim rei perficitur coctio, prout vinum lente dicitur coqui, maturari, digeri, pariterque fructus innumerabilium generum. Hac enim digestionem, quæ longam temporis diuturnitatem desiderat, cruda coquuntur, amara dulcescunt, acria temperantur, maligna purgantur, crassa attenuantur &c. Cui operationi interni calor in materia digestionem destinata, succurrit etiam calor externus, famulantur varia vasa à chemicis descripta, annumerari denique debet illa chemicorum *circulatio*, qua vi caloris externi, materia in vaporem abit, sed quia hic ab obice vasis detinetur, vapor in liquorem concrevit, qui cum descendat, iterum exhalatur &c. quo modo spiritum vini in quintam ut ajunt, essentiam transire dicit.

*PHÆN. XV.* Multa hætenus enarratis potuissent hinc inde ex P. F. de Lanis lib. XVII. tom. III. magist. nat. & artis adjungi, é quibus notabiliora quædam adhuc annotabimus; 1) hoc quod in spontaneis præsertim contusorum putrefactionibus, ro-



farum e. g. aliorumque herbaceorum, vermiculi nascantur, ut nullum fere plantarum genus reperiatur, è quibus putrescentibus, aliqua animalculorum species determinata, pro diversitate plantarum, non generetur, in fructibus autem facilius nascantur & frequentius, quam ex trunco aut foliis, in floribus etiam herbarum frequentius quam in herbis ipsis: 2) in aceto quoque vermes generari solent, sed tunc solum cum vires ejus ob corruptionem imminui ceperint & aciditas mitigari. Sunt autem hi vermiculi non nisi microscopiorum ope conspicui, & tum satis longi anguillarumque speciem referentes & in ipso aceto nantes. 3) Inter liquores urina facillime putrescit; ros item, aquæ thermæ & minerales, alii vero liquores, ut oleum olivarum; vina generosiora, dummodo probe custodiantur, diutissime incorrupta servari possunt. Destillatus autem vini spiritus, imo & aqua fontana destillata, difficillime putrescit, modo in vitro omnino clauso custodiantur, testaturque laudatus Pater, se vidisse phialam hermetice clausam ac semiplenam aqua fontana destillata, adhuc incorrupta, quæ centum ante annis à celebri Mathematico *Christophoro Clavio* vitro illo fuerat inclusa. Sic acetum destillatum, aquæ fortes, spiritus nitri similesque salini, probe rectificati, oleaque chymicè extracta &c. putredinem non subeunt.

*PHÆN. XVI.* Plurima corpora dum putrescunt, gravem ingratum & sæpe foetidum odorem spargunt, urina præsertim, aquæ minerales ingratum & sulphureum, vinum quidem acescens non ingratum, vappescens autem & mucidum dolia lignea ingrato inbuit odore & pertinaci, in multos annos vix exuendi, nisi efficacissimis remediis. 2) Ipsa metalla omnia, præter aurum, purissimum illud quidem, longa ignis violentia corrumpuntur, id quod uncia auri & uncia argenti purissimi, in diversis crucibulis fornaci vitriariæ immixtis, & mensem integrum ibi relictis, constabit, dum aurum nullatenus imminutum, pars argenti vero, si non totum, in vitream cæruleam substantiam transmutata deprehendetur, nunquam iterum in argentum redu-



ducendam. 3) quod de contactu putridorum similia corpora inficiente supra diximus, manifestius confirmant, cæmeteria, quæ terra breviori multo tempore cadavera putredine absumit, quam alia, in qua nullum antea cadaver sepultum fuerat. 4) Partium sæpe modica discontinuatio putredinem inducit, ut in pomis perforatis aut dissectis, in lignis item & multo magis in carnibus animalium vulneratis vel contusis videre est. 5) Quod de balsamationibus supra dictum fuit, exemplo mumiarum ægyptiarum cum primis illustratur, quarum nonnullas ad annos termillenos incorruptas perstitisse ex historiis colligitur, ars autem cadavera sic incorrupta servandi in sequentibus consistebat: cerebrum è cranio eximebant, & ex ventre viscera omnia, quæ putrescentia proxima membra facile inficerent. Ita vero exenteratum cadaver balsamo condiebant, ac præterea involvebant linteaminibus gummate inbutis, & nostris telis, quas incertas vocamus, non absimilibus, tum sepulcro includebant tam arcte obsignato, ut nullatenus aëri aditus patere posset; hac ratione cadavera non modo à putredine præservabantur, sed obdurata lapideam pene naturam induebant.

*PHÆN. XVII.* Claudat agmen horum phænomenorum de putrefactione (de præcipitatione enim, & si quid restat aliarum solutionum, sequenti capite separatim agemus, quando in præsentia jam satis argumenti suppetit, in cuius causas inquiramus) observatus in eo casu ordo & processus naturæ in eo consummatæ putrefactionis casu, quo corruptum plene corpus in ficcum tandem pulverem abit. *Primo* enim calore nativo exhalante, humores corporis paulatim incipiunt abundare, ut in cadaveribus animalium, ac præcipue humanis, non solum, sed etiam in pomis aliisque fructibus succulentioribus observare. Statim enim ac vitalis calor in homine moribundo, primum ex arteriis & venulis capillaribus extremitatum, deinceps ex reliquis amplioribus vasis successive expiravit, incipiunt humores, jam dominantes, ex omnibus poris, vasis & angulis colligi & spiritualescendo seu fermentando, instar musti vel cerevisiæ recen-



tis quasi ebullire, & in succiplenis præcipue corporibus, tandem per os exundare, quod vulgo vocant *das übergehen oder überlauffen*. *Secundo* sequitur humorum ita fermentando magis magisque corruptorum foetor putridus ex toto corpore undique copiose exhalans; ob quem foetorem non ingratum solum odoratui aliorum, sed & sanitati noxium, vel comburendi, vel sepeliendi cadavera mos apud diversos populos obtinuit. Ita vero *tertio* vel comburendo omni humore subito, vel exhalando lentissime multorum annorum decursu, consumto & exhausto, cinis tandem & pulvis restant juxta illud tritum: *Pulvis es & in pulverem iterum reverteris*. Quod equidem communis experientia testatur, etsi meis oculis nunquam oblata, in sepulcris fornicatis, templorum præcipue, loco sicco adeo ac penitus tranquillo reposita suis capulis humana cadavera, post multum temporis reperiri figura membrorum quasi integra & continua, quæ contacta tamen aut flatu commota, instar cineris aut pulveris dissipantur. Sic Alexandri magni cadaver à Cæsare Augusto, ut narrat Plutarchus, integrum quidem inventum; sed cum illius nasus leviter tangeretur, totum in pulverem concidit, quamvis balsamo præstantissimo conditum. Verum linteis minime involutum fuisse, ut in Mumiiis Ægypti alias consuetum, conjicit P. Franc. de Lanis, aut fortasse sepulchrum ita bene clausum non fuisse ut aër omnis arceatur.

## II. HYPOTHESES PRIMÆ

De  
principiis vel elementis chymicorum.

### I.

**F**atetur equidem *Hamelius* alleg. I. Physicam ex chymicorum laboribus & experimentis magna incrementa cepisse: Hinc multas artes ad usum vitæ perutiles manasse: Hinc etiam corporum proprietates & vires magna ex parte cognitasse.



se. Sed tamen vix adduci se posse, inquit, ut credat, his principiis philosophum contentum esse oportere, aut ea rebus explicandis sufficere. Itaque quid iis deesse videatur? quidve in hoc philosophandi genere reprehendendum? simul quid utile, quid vero proximum? tribus distinctis conclusionibus breviter aperire conatur.

II. In prima conclusione docet: *Chymicorum principia, non prima, sed ad summum secundaria principia dici posse*; idque sic probat: illa esse prima principia, aut miscibilia vel elementa, in quæ mixta corpora per extremam & ultimam analysin resolvuntur. Principia vero chymicorum, ut forte per primam & magis obviam analysin prodeant, posse tamen in partes simpliciores adhuc dissolvi, ita ut spiritus vini inflammabilis, similesque ardentes alii, in aquam & salem volatilem tandem resolvantur; multis experimentis & rationibus rem eam demonstrante viro doctissimo *Dn du Clos*. Nec ita pridem in Academia regia 10. uncias olei crassissimi ac foetidi ex varii plantis extracti, per crebras distillationes sic fuisse rectificatas, ut æqualis semper aquæ communis portio adderetur: per 24. itaque iteratas distillationes, aquam multo sale volatili imprægnatam semper fuisse exstillatam, magnam item terræ portionem educatam; adeo ut duæ tantum uncia, aut circiter, olei magis diluti ex 10. unciis superfuerint: quod oleum ulterius rectificatum seu destillatum potuisset in phlegma, salem volatilem & terram adhuc resolveri; adeo ut nec spiritus vini ardens, nec oleum ipsum, aut sulphur, inter prima rerum principia numerari possint, sed pro secundariis quibusdam concretionibus, ex aliis simplicioribus adhuc pendentibus habendæ sint. Imo ne illud quidem credit, sales è cineribus extractos adeo esse simplices, ut ex simplicioribus non prodierint. Et sane, si consideret pisces marinos, qui magna ex parte ex aqua salsa nutriuntur, nihil salis præ se ferre; contra homines ac terrestres animantes, quæ rebus salis plerumque non vescuntur, urinas & sudores, interdum & pituitam adeo salis egerere; multum in eam se sententiam propendere dicit, salem ipsum non esse primum miscibile, aut primam esse & indissolubilem atomorum concretionem, sed secundariam duntaxat, quæque ex textura mechanica omnino pendear.



III. Probat ulterius hanc suam conclusionem ex eo, quod tanta sit in iis vocibus salis, sulphuris & mercurii ambiguitas, tanta homonymia, ut res his vocibus subjectæ vix designari, aut principiorum loco, ex quibus ducantur rerum qualitates, haberi possint. Non solum enim Chymicos, quid mercurii v. g. quid sulphuris nomine intelligant, inter se dissentire, sed nec eundem authorem sæpe secum ipso consentire. Sic mercurii, aut spiritus nomine, non argentum vivum (quod materiam metallorum esse putant) sed liquores quosdam exstillatos donant, sive sint acidi & penetrantes, ut spiritus vitrioli aut spiritus salis, sive sint inflammabiles, ut spiritus vini. Hinc sulphuris nomine interdum corpus illud foetidum ac notissimum; interdum olea, quæ ex plantis per distillationem exeunt, confusa admodum voce eos designare. Jam quantum esse inter illos pugnam, utrum liquor ille inflammabilis ac tenuis, qui ex vino exstillatur, mercurii nomine dignandus sit, an sit pars sulphuris purior? adeo ut sola partium textura non essentia & specie, à sulphure, vel ab oleo vini differat, cum eadem sint utriusque affectiones, iisque calor, motus celeritas, & præceps volatilitas, juxta convenient, cum ambo æque sint igni pabulo; adeo ut spiritus nihil sit, nisi pars olei subtilior. Imo nihil probabilius esse, quam tria illa principia sola partium textura (uti paulo ante dictum, inter se differre, nec oleum à spiritu dissidere, nisi quod longa fermentatione partes olei sint concisæ, ac forte minutioribus ramulis instructæ, minus adhæreant corporibus, & facilius avolent; hoc præsertim argumento, quod ex plantis & succis ante fermentationem multum olei, nihil aut perparum spiritus, post fermentationem parum olei, multum spiritus eliciatur. Quæ in contrarium excipi à Chymicis possint, paulo post adducit & confutat; à nobis tamem ne nimis longi simus, hac vice prætermittenda.

IV. In secunda conclusione hoc demonstrare conatur: *Principia chymicorum non esse actu inmixtis, ea forma, numero, statu, in quo separata postea conspiciuntur; sed ignem magna ex parte ea procreare.* Probat hoc ex eo, quod partes mixti corporis, vi ignis, mutuo attritu collidi, figuramque ac texturam mutari oporteat, ut eadem forma se non prodant, quam habuerunt in mixto corpore. Hinc fieri, ut non tria tantum aut quinque, sed innumerabilia pene principia emergant. Quantam enim in sali-  
bus



ibus ipsis esse varietatem? Alios esse fixos, alios volatiles; alios vi caustica & urente donari, uti sal fraxini; alios non item: nec eundem salem ex metallis, eundem ex plantis elici. Quantam item in sulphure ipso diversitatem? Aliud esse purum ac tenue, quod aquæ innatet; aliud crassum, nigrum, & bitumini simile, quod magna vi ignis extractum aquæ immergitur. Quantam porro spirituum varietatem? alios esse inflammabiles, ut spiritus vini; alios tenues & acidulos, ut in citris & pomis aurantiis; alios acidissimos, ut spiritus vitrioli, nitri, & salium pene omnium: nec probabile esse in sale aut nitro spiritum adeo acidum inveniri, sed credibilius ejus partes ignis vi eam figuram adipisci, qua secare & penetrare facile possint.

V. Non ita vi ignis resolvi corpora, ut ex iis prima elementa prodeant, hinc etiam colligere licere, porro infert, quod, ut calor intensior est, aut remissior diversi prodeant liquores aut sales. Sic lignum occluso vase destillatum nec cineres dare, nec fuliginem, atque ex ipsa fuligine & sal volatile, & spiritum penetrantem, & oleum prodire: quæ plurimum diffideant ab iis, quæ vasis occlusis eliciuntur à planta vel ligno. Itaque ignem non solum dividere ac resolvere corpora, sed variis ea modis miscere & componere. Sic vitrum è cineribus confici, idque vix dissolvi posse; imo id prorsus insipidum esse, tametsi ex sale, ut vocant, alcali, seu extracto è cineribus & acerrimo constat. Urget ulterius, nec spiritus, qui è variis corporibus eliciuntur, ut spiritus nitri, & fuliginis aut sanguinis, nec sales ipsos, nec olea demum inter se convenire. Imo spiritum nitri v. g. & spiritum cornu cervi simul mixtos tumultuari; neque credibile esse, quod jam innuerit, spiritum inflammabilem actu multo inesse ante fermentationem, cum elici non possit, uti nec acetum actu in vino est; sed eum partium contextum illa vi caloris acquirere, quo linguam penetrant & pungunt. Ex quibus & similibus aliis tandem infert: *Viderint ergo chymici, quantum augendus sit principiorum numerus, si vere principia dici possint?*

VI. In conclusione tertia, *Principia chymicorum ex mechanicis duci*, asserit, & *ad ea omnia revocanda esse*; id quod ex præcedentibus ita colligit: Quoniam principia prima neque sunt omnium prima, neque actu in mixtis ea forma, quam separata exhibent; ideo jure concludi, nihil ea esse præter certas corpusculorum concretiones, easque secundarias, quæ tum à corpusculo-



rum textura tum etiam ab ignis vi & agitatione pendent. Hinc summam in ideis, quas his vocibus aptare volumus, obscuritatem oriri & confusionem: adeo ut vix explicare possimus, quid salis, quid sulphuris, quid mercurii nomine intelligamus. Quod enim salem vocant corpus firmum, & concretum in aqua exsolubile; tot esse ejusmodi corpora, ut salem marinum, salem fossilem, vitriolum, nitrum, alumen, sales è cineribus abstracto, & fixos, quos vocant alcali, sales volatiles, in quibus mixtorum essentia & vires delitescant: ut vix eodem genere comprehendi possint, ac semper inquirendum restet cur ea corpora in aqua resolvantur, non item terra? Eandem esse sulphuris rationem, quo nomine vocant id omne, quod est inflammabile. Sed eo semper redire quaestionem unde id habeat, quod flammam concipiat. De mercurio autem tantum esse inter eos controversiam, ut sedari non possit. Quid enim commune esse inter mercurium seu argentum vivum, & spiritus tenues aut penetrantes? sive sint acidi, sive acres; sive macri, ut ajunt, & famelici, quales sunt in succis acidulis; sive pingues & oleosi &c.

VII. Principia chymica ad certum numerum & summa velut genera facilius reduci posse, si in iis communes tantum & mechanicas affectiones spectemus; & primam analysin, quæ magis sit obvia, uberius & dilucidius ab eximio chymico, quem supra (num. II. forte) laudaverit, hoc modo explicari: Mixta corpora, & plantas potissimum (vix enim è metallis aut lapidibus tantam partium & liquorum varietatem elici) in partes aut liquidas aut solidas resolvi. Quæ liquidæ exeunt, cum inflammari nequeunt, vel esse insipidas, quæ phlegmatis nomine donentur; vel sapidas existere, sive acres, quæ sulphurei spiritus; sive sint acidæ quæ spiritus mercuriales appellentur. Sulphureum porro vel acrem liquorem sale volatili & quasi urinoso aut armoniaco imprægnari; unde solutionem sublimati turbet ac præcipitet eamque lactis colore induat, non item liquorem seu spiritum acidum, qui succum heliotropii cæruleum rubro colore tingat. Partes vero inflammabiles vel aquosas esse; tumque ardentes spiritus; vel oleosas, sive aquæ innatent, sive præ gravitate deprimantur: Has quidem ballama nominari, illas innatantes autem vel subtiliores esse & spiritus oleosos dici vel crassiores, qui commune olei nomen retineant. Ulterius, quæ ex analysi occurrunt partes solidiores, vel in aqua exsolvi



solvi & sales appellari; sive ii sint fixi, sive volatiles. Fixos esse vel lixiviales, cujusmodi sint sal tartari & ii fere omnes, qui ex cineribus eliciuntur; vel salini, (de quibus prolixius agit phys. part. II. Tract. III. cap. 11. p. edit Norimb. 475.) Salem lixiviale, uti jam supra innuerat, solutionem sublimati mercurii, quæ instar aquæ clara sit & limpida, subrubro colore inficere ac turbare. Tandem partes solidiores, quæ in aqua non dissolvuntur, terræ vel capitis mortui nomen accipere. Sic explicatam corporum analysin, magnam Philosophiæ naturali lucem afferre posse, denique concludit: cum vulgata chymicorum principia obscuras tantum, confusas & male sibi cohærentes notiones ingenerent.

VIII. Multam lucem hæc superius dicta accipere possunt ex *B. Boyle* chymista sceptico, cujus adeo præcipua contenta, per diffusam & prolixam Dialogorum, urbinæ elegantiss undique refertam formam reperiunda, in compendium hic contraham. Cum itaque sub initium primi dialogi, sub nomine collocutoris *Themistii*, tritissimum illud Aristotelicorum argumentum vel experimentum p. m. 18. ed. Roterod. proposuisset, quo quaternarium suorum elementorum numerum demonstrare satagebant, considerare scilicet jubentes viridis ligni frustum in camino ardens, in cujus quippe dissociatis partibus protinus dignoscere detur quatuor elementa: Ignem scilicet in flamma sua ipsius luce se detegentem; fumum ad camini fastigium elatum ibique cito in aërem evanescentem; aquam in sua ipsius forma adurentis ligni extremitates cum sibilo ebullientem; Cineres denique pondere, fixitate & ariditate sua, omni dubio procul elemento terræ se vendicantes; quo eodem etiam aut simili argumento, Chymistæ recentiores ternarium suorum Principiorum hypostaticorum numerum comprobare audebant &c. postea sub persona alterius collocutoris, *Carneadis*. p. 23. sub fin. (1) obiter ostendit, Aristotelicorum & chymicorum allegatas analyses ostendere potius ea, quæ vocant elementa vel principia, ex mixtis fieri, quam corpora mixta ex elementis vel principiis hypostaticis. Cum vero *Philoponus* collocutor tertius, chymicorum partes defensurus, prompte excepisset, non posse separari illud in re aliqua, quod in ea non extiterit, idque exemplo mixturæ ex auro & plumbo factæ, & postmodum violentia ignis in aurum iterum & plumbum dissociatæ, confirmasset; *Carneades*, admissurum se aliquem argumenti valorem



dicit, si, quemadmodum separatores capere prius & plumbum & aurum ad conflandam dictam mixturam videmus; ita naturam conspiceremus ignis particulam ex ejus sphaera suprema avellere ac certæ trium cæterorum elementorum quantitati miscere; ac præterea probandum prius esse, quod ignis sejungat duntaxat ingredientia elementaria, non vero ullo alio modo ea alterare: prout certe in exemplo Philoponi purum quidem aurum, quod admixtum fuerat, ab igne iterum separatum fuerit, loco plumbi vero puri lithargyrum, quod plumbum quidem sit, sed tale, quod consistentia aliisque qualitatibus ab eo, quod ante, fuerat discrepet.

IX. Esse nempe rationes asserit laudatus *Carneades*, p. 49. quæ (2) proclivem se faciant ad dubitandum, *sine ignis verus & universalis analysta corporum mixtorum? & quisnam ignis gradus vel modus debeat elementorum numerum determinare?* cum primo notetur, *Guaicacum* e. g. igne aperto in camino ustum incineres & fuliginem dispelci; idem vero lignum in retorta destillatum, alias longe heterogeneous substantias largiri, oleum puta, spiritum, acetum, aquam & carbones; qui postremi, ut in cineres redigantur, ulteriorem calcinationem postulent. Similiterque caphuram & plura alia corpora reperiri, ex quibus calor in vasis clausis separare non soleat ullas substantias heterogeneous (velut in aperto igne fieri solet); sed partes duntaxat comminuere, ita ut posterius ascendentes homogeneæ sint cum præcedentibus, sed in particulas minores subdivisæ: Sulphur autem vulgare semel iterumque sublimatum, moderato igni in vasis sublimatoriis expositum, totum in siccos & pene insipidos flores abire; cum igni aperto commissum, salini & corrodentis liquoris copiam suppeditet. Sic varios quoque ignis gradus diversos ex mixtis effectus elicere pluribus exemplis docet, inter quæ hoc fere postremum: quod in analysi vegetabilis alicujus multo sale fixo abundantis, per ignem apertum instituta, uti unus caloris gradus illud rediget in cineres ita (chymicis ipsis nos docentibus) ulteriori ignis gradu cineres isti in vitrum reduci queant. *Secundo* hoc etiam observandum inculcat, esse quædam corpora mixta, unde necdum fuerit ostensum, ullum ignis gradum vel sal, vel sulphur, vel mercurium, multo minus hæc omnia tria posse separare; cujus veritatis obvium documentum aurum allegat, & post hoc etiam mercurium vulgo sic dictum sive argentum vivum, ex quo sal & sulphur se extraxisse, fiden.



fidenter afferentibus quibusdam jactatoribus, alii candidiores & sagaciores chymici id aperte negaverint, imo facto ipso ostenderint larvatum illum salem & sulphur ex mercurio prolicitum, in volucris suis spoliata, in pristina fluentis mercurii forma exhiberi posse.

X. Illud porro in ulteriorem dictorum confirmationem urget Carneades : *quod varia fieri separationes in mixtis contentorum possint aliis modis, qui vel nullo, vel non tam commode institui solo igne queant.* Cujus asserti experimenta non solum sublimiora è Chymia, sed etiam (posteaquam ignem verum corporum analystam probatur ad definitionem caloris aristotelicam provocassent, qua *congregare homogenea & heterogenea segregare* dicitur) vulgare illud quoque de frigore, (quod aliàs eodem autore definiente, *congregare* promiscue *tam homogenea quam heterogenea* dicitur) separationem potius partium heterogenearum in congeleta Belgarum cerevisia faciente, inculcat, in qua separatione aquæ congelatæ ab interioribus non congelatis crassioribus quasi fæcibus, in his posterioribus tantum roboris offendebatur, ut ob nimias vires bibi impermixta negaret, sed liquefactam prius exteriorem glaciale crustam, cum istis permiscere oporteret. Et hæc ex proluxa chymistæ sceptici prima consideratione vel prima parte huc allegasse sufficiat.

XI. In secunda consideratione p. 92. & seqq. *non adeo indubium esse nunc (3) directius dicit, quamlibet apparenter similem distinctamve substantiam à corpore aliquo, ignis ope separatam, in ipso, seu principium, elementumve ejus præextitisse;* non qui ulla substantia ex ullo corpore separari posse credatur, quæ quoad materiam saltem suam inibi non præextiterit, sed quod separata illa sub ea forma, qua prodeunt, ipsius mixti ingredientia fuisse non sequatur : ut adeo possibile sit chymicos seipsos & alios fallere, dum audacter & universaliter concludunt, illas substantias esse corporum ingredientia elementaria mere separatæ ignis adminiculo. Hujus asserti rationem ab iis experimentis propriis petebat, quibus terræ quantitas effossa, & in fornace penitus exsiccata deinde accurate ponderata, ollæ fictili æqualis scilicet superne & inferne amplitudinis indito, huicque terræ selectum quoddam peponis Indici semen, tanquam celeriora incrementa habiturum (in similibus aliis experimentis semen nicotianæ



grandioris, semina menthæ crispæ, majorani dulcis, melissæ, puegii &c. fuerant adhibita) eo quidem in his omnibus eventu, ut, cum adultæ hæ plantæ, nunc ad maiorem, nunc ad minorem molem, interea vero non nisi aqua vel pluvia vel fontana nutritæ tempore arbitrario evellerentur & solcite ponderarentur, terra quoque in vase fictili probe iterum exsiccata iterumque ponderata &c. constaret in plantarum istarum incrementa parum aut nihil terræ, sed ex aqua sola omne provenisse. Quorum vegetabilium sola aqua nutritorum unum, cum in justam quantitatem adolevisset, distillari in parva retorta, experiundi ergo curabat, indeque aliquid phlegmatis, parum empyreumatici spiritus, tantillum adusti olei, caputque mortuum, obtinebat: Quæ quidem effecta potius ignis solventis varia, quam mixtæ plantæ prima & elementaria ingredientia censerī debent; utpote ex aqua sola sub sua quæque forma in mixtum transire formaliter haut valentia: ut simillimum hisce, sed grandius experimentum Helmontianum per annos quinque continuatum, (quod p. 101. commemorat) nunc silentio prætereamus.

XII. Ita vero hoc evictō, quod possibile sit, istiusmodi substantias, quales illæ sunt, quas chymici *tria prima* nuncupare solent, de novo ex aqua produci posse, proxime sibi incumbere dicit Carneades, ut (4) probabile reddere annitatur; *Ignis operationem actu (interdum) non tantum composita corpora in pusillas partes dividere, sed istas partes novum in modum componere;* unde proinde (cum nihil nobis contrarium suadeat,) salinæ ac sulphuræ substantiæ, æque ac aliarum texturarum corpora possint emergere. Cui rei probandæ inter plura alia hoc etiam exemplum adducit, quod à multis vegetabilibus, sine ullo additamento, vitrum secundum ipsos chymicos impetrari posse, corpus, quod in ipsis præextitisse nemo dixerit, sed ignis ope fuisse productum. Progressus inde Carneades ad considerationem generalem tertiam, p. 149. *Non liquere (5) ostendit ternarium esse præcise & universaliter distinctarum substantiarum elementorumve numerum, in quæ mixta corpora per ignem possint resolvi* (uti quidem audaciores chymici adeo confidenter asserunt, ut etiam ex viris eruditis aliquos decipiant, artifices in sua arte credendum esse putantes), h. e. non esse à chymicis probatum, omnia corpora composita, quæ concedantur perfectè mixta, in chymica eorum analysi, singula in



„intres præcise distinctas substantias esse divisibilia, nec plures, nec pauciores, quæ spectari soleant ut elementares, vel tales eodem jure reputari possint, quam quæ tales reputantur. Idque *primum* theoretice ex eo conjicit, quod, cum elementa primitus consistere merito reputentur, ex pusillis & primariis minutarum materiæ partium, non absurdum sit concipere, primarias ejusmodi congeries plurium multo esse generum posse quam trium vel quinque, indeque, si notabilem differentium elementorum numerum admittamus, valde possibile videri, ad constitutionem unius generis mixtorum duo genera elementarium posse sufficere (exemplo vitri, adeo durabilis concreti) alium ordinem mixtorum componi posse ex tribus elementis, alium ex quatuor, alium ex quinque, alium forte ex multo pluribus: adeo ut quædam concreta ex paucioribus, quædam ex pluribus elementis constent, Quinimo impossibile non videri secundum hæc principia, duo esse posse mixtorum genera, quorum unum non contineat ullum ex omnibus iisdem elementis, ex quibus constat alterum; uti sæpe in duobus patet vocabulis, quorum alterum nullam plane contineat earum literarum, quæ occurrant in altero; vel in duobus electuariis &c. &c.

XIII. *Deinde* vero ut experimentis ipsis hæc suas conjecturas confirmet, lubentem se visurum, inquit, fixum illud & nobile metallum, quod aurum appellamus, in sal sulphur & mercurium separari; imo se certo pretio, si cui lubeat, de ea re certaturum: Et, si maxime chymice quiddam elici possit, quod chymici tincturam aut sulphur ejus appellant; vel verum inde fluidumque mercurium extorqueri possibile ponatur; saltem, quod auri sal attinet, id neque unquam sibi conspiciere datum, nec ex autoptæ cujusdam testimonio cognoscere, tale quid unquam separatum in rerum natura fuisse. Lubentem quoque tria illa principia separata visurum à pura arena virginea, quam vocant; ab osteocolla; ab expurgato argento; ab argento vino ab ascititio ejus sulphure liberato; à talco veneto & ab aliis aliquot corporibus. Quia in re Helmontium, & Quercetanium (chymicos egregios) sibi consentientes, sed & recentiorum Regis Angliæ chymicum libere confidentem allegat, *se nunquam verum mercurium ab ullo metallo separasse, neque unquam id revera à quoquam factum vidisse.* Quemadmodum autem hætenus evicerat, corpora quædam esse, quæ



quæ ne quidem tria principia largiantur; ita *multa esse alia dicit, quæ in analysi sua plura tribus principia exhibeant.* Dubitat deinceps, annon possit ex uvis, diversimode versatis, plures distinctæ substantiæ, ignis ope elici, quam ex majori numero aliorum corporum mixtorum? Etenim uvæ ipsæ, in uvas passas exsiccatae distillatæque, largiuntur (præter alcali, phlegma, & terram) insignem empyreumatici olei copiam, spiritumque à spiritu vini valde discrepantem: Uvarum quoque succus, fermentationem non passus, alios liquores destillatos suppeditat, quam vinum: succus uvarum fermentatus spiritum ardentem exhibet, qui satis rectificatus totus flamma sic absumatur, ut plane nihil post se relinquat: Idem succus fermentatus in acetum degenerans, largitur spiritum acidum & corrodentem: idem succus convasatus seipsum tartaro stipat; ex quo uti ex aliis corporibus, phlegma, spiritus, oleum, sal & terra possunt separari &c. ut, quod corpus est peculiare, cui pauca in universo similia reperiantur. Et cum chymici, præter sua tria hypostatica in plurimis corporibus, etiam phlegma & terram reperiant, sed ea, tanquam inutilia & inertia negligant; ostendit Carneades, p. 168. hanc rationem non sufficere ad ea ex numero principiorum eliminanda, cum æque, ac reliqua ad mixtorum constitutionem concurrant; & elementa cum ita vocentur, quod corpora mixta constituent; rem quamlibet sub ratione qua ingreditur corpora, non qua est usui, affirmari vel negari debere elementum: ut taceamus facile etiam ostendi posse, injuste à chymicis inter inutilia elementa terram & phlegma abjici.

XIV. Posthæc pergit Carneades, in quarta sua consideratione, expendere substantiarum à corporibus mixtis separabilium naturas ostensurus (6) *quod licet ille videantur corpora homogenea, non tamen ea esse puritate ac simplicitate prædita, quæ requisitum est elementorum.* Quod antequam ipso facto probet, multum invehitur in iniquam illam chymicorum licentiam, quam sibi sumunt cum nominibus salis, sulphuris & mercurii ludendi: qua de re Hamelius quoque jam supra num. III. conquestus fuit. Deinceps autem probaturus, quod proposuerat, id primum urget, quod non solum rationi credibile sit ignis spicula subtilissima, solidissima & maxime compacta ipsum quoque vitrum permeare valentia, magnum numerum horum associare se posse cum



cum mixti corporis in quod aperto Marte agunt, partibus, cumque  
 his nova compositorum genera constituere; sed exemplum etiam  
 manifestum in calce viva habeamus. Deinde pag. 192. ad exem-  
 pla quædam pag. 117. suggesta provocat, in sapone v. gr. ex oleo vel  
 pinguedine, & sale cum aqua diligenter simul incorporatis; in sale  
 armoniaco cum calce viva commisto; in vitriolo etiam nativo;  
 quæ omnia & singula igni gradatim intenso commissa, non separent  
 ea ex quibus prius vel artis ope, vel naturæ opera commissa fue-  
 rant, sed alia discrepantis, nec tamen elementaris, naturæ; in sa-  
 pone v. g. inprimis oleum admodum acre & foetidum, ab eo val-  
 de diversum, quod ad conficiendum saponem adhibebatur: in mi-  
 stura calcis vivæ & salis armoniaci, non hæc ipsa ingredientia, sed  
 horum loco spiritum sale armoniaco multo fugaciorem, penetran-  
 tiorem & putidiorem: Vitriolum autem esse corpus manifesto de-  
 compositum qualia in animalium & vegetabilium generibus in-  
 numera reperiuntur procul dubio, quæque adeo non in elementa  
 statim sed in mixta, & hæc iterum sæpe in alia mixta priora resol-  
 vantur. Subjungit porro novum, idque percuriosum, ut ait, expe-  
 rimentum, quo commune oleum vitrioli cum communi oleo  
 therebinthinæ (tanquam simplices & elementares liquores ex men-  
 te chymicorum) æquali quantitate commiscuit, & hanc mixtu-  
 ram in parva retorta vitrea distillavit; quo facto (præter duos li-  
 quores, quos immiserat) obtinuit notabilem certæ alicujus substan-  
 tiæ quantitatem, quæ circa retortæ collum hærens, se ipsam sul-  
 phur prodebat, non modo forti odore sulphureo, sed quæ carboni  
 imposita communis sulphuris ad instar urebat &c. Ita cum lignum in  
 camino ustum in fumum & cineres ab igne dissipatur, fumus ille fu-  
 liginem componit, quæ tantum abest ut unum sit ex ligni princi-  
 piis, ut ulteriori analysi quinque vel sex distinctas substantias ex ea  
 possis separare; quodque cineres restantes spectat, chymicos ipsos  
 nos docere, inquit, eos ulteriori ignis gradu in vitrum indissolubi-  
 liter posse uniri: Ut taceam cætera fere innumera, præsentî conclu-  
 so inservitura.

XV. Posteaquam igitur ea, quæ, quatuor his consideratio-  
 nibus suis prolixissime docere instituerat, in partis quintæ princi-  
 pio, p. m. 268. in epitomen quandam synopticam rede gisset;  
 quod nimirum (I) merito dubitaverit, sitne ignis, uti chymici  
 supponunt, genuinum & universale resolvens mixtorum corpo-



rum ? (II) utrum omnes distinctæ substantiæ, quæ ex mixto corpore, ignis beneficio, obtineri queunt, ibi sub iisdem formis, sub quibus inde separabantur, præextiterint ? (III) Licet largiretur, distinctas illas substantias, mixtorum prima & componentia fuisse, cum tamen idem numerus ejusmodi substantiarum in omnibus mixtorum solutionibus non appareat ; dubium esse, annon quædam eorum in plures quam tres differentes substantias, alia vero ne quidem in tres tales possint resolvi ? Denique (IV) satis constituisse, illas ipsas substantias ita separatas non esse corpora pura & elementaria, sed nova genera mixtorum : ex his vero porro intulisset, experimenta (forte & argumenta) à Chymicis allegari solita ad probandum, tria ipsorum principia hypostatica adæquate omnia mixta corpora componere, non esse adeo demonstrativa, ut virum circumspectum ad acquiescendum in eorum doctrina adigant ; incipit deinceps graviter invehiri in quorundam chymicorum stultam jactantiam, qui summis sectam suam laudibus evehentes, tanquam Philosophiæ novæ inventricem, cum *Helmontio* suo seipsum titulo *Philosophorum per ignem* decorare inepte sustineant, imo solis sectæ suæ addictis vindicare stultissime dictum PHILOSOPHORUM titulum.

XVI. Sed eheu ! pergit, quam angusti sunt hujus Philosophiæ termini ! quæ ad quædam duntaxat istorum compositorum corporum pertingunt, quæ tantum super globo nostro terraqueo, vel in cortice superficieve ejus reperiuntur, qui ipse non nisi punctum est immenso universo comparatus, de cujus reliquis ingentioribusque partibus doctrina *triū primorum* nullam omnino nobis rationem reddat. Quid enim ea nos doceat vel de natura solis, terra 140. aut 160. vicibus secundum vetustiores astronomos (vel secundum modernum Ricciolum 38000) majore : vel de natura fixarum tanto numero stellarum ? Quidnam scire nostrum, quod sal, sulphur & mercurius mixtorum corporum sint principia, nos doceat, de immensæ illius fluidæ, & æthereæ substantiæ natura ? Et cum de ipsis mixtis non nisi valde imperfectas reddat rationes, quam examinamus, hypothesis, quam quæso rationem aperiet, quare magnes acum ad se trahat eamque polos versus disponat. Quomodo nos docebit hæc hypothesis, quo pacto pullus gallinaceus formetur in ove ? vel quomodo semina- lia principia menthæ, peponum, aliorumque vegetabilium, aquam  
in



in varias plantas possint effigiari &c. &c. Quin imo, non dicam omnes abstrusas proprietates corporum mixtorum, sed ne familiarissimas quidem, ut sunt fluiditas, firmitas, colores, figuræ mineralium &c. nutritio plantarum & animalium, ponderositas auri &c. per hæc tria principia declarari posse: ut chymicos non sine causa doctrinam de quatuor elementis Aristotelicis ineptitudinis accusare corporum proprietates explicandi, largiendum videatur, sed ita, ut ipsos quoque, æque ac peripateticos, ad feraciora & magis comprehensiva principia, quam sunt ipsorum *tria prima*, recurrere necessum judicemus. Nam ut exempli loco colorem tantum attingamus, tam obviam & familiarem qualitatem, (ex qua deinceps de abstrusioribus judicare liceat) de hac nec ullatenus inter seipso consentire chymicos adnotat *Carneades* nec in ullum ex quolibet trium dogmatum se incidisse dicit, qui eam perspicue explicet. *Vulgus chymicorum* colores adscribere solere *mercurio*; *Paracelsum* in diversis locis eos *sali* attribuere; ac *Sennertum*, recitatis diversis eorum opinionibus, ab utrisque dissentire, coloresque potius ad *sulphur* referre, &c. &c.

XVII. Denique in appendice paradoxa seu parte sexta chymistæ sceptici, pressus ab *Eleutherio Carneades*, invitatus quodammodo ad paradoxum tam grave tamque invidiosum asserendum progreditur: Fortasse plane necessum non esse, ulla vel elementa vel principia hypostatica admittere? h. e. primitiva quædam & simplicia, sive omnino mistionis expertia corpora, statuere sive quatuor numero, sive tria, sive quinque, ex quibus tanquam ingredientibus, ea quæ dicuntur corpora perfecte mixta immediate componantur, & in quæ ultimo resolvantur? Ad paradoxum igitur suum firmandum 1) in memoriam revocat, quæ dudum de peponum, menthæ, aliorumque vegetabilium ex aqua limpida succretione memoraverat; ex quibus experimentis evidens sit, aquam in omnia elementa reliqua posse transmutari, aut potius naturam contexere posse plantam (corpus perfecte-mixtum) absque prævia tamen sibi facta oblatione omnium elementorum ad eam componendam. Imo si talis planta computruisset, sine dubio ex ea vermes aliaque insecta nascitura fuisse, sicut ex aliis ejusdem generis: cum denique complura brutorum genera, quæ non nisi gramine (aqua larvata) vescantur, grandes in renibus &



vesicis suis calculos generent; concreta quoque quædam naturæ mineralis ex aqua similiter produci posse. 2) Multos homines & animalia inde ab utero succis è corpore matris nutrita, deinceps extra uterum lacte, postea carne, piscibus, vino &c. aliisque corporibus perfecte-mixtis adolevisse &c. adeo ut parum sit necesse, etiam in mixturis, quas natura in animalibus & vegetabilibus conflât, ipsam præsto habere pura elementa, unde compositionem instituat. Et cum (3) lapides in specubus stillantibus, ex aqueis guttis delabentibus concrefcere certum sit; adamantes etiam in India orientali, nec non metalla & mineralia, exhaustis alicubi venis, post paucorum aut plurium annorum intervalla, in iisdem venis renasci, fide dignorum testimoniis „(quæ multa adducuntur) constet; inde similiter infert, non esse adeo probabile, quod, quotiescunque minerale aliquod, vel „etiam metallum, in visceribus terræ debet generari, opus sit, „naturam præsto habere & sulphur, & mercurium, ad id inde „componendum, &c.

XVIII, P *Fabri* Prop. XL. Lib. I. Tractat. VI. n. 2. de tribus chymicorum principiis ita philosophatur, ut 1) in sale portionem terrestrem contineri dicat; in sulphure igneam, in mercurio aqueam; de aërea vero mentionem nullam fieri, quod aër purus in mixto tantum esse videatur, ut pororum cavitates ad vitandum vacuum impleat; proinde, cum in ipsa resolutione non appareat vel aër vel aëris signum, ex iis autem corpora consent, in quæ resolvuntur; certe non sine ratione dictum esse, ex tribus tantum constare illa mixta, quæ resolutioni chymicæ subjacent. 2) tria hæc Chymicorum principia non simplicia esse, sed mixta asserat, cum ulterius resolvi possint; non elementa propriè dici posse, sed elementorum signa & vestigia &c. Et sulphur quidem, quod ex vino educitur, diversum esse ab eo, quod educitur ex oleo; cum tamen simplicia principia communia esse debeant omnibus mixtis &c. (3) Hæc principia esse tantum potentia in mixto, utpote actu sub esse mixti comprehensa, eaque resultare per novam mixtionem partium elementarium vi caloris factam: Et vero, si succus ille qui rosæ inest, esset aqua rosacea, illum succum vi expressum, aquam rosaceam fore, quod tamen experimento repugnet; idemque de oleo dicendum esse, &c. quæ confutationem præsertim Sennerti continent, & modum, quo par-



partes humoris sive mercurii (ut ipse vocat, alii phlegma dicerent) primum; deinde sulphur sive liquidum sive concretum; sal denique ultimo loco eliciatur, tantisper explicatum.

XIX. Ultimo loco, quæ *P. Franciscus Lana* Lib. IV. Magister rii nat. & artis Prop. XIV. de his principiis chymicis quasi inciderent adnotavit, tria scilicet esse ex chymistarum sententia, corporum mixtorum elementa formalia, quæ scilicet formam mixti constituent; nimirum *sal, sulphur, & mercurium*, quæ aliis etiam nominibus appellantur *sal, oleum & spiritus*, sive *corpus, anima, spiritus*; præter alia duo principia seu elementa materialia, quorum unum dicitur *terra damnata*, aliud vero *phlegma* seu aqua insipida. Volunt autem sal esse partem fixam cujuslibet mixti, mercurium vero seu spiritum esse partem volatilem, quæ videlicet reliquis partibus minus firmiter adhæret, & cum tenuissima sit, facile avolat; sulphur demum seu oleum, esse quasi vinculum aut gluten, quo spiritus corpori, seu mercurius sali unitus detinetur. rursus ex chymicis, qui rectius philosophantur, (NB.) asserunt, nullum ex his tribus elementis reperiri, aut esse posse omnino simplex, quod reliquis duobus non sit admixtum; quod etiam de elementis Aristotelicis asseritur à sapientibus Peripateticis: Et, sicut isti dicunt, ex terra fieri aquam, ex aqua aërem, & ex hoc demum ignem; Sic illi statuunt sal, quasi basin & fundamentum aliorum, ita ut ex sale fiat primo oleum vel sulphur, ex sulphure vero mercurius; & quia sal pars fixa est & remanet in cineribus seu calce ipsius mixti, cum hoc comburitur aut calcinatur, reliquis duobus una cum phlegmate evaporantibus; ideo dicunt à sale reliqua retineri, vinciri & coërceri, secus enim levissimo quolibet calore seu agitatione avolatura aut dissipanda &c.





### III. HYPOTHESES SECUNDÆ

De  
veris & genuinis putrefactionis causis effici-  
cientibus.

#### I.

**C**ommunis scholarum hypothesis, ut videre est apud *Jachum* Lib. VI. Instit. cap. XVI. ejusque annotatorem *Joh. Zeisold.* inprimis apud *Jacobum Zabarellam* Lib. II. de mistigen. & inter. huc redit: Subjectum est *humidum unumquodque*, in putrefactione à sicco separandum, & hujus separationis causa efficiens principalis est *calor ambientis*, juxta defin. scilicet *Arist.* Lib. IV. met. cap. I. ita conceptam: Η σήψις ἐστὶ φθορὰ τῆς ἐν ἐνάλει ὑγρῷ οὐκίας καὶ κατὰ φύσιν θερμότητος, ὅτ' ἀλλοτρίας θερμότητος αὐτῇ δ' ἐστὶν ἡτὲ περιέχοντος. h. e. *Putrefactio est corruptio proprii & nativi* (sive secundum naturam) *caloris in unoquoque humido, à calore alieno* (facta) *hic autem est ambientis.* Ad quam definitionem B. Zeisoldus, ex Zabarella notat.

1) *Per calorem ambientis* intelligi calorem educentem & dissipantem internum & naturalem calorem; non specie quidem illum, sed numero tantum distinctum à calore qui corrumpitur; & ambiens non solum aërem & aquam, ut aliqui putant, sed universe id omne significare, à quo, sive à cujus impressione res putrefieri possit quo non solum omne extraneum, verum omne alienum & adventitium indigitatur, licet etiam quandoque sit in ipso corpore putredinem sentiente; cujus generis sunt. e. g. vapores & fuligines, quæ à corporibus nostris e'evantur, & tanquam res externæ, vim externi agentis calidi habet; sic in corpore humano putrescunt humores propter calorem membrorum sanguinem vel alios humores ambientium.

2) *Corruptionem caloris nativi à calore ambientis* fieri, non tanquam à contrario istum vincente ac destruyente sed tanquam à simili ipsum attrahente ac educente, turbante ac dissipante: ut ita calor secundum se spectatus educatur tantum, non corrumpatur proprie loquendo; at respectu mixti dicatur corrumpi, quatenus in ipso non amplius sit, aut naturalis ipsi, sed quod hoc suo proprio, nativo



vo & essentia suæ proportionato calore mixtum privetur. 3) Essentiam adeo putredinis in separatione humidi & sicci consistere, utpote quæ educationem caloris nativi humidum & siccum alias unientis, & unita servantis necessario consequatur. 4) Denique causam efficientem indigitari, quando dicitur à calore ambientis, ut in superioribus vidimus.

II. Pater *Honoratus Fabri* causam efficientem putrefactionis non unam sed, diversas videtur statuere in Prop. XLV. sæpe cit. Traët. IV. Lib. I. Inter has vero num. 1) Calorem etiam externum, maxime humidum & ab austro flantem, numerat, adeoque ipsum etiam humidum internum, quod excitatum ab externo calore partium plexum solvat, tandem formam mixti, in tali vel tali partium plexu consistentem penitus dissolvat. Porro vero muscas & nidulantia in corporibus humentibus ipsorum semina sive ovula, inter causas efficientes saltem occasionales & procatarticas ponit, num. 2) Humiditatem item loci num. 3. quandoquidem & fructus & ligna &c. in locis siccioribus melius conservari soleant. Quin & lunæ adspectum, & cum eo conjunctam humiditatem, ex opinione communi inter causas efficientes recenset num. 4. Urget porro in deliquiis salium quorundam num. 6. aëris humiditatem & frigus; in solvendis multis salibus aquam puram sive frigidam sive calidam; in solidioribus metallorum corporibus num. 7. aquas fortes allegat: In putrefactionibus fermentativis chymicorum balneorum iterum humidum calorem, sed sub forma roris & halituum vaporumque agentem num. 8. quorum vim etiam in solidissima metalla, atque adeo in ipsum aurum, ibidem mire deprædicat; fimi item equini cum calce, vel sine calce, sæpius renovatum lentum calorem mirabiles resolutiones, liquationes, &c. expedire inculcat &c. quibus cum ea quæ supra electionibus Domini de Ray publicis olim à me auditis adduxi, multum consentiunt.

III. P. *Franciscus Lana* Magist. nat. & artis Tom. III. sive Lib. XVII. Prop. VII. Calidum externum, scilicet ignea corpuscula, quæ ab extrinseco adveniunt & permeant corpus mixti, esse causam extrinsecam corruptionis cum Aristotele quidem statuit, quia vix contingat unquam aliquod mixtum corrumpi aut putrescere, quin aliqui spiritus ignei poros subeuntes excitent internos spiritus mixti ex quo motu excitationis sequitur corruptio ejus.



eiusdem. Verum & alias loci qualitates, i. e. alia corpuscula externa, v. g. aquea, velaërea, aut etiam terrea, corruptionem efficere valere, vel saltem concurrere ad illam promovendam, experimento probat, quo videmus in locis aqueis, vel in humido aëre multa putrescere, quæ in siccioribus locis incorrupta servantur. Et quod aër præ cæteris concurrat ad corporum mixtorum corruptionem, patere ex dictis ait cap. 1. num. 22. & multo magis ex iis quæ scripserit Lib. II. volum. scil. II. prop. XVIII. ubi prædonem eum vocat rerum omnium & helluonem voracissimum; ejus rationem potissimam esse judicat, quod in aëre continentur effluvia pene rerum omnium diversissimi generis, quæ etiam propriam speciem & naturam retineant eorum corporum è quibus profluxerunt. Quare cum inter illa plurima reperiantur indolis contrariæ illi, quam habet, e. g. pomum; cumque ob maximam tenuitatem pomi poros facile subeant tanquam noxia fermenta excitare in pomo effervescentias & motus ab ejus natura alienos, ex quibus corruptio & putrefactio facile consequitur. Hinc præcipuum artificium esse, quo corpora à corruptione servantur immunia, illa ita custodire, ut aër ab ipsis, quantum fieri potest, arceatur; velut eod. lib. II. cap. 3. docuerit.

IV. Hinc putrefactionem definit: prop. XXII. *Quod sit separatio calidi, per alterationem humidi, factam ab excessivo calore interno, concurrentibus plerumque ad illius excitationem causis extrinsecis.* In qua definitione causam efficientem primariam facit internum calorem excessivum, secundariam & concurrentem calorem externum, aliasque causas extrinsecas antea commemoratas. Scilicet *humidum naturale* seu *radicale*, sua viscositate seu tenacitate, qua pollet, & quam habet ab admixtione & fortitione cum subtilissimo terreo, detinere, ait, spiritum quendam igneum volatilem, qui dicitur *calidum naturale*, ita ut simul unita rem unam constituent, quæ separata dicerentur, illa quidem anima, iste vero spiritus, illa humidum radicale, iste vero calidum naturale; vere tamen unum nunquam est sine alio, & rem unam eandemque constituunt, in qua sita sit tota mixti activitas & virtus. Cum igitur humidum alteratur ab excedente calore intrinseco, motu videlicet igneorum corpusculorum, quæ plerumque excitari soleant à causis extrinsecis supra memoratis, præcipue vero ab aëre; tunc ipsum humidum nimis attenuatum, nimis rarefieri & aperiri, adeoque ab ejus poris libere egre-



egredi & vagari spiritum illum igneum & maxime mobilem: ex quo fiat, ut res, quæ corrumpitur, videatur magis solito incallescere, non solum propter calorem extrinsecum (qui sæpe promovet putrefactionem) sed multo magis etiam propter spiritus igneos, qui prius non ostentabant vires suas calefactivas, utpote qui sopiti & immoti in humido detinebantur, postea vero excitati & commoti illas maxime exerunt, humidum expandentes & attenuantes.

#### IV. EPICRISIS SUPER HAS UTRASQUE HYPOTHESES,

Cum subjunctis enarratorum supra Phænomenorum rationibus.

##### I.

**U**T igitur de his secundis Hypothesibus primo loco nostrum feramus iudicium; fatendum est, in hac P. Lanæ definitione multo melius, rectius & apertius putrefactionis generalem naturam declarari, quam in communi Aristotelica. In hac enim 1) obscurum est, quomodo internus calor ab externo ambientis corrumpi dicatur, aut quomodo elici vel educi, id quod operosæ Zeisoldi explicationes satis loquuntur: 2) nimis restricta causa efficiens externa, voce *caloris ambientis*, per quem tandem non aëris tantum (quem alias τὸ περιέχοντ & nomine commodissime intelligeremus) sed aquæ etiam & cujusvis alius quomodocunque contingentis vel ambientis corporis calorem intelligendum esse laudatus Auctor declarat. Quanto rectius igitur & distinctius cum P. Lana dicemus: primariam causam efficientem esse internum cujusque corporis calorem aut spiritum adjuvantes vel *procat arcticas causas* esse aëris ambientis non calorem tantum, sed innumeras alias corruptivas qualitates, (quales & P. Fabri num. II. Hyp. secundarum agnovit) quæ spiritum internum, sive calidum nativum excessive quodammodo adaugeant, hic autem humidum radicale, quod vocamus, cujusque



corporis computrescentiæ capacis, laxet & rarefaciat, ut sic attenuatum, spiritus vel partes calidi nativi humidi radicalis alias proportionata visciditate detineri solitos, expirare patiatur, donec tandem ipsum humidum rarefaciendo primum augescens, sensim exhalet, & longo temporis intervallo siccum solum pulverem relinquat, quo ipso jam plenam Phæn. XVII. causam manifestam haberemus.

II. Hinc est quod P. Lana inferat, non solum ignem ideo non putrescere, quod calor ipsi nativus sit summus, & ab humido pingui v. g. olei non dimittatur, sed potius alatur, paludes autem facilius putrescant, si aqua in illas è nubibus non cadat, utpote quæ secum deferat multos spiritus igneos, resarcientes inopiam aliorum spirituum, qui aquam stagnantem deseruerant & continuo deserunt; pisces denique, deficiente nova aqua pluviali, diu vivere nequeant, propter defectum spirituum illorum, quibus calidum naturale piscium fovetur. Hinc etiam est, quod calor extrinsecus vel vis excitans spiritus internos, debeat esse paulo major hisce, ut augmentum sui aliquod inde recipere queat, non autem nimis excessiva, cum hæc putrefactionem impediat magis quam promoveat, prout in assaturis videre est, & in ovis magno calore non corrumpi, sed coqui solitis, moderato vero gallinæ, fimi vel furni tantisper excedente calorem naturalem ipsius ovi, corruptionem aliquam patientibus, (id quod foetor talium fractorum indicat) sed talem & summi Numinis providentia ita proportionatam, ut ex ea pulli generatio profluat.

III. Hinc, ubi studio promoveri corporis alicujus putrefactionem volumus, gradus caloris aut spiritualescentiæ in proposito corpore, sedulo indagandus est, & tunc calor externus &c. adhibendus, qui tantillum excedat internum, maxime vero talem, qui simul humidus sit, cujusmodi est calor fimi, aut balnei, speciatim autem flantis ab austro venti, qui non solum moderate calidus, sed una humidus est. Hinc etiam aquæ & res aliæ humidæ facilius æstate, quam hyeme putrescunt, quia æstate calor aut  
spiri-



spiritus in ambiente (posthac enim, quando calorem externum nominamus, cæteræ causæ externæ superius commemoratæ simul subintelligendæ sunt) superat internum, hyeme vero superatur: aliqua vero corpora putrescunt facilius tempestatibus intermediis, autumno scilicet vel verno tempore quam æstate media, quia calor æstivus nimium superat calorem naturalem rei putrescentis, & humidum ejus totum facile exhalaret. Hinc etiam est, quod hyeme magis quam æstate febres fiant putridæ & apostemata, quia cum pori frigore claudantur vel constipentur, non possunt erumpere spiritus à corporibus, & cum novi spiritus continuo generentur ex alimentis, nimia spirituum multitudine plus justo attenuatur humidum & putredo efficitur.

IV, Quomodo spiritibus a volantibus è corpore hoc, isto, illo, putrescente, aër inficitur, maxime venenoso aliquo simul putrescente, ex quo erumpant spiritus arsenicales, antimoniales, vel alio modo noxii, qui per aërem dispersi, ac deinde cum ipso aëre in pulmones inspirati, homini noxam inferunt & putredinem, aut morbum inducunt ejusdem rationis cum spiritibus illis veneficis &c. ut hinc pestis & contagiosorum morborum origo derivari queat. Dum vero, rationem redditurus laudatus Pater, cur ex animali quodam, vel ejus parte aliqua putrescente alia animalcula generentur? non solum ad virtutem plasticam, nescio quam, tandem confugit, sed in tota illa deductione non potuit non esse valde obscurus, ideo ex apertioribus, ipsi nobiscum communibus tamen principiis rem ita apertius deducemus: 1) docet ipse tom. seu vol. II. lib. IV. prop. XIV. p. 128. sc<sup>ilicet</sup> alibi ostensurum, rerum corporearum omnium semina, seu, ut<sup>alii</sup> alii vocant, moleculas seminales, esse per totum orbem seu per<sup>quatuor</sup> quatuor vulgaria elementa dispersa, & invisibiliter occultata &c. Idem & ego suppono speciatim circa viventium sive plantarum & animantium proprie sic dicta rudimenta seminalia; quæ quia artificiosissime organizata & inenarrabili varietate distincta sunt supponenda, & propter usum partium infinitarum necessario prævisum, à natura, tanquam providentiæ consilii que ex parte,



(id quod impostero suo loco apertius demonstrabimus) facta esse non possunt, ab ipso Creatore providentissimo parata esse, & inter minutias elementares alias animari non aptas (tanquam primordia seminalia rerum inanimatarum) invisibiliter occulta, necessum est. 2) Docet ipse in putrefactionibus humidum radicale, pro ratione cujusque corporis viscidius attenuari, id quod mihi quoque vel eo nomine probatur, quod experientia docet sub ipsum putrefactionis initium humorem abundantiorum & fluentiorum sentiri. Quibus fundamentis ita jactis non est difficile rationem nascentium ex putredine animalculorum, & specie quidem diversorum ex diversa specie putredine superstruere, ut vim aliquam plasticam, fictitiam & inexplicabilem somniare non sit opus. Nimirum cum humidum corporis ante putrefactionem pro rata viscidius, in subtilissimos meatus rudimentorum seminalium passim praesertim non subintrat, attenuatum autem deinde illos subintrare sensimque nutrire potest, & succus quidem in fimo equino putrescente, proportionatus esse potest lineamentis crassiusculis in ovulo vel rudimento alicujus scarabæi, qui in fibrillis subtilioribus alicujus rudimenti pedicularis non reciperetur.

V. Admirari vero non sine causa nos jubet P. Lana sapientissimam Creatoris optimi providentiam in animalculis ex putri nascentibus, non minus innumerabilium generum & specierum ac sunt animalia perfectiora grandiora, nec ista quidem (quod nemo credat, aut in mentem sibi venire facile patiat) citra putrefactionem aliquam nascenda, praecipue vero venenosioribus condendis, quod absque peculiari causa factum esse non potuit. Hanc laudatus Pater hariolatur in sequentibus: Præterquam, „quod multa ex illis animalculis deserviunt ad conficienda varia „medicamenta, ut viperæ, scorpiones, cantharides &c. Sunt „etiam omnino necessaria ad purgandum aërem, & humana „corpora à spiritibus veneficis. Cum enim non modo ex pu- „trescentibus animalium omnium cadaveribus, verum multo „magis ex terræ fodinis & mineralium venis continuo exhalent spi-



spiritus venenosi, hi brevi tempore totum aërem inficerent & corrumpere ac contagiosum redderent, nisi ex iis spiritibus unitis cum humido & terreo proportionato generarentur viperæ, bufones, scorpiones, aranei, & innumera alia venenosa animalia, imo fortasse non inepte arbitrari possumus, tot esse venenosorum animalium, species, quot sunt species veneni in plantis & mineralibus, & quodlibet venenosum animal trahere ad se, & quodammodo nutriri, veneno simili illi, quod est suæ naturæ proprium: ex quo fit, ut aër ex generatione prædictorum animalium, itemque ex respiratione & nutrimento ipsorum, purior reddatur & minus homini noxius. &c.

VI. Quin etiam illud à se observatum ait, iis annis vel tempestatibus multis morbis homines infestari, quibus hujusmodi animalcula solito pauciora generantur. Neque enim sola animalia, quæ vulgo pro venenosis habentur, aërem expurgant eodem modo quo dictum est, sed etiam muscæ, cimices, pulices, pediculi & similia animalcula, quæ generantur ex spiritibus erumpentibus ab humano corpore, dum humor putridus per poros exsudat vel exspirat, eadem corpora liberant à morbifica tæbe, & qualitatibus noxiis. Cujus rei signum esse dicit, quod eo tempore, quo homines febre molestantur, non generent hujusmodi animalcula, etiamsi plurima gignere solent tempore sanitatis; ideo exclamans: O summam Divini Opificis sapientiam! Quid vilius musca vel pulice? hæc tamen omnino necessaria fuere ad nostram tuendam sanitatem; adeo, ut si omnia putrida animalia tollerentur è mundo, totum fortasse genus humanum brevi esset perituum. Sic etiam ventos procellosos, inquit, fulmina, coruscationes, aliasque meteorologicas impressiones, esse prorsus necessarias ad hoc ut repurgetur aër, & humanum genus conservetur illæsum. Atque huc alia non minus admiranda spectare posse credit; ut quod terræ motus horrendi ad mundi totius conservationem omnino requirantur; aliter enim, nisi terræ motibus dehiscere terra novæ voragines aperirentur, quibus aquæ excipiantur, brevi post ter-



„terram, quæ continuo simul cum aqua in mare devolvitur, maris ipsius cavitates repleturam, & aquam universum terrarum orbem operituram, de quo postremo tamen Lectoris ingeniosi judicium expectabimus.

VII. Iam ut specialiorum etiam supra recensitorum phænomenorum rationes, quæ possint desiderari, paucis attingamus; imperfecta putrefactio, quæ pristini status restitutionem admittit, in viventibus & animalibus maxime locum habet, ubi scilicet pars putrida in vulnationibus vel abscessibus non ipsa quidem numero restituitur, sed alia ejusdem speciei in locum corruptæ & separandæ nutritionis ope substituitur. Cæterum carniū delicatiorum quam solidiorum bubularum putrefactio facilior est procul dubio ideo, quod istarum fibræ teneriores, quam harum robustiores facilius ab humore attenuato macerantur quasi, laxantur ac dissolvuntur. Cur æstate quam hyeme nonnulla facilius alia aliis tempestatibus citius putrescant, jam num. III. dictum est. Muscarum ovula quæ vulgus hominum pro earum excrementis habet, succo quodam fermentativo carniū fibras sollicitare videntur, qui humiditatem earum expandat & attenuet pro nutriendo ovulo & promovenda generatione. Carnes salitæ & infumatæ, minus putrescunt, quod particulis salinis tanquam impactis spiculis roborantur, & à fumis calidis simul exsiccantur, ut aromatibus, aceto & similibus, robustior fibrarum textura solutioni magis resistat, idemque de melle sacharoque conditis, etiam ex eo capite dicendum est, quod aëris accessum prohibeant, id quod de ovo in oleo diu conservato vel maxime valebit: caro assa quoque, utpote exsiccator, & collecto sale in obducta crusta roborata, putredini aërisque voracitati magis resistit, gelu constricta poma vel animalium membra, si calidæ mergantur fibras porosque laxanti, spiritibus avolaturis portam aperiunt, cum frigida contra poris constrictis eos detineant &c. quæ phæn. V. enarrata fuerunt.

IIIX. Matura magis ex fructibus citius corrumpuntur, quia succulentiora & humidiora sunt, spirituum excessus & defectus  
nimi-



nimius putredinem pariter promovent, ille quia humores nimium rarefacit & attenuat, hic, quia humoribus exhaustis dominium relinquit, halitus putridi vel è longinquo in poros corporum facile computrescibilem se insinuantes, vel ex immediato contactu ea inficientes, partes unas post alias sibi assimilando & associando, noxiam ipsorum texturis virtutem multiplicant, ut plenaria tandem dissolutio, & ea consequantur, quæ phæn. VI. notata sunt. De aëre vero quæ sub finem dicti Phæn. monentur, ex num. III. hypoth. secund. suam rationem habent. Causæ vero putrefactionem arcentes & impediennes, quas Phæn. VII. fusius enarravimus, suas rationes passim ibidem interspersas habent. Ac nimia *densitas* ac *durities* texture solutionem per se respuit, uti nimia & subtilitas ætheris, aëris puri, aquæ limpidæ, & spirituum rectificatorum, quæ jam actu ipso solutissimæ texture, & heterogeneitatis (quæ fermentationi alicui alias occasionem dare potest) expertia sunt; *frigus* autem tum poros constringit, tum vero vel maxime humores figit & congelat, imo spiritus ipsos immobiliores reddit: *calor* autem moderatus & lentus putredinem quidem promovet, in certis subjectis, quia putredo non est nisi lenta partium emotio & solutio, sed *vegetus* & *vehementior* arcet eam, uti videmus in vestimentis mucidis ad solem vel luculentum focum expositis, & in herbis æstivo soli subjectis. *Fermentatio* quoque, quæ in quibusdam subjectis putredinem inducit, in aliis jam inductam tollit, ut in aquis nautarum sub linea ut plurimum putrescentibus per fermentationem subsequentem autem, qua ejiciuntur particulæ putrefactivæ, ut plurimum restitutis: quod idem præstat etiam *ventilatio* & *frequens agitatio*, in vestimentis, frumentis &c. (quo pertinet etiam totum Phæn. X.) ex diuturna quiete mucentibus: qua agitatione scilicet halitus putridi, in vestimentorum plicis & frumentorum interstitiis detenti, nec unquam otiantes, sed lentam texture solutionem identidem tentantes, excutiuntur &c. *Pinguia* vero & *balsamica* non alia ratione putredini resistunt, quam aërem excludendo; quemadmodum ex opposito (*juxta phæn. VIII.*) aëris



aëris admissio in eo memorata, vel agitatione sua, vel halitus noxios diluendo, prodesse potest.

IX. Alternæ vero frigoris & caloris, humiditatis & siccitatis successiones solutionem texturæ in lignis similibusque corporibus ideo multum promovent (ut in *Phæn.* IX. notatum fuit) quod fibræ lignosæ, nunc ab humore subintrante inflatæ ac dilatatæ, à siccitate succedente rursus coarctantur, itemque à frigore constrictæ per calorem supervenientem iterum laxantur, qua quidem constrictionum & laxationum alternarum frequentia filamenta tenuia sensim lacerari & abrumpi tandem necessum est. *Cariæ* vero ratio in ipso *Phæn.* XI. jam satis indicata est, nisi quod vermium arrosio, qualis non in lignis tantum, sed etiam in solidis lapidibus, atque adeo in ossibus quoque, evidenter deprehenditur, multum hic contribuere potest. *Mucor* autem vel *fitus* nihil aliud est, quam halitus ex moderate humidis insensibiliter ad eorum superficiem delatus, ibidemque ab ambiente frigore, loci præsertim humidioris concretus. Deliquia denique quorundam salium, aliæque improprie dictæ, vel imperfecte tales putrefactiones, ut *fermentationes chymicæ*, *digestiones* & *maturationes fructuum* &c. quarum *Phæn.* XII. XIII. ac XIV. mentionem fecimus, ad rationes physicas ex dictis facile reducuntur: quemadmodum de generatione animalculorum ex materia putri natorum, (cujus mentionem injecit *Phæn.* XIV.) fusius actum est, num. V. proxime superiori & seqq. Quod vero urina, ros, aquæ thermæ &c. inter liquores putredini maxime obnoxii sint, in causa est procul dubio, partium heterogænearum, sibi quodammodo adversarum, in illis mixtura; ex qua facile lentæ quædam fermentationes, atque adeo putrefactiones oboriri possunt: quemadmodum ex opposito vina generosiora, liquores item distillati & rectificati &c. à putredine immunes sunt; dummodo ab aëris consortio, & admixtione heterogæneorum corpusculorum, præserventur. Foetorem autem plerumque edunt putrida, quod spiritibus subtilioribus (à quibus odor gratus dependebat, exhalatis crassiores & crudi magis suc-



cedunt, foetorem olfactui offerentes, prout e. g. rosarum subtilis halitus gratam fragrantiam causatur, contrita vero florum folia, cum crudis & crassis exhalationibus, ingratum odorem spargunt; auri præ aliis metallis incorruptibilitas, ejus compagem solidissimam arguit, læsio vero vel discontinuatio aëri, corruptori generali, vias aperit, & in partibus animalium inflammationibus occasionem præbet &c. quæ phæn. XVI. continentur, facile deducibilia.

X. Iam quod attinet primas Hypotheses, videntur utique tum Hamelius tum Boylius sub persona Carneadis, abunde demonstrasse, chymicorum decantata principia hypostatica. 1) non esse vera principia seu elementa, ipsam mixtorum compositionem ingressa, neque 2) sub ea forma, qua per ignis violentiam ex mixtis prodeunt, ibi prius extitisse, sed 3) mixta nova esse ab igne noviter producta, ipsisque adeo elementis Aristotelicis, ne illis quidem puris & simplicibus magis composita: neque 4) præcise tria tantum sal, sulphur & mercurium, (in quorum notionibus insuper ne secum ipsis consentientes, studio etiam ambiguitatibus ludere videntur) sed additis & per resolutionem vel analysin æque aperte inventis, phlegmate & terra damnata, quam ipsi vocant, minimum quinque, vel etiam multo plura, imo innumera; quandoquidem 5) singula tum salium, tum sulphuris vel oleorum, tum spirituum seu mercurii, adde & terrarum & phlegmatum genera, innumerabiles sub se species complectantur: neque probari 6) à chymicis posse, quod ex omni mixtorum genere illa tria, vel ignis violentia mediante obtineri possint, cum sal ex auro idemque & sulphur ex mercurio vulgari, seu argento vivo, extractum nemo unquam viderit, ipsis chymicorum cordatioribus & prudentioribus id confitentibus. Quando 7) nec illud à chymicis uspiam determinatum sit, apertone an clauso vel munito igne, & si aperto, quo ejus gradu corporum analysis recte instituatur ad elicienda rite principia hypostatica? cum quovis vel modo vel gradu adhibito, alia semper & alia producta prodeant? In primis autem illud 8) in vulgo chymico-



rum graviter & jure redarguit, quod philosophos sese per ignem imo solos philosophos, stulte venditantes, putativa sua principia per universum mundum, ad omnes naturalium rerum affectiones explicandas, vano ausu extendant &c. quæ pleraque omnia per integros novendecim satis prolixos numeros, unanimi quatuor virorum, Hamelii, Boylii, P. Fabri & P. Lanæ, consensu planissime deducta fuerunt.

XI. Illud porro non adeo paradoxum & invidiosum assertum videtur, quod Carneades tandem omnem elementorum, tam Aristotelicorum quam chymicorum existentiam in dubium vocat. Profecto, cum ipsimet Aristotelici dudum confessi fuerint, elementa nullibi in hoc mundo pura reperiri; sed singula singulis invicem permista ubique deprehendi, chymicorum etiam principiis secundum hætenus dicta, omnis simplicitas (quæ tamen elemento, Aristotelis judicio essentialis esse debet) adjudicata fuerit; quid aliud inde, quam hoc concludemus: Omnia in universa natura mixta esse, tametsi magis alia, alia minus; eaque, quæ de novo in hac rerum universitate generantur, ut plantæ, animalia, meteora, &c. è simplicioribus quidem, quam ipsa sunt, componi, sed ipsa illa simpliciora ex aliis minus adhuc mixtis composita esse; atque adeo ad quorumlibet mixtorum generationem non opus nisi minus mixtis, non autem quæ nullibi sunt, elementis; quandoquidem nec resolutio corporum ulla uspiam fieri deprehenditur usque ad simplicia elementa: quemadmodum etiam maxime credibile est, Deum in principio creationis, non abstractam prius materiam primam, omni forma destitutam, dein eductis è potentia materiæ formis, h. e. minutis vel corpusculis vel atomis materialibus diversimode unitis, formas elementorum diversas constituisse, & ex his ita formatis elementis, varieque inter se rursus commixtis, compositorum denique corporum multitudinem & inenarrabilem varietatem prodiisse &c. hi nempe meri sunt abstracti ac cerebrini conceptus, quorum in ipsis rebus nunquam effectus ullus separatus ac distinctius uspiam extitit, sed cum e. g. jussisset in principio crea-

tio-



tionis aquas producere reptile animæ viventis & volatile super terram sub firmamento cœli &c. & producere terram animam viventem in genere suo, jumenta & reptilia & bestias terræ juxta species suas &c. credemusne, ipsum partes elementorum è suis quasque locis convocasse & in moleculas carneas, osseas, membranaceas &c. miscuisse, ex his vero ita mistis & artificiosissime coordinatis diversa illa animalia composuisse? & non potius omnipotenti suo verbo, simplici que nutu illa omnia tota simul existere fecisse? Et cum postea, vi benedictionis Divinæ: Crescite & multiplicamini &c. omnia posthæc animalia ex suis seminibus pronascitura erant, & adhuc hodie pronascantur, semina autem, seu rudimenta seminalia, utpote organica ac diversæ seu heterogeneæ naturæ, utcunque exilia & invisibilia, necessario mixta sint, una cum succis quibus nutriuntur, evidens est, in peragendis animalium generationibus (idem vero erit de generatione plantarum, mineralium & metallorum, de quibus Boylius sub persona Carneadis notabilia monuit num. XVII. prim. Hypothesium, ferendum judicium) naturam opus nequaquam habere vel elementis puris Aristotelicorum, vel principiis chymicis magis jam mixtis, sed eas expediri posse succis & alimentis, vel portionibus extus apponendis, magis adhuc compositis: adeo, ut quemadmodum natura in suis operationibus omnino carere posse, omnibus elementis & principiis hypostaticis videtur, ita scientia physica quoque abstractis his elementorum considerationibus, ac de mixtione scrupulosis decretis non adeo opus habere dicendum

fit.

355 355 )o( 355



## CAPUT V.

de

*residuis quibusdam corporum resolutionibus,  
& speciatim de  
præcipitationibus, volatilisfactionibus & fixa-  
tionibus.*

## I. PHÆNOMENA.

**P**HÆN. I. Suppeditat nobis lactis in caseum vel butyrum coagulatio, non sine præcipitatione aut partium ab invicem separatione. Nec enim tota substantia lactis in caseum aut butyrum abit, sed pars ejus tantum magis fibrosa aut crassa, à reliqua tenuiore & aquosa, serum dicta secernitur, & ad feri fundum descendit, qui descensus & separationis motus ad ima tendens *præcipitatio* chymicis dici consuevit, sequenti quidem ratione hoc in casu fieri solita: lacti tepenti seu modice calefacto infunditur aliquod acidum, vulgare v. g. lactis coagulum, spiritus vitrioli, aut sulphuris, vel alius acidus fructuum aut herbarum succus, quo facto statim partes crassiores seu caseolæ à serosis secernuntur & ad ima descendunt, in spissius quoddam crassamentum coadunatæ, quæ præcipitatio etiam citra admixtionem acidi sponte succedit, si lac ipsum acescere patiamur, ac deinde supra ignem intepescere.

PHÆN. II. Butyrum autem ex flore lactis conficitur posteaquam acorem aliquem contrahere caperit, idque citra ullum admixtum coagulum, sola agitatione mediante, quæ peragitur vel tundendo & conquassando in vase curticonico vel rotando in dolio axemque quendam celeriter gyrando, ubi etiam observatum est, hyberno tempore difficilius confici butyrum, quam alia tempestate, ac præterea admixtionem sacchari quamlibet



libet lactis præcipationem & coagulationem plurimum impedire, siue caseus sit conficiendus, siue flos lactis in butyrum convertendus.

**PHÆN. III.** Similiter circa sanguinis & urinæ præcipationes compluria tentavit experimenta, Pater *Franciscus Lana*, lib. XIX. cap. I. quæ huc exscribere longum foret. Quas circa solutiones metallorum præcipationes adnotavit, memoratu magis dignæ sunt, scilicet à diversis menstruis soluta metalla, diversimode præcipitari: 1) *Aurum* e. g. in aqua regia solutum ab oleo tartari injecto, post magnam effervescentiam sub aurei pulveris forma fundum petere, aurum fulminans appellati, quod igne admoto maximum edat crepitum & laminas sibi subiectas solidissimas perforet: 2) *Argentum* in aqua forti solutum ejusdem olei tartari instillatione præcipitatur; item, si argentum vivum eidem solutioni argenti infundas utraque simul præcipitabuntur sub forma pulveris albi. Et, si eidem solutioni per aquam fortem factæ magnam quantitatem communis aquæ adjicias eadem fiet præcipitatio, & facilius quidem, si huic aquarum mixtioni laminam æris vel cupri immergas, cui argentum lanuginis instar adhærebit jucundo spectaculo: 3) *Æs* vel *cuprum*, aceto destillato, vel aqua sale tartari imprægnata, solutum, præcipitatur injectione laminarum aut limaturæ ferri, cui adhærent particulæ æris, sicut argentum ipsi æri adhærere dicebamus; Aqua forti vero solutum æs, præcipitatur non modo ferrea seobe. sed etiam oleo tartari aut nitri. 4) *Plumbum* aceto distillato solutum, ut liquor limpidus instar aquæ appareat, admiscendo nonnihil olei tartari similiter limpidi, præcipitatur instar lactæ materiæ. 5) *Stannum* calcinatum & similiter solutum, ab eodem oleo tartari præcipitatur. 6) *Mercurius* ab aqua forti solutus à muria vel aqua salsa præcipitatur.

**PHÆN. IV.** Similiter 1) *corallium* aceto distillato solutum præcipitatur oleo tartari, Hamelio teste, si recte memini. 2) *Butyrum antimonii* post rectificationem fit omnino fluidum & limpidum satis ponderosum, si aquam infundas, pulvis albus



in magna copia præcipitatur; P. Lana vol. II. p. 108. ab init. 3) *Vitriolum* in aqua communi solutum, si injiciatur solutioni claræ oleum tartari, statim fere tota substantia coagulata subsidet in crassamentum quoddam partim album, partim obscure cæruleum, si eidem solutioni lixivium ex calce viva & auripigmento, vel gallarum decoctio aut infusio instilletur, præcipitatur substantia nigra atramento similis.

*PHÆN. V. Tinctura* ex vegetabilibus aqua communi elicitæ e. g. tinctura ligni nephritici é Brasilia advehi soliti, rosarum & similium, post longum tempus sua sponte præcipitantur, sed ut partes aliquas crassiores ad fundum demittant solutiones inde defœcationes & clarificatæ, succum limoniorum, aut acetum distillatum, vel simile acidum solet instillari. Quod si tincturæ prædicti ligni instilles modicam portionem aceti destillati, color rubellus in flavum mutatur, & vino albo similis fit, nec amplius colores illi diversi cernuntur, alias pro diversa luminis reflexione spectari soliti, cum lignum istud minutim concisum aquæ infunditur. Quod si vero illi addas guttas aliquot olei tartari, priorem statum recuperat, imo & intensiorem priore colorem, cum omnibus illis lucis reflexæ apparentiis, quarum ante mentionem fecimus. Denique, si plumbi salem in aqua fontana resolutum adjicias mixtura statim lactescit.

*PHÆN. VI. Tinctura* sulphuris, thuris, benzoini, scammonii, aliorumque similium resinolorum mixtorum, mediante spiritu vini aut oleo therebinthinæ extracta statim lactescit & præcipitatur affusione simplicis aquæ aut humoris phlegmatici. Similiter perlæ in aceto distillato solutæ, vel in alio acido liquore, ut à pharmacopolis fieri assolet, præcipitantur in forma lactis, si solutioni aliquot guttæ olei tartari instillentur; eodemque modo præcipitatur corallium, similibus acidis liquoribus solutum: similiter cancerorum oculi, perlarum conchæ, & testacea omnia.

*PHÆN. VII. Radices* ellebori nigri immissæ & digestæ in oleo nitri vel tartari dant tincturam pulcherrime - rubentem, cui



cui si instillentur aliquot guttæ spiritus vitrioli, statim cum ebullitione & magna effervescencia præcipitabitur sal tartari vel nitri una cum spiritu vitrioli coagulatum, & eadem tinctura imbutum; liquor vero superflans modeste rubebit, & sapore vix aliquid salis continere deprehendetur. Ita rhabarbarum immisisse se oleo tartari narrat idem P. Lana, brevique tempore hoc extraxisse tincturam satis rubicundam. Huic autem instillato guttatim spiritu vitrioli, ebullitionem & effervescenciam cum multa spuma esse factam ac tandem præcipitationem salis tartari cum tinctura permixti. Colorem liquoris initio intensa rubedine saturatum apparuisse; postmodum factum esse obscure puniceum, ac fere omnem saporem falsædinis tartari ab eo fuisse ablatum.

*PHÆN. IIX.* Idem porro sequentia narrat: 1) Si stannum calcinatum, eique sal tartari liquefactus commixtus fuerit, haberi aquam coelesti colore tinctam: 2) Si solutioni plumbi aut lithargyri cum aceto destillato factæ spiritus vitrioli instilletur, liquorem oriri adeo similem lacti, ut vix ab eo distingui videatur: 3) Si violarum tincturæ cæruleæ oleum vitrioli affundas statim cæruleum in purpureum colorem mutari; & si porro guttas aliquot spiritus cornu cervi instilles, colorem alium ex purpureo futurum; neque hæc omnia sine aliqua ipsius tincturæ præcipitatione: Si gummi lacæ, una cum alumine addito aquæ limpidæ in vitro incoquatur, pulcherrimam tincturam rubino similem inde extrahi; insigne dentifricium: 5) Si syrupus ex confectioe coralliorum spiritui vini affundatur, haberi lac virginis non minus jucundum visu, quam gustu suave.

*PHÆN. IX.* His tanquam notatu cum primis dignum, clausulæ loco subjungemus, quod P. laudatus cap. III, cit. I, Art. V. observandum iterato monet: Nimirum, ea quæ acido liquore soluta sunt, præcipitanda esse mediante alcali, seu sale fixo; & è converso, quæ à sale fixo dissoluta fuerint, præcipitanda esse mediante liquore acido, seu sale volatili; id quod, sicuti



sicuti superiora cætera, chymix peritioribus dijudicandam relinquemus. Conf. interim Prop. IX. ac X. cap. 11,

*PHÆN. X.* Jam ut fixationis & volatilisationis quædam Phænomena ex ejusd. P. Lanæ Lib. XXI. cap. 1. enotemus; Auro nihil fixius novimus, utpote quod, tametsi facilius quam alia complura corpora lique scat, nunquam tamen ab igne avolat, aut in vapores seu halitus resolvitur: Ferrum, æs & argentum, difficilius auro funduntur, etsi minus fixa: Argentum & ipsum magis liquabile ferro & ære, est tamen ipsis magis fixum: Aes etiam ferro magis fixum, tametsi facilius eodem liquetur: lapides denique plurimi difficilius lique scunt auro & argento, cum tamen minus sint fixi, & avolante humido in calcem resolvantur. Totum autem hoc judicium de fixo & volatili ex harum vocum vera notione & respondente genuino conceptu dependet; de quo infra inter Hypotheses agetur.

*PHÆN. XI.* Plumbum & stannum, etsi ponderosiora ferro & ære, his tamen minus fixa sunt, facilius quippe in igne avolantia & ab eodem dissolvi solita, calcinari item ac dissipari aptiora. Argentum vivum, omnium metallorum (auro solo excepto) ponderosissimum est; cum tamen sit omnino volatile, & vix ullum fixitatis principium in se retineat. Cumque quodlibet metallum totum fere in argentum vivum sit resolubile; ipsum tamen argentum vivum, ut modo dictum, est corpus maxime volatile, quod vel moderato igne dissipatur; imo major argenti vivi copia illis metallis inest, quæ perfectiora sunt, magis fixa & in igne constantia.

*PHÆN. XII.* Vini spiritum perfecte rectificatum, seu ab aquoso phlegmate depuratum, maxime omnium volatilem inter alios liquores communiter existimant; nec immerito, P. Lanæ judicio: testatur enim seipsum aliquando vini spiritum ad summam volatilitem ac tenuitatem exaltasse, ut ejus guttæ ex ampulla vitrea effusæ statim in aëre evanescerent, nec omnino in terram caderent. Quomodo autem facillime ac per unicam distillationem ad maximam puritatem & volatilitem exaltari



rari possit docet Lib. hujus XXI. cap. III. Artif. LI. p. 284. Cæterum vini spiritum per distillationem à vino separatum flammam facillime concipere res in vulgus nota est; isque tunc ab omni phlegmate separatus censetur, quando linteum vel charta ab illo madida ita flammam arripit, ut humidum totum absumatur. Siquid enim phlegmatis aquei ipsi permixtum sit, cessante flamma in charta vel linteo superstes cernitur. Purissimus autem si fuerit, charta omnino sicca, post deflagrationem spiritus, ipsa quoque deflagrat.

*PHÆN. XIII.* Ex quolibet etiam alio vegetabili, præcipue ex eorum seminibus, separari potest substantia volatilis, tenuis, & maxime spirituosæ, quæ non solum inflammabilis sit, ut vini spiritus, sed etiam sapore aliisque singularibus qualitatibus eundem prorsus imitetur. Exempli loco Zethopæias, spiritus vini ex cerevisia distillandi, compendium quoddam subjicitur: sumitur triticum vel hordeum, aut aliud simile seminum genus, quod per aliquot dies in aqua fuerit maceratum, reponitur in cumulum, ut intumescat, eo modo, quo pro conficienda cerevisia præparari solet, identidem commovetur & susque deque vertitur, ne nimium effervescat & corrumpatur. Cum probe intumuerit, late extenditur, ut refrigeretur, & acorem ne contrahat. Sed si quis eo statim uti cupiat, in cacabo aquæ pleno coquitur, donec grana non modo intumescant, sed etiam disrumpantur. Tum effunditur in vas ligneum, & dum adhuc aqua teporem servat, adduntur fæces cerevisiæ recentes, quantum facit ad fermentationem promovendam. Post fermentationem, quæ tribus vel 4 diebus absolvitur, per vesicam aut alembicum destillatur, fæces in fundo remanentes cuilibet quadrupedum generi alendo opportunæ sunt, spiritus destillatus rectificari potest eodem modo, quo vini spiritus. Quod si cupias illum spiritui vini sapore & odore omnino similem esse, ex vini fæcibus ultima distillatione abstrahatur.

*PHÆN. XIV.* Spiritus nitri, si sit probe rectificatus, in aperto vase servari nequit, facile enim & sensibili evaporatione in-



fumum abit, qui in aëre dissipatur & avolat; si tamen ille idem spiritus affundatur sufficienti portioni nitri fixi, cum ipso tam arcte unitur, ut nec sponte evaporet, nec nisi violento igne ab eo rursus separari possit. Idem contigit in aliorum salium spiritibus, quamvis in spiritu nitri effectus hic magis sit notabilis.

*PHÆN. XV.* Omnes spiritus salini (quibus non inflammari instar spiritus vini, sed ignem potius extinguere competit) seu partes volatiles salis, cujuscunque demum generis illud sit, aciditatem quandam gustui præ se ferunt, partes vero eorundem salium magis fixæ, salsedinem magis proprie dictam ostendant: imo omnes fere sales fixi seu alcalici, ex quibus scilicet magna ignis violentia salinos spiritus volatiles fugaverit, communis salis saporem, & cæteras qualitates obtinent, vel saltem non multum ab illis alienas; unde etiam est, quod affusione alicujus determinati spiritus salini, salia fixa transeant in naturam illius salis, cujus spiritus illis affusus fuerit, ut si spiritum nitri affundas sali tartari alkalizato seu calcinato, hic in salem nitri transmutatur, & vice versa, si spiritum salis tartari addas sali nitro fixo, hic induit naturam salis tartari &c. Hinc aliqui recentiores philosophi & chymici, inter quos præcipuus Tachenius, *acidum* & *alkali* statuunt esse principia unica & universalia rerum omnium compositarum, adeo ut acidum seu volatilis & mercurialis spiritus, sit veluti forma & principium activum ac specificum; alkali vero se habeat ut materia, indifferens ac determinabilis ad quamlibet speciem.

*PHÆN. XVI.* Vitrum est compositum artificiale, quod consurgit ex duplici sale fixo seu alkalizato, quod est in cineribus, (præcipue illius herbæ, quæ *kali* vocatur, unde alkalia & sales alcalici nomen desumpserunt) & ex sale acido silicum, quod libenter ac tenaciter adhærens ipsi alkali seu sali fixo, mixtum illud artificiale pellucidum, in igne constans, & fere indissolubile constituit. Sal marinum aut fossile vitro conficiendo non adhibetur, sed quodlibet sal vegetabile, ex cineribus scilicet vegetabilium elicium ad id munus aptum, & sal tartari quoque, ac præterea sal  
ni-



nitrum ; dum autem pulvis silicum cum sale alkali vel cineribus mixtus in fornace vitraria liquefcunt , & fermentatione quadam in fe mutuo agunt , & in unam massam coeunt , separatur & superficiei innatat pinguedo quaedam , seu salsa spuma , quam *fel vitri* appellant, vitrificationi inutilis, & salis cibarii naturam quodammodo præ se ferens, adeoque pecoribus , quæ sale ad pastum plurimum incitantur, exhiberi solet, dum autem hæc substantia salsa secernitur, massa vitrea, interim paulatim defæcata, in pellucidum corpus vertitur , si alkali nimis copiosum sit , vitrum facile in rimas fatiscit & frangitur , si vero acidum silicis abundet, non facile purgatur, & minus pellucidum fit.

*PHÆN. XVII.* Sal cibarium differt ab aliis salibus in eo, quod multum habeat aciditatis , & ipsum acidum prævaleat fixo alkali, unde est, quod cibus admixtum gratum illis saporem conciliare aptum sit; cum è contra sal alkalizatum nauseantem saporem præbeat: & appetitum minime stimulet, sed potius pessundet & stomachum pervertat. Præterea sal cibarium carnes & pisces aliaque humida facile putrescentia corpora à putredine præservat ad longum tempus, cum è contra sal alkali putrefactionem promoveat, dum acidum absorbit. Ob eandem rationem sal commune seu cibarium injectum solutionibus corporum sulphureorum v. g. butyro seu oleo antimonii, nullam in iis turbationem aut præcipitationem efficit; contra vero sal alkali illas commovet & antimonium præcipitat in forma pulveris albi.

*PHÆN. XVIII.* Cum morbos omnes in corporibus oriri ab acido fermento, credat Autor doctissimus, ex quo pleraque hætenus excerpimus, vel nimis exaltato; vel à potentiori, acido suppresso, ideo opus Medici esse dicit, aliis fermentis, depravatum fermentum corrigere, ut morbi tollantur. Exemplum affert stibii diaphoretici, antimonii scilicet cum nitro calcinati, quod ratione sui alkali fixi combibit volatile acidum morbosum & arsenicale. Idem dicit de cornu cervi calcinato, cujus alkali combibit aliud genus acidi morbosum & sulphurei. Similiter, sicut acidus vini spiritus perlarum & coralliorum acidum de-



bilius vincit & suppressit, sic etiam acidum oleum sulphuris per campanam elicito dolorem illum acerbissimum tollere, refert ex Tachenio, qui oritur in radice unguium & igneus tumor appellatur, nonnunquam ipsa ossa corrodens, ob malignum igneum fermentum seu acidum præternaturale, quod suppressitur & pessundatur ab acido potentiori sulphuris, si hoc locus affectus inungatur, ac paulo post aqua tepida abluatur. Sic aquam spermatis ranarum tepidam, vel se sola, vel addito alumine, acerbissimos podagræ dolores mitigare docet ex Tenzelio, ob alcali, quod combibat acidum illud morbi & doloris causam, scilicet esse quædam specifica alcalia, quæ ad se quodammodo trahant & faturentur specificis acidis, ex quibus in diversis corporis partibus specifici morbi originem trahant. Hinc multos etiam lapides in animalium corporibus & visceribus diversis oriri, qui diversis acidis specificis coagulentur, adeoque etiam peculiaribus morbis medeantur: e. g. illi, qui in oculis cancrorum fiunt, & acidum veneficum à morfu canis rabidi, relictum combibunt, & qui in limacum expoliatarum capitibus reperiuntur, acidumque malignarum febrium extinguunt; sic etiam in boum felle, vesica & renibus aliquos generari, tum in felle hystricis, in renibus caponum, & admirabiles illas, qui in serpentum quorundam, (*cobra de Capelos* Lusitanis dictorum) pileatis capitibus generantur, venenum è vulneribus, alioqui sanguinem inficiens, ad se trahunt; prout Kircherus in *China illustrata*, & ex ipso Hamelius de corporum affectionibus docet p. m. edit. Paris. 445. conf. tom. IV. *Ephem. erud.* p. 98.

*PHÆN. XIX.* Ex acido agente in alcali, & vice versa sæpe odores sparguntur fere inusitati & sensum valde afficientes; e. g. antimonium nullum per se odorem ostendit, multo minus vero oleum nitri vel tartari factum per deliquium, & nihil omnino, si simul mixta hæc duo corpora longo temporis spatio fermententur, gravissimum ac foetidissimum spargunt odorem. Calx lapidum inodora, dum aqua communi diluitur, spargit aquam humanis corporibus noxiam, qui etiam in muris ex ea



recenter constructis ad longum tempus perseverat, quoad cessit actio mutua alcali in acidum, adeo, ut non nisi post annum integrum domus recenter extructa habitari possit. Hordeum aut triticum nullum habet odorem; at vero dum ejus farina in aqua excocta fermentescit ac in cerevisiam compositam migrat, talem odorem spargit, qui licet non sit adeo gravis, potens est mentem turbare, inebriare, ac reminiscenciam pervertere; idem dic de uvis fermentescentibus, & earum succo vinoso. Calx & sal armonicum, item calx & caseus Hollandicus, simul trita, in posteriore casu odorem gravem, in priore acutissimum ac pene intolerabilem emittunt, &c. &c.

*PHÆN. XX.* Extractum rhabarbari factum per infusionem, in spiritu vini, adhibito modicissimo calore ut solum pars subtilior & magis volatilis ex eo eliciatur; si sumatur ad pondus unius scrupuli, alvum efficacius dejicit, quam drachmæ duæ ipsius integri rhabarbari. Si majori calore urgeatur, vis ejus cathartica infringitur. Contra vero sal ex eodem rhabarbaro elicited, non modo vi purgatrice prorsus destitutum est; quin imo efficacissimum remedium est pro sanguinis fluxu, diarrhæa, dysenteria, & lienteria scilicet sistendis. Ita sal volatile ex cortice piperis integri, non contusi, cum spiritu vini extractum, excellentissimam habere virtutem pro ventriculi indispositione, ex *Enrico de Rochas* notat: Sal vero corporis ejus sub cortice contenti, tam damnosum, acre, mordicans & calidum esse, quam alterum est salutare, dulce, ac temperatum. Addit, universaliter verum esse, salia volatilia mitiora, magis temperata, & quadam aciditate prædita, quæ ad dulcedinem tendit; salia vero fixa acriora esse, & ad amaritudinem vergere.

*PHÆN. XXI.* Ex omnibus corporibus solidis seu consistentibus, nullum aliud in hunc usque diem invenire licuit magis volatile & spirituosum, quam caphura; utpote quæ nullo calore extrinsecus applicito brevi tempore, nisi diligentissime ab aëre muniatur, tota quanta est, evaporat & in spiritus resolvitur, qui per aërem dispersi, nullum superstes, sui corporis vestigium



post se reliquunt. Liquores interim ut plurimum sunt magis volatiles, quam solida corpora; igne enim aut alio, etiamsi tenui, calore sollicitati in vapores resolvuntur. Sunt tamen aliqui liquores oleosi, qui etiam in igne valde constantes non facile dissipantur; præcipue vero oleum olivarum, quod nisi flammam concipiat, in igne vix avolat. Liquores etiam, qui fiunt ex aliquo fixo sale, præcipue vero ex nitro calcinato, in aëre resoluti, minus volatiles sunt, quam aqua communis; licet vapores aquei & aërei, à quibus sales fixi in liquorem resolvuntur, subtiliores sint & volatiliores ipsa aqua.

**PHÆN. XXII.** Aquarum fortium sequentia genera notabiliora sunt: 1) *Aqua fortis communis*, quæ, auro excepto, omnia corrodit metalla, & argento communiter ab auro separando deservit (unde *Aqua separationis*, *Scheide-Wasser*/cognominatur,) per distillationem aluminis prius combusti & nitri partibus analogis simul mixtis; potentior adhuc futura, si nitro & alumini addatur vitriolum rubificatum. 2) *Aqua regia* aurum solvens argento intacto, fit ex tribus libris salis nitri, totidem aluminis, & libra una salis armoniaci. 3) *Aqua corrosiva pro ferro erodendo* sic facillime paratur, ipsius P. Lannæ experimento: Æquales partes salis armoniaci & viridis æris optimè contritas cum fortissimo aceto miscuit, & per tres dies quiescere permisit, ut in liquorem dissolverentur. Tum cera liquata ferrum oblinivit, & stylo, quod volebat, delineavit, & liquore lineamentis superfuso, post tres horas ferrum incisum & quasi sculptum invenit. Addit, idem præstare acetum, in quo solum sublimatum dissolutum fuerit.

**PHÆN. XXIII.** Spiritus urinæ licet corrodat ac solvat æs crudum seu calcinatum; si tamen ipsis corrosivis aquis debita proportione admisceatur, hæ omnem vim corrosivam statim amittunt. Sunt & alii liquores corrosivi etiam ex succis acidis vegetabilium; ut spiritus aceti, æri corrodingo aptissimus, perlas vero & corallia in pulverem candidum resolvens, uti succus quoque limoniorum & berberum &c. aliqui ejusmodi succi vi saltem abstersiva præditi sunt, ut limoniorum succus & acetum &c.



&c. Cerussa & furfur tritici quoque vi abstergendi pollent. Nempe ut argentea vasa splendorem recuperent, bullienti aceto cum furfure & tartaro imponuntur. Calx quoque lapidum durioribus corporibus abstergendis, adhibetur: Et ebur, docente D. Lazaro Grandi, albedinem acquirit, si 24. horis immergatur vivæ calci cum aqua communi dilutæ. Panis medulla, præsertim ex milio, sordes & inquinamenta abstergit: Quidem abstersivi liquores dealbandis dentibus deserviunt, ut succus limoniorum, aut melius aqua ex ipsis limoniis destillata, item tartari oleum &c.

*PHÆN. XXIV.* Huc spectant quædam *aqua vel mixtura cosmetica* ex pluribus à P. Lana è Lazaro Grandi adnotatis selectiores. 1) Felle caprino cum farina ex lupinis mixto, ante cubitum facies inungenda est; mane autem lavanda cum aqua, in qua furfur decoctum fuerit; idque sæpius repetendum: 2) Partes duæ olei tartari, & aquæ vitæ pars una misceantur (quod non fit, nisi probe agitentur) & hac mixtura facies, vino albo prius lota, inungenda est: 3) E florum sambuci, fœniculi viridis, & rutæ partibus æqualibus elicita per distillationem aqua faciei & manibus abluendis accommoda est: 4) Aquæ ex melle distillatæ partes tres cum una parte olei tartari mistæ omnem faciei maculam & sordes detergunt; imo solum oleum tartari fere idem præstat: 5) Pro facie à sole adusta pristino colori restituenda, sumantur aquæ rosaceæ unc. 2. succi uvæ immaturæ & lactis mulieris an. unc. 1. Incensi pulverizati scrup. 2. & albumen unius ovi recentis, & misceantur simul omnia, pro facie inungenda. Ex opposito manus atro colore deturpantur contrectatione nucum viridium, vel etiam gallarum quernarum: quin etiam ex his aqua per distillationem elicita, licet clara & pellucida, manus & faciem atro calore inficit, instar æthiops alicujus; cui tollendo servit aqua distillata ex aceto, succo limoniorum, cum portione aliqua scammonii.

*PHÆN. XXV.* Cum smegma vel sapo communius abstergendis maculis & sordibus usurpetur, ut ex eo magis eluceat,  
un-



unde vis illa abstergendi originem habeat, ingredientia ejus hic commemorantur. Fit sapo ex tribus partibus cinerum & una parte calcis vivæ; quibus permixtis affunditur aqua calida, donec sal ex cineribus & calce combiberit. Tum aqua his salibus imprægnata cacabo imponitur, addita pinguedine bovis vel hædi, & leni calore, absque ebullitione aqua evaporatur, in fundo manente sapone, qui supra ligneas tabulas exsiccat, frequenter invertendo. Huic factitio saponi omnino similis est terra saponaria in Morea, qua, ut ajunt, populi illi utuntur, tanquam coctilis demissa, pro lavacris præcedentibus eorum adorationes, aliosque ritus sacros. Est autem multo nitro foeta, cui accedunt multæ terræ aliæ, calx item stanno & pulvis terræ tripolinæ, poliendo vitris inservientes.

## II. HYPOTHESES PRIMÆ

De  
præcipitationum causis & modo imaginabili.

### I.

**R** P. Lana laudati sæpe Lib. XIX, cap. II. Prop. I. ante omnia realem præcipitationis definitionem, ejusque à coagulatione secum sæpe conjuncta differentiam, declarat. Ac definitionem quidem in hoc ponit: Quod supposita dissolutione aut dispersione exiguarum partium alicujus mixti in aliquo liquore ipsæ particulæ prius dispersæ, vel intra poros liquoris detentæ, & ab eo quodammodo irretitæ aut sustentatæ, postmodum vel sponte, vel injectione alicujus alterius corporis excernantur ab eodem liquore, & ad fundum descendant.

II. Hæc definitio adhuc clarior erit, si differentias inter coagulationem & præcipitationem ex ipso distinctius exponamus. *Primo* cum utraque motum aliquem partium involvat, magna est differentia in ipso motus genere: Nam motus coagulationis fit per unionem & plexum partium, quæ simul irretiuntur, & fibris invicem



vicem & cum coagulo implicantur; at vero motus præcipitationis non solum importat in suo conceptu descensum ad ima liquoris (quod in coagulatione præcise non consideratur) verum etiam dicit segregationem partium minutarum à liquore, in quo erant dispersæ; quæ segregatio videtur motus quasi oppositus motui coagulationis, quo scilicet particule sese amplectuntur & quasi stringunt. *Secundo* differunt hi duo motus per hoc, quod motus præcipitationis supponat mixtum aliquod prius dispersum aut dissolutum in minutas particulas in aliquo liquore à se ipso diverso; quod non contingit in coagulatione, etiam si sæpe aliquæ partes coagulandæ à reliqua fluida substantia secernantur & fundum petant. Quare coagulationes lactis, sanguinis & similium, non debent dici vere & proprie dictæ præcipitationes, quia particule, quæ excernuntur & descendunt, sunt particule lactis, secretæ ab aliis ejusdem lactis particulis; at vero dum argentum v. g. præcipitatur in aqua forti, particule argenteæ non possunt dici particule aquæ fortis. *Tertio* & hoc observare licebit, in omnibus præcipitationibus vere proprieque dictis particulas præcipitantes semper remanere inter se incoherentes, & cum fuerint exsiccatae, apparere ad modum pulveris; id quod non contingit in coagulationibus: Et, siquidem præcipitatio sponte facta non fuerit, (quod aliquando fit, ut in Phæn. V. notatum) sed adjectione alicujus corporis præcipitantis, tunc equidem coherent singule particule corporis soluti singulis particulis corporis præcipitantis; verum una cum alia minime unitur, sed singule apparent separatae.

III. Explicata sic præcipitationis definitione, de modo præcipue & causa motus illius ac descensus particularum corporis soluti à liquore solvente imbibitarum, nobis inquisitio cum primis erit: cujus causæ modive diversitatem cum prop. II. à diversitate menstrui seu liquoris solventis; prop. III. à diversitate partium præcipitandarum; prop. IV. à diversitate infusi præcipitantis, dependere generaliter ostendisset; prop. V. porro, quasdam præcipitationes sponte, progressu saltem temporis fieri; reliquas plerasque infusione corporis vi præcipitatoria pollentis absolvi monuisset; prop. VI. ulterius mirandum hoc notasset, quod, cum solutionibus quibuscunque aliis reperta sint aliqua præcipitantia; nullum tamen in hunc usque diem inveniri corpus potuerit, quod aquæ salis, seu aquoso, & simul falso humori permixtum, vim habeat salinas particulas secernendi & ad fundum aquæ præcipitandi;



tametsi non plane desperet aliquod adhuc inventum iri, omnesque Physicæ studiosos & naturæ indagatores serio moneat, operam studiumque suum in re tanti momenti ponant &c. Posteaquam hæc & alia pariter animadversione digna notasset; tandem prop. XII. aliorum opinionem de causa & modo præcipitationum exponit; sequentibus autem XIII. ac XIV. Propositionibus propriam suam hypothesin declarat; quas utrasque nunc enarrabimus.

IV. Aliqui putant, inquit, præcipitationem ex eo præcise fieri, quod corpuscula corporis præcipitantis ingrediantur poros liquoris solventis, quibus continentur particule soluti mixti, & ex iis expellant aut deturbent easdem illas soluti particulas. Verum, si hoc sufficeret ad motum præcipitationis, responderet, quilibet liquor valde attenuatus, seu spiritus volatilizatus & subtilis, qui aptus sit angustiores poros permeare, deberet particulas crassiores in ipsis poris contentas extrudere & præcipitare; id quod tamen est omnino falsum: Nam spiritus vini maxime rectificatus vix illa pollet virtute præcipitatoria, licet tenuissimus & quolibet minimos poros replere aptus; imo quo tenuiores essent & subtiliores partes liquoris præcipitantis (addi fortasse possit, & consequenter *agitatiores*), eo majori vi præcipitatoria præditi essent; cum tamen experimento constet multas præcipitationes fieri à crassioribus liquoribus, quæ perfici nequeunt à subtilioribus. Porro, cum sal volatile subtilius sit sale fixo ejusdem generis; omnia quæ præcipitantur e. gr. à sale fixo nitri deberent facilius præcipitari ab ejusdem nitri spiritu; quod tamen repugnat experimentis: Idem dic de spiritu tartari & sale ejusdem fixo &c. Præterea, nulla posset assignari ratio, cur illa corpora, quæ dissoluta sunt à sale volatili, præcipitentur à sale fixo, & vice versa? Item, cur sulphurea præcipitentur à sale volatili, mercurialia vero à sale fixo? Ulterius, unum salis genus, dummodo constet corpusculis subtilioribus & magis penetrantibus, deberet præcipitare aliud compositum ex partibus crassioribus; & sic sal armoniacum, quod censetur esse acutissimum, & penetrantissimum deberet præcipitare sal commune in aqua dissolutum &c.

V. Propriam igitur hypothesin expositurus, ita concludit: Cum per ante dicta non sufficiat, quod corporis præcipitantis particule ingrediantur poros liquoris solventis, indeque extrudant parti-



particulas mixti soluti, nihil aliud apparet, quod requiri possit, nisi ut simul implicentur istæ particulæ soluti mixti cum particulis corporis præcipitantis, vel cum particulis liquoris solventis, vel cum utrisque. Cum autem, ex dictis, ante injectionem corporis præcipitantis, jam sint unitæ particulis liquoris solventis, quibus tenacissime adhærent, nec tamen hoc sufficiat, ut sponte præcipitentur; sequitur, quod implicari debeant etiam cum corpusculis substantiæ præcipitantis, & sic simul unita hæc tria tandem ad fundum descendant. Quare cum ista unio seu plexus fiat, ratione fibrosarum partium, & præcipue salinarum, quæ habent vim coagulativam; dici debet, quod sit quædam coagulatio; Licet enim, ut ab initio dictum est, singula ista terna coagularum particularum (mixti scilicet, liquoris solventis, & corporis præcipitantis) ab invicem sejuncta maneant in modum pulveris, nec unum terminorum istorum cum alio complicetur; ipsa tamen vere dici possunt corpuscula coagulata ex triplici corpusculorum genere. V. g. aurum solutum in spiritu salis, præcipitatur affusione olei tartari; singula corpuscula præcipitata dici possunt coagulata ex uno corpusculo aureo, ex uno spiritus salis, & ex uno salis tartari.

VI. Confirmat assertum duobus sequentibus sive ratiociniis, sive experimentis: I. Quod corpuscula præcipitata acquirant per præcipitationem peculiare virtutes, quas non obtinebant, dum adhuc in liquore solvente dispersa essent; etiam si tunc jam essent unita & implexa cum particulis liquoris. Quare dicendum est, virtutes illas ea de novo acquirere ab adjunctis corpusculis materiæ præcipitantis, quæ novum cum ipsis mixtum corpus constituent, novis proprietatibus præditum. Sic aurum prædicto modo præcipitatum & exsiccatum vim habet fulminantem, quam ante præcipitationem non obtinebat, etiam si evaporato liquore remanerent corpuscula eadem auri, unita cum corpusculis salinis, quibus in solutione adhæserant. Sic etiam multi pulveres præcipitati vires habent peculiare in medicina, quas non habebant extractions, aut solutiones, ex quibus per præcipitationem fuerunt separati. II. Quod manifestis experimentis cognoscimus in pulveribus præcipitatis, sapores, odores, & alias qualitates proprias corporis præcipitantis. Sic cap. 1. diximus nostram tincturam antimoniam præcipitatam è spiritu vini mediante spiritu vitrioli, eff-



se ad palatum acidam eo prorsus modo quo vitrioli spiritus acidus sentitur; imo non videtur distingui ab ipso spiritu vitrioli cum spiritu vini coagulato.

VII. Rationem denique subjicit in Prop. XIV. ob quam partes dicto modo externis corpusculis coagulatae in liquore solvente tandem actu præcipiti motu deorsum ruant; quia nimirum, cum sint ipso graviores in specie, sunt insimul majores, quam quæ intra illius poros contineri valeant. Patere enim ex alibi dictis, ait, nullum corpus sponte descendere in aliquo fluido, nisi sit specie gravius ipso fluido. Verum, si corpuscula in fluido dispersa sint adeo exigua, ut intra poros fluidi contineantur; possunt ab ipso fluido sustentari, etiamsi fuerint graviora in specie, eo quod excelsus ponderis in tam exigua mole non sit tantus, ut valeat adhærentiam (rectius forte cohærentiam) partium fluidi dissolvere; quod patet in omni solutione metallorum, imo etiam salium, quorum exigua corpuscula, licet in specie graviora, suspensa tamen hærent intra poros liquorum solventium: Verum, quando corpuscula alterius substantiæ præcipitantis cum ipsis corpusculis salinis vel metallicis implicantur, constituitur unum corpusculum majoris molis; quod cum sit etiam gravius in specie, nec possit intra poros contineri; superat sua gravitate cohærentiam partium ipsius fluidi & fundum petit. Quando vero tam corpusculum solutum, quam corpusculum præcipitans, quod illi unitur, fuerint singula leviora in specie ipso liquore solvente; tunc necesse est, ut dum mutuo se amplectuntur illa corpuscula, ita se invicem stringant, ut constituent unum corpus densius, adeoque gravius in specie, quam sint singula seorsim accepta; alioqui non descendent. Hinc esse, pergit in Prop. XV. quod aliquando in præcipitationibus aliqua corpuscula à liquore solvente segregata, non descendant in liquore, sed vel in illo hæreant, vel etiam superiora petant; si nimirum tam stricte non cohæreant sigillatim specie leviora, ut unum specie gravius non componant.





### III. EPICRIRIS SUPER HAS PRIMAS HYPOTHESES.

#### I.

**Q**uemadmodum definitio præcipitationis data clara est ac distincta; ita modus ejus num. V. & seqq. cum primis num. VII. expositus ingeniosus est & adducta sua causa non rationi solum consentaneus, sed imaginationi quoque, (quod in rebus materialibus & extensis utpote sub imaginationem per se ac directe cadentibus, necessario requiritur) distincte perceptibilis; è contra vero alter effectum hunc præcipitationis declarandi modus, quem ex eodem P. Lana num. IV. adduximus, insufficiens utique, propter adductas ibi rationes, judicandus est; maxime propter hanc haut incongruè puto, superaddendam rationem, quod si partes mixti soluti intra liquoris solventis poros sustentatæ, non tam acquisito majori pondere (quod ex subtilissimis ac penetrantissimis spirituosioribus liquoribus sperari non poterat) sed horum agilitate potius & celeri impetu ex latebris suis propellerentur, hæc earum expulsio non præcise deorsum ad fundum tantum & perpendiculariter, sed in omnes plagas & quaquaversum fieri deberet.

II. Neque tacendum nobis est, hujusmodi cogitationes de vera & genuina causa præcipitationis, quas P. laudatus in hoc operis sui tomo III. quem anno 1692. demum publicavit, nobis exposuit, nos diu ante in conaminibus physicæ concil. octennio ante, nempe anno 1684. editis, non fovisse tantum, sed explicitè & expressis verbis exposuisse, dum p. 138. libelli dicti, separationem inquam, hanc subitanæ, qua particulæ omnes, quæ sunt unius generis, deserunt contactum particularum alterius generis, e. g. liquorum solventium & fundum petunt; id quod fit, aut levius reddendo medium fluidum, cui partes e. g. salinæ sulphuræ, metallicæ &c. innatant; aut has per additionem ponderosioris specie graviores efficiendo, ut sic excessu ponde-

Eff 3 ris,



ris sui in utroque casu fundum sponte sua petant. In subjectis notis allego *Job. Alphons. Borellum* de motu animalium part. II. cap. IX. prop. CXXXV. p. m. ed. Rom. p. 273. in explicatione vero utriusque modi utor exemplo vel experimento crassiore ovorum recentium aquæ falsæ ordinarie supernatantium, deinde vero, ut in eadem descendant efficio, vel magna aquæ dulcis copia superaffusa, vel guttulis quibusdam argenti vivi cuilibet ovo instillatis, aqua falsa interim immutata.

III. Cæterum, ut de Phænomenis præcipitationum supra recensitis speciatim aliquid dicamus, illæ separationes partium alicujus liquoris, quæ ipsi naturaliter insitæ sunt & ad ejus naturalem constitutionem pertinent, ut in lacte partes caseosæ, in sanguine partes fibrosæ &c. coagulationes potius dicendæ sunt, quam præcipitationes; quandoquidem partes hæ lacti v. g. naturales ab aliis eidem pariter naturalibus separaræ fundumque petentes, ibidem vere coagulantur, & inter se nectuntur, quod non accidit in præcipitatione proprie dicta, quatenus tamen partes e. g. caseosæ in lacte à serosis separantur & ima petunt, eatenus saltem præcipitationes dici possunt ob aliquam motus similitudinem, qui motus equidem primariam sui causam aliam non habent, quam vehementem agitationem & concussionem connexas inter se particulas caseosas & serosas ab invicem paulatim sejungentem, posteaquam præsertim acidorum quorundam tepidorum affusio, vel ipsa liquoris progressu temporis facta accescencia, (quarum expressa mentio in Phæn. I. & II. facta est) plexum illarum partium tantisper laxavit, ut tandem actualis illarum discussio consequi valuerit.

IV. Iam quod præcipitationes metallorum, similiumque mixtorum Phæn. III. enarratas, & propriissime sic dictas, attinet, illæ procul dubio eo modo fiunt, quem P. Lana in Hypoth proxime antecedentium num. VII. proposuit, & quem nos num. II. præsentis Epicriseos confirmavimus, aut verius ante ipsum exposueramus, ab ejus deinceps assertis confirmati, in eo maxime, quod in altera parte hypotheseos, etiam tunc præcipitationes soluto-



lutorum mixtorum fieri supposuimus, quando liquoris solventis specificum pondus imminuitur, non minus ac alias illæ fiunt, cum partium solutarum pondus specificum adaugetur, cujus evidens exemplum in præcipitanda solutione argenti per aquam fortem facta enarrat, inter cæteros modos præcipitationis, hujus etiam mentionem faciens, quod si solutioni per aquam fortem factæ magnam aquæ communis quantitatem affundamus, eadem præcipitatio contingat, & facilius adhuc, si huic aquarum mixtioni lamina insuper æris vel cupri immergatur, cui scilicet argenti particulæ promptius adhærescant, quam per liquorem ad fundum descendant, ob pororum scilicet procul dubio majorem in ære vel cupro, quam in dicto liquore congruitatem.

V. Specialis in singulis casibus Phæn. V, VI. applicatio Hypoth. generalis satis speciosæ, difficilis est, si non impossibilis, nec postulari jure potest, quia pororum figura & magnitudo in liquoribus solventium imo in ipsis solventium corpusculis, similiterque præcipitantium particularum figura & pondus &c. ob exilitatem determinate cognosci non potest, neque adeo sciri quantum ponderis unaquæque molecula ex tribus diversi generis corpusculis uno scilicet mixti soluti altero ex liquore solventis, ac tertio corporis præcipitantis, composita habeat, & quam proportionem ad gravitatem specificam liquoris solventis: quemadmodum etiam in generali de natura colorum hypothesi, (quod nimirum omnis colorum ratio & varietas à particularum superficialium in aliquo corpore figura, magnitudine, situ ad corpus illuminans &c. indeque multipliciter variante radiorum reflexione aut refractione intermixtis item varie umbellis dependeat; prout hanc totam hypothesein fusius declaravimus in partis I. sect. II. cap. VIII.) jure acquiescimus, etiamsi specificè deinde, in exemplo v. g. solutionis ligni nephritici, coloribus mirabiliter ludentis pro vario positu superficiali, & particularum invisibilium eam componentium, etsi præcisè ac determinate dici nequeat, imo ne hariolari quidem liceat, quot facieculas unaquæque particularum superficialium habeat? quo positu  
item



item hæc aut illa lumen vel desuper vel dextrorsum vel sinistrorsum &c. allapsum respiciat, &c.

VI. Quando in Phæn. V. dicitur nonnullas tincturas post diuturnam temporis moram, sponte sua tandem præcipitari, id cum grano salis accipiendum est, quia in rebus mere materialibus spontaneum non invenit locum, sed quicquid eorum movetur aut quomodocunque operatur, ab alio movetur & ad operandum necessitatur, prout e. g. lapis ex fune suspensus quiescere quidem diu videtur, & progressu temporis tandem sponte sua ut opinamur, funem abruptit ac terram petit: id quod in rigore veritatis falsum omnino judicatur; gravitas enim lapidis, i. e. impulsus ætheris circulantis nunquam cessant, sed filamenta funis perpetuo trahunt, & perpetuo trahendo sensim laxant ac tendunt, dum interim aëristempestates & alternationes symbolam suam conferunt, ut ruptura tanto citius consequatur. Ita particulæ solutæ alicujus tincturæ intra poros solventis diu detentæ, interea ne momentum quidem cessant eosdem urgere, ipsæ quoque indefinenter impulsæ ab eadem, quam diximus, gravitatis causa, dum interim per alterationes aëris æstivi, hyberni &c. ipsius liquoris solventis innumeras mutationes, hujus porri sic disponuntur, particulas soluti mixti ut amplius sustentare non valeant.

VII. Hoc idem monuit P. Lana in prop. V. cum enim dixisset spontaneas ejusmodi præcipitationes sæpe se observasse, non in tincturis vegetabilium tantum verum etiam in tincturis sulphureis mineralium, nominatim in tinctura sua antimoniali, quam sponte præcipitatam viderit, præcipue tempore æstivo, & cum spiritus vini fuisset minus dephlegmatus, imo ipsa integra corpuscula metallica in aquis corrosivis resoluta, hyeme solere quandoque præcipitari &c. tandem ex his patere ait, spontaneas præcipitationes aliquando à frigore provenire, aliquando vero à calore. Mox autem, *spontaneus se dixisse* concludit, & *nullo sensibili corpore liquori adveniente*; non quia fieri possit motus aliquis omnino spontaneus, & sine impetu illi impresso  
ab



ab alio movente, (hoc enim ab Aristotele lib. VIII. c. IV. adeo dilucide ostensum est, ut nihil aliud in universis ejus operibus, *quod quicquid movetur, ab alio moveatur;*) sed quia motum intestinum, qui fit ab internis spiritibus, vel ab æthere poris se interserente, motum spontaneum solemus nominare, eo, quod nullum principium movens sensibus nostris appareat.

VIII. Id denique, quod Phæn. IX. ex eodem Lana adnotavimus, non ab alio melius, quam ab ipso Prop. IX. ac X. factum est, demonstrari potest, quarum equidem longarum admodum propositionum brevem hic concinnare epitomen allaborabimus. Dicit in Prop. IX. universalissime patere evidentissimis experimentis, quod nunquam contingat particulas solutas menstruo salino volatili præcipitari ab alio infuso, quod aliquo sale fixo non sit refertum; eoque promptius & efficacius fieri præcipitationem, quo magis fixum seu alcalizatum fuerit sal illud, quod liquori solventi adjicitur. Probat hoc exemplis 1) auri in aqua regia soluti, oleoque tartari vel nitri præcipitati; 2) argenti in aqua forti soluti, iisdemque salibus & fixis præcipitati, iisdem etiam 3) præcipitatis æris, cupri, plumbi, stanni, ferri, lithargyri, cerussæ &c. quæ eadem aqua forti, vel aceti spiritu, soluta fuerant, prout in Phænomenis adnotatum fuit. Subjungit autem deinceps, ejus rei rationem non esse, ut aliqui putant, contrarietatem menstruorum ac præcipitantium, sed potius ob eorundem affinitatem, neque menstruum corrodere aut dissolvere mixta, ob naturæ aliquam adversitatem, sed ex peculiari solubilitate textura, & corpusculorum solventis menstrui determinata figura, id quod vel horum cum corpusculis mixti solutis, post solutionem ordinaria associatio & pertinax adhæsiō clare testetur. His vero ita cohærentibus, dum postea admiscetur liquor sale quodam fixo refertus, tunc salis volatilis in menstruo corpuscula libentissime adhærere corpusculis salis fixi, & has vicissim cum istis, & una cum particulis dissoluti mixti, hæcque tria sic unita fundum tandem petere.



IX. Quod autem corpuscula salis volatilis apprehendant corpuscula salis fixi, iisque naturaliter adhærere contendant, id ex unius salis fixi v. g. salis tartari calcinati, in diversum specie aliud, e. g. sal nitrum, mutatione probat, quæ fit per superfusionem spiritus nitri &c. qua de re supra Phæn. XV. pluribus actum est. Ex hoc eodem vero fundamento, nunc altera Phæn. IX. portio ultro consequitur; quandoquidem, si solutio facta sit mediante aliquo sale fixo, & postea præcipitans sale volatili refertum superaffundatur; eadem contingit salis volatilis cum sale fixo solvente, & hujus corpusculis mediantibus cum corpusculis mixti soluti, adeoque eorundem trium iterum, vel similium saltem corpusculorum, unio, atque ita similis solutorum præcipitatio.

## IV. SECUNDÆ HYPOTHESES

circa

fixum & volatile, acidum item & alcali.

II.

**M**ulta de salibus fixis & volatilibus in præcedentibus dicta sunt, eademque notiones alibi quoque subinde occurrunt, neque tamen ab omnibus chymicis idem fovetur harum notionum conceptus: ut operæ pretium futurum sit, has æquivocationes, si fieri possit, semel plene evolutas exhibere.

II, P. Lana in opere egregio de Magisterio naturæ & artis lib. XXI. cap. II. Prop. I. ex eo I.) Fixitatem non consistere, probat, in difficili fusione, seu liquatione in igne: nec ex opposito difficillorem in igne liquationem esse certum indicium majoris fixationis; quod aurum habeatur omnium naturalium corporum fixissimum & pene indestructibile, igni quoque validissimo, omnium pene aliorum corporum consumptori potentissime resistens, & hoc tamen non obstante, facilius in igne liquetur, quam multa alia corpora, licet pariter igne liquabilia, ut ferrum, æs, argentum &c. lapides etiam aliqui, imo plerique, igne liquabiles longe intensiorem ignem exi-



exigant ad sui fusionem, quam aurum vel argentum; cum tamen fixi minus sint & communiter existimentur &c.

III. Fixitatem corporum 2.) non consistere in majori densitate vel pondere, probat in Prop. II. ex eo, quod etiam si aurum maxime fixum, sit in simul maxime densum & ponderosum, multa tamen alia sint corpora aliis ponderosiora & densiora, quæ tamen iisdem sint minus fixa, ut stannum & plumbum ferro & ære, quæ in igne facilius calcinentur ac destruantur, ex adverso autem vitrum minus densum sit, quam quodlibet metallum cum tamen cum ipso auro maxima sua fixitate contendat; argentum vivum autem maxime-volatile cen-teatur, densissimum tamen sit & ponderosissimum,

IV. In Prop. III. magis proprie corpus fixum dici, ait, 3.) illud, in quod ignis, aut aliud corpus corrosivum ita agere non potest, ut illud in sua principia componentia resolvat, aut omnino destruat. Nimirum etsi in illum sublunare mixtum censendum sit incorruptibile; quædam tamen inveniri, quorum particulæ componentes tam arcte ac tam tenaci vinculo colligentur, ut nullum igneum robur, nulla salina, acida, seu corrodentia corpuscula, illa vel omnino destruere, aut in primam materiam resolvere valeant, nisi peculiare aliquod artificium adhibeatur. Talia esse aurum, lapides pretiosos, & vitrum ipsum &c. quæ vere fixa dici mereantur; utpote quæ, licet in partes tenuissimas à mensuris corrosivis dividi possint, naturam suam propriam tamen retinent, & in unum iterum corpus facile per fusionem aut aliter coire queant: Ut adeo ad perfectam fixitatem (quæ scilicet in mixtis, non distinguatur ab eorum incorruptibilitate) non sufficiat, quod ab igne non avolent, seu in vapores resolvantur cum aliter quam per ignem communem facile destruantur; sicut è contra quædam corpora ab igne facile avolant, quæ tamen naturam suam integram adhuc conservant, ut argentum vivum, & sulphur &c.

V. Minus proprie tamen 4.) & juxta communem loquendi modum fixum dici posse inquit, id quod in igne non avolat, nec in vapores & halitus resolvitur; volatile vero, quod igne aut calore facile resolvitur, & in aëre dissipatur; in quo sensu argentum vivum, sulphur & alia multa dicuntur volatilia, etiam si corpuscula ab igne avolantia integram mixti proprii naturam retineant, & simul adunata pristinum corpus ostentent. Quare argentum vivum proprie volatile non est, sed maxime fixum, adeo ut multi artem & vi-



res plurimum intenderint ad hoc, ut ipsum in terram & aquam resolverent, pauci vero id consequi potuerint: ac multo facilius sit, argentum vivum in siccum pulverem redigere, qui sit omnino fixus, & in igne constans, quam in sua principia resolvere, per ignem ea ab invicem dividentem. Hinc colligit 5.) In corporibus mixtis illa ut plurimum esse magis fixa, quæ magis accedunt ad naturam corporum simplicium, & habent magis perfectam homogeneitatem, ut patet in auro, in vitro, lapidibus pretiosis, & in ipso argento vivo, aliisque, quorum substantia parum aut nihil habet admixtum heterogeneitatis, aut materiæ à sua natura alienæ.

VI. Uti fixum superius, ita nunc volatile quoque 6.) magis aut minus propriè tale dici potest. Scilicet volatile minus propriè illud mixtum dicitur, cujus partes integrales facile ab igne vel calore aliquo dissipantur, ut integram tamen naturam suam servant, velut argentum vivum cujus substantia seu forma minime destruitur, etsi per aërem facile dispergantur ejus minutia. Magis propriè vero volatile illud dicitur, quod facile resolvitur in sua prima elementa, dum ab igne avolat: Cujusmodi perfecte- & magis propriè volatilia sunt partes ab igne avolantes vegetabilium & animalium, quæ naturam integram talis vegetabilis vel animalis minime retineant. Ubi adverti jubet, mineralia magis fixa esse seu minus volatilia, quam vegetabilia aut animalia; & rursus vegetabilia, saltem ut plurimum minus esse volatilia, quam animalia: Denique nullum mixtum esse omnino volatile, cum in omni vegetabili & animali (magis etiam in mineralibus) adsit substantia salina cum aliqua portione terrea, quæ vere fixa in igne reperitur, & est quasi basis aliarum partium volatilium; ne sc. hæ nullo fundamento nixæ, nulloque vinculo detentæ, omnes minimo quolibet impetu dispergerentur.

VII. Posteaquam in seqq. propp. multa de fixis in volatilia, & de volatilibus in fixa convertendis, ejusque generis aliis, prolixè fuit ratiocinatus; tandem in prop. XVIII. *Omne alcali fixum esse omne vero acidum volatile*, hoc medio termino gemino deducit: Quod, cum per *Alkali* philosophi, medici & chymici intelligant omne salis calcinati genus, seu omne sal, quod remanet in cineribus aut calcerum combustarum aut calcinatarum; hoc fixum esse manifestissimum dicit, quia dum mixta comburuntur, inflammantur, ut etiam calcinantur, in igne non avolat, sed remanet cum parte terrea quæ pariter fixa est: avolare vero humorem aqueum, vel etiam oleolum minus



minus tenacem & alios spiritus igneo - sulphureos & salinos minus fixos, qui apud ipsos chymicos *acidi* nomine veniant; ex quo sequatur, omne acidum esse volatile: non tamen vice versa, omne statim volatile esse acidum; siquidem humor aqueus utique volatilis est, plurimique liquores alii vel dulces sunt vel insipidi, nec magis quam aqua aciditatem ullam præ se ferentes.

IIIX. Jam cum alcali & acidum *Tachenius* Hippocratem æmulaturus, pro unis & primis rerum omnium corporearum, principiis venditasset, & acidum quidem ignem, alcali vero aquam vocasset; multis equidem rationibus, quas huc allegare operæ pretium non esset, hanc opinionem confutat; non tamen negat, plurimos rerum naturalium effectus ex his duobus principiis, acido videlicet & alcali deduci & convenienter explicari posse; nec tamen vel sola hæc esse principia posse, nec prima dici debere ostendit; ac minus quidem incongrue fortasse *fixum* & *volatile* pro primis principiis haberi posse, specietenus contendit, ut quæ omnibus conveniant, nec ullum sit corpus quod non sit aut volatile aut fixum. Verum neque hæc duo, vel prima dici posse, vel sola sufficere, ex fundamentis eorum similibus deducit, quæ supra adversus principia chymicorum inculcavimus; id inter cætera urgens, se non videre, quomodo grave & leve rarum item ac densum, ad fixum & volatile revocari queat? cum e. g. vitrum fixissimum sit, & levius tamen ac rarius multis mineralibus minus fixis; & è converso antimonium, argentum vivum, & alia, sint maxime volatilia, cum tamen sint valde densa & ponderosa quomodo item colorum varietas, ac differentia sonorum &c, exinde derivari possint?

## V. EPICRISIS ALTERA SUPER HAS SECUNDAS HYPOTHESES.

### I.

**I**llas *fixi* & *volatilis* significationes, qua prior vox fusionis vel liquationis difficultatem, aut majorem densitatem vel pondus posterior oppositas condiciones indigitat, cum viro laudato, ob adductas rationes, merito respuimus, Servamus



autem duos reliquos significatus fixi pariter & volatilis, proprie stricteque nempe, & improprie tale, idque ideo, ne inter se nimis collidantur, diversi scriptores, sæpe de his rebus in alio alioque sensu (utpote utroque non adeo inusitato) loquentes; tamen si prior & proprie dictus significatus iusto fortasse strictior videri possit, ut eo sensu omne corpus fixum foret dicendum; cum nullum videatur corpus reperiri, quod vi ignis aut analogorum aliorum menstruorum, in ipsa sua simplicia elementa unquam divisum sit, nisi forte elementi vocabulum, ex opposito laxius accipiatur.

II. Eo modo, quo Autor voces *alkali* & *acidum* num. VII. accipit, verum utique arbitramur, omne alkali esse fixum, & omne acidum, volatile; Tachenii autem aliorumque novatorum, qui cum antiquitate tamen sentire videri volunt, crudam Philosophiam merito cum Authore repudiamus, illumque maxime novaturientium ab antiquis quidem acceptum, sed hodie nimis frequentem abusum damnamus, quo quilibet aut hæreditario acceptam hypothesin de lite v. g. & amicitia, de luce vel tenebris, de raro vel denso, &c. vel hodie nescio qua occasione acquisitam, de acido & alkali, fixo & volatili, motu & quiete &c. tanquam primis & universalissimis principiis, opinionem in Philosophiam invehit, & sic quisque arti suæ vel ingenio indulgens, totam Philosophiam intra arctissimos deamatae hypotheseos limites cogere & coarctare præsumit. Conf. his quæ supra de insufficientia principiorum chymicorum disseruimus.

III. Superest, ut eorum, quæ supra circa fixa & volatilia adnotavimus, phænomenorum rationes breviter attingamus; & quidem quod attinet IX. ac X. phænomena, illa ad hoc præcipue ostendendum tendunt, quod num. II. ac III. à nobis animadversum fuit, fixitatem & fusionis difficultatem vel densitatem aut ponderositatem, pari passu nequaquam ambulare, sed potius, quæ perfectissimam fixationem obtinuerunt, facilem fusionem pati; ita quidem ut chymici de lapide suo doceant, eum fixissimum esse debere, neque tamen eum fixitatis gradum attingere, nisi



nisi facilem, ut cera fusionem habeat. Difficultatem autem fusionis plerumque dependere ab admixta materia extranea vel crassiorum & minus digestarum partium impuritate; prout certe saxosæ ac terreæ minerarum metallicarum venæ multo difficilius; quam metalla ab ipsis istis impuritatibus jam repurgata liquantur; plumbum vero, stannum & argentum vivum, volatilitatem vel ex eo habent. P. Lanæ judicio, quod plurimo humido aqueo non probe excocto abundant, vel inde, quod partium subtilium multitudine & pororum angustia densitatem & pondus acquisiverint, licet ob figuræ forte volubilitatem cum fixitate stare non possint.

IV. *Phæn. XII.* rationem multis exponere non opus est, quandoquidem omnes hujusmodi spiritus igneo-sulphurei vel ideo maxime volatiles sunt, quia magis ignei sunt & igne nihil est volatilius; ita ut aqua comparative considerata ad ignem, quodammodo fixa dici possit. Neque aliam quam hanc eandem rationem postulat sequens XIII. Phænomenon; spiritum vero nitri, aliosque hujus similes, affusum sufficienti portioni fixi nitri, cæterosque similiter singulos, suo quemque corpori respondentem unitos, tam arcte postmodum coherere, vel inde est, (ita rem explicante Prop. XXVII. sed in Prop. XXI. jam ante inficiato veram aliquam hic intervenire tractionem) quod unumquodque corpus fixum ad se trahat suum proprium volatile, nec solum illud sibi uniat, sed etiam per talem arctam unionem aliquatim fixum reddat, vel imaginabilius ex lib. ejus XII. prop. V. ex eo est, quod in exhaustos nitri fixi seu alkalizati poros, spiritus nitri corpuscula sua figura, magnitudine, aliisque specificis conditionibus, multo promptius, quam ulla alia subire, cum figuris particularum poros claudantium magis implicari firmiter coherere possint &c. Quod idem non solum de quibusvis aliis congeneribus fixis & respondentibus volatilibus dici, sed etiam iis, quæ in Phæn. XV. annotata sunt, applicari possunt.

V. Nimirum alcalia non omnino exhausta sunt, omni suo sale volatili, sed solum ejus parte maxima; unde non solum ejusdem



dem generis particulæ volatiles promte & avide quasi admittuntur & cum homogeneis ceu dictum complicantur, sed etiam heterogeneas cum amissis homogeneis commutant, & in harum locum recipiunt, ut mixtum inde compositum nomen potius à receptis novis hospitibus (utpote parte jam sui potiore & actuosiore) quam à partibus pristinis magis otiosis & passivis accipiat, circa vitri, cuius genesis in Phæn. XVI. describitur, pelluciditatem, hanc fortasse faciliorem assignaremus rationem, cum ex igne fornacis vitraræ, partes æthereæ, tanquam lucis vehiculum & subiectum, omnes ferè in aërem circumstantem expullæ, & quodammodo compressæ sint, fit ut massa quædam vitrea ex fornace protracta, & oris flatu in bullam quandam formata, materiam ætheream quodammodo coactam, & huic cum impetu & elastico nisu ingruentem excipiat, viscida sua mollitie ejus rotundis quasi particulis transitum concedat, ut ultro citroque commeantes non solum efficiant sibi commodos meatus, sed in illa visciditate interea sensim rigescente postea conservent, atque ita rectilineos istos motus (in quibus luminis essentiam consistere alibi docuimus) citra impedimentum continuare possint.

VI. Sal cibarium seu commune cur sapida reddat esculenta, in ipso Phænom. jam explicatum est, aut saltem indigitatum; quod vero sal fixum vel alcalizatum contrarium effectum habeat, ex eo est procul dubio, quod exhaustis suis poris, si qua est in esculentis aciditas, h. e. grati saporis causa, eam imbibat & absorbeat, cur prius illud putredini obnoxia contra hanc præmuniat, jam supra dictum est in cap. de putredine, sal alcali vero ob ipsam illam dictam rationem putredinem necessario promoveret, tandemque cum acidis commistum sal cibarium & quodvis aliud acidum, nil turbæ excitat, multum autem cum istis tumultuantur salia alcalica; quoniam, (ex recentissima quadam hypothesi) quoniam spicula acidorum, in exhaustas vacuitates alcalicorum insinuata, poros istos eousque coarctant, ut æthereo vel secundo elemento excluso, solum primum agitativissimum recipi queat, & spicula illa valde agitando tumultus istos excitare, quibus recte pensitatis, non erit difficile causas eorum, quæ in Phænom. XVIII. dicta sunt,



sunt, conjecturare, ut & eorum quæ Phæn. XIX. submissa sunt, si præsertim ea, quæ de foetore putrescentium alibi deducta sunt, præsentibus conferre lubuerit.

VII. Eorum, quæ in Phæn. XX. notata sunt, rationes non adeo obscuræ aut abstrusæ sunt, quandoquidem vis maxima corporum in spiritibus subtilioribus, moderato igne protrusis consistere videtur, ut magna dosi non opus sit. Quod si vero vehementiore crassiores etiam partes protrudantur, hæ, cum subtilioribus istis commixtæ illarum vim retundunt; ut mixtura hæc in magna dosi minus efficaciam habeat, quam primi illi simplices spiritus in minima quantitate: quo minus mirari par est, sal ex rhabarbaro, post cætera ista demum extractum, omni virtute purgante destitui. Similis ratio in altero exemplo de cortice piperis, ejusdemque interiore pulpa reddi potest, caphuræ vero singularis & rari exempli volatilitas, ab eis textura laxissima & fere soluta dependet procul dubio, quemadmodum liquores communiter omnes hoc ipso consistentibus corporibus ex hoc solo credo volatiliores sunt, quod particulis componantur plane solutis & incoherentibus, ut singulæ ab ignis impulsibus elevari facillime possint, nisi quidam liquores particulis consent magis ramosis & implicabilius, quibus adeo, plus invicem coherentibus, major adhibenda vis est, si debeant in sublime attolli; vapores autem aqueos volatiliores esse aqua ipsa, quis miretur, cum idem omnino corpus multo mobilius esse, cum jam actu in motu est, quam cum omnino quiescit, quotidianis experimentis constet: quo ipso Phæn. XXI. quoque probabiliter satisfactum erit.

VIII. Aquarum fortium seu corrosivarum, quas in Phæn. XXII. commemoravimus, rationem generalem ex eo petimus, quod ut omnes aquarum omnium particulæ in perpetuo motu sunt, licet invisibiliter (id quod solutio frustuli cujusdam salis communis aut sachari in aqua quietissima demonstrat, dum particulæ salis aut sachari minimæ ab aqua non solum intensibiliter divelluntur, sed è fundo vasis, cui frustulum sachari incumbit, ad supremam ejus superficiem evehuntur) ita spicula quoque ha-

H h h

rum



rum aquarum salina perpetuo impacta in lineamenta laminarum cuprearum vel ferrearum, hæcerodunt & exscalpunt; dum reliquam laminam vernice aut cera obductam (utpote ictibus istis ceræ molliæ cedentem) illæsam dimittunt; siquidem satis temporis illis erosionibus concessum fuerit; prout equidem aquea quoque gutta lapidem, sed sæpe cadendo cavat. Nec alia ratio erit cæterorum corrodentium liquorum, quorum in Phæn. XXII. meminimus; cur vero spiritus urinæ aliis aquis corrosivis in proportionata quantitate admixtus, harum vim retundat, non aliunde, quam ex eo conjicere possum, quod diversa unorum quasi cultelli & scalpella, alterorum specificam acierum diversitatem invicem obtundant.

IX. Quod attinet denique cætera, quæ sub finem Phæn. XXIII. & in seq. duobus ultimis annotata sunt, circa vim abstergendi aut cosmeticam, (quæ posterior ut plurimum etiam in ejusmodi virtute abstersiva consistit) ea ex antedictis analogia quadam explicationem suam facile emendicabunt, quandoquidem omnis hæc vis abstersiva, à simili salinarum particularum motu vel rasura, quamvis multo moderatiore, dependet.





**TOMI five LIBRI  
SECUNDI  
SECTIO SECUNDA,  
MUNDUM SIDEREUM**

five

**MACROCOSMUM**

considerans.





LIBRI  
Sive TOMI SECUNDI  
SECTIO SECUNDA  
hujusque  
quædam Prolegomena.

I.



*Consideratio macrocosmi sive mundi sideris, quam nunc aggredimur, varia primum ejus scientiæ nomina spectanda offert, ut 1) ab ipso, quod modo innuimus, objecto Cosmica dicatur & Cosmographia, tanquam mundi universi scientia. Tametsi enim communiter huic Cosmographiæ opponamus Geographiam, tanquam partem alteram ipsi contradistinctam mundum hunc terraquaërigneum sive elementarem aut sublunarem, pro objecto habentem, quam etiam sub nomine Geocosmi in sect. præced. prima ipso facto separatim tractavimus; ejusdem tamen consideratio non solum ut communis observatorii, ex quo superioris illius mundi sideris pulchritudinem & mirabilia contemplamur, sed etiam ut corporis alicujus mundani ac totalis, in communi expanso æthereo cum cæteris globis sideris libere penduli, imo ex mente Copernicanorum saltem, virorum certe cæteris hac in parte di-*



diversum sentientibus (quod moderatiores ac prudentiores horum ipsimet non negant) nihilo stupidiorum aut inconsiderantiorum, inter ipsa sidera connumerandi, ab ambitu praesentis objecti excludi nec potest nec debet: tametsi specialior partium ejus satis grandium & inenarrabili multitudine ac varietate sua, separatam & particulariorem considerationem merentium, particulari & specialiori cuidam scientiae, Geographiae dictae, sufficiens argumentum suppeditet.

## II.

Vocatur etiam scientia haec cosmica communiter *Astronomia*, ἀπὸ τῶν ἀστρον καὶ τῆ νόμῃ, quia ex observationibus multorum temporum, leges investigat, quibus ex praescripto quasi summi Conditoris, ista motus suos exercent constanter ac perpetuo, qua supposita & ex observationibus continuis cognita constantia, ausi deinceps fuerunt Astronomi easdem illas leges imposterum astris quasi iterato praefigere, & in futurum etiam observandas praescribere, aut verius, ex hypothesei observatarum stupendo labore dictarum legum, in futurum praescire ac praedicere, quo loco caeli quodvis astrum, quo vis temporis momento, sive supra sive infra horizontem, sive in ipso horizonte, oriens aut occidens, futurum? quando cum hoc aut isto concursurum, aut quanto intervallo ab eo abfuturum sit? &c. eventu quidem adeo felici, ut eclipsium seu obscurationum, non solum luminarium magnorum solis & lunae, sed hodie etiam circumjovialium, mirabiles apparentiae, ad certum non solum mensem, sed mensis diem, insuperque diei horam, indubie & infallibiliter praenunciari valeant, etiam quoad specialiores earum circumstantias quantitatis praecipue, utrum nimirum luminare totum, aut quota ejus portio obscuranda sit, &c.

## III.

Dicebatur etiam olim Aristotelis praesertim aeo, Astro-



logia, i. e. sermo de astris eorumque cognitio, talis nempe, qualem num. II. indigitavimus, nequaquam vero vana illa ac stulta persuasio, quasi ex astrorum motibus, nequaquam fortuitis & contingentibus, sed necessariis, constantibus & perpetuis, rerum in his terris contingentium, & vel casualium penitus, vel fortuitarum & ab humanis consiliis valde mutabilibus maximam partem pendentium, praescientia quaedam expectari possit, quam artis nomine indignam, tum sui ipsius primum, deinceps aliorum quoque credulorum & superstitiosorum hominum deceptionem, saepius etiam scienter & cum proposito alios decipiendi studium, quaestus & lucri cupido, aut ambitiosa futurorum sciendorum praesumptio excogitavit. A caelo, astrorum receptaculo & communi loco, etiam Uranoscopia & Uranalogia dici solet, & si definitio realis aliqua desideretur, quae rerum cognoscendarum *συναρπάξαι* sive *σύνολον* exhibeat, potest definiri haec Cosmographia sive Astronomia, quod sit scientia, quae mundi totius systema & constitutionem, h. e. caeli siderumque naturas, situm, ordinem, motum, magnitudinem, distantias, aliaque Phaenomena & accidentia, sive certo & indubie, sive verosimiliter, aut ad interim conjecturaliter, non solum contemplatur, (nec enim omnia simul & eodem tempore expediri poterant, aut eadem felicitate pervestigari singula) sed etiam multa ad datum quodcunque tempus, sive praesens, sive praeteritum, sive futurum, vel e contra multorum quoque aliunde notorum. & vel praeteritorum vel adhuc expectandorum, tempora ex certis regulis determinare docet.

#### IV.

Cognoscitur ex his, infra pluribus adhuc dicendis, & ex ipsa pleniori rerum tractatione imposterum luculentius dispalescet, scientiae huius eminentia supra omnes alias ex rationis lumine haustas scientias, sive objecti dignitatem spectes, sive me-



methodi certitudinem, & in tam sublimi contemplandi profunditate evidentiam, sive multitudinem facultatum naturalium, quæ illi ancillantur, quibusque ipsa vicissim infervit aut opitulatur, sive purissimæ voluptatis jucundam tranquillitatem, sive denique principes viros, sacerdotali aut regia dignitate conspicuos, qui vel privato studio, vel publico honoris testimonio, vel stuporis suffragio illam comprobarunt; ita loquente Ricciolo, in præf. ad lect. sub init. quibus nos etiam lubentes meritoque adstipulamur, sed cum grano salis acceptis, iis præsertim quæ de methodi certitudine & evidentia dicta sunt. Cum enim in rebus Astronomicis bene multis (nominatim in corporum mundanorum distantis & magnitudinibus definiendis) magna sit etiamnum incertitudo ingenue confitenda manifestum est, Ricciolum 1) non de universali, quoad omnia, certitudine, 2) de methodi & regularum potius, quam rerum ubique evidentia intelligendum esse, cum applicatio regularum sæpe valde difficilis & quandoque infelix eveniat.

V.

Illud vero, quod oratorio stylo porro inculcat Ricciolus, profecto citra omnem verborum exquisitorum fucum, mirandum non solum sed stupendum prorsus est, quod seduli cælestium, adeo sublimium & à nobis immensis intervallis remotorum, vestigatores, in tanta perplexitate & irregularitate motuum, præsertim planetariorum, in tanta quosdam eorum variis videndi difficultate, aliquorum etiam periodos integras observandi vix semel, nedum pluries occasionem ferente unius hominis ætate, in tanta apogæorum & perigæorum in singulis varietate, tardiori aut celeriori mutabilitate, indeque pendentibus anomaliarum incrementis ac decrementis (quæ omnia juste æstimare nemo nisi artis peritus potest) directionum denique stationum & retrogradationum tricus inexplicabilibus &c. eam potuerint rerum tam variarum evidentiam consequi, ut siderum loco, ortus, occasus, congressus, digressionesque, syzygia item & oppositiones, alias.



aliasque ad spectum variationes, certa prænotione in dies saltem & horas (vix aliquot horarum minutis aberrante à veritate calculo, testibus vel solis eclipsibus) & ipsi multo ante prævidere, & aliis confidenter prænunciare ac in publicas ephemerides redigere, ut taceam Hipparchum ante & Tychonem, post Christum, plus quam mille stellas fixas sub dio singulas, hibernis præsertim noctibus, harumque tædiosis vigiliis, observasse dimensosque fuisse, ut de mutatis interea earum longitudinibus & latitudinibus constaret; cui similem operam nemo mortalium unquam in ullius alius scientiæ incrementa vel comprehensionem unquam posuit: ut Heroicos hosce labores Ricciolus omni jure vocitaverit.

## VI.

Quæ de origine Astronomiæ prolixè narrat Ricciolus Artic. III. præfat. ut incerta pleraque prætermittimus, cum præsertim parum referat, an ab Hebræis ad Chaldaeos primum, & ab his ad Ægyptios, an ab Ægyptiis demum ad Chaldaeos, & inde ad Græcos emanaverit? ex Articulo IV. vero notabiliora solum aliqua excerpam, quod e. g. plura Chaldaei & Ægyptii, quam Græci ante Alexandri obitum contulerint, paucis exceptis, quæ de eclipsibus attigerunt Thales & Anaxagoras. Posteaquam vero condita per Alexandrum M. Alexandria, reges ejus successores Gymnasium in ea urbe omnibus disciplinis aperuissent, reversa est in Ægyptum, vel potius ibi revixit Astronomia, & floruerunt Alexandriae successive Aristyllus, Timochares, Eratosthenes, Conon, Hipparchus, Sosigenes & Theon senior, Ptolomæus, Paulus Alexandrinus, Theon junior ejusque filia Hypatia, Pappus, Diodorus Alexandrinus, Theophilus denique ac Cyrillus Episcopi, ut ita ab annis 300. & amplius ante Christum, usque ad annum circiter post ipsum regnaverit Alexandria Astronomia;



*mia; observantibus quidem cælum aliis quoque viris insignibus extra Alexandriam, ut Aristarchus, Helicon, Archimedes, Cleomedes &c. nemini tamen omnium plus debente hac disciplina, quam Hipparcho & Ptolomæo. Cum vero non obstante tantorum virorum stupenda industria tabula Ptolomæica progressu temporis à cælo disfiderent, Albategnius, nono seculo, aliique sequenti decimo ac undecimo, Hispani, nec non Persarum Mathematici Tybenenses, de motibus cælestibus instaurandis cogitarunt, cum jam capta à Saracenis Alexandria, ad Arabes veluti captiva abducta fuisset Astronomia. Tum vero judæi cum arabibus, non minus de superstitione cabalistica & astrologicis deliramentis per siderum motus stabiliendis, quam de ipsis cæli motibus decertabant. Ex horum colluvione Alphonsus X. Castellæ Rex, ingenti 400000. aureorum sumtu Tabulas Alphonsinas construi fecit, anno 1252, & postmodum ad Albategnii normam correctas denuo edidit anno 1256. quo eodem spheram suam Ioh. de sacro Bosco Parisiis edidit.*

VII.

*Verum, cum tabulæ illæ collectitiis potius opinionibus, quam observationibus per illud, ut oportebat tempus initis, starent, hanc ita multo post à toto cælo, in fixis & planetis minoribus dissentire cœperunt, simulque deprehensum est, æquinoctium multis diebus antecedere diem 21. Martii, à Nicæna Synodo & Alexandrinis Episcopis constitutam. Itaque & de tabulis Alphonsinis, & de Calendario corrigendis agi cœptum impensius, tandemque intermissas diu observationes cælestes resumserunt R. Levi, Petrus Alliaccensis, Nicolaus Cusanus, Joh. Blanchinus, Georgius Purbachius, Joh. Regiomontanus, Bernardus Waltherus, Ioh. Wernerus, Dominicus Maria, Gemma Frisius & Copernicus, ex cujus fontibus Prutenicæ tabulæ fluxerunt. Postquam vero innumeri in Alphonsinorum errores calamum strinxissent, neque Prutenicæ tabulæ cælo usque quaque congruerent, occasione novi & ingentis sideris in cathedra Cas-*



siopea apparentis Astronomi plures oculos in cœlum intendere cœperunt, inter quos præcipui Guilielmus Hassiæ Landgravius, Mœstlinus & Tycho Brahe, ex cujus postremi observationibus, Longomontanus Danicas Keplerus Rudolphinas tabulas construxerunt; eodemque tempore Philippus Lansbergius ex Prutenicis & Danicis hypothesebus paucisque propriis observationibus, tabulas concinnavit, Danicis & Rudolphinis, Riccioli iudicio, non inferiores, imo alicubi meliores. Tandem Vincentius Reinerus, quinque tabularum genera modo memorata in unum volumen, forma non inutili cœgit; postremo vero Ismael Bullialdus ex observationibus Tychonis, Gassendi, suisque potissimum geometricæ inquisitionis labore incredibili, Philolaicas tabulas nobis extruxit, facilitate & consensu cum cœlo, Rudolphinis, Danicis & Lansbergianis æquiparandas, & alicubi anteponendas, alicubi tamen etiam deficientes. Præter hos, maculas solares, & jovialium satellitum ambitus observarunt Galilæus, Simon Marius, Scheinerus & Vincentius Reinerus: lunares autem maculas & librationes Michael Florentius Langrenus, Joh. Hevelius & Petrus Gassendus, una cum Eclipsibus; sed & D. Vincentius Mutus Majoricæ observationibus astronomicis pene totus insudabat: novissimè vero D. Cassini in Gallia, tum aliis, tum quinque satellitum Saturni motibus nominatim observandis, uti Flammstedius in Britannia circumjovialibus eorumque eclipsibus, indefessam operam navant.

### VIII.

Tametsi vero plurima sint & miranda prorsus, quæ Astronomorum stupenda industria hætenus in cœlo detexit, nulla tamen est pars Astronomiæ hætenus tradita, quæ non requirat aliquid ad sui integritatem, aut saltem lima non indigeat,



geat, iudice Ricciolo, cuius iudicio hoc insuper ego addidero, ne innumera quidem secula suffectura esse ad exhaurienda cœlorum, imo totius etiam hujus inferioris naturæ miracula, adeo immensa sunt & inenarrabilia Dei opera! Fixarum enim longitudo & latitudo à Tychone correctæ sunt ex ascensionibus rectis ac declinationibus ab ipso observatis, ascensiones autem rectæ dependent à Venere ejusque parallaxi nimia, qua usus est Tycho in declinatione vera, ob nimiam Solis parallaxin, uti fatetur Keplerus in Ephemeridum fundamentis p. 15. Numerus fixarum in singulis asterismis augendus esset secundum observationes telescopicas, subinde etiam distantia fixarum observata, reperiuntur dissentire ab observationibus Tychonicis &c. Saturnus planetarum lentissimus, astu quasi senili toties fefellit, quarum illusionem plura exempla specialim enarrat Ricciolus in Artic. V. satellitum autem Saturni motus, & eorum apparitiones, occultationes ac divaricationes nondum exploratas & opus esse seculis, ut certo definiri queant, tametsi Dn. Cassini in suis observationibus ad annum 1686. Act. Lips. p. 469. D. Halley in iisdem Act. Lips. D. Hugenus in Cosmotheoro, aliique post Riccioli tempora, jam multa superaddiderunt; quemadmodum etiam circa Joviales satellites Hookius, Flamsteedius & alii, multum profecerunt, ita tamen ut plura etiamnum corrigenda supersint.

## IX.

Martis sidus, inobservabile quondam Plinio dictum, adeo enormiter tabularum antiquiorum leges violavit, ut nunc Alphonsinum calculum gradibus  $2\frac{1}{2}$ , nunc Prutenicum fere 5. excesserit. Etsi vero post observationes Tychonis, Keplerus, Longomontanus, Lansbergius & Bullialdus, Martem arctioribus vinculis constrinxere, aliquando tamen adhuc re-



reluctatur, neque vinciri se totum permittit, adeo quidem, ut anno 1632. Febr. 5. non debuisset acronychius, juxta tabulas Rudolphinas, à lunategi, cum tamen ab ea tectus est, observantibus id Petro Gassendo Parisiis, & Martino Hortensio, Leida, fortasse ob exiguam parallaxin Martis & minorem, quam crediderat vel Keplerus vel Tycho. Veneris errores haut ita manifestos habemus in tabulis recentioribus sicut Martis aut Mercurii, per paucas tamen habemus observationes retrogradationum ac digressionum maximarum, per plures dies continuos ante & post habitas, ut adeo huic parti pluribus observationibus subveniendum sit. Dissidii inter verum locum ejus, & locum Alphonsinum vel Prutenicum exemplum habemus in epist. Tycho p. 56. Et Hortensius observavit conjunctionem ejus cum Mercurio anno 1632. d. 31. Jul. cum ex Longomontano distare adhuc debuissent grad. 2. min. 53. Mercurii porro dolosum sidus, & fere semper sub solis radiis occultum, nec nisi inter vapores horizontis apparens, ideoque Copernico obvisula vapidityatem inobservatum, in sedis Astronomica solertia capiendum est, ut tabula ab infamia illa, 10 aut 11 gradus aberrantium tabularum Alphons. & Prutenicarum. Et quamvis Longomontanus gloriatur, ex observationibus 9. sic à se restitutam ac reformatam ipsius hypothesein, ut dissidium calculi à cœlo nunquam excedat sextam gradus partem, conjunctio tamen & cum ☿ anno 1631. d. 7. Novemb. à Pet. Gassendo Parisiis observata (qua illum sub solis disco conspexit) gloriam illam inanem reddidit, ac tab. Longomontani, Hortensio adverte à vero loco mercurii plus quam 7. grad. (quod pudendum) aberrasse demonstravit; Prutenicis s. tantum, Ptolemaicis 4. grad. 25. min, Lansbergianis 1. gr. m. 21. Rudolphinis autem nonnisi 14 min. exorbitantibus, Philolaicis autem ab his ne duobus quidem minutis dissentientibus.

X.

Ne solis quidem theoria, qua ob evidentiam ac frequentiam



tiam observationum videri poterat omnibus jam absoluta numeris, omnis controversia aleam evasit. De apogæo enim ipsius & Eccentricitate, de maxima declinatione, de anni quantitate, de diametro apparente, adhuc lis aliqua superest inter Astronomos, sed præcipue de parallaxi ipsius ac distantia. Hæc igitur præcipue diligentius inquirenda est, cum ab ea pendeant omnium siderum (excepta unica luna) distantia à terra & parallaxes ac veræ magnitudines, ipsiusque solis vera magnitudo, velocitas & alia multa theoremata ac problemata scitu dignissima; misis interim erroribus Prutenicarum in sole majoribus quam Alphonsinarum, & harum ipsarum in æquinoctiis & in apogæo solis, solarium tamen macularum theoricam ita perfecisse Scheinerum, dicit Ricciolus, ut Renato des Cartes, Bullialdo, Hevelio aliisque testibus vix quicquam accuratius sperari possit. In lunæ denique theoria multum adhuc difficultatis superesse fassus est, Tycho ni Keplerus, eandem à parallaxibus inchoandam reputans, quod cum mortuus eodem anno Tycho perficere non potuerit, ab ejus successoribus proseguendum est. Restat etiam lis de motu latitudinis & nodorum, de eccentricitate lunari & de semidiametro apparenti; præcipue vero de variatione & anomaliam tertiam inter syzygias & quadraturas, ob quam non raro tabulæ inter se, & à cælo integro pene gradu dissident. Incredibilis etiam macularum telescopio observatarum multitudo, ad selenographiam perficiendam, plures ac diligentiores observationes requirit, & adhuc accuratiores admirabilis illa lunæ libratio, tandem dichotomiae phasis certius quam huc usque determinanda &c.

## XI.

Et quamvis id vel maxime miretur totus mundus, quod in prædicendis eclipsibus præstitit Astronomorum industria, nondum tamen rem istam penitus confectam esse cordatiores eorum inter se ingenue confitentur, dolentque ac stupent, inter recentiorum quoque tabularum calculum & observationes, imo inter



ipsas ejusdem eclipseos observationes, tot dissidia intercedere, tot errores adhuc Tychonis, Kepleri, Vendelini, Lansbergii &c. Astronomiae procerum, quos alter alteri commonstrarunt in hoc negotio, ut denique Bullialdus, cum vix suas tabulas philolai-  
cas edidisset, dolere necessum habuerit: Solis eclipsin anni 1645 Augusti 21. insigniter discrepasse à suis tabulis, quae omnia non alia fini hactenus enarrata sunt, quam ut industria successorum exacuat hanc ipsa difficultatum cote, simulque palam fiat, non fore actum agere, si quis in hoc pulvere Astronomico desudare voluerit, & pro sua virili, causarumque physicarum inconstan-  
tia, imperfectiones limando ac poliando adimere, aut certe inter eas discernere, quae tolli possunt, & eas quae tolerari, sed non tol-  
li, uti prudenter & eleganter loquitur Ricciolus in praef. artic. VI. sub init. Nec enim studio occultant hosce suos defectus Astronomi, etiamsi plebejis hominibus haut facile animadver-  
tibiles.

## XII.

Nos his prae-monitis cum vel ex Ricciolo, generalem nunc Astronomiae divisionem subjiciemus in Theoreticam, quae sola observatorum phenomenorum, earumque causarum cogni-  
tione, certis theorematibus comprehensa absolvitur, & Pra-  
cticam, quae adhibitis mediis practicis phenomena ista per certa problemata determinare, etiam in praeterita & futura tempora docet, cui gemino scopo geminum etiam hypotesium genus adhibere solet; alterum Physicarum, in quibus veritas ipsa vel verosimilitudo saltem supponitur in causis declarandis; alterum Astronomicarum, in quibus suppositorum veritas aut probabilitas praecise non attenditur, sed manifesta saepe falsi-  
tas adhibetur, dummodo ad computum vel calculum facilitan-  
dum quippiam conferat. Prout e.g. hodiernum etiam peritiores aliqui Astronomi, epicyclis & epepicyclis, ad computum facili-  
tandum utuntur, etsi probe gnari ejusmodi commenta in caelo-  
rum



rum fluida, quam certissime ac demonstrative nunc cognovimus, locum amplius vere quidem, invenire non posse.

### XIII.

Praxis autem illa Astronomica, triplici potissimum medio expediri solet, prout problemata vel accuratius, operosius ac difficilius expediri volunt, ope scilicet triangulorum sphaericorum, quam ideo trigonometricam nominare non incongruum fuerit, vel planiore & faciliore calculo, ex tabulis in eum finem, ope prioris trigonometricæ viæ potissimum paratis, quam tabulariam inde nuncupare liceat, vel denique modo omnium facillimo, citra omnem fere calculum, interventu sphaerarum seu globorum artificialium, sive solidorum sive armillarum, quem sphaerologiam commode salutamus. Cum vero praxis hæc astronomica, præsertim tabularia & magis adhuc trigonometrica, multum operæ temporisque postulet, atque adeo separatim exercitium mereatur, hoc astronomiæ practicæ separatim reservato, prout ea communiter physica, tanquam theoretica scientiæ, contradistingui solet, in præsentiarum solam cælorum siderumque, atque adeo mundi hujus universi, sive naturæ universalis, theoriam, satis prolixam etiam illam, pertractandam sumemus, & quidem per duo primum membra, secundæ hujus Sectionis; quorum unum partem Astronomiæ sive Cosmographiæ generalem, alterum specialem comprehendat, utrumque deinde membrum, ulterius in plures articulos subdividatur, & prius quidem in sequentes quinque Articulos, in diversa porro capita plerosque omnes subdividendos; quorum primus mundum universum abstracte & mathematice ad instar sphaeræ consideravit: secundus eundem physice magis in cælos & astra sive stellas divisum spectabit, & speciatim cælorum naturam & affectiones investigabit: tertius ad  
astra



*astra in cœlis contenta progressus, separatim affixa, quæ vocantur, contemplabitur: quartus erraticas, quæ dicuntur, stellas sive planetas, eorumque affectiones examinabit: quintus denique stellas novas κατ' ἐξοχήν sic dictas, sive fixarum æmulas & crinitas sive caudatas, planetarum simias, pro objecto habebit. Membrum secundum autem, sive pars Cosmographia specialior, plures pariter articulos complectetur, quorum unus de Sole separatim, secundus de Luna seorsim, tertius de Saturno atque ita de plerisque cæterorum planetarum, cæteri peculiare, cum subjunctis sibi capitibus, contemplationes instituet.*

## SECTIONIS SECUNDÆ

De mundo æthereo sive  
fidereo

MEMBRI PRIMI

seu

PARTIS GENERALIORIS

ARTICULUS I.

De

Mundo abstractè & mathematicè considerato.

CAPVT I.

*hujus considerationis generalia complectens.*

I. PHÆNOMENA.

**P**HÆN. I. Mundum hunc ad spectabilem eo usque tantum extendi superioribus seculis creditum fuit, ubi stellas lucentes nocturno tempore inermi oculo conspici dabatur, nec enim



enim tunc telescopiorum inventum & usus innotuerat. Quandoquidem autem stellæ dictæ circa nos undiquaque, immenso intervallo singulæ, adeoque quoad sensum æqualiter, distantes in orbem dispositæ cernebantur, pronum erat existimare, mundum vastum quidem corpus, ac finitum tamen ac termino certo circumscriptum esse, verbo *sphæricum*, quandoquidem secundum Euclidis definitionem lib. XI. 14. ejusque coroll. id corpus, ex cujus puncto quodam medio (quod hoc loco terra sumebatur) lineæ quaquaversumeductæ æquales sunt, sphæra seu globus appellari solet. Hujus autem sphæræ mundanæ sic conceptæ *centrum* ipsa consequenter hæc tellus nostra, anticipatione quadam altera supponebatur.

*PHÆN. II.* Tametsi vero magna satis hæc mundi adspectabilis sphæra communiter credebatur ac tradebatur, vere tamen à vulgo prælerim hominum, æstimari illa magnitudo non poterat, utpote cujus sublimitatem de die solis quandoque etiam lunæ species, de nocte vero cæterarum stellarum imagines in aëris suprema superficie repræsentatæ, definiebant. Unde nata est in hominum mentibus anticipatio tertia sive sensuum prænotio (Epicuro sic dicta) qua simplex plebecula mundum universum in duas partes, non adeo inæquales, nempe in coelum ac terram, dividi posse sibi persuadet; cum tamen recta ratio, ex fundamentis Astronomicis indubiis edocetur, hanc divisionem non minus incongruam esse, ac si quis vastam magni ducis Moscovitici aulam in partes distributurus, alteri balneum aut zibethi cicurati caveam, alteri vero reliquam universam ædificiorum molem, accommodum viginti hominum millibus domicilium assignaret: aut si quis forte mallet Guil. Gilberti Angli similitudine ex ejus Philosophia nova de mundo nostro sublunari p. 9. uti, & universum terrarum orbem, in insulas infortunatas Indiæ occidentalis valde exiguas (quibus natura durior cuncta negaverit, cæterarum adeo provinciarum omnium respectu infelicissimis) & in reliquum frugiferum orbem dividere.



*PHÆN. III.* Quamvis autem hoc intuitu, mundi in cœlum & in terram divisio valde inconveniens videri possit non æque tamen incongrua aut absurda videri potest considerationis physicae universi mundi in duas partes distinctio, alteram *uranographicam*, de cœlo ac cœlestibus, alteram *geographicam*, de terra ac terrestribus corporibus, separatim acturas, prout hujus generaliore partem in sect. præced. I. absolvimus, specialiore in sect. III. sequente, cum DE O daturi, illam vero in præsentī sect. II. expediemus; quandoquidem particularium corporum multitudo non minor intra & circa sphaeram terrestrem, pedibus nostris subjectam, quam intra cœlestem, vastissimam quidem, ac non nisi minus ac per nebulas quasi inspiciendam, hætenus innotuit, nec pauciora horum, quam illorum phænomena, ad causas suas deducenda, sese offerunt.

*PHÆN. IV.* Elevati igitur tantisper oculi, nondum etiam tubos specillis armati, obvium statim sibi habent expansum illud spatiosissimum, quod cœlum appellamus, quodque, discussis in aëre nebulis ac vaporibus, & extincto diurno lumine, oculorum aciem haut leviter perstringente, h. e. illunibus noctibus, ac imprimis aëre post diuturnas pluvias aut nives repente depurato, nigerrimum spectatur ac pellucidissimum; adeo, ut solis infra nos existentis radii, terram ex omni parte prætervecti, & in sublimia supra nos expansi spatia confertim emissi, nullum tamen ibi vel sensibilis resplendentia, vel colorationis ullius vestigium relinquant.

*PHÆN. V.* Deinde vero in isto vastissimo maximeque pellucido cœlorum spatio disseminata videmus corpora splendida & fulgentia non facile numeranda, de die scilicet solem, fulgentissimum sidus, ac interdum etiam lunam, noctu vero hanc ipsam vivido magis lumine radiantem, ac præterea stellas, uti dixi, innumeras, sub minore multo, & illa tamen varia magnitudine, nullo quidem ordine, sed grata tamen confusione sparsas, quas humana interim industria, memoria & imaginationi suppetias itura, in ordines & imagines varias, uti notum, haut inutili fingendi libidine, redegit,

*PHÆN.*



*PHÆN. VI.* Patitur tamen & omnimoda illa coeli pelluciditas, & coruscans hic stellarum fulgor, aliquem alicubi saltem defectum. Nam purissima cæteroquin ista coelorum spatia, stria quadam seu fascia candicante, per sui ferme medium cinguntur, qua parte scilicet *Aquila*, *Cygni*, *Cassiopeiæ*, *Persei*, *Erichthonii*, asterismi, pedes *Geminorum*, clava *Orionis*, *Canis majoris*, cauda &c. astra in circulum fere disposita monstrantur; sub quibus etiam perpetuo immutatis ubique & magnitudine & irregularitate & albore &c. spectatur: qui postremus & fabulas poetarum multas, & ex his nomen ipsi *Galaxiæ* seu *Lactæ Viæ* peperit.

*PHÆN. VII.* Sol autem ac minores stellæ pleræque, cum eundem perpetuo fulgorem ubique terris ostentent, ac vividissime quidem scintillantem micantemque; *Luna* vero, alterum luminare majus, & è minoribus nonnullæ, ut *Mercurius*, *Venus*, *Mars*, *Jupiter*, *Saturnus*, & horum comites aliqui sive satellites, (de quibus omnibus suo loco ex professo agetur) obscurius, pro ratione magnitudinis suæ, aut parum saltem scintillans lumen emittant, ejusdemque tot actales variationes admittant; certum est observatoribus industriis, illud proprium his ac nativum non esse, sed à sole, non aliter ac terræ lux diurna, communicatum, & per reflexionem ad nostros oculos ab istis emanans, cujus rei inferius specialiora dabimus indicia, contenti hætenus iis, quæ nudo oculo in coelo observare licuit, quæque adeo tolerabiles quosdam errores facile excusabunt.

*PHÆN. VIII.* At enim verò, posteaquam tubus Belgicus sive telescopium, sub sæculi decimi septimi principium inventus, astrorum contemplatoribus oculos amplius aperuisset, iique in universi profunditatem altius prospexissent, intra constellationum autem vel asterismorum ambitum ingentem vim stellarum antea incognitarum detexissent, adeo, ut e. g. loco stellarum in Orione nudo oculo visarum 63. *Antonius Maria de Rheita* p. 197. sui Radii Sidereomystici affirmet à se tubo Belgico numeratas stellas quasi bismille, coeptum est merito de ter-



mino mundi pristino dubitari, maxime cum numerus noviter videndarum stellarum in tantum accrescat, in quantum tubi longitudo, cæteris paribus, ejusque adeo efficacia augetur. Galaxiam autem in nuncio sidereo dicit *Galileus*, nihil aliud esse, quam innumerarum stellarum congeriem coacervatim consistarum, in quamcunque enim ejus regionem perspicillum dirigas, statim stellarum ingentem frequentiam sese in conspectum proferre, quarum complures satis magnæ ac valde conspicuæ videantur, sed exiguarum multitudinem prorsus inexplorabilem esse, subscribentibus etiam *Keplero*, *Blancano*, *Mastrio* & pluribus aliis. Quo nomine excusari certe poterat Aristotelis, ut omnium aliorum istius ævi & subsequantium temporum ignorantia, verum quod meteorum aëreum eam reputaverit, is adeo pudendus error est, ut nusquam turpius hallucinatus videatur.

*PHÆN. IX.* Radiosam etiam illam stellarum plerarumque figuram; quæ oculo nudo & inermi apparet, fictitiam esse ac deceptoriam, telescopium, præter alia plurima, commonstravit: in sole vero deceptionem illam oculus etiam nudus detegit; dummodo defixus in eum (circa ipsius occasum præsertim) obtutus teneatur, rotundus enim exactissime, omnibusque radiis destitutus, uti cætera astra omnia per telescopium cernitur.

*PHÆN. X.* Denique tellurem nostram, una cum ambientibus eam elementis in eodem illo amplissimo coelorum spatio, medio quoad sensum loco, citra omne fulcrum & sustentaculum, libere suspensam teneri, circumnavigationes ejus integræ, non una vice absolutæ, satis evicerunt.





## II. HYPOTHESES PRIMÆ

De  
galaxia.

I.

**S**I foret operæ pretium veterum de hoc Phænomeno cœlesti opiniones tum manifeste - fabulosas, tum alias veri speciem aliquam habentes, enarrare, possemus ex Ovid. lib. 1. Metamorph. et ex Manilio lib. 1. diversa poetarum commenta allegare, & ex Aristotele quatuor diversas veterum philosophorum sententias, præter propriam, tanquam quintam recensere: quamvis ipsi Aristotelis interpretes, *Philoponus* & *Olympiodorus* causati sint, ipsum non retulisse germanam Pythagoreorum sententiam; utpote, qui nihil aliud Phaëtonis nomine intellexerint, quam cometam, qui candorem & motum solis æmulatus, intereat tamen; ejusdem alioquin cum circulo lacteo naturæ: quemadmodum etiam ea sententia, quam Democrito & Anaxagoræ, tanquam utrique communem, attribuit, vel eo nomine suspecta esse potest; quod alia sententia Democrito ab aliis authoribus magno consensu tribuatur.

II. *Plutarchus* enim lib. III. de Plac. cap. I. Democritus, “ inquit, statuit, galaxiam esse multarum exilium & continentium stellarum mutuo collucentium, factum densatione splendorem; Neque secus vero *Macrobius*, apud quem pari modo dixit Democritus innumeras stellas, brevesque omnes, quæ spisso tractu in unum coactæ, spatiis quæ angustissima interjacent, opertis vicinæ sibi undique, & ideo passim diffusæ lucis aspergine continuum juncti luminis corpus ostendunt.” Cæterum cum ejusmodi fuerit, *Gassendo* judice, hujus felicitas ut sit conjiciendo verum affecutus, teste Phæn. VIII; non fuisset amplius necessarium, vel hanc Democriti conjecturam, vel Aristotelis peculiarem opinionem inter Hypotheses commemorare; quandoquidem una ex hypothesium numero in apertam veritatem, experimento præsertim oculari, degenerante, reliquæ deinceps frustra narrantur. Alio tamen, intuitu inutile forte non fuerit, genuinam Aristote-



limentem in hoc negotio cognovisse non ut Aristotelis honori quicquam detractum velimus, (utpote cui universam Philosophiam plurimum debere alibi ingenue confessi sumus;) sed ut nimium & excessivum quorundam extollendi hujus philosophi studium quodammodo retundatur: maxime, cum *Olympiodorus*, *Ammonius* & *Philoponus*, celebres ejus interpretes, nec ulla causa, quod sciam, ipsi in sepsi, dissimulare hanc ejus in philosophando singularem infirmitatem noluerint.

III. Itaque, si hæc propriæ & prolixioris sententiæ Aristotelicæ summa est, quam refert Gassendus *Animadvers.* in *Lib. X.* *Diogen. Laërt* p. m. edit. Lugd. 1168; Cum ex supremo illo aëre ad conflagrandum idoneo (*ὁ ἀπὸ τοῦ αἵματος* vocat) partes interdum aliquæ motione cœli secernantur, quæ & inardescant, & superiori alicui stellæ, cujus motum imitentur, veluti crines circumfundantur, ex quo cometæ dicantur & sint; idcirco absurdum non est, talem quandam secretionem ex aëre eodem per totum cœli ambitum fieri, quæ dicatur lac, cum cometarum more albescat, & ab illis solum magnitudine, duratione motu differre videatur; argumentoque præsertim sit, quod toto eo tractu plurimæ, minimæque stellæ ita sint dispersæ, ut lac definiri *magni circuli coma* possit. Hanc sententiæ Aristotelicæ summam interpretari aggredientem *Olympiodorum*, usurpasse illud dicit vir laudatus: *ἀνέλυστος οἱ δὲ νόμοι τῆς κατὰ φύσιν*, i. e. *Reus auctore melior. Cum enim omnes in cælo lac reponerent, addens, solus perperam sentiens Aristoteles in aëre statuit.*

IV. Pergit deinde narrare Gassendus, *Olympiodorum* adduxisse quatuor argumenta, quibus Aristotelem *Ammonius* impugnaverit; videlicet (1) Quod lac, secus ac omnia sublunaria, nullam variationem ullo tempore subeat: (2) Quod idem ubique appareat, nec parallaxin ullam patiatur: (3) Quod luna ipsi manifesto, ut superiori subtercurrat: (4) Quod idem faciant stellæ errantes: Quibus addi posse si placeat, & ista manet, quæ diffusius ex *Damascio*, partim, partim ex seipso urget *Philoponus*; ut, quod tam magnum æternumque cometam invariabiliter generari, mirabile sit: Tam procul sita sidera adeo cohærenter trahere, tenere, transferre similem materiam: Tam multas tamque magnas stellæ, quæ in *Orione* aliisque constellationibus frequentius occurrunt, nihil simile operari: Tam inconstantem per tempestates exhalatio-

num



num educationem, continens adeo *ἡ ἐκκαύμα* in eam regionem immittere; & id genus alia.

## II. HYPOTHESES SECUNDÆ

De  
mundi finitate vel infinitate.

I.

**P**Ræberent etiam enarrata superius phænomena occasionem de cœlorum pelluciditate & natura quædam anticipare; sed quia hoc inferius commodiore loco fiet, nunc, quinam mundum hunc finitum? qui infinitum? & quibus rationibus commoti? statuerint, videbimus. Et olim quidem occasio fuerat, ut in Phæn. I. annotavimus, credendi certos ac definitos mundi terminos. Verum, cum postea ea contingerent & observarentur in cœlis, quæ in Phæn. VIII. narravimus; nova deinde de terminis istis dubitatio merito oborta fuit. Et *Jordanus Brunus* quidem ævo superiore, lib. de maximo & immenso, non solum infinitum extensione mundum, sed etiam stellas numero infinitas asseruit, & singulas quidem stellas totidem esse mundos, qui singuli suos planetas, etsi propter ingentem distantiam inconspicuos, circa se mobiles habeant; eodem modo scilicet, quo septem planetæ antiqui, una cum secundariis noviter cognitis, circa solem revolvuntur. Quod nonnullis etiam antiquis olim placuisse refert *Aristoteles* Lib. I. de cœlo, illos tamen redarguens, à text. 33. usque 75, trito argumento ex motu stellarum petito.

II. *Plinius* autem Lib. II. c. I. & ex ipso Legum nostrarum academicarum conditores, sub ipsum earum introitum, *finitum illud quidem, at infinito similem*, dicunt, & ille quidem graviter redarguit eorum temeritatem, qui finem ac terminos mundi defini, re præsumunt, furor est, inquit, mensuram ejus animo quosdam agitalle, atque prodere ausos; & mox: Furor est, profecto, furor, egredi ex eo, & tanquam interna ejus plane jam sint nota, ita scrutari extera; quasi vero mensuram ullius possit agere, qui sui nesciat; aut mens hominis possit videre, quæ mundus ipse non capiet. Et infra cap. 23, cum conjecturam de solis distantia



stantia attulisset, non ut mensuram, (id enim velle pene dementis  
 „otii esse) sed ut æstimationem animi conjectantis; Mirum adjiciens,  
 „quo procedat improbitas cordis humani parvulo aliquo in-  
 „vitata successu, sicut in supra-dictis occasionem impudentiæ ra-  
 „tio largitur; ausique divinare solis ad terram spatia, eadem ad cœ-  
 „lum agunt, quoniam sit medius sol, ut protinus mundi quoque  
 „ipsius mensura veniat ad digitos &c. tanquam plane à perpendi-  
 „culo mensura cœli constet.

III. Recentius multo *Renatus des Cartes*, sub init. Part. III.  
 „Princ. opera DEI nimis ampla cogitari non posse monet, caven-  
 „dumque esse, ne nimis superbe de nobis ipsis sentiamus: quod  
 „fieret non modo, si quos limites nobis nulla cognitos ratione, nec  
 „divina revolutione, mundo vellemus affingere, tanquam si vis  
 „nostræ cogitationis ultra id quod à Deo revera factum est ferri  
 „posset; sed etiam maxime, si res omnes propter nos solos ab illo  
 creatas esse fingeremus &c. Et cum in Parte I. num. XXIV. &  
 XXV. inculcasset, si forte nobis DEUS de seipso, vel aliis aliquid  
 revelet, quod naturales ingenii nostri vires excedat, qualia jam sint  
 mysteria Incarnationis ac Trinitatis illa nos haut recusaturos, cre-  
 dere, quamvis non clare intelligamus; nec ullo modo miraturos,  
 multa esse, tum in immensa ejus natura, tum etiam in rebus ab eo  
 creatis, quæ captum nostrum excedant; dummodo ea cautela  
 semper utamur, *ut semper quam maxime recordemur, & DEUM*  
*autorem rerum esse infinitum, & nos omnino finitos.* Ita nullis  
 unquam nos fatigatum iri (sic pergit num. XXVI.) disputationi-  
 bus de infinito; Nam sane cum simus finiti, absurdum fore, nos ali-  
 quid de ipso determinare, atque sic illud quasi finire & comprehen-  
 dere conari. Se autem illa omnia, in quibus sub aliqua conside-  
 ratione nullum finem poterit invenire non quidem affirmaturum  
 esse infinita, sed, ut indefinita spectaturum. Et quia non potest  
 fingi tantus stellarum numerus, quin plures à DEO creati potuis-  
 se credamus, illarum numerum sese indefinitum suppositurum  
 &c.

IV. Hæc autem *Hamelio* minus probantur in *Phys. gen. Tract.*  
 II. Dissert. I. cap. I. conclus. prima, pag. m. ed. Norimb. 116. ita  
 scribenti: Hinc quæ in ea sunt opinione, ut putent ibi esse corpus,  
 ubi est trina dimensio, nullos corporibus fines possunt præscribe-  
 re. Nam quæ concipimus spatia imaginaria extra hoc universum,  
 hoc



hoc ipso sunt corpora, quod trinas habeant dimensiones. Unde & Cartesius hoc universum non infinitum quidem, sed indefinitum esse decernit, quod nulli illius fines aut præscribi, aut concipi possint: *quo quidem nihil videtur absurdius*. Nam vel suis finibus continetur, tumque finitum est; vel nullum habet finem aut terminum, tumque plane infinitum, non indefinitum, dicendum est.

V. Sicut autem Seleucus nominatim, cum cæteris antiquis, quorum Aristoteles Lib. I. de cælo mentionem fecit, mundum infinitum statuit; ita Diogenes universum infinitum, mundum autem finitum putavit teste Plutarcho Lib. II. cap. 1. quod idem de Stoicis ibidem asserit. Democritus autem & Epicurus cum Lucretio suo hanc hypothesin sibi quasi propriam faciunt, uti prolixè de ea legi potest *Gassendus*, à pag. 165. usque ad pag. 200. inclusive in *Animadv.* ac nominatim p. 196. & seqq. scilicet universum, sive τὸ κενὸν ἄπειρον esse τῷ μεγέθει, h. e. magnitudine sive extensione infinitum esse; mundum autem finitum esse extensione, seu magnitudine atomorum autem multitudine sive numero etiam infinitum, prout ex Empirico, Stobæo, Plutarcho & Cicerone, cit. l. docetur.

#### IV. EPICRISIS SUPER ENARRATAS HYPOTHESES.

##### I.

**Q**uod attinet de galaxia veterum philosophorum hypothesin ex iis solam Democriticam, non tanquam hypothesin amplius, ut cæteris meliorem, eligere, sed tanquam indubitatam veritatem assumere oportet, quam tot fere oculati testes, ex integri ferme seculi intervallo confirmatam habemus, quot Astronomos aut telescopia illud hætenus numeravit. Neque jam quicquam profuturum esset, si diversas antiquiorum, & postremis etiam his nostris seculis propiorum philosophorum inter se compararemus. Illud interim non omni fructu carebit, si eâ fini, quam num. II. Hypoth. primarum intimavimus, solam Aristotelis, aliorum sententias confu-



tare ausi, propriam hypothesin, eique objecta priorum commentatorum dubio paulo propius inspiciamus.

II. Ac *primo* quidem eum à cæterorum philosophorum sententiis, qui omnes lac seu viam lacteam in cœlo reposuerant, toto cœlo aberrare voluisse tanto magis mirandum est, quanto infelicius ipsi cessit hæc singularitas; ita ut, si destinata opera hypothesin omnium improbabilissimam omnique veri specie destitutam exquisivisset, peiorem sua reperire vix potuisset. Quæso enim, cum inter aëris meteora nunquam quicquam, quod constans & non brevi rursus interiturum esset (si vel ipsos etiam cometas, etsi falso, inter aëris incolæ numeraremus) uspiam repertum fuerit; qui possibile fuit, hominem philosophum sibi persuadere, galaxiam esse meteorum ex fumis & exhalationibus terrestribus ita semel natum, ut, non dicam in secula dureret, sed per tot annorum millenarios, à succedentibus aliis similibus exhalationibus nulla sui parte unquam variatum, aut accessione saltem sensibili auctum sit? Cum item meteora mobilia quidem varie sint, sed in suis motibus nunc celerioribus, nunc tardioribus, nunc in hanc, nunc in illam plagam, irregulariter & inordinate lata; quomodo possibile fuit hominem philosophum credere, hanc fumidam exhalationem ita constanter & perpetuo sequi motum primum sive diurnum stellarum fixarum, ut ab eo ne latum quidem unguem ex aliquot annorum mille intervallo discesserit? Et quidem tractam ac veluti suspensam ab impendentibus desuper ex intercapedine incredibili sideribus, nugæ profecto hæc sunt, si uspiam ullæ fuerunt.

III. Inprimis autem hoc mirandum est, siquidem semel iterumque saltem cœli sublima inspexit, Aristotelem non observasse, non dicam jam alios planetas (quorum revolutiones tardiores sunt) sed lunam saltem, quam singulis mensibus bis transire galaxiam necessum est, nunquam in illo transitu abhalitibus illis in aëre per hypothesin dispersis & expansis tantisper obnubilatam fuisse, uti fieri vi hypotheseos debuisset. Cui illud quoque merito mirandum est, quod, cum de cæteris



teoris lib, I. meteor. cap. 4. in fine recte collegisset, πάντα δὲ κατὰ σελήνης ταῦτα γίνεσθαι, h. e. omnia ista sub luna fieri: σημεῖον δ' τὴν φαινομένην αὐτῶν ταχύτητα, ὁμοίαν εἶσαν τοῖς ὑφ' ὑμῶν ῥιπτομένοις ἃ διὰ τὸ πλησίον εἶναι ἡμῶν, πολὺ δόκει τῷ τάχει ὡρᾶσθαι λάττειν ἄστρατε, καὶ ἥλιον καὶ σελήνην. i. e. *Signum autem ejus rei esse apparentem eorum celeritatem illi projectorum à nobis similem, quæ ideo quod nobis propinqua sunt, multum videntur celeritate sua stellas & lunam & solem (aut rectius situm respectu horum) mutare, quod, inquam, non eadem judicandi felicitate de galaxia collegerit oppositum; eam scilicet, cum locum respectu coelestium nihil mutet, sed cum illis æquali tarditate præcise & constantissime ab ortu occasum versus, singulis diebus eodem modo, feratur, nequaquam adeo vicinam nobis in ære, sed potius inter coelestia, quibus cum communi motu fertur, locum habere. Et est profecto nec illa Philoponi ratio negligenda, quod, si ab astris pusillis magnus ille exhalationum in ære circulus excitetur, sursumque trahatur & suspendatur; simile quippiam, & multo magis, ab Orione similibusque numerosioribus asterismis fieri debere, si quidem vigilet, non somniet, sana ratio judicet.*

IV. Sed pergendum nobis est, & quid de mundi finitate vel infinitate sentiendum videatur, edisserendum. Sane, quamdiu suspicandi occasio tam proclivis non erat, de fine mundi ultra stellarum oculo nudo conspicuarum confinia ex-  
porrigendo; credibile non immerito videbatur, ibi finiri, mundum ubi prospectus corporum in tenebris fulgentium finiebatur. Et si præcise in eadem superficie hæreere stellas omnes, neutiquam erat probabile; sed unas alteris altius in cœli profunditate existere partim conjectura quædam, partim indubia indicia suppetebant. Verum cum postea oculus tubo belgico armatus longius gradatim in cœlorum profunda prospiceret, & plures semper stellas prius inconspicuas detegeret, quanto perfectius elaboratis, ac, cæteris paribus, porrectioribus ejusmodi organis uteretur; non sine causâ dubitatio



subibat hominum animos, si forte ne ibi quidem corporum finis esset, ubi extrema nunc, prius nunquam visa, & prioribus absque dubio ulteriora, exilia sidera conspiciebantur; nec poterat adeo esse dubium aut incredibile, annon, aucta gradatim tuborum optidorum, cum longitudine etiam efficacia, ulterior novorum siderum exporrectio foret expectanda: ita ut in perpetua incertitudine de mundi finibus vel extremitate essemus futuri, essentne aliqui, & ubi tandem statuendi? quo casu utique melius consilium capi posse vix videbatur, quam ut cum Cartesio mundum nec finitum, nec infinitum, sed indefinitum diceremus.

V. Verum equidem est, quod Hamelius tacite urget, finitum & infinitum sive non-finitum, esse contradictoria, neque adeo medium, quoddam admittere, sed, vel finitum vel infinitum esse dicendum, quidquid uspiam exiterit. Agnosco illatum, dummodo de alterutro constare possit. Verum, si neque certi simus, an & ubi mundi fines sint, neque ex altera parte positive certi esse possimus, nullos uspiam unquam futuros? quid, amabo te, in hac incertitudine dicemus, nisi cum nesciamus finem ullibi haberemundum; ignoremus etiam nullos ipsi absolute competere, ut concludamus: Rem hanc à nobis hætenus definiri non posse, adeoque ipsa necessitate coactos mundum indefinitum dicere oportere. Unicum est, quod pro Hamelio, contra Cartesium, dici posse video; nimirum, eum vi propriæ hypothesis non solum scire positive posse, sed etiam confiteri ingenue debere, mundum omnibus omnino finibus carere, atque adeo infinitum esse. Cum enim ejus genuina hypothesis sit, extensionem sive trinam dimensionem, & corpus sive materiam, rem unam eandemque esse; & vero eadem argumenta, quibus Lucretium olim usum fuisse pro obtinendo spatio infinito, alibi diximus (quod nimirum, ubicunque fingamus mundi finem, si ibidem fingamus nos esse constitutos, necessum sit aut extendere nos brachia nostra posse aut non posse, jaculum item ex arcu dimittere posse aut non posse, si prius; utique ex-  
tra



tra positum mundi finem spatium saltem aliquod superesse, quod extensum brachium, vel jaculum arcu dimissum recipiat: si posterius; corpus aliquod extra positos mundi fines esse concedendum, quod extensionem brachii, vel emissionem jaculi impediatur, &c. &c.) cum, inquam, hæc argumenta etiamnum valere videantur (nec enim video, quid excipi contra ea jure possit;) ex hypothesi Cartesii summa necessitate sequi videtur, in neutro casu mundi fines aliquos, non solum definiri non posse, sed ipso facto & positive omnium finium carentiam admittendam esse; quandoquidem in posteriore casu actualis & ulterioris alicujus perpetuo corporis præsentia, in priore vero saltem spatii cujusdam extensio (quæ in Cartesiana hypothesi pariter corpus & materia est) supponitur.





VI. Sane, si potentiam Conditoris hujus mundi infinitam consideremus, satis equidem convenienter ipsi responderet effectus infinitus; frustra que, opinor, objiceretur, id quod olim mihi in alma Jenensi de spatio infinito disputaturo objectum fuit: hoc modo videlicet duo esse infinita futura; id quod absurdum esse, vel ex eo concludi putabant, quod infinitum omnia comprehendat, quæ cogitari possunt, atque adeo præter hæc omnia, ne unum quidem cogitabile, nedum infinita alia, locum inveniunt. Sed facilis erat ad hæc objecta responsio: Hæc talia scilicet tunc secutura esse, si statuerentur duo infinita ejusdem generis & conditionis. At enim vero, si quis statuatur una Creatorem infinitum, & mundum infinitum, duo statuit infinita infinitis modis diversa: Creatorem scilicet infinitum essentia tum potentia, aliorumque attributorum, misericordia v. g. bonitatis, longanimitatis, justitia &c. nullo modo vero extensione vel mole talem: mundum vero e contra mole & extensione infinitum, nullo modo vero, vel essentia vel potentia, vel ullo dictorum ante attributorum talem; ita ut infinitas Creatoris cum infinitate mundi, neque hæc cum illa, quicquam commune habeat. Et talia duo infinita, in diversissimo significato accepta,











quin utraque simul stare queant, ut neutrum ab altero necessario excludatur, nullum videtur esse dubium.

VII. Aristotelem loco supra cit. hanc mundi infinitatem sequenti redarguisse modo docet Ricciolus Lib. VI. Almagesti de stellis fixis p. 415. Si duæ stellæ A & B distarent à terræ centro C (Fig. 1.) infinito intervallo, rectæ lineæ ex centro mundi C ad illas productæ, nempe AC & CB, essent infinitæ longitudinis, atque adeo chordæ subtendentes arcum AB essent infinitæ, ipseque arcus AB infinitus, nedum tota circumferentia infinita; ergo non posset infinitum ejus spatium tempore finito pertransiri. At videmus, inquit Aristoteles, cœlum cum sideribus moveri totum tempore finito 24. horarum: igitur nec cœlum, nec siderum distantia infinita sunt. At hoc argumentum eluserit fortasse quispiam (inquit laudatus Ricciolus) dicendo: Infinitum spatium pertransiri posse finito tempore, sed vi potentiæ infinitæ & infinita velocitate moventis; vel cum Copernicanis negando cœlum aut fixas moveri, & tribuendo motum diurnum telluri potius quam cœlo & fixis. Melius itaque alios ita ratiocinari dicit: Cum arcus circulorum ex eodem centro descripti, & intra easdem rectas à centro educas comprehensi, sint similes seu proportionales: erit arcus aliquis infinitus AB similis & proportionalis arcui MN, finito, quod absurdum esse videtur; nisi quis dicat, addit hujusmodi proportionales à Geometris demonstratas valere, quamdiu intra limites finitæ quantitatis consistitur, in infinito vero eas non valere &c. Fortasse & illud dubium alicui merito videatur, an recte inferatur: Positis rectis AC & CB longitudine infinitis, non solum circulos sive peripherias integras istis longitudinibus infinitis descriptas, infinitas pariter, sed arcum AB quoque inter eas interceptum, & chordam illum arcum subtendentem, etiam esse infinitos; cum eo ipso, quod interceptus supponatur & arcus, & ejus subtensa inter dictas lineas, ipsa hac interceptione utrinque terminati atque adeo finiti, supponantur.





SPHÆRA RECTA.









VIII. Quicquid vero hujus fuerit, siue mundus sit actu infinitus, siue indefinitus saltem & incertum, an, & ubi, suos terminos habeat? Illud saltem certum est, figuram ipsi sphaericam certo attribui nullo modo posse; & consequenter, frustra disputari, terrane, an sol, an luna &c. sint in mundi medio siue centro posita? quandoquidem, si actu infinitus est centro omnino destituitur; si indefinitus, incertum saltem, ubi centrum ejus ponendum veniat? cum medium illius punctum, siue centrum ignorari necessum sit, cujus extremitates ignotæ sunt? Immo centro prorsus destitui, si finitus esset ac definiti ambitus licet in figuram exactè sphaericam, aut regularem aliam non esset terminatus. Cui nostro iudicio Lib. IX. Almag. novi p. 313. subscribit *Riccio- lus*, etiamsi finitus ponatur mundus, inquiens, incertum tamen est, an sit sphaericus undequaque; quando magis, si incertum sit, utrum sit finitus, necne? Nam infinitum non esse nullis naturalibus argumentis demonstrari potest, siquidem infinitam actu magnitudinem dari posse. sustinuimus olim in *Physicis disput.* infinito autem corpori repugnare figuram &c. Quod igitur mundum instar sphaeræ consideramus, id ex suppositione mere arbitraria est, vel ex apparentia fundamento veritatis destituta; in eum scilicet unice finem, ut mediantibus circulis in conficta ejus extrema rotunditate confictis cœlestium phœnomena ad mensuram revocari, & quantum possibile, determinari valeant.

## CAPUT II.

de

*Sphæra mundi abstracte considerata, ejusque per puncta, per plagas, & per circulos mathematica divisione.*

### I. PHÆNOMENA, cum intermixtis HYPOTHESISIBUS.

I.

**P**HAEN Extrema elevatis in sublime oculis, videmus, nocturno præsertim tempore & sereno cœlo vel aëre stellas ful-



fulgentes innúmerabiles, de die vero libero iterum à nubibus & nebulis aëre, solem saltem, & nonnunquam etiam lunam, rarissime venerem, neque vel hos vel illas in eodem semper situ vel loco, sed in perpetua quadam loci mutatione, ita quidem, ut sol e. g. de die supra terram conspicuus, per noctem infra terram absconditus, non amplius cernatur, post certum tamen temporis intervallum in conspectum denuo redeat, & supra terræ planum, sub quo per noctem latuerat, iterum assurgat, sensim altius altiusque sublatus, ac deinceps, cum coeli medium attigerit, gradatim iterum versus terram descendens, ex parte hujus opposita de novo abscondatur. Ex quibus alternis solis occultationibus & apparitionibus, iisque frequentissime, etiam à quovis plebeio homine observabilibus, sequentia primitus statim rectæ rationis judicio deprehendebantur: 2) solem singulis *ἡμέραις*, sive 24. horis, circa terram nostram, quasi in medio stantem, apparenter saltem moveri & mane quidem una cum die, quem secum affert, ex una parte orbis à nobis habitari oriri (quam inde *orientem* vel *ortum* appellamus) ex altera opposita (ideo *occidens* vel *occasus* dicta) iterum occidere & abscondi, diemque secum à nostris vicinisque partibus ad alias occidentaliores provincias transferre, ut ita sapientissimo summi Conditoris consilio, universa telluris physice saltem rotunda superficies, successive & lumine caloreque solis diurno, & noctium æstivarum præsertim, frigore magno suo commodo uteretur, frueretur.

*PHÆN. II.* Hinc 2) animadversum est in hoc mundo apparenter sphærico, primum omnium circulorum statui illum posse, qui superius mundi sphærici ac stellati hemisphærium, nobis uno obtutu conspicuum, ab altero (quod successive quoque, priore interim successive ex parte opposita oriente occidit) discriminet, visumque adeo finiat ac terminet, ab hoc ipso quasi officio suo *Horizon* sive *Finitor* dicendus, & in duos semicirculos utiliter divisus, quorum alter, qua parte sol & stellæ paulo ante inconspicuæ assurgunt & oriuntur, *Horizon ortivus*, altera vero medietas, in qua sol & stellæ iterum occidunt, *Horizon occiduus*,  
usita-



usitate nuncupatur. (*Vid. Fig. 2.*) Ubi tamen hoc insuper notandum est, cum nos in superficie telluris, non in ejus centro, quod simul mundi centrum esse communiter creditur, habitemus; hunc circulum finitorem, sive horizontem, geminum esse constitutum, alterum *apparentem* tantum, qui per terræ superficiem ad extrema usque cœli excurrit, & hoc in duas portiones inæquales, superiorem dimidio paulo minorem, & inferiorem paulo majorem, dividit, ut *bc* (*Fig. 6.*) alterum *verum*, qui per centrum terræ transiens, totum mundum sive cœlum in duo hemisphæria æqualia determinat. Vocatur aliàs hic posterior etiam *rationalis* (quia ratione tantum concipitur) sicut prior etiam *physicus Horizon* nominari solet, & parva quædam superficie terrestris vel oceani portio, quam oculus supra hanc elevatus, uno obtutu detegit, *Horizon sensibilis* salutatur, & ulterius in *acclivem* & in *declivem* subdistinguitur, quorum ille sic vocatur, cum oculus intra convalles constitutus montium collumque cacumina sursum circumspicit, hic vero ideo, quod oculus in elevatiore loco positus de vœxa telluris vel oceani, despiciendo lustrat.

*PHÆN. II.* Cum porro 3) attendimus ad motum solis diurnum, quo præcisè 12 horas supra horizontem, & alias 12. infra hunc moratur, h. e. diem nocti præcisè æqualem facit, tunc ille describit in cœlo circulum, quem ab hac utriusque temporis æqualitate, *æquatorem* vel *æquinoctialem* vocant; per puncta *orientis* & *occidentis*, κατ' ἐξοχὴν ita dicta, transeuntem, & mundi sphæram in duo æqualia hemisphæria dividentem, quorum alterum *septentrionale*, alterum *australe* vocitatur, quia linea à puncto orientis ad punctum occidentis per locum observationis excurrrens, si in ipso loco observationis ab alia linea transversa perpendiculariter secatur, hujus partium altera, quæ inter punctum orientis à dextris, & punctum occidentis à sinistris procurrit, dicitur in septentrionem in horizontis plano procurrere (denominatione à septem stellis in plastro sive urſa majori, *septem Triones* olim dictis, de quibus infra, mutuo sumta) sicut



opposita dictæ transversæ portio, in austrum sive meridiem excurrit, ut hoc pacto 4. hæ lineæ rectæ, ex observationis loco, ad 4. horizontis puncta, orientis & occidentis, duoque illa intermedia septentrionis & austri eductæ, quatuor mundi *plagas* seu regiones *cardinales*, quas vocamus, constituent, quas Germani voculis monosyllabis *Ost* & *West*, (prioris scilicet, posteriores vero) *Nord* & *Sud* cognominant, iisdem voculis etiam ventos ex dictis plagis seu regionibus spirantes, una designare soliti, velut Itali ortum *levante*, occasum *ponente*, septentrionem *tramontana*, meridiem denique *ostro* denominant.

*PHAEN. IV.* Iam si inter binas quasque harum 4. cardinalium plagarum medio loco ducantur aliæ 4. lineæ, habebimus quatuor alias intermedias plagas, & sic cum quatuor cardinalibus octo, ex quibus intermediae denominantur ex combinatione binorum nominum monosyllaborum cardinalium, præeuntibus ubique nominibus cardinalium primariorum *Nord* & *Sud*, ita ut media inter *Nord* & *West*, dicatur *Nord-West*, inter *Nord* & *Ost* media *Nord-Ost*, similiterque inter *Sud* & *West* *Sud-West*, inter *Sud* & *Ost* *Sud-Ost*. Quod si nova bisectione inter priores octo totidem aliæ oriantur, posteriores hæ eodem artificio compendiose denominabuntur, præmissis ubique etiam cæteris cardinalium, ita ut e. g. media inter *Nord* & *Nord West*, dicatur ulterius composito vocabulo *Nord Nord West*, inter *Nord West* & *West*, *West Nord West*, & sic in cæteris. Quod si amplius bisectione tertia, inter priores sedecim, totidem aliæ constituantur, hæ postremæ eodem compendio denominabuntur à vicina quaque ad remotiorem cardinalem relata, ita ut proxima sinistrorsum cardinali *Nord* vocetur, *Nord gen Westen*, proxima dextrorsum, *Nord gen Osten*, & vicissim proxima sinistrorsum cardinali *Ost*, appelletur *Ost gen Norden*, dextrorsum *Ost gen Suden*, similiterque *Nord-Ost gen Norden* & *Nord Ost gen Osten* &c. prout Fig. 3. clare monstrat.

*PHAEN. V.* Quod si quis has plagas, præsertim cardinales in ipsa natura dignoscere velit, ubicunque locorum etiam  
fue.



fuerit, is ad sequentia attendat indubia indicia: 1) Mensis Martii v. g. d. 20. aut Septembris. 22. aut proximis ante vel post diebus, convertat oculos in solem mane orientem, & extensis transversim brachiis, sinistro monstrabit septentrionem sive Nord, dextro austrum sive Sud, ante se vero habebit plagam orientalem sive Ost, à tergo vero occidentalem sive West. Converso vero in occidentem solem vultu, habebit à dextris septentrionem, à sinistris austrum vel meridiem, à tergo orientem; Conversa facie in solem meridianum, obviabit ipsi auster sive Sud, tergum autem respiciet septentrio, dextra exporrecta monstrabit occidentem, sinistra orientem &c. 2) Probabile plagarum indicium præbent in quavis urbe vel oppido, templa ac turres primariae; quandoquidem ex antiquo Christianorum instituto (quod in regulam deinceps Architectonicam abiit) templorum chori orientem, turres autem, præsertim geminatae, occidentem respicere debent, è quibus deinde cæteræ, juxta dicta, facile definiuntur, 3) quaecunque indicium exhibere, in media quadam sylva aberranti, posse arborum resectarum truncos, quorum circuli in interiori sua pulpa (abietum præsertim & pinorum) decircinati, qua parte amplius deducti cernuntur, meridiem indicare, qua angustiores, septentrionem creduntur, atque ita cæteros cardines.

*PHÆN. VI.* Quemadmodum recta linea in Horizonte à septentrione in meridiem ducta, ideo *Linea meridiana* vocatur, punctum vero loco observationis desuper ad perpendiculum imminens *Zenith* sive *verticale*, eique oppositum è diametro *Nadir* sive *pedale* dicitur, ita circulus per plagam septentrionalem & australem, sive per puncta cardinalia Nord & Sud, & modo dicta Zenith & Nadir mente conceptus, *Meridianus* salutatur, mundi sphaeram imaginariam in duo æqualia hemisphæria, *orientale* & *occidentale*, disspescens, & cum à sole mane altius altiusque sublato attingitur, medium diem constituens. Præter dicta quatuor puncta vero in meridiano notata, duo adhuc alia notanda sunt, supra & infra planum æquatoris perpendicula-



riter imminetia , quæ *mundi Poli* communiter appellantur, quia in illis duobus punctis sphaera mundi stellata ab ortu in occasum converti convolvique concipitur. Quorum polorum alter urse five plastro minori, speciatim certæ cuidam stellæ in urse cauda extrema vicinus, & supra nostrum Horizontem elevatus *Polus arcticus*, oppositus autem, & apud nos infra Horizontem semper depressus & inconspicuus, *antarcticus* vocari solet.

*PHÆN. VII.* Scilicet, uti solem ex ipso puncto orientis, Martio Septembrique mensibus, mane surgentem circulum æquinoctialem describere diximus phæn. III. ita stellæ fixæ omnes, quæ sub ipso æquatore cœlesti sive sub æquinoctiali consistunt, in eodem orientis puncto semper anno toto oriuntur, eundemque circulum æquinoctialem singulis diebus decurrunt; cæteræ vero cis vel ultra æquinoctialem in cœlo locatæ, remotius inde vel propius, singulæ alios circulos, æquatori omnes parallelos, decircinant, quos à motu hoc fixarum diurno, (quem in iis circulis fieri supponitur) *circulos diurnos* denominant, quorum omnium maximus habetur, ipse æquator vel æquinoctialis, reliqui gradatim minores supponuntur, ex hypothese figuræ mundi sphaericæ, & (quod Aristoteli sed falso placuit) fixarum omnium eidem orbi octavo inhærentium, ita ut polis viciniore, e. g. stella polaris, vices aut tricies, & quod excurrit, minores æquinoctiali circellos decurrant, multo adeo ex necessitate tardius, quandoquidem observatio evidens & quotidiana docet, dictam stellam polarem cum alia æquatoreali per eundem meridianum transeuntem, post horas 24. cum eadem ad eundem meridianum redire, etiamsi vix trigesimam viæ partem habeat decurrendam.

*PHÆN. VIII.* In sole vero præter hunc diurnum motum ab ortu in occasum quotidie observabilem, alium quoque in oculos non obscurius incurrentem notabunt homines etiam ex simplici plebe, dummodo ad cœlum sustollere oculos vel obiter dignabantur. Hic solis motus priori, si non directe, saltem ob-



oblique, contrarius, ab occidentalioribus & insimul australioribus stellis fixis, paulatim ad orientiores & simul borealiores æstivo tempore ipsum defert; id quod ex gemina observatione facile constabit, quarum prima intra unius anni spatium solem ex hiemali valde humili circa meridiem positu, à fine circiter Decembris per insequentes menses lèx, pedetentim altius altiusque elevat, ita ut æstate media, circa finem fere Junii altissime in septentrionem, & ad verticale nostrum punctum sublatus cernatur, exinde postmodum gradatim à vertice nostro iterum in austrum & priorem humilem positu, regressurus; altera vero observatio, vesperi post occasum solis habenda, luculenter docebit, si post occidentem solem attendas ad stellas versus orientem distinte adhuc conspicuas, & ab Horizonte occiduo satis adhuc remotas, post aliquot vero dies eundem occidentem solem, & easdem illas fixas denuo requiras, illum ad has multo jam propius accessisse, post paucorum aliorum dierum intervallum eas accessu suo adhuc propiore, lumineque adeo multo vivaciore penitus occultaturum.

*PHÆN. IX.* Ut hi contrarii ejusdem mobilis, non alternis aut successive facti, sed continue & simul contingentes, motus inter se conciliarentur (veros enim utrosque simul & continue fieri non erat possibile, ut nimirum unum idemque mobile eodem tempore & continue quidem, ab ortu in occasum moveatur, & insimul eodem tempore & æque continue ab occasu in ortum) suppositum fuit, priorem motum (quem *primum* vocabant homines, quod in eorum oculos primus incurrebat & *communem*, quod in sole, luna ac cæteris, quos vocamus, planetis, non minus ac in fixis stellis observetur) coelo ipsi in quo hærent vel pendent per se, stellis autem & speciatim soli, per accidens competere, (prout e. g. musca globo insidens, & per se quiescens, una cum globo interim in occasum convoluto per accidens eodem commoveretur) posteriorem vero, quem *secundum*, utpote leriùs animadversum dicebant, stellis & soli per se, in coelo interim in oppositas partes convoluto & eosdem una secum eo-



dem per accidens raptante ; prout e. g. homo in navigio sedens una cum hoc in occasum per accidens transvehi potest , dum ipse assurgens ad ambulandum libere interim ac per se in ortum progredi valet. Sic igitur (ut applicationem ad præsens faciamus) dum sol in æquatore, in principio v. g. V vel  $\pm$  existens, una cum tota mundi sphaera, secundum ductum æquatoris D E (Fig. 4 & 5) circumvolvitur per accidens in occasum motu primo, ipse per se motu proprio sive secundo ab V ad  $\gamma$  mensis Martii ultimis diebus, à  $\gamma$  ad II ultimis Aprilis &c. ascendere, vel à  $\pm$  versus III ultimis Septembris, porroque ultimis Octobris à III ad  $\gamma$  descendere potest.

**PHÆN. X.** Ita vero dum sol motu proprio sive secundo ab V ad  $\gamma$ , à II ad  $\odot$  simul in ortum & oblique in septentrionem ascendit, inde vero, sic postulante circuli flexu, ex altera sphaeræ parte à  $\odot$  ad  $\odot$ , à  $\odot$  ad  $\mp$  &  $\pm$ , porroque plurium mensium decursu ad III  $\gamma$  &  $\gamma$  usque descendit, ibique novo iterum circuli flexu sursum facto, per  $\pm$  &  $\gamma$  ad V usque iterum ascendit, atque ita totam suam viam motu secundo annuo decurrit, (spatium enim temporis interim elapsum *annum*, quasi annulum nuncupare placuit) interea vero singulis diebus motu primo alios aliosque circulos æquatori parallelos (quos *diurnos* vocant in Fig. 4. non, nisi extimis E G & H I expressos, describit, fit hoc ipso, ut sol obliquam illam suam orbitam sive regiam quasi viam I G delineet, in qua à partibus coeli terræque australibus sensim ad æquatorem, & ultra hunc progressus, usque ad extremum diurnum F G (quem *Tropicum cancri* vocant, quod signum cancri contingens, inde gradum à partibus septentrionalibus versus æquatorem & alterum diurnorum extremorum (qui *Tropicus capricorni* simili ratione salutatur) convertat; indeque sursum iterum converso gradu, septentrionaliores pedetentim denuo assequatur.

**PHÆN. XI.** Hanc viam solis regiam circularem (quam recta I G repræsentat) summa Divini Conditoris providentia constitutam fuisse palpabile rursum est, ut scilicet solis & lumen, &



calor annuo temporis intervallo quoque (sicut diurno quotidie) totum orbem habitabilem successive obambulare, & una cum aliis insuper remediis (e. g. igne subterraneo) omni animæ viventi vitam viresque suas conservet. Eadem vero, via solis regia, propter eclipses in & prope ipsam fieri solitas, *Ecliptica*, dici quondam capit ab Astronomis, & utiliter quidem dividi primum in duodecim partes (occasione duodecim mensium lunarium, quos annum spatium, licet non adæquate, complectitur) quæ, quia notis his vel signis arbitrariis, V, 8, II, 6, 9, 11, ex una, & 12, 13, 14, 15, 16, 17, ex altera circuli parte, indigitare solent, *signa* postea & ipsæ appellatæ fuerunt, & specialium nominum appellationem (*Arietis* puta *Tauri*, *Geminorum*, *Cancris*, *Leonis*, *Virginis*, *Libra*, *Scorpii*, *Sagittarii*, *Capricorni*, *Aquarii* & *Piscium*) & notarum ante datarum figuras, ab arbitrariis iterum constellationum fictis imaginibus, nactæ, quæ tempore Hipparchi dictas coeli partes occupaverant, hætenus autem sedes illas multum mutaverunt. Horum vero porro signorum varias distinctiones iidem Astronomi non temere confinxerunt, e. g. in signa 1) *septentrionalia*, uti sunt sex priora, V, 8, II, 6, 9, 11, & *meridionalia*, uti sex posteriora, 12, 13, 14, 15, 16, 17, 2) in *ascendentia*, ut sunt tria ultima meridionalia cum tribus primis septentrionalibus, nempe 12, 13, 14, V, 8, II, & *descendentia*, ut sex reliqua, 6, 9, 11, 12, 13, 14, quia nimirum ☉ altera anni medietate ex partibus coeli australibus in boreales continuo ascendit; altera vero è septentrionalibus vicissim continuo descendit. 3) In *vernalibus* tria, V, 8, II, tria *æstiva*, 6, 9, 11, tria *autumnalia*, 12, 13, 14, ac tria *hyemalia*, 15, 16, 17. 4) in *cardinalia*, quæ sunt prima singulorum quatuor ordinum modo recensitorum, scilicet V, 6, 12, & 15, (è quibus initialia, V & 12 *puncta æquinoctialia* dicuntur, in quibus ☉ utrumque *æquinoctium*, *vernum* & *autumnale* efficit; sicut *solstitia* dicuntur, 6, in quo facit *diem longissimum* & *brevissimam noctem*, & 15, in quo *longissimam noctem* & *brevissimum diem*) & *intermedia* reliqua, cum *sequentia*, 8, 9, 10, 11, cum *finientia* II, 11, 12, 13.

PHÆN.



**PHÆN. XII.** Astrologi, pro suo scopo ac divinandi pruritu eadem hæc signa sive *dodecatemoria* distribuunt in tria 1) *ignea*, seu *cholericæ* V, ♄, ♀, tria *aquea* seu *phlegmatica*, ☿, ♀, ♀, tria *aerea* seu *sanguinea* ♀, ♀, ♀, ac tria *terrea* sive *melancholica* ♀, ♀, ♀. 2) In *masculina diurna*, ab V alterna, ut V ♀, ♄, ♀, ♀, & in *fœminina seu nocturna*, ut istis succedentia, ♀, ☿, ♀, ♀, ♀. 3) In *imperantia*, quæ cum septentrionalibus, & *obedientia*, quæ cum australibus eadem sunt. 4) In *humana & bruta*, in habentia *pulchram & mediam vocem*, & in *muta*, in *fœcunda*, *mediocria* & *sterilia*, &c. similia commenta plura, apud Origanum part. III. introd. cap. III. num. 407. & seqq. videnda. 5) In *domos*, *exaltationes*, *detrimenta* & *casus* planetarum &c. de quibus ap. Orig. cap. IV. p. 413. seqq. & infra, cum de planetarum influentiis, plura dicenda erunt.

**PHÆN. XIII.** Et hi quatuor circuli primarii, horizon, meridianus, æquator & ecliptica, circuli magni sive maximi dicuntur, per ipsum mundi centrum transeuntes, eundemque in duas partes æquales dividentes, quibus ex innumeris aliis similibus duo præcipue hoc loco commemorandi adhuc veniunt, *colurorum* nomine ideo insigniti, quod pars eorum postrema, tanquam cauda, sub horizonte perpetuo occultatur, id quod tamen multis aliis quoque circulis commune est. Horum duorum circulorum alter *colurus æquinoctiorum* dicitur, quia per puncta æquinoctialia & simul per utrumque mundi polum transit; alter, hunc ad angulos rectos secans, per utrumque tam mundi vel æquatoris, quam eclipticæ polos, atque insimul per duo puncta solstitialia transiens, inde *colurus solstitiorum* audit.

**PHÆN. XIV.** Illud insuper adnotandum est, cum globus terræ supponatur in centro mundi collocatus, omnes circulos maximos per centrum mundi transeuntes simul transire per centrum terræ, atque adeo in convexa terræ superficie eorundem peripherias designari, quæ in cava globi coelestis superficie (Eig. 2.) designati fuere, ubi meridianus BZCN ab horizonte in medietatem *extantem*, BZC, & *latentem*, simul au-



autem per axem P Q, in meridianum superiorem P Z Q & inferiore P N Q dividitur. Et quamvis in superficie coeli quælibet stella, aut quodlibet punctum, peculiarem habeat meridianum, per ipsum scilicet & per utrumque mundi polum transeuntem; similiterque in superficie telluris locus quilibet habitatus, & quodvis aliud punctum suo peculiari gaudeat meridiano, per hoc ipsum & utrumque terræ polum, (mundi polis examussim respondentes) in globo coelesti tamen, universi coeli imagine, non nisi unus circulus meridianus materialis habetur, qui vicem omnium, propter globi mobilitatem (qua stella quævis, cum opus est, meridiano æneo admoventi potest) subit, cum in globo terrestri, (ubi eadem alias valere ratio potuisset) per singulos denos æquatoris gradus peculiaris aliquis, atque adeo 36. meridiani dimidii vel 18. integri expresse ducti exhibeantur, ex quibus insuper, ex Geographorum arbitrio (utinam etiam plenario consensu) unus per unam insularum ultra Europam occidentalium olim per (*Palmam* hodie per *Teneriffam* in Canariis, ab aliis per *Azores* sive *Flandricas* &c.) ductus, *primus* dicebatur, à quo nempe numerandarum longitudinum, sive distantiarum cujusque loci versus ortum initium fiebat, reliquis deinceps, per gradum à primo meridiano decimum, vigesimum, trigesimum &c. excurrentibus, *secundariis* appellatis, utilissimo quidem in se, sed per accidens etiam noxio instituto, dum ex diversis principiis olim & hodie numeratione facta, assignatæ locorum à veteribus & recentioribus Geographis longitudes 10. sæpe plurimumve graduum numero dissentiant.

*PHÆN. XV.* Sicut autem magnorum circulorum, ex innumera alioqui designabilium multitudine, pauci solum ad dimetienda in utroque globo phænomena necessarii selecti fuerunt, ita ex infinitis quoque, qui duci potuissent, *minoribus* (h. e. per centrum utriusque globi non transeuntibus, sed utrumque in partes inæquales secantibus) pauci quoque in Astronomorum & Geographorum scriptis notati fuerunt. Quos inter primo loco numerandi sunt duo *tropici* jam supra memorati à sole.

Nnn

cum



cum in obliquo eclipticæ circulo ad summum & imum solstitiale punctum, intervallo ab æquatore  $23\frac{1}{2}$  gr. devenerit, motu suo primo designati. 2) *Diurni*, quales sunt ipsi tropici cum reliquis innumeris, hos inter & æquatorem (qui solus ex magnis inter diurnos quoque numerandus est) mediis, per singulos eclipticæ gradus, cum æquatore parallelis concipiendis, cujusmodi in Fig. 4. per singulorum tantum signorum initia ducti sunt. 3) *Polares* ita dictos, quod per polos eclipticæ  $33\frac{1}{2}$  grad. à polis mundi sive æquatoris, (sicut ipsa ecliptica ab æquatore) remotos ducti concipiantur, quorum alter *arcticus*, alter *antarcticus*, æque ac ipsi poli, denominantur. 4) *Circuli latitudinum*, eclipticæ, uti tropici, diurni, & polares æquatori, paralleli & stellarum ab ecliptica distantiam (quam latitudinem vocamus) determinantes, inter quos 5) notatu digniores sunt duo *circuli excursuum* dicti, sed in paucis globis expressi, Fig. 5. literis g i, ex utraque parte eclipticæ G I, notati, intra quos planetæ præter solem cæteri motus suos secundos sive proprios exercent. 6) *Circuli almucantaret*. 7) *Circuli semper apparentium* &c. quorum omnium differentiæ & speciales rationes ususque è sequentibus commodius intelligentur.

### III. BREVIS EPICRISIS

super enarratas inter Phænomena Hypotheses.

#### I.

**Q**Uæ de Venere in phæn. I. obiter commemoro, ejus rei testis oculatus sum & auritus. Memini enim, cum Jenæ olim studiis vacarem, circa annum superioris sæculi circiter 57. vel 58. (nec enim tempori tum præcisius adnotando animum advertebam) me cum multis aliis mense Junio vel Julio Veneris stellam sereno coelo circa horam secundam pomeridianam à dextro solis latere, non adeo magno abinde intervallo, his ipsis meis oculis inermibus me inspicere. Et paucis abhinc annis,



nis, acceptis ex aula onoldina ab amico literis, quas inter alias alijus momenti literas etiamnum asservatas facile reperturus essem, si opus foret, cum rogarer de stella haut longe à sole, nudo oculo ac de die visa, non potui ex ejus positu, & loco q̃ in ephemeridibus annotato, non judicare, eam fuisse ipsam venerem.

II. Cum in eodem phæn. I. ex hypothese communiore dixissem, solem 24. horis circa terram quasi in medio stantem, apparenter saltem moveri &c. monendum est, eam hypothese ad interim, ut conceptu faciliorem, ac sensui plebejo accommodatorem, hoc loco fuisse adhibitam, sed citra omne rigidæ veritatis præjudicium. Est enim res inter Astronomiæ filios notissima, magnam esse adhuc litem inter prudentiores Astronomos, utrum sol & stellæ cæteræ motu diurno sive primo, circa terram stantem & immobilem rapiantur? an terra contra stantibus sole & fixis cæteris, circa proprium centrum ab occasu in ortum convoluta, vicem cæterarum innumerabilium sola subiens, efficiat, ut illæ omnes supra cujusque regionis horizontem, cum terra convoluta sensim versus ortum descendente, videantur realiter assurgere &c. Quæ lis infra citra omne partium studium examinanda & pensitatis utrinque allatis argumentis, pro libertate conscientiarum definienda erit.

III. Linea meridiana, cujus mentio fit sub initium phæn. VI. quomodo in dato quocunque observationis loco invenienda sit & supra fixum aliquem locum, in futuros usus ducenda, variis modis ab Astronomis docetur, quorum simplicissimus & facillimus omnium (etsi non omnium accuratissimus) sequens est Fig. 7. expositus: ex eodem centro *a* plani alicujus fixi, aut firmati saltem & ad libellam compositi describantur plures circuli concentrici, minores & majores, & in fixo stylo in *a* subtili ac perpendiculari, attendatur horis antemeridianis, dum ejus umbra unum alterumve circulum (v. g. in *b*) apice suo attingat, post meridiem autem rursus expectetur ejusdem umbræ ad eundem circulum (in *c*) appulsus, ac tandem diviso arcu *b c* bifariam in *d*, ducatur linea *d e* per centrum *a*, hæc ipsa erit linea meridiana de-



si derata, quam recte ductam, eo certiores erimus, si binis ejusmodi punctis *b c* super pluribus talium concentricorum circulorum inventis, spatioque interjecto bifariam diviso, ductæ rectæ *e a d* penitus coinciderint. Inventa sic linea meridiana super firmato aliquo plano facile est deinde alias etiam super planis libellatis penitus immobilibus ducere, non adeo longe à priori distitis. Etenim si primus observator meridianæ primum inventæ sereno quodam die, circa meridiem expectet, donec umbra styli erecti cum inventa linea meridiana penitus congruat, de hac vero congruentia subito, dato signo admoneantur cæteri observatores immobilibus planis eorumque perpendiculis artificiosiore quodam modo, jam ante erectis, hi vero singuli repente duo subtilia puncta in cuiusque perpendiculi umbra notent, ductæ per illa duo puncta rectæ, postea altius defodiendæ ac indelebiles, totidem dabunt lineas meridianas deinceps immutabiles.

IV. Præter supra datum faciliorem modum, plures alios reconditiores modos dedit Ricciolus lib. X. Almagesti novi à sect. IV. probl. 49. usque ad 66. Diversos etiam in observationibus variantis declinationis magneticæ, anno 1677, 78, 79 & 80 superioris seculi suasu & impensis *B. Dn. Ioh. Georgii Volkameri Med. Doct.* ac opera *Dn. Georgii Christophori Eimmarti*, ex *Hevelii* machina coelesti adhibuimus, quos peculiari schematismo æri insculpto laudat: Domini Eimmarti artificio expressos epistolæ nostræ invitatoriæ ad observationes declinationis dictæ communibus consiliis instituendas adjecimus, in quibus observationibus nos Norimbergæ circa memoratorum annorum æquinoctia partim, partim solstitia, constanter notavimus, magnetis declinationem ea ætate 5. gradibus & minutis gradatim pluribus in occidentem deviasse, quæ pristinis temporibus 8. gr. & adhuc anterioribus 13. gr. in orientem declinaverat, testibus virorum fide dignissimorum scriptis.

V. Quæ in phæn. VIII. de solis motu proprio ab occasu in ortum oblique facta commemorata sunt, ea ex observatione sensuum unice dependent, quam tamen haut raro fallere non solum



Iam in coelestibus, sed etiam in terrestribus objectis notorium est. Et sane hic ipse coelestium geminus motus, communis nempe seu primus sive diurnus, & proprius sive secundus, id, quod dicimus, abunde probat, cum uterque in sensus & oculos æque manifeste incurrat, (nec ullibi evidentius quam in luna, utpote quam quotidie æque ac solem oriri, ad meridianum elevari, inde versus occidentem gradatim deprimi ac tandem occidere mergique penitus, ipsis his oculis nostris intuemur; & interea tamen singulis noctibus ad alias aliasque stellas orientales paulatim progressam fuisse plusquam 12. gradus unius diei intervallo, distinctissime, imo intra quemlibet horæ quadrantem ad proximam quamque fixam propius propiusque continue accedere, sensibilibus deprehendimus) & tamen ratione infallibili iudice, impossibile sit, utrumque quem videmus motum in mobilibus istis, iis etiam revera inesse, ut hoc pacto, sensus quippe opposita simul percipiens, harum controversiarum iudex esse non possit, sed rationi soli imposterum decidendas subicere, interea vero ab omni præiudicio sedulo abstinere oporteat, quæ hoc loco, quasi anticipando, dicenda veniunt, non nisi ad interim ex hypothesis dicentes, dum occasio imposterum feret, has controversias ex professo tractandi.

VI. Ea omnia porro, quæ phæn. X. ac XI. dicta fuerunt, cum grano salis, ut ajunt, intelligenda esse, intelligentiores per se norunt, quæ plebeiorum alias ingeniorum captum longe superant. Nimirum, quæ v. g. in his nostris oris ac sphaeris, signa eclipticæ ascendentia dicuntur, eadem in sphaeris transæquatorialibus descendentium nomen merebuntur, quæ vernalia nobis, aliis terræ habitatoribus autumnalia erunt &c. cumque in signo ☊ sol nobis faciat æstatem summam ac diem longissimum &c. idem sol in eodem signo, eodemque adeo tempore, apud alias in austrum ab æquatore æque remotas gentes, ac nos sumus in septentrionem, efficiet summam ac intensissimam hyemem, brevissimumque diem, & vice versa, ut verbo, nulla sit anni totius tempestas, quæ non alicubi terrarum quavis anni parte obti-



neat. Ex quo palpabile quoque est, frustra quæri, quo anni tempore, vere nempe an æstate? autumno an hyeme? mundus videatur esse conditus? quandoquidem, nullum sit anno toto temporis momentum, quo non alicubi terrarum æstas, alibi ver, alibi hyems, alibi autumnus regnet &c.

VII. Ex quo eodem generali fundamento, tota etiam Astrologiæ divinatoriæ, cujus obiter aliqua phæn. XII. facta est mentio, basis concutitur, quandoquidem vis & efficacia solis in has terras, (quam negare nemo, nisi sensu & ratione destitutus potest) ratione diversorum signorum eclipticæ in quibus versatur, simul contrarios effectus edere deberet, non ratione positus tantum ipsarum terrarum. Etenim cum in signo ♌ igneo versatur, ideo igneum etiam effectum edere creditur Astrologis, cum tamen, vera causa manifesto sit non solum dierum longitudo sed caloris solaris per mensem antecedentem diuturna continuatio, quæ cum tunc absit ac deficiat in terris transæquatorealibus, igneum signum ibidem nihil minus est quam igneum signum, sed frigidum potius & glaciale foret dicendum, ut jam non dicam, ætheris uniusmodi ubique pellucidissimam & purissimam (ut infra videbimus) substantiam, absque omni ratione secundum qualitates elementares ab Astrologis divisam esse, adeo inepte quidem, ut ubique signum aqueum juxta igneum immediate ponatur, nullo quidem repagulo intercedente. Cæteræ vero eorundem signorum divisiones in masculina & foeminina, in humana & bruta &c. ex eo manifestè stultæ sunt, quod signa ex imaginum seu constellationum arbitrariis figuris & qualicunque, sæpe coacta, similitudine, denominationes illas sortita sunt, quibus olim sedem & quasi domicilia præbuerunt, hoc ævo ab aliis penitus asterismis occupata. Quid de aliis divisionibus in planetarum domos exaltationes &c. sentiendum sit, alibi dicemus; hoc loco id unum adhuc addituri, ipsos etiam saniores Astrologos (quos inter B. noster Antecessor *Abdias Trevv* merito numeratur) hæc signorum commenta risisse, ac penitus explosisse.



## CAPUT III.

de

*Triplici sphaera mundana positu, intuitu diversorum in terra horizontum.*

I. PHAENOMENA. cum admixtis II. HYPOTHESISIBUS.

I.

**P**HAEN. Dum sphaera vel *recta* dicitur, vel *parallela*, vel *obliqua*, id intelligendum est, de sphaera coelesti, quae una eademque, respectu diversorum in terris horizontum, diversum habet positum, ita ut coeli sphaera dicatur vel *recta*, vel *obliqua*, vel *parallela*; hic vel ille locus in terra vero, dicatur intuitu sui horizontis, habere sphaeram coeli *rectam*, vel *obliquam*, vel *parallelam*, aut positum coeli *rectum*, vel *obliquum*, vel *parallelum*.

**PHAEN.** Et *rectum* quidem coeli positum habere dicuntur ea omnia terrae loca, quae sub ipso coeli aequatore, & supra correspondentem ipsi aequatorem terrestrem perpendiculariter posita sunt. In his enim omnibus : 1) Stellae omnes utriusque hemisphaerii, nulla excepta, oriuntur & occidunt; & quidem 2) *recta* & perpendiculariter oriuntur, *recta* item & perpendiculariter occidunt : ex quo ipso appellatio sphaerae *rectae* nomen traxit. Sunt autem & aliae sphaerae *rectae* proprietates; ut quod 3) in omnibus hisce terris aequatorealibus, quae *rectum*, coeli positum habent, uterque coeli polus in ipso horizonte simul conspiciatur : quod 4) omnes stellae, seu vicinae sint aequatori, seu longius ab eo remotae, quae simul oriuntur, simul etiam transeant meridianum, & simul occidunt : quod 5) haec omnia tantum temporis morentur supra horizontem, quantum infra illum latent; quia circuli, quos conversione globi, vel ex hypothese motus sui primi in ipso coelo describunt,



bunt, ab horizonte in duas partes æquales secantur. Ex quo 6) sua sponte consequitur, solem tam in æquatore, quam extra eum versus meridiem aut septentrionem constitutum, motu cœli quotidiano, æquali tempore supra & infra horizontem morari, adeoque dies perpetuo æquari suis noctibus. (Vid. Fig. 8) Hisce proprietatibus gaudent omnes populi sub æquatore habitantes, absque ulla latitudine versus alterutrum polum; ut sunt e. g. regni *Quito* in Peruvia, insulæque D. Thomæ habitatores, regni *Damut* in Africa incolæ, cum vicinis æquatori æque proximis; Nonnullæ *Moluccarum*, insula *Sumatra* media &c. Vocantur etiam horum locorum habitatores alias *Afcii*, certis anni temporibus; de quo similibusque nominibus, in sequentibus plura.

*PHÆN. III. Parallelum* vero cœli positum habere dicitur is in terris horizon, cum quo æquator coelestis ita coïncidit, ut in unum circulum coalescant aut ut concentrici saltem fiant; altero quidem mundi vel æquatoris polo altissime in *Zenith* sublato, altero humillime depresso in *Nadir*. Hic sphaeræ positus sequentes habet proprietates: Quod 1) in iis terræ locis, quæ hunc cœli positum habent (qualia in summo rigore non nisi duo terræ puncta sunt, ipsi nempe ejus poli, cœli polis directe respondentes,) sidera fixa, circuli item aliæque globi coelestis partes, neque supra horizontem ascendant, neque infra eum descendant, sed parallelo semper cum horizonte motu, circa locorum istorum incolas (si qui fuerint) in orbem eant perpetuo; verbo: 2) dimidium cœli stellati hemisphaerium constanter supra horizontem gyrent, altero dimidio infra horizontem perpetuo latente. 3) Quod vero planetas attinet in ecliptica, vel circa eclipticam, per 12. signa ferri motu proprio sive secundo solitos, (luna v. g. mense uno, sol, ♀ & ☿ mensibus proxime 12, sive anno 1; ♂ 2. ♄ 12, ♃ 30, quamproxime) cum semper sex signa septentrionalia, ♈, ♉, ♊, ♋, ♌, ♍, ex parte, telluris nostræ boreali, sex altera, ♎, ♏, ♐, ♑, ♒, ♓ in opposita trans æquatorem parte, existant & una cum stellis gyrentur; necessum est, quemlibet planetam, cum ex

austra-



australibus ex. gr. in septentrionalia transit, tunc in parallela nostra oriri & conspicuum fieri, & postea conspicuum, vel supra horizontem saltem, manere, quamdiu in septentrionalibus hæsitaverit, (luna nempe mense dimidio, sol, ♀ & ♂ anno dimidio, ♂ integro, 4 6, h 15, annos;) E contra vero, ubi è septentrionalibus in australia transiverint, tunc eos occidere, & in occasu manere tantundem temporis, quantum ante quilibet insignis septentrionalibus insumserat. Ex quo sua sponte 4) consequitur solem in sphæra parallela septentrionali per sex menses continuos non occidere, at reliquis sex mensibus nunquam ibidem oriri. Solent alioqui parallelas sphæras habentes terricolæ, si qui sint, *periscii* quasi *circumumbres*, appellari, prout pluribus in sequentibus videbimus.

**PHÆN. IV.** Cæterum, sintne terræ quædam, quæ positum talem cœli parallelum habeant, necne? valde dubium est & in ancipiti positum. Etenim australis terræ poli nullam penitus habemus notitiam; de septentrionali vero memini me vel legere, vel audire duos quosdam Hollandiæ naucleros, cum aliquando Grœnlandiæ litora petiissent, ad petendas inde captas jam ante, uti crediderant, balenas, justo citius eo cum suis navigiis delatos, deliberasse inter se de transitu interim, dum captura finiretur, ad vel ultra polum terræ septentrionalem tendendo, idque consilium feliciter executos, duos etiam gradus integræ ultra polum ipsum provectos, non solum terræ siccæ nihil offendisse, sed etiam aërem, eo quidem æstivo tempore, tam tolerabilem tepidumque habuisse, qualem equidem circa idem anni tempus Amstelodami frequenter habuissent. Certe nec in globis, nec in mappis generalibus recentioribus, aliqua terra in ipso polo unquam notata fuit: ut sphæram cœli parallelam non nisi in Utopia quærendâ forte quispiam dicat. Sed enim vero, tametsi in ipso poli præciso puncto firma terra non reperiat, non adeo longe tamen inde, non dicam *Grœnlandia* & *Nova Zembla*, sed propius ipsi adhuc, *Spitzberga* ac *Nieulandia*, in quibus proprietates sphære parallelæ adeo insigniter exhibentur, ut quamvis



rigidissime acceptus parallelæ sphæræ positus, talis tamen habeatur, qui nomen illud rectius adhuc, quam obliquæ sphæræ mereri possit, quod idem etiam de sphæra recta dicendum videtur; quod in summo rigore quidem nullibi, quam sub ipsa æquatoris linea habeatur, cum aliquali vero latitudine id nomen servant ac mereantur etiam illa loca, quæ paucis, non milliaribus solum, sed gradibus etiam, cis vel ultra æquatorem posita sunt.

*PHÆN. V.* Sphæram denique coeli *obliquam* habent in summo rigore quidem omnia illa in superficie terræ loca, quæ nec in ipsius polis, nec in ipsa æquatoris linea, sed utrinque circa vel ultra istos terminos in parva quacunque latitudine consistunt. Verum, si vicina æquatori loca cum ipsis intermediis sphæram rectam & proxima polis parallelam habere possint, ut Phæn. anteced. dictum, tum sphæram obliquam habere ea loca dicenda maxime sunt, quæ ab æquatore & polis sensibilibus remota sunt, & polum alterum supra horizontem elevatum, alterum notabiliter infra illum depressum habent. Hujus sphæræ proprietates sunt, quod 1) æquator cum cæteris circulis, signis & stellis oblique scandant supra horizontem, apud nos quidem ab ortu in meridiem declinando, & oblique rursus infra eundem delabantur, in septentrionem iterum deflectendo: 2) omnes circuli æquatori utrinque paralleli, etiam ii, qui per conversionem sphæræ, aut motu in coelis primo, describuntur à sole, stellis aut aliis signis, ab horizonte dividantur in partes inæquales, ita ut eorum, qui ab æquatore polum elevatum respiciunt, major pars supra horizontem extet, minor infra eum demersa sit, reliquorum vero, qui polum latentem respiciunt, pars major subter horizontem hæreat, minor supra eum attollatur.

*PHÆN. VI.* Ex quo ultro 3) consequitur, solem, dum versatur extra æquatorem, ac describit diurnorum portiones majores, polo nempe conspicuo propiores, diutius hærare supra terram, ac dies efficere longiores suis noctibus; e contra ubi recessit ad polum inconspicuam. Patet insimul 4) quo polus alter est elevatior, eo circulos obliquiores secari quoque in partes magis



gis inæquales, ac proinde dierum & noctium discrimen dari evidentius; Cum vero 5) sol in æquatore movetur, pari semper tempore supra & infra horizontem commoratur, adeoque dies nocti est æqualis ubique terrarum: 6) stellæ omnes circa polum conspicuum comprehensæ circulo intercapedine elevati poli descripto, nunquam occidunt; aliæque fere totidem, circulo polo latenti circumscripto comprehensæ, nunquam oriuntur, dum in sphæra recta omnes oriuntur & occidunt, in sphæra parallela nullæ, præter paucos planetas, ceu supra phæn. II. ac III. dictum fuit.

### III. Epicrisis super enarrata Phænomena & Hypotheses brevissima.

#### I.

**C**Um hæc omnia & phænomena & hypothesēs, ex hypothesi sphæaræ mundanæ generali enatæ, sua luce radiant; non habeo fere quod addam, nisi ut figuras huic declarationi destinatas sedulo inspiciendas commendem, & quæ in phæn. III. passim notata fuerunt circa sphæram parallelam septentrionalem, ea oppositæ australi paulo distinctius applicentur. Nimirum 1) cum sol in ecliptica ex ultimo gradu piscium in primum gradum V ascendit, si horizontes in utroque polo non essent impediti, tunc solis anterior medietas in sphæra parallela septentrionali oriretur, in meridionali vero jam occidisset, posterior vero medietas supra horizontem extaret, eoque die sol dimidius in ipso horizonte utriusque sphæaræ parallelæ circum gyraret, cuius exemplum ex improvviso viderunt Hollandi in nova zembla anno 1597. d. 24. Jan. dum *Jacobus* navi præfectus nunciavit, visum sibi solem supremo sui margine, quod *Barendsonius* Astronomiæ communibus legibus nixus, id evenire posse, nisi post 14. dies negabat; cum tamen eventus postmodum evidentior d. sequenti 27. Jan. solem pene totum apparuisse doceret, utique vi magnæ refractionis.



II. Postea (quod jam experimento oculari modo dicto constitit) gradatim sol 2) quotidie super horizontem in sphæra parallela septentrionali altius altiusque assurgebat, in australi contra magis magisque depressus sub horizontem, intereaque perpetuo, ibi supra, hic infra horizontem, ibi visibiliter, hic inconspicue gyrans, donec 3) altitudinem ibi, hic depressionem  $23\frac{1}{2}$  gradus assecutus, à ☉ versus ☊ &c. ad æquatorem, h. e. ad horizontem, iterum descendat, medietate sua in parallela septentrionali tandem similiter mergendus, in parallela australi contra jam oriundus, ac deinceps pariter gradatim usque ad  $23\frac{1}{2}$  grad. ad signum ♋ attollendus, (veluti supra ad ☉) indeque vicissim ad æquatorem & horizontem sensim descensurus, & sic porro. E quibus hoc evidenter consequitur, cum sol in utraque sphæra parallela nunquam altius quam  $23\frac{1}{2}$  supra horizontem elevetur, vix posse ibi toto anno dimidio, quo solem non vident, profundas aliquas noctis tenebras ingruere, sed mera tantum crepuscula utrobique, loco noctium, regnatura, eaque tanto dilutiora, quanto sol horizonti fuerit propior, ut non sine ratione scriptus videatur *Beckeri libellus de terris nocte carentibus*.

III. Sic igitur strictissime loquendo, non nisi duæ habentur in terris sphæræ coeli parallelæ, super utroque nempe terræ polo, & contra, recta in genere non nisi unica, nempe sub æquatore, in individuo tamen super quovis æquatoris gradu, imo cujusque gradus minuto (quod spatium quadrantis unius milliaris germ. complectitur,) ab occidente in ortum numerando, alia aliaque sphæra recta (plures adeo quam 21000.) numerari possunt, sphæræ vero obliquæ ex utraque æquatoris parte, non solum ab occidente in orientem, sed quaquaversum in omnes plagas bis innumerabiles. Quæ contemplatio, totius mundi quasi in nucleo, uti mentes hominum coelestia hæc corporea quoque assidue meditantium mirifice delectant, ita captum plebejarum multitudine tantum non infinitarum omnino excedunt, ab innumerabilibus autem semidoctorum, imo doctorum quoque, qui philosophica hæc, tanquam vilia aspernantur, attingi vix possunt.



## CAPUT IV.

de

*Mundi zonis ac domibus cælestibus.*

### I. PHÆNOMENA.

*Cum admixtis II. HYPOTHESESIBUS.*

**P**HÆN. I. Ut in superioribus quædam in supposititia sphæra mundi puncta, quædam lineæ rectæ, nonnulli denique circuli utiliter supponebantur, tandemque in cap. anteced. triplex totius illius sphære mundanæ positus respectivus clarius expositus fuit, ita præsentī capite quædam superficiei sphære mundanæ portiones, *zonæ* dictæ, utiliter considerabuntur, quæ vel duabus lineis circularibus parallelis, (uti *zodiacus* ac *zona torrida cum temperatis*) vel concurrentibus utrinque, (uti *Dodecatemoria* κατ' ἐξουσίαν ita dicta) vel denique unius circuli peripheria concluduntur, uti *Zonæ frigida* dictæ, neque his limitibus ex mera libidine confictis, sed occasionem his ponendis, ipso solis aut aliorum planetarum in cœlo motu secundo (vel ejus loco motu telluris proprio) occasionem præbentibus.

PHÆN. II. *Zodiacus* est zona sive fascia, ab ecliptica G I (Fig. 5.) per medium secta, & ad summum, olim 8 grad. hodie, (cum excursionses & ultra creditos tum terminos 8 gr. exporrigi, observationes testarentur) 10 utrinque graduum latitudine excurrens, ita ut tota ejus latitudo sit 20 grad. inclusa duobus circulis eclipticæ parallelis, *gi* & *gi*, qui *excursionum* circuli dicuntur, quæ omnia ex dicendis in parte speciali melius intelligentur. Hoc interim notandum, habere eclipticam cum zodiaco, aut hunc potius cum illa communes omnes illas signorum distinctiones, imo frequentius ista, ut partes zodiaci aliquam latitudinem habentes, quam ut partes eclipticæ, tanquam circuli latitudine carentis, considerari.



*PHÆN. III. Zona mundi κατ' ἐξοχὴν* sic dictæ, sunt spatia inter æquatorem, tropicos, polares & ipsos polos comprehensa, numero quinque vel sex, una scilicet vel duæ torridæ, duæ temperatæ, ac duæ frigidæ, *zona torrida*, si una tantum numeretur, est spatium, sive coeli sive terræ, inter duos tropicos comprehensum, continens tota sua latitudine gradus 47 & ab æquinoctiali circulo in partes duas æquales divisum, quas utrasque torridas cum *Polybio* & *Possidonio* non incongrue dicemus, alteram nempe inter æquatorem ac tropicum ☉, *torridam septentrionalem*, alteram inter æquatorem & tropicum ♄, *torridam australem*. Vocatæ autem fuerunt a veteribus torridæ, à solis, cuius viæ subjectæ sunt, perpetuo, eoque nimio ardore, ob quem vetustissimis mortalium penitus inhabitabiles credebantur, sola hac ratione inductis, quod sol intra duos tropicos perpetuo moveatur & subjectas terras perpendicularibus fere radiis semper feriat, magna certe specie, sed exemplo manifeste deceptæ ratiocinationis, si experientia in subsidium vocata destituatur. Ea enim solitaria de uno quidem cogitabat, nempe de magno solis ardore, de alio vero facilis quidem suspicandi occasio erat, nempe de noctium perpetua fere 12 tantum horarum longitudine, qua fervor diurnus multum temperabatur, de tertio vero nulla penitus esse suspicio poterat, nisi experientia id ipsis oculis ingessisset, quod eo ipso tempore, quo sol cuique zonæ torridæ perpendiculariter imminet, maximum adeo æstum caulaturus, maximam vim vaporum attollat, in pluvias deinceps totis mensibus continuas resolvendam, quo ipso nimius ardor solis in aëre plurimum impeditur ac refringitur.

*PHÆN. IV.* Alteræ *zona* inter utrosque tropicos & utrosque polares comprehensæ, *temperatæ* dicuntur, quod nec æstu nimio torreantur, nec frigore nimio urgeantur, prout de frigidis magna erat suspicandi ratio, uti mox dicemus, sed æstate quidem calor in aëre regnet satis magnus sæpe, sed tolerabilis tamen ac multum temperatus, hyeme vero frigus magis aut minus intensum, nec illud tamen summum aut intolerabile. Ter-

tiæ



tia vero *zona frigida* cognominabantur, non tam quod temperatis multo adhuc intensius sentiant, (quod negari non potest, ideo maxime, quod anno fere dimidio solem non habeant) sed quod ob nimium gelu æque inhabitabiles crederentur, ac torridæ ob nimium æstum, utrumque interim experientia negante; quod si enim globum terrestrem & mappas universales consulamus, zona frigida septentrionalis non solum Spizbergam & Novam zemblam, sed Islandiam & Groenlandiam quoque maximam partem & has quidem multum & commode satis habitatas, comprehendit, beneficio ignium subterraneorum, quibus terra Groenlandiæ præsertim ita fovetur, ut inde nomen suum nata sit, neque causam habemus dubitandi, annon zonæ frigidæ australi simili quodam remedio à Divina providentia consultum fuerit, torridæ vero zonæ tantum abest, ut pro inhabitabilibus à quoquam amplius aut habeantur, aut haberi possint, ut melior potius ac ditior, foecundior etiam & maxime frugifera, imo maxima quoque orbis habitati aut negotiis humanis apti portio eas adimpleat.

*PHÆN. P.* Incolæ harum zonarum torridarum, vel sunt sub ipso æquatore, habentque, ceu supra dictum, sphaeram coeli rectam strictissime sic dictam, vel degunt inter tropicos & æquatorem, vel habitant sub ipsis tropicis. Primi habent perpetuum æquinoctium, ut è superioribus constat; 2) sol iis in anno bis est verticalis, nullamque in meridie spargunt umbram, nisi sub pedibus, videlicet iis diebus, quibus sol vel  $\vee$  vel  $\ominus$  ingreditur, & tunc *Ἀσχυοί*, quasi *inumbres* dicuntur. 3) quatuor habent solsticia, nempe *duo alta*, sole existente in principiis  $\vee$  &  $\ominus$ , & *duo ima*, cum  $\odot$  ingreditur  $\boxplus$  &  $\boxminus$ . 4) *Duas* etiam habent *æstates*, & *duas* quasi *hyemes*, has quidem circa alta, illas circa ima solsticia; geminas etiam habent 5) & oppositas quidem umbras meridianas in septentrionem projectas, quamdiu sol versatur in signis australibus; in austrum vero, quamdiu in septentrionalibus, unde etiam cæteris anni mensibus ac diebus, quibus *Ἀσχυοί* non sunt, *Ἀμφιχυοί*, quasi *Biumbres*, appellantur.

*PHÆN.*



**PHÆN. VI.** Ii, qui inter æquatorem ac tropicos habitant, pariter sunt *amphisctii* sive *biumbres*, umbras scilicet meridianas nunc in austrum projicientes, cum solem habent seipsis borealiorem; in boream contra cum australiorem. Tales sunt *Arabes*, quorum alii ex zona torrida in temperatam septentrionalem transgressi, mirati sunt, Lucano referente, *umbras nemorum non ire sinistras*, h. e. æstate summa ibi non in austrum projici, prout domi suæ fieri observaverant. Habent etiam hi duo alta, & duo ima solsticia, duas æstates item ac duas hyemes, præsertim qui æquatori sunt propiores, tunc nempe hyemalem seu pluviosum mensem habere solent, cum solem verticalem habent & *ascii* sunt. Illi denique qui sub ipsis tropicis degunt, non nisi unicam habent umbram meridianam, sub tropico cancri nempe semper septentrionalem, sub tropico ♋ semper australem, unde *ἑτερόσκιοι* h. e. *alterutrumbres* vocantur, quod in meridie umbras suas in alterutram tantum partem projiciant. Duo de cætero iis sunt solsticia, unum *altum*, alterum *imum*: unam item æstatem & unam hyemem, dies noctesque artificiales inæquales habent, sol iis semel tantum est in anno verticalis, hinc & ipsi eo tempore *ἄσκιοι* sive *inumbres* sunt.

**PHÆN. VII.** Zonarum temperatarum habitatores habent 1) duo tantum solsticia, *altum* & *imum*, ut incolæ ipsorum tropicorum, tanquam initia harum zonarum habitantes. 2) Unam solum in anno uno æstatem, unamque hyemem; 3) Duo æquinoctia: 4) Sol his nunquam fit verticalis, illique adeo nunquam *ascii*: 5) Quædam stellæ iis nunquam oriuntur, quædam nunquam occidunt: 6) Umbram habent meridianam in boream, vel in austrum semper conversam *ἑτερόσκιοι*, adeo sive *alterutrumbres*. *Frigidarum* denique *zonarum* incolæ vel sub circulis polaribus ipsis degunt, vel in ipsis polis, vel inter polos & polares. Qui sub circulis polaribus, tegunt, semel in anno (sole nempe alterutrum tropicum, nempe vicinum, ingrediente) diem habent 24 horarum, totidemque horarum noctem opposito tempore, Cætera cum temperatis zonis habent communem.



munia. Quid egunt inter polum & polarem circulum, diem habent maximum in æstate 24. horis imo nonnunquam aliquot diebus ac mensibus longiorem; cætera vero cum zonis temperatis communia. Qui denique sub ipsis polis habitarent, 1) diem longissimum haberent sex mensium, noctemque longissimam totidem. 2) Unam æstatem, unam hyemem, unumque solstitium Buno iudice. 3) Illis stellæ fixæ nec oriuntur, nec occidunt. 4) Umbras erecta hominum corpora in orbem projicerent, & in omnes horizontis plagas, unde *periscii*, quasi *circum-umbres* dicendi forent; velut ex iis, quæ de sphæra parallela superius dicta fuerunt, manifestum est.

*PHÆN. IIX.* Dodecatemoria, sive duodecim coelestis superficiei partes, inclusæ binis semicirculis in eclipticæ polis (qui à polis mundi seu æquatoris  $23\frac{1}{2}$  gr. distant) in cuspidem utrinque coeuntibus, (vid. Fig. 5.) in medio autem signum unum seu duodecimam zodiaci partem includentibus (quos ut omnes alios intermedios in iisdem polis concurrentes, *longitudinis circulos* appellant) ut hoc pacto triplex signorum genus in coelo spectetur: 1) duodecimæ partes eclipticæ seu viæ solaris, ad quas respicitur, cum de sole tantum quæstio est, in quo signo versetur? 2) duodecimæ partes zodiaci, latitudinem 10. grad. ex utraque parte eclipticæ habentes, ad quas respectus habetur, cum quæstio est de cæteris planetis, in quo signo versentur? 3) denique hæc dodecatemoria, sive duodecimæ partes totius superficiei coelestis, latitudinem ab uno polo eclipticæ ad oppositum usque exporrigentes, ea fine scilicet, ut *Cometæ* aliaque phænomena rariora, & ipsæ quoque stellæ fixæ omnes ac singulæ ad certa quædam signa referri queant.

*PHÆN. IX.* *Domus cælestes Astrologorum*, h. e. duodecim aliæ sphæræ mundanæ partes, binis iterum positionum, quos vocant semicirculis comprehensæ, sed qui non in polis eclipticæ, verum in horizontis & meridiani intersectionibus coeant, ac binæ duodecimam æquatoris partem s. 30. gr. (sicut Dodecatemoria 30. gr. eclipticæ) includunt. Quarum domuum distinctio,



et si vana sit, & inter ipsos Astrologos controversa, *ordinem*, tamen, & quam ipsis affingunt, in hominum præsertim genicuras *vim & significationem*, ex Astrologorum hypothesebus hoc loco enarrabimus. Ordo demum hic est, ut *prima* ab horizonte ortivo inchoata, & infra ipsum finita proximo positionis circulo, alias *ᾠρόσκοπος, ἀνατολή, Ascendens*, cardo orientis dicta &c. vitam, mores, constitutionem ac temperamentum corporis significet: *Secunda* porro infra, terram versus meridianum latentem numerata, dicitur *ἀναφορά, inferna porta*, spei, lucri, divitiarum index &c. *Tertia*, in meridiano latente terminata, nomen Dea à faustis omnibus habet, ac fratres, agnatos & breviter itinera notat; *Quarta* ab inferiore, sive latente meridiani semicirculo incipit, ac *ὠρόγειον, imum cæli*, angulus terræ, fovea, &c. audit, parentum & hæreditatum significatrix; *Quinta*, nomen habet *ἀγαθὴς τύχης, bonæ fortunæ*, significat liberos & conversationem: *Sexta* ab horizonte occiduo terminata, *κακὴ τύχη, mala fortuna* vocatur, estque valetudinis ac mortuorum index. *Septima* inchoatur ab horizonte occiduo, prima quæ extat supra terram, cardo vel angulus occidentis, *δύσις, occasus* &c. dicta, significat conjuges & contentiones; *Octava*, *ἐπιμεταφορά, superna porta*, mortis habetur domicilium. *Nona*, *θεὸς* appellata, religionem significat & itinera majora. *Decima*, quam meridianus extans inchoat, in ortum jam propendentem, *μεσσηνία, medium cæli* &c. salutatur, honores & officia decernens; *Undecima*, *ἀγαθοδαίμων, bonus demon* audit, & amicos benefacta &c. indicat. *Duodecima* denique in horizonte ortivo terminata *κακοδαίμων, malus demon*, carceres, inimicos, infortuna, minatur; omnia hæc juxta vulgares versiculos:

*Vita, Lucrum, Fratres, Genitor, Nati, Valetudo,*

*Uxor, Mors, Pietas, Regnum, Benefactaque, Carcer.*

*PHÆN. X.* Dividuntur porro hæc duodecim domus in quatuor *cardinales*, quæ inchoantur ab horis & meridiani semicirculis (ut *prima, quarta, septima ac decima*) & *intermedias*, & hæc ulterius in *succedentes*, quæ cardinalibus proximæ sunt,



sunt, ut *secunda*, *quinta*, *octava*, *undecima*, & pro istarum ordine, succedens prima, succedens secunda &c. denominantur, & *cadantes*, quæ sunt ultimæ in 4. istis ordinibus, ut *tertia*, *sexta*, *nona*, & *duodecima*, iterum ex ordine cardinalium, cadens I. cadens II. &c. dictæ. Repræsentationem earum, qualis in globo exhibetur, Fig. 10 & 11 sistunt, qualis in plano ab Astrologis exhiberi solet, Fig. 12 & 13 declarant. Estque vel in primis notandum, non eandem olim Astrologis fuisse, quæ hodie est, domorum coelestium dispositionem. Nam 1) veteres Astrologi, in primis *Julius Firmicus*, & quotquot fere ante Joannis Regiomontani tempora Astrologica scripserunt & tractarunt, *Cardanus*, *Schænerus* & alii, zodiacum in 12 æquales partes diviserunt, circulis magnis sex longitudinum, per polos eclipticæ & duodecimas zodiaci partes ductis, initio facto à circulo longitudinis, qui in horizonte eclipticam transit (quo ipso initio à 12 dodecatemoriis differt, hæc domorum coelestium dispositio) & à quo cæteri omnes suam determinationem sumunt. Appellatur hic modus, ab æquali zodiaci sectione *æqualis*, aitque Origanus comperitum fuisse, statum vitæ nati plerumque congruere ad hanc æqualem dispositionem.

*PHÆN. XI.* Dein *Abraham Abenesra*, & longe post *Ioh. Regiomontanus* æquatorem, uti priores zodiacum in 12. æquales diviserunt, circulis magnis sex per mutuas horizontis & meridiani sectiones & tricesimas æquatoris partes ductis; hoc vero modo ecliptica in partes tanto magis inæquales dispescitur, quo major est obliquitas. Vocant autem hunc modum communiter *rationalem*, quod rationi & observationibus magis congruat quam prior, ita judicante Origano p. 272. suæ Introd. *Tertio*, Campanus & Gazulus verticalem primarium, per punctum orientis ac zenith &c ductum, in 4 quadrantes per horizontem & meridianum dispescunt: *quarto* Alcabitius & commentator ipsius *Joh. de Saxonia*, gradus eclipticæ ascendentis arcus semidiurnos & seminocturnos, seu æquatoris conterminales, primum inquirunt, eosque in 3 æquales partes secant, postea per sectiones



istas ac punctum eclipticæ oriens quinque magnos circulos declinationum ex polis mundi describunt, qui una cum meridiano coelum in 12 domicilia distinguunt. *Quinto* sunt, qui Porphyrium, Origano teste, autorem constituunt illius divisionis zodiaci in 12 partes, qua arcus orientales zodiaci duo, infra & supra terram, inter meridianum & horizontem intercepti, quisque in 3 æquales partes dividuntur, circulis longitudinum trajectis per segmenta.

### III. BREVIS EPICRISIS super enarratas Hypotheses.

#### I.

**Q**Uæ circa divisiones sphaeræ mundanæ astronomicas adnotata fuerunt, fundamenta sua habent indubia, sed hætenus sub distinctione vel solis per eclipticam, à ♌ ad ♍ ascendentis, & hinc vicissim ad ♌ descendentis, vel contra terræ in casu priore à signo ♍ ad signum ♌ descendentis (ut sic videatur ☉ ascendisse) & ex opposito à ♌ ad ♍ ascendentis (ut sol videatur, interim ad ♌ descendere.) Utrum horum revera fiat, absolute determinari nondum valet; alterutro interim supposito, idem effectus eademque occasio distinguendarum zonarum habetur, atque ita utraque hypothesis astronomicè bona est, physice vero non nisi alterutra, ex cujus scilicet parte stant potiores rationes, inferius demum excutiendæ.

II. Distinctio vero sphaeræ mundanæ in 12 domos cœli, nec occasionem ullam à natura habet (id quod Astrologorum quintuplex, quem vidimus, dissensus demonstrat) nec fundamentum in natura, sed totum negotium humano arbitrio, aut libidini potius innixitur. Ipsi procures Astrologorum fatentur, unanimi quidem consensu coelum in 12 domicilia dividendum esse, nulla tamen in hoc consensu ratione, præter hanc adducta, quod via solis etiam in duodecim signa divisa sit, in qua tamen nul.



nullam penitus videmus consequentiam. Tamen enim & illa divisio in signa sit maximam partem arbitraria, fuit tamen occasio aliqua & lunæ duodecies circiter absoluta periodus, dum solis unus peragitur, & ipsius solis diversis effectus in diversi illius periodi partibus, quæ diversitas effectuum tamen non à loci, in quo contingunt qualitate, sed à solis humilioris vel altioris positu, respectu cujusque horizonis. Nihil tale vero hoc loco occurrit, quod divisionem aliquam cœli duodenariam suaderet.

III. Sed admissio hoc cœlestium domorum duodenario numero, cur non æque consenserunt in modo earum construendarum, sed potius hoc ipso suo dissensu, viam præcluserunt argumento probabilitatis alicujus in ipsa hypothese generatim spectata. Quemadmodum enim in phæn. X. Origanus compertum fuisse dixit, quod *æqualis*, quam vocabant, & antiquior modus, cum statu vitæ alicujus nati plerumque congruerit, si hunc antiquum modum semel ita authorisatum perpetuo servassent, multo plus etiam ipsi speciei una servassent, quam cum Aben-Esra & Regiomontanus novum alium, tanquam magis rationalem substituisent. Cum enim novus hic & rationalis modus, ab antiquo illo à Regiomontano irrationali vocato, plurimum dissideret, si verum est, cum illo statum nati cujusque plerumque congruisse, non potest profecto status alicujus hodie nati, cum modo moderno diversissimo pariter congruere, imo periclitatur universaliter antiquitas observationum, ad quam principaliter provocare solent Astrologi. Quomodo enim observationes *Firmici, Cardani, Schæneri*, aliorumque celebriorum virorum, super dispositionem antiquam fundatæ, nunc novæ dispositioni, imo pluribus ac multum diversis accommodabunt, aut ad confirmandas super his novis hypothefibus fundatas modernas allegare potuerunt.

IV. Cur autem duodecim hæ cœli, diversis modis constitutæ, partes, domicilia vel domus, item mansiones, loca & cuspides appellentur, si quæras, rationem hanc reddit Origanus pag. 427. Quia in illis ad tempus definitum positæ stellæ, & ali-



quandiu manentes seu commorantes, tanquam in æde destinata, peculiare operationes & virtutes edunt, non aliter ac in civitate aliqua, alia in domo aurificis, alia in sutoris, sartoris, victoris, pannificis &c. opera exercentur. Quæ quidem allegorica & metaphorica allusio, præfenti tamen scopo parum admodum quadrat. Cum enim aurifex aut sartor, aut sutor, victor, pannifex &c. in quavis æde, quam habitat, non aliud in una quam in altera, sed idem in diversis licet, opus semper exerceat, cur ex opposito eadem stellæ in diversis domiciliis diversa quoque opera, aliamque in hoc, aliam in altero, operationem exercent?

V. Age vero, quænam ratio potuit Astrologos commovere, ut planetas in prima v. g. domo aliud operari vel significare credant, quam in secunda vel tertia? Prima domus inquit Originus, quæ initium suum habet à semicirculo horizontis orientalis, & facta numeratione secundum successionem signorum, terminatur infra horizontem, in cuspide secundæ domus, vocatur *Horoscopus*, quasi horæ notatio & inspectio (uti vult *Gauricus* in isagoge Astrol.) cum ex ortu stellarum potissimum judicetur tempus: vocatur item *ascendens*, *cardo* vel *angulus orientis*, *primus angulus*, item *domicilium vitæ*. Sumitur enim ex hac domo, in iudicio genethliaco, generalis de vita nati, ut valetudine, temperamento nativo, (quod scilicet vita inordinata nondum immutatum vel corruptum est) de moribus, ingenio, forma corporis, propria nati industria, & primæ præsentis ætatis significatio; idque ideo, quia, sicut vitæ hujus initium tunc capimus, quando ex utero materno in hanc lucem egredimur, ita hæc domus est ea cœli pars, quæ nativitatis tempore de hemisphærio cœli inferiore & occultato in conspectum nostrum producit & primam impressionem facit.

VI. Multa essent, quæ tanquam principiis physicis parum consona in hoc discursu valde topico & plebejo notari possent, sed hoc saltem obiter quærere liceat, cur non potius domus hæc prima, ab horizonte sursum versus meridianum superiorem, quam



quam versus inferiorem deorsum numeratur? ut, quemadmodum homo nascens ex utero in lucem & aëris insueta commercia prodit, sic ejus vita, temperamentum, ingenium &c. ex hac luce diurna potius, quam ex præcedente dubia, primam impressionem recipiat? quanquam, quis credat, hæc omnia, vitam puta, temperamentum, valetudinem, mores, ingenium, formam corporis &c. in quibus formandis ac elaborandis natura novem integros menses, gradatim & successivo, quasque præmeditato conatu insumsit, hæc, inquam, in uno quasi temporis puncto ipsius nativitatis, nescio qua impressione sic reformari, ut si paulo vel serius vel citius contigisset nativitas, alius plane homo, quam nunc, aliæ ejus valetudo, aliud temperamentum &c. nascitura fuissent. Quid hoc aliud foret, quam actum agere: imo, quod antea laboriose actum fuisset, impressione momentanea immutare & susque deque vertere?

VII. Jam, ut cætera prætereamus, quid de secunda domo fabulentur, adhuc videbimus. Hæc ἀναφορά, latinis *inferna porta* dicta, quod velut apertis foribus solent cæterasque stellas supra horizontem orituras, ad horoscopum seu lineam adspicius nostri vehat, astrologis domus lucri, census, peculii atque suppellectilis appellatur. Sumitur enim hinc conjectura de bonis omnibus, quæ industria & labore, non hæreditate acquiruntur. Et 1) quidem hinc petuntur modi tam legitimi, quam illegitimi, quibus natus acquireret facultates: 2) Media, per quas res & personas substantiam suam assequatur: ac 3) status opum, an videlicet ad finem vitæ nati sint duraturæ, an vero eas aliquando sit deperditurus? sed quæ ratio suavit Astrologis, ut è secunda domo de domestica substantia nati judicarent? quia, respondet Origanus p 428. cum nec vita consistere, nec corpus suo officio fungi possit absque illis, quæ vitæ corporique alimoniam subministrant, recte post domum vitæ, domus facultatum, quæ sunt alter sanguis, collocatur. Egregia vero consequentia! quia secundum rerum ordinem vita, alimenta & facultates eam conservantes præsupponit, ideo de his è secunda domo prognosticatur.



sticon petendum est, quasi ordo prognosticorum necessario rerum ordinem sequi deberet. Et si hic ordo servandus esset, cur non de facultatibus vitæ conservandæ non solum, sed originaliter reddendæ, in prima, de vita ipsa in secunda domo judicandum fuit? quandoquidem alimenta vitam ipsam necessario antecedunt, imo ejus causa efficiens sunt?

IIIX. E quibus, & porro, si foret operæ precium, dicendis satis utique patet has rationum larvas, quas Astrologi adducunt, non nisi prætextus quosdam esse, quibus decreta sua mere arbitraria quodammodo incrustare laborant, quanquam subinde haut obscure fateantur, ex beneplacito potius & studio vano præsciendorum futurorum contingentium, si non lucri quadam cupidine, profluxisse innumera ista Astrologorum decreta & præcepta, quam ex verosimilibus quibusdam rationibus. Ita certe sæpius allegatus Origanus part. III. Introd. suæ pag. 427. Placuit, inquit, siderum observatoribus, ut quemadmodum cœlum in primis zodiacus, in 12 divisus est partes seu signa, quæ ob circumgyrationem terræ quotidianam, constitutionem eandem servare nequeunt, sed semper variant; (NB) eadem ratione respectu nostri dividere cœlum in 12. alias partes, quæ positum eundem semper retineant.

## ARTICULUS II.

De

mundi partibus ac divisione physica.

### CAPVT I.

de

*Cœlo sive æthere ejusque substantia.*

#### I. PHÆNOMENA.

**P**HÆN. Posteaquam mundum instar sphaeræ mathematicæ consideratum per varias lineas rectas, circulares, fascias sive



sive zonas divisimus, ordo rerum nunc postulat, ut eundem tanquam corpus naturale, vel ex talibus corporibus compositum spectemus. Cum enim os hominum præ cæteris animantibus sublime cœlumque tueri, sapientissimus naturæ Conditor dederit; ea quoque naturæ phænomena, quæ suspicientium noctu interdumque hominum oculis se primum ingerunt, primo quoque loco contemplari fas erit & conveniens. Itaque elevati tantisper oculi obvium statim sibi habent expansum illud spatiosissimum, quod cœlum usurpamus, quodque discussis in aëre nebulis ac vaporibus, & extincto diurno lumine oculorum aciem haut leviter perstringente, h. e. illunibus noctibus ac inprimis aëre, post diuturnas pluvias aut nives subito depurato, nigerrimum spectatur ac pellucidissimum; adeo ut solis infra nos existentis radii, terram ex omni parte prætervecti & in sublimia supra nos expansi spatia confertim emissi, nullum tamen ibi vel sensibilis resplendentia, vel colorationis ullius vestigium relinquant.

*PHÆN. II.* Deinde vero in isto vastissimo maximeque pellucido cœlorum spatio, disseminata videmus corpora splendida & fulgentia innumera, de die scilicet solem fulgentissimum sidus, ac interdum etiam lunam, noctu vero hanc ipsam vivido magis lumine radiantem, ac præterea stellas innumeras sub minore multo, at illa tamen varia magnitudine, nullo quidem ut videtur, ordine sed grata tamen confusione sparsas, quas humana interim industria, memoriæ & imaginationi suppetias itura, in ordines & imagines varias, uti notum, haut inutili fingendi libidine redegit.

*PHÆN. III.* Patitur tamen & omnimoda illa cœli pelluciditas & corruscans hic stellarum fulgor, aliquem alicubi saltem defectum. Nam purissima cæteroquin ista cœlorum spatia stria quadam seu fascia candicante per sui quasi medium cinguntur, qua parte scilicet aquilæ, cygni, cassiopejæ, persei, aurigæ, &c. asterismi in orbem dispositi sunt; deinceps, ubi dictarum imaginum sive asterismorum ordo numerusque distinctius expositus



fuerit, ex Ptolomæo cum Ricciolo, Almag. lib. VI. cap. XXIII. n. III. plenius enumerandi, sub quibus etiam perpetuo, immutatis quoque ubivis magnitudine, irregularitate & albore, qui postremus & fabulas Poëtarum multas, & ex his nomen ipsi *lactis* apud Aristotelem, apud alios *galaxiæ* seu *lactææ viæ* peperit.

**PHÆN. IV.** Sol autem ac minores stellæ pleræque, cum eundem perpetuo fulgorem ubique terris ostentent ac vividissime quidem scintillantem micantemque, luna tamen, alterum luminare majus, & è minoribus nonnullæ, *Mercurius*, *Venus*, *Mars*, *Jupiter*, *Saturnus* dictæ, eodemque ordine his notis ☿, ♀, ♂, ♃, ♄, insignitæ, earumque recentius observati satellites (de quibus infra suo loco fusius dicetur) & obscurius pro ratione magnitudinis suæ, aut parum saltem scintillans lumen emittunt, ejusdemque tot actales variationes admittunt, ut certum sit observatoribus industriis, illud proprium his ac nativum non esse, sed à sole, non aliter ac terræ lux diurna communicatum, & per reflexionem ad nostros oculos ab istis emanans, cujus rei inferius specialiora dabimus indicia.

**PHÆN. V.** Radiola illa stellarum plerarumque, atque adeo solis quoque figura, quæ nudo oculo apparet, per telescopia (quorum vis adeo species visibilium adaugendi notissima alioquin est) orbicularis & accurate rotunda cernitur, omnibus illis radiis accinctis evanescentibus rotundisque istis speciebus multo minoribus quam priores istæ nudo visu conspectæ apparentibus.

**PHÆN. VI.** Denique tellus nostra cum circumfuso suo aëre in amplissimo illo ambientium coelorum spatio, medio quoad sensum loco, libere pendula, (cota enim aliquoties jam circumnavigata nulli uspiam vel fulero inmiti, vel unco suspendi, deprehensa fuit) inter coelestia illa corpora sibi undique eminens circumfusa vel immota consistit, vel celeriter gyrat, de qua controversia suo loco videndum erit.



## II. HYPOTHESES PRIMÆ

De

coëlorum vel ætheris natura & sub-

stantia.

I.

**P***rimam* non tempore quidem aut dignitate, sed facilitate sua, facimus eam, quæ *Gassendica* dici merens, quod *Petro Gassendo* cum primis arrideat *Phys. sect. II. lib. I. cap. 1. p. 503.* non nisi terræ sphæram elementarem, & reliqua desuper allucentia corpora materiata concipit; interjectum autem vastissimum coëlorum spatium omnis materiæ expers facit inane adeo prorsus & immotum, sed motui quorumvis corporum, sine omni impedimento permeabile. Hæc facillimam reddit causam summæ illius pelluciditatis, de qua *Phæn. 1.* dictum est: Quod enim incorporeum est, nullum penitus radium reflectere, aut in motu suo versus oculum impedire potest, adeoque est in summo gradu pellucidum. Neque vero quicquam esse videri, quod cogat spatia illa sideribus intercepta plena dicere & non potius inania. Quippe, ut sidera per illa moveantur (1) non agere illa medio sustentante, quemadmodum egent & volando aves, & natando pisces; quia gravia non sint perinde ut illa, neque extra se habeant, in quem decidunt, inferiorem locum. Quin etiam (2) quoniam sunt ad motum suapte natura comparata, motusque ipsorum pernicissimus est; videtur plane congruum, ut per quæ spatia trajiciuntur, liberrima sint, nihilque in ipsis occurrat, quod proscindendum sit, ac resistere quadantenus possit. Ecquis porro (3) capiat, si tota illa spatia sint quopiam alio corpore, quam trajicientium radiorum plena, posse stellarum radios ad nos usque pertinere per intervalla adeo immensa? Hujusmodi enim corpus, quantumvis sit tenue, quantumvis illime, contextum est tamen ex corpusculis, quorum nullum non capax est percipiendi radiusculum, avertendique ipsum à rectilinea trajectione. Et cum (4) qui alioquin apparet aër purissimus, ubi secundum seriem horizontis accipitur, speciem adeo sensibilis opacitatis induit, prout in



ea prolixitate, quæ sunt ejus corpuscula remotiora gradatimque remotiora occludunt sensim meatulos, qui liberi inoccupatique à propioribus fuerint; ecquidnam sentiendum videatur de æthereo corpore in ea spatiorum immensitate? Nam fac ætherem aëre puriorem, & decies, & centies & millies, & pluribus adhuc vicibus, puriorem; sunt tamen spatia adeo infanda, ut debeat æther denique evadere longe aëre ad visum opacior, sicque stellas obducere, nec tanta hac limpiditudine exhibere: Quod necessarium (5) putant, substantiam quandam interjici, ut mutua fiat colligatio; constat, adversam potius esse colligationem iis totis, quorum natura in eo est, ut sint ex rebus inter se non revinctis, sed dissitis. Posito vero (6) aliquam præter siderum radios interfusam esse substantiam, dicere nobis solum licet, esse debere ineffabilis tenuitatis, ne nobis stellarum adspectum præripiat &c.

II. *Secunda hypothesis* inane illud spatium omne solidissimo ac durissimo corpore replet, sed crystallino, vel è concreta in glaciem purissimam aqua primæva, fusione quadam orto; sic satis omnigenæ illi perspicuitati consultum putans: nec Ptolomæo tantum ad orbium & epicyclorum machinationes Astronomicas fabricandas indeque motuum calculum juvandum idonea visa; sed Aristoteli quoque & coætaneis pariter ac sectatoribus ejus quamplurimis, imo S. S. ecclesiæ P. P. magno numero approbata, & sacræ scripturæ quoque testimoniis comprobata; prout videri prolixè potest Ricciol. Almag. nov. Lib. IX. Sect. I. cap. 11. p. 216. &c. cap. VII. p. 238. cum argumentis sane quam multis, ac in sequ. p. 240. ordine examinatis. *Gassendus* autem cit. ante loco p. 428. in fin. *Eudoxum* Platonis familiarem primum fuisse dicit, qui attendens motum siderum diurnum, seu qui fit ab ortu in occasum, esse omnium communem, & planetas tamen moveri præterea ab occasu in ortum; censuit motum quidem ab ortu in occasum per se competere ipsis inerrantibus stellis, quæ nullo præterea motu cierentur; Planetis autem convenire motus ab occasu in ortum per se & communem illum ab ortu in occasum convenire iisdem ex accidente, propter impressionem, qua simul cum inerrantibus raperentur. Cum pervideret tamen, motum inerrantium imprimi errantibus non posse, si spatia interjecta forent fluxa & liquida; ideo regionem inerrantium pro una sphaera solida ac firma, in qua illæ omnes quasi implantatæ continerentur, habuit; ac  
illius



illius concavitati aliam solidam similiter sphæram, penitus contiguam immediatamque supposuit, cui alligatus esset Saturnus; ac pari modo intra hanc aliam, cui alligatus Jupiter, sicque ex ordine usque ad infimam lunam &c. Quæ Eudoxi hypothesis cum placuisset Aristoteli, ab hoc tandem eam consecuta est auctoritatem, ut per plusquam bis mille annos in scholis peripateticis pro indubia haberetur usque ad Tychonis tempora, & finem fere sexti ac decimi seculi.

III. Tunc enim, sicut antiquitus alii, ut Anaxagoras, & Democritus, talem aut soliditatem, aut distinctionem solidarum sphærarum, non induxerant in animum; sed, cum vellent quidem ipsa sidera esse densiores compactioresque æthereæ regionis partes; censuere tamen ea ferri libere, ac plane soluta, per spatia ætherea liquidissima, transitumque ipsis liberrimum præbentia, eo modo, quo volucres per cedentem sibi ultro aërem & pisces per mare ferantur, hæc eadem Anaxagoræ Democritique hypothesis à Tychone postliminio quasi revocata fuit, occasione insoliti in Cassiopeia sideris, & cometarum successive plurium, quorum observatione accuratius exactioribus instrumentis parallaxes, falsitatem primum sententiæ Aristotelicæ de cometis in aëre gigni solitis, detexerunt ac cœlo supralunari eos asseruerunt; deinde vero, postquam iisdem mediis deprehensum esset, eos nunc altius in cœlum evehi, nunc profundius descendere, ac citra obstaculum quaquaversum evagari; necessum utique fuit agnoscere, soliditatem orbium cœlestium locum in cœlis amplius obtinere non posse. Quæ res postmodum alia, de Martis perigæi infra solem descensu, observatione confirmata fuit, cujus virtute necessum fuisset, cum ex orbe suo per immensæ soliditatis orbem solis crystallinum penetrasse; id quod impossibile penitus fuisset. His igitur similibusque prægnantissimis rationibus cum inveterata peripateticorum præjudicia plusquam integro decennio fuissent reluctata, tandem manus dederunt; ut nemo hodie, ne in peripato quidem, æthereæ substantiæ crystallinam soliditatem non explodat, & econtra summam ipsi fluxilitatem non asserat. Atque hæc est *tertia* modernorum Philosophorum hypothesis, corpore quidem ac materia refertum amplissimum illud cœlorum expansum statuens, at fluida, aut verius spirabili, & subtilissima, aura inde ætherea dicta, vel æther aut aër purissimus ac tenuissimus; nostrum hunc ea proportionem, qua



noster aquam, subtilitate superans, indeque tantæ perspicuitatis credendus.

IV. Hanc non tantum priscis philosophis compluribus attribuit Ricciolus, sed & P. P. Ecclesiæ bene multis, saltem quoad cœlum planetarum, seu inferius, argumento quoque negativo è S. literis confirmatam; evidentioribus autem argumentis, ut supra jam dictum, à *Tychone, Longomontano, Keplero, Galileo, Scheinero, Bullialdo, Hevelio, Cartesio, P. Fabri*, ac recentioribus plerisque omnibus successive confirmatam: quæ quidem argumenta fusius excussa & examinata videre licet apud Ricciolum Lib. IX. Sect. I. cap. VII. p. 242. Et spectatim quidem laudatissimus P. Fabri, Peripato alias in multis adhuc favens, eandem cœlorum ac aëris nostri, vaporibus crassioribus exuti, substantiam credit, ad stipulatores habens, ante se, *Joh. Pennam Gallum, Jordanum Brunum, Christophorum Rothmannum &c.* post se, inter multos alios, B. nostrum Antecessorem *Abdiam Treu* in Disp. de Elementis. *Cartesius* autem adhuc præcisius ejus naturam determinat, supponendo: Materiam indefinite primum & continuo tractu extensam, cum impressum à DEO motum recepisset in partes minutissimas diffractam, per particularum illarum attricum mutuum, in duo primum elementa mundi abiisse, quorum alterum innumerabilium atterendo detornatorum globulorum, alterum ramentorum ex attritu illo superantium tenuissimorum & globulorum contiguorum spatia replentium, congerie constaret; atque adeo etiamnum cœlos, utriusque illius elementi mixtura, primario vero globulis istis minutissimis, absolvi, quorum motus aut nîsus rectilineus, cum ipsi luminis rationem absolvat, ut paulo post videbimus; evidens inde elucet ratio summæ pelluciditatis in æthereâ substantia; siquidem radii luminis, qui in hac hypothese nihil sunt aliud quam globulorum illorum, seu particularum ætherearum in rectilineum motum concitatæ series, quæ ubi impingant, aut unde reperiuntur, præter astrorum quorundam, ac terræ nostræ, corpora, nihil inveniunt.

V. *Quarta*, è duabus prioribus composita Ricciolo cum paucis quibusdam recentioribus communis (Vid. Lib. IX. Almag. n. Sect. I. cap. III. & hujus concl. IV. præcipue) supremarum stellarum cœlum solidum & cristallinum, inferiorum autem, ut ☿, ♀, ☿, ☉, ♀, ♀ & ♀, cœlos spirabiles ac fluidos ponit; par-

tim



tim ut dissentientes P. P. sententias conciliet; partim vero, ut hypotheseos tertiæ observationibus satisfaciatur: quæ cum lunæ cœlum non magis attingere, quam supremum videbantur *P. Nicolao Cabao* in 1. Meteor. text. 37. q. 6. & lib. II. tex. 11. q. 4. probabilius is idem putavit, lunæ quoque cœlum solidum esse; ut ita aëra ætherea spirabilis, utrinque stabili termino includeretur, ac terræ marisque spiritus & sales volatiles, in infinitum alias avolaturi cohiberentur & ad fermentandam terram redirent: quemadmodum supremum illud crystallinum Ricciolo loco sustentaculi est & quasi fundi, qui supra cœlestium aquarum cœlum, & supereminens huic empyreum (qui ad futuram vitam spectant) à visibilibus ac sensibilibus cœlis, igneo sc. supra lunam, & aëreo infra ipsam, determinaret.

VI. Singularem fovet hypothesin *P. Franc. Lana* Vol. operis sui II. Lib. VIII. Prop. XXXI. p. 363. Aetherem statuens corpus tenuissimum & fluidissimum, quod nullis partibus actu divisis, seu atomis figuratis constet, sed sit omnino continuatum, absque ullis poris interspersis & sine omni interruptione, perfectissime homogeneum, & tandem perpetuo naturam servans nullis corruptionibus aut mutationibus obnoxium, adeoque non grave aut leve, non calidum aut frigidum &c. Possibilitatem talis corporis (1) ex eo probare connititur, quod non sit de essentia corporis, quatenus corpus est, ut componatur ex particulis seu atomis figuratis & actu distinctis hanc enim necessitatem reperiri putat in illis solum corporibus, quæ aliquam patiuntur alterationem, & communibus qualitatibus sunt subjecta, quæ explicari aut recte intelligi nequeunt, nisi admittantur prædictæ particulæ elementorum, aut minima physica diversis figuris prædita, & diversis motionibus agitata, diversissimisque nexibus colligata. Porro (2) non apparere, ait, quænam possit afferri repugnantia huiusmodi fluidissimi & perfectissime homogenei corporis: quamvis enim aqua aliquæ liquoris talis sint conditionis, ut particulis eos componentibus intererantur plurimi poruli, qui replentur aliquo alio corpore fluido, ipsi aquæ vel liquori congeneo vel extraneo. Hoc tamen non obstante, sicut sensus visus aut tactus poros illos in aqua discernere nequit, imo iudicat aquam esse corpus perfecte homogeneum, sine ulla partium interruptione, aut pororum alteriusve substantiæ interceptione; ita intellectu facile percipi potest corpus



pus, quod vere prædictas condiciones habeat, quas si sensui fidem præbere velit, aquam ipsam habere judicabit. (3) Quis negat corpus à DEO creari posse, quod natura sua sit inalterabile & incorruptibile, nullaque præditum gravitate aut levitate? Cum præcipue plurimi maximique nominis Philosophi has omnes prærogativas cœlestibus corporibus tribuant; recentiores autem, qui cœlorum astruunt corruptibilitatem, eam inde deducant, quod novas stellas seu cometas in superioribus cœli regionibus observaverint, novasque maculas in sole, aut in aliorum, planetarum globis mutationes; quæ tamen omnia optime cohærere cum incorruptibilitate ætheris existimat, & in Tract. de cœlo (quem speraretamen vix possumus) palam futurum dicit.

VII. Hactenus dictis pro possibilitate decertabat laudatus P. in sequentibus valde prolixis necessitatem talis corporis summe fluidi pluribus inculcat; ex eo (1) quod facta hac suppositione, quam modo possibilem esse, se demonstrasse credit, non modo, omnia naturæ phænomena, ad rarefactionem præcipue & ad æris condensationem spectantia facile explicantur, verum etiam evitentur reliqua inconvenientia, quæ nulla alia sententia omnino potest evitare. Et ut solum ex rarefactione & condensatione hoc loco necessitatem admittendi ætheris concludat; cum manifestum sit, inquit, omnia corpora, quæ corruptionem aut alterationem pati possunt, esse pariter obnoxia rarefactioni & condensationi; cumque eadem omnia corpora constare ex minimis & indivisibilibus particulis in superioribus abunde demonstraverit; præterea vero explicari nequeat modus rarefactionis & condensationis, nisi per intromissionem, aut exclusionem ætheris (quod satis efficaciter præcedd. Propp. se ostendisse ait;) hinc evidentissime deducit, in hoc rerum ordine, quem ipsi sensibus experiamur, prædictum corpus fluidum esse omnino admittendum. (2) Cum hodie communissima sit sententia apud modernos Philosophos Astronomosque, omnia cœlestia corpora, exceptis globis stellarum fixarum & planetarum, nihil aliud esse quam materiam quandam fluidissimam purissimamque; si sententiam Aristotelicam, quæ statuit cœli incorruptibilitatem in nostram, aut communem potius, commutare velimus, manifeste substantiam illam simplicem & alterationibus minime obnoxiam, quæ Aristoteli solida supposebatur & crystallina, nunc (cæteris omnibus manentibus) solum fluidam esse  
sta.



statuendam, & poris omnibus aut vacuitatibus carere debere, quibus alia corpuscula se intrudere valeant, & consequenter mutationem aliquam in ea efficere &c.

VIII. Quibus addit (3) sequentem rationem: Cum non repugnet, in hoc rerum materialium ordine existere substantiam ætheream illis dotibus præditam, quas paulo ante dicebamus; eam de facto esse admittendam non modo possibile, sed actu ipso existentem. Hunc vero argumentandi modum à possibilitate ad actum optimum esse dicit, quoties id, quod constat esse possibile, pertinet ad integritatem ordinis alicujus substantialem, qui ordo non sit mere possibilis, sed actu existens; Hoc scilicet videtur velle dicere: Quia Deus, sibi ipsi quidem sufficientissimus, tamen ut Author naturæ rerum materialium aliquem ordinem constitutum voluit; dicendum est usum eum fuisse infinita sua sapientia in eo constituendo, (ne scilicet aut impotentia aut inscitia arguatur) adeoque ordinem illum in suo genere esse perfectissimum; manifestum autem esse non fore perfectum, si desit illi supremus & perfectissimus gradus, cujusmodi est corpus simplex & incorruptibile, quod nomine ætheris appellamus; actu ipso necessario extitutum, quia non repugnare probatum sit, ut actu existat. (4) Scripturæ auctoritatem in subsidium vocat, credens, Moysen in creatione orbis universi mentionem expressam fecisse ipsius spirituosæ ac subtilis substantiæ ætheris, in his verbis *Spiritus Domini ferebatur super aquas*; quandoquidem nomine spiritus hoc in loco nec tertia persona Trinitatis possit intelligi (id quod fusius probare contendit) nec aër aut ignis alius commodius, quam ille ætheris purissimus &c.

### III. EPICRISIS super hætenus enarratas de substantia coeli sive ætheris hypotheses.

#### I.

**E**Quidem negari neutiquam potest, si sidera in spatiis æthereis, & per ea, non vacua, sed plena, movenda forent, non sine aliqua retardatione motuum suorum, ea motum iri, quantumvis etiam tenuis ac insensibilis ea materia supponatur esse,

Rrr



esse, qua repleri ista statuere collubitum foret, cum quaecunque talis materiae obstaculum, si vel integræ diei vel mensis vel anni quoque spatio, nullam moram sensibilem siderum motibus injiceret, intra tot annorum centenarios, imo millenarios tamen, aliquantillam saltem retardationem plurium seculorum lapsu sentiri tandem debuisse, recta ratio suadet, cujus tamen ne minimum quidem indicium hactenus uspiam compertum fuit. Et, si radii luminis, omnium hodie Philosophorum consensu materiales & corporei, immensam illam coelorum profunditatem, materiae quidem alicujus incomprehensibiliter licet subtilis, plenam penetrare usque ad terram deberent, impossibile utique videtur, eos à supremis fixarum stellarum carceribus emissos hanc terræ metam unquam attingere valere, quam vero non solum quotidie, sed singulis momentis, & momentaneo fere tempore, attingunt; atque adeo, quæ num I. superius à doctissimo *Gassendo* speciose & ingeniosissime adversus coelorum materialitatem disputata fuere, indubiam habere sequelam ac veritatem viderentur, nisi hæc una hypotheseos de coelo materiali circumstantia omnes istas consequentias uno quasi oris flatu disploderet, si scilicet supponatur 1) stellas non intra materiam coelorum ætheream, sed cum ista moveri; 2) luminis radios ab ætherea substantia non distingui, sed in ea potius fundari, quod utrumque deinceps clarius exponendum erit.

II. Secunda hypothesis de coelorum orbibus solidis sive crystallinis ex una parte quidem elidebat objectiones Gassendicas, quod stellæ non in istis orbibus, & per eos moveri (id quod illorum durities & soliditas nullo modo pati poterat) sed una cum ipsis circumgyrari supponantur. Verum de lumine res eodem modo explicari non poterat, ut radii luminis una cum suis reflexionibus & refractionibus in ipsa solida & dura rigidaque crystalli materia fundarentur, sed necessum erat radios à coelis tanquam à medio per quod transmitti debent, distinguere, & in pellucida licet coelorum substantia, plus tamen remoræ & impediementi radiis transcuris obijci, agnoscendum, quam in medio  
ali-



aliquo fluido incomprehensibiliter subtili. Pingatur enim crystallus quantumcunque pura & porosa, ita ut, cum inter quosvis poros duos necessario medium sit interstitium, & inter duo interstitia unus porus, supponantur per impossibile, centrum pori ex opposito unius, sole noctu infra horizontem posito, radiosque in superius hemisphaerium coeli emittente, centrum quidem poros radii transmittant, & unus tamen in unicum interstitium incidens reflectatur; evidens est, ex immensis illis superioris hemisphaerii spatiis innumerabilem radio- rum reflexorum copiam ab oculis nostris recipi, & sic ingen- tem splendorem inde ad hos reperi; quod cum experientia repugnet; necessum est hypothesein de aethere solido crystallino, etiam ex hoc capite esse falsam; si maximè rationes num. III. Hypoth. adductas silentio studio præteriremus.

III. Cum itaque spatia ætherea stellis interjecta non esse va- cua & inania vel eo medio termino facile constaret, quod non solum nulla sic communicatio inter partes mundi futura esset; sed cum primis motibus stellarum nullæ causæ naturales imme- diatæ assignari possent, verum ad causas supernaturales, DEUM ipsum videlicet, vel intelligentias ac nescio quæ dæmonia (id quod Aristotelicæ hypotheseos exemplo manifestum est) confu- gere oporteret; id quod alioquin in physicis faciendum prius haut est, quam naturalis aut secunda causa nulla uspiam ampli- us reperiri queat; æther autem solidus & crystallinus ex dictis antè rationibus admitti non possit; nihil aliud superest, quam ut inter ista duo extrema mediam eligamus viam, ac coelum sive ætheream substantiam subtilem, tenuem, ac fluidam ju- dicemus. Quæ sententia cum hodie generatim quidem universa- lem fere consensum ubique reperiat; speciatim tamen in duos separatos modos dispescitur, alterum Cartesio, alterum P. *Lana probatum*; de quibus adhuc inquirendum restat, uter phæ- nomenis rectius respondeat, & scrupulos à Gassendo injectos fe- licius aut evitet, aut eximat?



IV. Posito itaque tali corpore, quale ex P. Lana num. VI. Hypoth. descripsimus, quod nimirum subtilissimum sit & fluidissimum, simul tamen continuum, nullis atomis sive figuratis corpusculis constans, utpote poros aliquos inter se necessario relinquentibus atque adeo corpus alterabile & corruptibile, contra propriam hypothesein constituturis; hoc utique commodi inde expectandum foret, ut vexatissima illa quaestio de vacui, ne minimi quidem ac invisibiliter disseminati possibilitate, è medio tolleretur, quam Cartesius per materiae suae subtilissimae ramenta tenuissima, orituris ubi et quodocunque in mundo universo spatiolis vacuis se statim accommodantia eorumque figuras promissimè induentia, evitare conatus fuit; ejusmodi namque corpus fluidum ἀναπληστικὸν per totum mundum diffusum, ubi ubi vel minimum porulum offenderet, statim intraret eumque undiquaque repleret, nullo ne conceptibili quidem angulo inani relicto: quamvis, si ex propria mente loqui velimus, *Spatia*, quæ vocamus, *disseminata*, h. e. porulos nulla amplius materia repletos, si admittamus, nihil id naturalium phaenomenorum explicationi derogaturum, si non eidem haut parum inserviturum dudum judicaverimus, in Part. gen. Sect. I. cap. H. ἐκλέξει Anal. sub fin p. 64. Quo nostro judicio non obstante, sed interim seposito, allatas superius P. Lanæ rationes, pro æthere fluidissimo, interimque omnino continuo corpore citra partium studium examinabimus.

V. Primum igitur possibilitatem saltem talis corporis, quod fluidissimum quidem, at in corpuscula non divisum, sed penitus continuum, ac poris omnibus destitutum sit, ostensurus, id urget præcipuè quod de essentia corporis, quatenus corpus est, non sit, ut componatur ex particulis figuratis ac solutis & actu divisis: id quod verum esse nemo inficiabitur; quandoquidem alias omne corpus ex talibus particulis componi necessum esset; id quod tamen vel lapidis, aut arboris, aut ossium exempla confutant, quæ ex particulis figuratis quidem, non solutis tamen & actu ab invicem separatis, sed connexis inter se constant,



stant, atque ita corpus, non continuum quidem, sed contiguum, cum aliqua partium implicatione, constituent: ut taceam materiam primam sive, corpus qua corpus adhuc indivisum & instar corporis continui concipiendum, quod non solum ab Aristotele ejusque græcis interpretibus, sed etiam à Cartesio ejusque sectatoribus, pro tali agnitum fuit; velut in Part. gener. Cap. II. pluribus à nobis ostensum fuit. Non est igitur de essentia corporis, quatenus corpus est, esse à particulis, actu divisis ac solutis compositum; neque hoc, sed illud quæritur; utrum de essentia corporis fluidi sit ex particulis solutis actuque ab invicem divisis & separatis constare, necne? Ipse P. Lana fateatur in fluidis aut corruptionibus aut alterationibus saltem obnoxiiis, has condiciones utique requiri, nec alium conceptum fluidi corporis in genere formare licet, quam quod diffluentia omnis negationem involvat continentia sub terminis propriis, secundum Aristotelicam definitionem; id quod per se infert negationem coherentiæ particularum, & consequenter solutionem ac separationem earum actualem: quam adeò fluido cuique essentiali concipere necessum esse videtur, & consequenter tanto magis essentiali, quanto fluidius aliquod est aut diffluentius; ita ut summè fluidum sive æther, partibus constare dicendus sit omnium solutissimis & separatissimis; tantum abest, ut omnimoda continuitas partium in fluidissimo corpore sine contradictione in adjecto concipi posse videatur. Neque incerta adhuc ætheris inalterabilitas sufficit ad conceptum summe fluidi fingendum omni alii fluido è diametro oppositum. Aristotelis certè autoritas tanti non est, ut pro ejus æthere sive coelesti corpore solidissimo & ut ipse opinabatur, incorruptibili & inalterabili, (quamvis quæ poterit inalterabile esse, quod solis stellarumque radiis perpetuo ultro citroque permeatur?) nunc, quando is amplius consistere non valet, alius fluidissimus quidem, at una continuus, pariter tamen inalterabilis, supponatur.

VI. Quin (2.) cum in aqua similibusque liquoribus, poros adesse & particulas actu solutas & separatas, intellectus rectè concludit ipso P. Lana teste, etsi sensus neque porulos illos, neque



particulas illas discernere potest ; id quomodo exinde sequi possit , nullo modo capio, quod intellectus percipere facile possit ejusmodi corpus, quod verè prædictas condiciones habeat, quales sensus in aqua v. g. falsò deprehendere solet ? Dumque (3.) quem negaturum, quærit, corpus à DEO creari posse quod natura sua sit inalterabile & incorruptibile &c. Responderem , quid DEUS possit ? aut non possit ? absque temeritate vix ausurum definire valdè finitum humanæ rationis judicium. An vero corpus aliquod penitus inalterabile & incorruptibile sine implicatione statui possit, nec ne ? ad id decidedum profecto non sufficit, quod præcipuè plurimi maximique philosophi , has similesque prærogativas coelestibus corporibus tribuant ; maximè cum fateatur, ipse P. Lana, recentiores philosophos ex eo deducere coelorum coelestiumque corruptibilitatem, quod novas stellas & cometas ibidem, nec non in aut circa solem maculas observaverint, nec non in aliis Planetarum globis mutationes ; quæ omnia tamen optimè coherere cum incorruptibilitate ætheris, dicit quidem sed hoc loco nullo modo probat ; num alibi id fecerit, quod innuit, nobis saltem haut constat. Interea possibilitas talis ætheris , qualem ipse commendat, ob hæcenus dicta mihi saltem , nondum satis evicta videtur.

VII. Cùm verò, quæ porrò sequuntur, super hac possibilitate præcipuè fundentur ; apparet, quid de cæteris, quæ de necessitate actuali talis admittendi ætheris inculcat, sperandum videatur. Quod enim (1.) supposito ejusmodi æthere, omnia naturæ phænomena, præsertim ad rarefactionem & condensationem pertinentia, facile non solum explicentur , sed evitentur reliqua inconvenientia , quæ nulla alia sententia omnino possit evitare ; nihil uspiam reperio, quod non in hypothesi ætheris fluidi discontinui & è corpusculis solutis compositi æquè commodè explicari vel evitari possit, nisi spatiola inania insensibilia ; quæ tamen an evitari adeò necessum sit, ex iis, quæ num. sup. IV. à nobis dicta & allegata sunt, judicare dabitur. Quod (2.) secundum communem hodie sententiam æther fluidus loco Aristotelici crystallini , ad-

mitten-



mittendus sit, id tam parum probat, reliquam illius hypotheseos partem de incorruptibilitate coelorum, quæ gentilissimum sapere videtur, servandam esse, ut contrarium potius omnino suadere videatur, cum in uno erronea deprehensa hypothesis facile etiam in alteris errorem abscondere possit. Quod (3) à posse esse ad actu esse in certo casu legitime concludi afferit; id suo loco relinquimus, sed in eo casu possibilitatem istam non suppositam tantum, sed certo probatam esse oportet; id quod nondum factum esse, sub finem num. præced. judicavimus; ut taceam, in supposito illo rerum materialium ordine, quem DEUM ut naturæ authorem actu ipso constitutum voluisse supponit tanquam supremum & perfectissimum gradum assumi, corporis alicujus simplicis & incorruptibilis omnino continui, porisque omnibus destituti; id quod tamen præcipuum κείονμενον est in hac tota controversia. Quod denique (4) è Scripturis petitum est argumentum, ab eo similibusque aliis in controversiis merè philosophicis ipsum aliosque penitus abstinere malim; cum præsertim per spiritum aquis incubantem, ætherem intelligere non adeò necessarium videatur.

II X. Quod si denique absolute judicare de hac *P. Lanæ* hypothesi velimus, inconceptibile profecto & imaginationi incomprehensibile videtur, quomodo solis radii nocturno tempore ad imum coeli hemisphærium demersi, non dicam per hujus ipsius stupendam profunditatem ad superioris initia penetrare, sed ab illis initiis per ipsius pariter immensam fere altitudinem, ad exstantes super horizontem nostrum planetas eniti, iisque (quod infra pluribus demonstrabimus) suum lumen communicare possint, si in tota illa incredibili coelorum profunditate nulla penitus porositas, quæ radios admittere, & ad immensum distantia planetica corpora transmittere possit, admittatur; imo ne particularum quidem ætherearum discontinuitas, qua cedere radiis a sole evibratis facillime, transitumque aperire valeant; eo modo sc. quo aquæ crassius fluidum à lapilli descendens quantula-  
cunque gravitate, tametsi non sine aliqua resistantia, diffin-  
ditur



ditur quasi, & locum cedere cogitur, transitumque adeò ad fundum permittere: id quod, quo pacto fieri possibile sit nisi partes aquæ insensibiles, solutæ sint actuque separatæ, ut impulsui descendenti lapilli cedere ad latera, & per circulationem quandam (qualem circa navigia, oceani fluminumque aquas sulcantia, evidenter observare licet) à tergo ipsi succedere possint. Ita fingamus unicam solum luminis solaris particulam ad certum aliquod ætheris punctum in horizonte nostro appulisse, inde, impulsu succedentium aliarum ulterius ad lunam v. g. promovendum, per intervallum ab horizonte nostro circiter 50000. milliar. germ. quandoquidem, ex P. Lanæ hyp. illud punctum ætheris cum vicinis in omnes plagas cæteris undique continuum est, impossibile, si quid judico, erit, ut illapsæ luminis particulæ vel hilum cedat, nedum, per tam immensam altitudinem obsistente perpetua continuitate, transmittat. Verbo, si quæ mens concipit, effari velim: Fluidum continuum aut videtur esse *σιδηρόζυλον*, aut, lumini minus pervium quam Aristotelis crystallinum cælum in quo poros saltem lumini pervios is admiserat. Quin & Cartesius materiam suam primam, ut extensionem quandam continuam consideravit; tantum vero abest ut fluidam, ut ei diffringendæ & comminuendæ vim divinam, i. e. summam adhibendam esse judicaverit.

IX. Tamen si vero materiam primam ita continuè extensam unquam excitisse credendum minime videatur, multo minus ejusmodi violentia ad eam diffringendam & communiendam opus fuisse; effectum ipsum tamen, quem ex hoc supposito mechanismo consecuturum esse speravit, aut consecutum esse credidit Cartesius, si supponamus, (cui obtinendo non nisi simplici DEI volitione opus erat;) eam obtinebimus, opinor, hypothesin, quæ, naturam ætheris sive coeli ab omnibus superius memoratis difficultatibus liberam nobis exhibeat. Scilicet, posteaquam cælorum orbes solidi, (non tam quod ejusmodi machinatio nimis operosa videri poterat, quam quod phænomena plura evidentissima id facere, non suaderent, sed cogerent) ex illa regione deturbandi venirent, & fluida materia subtilissima in



in illorum locum subroganda ; fluida vero P. Lanæ continua nobis ad scopum desideratum inepta judicanda fuit ; nullam aliam ad istum accomodatorem amplius reperire possum , quam cartesianam , sequenti modo in accidentalibus tantillum solum immutatam : concipio nempe, in ipso mundi creandi primordio (1) spatium illud coelorum amplissimum; Divino nutu repletum fuisse fluido quodam subtilissimo, quod ex corpusculis solutis & punctulis contiguis constet, quæ Cartesio instar globulorum rotunda concipere placuit ; quæ punctula motu deinceps rectilineo pulsa vel pressa luminis effectum in animalium oculis producant. Illam vero pulsionem aut pressionem dependere (2) ab alia materia multo subtiliore & voluntate summi motoris celerissime in omnes partes agitativissima ( nec enim aliam adhuc subtiliorem, quæ istam agitet, & ista rursum aliam in infinitum supponere, vel utile vel rationi consonum fuerit ; sed ad primum tandem motorem, per causas istas secundas deduci necessum est ) quæ materia subtilissima celerissimeque agitata, & spatiola incomprehensibiliter exilia inter punctula ætherea sive globulos cœlestes adimpleat, & ingenti copia in certis universi locis ex arbitrio Creatoris collecta, globos illos lucidos, solem puta, & soli similes fixas, maximam partem componat : Ut adeo hanc materiæ subtilissimæ perpetuæ in omnes partes factam, immediata Dei virtute, agitationem, *lucem*, inde verò consequentes quaquaversum ætheris circumflui pulsiones aut pressionem rectilineas, *lumen* & *luminis radios* appellare liceat. Conf. quæ docuimus Parte I. gener. cap. VIII. Hypoth. I. & imprimis *Εκλέξει ἐπιμελ* p. 421.

X. Sic enim *primo* solis & reliquorum lucidorum globorum radii non opus habent per ætherem sibi contradistinctum usque ad videntium oculos penetrare, & hoc pacto illis difficultatibus objici, quas Gassendus supra num. I. Hypoth. primarum urgebat ; quandoquidem hoc pacto rota illa spatia sideribus lucidis interjecta non sunt alio quopiam corpore plena quam æthere sive punctulis contiguis æthereis, quæ sunt ipsum luminis



vehiculum five subjectum, vel ipsos luminis radios constituunt, pulsione seu pressione sua à lucidis corporibus recepta & mox distinctius per schematismum declaranda. Simul autem *secundo* incomprehensibilis velocitas luminis hac sola hypothese quodammodo comprehensibilis evadit, prout in part. gener. cit. l. jam expositum fuit, p. 406. & 407. & confirmatum p. 423. dum contra Gassendicam hypothesis difficultates num. I. enarratas facile quidem evitat; momentaneæ verò luminis diffusioni minimè apta est, quoniam luminosa effluvia è corporibus lucidis primum egressa, per immensa istis ac terræ interjecta spatia non nisi ingenti temporis intervallo transire potuissent; nisi quis fortè, postquam illa tora, longa temporum intercapedine, materiâ luminosâ repleta fuissent, Gassendicam illam sive Epicuream hypothesin in hanc Cartesianam transmutatam fingere vellet, ac pristinae luminis, per ætherem primitus inanem, transmissioni pressionem aut pulsionem ætheris jam pleni substituere.

XI. Supposita verò illa ætherearum linearum, tanquam luminis radiorum, pressione, tanquam per rigidos bacillos aut tensos funiculos (quibus similibus olim *Simplicius* & *Philoponus* usi fuerant) intra temporis quasi momentum continuatâ, opacorum etiam corporum (qualia cum terra & luna, reliquos minores etiam planetas esse infra constabit) resplendescencia facile deducitur; quod nîsum istum ætherearum linearum rectum opacitate sua sistant, & oppositâ viâ ad oculum deflectant, ut affectio luminis hinc impressa inde originaliter advenisse videatur. Quemadmodum ex opposito cœlorum summa pelluciditas ex hac hypothese non minus ac ex supposita illorum inanitate facillimè concipitur, quod illi hîc sint ipsum merum luminis vehiculum, nec alias partes crassiores habeant ordinariè admixtas (ut aër, aqua aliaque secundum quid pellucida) à quibus reflecti de super impressa abinde solis actio nocturno tempore queat.

XII. Age vero, declaremus rem schematismo quo piam: Cum solis S. actuosissimus ignis, ætheris sibi vicinas partes quaqua-

versum perpetuò impellat; hæ receptum inde impetum per  
series



Fig. 16.




Fig. 19.




Fig. 22.




Fig. 17.




Fig. 18.




Fig. 20.






Fig. 21.









series particularum ætherearum quaquaversum quoque sphærice diffundunt (cujus evidentissimum indicium est quod oculus in conspectu solis ubi ubi in mundo positus, quodlibet totius hemisphærii solaris punctum videt) & sic diffundendo faciunt, ut v. g. eodem momento, quo, particula 4. à parte quadam solis vicina agitata premitur, totius seriei 4T. punctula contigua instar bacilli rigidi, vel seriei pisorum aut globulorum inter vicina & ab utroque latere contigua alia conclusa una pressa, ab oculo in T. obvio simul percipiantur; series autem 1. ♀ ad Venerem, 2. ♂ ad Mercurium, 2. 4 ad Jovem, illa 3. ♀ ad Lunam, 5. ♂ ad Martem, 6. ♀ ad Saturnum, pari nisu compulsæ, cum hic per illa opaca (quod infra discemus, imo res ipsa satis docet) corpora recta continuari non possint, reflexo conatu per lineas ♀ T. ♂ T, ♀ T adeoq; ♂ T. ♀ T. ad terram, cis vel ultra, continuentur, adeoque (quia sensus judicium per proximas impetus recepti lineas retrofertur) Veneri, Mercurio, Jovi, Lunæ, Marti, Saturno, tanquam lucis fontibus attribuantur; aliæ vero pressiones omnes, quæ terram prætervehuntur, ut 1, 7; 3, 8; 4, 9; ab opaco nullo reflexæ, terricolis sint imperceptibiles, illæque adeo cœli partes penitus pellucidæ, & ex parte T 8, T 9. &c. inconspiciuæ, h. e. summe nigræ; aliæ vero à tergo quasi opacorum, ad quas nulla pressio- nis linea continuari potest, prorsus umbrosæ.

XIII. Antequam ab hujus schematismi consideratione discedamus, ejus ope ingeniosam *Dn, Ræmeri* hypothesin circa instantaneam, quam in parte generali superius allegato loco in hunc commodiorem distulimus, ex *Hamelis* phys. part. II. Dissert. II. Cap. VIII. de jove, huc Hamelii verbis allegabimus: Sit sol in medio S, orbita terræ H F E K H; nec porro quidquam interest, utrum systema Copernici, aut Tycho- nis usurpemus, ut ipse in peculiari opusculo demonstrat; sed in hypothesi copernicana res facilius intelligitur. (1.) Primus Jovis satelles C in omnibus velut noviluniis aut pleniluniis eclipsin efficit aut patitur: cum enim inter oculos nostros & jovem intercipitur, tum partem aliquam jovis obscurat; sed ubi umbram C D ingreditur,



tum oculis subducitur ; illa defectioni solis, hæc lunæ eclipsi similis est. (2.) A conjunctione E ad oppositionem H, seu quamdiu terra sui orbis semicirculum E F H percurrit, eclipsium posteriorum initia, seu immersiones satellitis in umbram jovis in C conspiciamus ; sed emergence in D videri non possunt ; siquidem ea pars orbitæ satellitis, in qua fit emergio, pone corpus jovis delitescit : 3.) Cum autem terra pervenerit ad punctum H, tum neque initium, neque finis eclipsios conspiciuntur ; utrumque enim à corpore jovis tegitur : extremos duntaxat jovis margines satelles in ipso ingressu & egressu attingit, & instar tuberculi limbo jovis inhaerentis apparet. Verum, ubi terra versus L cæpit progredi, jam satelles non ex ipso limbo jovis, sed in aliqua ab eo distantia exire conspicitur, tumque emergio ex umbra CD, seu finis eclipsios conspicitur, non immersio circa C ; ea quippe latet, & retro jovis corpus posita sui copiam non facit in toto semicirculo H L K E, seu ab oppositione jovis ad illius cum sole conjunctionem in E : Et maximæ quidem sunt distantia evanescentis & restituti satellitis à jove cum est in ipsis quadraturis, cum sc. terra est circa puncta K & F : Sunt vero minimæ, cum terra circa puncta H & E commoratur ; tum enim satelles jovis limbum contingere videtur jam illæ eclipses, & durationum tempora tam accurate ab exercitatis observantur, ut vix aliquot minutis inter se discrepent.

XIV. Hinc sequitur (4) lumen pene in instanti, saltē diametrum terræ h. e. fere 3000. leucas decurrere : adeo ut frustra Galilæus & alii varias excogitarint, ac difficiles rationes, quibus explorari possit, quantum temporis lumen in lumen in aliquo terræ spatio decurrendo. Sit enim terra versus F prope primam quadraturam, & satellitis primi immersio versus C observetur : post 42 horas cum semisse iterum jovis umbram ingredientur, tumque terra motu annuo progressa versus G, immersionem proximam in C observabimus ; cum interim terra in suo orbe arcum F G unius gradus & 45 min. confecerit, qui fere 300 diametros terræ complectitur. Quod si itaque



que vel unum min. secundum lux insumat in illo spatio decur-  
rendo quantum patet terræ diameter ; terra accedente ad jo-  
vem per lineam F G , 300 saltem min. secundis citius quam  
par sit satellitis immersionem in C intuebitur. Jam post sex  
menses aut circiter , cum terra erit in K , seu in secunda qua-  
dratura , observetur emersio satellitis ex umbra C D , & post  
42 horas cum semisse iterum , cum terra à jove recedit 3000  
suis diametris , tantum sc. quantum in prima quadratura ac-  
cesserat. Quod si vel unius min. secundi tempore indigeret lu-  
men , quo unam terræ diametrum perageret ; tempus in-  
ter duas immersiones in prima quadratura brevius foret 300.  
min. secundis , ut jam diximus ; & inter duas immersiones in  
secunda quadratura , longius esset eodidem secundis : adeo  
ut periodus emersionis abundaret 600 min. secundis , seu sex-  
ta parte unius horæ præ periodo immersionis : quod omnino  
est contra observationes ; cum vix inter quatuor periodos , du-  
orum vel trium minutorum inæqualitas inveniatur , nec sin-  
gulæ periodi integro minuto inter se differant.

XV. Quia interim (5) sensibilis inæqualitas , immer-  
sionum & emersionum apparet , cum terra accedit , aut recedit  
à jove , id verisimillimum putat , lumen celerime quidem ,  
sed non in instanti , propagari. Cum enim à conjunctione ad  
oppositionem terra ad jovem continenter accedat , ut & ab  
eo recedit ab oppositione ad conjunctionem ; si lux aliquam  
temporis moram postulat , in primo semicirculo E F H sem-  
per immersiones non nihil temporis anticipabunt : contra emer-  
siones ab H usque ad L & ab L usque ad E subinde tardius ac-  
tardius apparebunt , cum terra semper longius à jove discedat.  
Cum itaque per octo annos eclipses primi satellitis , & eas maxi-  
me , quæ circa utramque quadraturam jovis & solis , inter se  
contulerit ; ac periodos breviores esse accedente terra , longi-  
ores recedente , constanti consensu repererit ; nec alia occur-  
rat hujus irregularitatis causa , quam mora luminis in sua pro-  
pagati-



pagatione ; hinc concludit , lumen non in momento diffundi.

XVI. Sic igitur ætheris substantiam materiata esse confestim , non merum inane ; ita tamen , ut nec luminis radiis transmittendis moram ullam injiciat , aut obicem vel obstaculum ullo modo ponat , imo summam & incomprehensibilem luminis celeritatem ita declaret , ut vix alius fingi modus posse videatur , qui rem admirandam rectius declaret. Superest , ut ab altera quoque incommoditate liberemus hætenus electam hypothesein , quam Gassendus ipsi superius objectavit ; quasi sc. stellarum motus per ejusmodi spatia materiata & corporea ( qualiscunque etiam tenuitatis & subtilitatis supponantur ) facti , progressu temporis longissimi , necessario retardari deberent ; id quod futurum esse jam fassi supra fuimus , si astra moverentur in æthere fluido , ut pisces in aqua & aves in aëre : nequaquam vero , si una cum fluido , ut pomum una cum vortice gyrans , imo ab ipso vortice circumgyratum. Scilicet , ut in veteri hypothese astra orbibus contradistincta , per ipsos orbis solidos & crystallinos , si moveri debuissent , id penitus impossibile fuisset futurum , affixa vero dictis orbibus , una cum istis à dæmone quodam vel intelligentia circumraptis , una eadem celeritate rapi debere facile concipiantur ; ita nunc , cum orbis illi solidi è cœlis evanuerunt aliorum orbium fluidorum ope , levi mutatione interveniente , expediri potest : si nimirum supponamus. 1) Astra non orbium peripheriis inherere , sed in ipsorum centrīs consistere ; sed ita tamen , 2) ut plures ejusmodi minores orbis sive gyri , cum suis astris centralibus , intra unum communem grandio rem circumvehantur ; non à totidem intelligentiis aut dæmonibus multo labore , sed omnipotentis mundi Conditoris unico , omnis laboris experte , nutu. Hujus enim velle & posse cum unum idemque sit , non nisi levissimo nutu opus est , ad quodvis opus stupendum peragendum.

XVII. Id quod speciminis ergo sequenti exemplo declarabimus : non quod eo modo præcisè mundum hunc factum esse cre-



fe credam, ( quis enim hominum valde finitorum, id quod ab infiniti Creatoris liberrimo beneplacito unice pender, præcise definire audebit? ) Sed ut ex innumeris modis, quibus is rem eandem conficere potuit, vel unum conjecturare occasionem offerentibus phænomenis, tentemus, qui his imaginabiliter satisfacere videatur. Ponamus igitur in æthere illo spatiosissimo, aut confuso adhuc omnium elementorum chao, DEUM 1) pro summa sua sapientia locum aliquem, pro solis vasto corpore condendo vel formando circumspexisse, eoque loco, quem ☉ jam conditus occupat, gyrum aliquem vel orbem aut vorticem confusæ illius massæ fluidæ, pro ratione magnitudinis destinatæ condendi solis constituisse in S. v. g. Fig. 16. similiterque 2) pro formandis Mercurio, Venere, Marte, Jove, & Saturno, Soli vel propioribus, vel ab eo remotioribus, planetis, & medio fere inter hos loco, tellure, statuissse centra, minorum vorticum, amplitudinis, intuitu generalis illius circa solem gyri pusillæ, ac pro diversa singulorum magnitudine & usu, soli Conditori præcognito & liberrime prædestinato, diversæ. 3) Intra parvorum horum & particularium vorticum vel orbium nonnullos, ( ut illos circa terram; Jovem & Saturnum ) in certa & arbitraria rursum distantia à centris primariis, totidem alia fixisse centra, pro luna v. g. ejusque adhuc particulariore vorticulo, & pro 4 aliis circa Jovem, aliique quinque circa Saturnum Lunulis, totidemque circa singulas gyris specialioribus; prout nempe res ipsæ sic in cœlis reperiæ supponere jubent. Suppositis ita 4) his generalioribus & specialioribus centris, & circa hæc fluidis ab occidente fere in orientem orbibus (prout phænomena postulant) tum aliorum plurium rationes infra dabimus, ubi de astris ipsis in cœlo contentis agemus; tum vero illam difficultatem è medio facile tollemus, quam Gassendus movit, de motibus astrorum in cœlo materia-to temporis progressu retardandis; quandoquidem astra in hac hypothesi non in cœlis & vorticibus, sed cum his & ab his, ut pomum vel lignum, per se quæta, à secundo flumine provehuntur. Quod si denique 5) loco unius octavi orbis solidi, cujus periphe-



riæ stellæ fixæ omnes, tanquam defixi clavi insideant, singulos orbes fluidos, solis generali vortici similes, circa fixas singulas tanquam centra totidem concipiamus; habebimus conceptum totius mundi antiquo multo, meliorem, uti progressus docebit.

XVIII. Quod vero ultimas *Riccioli & Cabai*, hypotheses attinet, de supremarum stellarum summo, & infimo lunæ cœlo tanquam solidis adhuc & crystallinis credendis; illis, præter studium conservandi, saltem ex aliqua parte, Aristotelis auctoritatem, ansam dedit opinio de aquis, quas vocant, supracœlestibus, h. e. supra cœlum stellarum extimum circumfluis; quas equidem depluere dudum & stellarum ignes exinguere oportuisset, nisi solido fundo incumberent. Verum enimvero, cum intermedias ætheris amplissimi partes, propter adductas à recentioribus prægnantissimas rationes, fluidas & spirabiles agnoscere necessum habuerint, credibile sane erat, etiam supremas & infimas partes reliquas ejusdem esse conditionis: nec valet argumentum negativum, quod rationes mediarum partium soliditatem tollere cogentes, supremas tamen & infimas ejusdem cœli partes non attingant. Quin potius cœli intermedii soliditate falsa semel deprehensa, non erat ulla causa eam in supremis & infimis servandi, nisi prægnantes pariter rationes hanc tenacitatem extorqueant. Id vero non faciunt aquæ in historia creationis commemoratæ, utpote quarum locus partim inferior, partim superior innuitur, nequaquam vero supra omnes stellas fixas asseritur. Imo illum eas nullatenus obtinere ex eo palpabile est, quod si aquæ in illo loco positæ saltem aëris nostri crassitiem haberent, (cum aër hic inferior à sole infra horizontem posito illustratus fortissime resplendescat) illæ, non dicam, à sole nostro, ipsarum intuitu valde remoto, sed à fixis vicinioribus pluribus una tanquam totidem aliis solibus, tantum saltem lucis recipere & ad nos reflectere deberent, ut undiquaque cœli facies ad instar galaxiæ duntaxat albesceret; id quod Phæn. I. hujus I. capitis manifeste repugnet; cum interim Saturnus, planetarum altissimus à sole etiam in imo cœlo existente, ita illustretur, ut lumen inde



ad nos usque reflexum satis vividum, etiam nudis & inermibus oculis percipiatur: ut taceam, etiam nulla aqua vel ibi vel alibi præsente, solos istos duos orbes, è purissimo etiam crystallo plurimorum milliarum germanicorum procul dubio, habita scilicet ad amplitudinem proportionem, spissos, insignem lucis reflexæ, minimum sensibilem resplendescentiam causari debere.

## CAPVT II.

De

*mundi finiti determinatâ magnitudine.*

### I. PHÆNOMENA.

Cum intermixtis II. Hypothesibus.

**P**HÆN. I. Fixarum altitudinem à terris, sive distantiam à mundi centro, conjicit *Tycho Brahe* in *Progymnasmatum* part. I. p. 481. esse 13000. semidd. terrestrium. Cum enim in antecedentibus Saturni supremum minimumque epicyclum, cum Apogæo suo 12900 semidd. terræ elongatum conclusisset, vix propius octavæ affixarum sphaeræ limites admoveere terris licere judicavit, quam in distantia 13000 semidd. terræ circiter, cumque incertum sit, an fixæ omnes in eodem hinc æqualiter distante orbe absint, & verisimilius videatur, quasdam altius, nonnullas vero earum declivius collocari: idcirco consultius fieri autumat, si adhuc millenas terræ semidd. priori summæ aggregaverimus, ut hac ratione satis vastum daretur spatium, in quo fixæ stellæ partim altius, partim depressius disponderentur; ita ut à terris removeretur octavæ sphaeræ ora quasi semidd. 14000 per duplicem scilicet millenarii septenarium, aut unicum, si septem millia integrarum diametrorum mensuram adhibuerimus.

PHÆN. II. Notat autem laudatus Dominus *Tycho Brahe* c. l. juxta *Ptolemaicam* orbium cœlestium dispositionem 6000 semidd. altius illam fore evehendam, quam *Alfraganus* quoque *Ptolemæum* secutus, 20220 semidd. facit, Et recenset qui-

T t t

dem



dem Ricciolus lib. VI. Almag. novi de stellis fixis cap. VII. plures de fixarum distantia sententias & has concludendi vel conjectandi modos, è quibus quinque p. 418. probabilissimos judicat, seclusis nempe iis, qui mobilitate telluris nituntur, & ipse ex modo quarto distantiam fixarum arguit 100000 semidd. terræ, ex modo quinto vero 210000. Nempe, quia distantiam solis mediam in modo quarto Tycho 1100 circiter semidd. terrestrium tantum æstimasset, ipse vero ex certioribus fundamentis ultra 7000; distantia Saturni autem opinione communi decupla censebatur, distantia solis, hanc Saturni distantiam mediam concludebat ultra 70000, & maximam 90000, fixarum adeo minimum 100000; quod non debere videri nimis opinatur, fundamenta prudenter scrutanti. Quod si vero cum aliis ex modo quinto Saturni distantiam cum prolixitate umbræ Saturninæ conjungat (quia credibile non sit hanc umbram in sphæram fixarum usque exporrectam, voluisse Deum licet ab ea ipsis nihil timendum sit) quæ ipsi est in seq. lib. VII. 118660, fiet fixarum distantia non minor semidd. terræ 200000, sed minima paulo supra umbram Saturni cum comitibus; maxima vero incerta, cum incerta sit cœli fixarum crassities.

*PHÆN. III.* Sed Copernicani, qui terram circa solem in orbe annuo movent, cujus diametrum supponunt 2284 semidiametros terræ, fixarum orbem à terra removent adeo enormiter, ut ex Tychonis & Magini calculo 7,850,000 semidd. terræ emeriat, ex quo Tycho porro concludit spatium, quod est à Sole, tunc centro universi, ad Saturnum, plusquam 700 vicibus contineri intra hunc & fixarum sphæram, idque totum nullis sideribus refertum, idque fieri necesse esse, si saltem orbis annuus terræ instar unius minuti apparebit: imo tunc quoque stellas fixas tertiæ magnitudinis, quæ 1 minut. in diametro habent, necessario fore toti huic orbi annuo æquales &c. Nempe, quia stellæ fixæ parti uni orbis annui non apparent majores, quam parti oppositæ, ideo necessum erat orbem octavæ sphæræ tam longe remove, ut totus orbis terræ annuus in punctum qua-



quasi ex illo intervallo evanesceret. Hinc variis artificiis intervallum illud investigarunt apud Ricciolum cit. l. p. 416. &c. *Galileus* 13,046,400, *Keplerus* olim 34,077,067, postea vero 60,000,000, *Lansbergius* olim & *Hortensius* 10,312,227, *Lansbergius* postea 41,953,000, *Anton. Maria Rheitenfis* 20,000,000 &c. Verum, si conamen sive experimentum *Hoo-kii*, quod infra pluribus considerabimus, rite se habuerit, non erit amplius necessarium, spatium illud inter Saturnum & fixas adeo in immensum augere: quamvis *Renatus des Cartes* princip. Philos. part. III. num. XLI. existimet spatium inter fixas & Saturnum non posse statui nimis magnum, quin id requirant Cometarum, in cœlo indubie mobilium, excursions tam variae, tamque immanes, & a fixarum stabilitate, atque à regulari planetarum circa solem circuitione adeo discrepantes, ut absque eo ad nullas naturæ leges revocari posse videantur, statuens de cætero, *Tychonem* & ejus sequaces satis habuisse, quod ostenderint cometas in cœlo esse, quamvis iisdem argumentis suis facile obtinere potuissent eorum locum ultra Saturnum.

### III. EPICRISIS SUPER HÆC PAUCA Phænomena & Hypotheses.

#### I.

**T**Ametsi superius Articuli primi cap. I. ejusque hypoth. secundis & subsequentis Epicripsis num. IV. & seqq. mundi magnitudinem indefinitam judicaverimus; ex hypoth. tamen eorum, qui finitam eam statuunt, ejus magnitudinem hic utcumque æstimare præsumimus: probe interim gnari cum Astronomorum modernorum facile principe *Tychone* è supra cit. loco, accuratam & præcisam hujus rei definitionem nec possibilem hominibus, neque etiam necessariam esse. Et quamvis à Copernicanis assertæ immanes fixarum à terris distantiae, non solum absurda quædam & incredibilia



importare visæ sunt Tychoni & affeclis, Progymnasim. part. I. p. 481. cum primis in Epist. prolixa ad Rothmannum, d. 24. Nov. 1589 scripta, pag. 167. Epist. astronom. Sed etiam ad salvandam hypothesein motus terræ annui, ipsis quasi extortæ fuerunt; ideo hoc quidem loco eas authoribus suis relinqueamus, donec de ipsa hypothese Copernicana sententiam nostram exposuerimus.

II. Supposita igitur Tychonis hypothese omnium fere minima, de fixarum maxima à terris distantia 14000 semidd. terræ, in proclivi est totam mundi magnitudinem secundum omnes suas dimensiones definire. Etenim 1. tota ejus diameter A B (Fig. 14.) erit 28000. semidd. terrestrium, h. e. multiplicando has per unius semid. mensuram vulgarem 860. mill. germ. talium. milliar. 24, 080, 000. 2. Cum sit, ut 7 ad 22, vel paulo accuratius, ut 100. ad 314. sic diam. 28000 ad circumferentiam, quæ prodibit 87920000 semidd. & his per 860 multiplicatis, 75, 611, 200. mill. germ. quæ intra 24. horas stellis æquatorealibus percurrenda essent in hypothese terræ stantis ac coeli motu diurno circumlati. His vero per 24 divisus, provenient 3,150, 467 mill. spatio 1. horæ decurrenda. His porro divisus per 60, habebuntur 52, 507 mill. intervallo unius min. primi absolvenda. His iterum per 60. divisus prodeunt 875 mill. germ. quæ stella fixa prope æquatorum intra min. secundum h. e. tempore unius impulsu si ve momenti percurrenda haberet, in hac etiam minima Tychonis hypothese; id quod propter sequentia probe hic notandum est.

III. Quod si comparationem inter globum terræ ejusque soliditatem, & inter globum totius mundi Tychonicum, ejusque capacitatem instituere velimus, cum ab Euclide demonstratum sit, globos esse inter se, ut cubi diametrorum, diameter autem terræ sit unica, diameter autem globi mundani contineat ex mente Tychonis 14000 diametros, terræ multiplicatis cubice

utris.



utrisque numeris 1. & 14000.  
manebit prior cubus 1, poste-  
rior autem conficiet numerum  
2 744 000 000 000 : ita ut  
globus terræ in globo cœli vel  
mundi toties contineatur, quo-  
ties 1 in posteriore hoc nume-  
ro, h. e. globi terræ tot, quot  
hic numerus unitates habet, in  
unum globum conflati com-  
ponerent denique unicum

14000,	
14	000
<hr/>	
56.	
14	
<hr/>	
196 000,000	
14	000
<hr/>	
784	
196	
<hr/>	
2744 000 000 000	

mundi globum. Jam vero unicus terræ globus contineret in  
se ( si totus terreus siccusque esset ) milliaria germanica cubica 2,  
662, 560, 000, h. e. talia frustra tesserae - formia quæ singula  
tum longitudine, tum latitudine tum altitudine, integrum  
milliare germanicum exæquarent.

IV. Jam cogitate mortales ! Unicum ejusmodi frustum  
terræ tesserae. forme, integrum milliare germanicum, ( sive  
20000 pedes aut 10000 ulnas ) altum, totidemque latum &  
longum frustum, annon stupenda moles est ? & imaginatio-  
nis conceptui uno obtutu formando penitus incomprehensibi-  
lis ? & ejusmodi tamen stupendas moles totus terræ globus  
complectitur

2662' 560. 000, h. e.

(adhibita enunciatione minus vulgari, per milliones) *Bismil-  
le sexcentos sexaginta duos milliones, ac præterea quingenti-  
es & sexagies mille* ; qui incomprehensibilium molium mul-  
tis modis incomprehensibilior numerus, magnitudinem &  
potentiam infinites incomprehensibilem, vel in solo terræ  
globo condendo arguit ! obstupescetis autem, ô mei, & pe-  
nitus extra vos rapiemini, si porro cum attentione venerabun-  
da considerabitis, ejusmodi globorum terræ, integrorum ca-  
pere mundum tychonicum, numero 2744 00000000, h. e  
(eadem hujus enunciatione adhibita,) *Ducenties septuagies*



quater mille, ac præterea quadringentos milliones, quorum quilibet intra se abscondit molium stupendarum cubicarum 2662 560000 : adeo, ut, si per hunc numerum multiplicetur paulo antecedens, vel hic per antecedentem

$$\begin{array}{r}
 2662560000 \\
 2774 \quad 00009000 \\
 \hline
 1065024 \\
 1863792 \\
 1863792 \\
 532614 \\
 \hline
 738^{911} 594144^{11} 000000'000000.
 \end{array}$$

prodituri sint ejusmodi stupendorum, terræ frustorum tesserae forum septingenti triginta octo trimilliones ; quingenties nonagies quater mille , ac præterea centum & quadraginta quatuor bimilliones , salvo tamen ubique errore calculi ; quæ numerare quidem possumus & eloqui sed quid loquamur neque capimus , nec intelligimus. O ! si hic adesles Siracides , & hos incomprehensibiles numeros nobiscum , quantum pote , perpenderes ! Annon ? qui Solis magnitudine confuse percepta , & cursus ejus velocitate, ex vulgari opinione , præsupposita, *Magnum esse Dominum oportere*, exclamasti, *qui eum fecerit!* ac tam velociter procurrere jusserit ! Annon inquam, stupenda telluris mole rite perpensa , & incomprehensibili mundi totius vastitate ad animum revocata, exclamaturus multo magis fores *Infinitam esse oportere cæli terræque Creatoris magnitudinem.*

V. De suspecta Copernicanorum altitudine fixarum , omnino filebo, Riccioli tamen, tanquam Anticopernicani distantia, 100 000 semidd. & minor quidem duntaxat , meretur adhuc considerari , præcedentem mundi amplitudinem in immensum quasi auctura. Cum enim præcedentis diameter ad illam præsentis, esset ut 14 ad 100, utroque numero cubice multiplicato,



14	100
14	1 00
<hr/>	<hr/>
56	10000
14	1 00
<hr/>	<hr/>
196	1000000
14	
<hr/>	
784	
196	
<hr/>	
2744	

proveniret proportio mundi Tychonici ad mundum Riccioli ut 2744 ad 1000000 h. e. dividendo posteriorem numerum per priorem, & hunc per se ipsum, ut 1. ad 364 quam proxime, ita ut mundus Ricciolianus quadringentis fere vicibus capacior foret quam Tychonicus; quem Astronomi plerique omnes, unanimi fere consensu, ob rationes supra tactas, justo multo minorem æstimant.

## CAPUT III.

De

*Stellis tanquam partibus mundi physicis  
cælo contentis.*

### I. PHÆNOMENA.

Cum admixtis II. quibusdam Hypothesibus.

**P**HÆN. I. Posteaquam de cælo, tanquam continente, fusius actum est, nunc de contentis in illo vasto cœlorum spatio, nempe de lucidis & luminosis corporibus, quæ stellæ, astra, vel sidera, appellantur, per vasta illa cœlorum spatia disseminata, agendum est. Quæ quidem primo intuitu videbantur omnia, tam magna, quæ vocata erant in historia creationis, lu-  
mina-



minaria, quam lumina cætera minora & minima. *Stellæ* *νατ' ἐξο-  
χὴν* sic dictæ, simul circa terram ab ortu in occasum moveri;  
ita tamen, ut inter se easdem distantias constantissime servarent,  
ne hilum quidem latum positus suos ad se invicem mutantes:  
unde nata est præfinita hypothesi de orbe quodam cœlesti so-  
lido sed insimul pellucido & crystallino, cui stellæ universæ, tan-  
quam clavi rotarum canthis affixi aut verius infixi, aliæ altius, aliæ  
humilius defigerentur, *affixarum* inde vel *fixarum* nomen sor-  
titæ. Hunc globum crystallinum cum affixis vel infixis sibi stel-  
lis, tanquam insertis gemmis, exornatum, cum porro suppose-  
rent ministerio nescio cuius *demonis* vel *intelligentiæ* ab ortu in  
occasum æquabilissime, constantissime & rapidissime gyratum  
eo ipso id præstitisse, ut 1. stellæ omnes quidem simul in occas-  
sum promoverentur, sed ita ut una ad alteram latum hilum nec  
ab eo recederent; prout sc. clavi in rotæ ambitu defixi simul gy-  
rantur, sine accessu interim vel recessu unius ab altero: 2. ut stel-  
læ polis propiores vel altius in globi profunditatem demersæ ne-  
que citius neque tardius circuitus suos absolvere possent, quam  
æquatoreales, sive humiliter sive altius in eodem globo positæ;  
quia nimirum unus continuus, ex cœlo solido & eidem affixis  
stellis, componeretur globus, cuius omnes partes sub eodem me-  
ridiano immoto positæ, ab eo digressæ, post integram gyratio-  
nem ad eundem simul redeunt, tametsi interea æquatori proxi-  
mæ maximos suos circulos maxima celeritate, polis autem vici-  
næ minimos suos circellos tardissime, ex necessitate cohærentiæ  
decurrant; prout sphaeræ artificiales, sive solidæ, sive armillares  
ad oculum ostendunt.

**II. PHÆN.** Posteaquam vero deinceps adhuc stellarum  
motum quem primum & communem dicebant, paulo atten-  
tius animum advertebant,prehenderunt, ex innumeris istis  
uni globo affixis creditis astris, pauca quædam situm suum, cum  
respectu fixarum tum inter seipsa mutare, & quidem versus or-  
tum; tunc sana ratio dictabat, hæc pauca astra, etiam in partem  
priori motui oblique adversam, & quidem alia celerius, alia tar-  
dius



dius secundum ductum eclipticæ mota, (*Solem nempe Lunam, Saturnum, Jovem, Martem, Venerem & Mercurium* gentili superstitione dicta, de quibus capite sequ. generalius, in parte speciali vero specialius plura dicemus) hæc, inquam, pauca communi isti fixarum orbi non esse affixa, (alioquin cum his paucis, etiam cætera in contraria moveri debuissent) nec etiam alii, ipsis saltem communi orbi; sed potius hisce singulis, singulos separatos orbes, pro ratione diversarum suarum velocitatum, assignandos esse; ut hoc modo solidorum orbium hypothesis jam octuplicata haberetur, quarum suprema, innummerabiles stellas sibi infixas gestans, *Fixarum orbis & octava sphaera*, proxima vero sub hac, sive *septima sphaera Saturni*; sequens Jovis, *sexta*; Martis, *quinta*; Solis, *quarta*; Veneris, *tertia*; Mercurii, *secunda*; Lunæ denique *prima*, diceretur: prout scilicet hæc singula unis altiora certis indiciis & argumentis in sequentibus ostendentur.

**III. PHÆN.** Prout autem progressu temporis observationes etiam progressus suos gradatim habuerunt; ita his cogentibus in hypothesis solidorum orbium subinde mutanda quædam fuerunt; Ac II. quidem cum fixæ stellæ præter motum primum sive communem, lentum etiam secessum à puncto æquinoctiali versus ortum oblique facere, & sic motum etiam secundum subire deprehenderentur; pro hoc octavæ sphaeræ motu secundo salvando, nonam adhuc sphaeram octavæ superaddiderunt, primum mobile dictam, & ἀνάσπον appellatam, quod stellam nullam gestaret, sed inferiores octo sphaeras stelliferas primo motu, ab ortu in occasum secundum ductum Aequatoris, una secum raptaret. Cui ἀνάσπον orbi deinceps alii, pro varietate aliorum etiam in octava sphaera vel vere observatorum, vel imaginariorum, motuum, alios similes confinxerunt; unum e. g. pro motu, quem vocabant trepidationis, *Alphonfini cum Purbachio* &c. duplicem, pro libratione vel trepidatione in longitudinem & in latitudinem, *Clavius*; quadruplicatum deniq; *Fracastorius* &c. introduxerunt, Verum cum hisce orbibus omnibus



circa terram, tanquam mundi centrum, suppositis, stellas omnes oporteret à terra æqualiter distare, & vero observationes accuratiores evidenter docuissent, lunam v. g. & solem, eodemque modo etiam reliquos planetas, nunc magis à terris, nunc minus distare; necessum erat, totam illam orbium concentricorum machinationem immutare, & illorum loco *eccentricos*, *epicyclos*, *epepicyclos* &c. confingere: quorum nominum conceptus rite formare generaliter interim docebunt figurae 15, 17, 18, in quarum priore orbis solidus albus C F G H *eccentricus* est respectu terræ A, speciatim *Deferens* appellatus, inter duos orbes nigricantes D & E inæqualis latitudinis, circumlatus, quos *aquantes* vocant; in secunda circulus signifer V. 8. II &c. concentricus, F E G C, respectu centri A *eccentricus* appellatur; in tertia vero circellus I. vel H, *epicyclus* & alius, supra hunc si descriptus esset, *epepicyclus* audit.

*IV. PHÆN.* At enimvero, posteaquam recentiorum observationes evicerunt, omnes hos orbes, cyclos, epicyclos &c. mera hominum commenta & cogitata vere *πλασματώδη* esse, pro causis effectuum naturalium physicis agnosci amplius non possunt, sed, uti supra jam dictum, orbes solidi in fluidos nunc mutandi sunt, & hoc modo nunc constituendi, ut phænomena coelestium saltem verosimiliter secundum principia physica deduci possint: id quod, quo pacto fieri possit, paulo post in subjungenda proxime prima Epicrisi dicetur. Nunc Phænomena fixarum stellarum separatim persequenda sunt, reliquis in caput sequens dilatis. Et superius quidem jam primo capite phæn. IV. annotatum fuit, fixarum stellarum lumen valde vividum, micans & scintillans esse, tantoque etiam vividius & fulgentius, quanto majores apparent in oculis nostris. Circa motum etiam ipsarum primum sensibus obvium, hoc deprehensum fuit, integram earum gyrationem absolvi quidem 24 horis (prout communiter rem efferimus) sed horas intelligendas, non secundum solis revolutionem in 24 partes æquales divisam, sed secundum revolutionem stellæ alicujus fixæ in 24 partes æquales



Ies pariter divisam. Cujus discriminis ratio cum à priori hoc loco nondum satis intelligi possit ; à posteriori tamen , quoad Τὸ ὄν, per experientiam comprobatur. Et enim , si v. g. vespere quodam hyemali hora octava videatur oriri nota quædam stella , illa postero vespere , ac tertio , iterum orietur eadem hora ; sed interjecto vel octiduo , deprehendes , eandem stellam ante octavam notabiliter oriri post aliquot hebdomades , ante septimam , deinceps ante sextam &c. adeo , ut post sex menses eadem stella , quæ ante illud tempus hora octava vespertina in ortu steterat , eadem hora in occasu conspiciatur.

*PHÆN. V.* Cum stellarum fixarum numerus , præsertim post inventa Telescopia , deprehensus sit innumerabilis , & confusa quædam multitudo , visum est consultum Astronomis , vel eas saltem , quæ oculo inermi conspicuæ sunt , primo , singulas in certas classes ratione apparentis magnitudinis distinguere , aliasque primæ magnitudinis denominare , alias secundæ , alias tertiæ &c. usque ad sextam classem , cui tandem adjiciebant stellas nebulosas. Et primæ quidem magnitudinis numerant communiter 15 , apud Bayerum habentur 18 , nec eadem apud omnes. Absque controversia tales sunt : 1) *Acarner* in extremo Eridani : 2) *Aldebaran* sive oculus Tauri : 3) *Arcturus* inter crura Bootis : 4) *Canopus* in remone Argo navis : 5) *Capella* in humero aurigæ : 6) *Centauri* summa in pede priori dextro : 7) *Lyre* Fidicula : 8) *Fomahant* in fluente aquarii : 9) *Cauda leonis* : 10) *Cor leonis* sive regulus : 11) *Rigel* in pede Orionis : 12) *Sirius* in ore canis majoris : 13) *Spica virginis*. Controversæ vero sunt : 1) *Antares* sive cor III : 2) *Centauri* lucida in coxa posteriori : 3) *Cor hydræ* : 4) *Orionis* humerus sequens : 5) *Procyon* sive canis minor , qui nihilo major est aquila.

*PHÆN. VI.* *Tycho Brabens* stellas primæ magnitudinis , ait , se deprehendisse duo circiter minuta adimplere , indeque concludit : si assumatur earum distantia 14000 semidd. terræ , & consequenter peripheria 880001 , respondens 360. gr. competent duobus minutis 4 integræ terræ diametri & paulo plus , quasi  $\frac{1}{15}$  ;



ut sit proportio dimetientium, qualis est 52 ad 13. Evadunt igitur juxta rationem superius expositam in sua corpulentia 68. vicibus terra majores; ita ut verosimile tamen sit aliquas luminis prærogativa excellentes (ut Sirium & Lyram) aliquanto majores existere. Eodem modo stellas secundi ordinis infert superare terram  $28\frac{1}{2}$  vicibus: tertiæ magnitudinis 11 fere, quartæ 6, quintæ  $1\frac{1}{3}$ , sextæ seu minimæ quantitatis, tertiam partem 1. minuti diametro adæquantes, terra aliquanto minores &c. Has vero quantitates veteres ferè duplas, aliquas etiam multo majores conjecisse eodem loco memorat, part. I. scilicet Progymn. p. 482.

*VL. PHÆN.* Deinde vero promiscuam stellarum, tam majorum quam minorum, gregatim in certos Asterismos memoria gratia distribuerunt, nimirum I. in XII. *zodiacales*, Arietem nempe Taurum, in quo *Hyades* sunt, cum Palilico Hyadum primaria in fronte, & *Plejades* in ejus dorso, Geminos, Cancrum, Leonem, Libram, Scorpionem, Sagittarium, Capricornum, Aquarium & Pisces: II. In *boreales* extra Zodiacum, quæ sunt *Vrsa major*, alias etiam plaustrum majus, Helice, Calisto. *Vrsa minor*, seu plaustrum minus, in cujus temone extima *Polaris stella* vocitatur, quia mundi polo hodie proxima, sub Christi tempora vero multo inde remotior: *Draco* porro, *Cepheus*, *Bootes*, in quo *Arcturus*; *Corona borea*, *Hercules*, *Lyra*, *Cygnus*, *Cassiopeja*, *Perseus*, *Erichthonius*, vel auriga, *Serpentarius*, seu ophiuchus, *Serpens*, *Sagitta*, *Aquila*, *Antinous*, *Delphin*, *Equuleus*, *Pegasus*, *Andromeda*, *Triangulum* sive  $\Delta\epsilon\lambda\tau\acute{\omega}\tau\omicron\nu$ , & *Coma Berenices*. III. In australes extra Zodiacum, cujusmodi sunt *Cete* sive *Baleena*, *Orion*, *Eridanus*, *Lepus*, *Canis major* sive *Sirius*, *Canis minor*, sive *procyon*, *Argonavis*, *Centaurus*, *Lupus*, *Hydra*, *Crater*, *Corvus*, *Thuribulum*, *Corona australis*, *Piscis notius*. IV. *Duodecim* nova astra *australia* in horizonte nostro nunquam visenda; nempe *Grus*, *Phœnix*, *Indus*, *Pavo*, *Apus*, seu *Avis indica*, *Apis* vel *musca*, *Triangulum australe*, *Chamaleon*, *Piscis volans* seu *passer*, *Dorado*, vel *piscis xiphias*, *Anser americanus* & *Hydrus*. Qui Asterismi seu plurium stellarum collectio-



Etiones omnes, à nemine nitidius depictæ sunt & accuratius connumeratæ, quam à *Joh. Bayero* in *Uranometria*, à *Joh. Baptist. Ricciolo*, earum mythologia seu fabulosa expositio, lib. VI. cap. III. p. 1397. & seqq. prolixissime deducta est, res ipsa vero partim ex inspectione globi coelestis, in primis autem è contemplatione ipsius coeli petenda venit.

### III. EPICRISIS PRIMA.

Super admixtas Phænomenis superioribus  
primas Hypotheses.

#### I.

**Q**uemadmodum hypothesi antiquæ rationem fixæ & constantis inter fixas distantia facillimam & palpabilem suppeditat, ut in Phænomeno I. indicatum est, ita contra in Hypoth. moderna coeli fluidi, ratio hujus rei foret difficillima, si astra in communi cœlo fluido, uti pisces in flumine vel mari, per se & seorsim quasi natarent, aut ab ipso orbe fluido circumducerentur. Etenim, cum stella una sit alia quavis altior aut humilior, atque adeo una minorem, alia majorem circulum necessario describat, multo magis autem polis viciniore in circulis minoribus aut majoribus, adeoque inæqualissimis ferri deberent, ipsa materia fluida non cohærente vel continua, sed seorsim ubique æqualiter gyrata, parvosque adeo circulos citius, magnos & maximos tardius absolvente, prout nempe cursor aliquis omnibus viribus procurrens breviorē viam utique citius absolvit quam longiorē: Si his suppositis universus stellarum exercitus, in vel cum materia ætheris fluida ab ortu in occasum gyraret, ita quidem, ut, quæ in horizonte ortivo simul capissent, in eodem, post exactas 24 horas, præcise rursus simul sisterentur; tot miraculis quotidie opus esset, quot stellæ in cœlis motu primo moveri supponuntur. Quod si vero motus primus fixis stellis denegeretur, & unico ter-



ræ globo tribuatur ; fixæ fixarum distantiae ratio , ex suppositis orbibus fluidis, loco solidorum , sed circa stellas , foret evidentissima. Quilibet enim orbis sive gyros stellam suam in centro, quasi clavis defixam teneret ; ut una ad alteram ne latum quidem unguem vel hilum accedere posset.

II. Suppositi hi vortices aut gyri fluidi , simul rationem aliquam imaginabilem suppeditarent , tum primæ geneleos globorum mundanorum omnium , tum vero gravitatis partium in singulis ; sine qua quippe toti illi , præsertim in illa rapiditate primi motus , in pulverem jam pridem dispersi fuissent : ut , quemadmodum verosimile est , hæc seculo DEI arbitrio, quo primitus constituti sunt, & hætenus conservati , vortices illi fluidi , corpora mundana singula & universum eorum systema hætenus consistere , juxta ea , quæ sect. I. de terræ globo philosophati fuimus ; ita non opus videatur eidem divino Numini aliam operam impendere in dissolvendo aliquando mundo , quam ut pristinum illud arbitrium subtrahat iterum & tollat ; quo facto mundana corpora singula & universa , in materiam suam primam & pristinum Chaos necessario rursus dilabentur.

III, Mirabile porro cum sit ingentes illa corporum moles in æthere subtilissimo pendulas citra fulcrum & vinculum hæerere ; ex unica hac hypothese de gyris fluidis sua sponte illud consequetur : cum enim è centro sui vorticis egredi nulla possit , quorsum excidant , locum nusquam invenient , adeoque ne opus quidem habent vel fulcro vel retinaculo. Illud etiam naturalius multo est , quod causæ moventes coelestium secundæ in hac hypothese meræ - necessariæ sunt , sicut rotæ in horologiis ; cum in hypothese antiqua liberæ supponantur. Dæmonia nempe vel intelligentiæ ; quod æque inconveniens videtur , ac si horologium quoddam opifex quispiam construeret , cujus singulis rotis movendis totidem homines præficiendi essent. Utta- ceam ab ejusmodi causis liberis , & finitis quidem , constantem & immutabilem motum expectari non posse , sicut à vortice  
vel



vel gyro necessario, & sic eodem semper modo operante, ex instituto quidem causæ pariter liberæ, sed infinitæ, ad cuius voluntatem vel unicum etiam volitionis actum quivis etiam constantissimus in secula motus, consequi debet.

IV. Ut hoc modo hypothesis antiqua vel hoc nomine suspecta esse pridem debuisset, si maxime recentiorum experimenta cœlorum fluiditatem non evicissent. Cum enim præter motum primum & secundum octo primum sphaeræ totidem intelligentias (& quidem sibi contrarie operantes) postularent; deinde vero nona quoque deposceretur pro ἀνάγκη, tanquam primo mobili, raptando, ac duobus aut quatuor insuper opus esset, pro motu trepidationis efficiendo; ulterius, pro planetarum latitudinibus diversis, itemque pro eorundem apogæis & perigæis procurandis, totidem intelligentiæ requirerentur, (prout certe Kircherum in itinerario suo ecstático pro solius lunæ diversis motibus in æthere etiam fluido ciendis, septem, nisi fallor, intelligentias confinxit) quæ cum liberæ supponantur omnes, tanto minorem pollicerentur motuum constantiam, quanto plures earum uni negotio expediendo præfici supponuntur, id quod vel in humanis negotiis cernere licet, præsertim ubi plurium contrariæ voluntates interveniunt, veluti in orbibus cœlestibus gyrandis supremæ intelligentiæ conatus in occasum magna rapiditate tendit; reliquæ inferiores autem diversæ celeritatis studio in contraria niti supponuntur.

## IV. HYPOTHESES SECUNDÆ

De

Natura & substantia stellarum fixarum.

I.

**S**I Plutarcho credimus lib. II. de plac. Philos. cap. 13. *Thales* stellas ignitam terram esse censuit: *Empedocles* ignes æthereos crystallo alligatos: *Plato* majori sui parte igneas, cum aliorum



rum elementorum mixtura: *Orpheus, Heraclides & Pythagorai* quamlibet stellam mundum esse cum suis elementis; quibus ex recentioribus, fere consensit *Jordanus Brunus* lib. de infinito & innumerabilibus, stellas esse mundos infinitos ac totidem soles asserens. Sed *Joh. Caramuel* mogutinus suffraganeus, stellas fixas esse speciem solis replicatam putat, (h. e. ut ego intelligo, reflexam) vi refractionis factæ in aplane; quod referentem *Antonium Mariam Schyrleum* in Radio suo sidereo mystico p. 77. refellere dicit Ricciolus, eo quod sol ob ingentem fixarum distantiam sit respectu earum punctum lucidum, & insufficiens ad sui speciem in octava sphaera propagandam: Ibidem vero non improbabile cum putare narrat, stellas esse partes empyrei coeli unde quaque lucentis & flammæ, sed per foramina inferioris coeli, aut partes ejus magis diaphanas, nobis splendentes: *Mastrium* autem Scotistam in disp. 2. de cælo repugnare ex historia sacra stellas quarta die factas narrante, & in firmamento positas.

III. *P. Honoratus Fabri* Tractat. phys. VIII. lib. II. contra antiquissimorum gentilium philosophorum & modernorum plerorumque, nec non P. P. Ecclesiæ Christianæ unanimem fere consensum, stellas fixas, corpora dura ac solida & quasi sphaerica, scabra, & quasi polyedra, non lucida, sed illuminata tantum à sole, asserit; cum, qui contrarium obtinere velit, argumento aliquo positivo probare debere dicens, quod tamen, præter micationem stellarum notabilem nullum detur; micationem autem oppositum potius probare analogia adamantis, suis faciebus & planis distincto frustra porro fore stellas corpora vere ignea, cum tam parum luminis, & nihil porro caloris in sublunarem mundum transfundant; illuminata vero si statuuntur, suo eas munere abunde defungi; neque fixas planetis nobiliores esse credendas, cum nobiliorem finem non habeant, ideoque uti planetæ cæteri propria luce non gaudent; ita nec fixas sua, sed aliena luce tantum, fulgere, ut sol sit unicus fons lucis.

III. Fatetur equidem prop. IV. vix definiri posse, ex qua materia consent, etsi, ex nostris elementis constare certum dicat, ut & mixta esse corpora; aquas tamen congelatas non esse (quod multi è S. S. Patribus crediderint) pluribus disputat, ac tandem sibi probabilius esse dicit, stellam esse lapideum corpus, sed generis nobilioris; idque sex rationibus credibile reddere studet, sed profecto miseris, & homine non philopho tantum, sed



sed Mathematico, eoque ingenioso, indignissimis; quod e. g. 1. lapilli pretiosi coronas ornent, stellæ autem supremæ mundi coronæ ornamento sint destinatæ: 2. Virgo Deipara stellis coronata dicatur; ergo lapidibus pretiosis: 3. Rationale summi pontificis, cœlum quoddam repræsentans, gemmis distinctum fuisse. 4. Cum nihil fere in terris reperiatur, quod in cœlis non sit, cœlum etiam lapillis & quidem pretiosis, carere non debeat: 5. Hoc supposito, eadem, quæ nunc phænomena futura sint: 6. denique ex ipsa micatione constet, stellas esse multiplici facierum seu planorum ordine distinctas, & sic lapillos tantummodo cædi solere.

IV. Peculiare quiddam habet laudatus P. prop. IX. circa quæstionem, cur stellæ de die non videantur? Contra rationem vulgo afferri solitam, quod sc. majus lumen minus extinguat; quæ tamen pro luna non faciat, utpote de die quoque visa, nec intensius tamen quam venus aut canis major, reflectente: aliam ergo rationem esse quærendam. Nimirum majus diei lumen facere, ut magis contrahatur pupilla, ac proinde, ut minor crystallini portio detegatur, in quam appulsi à stella radii cadentes, post fractionem, minorem deinde retinæ portionem afficiant; unde objectum minus videri dicatur, h. e. sub minori angulo &c. quæ deinceps ex opticis fusius deducit, una rationem vulgaris experientiæ (quod de nocte pupilla explicatio sit, quam de die) novam allegans, & ab aliis, ut ait, intactam relictam. Nempe cum lumen & calor idem sint, aut saltem lux eminenter calida; mirum non esse, si majoris, h. e. diurni luminis appulsu, uvea cito rareseat, ad id quippe valde disposita, eaque explicatione, medii foraminis, sive pupillæ contractio necessario sequatur. Pupilla vero contracta, minorem crystallini portionem detegi, minorem adeo radiorum copiam in crystallino excipi, & sub minore basi in retina; unde objectum minus videri. Contra vero cessante majoris luminis vi, uveam contrahi, pupillamque vicissim explicari, majorem portionem crystallini aperiri, majorem radiorum vim excipi, & sub majore basi: igitur objectum majus videri, &c. & hanc esse verissimam rationem, è synop. opt. & in Tract. 10. lib. de sens. externis.



## II. HYPOTHESES TERTIÆ,

de

### Stellarum scintillatione,

I.

**R**icciolus Almag. nov lib. VI. p. 396. sex diversas de hac opinion-  
 nes recenset Auctorum, qui de ea scripserunt; quarum 1.  
*Aristotelis* est & sectatorum ejus in lib. II. de cœlo t. 48.  
 commentantium, ut & *Cardani* de subtil. imbecillitati visus no-  
 stri ad longinqua tremantis, uti sol occidens vel oriens, & stel-  
 læ fixæ trepidant, planetis contra non scintillantibus, quia pro-  
 pesunt; quæ sententia olim ubique recepta, uti solebant esse  
 Aristotelis omnia, *Copernicum* ipsum, lib. 1. cap. 10. occupavit,  
 & *Tychonem* 1. progym. cap. 6. p. 104. 2. est plerorumque opti-  
 corum, præcipue *Vitellionis*, *Scheineri*, *Blancani*, *Bettini*,  
 II. apud Ricciol. citt. medio, per quod radii ac species siderum  
 in superficie convexa atmosphæræ formatæ transeunt, & propter  
 hujus fluctuationes, radiorumque remotiorum siderum vim de-  
 biliores, non valentium penetrare vaporum densitatem, cum  
 illo fluctuent; Planetis econtra, quorum ob viciniam fortio-  
 res radii, vapores penetrent, non scintillantibus, nisi quando  
 crassiores & aquatici vapores intercurfant. Hanc vero suam opi-  
 nionem confirmant, tum scintillatione solis in vaporibus horizon-  
 tis, aut tempestate vel ventosa humida majore; tum similitu-  
 dine fluctuantis imaginis stellarum in superficie aquæ currentis,  
 aut lapillorum in fundo rivuli per salebras fugacium, ac trepi-  
 dantium; vel speciei solis lucidæ in tabella excepta per fumum  
 camini, aut excitatum sursum pulverem; vel reflexæ ex globis  
 turrium inauratis, vaporibus aut nubeculis intercurrentibus &c.

II. *Tertia* opinio 3) Conimbricensium est, & conjungere  
 videtur duas priores, & 4) *Jordani Bruni*, in ipsis stellis causam  
 quærentis, nempe in gyratione earum circa propria centra, cui  
*Aguilonius* in opticis jungit raptum in aliis majorem quam in aliis,  
 diversam in aliis aliisque partibus luminis vim, vel diversam quam  
*aversa* substituit, partium opacitatem aut diaphaneitatem, qua fiat,

ut



ut inter gyrandum, nunc fulgentiores, nunc obscuriores oculis partes obijciantur. 5) secundam cum quarta conjungit, apud *Tychonem, Keplerum, Mastrium*, aliosque, Planetis etiam aliqualem, sed rariorem scintillationem, inprimis Tycho, concedentes, maxime quidem omnium Mercurium (quem ideo *εἰλαβοντα* seu *fulgentem*, procul dubio veteres dixerunt) & Venerem, Martem fere nihil, minime omnium Saturnum, scintillare asserens, & gyrationem cum *Keplero* in epitome una adjungentes, qui tamen Keplerus in opticiis p. 262. Sirium affirmat prolixius & acutius Arcturo micare, cor scorpis celerius oculo tauri, venerem autem etiam serenissimo coelo, & aura frigidissima, concitatissime scintillare. Addit autem in libro de stella nova, uti omnes fixas probabiliter, ita omnes quoque Planetas, excepta Luna, circa sua centra moveri &c. *Sexta* denique opinio Scaligeri est exercit. 63. omnes fere superiores coacervans, sed præcipue motum aëris, motum luminis in sidere, motum sideris in seipso &c.

III. Sed peculiariter commemoranda est P. Fabri hypothesis forte ex Bruniana, interpolatione quadam vel additione, enata, nempe motui gyrationis circa propria centra, (qualem etiam in sole observatum novimus) addidit prop. XX. superficiem stellarum polyedram, & instar adamantum vel crystallorum sectam; præterea vero diversi generis gemmarum facies, oculis suspicientium obiectantem, & sic variis coloribus, sicut gemmæ ipsæ, ludentem, micationis autem varietates, longam, brevem, obtusam & acutam, harumque conjugationes, acutam & longam acutam & brevem, obtusam & longam obtusam & brevem, duæ enim cæteræ combinationes, acutæ scilicet & obtusæ, brevis & longæ sunt impossibiles) ex stellarum 1) vertigine, 2) à faciebus vel areis, è quibus superficies sectorum corporum constant, & 3.) motuum differentiis tanquam causis physicis, procedant (quod alii veloces sint, alii tardiores, sicut facies aliæ magnæ, aliæ parvæ; ut sic quatuor causæ conjugatæ quoque prodeant; parva facies scilicet cum parvo motu, unde sequitur acuta longa micatio; vel parva facies cum veloci motu, unde fit acuta brevis; vel magna facies cum tardo motu, unde est obtusa longa; vel denique magna facies cum veloci motu, unde obtusam brevem micationem esse necessum est.



## VI. EPICRISIS ALTERA

supra tertias ac secundas Hypotheses.

## I.

**U**T de posterioribus prius, ac de postrema primum mentem nostram aperiamus; ingeniose satis & artificiose conficta, sed nimis artificialiter conficta est, & contra naturæ morem ac indolem, conficta, id quod Aristoteles olim congruè πλασμα-  
 τῶδες appellavit. Et sane talium commentorum artificiosio-  
 rum amantiorem justo fuisse bonum Patrem, infra in parhelio-  
 rum fabricatione, & acicularum magneticarum efformatione  
 &c. constabit. Quis enim primo naturæ modum operandi ge-  
 neralem notum habens, non nescit, eam globosa, aut globis  
 etiam similia corpora produxisse, sed è collectione lenta innume-  
 rabiliū particularum: nunquam autem e solido aliquo lapide,  
 & pretiosiore quidem, talia detornasse: Et *secundo*, tales à se  
 formatos, asperos & montosos, inæqualique superficie ubique,  
 quasi negligentius congestitios, exhibuisse, maxime, qua par-  
 te duræ, non fluidæ, substantiæ sunt; nunquam autem vel  
 exacte geometricos, vel in areas planas aut tetraëdricas, aut ico-  
 saëdricas, scissos, & illas artificum ritu politas: nam &, nisi po-  
 litæ sint illæ superficies, effectum micationis non edunt; pro-  
 ut deterendo quidem factæ, sed nondum politæ, gemmarum &  
 vitrorum convexorum areolæ ostendunt.

II. Jam cogita, quæso, *Sirium* esse sapphirum ingentis  
 magnitudinis, quæ scilicet juxta Tychonis calculum, immanem  
 terræ molem plusquam sexagies excedat! cogita illum artificis  
 industria in mille vel decies mille vel quocunque tandem volueris  
 sectum areolas; easque exquisite politas! & cum solis vertiginem  
 intra 27 dies demum absolvi observationes persuadeant, finge hanc  
 stellam, tanquam sole minorem, non nisi 12 horas ad decurren-  
 dum integrum suum vertiginosum circuitum requirere, h. e. 720  
 min. vel 43 200 secunda horaria! Divide jam mente diametrum  
 stel-



III. Hoc igitur modo, cum & à sole tantum illuminata corpora fixas esse jure negetur, & scintillationis modus à P. Fabri confictus somnio similior quam veritati videatur, pudet fere rationes illas examinare, quas num. III. secund. hypoth. ex ipso adduximus. Nam 3. priores nihil aliud sunt, quam incongruæ satis similitudines. In quarta antecedens valde dubium est, nihil scilicet in terris, fere reperiri, quod in cœlis quoque non sit; nisi velis etiam boves, asinos, cervos & alia animalia in cœlis reperiri, nemine forte nisi iis consensuris, qui planetarum globos habitabiles concipiunt. Deinde vero, dato antecedente; quæ nobis fidicula hanc consequentiam extorquebit? Cum in tellure lapilli reperiantur & gemmæ innumerabiles, quæ singulæ ne quidem

Xxx 3

ter-



terminos, vix ratio aliqua rationabilis detegetur. Quod si, quinto concessio, in sexta ratione ex ipsa micatione stellarum concludere præsumas, earum corpora in facies & areas planas sectas & politas esse, indeque porro inferas, corpora stellarum gemmea esse & ingentes pretiosos lapides; vide quæso, annon obscurum, per æque obscurum vel etiam obscurius, probare coneris? & ex eo, quod num. II. incredibilium omnium incredibilissimum ostendimus stellarum naturam & substantiam non lucidam concludere?

IV, Eligimus ergo ex opposito cum Schyrlæo & Bruno, imo cum universo fere veterum philosophorum choro, stellarum naturam lucidam, solari similem, verbo igneam, tametsi fortasse non mere - igneam, sed è solida quadam ossatura saxea, similive mixtura elementari, constructam, suisque cavitatibus igneo fluore penitus expletam; prout certe schema solis, ex Kircheri & Scheineri communi observatione in mundo subterr. delineatum, & analogia globi terreni, è solido & aqueo fluore conflati, suadere videtur. Quod vero Schyrlæus ex Joh. Caramuele attulit, quasi coelum empyreum sive igneum, per subiectum coelum crystallinum, aut ejus potius foramina sive sparsas partes diaphanas, tralucens, fixarum substantiam constituat, πλασμα τῷ ἑτέρῳ, frivolum, & ridiculum est; ut taceam, de coelo empyreo, ubi sit, & quale, nobis nihil constare.

V. Quando positivo quodam argumento probari debere lucem stellarum nativam urget P. Fabri, id lubentes utique accipimus, sequens argumentum positivum formantes: Quod in multo majori à sole distantia multo tamen vividius est lumen, quam planetarum, ex ipsius adversarii hypothese mutuatur; illud est nativum propriumque lumen. Sed lumen fixarum stellarum, lumine planetarum (cæteris intellige paribus) multo vividius est: Ergo lumen fixarum est nativum & proprium. Major patet, evidenti experimento: quo longius enim lumen mutuatur profunditur, eo debilius recipitur; prout e. g. lumen è candela ardente vicina in chartam proximam effusum multo majorem ipsi splendorem conciliat, quam si eandem vel ex unius  
aut



aut duorum pedum intervallo illuminet. Minor itidem oculari experimento constat. Saturni enim lumen é supremo planetarum loco ad nos reflexum, multo placidius & pallidius est, & minus fulgidum quam stellæ alicujus fixæ æqualis apparenter molis. Ergo conclusio stat suo talo ex micationis robore fundamentaliter deducta frustra que nunc excipiet P. Fabri micationem oppositum probare; quam misere enim id probaverit, ex num. II. dictis patet: nec ideo negandæ sunt fixæ esse corpora verè ignea, quod parum luminis & nihil caloris in mundum hunc sublunarem effundant; quasi nimirum jam compertum haberemus, universi mundi corpora, nullibi usum, quam in mundo sublunari habere posse. Id vero, quod negat stellas fixas planetis nobiliores esse credendas, ex eo fortasse non injuria cavilletur quispiam quod illas gemmea corpora, hæc metallica tantum, statuatur & præterea audacius & cum principii petitione, neget (quod profecto æque ac contrarium ignorat) illas nobiliorem finem habere.

VI. Ea porro, quæ num. IV. hypoth. secund. & in alleg. I. multo adhuc prolixius, circa quæstionem cur stellæ de die non videantur erudite disseruit, laudem suam utique merentur; nescio tamen, an allata ratio ab aliis intacta prorsus dici debeat. Nunquam certe rationem vulgo allatam, quod majus lumen minus extinguat, aliter intellexi, quam quod in oculo minus lumen non sit sensibile, si idem ab alio multo fortiore commotus fuerit. Pupillam autem præsentem & in oculum cominus agente contrahi, in opticis passim inculcatur. Quod ergo in lunaria ratio illa non procedat, ut scilicet ea de die plane non videatur, sicut minores stellæ, ejus diversitatis ratio manifesta est, quod lumen fixarum in oculos etiam de die incidens nimis debile sit & exile, respectu lucis solaris diurnæ, lumen lunare vero multimodis intensius notabilem habet in oculo respectu luminis diurni proportionem, ut unum juxta alterum possit esse sensibile, non obstante pupillæ contractione, quæ vim luminis solaris ex objectis vicinis quoque ac terrestribus reflexi, non potest penitus



tus obtundere ; quamvis revera tamen illud , sive à luna adveni-  
niens , sive à nubibus juxta lunam spectatis , plurimum immi-  
nutum sit , albore tantum aliquo in utrisque conspicuum.  
Quod cum in luna sub vesperam & noctem valde reluceat , in-  
fallibile id indicium est nubes de die juxta lunam æque albicantes  
cum ipsa visas sub noctem æque splendentes visum iri , si solis il-  
luminati tum æque exponi possent , ac de die expositæ fue-  
rant. Neque vere illud simpliciter probare possum , quod lu-  
men intensius luna non reflectat quam venus , id quod verum  
esse non potest , nisi in se & absolute , cum venus utique , uti  
soli vicinior , ita luna etiam multo major : multo etiam inten-  
sius reflectere debet quam luna : Respective autem intuitu ter-  
ræ & oculorum nostrorum , lunæ lumen centies & amplius in-  
tensius esse , quam lumen veneris , qui negaret , contra sen-  
sum ipsum loqueretur ; & hoc intuitu intensum illud lunæ in  
oculi fundo lumen , à solari diurno penitus obtundi non valet,  
sicut debilissimum fixarum lumen , quod non obstante pupil-  
læ contractione , in oculos tamen etiam de die incidit.

VII. Id vero vel maxime minor, quod vir sæpe laudatus,  
asserat, radios pauciores per pupillam contractiorem in crysalli-  
num magis tectum illapsos, ideo sub minore basi speciem obje-  
cti in retina depingere, ideoque sub minori angulo, atque adeo  
minus videri; vicissimque, cum detecto magis crystallino,  
major radiorum copia transmittitur, speciem objecti sub majori  
basi exhiberi, atque adeo id sub majori angulo, majusque vi-  
deri: Cum tamen non solum experientia in luna ipsa testetur,  
eam de die per pupillam contractiorem visam nihilo mino-  
rem, cæteris paribus, deprehendi, quam noctu per apertio-  
rem (ampliatio enim illa marginis luminosi circa lunæ falcem,  
huc præcise non pertinet) & generatim in lentibus camerarum  
obscurarum res ad oculum patet, eas magnam partem tectas,  
ut multo pauciores ex objecti quovis puncto radii s accipi-  
ant, & postmodum uniant, species equidem pingere mi-  
nus luminosas ob radiorum ex uno puncto in lentis mino-  
rem portionem illapsorum, & in unum punctum iterum unien-  
dorum



dorum, paucitatem ; nunquam autem minores ; quandoquidem puncta unionum sive penicillorum apices , ideo nec appropinquant sibi magis , nec ab invicem discedunt , sive plures , sive pauciores uniantur.

VIII. Jam quod ipsam scintillationem , seu micationem , fixarum præsertim frequentiore attinet, ex enarratis in hypoth. tertii opinionibus secunda optidorum nobis præ cæteris arridet, nisi quod radiorum in fixis debilitati , & in planetis majori robori adscribant, ubi nobis oppositum potius approbandum videtur. Lucis enim in fixis vigor & vivacitas oculis ipsis sese ingerit, & hypothesis de natura ipsarum ignea , flammantium earum evibrationum necessitatem suadere omnino videtur , qualem in solis margine quoque , quando sub ejus occasum defixo cum obtutu indemnes intuemur, distinctissime observamus , quæque in vaporibus horizontis crassioribus & fluctuantioribus totius amplæ speciei solis , quasi tripudiantis, sensibilis est ; Cum in planetarum non vibrante & sedato lumine illa aëris sola fluctuatio minus , ac per vices & intervalla sensibilis est ; maxime in Mercurio Venere & Jove , quorum lumen fortius est : dum in lumine Saturni , manifestissime debiliore , nulla omnino sentitur , major tamen sentienda quam in inferioribus , si optidorum opinione , dicto quidem modo explicata , standum esset. Cæterum experimenta , quæ ibidem adducuntur vulgaria, rem egregie illustrent ; potestque stellarum gyratio ( quam nostra hypothesis de orbibus fluidis circa earum centra constitutis alias requirit & quæ luminis fluidi evibrationem multum juvare potest ) in subsidium vocari, Et cum P. Fabri ipse prop. XXIII. lib. de stellis , cum plus æquo micant stellæ per noctem id proximum imbrem prælagire probaturus, hanc rationem adducat , quia in tremulo vapore, qui tunc aëri inest , multa fiat fractio radiorum traductorum , unde novus quasi tremor radiis accedat & hinc nova quoque micationis accessio &c. mallem cum tremulum illum in aëre vaporem pro totali mica-

Yyy

tionis



tionis ratione , quam fictitias illas gemmearum superficierum sectiones , agnovisse.

IX. Quæ vero de differentiis micationum in diversis stellis , speciose licet , philosophatur , ea , cadente principali hypothesi , necessario una cadunt ; nisi quod celerior in unis , tardior in aliis gyratio fortasse aliquid conferre potest : Cui varietati ignium quoque cum solidis partibus differens mixtura , proportio , dispositio &c. nec non ipsarum flammaram varietas quam colorum differentia satis arguit , non improbabiler adjungi potest. Quod vero planetæ quoque, excepta sola luna, circa sua centra gyrentur , de eo cap. sequi. pluribus dicetur.

## CAPVT IV.

De

*stellis errantibus sive Planetis in communi consideratis.*

### I. PHÆNOMENA.

**P**HÆN. I. Inter innumerabiles stellas , quæ communi motu singulis diebus circa nos ab ortu in occasum circumferri cernuntur , oriri primum & assurgere , cumque ad cœli culmen assuxerint , deinceps gradatim iterum descendunt ad horizontem occiduum , infraque ipsum tandem descendunt &c. paucae quædam ulterioribus observationibus , uti supra jam indicatum est, detectæ sunt , quæ speciali proprioque motu obliquius ab occasu in ortum & quodammodo nunc in boream , nunc in austrum , ab una stella fixa ad aliam promoveri solent , tandemque integros circuitus absolvere ; aliæ minori , aliæ , majori temporis intervallo ; interea non à fixis solum ita nunc dictis , quod fixam semper inter se distantiam servant) sed à seipsis quoque , varie discedentes , situmque inter se subinde mutantes , imo (quod paulo serius animadversum est)



est ) aliquando subito in contraria converso gradu ; hunc etiam secundum & obliquum motum suum præter motum primum & communem , secundum ductum æquatoris directius in occasum fieri solitum, versus occasum obliquius etiam instituunt , atque ita respectu prioris motus secundi ordinarii , retrogrediuntur ; certis denique temporibus , tanquam dubii & hæsitantes , neque porro neque retro , ratione motus hujus secundi , procedunt.

*PHÆN. II.* Ejusmodi irregulariter moveri, & quasi errare vilas stellas , præcipitato judicio , *errantes* , Græce *πλανήτας* , appellarunt , tamen postea temporis progressu satis compertum fuerit , ipsos illos apparentes errores certis & immutabilibus coërceri legibus, è quibus multo labore , plurimum seculorum decursu, investigatis , hodie singulis his putatiis erronibus suis in cœlo locus inter stellas fixas in futuros non solum dies sed etiam menses & annos , in Ephemeridibus assignari solet. Mansit illis interim *Erronum* sive *Planetarum* nomen , ut alibi quoque fieri solet , cum rebus non nisi obiter & festinantius inspectis nomina præcipitanter imponuntur , deinceps autem , sæpe non sine noxio præjudicio servari debent ; prout e. g. Geometriæ nomen illi scientiæ semel ab imperitis inditum , nunc servare tenemur , cui cum terræ dimensionibus minimum omnium negotium est : Horum erronum sive planetarum ab antiquis temporibus non nisi septem numerati fuerunt , nempe ☾, ☉, ☿, ♀, ♂, ♃, & ♄, h. e. *Luna* , *Sol* , *Mercurius* , *Venus* , *Mars* , *Jupiter* , & *Saturnus* ; ex quibus primiduo , *Sol* & *Luna* , propter magnitudinem suam *Luminaria* κατ' ἐξοχήν dicuntur , & horum primario , nempe soli , apud Copernicanos , à tellure controversia movetur, dum Copernicani solem è planetarum numero deturbare , & inter fixas stellas numerare præsumunt , tellure contra in planetarum numerum recepta, ob argumenta non contemnenda ; quæ in sequentibus, cum aliis magni momenti controversiis, rigoroſe examinabimus.



*PHÆN. III.* Posteaquam sub initium seculi decimi septimi, sive superioris, inventi essent tubi optici, sive telescopia sæpius jam commemorata, nova plura & antea invisibilia, in coelis detecta fuerunt, inter alia *Galilaus* primus Anno 1610 die 7. Jan. hora noctis prima, tres primum circa Jovem stellas detexit, deinceps autem quartum insuper adjecit, nunquam autem plures observare potuit, & eas quidem in linea eclipticæ parallela, modo sibi ac Jovi propiores, modo remotiores, nunquam tamen ultra 14 aut 17. min. ab ipso digredientes, & aliquando nusquam comparentes: ex quibus circumstantiis novos hos coeli incolas non esse fixa sidera, sed planetulos quosdam, Jovis comites,prehendit: quos confirmatos deinde à *Keplero*, *Blancano*, *Herigonio*, *Gassendo*, *Renerio*, *Scheinero*, *Wendelino* &c. in honorem *Cosmi de Medices*, vere magni *Heturix Ducis*, *Medicea Sidera* cognominavit; ita planetarum numero ad undenarium usque augmentato.

*PHÆN. IV.* Enimvero *Schyrlaus* Anno 1642. Decemb. 29, & postea aliis vicibus, præter 4. Galilæanos & interiores Jovis laterones, alios 5. exteriores & remotiores, ac multo majores, observatos novo telescopio asseruit, majus in cœlo spatium uno obtutu comprehendente; aliis enim angustioribus tubis non potuisse hoc phænomenon videri. Eos autem quinque Urbano octavianos, ab Urbano octavo, summo pontifice tum regnante, nuncupavit, relata hujus rei novitate ad *Erycium Puteanum* in Belgio, & hinc ex Belgio ad *Gabrielem Naudæum*, indeque tandem ad *P. Gassendum* perveniente notitia; qui, cum eadem nocte 29. Decemb. 1642. eosdem jam notos comites circumjoviales interiores observasset, de exterioribus nihil animadvertens occasionem nactus est e collatione suæ cum *Schyrlæi* observatione, hoc auctarium quinque novorum planetarum circum-jovialum, 4 rationibus (quæ videri possunt apud *Ricciol.* lib. VII. *Almag.* nov. p. 489, ex qua hæc excerpimus) in controversiam vocandi, & suspicandi, *Schyrlæum* fixas quasdam minores prope Jovem conspectas, pro



pro novis satellitibus habuisse ; suspensio tamen hoc suo iudicio , donec Schyrlæus aut uberiores observatis fidem quæreretur , aut errore circa novos erroneos detecto , palinodiam caneret. Verum Schyrlæus lib. IV. Radii sidereo-myſtici cap. 1. memb. 2. reſpondit Gaſſendo , ſtellas illas Urbanoſtavianas mutaffe diſtantiã inter ſe , ideoque non potuiſſe eſſe fixas ſtellas : quod autem poſtea evanuerint , id mirum non eſſe , quia ſicut de novo genitæ fuerunt, ita interire potuerint &c. ita perſtante etiam numero planetarum ſolo undenario.

*PHÆN. V.* Ex eo tempore circa Martem , Venerem , Saturnum , paſſim inveſtigarunt magna diligentia , aut majori cautione , Aſtronomi ſimiles ſatellites ; ſed nihil reſecerunt , quod cum fiducia aſſererent : Tubis quippe nondum ad eam perfectionem evectis , quam ſubſequentibus annis gradatim aſſequebantur. Verum , cum *Chriſtianus Hugenius* Anno 1655 , ſequentesque 56 , 57 , 58 , 59 , obſervationes continuas circa Saturni mirabilem faciem , ab aliis jam ante , ſed ope tuborum imperfectiorum , conſpectam , inſtituiſſet , adhibitis tubis accuratius elaboratis , primo ſolum 12 , altero vero 23 pedd. prout p. 9. ſyſtematis Saturnini , & p. 99. coſmotheori ſui ipſe commemorat , & ( quod acribiam horum tuborum arguit , ipſo illo breviffimo una Saturniarum Lunarum à ſe primum deprehenſa ( quo loco iudicare licebit , quem effectum habituri fuiſſent illi tubi ſive ille lentes quas una cum fratre ſe ultimo elaboraſſe p. 100 cit. Coſmotheori narrat , ad teleſcopia pedum 170 & 210. paratas , ſideribus applicare contigiffet , quas in experimentis facilioribus , quæ in ambulacris ſuburbanis ſub noctem inſtituebant , inſpectis procul literis , quibus appoſitum erat lumen ; quas inquam , tales reſecerint , ut omni vitio eas carere certi eſſent , quibuſque majores , formæque perfectioris , nullas hætenus extare arbitrabatur ) cum , inquam , d. 25. Martii ſecundum Calendarium Gregorianum , anno 1655 , circa horam 8. vespertinam , Saturnum conſpexiffet cum brachijs ſecundum rectam lineam extentis , tribusque fere ſcrupulis ab eo diſtantiem



occasum versus stellulam quandam exiguam in eadem recta linea cum brachiis Saturni sitam, cui versus orientem alia stellula aderat paulo longius à Saturno remota, & brachiorum linea multo inferior. Die sequenti 26 Martii, prior stella quam litera *a* in omnibus observationibus notabat eodem modo, eademque qua prius distantia juxta Saturnum collocata erat, posterior vero stellula *b*, duplo, quam pridie, remotior deprehendebatur; ut hinc certum esset, vel utramque, vel alterutram saltem, erraticam esse: Et subsequentes quidem observationes, per omnes insequentes annos quamplurimæ, plusquam indubium reddebant, dictam stellulam planetam esse parvulum ac circa Saturnum gyrantem ejus verum satellitem; ut hoc pacto jam habemus 12. indubios planetas.

*PHÆN. VI.* Præter hunc, inventionis ordine primum, sed ordine loci in systemate Saturnino, quartum, quatuor adhuc alios successu temporis observavit Saturni satellites, Vir celeberrimus *Ioh. Dominicus Cassini*, ope lentium à *Ioh. Campano* expolitarum, primum 36. pedd. deinde totidem supra centenos. *Primus* intimusque, revolutionem suam circa Saturnum bidui fere spatio absolvens, detectus est mense Martio 1684. lentibus dictis Domini Campani 136. ped. citra tubi opem usurpatis; *Secundus* revolvitur circa Saturnum trium fere dierum spatio, iisdemque cum priore lentibus observatus est: *Tertii* revolutio circa Saturnum peragitur 4 dierum & horarum 12½ intervallo, observatus telescopio Campaniano 34. pedd. *Quartus*, qui prioribus longe magis conspicuus est, revolutionemque suam 16 fere diebus absolvit, repertus est primum à Domino Hugenio. *Quintus* denique 30. demum diebus circa eundem revolvitur, observatus tubo-specillo Campaniano 73. ped. anno 1671. ita referente ipso Cassino, in Actis Lips. ad ann. 1686. mens. Sept. p. 469. Testatur Hugenius in Cosmoth. p. 99. tertiam & quintam harum Lunarum Saturniarum se vidisse anno 1672. ipso monstrante Cassino & postea sæpius. Primam cum secunda eundem sibi repertas significasse per literas anno 1684. vero



vero difficillime cerni dicit, certoque affirmare, se non posse sibi conspectas hactenus; etsi non vereatur, clarissimo Viro fidem habere, & has quoque Saturno socias adscribere, ut hoc pacto sedecim Planetas tuto possimus numerare, septem puta *antiquos* & *novos* novem: quamvis vel unam vel plures adhuc latere Saturninorum satellitum non sine ratione suspicatur, ob spatium amplius inter duas extremas, quam pro distantis cæterarum.

*PHÆN. VII.* Quemadmodum quatuor novi Planetæ Galilæani circa Jovem, & quinque satellites Saturnini circa Saturnum moveri deprehensi sunt, atque adeo nunc infra hos antiquos, nunc supra hos, necessario existere: ita Lunam, Planetarum omnium infimum, Saturnum autem inter antiquos supremum esse, pluribus indiciis constat, infra in speciali parte specialius dicendis, præsertim occultationibus à Luna, vel superiorum ab invicem factis, Solem altiores esse Luna, illius Eclipses restantur, Mercurium autem & Venerem, nunc inferiores esse Sole nunc superiores, quia moventur circa Solem tanquam centrum. Inprimis luminis incrementa in Lunæ, Veneris & Mercurii faciebus ad præsentem locum faciunt, ubi nunc expendendæ veniunt.

## II. HYPOTHESES

circa communem Planetarum omnium naturam sive substantiam.

### I.

**I**ndubitata quondam fuit opinio, ad stellæ cujusvis essentiam pertinere, habere lumen proprium & nativum, ut stella non lucida sive nativa luce non fulgens, videretur contradictionem in adjecto involvere, quemadmodum contra, terram (quam luce connata destitui, præterquam in minutis portionibus flammarum, & meteororum ignitorum, lampyridum, lignorum putridorum &c. singulorum noctium experientia constat) inter stellas numerare velle, tam absurde sonat in auribus plebejorum, ut ineptius nihil illorum judicio



cio cogitari possit. Hinc, cum lumen Lunæ primarium, quod vocamus, h. e. illud fulgidius, quod incrementa illa successiva sub forma falcis, quadraturæ, gibbositatis &c. subit, non esse Lunæ proprium, sed à Sole ipsi communicatum, nimis apertum esset, alteram saltem debilem luculam, rudi plebeculæ maximam partem plane ignotam, quam semidocti quidam animadvertunt & *secundariam luna luculam* vocant, hanc saltem lunæ essentialē & nativam statuerunt.

II. Peritiores autem Astronomiæ Viri, pleno consensu & rationibus evidentissimis evicerunt (quas infra in parte speciali demum plenius deductas dabimus) ne hanc quidem luculam secundariam in luna visam ex lunæ substantia emanare, nec etiam perpetuo in ea deprehendi, sed (quod plebeio ingenio prorsus est, præsertim primo auditu, incredibile videtur) à terra ad Lunam repercuti, indeque vicissim ad terram & in oculos nostros remitti: adeo Lunam esse corpus omnino opacum natura omni luce destitutum, nisi quod vel à sole vel à terra mutuo acceperit; quemadmodum vicissim terra quoque non alia luce fruitur, quam à sole per diem, & à luna per plerasque noctes accepta.

III. Quemadmodum autem terræ globus ex gemina substantia, sicca nempe & aquosa parte, & utraque quidem vastissima constat, ita lunam non aliter nisi ut terram alteram & oppositam considerant, ideo veteribus jam olim *ἀντίχθονα* dictam. Progressu vero temporis, & continuatis observationibus, eo tandem inclinant plerique sagaciorum Astronomorum, ut Planetas cæteros omnes, tam antiquos quam novos (unico Sole excepto) pro terreis aut terraqueis ejusmodi globis habeant; adeo ut recentissime *Christianus Hugenius* Astronomus inter paucos celebratissimus, sed (quod publici causa apprime dolendum;) mortalium numero jam exemptus, Libros II. ad *Fratrem Constantinum*, Guilielmi III. Magnæ Britanniae Regis Secretarium conscripserit, & edendum post fata sua commendaverit; ita ut his conjecturalibus suis cogitationibus vir profundissime doctus plus delectatus fuisse videatur, quam omnibus suis inventis & lucubrationibus ex fundamentis Mathematicis abstrusissimis erutis. Editus ergo libellus & altera quidem vice, post Fratris etiam optimi beatum decessum (si recte mihi, nescio amplius unde, narratum memini) sub inscriptione *COSMOTHEOROS, sive de terris cælestibus, earumque ornatu, conjectura*, per terras scilicet cœlestes Planetas omnes præter Solem intelligens.



### III. HYPOTHESES SECUNDÆ

De

verorum planetarum præcisius defini-  
to numero.

I.

**N**umerus equidem planetarum sedecim hætenus immutatus manet, donec noviter detectus aliquis accesserit prioribus. Ac cæteri quidem omnes, quos terreæ naturæ esse huc usque probabiliter evicimus, inferius autem in parte speciali certius adhuc confirmabimus, quod veri & indubii planetæ sint, nemo amplius ambigit, de Sole vero maxime dubitant Copernicani, quod solus igneæ & flammantis naturæ, ejusdem generis credendus sit, cum cæteris terræ similibus corporibus; quin potius enim, tanquam fixis stellis congenerem, his annumerandum esse, & locum ejus inter veros planetas tellurem nostram occupare debere.

II, Argumentum probabile alterum desumunt ex loco, quem Tellus occupat in cœlo inter medios planetas cæteros circa Solem, utrisque partibus controvertentibus, Tychonicis nempe & Copernicanis, consentientibus, mobiles. Proximus enim Soli gy-ratur Mercurius, remotior paulo Venus, Mars plus ultra, Tellus autem in spatio inter Martem & Venerem medio citra controver-siam sita est; ita ut, si cæteri illi ab æthereo fluore in gyrum divini-tus acti circa Solem volvantur, (prout superius cap. I. declaravi-mus) Tellurem etiam circa eundem Solem ex necessitate gyrari, & sic planetæ munus obire, à priori demonstratum erit.

III. Tertium argumentum ex eo desumitur, quod, uti Jupiter & Saturnus planetæ non solum, sed *primarii* quoque, merito di-cuntur, propter quatuor aut quinque minores circa ipsos volubi-les, quos utique *secundarios* dicere licebit, ita ut circa terram quo-que luna, quatuor istis circumjovialibus, & Saturni lunulis similli-ma, menstruo spatio, tanquam *secundarius* planeta revolvatur, ipsa Tellure, ut *primario*, Solem annuo spatio obambulante, uti Mars, Venus & Mercurius, tanquam pariter *primarii*, etsi secunda-



riis destituti, quia nimirum circa Solem, ex Hypothesi nunc non planetam, moventur. Quod si vero Solem pro planeta habeamus, erit is *primarius*, Mercurius autem Venus & Mars secundarii, Luna vero primarius, imo Jupiter quoque & Saturnus, juxta Tycho- nem, qui hos etiam circa Solem movet, secundarii forent dicendi, (tametsi plures alios circa se habeant pariter secundarios) satis equi- dem inconvenienter.

#### IV. EPICRISIS supra memoratas duas Hypotheses.

##### I.

**Q**uandoquidem, quod de lunæ luce secundaria diximus, inter Astronomos non est res controversa sed penitus cer- ta & ab omnibus concessa, tametsi in auribus plebeiorum rerumque Astronomicarum imperitorum incredibilis videatur, monendi sunt hi ipsi, & cum ipsis alii virorum alioqui in suo ge- nere doctissimorum, sed qui scientiarum harum ignari sint, ut in his talibus (prout certe ipsa æquitas postulat) judicium suum suspendant, etsi opinionibus suis, quæ in hoc casu eadem sunt cum plebeiorum opinionibus, è diametro repugnent; cre- dentes meritissimo, sese in rebus, quas nunquam didicerunt aut experti fuerunt, multo facilius errare posse, quam alios, qui ea- rum rerum peritiam & capacitatem habent ejusmodi incredibi- lia rectius examinandi.

II. Hinc jure quodam suo, meo quidem judicio, *B. Hu- genius*, cum in cosmotheoro suo p. 6. prævidisset, futuros quos- dam, qui cum geometriam aut mathematicas nunquam at- tigerint, omnino vanum ac ridiculum illud suum inceptum judicaturi sint. Incredibile enim ipsis visum iri, ut siderum di- stantias, aut quæ sit magnitudo eorum, metiri possimus. Tum vero motum huic terræ aut falso adscribi existimatu- ros, aut nequaquam adhuc probatum esse dicturos, ideoque, quæ- talibus fundamentis superstruuntur, pro somniis nugisque ha- bituros



bituros ; cum inquam , hæc prævidisset , immediate sequentia ,  
subjungit : Quid vero his dicemus ? nisi aliter sensuros , si dis-  
ciplinis istis naturæ æque contemplandæ , operam dedissent . Hoc  
vero longe plurimis non licuisse scimus , vel quod ad ea parum  
ingenio comparati essent , vel quod unde discerent non habe-  
rent , vel denique quod suis , aut rei publicæ negotiis curandis ,  
alio vocarentur . Itaque nihil eos reprehendimus ; sed , si dili-  
gentiam in his rebus nostram condemnandam putabunt , ad  
magis idoneos iudices provocamus . Modeste profecto ! prudenter !  
ac digne homine vere erudito !

III. Tali animo , si non solum viri laudati *terras cælestes*  
consideraverit lector benevolus , sed ea quoque , quæ in proxi-  
mis secundis hypothesibus proposita fuere , aliaque imposterum  
proponenda similia æstimaverit ; non negabit facile , omnia  
concinnius ordinari , si sol in centro illius vorticis sive orbis  
ætherei , in quo Mercurium , Venerem ; Martem &c. circumdu-  
ci probabilissimum judicavimus , locari fixus supponatur , aut  
verius ex orbe illo supposito à priori concludatur ; e contra  
vero tellus in communi illo orbe , ex eadem illa necessitate inter  
planetas recenseatur , & quidem inter primarios , stipatoribus  
vel uno , vel pluribus circumdatos , cum Jove & Saturno ; qui-  
bus opponantur tres alii pariter primarii , sed secundariis aut sa-  
cellitibus hætenus destituti : Multo inquam , concinnius , quam  
in suppositione finali hypoth. secundarum sed de his  
plura & accuratius examinanda in seqq.  
capitibus.





## ARTICULUS III.

De

Cœli stellarumque communibus affectionibus in motu maxime consistentibus.

## CAPUT I.

De

*cœlestium corporum generali & quotidiana, ab horizonte ortivo ad occiduum circumlacione.*

## I. PHAENOMENA.

**P**HAEN. I. Universum stellarum ordinem vel exercitum, paucis exceptis, quas antecedit, capite planetas diximus, & de quibus cap. sequenti plura erunt dicenda, eundem semper esse, eandemque ejus dispositionem constantissime servari ab omnibus retro seculis, ut una ad alteram ne latum quidem unguem accedat propius, aut situm suum respectu vicinarum ejusdem generis, ullo modo mutet, in antecedentibus non semel dictum est; easque propter hanc fixam inter se distantiam, *fixarum* nomen etiamnum mereri, quamvis non amplius orbi crystallino, instar clavorum affixæ, quod olim credebatur, sed in fluido æthere quasi natæ, sciantur.

PHAEN. II. Cum vero circa tellurem nostram undique disseminatæ deprehensæ sint, & illius opacitas obster, quo minus inferiora cœli simul cum superioribus contueri liceat, utpote à superioribus ambitu circulari, quem *Horizontem*, recepta voce, appellamus, divisa; effecit tamen divina sapientia, ut illa non minus, quam hæc, successive sub conspectum terricolarum plerorumque venirent; dum alibi sensim supra horizontem attolluntur (quod oriri dicimus, atque inde plagam etiam, & horizontem ortivum denominamus) indeque altius altiusque elevatæ, ad partes horizontis oppositas paulatim descen-



cendunt, ac infra hunc tandem absconditæ, occidisse dicuntur, ad pristina horizontis ortivi loca, post exactas quasque 24 primi mobilis horas constantissime revertentes.

*PHÆN. III.* Et hunc communem, quem vocant, fixarum stellarum motum exactissime sequitur tota quoque galaxia cum reliqua *Saturni, Jovis, Martis, Veneris, Mercurii; Solis, Lunæ*, ac cæterorum, quos appellant, planetarum telluri viciniora corpora, sequantur quidem eundem, non sine variatione tamen; prout sequenti cap. audiemus: indicio manifesto, galaxiam etiam, si quidem in aëre suspensa esset, multo minus illam fixarum circumlacionem adeo præcise assecuturam id quod in superioribus jam cum aliis argumentis inculcatum, fuit.

*PHÆN. IV.* Illum vero stellarum ascensum atque descensum alibi rectiorem observari & magis perpendicularem, ut in *Africæ & Americæ* medietatibus, in *India orientali* &c alibi obliquiorem & inclinatiorem, ut in his nostris regionibus borealioribus in meridiem; vel in boream, in terris oppositis multum australibus, *America meridionali* v. g. extremo cuspide *Africæ* &c. supra cap. III. Articuli primi prolixè deduximus.

## II. HYPOTHESES PRÆCIPUÆ circa communem stellarum circumlacionem.

### I.

**V**ulgatissima superioribus seculis & antiquissima hypothesis, *Aristotelis* cum primis & *Ptolomæo* cum Viris celeberrimis retro porroque multis communis, jam supra nobis dicta est, quæ nimirum fixas stellas omnes uni eidemque orbi solido sive crystallino, ut solent clavi rotis affixas, aut potius ut mulsæ succino immerfas, una cum ipso orbe ab intelligentia quadam rapidissime circumactæ, terram immotam revera ambire statuit, eandemque



adeo illas inter se distantiam necessario servare, quod loco suo fixæ singulæ, non magis ad invicem accedere possent, quam clavus unus ad alterum in rotæ circumferentia.

II. Secunda Hypothesis ex prioris illius ruinis enata superiori seculo, *Tychoni Braheo* & multis postea Viris doctissimis exculta, *Kircheri* nominatim, *Honorato Fabri*, *Ricciolo*, & Pontificiis hodie plerisque omnibus celebrata, re ipsa quoque stellis orbicularem istum motum tribuit, quiescente in ejus quasi centro terra, ita tamen, ut vel fluidum ætheris immensi quasi vorticem circa terram gyranter, una natantes intra fluorem suum stellas secum circumducere, (quæ *Riccioli* est opinio Lib. VI. *Almag.* novi cap. XVIII. n. XVII. p. 455.) vel stellas libere singulas, per auram cœli subtilissimam, aut inania forte spatia, provehi dicat, vel à præfecto singulis angelo aut intelligentia quadam (quæ est *Kircheri* aliorumque plurimorum, ne *Ricciolo* quidem improbata, sententia) vel ab impresso semel à prima creatione, motu in secula duraturo, (quod *Gassendo* P. *Fabri*, *Ioh. Bapt. du Hamel*, aliisque rursus quam plurimis placet) illum motum communem sive diurnum dependere statuunt; nec aliam ob causam, illas hodie fixarum nomen obtinere dicant, quam quod ex divino instituto, (etsi aliæ per ampliores circulos & & velocius, aliæ per angustiores ac tardius circumvehendæ) ita tamen intelligentiarum suarum provido consilio, aut impressa ab omni ævo motuum proportionem, in communem illum motum conspirent, ut à quibus punctis una cæperunt semel progredi, ad eadem redeant eodem temporis momento singulæ, nullam adeo situs, quem primitus inter se nactæ sunt, aut distantia mutationem, unquam subeuntes.

III. Tertia Hypothesis jam olim *Aristarcho Samio*, *Philolao*, *Seleuco*, *Heraclidi*, item & *Ecphanto*, *Pythagoræis* &c. deamata, superioribus vero seculis à *Nicolao Copernico* resuscitata, mirabili compendio, quod ingentium illorum & innumerabilium mundi corporum immani raptu & incomprehensibili velocitate, inæquali quidem illa infinities, sed ad eundem reditum plusquam miraculosa solertia conspirante, ac rationis omnem captum superante, confiendum erat, unius terrellæ nostræ levi circa centrum proprium gyratione exsequitur; ascendere nimirum stellas ex una, & descendere ex altera parte dicens, apparenter tantum, dum ipsis suo quibusque loco immotis, cum terra ab occasu in ortum circumvoluta,

Ho-



Horizon ortivus paulatim descendit, & occiduus ex opposito ascendit, atque ita spectatori cœlestium, homini, singula successive ostendit, indignum adeo rata Divini Numinis ineffabili prudentia, ut credatur omnes totius mundi vires ei effectui impendisse, quem sola terræ in æthere fluido natantis facilissima convolutio producere valeat, ac præterea non minus absurdum, Solem omnemque stellarum exercitum huic parvulo terræ puncto circumvolvere, ut ipsorum calore, luce, conspectuque frui possit, quam focum luculentum circa carnes assandas circumgestare, aut oculo immoto montes, urbes, pagos, sylvas &c. ut totum territorii ambitum tanto commodius lustrare possit, in orbem circumducere velle. Conf. du Hamel Astron. Phys. p. 78. & seqq. plur.

IV. Quarta Hypothesis, priori succenturiata, *Cartesio* debetur, qui fluidum suum cœlum in tot vortices primarios contorquet, quot hærent in ipso stellæ fixæ, ob hoc ipsum necessario fixæ, & eadem perpetuo distantia ab invicem sejunctæ, quod singulæ ad centrum vorticis sui compulsæ, ob ejusdem indefinentem gyrationem, inde exire nunquam, nisi vortice ipso destructo, possint. In primario vero circa solem vortice, plures alios minores ac secundarios supponit, & speciatim circa terram nostram unum, in cujus centro quidem ea perpetuo resideat, sed uti fit in vorticibus aquarum, ligna, stipulas, &c. ad centrum congesta, in orbem contorquentibus, eadem ipsius gyratione circa centrum proprium necessario convoluta. Sic igitur *Des Cartes*, supposito cœli, sed fluidi, atque adeo ad ipsa telluris viscera usque penetrantis motu orbiculari, quem tota semper antiquitas supposuit, non solum à priori deducit Copernicanam terræ circa centrum proprium convolutionem, sed & pleraque dubia, de iis, quæ per aërem moventur, obviare solent, speciose tollit, siquidem (quod gratis alias supponere visi sunt Copernicanis) ex ejus Hypothesi sponte fluit, aërem ipsum quoque, cum omnibus, quæ intra ipsum quacunque ratione moventur, una cum terra in easdem partes, ab eodem cœli vortice, constanter circumduci,



### III. EPICRISIS super has *ἐν συνόψει* datas præcipuas hypotheses.

I.

**Q**uando coelorum fluiditas omnibus hodie physicis & Astronomis, non sine multis rationibus, probatur; Aristotelis coelum crystallinum sua mole corrumpit, primamque adeo hypothesin totam subvertit; ne tum quidem sufficientem futuram si fluiditas ætheris nondum innotuisset: prout partim è phæn. III, cap. III. Artic. II, partim hujus ejusd. cap. num. III. & IV. in antecessum patuit.

II. Si fas esset, è S. Scripturis de rebus naturalibus ac sciendis æque ac de divinis & credendis, ferre sententiam, & Spir. S. de illis quoque non tam pro vulgi captu, quam, uti revera habent, semper loqueretur; equidem fatendum foret, diurnam illam stellarum, ac præcipue solis, circumlacionem, non apparenter tantum in oculis nostris, ob contrariam aliquam telluris gyrationem, sed ipso facto & revera in coelis fieri; quicquid sit de incomprehensibili & rationem omnem superante ejus motus rapiditate, quam hujus hypotheseos patroni negare non possunt, in stellis quibusdam tantam esse, ut unius momenti aut minuti secundi intervallo, nunquam minus octingentis miliaribus germanicis, probabiliter autem multo plus, eam emetiri necessum sit. Tametsi enim nonnulla ab Anticopernicanis adduci solita è Scripturis loca, commodam admittant interpretationem, quo minus adversari Copernici assertis dicenda sint; occurrunt tamen aliqua, quæ, si cordate & ingenue, quod res est, dicere velimus, secundum literalem & obvium verborum sensum aliorum sedetorqueri non patiuntur, quin terræ stabilitatem, coelo vero & stellis, præcipue vero soli, motum actuale attribuant; tantum abest ut, quod nonnulli facere sunt ausi, ipsas sacras literas tanquam à partibus Copernicanorum stantes, allegare præsumant.

III Allegant potius alii locum ex Ecclesiastis. I. v. 4. & 5.

con-



contra Copernicanos, *generatio præterit, & generatio advenit; terra autem in æternum stat.* In quibus verbis evidentissimum est, stationem terræ non ratione loci, sed ratione perennitatis intelligi. Quando vero pergit versio vulgata, vers. 5. *Oritur Sol & occidit, & ad locum suum revertitur; ibique renascens, gyrat per meridiem &c.* hæc ac sensum hominum commode intelliguntur; prout certe ipsimet Copernicani frequentissime oriri solem vel stellas, occidere, culminare &c. & vere quidem ad sensum. Oritur enim sol vere, h. e. supra horizontem apparet, infra quem paulo ante adhuc latuerat; sive ejus corpus localiter attollatur supra horizontem cum terra immotum; sive horizon cum terra mobilis infra solem immobilem deprimatur: utrobique enim effectus verus aliquis ortus est, & quasi nascentia solis è latebris emergentis. Sic ad locum Jos. X, v. 13 dum provocant Anti-copernicani, illi ex Copernicanorum æque ac ex adversariorum hypothese suppetit interpretatio, ut salva interim sit S. textus litera. Cum enim Josua non dixisset l. c. absolute *sol ne movearis*, (ex quo colligi utique debuisset, alias solem ordinarie moveri, quod equidem Josuam credidisse tunc cum omnibus aliis hominibus, non negaverim) certum est tamen, ipsum istis suis precibus limitatis, *Sol ne movearis contra Gabaon, & luna contra vallem Ajalon*, nihil aliud intendisse, quam ut DEUS miraculose prolongaret diem, solis lunæque lumen (quamvis hoc ne opus quidem erat, illo permanente) supra terras Gabaon & Ajalon, consisteret. Cumque DEUS exaudivisset has Josuæ preces, *stetit sol in medio cæli: h. e. non festinavit* (ut alias ad sensum facit) *occumbere spatio unius diei.* Hoc autem fieri potuit, ac textus litera servari, sive DEUS solis motum (quem Tychonici hodie realem credunt, & hunc etiam talem fuisse supponunt) stitisset; sive terræ vertiginem (quam Copernicani ut veram agnoscunt) tantisper cohibuisset. Hoc igitur pacto, stante & salva litera, parum interesse quibusdam videbitur, utra hypothesis ei interpretandæ adhibeatur.



IV. Major difficultas objicitur, ubi applicata hypothesi quadam, ipsa dicti cujusdam litera salvari non potest; quale omnino esse videtur dictum I. Paralip. XVI, (quod in Lutheri versione est XVII, ubi inter multa egregia præconia Divini Numinis, hæc tandem verba in vulgata adjiciuntur: *Commoveatur à facie ejus omnis terra. Ipse enim fundavit orbem immobilem*; ubi Lutheri versio cap. XVII v. 30, habet: *Es fürchtet Ihn alle Welt. Er hat den Erdboden bereitet / daß er nit beweget wird.* Quæ possint hæc verba explicari, ut motus terræ copernicanus una stare queat, non video. Ita cum Psalm. XIX. v. 6. 7. (vulgatæ Ps. XVIII.) dicitur. *In sole posuit (DEUS) tabernaculum suum; & ipse tanquam sponsus procedens de thalamo suo, exultavit ut gigas ad currendum viam à summo cælo egressio ejus & occursum ejus usque ad summum ejus* quæ verba sic vertit B. Lutherus noster. *Er hat der Sonnen eine Hütten in denselben gemacht; Und dieselbe gehet heraus / wie ein Bräutigam aus seiner Kammer und freuet sich wie ein Held zu lauffen den Weg. Sie gehet auf / an einem Ende des Himmels / und lauffet um biß wieder an dasselbige Ende.* Videant Copernicani, num possint huic loco interpretationem invenire quæ literæ vim non inferat, soli interim asserta in centro mundi quiete. Quicunque igitur religioni sibi ducunt à litera recedere, iis utique consulero, ut vulgari seu Tyconicæ hypothesi adhærescant; quia Copernicana, utut faciliior, concinnior, & rationi magis conveniens, tanti tamen non est, ut cum scrupulo conscientia foveatur.

V. Quicunque vero convictos se sentiunt, plurima in sacris literis incidenter & per occasionem dici de rebus præsertim ad fidem nihil pertinentibus, quæ aliter, & ut res ipsa habet, dicta, simplicem plebeculam (cujus utilitati vel maxime destinatus est codex revelationis) magis turbarent & confunderent, quam informarent; in iis ad opinionem & præjudicia vulgi passim se accommodare Sp. S. & speciatim de præsentī negotio ex vulgari sententia potius, quam ex opposita, si maxime verior esset,



Ter ubique loqui, tanto securius credunt, quod de seipso quoque DEUS, primario fidei objecto, ea passim loquatur, quæ ἀνθρώποις dicta & plebis simplicitati accommodata ipsi prudentiores Theologi agnoscunt. Et crudius paulo judicant ii, qui hoc ipso, falsitatis alicujus, aut culpandæ simulationis DEUM sanctissimum, indirecte saltem argui, contendunt; dum similia piorum parentum & prudentiorum concionatorum consilia, sine propriæ imprudentiæ prodicione damnare non audent. Ex quo sua sponte sequitur, controversias de rebus naturalibus è Scripturis dijudicandas aut decidendas nequaquam esse; utpote quarum alius ac diversus plane scopus est; quem verbis apertissimis & prolixis inculcat Apostolus I. ad Tim. III. 15. 16. 17.

VI. Cum igitur nec S. literarum ulus legitimus sit, eas ad lites philosophicas dirimendas, tanquam iudices advocare, nec etiam sensum admittere iudicem liceat, quia motum planetarum ab occasu in ortum non minus observat, quam communem ab ortu in occasum; quem utrumque tamen per se simul verum esse est impossibile; ideo licebit mihi, spero, in quaestione pure philosophica, quæ nec ad fidem nec ad mores honestos spectat, solam rectam rationem, ut iudicem, accersere. Hæc vero, ubi subducto calculo agnoverit (1) si stellis fixis motus primus circa terram immobilem attribuat, aliquas ex illis, æquatori vicinas intra temporis momentum, seu illud intervallum, quo claudi oculus & aperiri rursus potest, octingenta & septuaginta quinque milliaria germanica percurrere debere, quæ celeritas & immanis raptus omnem mentis cogitationem longissime supergreditur. Hujus vero consequentiæ manifestam certitudinem demonstravimus in Epicr. cap. II. Art. II, 2) Illud vero jam supra alicubi, ni fallor, monitum est, hæc stante hypothese, continuatis infinitis in singulos dies miraculis opus esse, ad obtinendum innummerabilium, quarum nulla forte æqualem cum alia circulum decurrendum habet, simultaneum ad sua principia reditum. Quod enim num II. proxime antecedentium Hypoth, illum ad-



eo mirabilem effectum à provido & conspirante innumerabilium intelligentiarum consilio sperari posse creditum est, id tot agentium finitorum & libere quidem agentium, vires excedere omnino videtur; juxta ea, quæ cap. III. Epicr. I. num. III. & IV. dicta sunt.

VII. Quam nihil autem horum incredibilium & incomprehensibilem metuendum est in hypothesis Copernicana, unicuique terræ globulum viginti quatuor horarum intervallo, in vortice solari cum cæteris planetis, proportionem circulorum, in quibus feruntur, circumvolvi statuerent? Posterior enim difficultas longe maxima penitus hiecessat: quandoquidem fixæ stellæ in hac hypothesis prorsus immotæ, & propter motum seu vertiginem telluris, cum cujusque regionis horizonte, versus ortum, via contraria in occasum progredi visæ, eodem momento eidem horizonti eadem semper obviant, quæ ipsi semel obviarunt &c. prior vero, loco stupendæ illius rapiditatis, quæ stella fixa æquatorealibus, quovis oculi nictu 900 fere miliaria germanica, provehi necessum habet, si intra spatium temporis *πυλὸν* immensum circuitum absolvere debeat, vertiginem cujuslibet puncti in superficie telluris, & quidem sub æquatore circulo celerrime omnium rotato, intra idem momentum unius oculi nictus, non nisi 250 passus absolvere necessum habentem, substituit; id quod sequente computo ad oculum patebit. Totus telluris ambitus, uti Sect. I. præsentis operæ suo loco demonstravimus, complectitur 5400 mill. german. quæ divisa per 24, producant 225 ætalia miliaria, una hora, à certo quodam terræ puncto, emetienda. Quod si hæc 225 miliaria, per 60 porro dividamus, habebimus  $3\frac{45}{60}$  sive  $3\frac{3}{4}$  miliaria, eidem puncto intra horæ min. primum sive sexagesimam partem decurrenda. Hæc  $3\frac{3}{4}$  miliaria faciunt (4000 passus pro uno milliari, communi geographorum consensu, supponendo) 15000 passus: qui numerus per 60 ulterius divisus, dabit passus 250 pro spatio, quod punctum terræ quodvis, intra minutum horæ secundum, ) quod interpulsio hominis sani  
proxi-



proxime respondet ) sive momentum unicum , conficiendum habet, Q. E. D.

VIII. Obsecro itaque vos , qui vel conscientiae scrupulo urgente à S. Scripturae litera discedere religioni vobis ducitis , vel excommunicationis fulmine & gravibus Ecclesiae, vim coactivam sibi tribuentis , poenis deterriti à sententia Copernici vel ejus aperta professione, meo judicio, prudenter abstinete , obsecro vos, inquam, an alios, quos nec scrupulus ille conscientiae urget, ( utpote plenissime , & sincero corde, persuasos, quod Sp. S. in allegatis supra dictis, res fidei non attingentibus, ad simplicis plebeculae captum prudentissime & innocentissime se accommodaverit ) neque cogens illa vis humana ( à qua DEI gratia immunes sunt ) obligatos credere potestis, ut, nulla eos revelatione adigente , rationem suam , ut in mysteriis fidei, captivent , ac illa obstinatissime non sine causa reluctante, coelum ac stellas, ingentia stupendaque , eaque innumerabilia, corpora , incredibili ac ne cogitabili quidem rapiditate , jam à sexaginta fere seculis continuata, id munus exsequi credant, quod unius parvuli globi levi volubilitate , quæ sui exempla quotidie in his terris offert , expediri potest ? Posita namque coeli facie, qualem Fig. 21. num. 1. exhibet, observatore c solem vidente vicinum e. g. horizonti occiduo B, ac Jovem supra ortivum A paulisper elevatum, infra hunc autem adhuc latente Martis sidere ; sive jam immoto horizonte AB & observatore c. sol cum vicinis stellis reali motu infra horizontem occiduum B descendat , Jove ex adverso magis magisque ascendente , & Marte ipsum horizontem ortivum jam stringente , uti num 2. videre est ; sive, immoto sole stellisque cæteris, observator c cum tellure, adeoque horizonte suo A tantundem in contraria orientem versus circumvehatur, ut num. 3. factum cernitur ; utrobique certe idem plane stellarum positus respectu horizontis, observatori dicto manifestissime exhibetur, ac ascendisse alia ex parte orientis, alia in occidentem depressa magis videbuntur &c. Equidem , si per revelationem Divinam ( nec



enim aliter, credo, fieri potuisset) nobis fuisset clare patefactum, illo incomprehensibili & miraculis perpetuis plenissimo modo in gubernanda natura sua uti DEUM potius voluisse, quam hoc altero facili & concinno; tunc rationis oculos claudere nos oporteret, & hæsitante licet illa, lubentissima tamen, nos opræ (quod etiam certissime novit) Omnipotentem non solum præstare posse illa incomprehensibilia, sed etiam sapientiam maximam (etsi rationi nostræ non perspiciendam) sub illa incomprehensibilitate absconditam voluisse &c. Verum cum ejusmodi revelationem, certam quidem & indubiam, nullibi reperiamus; non solum licitum erit rationi non insanire, nec incredibilia credere velocitatem vel insanam rapiditatem potius, cujus exemplum, præter hoc controversum, in natura monstrare est impossibile, quam aliam quotidie obviam, non admittere, nec innumerorum ope & opera fieri supponere, quod non per pauca, sed per unicum expediri posse ne adversarii quidem negare audent &c. sed etiam cavere illa in conscientia tenebitur, ne omnipotenti, sed in simul summe-sapienti, eam attribuat potentiam, quam ipsa, humano more & secundum connata sibi principia, cum imprudentia maxima conjunctam, esset judicatura. Quis enim, quanti sapientior inter homines, tanto magis eum ex terræ potentibus imprudentiæ summæ non argueret, qui centies mille armatorum exercitu expedire negotium præsumeret, quod unius cataphracti ministerio exsequi valeret. Absit itaque & longissime absit de omnium Sapientissimo simile quippiam vel cogitare, nedum acriter defendere.

IX. Quæ huic, sanæ rationi multo congruentior modo obicere nihilominus, tanquam absurda inde consecutura, solent, ut quod gyrante adeo celeriter tellure ab occasu in ortum, ex opposito nubes, aves &c. temper ab ortu in occasum deberent, apparenter saltem, moveri; ventus orientalis perpetuus, ob æris resistantiam flare; ædificia omnia corruere, & corpora terrestria coelum versus excuti; nec aves volare in occidentem, nec homines eo iter facere possent; Globus è tormento explosus

orien-



orientem versus , non ante , sed post tormentum cadere deberet ; In occidentem autem explosus duplo longius ejici, quam si in ortum exploderetur ; lapis è turri demissus ad ejus radicem non prolapsurus , sed ex parte occidentis post turrim relinquendus , ex parte orientis autem , ab eadem propellendus &c, quibus omnibus tamen manifesta experientia reclamet ; ad ea respondere in compendio possumus 1) quod judiciosiores ex ipsis anticopernicanis ( nominatim Ricciolus , quo nemo alius majori diligentia & attentione innumera fere argumenta , quæ pro terra vel mota vel immobili , vel etiam contra utramque hypothesein ab adversa parte , tunc allata fuerant , excussit & examinavit ) has similesque consequentias bene - multas recte procedere ipsimet negarunt ; maxime , quod 2) principales hypotheseos conditiones , illa cum primis , qua totum systema elementare , aqua nempe aër & ignis , una cum sicco terræ nucleo ab eodem fluido ætheris vortice circummagi supponuntur ; quod 3) quæ circa motus particularium corporum in hypothesei terræ motæ , tanquam dubia credebantur , circa motus similium corporum in navigiis actu ipso moti , indubiis experimentis , confirmantur : id quod sigillatim ostendi posset , si foret operæ pretium.

X. Illud potius adhuc monendum est ; iniquum esse , si adversus speciosissima etiam argumenta excepisse satis habent ii quibus propositum est τὴν θείαν φυλάττειν : utcunque , dicentes , speciem habeat allata argumentatio ; esse tamen , quod vel limitando , vel distinguendo excipi queat , non raro limitationem vel distinctionem ex tempore confingendo , quæ nunquam antea ipsorum mentem subierat , & quam necessitas potius eludendi vim argumenti potius quam veritatis studium suggesserat : ut scilicet causari possint , ( quod faciunt non pauci in præsentī controversia ) utut speciosum videatur illatum , nondum tamen esse rem vere demonstratam. Quibus omni jure reponi potest illud Aristotelis I. Nicomach. c. III. πεπαιδευμένοις γὰρ ἔστιν, ἐπὶ τοσούτον τ' ἀκριβὲς ἐπιζητεῖν κατ' ἑκάστον γένος, ἐφ' ὅσον ἂν τῷ



ἢ τῶν πράγματων φύσιν ἐπιδέχεται. παραπλησίον γὰρ φαίνεται, μαθηματικῶς τε πιθανολογῶντων ἀποδέχεσθαι, καὶ ῥητορικὸν ἀποδείξεις ἀπαιτεῖν. h. e. Eruditi hominis est, eatenus accurratam  
 “veritatem exquirere in unoquoque genere, quatenus rei na-  
 “tura admittit. Simile enim est (& æque absonum) Mathema-  
 “ticum persuadentem probare, & à rhetorico demonstratio-  
 “nem requirere. Nempe (ut hoc Aristotelis iudicium præsen-  
 ti negotio applicemus) in physicis quidem nonnulla satis accurate  
 demonstrari possunt (cujus asserti luculenta specimina doctrina  
 de eclipsibus suppeditat, ut & de visionis natura, de aëris pon-  
 dere & elaterio &c.) alia plurima per suppositiones ac hypotheses  
 tractanda veniunt; quarum quæque tanto melior judicanda est,  
 quanto rectius, non solum 1) phænomeno primario & præci-  
 puo explicando, cum aliqua veri specie inservit; sed etiam 2)  
 cæteris secundariis eorumque circumstantiis, satisfacit; tanto 3)  
 pejor, quanto paucioribus respondet; pessima denique 4) ac-  
 que adeo ne digna quidem hypotheseos physicæ nomine, quæ  
 nulli penitus phænomeno vel circumstantiæ accommodari po-  
 test. Ulterius autem 5) si plures concurrant in eodem rerum  
 genere, phænomenis & eorum circumstantiis æque satisfaciennes  
 illam quæ simplicior est & conceptu multo facilior, paucioribus  
 insuper suppositis constans, cæteris utique præferendam esse,  
 recta ratio dicitur. Ex quo dictamine in præliminaribus Tom.  
 I. seu partis generalis Artic. III. num. I. (ubi de bonitate & pra-  
 vitate hypoth. physicarum ex professo egimus) necessitati fui-  
 mus in antecessum concludere: Copernicanam hypothesin de  
 terræ motu diurno & annuo, Tychonice terram immobilem sup-  
 ponenti, palmam utique præripere, causamque in foro philo-  
 sophico vincere, utpote multis modis simpliciore, extrica-  
 tiorem, & expeditiorem.



## CAPUT II.

De

*Cælestium corporum alio quodam & priori contrario, ab occidente in orientem obliquius incedente motu.*

### I. PHÆNOMENA.

**P**HÆN. I. Cum ad generalem illum universorum corporum cælestium motum, de quo cap. præced. actum est, accuratius paulo attendissent naturæ curiosi, non potuerunt non, quod alibi jam incidenter dictum, observare, inter cæteras stellas immutato situ & ordine in occasum procedentes, aut procedere visas pauculas quasdam, quæ cum istis quidem ab oriente in occidentem quotidie pariter circumferri videbantur, interea tamen, & ab invicem, & à fixis cæteris, discedere magis magisque, alio vero tempore rursus ad eas accedere, nunc sub his, nunc sub aliis fixarum asterismis conspicuas; ita quidem, ut hic earum discessus aut accessus ordinarie ab occidente orientem versus fieri, distincte notarentur, neque tamen secundum æquatoris ductum aut parallelo ipsi (uti motus primus fieri solet) sed obliquo magis minusve tramite, ab austro in boream, & contra, secto transversim æquatore, declinante: Et hæc, erroneo quasi ac vagabundo motu, sub exercitu fixarum ferri solita corpora, tanquam capitaneos, duces & chiliarchas, jam olim *Planetas* h. e. *Errones*, appellarunt, & si revera non errent aut vagabunde sine legibus discurrant; sed præfixos sibi à Conditoribus limites adeo solícite observent ut Astronomis collatæ inter se complures observationes, indubias pepererint regulas, è quibus de singulorum concursibus & aspectibus variis infallibiliter fere in futura quæque tempora satis exacte statuere possunt.



*PHÆN. II.* Et speciatim quidem sol, sub duodecim notissimis asterismis, *Arietis, Tauri* &c. sensim ab occasu in ortum oblique deviando, circulare decurrere tramitem annuo, h. e. 365. dierum & quod excurrit, spatio cernitur; quem à fictitiis istis animalium figuris *Zodiacum*, ab eclipsibus autem solaribus imprimis sub ejus ambitu fieri solitis *Eclipticam*, appellarunt, ab æquatore, qua parte maxime distat, hic in boream, ibi in austrum,  $23\frac{1}{2}$  circiter gradibus declinantem, eundemque in duobus punctis oppositis intersecantem. Quæ quidem viæ solaris obliquitas efficit, ut sol altero semestri, non solum in *Horizonte* borealior semper oriatur & occidat, ac motu primo ad *Meridianum* delatus, vertici magis magisque immineat; altero vero semestri, & ab hoc in Meridiano circulo, & ab æstivo ortu, in horizonte, austrum versus magis magisque descendere quotidie videatur: prout infra de sole speciatim acturi, pluribus ac distinctius enarrabimus.

*PHÆN. III.* Cæteri planetæ, Saturnus, Jupiter, Mars, Venus, Mercurius & Luna (♄, ♀, ♁ & ☾) eadem fere via cum ☉ sub duodecim istis *Arietis, Tauri, Geminorum* &c. constellationibus incedunt; nisi quod subinde ad latera paulum declinent, in boream magis vel austrum evagantes: ita ut ipsorum circuli viam ☉ lis vel eclipticam, non aliter ac hæc æquatorem, in duobus punctis (ea *Nodos* vulgo dicunt) intersecent. Et has quidem orbitas suas circa terram, in æqualibus admodum temporibus emetiuntur, cum *Saturnus*, triginta circiter annos, *Jupiter* duodecim, *Mars*, biennium fere, ♁ & ♀ cum sole annum circiter spatium, ☾ vero non nisi mensem unum, insumant; dum ab aliqua stella fixa orientem versus digressi, ad eandem ab occidente redeunt.

*PHÆN. IV.* Et isti quidem *antiqui & primarii erronei* sunt, jam olim veteribus cogniti. Hoc nostro vero ævo, detecti sunt per telescopia plures alii *secundarii* (de quibus Artic. II. cap. IV in phænomenis & hypothesebus plura dicta sunt) qui circa Jovis & Saturni globos, uti Luna circa terram, paucis



paucis diebus circumvoluti, una cum ipsis primariis suis (eodem modo, quo ♀ & ☿ cum sole, à quo nunquam longius discedunt) etiam terram intra designatum supra tempus ambire & per omnia zodiaci signa provehi observantur.

*PHÆN. V.* Denique uti planetæ, tum inter se, tum respectu fixarum, situm in cœlo locumque mutare subinde deprehenduntur; ita fixæ quoque, licet eundem inter se ac immutatum positum perpetuo servantes, respectu tamen eorum punctorum æquatoris, in quibus à via solis intersecatur, & sol, tum verno, tum autumnali tempore transiens æquinoctium facit (unde *puncta æquinoctialia* dici meruerunt) positum universa sua sphaera ita immutarunt notabiliter, ut e. g. arietis asterismus, qui quondam puncto æquinoctiali verno vicinus, eidem illi eclipticæ parti duodecimæ nomen suum indiderat, uti tauri asterismus sequenti &c. hodie toto fere illo dodecatemorio primo egressus, in secundum; Asterismus tauri in tertium, & sic cæteri asterismi in cætera dodecatamoria, emigrarint; adeo lenta quidem actarda promotione, ut *Hipparchus*, & post hunc *Ptolemæus*, (quibus jam olim isthæc mutatio ex collatione suarum & antiquiorum, *Timocharidis* præsertim & *Aristilli*, observationum, innotuit), intra seculum integrum non nisi unius gradus variationem induci statuerint; cui hodie tamen complures Astronomi, annos circiter 72 sufficere cum Ricciolo existimant.

## II. HYPOTHESES PRINCIPALIORES circa planetarum proprium, sive secundum, motum ab occidente in orientem.

### I.

**P**rimo loco rursus brevissimis explicanda est *Aristotelis* post *Eudoxum*, & hujus sectatorum per plura secula innumerabilium hypothesis, quæ, cum uni continuæ sphaeræ cœli solidæ



affigere stellas omnes, per ea phænomena, quæ hoc capite recensuimus, amplius non liceret, eam in diversos orbes cavos ita secuit, ut inferior quilibet convexitate sua intra proxime - superioris cavitatem concluderetur; tam arcte quidem, ut hic in occidentem circumactus, illum una secum, ut & cæteros similiter sibi invicem successive inclusos, circumraperet. Atque horum supremo fixarum stellarum universum exercitum eo modo affixum etiamnum tenuit, quem cap. præced. Hyp. I. declaravimus; proxime inferiori Saturni corpus solum affixit; tertio Jovis sidus &c. ita ut infimus omnium Lunæ globum, uti gemmam annulus, complexus, sua cavitatem sphæram hanc elementarem ambiret.

II. His positis, ut phænomenis cœli hoc capite annotatis, satisfieret, jubebatur (uti supra jam dictum) præfecta fixarum orbi intelligentia hunc & cum eo inclusos cæteros, & insertos sibi invicem omnes, intra 24 horarum spatium, immani rapiditate, ab ortu in occasum circumrapere; & sic salvus credebatur motus primus seu communis omnium. Deinde ut proprius etiam & secundus emergeret, suæ singulis orbibus inferioribus præpositæ intelligentiæ hos in contrarias partes gyrate. quanto possent nisu, jubebantur; & quidem, ut immensam supremæ intelligentiæ vim & orbis octavi rapiditatem, inter polos mundi & secundum æquatoris ductum incedentem, aliquatenus declinarent; obliquius aliquantum ab æquatore in plagas borealem & australem deviantes: Sic enim futurum esse, ut secundus hic motus, sive planetariorum orbium contrarius nisu esset tanto major ac efficacior, quanto ipsorum quisque à primo illo seu supremo mobili foret remotior; ut adeo Saturni orbis tardissime, lunaris omnium celerrime, revolutiones integras absolverent; satis equidem ingeniose pro simplicitate istius ævi, & pro phænomenorum, tum adhuc pauciorum, requisitione.

III. Secunda hypothesis, ad primam quam proxime accedens, ea est, quæ motum primum ipsi cœlo sive ætheri fluido universo, stellas intra se quasi natantes universas una secum in orbem rapiendi tribuit (vid. Hypoth. II, cap. præced.) alterum autem stellis ipsis adscribit, quæ vel interna quadam vi divinitus ipsis indita vel intelligentiarum singulas moderantium virtute & consilio, contra torrentis illius ætherei vim, sui raptum magis minusve retardent, & obliquo tramite sensim in contraria enitantur, ac circulos suos, pro



pro ratione magnitudinum suarum, minori vel majori temporis intervallo absolvant. Vid, Ricciol. lib. VI, cap. XVIII. num. XVII. p. 455.

IV. Tertia hypothesis, modo laudato Ricciolo, Honor. Fabri, Joh. Baptistæ du Hamel, p. 160, Astron. Phys. aliisque viris ingeniosis magis arridens, ita conciliat contrarios illos motus, communem nempe omnibus ab ortu in occasum, & proprios singulis, ab occasu in ortum conficiendos; ut non nisi priorem corporibus istis inesse, posteriorem autem apparentem tantum, è prioris varietate quadam resultare statuatur. Nimirum 1) omnia quidem corpora cœlestia per ætherem, sive corporis & materiæ penitus expertem, sive tenuitate sua incomprehensibili facillime cedentem ab ortu in occasum motu diurno & communi rapi; sic tamen, ut fixarum exercitus omnium velocissime promotus, integrum cœli ambitum abolverit, tum planetarum corpora, tanto quidem tardius provoluta, quanto propius à terris absunt, tantillam adhuc suorum circulorum portionem emetiendam habent, quantam nobis ex illa retardatione, in partes contrarias motu proprio retrolatæ apparent: h. e. g. 4; 24 paulo plura minuta prima; ♀ dimidum circiter gradum; ☉. ♀. & ☿. fere integrum; ♃ denique omnium tardissima, gradus quasi duodecim & amplius.

V. Porro vero, ut aliis etiam circumstantiis satisfaciatur hæc hypothesis, supponit 2) retardatum illum magis minusve planetarum motum diurnum, non perfectos circulos ex uno puncto in idem redeunt, sed lineas potius spirales describere, atque ita apparentem in singulis motum proprium / videri quoque magis magisque nunc in boream elevari, nunc in austrum deprimi; prout scilicet spirarum gyri vel in istam, vel in hanc partem declinaverint. E. g. lunam, si ponatur cum stella quadam fixa S. (Fig. 20.) eodem momento vesperi occidisse in c delata isthuc motu diurno per ipsum æquatorem a c b; postridie ejus diei, cum stella S., per circulum R. S. T. interim convoluta, eodem fere horæ momento (secundum horas puta solares) quo pridie, in eodem horizontis puncto occidit. Lunam, inquam tunc nec imminere horizonti (ut potet tardius motam) nec per eundem circulum a, c, b ad occasum ferri, sed via pristina in boream tantisper detorta, per lineam d i redeuntem in e adhuc consistere; similiterque die tertio, dum eadem stella S. eadem sensibilibus via R S T ad horizontem delata cernitur, lunam altiore spiræ suæ ductu revolutam, ob eandem tarditatem suam, non nisi ad F pervenisse, ac







turalis illorum motuum verosimilior, quam fluidi coeli vortico-  
sa gyratio, quæ suspensos in ipso planetarum globos una circumdu-  
cat &c. supponit *Cartesius*, 1) circa solem ejusmodi vorticem cœ-  
lestem, qui & ipsum solem primitus generasse concipi queat, & na-  
tantes intra se planeticos globos perpetua & constanti gyratione  
(liquidem causa nulla sit, quæ hanc à DEO semel impressam ullo  
modo imminuat aut sistat) circa eundem commoveat; Venerem  
& Mercurium propius & per angustiores circulos, adeoque pau-  
ciore tempore, cæteros majore temporis intervallo ac per majores  
ambitus; prout scilicet unusquisque illorum globorum plus aut  
minus soliditatis, atque adeo aptitudinis ad perseverandum in suo  
motu habuerit. Princip. philosoph. part. III. num. CXLVI. seqq.  
2) Namque quo solidius est corpus, aut sub eadem soliditate majus,  
coaptius etiam esse, cæteris paribus, ad recedendum à centro mo-  
tus orbicularis; prout vel res tormentaria docere possit: indeque  
adeo 3) si ponantur Veneris & Mercurii corpora minus solida, atque  
adeo ad recedendum à centro vorticis ineptiora, remotioribus ab  
eodem centro globulis (vid. Princip. philos. p. III. num. CXXI.  
seqq. & CXLVII.) globisque Jovis & Saturni &c. illos etiam neces-  
sario ad Solem profundius descendisse, cæteros remotos magis sus-  
pendi eo scilicet quemque loco, ubi motum vorticis & gyrantis æthe-  
ris offenderit soliditati suæ & aptitudini ad obsequendum illi propor-  
tionatum.

VIII. Sic autem ductis 4) circa Solem planetis, tam propiori-  
bus ipsi tum remotioribus, cum terra intra eundem vorticem sit  
evidenter collocata, & quidem (quod Artic. II. cap. IV. Hy-  
poth. secundis num. II. jam advertimus) inter Venerem & Martem  
media (Vid. interim Fig. 18.) nec ullis uspiam firmata fulcris, sed  
libere pendula; non posse non illam quoque una in circulo pecu-  
liari, cujus semidiameter sit ipsa terræ à sole distantia, circa eun-  
dem provolvi; ita ut postea terricolæ, hujus annui motus ignari,  
eum soli potius ac vicinis planetis & &rio tribuant: qua de re  
infra specialius. Denique 5) quod in aquarum vorticibus frequen-  
ter observetur, in hoc majori cœlestis materiæ vortice, alios  
esse vortices minores circa 4, h, ♂, terram, qui in easdem  
partes cum majore gyrati, & ipsos illos globos centrales circa cen-  
tra propria convolvant, & pendulos intra suos ambitus planetas se-  
cundarios, una secum abriplant, e. gr. lunam circa terram, sidera  
Medicæa circa Jovem &c. ipsimet interim à vortice primario circa  
Solem, exposito ante modo delati.



IX. Dignissima sunt quæ *Henricus Morus* in Epistola ad V. C. Enchirid. Ethico subjuncta p. m. 24. & seqq. circa hos vortices Cartesianos analytica methodo philosophatur. Posteaquam enim in antecedentibus non intelligibiles Aristotelicorum formas substantiales fusius explosisset; ita tandem alleg. p. pergit. Venerem „citra ultraque Solem circuitus suos peragere, ex ipsius phasibus „constat eademque ratio est de Mercurio, Martem autem Jovem & „Saturnum circa Solem ferri, nemo adhuc dubitavit. Hos igitur „quinque planetas circa Solem ire ac redire manifestum est. Quæ- „rendum est deinceps, an moveantur viam sibi secundo per mate- „riam ætheris, an motu ipsius ætheris circumvehantur? Primum „autem non fieri, ex eo liquet, quod tam celeres planetarum tan- „tus materiæ cœlestis resistentia impediret, perderentque pauxillo „tempore motum suum, fluido ipsum ætheri communicando. Re- „liquum est igitur, ut circumvehantur ipsius ætheris motu, totaque „materia cœlestis, cui innatant, vorticis instar, circa ipsum solem „torqueatur. Investigemus tandem, quid de terra fiat, quæ pro- „cul dubio intra limites hujus vorticis invenitur. Stabitne illa in „rapido hoc flumine, an movebitur? Quibus autem uncis, quibus „funibus & anchoris in profundo hoc mari detinebitur? sed singa- „mus, eam vi aliqua supernaturali & immateriali stabilem & defi- „xam. DEUS bone! quantas procellas excitabit hoc contra san- „ctissimas Naturæ leges admissum! Cœlestis enim materia rapidis- „simi torrentis instar telluris faciem tanto insultu impetuque afflige- „ret, ut animalia, arbores, turres, omniaque prorsus ædificia dirue- „ret, secumque abriperet, imo universam terram decorticaret, & „saltem ad metallicas usque regiones penitus diffringeret, abrup- „tasque partes, admodum infandi naufragii secum in vasto hoc pe- „lago transportaret. Terram igitur oportet permittere, juxta „naturæ motusque leges, cum reliquis planetis ætheri quiete inna- „tantibus circa Solem circumduci.

„X. Et ne forte interim de Luna sis sollicitus, cum certum sit, „eam circa terram perpetuo singulis mensibus, tanquam assiduam „illius pedisequam circumcurrere, nec id fieri posse, nisi ope vor- „ticis, quemadmodum jam demonstratum est, necesse est, ut luna „peculiari vortice circa tellurem circumferatur. Cujus in medio „cum sit ipsa tellus, omnesque illius poros materia cœlestis, quæ in „hunc peculiarem vorticem, pervadat, fieri non potest per leges na- „turæ,



naturæ, quin ipsa tellus hujus vorticis vi, in gyros circa proprium<sup>6</sup> axem rapiatur. Ut summam igitur dicam, impossibile est, si<sup>6</sup> motus corporei leges consulamus, quin terra diurno illo motu an-<sup>6</sup> nuoque feratur, quibus olim ferri eam docuit Ethnicorum sapien-<sup>6</sup> tissimus Pythagoras, cujusque doctrinam ante seculum unum & al-<sup>6</sup> terum Nicolaus Copernicus in lucem revocavit. Vides, ex quam<sup>6</sup> perspicuis simplicibusque principiis vel inviti ducimur ad eam hy-<sup>6</sup> pothesin (si modo hypothesis illa dicenda sit, quæ reali naturæ<sup>6</sup> compage necessario continetur) qua posita rationes & causæ, non<sup>6</sup> possibiles vel probabiles, sed necessariae & ineluctabiles, omnium<sup>6</sup> fere phænomenon, quæ Astronomorum ingenia per tam multa se-<sup>6</sup> cula torserant, manifesto deteguntur. Non enim magis necessa-<sup>6</sup> rio corpus nostrum in Sole umbram projicit, quam ex hoc rerum,<sup>6</sup> quod demonstravimus, systemate Pythagorico nota illa planeta-<sup>6</sup> rum phænomena omnia, quæ mox ordine breviter recensebimus,<sup>6</sup> consequuntur &c.

XI. Multa adhuc de Kep'eriana hypothese huc congerere pos-  
semus, si pretium operæ futurum esset, post adeo plana faciliaque  
conceptu supposita, tot alia maximam partem obscura subicere.  
Enarrat enim nobis Ricciolus Lib. IX. Almag. novi Sect. IV. 298. &  
seq. quatuor diversas causas motus terræ diurni annulque effectri-  
ces. 1) enim DEUM ipsum ab initio vertiginem diurnam terræ  
impressisse, ex qua omnes subsequentes rotationes vigore continua-  
to promanarint, sicut pueri rotantes turbinem, imprimunt illi im-  
petum ad plurimas gyrationes; qui vigor, post absoluta jam plus-  
quam vices centena millia vertiginum diurnarum, ideo duret ad-  
huc, quia illi nulla extrinseca obstat asperitas, aut densitas auræ  
æthereæ. Quia tamen poterat hujus motus vigor tandem debili-  
tari ob inertiam telluris renitentis aut fluentiam impetus paulatim  
elanguescens; ideo DEUM non contulisse solum ad perpetuita-  
tem & uniformitatem hujus vertiginis impressionem motus pri-  
mum factam, sed etiam 2) facultatem animamque motricem &  
conservatricem pristini impetus, secundum dispositionem par-  
tium telluris à DEO inditi. Per hanc ipsam vero dispositionem par-  
tium telluris intelligit Keplerus pag. 116. & 121. Epitomes Astron.  
Copernicane (ex qua Ricciolus hæc excerptit) 3) Fibras in globo  
telluris, seu filamenta duplicis generis, magneticas dictas fibras,  
tanquam causam tertiam, quarum primum genus vocat rectilineas  
& axi ipsius parallelas, quarum ope scilicet in parallelismo semper




conservetur &c. Secundi vero generis fibras circulares appellat, tanquam stamina circularia, quibus rectilineæ istæ fibræ axi parallelæ, circulariter axem circumstantes, intextæ sint, quod exemplo aliquarum aranearum exponi aliquo modo possit, filamenta sua radiis rectilineis & circularibus tractibus intexentium. Denique 4) etiam quartam causam agnoscit Solem, ut scilicet rationem reddat æquationis physicæ dierum naturalium, à supposita scilicet revolutione telluris æstiva paulo tardiore hyberna, idque adeo, quod intervallum inter Solem terramque majus sit æstate quam hyeme &c. Ultimo sicut Tellus incitatur ex ipsius opinione, à sole, in sua diurna revolutione, & sicut omnes primarii planeta speciem quandam emittant, qua velut manu apprehendant ac circumducant suos secundarios; ita tellurem etiam circa sui axem gylando speciem quandam emittere dicit, qualunam apprehendat, & in gyrum torqueat versus eandem plagam orientalem &c.

XII. Quod porro spectat V. & ultimum phæn. cum id in aperto sit, discessum quendam fieri stellarum fixarum à punctis æquinoctialibus aut horum vicissim ab illis, quandoquidem prima stella fulgens in cornu Arietis, quæ tempore Hipparchi puncto æquinoctiali (in quo Sol tempore verno per æquatorem transire notatur) multo propior, quam hodie observabatur, & propior adhuc antiquiorum Astronomorum Timocharidis & Aristilli, hinc enata est gemina hypothesis, altera, qua fixis universis attribuebatur motus proprius ab occasu in ortum more planetarum, salvis interim exactissime singularum distantis & latitudinibus: altera, quæ motum istum in contraria potius ipsis punctis æquinoctialibus adscribebat; ob quem fixæ ex se immotæ, videantur moveri ab illis punctis orientem versus. Hic discessus ulterius aliquibus semper credebatur æqualis, aliis anomalus & irregularis, unde orta *Anomalia præcessionis æquinoctiorum* inter quos media sententia fuit eorum, qui fixas (aut è contra puncta æquinoctialia) moveri modo in præcedentia, modo in consequentia dixerunt, novum adeo *Trepidationis* aut *Librationis* motum introducentes: de qua subtilitate (ad præsens forum physicum nequaquam spectante) prolixius agit Ricciolus lib. III. Almag. novi p. 165. & seqq. singularum sententiarum Authores distinctius enarrans.

XIII. Idem tamen Ricciolus suam sententiam dicturus, pag. 167. certum se esse dicit ab Aristilli & Timocharidis tempore usque



que ad suum, h. e. ab anno ante Christum 1330. ad annum salutis 1640. nullam extare observationem (certam puta & indubiam) qua fixa ulla stellarum visa sit retrocedere, sed eas semper visas progredi orientem versus, ideoque inania prorsus se existimare commentum *Arzachelis* ac *Thebitii*, de quo num. VI. pag. 166. dixerat. Et quamvis ante Copernicum *Proclus Diadochus* cap. 2. hypotheson Astron. referat, quibusdam visum esse, puncta æquinoctialia & tropica potius, quam stellas utrinque aliquot partibus moveri, ac rursus redire ad easdem; & *Copernico* fixis omnem motum adimenti, necessarium fuerit hunc quoque motum in puncta æquinoctialia terrestris æquatoris transferre, tamen omnes, addit, qui telluris stantis hypothesin *sequi* (NB.) *coguntur*, inter quos se quoque jure optimo esse lib. IX. Sect. 4. demonstraturus sit, debent hunc motum in coelo agnoscere: & si sensui innitamur, ut oportet, quamdiu nulla ratio evincit oppositum, debere nos, ait, hunc motum fixis potius sideribus, quam punctis æquinoctialibus tribuere; maxime cum *Lansbergius* & *Bullialdus*, annui pariter ac diurni motus assertores, fixis tamen motum proprium concedant. Succinit huic judicio Riccioli *Hamelius* Astron. Phys. lib. II. p. 111. edit. Paris. in 4. præcipue quoad observationum antiquissimarum ἀκριβειαν & exactam certitudinem, ubi *ignoscant mihi*, inquit, *Astronomia principes*, si nullam fidem eorum observationibus adhibeam, indeque sub initium pag. seq. 112. sic infert. *Quocirca verisimillimum puto, nec Solis excentricitatem, nec æquinoctia, nec demum Zodiaci ipsius obliquitatem vel declinationem maximam variari: sed omnis illa diversitas ab observationum defectu ducitur.*





### III. EPICRISIS super enarratas Hypotheses.

#### I.

**Q**uod primo loco Eudoxi & Aristotelis hypothesein attinet, ea quidem jam supra propter orbium soliditatem & præterea etiam concentricitatem, similiaque, explosa fuit: & quamvis ingeniose, quodam modo conficta sit, ad planetarum obliquum motum, secundum ductum zodiaci explicandum, dum nimirum robur supremæ intelligentiæ octavam fixarum sphaeram unaque secum inferiores omnes, secundum ductum æquatoris violentissime circumrapit; aliis tamen etiam nominibus displicere potest, e. g. quod 1) cum unico octavo sive supremo orbi stellas fixas omnes, stupendæ tum multitudinis, tum magnitudinis, stupendo quidem orbi crystallino quoque, proportionate satis affixisset, mox septimo, sexto, cæterisque orbibus inferioribus, gradatim quidem supremo minoribus, absolute tamen ita vastis omnibus, ut ambitus omnium minimi, nempe lunaris, secundum Tychonis minimam hypothesein, tercenties mille milliaria germanica communia complectatur, unicum lunæ globum (qui telluris nostræ vix quinquagesima pars est) & sic cæteri intermedii, adhuc multo majores, non nisi singula corpora, fixis pleraque saltem multo minora, quasi adferruminata habeant: quodque 2) his singulis volvendis una intelligentia, octavæ autem sphaeræ, cum innumerabilibus suis immensisque corporibus volvendæ, pariter, non nisi unica intelligentia præposita supponatur; maxime cum priores illas septem 3) obstinatissime sibi obnitentes habeat, quæ ipsa violentia in motoribus cœlestibus 4) rationi rectæ inconveniens non immerito videretur. Cui solidorum orbium octonario, si unicum fluidum vorticem immensum, juxta Hypoth. secundam substituamus, & hujus immani raptui generali, quo stellæ omnes insimul in occasum ferrentur, opposito oblique motu vel divinitus ab initio impresso, vel intelligentiarum



tiarum consilio continuato, planetas in ortum compelli supponamus; non apparet tamen, quomodo in hac fluidi orbis universalis hypothese & fixarum invariabilis distantia salvari possit nisi interventu innummerabilium perpetuo miraculorum, (uti supra jam monitum fuit;) & planetarum motus diversimode, in aliis scilicet tardius, in aliis celerius in contrarium facti, constanter servari, nisi vel DEUM sibi ipsi, vel intelligentias DEO adversari absurde dicamus, vel etiam intelligentiarum adversa consilia, simul immutabilia credamus; quod infinitis spiritibus asserere absolum foret.

II. Restat ut tertiam quoque hypothesin, quam novam vocat Hamelius in Astron. Phys. c. I. prolixè nobis expositam scient. Phys. paucis examinemus. In ea nimirum id *primo* nobis displicet, quod motum circula rem, quem coelo ac coelestibus omnes ævo omni attribuerunt, in spiras & helices commutarunt; imprimis vero *secundo* illud, quod, quæ stellæ majores habent circulos decurrendos, illos citius absolvere, quæ minores, tardius multo percurrere ad metam suam supponantur, reclamante omni sana ratione. Quam absurditatem ut declinarent aliqui, confugerunt ad fictitiâ quandam vim Telluris magneticam, qua Lunam e. g. in motu suo retardet, scilicet non nisi 50000. circiter miliaribus ab ea distantem; à qua tamen virtute tellurius magnetica, vel pusillus magnes acunchalybea nullo negotio abstrahit: ut taceam motus circulares corpora magis à centro motus amovere potius quam attrahere. Quo *tertio* accedit, quod spiralis illa deviatio nunc in boream, nunc in austrum fieri supponatur, nulla tamen addita ratione vel hujus deviationis in genere, vel specialiorum circumstantiarum. Quod si *quarto* hypotheseos hujus spiralis ulterior portio superaddatur, quam poscit motus planetarum nunc ad apogæa nunc ad perigæa tendentium; tunc tanta spirarum tricarumque prodibit confusio, quantam in filaminum lineorum glomeribus vix offendes, specimen hujus intricatissimæ figuræ in motu Martis, ab anno 1580, usque



ad annum 1596. continuato, videbis apud Ricciol. Lib. VII. sect. I. p. 504. Etsi vero Honoratus Fabri Phys. Tract. VIII. lib. III. p. 533, subinit. dicat, ea quæ dicta fuerint, saltem à prop. 32, usque ad 58, in spiralem hypothesein quadrare, quam maxime promoverit & explicuerit; addit tamen, in ea multa sibi displicere, quæ demonstraverit in append. Synops. opt. ab iis quæ nos hoc loco taxavimus, valde diversa, atque ideo aliam ipsi nov-antiquam, Ptolemaicam scilicet restauratam, ibidem substituisse: quam forte infra in Part. speciali de sole delibabimus.

III. Ad Copernicanam igitur ut tandem deveniamus hypothesein, in ipsius præ cæteris commendationem nihil rectius facere possumus, quam id ipsum, quod fecit Ricciolus, hypotheseos alias, si quisquam alius, industrius, at in simul sincerus, antagonista, necessarium omnino judicans, lib. IX. sect. IV. cap. IV. p. 396. volenti seu propugnare, seu oppugnare  
 “ Copernicæam hypothesein, prius illam exploratissimam habere,  
 “ omnesque ipsius partes penitus introspicere debere; ut scilicet  
 “ explicatos habeamus tres quatuorve motus telluris, à Coper-  
 “ nico & sectatoribus attributi, eorumque conditiones (NB)  
 “ admirabiles. Primo igitur Copernicus lib. I. revolutionum  
 “ cap. 5. & 8. negat stellas fixas & planetas moveri motu ullo  
 “ primi mobilis ab oriente in occidentem, ut vulgo Astronomi  
 “ æstimant; sed loco hujus motus, substituit diurnam terre-  
 “ stris globi ex terra, aqua inclusa, & aëre circumfuso atque  
 “ cognato (adde cum omnibus omnium habitatoribus & in-  
 “ digenis) compositi vertiginem, qua circa corporis sui centrum  
 “ & axem horis 24. revolvitur, ab occidente per meridianum  
 “ versus orientem. Nam omnia quæ moveri videntur secundum  
 “ locum, aut videntur ita moveri, quia revera ipsa mutant locum,  
 “ aut quia ipsis immotis, movetur visus seu oculus videntis; aut de-  
 “ nique quia & objectum visum, & oculus videntis moventur in-  
 “ æqualiter: si enim visus & objectum moverentur pari celeri-  
 “ tate versus eandem mundi partem, nullus perciperetur motus  
 “ inter



“inter rem visam & videntis oculum, ut *egregie* ratiocinatur  
 “Copernicus illo cap. 5, sive igitur stellis deputetur revolutio  
 “diurna in occidentem, sive telluri nostræ visuique, qui ex  
 “terra stellas spectat, tribuatur ea revolutio, sed ad partem op-  
 “positam, videlicet orientem versus, perinde omnia mo-  
 “tus diurni phænomena nobis apparebunt, & nobis obviam  
 “euntibus videbuntur stellæ oriri, & paulatim ascendere supra  
 “horizontem usque ad meridianum; nobis autem ultro præ-  
 “tereuntibus, & stellas à tergo destituentibus, videbuntur illæ  
 “descendere ad horizontem, ac tandem occidere &c. quorum  
 “similia cum jamjam plura cap. præced. dixerimus, ulterius  
 aliqua de motu telluris diurno superaddere hic superfluum ex-  
 istimamus.

IV. *Secundus* igitur telluris motus, quem inter superiores  
 hypotheses, à num. VI. usque ad X. inclusive jam satis proba-  
 bilem reddidimus, ut ex pleniore totius hypotheseos adspectu no-  
 vum probabilitatis & credibilitatis augmentum capiat; age in-  
 spiciamus Fig. 19. in qua *Sol* non in ipso centro mundi,  
 si Copernicum audiamus, sed circa vel prope centrum mundi  
 (rectius credo, quia mundi hujus infinito similis centrum uti-  
 que ignoramus, in medio planetarum, sive centro omnium  
 illorum motuum) constituitur, proximus autem ipsi circum-  
 fertur *Mercurius* in parvo circulo, per quem ideo parvo etiam  
 tempore 80 circiter dierum, delatus scilicet cum cæteris plane-  
 tis omnibus ab orbe sive vortice fluido circa solem in dicto cen-  
 tro localiter quidem quietum, in vertiginem tamen (velut in-  
 fra in parte speciali patebit) ab eodem vortice circumactum;  
 Deinde laxiore ac remotiore peripheria *Venus* revolutione  
 mensium circiter 9; circa quem porro telluris & aquæ globus,  
 cum tota sphaera elementari, & cum luna lunarique coelo,  
 versatur periodo 365 cum quadrante circiter diei; supra hunc  
 orbem autem, Copernico annum, & cum addito sæpe mag-  
 num dictum, *Mars*, bima fere, *Jupiter* duodecenni & *Satar-*  
*nus* tricennali periodo revolvuntur, omnes in orientalem pla-  
 gam.



gam. Extrema vero sphaera fixarum, immenso plane intervallo à Saturni ambitu separanda, tanquam immobilis & quiescens, supponitur. Omnia hic concinne, circa unicum centrum lucidum, cætera omnia in eodem vortice generali contento illuminans, disposita, & pro ratione spatiorum, proportionatis etiam temporibus, directe semper & regulariter circumlata.

V, Ordinata vero hæc & concinna sedecim planetarum, tanquam corporum illuminandorum, revolutio circa solem, tanquam fontem luminis communem & unicum, ordinatius etiam & multo concinnius, quam in cæteris hypothesebus, omnia planetarum phænomena, declarare possunt, prout progressus docebit; in primis autem, quod circa quinque minorum planetarum è terris hætenus observatas retrogradationes, stationes ac directiones ita philosophari docet, ut hæ irregularitates omnes in hac hypothese non alias causas, quam meras deceptiones opticas habeant, ipsos autem planetarum motus omnino regulares & ordinatos, perpetuo directos, insuperque in singulis sibi ipsis æquales, conservet: id quod ubi sequenti cap. plenius evictum fuerit, novum argumentum suppeditabit, quod junctum præcedentibus, ita convincet animum rationi rectæ auscultantem, ut nulla hypothesis physica inter omnes, quæ nomen hoc adhuc servant, verosimilior aut ad ipsam veritatem propius accedens uspiam reperiatur, & Ricciolus, ejus adversarius necesse habeat inferre, p. 303. *Quare non mirum si tot illecebris pulcherrimæ atque compendiosissimæ equipollentiæ (allecti scilicet,) hanc hypothesein Copernicani tantopere adamarunt, & Copernicus orbem annuum telluris, magnum orbem, ut diximus, appellavit.*

VI. Antequam verò speciositatis illius novam accessionem ex cap. sequ. huc accersamus ac tertium insuper motum, telluri à Copernico attributum, in sua quoque probabilitate confirmemus; unicum adhuc vel alterum speciem ab ipsis adversariis laudatæ pulchritudinis, in medium afferemus. Et 1) quidem







Fig. 28.




Fig. 25.





Fig. 27.




Fig. 24.





Fig. 29.

h<sub>4</sub>. 7. 8.  
Tycho.







quidem , cum in hac hypothefi sol inter fixas æque cenfetur , ac fixæ omnes, tanquam totidem soles considerandæ veniunt ; qui fit interim ut solem nostrum indubie talem inter fixas cæteras vagari , ab unis discedere , ad alias accedere , ab asterismo V ad asterismum 8 , & qui fequuntur cæteros, progredi fenfuum experimento deprehendimus ? Hoc quomodo fiat , falva interim hypothefi Copernicana, docet iterum Ricciolus p. 301. pulcherrime delineatis in eam rem peculiaribus fchematiffimis , quorum vicem hoc loco Figura noftra 23 obire poteft. Scilicet in dicta Figura 23 , cujus ellipfis optice circulum eclipticæ in 12 figna divifum repræfentat aut orbem potius annum fub ecliptica , fi tellus in figno aut fub figno arietis in orbe magno exiftat, ejus habitatores ad ortum fibi solem refpicientes , cum neceffario videbunt in principio ♈ ; promota vero tellure ab V ad 8 , inde terricolæ profpicientes ad solem , hunc progreflum obfervabunt à libra ad ♎ , five fcorpium, & fic porro. Quod fi 2) eadem tellure in V exiftente , inclinatus ejus axis ad eclipticam (de qua inclinatione mox dicendum erit ) & cum eo totus globus , per circulos ad axem recto , æquatorem , duos tropicos , & duos polares , in fuas zonas divifus concipiatur; facile judicabitur , totam telluris medietatem , ab uno polo ad alterum , folis lumini expofitam , averfam vero à fole alteram nocti immerfam efle , & hoc pacto , convoluto interim circa axem globo , eandem diei noctisque æqualem divifionem in univerfa terra futuram efle ; idque fimiliter in oppofito ♎ figno , ubi terræ nocturna facies nobis , altera vera diurna foli obvertitur:promota vero tellure ab V ufque ad ♊ , fervato interim ejus axe in eadem inclinatione , manifefiffimum eft , uti femper , ita hic quoque , dimidium globi terreni à fole illuminatum , alterum vero in obfcuro efle ; fed illuminatam portionem ab uno circulo polari ad oppofitum , nempe à feptentrionali ad australem , præcife exporrigi . ita ut convolutione circa axem facta, zona frigida feptentrionalis in perpetuis tenebris , australis econtra in perpetua luce verfetur , tunc nempe,

D d d d

cum



cum nos solem in signo ♄ videmus : contrarium habituri , cum tellure sub signo ♄ versante , solem in signo ☿ intuemur. Denique ex Fig. præcedente 18. cognoscere licet , quomodo luna inter solem ac terram posita , nova , terra vero inter ipsam & solem constituta , plena , in locis intermediis , dichotoma, evadat, &c.

VII. Sed pergendum nobis est ad *tertium* telluri motum asserendum , qui secundi non nisi modificatio quædam est , ac declinationem axis æquatoris , in præcedentia se convertentis , includit. Nondum totum Copernicanæ hypotheseos profundum exhaustimus , inquit Ricciolus p. 304 , quantoque altius in eam descenditur , eo plus ingenii ac pretiosæ subtilitatis defodere licet. Scilicet ne axis & æquator terrestris moveatur secundum orbis magni seu eclipticæ ductum , sed maneat sibi ipsi semper parallelus , seu sibi æquidistet in illo situ , in quo semel fuit tempore primi æquinodii vel solstitii , opus esse putat Copernicus , ut , dum centrum terræ convertitur in peripheria orbis annui , axis æquatoris terrestris reflectat se in antecedentia paulatim , & sic convertibilem inclinationem habeat ad eclipticam seu orbem magnum , ut in easdem ad sensum partes mundi , si produceretur , incurrat per totum anni circuitum. Quæ res , uti naturæ præstitum facilis , Galilæi iudicio , ita conceptu difficilis cum sit ; à Ricciolo tamen p. 305 , ex schematicis ipsius Copernici , & p. 306 , ex Fig. Galilæi ( quæ nostræ Fig. 23 plane similis est ) pulchre declaratur. Nos recentiorum experimento quodam , totius rei tum possibilitatem , tum actualement præstandæ illius modum , ante oculos quasi ponamus. Ponamus in fossa quadam rotunda quæ orbem annum repræsentet , navigium aliquod , telluris vicem utcunque præstans , orbiculariter circumferri , spirante interim constanter australi vento : Certum est , dum navis remis e. g. in orbem agitur , ejus a plustre interim , seu summum in malo vexillum , in septentrionem perpetuo directum iri ab australi vento.



VIII. Jam, quo pacto idem naturaliter etiam confici queat, ex alia hypothefi physica probabili pulchre doceri potest. Cum terræ globum, etiam si immobilis esset, immobilitatis tamen suæ & polorum suorum in polos mundi constantis ac defixæ directionis ( quam fixarum earundem in iisdem horizontis cujuscunque punctis ortus & occasus evidenter demonstrat ) causam aliquam naturalem habere necessum est : quam aliam fingere aut supponere speciosius vix licet, quam si loco axis alicujus in utroque mundi polo defixi, supponamus, ( in Fig. 22. ) è vorticibus duarum fixarum utrique polo vicinarum & ex illorum quidem partibus mediis vel æquatorealibus, effluvium aliquod materiale, sed subtilitate sua invisibile, per nostri verticis partes polares, ex utraque parte, intromitti ( quale materiale effluvium ad terram usque penetrans tota res magnetica postulare videtur, ut infra suo loco videbimus ) & latissimo quidem tractu per totum orbem annum, ( quod reliquorum etiam planetariorum corporum magnetica in boream & austrum directio suadet, de qua pluribus olim in Disp. de magnorum mundi corporum magnetismo, pronuper in II. Tom. philos. ecl. recusa, actum fuit ) instar vasti fluminis ab austro in boream & reciproce, profluere ; qui fluxus materialis reciprocus idem quod ventus australis in aplatstri superioris navigii, præstiturus esset. Quicquid vero hujus tandem Divino Conditori placuerit, possibilitas saltem hujus rei conficiendæ, & facilitas concipiendæ, in propatulo est.

IX. Enarrato triplici telluris motui Copernicano, addunt alii *quartum*, tanquam superioribus contradistinctum, ad salvandam æquinoctiorum præcessionem. Sed non possumus de hoc etiam motu rectius ferre judicium, quam tulit iterum Ricciolus p. 308. c. I. verbis sequentibus : Dicebamus modo, ad, axis terrestris parallelismum cum seipso, adeoque ad repræsentandas eas dierum & noctium vicissitudines, quas habitantes in, sphaera obliqua experiuntur, non esse necessarium tertium, motum ( nedum quartum ) re ipsa discretum à revolutione glo-



„bi terrestris diurna, & à revolutione annua, modo quis ita  
 „circumducatur axem terræ, dum centrum ipsius movetur, ut  
 „conservet illum in superficie cylindri ad orbem magnum  
 „obliqui, in cuius superficie secundum sui longitudinem, & ut-  
 „roque sui polo, semel fuerit. Sed quia stellæ fixæ videntur  
 „moveri in longitudinem lento quodam progressu, & hunc  
 „ipsum motum, nedum diurnum primi mobilis, censuit fixarum  
 „sphæræ denegandum Copernicus, causam huius apparentiæ  
 „transcripsit motui axis telluris, ita reflectentis se in præceden-  
 „tia, ut huius reflexionis revolutio annua tardior sit aliquantu-  
 „lo, quam revolutio centri globi terrestris: hinc enim fieri,  
 „ut sectiones æquinoctiales, seu puncta orbis annui, in quibus fi-  
 „unt æquinoctia, evadant quotannis, sed vix sensibiliter, oc-  
 „cidentaliora magis magisque, seu videantur regredi in præce-  
 „dentia contra seriem signorum, sed post multos demum an-  
 „nos hæc regressio innotescat. Cum ergo progressus apparens  
 „fixarum versus orientem, per observationes non aliter depre-  
 „hensus fuerit ab Hipparcho, Ptolemæo & reliquis postea Astro-  
 „nomis, quam numerando versus orientem illarum distantiam  
 „à punctis æquinoctialibus in parallelo aliquo eclipticæ; perin-  
 „de elongari videbuntur ab illis punctis, sive ipsæ fixæ revera  
 „moveantur, sive ipsis immobiliter in sua sphaera manentibus,  
 „moveantur ipsa puncta æquinoctialia, sed in occidentem &c.

X. Quod profecto viri professione Anticopernicani judi-  
 cium, si nulla alia ratio subesset, nos merito moveret, ad subscri-  
 bendum Copernico vel in hoc puncto, si in omnibus aliis ab  
 eo dissentiremus. Quis enim amabo sibi persuaderi patiatur, uni-  
 versum fixarum exercitum potius, intervallo plurium secu-  
 lorum ita per 30 fere gradus in orientem progressum fuisse, ut in-  
 rerea ne hilum quidem vel earum inter se distantia, vel singula-  
 rum latitudines, mutatae fuerint, quam unicum æquinoctia-  
 le punctum tantisper retrocessisse; cum tamen & hic & ibi mu-  
 ratio locorum anno toto non nisi 50 min. secunda sibi deposcat?  
 insuperque plurium similium non lucentium punctorum exem-  
 pla



pla suppetant in planetarum nodis, vel in antecedentia vel in consequentia mutari perpetuo solitis. De cætero si hætenus pro expolienda & solícite adeo declaranda & schematísmis illustranda Copernicana hypothesi, á viro laudatissimo mecum reputo: vix me contineo, quin suspicer, illa verba, quæ num. XII. superiorum Hypoth. ex ipso allegavi (*qui telluris stantis hypothesin sequi coguntur, inter quos & ego &c.* incauto quasi excidisse; maxime si illud Copernici encomium, peculiari etiam marginali p. 309. notatum, attendero, quo prolixum hoc caput, quod hætenus excerptimus, in hæc verba concludit.

XI. Nunquam satis admirati sunt admirabunturve postea, ri Copernicæ mentis celsitudinem, & pectoris illius profunditatem, ingenique acrimoniam, qui unius globuli (quantula est tellus respectu cœli totius) motu, eoque triplici, præstitit, quod non sine infanis sphærarum machinis, maxima ante illum Astronomorum pars vix adumbrare potuit. Nam motu, diurno telluris repræsentavit primum mobile, liberavitque omnes alios planetas, imo & fixas, ab eo motu, qui alioquin, vastissimis orbibus aut circulis spirisve, non sine apparenti repugnantia cum motu ipsorum proprio, peragendus esset: & pro tribus eccentricis, Solis, Veneris, ac Mercurii, tribusque epicyclis, Saturni, Jovis & Martis, eorundemque secunda anomalia in motu, substituit unicum orbem motumque, annum terræ, quo etiam apparentem in iisdem imperfectionem, stationum ac retrogradationum, & librationem inconstantis latitudinis atque inclinationis ad eclipticam eliminavit. Denique, unius axis terrestris libratione revolubili, motum proprium, fixarum & mutationem obliquitatis eclipticæ, cum utriusque anomalia absolvit; h. e. tres ingentes sphæras de cœlo dejecit atque absumpsit, quodque tot ante Atlantes non potuerunt, unus, hic Hercules ausus est sustinere. Utinam vero intra limites huius hypothesi se coërcuisset! imo utinam, inquam ego, con-



gregatio eminentissimorum E. R. Cardinalium, in quaestione mere - philosophica conscientis laqueos non injecisset!

XII. Id enim nisi factum esset, indubium est, ex ingenioribus pontificiis plerosque Copernicanam hypothesein aperte professuros dudum fuisse; quandoquidem celebriorum Astronomorum haut postremus, *Hugenius*, in cosmotheoro „suo p. 14. confidenter asseverat, posteaquam Galilæi, Gas- „sendi, Kepleri, aliorumque plurimorum rationibus sublatis, fuerint omnes, qui supererant scrupuli, *omnes nunc Astronomos, nisi tardiore sint ingenio, aut hominum imperio obnoxiam credulitatem habeant, motum telluri, locumque inter planetas, absque dubitatione decernere.* Quod si vero hæc promiscuæ plebi non sapiant, ne mireris! Philosophum enim & hominem vulgarem placitorum differentia præcipue distinguit: Nec ægre ferent inter eruditos etiam excellentissimi, si in iis, quæ ex professo scrutati non sunt, (quis enim omnibus addiscendis sufficiet?) cum vulgo pari fere loco habeantur; quemadmodum etiam Mathematicorum ingeniosissimus quisque, si in religionis negotio ultra Catechismum non sapiat, eatenus saltem vulgo simpliciori accensendus jure venit; hoc uno à rudi plebe, præter characteristicam suam eruditionem, adhuc utique distinguendi, si credant, in iis quibus aliquam, sed superficiali tantum impenderunt operam, eorum iudicio sibi standum esse, qui talibus innutriti quasi fuerunt, ac se totos applicuerunt; aut suum saltem iudicium suspendendum; ut hoc pacto cuivis in sua arte aut credatur, aut permittatur saltem eam in arte sua hypothesein eligere, & modeste defendere, quæ illius principiis convenientissima videbitur, etiam si cum artis aut opinionis alienæ fundamentis minus congruere videatur. Non diffitemur, motum telluris annum adhuc magis adversari communi hominum opinioni, quam diurnum; cum paucissimorum imaginatio, concoquere possit telluris in infimo mundi loco semper conceptæ, improvise supra solem elevationem; ut in hunc usque diem dubius hæream, serione

Au-



Autor libelli *Religio medici* inscripti ( quem *Thomam Brouvne*, Medicum Anglum, esse perhibent, virum certe non plebeji alias judicii) an per ironiam ultimum sui libelli caput, his verbis inchoaverit : *Ult itaque coronidem tandem adjiciam, infra, sive ( quod vult Copernicus supra solem, nullam esse felicitatem ajo.* Quam ridiculum autem primo auditu apparet, terram supra solem elevatam credere, tam familiare id nobis est & quotidianum in ipsa vulgari hypothese, qua singulis noctibus solem infra nos ac terram nostram non possumus non concipere; quemadmodum ex opposito ii, qui Copernicanam hypothese recte capiunt ac plene tenent, non solum ridiculi in ea nihil reperiunt, sed potius concinna, ingeniosa & rationabilia omnia, præterea vero solem supra se quotidie, non minus ac in Tycho-nica hypothese, contuentur.

XIII. Kepleriana supposita merito *primum* sua multiplici-tate displicent; *deinde* facultas sive anima impressioni divinæ continuandæ subordinata, cujus naturæ sit, & quonam modo, illam impressi divinitus motus continuationem peragere possit, non declaratur, ( nec enim nude volendo movere possunt cau-sæ finitæ, sicut infinita) neque *tertio* fibrarum illarum magne-ticarum sive rectarum, sive circularium, fabrica exponitur in-deque depedens habilitas, qua motum ab anima seu facultate supposita continuandum recipere aptæ sint. Neque *denique*, quomodo solis radiatio huc conferat, satis expeditur. Tame-n enim aliqualis ex eo redditur ratio, quod sol æstivo tempore, quippe à terris remotior, necessario debilius, in eam operetur, quam hyberno, quo ipsi vicinior est; nondum tamen id pa-ter, quo pacto solis actio & luminis ipsius rectilinea ( quam plus illuminare & calefacere, cæteris paribus, in casu posteriore quam in priore debere facile intelligemus) orbicularem terræ motum aut promovere aut retardare possit. Verbo pleraque omnia in hac hypothese ( quod supra jam anticipando monitum) incoherentia & obscura sunt. Speciatim quid illa species sit à tellure & omnibus aliis primariis planetis ad suos secundarios emis-



emissa ? Quomoda fiat illa emissio ? quo pacto illos veluti manu apprehendat , ac circumducat ? & quomodo non in ♂ pariter gyrante , ac secundario carente , frustranea foret futura ? hæc omnia , inquam obscurissima sunt , & nil nisi verba rerum inania.

XIV. Quod denique Phæn. ultimum & separationem punctorum æquinoctialium in antecedentia, & fixarum universalium in consequentia , successivam ac lentissimam , toto anni decursu non nisi 50 sec. conficientem, Riccioli aliorumque plurium judicio (vid. Almag. nov. p. 168) quæ tamen 50' in cœlo ipso magnum spatium comprehendunt ; quicquid sentiant Bullialdus & Lansbergius , iique cum primis qui telluris stantis hypothesin sequi coguntur , nos tamen ita abuti ratione nostra nolumus, ut ipsi persuadere reclamante recepto Metaphysicorum canone, conemur, per fixarum innumerabilium motum in consequentia, & propter annexas sibi condiciones sine miraculis non futurum, id fieri debere aut factum esse , quod fieri potuit , etiam in hypothesi terræ stantis , unius puncti æquinoctialis retrofacta mutatione. Subitque profecto mirari, quod Ricciolus asserere ausus fuerit. *Si sensui innitamur, ut oportet quamdiu nulla ratio evincit oppositum, nos debere hunc motum fixis potius sideribus, quam punctis æquinoctialibus tribuere* : Quis enim, obsecro te, Riccioli, sensu deprehendet, sive in punctis æquinoctialibus , sive in stellis fixis , illum motum , qui totis 365 diebus ne unicum quidem minutum exhaurit. Et quomodo , quæso te, hæc ex lib. III. p. 168 allegata , cum iis conciliabimus, quæ supra num. hujus Epicr. IX. sub. fin. ex lib. IX. p. 308. adducta sunt, in quibus dicebas, progressum apparentem fixarum , versus orientem non aliter deprehensum fuisse ab Astronomis, quam numerando versus orientem illarum distantiam à punctis æquinoctialibus ; perinde scil. elongari visas ab illis punctis , (NB.) sive ipsæ fixæ revera moveantur , sive ipsis immobiliter in sua sphaera manentibus, moveantur ipsa puncta æquinoctialia. sed in occidentem ?

XV. Uni-



XV. Unicum adhuc circa Copernicanam hypothesin monendum est ; ei scilicet ab adversariis communiter objici, quod vastam nimis , ac tantam quidem fixarum à terris distantiam supponere necessum habeant , ut totus orbis annuus, vere-magnus, ex illarum regione spectatus non nisi puncti rationem habeat : cui quidem difficultati nihil haëtenus reponere aut potuerunt isti aut voluerunt , quam , non posse esse spatium illud inter Saturnum & fixas nimis magnum , quin Cometarum, istud requirant variz & immanes excursions, ut jam alibi è Cartes. princip. philos. part III. num. XLI, allegavimus ; ita scilicet tacite confessi, quacunque anni parte fixæ quædam stellæ ex terra videntur, eas sub eadem semper magnitudine , eademque à vertice vicino distantia conspici. Quod cum non satis attentè forsitan examinatum fuisse suspicaretur *Robertus Hooke*, Regiæ Societatis apud londinenses socius, elegit ad faciendum rei certius periculum , stellam lucidam in capite Draconis , cum invenisset zenith Collegii Greshamensis Londini intra paucula minuta prima huic approximare. Institutis igitur ex puteo 40 plus minus pedum alto, per totam ædium suarum altitudinem præparato , mediante vario operoso & ingenioso ( quem hic enarrare non possum ) instrumentorum apparatu , tandem pag. penult. sui conaminis ad motum telluris probandum , ex anglico sermone in latinum translato anno 1679. conclusit, ex *observationibus d. 6 & 9 Julii, & d. 21. Octob.* ( dum scilicet d. 6. & 9 Julii 1669, observaverat stellam lucidam Draconis meridianum transire ad 2 min. 12. sec. à mensuratoris zenith versus septentrionem ; d. 6. Augusti sequentis eandem distantiam invenerat, 2, min. 6. sec. d. 21. Octobris autem, non nisi 1, min. 48. sec, vel ad summum 50. sec. ad sept. reperta adeo inter duas extremas observationes differentia distantiarum 24, minimum 22. sec. sibi constitisse, *parallaxin orbis telluris esse sensibilem ad stellam fixam in capite Draconis ; & proinde hypothesin Copernicanam, adversus Ptolemaicam & Tychonicam confirmari.* Miratus sæpe sum, cur ex eo tempore in hunc diem , nemo, quod

Eccc

sciam



sciam, ejusdem rei periculum fecerit, eorum præsertim, quibus id faciendi multo commodior adhuc occasio & apparatus suppeteret; cum præsertim laudati Dni. Hookii, non infimi certe inter Astronomos subsellii, iudicio, possibile non videatur, ut controversiæ de terra mobili vel immota finem ullis omnino mediis ( illo unico, quod ipse aggressus sit, excepto ) humana imponat industria; indubitata contra hujus observationis certitudo, argumentum pariat in hypotheseos Copernicanæ defensionem certissimum p. 3. sui conaminis; in cujus præfatione sub finem maluisse se, dicit, ut hic discursus ( imperfectus licet ) sine mora prodiret; fore sperans, ut alii exiguis his primordiis moti, altius hanc observationem suam promoveant, & completam reddant: quod unice in votis habeat.

## CAPVT III.

De

*Planetarum quorundam retrogradatione, statione, ac directione vel acceleratione, in motu ipsorum proprio sive secundo.*

### I. PHÆNOMENA.

**P**HÆN. I. Planetas sub zodiaco ejusque asterismis ab occidente in orientem paulatim proprio seu secundo motu progredi, superiori capite notavimus, eoque casu *directos* eos appellari nunc monemus, quia directe antrosum & secundum successionem signorum, promoventur. Enim vero continuata Astronomorum industria tandem observavit novam quandam in hoc secundo motu varietatem, ac eosdem in medio, sed sensim languescere, cursu tandem penitus ita sisti, ut penes eandem stellam fixam, & in eodem cœli loco, per unum alterumve diem, ut ♄ & ♀; per duos tresve, ut ♃; per quinque, sex, septem, aut octo continuos, ut ♅ & ♄ hære-  
re deprehendantur, inde *stationarii* dicti; deinceps finita statione,



tione, verso quasi ex improvviso gradu, paulatim in oppositas versus occidentem partes, à quibus venerant, aliquousque retromeari, ideo *retrogradatos* appellatos &c.

*PHÆN. II.* Atque talis retrogradatio solet esse in h̄ dierum ferme 136, in 4 120 fere, in ♂ 75, in ♀ 42, in ☿ 22: statio vero in h̄ est dierum prope 8; 4 4; ♂ 2; ♀ 1; ☿ ½ præter propter: Directa denique progressio h̄, dierum circiter 244; 4 284; ♂ 705; ♀ 542; ☿ 93. quam proxime. Vid. Ricciol. Almag. nov. p. 500. Du. Hamel Astrom. phys. p. 152 & seqq.

*PHÆN. III.* Est autem imprimis notandum, quod hæc phænomena (à quibus quinque illi superiores planetæ hoc nomen præcipue acceperunt) in ipsis solis observentur, nunquam autem vel Sol vel Luna, aut stationarii visi sint aut retrogradi (naturaliter intellige) sed antrosum & in consequentia perpetuo progressi.

*PHÆN. IV.* Notatu porro dignissima circumstantia est, quod Saturnus, Jupiter & Mars, retrogradi non sint, nisi cum Soli opponuntur, Terra inter ipsos & hunc posita; Venus autem & Mercurius tunc, cum Solem inter ac terram vagantur. Ac incipit quidem desinitque retrogradatio ista, (planeta paulo ante existente stationario) cum distant à Sole, h̄ quidem quadrante circuli & amplius; 4 triente circiter, Mars ultra trientem, ut mirum non sit, quod retrogradatio sit longe in Saturno, quam in Jove, & in hoc quam in Marte diuturnior.

*PHÆN. V.* Retrogradationes item Saturni sunt frequentiores, quam Jovis, & hujus quam Martis; Mars enim intra biennium fit semel retrogradus, Jupiter uno mense post annum; Saturnus vix mensis dimidio supra anni spatium; id quod procul dubio à tarditate motus proprii in ipso procedit, ob quam Sol ipsum post annuam revolutionem (ex mente Tychois veram, ex mente Copernici apparentem) citius assequitur.

*PHÆN. VI.* Est tamen major arcus retrogradationis in Marte, quam in Jove & in hoc quam in Saturno, nempe ut me-



dium præterpropter assignemus, in primo 13 circiter gradus, in secundo 10, in tertio sex præterpropter: cum è contra minus sit tempus retrogressionis in Marte quam in Jove, & in hoc quam in Saturno, prout in II, phæn. jam dictum est.

## II. HYPOTHESES PRINCIPALIORES pro salvandis Planetarum retrogradationi- bus, stationibus &c, excogitatae.

### I.

**A**ntiquorum orbes concentrici, instar bulborum in cæpis se invicem complexi, non poterant satisfacere novis hisce Phænomenis, nisi fingerentur intelligentiæ suos singulæ orbes ita ab occasu in ortum, contra primi mobilis raptum oppositum emovere, ut statis temporibus, ab ordinario suo labore quiescentes, paterentur stare planetas suos sub eadem stella primi mobilis; mox ad operam redeunt, eosdem retroagere aliquantum, & primum mobile antevertere, ac deinceps post parvulam iterum moram sive stationem, mutato consilio, antrorsum magis magisque compellere; ea quidem velocitatis aut tarditatis proportionem, quæ commemoratas in phænomenis apparentias efficeret.

II. Verum enimvero, cum hæc talia non tam naturalem aliquam causam phænomenorum reddere, quam ejus defectum tacite confiteri viderentur, ac præterea, ne hypotheseos Astronomicæ, bonæ notæ quidem, conditiones haberent, ut nimirum ad prædicenda ipsa in futurum & calculo subducenda essent accommodata; nova cœli machinatio excogitata fuit ab Aristotelicæ sive Ptolemaicæ Hypotheseos assertoribus, ac planeta non amplius orbi primario L A K (Fig. 26.) sed Epicyclo cuidam B H C E affixus fuit, ac tota quidem machinatio moveri supposita, ut e. gr. (si de h sermo sit) orbis primarius L A K, ab A versus ortum oblique, circa terram T, 30 circiter annorum intervallo semel convertatur, Epicycli centrum A una deferens dum interim Epicyclus circa hoc suum centrum annuo fere spatio & aliquot amplius diebus circumvolutus, affixum sibi planetam annuatim, à C versus D, E, F &c. circumfert, qua quidem motuum conformatione necessario contin-  
gat.



gat, ut planeta in epicycli parte inferiore, ab H ad I, ad C ac D progressus aut provolutus, è terra T videatur in antecedentia, ab *h* per *a*, ad *b* & *f* & *c*. retrogredi, sub occidentalioribus stellis magis magisque conspicuus, in superiore vero parte, ab E per F ad B & G delatus, è terris videatur in consequentia directe, nempe ex *e* per *f* ad *b* & *g* & *c* progredi, sub orientalibus magis magisque stellis deprehensus, & quidem circa B velocissime progrediatur, circa C vero velocissime retrogrediatur utrinque vero tanto tardius, quanto partes epicycli, quas diutius percurrit planeta, circa H & E obliquius oculis obijciuntur, unde porro fiat, ut versante ipso inter H & I, pariterque inter D, E, motus centri A cum deferente orbe primario, & motus planetæ in epicyclo, evadant proxime æquales, atque adeo planeta fiat stationarius; tantumdem scilicet ab orbe primario cum ipso epicyclo in consequentia provectus, quantum ipse interim inter H & I vel D & E in antecedentia retromeat &c. Vid. Mœstlini Epitome Astronom. lib. IV. p. m. 377. & 439.

III. Iam ut arcus retrogradationis in Marte posset esse major, quam in Jove, & in hoc quam in Saturno, opus erat, circulis minoribus Martis & Jovis, majores multo epicyclos affingere, quam Saturni circulo multo majori: quod Keplerum inter irrationabilia & imperfectiones hujus hypotheseos numerare, infra in Epicrisi pluribus memorabimus. Quod si loco horum orbium & epicyclorum solidorum, fluidos gyros sive vortices, tanquam in secunda hypothesei, (quæ secundæ cap. II. præcedentis respondeat) substituere placeret, ea quæ hæcenus dicta sunt omnia eodem modo concipienda forent, sed ita ut planeta libere aut ab intelligentia quadam provolutus, circulum B H C E assignato tempore permeare, ejusdem vero circuli centrum A per alium majorem L A K virtute simili, tardissimo per annos 30. motu, transferri statueretur,

IV. Tertia vero hypothesis, quam spiralem dicemus in posterum, aliter salvare hæc phænomena non potest, quam dicendo, ex peculiari instituto planetam certo tempore cum stellis fixis æquali prorsus tempore ab ortu per occasum primo motu, sive ab intelligentia sua, sive ab impresso sic primitus motu circumferri, atque ita cum eadem fixa sub qua pridie conspectus fuerat, eodem momento redeuntem, fieri *stationarium*, mox concitatiores adhuc raptu, quam stellæ fixæ circumactum, celeriusque ad pristina cœli loca reversum, relictis tantisper post se fixis, *retrogradum* apparere;



ac tandem, post notabile tempus, lassato quasi motore, ac motu planetæ cum motu fixarum ad æqualitatem paulatim reducto, novam *stationem* sequi, donec remittente magis magisque impetu, tardior iterum evadat planetæ diurnus motus, fixarum constanti semper circumlacione, atque ipse more ordinario, in directum iterum orientem versus procedere.

V. Cum vero hoc pacto variationes horum errorum omnes à nutu quasi ac libertate intelligentiarum suspenderentur, conatus est Hamelius in Astron. Phys. p. m. 161. rationem ejus rei à priori reddere. Cum enim sub persona Menandri quævisset: quid porro causæ est, cur planetæ in apogæo sint directi, in perigæo retrogradi? respondet sub persona Theophili: Ratio in promptu est; cum enim circa Apogæum versantur, tardius ab ortu in occasum deferuntur, quod majus habeant spatium decurrendum, & motus sit omnino æquabilis, hinc magis (motu proprio puta) in ortum promoveri videntur. Contra cum perigæi sunt, tum celerius ab ortu in occasum rapiuntur, quod æquabili motu minorem circumlum citius percurrant, quocirca tum stellas quasi à tergo videntur relinquere, ac retrogradi vocantur, quod non in ortum, sed in occasum remeare nobis appareant. Jam ubi in medio ascensus & descensus intervallo morantur, tum in eodem loco consistere creduntur, quod eodem temporis spatio cum stellis fixis diurnam revolutionem perficiant, atque iisdem stellis per aliquod tempus subjiciantur.

VI. Hæc admirabilis & errabunda vicissitudinum in planetarum motibus commutatio ansam præbuisse Copernico ejusque deinceps sectatoribus, testatur Ricciolus Lib. VII. Almag. p. 645. vindicandi cœlestia illa lumina ab his, ut ipse censuit, absurdis motibus, eosque in meram visus nostri fallaciam, ex annuo telluris motu transcribendi, cumque Keplero, eo majori imperfectione laborare viderentur motus cœlestium, quo major esset in iis varietas & inconstantia; talium imperfectionum 4 aut 5 commemoravit, quæ habentur apud Ricciolum lib. IX. Almag. nov. p. 341. quas ipse unico simplici telluris annuo motu sustulisse ibidem docetur, ad stipulantibus insuper Galileo in Dial. 3. de Mundi systemate versionis lat. p. 252. & Gassendo Epist. 2. de motu impresso à motore translato pag. 145. ex illis imperfectionibus illa maxima esset, si realiter planetis inessent illæ motuum inæqualitates, nunc antro-

sum



sum, nunc retro factæ &c. Posito vero telluris annuo motu, omnes illas irregularitates quoad rem penitus evanescere, & in meros lusus opticos converti, planetis interim omnibus sine discrimine perpetuo æqualiter æqualibus temporibus, ac directe semper in signa consequentia progredientibus: id quod binis his vel similibus exemplis declarant, uno pro tribus superioribus  $\hbar$ , 4, & 7, altero pro duobus inferioribus  $\wp$  &  $\xi$ .

VII. Prius exemplum exhibet Figura nostra 24. in qua 1) circa Solem medium descriptus cernitur orbis terræ annuus, in duodecim partes æquales divisus, factoque in imo initio, literis A, B, C, D, E, F, G, H, I, K, L, M notatus; ita ut spatium quodvis inter A & B, B & C, &c. mensem designet, annusque adeo in 12. menses distinctus sit. 2) Exterior sive major circulus orbem Jovis repræsentat, quem cum dictus planeta 12. annorum spatio demum absolvat, ideo parsejus duodecima inter  $a$  &  $n$  comprehensa exhibebit motum Jovis annum in 12. partes æquales, quæ totidem mensibus respondent, porro subdividendum. Itaque si 3) terram in A, Jovem autem in  $a$  prope conjunctionem ejus cum Sole supponamus in orbe suo positum, ita ut, si videri posset præ vicini optice Solis splendore, videretur in supremo fixarum cœlo in A, progressa deinde mense proximo tellure ad B usque, Jove autem eadem æquabilitate, eodemque menstruo spatio, ab  $a$  ad  $b$  visuri essent terricolæ ex B ad planetam in  $b$  prospicientes, eum interea in extimo cœlo sive Zodiaco versus ortum *directe* ad B usque progressum, similiterque finito mense secundo tellus C visura esset Jovem in vero suo loco  $c$  referret autem eundem in Zodiaco ad locum suum opticum, C eadem adhuc directione & æquali fere hætenus velocitate. Delata vero terramense tertio usque ad D & Jove ad  $d$ , æquali prioribus intervallo, illius incolæ visuri essent Jovem in D, directum adhuc, sed confecto interim spatio, præcedentibus spatiis mensuris sensibiliter minore, atque adeo notabiliter tardius; quæ tarditas deinceps magis magisque indies & gradatim augescit. Nam 4) tellure mense quarto punctum E, & Jove punctum  $e$  attingentibus, æqualibus utrobique spatiis, cum præcedentibus interim emensis; terricolæ in cœlo fixarum observaturi essent, Jovem valde parvum spatium D E intra 30. dies confecisse. Quæ 30. spatia diurna, cum indies vi hætenus dictorum, minora & minora evadere debuisse certum sit, necessum est illa dierum ultimorum debuisse evadere

insen-



insensibilia, & sic planetam, æquabiliter perpetuo progressum ultimis istis diebus apparenter nec diu tamen stare visum, id quod ex porro dicendis evidens est futurum. Profecta enim  $\gamma$ ) tellure ex E in F, & Jove similiter ex e in f, mense finito, videbitur jam Jupiter *retrogressus*, ex  $\mathcal{E}$  ad  $\mathcal{F}$ , etsi re ipsa in suo cœlo directe semper progredi continuaverit, ut necessum sit, hanc apparentem retrogressionem sub ipsis primis mensis diebus jam cæpisse, atque adeo *primam* hanc *stationem* non nisi paucorum dierum existere potuisse, Mense sexto vero finito, ac terra in G Jove in g existentibus, interea tamen revera directe & æquabiliter progressis, in extremo cœlo posterior valde & gradatim tamen, velociter ab  $\mathcal{F}$  ad  $\mathcal{G}$  retrogressus deprehendetur; idemque fiet sequenti mense inter G & H, g & h, regressione inter  $\mathcal{G}$  &  $\mathcal{H}$  satis adhuc velociter, sed decrescente paulatim illa velocitate; prout ex eo, quod mense ulteriore, quo tellus inter H & I, Jupiter autem inter h & i progrediuntur, in cœlo retrogradatio spatium exiguum  $\mathcal{H}$   $\mathcal{I}$  emensura est, judicare licet. In cuius spatii ultimis partibus gradatim minutis *secunda statio* 6) continget, cum novo directionis initio. Nempe mense nono, cum terra inter I & K, Jupiter inter i & k progrediuntur, videtur hic posterior iterum ab  $\mathcal{I}$  ad  $\mathcal{K}$  directe progredi.

VIII. Ex quibus nunc sequentia ad oculum patent, 1) ante & post conjunctionem Solis & planetæ cum terra (in præsentī casu 4 mensibus ante, totidemque post) planetam semper apparenter etiam in Zodiaco *directum esse*, quemadmodum utrique, & terra & planeta in suis orbibus directe & æqualiter semper progrediuntur. 2) Ante & post oppositionem, cum terra media est inter Solem & planetam, (In præsentī casu duos circiter menses ante, totidemque post  $\mathcal{P}$  præcisam, dum scilicet tellus ab E per F ad G, & postea à G per H ad I provehitur) planetam in cœlo fixarum seu Zodiaco, apparenter *retrogradum* fieri in hoc schematismo, intercedentibus in fine directionis desinentis, & in principio noviter inchoantis, duabus *stationibus* apparentibus paucorum tantum dierum, dum planeta revera nunquam stet, nec retrogradiatur, sed directus semper incedat, & æquali in singulos dies motu, prout Divini Conditoris sapientia dignum est. Interea 3) & apparentes in cœlo tum directiones tum retrogradationes, gradatim in hac Figura crescere, vicissimque decrescere cernuntur, non aliter ac phænomena in cœlo exhibentur. 4) Arcus etiam retrogradationis



nis quam proxime dimidius est arcu directionis in præsentī casu schematismi nostri, prout in phænomen. II. à cœlo ipso edocti fuimus, neque dubium ullum est, quin similes schematismi pro Saturni Martisque conditionibus designati, omnia singulorum phænomena forent exhibitori, prout in cœlo ipsis oculis obijciuntur, maxime, si in debita proportionē linearum, quoad ejus fieri potest, delineentur.

IX. Alterum exemplum præbet Figura 25. in qua sol pariter medius proxime se ambientem habet orbem Mercurii, quem hic spatio 88 fere dierum percurrit, pro quo numero nos proximum 90 dierum posuimus, ambitum adeo totum in novem partes æquales dividentes, quarum quælibet decem dies exæquet. Exterior autem & amplior circulus orbem hic terræ annum (ita poscente quælibetque proportionē) repræsentat 365. aut rotundiore numero 360. diebus à terra percurrendum. Iam cum 90. ad 360. collata partem hujus quartam conficiant, ita quartam orbis annui partem toti orbi mercuriali respondere par erat, & hanc quartam partem A K in novem itidem partes minores subdividi, quæ singulæ quidem decem pariter dies exhiberent. Ad analogiam autem Figuræ præcedentis, uti partes novem in orbe annuo literis totidem, vel una pluribus ex Alphabeto grandiusculo A, B, C &c. ita totidem alias ejusdem valoris, minutuli alphabeti literis iisdem a, b, c, &c. designare voluimus. Quo facto, si terram ponamus in A, Mercurium autem in a, visuri essent hunc terricolæ (posito quod præ Solis vicini fulgore videri posset) in loco cœli supremi optico Q progressa autem terra spatio 10. dierum ad B & Mercurio ad b, videretur hic *directe progressus* ad B; similiterque terra jam existente in C, Mercurio vero in c hic adhuc *directus* conspiceretur, at paulo jam minore velocitate progressus. Verum jam paulatim ad conjunctionem procedentibus, terra in D & Mercurio in d directio in supremo cœlo adhuc esset continuatura, sed lento admodum gradu (utroque interim planeta æqualia prioribus spatia conficiente) tandem in Q secundum superius dicta, in apparentem *Stationem* desituro. Ex D porro in E provecta terra, pariterque Mercurio ex d in e, hic utique in E videndus esset, jam pluribus diebus necessario factus, sed lente adhuc, *retrogradus*, & quidem (uti phænomena in cœlis ipsis oblata deposcebant) circa proximam Mercurii cum Sole conjunctionem, utroque interim planeta eadem æquabi-



litate semper directe procedente : Delatis autem utrisque ad F & f, perduraret jam multa velocitate *retrogradatio* usque ad  $\mathfrak{F}$ , circa quem locum tamen velocitas sensim iterum decrescere inciperet ; multo magis adhuc imminuta futura inter  $\mathfrak{F}$  &  $\mathfrak{G}$ , ac circa  $\mathfrak{G}$  in alteram *stationem* degeneratura - dum terra interim ab F ad G, & Mercurius ab f ad g solita sibi & eadem respective celeritate promovebantur. Finita vero in  $\mathfrak{G}$  *statione altera* valde brevi, sequitur sequenti decendio inter G & H, g & h, nec non ulterius inter H & I, h & i, continue crescens, apparens iterum in cœlo *directio* ; ita ut tota directio per dies circiter sexaginta, *retrogradatio* fere 30 ( de m̄tis scilicet duarum stationum fere triduo) ut omne hoc negotium numeris hisce suis rotundis, cæterisque suis conditionibus, cœlestibus phænomenis superius enarratis satis pulchre & concinne respondeant.

### III. EPICRISIS eclectica super enarratas hucusque Hypotheses.

#### I.

**S**I dicendum ingenue, quod animus sentit & cogitat, inter omnes, quas hactenus humana mens in rebus physicis explicandis, & effectibus in sensus incurrentibus ad suas causas probabiliter deducendis, excogitavit, nulla penitus uspiam reperietur, quæ hanc, quam modo declarare distinctius satagemus, per quatuor ultimos enarratarum hypothesium numeros, vel specie & plausibilitate, vel ingeniosa facilitate & simplicitate, vel jucunditate & gratia per schematismos oculares in capacium lectorum animos sese insinuante, exæquet : ita ut hæc excelsæ mentis, quam vocat Ricciolus in loco superius verbotenus allegato, cogitata, vel ob solas hæc cœlestium irregularitates, anomalias & absurditates, Conditori sapientissimo nunquam attribuendas, ita declarandas, ut ab istis absurditatibus, sensui equidem evidenter apparentibus, quo ad rem ipsam saltem liberentur.

II. Scilicet in eo consentiunt unanimiter omnes fere Astro-  
nomi,



nomi, quod credibile non sit, DEUM, ordinis & regularitatis amantissimum, motus coelestium tam inæquales, erraticos, & intricatos instituisse, quales oculis cum cura suspicientium sese ingerunt; ideoque de variis cogitarunt mediis & machinationibus, quibus excusare utcunque anomalas istas & turbulentas planetarum cursitationes, valerent. Ex omnibus autem non alia suppositio simplicius faciliusque remedium huic morbo invenit, ea, quam superioribus duobus exemplis illustravimus; supponendo sc. 1) Planetas omnes, quos vocamus, minores, circa solem in medio illorum positum ab occasu in ortum, æqualibus in unoquoque planeta intervallis, per æqualia tempora regularissime, provolvi; idque 2) interventu gyri cujusdam vel vorticis fluidi, qui pro ratione distantiarum cujusque à sole, per minores circulos pauciore tempore, per majores longiore mora, unumquemque circumvehat. Qua unica & simplicissima suppositione, (quaque melior & phænomenis salvandis accommodatior hætenus inveniri non potuit) semel admissa, cætera, quæ nunc porro sequentur, non amplius hypotheses sunt vel suppositiones, sed ex illa unica & simplicissima, quam diximus, hypothese sua sponte fluentia consecutaria. Nimirum, (quod alibi quoque jam inculcavimus) si gyris ætheris fluidus tres superiores planetas, ♄ & ♃ itemque duos inferiores, ♀ & ☿ circa solem provolvit; sequitur 3) ex inevitabili necessitate & à priori, telluris globum (quem medium inter utrosque locum occupare apud omnes in confesso est) circa eundem solem circumduci debere, & quidem celerius ac pauciore tempore, quam tres isti superiores; tardius autem at longiore temporis intervallo, quam duo inferiores. Quo ita evidentissime deducto, sequitur porro ex infallibilibus opticis Euclidis demonstratis, tanquam 4) consecutarium: Quoniam terra circa oppositionem superiorum cum sole, illos quippe celerius mota, à tergo relinquit; econtra vero à duobus inferioribus, quippe celerius motis, ipsa circa horum cum sole conjunctionem, ab his à tergo relinquitur; quo dato, utrinque ex ne-



cessitate demonstrativa 5) sequitur, nos ex terra versus utrosque prospicientes, eas omnes directionum; stationum & retrogradationum vicissitudines, inæqualitates & irregularitates, visuros, ubi revera omnes motus perpetui, directi, & sibi met ipsis æquales sunt; ut in superioribus, num. VII. & IX. Hypothesium exemplis ac deductionibus ad oculum patuit.

III. Non solum autem I, & II. Phæn. ex unico & simplicissimo illo supposito, sed etiam tertium & sequentia ex eodem à priori deducuntur; quod in omnibus aliis hypothesebus impossibile est: Cur nimirum sol inter medias cæterorum planetarum retrogradationes nunquam fiat retrogradus? Neque Luna omnium planetarum, in vulgari saltem hypothese infimus? In nostra res aperte, tanquam totidem nova conspectaria, consequitur; licet enim illam controversiam meam non facio, utrum sol, an terra sit in mundi medio? Sed hoc saltem in superioribus deduxi, solem esse centrum planetarum motuum, sive in proprii sui vorticis medio quiescentem, aut locum duntaxat inter planetas non mutantem: ex eo necessario consequitur, quia tellus circa eum in consequentia, directe semper, procedit, solem etiam revera quiescentem per opposita signa pariter directe semper procedentem apparere debere; juxta ea, quæ num. VI. Epicris. cap. præced. II. deducta sunt. Similisque ratio de Luna sese offert, quæ, secundum generalem omnium planetarum hypothesin, circa terram, ejus intuitu ut immobilem spectandam, semper directe in ortum procedit, ex immoto adeo sui motus directi centro semper etiam directa videnda.

IV. Jam vero, cum IV. Phæn. rationes abunde dictæ sint num. VII. Hypothesium præf. cap. & qui sequuntur cæteri usque ad finem; rationes V. phæn. in eo ipso jam obiter tactæ, hoc loco facillime distinctius ex eadem principali hypothese deducuntur. Nimirum, quia retrogradationes planetarum superiorum circa ipsorum oppositiones contingunt; citius autem tellus motu secundo delata, illam oppositionem in tardioribus, quam



quam in celerioribus assequitur ; ideo citius utique post absolutam annuam periodum , ad ♄ cum Saturno (interea temporis parum progressio ) iterum redit ; paulo serius ad ♄ 24, qui per interjectum annum spatium multo longius progressus fuit ; tardissime omnium vero ad ♄ cum ♀ , qui interea temporis totum semicirculum anticipavit.

V. Sexti denique phæn. rationes , ex illa unica suppositione motus terræ annui ( quæ suppositio tamen si non est indubia veritas , saltem prope ad eam accedit , ex alia quippe hypothese de vortice circa solem vix evitabili , à priori fluens ) pariter aperte fluit ; id quod ex Fig. 27. ad oculum patet. In hanc enim translata est retrogradationis Jovialis totius arcus ex Fig. 24. C. J. Deinde descripta portione orbis Saturni amplioris , ex ea resecta fuit pars trigesima , tanquam arcus quem h̄/percurrit anno uno : hoc porro arcu in portiones 12 æquales , tanquam totidem menses , diviso , arcus retrogradationis eodem modo , quo in orbe Jovis quæsitus , invenietur minutulis literis germanicis e. i. finitus , & ope linearum punctatarum determinatus , multo minor , arcu Jovis C. J. quem retrogrediendo describit ; neque dubitandum est rem totam non aliter habituram si delineatio utraque in debita proportionem fieri potuisset. Quod interim h̄ in arcu suo sensibiliter & optice quidem minore , plus temporis insumat , quam 24 in suo majore , ratio est procul dubio quod h̄ in suo orbe æqualiter procedendo , triplo plus temporis & amplius requirat in uno v. g. gradu absolvendo , quam 24 in suo , nimirum ob plusquam triplam proportionem , sicut totius orbis h̄ ad totum orbem 24 ; ita unius gradus in illo , ad unum gradum in hoc , reali quidem utrinque dimensione. Palam igitur est omnia phænomena superius in præsentī cap. enarrata ex unica simplicissima sæpius laudata hypothese evidentissime profluere , neque adeo in physico hoc foro ullam aliam ex pluribus , neque cohærentibus consultam ullo jure isti præferendam esse ; in quo judicio consentientem habemus inter Astronomos accuratissimos innumerabiles , jugo pontificio non obnoxios ,



*Petrum Megerlinum* J. U. & Ph. D. in Acad. Basiliensi Math. Prof. P. in edito anno 1682. brevi & nervoso tractatulo, quem inscribit : *Systema mundi Copernicanum argumentis invictis demonstratum, & conciliatum Theologiae*. In quo tractatulo non solum 17. capitalia argumenta pro Copernici sententia adducit, & p. 74. ac sequentibus pluribus docet scopum Sp. S. in Scriptura longe sublimiorem esse, quam ut nos doceat sapientiam hujus seculi; imo, quando cum rudi plebecula, cum faminis etiam, servis, ancillis, & pueris, ipsi negotium erat, si docuisset cum Philosophis, terram cum coelo collatam esse instar puncti, globi figuram habere, & infera sui parte, æque ac supera, ab hominibus & animalibus habitari &c. talibus doctrinis, etsi verissimis, à sensu communi tamen nimium abhorrentibus, plurimis, offendiculo fuisse futurum ideoque ab iis & similibus, tanquam à scopo suo alienis, ubique abstinuisse, ac coelum instar veli expansum, terram autem ut tabulatum seu arcam substratam, Esa. XL. 22, Pl. CIV. 2, 6. proponendo, illud Thronum DEI, hanc vero scabellum pedum ejus dicendo &c. ad sensum & captum imperiti vulgise demisisse & hujus ruditati accommodasse &c.

VI. Non solum, inquam hæc talia pluribus inculcavit, sed etiam p. 70. exempla quædam Theologorum reformationum, *Sethi Wardi* scilicet & *Joh. Wallisii* in Anglia; *Christophori Wittichii* & *Francisci Burmanni* &c. in Belgio; ex Lutheranis *Joh. Jac. Heinlini* Theologi & Mathematici Würtembergici, ac inter pontificios quoque ad stipulatores liberioris animi, enarrans, *Petrum Gassendum*, *Marinum Mersennum*, *Godofredum Wendelinum*, *Ismaelem Bullialdum* &c. in primis autem *Joh. Caramuelem à Lobkovvitz*, cujus memorabilia verba, paulo post à nobis quoque verbotenus adducenda, ex ejus syntagm. IV. p. 482. allegat; sed etiam p. 81. *Demonstrationem Geometricam, non solem sed terram moveri*, (inferius itidem fortasse jungendam) ex *Philolao de mundi system.* lib. IV. cap. 6. (sub quo nomine *Ismael Bullialdus* latebat) exhibuit, eamque,



ut clarius eluceret, sub finem opusculi sui, Figura peculiari elegantiori & laboriosa, non fictitio aliquo exemplo, sed historica veritate, varietatem motuum omnibus planetis tam superioribus quam inferioribus, anno 1679. ab æquinoctio autumnali, ad vernum 1680. in terris observandorum, nobisque ex motu terræ annuo appariturorum simul repræsentavit; quam repræsentationem cum accuratissimis Heckeri Ephemeridibus mirifice consensisse testatur.

VII. Age vero nunc videamus, & cum præcedente comparemus cæteras, quas in prioribus enarratarum hypothesium numeris exposuimus. Et primo quidem orbium solidorum suppositio inter hypotheses physicas locum amplius habere non potest; ut non dicam, si maxime admitti adhuc orbis solidi concentrici possent, durum tamen & incertum videri effectus adeo in mediis suis erroribus statos & constantes, ut in futurum etiam prædicti possint, à causis non naturalibus, sed liberis, iisque finitis & errandi periculo expositis, suspendere, quæ præterea eam circumstantiam valde notabilem præstare non possent, qua planetæ nunc apogæi, nunc perigæi, h. e. nunc à terra distantiores, nunc minus remoti observantur. Et quàmvis per hypothesin epicyclorum jam correctam hujus postremæ circumstantiæ ratio aliqua dari possit, posito scilicet non epicyclo tantum, sed planeta superiore præcise in infima parte epicycli collocato, id quod facere hypotheseos conditoribus effectus produciendi & calculo Astronomicæ deducendi necessitas suadebat, nulla vero causa physica postulabat; non posset profecto hæc epicyclica hypothesis pro physicè bona, sed ad summum pro Astronomicè laudabili utcunque haberi. Eratque præterea ad salvandos effectus necessarium quidem multiplicare epicyclorum conditiones, & Jovis minori orbi epicyclum majorem, minimo vero Martis omnium maximum assignare, repugnantibus potius quam urgentibus ullis causis physicis; quin hæc omnia incassum conficta sunt, posteaquam omnis è cælo soliditas semel eliminata fuit. Quod si vero loco solidorum orbium & epicyclo-



cyclorum circulos sive eccentricos, sive concentricis superinquantantes quasi circellos, in coelo fluidissimo, supponamus; vel admittendæ rursus essent causæ non-naturales, sed liberæ, eaque in agendis astris per fluidum ætherem multo minus ab erroribus, quam in volvendis orbibus & eorum epicyclis, immunes futuræ; vel vortices absque talibus vorticulis in centrīs suis omni sidere destituis (quorum exempla in vorticibus hætenus saltem creditis nulla habemus) & nominatim generalis solis vortex, qui planetas omnes, & consequenter terram inter illos mediam una circa solem devolvat: ut adeo in Hypothesin Copernicanam nolentes-volentes iterum recedamus.

VIII. Quod attinet hypothesin tertiam, si planetarum directiones, stationes & retrogradationes, ex intelligentiarum arbitrio absolute suspendendæ essent, hoc ipso fateremur 1) quæsitum de causa aliqua physica, nos talem nullam reddere posse; & cum hæ causæ liberæ, quippe finitæ, 2) ab omni errore immunes esse non possint, effectus autem hætenus observati irregulares quidem & vagabundi, inæquales & mire impediti, certis tamen & in orbem redeuntibus periodis tandem absolvantur; necessum erit 3) contra primum & universale Astronomorum propositum, ad DEI voluntatem, unice quippe infallibilem, illas motuum inæqualitates, tricas, reales errores & irregularitates, absurde & redamantibus conscientis, referre. Nec enim Hamelii effugium hunc nodum solvet. Ratiocinationes enim illæ de planetis apogæis, perigæis, & in altitudine media constitutis, pulchre procederent, si ipsi soli in coelis essent, & inter se tantum collati. Verum cum fixæ quoque stellæ eundem motum cum planetis communem habeant, & quidem in circulis multo amplioribus, quam sunt ii, in quibus planetæ apogæi fiunt; sequeretur, vi ejusdem ratiocinationis: Fixas perpetuo tardius ab ortu in occasum deferri debere, quod majus habeant perpetuo spatium decurrendum, & motus sit omnino æquabilis. Qua consequentia semel admissa, sequeretur fixas semper, ratione motus proprii, directas fore & in ortum magis



gis promoveri apparituras : Planetas autem , fixarum intuitu, omnes & semper retrogrados futuros , sive in apogæo , sive in perigæo sint constituti , ( quia in utroque casu minores circulos , quam fixæ percurrentos habent , ideoque æquabili motu eos citius absolventes , stellas fixas à tergo videbuntur relinquere ) quod utrumque tamen experientia manifeste repugnat. Neque videre possum , quomodo dici possit planetas , cum in medio ascensus ac descensus intervallo morantur, tum eodem temporis spatio diurnam revolutionem cum fixis perficere ; stantibus scil. duobus alteris principiis toties repetitis, quod nimirum 1 ) motus diurnus sit ubique æquabilis, & æquabili hoc motu posito minores circuli citius quam majores absolvantur.

IX. Sicut autem num. III. hujus ex hypothesi Copernicana evidens data ratio est, cur sol & luna nunquam apperere possint, retrogredi ? id tamen , quod ibidem dicitur , idem in aliis hypothesibus ostendere esse impossibile , nondum probatum est ; age considerabimus rationes lib. VII. p. 649. & sequ. theorem. 3. à Ricciolo allatas , quarum prima hæc est : Si sol moveatur in eccentrico simplici , movetur circa centrum terræ semper in consequentia signorum , nec in ea hypothesi est ullus concursus motus alterius , illum aliquando retrahens contra successionem signorum. Quæ ratio si legitime concludat , solẽ non posse fieri retrogradum ; necesse fuerit utique de Saturno Jove & Marte saltem idem concludere , cum & hi supponi possint in simplici eccentrico , circa centrum etiam terræ , semper in consequentia moveri, nec in ea hypothesi ullus est concursus alterius motus illum aliquando retrahens contra successionem signorum , saltem ex mente Anticopernicanorum qui motum terræ secundum circa solem negant. Cum tamen hac æqualitate hypothesium supposita , superiorum illorum planetarum retrogradationes nihilominus contingant ; necessum est in his duabus hypothesibus diversitatem aliquam intercedere : quæ diversitas cum in eccentrico & motu planetarum in consequentia non reponatur : sequitur in concursu alterius motus , qui pla-



netam aliquando in antecedentia , sive contra successionem signorum , retrahat , eam esse reponendam. Alius autem motus , qui hanc retractionem causari possit reperiri nusquam potest , quam motus terræ secundus ; quo dato , iterum in hypothesin Copernicanam incidimus , ex qua rationem deficientis in sole retrogradationis evidentissimam dedimus.

X. Quod si vero solem cum Longomontano moveri in concentricis supponamus , sive solido illo ac duro , sive fluido ; ibi suppositio , propter soliditatem cœli dudum explosam , per se expirat ; ut taceam eam plurimas alias condiciones involvere (quod e.g. fatente ipso Longomontano , ad phænomena solis tuenda necesse sit , planetam in epicyclo moveri superne in præcedentia , & centrum epicycli moveri in consequentia circa centrum mundi , æquali velocitate motus , ita ut totidem gradus quotidie conficiat in concentrici peripheria , quot sol in epicycli circumferentia conficit &c. ) quæ à conditionibus aliorum epicyclorum plurimum distent : hic aut vorticum parvulorum , vorticis aut orbis fluidi majoris peripheriæ , suo centro sideris vacuo insidentium , exempla nobis desunt ; præterea in luna vel eccentricus epicyclus , vel concentricus orbis cum epicyclo & huic ulterius quasi superequitante epicyclo fingatur , Astronomice quidem & ad calculum forte haut inutiliter , physice vero inepte & sine omni fructu ; quis amabo prudens physicæ cultor , has tantas & tam varie consutas tricas , præ illa simplicitate qua num. III. quæstionis , *cur Sol & Luna nunquam retrogredi , sicut cæteri planetae , observentur ?* ex hypothesi Copernicana satis fecimus , elegerit ?

XI. Concludimus igitur merito : Illam hypothesin , quæ non solum immanem raptum innumerabilium stupendæ magnitudinis corporum feliciter & incredibili facilitate evitat , sed etiam absurdas illas & indignas Creatore , ordinis & simplicitatis amantissimo , tricas , inæqualitates & confusiones in planetarum motibus , nil nisi lusus oculi moti pulcherime ostendit &c.

om-



omnium simplicissimam , maxime concinnam , ipsorum ad-  
versariorum judicio , facilitate sua mirabilem , super omnes  
alias adeo physice bonam esse & præ omnibus aliis impeditiori-  
bus &c. eligendam ; quicquid etiam exceptionum Ricciolus cum  
sociis , coacta conscientia , & metu fulminis excommunicatio-  
nis , carceris item squalidi , quamque porro tyrannidem per-  
pessus est septuagenarius Galilæus , vel etiam ex cæca & adu-  
latoria obedientia , undecunque conquissiverit lib. IX. Almag.  
nov. p. 342. Certissimum enim est ex iis , quæ supra passim ad-  
duximus , ingeniosissimos hosce viros hypothesein eandem citra  
hæitationem publice professuros , si sacræ , quam vocant ,  
congregationis Cardinalium R. E. rigidum decretum eos non  
retraheret. Id quod allegata à D. Megerlino p. 71 sequ. sui  
tractatuli , *Johannis Caramuelis à Lobkovviz* confessio , huc  
etiam nunc verbotenus transferenda , abunde testatur. Si sen-  
tentia scribitis loco paulo superius cit. terram motu diurno con-  
vertens , non esset à Cardinalibus condemnata , multi illam  
defenderent , qui hodie intellectum captivant in obedientis  
religionis obsequium. Multi profecto , si per ecclesiam liceret ,  
suaviter de coelo discurrerent , terramque statim cum Aristarcho ,  
& Pythagora loco suo avulsam circa solem moverent , coelum-  
que mille difficultatibus liberarent &c. *Et paulo post* : scio ,  
multas in Europa Doctores jam quodammodo Copernicaturi-  
re ; sequeretur quidem illos , si de sola physica disputaretur : At  
agitur de fide Catholica , & non audeo opinioni subscribere ,  
quam ecclesiæ primores tam crude & severe proscribunt &c. *¶*  
*inf. op. p. 1710.* Cessantibus illis censuris ( scilicet contra Coper-  
nicanos ) cessaret multorum hominum illustrium anxietas , &  
fensa mentis suæ aperirent , qui coguntur scribere contra illius  
dictamen , malentes ingenium captivare in obedientiæ obse-  
quium , quam scioli & inobedientes videri &c. ,

XII. Quandoquidem ergo ex hac ingenua confessione Lob-  
kowizii nimis apertum est , quid pontificios ( alioqui Coperni-  
ci sententiæ plerosque avide subscripturos ) detineat , nempe ,



quod quæstionem præsentem pro quæstione de fide cogantur sub gravissimarum poenarum metu agnoscere ; liceat saltem nobis protestantibus & reformatis , qui secunda conscientia quæstionem hanc mere - physicam esse contendunt , aliis interim , qui conscientia scrupulis anguntur , ne in S. literam cum Anticopernicanis passim loquentem , injurii sint , approbando Copernicanam sententiam , tametsi speciosissimam , omnem libertatem concedentes , ab eo abstinendi ; liceat , inquam , nobis eam , saltem ut optimam & vero simillimam in physicis hypothesin agnoscere ; præsertim cum Hookii laboriosum experimentum , telescopio 36 ped. perpendiculariter erecto , alioque instrumento menforio adhibito, Londini accurratissime (judice D. Megerlino pag. laudati sui tractatuli 61 & sequ. institutum pene evicerit , stellam lucidam in capite draconis , puncto verticali Greshamensis collegii propiorem esse 27 vel 30 min. secundis in solstitio hyberno , quam in æstivo &c. Quod experimentum , iterum opto reoque , ut ab aliquo nostratium saltem (quando Astronomi, Parisiis e. g. in observatorio Regio occasionem commodissimam habentes , fortasse tantum laboris frustra insumere nollent) sumptu & subsidio principis alicujus musarum amantis , in stella aliqua majore , nobisque adeo probabiliter propiore, iteretur & confirmetur.

XIII. Hoc enim si confirmatum indubie semel fuerit, testibus adhibitis rerum peritis & fide dignissimis , ex ipsis etiam adversariis cordationibus , ingens hæc lis tandem sublata ac terræ mobilitas circa solem infallibiliter demonstrata erit. Cum enim terra circa solstitium æstivum, aliquam stellam, aut ejus distantiam ab aliquo vicino puncto majorem sensibiliter deprehendit , quam circa solstitium brumale; infallibile hoc indicium erit, in casu prior eam dictæ stellæ fuisse propiorem, quam in posteriore , & consequenter non in centro , sed in peripheria extitisse. Cui argumento nunc clausulæ loco illud insuper subjungemus , quod sæpe laudatus D. Megerlinus ultimis pagellis sui tractatus , sub inscriptione sequenti annexuit :

DEMON-



# DEMONSTRATIO · GEOMETRICA

## non solem, sed terram moveri.

**C**Um ex argumento primo supra proposito satis manifestum sit, planetas unico moveri motu, & per unicum circulum, ex eo Philolaus *de system. M. lib. 4. cap. 6.* (sub quo nomine latet Ismaël Bullialdus, Astronomus Parisiensis) ulterius demonstravit, *non solem, sed terram moveri*, hoc modo : Sit, terra supposita in A (Fig. nostra 28.) immobilis ad sensum ; sit in ea videns motum solis in circulo B L E F, & motum alius, cujus ex planetis superioribus in circulo C I ; Videatur conjunctio Saturni, Jovis vel Martis cum sole in linea A B C ; quando autem sol visus fuerit in F ex A, tunc planeta percurrit arcum C I, & ex terra videri debuerat sub linea A L I M ; Sed, videbatur in G : Ergo oportuit lineam visionis transire per G I, & reflectere versus N. Quando vero sol apparuit in O, videbatur planeta regressus à G in D, & linea D I ad visum pertigit in E. oportuit ergo videntem translatum esse, ibi ex A in N, hic ex A in E, i. e. ex centro in circumferentiam ; motus est ergo videns per circulum N B E F. Atqui videns est in terra : Ergo terra movetur ; sol vero reponendus in centrum immobilis, quippe terra circulariter mota, videtur semper directe procedere ad partes oppositas, & nunquam regredi. Sic etiam inferiores planetas (siquidem & hi moventur unico motu, & in uno circulo) *volvi circa solem, & terram circa ipsos*, demonstrari potest : Nam, si terra esset in centro A revolutionum, Veneris & Mercurii B L F E, sol vero in circulo C I moveretur ; illi, utpote celeriores sole pervenirent ad ipsius oppositionem, in K : Hoc autem observationes non admittunt, sed, quando, Venus ad 48 gr. & Mercurius ad 29. gr. à sole digressi fuerunt, ad ipsum revertuntur. Atqui hoc est impossibile, nisi sol peristeret in centro A, & terra in circulo C I, circa ipsos deferretur, per ax. opt. 10. Sed hac posteriore demonstrationis parte ne,



opus quidem fuisset ; quandoquidem priore recte conclusa , ,  
 fol in centro A immobilis , terram circa se in circulo B E F K N  
 mobilem habet. At vero aliunde communi Astronomorum  
 consensu constat, Venerem & Mercurium circa solem inter ter-  
 ram & ipsum volvi. Ergo terra circa ipsos una cum sole mo-  
 vetur.

## CAPUT IV.

De

*Planetarum vicissitudinario quodam accessu & re-  
 cessu , quo terræ nunc propiores multo sunt, nunc  
 ab ipsa multo remotiores.*

### I. PHÆNOMENA.

**P**HÆN. I. Major indies majorque cœlestium cura , plura  
 quoque subinde detexit eorundem phænomena , plebejo-  
 rum oculis haut ita facile obvia ; eaque inter haut postre-  
 mum erat planetarum plerorumque omnium variabilis respectu  
 terræ distantia , multis observationibus comprobata. Nam-  
 1) ut de sole pauca dicam, ejus variata diameter (cujus observan-  
 dæ & instrumentis capiendæ insignem difficultatem quasi deplo-  
 rat, & varios modos deinceps docet Ricciolus Almag. nov. Lib.  
 III. cap. VII. ac X.) circa æstivum solstitium & in apogæo quippe  
 notabiliter minor (ipsi scilicet 30' 50" circa hybernum , & in pe-  
 rigæo notabiliter major (np. 33' 8") in media distantia 31'. 56",  
 exhibita telescopiis & cameris obscuris, mutabilis item parallaxis  
 (de qua in sequentibus agemus) aliquem ejus ad terram hiema-  
 li tempore accessum , æstate vero aliquem ejus recessum suase-  
 runt ; quorum differentia non nisi 2' 18" conficit , quoad distan-  
 tiam tamen, maximam scilicet secundum Ricciolum 7580, &  
 minimam 7074. semidd. terrestrium , continet, 506 semidd.  
 quarum quælibet 860 mill. germ. communia , adeoque nu-  
 merus integer 435, 160 talia exæquaret.

PHÆN.



*PHÆN. II.* In luna ac cæteris planetis multo adhuc certius, imo certissime, ea offeruntur. è quibus majorem nunc, alias minorem ipsorum à terris distantiam concludere oportet: apparent enim alias minusculi valde, alias seipsis multo majores, etsi in eadem coeli parte, eodem gradu serenitatis coeli, & in eadem absentis solis profunditate sub horizonte; adeo quidem, ut ♄, e. g. in oppositione, videatur oculo nudo quintuplo major quoad aream, per telescopium autem, quin & quoad diametrum septuplo &c. & Venus circa conjunctiones cum sole quadragies quoad aream seipsa majorem se exhibeat &c. 2.) In ♀ & ☿, itemque ♄, luminis mutuatitii incrementa & decrementa, lunatim fieri solita, congruenter explicari nunquam possent, nisi asserendo, eos nunc supra, nunc infra solem circumcurrere. 3.) Latitudo planetarum, præsertim superiorum, h. e. recessus ipsorum ab ecliptica, eodem tempore, quo ipsi majores spectantur, & ipsa multo major apparet; evidenti experimento vel argumento Astronomis, ipsos tunc perigæos, alio tempore apogæos fieri. vid. Ricciol. lib. VII. sectio VI. cap. I. p. 680. & 81.

*PHÆN. III.* Etiam sole quidem a luna variatio illa distantiae minus notabilis est, prout de sole Phæn. I. vidimus, in luna vero variatio hæc multo certior, affirmante Ricciolo lib. IV Almag. novip. 226, apogæa quidem ipsius calculo est 64 semid. 15. min. perigæa 53. semid. 45. min. ut differentia sit 10. semid. cum dimidia, h. e. (per 860. mill. germ.) 9030. mill. germ. communia; in cæteris vero multo major est, & in ♄, ♀ & ☿ præsertim valde magna: Nimirum in ♄ maxima, secundum Ricciolum lib. VII. p. 686, 90155, minima 57743 (differentia existente 42413) in ♀ maxima 47552, minima 26441 (differentia existente 21111.) in ♄, maxima 21005, minima 2373 (differentia restante 18632;) in ♀ maxima 12919, minima 2241, (differentia superante 10678;) in ☿ maxima 10868, minima 5246, (differentia reperta 5622.)

*PHÆN.*



*PHÆN. IV.* Quodque est observatu dignissimum,  $\eta$ ,  $\gamma$ ,  $\delta$  &  $\epsilon$ , vicini terris maxime deprehenduntur tunc, cum retrogradi sunt; distantiores, cum directi, testibus Ricciol. cit. paulo ante pag. 681. & Gassendo lib. III. phys. scient. p. m. 595.

*PHÆN. V.* In fixis autem stellis hætenus ne minima quidem apparentis magnitudinis varietas, aut simile quoddam phænomenon, quod earum accessum vel recessum aliquem à terra indicaret, observatum est; præterquam in paucis quibusdam temporariis & novis, de quibus suo loco dicendum est; & præter observationem Hookianam pronuperam, de qua in fine epicriseos cap. II. præced. dictum est, & quam confirmari in antecentibus semel iterumque exoptavimus.

## II. HYPOTHESES VARIÆ ASCENSORIUM hunc & DESCENSORIUM planetarum motum diversimode explicantes.

### L

**I**N hypothesi epicyclica, qualem videre licet in Fig. 26. horum phænomenorum ratio facile datur. Etenim in allegata figura, & ex hypoth. I. cap. præced. manifestissime patet, planetam ab H per L, C D, E usque, retrogradum atque insimul terræ vicinum esse, & proximum quidem cum circa C est maxime retrogradus. Inde vero, dum ab E per F, B, G, directus fertur, insimul ipsum à terris magis magisque removeri. Enim vero, cum in sole & luna nulla observetur retrogradatio; id inde fieri docet hæc hypothesis quod centrum A per orbem L A K circa T, & utrumque luminare in suo epicyclo circa centrum A, æquali tempore deferantur; ita scilicet ut solis corpus totum uno anno, lunare vero intra mensem epicyclum absolvant, quo eodem tempore, centrum epicycli, majoris etiam orbis circuitum percurrat: qua quidem ratione uterque planeta in antecendentia semper, etsi inæqualiter, (alter scilicet 2. graduum fere quotidie, alter vero plusquam 12) ferri



ferri videatur; siquidem quantum is, e. g. à C versus D retrogreditur, in f\* compariturus, tantundem ipsum cum epicyclo toto, centrum A in anteriora versus K proferat, circa g\* spectandum, ut interim tamen major utrisque à terris recessus, aut ad eam accessus, per epicyclum satis manifeste declaretur.

II. Invaluit autem & alia, tum olim inter solidorum orbium assertores, tum hodie in æthere fluido, hypothesis *circularum eccentricorum*, ac novissime *ellipticum*, à planetis & speciatim à sole, circa terram extra illorum centrum constitutam, describi solitorum, quæ admissa non potest non evenire, ut planeta constitutus in orbita sua, qua parte hujus centrum C supra terram T eminet, ab ipsa sit remotissimus, adeoque *apogæus*: quemadmodum econtra in P minime omnium in M & N autem ab eadem mediocriter distat. Et hanc quidem *Hypothesin ellipticam* vero maxime similem audax Cartesii ingenium à priori demonstrare allaboravit, ita quidem ut admissis semel, circa solem & stellas fixas singulas, fluidis ætheris sphaeris seu vorticibus, in gyrum perpetim actis circa proprios unicuique polos, inde sequentia speciose arguat.

III. *Primo* unius vorticis polos non tangere polos alterius, cum alias vel in easdem partes acti, essent coalituri in vorticem unum, vel in diversas gyrationi, sibi mutuo impedimento futuri, (vid. princip. philos. part. III. num. LXVII.) sed unius polos potius alterius partes à polis remotiores, e. gr. polum nostri coeli septentrionalem attingere partes medias inter polares ejus vorticis, quem circa stellam polarem ab austro in septentrionem volvi quis concipiat, uti noster ab occidente in orientem volvi supponitur. Hinc *Secundo* necessario vorticem nostrum circa polos suos compressum esse magis, quod ea parte motus ejus minus vehemens, imo nullus ferme, contigui vorticis motui ea parte vehementissimo, satis resistere non valeat, in partibus autem inter utrumque polum mediis, quibus aliorum polos attingit, ex eadem causa expansum magis, adeoque sphæroidea potius quam sphæricum. Cum vero *tertio* fixæ stellæ diversæ omnino appareant, & sint quoque procul dubio, magnitudinis, non posse non etiam earum vortices esse valde inæquales, & sic eorum quemque ab ambientibus aliis inæqualiter premi, ut ita necessum sit, aliquas ejus partes esse à fidere centrali (ut in hoc nostro à sole) remotiores, alias & oppositas ipsi propiores, adeoque planetas circa ipsum provolutos, per orbitas non solum



ellipticas, sed aliquo modo etiam eccentricas deferri. (Vid. & adde superioribus part. III. princip. philosoph. num. ult.)

IV. Enimvero, cum isthæ eccentricitas in orbe solis vel terræ annuo, sit admodum exigua, & apperentem solis diametrum parum diminuat, in  $\odot$  vero,  $\oplus$ ,  $\oplus$  &c. variatio apparentis magnitudinis, adeoque distantiae quoque, sit maxima; non poterant certe ellipticæ illæ & eccentricæ solis terræve, & planetarum orbitæ (exallata quippe ratione necessario sibi non admodum dissimiles) rem conficere; ideoque in hypothesei terræ quiescentis, eccentricis istis circulis vel ellipsis, epicycli insuper, imo his porro epicyclepicycli, veniebant affingendi; prout certe apud Ricciolum Almag. lib. VII. pag. 520 & 521 plura hujusmodi epicyclepicyclorum exempla pro trium superiorum planetarum motibus declarandis & calculo subducendis viderelicet, non à Tycho-  
ne solum, sed à Copernico quoque excogitata; quorum prius in Fig. 29. spectandum exhibemus: In hypothesei terræ motæ vero sive Copernicana physica (nam altera Fig. nostræ 29. similis, Astronomica solum est; in quibus nulla rerum veritas desideratur, sed sola aptitudo ad calculum peragendum sufficit) res omnis plana est simplici que rursum ratione conficitur.

V. Etenim, si ponantur e. g. in Fig. 24. Circuli terræ A, B, C, D &c. & Jovis a, b, c, d, &c. paulum eccentrici respectu solis, imo etiam parum elliptici, (quas minutias in his & in Fig. 19. quoque negleximus) ita ut G sit terræ aphelium &c. habeatur certe causa, cur, respectu terræ,  $\odot$  sit apogæus, ipsa versante in G, & sic variatæ quoque distantiae  $\oplus$  à  $\odot$ : Causa vero, quod  $\oplus$  (adhuc magis autem de  $\odot$  hoc verum est, cujus orbis est terræ orbi annuo proximus) non nunquam terræ adeo vicinus ponatur, alias admodum ab ipsa removeri solitus, in propatulo est; siquidem existens terra in A,  $\oplus$  in a positum eminus intuetur; inde vero per B, C, D, &c. promota, ipsi magis magisque appropinquat, donec in G, ipsum quoque circa g hærentem assecuta, habeat sibi maxime vicinum & perigæum, adeoque in tanta vicinia videat necessario multis modis majorem. Conferatur cum hac Fig. 24. speciali, etiam Fig. 19, generalior.

VI. Denique *spiralis* etiam *Hypothesis* hisce phænomenis ita satisfacere laborat, ut planetas singulos circa terram per helices, uti sæpius dictum, ab austro in boream, & à borea vicissim in austrum devolvens, easdem illas helices, nunc altius quoque altius-  
que



que per ætheris profunda efferi planetamque adeo à terris magis magisque remove, mox humilior & humilior incedere, & sic terris illum iterum paulatim admove, statuat; ea quidem ascensus ac descensus in singulis varietate ac diversitate, quam phænomena requirant, & præfecta cuiusvis stellæ Intelligentia, aut impressus olim impetus determinaverit.

### III. EPICRISIS ECLECTICA.

De commemoratis hætenus hypothesebus.

#### I.

**H**ypothesis *epicyclica*, si de solidorum orbium epicyclis quoque solidis loquatur, sponte sua rursus corrumpitur: Si fingantur in æthere fluido, ad imitationem Cartesii, majores orbium primariorum vortices, & in horum ambitu minores; tanquam epicycli planetarum vectores; tunc equidem plus haberet speciei, sed multas insimul pateretur difficultates, ex parte jam supra tactas, ac cæteras inter has duas præcipue; quod 1) nulla ratio dari posset, cur ☿ parvulum sidus à vastissimo vortice epicyclico, Saturnus autem, ingens corpus, à minuitore multis vicibus (intuitu maxime majorum epicyclos deferentium orbium) uti quidem phænomena postularent, deferatur; & maxime 2) cum nonnunquam infra solis orbitam descendisse, terræque quam ☉ multo propius à nonnullis saltem credatur Martis sidus, hujus epicyclus seu vortex secundarius ipsum devehens, intra solis orbem seu vorticem exporrigi necessum esset; quæ res non absurdam tantum orbium confusionem, sed in primis inevitabilem orbium illorum, seu vorticum in contraria euntium, remoram esset necessario allatura.

*II. Eccentricorum* circulorum seu ellipsium hypothesis, etsi accessui & recessui solis ac lunæ sufficere videatur, utpote non adeo magnis ac notabilibus; in cæteris tamen omnino deficit, neque retrogradationum, stationum &c. phænomena salvare potest, nisi vel epicyclos ante rejectos in subsidium revocet,

H h h h 2

vel



vel annum terræ motum ejus diurno superaddens in Hypothesin Copernicanam degeneret.

*III. Spiralis* denique *Hypothesis* & ipsa quidem ea, quæ nunc tractamus, phænomena salvat quidem, & si terra quiesceret immota, sola vera esset & physice utilis, etsi Astronomice ad ineundas motuum supputationes omnium inutilissima: re ipsa tamen, fateor, minus mihi indies minusque probatur, quando magis magisque à nunquam non credita coelestium motuum simplicitate recedit, dum planetæ singuli ab ortu in occasum quotidie circumrapti non solum à circuli perfectione aberrant, & ab austro in boream, indeque rursus in austrum spiratim declinant, sed easdem has spiras, jam versus utrumque istud latas sibi invicem satis implexas, sursum porro deorsumque alias aliis amplius intricant, adeo, ut nulla alteri quoad temporis intervalum respondeat, nulla ejusdem quantitatis flexu in vicinam trans-eat, ac motus planetæ à se ipso perpetuo dissideat, hoc ipsum facente Ricciolo, hujus hypotheseos alias patrono, qui videatur lib. VII. Almag. Sect. I. pag. 504. sub fin. & lib. IX. Sect. II. cap. II. Alioqui Cultores hujus hypotheseos fuerunt olim *Alpetragius*, sed obscure; deinde *Franciscus Patritius*, *Ioh. Antonius Delpinus*, *Blancanus*, & tandem *Honoratus Fabri*, quem postea *Hamelius* sequutus est, & hodie plures, qui (cum Copernicanam profiteri non ausi) hanc inter cæteras cum Ricciolo l. c. priore, fortasse veriores putant, & illam, quæ ipsa utantur intelligentiæ inmovendis planetis &c.

*IV.* Cæterum, ut in spirali hac hypothese ad satisfaciendum phæn. V. supponendum est, fixarum stellarum motus diurnos, vel circulos perfectos ac eosdem perpetuo describere, si motus proprius ipsis denegetur; sed per spiras itidem fieri, sed angustissimas, & ad latera quidem tantillum inclinatas, nunquam autem altius evehi, aut depressius incedere solitas: quemadmodum in Copernicana non aliud effugium patet, in solvenda difficultate, quod stellæ fixæ ejusdem semper magnitudinis anno toto appareant, contra ac in planetis fieri solet, quam ut dicatur orbis



orbis annui semidiametrum ad planetarum orbis habere proportionem sensibilem, atque inde accessus ad eos & recessus, esse quoque notabiles, (vid. hic. Cartesius princip. part. III. num. VII, & XX.) Ad fixarum autem immensam distantiam, Orbem telluris annum, etsi revera magnum & ingentem, nullam habere proportionem, sed instar puncti eum esse, ut eodem modo eveniant omnia ipsarum intuitu, ac si terra in ipso mundi centro semper hærens diurnos suos gyros exerceret, tametsi hoc effugio non fuerit opus amplius, si Roberti Hooke ingeniosissimum experimentum alio novo (ceu supra exoptavimus) confirmatum erit. In superioribus autem hypothesebus (si quid illæ valere possent) diceretur, fixas nec in epicyclis, nec in eccentricis circulis, sed in concentricis moveri, & sic eandem semper à terris distantiam servare.

V. At enim vero, cum in hætenus examinatis hypothesebus plurimæ difficultates à nobis detectæ sint, ita quidem, ut ii ipsi, qui vel metu deterriti, vel scrupulosiore conscientia retracti, vel cœca quadam & superstitiosa obedientia captivati, malunt *θεῶν φησὶν ἀτρεῖν*, quam de mobilitate terræ quicquam audire, ultimam seu *spiralem Hypothesin*, tanquam fortasse veriorrem & re ipsa ab intelligentiis sive Angelis exercitam, indeque *angelicam* dicendam, cæteris omnibus præferendam putent, nobis tamen aliisque qui à supra recensitis malis liberos se sentiunt & gaudent, hæc ipsa spiralis, non solum illis suis tricus & confusis extreme planetarum motibus, (qui nemini alias nisi de exitu aliter inveniundo desperabundis in mentem unquam venissent) naturæ exosissima, & motus diurni immani rapiditate sanam rationem extra seipsum rapiens præterea vero ingentem Angelorum exercitum in secula seculorum provolvendis totidem immensis quasi Sisyphæis saxis in subsidium vocare necessum habens, quod munus tamen, ut perpetuo moveant, & in orbem agant cœlestes sphaeras, minus dignum Angelis munus esse, ipse P. Fabri, spiralis hypotheseos patronus, judicat, Tractatu



VIII. Scient. phys. lib. III. de moribus corp. coelest. prop. VII. nobis, inquam, alia mens sedet, ex omnibus hactenus expositis hypothesebus, eam solam quippe iterum electuris, quæ rationi maxime consentanea est, & phænomenis modo quodam simplici, plano facili & jucundo satisfacit. Quæ utinam alia esse posset, quam (quia id nominis multis adeo exosum est) Copernicana!

VI. Hæc enim (quod num. V. Hypothesium proxime superiorum ex Eig. 24. ex parte jam patuit) in Fig. 19. adhuc apertius phænomenorum sub hujus capituli initium enarratorum rationes simplices, planas, faciles, & jucundas nullo negotio dabit; dummodo singulos in ea circulos circa solem descriptos, tantisper, & parum quidem eccentricos ponamus, ita ut unorum centra paulo infra, aliorum paulo supra solem, aliorum ad latera, parvis, at inæqualibus tamen, intervallis extiterint. His præmonitis, in aperto *primum* est, cur sol à terra vel terra à sole, uno quidem tempore, magis distare potuerint quam alio, sed non adeo multum & notabiliter. Nimirum existente terra, ut in Fig. videmus, in superiore parte sui orbis, ita ut hujus centrum inter solem & ipsam, non adeo longe tamen supra solem, esset positum; tunc terra à sole maxime distabat, & in ejus *aphelio*, quemadmodum sol vicissim, respectu terræ dicebatur in *apogæo*, h. e. à terra longissime abesse; uti contra in opposito loco orbis annui, qua parte centrum hujus non erat, constitutæ tellus, respectu solis dicebatur in perihelio, sol autem respectu terræ in perigæo existere. Eodemque modo res habere cum ellipi vel circulo lunæ eccentrico concipitur, ut nimirum differentia distantiarum  $\Delta$  in apogæo & perigæo non possit esse major quam ipsa eccentricitas (videatur hic Fig. 30. & seq. in Tab. seq. 31.) aliter vero *secundo* res habet cum planetis quinque reliquis, qui ingenti differentia distantiarum in apogæo & perigæo pollent, prout in phæn. III. annotatum fuit, cujus causam ab orbium ipsorum eccentricitatibus non adeo magnis petere frustraneum esset,



VII. Videte vero, obsecro vos, quam evidenter iterum hæc phænomena terræ motum annuum vel nolentibus extorqueant. Hoc enim admissio, omnia clara sunt & in propatulo; ipso vero negato, fictitiæ quidem hypotheses Astronomicæ ad calculum facilitandum excogitatæ sunt, (cujus exemplum in Fig. 29. exhibuimus, epicyclis & epicyclepicyclis constans; ) vera autem aut verosimilis saltem causa physica nullibi inveniri, nulli- cunde erui potuit. Etenim si terra sit in suo orbe (ut in Fig. 19.) supra solem, ☿ autem, ♃ & ♄ ex eadem parte in oppositione cum sole; tunc hi omnes erunt in perigæo ac terræ proximi pro- mota vero terra post sex menses ad partem orbis oppositam, hæ- rentes interim planetæ (præsertim ♃ & ♄, multo quippe tardio- res) in eodem fere loco, erunt in apogæo, & quidem tota or- bis annui diametro à terra distantiores, quid planius? quid apertius? In simul autem *tertio* in propatulo est ratio IV. phæn. cur omnes quinque minores planetæ circa ea tempora perigæi sint, quibus etiam retrogradi esse solent, quod in superioribus contingit, posita terra inter ipsos & solem, in inferioribus au- tem eisdem inter solem ac terram positis: omnia adeo, uti sy- stema Copernicanum, & solum quidem, requirit. Tandem *quarto* in fixis quoque tantilla quidem magnitudinis variatio no- tatata fuisset in experimento Hookiano si confirmatum fuerit; valde pusilla, & operosa cura adhibita. Nulla vero unquam no- tari poterit oculo nudo & absque telescopiis dicto, vel simili mo- do applicatis; quia orbis annuus ad incomprehensibilem fixarum distantiam, nullam habet, saltem ita facile sensibilem, proportionem.





## ARTICULUS IV.

De stellarum aliis affectionibus communibus in positu magis, quam motu consistentibus.

## CAPUT I.

*De corporum cœlestium variis occultationibus & obscurationibus.*

## I. PHAENOMENA.

**P**HAEN. I. Obvium est quotidie Phænomenon occultatarum à solari luce stellarum omnium, ita ut, quamvis earum integrum hemisphærium supra horizontem quemque emineat, nulla tamen conspiciatur interdium, quamdiu sol supra eundem Horizontem moratur, excepta luna crescente frequenter, & Venere rarissime juxta Solem conspici solitis: imo nocturnus quoque lunæ, præsertim plenæ, fulgor ita præstringit oculos nostros, ut stellarum cæterarum conspectum non eripiat quidem penitus, ac obscuret tamen maximopere.

PHAEN. II. Quin & demerso jam sub horizontem vespertino, & nondum orto matutino Sole, cum remotiores paulum stellæ videri occipiunt, aut nondum desierunt, aliquæ tamen Soli viciniore intra crepusculi jubar absconditæ manent, Solem occidentem sequentes, vel orientem antecedentes inconspicuæ, dum interim, promoti in cœlis Sole, nonnullæ vix adhuc visæ, paulo post eodem crepusculi, vespertini præsertim, fulgore involvuntur (id quod *occasum heliacum* appellant) aliæ, diu ante non conspectæ, mane cum primis ante Solis ortum è diluculi luce emergunt, *ortus heliaci*, quem vocant, exempla sistentes.

PHAEN. III. Aliquando stella unica ab alia subtercurrenten-



rente manifeste tegitur, vicinis circumquaque conspicuis, & ea ipsa, quæ occultata fuerat, paulo post restituta, quale quid equidem jam Aristotelis tempore observatum fuit, ac hodie frequentius notatur. Non solum enim luna vel plena vel crescens aut decrescens, subinde planetas alios & fixas quasdam stellas his aut istis terris occultat, (cujusmodi phænomenon anni 1676. Augusto mense, media fere inter d. 21. & 22, st. v. nocte, in Martis sidere, pone lunarem discum, integram horam & paulo amplius, ab hora scilicet prima ultra secundam nocturnam non sine animi voluptate observavimus) sed & planetas minores reliquos, tum ab invicem tectos viderunt Astronomi, (ut Saturnum à Jove rarissime intra multa secula, quod factum anno 1464. Keplero videtur, Jovem à Marte tectum viderunt Tubingæ d. 9. Jan. anno 1591. Mœstlinus & Schickardus; Martem à Venere candidiore Mœstlinus anno 1590. d. 3. Octobr. mane hor. 5. &c.) tum vero fixas stellas frequentius occultare observant etiamnum hodie.

*PHÆN. IV.* Nonnunquam autem (ut spurias illas luminarium & stellarum obscuraciones ab eructatis à Vesuvio cineribus & similibus causis, in aëre nostro potius quam in cœlo occurrentibus, ortas, silentio prætereamus) sereno cœlo ac depurato aëre, solis aut lunæ plenam luce faciem nigredo quadam obfuscatur, ac sensim & successive partes ejus, haut raro etiam totam tenebris obvolvitur; id quod solis aut lunæ eclipses aut deliquia vocamus, suo loco prolixius pertractanda. Et pronuper etiam in planetis novis circa Jovem commeanantibus obscuraciones similes, & frequentissimas quidem telescopia detexerunt, de quibus infra suo loco.

*PHÆN. V.* Denique huc etiam referri debet rotunda quadam & mobilis macula, quam anno 1631. d. 7. Nov. Parisiis in solis disco lucido observavit solertissimus Gassendus: quod idem phænomenon anno 1674. hic Altdorffii frustra expectavimus, & insequente 1677. mense Octobri, si suæ constitissent Rudolphini tabulis rationes iterum eramus spectaturi, interim



haut obliti similis cujusdam maculæ rotundæ ab Hookio Londini d. 26. Junii Anno 1666. in disco Jovis observatæ; prout fusius legere est in Ephemeridibus Gallicis anni prædicti p. m. versionis Nitschianæ 409.

## II. HYPOTHESES enarratis Phænomenis explicandis inventæ.

### I.

**P**alpabile quidem est, priorum duorum Phænomenorum causam, in aëris diurno & crepusculari, vel etiam lunari nocturno fulgore, qui oculos nostros ita perstringit, ut minutiorum stellarum speciem non percipiant, esse positam, de modo tamen, quovis illa majoris lucis cum obfuscatione minoris in oculum agat, est aliquis inter recentiores dissensus. Haftenus equidem plerique omnes eodem modo rem hic habere statuerunt, quo in aliis quoque sensibus accidit, ut occupati à sensibili quodam fortiore, debiliore vim ac impressionem non percipiant; indeque natum axiomæ opticum vulgatissimum: *Majus lumen obfuscet vel extinguit minus*; non quod occupatus à majori lumine, oculus minoris speciem non admittat aut recipiat, sed quod admissæ impulsus & motus minus valentem, ab alio validiore fortius agitata nervi optici capillamenta non percipiant, aut menti percipiendum distincte non offerant.

II. *P. Honoratus Fabri* autem, contra communem hanc sententiam id cumprimis urget, quod lunæ quoque lumen debilius multo sit solari seu diurno, imo non intensius Veneris aut canis majoris luce, cum ipsa tamen de die quoque videatur. Aliam igitur & veriore rationem inde petit, quod majus diei lumen uveam rarefaciens & explicans, ejus foramen, pupillam necessario contrahat, ut ita minor crySTALLINI portio detegatur, quæ adeo minorem radiorum copiam ab objecto excipiat, & basin minorem in retinam projiciat, ac tantillam quidem, quæ evadat insensibilis, cum ex adverso cessante vi majoris luminis, uvea contrahatur, & pupilla explicata majorem crySTALLI portionem aperiat, majoremque adeo ima-



imaginem in oculi fundo, atque ita sensibilem depingat &c. quæ supra etiam alicubi commemoravimus.

III. Quod ad III. Phænomenon attinet, ejus rationem haut opus est è diversis hypothesebus arceffere, cum res ipsa loquatur, & unanimis Philosophorum consensus sit, unam stellam ab alia occultari, quod, cum aliæ aliis respectu terræ, sint inferiores (imo ex hoc ipso phænomeno merito concludantur) inferior aliqua celerius mota, inter superiorem aliam & visum constituatur, illiusque adeo conspectum tantisper eripiat.

IV. De luminarium autem obscurationibus, quæ quondam fabulati sunt antiqui quidam Philosophi, ne quidem hypotheseum nomen merentur, neque adeo digna quæ hic enumerentur. Sufficiat unicam & genuinam omnium consensu causam hoc loco vel tribus verbis attigisse, utpote suo loco, ubi Solis & Lunæ specialior contemplatio instituetur, prolixius deducendam. Nempe in solaribus eclipsibus, obscuritas illa & nigredo, quæ cernitur, non tamen in facie Solis (quippe quæ solita sua luce sine ullo defectu etiam tum fulget) sed innumeris parasangis infra Solem statuitur, ac lunæ novæ obscurus discus recte creditur, qui Solem inter & oculum prætervectus, Solem vel totum vel ex parte occultet, suamque nigredinem sensui, intervallum hanc inter & Solem percipere non valenti, tanquam ipsi Solis vultui obductam, exhibeat. In lunaribus autem eclipsibus alia causa non agnoscitur, quam quod terra, solem inter & lunam constituta, solis radios in illustrandam lunam directos intercipiat, & opacitate sua divertat, lunam adeo, nativa luce carentem, ac umbræ suæ (nempe terræ) quam è solis opposito projicit, immersam, lumine mutuatitio privet, quod idem de circumjovialibus, ab interposito Jovis opaco corpore inumbratis, intelligi volunt.

V. Maculam autem illam in facie Solis observatam, ac porro aliquando observandam nihil aliud esse asserunt, quam parvulum Mercurii discum, ex ea parte, quæ terræ obvertitur, à sole averfa, nigrum & obscurum, qui solem inter & visum simili modo prætervectus, illius disco lucido grandiori instar nigræ mobilisque maculæ coherere videtur: in Jovis autem disco conspectam maculam Hookeius existimat l. c. non esse aliud quid, quam vicini satellitis umbram, quæ partis alicujus Jovialis corporis eclipsin fecerit, id quod equidem ulteriores observationes vel confirmabunt vel convellent.



## II. BREVIS EPICRISIS eclectica circa allatas superiorum phænomenorum causas.

### I.

**Q**Uæ adductæ sunt phæn. III. IV. & V. rationes, non hypothèses amplius sunt, sed ipsissimam veritatem continent, inde quam evidentissime elucentem, quod istis suppositis eadem phænomena in futurum jam sæpius prædicta, statoque ac prædefinitio tempore semper evenerunt; uti quidem suo loco constabit manifestius: Excipienda tamen est Phæn. V. pars posterior, de macula mobili in facie Jovis observata, cujus vera causa, licet probabilissima, nondum penitus liquet, donec similis aliqua indubia observatio ulteriorem rei confirmationem attulerit.

II. Ad primi & secundi phænomenorum causas quod attinet, jure etiamnum hæreo, utrum melior sit ac certior Honorati ratio ea quæ diu ante apud plerosque philosophos obtinuit. Sed quoniam tum ipsa viri laudati placita jam supra quoque Artic. II. cap. III. in Hypoth. II. num. IV. fuse proposuimus, eademque deinceps in sequ. ibi Epicrissi num. VI. solícite excussimus; non est, quod illam cramben hic denuo coctam iterum apponamus. De cætero forte non opponendæ sibi, sed conjungendæ sunt illæ duæ hypothèses, ac fatendum Honorato, ampliata in tenebris pupillam efficere quidem, ut stellarum species ac debile lumen in oculi fundo vividius exprimantur; & ex adverso contractam interdum reddere earundem picturas haut parum obscuriores: attamen, quod obscuriores hæ stellarum species ab oculis exceptæ hos sensibilibus non moveant, in causa esse motum luminis diurni, fibras visorias jam ante multo fortius concutientem.

II. Ne nimis brevis esset hæc epicrissi, volui observationem Gassendi phæn. V. commemoratam, paulo distinctius enarrare, ex ejus Epist. ad præclarum & amicum virum *Wilhelmum*



*helmum Schickardum*, in *Academia Tubingensi professorem hebraicum*, 4. Eid. Novemb. anno MDC. XXXI. ut insimul aliquod habeant Tyrones exemplum modi observandi similis generis phænomena. Edita superiore anno Joh. Kepleri Math. Cæsarei admonitione ad Astronomos rerumque cœlestium studiosos, de raris mirisque anni 1631. phænomenis, Veneris putata & Mercurii in solem incursu, se quoque admonitum fuisse, Quare tempore accedente, quo Mercurius antegressus incurrere in solem debuit, ea se ratione sub obscuro tecto composuisse, qua in solis tum maculis, tum eclipsibus observandis solitus fuerit. Circulus albus, quo radios solis citra telescopium exceperat, æquabatur diametro dodranti pedis parisiensis. Diametrum distribuerat in particulas 60. ut, cum solis diameter esset minutorum proxime 30, quælibet earum particularum foret unius min. dimidii sive 30 secundorum, Circumferentiam ab utroque diametri fine distinxerat hinc inde per integros gradus, præfeceratque quæmpiam in supposita camera altitudini solis conspectandæ, ut, quam primum pede impacto signum daret, fixam haberet tum occurrentem  $\odot$  altitudinem. His itaque præparatis, à d. 5. adesse voluerat observaturus, (ob calculum scilicet Mercurii, illo aliorum planetarum ob causam notam, incertiore) ea tamen tota fuit pluvia; d. 6. vero mane nebulosa, dein varia, à l. pom. ad noctem usque obscura.

IV. Die 7, igitur poterat demum inchoari observatio, viso primum sole paulo ante hor. 8. sed, inter nubes. Accedente autem hora 9. cum sol nonnihil inclaresceret & in circulo pingeretur, deprehendit quidpiam subnigrum, idque in eo situ ut diametro AB, verticalis planum referenti, foret tantillum ad orientem, qua parte dicta diameter non multo amplius sui quadrante ab inferiore extremo erat. Hoc tamen non nisi crasse subnotavit, quia non credebatur, illud nigrum, quod viderat, esse mercurium, adeo pusillum id fuerat, ut diametro sua vix superate videretur dimidium expositarum supra particularum;



unde maculam aliquam potius interim exortam reputaverat. Redeunte vero sole sub horam 9, cum direxisset diametrum circuli per cogitatam maculam, exploraturus, puta illius à circuli centro distantiam, eam reperierat 16. sensibili mora interposita, ac diametro iterum directâ, observabat dictam distantiam ampliorem factam particulis quatuor. Tunc conturbatus, judicabat, maculam vulgarem non esse, ut quæ vix uberius spatium integro die fuisset confectura; sed vix tamen persuaderi poterat, ipsum esse Mercurium, adeo eum expectatio amplioris magnitudinis præoccupatum detinebat. Cum sole iterum allucente propositam distantiam productionem duabus particulis reperiebat (ut jam essent 22) tunc demum credebat adesse Mercurium. Itaque statim pede pulsare &c, sed ille suus nescio quo diverterat, ac dum ille redibat, ipse interea attentius Mercurii magnitudinem rimabatur. Umbra extrema dilutior erat, aliquantulumque rubescens, sed habita ratione dilutissimi etiam limbi, mercurialis hæc diameter vix potuit quicquam excedere particulæ unius bessem, h. e, minuti tertiam partem, seu mavis secunda 20. quare & diameter Mercurii non major parte nonagesima diametri solaris est visa: profecto hæc illi magnitudo summa, ut fuerit pars una diametri solaris octogesima.

V. Si quidquam egregie adnotatum habeat; ipsum tempus esse, quo Mercurius à limbo solis medius excesserat; qui contigerit, alto jam sole (tum præcipue claro) 21. gr. 44. min. vel correctâ ob refractionem & parallaxin, 21. gr. 42. m. h. e. subductâ hinc hora, D. 7. mane hor. 10. min. 28. in meridiano parisiensi regione excessus meridiem inter & exortum; quamobrem & in ipso cœlo, septentrionem inter & occasum. Quantum vero præcise ea limbi pars distiterit à diametro verticalem repræsentante, jurare non audet, utpote pluribus intentus, non satis notavit punctum, è quo factus est exitus. Credit tamen, nisi omnia se fallant, fuisse inter 32 & 33, gradus; meminisse enim se, non longe abfuisse à grad. 35; an citra, an ultra, hoc dolet quod non annotaverit. His suppositis, &  
suppo-



supponendis porro aliis , computat deinde Mercurii latit. borealem min. 6. sec. 20. occupantis interea grad. 14. min. 28  $\frac{2}{3}$  III. porro nodum in gr. 14. min. 52. III; ulterius tempus à media nocte præteritum , quo & subire solem debuit , nempe hora 5. min. 28. Quod si deinceps ex tempore excessus hor. 10. min. 28. detrahebat tempus ingressus hora 5. min. 28. remanebat mora Mercurii sub sole horarum præcise 5 ; atque adeo , cum dimidia mora esset 2 hor. 30. m. vera conjunctio fuerat paulo ultra mediam semitam, hor. 7 min. 58. Hæc autem conjunctio , cum ex assignatis à Keplero datis , fieri debuerit Parisiis min 47  $\frac{1}{2}$  à transacta meridie , prodebat se calculi error horarum 4 min. 49  $\frac{1}{2}$ , ut Mercurius visus sit tum à sole excedere , cum debuerat paucis minutis , juxta calculum , subiisse solem. Et cum eadem conjunctio prædicta fuisset celebranda in 14. gr. min. 49 III ; manifestabatur error in motu longitudinis min. 13. valdeque mirabatur Gaslendus , potuisse Mercurii motus , in tanta illa observationum difficultate ac penuria , ita cogi in numeros , ut locus tam paucis minutis , tempus vero tam paucis horis præter verum abfuerint. Qui hæc & alia multa ex ipsa Epist. adhuc fusius legere maluerit ; inveniet eam Tom. III. oper. Gaslendi sub finem. p. 499.

## CAPVT II.

De

*Corporum mundanorum magnetismo : sive de terra, & planetarum plerorumque constanti & perpetua , secundum certas sui partes , in polos mundi nostri directione.*

### I. PHÆNOMENA.

**P**HÆN. I. Certum est & observatum jam olim philosophis, terræ nostræ globum ita quidem sine omni fulcro in aëre vel æthere



æthere libero suspendi , ut binis tamen sui punctis in oppositos mundi polos perpetuo defixus sit , nec ab illa verticitate unquam vel latum ungem dimoveatur : id quod adeo obvium est cuivis vel obiter attendenti, ut Aristoteles jam olim facile iudicaverit , non posse eandem manere ullibi elevationem poli, nec easdem stellas fixas in eadem plaga , aut eadem à cardine orientis vel occidentis distantia , oriri vel occidere ( prout quidem perpetuo oriuntur & occidunt ) siquidem vel tantillum terra ab isto consueto suo positu recederet , aliaque sui puncta hodie , quam quæ quondam , in mundi polos dirigeret , pristinis vel elevatis magis aut depressis , vel ad latera sensibilibiter detortis. Locus Aristotelis habetur lib. II. de cœlo cap. 14. vel t. 60. in his verbis : Τὸ δὲ συμβαίνοντος, ἀναγκάων γενέσθαι παρόδους καὶ τροπὰς τῶν ἐνδεσμεύμενων ἀστέρων. Τὸτο δὲ ἔ φαίνεται γιγνόμενον. ἀλλ' αἰεὶ τὰ αὐτὰ κατὰ τὰς αὐτὰς ἀνατέλλει δὲ καὶ δύεται τόπος αὐτῆς. h. e. *hoc autem contingente* ( ut scilicet terra duos haberet motus quod antedictum fuerat ) *necessum esset deviationes fieri & variationes in stellis fixis. Hoc autem nusquam apparuit fuisse factum : sed semper eadem* ( fixæ ) *in iisdem* ( horizontis ) *locis oriuntur & occidunt.*

**PHÆN. II.** In Luna quoque verticitatem istam seu directionem noto - boream macularum situs manifeste jamdudum potuit ostendere. Sicut enim eandem quam proxime faciem , telluris nostræ centro semper obvertit , nulli circa proprium centrum vertigini obnoxia : ita easdem conspici sui vultus maculas , quas semel austro & septentrioni obvertit , eodem semper fixas dirigit & immutatas ; ut e. g. dextima ad marginem ejus occidentalem sita rotundior macula , quam *Crisium mare* Astronomi distinctionis ergo appellant , uti nunquam in ortum , ita nec in septentrionem , nec in austrum unquam conversa visa sit &c. Qua de re placet audire Athanasium Kircherum, qui, loco paulo post allegando, hæc habet: Sed lunaris globus „uti nobis vicinior , ita sensibilibus nobis sui ad tellurem corporis „adaptationem demonstrat ; in quo si nutationem & oscillatio-

nem



„nem nonnullam excipias, tota, axis, polorum, circulo-  
 „que symmetria terræ perfecte quadrare comperitur, quarum  
 „partium situm tam constanti lege servat, ut proinde Astrono-  
 „mi lyncei, globum lunarem, non secus ac terrestrem, in  
 „suos circulos, puncta, axin, exacte terrestribus correspon-  
 „dentia, dividerint; hinc maculas, quæ mediam globi pla-  
 „gam obtinent, æquinoctiales, quæ utrique polo in globo  
 „subduntur, pro pol. situ nunc polares austrinas, nunc boreas  
 „denominarint. Quam quidem partium singularum adapta-  
 „tionem, axisque sui ad terrenum axem æquidistantiam, tan-  
 „ta similitudinis lege servat, ut, sive phasium lunarium vultu-  
 „bus immutatis, sive ascensus descensusque in circulo motu al-  
 „terato, nunquam à perfecta axis sui, ad terrenum axem adap-  
 „tatione deficiat; neque à seculo auditum, polares lunaris glo-  
 „bi partes mutatis sedibus æquinoctiales plagas motus sui, con-  
 „fusa & perturbata vertigine, tenuisse &c.

*PHÆN. III.* Postquam solem intueri aquilinis observa-  
 torum oculis hoc & priori seculo demum datum est, innotuit  
 idem ipsum, etsi serius, de hoc quoque flammivomo globo,  
 „quod de lunari ac terrestri dudum constitit. Est in solari glo-  
 „bo (verba sunt ejusdem Kircheri mundi subterranei lib. II. cap.  
 „XVII., p. m. 104.) æquinoctialis & zonæ torridæ plaga, ineffabi-  
 „li fervoris æstu ebulliens, nostro æquinoctiali & zonæ torridæ  
 „exacte respondens & æquid stans, unicum macularum semi-  
 „narium; quæ cum, una cum corpore solari circa centrum  
 „propriū rotentur, & παραλλήλως ad nostram plagam noto-  
 „zephyrio (euro-zephyrio, volebat dicere) motu agitentur,  
 „mox etiam solarium polorum puncta nostris punctis perfecte  
 „congruentia, & axem solare terreno parallelum esse, com-  
 „perimus &c. Nempe *Christophorus Scheinerus* primum anno  
 Christi 1611, & post ipsum innumeri alii Astronomi, circa so-  
 lis faciem; quam antiquitas purissimam & immaculatam credi-  
 derat, maculas multas magnasque, h. e. partes ni gras (de  
 quibus infra suo loco pluribus) heliscopiorum ope imo nudis



aliquando oculis, observarunt, & adhuc hodie frequenter observant. Motum porro harum macularum circa solis corpus ferme mensuratum notant, ita solem circumeuntium, ut in eadem plagas cum ♀ & ♂, ab ortu scilicet in occasum pergant, dum inter nos & solem sunt; cum pone solem, ab occalu in ortum, eamque insuper huius circuitus inæqualitatem, ex qua solis vertiginem circa proprium centrum concluderunt: quo concluso sponte sua fluit, id quod hic primario intendimus, nempe solaris globi sic in seipsum convoluti polos, æque ac nostros terrestres, septentrionem austrumque respicere: quamvis absque hoc etiam ratiocinio, ipsis oculis testibus, duæ solis partes, altera in septentrionem altera in austrum, perpetuo conversæ, ab intermedia illa zona, quam torridam Kircherus supra appellavit, quæque & aspera minus, & flammantior longe ac splendidior est, manifeste discernuntur. Videat, qui potest, solis faciem à *Scheinero* & *Kirchero* anno 1635 Romæ observatam ac æri eleganter incisam ad p. 64. Tom. I. mundi subit. & conferrat Ricciolum *Almag.* novi lib. III. Cap. III. & IV.

*PHÆN. IV.* Jam quod *Rheitis*, *Kircherus*, *Ricciolus* & alii de Jove probabiliter conjecerant, id hodie de Jove non tantum, sed & de Marte plenarie confirmant observationes: Utrumque scilicet hunc planetam, præter reliquos motus progressivos, etiam circa centra suorum corporum convolvi ac in vertiginem agi; quæ de re tam certi sunt observatores moderni, ut non de invento & observatione amplius, sed de inventi & observationis primæ honore decertent; Gallis Cassino suo hanc gloriam vindicantibus, sed contradicentibus aliis celeberrimis Astronomis. Idem vero, quod de Jove dictum, in Marte quoque deprehensum est, testibus & gallicis & anglicis Ephemeridibus, quarum testimonia suo loco verbotenus allegabimus. Id vero, quod ad præsens institutum præprimis facit, hoc est, quod vertigo horum corporum, uti aliorum coelestium omnium, in parte sui inferiore, tendat ab ortu in occasum, ductu eclipticæ magis quam æquatori parallelo; ut sic utriusque globi



globi axes , in polos mundi directos esse judicatum sit, sed cum aliqua declinatione.

*PHÆN. V.* Kircherus etiam de reliquis planetis, Venere, Mercurio & Saturno ex analogia concludere ausus est; ac de Cassino quidem scriptæ in Ephemeridibus Gallerum ad annum 1666. p. 491. ad virum illustrem literæ hæc habent: *Certior factus sum, eundem Italum (intellige Cassinum) noviter observasse, planetarum Venerem circa suum volvi axem &c.* tametsi Cassinus ipse in Ephemeridibus XV. ad annum 1667. p. m. 239. nihil certi de his, Venere nempe & Mercurio, adstruere deprehenditur, cæterum Saturni annulum æquatori nostro quam proxime parallelum, & consequenter axem Saturni axi telluris nostræ æquidistantem esse, *Hugenii* systema Saturninum p. 5. 8. expresse docet, & schematicus p. 60. sequens, oculis ipsis ingerit; ut de generali planetarum omnium ad mundi nostri polos directione, vix superesse dubium aliquod videatur.

## II. HYPOTHESES

Pro deducendis his Phænomenis excogitata.

### I.

**C**um haut adeo vulgatæ sint hujus magnetismi in corporibus mundanis observationes, ideo non adeo multas hætenus perpererunt hypotheses. Prudenter etiam ac scite sæpe laudatus Kircherus cit. l. ad quæstionem, *quam sit illa vis in cælo respondens ad quam se terra* (eademque ratione corpora reliqua, polis suis polos mundi immutabiliter respicientia) *accommodet?* respondet: *Audax sane naturæ facinus proponitur, ad quod exponendum non nisi audax ingenii conatus requiritur.* Neque commodiori itaque rem aggredi præfamine poterimus, quam quo ipse usus est, immediate istis subjuncto: *Mysterium itaque si non audaci, saltem eo, quem ingenii nostri debilitas permittit, conatu enucleabimus;* non ut ipsissimam veritatem, sed ut hypothesin à vero saltem non admodum abludentem, nostra, post aliorum, cogitata venditaturi.



II. Sæpissime laudatus Kircherus lib. II. mundi sub. cap. XVII. prolixè admodum & phænomena ante commemorata confirmat, & finem ac utilitatem illius directionis seu verticitatis globorum mundanorum deducit. Enimvero, cum proxima hujus effectus & naturalis causa efficiens quæritur, concludit equidem *primo*: Omnia mundana corpora occultam quandam proprietatem (quam directivam vocamus, habere natura sibi insitam, quæ ex austro in boream axe suo perpetuo distenduntur &c. Concludit porro *secundo*, istam vim directivam noto-boream magneticam esse & omnibus mundi corporibus communem, à primis mundi incunabulis iis inditam &c. At enim, cum paulo post exponiturum se pollicetur, quænam illa sit magnetica vis, & utrum per se sufficiat ad tantam molem sua virtute stabiliendam? Dico, ait, hanc virtutem nihil aliud esse, quam virtutem quandam directivam noto-boream, quæ sese tum cætera corpora, tum tellus potissimum, ex austro & borea inviolabili lege, axe suo extendit, unde non incongrue magneticum corpus audit. Neque dubitaverim, si quis porro urisser Kircherum, mutatis istis verborum formulis haut contentus id tandem responsi laturum fuisse, ab intelligentia quadam motrice, sub hoc situ, juxta præscriptas ab Authore naturæ leges, moveri mundana corpora &c.

III. *Joh. Keplerus* in Epit. Astron. Copernicanæ à p. 116. usque ad 128, ac ante ipsum *Guilielmus Gilbertus* (quem etiam Kircherus videtur secutus) lib. V. de Magnete cap. 12. Terram (de qua sola directio illa noto-borea ipsis tum innotuerat) ajunt esse magnetem, qui instar terrellæ, h. e. globuli ex magnete lapide detornati & è filo suspensi, aut aquis mediante subere libere innatantis, polis suis ad polos mundi se convertat, idque vi fibrarum rectilinearum, quas Keplerus axi ipsius parallelas in ejus corpore, non minus ac in magnete agnoscit &c. quæ prolixè narrantur, à Ricciolo lib. IX. Almag. nov. p. 298.

IV. *P. Fabri* tract. VII. Scient. Phys. lib. I. prop. LXXXVII. & seqq. hanc Gilberti Hypothesin commentum vocat egregium certe & ingeniose excogitatum, sed commentum tamen & illustrem fabulam, ac multis postea persuadere conatur, nec virtute ejusmodi magnetica globum terræ in suo situ contineri, nec è cælis in terram derivari vim istam, his imprimis motus argumentis, quod aspectuum magneticorum termini non in cælo, sed in ipsa terra ejusque



que polis constituti sint, ad quos adeo terra se componere non possit; & quod cœli soliditas veniret de novo introducenda, siquidem in ipso termini ad spectus magnetici essent statuendi &c. De cætero directionem similem in globo lunari notat tract. VIII. lib. I. prop. LXXX. & LXXXVI. ejusdemque causam eam ipsam agnoscit, quam Gilbertus & Keplerus in tellure, nempe magnetem esse lunam dicit, & allegato loco, & pluribus prop. LXX. ad spectuum magneticorum terminos in polis terræ, uti magnetes alii habentem, indeque fieri, ut cis æquatorem ad cancri tropicum delatæ lunæ polus borealis ad terram paulum inclinetur, ad capricorni vero tropicum trans æquatorem progressa, australem deprimat, eo modo apparentias istas exhibens, quas sub finem phæn. III. attigimus, infra curatius introspiciendas.

V. *Cartesius* etiam, ita multis corporibus esse communem illam ad mundi polos directionem, haut cognovit, indeque non nisi circa causam ejus in tellure reddendam allaborat sub finem part. III. princip. supponit autem (quod ante prolixè deduxerat) 1) sidus aliquod fixum & igneum multis adeo ac densis maculis è confluxu crassiuscularum elementi primi particularum generatis, tegi posse, ut è lucido in opacum convertatur, tandemque, ob vim gyrandi vorticem proprium imminutam hoc penitus destructo, ab alio vicino vortice abreptum in cometam vel planetam degeneret. 2) Eo quoque modo terram & planetas omnes olim fixa igneque sidera fuisse ac destructis è causa simili eorum vorticibus, ab uno Solis fortiore vortice absorptis, circa Solem nunc convolvi, nec fingere tamen licere illorum omnium siderum axes versùs easdem partes fuisse conversos, ob causam cap. III. artic. III. numero *Epicriseos* VIII. allatam; valde tamen esse credibile, materiam primi elementi, quæ in terræ sidus per polos vorticis ipsius, è partibus æquatorealibus alius vorticis, confluere fuerat solita, ex iisdem fere partibus firmamenti venisse, quas nunc adhuc ejus poli respiciunt, ac postmodum per maculas circa ipsum paulatim concretas meatus sibi formasse, atque ad magnitudinem & figuram suarum particularum sic aptasse, ut vel nullum, vel difficilem transitum nunc concedant particulis aliis ahunde accedentibus: sicque illas per adaptatos sibi meatus secundum terræ axem formatos, etiamnum ac perpetuo fluentes efficere, ut ejus poli versùs easdem partes cœli, à quibus illæ veniunt, dirigantur. Conf. num. CXLVI. & CLV. part. III. princip. philosoph.



### III. EPICRISIS ECLECTICA super enarratas Hypotheses.

#### I.

**E**Nimvero, ut mentem nunc nostram de hisce hypothesibus candide aperiamus, Cartesiana quidem hoc loco videtur esse nimis *πλασματώδης* & commentitia, dum terram cum planetis omnibus inter stellas fixas primum concipere, tum vero ingenti mutatione in opaca & errabunda corpora transformatos fingere jubet. Deinde, si quis forte pro Cartesio regerat, eum ipsum non ægre ferre, illa sua supposita pro falsis haberi (uti constat ex princip. parte III. n. XLIV. & part. IV. num. I.) & credi nolle, corpora hujus mundi ad spectabilis genita unquam fuisse illo modo, quem ipse descripserit, adeoque hæc talia, duntaxat ut hypothesin accipi velle, è qua si deduci commodè possint rationes phaenomenorum naturalium in certo genere omnium, id saltem concludatur, non aliam esse illorum corporum naturam, quam si tali modo genita essent &c. aliquid in ipsa hac hypothesi continetur, quod phaenomenis nullo modo respondet.

II. Scilicet, cum supponat Cartesius, terræ, Saturni Jovis &c. vortices, antequàm illi in planetas degenerarent, axes suos non in eandem plagam, sed in alias aliasque plagas directos habuisse, concludatque porro fluxum materiæ primi elementi, siue striatæ, (quam ipse finxit) per vorticis terrestris polo ex alio vicino, eam viam tenuisse, ac tenere etiam nunc, quam nunc respiciunt terræ poli; quod parati in macularum terram paulatim contegentium cortice meatus, alias particulas aliunde advenientes non admittant &c. idem certe concludendum foret de planetis cæteris: Nempe, uti primitus eorum vortices diversas mundi plagas suis polis respexerant, & per hos eosdem polos influxum quendam receperant ex diversis illis plagis; ita jam incrustata & opacata ipsorum corpora non aliunde admittere in-  
flu-



fluxum quempiam nisi illum ipsum, qui meatus sibi aptos olim per concrecentem successive macularum crustam paraverat; & consequenter, planetarum reliquorum polos in alias plane mundi plagas, quam terræ polos dirigi debere: id quod tamen omnibus superius enarratis Phænomenis, unam eandemque cum tellure in mundi nostri polos directionem omnibus planetis attribuentibus, manifeste repugnat.

III. Quemadmodum autem hæc Cartesiana hypothesis res satis quidem multas, at magnam partem omnino fictitias, ac præterea phænomenis nequaquam respondentes, complectitur; ita Kircheri, Gilberti & Kepleri cogitata opposito nomine displicent, quod plus verborum quam rei contineant. Et enim dum occultam hic proprietatem obtrudunt, & vim directivam mundanis corporibus à natura inditam crepant, illam vim directivam noto-boream, porro magneticam esse dicunt, quænam denique sit illa magnetica vis, exposituros se polliciti, nihil aliud afferant, quam pudendo quodam circulo, pristinam virtutem directivam noto-boream, similiave, alia; non tam extinguunt quam excitant sitim & cupiditatem sciendi modum aliquem imaginabilem, quo natura insitam hanc istis corporibus, vel à primis mundi incunabulis inditam vim, per tot secula conservet & continuet. DEUM equidem, ut omnium aliorum, ita horum quoque naturæ mirandorum causam esse, facile agnoscit physicus. Verum cum in naturalibus eum non immediate (nisi in primis & paucissimis) sed mediantibus causis secundis, secundum naturæ leges à se positas, ex ipsis vero phænomenis nobis obvias, agere non ignoret; in hac quidem causa acquiescere nunquam potest.

IV. Nimirum non plus rei hæcenus in datis responsis reperire datum est, quam si quis interrogatus, in quo consistat horologiorum vis horodictica? responderet: vim illam nihil aliud esse quam virtutem aliquam seu occultam proprietatem, ab artificis manu automato impressam, quæ indicem externum in orbem moveri horasque successive indicare faciat; cum horum  
ina-



inanium verborum loco, avtomati structuram, & ex ista dependentem tum rotularum, tum indicis demum motum istum in orbem &c, explicare debuisset. Neque istud denique nostrum exsatiat desiderium, quod primo loco dictum erat tellurem ita à divina providentia constitutam esse, ut in coelestes plagas, veluti quietis suæ terminos, innato quodam & intrinseco appetitu, naturaliter feratur, quia ibi aliquid sit, quod eam bene afficiat, cuiusque bono foveatur &c. Cum enim proprie hæc intelligi, non possint, nisi telluri cæterisque corporibus, absurde quidem, vis cognoscendi boni istius, cognitumque appetendi & persequendi tribuatur; certe nihil aliud dicent metaphorica ista, si in propria commutentur, quam quod toties jam dictum est: Terram &c. ob bonum aliquod, naturæ Authori in ipsa naturæ constitutione præfinitum, naturali quadam virtute & actione in polos mundi jugiter directæ sustentari, eandemque adeo quæstionem, quænam sit illa vis naturalis? in quo consistat actio illa? &c. redire facient.

V. Quo ipso jam P. Fabri vis magnetica directiva, quam in luna agnoscit, in terra vero commentum & illustrem fabulam appellat, explosa est, quod hic non magis, quam in terra demonstrata sit, quo modo imaginabili operetur, & effectum illum adeo constantis directionis expediat, ac præterea directionem hanc lunæ deorsum versus polos terræ potius, quam sursum, nullo adducto idoneo vel argumento vel experimento supponat, contra phæn. II. testes. De cætero vero rationes ejus tanti momenti nondum esse videntur, ut omnem terræ magnetismum, aut coelo influxum aliquem terræ vel cæterorum planetarum directivum, subtrahant: neque ad asserendum hunc necessum sit solidos coelos restituere. Nec enim Gilberti, Kepleri aut aliorum sequacium menserat, ita terram cum quovis magnete particulari comparare, ut, quemadmodum hic, sic ista quoque in propriis suis polis terminos adspectus magnetici habeat; sed eo saltem generatim respexerunt ingeniosi isti viri, ut, quemadmodum magnes intrinseca quadam sui dispositione, vel etiam è ter-



ræ polis in ipsum transfusa virtute , ad hos perpetuo se convertit ; ita terræ globum ipsum , ex causa simili , in polos mundi perpetuo dirigi sibi persuaderent. Attamen haut satis est ejusmodi vim directivam noto - boream terræ cum Kircherō asserere , vel cum Gilberto illam terrellæ magneticæ comparare ; nisi prius qua ratione ista terrellæ directio fiat , aut vis illa directiva in magnetē se exserat , & quo pacto inventa hæc directionis principia ad totum terræ globum commode applicari possint , constiterit.

VI. Itaque, cum hætenus, in quo acquiescamus, reperire non detur ; liceat nobis etiam nostras exponere nugas , & ex commemoratis hætenus hypothesibus eam hoc quoque loco breviter contexere , quam ante hac in publica quadam disputatione de magnorum mundi corporum magnetismo fusius deduximus. Ac. 1) quidem cum Gilberto, Kircherō, Zuchio, Schotto &c. facile consentimus , altius ex ipso cœlo virtutem illam directivam petendam esse ; sed in sympathicarum qualitatum , aliarumque vocum inani sono non acquiescentes , corpoream esse vim illam & influxum materiale ab utroque cœli polo ad terram cæteraque illa corpora diffusum , qualem ad magnetis vires explicandas jam olim requisiverunt, *Simplicius* ad lib. VII. phys. text. 10. *Plato* item , *Empedocles* , *Democritus* &c. teste *Alexandro* lib. II. Quæst. nat. c. 23. 2) Facile patimur, orbes cœlestes Aristotelicos, hætenus à Tychonicis penitus destructos , restitui, sed loco solidorum fluidos & vorticosos, & loco concentricorum sibi que mutuò insertorum , ita separatos, ut vel prorsus uni extra alteros positi revolutiones suas exerçant (quales circa solem & fixas singulas cum Cartesio Kircherus quoque concipit Itin. eccl. Dial. I. cap. V. p. m. 231. tanquam unicum fundamentum conservandæ perpetuò ejusdem inter illas distantia;) vel tanquam minores & particulares, intra communem quandam & majorem una circumvolvantur, uti v. g. Terræ, Jovis, Saturni &c. vortices, intra vastum solis orbem ; dum ipse interim suos singuli gyros exercendo Lunam circumjoviales, aliosque primariorum illorum corporum satellites circumducunt &c.



VII. Est vero 3) rationi valde consentaneum (uti jam supra in epicrisi Cap. II. Artic. III. num. VIII. & inter Hypoth. cap. IV. ejusd. art. num. III. intimavimus) orbes istos coeli magnos eum habere ad invicem positum, quo sibi mutuo in motibus & gyrationibus suis minus obstant; id quod commodius fieri vix posse concedimus Cartesio, quam si poli unius respondeant aliorum non polis, sed partibus interpolaribus mediis. Ut si ponamus sphaeras coelestes circa stellas nostro coelo maxime vicinas, volvi circa axes suos *c d* (Fig. 22.) in orientem & occidentem nostrum extensos, vel ab austro in boream (ab *a* versus *b*) vel à borea in austrum (à *b* versus *a*) cum nostra interim sphaera circa axem suum *A B* ab austro in boream protensum, volvitur ob occidente in orientem, in hypothesei terræ motæ; vel ab oriente in occidentem in hypothesei terræ quiescentis: Sic enim motus orbium illorum polarium, *a, b, c, d*, à nostri coeli gyratione omnium minime impediatur; cum in hoc circa *B* & *A* motus vel nullus est, vel debilis admodum, in illis autem circa *b* & *a* vehementissimus.

VIII. Et cum 4) non solum subtilissimam quandam materiam, Aristoteli *τῶ τῶν ἀστρον στοιχείῳ ἀνάλογον* dictam, per universum diffusam, omnis fere antiquitas agnoverit; sed & crassiuscula effluvia multa & copiosa inibi reperiri, solarium macularum aliorumque generationes abunde doceant, si maxime non ausimus cum Cartesio figuras illorum effluviorum determinare, aut instrias & cochleas detorquere; id tamen ipsi ut negemus rationem nullam habemus, quod orbes illi seu vortices coelestes, quorum gyratio (ut in omni motu circulari) cum nisu quodam à centro versus circumferentiam conjunctus est, subinde aliquid heterogeneæ materiæ versus plagas medias seu interpolares (qua parte scilicet major ac vehementior motus ac nisus est) expellant, & per continui orbis polos, in quibus parum motus est ac resistentiæ, effundant &c. Cui asserto simile quippiam apud *Andream Casalpium* lib. III. peripatet, quæst. IX. p. 76 lego: postquam enim, uti nos superius, præsupposuisset, circa

utrum-



utrumque polum coeli motum esse tardissimum, inter alia hæc scribit : *Veluti igitur fluvius, quidam est perpetuus exhalationis ascendentis ex terra prope tropicos, ac descendentis prope polos &c.*

IX. Hinc igitur 3) ita concludere præsentem hypothesein licebit : Quandoquidem circa utrumque polum coeli nostri per *a* & *b* ex orbibus vicinis, perpetuus quasi fluvius corporeæ cujusdam influentiæ illabitur, amplissimæ quidem latitudinis, qui terræ planetarumque poros & meatus (magnam partem sine dubio sub ipsum rerum initium ab eodem influxu paratos) subingreditur ac perfluit ; evidens est, si maxime terra cum planetis cæteris circa solem, juxta axem eclipticæ *U B* à vortice solari devolvi statuatur, eam tamen, ac cæteros planetas, non minus ac solem in ipso vorticis centro positum, binis oppositis sui punctis *A* & *B*, in polos in partes æquatoris *a* & *b*, secundum eundem meatuum memoratorum ductum, axi *A B* parallelum, perpetuo converti ac dirigi, prout superius enarrata phænomena requirunt ; non aliter ac navium, sive in uno eodemque loco quiescentium, sive in orbem aliave ratione circumvectarum aplustria ubique & semper, australi scilicet vento spirante, in septentrionem directam manent ; vel etiam ipsæ naves, aut alia ligna flumine secundo delata, ab ipso fluminis decursu in eandem cum ipso plagam perpetuo diriguntur.

## CAPUT IV.

De

*Stellis novis sive extraordinariis.*

### I. PHAENOMENA.

**P**HAEN. I. Præter illas stellas, quas, vel fixas eodem inter vicinas loco, vel errabundas per coelum, aut inermis oculus à multis retro seculis, aut armatus telescopio his nostris & proxime superioribus temporibus, conspexit ordinarias



ac perpetuas , haut raro etiam extraordinarias ac novas , non nisi paucis annis , mensibus , aut diebus , conspiciendas exhibuit coelum : ac illas quidem duorum generum : Alias nempe & externa specie, & loco , & motu , fixarum æmulas , quæ scilicet inter easdem fixum locum tenere , nec alium habere motum deprehensæ sunt, præter diurnum omnibus stellis communem ; Alias varia forma ambientis comæ , aut annexæ caudæ , vel demissæ quasi barbæ conspicuas , ac præter communem illum motum , proprio quoque & errabundo planetarum simias. Has posteriores variis nominibus insigniverunt , sed frequentissime *Cometas* appellarunt, sequ. capite speciatim contemplandos ; illis econtra *novarum stellarum* commune nomen fecere proprium , hoc capite paulo curatius considerandis.

*PHÆN. II.* Primaria igitur stellarum novarum proprietas est , in eodem coeli loco , & inter easdem stellas fixas , tum ex eodem terræ tractu , tum ex diversis , conspici , ac motu diurno seu communi cum stellis fixis eodem gaudere. Ita v. g. *Tycho Braheus*, ab undecima Novembris anni 1572 usque ad Martium anni 1574. vidit, cum terricolis innumeris, insignem stellam novam , satis grandem , ita ut ab initio lyræ lucidam ac Sirium imo Jovem ipsum superaret , ac Venerem perigæam tandem quam proxime æmularetur , acutum videntibus etiam interdiu non nunquam conspicua &c. aitque eam vir laudatissimus, in Cassiopeæ cathedra, eodem coeli loco semper constitisse, nec alium motum sensibilem habuisse , præter illum primi mobilis &c. Vid. progymnas. Tom. I. cap. 3. Quod idem circa novam in Serpentario (nempe in calcaneo dextri pedis) anno 1604. Octobri vel in fine Septembris visam , dicendum est , Jove itidem majorem & Veneri propemodum æqualem, & ad anni 1605. octobrem saltem durantem , cujus d. 8. eam ultimo vidit Keplerus , & nunquam postea , proptet varia primum Solis , Lunæ , & nubium obstacula , deinde Martio mense 1606 , sublatis omnibus impedimentis , certissime non amplius visam ; ita ut  
inter



inter Octobrem 1605. & Februarium anni 1606 evanuisse necessum sit.

*PHÆN. III.* Habent & illud cum fixis commune, quod & scintillent valide, & varios colores diversæ, imo eadem quoque successive exhibeant. Ita utramque ante commemoratam testantur observatores, vi scintillationis etiam superasse fixas ordinarias, & colores non ad momenta tantum, sed etiam pro majori majorique decremento subinde variasse. Colorem enim prioris in Cassiopea ab initio clarum albicantem ac splendidum fuisse, postea flavum, anno 1573 Martio mense rutilantem, instar Martis & Aldebaræ: Majo autem albedinem sublividam induisse, qualem in Saturno cernimus, quem colorem usque in finem servaverit, semper tamen obtusior facta; ita referente hæc Ricciolo ex Tychone lib. VIII. Almag. p. 133. Posteriores vero in Serpentario lumen vividum, ac scintillationem ipsi majorem quam cæteris fixis fuisse, idem refert p. 169. adeo ut *San-tutius* splendidissimam fuisse, atque ipso Cane splendidiorem, affirmarit, *Keplerus* autem de illa dixerit, coruscatione seu vibratione tam rapida eam fuisse, ut negaverint quidam, sibi, dum viverent, unquam quicquam in cælo visum esse æque pernicioso motu, aliquibus eam comparantibus facià vento agitatae & modo flammæ porrigenti, modo resorbenti reciprocatione irrequieta; aliis natantium brachiis creberrime jactatis; aliis pulsui febricitantium &c. De coloribus *Keplerus* & *Mæstlinus*, eos in momenta variasse testantur, ex flava mox croceam, è vestigio purpuream & rufam, ut plurimum candidam fuisse visam, ubi ex vaporibus paulo altius eveheretur; verbo, cum adamante multangulo comparandam, qui solis radios inter convertendum adspectantium oculos variabili fulgore vibraret.

*PHÆN. IV.* Notabile vero & illud est, quod primo conspectu plerumque magnæ compareant, deinde vero successive decrescant, ita quidem ut celebriores illæ duæ, de quibus hætenus locuti fuimus, cum ab initio Venerem æquassent apparente mag-



nitudine, deinde paulatim stellarum primæ, secundæ, tertiæ, quartæ, quintæ, & sextæ, magnitudinem adumbraverint, donec tandem penitus evanescerent: nisi quis malit credere, easdem sub initium similia successivè subiisse incrementa, sed non antè notata, quàm oculos hominum insolita magnitudine in se converterent. Ea certè, quam *Ismael Bullialdus* noviter in Balænæ collo observavit. Sua non minùs incrementa quam decrementa habuit, (vid. *Ephem. Erud. Gallicæ* ad ann. 1667. l. p. m. 10. & 11. & *Acta Angl.* p. m. 369) & alia, quæ in pectore cygni anno 1658, tanquam stella tertiæ magnitudinis visa erat *Hevelio*, evanida postmodum, ac anno 1666 quasi renata, non nisi 6 aut 7 magnitudinis stellam æquiparavit.

*PHÆN. V.* Et quamvis *νατ' ἐξοχὴν* sic dictæ stellæ novæ, postquam evanuerunt semel, iterato postea visæ non sunt; aliquas tamen oppositæ conditionis modernorum Astronomorum detexit industria; quas inter præcipuum locum merentur duæ istæ, quarum sub finem *Phæn. præced.* facta est mentio, altera in collo ceti sive balænæ, altera in cygni pectore, à *Bullialdo* & *Hevelio* magna industria observatæ. Posterior enim, cum anno 1600. & 1601, primum à *Guilielmo Jansonio*, dein à *Justo Byrgio*, *Joh. Bayero*, *Keplero* & aliis viris egregiis, tanquam nova notata fuisset per annos complures, anno 1626 demum, non sine magna omnium admiratione disparuit, diu postmodum inconspicua; donec anno 1659. *Hevelius* eam in eadem magnitudine (tertiæ namque fuerat) eodemque loco advertit, quo *Keplerus* eam viderat, sub initium 1660, jam decrecentem ac in sequente tandem anno rursus evanidam frustra-que toto sequente quinquennio in cœlo quæsitam; donec anno 1666 eandem videre rursus inciperet *Hevelius*, prout videre est, ex *Epist.* ejus ad *Payenum* exarata, quæ extat *Ephem. Erud.* p. m. 474. Prior autem in Balænæ collo notata fuit à *Davide Fabricio* d. 13. Augusti 1596, sed post 3 menses evanida, de-nuo apparuit anno 1648, & postquam sæpius ostendisset se &

occul-



occultasset, ab anno 1662, non amplius conspecta fuit, usque ad annum 1667, sub cuius initium exhibuit se denuo spectandam *Hevelio*, *Bullialdo*, *Cassino*, & mox iterum se subducen- tem ac per ipsos novem menses delitescentem, insequentis anni 1668. mense Jan. *Cassinus* eam renasci quasi conspexit, & ad 10 usque Martii, quando iterum se abscondidit, observavit, teste *Ephem. Erud.* ad annum 1668. v. p. m. 73. Sub fin. 1677. in Germania quoque nostra à *Gottfrido Kirchio*, ab 8 Novemb. usque ad 28. Decembris gradatim iterum crescens observata fuit, & sub ipsum principium anni 1678 adhuc conspicienda sub forma tertiæ magnitudinis asseritur. Quando itaque id eadem Kirchii scheda germanica, Lipsiæ ultimum citato anno excusa, ca- lamo à me nescio unde annotatum reperio, Dn. Cassini, sub init. 1678. st. v. ejusdem stellæ reditum observasse, æqualis tum circiter stellæ secundæ magnitudinis; id sic intelligendum est procul dubio, quod Cassiniana observatio fuerit Kirchianis po- sterior. *Miram* interim hanc stellam, propter miras ejus ac multiplices, nunc apparentis, nunc iterum disparentis, varie- tates, vocatam fuisse, mirum esse non potest.

## II. HYPOTHESES.

Circa stellas has novas dictas, præcipue.

### I.

**E** T si quam plurimæ sint de natura & origine novarum, quas vocant, stellarum opiniones, possunt tamen illæ omnes haut incongrue ad duo genera revocari, eorum scilicet quibus creduntur esse corpora perpetua & coæva stellis cæteris, ex causa peculiari nunc apparentia nunc disparentia, & aliorum, qui de no- vo istas oriri & generari, rursusque corrumpi reveraque consumi statuunt.

II. Et è priori quidem classe est 1) opinio *Cornelii Gemmae*, *Antonii Santutii*, *Joh. Dee Angli*, *Josephi Blancani* aliorumque, quibus ob immensam distantiam in ætheris profundo eas inconspi- cuas esse, mox descensu notabili, sive rectilineo, sive orbiculari, in illa



illa immensa profunditate forte non sensibili evadere sensibiles. 2) Eorum sententia, qui putant stellas quasdam ordinarias parvulas vel ob interfusos vapores, vel ob partes cœli densiores subtercurrentes refracta specie auctas, vel etiam, cum a densioribus viæ lacteæ partibus prohibitus esset ante ipsarum adspectus, ob subtercurrentes postea rariores partes reddi conspicuas, cessante vero causa illa, pristina involvi obscuritati. 3) *Davidis Fabricii* ac aliorum quorundam hypothesis, quæ creatas quidem ab initio, sed obscuras ac tum demum à Sole illuminatas ponit, cum DEUS per illas aliquid mundo significare statuisset.

III. Quibus porro etiam adjungi 4) debet sententia *Cartesii*, qui parte III. princip. Philos. num. CXI. CXII. CXIV. docet, uti circa Solem frequentius maculae multae conspectae sunt, ita fieri posse, ut tota facies alicujus sideris (praesertim ob ingentem distantiam apparenter parvuli) macularum contiguarum cortice quodam tegatur, atque ita materiae subtilissimae intus conclusae actio, in qua lucis natura consistat, paulatim impediatur, tandemque penitus cesset, ac vicissim fieri posse, ut vel soluta rursus macula tenuiore ac rariore, vel materia primi elementi nova & copiosa, (propter auctas forte ambientis vorticis extrorsum nitentis vires, ex debilitate fortuita vicini alius) exteriori tectae stellae cortici circumfusa, obscuratum ante sidus ex improvviso iterum refulgeat, & sic per vices appareat dispareatque. 5) Denique recentissima *Riccioli* & *Bullialdi* cogitata praecedentibus superaddenda veniunt, quæ stellas quasdam ab initio quidem cum cæteris creatas supponunt, sed ita factas, ut ex una tantum parte lucidae, ex altera planetarum instar obscurae essent, easque adeo parte sui obscura versus terram, lucida vero sursum conversas eo usque delituisse, donec ad DEI nutum vel ab intelligentia quadam, vel intrinseco motu conversae, lucidum hemisphaerium terris paulatim iterum exhiberent; eodemque vicissim, vel derepente, vel paulatim, reciproca vertigine sursum emoto, alterum & obscurius terricolis obverterent, ita disparentes iterum & inconspicuae redditae. Vid. Ricciol. lib. VIII. sub finem cap. XIII. Ephemerid. Erud. ad annum 1667. p. m. 11. itemque Acta Angl. p. m. 315.

IV. Alteram classem constituunt ii 1) qui stellas hasce novas de novo quoque generari statuunt, sive ex elementari materia & halitu quodam terrestri in aëre concretas, ibidemque vel illumina-



tas vel inflammatas, & cum primo mobili in orbem raptas, uti cum Aristotele *Leoviti* antehac, *Peucerus*, *Ursinus*, aliique innumeri voluerunt, veletiam, postquam in aëre coaluerunt, inde in ætherem elevatas, quod *Davidi Chytræo* apud Tychonem placuit, sive gigni solitas ex materia cœlesti & corporum cœlestium exhalationibus, macularum solarium exortu & exemplo satis comprobatis, ac vel à Sole forinsecus illuminatis, val ab intrinseco collectorum igniculorum motu accensis; prout *Clavius*, *Licetus*, *Fromondus*, aliique crediderunt, ac hodiernum inter cæteros persuadere conantur *Kircherus* & *Honoratus Fabri*, vel etiam ex ipsa cœli substantia, maxime vero viæ lacteæ partibus in globum stellarum compactis & condensatis, quod cum *Baranzano*, *Joh. Camillo Furioso* aliisque, *Tycho Braheus* quoque sensit, eo ipso loco, quo celebratissimam stellam novam anno 1572. conspexerat, post ejus extinctionem, hiatus aliquem ac lacunam, tanquam absumpti ætheris vestigium vacuum advertisse se, satis audacter sibi aliisque persuadere conatus. Quibus porro 2) separatim adnumerandi sunt, cum Theologis Philosophisque bene multis *Clavius* supra quoque laudatus, *Conimbricenses*, *Landgravius Hassia*, *Mæstlinus*, *Schulerus*, *Reinholdus* &c. quibus tutissimum videbatur, insolita hæc portenta ipsi DEO, sive se solo, sive intelligentiarum ministerio operanti adscribere; ita utis, eo quo ipsi consultum visum fuerit loco, tempore & modo producat, sive ex nihilo, sive ex ignota hominibus materia; vel etiam in ipso creationis principio jam facta, noviter illuminet, & nunc demum conspicua reddat isthæc prodigiosa spectacula.

### III. Επίκρισις Εκλεκτικῆ

circa præmissarum Hypothesium epitomen.

#### I.

**E**TSI vicissitudinaria stellarum novarum apparentia ac disparientia, maxime autem brevis earum plerumque duratio, & in nonnullis insperatus post tam diutinam evanescentiam reditus, eas de novo gigni ac revera rursus corrumpi, persuadere cuiquam non sine causa posset, ac præ cæteris pia videatur omnium ultima opinio; alterum tamen hypothesium enumeratarum genus, quod novas istas plebis judicio stellas, tantum

M m m m

novi-



noviter apparentes , reapse vero antiquas , ac cæteris coævas credit , ut posteriori præferamus , tum simillima cæteris fixis facies , & æqualis , imo fortior , scintillatio , idem probabiliter utrarumque locus , communis motus circa terram , sive verus ille , sive apparens fuerit , inprimis autem iterata quarundam toties evanidarum in eodem loco resplendescencia (phæn. V. recentissimis exemplis comprobata ) omnino suadent. Saltem illæ sedecim à Ricciolo lib. VIII. p. 130 & seqq. connumeratæ novæ in duo genera dispescendæ venient , ut duæ istæ , quas phænomenon II. descripsit , & fortassis una adhuc vel altera , pro vere novis , h. e. noviter - ortis & non adeo longo temporis intervallo interjecto sensim iterum dissipatis , habeantur ; reliquæ vero pleræque , non ortu , sed apparentia tantum - novæ dicantur.

II. In primo genere vere - novarum stellarum , materiæ quidem ex qua fiant agnoscendæ occasionem multiplicem nobis offerunt maculæ solares , quæ nihil aliud esse videntur quam effluvia quædam fumida aut exusta in vastas quasdam nubes atras collecta , ingentia sæpe corpora , veluti suo loco in parte speciali audiemus. Deinde vero caudarum cometicarum immensæ sæpe magnitudinis syrmata , sufficientem in vastis coelorum spatiis reperiri materiam arguunt. Et enim cum de cometis ipsis sive capitum nucleis magna sit adhuc inter Astronomos concertatio , sintne corpora mundo coæva ? an recens ex effluviis coelestium collecta & coacervata ? De caudis tamen eorum quæ capitibus ipsis expansione sua sæpe millies majores sunt , una nimis consensus est illas saltem ex halitibus & effluviis coelestibus colligi & congregari ; ut materiam sufficientem in coelis adesse indubium sit , quæ colligi in unum congerique locum possit instar vastæ alicujus nubis , quæque mole magis magisque aucta tandem visibilis evadat ex immensa etiam distantia , & à sole infra horizontem posito illuminata oculis in tenebris nocturnis instar stellæ alluceat. Difficultas solum esset de causa , hujus modi coelestium effluvia ad certum aliquem communem locum

com -



compellente ; qualem equidem ( quia fingere in his abstrusis nimiumque remotis utique licet ) speciosius forte haut fingemus, quam supponendo , tres vicinos & contiguos fixarum vortices, per partes suas prope-æquatorealess hujusmodi effluvia extrudere in locum intermedium, in quo motus sibi invicem contrarii se mutuo sistunt , adeoque collectioni diversorum halituum locum & quietem aliquandiu concedunt, quæ à stellis suorum vorticum mediis tandem sufficienter illuminata stellæ quoque & ipsa speciem mentitur,

III. Ex omnibus autem , in altero genere novarum apparitione solum talium , hypothesibus duæ præcipue , *Cartesiana* nempe & *Bullialdina* præ cæteris arrident ; Et illa quidem non potest non huic antehaberi , si , quod de vorticibus seu orbibus cœli fluidis , circa solem & fixas singulas gyrañtib, & sic eandem perpetuo distantiam conservantibus , ad mentem Cartesii & Kircheri diximus , admitti velit ; ut taceam , congestas sæpe magno numero circa solem maculas , possibilitatem illius hypotheseos multum confirmare , & lenta lucis ac magnitudinis incrementa ac decrementa , cæteraque phænomena , eo modo non inepte declarari,

IV. Quod si vero pluribus experimentis certum fieret id quod conjecit Bullialdus de novissima in collo Balænæ subinde abscondi & renasci solita , habere scilicet hujusmodi novarum stellarum apparentiam ac disparentiam , in primis autem maximam earum claritatem , certas suas ac statas periodos , ita quidem , ut ea , quam modo nominavimus , singulis annis 32 aut 33 diebus citius in maxima claritate appareat , quam anno quovis præterito , atque ex hoc supposito ausus sit Bullialdus prædicere in futurum , eam currere tunc anno 1667 sub initium mensis Martii æqualem , aut forte etiam majorem tertiæ magnitudinis stellis , circa 19. autem ejusdem mensis diem in maxima claritate sua visum iri. Quod si , inquam eventus iterum iterumque probaret , non solum præferendam Cartesianæ Bullialdinam hypothesin necessario judicarem ; sed &



quicquid de vorticibus illis coelestibus ex mente Cartesii superius, tanquam probabile admissum fuerat, haut parum nobis suspectum foret, nisi quis forte credat, utramque junctam servari, & ex altera phæn.V. circa stellas ejusmodi sæpius apparentes ac disparentes, ex altera vero cæterarum apparentiis, quæ non nisi semel ex tanto temporis intervallo conspectæ sunt, satisfieri posse.

V. Cæteras autem hypotheses quod attinet, illa quidem 1) quæ per ascensum ac descensum harum stellarum per coeli profunda, magnitudinis apparentis incrementa ac decrementsa, ipsiusque disparentiæ omnimodæ rationem reddit, plus speciei habet, quam residuæ omnes; sed tamen difficultatibus obnoxia est non paucis; cum rectilineus ille in coelis sursum deorsumque motus nullum hætenus sui exemplum aut principium commonstret; orbicularis autem, siquidem in altum adeo sensibilis esset, etiam ad latera variationem distantiae à cæteris stellis notabilem necessario induceret, ac utrinque (quod argumentum cum primis urget Tycho Tom. I. progym. p. 332, 532, 563, & 691. Apogæi & perigæi intervallum tam ingens & vastum esset supponendum, ut omnem fere fidem humanam superaret: 2) Quod ad exhalationes aut coeli quasdam partes vel densiores cæteris vel rariores attinet; non apparet ulla ratio, cur tale quid per sesquiannum continuum, sub una eademque stella perpetuo hæserit, neque vel dissipatum fuerit, vel ante aut post sub vicinis stellis aliis simile spectaculum produxerit. 3) Fabricii commentum nullo penitus fundamento nititur; quandoquidem illuminationem stellæ cæteris coævæ divinitus impeditam, ac suo tempore demum cenceßam fuisse, non plus habet verosimilitudinis, quam ipsam potius stellæ productionem in tempus ejus exhibendæ dilatam esse; neque magis necessum est, cum inter fixas locum habeat, ejusmodi stella ut ea eodem cum istis tempore creata, quam ut sub pari, cum istis, lucis ac splendoris coævi adspectu producta sit: Eam denique 4) hypothesin, quæ in aëre & gignit & locat hæc phænomena, omnes circumstantiæ unitis viribus proster-

nunt,







Anno 1610. d. 6. Sub.  
 d. 1. Dec.  
 Ex Obs. Cysal.  
 d. 2. Fig. I.  
 d. 17. 18. 20.  
 d. 24.  
 Anno 1632. d. 20. Dec.  
 Ex Obs. Jeru.  
 Hevel.  
 Anno 1661. d. 3. Febr.  
 Anno 1665. d. 6. April. usque ad 16.

Long circ. 60. gr.  
Anno 1680. d. 16. Decemb.

Anno 1647. long. 12 gr.  
 Anno 1667. l. 7. gr. Ex Rallumense.  
 Anno 1667. l. 6. gr. fidebros.  
 Fig. II  
 Anno 1677. d. 13. Nov. Obs. Tychone Brake.  
 Long. circiter. 30. gr.  
 Anno 1680. d. 16. Decemb. Obs. Cysal.  
 Long. circ. 40. gr.  
 Fig. III  
 A, B, C, D, E, F, G





Fig: 2.





Fig: 4.

d 26 Febr: 1679. d 25.  
Paris: Observ: Cassino  
Circa O. centrum.

di. Maii 1642.  
Gedani Observ:  
Heuclib.

d 8. Maii.  
Y

d 9. Aug: 1625.  
Roma. obs:  
Schemero.

Fig: 5.





Fig: 3.









nunt, ac in primis parallaxes, de quibus post pauca adhuc capita, circa stellarum à terris distantias acturis, dicendum erit, penitus convellunt.

## CAPVT IV.

De

*Cometis speciatim, hoc est eorum natura, motu & origine.*

### PRÆMONITUM.

Cum hæc materia ad præsentem locum vel maxime spectet, & vero illa melius hic tractari non possit, quam olim ante hos annos viginti & quod excurrit, à nobis tractata fuit in Disputatione solenniter ac publice habita, Respondente GENEROSO DN. CHRISTOPHORO FÜRERO AB HAIMENDORFF & WOLKERSDORFF, cum philosophiæ cultore strenuo, nunc autem summo suo merito intimioris Senatus Norimbergensis membro dignissimo, & Scholarcha gravissimo &c. Domino & Patrono meo submisisse venerando; operæ pretium esse duximus eam totam fero (omisso solo capite præmiali) hoc loco inferere; cum præcipue eadem, qua in hoc opere perpetuo utimur, concepta methodo fuerit; ita in multorum aliorum etiam manus ventura procul dubio, quas olim sub disputationis academicæ forma constrictiore effugerat. Sequantur ergo recepto nobis more, ex authoribus fide dignissimis

#### I. PHÆNOMENA, & primum quidem generalia.

PHÆN. I. Illud primum commune habent cometæ cum astris extraordinariis fixis, sive stellis novis κατ' ἐξοχὴν sic dictis, non apparere perpetuo, sed exoriri præter expectationem ac præscio rite quidem nemine, deinde vero sensim iterum ex ho-



minum conspectu sese subducere, futuræ disparitionis suæ tempus illorum sagacitatem amplius celare vix valentes, postquam externis quibusque cometæ noviter affulgentis observationibus accuratioribus ea, quam infra docebimus methodo, non viam tantum omnem, qua incessurus sit postea, sed motus ejus etiam in dies singulos, horum incrementa ac decrementa, tempus denique locumque effugituri observatorum oculos, hoc ævo feliciter audent Astronomi, prout vel edito nuperrime circa novissimum cometam à clarissimo *Montanario*, Prof. antehac Bononiensi, nunc Patavino, specimine luculenter constat; qui data sub ipsum apparitionis secundæ principium ad clarissimum *Magliabechium* epistola cometæ sepulchri sui locum, quo ipsum indigitato pariter tempore, circa 5. Febr. st. n. paulatim vidimus expirare, sic satis feliciter assignavit hisce verbis: *Vedesi da questi moti, che la cometa passerà vicina alla spada di Andromeda la sera de 18. Gennaro, di dove si porterà fra le stelle in bocca del Pesce boreale, la sera de 21. e di là passando alquanto più australe della Lucida del cingolo, frà li 22. e 23. di Gennajo, passerà poi verso quelle del Triangolo sul principio di Febrajo, e quivi con tardo motu poco più avanti prima d'arrivare alle stelle informi sopra l'Ariete, andrà morendo.*

*PHÆN. II.* Quemadmodum autem frequentiores multo sunt cometæ seu novi hierrones, quam stellæ novæ aliæ inter ordinarias fixæ, cum harum numerus recensente *Ricciolo* lib. VIII. sect. II. sub initium, ab omni hominum memoria ad præsens ævum usque vicenarium nondum sic assequutus; illorum autem *Lavatherus* ab Augusto Imperatore ad annum Christi 1556. numeret 117. *Ricciolus* lib. cit. sect. I. cap. IV. ab anno 480. ante Christum ad annum post ejus salutiferam nativitatem 1618. collegerit 154. ex historiis. *Hevelius* lib. XII. *Cometographiæ & Lubenietzius* in *Theatr. Comet.* parte II. à temporibus antediluvianis ad annum 1665. inclusive, ille quidem 250. hic undecunque studiose conquisitis relationibus 15. ultra 400. connumeraverint: ita vicissim cometas novis illis fixis



fixis esse minus durabiles vel primaria illa evincat, quam *Tycho Braheus* ab 11. Novembris 1572. ad Martium usque mensem 1574. eodem cœli loco constanter observavit; cum cometarum vix tres reperiās, qui in sextum usque mensem duraverint, illo uno excepto, quem ante Hierosolymitanum excidium, Josepho teste, anno toto conspectum, ex cometarum genuinorum ordine cum viris doctis bene multis, non sine causa excludit *Braheus* tom. I. Progymnasm. p. 330. & 626.

*PHÆN. III.* Atque ut specialia quædam ex observationibus indubiis de cometarum duratione adnotemus; ille quidem, qui primus omnium accuratius à *Tychone* anno 1577. observatus est, à 13. (secundum nautarum Norwagorum indicium à 10) Novembris ad 27. Januarii 1578. tres fere menses continuos, is quem *Michael Mæstlinus* 1580. à 2. Octobris ad 12. Decembr. diligenter est contemplatus, & cujus etiam meminit *Tycho* in Epist. p. 143. dies minimum 71. perduravit (tot enim diebus à *Mæstlino* conspectus est, incerto an & quamdiu ante vel post visus sit aliis) alius anno 1590. à *Tychone* rursus studiose observatus, & in Epist. Astron. lib. I. pag. 176. &c. prolixè descriptus totam apparitionis suæ periodum dimidio mense terminavit; ille anni 1652. ab *Hevelio* non nisi dies 21. à 20. Decembr. ad 10. Jan. sequentis potuit videri, tamen si Gieslæ & Paduæ d. 18. Americanis, teste *Ioh. König* d. 15. Decembr. jamdum conspectus fuerat, proximum anni 1661. Idem *Hevelius* totis 53. diebus spectavit, & sequentem 1664. tres fere menses continuos, alium autem 1677. non nisi dies 12. tamen si telescopio sub finem anxie vestigatum, sub initium autem paulo citius forte detegendum, si cœlum annuisset. Novissimus noster à 6. Novembr. 1680. in mensem usque Febr. 1681. sui conspectum extraxit, si tamen, (quod nos existimamus, clarissimus *Montanarius* autem negat & forte cum ipso alii) unus idemque fuit, quem mane primum deinde vero solis equam vesperi spectavimus. De famoso illo cometa anni 1618. primario communis fama fert, quam Belgicus Annalium sui temporis compositor multum confirmavit, cum



eum 30. diebus præcise coelitus affulsiſſe, manifeſto ſcilicet inſequuturi belli tricennalis augurio. Verum enimvero, ſive ex hoc ipſo præjudicio, ſive aliunde natus hic error fuerit, eum 50. dies & amplius Viris Aſtronomiæ peritiſſimis obſervatum eſſe certiffimum eſt. Nos, inquit *Biffelius* in *Medulla* hiſtorica ad annum hunc, *oſtentum illud à Novembri vergente præſentis anni per continentem dein Decembrem conſpeximus, in procurrentem uſque ſubſequentis anni Ianuarium.* *Gaſſendus* ejus locum d. 13. Jan. 1619. ultimum radio dimenſus eſt, cum d. 29. Novembr. 1618. publice (aliquibus aliquot dies ante) ſpectari coeperit: *Ambroſius Rhodius* d. 20. Jan. *Schickardus* d. 18. ultimus omnium, quod ſciamus, *P. Cyſatus* d. 22. Jan. eum adhuc viderunt, inſequutis deinde per octo dies pluviis & nubilis, ita ut *Riccioli* calculo duraverit hic cometa dies minimum 59. quorum ſingulorum obſervationes (ne quicquam dubii ſuper-eſſe queat) à *Keplero*, *Cyſato*, *Longomontano*, *Snellio*, *Habrecht*, *Rhodio*, aliisque factas, ab 28. Novembr. ſt. n. 1618. ad 21. Jan. 1619. uſque, peculiari tabella complexus eſt laudatus modo *Ricciolus* *Almag. nov. lib. VIII. ſect. I. p. 20.*

*PHÆN. IV.* Nempe non caſu tantum accidit ut unis citius aut ſerius objiciatur hujusmodi coeſte ſpectaculum, ſed etiam horiſontis diverſi intuitu unius oculos incurrere poteſt, quod alios fugit vel attentiffimos. Utriusque exemplum habemus in noviffimo noſtro. Notavit illum Lipſiæ primum omnium Dn. *Ihlen* Elect. Brandenb. Factoris induſtria, d. 6. Nov. ſt. v. matutinum, & prout fama novi phænomeni citius aut ſerius ad alios delata eſt, aut coelum cuique favit, ita Jenæ nobiliſſimo noſtro *Weigelio*, & Venetiis *Franciſco Barzini*, d. 11. Argentorati *Julio Reichelt*, d. 16. Norimbergæ noſtro *Eimmarto*, d. 18. Paduæ *Geminiano Montanario* d. 19. nobis hic Altdorſii d. 23. demum ejusdem menſis, eum prima vice contueri datum eſt; omnibus procul dubio ſub primos illos dies ſtatim obſervabilem. ſi rei novæ ſuſpicio quædam fuiſſet aut coelum ubique pariter ſerenum. Veſpertinus autem redux *Wangæ* in Norwegia d. 10.



d. 10. & 11. Decembris ft. v. caudam suam tantum, 14. sequenti autem etiam caput ostendere coepit, quod in his nostris oris insequentibus demum diebus emerfit, cauda quoque ante 15. diem ejus mensis nemini quidem nostrum, quod sciam, licet avidè expectantium insoliti phænomeni regenerationem, observata; id quod non fortuito tantum sed horizontis diverso positu & elevatione poli varia sic postulante factum facile perspicimus. Est autem notandum utrumque hoc adversus eorum præcipitem in superstitiosa præfagia temeritatem, qui quo cœli loco primum ipsi conspiciunt novum cometam, ibi quoque natum illo die exortumque statim supponunt & erecto ad hunc nativitatæ diem supposititium cœlestium Themati divinationes suas audacter superstruunt: quem errorem etiam nuperrime quidam erravit circa matutinum nostrum, quem, cum inter Corvum & Spicam Virginis prima vice conspexisset, quo loco ille anni 1664. primum effulserat, tanquam singularem suam observationem & signum futurorum notabile in publicum præpropere emisit, quod eodem loco egressi hic & ille, alter opposita incedens via, totum ita junctim zodiacum essent peragraturi; cum falsum tamen esset totius observationis fundamentum & noster ille novissimus diu ante & procul ab isto loco, in ipso scilicet Leonis asterismo, deprehensus. Ubi nec illud involvendum silentio, quod hoc ævo cometæ, ubi conspectum inermis oculi jam effugere penitus, armato tamen & ope telescopiorum quasi prolongato per complures adhuc dies plerumque soleant deprehendi; prout exemplis cometarum 1661. & 1664. ab *Hevelio* & *Petito* observatorum, aliorumque plurium, abunde constat.

*PHÆN. V.* Quemadmodum autem causas sufficientes nondum videmus (velut infra pluribus dicetur) cur nuperum illum mensis Novembris matutinum &, prout expectavimus, brevi temporis intervallo sequutum vespertinum, non pro uno eodemque sed pro duobus diversis habeamus; ita pluribus exemplis constat unos eosdemque nunc antegressos motu communi solem, in occasum protendisse caudam, nunc eundem sequu-



ros in ortum eam convertisse; Ut enim antiquiores quosdam ac speciatim illum 1472. à Regio montano visum distincteque descriptum nunc omittam, recenti adhuc obversatur memoriæ ille anni 1664 qui mane primum d. 14. Dec. & seq. ante solis exortum visus favonium versus exporrexit syrma 14. gr. longum, d. 28. erectum instar caudæ pavonis exhibuit, ab eo vero tempore in medium usque Februarium in ortum illud magis magisque convertit.

*PHÆN. VI.* Quin etiam unum eundemque eadem die mane vesperique videri contigit, ita scilicet positum ut (quod aliis quoque stellis accidit) mane oriretur ante solem ac vesperi post ipsum occideret; quale quid non solum anno Christi 729. accidisse *Ricciolus* conjicit, sed *Hevelius* ipse in Cometa anni 1677. observavit, quem à 2 Maji sex diebus apparitionis residuis singulis tam mane quam vesperi (prout equidem futurum esse ex ipsius conspectu primo statim judicaverat) se spectasse in Epist. ad amicum tum perscripta testatur: Et *Keplerus* de cometa anni 1607, cum magna fuerit ejus latitudo septentrionalis, inquit, initio tam mane ante Solem, quam vespere post Solem visus est. In *Physiol. Com.* p. 115. Et huc pertinet aliquo modo illustris ille 1618, qui post 17. Decembris, arcticum supergressus circum & post occasum & ante Solis exortum pernox supra horizontem fulsit teste *Snellio*.

*PHÆN. VII.* Ex opposito vero duos etiam diversos, alterum mane, alterum vesperi anno 1214, in Scotiâ visos esse *Ricciolus* ex *Boëtii Hist. Scot.* lib. 13. tradit: plures autem uno eodemque anno 1618 paucorum mensium intervallo in diversis cœli locis comparuisse, testes adducunt fide dignos *Ricciolus Hevelius, Wendelinus, Lubenecius* alique; quin horum duos, ante famosum illum memorati anni ultimum, una in Perside & India orientali conspectos fuisse, *Garcia Silva Figueroes* Philippi III. Hisp. Regis in Persia legati ad marchionem Bedmarum, & *P. Jacobi Rho* Goa in Europam, tum missis literis edocemur.

*PHÆN.*



*PHÆN. VIII.* Neque vero, quod crediderunt aliqui, unum anni tempus præ altero sibi vindicare has apparentias, historiam cometarum *Riccioli*, *Hevelii*, *Lubeniecii*, &c. evolventi, aut compendiosius *Heveliana* cometographiæ in fine subjunctam tabulam obiter percurrenti manifestissimum erit, nec ullus anno toto mensis obvius qui non aliquot cometis fuerit natalis; tametsi hyemalium, ob longitudinem noctium & facilius & diutius in oculos quorumvis incurrentium, nonnulli forte promptius quam aliorum recordentur. Illud tamen certum est, non annum tantum sed & seculum unum præ altero spectris his esse obnoxium; quandoquidem e. g. superiori seculo ex historia *Lubeniecii* sexaginta cometas attribuit justus calculus, cum hoc nostrum ad partem sui quintam usque jam exactum ne quindecim quidem universim numeret: id quod iis, qui cometas iræ DEI vindicis signa divinitus constituta credunt, expendendum forte non immerito quis objiciat; sed, quod supra præmonitum, eam controversiam ab instituto præsentis prorsus excludimus.

*PHÆN. IX.* Quod ab Astrologis pridem suppositum *Hevelius* lib. VII. cometographiæ p. 426. exemplis quibusdam confirmat, cometas plures anno uno vel altero conjunctiones h̄ 4. & 5. magnas, vel plurium saltem planetarum in eodem signo congressus aut antecedente aut consequente, natos esse; idem novissimus ille noster exemplo novo comprobaret, quando sub finem anni 1680., & insequentis hujus 1681, principium comparuit, Jove jam iterum conjunctioni cum h̄ magnæ, Octobri mense 1682, in signo ♄ futuræ, paulatim imminente: tametsi negligendum non est, quod idem *Hevelius*, eadem experientia teste adnotavit, uti nec omni magnarum aliarumque conjunctionum tempore cometæ prodierint; ita plurium etiam nativitatem ab istis magno intervallo abfuisse.

*PHÆN. X.* Unicum adhuc superest quod generatim hic notemus, uti cometæ plerumque vel antecedunt mane Solem orientem & postmodum ipso exorto cum stellis cæteris occul-



tantur, aut occidentem ocyus seriusve sequuti post ipsum in conspectu nostro occidunt; aliqui etiam, quod phæn. VI. notavimus, utrumque faciunt; ita nonnullos ab occasu solis ad alterum ejus exortum usque pernoctes affulsisse, postquam scilicet ad polum septentrionalem evagatos longius inter apparitionis perpetuæ stellas numerari contigit; quales e. g. fuerunt isquem *Appianus* anno 1533. observavit, ac celebrior ille 1618. sub ultimos saltem apparitionis dies, post diem scilicet 17. Decemb. adnotante *Willebrordo Snellio* in descript. hujus cometæ. Quod si *Rockenbachio* & *Eckstormio* eventuum & effectorum tristium cometis accommodandorum quam circumstantiarum apparitionis circumspecte colligendarum studiosioribus fidem habere per legem nobis superius fixam possemus, annis Christi 363, & 367, interdum quoque cœloque sereno visos esse cometas dicendum esset. Sed quamvis frequenter ad Authores, unde hæc talia hauserunt, lectorem suum amandent, ac ipsa res impossibilitatis nihil involvat, quandoquidem non & tantum aliquando juxta Solem videri oculati testes sumus, sed *Tycho Braheus* etiam caput saltem cometæ sui anno 1577. nondum occaso Sole conspexit: haut raro tamen eos temere satis quædam enarrare vel primoranium, quem nobis obtrudunt, antediluviani cometæ exemplo manifestum est; quem *Eckstormius*, ex *Herlicio* quidem, (sed quo quæso fundamento vel indicio vel testimonio, cum nullum habeamus antiquiorem Mose scriptorem qui cometam illum potuisset annotare & ad posteros ejus propagare notitiam?) 29. dierum spatio omnia *Zodiaci* signa perlustrasse & primum in piscibus sub *Jove* apparuisse scribit, *Rockenbachius* autem (nilum teneatis Amici!) triduo ante obitum *Mathusalem* à toto terrarum orbe conspectum, d. 16. Aprilis rursum evanuisse audacissime superaddit.



## Secundo capitulum sive nucleorum cometicorum Phænomena.

*PHÆN. XI.* Crinitorum siderum pars primaria *Caput* appellatur & *Stella*, oculo inermi quippe solitam ac radiosam stellarum faciem, sub varia quidem magnitudine, plerumque obijciens; adeo quidem ut nunc fixam primæ magnitudinis, uti novissima nostra, vel secundæ, vel tertiæ &c. Nunc 4 aut 5 æmulari videatur, ut in cometa *Tychonis* 1577, & illo 1607, nunc etiam superare hos planetas & Lunam ipsam æquiparare, ut in eo, quem anno 1652, d. 21. Decemb. Sc. n. *Hevelius*, & *Wendelinus* observarunt.

*PHÆN. XII.* Quemadmodum autem oculo nudo stellarum speciem plerumque mentiuntur; ita faciem prorsus aliam per telescopia spectati exhibent, quam vel fixæ vel planeticæ ordinariæ, prout de nuperrimo nostro testabuntur, quot quot nobiscum in eundem primum, deinde in 4 aut vicinam 5 & in aquilæ lyræque lucidas telescopium direxerunt: Prunam enim obscurius candentem aut massam interminatam tristi ac fumido quasi lumine, in medio paulo magis ad extrema minus, collustratam potius, quam stellæ discum rotundum ac vivida luce coruscantem, vidisse nos est dicendum. Et quamvis aliquando vividiori lumine resplendeant, uti constat de eo, quem *Cornelius Gemma* æque ac *Tycho* contemplatus est anno 1577, & qui 1665. Aprili mense *Hevelio* aliisque visus est per telescopium satis rotundus ac lucidissimus; ut plurimum tamen lugubri facie conspiciuntur eodem *Hevelio* & experientia multiplici teste, & frequenter ambitu lacero aliquantum ac minus rotundo. Sic famosus ille 1618, inferne, qua Solem respiciebat, satis exquisitè rotundus, at superne, qua ipsi cauda adhærebat, inæquabilis ac veluti crispatus observatus *Keplero Gassendoque* fuit, aliumque *Hevelius* anno 1661, sub initium quidem Febr.



fatis rotundum, at sub Martii principium ac deinceps circumcirca lacerum, pariterque illius anni 1664. asperam laceramque rotunditatem d. 22. Jan. cuspidibus hinc inde leviter eminentibus deprehendit.

*PHÆN. XIII.* Illud vero multo etiam notabilius est, quod ejusdem telescopii beneficio hoc demum ævo innotuit; esse nimirum cometarum plerorumque capita mutationibus & alterationibus evidentissimis obnoxia. Primum omnium hoc observatum est in cometa primario anni 1618, à *Ioh. Baptista Cysato*, qui cum istum telescopio gemino, altero 6, altero 10. pedes longo d. 1. & 4. Decembr. diu satis esset contemplatus, uno tum rotundo nucleo sive meditullio, & luce continua quidem sed minus fulgida, circumfusoque insuper rariore quodam & pallidiore lumine conspicuum; insequente d. 8. Decemb. non auctiorem tantum nec amplius rotundum, sed internos aut quaternos irregularis figuræ globulos, adhuc tamen coherentes, diffusum, d. 17, 18. & seqq. autem in stellulas complures ex interfuso lumine obscurissimo promicantes dissolutum, ambituque & apparente diametro porro notabiliter indies augescentem spectavit, prout ad vivum omnia delineata spectare licet in iconismi A Fig. I. Simili plane facie *Christophorus Scheinerus* Oeniponti hunc eundem cometam observavit, uti legere est in *Rosa Vrsinali* lib. IV. part. II. c. 13. p. 612. & *Godofredus Wendelinus* in *Teratol. Comet.* cap. 21. *Caput ipsum Cometae*, inquit, *cum illud primum telescopio exploravi die 19. Novembris, deprehendi velut ingentis foci luculentas tres aut quatuor prunas, & quidem istas in coram mei mutare nonnihil situm, ac sequentibus diebus plures mihi prunæ conspectæ sunt &c.* Quo pacto vero in cometa anni 1652. non *Hevelius* tantum sed & *Bullialdus* aliique, in aliis annorum 1661. & 1664. atque adeo in plerisque hujus ævi (excepto eo, qui mense Aprili 1665. uno solido rotundo, lucidissimo fereque immutato nucleo per integros 14. dies spectatus est) idem *Hevelius* diversos subinde, situm ac magnitudinem etiam figuramque variantes notaverit nucleos, & hos



& hos paulatim, crescente interim totius capitis mole, decre-  
centes, tandemque penitus rarecentes; non tam verbis quam  
expressis observationum imaginibus ex ipsius cometographia  
huc translatis eadem Figura I. docere volumus; id unum sal-  
tem monentes, lucidiores cometici vultus nucleos partesque  
nos partibus reliquis rarioribus albicantiores reliquisse in picturis  
nostris, cum vir laudatissimus oppositum, alio consilio (quod  
videri potest Cometogr. lib. VII. p. 413.) observaverit.

*PHÆN. XIV.* Ex iisdem vero schematismis illud etiam ad-  
vertendum probe est, quod, etsi sæpius cometicarum stellarum  
apparens etiam per telescopia magnitudo una cum ipsorum mo-  
tu & lumine decrescat, eo scilicet tempore quo, consentien-  
te utraque hypothesium infra committendarum, à terra magis  
elongantur, prout in cometa anni 1652. factum est, aliquan-  
do tamen, ut in cometa anni 1618. contra contigerit; amplio-  
re scilicet indies reddita disci cometici telescopio spectati (contra-  
rium accidisse in visione libera dicit *Cysatus*) tum apparenter  
tum reipsa quoque diametro; id quod equidem ex observatio-  
nibus *Cysati* luculenter demonstrat *Hevelius* cometographiæ  
lib. VII. p. 346. una & illud ex propriis evincere conatus, come-  
tam 1652, ut apparenter decrevit, quo magis a claritate de-  
fecit, ita revera tamen continuo crevisse ejus diametrum & am-  
plitudinem.

*PHÆN. XV.* Vti colore variat cometarum diversorum obscu-  
rius lumen ad imitationem quasi planetarum ordinariorum, dum  
e. g. nonnullorum fulgor cæteris, vividior colorem aureum ac  
solarem præ se ferr, ut ille pronuperus 1665, & quos anni 1264, &  
1521, & olim ætate Mithridatis 122. ante C. N. viderunt; aliqui  
rutili & rubicundi Martem æmulantur, qua facie ex relatu quo-  
rundam ille martiali nomine famosior an. 1618. post alios plures  
annorum 1526. 1554, 1556, &c. conspectus est: quidam argen-  
teum nitorem mentiuntur ad instar ♀ vel 4, qualem annus  
1463, ostendisse terris narratur, ac tertius ille anno 1618, à  
Garcia in Perside visus; plurimi denique pallido & saturnino  
vultu



vultu terras intuentur, quos inter, post alios hujus ævi, anni puta 1607. & 1652. & superiorum seculorum complures, annorum nempe 1561. 1590. 1585. 1580. 1569. 1558. 1240. &c. novissimum quoque nostrum omni jure reponimus, ita mutari quoque sæpius inter trajiciendum unius ejusdemque colores à lynceis illarum formarum spectatoribus observatum est, & hinc forte inter causas cæteras, enata narrationum circa unum eundemque cometam diversitas, cum e. gr. memoratum jam sæpius anni 1618. rutilo colore *Snellius*, instar trium aut quatuor prunarum igne valido accensarum *Wendelinus*, *Longomontanus* medio inter Martem & spicam Virginis colore, *Cysatus* contra lumen ejus obtusum & pallidum minimeque accensum, *Gassendus* colorem subpallidum &c. spectasse se testantur.

*PHÆN. XVI.* Commemorari hoc loco quoque posset id quod ex observationibus cometarum à *Tychonis* ævo usque constanter indubioque calculo deduxerunt Astronomi, quotquot ab eo tempore visi sunt omnes, aut caruisse prorsus omni parallaxi sensibili, aut lunari saltem multo minorem habuisse, atque adeo supra lunam in aura ætherea motus suos exercuisse; id quod vel horum perpetuam cum astrorum ordinariorum communi motu connexionem ex ipsis Aristotelis principiis inferre credidit *Fortunius Licetus* lib. VI. c. 31. de novis astris & cometis. Verum cum hæc res altioris sit indaginis & cavillari facile quis cum *Ricciolo* posset observationes ipsas ac dimensiones instrumentorum ope factas, harum rerum præsertim non satis gnarus, ad duas saltem hic provocabimus observationes vulgatiores & oculis cujusque facile obvias: *Prima* est motus proprii tarditas lunari major in plerisque cometis perpetuo (ut in novissimo nostro) in cæteris paucissimis, qui die uno aut altero luna velocius ingressi narrantur, saltem prioribus & postremis apparitionis diebus. Quemadmodum autem Aristoteles, lib. 1. Meteor. cap. IV. sub finem de stellis trajicientibus ac cæteris ignitis meteoris rectissime infert, πάντα δὲ κατὰ σελήνης ταῦτα γίνεσθαι, hæc omnia sub Luna fieri, σημεῖον δὲ pergens, ἢ Φαί-



ἡ φαινόμενη αὐτῶν ταχύτης, ὁμοία ἔσται τοῖς ὑφ' ἡμῶν ῥιπτομένοις  
 ἢ διὰ τὸ πλησίον εἶναι ἡμῶν, πολὺ δοκεῖ τῷ τάχει παραλλάττειν  
 ἄστρα τε καὶ ἥλιον καὶ σελήνην, h. e. *Indicio vero ipsorum est ce-*  
*leritas, similis existens iis, quæ à nobis projiciuntur, & quia*  
*prope nos sunt multum videntur superare velocitate astra &*  
*solem & lunam;* ita nos opposita ratione de cometarum appa-  
 ritionibus concludimus, πάντα ταῦτα ἄνω σελήνης γίνεσθαι σημεῖον  
 δὲ ἡ φαινόμενη αὐτῶν βραδύτης &c. *Secunda Observatio,* citra  
 instrumentorum apparatus ac nudis oculis facta, non semel do-  
 cuit cometas eo tempore, quo motu proprio ferebantur tardissi-  
 mo, in sublimi primum cum duabus aut pluribus fixis in eadem  
 recta linea conspectos eandem postea horizonti vicinos absque  
 sensibili mutatione servasse, id quod *Hevelius* in cometa anni  
 1652. d. 26. Decembr. *Petitus* in illo 1664, aliquoties sedulo  
 notarunt, quæ de re ille lib. VII. Cometogr. pag. 140 & seq. hic  
 Dissertat. suæ p. 286. fusius legi possunt: id vero futurum nun-  
 quam fuisse, nisi multis paralangis à terris remoti & longe supra  
 mundum elementarem elevati fuissent, luculentissime demon-  
 strat allegato loco *Hevelius*.

*PHÆN. XVII.* Illud potius hoc loco est adhuc comme-  
 morandum, uti cometæ plerique omnes circa medium caput ac  
 lucidiorem nucleum atmosphæram quandam seu capillitium  
 quasi quoddam obtusiore lumine conspicuum undiquaque dif-  
 fusum, indeque cometarum etiam nomen habent; ita quos-  
 dam hac sola sua coma contentos aliquandiu saltem absque omni  
 alia appendice spectandos sese objecisse, qualis erat ille quem *Ty-*  
*cho Brahe* anno 1585, d. 18. Octobr. & seqq. objectum sibi pari-  
 ter ac *Rothmanno* Landgravii Hassiæ Mathematico Epist. Astron.  
 pag. 13. descripsit: alios plerosque autem ex una parte magis  
 quam ex aliis exporrigere illam appendicem, vel deorsum instar  
 barbæ demissam, vel elatam aut à tergo instar caudæ tractam; ut  
 hoc pacto cometarum universim omnium aut duo tantum ge-  
 nera, *crinitorum* scilicet & *barbatorum* sive *caudatorum* cum  
*Hevelio*, aut caudatos à barbatis porro distinguendo, tria cum  
 aliis,



alius, possimus statuere, ad quæ non Plinii tantum decem species sed alias quascunque, ex imaginatione plebeja plerumque varie denominatas, reducere facile licebit; dummodo de formis istis externis sive caputum sive caudarum fide digna hominum non supersticiosorum testimonia suppetant. Earum enim, quas nobis *Hevelius* lib. VIII. Cometogr. ad p. 446. & antecedd. ex historia antiqua depingit, non paucas jure suspectas videri vel inde judicabitur, quod à *Tychonis* ævo, ex quo curiosius observari cometae à Mathematicis coeperunt, id genus nihil ipsis occurrerit, etiamsi, quam prona sit in fingendas sibi formas ejusmodi prodigiosas hodie quoque plebecula supersticiosa, vel nuperrimo nobis exemplo constat, quo cruciformem ipso primo, apparitionis secundæ vespere cometam nostrum ab adstantibus quibusdam ominose describi & prædicari, cum tenuis quædam nebula ejus caudam fortuito trajiceret, his nostris auribus percipimus.

### Tertiò. Caudarum cometicarum Phænomena.

*PHÆN. XVIII.* Nos interim istorum syrmatum indubias hic annotaturi varietates & apparentias, ei quidem primum omni jure tribuimus locum, quod in partem Soli obversam ea semper exporrigi constans ac perpetua à *Petri Appiani* Cæsarei Mathematici, qui primus hoc in quinque cometis ævi sui, annorum scilicet 1531, 1532, 1533, 1538, & 1539.prehendit, temporibus testetur observatio, ita quidem ut non solum ex observato hac vel illa nocte cometæ positu, si in superficie globi artificialis ab asterismo quopiam, quem cauda attingit, per eum locum, quem cometæ caput occupavit, quadrans verticalis in eclipticam protendatur, ipsum illum, quem eo die obtinuit, Solis locum ostendat, sed & vicissim, postquam ex una alteraque observatione de motus proprii velocitate aut tarditate constiterit, in futuras etiam noctes, applicato Solis loco in ecliptica & cometæ præsumtivo inter vicinas fixas eodem quadrante, caudæ positum, inter quas stellas & ad quem asterismum sese sit expor-



porrectura prædicere liceat: id quod circa novissimum nostrum frequenter à nobis factum est & feliciter. Dissimulari tamen non debet, aliqualem haut raro inclinationem aut deviationem caudæ ab omnimoda illa rectitudine lynceis & accurato calculo omnia subducentibus notaram esse, *Tychoni* quidem in cometa 1577. *Hevelio* in illo 1652. aliisque prout pluribus videre licet peculiarem hac de re tabulam in Cometogr. lib. VIII. p. 488. ac variare deviationem illam non solum in diversis cometis, ut in aliis major, in aliis minor, in aliis nulla, in uno australis, in alio borealis sit, sed has omnes varietates in unius ejusdemque cauda successive posse occurrere; prout ex allegato loco, exemplo præsertim cometæ 1652. dilucide constat.

*PHÆN. XIX.* Variant autem admodum etiam apparente longitudine ac latitudine hæ appendices, tum in diversis cometis, tum in uno eodemque diversis temporibus; prout recenti adhuc memoria tenemus novissimi nostri caudam in apparitione prima matutina circa 20. Novembr. gracilem satis & ad summum 20. gradus longam, sub initium autem apparitionis alterius vespertinæ stupenda plus quam 60. graduum longitudine, & plusquam duorum ac trium gr. latitudine per aliquot noctes conspicuam, deinceps autem indies fere magis magisque decrescentem. Aliorum vero exemplis etiam ut hæc res illustretur, omissis equidem antiquissimis illis *Aristotelis* ac *Justini*, quorum caudas in tertiam & quartam cœli partem protensas narrant, ille certe famosior anni 1618. uti multum variavit, ita certo tempore nostrum caudæ longitudine superavit, quandoquidem d. 26. Novembr. *Müllero* 90. gr. d. 9. Decembr. *Cysato* circiter 75. d. 10. ejusdem *Longomontano* 104. graduum deprehensa fuit, cum anni 1264. cometam ab oriente ad medium usque cœlum occidentem versus protraxisse comam perlucidam ex antiquo Chron. Belg. & Hist. Eccl. constet, & quem *Pontanus* anno 1456. notavit 60. ulnas, aliusque 1460, ulnas 50 longus fuerit; binis è contra istis anni 1531. & 1533. *Appiano* visis vix ad 15, *Tychonico* anni 1577. ad 25. gr. extensis, altero vero



anni 1585. folis 20, & 22. Octob. diebus exile quoddam vestigium tenelli radioli vix spithamæ longitudine, ostendente, quemadmodum anno 1652. d. 18. Dec. cometicæ caudæ longitudo non nisi  $1\frac{1}{2}$  gr. *Hilario Spinello & D. Christiani* visa est.

*PHÆN. XX.* Ubi hæc etiam circumstantia probe notanda est, cometas proprie dictos h. e. crinitos tantum & cauda barbave destitutos à Sole ut plurimum maxime distare deprehensos esse, prout certe *Tychonis* ille anno 1585. in lino piscis australis adeoque in signo  $\vee$  haut procul ecliptica conspectus est, Sole tum in prioribus  $\text{III}$  gradibus versante; atque ut hic in consequentia more solito progrediebatur, ita similiter ille delatus in consequentia ad arietis taurique constellationem, oppositionis pristinam rationem constanter tenuit. E contra vero novissimus noster, eique similes alii annorum 1264, 1618 &c. ingenti cauda conspecti, Soli vel occidenti vel orienti vicini &  $\&$  propiores fuere.

*PHÆN. XXI.* Et vespertini nostri quidem, aliorumque bene multorum, anni 1618, 1647, 1661, 1664, 1665. &c. Cometarum caudæ prope caput compressiores, deinceps quo longiores eo latiores fuerunt, illa vero cometæ anni 1652. aliæque similium 1558 & 1577. circa 15. Novembr. ac plerique fere sub apparitionis finem saltem teste Hevelio *Cometogr. lib. VIII. p. 450*) à lato principio in mucronem tenuissimum acuebantur, utraq; de cætero prope caput sive nucleum densiori plerumque, sub finem rariore ac dilutiore lumine resplendentes. Quo loco & illa varietas haut incongrue notabitur, quod nuperi nostri caudam ab extremitate principium versus aliquo usque quasi fissam per medium ac linea nigricante distinctam vidimus; quemadmodum ex opposito per mediani caudæ longitudinem cometæ anni 1618. d. 30. Dec. exire claram & evidentem lineam vidit Romæ *P. Horatius Crassus*.

*PHÆN. XXII.* Multiplicem illam cometicarum caudarum varietatem illa quoque notabilis apparentia comprobatur, qua incurvari illas haut raro plus minusve circa extrema contigit; id quod *Tycho Braheus* in suo cometa anni 1577. *Cysa-*  
tus



*tus* in illo anni 1618. non semel observarunt, novissime in ultimo nostro quoque circa dies apparitionis postremos, leviculo saltem inflexionis principio notato à curiosioribus. Neque vero convexa semper inflexionis facies ad verticem respicit ut in illa *Tychonis* observatione, sed etiam concava nonnunquam; & ipsa curvitas ad gradum dimidium, integrum & amplius deflectit, subinde etiam ad omnimodam rectitudinem revertens &c.

**PHÆN. XXIII.** Admirandum adhuc magis phænomenon obtulerunt caudæ cometarum, annorum 1556, 1607, 1618. &c. ita fluctuantes ac vibrantes, ut aliquando recentes quasi radios exspuerent, nunc subito brevior facta cauda, mox uno nitu oculi alterna radiorum ejaculatione longior iterum evaderet, nonnunquam & extremitas caudæ multum dilataretur & scoparum instar spargeretur &c. nec æqualiter tamen hæc diebus singulis, ac sereno interim cœlo & stellis etiam vicinis immutato vultu conspicuis; prout hujus rei testes oculatos *Cardanum*, *Keplerum*, *Cysatum*, *Wendelinum* ac *Snellium* adducit *Hevelius* lib. VIII, *Cometogr.* p. 509.

**PHÆN. XXIV.** Neque silentio involvendæ sunt observationes singulares *Cornelii Gemmæ* circa cometam anni 1577. & *Christophori Rothmanni* generaliter saltem adnotata *Epist.* ad *Tychonem* p. 126. Ille namque in opusculo de cometa prædicto pag. 20, non solum arcuatam sursum caudæ figuram confirmat, sed etiam d. 28. Novemb. alterum quoque ramum ab eadem cervice deorsum fluentem, caudamque adeo duplicem complures ita dies persistentem, ac 3. Decemb. repente tres radios, velut igneas hastas vibratos, unum obliquius, alterum perpendiculariter deorsum, ac tertium transversim ad angulos veluti rectos &c. non sibi tantum sed multis aliis, qui tunc attentius observassent, conspectos testatur. Hic autem allegato loco *Tychoni* tanquam in dubium quid & compertum objicit, quod cauda cometarum sit dispersa, nec radii ejus continuentur, sed interdum longe post caput abrupte apparere incipiant; adstipulante sic *Fortunio Liceto* lib. I. cap. 7. & lib. II. cap. 75. Nonnullis co-



*metis cauda visa est abrupta in plures partes* : Prout hæc & superiora Fig. II. *Iconismi A*, distinctius oculis ipsis exponit.

*PHÆN. XXV.* Aliquando cometarum Soli vicinorum ingens cauda instar trabis aut columnæ igneæ erigitur, latente capite sive stella : id quod multoties in compluribus, nominatim anno 1618. à 18. ad 20. Novembris, paulo ante cometam illum illustrem ejusdem anni, passim in Europa, & nuperrime circa nostrum d. 10. Decemb. & seqq. Wangæ in Norwegia, ac die 11. Jenæ observatum est, imo nobis quoque frequenter objectum idem spectaculum, postquam cometæ caput, antea tamen conspectum, sub horizontem occiduum descendisset.

*PHÆN. XXVI.* Generalissime tandem & illud monendum est, imo ex enarratis manifestum, cometas singulos ab aliis omnibus aut capitis aut caudæ figura, magnitudine, splendore, colore, ita differre, ut ex magno ipsorum numero haut facile duos reperias sibi satis similes secundum omnia ; quin neque sibi ipsi similis prorsus unus idemque per notabile temporis intervallum permanet, subinde sensibili quadam mutatione attentiorum oculis sese ingerente : cujus rei specimina compluria vel nuperrimus ille noster in singulas fere noctes edidit. Etenim cum celeberrimus noster *Weigelius* hunc ipsum Jenæ d. 11. Decemb. in apicem extenuatum ad instar hastæ viderit, quem nos cum ipso postmodum, & ante ipsum *Suerdrupius* in Norwegia latiore semper versus extremitatem cauda conspeximus; cum item nobilissimus *Montanarius* ejusdem, aut ex ipsius mente prioris, matutini caudam acuminatam semper observaret, quæ nobis aliisque in Germania aut parallelis terminata lineis, aut compressior prope caput est visa; hujus equidem differentię causa in aëris vaporosi diversitate aut alio externo accidente quam in reali cometarum mutatione, rectius forte quæsierimus.

*PHÆN. XXVII.* Coloribus cometarum caudæ non minus ac ipsa capita variant; quandoquidem novissimus noster albicante & pallida sed clara tamen ut plurimum (vix semel atque iterum circa nucleum rutilante & ignita magis) ille 1652. subalba quoq; at obscuriore, celebrior anni 1618, circa caput ignea



igneae rutilaque & sub finem pallida & albicante, alius anni 1607. *Wendelino* instar hastæ ignitæ aut gladii flammantis *Tychonicus* anno 1577. sanguineo pene colore imbuta &c. conspiciendos se præbuerunt.

Quarto *Motuum cometarum Phenomena.*

*PHÆN. XXVIII.* Uti cæteris astris ordinariis duplicem attribuere motum visus cogitur, ita pariter in cometis utrumque evidenter advertit; & communem quidem primum ab ortu in occasum circa terram diem absolvendum, oriendo, culminando, occidendo &c. qui motus equidem sive apparenter saltem astris competat è telluris diurna vertigine, quæ aërem nubesque & meteora cætera evidentissime secum raperet (alias enim omnia motum illum communem participarent) revera pendens, sive reapse astris, ab ætheris rapidissimo vortice circumductis, insit, evidentissime cometas genuinos ex aërea regione in ætheream sublevare & alia quævis phænomena externam illorum formam utcunque æmulantia, quæ motu hoc communi circa terram destituuntur, pro spuris & meteoris in aëre sive naturaliter sive prodigiose accensis habere jubet.

*PHÆN. XXIX.* Præter illum communem autem etiam proprio instar planetarum feruntur omnes, & illo quidem adspectu primo magis erratico & vagabundo quam planetæ ordinarii, siquidem ab ecliptica longius in austrum & septentrionem evagantur; revera tamen (quod indies nunc evidentius dispalescit) non adeo irregulari, quin ad certas leges perinde fere illi adstringi, redigi in Ephemerides ac in futurum etiam prædici jam occæperit prout in I. Phæn. superius ejus rei fecimus indicatiū. Ita profecto cometæ nuperrimi vespertini motus proprius ex asterismo Antinoi versus Pegasus, Andromedam, Triangulum, adeo regularis fuit, ut loca ejus ex distantis rite capis in globo quotidie notata circuli maximi portionem accurate satis designarent, eaque hypothesi nixi eadem in diem quemque proximum, etiam citra calculum, indicare haut infelicitè potuerimus: De pronupero annorum



1664. & 1665, res apud Astronomos in confessio est ejusque cursus sub circulo pariter maximo à nobilissimo *Petito* magna cura delineatus : Idem testatur ex observationibus propriis de hoc eodem & antecedente anni 1652. *Hevelius* : idem ultimo 1618. *Keplerus*, *Wendelinus* ; idem de cometa 1607, laudatus modo *Keplerus* & *Longomontanus* : idem comprimis de illis annorum 1590, 1585, & 1577. *Tycho Braheus* & sic alii de aliis.

*PHÆN. XXX.* Cum grano salis tamen hæc accipienda sunt ac circulum pene maximum in cœlo descripsisse plerosque cometas ita asserendum est, ut ne dissimulemus tamen aliquos, sub finem sui cursus imprimis, plus minus ab illa rectitudine deviasse, ac de paucis dici posse, quod de illo anni 1590. ad Hassiæ Landgravium] Epist. Astron. p. 176. scripsit *Tycho*, eum motu suo proprio arcum circuli maximi ad amussim designasse, ita ut nihil prorsus ab hoc, cis vel ultra toto durationis tempore deviarit, & de priore 1577. Lib. II. Progymnasm, p. 92. eum motu sibi proprio, ab initio suæ apparitionis usque ad finem ultimum exquisitissime portionem circuli in sphaera maximi designasse ; imo ne de hisce quidem hæc talia scripturum fuisse *Tychonem*, si tale quid præsumendi occasionem ullam habuisset, ex ipsis *Tychonis* observationibus demonstrat *Hevelius* Cometogr. lib. I. p. 114. & seqq. Certe pronuperum illum anni 1664. postquam à 21. Decembris ad Febr. usque sequentis anni 1665. sub eodem circulo maximo continue perrexisset ab occasu in ortum, deinceps ab eo notabiliter deflexisse fateri *Petitus* propriæ coëgerunt observationes Dissert. p. 302. *Hevelio* quoque prompte adstipulante : Et *Keplerus* in Physiol. comet. p. 115. de suo anni 1607. *Semita* perquam delatus fuit, inquit quam proxime circulus magnus ex his terris apparuit, ultimis tamen diebus vehementer incurvabatur versus eclipticam : Idem fatentur de cometa anni 1618 *Wendelinus* & *Cysatus*, de illo 1652. imprimis autem de proxime sequente anni 1661. *Hevelius* & posterioris quidem orbitam, neutiquam sectionem alicujus magni circuli sed lineam  
omni.



omnino incurvatam vel potius conicam à veri circuli tramite brevissimo itineris spatio ad 25. vel 26. propemodum gradus, exemplo inaudito, deflexam, non testatur tantum sed graphice depingit lib. X. Cometogr. p. 720. & 742. Quod si, quem mane nuper mense Novembr. & quem velperi mense Decembr. superioris anni vidimus, unus idemque fuerunt (uti nobis quidem videtur) ingenti profecto saltu extra orbitam eclipticæ primum fere parallelam, cum Solem prætergrederetur, in boream subito, magno inclinationis angulo deflexit, deinceps tamen circuli novi tramitem satis accurate observans.

*PHÆN. XXX.* Quemadmodum autem hoc ipso Planetas quodammodo æmulantur cometæ (nam & illorum orbitas ad eclipticam & æquatorem non sine varietate inclinatas è terris cerni, & nodos, sive intersectiones retro porrove moveri docet eleganter *Hevelius* lib. II. Cometogr. pag. 134.) sic eo nomine magis adhuc ipsorum simili merentur dici, quod pariter ac illi motus proprii velocitate ac tarditate, prout hæc è terris animadvertitur, multum variant. Etenim cum novissimus noster, quo tempore velocissimus incederet, vix 5. gradus emetiri dietim esset deprehensus, ille 1607. ex *Longomontani* calculo 9. gr. 40. min. alius 1618. eodem teste, tantum 3 gr. 20 min. *Hevelianus* anno 1652. 11 gr. 16 min. pronuperus 1664. 12 gr. 51. min. & sequens proximè 1665. 4 gr. 6 min. antecedens autem 1661. vix 1. gr. 34. min. una die absolverunt, cum rapidissimi viderentur incedere.

*PHÆN. XXXI.* Nec enim ab invicem tantum sed à seipsis multo magis dissentiunt diurni motus inæqualitate, planetas hic iterum æmulati. Ac sub finem apparitionis quidem universim omnes tardissime incedunt, ut vix unum aut dimidium gradum aut aliquot etiam minuta dietim provehantur, aliqui etiam prorsus evadant stationarii, prout exemplis novissimi nostri, aliorumque plurium annorum 1664, 1661, 1652, 1618, 1607, 1596, 1590, 1580, 1577, &c. prolixius ostendi posset: ab initio quoque non pauci tardiores notabiliter quam in medio



suo cursu deprehensi sunt, velut anni 1580, 1618, 1664, ac novissimus 1680. suorum cometarum exemplis demonstrant, cum ultimus hic à 6. Novembris, quo die primum omnium Lipsiæ fuit observatus, ad 16. usque per integrum decendium minus intervallum confecerit quam 6. diebus sequentibus ad 22. usque ejusdem mensis, & illius penultimi diurnus motus ab exortu vix 1 gr. in media via circa 29. Decembr. 11 gr. 51. min. ultimo circa 4. Febr. tantum 5 min. extiterit, *Hevelio* aliisque testibus. Et quamvis non desint exempla eorum cometarum, qui primo sui conspectu velocissimi, deinceps indies decresciente motu incesserunt, veluti de illis annorum 1585, 1577, 1607, 1552, 1661. observatorum docent relationes (unde fortassis est quod nimis generaliter *Cartesius* princip. Philos. part. III. n. 128, cometas asseruit *initio vel saltem circa initia sui motus, videri celerrime moveri, sub finem autem lentissime*) probabile tamen est eorum plerosque, si vel ob Solis viciniam videri citius potuissent, aut, qui potuissent, citius etiam fuissent animadversi, tardius etiam sub initium ingressos deprehendi potuisse; ut taceam (conf. pag. 565.) in decrementa motuum ac finem apparitionis intentos plerumque magis oculos habuisse observatores quam in primas motus variationes, eo tempore quo primum objici solent hæc phaenomena, plerumque minus notabiles: Prout exemplo cometæ anni 1618. palpabile est, cujus motum à 1. Decembr. per aliquot sequentes continuo crevisse ex observationibus *Cysati* docet *Hevelius* Cometogr. lib. IX. pag. 624. & seqq. *Gassendo* quoque, qui sub finem Novembr. eundem jam conspexerat, expresse motum ipsi sub initium 2. gr. cum besse, sub diem 6 Decembr. autem integro gradu auctum attribuyente; dum *Wendelinus* interim, principio velocem fuisse, deinde lentiolem indies, rudius paulo ac negligentius adnotavit.

*PHÆN. XXXII.* Urcunque vero inæquales sint hi motus cometici, planeticis etiam hac in parte similes, non est tamen inæqualitas hæc irregularis, subsultoria aut disproportionata, sed valde regularis, incrementorum ac decrementorum proportionem



nem ordinatam satis jugiter observans. Neque tam enormi motu raptum facile deprehendas alium, ac ille *Regiomontani* anno Christi 1472. latus ab hoc authore traditur, quando sub Libra & stellis Virginis tarde motum ad spicam usque, deinceps per crura Bootis sinistrorsum ac celerius procul dubio (id enim ex præcedentibus *Regiomontani* verbis concludimus) sublatum, inde uno die naturali portionem circuli magni 40 graduum descripsisse, narrat, per 4 fere signa, à fine scilicet Virginis in principium usque Geminorum surreptum, ac inter Æquatoris Zodiacique polos, ad Cepheum, Cassiopejam ac Andromedam (motu illo rapido sine dubio paulatim iterum decrecente) delatum, circa piscem boreum valde jam remisso motu ad Arietis ac Ceti stellas usque excurrisse, & tamen hunc ipsum raptum haut adeo irregulariter sese habuisse, tum ex modo narratis tum vero ex illis maxime *Regiomontani* verbis elucet, quibus hoc motu suo proprio circuli magni portionem eum descripsisse, ac in fine & principio tarde in medio vero apparitionis velocissime, motum esse testatur.

*PHÆN. XXXII.* Apprime vero notabilis est illa motuum cometicorum circumstantia, quod nonnulli, uti modo memoratus *Regiomontani*, pronuperus aliique complures annorum 1661, 1652, 1618, 1593, &c. motu retrogrado contra successionem signorum semper incessisse, alii contra, uti novissimus noster & qui eandem olim cum hoc trivit semitam, *Tychonicus* ille anni 1577. cum aliis annorum 1585, 1665, &c. directum perpetim cursum tenuisse, aliqui denique, uti cometæ annorum 1607, 1664, 1580, &c. sub ultimos apparitionis dies facti stationarii motum pristinum deinceps, ille quidem directum, hi vero retrogradum, in partes contrarias deflexisse deprehensi sint.

*PHÆN. XXXIII.* Tota porro viæ longitudo, quam in coelis apparenter emetiuntur cometæ, valde diversa reperitur. Sicut enim novissimus noster non solum in orbita propria duas fere coeli tertias, sed etiam in ecliptica, ab ea cum maxime distaret nondum 30. gr. remotus, 9 fere signa & singularis ille anni



1472. dimidium signiferum perlustravit, pronuperus item anni 1664. ultra 5 signa observatus à *Mæstlino* anno 1580. 4 cum dimidio, *Tychonicus* anni 1577. non nisi tria peragravit; ita quorundam excursus ut e. g. anno 1661. sub solis Delphini Aquilæque sideribus conspecti, & nuperius anno 1677. *Hevelio* observati &c. intra 26. & pauciorum etiam graduum cancellos sese continuit, nullus certe totum coeli ambitum, uti planetæ solent, unquam decurrisse legitur, eo uno excepto cujus historia jam supra nobis in phæn. X. fuit merito suspectissima.

*PHÆN. XXXIV.* Ultimo tandem loco illud quoque fusius adnotaremus, quod cometarum verus in coelo motus sua pariter habeat incrementa & decrementa, sed apparenti inæqualitati haut raro contraria, ita scilicet ut aliqui eo tempore, quo visi sunt è terris tardiores quam prius incedere, revera in coelo motus sui celeritatem intenderint, & contra; nisi hoc inter hypotheses aut ex his deductas consequentias verius, quam inter observationes ac phænomena recensenda forent. His ergo hac vice contenti, celebriores illas duas hypotheses *Hevelii* ac *Petiti* totidem capitibus exponemus; utra vero enarratis hætenus Phænomenis accommodatior nobis ac veritati propior videatur, ultimo capite dicemus.

## II. HEVELIANA HYPOTHESIS,

qua fieri potuit brevitæ pariter & claritate  
[exposita.]

### I.

**Q**Uæ dudum erat Astronomorum ac Physicorum plurimorum opinio, *cometas* in coelis è concursu planetarum effluviis nasci, eam *Hevelius* multum exornatam & observationibus egregiis firmatam probabilitati suæ restituere tanto magis allaboravit, quanto speciosius eam alia antiquissima quidem sed ab *Auzuto* & *Petito* pronuper feliciter revocata, obfuscare videbatur.



II. Pro fundamento totius hypotheseos prolixè admodum toto fere lib. VII. Cometographiæ demonstrat ; Vti terra nostra tota quidem naturaliter est incorruptibilis , sed secundum partes aliquas alterationibus obnoxia , ideoque atmosphæra quadam & effluviis orbe undique cincta ; sic universa quoque corpora mundana reliqua suas habere atmosphæras, nec, nisi secundum se tota, esse incorruptibilia. Id vero non solum eruditorum plurimorum tum veterum, tum recentiorum consensu munit p. 357 ; sed experimentis inprimis & rationibus deinceps confirmat multivariis

III. Ac de Solis igneo maximam partem globo ex maculis umbris & faculis circa ipsum successive oriundis iterumque intereuntibus, & ex ejusdem Solis aliquando, sereno prorsus aëre, pallente aut rubente aut obtuso valde obfuscatoque lumine rem istam comprobat : Lunæ pariter atmosphæram ex macularum eodem Telescopio temporibus diversis aëre tamen æque sereno & in eadem Lunæ altitudine, variante notabiliter splendore, & cum *Keplero*, ex observatis quibusdam eclipsibus Solis totalibus ) qualis Octobri mense 1605, Neapoli & Antwerpiæ observata est ) in quibus, tecto licet à Luna toto Sole, flammeus tamen undique rubor Lunam æqualiter cingere deprehensus est ; nec non è fulgore quodam circa limbos & luculis quibusdam in Lunæ totaliter eclipsatæ vultu mobilibus: anno 1635, d. 3. Martii ac die 27. Aug. & anno 1642, d. 15. Apr. observatis, è limbi Lunarisi in eclipsibus Solis partialibus insolita fluctuatione &c. deducit ; ad stipulantibus quidem *Scheinero*, *Kirchero*, *Cysato*, *Wendelino*, *Keplero*, *Bullialdo*, aliisque Astronomorum celebriorum quam plurimis.

IV. Tametsi vero circa planetas reliquos difficilior observari orbium talium vaporosorum indicia posse fateatur, quemadmodum & terræ atmosphæram & in hac occurrentes mutationes innumeras ex istis vicissim ægre observabiles demonstrat ; nihilominus de istis quoque & generaliter præsumit similia propter maximam ipsorum cum Luna terraque similitudinem, specialiter circa 24 primum ex circumjovialium notata diversa magnitudine, prout 24 propiores aut ab eo remotiores fuerint, macularum item ac zonarum ejusdem albicantium ac positu, numero, figura, valde mutabilium, inconstantia, vaporosam ac nubilam aliquando hujusmodi sphæram arguit, ac de Saturno porro subsumit ; addita ratione quoque, quod utrumque Planetam alii secundarii instar



lunarum perpetuo obambulent, à quorum lumine mutuatio non minus ac à Solis directo notabiliter istos affici mutarique quoad externam superficiem necessum sit. Deinde vero, illud etiam quod & aliquando colorem, magnitudinem & figuram prorsus mutasse apud D. Augustinum de Civ. Dei legatur, atmosphæras inferiorum quoque planetarum arguere credens, in fixis coruscationes & scintillationes illas non ad aliam causam rectius quam ad evibrationem materiæ lucidæ & continuam vaporum expirationem reduci putat, & præterea novarum quarundam inter fixas exortarum anno 1572, & 1604, paulatimque decrecentium ac tandem evanidarum, nec unquam reversarum stellarum Phænomena, aliarumque in cygni pectore, collo ceti &c. per vices decrecentium & augescantium ac resurgentium eodem loco, mirandas ac frequentes mutationes, non aliter facilius salvari arbitratur, quam admissis fixarum tanquam totidem Solium, effluviis perpetuis ac circa nonnullas aliquando copiosius congestis rursusque dissolutis &c.

V. Quemadmodum autem crassiora mundanorum corporum effluvia intra cujusque atmosphæram consistere, & instar macularum solarium ac nubium nostrarum &c. nunc concreescere, nunc resolveri rursus & à corpore suo attrahi statuit: ita subtiliora non raro atmosphæram suam supergressa per universum ætherem sese diffundere, passim etiam crasseescere in sparsas, at nobis adhuc invisibiles, nubeculas atque nucleos diversæ magnitudinis, arbitratur: quæ cum deinceps, aliis supervenientibus nubeculis sive nucleis ex atmosphæris vicinis, ab intercurrente rariore materia conjungantur, in admirandam tandem molem concreescant, acquisita paulatim ex insita quadam ad condensandum propensione majori densitate exceptos solis radios reflectentem, & cum terræ nostræ satis vicina fuerit reddita, terricolis sub crinitæ stellæ forma conspicuam.

VI. Et, quando vel ex uno Sole sufficientissimam pro cometis hætenus magno annorum intervallo apparentibus, imo pro multo pluribus, evaporare, ex macularum, sæpe 40. 30, imo decimam octavam ac duodecimam disci solaris partem diametro sua exæquantium, umbrarum autem adhuc ampliore magnitudine, quæ, si in eadem cum Lunæ aut non multo majore distantia cerneretur, lunæ plenæ amplitudinem in oculis nostris multum esset superatura (vid. omnino Cometogr. p. 402. &c.) & præterea ex earundem macularum unius anni curriculo tantum oriundarum multi-



multitudine ( annis enim 1643 , & 1644, ipsemet tot in sole maculas majores minoresque notavit , quæ 40 mediocribus  $\frac{1}{2}$  partem diametri solaris comprehendentibus, æquiparari poterant , & anno 1625. earundem 153. numeravit *Scheinerus* pro talibus 100. omni jure habendas ) egregie demonstrat ; inde rationem invenit facilem, cur cometæ Solis sphaeram ingressi ( prout plerosque eam trajicere judicat ex distantis plurium calculo sollicitè subductis ) augeant maxime & maturecant , egressuri vero eandem magis magisque dissolvantur , repente quasi Sole quæ sua fuerant , idemque postea facientibus cæteris reliquorum planetarum orbibus.

VII. Ut vero res omnis evadat manifestior, ex observationibus & *Scheineri* , & propriis suis quamplurimis ostendit solarium macularum & cometarum in plerisque proprietatibus convenientiam ; nisi , quod illæ partem sui à Sole averfam atque adeo obscuram, hi vero, à Sole distantiores & multum elongati, faciem ab ipso illuminatam, nobis objiciant : Generari quippe illas quovis anni tempore nunc plures tamen, nunc pauciores , nunc plane nullas ; augescere ex plurium parvularum concursu & aggregatione in moles diversæ magnitudinis , rursusque diminui per earundem disgregationem ; figuram habere non sphaericam sed planam magis instar nubium ac disciformem , qualem etiam cometis adscribit , irregularem sæpe sed rotunditatem ut plurimum affectantem ; in medio quoque partes aliquas rariores , alias densiores ac nucleos quasi diversæ & mutabilis subinde magnitudinis, crassitie, densitatis & coloris habere ; nucleos illos primarios non semper consistere præcise in medio maculæ , & ambiri corpore quodam ipsis tenuiore ac rariore tanquam atmosphæra seu coma quadam ; nec ipsam maculam dissolvi prius , quam nucleus solidior sensim fuerit resolutus ; alias aliis diuturniores esse ; intrinseco quodam motu nucleos nunc ad invicem accedere propius , nunc sejungi magis &c. quæ quidem ex Authoris delineationibus ad p. 410. & seq. ) quarum unam alteramque saltem exempli loco Fig. IV. Iconismi B. nos exhibemus ) perspecta fusius & cum phænomenis superioribus collata magnam generationi capitum cometicorum lucem offundunt.

VIII. *Caudarum* autem productionem ut eadem verosimilitudine declaret , insignem quandam observationem circa easdem Solis maculas Lib. VIII. Cometogr. p. 479. non suorum tantum sed *Scheineri* quoque oculorum testimonio confirmat ; quod scilicet  
rarior



rarior quæ, cingit maculæ primariæ nucleum materia, umbræ nomine ab ipsis insignita, circa Solis centrum in B v. g. (vid. Fig. III. Icon. A.) eum æqualiter undique circumdet, circa margines autem, eum vel sequi a tergo ut in A, D, E, vel antecedere ut in C, F, G, ubique adeo secundum rectam lineam è Solis centro per maculæ nucleum ductam disponi, clarissimè cernatur: non aliam quidem ob causam, quàm quod Sol radiorum suorum virtute rariusculam illam materiam à se post maculæ terga propellat, eoque loco maxime, quo his impulsibus minus est obnoxia, nucleo quasi cohærentem detineat, haut obstante massæ totius tenuibus suis filamentis connexæ motu satis veloci. Simul autem p. 481. ad hoc imprimis animum advertere lectores suos jubet, quod e. g. circa maculam solarem vix 20. sec. in disco Solis æquantem umbrarum tractum tricies, imo quadragies longiorem atque adeo quoad aream superficiei 1200. vicibus capaciores circumstare non semel, ac nominatim d. 20. Julii 1643. observaverit; quam parvulam quidem in ista distantia molem ex intervallo 60. semidd. terrestrium in cœlo lunari oculis objectam. 15. cœli gradus posse subtendere, pariterque umbras illas secundarias, quæ totum aliquando solem obnubilant, etiamsi diametrum solis non excederent, ad eandem intercapedinem terram versus ex hypothese depressas, 45, vel 50, gradus tam in longitudine quam in latitudine explere docet ibid. & p. 403.

IX. Cum igitur æther subinde talibus exhalationibus tenuissimis ac vapore circumterrestri multo subtilioribus refertus sit, has equidem inquit, sparsas adhuc radios solares nullibi sistere ut evaderent visibiles; at rudimento quodam futuri cometæ ex hujus illiusve planetæ orbe vastum illud spatium trajicienti densius cohærentes, maximamque partem radiorum solarium impulsu post capitis cometicæ postica tractu longissimo congregatas, ab aliis ejusdem solis radiis ipsum caput cometæ penetrantibus, sed ab interjecta rariore materia refractis, atque adeo multum debilitatis, ita collustrari, ut in tenebris constituto oculo redditæ visibiles, caudarum illum tractum plus minusve lucidum &, pro varietate effluviorum hujus illiusve planetæ prædominantium, quin & pro vario gradu densitatis & compactionis subinde quoque mutabilis, nec non pro vario ad horizontem vaporosiores positu, (p. 515.) vario colore conspicuum &c. exhibeant: reliquis interim eorundem syrmatum varietatibus, à sole



à sola capitis constitutione ac dispositione plurium vel pauciorum nucleorum ita pendentibus, ut radii solis transmissi post suas reflexiones & refractiones in mucronem quendam longius à capite coëant, vel statim post caput uno communi loco decussati postmodum divergant & caudæ phænomenon circa cervicem coarctatum deinceps magis magisque dilatent, vel denique in diversis locis facta ejusmodi decussatione diverforum quasi conorum radiolorum, à capite ad extremitatem usque dilatari sensim incipiant.

X. Neque vero hæc ita generaliter tantum monet, sed specialiter etiam singulis observatorum accuratius cometarum Phænomenis ita accommodat, ut eorum etiam, qui nullo unquam telescopio conspecti sunt, nucleos ac horum dispositionem in capite cujusvis, ad analogiam aliorum à sese aliisve observatorum, ita fingat ex hac hypothese sua, quo caudarum annotatas ab historicis apparentias omnes, etiam monstrosas & præ cæteris mirabiles inde provenire potuisse dilucide appareat; prout è schematismis plurimis sub Lit. H, I, K, L, ad p. 442. & seqq. spectantis (omnia enim illa specialia harum pagellarum angustia non admittit) elucere potest. In primis autem quarundam caudarum deviationes & incurvationes, superius Phænomeno XVIII. notatas ex eo facile deducit, quod pro varia nucleorum in capite dispositione, radiorum transmissorum decussationes non semper in ipsa linea media è centro solis per centrum cometæ ducta, sed ex alterutro nonnunquam latere contingant (p. 485.) & pro diversis in materia caudæ densitatis gradibus (quales e.g. in atmosphæra quoque nostra notentur) cum caudæ notabili deviatione conjunctis (absque hac enim incurvationem ab una parte convexam & ab altera concavam nunquam contingere illapso obliquius radios, secundum leges opticas gradatim incurvari necessum sit (p. 498. & seqq. pluribus) atque in casu alternantis quasi raritatis ac densitatis partium minus cohærentium, etiam ruptas alicubi caudas ac intercisas apparere. (p. 513. in fine.)

XI. Et cum in cometarum capitibus diversi nuclei subinde motu intestino irregulariter loca sua mutare, imo & figuram & magnitudinem, deprehendantur, fieri aliter haut posse infert, quam ut (p. 512.) lumen solis per caput trajectum varias etiam mutationes subeat, & jam longius, jam brevius, exporrectum, caudas fluctantes ac vibrantes nunc vividiores, mox languidiores, aliquando penitus evanidas ac subito regeneratas &c. in ipsa quoque caput am-



biente coma, alibi condensata magis alibi rarefacta successive, ejusdem luminis variationes & mications subitaneas subinde efficiat; maxime vero in cometis istis lucidioribus & ignitis magis quorum capita & solidioribus pluribusque lumenque fortius reflectentibus nucleis componantur; quamvis & aërem nostrum vaporosum nubilis exhalationum inæqualiter ludentem aliquid ad hæc Phænomena conferre posse nullus diffiteatur. p. 513.

XII. Denique cur plerorumque cometarum caudæ capitibus suis minus splendida, prope capita item ut plurimum quam in extremis fulgentiores sint; cur aliæ fixas obscurent aut penitus tegant. (id quod haut infrequenter circa cometam anni 1618 contigisse testatur *Cysatus*) per alias contra minutiores etiam stellæ traluceant, ut in novissimo nostro factum; quomodo item per medium caudæ collectiores radii medullam quasi candidiorem, aut versus latera magis congregati lineam quandam nigram formare queant &c. ex eadem dispositione varia interiorum capitis nucleorum, ut vel in orbem positi minutiores medium quasi foramen relinquant, per quod effusi copiosiores & à nucleorum lateribus ad eundem communem terminum determinati radii colligantur, vel in unum solum grandiolem nucleum compacti viam illam mediam lumini intercipient &c. & ex majori plerumque caudarum prope capita densitate, radiorumque magis adhuc collectorum majori adhuc robore &c. p. 518. nullo quidem negotio ostendit.

XIII. Diversas autem caudarum longitudes & latitudes, etiam in uno eodemque cometa variabiles, quod attinet, illarum causam assignat partim physicam, partim opticam: Et physicam quidem in ipsa materiæ tenuioris cometam ambientis & comitantis majori minorive, nunc augescente, nunc decrescente, copia, & consistentia quærit; opticam autem in varia distantia cometarum diverforum, vel ejusdem quoque successive, à Sole pariter & à terra reperit: cum certum sit & ex Fig. III. iconismi B perspicuum, eandem caudæ molem, prout vel circa Solis conjunctionem vel in majori à Sole digressionem, vel circa Solis oppositum, in majore aut minore à terris distantia, oculis nostris obijcitur, ita majorem aut minorem aut nullum angulum subtendendo, ipsam longissimam & lucidissimam, aut dilutiorem ac brevioram (p. 525. & seq.) aut plane nullam apparere posse. Id quod speciatim ad novissimi nostri sub apparitionem matutinam multo brevioram ac dilutiorem, sub vesper-



tinam autem alteram stupendæ longitudinis & claritatis caudam facile accommodabit , qui , quod multæ suadent credere circumstantiæ , cogitaverit , ibi cometam à terris ipso Sole adhuc distantiore in sublime magis caudam porrexisse suam , hic e contra jam infra Solem delapsam , ac in transitu magna solarium halituum accessione ditatum , ad terram nostram propius eandem demisisse adeoque sub angulo maximo spectandam exhibuisse. Quin etiam hoc modo caudarum figura quoque , superius n. IX. ad causam physicam revocata , nonnunquam ex ratione mere optica pendere posset : quandoquidem extremitatem ejus , prout averfa magis à terris quam partes reliquæ , vel ad eam propius conversa fuerit , ita dilatata magis & ampliorem , vel coarctatam & cuspidatam spectare necessum est. ( p. 539. )

XIV. Motum cometis , utpote corporibus caducis ac interituris & disciformibus magis quam sphaericis , cum *Keplero* rectum potius quam circulare aut ellipticum tribuit , ( p. 562. & 568. ) circa finem apparitionis tamen & exortum eorum , h. e. cum concrefcere incipiunt ( quamvis hoc observari haut facile queat ) & cum dissolvuntur maxime , deviantem aliquo modo , ad analogiam iterum solarium macularum simile motus sui phænomenon frequenter exhibentium ; ( 566. ) quæ realis tamen deviatio ex apparente alia. Cometarum diversæ tum ad Solem tum ad terram distantia , anguloque inde variato , accepta ferenda , subinde capita augmenta notabiliora : ( p. 564. & 567. ) Et progressum illum corporis disci sic fieri concipit , ut latere sui tenuiore quantum ejus ad solem respectus infra declarandus permiserit , non autem plana & expansiore facie , auram ætheream secet ( sicut e. g. jacula & cuneiformia corpora , navigia & similia secundum longitudinem suam ac partem tenuiorem , etiam ex alia parte impulsam passa , provehi solent , eo se sponte quasi sua convertentia ; quo ipso & facilius impetum receptum continuet & ad motum circulare , obnitente sc. ætherea materia plano corporis introrsum convertendo , sicut aqua navigiorum gubernaculo , prorsus ineptum reddatur ( p. 570. & c. ) Maxime vero ab ipsis apparentiis coactum sese motum hunc trajectorium propugnare dicit , quod ipso mediante , atque insuper annuo telluris motu in subsidium vocato ( pro quo cometæ omnes strenue militent ) omnibus satisfieri phænomenis commode queat , quæ salvare per motus circulares aut ellipticos sit prorsus impossibile : id quod exemplis eorum decem , quorum Observationes exquisitæ fuerunt annotata ,



tatæ, prolixè admodum nec operose minus quam ingeniose docet a p. 590. per insequentes quamplurimas.

XV. Optarim equidem ut harum pagellarum angustia & instituti præsentis ratio concederet ipsam praxin etiam ex quatuor cujusque cometæ observationibus accuratioribus, quanto licet maximo dierum intervallo diffitis, ejus trajectoriam lineam vel mechanice describendi vel per calculum explorandi ac determinandi, ut ex Authoris lib. IX. p. 593. & seqq. hic docere liceret: Verum enimvero, cum aliarum omnium quæstionum & speculationum circa cometas unquam occurrentium hæc sit subtilissima & ingeniosissima, quam nemo gentium ante *Hevelium*, excepto magno illo *Keplero*, cui hoc inventum, à se deinceps ex cultum & elucidatum acceptum refert, tentare ausus fuerit; hujus neque loci neque spatii rem istam, exemplorum plurium ac schematismorum haut paucorum indigam, esse ab unoquoque facile judicabitur. Sufficiat ingeniosissimorum ausuum vel obiter fecisse mentionem, & adumbrationi qualicunque Fig. 2. Icon. B exhibita hoc unum addidisse; mirabiles etiam motus ac enormes saltus ejus cometæ, quem anno 1472. Regiomontanus observavit & nos in Phæn. XXXII. descripsimus, ad hæc leges trajectoriæ ab Autore nostro (p. 601. & seqq.) feliciter esse revocatos, & cometæ pronuperi annorum 1664, & 1665. viam eadem arte lib. XI. 760, & seqq. ita descriptam, ut per eam æquabili satis & uniformi motu incedentis & apparens motus retrogradus valde inæqualis, & statio sub finem ac directus aliquousque incessus, & latitudines longitudinesque &c. ad singulos dies calculo subductæ, eidem apprime consonarent, imo distantia quoque cometæ à terra in dies singulos cum eis, quas parallaxes ex observationibus multo serius expeditæ determinarunt, ita convenirent, ut seipsum id mirum habuisse testetur Author.

XVI. Vnde vero motus iste cometarum trajectorius rectilineus exoritur, qua ratione propagetur, conservetur, rursus destruat ac denique sistatur; hoc esse omnium suffragio thema præcipuum, maxime arduum & intricatum, fatetur p. 643. suamque adeo hypothesin non tanquam satisfacturam omnibus, sed tanquam non usque adeo absurdam & cum meliore quavis prompte commutandam per sequentes paginas prolixè exponit. Res omnis in compendio huc redit: Primum cometæ futuri rudimentum intra planetæ cujusdam atmosphæram A (vid. Fig. I. Icon. B.) con-

cres-



erescens, hujus periodica vertigine versus ambitum per lineam quasi spiralem successive sublevatur, & acquisito magis magisque impetu. vortice hoc circa Bejectum, in æthere libero postmodum, (uti lapis ex fundæ gyris dimissus in aëre) per lineam omnino rectam BK continuo ferretur, nisi, faciem sui alteram Soli ut e. g. nubes suam terræ, semper obvertere coactum, ab ætheris renixu in lineam aliquo modo curvam & solem versus cavam deflecteretur, ita quidem ut, cum ob causam jam dictam ab initio expansa magis sui parte qua Solem respicit, deinceps vero magis magisque tenuiore latere ætheri secando obvies, subinde velocius incedat quo propius ad Solis perpendiculum FS accesserit; exinde vero paulatim alteram & averfam à Sole faciem per rumpendæ auræ ætheris obiciens, iterum magis magisque retardetur; prout equidem re ipsa fieri experientia & observationibus respondens calculus edoceat.



XVII. Et cum illa materiæ cometice concretio prima, & subsequens è natali vortice expulsio, vel sub hujus æquatore & circulo maximo, vel alibi sub minoribus circulis possit contingere, ibi adeo multo quam hic rapidior; unius etiam planetæ vortex major & amplior imo & concitator sit vortice alterius; ac præterea densiora & compactiora corpora sint ad motum aptiora rarioribus ac tenuibus &c. hinc unius etiam Cometæ verus in trajectoria motus velocior æstimatur motu alterius, imò ex hac etiam causa unius ejusdemque raptus in principio & fine, cum nondum satis addensati sunt nuclei, & quando rarefcere rursus occipiunt, solet esse tardior, in medio cursu, cum maturuerunt, concitator; prout e. g. Cometas anni 1618, 1652, 1661, cum denso adhuc corpore unoque tantum & altero nucleo compactiore constarent, plus viæ dietim in trajectoria confecisse, sub finem autem, cum rarefcere jam ac dissolvi occiperent, multo tardius incessisse, fundatus observationibus indubiis calculus docuerit.

XVIII. Trajectoriam igitur illam lineam non tam præcise rectam quam parabolicam esse ex antedictis judicat *Hevelius* (p. 659.) & hinc eorum cometarum, qui circa verticem parabolæ, h. e. circa lineam SF, ex Sole in trajectoriam perpendiculariter cadentem, primum sub aspectum nostrum veniunt, ab initio statim solere velocissimum observari motum, tardissimum ex opposito eorum incessum, qui longius ab illo perpendiculo circa B vel C exoriuntur, (p. 669.) Quemadmodum autem illa motus incrementa



ac decrementsa valde regularia & proportionata esse cometarum omnium paulo exactius observatorum exemplis evincit; ita quæ porro in apparente motu nonnunquam occurrunt inæqualitates & irregularitates, e. g. saltus illos enormes qualis in cometa *Regio-montani* notatus fuit, stationes item & retrogradationes in partes priori motui contrarias &c. ex motu terræ annuo eodem modo deducit, quo alias Copernicani planetarum ordinariorum similes apparentias, tanquam meras deceptiones opticas, salvare ingeniose solent.

XIX. Sic. e. g. cometa pronuperi anno 1664, & 1665, stationem & directum tandem ingressum sub apparitionis finem, cum toto tempore reliquo retrogradus versus antecedentia signa, h. e. ab ortu versus occasum incessisset, apparenter saltem contigisse, revera autem cometam in trajectory sua æquabili & proportionate diminuto motu in occasum perpetuo perrexisse, speciose demonstrat; prout é Theoria dicti cometæ ad p. 760, delineata, à nobis autem mutatis pauculis in Fig. 2. Icon. B. exhibita luculenter apparebit recte attendentibus. Etenim cum terra existens in *a* 15. Decemb. vidisset cometam *A* matutinum ante ☉ ortum in 2. gr. 23. min. & ac postmodum d. 27. *D*. medium quasi inter ortum & occasum, deinceps autem vespertinum ac indies tardiozem apparenter, quamvis revera ferme æqualiter promotum, spatia enim *CD*, *DE*, *EF*, in trajectory parabolica cum sint æqualia fere, apparens tamen in signis eclipticæ motus perpetuo decrescit, ut quidem observationes postulaverant) delata circa Febr. principium ad *h* & *k*, radiis fere parallelis eundem eodem sensibiliter loco, adeoque stationarium, conspexit; in *l* & *m* vero circa 13. ejusdem mensis, sinistrorsum jam in partes anteriores vergente radio visivo, retrogradum necessario vidit, tametsi revera, uti semel ceperat, à *K* ad *L* &c. directe pergentem.





### III. PETITI Hypothesis in compendio similiter exhibita.

#### I.

**E**Andem prorsus, quoad generalia, foverat ante hac hypothesin *P. Petitus* cum ea quam *Hevelius* enarrato modo excoluit, imo ex iisdem fere principiis omnem cometarum originem & plerasque ipsorum apparentias compendiose deducit à pag. 22. suæ Dissert. ad p. 33. usque. Posteaquam autem cometæ pronuperi, anni 1664, phænomena & incessum considerasset attentius, insufficientes æstimavit istas suas cogitationes priores, ad salvandum præsertim motum adeo regularem ad calculum etiam & geometriæ regulas æque ac cœlestium reliquorum motus revocabilem, qualem corpori raro & exhalationibus æthereis convenire posse absolute negat (p. 34.)

II. Antequam autem alteram ejus hypothesin, quæ cum priorem istam postea commutavit, exponamus, operæ pretium erit hoc ejus de motu cometico regulari dubium, quod ipsum ad deferendam sententiam priorem compulerat, penitus habere perspectum. Noverat is jam dudum ab anno 1618 suboluisse viris doctis, *Keplero*, *Galilæo*, *Cysato*, *Bullialdo*, *Gassendo*, &c. quod cometarum motus fierent supra lineas rectas tangentes alicujus circuli, quarum partes æquales dietim à cometis confectæ, nostris oculis exhiberent angulos inæquales, & illos quidem augescentes indies donec ad ipsum contactus punctum, terræ jam proximi, devenissent, exinde vero paulatim iterum eadem proportionem decrecentes (p. 268.) Audiverat ex *Auzuto* (qui primus ad calculum publice revocare rem istam anno 1664, ausus erat) paratam à se & ad externos emissam ex observationibus primis cometæ tum affulgentis *Ephemerin* omnium ejus motuum in futuros dies expectandorum: Videbat ipse tandem sic monitus, haut plures requiri quam tres diversorum dierum observationes, adeoque duos angulos, observati motus proprii mensuras, ad determinanda cometæ loca in singulos dies sequuturos & condendam totius durationis *Ephemerin*, sive geometrico calculo, qualem eodem tempore *Burdegalæ* Jesuitam *Pardies* quoque (NB. hic idem ab *Hevelio* lib. XI. cometogr. p. 776. sub



sub nomine *P. Ignatii Gastonis Pardies* allegatur) adinvenisse fatetur p. 360. suo ipsius multo faciliorem & ingeniosiore; sive mechanica ratione qua primum uti præ calculo operoso malebat, constituendo supra chartam qua potis erat accuratione duos angulos observationibus primum habitis respondentes, & scalam geometricam h. e. lineam rectam in partes æquales minutissimas divisam angulis istis ita applicando, ut æqualis partium numerus utrique exacte responderet, aut proportionatus saltem intervallis temporum, quibus observationes illæ fuerant habitæ; denique juxta scalam sic applicatam ducendo rectam, qua; uteretur loco tangentis ductaque ad ipsam perpendiculari, cometæ perigæum augescentesque & porro diminuendos indies motus determinaret: Animadvertibat etiam angulos motuum hac methodo inventos sic satis respondere motibus cometæ in cœlo ipso per plusculos porro dies observatis, (p. 270.)

III. Cum itaque satis jam constaret cometarum motus haut quaquam irregulares esse, uti quidem à multis retro seculis erat creditum, sed cœlestium reliquorum motibus simillimos; istis cœva potius crinita hæc sidera quam noviter in cœlis genita putabat esse statuenda: Et sicut aliqui ex mundanis istis globis, uti Sol & fixæ, sint vere lucidi & nativo lumine corusci, aliqui contra, uti tellus & planetæ cæteri, opaci prorsus & ab istis illuminandi; sic verosimiliter aliquos etiam esse naturæ mediæ (cum nullibi Deus ac natura ab uno extremo ad alterum, nullo plane medio, transiisse observentur) semilucidos, h. e. luce propria quidem, sed debiliore, instructos & quod deest à Sole fixisque mutuari solitos (p. 35.) Quemadmodum item nonnulla ex totalibus istis mundi corporibus uno, 2, 3, 7, 16, diebus, uti 4 ac 5 satellites, aliqua mense uno, aut tribus aut 8 mensibus, ut ♃, ♄, ♀, aliqua anno uno aut 2 aut 12 aut 30, ut ☉, ♁, ♃, ac ♄, motuum suorum periodos absolvunt: Ita quædam eorum, qualia cometas esse putat, intra 40, 50, 60, 100 annos suos posse decurrere circulos, ac tum demum nobis conspicua fieri, cum ad perigæum sui circuli descendunt, ab hoc autem elevata rursum paulatim oculis nostris subduci eo modo quo ♁ nunc pusillus nunc ingens spectatur, prout à terra magis minusve removetur, ac stellæ quædam inter fixas alternis apparent ac disparent proportionate crescentes ac decrecentes non alia procul dubio ratione quam alterno suo quodam ascensu ac descensu (p. 36. & seq.)



IV. Verum ut harum ascensus ac descensus rectilineus magis est concipiendus quo earum fixus uno eodemque loco conspectus salvetur: sic illum cometarum in circulo quodam vasto, qui vel orbem nostrum planeticum ambiat ut B F K (vid Fig. 5. Icon. B) in spatio illo Saturnum inter ac fixas vastissimo, sed ex centro infra nostri centrum A immensis modis depresso, descriptus, vel extra nostrum totus aliqua suæ circumferentiæ parte Y, Y ad orbem nostrum accedat propius, vel etiam, si quis aliquando saltem id necessum putet (vid. p. 46, & 288. eundem transeundo secet ut X, X, fieri posse, & hoc pacto contingere, ut circa F existens cometa videatur omnium maximus ac velocissimus, ante vero ac post illud tempus in C, D, E, vel G, H, I eo minor ac tardior, quo fuerit à perigæo suo F remotior, quod anguli visivi F A E & F A G majores, reliqui autem deinceps minores sint, etiamsi spatia CB, CD &c. omnia sint æqualia idemque quovis die ac regularis penitus cometæ motus.

V. Et cum hac hypotesi stante necessum sit eosdem cometas, postquam in suis circulis vastissimis è conspectu nostro sublati fuerint ac per superiora ejusdem regulari motu plurium annorum intervallo delati, tandem ad inferiores iterum partes atque sub conspectum nostrum redire, idque per tot secula pluries; existimavit *Petitus* suum illum anni 1664, verosimiliter eundem esse cum illo magno anni 1618, tum quod eodem fere tramite incesse- rit & per eadem zodiaci signa, iisdem anni mensibus, tum etiam quod per æqualia annorum 46. intervalla (quanto sc, hi duo ab invicem distant) retro numerando ad Caroli magni tantum tempora, viginti ferme reperiantur cometæ periodum istam, vix uno aut altero anno nonnunquam aut excedente aut deficiente (quod in immensis istis revolutionibus, nodorum & apogæorum translationes proculdubio passis, attendendum haut esse credit, cum ne ordinariorum quidem planetarum arctiores multo periodi exactos usquequaque observent terminos) sic satis definientes, annis scil. à Christo nato 1526. 1477. (loco anni 1480) 1434. 1390 (loco 1388) 1341 (loco 1342) 1298, (loco 1296.) 1112, 1068 (loco 1066) 882. 837 (loco 836) 745 (loco 744) & per superiora secula satis barbara licet ad Salvatoris nostri nativitatem adhuc tres aut quatuor, ulterius autem ad annum usque 450, ante Christum porro quatuor aut quinque alios. De



cæteris autem deficientibus ejusdem periodi annis, ut sunt 1577, 1250, 1204, 1158, 1020, 974, 928 & per remotiora secula complures, qui solenni hujus ejusdem cometæ reditu debuissent esse insignes, ipsum vel sub solis radiis delituisse, ac interdum tantum nostrum lustrasse horizontem dicit, (prout aliquando cometam videri contigerit juxta Solem totaliter eclipsatum, alias inconspicuum futurum) vel scriptorum incuria aut infrequentia non fuisse adnotatum &c.

VI. Hoc vero pacto in futuros quosque 46 annos ab illo 1664. hujus ejusdem reditum prædici & sic aliorum etiam apparitiones præscribi posse putat, inventis nimirum è collatione observationum ipsorum quoque periodis, quas 50, 60 pluriumque 30 certe non facile pauciorum, annorum intervallo determinari credit, quod ultra hæmotos ipsorum circulos supposuisset. Vtrum autem hi circuli inter hæ sphæram & firmamentum extrorsum circa fixam aliquam potius quam circa Solem ac terram nostram velut Y Y in Fig. 5. Icon. B, an vero introrsum circa nostrum orbem planeticum, ut B, F, K, disponendi videantur (per rectam enim Z Z ejusmodi corpus perpetuum ferri videbatur ipsi absurdum, tametsi alias diurnus cometæ motus ex rectæ tangentis calculo in futuros dies prædictus eventui pulchre responderit;) id vero ex observationum exactiorum collatione posteros aliquando nostros præcisius esse determinaturos sperat, sibi vero interim probabilius multo videbatur ab initio, cometas circa Solem ac terram sed in circulo valde eccentrico ferri, tum quod reliqui planetæ ordinarii omnes eodem modo incedant, nec ullum extet motus extrorsum incurvati exemplum; tum vero, quod isto supposito non facile cometa quispiam dimidium percurrisse zodiacum (nedum 8 vel 9 signa uti novissimus noster) videri posset, nisi per circulum immensæ prorsus magnitudinis delatus diceretur; tum denique, quod anguli motuum diurnorum circa dies extremos, quos hypothesis rectæ tangentis justo jam minores dederat, in ista altera deberent adhuc magis arctari (uti quidem figuræ nudus aspectus abunde docebit) cum econtra hi ipsi, partes æquales lineæ introrsum curvæ B, F, K complexi, observationibus exactius responderent.



VII. Verum enimvero ejusdem cometæ observationes ultimæ, ac imprimis apparens manifesto retrogradatio, retrogradum quoque fecere *Petitum* ac mutare prorsus pristinam sententiam; adeo quidem, ut p. 271. per rectam lineam non incedere cometas hoc ipso experimento confirmaret, extrorsum autem incurvatam ejus fuisse semitam, quasi circa canis majoris astrum inflexam, penitus sibi persuaderet hac nota utilissima (p. 272) cordate subjuncta: Quod præcipitatio voluntaria de iis rebus scribendi, quarum nondum habemus plenam claritatem, & ferendi judicium suum de facti cujusdam una parte, non expectata conclusionem, ad veritatem conferre non possit; neque valide decidi res ulla nisi tota lege perspecta nec ante quam simus de omnibus probe informati. Quin imo ne circularem quidem aut circuli magni portionem cometæ tramitem fuisse, sed ellipticam potius sive ovalem lineam plano continuato per terræ centrum non transituram, (p. 275.) cujus apicem quasi claudere voluisse sub finem videatur; ideoque nec arcus diurnos à perigæo licet æqualiter distantes, satis æquales extitisse; nec hypothesin de tangente. & arcus diurnos illo calculo determinatos aut suis aut aliorum observationibus exacte respondere, aliaque similia ultro fatetur; interea tamen cometas esse corpora cœlestia mundo coæva certissime sibi persuadet (p. 305.) istum anni 1664. autem cum altero anni 1618, unum eundemque ut credat non nisi conjectura quadam adducitur (p. 309.) ea quoque observatione non parum roboranda, quod, ut istum comitatus est alius, eodem adeo anno 1665. cum ipso visus; ita retrogrediendo per enumeratas supra annorum 46 periodos, aliquoties etiam, e. g. annis 1526. & 1527, 1340, & 1341, 837. & sequente &c. duo cometæ se invicem proxime sequuti legantur.

VIII. Sicut autem ipsa cometarum corpora sive capita pro stellis habet mundo coævis; ita comam circumfluam & caudas in oppositum Solis directas (p. 64. & seqq.) eodem fere modo, quo *Hewelius*, ex effluviis æthereis generat, nullus interim dissimulans (p. 60, & 63, in altera illa hypothesi, quæ stellas ipsas quoque de novo gigni supponit, rem omnem esse quam in hac sua nova, multo faciliorem; quandoquidem exhalationum in capitis nucleum condensatorum reliquias subtiliores eidem sub caudæ forma adhærescere & à radiis solaribus per translucidum stellæ puriæ discum trajectis



una collustrari, ea qua cap. III n. IX. declaratum est ratione, facile concipiatur, cum difficultatis plus habeat corporis perpetui & caudæ temporariæ diutina adeo connexio.

IX. Existimattamen erroneos illos extraordinarios per ætheris vastissima spatia motu perpetuo & regulari circumvolutos ex peculiari quadam proprietate & fabrica sui corporis ( p. 67. ) obvios per ætherem ubique vapores & exhalationes coelestes ) quarum præsentiam & macularum solarium Phænomena & Solis actio continua in planetas cæteros non minus ac in terram nostram satis arguant ) circum se colligere, dum nimirum motu suo rapido fluidum illud æthereum agitando faciunt, ut aliquæ isiarum exhalationum, quas aliæ sequuntur & has rursum aliæ, ipsis adhæreant, eo pacto, quo videmus festucas aliæque levicula se applicare ligno cuidam secundo flumine delato ( p. 64. ) Illas autem exhalationes à Solis radiis in partes contrarias perpetuo expulsi, & corpori comitæ tamen interim quantum possunt adhærere connisæ, partim comam illam corpus undique ambientem, maximam partem autem refugas pone illud, ad modum fumi à vento post corpus aliquod impervium collecti aut scobis festucarumque à tergo ligni natantis concatenata serie colligatarum, appendicem illam caudiformem constituere, & lumine mutuatitio illustratam utramque terris ostendere. Caudas autem illas pro exhalationum copia ac diversitate, pro varia, quam subinde tum ex motu tum ex radiorum solarium impulsu patiantur, sui dissipatione & successiva ex obviis aliis halitibus restauratione, variam quoque magnitudinem & figuram variosque colores nancisci, ex pondere quoque materiæ ( p. 66. ) longiores nonnunquam quoad extrema incurvari; prout extensiora quævis, ut hastilia & longuriones aliis, altero sui extremo sustentata alterum in arcum quendam demittere soleant &c.

X. Denique ne inutiliter hæc omnia supposuisse videatur, non sine causa suspiciari se putat ( p. 69. ) hosce globos cometicos eâ fini per ætherea spatia devolvi, ut impuritates illas è globis mundanis cæteris undiaquaque confluentes quasi attrahendo ac Soli postmodum devorandas offerendo, cœlos expurgent; quemadmodum e. g. aurifices metallorum diversorum limaturas ex officinæ quisquilliis separaturi, nunc magnetem sphericum supra pavementum circumagitant, cui ferri scobs undique adhæreat, nunc mercurii globulum devolvunt, auri ramenta sibi adjun-



adjuncturum &c. Veletiam, ut æthereis istis nubilis cincti tanto plus luminis mutuati à Sole recipiant, alioqui Saturno ipso futuri minus illuminati, cum supra eundem plerique videantur elevati; hoc pacto vero & copiosius lumen hausturi & diutius in parte sui quavis fervaturi: prout e.g. nubila nostra & atmosphæra terram ambiens crepusculina luce Solis absentiam compensant ac diem quodammodo extrahunt, & Saturni annulus, ejusdemque & Jovis Satellites hisce juncti ideo non immerito videntur, ut tanquam totidem lunæ luminis mutuati ex intervallo nimio defectum in istis corporibus suppleant.

XI. Ultimò, ne quidquam omittamus, quod hypotheseos hujus partem faciat, hoc etiam vel verbo monendum est; authorem hunc celeberrimum terræ motum annum quidem, non solum tanquam minus necessarium nec è cometarum apparentiis inferendum, sed etiam ut multis difficultatibus obnoxium & vix comprehensibilem, ab hypothesis sua exclusum voluisse, (p. 307.) diurnam autem ejus vertiginem, ad salvandum cometarum cum aliis astris communem motum, quippe incomprehensibilis aliàs rapiditatis futurum & caudæ materiam vel omnem dissipaturum vel in orientem perpetuo exporrecturum &c. (ibi & p. 30. ac seq.) omnino necessariam judicare.

#### IV. Qualiscunque nostra *ἐπιχειρηματικὴ* de utraque hypothesis citra partium studium omne sub- juncta.

##### I.

**D**E Virorum adeo celebrium ingeniosis inventis & cogitatis nostram ferre sententiam quod audeamus, id nemo alius paulo æquior vitio nobis, spero, vertet, cum ipsorum inventorum propria, sagacitate eorundem & acumine nihil minor, modestia, id nobis haut invita concedat; ex more scilicet avi moderni, quo Philosophi saltem uni alios modeste sibi obloquentes multo ferunt facilius, quam scholarum quidem rigor antehac admiserat. *Hevelius* certe sub initium lib. VII. Cometogr. suæ p. 353. *Nulla prorsus ratione mihi persuadeo*



inquit, *nec tibi, lector benevole, persuadeas velim, cum illis magnis & perspicacissimis viris, qui laborem istum tanto conamine jam exantlarunt, minime sim comparandus — ac si aliquid omnibus numeris absolutissimum, atque omnino certissimum hocce in negotio, in medium proferre penitus decreverim, absit, sane absit! Attamen animus propterea non plane est abjiciendus, sed potius omnibus viribus allaborandum esse censemus, quo saltem talia proferantur, quæ non omnino sint absurda & rationi prorsus repugnare videantur &c. — Veruntamen si tu, benigne lector, vel alius quis veriore sententiam, per quam phænomena rectius & facilius explicari & enodari possint, mundo exponere velueris, id tibi non solum integrum erit, sed istam ipsemet, crede, suo tempore ambabus amplectar manibus. Similia sub initium VII. libri habet p. 437. Petitus autem, postquam dixisset p. 50. suæ Dissert. nos etiam, si non nisi nani essemus cum veteribus comparati, debere tamen super ipsorum humeros elevatos & sic in gigantum staturam erectos ulterius quam ipsi poterant prospicere, atque adeo tentare ut noviquidpiam in hoc sciendi genere detegamus; hoc tentamen, addit, si non ingeneret statim scientiam demonstrativam, posse tamen minimum gignere aliquam verosimilitudinem & occasionem præbere aliis, quibus plus est otii, illas conjecturas suas emendandi & perficiendi &c. Et quam promptus sit in mutandis opinionibus & melioribus admittendis, non solum verbis prolixè testatur p. 264. sed paulo ante facto ipso luculentissime comprobavit; prout è cap. nostri IV. num. VII. constat.*

II. Quamobrem, ut *Petiti* hypothesein prius excutiamus, illud profecto quod cometas pro corporibus mundo coævis habet, jamdudum nobis valde arrisit, quod ea ratione de motu saltem ipsorum non multo plus difficultatis superfuturum fuisset, quam nunc equidem de planetis ordinariis superesse solet, eademque quæ his movendis adsignari causa potuit, in illorum quoque revolutionibus agnosci facile debuisset; nisi caudarum extraordinarium & à radiis solaribus manifeste pendens phænomenon

novæ



novæ generationis argumentum quoddam vel invitis nobis obtrusisset. Quo equidem dubio nos facile liberasset novum *Cartesii* suppositum, quo cometarum caudam nihil reale, sed oculorum quendam lusum ex radiis stellæ cometicæ singulari modo refractis oriundum (quale quid profecto nobis haut ita pridem Luna dichotoma per orbem vitreos, nihil tale cogitantibus objecit,) ingeniose finxit; modo non ad roborandum hoc suppositum alia duo magis incredibilia requisivisset, cometarum scilicet omnium orbem Saturni transcendentem altitudinem, etiam *Petito* non improbatam, quam observationibus quam plurimis adversari hodie fere indubium est, & novum quoddam refractionis genus nullibi alias obvium, ex principiis primum jactis valde coacte deductum, ideoque *Petito* ipsi p. 230. & 247. sed & *Vossio* de natura lucis p. 79. *Dn. Conte* Epist. *Cartes.* XII. partis II. p. 45, aliisque viris doctissimis dudum suspectum.

III. Magis igitur arridet *Petiti* consilium, qui caudas cometarum de novo generari corporibusque mundo coævis, eodem modo, quo *Hevelius* suis temporariis, in via adnasci putat. Ubi dissimulare tamen non possumus, in Heveliana hypothese speciosius illam caudæ cum capite, ex eadem quippe effluviorum coelestium materia genito, cohæsonem explicari, quam in illa *Petiti*, ubi caput sive stella diversi plane generis corpus & planetis cæteris congener habetur, indeque dubium statim subnascitur; cur non & cæteris planetis ordinariis, per eundem ætherem vagabundis, hujusmodi effluviorum appendices accrescant? cui quidem dubio tollendo cum dicat *Petitus*, in planetis istis extraordinariis peculiarem quandam proprietatem aut fabricam adesse posse, quæ in cæteris ordinariis non sit, impossibile sane nihil supponit, in obscuro tamen adhuc eam hypotheseos partem relinquit, cum in quonam illa proprietas & fabrica consistat, aut qualis probabiliter esse queat ut ad sui cohæsonem effluvia diversorum adeo generum alliciat, non declarat.

IV. Neque laude sua specieque caret elegans illa observatio circa cometam 1664, ac alios multos intervallo 46. annorum  
cir.



circiter per complura retro secula se invicem antecedentes; nec eo nomine unum eundemque toties iterata revolutione quasi renatum illos omnes fuisse negabimus, quod colore, magnitudine, caudarum longitudine & figura, incessu per alios aliosque asterismos &c. ita variauerint, ut ne unus quidem ulli cæterorum ex omni parte similis apparuerit; quandoquidem aliam aliamque diversis temporibus erroni huic extraordinario occurrere coelestium effluviis copiam &c. potuisse, & nodorum, apogæi, aliorumque in planetarum ordinariis revolutionibus observatæ mutationes hæc talia possent excusare. *Hevelio* quoque ipso id negare vix aulo, quin & intervallum illud 46. annorum non ita rigide & præcise per antecedentes periodos exigendum esse, & si quando defectum aliquem ejus periodi passa videatur hypothesis, eum observantium aut historicorum incuriæ potius attribui tanto lubentius patiemur, quo plures nobis historia Lubenietzii plenior adnotat cometas isti periodo accommodos, *Petito* ipsi ignotos; siquidem annus 2102. loco 1204, 975, loco 974, 930, loco 928, 791, loco 790, itemque 744. præcise cometam mundo exhibuerunt, & ab hoc tempore ad nativitatem Christi septem alios ejusdem conditionis ex Lubenizio numeramus, cum *Petitus* tantum 3 aut 4 reperisset, quibus & illud addere jure potuisset, quod ex antiquioribus illis plerique omnes, quorum motus adnotati reperiuntur, æque retrogradi ab ortu versus occasum, uti duo illi annorum 1618, & 1664. deprehendantur. Quinimò ad palliandam hanc de cometarum revolutionibus hypothesin vix aliud exemplum adduci speciosius posse in gratiam *Petiti* adnotamus, quam novissimi nostri vespertini & ejus cometæ, quem *Tycho Braheus* anno 1577. observavit: hi duo nempe eodem anni tempore, sub eodem Antinoi asterismo primum conspecti, eadem prorsus via juxta Delphinum per Equuleum & Pegasus versus Andromedæ caput ascenderunt; motu etiam, cum velocissimus esset, utrobique æquali ac in stationem tandem per decrementsa successiva desinente; eodem fere tempore quoque alter nempe sub finem

Janua-



Januarii, alter sub Februarii initium disparuerunt, in nulla re alia magis dissimiles, quam in emensæ viæ longitudine, quæ in numero nostro ultra Deloti terminos extensa, in illo Tychonis inter Pegasum & Andromedam finiit.

V. Quicquid autem hujus fuerit; ea tamen quæ phæn. XII. XIII. & XIV. annotavimus, hypothesin hanc de cometarum æternitate sive perpetuitate uno quasi ictu prosternere penitus videntur: Neque quidquam hic valebit exceptio *Petiti*, p. 74. legenda; illos, qui dicant se vidisse plures in capitibus cometarum stellas, potuisse dicere verum, sed dubium sibi nullum esse quin fuerint stellæ fixæ minutiores ordinariæ quales ipsemet circa suum anni 1664. non una vice observaverit, d. 17. Jan. speciatim hora quasi sexta inter duas alias distincte conspectum. Etenim, aliud est juxta cometæ stellam salvam ac integram unam alteramque fixam alias invisibilem, inventu telescopii de tegere; aliud ipsam cometæ stellam sive nucleum non amplius integrum, sed in plures parvulas, situm ac distantiam suam mutant, stellulas divisum spectare, quod posterius allegatæ *Cysati*, *Scheineri*, *Wendelini*, *Hevelii*, observationes testantur esse factum: quales equidem omnibus aliis ac suis ipsius etiam anteferendas, ipsemet hoc ipso loco, pag. scilicet 75. & 76. iis ipsis verbis fatetur *Petitus*, quæ sub initium hujus dissertationis ex ipso allegavimus.

VI. Tanto confidentius autem hanc de cometarum perpetuitate sententiam deferimus, quanto magis incerta redditur à Phænomenis circularis eorundem revolutio, quæ sola, aut primario saltem, *Petitum* ab opinione altera, quam prius fuerat amplexus, abstraxit. Coactus enim ipsemet observationum evidentia, circularem cometarum viam, sive circa Solem ac terram, uti primum credidit, sive his exclusis, circa fixam quandam ipsos revolventem, ultro deseruit, & ellipticam postea lineam isti substituit; prout n. VII. cap. IV. ostendimus. Verum enim vero ne ellipsis quidem ista utcunque ficta aut disposita, aut cometas perennitati asserere, aut *Petitum* liberare difficultatibus omni-



bus posse videtur. Utut enim retrogradationem illam ultimam aliquo modo declarare queat, si cometam in ellipsi sua ad alterutrum diametri extrema sublatum inde per curvaturam in oppositas partes excurrentem retrocessisse in oculis nostris asserat, ingenti tamen, nisi me omnia fallunt, premetur difficultate ex eo, quod, cum d. 29. Decembr. cometam in perigæo fuisse pro certo habeat (p. 275.) adeoque circa diametri alterius extremum terræ proximum, cometa sic intra duos vel tres menses, si non quartam, quintam aut sextam, saltem magnam ellipseos suæ partem emensus, intra paucos annos absolvere totam deberet ac suppositionem illam de periodo 46 annorum penitus subvertere.

VII. Et quid dicemus de nupero nostro, qui cum matutinus apparuisset, ex Asterismo  $\Omega$  ultra eclipticam in austrum delatus ac juxta ista deinceps diu satis tantum non parallelo motu ingressus, circa Solis conjunctionem insperato iterum in has boreales cis eclipticam partes, imo secundum apparens ac vespertinus supra æquatorem etiam ac tropicum  $\odot$  tandem, obliquato valde tramite, ascendit? Num quid elliptica magis quam circularis has irregularitates salvare linea poterit? aut alius à tot retro seculis inveniri cometa, cujus tanquam ejusdem motus cum hujus nostri ambagibus quomodocunque saltem liceat conciliare? Diceret forte quispiam cum clarissimo *Montanario*, qui non perpetuitatem quidem cometarum, at regularitatem tamen in ipsorum motu certis legibus alligandam generatim præsupponit, non unum eundemque fuisse, sed duos numeros diversos, illum matutinum &, qui sequutus est deinceps vespertinum. Ignoscet tamen, scio, quæ est viri non minor ingenio modestia, hic aliquem inter nos dissensum mihi publice quoque profitenti, quibus alioquin in plerisque hypothesibus, etiam physicis, apprime convenit, nondum satis commoveor istis rationibus, quas in Epist. II. ad celeberrimum *Magliabechium* indicavit verius quam diduxit, expectoque aut harum vim evidentius deductam aut alias in tractatu quem pollicetur hinc cogentiores. Et enim ipsa motus irregularitas pro ratione decisiva  
hujus



hujus litis, qua unine an duobus irregularis ille motus adtribuendus veniat disceptatur, allegari non potest; maxime cum vel solus anni 1661. cometa, nonnullos à circulari tramite nimium quantum deflectere satis ostendat.

VIII. Equidem si observationes indubiæ probarent, quod ex ultima sua d. 4. Decembr. St. n. & ex aliis Roma sibi postmodum communicatis conjecit vir ingeniosissimus, cometam illum matutinum, superato perigæo, in ascensu jam fuisse atque adeo vix possibile ut in tantum superaret postea Solis locum, quo posset deinceps vespertinus videri, & quod addimus sub ingenti adeo magnitudine; multum verosimilitudinis inde isti accederet sententiæ. Verum cum ipse vir doctissimus in prioris sua epistola ex observationibus suis prioribus oppositum jam judicaverit, de posterioris observationis certitudine ipse dubitet, tandemque, tametsi in negativam aliquanto propensior, eundem illum cometam aliquot post diebus vesperi comparare posse crediderit; in posteriore vero Romanas observationes numeris tantum rotundis conceptas fuisse fateatur, ἀνρίβεται deficientis haut levi indicio; in opinione mea tamdiu me, donec vi majori ab ea dimovear, illud maxime tenet, quod, cum spes esset illum matutinum, ex more planetarum celeriorum, D, ♀ & ☿. futurum esse deinceps vespertinum, cum ex illius motu proprio prius observato 5 circiter graduum, tempus etiam præterpropter hujus exortus heliaci fuisset definitum; quod inquam, circa id ipsum tempus quo expectabatur, vespertinus etiam nobis affulserit cometa, proprio motu, uti prior ille, quamvis cum deflexione notabili in boream, versus ortum pergens, & quidem motu prioris illius motui apprimere respondente, 5 plus minus graduum, & talis quidem cometa, cujus priori simillimus & inermi & armato oculo vultus, idem etiam caudæ color albicans (etsi vividior & major mole propter ejus tum Solis terræ respectu viciniam) ac sub finem apparitionis eadem quamproxime capitis caudæque facies longitudo, tenuitas &c. quæ in apparitione illa matutina, obiecta sint. Et profecto casu ad stuporem usque singulari debuif-



set accidere , ut eo tempore & loco , quo potuit ille prior intervallo 16 aut 18 circiter dierum heliace rursus oriri , alius isto prorsus extincto & tam illustris sub primum conspectum , & perigæo vicinus , neque prius tamen ante Solem uspiam visus , compareret , atque adeo ( quod ex dictis facile consequitur ) eodem coeli loco , eodem quasi die , cometæ duo diversi , alter interiret , alter nasceretur.

IX. Denique , ut nihil dicamus de media illa cometarum natura , quam supponere coactus est *Petitus* , forte ut umbram cometæ , primordia caudæ obscuraturam , evitaret ; illud etiam , quod caudarum quarundam incurvationem ipsarum ponderi ex tanta longitudine prævalenti attribuit , non solum principiis physicis minus consentaneum videtur , sed experientiam quoque manifestam sibi habet adversam ; quandoquidem non deorsum semper , sed sursum aliquando incurvari cometarum caudas , ex illo præsertim famoso anni 1618. didicimus , cujus caudam *Cysatus* ad 7. usque Decembris deorsum , inde vero ad 16. usque fere directam , deinceps sursum incurvatam spectavit.

X. Sicut igitur circa capitis cometici originem *Heveliana* hypothesis palmam nobis auferre videtur ; ita causæ quoque illius incurvationis ex *Hevelio* supra cap. III. n. X. allatæ plus habent verosimilitudinis : Et cum circulares lineas motui cometarum , saltem aliquorum , ineptas ipsemet *Petitus* iudicet , nec ellipticas admodum quadrare omnibus , exemplo uno alteroque à nobis ostensum sit ; speciosius forte cum eodem *Hevelio* motum ipsis rectilineum aut curvi lineum quidem à rectitudine tamen nimium non discedentem , tribuerimus ; maxime quod talis potius quam in orbem rediens corporibus brevi interituris , qualia non caudas tantum sed ipsos quoque nucleos cometarum esse primaria quædam phænomena superius nobis persuaferunt , deberi videatur.

XI. Et quamvis circa modum ipsum generandorum cometarum excipere quis pro *Petito* contra hypothesein *Hevelii* cona-



conaretur: Solares maculas non esse halitus aut fuligines à Solis corpore separatos, sed partes ipsius Solis aliquando non inflammatas ob defectum forte materiae jam consumptae, deinceps vero, submisso novo pabulo, denuo accensas & vividiore quoque flamma instar facularum conspicuas, prout ipse quidem in allegata saepius dissertatione p. 225. & seqq. prolixè & ingeniose docet; non audet tamen is idem illam alteram hypothesein prorsus repudiare: quin duos ipsemet ejus explicandae modos p. 218. & seqq. exponit, halitusque aethereos dari, è quibus cauda saltem cometarum gigni possit, ex ipsis istis maculis probat p. 67. & obscuraciones illas Solis prodigiosas per aliquot dies continuos, circa Caroli Magni & Constantini è Copronymis ultimi tempora, spectatis iisdem maculis ante Solem aliquando congregari ac 13 aut 14 dies perseverare solitis adscribit p. 228. Et sane, qui caudam nuperrimi nostri ingentem ex halitibus coelestium corporum rarioribus constare credit, facile quidem persuadere sibi poterit, ejus caput aut stellam quoque, vix aliquot minutorum diametro spectabilem ex iisdem generis effluviis paulo condensationioribus nasci potuisse, si maxime solares maculas pro talibus excretionibus & fuliginosis ejusmodi nubibus, quales aliis multis cum *Hevelio* videntur esse, non habeat.

XII. Neque etiam motui cometarum ferme rectilineo ab *Hevelio* supposito illud obstat, quod *Petitus* aliquoties inculcat quoque & aliorum experimento probat, (pag. scilicet 59. & 276.) calculum illum quo usus erat ipse post *Auzutum* & *Pardies* Jesuitam, rectae tangentis hypothesei nixum ab observationibus ultimis notabiliter dissidere angulosque justo minores exhibere, nec extremam illam quorundam cometarum retrogradationem explicare: hoc enim non omnem motum rectilineum aut rectilineo proximum statim destruit, sed specialem illam tangentium methodum solum reprobat, quam ipsemet *Hevelius* lib. XI. cometogr. p. 776. &c. tum ex iisdem causis, tum eo maxime nomine repudiat, quod nodorum motum in cursu cometico prorsus negligat, & cometarum crescentes aut decrecentes



terra distantias indicare quidem valeat aliquo modo & confusus (ut sciatur e. g. hoc aut illo die futurum cometam duplo aut triplo remotiorem quam fuit in perigæo) sed non determinare specialius; quin etiamquam enormiter ab observationibus ille tangentium calculus, etiam ex methodo P. *Pardies* institutus, dissidere soleat, exemplis pluribus ostendit p. 780. & seqq. non desperans tamen in posterum hujus methodi defectibus iri consultum (p. 783. & p. 786.) imo medicinam eidem facere per prosthaphæresin motus nodorum ipsemet jam conatus p. 787. & 789. nec absque successu.

XIII. Illa porro à *Keplero* excogitata & ab *Hevelio* excolta theoria, non tam prædicendis cometarum motibus apta quam observatis ritè per trajectoriam incurvatam ita salvandis, ut non tantum longitudes & latitudes eorundem sed etiam distantia à terra determinatius inde innotescant, ut ingeniosa valde est, ita quod maximas etiam apparentium motuum enormitates, ut & stationes ac retrogradationes quorundam cometarum ad causas suas opticas scitè reducat, eo quoque nomine per placet. Nec ejus facile quidquam displicere cuiquam posse credimus, nisi quod motum terræ annuum cum illo rectilineo cometarum non solum commisceat, sed etiam ex hoc illud tanquam ex effectu demonstrare nitatur, quamvis & huic malo suo sit medela ab iis ipsis Authoribus, *Keplero* nempe in *Hyperaspiste* p. 195. & *Hevelio* *Cometogr.* p. 589. indicata, à *Ricciolo* quoque *Almag.* nov. lib. VIII. cap. 26. & *Nicolao Cabeo* lib. I. meteor. approbata, & à *Cysato* in theoria cometæ 1618. in trajectoria recta, quiescente interim tellure, translata actu ipso adhibita.

XIV. Nullibi plus occurrit difficultatis in tota hypothese *Heveliana* quam circa causam cometas moventem: illa namque rudimenti cometici spiralis primum intra orbem planetæ genitoris ascensus, & subsequens in auræ coelestis amplissima spatia violenta per tractum rectilineum explosio, ut nihil dissimulemus, aliquanto πλασματωδέερα nobis videtur, & sicuti disciformem illam figuram in hujusmodi concretionibus utique facilius admittit ratio quam sphaericam, vel nubium nostrarum exemplo, ita cau-



causam aliquam assignatam ab *Hevelio* velim quæ discum illum altera sui facie planiore Solem semper ad perpendicularum cogat respicere : Neque qualitates innatas , propensiones ad condensandum in effluviis cœlestium , præsertim solaribus ; attractionem aut repetitionem materiæ homogeneæ in cuiusque planetæ orbe, similiaque nomina rebus destituta, allegasse sufficit eo loco quo causæ naturales effectuum, non earum ignotarum nomina, requiruntur : Nec illum satis resolvisse nodum p. 385. videtur vir ingeniosissimus, quem, alibi cometicam materiam ex orbe nativo quasi violenter ejiciendo , alibi eandem in dissolvendis cometis ad sphæram quamque natalem iterum retrahendo, ipsemet sibi nexuit : Nec istud denique difficultate penitus omni caret , quod impetus à natali sphæra impressus & ab obvio primum copiosiore æthere non parum retardatus ac deinceps à pauciore quoque porro tantillum perpetuo obtundendus , circa Solis perpendicularum tamen accelerari statuatur , nullo in via novo accedente impetu.

XV. Equidem, si halitus illos æthereos à fluida cœli sphæra circa Solem tanquam centrum gyrante , una cum planetis ordinariis ipsi quasi innatantibus , circumvehi statueremus , non solum occasio ipsis coeundi daretur commodior , sed ratio motus adeo velocis (quem in tardissimis etiam intra minutum secundum sive impulsium unum octavam saltem milliaris germanici partem , in velocissimis duo milliaria integra & amplius emetiri necessum est ex *Hevelii* hypothese p. 702.) in corpore tam raro licet, facile constaret , quandoquidem spumam etiam in aquarum vorticibus rapidissime gyrare sæpe vidimus : Neque mirum foret , cum in orbem rapiantur ab illo gyro cœlesti planetici globi , cometæ tamen discos nubiformes potius & magis planos ad motus rectitudinem magis inclinare, & in illa via fere recta circa Solis perpendicularum h.e. in majori Solis ac centri vorticis illius vicinia aliquanto celerius incedere , cum propiores Soli planetæ ♀ & ♂ notabiliter etiam celerius moveantur ac remotiores cæteri &c. hæc , inquam , & similia in hypothese *Heveliana* specio-



speciosius multo explicari possent ; nisi una motus terræ annuus non admitti solum sed inde necessitate quadam à priori inferri deberet (in eodem enim fluido circa Solem ætheris vortice, qui planetas omnes ab occasu in ortum dicto modo circumraperet, tellus nostra quasi medio loco occurreret, à Sole quippe minus ac  $\hbar$ ,  $\gamma$ ,  $\sigma$ , magis autem quam  $\xi$  &  $\eta$  distans, ita necessario una circumvehenda) ac præterea, illo quoque tellurismo admissio, maxima tamen urgeret difficultas ex parte cometarum illorum, qui contra successionem signorum, adeoque contra vorticis illius fluxum, adverso plane itinere incesserunt. Quæ quidem difficultas, uti Cartesianis multum facessit negotii, qui cometas tamen pro solidis habent cœli globis; ita hypothesi *Hevelianæ* ea quoque effugia quasi præscindere videtur, quibus isti, & nominatim *Abrahamus de Grau* Mathematicos in alma Frisiorum Acad. Prof. in epist. ad *Lubiënitium* Tom, I. Comet. Theatr. p. 501. & seqq. aliquam huic malo facere medicinam conati sunt.

XVI. Quod si econtra, motu terræ omni denegato, communem pariter & proprium, uti stellis cæteris ita cometis quoque velimus attribuere, in alias incidimus de rapiditate motus incomprehensibiliter velocis, neque circularis & æquabilis, sed heliciformis ac multum inæqualis, per ætheris quidem universi generalem ab ortu in occasum gyrationem divinitus olim impressam aliquo modo leniendas, sed ex animo curiosiore vix unquam penitus evellendas. Verum enimvero hæ difficultates communes sunt hypothesibus de astrorum ordinariorum motu, non huic de cometarum trajectione propriæ, nisi quod horum substantia rarior, caudarum præsertim summa tenuitas, & consequens inde ad motum adeo rapidum ineptitudo (quam vehementer urget *Petitus* p. 30, 307. & seqq. utrobique) illas haut parum auget. Attamen, si non tam per se quam cum ætheris quodam vortice moveri statuatur, salva rursus res videtur ac illud insuper non absque ratione forte credendum, uti ex caudæ comæque non ita cohærente substantia subin-



subinde quippiam , tum radiorum solarium impulsu tum rapido illo motu , absumitur ; ita vicissim inter eundem ex occurrentibus effluviis aliis eadem difficultate quadam ætheris illum raptum haut satis assequentibus , illum defectum iterum reparari &c.

XXII. Summatim igitur ut rem dicamus , quando plura chartæ hujus angustia non permittit , ex dictis elucet ; nondum equidem plenam nos & absolutam habere rei cometicæ scientiam (& quid mirum cum circa planetas ordinarios multa sint etiamnum Astronomiæ fere inexplicabilia ? ) at multo propius tamen abesse nos à vero quam fuere majores nostri : Plurima nunc patere olim abscondita , atque adeo sperare nos eo confidentius posse , quod suo jam ævo non desperavit *Seneca* , fore qui *demonstret aliquando , in quibus comete partibus errent : cur tam seducti à cæteris eant , quanti , qualesque sint* &c. magnam quippe partem satis nota hodie & comperta ? Neque adeo causam ullam esse cur è rerum naturalium ordine , tot præsertim circumstantiis contrarium suadentibus , exturbentur hæc phænomena , tametsi plurium causæ nondum evidentius exponi hæctenus potuerint aut certius , quam vel tonitruum vel æstus marini aliorumque similium rationes , quæ rebus tamen naturalibus accensenda nullo non ævo sapientes crediderunt.

## APPENDIX.

Indicatarum aliarum , præsertim Cartesianæ ,  
de cometarum natura & origine , hypothe-  
sium,

### I.

Cum hoc , anteced. IV. cap. duas præcipuas solum hypothes-  
es , *Dni Petiti* , Galli , & *Domini Hevelii* Germani , Astro-  
nomorum , recensuerimus ; à quorum partibus nunc hi , nunc  
illi celeberrimorum aliorum Astronomorum stare solent ; visum










est tamen haut inutile aliorum quorundam, cum alterutro quidem istorum generaliter sentientium, in specialibus autem quibusdam ab utroque multum discedentium, cogitata & supposita paucis etiam attingere: quos inter cum Cartesius singularia quædam habeat Princip. Part. III. num. CXIX, CXXVI. & seqq. pluribus, illorum hic compendium quoddam exhibere non erit opinor prorsus inutile.

II. *Primo* igitur supponit subtilis philosophus, imo à priori deducere laborat, ubi fixa quædam stella multis adeo densisque maculis obducta fuerit, ut vis & actio luminis penitus cesset (prout in antecedentibus de fixarum novarum apparentia & disparentia philosophatus fuerat) non posse non etiam vorticis eam ambientis motum, qui a materiæ primi elementi, seu sideris centralis impulsu & agitatione multum dependeat, (vid. num. CXV.) valde imminui, tandemque pro alio alioque positu ipsius inter vortices viciniore alios, quorum cursui magis aut minus resistit, citius tardiusve absorberi ac destrui, maculis interim circa sidus ejus magis vel minus condensatis & consolidatis (num. CXVI.) Destructo autem, *secundo*, sideris non amplius fluidi ac lucidi, sed opaci & extrinsecus saltem solidi, vortice, ipsum tandem etiam à fortiore è vicinis vorticibus abripi, & cum ejus materia gyrate, mox vel in planetam, vel in cometam degeneraturum.

III. Nimirum, *tertio*, globulos æthereos cujusque vorticis, e. gr. vorticis S (Fig. 32.) extimos, ad circumferentiam omnium celerrime moveri, quod ipsa vis à centro recedendi major quam cæterorum, arguat etiam majorem in istis celeritatem, & reliquos tanto tardiores, quanto essent centro vorticis S propiores; nisi ipsa met agitativissima sideris ignei gyratio viciniorum globulorum vim acceleritatem valde augeret, ac tanto magis quidem, quanto ipsi gyranti in centro materiæ subtilissimæ materiæ fuerint propiores; ita ut hac ratione tam extimi quam intimi vorticis globuli sint celerrimi, intermedii autem circa H v. g. (ubi Saturni orbita concipienda) omnium tardissimi &c. (vid. num. LXXXII. & seqq. item CXIX.) Inde vero, *quarto*, fieri, ut sidus abreptum à vortice S, è vicino destructo v. g. N, siquidem maculis minus condensatis obductum, adeoque minus solidum fuerit, & motui vorticis supra H, celerrimo obsecundare ineptum, ab his celerioribus globulis statim deprimatur ad vorticis interiora inter H, & S, donec ad











ad partem ætheris globulorum soliditate ac celeritate sibi proportionatam delatum, una cum ista in gyrum postea agatur, ac in planetam degeneret.

IV. Sin exterior macularum cortex longiore temporis mora induratus & consolidatus fuerit, ut obsequi supremarum partium celeritati aptum sit opacatum sidus, imo acquisito tam celeri motu atque adeo vi magna recedendi à centro S; facile ipsum ab N ad A delatum migrare in vorticem F, & ex hoc ob causas similes, in alios aliosque, donec certo temporis intervallo in vorticem S aliunde reducat; ubi à Sole S illustratum, telluri eodem vortice comprehensæ, mutuatio lumine conspicuum reddatur, quamdiu scilicet intra hunc vorticem per lineam NAE fertur: mox autem evanescat, ubi in alios ac remotiores vortices emigraverit. Et his positis, *quinto* facile satisfieri phænomenis plerisque, quæ Cartesius num. CXXVIII. in compendio exhibet, facile videtur; prout ipse sequente num. CXXIX, ea ad hæc sua principia speciose reducit.

V. Tametsi vero *P. Petitus* in laudatissima superius dissertatione, *sur la nature des cometes*, Parisiis anno MDC LXV edita, hanc totam, quam hæcenus è Cartesio enarravimus, hypothesein prolixè refutet p. 230. &, quæ hanc antecedunt sequunturque pluribus; nolumus tamen nunc in eam prolixitatem nos demittere. Nec *Isaaci Vossii* peculiarem de ratione cometarum hypothesein explicatius enarrare nobis propositum est, quam tradit, post detectos plurimos opinione sua optidorum errores, in *Tractatus de lucis natura & proprietate*, Amstelodami anno 1691 c. LXII. editi cap. XXXII. cum quo alias conjungenda foret appendix ad hoc ipsum scriptum, subjunctalibro de motu marium & ventorum anno sequente publicato, cap. VIII. de cometis. Hæc enim cum subtiliora sint, nec ad palatum forte quorumlibet lectorum, intimare potius quam deducere hoc loco volumus. Quam eandem ob causam nec de novo systemate cometarum celeberrimi Mathematici Basileensis *Jacobi Bernoulli* specialius quicquam hic commemorare volui nisi quod Cartesii, Auzuti, Cassini aliorumque celebriorum hodie Astronomorum placita generalia secutus, non solum cometas pro corporibus mundo & astris cæteris coævis, in vastis circulis regulariter mobilibus habuit, sed hac communi virorum doctissimorum suppositione nixus, de magno illo proxime superioris ævi nobis notissimo cometa, ejusque futuro reditu



ditu, p. 53. sui tractatus sequentia prænuntiare ausus est: *Cometam igitur hunc ipsum in perigæo suo denuo videbimus.* DEO volente nobisque viventibus) anno Christi 1719. d. 27. Maji st. v. & quidem in 1. gr. 12. min. 2. Utrum huic præfagio responsurus sit aliquando eventus, nec ne? An Domini Montrei Matheseos in Collegio Regio Franciæ in Cathedra Rami professoris, de hoc systemate cometarum Bernoulliano iudicium (quod extat in actis eruditorum Lipsiensibus ad ann. M DC LXXXII. p. 238.) suam obrenturum confirmationem sit? experientur ii quibus ad tempus præfinitum per DEI gratiam superstitibus & incolumibus esse contigerit; id quod mihi sperare vix licebit.

VI. Quemadmodum autem insolens multis merito dicitur, & ob istam suam insolentiam præcipue allata & paulo pluribus enarrata fuit, Cartesiana hypothesis in generandis cometis; Ita, si ferenda de ea sententia sit, vix aliam poterimus ferre cordatorem ea, quæ in modo laudato Domini, Bernoulli tractatu p. 6. tradita fuit his verbis: Equidem, quod in unoquoque horum vorticum plurimæ mutationes & alterationes contingant, facile damus Cartesio; ipsum vero vorticem, tam immensum omnipotentis DEI opus posse funditus destrui & dissipari, est quod omnem fidem superat; Sapientissimus mundi opifex incolas in pulverem redigere, non ipsum domicilium subvertere in more positum habet, teste terra, quæ firmiter fundata est super bases suas, ut maneat in seculum seculi, Psalm 104, 5, quamvis ejus incolæ, plantæ & animantia quævis quotidie intereant, & nova reproducantur. Quod si exigua, hæc terræ quasi pilula tam solido & inconcusso nixa fundamento est; quanto firmiori talo stabit vastum & terram hanc nostram infinitis pene parasangis exsuperans ædificium! Imo, si insolens illa sententia locum haberet, metuedum ne & vortex noster, quo sol, luna, terra ipsa, totumque planetarum systema clauditur, idem suo tempore subiret fatum in primis quia Astronomi telescopiorum ope multas sæpe densissimas in sole detexerunt maculas, quæ nonnunquam totum solis discum per integros annos obscurasse leguntur. Sed de inaudita hac & periculosa metamorphosi, qua sol noster in cometam transformaretur, nobisque fixa alia Solis vicem obiret, satis est, ut taceam, ne multis ad vertiginem pronis terror forte panicus incutiatur.



VII. Si quis forte fervidior pugnaciorque Cartesianus excipere vellet, nihil absurdi ex his ultimo dictis consecuturum, sed ea omnino possibilia esse, & in vortice nostro æque ac in quovis alio contingere posse, nisi forte causæ speciales, quæ in alio vortice, cujus sidus in cometam mutatum fuerit, adfuissent, hætenus deficiant, aut nunquam fortasse concursuræ sunt, non obstante semel iterumque facto multarum magnarumque macularum in Sole confluxu, qui metuendum saltem simile quoddam horrendum argueremalum videatur, vel etiam singulari DEI providentia arceantur; illud tamen indubium certissimumque manebit, in quo præcipua vis argumenti superioris consistebat, quod vortices (qui & qualescunque illi supponantur, uti certe aliqui necessario supponendi videntur, non possint esse naturæ opus, utpote hoc ipso opere & summæ sapientiæ artificio posterioris. Quamobrem neque destruere potest natura, quod construere non potuit: quemadmodum partialia in terris corpora destruere quidem & corrumpere naturam posse novimus, & rationem hujus potentiæ in numerato habemus, nullam autem uspiam in universa natura vim reperimus, quæ totam terræ molem, quam sola DEI manus, vel rectius DEI merum beneplacitum, statu minare potuit, & gravitate media, sive mediante ejusmodi vortice æthereo, conservat; nisi eadem DEI voluntas eundem gyrum æthereum iterum sistere, eoque cessante dilabi rursus omnia in pristinum chaos voluerit.

IIIX. Tametsi vero in hoc, quod modo jecimus, fundamento momentum omne recumbit, quod ad destruendam hypothesein hanc cometicam Cartesii facere præcipue potest; non sunt tamen cætera, quæ porro p. 8. vir ante laudatus prioribus subjicit, de nihilo; dum totam illam cometarum doctrinam ex eo sibi suspexitam reddi dicit, quod, qua ratione ea cum rei veritate & cum mente ipsius philosophi conciliari possit, perspicere omnino nequeat: Agnoscere enim illum, solem, terram lunam cæterasque stellas non eo modo, quem explicat, successive generata, sed initio cum omni sua perfectione creata fuisse &c. ad naturam tamen eorum omnium melius explicandam sibi principia quædam fuisse excogitanda scribit, ex quibus, tanquam ex seminibus quibusdam, & sidera & terra & omnia, quæ in hoc mundo ad spectabili continentur, secundum ordinarium naturæ cursum oriri potuisse demonstraret, quamvis ipse nunquam sic orta fuisse probe sciat.



(Vid. Princip. philos. parte III. num. XLV. Inde vero hoc regerit vir doctissimus : Si nunquam sic orta sint , quare soli cometæ sint excipiendi ? Quare non ab initio hi quoque creati fuerint cum omni sua perfectione , uti planetæ , quibus tamen cum cometis eundem generationis modum affingat , nempe per destructionem vorticum ?

IX. Quod si vero hoc modo adhuc hodie vere generentur cometæ ; quærit non sine causa , cur tot vorticibus jam destructis & à vortice nostro jam consumptis , ac tot sideribus ab illo abreptis , hæc omnia perpetuo in cometas abierint , nullum unquam in planetam ? Quare item planetæ perpetuo in nostro vortice rotentur , nec cometarum instar ex uno vortice in alium migrent , si quidem utrique eadem incunabula habeant ? Et essent quidem fortasse in his non nulla ad quæ Cartesiani jure videntur posse excipere ; E.g. quod 1) planetæ in nostro vortice rotantes ex Cart. seria quidem sententia non sint geniti dicto modo per vorticum suorum destructiones juxta ea quæ num. anteced. ex ipso allegata fuerunt ; quod ( 2 ) si maximè sic geniti fuissent , illi tamen interea temporis eam servare potuerint , vel etiam augere ob Solis viciniam , concretarum in ipsis macularum laxitatem , ut superiorum , globulorum celeritati obsecundare hæctenus neque adeo ex nostro in alios vortices emigrare , valuerint &c. 3) quod necesse non sit omnes hæctenus destructos vortices præcise à nostro vortice esse consumptos &c. Id tamen etiamnum non sine causa quæri : Cure ex ingenti illo quadringentorum circiter cometarum numero , quem Lubenitzius in suo theatro ex historiis adnotavit , ne unus quidem in planetam novum degeneraverit ; nec enim speraverim , ad lunulas Joviales aut Saturninas hic quenquam provocaturum esse , cum cometas antea oculo nudo visibiles , postquam in vorticem nostrum profundius descendissent , in planetas conversi , sine telescopiis invisibiles fieri non potuerint.

X. Quod si ob raritatem & insolentiam suam dignam narratu judicavimus , non approbatam licet , Cartesii de cometarum generatione hypothesin ; non minus rara est & insolens ejusdem de caudis vel comis aut barbis cometarum suppositio. Cum enim has de novo generari ii quoque confiteantur , qui corpora sive nucleos cometarum ingenerabilia credunt , tametsi de modo gignendarum ejusmodi appendicum declarando cum Seneca quovis ævo om-



nes fere desperaverint , solus Cartesius , ut erat in comminiscen-  
dis hypothesebus audax & ad stuporem usque ingeniosus , quemad-  
modum cometæ corpus à planetarum globis reipsa nihil differre ,  
quoad externam saltem figuram , statuebat ; ita cæteras apparen-  
tias in meram quandam deceptionem opticam , è radiorum nova  
quadam refractione resultantem , resolvit , hac ratione : 1.) cum  
actio luminis , ex ipsius hypothese , consistat in impulsu ac nisu re-  
ctilineo globulorum cœlestium , supponit ( part. III. Princip. num.  
CXXXV. ) si multis globulis perexiguïs in sphaeram aut sphaeroides  
dispositis incumbant alii multo majores , & globulus A v. g. ( vld.  
Fig. 44. ) pellatur versus B , tunc ejus actionem integram quidem  
continuari usque ad C , à globulo C autem non posse eandem  
transire ad B , quin insimul secundum partem aliquam per contin-  
guos utrinque globulos binos alios oblique dispergatur versus D &  
E similiterque , si pellatur globus F versus G , cum ejus actio per-  
venit ad H , ibi eam communicari tribus iterum huic proxime sub-  
jectis globulis , atque ita divisim præcipuum quidem radium  
mitti versus G , sed alios etiam , etsi debiliores , versus D & B.

XI. Supponit 2.) ex num LXXXV. etsi nullibi in vortice So-  
lis æthereo ita majusculi globuli immediate alios multo minores  
tangant , ipsos tamen à Saturni v. g. sphaera versus solem esse gra-  
datim minores ac minores , ideo quod Soli magis vicini à gyrante  
hujus igne celerius in orbem rapiantur remotioribus ; quo dato ,  
non possent non iidem , plus virium ad recedendum à centro nacti ,  
superiores evadere , si vel majores essent , vel saltem æquales istis  
remotioribus , atque adeo facile credi posse , inter illos qui sunt  
supra Saturni orbitam , & illos qui sunt juxta orbitam terræ , non  
esse minorem differentiam , quam inter majores ac minores modo  
descriptos. Igitur 3.) si in Fig. superiore 32. S sit Sol , 2, 3, 4, 5, or-  
bita terræ , D, E, F, G , terminus ille circa viam Saturni , à quo  
ad Solem usque globuli ætherei paulatim fiant minores , ac deni-  
que C sit cometa supra h. cœlum existens , ac terra ponatur esse  
in parte suæ orbitæ 3 ; tum cometam visum iri cum coma in om-  
nes partes dispersa , eo quod radii ex ipso perpendiculariter inciden-  
tes in F maxima quidem ex parte pergant usque ad 3 , sed tamen  
nonnulli ex ipsis hinc inde spargantur : Si vero terra sit in 4 , aut 2 ,  
ejusdem cometæ caput visum iri per radios rectos C G 4 , vel C E 2 ;  
comam autem vel caudam versus unam tantum partem ; ibi scilicet  
vesperi



vesperi in orientem , hic mane in occidentem protensam. Denique si oculus sit versus punctum 5 , circa 6 , & 7 , cometæ caput , oculum à radiis solaribus impeditum videre non posse , sed visurum tantum ejus comæ seu syrmatis partem , mane circa 7 , & vesperi circa 6 ; & forte tale phænomenon eodem tempore & mane & insequente vespere rursus apparere posse , si oculus in ipso puncto medio 5 consistat. Posse denique , propter irregularitatem sphæroidis D, E, F, G, H, versus polos scilicet depressioris , versus eclipticam autem convexi magis , ibi quoque cometæ appendices rectas magis & latas , hic magis curvas & angustas , imo & lucidiores , ob radios collaterales magis convergentes , apparere.

XII. Non displiceret equidem ea hypothesis , quæ cometas etiam esse perpetua & æterna mundi corpora docet (tamen si superius opposita sententia nobis probabilior visa sit) maxime si prædicti ab *Auzuto* , *Petito* , *Cassino* . eorum motus eventu ipso suam porro comprobarent regularitatem. Et cum præter alias , quibus premitur Riccioli judicio lib. VIII. p. 42 , difficultates , illa maxima videtur , quæ rationem reddendam spectat , caudarum , comarum & barbarum , plerosque vel ambientium , vel sequentium aut antecedentium ; optarim equidem illam , quam Cartesius pro ingenii sui subtilitate comminisci ausus fuit , haut facile cuiquam alii in mentem venturam , oblatam ipsi potius , quam operose adeo quæsitam fuisse ; id quod in Epist. XIII. Part. II. p. 45. Dn. le Conte „Cartesio pariter objecit , eum nulla naturæ motusve lege inducitur , nec ullo experimento confirmatum , sed in eum unice „finem excogitatam fuisse , ut secundum suam hypothesein cometarum apparentias salvaret , & planetarum etiam suorum librationem „& loca , ubi eos locet.

„XIII. Cui objectioni Cartesius p. longius inde sequente 68. „nihil aliud quam hoc reponit : Non inficiari se , istas motuum „in materia cœlesti differentias utiles esse ad planetarum & cometa- „rum phænomena explicanda , idque se impulisse ad eas accurate „examinandas ; sed hoc non impedire , quominus existimet , earum veritatem juxta leges mechanicæ ex prima sua hypothesis „esse demonstratam. Ille certe nos etiamnum valde urget scrupulus , non diu quærendus , sed cuivis facile , atque adeo ipsi Cartesio num. CXXXIX. prompte obvius , quod ex allata circa comas & caudas cometarum ratione optica , videantur omnino similia phænomena circa stellas fixas & planetas superiores saltem , frequen-



quentius exhiberi debere. Sed facilem esse dicit responsionem in allegato numero, primo ex eo, quod non soleant videri in cometis, cum eorum diameter apparens non est major quam fixarum, quia tunc isti radii secundarii, non habeant satis virium ad oculos movendos: ac deinde, quantum ad fixas, quia cum tamen à Sole non mutantur, sed illud ex seipsis emittant, ista earum coma, si quæ sit, hinc inde in omnes partes spargi debeat, atque esse perbrevis; qualis etiam revera circa ipsas coma esse videatur &c.

XIV. Quantum autem ad Jovem & Saturnum, non dubitare se inquit, quin, ubi aër est admodum purus, breves etiam interdum comæ, in partem à Sole averſam protensæ circa ipsos videantur; & scire se tale quid alicubi se olim legiſſe, quamvis auctoris non recordetur. Et, ne frustra hæc dixiſſe videatur, ecce his ipsis diebus insperato se offert obſervatio *P. Fabri*, quæ caudam cometicam circa Jovem confirmat, in *Epist. ad Claudium Bassetum* synopsi optiçæ adjuncta. *Mirum enim, quantum cælo eatur hoc avo, admota majoris telescpii scala ostensurus, post multa, vidimus, addit, pone Jovis discum novum phanomeni genus, non eadem cæli plagæ semper affixum, sed Jovi semper non procul adherens: Caudam cometæ dixeris, lucidis punctis distinctam &c.* Quicquid vero horum fuerit, si generationem cometarum, per fixæ alicujus metamorphosin, destructione vorticis ipsius fortuita, nolimus approbare, hanc tamen caudæ deceptoriam apparentiam, etsi multis adhuc difficultatibus obnoxiam, nondum penitus ex animo rejiciendam putamus, sed dignam saltem, quam profundius meditemur,





## CAPUT V.

De

*Siderum influxu seu efficacia in mundum sublunarem.*

*I. PHÆNOMENA & una admixta hypotheses.*

**P**HAEN. I. Influxus aut influentiæ vocabulo non eas tantum coelestium vires, quas lumine, calore, & motu suo exerunt in hæc inferiora, sed alias potissimum, occultiores multo & efficaciores, intelligunt; quibus non corpora solum sublunaria, ac speciatim humani corporis vita, salus & interitus, sed ipsa quoque mens hominis, omnia ejus statuta & consilia, horumque sive fausti sive infauti, pace belloque eventus, ipsa denique, quæ vocantur, fortunæ bona obnoxia sint, ad earum nutum quasi ac tantum non inevitabile decretum, in horas ferme mutabilia.

PHAEN. II. Atque ut paulo specialius harum rerum capita præcipua attingamus, à Sole quidem & Luna ut plurimum coelestium influentiarum veritatem ac evidentiam demonstraturi, exordiantur, in confesso esse vociferantes, quod Sol, fons lucis & caloris accessu & recessu suo à vortice nostro ad illum, inducat seriem ac vicissitudinem tempestatum anni, procreet plantas & animalia, excitet è terra fumos & vapores, qui concrecant in aquam, abeant in ventos &c. quod item, ad incrementa ac decrementa lunæ, conchyliæ quoque & ostreæ, cancerorum carnes & ossium medullæ in animalibus, & generatim humores omnes in his corporibus, imo in aëre quoque ac toto mundo sublunari, crescant ac decrecant; ligna Luna plena aut crescente cæsa cariem sentiant, decrecente dejectis minus lædi solitis; in ferendis leguminibus & frugum seminibus ætas lunæ utiliter observetur ab agricolis; carnes lunari lumi-  
ni



ni expositæ facile putrescant ; dormientes in radiis lunaribus gravedine catarrhisque vexentur ; Epileptici denique , hydro-  
pici , revmatici phusici , fæminæ menstruales , & generatim  
omnes , qui sunt imbecillioris ac tenerioris valetudinis , Lunæ  
menstruas variationes notabiliter sentiant ; ac ultimo fluxus re-  
fluxusque oceani , cum annuis suis , mensruis ac diurnis mu-  
tationibus, à Luna manifestissime dependeant.

*PHÆN. III.* Porro vero , ut astris etiam cæteris suam in  
hæc inferiora efficaciam , nihilo quidem solari lunarive mino-  
rem, asserant, ad experientiam partim provocant, cum Sirius  
æstûs, Hyades cum Sole orientes pluviae comitentur &c, partim  
verò rationibus evincere laborant, agere sublimia ista coeli cor-  
pora in elementarem hanc regionem virtute quadam singulis  
propria & ab ipsorum lumine ac motu prorsus diversa : multos  
namque contingere effectus à coelo & sideribus manifestissime  
pendentes , quando sidera ipsa , à quibus dependent , sunt in-  
fra horizontem ; ac speciatim Lunam novam ac lumine cas-  
sam in fluxuum refluxuumque incrementis tantundem effica-  
ciæ , quam plenam, habere : Effectus qui Soli, Lunæ Marti,  
aliisque planetis tribuuntur , esse valde diversos , & lumen ta-  
men ipsorum non adeo varium, cum sit in plerisque ipsissimum  
Solis lumen, à planetis ad hæc inferiora , reflexum : Lumen,  
ut lumen nihil aliud quam illuminare , & ad summum ali-  
quando calefacere ; Ideoque sidera , ut effectus tam diversos  
producant , præter lumen alias omnino debere habere virtu-  
tes &c. Vid. *Caspar Schottus* cursus Mathem. lib. X. cap. V.

*PHÆN. IV.* Speciatim autem Saturnus creditur valde  
frigefacere , Mars exsiccando urere, Jupiter cum Venere & Lu-  
na calefacere quidem aliquantulum , sed magis humectare, Mer-  
curius denique indifferenter se habere ; ac de cætero Saturnus  
& Mars ipsis malefici planetæ sunt, ille major , hic minor infor-  
tuna dicti : Jupiter & Venus benefici , major ille, hæc minor  
fortuna ; dum Sol interim , Luna & Mercurius nunc boni,  
nunc mali habentur , pro vario malorum bonorumve con-  
sortio. Et animantibus quidem , maxime humano cor-



pori, *Saturnus* ægritudines inferre dicitur melancholicas ( Vid. Argolus Ephem. p. 47. ) humorum item defluxus, epidemiam omnium penuriam ad victum necessariorum, & alia plurima adversa, quippe natura destructivus; *Mars* sterilitatem exurando inducere, morbos generare calidos, & siccos, febres tertianas, ardentes, acutas, sanguinis eruptiones, inflammationes, morbes pestiferos, mortes repentinas &c. *Jupiter* è contra cum agnata *Venere* omnium afferre fertilitatem & ubertatem, animantium salutem &c. nisi in loco dejecto, afflicti à maleficis, aut aliunde impediti fuerint; *Mercurius* præsertim maleficis junctus, grandines, fulgura, tempestates, terræ motus, tabes, tusses, convulsiones, epilepsias, phrenitides &c. ciere, cum bonis vero bona decernere; *Sol* denique, temperare calidus, & siccus, serenitatem, parere ac ubertatem, sed non nisi bene constitutus, & infelici congressu cum planetis ac stellis cæteris.

*PHÆN. V.* Ad animum hominis ac mores quod attinet, ☿ equidem prædominans in hominum genituris, traditur eos facere & significare pigros, stultos, invidos, avaros, melancholicos, mendaces &c. ♃ opibus intentos, humiles, verecundos, sobrios, religiosos &c. ♂ furibundos, prodigos, obscænos &c. ☉ ambitiosos, fortes, continentés &c. ♀ deliciosos, incontinentes pecuniarum in voluptatibus, suaves, venustos &c. ♄ versutos, parcos, agiles &c. ♅ vagabundos, tenaces, debiles &c. quamvis in hisce pariter ac in aliis magnus reperiatur Astrologorum dissensus, etiam à seipsis; dum e. g. Cardanus in aphorismo uno Jovem, ait significare opibus intentum, in alio vero liberales homines eundem facere testatur. Confer Origan. Introd. Part. III. cap: IIX. p. 587. & seqq.

*PHÆN. VI.* Enim vero has planetarum vires multum variari asserunt ac intendi modo, modo debilitari, prout isti in hoc aut illo signo, in hac aut illa domo cœli, sub hoc aut isto cum planetis aliis adspectu, in hoc aut illa positu cum stellis quoque fixis fuerint, quas omnes & singulas suis quoque non contem-

nendis



nendis pollere viribus testantur , & alias saturninæ , alias martialis , jovialis , veneræ , mercurialis &c. naturæ , faciunt ; prout vel ex uno Argoli catalogo videre est , quem habet prolixissimum Astron. lib. III. cap. XXIX. à pag. 538 ad 563. usque. Et signa quidem , quæ vocant , sive dodecatemoria , h. e. duodecim illas Zodiaci partes , quibus arietis , tauri & cæteræ constellationes , antiqui quondam incolæ , nomina sua concessere , quod attinet ; illorum quidem aliqua 1.) statuunt *ignea & cholericæ* , ut ♄ , ♅ , ♆ , aliqua *terrea & melancholica* , ut ♁ , ♂ ; aliqua *aerea & sanguinea* , ut ♁ , ♀ , ♁ ; alia denique *aquea & phlegmatica* , ut ♁ , ♀ , ♁ .

*PHÆN. VII.* Distribuunt 2.) eadem signa planetis in domicilia , detrimenta , exaltationes & casus , ita quidem , ut , cum planetæ sint numero septem , signa vero duodecim , quinque , quos vocant , minoribus , ♄ , ♅ , ♆ , ♁ , ♂ , singulis bina cedant in *domos* proprias ( Saturno v. g. ♄ , & ♁ , Jovi ♅ & ♆ , Marti ♁ & ♂ , Veneri ♁ & ♀ , Mercurio denique ♁ & ♁ ) luminaribus autem non nisi singula ( nec enim supererant plura ) Soli scilicet ♅ , & Lunæ ♁ , quorum omnium opposita signa cujusvis *detrimentum* appellant , quod in his eorum influxus admodum debilitentur aut in contraria vertantur ; quemadmodum in illis suis domibus fortius multo & quasi cum autoritate agant &c. *Vid. Argolus Astron. lib. II. cap. XIV. p. 70.* Humani quoque corporis partibus præficiuntur ac dominantur sua singulis signa , ♄ capiti , ♁ collo , ♁ brachiis , ♁ pectori , ♅ cordi , ♁ ventri & intestinis , ♁ natibus ♁ pudendis , ♆ coxis , ♁ genibus , ♁ tibiis , ♁ pedibus ; indeque phlebotomia prohibetur eo tempore , quo ♄ est in ♁ aut ♅ : regna denique & urbes quoque iisdem signis subjiciuntur , nullo quidem ( ut in prioribus ) ordine , sed prout unius cujusque prima fundamenta sub hoc aut illo signo ascendente jacta perhibentur ; & quæ sunt hujus farinae innumera alia , apud Argolum , Origanum , aliosque videnda.



*PHÆN. VIII.* Duodecim porro domos cœlestes (in quibus constituendis multum dissentiunt artifices) communiter quidem ab horizonte ortivo versus inferiora se invicem consequentes, & in ipsis septentrionis ac austri cardinibus coeûntes, non tam mutare stellarum influxus, quam ad certum boni malive sive significandi tantum, sive efficiendi genus determinare volunt; adeo ut in prima domo, sive horoscopo, vitam v. g. recens. nati, & constitutionem corporis &c. in secunda, ejusdem divitias & lucra; In tertia fratres, agnatos, & itinera brevialia; in quarta, seu imo cœli, parentes & hæreditatem; in decima, seu cœli summo, honores & magisteria respiciant &c. quæ omnia enumerare prolixum foret.

*PHÆN. IX.* Ulterius ad adspēctuum rationem influxus ac vires stellarum multum vel adjuvare; vel impedire, varieque temperare persuasissimi sunt. Cum enim in lunæ conjunctionibus cum Sole, ejusdemque oppositionibus & quadraturis, frequentes aëris ac tempestatum mutationes, in primis autem æstuum marinorum notabiles varietates observarentur, eas à vario illo positu lunæ ad Solem, quem adspēctum per metaphoram dicebant, unice pendere, persuasi: in aliarum stellarum similibus configurationibus multum efficaciam ponendum crediderunt, & variæ quidem pro varia respicientium se mutuo planetarum natura, veletiam pro varia invicem adspicientium distantia. Et enim *conjunctionem* felicem æstimant, si intercedat inter ♄ & ♀ vel inter alterutrum & ♃, ♄, ☉; infelicem contra inter ♄, & ♀, vel inter alterutrum & unum ex tribus modo dictis; mediocrem inter hos ipsos, & secundum nonnullos inter ♄ & ♄ vel ♀: *Sextilis*, ubi 60. gradibus, vel duorum signorum intervallo distant duo planetæ, & *trigonus*, cum quatuor signa vel 120. gr. ab invicem absunt, universaliter fere boni quibusdam æstimantur: *Quadratus* contra, cum trium signorum aut 90. graduum interstitio se mutuo respiciunt, & *oppositio*, cum integro semicirculo dimoti è diametro se contuentur, universaliter mali: dum alii non tam malos, quam adspicientium robur augentes, hos



hos adſpectus dici volunt , & alias quoque in assignandis horum viribus, quoad mutationes aëris, non parum dissentiunt.

*PHÆN. X.* Præ cæteris autem insignem efficaciam in maximis iisque universalibus mutationibus tempestatum, religionis , imperiorum ac rerum sublunarium omnium inducendis tribuunt conjunctionibus & oppositionibus 4 & 5, quas *magnas* appellant, vigesimo quovis anno saltem contingentes, & post ducentesium quemque, ejusdem triplicitatis vel trigoni signa pervagatas , in novo trigono *maiores* dicunt ; *maximas* autem cum Albumasare, ubi post 800. circiter annos, in ipso V principio contingunt, quamvis *Messhala* Arabi maxima conjunctio dicta quondam sit : cum Saturnus, Jupiter & Mars, eodem die aut quam proxime conjungerentur, major cum Saturnus & Jupiter, media cum Saturnus & Mars, magna cum Jupiter & Mars.

*PHÆN. XI.* Speciatim etiam stellarum fixarum cum Sole congressibus, ortui & occasui, quem vocant cosmico, heliaco, acronycho, vires adscribunt haut contemnendas, in aëris præsertim tempestatibus ciendis, ut e. g. zonam Orionis cum Sole exorientem, aërem turbidum facere, Arcturum vesperi seu acronyce orientem tempestates commovere, ortum cornu V pluvias & nives afferre &c. observatum aut persuasum potius Ptolemæo fuerit, ac etiamnum Hyades ac Plejades pluviosa, cor ac cæteræ partes 6 æstiosa sidera habeantur. Inprimis autem Sirii aut Procyonis (utri namque effectus ille majori jure debeat, multi ambigunt) ortum cum Sole cosmicum (olim heliacus attendebatur, qui cum hodie in Augustum mensem serius accidat, non amplius ad rem præsentem facit) notabilem in terris dierum canicularium inde dictorum æstum excitare constanter credunt.

*PHÆN. XII.* Solis autem & Lunæ conjunctiones & oppositiones menstruas, uti generatim omnes multæ docent esse virtutis & efficacæ, sic eclipticas imprimis ætuosissimas credunt, & annuatim redeuntibus Solis Lunæque obscurationibus effectus



Etus assignant notabiles, & eos universaliter noxios, sterilitatem puta, inundationes, pestes, ventos, seditiones, bella, incendia, &c. Sed hæc omnia à luminaribus ipsis non nisi generaliter effici vel nunciari, per cæterorum planetarum dominium autem ad certam speciem restringi: quin & stellarum fixarum, loco eclipses vicinarum, virtutem ad effectuum specialiore determinacionem concurrere, & positum luminarium ad mundi cardines, an in orientali vel occidentali angulo, in medio, vel in imo coelo spectetur eclipsis, & signum Zodiaci, in quo contingit, & Asterismi denique proximi formam externam attendi vult Ptolemæus, siquidem in aqueis inundationes & pestes, in igneis bella, incendia & æstus &c. portendant, ac in asterismis humana imagine insignitis, humano generi, in iis, quibus quadrupedum forma tributa est, quadrupedibus &c. calamitates ac infortunia prænuncient, easque maximas, latiusque diffusas, ac diuturniores, si fuerit eclipsis magna, ac moræ longioris, minores, & in paucos, si parva, & quæ sunt hujus farinae alia sexcenta.

*PHÆN. XIII.* Denique à stellis novis, crinitis & caudatis, valde metuunt elementari huic mundo, viris magnatibus imprimis ac imperiis volubilis hujus, secundum Copernicum, orbis, & abiit certe jam olim in Proverbium hæc opinio apud Græcos dicentes: οὐδεὶς κομήτης, ὅστις ἔ κακὸν φέρει, quod eleganti expressit versiculo Claudianus, *nunquam, inquit, terris spectatum impune cometam.* Et speciatim quidem Ptolemæus ad cometarum à Sole distantiam, ad plagam mundi, versus quam feruntur, ad zodiaci signum & asterismi formam in quo primum effulgent, & similia, respicit in determinandis eventibus; ex ejus discipulis autem nonnemo cometas nobis saturninos, joviales, martiales, solares, &c. è diversis eorum coloribus effingit, ac speciebus singulis longum malorum catalogum assignant, pro conditione planetarum, quorum naturam scilicet imitentur.



## II. EPICRISIS super hæc sive Phænomena, sive Hypotheses.

### I.

**D**ixi notanter, sive phænomena, sive hypotheses. Astrologi namque hæc venditant pro phænomenis, sed falso, cum nihil horum omnium (excepta parte priori Phæn. II.) ita compertum sit, uti Phænomenorum conditio requirit, ideoque à nobis non nisi pro suppositis ac hypothesis haberi possunt, de quibus sincerum nunc iudicium nostrum ferendum erit. Et universaliter quidem omnem cœlestium in hæc terrena influxum & efficaciam serio negare nemo quidem hominum vel poterit vel audebit unquam; ac lapidem esse oporteret eum, qui non sentiat vel in proprio suo corpore vivificum Solis calorem ac benignissimos ejus radios, quibus animantium vita, planetarum vigor & incrementa foventur, quotannis de novo restaurantur, imo sine quibus hæc nulla forent, ac tellus omnis cum circumfusa reliqua sphaera elementari ut obrigeret penitus, necessum esset. Verum enim vero de benignissimis hisce Solis influxibus hæc nobis certissima sunt & exploratissima; 1) Non aliunde illos, quam à purissimo ejus lumine, & qui hoc comitatur in quovis ignifluo corpore, calore dependere; 2) Eisdem eodem tempore in diversis terræ regionibus variare quidem, ob causam tamen nullatenus in cœlo aut in sole, sed in terris ipsis quærendam, quarum scilicet positus ad solem rectior aut obliquior, siccior item & aquosior conditio, planities aut montosa alperitas &c. exceptum solis generalem influxum ad multifariam istam diversitatem non aliter deflectit, ac terra lutosa eundem ad sui indurationem, ceræ fluxa natura ad emollicationem, determinat. 3) Similiter una eademque regio, quod adeo variam diversis anni partibus sentiat caloris efficaciam, id à solo Solis accessu ac recessu à vertice regionis, diurna item ipsius mora supra horizontem longiore aut brevior, nulla vero ratione ab alia

X x x x

aliave



aliave qualitate partium coeli, cujus una & simplex ubique conditio est, venire derivandum; atque adeo 4) quicquid effectuum in his terris ab influxu solari producitur, id ejus lumini, calori, motui &, sine qua horum omnium vel nulla vel debilis efficacia foret, viciniae, pro ipsius mole notabili, deberi.

II. Lunæ quoque efficaciam in teneriora ac morbida animalium corpora ipsimet vel centies spectasse nos antehac credidimus, in virgine quadam epileptica; qui nunc, posterioribus cogitationibus hic etiam forte sapientioribus de spectatis quidem effectibus epilepticis ne nunc quidem dubitare possumus, an vero illi à lunæ efficacia indubie dependerint, non sine ratione dubitare coepimus, vel ex ea generali ratione, quod si paroxysmi epilepticorum à noviluniis, pleniluniis & quadraturis dependerent, omnes ubique epileptici simul semper & eodem tempore, suos paroxysmos habere deberent; id quod experientiæ repugnat, marium vero fluxus & refluxus, ut ut ad solem potius referendi videantur nonnullis (quorum hypothesein sibi propriam quasi fecit *Isaacus Vossius* lib. de marium & ventorum motu) eam habent cum motu lunæ diurno, menstruo, & annuo connexionem, ut Gassendi justo judicio, cæcum esse oporteat, qui ipsorum dependentiam ab ipsa luna non observet &c. adeo ut lunaris etiam influenza videatur extra dubium collocanda.

III. Hæc tamen observari probe, nostra quidem opinione merentur: 1) Quod æstus marinos attinet, ex hypothese doctissimorum Physicorum complurium, non tam activa quadam ac coelitus effusa virtute producere lunam, quam corporis sui præsentia motuque suo efficere, ut vel compressior aër supra medium oceanum, cui luna imminet, hujus aquas versus littora exprimat, quod vult *Cartesius*, vel è contrario plus gravitet in subjectas aquas ex utraque parte, quam in medio (quod altior ibi sit sphaera gravitantis in terras aëris, ubi nullum corpus coeleste vicinius imminet, quam hic ubi luna propior impendit) & sic utrinque aquas ad medium compellat, ut accumulatae ad littora proprio pondere diffundantur, quod vult *Honoratus Fabri*, quibus



bus adeo non tam causa illorum æstuum, quam occasio dicenda videtur. (Conferantur, quæ supra sect. I. artic. IV. cap. III. in hypothefibus secundis prolixè diximus.)

IV. Fortasse etiam 2) eas mutationes, quas ægrotantium corpora sentiunt, à simili potius æris mutatione quam vel à lumine lunæ, quod in interluniis nullum habet, vel ab alio influxu, quem sine luminis vehiculo descendere verosimile non est dependere, etsi nec alia laudati modo Honorati hypothefis displiceat, quæ (quod plerisque hodie Philosophis probabile videtur) lunarem globum terreno nostro simillimum supponens, humorem, quem auctiorem sentire dicuntur quædam sublunaria, ex ipsa luna cum radiis inde reflexis per evaporationem quandam ad nostram gravitatis sphaeram usque diffundi, correptumque ab hac, porro ad terram detrudi statuit. Quicquid 3) hujus rei tandem fuerit, hanc luminis aut humoris lunaris efficaciam solari plurimis modis debiliorem esse, prout scilicet & lumen ejus multo debilius est, siquidem eam non nisi infirma ac morbida corpora (robustiora namque plena novaque Luna perinde se habent) aut è cæteris succulentiora, persentiscunt: Plurima quoque 4) ex hoc ipso genere traditione quadam magis, quam indubiis experimentis constare, cum certe inter alios recentiores physicos *Jacobus Rohaultus* testetur, per quinque lustra se observasse, ossium medullas in uno eodemque animalium genere, ostreas item, pisces &c. alios succulentiores & pleniores, alios macilentos latis ac in decremento carniū, in maximo etiam luminis lunaris incremento; prout scilicet animalia ista ex opimiore aut inope victus stabulo, ex aquis tranquillioribus aut agitationibus, è longinquo aut è vicinia &c. advecta fuissent.

V. Jam cum Planetæ cæteri luna majores sint plerique, & ab eodem Sole lumen suum, à quo isti mutuuntur, fixæ vero ejusdem quamproxime substantiæ cum Sole, hoc est igneæ naturæ verosimiliter existimentur, nec ipso multo minores, aliquæ fortassis etiam majores; nulli dubitamus, quin isti cum Luna, hæ vero cum sole parem habeant, ac majorem etiam



agendi & influendi vim ac potestatem actu ipso quoque in has terras exerendam, siquidem æquali cum Sole & Luna, vel proportionato tantum, intervallo essent ab eis remoti; nunc autem ex immenso, quo distant, interstitio, cum notabili quidem infra-lunarium corporum mutatione nullo modo sensibilem: Quemadmodum nemo sanæ rationis homo negabit, *Hecla*, *Vesuvius*, *Aetna*, aliorumque per utramque Indiam flammantium haut raro bene multorum vulcanorum incendia vim calefaciendi & exurendi habere longe-maximam, quamvis ea in his nostris regionibus, ex ingenti distantia sit prorsus imperceptibilis.

VI. Et hinc non immerito succensere videtur *Ptolemæo Firmico*, *Manilio*, cæterisque, *Gassendus*, quod exorsi serio, & ut viros graves ac Philosophos, rationemque professos, decet (ab influxibus scilicet solaribus & lunaribus experientia, quotidiana manifestis, & ab ipsorum vicinia vel copioso lumine evidenter pendentibus) prolabantur momento in pueriles nugas & anilia deliramenta, & paralogismo manifesto imponentes, Zodiaci signis, Saturno, Mercurio, cæterisque sideribus certos & cuique peculiares effectus assignent, nullo experimento indubio unquam comprobatos. Etenim cum solem & lunam has terras variè afficere non nisi lumine suo & corporis vicinia per motum variante, certo certius nobis constet (reliquæ enim fictitiæ & occultæ in perpetuum futuræ qualitates nullo indicio vel probabili patent) & vero lumen superiorum planetarum fixarumque stellarum, etsi è singulis emanans copiosissimum, in via tamen ita debilitetur, ac imminuatur, ut junctim omnes illustrare sensibiliter nocturnas aëris tenebras non valeant, corpora porro ipsorum à terris toto cœlo, hoc est immensum disjuncta sint; quænam, amabo, alia ipsorum efficacia in hoc sublunari mundo esse poterit, præter exiguam illam luculæ debilis impressionem, qua organi visorii tenerrima capillamenta, & tunc saltem, cum alius lucis motu non sunt occupata, leviter afficiunt?

VII. Quod



VII. Quod si vero etiam concedamus liberali manu vires cuiusvis stellæ in elementari hac sphaera satis efficaces, id tamen per-videre nondum possumus, quâ possibile sit aut fuerit unquam, experimento vel uno ad speciem verosimili resciscere, quod effectus aliquis in his terris obuius, huic aut isti potius inter innumeras cæteras, quam alii cuiusvis, adscribendus esset; & speciatim, quod e. gr. frigidior aëris, aut morosioris alicujus hominis, intemperies à  $\eta$ , cujus debile lumen etiam inter secundæ magnitudinis fixas fere vilescit? Aestus insolitus, aut iracundi cujusdam cholera à  $\gamma$  rutilante sidere &c. proveniat? Verbo, quod  $\eta$  frigidus aut frigefactivus,  $\gamma$  calidus & exsiccans, imo (quod vel pueri & agricolæ rideant) sole ipso calidior & exsiccantior:  $\alpha$  &  $\beta$  humidi, & præ Sole Lunaque (quorum beneficia ingentia vel trunci & caudices loquuntur) benefici sint &c. Plantarum certe animaliumque, quæ verno tempore observatur, reviviscentiam, æstivos calores, fructuum maturitatem &c. Soli acceptos esse ferendos facile colligimus, etsi eundem eodem tempore astra innumera circumstent; quod accedentem ad verticem nostrum effectus isti quotannis consequantur, ac recedente ipso paulatim iterum cessent; similiterque de lunæ influxibus, ex effectuum cum illius motibus & variationibus mensuris in orbem, reditu frequentissimo certiores reddimur: ut taceam e prævalente notabiliter utriusque lumine ac radiatione indubium ejus rei argumentum capi, & in æstivo sole constitutus, qui vel Martem vel aliam stellam arcessere caloris intensioris causam vellet, æque ridicule facturum, ac si, quod è vicino incendio malum imminet ædibus Ucalegontis proximi, id ipse Vesuvio, aut Balatvano Sumatræ insulæ vulcano, aut vagabundis per aërem ignibus fatuis attribueret.

VIII. At enim, cum stellæ cæteræ positum ordinemque eundem pleræque servant perpetuo, paucissimæ locum, nec nisi tarde mutant, ac præterea tam insigni & efficaciter in terris notabili luminis differentia unæ ab aliis non superentur; qui potuit, obsecro, fieri, ut  $\eta$ , multis plerumque martialibus aut aliis



naturæ fixis undique cincti, frigus, aut Martis inter saturninas, aliasve medii, exsuperantem calorem &c. sentirent Astrologi nostri? maxime cum ipsam naturam quasi exuere, mutare, ac viribus suis varie debilitari dicantur, prout in hac aut ista coeli parte, sub hoc aut illo adspectu & constellatione fuerint constituti? Quo igitur tandem coeli loco potuit planetæ cujusque indoles ac natura intemerata dignosci? Et quodnam fuit aut esse potuit indicium constantium cuique, hoc mage quam alio loco aut tempore virium? Profecto, quo diutius ac frequentius hæc apud animum nostrum consideramus, eo magis etiam admittimus id, quod acutissimus *Gassendus*, cum viris doctissimis aliis pridem credidit: Astrologorum supersticiosam divinandi pruriginem è pallida & facie frigidissimam ejus naturam, ex rutilante Martis vultu hujus igneam & exsiccantem substantiam &c. inconsiderate satis arguisse, & inconsideratius multo intulisse, terram etiam; etsi infinitis parasangis inde remotam, istud tamen & frigus, aut ☿ illum æstum occultum, cum notabili suorum incolarum alteratione sentire debere.

IX. Tanto vero hæc nobis persuademus certius, quanto audacius astrologos divinatores Mercurii quoque confirmatas observationibus influentias crepare audimus, quid scilicet in hac aut ista domo, in hoc aut illo signo, sub hoc aut isto adspectu valeat cum vel pronupero exemplo, quo Mercurium sub Sole è tabb. diversarum diverso calculo spectandum, per triduum integrum frustra expectarunt Europæi Mathematici, palpari quasi manibus potuerit; id quod cordati Astronomi non dissimulant, astrologi vero vel ignorant, vel malitiose supprimunt; Mercurii versipellis quasi motum adeo incertum adhuc esse, ac sub certas leges se redigi nondum passum, ut certus signi gradus, quem occupet, ne in dies quidem, nedum in horas & minuta præsciri queat; tantum abest, ut de situ ejus in hac aut illa domo coelesti, de adspectuum tempore &c. veri quidquam unquam innotescere, multo vero minus, ut ex observatione rerum tam incertarum, & conjunctis incertius effectibus in mundo



do sublunari, regulæ cudi ac divinandi leges formare potuerint.

X. Quandoquidem igitur ea, quæ de stellarum singularum absolute spectatis viribus superius diximus, quibusque multo plura nobis ex digitis suis numerant astrologi, non dubiatantum, sed ex horum arbitrio ac libidine conficta esse, satis constat; quis non videt observationes cæteras circa fictitiarum istarum incrementa, fortitudines ac debilitates &c, nullas unquam esse potuisse, cum in iis omnibus ea planetæ vel stellæ cujusvis indoles præsupponatur, quam observatam nunquam, observatu impossibilem, ac ridiculo paralogismo illatam in antecedentibus ostendimus? Veruntamen, si vel maxime poneremus stellarum singularum vires in his sublunaribus cum efficacia sensibiles, & eas distincte, quæ quibus insint, compertas & peruestigatas; non forent tamen illa reliqua minus incerta, falsa & superstitiosa, quam nunc sunt.

XI. Etenim, quod primum attinet 12 Zodiaci, quæ vocant, signa, certissimum est 1) veteres ex mero suo arbitrio numerum duodenarium elegisse, cum potuissent in plures aut pauciores partes viam ☉ dividere: 2) Virtutem istam ac efficaciam singulis attribuisse occasione asterismorum arietis, tauri &c. à quibus etiam nomina sua acceperunt; & nunc tamen, postquam asterismi illi è loco vetere jam pridem migrarunt, eandem vim evacuatis cœli partibus aut novæ jam coloniæ habitatis, etiamnum ridicule adscribi: 3) Distributionem horum 12 signorum inter 7. planetas prorsus etiam arbitrariam esse, ut videlicet Soli & Lunæ, tanquam minorum gentium diis domicilia tantum singula, cæteris autem quinque minoribus bina cederent; ac in divisione nec deficeret quicquam nec excederet; cum vel servatus solicite, tum planetarum, tum signorum ordo videre vel cæcum videat, horum nihil unquam ulla observatione aut experimento ullo constituisse: ut taceam ex eorum ipsorum numero, qui nondum deferere prorsus valent divinatorias istas vanitates, & cum ratione tamen magis ἀστρολογίζοντες, plerosque  
totam



totam hanc rem , de signorum efficacia , planetarum domiciliis &c. inter aniles fabulas recensere. Vid. B. noster antecessor *M. Abdias Trevv* in discursu vom Grund und Verbesserung der Astrologiæ cap. I.

XII. De duodecim domibus coelestibus autem , quibus in judiciis suis genethliacis utuntur , ut paucissima moneamus , qui potuit unquam astrologis observationum certarum consensu constare , quid in quaque domo planeta quisque valeat , vel decernat , aut significet ? cum in ipsa domorum constitutione ac thematis erectione , magnus sit veterum recentiorumque dissensus , adeo ut quinque diversissimos erigendi thematis modos nobis enumerent *Ranzovius & Origanus*, è quibus recentissimum , hodieque demum universaliter fere receptum ( quem *rationalem* appellant intuitu cæterorum , tanquam sine ratione excogitatorum ) , non sine prægnantibus rationibus , irrationali satis judicat paulo ante - laudatus Dn. Trew , nuclei astrologiæ correctæ p. 4. & 5 ; ut operæ pretium non sit , his talibus propria prudentiorum astrologorum confessione fictitiis , prolixè confutandis immorari.

XIII. Adspectuum porro vis & efficacia , etsi majore cum specie veritatis asserta , nec ratione tantum ( quæ junctis plurium viribus , aut oppositis invicem & confusis , vel intendi actionem , vel impediri suadet ) sed manifesta menstruum Lunæ cum Sole congressuum & configurationum experientia niti videatur ; in cæteris tamen stellis minoribus , nullo vel ratiocinio vel experimento hætenus stabilitur. Etenim à magnis ac terræ vicinis luminaribus , Sole & Luna , ad stellas alias remotissimas , ingenti saltu extrahere vel extendere argumenta , quam sit ἀσυλλόγιστον , jam ante ostensum fuit ; Et hoc quidem loco speciatim hæc duo veniunt observanda , 1) lunares adpectus esse conjunctos cum perpetuo luminis copiosi & valde notabilis incremento ac decremento : 2) iisdem constantissime implicitam esse corporis lunaris ad terram notabiliter nunc accedentis propius , nunc recedentis ab ea longius , in orbem redeuntis vicissitudines ; ut rectius



rectius & ex vero remæstimantibus , non tam ex hac aut ista Lunæ à Sole , per circuli sextantem e. g. vel quadrantem , vel dimidium &c. distantia , quam ex allegatis & cum hoc aut isto ad-  
spectu per accidens conjunctis causis pendere judicentur , effectus illi , quos menstrua Lunæ periodus ordinarie solet cum orbe suo circumvolvere. Verum enimverò , etsi similia lunaribus in Venere quoque & Mercurio luminis augmenta & decrementa observentur hodie , in cæteris tamen planetis aut nulla , aut armato quoque oculo (ut in ☿ vix perceptibilia notantur , in illis ipsis autem effectuum sensibilis varietas expectari nequit à lumine vel auctiore vel imminuto , quando plena quoque ♀ aut ☿ facie emissum lumen , tum ob nimiam illorum distantiam , tum ob nimiam Solis viciniam , naturam sublunarem mutare notabiliter non potest ; quod idem de ipsorum accessu & recessu judicandum est ; utpote ex tam immenso intervallo inefficaci , cum etiam proximus illius vicissitudinis terminus sit ab elementari hac sphaera nimium remotus.

XIV. Et quis , obsecro , libero à præjudiciis animo unquam persuadebit , ♀ e. g. aut ☿ , adeo vicinos Soli , sive sub ipso fuerint ac terris proximi , nulloque visibili radio hæc sublunaria feriant , sive supra aut post eum constituti , præ fulgore Solis illustrissimo , æstuque ejus ferventissimo , posse parvula sua & ab ipso Sole emendicata lucula orbem elementorum ita afficere , aut Solis efficaciam ita vel augere vel immutare , ut ab istis esse , quicquid vel mali vel boni hîc sentitur , distincte perspiciatur ? Aut quis credat in conjunctionibus partilibus planetarum similium vires majores esse , cum scilicet superioris influxus ab inferiore interposito impeditur , quam cum aliquot gradibus ab eadem conjunctionis linea digressi junctas in terram vires absque impedimento valent emittere &c. Quod si ad experientiam pro more provocent , quænam illa sit , & quam probe fundata postea generatim visuri , hoc saltem hic in antecessum monemus ; Cum ipsorum astrologorum confessione , vim ad-  
spectus unius facile obrundant aut impediunt non alii tantum circa idem tempus contingentes , sed & locus , aut signum Zodia-



ci adversæ vel dissimilis qualitatis, fixarum item vel verticalium, vel cosmice aut heliace orientium, occidentium, vel alterutri ex adspicientibus invicem planetis vicinarum; Situs denique ipsarum regionum ad occasum, ortum, meridiem & septentrionem, idque genus alia fere innumera, (unde, *quam sit difficilis virium cæli, cælestiumque influxuum notitia*, non potuit non fateri astrologorum patronus Argolus Astronom. lib. II. Proæm. p. 43, cum Arabibus dicentibus, singulis horæ momentis descendere viginti quatuor mille robores cœli & influentias, quæ diversas qualitates, vires ac colores fortiuntur; præterquam, quod sit inter arcana DEI optimi maximi connumerata; ) quis non videt, unum eundemque planetarum adspectum, in unis iisdemque cœli locis zodiacique signis, cæterisque circumstantiis iisdem permanentibus, vel nunquam, vel non nisi complurium seculorum lapsu redire, atque adeo impossibile esse, ut observationum plurium experientia de hujus aut illius adspectus virtute formari regula potuerit.

XV. De magnis autem maximisque h & 4 conjunctionibus quid aliud sentias, quam, uti res ipsa habet, insignem istam efficaciam ac pretium ipsis, uti gemmis, non experimentum aliquod evidens aut verosimile saltem valoris genuini, sed raritatem rei contingentis posuisse apud homines credulos & superstitiosos, cum in more nobis positum sit plerisque omnibus, ea quæ ante pedes sunt & quotidiana, maximæ sæpe virtutis valorisque, contemnere, & insolita extera, longinqua, nostris sæpe ne comparanda quidem, æstimare maximi, quod rarius ac difficilius obtineantur. Quid enim? cum Jovis influxus benignus quidem sit & auspiciatus, Saturni vero terris inimicus & malignus, & illi tamen solitarii mundum hunc elementarem attingentes quotidie, insignes adeo effectus non edant, cureo tempore demum, quo alter alterius vires, oppositarum admixtione, necessario debilitat ac impedit, ita valide sublunaria hæc afficiunt, ut efficaciam tam insolitam post annos complures adhuc persentiscant? Et cur Jovis beneficum lumen saturninum & copia



copia & vicinia superans ; hoc à tergo relicto<sup>1</sup>, imo à terris maximam partem averſo, non prædominatur ſemper, ut omnis conjunctio magna, media, maxima, terris evadat ſalutaris & frugifera ?

XVI, Qualitatum, ajunt, contrarietas hic multum operatur, Saturno frigido & ſicco, Jove calido & humido exiſtente: utriusque planetæ tarditas operationis veſtigia tanto altius imprimi, & inde effectuum magnitudo: Eadem illa tardigradorum horum mora facit, ut reliqui tandem etiam planetæ cum iſtis in eodem ſigno concurrant, & mixtis adeo variè adverſis inter ſe virtutibus, inſolito quoque modo ſublunaria afficiant. Quid ni vero, reſponderim ego denuo, hac virium contrarietate ſingulæ à ſingulis ita retunduntur, ut univerſæ tandem, ad temperamentum quippe uti peripateticorum qualitates redactæ, parum valeant ? Aut ( ſi regerant forte, alias quoque frigoris & caloris mixturam tempeſtates in aëre ciere & contrariarum qualitatum liquores inter ſe confuſos magnos motus & fermentationes cauſari &c. ) cur eo ipſo tempore, quo fit hæc virtutum in aëre noſtro confuſio, non ſequitur ſtatim mutatio notabilis, ſed aliquot poſt menſibus demum aut annis, cum jam pridem ſoluta eſt à Sole diurno, aut in ventos abiit omnis illa mixtura, ut ne veſtigium ejus aut atomus una ſuperſit ? Cur etiam alio tempore, quo conjuncti non ſunt ſupremi iſti planetæ, ac radios ſuos in aëre commodius confundunt ( alterius quippe corpore non obſtante influxui alterius ) majora non præſtant aut paria ſaltem ? Et, ſi à magnis conjunctionibus ideo magni & inſoliti ſunt expectandi effectus, quod diutius conjuncti tardiores hi planetæ, preſſius inſigant ex mora, & profundius influxus concitatoris aculeos ; non debet ſaltem à maximis majus infortunium metui, cum in hiſ nihil majores, quam in iſtis moras necant ; niſi forte arietis ſignum peculiari ſua virtute, quam nullam eſſe & fictitiã, ex ipſo prudentiorum aſtologorum ore probavimus, pondus & momentum addat.



XVII. Id vero satis mirari nunquam possumus, si stellis singulis efficax concedatur ac distincte internoscenda influenza, cur hæc non credatur tunc magis sentiri, cum terris imminet inter vicinas alias, aut debiliores, aut non multo fortiores, quam ubi Lunæ conjunguntur aut Soli, qui & validiore multo ac terris viciniore influxu prævalentes, earum vim retundunt aut absorbent. Quis enim sanæ mentis credat, hyades e. g. & plejades ea præsertim anni parte humefactivam suam virtutem exserere maxime, qua solem calidum & exsiccantem sibi habent ita conjunctum ac terram inter ipsasque positum, ut impossibile sit vel radium ex ipsis unicum attingere terras, aut, si quem admiserint solares flagrantissimi, ejus vim magis in mundo hoc sublunari sentiri, quam vini guttulam unam, in immenso oceano? Aut caniculam, dum extra Solis consortium, inter minutiores multo stellas, circa terram quotidie fertur, ne minimum tamen æstus sui & adustivæ virtutis facere indicium; tum demum autem istam efficaciter exerere, quando Soli conjuncta sub hujus radiis delitescit, immenso intervallo pone ipsum remota, & hoc interim verticibus imminente nostris, ac dierum longissimorum æstu per aliquot menses continuato è vicinia terram torrente? Quasi vero non stultissimum essemus judicatarui eum, qui ratione plane simili Aetnæ incendia in his nostris oris nunquam sentiens tunc tamen, ubi vicina quædam domus inopinato incendio correpta ex eadem plaga meridionali ipsum adureret, ætneos etiam ignes multum cooperari, & caloris incrementa dare notabilia, sibi persuaderet.

XVIII. Hoc igitur potius omnino nobis cum doctissimo *Robaltio* (Tract. Phys. quadrip. p. p. 573 & seq.) persuademus, Astronomiæ peritos olim, in usum vitæ civilis, annotasse varios anni solaris dies, quibus hæc aut illæ stellæ fixæ ante orientem Solem, sub quo diu latuerant, primum iterum conspiciebantur, oriri inde heliace dictæ, una cum aëris temperie ac tempestatibus eodem tempore ordinariæ, sed ex influxu Solis, ac terræ cu-  
jus-



Iusque conditione nativa, accidentibus ; e. g. orientibus hyadibus & plejadibus in asterismo tauri, esse tempestatem in septentrionalibus hisce climatibus plerumque pluviosam ; oriente Sirio maximum æstum &c. ab imperitioribus autem postea id quod signi vices gerebat, pro causa habitum, ac hyades inde pluviosas & humidas, caniculam calidam & siccam, saltem efficienter creditas fuisse ; porro vero, cum eadem tamen aëris temperies annis singulis, iisdem licet stellis heliace orientibus, non esset, nec ortum caniculæ caloris vehementia semper comitaretur, in promptu fuisse, errori tegendo ex observato planetarum vagabundo motu remedium arcessere, ac eosdem quidem earundem fixarum effectus expectandos, asserere, nisi planetarum accessus aut recessus earum influxum turbaret & interverteret ; atque planetis superioribus etiam peculiarem in hæc sublunaria efficaciam assignatam, tandemque, cum isti planetarum motus ad certas leges redacti in futurum etiam præsciri capissent, astrologiam divinatoriam enatam esse.

XIX. At enim, eclipsibus saltem vel adspectu solo prodigiosis influxum in has terras plerumque malignum non denegabimus ? Est profecto, fateor, in eorum oculis, & consequenter etiam animis, quibus insolitæ rei causa ignota est, efficacissima illa cœlestis apparentia, atque utinam eum haberet effectum in plerisque, quem nobis præ cæteris pie ac prudenter commendat B. Dn. Prof. Trew in discursu de corrigenda astrologiæ germanico cap. 2. Ut nimirum & mortalitatis eos & umbræ mortis, post decursam vitæ periodum subeundæ, diei item novissimæ & interituri totius universi, peccatorum denique suorum, quorum atra caligo divini vultus gratiam, uti Solis faciem gratiosissimam, obscura Lunæ facies, nobis occultant, & similem efficaciter commonefaceret. At vero effectus eclipsium cæteros in rebus naturalibus ac civilibus in deterius commutandis, quos eisdem vulgo adscribunt, quoties apud animum nostrum rectæ rationis trutina expendimus, id *primo* mirari subit, cur lunarium solariumque obscurarum influentias adeo parum distinguant



astrologi , ut , utrum luminare patiatur parum solliciti , ac de effectu eclipses generatim infausto , sua opinione certi , in ceteros potius planetas , eclipses dominum inprimis , & in id genus vanitates alias circumspicere notandas omnem nervum intendant ; Cum solares tamen & lunares eclipses , præter hoc nomen generale , nihil fere commune habeant , & hæ in reali quadam extinctione luminis mutuatitii , istæ in apparenti solam & imaginaria quadam lucis intaminatæ obscuracione consistant.

XX. *Deinde* vero , cum ad utramque eclipsium speciem seorsim advertimus animum , uti ceteras variationes in lumine lunari menstruas , in teneris saltem & afflictis ægrotantium corporibus aliquo modo sensibiles concessimus ; ita hoc eodem casu omnem eclipsibus lunaribus efficaciam non absolute denegabimus : quandoquidem , in totalibus præsertim , insequens copiosam luminis diffusionem inexpectatus ejusdem defectus per unam sæpe alteramque horam , facile mutationem aliquam in humoribus jam ante turbulentis , ac in iis corporibus causari potest , quæ vel ab auræ cujusvis afflatu sibi metuunt , etsi non desint exempla nobis valetudinariorum , inprimis gravidarum ex mea domo partui imminentium , quibus eclipses lunæ totales & cum magna mora , non solum sine noxa & sensibili corporis mutatione , sed & cum singulari animi voluptate , spectatæ sunt. Alia vero bene habentium corpora , aut reliquam naturam sublunarem , ut ex illa lunæ passione multum pati nobis persuadeamus , nec experientia nos , nec ratio ulla cogit. Quid enim , amabo , nocebit , una vel altera etiam hora lunæ emendicato lumine carere , quo paulo ante frui fuimus pleno & copioso , ac fruituri , paulo post nihilo minore ; quando alias circa interlunia hebdomadibus sæpe integris illunes vivimus impune noctes , iisque ipsis , quæ plenilunium proxime sequuntur , una & altera saltem hora lunari lumine prorsus destituimur ?

XXI. In solaribus autem , etiam totalibus , vix unius momenti morula intercedit , cum aliqua saltem Solis particula , ac subin-



subinde plures, evanescente sensim caligine, subtractum terris fulgorem, & mox plenum Solis vultum reddunt; quem crassiores sæpe nubes per dies complures nobis eripiunt, majori certe lucis dispendio, quam quod tam brevi temporis intervallo tantilla terræ particula facere queat. Et vero si coelestium influxus eas maxime terras deberent efficere, quarum verticibus magis imminet, uti saniores Astrologi recte judicant, & eclipsium vim, si quæ esset, tanto majorem esse oporteret, quanto ipsæ majores sunt & longiores moras trahunt; necessum certe esset, eas terræ regiones, quæ sub Zona torrida locantur, omnino infeliciissimas credere, & ab omni fructuum proventu steriles, quam maxime; imo (si justæ DEI indignationis ac impendentium poenarum signa potius quam causas malorum physicas faciamus cum nonnullis luminarium eclipses) ejus zonæ incolas & nunc esse, & olim fuisse, & futuros esse in perpetuum, omnium bipedum nequissimos oporteret, ac cæteros terricolas gradatim pios magis ac bonos, quo plus ab æquatore versus terræ polos recedunt; cum vix annus exeat, quo non videant adustæ illæ, ac nihilominus auri non tantum, sed aromatum fructuumque, nobilissimorum feracissimæ terræ, Solis aliquam totalem eclipsin qualem septentrionalium aliqui populi vix unquam, cæter non nisi rarissime conspiciunt; ut taceam, easdem ipsorum plerumque verticibus imminere, impendentium malorum tanto certiores, si Diis placet, indices. Quid multis? si terræ Solis eclipses adeo infestæ sunt & infaustæ, de Lunæ corpore quid fiet, quod eo ipso momento, quo lumen ipsi ordinarium eripitur ab interposita terra, insimul eclipsin Solis conspicit horrendam, ac plerumque non totalem tantum sed & cum maxima plurium horarum mora: qualem equidem nec vidit unquam tellus nostra, nec est visura, si naturæ suæ constiterit integritas, ullo ævo seculove.

XXII. Restarent nova coeli lumina comato vultu aut caudato corpore, magis opinione nostra, quam effectu horrenda, ve-



da, verum enim vero, quid de his sequenti capite seperatim pluribus acturi sumus, ideo respondebimus adhuc

### III. Ad unum alterumque circa superiora subnasci solere præoccupatis dubium.

Scilicet, duo cum primis expendenda nobis restant breviter : Unum est astrologiæ divinatoriæ firmamentum præcipuum, *prætexta* nempe *experientia* seu *observatio*, quam tunc vel maxime urgent, cum rationibus convictos se persentiscunt: Eventum ipsum videlicet toties comprobasse decretorum veritatem. Enimvero quam nulla sit, & gratis prætexta, hæc experientia, jam pridem docuit, post *Picum Mirandulanum* aliosque viros doctissimos, *Petrus Gassendus* animadvers. in X. lib. Diog. Laërt. p. m. 966. & seqq. Nos hæc paucula saltem hic monebimus: 1.) Ut ut experientiam subinde crepent, nullam tamen eos unquam vel circa primaria artis capita afferre, nec ullam observationem ullibi extare (prout etiam haberi nullam posse, in superioribus demonstravimus) quæ e. g. *Martem* calidum & siccum *Saturnum* frigidum &c. vel verosimiliter ostendisset; cum tamen his placitis, tanquam angulari lapide, vanissimæ artis tota indigesta moles suffulciatur. 2.) Observationes, quas habent circa adspæctuum, eclipsium, novarum stellarum &c. efficaciam, hoc perpetuo niti omnes paralógismo, quem in superioribus non semel explosimus, quo videlicet, isthæc aut similia coeli phænomena pro causis aut signis statim venditant eorum effectuum, qui in terris citius aut serius consequuntur; quasi vero plerorumque contingentium in hoc orbe sublunari non manifestior possit & propior multo causa ex ipsis terris peti, quam ut opus sit, manifesta suppositione ejus quod in quæstione est, eas ex immensis cœlorum intervallis accersere.

XXIII. Certe, quod aëris mutationes attinet, ventorum originem Soli quidem ut causæ generali, terris ipsis autem & corporibus terrestribus tanquam causis specialibus, & in hanc  
potius



potius quam aliam plagam dirigentibus ; ipsis autem ventis, prout ab ortu, vel occasu, aut cæteris mundi partibus adspiraverint, pluvias & nives, aut serenitatem, calidam aut frigidam aëris constitutionem &c. deberi, tanto pluribus observationibus, per annos bene multos habitis, nobis constat, quanto rarius Calendariographorum prædictionibus eventus respondet, casu scilicet & fortuito, quod cum anilibus muliercularum fabulis commune habent. 3.) Vafritiem etiam astrologorum prædictentium, & consulentium ignorantiam & credulitatem, inter experientiæ illius fulcra præcipua numerandam esse : dum illi scilicet ; oblata v. g. hominis alicujus genitura, id maxime curant, ex præscripto magistrorum, ut sexum nati, familiam, regionem, mores & alia edoceantur ; aut, de futuris belli pacisve conditionibus vaticinaturi prudentiores, quæ præcesserunt, eventa considerant, quæ in præsens agitentur consilia, quoad fieri potest expiscantur, & ex his ac similibus aliis futura utcunque æstimantes & oraculorum instar obscure & ambigue proloquentes, coelestem deinde aliquam constellationem vaticinio suo callide prætexunt ; hi vero, seu bonum seu malum ipsis astrologus decreverit, minimam quamque fortunæ seu gratiam seu injuriam eo revocant, & ( ut eleganter *Gassendus* ) nisi forte satis fallantur ab istis, opem ferunt ipsi, ut seiplos fallant ; prout Franciscum monachum, astrologum superiore ante proximum seculo non obscurum, cum ex occurso medii coeli ad planetæ nescio cujus beneficium radium, felicem sibi ac lucrosam diem spondisset, ab amico calceis donatum, influentiæ manifestam virtutem valde prædicasse refert.

XXIV. 4) Denique, si habeant innumerata exempla quædam, dubiæ magnam partem fidei, quæ prædictionibus eventum respondisse comprobent ; in promptu esse multo plura, quæ vaticiniorum illorum vanitatem, non sine astrologiæ infamia, ipsis prudentiorum oculis ingesserunt. Ut enim illud, quod de eclipsi solari, quod ante hoc semiseculum & quod excurrit, factum esse plerique novimus, pede sicco nunc prætereamus ; memorabile est, quod apud *Bodinum* ( de Repub. 2.)



aliosque legitur, ac male admodum habet *Origanum*, (introduc. part. III. p. 481.) cum scilicet astrologi, ac nominatim *Johannes Stöflerus*, ex conjunctione magna omnium planetarum, æquinoctium vernum anni 1624 in signo ♄ aqueo antecessura, diluvium pene universale prædixissent, quod metuentes plurimi, per Italiam, Galliam, Hispaniam, Germaniamque ad montium editiora confugerunt; contigisse tamen, ut totus Februarius, quem referendis coeli cataractis præstinarant, quique alias raro abit impluvius, existeret serenissimus & siccissimus: quibus exemplis simillima plura legere cui volupe erit, adeat *Riccioli Almag.* nov. lib. VII. Sect. V. cap. X. num. VIII. & risum cum amicis teneat.

XXV. Quod vero *Gassendus* ait, testari se posse, sæpius idem sibi contigisse, quod *Joan. Pico*, qui observatis hyeme tota aëris mutationibus, vix ex centum ac triginta diebus sex aut septem repererit, qui cum Astrologorum prædictionibus consentirent, ejus rei nos ipsos quoque testes sistere bona fide possumus, qui non per hyemem unam, sed per ipsos novem annos continuos, aëris tempestates in dies singulos sedulo adnotavimus, & cum Astrologiæ regulis, Calendariorumque vaticiniis, vel frequenti dissonantia sua suspectis, contulimus. Quod si porro de genethliacis prædictionibus examinare placeat experientiam Astrologorum, quam toties ac tam audacter jaçant, egregium quidem ejus nobis exhibet specimen *Tycho Braheus* dum & *Gauricum* & *Cardanum*, eventa moresque Lutheri ex ejus genitura expendentes, apte satis utrumque narrat, hanc istis accommodasse, quamvis alter 22. Octobris 1483. alter vero eundem mensis diem anni sequentis 1484. ille tamen horam à meridie decimam, hic primam, ipsi natalem supposuisset; cum ipsa tamen reverà fuisset undecima post meridiem d. 10. Novembr. 1483. Eberi Calendario teste. Et jam totum hoc artificium non putes esse merum ludibrium? Non nugacissimum nugamentum? Ita meritò quis interroget cum acutissimo *Gassendo*, qui similia nobis exempla complura refert, E. g. *Gaurici* prog-



prognosticon de Henrico II. Galliae Rege, quem victurum esse felicissimum annos septuaginta, deductis duobus mensibus, prädixerat, *Cardano* quoque felicissimam ipsi senectam pollicito; cum eum anno quadragesimo ex oculari vulnere obiisse ex historiis constet.

XXVI. Lepidum plane est exemplum, quod idem Gassendus eodem loco narrat, de *Michaelis Nostradami*, Astrologi per universam Galliam, & tunc & hodiernum, celebratissimi iudicio propria manu exarato, super thema natalitium viri nobilis *Antonii Suffredi*, quod cum eventu ipso comparatum ita belle consonabat, ejus filio *Joh. Suffredo* teste: *Erit* (ita prädixerat Nostradamus) *barba promissa & semicrispa*; At ille, sic attestante filio, semper usus fuit rasa. *In media aetate dentes rubigine affecti*: At donec vixit & ad obitum usque obtinuit candidissimos; *In senectute ita curvatus &c.* At in extrema etiam aetate fuit erectissima statura; *In XIX. anno, vel circiter, extranea successione dives*; At ille præter paternam consequutus nullam fuit: *A fratribus insidias patietur, & rursus anno XXXVII. à fratribus uterinis vulnerabitur*; At neque fratres ullos habuit, neque pater illius plures quam unam duxit uxores: *Uxorem extra patriam ducet*; At ex propria patria; salonensem scilicet duxit: *Anno XXVII. spurium filium suscipiet*; At hoc inauditum: *Anno XXV. à nonnullis præceptoribus Theologica doctrina obruetur, ac iterum: In naturalibus ita quam quisquam alius, & denuo in occulta philosophia per magiam versabitur*; *In geometricis & arithmeticeis disciplinis tam assidue dabit operam quam eloquentiæ, in quibus summo studio & prompta diligentia in liberalibus disciplinis summo amore prosequetur*; At ille in his omnibus nullam specialem operam posuit, sed in excolenda Juris prudentia totus fuit, de qua tamen Nostradamus nihil, ut neque de dignitate lenatoria, quam propterea fuit consequutus Aquis sextiis ipso ætatis anno XXV. *Navigationem senex ita prosequetur, quam musicam & musicis instrumentis*; At ipsi nihil tale fuit curæ, & neque senex neque juvenis unquam naviga-



vit : Denique, *non pertransibit LXXV. ætatis annum* ; At ille ne pertransiit quidem LIV. tum, de quo Nostradamus nihil. Possemus in medium afferre exempla, & in primis unum cuiusdam amici recens, cui nobile par genethliacorum ausu temerario polliciti fuerant, alter seram in annos 70 & amplius senectam ; alter, omnium, quos esset victurus, annorum felicissimum eum ipsum, quo is præmatura, & misera quidem cruentaque morte periit : sed ista propalare neque consultum, nec opus est.

XXVII. Ad alterum potius istud veniendum, quod objicere prudentiores plerumque solent : Si nullus est (quem totus tamen mundus hætenus agnovit) coelestium etiam remotissimorum, aut portentosarum aliquando apparentiarum, in terras nostras influxus sensibilis, præter lumen illud parvulum, quo ferunt oculos nostros, nec illos quidem efficaciter, nisi è tenebris prospicientes ; ingentium igitur illorum, ac ipsa tellure nostra majorum corporum, nullus in mundo usus, nullum hominibus, inde sperandum commodum erit aut incommodum ? Si sequi hoc negemus, ac omnem statim ipsis denegare usum qui unum derogat inficiemur, & quis igitur est ille alius, & quid prodest tandem, Saturni pallorem, aut ruborem Martis, Jovis jubar ac Veneris gratiam cœlo reposuisse divinam providentiam ? Id vero ignorare cum ignarissimis si diceremus, nihil ab homine alienum ; nihil etiam homine erudito indignum esse mus dicturi. Quin arrogantissimum potius hominem, imo conditionis humanæ oblitum rectius judicaretur, qui tantorum operum Opificis infiniti, sapientissimi, potentissimi nutu & consilio existentium omnium finem, scopum & usum sibi perspectum temere crederet, aut, si nullam huic terræ ejusque habitatoribus, nominatim nobis homuncionibus utilitatem præbere judicanda essent nonnulla eorum quæ supra nos sunt, ea statim pro mundo & universo toti inutilibus, in epte haberet, nec a ibi proficua esse posse, quæ huic imæ mundi cavæ nil profunt, stulte sibi persuaderet : æque ridicule scilicet, ac si rusticus aliquis raschen-



schensis, inutiles omnes Lombardiæ modernæ agros proclamaret, quod sibi & vicino corydoni, & ulterius elongato mopso, nullas in horrea sua, vel alendæ familiæ jumentisque suis transmitteret; quas plusquam unum exercitum una cum inquilinis ordinariis, fere solas alere, ii norunt, qui tantulo plus sapiunt.

XXVIII. Edicite, rogo vos, qui similia fere cum raschensi rustico de remotis in immensum mundi partibus cogitatis, eas nulli usui futuras, nisi terræ ac terricolis influxu suo profint: Edicite, inquam, aut percontamini vestros astrologos, quem usum terris præbeant vel singulæ, vel etiam universæ in Lunæ facie maculæ? cumque Luna merito videatur eâ saltem fini facta terrisque tam vicina, ut nocturnas harum tenebras reflexo lumine diluat cur non sine omni macula, & sic luminosior parata sit? Aut, cum in ejus averſa facie, non minus quam in obversa nobis, perpetua noctium dierumque vicissitudo, perinde ac in terris, obtineat; quem usum illa, non dicam nobis, sed ipsi lunari globo, si nullis animantium viventiumque generibus habitetur, afferat, exponite! Aut cum eclipses Solis ingentes, totalibusque nostris multo majores eidem corpori toties objiciantur, quoties in terris lunarem attoniti contuemur (id quod Astronomiæ peritis indubium est ac infallibile) quid inde commodi aut incommodi sit expectandum ipsi, exponite!

XXIX. Aut indicate tandem, cum terræ nostræ crusta superior vel unius semimilliaris profunditate, tot metallorum, mineralium, aliorumque subterraneorum corporum genera recondat, atque adeo reliquus milliarium plusquam octingentorum nucleus multo plura, ab istis etiam procul dubio multum diversa contineat; Indicate, inquam, quæ sint in terræ visceribus intimis abscondita corpora, & quanam singulorum utilitas? Aut, si quæ ante pedes sunt, aut verius sub pedibus vestris, eorum usum edocere non potestis nec ideo frustra tamen factorum; nolite porro nullius statim usus arguere ea, quæ immensis intervallis remota, vix externæ faciei confuso adſpectu possunt inno-



tescere. Quin generalem interim omnium, dum specialior singulorum adhuc in occulto latet, soli forte Creatori & nunc notus, & notus porro futurus, eumque ingentem usum cognoscite; eum puta, quem afflatu divino percitus Psalmista nobis commendat, in suo, *cæli enarrant gloriam DEI, & Opera manuum ejus annunciat firmamentum*! quem S. Hiobus in mediis afflictionibus suis ingentem percepit, dum *Arcturi, & Orionis & Hyadum* sidera nominatim contemplatus, & ad interiora austri turbatam mentem convertens, *immensa DEUM* facere opera concludit, & *incomprehensibilia & mirabilia, quorum non sit numerus*, indeque porro infert, frustra fore misellum homuncionem judicio contendere cum isto volentem, qui *sapiens corde est & robore, & sub quo curvantur ii quoque, qui portant orbem*, id est potentissimi hujus sæculi.

XXX. Quid quod gentiles etiam utilitatem ex attento cœlestium contuitu expectarunt adeo multam & indubiam ut in eum finem, *cum prona spectent animalia cætera terram*, non aliud quippe quam terreni corporis pabulum exinde sperare nata, *Os homini sublime DEVM dedisse* judicaverint, *cælumque tueri* jussisse & *ad sidera tollere vultus*; ut mentem inde cœlesti pastu sustentaret & congenere natalibus ipsius nutrimento. Quam pulchre Seneca Epist. 94. verbis ad Ovidiana ista quam proxime accedentibus, *in cælum*, ait, *erexisse naturam vultus nostros, & quicquid magnificum mirumque fecerat, videri à suspicientibus voluisse*! tanquam ea, quorum incomparabilis splendor & majestas immersæ tenebris mentis oculos, ad pervidendam Creatoris magnitudinem, magno nostro commodo, illuminet; cum ex adverso *aurum quidem & argentum*, quorum *falsus oculos nostros decipiat fulgor, & propter ista nunquam pacem agens ferrum, quasi male nobis committerentur, absconderit &c.* Ea mente, eodemque animi proposito, si nos Christiani ad cœlos & cœlestium illa corpora, vultus oculosque, attolleremus, si ex immensa ipsorum mole Factoris infinitam magnitudinem; ex innumerabili operum immensorum multi-



multitudine, Creatoris omnipotentiam ; ex inæstumabili limitum mundanorum distantia DOMINI celsitudinem, & amplitudinem, divini domini ; ex planetarum errabundo quasi, sed in errandi ratione constantissimo & in secula prænoscendo motu, motoris immutabilitatem ; ex ordine posituque, adspectu primo confuse - sparsorum siderum, admirando ac decentissimo, & quorundam mutuis operis ad oculum evidentibus, opificis inexhaustam sapientiam ; ex immutato universi vultu ac perdurante in tot secula, nec ullis naturæ viribus unquam dissolvenda corporum mundanorum singulorum integritate & universorum compage, conservatoris aternitatem & incorruptibilitatem ; verbo ex innumeris operum adeo stupendorum proprietatibus & affectionibus, indices magis magisque innotescantibus, attributa virtutesque divini Numinis inenarrabiles, è regni hujus visibilis splendore & magnificentia, Rectoris majestatem ac invisibilia cognoscere, prædicare, devotissima humillimaque mente colere magis magisque allaboremus ; hæc demum homine Christiano dignissima foret astrologia ; quo nomine indigna prorsus est astrolatria illa vulgaris, quæ, quod opifici debebatur, opificio superstitiose tribuit, ac præscire prædicereque futura contingentia (quod uni sibi summus ac verus DEUS, tanquam *κρίτη-  
ρον* infallibile, quo à falsis Diis gentilium agnosci certissimo possit, toties in S. literis asserit) ridicule & impudenter præsumit.

XXXI. Verum enimvero, non hunc solum generalem usum, eumque longe maximum, ex remotissimorum etiam in hoc mundo siderum seria & attenta consideratione expectandum esse sic evidenter constat, etiamsi corporeus eorum influxus nullus omnino ex tanta distantia sperandus sit, sed alios insuper egregios usus, quos, si non huic terræ pusillo puncto, (quis enim credat, huic uno quasi pulvisculo inenarrabilem illam immensarum molium multitudinem unice destinata esse ?) sibi mutuo certissime præstant agnoscendos superesse non inficiabili certitudine constat. Lunam certe in telluris usum esse conditam omnes etiam residuæ Astronomiæ penitus rudes agnoscunt ex palpabili luminis lunaris in illustrandis noctibus nostris men-  
strua



strua utilitate. Illis autem, quibus altius in hujus universi profunda prospicere datum est, non minus indubie ex multo jam tempore constat, tellurem nostram vicissim de lumine suo mutuatio, quod à Sole quotidie recipit, novæ, quam vocamus, sive nocturnis immerse tenebris, iisque multo diuturnioribus, Lunæ, plurimum communicare, & quindecies quidem majus ac intensius illo, quod Luna de suo lumine pariter mutuatio terræ communicat, id quod in parte speciali argumento invictissimo demonstratum dabimus. Utram ejusdem Lunæ superius hemisphærium, quod circa nostri novilunia plene fulget, Veneris nocturnæ & obscuræ faciei ipsi plerumque expositæ, similiter aliquid lucis fœneretur, affirmare, ob maximam illius distantiam, non ausim. Illud interim extra dubium mihi positum videtur, quod Venus & Mercurius circa Solem, altero sui hemisphærio ad eundem semper converso, intra paucos menses circumlati, sua potius, quam terræ nostræ commoda quærant, quæcunque tandem illa fuerint, nobis adhuc maximam partem incognita, nisi quod Solis & lumen & calorem, suis necessitatibus (quæcunque tandem illæ esse possint) evidenter emendicent.

XXXII. Magis autem adhuc apertum, animisque non præoccupatis evidentissimum est, quatuor illas Lunas, quas circa Jovem diversis temporum intervallis gyrari hodie compertissimum habemus, quasque in umbra Jovis, non aliter ac nostra luna in umbra terræ, frequentissimas subire eclipses hodie tam notum est, ut eas in futura quoque tempora nihilo infelicius ausint prænunciare *Cassinus*, *Flamstedius*, alique, easque destinato tempore alii passim alibi observent, quam rariores alias in unica nostra luna ex terris observamus. Quis autem eorum, qui hæc talia, aliaque in luna nostra contingentia telluris nostræ gratia evenire, & credunt, & norunt, non similiter judicet, eventa similia in lunis istis circumjovialibus, neutiquam telluris, sed Jovis potius, multo majoris terra corporis, ergo, à DEO Creatore ordinata esse, Jovemque vicissim illis suis quatuor lunis mutuas præstare operas, uti terram nostram suæ unicæ vicissitudinario sub-



subsidio suo succurrere , vel etiam quandoque obesse novimus. Quod si huic mirando spectaculo simile aliud circa Saturni grandius forte adhuc corpus , adjungamus , DEUMque in his novis quasi mundis quatuor ibi , & hinc quinque lunulis ludentem intueamur ; non poterimus non vulgatam illam astrologorum aliorumque horum ineptiis occæcatorum fastuosam opinionem exuere, qua credunt, nullibi ista universi miracula utilitatem exhibere posse nisi influxu suo astrologico nullibi fundato, uni terræ profint.

XXXIII. Dico nullibi fundatum esse hunc influxum stellarum , non physicum , qualem à luna , maxime vero à Sole in his terris continuo recipimus , sed astrologicum, quem hactenus prolixè confutavimus ; nec desistemus id porro pro nostra virili facere , & in commune conferre , quæ ad eluendam hanc divinæ Matheseos maculam facere ullo modo possunt : Tametsi dudum agnovimus ( cum unius hominis menti evellere conceptam ante opinionem , haut raro aliis plerisque improbatam, tanti laboris opus & maximi negotii sit ) quam ingens sese objiciat ac tantum non insuperabilis difficultas extirpaturis opinionem quasi epidemicam & ipsa opinantium multitudine plausibilem. Spem tamen obtinendi , aut propius gradatim attingendi scopum , haut inanem inde concipimus , quod nec alios ante nos , neque nos cum ipsis , incassum omnino laborasse hactenus experti sumus, Adeo nempe lubrico , imo nullo prorsus , fundamento nititur hæc divinandi superstitiosa temeritas , ut ii quoque , qui fidem ipsi exhibere à teneris assuefacti sunt , ad allatas in contrarium rationes vel levissimas quasi obstupeant ; id quod non semel experiri eo casu datum fuit , quo pluviosam e. g. aliamve aëris constitutionem , ☐ ♀ aut ☿, aut simili cuidam adspectui in calendariis adnotato cum tribuissent ( ignari tamen in istis quotidianis uni planetæ adscriptis , lunam semper subintelligi ) nobis interim monentibus , id , genus adspectus singulis in orbem redire mensibus nec una tamen redire eandem aëris temperiem &c. admirabundo quodam silentio argumenti ἀνάγκην confitebantur ; ad deserendam penitus vanam persuasionem,



nedum quidem satis dispositi : adeo scilicet à teneris adfuescere multum est !

XXXIV. At enimvero, si hi tales ad hanc aliasque, quas in superioribus adduximus rationes, frequentius attenderent si præterea fidere suis oculis mallent, quam traditionibus aliorum & e. g. in his nostris regionibus copiosiorum & continuarum pluviarum cum vento occidentali connexionem fere perpetuam observarent, variantibus interim multum coelestium corporum adspectibus ; Si ad animum suum revocarent curatius, quod ex annua navigantium in terras Africæ Asiæque remotiores experientia, *Vossius de Nili aliorumque fluminum orig. cap. IX. & seqq. Varen. Geogr. lib. II. cap. XXVI.* aliique docent ; in regionibus Zonæ torridæ plerisque omnibus, non ita vagas ac incertas, ut in nostris climatibus, sed statas ac certas esse, & eisdem anni mensibus easdem quotannis aëris tempestates, cum alia tamen semper sit adspectuum ratio ac coelestium remotiorum positio ; si cogitarent, eodem momento, quo nobis cadunt imbres & grandines, aut fulmina, alias, non remotiores tantum, sed viciniore quoque terræ partes omnimoda gaudere serenitate, & cum obvia sit exceptio, coelestia agere pro subiecti capacitate, (ita ut idem Solis calor emolliat ceram & lutum induret,) inde prompte inferrent, quod inferendum omnino est : Observationes Chaldaeorum Ptolemæi & antiquorum universim omnes, quas subinde crepant, utpote alibi locorum habitas, suis accomodari regionibus nec posse nec debere ; Si porro perpenderent, in hominum genituris æstimandis, ab ipsis astrologis ipsissimum nativitatis momentum & constellationum ad idem momentum supputationem exactissimam supponi (norunt enim unius minuti morula intercedente, stellas aliquas ex uno thematis domicilio in aliud, quod oppositæ prorsus aut diversissimæ saltem significationis sit, transmigrare, totamque adeo præfagiendi rationem immutare, & nisi præcise ac in puncto quasi statuatur constellationum ratio, unam eandemque ad plures eodem saltem die



natos , sortique diversissimæ obnoxios referri posse ) quorum neutrum tamen aut antiquioribus astrologis perspectum esse potuit , aut modernis , ex cultiore licet Astronomiæ calculo fruentibus unquam innotuit ; afferant enim , si viri sunt , vel tria exempla thematum natalitiorum , ex omnium seculorum , quam in ore semper habent , experientia , quibus utriusque illius ratio exacte constiterit ! si scirent & considerarent proxime superiorum seculorum progressus astronomicos ; detectos scilicet in coelo , telescopiorum ope , præter septem antiquos planetas , totidem , imo plures novos alios , fixas autem ignotas ante vere innumeras ; in Solis facie obortas aliquando maculas & fuliginosas quasi nubes vastitate sua totius Europæ , Asiæ , aut Africæ amplitudinem exæquantes &c. quibus omnibus efficaciam & influendi virtutem multam tribuant oportet ii , qui cæteris tantam adscripserunt ; obviam insimul habituri sibi promptissimam illationem arcessendis cœlitus affectuum sublunarium causis non potuisse non frequentissime à vero aberrare eos , quibus maxima pars cœlestium corporum incognita fuit & abscondita.

XXXV. Hæc & similia plura , quæ nunc omittimus , si scirent astrologi , & adhibita in consilium ratione pensitare possent ; longe aliter , scio , judicaturi essent de experientia ista & observatione , de qua ita subdole gloriantur , cujusque specioso prætextu credula turba reliqua duci decipique solet : quin obstupescerent potius nobiscum , in medio quoque eorum catu , quibus ex reliquorum Mathematicum , & geometriæ cum primis infallibili evidentia , veri demonstrandi ratio perspectissima fuit , repertos tamen esse , qui nugis istis , ne superficariam quidem probabilitatem attendenti probantibus , operam suam locarent , auctoritatemque conciliarent : Quamvis hodie vix ullibi reperiatur celebrior aliquis , & isto nomine dignus , Mathematicus , qui vanissimam artem non explodat ; & eorum , quos paulo ante memoravimus , non pauci eam lucelli præsentis gratia potius quam ob futurorum notitiam , coluisse videantur ; prout celeberrimus



mus trium Imperatorum Mathematicus, *Keplerus*, ejus alioquin industrius promotor, in præfat. ad Tabb. Rudolphinas alibique, *Astronomiam matrem sapientissimam, sed pauperculam. à stultitia filia astrologia, quæstu non ab omnibus æque probato, aliis sustentari, ingenue confessus est.*

## CAPUT VI.

De

### *Cometarum & novarum stellarum*

κατ' ἐξοχήν

*sic dictarum efficacia in hunc mundum sublunarem separatim.*

### I. PHAENOMENA.

**P**HAEN. I. Non omnium aut plerorumque saltem cometarum phænomena in hunc locum congerere nobis constitutum est, utpote quam cramben prolixè coctam superiori cap. IV. de cometarum natura, motu & origine, largissime ibid. apposuimus; sed unius cometæ anno 1680 mense Novembri ac Decembri, & insequentis 1681. mensibus anterioribus, observata specialia tantum phænomena, in succinctam historiam contrahere, deinceps autem, paulo generalius de hujus & aliorum credita communiter influenza aut significatione, quædam disserere, mentemque nostram & sententiam ingenue profiteri. Obortus igitur sub finem Novembris anni supra-memorati, de repente rumor de cometa novo in coelis circa Spicam virginis spectando, nos quoque excitavit, ut d. 23. dicti mensis, vigiles in coelum oculos summo mane attolleremus, inexpectatum ante phænomenon maximo tum desiderio expectantes; omnisque ferme spes ejus videndi jam exciderat, cum paulo post quin-



Quintam obscurius quoddam lumen , juxta lucidiorem lancis australis , medio circiter inter eorum notumque loco , conspiceremus , ac paulo post candidulam ad spicam virginis usque protensam caudam vix discerneremus ; ita , ut voti nostri compotes , ac de cometæ veri & genuini apparitione certissimi. Postero mane , circa idem fere tempus , & paulo post Lunæ occasum , non amplius juxta lancem occidentem versus , sed infra eandem æquali ferme intervallo depressum conspeximus novum advenam , ejusque adeo motum diurnum , ortum solemque versus , trium circiter aut 4. grad. conjecimus ; Satis adeo certi , eum crepusculinæ luci magis magisque appropinquantem , insequentibus diebus ob lunæ pernoctis splendorem , e conspectu nostro effugiturum esse , prout eventus etiam docuit.

*PHÆN. II.* Utraque hæc nostra observatio rudior erat ac superficialia , quandoquidem ad capiendas cometæ à stellis vicinis distantias , ejusque adeo situm ac motum accuratius determinandum , nullum tunc ad manus erat instrumentum. Directo tamen interim , tum ad insolitum hoc phænomenon , tum ad vicinas fixas , quod erat in promptu octo circiter pedum telescopio , notabile discrimen inter harum nitidos vivacique luce coruscos orbiculos , & illius obscuriore tristisque lumine massam confusam , armato sic oculo notabiliter ampliorem , quam nudo visam , ac atmosphæra quadam caliginosa circumcirca radiosam spectandum exhibuimus , qui tunc aderant , studiosis bene multis ; argumento satis evidenti puto , hinc evincentes : hoc spuriarum stellarum genus ab ordinariarum illarum , sive fixarum , sive erronearum natura nimium quantum abesse , & hunc speciatim extraordinarium erronem , supra lunam quidem ( quod tardior notabiliter ejus motus diurnus esset ) infra Saturnum tamen & reliquos planetas superiores , imo infra Solem quoque , probabiliter locatum esse , tum quod ipsis omnibus celerius incederet , tum etiam quod in adaugenda ejus specie notabilis fuisset telescopii efficacia , observationibus postea similibus , tum nostris tum Norimbergensibus , confirmata.



*PHÆN. III.* Præter hæc , & quod caudæ extremitatibus fere parallelis terminatæ latitudo tum exigua esset conspecta ( ideo procul dubio , quod partes ejus utrinque , quam in medio tenuiores , ob luculam adhuc debiliorem in diluculi crepera luce , conspectum prorsus effugerint ) nihil tum erat , quod ad superiores , uti quidem jufferant , deferremus ; nisi quod hac clausula nostram narrationem finierimus : Fieri posse , ut matutinus hic cometa ( siquidem interim non dissolvatur , aut è conspectu terricolarum altius elevetur ) interjecto aliquo temporis intervallo vespertinus ac solisequus denuo compareat , caudam suam , quam hætenus in occidentem exporrexerat , in oppositam tunc & orientalem plagam extensurus. Interea vero eundem die 18. Novemb. Norimbergæ ante spicam virginis , Argentorati vero Dresdæque etiam die 17. ac 16. adhuc occidentaliorum fuisse conspectum rescivimus , & , si vera sunt quæ novellæ tum Stralesunda & Anclamo perscripta retulerunt , eundem diu ante ac longe supra virginem , in ipso forte  $\Omega$ . asterismo ibi locorum observatum fuisse necessum esset ; prout etiam , dum hæc relecta mundiora describimus , Venetiis ipsum die 20. Nov. St. novi sub pede sinistro leonis  $\♂$  valde vicinum comparuisse , ex doctissimi Barzini Astron. Prof. relatione didicimus. Hoc unum saltem certum est è collatis plurium observationibus , & ultimo loco hîc monendum : In prima hac observatione sidus hoc extraordinarium , proxime eclipticam , tantum non parallela via , ab humero virginis sinistro ad lancem australem per integrum signum  $\pi$  & magnam partem  $\mu$  decurrisse eidemque adeo viæ porro ut insisteret fore , nobis penitus persuasisse.

*PHÆN. IV.* Enimvero , ab hac orbita eum inopinato deflexisse , dum sub Solis radiis , abscondito terris & accelerato forte cursu , perrexit , altera ipsius , expectationem nostram antevertens , apparitio satis evicit , quando , de cometæ nondum quidem conspicui ostensa terris ingenti cauda accepto Norimberga nuntio d. 16. Decembris ante quintam vespertinam , in occidentem conversis oculis , & caudæ corusco lumine



candicantis phenomenon, & ipsum cometam è medio crepusculo vivaciore multo, quam nuper lumine rutilantem, admirabundi conspeximus, tanta quippe longitudine, quæ tertiam circiter cœli conspicui partem emetiebatur, ac tanta latitudine, quæ, caput ipsum larga coma undique cingens, deinceps paulatim ad gradus duos & amplius excreverat; tam insigniter splendidam cometæ caudam nunquam contuiti.

*PHÆN. V.* Secundum observationes Norimbergenses, hoc primo apparitionis novæ die, cometa infra sinistri pedis talum in Ganymede, ac Aquilæ lucida 18. grad. 19. min. à cauda Aquilæ 21. gr. 42. min. constitit: in sequente 17. autem Dec. die in genu sinistro, ac d. 18. supra stellam in femore dextro hæsit; ibi quidem ab Aquilæ lucida 15. gr. 34. min. hic ab eadem 12. gr. 20. min. ab ore Pegasi 33. gr. remotus. Die 19. denique, cum ab Aquilæ lucida abesset 10. gr. 44. min. ab ore Pegasi 28. gr. 37. min. à media trium in pectore Cygni 41. gr. 26. min. inter pectus & manum dextram Antinoi locum fere medium occupavit. Ex observationibus autem propriis (inter ea namque de instrumento uno alteroque, quibus juxta quadrantem Azimuthalem observatorii nostri uteremur, nobis quoque prospectum est) d. 20. Decemb. hor. 5. vespertina in eadem recta linea cum tribus in Aquilæ collo lucidioribus consistens, ab harum media 9. gr. 48. min. remotus sub ipso æquatore deprehendebatur. D. 21. eodem circiter tempore, sub eadem fere cum Aquilæ lucida altitudine, ab hac eadem 10. gr. 24. min. ab australiore trium in cruce Cygni 31. gr. 26. min. consistebat, supra caput Antinoi jam Delphinum versus elevatus: D. 22. sub eadem, qua pridie horam, ultra lucidam Aquilæ notabiliter sublatus, ab hac ipsa 12. gr. 23. min. à ♀ 24. gr. 41. min. ab ala Cygni sinistra sive austroliore ante memorata, 28. gr. 52. m. comparuit, D. 23. paulo infra rectam ab ala Cygni ad ♀ ductam in cauda Delphini prope Equuleum reperiiebatur, intervallo 25. gr. 54. min. à ♀ & 16. gr. 10. min. ab Aquilæ lucida supra horizontem tum elevata 19. gr. 28. min. cum altitudo cometæ jam



jam esset 28. gr. 7. min. D. 27. (noctium enim interjectarum observationes nubila interceperant) hora iterum quasi quinta supra Pegasi caput conspectus est, à lucidiore in cygni cauda 32. gr. m. à stella Marckab dicta in ala Pegasi 16. gr. 56. min. à ♀ 32. gr. 35. min. Die 28. hora rursus quinta ab eadem Marckab aberat 12. gr. 52. min. ab Enif in rictu Pegasi 11. gr. 42. min. à lucida in humero Pegasi sinistro Scheat appellata 14. gr. 55. min. supra horizontem octante circuli elevatus; eratque tum in proclivi prænunciare studiosis, qui nostris his observationibus interesse solebant, cometæ locum postero die hac eadem hora inter Enif, & Scheat, in eadem recta linea, tametsi propius hac notabiliter, futurum: id quod equidem sequ. 29. d. præcisè deprehensum est; ulterioribus interim distantiarum dimensionibus nubilorum interventu præclusis.

*PHÆN. VI.* Quæ omnia cum ad generosos DNN. SCHOLARCHAS, ex eorundem mandato, perscripsissem, insimul de appullu cometæ ad Andromedæ caput, ea nocte, quæ 3. Jan. anni novi 1681. esset sequutura, expectando, non nihil harioletus; ultima veteris anni nocte post horam nobis solitam quintam, sub altitudine 56. gr. à Scheat 4. gr. 20. min. ab Andromedæ capite 27. gr. 15. min. ab extrema in ala pegasi 19. gr. 40. min. eundem notavimus; primo vero novi anni vespere ab eadem hac extrema pegasi ala 17. gr. 56. min. ab Andromedæ capite non nisi 12 gr. 40. min. à lucidiore ad dextrum brachium Cassiopejæ 34. gr. 30. min. distantem, Cum vero sequenti 2 dum Jan. nocte paulo infra rectam à Scheat ad caput Andromedæ rectam, eundem ad hoc etiam num recta excurrentem deprehendissemus, ejus à vicinis fixis distantias accuratius captare præpediti, postera 3. Jan. vespera densissima aëris nubila expectatissimum phænomeni nostri conspectum penitus nobis eripuerunt; satis equidem certis, ab Andromedæ capite ipsum non adeo longe abesse, sed, ne quid dissimulemus, an id ipsum proxime attigisset, ex observationibus proxime antecedentibus, ipsimet jam dubii.

*PHÆN.*



*PHÆN. VII.* Ex hisce vero collatis inter se observationibus id cumprimis evidenter constabat ; Cometæ motum proprium , ex quo vespertinus iterum comparuit, sub eodem circuli magni continuato tractu quam proxime incessisse , ita ut prædictionibus etiam nostris , illa hypothese nixis , ejus positus ex voto subinde responderet ; quæ res multum equidem probabilitatis de novo conciliaret opinioni vetustissimæ, Senecæ quippe olim aliorumque philosophorum ( vid. Aristot. I. Met. cap. VII. ) hoc ævo à *Cartesio* revocatæ, ac pronuper ab *Auzuto* & *Petito*, Mathematicis in Gallia celebratissimis , speciose exornatæ , qua corpora perpetua cæterisque stellis coæva statuuntur cometæ , in spatio fixas, à Saturnio immensis intervallis separante vastissimo, planetarum instar regulariter satis errabunda , post statas annorum periodos iterum iterumque descensu suo versus nos, conspicua, & mox ascensu novo evanida &c. nisi nimia postremæ hujus orbitæ à primæ apparitionis tramite deviatio de novo quasi concuteret fundamenta hypotheseos , uti pulchræ, ita maximis difficultatibus in explicandis caudarum phænomenis obnoxia ; tamen si diffiteri non possumus , *Petiti* cogitata de hisce corporum cometicorum appendicibus minus quæsita & *πλασματώδη* videri posse , *Cartesii*, ingenioso licet, commento ; quod dudum non sine causa suspectum fuisse viris doctis, ex Epist. Domini Conte ( quæ est XI I. Part. II, Epist. Cartes. p. 45. ) & *Petiti* dissertatione de natura cometarum ad Regem Galliaë idiomate patrio exarata, p. 24. & 230 videre est.

*PHÆN. VIII.* Deinde vero illud etiam Astronomiæ & Geographiæ peritis hinc manifestum erit , quod novus hic hospes noster , toto utriusque apparitionis tempore, supra Zonam torridam universam primo seu communem, quem habuit cum stellis universis, motu incesserit , ita quidem , ut in apparitione prima terrarum capricorni tropico vicinarum , deinceps vero, durante occultatione & apparitione ejus altera , borealiorum magis magisque verticibus , porro circa 20. Decemb. ipsis provinciis subæquatorealibus , atque ita cæteris ad cancri tropicum



usque successive perpendiculariter immineret : Donec sub ipsum anni novi principium , tropicum cancri supergressus , aliquas jam temperatæ nostræ Zonæ regiones stringere verticaliter occiperet , ad torridam tamen , in vicinia 4 reversurus , si tamen eo usque durare ejus se fluxa & resolubilis subsistentia , seu stabilis ac perennaturæ substantiæ conspectus poterit. Speciatim autem hæc etiam speculatio non ingrata hic accidet curiosioribus , quod si caudatum hoc sidus eclipticam eo ipso gradu , qui Soli locum tum dedit , trajecisset ( prout contingere quidem potuisset : tamen si loco alio , Sole notabiliter occidentaliore transitum hunc accidisse vero - sit similis ) ejus cauda ad terram usque exporrigi partesque Zonæ torridæ australiores extrema sui cuspidē quasi everrere , vel etiam ultra terram protensa tota sua ingenti latitudine omnem fere ejus superficiem involvere perfundereque poterit : quandoquidem eo ætheris loco , quo statuendum probabiliter cometam hunc supra diximus , gradus unus , non quindecim , ut in ambitu terræ nostræ , sed octingentis , nongentis , aut mille & c. milliaribus æquivalet , & caudæ longitudo , cum Soli proxima cerneretur , sexaginta , latitudo maxima duos minimum gradus excessit.

*PHÆN. IX.* Etenim , ut de sirmate hoc raræ stupendæque longitudinis ac latitudinis ( cujus similia tamen anno 1618 , 1456 , 1362 , 1264 &c. cometas exhibuisse historiæ testantur ) porro quædam annotemus , ad spectu primo quidem diei 16. Decemb. non longissimum tantum , sed fulgentissimum quoque apparuit ; insequentibus autem diebus paulatim decrescere , & longitudo & fulgor dictus observabatur ; non solum ex ratione optica , propter majorem indies ejus à Sole elongationem ( qua de re cum primis videri potest *Hevelius* in cometographia ) & lunaris luminis majora indies incrementa ; sed ex physica quoque procul dubio , quæ partim in eodem cometæ caudæque à sole discessu quærenda videtur ( certum enim est exemplis planetarum tanto debiliora lumine conspici illuminata à Sole corpora quanto ab ipso magis absunt ) partim vero in illius materiæ , ex qua



qua cauda constabat , reali consumptione aut dissolutione , quam argumento duplici nobis persuasimus : 1) quod illunibus sub Decembris finem noctibus multo dilutior , in extremitatibus maxime , conspecta cauda fuerit , quam splendente Luna , sub apparitionis secundæ initium : & 2) die 17. notabilis observata sit curiosioribus caudæ differentia ab ea forma , quam pridie habuerat ; utpote circa cometæ caput jam coarctatæ magis & à facie Soli obversa , quam totam circulariter ambierat , ad posticas partes penitus retractæ , deinceps autem crescente notabilius latitudine conspicuæ.

*PHÆN.* X. Nec illud hic silentio præterendum est , cometæ nostri caudam inter Sagittam ac Delphinum , ad alam sinistram Cygni usque extractam , apparitionis alterius prima nocte , extremitate sua boreali australiorem trium in Aquila lucidiorum stellam ita perstrinxisse , ut obtutum nostrum ferme effugeret ; postero vero vespere , uti quidem amicis quibusdam futurum esse prædixeramus , eadem dimissa rursus , in austrum sensibilibiter inclinasse , ac in sequentibus porro noctibus supra ipsum Delphinum & extremitatem alæ memoratæ primum protensam , dein hisce paulatim quoque derelictis , inter Cygnum & Pegasus ad Cassiopejæ sidus directam , circa finem anni veteris ac initium novi ( quod iterum prædixeramus , ) inter Cassiopeiam & Andromedam exporrectam , in plagam meridionalem magis magisque demisisse ; ita , ut lineam rectam per mediam caudæ longitudinem & cometæ centrum productam in Solis locum ubique incidisse , quod in prædictionibus nostris supposueramus , eventu ipso confirmaretur , adeoque caudæ cometice lumen omne , sine dubio ; & corporis ipsius quoque utpote densioris , majorem splendorem , verosimiliter sit à Sole mutuatitum , totumque adeo hoc cœli phænomenon , noviter ibi exortum è solaribus maxime , quas maculæ prægrandes in facie lucidissimi sideris frequentius observatæ copiosissimas arguunt , aliorumque corporum cœlestium exhalationibus concretum potius , quam cœvum astris cæteris , statundum nobis videatur.



*PHÆN. XI.* Quicquid enim vel *Cartesius* ingeniose fingat, vel *Petitus* de motu cometarum regulari, & observata quasi cometæ unius ejusdemque periodica, post sex & quadraginta quosque annos, apparitione speciose differat; ea tamen, nisi quid amplius certiusque impofterum de ipsis constiterit, nondum efficiunt, quo minus ea, quæ *Galileo*, *Cysato*, *Ricciolo*, *Bullialdo*, *Grimaldo*, *Kirchero* aliisque dudum probata, sed à nobilissimo *Hevelio* insigniter expolita & confirmata, virisque Mathematicis ac philosophis plerisque omnibus (eos si excipias, qui *Cartesium* aut *Petitum* sequuntur) hac ætate probata hypothesis, præferenda nobis hætenus omnibus aliis videatur; qua scilicet cometæ ex effluviis densiorum pluribus, interjecta materia paulo rariore sejunctis quasi nucleis, irregulariter concretum & à Sole illustratum corpus; ejus cauda vero congeries tenuissimarum exhalationum cometæ corpus primum undique invisibiliter cingentium, deinceps autem impulsu radiorum solarium post corpus cometæ congestorum, ibidemque per eosdem Solis radios, sed in cometæ transparente diversimode corpore varie prius refractos & reflexos, illustratorum statuitur: id quod, cum in superiore cap. IV. fusius deductum sit, hoc loco denuo explicatius dicere supervacaneum foret; præsertim cum aliud quid ex professo hîc agere, propositum nobis sit.

*PHÆN. XII.* Nimirum de cometæ hætenus descripti aliorumque similium efficacia aut significatu quid statuendum nobis videatur, paulo prolixius dicere constituimus; ideoque physicam hanc ejus considerationem hîc abrumpere cogimur, ubi hoc unicum, quod in mentem nuper venerat, cum ortum heliace, cometæ illustre phænomenon oculis sese ingereret, tribus adhuc, quod ajunt, verbis attigerimus: Optandum fuisse, ut, quemadmodum in prima sua apparitione eclipticæ vicinus cometæ, caudam etiam suam juxta hujus ductum, ab ortu in occasum exporrexisset, ita huic viæ insistentem eundem, juxta regiam hanc Solis viam illustre adeo & prægrande sýrma, quale secun-



cunda ejus apparitio exhibuit, ab occasu in ortum extendere contigisset ; sic enim fieri potuisse , ut Luna tum noviter crescens, à septentrione in austrum descendendo , totam caudæ latitudinem trajicere coacta , oculari demonstratione cometæ majorem sua distantiam à terris indicasset.

## II. HYPOTHESES circa Stellarum novarum & Cometarum efficaciam aut vim significandi.

### I.

**E**X quo cœlitus affuisset cometa supra descriptus , & primo quidem, nec opinantibus matutinus, sed obscurior , cauda satis longa quidem, at vix notabili tandem , in occidentis cœlum exporrectus, deinde vero , ita prænuntiantibus & expectantibus rerum peritis, vespertinus solisequus , multo jam clarior & illustri prægrandique syrmate in oppositas mundi partes conversus; æqualiter equidem is oculos vultusque omnium in se convertit, ac in admirationem rapuit inspectantium animos, sed in simul in diversa plane studia , in affectus multivarios , in opiniones toto , quod ajunt, cœlo distantes, eosdem varie distraxit , hoc equidem primo suo effectu prædecessoribus suis indubie simillimus.

II. Ac primo quidem Astronomiæ penitioris ac purioris cultoribus exoptatum, sat scimus, & gratissimum accidit hoc illustre phænomenon, occasionem quippe nactis amplissimam, divinam illam cœlestium rerum scientiam, quæ gloriam DEI cum cœlis enarrat, haut parum perficiendi , neque dubium ullum est, quin alacri ubique gentium animo, *Heveiorum, Auzutorum, Hookiorum, Hugeniorum, Petitorum, Cassinorumque* similes Astrophili per universum terrarum orbem celeberrimi, suos in cœlum quadrantes, sextantes, octantes, radios, tubos opticos, certatim direxerint, hisce quasi retibus suis novum ætherei floris incolam, honori Creatoris postea mactandum, sedulo captaturi. At erit profecto, cur faustum illuxisse nobis etiam & Universitati nostræ cometen hunc, speciatim gloriemur, si quod humiliter speramus, **INCLUTUS**



SENATUS NORIMBERGENSIS, hac occasione quasi cœlitus exoratus, eadem, qua superioribus annis quadrantem Azimuthalem laudabilis magnitudinis ac fabricæ, in usum Astronomicum, parari fecit munificentia, eundem incommodo prorsus & observationibus accuratioribus inepto loco positum, locari commodius, ampliorique sub dio Observatorio, quod opticis tubis aliisque portatilibus instrumentis, quadranti memorato (si quis usus ejus esse velit) necessario jungendis, ac Studiosis Astronomiæ haut infrequentibus locum spatiumque concedat, muniri benignissime jussit, ut impoſterum, cum illustris adeo Reipubl. efferenda longius per exteras terras gloria, neque nullo tum Universitatis nostræ, tum erudiendæ juventutis bono, nostras etiam cum exteris observationes communicare queamus, ad hæcce communia studia non semel sed frustra prohi dolor! nec sine rubore nostro, invitati.

III. At enim vero, dum ita spei plenus, eventus exoptatissimos ex novo sidere sibi noster præſagit animus, ingemiscentem contra & stupentem ad insolitæ rei conspectum magno confluxu plebeculam multa, & quæ non? mala terris annunciare generatim, mox eos, quibus hæc pandi mysteria credit, quid infortunij tandem mundo denunciet infaustum sidus, percontari specialius & incusare scelerum peccatorumque accumulata cœlotenus molem passim audimus; quia & suggestus & pulpita resonare comminationibus & exhortationibus de vita in melius commutanda, extorquendoque manibus irati Numinis flagello ardentissimis: neutrubi quidem male, nec aspernando adeo consilio, dummodo pia hæc monita extra metas consistant ad augendæ popularis superstitionis, quæ cæteroquin id genus signa & ostenta re & opere saltem multo pluris æstimat, magisque pavet, quam tot expressas divinæ legis, ipsis inculcari quotidie solitas, serenissimas comminationes, & ibi de agnoscendis serio, corrigendisque suis potius, quam exaggerandis & incusandis alienis peccatis singuli cogitarent.

IV. Nullum vero dubium est, quin Astrologi vulgares, audax hominum genus ac sordidi lucelli cupidissimum id quod Astronomorum quisque tanto minus audet, quanto est artis rerumque cœlestium peritior, ad specialem malorum à cometa huic aut isti regioni, principi, populo, vitæ generi &c. aut re ipsa inferendorum, aut præsignificatorum, catalogum contexendum passim se accingant, non rudi saltem plebeculæ, sed prudentissimis etiam alioqui & prin-



principibus viris, harum rerum non satis gnaris, ausu temerario ac divinationibus ambiguum verborum involucro plerumque fraudulenter investitis, terrorem incussuri panicum, è signo v. g. Zodiaci, in quo primum exortum hoc supponent sidus, è caudæ ingentis ad asterismum Aquilæ, sub primum ab ortu ejus heliaco conspectum directione ex Martis sub apparitionem primam proximi consortio & id genus nugis aliis, undique captatis occasiunculis.

V. Cordatiores alii & serio magis rem agentes, tametsi temeraria hæc audaculorum vaticinia neutiquam probent, imo, velle, non dico, divinare, sed conari ad id, & ex regulis Ptolemæi vel aliorum Astrologorum prognostica cometarum edere in vulgus, prorsus inane censeant cum *Ricciolo*, Astronomo celeberrimo, & irritamentum potius irati Numinis, quam obsequium aut expiationem ipsi debitam; non esse tamen unquam impune spectatum hoc apparentiarum genus, credunt, adeoque hoc etiam horrendum spectaculum, magnum aliquod malum, aut fortasse plura, minari mortalibus; tametsi quodnam illud futurum sit, aut cuinam populo, principi, ordini, professione, peculiariter metuendum, soli DEO notum sit, & humanæ rationi maneat impervestigabile. Neque vero opus hic fuerit aliquos ex doctorum prudentumque numero, quibus hæc animo sedeat opinio, nominatim allegare, cum obvios illos nobis passim habeamus, ac tanto quidem numero, ut ipsorum sola autoritas haut raro in temeritatis ac tantum non impietatis crimen adducat alios pauciores, qui negare hæc talia aut in dubium vocare, ausi fuerint.

VI. Et horum quidem una vox est, unum opinionis profundissime radicatæ fomentum, *Experientia*, quam crepant ab omni ævo indubia: cui rationem etiam alii, talia non uno argumento persuadentem adjungunt: in cæteris autem specialioribus hypotheseos communis conditionibus, mirum est quantum ab invicem diffideant, dum alii non solum naturæ opus esse cometam, sed etiam naturalium effectuum consequentium causam volunt, alii non causam illum, sed signum tantum expectandorum malorum agnoscunt, inter opera naturæ interim eum numerari facile passi, alii contra, noviter à DEO ipso creatum, & ordini naturalium prorsus eximendum censent: Alii materiam quidem, ex qua formatus sit novus hic propheta naturæ deberi fatentur; formam autem, modum ac  
finem



finem seu vim significandi, summi Numinis arbitrio transcribunt.

VII. Fuere tamen superiore jam ævo viri doctissimi quoque ac celeberrimi, qui nihil morati communem simpliciorum & eruditorum quoque plurimorum consensum, enumeratis hætenus opinionibus, aut omnibus aut plerisque saltem, mascole contradicerent; quos inter præcipue numerandi sunt, *Thomas Erastus* primum, in Academia Heidelbergensi quondam Med. Prof. celebratissimus, cujus præter varia Medici argumenti opuscula, etiam præclarum illud epistolarum volumen, quo Astrologiam divinatricem oppugnavit, *Judicium de cometarum significationibus*, inscriptum extat, anno 1578. cum Disputat. de auro potabili editum; Deinde *Andreas Dudithius*, Consiliarius Cæsareus & Episcopus Tinienis, Clerique Hungarici in Concilio Tridentino Orator, *Thuano*, *Lipso*, *Buchholzero* testibus, vir magnus & sapiens, ingenio, doctrina, & maximarum rerum usu admirabilis, qui scripta ad *Joh. Cratonem* epistola de significatu cometarum solide perspicueque disputans, & Erastum modo laudatum magni virum ingenii vocat, allegato supra dicto illius brevi quidem, uti loquitur, *sed docto minusque, quam plerique maleferiati opinentur, profano de cometis comentariolo*; & (quod silentio hic præterire non potui) *Joh.* quoque *Prætorii* sui *Norimbergensis Reip. Mathematici* (& in Altdorffina hac schola quondam Mathematicum Professoris) & doctrina & singulari bonitate *Viri*, quo in *Mathematicis Magistro* domi sue aliquot annis usus sit, editam Noribergæ 1578. de cometarum novissimo, & qui antea visi fuerant aliis, narrationem prolixè laudat.

IIIX. Porro vero commemorari meretur *Marcellus Squarcialupus* Plumbinensis, de cujus ad prælaudatum Dudithium exarato circa cometas opusculo, hic idem tam præclare sentiebat, ut nihil in hoc genere eruditius, acutius, sive elegantius à nostris, sive à veteribus scriptum esse, in Epistola ad Erastum testaretur: *Simon* item *Grynaeus*, Medicus & Mathematicus Heidelbergensis, cujus de natura & significationibus cometarum judicium, una cum hætenus laudatorum *Erasti*, & *Dudithii* & *Squarcialupi* monumentis, (prout antehac etiam, sub titulo, *de cometis dissertationum novarum* &c. anno superioris seculi 80. sumtu Petri Bernæ Bibliopolæ Basileensis excusa prodierant) & adjunctis insuper *Jul. Cas. Scaligeri*, *Bened. Pererii*, *Philippi Mulleri*, *Thomæ Fieni*, *Joh. Baptist. Riccioli*, *Petri Gas-*



*Gassendi*, *Jacobi Primerosii* similibus judiciis, ante plures annos denuo nobis edidit *Johann Andreas Bosius*, cum hac sua ad cordatum lectorum *impresu*: prædictionibus cometomanticorum,, qui, cum neque quid sit cometa, nec unde proveniat, possint dicere,, re, audacter tamen de significato ejus & effectibus pronunciant,, neminem sanum habiturum esse fidem, si, quæ de hac re *Erastus*, *Dudithius*, & *Squarcialupus* scripserunt, animo veri avido, nec à timore falsæ persuasionis præoccupato, legerit.,

IX. Neque vero sic *Bosius* tantum, cum iis, quorum judicia congestit, de cometarum significato & efficacia sentit, sed alii quoque hoc ævo celebratissimi Physici & Astronomi, quos dudum tædet cum Ricciolo, affectatæ à *Tychone* quoque Astronomorum phænice, & sagacissimo *Keplero*, divinationis (etiamsi astrologiæ vulgaris prognostica horum autoritate se munire non possunt, ex diversis plane principiis hariolantium) possuntque nominatim hic videri *Joh. Hevelius* in prodromo cometico & cometographia passim, ab illorum se partibus stare professus, qui cometas admirantur magis, quam timent; *Ismaël Bullialdus* in Epistolis ad Lubenecium, præsertim d. 6. Novemb. 1665. exarata; *Godofredus Wendelinus* in arcanorum cœlestium lampade, ac de cometa anno 1652; *Vincentius Guimifius* in orat. de cometæ felicitate, sic allegante Ricciolo Tom. II. Almag. n. p. 34. *Honoratus Fabri* scient. phys. Tract. VIII. L. 2. prop. XXXIII. n. 1. & 29. *Erasmus Barthol.* de cometis p. 69. seqq; *Stanislaus Lubenecius* in Theat. comet. passim; *Anton Le Grand* in Histor. Natur. p. 132; *Petr. Petitus* munitionum in Gallia præfectus in dissertat. de Nat. Comet. ad Reg. Idiom. Gallico perscripto part. I, p. 4, & part. II. tota: Ut taceamus *Ficinos*, *Politianos*, *Picos*, *Rautensteinios*, *Henstios*, *Brusellos*, *Leuneshlossios*, *Gravios*, *Gravios*, *Fordios* aliosque istis contentientes viros doctissimos innumeros. Atque ut summatim rem ladata ante Bartholini verbis dicamus, *istis quæ de cometarum effectibus narrantur, saniorum Mathematicorum nemo pene fidem hodie adhibet* (ex quo scilicet cometarum phænomena per telescopia observari accuratius, ac motus ipsorum admodum regulares deprehendi cæperunt) & quo magis in adyta mysteriorum Astronomiæ recepti, eo minus ad superstitiones hæc credendas sunt proni.



X. Id quod hic ostendendum paulo explicatius duximus, ut constaret, excusari nunc facilius posse, imo debere iustius eos, qui ab opinione communi secessionem hodie faciunt, tot insignium virorum exemplo; insimul autem & ratio quædam alia elucesceret, quæ viros etiam Mathematicos ante hac vulgarem terere viam fecisse credenda sit: Ea scilicet, quam haut obscure suis prædictionibus de Cometa 1606. prætexuit ingeniosissimus *Keplerus*, in hæc verba præfatus: *Quidem ego unus obloquar universali consensui humani generis, quem historiis frequentissimis roborant quisque pro suo captu?* De cætero id nobis isthac vice propositum est, examinatis omni procul præiudicio contradicentium invicem rationibus & experimentis, videre, utrum cum pluribus hic porro sentire, an cum paucioribus à communi opinione recedere consultius videatur! Id quod, præmissa jam in phænomenis superioribus, cometæ stupendi anni 1680, historia pro virili nostra decernere conabimur.

### III. EPICRISIS ECLECTICA super enarratas hactenus hypotheses

§ 1.) *quidem eas, quæ cometis efficaciam & physicum in has terras influxum adscribunt.*

#### I.

**N**Ullum fere dubium erat eo ipso tempore; quo contem-  
plabamur insolitum illud anni 1680. spectaculum, quin in  
his terris jam tum nos expectarent mala bene multa; adeo  
jam circum stabant nos, ac tantum non contingebant, funesta  
ex omni parte contagia, in ipsa prohi dolor! Germaniæ nostræ  
viscera dudum imane quantum grassata! adeo palam erat, in  
Germaniæ perniciem procudi pridem, imo re ipsa jam tum  
erumpere nova belli, cum ipsis recens natæ pacis incunabulis volu-  
rata consilia! adeo cumulabant ubique aulæ, curiæ, chorus forum-  
que non minus ac promiscuæ plebis latibula, urbiumque & pa-  
gorum



gorum compita, luxuriæ, lasciviæ, iniustitiæ, simoniæ, avaritiæ, superbiæ, furti, fraudis, hypocriseos, & quæ non? abominanda scelera, irati Numinis vindictam & supplicia meritiſſima coelitus efflagitantia! Ut non solum causæ satis tunc haberemus, sed hodiernum etiam habeamus (non decreſcente quippe, sed aucta potius indies hominum malitia) omnes ac singuli, de vita in melius commutanda, & extorquendo manui DEI, ad ferendum jam extensæ, flagello serio cogitandi, mutuumque nos commonefaciendi; & spem concipere potuerint indubiam astrologi nostri, eventuum tristiſſimorum, suis è descripto Cometa temerarie procusis prædictionibus abunde responsurorum complurium.

II. Verum enimvero, ut illius inculcandi curam aliis, in id vocatis, merito relinquimus; ita hujus examinandi credulasque alioquin in vitium, hominum mentes, ab omni superstitioso metu, ac divinam Astronomiam nostram ab hac divinorum temeritate, quantum in nobis est, liberandi officium nobis etiam incumbit, videndumque adeo nunc est, an nulla ratione, saltem verosimili, nos inductos oporteat credere, aliquid mali nostris aliisve terris ab eo, de quo hæctenus egimus, noviter affulgente sidere, sive ut causa, sive ut signo, impendere? rem ipsam tamen scrutaturis potius, quam tale quid opinantium verba, aut allegaturis prolixius, aut κατὰ πρόφα perstricturis.

III. Ac *primo* quidem in peripateticorum Scholis, à multis jam seculis, non absque omni ratione, multis passim creditum fuit, cometas terris siccos & flatuosos notabiliter annos causari (tamenſi Aristoteles ipse I. Meteor 7 (aliis 8) & sectatorum illius multi, ut & olim *Aratus* non efficere hæc talia, sed significare tantum cometas statuunt, ac tum demum, ὅταν πύκναι καὶ πλείους φαίνωνται, hoc est, *cum frequentes ac plures apparent, vel etiam* (quod è seqq. colligitur) *grandiores;*) ideo nempe, quod in aëre hos è siccis terræ halitibus generari accendique, adeoque, si diutius ardeant, ingentem talium exhalationum



copiam in aëre præsupponi crederent , aut ( quæ *Grynæi* , cætera de peste , sterilitate , bellis &c. prognostica ridentis , sententia est ) humidum aëris attenuari resolvique ; ut à siccioribus halitibus in aëre relictis , nec à cometæ incendio absumptis , necessum videretur , æstum & siccitates , ventorumque procellas , æstus ac siccitatis individuos comites , ipsos consequi. Quin *Erastus* etiam , qui cometæ mantix vanitatem alias egregie demonstravit , tametsi frequentius à cometarum incendiis , præsertim majoribus ac diuturnioribus , aërem expurgari & ab omni , malignitate liberari putet ; aliquando tamen ac rarius , si cometæ flammam extinguere contingat , priusquam ab exhalationibus repurgatus sit aër humilior , non solum siccitatem & ventos subsequi arbitratur , sed etiam , si halitus illi diutius in aëre permanentes , nec à subsequente aëris constitutione dispulsi , putrescant ; pestem aliosque morbos corruptiones frugum , annonæque adeo caritatem , & similia.

IV. Verum , ut omnia hæc recte se habere concederemus , ad nostrum tamen ea cometæ , aliosque hujus similes , accommodari neque possent , neque deberent , utpote quos non aëris halituosi , sed cœli supralunaris esse indigenas , ipsorum motus & communis cum astris omnibus circa terram , & proprius , speciatim in nostro ab uno tropico ad alterum ; ejus lumen à Sole mutatum , in ipso quoque cœli vertice receptum ; ejus universalis quasi in regionibus maxime distitis eodem tempore conspectus , aliaque satis abunde probant , & accuratior parallaxium calculus Astronomicus ( qui hujus loci non est ) infallibiliter demonstravit. At enim , si maxime aëreorum quoque & spuriorum cometarum genus quoddam esse fateamur ( uti quidem fateri necessum videtur , nisi fidem istis relationibus , quæ supra certas quasdam provincias visos cometas , aut cometis similes ignes , alibi terrarum eodem tempore non observatos , narrant , velimus derogare omnibus iisdemque modernum accenseri pateremur ; ex horum ipsorum principiis , quibus cum nobis res est , non tam infaustus ille & noxius , quam salutaris

terris



terris esset credendus ; cum grandior is, ardentior ac diuturnus, *Erasti Grynæi*, *Primerossii*, aliorumque celeberrimorum Medicorum judicio, halitus in aëre noxios exusturus omnes, auramque adeo salubrem relicturus, ac insuper venti ab eadem causa expectandi, si quæ coäluissent putrida corpuscula, ea disiecturi essent : ut taceam, non pauca in toto illo discursu, de ventis e. g. ex, halitu sicco & reliquiis cometarum, de sterilitate ex aëris siccitate indubie metuenda &c. præsupponi, quæ censuram omnem nondum effugerunt.

V. Quod si vero memoratorum effectuum incertæ sunt omnino prælagitiones, ut *Erastus* fatetur, ac per se salubritatem afferre frequentius terris, noxam rarius & per accidens, cometæ credendi sunt; quid cæteris istis divinationibus, quæ, priorum illorum patronis jam suspectissimæ, bella cruenta, mortes principum, urbium & regnorum everfiones, hæreses ac similia cometis, ut authoribus causisque attribuunt, subesse fidei vel certitudinis credas ? sed ab aëris sicca constitutione læduntur, inquiunt, debiliora & delicatiora principum corpora, morbis adeo mortique præ aliis obnoxia : Quasi non infantum fæmellarumque corpuscula æque tenera essent, veletiam teneriora ; aut hominum gulæ deliciis deditorum corporibus humore peccante plerumque turgidis, non sicca magis quam humida aëris constitutio conveniret ; aut hujus inclementiam effugiendi corrigendique opportuna remedia non his magis, quam pauperculis & plebejis hominibus (quorum casulas alioquin etiam multo facilius citiusque, quam principum palatia solent inficere contagiosi aëris „ιδρωατα) in promptu essent. Minimum tamen aucta ex aëris „insolita siccitate, bile & inflammato sanguine in furialem bellandi libidinem exardescences principum animi ære ciere viros, „Martemque accendere cantu, non desistent : Scilicet, si furor magis quam ratio (sive prava, sive recta) & diuturnum consilium bella moveret ; Si principes omnes, qui bella gerunt, eorumque consilarii, qui talia luadent, biliosæ naturæ essent, & concitatus infelix humor in tanto bellorum apparatu non deferves-



ceret ; Si armorum inferendorum clandestina consilia cometarum infernalem influxum non anteverterent , aut bellorum incendia nunquam , nisi crinito fidere prælucente , arsisent ; Si biliosus quisque ad arma capeſſenda ſponte magis , quam lucri cauſa, & liberius peccandi libidine , ductus , ferretur.

VI. Quibus omnibus recte , procul omni præjudicio , penſitatis , evidens nimis eſt , ne ſpurios quidem in aëre cometas morborum , aut interitus principum , bellorum , & , quæ his præviis contingunt , imperiorum everſionis urbiumve ruinæ aut ſimilium calamitatum ( multo minus autem , quas ex eadem aëris inſolita ſiccitate derivare nonnulli ſtulte ſatis & impudenter audent ) illuvionum , cauſas ex allatis in medium rationibus , habendas eſſe ; nedum ut noſtro , ejusque ſimilibus cœlorum indigenis iſtæ applicari ullo modo queant. Mirum autem , ni ad hanc concluſionem ſequentia promte quis excipiat : 1) Si cœli, non aëris, incolæ ſunt cometæ genuini , uti locum & naturam , ita commovendi quoque alterandique mundi ſublunaris efficaciam cum ſideribus cæteris communem habebunt , ac tanto quidem magis ſenſibilem , quo infrequentior iſta & inſueta magis nobis accidit : 2) Si vel ſola cometæ cauda, vel integrum ejus corpus , immenſa moles , ex effluviis Solis aliorumque globorum cœleſtium concreſcit , hæc tandem iterum diſſoluta & diſſipata in hunc ſublunarem quoque mundum facile ſe diffundent , inſolita ſua & heterogenea prorsus ſubſtantia magnam inferioris naturæ mutationem indubie allatura ; maxime vero. 3) Si contingat , quod fieri de moderno potuiſſe ſupra dictum eſt , ab immani iſta fumorum aut exhalationum cœleſtium appendice , terram ipſam immediato contactu perſtringi , & quaſi obnubiliari &c.

VII. Quibus equidem hæc eadem facilitate & brevitate reponimus : 1) Quemadmodum reliquorum , præter Solem & Lunam ſiderum utpotenim à terra remotorum , nullam eſſe poſſe in hoc ſublunari ſenſibiliter alterando efficaciam , aut ſi qua ſingulorum eſſet propria , in tanta multitudine diſtincte percep-



tu impossibilem, & alibi sæpius, & paulo ante in cap. anteced. de siderum influxu abunde demonstravimus; ita converso jam argumento, de novis his coelorum hospitibus omnino statuendum esse: 2) Si maxime dissolutæ rursus massæ cometicae effluvia longe lateque dispergi ponantur; non est tamen aut certum aut necessarium, eorum quippiam per immensa hæc intervalla ad terram usque diffundi: quin acutissimus *Hevelius*, quo nemo melius hætenus naturam cometarum explicuit, siquidem isti de novo in coelis generentur, quemadmodum è fumis solaribus præcipue, hisce postmodum in via se adjungentibus aliorum planetarum effluviis, cometarum exortum ac phænomena lib. VII. & VIII. cometographiæ, præsertim p. 383. & seqq. speciose deducit; sic eorundem decrements & resolutionem ita fieri ibidem docet, ut in regressu per eorundem planetarum orbem, singuli sua quasi repetant, nec intra sphaeram alienam detineri facile concedant: *Petitus* autem, quo nemo pulchrius huc usque oppositam, de coæva cæteris sideribus cometarum natura hypothesein exposuit, collectas in transitu istas ætheris quasi impuritates circa cometarum corpora, in eum finem forte per immensa coelorum spatia circumvoluta (quemadmodum e. g. aurifices, separaturi ab invicem diversorum metallorum limaturas ex officinæ quisquiliis, nunc magnetem supra pavimentum circumagitant, cui ferri scopi undique adhæreat; nunc Mercurii globulum pervolvunt, auri ramenta sibi adjungentem &c.) hic Solis, alibi fixæ cujusdam vicinioris igni devorandas quasi & absorbendas exhiberi pag. 67. suæ dissertationis si non probat, haut minore tamen sive jure sive verosimilitudine, quam isti suas influentias, supponit.

II. Quod si vero 3.) vel ex ipso cometæ dissoluti nucleo, vel è caudæ ingenti mole dissipatæ particulæ quædam per immensa hæc spatia, ad hæc inferiora, transmitterentur, aut imminens etiam terræ syrma cometicum aliquas sui reliquias aëri permisceret; an hisce statim aliquam subesse malignitatem credendum est, aut ratione ulla constat, eamque tantam actam pertina-



nacem coelestibus illis effluviis subesse, quantam ex ima telluris nostræ facie haut facile metuimus? An solares istos sideris tam benigni fumos, quorum non nisi subtilissimæ quædam particulæ ad nos pervenirent (incomprehensibilis enim tenuitatis esse cometarum caudas oportet, per quarum totam, forte plus quam mille milliarium profunditatem fixæ stellæ etiam tertiæ magnitudinis tralucunt) adeo noxios salutis nostræ credamus, qui totos aliquando dies, & hieme feret tota, ex ardente pice crassissimos respirando impune haurimus? nec istas aut ventorum flatus discutere, aut pluviarum humorem diluere, aut cæteras etiam aëris mutationes frequentissimas emendare, plurimum etiam annorum spatio posse?

IX. Profecto, si verum sit quod astrologi volunt, & nobilissimus etiam *Hevelius*, ex alio tamen principio, supponit, aliquos cometas saturninos, alios joviales esse &c. non possunt esse maligni omnes promiscue (ut idem vir laudatissimus p. 719. suæ cometographiæ ratiocinatur & astrologis ipsis aliqui lunares in occasu, joviales item & alii fausti judicantur;) & si effluviis suorum admixtione, terris aut prodesse aut nocere, quandoquidem, ut hic noster, omnem terram plerique obambulant, & istud sive virus, sive beneficium suum, per omnia regna diffundunt; in unis non magis quam in alteris eorum efficaciam sentiri necessum esset, atque adeo contra prorsus inferendum: Si princeps aliquis in Italia sola moriatur, aut bellum tantum in Persia exardescat, aut pestis in Anglia grassetur, aut annonæ caritas in Sicilia consequatur &c. hos effectus omnes ab alia quavis causa speciali potius, quam ab ista universali promanasse, quæ, si maxime, (quod adhuc dubium tamen,) per pravam subiectorum singulorum dispositionem determinata, ad hæc aliaque mala aliquid conferret, non magis tamen mereretur odiosum influentiæ nomen, quam Solis benignissimi vernus calor, à quo comoti quorundam corporum vitiosi humores, in febres aliosque morbos, ætati senili sæpe lethales, degenerant.

X. Sed



X. Sed frustra simus , si cometas bellorum, pestis, inundationum , sterilitatis, aliorumque malorum efficientes causas non esse , prolixius ostendere conemur ; quandoquidem prudentiores quique hoc dudum confessi , non nisi pro signis tantarum calamitatum habendos esse decernunt ; quemadmodum & astrologorum commenta , quæ diversam illam cometarum efficaciam à signorum domuumque coelestium, in quibus exoriantur, diversitate, ab asterismis coelestibus , ad quos caudas suas dirigunt, à plaga, in quam feruntur motu proprio &c. emendicare solent , à sanioribus quibusque pridem explosa sunt , ac indigna quæ specialius convellerentur , habita. Quamobrem ( ablegato b. lectore nostro ad finem dissertationis *Thomæ Fieni* Med. Prof. Lovan. de cometa anni 1618. *P. Petiti* de Natur. comet. Part. II. *Philippi Mülleri* Mathem. in Acad. Lips. quondam P.P. Comment. physico-mathemat. de cometa anni 1618. cap. 23. &c. ) id procul omni partium studio , nunc potius agemus, ut , si qua ratio saltem verosimilis extet , quæ calamitates superius enumeratas vel omnes, vel aliquas à cometis portendi & præsignificari terris persuadeat , ei suus vigor constet ; & , si nulla subsit ; hunc etiam in multorum saltem animis quodammodo superstitiosum metum , pro posse nostro excutiamus , alio sanctiore multo , tot expressis irati Numinis comminationibus , tot scelerum severissime punitorum exemplis inculcari quotidie solitis , tot peccatorum propria cujusvis conscientia rectius fundato, percelli pectora nostra serio exoptantes ,

2.) *Super eas hypotheses, quæ cometis præsignificandi saltem virtutem adscribunt.*

XI. Cum signi nomine in philosophorum scholis generaliter venire soleat , quicquid potentiam cognoscentem in alterius rei cognitionem , aut considerationem deducit ; non unius rei signum affulgentem de novo cometen omni jure quis dixerit. Nec enim in memoriam tantum revocat , primo statim con-

D d d d d

spectu-



spectu suo, alia sui similia, nobis aut majoribus nostris olim visa *ἰαυῶντα*, quivis alius; sed sæpius memorati nostri cum primis admirandus vere contuitus, & studiosis S. literarum lectoribus, columnam illam nubis & ignis, Israëuitarum in itinere 40. annorum ducem perpetuum, in animum facile revocasset, & eorum, quibus horum phænomenorum natura, motus, magnitudo &c. utcunque innotuit, naturæ stupendas vires, & mundanæ hujus machinæ ineffabile artificium, atque adeo DEI, Factoris utriusque, incomprehensibilem tum potentiam, tum sapientiam, oculis ipsis ingessit; inter *signa* adeo *rememorativa*, quæ vocant, vel etiam *demonstrativa* sive *diagnostica*, merito collocandus: quamvis & alio nomine posteriorem hanc appellationem mereantur, si, quod probabile nobis videtur, imo maximam partem indubium, & generentur de novo, & rursus dissolvantur, omnis penitus generationis & corruptionis haut esse expertia cœlorum sublimia, satis edocentes; ut taceam ordinariam caudarum cometicarum rectitudinem, rei gnaris, occultatum sub horizonte Solem, exerto quasi digito indicare.

XII. Restat autem tertium, *signorum prognosticorum*, genus, sub quo, num cometa quoque comprehendatur? hoc loco præcipue quæritur. Et huic quidem disquisitioni ut distincte satisfiat, illud insuper tenendum est: *Prognostica* hæc æque ac reliqua superius commemorata signa, ad duas porro classes diversas revocari posse. Quemadmodum enim fumus e. g. nullius instituto aut arbitrio, sed natura sua incendium aut ignem demonstrat, effectus quippe suam causam proximam & indubiam, aut iris aërem roridum sive pluviosum, tanquam subiectum suum necessarium, & generaliter unum eorum, quæ nexu quodam naturali cohærent, unum alterius indicat præsentiam; hedera vero suspensa venalis vini aut cerevisiæ & brassica musti, est indicium, solo usu & hominum arbitrio, nulla naturæ necessitate &c. Ita pariter prognostica signa, futura quædam prælagiunt, aut naturali quadam necessitate solitave dependentia



dentia horum ab istis , tanquam effectuum à suis causis , aut utrorumque ab aliquo tertio , quod sit causa utriusque ( tertium enim modum , qui in demonstrativis locum habet , ubi effectus suam causam indicat , prognostica non admittunt , cum effectu suo causa posterior esse non possit : ) Sicut e. g. in febriciente quopiam virium sensuumque vigor, excernendorum justa excretio &c. futuræ reconvalescentiæ; delirium contra , respiratio difficilis , lassitudo , singultus &c. item *ῥῆξεία, ὀφθαλμοὶ κοῖλοι* &c. ( quibus Hippocrates moribundi faciem in prænotationibus depingit ) mortis signa sunt: Aut agentium libera voluntate prædicatorum , sive expresso instituto , sive usu & recepta consuetudine ; quemadmodum e. g. acinaces per Fecialem oblatus, bellum interendum, aut virga justitiæ contracta supplicium proxime subeundum significat, aut retrograda quondam in solario umbra, Hilkia reconvalescentiam indicabat.

XIII. Quibus ita præmissis , in propatulo statim est , cometas ea , quæ portendere dicuntur , mala non significare naturaliter eo modo , quo causa solet effectum à se necessario , aut saltem *ὡς ἐπὶ τὸ πολὺ* profluxurum; cum istarum causas nequaquam esse cometas , in primo hujus epicriseos articulo , satis , puto , demonstratum sit. Neque vero modo altero talia natura sua prænotare possunt , quandoquidem & cometarum , sive cōævorum astris cæteris , sive noviter in cœlis exortorum , & calamitatum in terris diu post consequutarum , una eodemque causa proxima , in dubio quidem aut probabili satis argumento , demonstrari non potest. Bellorum enim causam proximam esse hominum superbiam & gloriæ nimium studium , sive domnandi libidinem , destinatumque adeo consilium ubique , evidentius est , quam ut probatione indigeat ; eorundemque fructus quasi ordinarios esse annonæ caritatem , ex agrorum depopulatione , copiarum ingentium alimentatione , agricolarum opere sufflaminatos &c. oriundam; febres ac dysenterias, contagiones &c. ex inordinato victu militum , alimentorum defectu , frigore æstive nimio perferendo in castris enatas , intra urbium



poëmæria propagatas , & cundo exacerbatas , in pestem ipsam denique degenerantes &c. nimis notum est ; tametsi & aliunde hæc mala , pacis etiam tempore , ex nimio v. g. Solis æstu, aut gelu hyemali ridigiore , aut imbrium insolita frequentia &c. propullulare soleant. Quis autem ex his iisdem causis exortum alicujus cometæ deduxerit , qui aut de novo prorsus non oritur, sed perpetuo extitit ; aut, si tum demum esse incipit , cum apparet , vel paulo ante , aut ex corporum coelestium , præcipue Solis , effluviis in æthere sublimi naturaliter concrescit , aut à DEO ipso creatur vel supernaturaliter saltem formatur, aut incertæ tandem penitus est originis.

XIV. Astrologi quidem hic merito exciperent , easdem constellationes malignas, quæ cometam gignant, mala quoque postmodum ista terris inferre , atque adeo istum hæc tanquam coëffecta , ejusdem causæ præsignificare , nisi hoc quod supponunt , partim magis dubium esset eo quod probandum erat , partim manifeste falsum. Planetarum enim ( superiorum præsertim , quorum conjunctiones , *magnas* vocatas , inprimis hic attendunt ) diversos adspectus , & constellationes varias, inferiori huic mundo ominosas esse aut noxias multo minus compertum est , quam id , quod de cometarum malignitate circumfertur , id quod alibi satis ostendimus ; unumque adeo probando alteri non magis conducit , quam homicidii reo testimonium de facti consortio suspecti. Deinde vero, quod cometarum generationes planetarum conjunctionibus , præsertim Saturni Jovisque magnis ( qualis Octobri mense 1682. contigerat, cometam adeo , secundum hanc hypothesin iterum paritura, quod factum tamen haut fuit ) adscripserunt astrologi , id ex eo factum est , quasi vi conjunctionum istarum è terris elicitæ & sublata cometarum materia in aëre postmodum accendatur , aut ( quæ est Aristot. altera de quorundam saltem cometarum generatione hypothesi ) à stella quadam attrahatur in caudam inde formandam , ejusdem stellæ motum postea sequentem &c. Hæc vero falso supponi , circa genuinorum quidem cometarum , qua-



quales noster est , originem , argumentis indubiis unanimi hodie Astronomorum consensu constat. Et quamvis ingeniosissimus *Hevelius* quoque lib. VII. cometogr. p. 426. & seqq. ad cometarum etiam æthereorum procreationem aliquid conferre conjunctiones planetarum putet ; expressis tamen verbis , & opere ipso , satis testatur , in explicatione illius hypotheseos cum astrologis nihil se habere commune , ac ea tantum supponere , quæ ad effecta ista in terris tristia , una aut postea quoque producenda , conferre nihil posse , superius abunde ostendimus.

XV. Restaret igitur , ut ex mero DEI arbitrio & bene placito cometæ haut istas calamitates portenderent ; id quod etiam viris magnis & eruditis bene . multis hodiernum placet : tamen si circa speciales hypotheseos circumstantias multum iterum varient. Aliqui enim , ( uti *Mæstlinus* , *Tannerus* , *Arriaga* , *Resta* , *Cabæus* , aliique jam pridem , & olim forte *S. Damascenus* , quibus *Franciscus Cuperus* apud *Lubeniecium* in theatri comet. exitu adstipulatur ) aut prorsus ex nihilo à DEO creari , aut ope saltem angelorum ex materia sive cœlesti , sive elementari peculiari modo formari , aut minimum moveri , cometas statuunt ; Alii contra , inter naturæ opera eos numerantes , ac moveri quoque naturaliter concedentes , à DEO tamen insimul , tanquam iræ suæ justissimæ ; suppliciorumque peccatoribus impœnitentibus infallibiliter expectandorum indices , prout iris divinæ gratiæ symbolum habetur , ostendi mortalibus arbitrantur ; ita quidem , ut vel generaliter tantum mala multa peccatis terriolarum , aut ( quod nonnulli cum *Lubenitzio* volunt ) mala malis minentur , bona vero bonis polliceantur , tanquam signa quædam memorialia & doctrinalia : vel etiam , quod aliis magis placet , speciales etiam calamitates aliquas certis populis , ni resipiscant , immittendas præsignificent ; tamen si , quales illæ , & quibus hominibus infligendæ sint , DEO soli notas.



XVI. Quæ ipsa quidem opinionum specialium in eadem generali hypothese multiplex dissensio , cum haut obscurum sit incertitudinis signum in ipso generali supposito ; nemo cordatus , spero , vitio nobis vertet , si nostram de ipsa singulisque ejus his expositionibus hic libere proferamus sententiam , aliorum vicissim iudicio censuræque eodem jure submittendam , ac *primo* quidem eorum opinio ferenda præ cæteris , qui , prout Iris , etsi phænomenon vere . naturale , *signum* tamen est perpetuum foederis divini , cum humano genere omnique anima vivente , de non immittendo amplius universali diluvio , inniti *commemorativum* ; ita cometam pro *signo* quodam indignationis divinæ , nec *impune* ferendorum scelerum , *memoriali* habent : dummodo , prout de instituto ac voluntate DEI circa significationem iridis ex ipsius revelatione constat ( aliunde enim hæc innotescere hominibus nunquam potuisset ) ita simile suum beneplacitum de munere præsignificandi cometis à se imposito alicubi nos certos reddidisset : quantumvis interim , nec ipso summo Numini displicere , nec indignum homini Christiano , imo nec laude sua spoliandum , putemus , si quis ad insoliti stupendique phænomeni primum præcipue conspectum perculsus alioquin animo , suorum pariter alienorumque peccatorum , & quæ meruerunt ista , totiesque comminantur S. literæ , suppliciorum temporalium pariter ac æternorum , iratique Numinis rigorosæ sæpe justitiæ , pia pronaque in poenitentiam mente recorderetur ; quemadmodum nec eos culpare ausimus , qui cum *Erasmio Bartholino* , viro doctissimo , ex phænomeno re ipsa , „ profecto eleganti & jucundo divinæ opis auguria grata mente „ concipientes , intrepido animo radios illos lucidos intuerentur , qui spem ipsorum pietatemque intendant , cum cœlo or- „ tus cometa , lumenque non substantiæ corruptæ , sed genuinum „ solis ad nos reflectens , admoneat nos illius , qui undiquaque „ versum circumfluit , fulgoris divinæ misericordiæ .

XVII. Illis autem , qui è censu corporum naturalium deturbare cometas audent , aut supernaturaliter à DEO vel produci



duci vel moveri credunt , ad stipulari nullo modo possumus , experientia quippe oculari manifesto ipsis contradicente ; quandoquidem vel communis & proprius nostri cometæ motus , indies & horas etiam præscitus ejus lumen à Sole evidenter mutuatum ejus cauda è Solis opposito semper directâ , & pro varia ipsius à Sole distantia magis minusque fulgida &c. phænomenon hoc mere . naturale fuisse omnino suadent , atque adeo , præterquam quod ii , qui oppositæ favent sententiæ , nullum habeant vel probabile indicium voluntatis Divinæ per has extraordinarias apparentias nescio quæ mala terris denunciantur , non uno contra , saltem verosimili argumento nobis constare posse , DEI hoc institutum , aut hanc voluntatem nequaquam esse.

XII. Nam 1) morem DEI in dandis signis , maxime prognosticis & promissâ minasve confirmantibus , (sive expresse prius promissis , oblati , aut postulati (qualia fuerunt in V. T. compluria , v. g. Mosi , Gideoni , Hiskia data &c.) sive tacitis hominum ipsorum judicio pro talibus facile habendis (qualia fuerunt in N. T. stella Magos prægressa Christo nato , & eclipsis Solis , eodem patiente visa) sacræ literæ perpetuum testantur , adhibere res & phænomena , naturæ cursum viresque manifesto supergressa. Eo quod enim opus ab ipso DEO immediate esse certius agnoscerent homines quam ea , quæ præter naturæ ordinem fieri , non tam videre , quam palpare manibus poterant ? 2) Tot mala populo Judaico cum & comminaretur toties , ac ipso facto immitteret , nunquam legimus in V. T. istorum prænuncium cometen aliquem prælegasse.

XIX. 3) Si generalia tantum zeli sui in punienda scelestorum impoenitentia vellet esse signa cometas , eo fine cœlo repositos , quæ ratio credi posset ipsum commovere , ut in ipsorum lumine motuque procurandis , in caudarum directione cæterisque ad leges naturæ ita sollicitè se adstringeret , ut phænomenorum percellendis hominum mentibus destinatum levicula primum & obscura plerumque initia , & vilescens ultimo conspectum non



non minus, quam visendam intermedio tempore stupendam faciem terris ostentaret? ut nonnunquam adeo parvulos & obscuros, pauculas, easque magnam partem nubilas noctes, visendos mitteret coelestes hosce nuncios, ut non nisi in hominum paucissimorum conspectum veniant? Quod si vero 4) certo cuidam populo, certæ regioni, huic aut isti principi, mortem, bella, pestem &c. denunciaturus omitteret istos divinum Numen; eo scilicet fine, ut ab hisce præconibus ad seriam poenitentiam vocentur; mirum sane, quod plerasque terræ provincias eos æqualiter peragraré faciat, occasionem ita captaturas singulas, omnem iræ coelestis causam à se amoliendi & in alias devolvendi, cum alioqui connatum sic homini vitium, aliorum vitia cernere, oblivisci suorum! mirum, si non in simili proposito similiter ei loco speciatim impendere faciat sumendi supplicii denunciatores, quemadmodum urbi sanctæ quondam, propter scelus omnium, quæ vidit unquam terrarum orbis, maximum excidium interminaturus, cometam ipsi Xiphiam fecit imminere præternaturaliter, annum integrum continuum.

XX. Quod si 5) quis exciperet, ideo forte velle DEUM cometas suos communi cum cæteris astris motu totam obambulare terram, ut omnes populos quasi testes haberet denunciati mali, ipsis in exemplum una resciscendi, interea vero proprio motu eosdem per has & illas coeli domos plagasque deducere, eorundem caudas in hos istosve asterismos dirigere, è quibus divinare postea possent Astrologiæ periti, legatorum istorum quasi interpretes, quid calamitatis, quibus terris aut hominibus, & quo tempore metuendum sit, adeoque per hos novos, si Diis placet, prophetas ad poenitentiam vocari peccatores &c. ab eo quidem (ut silentio nunc præteream impossibilitatem ex hisce phænomenis extraordinariis, quorum non sunt statæ, quod Astrologi saltem sciant periodi, observationes, prædictionum fundamenta condendi, cum ex ordinariorum toties iterato per eadem coeli loca decursu, vere quidem præsciri nihil ex isto rerum genere possit) hunc mihi prius eximi velim scrupulum: Cur ergo DEUS non so-



solum in genere divinationes omnes , sed prædictiones , ex astris in specie passim in Scriptura damnet & irideat , ut e. g. Es. XLVII. v. 13. per quendam quasi Μουρηγοισµὸν dicat : *Stent & salvent te augures cæli , qui sidera contemplabantur & supputabant menses* (NB.) *ut ex iis annuntiarent ventura tibi!*

XXI. Quibus omnibus ad animum attentius revocatis , abunde , puto , dispalescet , haut injuria nos , tametsi ex superfluo , (affirmantium enim , hoc præsertim loco , est probare) intulisse : cometas non esse signa prognostica arbitraria , ex instituto Divino peculiari mala terris denunciante , quia ex omnibus circumstantiis elucescit , eos esse corpora mere naturalia , nec hujus Divinæ voluntatis ullum extet in revelatis indicium , & rationis judicio si standum sit , hæc in oppositam partem concludat multo probabilius. Quod si quis instet : Ignis ex. grat. nocturnos , oborto vel incendio , vel alio tumultu ostiatim fere accensos , esse flammæ ex pice naturaliter ardentes , & tamen signa rei novæ aut imminentis , ni caveatur , maximi periculi arbitraria , ei facile reposuerim : non ardere illos ignes , alioqui ratione formæ & materiæ naturales , naturæ solius ope , sed humano quoque consilio ac directione , agens patienti , hoc præcipue loco applicante , adeoque non esse mera naturæ opera , aut res mere naturales. Quod si quis pariter possit ostendere ; cometas ex materia naturali , formam etiam suam naturali modo natos , eo loco tamen , quo apparent , non exituros fuisse , nisi specialis DEI directio materiam aptam agentibus naturalibus objecisset , ei manus dabimus etiam lubentissimi , & cometas ex instituto DEI quippiam sive boni sive mali (id enim adhuc incertum esset & porro inquirendum) denunciare ultro fatebimur.



3) *Super decantatam toto die effectuum aut significatorum cometicorum experientiam.*

XXII.

**O**Primum vero, inquit, pro cometarum sive efficacia, sive significato, superest argumentum, ac testis omni exceptione major *Experientia*, quam tot confirmare historiis, tot *Ecstomiorum*, *Rockenbachiorum*, *Myzaldorum*, *Lavatherorum*, aliorumque corrasis undique observationibus stabilire, tot poetarum terrificis illustrare carminibus, tot virorum doctissimorum testimoniis, hominumque tantum non omnium unanimi consensu, comprobare satagunt; de quibus omnibus speciatim hic agere nihil attinet. Sufficiat universim nunc, at paulo circumspicius, inquisivisse, quid? & quo modo universalis hæc experientia demonstret? Nunquam, ajunt, affulsit terris cœlitus ferali crine cometes, quin eo ipso anno, aut aliquot post annis, alicubi gentium aut bellum exarserit, aut terra contremuerit, aut pestis contagio longe lateque grassata, aut regnum aliquod immutatum, aut urbs everfa, aut agri siccitate contumaci, vel gelu rigidiores exusti fuerint, aut fruges alluvionibus & homines fame perierint, aut princeps denique aliquis diem suum obierit. Esto, dabimus hoc interim, dum amplius circumspiciendi subnascatur occasio: quid inde vero concludunt aut inferunt?

XXIII. Si hoc velint, indubium ergo, aut vero saltem esse quam simillimum, hunc nostrum etiam vel hoc eodem, vel securis proxime annis enumeratarum calamitatum unam aut plures, alicubi terrarum similiter excepturas esse &c. haut male concludunt, habentque nos, ut ex initio hujus epicriseos manifestum est, consentientes, quam maxime. Sin porro hinc inferant: ergo cometæ fuerunt inlecutorum malorum vel causæ vel signa, & noster, quem maxime hic spectamus, in eum finem cœlo fuit repositus, ut quas non sine causa extimescunt nostra confinia calam-

mi-



mitates, eas vel inferret ipse vel inferendas divinitus portenderet; ignoscant, velim, ingenii nostri tarditati, quæ consequentiam adeo præcipitem non valeat assequi. Nunquam profecto, aut stella cadens, quam vocant, coelitus delapsa est, aut fatuus ignis per aërem oberravit, aut lucerna nostra vicinis aut obviis per plateas civibus alluxit, quin altero, vel aliquot post diebus aut hebdomatibus saltem, vel imber impenderet, aut grando streperet, aut tonitrua murmurarent, aut fulmina quaterent, aut procella sæviret, aut æstus ureret, aut hyemalis aquilo fureret, aut nives caderent, aut lapsæ liquecentes agros inundarent, aut putida surgeret nebula, aut tribunus aliquis, aut villicus moreretur, &c. sive in his nostris, sive in aliis, vicinis plerumque satis, terris: nulum itaque dubium est, quando hesternæ nocte vagabundus aliquis in aëre rursum effulsit, ut ille noster haut adeo frequens ignis istorum contingentium unum aut alterum, cras, perendie, nudius tertius, nudius quartus &c. aut hic aut alibi vicinæ, imo hoc ipso forte die, alicubi terrarum, iterum futurum esse. Enimvero, quis eum ferret, qui lucem illam innoxiam isthæc aut effecisse aut præsignificasse contenderet?

XXIV. Nimirum adeo multa hæc sunt, adeo frequenter ex naturæ necessitate contingunt alicubi terrarum, ut non solum cum ardentis laternæ nostræ, sed cum re quavis alia, notabili adeo temporis intervallo conjungantur, sed contingenter & plane per accidens. Ita prorsus res habet cum cometis, nisi quod hi non adeo vulgares faculæ, sed infrequentia sua admirandæ, magnitudine stupendæ, loci sanctitate quadam suspiciendæ, tanto magis occupent credulorum animos. Adeo multa sunt, quæ cometeris adscribuntur mala, ut impossibile fere videatur, apparere cometen, & istorum unum aut plura, eodem aut sequentibus annis, hic aut alibi gentium non evenire, sed æque impossibile, intra triennium aut quadriennium proximum eorum nihil ullibi terrarum accidere, si nullus interim coelitus affulserit cometa; sed æque impossibile fulsurum quemque similia non antecedere æquali temporis intervallo. Aperiamus ergo, quæso, mentis



oculos, ac videamus, non impugnari experientiam, non elevari historicam fidem ab iis, quibus, ut omnis contingentium futurorum præsciendorum peccaminosa libido; ita cometomantia quoque suspecta est, neque tam ipsosnectere consequentias, ut probent, cometas à DEO futurorum malorum signa statui non posse, aut re ipsa non statui; quam elumbem istam consequentiam negare, qua eadem olim haruspices auguria sua, qua chiromantæ, geomantæ, & hujus farinae homines alii suas ineptias quovis ævo statuminare solebant.

XXV. Id quod notari cum primis velimus à viro doctissimo qui, cum ad quandam conjecturam suam, quasi frigus intensius cometæ nostri apparitionem insequentum, effectus ejus esset satis jam notabilis, excepisse me inaudivisset, hoc pacto etiam contagiosi veneni multis in locis eodem tempore remittentis decrementa eidem cometæ tribuenda fore &c. in consideratione illius idiomate vernaculo postmodum edita, ex respondente me faciens opponentem, hanc explodit consequentiam nullo profecto jure mihi tribuendam: *Der Comet machet durch die anhaltende Kälte / daß die Pest an vielen Orten nachläßet und aufhöret / darum kan er sie andern / die ja so reiff zur Straffe sind / nicht ankündigen.* Nunquam, inquam, ego sic fui argumentatus, sed potius, similes aliorum consequentias destruere conatus sum, quæ non secundum rectæ rationis regulas incedunt, sed per superstitionis præcipitia ruunt. Si quid recte conclusum vellet, ita foret inferendum: Superiorum seculorum cometæ singuli, aut causæ extiterunt insequentium malorum, aut indices saltem divinitus constituti: Ergo modernus quoque eadem fini nobis affuisset. Sic erectior quidem jam incederet argumentatio; sed antecedens vacillare, omnibus exhaustum viribus, è superioribus abunde constaret.

XXVI. Quinimo nec isto, quo num. XXII. formatum vidimus antecedens adeo firmo stat talo; cum non solum *Plinius* lib. II. c. 25. cometam, qui in ludis Augusti Caesaris apparuit, salutarem mundo fuisse dicat; & *Justinus* lib. I. Mithridatis futuram



turam amplitudinem etiam coelestia ostenta prædixisse statuat ; quandoquidem & quo genitus est anno, & quo regnare primum cepit, stella cometes septuaginta dies ita luxerit, ut coelum omne conflagrare videretur ; & *Gemma Frisius* subinde iis locis, quibus imminere visi sunt, aëris temperiem, annonæ copiam & pacem peperisse arbitretur ; & *Erastus* cometam, qui 1097. mense Octobri splenduit, æstatem omni fructuum genere affluentissimam fuisse consecutam, annumque 1506, post duram hyemem & cometam Augusto mense præcedaneum, optimum & summa omnium rerum vilitate celebrem, neque minus annos 1556, 1558, cometa suo utrumque celebres, sed maxime salubres fuisse testetur ; & *Ricciolus* Almag. n. lib. VIII. Sect. I. plurimum, qui fausti credebantur, catalogum exhibeat ; sed aliorum multo illustriora extent in historiis exempla anno certe 800 cometam assignat *B. noster Prætorius* nec eventum potuit assignare alium, quam Caroli Magni ad imperium accessionem, quæ quam salutaris imperio Romano & quam prospera Christianæ reip. fuerit, in vulgus notum est. Quin anno mundi 3947. conspectum fuisse cometam, à quo Christianam religionem significari prædixerit Augusto consulenti Sibylla, testis est, *Alstedius*. At verò hunc Jesu Christi Servatoris natiuitas insecuta est (annotante hoc etiam laudato ante *Prætorio* nostro) qua nihil humano generi, unquam, consentientibus omnibus Christianis, contingere potuit ; ut meritissimo vel hic solus cometa reliquos omnes ab infamia tristium ominum malorumque felicissime liberasse dicatur.

XXVII. Quemadmodum autem non paucos cometas plus boni quam mali sequutum jam novimus ; ita cæteros omnes tantundem lætorum quam tristium eventorum ut plurimum excepisse, ac istis neglectis, hæc sola notata à cometomantis fuisse, pridem suboluit sagacissimo *Grynæo* qui mirari satis nequit, cum tot tantique cometarum observatores extiterint, eos omnes tantum circa funestas ac diras calamitates, quæ cometarum flagrationes consecutæ sunt, tantopere occupatos



fuisse, ut nullus hucusque extiterit, qui historias rerum recte feliciterque gestarum retexere, & commoda inde pronata posteritati mandare annisus fuerit. Enimvero, si nunc superstes nobis esset vir clarissimus, jam voti sui compos, id ipsum non tentasse solum, sed feliciter peregrisse cogniturus esset virum nobilissimum *Stanislaum Lubienietzium à Lubienitz*, qui plenior, quam quisquam alius ante ipsum in Theatr. comet. II. parte historiam cometarum texens, uti tristia multa plerisque omnes, ita lætorum non pauciora consecuta esse, nec raro plures Reges ac Principes cum cometis natos, quam ab iis extinctos (Vid. in primis annus Christi 1545) fideliter annotavit: ita nervos omnes incidens consequentiæ superius infirmatæ.

XXVIII. Hanc autem ejus infirmitatem aliud quoque symptoma prodit, quando cometas quamplurimos, calamitates longe plures & acerbiores antegressas, quam consequutas esse docet historia. Ut quid enim infortunio minori significando ingens cometæ sidus prælucere DEUM voluisse credamus, qui plura multo atrociora jam absque tali monitore immiserat? Et ad nostrum ævum ut hæc accomodemus; estne credibile, postquam bellicis furoribus, incendiis, rapinis, ac peste pronuper Austriam, Bohemiam & Saxoniam tantum non omnem crudeliter pervagata, imo etiam intimis Germaniæ visceribus interitum comminante, & quod accedit, belli novi manifestissimis indiciis, ad poenitentiam nos frustra vocaverat, postea demum incerto dubioque saltem futurarum cladum signo voluisse nobis extorquere, quam certissimis ac præsentibus obtinere suppliciis non potuit, resipiscentiam? Exemplum vero talium cometarum, qui spectatores potius anteriorum, quam nuntii posteriorum calamitatum fuere, qui desideret, legatæ, quæ laudatus ante *Lubenietzium* ad annos Christi 715, 800, 844, 868, 1031, 1064, 1066, 1119, 1165, 1264, 1569, 1576, 1652, aliosque plures annotavit.

XXIX. Denique nec illud negligendum est, quod ignara cometarum tempora, non pauciores tamen clades, bella magis  
etiam



etiam cruenta , plura magnatum funera , omnis denique generis calamitates majori numero viderint , quam alia multa crinitorum istorum spectris perterrita. Nullus ab anno 1618, triginta quatuor succedentium intervallo , nullus inter 763 & 791; Ab anno post Christum natum 80. usque ad annum 130. secundum Rockenbachium ( nam secundum Ecstormium ad an. 160 , secundum Altstedium ulterius etiam , ad 181. num. extenditur interregnum hoc cometicum ) nullus est visus in coelo cometes , at in terris nunquam plura principum funera , bella , latrocinia , nunquam frequentiores seditiones, everSIONES rerum. clades , persecutiones, hæreses, fames, pestes, terræ-motus, vesuviani aliorumque ignium furores, inundationes, procellæ &c. prout legere fusius, nec absque stupore licet, apud allegatum supra *Lubeniezium*, ad memoratos annos , præsertim 80. Id quod satis arguit , similia temporibus aliis cum cometarum phænomenis non nisi per accidens concurrisse , ac frustra provocari ad experimenta talia , quæ , cum rem unam alteri sæpe quidem conjunctam , at pluries etiam vel æque frequenter , absque hac evenientem , notaverint , hanc statim illius causam aut signum, aut ipsi saltem per se consecutivam esse , manifesto paralogismo inferunt : perinde scilicet ac si quis simpliciorum aliquoties eadem nocte , & stellas cadentes , quas vocant , & paulo post voceferantes per compita studiosos manus conferere periculose vidisset ( quod posterius alias quoque, non apperente simili phænomeno frequenter accidit ) alio tempore rursum observans stellam cadentem , exinde hariolaretur , ea quoque nocte periculosum studiosorum conflictum esse futurum.

XXX. Quid igitur ? An ideo ridenda censemus ac floccifacienda ista naturæ miracula ? aut ignibus fatuis & stellis cadentibus æquiparanda ? Id verò absit à nobis quam longissime ! Diximus , iterumque hic dicimus : Uti coeli dicuntur in S. literis enarrare DEI gloriam , quod occasionem hominibus præbeant , ejus enarrandæ amplissimam ; Ita cometam hætenus commemoratum , aliosque similes , eandem enarrare specialissi-



lissime, & occasionem insuper præbere justissimam extimescendæ DEI severissimæ justitiæ, vitæque emendandæ peccatoribus, ac deprædicandæ inexhaustæ ejusdem misericordiæ poenitentibus; aut per afflictionum suarum densissimam caliginem, novam quandam occidua quasi gratiæ lucem affulgere sibi eo ipso tempore sentientibus, quo solis occidui radios confertissimos, per medias quasi nebulas istas æthereas emicare conspiciunt. At enim ad primum cometæ muti conspectum adeo percelli eorum animos, qui, loquentes ex ore DEI prophetas verbique ministros diu satis contempserant, ac metu temporalium pænarum, quas impendere jam capitis suis, ex incerto portento credunt aut persuadentur, tantum non exanimari multos, qui cruciatus æternos, ex infallibili DEI verbo toties denunciatos citra ullam animi commotionem hætenus exceperant? Id vero num gratum esse DEO queat, quem Filius ejus ad poenitentiam novis prodigiis eos compulsurum, qui Moysen & Prophetas audire nolunt, expresse negavit, aliorum esto judicium. Nobis profanæ superstitionis haut parum hic latere arbitrantibus, monendi quidem, occasione talium phænomenorum homines videntur, sed ita, ut DEUM timeant super omnia, peccatorumque poenas æternas pariter ac temporales impoenitentibus iterata toties in verbo ejus sanctissimo sententia dictatas, ad animum revocent potius, quam poenitentiam suam ex incerto de cometarum malignis influxibus aut præsignificationibus rumore suspendant; præsertim cum istos extortæ quasi pietatis subitaneos fulgores ipso, qui cum cæperant, cometa citius evanescere multiplex testetur experientia. Cum primis autem astrologiæ divinatricis temerariis ausibus obviam ire pro virili, nostri semper existimavimus esse muneris; ut & eventurorum præsciendorum gloria supremo Numini, cui soli competit, asseratur, & Astrologiæ purioris decus ab inquinamentis & sordibus, quibus hætenus indignis modis est conspurcatum, indies magis magisque vindicetur.



*Additamentum.*

Die 7, Jan. visus iterum est cometa in eadem proxime recta cum cap. Androm. & borealiore in educt. brachii sinistri, caudam porrigens inter australiorem & borealiorem cinguli, D. 13. in eadem circiter linea recta cum australiore & septentrionaliore in cingulo Androm. D. 24. h. 8. supra cinguli australiorem, in ead. linea recta cum hoc & V cornu dextro, itemque cum cap. Androm. & australiore in basi  $\Delta$ : D. 15. h. circ. 7. in recta linea cum cap. Androm. & borealiore in educatione brachii sinistri, itemque cum Schedar in pectore Cassiopeæ & cornu Vtis sinistro: D. 25. in ead. recta cum basi  $\Delta$  versus austrum, ab australiore baseos intervallo hujus proxime dimidio: D. 26. obscurius supra basin  $\Delta$  versus meridiem; cauda uti hactenus paulatim imminuta, ita nunc vix amplius conspicua.

ARTICULUS V.

Ad affectiones in positu consistentes, è diverticulo in viam rediens.

CAPUT I.

De

*Positu cœlestium singulorum, interventu parallaxium definito.*

I. PHÆNOMENA.

**P**HÆN. I. Cæpimus supra Artic. IV, cap. I. & II, quasdam affectiones cœlestium corporum ordinariorum communes declarare. Ut vero easdem, & alias deinceps secuturas, una extraordinariis etiam applicare possemus, voluimus in cap. III. de stellis novis sive extraordinariis κατ' ἐξοχὴν sic dictis, & cap. sequ. IV. de cometis, altero scilicet novarum seu

Fff ff

extra-



extraordinariarum genere, speciatim agere ; cumque hoc modo semel ex via regia in diverticula excurrissemus , & extraordinariis hisce extraordinariæ in hunc inferiorem mundum vires adscribi solerent ; lubuit etiam paulo longius evagari , & cap. V. generales siderum influentias , cap. VI. vero cometarum specialem efficaciam vulgo creditam examinare. Nunc autem in viam tandem redimus, coelestium variantes positus , à parallaxium doctrina præcipue dependentes, separatim consideraturi ; quæ parallaxium doctrina , cum in cometographia præcipue magnum usum habeat, in hunc locum commode dilata fuit.

*PHÆN. II.* Ante, vero , quam ipsam explicare docere aggrediamur, hoc è superioribus huc repetiisse haut inutile fuerit , quod nobis è terra prospectantibus , Luna frequenter , non fixas tantum stellas , sed & planetas nunc hos, nunc illos , ac ipsum denique solem in suis eclipsibus , tegat ; pariterque planetæ minores has aut illas fixas , & ipsi planetæ alter alterum, 4 c. g. Saturnum, ♄, Jovem, ♃, Martem, ♀, Venerem & Solem, etsi rarissime occultent &c. Videantur exempla apud Ricciolum lib. V. p. 289.

*PHÆN. III.* Deinde vero ad spectus variatio , seu *Parallaxis* , scalam quasi erexit, per quam è terris in coelos ascendere , ac coelestium corporum distantias emetiri utcunque datur. Scilicet , quemadmodum unum idemque objectum visibile A (Fig. 35.) nunc dextro oculo , nunc sinistro , ad oppositum parietem relatum , ibi in B, hic in C spectatur , magna utriusque loci optici diversitate , quæ græca voce *παράλλαξις* appellatur , & quidem tanto minore *bc* , quo fuerit objectum remotius ab oculo , & parieti vicinius : ita in coelis quoque , si quod phænomenon A , (Fig. 36.) vel è duobus in superficie terræ locis R & S, eodem momento spectatum , vel alicubi in R è terræ superficie revera visum , atque insimul è terræ centro T. spectari suppositum (quando scilicet ex ante noto phænomeni motu notum est , quo coeli loco foret appariturum oculo in ipso telluris medio collocato ) si , inquam , ejusmodi phænomenon



non ad fixarum stellarum coelum, tanquam ad extimum parietem relatum, ibi sub stella B aut *b*, hic sub alia *c*, videatur; intervallum locorum optidorum, seu parallaxis BC, aut *bc*, quo major fuerit, tanto majorem phaenomeni viciniam, quo minor, tanto majorem ejus à terra distantiam certissime arguit. Testantur autem unanimi consensu Astronomorum observationes, esse quidem  $\frac{1}{2}$  &  $\frac{1}{4}$  parallaxes vix sensibiles, aliquantillo tamen notabiliorem parallaxin Jovis; & illam Martis aliquando majorem, aliquando minorem Solis parallaxi; Lunarem vero omnium maximam, cometarum etiam plerorumque parallaxin multum excedentem.

*PHÆN. IV.* Cum Veneris praesertim & Mercurii parallaxes, ob Solis praesertim viciniam aliasque causas difficiliter investigentur, alia quoque ipsorum phaenomena, de situ eorum ac distantia a terris judicandi occasionem commodissimam praebent. Etenim apparentis magnitudinis alio alioque tempore ingens differentia; Mercurii in Solis disco visa obscura & pusilla facies; utriusque elongatio, intra duorum signorum cancellos semper conclusa; ortus & occasus heliacus nunc matutinus, nunc vespertinus (nunc enim mane ex radiis Solis liberati ipsum diu antecedunt, magis magisque in occasum motu proprio retro delati, donec ad praefixum terminum pervenerint; inde vero paulatim Soli rursus appropinquantes, tandem denuo occultantur, ac elapso certo temporis intervallo, vesperi emergunt, sed orientem versus & solem sequentes &c.) Incrementa porro ac decrementa luminis, lunaribus similia &c. (de quibus omnibus infra specialius agetur) haec omnia, inquam, jam dudum persuaferunt, & Venerem & Mercurium, aliquando esse Sole humiliores ac terris viciniore; aliquando vero sublimiores & à terra remotiores.

*PHÆN. V.* Fixae stellae erraticis omnibus procul dubio altiores etsi circa terram in orbem disseminatae videantur, in eadem tamen eas superficie haerere, aut paribus intervallis à terra distare universas, verosimile plane non est; quin ista mag-



nitudinis apparentis varietas ac plurimum subinde, qui oculum inermen effugerant, per telescopia perfectiora detectio, & intervallorum inæqualitatem suadent, & mundi limites reddunt dubios; prout in superioribus dudum evicimus. Quemadmodum autem in stellis fixis nulla ex terris deprehenditur sensibilis parallaxis, illo scilicet adhibito modo, quem in phænomeno III. exposuimus simplicissimum; quique in Sole ipso, propter ejus insignem splendorem, multo adhuc difficilius, quam in Venere & Mercurio, applicari potest; ideo varios alios modos recenset observandi Solis parallaxes Ricciolus, in utraque parte Almagesti novi, quos omnes tamen incertos reputat, & loco illius antiqui modi, quem in phænom. III. exposuimus, aliam hodie invenit Dominus Cassinus, quem publicavit Romæ Abbas Blanchinus, & in Acta eruditorum mense Octobr. 1685. inseri fecit, pag. horum Actorum 470. quod & dudum ante tentaverat *Dn. Hevelius* in Cometographia, post novam methodum cassinianam similem aliam suam in iisdem Actis erud. ad eundem annum vulgavit G. S. D. p. 571. & seqq. quæ omnia tamen multo subtiliora sunt, quam ut hoc loco doceri aut possint aut debeant.

*PHÆN. VI.* Id interim certum est, parallaxium harum ope, à Tychonis Brahei, usque ad hæc nostra tempora, nullum fuisse observatum cometen, cujus parallaxis non fuisset deprehensa minor parallaxi lunari, & consequenter hætenus observatos omnes in coelo altius evectos fuisse. Quod fundamentum antea in scholis præsertim peripateticorum, minus notum, cum turbas multas in peripato excitasset, & passim Aristotelici Tychonicis fervide se opponerent, cometarum apparentias ex aëre in coelum evehere connitentibus, quidam Patavii Philosophiæ Professor publicus (ita narrante lepidam historiam Ricciolo Almag. nov. part. II. p. 70) adiit Galilæum, rogavitque, ut explicaret sibi quid significaretur nomine *Parallaxis*; sibi enim jam prædefinitum esse animo illam impugnare, quod inaudisset illam adhiberi à nonnullis contra opinionem Aristotelis de com-

me-



„metarum loco; cui Galilæus leniter subridens: Ergone Domine, respondebat, obfirmasti animum tuum, ut contra illud „nomen disceptes, cujus significationem ignoras?

*PHÆN. VII.* Caterum, ut è determinata utcunque parallaxeos ope, stellarum à terris distantia, in ipsarum magnitudinem quoque inquireret Astronomorum curiositas (usura in eum finem opticis quibusdam etiam in vulgus notis legibus, quod, quo longius ab oculo distat visibile, tanto minor appareat ejus magnitudo, ideoque æqualiter distantium id quod revera majus, cujus apparens magnitudo major est &c.) sedulo annisi fuerunt, stellarum diametros apparentes instrumentis Astronomicis in gradus & minuta divisim captare; id quod, quibus tentaverint modis, & quis eorum videatur optimus, ipsorum Astronomorum est decernere. Nobis hic sufficiat annotasse, cum Solis & Lunæ diametri apparentes communiter deprehendantur, paulo plus aut minus 30 minutis, pro varia scilicet ipsorum à terris distantia, in cæteris authores magis dissentire, prout vel oculo telescopiis vel destituto vel instructo, suas observationes instituerunt, aut alioquin accuratioribus vel minus accuratis usi fuerunt instrumentis. Ita v. g. Tycho Braheus, telescopiorum usu adhuc carens, diametros apparentes, in distantia stellarum media assignavit, Saturno  $1' 50''$ : Jovi  $2' 45''$ : Marti  $1' 40''$ : Veneri  $3' 15''$ : Mercurio  $2' 10''$ : Sirio, Arcturo, Regulo ac cæteris fixis primæ magnitudinis  $2' 0''$  &c. Cum ex Riccioli tubospecillorum auxilio factis, accuratioribus procul dubio, observationibus, eadem diametri exæquent, in Saturno non nisi  $57''$ : in Jove  $49''$ : in Marte  $22''$ : in Venere  $1' 4''$ : in Mercurio  $13''$ : in fixis primæ magnitudinis  $18''$  ad summum &c.



## II. HYPOTHESES PRIMÆ.

De

Distantiis stellarum à centro terræ, hujus  
ejusdem semidiametro, tanquam cōmuni men-  
sura, determinatis.

### I.

**T**Ametsi quæ hic & in sequentibus docebuntur, in superioribus  
etiam tacta jam fuerunt, nihil tamen nocebit, ad pleniorē  
horum intelligentiam, illa cum his conjungere. Non pos-  
sum autem silentio prorsus præterire, eas ineptias, quas vel olim  
*Leucippus* effutivit, apud *Diog. Laërt.* lib. IX. dicens: εἶναι τὸν τῆς  
ἡλίου κύκλον ἐξώτατον, τὸν δὲ τῆς σελήνης πρὸς γαίᾳ τῶν  
τῶν ἄλλων μεταξύ τέτων. h. e. *Solis circulum esse extimum*  
*omnium, illum vero lunæ terræ proximum, illos autem ceterorum,*  
*inter istos (Solis & lunæ circulos) esse medios;* vel hoc etiam secu-  
lo (quis non obstupescat!) ante hos ipsos circiter 40. annos ausus est  
vulgare *Anonymus* aliquis professione *Chymicus*, editi libelli *Gal-*  
*lici*, cui titulus: *Abbrégé de l'Astronomie inferieure &c.* Parte  
altera, Solem supra planetas ac stellas fixas omnes, ausu nefando  
statuerenullus dubitans, maximamque Solis, atque adeo termino-  
rum totius mundi à terra distantiam 27. terræ semidiametros non  
superare, lunam autem æqualiter distare à Sole & à terra, &c. Has,  
inquam, ineptias (quas homine sanæ mentis indignas, refellere ta-  
men dignatus est clarissimus *Petitus*, in *Epist. ad Dn. de la Chambre*,  
*Regis Christianissimi Archiatrum*) non potui silendo penitus præter-  
ire, tametsi in eo alias consentiant *Astronomi* cordatiores, moderni  
pariter & antiqui, (& illi quidem *parallaxium* argumento adaçti,) lunam esse terræ proximam omnium, fixas autem ab ipsa remotissi-  
mas, sub fixis Saturnum, sub Saturno Jovem, sub Jove Martem,  
hunc autem cum Sole aliquando saltem, & Solem cum Venere &  
Mercurio frequentius permutare intervallorum vices, adeo ut  
Mars nonnunquam ad terram propius ipso Sole accedat, Venus &  
Mercurius autem haut raro supra Solem emineat, alias ipso notabi-  
liter inferiores.



II. Determinatam autem singulorum à terris distantiam, si desideremus, de luna quidem in confesso est hodie, eam in mediocri sua distantia à terra removeri 60. circiter illius semidiametris, quarum unaquæque, ut è Sect. hujus I. jam constat, 860. mill. germ. quam proxime adæquat. Circa Solem autem, non tam ex methodi, quæ varia est & satis certa, quam ex organorum & regularum commode applicandarum defectu, in diversas adeo sententias abeunt authores, ut e. gr. Tychone quidem ad 1200 usque semidiametros Solem in maxima sua distantia evehente, Ricciolus è contra minimam 7000 semidd. terræ metiatur, aliis etiam plures, plerisque vero pauciores assignantibus. Jam cum reliquorum planetarum & fixarum intervalla non nisi Solis distantia supposita determinari queant, mirum amplius esse non potest, quod in his quoque multum varient viri etiam solertissimi, adeo ut Tycho Braheus Saturni mediam distantiam faciat ne quidem 11000 semidd. Ricciolus autem 73000; Jovi prior assignet 4000 quam proxime; posterior plus quam 36000; Marti ille 1700 circiter, hic 11000; Veneri, cum maxime distat, 2000, & Mercurio 1660 Braheus, Ricciolus illi plus quam 12000, huic plus quam 10000; ac fixis denique, nudo scilicet oculo conspicuis, ille ad summum 14000, hic minimum 100000, etsi uterque Copernicanæ hypotheseos adversarius utpote cui fixarum distantia est penitus indefinita. Vid. Ricciol. lib. III. Almag. novi pag. 110. & lib. VI. p. 68. 687.

## HYPOTHESES SECUNDÆ,

Circa stellarum veram magnitudinem.

### III.

Cum vero ex objecti visibilis inaccessi distantia & angulo visionis, seu apparente diametro, judicemus de vera ejus magnitudine, in proclivi est cognoscere, de stellarum mole & magnitudine quoque diversas admodum futuras Authorum sententias, quando & circa ipsarum distantias, & circa diametros apparentes, tantus inter ipsos dissensus est. Lunam equidem quod attinet, cum de utroque illo fundamento major sit, ob ejus viciniam, certitudo



tudo & consensus ; de magnitudine etiam ejus minus laborandum fuit , adeo ut non solum certum sit , veram Lunæ diametrum esse diametro terræ multo minorem , sed etiam determinatius constet, illam hujus partem quartam non adeo multum superare ; siquidem divisa diametro terræ in partes æquales 100 , earum 25, 26, 27, 28, aut ad summum 29 diametro Lunæ tribuant Astronomi à multis retro seculis. De sole vero, etsi circa diametrum apparentem parum dissentiant; quia tamen distantias ejus immane quantum inæquales supponunt, non potuit etiam circa veram ejus magnitudinem non ingens esse opinionum diversitas ; ita quidem ut *Brabeus*, *Blancanus*, *Kircherus*, & alii diametrum Solis continere  $5\frac{1}{2}$  circiter diametros terrestres asserant ; *Keplerus* autem assignet 15, *Ricciolus* 33 & amplius. Ita, cum Tycho Saturno, quoad veram diametrum, concedit diametros terræ  $2\frac{2}{3}$  Jovi  $2\frac{2}{3}$ , Marti  $\frac{5}{12}$ , Veneri  $\frac{1}{11}$  Mercurio  $\frac{3}{8}$ , stellis primæ magnitudinis  $4\frac{1}{17}$  ; *Ricciolus* contra, ex supposita majore distantia, aut diversa diametro apparente, Saturno dat terræ diametros  $20\frac{1}{8}$  ; Jovi  $8\frac{1}{2}$  Marti  $\frac{5}{16}$  Veneri,  $\frac{5}{16}$   $\frac{3}{4}$  ; ac stellis primæ magnitudinis, 8. præterpropter.

IV. Jam si globorum inæquales diametri arguunt eo majorem in ipsorum soliditate & corpulentia inæqualitatem , adeo ut, cujus globi diameter est dupla diametri alterius globi, is altero jam sit octuplo major ; apparet, quanta ex illa diametrorum verarum diversitate, ipsorum globorum cœlestium nasci debuerit immensum-differens , juxta varios authores, corpulentia. Hinc igitur factum, ut Lunæ quidem globus vix pars globi terrestris quadragesima aut quinquagesima statueretur ; Solare corpus autem *Tycho* faceret terræ corpore majus centies & quadragies ; sed *Ricciolus* 38 600 vicibus : Similiter cum illi Saturni globum complecti sua soliditate crederet globos terræ 22, Jovis illum 14, Sirlum 68 &c. hic Saturnum adæquat 891 terris ; Jovem 684 ; Sirlum plusquam 800 ; ex opposito & statuens vix esse partem terræ ducentessimam ; cum Tychoni minimum vigesima videretur ; & vicissim à Venere terram ille superari semisse credens , quæ huic non nisi sexta hujus pars putabatur ; pariterque Martem faciens partem terræ septimam, qui huic videbatur vix decima tertia ; tandemque ( ut de fixis etiam unum adhuc exemplum addam ) minutissimam in cauda majoris ursæ stellulam, *Alcor* dictam , terra statuens novies majorem, quæ ex Tychonis hypothese vix exæquaret ejus partem tertiam : Ut de

come-



cometis ac novis stellis nihil dicam , quarum aliquas ipsa terra multo majores , alias ipsa Luna quoque minores faciunt ; magna quidem etiam circa unam eandemque opinionum diversitate.

V. Hanc corporum cœlestium proportionem recentissime *Christianus Hugenius* , celeberrimorum Astronomorum nequaquam ultimus , exhibuit in peculiari Figura , ad pag. sui cosmotheori 124 quam inter nostras voluimus esse numero 37 , eaque proportionem totum mundum solare ( quem in Fig. 19. quodammodo , adumbravimus ) ejusque magnificentiam , evidentius quodammodo , quam hactenus factum sit , exprimere p. 122. aggressus est ; id , quod quidem schemate proportionato in istis foliis descripto fieri non posset , propter parvitatem corporum planetariorum ad vastissimas orbitas suas collatorum , ideo verbis supplere conatus , est , quod descriptione perfici nequibat. Itaque repetita figura , quæ nobis est nona ac decima , cogitari jubet ei similem ac proportionem respondentem , sed quæ descripta sit in amplissima politissima , quæ areæ cujusdam planitiæ , cujus extremus circulus , Saturni orbem referens , trecentos sexaginta pedes semidiametro contineat : In cujus deinde circumferentia globus Saturni cum suo ponatur , annulo , quantus in figura 37. cernitur ; cæterique similiter Iovi , in sua quisque orbita collocentur , inque medio omnium Sol , quæ magnitudine in dicta fig. designatur , 4. nempe pollicum diametro. Ita telluris circuitus , quem magnum orbem vocant Astronomi , semidiametrum sortietur pedum sex & triginta : In quo tellus ipsa milii grano non major circumferri cogitanda est ; eique comes Luna , vix punctum visibile superans , in circello paulo plus , quam duos pollices lato ; Saturniarum vero lunarum exterior feretur in circulo , cujus semidiameter pollicum 29 ; Jovialum item exterior in minore aliquanto , cujus semid. pollicum  $19\frac{1}{2}$ . Sic deum habebitur germanus & omni proportionem perfectus solaris , regie typus , in quo jam tellus 12000 diametris suis à Sole aberit ; cujus spatii amplitudo si milliarium numero designanda sit , plus quam 17000 000 , sive septendecim milliones , ut vocant , milliarium , germanicorum comprehendet.

VI. Sed melius fortasse ( ita pergit vir laudatissimus ) hanc , vastitatem animo concipiemus , si motus cujusdam celeritate , eam metiamur , Hesiodi poëtæ exemplo ; qui altitudinem cœli , & tartari profunditatem æquis spatiis definiens , novem dierum ,

Ggg gg

noctium.



„noctiumque lapsu, ferream incudem è cœlo dimissam, ad terram  
 „decima pervenire scripsit, ac tanto quoque tempore è terræ su-  
 „perficie cadentem ad tartara ferri. Nos vero, non incudis lapsum  
 „gradatim acceleratum, sed continuam potius celeritatem globi ex  
 „majore tormento emissi huc adhibebimus; quem singulis horæ  
 „secundis scrupulis, sive arteriæ pulsibus, centum circiter hexa-  
 „pedas conficere experimentis compertum est, quæ in balisticis  
 „Mersennus commemorat; cum sonus eo tempore ad centenas octo-  
 „genas extendatur. Ajo igitur, si ex terra ad solem tanta illa cele-  
 „ritate globus continue feratur, fere annos 25. esse insumpturum, an-  
 „tequam iter hoc peragat. Ut proinde à Jove ad solem 125 annis  
 „opus habeat, à Saturno 250. Et hic quidem calculus ex mensu-  
 „ra terræ diametri pendet, quæ ex probatoribus Gallorum obser-  
 „vationibus 6538594 hexapedarum parisiensium complectitur;  
 „cum gradus unus circuli maximi efficiat hexapedas 57060. Quan-  
 „ta igitur sint istorum orbium spatia, quamque exilis, eorum re-  
 „spectu, telluris globulus in quo tam multa homines molimur, tan-  
 „tum navigamus, tot bella gerimus, ex his intelligitur. Quod  
 „utinam discant cogitentque reges & monarchæ nostri; ut sciant  
 „quantilla in re laborent, cum de angulo aliquot terræ occupan-  
 „do totis viribus, magno multorum malo, contendunt.

## HYPOTHESES TERTIÆ,

De

### Totius mundi seu universi magnitudine.

VII. De hujus finitate aut infinitate sub init. hujus operæ cap.  
 I. Artic. I. in hypoth. secundis easque sequente epicrifi multa jam  
 diximus. Nihil impediet tamen, quo minus hoc loco ex cognita  
 jam quodammodo mundanorum corporum ingenti mole, & inter-  
 jectis cœlorum intervallis immensis iterato æstimare immensam  
 mundi (qui nihil aliud est, quam corporum illorum universorum  
 ordo & complexus) seu universi magnitudinem. Quod si deter-  
 minatius paulo istam contemplari lubet, è superioribus jam con-  
 stat, ex mente & hypothese *Tychonis*, quæ est ferme omnium mi-  
 nima, ab uno extremo cœli fixarum ad oppositum alterum nume-  
 rari diametros terrestres 14000, adeoque, si sphæricus esse mun-  
 dus



dus supponatur, &, quod Geometrae demonstrant, sphaerae sunt inter se, ut cubi diametrorum; ejus amplitudo tanta erit, ut terrae nostrae globos 2, 7 44 000, 000, 000 capere possit; id quod omnem humanam cogitationem captumque longe superat. At enim, si *Riccioli* hypothesis admittatur, quae fixas à terris distare minimum 100 000 semidd. sive 100 000 diametros, diametrum coeli fixarum componere supponit; sequetur telluris immensum in se globum intra mundi terminos contineri posse 1.000, 000, 000, 000 vicibus.

IIIX. Enimvero, ut nihil dicam de majori multo fixarum distantia in hypothesis copernicorum asserta, quos inter e. g. *Keplerus* illam facit 60, 000, 000 semidd. terrestrium, cum haecenus de distantia fixarum oculo nudo conspicuarum ac proximarum tantum sermo fuerit, ac telescopia hoc aëvo innumerabiles alias, visum inermem effugientes, ac procul dubio à terris immensis intervallis remotiores, detexerint; factum est, ut non incertam tantum, ac ne quidem hypothetice determinabilem, statuerent extimarum stellarum distantiam illi ipsi, quos haecenus allegavimus, (vid. *Ricciol. Almag. nov. lib. VI. p. 419.*) sed et alii, ac inter illos *Cartesius* quoque, mundum, si non infinitum ac finibus revera carentem, indefinitum saltem dicerent, hoc est extensionis tantæ, ut nulla appareat ratio, quæ probet ipsum esse finitum, aut nulla stella fixa concipi possit, tanquam extrema, quin insimul concipere liceat ulteriores alias; prout ultra notas antiquitus ac pro extimis habitas hodie remotiores aliæ innumerabiles conspiciuntur; ut taceam ex idea materiae, quam habet *Cartesius* cum *Aristotele* è Græcis interpretibus communem, indefinitam ejus, & consequenter etiam universi ex ea facti, extensionem, hoc est ampliorem quam est id omne, quod ab homine concipi potest, non minus prompte sequi, quam è conceptu spatii sui inanis, eandem universi infinitatem deducere solent *Democritici*. Vid. *Cartes. Princip. parte II. n. XXI; part. III. n. VII. XX.*

XXIII. XL, XLI. Epist. part. I. p. m. 81. 180, 187. *Gassendus* animadversiones in X. lib. *Diog. Laërt. p.*

196 & seqq.



## HYPOTHESES QUARTÆ, circa figuram mundi.

### XI.

**C**ommunissima est, & hætenus universaliter fere recepta opinio, *Platoni, Aristoteli, Ciceroni* &c. jam olim approbata, figura mundum esse præditum sphaerica seu globosa, adeo quidem, ut *Aristoteles lib. II. de cælo cap. 4.* haut vereatur dicere, ὅτι κατ' ἀκρίβειαν ἔντονος ἔσως ὁ κόσμος, ὥς μὴδὲν μήτε χειρόκμητον ἔχειν παραπλησίως, μήτε ἄλλο μὴδὲν τῶν παρ' ἡμῶν ἐν ὀφθαλμοῖς φαινομένων. Hoc est adeo *exquisite tornatum mundum*, ut nihil eorum, quæ manu parantur, aut quomodocunque versantur nobis ob oculos, sit adeo exacte rotundum. Et solent quidem hujus hypotheseos propugnatores multa congerere argumenta ad conciliandam ipsi speciem ac verosimilitudinem; e. g. quod sphaerica figura sit omnium Isoperimetrarum capacissima, qualis mundo debebatur; omnium pulcherrima, quæ mundum, ut mundum decebat; ad motum conversionis, sive orbicularem, qui, utpote simplicissimus ac maxime regularis, cœlestibus conveniat, aptissima, infinitatis ac immensitatis divinæ quodammodo imitatrix quippe in qua (congrua figuræ mundi inferioris seu elementaris, quem ambiri à similiter figurato superiore credibile sit) nec principium nec finis actu sit vel appareat; quod ipsa siderum orbicularis circa terram dispositio ac motus quoque tum communis, tum proprius etiam, orbicularem viam affectans, eam figuram ad sensum quasi demonstret &c.

X. Sunt vero deinde & alii, quibus, ut maxime finitum esse hunc mundum ac certa figura præditum fateantur, incertum tamen videtur, quamnam induerint extimi ejus termini; prout inter alias *Gassendus* ex mente *Epicuri* sui (qui cum ab universo mundum, tanquam à toto partem, discernit) prolixè differit, *Animadvers.* in lib. X. *Diog. Laërt.* p. m. 760. & seqq. ad eas rationes, quas pro hyp. prima adduximus, ita respondens, ut 1. fateatur quidem, sphaericam figuram esse capacissimam omnium, quas ἰσοπεριμέτρως appellant; at, cum nulla sphaera sit adeo ampla, cui figura polyhedra circumduci non possit, nihil obstare, quare hæc tribui mundo non possit, quo sit proinde capacior; neget 2. figuram sphaericam esse pulcher-

rimam



rimam , cum ea , quæ octo , duodecim , viginti , pluriumve facierum varietate gaudent , videantur omnino globo formosiores ; 3. Dubium esse , an cœlum cum stellis , an stellæ in cœlo moveantur , & , si stellatum cœlum mobile , atque ideo rotundum ponatur , incertum esse , annon ab alio porro immobili ambiatur , quod adeo formam illam haut requirat ; Nihil esse necesse , ut continens & contentum eandem habeant figuram , nisi quis forte existimet , hominem ejusdem figuræ cum corde , jecore , cerebro &c. esse debere ; & stellas ad sensum tantum in orbem disponi , alias aliis revera multo altiores , ac in irregularem figuram coordinatas aut disjectas potius ; An. 6. diurno motu ferantur , incertum esse , & , si moveantur , ac orbiculariter quidem , non esse necesse , ut liquidus æther , in quo feruntur , eadem figura extrinsecus terminetur.

XI. Illi denique , quibus universum & mundus unum idemque sunt , *Gilbertus* , *Cartesius* , *Jordanus Brunus* , *Galileus* &c. quos vid. ap. Ricciol. Almag. nov. p. 316. 317. ) & utrumque quidem infinitum , vel indefinitum saltem , vel nullam ejus omnino figuram admittere possunt ( includit enim figura terminos ) vel rationem saltem non vident , ob quam aliqua ipsi , & una potius quam alia , veniat assignanda.

## HYPOTHESES QUINTÆ, circa mundi unitatem & multiplicabilitatem.

### XII.

**F**lere antiquis temporibus philosophi non pauci , ac inter illos in primis *Epicurus* cum suis asseclis , *Plutarchus* item , ac diu ante *Metrodorus chius* cum *Anaximandro* , *Anaximene* , *Archelao* , *Leucippo* , *Democrito* , & *Anaxarcho* ( quo edifferente infinitos mundos Alexandrum illachrymasse , pervulgare est ) tam absurdum esse ajebat , in universo infinitum unum fieri mundum , , quam in magno agro unam nasci spicam. Hi scilicet uti jam saepe monitum , universum & mundum ita distinguebant , tanquam totum à sua parte ; ac universi quidem nomine intelligebant non omnia tantum corpora , cœlestia pariter ac terrestria , sed & spatia



bus ista containerentur in infinitum extensa ; Mundum autem dicebant certum quendam vastorum universi corporum, circa unum quoddam quasi centrum coordinatorum, numerum & complexum; quo sensu etiam nuper aliqui Copernicanæ sectæ addicti, ac nominatim *Jordanus Brunus*, censuerunt, quemadmodum in terra degentibus, Sol, Luna, planetæ, stellæ fixæ nobis conspicuæ, cometæ & alia circumjecta corpora adspectabilem nobis mundum repræsentant; ita si quis in Saturno v. g. foret, habiturum & ipsum circa se conspicuum quendam eumque longe diversum stellarum corporumque ordinem, qui partim eadem, quæ nos, partim autem alia multo, stellas fixas nempe non paucas e terra oculo nudo non visibiles, complecteretur; adeoque, cum noster mundus solem pro centro, secundum ipsos, agnoscat, hunc equidem dici posse solarem, illumque saturninum, aliosque insimul haut immerito concipi circa caniculam, arcturum, spicam &c. tanquam circa totidem soles, è quibus noster Sol non nisi instar stellæ fixæ foret conspiciendus quales quidem illi è nostro apparent &c. quæ fusius & eleganter prosequitur. *Gassendus* Animadvers. in X lib. Diog. Laërt. p. m. 766: paulo ante non absque ratione arbitratus, *Parmenidem*, cum nihil aliud esse mundum diceret apud Plutarchum, quam *σεΦάνας περιπλεγµένας*, hoc est, *Coronas invicem insertas*, ad universum forte respexisse, quod voluerit esse complexionem innumerabilium ejusmodi mundorum particularium sibi mutuo implicitorum; quale quid etiam Cartesii vortices invicem varie communicantes intendere non injuria cuiquam videantur.

XIII. Secunda hypothesis eorum est, qui è sacro codice constanter asserunt, unicum tantum re ipsa esse mundum, etsi possibiles sint plures; cum adeo arctis limitibus se circumscribi non patiatur divina omnipotentia, ut non mille terras, mille soles concedere adeoque plures mundos efficere, ac per spatia extra mundum nostrum sive realiter illa & actu existentia supponantur, sive imaginaria tantum & simul cum novis corporibus producenda. disseminare possit; prout inter modernos quoque philosophos *Gassendus* etiam concludit, Animadvers. in X. Diog. Laërt. p. m. 234, pluralitatem mundorum celeberrimis olim philosophis, *Thaleti*, *Pythagoræ*, *Empedocli*, *Parmenidi*, *Melisso*, *Heraclito*, *Anaxagoræ*, *Platoni*, *Aristoteli* &c. adversam fuisse demonstrans, ac in primis

Her.



*Hermie* ac *Diogeni* derisam, *Plinio* vero etiam furorem quendam visam.

XIV. Fortassis autem non pauci ex antiquorum istorum numero non unum tantum reipsa mundum statuerunt, sed ne possibile quidem judicarunt, ut essent plures. Aristoteles certe, finitum licet mundum argumentis pluribus demonstrare conatus lib. I. de cœlo cap. VII, sequenti cap. VIII. non paucioribus (et si plerisque haut adeo solidis) efficere laborat ὅτι ἔδὲ πλείους εἶον τ' ἔραν εἶναι, atque, ut paulo post loquitur, ἀδιώατον, εἶναι πλείους κόσμους ἐνός, imo, quod est insequentis capitis IX initium, ὅτι ἔμόνον εἷς ἐστίν, ἀλλὰ καὶ ἀδιώατον γενέσθαι πλείους; hoc est quod non solum unus sit, sed impossibile, fieri plures; hanc subjiciens post multa rationem, quam post interjecta pluscula prolixius adhuc deducit, δια τὸ πᾶσαν τὴν ὕλην περιελθόναι τῷτον, hoc est propterea, quod hic unus universam materiam jam complexus sit. Fecit autem non solum hanc rationem, sed totiam adeo hypothesin Aristotelis, quasi propriam sibi *Renatus des Cartes* Part. II. princip. num. XXII. succinentibus uno velut ore ipsius sectatoribus, ac speciatim prolixè *Joh. Claubergius* Disp. phys. IX pariter ac X; quarum posteriore idem illud, cujus modo meminimus, argumentum speciose deducit; priorè vero aliud, metaphysicum magis & Platoni familiare, ex ipsa mundi seu universi notione, (mundus enim & universum his unum idemque sunt) derivat, objectionibus, quæ remorari hanc sententiam possent, utrobique fuse respondens.

XV. Nituntur autem (ut compendio rem dicam) duo ista argumenta hisce duobus suppositis: 1) τὸ πᾶν τὸ ὅλον, universum, mundanorum corporum universitatem, ita continere omnia, ut nihil extra se relinquat, adeoque necessario sit unicum; sitque possibile quidem, ut DEUS plures terras, soles, corpora nova innumera producat, impossibile autem, ut hæc ipsa non statim universi seu mundi capacitate concludantur, quamdiu universi nomen tueri velit. 2.) Materiæ naturam esse in extensione interminata positam, quæ cum omnia omnino spatia imaginabilia, in quibus alii mundi esse deberent, jam occupet hos ipsos, si qui essent, ex eadem cum nostro materia necessario factos, non posse non vel hunc, & se quoque invicem, tangentes, vel per interjectum ali quod spatium extensum (hoc est per illius materiæ partem aliquam conjunctos concipi,) hoc est unum eundemque mundum constituere;



ere ; quippe mundum eo usque unum & eundem continuo censendum esse, quousque res extensæ seu corporeæ se contingunt, sibi cohærent, sibi proxime conjunguntur.

## HYPOTHESES SEXTÆ,





De

Mundi forma quasi intrinseca hoc est mundanorum corporum ordine & systemate.

XVI.

**J**Amut interiorem mundi formam, quæ non nisi in  $\tau\acute{\alpha}\xi\epsilon\iota$  quadam & ordine mundanorum corporum consistit, secundum varias variorum hypotheses tandem ante oculos ponamus, è recentioribus quidem, seu veteribus quibusdam noviter interpolatis (*Aristotelicam* enim, quæ Ptolemæo quoque postmodum, ac diu ante, non pythagoræis quidem, at ipsi Pythagoræ, quorundam opinione, paucisque mutatis, etiam Platoni probata fuit, utpote à modernis philosophis unanimiter explosam, ne attingere quidem porro placet) ea maxime nunc obtinet, quam ab inventore *Tychonicam* dicunt, ac ii plerumque sequuntur, quibus motus terræ omnis, vel annuus saltem, suspectus est. Vid. Fig. 38. existimavit itaque Tycho, hanc esse phænomenis universi maxime consentaneam corporum mundanorum  $\delta\iota\alpha\nu\acute{o}\sigma\mu\eta\sigma\iota\nu$ , si i.) terra statuatur in mundi medio, atque adeo in centro sphaeræ fixarum, immota, simul & lunari motui menstruo, ac solis annuo, centrum præbens; dum interim 2.) circa solem, tanquam centrum alterum, planetæ cæteri,  $\text{♂}$ ,  $\text{♀}$ ,  $\text{♂}$ , 4, &  $\text{♄}$  proprios suos motus exercerent, ita quidem, ut Mercurii Venerisque orbes, orbem solis inter hunc & terram,  $\text{♂}$  autem orbita eundem ita permearet, ut utrumque, & solem & terram ambitu suo comprehenderet &c. Sic enim 3.) fieri ut  $\text{♀}$  ac  $\text{♂}$  subinde terræ propiores & majores multo conspicerentur, subinde quoque post solem occultati, ex opposita parte emergerent;  $\text{♂}$  item ex opposito  $\odot$  consistens ac terræ maxime vicinus, & magnitudine & parallaxi adeo cresceret, & cætera quæ supra phæn. II. ac III. commemorata sunt, necessario evenirent. 4.) Solem annuo spatio per orbi-











orbitam suam circa terram delatum, una centrum hujus systematis planetici, atque adeo ipsum totum systema planeticum, tanquam ingentem epicyclum, secum devolvere; & tamen s.) quicquid hactenus de motibus hisce planetarum propriis, eorumque circulis, dictum est, id non tam de vero & reali ejusmodi motu, istis corporibus per se competente quam de apparente solum, & ex unico motu communi seu diurno, ab oriente in occidentem, varie saltem modificato, per accidens resultante, intelligendum esse; Nimirum Martis siduse. g. cujusdam fortassis intelligentiæ ductu ac directione, ab oriente in occidentem quotidie circumduci, ut per spiras potius, quam per exactos circulos, delatum, postero quovis die, ea hora, qua pridie ex 1. verbi gr. discesserat dextrorsum versus, non redeat ad idem punctum 1, sed ad punctum 2, tertio ad punctum 3. &c. simul ad Solis retardationes habito solite respectu; ut ipsum, tanquam retardationum suarum centrum, perpetuo respiciat, eaque ratione circulum integrum circa Solem, & cum ipso quidem in consequentia delatum, descripsisse biennio elapso videatur, idemque de planetis cæteris proportionaliter esse judicandum. (vid. Fig. paulo ante alleg. 38.)

XVII. Neque vero hanc mundi faciem ulla parte mutat *Hypothesis*, quam vocant, *Semi-Tychonica*, vel etiam *Semi-Copernicana*. Longomontano, Tychonis discipulo, & aliis quibusdam deamata; sed tricas istas spirarum inextricabiles tantum tollit, dum, servato penitus eodem mundanorum corporum ordine posituque, terram in mundi centro quidem detinet, sed in isto motu vertiginis convolvit; sic rapiditatem incredibilem stellarum diurnam è mundo tollens, ac motus illos proprios singularum in suis circulis, utis e. g. ab 1 ad 2, à 2 ad 3, &c. cum perpetuo respectu ad solem tanquam centrum, & ipsum in orbe proprio mobile, unos ac solos agnoscens, prout supra quoque suo loco dictum est.

XIX. Proxime porro ad Tychonicam accedit *Hypothesis Ricciolo propria*, sed ex antiquo Ægyptiorum systemate deprompta, quæ in cæteris omnibus, Tychonis principia & fundamenta agnoscit, sed in hoc uno variat, quod Jovis quoque & Saturni orbes è terra potius, quam è Sole describendos putet, his maxime rationibus adductus, quod 1.) videret Saturnum & Jovem habere suos satellites, ac proinde primarios esse planetas, non Solis secundarios; uti quidem ♄, ♀, & ♂ haberi possent. 2.) h & 4 motus tardita-

Hhh hh

te fi.



te fixis stellis affines magis quam ☉ essent : 3.) Mars, Venus & ☿ Solis orbem permearent, 4 & ♄ non item ; 4.) probabile videatur medium aliquem esse planetam inter duos superiores, ac duos inferiores, qui multa cum his & multa quoque cum istis, in suis motibus haberet communia videlicet Martem &c.

XIX. In utraque vero hactenus declarata hypothese, cum geminum systematis mundani centrum agnoscendum sit, alterum planetarum plerorumque orbibus, alterum fixarum stellarum & Lunæ, ac in posteriore Jovis & Saturni cœlis, dicatur ea, quæ nunc plenior hoc loco exhibenda esset, *Copernicana* scilicet *Hypothesis*, ex unico centro totum mundi systema exluscitat, verum, quia de hac hypothese Copernicana, eique succenturiata Cartesiana, in superioribus, (Artic. IV. nempe cap. IV. append. & seqq. porro capp.) passim & prolixè egimus; ideo istuc remittentes lectores nostros, ope Fig. 19. hoc interea loco, alias quasdam ingeniosiores adhuc hypotheses paucis commemorabimus. Meminit autem *Ricciolus* Almag. novi lib. III. cap. VI. n. V. novi cujusdam commentum Domini Joh. Baptist. Baliani Patritii genuensis, qui moliri cepit systema mundi novum, in quo Luna obtineret centrum, atque, ut ipse quidem conjicit, non reliqua tantum corpora cœlestia, sed terram quoque in orbe menstruo circum se duceret, aut circumacta conspiceret &c. Enimvero, quod nondum in lucem tum prodiisse dicit Ricciolus, interim, ut Lucina huic partui feliciter aliquando obstetricaretur, exoptantes idem nec dum nobis videre licuit explicatius propositum. Aliud interea ingeniose satis excogitatum, in Hollandia, quæ me tunc tenebat, vulgavit anno seculi proxime superioris sexagesimo, *Jacobus Coccæus* quod ipse quidem, non solum cum historia creationis Mosaica apprime consentire, sed & universa mundi phænomena, citra omnem fictitiorum eccentricorum & epicyclorum apparatus, feliciter multo & minus coacte salvare, quam omnia alia, confidenter afferit.

XX. Nobis certe dignum est visum, quod hoc loco, cum cæteris, breviter exponeretur, his nixum quidem suppositionibus : 1.) Neque terram solam esse, nec solem unquam fuisse, centrum adspectabilis hujus mundi, sed tria esse diversarum revolutionum cœlestium centra, nempe solis unum *a* (vid Fig. 40.) alterum Lunæ *e*, ac tertium omnibus cæteris planetis commune *b* 2) circa primum *a* solem certis legibus adstrictum, circellum *b c b* describere; procul dubio ad solis apogæi & perigæi phæ-



phænomena deducenda : 3.) secundum *e*, quod elementaris sphaera occupet, motu diurno quotidie gyrata, non lunam tantum obambulare motu menstruo, sed & fixarum exercitum annuo, & quod facile conijcimus addendum, in antecedentia sive ab ortu occasum versus, super axem, ei, qui eclipticæ putatur, vicinum; ut nimirum hac ratione solis motus annuus per 12. signa cœlestia apparenter, & sine terræ tamen annua circumvolutione, resularet: 4.) Circa tertium denique *h* planetas cæteros omnes, in suo quemque circulo ita moveri ut Veneris quidem & Mercurii orbitæ intra Solis Lunæque circulos coërcerentur, reliquorum orbis autem & hos & illos amplectantur.

XXI. Et motus quidem (quod Author subticuit) singulorum planetarum ab ortu in occasum revera tendere cum fixis stellis supponit; ita tamen, ut hi tardius aliquanto (uti quidem motuum proportio postulaverit) versus easdem partes delati, è terra tantundem ab occasu in ortum processisse, nonnunquam etiam, quod hi motus ipsorum extra centrum spectentur, accelerati aut retardati, retrogradi aut plane nulli &c. videantur. 5.) Denique terram utroque diurnæ conversionis polo, s *M*, (Vid. Fig. 40. num. 2. in bina firmamenti puncta *E Z* (quæ vulgo poli mundi, sed falso, dicantur) ita magnetica quadam quasi virtute perpetim-directam esse, ut, dum illa puncta circa axem sphaeræ fixarum annuatim circumducuntur, axis terreni extrema, sive poli terræ, eundem ductum sequuti, verticem v.g. nostrum *v* nunc admoveant magis perpendicularibus radiis, nunc longius inde removeant vel subducant, atque sic annum annique tempestates designent: quæ ratione è vicissitudinaria quadam telluris inclinatione, æstatis, hyemis, autumnii ac veris differentiæ penderent ob quas alioquin, vel terra circa solem, vel Sol circa terram, annuo motu devolvendi erant.

Videantur Figuræ 41. numeri 1. 2. 3. & 4 in ipso Authoris tractatulo prolixius explicati.





### III. EPICRISIS ECLECTICA

Super diversa ista Hypothesium genera, quæ huc  
usque exposuimus.

#### I.

**Q**uod attinet corporum coelestium à terris distantias, quem-  
admodum vel olim à Leucippo assignatæ, vel pronu-  
per ab anonymo chymico contra omnem rationem pro-  
positæ, ideoque à *Dn. Petito* confutatæ & explosæ facillime fue-  
runt; sic eas quoque, quæ hodie à celebrioribus & exercitatori-  
bus Astronomis nobis offerunt, pro certis omnino ac indubiis  
nemo uspiam venditabit: non quod regulis ac methodo men-  
surandi sua certitudo non constet, sed quod instrumentorum &  
observationum summa *angustia*, quam dicta methodus re-  
quirit, & erroribus etiam minimis carens applicatio, in humanas  
vires vix cadat, id quod in immensa hac mundi vastitate tanto  
facilius agnoscent ii, quibus per experientiam innotuit, ne in ter-  
restrium quidem rerum paulo majoribus distantis dimetiendis  
omnem exactitudinem obtineri posse, tametsi regularum theo-  
retica fundamenta nec ibi, sed applicatio tantum, omnem etiam  
possibilem industriam tantisper eludat. Interim circa lunæ di-  
stantiam parum absumus à vero, in cæteris errorem, in se licet  
magnum, haut adeo noxium esse, ut astronomicum phæno-  
menorum calculum admodum turbet, vel eclipses testari pos-  
sunt. Et ut justo multo minores Tychonis distantia ab omni-  
bus hodie accuratioribus Astronomis non sine causa habeantur;  
eatenus tamen usum suum habere possunt, ut, cum affirma-  
tive distantias coelestium exacte definire non valeamus; nega-  
tive saltem, illas Tychonicis haut esse minores, tuto liceat as-  
serere: quod idem de corporum ipsorum vera magnitudine, è  
suppositis quippe distantis pendente, statuendum, interim-  
que certum nihilominus est, justo minores Tychonis, uti  
dis



distancias , ita magnitudines inde illatas , in se tam ingentes esse , ut Creatoris magnitudinem abunde demonstrent.

II. De mundi totius magnitudine certum est pariter , eam minorem ne fingere quidem licere , quam est Tychonica , satis licet in sese ingens & vasta ; prout superius cap. II. Artic. I. pluribus ostendimus. Utrum autem non sit immensis modis major , imo indefinita seu indeterminabilis humano ingenio aut ex Democriticorum mente prorsus infinita , si quæratur ; hæc paucis iterato hic respondemus : 1.) Nihil repugnare, DEUM essentia , perfectione & virtute infinitum , extensione interim omni carentem , effectum produxisse quantitate & extensione infinitum , adeoque infinitæ suæ potentiae quodammodo proportionatum ; id quod *Joh. Clauberg.* in disp physica VII à num. 8. per sequentes plures, egregie confirmavit; id num. 13. contradicentibus considerandū præcipue proponens satis ne sibi constent, satis de Deo magnifice, satis de semet ipsis demisse sentiant, quando ex una parte de mundi termino ac figura aliquid definire audent , & fines eorum quæ DEUS creavit , suo judicio quidem, egredientes , quasi jam universa animo complexi essent, infinitum vacuum, in quo mille mundi collocari possint , sibi re- præsentant : ex altera vero parte essentias & formas rerum homini incognitas asseverant. Videant autem , pergit , ne ibi superbæ forsitan arrogantiae insimulentur , quando limitatam, valde intellectus sui potentiam ad plura & majora extendere, volunt, quam suam extendere voluit omnipotentiam Creator maximus : Caveant etiam hic , ne demissos præ se animos ferentes, optimi Conditoris bonitati detractum eant , quasi ille, formas , & quod pulcherrimum in rebus est, absconderit, sola, accidentia & umbras rerum locarit in propatulo.

III. Placet tamen 2.) omnino Cartesii & asseclarum ejus hoc in loco modestia, qua , cum rationem nullam noverint (ut, habent ipsius Cartesii verba in Epist. ad *Dn. Chanutum* partis I., p. 81.) qua probent , imo neque concipere queant , mundi, fines ullos esse illum indefinitum vocant ; etsi negare tamen,



nequeant, illius forsan fines aliquos esse DEO notos, licet illis comprehendendis impares sint; ut ideo dicere absolute, nolint; ipsum esse infinitum. Et cum *Henricus Morus* Anglicus in Epist. LXVI. ejusd. Part. I. p. 170. Indefinitam ejus mundi extensionem se non intelligere, scripsisset extensionem enim illam indefinitam, vel simpliciter infinitam esse, dicens, & tunc cur mentem suam obscurer vocabulis nimium suppressis & modestis, causam nullam esse; vel tantum quoad nos infinitam, atque ita revera finitam extensionem &c. respondet Epist. immediate sequ. p. 187. Non affectatae modestiae esse, sed cautelae, suo iudicio, necessariae, quod quaedam dicat esse indefinita potius, quam infinita; solum enim DEUM esse quem positive intelligat esse infinitum; de reliquis, ut de mundi extensione, de numero partium, in qua materia est divisibilis, & similibus, an sint simpliciter infinita se nescire se profiteri; scire se tantum in illis nullum se finem agnoscere, atque ita respectu sui se dicere illa esse indefinita. Et cum porro Morus urfisset in superioribus, mentem nostram non esse rerum vel veritatis mensuram, id lubenter confessus certe eam debere, respondet, mensuram eorum, quae affirmamus aut negamus. Quid enim esse absurdius? quid inconsideratius? quam velle iudicium ferre de iis, ad quorum perceptionem mentem nostram attingere non posse confitemur?

IV. Figura huic universo, siquidem extensionis suae fines habet non alia probabilius, quam sphaerica asseritur, physice scilicet non geometricè rotunda; unde enim Aristoteles tam audacem & penitus temerariam sententiam haurire potuerit, quod mundus adeo exquisitè tornatus sit, ut nihil eorum, quae manu parantur, aut quomodocunque ob oculos nobis versantur, vel uspiam in hoc mundo spectari detur, tam exactè rotundum sit; ne somniando quidem mihi assequi licet. Illa certe argumenta, quae ex ipso num. IX. superiorum hypothesis adduximus, ne generatim quidem vel physicam rotundi-



tunditatem , cum aliqua saltem probabilitate evincere , adeo aperte docuit *Gassendus* , ut adeo exacta & politissima rotunditas sanæ rationi in mentem venire non possit. Quod si vero mundus esset extensionis infinitæ , frustra sane de ejus figura, hoc est extrinsecus ipsum terminante ambitu laboraremus. Denique si mundo cum Cartesio malimus indefinitam potius quam infinitam tribuere extensionem , hoc est terminos humanæ rationi non pervestigabiles aut definibiles ; hoc ipso fateremur, mundi terminos nobis , ubi sint & quales, hoc est figuram ejus, (figura enim corporis est ejus terminus) nobis esse penitus ignotam : prout jam sub initium hujus operæ Artic. I. cap. sub finem hoc idem conclusimus.

V. Unicum esse nunc quidem mundum, hoc est unicam corporum naturalium universitatem , & rationi & sacris literis consentaneum est. Verum, si i. hæc universitatis corporum, hujus e. g. terræ quam incolimus , hujus cœli horum siderum quæ videmus &c. certo termino concludatur , hoc est finitus sit hic mundus noster ; non apparet certe ulla ratio , cur alii plures possibiles saltem non sint ? Quis enim negare ausit, extra hujus finiti mundi terminos DEUM posse creare corpora magna, vel his nostris similia , vel alia , eademque in unam compagem coordinare , & in varios inter se conspirantes motus disponere , uti nempe quondam hunc nostrum mundum disposuit ? Estque profecto mera λογισμαχία, cum Cartesiani excipiunt , hunc novum mundum cum antiquo in unum coaliturum , unamque & eandem universitatem compositurum esse. Cum enim antiquus hic mundus per tot annorum millenarios subsistere potuit , sine novo illo , quem de novo à DEO creari supponimus ; quid impedit , quo minus hic novus etiam sine antiquo subsistat, utrique scilicet propriam sibi corporum formam ac dispositionem habentes , peculiaremque universitatem constituentes , cum priore nihil intercedat commercii ? aut quæ necessitas mihi ab aliis imponetur , duos illos mundos tanquam in unum potius coalitos , quam utrumque seorsim sibi



bi sufficientes, & ab invicem independentes, considerandi, ut alium & alium, hoc est ut duos considerandi.

VI. Quod si vero 2.) universi voce generalius notetur tale rerum corporearum omnium aggregatum, quod & formata actu ex materia corpora, & ipsam materiam (si qua forte extra limites formatorum illorum adhuc esset informis & quiescente) & aliam quamcunque corporum universitatem (etsi à prioribus nihil dependentem) ex illa materia de novo, quando & ubicunque, formandam, aut undecunque tandem, eminus aut comminus, accessuram &c. complectatur; (ut v. g. ad Rem publicam Belgicam plures cives plures urbes ac provincias accedere, ejusque fines protendere possunt, ut interim non nisi unica sit maneatque respublica (tunc equidem fateri necessum habemus, plura universa aut plures mundos (qui nempe singuli quicquid uspiam corporeum est, comprehendant) citra contradictionem concipi non posse; sed potius, si quis posset cogitare mundi terminos usque & usque protendi, corporaque quæ videmus usque & usque multiplicari, ea propter tamen non judicaturum plures oriri rerum universitates, sed corpora illa omnia unum idemque conficere universum, quia retinent idem caput, eundem gubernatorem, eandem formam aut dispositionem qualitercunque acceptam &c, (prout hæc omnia similiaque operose inculcat *Claubergius* in Disp. phys. IX. n. 20.) Ita, inquam, accepta voce universi, atque adeo mundi, ineptum esse oporteret, qui statueret, plura uno universa, vel plures uno mundos, aut actu existere, aut possibiles esse: Sed ineptum etiam esset (si velimus quod res judicare) ita vocibus ludere, est ineptius adhuc, alios ad eandem vocis acceptionem adstringere velle.

VII. Evidentior autem 3.) adhuc foret plurium mundorum seu universorum una existentium impossibilitas, si verum ponatur, quod dixerat num. XIV. superiorum hypothesium Aristoteles, hunc unum mundum *πᾶσαν τὴν ὕλην περιειληφέναι*; id quod ipse, qui mundum sphaericum, adeoque finitum, statuit,



statuit, qua veritatis specie affirmare potuerit, non apparet; in hypothesei Cartesiana vero, quæ & mundum indefinitum, & materiam indefinitam statuit, & magis adhuc in hypothesei græcorum interpretum (qui materiam interminatam & sine finibus extensam voluerunt) si mundus ex hac infinita materia formatus etiam infinitus ponatur, jure affirmari posset. Si, inquam, verum ponatur, mundum vel infinitum, vel indefinitum esse, plura certe ejusmodi sive infinita, sive indefinita saltem una statui non possent. Neque terrere quenquam deberet, quod objicitur: Hoc modo divinæ omnipotentiae quasi limites poni, tanquam illa sit unius mundi creatione sic exhausta, ut plures non valeat efficere; siquidem 1.) iterum Cartesii judicio, non est quod dicamus temere, quid DEUS possit, aut non possit cum sciamus intellectum nostrum esse finitum, D E I vero potentiam infinitam; aut ut continuo audacter negemus DEUM id posse, quod conceptui nostro repugnat, aut quod intellectui nostro contradictionem vel impossibilitatem aliquam involvere videtur; sed sufficit considerare, quid percipi à nobis possit vel non possit, & ne inconsideratius feramus judicium de iis, ad quorum perceptionem mentem nostram attingere non posse confitemur; quem locum supra ex eodem Cartesio allegavimus.

VIII. Deinde vero, si quis ausit etiam 2.) dicere non posse DEUM plures producere mundos, stante scilicet hac hypothesei, quod is, quem fecit, infinitus sit; is hac loquendi ratione exteriori auditu paulo duriori non defectum aliquem in divina potentia, sed nihil aliud innuere vult, quam DEUM noluisse plures creare, dum unum infinitum creavit; nec magis derogare videretur omnipotentiae divinæ, quam regis alicujus orbi terrarum dominantis potentiae is detraheret, qui nullam terræ partem ipsum suo adjicere imperio posse diceret, omnibus quippe jam ante sibi subjectis. Quid enim? An is de potentia DEI sublimius & magnifice magis sentire credi potest, qui extra mundum, immensum imaginatur vacuum, ubi corpora nulla sint, sed innumera esse possint; ubi mundus




præter hunc alius, non sit, sed esse possint & produci à DEO alius atque alius; ubi se nondum exserat creatio divina, conservatio & gubernatio cunctipotentis &c. quam alius, qui vacuum nullum agnoscens, omnia spatia imaginabilia materia & creaturis à DEO repleta esse asserit, jam in sua plenitudine cuncta regi, conservari, moveri, ab eodem illo potentissimo Creatore statuit?

IX. Denique si cui lubeat voce mundi ita quodammodo abuti cum Jordano Bruno & antiquis quibusdam philosophis, ut mundum dicat quemlibet mundanorum corporum viciniorum, ex hoc aut illo tanquam centro spectabilem *Τάξι* & complexum; cum certum sit, si quis ex Jovis globo v. g. per circumfusum ætherem oculos circumduceret, eum loco Lunæ unius, quam nos è terris spectamus, quatuor lunas seu corpora à Sole illuminata ac lumine mutuatitio crescentia ac decrescientia, solem vero parvulum admodum, & Saturnum contra magnum ac anatum, aliam denique prorsus circumstantium siderum faciem ac *διανόσµον* ab ea quam è tellure nos conspiciamus, intuiturum esse, prout paulo post in speciali Jovis contemplatione evidentissime demonstrabimus; pariterque ex aliis mundi corporibus, aliam semper circumfluorum siderum prospectum exhibitum iri &c. non video quidem quid obstat, quo minus eo sensu plurimos actu mundos asserere liceat; ut inde tamen nihil decedat eorum veritati, quæ ante de mundo non nisi unico, ex recepto magis & philosophico vocis usu, decrevimus.

X. Quod vero tandem ad ipsam universi formam, hoc est mundanorum corporum ordinatam dispositionem spectat; inter eas equidem hypotheses, quæ terram in centro mundi vel immotam penitus, vel alio saltem quam vertiginis motu non circumactam detinent, *Riccioli* systema hætenus videtur ordinatissimum; Sicut *Cocceanum* ingeniosum magis, quam naturæ rerum conforme judicamus. Verum, si terram loco suo movere fas fuerit, ac circa solem cum cæteris planetis agere, contra præconceptam quidem ac altius radicatam ab infantia opinionem



nem ( ut ego quidem fieri posse , salva & illæsa S. codicis auctoritate , sine omni hæsitacione existimo ) non erit aliud systema Copernicano concinnius aut pulchrius, ipsis etiam cordatioribus adversariis non diffidentibus. Ut enim non dicam, particularium phænomenorum circa hæc & illa corpora cœlestia occurrentium rationes ex hoc ipso promptius & expeditius , quam ex ullo alio promanare ( prout superius Artic. III. per plura capita sparsim evicimus ; ) id certe extra omnem controversiam est, si mundi forma in pulchra quadam & ordinata corporum magnorum *Τάξις καὶ διακοσμήσει* ( quæ nomen etiam mundi ipsi peperit ) consistat , nullibi plus ordinis , concinnitatis & regularitatis reperiri quam in copernicano mundi systemate , quod omnem universi κόσμον circa unicum quoddam quasi centrum, Solem scilicet ita disponit , ut reliqua sidera fixa omnia hunc orbiculariter cingant , erratica vero omnia jam ejusdem , opacorum scilicet , nec alio quam mutuatitio lumine refulgentium , generis , circa eundem per vias simplicissimas , ac motibus viarum amplitudini perpulchre proportionatis deferantur &c. cum in cæteris duo minimum motuum generalium centra, præter solem nempe terra quoque , in Coccæano etiam tertium, idque inane sine corpore mundano inter utrumque medium, assumendum fuerit , & si quid adhuc regularitatis ( quam ipsa tamen centrorum multitudo turbat, ) reliquum fuerit , id tamen non nisi per intricatissimos spirarum flexus & mæandros effingitur potius quam revera obtinetur.





## CAPUT II.

De

*Positu cælestium singulorum interventu refractionis definito.*

## I. PHÆNOMENA.

**P**HÆN. I. Quemadmodum stellarum situm *parallaxis* mutat, eas deprimendo sive humiliter positas oculis exhibendo, quod non ex terræ centro, sed ex loco 860 miliaribus altiore, nempe ex terræ superficie, spectentur. Ita eundem earundem situm ratione contraria mutat *refractio*, attollendo scilicet ipsas & altiore loco, quam quem revera occupant, oculis exhibendo vel sistendo. Multiplici nempe & longo experimento deprehensum est, radios corporis luminosi & cujusvis objecti visibilis, incidentes in opacum, reflecti versus suum principium, angulo reflexionis æquali angulo incidentiæ; ac incidentes in diaphanum oblique, & quod diversæ sit densitatis ab illo medio, per quod hætenus propagati fuerant, (v. g. ex æthere in aërem non tendere directe per eandem rectam lineam, sed velut frangi & inflecti hoc est per aliam rectam lineam propagari, non tamen redire versus suum principium; & si medium, in quod de novo incidunt, sit densius, frangi versus perpendicularem; si vero rarius, refringi discedendo, seu divergendo à perpendiculari.

PHÆN. II. Effectus insigniores refractionum in Astronomia decem enumerat Ricciolus, lib. III. Almag. novi p. 115.2. nos hoc loco duos tantum præ cæteris memorabiles, enarrabimus. Primus est, quod in Zonis frigidis Sol pluribus horis, imo & alicubi pluribus diebus, citius oriatur, quam alioquin operteret, & tardius occidat; sicut accidit anno 1596. Hollandis ad novam Zemblam, uti narratur in illa navigatione Hollandorum;



landorum : Nam sub elevatione poli gr. 76. capta ab illis naucleris iterum ac sæpius , viderunt solem occidere d. 4. Novembris , & latere infra horizontem usque ad 24. Januarii anni 1597 , quo illis inexpectatus est ortus ; siquidem juxta situm horizontis illius , & Solis declinationem non debebat oriri nisi die 11. Feb. & debuerat occidere d. 17. Octobris anni præcedentis : Ita ut refractiones retardarint occasum diebus integris naturalibus 17. & maturarint ortum totidem diebus. Refractionum enim effectum hunc fuisse merito docent Keplerus in Astronomia optica p. 138. & Maginus in primo mobili lib. 6. Prob. 16. Id confirmante etiam Ricciolo in lib. optico , & referente lib. III. Almag. novi, p. 116. in summo.

*PHÆN. III.* Alter effectus refractionum hoc loco commemorandus est , quod luminaria ex diametro opposita ( quo casu altero infra horizontem posito, alterum debebat supra eundem poni ( utraque supra horizontem repræsentat , prout observavit *Cleomedes* lib. II. adeo ut Lunæ eclipsis videatur, etiamsi Luna revera sit infra horizontem, sol autem supra ; quod observatum est , teste Plinio Lib. 11. cap. 13. consulibus duobus Vespasianis tertium , nempe anno Christi 72. d. Februari 22. & à *Mæstlino* anno 1590 , teste *Keplero* in Astronom. opt. p. 136; quodque idem futurum iterum esse, 15. annis ante prædixerat p. 116. Almag. novi , nempe , anno 1668. d. 25. May mane in horizonte Romano. *Payenus* vero simile quoddam phænomenon ( quod nonnulli *adulterium Solis & Lunæ* appellare solent ) in parisino horizonte futurum, anno 1666 uno circiter mense dimidio ante prædixerat nempe d. 31. May. cum eventus ipse futurus esset d. 16. subsequenti mensis Junii inter horas 7. & octavam vespertinas. Utinam vero , sicut calculus illius eclipsios exactus in libro Payeni exhibitus narratur, ac typus etiam futuræ eclipsios ænea figura expressus habetur , in Actis eruditorum sive Ephemerid. Gallicis ad annum dictum; ita postmodum , an eventus prædictioni responderit , similiter in sequentibus commemoratum fuisset!



*PHÆN. IV.* Dum parallaxis sideris illud deprimit, refractionis vero attollit notandum est, non esse eosdem illius depressionis & hujus sublationis gradus; alias se mutuo tollerent, & sidus in vera sua altitudine exhiberent. Verum refractiones sunt parallaxibus multo notabiliores; adeo quidem, ut, cum in tabella parallaxium solarium p. 113. lib. III. Almagesti novi, parallaxis Solis in horizonte, omnium maxima, in perigæo scilicet existentis, annotata sit  $3' 7''$  ex mente Tychonis, refractionis contra omnium maxima in ejusd. tab. refractionum p. 667, lib. X. Almag. novi reperiunda, adnotata sit, in horizonte  $3' 40''$ . Itaque si sidus aliquod habeat simul & parallaxin altitudinis, ob quam videatur depressius, & refractionem, ob quam videatur altius quam revera sit; ut habeatur vera altitudo, addenda est altitudini visæ, parallaxis, & altitudini sic correctæ demenda demum est refractionis: at si altitudo vera in visam convertenda sit, subtrahenda illi erit parallaxis, & residuo addenda est refractionis. Vid. Ricciol. lib. I. Almag. novi. p. 46. 2.

*PHÆN. V.* Tametsi igitur multum differant magnitudine, ejusdem sideris, sub eadem altitudine, parallaxis & refractionis, cum posterior hæc ab aëris vaporosi densitate sub diversis elevationibus poli diversa, (unde Tycho Parte I. progymnasm. p. 15. refractionis suspicandæ occasionem nactus, p. 79. deinde tabulam refractionum solarium, sed ad suum, nempe Danicum horizontem, solum confectam multo labore concinnavit; simul innuens, propter variantem subinde aëris puritatem vel impuritatem, unius etiam alteriusve scrupuli differentiam intervenire posse) dependeat; utramque tamen in sequentibus generalibus conditionibus prorsus convenire; quod

1. Sidus in vertice posuit nullam sortiatur neque parallaxin, neque refractionem.

2. Sidus in horizonte positum maximam habeat & parallaxin & refractionem.

3. Sideris ejusdem & eandem à centro terræ distantiam retinentis major sit parallaxis & refractionis in majori à vertice di-



distantia, quam in minori ; adeo ut in gradu circiter 45. altitudinis refraction vix sensibilis sit, parallaxi tamen in majori adhuc altitudine obtinente) prope horizontem autem præcipitato incremento crescat.

4. Duorum siderum eandem veram vel visam altitudinem habentium, parallaxis & refraction illius major est, quod minus distat à centro terræ.

## II. HYPOTHESES cum ipsa simul epicrifi conjunctæ.

### I.

**S**cilicet, ubi effectus alicujus ratio non in diversorum opinionibus aut conjecturis, (quas ideo suppositiones vel hypotheses appellamus,) sed in aperto quodam ac demonstrativo fundamento reperitur ; ibi locum non habet epicrifi aliqua . ut quæ non nisi super diversas & variantes hypotheses , formari potest ; Sed ipsum fundamentum recte vereque deductum , simul & hypotheseos, & epicrifeos (utraq; scilicet voce improprie magis accepta) nomina complere potest.

II. Cum itaque *refraction* hoc loco notet præcipue illum effectum , quo sidus aliquod in aëre nostro sensibilibus altius supra horizontem esse positum videtur , quam revera positum est ; hujus effectus causa sive ratio , ita communiter & unanimi consensu, ex fundamentis opticis indubiis deduci solet ; Sit exempl. grat. in sequenti figura 42. quadrans circuli verticalis C O G, ex centro terræ A descriptus, sub quo sit quadrans circuli terræ maximi T B, & ex eodem centro A describatur vaporum densiorum superficies sphaerica , cujus quadrans sit D R E ; densiorum inquam , quam sit aër interceptus vel ather inter D E G O C : Sitque A B G horizon rationalis, & T R O horizon physicus , sive apparens. Sit jam sidus quoad locum verum , seu veram altitudinem supra horizontem rationalem , vel in ipso horizonte rationali in S, cujus radius S R incidat in R, punctum superficiei vaporosæ densioris, ad quod punctum educatur ex centro A perpendicularis, (omnes enim lineæ ex centro ad quodvis punctum in circumferentiaeductæ , sunt ad

cir-



circumferentiam perpendiculares : Ergo radius  $SR$ , ex medio subtiliore ætheris  $COGE D$ , transiens in sphæram æris densiorem  $EDTB$ , in hujus extimo puncto  $R$ , non pergit recta versus  $L$ , uti tenderet, si medium esset ejusdem densitatis, sed refringetur secundum leges opticas, versus perpendicularem  $RA$ . Ponamus nunc radium à via recta  $RL$  versus  $R$  a refractum, tendere versus  $T$ , ibique in oculum aliquem incidere; cum oculus videat objectum semper in recta linea retro emissa, tanquam radio visorio, nempe in linea  $TR$  retro continuata usque ad  $O$ , atque adeo objectum  $S$ , quod revera existit infra horizontem physicum, ipsi apparebit supra hunc in  $O$ , loco multo altiore. Contra vero, si objectum aut luminosum esset in  $T$  & radius directus  $TR$ , hic in exitu à medio densiori in subtilius, refringeretur à perpendiculari  $ARV$  discedendo versus  $S$  ex  $R$ , ut oculus in  $S$  positus & objecti  $T$  speciem per lineam  $RS$  recipiens, illud visurus esset hac linea  $SK$  retro continuata, in  $L$ , loco iterum altiore, quam in quo revera est.

III. Fundamenta optica & physica hujus refractionis, quæ hic supponuntur, in libris opticis fuscè tractantur, & nos in parte I. phys. hypothet. II. cap. IIX, Phæn. XII. itemque Sect. III. cap. XI. phæn. V. & subsequentibus utrobique hypothesebus & epicrisibus, præcipue exposuimus. Quemadmodum igitur, cum nummus aliquis argenteus intra pelvum vacuum repositus, oculo interim retrocedente donec non amplius videatur, si aqua deinceps ipsi superaffundatur, statim speciem suam in oculum, hætenus immotum transmittit & conspicuus fit, utpote dicta specie, per refractionem luminis in aqua tanquam medio crassiore, aut potius in confinio aquæ & æris subtilioris, factam in altum sublata; ita Sol sub horizontem novæ Zemblæ jam actu depressus, aut anno sequente nondum penitus sublatus, potuit similiter in aëre illo crassissimo ejus species optice elevata supra horizontem apparere, ipso adhuc infra eum revera existente: Similiterque in quibusdam eclipsibus lunaribus proxime horizontem contingentibus, potuit contingere, ut, cum, Sole jam supra horizontem revera existente, Luna eclipsata infra horizontem oppositum adhuc revera existeret; hujus species tamen, virtute sæpius dictæ refractionis, altiore loco & supra horizontem appareret.

IV. Cæterum, uti parallaxis non solum in altitudinibus siderum, sed harum interventu, etiam in eorundem longitudinibus, latitu-



latitudinibus, distantis, ascensionibus rectis, declinationibus locum habet; Ita pariter dantur, refractiones non solum altitudinis & horizontales, sed & longitudinum, latitudinum, distantiarum, ascensionum rectarum, declinationum; de quibus tanquam binis Astronomiæ summis subtilitatibus in hoc foro physico agere nihil attinet. Si quem tamen sua curiositas impelleret, de his utrisque, parallaxibus nempe & refractionibus plura, si non plene intelligendi. (hanc enim Corinthum non cuivis adire contingit) sed utcunque saltem noscendi, is poterit consulere, si lubuerit, Tom. II. Almag. novi apud Ricciol. lib. X. Sect. V, & VI, integras.

## CAPUT. III.

De

*Reliquis generalioribus cœli phænomenis, quæ ab opticis fundamentis, & ex visus deceptione quadam maximam partem dependent.*

### I. PHAENOMENA.

**PHAEN. I.** Quemadmodum refractionum effectus in præcedenti capite enarrati, non nisi illusiones quædam opticae fuerant; sic in capite præsentis similes effectus plures recensentur, quorum causæ genuinae ex opticis principiis repetendæ sunt. Tales effectus sunt 1) *cœli nocturna nigredo*, & 2.) *diurnus color cæruleus*. Scilicet noctibus serenis ac illuminibus, præsertim hyeme post lapsas nives, aut æstate, post effusas paulo ante pluvias, cœli spatia stellis lucidis interjecta summe nigra conspiciuntur, sine omni luminis sensibili replendentia.

**PHAEN. II.** Offert 3.) *apparens nocte dieque concavitas*. Nempe si die sereno cœlum intueamur, videmus ejus colorem elegantissime cæruleum in magna ab oculis nostris distantia nobis circumfusum, nulla visibili distantia inter dictum colorem cæruleum & oculos nostros interjecta; tametsi spatium

Kkk kk

illud



illud intermedium nequaquam inane aut vacuum esse certum fit, sed aëre minimum repletum, qui, si videri non potest, saltem tactus sensui suam corpulentiam ac plenitudinem comprobatur. Quod si vero serenus aër haut fuerit, sed nubibus tectus & obvolutus, hæ ipsæ visum nostrum terminantes incurvato manifeste ambitu, cavitatis aliquam speciem oculis ingerunt. Noctibus autem serenis, cum non nisi stellas lucidas, in figuram orbicularem dispositas, intueamur, in spatiis autem intermediis summam nigredinem, h. e. nihil videamus; evidens per se est, spatia illa non nisi stellis lucidis terminata, cum non videantur, cavitatem aliquam exhibere, quæ istis materialibus & conspicuis, lucidis corporibus undique claudatur.

*PHÆN. III.* Uti vero hæc nocturna coeli concavitas hemisphærica comparet, & instar globi dimidii excavati, vel cupolæ alicujus, quam vocamus in architectonicis: Ita diurna coeli apparens cavitas depressum potius fornicem, quam globum cavum æmulatur; maxime si cavitas illa, cohærentibus undique nubibus terminetur, quæ perpendiculariter sursum prospicientibus evidentissime, & multum quidem, viciniore, capitibusque impendententes ceruntur, quum illæ, quas horizontem versus spectamus, à nobis manifeste remotiores sint.

*PHÆN. IV.* In palpabili quadam deceptione optica si-  
ve oculorum illusione consistit; dum versus horizontem dirigentes obtutum, terram cum coelo quasi connecti cernimus, ita quidem, ut pueri aliique homines simplices, nunquam scilicet factori rei periculo, sibi persuadeant, 1.) progressuris sibi eo usque, quo loco extrema terræ sive horizontis sensibilis ante viderant, extrema coeli tandem occursura, & ulteriorem progressum impeditura esse. Unde factum est, ut rudis plebeculæ captui ac simplicitati, imo ineptis ac puerilibus opinionibus passim in sacris sese accommodans Spirit. Sancti condescendentia, terræ fines & extrema cum ista affingat cujus rotunditas nec initium nec extremum admittit &c. Cui similis error 2.) in insulis & maritimis locis. Oceanum similiter extrema coeli attingere, & ab



& ab inferiore coelo tanquam vase contineri, terram autem a-  
quis innatare, similiaque non ex imo tantum vulgo hominibus,  
sed philosophis etiam simplicioribus, imo (quod in primis mi-  
randum est) inter philosophos acutiores *Lucretio*, & inter ip-  
sos Ecclesiae Patres *Lactantio*, viro alias prudentissimo, persua-  
sit, ut aliorum, de antipodibus opinionem (nunc aliquoties  
circumnavigata tellure confirmatissimam) miris modis exagita-  
rent; ipsi potius cum ineptis suis consequentiis & ratiocinatio-  
nibus vel à quolibet nauta hollandico nunc deridendi. 4.) E-  
jusdem commatis est, quod coelum haut multo majus terrarum  
orbe videtur imperitæ plebeculæ, indeque mundus in coelum  
ac terram, tanquam partes non admodum inæquales; ipsa S.  
Scriptura ad hanc simplicis plebeculæ iterum sese accommodan-  
te. Neque 5.) aliunde est, quam ex hoc communi præjudicio,  
illud alterum, quod, ubicunque etiam terrarum fuerint, in  
mundi medio se esse plurimi opinentur.

*PHÆN. V.* Tamen si Sol & Luna globosa corpora sint  
indubie non ratione solum, sed sensu quoque, in Luna etiam  
nudo cum sub vespere ante Solis occasum dichotomam fere,  
eam attentius intuemur: in sole vero per telescopia saltem specta-  
to id attestantibus: apparent tamen oculo inermi ad instar or-  
bium vel discorum, ambitu quidem rotunda, facie vero antero-  
re plana: idemque in minoribus stellis, tam fixis quam plane-  
tis, observare est, cum oculos artefactos, hoc est tubos astro-  
nomicos, in eas dirigimus. Sine his autem radiosæ apparent ac  
cincinnis quasi undique cinctæ; & quidem multo majore ac am-  
pliore ambitu, quam per ipsa telescopia.

*PHÆN. VI.* Notabile quoque phænomenon est, quod  
☉ & ☽, cum in Horizonte existant, multo majores appareant,  
quam in sublimi, ita ut sæpe currus alicujus rotam adæquent,  
aut integram casam rusticam, ante ipsos è longinquo vilam ex-  
cedant cum tamen orientes vel occidentes integra semidiametro  
terræ remotiores à nobis sint, quam prope verticem, adeo-  
que minores ibi quam hic apparere deberent. Pariterque aste-



rismi stellarum integri in exortu duplo, vel plusquam duplo, distractiores spectentur, quam cum ad notabilem altitudinem jam elevati sunt.

*PHÆN. VII.* Stellarum minorum scintillatio, etsi res levicula videatur, multum tamen negotii facessit Physicis & Astronomis, præcipue hoc, quod planetæ propiores nobis magis scintillent quam remotiores, ita ut in Saturno remotissimo nihil omnino scintillationis sentiatur; interea vero fixæ stellæ, immensis modis adhuc remotiores vividissime scintillent. Similiter earundem stellarum diurna occultatio, sive, quod interdiu non videantur; cum tamen radios suos tum non minus, quam per nocturnas tenebras, in oculos nostros effundant.

*PHÆN. VIII.* Est porro ludicra quodammodo & puerilis observatio, quod stellæ cum oculo quorsumcunque excurrente, simul in eandem plagam excurrere videantur; non solum per longas in urbibus & oppidis plateas facto excursu, sed etiam per vias longissimas recta eundo, quas semel à latere nobis collocatas conspeximus, easdem, tanquam comites indivulsos eidem lateri constanter hære, stantibus autem nobis una stare immotas deprehendimus.

*PHÆN. IX.* Nec minus jucunda est similis alia observatio, qua eadem stellæ noctibus serenis immotæ & quiescentes spectatæ, ita ut actu plane non moveri videantur, (tamen si moveantur diurno motu, incomprehensibili celeritate ferantur necessum sit, ut alibi ostendimus) sed ad certa in terris signa relata, post intervallum aliquod temporis sensibile motum aliquem subiisse locumque mutasse, judicentur: celeriter tamen procurrare spectentur, si per translatas in contraria nubes eas defixo obtutu intueamur, in quamcunque etiam plagam illa nubium translatio facta fuerit.



## II. HYPOTHESES

### Cum intermixta Epicrifi.

#### I.

**N**octurna illa cœli nigredo, è summæ cœlestis substantiæ subtilitate ac pelluciditate, atque adeo invisibilitate, oritur; Siquidem, ubi nihil videt visus, ibi meram nigredinem, h. e. carentiam omnis lucis, omniumque colorum deprehendit. Cœli vero ea est conditio, ut Sole noctu sub horizonte latitante ejus radii aëris sphaeram sub noctis initia adhuc ferientes ab imo oculis in tenebris, & superficiei terræ proxime constitutis, multum splendoris ex aëris subtili quidem in se, at ætheris substantia multis adhuc modis subtiliore, multum inquam, luminis offundit, quod crepusculum, vel creperam dubiamque lucem appellare solemus. Jam si æther in altissimis spatiis, quæ à planetis occupantur, à receptis Solis radiis (quod enim hi radii à Sole sub horizontem jam demerso, ad illa spatia altissima copiosissimi pertingant, ipsi planetæ ibidem consistentes, & ab eodem Sole sub horizontem jam demerso valde illuminati, abunde testantur) centesimam vel etiam millesimam partem luminis à Sole subterraneo reciperet ejus quod ab eodem Sole aër recipit, tota nocte totus æther spatiosissimus aliqualem resplendescentiam versus terram nostram emittere deberet. Cujus cum penitus nihil noctibus illunibus observemus; indicio id est ætherem immensis modis subtiliorem esse aëre, ita ut radios à Sole subterraneo ex imo receptos omnes sursum transmittat, nec ullos ex spatiis illis planetis interjectis remittat; quemadmodum alias ex ipsis planetis, tanquam corporibus solidis & opacis copiosissimi reflectuntur.

II. Ex quo sponte sua, tanquam consecrarium evidentissimum, consequitur, tametsi non ii sumus, qui aquas illas nostris hisce superius impendentes absolute negare ausimus, id tamen cogi nos vel nolentes negare, quod expansum illud vel firmamentum, supra quod aquæ illæ circumfluere supponuntur, vel supremum fixarum cœlum, vel aliud humilior planetarum, significare possit aut debeat. Ubicunque enim illud supponatur, oportet id 1) so-



lidum aliquem habere fundum, cui incumbentes vel stagnet, vel fluant; 2) veram aliquam aquam esse necessum est, h. e. aëre saltem crassiores, ut, si maxime multo nostris subtiliores eas fingere libeat, tales tamen fingere non liceat, quæ omnes aquæ proprietates penitus exuerint; utpote tam ingentem inter aquas infra firmamentum, & alteras supra firmamentum, nec sacer textus, vel unico apice innuit, & aqua omnibus aquæ proprietatibus exuta sanæ rationis conceptibus prorsus repugnat. Quare 3) negandum omnino est, aquas aliquas, quantumcunque subtiles (ita tamen ut aquæ esse non desinant) supra firmamentum aut cœlos vel stagnare vel fluere, quandoquidem, si fingere qualemcunque fundum velimus, & si vel purissime crystallinum fingamus, non poterit is sine omni opacitate fingi, & aqua super illum fundum stagnans aut fluens, crassitiem saltem aëris nostri crepuscularis (quem, si serenus quidem sit & purior, in vicinia ne videre quidem de die licet) obtinebit, qui si à Sole subterraneo, tempore noctis, illuminetur una cum fundo suo, necessum esset idem de hoc & aqua sibi incumbente concludere, quod supra de æthere (si crassitiem aëris haberet) concluderamus; nimirum magnam, nocturno & illuni cœlo, exinde resplendentiam recipere debere, qualis tamen nunquam & nullibi observetur, nisi cum luna splendens inferiorem nostram aëris sphæram illustrat.

III. Sed ad cœli diurnum ac cæruleum colorem tempore sereno sursum prospicientibus videndum, nunc progrediendum est. Is vero per errorem cœlo tribuitur (id enim quod oculo primum occurrit visibile, cujusmodi aër est eminus quidem conspectus, non aliter ac nebulæ in vicinia inconspicuæ, è quo Sol & stellæ lucent, cœlum esse putamus) neque cœli est, sed aëris, qui de die illustratus est à Sole, & imbutus splendore satis forti, sed oculis tamen, una in aprico positus, debili ac transparente (nisi quis forte in ipsum Solem eos convertat) atque adeo vi observationum opticarum, ante nigram cœli faciem cæruleo. Etenim, quod in candentibus vel ardentibus candelis observamus, inferior flamma multo tenuior est superiore, ita ut hæc non transpareat, illa vero nigrum & exustum ellychium transparere faciat, aut verius forte, quia tenuior ejusmodi & transparens lucula (qualis etiam in vino ardente spectatur) rarioribus lucis radiis, (quam raritatem ipsa transparentia arguit, umbræ plurimæ admixtæ sunt, ex qua pauciorum luminis radiorum, cum multo frequentioribus umbris mixtura colorem cæruleum



leum ipsum ingeniose deducit P. Fabri Tract. II. Scient. phys. lib. I. p. 73. quod scilicet infinitæ quidem aëris atomi : sed rarius fluitantes , aliquid luminis solaris ad oculum reflectant , interjecta vero atomis spatiosa ipsis grandiora lumen transmittentia , ejusque adeo parum ad oculum reflectant , & loco radiorum plures eorum defectus , hoc est umbras ipsi immittant ; Unde etiam in aëre hoc inferiore hujusmodi pauciorum radiorum cum plurimis umbris facta mixtura eminus oculo ingesta ipsi montes & sylvas , remotiores , cæruleo colore quasi obductos exhibet : id quod animadvertentes pictores nostri , fictæ montium & urbium , turrium &c. exillitate , obductoque insuper colore cæruleo dilutiore , ita fallere hominum , eorum tabulas inspicientium , oculos didicerunt , ut in eadem tabulæ planitie picta , alia tamen vicina , alia multo distantiora , alia denique remotissima ipsis videantur

IV. Quoniam ergo aër & æther subtilitate sua vel prorsus inconspicui sunt , ut posterior ; vel ad certam saltem distantiam ; eo usque nempe , ubi color ejus in serenitate conspicitur ; vel usque ad nubes circa terram , serenitate deficiente , orbiculariter ad sensum dispositas ; non potest non fieri , ut , quousque nil videmus , spatium aliquod ab omni materia vacuum hoc est cavitatem aliquam , concipiamus ; prout canthari cavitatem tum demum recte observamus , cum spatium ejus internum , aëre invisibili plenum , ut vacuum concipimus. Verum illæ imaginariæ cavitates non terminentur eadem curvitate : Nocturna enim cavitas cœli hemisphærica ideo videtur , quod extremitas ac terminus illius sunt stellæ orbiculariter circa nos disseminatæ , omnesque tum à nobis , tum à centro terræ æqualiter distantes , cum singularum distantia immensæ sint hoc est tantæ , ad quas tota terræ diameter vel semidiameter non habeat sensibilem proportionem. Quare , cum tellus , intuitu stellarum immensum - distantium , instar puncti sit , cœlum instar globi vel sphæræ cavæ se habet , & cum inferiorem hujus sphæræ partem præ terra nequeamus , solam superiorem partem , atque adeo hemisphæricam ejus cavitatem concipimus.

V. Aliter se res habet cum cavitare cœli apparente diurna , utpote quæ minus longe à nobis ; in terræ superficie , non in centro ipsius existentibus distat ; unde tantum abest , ut dimidium sphæræ aëreæ ; sive ad colorem cæruleum usque sive multo humilior ad nubium tantum concavitatem exporrectæ , videamus ; ut  
non



non nisi exiguum totius sphaeræ segmentum conspiciamus, quod verticaliter sursum<sup>4</sup>. forte ad summum milliaria germanica assurgat; horizontaliter autem ultra octuaginta milliaria extendatur; fornicem adeo quoad altitudinem nimis humilem ac depressum, lateraliter autem nimis elongatum exhibiturum, nisi per deceptionem opticam extremitas illa fornicis horizontalis, cum extremitate horizontis In terra sensibilis, connexa, elongationem illam nimium quantum abbreviaret. Pulchre hanc rem deduxit B. noster *Weigelius* in sphaerica methodo euclidea conscripta Theor. XXVI. quod videatur.

VI. Vere diximus de Phæn. IV. illud in palpabili quadam optica deceptione consistere; hinc scilicet orta, quod inter utriusque, cœli nempe & horizontis in terra sensibilis, nulla corpora distincte visibilia deprehendit visus noster, atque adeo (quod in talicasu fieri solet) illas optice conjungit; prout ex. grat. circa oppidum ambulantes, collegii turrem, & oppidi primariam è regione collegii extra urbem intuentes, immediate se contingere & coherere quasi putamus, cum inter utramque, licet plus quam 100 passuum intervallo distantes, nulla corpora, aut spatium saltem interjectum videmus, aut cum lunam splendentem à camino aliquo tectam conspiciamus, nihil interim inter hunc & illam interpositum observare valentes. Quia enim in tali casu species utriusque rei in oculo depictæ inibi immediate se contingunt, similem ipsarum rerum contactum erronee inferimus. Quo fundamento semel recte percepto, reliqua phæn. IV. consuetaria suas etiam rationes ex eodem communi fonte manantes facile habebunt.

VII. Quod vero globosa revera & ventrosa antèrè lunæ solisque corpora, oculo inermi instar orbium vel discorum plana exhibeantur, ex ea causa est procul dubio, quod globositatem aut ventrositatem alicujus corporis, eo solo indicio deprehendat oculus, cum advertit radios è partibus corporis mediis ad oculum transmissos sensibiliter esse breviores iis qui à partibus marginalibus sive à medio remotioribus adveniunt: id quod in casu præsentì fieri non potest; in quo radii marginales revera quidem è medio venientibus pariter multo longiores sunt, sed tamen longitudinis suæ differentiam non habent sensibilem; quia nimirum utrique immensæ sunt longitudinis: Quod vero in Sole & Luna multum vicinioribus oculo non armato obtingit phænomenon, idem armato quoque circa fixas immensis modis distantiores potest obtingere, ut  
vel



vel instar numulorum planæ, vel instar punctorum potius compareant. Illud autem cum mirum jure videatur quod stellæ nudo oculo non radiosæ solum & cincinnis obsitæ, sed multo majores exhibeantur, quam per telescopia spectatæ, quorum alias munus & proprietas est rerum species non imminuere sed augere, sciendum est, oculi in tenebris nocturnis constituti, debileque stellarum lumen excipientis, pupillam multo amplius aperiri, ut stellarum radii non per medium solum crySTALLINI, sed ad latus etiam per processus ciliares, quos vocamus, ad oculi fundum penetrare, eumque adeo copiosa amplexuque luce, spuris radiis opplere valeant; qui radii spurii vel laterales cum propter tuborum longitudinem ad oculi pupillam, pertingere non possint, directi magis & per medium crySTALLINUM solum penetrantes, non nisi genuinam stellæ speciem in oculi fundo depingent; auctam quidem tubi solita virtute, respective tamen multo minorem oculo nudo excepta, propter exclusos laterales spuriosque radios.

VIII. Quod luminaria circa horizontem majora, & asterismi distractiores amplioresque, quam in sublimi, appareant; ejus rei causam ex eo alias accersivimus, quod stellæ circa horizontem sint & appareant remotiores, & eundem tamen angulum visionis in oculo ubique, tum in sublimi, tum in horizonte subtendant, & vero quod, sub eodem angulo cernitur, interea vero remotius esse creditur, necessario majus esse judicetur. Postea tamen hæc ratio non amplius videbatur sufficiens; quod 1) certum quidem erat, stellas in horizonte integra semidiametro magis à nobis distare, quam circa verticem; incertum tamen, imo impossibile, hanc distantiae differentiam in illa immensitate esse sensibilem: 2) nec illud adeo obvium sit, quod in horizonte ac in sublimi eundem visionis angulum subtendant, sine instrumentorum Astronomicorum adminiculo. Quare aliam & veriore magisque obviam hujus phænomeni rationem ex eo petimus, quod aëreæ valde humilis sphæræ non nisi parvum segmentum in hac terræ superficie conspicuum habeamus, & species coelestium per illud in oculos nostros transmissas recipiamus, quæ cum circa horizontem majorem multo segmenti illius partem 1. 2. quam circa verticem in 3. 4. (Fig. 43.) occupent, cum ipsæ in cœlis eandem habeant magnitudinem HI, & L K, similiterque eadem distantiae stellarum DE ac EF, circa horizontem arcum multo majorem b 4, quam 5, 6 prope verticem comprehendant.



IX. De stellarum, præter Solem ac Lunam, minutiorum scintillatione nocturna, cum supra Articuli II. cap. III. ejusque hypothesebus tertiis earumque subjuncta epicrisi, & de earundem occultatione diurna, ejusdem Artic. II. capitisque III. hyp. secundis, & easdem subsequente epicrisi altera, nec non Artic. IV. cap. I. hypot. num. I. & II. & epicriseos subjunctæ num. II. fusius egerimus, nunc translationis illius apparentis, stellarum cum observatore translato, rationem ex eo deducemus, quod ad lunæ v. g. immensam distantiam 50000. circiter milliarium (multo magis autem ad reliquorum astrorum incomprehensibiliter altiorum distantias) totum spatium ab oculo in terris moto emensum, ne puncti quidem rationem habens, ejus positum nihil mutet respectu oculi sibi motus conscii, & parallelo proxime, cum posito primo seu initiali stellæ sinistrorsum aut dextrorsum collocatæ, excursu pergentis; quod idem phænomenon ex eadem causa in terris, circa turres & montes remotiores (nam in vicinis contrarium evenit, ut in oppositum ire videantur) ab iis observatur, qui navi curruve eos celeriter prætervehuntur.

X. Ratio phænomeni ultimi, quoad partem posteriorem inde petenda videtur, quod oculus separationem duarum rerum quarum unam, uti nubem latam & obscuram, confuse & oblique alteram, uti stellam minorem multo ac splendentem, distinctius ac directius videt, non possit non ei tribuere, quod distincte ac directe videt. Quoad partem priorem autem, cur scilicet stellarum in cœlo progressus ab oriente in occidentem, (sive verus sit, sive apparens) non nisi ex intervallo sensibilis sit? habemus ejus analogum quid in horologiorum indicibus, quos oculus eminus intuens actu ipso moveri non sentit, ex paucis vero temporis intervallo illos denuo respiciens, sensibilibus interim progressos esse percipit, quia nimirum in tempore adhuc sensibili (quale est e. g. minutum temporis secundum, arteriæ impulsio æquale, cujusmodi 3600. hora una complectitur) spatium insensibile (trices sexies scilicet centesimam partem spatii inter horæ unius alteriusque notas, vix puncti rationem habentem) conficiunt. Tametsi vero spatia cœli singulis minutis secundis respondentia, absolute maxima, ac tantum non immensa sunt, velut ex iis quæ supra Artic. III. cap. I. & hujus epicrisi num. VI. patet, ob distantiam tamen à nobis multo magis, ac tantum infinites immensam, instar punctorum pariter considerata veniunt.



SECTIONIS SECUNDÆ

De

MUNDO ÆTHEREO

Sive

SIDEREEO

MEMBRUM ALTERUM

Sive

PARS SPECIALIOR

De

*PLANETIS SPECIALISSIME.*



MEMBRI SECUNDI  
sive  
 PARTIS SPECIALIORIS  
 ARTICULUS PRIMUS,  
 De Sole.

CAPUT. I.

*De Solis natura & substantia.*

I. PHÆNOMENA.

**P**HAËN. I. Vulgatissimum est & obvium in singulos dies phænomenon, & lucere Solem efficacissime, & calefacere vehementer; Et à luce quidem ejus non in terristarum nostris pendet gratissima pariter ac utilissima noctium dierumque vicissitudo, sed Lunæ quoque & aliorum planetarum lumen, uti suo loco docetur; à calore vero, nunc his nunc illis terræ partibus, diutius aut minus diu, collectis aut sparsis radiis, diversa aëris temperies, tum in diversis terræ partibus eodem tempore, tum in iisdem diverso; humorum item exsiccatio (ita ut nonnunquam integra fere flumina exsiccentur) concretorum liquefactio, viventium denique vita, salus & generatio.

PHAËN. II. Ac tanta quidem ex ipso caloris vis emanat, ut radii ejus directi, continuato longius impulsu aut perpendiculari allapsu, terras hominesque adurant: per reflexionem autem aut refractionem in speculis cavis aut lentibus vitreis collecti, non accendunt tantum inflammabilia quæque, sed & solidissima metalla in momento quasi temporis liquefiunt.

PHAËN.



*PHÆN. III.* Operæ pretium est, ut hæc res tum de speculis cavis, tum seorsim etiam de lentibus vitreis distinctius enarretur. Confecta quidem jam olim fuerant à *Magino & Septalio* ejusmodi metallica cava specula; sed eorum vim ustoriam longe fuisse infra effectus novi cujusdam anno circiter 1665 Lugduni in Gallia confecti, testatur relatio Actis philosophicis anglicanis in latinum conversis ad annum memoratum inserta p. m. 72. & seqq. Artifex nominatur *Domin. Villetus*, figura speculi indicatur rotunda, diameter 30. digitorum & paulo amplius; ab uno latere circulo quodam chalybeo cinctum erat, ut exacte figuram suam retineret: ultra 100. libras ponderis habebat, minimo tamen labore mobile: Punctum ustorium 3, circiter pedes à centro speculi distabat, latitudine exæquans semiaureum Ludovici; effectus notantur sequentes: 1.) Lignum viride, ignem concipiebat in momento. 2.) Minutia ferri ex lebete in guttas soluta spatio 40. min. sec. 3.) Numus  $\frac{1}{4}$  thaleri exæquans perforatus est 24. sec. 4.) Clavus canthi in guttas solutus 30. secundis. 5.) Minutia bractæ ferreæ perforata 6. sec. 6.) Frustrum laterculi quadrati vitrificatum est in bullam seu guttam vitri 45. sec. 7.) Lapis mineralis qui affigi solet sclopetis cum machina rotatili, (an einem Feuerschloß calcinatus est & vitrificatus præcise minuto primo uno &c.

*PHÆN. IV.* Speculum vero ustorium, quod *Dn. Tschirnhausen* Nobilis Lusatus, in patria sua ex cupro fabrefieri curavit, ab ipso descriptum habetur in actis eruditorum Lips. ad annum 1687. p. 53. quod 1.) speculum villetanum tribus pene octavis ulnæ Lipsicæ exsuperet; 2.) ex lamina cuprea constet vix duplo crassiori, dorso cultri communis, indeque facile de loco in locum transferri possit; 3.) Adeo exactæ sit polituræ, ut quævis objecta accuratissime referat; 4.) focus duabus ulnis à speculo distet; 5.) vis ejus caustica tantæ potentia sit, ut admotum foco speculi lignum in momento flammam concipiat, quam ne ventus quidem valentior facile extinguat; 6.) Aqua intra vasculum figlinum ei applicatum, ex templo effervescat.



ut ova injecta statim sint edulia, & retento ibidem parumper vasculo, aqua omnis evaporet; 7. Massa stanni plumbive tres pollices crassa, simul ac foco admovetur, guttatim liquefcat, spatium vero 2. vel 3. minorum plane perterebretur; 8.) cuprum item, argentum &c. foco admota colliquescant, & unciali sive imperiali saxonico idem contingat intra 5. vel 6. min. quod laminae supra memoratae; 9.) Quae liquefactioni obnoxia non sunt, ut lapides, lateres &c. brevi instar ferri igniti candefiant; 10.) Tegulae intensissimum alias ignis aestum perpeffae, exigui temporis lapsu in vitrum flavum liquefcat, sicuti testae ex ollis multo ignis usu induratae, in vitrum nigro-flavum &c. & haec omnia experimenta exeunte Augusto & Septembri tentata: Tentato denique 11.) effectu concentratorum hoc speculo radiorum Lunae plenae in maxima sua altitudine existentis, nihil quicquam caloris, lucis tamen non exiguum augmentum deprehensum fuerit. Conf. eadem acta Lipsi. ad ann. 1688. p. 38.

*PHÆN. V.* Idem vero *Dn. Tschirnhausen* enarrat nobis in actis Lipsi. ad ann. 1691. p. 517. singularia effecta vitri caustici bipedalis, quod omnia magno sumtu haecenus constructa specula ustoria virtute superet. Effecta paucorum secundorum minorum spatium producta singula, sunt seqq. 1. Simulatque lignum foco admovetur (qui à superficie vitri 3. ulnarum longitudine distat) statim flamma concitatur, tametsi lignum aqua prius madefactum fuerit. 2.) Plumbum atque stannum non contemnendae crassitiei confestim liquefcent. 3.) Lamina ferrea (cuprea item & orichalcea) ea in parte qua ad focum admovetur, mox excandescit, & sine mora liquefit. 4.) Lapis fissilis (*Schiferstein*) liquefactus, in vitrum abit nigri coloris, quod in fila deduci potest. 5. Vas argillaceum aqua repletum, interim dum illa vehementer ebullit, colliquescit. 6.) Lateres cocti excandefacti in vitrum flavum mutantur 7.) Pumex autem diaphanum vitrum suppeditat. 8.) Asbestus expectatione citius in nigricans vitrum convertitur, 9.) Plumbum liquefactum



factum in pellucidum vitrum transit. 10.) Stannum vero primum in albissimum pulverem, deinde vero in vitrum commutatur. 11.) Aurum liquefcens in vitrum colore rubinos referens redigitur. 12.) Antimonium dum in clauso vase comburitur, fumos emittit, qui collecti in subtilissimum alibissimumque pulverem abeunt. 13.) sub aqua ulnam alta, pix, resina, & sulphur liquefiunt. 14.) Lignum quoque & papyrus concremantur à radiis ab hoc vitro versus solem reflexis : quod iis minime incredibile accidet, qui norunt lentem quamvis indefinitos numero habere focos ; quorum tres in nostra satis sunt conspici. Possideo non solum enumeratorum effectuum plerorumque specimina, per filium meum Prof. Guelferbytanum ab Autore mihi transmissa ; sed actuales etiam effectus, lentis similis magno pretio coëmptæ, ante paucos annos Norimbergæ apud Dominum Volkamerum mercatorem, virum curiosissimum, hisce meis oculis spectavi. Adjungit autem Autor, alleg. loco quod in media etiam hyeme eadem vi polleat hoc instrumentum, insuperque modum docet, & speculorum & vitrorum ustriorum vires incredibiliter augendi, qui videatur.

*PHÆN. VI.* Cæterum, postquam per tubo - specilla majora coloratis præsertim lentibus ocularibus aut suffuso fumo tantisper obscuratis, aut sericis telis aliquatenus tectis, instructa, & hac præparatione accidentaria accedente, novum nomen *Helioscopiorum* nacta, Solis faciem quasi cominus intueri datum est ; apparet ad oculum, solem quidem globi figuram habere, eamque satis politam ac lævigatam, non esse tamen substantiæ solidæ penitus & consistentis, sed fluidæ, saltem magna ex parte, ita ut instar metalli fusi, aut ( si forte mavis ob notabilem candorem ) vitri in officinis vitrariis liquefacti ebullire distinctissime cernatur : Id quod etiam liber oculus per angustum foramen observare potest ; maxime cum aliqua ex parte Sol in deliquio occultatur. Imo nudus quoque penitus & inermis oculus solem vesperi jamjam occasurum securus ac indemnis intueri potest ;



potest quo facto margo seu ambitus undiquaque fluctuans & instar vitri fusi ebulliens manifesto spectatur, facies autem sive superficies anterior non globosa, uti per tubos, sed plana instar orbis alicujus apparet; cujus rei causam jam in parte generali dedimus.

*PHÆN. VIII.* Et cum ab omnibus seculis purissimæ substantiæ creditum esset solare corpus utpote coeleste ac divinum ex gentilis philosophi mente; sub seculi proxime superioris initium tamen *Scheinero* primum (aut quorundam hodie autoritate, diu ante Scheinerum *Saxonio Altdorffinæ* nostræ universitatis Mathematico) omnia alia expectanti, & post eum *Galileo* (observationis tamen primæ gloriam sibi arroganti) aliisque Astronomis magni nominis, atque adeo nuper admodum quamplurimis, ejus facies comparuit in obscuris cameris, aut visa est directe per telescopia etiam mediocria, nec non aliquando nudo quoque, aut serico tenuiore tecto oculo, maculis quibusdam aut partibus obscuris, opacis, atris hinc inde distincta; de quibus, quia proxime sequenti capite ex professo agere nobis constitutum est, verbum hic non amplius addimus.

*PHÆN. IX.* Variat autem in terris aliis aliisque, v. g. nostris, & luminis solaris diuturnitas, hoc est dierum artificialium, quos vocamus, longitudo, & caloris solaris alterna intensio ac remissio, quæque inde sequuntur, propter annuos ejus accessus ac recessus, cum respectu verticis nostri, tum etiam respectu certorum limitum in horizonte nostro; in quorum borealissimo oriens (cum scil. motu proprio in ☉ signum evehitur) circa meridiem vertici nostro proximus est, ac diem facit longissimum; in australissimo contra, (cum ☿ signum ingreditur) exortus, ab eodem vertice circa meridiem remotissimus, ac diei brevissimi causa; quemadmodum intermedio loco, ubi æquatorem oblique transilit, & à vertice nostro circa meridiem mediocriter distat, in ipsis orientis & occidentis cardinibus, affurgit ac mergitur, diem nocti tunc æqualem, non apud nos tantum, sed ubique terrarum faciens. Qua de re infra in hypothesibus plura erunt dicenda.



## II. HYPOTHESES circa substantiam & naturam Solis

### I.

**S**Olem & lucere & hæc inferiora calefacere nemo ignorare potest, nisi qui ad percipiendum prius sensu visus, ad posterius autem cognoscendum, tactus quoque sensu ab ineunte ætate destitutus sit. Cum vero igneæ naturæ indubitatum in his terris signum semper habeatur, conjunctio duarum illarum proprietatum, *potentia nempe illuminandi & potentia calefaciendi*, imo utriusque actuum quoque, *Lucis* scilicet & *Caloris*, in uno eodemque subjecto; adeo quidem, ut vel alterutrius tantum præsentia; ignis præsentiam arguat; nempe cum vel noctu lucem grandem è longinquo videmus, nullo ejus percepto calore, vel hyeme conclave aliquod ingressi, ex percepto solo calore ignem in fornace ardentem arguimus, nulla luce ejus conspecta. Mirum ergo non sine causa videtur, quod, cum & Solis, lucem supra horizon-tem nostrum, aëre præsertim sereno, oculis semper intueamur, & calorem ejus nunc majorem, nunc minorem, tactu semper percipiamus, reperti tamen sint inter homines, eosque Philosophos, qui solem esse ignem negarent.

II. Talis certe erat Aristoteles lib. II. de cœlo cap. 7. virtutem quidem calefactivam Soli libenter tribuens & *virtualiter calidum* asserens, *formaliter* autem *calidum* esse strenue inficiatus. In explicando vero modo, quo tale corpus, quod in se actu nihil caloris haberet hoc est igneum non esset, posset tamen extra se per immensa intervalla æstum excitare, & multis in locis sæpe intolerabilem, admodum se torquebat, duas tandem effingens utcumque calefaciendi rationes, alteram per motum, alteram per lumen & radios; cumque per posteriores non alios quam solares intelligere posset, etiam non alium quam Solis aut orbis solaris, motum in priori supponi par erat. Itaque cit. cap. 7. sub fin. inquit: τὸ δὲ αἶρος ὑπὸ τὴν τῆς κυκλικῆς σώματος σφαῖραν ὄντος, ἀνάγκη φερομένης ἐκείνης ἐκθερμαίνεσθαι καὶ ταύτης, μάλιστα ἢ ὁ ἥλιος τετέχνηκεν ἐνδεδεδεμένος διὸ δὴ

M m m m m

πλη-



πλησιάζοντός τε αὐτῆς; καὶ ἀνίχοντος, καὶ ὑπὲρ ἡμᾶς ὄντος, γίνεται ἡ  
 „*θερμότης* hoc est aëre sub sphæra circularis corporis existente, ne-  
 „cessum est illa circumacta (ipsum) excalefieri, ibi maxime ubi  
 Sol ei infixus est. Ideo appropinquante ipso (horizonti nostro) &  
 „in altum elevato (versus verticem) & supra nos existente, fit calor,  
 „(maximus intellige & sensibilior.) Ut hoc pacto non tam orbis  
 „solaris, sed ipsius huic infixi Solis, motum, caloris in aëre ex-  
 citati causam præcise supponat; eo modo scilicet, ut quemad-  
 modum paulo ante dixerat, motu in aëre & per aërem & lapides,  
 & ferrum, ferveferi, & in transmissis jaculis laminas plumbeas li-  
 quari, & consequenter aërem per quem feruntur, idem pati ac-  
 simul ignescere, idque atterendo & fricando; sic superne in cœ-  
 lo cum sphæris suis circumlata, non ipsa quidem ignescere vel ac-  
 cendi, sed aërem tamen ab illa celeri Solis cum sphæra sua raptat-  
 tione, per similem attritum, ignescere quasi & caleferi.

III. Hæc ex ipso Aristotele deduximus, cætera, quæ *Jaco-  
 bus Zabarella*, tanquam hypotheseos Aristotelicæ plenitudinem  
 absolventia, ex ejus libro de calore cœlesti hujusque cap. II. hic  
 supponemus, in seqq. potissimum consistunt: 1.) Aërem accen-  
 di per motum corporis solidi, duabus his conditionibus præditi,  
 ut sit prope ipsum aërem, & celerrime moveatur. 2.) Has duas  
 condiciones conjunctim acceptas solum Solem inter omnia astra ob-  
 tinere, Luna quippe proxima existente, sed tardius mota, quia  
 parvum circuitum faciat; cætera vero astra celerrime quidem  
 moveri, sed nimium distare à corporibus inferioribus. Putasse  
 vero 3.) Aristotelem, orbem Solis esse, post Lunæ orbem, proxi-  
 mum; cum Astronomi repererint certis observationibus, Solem  
 non secundo, sed quarto demum loco, nempe post Mercurium  
 & Venerem esse collocatum. Hinc cap. IV. urget ipsius sententiam  
 his duabus potissimum difficultatibus, quod motus solidi corpo-  
 ris tunc tantum atterat, quando non modo prope est, sed etiam  
 immediate tangit, ipso Aristotele id docente lib. VII. *Auscult.  
 phvs.* cap. nimirum III. quodque insuper Sol non solum non tangat  
 inferiorem mundum, sed trium orbium intervallo ab ipso distet.  
 Tametsi vero *Alexander Aphrodisæus* hanc solvere difficultatem  
 tum hoc eodem cap. IV. tenter, tum alia quoque solutione phi-  
 losopho succurrere conetur sequ. cap. V. aliamque, istis opinione  
 sua meliorem pro Aristotele defensionem invenerit *Averroes*,  
 cap.



cap. VI. expositam ; his omnibus frustra ipsi subveniri Zabarella cap. VII. contendit , ipse licet Aristoteli alioquin adiectissimus.

IV. Nam in ipsa primaria hypothese , quod Sol & astra non sint ignea ; ut prisca quidam philosophi crediderant , sensui scilicet nimium tribuentes , Aristoteli penitus consensit , cap. I. sui libelli de calore cœlesti , non solum quod lib. I. de cœlo recte ostenderit , cœlum non esse naturæ elementaris , sed corpus quintum nulli interitui nullique alterationi obnoxium ; tum in I mete rologiis quibusdam argumentis ad eam sententiam reprobendam usus sit ; quibus ipse de suo sequentia ibidem subjunxit : I. Quod , si sol esset igneus , & hac ratione ad modum ignis elementaris calefaceret , eundem non minus in hyeme quam in æstate calefacere deberet , quia propter cœli rotunditatem Sol in omnibus cœli partibus æque distat à nobis , ut , si ve sublimior incedat , ut in æstate , si ve humilior , ut in hyeme , eundem facere calorem deberet : quoniam , ut in hoc igne nostro experimur , eadem ejusdem ignis , distantia eundem calorem facit : II. Si Sol esset igneus , deberet , juxta Astronomorum opinionem magis calefacere in hyeme , quam in æstate , quia in hyeme propinquior nobis est , quam sit in Perigæo , in æstate autem remotior , quum sit in Apogæo. Præterea III. si Sol esset igneus , ideoque calefaceret , media aëris regio , tanquam illi propinquior , magis calefieret , quam hæc infima quæ remotior est ; quare nulla afferri posset ratio generationis nubium : Oportet enim vaporem ascendendo transire de aëre calido in frigidum , si debeat condensari &c. IV. denique , sumitur etiam ratio validissima ab experientia , quia videmus radios Solis transeuntes per ampullam , accendere stuppam in altera parte positam ; cujus rei nulla ratio , secundum eam opinionem , adduci potest ; Et cur sine ampulla stuppam non accendunt ? Nam , si Sol esset igneus , deberet etiam magis calefacere nullo interposito corpore à quo aliquod fieri calefactioni impedimentum necesse est , ut in igne nostro experimur. Nam per interpositum vitrum , transit quidem ad nos lumen ignis , at non transit calor. Sed si Solem dicamus calefacere per lumen ratio manifesta est ; quoniam , in ampulla , & in vitro cavo multi radii congregiuntur , & fiunt , unus radius ; ideo qui dispersi debiliorem vim habeant , ii conjuncti & uniti magnam adipiscuntur , & accendunt propinquum aërem , & per illum etiam stuppam.



V. Diffentiunt à Zabarella aliisque peripateticis, alii nonnulli Peripateticorum, tum antiquiorum tum recentiorum. Ex antiquis allegat ipse Zabarella sub initium sui cap. I. Joh. *Grammaticum*, alias *Philoponum* cognominatum, quod secutus sit sententiam priscorum philosophorum, qui nimium sensui tribuentes dixerint astra calefacere, quia sunt ignea; idque legere nos posse dicit in ejus commentariis græcis in I. Meteorol. qui utinam ad manus nobis essent ad excerpenda inde præcipua argumenta; quamvis Zabarella id frustraneum putet, quod ab Aristotele jam satis explosa sit illa sententia lib. I. de cælo. Ex recentioribus est P. Honoratus Fabri, qui phys. Scient. Tract. VIII. lib. I. Prop. IV, *solem esse formaliter calidum*, multis ultro citroque disputatis probare contendit, & subsequente Prop. V. *solem esse verum ignem* asserit, ductus primum autoritate, tum præcipuorum hujus ævi, Scheineri, Riccioli, Kircheri, aliorumque, tum vero plusquam triginta Patrum Ecclesiæ, quæ autoritates longe anteponendæ Aristotelicæ videantur; deinde rationibus: quod 1.) corpus illud igneum sit, quod in summo lucidum, & in summo calidum est: 2.) Si hæc consequentia negetur, nullum super sit argumentum, quo flammam ignem esse probari possit; 3.) quod corpora cælestia ex nostris elementis constent, è nostris autem elementis nullum sit summe calidum præter ignem: 4.) Sensus ipse hujus asserti testis sit: 5.) Denique Ecclesiastici testimonium cap. 43, & igneos radios & fornacem Soli attribuit. In sequentibus propositionibus, VI. VII. VIII. Solem non purum esse ignem, neque corpus simplex, sed mixtum quoddam esse contendit, & Prop. XIII. tandem infert, si quod ex sublunaribus sit, illud aurum esse, idque serio, & jactans quoddammodo, tanquam suam, & novam sententiam, licet risu, joci & cachinnis à multis exceptam, non tamen rationibus destitutam; quæ ibi videri possunt, cum objectionibus pluribus solutis.

VI. Quid Cartesio visum fuerit de natura Solis & fixarum, ex ejus Parte III. Princip. num. XXI. & XXII. videtur præcipue judicandum esse, in quibus non incongruam Solis cum flamma comparisonem institui existimat; idemque confirmat prolixè Joh. Claubergius, genuinus Cartesii interpres, in Disp. physica XXV, *fixas & solem flammæ esse*, & (quod postea in §. 3. superaddit) *ignes*, ne intelligere nos posse, addens, quo pacto corpus aliquod  
nativum



nativum lumen habere ejusque interventu calorem producere „queat nisi igneum sit. Sed non ita multo post ipse rursus Cartesius, numero nempe LIV, quomodo Sol & fixæ formatæ sint, declaraturus, crevisse, ait, ab initio paulatim materiam primi elementi per mutuam attritionem particularum secundi, cumque major ejus quantitas fuisset in universo, quam necesse erat ad implenda exigua illa spatia, quæ inter particulas sphæricas secundi elementi sibi mutuo incumbentes reperiuntur, quicquid ex ea residui fuit, postquam spatia illa impleta sunt, ad centra vorticum S &c. confluxit, ibique corpora quædam sphærica fluidissima composuit; nempe Solem in centro S, ac stellas fixas in aliis centris. Quæ consideratio procul dubio *Dn. Bontekoe*, Cartesianæ alias philosophiæ Fautorem commovit, ut in Tractatu posthumo de motu, cujus contenta in actis Erud. Lipsiensibus ad ann. 1688., p. 488. ad quæstionem, num Sol ignis sit? negative responderet, (ita Cartesio in loco præsertim priore, & Claubergio in succenturiato manifeste contrariari visus) ex ea nempe ratione, quod ignis ex subtili a terresti materia, Sol vero ex sola materia subtili constet.

VII. Non possum quin hac occasione, ubi de Solis substantia ex professo agitur, illam Solis generationem Cartesianam, cujus in præcedente numero mentionem feci, & quam meam facere, ita ut ab ipso Cartesio proponitur, omnino nolim, ab illa tamen stupenda absurditate, qua *Henricus Morus* in suo Enchiridio Metaphysico cap. XVI. illam immerentem oneravit, & qua major nulli unquam sententiæ imputata vel objecta fuit, liberem; ideo maxime quod neminem Cartesianorum in hunc usque diem sciam, vel animadvertisse hanc in virum, infensissimorum etiam hostium confessione ingeniosum, factam horrendam injuriam, vel inustam illi stupiditatis extremæ maculam vindicare voluisse. Obstupui cum prima vice hoc XVI. caput ante multos jam annos obiter legerem, & per primos paragraphos nil nisi apertissimas ex hypothesebus Cartesii conclusiones, easque etiam plerasque non secundum rigidam ac præcisam veritatem (quod fieri jure potuisset) sed liberali quadam indulgentia illatas ac lenitas, reperirem, mox autem & ex abrupto §. 3. 4. & 5. eas ex dictis hypothesebus tanquam eadem evidentia & necessitate profluentes consequentias viderem, quas



omnium, quæ unquam ex ullius hominis solidissimi profluere potuerunt, absurditatum absurdissimas dicendas esse in aperto est, nimirum 1) *Solis substantiam totius immensi circa ipsum vorticis quartam partem ex quare*: 2) *semidiametrum Solis dimidio semidiametro dicti sui vorticis aliquanto esse majorem*: 3) *Nosque adeo in ipso corpore Solis habitare, aut potius proxime centrum ipsius, ingenti ignis mole 10 498 000, & ultra terra semidiametros alta obrutos*: ut oporteat Cartesium fuisse omnium bipedum stupidissimum, qui has tantas absurditates, quarum similes à condito mundo nunquam auditæ fuerunt, è suis hypothesebus sequi non viderit. Ipse *Morus* certe §. 6. sæpe numero sibi subisse mirari, ait qui fieri potuerit, ut tam acutum alias ingenium atque elegans, in cogitationem tam absonam atque absurdam unquam incideret, nec in primo limine abstergeretur à tam insano tentamine &c. digna profecto quæ cæteris adderentur, nisi nimis longi essemus futuri; in primis illa quæ ad marginem hujus 6. §. his verbis adnotavit; *Qui ratione & imaginatione pollent, facile in magnos errores labi, si intimiori quadam animi sagacitate destituantur!* quod quidem tuum ô *More* judicium, utinam in tuum caput non recideret, his solum extremis adjectis. *& affectu quodam ceco in hypotheses alienas, & ex adverso in propriam aliquam satis insolentem non ferantur.*

II X. Age vero videamus, omni procul partium studio, (Cartesii namque hypothesein, ut ab ipso proponitur, ipsi non approbamus; *Morus* autem, si non pio consilio, saltem non malo proposito, istum tantarum absurditatum insimulare certo scimus,) quibus consequentiis ex hypothese Cartesiana isthæc absurda deduxerit. Supponit 1) in hac dicit, Materiam initio divisam in particulas quam proxime inter se æquales, & magnitudine mediocres æqualiterque fuisse motas, tum singulas circa propria sua centra, tum etiam plures simul circa alia quædam puncta æque à se mutuo & eodem modo disposita ac jam sunt centra fixarum &c. idque verissime ex Artic. XLVI. part. III. princip. philosoph. supponit 2) & in majorem Cartesii favorem, primas illas materiæ partes parallelepipedas aut cubicas fuisse, utpote minimam ramentorum copiam ex sua rotatione vel rotundatione reddituras; idque non invito procul dubio Cartesio; Supponit 3) eodem non renuente, successu temporis illos cubulos in perfectos globulos aut sphaerulas obtri-

tos



Fig: 45.





Fig: 46.



Fig: 47.



*Facies Macu-  
vata Gedani Anno  
ss. ejus -*

*larum Obser-  
1644. a. 4. May. ad  
idem.*

Fig: 49.




Fig: 51.



Fig: 52.



Fig: 53.








Fig: 54.



Fig: 50.









tos fuisse, qui, cum ramentis suis multo essent solidiores, necessario recesserint à vorticis centro, dictis è contra abrais ramentis ad vorticis medium compulsis, (non tamen omnibus, magna quippe ipsorum quantitate, quod paulo post expresse monet, repletioni interstitiorum globulis interjectorum reservatis) ut hoc pacto globuli pressius coeuntes coelos, ramenta in centrīs collecta, stellas componerent. Supponit 4) quod geometricè demonstratum novimus, cubum quemque ad inscriptum globum rationem habere ut 21 ad 11, adeoque globo subtracto, pro partibus cubi extra globum extantibus remanere 10. ita ut omnes simul globuli ad omnia ramenta simul, h. e. tota materia secundi elementi ad totam materiam primi, sit ut 11 ad 10, & ulterius recte inferendo, (quia Cartesius Artic. 54 (pro quo Morus allegat 85) crevisse ab initio paulatim materiam primi elementi dicit, ex eo, quod particulæ secundi assiduo motu magis & magis se invicem attererent) primum elementum æquale fere sit secundo quantitate vel copia. Infert hinc porro 5) unicuique ergo vortici æqualem fere utriusque portionem, globulorum cœlestium scilicet & materiæ subtilissimæ, assignari debere, quæ partim mixta globulis, partim separata in centro vorticis, æquale fere spatium vorticis cum ipsis globulis occupet.

IX. Jam vero, ut cognosceret, quantum spatium vorticis materia subtilissima separata ad centrum possideat, provocat 6) ad sensus & oculorum iudicium, inprimis autem ad experimentum aliquod conjectorum in vitrum aliquod globulorum & simul infusæ aquæ, spatia triangularia globulorum omnia ad summum replentis, quo experimento comperit, post extractos globulos, aquæ reliquas, quæ interjecta globulis spatia repleverat, aliquanto minus spatium occupasse, quam globuli vorticis occupant à centro versus circumferentiam tam fortiter compressi. Largitur tamen ex liberalitate spatia esse æqualia, indeque concludit, cum globuli in suis interstitiis dimidiam tantum partem materiæ subtilissimæ retinere possint, necesse esse, ut alteram partem dimidiam ad centrum vorticis transmittant, ac proinde, cum materiæ subtilissimæ & globulorum æqualis fere sit copia, illiusque pars dimidia globulis intermixta, portionem separatam ac circa centrum vorticis congregatam h. e. Solem ex ea conflatum quartam partem totius



tius vorticis possidere, quo semel admissio, superius illata, cum stupore meo, absurda consequi omnino videntur.

X. At enimvero, cum superiores conclusiones omnes evidentes viderentur accertæ hæc ultima illatio dubia videtur ac τὸ πρῶτον ψεύδεται occultare, ex quo immania ista absurda, quæ tanquam consecutaria hypotheseos Cartesianæ necessaria eam nimium gravarent, profluxerunt. Id quod sic brevissime ex ipsis primis fundamentis hypotheseos Cartesianæ, ab ipso Moro in præcedente ejus deductione agnitis & approbatis, ostenditur: Posito scilicet 1) materiam primam in cubulos præter propter æquales fuisse divisam: 2) omnes illos cubulos circa sua centra vi maxima fuisse rotatos, donec attritu mutuo omnes suos angulos detererent, & in perfectos globulos detornarentur; Quo facto 3) omnia illa ramenta ac detritæ minutiae non nisi spatia ista triangularia inter globulos jam perfecte rotundos poterant iterum replere, quæ prius cum globulis adhuc continuæ cubulosque adhuc complentes, occupaverant, ut omnis materia subtilissima per detritionem cubulorum nata, necessario tota spatiolis illis inter globulos triangularibus intermixta esset, nulla proinde ejus portione extra globulos separata extitura, quia universa ad replenda vacua, inter globulos alioqui futura, requireretur. Ut itaque 4) aliqua etiam portio materiæ subtilissimæ haberetur, qua non amplius opus esset ad ad complenda globulorum intervalla, sed separata (ut à Moro vocatur) ad vorticis centrum confluere posset, in locum recedentium, à centro, globulorum, & Solem vel alias stellas fixas generandas, necessum habebat Cartesius porro supponere num. LIV. (nam in num. LXXXV. quem Morus allegaverat, nihil tale reperitur) obtentis jam perfectis secundi elementi globulis, & ramentis inde natis materiæ subtilissimæ, interjecta globulis spatiola replentibus, hos ipsos tamen globulos initio continuato attrita paulatim ultiores quasdam minutias omnium subtilissimas separasse, & versus centrum vorticis compulisse, quia tunc major quantitas earum, quam ad implenda globulis interjecta spatiola requirebatur, ut hoc pacto, quod ultra illam quantitatem supererat, Solem vel aliam fixam constitueret. Quoniam vero 5) hanc residuam materiæ subtilissimæ quantitatem, quæ Solem in ipsius vortice constitueret, non determinavit *Cartesius*, multo minus in tam immensam copiam crevisse dicit, quæ quartam partem totius vor-



vorticis adæquaret, (quod Morus supra num (5) §. II X. gratis supposuerat) sed notanter dixit, crevisse materiam subtilissimam *initio*, & *paulatim*; inde manifestum esse videtur, Morum toties allegata stupenda absurda non ex Cartesiana hypothese genuina & solitaria, sed peregrinis de suo suppositis adaucta, extorsisse.

### III. EPICRISIS super enarratas Hypotheses.

#### I.

**U**T de postremum dictis à Moro & Cartesio meam sententiam, ex parte jam ultimo numero præcedd. hypotheseum dictam ulterius confirmem, ante omnia iterum bona fide testor mihi Cartesii hypothesein, qua ex his duabus Solis suppositionibus, quod 1.) tota materia in particulas quasi cubicas divisa, 2.) cubuli istitum singuli circa sua singularia centra, tum innumerabiles simul circa quædam diversa & communia centra, (in quibus nempe nunc Sol & fixæ existant) validissimo motu rotentur, non solum Solis & fixarum ingentia corpora, sed omnium cœlorum immensa intervalla, quomodo generari & oriri potuerint saltem ex hypothese aliqua, deducere ingenti & præsumtuoso quodam ausu sustinuit, nequaquam probari; simul tamen etiam ingenue profiteor, nimis odiose Morum de hac Cartesii hypothese loqui, quando sub finem num 5. p. 223. dicit, tam enormem & prodigiosum lapsum (qualem Cartesio imputat) eum, ejusque similes, mereri, qui mundos, si diis placet, mechanicos ex proprio cerebro condere volunt, atque ita aut inscientes aut de industria viam atheismo aperire, hominesque invitare ad credendum, modo tantundem motus insit materiæ, quantum in ipsa reperitur, mundum posse generare seipsum; quod tamen sit impossibile: sed si fieri posset, equidem se fateri, hanc omnium, quæ, hætenus inventæ sunt, viam esse ad atheismum compendiosissimam.



II. Dura hæc sunt profecto, nec majorem puto homini innocenti posse fieri injuriam, quam si pro atheo publice declaretur, ac viam ad atheismum sive inscienter, sive ex proposito aperire insimuletur; id quod hoc loco Cartesio non merenti imputari, charitas Christiana credere, ob sequentes rationes, jubet: 1. quod eo ipso, dum Solem, posito in materia motu determinato gemino ortum esse fatetur, & materiam aliquam existere, & existentem duobus diversis motuum generibus agitatam supponit, hoc ipso fatetur eam nec à seipso habere suam existentiam nec suam certo modo limitatam agitationem, neque adeo mundum generare seipsum potuisse; id quod Aristoteles, gentilis licet philosophus, jam agnovit, quando lib. VII. & VIII. phys. clavis verbis demonstravit, quicquid movetur, ab alio moveri & hoc porro ab alio &c. donec tandem necessario sistamus, in aliquo motore primo non amplius aliunde moto, quam alium non esse posse quam DEUM, ipsa sana ratio dicitur; 2.) quod apertissimis verbis in Artic. XLV. dicat, non esse dubium quin mundus ab initio fuerit creatus cum omni sua perfectione, ita ut in eo & Sol, & terra & Luna & stellæ extiterint &c. &c.

III. Quod si quæras, quid commovere Morum potuerit ad utendum, tam injuriosis erga Cartesium imputationibus, quem ante, in Epist. ad virum clarissimum, adeo supra Aristotelem extulerat, ut inter alia maxima encomia diceret, Cartesium in rebus naturalibus, tantum scivisse, quantum Aristoteles ignoraverit, verum, cum desertis pristinis suppositis, quæ cum Cartesio aliisque modernis philosophis communia habuerat, novas alias hypotheses de spiritu mundi, sive principio hylarchico similibusque spiritibus, partim etiam ratione, fortasse quoque sensu, (ipso fatente) destitutis, introduxisset, tanquam summi DEI ministris, quibus universum hoc regeret, & quorum interventu omnes, etiam vilissimos in natura effectus expediret, adeo quidem, ut lignum exempl. grat. infra aquam violenter demersum, non ab aquæ pondere, tan-



tanquam ea specie levius , sed studio quasi vel actione singulari spiritus , quem vocat , hylarchici, ad leges divinitus præscriptas instituta , ex aquæ fundo ad supremam ejus superficiem attolli crederet ; Cartesius autem , postquam Part. II. Princ. phil. num. vel artic. XXXVI, omnis motus in hoc mundo generalem causam manifeste non aliam esse dixisset , quam DEUM ipsum , qui (NB) materiam simul cum motu & quiete in principio creaverit , &c. & postea per articulos complures , ex immutabilitate DEI certas naturæ quasi præscriptas leges deduxisset , deinceps ex iisdem naturæ legibus & paucis principiis geometriæ (quæ Artic. LXIV. paucis enarrat (omnia naturæ phænomena & effectus mechanice declarare annuitur ; ideo , non ex odio aliquo, uti credo, in virum ingeniosum , sed ex nescio quo præcipitato zelo , ei non solum vitio verterit p. 223. verbis acerbioribus , quod sanctissimum hoc atque augustum DEI templum in vilem quandam fabri ferrarii lignariive officinam converterit , omnia ramentis & imaturis implens ; Sed iniquius multo eadem pag. paulo superius , & reclamantibus manifeste paulo ante allegatis , ei imputat , quod mundos mechanicos ex proprio cerebro condere voluerit , imo quod mundum seipsum generare posse crediderit , atque ita , aut insciens, aut de industria viam Atheismo aperire &c.

IV. Taliter autem affectum non alio animo aut consilio, viri antea tantum non ad cœlum sublatis scripta deinceps eum legisse , ut quantas uspiam posset maximas absurditates inde exsculperet & effoderet, librosque tam pestilentes & ad Atheismum compendiosissima via deducentes , lectoribus suis redderet exossissimos , non potest esse dubium ei , qui novit, quousque vis altissime-radicati præjudicii , conscientiam etiam erroneam, in re præsertim tam ardua gloriamque divini Numinis, illius judicio attingente , abripere adigereque possit. Hinc magna quidem specie demonstrationem geometricam exorsus , & à summo veritatis rigore quasi studio & liberaliter abstrahens , ad ultimum, cum in eo jam esset , ut inauditæ illæ absurditates æque clare ac



evidenter , ac præcedentes conclusiones, inferrentur ; ex abrupto & festinanter eam subtilissimæ materiæ ingentem copiam pro Solis corpore conclusit , quæ quartam totius vorticis immanis partem constitueret ; nulla quidem Cartesianarum hypothesium ad id concludendum eum necessitante : ut commune fere dictærium , ausibus ab initio magnis ac præsumptuosis, sub finem autem languentibus & contemnendis , accommodari solitum , hoc etiam loco haut injuste applicandum videatur : *Parturiunt montes ! nascetur ridiculus mus !*

V. Ut enim , quod num. hypothesium superiorum ultimo dictum fuit , merito confirmo , quod nimirum abrasis omnibus angulis & prominentiis cubulorum , donec in sphaerulas perfecte - rotundas essent quasi detornati , ramenta in iisdem spatiolis inter globulos alias vacuis futuris , recipi omnia potuerint quæ prius occupaverant ; ita necessum utique fuisse ad Solem & stellas fixas generandas , ut ulterior attritus eorum globulorum fieret , quo scobs tenuissima jam superabundans , generando Soli sufficeret, &c. neque vero huic effectui necessarium erat in tantum augeri scobem illam , ut quartam partem totius vorticis exæquaret , nec ex hypothesibus Cartesii tale conclusum sequebatur , sed ex assumptis alienis hypothesibus frustra inferebatur. Præterea vero non poterat hoc augmentum materiæ subtilissimæ in immensum excrecere propter aliam Cartesi hypothesin , qua supposebat , ex uno vortice ejusque centrali sidere perpetuo aliquid egredi , per alterius vorticis polos iterum intromittendum, & ex hoc altero similiter in tertium , ex tertio in quartum , ex hoc aut alio denique iterum in primum &c. qua suppositione aliisque pluribus non una cum cæteris sollicitè attentis, frustra hujusmodi absurditates & inepte κατ' ἀνδροπῶρον concluduntur.

VI. Hæc ita pro hypothesi Cartesiana , saltem ab Atheismi immerita suspicione liberanda volui adducere, præsertim cum inculatio ista ex mero , & multo minus , quam ipsa hypothesis, fundato præjudicio , & ex ipsius hypotheseos semiplena tantum  
cogni-



cognitione , nata fuerit. Interim ipsam hypothesin ne ego quidem probo sed mundum hunc majore multo Creatoris benignissimi cura constructum fuisse , ejusque providentiæ longe apertius hanc structuram mirabilem attribuendam , quam quidem Cartesius fecisse videtur. Nimirum , cum facile quidem aëris , aquæ ignis ac terræ elementa in hoc mundo sublunari , & capiosissimam ætheris , istis elementaribus omnibus multo subtilioris , in vasto illo cœlorum expanso , alius autem adhuc subtilioris , imo subtilissimæ & agitativissimæ materiæ præsentiam , in Sole ac stellis fixis cæteris agnoscam , ( prout de his sex universi mundi elementis , in Sect. I. hujus lib. II. fusius egi ; ) insuper etiam recta ratione duce video , singulas aëris , aquæ , ac cæterorum elementorum particulas & minutias , peculiari cura divina quasi manu immediate formatas , & suis cujusque muneribus adaptatas ita fuisse , ut collectis deinceps aqueis in unum locum , aëreis : in unum locum , æthereis in unum locum , subtilissimis in diversa ac distantissima loca iis producendis & gignendis proprietatibus accommodæ essent , quibus eas destinatas sapientissimo DEI consilio fuisse nunc ab experientia ipsa docemur : Ut exempl. grat. aqua fluere , humectare , facillime evaporare &c. ignis urere , comburere , corporum texturas solveret elementum stellarum luceret , æther lumen transmitteret &c.

VII. Tales autem particularum elementarium figuras non solum excogitare non poterat natura quæ mente caruisset , si maxime extitisset , multo minus earum necessitatem prospicere ad futuros usus ; minime omnium ipso facto præstare , quæ ipsis particulis prior esse non poterat , sed ex istis in elementa & mundi corpora componi demum debebat. Ergo DEUM , naturæ genitorem futurum , etiam illarum minutiarum formatorem esse oportuit ; nec viventium futurorum seminalia rudimenta , cum lineamentis primis organicis , in ovulis plantarum & animalium partim sensu , partim ratione tantum , reperiundis , vel à natura formari potuerunt , quæ nihil aliud est , quam complexus & mutua correspondentia corporum hujus Solis inanima-



torum , mente cumprimis carentium omnium , atque adeo ipsa quoque consilii ac mentis expers , vel ab ulla alia creatura finita , licet mente & ratione prædita ; quia partium organicarum in istis punctulis seminalibus adeo inenarrabilis est vel in uno individuo multitudo , adeo incomprehensibilis subtilitas , sed & specierum , imo generum quoque numerus exhaustiri nefcius , ut providentiam usum tot organorum in tot generibus & speciebus procurandorum infinitam , sapientiam in iis excogitandis & ordinandis non cogitabilem , potentiam denique in tot cogitatis & conceptibus ipso facto exequendis ineffabilem , verbo , divinam , postulent ac supponant : Ut adeo natura in efformandis materialibus minutiis ; sive organicis & animandis , sive in organicis & mere elementaribus omnino nihil , in construendis totalibus hujus mundi corporibus , Terra , Sole Luna &c. multo minus , in producendis , colligendis , excoquendis , maturandis partialibus inanimatis , enutriendis & augmentandis animatis , divina manu jam præelaboratis , aliquid præstet , sed absque ullo consilio , nec alia ulla sua virtute , verum solo motu divinitus pariter in mundum introducto , ibidemque eadem divina virtute sola conservando & continuando mediante.

VIII. Et quamvis modus , quo usa sit Creatoris omnipotentia ( utpote arbitriarius ) sine revelatione nobis certo cognitus esse non potest ; licebat saltem cum Cartesio supponere , quod mundi opifex certa in mundi faciendi spatio centra statuerit , iis quidem locis ubi nunc Sol , Terra , Luna & astra cætera cernuntur , & circa hæc centra , non informia ( ut ipse fingit ) materiæ fragmina abradendo demum mechanice formanda , sed jam formatas potentissimo suo nutu minutias tum elementares inanimas , tum animatas insensibiles , in unum quasi inæqualiter confusum chaos cumulatas , in gyros & vortices , pro ratione formandorum corporum majores aut minores , egisse aut rotari jussisse ? ejusdemque unius jussus valore etiamnum rotare , ut hoc pacto tot , quot nunc cernuntur mundi corpora , partim ignea



igneæ & lucida ex materia subtilissima, partim opaca & ter-  
raquea, tum primitus extiterint, tum porro, quamdiu ipsi  
placuerit, extent; è solidioribus autem æthereis, à centrīs istis  
recedere magis annis, vorticibus ipsis sive cœlis eo ipso exor-  
tis. Quæ supposita, si maxime in rei veritate ita non habue-  
rint, (potuit enim DEUS mille modis aliis rem eandem conficere)  
occasionem tamen habebimus, naturas illorum corpo-  
rum, & consecuturas inde proprietates ac operationes imagi-  
nabili quodam modo concipiendi ac declarandi, tanquam, si  
non actu ipsa ita ortas & consecutas, forte tamen sic oriri & con-  
sequi possibiles.

IX. Jam Aristoteles per attritionem aëris, a Solis corpore  
magis, quam ab orbe solari solido factam, calefieri mundum sta-  
tuit, in eo quidem urgentem rationem habuit quod à Solis ipso  
corpore potius quam à quavis alia parte orbis solaris promana-  
re calorem sensus ipse doceret; verum quo pacto aër à Sole im-  
mensum remotus, hujus rapidissimo licet motu atteri, & atte-  
rendo calefieri possit, comprehendere se posse cordate recteque  
negat Zabarella, non solum ob rationes à se allatas, num. III. su-  
periorum hypotheseum; sed etiam ob infirmitatem rationum  
ab Aristotele ipso num. proxime antecedente allatarum, maxi-  
me vero ab earundem applicatione ridicula ad rem præsentem.  
Quod enim ferramenta & laminas plumbeas jaculorum per aë-  
rem celerrime transmissorum ignescere aut liquari asserit, id qui-  
dem ab attritione quadam aëris, dependere facile concipio, qua-  
tenus ferreæ aut plumbeæ singulæ ab innumeris aëreis particulis,  
ad quas in via successive rapidissimo motu impingunt, validis-  
sime atteruntur. Quod autem infert, aërem procul dubio idem  
vicissim pati, hoc est à ferro & plumbo vicissim ita atte-  
ri, ut inde pariter ignescat & calefiat: in eo desidero con-  
sequentiam, & rationis paritatem; Cum enim duo lig-  
na duriora in eodem loco sibi mutuo adfricta flammulam ali-  
quam elicere Americanis quibusdam familiare & quotidianum  
est; ita dum glans quædam plumbea per aërem rapidissime la-  
ta, singulis momentis ad alias aliasque partes aëris, loco maxime  
di-



distantes, impingit, non est profecto necesse, inter unum idem-que numero plumbum, & partes contra aëris loco distantissimas, mutuam consequi debere incalescentiam. Illud vero mirabile prorsus est, homini philosopho potuisse, in mentem venire, aërem hunc inferiorem potuisse à Solis rapidissimo quidem motu, sed à terra secundum Tychonem minimum 1100, secundum Ricciolum autem minimum 7000 semidiametris terræ (hoc est ibi plusquam 9000 000, hic plusquam 6000 000 miliaribus distante) ad incalescentiam usque atteri, & magis quidem quam superior, Soli licet vicinior,

X. Quod vero Zabarella cum Averroe, (ne scilicet Aristotelem suum penitus deserant) novam califaciendi aëris rationem per motum universi coeli excogitaverint, cum scilicet mediante ignis sphaera à sphaera Lunæ tangi, & cooperante totius coeli, tanquam unius corporis, profunditate, in orbem celerrime rotari eaque ratione atteri, & sic calefieri, docentes, cap. VI. & VIII. libelli de calore coelesti; id profecto non plus credibilitatis, quam superiora, habet. Sane, cum orbis D aut concavum ejus, ignis sphaeram aut loco hujus (quem pro figmento hodie habent) aëris superficiem supremam convexam contingat; ab aëris tamen hac infima parte plusquam 40000 miliaribus indubie distet, non video quomodo suppositi hujus etiam solidissimi corporis rapidissimus motus ad hunc aërem usque penetrare eumque atterendo calefacere possit, quin superior magis atteri & califieri deberet, quod experientiae tamen manifeste repugnat. Ut taceam, Zabarella ipso aperte, & Averroe quoque non obscure, confidentibus, hanc sententiam, (quam Zabarellam interim ut veram laudare miror) Aristotelis superius adductis verbis minime quadrare.

XI. Et, quid opus erat, quaeso vos, Averroes ac Zabarella! ut vel Aristoteles tam anxie, & simul tam absurde vobis ipsis non dissimulantibus, calorem in his inferioribus à motu coelestium & superiorum laboraret, vel vos, ad salvandam quomodocunque ejus auctoritatem, operam vestram luderetis? Cum  
Ari-



Aristoteles , vobis etiam testibus , lumini & nominatim Solis radiis , lib. I. Meteor. cap. IV. itemque cap. de nube , hoc est IX. & alibi vim calefaciendi tribuat , idque vobis vel maxime approbantibus , ac sentientibus quidem omnibus nos à Solis radiis,, calefieri, & quandoque ita vehementer , ut tolerare tantum calorem nequeamus ; nominatim te Averroe in Comment. 42., lib. II. de coelo , & in paulo ante alleg. cap. 4. lib. I. meteor. dicente , reflexionem radiorum esse in hoc aëre nostro causam caloris, & magis quam motum coeli ; imo discrimen caloris Solis, in æstate & in hyeme , ratione motus non esse sensibile , sed ratione radiorum tantum ; ac te Zerabella in super attestante , causam caloris in hoc infimo aëre in solos ferme radios eum referre., Quod equidem cum nemo facile , sive doctorum sive indoctorum, non approbaturus sit, quæstio solum superesse videbatur, de ratione & modo , quo à radiis calor generetur ? cumque in quorundam assertione , eam esse luminis naturam , ut sit productivum caloris , ac proinde aliam causam quærendam non esse, animus non acquieturus merito videretur, ad rarefactionem,, extenuationem , & attritionem iterum aëris confugiebatur, eadem quidem conditione, ut, quemadmodum non quivis motus in aëre, sed magnus tantum , velox & vehemens, hoc præstat , ut ipsum reddat calidiorē & accendat ; ita nec lumen quodvis , sed magnum ac vehemens eam attritionem in aëre causetur, quam calor consequatur ; nec magnum etiam & ipsius Solis lumen nisi reflexione duplicetur , cum simplex Solis lumen , ob hujus duplicationis defectum , in media aëris regione parum sensibilem producat calorem. Tametsi vero sub finem cap. X. multa de hac duplicatione cur æstate efficacior sit quam hyeme &c. commode dicat Zabarella ; in ipso tamen capituli fine notabilem hanc subjungit clausulam : Quoniam dictum est magnum lumen, calefacere per attritionem , quia extenuat aërem, si quis rationem quærat , cur extenuet ? nulla ( ut mihi videtur ) afferri potest , nisi quod ea est luminis natura , ut tenuem & subtilem aërem reddat , ( in cujusmodi ratione superius animum non videri acquieturum dixerat , sed adhuc hujusce rei causam desideratu-



„turum ) quia nempe effectus à sua causa immediate prodeuntis  
 „nulla afferri ratio possit. Quibus hæc tandem quasi despera-  
 „bundus addit: aliud quod de hac de re dicam, non habeo, neque  
 „Aristoteles usquam declarasse comperitur, quomodo lumen ca-  
 „lesfaciat. Quare, si nihil aliud est quærendum, præter id quod  
 „modo diximus, videtur id, tanquam manifestum, dimisisse:  
 „Siquid vero aliud ad plenam hujusce rei cognitionem desi-  
 „deratur, non est mihi verendum confiteri, me illud ignorare,  
 „qui me nihil aut pauca scire profiteor; quum sapientissimus  
 „quoque philosophus Aristoteles, se id nescire tacite, confessus sit.

XII. Scilicet adeo mirabilis creatura est lumen, ut ex ejus  
 instantanea celeritate, facultate obscura omnia illuminandi, vir-  
 tute denique calefaciendi & fovendi, utrum plus potentia, an  
 sapientia, vel benignitatis, in ejus Creatore eluceat, huma-  
 na ratio definire haut possit. Quid mirum igitur, humanum  
 ingenium in illius media luce cæcutire, & ab ejus splendore  
 vere - divino mentis oculos adeo perstringi, ut in ejus naturam  
 intimius introspicere, si non impossibile, saltem difficillimum  
 sit. Aristoteles, qui circa hanc hallucinatus est plurimum,  
 quodque sub initium alpha minoris prudentissime dixit, ὡς περ  
 τὰ τῶν νυκτερίδων ὀμματα πρὸς τὸ φέγγος ἔχει τὸ μετ' ἡμέραν, ἔτι  
 καὶ τῆς ἡμετέρας Φυχῆς τὸν νῦν πρὸς τὰ τῇ φύσει φανερώτατα πάντων  
 (scilicet ἔχειν h.e. *Quemadmodum vespertilionum oculi sese ha-  
 bent ad pomeridianum fulgorem; Sic animæ nostræ mentem (vel  
 intellectum) se habere ad ea quæ natura sunt omnium eviden-  
 tissima; speciatim ad ipsum lumen, quod vespertilionum ocu-  
 los perstringit, ejusque naturam perspiciendam accomodare po-  
 tuisset; non pauca tamen passim docuit, quæ in crepera saltem  
 veritatis lucula mentem ejus cæcutientem tantisper irradiave-  
 rint; E quibus præter ea loca, quæ in tomo I. seu Phys. hypoth.  
 generalip. 405. num. II. & seqq. & subjuncta tandem p. 421.  
 Ἐπιχρίσει, forsan hoc loco ea quoque non incongrue notaren-  
 ur, quæ docet lib. de gener. animal. circa discrimen caloris cæ-  
 lestis ab elementari; quorum illum, τὸ καλούμενον θερμὸν quod &  
 πῦρ*



πῦρ esse dicit, ὅδ' ἐ τοιαύτην δύναμιν, *nec ignem* (elementarem intellige ὁ ὅδ' ἐν γεννᾷ ζῶον *neque talis modi facultatem*, sed φύσιν ἀνάλογον ἔσαν τῶ τῶν ἄστρον στοιχείῳ, hoc est *naturam elemento stellarum analogam*, & mox in eodem adhuc contextu τὴν τῆς ἡλίου καὶ τὴν τῶν ζῶων θερμότητά, *Solis & animalium calorem*, appellat, prorsus convenienter illi πνεύματι, qui in lib. de mundo cap. IV. dicitur, ἥτε ἐν φυτοῖς καὶ ζώοις, καὶ διὰ πάντων διήκοντα, εὐψυχός τε καὶ γόνιμος εἴα, id est *plantis & animalibus in existens, omniaque permeans, animæ plena & genitalis substantia*.

XIII. Quod si hæc æquivalentibus ex philosophia Cartesiana terminis forent exprimenda, distinctissime quidem, velut Aristoteles *calorem*, ita nos *ignem cælestem*, ab *elementari* sejungeremus; hunc, ut in Sect. I. Tomo præsentis Artic. de igne, fusè docuimus, è duabus portionibus compositum concipientes, alteris subtilissimis & natura sua rapidissime in omnes partes agitatis, summeque flexibilibus, quæ subtilitate sua omnes crassiorum elementarium corporum poros, illæsa eorum textura quaquaversum ultro citroque permearent; alteris majusculis, terrestribus, acuminatis & rigentibus magis, de cætero natura sua inertibus, torpidis & passive se habentibus, quæ tum demum, cum in priorum collectionem aliquam eas incidere, ab iisdemque raptari & in crassiorum corporum compages, instar spiculorum, framearum, pugionum, terebrarum, cultellorum, gladiolorum, cuneorum, similiumque instrumentorum pungentium, secantium, lancinantium, radentium &c. impingi adigique contigerit, ignem elementarem ejusque effectus & operationes, ustionem, combustionem, calcinationem, dissolutionem, evaporationem &c. præstabunt: illum vero, nempe cælestem ignem, non nisi prioribus subtilissimis particulis aut posteriorum tantum paucissimis admixtis, constare dicentes; hoc uno modo, reor, aliquam inter dissentientes, quas supra enarravimus, sententias conciliationem reperiemus.



XIV. Etenim, si concipiamus Solem eo similive modo genitum esse, quem superiori numero VIII. declaravimus, non erit ille quidem ignis urens, elementaris, ac destructivus, (qualem procul dubio in sua negativa intellexit D. Bontekoe, num. VI. superiorum hypothesium;) non poterit tamen negari quod sit ignis lucidus, fovens, animans, ex materia subtilissima pure & unice, vel paucissimis saltem admixtis portionibus heterogeneis conflatus; qualem in eodem modo allegato num. VI. procul dubio intellexerunt Claubergius, Cartesii interpres & ipse Cartesius; & qualem vel eo nomine nunc approbo, quod olim me sollicitum semper tenuerunt Mercurii saltem Venerisque globi si Sol cum Kirchero, P. Fabri aliisque ex igne elementari compositus crederetur. In qua Hypothesi etiam difficillimum foret satisfacere dubiis & argumentis Zabarellæ num. IV. Hypoth. superius relatis, cum nunc facile omnia solvantur, unaque desperatio ejusdem Zabarellæ sub finem proxime superioris num. XI. præsentissimum reperiet solatium, si hæc unica ex proximo num. XIII. declaratio petita fuerit, quod lumen Solis magnum per sui duplicationem, & multo magis per radiorum innumerabilium, ope speculorum & vitrorum causticorum factam, ad unum locum congestionem, & collectionem non solum in calorem vehementem, sed in stupenda quoque incendia converti possit. Quam equidem radiorum reduplicationem & plurimorum unionem Zabarella num. IV. Hyp. in fine agnoverat, quod sit causa majoris virtutis comburendi, quia nempe dispersi debiliorum vim habentes, collecti postea & uniti majorem adipiscantur: in qua tamen ratione, illa alia de novo quaerenda supererat; cur collecti majorem vim califaciendi acquirant, si simplices & sparsi nullam habent, ut si vel insensibilem habeant, unde ea sit ignoretur: prout sane id se nescire ingenue confessus est Zabarella num. XI. superiore, cui ignorantiae nunc ex in sequente ipsum XIII. succurri potest.



## CAPUT. II.

De

*Maculis, umbris, & faculis solaribus.*

### I. PHÆNOMENA.

**P**HAEN. I. Quem ab omni ævo mundus crediderat, sese purissima & intemerata luce contueri, solem anno 1611 Ingolstadii mense Majo telescopii ope, præter opinionem, maculatum primus conspexit *Christophorus Scheinerus* Soc. Jes. occasione rimandi Solis apparentem diametrum; dubitans tamen ab initio, ne maculæ illæ essent ab aliquo latente vicio in aëre, vel oculo, vel vitris telescopii: Sed, cum reverso ad eandem observationem, ejusmodi maculæ nigricantes ac lunari-bus ipsis obscuriores denuo sese sisterent, diversisque oculis in testimonium adhibitis, permutatisque vitris aut susque deque versis octo diversorum tuborum, eadem maculæ, eodem ordine, situ, ac numero, apparerent, conclusit eas non esse à vicio oculorum aut vitrorum; Sed neque ab aëre, quod movebantur motu primi mobilis cum Sole toto die, dum interim nihil reperire in aëre dabatur, quod tam constanter moveretur tali motu, sub tantilla cœli portione, quantilla est Sol; maxime, quod nullam toto die parallaxin admittebant, ut oportebat, si prope nos in aëre fuissent, sed toto die in disco Solis apparebant &c. quæ pluribus ex Epist. I. ad *Marcum Welserum* Augustanum, quæ tres sub ficto nomine *Apellis post tabulam*, ad eum perscripserat (ideo nempe quod *Theodorus Bursæus*, tum provincialis, noluerat novitatem hujus phænomeni statim promulgari apud Ricciol. lib. IX. Almag. novi p. 354. & seqq. pluribus legi possunt.

PHAEN. II. Tametsi vero idem Ricciolus lib. III. cit. Almag. n. cap. III. jam olim *Adelmum* unam, & *Aven Rodan* duas diversis temporibus in Sole observasse maculas scribit, quas illi



tamen pro Mercurio habuerant ; Galilæus autem in Dialogo 3. de mundi system. pag. Italicæ 337. sed latinæ versionis p. 255 affirmet, allegante Ricciolo lib. IX. p. 352. Primum se inventorem ac observatorem fuisse sicut aliarum novitatum coelestium, ita & macularum solarium, cum in Gymnasio patavino Mathematicas anno 1610. profiteretur &c. A libique Appellem, nempe Scheinerum furti reum faciat, quasi post visa de maculis scripta Galilæi, observare cæperit illas (à qua tamen impostura Scheinerus se purgat in Rosa ursina, cujus epitomen exhibet Ricciol. cit. proxime loco p. 355.) insuper etiam novissime nonnemo, *Petrum Saxonium* qui hic Altdorffii, sed anno 1617. demum, teste matricula Dnn. Professorum, in M. Joh. Prætorii Mathematici locum successus fuit, pro primo macularum solarium observatore venditare sustinet ; Illud tamen in confesso esse testatur Ricciolus lib. III. Almag. in fine, Scheinerum denuo has maculas faculasque heliacas Romæ observasse per annos plures, coram doctissimis interdum ac præstantissimis, viris, & supra his mille observationibus Solem tolerasse macularumque situm, locum, figuras, magnitudines, ortus, interitus, revolutiones ac peridos posteritati adeo luculenter transmisisse, ut desperatione meliorum observationum & alios, & seipsum, & Solem vicerit ; nec *Renatus des Cartes* in suæ novæ philos. principiis Part. 3. num. XXXV. immerito pronunciaverit, *nihil hoc in genere diligentius desiderari posse.*

*PHÆN. III.* Nemo vero unquam omnes harum macularum circumstantias diligentius & simul concisius enarravit, quam *Petrus Gassendus* in epistola quadam ad celeberrimum Peireskium perscripta, quæ reperitur in commenariis de rebus coelestibus, inter astronomica Tomo IV. operum reperiundis p. 99. Quas equidem, quia brevius conceptæ sunt, in pauciora phænomena plures simul contraham ; ita tamen, ut liceat subinde notabilia quædam ex Hevelii cometographia, majoris illustrationis ergo, adjungere : conf. interim generaliter succincta (sed Gassendica tamen prolixior) macularum solarium descriptio



p. 407. in fin. & seqq. pluribus usque ad 410. inclusive. Ita, cum Gassendus in prima omnium circumstantia monuerit, nullas interdum maculas per complures dies in Sole videri ; interdum autem videri per complures continuos menses ; hæc lucem haut exiguam accipient ex cometographiæ p. 652. ubi modo dicta eatenus confirmantur , ut nonnunquam etiam longo temporis intervallo , nullæ fere maculæ in Sole conspici dicantur ; „ quemadmodum etiam nuperis annis , addit bene multis, de „ cem & amplius (edita autem est cometographia anno 1668), „ extra nonnullas leviuscultas ac minores , nulla penitus valde, „ notabilis , quantum compertum habeo , tam à nobis , quam „ aliis observata est. Econtra aliis temporibus, Rosa ursina atque, „ felenographia testibus, uno anno per plures insignes mole & „ densitate extiterunt.

*PHÆN. IV.* Interdum videtur unica ; interdum duæ ; interdum plures, interdum usque ad 40 ; & quidem interdum valde diffusæ , interdum etiam cohærentes , vid. Fig. : 45. qua unicam primum maculam in circulo Solis per telescopium intra cameram obscuram repræsentatam observavit Gassendus ; dein d. 6. macula hæc ex die 1. visa , decurtata quodammodo apparuit secundum altitudinem sive longitudinem , quoad crassitudinem autem sive latitudinem non modo apparuit productior , sed divisa etiam in maculas tres prope cohærentes ; insuperque visæ sunt eodem tempore superne duæ aliæ maculæ minores , dextra seu promotior in occasum , longior paulo , remotior ad sinistram minus longa &c. Notandum autem circuli diametrum habuisse decussim pedis parisiini, atq; idcirco præsentis Fig. 45. plus quam duplo majorem, & consequenter etiam plus qm. duplo majorem apparentem in eo maculam D. 10. sub horam, 9. duæ illæ maculæ hesternam tergemina sequutæ non comparuerunt ; cæterum tergeminae partes omnes visæ cohærere, D. 11. sub horas 9. cæteræ maculæ evanuerunt; Tergemina sola comparuit , eaque his partibus adhuc cohærentioribus ; distantia mediæ à limbo jam multo minor , nempe 9 vel  $9\frac{1}{2}$  circiter , in qua-



quales, 120. diameter divisa fuerat, D. 12. denique simplex ite-  
rum apparuit macula, ut d. 1. limbo jam proxima.

*PHÆN. V.* Videntur omnes circa eclipticam, & quidem  
secundum Zonam, quæ tam hinc quam inde occupet Solis cir-  
citer quadrantem; nullæ vero videntur in illis limbi partibus,  
quibus Sol respicit eclipticæ (in mundo nostro puta) polos. Quæ  
quidem paulo obscurius dicta, plus lucis, opinor, accipient ex lo-  
co parallelo, quem lego cometographiæ Hevelianæ p. 369. his  
„verbis: Maculæ solares observant constanter certum quasi Zo-  
„diacum 50 & 60. ferme graduum circa nempe medietatem  
„utriusque poli (clarius inter utrumque polum) in quo gene-  
„rationes macularum præcipuarum peraguntur. Conf. pag. 409.  
Exemplum habuimus jam in Fig. 45. Sed luculentius adhuc de-  
dit Gassendus in observatione mense Novembri habita Anno  
1634. cum enim d. 24. sub merid. jussisset Antonium Agarra-  
tum amanuenssem spectare in Solem, maculam is geminam de-  
texit, interpositis aliis quibusdam minutulis utraque majuscula  
ad diem usque ultimum mensis perseveravit, & sequens etiam  
seu quæ ad lævam, ad primum etiam mensis Decembris: Cæte-  
ræ minutulæ prius evanuerunt, mutato etiam nonnihil situ.

*PHÆN. VI.* Non consistunt maculæ in eadem Solis par-  
te, sed motu quodam lento describunt arcus, seu proxime rec-  
tas (ut apparenter rem accipiamus) in disco Solis; ceu in utroque  
ante exhibito schematismo spectavimus. Non est tamen hic mo-  
tus præcise parallelus eclipticæ, sed fit semper cum intersectione,  
seu inclinatione tantilla ad ipsam à borea in austrum, & è con-  
tra: Moventur omnes à parte Solis orientali in occidentalem,  
cum eum in ipso cœlo adspicimus; in circulis vero lucidis in-  
tra cameras obscuras depictis, Solique è diametro oppositis, viam  
contrariam tenent. Moventur autem uniformi motu; adeo  
ut, cum plures fuerint, nulla ante vertat aliam, sed eundem te-  
norem in disco Solis perinde servant inter se, ac servant fixæ in fir-  
mamento: Moventur denique ab ipso usque orientali limbo,  
& pergentes per medium Solem, excedere tandem cernuntur  
per



per occidentalem : Sic tandem moventur , ut notabiliter tardior sit ipsarum motus prope limbos , prope mediam diametrum multo velocior ; eo scilicet ritu , quo planetæ circa eundem Solem ( in ampliore tamen ab illo distantia ) à statione una , per perigæum , ad aliam transeunt.

*PHÆN. VII.* Tempus , quo macula in toto Solis anteriore disco seles conspicuam exhibet , est ut plurimum dierum 12 , raro videtur per 13 dies ; cum possit tamen uno die præterea , propter motus tarditatem utrique limbo sic hæerere , ac veluti adrepere , ut visus aciem fugiat. Non pauca à limbo orientali visæ , post aliquot dies in ipso per Solem progressu evanescent : Aliquæ ex opposito in ipso Solis disco nascuntur ( & quidem interdum non longe à limbo , interdum in medio circiter disco ) ac deinde per limbum occidentalem subducuntur : Aliquæ denique nascuntur in ipso disco , ac priusquam ad limbum occidentalem venerint , intereunt. Quæ pleraque quidem omnia , aliqua etiam totidem fere verbis confirmat Hevelius in Cometogr. dicens exempl. grat. p. 409. Maculæ & nuclei , tum etiam faculæ , aliæ aliis , ratione subiectæ materiæ , sunt diuturniores ; aliæ circa limbum ortivum Solis primum exortæ , in medio disco post aliquot dies evanescent ; aliæ in medio disco , nascuntur & circa horizontem Solis occiduum intereunt ; aliæ , solidiores & opaciore totum Solis discum peragrant , interdum , crescendo , se constipando & condensando , interdum decrescendo , se extenuando & rarefaciendo &c. p. 428 ; aliquas ex materia dilutissima vix natas , paucorum dierum , imo horarum quoque , spatio rursus absumuntur : verbo , ( p. 508. ) in perpetua sunt mutatione tum maculæ , tum faculæ atque umbræ , consentiente etiam rosa ursina Scheineri pag. 156. & 344 ; quædam mutationes in majus subitanæ p. 424. quædam apparitiones ac disparitiones subitanæ , p. 711. motus exercent regulares similes fere ductus eodem tempore describentes ; Rectas , nempe lineas , Sole , vel Terra , circa initia Cancris & Capricorni existentibus ; ; In ♊ vero ♋ , ♌ , ♎ , ♏ , existente Sole ,



„curvas in austrum, & vero  $\pi$ ,  $\frac{\pi}{2}$ ,  $\pi$ , &  $\pi$  peragrans in aquilonem deflexas &c.

*PHÆN. VIII.* Cum vero Gassendus loco hætenus considerato num. XIV. dicit, cum motus peragi videatur circa globum ipsum Solis, vix tamen ullam ex postica parte in prospectum redeuntem videri; ei sane aperte contradicit Hevelius p. 409. ubi post superius allegata hæc immediate subjungit; Aliæ in statu „diu permanent, ut non solum hemisphærium patens semel per„transeant; sed & totum latens, ac secunda vice supra ortivum „horizontem denuo prodeant, ibidemque aliquandiu persis„tant. Verum raro admodum, imo fere nunquam (quantum „à me est observatum) tertia vice redeunt. Ex quibus ultimis in parenthesi verbis concludo, saltem uniusreditus experimenta habuisse virum fide dignissimum. Apud Scheinerum autem cap. 65. lib. IV. part. I. macularum redeuntium exempla plura recensentur: suadere vero reditum illum dicit locum, tempus, motum & parallelum eundem, talem fuisse dicit, quæ anno 1625. à diei 22. Martii hora matutina 8 $\frac{1}{2}$  ad diem 4. Aprilis (citra dubium 24. Aprilis scribendum fuit, ut ultra periodum 28. dierum restarent adhuc 5.) hora vespertina 1 $\frac{1}{2}$ , in parallelo Solis australi; & altera ejusdem anni à die 11. May. ad 18. Junii (dies adeo 38, hoc est periodum integram 28. dierum, ac præterea 10. d.) in parallelo boreali; & tertia, quæ anno eodem nata d. 12. Julii, sed adulta die 24, occubuit Astronomice, & peragrato hemisphærio Solis occulto, orta est Astronomice d. 6. Augusti hora 7 $\frac{1}{2}$  matutina, iterumque occubuit Astronomice d. 19. hora 4 $\frac{1}{2}$  pomeridiana; ita ut hæc duraverit ultra dies 39) hoc est 11. ultra totam periodum; ex quo periodico reditu plurium macularum, æque ac ex aliis aliarum accidentibus, per 10 integra capita, demonstrare conatus est Scheinerus, *maculas esse in ipso Solis corpore.*

*PHÆN. IX.* Quæ restant apud Gassendum numm. pluribus, ea hoc uno complecti phæn. possumus, quippe non solum ex Gassendi binis tantum schematicis, quos Figg. nostræ 45. & 46.



46. exhibent, sed etiam Hevelii plurimis observationibus propria manu delineatis & sculptis, folio gemino ad pag. 410 & 412. spectandis, egregie confirmatis, scilicet macularum alias majores, alias minores conspici, & maximam vix attingere vigesimam partem diametri solaris; Vix ullam esse rotundam, sed omnes plerumque figurarum irregularium: Esse omnes communiter figuræ tenuioris & gracilioris quoad latitudinem in medio crassioris & rotundatioris: Unicam plerumque prope limbum visam, in ipso progressu veluti prorumpere in plures, sed proxime tamen coherentes inter se: Detegi etiam in progressu maculas quasdam minores sequentes, ac veluti appendiculares; cum prius, hoc est prope limbum forent inconspicuæ: Has denique seu ex crescentes, seu appendiculares maculas interdum in medio disco evanidas fieri; interdum versus limbum progressas cum principe macula coire.

*PHÆN.* X. Ne quid ambiguitatis in iis quæ hætenus diximus resideat, Hevelius cometograph. p. 360, alibique passim per totum opus facit mentionem macularum, umbrarum, facularum, & nucleorum; quæ omnia, cum ex materia Solis ignea & lucida ejusque exhalationibus & evaporationibus promanare merito credantur, & ex diversis partibus heterogeneis, certos gradus opacitatis ac densitatis habentibus, consent; ex tenuioribus, purioribus & siccioribus quidem *umbrae*, *faculae*, & *luculae*; ex impurioribus vero, crassioribus, bituminosis & viscosis, *maculae* earumque *nuclei* progignuntur: qui nuclei una cum ipsis maculis nonnunquam ad tantam opacitatem ac densitatem pertingunt, ut ipsi Solis luci intensissimæ nullum plane concedant transitum, *umbras* autem & *faculas*, tanquam rem eandem, p. 498. in fine, p. 508. sub initium, & passim alibi nobis nominat; e contra *Athanasius Kircherus* cum Ricciolo Almag. novi lib. III. p. 96: sic enim hic sub finem faciei I: color macularum niger aut cæruleus, umbrarum subniger, facularum candide splendens, hoc est areolæ Solis lucidiores. Quod idem ille in mundi subterr. p. 57. & seqq. nec non in Itin. ec-



stat. præcipue in illo schemate corporis solaris, ( prout id ab ipso & P. Scheinero Romæ anno 1635. observatum dicit, hactenus autem simile, quod ego quidem sciam, conspectum à nemine fuit, ) oculis depictas & literis A, A, A &c. designatas exhibet. Hodie vero multi seduli observatores de faculis hoc sensu dictis, fere dubitant, quando nec ipsis tale quid, etsi sedulo quærentibus, obviat, nec ego recordor in Gassendi observationibus talis faculæ uspiam esse mentionem factam. Nominatim *Hugenius* Astronomus celeberrimus in cosmotheoro suo posthumo p. 126. sub fin. cum ad marginem notasset, *faculas solares incertas videri*; in contextu hæc adjungit: neque ego faculas illas, quas una cum maculis omnes celebrant, unquam videre potui, etsi has sæpius spectaverim; ac valde dubito, an aliquid in Sole, ipso Sole lucidus appareat. Invenio enim, fideliores observationes consulens, non nisi in nubeculis illis subfuscis, quæ maculas plerumque circumdant, aliquando solæ feruntur, puncta quædam clariora notari, quæ non mirum esset, propter obscuritatis illius viciniam, splendidiora quam sint, videri.

*PHÆN. XI.* His illustrandis adducemus è cometographiæ pag. 424. specialem, & rarissimam quidem, observationem, quam habuit Hevelius Gedani anno 1644, mense Majo circa maculam quandam *d*, quæ die 8 May ac præcedentibus (vid. Fig. nostra 48.) valde exilis tenuisque videbatur; mox autem ex insperato, d. 10, altera scilicet subsequente, in admirandam penitus excreverat magnitudinem, usque eo, ut area disci, seu circuli maximi, decuplo tum major, quam die octava, quin etiam longe obscurior ac solidior, simul permagno nucleo *f* prædita fuerit deprehensa; quæ tamen tarde admodum postea decrevit. Similis repentina mutatio in macula *e* Anno 1643. mense Augusto ab Hevelio visa pariter eadem pag. memoratur & in figuratione ad p. 412. num. XIII. delineata est similesque plures aliæ ex rosa ursina Scheineri memoratæ & Iconismo D ad pag. 410. num. IV. exhibitæ.

*PHÆN.*



*PHÆN. XII.* Cur tenuiores exhalationes materiæ cometice cometas à tergo ex opposito Solis sequantur declaraturus Hevelius, p. 479, ex umbris, faculis luculisque solaribus comprobatur it ; in quibus animadvertitur, quando notabilis earum tractus quidam, maculæ alicui circa horizontem ortivum degenti adest, quod semper umbra ista orientior, horizon-  
ti propior, & à Sole remotior sit, ipsa macula ; hoc est à parte Soliaversa, respectu maculæ primariæ, secundum lineam istam ex centro Solis, per maculam, ductam versatur. E contrario, macula existente circa horizontem occiduum, plerumque umbræ & faculæ præcedere, vicinioreque ipsa macula apparent ; hoc est pariter Soli opponuntur. Quando vero macula cum umbris, circa Solis centrum, & quasi in conjunctione commorantur, maculam quasi æqualiter ab omni parte umbræ circumdant, ut neque subsequi, neque præcedere videantur. Inspice Fig. nostram 47. ex pag. Hevelii 479, huc translata, ut rudes omnino rerum opticarum assequi valeant, qua ratione umbræ maculam interdum sequi, ut in A, interdum omnino eam cingere, ut in B, interdum præcedere, ut in C. videantur. Ubi adverti adhuc vult vir laudatissimus, quando macula extra eclipticam, utpote in parte septentrionali D & E versatur, perpetuo umbram aliquanto elevatior ; contra in australi parte assidue depressiorem conspici : Quibus omnibus ulterius confirmandis, allegat verbotenus locum geminum ex rosa ursina lib. III. ad imaginem XXXVI. p, 246. n. II. & p. 262. n. I. 20. quæ videri possunt, si licebit ; addendo insuper Cometographiæ p. 556. in fine pro confirmanda maxima similitudine macularum solarium cum cometis, quam Author passim toto opere inculcat.

*PHÆN. XIII.* Illud tandem, quod notatu dignissimum est, non omittendum, quod maculæ solares atmosphæram Solis ( qualem dari cometographia p. 361 demonstrat ) nunquam egrediuntur sensibiliter, sed ipsi Soli, tum in ingressu tum in e-



gressu vel in ejus discum , vel ex illo , cohærere videntur , & cum ipso Sole à communi procul dubio vortice in vertiginem aguntur. Hocalibi, nempe p. 410, sic effert ; maculae Solis, non æque distant ab ejus superficie, sed aliae aliis sunt remotiores:,, quanquam nulla à Sole adeo est remota, ut parallaxin aliquam,, sensibilem pati possit. Confirmat hoc Ricciolus Almag. lib. III., p. 97. num. IX. locum macularum , seu distantiam à terra communiter censer, dicens , supra Mercurium perigæum , ac neminem jam esse , qui non concedat , eas aut in Solis superficie esse, aut illi quasi contiguas , eo quod nulla à Sole parallaxis, nedum mercuriali minor; sed eodem die eadem maculae observatae sint in eadem Solis parte, cum motu ad motum Solis æqualiter proportionali, & longe tardiore , quam est motus Mercurii ; quantumvis in distitis terræ locis fuerint observatores, ut apparet ex figuris & historia observationum. Ita nimirum observarunt eas, Ingolstadii *Scheinerus* & *Cysatus*, Patavii & Florentiæ *Vincentius Fridianus* & *Galilæus*, Romæ iterum *Scheinerus*, *Grinbergerus* &c. Parmæ *Blancanus*, Duaci *Malapertius*, in Belgio *Hortensius*, Conimbricæ *Guilielmus Vely*. In India orientali *Caspar Ruefs*; quibus nos adhuc addimus, Diniae in Gallia *P. Gassendum* ac Dantisci in Prussia *Joh. Hevelium*, post Scheinerum forsan cæteris omnibus maxime industrium observatorem, & instrumentorum apparatu instructissimum.

## II. Diversæ HYPOTHESES circa naturam, affectiones &c. macularum solarium.

### I.

**U**T silentio præteream opinionem *Raphaëlis Aversa*, qui maculas opinatus est esse partes quasdam cœli aliis opaciores virtute causarum cœlestium nobis occulta tales redditas ; nec nisi obiter attingam sententiam *Malapertii*, *Mastrii* & *Ant. Mariae de Rheita*, qui stellas eas esse perpetuas à Sole illustratas , ut satellites Solem ambientes &c. existimarunt ; *Claramontii* denique *Cottunii*que



que cogitata, de maculis omnibus infra Lunæ cœlum existentibus, ut indigna prorsus consideratione, & ab obstinato præjudicio orta, (ne in cœlo alterationes admittere, contra Peripati decreta, cogerentur) penitus missa faciamus; *Galilaus* contra, *Keplerus Bullialdus*, tandemque, licet olim contrariæ opinionis, *Scheinerus & Blancanus*, negant eas esse stellas, eo quod nec rotundæ, nec regularis figuræ sint, & nubibus inconstantissimis simillimæ, multæ, quæ ex illis in ipso Solis medio ortæ, antequam ad margines pervenissent, evanescant, aut subito in medio apparentes illico extinguantur: Proinde gigni illas de novo & interire, nihilque aliud esse, quam fuligines, aut vapores ex fornace solaris globi ebullientes & aliquas ex iis incensas facularum instar coruscare. Itaque ex Phæbo Vulcanum faciunt! subjicit subdubitans *Ricciolus* p. 97. lib. III. & hæsitabundus quærens: quomodo tam multæ tamdiu permaneant, ut circa Solem suo, vel Solis motu, diebus 27 circiter moveantur? An hæc natura fuliginum sit, ac nebularum heliacarum, ex materia compactiore Solique adnata perdurantium? Tandem vero concludens, se mallem in umbram silentii se recipere, quam de Sole incomperta & indigna loqui.

II. At enimvero pleraque comperta habuerunt, quæ de maculis narraverunt postremi virorum supra laudatorum; nominatim *Scheinerus* in rosa ursina (quam in eptiomen redactam nobis exhibuit *Ricciolus* Almag. novi lib. IX. pag. 355, & seqq.) posteaquam ex lib. I. II. III. & IV. excerpta pleraque omnia, quæ in enarratis supra phænomenis continentur, prolixè confirmata essent; p. 357. epitomes Ricciolianæ, quærit: Annon hæc sunt argumenta physicæ evidentiæ ortus & interitus macularum realis? hujusque deinde varios modos declarat, non ingenio confictos, sed experimentis comprobatos; quibus expositis iterum quærit: Quis omnibus his penitatis non concedat earum ortum & interitum physicum? (Nota huic ortui & occasui physico opponit ortum & occasum Astronomicum, quando macula jam ante existens, sed adhuc latens, in horizonte Solis orientali primum comparet & postmodum durat, donec in margine vel horizonte occidentali sese è conspectu nostro subducatur.) Quodnam enim habemus in regione quoque sublunari majus indicium talis ortus & corruptionis? Confirmat autem deinceps pluribus defectum omnis parallaxeos in maculis solaribus, asseritque sub finem cap. 55. quando Sol omni macula caret, id fieri in toto orbe terrarum;

&



& quando nova macula exoritur, id fieri ubique eodem tempore ac loco Solis; & quando aliqua macula centrum solaris disci occupat aut eclipticam occupat, fieri hoc ubique terrarum eodem tempore: nec unquam notatam fuisse ullius maculæ deviationem à Solis disco.

III. Consentit quoad omnia cum *Scheinero Hevelius*, & prout terra quidem tota ab ipsis mundi incunabilis perstat & incorrupta durat, (æternum etiam duratura; nisi Creatori aliter visum fuerit,) interea vero partes ejus pleræque omnes, generationibus & corruptionibus, augmentationibus ac diminutionibus, alterationibus denique & mutationibus variis ac perpetuis obnoxia sunt, & quotidianis experimentis deprehenduntur; Sic oppositum de Sole cæterisque cœlestibus ab Aristotelis temporibus, usque ad ævum proxime superius creditum constanter fuit, non *αἰδία* tantum ac *θεία*. sed *ἀφθάρτα* quoque & *ἀγένητα* dictis, non solum secundum se tota, sed etiam secundum singulas minimasque portiones: donec recentior ætas, ex macularum solarium evidentissimis apparitionibus ac disparationibus, mutationibusque innumeris in ipsos Sensus incurrentibus, & non præoccupatis hominum mentibus facile persuasit cœlestium etiam, corporum alterabilitatem & mutabilitatem; & præjudiciorum multitudine obrutis, ideoque diutissime reluctantis, consensum obstinate denegatum, ipsius rei nimia evidentia tandem extorsit. Quemadmodum vero de plerisque mundi totalibus corporibus ejusmodi mutabilitatis specimina extant, in progressu separatim attingenda: Sic de Sole particulariter dicere non videtur vir laudatissimus, nullum in toto mundo extare corpus, quot tot alterationibus & vicissitudinibus sit obnoxium, quam Solem ipsum.

IV. Quod ut aliquo modo pateat; monebimus 1) de Solis à terra distantia plurimum variare Astronomorum opiniones, ita ut *Tycho Braheus*, in definiendis magnitudinibus ac distantis admodum parcus, non plene 1200 terræ semidiametros supponat, *Hevelius* autem plures quam 5000, *Ricciolus* ultra 7000, *Wendelinus* supra 14000, *Hugenius* 12000 diametros, sive 24000 semidd. &c. 2.) observationes aperte ostendere, aliquando etiam unius anni curriculo, centum, imo ducentas maculas in hemisphærio Solis patente extitisse, exceptis iis omnibus, quæ ob tenuitatem vel oculorum aciem eluserunt, vel in altero latente Solis hemisphærio latuerunt. Quod si vero faculas & umbras omnes cum ipsis maculis exortas, (quæ minimum duplo plus materiæ comprehendisse credi possunt, quam ipsæ



maculæ, ) seponamus, &, cum majores maculæ  $\frac{1}{28}$  vel  $\frac{1}{18}$  diametri Solis, minimæ vero  $\frac{1}{300}$ ,  $\frac{1}{200}$  &c. mediocres  $\frac{1}{4}$ ,  $\frac{1}{3}$  &c. adæquare soleant; poterimus 3.) cum Hevelio p. 404 pro maculis duorum annorum 1643 & 1644, jure optimo supponere maculas unius anni quadraginta, easque, majoribus aliquanto diminutis, minoribus paulum auctis, singulas  $\frac{1}{58}$  de diametro solari comprehendentes. Quibus ita positis 4.) extab. pag. anteced. 403. ad diam. apparentem Solis 32 min. computatis,  $\frac{1}{58}$  diametri solaris faciet 38. secunda, quæ in distantia Solis à terra 5160 semid. quoad veram maculæ diamet. conficerent 818, mill. germ. hujus vero diametri area circularis juxta meth. Archimed. quæ sita foret plusquam 525740 mill. quadratorum. Hic denique numerus per 40 multiplicatus, produceret mill. quadrata 21 029 600, quæ sub altitudine vel profunditate 1. mill. conficerent totidem mill. cubica; stupendam adeo materiæ copiam pro constituendis 40 unius anni maculis.

V. Quemadmodum vero *Petitus* (si recte memini) & eorum plurimi, qui globum solarem aut mere - igneum, aut è solido quodam multisque cavitatibus, vallibus, antris, irregulari fundamento, & igne elementari urente, qui cavitates istas & inæqualitates fluore suo expleat, conflatum concipiunt (adeundem fere modum quo similis terreni globi offatura quasi antrofa ab oceani aqueo elemento undique pervaditur & in globosam figuram exæquatur vi hujus suppositionis suæ, maculas solares pro partibus ipsius Solis exustis in extima sua superficie habent, quæ brevi tempore nova flamma concepta priorem obscuritatem iterum exuant: Sic illi, qui cum Dn. Bontekoe aliisque Cartesianis, ignem in Sole quidem concedunt sed lucidum magis quam calidum, hanc partium extimarum Solis exustionem ægre admittent, sed fuligines quasdam & impuritates ab igne agitatore & graviore expulsi & in atmosphæra quadam proxime Solem in densiores atrasque nubes collectas, species istas macularum, densiorum nucleorum, & umbrarum dilutiorum constituere judicabunt.

VI. Qui cæteros globos planeticos alioquin, instar terræ nostræ habitabiles conjicit, Hugenus in Cosmotheoro suo, id de Sole tamen, cum non improbabile quibusdam visum esse p. 126. dixisset, animalia inibi vivere posse, pag. 127. omnino negat, non solum quod omnis hic conjectura deficiat, qua ratione id ita esse opinati sint, sed in primis propter summum ibi calorem fervoremque, ipsius judicio certo cre-



dendum; ut nihil omnino nostrorum corporum simile vivere ibi, aut momento superesse possit. Itaque aliud omnino genus viventium animo concipiendum fore, longeque ab omni natura eorum, quæ unquam vidimus aut cogitavimus, diversum: quod fere idem sit, ac si dicamus nihil hic conjectando nos consequi posse. Esse quidem addit, tam præstans, tantæque molis corpus haut dubie maxima ratione, ac propter insignem aliquem usum creatum. Sed, annon apparere jam abunde utilitatem ejus in mirabili illa lucis calorisque in totum circumstantium planetarum chorum effusione; ex qua universo animantium generi non vita solum constet, sed & jucunda ut sit efficiatur? idque non in exiguis solum qualis terra nostra, sed & in tanto majoribus Jovis & Saturni globis, quorum non est contemptibilis ad Solem collata magnitudo. Hæc quidem tanta esse, ut nihil mirum sit, eorum gratia tantum Solem esse conditum!

VII. Jam cum in Articul. V. Partis general. Mundi sider. Hypothes. II. de corporum coelestium distantis à terra, diametris apparentibus, indeque concludendis magnitudinibus in genere quædam dixerimus, specialius autem num. V. & seq. mundum solarem Hugenii perfectius quam unquam alias factum esset, in area ingenti, verbis potius, quam ductibus linearibus, descriptum exhibuerimus, in qua designatione distantia Solis à terra 12000. hujus diametris definita est, non indicato tamen calculandi modo, quo hæc distantia supputata fuerit, nisi quod p. 103. se probabili conjectura 12000. diametros invenisse scribit, posteaquam terram à Sole decem vel undecim mille suis diametris distare, Cassinus in Gallia, Flamminstedius apud Anglos, collegissent, parallaxium in Marte subtilissimis observationibus usi. Sed incredibiles hæc distantie, quamvis è summorum hujus ætatis Astronomorum scriptis haustæ, nunc tanto magis judicabuntur, quando superiore jam ævo *Riccioli* ac *Wendelini* 7000. & 14000. semidiamet tantum *Almagesti* lib. III p. 110. sub tab. ibi datæ finem indicatæ, vel 5000. *Hevelii*, pag. 397. *Cometographiæ* rotundo, ut in cæteris, numero expressæ, omnem fidem longissime excedere judicabant ii, qui orbis terrarum spatia mirari adfueverunt. Quæ subtiliora quidem omnia, quam quæ hoc loco è profundissimis suis quæque fundamentis examinari vel possint vel debeant, hac sola fini hic allata sunt, ut cognosceretur, ab eo tempore, quo *Tycho Braheus* distantiam Solis à terra ne plenis quidem 1200. hujus semidiametris definire ausus fuit, ejus posteros, quanto pluribus & accur-



curatoribus in cœli profunda penetrandi subsidiis gradatim instruebantur, tanto majorem indies fere immensitatem in hac mundana plusquam stupenda omnipotentissimi Conditoris machina detexisse.

### III. BREVIS EPICRISIS

Super hæctenus enarratas Hypotheses & Phænomena.

#### I.

**Q**Uandoquidem vero distantia Solis à Tellure Tychonica non plene 1200. semidd. terræ, produxit corpulentiam 140. globos terræ integros comprehendentem, multo major autem Riccioli distantia, plusquam 7000. semidiametrorum confecit soliditatem corporis solaris, 38600. globos terrenos adæquantem, adeoque 276. fere vicibus priori majorem; judica, *Lector Benevole*, quam incomprehensibiliter major hac posteriore quoque proventura sit capacitas, si cum Cassino & Flammstedio 10000 vel 11000. diametros, h. e. 20000 vel 22000. semidiametros terræ, aut cum Hugenio 12000 diametros, h. e. 24000. semidiametros, supponamus.

II. Aestimare hinc porro licebit, quantum spatium in Solis extima superficie occupare deberet, stantibus hypothesebus postremis Cassini & Hugonii, (distantiæ scilicet Solis à terra 22000 vel 24000 semidiametrorum hujus,) unica macula ex mediocribus, cujus diameter apparens esset pars quinquagesima diametri Solis apparentis, adeoque, secundum Hevelii distantiam à terra plusquam 5000 semidd. hujus, diametro vera exæquatura esset 818 milliaria germanica, area vero sua circulari plusquam 525 740 milliaria quadrata, vi calculi Heveliani num. IV. proximarum Hypoth. videndi. Hæc vero area fere octavam ac decimam partem totius superficiei terrestris exhauriret, vel in hac 5000 solum semidiametrorum distantia. Quanto magis immensam igitur ejusdem areæ magnitudinem proven-

Qqqqq 2

turam



turam judicabimus, si distantia Solis Hugeniāna 24000 semidiametrorum supponatur? Et quanta vis mutabilitatis & corruptionis actualis in lucidissimo Solis corpore ex quavis etiam minima hypothesium hactenus enumeratarum elucescit?

III. Quamvis autem ex mente illorum, qui Solem ignem esse statuunt quidem, sed lucidum tantum, non autem calidum vel urentem, posterius argumentum proxime-superioris num. VI. parum valoris esset habiturum; tamen superficies corporis solaris, igneo fluore undiquaque recta, inepta habitatione censenda est, munusque suum sufficienter præstitisse, si luce sua circumpositos sibi planetas sufficienter illustret, calore vero in ipso forte Sole non sensibili, sensibilem tamen in istorum atmosphaeris saltem eo modo producat, quam capite præced. primo, num. XIII. quidem epicriseos, exposuimus. Quibus suppositis, non opus deinde foret, maculas solares pro partibus in ipsa Solis superficie exustis habere; sed phaenomenis abunde suffecturum esset, si supponeremus, eas nihil aliud esse, quam despumationes quasi quasdam cum ipsa suprema superficie lucida cohærentes, ejusque lucem nobis tantisper intercipientes, interim vero cum eadem in vertiginem circumactas, more spumarum in & cum fluentis aquarum placide translatarum, donec alicubi in obvium aliquod obstaculum impingentes, ex improvviso iterum dissolvantur.

IV. Quo pacto quidem pleraque omnia superiorum hypothesium confirmata forent, simulque hæsitabundo num. I. Ricciolo satisfieri facile posset, excretiones hæc ac despumationes solares ideo per complures dies durabiles esse dicendo, quod non sint exhalationes maximam partem vaporosæ & aquosæ, facilius adeo in primam suam originem resolubiles; sed magis fuliginosæ & viscidiores, magisque adeo cohærentes, maxime in macularum nucleis mediisque densitatibus: unde etiam fit, quod ordinarie ambientes eas umbræ citius, quam ipsæ, dissipentur. Non posse autem ulla ratione vel has umbras, vel ipsas maculas aut earum nucleos densiores, pro stellis, nedum perpetuis,



petuis, haberi, adductæ sub finem num. I. hypothesium rationes evidenter evincunt.

V. Jam quod ipsa phænomena sub initium cap. hujus II. recensita spectat, ipsam veritatem macularum in Solis vultu conspectarum, hoc est phænomeni primi, & ibi, & hætenus dicta affatim confirmarunt. Quod vero litem inter Galilæum & Scheinerum Phæn. II. commemoratam attinet, non venditavit hic se pro primo observatore, teste Ricciolo in epitome ex rosa ursina extracta p. 355. lib. IX. Almag. nec usurpavit primus inventoris invidiosam nomenclaturam, sed solum narravit, quid sibi inopinato obveniret, absque ullo rumore aut indicio prævio &c. potuitque verum esse, quod Galilæus jam anno 1610. Patavii maculas in Sole notaverit, & tamen (ut ipse fatetur in epist. ad Welferum anno 1612. perscripta) illas suas observationes non, vulgaverit, ob animi suspensionem, ceu loquitur, & timiditatem errandi: Quemadmodum & Saxonii nostri Anno 1616. æneæ tabulæ insculpta, inclytoque tum Senatui Norimbergensi dedicata (cujus schematis ære illo expressi exemplum ante hos paucos dies demum Norimbergæ apud Dn. G. C. Eimartum mihi inspicere datum est) trium in Solis vultu macularum observatio, prima fortassis omnium fuit, quæ ita solenniter publicata fuit; quo ipso tamen, neque Scheineri, neque Galilæi gloriæ detractum quicquam cupimus, si gloriam tamen meretur, rem novam casu fortuitoque oblatam, dubium insuper & hæsitantem, observasse.

VI. Phænomeni III. & IV. rationes ex eo procul dubio petendæ sunt, quod 1.) macularum harum exortus, duratio, interitus &c. casu quodam contingant omnia, eodem circiter modo, quo nubes, nebulae, nives, pluviae, cæteraque meteora & tempestates in aëre generantur, ex certis quidem & necessario agentibus causis naturalibus, sed plurimis illis, imo innumeris & ex diversis temporum locorumque intervallo ad communem effectum concurrentibus; quarum adeo numerus, modus ac tempus ejusque operandi & ad effectum symbolam suam conferendi,



locus item ex quo, sive vicino & immediate, sive remoto & mediate quippiam contribuat &c. Soli DEO omniscio nota sunt, & indubie præsciuntur, quo tempore vel loco effectum communem, junctis operis, producturæ fiat; humanæ vero scientiæ intuitu, quæ neque causarum numerum, nec ordinem aut connexionem inter se necessariam, nec cætera humanæ menti indefinibilia, penetrare valet, incerta sunt, & quo loco vel tempore futura, indeterminabilia. Cui suæ ignorantiae tegendæ homines commoda vocabula *casus* & *fortuna* excogitarunt; ut *casu* dicant vel *fortuito* fieri, quorum causas, ob inenarrabilem multitudinem suam & imperisrutabilem cohærentiam & connexionem, ignorare se dicendum esset, si cordate ingenueque loqui vellent: quod econtra 2.) ejus apparentiæ causam, qua vel maculæ vere - unicæ circa margines Solis minus latæ & graciliores, quam in ejus vultu medio, plures autem ac revera separatæ hoc eodem loco spectentur, quæ circa margines unitæ ac indivisæ comparent; certam & compertam habeamus, utpote unicam vel ex paucis compositam, nimirum Solis per Helioscopia comperta globositas, & macularum cum ejus superficie sensibilis saltem contiguitas, efficiunt, ut illæ circa hujus margines obliquius spectatæ, minore radiorum extremorum angulo comprehendantur, quam in facie Solis media, & intervalla separatarum plurium hic distincte sensibilia, ibi indistinguibilia evadant: prout experimento oculari in globo quodam materiali deprehender, qui circellum quendam chartaceum in facie globi media, & alium priori æqualem in extremitate marginis conspicui, vel ibi pariter & hic binas chartulas, intervallo directe sensibili disjunctas, agglutinet.

VII. Quod circa eclipticam plerumque, haut facile prope hujus polos, reperiantur maculæ solares, ut in Phæn. V. habetur; ejus rei causa probabilis ex eo petenda est procul dubio, quod vertigo seu motus Solis sub ejus ecliptica est vehementior, circa hujus polos autem multo tardior, adeoque ibi vehementiore motu & ebullitione plus materiæ heterogeneæ ac fuliginosæ adsum.



summitatem extimæ superficiei explodatur & ejiciatur, quam prope polos, ubi motus corporis solaris multo tardior est; id quod in artificialium globorum vertigine ad oculum est videre. Si quæras de causa globum solarem in vertiginem agente, non aliam reperio præter vorticem sive gyrum coelestem, circa Solis centrum divinitus ordinatum & ab occasu in ortum circumrotatum, cujus interventu Mercurius, Venus, Mars, Jupiter, & Saturnus, & hos inter medio loco constituta Tellus, cæterique planetæ circa Solem, tanquam stellam fixo loco positam circumvehantur: qui vortex ita suppositus necessario globum Solis ipsum in sui centro positum circumagit & maculas ipsi adhærentes vel contiguas saltem, una in facie Solis nobis obversa ab oriente versus occidentem spatio 13. circiter dierum, deinceps autem, in opposita à nobis averfa parte, ab occidente in orientem, eodem temporis intervallo circumducit, totamque adeo corporis solaris vertiginem 26, vel ad summum 27 diebus absolvit.

VIII. Quod in phæn. VI, sub finem dicitur, macularum, solarium motus prope margines sive limbos notabiliter tardiores esse, prope mediam diametrum multo velociores; id non secundum rei veritatem, sed quoad apparentiam tantum, intelligendum est. Nimirum, ut in fine num. VI, superioris ostensum est, & oculari experimento illustratum, quod eadem maculæ, ejusdemque latitudinis existentes prope limbos tamen multo graciliores & minus latæ videantur, quam in media facie; propter obliquitatem scilicet & anguli angustiam, quo ibi, majorem autem hujus amplitudinem & adspectum directiorem, quo hic apprehenduntur: Sic in motu suo vertiginoso credibile est, maculas, singulasque Solis partes æqualibus temporibus æqualia quoque spatia decurrere; sed hæc æqualia spatia prope limbos, æque ac ipsas maculas, multo augustiora & minora apparere, ob causam ante iteratam, quam in facie Solis antica; ideoque motus æqualibus temporibus hic majora spatia, ibi multo minora, conficere visos, ibi reciproce multo tardiores debere videri, hic econtra multo celeriores, (conf. Fig. 57. in qua arcus ab. bc, cd. dD, om.



dD. omnes æquales sunt, & oculo tamen necessario valde videntur inæquales ) cætera quæ in sequentibus phænomenis occurrunt, ab hætenus dictis quodammodo diversa, ex his ipsis lumen uberius facile accipient ; quæque circa miras macularum variationes & mutationes passim annotata sunt in phænomenis, ex materiæ fuliginosæ, ab immensa Solis profunditate & vastitate nunc parcius, nunc uberius protrusæ majori vel minori copia majori aut minori visciditate, nunc abundantiore, nunc magis deficiente affluxu ex aliis stellis fixis, tanquam similibus Solibus, cum nostro communicantibus, ( sicut hic noster cum aliis vicissim credibiliter communicat ) similibusque circumstantiis, haut difficulter conjectari possunt.

### CAPUT. III.

De

*Solis eclipsibus, defectibus aut deliquiis.*

#### I. PHÆNOMENA.

**P**HAEN. I. Quemadmodum à maculis nunc pluribus nunc paucioribus, nunc magnis nunc parvis, incertis ac præsciri nesciis temporibus, obfuscari nonnunquam Sol, postremis hisce seculis demum, observatus est: ita jam ab antiquissimis temporibus innouit, Solem non raro, tum olim à non opinantibus, tum hodie à præmonitis, etiam è plebe hominibus, certo ac prædefinito tempore, ab attendentibus conspici, tunc, cum maxime cœlo sereno splendere deberet, in nigrorem aliquem vel obscuritatem sensim se induere, paulo post autem pristino fulgori paulatim restitui, quod equidem Solis accidens, antequam ejus ratio plene perspecta esset, præfestinata nominis impositione (quales in plerisque scientiis pleræque esse solent) *eclipsin* seu *deliquium Solis* appellabant ; tanquam Sol ipse lumine suo deficeret, aut ejus imminutionem aliquam, decrementum, aut privationem aliquam pateretur.

PHÆN.



*PHÆN. II.* Docuit autem continua observatio, talem apparentem luminis solaris defectum vel eclipsin nunquam contigisse, nec etiamnum contingere, nisi eo temporis momento, quo nova & lumine cassâ Luna Soli sub signifero circulo, in eodem signo, signique gradu optice saltem conjungitur. Quæ quidem observatio *Thaleti Milesio*, uni ex septem Græciæ Sapientibus, occasionem præbuit, veram tandem & infallibilem hujus phænomeni causam detegendi, cum ante hujus tempora non nisi aniles fabulæ & ridiculi conceptus loco veræ causæ, non à vulgo tantum & Poëtis, fingere & fictitia pro veris venditare consuetis, sed ab ipsis etiam antiquioribus Philosophis, in medium adducerentur, si vere tamen & sincere illorum cogitata ab aliis relata fuerunt. Quas equidem ineptias cum in hunc locum congerere operæ pretium haut judicemus, Lectorem nostrum ad lib. V. Riccioli Almag. novi hujusque cap. I. remittimus, vel ad Gassendi Phys. Sect. II, libr. IV. cap. VI.

*PHÆN. III.* Neque tamen in omni novilunio, sive quoties Luna cum Sole in eodem signo, & signi gradu, concurrat, semper Solis eclipsis contingit; alioqui singulis mensibus tales essemus habituri, quod experientiæ repugnat, cum pluries ne unam quidem anno toto habeamus, non obstante, quod Luna quovis mense nova fiat, & cum Sole necessario concurrat in eodem signo, utpote celeriter mota per omnia signa cœlestia, & absoluta integra periodo, spatio 30. circiter dierum, ad Solem duodecuplo tardius motum, necessario rediens. Ita nempe de Solis motu tardiore nunc loquor ex hypothesis Tychonica sive communiore.

*PHÆN. IV.* Et plerumque quidem pars tantum disci solaris ita obscuratur, dimidia vel major vel minor, raro præcisè dimidia; quibus in casibus *eclipsis Solis partialis* dici solet: aliquando vero totus discus ipsius undiquaque obumbratur, *eclipsin totalem*, quam vocant, subiens; qualis e. g. antiquis temporibus, anno scilicet 585, ante Christum, celebris illa fuit,

Rrr rr

quam



quam Thales Ionibus primus prædixit, ab Herodoto lib. I. sic descriptam, ut stantibus in acie Medorum ac Lydorum exerciti-  
bus repente dies in noctem converteretur, uti Thales prædixerat;  
quo facto Lydi ac Medi à pugna destiterint, & ad pacem consti-  
tuendam festinaverint; proxime superioribus autem temporibus  
horrenda illa cum primis, quam Clavius Anno 1560 Conimbri-  
cæ in Portugallia observavit, ut ipse refert in cap. IV. sphaeræ Sa-  
crobusci; aliaque Anno 1530 à Kepleri patruo visâ, & plures  
quam viginti aliæ in quibus plerisque similes obortæ sunt teneb-  
ræ, quas lib. V. cap. XX. recenset Ricciolus ad convincendum  
Tychonem cum Mülério, qui Solis eclipses totales plane nega-  
verant.

*PHÆN. V.* Atque harum totalium quoque non una  
est annotata differentia. Nonnunquam enim tota quidem Solis  
facies obscuritatem illam subit, ita tamen, ut è vestigio aliqua  
ejus particula pristina sua luce refulgeret, majora subinde lucis  
augmenta terris reddens & in partes vicinas propagans; & hanc  
*eclipsin Solis totalem sine mora*, dixerunt philosophi: Nonnun-  
quam vero aliqua etiam mora intercedit, priusquam aliqua So-  
lis particula de novo terris illuceat; & tum dicitur *eclipsis Solis  
totalis cum mora*; quales illæ maximam partem esse solent,  
quæ diem faciunt noctescere, ac illa nominatim, quam paulo  
ante è Clavio allegavimus.

*PHÆN. VI.* Deinde etsi totus Solis discus obscuratus non-  
nunquam cernatur, (imo sæpe, si ad terricolas universos re-  
spicias; nam in Zona torrida singulis fere annis contingunt e-  
clipses Solis totales in quamplurimis regionibus, cum in nostris  
oris plane nulla spectatur) tamen in media illa obscuritate fuscus  
aliquis color apparet; dilutior autem & albicans magis in defecti-  
bus partialibus observatur.

*PHÆN. VII.* Id vero singulare est, quod non semel ob-  
scuritas illa, quæ Solis faciem contegit, undiquaque lucido quo-  
dam limbo seu annulo ambiri observata est; exempl. grat. An-  
no 1567. d. 9. April, Romæ à Clavio, Anno 1598 Torgæ in Mis-  
nia



nia à D. Jessenio ; Anno 1601. Goese in Belgio , à Lans-  
 bergio &c. & has *eclipses*, inde physici *annulares* appella-  
 runt. Collegerunt & Solis eclipsin anno post Christum 334. Op-  
 tato & Paulino Coss. Byzantii visam , teste Firmico lib. I. cap. 2.  
 annularem fuisse , è suis tabulis, *Lansbergius* in Thesaurop. 126.  
 & *Ricciolus* lib. V. Alm. nov. p. 387. paucasque hoc ipso loco alias:  
 cumque *Keplerus* illam à Clavio Romæ observatam d. 9. April.  
 1567. in dubium vocare auderet , & effugia confingeret, quibus  
 circellum illum lucidum circa solem apparere potuisse contendit;  
*Ricciolus* tamen allegato loco , Kepleri tabulas potius, cum mul-  
 tis aliis, peccasse monet.

*PHÆN. VIII.* Porro vero perpetuo notatum fuit , ob-  
 scurationes illas solares omnes, sive partiales , sive totales , ab  
 ejus occidentali parte , nunc paulo altius , nunc paulo humilior,  
 incipere ; desinere vero in parte orientali.

*PHÆN. IX.* Notabilis item circumstantia est , quod um-  
 bra illa seu obscuritas , quæ Solis disco paulatim superinducitur,  
 semper sit circuli segmentum, hoc est quoad extremitatem suam,  
 qua lumen Solis præscindit , & in ingressu semper in orientem  
 protenditur , convexo - rotunda ; ita ut vicinam adhuc fulgi-  
 dam Solis partem in formam lunularem quasi excavet.

*PHÆN. X.* Nec omittenda est observatu dignissima cir-  
 cumstantia , quod Solis eclipses particulares tantum sint ; ita ut  
 neque simul , sive eodem tempore, ab omnibus ejusdem he-  
 misphærii terricolis , qui Solem supra horizontem habent, nec  
 sub eadem ubique magnitudine spectentur, id est dum uni loco  
 totaliter obscuratur Sol, aliis non nisi dimidius, aliis portio dimi-  
 dio major, aliis minor deficere videatur, plurimis Sol integer splen-  
 deat absque omni vel minima obscuracione : & ex iis quidem qui-  
 bus aliquis Solis defectus obtingit , occidentales  
 prius , orientales serius id phænomeni  
 observent.



## II. HYPOTHESIS

### Unica vel potius indubia phænomenorum hactenus enumeratorum demonstratio.

#### I.

**F**Rustra essemus, si veterum fabulas ac nomine hypothesium indigna commenta hic prolixius enarraremus, quando clarissima veritas ipsis oculis sese jamdudum ingessit. Si quis enim vel obiter ad enumeratorum phænomenorum circumstantias attenderit, ad causas eorum desideratas quasi manu ducetur. Etenim solares obscuraciones particulares tantum sunt, secundum Phæn. ultimum, ita ut quibusdam terræ locis Sol plena luce fulgidus spectetur eo ipso momento, quo aliis populis vel ex toto vel ex parte obscuratus apparet: Ergo non est hæc vera & realis obscuratio (quod enim re ipsa maculatam exhibet sui superficiem, id maculatum omnium oculis cernitur, quorum conspectui est expositum, quod vel maculæ solares testantur); sed necessario occultatio saltem aliqua est, ab interposito quodam corpore obscuro facta. Inquirens igitur, quodnam corpus obscurum eclipseos tempore Solis discum subire ac terricolis occultare valeat? ac attendens ad has præcipue circumstantias: quod 1.) nunquam illud, nisi in novilunio sive conjunctione Lunæ Solisque contingat, *vi Phæn. II. 2.*) ab occidente in orientem promotum Lunæ corpus, & obscurum tunc in parte nobis obversa, & multo celerius ipso Sole, & immensis modis eodem humiliter incedens, terræque respectu valde vicinum, insimulque in eodem signi gradu Solem ex parte sui occidentali primum assequi possit & obtegere, juxta *Phæn. VIII.* ac tandem 3.) rotundum sit. ac Soli apparenter æquale, uti *Phæn. IX. VII, V & IV.* postulant &c. non poterit non Lunam unicam & veram illius occultationis causam agnoscere.

II. Lunam namque novam *primo*, etsi secundaria, è terris ad ipsam reflexa lucula copiosa fruatur (velut in Articulo sequenti plenius demonstrabitur) primario tamen à Sole lumine ex ea parte qua terram spectat, omnino destituitur, cum, Solem supra se positum, & a versum a nobis hemisphærium illuminantem habeat. *Secundo*  
cum



cum à Solis pristina conjunctione versus ortum discedens Luna, post 29. dies, & quod excurrit, eum denuo assequatur; non potest non, ab occidente adveniēns, partibus Solis occidentalibus prius obviare, deinde reliquis successive appropinquare, modo prætergressio ejus saltem optice satis vicina Soli contingat. *Tertio* itaque, si via Lunæ esset præcise ac directe constituta sub via Solis, ac in eodem plano cum hac, & ex eodem centro descripta; necessum esset, ut in singulis noviluniis, ei saltem terræ parti, utrumque si-  
 dus haberet verticale (ut *a* in Fig. 51.) tota Solis facies ab interposita obscura Lunæ larva (illi quidem ut plurimum apparenter æquali) occultaretur; aliis autem vicinis in orbem populis, in *b* & *c* aliqua Solis pars intaminata spectaretur, major vel minor, prout loca *a* forent magis minusve vicini.

III. Nunc autem *quarto*, cum Lunæ via sub orbita Solis oblique incedat, ita ut non nisi bina ex utraque parte puncta (scilicet *A* & *a*, *B* & *b*, Fig. 52.) cum terræ centro in eadem recta linea ponantur, quorum optici concursus *Nodorum* nomen acceperunt, tanto melius concipiendorum, si Solis Lunæque multum inæquales circuli, æquali magnitudine designentur, ut eorum intersectio in *A* & *B* (Fig. 53.) melius percipiatur; in limitibus autem, ubi maxime distant, e. g. in *G*, quinque grad. intervallo ab invicem removeantur, cum interim apparentes Lunæ Solisque semidiametri junctim dimidium gradum vix excedant, evidens est, si novilunium contingat circa limites in *G*, aut procul ab alterutro nodorum, in *D*, lunæ nigram faciem infra vel supra Solis discum apparenter prætervehi inconspicuam, ac Solis occultationem nullam sequi; verum si prope nodos, in *E*, *F*, aut *C*, conjunctio fiat, ubi minor est circulorum distantia, sive lunæ latitudo apparens, quam semidiametrorum Lunæ & Solis aggregatum, aut in ipsis etiam nodis *A* vel *B*, ubi distantia vel latitudo est nulla (saltem respectu centri terræ) Solem vel totum à luna tegi, vel aliquam ejus partem; prout utriusque centra vel in eandem præcise rectam lineam cum oculo nostro inciderint, vel alterutrum ab ea rectitudine magis minusve declinaverit.

IV. Clarissima igitur nunc ratio est, cur non omne novilunium sit eclipticum; quia non omnis conjunctio Solis & Lunæ fit in nodis aut prope nodos, & , si qua in nodis aut prope nodos facta fuerit, Sol interim, dum Luna per orbem redeat, non solum integro



fere signo in consequentia provehitur, sed etiam ipse nodus motu contrario in antecedentia aliquantum emovetur, adeo ut sequens proxime novilunium à nodo satis longe remotum contingat.

V. Quando autem è superioribus constat, utrumque luminare nunc in apogæo constitutum paulo minore disco spectari, nunc in perigæo ampliorem exhibere faciem, fit inde, ut in quibusdam Solis occultationibus ita sint inter se contemperatæ utriusque disci apparentes magnitudines, ut parum aut nihil ab invicem differant; quo casu, si in eadem recta linea visui offerantur, *Eclipsis Solis* accidit *totalis* quidem, sed *absque mora*, cum ne tantillum provehi Luna sub Sole possit, quin aliquam faciei solaris, apparenter æqualis, particulam è vestigio iterum detegat, in quibusdam autem (ut, cum Luna circa perigæum versatur, Sole in apogæo constituto) lunaris discus notabiliter major appareat solari, atque adeo hunc tegere non tantum, sed aliquantisper tegere totum possit, *Eclipsin* adeo *Solis totalem*, sed *cum aliqua morula* producens, in quibusdam denique ex opposito lunaris discus sensibilibiter minor appareat solari (ut cum Sol in perigæo fuerit, in apogæo suo, aut proxime illud luna) quo casu certe interpositus oculo Solique per rectam lineam minutior lunæ orbis, non potest solarem ampliorem ita totum tegere, quin undiquaque supra margines suos extimum Solis limbum elucere patiatur, & sic *annularem Solis eclipsin* efficiat, qualis Fig. 49. utcunque repræsentatur.

VI. Quod vero ipsa illa, Solem aut partes ejus occupans obscuritas, subfusca quadam lucula perfusa cernatur, id ex iis, quæ proxime sequenti vel tertio potius abhinc capite, primo nempe Articuli sequentis, de Lunæ Luce secundaria fufius demonstrabimus, hic autem anticipando in compendio interim indicabimus, aliter se habere non potest; quia nempe Lunæ novæ discus, à Sole, quem tegit, nihil prorsus luminis recipit, ideo hoc intuitu penitus ater obscurissimusque futurus, perpendiculariter super medium terræ discum à Sole illuminatum consistit, & ab hoc reflexos ad se radios lucis in magna copia recipit, qui nobis per iteratam reflexionem ad nos fuscā illam luculam in facie lunæ exhibent. Quantumvis enim aliqua terræ portio, cui Sol à luna vel ex parte vel totus tegitur, non ita plene illustretur; reliquæ tamen totius hemisphærii terrestres partes ordinaria sua luce citra impedimentem imbutæ, magnam radiorum vim ad lunæ obscuram faciem emittunt, ut  
mo-



modica illa lucula perfusam è terris videre possimus, atque ita *παράδοξον* hoc omni jure inferre: *Lunam novam plus lucis habere quam plenam*; siquidem superius ejus hemisphærium à Sole directis radiis, inferius à terra reflexis radiis illustratur, cum plena inferiori quidem & ad nos conversa facie primariam Solis lucem, averſa vero nihil communicati luminis alicunde recipiat.

VII. Neque jam obscura esse potest, vel in mediis eclipsium tenebris, ratio, cur obscuritas illa, quam Sol induere videtur, convexo-rotunda semper sit, quando quidem hanc ipsam, non aliam figuram subtercurrens obscurus lunæ discus, ex omni parte habet. (vide Fig. 50.) Et, quod ab occidentali Solis parte semper incipiat solaris eclipsis, inde manifesto est, quod luna superiori mense à Solis conjunctione versus ortum velociore motu digressa, nunc emensa totum orbem illius occidentali margini necessario primum obviet, atque ita propter eandem motus proprii celeritatem, Solem, fere immotum hoc intuitu, intra bihorium circiter totum prætervehatur; dum interim uterque simul communi motu, saltem apparenter, in occasum rapiuntur, aut, terra in contrarias partes gyrante, rapi videntur.

VIII. Denique, cum Luna sit multo minor terræ globo (ut alibi jam innuimus, & in sequentibus distinctius cognoscemus) ab eodemque ingenti intervallo satis remota, non valet certe totum hemisphærium terræ ita contegere, ut Solis conspectum omnibus terræ incolis per totum ejus ambitum eripiat; maxime, quod ob Solis ingentem magnitudinem, ejus umbra in cuspidem abiens, vix parvam telluris portionem obumbret, in qua constituti terricolæ, de Sole vel nihil vel partem tantum conspiciant; relinquit tamen circum circa longe plures, quibus eodem tempore plenus vultus clementer allucescit: ut ita ultima quoque phænomeni ratio in propatulo sit.

IX, Atque ita patet, hypothesin de solaribus eclipsibus, ab interposita luna nova seu obscura deductis, adeo luculenter satisfacere phænomenis enumeratis omnibus, ut interim in ullum aliud naturæ phænomenon nusquam impingat: id quod esse optimæ hypotheseos indicium in præliminaribus partis primæ sive generalis monuimus. Quod si vero nunc illud addas, sexcenties jam & amplius, ex fundamentis hujus hypotheseos, in futuros annos, in dies, horas, & minuta prædictas Solis occultationes, & prædictas huic  
vel



vel illi terræ loco, & prædictas cum determinatione magnitudinis, durationis, initii, finis &c. eventu postea ita comprobatas fuisse, ut in stuporem rapuerint Astronomici calculi ignaros; ex ipsis veris & genuinis rerum causis, non ex hypothese amplius, judicata omnia fuisse, ipso Sole clarius elucescet.

## CAPUT. IV.

De

*De diversis Solis in diversis terris effectibus.*

### I. PHÆNOMENA.

**P**HÆN. I. Duos inprimis generales sentimus in terris effectus, *calorem & lucem*: quorum uterque hominem ad agnoscendam summi Numinis ineffabilem, nec unquam satis deprædicandam, manu nos ducit benignitatem; siquidem absque luce & lumine nihil commode agere, absque calore autem ne vivere quidem possemus, cum tota nostra vita in calore consistat. Imo, si rem recte putemus, non homo solum, sed animalia quæcunque usque ad abjectissimum vermiculum, plantæ omnes innumerabilium generum & specierum, ne dicam individuorum in singulis his & superioribus omnibus; universus denique hic mundus solaris, à luce & calore nostri Solis habet, quod existat, quod in secula duret, quod ipsi bene sit. Verum hæc specialius etiam saltem in terra nostra æstimanda veniunt.

PHÆN. II. Scilicet effectus luminis & caloris solaris variat *primò* ratione noctium ac dierum eorumque perpetuas vicissitudines; ex quibus iterum singularis DEI providentia evidentiissime elucet. Etenim cum plantæ v. g. substantia mollis ac dilatabilis, à calore Solis diurno calefit, & partes aëris intra fistulas aëriferas rarefiant & expandantur majusque spatium postulent, & vero hæ rarefactæ & expansæ, succum nutritium ab aëri pondere pridie sublatum in pororum angustias, propter obstantes horum spongiositates tanquam valvulas quasdam, retro



tro detrudere non valent, (sicut in thermometro aer in super-  
no globo contentus & rarefactus subjectum sibi liquorem depri-  
mit;) ideo vim suam dilatativam in ipsam substantiam mollem  
& fibras dilatabiles exerit, eas notabiliter laxando, totumque  
adeo plantæ corpus tantisper extendendo. Postea vero super-  
veniente refrigeratione nocturna, cum aer intra spongiosam  
hactenusque dilatatam plantæ substantiam iterum coëat & con-  
densetur, succus nutritius ab aeris pondere, in porositates laxa-  
tas, alioquin ex parte saltem vacuas futuras, ulterius attollitur,  
eoque pacto fit sensim & singulis diebus insensibilis, progressu  
temporis autem valde sensibilis, plantarum vegetatio & aug-  
mentatio: prout eleganter & imaginabiliter hunc naturæ effe-  
ctum prorsus mechanicum, ex Thermometro (quod omnium  
primum Sanctorium excogitasse confidenter dicit) *Ioh. Alphon-  
sus Borellus* deducit in parte altera de motu animalium Cap.  
XIII. de gen. & vegetatione plantarum prop. CLXX. Qua de  
re suo loco ex professo pluribus agemus.

*PHÆN. III.* Sicigitur patet evidenter summa necessi-  
tas alternantis in dies singulos caloris solaris ejusque refrigera-  
tionis successivæ; à qua alternatione omnis plantarum vegeta-  
tio & succretio dependet, consequenter omnium animalium,  
ac tandem ipsius hominis alimentatio ac sustentatio: ut taceam  
continuum perpetuumque solis, super unum eundemque lo-  
cum terræ calorem, eam ipsam plantarum vegetationem vel  
penitus, vel plurimum impedituram esse. Num vero luminis  
etiam ratione, dierum noctiumque alternatio adeo necessaria  
sit? nunc porro videndum est. Equidem, si homo & anima-  
lia, nec non plantæ, in meris etiam tenebris vivere possent, (id  
quod tamen impossibile foret, quia cum omnimodo defectu  
luminis solaris necessario quoque connexus est omnimodus de-  
fectus caloris solaris;) miseram tamen illam esse vitam futuram,  
quam experiuntur incolæ, non dicam Sueciæ, sed extimæ v. g.  
Laponiæ, tempore hyemis, & experti magis sunt Hollandi in  
nova zembla nocte perpetua per 3 fere menses oppressi,




solemque toto illo tempore non contuiti. Quod si vero dies habeant terricolæ continue plurimos, cum continuas interim vigilias, perpetuosque labores, sufferre haut possint, sed alternam quietem, viriumque laboribus diurnis exhaustarum re-  
 stauracionem interventu somni deposcant; hæc virium recolle-  
 ctio diurno quidem somno quoque, sed minus commode po-  
 test fieri: ut taceam alias plures magnasque incommoditates,  
 quæ cum dierum, si non perpetuitate, saltem diuturna continua-  
 tione conjunctæ sunt.

*PHÆN. IV.* Jam si vel sol super æquatore terrestri mo-  
 tu primo seu communi perpetim decurreret, vel terra, stante  
 sole sub æquatore coelesti jugiter in contraria volveretur; futura  
 quidem esset, ratione luminis, grata ubique dierum noctium-  
 que æqualitas; intuitu caloris autem, magna foret per univer-  
 sam terram ubique inæqualitas, magnus nempe & perpetuus  
 æstus in zona torrida, præsertim super mediam lineam sive in  
 ipso æquatore & huic vicinis tractibus; gradatim autem versus  
 Boream & Austrum minus caloris & plus frigoris, adeoque  
 quodammodo autumnalis aeris temperies, in media circiter  
 zona temperata utraque esset regnatura, circa tropicos magis  
 verna, prope polares hiemalis magis; inter polares denique, &  
 ipsos polos frigus perpetuo intensius, & sub ipsis polis intensissi-  
 mum & intolerabile. Verum enimvero, ut hic etiam plus  
 moderaminis ubique obtineretur; ordinavit providentissima  
 divini Numinis sapientia & benignitas, ut vel Sol motu proprio  
 alternatim ab æquatore, oblique posito circulo, tanquam So-  
 lis via regia, ad tropicum cancri versus polum boreum ascen-  
 deret, inde porro versus æquatorem, & ultra illum porro ad  
 tropicum ♋ ulque descenderet, inde vero, converso rursus ad  
 superiora gradu, æquatorem repeteret, ita perpetuo in orbem  
 perrecturus: vel tellus ex opposito, à tropico & signo ♋ per  
 eundem circulum versus Solem, super æquatore in suo loco  
 quiescentem, indeque porro ad signum ♋ & ulterius ad ♎ ite-  
 rum, circumvolveretur. Quod utrumque cum in terris eun-  
 dem






Fig. 54 Num. 1.



Num. 2.



Num. 3.



Fig. 55.




Fig. 56.




Fig. 57.




Fig. 58.




Fig. 59.



Fig. 60.



Fig. 61.




Fig. 62.




Fig. 63.







dem effectum esset habiturum, consentientibus utriusque hypotheseos assertoribus; Age hac vice, quis ille effectus, & quomodo, ex supposito solis annuo motu per eclipticam, circa tellurem immotam, consequatur? in triplici quidem, *Sphæra obliqua*, *Sphæra recta*, & *Sphæra parallela*, positu consecuturus sit, prout ille reapse in terris, ut naturæ phænomenon apparet, exponemus.

*PHÆN. V.* Concipimus itaque 1) in sphæris obliquis, qualis nostra est, h. e. in positu cœli supra horizontem tali, in quo polus alter, e. gr. septentrionalis est elevatus in *S*, alter, australis depressus in *M*, ut axis mundi sit *S M*. Existens ergo sol in parte sui circuli signo  $\text{♊}$  notata, verticalis est non solum puncto terræ *a*, sed etiam, (dum globus ab *x* ad *a* circumvolvi concipitur cum Semitychonicis, Longomontano, Origano aliisque) locis omnibus sub circulo *x a*, h. e. sub tropico capricorni in terra collocatis, ibi quidem calorem maximum producit, sed ab habitatoris obliquæ sphære vertice *V* & *v* (Fig. 54. num. 1.) longissime distans, non tantum diem ibi facit brevissimum *x i*, ac longissimam noctem *i a*, parvula scilicet sui mora, supra horizontem in parte circuli diurni *x i*, & magna contra ac diuturna infra horizontem in *i a*, sed etiam, ob hanc ipsam suam diurnam absentiam, & radiorum insuper diurnorum maximam obliquitatem, hyemem causatur in *v*, h. e. parum caloris impertit. Progressus autem intra trimestre spatium à  $\text{♊}$  ad *V*, loco *d* imminet, accæteris omnibus sub æquatore *A B*, diem insimul etiam respectu terricolæ *v*, nocti æqualem faciens (diurnus enim motus *A d B*, ab horizonte in duas æquales partes, *Ad*, ac *d B*, secatur) atque adeo, ob diuturniorem paulo moram supra horizontem, majorem verticem versus viciniam, hybernum frigus temperando, vernam temperiem producens: tandemque, post alterum trimestre, ad  $\text{♋}$  usque elevatus, totum circulum *g h* radiis perpendicularibus perlustrat, & maximam diurni motus partem *g o* supra horizontem conficiens, æstum adeo sub eo circulo maximum, ac diem longissimam, brevissi-



namque noctem causatur, simulque nunc zonam temperatam & frigidam septentrionales, ex maiore vicinia, & longitudine dierum illuminans, earum frigus notabiliter temperet; quemadmodum ante semestre à ♊ signo in altero capricorni Tropico, super  $\alpha$  quasi inambulans, aut illum circulum, quoad partem sui maiorem  $\alpha$  sibi obversam illuminans, ibi diem longissimam fecerat, & utramque zonam australem, tum temperatam, tum frigidam, ex maiore vicinia, rectiore radiorum ac diuturniore allapsu, temperaverat: ita scilicet alternatim fovens partes terræ ab æquatore utrinque remotiores, quas ad globi rotunditatem, simul ex pari, & insimul efficaciore vicinia, fovere non potest.

*PHÆN. VI.* Similiter 2) in sphaera recta, h. est, eo cœli posito, quo polus uterque cum ipso horizonte, alter scilicet in S, puncto septentrionali, alter in M, puncto meridionali, coincidit, cum ☉ versatur in signo ♊, revolutus in ipsius occursum terræ globus circulum  $\alpha$  successive perpendiculariter objicit, fortissime adeo tunc & illuminandum & calefaciendum; quæque fortior solis & illuminandi & calefaciendi vis obliquius inde in zonam temperatam & frigidam meridionales, tanto maiori efficacia sese exporrigit, quanto earum partes circulo  $\alpha$  propiores fuerint, idemque, sicut in sphaeris obliquis (Num. 1.) factum fuerat, ita in parallela (Num. 3.) pariter eadem ratione fieri debet. Quod si vero ☉ a ♊ signo, per ♋, ♌, ♍, &c. usque ad signum ☊ progreditur, gradatim à zona temperata & frigida meridionalibus elongatur in omnibus tribus sphaeris, & ex opposito, temperatæ frigidaque septentrionalibus magis magisque appropinquat, idem in iis aeris frigus sensim temperando præstiturus, quod antea in meridionalibus, ex ♊ signo præstiterat. Deinceps autem, per ♎, ♏ &c. ad ♊ de novo revertendo, priora repetit, repetetque, si mundus duraverit, innumeris vicibus.

*PHÆN. VII.* Sicut autem in casu num. I. terricolæ nunc in 1. oritur, diem faciens brevissimum, cum scilicet in ♊ prin-



principio versatur, nunc in  $d$ , cum in  $V$  principio diem nocti facit æqualem; nunc in  $6$ , cum ingressus  $\odot$ -signum, diem facit longissimum, & postmodum retrogressus, in punctis  $5, 4, 3, 2$ , priorum dierum successiva incrementa, reciproce sensim iterum & successive decrescere facit; Sic in casu num. 2, siue sphaera recta, omnia fiunt eodem modo & ordine, nisi quod circuli diurni  $\propto a$ ,  $A B, g b$ , acceteri intermedii in hoc coeli & horizontis positi, omnes in duas partes æquales dividantur, atque ita terricola in  $A$  vel  $v$ , noctem diei toto anno habeat æqualem; Dum econtra in positi coeli parallelo (Num. 3.)  $\odot$ , quamdiu circulos diurnos infra horizontem latitantes illuminat perpendiculariter, terricolæ  $v$  plane non oritur, terricolæ  $p$  vero, plane non occidit, totis sex mensibus. At vero, cum Arietis signum semel ingressus, & supra horizontem terricolæ  $v$  exortus fuerit, tunc toto semestri eidem non amplius occidit, terricolæ  $p$  vero toto illo tempore occultatur; donec à signo  $\odot$  (ad quod priori trimestri sensim ascenderat, terricolam  $v$  interea perpetuo circumeundo) per  $\delta$  ad  $\pm$  usque, & paulo post infra horizontem totus demersus fuerit, & sic terricolæ  $p$  denuo exortus, ipsum similiter toto rursus semestri circumeat, & sic alternis vicibus, perpetuo.

*PHÆN. VIII.* Subit autem hic iterum venerabunde mirari benignissimi Creatoris Providentiam, qua 1) sphaeram aeris terræ globo circumdatam, inter plurimos alios insignes ejus usus, hunc etiam in præsenticali, non minus profecto admirandum, adhibuit, ut, cum alterutrum terræ hemisphaerium alternis gratioso solis conspectu destitui necessum sit, crepusculari saltem lucula interim perpetuo frueretur; quandoquidem sol infra horizontem, h. e. æquatorem, altissime demersus, nunquam depressior esse potest  $23\frac{1}{2}$  gradibus, cum in nostris sphaeris ultra decimum & octavum grad. depressus, æstivo tempore præsertim, lucem crepuscularem adhuc notabilem in aere nostro causetur, ubi aeris tamen multo minor est crassities, quam in partibus sphaeræ parallelæ septentrionalibus, mi-



norque adeo, quam ibi luminis refractio; id quod observatio nota Hollandorum in nova zembla satis comprobavit. Cum 2) æstatis tempore, propter diei semestrem longitudinem satis tepidum senserint aerem duæ naves Hollandicæ, ex Groenlandia interim ad polum ipsum septentrionalem, & ultra, egressæ, dum è balenarum captura ut onerarentur justo citius advenissent, simul compererunt, loco terrarum habitabilium non nisi vasta maria longe lateque circa polum septentrionalem offendi, cum terræ hyemis tempore frigus fuisset omnino intolerabile, nisi & ibi 3) idem remedium quoque adhibere divinæ Benignitati placuisset, quod in ceterioribus Islandiæ & Groenlandiæ regionibus adhibuit, ignes & aquas calidas subterraneas, cujusmodi, aut eorum similia alia, ejusdem paterna cura terris, si quæ sunt, subpolaribus australibus procul dubio accommodavit.

## II. EPICRISIS

super enarrata hætenus Phænomena, & iis intermixta Hypotheses.

### I.

**H**ic primo quidem illud non amplius hypotheticum, sed absolute verum est, quod dierum noctiumque per diversas anni partes, ac tempestates etiam, varietas dependeat ex jubare seu lumine solari, perpendiculari allapsu suo supra terræ globum oblique ab uno Tropico ad alterum revera ascendente ac descendente; sive jam hic luminis motus & progressus in terræ superficie à sole circa terram, sive à terra circa solem annuo motu per eandem viam in coelo, etsi contraria ratione, delatis proveniat: id quod controversum adhuc (tamen si alterutrum saltem necessario verum est) ad hypotheseos verosimillimæ ἐκλεξις nos ablegat; quam infra demum rectius instituere poterimus, ubi ostensum fuerit, ex supposito terræ motu diurno sive primo, alteroque secundo circa solem annuo, eandem



dem illam luminis & caloris varietatem, in triplici Sphæræ obliquæ, rectæ & parallelæ positu necessario, & commodius quidem, sequi, si rectam rationem audire velimus. E Scriptura sacra enim hanc decidere controversiam velle, de re quippe non fidei nec ad bonos mores spectante, sed mere naturali, ejus scopo, quem Apostolus poster. ad Timoth. III. 15, 16, & 17, aperitissime exponit, omnino adversum est.

II. Sicut autem de caloris & luminis variationibus in nostra tellure facto ipso occurrentibus, per superiora phænomena & schematismos ipsis illustrandis adjectos, abunde declaratæ sunt rationes ex supposito motu solis annuo per eclipticam circa terram; cum apertum sit, etiam reliquos planetas omnes ejusdem solis communis lumine & calore foveri, & tamen indubie certum, solem neque diurno, neque annuo motu circa Lunam aut Mercurium, Venerem, aut Martem, aut ullum cæterorum planetarum moveri, sed omnes potius circa ipsum tanquam communem benefactorem in circulis proportionatis, breviori vel longiori temporis intervallo decurrendis ferri; Miror profecto nos habere merito possit, cur Deus circa solam terram, inter Mercurium & Venerem ex una, Martem, Jovem, & Saturnum ex altera parte, medio loco positam, moveri Solem & diurno & annuo motu ferri voluerit? cæteros autem omnes, vel circa ipsum, vel sub ipso, ut luna? id quod certe curatius, & omni præjudicio seposito, pensitandum existimamus.

III. Insuper & illud consideratione dignum hoc loco existimamus: cum quinque superiores planetæ circa solem, ipsorum saltem intuitu immobilem, moveri, lumenque & calorem ex ipso tanquam communi fonte haurire, in confesso sit apud omnes Astronomos Physicosque; annon hinc ex necessitate quadam inevitabili concludendum videatur, istos planetas omnes, dum circa Solem circumferuntur, longiori aut breviori temporum intervallo, interea quoque circa propria centra convolvi, & in vertiginem agi? Quam equidem necessitatem

ex



ex eo ultro emanare censemus, quod si planetæ dicti circa Solem singuli ferrentur, eadem semper sui facie ad Solem conversa, non nisi altera ipsorum hemisphæria utilitatem aliquam habitura esse, (quæcunque tandem illa fuerit, aliquam enim esse non poterit non agnoscere, quicumque insignem caloris luminisque solaris usum in terris è supra-dictis agnoverit) altera vero opposita, & à sole penitus ac perpetuo averfa tenebris æternis immersa fore & gelu indefinente rigere necessum esset.

IV. Nec est quod quis excipiat, & instantiæ loco afferat lunam, quam eandem sui faciem ad nostram tellurem convertere, earundem macularum immutatus conspectus, etiam nudo & inermi oculo distincte lustrandus evincit; nisi quod conatus saltem aliquis ad vertiginem, ex lunaris corporis libratione (de qua mox sequenti Articulo pluribus agetur,) manifesto eluceat. Sed hic in luna vertiginis defectus, ad similem defectum in cæteris planetis inferendum nullatenus faciet, ob rationis hic & ibi maximam diversitatem. Luna enim sub sole circa centrum terræ menstruo motu lata, in novilunio partem sui à terris averfam & soli obversam, hujus illuminationi foventique calori objicit, circa plenilunium autem oppositum hemisphærium nobis semper conspicuum, soli & illuminandum & calefaciendum obvertit: ut hoc pacto totus lunæ globus successive solis vitali lumine & calore fruatur. Aliter vero res habet, in cæteris planetis, qui circa solem omnes, nullus autem sub eo circa aliud centrum, uti luna, moventur, neque adeo totis suis corporibus successive solis benignissimo lumine pariter & calore frui possunt, nisi vertiginis beneficio partium suarum unam post aliam Soli fovendam objiciant.

V. Ac ne meris hisce speculationibus, tametsi haut facile repulsandis, nixi videamur, monendum hic in antecessum est, quod infra plenius deducetur, experientiam quoque ipso facto comprobasse, Martis & Jovis globos circa sua centra convolvi, idque ex observatis successive aliis aliisque maculis in ipsorum superficie in orbem recurrentibus: quemadmodum ex opposito,



sito, ex identitate macularum in lunæ facie perpetim observatarum recte conclusimus, ejus corpus in vertiginem non convolvi. Quid vero? Annon ex hoc gemino exemplo, de cæteris planetis similia concludemus? præsertim cum sola & nuda ratio, nondum etiam habitis novis illis in Marte & Jove observationibus, idem conclusisset? Annon autem ulterius continuata mentis reflexione inferre quasi cogimur: quemadmodum Mars & Jupiter, & consequenter probabilissime etiam cæteri planetæ, necessum habent 1) circa propria centra convolvi, 2) etiam circa Solem motibus annuis revolvi, si velint beneficio Solis lumine & calore rite frui; ita utrique effectui terræ rite applicando similiter hujus diurnam vertigines, & annuam ejusdem revolutionem circa Solem potius, quam ullam aliam causam accersendam esse?



# PARTIS SPECIALIORIS

## ARTICULUS SECUNDUS

De

Lunari Corpore.

### CAPVT I.

*De Lunæ natura & substantia.*

#### I. PHÆNOMENA.

**P**HÆN. I. Lumen equidem è Luna quoque nocturno tempore in terras nostras effunditur, satis copiosum sæpe, sed inconstans ac decrementa sua & incrementa, tum in ipsa facie Lunæ terram respiciente, tum in terris quoque subiens; adeo, ut interdum penitus evanescat, ac nullum sit per aliquot dies, certissimo indicio, id ipsi proprium non esse & nativum.

T t t t

sed



sed mutuatitium & aliunde communicatum, nimirum à Sole, quod leviter attendenti obscurum esse non potest.

*PHÆN. II.* Et hæc quidem crescentis ac decrescientis luminis ac splendoris primarii *Phases* seu apparentiæ, menstruo spatio, sive  $29\frac{1}{2}$  diebus in orbem eunt; ita quidem, ut conjuncta cum Sole (i. e. in circulo suo sub Sole in eadem circiter linea recta, respectu terræ constituta, & cum ipso oriens occidensque, invisibiliter tamen extra eclipses solares) nulla sui parte fulgeat, sed obscura sit, aut quodammodo subrubens, eclipsibus solariibus testibus, ut in articulo præcedente vidimus: Altero vero nonnunquam, aut tertio vel quarto post conjunctionem die, à Sole versus orientem jam notabiliter digressa, & diu satis post ipsum in crepusculo vespertino occidens, exiguam sui disci ad nos conversi partem, sub falcis forma, lucidam de novo ostentat, ita quidem, ut interiorem falcis cavitatem, & utrumque cornu in ortum convertat, convexitate vero Solem respiciat; à qua quidem prima splendoris notabilis figura, *Luna falcata*, itemque *cornuta* dici solet, & apud Judæos olim hodieque, quo momento leve saltem initium novi hujus splendoris sensu percipitur, *Neomenia* sive *nova Luna* strictissime dicitur; cum alioquin in Calendariis & Ephemeridibus Novilunium dici soleat ipsum præcisum conjunctionis momentum, alias *interlunium* rectius dictum.

*PHÆN. III.* Hæc falx in sequentibus diebus magis magisque se dilatat, in disco Lunæ, donec septimo circiter die dimidiam ejus partem occupet, *Dichotoma* tunc *Luna*, vel intuitu utriusque, tum anterioris, tum postici hemisphærii vel disci, *quadratura*, & *prima* quidem, Germanice das erste Viertel, appellari solita. Per insequens autem aliud septendium formam indies gibbosiores induens, post decimum quartum demum diem, plena & undiquaque rotunda resplendet, ex opposito Solis quidem, quo occidente ipsa præcile oritur, totamque noctem insequentem illustrans. Post hoc autem *Plenilunium*, quod vocamus, quotidie quatuor quintis circiter  
unius



unius horæ tardius post Solis occasum oritur, incipiens jam ex parte sui occidentali (quod antea in orientali contigerat) rotunditatem pristinam gibbere irregulari deformare, in rectitudinem magis magisque contabescere, donec post diem circiter vigesimum primum in lineam prorsus rectam degenerans (ex altera namque orientali rotunditas illæsa perdurat) discum iterum dichotomum nobis exhibeat, à superiore Dichotomia non nisi positu differentem, & ab eo tempore, recta linea illa porro in cavitatem arcuata, in falcem quotidie tenuiorem incurvatum, donec exacto fere mense (dum interim ante Solem quotidie propius oritur, cornibus jam in occidentem protensis) fulgori Solis oriturimum vicina, prorsus iterum evanescat, paulo post in occidente sub schematum ordine pristino reditura.

*PHÆN. IV.* Est autem hæc luminosa Lunæ facies, sive plenam intueamur, sive mutilam, hinc inde maculis, h. e. partibus obscurioribus, multis & magnis deformata, & iis quidem, quantum nudo quoque visu deprehendere licet, 1) perpetuis & constantibus; 2) eodem disci loco semper conspicuis, adeo, ut non aliæ aliæque, sed eadem in ejus medio, margine vel dextro vel sinistro &c. cum tantilla exceptione, de qua mox dicetur, & qua non obstante infallibiliter nihilominus constat, Lunam, etsi sphærica sit & globosa (quod eam per tubum opticum contuenti clarissimum esse jam alibi diximus) non nisi alterum tamen sui hemisphærium terris ostendere, altero ab oculis nostris semper averso.

*PHÆN. V.* Armatus autem oculus, Galilæi primum, dein Langreni, Riccioli, Gassendi, Bullialdi & Hevelii industria, & hoc ævo plerorumque Astronomorum observationibus rem eandem quotidie confirmantibus, plura & scitu digniora circa maculas istas notavit, eas nempe 3) lævigatam & planam superficiem habere, cum ambientes partes lucidiores cæteræ in montosas asperitates undique manifeste assurgant, & umbras manifestas in illa depressiora projiciant, indeque lineam illuminationis, quæ umbram à lumine in crescente Luna disternat,



prorsus ferratam ac dentatam exhibeant, quæ tamen, quæ parte maculas seu partes obscuriores transcendit, rectitudinem & æquabilitatem, servat: (vid. Figur. 56.) 4) non prorsus ab omni mutatione situs exemptas esse, etsi non ita facile ista sentiatur; de qua mutatione tamen paulo post seorsim plura dicenda & specialius enarranda venient.

*PHÆN. VI.* Quoad lucidiores autem lunæ partes antequam dictum est, eas montosas esse & scabras admodum, eminentiis hinc inde, si ad lunæ totam magnitudinem comparentur, nihilo, quam montes nostri, humilioribus; alibi scrobibus & convallibus ad oculum distinctas, prout per mediocre telescopium, nunc octo, nunc duodecim pedum, & ipsimet sæpe sæpius distinctissime vidimus, & aliis ostendimus; præsertim notabiliores illos duos montes, quos in Figura eadem lunæ falcata 56, litera M notavimus; ut taceam Viris hoc ævo celebratissimis & curiosissimis omnibus, ac nemini non, cui per telescopium obtutum in cœlos dirigere contigit, rem hanc æque notam ac suos digitos esse. Cæterum pone has eminentias attenti observatores animadvertunt novum quoddam macularum genus, inconstantium quidem & mutabilium, sed parvularum, & ex Solis opposito semper porrectarum; adeo quidem, ut à novilunio ad plenilunium usque in orientalem, à plenilunio vero ad novilunium in occidentalem plagam extendantur, & circa plenilunium brevissimæ existant, in ipso plenilunio vero (præsertim si latitudinem admodum sensibilem non habuerit luna) plane nullæ, ut extra dubium hodie esse videatur, has novellas & variabiles maculas aliud nihil, quam lunarium montium umbras esse.





## II. HYPOTHESES PRIMÆ

### De Lunæ natura & substantia , ex ejus maculis antiquis sive perpetuis.

#### I.

**U**T sicco pede præteream opiniones veterum alias , primo auditu ridiculas, apud Plutarchum Lib. II de Placitis Philos. cap. 30. & in libello de facie in orbe Lunæ , alibique, reperiundas ; Unicum saltem *Clearchi* commentum , quod est apud eundem Plutarchum, commemorabo , vel hoc nomine, quod ea opinione Rudolphum Augustum Imperatorem oblectatum narret *Keplerus*. Is igitur existimavit cum Clearcho , lunæ maculas esse imagines marium terrestrium , in luna, tanquam in speculo purissimo , apparentes ; tum præsertim, cum videret ostendi sibi in luna Italiæ imaginem, ea fortassis ejus parte, quam *Ricciolus* terram nivium appellavit.

II. Peripateticorum Schola partium lunæ lucidarum & obscuriorum varietatem è diversa densitate seu opacitate & raritate, seu perspicuitate (hæc enim una eademque putabant) pendere, dudum judicavit, etsi nonnulli, ut Reinholdus, Mastrius, Bettinus, Scheinerus, &c. eas obscuriores crederent, ac minus lucere, quæ densiores essent; aliis contra, ut Cardano, Barocio, Blancano, Argolo, putantibus maculas esse in partibus lunæ rarioribus & perspicuis, eo quod lumen solis non totum reflectant, sed introrsum penetrans absorbeant; prout e. g. in fenestras forinsecus illapsum Solis lumen non reflectatur ad oculum pariter foris positum eadem claritate, quanta illud a vicinis parietibus reflectitur, nullam quippe ejus partem absorben- tibus, sed omne fideliter ad oculum reperiuntibus; cum è contra illa luminis portio quæ in vitreos orbes fenestrarum incidit, in conclavium interiora penetret, paucis tantum radiis ab extima vitrorum qualicunque opacitate ad oculum reflexis. Conferantur cui lubet & licet, quæ habentur apud Ricciolum Lib. IV. Almag. Novi 206. 207.

III Et cum hisce posterioribus senserunt jam olim Pythagoræi apud Plutarchum de facie in orbe lunæ , quique eos hodie sequuntur magno numero Astronomi & Physici, nominatim post Galilæum,



Keplerum, Mœstlinum, Gassendus, & è Peripateticis modernis, P. Honoratus Fabri, Athanasius Kircherus, Casp. Schottus in Itin. Ecstat. p. m. 71. vel penitus sibi persuadent, vel probabile saltem putant, constantes illas in luna maculas esse aquas & maria; ita ut *Schottus* cit. l. „Lunam dicat constare ex partibus solidis & fluidis. Nam maculas „ejus antiquas & grandiores optime explicari, si dicantur esse fluidæ, quæ lumen Solis receptum magis imbibant, & minus reflectant, „(quam rationem experimento prolixè confirmat Ricciolus p. 207.) „partes vero magis illustratas dicendas esse solidas &c. paulo inferius „autem: Lunam esse terraqueam, nostroque globo terraqueo similem, adeoque ex terra & aqua compositam, expressis verbis asserat. *Keplerus* in Dissert. cum Nuncio fidereo Galilæi p. 15. palinodiam ingenue canens Galilæo herbam his verbis porrigit: *His argumentis plane satisfacisti: Do, maculas esse maria: Do, lucidas partes esse terram.* P. Honoratus Fabri, veluti Tract. Phys. VIII. Lib. 1. Prop. XLII. & XLIII. vehementer invehitur in eos, qui ne oculis suis quidem fidere, lunamque in lucidioribus sui partibus asperam, inæqualem, & montosam concedere, maculas autem lunares majores lævigatam superficiem habere (Prop. XLVII) agnoscere nolunt, ita „Prop. LIV. & anteced. Multam vim humoris globo lunari inesse, „sine omni absurditate dici asserit, & hinc forte aquas illas esse, quæ „supra coelos sunt, & sic Deum initio rerum aquas divisisse ab aquis, „ut pars earum terrestri, pars vero lunari globo cesserit; quod si hoc „esset, non videre se aliam hujus textus explicationem, quæ ad literam propius accedat.

„IV. Confirmat hanc aquarum mariumque in luna præsentiam „Prop. LXV. & seqq. tametsi, ubi hoc primum in Scholis auditum „fuit. vix dici queat, quanto risu, quantisque cachinnis id exceptum „fuerit; cum tamen, ubi maculas lunares aspicias, adhibita scilicet „nobilis telescopii opera, jures te videre lacus & maria &c. Ad- „dit tamen aut præsupponit potius Prop. LXIV. ne quis putet, cum „audit, aquas esse in lunari globo, illas aquas esse ejusdem rationis „cum nostris sublunaribus; sed longe puriores eas esse: nostras autem oportuisse minus esse puras, i. e. magis mixtas, tum quia plantis in alimentum cedunt, tum etiam propter pisces: lunares autem aquas in nubes non concreescere Prop. LXXIII à posteriori maxime probat, quod scilicet, si circa lunam nubes ferrentur, illas haut dubie videremus, ipsam quippe lunam, ejusque minores aliquas maculas obum-  
bra-



braturas. Hinc neque imbres, neque grandinem, neque nivem in globum lunarem cadere, Prop. LXXIV. infert, sequentibusque Prop. nullos ibi fontes scaturire, nec flumina ibidem currere, vaporem autem lunarem, ubi concreverit Lunæ propinquior, ad instar tenuissimi & insensibilis roris decidere, &c. Cumque Prop. LXX. solidiorem Lunæ portionem forte lapideam esse intulisset, in sequente Prop. LXXII. in lunari globo nullos esse incolas, nulla animalia, nul as plantas, porro infert, imo inaptum illum esse ad incolas aliquos recipiendos, si pars ejus solida mere lapidea esset. Quod si vero altera terra à DEO creata esset (quod ipse tamen non credit) tum dubium certe non esse putat, quin incolas habere posset, non obstante dierum in ipsa longitudine. &c.

V. Mirum vero est, similia fere cum Honorato Fabri celeberrimum Hugenium in Cosmotheoro suo de Luna asserere, qui reliquos Planetas non solum actu ipso & plantarum varietate exornatos, & animalibus brutis quoque, sed etiam animantibus ratione utentibus, tametsi non præcise hominibus nobis similibus, habitatos conjicit, ut in progressu pluribus indicabitur. Videri quidem ait p. 112 cum tam propinquus nobis sit Lunæ globus, telescopioque utentibus multa particulatim conspicienda præbeat, plura quoque ac probabiliora de universa natura ejus, quam de Planetarum cæterorum naturis conjici posse, tanto quippe remotiorum. Sed contra evenire dicit, ut vix quidquam de Lunæ rebus dicendum reperiat, ex ea ratione, quia ejus generis planetam (secundarium nempe) nullum coram intueri contigerit, ex cujus inspectione de aliis ejusdem generis conjectura capi possit; cum in primariis illis aliter res sese habeat. Esse enim illos generis ejusdem cum tellure nostra, in qua quid rerum geratur, quidve extet, prope intuemur, eoque de cæteris similia quædam conjectandi rationem suppetere. Itaque, si quid de Lunæ statu conjicere liceat (quæ admodum pauca futura sint) idem in quatuor illis circa Jovem, & quinque Saturniis haut multo aliter se habere putandum esse, quoniam eodem modo primarios suos planetas circumeant, simulque cum illis circa Solem ferantur, perinde ac cum tellure Luna.

VI. Illud igitur in Luna apparere dicit, per minora etiam perspicilla, plurimis montium tractibus, rursusque planis vallibus latissimis, superficiem ejus divisam esse; ac cerni quoque montium umbras ea parte, quam à Sole averfam habent. Marium vero similitudinem illic



illic nullam se reperire dicit, licet ipse fateatur *Keplerum* & alios plerosque omnes contra sentire. Nam regiones planas ingentes, quæ montosis multo obscuriores sunt, longiori telescopio inspectas, cavitates exiguas exhibere rotundas, umbris intus cadentibus; id quod maris superficiei convenire nequeat: tum ipsos campos illos latiores non prorsus æquabilem superficiem præ se ferre, cum eas diligentius intuemur. Quid igitur maculas illas esse existimat? Materia eas constare putat minus candicante, quam quæ est in partibus asperioribus: in quibus rursus quædam vividiori lumine cæteras præcellant. Cæterum nullos quoque fluvios in Luna esse opinatur; utpote quos non effugituros putat perspicillorum nostrorum aciem, saltem si inter montes aut ripas præaltas, ut nostri plerique, laberentur: Neque ullas nubes esse credit, unde pluvix generentur, ad suppeditandum fluviis humorem. Si enim essent, visuros nos eas nunc has, nunc illas regiones obtegere ac visui nostro subducere; quod tamen nequaquam contingat, perpetua potius apparente serenitate.

VII. Porro nec aere aut atmosphæra lunam cingi probabile iudicat; Quia si qua talis existeret, non posset extrema Lunæ ora tam præcise circumscripta spectari, quam subeunte stella aliqua sæpe animadversa est, sed evanida quasi luce, ac velut lanugine finiretur, & hæc insignis differentia, quæ lunam inter terramque reperitur, omnem fere aditum conjecturis obstruere videtur Viro celeberrimo. Mox tamen, in alteram partem quasi inclinatio, cum dubitare cæpisset, an credendum, tantæ magnitudinis globum in hoc solum conditum esse, ut noctu nobis lucem tenuem largiatur? aut æstus maris interea cieat? neminemque ibi futurum, qui pulcherrimo inde spectaculo fruatur telluris nostræ in se revolutæ, & nunc cum Europa Africam, nunc Asiam, nunc Americam ostentantis? nunc plene nunc dimidio orbe lucentis? Omnes item, quæ Jovem ac Saturnum circumstant, Lunas æque inutiles vacuasque circumferri? Respondet: Non „ habeo equidem quod dicam, cum nulla ab re simili conjectura suppetat. Tandemque concludit: Magis tamen probabile videtur ob „ corporum præstantiam, aliquid in superficie eorum geri, aliquid „ crescere ac vivere, qualecunque tandem id sit, & quantum libet à „ rebus nostris diversum. Posset forsan stirpium animaliumque ibi „ vitam aliud quid, aquæ nostræ dissimile, sustentare. Posset exiguus „ humor in terra, non æque ac nostra aquam combibente, sufficere „ radiis Solis, unde rorem educerent, alendis herbis arboribusque „ ido-



idoneum, &c. Sed hæc admodum leves sunt conjecturæ, aut, suspiciones potius, nec aliud habemus, ex quo de lunæ nostræ & reliquarum natura aliquid colligamus.,

IIIX. Quamvis autem ipse, uti vidimus, non solum de nostra luna, sed etiam de illis quatuor, quæ circa 4, & aliis quinque, quæ circa 5 feruntur, valde dubitet, an habitentur, præsertim ab incolis ratione præditis; fingit tamen aliquos inibi reperiri, & quænam ipsis spectacula eventura essent, conjectat, aut stante hac hypothese certo deducit, scilicet de indigenis nostræ lunæ, sequentia: 1) Quod habitatores ad nos conversi hemisphærii, semper telluris nostræ conspectu fruerentur, aversi contra semper eo essent carituri; nisi quod quidam circa confinia utriusque agentes, amitterent eum per vices & recuperarent: 2) Visuri essent Geoscopi illi tellurem in æthere pendentem, multo majorem, quam quanta nobis Luna apparet, quippe fere quadruplo ampliore diametro: 3) Illud interim mirabile visum iri, quod nocte dieque eodem cœli loco, velut immobilem perpetuo hæere viderent, alii recta supra caput defixam, alii certa altitudine ab horizonte distantem, quidam & in ipso horizonte sitam; interea vero convertentem se circum axem suum, regionesque, quas continet, universas deinceps ostendentem horarum 24 spatio. Præterea vero 4) crescentem eam viderent, & imminutam menstrua periodo, atque ita per vices plenam, dimidiatam, inque cornua tenuatam, eadem formarum varietate, quam Lunæ globus nobis exhibet. Lucem autem 5) à tellure nostra reciperent quindecuplo majorem, quam nos ab illa; adeo ut in hemisphærio meliore ad nos converso noctes insigniter claras haberent, sine omni tamen calore. Sol autem 6) semel illis oriretur singulis mensibus nostris, semelque occideret, atque ita dies noctesque, quindecuplo, quam nos longiores haberent, at inter se æquales perpetuo æquinoctio. Hac vero dierum longitudine 7) necesse esset eos, quibus alte supra horizontem ascendit, æstu incommodo torreri, si corpora ipsorum, perinde ac nostra, afficerentur, qui vero circa regiones habitarent polis Lunæ suppositas, non magis 8) ob longos istos dies calerent, quam qui circa Islandiam aut novam zemblam cetos piscantur, sæpe frigora ingentia, ipsius Solstitii tempore, ac trium licet mensium diebus, experiuntur. Quod maxime mirum videri posset, 9) diei tempore non minus quam noctu, stellas conspicerent, supposito nempe atmosphæræ nubiumque defectu, sine quibus & nos in-

Uuuuu

ter-



terdiu coelum sideribus plenum adspiceremus. Igitur 10) cursus planetarum melius quam nos investigare possent, difficilius autem verum systema reperire, ob supponendam ipsis necessario sub initium statim, manifestissimo quidem errore, terræ suæ immobilitatem.

IX Id notandum adhuc, aquas lunares, quas credunt esse maculas majores sive antiquas plerique, Kircherum & P. Fabri præcipue, nostris aquis multo puriores ac minus mixtas, magisque limpidas reputare, quæ adeo non nisi purum vaporem emittat, in nubes nunquam concrecentem, prout experientia quoque testetur, neque adeo pluvias aut nives generantem, nec fontes aut rivos aut flumina producentem, sed instar tenuissimi roris insensibiliter in Lunam relabi solitam. *Fortunius Licetus* autem Lib I. de Lunæ luce subobscura cap. 6 è diverso partium lunarium colore adspectus diversitatem accersit, & eas partes, quæ colore livido & subnigro essent, imbutas maculas exhibere, cæteras candidiores clarescere, id quod etiam *Ricciolus* non improbabile censet, simul & *P. Francisci Mariae Grimaldi* opinionem haut spernendam putans, quæ macularum caliginem crebris ac parvis foraminibus aut asperitatibus rugisve Lunæ, reflexionem interturbantibus tribuit; prout scilicet parietis dealbati, & à Sole illustrati pars lævigata illustrior, pars alia in modum pumicis aspera, minus clara conspiciatur.

### III. HYPOTHESES SECUNDÆ circa primarium Lunæ lumen, ejusque phases & figurationes.

#### I.

**P**offemus hic etiam varia veterum Philosophorum commenta, e g. *Anaximandri* foramen successive obturatum aut reseratum, *Heracliti* scapham intus accensam, & hujus conversionem sensim factam, & *Berosi* pilam dimidia parte igneam, dimidia obscuram, circa centrum proprium convolutam &c. è *Vitruvio* (Lib. 9 c. 4) Plutarcho aliisque recensere. Verum, cum hodie genuina & vera phasium lunarium causa, jam ab Aristotelis temporibus penitus perspecta sit, eam potius (ne tempus frustra teramus) citra ambages exponemus, sub Hypotheseos nomine quidem, etsi jam



in thesin & manifestam veritatem degeneraverit. Sic certe Aristoteles Lib. I. Poster. Anal. cap. X. discrimen ostensurus inter demonstrationem τὴν ὅτι & demonstrationem τὴν διότι, inter alia exempla hoc etiam affert: ὥς τὴν σελήνην δεικνύσκειν ὅτι σφαιροειδής, διὰ τῶν αὐξήσεων. εἰ γὰρ τὸ αὐξανόμενον ἔστω, σφαιροειδὲς αὐξάνει δ' ἡ σελήνη. Φανερόν τι σφαιροειδής. ἔστω μὲν ἐν τῇ ὅτι γέγονεν ὁ συλλογισμὸς. h. e. *Prout Lunam demonstrant esse sphericam*, (quod isto ævo nondum ita in sensus incurrebat, ut hodie per telescopia, sed disciformis tantum & plana apparebat, ideoque rotunditas ejus sphaerica ratione evincenda erat) *per incrementa* (luminis in ejus facie lenta & successiva) *si enim, quod ita crescit, sphaerae formae est* (id quod experimento sphaerae lignae obscurius coloratae, noctuque sub ardente supra tabulam lychno, vel interdiu sub Sole ipso, circa oculum in orbem circumferatur, ita tamen, ut idem globi hemisphaerium perpetuo sit obversum oculo, ad ipsum oculum patebit; dum è contra discus planus eodem modo circumlatus, non successive, sed, ubi semel cæperit, totus simul illuminabitur.) *Crescit autem* (dicto modo) *Luna; Manifestum igitur est, eam esse sphaerice rotundam: Sic igitur τὴν quod sit, factus est Syllogismus: Αὐτάπαλιν δὲ τιθέντες τὴν μέσσην, τὴν διότι εἰ γὰρ διὰ τὰς αὐξήσεις, σφαιροειδής ἐστιν: ἀλλὰ διὰ τὸ σφαιροειδής εἶναι, λαμβάνει τὰς αὐξήσεις τοιαῦτα.* h. e. *Inverse vero posito medio* (demonstratio erit) *τὴν cur sit. Nec enim propter incrementa* (luminis successiva) *sphaerica est (Luna) sed ideo, quia sphaerica est, recipit talia incrementa.*

II. Age vero rem clarissimam, schematismo insuper omnium hodie Philosophorum consensu ex abundanti sic declarabimus: 1) Lunæ globus in parvulo respectivo circulo, multum infra Solem, circa terram spatio menstruo delatus (dum Sol interim, ut quiescens, hoc quidem loco, consideratur) alterum suum hemisphaerium telluri semper obversum, alterum perpetuo aversum habet, ut ex num IV. Epicrisi cap. præced. constat. 2) Idem globus interea, dum terram ambit, à Sole indefinenter quoad dimidiam sui partem, ideo per reflexos ab ejus opacitate radios vivide lucentem, illustratur; altera dimidia, quod corpus ejus radiis impervium sit, obscura relicta. Quod si igitur 3) in conjunctione, terram inter & Solem (etsi non præcise, vel etiam prope, in eadem recta linea, præterquam in eclipsibus) con-



stituta fuerit; (Vid. Lit. B. in Fig. 55.) evidens est, hemisphaerium ejus à terris aversum, à Sole illuminari, oppositum autem obscurum esse & invisibile, quod Lunam silentem ideo, *Novilunium*, aut rectius *Interlunium*, dicere solemus. 4) Post Novilunium autem in C, vel ante illud in c, à Sole paulum obliquius illustrata, partem luminis in parva, converſi ad terram hemisphaerii, particula exceptam quaquaverſum (ut solent aspera & rugosa corpora) & sic ad oculos nostros reflectit; quæ ejus particula lucida (ſi globositatem figuræ, hic in plano depictæ, mente ſuperaddideris) falciformis neceſſario judicabitur. 5) Quo vero longius à Conjunctione distiterit, ſive in quadraturis D ac d, ſive ulterius in E & e, tanto plus ex hemisphaerio nobis conspicuo Soli luſtrandum objicitur, donec in F, è Solis oppoſito, tota & ſola facies ejus ad terram converſa plena luce fulgeat.

#### IV. EPICRISIS super enarratas hætenus hypotheſes.

##### I.

**D**E ſecundis hypotheſibus jam in anteaſſum diximus, eas plusquam hypotheſes & ipſam rei veritatem eſſe; ſtat igitur etiamnum illa ſententia. In primis autem hypotheſibus de Lunæ ſubſtantia & natura iſtud extra controverſiam eſt, partes Lunæ ſplendidioreſ, eſſe ſolidas, inæquales, ſcabras, aſperas & montoſas, obſcurioreſ & maculoſas, eſſe magis perſpicuas, lumenque Solis receptum magis imbibentes & abſorbentes, præterea vero lævigatas & planas, quod ex Fig. 56. oculis ipſis per teleſcopia proſpicientibus evidentiffimum eſt. Quod vero *Licetus*, *Ricciolus*, *Grimaldus*, & recentiffime *Hugenius* num. VI. Prim. Hypoth. obſcuritatem macularum ex obſcuriore coloratione deduci poſſe exiſtimant, id equidem in notabili quadam rerum vicinia verum eſſe conceſſerim, in qua foramina & pori, ortæque inde umbræ radiis fidelibus reflexis interjecti diſtinctius dignoſci valent; in magna vero oculi, & nominatim à Luna minimum 40000 milliar. german. diſtan-

tia,



tia, ejusmodi dignotio partium radios absorbentium, & aliarum lumen fidelius reflectentium difficillima rationi videtur; nisi absorbentium multitudo sit innumera, reflectentium autem respective valde pauca & modica: prout in experimento Riccio-  
li, si procul è loco sublimi & eminus species terræ & aquæ magnas & totas superficies à Sole alto illuminatas, videbis aqueas atram & fuscam lucis speciem reddere, terreas autem claram, & aliquando tantam, ut vix oculis eam sustinere possis, etiam si nive non sint conspersæ, nec aliunde albicantes. Memini pileos atra & marmora nigerrima in vicinia, eminus & è longinquo in Solis luce posita, candidissima apparuisse iis, qui coloris genuini, præ nimio splendore non dignoscendi, præjudicio occupati prius non fuerunt.

II. Extra dubium igitur esse videtur, si Selenita quispiam ex Luna in terram nostram despiceret, eum vastos Oceanos Atlantici, Æthiopici, Indici, Pacifici maris, eadem facie maculosa conspecturum esse, quo nos maculas in Luna intuemur, & mare caspium in terris ea fere forma intuiturum, quo nos mare Crisium, quod vocamus, lunare hic ex terris conspiciamus, siccas vero terras Europæ, Asiæ, Africæ & Americæ regiones eadem Selenitæ lucidissimas apparituras; omni pratorum colliumque vernantium virore, florumque & aliorum colorum diversitate à reflexæ lucis perstringentissimo splendore obrutis quasi & absorptis. Cum igitur vicissim maculas lunares, antiquas dictas, propter notabilem obscuritatem, perspicuas 1) & copiosum lumen absorbentes esse necessum sit; 2) in magnam vastitatem extensæ undiquaque deprehendantur; 3) planæ, & æquoribus etiam hac in parte similes sint; 4) præterea figuris irregularibus, instar nostrorum marium terminatæ; ulterius 5) regionibus montosis, & quasi promontoriis ipsarum planities passim cingentibus undique terminentur; & 6) denique medias suas obscuritates hinc inde minoribus partibus lucidioribus interstinctas habeant; judicet, amabo, Lector à præjudiciis liberatior, quænam alia materia excogitari queat præter aquam,



cui omnes enarratae proprietates junctim & simul conveniant? ut nimirum sit perspicua, in magnam vastitatem aliquoties centum milliarium protensa, figuræ irregularis nostris maribus simillimæ, montibus & promontoriis circumdata, passim intra ambitum partibus lucidioribus, instar insularum in maribus nostris interstincta? Nec adeo morari nos poterit, quod *Hugenius* num. VI. primarum Hypoth. adnotavit de conspectis in mediis planitiis maculosis rotundis cavitatibus, umbras intus projicientibus. Possunt enim hæ cavitates esse portiones insularum ultra aquas leviter prominentium.

III. Illud etiam indubium esse videtur, nullas in Luna, aut circa illam, generari nubes, alioquin aliquando saltem minores aliquas in Lunæ facie particulas ordinarias, quasi obumbraturas. Quod si ergo plantarum nutritio absolute, postulet nubes & pluvias, consecuturum esset, nullas etiam in Luna germinare plantas, ulterius nulla sustentari posse animalia, multo minus homines; ut qui vel oleribus, more nostro, vel animalium carnibus nutrentur: nisi forte cum P. Fabri excipias, ex purioribus & rarioribus illis aquis lunaribus tenuiores etiam elevari in altum vapores, qui in nubes non concrecant, sed in sublimitate refrigerati sub forma tenuissimi roris in lunam relapsi, plantas ibi nascentes, absque dubio à nostratibus genere differentes, enutrient: prout in terris quoque nostris ingentem terrarum tractum, ad littus Peruvianum in America ab austro in boream longe lateque exporrectum reperiri testantur Geographi (nominatim *Varenius* p. m. 508 & 510; *Dapperus* in America p. 333; *Vossius* p. 29. de Nili & alior. flum. orig.) in quo nunquam anno toto pluat, sed ros tantum vel psecas (ein Staubregen,) præcedentem singulis diebus nebulam matutinam consequatur. Tametsi vero, quod de maribus in Luna hætenus dictum est, speciosum quidem, nondum tamen omnino certum est; ita quod de plantis, animalibus & incolis aliis addebatur, ut possibile saltem, incertius multo adhuc, imo merum forte somnium est. Suspensum vero animum in hac incertitudine haut immerito



rito hæc tria certissima tenent: quod *primo* montium vallium-  
que vicissitudines ipsis oculis evidentes sint & obviæ, ut ratio-  
nem non allegem, quæ ex inæquabili & ferrata quasi linea, quæ  
lumen primum ab umbra contigua sejungit, idem infallibi-  
liter concludit: *Secundo* dies cum suis noctibus alternare, nemo  
ratione sua usus negare possit, Solemque continue unis regio-  
nibus oriri, aliisque occidere, ipsis quoque sensibus sit apertissi-  
mum: Quodque magis mirum videri debet, *tertio* in omni-  
bus pleniluniis eclipticis, aliqua Solis eclipsis globo lunari ob-  
jiciatur, & quidem in totalibus Lunæ obscurationibus eidem  
Lunæ eclipsis Solis una non totalis solum, & cum notabili mora  
(quales in terris rarissime spectamus) exhibeatur, sed tanta haut  
raro, quæ in toto Lunæ nobis obverso hemisphærio universali-  
ter spectari posset (qualem in terris contingere penitus est impos-  
sibile) & in certis Lunæ locis integrum bihorium durare; prout  
infra sub finem cap. IV. evidenter demonstrabitur. Hæcine  
vero coeli certissima phænomena (quorum postremum in se-  
quentibus, ubi de Lunæ eclipsis agetur, infallibiliter confe-  
ctum dabimus) corpori inani & spectatoribus omnibus vacuo  
frustra exhiberi, quis non miretur!

IV. Quod *Hugenius* hypoth. primarum num. V. prima-  
rios planetas circa Solem, tanquam non planetam ipsius judicio,  
moveri solitos, ejusdem generis esse dicit, cum tellure nostra, id  
ea hypothese nititur, quod terra quoque, tanquam primarius  
planeta circa Solem volvatur, una secundarium, nempe Lunam  
minore quodam vortice circa se gyrans: prout nempe Jupiter  
& Saturnus talium lunarum, alter 4, alter 5 circa se rotatos una  
secum circa Solem deferunt. Hinc nempe justiore causam  
se habere credit conjectandi in Jove & Saturno incolas, quam  
habuisset conjectandi similes habitatores in Luna, quia talium  
incolarum exempla in terra habemus compertissima. Quous-  
que vero hæc telluris cum Jove & Saturno comparatio, cum  
aliqua saltem probabilitatis specie sese extendat; de eo infra vi-  
debimus. Paradoxa vero illa sententia, qua num. VIII. Seleni-  
cas,



tas, ait, si qui sint, stellas minores æque de die ac de nocte conspecturos esse, ea sola hypothese nititur, quod Luna omni atmosphæra sibi circumfusa destituatur. Quæ hypothesis nondum ita certa est, ut ipsi tale paradoxum superstrui possit. Ut enim præteream, vix concipi posse, ex corpore lunari Solis calori perpetuo exposito, non elevari exhalationes continuo aliquas; prout universaliter circa quemvis lapidem & quodvis metallum aliudve solidum corpus effluvia quædam, & consequenter atmosphæras colligi, probabiliter deduxit *Robertus Boyle* in Exercit. de atmosphæris corporum consistentium, Londini anno 1673. edita; meminique ante annos plusculos observationem quandam oculi  $\gamma$  à luna occultati Lipsiæ, ni fallor, ad nos pervenisse, in qua dictus oculus ante evanuit, quam à proximo Lunæ margine contactus fuisset; ex qua circumstantia collegerunt, atmosphæræ Lunæ circumfusæ necessitatem, cui præmatura illa occultatio fuerit adscribenda. Reperio autem hoc ipso momento, quo hæc scribo, dictam Palilicii occultationem, & Gedani ab Hevelio, & Coburgi in arce Saxonica Chrenburg, observatam, in Actis Lips. ad An. 1682. & in posteriore observatione circa hor. 6. min. 40. juxta horol. vulgare, vel hor. 6. 49' juxta tempus ex altitudinibus deductum, seq. annotata: *Palilicium per tubum 2 pedd. non procul à Luna spectabatur, nudis oculis vero jam inconspicuum erat.* Hevelius certe in Cometographia p. 365. diversis insignibus Lunæ phænomenis, partim ipsimet, partim præclaro cuidam Mathematico Barcinonensi (quem Scheinerus in Rosa Ursina, ex cujus p. 740. allegatur ab Hevelio, non nominaverat) oblatis, collegit atmosphæram aliquam circa Lunam, & Scheinerus cit. loc. de illa Mathematici Barcinonensis (quem Hevelius P. Cysatium, eodem tempore Barcinone commoratum, fuisse suspiciatur) collectione, sequens tulit iudicium: *Hæc eruditus ille Mathematicus, observator exactissimus anno 1629. d. 12. Jan. Romam perscripsit. Cujus acuto discursui, quid insit fallaciæ Astronomi nec dum invenerunt.*



## CAPVT II.

### *De lumine Lunæ secundario.*

#### I. PHÆNOMENA.

**P**HÆN. I. Præter primarium illud in Lunæ facie nobis obversa sensim crescens ac decrescens lumen, de quo capite præced. ejusque hypothefibus secundis, & conſe- quente deinceps epicriſi, actum eſt & eviſtum, quod à Sole ipſi immediate communicetur, alia quoque tenuior ac debilior lucula obſervatur in parte Lunæ luce primaria adhuc deſtituta, & juxta primariam falcem, cum illa comparet, diſtincte nudo etiam oculo viſibilis, idque præcipue diebus proximis poſt conjunctionem Lunæ cum Sole uſque ad quadraturam primam, & à quadratura ſecunda uſque ad proximos ante ſequens novilunium dies. Interlunii enim tempore, binis videlicet ante, & binis circiter poſt conjunctionem diebus, Luna raro eſt conſpiciua, quia una cum Sole mane oritur, & veſperi occidit, Solis adeo nimis vicino ſplendore teſta & obruta: quamvis Anno 1533. Hiſpali in Hiſpania menſe Febr. circa Novilunium ſive conjunctionem, viſa eſt Luna à tota civitate, juxta Solem ſtans in ipſo meridie; ita rem narrante Hevelio Cometographiæ p. 364.

PHÆN. II. Maxime autem diſtincte viſibilis eſt Luna nova in conjunctionibus eclipticis, quia tunc non tam Luna tegitur & occultatur à ſplendore Solis nimio oculos perſtringente, ſed contra Solis ſplendor occultatur ab obſcuritate Lunæ; in qua tamen, ita magis conſpiciua reddita, lumen dictum ſecundarium, tanto ſplendidius ac rutilantius cernitur, ut à nonnullis quoad vigorem cum lumine Saturni primario comparatum ſit, nec mirum adeo fuerit, illud à tot retro ſeculis pro lumine Lunæ nativo & proprio habitum fuiſſe; maxime quod alias abſurdum crederetur, Lunam inter ſtellas & ſidera numeratam omni tamen lumine proprio carere. Itaque certum eſt, juxta

X x x x x

Fig.



Fig. 55. in ipsis Syzygiis sive Noviluniis luculam secundariam in facie lunæ B omnium fortissimam esse, tametsi ob causam dictam non nisi in noviluniis eclipticis conspicuam; deinceps autem in sequentibus diebus gradatim eam juxta falcatas luminis primarii formas indies auctiores, hanc e contra secundariam luculam sensim imminui, donec in dichotomia prima D, in parte bisectæ Lunæ sinistra & obscura, lucula illa secundaria penitus evanescat, nunquam deinde in partibus residuis obscuris E e d, amplius visibilis (in F autem, lunæ facie plena locum plane non invenit) donec à d versus c, indeque versus subsequens novilunium progressa, in partibus à lumine primario sensim decrescente separatis, magis magisque rursus accenditur.

*PHÆN. III.* Estque separatim notatum à curiosioribus Observatoribus, hujus luculæ secundariæ vim indies crescentem, à secunda dichotomia versus sequens novilunium, sensibilibiter majorem deprehendi, quam solet esse illa à novilunio ad dichotomiam primam gradatim decrescens.

*PHÆN. IV.* Nullo vero casu secundarium hoc Lunæ lumen luculentius se conspiciendum præbet, quam in ipsis Lunæ eclipsibus totalibus, ubi Solis radii directi, propter interpositionem terræ multo majoris, ad eam pervenire, eamque illuminare, nullo modo possunt, nec à terræ facie nocturna, ipsa quippe Solis luce destituta, luminis quippiam ea mutuari potest. Unde, cum nullus undecunque fons reperiri posset, è quo vel tenuis aliqua lucula ad Lunam emanare posset; eo magis confirmati sunt observatores, subobscurum illud & rutilans lumen, quod Lunam in mediis etiam eclipsibus totalibus, adhuc totam distincte visibilem exhibet; & quidem durante tota eclipsi per integrum circiter bihorium, nunc sensibilibiter vividius, nunc multo debilius, debere non aliunde haustum, sed ipsi Lunæ connatum & proprium esse.

*PHÆN. V.* Verum enimvero, cum plures postea plurimum in diversis locis factæ observationes, *Kepleri* v. g. circa ecli-



eclipsin 1583. d. 3. Martii; *Tychonis* 1588; *Vendelini* 1620 d. 15. Junii; *Scheineri*, qui sæpe dicit, à se & aliis observatum esse in plenis Lunæ deliquiis, eam omni prorsus fulgore destitutam nigrescere; *Riccioli* denique cum multis sociis, in duabus Lunæ totalibus anni 1642, priore d. 14. April. in qua, cum alii Venetiis & Viennæ, vidissent lunam colore rubro, nemo tamen in Belgio, teste Vendelino, nec Ricciolus cum Sociis Bononiæ, neque D. Vincentius Reinerus Pisis, simile quippiam observarunt, quanquam sereno coelo, ne lunam quidem in profundo umbræ discernere valentes, (ubi tamen ejus lumen, si quod habuisset, proprium maxime videri debuisset;) sed frustra eam per unam fere horam in coelo requirentes; ac ultimo tandem *Hevelii*, qui in eadem eclipsi totali modo memorata ann. 1642. d.  $\frac{15}{25}$  Aprilis à se quoque observata, tempore maximæ obscurationis, etsi aer undique esset sudus, ut etiam minores stellulae optime conspicerentur ab omnibus, totam tamen lunam, prorsus evanuisse testatur. Cometogr. p. 364. ut vix per intervalla luculae quædam hinc inde per exigua, in corpore lunari, sub adspectum venirent;) Cum hæc, inquam, similesque celeberrimorum Astronomorum observationes innotuissent, creditum hæcenus Lunæ lumen proprium fictitium esse necessario judicabatur, anxieque de novo inquiri captum est, unde tandem notabilis hæc Lunæ lucula in plurimis ejus eclipsibus in eam redundaret?

## II. HYPOTHESES VARIÆ pro vera causa luminis hujus in Luna secundarii declaranda, præsertim in hoc postremo casu, excogitatae.

### I.

**C**um Lunæ secundarium lumen ipsi proprium & nativum non esse, ex Phæn. V. paulo ante memorato jam constaret, varios



finxerunt illius fontes authores diversi; & *Erasmus Reinholdus* quidem, Vitellionem sequutus & Lunam partes non solum opacas, sed etiam diaphanas habere supponens, ex ipso Sole immediate lumen istud secundarium derivat, saltem in ipsis noviluniis sive eclipticis, sive non eclipticis; quatenus nempe Sol in Fig 55, per Lunam novam B, ejusque partes diaphanas multos suorum radiorum ad oculos in terra A constitutas transmitteret, quam eandem sententiam foverunt etiam *Aguilonius* Lib. 5. Opt. & *Scheinerus* in Disquisit. Math. num 27. Sed *Tycho Frabeus*, ex eodem Phæn. V Lib. 1. Progymn. pag. 743. pariter arguens, Lunam nativo proprioque lumine non gaudere, quod utique, cum in umbra terræ esset, illud non amitteret, sed evidentius exereret, cum omne lumen in tenebris plus splendeat &c intereat tamen alium illius luminis fontem nullibi reprens ad Venerem confugit, teste Keplero in Astron. opt. p. 254, uti refert Ricciolus Almag nov. Lib. IV. p. 199.

II. *Fortunius Licetus* magnam esse analogiam credidit inter lapidem Bononiensem & Lunam, ut hæc receptum paulo ante à Sole pleno vultu lumen, per aliquod tempus in suæ eclipseos tenebris, non aliter ac ille, dictus Litheosphorus, qui calcinatus ac decenter præparatus, deinde vero luci expositus, pauloque post retractus in obscurum locum, ignitus apparet instar prunarum, eam speciem conservans fere per semiquadrantem horæ. Ut vero eandem hypothesein accommodare posset luci secundariæ prope conjunctiones Lunæ cum Sole, in parte illius ab hoc averfa quoque observari solitæ, coactus fuit confugere ad ætherem Lunæ conterminum ac reflectentem Solis radios ad illam partem.

III. Plerorumque aliorum Astronomorum post Tychonis tempora celebriorum, ut *Mæstlini*, *Kepleri*, *Galilai* *Petri Gassendi*, *Renati des Cartes*. *Hortensii*, *Antonii Maria de Rheita*, *Longomontani* (nisi quod hic addat lumen à stellis fixis lunæ oppositis, præsertim primæ magnitudinis) sententia fuit, luculam illam esse à radiis Solis à terra usque ad Lunam reflexis, ab illis terræ partibus, in quibus adhuc dies perseverat. Cujus sententiæ fundamentum est, „(exponente Ricciolo) situs Lunæ ad terram Solemque tunc maxime „aptus ad radios Solis à terra reflexos excipiendos, cum maxime in- „clarescit hoc secundarium in Luna lumen. Nam in extrema ejus & „prima falciformi phasi maximum apparet, & vincit claritatem cre- „pusculi ac densitatem vaporum horizontalium; in tertia & quarta die „ante



ante vel post novilunium majus, quam aliis diebus à novilunio re-  
 motioribus; die septima & in quadraturis jam evanescit pene to-  
 tum, nec nisi adulta nocte videtur, quia radii à terra reflexi non pos-  
 sunt versus lunam tendere, & tamen tunc magis deberet apparere,  
 eo quod Luna longius absit à crepusculi luce; Hinc etiam fit, ut in  
 totalibus Solis eclipsibus appareat quidem hoc lumen subobscurum  
 in Luna, sed non tantum, quantum extra eclipses, eo quod Luna in-  
 terposita magnam partem solarium radiorum illi terræ tractui inter-  
 cipiat, unde reflexi Lunam illustrare possent. Hinc rursus redditur  
 ratio, cur, quanto Luna magis à Solis conjunctione elongatur, &  
 propior est quadraturis, tanto languidior appareat lux hæc secun-  
 daria, nimirum ob majorem obliquitatem radiorum reflexorum, at-  
 que adeo pauciorum & cur tamen toto tempore intra quadraturam  
 ultimam & primam aliquid lucis hujus in Luna spectabile sit? quia  
 nimirum intra illud tempus Luna est supra horizontem illius hemi-  
 sphærii terrestris, in quo dies est, & unde reperiuntur radii  
 Solis ad Lunam.

IV. Quod lumen Lunæ secundarium in ipsis ejus totalibus  
 eclipsibus imprimis notabile attinet, de quo solus Licetus & Vende-  
 linus aliquam rationem dederant, quam Ricciolus laudat quidem p.  
 201, ut ingeniosam, seq. p. 202. vero eam se approbare posse negat,  
 quia lux hæc Lunæ, de qua disceptatur, sensim remittatur ab initio  
 ad medium eclipsis totalis, sed post medium plerumque reviviscat &  
 augeatur, luna properante ad emersionem, majorque semper sit versus  
 partes utrinque extremas umbræ, diversorumque colorum. Qua-  
 rum varietatum non afferatur causa sufficiens, si una à Sole receptum  
 lumen retinet; unde enim illud reaccendet, nondum ab umbra emer-  
 gens? Hinc suam Gassendi, Kepleri, aliorumque sententiam, tanquam  
 longe probabiliorem, substituit, illud lumen itidem esse a radiis Solis,  
 non tamen à terra reflexis, utpote in nocte tunc constituta ipsa & lu-  
 mine Solis carente, sed bis refractis in vaporibus aeris terræ globum  
 ambientibus, semel scilicet in ingressu & rursus in egressu, uti con-  
 vexitas atmosphæræ postulat, versus perpendicularem & axem coni  
 terrestris umbræ. Idcirco enim majorem esse hanc lucem, in partibus  
 Lunæ versus umbræ marginem, quam versus axem, quia ibi sint plu-  
 res radii refracti; idcirco etiam in medio eclipseos totalis, aut prope  
 medium, evanescere hanc lucem, quia Luna est adeo humilis & pro-



funde in umbram demersa, aut vapores adeo crassi, ut radii aut nulli plane, aut maxime debilitati ad illam partem refringantur.

### III. EPICRISIS

super hactenus enarratas hypotheses.

#### I.

**U**T de ultimo hoc casu apparentis in Lunæ facie luminis secundarii primo loco mentem meam aperiā, non placet equidem Veneris à Tychone in subsidium vocatæ allegatio, ideo maxime, quod 1) Venus Luna multo altior, in faciem Lunæ novæ versus terram conversæ, splendorem suum, si maxime alias sufficiens esset, desuper sursum incurvata via ita immittere valeret, ut inde deflexa ad terram usque, inibi adeo distincte conspicua esset; 2) nocturnas tenebras telluris nostræ, una cum cætero astrorum exercitu, ne quidem in tantum illustrare valeat, ut lumen in terram effusum, indeque ad oculos vix quinque pedes elevatos reflexum, ex tanta vicinia visibile evadat; Quibus 3) accedit, quod Venus sæpe supra & pone Solem existens, radios plane nullos ad inferius Lunæ hemisphærium emittere potest: neque Litheosphori, sive lapidis Bononiensis lucibibi cum Luna comparatio arridet, quando quidem lapis hic multam artificialem præparationem postulat, ad acquirendam ejusmodi luminis imbibitoriam virtutem; qualem præparationem in Luna antecessisse, nullo indicio monemur; ut silentio prætereā præcipuam quam proxime superiori num. IV. hypothesium, ipse Ricciolus jam adduxit.

II. Ita ne frustra de aliis circumspiciamus hypothesebus, illam, quam Ricciolus eodem num. IV. cum Gassendo, Keplero, aliisque pro longe probabiliore saltem venditat, non dubitamus pro ipsa rei veritate habere, præsertim si totum accuratum calculum Riccioli, quem studiosissime adhibuit in singularum partium umbræ terrestris à terræ centro distantis suppu-

tan.



tandis Lib. V. p. 304. attente consideremus : Ex quo calculo enata est Fig. nostra 58. in qua radii Solis S A & S A , cum vicinis introrsum aliis multum, in atmosphæram aeris A B A , tanquam in medium crassius, ingressi necessario primam, deinceps in egressu rursus alteram refractionem passi, ita decussatim se secant, ut eo ipso loco, quo Lunæ plenæ, ratione distantiae suæ à terris ordinariæ, per umbram terræ transeundum est, in dictos radios inter D E ac D E incidant, quia alias in umbra, tanquam mera privatione, invisibiles futuri, nec ad nos directi, dum incidunt in Lunæ opacum asperumque corpus, inde quaquaversum, adeoque ad nos quoque reflectunt ac debile illud lumen Lunæ secundarium ad nos deferunt. Quod si vero contingat, ut eclipsata luna per spatium D C E, cum multa rutilante luce transmissa, incidat in locum umbræ meræ E, C, E, quem decussati luminis radii non attingunt, ibi his quoque destituta, cum nec à Sole directe ullos nec reflexos à terra nocti immersa, recipit, consequenter omnibus destituitur; mirum esse non debet, eam ex omni conspectu penitus amitti, donec progressa versus emersionem denuo alteri decussatorum radio- rum collectioni obviet, ac luculam hanc, nunc certo mutuati- tiam, recuperet.

III. Nunc etiam de illa secundaria Lunæ luce, quæ circa novilunia ab ultima quadratura ad primam fere observatur, sententiam nostram dicturi, unanimiter fere hodie receptæ hypo- thesi, numero III. super. expositæ sine omni hæsitazione pe- nitus subscribimus, eamque ex Fig. 55. cum Fig. 59. conjuncta, sic demonstrari rite firmiter credimus, scilicet primum genera- lius: Lunam ab ultima quadratura usque ad primam à terra necessario illustrari. Quoniam enim Luna illo temporis inter- stitio necessario sita est propius ad Solem, terræque hemisphæ- rium à Sole illustratum respicit; & vero illustrata semper est ter- ra à Sole ad dimidiam minimum partem (imo ultra dimidiam, quia Sole minor est, secundum recepta opticorum principia;) non potest non illa, utpote corpus opacum & asperum, radios  
a So.



a Sole receptos repercutere, & hemisphærice dispergere, ita ut ne punctum quidem sit in toto isto hemisphærio illuminatorio, ad quod radii hujusmodi reflexi non tendant. Necessum igitur erit, eos, (& quidem copiosos, quia corpus terræ maximum & amplissimum est, quod alibi jam specialius demonstratum est) ad Lunam quoque, tum temporis in isto hemisphærio cœli illuminatorio existentem, itidemque opacam per hætenus passim demonstrata, pertingere, eamque, (cum distantia major non sit à terra ad Lunam, quam est à Luna ad terram, ad quam ab illa, nempe Luna, licet multo minore, copiosum tamen lumen, tempore plenilunii cum primis, imo & à cæteris planetis altioribus & ab altissimo omnium Saturno, reflexi Solis radii accedunt) illustrare: Q. E. D.

IV. Specialius autem ita rem concipimus: Luna nova, extra eclipses, lucem à terra omnium clarissimam recipit; remissio-riorem vero semper ac remissio-riorem, quo propius abest ab horizonte illuminationis; donec tandem sub ipso horizonte constituta, omnem amittat. Quoniam enim Luna, dum nova est, seu in ☿ ☉, h. e. in B, (Fig. 55.) integrum ad sensum illuminatæ terræ hemisphærium respicit, quo magis autem ad horizon-tem illuminationis, in ✱ ☉ & □ ☉, h. e. in C vel c, D vel d, vel inter B & C, C & D & c. h. e. in  $\frac{1}{2}$  C &  $\frac{1}{2}$  D (prout intermediæ ejus phasēs in Fig. 59 notatæ sunt) minorem semper atque mi- norem ejus partem; integrum autem hemisphærium plures & recipiat à Sole, & reflectat quaquaversum radios, quam pars he- misphærio minor, per κοινὴν ἐννοίαν; necessum est, etiam Lu- nam circa ☿ ☉ seu novilunium, plures à terra recipere radios, adeoque plus illustrari, quam circa ✱ ☉, & circa ✱ ☉ plus, quam circa □ ☉, extra plagam reflexoriam autem, circa △ ☉, h. e. in E, vel in e, aut in ♀ ☉ vel F constitutam, nihil omni- no lucis istius (utpote ex hemisphærio terræ nocturno) partici- pare, adeoque secundario lumine plane destitui. Q. E. D. Prout certe ipsa lunæ in cœlo phænomena, Fig. 59, cum suc- cessivo luminis secundarii decremento, vel majore indies de- bili-



bilitate à Luna nova usque ad dichotomiam, distincte repræsentata exhibentur.

V. Ut determinatius adhuc exponantur hætenus demonstrata, instituendus est calculus, & invenienda proportio inter lumen hoc secundarium, quod terra suppeditat Lunæ, & id, quod Luna suppeditat terræ. Ubi hoc necessum est, ut comparatio instituatur inter integra hemisphæria & inter partes similes, lucem v. g. eam, quam reflectit dimidium hemisphærii terrestris ad Lunam, & eam, quam dimidium lunaris ad terram; item eam, quam quadrans istius, ad eam, quam quadrans huius spargit &c. Qua ratione instituto progressu, nullo negotio reperietur (si terræ dimensiones, quas in Sect. I. huius Tomi II. determinavimus, comparabimus cum dimensionibus Lunæ paulo post definiendis) lumen, quod terra reflectit ad Lunam, quindecies semper majus esse eo, quod Luna ad terram. Quia enim terræ hemisphærica superficies quindecies major est hemisphærica superficie Lunæ, adeoque pars una illius parte simili huius, quotalibet pars illius quindecies plures recipit à Sole, & reflectit versus Lunam radios, quam quotalibet pars similis Lunæ versus terram, h. e. quindecies magis illustrat Lunam terra, quam Luna terram.

VI. Tantus igitur est splendor excitatus à radiis è tellure reflexis in Luna, ad splendorem Lunæ in terra, quantus est fulgor Lunæ plenæ, ad luculam, quam parit in terris pars decima quinta Lunæ paulo post conjunctionem; qualem efficeret e. g. falx primarii luminis tenuissima. Fig. 59. lit.  $\frac{1}{2}$  C. Tanta est claritas illa, quanta foret in nostra tellure, à quindecim Lunis si illustraretur: Et pressius adhuc, Luna nova in B Fig. 55, & B, Fig. 59. extra Solis eclipses, tantam luminis claritatem ex toto terræ à Sole illustratæ hemisphærio recipit, quanta est claritas in terra ab uno Lunæ plenæ hemisphærio recepta, si quindcupla sumatur, h. e. si quindecim Lunæ plenæ telluris faciem nocturnam simul illuminarent; quæ lux quin noctem nostram in diem foret commutatura, imo plurimos in terra dies obscu-



ros ac nebulosos claritate multum exsuperatura, nemo forsan dubitabit. Quid mirum ergo, reflexione denuo ex Luna versus terram facta, tantum lumen ad visum nostrum reversum, ex terra vicissim distincte videri posse? in toto scilicet intervallo temporis, quod inter quadraturam ultimam & primam interjacet?

VII. Tametsi vero novilunii tempore, & quidem extra Solis eclipses, lumen hoc lunæ secundarium omnium maximum, & intensissimum sit, ob causas hætenus fuscè dictas, ob Solis tamen tum supra horizontem existentis, ac terram non solum, sed aerem quoque valde illustrantis fulgorem oculos præoccupantem, ab his videri non potest, nisi majorum tuborum adminiculo. In eclipsibus tamen solaribus necessum est illud vel per accidens videri, quia quantum de Sole à luna tegitur & occultatur, tantum de luna Solem occultante cernitur, & una in parte illa occultante, vel etiam in tota luna occultante, (si Solis eclipsis totalis sit) lucula illa secundaria observatur; sed, quod facile judicare est, multo obscurior, quam illa futura esset, si extra Solis eclipsin, & juxta, vel supra, vel infra Solem, cerni posset; id quod semel quidem factum esse superius in Phæn. I. ex Hevelio adnotatum fuit. Nimirum, quo plus illa de Sole tegit ac terris occultat, tanto minus lucis tellus à Sole recipit; tanto minus etiam illa Lunæ pro lumine secundario communicare potest, ita ut hoc in eclipsibus Solis totalibus sæpe valde obscurum sit.

VIII. Quod antenovilunia in Luna cornuta seu falcata ultima lumen secundarium multo notabilius percipiatur, quam in falce prima post novilunium, uti Phæn. III. adnotatum fuit, ex eo est procul dubio, quia Lunæ falx prima versus occasum Soli vicina, & paulo post ipsum occidens, supra Oceanum Atlanticum cæteraque vasta maria constituatur, quæ Solis lumen ex ista parte tum receptum magnam partem imbibunt, parciusque adeo lumen ad lunam reflectunt: E contra vero falx ultima mane Solem orientem præcedens, deinceps motu suo diur-



diurno supra terris siccis, China, India, Persia, Turcia &c. incendit, à quibus copiosius multo lumen ad Lunam repercutitur. Quæ de cætero è *Scheinero, Liceto, Galileo & Gassendo*, contra hanc hypothesein, meo iudicio plane indubiam excepta reperiuntur apud Ricciolum A. N. Lib. IV. p. 200. & seq. ad ea responsum ibidem est à Ricciolo, & ipsa hypothesei recte pleneque intellecta, nullo negotio sufficientissime responderi potest.

IX. Mira igitur hic se prodit inter terram & Lunam correspondentia, eaque mutua, ut, sicuti terra montibus & vallibus mire distincta est; ita Lunam quoque montolum esse corpus oculorum sensus distinctissime percipiat: uti dierum noctiumque vicissitudo, summo cum fructu & commodo, imo summa necessitate, plantarum, animalium, hominumque, in terris regnat, maxima etiam longitudinis in utrisque inæqualitate & varietate, sic in Luna quoque alternatio noctium ac dierum luminis ac tenebrarum observatur, nullo modo inficiabilis, imo nudo etiam visu apprehensibilis, uti maria in terris vastissima & navigationibus frequentissimis undique perlustrata, mentis quadam, è Luna quasi prospicientis, reflexione instar grandium macularum, terrarum regionibus multo copiosius lumen versus Lunam reflectentibus intermistarum, apertissime cernuntur; ita vicissim oculo corporeo versus Lunam sublato, ibidem similes maculas grandes, similiter figuratas, instar vastorum æquorum planas, inter tractus pariter ingentes montosos & maculis istis multo lucidiores, ipso facto cernimus: uti tandem, secundum hæc ultima præsentis cap. dicta & deducta, & Luna & terra, cum multis aliis similibus corporibus primum suum ac diurnum lumen è communi Solis fonte hauriunt; ita Luna quidem terræ, reflexis ad eam radiis nocturnum quoque lumen, atque adeo secundarium, toto fere mense, nunc paucius, nunc abundantius communicat, sed vero terra vicissim Lunæ partibusque ejus nocti immersis, lumen secundarium reflectendo subministrat, & quindecuplum quidem ejus, quod Luna in terram unquam effudit: id quod vel in eum finem attentius



pensitandum erit, ut ingens adeo discrimen, quod animi plebeji inter terram & coelestia promiscue concipiunt, circa alia *παράδοξότερα* aut controversa dogmata, scrupulos ne injiciant; Certe, cum indubie hodie constet, Lunam ad terram non aliud quam mutuatum à Sole lumen effundere, & stellæ vel astri nomen nihilominus mereri; non apparet profecto, cur terra, quam quinquies deciesque plus luminis pariter mutuatum in Lunam emittere hætenus demonstravimus, quam ipsa in terram emittit, non eodem, imo multo majori jure, astri nomen, (saltem respectu Lunæ, uti Luna respectu terræ,) mereri possit.

### CAPVT III.

*De Lunæ motibus mensuris, ac nominatim de libratorio.*

#### I. PHÆNOMENA.

**P**HÆN. I. Lunam reali motu circa tellurem circumduci certum est, & apud omnes in confesso, totamque hujus circuitus periodum intra 28 dies finiri, vel superficialia & obiter solum facta observatione constare potest, si quis, initio facto à stella aliqua fixa nota, prope quam frequentius provehi Luna solet, e. g. à Palilicio sive oculo  $\gamma$ , sequentibus deinde notis ejus progressus ad subsequentes alias aliasque fixas obiter solum observet. Deprehendet enim, numeratis interea sedulo diebus, ipso die vigesimo octavo Lunam iterum ad eundem oculum  $\gamma$  redituram, ita ut motus universus 360 graduum, sive integræ periodi, per 28 divisus, faciat in singulos dies fere 13 gradus, posito, quod hi semper æquales essent.

PHÆN. II. Quod si quis præcisius hæc definiri gestiat (ut in Astronomicis fieri necessum est) indicabo solum hoc loco, quantum laboris & operæ ad id perficiendum requiratur. Nimirum Ptolemæus olim, & hodie recentiores Astronomi pruden-



denter judicarunt, commodissime adhiberi intervallum inter duas eclipses Lunares quam simillimas, in quibus utrisque  $\Delta$  in eodem circiter anomaliae simplicis gradu, h. e. in eadem ab Apogæo vel Perigæo distantia vel (quod adhuc melius fuisset) in Apogæo aut Perigæo ipso constitisset, Sole quoque insuper utrobique in eodem anomaliae suæ gradu existente. Ejusmodi binas eclipses, difficillime quidem in historia Astronomica reperiri dicit Ricciolus Lib. IV. Almag. novi p. 246. affert tamen ibidem talium exemplorum, quæ memoratas condiciones quam proxime adimplere videantur, tria paria; ex quibus primum par hoc loco solum attingam. Priorem harum eclipsium observarunt Babylone Chaldæi ante Christum natum anno 383, die 26. mensis Thor, h. e. completo Decembris 22, h. ibi 19, 20', h. e. Bononiæ h. 16, 37', 52'', existente  $\odot$  in  $\gamma$  Gr. 26, 35', ejusque Anom. gr. 203; Luna vero in  $\Pi$  26°, 35', & Anom. gr. 230; posteriorem Gassendus observavit Aquis sextiis, anno post Christum 1628, d. 10. Jan. st. v. hor. 9, 36½ post mer. h. e. Bononiæ, post æquatum tempus, hor. 10. 14½, sole existente in gr. 0. 36'  $\approx$  & Anom. gr. 203, 30',  $\Delta$  vero in gr. 0 36'  $\Omega$ , & Anom. gr. 231, 4'. Hæc tempora verarum seu apparentium oppositionum reducit postea Ricciolus ad tempora oppositionum mediarum, usus interim imperfectioribus à veteribus utcunque notatis, motibus & æquationibus; ita ut prioris eclipses medium seu æquale tempus sit hor. 10, 34' posterioris hor. 4, 27' dierum supra assignatorum: Quo facto constat, intervallum temporis inter utramque eclipsin, annorum Julianorum 2009 d. 18. h. 17, 53' 30'', h. e. (non neglectis diebus bissextilibus) dierum 733805, hor. 17, 53' 30''.

*PHÆN. III.* Porro vero, supposito ex Hipparcho, diebus 126007 hor. 1. compleri menses synodicos (ab uno scilicet novilunio vel plenilunio ad alterum) 4267; & inferendo inde:

126007 dies, dant synodos 4267; quot dabunt 733805?  
reperiuntur intervallo duarum superiorum eclipsium respon-

Y y y y 3

de.



dere lunationes medias, 24849; per hunc vero lunationum numerum diviso eodem intervallo 733805 d. & hor. 17, 53' 30" prodit revolutio menstrua synodica una, sive quantitas *mensis Synodici*, ab una ☉ ad alteram, dierum 29, hor. 12, 44', 3'', 8'''; ex hac vero, intermediis adhuc aliis fundamentis, quantitas *mensis periodici*, accuratior & præcisior, D. 27. hor. 7. 43', 4'', 58'''. Cum vero præter has duas mensium species, duas adhuc alias attendant; *Anomalisticum* nempe, ab Apogeo ☽ ad idem, ipso interim quotidie 6' 41" in consequentia promotum, dierum 27, hor. 13, m. 18, 34" &c. & *Draconticum* dictum, à Nodo ad eundem, interea quotidie 3' 11'', retrocedentem in antecedentia dierum 27, hor. 5, 5' 36"; hunc adeo paulo minorem, illum paulo majorem periodico, cujus causa ex dictis facile patefcet, ut superfluum esset, de his hoc loco plura dicere.

*PHÆN. IV.* Illud potius separatim adhuc monendum est, præter ante memoratos quatuor Lunæ motus menstruos, non tam re ipsa, quam terminis à quibus, & ad quos differentes, alium adhuc menstruum in luna motum observatum fuisse, à cæteris istis realiter, & multum quidem diversum, quem *Librationis motum* appellare solemus. Hunc motum indicavit telescopium primum, ut alia multa mirabilia, *Galileo*, quando nimirum ope ipsius deprehendit, maculam *Grimaldi*, modo accedere ad orientalem fere limbum Lunæ, modo ab eodem recedere, differentia quoad intervallum triplo majore; *Mare* autem *Crisium* (quod ille appellat *maculam Coricam*, eo, quod Luna meridianum attingente, eorum spectet) *Grimaldica* quasi diametraliter oppositum, accedere ad occidentalem limbum, alternatimque ab eo recedere, differentia intervalli plusquam dupla, ita ut accedente una ad suum limbum, altera recedat à suo. Ita ille Dial. I. de systemate mundi pag. edit. Ital. 58. Latine 44. Eandem librationem deinceps observavit ab anno 1626, sed per annos plures & accuratius, *Michael Florentius Langrenus*, Regis Catholici Cosmographus. Postea *Petrus Gassendus* cæpit & ipse adnotare *Caspiæ maculæ*, (quam nos cum

Ric.



Ricciolo *mare Crisum* appellamus) accessum ad occidentalem limbum recessumque, nec non alterius maculæ à suo itidem limbo, quam ipse orientalem, nos *Grimaldi* maculam, appellamus. Per eosdem fere annos *Joannes Hevelius* sedulo in motus hujus apparentiam observationes plurimas contulit: *Mare* autem *Crisum* ipse *Paludem Maotidem*, maculam vero *Grimaldam*, *Paludem Mareotidem* nuncupat.

*PHÆN. V.* Quemadmodum autem *Ricciolus* quoque cum multis suorum sociorum in hoc phænomeno observando multam operam posuerunt ita speciatim *P. Francisci Maria Grimaldi* diligentia & solertia in hoc observationum genere à Ricciolo extollitur, qui ex istis *Grimaldi* accuratissimis observationibus schema quoddam grandiusculum, in quo libratorius hic *Lunæ* motus distinctissime repræsentatur, ipsumque modum repræsentandi simul edocuit, quod schema, tanquam ordine sextum, cum quinque aliis ad *Selenographiam* pertinentibus, Tomo I. *Almag.* novi ad pag. 205, insertum habetur, hoc loco à nobis ad superiora plenius intelligenda, quadantenus tantum, in Fig. nostra 60 minutiore, imitandum; assumatur scilicet *lunaris* disci semidiameter *A B* 100 particularum ex aliqua scala modica, & hujus intervallo describatur circulus *B C D E*, & in diametro *B D* ducta assumatur portio *A F* talium partium 12, quallium semid. *A B* est 100; ex centro *F* autem describatur alter circulus, intersecans priorem in *L* & *M*, quæ duo puncta librationis poli sunt, & quasi nodi quidam intersecantium se circulorum. Porro quadrantibus *E B* & *B C* bifariam divisus in *P* & *R*, ductis inde per *A* diametris *P Q* & *R S*, totus *Lunæ* discus erit divisus in 8 octantes, quibus maculæ regionesque in earum historia p. 204. ordine alphabetico inferendæ, aut jam insertæ concipiendæ sunt. Estque ex ipsa hac designatione apertum librationis quantitatem exprimi intervallo *G B*; tempus autem reciprocationis hujus multo labore à Ricciolo investigatum, cum perpetuo idem hætenus non sit deprehensum, dicemus tutissime cum Ricciolo, esse plus quam dierum 26 & minus quam 30,

He-



Hevelio interim id præcise definiente dierum 28. Quicquid autem hujus tandem fuerit, id saltem apertum est, haut valde ab similem esse hunc cæteris motibus & revolutionibus Lunæ mensuris, imo nec vertigini mensuræ macularum Solarium, quam 27 circiter dierum spatio finiri, superius suo loco diximus. Quod si nunc intra hoc rete, vel hæc lineamenta maculas & regiones lunaris superficiei designatas concipiamus, aut aliquas tantum, ut *Mare Crisium* & maculam *Grimaldum* dictam, ipso facto designemus decenti loco, sicut in Fig. 60 factum est; totum Phæn. IV. omnem suam lucem habebit.

## II. HYPOTHESES pro illustrando hoc motu Lunæ libratorio excogitatæ.

### I.

**Q**uod Luna eandem semper faciem versus tellurem conversam teneat, excepta hac levilibratione, de qua ante proxime superioris seculi initium, nemo hominum quicquam suspicatus fuerat, ex iisdem perpetuo maculis, in medio præsertim ejus disci grandioribus constanter conspectis, nimis apertum fuit: Neque causa hujus rei finalis diu latere potuit; quandoquidem ejus motum circa terram sub Sole fieri manifestum erat, à quo adeo superius & aversum à nobis hemisphærium illuminari foverique poterat, ut necessum haut esset ejus globum circa suum centrum convolvi, sed potius opus esset peculiarem aliquam cautelam adhiberi; ne vertigo illa frustranea futura contingeret, quam alioqui generalis hypothesis, pro revolutione Lunæ mensura circa centrum terræ declaranda, videbatur à priori postulare

II. Scilicet, uti planetæ cæteri circa Solem, pro ratione suarum ab eo distantiarum, breviori aut longiore temporis intervallo, circumferri ex ea ratione probabilissime circumvehi supponuntur, quod vortex aliquis aut gyros æthereus circa Solem divinitus ordinatus credatur, qui singulos illos in æthere pendulos globos secum abducatur ac circumducatur, insimul autem circa sua centra convolvatur; turbinum



num nempe puerilium ritu, qui peculiari quodam artificio in terram projecti, non solum circa pueros in orbe ampliore decurrunt, sed inter decurrendum circa propria centra celeriter ac frequentissime convolvuntur: Ita, quin & ex alia ratione, videbatur Lunæ vertigo per se & à priori consecutura; quia non solum circa terram separatus ejusmodi & minor vortex æthereus ordinatus à divina providentia statuitur, qui præter aliud officium partes terræ singulas ad commune centrum compellendi & compullas servandi, simul totum terræ globum in suo loco suspendendi, & una in vertiginem agendi, (de quo officio plura dicta sunt in Sect. I. cum de gravium descensu nifuque versus terræ centrum ageremus) etiam Lunam intra mensis spatium circa centrum terræ circumvehat; sed etiam alius adhuc similis, in illo minore telluris vortice, lunaris vortex, qui partium lunarium compulsionem ad suum centrum, globique totius firmitatem & perpetuitatem, liberamque adeo Lunæ in æthere suspensionem causetur; quam alias, sine horum vorticum suppositione, alii multo difficilius salvare possunt. Admissis autem semel his circa terram & Lunam vorticibus sua sponte consequitur, uti telluris in majore suo, ita Lunæ in suo minore vortice, vertigo, nisi ea peculiari quadam cura (quia inutilis, uti supra dictum, futura) fuisset impedita.

III. In quo vero constiterit illa peculiaris cura, certo dicere minime valemus, utpote qui DEI consilarii in condendo suo mundo non fuimus, nec in verbo ejus revelato hac de re manifestatum quicquam reperimus. Quin interim conjecturare quædam nobis, & hic & alibi liceat, nulli dubitamus. *Renatus des Cartes* principiorum Philos part. III. num. CLII. rationem daturus: Cur semper Lunæ facies quam proxime eadem sit terræ obversa? Non etiam mirabimur, inquit, quod semper eadem pars Lunæ sit terræ obversa, vel certe non multum ab ea deflectat facile enim judicabimus, id ex eo contingere, quod alia ejus pars aliquanto sit solidior, & ideo terram circumeundo majorem ambitum debeat percurrere. Et certe innumeræ illæ inæqualitates instar montium & vallium, quæ in ejus facie obversa perspicillorum ope deprehenduntur, minorem ipsius soliditatem videntur arguere: hujusque minoris soliditatis causa esse potest, quod alia ejus facies, quæ nunquam in conspectum nostrum venit, solum lumen directe à Sole missum excipiat; hæc autem illud quoque quod ex terra reflectitur



IV. *Hugenius* in *Cosmotheoro* p. 118. qua & præced. infert, ficuti Luna nostra eandem perpetuo faciem ad nos obversam habet, ita & illas Joviales ac Saturnias ad suos planetas primarios eandem faciem conversam habere. Causam vero quare id fiat, p. versa vix „ aliunde peti posse dicit, quam quod densior ponderosiorque materia „ sit Lunarum omnium ea parte, qua semper à planetis suis aversæ „ sunt. Sic enim ea ipsa pars majore vi à centro circuitus recedere „ conabitur, cum alioqui ex motus legibus, eadem semper facies non „ ad planetam, sed ad fixas stellas easdem, continue obverti debuerit. „ Cumque mirum videri ipse judicet, hoc sciri potuisse, quod Lunæ „ Joviales & Saturniæ eandem semper faciem suis planetis primariis, „ uti nostra Luna telluri obversam habeant, conjecturam hujus rei, non „ solum ab hoc exemplo Lunæ nostræ capit, sed ex eo insuper, quod „ animadversum fuerit, extremam Saturniarum tunc solum conspici, „ cum planetæ huic ad occidentem posita est; ab oriente vero semper „ eam latere. Facile enim perspicitur id inde evenire, quod magna „ sui parte obscuriorem superficiem habeat hæc Luna; quæ pars ob- „ scurior cum ad nos conversa est, tunc cerni nequeat, præ luminis „ tenuitate. Cumque semper in orbitæ suæ latere, quod orientem „ spectat, obscurata reperiatur, in altero nunquam, manifestum est „ indicium, infert, eandem globuli regionem semper Saturnum re- „ spicere, quoniam ex eo illud contingere necesse sit: nunc autem „ quem dubitaturum, cum & illius omnium remotissimæ, & nostræ „ Lunæ facies semper eadem ex primario planeta suo spectetur, quin „ idem in cæteris quæ circa Jovem ac Saturnum volvuntur, natura „ (vel mundi Conditor potius) effecerit?

V. *Joh. Hevelius* censuit limites utriusque librationis lunaris retinere in disco Lunæ eundem perpetuo situm respectu macularum; atque adeo limitem librationis boreæ in Fig 6 (quam ad hoc ipsum representandum, quoad geminas disci Lunaris circumferentias, ex Hevelii typo se descripsisse dicit *Ricciolus*, p. 212. fac. 2. quamque descriptionem ruditer saltem refert nostra Fig. 60. quadruplo minor) esse perpetuo in B, & librationis australis in I, earumque polos seu nodos in L & M, aut quam proxime. Sed hallucinatum esse procul dubio Hevelium, & hallucinaturum quemque judicat in observandis lunarium librationum plagis, qui non servaverit regulas num. VII. anteced pag. 209. traditas, probatque mutari situm librationum prædictarum & nodorum respectu macularum, quatuor distinctis experimentis, quorum subtilitatem hoc loco exami-



minare supervacaneum fuerit ; maxime, quia sub finem illorum argumentorum p. 213. fateatur, concedendum tamen esse Hevelio crebro limites nodosque prædictos esse prope illum situm, quem ipse assignat.

VI. Jam si causam efficientem hujus librationis definire conemur, facillima omnium forte videri possit hypothesis si supponeremus cum Kircherō, diversis, quos observamus in Luna motibus, totidem intelligentias, dæmonia, vel angelos divinitus præfectos esse, quorum unus huic soli librationis officio præsit, ut una mensis medietate Lunam à limite boreali B, usque ad præfinitum terminum G, una vero terminum D versus I convolvat, altera vero medietate terminum I versus D rursum, & una G versus B revolvat. Sed hæc causa foret, non physica & naturalis, vel necessaria, verum hyperphysica & supernaturalis vel arbitraria, illam vero quam *Galileus* ex parallaxi sola, aut variatione latitudinis, vel distantia Lunæ à centro terræ desumendam existimavit, Ricciolus p. 214. pluribus rationibus confutavit, quæ vero ab ipso Ricciolo deinceps in medium afferuntur hypothesēs, vel ideo attendendæ hoc loco non videntur, quod Astronomicæ magis sunt & calculo accommodatæ (& prima quidem omnium facillima, quæ nititur circello A V F T in medio Fig. nostræ 6o designato, si per ejus circumferentiam centrum disci lunaris intelligatur circumferri alternatim, modo ex A per V versus F & T contra seriem signorum; modo ex A per T & F &c. in consequentia signorum) quam physicæ & reales.

### III. EPICRISIS

super indicatas obiter quasi hypothes.

#### I.

**D**icendum hic etiam nobis videtur cum Ricciolo: Utinam tam facile esset veriore hypothesin physicam adstruere, quam facile fuit alienas ex hac vel illa ratione improbare: indicabimus tamen, quid nobis in mentem venerit. Opus fuisse supponimus, æthereo quodam vortice, ad salvandam partium lunarium gravitatem & compulsionem ad commune centrum, indeque dependentem lunaris globi tum firmitatem, naturaliter quidem perpetuam futuram, tum etiam ejusdem in



æthere liberam suspensionem, citra nescio quam vel *Centripetam* vel *Centrifugam* virtutem, solis his noviter confictis nominibus cognitam: hujus autem vorticis supposiam gyrationem per se videbatur consequi ipsius etiam corporis lunaris gyratio seu vertigo. Quæ cum in hoc corpore supervacanea erat futura, juxta ea quæ num. I. proximarum hypoth. dicta fuerunt; ideo cautela & impedimento quodam opus erat, ut ne id, quod frustra futurum erat, contingeret. Ejusmodi vero cautelam haut incongrue peti videtur ex Hugonii ratione num. IV. super. hypoth. data, quod densior ponderosiorque materia in Luna sit ex ea parte, qua averfa est à tellure nostra, adeoque majore vi à centro circuitus recedere conatur: ut hoc pacto ex mixtura duorum illorum motuum diversorum, mixtus hic librationis motus promanare videatur.

II. Nimirum, dum gyrandi conatus in corpore lunari unam ejus partem B à nostro conspectu, sensim removeret intervallo 13 dierum, donec circumferentia L G M, circumferentiæ L B M succedat, partibus inter G & B paulatim absconditis, & ex adverso aliis inter I ac D sub obtutum redeuntibus, ac vicissim; interea vero conatu altero in oppositum semper connitente, tamque diu reluctante, donec prior gyrandi conatus, licet invitatus quasi, retrocedere cogatur, ac ultra pristinum quietis terminum in partem adversam aliquousque excurrat, ex causa deinde simili, rursus ad dictum quietis terminum, & ultra illum retrudendus: more nimirum pendulorum, h. e. globulorum metallicorum ex funiculis aut filamentis metallicis suspensorum, qui, dum ex termino quietis ad aliquam altitudinem sublatis, inde dimittuntur, non solum ad quietis terminum redeunt, sed ultra illum ad plagam oppositam excurrunt, vel potius extruduntur; ita reciprocationes istas tamdiu continuaturi, quamdiu acquisitus per primum lapsum impetus duraverit aut impulsu novo renovatus fuerit; quali quidem renovatione in hoc circulatione ætheris circa Lunam, non magis opus est, quam in  
cate-



cæteris æthereis vorticibus divino nutu solo constitutis, ideoque in secula duraturis.

III. Cumque hujus ejusdem perpetuo fere faciei lunaris ad terram nostram conversionis ratio eadem à Cartesio num. III. hypoth. agnita fuerit, major nempe hemisphærii à nobis averſi ſoliditas; præſtitiffet, opinor, in hac ſola adquiẽſcere, tanquam divino conſilio ſic ordinata, quam novam hujus cauſæ cauſam inveſtigare aut fingere, talem præſertim, quæ parum momenti habere videtur; quaſi nimirum facies Lunæ Solem reſpiciens, ideo ſolidior eſſe debeat altera, quæ terram reſpicit, quia illa non niſi vim ſolius luminis ſolaris directi teneatur ſuſtinere; hæc autem non directi ſolum, ſed è terra quoque reflexi ſufferat. Nefcio enim an hæc differentia tanti eſſe momenti queat; cum lumen Solis directum in Lunæ partem ad ſe converſam tempore noſtri novilunii ex majore 50000 milliarium germ. vicinia agat, directum autem & primarium in Soli pariter & nobis obverſam partem tempore plenilunii, per viam 100000 milliaribus germ. remotiorem; reflexum vero ex terra noſtra ſecundarium in partem eandem nobis obverſam, per viam 100000 milliaribus pariter longiorem.

IV. Quæ de angelis vel intelligentiis obiter ante diximus, hic confirmamus, eas cauſas phyſicas non eſſe, & præterea miris modis fore multiplicandas, ut ad unius Lunæ phænomena ſalvanda ſex vel ſeptem angelorum diſtinctis miniſteriis opus eſſet; ut taceam, quod *P. Honoratus Fabri* quoque judicavit Tract. VIII. Phyſ. Lib. II. Prop. VII. perpetuo movere, & in orbem agere cœleſtes ſphæras, vel ipſas ingentes corporum cœleſtium moles, minus dignum angelis munus videri poſſe, utpote jam beatorum ſorte gaudentibus; adſtipulante quoque, quem allegat *P. Leſſio*, Lib. de Providentia negante cœleſtes ſphæras ab angelis moveri, quod abſurdum eſſe putaret, beatas illas mentes in hoc munere tamdiu detineri, & quaſi affixos eſſe hujusmodi rotis, nullius tamen criminis reos; præſertim



„cum DEUS facili negotio, omnipotenti suo nutu vel unico, „citra operam angelicam, eundem finem consequi possit.

V. Illud porro quod in Luna ex manifesta ratione contingit, ut eandem faciem versus nos convertat, sicut in una Luna saturnia, remotissima scilicet ex alio phænomeno, quod ab Hugenio adductum est probabile quodammodo redditur, ita de eadem ac cæteris tam Saturniis quam Jovialibus lunis ex pari ratione credibile est, quia nec illæ circa Solem, sed circa primarios suos, sub Sole, æque ac nostra Luna circa terram feruntur. Aliter vero omnino sentiendum est de planetis primariis, qui omnes ac singuli circa Solem feruntur, & si ejusdem semper hemisphærii faciem ad hunc conversam servarent, alterum hemisphærium omni Solis beneficio destitutum, uti prius perpetuo æstu perustum, essent habituri: quod utrumque absurdum esse, jam alibi monuimus.

## CAPVT IV.

### *De Lunæ eclipsibus, Defectibus aut Deliquiis.*

#### I. PHÆNOMENA.

**P**HÆN. I. Luna quoque frequenter observata est, tum olim à non opinantibus, tum hodie à præmonitis, etiam è plebe hominibus, tunc, cum maxime splenderet sereno cœlo, mox in pallorem, ac deinceps in nigrorem aliquem sensim se induere; paulo post tamen pristino splendori paulatim iterum restituta: Et hoc *Lunæ Eclipsin* sive *Deliquium* aut *Defectum*, appellant. Verius quidem hic quam in occultationibus solaribus, ubi in Sole ipso nul'a contingebat luminis amissio, imminutio vel deperditio, sed apparebat tantum imminui ac deperdi, revera autem in terris potius effectus illius luminis intercipiebatur, ipso salvo & in se immutato. Verum hoc in casu, luminis Lunæ plenæ effectus in terris pariter imminuitur, sed



sed ob realem ejus in ipsa Luna extinctionem ac deficientiam.

*PHÆN. II.* Docuit autem continua observatio, talem eclipsin nunquam contigisse, vel etiamnum contingere, nisi tunc cum plena luce fulget Luna, & Soli sub signifero circulo è diametro opposita est, ita ut oriente Luna supra horizontem verum seu rationalem eodem momento Sol in occidente infra eundem descendat. Dixi notanter, supra vel infra horizontem rationalem, qualem habiturus esset oculus in ipso terræ centro, si esset possibile, constitutus. Nunc autem, quando oculi nostri plusquam octingenta milliaria supra centrum terræ elevati habentur, & horizontem habent physicum tantum vel apparentem, potuit vel olim tempore Plinii, vel hodie majorum nostrorum memoria contingere, ut e. g. *Mæstlinus* Tubingæ Anno 1590. mense Julio, *Segnius*, Academicus Florentinus in insula Urgone 30. Ital. Milliar. à portu Liburnico remota, anno 1666. mense Junio, eclipsin Lunæ viderent, utroque luminari, & Sole & Luna supra horizontem conspicuo. Qua de re jam supra Sect. II. Memb. I. Artic. V. Cap. II. Phæn. III. quædam præmonita fuerunt.

*PHÆN. III.* Et plerumque quidem pars tantum aliqua disci lunaris ita obscuratur, dimidio vel minor vel major, raro præcise dimidia; quo casu *Eclipsis partialis* dici solet. Aliquando vero totus undiquaque obfuscatur, *Eclipsin* adeo *totalem*, quam vocant, subiens; qualis equidem antiquis temporibus, anno scilicet 413 ante Christum, celebris illa fuit, qua territus *Nicias* ad Syracusas, sibi suisque perniciem accersivit, *Thucydide*, *Polybio*, *Plutarcho* ac *Diodoro Siculo* testibus; item ea, quæ *Alexandri M.* victoriam à *Dario* reportatam paucis diebus antecessit; & è pluribus ævi proximi ea, quæ anno 1620. à P. P. Jesuitis Principi *Caciani* in Regno *Caucincinæ* prædicta, eidem illi Principi, multisque cum ipso Viris literatis, occasionem ad fidem Christianam se convertendi præbuit.

*PHÆN.*



*PHÆN. IV.* Atque harum totalium porro notata est haut una diversitas. Nonnunquam enim tota quidem Lunæ facies obscuritatem illam subit, ita tamen, ut è vestigio aliqua ejus particula pristina sua luce refulgeat, majora subinde in partes vicinas propagans recuperatæ lucis augmenta; & hanc Philosophis placuit *Eclipsin Lunæ totalem sine mora* nuncupare: Sæpius autem per notabile temporis intervallum tenebris istis immersa hæsit tota Luna, priusquam aliquam ejus particulam de novo accendi contigisset, *Eclipsin ita passâ totalem cum mora*, & quidem (quod speciatim notandum) cum mora ut plurimum majore multo, quæ solet in solaribus totalibus rarius observari.

*PHÆN. V.* Deinde vero, etsi tota sit immersa tenebris Luna, non tamen (uti Plutarchus jam observavit) *prorsus latet sed effulget colore quodam prunam referente ac terribili*; & hoc ut plurimum etiam in defectibus partialibus, aliquando tamen, ad medium eclipseos properans vel evanuit plane, vel ægrius, quam ante & post, discerni potuit; id quod factum anno 1642, d. 14 Aprilis, testibus tot observatoribus celeberrimis, quot vix ulla alia eclipsiis unquam habuit: id quod superius cap. II. Phæn. V. quoque jam inculcatum fuit.

*PHÆN. VI.* Porro vero notatum est, obscurationes istas lunares, sive partiales sive totales, ab ejus parte orientali incipere, desinere autem in parte occidentali: Contrarium autem, si unquam contigit, casu rarissimo contigit, quem miratur *Plinius* Lib. II. cap. 3. Certe, quomodo pars Lunæ vere-occidentalis primum subire obscuritatem, & vere orientalis eam ultimum deferere potuerit, per ipsam obscuritatis rationem concipi non potest, velut infra patebit.

*PHÆN. VII.* Illud quoque non negligendum, quod paulo ante, quam orientalis Lunæ pars obscuritatem illam notabilem ingreditur, aut postquam totæ iterum ex illa emerfit, aliquis pallor in ipsius facie, tanquam è suffuso fumo, comparat, quem eundem in partialibus eclipsibus, pars Lunæ extra



tra defectum constitutæ, per ipsum durationis tempus & ultra, subit.

*PHÆN. VIII.* Notabilis item circumstantia est, quod umbra illa seu obscuritas, quæ Lunæ paulatim superinducitur, semper sit circuli segmentum, h. e. quoad extremitatem suam, qua lumen Lunæ præscindit, convexo - rotunda; ita ut vicinam adhuc lucidam ejus partem in formam lunularem quasi excavet.

*PHÆN. IX.* Nec omittenda est observatu dignissima circumstantia, quod eclipses Lunæ universales sint, ita ut in locis omnibus ejus hemisphærii, quod Luna supra horizontem habet, sub eadem magnitudine, eodem tempore videantur, h. e. si in uno loco totaliter obscurata Luna cernitur, etiam cæteris omnibus simul & semel tota obfusceretur; & quo temporis momento incipit, aut maxima est, aut finit uni loco, eodem incipiat, aut maxima sit, aut finiatur etiam cæteris: nisi quod eadem hæc temporis momenta in diversis locis diversimode numerentur.

## II. HYPOTHESIS UNICA,

vel potius

indubia Phænomenorum enumeratorum  
Demonstratio.

### I.

**H**ic etiam, omissis fabulis & hypothesibus fictitiis, ad veritatem ipsam evidenter demonstrandam statim accingimur, obviam quippe, ad Phænomenorum circumstantias vel obiter attendenti. Etenim, cum perpendo lunarium eclipsium universalitatem *Phæn. IX.* commemoratam, eas non in occultatione tantum aliqua, uti solares, sed in vera & reali luminis extinctione consistere, facile judico, imo in ipso *Phæn. I.* merito jam præjudicavi. Quod enim occultans fingemus tantum, ut inter Lunam ac terram interjectum,

A a a a a

hujus



hujus universo hemisphærio illam tegere & occultare possit? ut non dicam ejusmodi suppositam occultationem ipsi experientiæ oculari reclamare; cum in plerisque saltem totalibus etiam eclipsibus totam adhuc Lunam, & in partialibus ipsam partem eclipsatam, distincte adhuc videamus, toto etiam durationis tempore.

II. Quin igitur, cum sciamus, Lunam illud primarium suum lumen non nisi ex illuminatione Solis habere, colligimus, extinctionem luminis lunaris in ipso plenilunio aliunde oriri non posse, quam ab obstaculo quopiam & opaco corpore, quod illuminationem ejus solitam impediat, inter ipsam & Solem medium. Inquirens igitur, quodnam corpus opacum eclipses lunaris tempore Lunam inter & Solem statui contingat? attendens ad eam præcipue circumstantiam, quod nunquam nisi in plenilunio, h. e. cum Luna supra terram, & Sol infra eam ipsi diametraliter oppositus est, juxta *Phæn. II.* quod aliud obstaculum, aut quam aliam causam obscurationis illius quæram, quam terræ vastum & opacissimum corpus, tunc inter Solem & Lunam manifeste medium?

III. Terra namque *primo* ex uno hemisphærio à Sole collustrata, ex altero (quæ est opacorum corporum communis proprietas) necessario umbram projicit, & quicquid ea umbra involvitur, illustrari à Sole non potest amplius (directis puta radiis) prout quotidie experimur: *Secundo*, hæc terræ umbra, à globo quippe projecta, quoad latitudinis ambitum rotunda est, adeo, ut incidens in objectum illuminatum, ibi sub forma nigri circuli necessario compareat, aut portionem vel segmentum aliquod ejus exhibeat; uti quivis experiri facile potest, si umbram parvuli globi noctu ab ardente lychno illustrati, nitido chartæ folio exceperit: *Tertio*, in longitudinem autem paulatim quidem angustior evadit, & in coni apicem tandem acuminatur, quia Sol illuminans illuminato terræ globo multo major est, sed eam tamen interim, ob terræ vastam molem, habet longitudinem, ut non solum distantiam Lunæ à terris multum excedat, sed & illic, ubi Lunæ orbitam attingit, adhuc spissior sit, hoc est majoris ambitus ac diametri, quam ipsum corpus Lunæ; id quod geometrica ratione alias demonstratum, hic autem tantisper suppositum, inter indubias veritates, etiam citra illam demonstrationem tunc omni jure per regressum quendam demonstrativum, collocabitur, ubi phænomena lunarium eclipsium ex hoc uno principaliter, necessario, & evidenter deducta viderimus.



IV. Itaque, si *quarto* via Lunæ esset præcise ac directe constituta sub via Solis, & umbræ terrestris (Sol enim ac terræ umbra sub ecliptica semper ex oppositis partibus feruntur) necessum esset, ut in singulis pleniluniis Luna mediam terræ umbram pertransiret, & eclipsin totalem cum mora maxima pateretur. Nunc autem, quando *quinto* Lunæ via sub orbita Solis obliquius incedit (prout eam doctrinæ gratia hic iterum sub æquali magnitudine cum circulo solari, quem in duobus nodis intersecat, in Fig. 63 repræsentamus) ac circa limites, ubi maxime distant, e g. in G, una ab altera quinque grad. intervallo removeatur, (cum interim apparens Lunæ semidiameter quartam circiter partem unius gradûs, ac semidiameter umbræ terrestris, qua parte Lunæ orbitam attingit, dimidium circiter gradum præterpropter adæquent, junctimque adeò gradum integrum vix excedant; evidens est, si plenilunium contingat circa limites in G, aut procul ab alterutro nodorum in D; Lunæ fulgidam faciem infra vel supra terrestris umbræ discum prætervehi constanter conspicuam, ac ejus obscuracionem nullam consequi.

V. Enimverò, si prope nodos oppositio Solis, aut (quod hic attendere utilius est) conjunctio umbræ terrestris & Lunæ fiat, in F. aut C. v. g. ubi minor est distantia circulorum sive orbitarum, sive Lunæ latitudo, quam semidiametrorum & Lunæ & umbræ aggregatum; aut in ipsis nodis A & B, ubi distantia vel latitudo est prorsus nulla; tunc Lunam vel totam umbræ terrestri immergi, vel aliquam saltem ejus partem, necessum est, prout utriusque contra vel in eandem præcisè rectam lineam inciderint, vel ab ista rectitudine magis minusve deviaverint.

VI. Clarissima igitur nunc est ratio, cur non omne plenium sit eclipticum? quia sc. non omnis oppositio Solis & Lunæ, h. e. non omnis conjunctio Lunæ cum umbra, fit in nodis aut prope nodos, & si qua in nodis aut prope nodos facta fuerit, Sol interim (& ex opposito terræ umbra) dum Luna ad hanc per orbem redeat, non solum integro fere signo in consequentia feruntur, sed & ipsi nodi motu contrario in antecedentia provehuntur; adeo ut sequens proxime plenilunium à nodo satis longe remotum sit.

VII. Quod vero in Eclipsibus Lunæ horizontalibus aliquando utrumque luminare supra horizontem eundem conspiciatur eo tempore quo per oppositionis leges, cum Luna esset supra Horizontem, Sol infra eundem jam percurrere debebat; ejus rei causam Philosophi



unanimiter accersunt è refractione, quæ Solis revera infra horizon-tem existentis speciem ita in aerem extulerit, ut is supra eundem adhuc cerneretur: prout e. g. numum in fundo pelvis aqua plenæ positum altiore multo loco videmus, quam quo is revera collocatus est. Et hanc esse genuinam ejus Phænomeni causam, vel inde judicare licet, quod cum *Payenus* idipsum anno 1666. in diem Junii 16, diu ante, ex hoc solo fundamento prædixisset, eventum postea *Segnius* exactissima sua observatione, quam ad mandatum Serenissimi Principis *Leopoldi*, Magni Ducis Hetruriæ instituerat, egregie confirmavit.

IIIX. Caterum, quia terræ umbra eo ipso loco, quo Lunæ viam attingit, lunari disco multo amplior est, apparet certe manifesta ratio, cur aliquando, vel in ipso nodo A, vel prope nodum B, per umbram terræ provecta Luna, totalem eclipsin subeat; & hic quidem sine mora magna & notabili, ibi vero non exiguo temporis intervalllo intra obscuritatem illam tota detenta: cum paulo remotius à nodis eandem umbram trajiciens, propter majorem centrorum distantiam, aliquam sui partem tandem ei immergat, ut in C & F videre est.

IX. Neque jam obscura potest esse causa, cur obscuritas illa, quæ Lunam obumbrat, quamdiu non nisi partem ejus aliquam attigit, convexo-rotunda sit; quandoquidem hanc ipsam, non aliam figuram percurrentis umbræ discus ex omni parte habet: Et quod ab orientali Lunæ parte incipiat eclipsis, inde manifesto est, quod mense superiore, à Solis  $\rho$ , adeoque ex umbræ vicinia, versus ortum velociore motu digressa, nunc emensa totum orbem, oppositionis locum, & quæ hunc eo tempore occupat, umbram orientali sua parte necessario primum attingat, ab occasu scilicet in ortum tendens, & contraparte occidentali serius emergat.

X. Pallor autem iste, quo mox ingressura umbram, aut modo egressa, suffunditur Lunæ facies, unde sit, ut evidenter etiam ac distincte pervideatur, animadvertendum est: umbram terræ meram, h. e. omnes Solis radios directos excludentem, undiquaque ambiri ab umbragine seu penumbra quadam, quæ quoad latitudinem pariter rotunda est, quoad longitudinem autem non acuminatur in conum, ut umbra mera, sed ampliatur potius in formam calathi, tanto latior quo longior, tantoque spissior ac tenebriosior, quanto est umbræ meræ propior.



XI. Est enim è schematismo 62 manifestum, in spatium coniforme CDE, quod extremi Solis radii ACE & BDE includunt, ob interpositam terram, directos Solis radios nullos pervenire, adeoque his terminis umbram meram comprehendi, A vicinis GBE & ECH dimidia saltem pars radiorum solarium excluditur, adeo, ut umbrosa quidem illa non sint, sed minus tamen luminis habeant quam remotiora alia, & tanto quidem minus, quanto ad umbram meram accedunt propius; uti vicissim ulteriora spatia GDI & HCK, eo plus luminis ac radiorum Solarium excipiunt, quo magis ab illa distant; adeo ut ultra DI dextrorsum, & ultra CK sinistrorsum, lumen Solis absque obstaculo diffundatur integrum, nullo penitus excluso radio. Quamobrem, cum ferme instat obscurandæ Lunæ tempus, illa in *a*, v. g. constituta pleno vultu ac splendore terras adhuc intuetur; mox promota ad *b*, & umbraginem seu penumbram ingressa, quia pauciores Solis radios excipit, pallescit ac debilius lumen reflectit, magis insuper, magisque livida, quo propius abest ab umbroso spatio DCE, quod ubi attingit, eclipticum tandem nigrorem induit. Emergens deinde ex umbra mera in *d*, & versus *e* excurrent, nigredinem equidem deposuit, luridam tamen obscuritatem illam, qua ante ingressum perfusa fuerat, nondum penitus exuit, nec ante pristinum fulgorem plenarie recuperat, quam extimos umbraginis limites excefferit.

XII. Etiam si vero ad spatium umbræ CDE, radius à Sole directus nullus perveniat; per aeris terraqueo globo circumfusi sphæram tamen refracti quamplurimi ita umbram decussatim interfecant, ut Lunæ tenebris immersæ aliquid luculæ communicent, alioquin inconspicuæ prorsus futuræ; prout quidem aliquando accidisse, superioris cap. II. Phæn. V. experientia comprobatur, ejusque hic iterata nunc ratio num. II. Epicris ejusd. cap. ex Fig. 50. paulo distinctiore declarata fuit. Id vero, quod de radiis ex aere refractis & umbram per crucem interfecantibus dictum est, aliquo modo illustrat vulgare quoddam phænomenon, cum vitrum aqua vel vino plenum, ex opposito Solis aut accensi lychni umbram quidem projicit, sed in medio notabili lumine perfusam, quod à radiis, per vitri & liquoris contenti substantiam aere densiorem, refractis ac decussatim concurrentibus procul dubio producit.

XIII. Cum itaque in lunaribus eclipsibus primarius plenilunii fulgor, non occultetur tantum, sed revera extinguatur; necessum sane est, sicut integrum hemisphærium terræ plenam ante Lunam vide-



rat, & post eclipsin iterum videt; ita cum incipit extinguere splendor ille, & cum totus extinctus est, & cum incipit quasi renasci, & cum plenarie tandem restitutus est, necessum est, inquam, hæc omnia omnes ejusdem hemisphærii incolas observare eo tempore & ordine quo revera fiunt. Sic enim e. g. affidentes in conclavi quodam ad nocturnam ardentis lychni flammam, ubi hæc admoto emunctorio vel obscuratur paululum, vel extinguitur, id insimul omnes advertunt: Econtra vero, cum umbraculum ante lychnum statuitur, iis equidem, qui ex opposito confident, hujus conspectus eripitur, non autem una cæteris omnibus, sed successive tandem aliis post alios, si paulatim in orbem circa lychnum promoveatur umbraculum; uti quidem in solaribus eclipsibus Luna Solem prætervehitur, occidentalioribus primum, dein orientalioribus, illum successive occultans, dum alii multi, australiores aut borealiores, faciem ejus intaminatam, omni obstaculo remoto, contuentur, id quod adeo Solis eclipses *particulares* efficit, quemadmodum Lunares illud prius *universales* reddit.

XIV. Denique quod unus idemque terræ locus plures Lunæ quam Solis eclipses videat, è contra orbis totius intuitu pauciores eclipses Lunæ, quam Solis numerentur, tum quoad τὸ ὅτι hic ostendendum, tum quoad τὸ διότι ex vera sua causa deducendum est. Prius ex eo patere potest, quod antehac ac anno 1669 inclusive ad annum 1676. una computatum, in his nostris locis Eclipses lunæ habuimus septem, Solis vero duas tantum; è contra vero, si respectus habeatur ad loca terræ quæcunque alia, Ephemerides & Calaria per hoc idem tempus eclipses Solis alicubi terrarum spectabiles numerant 18, lunares autem in universum non nisi 11; similiter à 1676 exclusive usque ad annum 1700 inclusive numero lunares apud nos conspicuas 22, solares autem non nisi quatuor; cum tamen universæ terræ exhibitæ sint ultra 30. Posterius ita manifestum erit, semidiametri Lunæ & umbræ terrestris simul sumtæ gradum circiter integrum adæquant, cum semidiametri lunaris & solaris aggregatum semisse unius gradus haut multo majus sit; itaque in tanta à nodis distantia plenilunia possunt esse ecliptica, in quanta Lunæ latitudo vera integro gradu minor est; cum novilunia ibi jam cessent esse ecliptica, ubi latitudo visa dimidium excedit.

XV. Taceo in his borealioribus regionibus (in australioribus è contraria ratione similis effectus est) etiam prope nodos facta novilu-



vilunio, eclipsin tamen Solis non videri, si latitudo Lunæ, parvula licet, australis fuerit; ob parallaxin scilicet, quæ eandem porro in austrum deprimere & ab occultando Sole remove solet. Enimvero lunaris eclipsis, si in uno loco terrestris hemisphærii, cui plenilunium imminet, nulla sit, in toto quoque hemisphærio nulla est: cum contra nova Luna, si uni terræ loco Solem non occultet, innumera sunt alia, quibus eundem occultare potest; siquidem ea est hemisphærii terrestris amplitudo, ut linea recta seu radius visivus, à Solis centro per centrum Lunæ ductus, haut facile extra illius discum cadat, nisi procul à nodo contingat novilunium. Unde jam supra memorati phænomeni posterior pars, ejusque causa elucescit, cur scilicet solares eclipses, non quidem unius ejusdemque loci, sed totius terræ intuitu frequentiores sint, vel æque multæ, intra determinatum aliquod tempus.

XVI. Atque hæc quidem superiorum Phænomenorum causæ, non solum omnia ista & singula commode salvant & explicant, postquam hominum conspectui se obtulerunt, sed quod præcipuum est, ex his ipsis causis prænunciata in futuros annos phænomena similia, eventu postmodum ita comprobantur, ut non solum diem & horam, sed & minutum fere temporis, cui isthoc Astronomi periti vaticinium alligavit, observent, imo à destinata magnitudinis aut durationis mensura haut facile ita aberrant, ut augurii & eventus exiguum dissen- sum alius, præter Astronomos, qui omnia ad mensuras minutissimas solícite exigunt, advertat: id quod infallibile indicium est inventæ causæ veræ, indubiæ ac certissimæ.

XVII. Antequam vero caput hoc finiam, id adhuc stabiliendum est, quod supra in Epicrisi cap. I. num. III. polliciti fuimus, nos hoc loco demonstraturos esse: Nimirum, quoties Luna in umbra terræ patitur eclipsin totalem, cum magna mora, toties incolas ejus, si qui sint, visuros esse eclipsin Solis totalem pariter cum maxima pariter mora; id quod hinc evidentissime patet: Quamdiu Luna tota umbræ terrestri immersa est, tamdiu Solis radios directos non recipit, omnesque adeo totius hemisphærii ejus, radium à Sole non recipientes, Solem etiam toto illo tempore (quod ultra bihorium extendi potest) videre non possent, quippe occultatum sibi à disco terræ quadruplo ampliore. Tale vero horrendum phænomenon, cujus simile nunquam aut vidit terra aut visura est, universo lunari hemisphærio universaliter toties objici, & tamen in Luna neminem spectatorem reperire, mirum profecto non sine causa videtur.



## CAPVT V.

*De diversis Lunæ in terris effectibus.*

## I. PHÆNOMENA.

Cum admixta generali Hypothesi.

**P**HÆN. I. Primus ac indubius Lunæ in terris effectus est harum illuminatio, eo tempore, quo Solis directo lumine destituitur; magno quidem humani generis commodum in variis aliis actionibus in lumine lunari commodius rectiusque perficiendis, tum vero vel maxime in peregrinationibus, feliciter aut post Solis occalum vesperi, aut ante Solis ortum vel continuandis diutius vel citius exordiendis, iis præsertim anni tempestatibus, quæ noctes habent longiores. Et cum Lunæ lumen sit mutuatum à Sole lumen, Solis autem directum lumen maximam habeat vim & in calefaciendis fovendisque nostris corporibus, & in illuminando aere interdiu, frustra negaret aliquis lumini lunari influxum & efficaciam omnem in corpora nostra, sed plurimis modis etiam debiliorem eam esse ingenue quoque agnosceret, qui perpenderit, radios lunares (etsi nihil aliud sint, quam radii Solis, sed reflexi, ideoque reflectione debilitati) hoc ipso in illuminando valde debiliores esse; quemadmodum in calefaciendo adeo debilitatæ sunt efficaciæ, ut ne collecti quidem speculorum vel vitrorum causticorum ope, calorem aliquem sensibilem exhibeant.

PHÆN. II. Hinc alii potius *vim refrigerandi* his radiis adscribunt, & *calorem* à corporibus *provocandi*. Quam sententiam non parum confirmare videtur à nobis ipsis habitum non infrequens experimentum, quod hyemali tempore haut raro in serenitate nocturna, cum Luna crescente nocturnum quoque frigus quotidie creverit, quemadmodum e. g. anno 1669 (quo ad professionem Mathematicam & Physicam vocatus fui)

sub



sub finem Martii d. nempe 25. ejus mensis & seqq. plures usque ad 29 inclusive, ventos occidentales, præcipue matutinos, cum nocturnis frigoribus in Calendario meo adnotatos reperio; cum dies 24 medius esset inter novilunium & quadraturam, quæ in diem 29 incidisset: quem secuto 30 ventorum finis quidem, at nondum frigoris nocturni, ne dum quidem 31 adscriptus reperitur. Quin potius ad sequentis mensis d. 1, 2, 3 & 4, hæc adscripta verba reperio: Sudum admodum coelum cum frig. " goribus nocturnis & pruinis satis intensis; d. 6. vero 7moque, " post ventum adhuc occidentalem d. 5. impetuosissimum, Lu. " na jam iterum decrescente, secutæ notantur pluviae per bi- " duum integrum continuæ. Hujusmodi exempla compluria possem excerpere ex allegatis Adversariis meis calendario- graphicis per annos novem, in singulos fere dies, continua- tis.

*PHÆN. III.* Alii virtutem augendi humores in semini- bus, herbis, arboribus, capillis, animalium cerebris, ossiumque medullis, ostrearum & cochlearum carnibus &c. crescente Luna simul crescentibus, decrescente, decrescentibus. Quibus suppositis innituntur regulæ calendariographicæ plurimæ, circa recidendos capillos, venesectiones instituendas, purgantia su- menda &c. In Architectonicis etiam mos invaluit ligna non nisi in decremento Lunæ cædendi; adeo ut, cum Vitruvius Lib. II. cap. IX. de materia cædenda autumno potius & hyeme, quam vere, multa præcepta prudenter præscripsisset, Constan- tinus & Heron Lib. III. de re rust. uterque tradiderint, cæden- dam materiam maxime mensibus Decembri & Jan. idque Luna jam senescente & sub terra abdita; Veget. autem Lib. IV. cap. 35. à Solstitio æstivali ad Cal. Jan. & à XV. Luna ad XXIII. Co- lumella vero à XX. Luna ad XXX, h. e. secundum recentiorum decreta Luna decrescente, cædi præcipiunt.

*PHÆN. IV.* Ex hac augendi humoris virtute, alii vim inducendi & promovendi putrefactionem deducunt, quod hu- miditatem ad putredinem plurimum conferre deprehendatur,



sicca vero & exsucca corpora putredini minime sint obnoxia. Allegant insuper directum experimentum, quod e. g. si frustum carnis aut piscis, aut alius corporis computrescentiæ magis obnoxii, sub dio & lunaribus radiis exponas, aliam autem ejusdem generis, aut potius ejusdem individui partem domi in penuario asserves, illud multo citius, quam hæc computrescat.

*PHÆN. V.* Porro *excitationem spirituum* in corporibus humanis quoque lumini lunari attribuunt, idque epileptico- rum (quos ideo lunaticos etiam appellant) quotidianis fere exemplis comprobare student, vocatque *Verulamius* in *Sylva sylvarum* Experim. 890 & seqq. nominatim 895. *magnam instantiam illam de Lunaticis.* P. Caspar Schottus in *Phys.* sua curiosap. 623. efficaciam siderum in sublunaria alias se stabilitu- rum pollicitus auctoritate, ratione & experientia, satis ea vice habet exemplum narrasse ex *Laurentio Stengelio* ejusque Lib. „ de monstris cap. V. §. 6. his verbis: Nostra enim memoria „ Halæ in Tyroli, juvenis cætera egregius, sed ibidem patre Ju- „ dæo natus, nomine Bonaquistus, admirabiliter in ventre „ monstrosus fuit: quippe crescente Luna, inde sic illi quod- „ dam taurinum excresebat caput, non sine cornibus, ut ca- „ ligæ illius nequaquam satis possent constringi. Quade causa „ semper crescente Luna domi se continebat; decresciente vero „ eadem, quia & monstrum decrescens sese intra viscera revoca- „ bat, aut detumescebat potius, foras prodibat, zona jam ar- „ ctiore. Quod & in alio juvene hic Ingolstadii fuit videre, cui „ itidem semper Luna auctiore, altera maxillarum, atque labra „ oris, in immensum turgescabant; Luna autem lumen amit- „ tente, redibat clementior forma.

*PHÆN. VI.* Effectum denique Lunæ in hæc sublunaria, hætenus enarratis omnibus multo mirabiliorem, ipsimet agno- vimus in Sect. 1. præsentis Tomi II. Artic. IV. Cap. III. Æstus- que marinos in his terris, eorumque varietates diurnas, men- struas & annuas, cum motibus Lunæ diurno, menstruo & an- nuo, connexos fassii fuimus. Quæ denique de siderum influxu gene-



generatim diximus Sect. II. Artic. IV. Cap. V. & quæ speciatim in hujus cap. Epicrisi num. II. & seqq. de Lunæ influentiis in antecessum dicta fuerunt, & quæ specialissime de Eclipsibus Lunæ & Solis ibid. num. XIX. & seqq. monita, cum hoc loco porro dicendis conjungenda erunt, iteratoque inculcanda.

## II. EPICRISIS

super admixtas Phænomenis superioribus Hypotheses.

### I.

**L**unæ lumen aliquam habere posse in terris efficaciam de-  
nuo concedimus ex eo capite, quod notabiliter sensibile sit, ejusque adeo efficacia vel in teneris corporibus perceptibilis: in aliis autem robustioribus & illæsis eam esse sensibilem, ob rationes in Phæn. I. allegatas merito dubitamus. Speciatim autem quatuor illi modi operationum, quos in Phænomen. sequentibus ex Verulamio enarravimus primo dubii ideo videntur, quod in experimentis 890 & quæ sequuntur illi recensentur, non tanquam comperti satis, sed tanquam examinandi ex proposito iis experimentis, quæ nominatim præscribit per singulos numeros subsequentes. Utque innueret, quam caute hæc talia tractare oporteat, subjungit num. 896 sequentia: Possunt & alia effecta, non passim obvia, ad Lunæ influentias referri, sed nondum hic se probavit observantium diligentia. Posset fieri, (sed casus in eventu est) ut septentrionali vento aut cauro spirante, per plenilunium frigus intendatur; & Austri flatus vel Africi aerem aliquamdiu inclinet ad calorem vel pluviam: Quod *notandum*.

II. Notandum, inquit, hoc, ne scilicet Lunæ influentiis erronee tribuamus, quod ventis aliisque causis adscribendum erat. Hanc cautelam etiam nos adhibebimus sedulo, in examinandis modis illis singulis, quos in superioribus Phænomenis



cautius experimentandos proposuit Verulamius. Ac *primo* quod attinet *refrigerandi vim*, aut *calorem è corporibus provocandi*; vereor certe non sine causa, ne per fallaciam aliquam non causæ ut causæ, luminis lunaris incrementis adscribamus, quod aliis plane causis tribuendum veniat. Non possum sane diffiteri, quæ in Phæn. III. semel confessus fui, cum incremento luminis in Luna, una incrementum frigoris hybernici conjunctum me frequenter observasse. Suspicio autem id per accidens tantum esse factum, ideo quod alias etiam in contrarium Observationes in iisdem meis novennialibus annotatis reperiam. Nimirum statim cum aperio fasciculum calendariorum, occurrit mensis Januar. Anni 1670, ad cujus dies 13, 14, 15, 16, quibus lumen Lunæ successive crescebat, hæc adnotata lego: *His diebus, quod mirum, perpetuæ pluviae, atque à 6 usque ad 13 calor notabilis, cum regelatione inopina.* Anno 1671. mensis Febr. diebus 1 & 2, adscriptum reperio: *Hodie serenitas & frigus matutinum satis notabile, idque continuatum cum vento, quicum caperat orientali.* d. 3. vero, qui jam quintus erat à novilunio, respondebat hæc: *Sed hodie frigus paulo remissius & nu'es:* d. 4. *Nulla notabilis mutatio:* d. 5. *Ne nunc quidem:* d. 6. *In eodem:* d. 7. *Hodie nix circa 10 antemerid. sed pauca:* d. 8. qui quintus erat ante plenilunium: *Cæli amæna facies & clementia cum regelatione:* d. 9. *Paulum nivis cum intersperso pluvioso rore:* d. 10. *Porro pluvia:* d. 11. *Pluvia copiosissima usque ad vespem:* d. 12. ipso plenilunii die, à vespere præced. frigus cum vento sept. &c.

III. Exempla his similia plura possent ex annorum subsequentium observationibus excerpi; sed (ne quid dissimulemus) pura quoque illis gemella, quæ in Phæn. II. superiori recensuimus, ut ibi quoque jam monuimus. Ex quo merito concludere licet, aeris tempestates & mutationes nequaquam vel à Lunæ cum Sole, vel aliorum siderum cum Luna, mutuisque inter se adspectibus, sed à causis potius sublunaribus, ventisque præcipue, dependere; prout vel è superioribus exemplis num.  
II, ad-



II. adductis judicare licet. Cum enim orientalis ventus hyemis tempore, ex peculiari ratione, septentrionalis toto anno (magis tamen hyeme quam æstate cæterisque anni tempestatibus) respective frigidi esse soleant, ideo cum vento orientali, die 1 & 2 Febr. 1671, & cum vento septentrionali d. 12 obortum frigus intensius, his ventis potius, quam Lunæ incrementis, procul dubio adscribendum fuit. Aliis vero diebus in Phæn. II. annotatis, ubi nulla est facta mentio, vel septentrionalis vel orientalis venti, potuit etiam in tranquillo aere, nihil cooperantibus Lunæ vel luminis lunaris incrementis, hoc modo, hiemis tempore cum primis, sensibile valde frigus oriri. Certum est 1) corpora nostra in hyeme sub culcitris & plumis calida servari, non plumarum calore, qui nullus ipsis inest, sed nostro, qui è corporibus nostris jugiter exhalans, & in aerem sublimem aufugiturus, à culcitris & obstragulis plumeis cohibetur ac circa corpora nostra detentus, illa fovet & ut sua calefacit & contra nocivum frigus defendit, quod idem 2) beneficium terræ & segetibus præstant nives & nubes, plumosa sua quasi substantia calorem ex imis terræ visceribus jugiter exhalantem ac terræ viciniam, nisi obstacula ista impedirent, penitus deserturum, circa terram detinentes, frigoris vim, alioqui nocivam futuram, mitigant. Quando igitur 3) Lunam crescentem observare, nisi sereno cœlo, nubiumque velamine denudato aere, non possumus, avolantibus ita in altum calidis exhalationum reliquiis, aeris inferioris frigus ordinarium valde augefcit, non à lumine Lunæ augefciente, sed ob defectum caloris exhalantis, verum à superimpendentibus nubibus, quæ in casu præfenti deficiunt, circa terram detinendi; prout certe per noctes hyernas in consueto lecto & cubiculo cubans homo ingens frigus vix esset toleraturus obstragulo remoto, quod alioqui calorem è corpore ejus evaporantem, & nunc in auras superas libere abscedentem, circa illud esset cohibiturum.

IV. Quæ Phæn. III. de augmentis humorum in corporibus terrestribus, luna crescente, eorundemque decrementis,



luna iterum decrescente narrantur, ea modernis Philosophis dudum suspecta visa sunt. Attigimus hanc rem in Sect. II. hujus Tomi secundi, ejusque Membri I, Artic. IV. Cap. V. de siderum influxu generatim in Epicriseos num. IV. Hic paulo plenius eadem consideranda est, & *primo* quidem ex aliorum fide dignorum Virorum experimentis. *Robaltius* certe, quem loco modo alleg. non nisi obiter citavimus, Part. II. Cap. XXVII. „ uti num. XIII. & XIV. vim lapides exedendi, Solis calori fortior, „ ri potius, & quasi calcinationi cuidam attribuit; ita num. XV. „ errorem esse dicit, credere ossa animalium quibusdam temporibus Lunæ medullæ plena esse, aliis vero vacua; Observationes enim per quinque lustra & amplius factas, se certiores „ fecisse, quocunque tempore occurrere ossa medullæ plena, „ alia quam paucissimam continere, ita ut ea diversitas aliam „ agnoscat causam: hoc vero maxime probabile afferri posse, „ medullæ penuriam in quibusdam animalibus pendere, aut à „ defectu alimenti, aut quia ultra modum defatigata sunt, à se „ enim esse annotatum, paucam inesse medullam ossibus „ ovium, statim ac è provinciis, à Lutetia valde distitis, adductæ „ sunt, occisarum; cum multa reperiatur in ossibus earum, „ quæ aliquantisper in suburbiorum ovilibus quieti traditæ sunt, „ addita saginandi cura.

„ V. Errorem quoque notat, num. XVI. & XVII. experientiae adversum eorum, qui existimant, astacos, ostrea, aliosque pisces, pleniores esse aut macilentiores certis Lunæ temporibus; accidere vero errorem, uti plerosque alios, à temere credita effectus cujuspiam causæ, quæ revera non est fortunæque omnino consuetudinis; Revera, quisquis vel leviter attenderit, centies per vitam observare potuisse contrarium, falsitatemque ejusmodi opinionum vulgariam. Si „ vero pisces alio alioque tempore macilentiores apparent, id „ aut alimenti penuriæ pariter imputandum esse, aut agitationi „ & vexationi eorum inter undas, aut nimio motui; quod verisimile crediturum quemque, cui perspectum erit, piscem prope



prope Caletum captum, ubi aquæ frequenter agitantur, ut « plurimum macilentiores esse eo, qui prope Bononiam, ubi « mare paulo tranquillius, retibus involvitur; imo observare « esse, è piscibus ejusdem speciei, qui eadem die, eodemque « loco capiuntur, eos, qui retibus in mare jactis statimque ad « ductis implicantur, habitiores esse & pleniores iis, qui retibus, « arenariis molibus impositis, cum mare depressum est, capiun- « tur, qui scilicet inaniter horarum sex intervallo requisito, ante « quam eximantur, exitum & fugam moliti sunt.

VI. *Secundo*, Rationes etiam spernendæ non sunt quibus probari vel impossibilitas vel difficultas solum potest experiundi ea, quæ tanquam experientia & observatione nota venditantur; etsi modus, quo illa observare experiri que licuerit, non indicetur. Præscribit equidem modum Verulamius in *Experim.* § 93. circa humorum diversitatem, tempore crescentis ac decrescantis Lunæ observandam. Cape, inquit, semina quædam aut radices (ut cepas &c.) ex illis alia plantentur immediate post decrescentem Lunam; alia ejusdem speciei immediate post plenilunium; sed, ut per omnia exactissime, quantum licet, conveniant, quoad terram quoque, opera detur. Com- modissime id fit in ollis constituendis eo loco, quem nec pluvia, nec Sol penetrat, ne varietas cœli turbet experimentum. Ob- serva deinde, quo tempore semina luna decrescente confita, ad quam altitudinem progerminant, & quomodo differant ab iis crescente Luna confitis? Sed ignoscant mihi magni Viri manes, si dicam, nondum satis caute circumscriptum esse experimen- tum, ut eventus diversitatem ab incremento vel decremento Lunæ præcise provenisse, tuto possis concludere. Nam 1) in ipsis seminibus, licet ejusdem speciei, potest esse diversitas, & major in uno, quam in altero, ad germinandum aptitudo. 2) Quamvis ollæ & à pluvia & à Sole pariter sint remotæ, non est tamen facile eadem aeris conditio, idem caloris, humiditatis &c. gradus in plenilunio, qui fuerat in novilunio: neque 3) eadem præcise conditiones in diebus intermediis.

VII. Ma-



VII. Magis autem adhuc patet observandi difficultas, imo impossibilitas in exemplis experimenti 892 & 894; quorum  
 „ prius, cerebrum, dicit, quoque in cuniculis, gallinaginibus,  
 „ vitulis &c. maxime per plenilunium abundare: tunc medul-  
 „ lam in ossibus largiorem, ostreaque & cochleas magis carneas  
 „ esse &c. Postèrius autem, non probat, sed supponit tantum,  
 „ tanquam verisimile, cerebrum homini per plenilunium magis  
 „ turgere. Quo pacto vero, amabo te, inspectio vel cerebri, vel  
 „ medullæ ossium, in eodem animalis individuo, primo circa  
 „ novilunium, deinde 14 dierum intervallo, rursus institui  
 „ poterit? Si putes, in vulnerationibus capitis & aperturis cranii  
 „ id fieri posse, numquid una certus erit, observatam forte ali-  
 „ quam cerebri intumescèntiam, à luminis lunaris incremento  
 „ potius, quam ab inflammatione quadam morbosa provenisse?  
 „ Annon his impossibilitatibus experiendi ea quæ asseruntur ut  
 „ comperta, agnitis, iusta oboritur suspicio, nunquam talia  
 „ comperta vel observata, sed per manus incerto autore tradita,  
 „ primitusque ex præiudicio quodam incomperito & æque du-  
 „ bio, supposita fuisse?

„ IIX. Eadem vero hæc sine fundamento supposita in Lu-  
 „ na humectandi potentia, peperit ejusdem creditam putrefa-  
 „ ciendi facultatem, cujus tanquam non satis certæ experiendæ  
 „ modos varios præscribit laudatus *Verulamius*, experim. 891.  
 „ Putrefactionem experiri liceat, carne aut pisce expositis lunari-  
 „ bus radiis, & rursus expositis aeri Luna non splendente, utro-  
 „ bique pari temporis spatio, ut, quid corruptionem acceleret,  
 „ agnoscat. Capone etiam aut alia volucris sub dio collocata,  
 „ ad examen revoca, citiusne mortificetur ac tenerior evadat (in  
 „ radiis lunaribus puta, quam in aere illuni;) Ex muscis quoque  
 „ emortuis & vermibus, superinfuso illis pauxillo aquæ, dig-  
 „ nosces putredinis celeritatem, ut & ex malo vulgari aut citrio,  
 „ si foramen vertici imprimas, patebit, quod putrescet mu-  
 „ scetque citius. Idem fiat in caseo hollandico, vino illi in-  
 „ fuso, utrum generabit vermes ocyus & majores? Verum, hæc  
 „ omnia



omnia tentamina frustra instituentur, si quod suspicor, alia penitus causa terrisque vicina, neque adeo tam longe repetenda, sese prodat attendentibus ad experimentorum faciendorum circumstantias. Nimirum hæc tentamina circa corporum putrefactiones 1) non alio quam æstivo tempore commodius instituentur: debentque 2) in radiis lunaribus primum institui (quo casu coelum sudum esse ac serenum oportet,) deinceps 3) autem in aere illumi, aut Luna non splendente. Cum vero aer serenus est, & interdiu multum calidus, notum est 4) post occasum Solis sublatis interdiu vapores statim in rorem copiosum resolvi, qui manifestam humiditatis, & consequentis deinde putrefactionis, causam in terris obviam manifestabit, ut non opus sit eam in radiis lunaribus quæsitare.

IX. Quod attinet marium affluxum & refluxum in terris, ac præcipue in locis maritimis quotidie observabilem, illum equidem à Luna tanquam causa quadam dependere, ipsimet in Sect. I. hujus secundi Tomi, ejusque Artic. IV. Cap. III. prolixè ostendimus: Verum nec à lumine ejus illam peti posse, nec ab ulla alia ejus, vel manifesta vel occulta qualitate, sed à mera ejus occasionali præsentia, & diverso diversis temporibus positu, respectu diversarum terræ partium &c. ibidem, secundum Cartesii præcipue hypothesin fuscè deduximus; è qua fortassè speciosius quæpiam, quam ex spirituum excitatione lumini lunari aut alii cuidam qualitati occultæ Phan. V. pariter adscribi solita, derivari possent. Est enim hæc excitatio spirituum, tanquam à Luna facta, vel eo nomine mihi suspecta, quod vis illa humectandi adeo copiose corpora sublunaria, cum hac vi excitandi spiritus animales in epilepticis, vix una stare posse videatur; siquidem ad spirituosarum partium robur & vim penetrantem adaugendam nihil magis facit, quam *Dephlegmatio* & *Rectificatio* chemicorum.

X. Separatim epilepticorum convulsiones & immanes sæpe concussiones, an à Lunæ lumine ejusque variationibus originem suam habeant (ceu antehac credidimus) jam dubitare



cepimus Cap. V. Epicriseos, num. II. in Artic. IV. scilicet Membri I. Sect. II. de Mundo sidereo, cui dubitationi hoc insuper perpendendum adjungimus, cum febrium diversæ, quartanarum, tertianarum &c. species, statas suas vices teneant, cum Luna ejusque mutationibus nullam penitus convenientiam habentes, sed è causis febricitantium corporibus procul dubio intrinsicis promanantes, quæ per paroxysmum aliquem cum impetu semel eliminatæ, postea certum dierum numerum (pro varietate nimirum materiæ peccantis novæ colligendæ) requirant, ut collectis novis viribus, novum etiam paroxysmum valeant causari; annon etiam in epilepticiis spiritus semel irritati & ad impetum excessivum irregularem concitati, posteaquam explosiva sui dispositione tandem eruperint, ad sedationem iterum statum reducti, aliquot dies postea quiescant, donec collectis novis viribus ad novum dispositionis actum disponantur; numerus autem illorum dierum possit esse casu æqualis præterpropter intervallo à novilunio ad dichotomiam, aut ab hac ad plenilunium &c. ut hinc occasionem arripere potuerit præconcepta hominum opinio, hos effectus, quorum causas efficientes in sinu credibiliter gerunt, ad alias immensum remotas referendi? Cum illud saltem certum videatur, non omnes epilepticos circa eadem tempora suos paroxysmos simul habere; ex quo sponte sua fluit, eosdem non semper in singulis subjectis circa novilunia aut quadraturas &c. contingere: quemadmodum & illud indubium est, mulierum menses non una eodem tempore omnibus fluere, neque adeo præcise circa novilunia aut plenilunia &c. ut adeo tributum lunare forsitan falso dicatur, nisi quatenus ordinarie menstruam periodum trium circiter aut quatuor hebdomadum observet ex causa aliqua peculiari turgescientis sanguinis propinqua, neque commercium ullum forte cum Luna habente. Hæc & similia optamus libera & non præoccupata mente pensitari, ut certam tandem & confirmatiorem, de his Lunæ adscriptis, ferre sententiam liceat.



# ARTICULUS III.

De

## TELLURE,

Inter planetas primarios ex mente Copernicanorum connumerata.

### CAPVT I.

*De Terræ lumine mutuatitio.*

#### I. PHÆNOMENA.

Cum intermixtis Hypothesibus.

**P**HÆN. I. Consideravimus tellurem ut geocosmum, i. e. globum mundanum ex quatuor elementorum sphaëris compositum, sub ipsum initium hujus libri sive Tomi secundi, partem physicæ specialem complexi, ejusque inibi attributa præcipua gravitatem partium omnibus elementis communem, Sect. I. Artic. I. Cap. II. Figuram sphaëricam physice ac sensibilibiter talem, suis argumentis sufficienter corroboratam, magnitudinem item ac dimensiones geometricas propriissime sic dictas, Cap. III. de natura ejus ut elementum considerata, paucis in Artic. V. cap. I. egimus, externam ejus faciem ex terra sicca, & oceanis, fluminibusque &c. constantem ejus geographica consideratio docet. Nunc autem, quando Copernicanorum separata contemplatio locum ipsi inter sidera quoque concedit, siderum autem primaria proprietas lumen est, ideo de terræ luce sive lumine hic ex professo agendum est.

PHÆN. II. Et primo quidem, si natura sideris propriam aliquam, nativam & ab intus emissam lucem postularet, difficillimum foret telluri nomen sideris asserere & vindicare, cum universali experientia constet terræ globum & sicca &

Ccc ccc 2

aquo.



aquosa sua superficie obscuram esse; nisi quod sparsim aliquid lucis genuinae, sed respective exiguas scintillas, (ut de meteoris igneis in aere, de noctu lucentibus lampyridibus, similibusque exilitatibus, ne dignis quidem hoc loco considerari, omnino fileam) effundat, quas hic attendi vix decet, ubi siderum lux eo saltem intuitu maxime spectatur, quatenus integra sui corporis facie, aut ejus parte maxima in oculos inspectantium etiam immensum remotos sese diffundit aut alia etiam corpora mundi maxima illuminat.

*PHÆN. III.* Quandoquidem vero hodie certo novimus & compertissimum habemus, Lunam quoque, quam inter sidera unanimi consensu reponimus, nativo proprioque lumine omni, æque ac terram destitui; hæc etiam luminis nativi carentia in telluris globo impedire non poterit, quo minus ipsi locus inter sidera concedatur, modo constet, ipsi lumen aliunde licet acceptum, sufficiens suppetere, quod non solum in nostros oculos notabiliter & efficacissime agat, sed etiam in distantissimos quosque alios, si qui essent vel in Luna, vel in Venere aut Mercurio, effectum ederet sensibilem, imo sidus aliud nativo lumine carens, suo pariter mutuatio & aliunde quasi emendicato lumine imbuere valeat; velut in superioribus evictum, & hoc loco specialius ad rem præsentem applicandum est.

*PHÆN. IV.* Nimirum, uti Luna lumen à Sole immediate recipit, quod ibi diem faciens, *diurnum* appellari potest; ita terra ab eodem Sole *diurnum* suum lumen habet, quod *primarium* dici mererur, adeo fulgens quidem ac splendidum, ut in medio lumine illo constituti ejusque fulgore perstricti & occupati oculi nostri, id tamen distinctissime videant, ad terram illustratam conversi. Dignus est, quem hic adscribamus, locus apud *Ricciolum* Anticopernicanum, in quo p. 207. *Almag.* novi Lib. IV. in veram causam discriminis inter partes Lunæ obscuras & claras inquirens, posteaquam Plutarchi primum, Galilæi, Kepleri, aliorumque maculosas partes aqueas & per-  
spi-



spicuas, claras autem terreas lumenque fideliter reflectentes, afferentium sententiam; deinde vero contrariam Bettini, Mastrii, Scheineri &c. recensuisset, hæc tandem subjicit: Nos autem cum prioris opinionis Auctoribus sentire cogit experimentum cuivis obvium. Nam licet oriente aut occidente Sole in horizonte maris aut lacus cujuspian, reflexio ingens radiorum huc illuc disperforum fiat ab undis, & Solis imago in determinata aliqua parte aquæ, aut speculi, conspecta, oculos non longe positos perstringat; si tamen procul & eminus spectesteræ & aquæ magnas & totas superficies à Sole alto illuminatas, videbis aqueas atram quandam & fuscā lucis speciem reddere, terreas autem claram, & aliquando tantam, ut vix oculis eam sustinere possis, etiam si nive non sint conspersæ, nec aliunde albicantes; nam montes Chilensis regni, & aliæ similes petrae ac rupes albicantes, splendore multo majori Solis radios revibrant.

*PHÆN. V.* Hinc idem *Ricciolus* p. 215. veluti non oculo quidem corporeo visum, sed mentis tamen oculo evidenter spectatum phænomenon, in Scholiis ibi subjectis, sic refert: Sicut ex terra Lunæ phasēs & maculas successive illuminatas; ita, si quis esset in Luna, videret à Sole illuminatam terram, ita ut in terra apparerent, ubi maria sunt & aquæ reliquæ, magnæ maculæ; montes autem illustratis dorsis, & valles post tergora montium inumbratæ, parvæ maculæ, & continentium plana partes claræ apparerent, deinde tellus, velut altera Luna, videretur modo plena, sed tunc cum novilunium fit nobis, & modo silens & cassā lumine directo Solis, quando nobis est plenilunium, & falcata & gibba alternis; In prima autem quadratura lunari, videretur illi tellus dichotoma, sed lucens versus lunaris habitatoris orientem, at in secunda quadratura lunari, dichotoma & lucens versus occidentem. Quia tamen idem Lunæ hemisphærium semper respicit terram, & terra non fertur circa Lunam, sicut Luna circa terram; ideo non omnes habitatores, qui essent in Luna, viderent terram,



sed soli habitatores hemisphærii nobis obversi, cum tamen “ omnes terræ habitatores videant Lunam; (adde, & omnes “ habitatores hemisphærii Lunæ nobis obversi, viderent & lustra- “ rent saltem singulis mensibus omnes terræ regiones lucidas, & “ omnia maria, tanquam ingentes maculas &c.)

*PHÆN. VI.* Jam, ut lumen lunæ secundarium ex terris quidem dudum videramus, id Lunæ proprium olim & nativum reputantes; deinceps autem, cum id in quibusdam lunaribus eclipsibus penitus evanisset, ex reflexione luminis terræ primarii, operose quidem, at verissime deducebamus; ita terræ quoque lumen aliquod inesse secundarium & nocturnum, idque non proprium ipsi & nativum, sed à lumine lunæ primario nobis communicatum esse, non opus habemus demonstrare, sed in ipso illo medio constituti nostris videmus oculis. Hoc autem nostrum secundarium quintuplo minus esse illo secundario Lunæ, quod ipsi ex nostro primario communicamus, ex Artic. præced. cap. II. ejusque Epicris. num. V. & VI. clarissime elucescit.

*PHÆN. VII.* Oculus mentis ex Luna prospicientis nobis iterum exhibet, assentiente rursus Ricciolo in Schol. suo II. cit. I. ubi, Differrent, inquit, in hoc quoque habitatores lunares, à terræ incolis, quod quia eadem facies Lunæ perpetuo respicit terram, diem haberent continuum quindecim fere dierum nostrorum. E. g. superioris & aversi hemisphærii habitator in linea recta conjungente centra terræ & Lunæ, ab ultima quadratura ad primam sequentem diem haberet; reliquis autem diebus 15, à prima ad secundam quadraturam, perpetuam noctem; fieretque illi meridies in novilunio, & media nox in plenilunio, & eidem oriretur Sol in quadratura ultima, occumberet in prima. At habitatori hemisphærii versus nos vergentis, omnia vice versa evenirent.



## II. EPICRISIS

super antecedentes Hypotheses & Phænomena.

### I.

**Q**uæ oculo corporeo , cum cautela & attentione debita observata , adeoque vera Phænomena sunt , ea ulteriore probatione non indigent. Igitur priora tria phænomena ex hypothese manifesta sunt ; quia scilicet Luna inter sidera sine controversia reponitur , etsi non alio , quam mutuatitio lumine imbuta est , quo terram nostram , si nullum aliud corpus , illuminat , igitur , quoad hanc primam conditionem (quod sidera debeant esse vel lucida , vel luminosa saltem) terra quoque , etsi nativa luce careat , ut Luna , sideribus annumerare jure licebit ; quia non lumen tantum primarium à Sole , æque ac Luna habet , sed & secundarium ab ipsa Luna : insuper autem vicissim Lunam illuminat , eique secundariam lucem communicat , eamque duodecuplo multo majorem ac intensiorem , quam ipsa à Luna recipit , id quod superius in Articulo de Luna prolixius demonstratum est.

II, Quod vero mentis oculo , quasi ex Luna spectatum , Phænom. V. attinet ejus veritatem Fig. 55. oculo corporeo quoque quodammodo exponit. Etenim cum Luna nova , primarioque lumine destituta , à latere saltem sub Sole ponitur , qui superiorem non solum Lunæ faciem nobis inconspicuam , sed etiam inferiori B oppositam terræ faciem A , primario lumine imbuat , necessum est I) oculum in B positum terræ totum hemisphærium illuminatum & plena facie fulgens , & in ipso vertice constitutum , intueri , ipso interim in Luna nova & lumine primario cassâ , secundariam ex amplo terræ illuminato disco , copiosam & quindecies intensiorem ea , quam plena luna in faciem terræ nocturnam ex F effundit. Promota vero Luna à B ad C , (Sole interim , tanquam immobili considerato ,  
hemi-



hemisphaerium à Sole illuminatum non totum cadit extra circulum illuminationis, in quo Luna circumfertur, prout præced. casu in B ceciderat; sed maxima quidem portione extra illum circulum cadente, minor saltem intra ipsum sub conspectum oculi in terra constituti, cadit, quæ portio in hac figura plana segmentum circuli exhibet, sed in ipso globo lunari segmentum falciforme, & sic Lunam falcatam repræsentans. Tunc autem 2) selenita in C, sive extra hanc falcem lucis primariæ consistens, illuminati hemisphaerii terrestris portionem, majorem & gibbosam, (non totum illud) una vero partem aliquam sive falciforme segmentum obscurum videt; dum è contra, è gibbosa hac portione terræ illuminata, lumen equidem secundarium in partem Lunæ adhuc nocturnam, sursum reflectitur, sed paucius, quam in casu primo B, ex toto hemisphaerio lucido A. Delata denique Luna die septimo ad quadraturam sive dichotomiam in D, hemisphaerii lunaris illuminati pars dimidia intra circulum illuminationis cadit, terricolis ex opposito suspicientibus à dextris versus occasum conspicienda, cum altera medietate obscura versus ortum. Tunc autem selenita in D versus terram prospiciens, illam pariter visurus esset dichotomiam, sed parte dimidia luminosa versus suum ortum spectata, obscura vero in occasum; dum è contra ex quadrante luminoso terræ orientali, in obscurum occidentalem, nulli vel pauci radii reflecti, lumenque adeo secundarium gignere possunt, quod præsertim nova reflexione versus terram facta inibi esset perceptibile.

III. Ulterius autem Luna, cum suo selenita in D, jam Solem orientem habente, ad E provoluta, terricolæ è sua nocte suspicientes, illius lumen primum viderent gibbosum; selenita E vero, jam Solem supra horizontem notabiliter elevatum habens, in terris nocturnam obscuritatem, multa quidem luce secundaria dilutam, sed ex duplici capite insensibilem, juxta hanc vero versus sinistram, adeoque suum orientem, visurus esset ultimam primarii luminis in terra falcem, è qua ad

obscu-



obscuram lunæ falcem prope gibbosum ejus lumen primarium, impossibile est ullum radium reflexum ex terris pervenire, ad luculam aliquam secundariam, non dicam in terris, sed ne quidem in Luna ipsa sensibilem, procreandam: donec tandem ad ipsum locum oppositionis F (sed cum insigni aliqua latitudine) provecta Luna, alioquin enim in umbram terræ & eclipsin aliquam esset illapsura) plenam faciem illuminatam terræ nocturnæ quidem, sed lucula secundaria intensissima imbutæ, objiceret; dum interim selenita ex F, Solem jam in meridiano constitutum habens, novam quasi, sive primario lumine cassam, terram spectare deberet, nisi ipsi in meridiana luce constituto ea prorsus invisibilis esset. Etiam si vero ex loco quodam profundissimo prospectaret selenita, non visurus tamen esset terram prorsus, quippe tenebricosam, quia lucula illa secundaria ex Luna plena ipsi communicata, etsi in ipsa terra valde sensibilis, reflexa tamen denuo ad Lunam ibi foret insensibilis, quando quidem nos secundariam in Luna quindecuplo fortiolem, hic in terris tamen ægre sentimus. Verum si plena Luna & cum ea selenita F, in eclipsin aliquam, præsertim totalem incideret, visurus esset noviterrium istud obscurissimum, sed per accidens, quatenus nempe Solis splendidam faciem successive, tandemque totam, occultaret, nec ad pauculum temporis intervallum, sed per sesquihoram aut bihorium etiam, h. e. visurus esset stupendam illam Solis eclipsin, de qua superius alicubi jam diximus.

IV. Phænomeni denique septimi mentis oculo oblata rationem is idem evidentem videt, dummodo ad sequentia sedulo attenderit: 1) Lumen Lunæ primarium ejus globum dimidium, & quod excurrit, semper occupare, in ibique adeo diem ubique præsentem esse: 2) Hunc vero diem in ipso quadraturæ sive dichotomiæ nostræ  $D \delta$  semicirculo (sumendo scilicet hic majoris forte distinctionis ergo, discum  $D \epsilon \delta \gamma$ , pro anteriore ad nos converso) oriri demum & incipere, in opposito & postico  $\delta D$  finiri & occidere; medio vero loco in  $\gamma$  meridiem

D d d d d d

habe.



haberi, ut è regione in  $\epsilon$ , mediam noctem: Procedente igitur 3) die, à semicirculo  $D\delta$ , usque ad semicirculum  $D\epsilon\delta$ , tunc totus discus anterior  $D\epsilon\delta\gamma D$  in die est, uti posterior totus nocti immersus; sed uti mox à semicirculo  $D\epsilon\delta$  ad posticum hemisphærium transiturus dies est ibi denuo oriens; ita reciprocè, nox ex postico hemisphærio cum & in semicirculo  $\delta\gamma D$  in nostrum anticum redibit; iisdem vicibus, quamdiu mundus, æque duraturis.

## CAPVT II.

*De variis telluris, sive veris, sive apparentibus, in cælo motibus.*

**P**HÆN. I. Si præter lumen, etiam motum aliquem in cælo desideret aliquis, ad hoc, ut inter sidera referri tellus nostra mereatur; hic etiam ipsi tribuendus venit, & is quidem duplicis generis: vel *apparens* tantum, qualem etiam nos ex terris tribuimus ex mente *Tychonicorum* planetis omnibus ab occasu scilicet in ortum proprium; dum interim iisdem communem cum fixis omnibus, tanquam verum & realem adscribunt. Vel huic etiam vere & reapse competens, ex hypothesis saltem *Copernicanorum*, isque triplicis generis.

**P**HÆN. II. Nimirum mentis oculus in Lunam sublatus, indeque respiciens, videret tellurem, etsi reipsa immobiliter quiescentem, triplici distincto motu moveri. 1) *Motu menstruo vertiginis*, propter motum Lunæ oculique cum ipso realem circa terram mensis intervallo reuolutæ: 2) *motu translationis*, propter veram oculi cum Luna per 12. signa eclipticæ menstruam translationem: 3) *Motu quodam subsultorio* propter motum librationis sive reciprocationis in Luna reuera contingentis. Quod si 4) terra quidem locum suum non mutaret, ac in eo motu vertiginis diurno ab occasu in ortum conuolueretur; appariturus esset hic diurnus etiam oculo ex Luna despicienti, sed 24 horis tardius finitus, quæ omnia in epicrifi distinctius deducuntur.

P H Æ N.



*PHÆN. III. h. e. Hypothesis Copernicanorum*, triplicem in tellure motum realiter agnoscendum supponens 1) *Motum diurnum vertiginis*, circa suum centrum, 24 horarum spatio ab occasu in ortum absolvendum; ut motus diurni seu communis Solis omniumque stellarum, tam erraticarum quam fixarum, incredibiliter rapidissimi vices, miro jucundissimoque compendio suppleret. 2) *Motum annum seu revolutionis* circa Solem, repetita scilicet vertigine modo dicta, instar turbinis puerilis, per lineam quandam circularem vel ellipticam intra 365 dies, 5 horas, & 49 min. decurrendam; eundem scilicet ipsum quoad omnia, quem alias Soli per 12 eclipticæ signa successive ab  $\vartheta$  ad  $\gamma$ ,  $\Pi$ ,  $\zeta$ , &c. translato tribuimus, & cujus vicem obire terram volunt Copernicani, per signa opposita  $\cap$ ,  $\text{III}$ ,  $\text{X}$  &c. provolutam. 3) *Motum inclinationis*, qui duorum priorum quædam modificatio potius, quam peculiaris motus est, & nihil aliud, quam axis terrestris perpetua inclinatio à parallelismo cum axe eclipticæ, & continentia ejus è contra in parallelismo perpetuo cum axe æquatoris seu mundano: qua fit ut tempestatum vicissitudo, noctium dierumque inæqualitas &c. in terris contingat, e. g. existente terra in  $\gamma$ , visoque adeo Sole contra in  $\zeta$  (Vid. Fig. 23.) sub circulo arctico sit dies 24 horarum; sub Tropico Cancræ horis 12 longior & Sol in meridie verticalis; sub æquatore dies & nox æqualis &c. Quæ res, alias conceptu difficilior, exemplo aplustris, depictum terræ globum pro poli elevatione inclinatæ gestantis, & circa mali summitatem mobilis ac à vento austrino in septentrionem perpetuo directi, dum interea una cum navi in fossa rotunda circumfertur, evadit explicatio.

*PHÆN. IV. Quod mentis oculo in Luna posito iterum exhibetur*; nimirum diameter apparens, si ex Luna perigæa spectetur, Ricciolo computatur 2 grad. 14 min. quam proxime  $2\frac{1}{4}$  gr. Sin ex Apogæo, (Luna scilicet à terris remotiore) spectaretur, non nisi 1 gradus 43 min. 10 sec. sive quamproxime  $1\frac{3}{4}$  gr. cum Luna nobis è terris visa æstimetur, in Perigæo



Ricciolo 35 min. in Apogæo 27, in media vero distantia Ty-  
choni, 32 min. è quibus in epicrifi sequenti, magnitudinem  
disci terrestris è Luna visi, licebit æstimare.

## II. EPICRISIS

super enarrata Phænomena & Hypotheses.

### I.

**F**undamentum generale I. & II. Phæn. illud est, quod mo-  
tus cum aliquo corpore oculus se moveri nescius, aut non  
sentiens, illum suum motum alii cuidam corpori, à quo  
separari se sentit, attribuat: prout iis, qui navigiis secundo flu-  
mine, placide & æquabiliter feruntur, adeoque motum suum  
per accidens, (cum per se intra navim quieti eodem loco se-  
deant) non percipiant, separationem sui à stantibus in litore ar-  
boribus, his ipsis illam separationem attribuunt, easque retro  
moveri putant; etsi falsum id esse probe norint, & causam in-  
super hujus suæ fallaciæ cognoscant; quod nimirum imagines  
arborum, quas oculus vere, at insensibiliter dextrorsum motus  
prætervehitur, inter prætervehendum in oculi prospicientis  
primo partem sinistram *a*, deinceps in mediam *b*, tandem  
in anteriorem dextram incidant, indeque judicium oculi ver-  
sus *A* locum arboris *A* ex *a*, secundo ex *b* ad *B*, tandemque  
ex *c* ad *E* referat, & sic arborem ab *A* per *B* ad *E* promoveri  
videat. (Vid. Fig. 24)

II. Sicigitur, cum Luna revera, & oculus in ipso supposi-  
tus cum ipso revera moveatur, proprio motu ab occalu in or-  
tum, is autem in tam vasto corpore æquabilissime moto sentiri  
non possit; videbitur terra, ex hypothese instar arboris loco  
suo defixa, in contraria moveri. Et cum I) Lunæ oculique  
motus in orbem feratur, circa terram, alias aliasque hujus par-  
tes gradatim detegens; videbuntur hæ aliæ post alias ipsi quasi  
obviare, & hoc pacto lenta vertigine plusquam 27 dierum,  
terræ



terræ totus ambitus cum diversis suis maculis & regionibus selenitæ successive exhiberi. Et hæc quidem apparens menstrua vertigo necessario videretur ab ortu in occasum tendere.

III. Alio intuitu 2) cum Luna vere deferatur in suo orbe per omnia duodecim signa cœlestia, terra in centro apparenter quiescente, selenita vel mentis oculus sui motus ignarus, terram è regione videbit semper in contraria ferri; ita ut, procedente Luna directe, ab  $V$  per  $\Pi$ ,  $\gamma$ ,  $\ominus$  &c. terra pariter directe procedere videretur, sed à  $\pm$  per  $\text{III}$ ,  $\nearrow$ ,  $\searrow$  &c. sic apparenter totam eclipticam percursura, & eodem temporis intervallo, quo Luna ex opposito eam revera percurrit.

IV. Cum porro ex Artic. præcedentis cap. III. num. IV. didicimus Lunæ ultra cæteros suos veros & reales motus, etiam peculiari quodam libratorio vel vacillatorio motu gaudere, quo spatio 14 circiter dierum à borea circiter versus austrum, & reciproce ab austro versus boream, pari intervallo, vacillet. Hunc vero libratorium motum cum selenita non magis quam cæteros omnes sentire possit, hanc suam titubationem iterum telluri non poterit non imputare; ita ut e. g. terra in ipso selenitæ horizonte visa, cum selenita  $d$  versus  $a$  vacillaret, horizon  $e f$  in situm  $c a b$  descenderet, & sic terra sensim supra ipsum attolli videretur; mox autem, intervallo sequentium dierum 14 in oppositum versa reciprocatione ab  $a$  versus  $d$ , & horizonte  $e f$ , pristinum situm acquirente, terra rursus subsidens deprimique sensim appareret.

V. Quibus recte & attente perpensis, causam habemus de corporum motu vel quiete caute & considerate judicandi, ne scilicet properanter judicemus ea revera moveri, quæ soli sensui, ut mota repræsentantur, sed rationem rectam in subsidium vocemus, cum alioqui in errores maximos incidere queamus, ut arbores ambulare videamus. Habemus in præcedentibus paragraphis tria notabilia exempla, quibus indubie demonstratum est, Selenitam, si quis in Luna esset, Jovem juraturum esse lapidem, suis oculis se videre terram triplici motu mobilem;



in quo tamen totus falleretur, ex causis supra declaratis. Itaque cum videtis oculis apertis, Solem ac stellas cæteras supra horizontem quotidie ascendere, & per oppositum iterum descendere; ne quæso festinanter decernatis, hunc ascensum ac descensum stellis reipsa convenire; sed agnoscentes exemplo num. præced. talem ascensum ac descensum posse apparenter fieri, si loco mobilis supra horizontem ascensuri, horizon infra ipsum descendat; cum hoc pacto quoad sensum perinde fuerit, hocne an illud statuatur; videndum, utrum rectæ rationi congruum magis & credibilius sit? Itaque, si computatio & calculus infallibilis ostendat, e. g. oculum & inter fixas, si spatio 24 horarum totam suam periodum velit decurrere, singulis momentis debere absolvere plusquam 800 millia germanica; cum è contra uni in terra puncto non nisi 250 passus eodem momento conficiendi sint, ad integram vertiginem absolvendam; quis adeo rectæ rationis contemtor fuerit, ut illud potius præ hoc sit crediturus? Vid. Sect. II. Artic. III. Cap. I. In. Epicr. num. VI. & seq.

VI. Nempe hoc Cap. I. sequentibusque II. III. & IV. tota hæc de terræ motibus in compendio hic iteratis controversia prolixissime excussa fuit; ut verbum hic amplius addere supervacaneum foret, igitur Phænomeni IV. rationem solum addeamus sequentem: *Primo* cum ex Riccioli computo diameter Lunæ perigææ sit 35, terræ vero è Luna perigæa visæ diameter, sit  $2^{\circ} 14'$  h. e. 134 min. his 134 divisus per illa 35, proveniunt 4. non plene, sed deficiente non nisi  $\frac{1}{2}$  nec illa plene. Similiter Diameter Lunæ apogææ cum sit 27 tantum min. illa terræ vero ex apogæa Luna visæ, 1. gr. 43. min. sive 103. min. his 103. min. per illa 27 divisus, proveniunt iterum 4 non plene, sed deficiente multum abest, ut plene  $\frac{1}{3}$ . Ut hoc pacto diameter terræ in utroque calu ex Luna visæ foret quam proxime quadrupla diametri Lunæ, h. e. terra videretur à selenita, si quis esset, sub amplitudine quatuor lunarum juxta se positarum. Quod si, *secundo* utrumque discum inter se comparare consti-



tuamus; cum discos, sive orbes aut circulos inter se esse demonstraverit Euclides Lib. XII. Prop. 2. uti sunt inter se quadrata diametrorum; factis his quadratis diametri, terræ 134, & Lunæ 35, in casu priore, 103 vero & 27 in posteriore; prodibunt ibi quadrata 17956 & 1225 hic 10609 & 729: diviso autem utrinque majore quadrato per minus, prodibunt quamproxime 15; ita uti discus terræ quinquies ac decies major habendus sit disco Lunæ. Quam rem, uti hoc loco tantum obiter, salvoque errore calculi, computavimus, (utpote in foro physico versantes, quod mathematicum rigorem non deposcit,) ita, si quis accuratorem quoque calculum videre gestiat, videre poterit B. nostri Weigelii Geoscopiam Selenitarum Cap. IV. nobis hic sufficit, ex deductis hæc duo constare: 1) Terram quindecies plus luminis in Lunam reflectere, quam Luna in Terram, pro confirmandis iis, quæ supra de lumine secundo Lunæ dicta fuerunt: 2) Rarum futurum esse mirumque spectaculum, si quis è Luna in terram prospiciens, videret hanc, ut Lunam area sua decies quinquies grandiore, eamque suis oculis similibus luminis phasibus, sive falcis dichotomiæ, & gibbositatibus, uti Luna nobis, obludentem.

## CAPVT III.

### *De terræ eclipsibus sive obscurationibus realibus.*

#### I. PHÆNOMENA.

**P**HÆN. I. Quemadmodum Terra & Luna duplex à Sole lumen habent, immediatum ac primum, & mediatum sive secundarium: ita geminam hujus sui duplicis luminis extinctionem utræque patiuntur, alteram ordinariam, cui noctis nomen imposuimus; alteram extraordinariam, quam eclipses vel deliquii nomine insignivimus. Et sicuti Lunæ eclipsin definivimus, quod sit realis in ipsa privatio vel amissio lumi-



luminis, præsertim primarii, contingens propter interpositionem terræ, radios Solis ad illustrandam faciem lunarem directos intercipientis, Lunamque sua umbra involventis; ita nunc terræ eclipsin definimus, quod sit realis privatio seu amissio luminis in ipsa (præsertim primarii) contingens ob interpositionem Lunæ, radios Solis, ad illustrandam terram directos, intercipientis, terramque sua umbra, vel umbragine saltem, involventis.

*PHÆN. II.* Nimirum, quoties Sol terræ à Luna occultatur & apparenter eclipsatur, toties terra revera mutuatitio lumine privatur, veramque patitur eclipsin: ut, cum homines verarum causarum ignari, nigredinem novæ Lunæ Soli per errorem adscribentes, hunc obscurari falso credunt, ipsi potius se ac illam suæ regionis partem, ex qua Solem, ut obscuratum, intuentur, realiter obscuratam sentiant, si leviter ad se potius ac terram suam, quam ad Solem oculos suos convertant: adeo quidem, ut exempla habeamus totalium Solis occultationum, in quibus, Sole quidem omne suum lumen intaminatum servante, terra contra ipsi directe subiecta diem suum, circa ipsum meridiem, in obscuram noctem paulatim conversum senserit, stellis è sereno cœlo copiose allucentibus.

*PHÆN. III.* Et quidem (ut accidentia quoque ac circumstantias harum eclipsium commemoremus) nulla fit eclipsis terræ, nisi in novilunio, ubi facies Lunæ nobis objecta, nocti immersa est, & contra terræ facies ipsi opposita, luce plena; non tamen in omnibus noviluniis, hæ terrestres veræ, uti nec solares spuræ, contingunt, ex rationis scilicet paritate.

*PHÆN. IV.* Totalis autem nunquam contigit aut contingere potest; ut scilicet universum terræ hemisphærium diurnum h. e. versus Solem, etiam totaliter occultatum, conversum, obscuratum unquam fuisset, aut imposterum etiam obscuraretur: universales tamen essent omnes, uti lunares, h. e. in omnibus conspicui nobis disci lunaris punctis simul viderentur, si qui-



quidem spectatores ibi supponere, & quidem tubis etiam astronomi-  
cisticis instructis liceret.

*PHÆN. V.* Initium horum terrestrium deliquiorum fit à parte disci terrestris occidentali, & finis in orientali, ut solarium: figura vero obumbratæ partis multum differt à solaribus ac lunaribus, siquidem non solum sub initium & finem ejusmodi lunulas exiguas, & è Luna sine telescopio inconspicuas, quales in partialibus lunaribus & solaribus grandiores cernuntur, sed & circellum obscuriorem integrum, tanquam maculam aliquam rotundam in facie telluris lucida mobilem, toto ferme eclipsos tempore, visui telescopiis armato, esset ostentura: eadem omnino ratione, qua in Jovis facie illustrata, simile phænomenon ab *Hookio* Anglo anno 1666 mense Junio fuit observatum, & pro simili eclipsi Jovis, per inumbrationem satellitis intimi sive primi, facta, habitum; aut à *P. Gassendo* Mercurius tanquam exigua & rotunda macula per Solis discum lucidum procurrare visus est; veluti Sect. II. Artic. IV. Cap. I. Phænom. V. illa observatio paucis indicata, deinde vero in subsequente brevi epicrifi num. III. & duobus sequentibus fusius enarrata, & peculiari schematismo, seu figura illustrata fuit.

## II. HYPOTHESIS UNICA, sive veræ potius phænomm. enarratorum rationes.

### I.

**I**Nauditum quid olim erat, præter Solis & Lunæ eclipses ferme anniversarias, etiam de aliis, ac nominatim de terræ eclipsibus aut loquentem percipere, aut scribentem legere, idque propter præjudicium universale, quod luminis defectum, h. e. eclipsin, pati non nisi luminosa possint, qualia sint Sol & Luna, tanquam *Lumina magna*, terra contra opaca & obscura existente, & à dictis illis duobus magnis luminaribus illuminari, vel maxime opus ha-

E e e e e

bente.








bente. Posteaquam vero præjudicia illa cum multis aliis sub examen vocare semel cepimus, oblata ex cœlis ipsis non una occasione; apertis semel oculis, & credulitate veteri tantisper seposita, cautius circumspicere paulatim adfuescentes, tandemprehendimus, Lunam, etsi luminare, æque ac Sol, dictam, lumen tamen non aliud, quam mutuatitium, & à Sole quasi emendicatum possidere. Quo semel indubie cognito (prout in superioribus abunde constitit) cum terram interim, in se licet obscuram, lumen à Sole non minus, ac Lunam, quotidie mutuari, jam pridem innotuisset, & abundantius quidem recipere quam Lunam, adeo ut hanc plus illustret, quam ipsa terram; concludendum utique erat, terram, respectu Lunæ, non minus mereri *magni luminaris* nomen, quam Luna respectu terræ, atque adeo, in certo casu, hoc suo mutuatitio lumine privari, h. e. eclipsin pati, posse, non minus ac Luna suo interdum privari solet.

II. Hinc factum, ut non solum *Keplerus* in Tabb. Rudolphinis, sed *Bullialdus* quoque in Tabb. Philolaicis, præcepta traderent computandarum Eclipsium terræ æque infallibilia, ac illa fuerant, quæ pro Solis & Lunæ eclipsibus jam inde à *Thaletis* temporibus edocta, & in usum conversa fuerant. Hinc porro factum, ut non solum Anno 1654. B. noster *Weigelius* calculum universalem magnæ Solis seu potius TELLURIS eclipseos, mense Augusto MDCLIV futuræ, integrum exhiberet in Geoscopia selenitarum Cap. XV. sed etiam anno 1674. *M. Christoph. Pfauzius* Facult. Philos. Lipsiensis tunc assessor, deinceps in hunc diem usque Mathem. ibidem Professor celeberrimus, inclytæ Facult. consensu, eclipsin terræ prolixa disputatione publico exponere. Hinc *Joh. Heckerus* in Ephemeridibus motuum cœlestium ab anno 1666 usque ad annum 1680 inclusive, omnes eclipses Solis universali calculo, terræ potius, quam Soli accommodato subduxit; & nos quoque in Calendario MDCLXXVI (quod postmodum, ut editori propter hunc aliosque calculos plures, & propter emissa vana astrologica vaticinia, non fuit continuatum) imitati fuimus, novis schematismis adhibitis, in quibus oculariter demonstrabatur, quas terræ regiones eclipsis terræ vel totaliter vel partialiter &c. permearet.

III. Nimirum ut è superioribus jam constat, in eclipsibus solaribus vulgo sic dictis, non obscuratur Sol ipse, sed occultatur, & nobis quidem in terris occultatur: illud autem, cui lumen occultatur,











tur, à quo alias illuminatur, vere hoc ipso obscuritatem subit adeoque eclipsin, propter obstaculum quod lumen à corpore illuminando avertit. Illud obstaculum in casu præsentis est Luna, quæ sua opacitate Soli obstat, quo minus terram in omnibus suis partibus Soli obversis, illuminare potest. Terra ergo est, quæ sola deliquium luminis, & eclipsium patitur, nunquam tamen, uti Luna, totalem; ideo quod Luna immensis non solum modis minor sit quam Sol, sed etiam multo minor quam terra; ut apertum sit, ne totam quidem Lunam, si terræ immediate applicaretur, ejus faciem totam obtegere posse, quin, si Lunæ facies tota faciei terrestris partem decimam quintam, cui æqualis est, obtegeret, reliquæ 14 partes à Sole adhuc illuminarentur. Quanto minor ergo terræ portio illa erit, quam Luna non ipso suo corpore immediate applicato, sed umbra solum sua, in acumen quoddam continue magis magisque gracilesciente, tegit & attingit?

IV Ut hæc res paulo distinctius capiatur, non solum in genere huc trahendum est, quod supra de umbra terræ conica commemoratum fuit, & generalissime de omni globo Sole minore certum est, ejus umbram in cuspidem quandam conicam terminari, eamque tanto graciliorem & breviorrem, quanto ipse globus minor non solum, sed etiam Soli sive luminoso corpori propior fuerit. Ex quo generali fundamento Astronomis licuit, adhibito subtiliori calculo (qui præsentis fori non est) sequentia de umbra lunari versus terram projecta, elicere Theoremata: cum Luna nunc perigæa sit & terræ proxima, à Sole vero remotior; alias apogæa & remotissima à nobis, Soli vero propior; nunc denique in distantia mediocri; 1) in primo casu ejus umbra longior evadit, ut ultra terræ superficiem se exporrigat; & tunc Sol terricolis, quos involvit umbra, totaliter eclipsari videtur, uti videre est num. 2. Figuræ 65. omnes enim, qui intra spatium *cc* degunt, de Sole nihil vident, & spatium illud umbrosum, in ipsa terræ facie, ex Luna si spectaretur, maculam quandam rotundam esset exhibiturum, per discum terræ (in exemplo v. g. Fig. 64.) ab occidente in orientem, ab A scilicet ad B, indeque porro ad C, per Angliam, Germaniam, Pontum Euxinum & Tartariam Precopensem, Persiam item & Sinum Persicum, progressuram, aut potius anno 1654. actu ipso ita progressam: Quæ macula umbrosa, (juxta calculum, 29½ milliaria germ. semidiametraliter complexa) id ipsum est, quod eclipsin terræ tunc dicere quasi prima-



riam poteramus, quæ discum terræ successive percurrens, omnes, quas attingebat, regiones primaria sua sive diurna luce privabat, Solemque ipsis directe imminens totum occultabat.

V. In 2) vero casu, Luna apogæa, Solique adeo præsertim una perigæo, vicinior, umbræ brevioris apice *c*, (Num. 3.) terram prorsus non attingit, ideoque talis umbrosa macula in terræ facie eminus nulla cerneretur, nec ullibi terrarum Sol totus occultaretur, sed in omnibus terræ locis sub umbræ apice *c*, successive futuris annularis eclipsis Solis videnda foret. In casu vero 3) quem numerus 1) exhibet, umbra Lunæ paulo longior potest cuspide sua *c* ipsam terræ superficiem attingere, & tunc illi saltem terricolæ, quibus umbræ terrestris cuspis imminens gradatim succedit, uni post alteros, videbunt eclipsin Solis totalem, sed absque mora; maculam autem talem umbrosam, terrestris scilicet eclipseos primariæ (de qua num. IV. locuti eramus) ne hic quidem conspiciere daretur. Umbraginem vero aliquam sive penumbram observare liceret attendentibus, h. e. circum quendam obscuriusculum, præsertim prope cuspidem umbræ meræ, satis amplum & arcu *c a* circumcirca descriptum, & semidiametro sua ultra 1500 milliaria germ. complectentem; qualis umbella in Fig. 64. circa maculam umbræ meræ decircinatum videre liceret, in cæteris etiam casibus è longinquo observabilem, in qua scilicet conclusi omnes terricolæ partialem saltem Solis eclipsin visuri essent, eamque tanto maiorem & totali propiorem, quanto ipsi coni umbrosi nucleo propiores degerent: uti comparatio præsentis Fig. 65. n. 1. cum Fig. 62. decenter instituta porro declarabit.

VI. Ratio III Phæn. (præcedentium enim rationes ex dictis jam patent) sua luce radiant. Quia enim eclipsis Solis apparens, & vera terræ, conceptu quidem eadem non sunt, eandem tamen causam in individuo agnoscunt, eodemque temporis momento contingunt; per se patet, cum Solis eclipsis non nisi in novilunio possit fieri, idem de eclipsi terræ dicendum esse. Cumque penumbræ circulus vix quartæ parti disci terrestris adæquetur, non potest hunc totum, simul omnem debili sua umbella unquam obfuscare, imo ne successive quidem ejus dimidiam partem: mera vero umbra, utpote parvulus circellus, lumine primario orbatus, multo minorem terræ portionem primaria obscuritate obducet; prout hæc ex inspectione Fig. 64. apertissima sunt, in qua circellum umbræ meræ, ne 30. milliaria germ.



germ. semidiametrum comprehendisse ex calculo Geoscopix selenit. supponimus.

VII. Debuisse vero hanc terræ eclipsin quoque, ut illam Solis initium sui capere à terræ simul & Solis parte occidentali, ex eo palam est, si cogitemus, Solem circa medium eclipseos in conjunctione cum terra & una cum Luna constitui debuisse; ideoque Lunam (cujus motus proprius, velut omnium planetarum ordinarius, ab occasu in ortum tendit) sub initium versus occasum adhuc constituisse, & obviam terræ, penumbra sua primum ipsam in D attigisse, interjecta vero temporis mora, ipsam cuspidem umbræ meræ in terræ discum apud A in Americæ parte quadam orientali, incidisse, eique primæ eclipsin totalem Solis apparenter obtulisse, revera autem obscuritatem primariæ lucis induxisse; & sic progressam versus orientem successive in aliis locis B, citraque & ultra vicinioribus, eosdem effectus habuisse; donec tandem umbræ meræ macula circa C in mari Indico terræ discum defereret, ac temporis intervallo intercedente penumbra quoque: durante adeo, calculo accuratiore teste, mora umbræ meræ in disco terræ, ab A usque ad C tres circiter horas; mora penumbrae vero, à primo ingressu D, ad ultimum egressum in E, quinque horas, & quod excedit.

## CAPVT IV.

*De terræ in Lunam reciprocis effectibus, ac circa utriusque notata superius memorabilia reflexas quasdam mentis cogitationes & conjecturas complectens.*

### I.

**S**I Luna in terram & corpora terrestria influentiam quandam sensibilem exercet, & quidem virtute luminis sui mutuitii hujusque variationum; quorum illud mundus fere universus generatim credit; hoc autem Astrologi ipsi, ad novilunia, quadraturas, plenilunia, cæterasque phases, subinde provocantes, specialiter affirmant; & vero luminis secundarii



Lunæ communicati effectus indubius penitus est, & quidem in quintupla decuplaque quantitate ejus luminis, quod Luna terræ reciproce communicat; quid aliud inde, quam hoc, concludere poterimus? Quindecuplæ illius quantitatis, luminis terrestris in Luna receptæ, quindecuplas etiam influendi vires debere in Lunam habere; maxime ideo, quod & corpora influxus illos reciprocos excipientia sibi simillima hætenus deprehensa sint, & utrumque lumen ex eodem Solis fonte haustum.

II. Et ne quis credat, me solum in tam paradoxas opiniones studio novitatis incidisse, legant quæso, qui possunt *Athanasii Kircheri* Cap. V. Lib. II. mundi subter. ex quo sequentia „ pauca solum hic excerpam: Habent autem hæc duo corpora, „ tellus nostra, & ætherea illa lunaris tellus, magnam ad se similitudinem, uti Lib. IV. ostendetur, qua una alteram fovet, „ & sibi invicem favent; influxusque, quibus ipsæ & utriusque „ partes tum vivant, tum conserventur, alerenturque. Quin „ & maria nostra ad Lunæ aspectus varie commoveri, non indiget testimonio, utpote quo nihil tritius &c. Cum vero & ipsius Kircheri & aliorum virorum ingeniosorum judicio in Luna quoque sint maria & oceani; justa certe suspicio est, sive luminis crescentis ac decrescens virtute, sive corporis sui præsentia, indeque occasionaliter ex oriente aquarumstrarum pressione &c. Luna dictum effectum edat: cum incrementa ac decrementsa luminis, phasiumque varietates in terra non minus, ac in Luna reperiantur, cæteraque ibi his similia facile quoque ostendi possint; justa inquam suspicio est, in maribus & oceanis lunaribus æstuum phænomena, nostratibus saltem similia, locum aliquem inventura.

III. Quod si lunaribus eclipsibus ac deliquiis realibus magnam efficaciam in hanc terram nostram concedamus, illi saltem, qui sic sentiunt, non video, qui negare possint, obscurationes terræ pariter reales, pari ratione mundo lunari plurimas noxas & calamitates minitari. Tametsi enim nunquam  
totum



totum hemisphærium terræ simul deficit & privatur omni suo lumine, uti primario quidem in Luna haut raro fit; successive tamen tanta ejus portio obscuratur, quæ parti saltem ipsius quartæ æquiparari possit; cum hemisphærium lunare, etiam totaliter obscuratum, vix decimam quintam excedat, & præterea parum ultra bihorium tota in umbræ tenebris perseveret; cum illa terræ quarta portio ultra quinque horas in obscuritate saltem notabili hæere possit. Sed hæc κατ' ἀνθρώπων duntaxat urgentur.

IV. Illa absolute magis considerari merentur; Quod 1) quoties terra videt eclipsin Lunæ toties selenicæ, si qui sint, videant eclipsin Solis, & quidem (in lunaribus præsertim totalibus) totalem, & cum maxima mora; id quod in epicrisi cap. I. Artic. præsentis III. num. III. in fine, & num. XVII. sive ultimo cap. IV. Artic. II. demonstratum fuit: 2) Quoties terra videt eclipsin Solis, atque adeo ipsa primario suo lumine deficit, toties etiam Luna, secundarii saltem luminis, aliquam patitur eclipsin, quandoquidem Lunæ secundarium lumen à terræ primario demonstrative dependet; ut illo deficiente, hoc necessario simul, ex parte duntaxat, deficiat; 3) Vicissim nulla possit esse eclipsis Lunæ, primario scilicet lumine deficientis, quin terra vicissim secundario suo lumine, aliqua ex parte privetur: atque adeo 4) (quod paradoxum quidem at verissimum) Eclipses Solis, Lunæ, ac terræ semper una contingant: Et sint consequenter 5) terra & Luna interdum suarummet eclipsium causæ; dum videlicet terra interpositione sua inter Solem & Lunam plenam, hanc suo lumine primario privans, sibimet secundarium, à Luna plena alias expectandum, eripit, idemque sibi malum Luna, sua interpositione inter terram & Solem, accersit.

V. Quæ quidem speculationes & per se jucundæ sunt, & moralia mentitantis per meditantem utilissima suppeditant. Nam primo, quod quinto loco in præcedente num. illatum fuit, hoc invidis & proximo nocere studentibus, evidentissimo exemplo incul-



inculcant, eos qui malum alteri intentant, proprium sibi et ipsis exitium frequentissime parare: *Secundo*, dum nos terricolæ in conjunctionibus Lunæ Solisque exactioribus Solis intaminatæ luci, obscuritatis ac deliquii notam sine causa hætenus inuissimus, ad eam, quam ante pedes nostros in terris animadvertere debebamus, haut attendentes, hoc ipso confirmamus, exemplo nostro, illud tritum: Turpissimum esse, aliorum vitia cernere (sæpe etiam falso imputata) oblivisci suorum.

VI. Quod porro, cum Luna, licet omni proprio lumine destituta, inter sidera tamen, respectu terræ saltem numeretur, terræ itidem, respectu Lunæ saltem, idem prædicatum denegari nullo jure possit, ex rationibus hætenus sparsim adductis, nunc vero in unum locum collectis, iterato hic inculcandum est. Scilicet, quia 1) lumine tum primario tum secundo, æque ac Luna gaudet: 2) neque motibus in cælo variis, sive apparenter, sive vere aut summe probabiliter saltem, destituatur: 3) nec demonstratum unquam sit, eam in ima quasi mundi cavea locatam, (quod præjudicio nobiscum quasi in iisdem incunabilis nato, omnes quasi necessitate quadam persuasi fuimus, quia, quicquid unquam, aut uspiam, videmus, id supra nos semper videmus: etsi mentis & imaginationis oculo, Solem singulis noctibus, una cum Luna quoque ante & post novilunia, insimulque cum aliis etiam planetis & fixis pluribus, infra nos intueamur) sed ipsa quoque in libero ac indeterminato æthere, non aliter ac Luna cæterique globi mundani omnes, suspensa hæreat, quia 4) novæ sive silentis, plenæ, falcatæ, gibbosæ, dichotomæ, nomina non minus, quam Luna meretur. Denique 5) quia, ut Sol & Luna, aliaque circa Jovem & Saturnum sidera (de quibus mox in artic. seq. agemus) veras eclipses & reales obscuraciones subit.

VII. Etiam si vero pro certo nunquam asseruerim, Lunam, ut ἀντίχθονα, sive terram oppositam, simili aliquo arborum, plantarum, florumque ornatu cum terra nostra superbire, aut animalium quibusdam generibus, nedum hominibus



nostrum similibus, habitari; non quod loco Actor. XVII. v. 26. valde commovear, in quo dicit Paulus Apostolus: *ἐτι ὁ θεὸς ἐποίησέ τε ἐξ ἑνὸς αἱματός πάντες ἔθνες ἀνθρώπων κατοικεῖν ἐπὶ πάν τὸ πρόσωπον τῆς γῆς.* h. e. quod fecerit DEUS ex uno sanguine omne genus hominum habitare super universam faciem terræ, (loquitur enim procul dubio de hominum, ex unius Adami sanguine natorum genere,) sed quod credam, si voluisset DEUS Lunæ globum, ut hunc terrenum, habitari, non solum diversa à nostris plantarum animaliumque fuisse ibidem producturum genera, utpote varietatis (quod res ipsa loquitur) amantissimum; sed etiam aliud genus creaturarum cognoscendi facultate præditarum, potuisse formare, quod admirari ista quoque ejus mirabilia, ejusque gloriam, potentiam & sapientiam enarrare posset. Etiam si, inquam, hæc aut similia ipso facto ordinasse dicere non possim, nec possit etiam quisquam alius, id tamen dicere confidenter ausim, occurrere ipso facto in Luna non minus ac in terra, quæ vel in commodum & utilitatem creaturarum viventium, ac præcipue ratione præditarum, condita esse haut facile quisquam negabit; vel objecta saltem esse queant contemplatione cultorum divini Numinis dignissima. Ut enim sicco pede præteream, quæ speciosissima quidem, & nondum omnino certa sunt, quorsum, amabo faceret in Luna dierum noctiumque quindecim dialis alternatio, si nihil animati viventiumque inibi sedem haberet, quorum commodis usuique similis lucis ac tenebrarum vicissitudo in terris dicata nemini non agnoscitur? cui usui foret illa luminis in facie telluris, simillima phasibus lunaribus, figuratio, si nulla ullibi extra terram (ubi autem nisi in Luna esset futura?) reperiretur cognoscendi facultas, quæ mirabili hoc jucundissimoque spectaculo, cum laude quidem summi Conditoris summa, delectaretur, prout in terris humana mens simili luminis lunaris crescentis ac decrescantis lusu non potest non summopere delectari, & sapientiam DEI ludentem lætabunda exosculari, si quidem recta sua ratione, recte quidem ac decenter uti voluerit?



Quis denique non ingentia illa & stupenda Solis deliquia lunari globo toties objecta, quoties ipse umbræ terræ totaliter immergitur, non frustranea penitus esset judicaturus, si contemplator quispiam rei alias in terris inauditæ, nunquam visæ, nec unquam videndæ, in Luna non supponatur, qui Solem in ipso meridie, coelo quasi delapsum unius alteriusque horæ spatio frustra cum stupore quæreret?

## ARTICULUS VI.

De

Duobus supremis planetis, Jove nempe & Saturno.

### CAPVT I.

*De Jove seorsim.*

#### I. PHÆNOMENA.

**P**HÆN. I. Posteaquam sub initia sæculi decimi septimi tubi astronomici inventi & astris observandis admoti essent, miranda detexerunt in coelo, quæ omnibus retro sæculis oculo effugerant. Et primo quidem inspecta jam quasi cominus Jovis facies maculosa, ut Luna, videbatur, sed alio prorsus modo, de quo ne per somnium quidem quisquam unquam cogitasset. Striatim enim aut fasciatim partes lucidiores in ejus facie extrema, distinctæ deprehendebantur à maculosioribus: Quam differentiam tamen *Petrus Gassendus* Lib. 3. Instit. Astron. negat à se videri potuisse, quamvis Galilæi tubo uteretur. At primum (intellige, crede, post Galilæum,) fascias illas vidisse testatur *Ricciolus* Lib. VII. Almag. p. 486. *P. Joh. Bapt. Zupum Soc. Jes. & Franciscum Fontanam & P. Bartolum*, omnes Neapoli, vidisse se quoque sæpissime, ac sæpius *P. Franciscum Mariam Grimaldum*, qui pro solito visus acumine & circumspectione mira,



mira, non earum modo numerum, sed situm ad eclipticam & ad æquatorem observaverit; ex pluribus schematum foliis, sextantum figuras, omnem fere varietatem hujus phænomeni continentes, exhibens; quas noster schematismus, numero 66 paulo minori forma rep. æsentat.

*PHÆN. II.* Numerus ejus I. exhibet Jovem cum tribus zonis, suprema tamen angustiori, qua forma visus est anno 1639. d. 22. Maji d. 1. ante ejus opp. cum Sole: Num. II. habet Jovem cum duabus fasciis valde invicem distantibus & convexitate deorsum vergente; qualis visus est Neapoli à P. Zupo Anno 1644. Jan. 20, 21, 22. Sic visus est Bononiæ Anno 1647, & alias alibi quoque sæpius: Num. III. Jupiter exhibetur cum duabus fasciis multo propioribus, & inferiore valde gracili, visis Bononiæ 1643. ab init. Octob. per plures noctes usque ad 4<sup>o</sup> d. 13. Octob. N. IV. ibidem videbatur cum zona media latiori & loco paulo quam antea inferiore, duabus gracillimis zonulis parallelis utrinque septa, nempe eodem anno 1643. à d. 15 ad 20 Octob. N. V. refert 4 rectis jam baltheis præcinctum, medio amplo cum duabus hinc inde parallelis tenuioribus. Talis apparuit P. Grimaldo Bononiæ An. 1643, ab initio Novemb. usque ad 22. Decembris, sed præcipue d. 10, 12, 13, 14, 15 &c. Nov. Num. VI. aliam P. Grimaldi observationem sistit, qua Anno 1648. die 24 Febr. usque ad Martii 16, sed evidentissime d. 11, 2<sup>1</sup> hora post occasum Solis, duabus fasciis rectis, sed oblique positis, comparebat, parte disci Jovialis ab ipsis intercepta longe lucidiore, quam discus reliquus, fulgente.

*PHÆN. III.* Similes duas observationes circa zonas seu fascias Jovis habuit Hugenius anno 1656 & seqq. pluribus, quæ cum Num. V. Fig. 66. comparari possunt, sed cum hac notabili differentia, quod ipse & qui secum observaverant, perspicue sæpe animadverterint reliquo Jovis corpore magis lucidas, cum tamen alii obscuriores asserant; quibus forsitan interjectum spatium inter binas lucidiores pro una obscuriore fuerit. Ad-



dit, anno quidem 1656 multo majori intervallo, quam sequentibus tribus, illas zonas à se mutuo distare se comperisse. Vid. Systema ipsius Saturninum pag. 7. & Figuram nostram 67. num. 1 & 2.

*PHÆN. IV.* Aliam observationem corporis Jovis, ab Hookio Anglo d. 26. Junii ope telescopii 60 pedes longi factam reperimus in Ephem. Eruditorum sive *Journal des Sçavans* ad ann. 1666, p. 408. versionis Nitchianæ, quæ notabilia plura circa hunc planetam suppeditavit. *Primo* diametrum Jovis duobus gradibus, h. e. quater circiter diametro lunari, uti nudis oculis sine telescopio apparet, paulo majorem se deprehendisse testatur Hookius; cujusmodi mirabile spectaculum vel semel objici meis oculis exoptaverim. *Secundo*, extremitatem ejus exacte rotundam & perfectissime sine omni radiatione terminatam se conspexisse; in partibus disci ipsius varios luminis gradus offendisse; circa polos septentrionalem & meridionalem *a* & *f* (Vid. Figuram nostram 68. ex cit. l. huc transsumtam) paulo obscurior erat planeta, & gradatim versus fascias duas *b* & *c* apparebat luminosior. Altera fasciarum parva erat, & corpus in latere australi transibat; proxime illam parva erat linea, ab altera parte paulo luminosior, infra vero versus meridiem magis, fascia erat alia magna & obscura, intra quam & aliam *e* minorem & obscuram, zona erat sive cinctura latissima & valde luminola: medium vero *d*, extremis erat obscurius.

*PHÆN. V.* Circa horam 3, 15 min. prope medium ipsius maculam obscurissimam valdeque rotundam observavi, perinde atque illam, quæ repræsentatur per *g*, quam dimidia hora ante haut conspexeram: eamque 10 circiter minutorum spatio pene usque ad *d* pervenisse observavi, cum tamen interim in distantia æquali permanserit à satellite *b* (de quo paulo post) qui motum etiam suum versus occasum habebat, quique proximus erat disco in *i*, ad hor. 3. m. 15. Postea cum aer turbatus



tus esset, & (uti ex Baroscopio colligere licebat) valde levis, non amplius eam adverti.

*PHÆN. VI.* Duas circiter ante horas, maculam aliquam latam, & valde obscuram in maxima fascia versus *k* observavi, quæ unius circiter horæ aut paulo majori spatio (non enim accurate observavi tempus, neque etiam delineavi ejus figuram) versus occasum tendendo disparuit. Octo circiter ante horas eodem tempore, præter maculam in fascia *c*, aliam in fascia *e*, cujus via & celeritas, maculæ in fascia *c* erant similes, animadverti. Haftenus Hookius, cui conf. is ipse ex Actis Angl. p. m. 187.

*PHÆN. VII.* Editus est Romæ & recensitus in Ephem. Erud. ad annum 1665. p. 3. vers. Nitschianæ, libellus Italicus in 12. inscriptus *Ragguaglio di nuove osservazioni*, sive relatio novarum observationum *Josephi Campani*, in qua p. 4. telescopiorum suorum bonitate advertit prominentias & inæqualitates plurimas, easque majores iis, quæ adhuc sint observatæ, occupatus deinceps futurus, ut certior fiat, annon protuberantiæ illæ situm suum mutant, eum videlicet in finem, ut conjicere exinde liceret, Jovem circa suum axem volvi. *Cassinus* autem, per egregia 50 palmorum, sive 35 pedd. telescopia *Campano* fabricata, inter alia, maculam in parte septentrionali striæ australioris constantem (h. e. non ut umbræ evanescentem) observavit, unde conclusit Jovem se movere circa suum axem 9 horis 56 min. Advertens nimirum illam maculam non ab umbra alicujus satelitæ (de quibus deinceps dicendum erit) confici, idque tam ex situ ipsius, quam etiam, quia apparebat tum temporis, quando aliqua ibi adesse umbra non poterat, probat. Taceo motum ipsius plane fuisse diversum ab umbrarum motu, qui æqualis fere est tam circa extrema quam circa Jovis media; cum è contra, macula illa omnia haberet accidentia, quæ contingere solent alicui rei in superficie corporis rotundi moti existente, e. g. moveri tardius circa medium, percurrere partem in medio disci æqualem medietati diametri in



sexta parte temporis, quod pro toto circuitu conficiendo insumitur; cum tamen eadem medietas decursa sit præcise secundum observata, 99 aut 100 min. uti fieri debuit, supposito, circuitum integrum 9 absolvi horis & 56 minutis. Hæc ex literis Romæ scriptis excerpta habentur Ephem. Erud. VIII. ad Feb. anni 1666 pag. 87. vers. Nitschianæ; cui conferri possunt Acta Anglic. lat. versa & Lipsiæ edita p. 2, p. 107, p. 128.

*PHÆN. VIII.* Ad historiam observationis præcedenti Phænomeno descriptæ non parum faciet gemina lis ejus occasione subnata. *Prima* inter *Divinum* & *Campanum*, excellentissimos Romæ mechanicos serebatur, quorum uterque beneficio suorum quisque telescopiorum maculas illas à Cassino observatas esse contendit. *Altera* inter ipsum *Cassinum* & *P. Gottignies* Prof. in Collegio Jesuitarum Romæ Mathematicum, intercedebat. Contendebat enim posterior, seipsum esse, non vero Cassinum, qui primus Jovem circa suum axem se movere observaverit. Addit etiam Cassinum, tantum abesse, ut ejus fuerit opinionis, ut potius refutaverit istam, & maculas illas omnes non nisi satellites (aut eorum potius umbras) in Jove esse asseruerit. Præterea & monstrat, observationes de motu umbrarum satellitum habitas, haut conformes hypothese tabulisque Cassini fuisse deprehensas, quem observationes suas hypothese accommodasse, neque quicquam in coelo quod opinioni suæ non faveat, videre accusat. Tandem plures rationes profert, quibus ostendat, ne unam quidem illarum macularum, quæ 9, 14, & 19 Julii sint observatæ, à satellitum umbra fuisse effectam. Hæc ex epistola *Eustachii Divini*, & alia *P. Aegidii Fr. de Gottignies*, Italice scriptis, in Ephemer. Gall. XXXIX. version. Nitschianæ p. 452. & seqq.

recensitis,



# HYPOTHESES PAUCÆ

cum brevi Epicrifi super eas & superius  
enarrata Phænomena.

## I.

**Q**Uod Hugenius in Phæn. III. Jovis fascias binas reliquo Jovis corpore lucidioresprehenderit, una cum fociis observationum utrarumque, id mirum me, fateor, semper habuit, cum alii, quod sciam, omnes obscuriores constanter asseruerint. Et quamvis eo ipso loco conciliationem aliquam dissentientium apparentiarum reperisse crediderit, quæ in casibus Num. V. Fig. 66. & n. 2, Fig. 67. locum invenire videri posset; nescio tamen an aliis quoque, Hookianæ præsertim observationi, tubo longissimo factæ, accommodari queat.

II. Cui quidem observationi Fig. nostra 68. expressæ, cum maxime fidendum putem, eamque cum cæteris Phæn. I. & II. commemoratis, imo cum ipsis Hugenianis conferendo, notabilem aliquam instabilitatem merito agnoscam, vix tamen ex ea instabilitate non male colligi posse cum Hugenio crediderim, ad instar nubium nostrarum, vapores quosdam vicinum Jovi ætherem incidere, qui nunc his nunc illis climatis crebri magis confertique exoriantur. Instabilitas enim illa non neganda, habere tamen plus stabilitatis sibi conjunctum videtur, quam quod vaporibus nubibusque extra Jovis corpus in æthere quasi natantibus tribui queat. Cumprimis autem ille perpetuus fasciarum (licet non adeo exactus, secundum Hookianum schematismum) parallelismus, realem aliquam in ipso Jovis corpore dispositionem suadet, eamque mutabilem quidem, nihilominus tamen in plures sæpe dies eandem, testibus enarratis Phænomenis.

III. Nec enim ratione curvitatiss vel rectitudinis fasciarum, & curvitatiss sui parte convexa nunc sursum nunc deorsum conversæ, tantum (quod ex variato globi positu ad oculum dependere videtur) sed in singulis striis variata subinde latitudine vel gracilitate, multitudine aut paucitate, vicinia nunc, nunc ampliore distantia &c observatæ mutationes, singulare quiddam (sed quid illud? in obscuro adhuc  
jacet)



iacet) supponunt. Et quamvis meminerim, nisi me fallant omnia, alicubi recentius legisse me, (ubi vero non amplius recordor,) strias illas obscuriusculas à nonnemine haberi pro paludibus quibusdam in superficie Jovialis globi, nunc magis aut minus exhaustis vel exiccatis, nunc novo aquarum affluxu auctis, (cujusmodi mutationes hic in terris passim, in lacu v. g. vel palude Carniolæ, Czirknizensi, quotannis, observantur,) ea quidem hypothesis mihi magis, illa de vaporibus & nubibus Hugeniiana, probaretur; certum tamen interim illud maxime videtur, nihil certi nec hætenus innotuisse nobis, nec imposterum forte notum esse futurum.

IV. Illud interim magni momenti certiusque videtur esse, quod *Dn. Cassinus*, antehac Bononiæ Mathes Professor, nunc Observator Regius Lutetiæ Parisiorum, Bononiæ quondam, eodemque circiter tempore *P. Gottignez* Romæ, maculas aliquas in Jove fixas & constantes observaverint (uter prior, aut posterior, eas observationes ad communem scopum accommodaverit, inter eos acriter disceptatum fuit, testibus epistolis Phæn. VII. sub fin. allegatis, insuperque duabus aliis, quas egomet possideo, Synopsi opt. *P. Honor. Fabri S. I.* edit. Lugdun. MDCLXVII. subjectas; alteram ad D. JOH. LV-CIVM à SALVATORE SERRA, alteram ab ipso Honorato Fabri ad CLAUDIVM BASSETVM, perscriptas,) è quibus & ipsi utrique, & hi posteriorum epistolarum, æque ac priorum, Autores concluderunt, Jovem circa proprium axem volvi. Quod inventum, „judice Epistola Romæ scripta (quæ extat in Ephem. Erud. VIII. ad „ann. 1666. p. 87. versionis Nitschianæ) p. 90. melioribus ad hoc „usque tempus in cœlo detectis annumerari meretur, & illi, qui mo- „tum terræ statuunt, analogiam ibi sentiunt omnimodam. Jupiter „enim, dum circa Solem movetur, simul quoque circa suum axem „se volvit, & licet major sit ipsa terra, ea tamen celerius motum „suum absolvit, quia plures quam duos circuitus, cum una tertia, „facit eo tempore, quo terra unum absolvit, uti & quatuor secum „Lunas circumrapit, quando terra unam saltem circumfert. Hor- tatur sub finem eadem epistola solertiores omnes, ut perfecta red- dant majora telescopia, ut detegere possint, utrum reliqui Planetæ, Martem puta, Venerem & Mercurium, circa quos nondum ad- huc Luna aliqua observata est, circa axes suos fortasse volvantur &c.



CAPVT II.  
De CIRCUMJOVIALIBUS,  
Sive  
Jovis Satellitibus, quos vocant.

I. PHÆNOMENA.

**P**HÆN. I. Scilicet sub initium Seculi decimi septimi Galilæus Galilæi, belgico suo tubo in Jovis faciem dirigendo occupatus, Anno 1610 d. 7. Jan. tres primum Jovis comites, deinceps etiam quartum, nec unquam postea plures, etsi de consilio quæsitos detexit: quos è planetarum numero esse, mutatus subinde ipsorum, tum inter se, tum cum vicinis pariter aliis, rectissime conclusit, ac in honorem serenissimæ Mediceæ Familiæ, *Sidera Medicea* nuncupavit. Etiam si vero *Antonius Maria Schyrlæus* alias insuper quinque ejusmodi circumjoviales lunulas (quas ab Urbano VIII. tunc Pontifice, *Urbanotavianas* denominabat) deprehendisse sibi persuaserat, ab aliis tamen observatoribus exercitatissimis reperiri non potuerunt; inprimis Petrus Gassendus hoc quinque Planetarum circumjovialium auctarium in controversiam vocavit, quatuor præcipue rationibus commotus, quarum ultima docebat, proclive esse stellas fixas prope Jovem, sive nudo oculo, sive telescopio tantum conspicuas, ob viciniam pro novis satellitibus usurpare, nisi valde circumspectus sis: cumque Schyrlæus, etsi mordicus iustitians, illas fixas haut fuisse, sed distantiam inter se mutasse; tandem confessus sit, eas iterum evanuisse; quaternarius circumjovialium numerus perstat in hunc diem, quovis mediocri tubo, qualis noster est à *Dn. Flamstedio*, observatore Anglo nobis liberaliter dono missus (quoad vitra scilicet bina accuratissime elaborata) 8 circiter pedum longitudine, distincte observabilis.



*PHÆN. II.* Non substitit autem, nunquam satis laudanda & admiranda Astronomorum industria, in hoc generali observatorum circumjovialium numero, sed motus etiam ipsorum circa Jovem, eorumque periodos, statim post Galilæum *Simon Marius* ausus est definire; ita ut primo & proximo satelliti (Mercurio circumjoviali quibusdam dicto) diem 1. hor. 18: secundo, paulum distantiori (Veneri circumjov. salutato) d. 3. hor. 13. Tertio (Jovi circumjov.) d. 7. hor. 4. fere; Quarto & remotissimo denique (Saturno circumjov.) d. 16 hor. 19 assignaverit. Progressu tamen temporis Astronomorum indefessa industria rem adhuc accuratius exquisivit, & novis subinde observationibus quaternarium circumjovialium numerum ita confirmavit, ut non solum de ipsorum motibus circa Jovem planeticis dubium amplius nullum sit, sed is ipse quoque, perinde ac cæterorum Planetarum motus proprii, in tabulas ac ephemerides, à Joh. Dominico Cassini cumprimis, postquam per ipsos 15 annos illa sidera curatissime observasset, digestus habeatur.

*PHÆN. III.* Fecit autem in schemate ad p. 98. sui *Cosmotheori Hugenus* (ut ipse narrat p. 101) Jovialis globi diametrum duarum circiter tertiarum ejus distantia, quæ inter nos nostramque Lunam interjacet, quandoquidem plus quam vices diametrum terræ diameter Jovis continet; Luna autem distat à terra diametris hujus triginta. Orbitam vero comitis Jovis extremi, ad nostræ Lunæ orbitam, posuit sicut  $8\frac{1}{2}$  ad 1, quoniam ejusmodi inter eas proportio re ipsa reperitur. Et hi quidem comites, sive Lunæ singulæ, non videntur tellure nostra minores esse, ut ex umbris earum in Jovis disco sæpe observatis, probari potest. Sunt autem (ut hoc quoque addamus) periodorum tempora sub ecliptica, apud Cassinum, intimi Jovialium, dies 1, hor. 18. min. 28, sec. 36: secundi, dies 3, horæ 13, min. 13. sec. 52. tertii d. 7 h. 3, m. 59. sec. 40. quarti dies 16, h. 18, m. 5. sec. 6.

*PHÆN. IV.* Quem Phæn. VII. superioris capitis adnotavimus



vimus animadvertisse in Jovis disco prominentias & inæqualitates, *Josephus Campanus*, sed & *Cassinus*, Academia Bononiensis tum Professor, egregiis telescopiis ab eodem Campano fabricatis, umbras, quas Lunæ seu satellices Jovis in ipsius discum projiciunt, dum ipsum inter & Solem versantur, animadvertunt; imo ipsa quoque satellitum corpora intra Jovis discum quasi ab ortu occasum versus (quem motum & umbræ ipsorum habent) promota distinxerunt: & *Cassinus* quidem etiam prædicere in futurum ausus est hæc phænomena, diesque & horas annotavit, quando corpora satellitum, ipsorumque umbræ, in disco Joviali essent apparitura; quarum equidem prædictionum aliquæ non solum Romæ, & in aliis Italiæ locis, sed in Hollandia quoque à clarissimo *Hugenio*, & Lutetiæ Parisiorum ab *Auzute*, peritissimo celeberrimoque Gallorum Astronomo, verissimæ sunt deprehensæ; testibus literis Româ scriptis, quas habet *Ephem. Gallorum* ad ann. 1666, p. m. 87. & quas supra etiam *Phæn. VII. cap. præced. sub fin. allegavimus*. Addatur in horum ulteriorem confirmationem specialior *Hookii* observatio, quam habuit Londini eodem hoc anno 1666 d. 26. Junii ex *Actis Anglicanis* supra *Phænom. IV. & V. caput I. jam allegatam*.

*PHÆN. V. De Circumjovialium occultationibus frequentibus jampridem Galilæi, Scheineri, & suas quoque, nobis communicavit Ricciolus: & primo quidem, quando accedunt propius ad conjunctionem cum Jove, vel superiorem, in ortum supra ipsum tendentes, vel inferiorem, versus occasum infra ipsum delati, tunc desinunt videri, ob fulgorem Jovis majorem, etsi in hoc posteriore casu curiosior inquisitio eos haut raro sub ipso fulgido Jovis disco detexerit, uti supra percepimus. Deinde vero extra has conjunctiones quoque aliquando delitescunt, majori aut minori mora, & cum hac notatu digna circumstantia, quod occultatio illa contingat, non nisi ex parte cœli Jovialis Soli opposita, scilicet post 24°, cum feruntur versus Jovem ex parte ejus occidentali Solem respicien-*



tis, apparent ad certam usque distantiam ab ipso, ubi propiores justo disparent: progressi vero ad partes ejus orientales, & ab eo tanto intervallo remoti in orientem, quanto antea occidentales conspiciebantur, nondum apparent, sed cum demum, ubi multo majorem adepti sunt distantiam; quodque jam ante attigimus, eodem illo tempore, quo cæteroquin videndi æstimantur, nec videntur tamen, calculus docet, eos inter ac Solem Jovis corpus esse medium.

## II. HYPOTHESES pro salvandis hæctenus enarratis Phænomenis.

### L

**U**T de ultimis primo loco dicamus, sicuti causam occultationis in circumjovialibus, quæ circa conjunctiones accidit, eandem putarunt Viri laudatissimi, quæ Lunam ac stellas alias sub Solis radios in aere nostro abscondit; ita extraordinariam alteram, ultra priorum limites contingentem, pro vera quadam eclipsi & reali obscuratione, lunaribus simili, habuerunt, ideo maxime, quod è Solis opposito semper accideret. Nimirum satellitem e. g. penextimum *e* (Fig. 69.) ubi ab *e* ad *a* usque visus esset à sinistra Jovis, in *a* ex terra *T* vix amplius posse conspici, ob fulgorem Jovis, cui vicinus nimium esset; ad *b* autem provectum, sui conspectum paulatim iterum concedere, ac eo magis, quo longius à disco Jovis lucido dextrorsum excurreret, donec superne ad *c* nimis iterum vicinus, exile lumen suum sub majori Jovis splendore, aut verius post ipsum Jovis corpus abscondat, paulo post in *d* rursus emerfurus, nisi novum quoddam impedimentum eum in obscuro diutius detineret: Illud vero aliud esse nihil posse, quam Jovis in Solis oppositam partem projectam umbram, quæ satellitem omni prorsus lumine privet, non ante revisendum, quam post moram notabilem, umbram transgressus, in *e*, & paulo ante in ipsa emerfione, faciem suam Soli illuminandam, ac terris visendam iterum exhibeat.

II. Quo vero modo nonnunquam ipsa corpora satellitum lucida,



cida, aut ipsorum umbras, in disco Jovis videri statuunt *Cassinus* & *Hookius*, ex eadem fig. promte intelligitur. Etenim satelles Jovi proximus, in g constitutus, præ Jovis coruscante lumine videri vix potest, etsi & ipse lucidam terris faciem ostendet, nisi forte è regione striæ, seu fasciæ, cujusdam obscurioris in disco Jovis statuatur, ita discerni ab ambiente ipsam obscuritate valens. Progreßus autem à g ad h, videri quidem ipse vultu lucido prope occidentalem Jovis marginem incipit, sed umbram suam interim è Solis opposito porrigens versus discum Jovis lucidum, eam inibi, sub forma parvulæ & rotundæ maculæ, visui obvertit, una cum ipso paulatim dextrorsum promovendæ.

III. Alias autem maculas, de quibus Phæn. VII cap. præced. prolixius actum est, non adventitias, sed nativas, in facie Jovis fixas & constantes existimant, & ex ipsorum motu vertiginem Jovis circa centrum proprium colligunt, absolvendum quidem ab occasu in ortum horis 9 min. 56; quia arcum in disci medio semidiametro Jovis, h. e. sextæ parti peripheriæ, æqualem visa est percurrere macula præcise 99 aut 100 minutis horariis; id quod in Phæn. VII. cap. I. jam præmonitum fuit, & hic paulo adhuc distinctius monetur. Nempe quia arcus in disci medio semidiametro disci, adeoque sextæ parti peripheriæ, æqualis, visus est percurri à macula prædicta 99 aut 100 minutis horariis; ideo tota peripheria percurrenda erat sexies 99, h. e. 594. aut sexies 100, sive 600 min. horariis. Posterior hic numerus per 60. min. divisus daret 10 horas integras; prior autem 9 hor. 54. min. pro quibus, tanquam medium, 56 vel 57 assumebantur.

IV. Hinc itaque unanimis fere est recentiorum Philosophorum sententia, Jovis etiam globum non solum natura sua opacum esse, nec alio, quam mutuatitio lumine fulgidum, sed è diversis etiam substantiis mixtum, Lunæ terræque simile; id quod & superficiæ asperitas, & macularum fasciarumque obscuritas & satellitum eclipses intra Jovis umbram, & eorundem umbræ intra Jovis discum, luculenter ostendunt: insimul ipsorum satellitum naturam similem, propriaque luce destitutam substantiam manifesto satis arguentes. Et *Honoratus Fabri* quidem, si cui è mixtorum nostrorum ordine isthæc assimilare corpora liceat, cupreum forte globum esse, conjicit, quia eundem prorsus colorem præferat, quem cuprum ex tenebris visum, dum à Sole illuminatur; indeque porro satellites ejus, vel chalcytim vel pyritem, aut quodlibet aliud ærarium corpus pro materia habere;



fascias autem illas obscuriores collectam æruginem esse, non adeo inepte dici posse existimat; etsi revera incerta omnia judicet, ac easdem strias verius umbras à montibus assurgentibus projectas divinet, ideo pro Solis diverso positu mutabiles.

### III. EPICRISIS

#### super commemoratas ante Hypotheses.

##### I.

**C**upreum equidem facere, cum Honorato, Jovis globum & satellites ejus ex chalcytide vel pyrite paratos credere nolumus, ne quidem sub aliqua conjecturæ specie. Ut enim non dicam, globum sive cupreum, sive ferreum à Sole illuminatum, & è longinquo resplendentem, vix aliquam reflexi sensibilem differentiam oculo remoto oblaturam; illud saltem & exemplo caret inter omnes globos mundanos, & omnis conjecturæ rationem longissime excedit, cum globus terræ, in se vastissimus, non sit tamen uniusmodi, nec ex una simplici & homogenea materia conflatus, sed innumeris modis variante ornatu instructus, Jovis è contra globum, ex Hugonii computo, 8000 globos terræ exæquantem (diametrum enim Jovis illam terræ vices comprehendere, non sine ratione supponit, juxta Phæn. superius III. globi vero diametris hisce respondentes, sunt ex Euclidis demonstratis, ut cubi ex 1 & 20, h. e. ut 1 ad 8000) ex mero cupro conflatum, omni ornatu destitui.

II. Quin rectius multo, ipsius telluris nostræ exemplo conficimus, Jovialis globi externam superficiem, superficie telluris nostræ quadringenties circiter ampliorem, cum & manifeste opaca & heterogenea sit, uti telluris nostræ superficies, quadringenties etiam variabiliore, plantarum, fruticum, arborum, à nostris generibus plurimum differentium, ornatu superbire, prout nempe etiam reliqua partium heterogeneitas longe aliter hic, quam in terra, disposita est. Hæc vero conjectura  
mox



mox aliam, velut unda undam, protrudit, de animalium parili inenarrabiliter variante, quoad genera & species, diversitate, quæ scilicet parato tam locuplete alimentorum penu fruuntur, & innumerabilia Creatoris potentissimi, sapientissimi, optimique testimonia & specimina existant.

III. Quod si plus ultra conjectando (nihil asserendo) progredi liceat, positis conjecturis prioribus, hanc aliam ultro consequi facillimum est & pronum: posuisse in immenso hoc Jovis quoque globo, Creatorem summum, aliquas etiam creaturas ratione instructas & facultate cognoscendi ac deprædicandi illam beneficentissimi Conditoris bonitatem, quam in se aliasque creaturas, sub nostro hominum genere tamen hauc comprehensas, largissime effuderit. Id quod tanto plausibilius conjicere dabitur, si cogitemus, ut in terra nostra frustra futura & inania pleraque omnia essemus judicaturi, quæ nunc facultate cognoscendi præditi circa Lunæ variabiles adeo luminis phasés seu apparentias, circa ejusdem eclipses, motuumque miracula, stupemus; si nulli universum terrarum orbem habitarem homines; ita plus etiam causæ nos habituros suspicandi talium contemplatorum in illo mundo joviali præsentiam.

IV. Cogitemus enim, quæso vos, quanto exilierit gaudio Galilæus, cum quatuor illas lunulas circumjoviales primum certo cognovisset, esse novos planetas, circa Jovem citius, tardius, tardissime mobiles; deinde eclipses nostris lunaribus similes, singulis diebus alternatim aliquas contingere, eminus ex ipsa terra vidisset; & in ipso Jove solares etiam aliquas, easque grandes, ab iisdem lunis subinde productas, mentis saltem oculo contuitus esset &c. Cogitemus autem nunc porro, quanto majori gaudio efferendus esset, & in quantam admirationem is esset rapiendus contemplator, aut talium potius multæ myriades, qui ex ipso Jove, quasi coram, oculisque corporeis, nunc orientem aliquam ex illis 4 lunis, aliam occasui imminentem tertiam circa vel prope verticem conspicuam, atque ita mille aliis modis variante positu ludentes, intuerentur: ita quidem  
ut



ut multis omnino seculis elapsuris, nunquam forte idem omnino positus earum & conspectus rediturus esset. Ecquis autem, systema hoc Jovis nunc, & paulo post saturninum alterum, inspiciens (exclamo merito cum Αστρονομικώτατῳ Hugenio) non stupebit p. 102. Cosmoth. ad magnitudinem ingentemque apparatus duorum præ exiguo illo tenuique telluris nostræ? aut, cui nunc in mentem venire potest, in hac una Solem ambientium, omnem ornatum, omnia animalia, omnes qui coelestia mirentur, inveniri? in illis vero nihil imposuisse rerum Conditorem; nec alio fine tam vastas corporum moles creasse, quam ut lucem eorum nos homunculi intueremur, cursumque forsitam inquireremus?

V. Quæ de umbris satellitum in faciem Jovis illuminatam projectis, ac de eorundem eclipsibus, sive immersionibus in umbram Jovis, in prioribus tribus phænomenis adnotata fuerunt, ita certa esse videntur, ut in tabulas & Ephemerides à *Flamstedio* & *Cassino* relata, eventu ipso hodie comprobentur. Neque vero jucundæ solum accidunt, sed utilissimæ quoque hæc speculationes, in scientia geographica provehendæ, & longitudinum inter bina quæque loca differentiis definiendis. Cum enim has in ipsa terra mensurare, tum viarum inæquabilitas, tum locorum distantiorum maxime (quorum longitudes præcipue desiderantur) ingentia intervalla, prohibebant; è cœlo petendum erat remedium, ac nominatim ex eclipsibus lunaribus, quorum & initia & fines, & intermedios quoque per has vel illas Lunæ maculas transitus, in omnibus terræ locis ejusdem hemisphærii, cui Luna eclipsata perpendiculariter imminet, eodem temporis momento (sed diversimode tantum numerato) spectare cum contingat; ex diversitate numeratarum diversimode hic & ibi horarum ac temporis minutiarum, cognosci potuit, quanto intervallo quilibet observatæ eclipseos locus ab alio quocunque, ab occidente in orientem distaret. Verum enimvero, cum rariores sint eclipses Lunæ, ut aliquando toto anno nulla, alias una, nonnunquam vel duæ, rarissime tres adsum.



summum, contingant, eæque vel non ubique visibiles, vel aeris nubilis interceptæ &c. oblata nunc in coelis tam commoda occasione, lunaribus eclipsibus, illas circumjovialium hodie substituere licuit; utpote quarum tantus est numerus, ut Ricciolo Lib. VII. A. n. p. 493. computante, aggregatis omnibus omnium satellitum 24 eclipsibus, quæ uno anno fieri possunt, totidem fere sint, quot periodorum summæ, videlicet 480, intimi quippe 180, penintimi 130, penextimi 50, extimi 20: qui quatuor numerici tamen collecti, non faciunt plus quam 380.

VI. De vertigine Jovis nunc tanto minus dubitare nobis licet, postquam ea & in Epicrisi cap. præced. num. IV. confirmata, & inter hypotheses hujus cap. II. num. Cassini luculenta illatione evicta fuit; cum præsertim de globo Martis gyrationem similem experimenta adhuc luculentiora extra dubium ponant, ut in seqq. audiemus. Et sane, si coelestium motus, ætheris fluori in gyrum acto veniant adscribendi (uti quidem causa naturalis verosimilior excogitari vix poterit,) indubius est particularis quidam circa Jovem gyros seu vortex, qui satellites ejus sive lunulas ab occasu in ortum circumvehat, atque ita ex necessitate quadam ipsum Jovis globum una circa proprium centrum convolvat: quam eandem necessitatem è causa finali speciose deducentem supra jam vidimus *P. Honoratum Fabri*, &, ni fallor, etiam *Job. Hevelium*, quod alias superiorum planetarum averfa hemisphæria nunquam à sole illustrarentur.

VII. Sub finem hujus epicriseos placuit subjungere duo systemata supremorum duorum planetarum, cum comparatione eorum ad systema telluris sublunare, figuræ 70 num. 1, 2, 3, illustrata, mensurisque suis (quas magnis laboribus vigiliisque repertas testatur Hugenus in *Cosmoth.* p. 102) definitas, nempe ultra periodos circumjovialium Phæn. III. jam ex præced. 101. excerptas, distantia quoque singulorum à centro Jovis assignantur, comitis intimi  $2\frac{1}{2}$  Jovis diametrorum: secundi  $4\frac{1}{2}$ : tertii  $7\frac{1}{2}$ : quarti  $12\frac{2}{3}$ , in Saturniis (de quibus proxime seqq. cap. ex professo agetur) periodica tempora, intimi dies

H h h h h h

1, hor.



1, hor. 21, min. 18, sec. 31: secundi dies 2, hor. 17, m. 41, sec. 27, tertii dies 4, hor. 13, min. 47, sec. 16. quarti dies 15, hor. 22 min. 41, sec. 11, quinti dies 79, hor. 7, m. 53, sec. 57. Distantiæ à centro Saturni, diametris annuli dimensæ, comitis intimi  $\frac{3}{4}$ , secundi  $1\frac{1}{4}$ , tertii  $1\frac{1}{4}$ , quarti 4 (quæ Hugenio fuerat  $3\frac{1}{2}$ ) quinti 12; sed in extimis maxime, distantiae, figurarum assignatis hic numeris minus, respondebunt.

## CAPVT III.

### De Saturno separatim.

#### I. PHÆNOMENA.

**P**HÆN. I. Si Jovis novus mundus in admirationem hunc veterem nostrum rapuit, Saturnius alter, non lunarum tantum luxuriosiore sobole, sed insuper proprii corporis insolita specie tantum non perterritus & obstupescit. Cum enim ab omnibus retro seculis creditum esset, omnium corporum coelestium unam esse & communem, nempe sphaericam sive globosam figuram; ex inopinato accidit, ut Galilæo primum, deinde viris aliis ingeniosis pariter & curiosis, tubo specilla sua, novum ævi sui inventum, in Saturnum quoque, planetarum remotissimum, dirigentibus, hujus corpus varia figura monstrosum, nunc triceps quasi aut tricorpor, nunc brachia utrinque protendens, nunc ansatum &c. conspiceretur, prout è quamplurimis hujus Protei formis selectiores hic depictæ demonstrant. Exhibet autem in Fig. nostra 72.

Num. 1 Observationem Galilæi anno 1610

2	-	-	Scheineri, an. 1614
3	-	-	Riccioli & Zucch. 1640 & 43.
4	-	-	Hevelii
5	-	-	ejusdem & Gassendi.
6	-	-	Hevelii an. 1646
7	-	-	
8	-	-	
9	-	-	Riccioli an. 1648. seq.

Num.



Fig: 72.




Fig: 74.






Fig: 73.











Fig: 82.









Num. 10	-	-	Eustachii de Divinis 1646, seqq.
11	-	-	Fr. Fontanæ & Ricciol. 1646
12	-	-	Blancani & Gassendi.
13	-	-	nescio cujus à Ricciolo commu- nicatam.

*PHÆN. II.* Post ea tempora prodigiosam hanc Saturni faciem *Hugenius à Zuylichem*, integro triennio stupenda industria contemplatus, alique post ipsum, perfectioribus jam & longioribus, quam quæ supra laudati observatores adhibuerant, usi telescopiis, paulo alias nobis ejusdem depinxerunt imagines, quas Num. 14, 15, 16 &c. Fig. 71. præced. adhuc Iconismi ænei exponunt, effigiant autem Num. 14 observationem Hugenii anno 1655 d. 25 Mart. & 1656 d. 13 Octobr. sed per tubum non nisi 12 pedes longum:

Num. 15 & 17 easdem illas per tubum perfectiorem 23 pedum factas.

Num. 16 ejusdem Hugenii observationem Anno 1656, d. 16 Januarii.

Num. 18 & 19, ejusdem duas observationes, priorem 1657 d. 17 Decemb. posteriorem 1659 d. 12. Febr. habitas.

Num. 20 exhibet observationem M. Guilielmi Ball in Anglia institutam d. 13 Octobr. 1665, opet telescopii 38 fere pedes longi.

Num. 21 sistit imaginem Saturni, qualem celeberrimus Hookeius Londini spectavit d. 29 Junii 1666 per telescopium 60 ped. umbra quadam superne ansatum ambitum, inferne globum fere medium secante.

Num. 22, novam Hugenii ac Picardi Socii observationem exprimit, per telescopia exquisita 21 ped. habitas Parisiis d. 17 Augusti 1668, globo medio supra & infra manifeste ultra ellipticam ansularum figuram prominente; id quod anno præterito vix erat perceptibile.

*PHÆN. III.* Est autem inter cæteras Saturni *phæas* sive apparentias, illa notatu speciatim digna, quod aliquando  
H h h h h h 2 bra-



brachiis ansisque spoliatus penitus, haut aliam quam rotundam figuram ostendet, sed in medio transversa quadam & obscura linea obumbrata; qualiter cum ab anni 1656 principio per menses complures observavit laudatissimus Hugenius. Etsi vero de linea illa umbrosa nihil, quod sciam, constiterit ante Hugenium; occultari tamen aliquando appendices illas, & tunc rotundum ac solitarium apparere Saturnum, non sine stupore jam animadverterat Galilæus anno 1612 & post ipsum deinde complures alii.

*PHÆN. IV.* Et hanc rotundam Saturni formam notavit Hugenius (p. 42 sui systematis Saturnini anno 1659 Hagæ comitis editi) in duobus oppositis eclipticæ locis accidere, contraque in iis, quæ quadrante hinc distant, ansas quam maxime expansas; adeoque certis orbitæ Saturni locis phasés quasque peculiare esse.

*PHÆN. V.* Cæterum, eum esse perpetuo ansarum illarum, ac lineæ illius obscuræ in Saturni medio globo, positum observarunt Ricciolus pariter & Hugenius, ut æquatori magis, quam eclipticæ, essent parallelæ; & quidem, uti primum conjecerat Hugenius, ad eclipticæ planum  $23^{\circ} 30'$  (p. 58. System. Saturn.) fassus est tamen eadem illa pag. sub finem exiguum quid deesse, quo minus omnino perfectus sit eorum parallelismus, addita etiam ratione, quam hoc loco exponere non possumus, & ut exactiores postmodum observationes in Bibliotheca regia habitæ (quas legere licet in Ephem. Eruditorum I Nitsch. vers. p. 12 & seq.) Hugenium & Picardum adegerint, loco 23 gr. 30 m. angulum planorum annuli & eclipticæ 31 circiter gr. astimandi.

*PHÆN. VI.* Etiam si vero de variis variarum stellarum coloribus inter generalia, quantum recorder, per occasionem diximus; est tamen hoc loco speciatim facienda mentio cineritii palloris & coloris plumbei, quo debile Saturni lumen hactenus conspectum est, absque ulla sensibili micatione. Cætera



Cætera vero hic ex Hugonii Cosmotheoro p. 107. seqq. hoc loco commemoranda notabilia, inter hypotheses potius censenda veniunt, quam inter vera phænomena. Quamobrem etiam narrabimus

## II. HYPOTHESES

tum hætenus enarratis Phænomenis deducendis aptas, tum alias cognitu dignas.

### I.

**I**nter has posteriores ea 1) ante omnia commemoranda venit, quod Saturnicolis, si qui sint, è planetis primariis solus spectaretur Jupiter, qui idem illis esset, quod nobis Venus non nisi 37 circiter gr. à Sole recedens, quemadmodum vicissim à Jovis incolis, solus Saturnus cerneretur præter quatuor suas Lunas, quæ noctem ibi rarissime illunem esse permissuræ sunt, 2) quod spatia dierum in Jove quinque tantum horas nostrates, & noctes tantundem adæquent; id quod admiratione non caret, propter tantam illius globi præ nostro magnitudinem; ut hinc intelligi possit, mundi Creatorem hautquam ea in re servasse rationem, quæ est secundum globorum molem, aut eorum distantiam à Sole; cum etiam in Marte dies sint nostris fere pares, ut insequentibus audiemus. Dies etiam 3) hoc nomine in Jove differunt, quod eadem semper sint longitudine, perpetuoque ibi fruuntur æquinoctio. Quæ quidem asserta non sunt ex libidine conficta, nec meræ conjecturæ, sed habent prægnantes suas rationes, deinceps exponendas.

II. Quantam vero 4) habeant dierum longitudinem Saturnicolæ, certo cognosci non posse, dicit Hugonius p. 108 nisi quod ex comitis intimi distantia ac periodo, exque eorum comparatione cum intimo Jovialium, (de quibus utrisque videri potest, num. VII. & ultimus epicris. cap. præced.) verisimile fiat, non longiores esse dies illos, quam sint in Jove, quos 10 horarum esse dictum sit, aut paulo minus. Verum cum hi Jovis dies æqualiter in lucem ac tenebras dividantur, Saturnicolas 5) insignem inæqualitatem, ait, atque etiam majorem quam nos perpeti, majusque etiam æstatis & hyemis discrimen. Plura alia mirabilia phænomena 6) planetæ hujus

Hhh h h h 3

incolis



incolis præbenda innuit eadem pag. sub finem, sed quæ intelligi non possint, nisi prius tota annuli ratio fuerit exposita.

III. Itaque cum monstrofi illius vultus Saturnini miracula jam certa essent & indubia, licet nondum satis, ob telescopiorum paulatim magis magisque corrigendos defectus, distincta, *Galilaus*, *Scheinerus* alique illorum sequaces, adeo novæ & invisæ antea rei penitus cognoscendæ impatientes, festinantius conjicere cœperunt quid veri mirabilibus illis spectaculis subesset, illosque Saturni appendices, pro stellis habebant & comitibus illius (quales nimirum jam ante circa Jovem deprehenderant) arctiore circuitu ipsum obambulantibus, & quoad figuram quidem vel sphaericis, vel oviformibus, prout videlicet cujusque observationes, adhuc confusiores, suadebant: lunulares autem illas ansas, quas num. sequentes depingunt, inde formari plerique credebant, quod à tergo Saturni constituti comites, ob viciniam ab eo obumbrarentur, ac magnam partem ab ejus umbra tecti, formas illas varias, per alternos suos accessus ad ipsos, vel recessus producerent, & sic insimul docerent, tam seipso carere luce propria, quam Saturnum, nec nisi à Sole lucescere.

IV. *Hevelius* in eo libro, quem peculiarem huic argumento dicaverat, allegante *Hugenio* p 40. System. Saturn. oblongi sphaeroidis figuram corpori Saturni medio tribuit, cui ab utroque latere appendices istæ, instar ansarum aut brachiorum firmiter adhærerent, ea forma, quam num. 7 superius expressit. Phænomenis autem reliquis ut satisfaceret, ansas illas, una cum Saturno, 30 circiter annorum spatio, circa minorem sphaeroidis axem converti fecit; ita quidem, ut axis ille plano orbitæ Saturni esset ad angulos rectos, ita namque bis rotundum appariturum Saturnum, & quidem in oppositis eclipticæ locis; bis item, in duobus aliis inde quadrantis intervallo remotis, ansatum maxime, atque ita temporibus intermediis etiam cætera phænomena necessario exoritura judicans.

V. Insignis Gallorum Geometra *Robervallius*, Saturnum perinde, uti cæteros planetas, rotundum statuit; egredi autem è zona ejus torrida, h. e. quæ rectiores Solis radios excipit, vapores quosdam non admodum spissos, qui procul à superficie ejus in sublime evolantes, undique illum ambient, præterquam polos versus, ubi fortassis intensum frigus eos à Sole attrahi prohibeat. Hi, si quando omne spatium compleant à Saturno ad usque extremam ipsorum regionem, elliptica forma, inquit, eum videri faciunt. Cum vero  
minus



minus densi exoriuntur, interque eos ac Saturnum locus ingens medius relinquitur, ob tenuitatem solares radios non reflectunt, nisi inde, ubi magis conferti iisdem opponuntur; quod nostri respectu necessum est fieri in partibus à medio disco remotioribus: ubi proinde ansarum formam ex ea reflexione produci oportet, illasque inter ac Saturnum spatia utrinque obscura, vel certe minus lucida intercedere. At quoties nullæ prorsus huiusmodi exhalationes ascendant, rotundus planeta spectabitur.

VI. 10. *Hodierna* Siculus, in systemate suo saturnio p. 43. sphæroidi, cujusmodi aut ovum aut prunum est, sed magis etiam oblongo, quam Hevelianum illud, similem Saturnum imaginatur; in quo binæ utrinque sint maculæ lucis expertes, quales inter superiores figuras Num. 8 exhibet, quæ nobis interstitia illa inter ansas Saturni mediumque ejus discum referant. Inde conversiones hujus corporis circa axem eadem periodo, qua & Hevelius definit; & rotundum tunc videri asserit, cum longior sphæroidis axis ad nos dirigatur, ideoque bis hoc accidere annorum 30 decursu &c.

VII. Verum enimvero, cum nobilissimus *Hugenius*, exactioribus telescopiis instructus (fuisse autem sua antiquioribus perfectiora, vel inde judicari posse existimat, quod ipsemet Saturni comitem genuinum, primus suis perspicillis detexerit, & quoties liberet clare fuerit intuitus quem pertingere alii nequaquam potuissent, licet quotidie Saturno observando intenti) correctiores Saturni multiformis apparentias, experimentis quamplurimis collegisset, atque insuper, è comitis revolutione semimenstrua, ipsius quoque Saturni vertiginem, longe citius absolvendam, conjecisset; hæc alia ratione fieri non posse credidit, quam si globus Saturni à corpore alio æqualiter undique cinctus ponatur, atque ita annulus quidam cum ambiat, ad cujus planum axis gyrantis Saturni perpendiculariter erectus, & in polos mundi nostri proxime directus, prout ipsum annuli planum æquatori fere parallelum perpetuo esset. Vid Fig nostra 73.

VIII. Atque ut plenius hanc suam hypothésin ad phænomena superiora accommodet Saturnum, ait, intra 30 annos circiter orbitam suam decurrere (vid. Fig. 74.) dum interim terra T circa Solem S tri-  
cies circumvolvitur (applicat enim Copernicanorum hypothésin hanc suam specialiore, cum terra immota forte difficilius conciliandam) & cum interea Saturni axis in polos mundi præterpropter directus, adeoque annuli Saturnii planum æquatori terrestri proxime paralle-  
lum



lum conservetur, fieri necessario, ut bis intra tricennem Saturni revolutionem, nempe ad A & B, inter  $\Pi$  &  $\Sigma$  ibi, & hic inter  $\gamma$  &  $\lambda$ , annuli cavitas terricolis directius objiciatur, & anfas maxime omnium diductas exhibeat, ea forma, quam supra num. 22. Fig. 71 expressimus; ante & post illam  $\phi\acute{\alpha}\sigma\omega$  autem, posito Saturno in C aut D, vel ex adverso in E vel F, angustiore jam annuli ellipsi, ob aspectum paulo obliquiorem, facta, porroque contractioribus adhuc ansis in G & H, vel I & K, ex eadem causa, sic spectetur, uti num. 19 & 18 Fig. 71 depingitur: In L & M vero, & è regione in N & O, jam ita oblique in oculos occurrat annuli planum, ut nulla amplius ejus apertura, nullæ adeo anfræ, conspici queant amplius, ac ea proinde Saturni forma appareat, quam num. 15 & 17 cit. Fig. depingunt; donec tandem bis etiam per integram Saturni revolutionem, nempe in P & Q annuli, non planum amplius, sed ambitus exilior ac præterea ita procul dubio, (vel propter perspicuitatem, vel propter politiem suam) comparatus, ut reperiendo lumini minus idoneus sit, oculis directe obvertatur; quo casu non nisi rectam lineam referente annulo, in nihilum quasi evanescant Saturni brachia, solo rotundo ejus corpore, quod conspiciamus, reliquo, ac per medium nigricante quadam & umbrosa stria diviso; prout ejus vultus num. 16 spectatur &c.

IX. Superesset novum systema Phænomenorum planetarum, Autore *Galletio*, Præposito S. Symphor. Avenionensis; quod ex Ephemeridibus Eruditorum Gallicis excerptum, Acta Eruditorum Lips. mensi Septemb. MDCLXXIV. inferere voluerunt, ideo nec à nobis hic penitus silentio prætereundum. Præpositus hic, quod valde mirandum, Hugonii assertionem, qua anulum Saturni materialem ac verum esse credidit, fundamento parum tuto niti existimavit, ut aliorum Planetarum, sic & Saturni phænomena à sola radiorum solarium reflexione dependere pronuncians. Provocat autem ad experimentum, quod ope vitri cujusdam objectivi 25 pedum circirer instituerit, idque invincibilem esse credit demonstrationem veritatis novi sui systematis. Excipit nimirum dicto vitro radios solares, eosque reflecti facit oblique in planum oppositum ultra foci distantiam, eamque reflexionem in justa elongatione exactam Saturni figuram producere affirmat. Quod si idem planum propius adducatur, donec exterior annulus alteri imagini æqualis fiat, tum reflexionem figuram Jovis exhibere; sin adhuc propius assumatur, figuram



ram Martis fisti; & si oculus in linea reflexionis existat, cum vitro colorato, per cujus medium quis splendorem sustinere possit, easdem penitus figuras conspici, quæ in plano opposito apparent.

### III, EPICRISIS NOSTRA

qualiscunque supra enarratas Hypotheses & Phænomena.

#### I.

**U**Tinam hujus Hypotheseos Galletianæ, quam schematicismo etiam ex Actis Gallicis in Lipsiensiâ, eorumque Tab. XI, Fig. XI, translato, Author illustravit, vel penetrandæ satis, aut ingenium mihi aut tempus etiam sufficiens suppeteret; vel experimenti memorati imitandi copia occasioque, non admodum operosa aut cum temporis multo dispendio conjuncta, daretur. Quorum neutrum cum certo mihi promittere possim; judicium meum interim suspendo, veritus, ne parum illud quod mihi restat ad vivendum temporis, frustra impendâ, ideo quod per totum hoc octodecim annorum interval- lum, nemo quidem, quod sciam, ingeniosissimorum etiam Astronomorum, repertus sit, ne ipse quidem Hugenus, cui operæ pretium fuisset visum, aut agnoscere veritatem hujus illusoriæ hypotheseos, & tubospecillorum omnium universales fallacias confiteri; aut illius potius falsitatem ostendere, erroris- que fontem detegere.

II. Interea, seposita hac Galletiana hypothesi, inter cæ- teras, quas commemoravimus, quarumque defectus, ipse Hugenus imperfectione majori vel minori telescopiorum, qui- bus earum authores usi fuerant, modestissime excusat, ipsa certe Hugeniana adeo speciosa, phænomenis singulis jucunda adeo ratione respondens, ut ex illo ipso tempore in hunc usque diem, spatio temporis fere semisecolari, nemo repertus sit, qui meliorem ipsi substituere sustinuerit, neque novissime Dn.



*Edmundus Halley*, cum theoriam satellitis Saturnini, ab Hugemo primum inventi, mense Martii 1683 corrigere aggressus esset, (quam correctionem ratione calculi solum institutam videre licet in *Actis Lipsiens.* ad an. 1684 p. 187.) in ipsa interim palmaria hypothese de annulo, allegans licet accuratum, ut ipse vocat, tractatum systematis Saturnini, quicquam desideraverit. Confirmarunt eandem hypothese non solum observatio *Hookeii* anno 1666. d. 29 Jun. inter 11 & 12 noctis, cum telescopio 60 ped. quæ brevis describitur in *Actis Philosoph. Angl.* mense Jul. p. versionis Lipsiæ editæ 188. sed etiam *Dn. Picardi* in Bibliotheca regia Parisiis habita cum Hugenio An. 1669. p. 13. version. Nitsch. Quæ duæ observationes sibi valde similes erant, velut ex collatione figurarum utriusque loci manifestum est, parte scilicet annuli australiore circa Saturni corpus existente, septentrionali vero post illud latente; ea tamen adhuc differentia, quod in priore observatione annulus amplior ultra globum tam superne quam inferne, in posteriore contra globus ultra annulum, optice angustiores, utrinque manifeste promineret. Confirmavit denique eandem illa figura, qua sub initium Julii anno 1664 apparuit, observante eam & publici juris faciente *Campano*, in qua major ellipseos diameter minoris præcise dupla erat.

III. Non est igitur operæ pretium, ut notabiliores hypothese cæterarum, Galilæi, Scheineri, Hevelii, Robervallii & Hodiernæ, errores seorsim hic annotemus; quin potius, supersedentes frustraneo labore, ad illarum hypothese, quas ex Hugonii Cosmotheoro adnotavimus, rationes declarandas nos accingemus; inter quas primum locum occupabant ea asserta, quibus ex mundo Saturnino prospicientes solum Jovis sidus, & ex opposito ex mundo joviali non nisi Saturni lucidum globum conspecturos esse dicebatur; cujus utriusque asserti communis ratio ex eo procul dubio petenda est, quod reliqui Planetæ, Mars, Terra, Venus & Mercurius valde pusilli sint, insuperque ab utroque hoc longissime remoti; ut taceam, si quod est



est credibile, circa Jovem pariter ac Saturnum atmosphaera quædam diffusa sit, hæc ab utrisque lunis ita perpetuo illustratam fore, ut remotiorum plane nullus conspectus esse queat, uti novimus ex aere nostro lunari lumine noctu imbuto, vix grandiores stellas fixas conspicuas esse.

IV. Quod dies in Jove, pariterque noctes, non nisi quinque horarum sint, ex eo innotuit, quod gyratio seu vertigo Jovis intra decem horarum spatium absolvatur. Esse vero inibi perpetuum æquinoctium, ex iis observationibus constare solum potuit, quibus axem vertiginis Jovialis cum axe nostri mundi semper parallelum esse, innotescere potuit, hoc loco non adeo commode docendis. Quod si dies in Saturni globo nihilo majores sint diebus Jovialibus, ex allata num. II. Hypoth. ratione, magnam tamen in his inæqualitatem, & majorem etiam quam nos perpetimur, reperiri, ex observata inclinatione axis globi Saturnii ad planum suæ orbitæ; quæ est partium si ve gradum 31 minimum; cum terræ nostræ axis tantum 23½ obliquitatem habeat.

V. Cætera vero mirabilia phaenomena quæ Saturnicolis in ipso hoc ingenti globo forent observabilia, nunc demum doceri possunt, postquam de annuli conditionibus, jam constat, & de proportionibus diametrorum annuli & ipsius globi, ea nempe quæ est 9 ad 4, vacuoque spatio inter utrumque interjecto annuli latitudinem habente; crassitudine vero hujus, per observationes valde exigua, ratione diametri tamen non nimia futura etiam si sexcenta milliaria germanica efficere putetur. Cætera, inquam, mirabilia nunc ex Figura 73 sic doceri poterunt.

VI. Sit Saturni globus, cujus poli A B, annuli diameter G N, oblique inspecti, ita ut ellipsin angustiores circumferentia sua referat. Sunt igitur 1) circa polos utrosque portiones superficiei, arcibus C A D, E B F, 54 partium definitæ, quas qui incolunt (nisi frigus forte inhabitabiles reddit) nunquam annulum conspiciere possent; ideo procul dubio, quod per



omnia puncta inter A & C ductæ lineæ tangentes, ultra annulum excurrerent: quæ res ex zonis illis frigidis intemperatiores versus T V utrinque advenientes multo magis in admirationem & stuporem esset abreptura, si viderent annulum circa globum suæ terræ medium in æthere libero pendentem &c. quam Arabes in tellure nostra in Europam delatos defectus umbrarum meridianarum in austrum conversarum. Nam ex reliqua omni superficie viderent incolæ illum annulum annis continuis quatuordecim & mensibus novem, quod est ipsis anni spatium dimidium. Altero vero dimidio absconderetur, quamdiu nempe habitantes inter C D ac T V Solem insimul faciem annuli ipsis obversam haberent illuminantem, viderent media nocte portionem ejus K G L, arcus lucidi forma, qui utrinque ab horizonte assurgat, sed medius intetrumptatur umbra globi Saturnii partem G H tegente, plerumque ad extremum usque marginem &c.

VII. Evanesceret autem matutino tempore lucidus hic arcus, aut manente quidem arcus specie tota die, tenuius lucret, quam nobis Luna nostra interdium conspicitur; siquidem sua illis est atmosphæra sive aer à Sole splendescens, nam si nihil tale haberent, non aliter interdium quam noctu, & annulum & Lunas suas, stellasque inerrantes lucere viderent. Annuli porro spectaculum hoc quoque pulchrius esse oportet, quod eum in sese converti, ex maculis quibusdam, aut inæquali splendore animadverterent; neque enim ex tanta propinquitate hoc notari non posset, cum vel è tellure nostra inæqualis claritas, in superficie annuli appareat; quæ limbo exteriori, quam interiori, minor est, velut à Domino Cassino (si recta memini) observatum est.

VIII. Simul autem, dum globi umbra in annuli partem G H projicitur, etiam annuli umbra obscurat globi partem circa P F, quæ alioqui Solis luce frueretur: ut proinde semper zona quædam sit P X E F, nunc latior, nunc angustior, cujus incolæ multo tempore conspectu Solis, annulique simul, pri-  
ven-



ventur; qui tunc etiam stellarum partem aliquam illis aufert. Quod certe miraculi instar videri necesse est, intercepto Sole in profundam noctem incidentibus, neque quid eam efficeret, videntibus: quo tempore Lunarum solo lumine se solarentur; Altera anni parte dimidia, cum oppositam annuli superficiem Sol illustrat, eodem modo luce fruitur hemisphærium T B V, quo prius T A V, & hoc vicissim tunc longas illas eclipses patitur &c. Apponuntur in schemate hoc, juxta Saturnum, terræ nostræ, Lunæque globi, servata magnitudinum vera ratione; ut rursus intelligatur, quam exigua sit habitatio nostra, ad Saturni sphaeram annulumque collata; quod continue cogitationi infixum habere expedit. Imaginem vero Saturniæ noctis, geminis annuli lucentis arcubus adversis, & quinque Lunis ornata, sibi quisque formare ex jam dictis poterit.

## CAPVT VI.

De

## SATURNI

### quinque Satellitibus.

#### I. PHÆNOMENA.

**P**HÆN. I. Cum *Christianus Hugenius* anno 1655 in Saturni faciem lustrandam totus intentus esset, d. 25. Martii st. n. circa h. 8. vespertinam, Saturnum conspexit cum brachiis utrinque secundum rectam lineam extentis, tribusque fere scrupulis ab eo distantem stellulam quandam exiguam (a litera ab ipso notatam, atque) ita sitam, ut, si per brachium utrumque recta duceretur, ea in illam proxime incurreret, alteraque item versus orientem stellula (litera b signata) aderat, paulo longius à Saturno remota, & brachiorum linea multo inferior.

PHÆN. II. Die sequenti, nempe 26 Martii, stella a eodem



modo, eademque, qua prius distantia, juxta Saturnum collocata erat, *b* vero duplo quam ante remotior. Unde, cum distantia stellarum inter se major esset facta, sequebatur, vel utramque, vel alteram saltem, erraticam esse. Et stellam quidem *a*, quam præcedente jam nocte talem suspicatus fuerat, necessario talem nunc judicavit, quoniam Saturnum eo tempore retrogradum esse noverat; itaque oportebat cum Saturno illam in eandem plagam delatam esse, cum alioqui propinquior multo fieri debuisset. Altera vero *b*, quo minus fixa censetur nihil obstabat, imo prorsus ita existimari consentaneum erat, cum una die tantum ab illa Saturnus recessisset, quantum motus ejus postulabat.

*PHÆN. III.* Neque vero aliter se rem habuisse sequentes observationes ostendebant. Martii enim 27 stella *a* Saturno propior facta erat: *b* vero adhuc longius recesserat. Interjectis aliquot diebus nubilus usque ad 3 Aprilis fixam *b* non amplius notavit, sed stellula *a* migraverat interim ad Saturni latus orientale, rursusque fere 3 scrupulis distabat.

*PHÆN. IV.* Quinque diebus seq. impeditis iterum observationibus, d. 9. April. denuo ad occidentem situs erat comes *a* fixaque altera *c* à parte orientali Saturno admodum propinqua animadvertebatur, uno circiter scrupulo distans, lineaque brachiorum, uti præcedens, inferior. d. 10. Aprilis, Saturnus à fixa *c* longius abscesserat, & comes à Saturno: diebus duobus sequentibus aucta fuit continue distantia stellæ *c*, comitis *a* eadem fere mansit. d. 13 comes videri nequit, quoniam & Saturno propior factus erat & Luna adventabat, neque 14 & 15 comes apparuit, ob viciniam Saturni. d. 17 comes iterum ad ortum situs erat, stella *c* vero longius abierat, &c.

*PHÆN. V.* Atque ita continuatis, quantum pote, observationibus, non solum per hunc annum 1655, sed per insequentes etiam 1656, 57, 58 & 59, usque ad 26 Martii rursus tum phasēs Saturni omnes, tum comitis hujus unici primum observati motus erraticus, plenissime, summaque industria detecta & con-



& confirmata fuerunt; eratque jam in eo, ut Lunæ hujus Saturniæ periodus determinaretur; id quod præstare connisus est Vir ingeniosissimus, à p. 26. sui systematis, per insequentes plusculas, deducens tandem ingeniose p. 29 & 30 motum comitis diurnum  $22^{\circ} 34' 44''$ ; periodum integram vero d. 15, hor. 23, scrup. 13; reliquis duntaxat 47 scrupulis ad dies 16. Quibus ita definitis, porro investigat modum, quo possit ad datum quodvis, situs comitis apud Saturnum exhiberi; ostendens p. 30 & seq. brevissimam ad hoc calculi rationem, conditarum in eam rem tabularum ope absolvendam, quam totam postea correctiorem dedit *Dn. Edmundus Halley* in Epist. exhibita in Philosophicis Transactionibus Anglicanis, indeque in Acta Lipsiensia, ad an. MDC LXX XII translata p. 187. seq.

*PHÆN. VI.* Ex eo vero tempore plusquam 10 annorum intervallo, nemo, quod sciam, alium è comitibus Saturninis observavit, donec anno 1671 extimum & remotissimum à Saturno Cassinus detegeret, quam una cum tertia (Hugeniana scilicet Saturno propiore) testatur Hugenius se vidisse, anno 1672, ipso Cassino monstrante, & postea sæpius; quos tamen *Dn. Halley* cit. loc. p. 194 fatetur se tum temporis non potuisse observare, spe interim concepta, anno 1685, cum ansæ rursus evanuerint, commodum tempus fore eas inquirendi, ut ita ipsorum motus regulis includantur, & sic sciatur, ubi inveniri possint, cujus notitiæ defectu impræsentiarum fortasse investigari nequeant. Econtra vero *Cassinum* fatetur *Hugenius* p. 99. Cosmoth. primam cum secunda repertas, sibi significasse, missis literis, Anno 1684. Eas vero difficillime cerni, dicit, certoque affirmare se non posse, sibi conspectas hætenus, nec propterea quicquam se vereri clarissimo Viro fidem habere, atque has quoque Saturno socias adscribere. Imo præter harum numerum alias quoque vel unam vel plures latere, suspicari licere, nec rationem deesse. Cum enim inter extremas duas, spatium amplius pateat, quam pro distantiiis cæterarum; posse hoc insidere sextum satellitem,

*PHÆN.*



*PHÆN. VII.* Possent etiam ultra quintum alii circumvagari, eodem Hugenio iudice, qui propter obscuritatem nondum haftenus visi sint: cum ille ipse quintus, tantum in orbitæ suæ parte, quæ ad occidentem spectat, cernatur, in reliqua nunquam appareat; cuius rei causam satis intellectu facilem postea se allaturum asserit p. 100. Cosmoth.

*PHÆN. VIII.* Denique totum hoc Saturniarum Lunarum systema ipse *Cassinus* in Actis Lips. ad mensem Sept. anni MDCLXXVI, p. 469. communicavit sub hac inscriptione: *Novæ Observationes circa systema Saturni, habitæ in Observatorio Regio Parisiis, à Dn. Joh. Dominico Cassino, lentibus Dn. Joannis Campani.* Systema Saturni, præter annulum, quo cingitur, quique planetam utrinque anslatum repræsentat, quinque ejusdem satellices comprehendit.

*Primus* intimusque, ab extremitatibus ansarum (in Fig. 70. num. 3.) paulo plus ipsa ansæ unius latitudine digreditur, revolutionemque suam circa Saturnum bidui fere spatio absolvit. Detectus est mense Martio anni 1684. lentibus Campani 100 & 36 pedum.

*Secundus*, ab extremitatibus ansarum, aggregato globi & ansæ Saturninæ recedit. Revolvitur circa Saturnum trium fere dierum spatio, iisdemque cum priore lentibus observatus est.

*Tertii* distantia ab ansis maxima paulo major est diametro annuli: revolutio vero circa Saturnum 4 dierum &  $12\frac{1}{2}$  horarum. Observatus hic est telescopia Campaniano 34 ped.

*Quartus*, qui prioribus longe magis conspicuus est, ab iisdem terminis elongatur paulo supra tres diametros annuli, revolutionemque suam sedecim fere diebus absolvi. Repertus hic est primum à Dn. Hugenio.

*Quintus* à Saturno decem diametris annuli digreditur, & 80. circiter diebus circa eundem revolvitur. Observatus est tubospecillo Campaniano 73 ped. anno 1671.

*PHÆN. IX.* In Epistola Dn. Cassini ad Editorem Transact. Ang. quæ reperitur etiam in Actis Lips. ad an. MDCLXXXVII



p. 273 seq. correctiones quædam præcedd. habentur. 1) Distantia Satellitis primi (cujus, ut & secundi detectio hic anno 1686 adscribitur) à centro Saturni variabilis ipsi apparuit, ejusque motus ad sensum inæqualis, velocior hoc quidem tempore in semicirculo occidentali, quam in orientali. Nuperrime determinavit mediam illius distantiam  $\frac{3}{4}$  diametri annuli Saturnini; motum vero ejus diurnum 6 sign.  $10^{\circ} 41' 31''$ . 2) Distantia Satellitis secundi à Saturni centro magis uniformis apparuit, determinata una annuli diametro &  $\frac{1}{4}$ . motus quoque ejus æquabilior visus, & supputatus in diem 4 sign.  $11^{\circ} 31' 30''$ . Notatur præterea, quia primi duo Satellites & magnitudine æquales, & colore similes sint, insuperque secundus plurimum temporis cernebatur in confiniis distantiae primi, difficultatem, unum ab altero distinguendi, summam fuisse &c. 3) Tertii (*ab eodem Cassino reperti anno 1673*) à Saturni centro videtur habere unam annuli diam. cum  $\frac{3}{4}$ . Motus ejus in diem est 2 sig.  $18^{\circ} 41' 50''$ . 4) Quarti Satellitis (*ab Hugenio primum observati 1655*) distantia à Saturni centro, quater videtur annuli diametrum continere. Motus in dies singulos  $22^{\circ} 34' 38''$ . 5) Quinti denique Satellitis (*detecti à Cassino anno 1671*) distantia à centro Saturni, duo decies annuli diametrum emetitur: motum diurnum habet  $4^{\circ} 32' 17''$ . Additæ sunt etiam durationes conjunctionum singulorum Satellitum cum  $\odot$  vel ejus corpore; ut quod e. gr. hujus quinti conjunctiones durent 24 horas &c. item Epochæ motuum &c. ex quibus principiis construi possint tabulæ & Ephemerides; tandemque his conclusa epistola: En Domine, fructum longi satis ac perquam rædiosi laboris, duabus pag. comprehensum, quem rogo communices Societati regiae &c.





## II. HYPOTHESES

### Pro illustrandis enarratis Phænomenis animo conceptæ.

#### I.

**I**N quinque prioribus Phænomenis adnotatæ summa industria observationum circumstantiæ, fundamenta jaciebant illorum omnium certitudini, ac inprimis inde elicitæ generali asserto de novo quodam planeta secundario, circa Saturnum antiquum & primarium. Optandum esset, ut in cæteris observationibus reliquorum deinceps à Cassino detectorum, uti adhibita est procul dubio similis ubique circumspectio; sic simili quoque circumstantiarum enarratione, animi eorum, quibus rarioribus ejusmodi instrumentis ac telescopiis uti ipsis non conceditur, tanto confirmatiores fuissent redditi, in adhibenda fide aliorum exercitiorum promptitudini, dexteritati ac industriæ.

II. Assertum fuit in Phæn. VII. sub finem, quintum sive extimum Saturni comitem tantum in orbitæ suæ parte, quæ ad occidentem spectat, cerni, ejusque rei causam satis intellectu facilem postea daturum se promiserat Hugenus. Nihil autem hujus in sequentibus reperio, nisi, quod p. 117 in fin. & seq p. 118, ostensurus, Lunas Joviales & Saturnias eandem perpetuo faciem ad suos Planetas primarios, uti nostra Luna ad nos, obversam habere, cum id mirum videatur sciri potuisse, non fuisse difficilem conjecturam, ait postquam animadversum fuit, extremam Saturniarum tunc solum conspicui, cum planetæ huic ad occidentem posita est; ab oriente vero semper eam latere. Facile enim perspicui id inde evenire, quod magna sui parte obscuriorem superficiem habeat hæc Luna; quæ pars obscurior cum ad nos conversa est, tunc cerni nequeat præ luminis tenuitate. Cumquæ semper in orbitæ suæ latere quod orientem spectat, obscurata reperiatur, in altero nunquam manifestum indicium est, eandem globi regionem semper Saturnum respicere, quoniam ex eo illud contingere necesse est.

III. *Dr. Halley* in epistola sua, quam supra sub fin. Phæn. V, & init. VI. allegavimus, cum p. 19, fassus esset, se reliquos duos Satelliti-



tellites à Dn. Cassini Parisiis anno 1672 & 1673 detectos hactenus non potuisse observare ; Intellexi, addit, ipsos evanescere per  $\frac{2}{3}$  revolutionis Saturni, & tunc solum videri, quum ansæ sunt exiguæ, quoniam supponitur lumen ab ansis veniens, si fuerit clarius, hos satellites posse abscondere &c.

IV. Quoniam vero Hugenus in posthumo suo Cosmotheoro p. 98. dicit, Jovis & Saturni sidera, sive globorum molem consideremus, longissime cæterorum planetarum omnium corpuscula excedentem; sive Lunarum, quibus ambiuntur, multitudinem, verosimiliter duas primarias habendas esse tellures, inter eas, quæ circa Solem sunt; non erit incongruum, opinor, eas, tam celebris Astronomi, hypotheses, aut, ut ipse eas vocari maluit, conjecturas, quæ ultimum sibi scriptum pepererunt, hoc loco in s. nos in brevem contrahere: ut arbitrato suo quisque de iis judicare mitius aut severius possit, si fortassis ea vel æquitate vel benevolentia uti nolit, ut ea saltem quæ à libri principio usque ad pag. 11. medium inclusive præmittuntur, animo placido & attento legere non dignetur.

V. Itaque cum terram nostram cum socia sua Luna, tanto nunc credibilis inter planetas numeret, postquam nunc certius est Jovem & Saturnum, citra controversiam Planetarum maximos, non unam, sed 4 alterum, alterum 5, similes Lunas circa se mobiles habere, & vero quam multiplici ornatu, herbarum, florum, arborum & sylvarum, montium, vallium, fontium, amnium, fluminum &c. hæc tellus nostra divinitus exornata sit, nobis eam cominus insipientibus, constet: credibile non esse conjicit, ingentes hos Jovis Saturnique globos, quos æque ac nostram terram Lunamque lumine nativo destitutos, ab eodem Sole tantum illuminari certum est &c. omni ornatu simili saltem exutos esse, nec alium usum præstare, quam ut lumen à Sole receptum ad nos terricolas reflectant; sed illos quoque, in quorum medio circa Solem consistit terra ipsis in aliis quam plurimis similima, simili aliquo (non eodem præcise, nec nimium etiam dissimili) ornatu exultos esse, ac primum quidem herbas & animalia in eorum superficiebus existere, quandoquidem nemo negaturus sit, & formam & vitam & crescendi generandique rationem, in stirpibus & animantibus majus quid esse magisque mirandum, quam corpora vita carentia, quantumvis mole conspicua, insuperque in utroque illo viventium genere multo aliter longeque expressius cerni Divinæ providentiæ intelligentiæque præstantiam. Suadere porro multipli-



cem illum tot lunarum apparatus, in istorum corporum utilitatem manifeste paratarum, non parciolem fuisse in his exornandis, quam intellure non nisi unica Luna instructa.

VI. Itaque nec aquas à Planetis abesse, maxime cum in Jove tractus quidam reliquo disco obscuriores per telescopia appareant, iique non eadem semper forma permanentes, quod nubium proprium sit: aliquas etiam partes minores observari reliquo corpore magis lucidas, nec eas diu superesse; quas ideo Cassinus ex nivibus esse conjectaverit, ipso tamen aliter conjiciente. Neque vero aquas istas nostris prorsus similes esse, etsi liquidas & perspicuas credibile sit, sed naturam earum ad suam quamque regionem procul dubio attemperatam esse, ut in Jove quidem & Saturno difficilius in glaciem vertantur, in Venere vero & Mercurio minus facile in vaporem abeant. Stirpes igitur aquis & humore, non aliter ac hic in terra nostra nasci & nutriri, animaliaque, etsi diversorum à nostris generum, simili tamen modo pasci & generari. Denique ut in tellure nostra summa est & inenarrabilis varietas, ita non minorem in planetis cæteris, præcipue superioribus stupendæ magnitudinis, supponendam esse, ne tellure minus exornati supponantur &c. quæ omnia apud Authorem fusius jucundiusque legi possunt.

VII. Sed quod in hac disquisitione præcipuum est, plurimamque jucunditatem habet, nondum attigisse sibi videri dicit, p. 32, quamdiu nullos in terris illis spectatores posuerit, qui tot rebus creatis fruantur, & varietatem earum, cum perpetua Creatoris laude, admirentur, non eos quidem homines nobis similes, sed animantia tamen ratione utentia. Inprimis autem hoc se moveri argumento asserit, quod nimia terræ nostræ præ cæteris illis esset præstantia ac nobilitas, si sola animal haberet, tam longe cæteris animalibus, nedum stirpibus præcellens. Quod si nullum sit in planetis ejusmodi animal, quid esse posse, quod tanti æstimandum sit, quove is defectus pensetur? Non solum autem ratione prædita esse nobiliora ista Planetarum animantia, sed sensibus etiam, ac nominatim visu, auditu, tactu, odoratu & gustu instructa, quæque inde concludi possunt quamplurima: esseque vulgi errorem & præjudicium tantum, cum animum rationis capacem non alio in corpore quam nostris simili habitare posse sibi persuadet, ex quo factum est procul dubio quod populi omnes, atque etiam Philosophi quidam, quin & ex Christianis aliqui, humanam formam Diis adscripserint; estque valde credibile,  
non



non sine horrore aliquo animal homini multum dissimile , conspectum  
iri , in quo rationis & sermonis usus reperiretur , &c. &c.

### III. EPICRISIS

qualiscunque nostra,  
super enarrata huc usque supposita.

#### I.

**N**Ec affirmare hæc talia ausim , nec inficiari , quemadmo-  
dum nec ipse Author horum quicquam pro certa veritate,  
sed omnia pro meris conjecturis venditavit. Interea hoc  
saltem agnoscat homo quilibet prudens illud nimis plebejum  
præjudicium , quasi non mundus tantum hic inferior anima-  
lium plantarumque nostratum , in primis autem hominum  
usui destinatus esset , sed omnia quoque cœlestia , atque adeo  
universi mundi corpora , in servitium unius hominis primario,  
secundario vero in cæterorum viventium animaliumque nostro-  
rum , condita fuissent ; illud , inquam , præsumptuosum præ-  
judicium ex animis nostris omnino evellendum esse ; postea-  
quam , non conjecturis tantum , sed observationibus indubiis  
nobis constat , circa Jovem , planetarum primariorum penulti-  
mum , quatuor ejusmodi Lunas ( qualis una circa nostram tellu-  
rem , hujus utique , non Jovis aut Saturni gratia , circumfertur , )  
quinque vero circa Saturnum omnium extimum , indefinenter  
rotari , iisque adeo duobus corporibus , præcipuum saltem &  
immediatum magis usum commodumque præstare ; posito  
etiam , quod eadem Lunæ , ne visibiles quidem nisi per tele-  
scopia , præter & supra omnem fidem , huic imæ , quam cre-  
dimus , mundi cavæ , secundarium aliquem , ne fingendo  
quidem assignabilem usum exhibere valerent.

II. Quod si nunc ea , quæ de Lunæ incolis num. III. in  
epicrifi Cap. I. Artic. II. superioris diximus , huc etiam mutatis  
mutandis repetamus ; ac præterea dierum noctiumque non in-  
ficiabiles alternationes in utroque Jovis & Saturni globo ;



eclipsium porro in Lunulis Jovialibus incredibilem frequentiam, & vicissimaliarum in ipso Jovis corpore contingentium, terrestribus nostris similium, non negligendam multitudinem; Mirabilia insuper isthæc circa Saturni annulum in epicriseos Cap. anteced. num. V, VI, VII, & VIII. non conjectando tantum deducta. Denique Lunarum istarum circa utrumque planetam, imaginationi nostræ evidenter obversantem, & infinitis fere modis variantem, mirificum adspectum &c. Si hæc, inquam, omnia satis 1) capiat, 2) attente, ac 3) sepositis tantisper plebejis nimis præjudiciis, consideret animoque suo volvat ac revolvat quispiam, non erit facile possibile, quin animum talem subeant conjecturæ & suspensiones earum similes, quales subierunt animum *Nobilissimi Hugeni*, Viri certe sublimioris Matheseos & Philosophiæ laude per universum orbem literatum politiore notissimi: ut futiles plane insulas, & stolidas has tales conjecturas qui judicaret severior aliquis Aristarchus, is propriam stultitiam universo orbi literato esset proditurus.

III. Quando in fine num. II. hypothesium proxime superiorum Dominum Halley persuasum fuisse narravimus, rationem non apparentis Lunæ Saturniæ extimæ in parte suæ orbitæ orientali, sed in occidentali potius tertia tantum totius orbitæ portione, ex nimia claritate annuli, satellitem abscondere valente, peti solere; id quidem ex ejus verbis ibidem allegatis, luculenter apparet. Sed enim vero nullo certo authore *primum* intellexerat id de binis satellitibus, quod de uno solo tantum compertum erat, nempe de omnium extimo & ab annulo lucente remotissimo. Unde *secundo* frustra supposita fuisset allata ratio, nisi & reliqui annulo propiores satellites, ab hujus resplendentia tanto magis fuissent absconditi: quod observatum tamen nemo meminit, præsertim in Hugeniano.

IV. Itaque præmissa eodem num. II. ex ipso Hugenio ratio tamdiu, ut optima haberi debet, donec alia melior alicunde suppeditetur; tametsi ea absolute spectata, duo supponat satis  
 incer-



incerta : alterum , quod mera conjectura nititur in eo solum fundata , quod , quia nostra Luna eandem perpetuo faciem versus terram convertit , idem facere credibile sit , Lunas illas Joviales & Saturnias omnes propter muneris identitatem ac similitudinem : quamvis huic qualicunque rationi illa altera speciosius forte adjungi potuisset , quod hæ Jovis Saturnique Lunæ circa hos suos primarios , non aliter , ac nostra circa terram subter Solem gyrent ; ut sicut hujus , ita illarum vertigo superflua fuisset : alterum , cui ne quidem conjectando ulla occasio suppetebat , sed quod sola necessitas salvandi quodammodo Phænomeni extorserat.

## ARTICULUS V.

De residuis tribus Planetis, Marte, Venere,  
& Mercurio, circa Solem gyrañtib9.

### CAPVT I.

*De MARTE seorsim.*

#### I. PHÆNOMENA.

**P**HÆN. I. Affirmat *Keplerus* (referente *Ricciolo* Lib. VII. *Almag.* p. 486) Lib. VI. epitomes *Astron.* Martem in accessu ad ☐ cum ☉ adipectum ac terris propiorem factum, videri pene διχότομον vel gibbum ; quod in Jove quoque ac Saturno accidere putat , utpote à Sole illuminatis. Hoc vero , an de Marte ex proprio experimento depromat *Keplerus* , incertum judicat *Ricciolus* allegato loco.

PHÆN. II. *Gassendus* in *Instit. Astron.* Lib. III. negat à se visum Martem cum macula rubra , quamvis usum *Galilæi* specillo ; at *Franciscus Fontana* in suis observationibus Tr. VI. cap. I. ait Martem sibi visum esse ope telescopii tantum , quanta videtur Luna plena nudis oculis , sed cum macula nigra in medio ,  
quam



quam alii umbonem, ipse cavitatem putat; nempe anno 1636, & circa limbum obscurius lucentem, Anno autem 1638 August. 24 visum à se gibbum cum macula, quæ indies contractior apparuerit, juxta decrementum disci Martialis; unde ipse & P. Zupus collegerint Martis gyrum circa suum centrum. Vid. Fig. 75. num. 1 & 2. Eadem Fig. observatum Romæ à se an. 1640 d. 23. Maji, sed sine macula seu nigra seu rubra, testatus est Ricciolo in literis P. *Nicolaus Zucchi* S. I. Denique *Anton. Maria de Rheita* Lib. 4. Radii Sidereomystici in præfat. *Martem forte suis comitibus certo tempore furtive quasi stipatum* dicit, & cap. 4. repetit, incertum esse, an satellitibus stipetur? & an sua luce fulgeat?

*PHÆN. III.* Sibi tamen visum, pergit idem Rheitenfis, sæpe jubatum, non secus ac majorem canem, sed jubam tamen hanc velut re ipsa distinctam, eum pingere, addit Ricciolus, super hæc omnia sequentem mox superaddens *ἐπιμαρτυρία*: Quæ, propter ex omnibus hætenus relatis, certior est figura gibba, inter quadratum trinumque aspectum, & inde lux à Sole, communicata? reliqua incertiora, præsertim Satellites. Testatur ibidem Ricciolus, P. *Danielem Bartolum* S. I. Virum tota Italia celeberrimum, scripsisse ad se Neapoli anno 1644, d. 24. Decembr. Visum à se telescopia eximio Patris *Sarsali*, Martem, non cum macula in medio, sed cum duabus maculis, in parte inferiore disci. Unde, multa itaque, concludit, vir, toties hætenus laudatus, observanda sunt, quæ *Deus Condus*, imo *Conditor*, aliquando *Promus* indulgebit, aut nobis, aut vobis *ô posteri*.

*PHÆN. IV.* In Marte quoque cingulum ejusmodi (fasciis scilicet Jovialibus simile) deprehendi, inquit *Hugenius*, p. 7. *System. Saturnini*, latum admodum, mediamque disci partem obfuscans, quemadmodum Fig. adjecta 75 num. 3. demonstrat. Insuper discum planetæ hujus parte aliqua deficientem vidit aliquoties, & in Venere phases omnes, quales *Lunæ*, verum has minoribus etiam telescopiis alii notarunt.

*PHÆN.*



*PHÆN. V.* Reperiuntur tum in Actis Anglicanis versionis & Editionis Lipsiensis pag. 184, tum in Ephemeridibus Erudit. Gallicis ad ann. 1666, p. version. Nitschianæ 254. Observationes Bononiæ & Romæ in Italia habitæ, fusius descriptæ narrantur. *Cassinus* nempe Bononiensis tum Astronomus, d. Febr. sexto tempore matutino duas in facie Martis una observavit obscuras maculas, quales in Fig. 75 num. 4, exhibentur: d. 24 autem ejusdem Febr. tempore vespertino, duas alias maculas, illis in priori facie similes quidem, sed majores multo, & in medio disco sibi magis vicinas notavit. Postea, cum observationes suas continuasset, duarum illarum facierum maculas magis ac magis ab oriente versus occidentem moveri, inque eundem tandem situm, in quo primum eas adverterat, redire sensit. *Campanus* Romæ similiter cum telescopio 50 palmorum aut 35 ped. eadem in planeta illo Phænomena conspexit. Præterea *Cassinus* alias plures observationes adjunxit, ut 1) quod interdum in eadem nocte duas Martis facies, alteram matutino, alteram vespertino tempore observaverit: 2) quod motus utrarumque macularum, in parte seu hemisphærio Martis inferiore tendat ab ortu in occasum; instituique illum motum secundum parallelas ab æquatore multum, ab ecliptica parum declinantes. 3) Maculas illas utrasque postridie in eundem situm, & 40 quidem minutis tardius, quam præcedente die, redire; ita ut 36 aut 37 dierum spatio, circiter eandem horam, eundem locum obtineant. Conferatur Epistola Salvatoris Serræ, ad Joh. Lucium suum data, & Synopsi Opticæ P. Honorati Fabri, p. 232. Ed. Lugdun. subjuncta, cum inscriptione: *Martis revolvibilis Observationes Romanæ ab affectis erroribus vindicatæ.*

*PHÆN. VI.* Martis denique ampliorem, imo amplissimam nonnunquam magnitudinem, aliquando contra admodum parvam, ejusque, in casu priori maxime, vultum quod attinget &c. ea partim obvia cuique, partim superius inter generaliora commemorata sunt.



## II. HYPOTHESES

ad explicanda hæc Martis Phænomena  
excogitata.

Cum adjuncta super eas Epicrisi.

### I.

**Q**Uod de Jovis fidere non suspicantur solum unanimiter Astro-  
nomi, sed ex ejus Satellitum eclipsibus in oppositionibus cum  
Sole eorundemque umbris in facie Jovis luminosa, tempo-  
re conjunctionum cum eodem Sole, non possunt non concludere;  
neque minus de Saturno, ex luminis debilitate, annuli umbra in fa-  
ciem ejus luminosam projecta &c. idem de Marte tanto magis sibi  
persuadent, eum aliud lumen non habere, quam quod à Sole mu-  
tuo accipit, ac heterogeneæ cæteroquin esse substantiæ, instar Lunæ,  
quod ejus maculosa & aliquando etiam gibbosa facies, abunde lo-  
quitur.

II. E mutato vero macularum in ejus disco observatarum po-  
situ, imo toto pervices Martis vultu, in Fig. 75. num. 4 & 5 specta-  
bili, ac redeuntibus in orbem mutati vultus vicissitudinibus, hujus  
globi vertiginem seu convolutionem circa centrum proprium, con-  
cludere tanto minus dubitarunt Astronomi recentiores, quanto lu-  
culentiores sunt, ac diversis terræ locis institutæ, quæ id persuadent,  
observationes, ut nunc etiam eo minus incredibilis evadat telluris  
diurna vertigo, postquam duo tam luculenta exempla similis even-  
tus in Jovis & Martis sideribus, terræ adeo similibus globis, habe-  
mus.

III. Et consentiunt certe de re ipsa *Hookius*, *Cassinus*, *Fusta-  
chius de divino* cum Romanis observatoribus; etsi de vertiginis pe-  
riodo liticula quædam inter ipsos oborta sit; cum eam 24 horis &  
40 minutis absolvi putet *Cassinus*, aliis intra id spatium duas revolu-  
tiones, atque adeo unam horis circiter 13 finire contendentibus;  
qua de re vid. Acta Anglic. & Ephem. Gallicæ, locis supra allegatis, &  
Epistolæ Synopsi Opt. Honor. Fab. subjunctæ. Utrum ex eo tempo-  
re per iteratas observationes (quod est admodum probabile) lis illa

com-



composita fuerit, nec ne? certi nihil cognovi; nisi quod Hugenius in posthumo suo Cosmotheoro p. 96. in fine Cassini sententiam confirmaverit, scribens: At in Marte reliquis disci partibus obscuriores “ maculæ notantur, ex quarum recursibus pridem fuit observatum “ dies noctesque illic iisdem fere, quibus apud nos, intervallis reverti. “ Hyemem vero æstatemque exiguo discrimine incolas sentire, ex “ eo judicat, quod axis diurnæ conversionis paulum duntaxat ad or- “ bitam Planetæ inclinetur, ut ex motu macularum intellectum est. “

IV. Quæ tribus anterioribus phænomenis de Marte narrata sunt, de iis Riccioli iudicium sub finem Phænomeni III. jam audivimus. Inprimis de Satellitibus nullum experimentum certum & indubium hætenus innotuit; quin potius oppositum testatus est *Hugenius* in *System. Saturnin.* p. 6 his verbis: Inprimis sæpe illud quæ- sivimus, num aliqui etiam apud Venerem, Martem aut Mercurium “ comites circumferrentur; ubi tamen nunquam ullos reperimus: “ Apud Jovem autem quatuor, neque amplius. Quod postea in *Cosmotheoro* p. 97 confirmavit, sub finem pag. de Marte, inter cætera, sic scribens: Nec Lunam habet ullam comitem; atque in eo tellu- “ ri nostræ, quemadmodum & Venus & Mercurius, dignitate impar “ videtur. Hinc *P. Honoratus Fabri* non sine causa *Phys. Tract. VIII. Prop. CI.* in quendam telescopii tolerabilem forte fabricatorem, at rectum ejus usum prorsus ignorantem, paulo acrius invectus, qui in medio Marte ampliorem maculam videri, & in montem assurgere zona cinctum diversis coloribus variegata asseveraverat; & in alios quosdam temere pronunciantes, ire quoque circa eundem Martem, atque etiam circa Venerem, atras quaspiam maculas &c ita tandem infert: Sunt nobis etiam oculi accuratissimis telescopiis instructi, “ licet nihil penitus simile videamus. Quid faceres oculis livore tin- “ ctis? se videre putant, quod minime vident; & cum magnum il- “ lum Galilæum tanti fieri ab æquis rerum æstimatoribus quasi ægre “ ferant, quod astra Jovialia, & Solis maculas hætenus mortalibus “ incompetas, sub hominum oculos adduxerit; si non vera ipsi in “ cælo detecta, saltem fictitia jactitant, ut aliquid falsæ laudis aucu- “ pentur.

V. Qualis autem sit, & cujus generis illa substantia, è qua Martis globus maximam partem constet, si quæras, nemo quidem, quod sciam facile audet hic quippiam determinati statuere, nisi, quod



*Honoratus Fabri* rursus, num. 3. cit. prop. C I, si forte aliquod mixtum ex nostris est, inquit, ferrum forte est: Nullum enim aptius esse videtur, quod Marti congruat, cum eundem prorsus colorem præferat, quem ferri frustum à Sole illuminatum, si ex tenebris videatur. Hinc forte poëtæ ferro Martem armarunt, armorumque DEUM cecinere; hinc rutilius ille Martis color &c.

VI. De qua hypothefi idem nobis ferendum est iudicium, quod supra de globo Jovis cupreo, & Saturni plumbeo. Credibilius est hoc etiam corpus esse heterogeneum, &, secundum Hugenii conjecturas, terram aliquam, perinde ac cæteros planetas, habitabilem. Terræ vero solum in Marte, nigriore materia constare, quam in Jove aut etiam Luna nostra, verisimile iudicat idem Hugenius, ideoque fieri, ut rubicundior Mars spectatur, nec pro ratione intervalli, quo à Sole abest, lucem remittat.

VII. Lucem vero Solis, caloremque, Marticolis duplo atque interdum triplo, quam nobis, minorem sentiri, idem (ex maiore scil. ipsius, quam terræ, à Sole distantia) concludit, nullo tamen, uti credit, ipsorum incommodo. Qui autem ex globo illo tellurem nostram intuerentur, iis hanc apparere debere eodem fere modo, quo nobis Venus apparet, formasque seu phases lunaribus similes ostendere, si telescopio spectaretur: in Solis disco etiam conspici eam quandoque posse, uti & Veneris & Mercurii corpuscula: & quæ sunt aliæ his similes conjecturæ, certe non improbabiles, si non indubiæ illationes.

VIII. Cætera quæ de planetæ huius opaco & heterogeneo corpore, de ejusdem diurna fere vertigine, de gibbosa ejus phasi circa quadraturas conspecta, tradita sunt inter phænomena, ut plusquam probabilia, admittimus, imposterum procul dubio pluribus indies observationibus confirmanda, ac porro telluris nostræ diurnæ vertigini (quod supra jam num. huius II. monitum fuit) aliquid probabilitatis allatura. Cur vero similes phases in h & 4 non observentur, qui tamen & ipsi à Sole lumen suum mutuuntur, seq. cap. simul & semel dicemus.





## CAPVT II.

### *De Venere & Mercurio.*

#### I. PHÆNOMENA.

**P**HÆN I. Uti Saturni Jovisque vultum plena luce fulgidum semper vident, siue in oppositione, siue circa conjunctionem eorum cum Sole, siue in quadraturis, eos intueantur Astronomi; in Marte vero gibbosam figuram aliquando notant, ita in Mercurio & Venere, & in hac frequentissime, (quia Mercurius sub radiis Solis subinde delitescit) omnes lunarium phasium varietates, eodem ordine jam dudum obseruauerunt *Ricciolus*, *Joh. Baptista Zupus*, *Petrus Gassendus*, alii-que, idque hodiernum confirmant Astronomi novis subinde observationibus; ita quidem, ut Veneris phases in futurum prædicerent antehac, æque ac lunares, *Joh. Heckeri* Ephemerides, & eventus etiam prædictionibus istis accurate satis responderet.

PHÆN. II. Ut specialia quædam harum observationum specimina habeantur, ea exhibet Figura 76, quinque distinctis numeris, quorum

I. Mercurium falcatum pingit, prout observatus fuit Neapoli à P. Zupo, anno 1639, d. 23 Maji, tribus post Solis occasum quadrantibus; & anno 1647, April. 30, à Ricciolo cum esset orienterior Sole  $20\frac{1}{2}$  gr.

II. Eandem Mercurii phasin exhibet, sed matutinam, eidem Ricciolo visam Anno 1643, Augusti 25, & 1644 Aug. 6.

III. Mercurium gibbosum repræsentat ex observatione ejusdem Riccioli, An. 1643, Mart. 5 vesperi facta, à Sole non ultra 15 gr. distantem.

IV. Veneris amplam falcem sistit, prout ea laudatissimo Ricciolo, Anno 1643, Jan. 9, conspecta fuit.



V. Denique ejusdem Veneris falcem tenuissimam designat, quam ipsimet per telescopium 8 pedd. mense Novembri anno 1674, & Astronomiæ studiosi magno numero nobiscum hic Altdorffii distinctissime spectaverunt; postquam jam pridem Ricciolus, Gassendus, & curiosiores Astronomi plerique, non hanc solum, sed etiam reliquas phases frequenter advertissent, ut de his quidem phænomenis nullum amplius supersit dubium.

*PHÆN. III.* Venerem, ubi adhibita Eustachiani telescopii opera observatur, non sine aliquot salebris videri, imo infalcata, atque etiam in dichotoma, ipsam luminis & umbræ sectionem non uno ductu ire, sed inæqualem esse ac denticulatam, eo fere modo quo in Venere ab Eustachio excula videre sit, testatur *P. Fabri* Tract. VIII. Phys. Scient. Lib. I. Propos. LXXXIX. Quale quid etiam *Buratinum* notasse, commemorant *Ephem. Erud.* ad ann. 1666. VII. in fin.

*PHÆN. IV.* Eundem *Buratinum* per telescopia majora, in Venere planeta maculas, illis quæ appareant in Luna similes, observasse refert *Auzutus*, ex literis à Polonia receptis; uti videre est ejusd. anni *Ephem. III. p. m.* Nutschianæ version. 27. Et *Cassinus* epistola prolixa ad *Petitum* Munitionum præfectum, varias recenset observationes suas circa Venerem, industria singulari institutas, quæ non maculas tantum in ipsius disco, sive gibbosa, sive cornuta facie spectato, sed has inter alicubi particulam quandam præ cæteris lucentem detexerunt, & eam quidem à disci marginibus nunc recedentem magis, nunc propius ad istos accedentem. (vid. Fig. 77, num. I, II, & III) Unde jam suspicabatur *Cassinus* Veneris quoque circa centrum proprium revolutionem, aut librationem aliquam, cûsi nondum tam audacter, ut in maculis Jovis & Martis fecit, sententiam suam de hisce phænomenis dicat, ob rationes ibi adductas plures; nempe *Ephem. XV. Anni 1667, p. m. 235 & seqq.*



## II. HYPOTHESES PRIMÆ circa naturam & substantiam horum Planetarum.

### I.

**E**X luminis manifesto mutuatitii succedentibus invicem incrementis ac decrementis recentiores Astronomi plerique iudicant, Veneris etiam & Mercurii globos opacos & heterogeneos esse, omni luce nativa destitutos, & lunari non absimiles: idque tanto magis sibi persuadebunt, si superficiei asperitas & maculosa facies in Venere pluribus experimentis confirmata fuerit. Et *Honoratus Fabri* quidem, etsi maculas in Venere & ipse agnoscat, ac in cæteris consentiat; illas tamen maculas aquas esse non posse, ait, (uti de lunaribus alioqui statuit) quia neque plus neque minus humiditatis, pro diverso ejus ad Solem positu, participemus; earundemque adeo rationem, à diversis tantummodo cavitatibus esse petendam probare conatur.

II. De cætero, si quod ex nostris mixtum sit corpus tum Veneris, tum Mercurii; illud forte stannum, hoc argentum esse asserit; quod stanni vel argenti frustum à Sole illuminatum, & ex obscuro loco per exiguum foramen spectatum, haut indubie candorem Veneris, & mirabilem splendorem Mercurii (ob quem Aristoteli *σινερω* appellatur) repræsentet, ac alioqui absurdum non sit argenteum Mercurium aureo soli adstare. Cogitarat aliquando Mercurium ex hydrargyro constare; & nomen quidem videbatur optime congruere: sed duo fecerunt, ne huic cogitationi inhæreret. *Primum* fuit, quia, cum ad Solem proxime accedat, nec non mixtum illud facile avolet & exhaletur, periculum erat, ne totus Mercurius in auras abiret: *Secundum* erat, quia, si Mercurius ex hydrargyro constaret, liquidus esset, & convexam superficiem tersam & politam haberet, quæ minus apta est ad reflexionem luminis hemisphæricam putata). Adde quod, si observatoribus fides est habenda, Mercurius superficiem paulo asperiores & scabriores habere videtur.

III. Erat tamen ante telescopiorum usum *Keplerus* in eadem cum antiquis sententia, planetas minores saltem, ac speciatim Venerem, propria luce fulgere, quod hæc circa Solem mota, necessario luminis



minis incrementa ac decrementa esset subitura, siquidem id non nisi mutuatitium haberet; quale quid tamen illo tempore observari non poterat. Postquam autem telescopia Veneris phases, ante ex hypothesi iusta consequentia illatas, detexerant, mutata sententia, in illam recentiorum pedibus ivit. At Ismael Bullialdus Astron. Philolaicæ Lib. I Cap. XI. etiamnum post illa telescopiorum indubia testimonia, quæ ipsemet admittit, existimat tamen, non Veneri tantum, sed stellis omnibus, minimum planetis; ac speciatim Lunæ quoque, præter primarium, quod à Sole habent, nativam quandam lucem inesse, quæ debilior quidem sit (saltem in Venere & Mercurio) quam ut in oculos incurrat, nisi cum adsumta à luce fortiori, una cum colore corporis proprio, sensibilis reddatur.

IV. Ejus argumenta præcipue tria sunt: *Primum* a diversis planetarum coloribus petium; quos in corporibus ipsis radicari necessum sit, ac eosdem in omnibus futuros, si solis radiis solaribus corpora ista illustrarentur: *Secundum* ab ingenti distantia Saturni ac Jovis desumptum, cum in Jove Sol non videatur major sex minutis, ac decem secundis; in Saturno autem tribus minutis & 24 secundis; adeo ut impossibile sit, ex tantillo Solis corpusculo tantum luminis in ista corpora transfundi, quantum illi ad nos remittunt. *Tertium* in comparatione luminis in Jove c. g. & Venere observati fundatum, cum Jupiter acronychus & immensum distans à Sole pariter ac terra tanto splendore coruscet, à quo corpora umbras projiciant; dum Venus terræ Solique multis modis propior, lumen ipso non multo clarius habet, quod vero debebat esse fortissimum; quando ipsa Solem videat penes diametrum  $42' 28''$ , Jupiter autem non nisi penes  $6' 10''$  &c.

### III. HYPOTHESES SECUNDÆ, circa Veneris & Mercurii phases.

#### I.

**D**E variis istis luminis mutuatitii figurationibus in Venere & Mercurio, ut antiquis nihil penitus innotuerat; ita recentiores plerique omnes, quod genuinam illarum causam attinet, consentiunt: 1) Globum Veneris aut Mercurii, in parvulo circulo circa



circa Solem octimestri, aut trimestri, circiter spatio delatum, alterum sui hemisphærium Soli semper obversum, alterum perpetuo aversum habere, atque ita illud perpetuo illuminari, hoc perpetuis immersum tenebris detineri; nisi circa centrum convolutus unum post alterum successive Soli lustrandum exhibeat; verbo, illuminatum hemisphærium introrsum ad Solem semper esse conversum, obscuro altero semper extrorsum spectante.

II. Itaque 2) in conjunctione superiore ad F (Fig. 78) lucidam quidem planetæ faciem terricolas in A respicere, sed ob interpositi aut vicini Solis fulgorem eam videri non posse; in ima vero ad B, non tantum ob prædictam causam, sed ideo quoque, quod hemisphærium obscurum saltem terris obvertatur, ipsum prorsus latere; nisi forte contingat, ut (quod in Mercurio reapse contigit, velut in Sect. II. Artic. IV. cap. I. Phæn. V. & respondentibus huic hypotheseos & epicriseos numeris, videre licuit) ut obscurum globi hemisphærium ante Solis lucidam faciem prætervectum, maculæ rotundæ nigræ instar conspectum speciem quandam eclipseos solaris exhibeat.

III. Ante & post conjunctionem superiorem autem 3) in E & e, quo loco spectator ex A plus de illuminato hemisphærio, ac minus de obscuro, videt, illos gibbosam faciem necessario ostendere: ex adverso autem post & ante conjunctionem inferiorem, in C ac c, ubi plus de obscuro, minus de illuminato semiglobio cernitur, falcatam seu cornutam: 4) Denique in locis intermediis & elongatione maxima, semissem partis obscuræ, & semissem illuminatæ comprehendendi ab angulo visorio, eaque ratione planetam apparere dichotomum.

IV. In superioribus autem planetis Saturno & Jove, nullas ejusmodi phases aut luminis variationes, in Marte vix unam gibbositatis formam observari, etsi illi ipsi quoque lumen omne à Sole, & in orbem circa ipsum delati, non nisi unum hemisphærium illuminatum habeant. Cujus diversitatis ratio ex eo petenda est; quod horum circuli vastissimi & amplissimi, non Solem tantum & orbes Veneris & Mercurii, sed ipsam quoque terram includant; ita quidem, ut obversum Soli perpetuo hemisphærium illuminatum, terra quoque Soli valde vicina (si hoc intervallum cum circulorum amplitudine conferatur) integrum fere perpetuo adspiciat, nec obscuri sensibilem partem uspiam intueatur, præterquam in Marte, cujus orbita, etsi & ipsa terram T includat, notabiliter tamen angustior est, & ex altera

Mmm mmm

parte



parte saltem multo propior, eoque intuitu multo sensibilius, quam orbitæ Saturni & Jovis eccentricus.

V. Ita nimirum Saturni pariter ac Martis discus lucidus (Vid. Fig. 79) sive in conjunctione B, sive in oppositione F, terræ T non minus ac Soli obvertitur; in cæteris adspectibus C, D, E, *c. d. e* vero, etsi aliquantillum differant hemisphærium, quod Soli, & alterum quod terræ directe obvertitur? est tamen illa differentia insensibilis, nisi cum Mars terris vicinior, circa adspectum trigonum, prope & inter *g* & *h*, aliquam illuminati hemisphærii particulam terris abscondit, & obscuri contra particulam obvertit, gibbosam adeo luminis figuram ostendens, uti quidem ex allegata Fig. 79, manifesto patet, & pateret etiam clarius adhuc, si circulorum & intervallorum debitam proportionem angustia spatii distincte observari passa esset.

#### IV. EPICRISIS ECLECTICA

circa commemoratas Hypotheses.

##### I.

**Q**uod secundas Hypotheses attinet, illæ quidem causas suorum phaenomenorum veras & indubias reddunt, ita nomen hypothesium cum veritatis multo nobiliore, suo merito permutantes. Ac certitudinis quidem hujus indicium evidentissimum est, quod prædictæ in futurum planetarum istorum phases ex hypothesium illarum unicis fundamentis, hætenus eventu expectato certissime non una vice, fuere comprobatae.

II. Priores autem quod attinet, etsi vel determinate statuere vel conjicere saltem Veneris aut Mercurii stanneam vel argenteam substantiam nolimus, nec an aquæ sint maculosæ illæ in his corporibus partes multum disputare: id saltem circa has posteriores obiter notantes, quod ratio *P. Fabri*, qua negat Veneris maculas esse aquas, ficulneo innitatur fulcro, quod nimirum neque plus neque minus humiditatis, pro diverlo Veneris ad Solem adpectu participemus; quandoquidem, cum de

Luna



Luna nobis plurimum propioris humectandi hæc terrena virtute adhuc dubii multum superesse, superius in cap. de Lunæ effectibus ostenderimus; tanto justius nunc de valore dictæ consequentiæ dubitamus.

III. Id interea vero valde simile credimus, esse hos quoque globos ex heterogenea diversarum substantiarum massa compactos potius, quam stanneos aut argenteos, vel etiam hydrargyreos. Profecto, si ad analogiam cæterorum planetarum tum superiorum tum Lunæ nostræ respectu omnium infimi attendamus; sicut in his dierum noctiumque indubia vicissitudo non parum nos in Hugonii conjecturas inclinat: ita similem lucis ac tenebrarum alternationem in his etiam intermediis haut injuste suspicamur. Tametsi enim vertiginis in Venere & Mercurio indicia certa & experimentis confirmata non habeamus; rationes tamen, quas ex *P. Fabri* & *Hevelio* jam alibi commemoravimus, speciosæ sane, non desunt: scilicet alioqui globorum horum, altera hemisphæria luci & caloris æstui perenni obnoxia, altera ad frigus continuum ac tenebras perpetuas damnata esse, Divinæ sapientiæ sine absurditate magna vix tribueremus.

IV. Liceat itaque cum prudentissimo Hugenio suspicari, planetas tum superiores, tum inferiores (inter quos præsertim tellus nostra locum intermedium certissime habet) terras quasdam coelestes sive æthereas esse, non quod sententiæ novitate adeo delectar aut illiciar, cum Patris Fabri cogitata de planetarum globis metallicis, aut fixarum gemmeis, inter *νέωτερα* utique censenda, nihil applausus apud me reperiant; sed quod occasio inde suppeditetur Magnalia DEI eo profundius meditandi & similitudinem planetarum omnium ac singulorum cum tellure nostra, ratione mirabilis in ea ornatus, partiumque variantissimæ naturæ & conditionis; ratione inæquabilis & montosæ rotunditatis; ratione noctium dierumque alternantium, circumspectius considerandæ vicissitudinis; ratione denique spissæ ac tenebrosissimæ opacitatis, à communi omnibus unicoque Solis fonte unice illuminandæ.



V. Neque dum enim Bullialdi argumenta, contrarium nobis, uti quidem connitebantur, persuadent. Nam quod *primum* attinet, fatemur equidem colores radicari in ipsis corporibus, prout etiam objectorum terrestrium colores in ipsa cujusque superficie fundamentum habent. At enim, ut hi colores in tenebris nulli videntur, sed tum demum conspicui redduntur, ubi à Sole vel alio lucido collustrantur; ut hoc pacto una eademque lux, diversa tamen ex diversis opacis reflectatur, prout nimirum diversa superficierum, eminentiarum, pororum & profunditatum, aliter in uno, aliter in altero, modificabitur; ideoque jure neganda erit Bullialdi consequentia: Si Solis radiis solaribus planetarum corpora illustrarentur, eosdem in omnibus colores futuros. Et cum in corporibus terrestribus diversi de die colores ex eodem Solis lumine oriuntur, nullo interim nativi luminis in tenebris nocturnis uspiam comparente; ita diversorum quidem colorum fundamentum in seipsis habere possunt planetæ, interimque omne suum lumen, quod illos in conspectu ponat, ab uno Sole mutuari.

VI. *Secundum* equidem argumentum majorem habet speciem; sed profecto, si Solis lux insufficiens est, ob maximam planetarum distantiam, ad illos ita notabiliter illustrandos eadem etiam insufficiens erit ad luculam exiguam ipsis nativam eò intendendam, ut tanto fulgore postea coruscet: ut taceam, haut adeo intentum esse illud planetarum superiorum lumen, maxime si per telescopia illud excipimus, & spurios illos radios quasi præscindimus, qui in oculo quieto ac in tenebris minutissimum quemque lucis motum facillime sentiente (id quod cicindelarum lucula loquitur) diffusum istum splendorem excitant. Præcipuum autem  $\psi\omega\sigma\theta$  in eo supposito latere videtur, quo Jovis & Saturni distantia adeo ingentes, Solis autem magnitudo tam pusilla statuatur, ut ex Jove non nisi 6 minuta complecti, è Saturno vero ne  $3\frac{1}{2}$  quidem comprehendere credatur. Aliter sane de hac Solis & utriusque planetæ magnitudinibus pariter ac distantis (in quibus præcise definiendis ma-  
ximam



ximam incertudinem Astronomiæ, ob adjunctas rationes jam alibi ingenue confessi fuimus) sensisse celeberrimum inter hodiernos Astronomum, Hugenum, Sect. II. Artic. V. Hypoth. secundarum num. V. ex Fig. 37, docuimus. In cujus viri auctoritate, si vellemus acquiescere, vis hujus secundi argumenti penitus evanesceret. Quod si vero rationes magis quam auctoritates attendere malimus, ex iis quæ Membr. poster. Sect. II. Artic. IV. per quatuor capita, de Jove & Saturno ac utriusque Satellitibus fuse docuimus, evictum opinamur, illa corpora nativa luce destitui, adeoque contra potius illa supposita, quibus Bullialdi secundum argumentum innititur, falsitatis arguenda, quam ex iis dudum explosam de nativa planetarum luce opinionem stabiliendam.

VII. Quo ipso jam cadet etiam tertium Bullialdi argumentum, si attendamus, quod, etsi Sol Veneris vicino globo diametrum septies circiter majorem exhibere supponatur, quam Jovi remotiori, non tamen ideo reflexum à Venere lumen eadem proportionem debeat superare lumen à Jove repercussum; quandoquidem 1) Jupiter quanto est Venere remotior, tanto etiam mole major est, ac tanto etiam plures lucis radios excipit ac reflectit; e. g. cum in Fig. nostra 37, ex Hugonii mente, diameter Jovis sit minimum decies & quater major diametro Veneris, illius superficies erit ad superficiem hujus in ratione quadratorum, h. e. ut 196, sive 200 fere ad 1, adeoque in eadem proportionem numerus radiorum à superficie Jovis, ad numerum radiorum à superficie Veneris reflexorum. 2) Ille pleno semper vultu terras intuetur, dum Venus eo ipso tempore, quo nobis est proxima, non nisi tenuem falcem illuminatam terris obvertit, quæ tamen oculo nudo fulgorem eximium, ac Joviali notabiliter vividior, ingerit.

VIII. Hactenus deductis alia probabilia ex Hugonii Cosmotheoro nunc subjungemus. Scimus nempe, Mercurium triplo propius circiter, quam tellurem nostram, ad ingens Solis sidus accedere: cui consequens est, ut triplo quoque majus id



conspiciant, ratione diametri puta, si qui sint, ejus incolæ, lumen vero & calorem sentiant, quam nos, majorem, nobis proinde intolerabilem, quique accensurus sit siccitas herbas, fœnum stramenque, qualia apud nos crescunt; siquidem ignis Sol fuerit vere urens, elementaris & formaliter calidus, quod Artic. I. Sect. hujus II. Cap. I. non sine ratione, credo, negavimus. Attamen, posito quoque Solis urente & elementari calore, nihil impedire putat Hugenius, quo minus ita comparata sint, quæ supra Mercurii globum vivant animantia, ut optatam temperiem in ardore illo experiantur: herbæ vero ejus sint naturæ, ut multo magis vim caloris perferant. Neque mirum fore, si isti Mercurii indigenæ putarent, nos terricolas non ferendo frigore urgeri, luceque frui exigua, qui tanto longius à Sole absumus: sicut nos de Saturni colonis facile nobis persuademus. Quæ equidem omnia, stantibus hypothesibus rationabiliter dicta videntur, siquidem hoc extra dubium est, sapientissimum hujus mundi Conditorem, velut in terris plantarum & animalium naturas structurasque ad lucem caloremque Solis providentissime attemperavit; sic idem in cæteris globis, suis incolis, ex hypothesi, pariter exornandis, pari prudentia præstitisse.

IX. Non deesse vero dubitandi rationem, addit porro Hugenius, cum à calore vita dependeat, isque corpori mentique vigorem alacritatemque præstet; annon, propter Solis viciniam, hermopolitæ illi nobis ingenio præstare putandi sint? sed quo minus huic causæ tribuat, id facere, recte meo judicio, dicit, quod calidissimas terræ regiones sortitos, Africæ Brasiliæque populos, nec sapientia nec industria æquare videamus temperationum tractuum incolas; uti vel ex eo perspiciatur, quod in omnium scientiarum ac fere artium ignoratione versentur; cum nec nauticæ rei, qui circum litora incolunt, nisi perexiguam notitiam habeant. Nolle se quoque Jovicolis Saturnicolisque, pergit, hebetes plumbeasque mentes intelligentiamve tribuere nostra minorem, propterea, quod tanto lon-



longius à Sole remoti vivunt; cum uterque globus tam præstanti sit magnitudine, tantoque comitatu stipatus feratur.

X. Qualis porro Mercurialibus sit Astronomia, utque cæteros planetas certis temporibus Soli oppositos spectent figura systematis p. 122 inserta, perfacile esse intelligere, inquit; atque his oppositionum temporibus, Venerem ac tellurem præcipuo splendore illic necessario effulgere. Nam, cum adeo lucida nobis Venus appareat, quo tempore tenuem nascentis Lunæ faciem refert; oportere eam sextuplo aut amplius etiam, clariorem cerni, cum Soli opponitur, ex Mercurii globo orbe pleno spectatam, & minore quoque intervallo distantem, atque ita tunc non parum dispellere nocturnas tenebras gentibus istis, Lunæ auxilio carentibus.

XI. Quænam sint denique apud eos dierum spatia, & an varias anni tempestates experiantur, incompertum hætenus esse prudenter judicat, quod ignoretur, an axem diurnæ conversionis ad orbem, quo circa Solem defertur, obliquum habeat, & quanto tempore conversio illa peragatur. Neque vero dubitari debere, recte asserit de diebus noctibusque eorum, cum in tellure, Marte, Jove, Saturnoque, hæc vicissitudo certò cognoscatur, quodque hic iterum inculcandum, ipsam conversionem, rei necessitas à priori deponat; ne scilicet horum globorum aversa à Sole hemisphæria, Solis utilissimo splendore & benigno calore in perpetuum destituantur; Anni vero spatium in Mercurio vix quartam partem nostri æquare, ex ejus vera periodo circa Solem, & consequenter Solis apparente circa ipsum, indubie constat.

XII. In Veneris globo positus, eadem fere in coelo apparere cum illo nulli dubitamus, nisi quod hunc nunquam vident soli oppositum, cum non nisi 38 circiter gradibus ab eo recedat, Venere multo longius inde distante. Sol vero illis major apparet necessario quam nobis, utpote longius inde remotis; Unde & bis tantum caloris lucisque præbere eum Veneri oportet, ut propius ad nostræ temperiem illa tellus accedat. At  
annus



annus mensibus nostris septem cum dimidio fere finitur. Noctu vero globus hic noster in locis Soli oppositis multo lucidior Veneri apparere debet, quam unquam nobis apparet Venus; actunc Lunam quoque, perpetuum comitem nostrum, facile conspiciunt, si modo oculos habent nostris non imbecilliores.

XII. Sæpe autem in Venere miratus sum, addit ulterius Hugenus, cum tubis longioribus, pedum 45 aut 60 eam adspicerem terræ propinquam Lunæque semiplenæ similem, aut jam in cornua incurvari incipientem; prorsus æquabili splendore superficiem ejus perfundi: ut vix dicere audeam, aliquid maculæ simile in ea me animadvertisse; cujusmodi in Jove & Marte manifeste notantur, licet orbe multo minore sese offerentibus. Si enim maria ac terras habet Veneris globus, obscuriores nobis maris tractus conspici deberent, terrarum vero clariores; sicuti ex præaltis rupibus inspectum desuper mare, non perinde ac adjacentes terræ, lucidum apparet. Credebam nimium Veneris fulgorem in causa esse, quo minus diversitas lucis animadverti posset, sed cum fumo infecissem vitrum oculo proximum, ad auferendam partem radiorum, nihilominus æqualis in tota superficie lux visa est.

XIV. An igitur nulla ibi maria? An Solis lucem magis, quam apud nos aquæ, aut minus terræ reperiunt? An potius (quod credibilis mihi videtur) densior ibi, quam in Jove aut Marte, vaporum regio à Sole illustrata, Venerisque globum circumdans, omnem fere illam lucem, quam videmus, ad nos remittit, vixque subjectorum sibi marium terrarumque discrimen percipi sinit? Nam certum est, nostram quoque atmosphæram, si tellurem procul intueri daretur, plurimum obstituram luce sua, quo minus terræ marisque tam diversa claritas apparere posset, quam quæ cernitur ex edito scopulo despicienti: eadem ratione, qua Lunæ quoque maculas interdum minus aperte, quam noctu. animadverti sinunt vapores iidem, quoniam tunc quoque inter illam oculosque nostros interpositi, Solisque  
luce



luce illustres, visui officiunt, noctu non item. Quæ omnia quidem & speciose dicta & eleganter, judicanda essent, nisi excerpta ex literis Cassini ad Petitum munitionum in Gallia præfectum, quæ extant in Ephemerid. Erud. ad annum 1668 version. Nitschianæ p. 234 & seqq. macularum in Venere ipso facto observatarum certitudinem nobis attulissent, illustratam Fig. 77. num. I, II, ac III.

### CAPVT III.

#### *De stellis fixis quedam specialia complectens.*

§. I.

**E**Gimus de stellis fixis in Sect. II, Artic. II, Cap. III, ac de Cartesii vorticibus separatim Artic. III, Cap. II, num. VII, Hypoth. principaliorum. Hoc loco autem specialiora quedam adhuc de utrisque veniunt ex Hugenio adnotanda, pro clausula præsentis Sectionis secundæ.

II. Et primo quidem notat *Hugenius* in Systemate Saturni-  
nop. 7. Fixarum diametros etiam maxime splendorum  
nulla unquam latitudine se cernere potuisse, sed tantum mini-  
mi puncti instar, quoties usus esset vitris fuligine leviter infectis  
ad auferendos radios. At ex Hevelii consilio, quod in egregio  
ejus opere Selenographico extet, exterius vitrum contegen-  
tem, ita ut exiguum tantum foramen relinquatur, aliquam  
magnitudinem præ se ferre illas vidisse; quam proinde non stel-  
larum propriam esse, sed ex aliqua visus fallacia nasci arbitratus  
sit. Nam suam quidem illam methodum, trans fumum, quo  
lens oculo proxima tincta est, stellas inspiciendi, certam esse  
omnique erroris suspicione carentem; atque ita planetas quo-  
que nimia luce radiantes, Solemque ipsum intueri se solere.  
Foramine autem exiguo majorem lucis partem excludendo,  
non tolli penitus circumfusus sideribus radios, sed in orbem

Nnn nnn

mi-



minorem satisque perfecte circinatum eos cogi se opinari, qui imprudentibus pro ipsius stellæ corpore imponat.

III. Similia monet in Cosmotheoro p. 128 versus Lib. II. finem: Solem, inquit, ex stellis inerrantibus unam esse, ante telescopii inventionem, adversari videbatur Copernici sententiæ; quia, cum stellæ primæ magnitudinis censerentur trium scrupulorum diametro, essentque secundum Copernicum tam procul remotæ, ut totus ille orbis magnus, quo terra defertur, velut punctum esset ad sphæram affixarum comparatus; quandoquidem toto anni tempore, etsi locum terra mutaret, nihil mutari cernerentur stellarum distantia; sequebatur singulas earum, quæ cæteris clariores apparent, majores esse toto illo magni orbis ambitu, quod absurdum erat; atque hoc, ut palmarium contra Copernici doctrinam argumentum Tycho Braheus objectabat. Sed postquam radios stellarum nudo visu apparentes, telescopia sustulerunt, (quod ita optime faciunt, si lens oculo proxima flammæ afflatu obscuretur) atque ita haut aliter eas ac puncta lucentia spectandas præbuerunt, prorsus sublata quoque est ea difficultas, nec quicquam jam impedit, quo minus stellæ istæ pro totidem solibus habeantur.

IV. Idque eo probabilius reddi dicit, quod constet propria luce sua illas lucere: tantamenim esse distantiam, ut à Sole illam mutuari nequaquam possint. Singulas vero Sole minores non esse, nihil credi vetare, cum ex tanto intervallo tam vividum lumen fundant. Hanc itaque sententiam nunc passim tenere eos, qui Copernici systema amplectuntur; qui recte quoque statuunt, non in una eademque superficie hæere stellas istas, tum quod nulla ratio hoc suadeat, tum quod in eandem sphæram Sol, quæ earum una est, referri nequeat. Itaque verius esse, spargi eas per vasta coeli spatia, quantumque à terra aut Sole ad proximas interjacet, tantum circiter ab his esse ad sequentes, atque inde rursus ad alias, continuo progressu.

V. Posteaquam vero aliter sentire Keplerum in epitome  
con.



confessus ejus rationes postea confutasset, subfuisse causam ratus, cur *Keplerus* Solem præ reliquis stellis præcipuum quid habere cuperet, circumque eum esse unicum in natura planetarum systema, idque mundi medio situm, quod nimirum his opus haberet ad confirmandum mysterium Cosmographicum, quod totum tamen, *Hugenio* judice, si bene perpendatur, somnium quoddam ex *Pythagoræ* aut *Platonis* Philosophia enatum esse appareat &c. tandem ad præsens negotium reversus, p. 132. Nos vero, inquit, una cum præcipuis nostræ ætatis philosophis, ne dubitemus, eandem stellarum fixarum & Solis naturam existimare. Ex quo jam mundi idea multo major nascitur, quam quæ ex hætenus traditis percipiebatur. Quid enim nunc prohibet, quin unamquamque ex hisce stellis sive solibus, haut aliter, ac Sol noster, circum se planetas habere putemus, qui rursus suis Lunis stipati sint? Imo, hoc ita se habere, (NB) manifesta ecce ratio suadet.

VI. Etenim, si cogitatione in cœli regionibus nos ponamus, non minus à Sole quam fixis stellis remotos; nihil quicquam discriminis hæc inter atque illum tunc essemus animadverturi. Longe enim abest, ut corpora planetarum, Solem ambientium, conspecturi simus, vel ob tenuissimam eorum lucem, vel quod universæ, quibus feruntur, orbitæ in unum idemque lucidum punctum cum Sole confunderentur. Hic igitur positi, merito eandem omnium stellarum rationem naturamque esse existimarem; & ex una, propius inspecta, de cæteris quoque judicari posse nihil ambigeremus. At nunc Dei benignitate, ad unam ex ipsis, Solem videlicet nostrum, admoti sumus, ac tam prope accessimus, ut circum eam sex minores globos converti cernamus, & circa horum quosdam, alios obire secundarios. Cur itaque non eo judicio nunc utamur, ac prorsus verisimile putemus, non solam hanc stellam tali comitatu cingi, aut aliqua in re cæteris præminere? Neque etiam solam circum axem suum converti, sed potius cæteras omnes eadem hæc similia habere? Ergo etiam hac ratione cun-



Et illa, quæ in planetis circumfolaribus inesse, ad terræ nostræ similitudinem differuimus, consentaneum erit, ut ad innumeros planetas alios, tot mille solibus additos, æque pertinere credamus, eruntque & illic stirpes & animalia, atque etiam ratione instructa, quæ coeli convexa mirentur, & sidera observent, motusque eorum intelligant; atque omnia denique habeant, sine quibus neque hæc haberi posse supra ostendimus.

VII. Quam mirabilis igitur, quamque stupenda mundi amplitudo & magnificentia jam mente concipienda est! Tot Soles, tot terræ, atque harum unaquæque tot herbis, arboribus, animalibus, tot maribus, montibusque exornata! Et erit etiam, unde augeatur admiratio, si quis ea, quæ de fixarum stellarum distantia & multitudine hisce addimus, perpenderit. Quod antequam faciamus, illud ex hæctenus dictis nunc rectius intelligi posse credimus, quod laudatissimus Dn. Hugenius p. 107. annotavit, quod de omnibus Planeticolis dici poterat, sed hic magis mirandum sit, stellas inerrantes è Saturno, iisdem plane figuris, eademque luminis diversitate distinctas, atque apud nos spectari, idque ob immanem earum distantiam, de qua mox dicetur, ad quam nempe illa, quam viginti quinque annis globus à tormento emissus pervaderet, perexigua censenda sit. Eadem igitur signa Orionis, ursæ, leonis, & reliqua Astronomi illic (nempe in Saturno) contemplarentur; at non circa eosdem polos, ac nobis, sese convertentia, sed qui unicuique planetæ diversas coeli partes obtineant.

VIII. De distantia igitur fixarum, ut tandem Hugenii mentem exponamus, tantam is p. 134 eam æstimat, ut, quæ Solem terramque interjacet, terræque diametrorum 12000 continet, ei comparata, exilis plane habenda sit; idque non una ratione constare dicit, & hac quidem inter cæteras: quod, si proximæ quædam inter se stellæ notentur, quæ claritate plurimum differunt, velut in media caudæ (quæ duplex est) ursæ majoris, nulla apparentis intervalli earum mutatio animadvertitur,



titur, quocunque anni tempore spectatarum; quod tamen fieri necesse esset, propter diversas visus positiones per annui orbis ambitum, orireturque parallaxis aliqua, si, ut consentaneum est; propior sit stella, quæ lucidior apparet. Qui autem ante nos definiendi tam vasti spatii rationem inierunt, nihil comprehendere potuerunt, propter nimiam observationum subtilitatem, quæque omnem diligentiam superet. Itaque hæc mihi unica via superesse visa est, quam nunc insistam, qua saltem verisimile quid in re tam exploratu ardua consequamur.

IX. Cum ergo stellæ, ut jam diximus, totidem sint Soles; si earum aliquam Soli æqualem esse sumamus, erit illius tanto major quam Solis distantia, quanto apparens diameter diametro Solis minor erit. Sed tam exiguæ apparent stellæ, etiam quæ primæ sunt magnitudinis, atque etiam telescopia spectatæ, ut veluti puncta lucentia sine visibili latitudine refulgeant: quo fit, ut ejusmodi observationibus nulla earum mensura apprehendi possit. Cum itaque hac non succederet, tentavi, qua ratione Solis diametrum ita imminuere possem, ut non majorem lucem quam Sirius, aut aliud è clarioribus sideribus, ad oculum mitteret. Ergo oclusi rursus, ut supra, tubi duodecimipedalis vacui aperturam alteram lamella tenuissima, cujus medio tam exiguum effeci foramen, ut lineæ partem duodecimam non superaret, sive pollicis centesimam quadragesimam quartam. Hunc tubum ea parte ad Solem obverti; altera oculo admovi, qui tunc particulam Solis cernebat, cujus diameter: ad totius diametrum, erat ut 1 ad 182. sed eam particulam multo clariorem videbam, quam noctu Sirius apparet.

X. Itaque, cum longe magis arctandam Solis diametrum viderem, id ita effeci, ut in perforata ejusmodi lamina, vitreum globulum objicerem minutissimum, pari circiter diametro ac prius illum foramen habebat; quo globulo ad microscopia antehac usus fueram. Ita per tubum in Solem intuenti, contexto undique capite, ne quid diei lux turbaret, non minore ejus cla-



ritas, quam Sirii videbatur. Atqui ex Dioptrices legibus instituto calculo, fiebat jam Solis diameter  $\frac{1}{152}$  ejus particulæ centesimæ octogesima secundæ, quam per foramen exiguum prius conspexeram. Ductis autem in se  $\frac{1}{152}$  &  $\frac{1}{182}$ , fit  $\frac{1}{27664}$ . Ergo eousque contracto Sole, vel eousque remoto (erit enim effectus idem) ut diameter ejus sit  $\frac{1}{27664}$  ejus, quem in coelis intuemur, superest illi lux quæ Sirii luci non cedat. Solis vero eo usque remoti distantia erit necessario, ad eam quam nunc habet, ut 27664 ad 1, & diameter paulum excedat 4 scr. tertia; Itaque cum æqualis ei Sirius ponatur, sequitur Sirii quoque diametrum totidem esse ejusmodi scrupul, distantiamque itidem, ad eam qua à Sole absumus, ut 27664. ad 1.

XI. Quod quam incredibile sit intervallum, apparebit eadem ratione, quam in æstimanda Solis distantia adhibuimus. Nam si 25 annis opus habebat tormenti bellici globus, continua velocitate, quanta exploditur, incedens, ut à terra ad Solem perveniret; jam numerus 27664 vices quinquies ducendus est, atque ita fiunt 691600, adeo, ut pene septingenta annorum millia insumturus sit globus in tanta celeritate sua, priusquam ad proximas stellarum inerrantium perveniat. Atque ad has stellas serena nocte oculos circumferentes, quantum horum iudicio comprehendere possumus, vix aliquot milliariis supra verticem eas extare putamus. Quæsi vero de proximis tantum!

XII. Cæteræ enim cum, ut jam diximus, iis spatiis in ulteriora cœli recedant, ut non minora sint deinceps à propioribus ad sequentes, quam à Sole ad istas, quanta immensitas superest, si enim plures quam mille nudo visu notantur; telescopiis vero decuplo aut vigecuplo amplius; quomodo sciri potest, aut definiri, quanta sit multitudo ulteriorum, quas neque hoc auxilio attingere licet, aut quis numerus nimis magnus dicendus est, si ad DEI potentiam spectemus? Etenim, sæpe hæc cogitanti mihi, in mentem venit, tantum in primis numerorum exordiis calculos omnes nostros versari, Esse enim in serie eorum infinita,



nita , qui non tantum viginti aut triginta , aut centum , aut mille notis scribantur in progressionem nostram denaria , sed qui tot characteribus constent , quot arenarum grana in tota telluris mole continerentur. Quis vero dicere audeat tali numero non majorem esse multitudinem stellarum inerrantium ? Nam longe ulterius progressi sunt , qui infinitam esse dixerunt ; ut veterum aliqui , atque etiam *Jordanus Brunus* , qui pluribus argumentis hoc se evicisse putat , sed , ut mihi videtur , parum firmis.

XIII. Nec tamen contrarium quoque perspicuis rationibus probari posse existimo. Illud constat , spatium naturae universae infinite undique protendi ; at nihil obstat , quin ultra definitam stellarum regionem , res alias innumeras DEUS effecerit , à cogitationibus aequae , ac sedibus remotas. Quid si vero , nec innumeras quidem condidit , sed ultra eas vacuum reliquit infinitum , ut totum illud , quod extare voluit , veluti nihil sit praeteris , quae producere ejus omnipotentia potuisset ? sed ulteriorem horum inquisitionem , totamque illam de infinito difficillimam disputationem persequi omitto , ne ad tot maximarum rerum comprehensionem , quae jam defuncti sumus , novus labor accedat. Ea tantum hic subjungam , ex quibus , quanam sit nostra de toto mundi spatio opinio , cognoscatur ; quatenus nempe Solibus seu stellis inerrantibus patet , quibus sua circumponi planetaria systemata , probabile esse antea ostendimus.

XIV. Haec est Cosmotheori paginis ultimis prolixè excerptum lubuit , non aliam ob causam , quam quod de stupendo mundi opere nemo Philosophorum magnificentius aut sensit aut scripsit , idque bona mente , nec fabularum studio aut astronomicarum rerum ignorantia ; quod omnibus *Hugenium* cognoscentibus plusquam notissimum est , superest , ut vorticum coelestium necessariam doctrinam ex mente Cartesii , Hugenii , nostraque curatius excutiamus.



## CAPVT IV.

&amp; ultimum,

*De vorticibus seu fluidis cœlestium orbibus.*

I.

**P**osteaquam orbés veterum solidi & crystallini robustissimis rationum machinamentis è cœlo essent deturbati, ipsa necessitas efflagitavit, ut istis intelligentiarum ergastulis, orbés ætherei fluidi sive gyri & vortices Omnipotentis nutu solo instituendi regendique substituerentur. Primus, quod sciam, hos orbés ex professo ordinavit *Cartesius*, quasi pro arbitrio suo, (quo nomine ludicro quodam & ridiculo scribendi genere ante hos annos decem & quod excurrit, illum perstrinxit Anonymus quidam sub inscriptione, *Voyage du Monde de Des-Cartes*) revera vero pro indigentia phænomenorum, ut ipsi videbatur, nec sine præsupposita DEI directione (uti clarum est ex num. XLVI, part. III, princip. quamvis deinceps rarius ejus mentionem faciat) post multos autem Cartesium κατὰ πρόδα sequentes, etiam *Hugenius* in fine Cosmotheori vortices quosdam materiæ celeriter motæ circa singulos Soles supposuit, sed qui multum dissimiles sint Cartesianis illis, tum spatii ratione, tum motus genere, quo in illis materia agitur.

II. Scilicet eam esse apud Cartesium vorticum amplitudinem, ut quisque eorum alios se circumstantes contingat, occurrens singulis plana superficie, veluti cum in aqua sapone imbuto, bullarum cumulos pueri inflant: moveri vero universam cujusque materiam, in partem eandem rotando. At hunc motum non parum impediri oportere, judicat, propter angulosam vorticum superficiem. Deinde, cum sit ejusmodi, ut velut circa axem cylindri, materia tota feratur,

exo.



exoriri ei postea non exiguam difficultatem, cum globosam Solis formam ex hoc motu deducere conetur: frustra prorsus atque iis rationibus, quæ incautis aliquid esse videantur, cum re ipsa nihil explicent: qua de re Sect. I. Tomi præsentis Cap. II, prolixè actum fuit.

III. Velle præterea Cartesium, inquit, innatare ac circumferri cum hac materia ætherea planetas; atque ea ratione videlicet in suis orbibus retineri, quod non majore vi, quam ipsamet, à centro motus recedere conentur. Sed hic ex Astronomicis complura objici, de quibus aliqua ipse attigerit in Diatribis de causis gravitatis: ubi & aliam rationem exposuerit, quæ planetas intra orbium suorum limites contineret; gravitatem scilicet eorum Solem versus, quam tanto magis miretur, Cartesium præteriisse, quod de gravitate, qua corpora in terram feruntur, primus solito meliora adferre cœpisset. Retulisse *Plutarchum* narrat in Libello de facie in orbe Lunæ, fuisse jam olim qui putaret, ideo manere Lunam in orbe suo, quod vis recedendi à terra ob motum circulare, inhiheretur pari vi gravitatis, qua ad terram accedere conaretur: Idemque ævo nostro, non de Luna tantum, sed & planetis cæteris, statuisse *Alphonsum Borellum*; ut nempe primariis eorum gravitas esset Solem versus; Lunis vero ad Terram, Jovem & Saturnum, quos comitantur: multoque diligentius subtiliusque idem nuper explicuisse *Isaacum Newtonum*, in principiis Mathematicis Philosoph. Naturalis, puta, Anno MDC LXXX VII, Londini excusis; quæ vel diligentia vel subtilitas tamen commovere me nondum potuit, ut hypothesin, quam postea exponam, multo simpliciore, defererem.

IV. Porro & spatia horum vorticum, multo quam Cartesius, contractiora ponit Hugenius. Sic enim fere eos statuit in vasta coeli profunditate dispersos, quemadmodum turbines aquæ exiguos, hinc inde in spatioso lacu stagnove, baculi

Ooo ooo

agi.



agitatione excitatos, ac magnis intervallis totisque stadiis distantes. Et sicuti horum motus nequaquam ab unis ad alios perveniunt, nec proinde sese mutuo impediunt; ita quoque coelestium vorticum motus, circum astra aut Soles, se habere existimat. In quo quidem facile me haberet consentientem, ob difficultates, quas indicavit, non paucas, hoc pacto vero facillime evitabiles; nisi vicissim aliquam vorticum inter se correspondentiam deposcere viderentur nonnulla in terris obvia phaenomena, e. g. Magnetis admiranda effecta, quæ causarum à terris remotissimarum correspondentiam aliquam necessario præsupponere videntur.

V. Etsi vero destructiones & absorptiones vorticum, & consequentes inde, Cartesii opinione, fixarum stellarum in planetas, fortuitas commutationes, nunquam in animum meum demittere potuerim, sed totam hanc de cometarum, atque etiam de planetarum & mundi origine, commentationem apud Cartesium tam levibus rationibus esse contextam facile largiar Hugenio, ut non immerito miratus sit, tantum operæ in talibus concinnandis figmentis eum impendere potuisse; primum omnium tamen maxime mihi semper displicuit, utpote cui vorticum constitutio, & constans conservatio, peculiare quoddam Divinæ providentiæ opus visum semper fuit; id quod motuum coelestium immutabilis à primis mundi incubulis continuata perpetuitas, & mobilium idem ab initio in hunc diem usque numerus abunde testantur.

VI. Mihi itaque sequens videtur omnium in universo mundo vorticum Divino beneplacito facta coordinatio, ut 1) circa quodvis corpus lucidum & nativo lumine splendens, amplius ejusmodi ætheris gyros sive vortex perpetuo & constanter rotet; qua rotatione duo vel tria simul efficiantur; ut nimirum lucidum corpus figuram suam globosam, ope depulsionis ad commune centrum partium singularum, h. e. ope gravitatis, nactum sit & constanter servet; insimulque ipsum totum, sine fulcro & sine gravitatione ad aliud corpus tan-



tanquam suæ gravitatis centrum, in certo mundi vel ætheris loco libere pendulum hæreat, eoque pacto una circa proprium gyret; prout e. g. Solis nostri vortex & Solem ipsum formasse concipitur, & formatum ipso sui centro detinet, ut ad alios mundi globos similes aut propius accedere, aut longius ab iis discedere non valeant, ac denique circa proprium centrum, ab occasu in ortum volvatur, aliaque sive cohærentia sibi sive separata ac vicina corpora, secum ab occasu in ortum superne, ab ortu in occasum inferne, circumvolvat.

VII. Quod si vero circa Solem ejusmodi, aut lucidum corpus, alia quædam opaca & luminosa tantum h. e. ab ipso Sole illuminanda corpora, non adeo vicina Soli suo, sed alia aliis gradatim remotiora, revolvenda sint; fit illud quidem ab eodem illo communi & ampliore vortice, sed intervenientibus aliis minoribus ac singulis propriis gyris, à quibus scilicet singulorum partes ad commune centrum compulsæ in sphaeræ figuram compingantur, & simul tota in peculiari vorticis communis loco detineantur: prout e. g. circa nostrum Solem sex planetæ primarii, Saturnus, Jupiter, Mars, Terra, Venus & Mercurius, primum vorticibus in majori gradatim minorique à Sole distantia & formati & penduli, simul à communi & ampliore vortice omnes circumvehuntur in easdem plagas; sed breviori aut longiore temporis spatio, pro remotiore aut propiore loco, angustiore item vel ampliore peripheria, cuique divinitus, ipsorum illorum propiorum vorticum interventu, definita.

VIII. Quod si denique circa unum alterumve talium comitum primarium, unus vel plures secundarii ad gyrandum divinitus ordinati sint, velut unica Luna circa terram, quatuor circa Jovem, & quinque vel plures forte circa Saturnum, absolvitur ista singulorum secundariorum interventu triplicis vorticis; quorum primus, cuique proprius & peculiaris, omniumque angustissimus, ipsi figuram & locum motumque vertiginosum aut libratorium in æthere definiat; secundus & communior ampliorque, priorem intra suum ambitum conclu-



dens, eidem secundo revolutionis motum circa primum  
una in vertiginem actum conciliet; ac tertius denique com-  
munissimus & amplissimus omnium, ipsi Soli vel lucido cor-  
pori, nullam quidem revolutionem, at formati globi in centro  
suo vertiginem, insimul autem primarii comitis una cum vorti-  
ce circa ipsum medio, revolutionem causatur. Quibus omni-  
bus vorticibus eodem ubique modo, ex nutu primi & unici mo-  
toris, ita semel simplicissimeque suppositis, totum negotium  
in salvo est, nec de causa subtiliore suspensionis ingentium  
istorum globorum mundanorum amplius  
laborandum est.





TOMI *sive* LIBRI  
SECUNDI  
SECTIO TERTIA,  
GEOCOSMI

*sive*

MUNDI ELEMENTARIS  
INANIMATI

Specialiora complectens.



## SECTIONIS III.

De

Geocosmi specialioribus,

ARTICULUS I.

De Fossilibus.

CAPVT I.

*De Fossilium primo secundoque genere, variis nempe terrarum, sive communium, sive pretiosarum, succorumque concretorum speciebus.*

## I. PHÆNOMENA.

**P**HÆN. I. Quas terræ nostræ superior crusta recondit partes admodum heterogeneas, hominesque inde multo labore effossas (unde *Fossilium* nomenclatura) in usus varios promunt, in tres præcipue classes generales dispescimus; quarum *prima* diversa terrarum κατ' ἐξοχὴν dictarum genera continet; *Secunda* succos concretos varios, sive pingues, ut sulphur & bitumen, sive macros, ut alumen, vitriolum &c. *Tertia* denique Mineralia complectitur, & horum tria rursus distincta genera: *Lapides* puta, *Metalla*, & corpora metallica, h. e. inter hæc & illos *media Mineralia*. De singulis sigillatim agendum est, & primum nunc de prima classe.

*PHÆN. II.* Communium sive vulgarium terrarum, aliquæ *steriles* sunt, ut in primis arenosæ, artis ope demum utiles, ut in cæmentis, vitris parandis, poliendis; aliquæ contra frugiferæ, sive macræ fuerint & stercoreatione emendandæ, sive



sive pinguiore, aut alias admixtæ sterilioribus fecunditatem conferant, ut *argilla Thon* / figulinis vasis & aggeribus aquarum parandis (quo casu *Deget* appellari solet) accommodat; *Marga*, vulgo *Mergel*, quasi terræ medulla, vulgo *Steinmarck*, cujus sex species à Plinio recensentur, plures habentes singulæ differentias, celebris inter cæteras est *Marga rocklicensis*, reperitur inter saxa conclusa; *Creta*, non candida solum, sed aliorum quoque colorum & variarum specierum, *Rubrica* præsertim tignariorum *der Rötzel*, & argentariorum *Tripela der Tripel*; *Cinis* item, *Calx*, *Gypsum* &c. quibus addi tandem *Ochra*, cum aliis terris pigmentariis, *Tasconium* item, seu terra crucibularia; *Turba* denique *das Turff* quæ minus tenax licet, ignescit tamen, & in Hollandia pro ligno & carbonibus adhibetur. Confer Gallendi *Scient. Phys. Sect. III. Memb. I. Lib. I. p. 34 seqq.*

*PHÆN. III.* Est autem speciatim commemoranda, & harum & aliarum plerarumque terrarum vis abstergendi & poliendi: qualem in arena ipsa, in cretaceis, in tripela, cineribus &c. inprimis videre est.

*PHÆN. IV.* Pretiosis adnumeramus eas terras, quæ vel in Medicina usum habent, vel alias parandis vasis pretiosis materiam præbent; uti sunt e. g. *Terra samia & lemnia*, sigillatæ vulgo dictæ, ab impressione puta, sigilli characterumve turcorum, quorum loco quondam, *Samia* signum stellæ, *Lemnæ* signum capræ impressa fuerant: *Terra sigillata silesiaca* sive *strigoniensis*. Chymicis *Axungia Solis* dicta & turcicis istis etiam præferri solita; cujus similis etiam in nostris terris, in antro quodam subterraneo (vulgo *das Kreißloch* dicto) inter arcem *Hohenstein*, & *Veldam* oppidum, tribus ab *Altdorffio* nostro milliaribus, effoditur. His addi debet *Terra D. Pauli* candore suo grata, ex *Insula Maltha* noviter advehi solita; *Bolus* item *armenus*, cui affinis est *tockaviensis* in *Hungaria*, quippe butyri instar, ut ille, in ore diffluens, aliasque notas veri armeni habens: Ea denique terra è quibus *Chinenses Porcellana sua*  
& alia,



& alia, ex qua Japonenses figlina vasa habent, ex artificis fama tamen magis, quam ob materiæ raritatem pretiosissima. Vid. Neuhofs Legatio Sinica p. 95 & 112. Montani Legatio Japon. p. 6.

*PHÆN. V.* Harum autem terrarum plerisque vis desiccandi & adstringendi, imo & alexipharmaca quoque inest; unde sistendis profluviiis, præsertim sanguineis feliciter adhibentur, & adversus serpentum morsus aliaque venena usui sunt, teste Gassendo l. c.

*PHÆN. VI.* Jam & succi concreti sub terris repertiundi in macros & pingues distingui solent; & isti quidem generali nomine *saleis* appellari, complexi quippe, non solum *Sal commune*, quod fossile dicitur, ubi ex montibus frustatim cæditur, & speciatim *gemmeum* vel *crystallinum*, aut *Sal gemmæ*, quod è Dacia & Sarmatia advehitur, *fontanum* vero & *marinum*, ubi ex aquis sale (fortassis eodem illo fossili) gravidis per evaporationem seligitur; *Ammoniacum* denique (vulgo corrupte *Sal Armoniac.* & *Armeniacum*) ubi ex arenis Cyrenaicis olim colligebatur, hodie factitio, ex urina humana compensari solitum; sed & innumeras alias species tum animalium, tum vegetabilium è lapide Ticinensi præsertim & plantarum variarum, maxime herbæ *Soda* (quæ Mauritanis *Kali* dicitur) cineribus eductorum; quæ proprie quidem huc non pertinerent, quia ex terris non effodiuntur; (vid. interim pluribus, qui potest Gassend. l. c. p. 36. Du Hamel de Fossil. Lib. II. Cap. III. p. 131 & seqq. & Honor. Fabr. Tr. VII. Lib. II. p. 196) Inprimis autem *Nitrum* sive è terris effossum, sive ex aquis nitrosis, perinde ut commune *Sal*, excoctum, quæque ipsi admodum affinis est, & hodie nitri nomine, vel maxime venire solet, *Salem petræ* (*Salpeter* vulgo abusive ita dictum) nitri fortasse portionem subtilissimam, & quasi florem in auras profilientem, è terris urinosis præsertim, ac lapidibus adhærentem, (cujus descriptionem & præpar. vid. apud du Hamel de Fossil. 136) *Alumen* item, sive fossile, sive ex aquis elicatum, sive è lapidibus etiam huma-



humana arte separatum, (id enim quod plumeum vulgo, germanice *Federweiß* appellatur, *Amiantos* lapis potius est, & quod idem esse cum *Talco* existimant, nihil aliud quam lapis specularis, in bracteolas pellucidas separabilis; *Vitriolum* porro sive *Chalcanthum*, idque rursus vel fossile, è terreis magis quam rupeis mineris, ut *Romanum* hodie primas tenens; ut ex aquis vitriolatis apparari solitum, uti *Cypreum* quondam &c.

*PHÆN. VII.* Sunt autem præcipuæ communesque salium proprietates, aqueo humore (sed non nisi certa definitaque quantitate) dissolvi, adstringendi, conservandique à putredine potentia, & acrimonia notabili pollere, quam *Ammoniacum* factitium intolerabilem fere sentire facit, & spiritus præsertim ex istis destillatione chymica proliciti corrosivam valde & incisoriā; maxime cum è diversorum, vitrioli & nitri, aut nitri & aluminis, commixtione promanant; tantarum quippe virium, ut argentum, plumbum, æs & argentum vivum in minutissimas particulas exsolvant, *aquæ fortes* inde dictæ, & *aqua regia* tum demum, cum accedente octava parte ponderis ex sale communi, præter stannum ac ferrum, etiam aurum resolvunt. Conferatur *du Hamel* de fossil. p. m. 144 & seqq. quæ spirituum horum præparationes fuse describunt. De illa vero aqua forti, quæ calculo humano in vesica, citra hujus læsionem solvendo intervire fertur consulatur sæpe laudatus *Gassendus* Phys. Scient. Sect. III. p. 39.

*PHÆN. VIII.* Speciatim autem notari meretur, quod nitrum sive salpetræ, etsi manifesto inflammabile & igneum, non linguæ tantum indicio, sed variis etiam in humano corpore effectibus, potulentorum, per ejus injectionem sensibili in- frigidatione & æstate media ipsius ope confecta aquæ congelatione, frigidissimæ naturæ esse constet, attestantibus insuper *Honor. Fabri* p. 203 & 204. Tractat. VII. & *du Hamel* p. 148, 149, quod salis communis grana in igne crepitent, experientia & *Cartesio* cap. III, de Meteor. nec non *P. Fabri* Tract. VII, pag. 97

Ppp ppp

testi-



testibus, quod vitriolum nigredinem aquis conciliet, & coriis tingendis inserviat, ipsum alias subviride aut sub cæruleum; quod aluminis quoque usus sit in tingendis & inficiendis vario colore lanis &c.

*PHÆN. IX.* Pinguium succorum duo genera cum Viris doctissimis constituimus, *Sulphur & Bitumen*. Et sub primo intelligitur inprimis vulgare nostrum coloris flavi sulphur, quamvis non ita è suis mineris (uti nec cætera nobiliora quoque fossilia) pura & gediegen, ut vocantur, nisi rarissime effodiuntur, qualia scilicet ad nos deferuntur, sed mille modis quasi exercentur, tundendo, comminuendo, lavando, liquando, &c. Aliis etiam coloribus imbutum sulphur, nunc è marcaffis elicitur, nunc lapidibus adhærens separatur; aliquando ex aqua sulphurata, nonnunquam è glebis coctione educitur; rarius, uti dictum, purum & mundum è mineris effoditur, (id quod aliis etiam fossilibus commune est) præsertim circa montes ignivomos, ut in Italia circa Neapolin, & in Helveticis fodinis alicubi, quo casu *Virgineum Sulphur* appellari solet.

*PHÆN. X.* Sunt autem præcipuæ sulphuris proprietates calore vel igne liquefcere, quo salia concrefcunt, flammam & facile concipere, & tenacissime conservare; friabilitas porro & odor ingratus, acutissimusque, quo partus prægnantium sollicitat, ædes ab halitu pestifero purgat; exficcare denique abstergere, aquas calidas medicamentosa virtute, contra scabiem aliosque non paucos morbos, imbuere: Inprimis autem oleum aut spiritus è sulphure arte chymica paratus, extremis quibusdam morbis feliciter applicatur, utpote valde urens, &, quod notatu dignum, cretam ita exsolvens, ut in alumen abeat; ferrum aut ejus limaturam, ut in atramentum sutorium vitriolumve viride; æs vero ut in cæruleum &c. teste Gassendo *Phys. Sect. II. p. 40.* ut vitrioli, aluminis, similiumve generatio inde deducenda videatur.

*PHÆN. XI.* Præ cæteris autem notabilis est ille sulphuris usus vel effectus, quem in pulvere tormentario præstat, utpote



pote ex nitro, sulphure & carbonibus in minutissima granula commixtis, parato.

*PHÆN. XII. Bitumen*, succus pici similis, effluit è terra liquidum & innatans aquis colligitur, postea indurandum, vel induratum jam & ad ripas fontium lacuum, marium propulsum reperitur, (Vid. Gassend. l. c. p. 40, & Honor. Fabr. Tract. VII. p. 210.) nuspiam vero copiosius aut præstantius, quam ad lacum Judeæ, cui nomen Asphaltitæ dedit; unde germanica bituminis appellatio *Judenleim* profluxit sine dubio. Ex admixtione piceis, vel natura vel hominum fraude, *Pissasphaltum* oritur, Mauritanis *Mumia* dictum, quod nomen vulgo corporibus humanis hoc bituminis genere conditis tribuunt. Est autem bituminis quoddam genus liquidum, quod nunquam induratur ac *Petroleum* dicitur, & cum tenuius fuerit, *Naphtha*. Quæ vero coagulata magis sunt bituminis genera, hæc passim ab Authoribus recensentur: 1) *Gagates*, 2) *Succinum* sive *Electrum*, ad littora Borussia in copia reperiri solitum, vulgo *Ugtstein*, & Borussia *Bernstein* appellatum; flavi præsertim & candidioris generis, uti *Gagates* nigri coloris. 3) *Ambra odorata*, in mari Indico & Æthiopico cum primis reperiunda. 4) *Sperma ceti* sive *Halosanthos*, quasi flos salis: 5) *Camphora*, quæ plerumque tamen factitia est, & 6) denique *Carbo fossilis*, bituminosi lapidis genus in Anglia vulgatissimum &c. de quibus omnibus prolixior historia ex antiquis & recentioribus Authoribus conscribi posset, siquidem præsentis instituti ratio id latura esset.

*PHÆN. XIII. Generales bituminis proprietates* sunt, facile accendi & ardere vehementius etiam in mediis aquis, foetorem plerumque gravem emittere, sive accensum, ut *Gagates* & *Carbo fossilis*, sive non accensum, ut *Petrolei* species adeo foetens, ut stercus diaboli appelletur (*Ambra* tamen excepta, quæ gratum odorem spirat) atque adeo ustum, serpentes fugare &c. In specie vero notabile est *Naphtam* ita facile inflammari,

P p p p p p 2

ut



ut ignem eminus attrahere dicatur, h. e. flammam ex igne non admoto protinus concipiat.

## II. HYPOTHESES PRIMÆ circa naturam & substantiam enum- meratorum Fossilium.

### I.

**H**Oc equidem loco Peripatetici, prout totum hunc mundum inferiorem ex aqua, terra, igne & aere compactum viderunt, ita singula quoque corporum terrestrium genera ex his iisdem mixta & composita, statuerunt, ad duo præsertim, *Imperfecte* & *Perfecte mixtorum* capita, ista omnia revocantes, atque adeo quatuor *Elementorum*, tanquam simplicium corporum, numerum decantatissimum constituentes. Ubi tamen hæc præcipue notanda veniunt: 1) Hæc quatuor elementa, prout ad globi terraquaërignei compositionem concurrunt, & actu ipso nunc spectantur, non ut prorsus simplicia & pura, sed sibi invicem permixta considerari ab ipsis Aristotelicis, ita tamen, ut suo quodque loco prædominetur. 2) Prout autem in mixtione corporum particularium conveniunt, sub sua forma sensibili minus conspicua, eadem abstractius considerari, tanquam depurata ab omnibus heterogeneis, atque ut corpora penitus simplicia & homogenea, formis equidem substantialibus, at ignotis ipsorum opinione & qualitatibus, quas vocant, primis magis obviis (ideoque à Græcis interpretibus pro formis eorum habitis, *calore* puta, *frigore*, *humiditate* & *siccitate*, ab invicem distincta.

II. Itaque 3) ut mixtum aliquod ex his elementis generetur, necessum esse ajunt, ut hæc, aut portiones eorum aliquæ in unum aliquem locum concurrant, concurrentia in se mutuo agant, & ut promptius agere possint, in partes minutas divisa sint: Sic enim contrarias illas qualitates, quæ singulæ saltem uni in summo gradu conveniant, calor scilicet igni, frigus aquæ (de quo tamen dissensus aliquis est) siccitas terræ, & humiditas aeri subigi, refractasque ad certum temperamentum (in quo tamen nunc hæc, nunc illa, dominium obtineat) reduci, atque adeo formis elementorum tandem prorsus intereuntibus, novam corporis mixti formam emergere &c. Vid. inter alias *Jachæus* Instit. Phys. Lib. VI, p. m. 496 seq. & anteced.

III. In



III. In hisce similibusque aliis abstractis & generalibus conceptibus, cum acquievissent Aristotelici plerique, nec ad specialiora mixtorum genera, qualia hoc cap. enumeravimus, eos applicare essent ausi; *Honoratus Fabri*, qui principia Aristotelis tueri, quoad ejus fieri potest, allaborat, non solum quaternarium elementorum numerum argumentis pluribus confirmat, & reliqua isto supposita speciosius deducit; particulatim autem, quod purum elementum in aliud purum converti nequeat, possit autem purum in impurum, ac vicissim, & impurum quodvis in aliud impurum; quod hoc aut illud in quibusdam mixtis actu sint, ut ignis in flamma, in ferro accenso, aqueum elementum, in fontibus fluminibus, maribus &c. in plerisque aliis sint potentia tantum, h. e. sparsis saltem, non collectis, particulis, ut sub actu suo physico, aut forma sua sensibili, comparerent; Porro, quod partes illæ miscibilium exiguæ, sint vel ipsa cujusque puncta physica, vel pauca tantum complectantur; qualia quidem in elemento terræ concipit sphaerica, in elemento ignis oblonga & flexilia, instar filaminum, in elemento aquæ cubica; ejusdemque formæ in aeris elemento nisi, quod in hoc majores multo cubos &c. concipiat.

IV. Verum etiam ista sua principia generaliora ad explicandas deinceps specialiores mixtorum naturas accommodat; ita ut e. g. salem dicat constare terra multa, humore mediocri, & modico igne, ejusque particulas proprias & quasi seminales, ex istis compositas, oblongas faciat instar acum; In sulphure & bitumine ignem copiosum, humorem mediocre ac terram modicam esse probet; in nitro pariter ignem multum humorem tamen haut mediocre, at terram modicam, & corpuscula inde conflata seminalia, striata agnoscat; in alumine & chalcantho corpuscula primigenia fere communia, cum aliqua tamen mixtionis & conjugationis differentia, ita ut plus terræ habeat, & plus ignis; atque ita diversarum quoque terrarum diversas naturas è diversis elementorum conjugationibus, indeque natis corpusculis seminalibus, imo horum etiam è generibus variis superiorum succorum commixtione, deducati: Quæ omnia prolixè legere, qui volet poterit, per integros tres tractatus eorumque libros, speciatim Tract. V. Lib. II. ab init. per complures propp. nominatim CLXII, CCX &c. Tractat. VI. Lib. I. Prop. X. seq. Lib. II. Prop. XXX. n. 3. Tract. VII. Lib. II. Prop. LXV. anteced. & seq.



V. Spagyrica Chemicorum secta, quatuor istis Aristotelicorum elementis, alia tria principia, ceu vocant, hypostatica, sal, sulphur & mercurium, subornant, tanquam simplicissima & ea, ex quibus mixta omnia, ita testante eorum resolutione, coäluerint; quamvis Philosophorum plerique, qui hæc admittunt, ut *Sennertus*, *Sperlingius*, *Kircherus*, & alii, quatuor Aristotelicorum Elementa, tanquam istis simpliciora, præsupponant. Neque tamen putandum est, eum salem, vel id sulphur, aut illud tandem argentum vivum, quæ vulgo isthæc nomina gerunt hic intelligi; sed abstractius hic cum Alchymistis, de his illorum principiis, ut alias cum Aristotelicis, de ipsorum elementis, philosophandum est; ita ut *salis* nomine veniat, quicquid in analysi physica corporis alicujus occurrit sapidum fixum magis, & in humido liquefcens; *Sulphur* autem dicatur, id quod oleosum elicitur, odorum & inflammabile: *Mercurius* denique, quod maxime volatile & subtile est, nec adeo hæc ita præcise respondeant, uti quidem *Honoratus Fabri* (Tract. V. Lib. II. Prop. XIV. & Tract. VI. Lib. I. Propos. XL.) existimat, sal scilicet terræ, sulphur igni, mercurius aquæ; cum terram quandam inspidam quoque, & aquam inspidam pleræque resolutiones chymicæ relinquunt, indeque nonnulli tribus istis superioribus principiis hæc duo, *terram* scilicet (quam *damnatam* alias & caput mortuum appellant) & *phlegma* superaddere necessum putaverint.

VI. Enimvero *Gassendistæ* seu Democritici moderni, nec Aristotelicorum elementorum quaternarium, nec ternarium vel quinarium chemicorum principiorum satis fundatum rati (quod non solum dubium sit, an ignis adeo fidelis analysta sit mixtorum, quod utrique tamen supponant; sed & incertum, an ea quæ resolvendo ignis elicit, inibi antea extiterint, nec ab ipso demum producta vel alterata saltem fuerint, neque denique (quod *Honoratus Fabri* quoque l. c. de principiis Chemicorum urget) eorum ullum, quæ sic eliciuntur, vere homogeneous sit, sed omnia diversorum generum, aliqua etiam reperiantur corpora, è quibus eorum omnium fere nihil, aliqua, è quibus plura eliciantur &c.) incertum plane putant simpliciorum ejusmodi massarum, ad corporum aliorum compositionem concurrentium numerum, easque non solum varias & plures esse posse, (prout scilicet particulæ primigeniæ tales aut tales, in parvas molecu-  
las



las & quasi semina innumerarum rerum concreverint) nec esse rationem ullam, cur omnia mixta ex omnibus semper conflata esse debeant, & non aliqua potius ex duobus, aliqua ex tribus & pluribus, quædam etiam ex nullis eorum, ex quibus alia, quædam denique non immediate ex ullis simplicioribus, sed è diversis, jam dicto modo compositis, coaluerint &c. Quæ omnia fusius & ingeniose deducuntur à Boylio in *Chymista Sceptico*.

VII. Proxime vero cum his partim, partim etiam cum Aristotelicis sentire videtur *Cartesius*, quem uti non nisi tria totius mundi elementa agnovisse alibi monuimus, ita ex uno suo elemento tertio quod crassiuscularum, & è ramentis compluribus elementi primi, sicubi minus agitari eorum aliqua cæperint, & consequenter, ob angulosas suas figuras, facile sibi mutuo adhæserint, concretarum & compositarum congeriem dicit, omnia mixta terrestria producit: ita tamen, ut in illa tertii elementi massa maximam particularum varietatem agnoscat, è quibus homogeneæ magis hic isthic concurrentes, varias massas simpliciores, aeris puta, aquæ, terræ, salium, sulphuris, mercurii, spirituum, oleorum &c. & hi succi porro cum metallicis minutis concrecentes, atramentum sutorium, cum lapideis alumen, & sic alia multa componant, juxta num. LVIII, LXI, LXII, in primis num. LXX, Part IV. Princip. Philos.

IX. Iam, ut antehac Aristotelici mixtionem istorum simplicium ita fieri voluerunt, ut nulla mixti vel minima esset particula, quæ non esset pariter, ac penitissime quidem mixta, nec admiserunt tamen vulgarem istum mixtionis conceptum, qua partes unius miscibilis minutissimæ, alterius etiam minutissimis mutuo interspersæ ac juxta positæ concipiuntur, ac præterea novam prorsus formam substantialem in corpore mixti produci asseverabant; ita *Honoratus Fabri* eadem illa dogmata etiamnum tuetur, sed ita tamen explicata, ut cum recentiorum placitis conciliari facile queant, elementorum quippe particulas minutas ita se invicem pervadere statuens, ut minimas tamen cujuscunque particulas, seu puncta physica, non aliter cæteris, quam per juxtapositionem aliquam intermixta concipiat, ac sejunctas e. g. ignis particulas à particulis humoris, aut obrutas à particulis terræ, ut nullum illæ ignis actum amplius præferant, etsi revera omnes adhuc, sed per reliquas dispersæ adsint, ac in mixto maneant. Formam autem mixti, ne quidem entitatem absolutam esse, sed resultare tantum dicit, ex tali vel tali mutatione, vel positione, vel detractone; quemadmodum in artefactis, domus ex tali partium situ  
& po-



& positione resultat; velut etiam simpliciorum seu elementorum suorum formas, in particularum figura & motu ponere supra visus est. Vid. Tr. VI. Lib. I. Prop. XV, & Prop. XXII.

IX. Idem vero nunc volunt etiam cæteri, ac speciatim Cartesius argenti vivi e. g. formam in eo ponit, quod multæ particulæ terrestres coiverint teretes ac tam læves, ut, quamvis ob gravitatem suam, sibi mutuo incumbant, nec, ut aquæ partes (quas alioquin etiam teretes & lubricas, sed leviores multo concipit) globulos secundi elementi undique circa se fluere permittant, facile tamen agitentur, tum à minutioribus ex istis globulis, tum præcipue à materia primi elementi, quæ omnes angustissimos angulos ibi relictos replet, atque adeo liquorem componit valde ponderosum & minime pellucidum &c. Succorum item acrium & acidorum rationem in particularum, instar gladiolorum acutorum motu & incisione quasi quærit, & in molliusculis aliis, quæ tenues admodum factæ, per crebras elisiones & elementi primi motu discerptæ in multos minutissimos & quam maxime flexiles ramulos divisæ sint, pinguioris succi naturam constituit, qui terrestribus aliis particulis postmodum admixtus, sulphur bitumen & alia omnia oleaginea, quæ in fodinis reperiuntur, componant.

### III. HYPOTHESES SECUNDÆ de ambra & succino, & pulveris tormentarii stupendis viribus.

#### I.

**C**Um de Succino & Ambra eorumque origine & natali loco variæ circumferantur opiniones, operæ pretium putavimus, illarum opinionum varietatem breviter hic attingere, & verosimillimas de utroque deinceps eligere. Et *succinum* quidem ab aliis pro vegetabili, ab aliis pro minerali habetur; quibusdam nempe creditum fuit ex arborum quarundam litoralium peculiari genere succum quendam resinosum instar gummatidis exstillare, in oris maxime Borussicis, & pedetentim in mare vicinum defluere, ibique induratum sub varia glebarum forma, à fluctibus marinis ad litora Sambix provincix ultra & juxta Montem Regium versus occidentem tum septen-



trionalia, flante borea, tum occidentalia, flante zephyro, provolvit ubi ab accolis certo piscatoriorum hamorum genere ex fundo maris hauriantur &c. Aliis contra ex ipso illo maris fundo succum illum bituminosum, adhuc liquidum, ebullire, in aquarum frigore sensim indurari &c. credentibus.

II. Prodiit autem anno 1699 Berolini *succincta succini Prussici Historia & Demonstratio*, Auctore *Philippo Jacobo Hartmann* Phil. & Med. D. Prof. Medicinæ extraordinario, Historiarum ordinario &c. in qua per errorem quendam, *ambram* vel *ambarum* (quod nomen succino cum pretiosissimo & fragrantissimo orientali bitumine jam diu apud plurimas nationes commune esse cæperit) cum *succino* confundentem, hujus etiam generationem Africæ, Asiæ & Americæ, non solum à veteribus, sed recentioribus etiam, frustra adscriptam, ante omnia docet; Europæ soli, & in hac, regionibus *Suecia, Dania, Samogitia, Curonia & Livonia*, Baltico mari vicinis, succinorum uberem proventum indubitata experientia deberi; inter omnes autem illas succiniferas ad mare Balticum regiones, principem esse *Prussiam*, & ab hac secundam *Pomeraniam*. Non solum autem mare has divitias his regionibus largiter advehere, sed & litoreos montes ferro patefactos liberaliter elargiri docet, imo loca quoque a maribus dissita & interanea, nec opinantibus colonis, dum agros colunt, colles decacuminant, scrobes & fossas excavant, haut parcè offerre: nullibi autem largius, quam in litore Sudavico, ad pagum vel oppidulum *Sudaw* in angulo Sambiæ zephyro-boreali

III. Ex his ipsis vero circumstantiis haut parum elucere videtur vanitas natalium succini superius Num. I. priori præsertim loco indicatorum. Veram succini matricem agnoscit Autor *corticofam terram & lignum subterraneum* montes intersecans, nec illud ab arboribus arcessendum (siquidem tam vastos truncos arboreos, qui prostrati plurimarum orgyarum longitudine & latitudine fibras suas extenderent, nusquam orbis viderit) sed fossile & minerale, cujus ductum fossiores indagent & observent, nunquam irritò successu, quousque instabile solum ipsorum operas progredi permittat. Ejusmodi ligna fossilia nunc passim in Europa innotuisse, refert p. 10. Tale vero, quale litus Sudavicus profert, & alibi locorum in Prussia interiori, una cum succinis erutum, ex complurium amicorum literis fide dignissimis se rescivisse, p. 11. testatur, simul eadem pag. & seq. ipsam hujus ligni fossilis generationem declarare conatus.



IV. Detecta sic, uti credit, matrice, bituminis & salis virtuti imprægnata, facile est conjicere, inquit cap. IV. p. 13, quomodo succineus fætus prussicus intra illam concipiatur. Cui demonstrando supponit, imo probat, ante omnia Prussiae solum undiquaque bituminosum esse, adeoque bituminoso quoque litoris Sudavici solo existente, calorem subterraneum, quicumque iste fuerit, bituminis exhalationes per interanea dispersas, undique consociare, & in guttas cogere, præprimis ex *corticosa & lignosa matrice* easdem congregare; quod dum agit, simul vicina salia pervadere, ipsorumque effluvia secum abducentem, bituminosis guttis ea immiscere; salina spicula intra matricem adacta fluorem bituminosum sistere, & si nullæ suppetiæ bituminosarum guttarum à calore submittantur, glebam, pro modulo incunabuli, quod intra lignum ipsi concessum, formam subire, omni exhalationum motu sopito, caloreque evanescente, salinas particulas rigorem recuperare, bituminosis superfluum humorem exhalantibus; sociatasque succineam gemmam producere, nitidior, splendidior, fragrantior, firmitior, ex puritate & proportionem exhalationum bituminosarum ac salinarum.

V. Hanc esse *veram succini generationem* asseverat, p. 14. quam ante se nemo erudito orbi perspicuam reddiderit; siquidem præconceptis opinionibus laborantes, in animalibus, in vegetabilibus, in fundo maris, prima succinorum incunabula quærendo, à veritate aberraverint omnes: neque se istos succinorum natales in lucem fuisse producturum, nisi crebra litoris Sudavici peragratio & attenta fodinarum perlustratio, propitii Numinis ductu recto tramite se fecissent verum cernere: assensumque meruisse hanc suam demonstrationem, maximis Europæ eruditæ nominibus ipsam probantibus. Aliquibus tamen eum superesse scrupulum, qui plerisque aliis eandem legentibus injicitur: an eadem etiam succinorum haustilium, quæ mare ejicit, generatio sit statuenda? Cui eximendo, in vulgus ibi locorum notum esse dicit, ex collibus marinis, tempestatum vi disjectis aut convulsis succina prodire, quæ à fluctibus ad litus advolvuntur; capturæ fructuosæ, aut inanis, ex collum istorum divulsione leviori aut profundiori sumto indicio; quem itaque, cum haustilia succina intra colles generari certum sit, alium modum intra hos generandi redditum iri verosimilem? Quin & in collibus submarinis, & qui quondam terræ pars fuerunt, imo, sicubi extra matricem

lig-



lignosam, in luto cæruleo, in terra corticosa, flava, sabulosa, vitriolica, succinum nasci contingat, ne tunc quidem aliam rationem generationis subesse; maxime cum inter ejecta maris & lignorum fossilium copia reperiatur. Neque ubicunque reperitur succinum, ibi ejus nativam sedem illico asserendam esse, cum per maris vehementiam à matrice avulsum sæpe in aliena loca rejiciatur; in animalium ventriculis quoque & visceribus inesse deprehensa sunt, ab ipsis animalibus avide, testibus accolis sudavici litoris, deglutiri solita.

VI Succina in seqq. p. 16. in *haustilia*, *lecta*, & *fossilia* distinguuntur; prima, cum vadoso mari, signis apparentibus, Coloni reticulis conto affixis fundum verrunt, aut fluctibus volventibus eadem adversa opponunt; secunda, inter ejectamenta algarum, sarmen-torum, lignorum aut arenarum, sedulo investigantur, ac seliguntur; tertia fodiendo terras litorales aut mediterraneas, aptas scilicet huic operæ repertas, eruuntur; dura interim omnia, nulla aut mollia aut liquida, quæ quidem genuina succina, fragrantia, sapore, deflagratione &c. sese probarunt; ne inter fossilia quidem & haustilia comperta duritatis notabili diversitate. (p. 17.) Animalculorum succino inclusorum perfectiora quidem, ut ranas, lacertas, pisciculos &c. pro suspectis habet & artis fraude inclusis habet (p. 19) eo præcipue indicio dignoscendis, quod in veris, non procul à superficie implicita reperiantur, in fictitiis meditullium occupent; quod artem non ita feliciter occultarent electo-torevæ, si extimas partes excavarent, illisque animalia crederent &c. Ex illis animalculorum succineis funeribus, ultra triginta species se numerare ibidem asserit, muscas scilicet araneas, culices, formicas, papiliones &c. insecta talia, quæ frigore ingruente latebras quærunt, & in istis vel somno sepulta, vel mortua penitus, vel evigilantia rursus à guttis bituminosis, inter generandum obruuntur ac detinentur: Unde procul dubio illa sit adspectus diversitas, quod alia situ obducta, alia nitida, quædam succineo splendore fulgentia intueamur. Qui foetum arborei succi electrum contendunt, illos experientiæ suffragio destitui affirmat p. 20. quo in resinosis aut gummosis stillis inclusa insecta, magno præsertim numero, (veluti succina quædam integrum examen insectorum, ejusdem & diversi generis, involutum commonstrent hætenus curiositas detexerit, extrinsecus adhærentia conspici, non ita fuso liquore obtecta.

VII. Alios difficultatem quæstionis, quomodo succinum ani-

Q q q q q q 2

mal-



malcula oppresserit, eo adegisse dicit p. 20, ut negarent esse quæ in succinis videntur animalcula. Exemplum desperatæ hujus opinionis luculentum sistit nobis Philosophia curiosa *Adalberti Tylcovvskii è Soc. Jesu*; è cujus excerptis Actis Erudit. ad annum MDCLXXXII. Lipsiæ publicatis, p. 149 in fine sequentia leguntur: Muscæ, viperæ, forices, paleæ & alia, quæ succinum exhibet portenta quasi involuta, ludibria sunt mera, nam ubi frangis, nihil habes. Vidit Hollandus quidam in frusto succini grandem numum aureum apud quendam civem Regiomontanum, cupidineque auri, pretio majore succinum emit; quo fracto deceptum se cognovit. Huic asserto mihi dudum incredibili viso, nunc commodum etiam autor noster, quem sub manibus hætenus habuimus, pariter contradicit, fractorum aut sectorum inspectionem hos refellere dicens, manifesta enim insectorum superesse indicia &c.

VIII. Ad quam classẽ mineralium aut fossilium succinum sit referendum, Sect. IV definiturus, negat 1) p. 24, id *metallis* accenseri posse, quod nec ductile sit, nec liquabile. Fuisse, qui *succinum fundendi*, & parva frusta in unam molem, salva firmitate, uniendi *artem* se tenere asseverarent; se vero variis experimentis illi fusioni operam dantem, frustra istud tentari didicisse. Multo minus 2) ad terrarum aut salium classẽ esse referendum, cum terris arctius adhæreat & salibus sit pinguibus, utrisque etiam humidius. Ad bitumina 3) & sulphura propius accedere, ut tamen durities ipsum ab his discriminet. Hanc vero duritiem ipsum inter *lapides* 4) splendorem 5) inter *gemmas* collocare &c.

IX. Inter virtutes succini, quas bene multas, artes Pharmaceutica, Chemica & Medica detexerunt, eminet in primis virtus attrahendi levia, quam ideo *vim electricam* appellant, Platonis ævo jam notam, tametsi aliis quoque gemmis & bituminosis, resinosisque sulphuri, asphaltu, laccæ, ceræ sigillari, Hispanicæ dictæ, similibusque communem recentiorum experimentis deprehensam, etsi nullibi forte magis, quam in ipso electro sive succino, conspicuam; tunc maxime, cum pannis & vestibus laneis fortiter adfrictum, rebus leviculis, ut chartulis minutioribus, scobi scriptoriæ, ossæ præsertim, aliisque subito admovetur, citra contactum tamen. Assurgunt enim ex mensa, quasi sponte sua & electro calenti adhærent, tanquam ejus virtute attractæ, illæ minutiae. Hinc nata communior illa opinio, quam prolixius deducit *P. Fabri* Phys. suæ Tract. VII. Lib. II. Prop. LXX. ratio-



rationem hujus effectus num. 3. ex eo petens, quod filamentum halitus viscidum è poro absterfo ductum, & quasi netum in longum, tandem propter tensionem, vel frangatur vel adducatur, prout in chordis tensi svidere sit, in quibus præ nimia tensione fractis, segmenta reducuntur ad eam extremitatem cui affixa sunt. Hinc si segmentum illud succinei filamentum, cujus extremitas poro adhæret, & non sine aliqua vi, versus porum & succinum reducitur, incidat in minutissima corpuscula, ea id secum rapere & ipsi succino affigere. Quæ cum speciem veri habeant haut exiguam; alium tamen infra in episcrisi docebo modum, adhuc, ut opinor verosimiliorem, qui, paucis mutatis attractioni magneticæ quoque declarandæ possit accommodari.

X. Nunc de *Ambra* quoque pauca notabimus, quam modo laudatus *Fabri* c. l. Prop. antec. LXIX. n. 8. esse quoddam maris, aut (quo magis inclinare videtur) piscium marinorum excrementum. Ex analogia enim musci sive moschi, & aliorum odoramentorum, ex quibusdam animalibus, Castore, Marte, Civetta, educi solitorum, facile se adduci asserit, ut credat, aliquid simile in quibusdam piscibus nasci; idque tanto magis quod odor ille perfectam coctionem demonstret, quam extra corpus animantis, vel saltem plantæ, fieri non posse existimet. *Julius C. Scaliger* Exercit. 104. Sect. 10. in eandem sententiam propendens videtur, postquam, quibusdam bitumen eam ex maris fontibus eructatum, aliis fungi speciem videri, è fundo ubi nascatur agitato maris erutam, dixisset. Tandem tamen, cum tot seculis nulla sit in balænis ambra visa, magis inclinat, ut credat fungi speciem esse; præsertim, cum in Rutenis fungillos nasci perpusillos, valde odoratos, ad Pyreneos etiam odoratiores (quos *Mosserons* vocent) compertum sit.

XI. Acta Anglicana Auctore Oldenburgio conscripta ad annum 1667. p. versionis Lipsiensis 435 referunt *D. Justum Globium*, Witteb. P. recensuisse 18 opiniones de hac ambra grysea, & examinatis singulis, illam tandem amplexum esse, quæ statuit eam esse *merdam* avis alicujus (lingua Madagascarensi dictæ *Aschibobuch*) quas aves, anseris magnitudine, in *Madagascar*, *Maldivis* aliisque partibus Indiarum orientalium frequenter reperiri narrat, congregari more gruum & frequentare rupes præaltas ad oram maritimam, ibique excrementa sua ejicere, quæ maris fluctus inde abripiant, nisi per se in mare inciderint. Favere tamen alii quoque inter 18 illas opiniones Authorem, addit Oldenburgius quæ *merdam* esse *Balenarum*,



*Trompæ* dictarum statuatur, cui præ priori videatur subscripturus, si *ambra* illa tantum in iis reperiretur locis, quæ frequentia sunt ejus generis balænis. *D. Hermannus Nicolaus Grimm*, Practicus quondam in India Orient. celeberrimus, in *Observat.* CLXXI, ad ann. I. Decur. II. *Miscell. Medico-Phys.* Instituta *Analysi chymica* *Ambrae* judicavit, nihil eam cum corporibus animalibus, nedum mineralibus, sed cum vegetabilibus, ratione qualitatum & unctuositatis habere commune, idque eo, quod in plerisque ligni frustis observaverit eandem, qua perlita fuere, unctuositatem, quæ effluens ex truncis arborum litoribus adnascens delabatur &c. Et cum *Cl. D. Willem de Rhyne* ex Japonia reducem, testetur narrasse, *Ambra* in balænis ibidem incredibilis magnitudinis reperiri, ut plerique locum suum natalem in cetaceo genere habere eam credant, fidem tamen suam huic opinionioni denegat, Cetos mare passim pererrare credens, *ambra*que quamvis obviam deglutire, ut hinc in cetis eam crescere deinceps & augeri crediderint.

XII. Ad inveniendam aut conjiciendam saltem, hæcenus *Eublam* adhuc, circa natales *ambrae* veritatem, sequentia quiddam conferre credo poterunt: 1) quod in addendis ad Decur. II. Ann. VIII. *Miscell. Physico-Med.* p. 4 & 6, Anni IX. ejusdem Decur. factum narratur à *D. Joh. Matth. Fabri*, ut militum classiariorum quidam dissectioni balænae assisteret, & vesicam paulo retro relictum pendentem animadvertens, curiositatis ergo rescinderet, cæteris eam negligentibus. Hic vero, cum grave olentiam forte aliquid portendere posse cogitaret, Medicis ostendebat, qui nil nisi *ambra* legitimam esse, *Stratiotæ* sortem suam non capienti, vilique pretio vendenti, indicabant: 2) quod *J. B. Tavernier* 14 annorum itinere orientem scrutatus referat, haut procul *Malacca* in ripa cujusdam fluvii, frustum *ambrae* gryf. lb XXXIII. pondere à comite quodam suo Gallo, repertum fuisse; quod 3) *Observat.* CCX. Anni IX. Dec. II. sive Anni MDCXC. *D. Michael Frid. Lochner*, ex literis Dn. Nicolai Domsdorff, Amstelodamensium Pharmacopæi, ad amicum Norimbergam datis referat, *ambrae* frustum ex Indiis Amstelodamum allatum, adæquasse quadraginta duas libras, magnæ quidem molis, triplo tamen adhuc minoris illa massa 130 lb quam ab *Arnoldo Montano* in thesauro regis Japon. *Satsume* visam ex ejus legatione ad Japoniæ Cæsarem p. 376, allegat supra laudatus *D. Fabri*; hac tandem epierisin suam subi-

ciens:



ciens: Si quis excrementum balænæ appellaverit, non culpandum putamus, siquidem odoratissima, heterogenea tamen sunt omnia, ab animalium corporibus. Moschata sunt, quæ martes retro ejicit: "Sanies ipse moschus. Quid zibet, nisi ulcus felinum? cetos am-  
bram venari nemo vidit; sed ex hac in eorum ventriculis reperta"  
duntaxat præsumitur, quod eadem fide ingenitum creditur.

XIII. Stupendam denique vim pulveris pyrii hodie notissimam (quam, quod extreme dolendum! hætenus in humani generis perniciem, necem & excidia fere tantum adhibitam: Clarissimus *Papinus* Mathem. in alma Marpurgensi P.P. novissime ad commoda & utilitates hominum, in attollendis magnis ponderibus ad certam aliquam altitudinem, ingeniose applicuit, uti videre est in Actis Erud. Lips. ad ann. 1688. p. 497. ut aliquo modo hic excutiamus, doctissimorum quorundam Virorum hypothesen hoc loco recensebimus. Et cum in vulgus notum sit, ex salis nitri artificialis sulphuris & carbonum minutim contusorum mixtura in pastam quandam certo modo, (quem *Kircherus* Lib. VI. mundi subt. cap. IV. p. m. 309. seq. describit) subacta pulverem hunc parari; idem vir laudatus p. 306. post jacta per antecedens cap. II. fundamenta, tandem sub finem capituli, integram operationem pulveris pyrii his verbis compendiose exponit: Effectus est totius pulveris simul: nam sulphur arripit ignem; ignis in sale nitro violenter excitat flatum, flatus urget ac dilatat incendium; incendium, quia vi excitatur, & repente facit impetum & fragorem; & tandem quoque ruinam & exitum: ad quod triplex concurrat violentia. Prima est ipsemet ignis, altera urgentis flatus, & tertia ex angustia loci, unde vehementia ignis non inveniens exitum, nec locum, ubi ex sui natura diffusissime dilatetur, totam vim convertit in obicem, quem expellit tanto impetu, ut montes frangeret etiam metallicos.

XIV. Eodem tendunt, quæ *P. Fabri* Tract. VII. Physicæ Propos. LXVII. de nitro, vulgo *Sa peter* num. præsertim 2 his verbis tradit: Nitrum multo igne constat; quia facile accenditur, hinc pulvis pyrius ex nitro fit, saltem majori ex parte; non modico tamen humore constat, alioquin cum tanto impetu ex tormento non erumperet. Cum enim terræ portio non rareseat; nec ignis etiam, ut constat ex dictis suo loco, certe cum prædicta eruptio subitanæ materiæ intra angustias contentæ rarefactionem dicat, solus humor rarescere potest, scilicet in hoc casu: quod revera ex nostris principiis



„cipiis perspicuum manet. Igitur nitrum mediocri saltem humoris „portione constat, ita scilicet compositi, ut calorem facile concipiat, & consequenter rareseat; erumpat denique propter angustias „loci &c. Ex quibus apertum est in explicandis incredibilibus pulveris pyrii viribus, primas partes ipsum nitro tribuere.

XV. *Renatus des Cartes* operosius ac subtilius de hac mixtura sulphuris, nitri & carbonum in pulverem tormentarium, per septem distinctos numeros Partis IV. Princip. ab CIX. scilicet ad CXV inclusive agit, ut verbotenus eos omnes huc transcribere nimis longum foret. Nimirum num. CIX sulphuris, ut maxime inflammabilis particulas, sequenti CX. Nitri minutias earumque figuras, num CXI. utrarumque conjunctionem; CXII utrarumque motus definit: Num. CXIII. rationem reddit, cur flamma hujus mixturæ valde dilatetur, & præcipue agat versus superiora? Num CXIV de carbone agit ejusque meatibus, & quomodo ex admixtione hujus minutiarum cum istis sulphuris ac nitri, aliquo humore conspersa, granula sive pillulæ fiant postea exsiccandæ; de quibus granis demum num CXV, hoc præcipue inculcat, illorum præparatione obtineri, ut nitri particulæ, non tantum unæ post alias, sed multæ simul, uno & eodem temporis momento incendantur; id quod per totum hunc numerum operosius ac subtilius, uti supra jam præmonuimus, demonstrare annititur.

XVI. Æque prolixè vel etiam prolixius, *Petrus Gassendus* Physicæ suæ Sect. III. Memb. priore, Lib. I. verbo p. 48 & seq. 49 quæstionem hanc, quæ fieri valeat, ut à flamma pulveris pyrii intra tormenti tubum accensa, tanta pondera emoveantur, pertractat, sed multo simplicius planiusque; præmisso scilicet gemino omnibusque notissimo experimento: quorum 1) notorium est, si supra libellatam planitiem ictum globo admoveris, ut aliquousque saltem procedat, deinceps autem complures pares ictus adjicias, inde consequi, ut globi motus tandem velocissimus evadat; quia nimirum cuivis ictui antecedenti nondum extincto, novus subinde ictus superveniat: 2) vero pariter constat, pisum per tubulum vitreum levi flatu pulsus pernicitatem acquirere, ut longius per tubulum præsertim longiorem, sed oris flatui tamen proportionatum, explodatur; ideo nimirum, quod flatu tantillum, h. e. donec pisum è tubo exeat, perseverante, nullum sit punctum secundum totam ipsius tubi prolixitatem, in quo flatus corpuscula succedenter emissa novos ictus

non



non imprimant , & cum prioribus , nondum prorsus extinctis, conjungant.

XVII. Hæc ad quæstionem primariam deinceps ita applicat: Concipiendum est, pulverem non uno eodemque momento in individuo totum accendi, sed morula quadam, in qua, tametsi brevissima, distinguere liceat complura, (nisi etiam innumera) instantia. Itaque dum flammula primum ex minimo quoque pulveris granulo creatur, incipit sui difflatione dilatationeque, qua capaciore quærit locum, ita impingi reciprocando versus utrumque obicem, ut corpuscula ejus singula suos impetus in utrumque imprimant, qui adaucti à mox imo continenter succedentibus, propter inflammata succedenter granula, incipiant brevi, præ ipsa sui innumerabilitate, tum ipsum fundum succutere, tum globum leniter emovere. Exin vero, quia globo leniter emoto, ac loco non nihil ad concipiendum flammam, accendendumve aliaque granula, capaciore facto, impetus accessio in globum spectatim fieri perseverat; efficitur, ut globus jam motus & moveatur facilius, & innumerabiliore facta multitudo ictuum adigatur velocius, & promotus ulterius, capaciorem locum relinquat, in quo creata copiosior flamma ex aliis granulis accensa innumerabiliorem adhuc multitudinem ictuum faciat, unde & crescente continenter impetu fiat; ut non prius globus ad orificium pervenerit, quin rapidissime compellatur, sicque extrorsus motu perniciosissimo denique erumpat. Et quoniam, donec globus intra fistulam adhuc est, corpuscula flammæ æque inter ipsum & machinæ fundum, vires connisusque, ob factam utrinque resistantiam, eundo redeundoque partiuntur; hinc efficitur, ut non solum ipsum globum prorsum propellant, sed fundum etiam, atque adeo totam machinam, depellant retrorsum.

#### IV. EPICRISIS PRIMA

super has postremas sive secundas Hypotheses.

I.

**T**Ametsi singulæ hucusque enarratæ postremo loco hypotheses, (de quibus per ὕψιστον πρότερον, modeste aperire sententiam nostram priori loco lubuit) aliquid continere videantur, quod ad rem præsentem facere saltem quodammodo

Rrr rrr

do



do possit; etsi Cartesiana, nimia sua subtilitate, mediocribus ingeniis tædiosior accidere queat; In Fabriana vero, illud maxime arrideat, quod nitro primas partes in hoc toto negotio apertius tribuat, tacite tamen consentientibus cæteris; dum e.g. *Kircheriana* l. c. p. 310, ad mixturam pulveris pro tormentis majoribus, deposcit sulphuris & carbonum lb 25, aut illius 20, horum 24: pro sclopetis majoribus, vel *Musquetis* sulphuris lb 18, carbonum 20, vel illius 15, horum 18: pro sclopetis minoribus, sive *Pistolis* autem, sulphuris lb 12, carbonum 15, vel illius 10, horum 8; suppositis interim ubique, tanquam basi, salis nitri sive petrae factitii, lb 100; *Fabriana* vero in hac majore nitri copia tanto plus humoris supponit, ad causandam tanto majorem & impetuosiore dilatationem.

II. *Kircheri* igitur Hypothesis num. XIII. hypoth. proxime anteced. exposita singulorum ingredientium effecta specialia, ad generalem effectum symbola sua conferentia, non incongrue declarat; Sed *Gassendi* cogitata num. XVI, & XVII, adeo distincte & plene, eaque simplicitate totum effectum declarat ac deducit, ut dubitem, an quisquam alius eum clarius exponere unquam possit. Illud tamen, quod retropulsionem tormenti, & expulsionem globi æqualiter partitis flammæ viribus attribuit, hoc præcipue dubium mihi movet, quod tormenti pondus multis modis majus sit pondere globi, ac propterea, supra rotas quidem, at inæquabiles & asperiores sive propter spissa, quibus undique cinguntur, ferramenta impeditiores, retro pellendum veniat, globo multo liberior etiam, super unius quasi puncti contactu mobili existente, ut adeo tanto plus virium ad movendum retro tormentum, per terræ mollioris profunda, aut pontium rigidiorum solita acclivia, requiri videatur; quod virium augmentum etiam, haut adeo longe petendum, ultro quasi se offert. Erumpens scilicet per anterius orificium, globumque propellens, rarefactissimus ex pulvere tormentario halitus, una cum globo, aerem circumfluum quoque,



que, longe lateque protrudit, qui hac protrusione validissime compressus, ea mox cessante, in fistulæ vacuitatem, vi elastica maxima retro irrumpens, novum hunc impetum in tormenti fundum factum, cum priori ex accenso halitu, adhuc durante, conjungit, (omnia enim hæc eodem fere momento contingunt) & sic effectum, quem sub manibus habemus, conduplicatis viribus producit.

III. Quid de *ambræ* natalibus firmiter statuendum sit, nedum quidem audemus definire, illis quippe, quæ num. XI ac XII. proxime superioribus allata fuerunt, nunc in hanc, nunc in illam partem animum fluctuantem flectentibus, imo rapien-  
tibus. Suspendendum ergo est porro judicium nostrum, donec dies aliquid ferat, quod id magis determinare & statumina-  
re firmitus possit. Magnitudo frustorum num. XII. relata, balænarum excrementis potius quam avium, aut illarum etiam internis concretionibus, adscribere juberet, si maxime certum esset, quod de milite classario num. XII. sub init. narratum fuit. De succini vero natalibus nunc plus certitudinis habemus ex historia succini Prussici, D. Hartmanni num. II. & seq. secundarum hypoth. excerpta, in qua & fusio succini frustra, à me ipso quoque tentata, recte rejecta, & Tyllscovvskii evanidæ animalculorum inclusorum species merito explosæ sunt. Unde enim illam oculorum opticam illusionem deduceremus, nullo vel speculo vel simili alio interveniente organo; si maxime ad animalculorum sepulcorum extremam computrescentiam ac cinefactionem confugere liberet, qua supposita credi posset, fracto vel secto succino, pauculos illos cineres subito dispersos aut difflatos fuisse, ad nummum aureum tamen ibidem commemoratum id commenti applicari minime posset.

IV. Quod attinet virtutem electri & electricorum corporum attractricem in leviculis corpusculis manifeste conspicuam, etsi data num. IX. secund. Hypoth. à P. Fabri ratio aliqua videatur ablandiri specie; id tamen non satis apertum est, cur emissi à succino ejusmodi radii viscidiores, contactos in via pul-



visculos in restitutione sua non solum secum versus succinum raperent, sed ipsi ejus superficiei immediate firmiterque quasi agglutinent, cum tensorum restitutio haurit facile ipsum factæ primum tensionis principium attingat. Fortassis igitur rectius effectus hic creditæ attractionis, à pulsione quadam naturæ magis familiari, hoc modo deduceretur: Cum per requisitum corporis electrici validum adfrictum, id incalescens tantisper, halitum quendam emittat, qui, admoto propius electrico, proximi corpusculis levioribus aeris vim elasticam quodammodo debilitet, ulterior pone corpuscula leviora aer, illa versus debilitatum, integro adhuc elaterio suo, elevat ac propulsat, ut videantur quasi ultro assurgere & electrico corpori se applicare, id quod infra, in magneticis, quas vocamus, attractionibus, nullo magnetis adfrictu præcedente fieri solitis, peculiari anthæ experimento confirmabitur.

## V. EPICRISIS ALTERA

super primas, quas superius enarravimus Hypotheses.

### I.

**A**ristotelicorum quatuor elementa quod attinet, tametsi negari non potest, in resolutione nonnullorum corporum, maxime in combustioneligni vel chartæ, relinqui portiones terreas cinerum; de igneis ex ipsa inflammatione constare; humoris etiam aliquid plerumque comparere; aereas denique insensibiles, quæ corporis poros occupaverant, facile concipi: Dubium tamen I) est vel maxime, num aer ibi tanquam corporis elementum cum cæteris ritè subactum ac permixtum, an vero per accidens tantum insit, ut in spongia (quod de metallis certe fatetur *Honoratus Fabri* Tract. VII. Lib. II. Prop. II; imo etiam de mixtis cæteris Tract. V. Lib. II. Prop. XII) quo sensu etiam subtilior alia materia ex mente Aristotelis, hanc



ἀνάλογον τῷ τῶν ἀστρον στοιχείῳ, omniaque pervadere, dicentis, inter elementa foret numeranda.

II. Porro vero 2) si maxime humoris quippiam in omnibus corporibus mixtis reperiatur; eum tamen aqueum statim & semper esse, & non potius alium in aliis, ac diversorum generum, nunquam probabitur. Neque 3) in omnibus humoris præsentis indicia reperiuntur; nec ideo statim in metallis humor est admixtus, quod ea liquari possint, h. e. eorum solutæ particulæ in medio communi, quod humor sit, natare; cum subeuntis ignis stagnum, illud esse commune medium possit, velut in gypso pulverisato sicco, ad ignem fluente, videre est. 4) Id quod terram dicunt in resolutione corporum, non est tamen illud simplex elementum terræ, de quo hic quæritur, sed in diversas porro species plerumque divisibile; prout é cineribus salem elici est notissimum; adeo, ut cautior *P. Fabri* peripateticis cæteris, corpora dicat resolvi, non tam in 4 elementa, quam in signa elementorum, l. supra cit. Non possumus igitur decantata Aristotelicorum elementa ita admittere, ut ea vel sola, vel omnia, ad omnium corporum terrestrium mixturas concurrere credamus.

III. Neque vero chymicorum tria principia hypostatica, simplicissimorum illorum elementorum nomen magis merebuntur, ob rationes in ipsa hypothesium enarratione num. VI. præcipue allatas, quas hic repetere molestum foret, imo penitus supervacaneum, posteaquam in Sect. I. Artic. V. capitis IV. Hypothef. primis, eique deinceps subjecta communi Epicrisi. tota hæc materia prolixè tractata fuit.

IV. Itaque, si tales massas simplices abstrahere, & sub elementorum nomine venditare oporteat, quales tamen ita puras nullibi reperiri omnes fatentur, atque de istorum numero, ex eorum corporum varietate, quæ præ aliis similaria videntur, unumque elementum eminenter continent, cæteris parcius ac insensibiliter fere admixtis, aliquid decernere; flamma certe, aqua, aer (prout nunc quidem actu habent) sed & succi minera-



les varii, gemmæ & metalla cum primis cum hydrargyro, totidem simplicium corporum, quæ in singulis prædominentur, genera videntur indicare; ita ut & plura tribus aut quatuor numeranda videantur, nec omnia ad quodvis mixtum constituendum requiri: quæ *Illustris Boylei* hypothesis est, nobis visa cæteris omnibus præferenda.

V. Quin & consultius existimamus in explicandis mixtorum proprietatibus, ad parvulas simpliciorum (etsi maxime simplicissima non sint) particulas harumque figuras, motum, situm & nexus attendere, quod hodie fere unanimiter faciunt Philosophi, & ex his solis singulorum formas & essentias explicare, cum alias fingere substantiales formas, non tantum è modernis Peripateticis *Honoratus Fabri*, ut supra vidimus, frustraneum putet; sed ex antiquioribus Græci Aristotelis interpretes plerique omnes, & ex his *Casalpinus*, *Sonerus*, aliique absurdum pridem judicaverint, & obscurandis potius quam explicandis naturæ phænomenis accommodum.

## CAPVT II.

*De tertia Fossilium classe, mineralium nempe, & horum duplici, metallorum puta, & corporum metallicorum genere.*

### I. PHÆNOMENA.

**P**HÆN. I. Eorum, quæ ex terræ venis & mineris eruuntur, solidiorum plerumque corporum, prima & nobilior species *Metalla* complectitur, *Aurum* puta, *Argentum*, *Æs* sive *Cuprum*, & cum *Plumbo Stannum*; res in vulgus notas, ut prolixa descriptione supersédere possimus, nec nisi obiter, illud quoque monere necessum sit, quod illa omnia non ita pura & integra, uti quidem in aureis argenteisve poculis, aut in aliis è metallo viliori paratis vasis cernuntur, è terris effo-

diantur,



diantur, sed plerumque materiae lapideae terreaeque, filatim ac per sparsos venularum ramos immixta aut forinsecus adhærentia, sub termino *Stuffen* generali, & specialibus *Goldstufte*, *Silberstufte* &c. multo contusionis, fusionis, lotionis, separationis, præcipitationis &c. labore opus habeant, antequam in puriores & majusculas massas conflentur, quæ venundari aut variae monetæ aliive supellectili conficiendæ impendi solent; de quo multiplici labore fusius agit *Georgius Agricola* de re metallica Lib. VIII, IX & seqq.

*PHÆN. II.* Reperiuntur autem istæ terræ glebæ, aut lapides metallorum ramentis foeti, sub montibus ut plurimum: unde haut raro & aquæ inde scaturientes aliquam illorum ramentorum copiam secum adducunt, auri præsertim granula alicubi magno numero ex aquis colligi solita? prout non tantum de fluminibus auriferis, Tago v. g. Pactolo &c. monumenta veterum, sed & modernæ observationes indubiæ testantur; illæ præsertim quas Dapperus in descriptione Guineæ aureæ pag. 460 & seqq. novissime communicavit, de Urinatoribus ex flumine quodam Regni sive Provinciæ Atzin cum ipsa Provincia cognomine, patinis & haustris ligneis arenis admixta auri granula, sub scopulis & catadupis aquarum, haurientibus seligentibusque.

*PHÆN. III.* Et sunt quidem terræ metalliferæ cæteroqui steriles plerumque, ac aura noxia infestæ, præsertim in ipsis fodinis & cavernis subterraneis: indeque arborum per vernum tempus sublivida folia inter indicia latentium metallorum numerari solent, qualia alias certiora præbent ramenta cum fontium scaturiginibus advecta, aut excisa rupium fragmenta, & à torrentibus abrepta, minus certa vero, vel etiam prorsus forte fabulosa, *Virgula colurna* quam *divinam* vulgo, Germanice *die Wünschel-Ruthe* vocare solent.

*PHÆN. IV.* Communes metallorum proprietates sunt  
1) notabile in singulis generibus *pondus*, etsi multum inæquare, si molis ejusdem fragmenta, commodissime cubiformia,  
latis



latis quidem jam depurata, inter se comparentur: adeo quidem ut, cum auri cubus habuerit uncias centum, plumbeus illi mole æqualis non nisi 60 cum dimidio, argenteus 54 $\frac{1}{2}$ , cupreus 47 $\frac{1}{2}$ , ferreus 42, stanneus 39 æquiponderet, eruditissimi *Petiti* experimento, apud *Hamelium* p. m. 260. Unde solum etiam aurum in hydrargyro mergitur, cæteris omnibus supernatantibus. 2) *Durities*, & illa pariter inæqualis, & in ferro quidem ac chalybe maxima, in cæteris gradatim minor. 3) *Ductilitas*, & hæc iterum in auro maxime notabilis, imo prorsus stupenda. cum & mallei ope aureus unus, in bracteolas tenuissimas quamplurimas, & harum paucæ argenteo cylindro superinductæ, porro novo artificio in filamina immensæ fere longitudinis extendantur, in ferro & reliquis per gradus varia: 4) *Liquabilitas*, quod fundi soleant & in fluorem commutari, sed ignis magna vehementia, quæ major tamen in unis, quam alterius fundendis requiritur.

*PHÆN. V.* Nec illud negligendum est, in eadem sæpe vena & fodina plura simul metallorum genera reperiri, aquis fortibus dein, aut similibus artificiis, separanda, quin & argentum vivum in plerisque fodinis, frequenter etiam vitriolum, alumen, aliosque succos minerales junctim offendi.

*PHÆN. VI.* Notatum vero dignissimum hoc est, (etsi quibusdam sine causa dubium) quod crescant ac sensim perficiantur in venis ac mineris suis, quodque exhaustæ istæ, intervallo temporis notabili novo foetu, imprægnentur, cujus posterioris fidem penes authores esse vult *Honor. Fabri* Tract. VII. Lib. II. Prop. IV. de eo tamen certus, mixtum metallicum de novo formari seu concreescere posse, innumerisque experientiae evinci, inveniri in fodinis venas metallicas, in quibus aliqua metalli portio formata sit, alia vero semiformata: imo venas illas arborescentes in fila tenuissima, quasi ad instar lanuginis, signum præferre perspicuum, halitum, in metallum concreescere. Conferatur *Cæsius* de Min. Lib. I. Cap. 5 Sect. 5.



*PHÆN. VII.* De coloribus metallorum non est, quod quicquam dicamus, quippe in vulgus notis; neque de aliis specialioribus proprietatibus, ut quod ferrum rubigine, cuprum ærugine corrodat; quod argentum adfrictu suo chartis, lintheis &c. nigredinem aliquam inducat; quod aurum, præ cæteris metallis omnibus, immune sit & ab ignis edacitate & à rubigine, omnique fere aliquo squalore; ab argento vivo autem intimius penetratur, admodumque emolliatur &c. quæ omnia hic enarrare instituti nostri modus non pateretur.

*PHÆN. VIII.* Reperiuntur autem in fodinis alia quoque corpora semimetallica, aut metallorum partibus mixta, vel alioqui metallorum æmula, quæ breviter hic attingenda veniunt; *Hydrargyrum* nempe seu argentum vivum, cujus *gravitas*, qua soli auro cedit, *fluiditas* constans, quæ sisti se facile figique, nisi alius admixtione materiæ, non patitur; *Subtilitas* ac tenuitas, qua durissima metalla, ossa &c. penetrat ac erodit; *Volatilitas* denique & facilis exhalatio, sed æque facilis, post quascunque sui mutationes restitutio, (adeo ut eo usque fixatum, quo possent annuli, post fusionem unam atque alteram, ex eo fundi, (cui experimento in Hollandia olim ipsemet oculatus testis interfui,) iteratis pluries liquationibus, in fluidum tandem vivumque iterum mercurium abiret, notari merentur: *Antimonium* sive *stibium*, vulgo *Spießglas*, semilapis ac semimetallum, quod & liquari potest, & in corpus durum concrevit, ductile tamen non est, ac in fodinis, argenti præsertim obvium, ac Mercurii quiddam, aliquid sulphuris, diversi etiam coloris, & alia multa, præsertim duriori metallo similem *Regulum*, intus abscondens, vim etiam suam malignam (ni prudenter corrigatur) ac speciatim vehementer purgativam, manifestis effectis prodens &c. *Arsenicum* porro, *Auripigmentum* & *Sandaraca*, congenere venena, ex auriferis & argentariis fodinis erui solita; *Chrysocola* item, *Lithargyrum* & *Pyrites*, seu *Marchesita* non unius conditionis. Conf. *Honoratus Fabri Tract. VII, Lib. II, Prop. LIX, LX, LXII*, fusius, du Hamel p. 173.



## II. HYPOTHESES PRIMÆ

### De Metallorum materia , formis & proprietatum enumeratarum origine.

#### I.

**M**ateriam primo metallorum quod spectat, Aristotelici quidem ad sua elementa rursus confugiunt, & nominatim *Agricola* cum *Scaligero*. Terram & aquam inter se subtiliter permixtas, illo tamen plus aquæ quam terræ, propter metallorum ductilitatem, hoc econtra plus terræ quam aquæ (quod alias lapidum proprium alii autumant) requirente; dum interim alii, materiam hanc remotiorem justo agnoscentes, vaporem quendam aut halitum cum materia terrestri permixtum, eumque viscosum & pinguem aliquantum, accerfunt (vid. *Zeisold*. in Notis ad Jachæum p. m. 610, *du Hamel* p. m. 235, 236) & ut proximam constituent, in sulphur & argentum vivum concretum tandem volunt. Quibus proxime accedit *P. Fabri* Tract. VII. Lib. II. Prop. II. V, & VI, elementa pariter metallorum remotam materiam, proximam autem halitum metallicum, tanquam semen metallorum, assignans, quia filatim & quasi pectinatim concrecant, & aliquando frustulatim depluisse ferantur &c. eundem halitum, addens sulphuris & mercurii nomina facile admittere, modo non illa vulgaria, quæ priores illi Peripatetici & Chymici præsertim, ad metallorum generationem requirunt, sed ignis præparatus, qui sulphur & humor dispositus, divisus &c. qui Mercurius appelletur, intelligantur.

II. Ex mente *Cartesii* metalla in hac superiore terræ crusta non aliter generantur, quam aqua in aere, cui generandæ vapor ex Oceano, ut istis exhalatio metallica, ex interiore terræ nucleo metallis gravidissimo, submittatur. Nempe metallorum interiores ac profundiores massas, à succis acribus interfluentibus hinc inde corrodi, earumque à deo particulas quasdam ab invicem disjungi, quæ deinde materia oleagina involutæ, aliisque exhalationibus argenti vivi, spirituum acrium &c. implicatæ, cum his una, ope caloris subterranei ad exteriorem terram attollantur, ibique diversis suis mixturis, omnia fossilia componant.

III. Et metalla quidem in specie, si vapores argenti vivi, terræ rimas



rimas & majusculos meatus perreptando, particulas aliorum metallorum sibi adhærentes, in iis relinquant, easque adeo auro, argento, plumbo aliisque imprægnent; ipsi vero, ob eximiam suam lubricitatem ulterius pergant, aut deorsum relabantur, aut etiam aliquando ibi hæreant, minutissima sulphurearum exhalationum lanugine vestiti, minium componentes &c. Et cum ex interiore illa, hominibus inaccessa, massa metallica, tales exhalationes in terram exteriorem ascendere nullibi possint, nisi ubi fragmenta exterioris crustæ cum interiore immediate conjuncta sunt, (id quod infra montium radices maxime contingat) hinc etiam esse, quod nec ubique locorum, & ad montium radices maxime, metalla congregentur. Quæ ipsis quidem Cartesii verbis, hic magnam partem servatis, legi possunt Part. IV. Princip. Philos. num LXX & seqq. pluribus.

IV. Chymicorum hypothesis, pro metallorum materia proxima, sulphur & mercurium agnoscit, addito à recentioribus quibusdam etiam sale seu terra chalcantosa; quamvis, uti de nominibus consentiunt, ita re ipsa longius ab invicem recedunt: aliis commune sulphur, vulgarem hydrargyrum & salis in aqua dissolubilis quoddam genus intelligentibus, indeque ad fodinas ipsas, ubi hæc principia plerumque reperiuntur, & ad mutationes metallorum in argentum vivum &c. provocantibus: *Vid. Sennert. Lib. V. Epit. Nat. Scient. c. V.* Aliis econtra Mercurii nomine humidum quoddam unctuosum, crebris sublimationibus variisque coctionibus expurgatum, pro sulphure autem calidum innatum, vel quandam lucis portionem, ratione seminali & vi plastica donatam, supponentibus, (ita hæc referente *du Hamel* de Fossil. p. m. 237 & 241) elementa quippe quidquam nisi seminibus è cœlo defluentibus facta, negantibus.

V. Et hi quidem varietatem metallorum ab alia aliaque sulphuris & mercurii puritate vel impuritate, & utriusque majori vel minori copia derivant; ut e. g. in cupro vel ære paucum mercurium, (ob colorem scilicet obscurum procul dubio) sulphur autem plurimum, rubeum & impurum, in stanno contra (albente quippe) mercurium multum, sed crudum, ac sulphur paucum itidem impurum; in auro & argento vero mercurium depuratum ac pene fixum, & sulphur summe sublimatum ac proportionaliter purissimum, in posteriore quidem album, præsupponant; essentialē adeo differentiam ex ingredientium diversa conditione fere æstimantes.

VI. Peripatetici vero, ceu notum omnibus, cuilibet corporum



speciei peculiarem suam formam substantialem adstruunt, etsi, quam illæ sint, & quomodo productæ, dicere, nec ausint, nec possint, non magis, quam lapidis formam subtilis *Scaliger*, qui (quod alibi jam allegavimus) hanc suam ignorantiam ingenue confessus, nomi-  
na, inquit, Exercit. 307, Sect. 12, p. m. 938. tu lapidis, qui quoti-  
die tuis oculis observatur, formam, & Phyllida solus habeto. Ne-  
go tibi ullam esse formam nobis notam plene & plane &c. Verum *Honoratus Fabri*, etsi & ipse Peripateticus, negat (Tractat. VII. Lib. II: Prop. XIX) metallorum formam esse entitatem aliquam absolutam, sed esse respectivam quandam habitudinem, ex tali vel tali miscibilium sive ingredientium combinatione resultantem, sive novum esse sensibile, ex alio aliove partium nexu, situ &c. oriundum; prout alias quoque de formis generalissime philosophatur.

VII. Inde quoque tam communes, quam peculiare metallo-  
rum proprietates, ex eodem illo fonte derivat; Soliditatem e. g. ac  
duritiem metallorum referens ad arctiorem nexum particularum terræ  
& filaminum ignis flexilium illas arctissime stringentium, auri sum-  
mam gravitatem deducens è particularum terrestrium copiosiorum  
ac probe subactarum, ea convenientia, ut magnæ vacuitates aut pori  
non intercipientur, atque insuper ex humore poros istos adimplente  
ac pondus superaddente &c. in quibus recentiores alios, quoad con-  
ceptus scilicet generaliores, habet plerosque consentientes.

VIII. Efficientem denique causam Aristotelici nobis nomina-  
rent, partim calorem, qui halitus aut vapores eliciat ac extollat;  
partim frigus, quod illos faciat concreescere & indurari: E chymico-  
rum turba nonnulli Solis calorem seminalem, qui ad centrum terræ  
usque se insinuet, & oblatam materiam gignendis metallis idoneam,  
digerat, coquat, induret &c. essent assignaturi; ita referente *du Hamel*  
p. m. 24 in fine & 242 initio: Alii cum Sennerto, Sperlingio, pluribus-  
que ad principium plasticum, nescio quod, & vim quandam semina-  
lem, à DEO Creatore mineris inditam pervocaturi; dum interim  
Cartesius ad generationem istam plures causas socias concurrere pu-  
tat, prout ex num. II ac II, superioribus est cogno-  
scere.



### III. HYPOTHESES SECUNDÆ De Metallorum transmutationibus & Virgula divina.

#### I.

**U**trum unum metallum in aliud transmutari possit, nec ne? quæstio est omnium vexatissima. Et sane hominum cupiditas ditescendi tanta est ac tam universalis ut nemo fere sit, qui non optet viam aliquam, ejusmodi transmutationes ipso effectu & cum lucro notabili quidem præstandi. Alchymistarum quidem turbam si audiamus, ea non artem solum pridem inventam crepant, & transmutandi generatim unum metallum in aliud, sed speciatim quoque transmutandi viliora in perfectissimum omnium, *Aurum*; utpote cui vel maxime inhiant, spe ditissimi, facto ipso perpetuo pauperrimi. Lactant tameo suos *Adeptos*, *Raymundum Lullium*, *Arnaldum de Villa nova*, *Tarvisinum*, *Paracelsum*, *Sendivogium*, *Bragadinum*, *Turnheiserum* aliosque; jactant hujus postremi clavum ferreum, inter cimelia magni Ducis Florentini, etiamnum ostentari solitum, una medietate adhuc ferreum, altera, qua intinctus fuerat liquori aurifici, pure-aureum, jactant novissime, auri massam 100 lb à mercatore quodam Lubecensi, Regi Sueciæ Gustavo Adolpho, cum Lubecam transfret, dono datam, ex qua Rex cudere jussit ducatos, & ut innotesceret, quod istorum ducatorum aurum agnosceret natales, ab una parte impressam fuisse effigiem regiam, ab altera vero insignia Regia, adjunctis signis chymicis ♀ & ♂, ab utroque latere. Talem ducatum accepit *Dn. Moncony* à Pharmacopæo Ratisbonnensi *Strobelberger*, (qui hæc ipsi narraverat.) Talem possedit etiam *D. Philippus Jacobus Sachs à Levvenheim* ex liberalitate admodum strenui *D. Ludovici à Schönleben*; cujus ducati effigiem supra memoratam æri incisam exhibuit utraque facie expressam ad observationem suam de auro chymico, quæ est XVII. Anni I. Ephemerid. Medico-Phys. Talis denique ante multos annos, nisi memoria me prorsus fallit, mihi met ostensus fuit à B. nostro *D. Joh. Georgio Volkamero*, postea Academia Nat. curiosorum Præside.



II. His omnibus, & quæ multo plura laudatus *Dn. Sachs à Lé-  
wvenheim* cit. l. refert, exemplis ac testimoniis non obstantibus, non  
pauci Viri docti hanc metallorum viliorum præsertim transmutatio-  
nem in aurum omnium nobilissimum, negant, imo pro impossibili  
penitus habent; inducti maxime hoc argumento generali: Quod,  
sicut Elementa, specie & essentia utique differentia, singula peculia-  
ribus & naturæ suæ propriis particulis, ab ipso Naturæ Conditor  
necessario formatis, & usibus suis ipso nunc facto se exerentibus,  
providentissime accommodatis, consent, iisque, tanquam semini-  
bus suis minus proprie sic dictis conflentur; (semina enim proprie  
sic dicenda, sunt corpuscula organica, quodammodo jam animata,  
ipsius Creatoris omnipotentis sapientia necessario formanda &c. quod  
infra in Tomo III, (si DEUS vitam viresque concesserit) evidenter  
demonstrabitur: Semina vero improprie dicta, sunt corpuscula inor-  
ganica & inanimata, ex quarum homogenearum in quovis elemento,  
heterogenearum autem in diversis, collectione diversæ massæ elemen-  
tares, saltem ad sensum similes componuntur) in se mutuo trans-  
mutari non possunt; ita nec ex metallis essentia quidem specieque  
differentibus, unum genus in aliud transire possit; in quod postea in  
Epicrisi pluribus deducetur.

III. Interea reperiuntur alii viri docti, qui media quasi via ince-  
dere gestiunt 1) nec universaliter omnem quorumcunque metallo-  
rum transmutationem negant; nec 2) auri quoque ex argento, vel  
mercurio, vel aliis metallis, confectionem prorsus impossibilem  
æstimant. Inter hos certe primo loco mihi nominandus est *Atha-  
nasius Kircherus*, qui mundi subt. Lib. XI. Sect. II. cap. II. p. 256  
post notabilia plura modestiam laudabilem sapientia: Ego sane, in-  
quit, uti artem ἀδύνατον non facile asseram, ita quoque quoad theo-  
riam probabilem tantum esse, at vix possibilem hominibus, confi-  
dentius assero; hoc vel maxime capite motus, quod inter tot Theo-  
ricos nullus sit, qui hujus rei praxin, nisi forsan diabolo magistro,  
aut solitis impositionum fucis, ostenderit: de quo infra non totis tan-  
tum paginis, sed integris etiam capitibus, imo sectionibus, proli-  
xissime agit; in capite præsentis hoc solum de Paracelso monens, illum  
per transmutationem nihil aliud intellexisse, quam cum res suam  
formam amittit, & aliam assumit, aliam adeo essentiam, aliam natu-  
ram, aliasque proprietates, ut, si metallum fiat vitrum, vel lapis: si  
lignum fiat carbo, argilla, lapis & later &c. hanc tamen transmutatio-  
nem



nem in chymico negotio sine lapide Philosophorum, & hunc lapidem sine septem Chymix gradibus (qui in anteced. expositi fuerant) factu impossibilem judicasse.

IV. *Petrus Gassendus* Scient. Phys. Sect. III. p. 141. Negari inprimis, ait, universe non posse, quin transmutatio aliqua sit: nam de transmutatione quidem ferri in æs dubitare experientiam non sinere. Cujus mutationis modum aliquem cum tradidisset, (Nimirum, si ferrum in atramentosam vitriolatamque aquam conjicias, rubescet ejus superficies, ex qua si proinde pulverem deraferis, igneque fuderis, evasisse æs deprehendes) inter alios ad *Agricolam*, cæteris alioquin transmutationibus infensum, provocat, allegans locum ex *dena fossilium*, in quo bis expresse testatur ferrum in æs converti. Subjungit deinde argentum vivum in metallum quodpiam mutari posse, negandum “penitus non esse; addito statim modo quod id fieri possit: Nimirum, si redacto in cinerem plumbo seu lithargyro, miniove effecto, (quod interjectu halinitri fieri manifestum est) affuderis phlegma “aceti, quo per institium noctis maceretur; paucas deinde guttas “ex hoc aceto in argentum vivum aqua forti dissolutum infuderis, illud statim præcipitabitur, subsidetve in vasis fundum specie pulveris, “qui igne fusus, plumbum jam erit. Cæterum, quia difficultas potissimum est de transmutatione seu argenti vivi, seu metallorum imperfectorum, in perfecta aurum scilicet & argentum, & aurum quidem maxime. Nobis certe res non videtur, inquit p. 142, fac. 2, pro impossibili habenda; quoniam, quantumcunque difficilis sit, quid non possit tamen labor improbus? & quam multa recens adinventata sunt, quæ majores nostri ne sperassent quidem &c. &c. Præmittit tamen paulo ante, hæc notatu digna: Cæterum istane, aut alia incedentes methodo, (quam in antecedentibus prolixè descripserat) “metam hucusque attigerint, magna profecto quæstio est. Nos “hactenus certe nullos novimus, qui se attigisse potuerint gloriari.

V. *Job. Baptistæ du Hamel* in dialogis suis de Fossilibus & speciatim cap. X. ubi fuse de transmutatione metallorum agit p. m. 248 & seqq. Sub diversis personis diversas ut plurimum sententias proponens, etsi, quamnam præcise suam faciat, dubium videri possit; plerisque tamen, quod sciam, visum est, sub persona *Simplicii* eum ordinarie propria sua placita exponere. Quo supposito, certum esset, ipsum in sententiam *Gassendi* penitus concedere. Cum enim *THEOPHILUS* collocutorum primus, in Alchimistas, eorumque



que imposturas, pluribus invectus fuisset, & metallorum transmutationem ab ipsis assertam, non contemnendis rationibus impugnasset, elevata etiam historiolarum, pro hac transmutatione ab ipsis afferri solitarum, fide &c. Succedens ipsi in colloquendo *Simplicius*, As-  
 „sentior plane inquit, ac nemini auctor fuerim, ut temere Alchi-  
 „mistis fidem adjungat. Hoc hominum genus imposturæ nomine  
 „merito suspectum est: quod si tantam callerent artem, non iis fo-  
 „ret res angusta domi. Plures vidi, ad incitas redactos, qui grandes  
 „auri summas exsculpere magnificis pollicitationibus nitebantur;  
 „modo non montes auri promittebant, cum gravi rerum omnium  
 „inopia premerentur, qui vero ex hac arte ditescerat, vidi neminem.  
 „Mox autem sequentia subjungit: Sed soli sumus, & quod quisque  
 „sentit, licet impune dicere. *Artem qua metalla transmutentur,*  
*arduam quidem periculi plenam, & à paucis compertam, at im-*  
*possibilem esse minime arbitror;* id quod, interjectis paucis paginis,  
 Theophilo secunda vice respondens, totidem fere verbis repetit, &  
 cum in priori responsione exemplis & rationibus possibilitatem  $\chi\epsilon\upsilon\sigma\omicron\pi\omicron\iota\lambda\alpha\varsigma$  propugnasset, nunc in secunda, eodem exemplo, quo usus  
 erat Gassendus superius, de ferro in cuprum convertendo, genera-  
 lem saltem transmutationis possibilitatem confirmavit.

VI. *Honoratus Fabri* de hoc etiam, quod concessisse videntur  
 Hamelius & Gassendus, dubitare videtur, ac de Chymicorum chry-  
 sopœia durius etiam loqui, quam priores fecerant. Etenim Tract.  
 VII. sæpius allegato, Lib. II. Prop. LI in fine quidem de plumbo cer-  
 tum esse dicit, mutari posse secundum aliquam portionem in stannum,  
 & hoc in illud; sed addit, non esse veram transmutationem, cum  
 non sint specie diversa illa metalla. Ex plumbo etiam educi mercu-  
 rium, experientia teste; quamquam utrum verus mercurius sit, forte  
 dubitari posset, vel tantum minimarum plumbi particularum acces-  
 sio, cum Mercurius plumbum resolvat. Ex ferro dici fieri æs, qua-  
 rundam aquarum opera, quod de aquis sponte fluentibus & metallicis  
 facile crediderit; sic scilicet uti ligna & alia mixta lapidescunt, eo  
 quod succo lapidescente penitus imbuantur, ut adeo idem fieri pos-  
 sit à quibusdam aquis ærariis, quæ ita ferrum subeant, ut per tenues  
 superficies in æs convertant. Utrum vero æs illud factitium cum ære  
 fossili comparari possit, vix se credere. Utrum demum in argen-  
 tum, aliquod metallum converti possit, Chymicos quidem affirmare,  
 se vero fidem illis detrectare; si enim hoc præstare possent, ad tan-  
 tam



tam rerum penuriam eos non perventuros. Sub initium autem propositionis allegatæ, *Artem nondum inventam esse* asseverat, *qua ullum metallum in aurum converti possit*. Si enim inventa esset, alicubi esset, & revera dici posset, N. N. illam artem callent; sed de quo amabo hoc dices? Statim ego detrectabo fidem, nisi experimento convincar. Dices ab aliis, qui jam extincti sunt, artem illam inventam fuisse, sed nemini traditam, v. g. à Raymundo Lullio, à Arnaldo &c. Sed si hoc eadem facilitate negem, quam tu asseris? Dices, hoc ipsum antiquis historiarum monumentis traditum esse: Libros in testes producis; sed forte nescis, quam multa falsa & absurda in libris contineantur; quis nescit, maximam illorum librorum partem ab ipsis Chymicis scriptam esse, quibus fidem omnem detrecto. Nam, ne hoc dissimulem, duo sunt hominum genera, qui impune mentiri solent; Chymici duntaxat, & Astrologi illi, qui judiciariam, ut vocant, exercent; non malitia, ut puto, cum multi ex illis homines probi sint, sed mentis errore, quo ita capti sunt & ex-cæcati, ut se præstitisse dicant, quod nunquam revera præstiterunt.

VII. Itaque primum sit suppositum: Chymicis à se factum esse aurum prædicantibus, nulla est habenda fides! Dices, adhuc videri clavum Florentiæ, cujus media pars aurea, altera ferrea est, quod certe alio modo, quam arte Chymica fieri non potuit. Sed probastine clavum illum, tu qui clavum trudis? An nescis, mille modis citra conversionem ullam hoc fieri potuisse? Jurabis à te visum esse hominem qui aurum fecerat; num forte oculis tuis illudere potuit? uno verbo: Si quando forte acciderit, unum metallum in aurum conversum fuisse, illud certe arti magicæ tribuere non erubescerem &c.

IX. Ad *virgulam divinam*, quam vocant, quod attinet, si sententiam modo laudati Patris Fabri, ante alios audire velimus, is Lib. II. Tractat. VII. Prop. XXX, posteaquam de signis latitantium sub terris metallorum nonnulla differuisset, tandem quæri fingit, quid dicendum sit de *virgula divina*, ut vocant bisulca scilicet columna facile mobili quam metallici ad venas investigandas adhibent? respondetque aperte, ut solet & cordate: Esse meram superstitionem, vel quod verius esse putat, anilem fabulam, uti recte ostenderit Agricola, quem videri jubet, nequaquam ratus in his nugis diutius hærendum esse.



IX. Ex hoc ipso Autore *Georgio Agricola* plurima adduxit in eandem cum *P. Fabro* sententiam, *P. Schottus* Magiæ universalis Naturæ & Artis Part. IV. & ult. Syntagm. IV. p. 420. Verum cum aliena multa *Agricolæ* dictis admiscuerit, malumus ex ipso hoc autore, quæ majoris momenti videbuntur ad mentem ejus percipiendam, huc allegare. Is igitur, sub finem Lib. II. de re metallica, postquam de Virgula furcata inter metallicos multas & magnas esse contentiones, dixisset, aliis agentibus in venis inveniendis, sibi maximo usui esse, aliis negantibus: Priores, talem furcam cultro refecare columnam, præsertim si corylus supra venam aliquam creverit; (hanc enim præ cæteris ad venas quærendas censere idoneam) deinde utraque virgulæ cornua manibus prehendentes pugnos facere: (quibus faciendis necesse esse, ut digiti compressi ad cœlum spectent, utque virgula erigatur ea parte, qua cornua coeunt, vid. num. 2. Fig. 80.) Tum huc & illuc passim per locos montosos vagari, asseverantes; Simulatque supra venam pedem posuerint, statim virgulam versari & volvi, sibi que prodere venam, (vid. num. I. ejusd. Fig. 80.) ubi pedem retulerint, & ab ea discesserint, rursus virgulam immobilem manere, & causam motionis virgulæ dicentes, esse ipsam vim venarum, quæ interdum tanta sit, ut arborum prope venas crescentium ramos ad se flectat.

X. Contra, qui virgulam nulli Viro bono gravique usui esse dicunt, eam motionis causam esse negare, quod omnibus non soleat moveri, sed istis tantum, qui cantionibus (superstitiosis scilicet ac magicis) aut astutiis utuntur. Quibus illi regerant: quod vis venarum virgulam, cum quidam è metallicis aut cæteris hominibus eam tenent in manibus, non vertat, in causa esse proprietatem quandam hominis singularem, quæ vim venarum alliget & impediatur; ipsamque virgulæ tractandæ modum effectui obistere; ut scilicet si leniter nimis eam digitis stringamus, decidat, antequam vis venarum eam verset; sin acrius stringatur, vim manuum vi venarum resistere, eamque superare. Quinque igitur conditiones requiri ad hoc ut virgula suum faciat officium. 1) Virgulæ quantitatem, quæ nimia, vi venarum volvi non possit; 2) Figuram, quæ nisi furcata fuerit, eadem vi commode verti non possit 3) ipsam vim venarum, quæ naturam volvendi habeat; 4) Decentem virgulæ tractationem; & 5) privationem seu absentiam proprietatis occultæ.



XI. Cum igitur hanc rem controversam esse & plenam diffen-  
sionis inter metallicos videret; eam suis ponderibus examinandam  
censebat. *Primo* igitur virgulam divinam, qua incantatores scrutan-  
tur venas, ut annulis etiam, speculis, crystallis, quamvis forma fur-  
cæ figurari possit, nihil tamen ad rem illam interesse, dicit, rectane,  
an in aliam figuram formata sit: non enim valere virgulæ figuram  
sed incantamenta carminum, quæ sibi commemorare neque liceat,  
neque libeat. Itaque cum similium incantationum à veteribus inter-  
ventu virgulæ divinæ peractarum, de incantatoribus Aegyptiorum,  
virgas in serpentes mutantibus; de Minerva apud Homerum, se-  
nem Ulysssem virgula divina repente in juvenem convertente, ac rur-  
sus in senium restituyente; de Circe socios Ulyssis in bestias mutan-  
te, rursusque hominis effigiem iisdem reddente; de Mercurio  
denique, suo caduceo vigilantibus somnum, è somno contra dor-  
mientes excitante, mentionem injecisset; infert *secundo* virgu-  
lam divinam primitus ex incantatorum impuris fontibus videri de-  
fluxisse in metalla; deinde cum viri boni abhorrerent ab incanta-  
mentis carminum, virgulam à simplici metallicorum vulgo fuisse  
retentam, & in quærendis venis vestigia antiqui usus remansisse.  
Verum, si quis ejus effectus nihilominus consequi videatur; con-  
cludit *tertio*, ex pluribus rationibus, ipsam virgulæ callidam tra-  
ctationem esse causam motionis ipsius; ut ipsi metallicorum vulgo  
jam suboleat, virgula venas inveniri, quod ea utentes casu aliquas  
inveniant, sed iisdem multo sæpius perdant operam, observentque  
potius naturalia venarum signa, fodiendo crebro & scrutando eo  
usque locum, quoad venam crudariam reperiat.

XII. Hæc ex ipso Agricola. Quæ præterea *P. Schottus* in alleg.  
Syntagmate, passim annotavit, hic in compendium contraham. 1)  
notat p. 423, inclinationem illam virgulæ ad metalla appellari à metal-  
licis percussione, & dum inclinatur, aut non inclinatur, hoc eos  
germanice appellare, *schlagen oder nit schlagen*. 2) narrat ibidem hi-  
storiam de principe quodam in Germania notissimo, qui ad venarum  
in suis montibus quos possidebat metalliferis, deperditarum, ex inter-  
missa per aliquot annos effossione, tramites denuo detegendos, evocari  
alicunde curaverit duos insignes metalloscopos, de virgulæ divinatoriæ  
usu ad thesauros ac pecunias seu aureas seu argenteas, ubi ubi abscon-  
ditæ forent, detegendas, immodice se in virorum primariorum coro-  
na jactantes. Conventum igitur fuisse, ut clam illis duobus virorum



illorum unus omnem aliorum pecuniam, & quicquid auri argenti-  
que haberent, acciperet: quo facto, cum uterque metallo-scoporum  
diutissime cum virgulis suis quæritantes circumvissent, absconditam  
tamen pecuniam nunquam reperisse; cuius historiæ similes aliæ dein-  
ceps enarrantur; è quibus 3) illa adhuc notatu digna habetur, quod  
unus eorum, qui se valde peritos jactaverant in tractatione virgulæ  
bifurcatæ, postquam diu cum ista manibus prehensa ante argentum co-  
ram se positum, sine motionis signo hæsisset, responderit, eam non  
percutere, nisi postquam intra manus incaluisset. Tandem inclina-  
tam fuisse ad argentum ante se positum quod videbat, at minime ad  
aurum & argentum quod alius æque prope adstans in sacculo clam  
portabat. E quibus 4) *P. Schottus* audacter pronunciabat: vim con-  
versivam virgulæ columnæ bifurcatæ ad metalla, nequaquam natura-  
lem esse, sed vel casu conversionem illam contingere, vel fraude  
virgulam tractantis, vel ope diaboli, quo cum intercedat pactum vel  
explicitum vel implicitum; cui eidem sententiæ 5) præter Agrico-  
lam etiam *Kircherum, Forerum, Aldrovandum, Cesium, Conra-*  
*dum* subscripsisse, allegatis ubique singulorum locis testatur.

XII. Signa vero alia aut veriora aut probabiliora magisque natu-  
ralia *P. Fabri* in alleg. Prop. XXX. sequentia recenset: 1) ex aquis ali-  
quod indicium haberi posse, quæ si præsertim sint scaturigines, & me-  
talli ramenta vehant, fodinam non procul positam significant, 2)  
Pruina non candicare illum tractum, cui vena subest, ideo quod ha-  
litus calidus ex vena assurgens, rorem in pruina concreescere non  
finat. Addit 3) humiles plantas, tenuesque & male nutritas plantas  
& herbas. 4) Fragmenta lapidum vel ex rupibus excisa, vel è tor-  
rentibus abrepta, satis perspicuum venæ latentis præbere indicium:  
ubi situm loci tamen, respectu torrentium scilicet maxime observan-  
dum monet. 5) Arborum folia per vernum tempus sublivida, sub-  
cærulea, vel subrubra, quod halitus metallicus succo alimentitio  
admixtus, hos colores facile inducat. Addi tandem 6) vult sterili-  
tatem loci, noxiam auram &c. de quibus Prop. 13, 14, 15, actum sit.

Magnam autem horum signorum partem narrat etiam

*Agricola* cod. Lib. II. p. 26.



# IV. EPICRISIS PRIMA

super secundas Hypotheses.

## I.

**Q**uemadmodum signa illa latentium venarum naturalia, ab Agricola quondam, & à P. Fabri recentius enarrata, tanquam probabilia, omnino probamus; ita virgulam columnam sive bifurcatam, sive rectam, nihil minus quam divinam esse, sed vanam & fabulosam credulitatem traditionemque aut superstitionem, aut Satanæ ludificationes & insidias, promatibus & obstetricibus agnoscere; maxime propter rationes num. XII, à P. Schotto enarratas; deinde secundario propter auctoritatem Agricolaë viri rerum metallicarum peritissimi, ipsorumque adeo Metallicorum dissensum.

I. Quod metallorum transmutationem & chymicorum Chrysolopœiam attinet, id 1) certum est & indubium, in quovis metallorum genere quædam aliorum semina sive minutias latitare, quæ inde separatæ & arte chymica in unum locum collectæ, massam quandam metallicam hujus aut illius speciei componant: quemadmodum ex aere vaporoso, h. e. aquæ minutiis per eum dispersis, aut naturaliter aqua destillari solet, aut artificio quodam vasis vitrei conici, nive aut glacie intus repleti & in cellis subterraneis suspensi, aer extus ambiens, aut rectius, admixtæ ipsi particulæ vaporosæ ad frigidi vasis contactum sistuntur & in guttulas confluunt, per vasis in conum acuminati latera, in aliud vas suppositum decedentes, ut hoc pacto dici quidem possit, ex aere aquam esse factam, aut verius separatam, tametsi vera partium aerearum propriarum, probabiliter ramosarum, in aqueas majores, lubricas, & credibiliter teretes, nulla contigerit transmutatio.

III. Sicut enim in Sect. I, jure conclusimus, particularum elementarium figuras non potuisse esse naturæ opus, quod na-



tura ipsis illis elementarium particularum figuris quasi seminalibus, necessario posterior sit, sed DEUM ipsum ex necessitate fuisse earum formatorem, cujusque elementi proprietatibus essentialibus providentissime accommodatarum, adeoque perpetuarum & naturæ viribus immutabilium; ita de particulis quasi seminalibus ac specificis metallorum pariter esse philosophandum existimamus; ut scilicet naturæ & arti concessum sit, eas passim confusas sibi que invicem permixtas seligere ac separare, separatas autem in congenearum massas colligere; unas autem in alias diversæ speciei transmutare, utriusque vires longissime excedat: prout certe auri principia seminalia nulla violentia ignis aut destrui aut immutari posse experientia docet; aurum nimirum, satis purum, quantamcunque vim ignis passum, nihil de sua substantia aut pondere deperdere; uti quidem in aliis metallis id contingere negari non potest, sed non tam destruendo particulas cuique specificas, quam propter minorem ponderositatem aut fixitatem, aliquas segregando.

IV. Ex hoc eodem fundamento colligendum etiam esse videtur, uti nec alia imperfectiora metalla, ita nec argentum vivum in aurum mutari posse; cum non solum cuique illorum sua peculiaris & specifica semina competere credibile sit; sed insuper non appareat, unde mercurius cæteris metallis omnibus quidem ponderosior, (ut credi posset vel in ista saltem transmutabilis) accessionem ponderis mutuari possit, quo fiat auro æque ponderosus, cum omnia alia corpora sint ipso leviora? Non ausim quidem, nec ego, simpliciter negare illa omnia exempla, quæ de Chrysopœia chymicorum circumferuntur. Certe, quæ Honorato Fabri num. VI. Hypoth. dubia fuerunt, eadem me quoque suspensum adhuc tenent: utrum nempe æs, vel argentum, vel aurum factitium, cum vero ex terris eruto, comparari debeat, & ejusdem speciei sive naturæ haberi? Potest utique succus lapidificus ita se insinuare in poros alicujus ligni aut plantæ, ut tandem diuturnitate temporis, de illius substantia nihil penitus sensibile supersit, aut superesse videatur; ut tamen  
necesse



neceſſe non ſit credere , eam vel penitus abſorptam & anni-  
hilatam , (quod vires naturæ ſine dubio excedit) vel vere & ef-  
ſentialiter tranſmutatam potius quam reſtam & occultatam.

V. Sane , ut in viventibus & animatis ejusmodi eſſen-  
tiales tranſmutationes non reperiuntur , ut una ſpecies in aliam  
ejusdem generis plane pleneque abeat , ut ſpinæ uvas , aut  
cardui ficus ferrent , aut bruta foetus humanos , vel contra ho-  
mo foemina , beſtiam aliquam veram in utero geſtaret , tametiſi  
varia monſtra tum in plantarum tum in animalium genere  
gigni notiſſimum ſit , ob rationem ſcilicet ibi notiſſimam ex  
ſeminibus organicis ſpecificè differentibus obviam : Ita in  
metallis aliisque ex ſeminibus , non quidem organicis , ſed ſpe-  
cificis tamen , produci ſolitis , aurum genuinum non videtur ,  
niſi ex collectis auri ſeminalibus , ab ipſa omnipotentia divina  
formatis , rudimentis , eodemque modo cætera quoque metalla  
& mineralia , è ſuis cuique ſpeciei propriis olim divinitus deſti-  
natis generari poſſe . Id quod majori adhuc ſpecie dicetur , ſi  
verum ſit , quod ex relatione *Domini Neffzeri* , Oeconomi  
noſtri Altorſſini quondam filii , qui ex ſodinis Hungariæ ad  
nos redux , præter alias mineras etiam fructum quoddam in  
forma ſoleæ formatum dono mihi attulit , de hoc ipſo anno-  
tavi , ſoleam nempe ferream parvulam , in aqua quadam vi-  
triolica fluente poſitam ac aliquandiu ibi relictam , non trans-  
mutatam quidem in cuprum , ſed cupro potius (quod ex vi-  
trioli & ſulphuris ex ferro commixtione ortum ipſe judicavit)  
obductam fuiſſe ; ita ut ferrea ſolea ſubtus ſubtracta , ſuperum  
quaſi capitium cupreum reſtaret , ſpiſſitudine dorſi  
alicujus cultri.





## V. EPICRISIS ALTERA super primas Hypotheses.

### I.

**A** Quam ac terram assignare metallis materiam nimis crudum est, nec unquam ex illis varietatem metallorum notam quispiam extorserit, quacunque etiam proportionem conjunctis. Ex halitu vero generari illa metalla, de quibus hic loquimur, arborens venarum expansio abunde docet; ac possent hic aliquo modo conciliari Aristotelis, Cartesii, & Chymicorum quorundam hypothesen, siquidem, etiam vulgari mercurio ac sulphure admissis, eorum tamen intimior commixtio, ac per terrarum rimas filatim acti rami, qui fiant, explicari vix poterit, nisi in subtile halitus illa sublimata concipiantur.

II. At enim, uti vapores aqueos in pruina & rorem concrecere (quo simili Aristoteles hoc in negotio utitur) & in aquam, e qua venerant, reverti, nihil difficultatis habet, ita ex argenti vivi sulphurisque magis minusve defæcatis particulis, prout alterutra in majore vel minori copia concurrent, magnam sensibilibus specierum varietatem, ac speciatim etiam notabilem illorum corporum gravitatem &c. provenire posse palam est; illas autem præcise, quas metalla exhibent, formas inde deducere difficillimum, maxime cum arte nulla hætenus, e commistis inter se istis principiis, aliquod metallum produci potuerit; uti quidem ex aqua vapores, e vaporibus roridas guttulas, & pruinae quoque speciem ars naturæ simia, facile progenerat. Et, si Mercurii sulphurisque nominibus, non ista quidem vulgaria, sed alia longe puriora principia intelligantur, eo magis & ipsa hæc in obscuro sunt posita, & consequenter metallorum ex ipsis generatio.

III. Quare tum demum in proclivi esset ex halitu metallico metalla generare, si, uti vapores in aquas, rores, & pruinas crescentes, nihil aliud sunt quam separatæ ex aquis, & vi caloris eleva-



elevatæ particulæ, ita halitus iste quoque nihil aliud esset, quam congeries quædam particularum è communi quadam massa metallica separatarum, ac vi caloris subterranei in ea terræ loca, in quibus venæ metallicæ delitescunt, elevatarum.

IV. Id quod cum sola nos Cartesiana hypothesis doceat, eam videri omnium probabilissimam facemur, ac cæteras facilitate saltem antecellere. Quis enim non credat, ex legibus gravitatis, eo ponderosiores esse partes terræ, cæteris paribus, quo sunt illæ centro gravitatis propiores? Et quænam alia ponderosiorum corporum genera, quam metalla & corpora metallica quis in locis illis profundioribus collocet? Hæc autem an ibi non æque ac supra terram, à succis acribus arrodi & in pulvisculos quasi comminui possunt? Et cum argenti vivi, à calore subterraneo subinde sublimati, particulis, illos pulvisculos a vide amplexis, per terræ rimas in sublimia attolli, atque ita sub forma halitus expandi? eoque pacto à locis terræ profundissimis ad altiora, ab his altioribus successive, ex causis similibus, ad magis sublimia, longo temporum intervallo, tandemque ad supremam hanc terræ crustam elevari, ibique ultimo in formas metallorum pristinas, appendicibus istis paulatim separatis & ulterius emotis, denuo filatim concreescere? Maxime cum hoc idem in aere nostro fieri quandoque, viri eruditissimi sibi persuaferint? Conferantur, quæ diximus in Epicrisi superioris capituli altera num. IV. & quæ Hamelius sub persona Menandri disserit p. m. 239, & quæ Honor. Fabri habet Tract. VII Lib. II. Prop. I, & Prop. V. In primis autem quæ Boylius narrat de Orig. Gemm. p. m. 188, de auro ipso, corpore summe fixo, quod pauco additamento, moderatoque igne, eo reduci id posse, ut ascendat in forma fumorum ipse met expertus sit.

V. In eo porro placet *Honoratus Fabri*, qui ad Cartesii mentem primo accedit, quod pariter, ut recentiores cæteri, aliam in metallis formam non requirat, præter partium talium vel talium, talem nexum & juncturam sive combinationem, quæ res, uti conceptu facillima est, ita nihilo difficilior facit

Uuuuuu

con.



ipocere, saltem generatim, omnium illarum proprietatum, quibus metalla gaudent, diversæ scilicet gravitatis, ductilitatis, duritiei, liquabilitatis &c. rationes: prout certe illas omnes speciose deducit Vir laudatissimus, per propositiones quam plurimas.

VI. Jam, quod efficientem causam attinet, etsi non prorsus nihil externus calor Solis conferre videatur (præsertim, si verum sit, quod vulgo fertur, in montibus meridiano Soli obversis metalla copiosius congregari) interno tamen ac subterraneo, primariæ partes procul dubio debentur; suas tamen etiam succis corrosivis, sulphure quoque & Mercurio, imo (si velis cum Aristotele) frigore quoque, seu caloris in superiore terræ crusta decremento, agentibus; uti quidem ex num. III, & IV, hujus constabit.

VII. Denique quod in Phænom. VI. hoc esse diximus quibusdam sine causa dubium, quod exhaustæ venæ metallicæ intervallo temporis notabili, novo foetu imprægnentur; id *illustris Boyleus* in Chymista sceptico, p. m. 321. & seqq. Si non indubie demonstravit, observationibus saltem ac testimoniis virorum fide dignissimorum probabilissimum reddit; 1) quidem lapides quosdam hodie generari, exemplo celebris in Gallia loci, *Specuum stillantium* (les Caves Goultieres) appellari soliti, docet, ubi aqua ex superioribus specus partibus destillans, in lapides pedetentim concreascit; quales specus in vicino nobis agro Solisbacensi, & non longe ab oppido Velden, daß famose *Kreiß-Loch* nobis ipsis comperti sunt: 2) *Linschotanium* itinerum suorum scriptorem, & alium bonæ fidei Autorem nos docere inquit, in Fodinis Adamantum Indiarum Orientalium, quando terra, non tamen multum profunde, effossa, adamantes inveniunt, eosque omnino remonent; paucos tamen post annos in eodem loco Adamantes novos, ibi interim productos reperiunt. 3) *Fallopium* testem allegat, quod loca sint, è quibus si hoc anno sulphur effossum fuerit, intermissa fossione per quadriennium, redeant fossiores, & omnia sulphure, ut antea, inve-



inveniant plena. Idem *Strabonem* de ferro in insula *Ilva* post 100 annos copiose regenerato, *Casalpinum* id ipsum confirmantem, allegat verbotenus; imo *Agricolam* quoque p. 324. 4) de plumbo quoque *Boccasium Certaldum* citat, de Fossularum monte, Florentiæ civitati imminente restantem, quod habeat plumbarios lapides, qui si excidantur, brevi temporis spatio, novis incrementis restaurentur, adstipulante *Plinio* lib. 34. Hist. Nat. Cap. 17. 5) Pag. 325. & seqq. prolixiores tres relationes adducit, pro auri argentique regeneratione militantes, longiores, quam quæ hic verbotenus allegari possent.

## CAPVT VII.

### De ultimo Fossilium genere, Lapidibus & Gemmis.

#### I. PHÆNOMENA.

**P**HÆN. Quæ porro è terræ nostræ gremio in lucem protrahuntur corpora dura, non liquabilia, nec inflammabilia, neque ductilia, *Lapidum* nomen hætenus ferunt, & in duo genera distribui plerumque solent, *vulgarium* nempe, & *pretiosorum*; vel etiam in tria, si pretiosissimi sive *Gemmae*, seorsim locentur.

PHÆN. II. E vulgarium quidem censu sunt (2) *Saxum arenarium*, cum cæmentis solidioribus, quibus plateæ sterri solent: (2) *Marmoris* albi, nigri, discoloris &c. varia genera, & hæc inter *Porphyrites*, purpureis albisque maculis distinctus; polituram admittentia omnia, sed nigrum maxime (3) *Silex* duritiæ summa & excusso igne præ cæteris celebris, ad structuras autem, ob lævitatem suam ineptior: 4) *Lydius lapis*, exquisita sua nigredine, & particularum metallicarum adhæsu notus; 5) *Cos*, cujus duritiem & asperitatem vitrum etiam, & metalla sentiunt: 6) *Pumex* ac *Tophus*, sua porositate ac levitate, & ille quidem tanta, ut aquis etiam supernatet, famigerati:

Uuu uuu 2

7) Pe-



7) *Petrostilbe*, quæ per laminas concrevit, nitore atro conspicua & ædificiorum rectis accommoda, vulgo *der Schieferstein*. 8) *Calculi*, cæterique, qui in quorundam animalium corporibus hinc inde nascuntur; aliqui etiam inter pretiosos, ob vim medicam, quam habere creduntur, numerari soliti, ut *Alectorius*, *Chelidonium*, *Bufonius* & imprimis *Bezoar*, quem Indicæ capræ, sive cervi capræ, viscera corticatim generare traduntur.

*PHÆN. III.* Huc veniunt referendæ quædam aliæ, lapidum minus pretiosorum, species, quæ & externa forma & crescendi modo plantas ac viventia æmulantur, inde *Lithophyta* dici meritæ. Has inter primas tenet *Corallium*, instar fruticis arborescens, è mari Gallico ad Marsiliam, ac præcipue ex Arabico sinu, in magna copia protractum, & fabulis insomniisque variorum authorum passim celebre. (vid. *P. Fabri* Tract. VII. Lib. I. Prop. XXVI. n. 4.) Occurrit 2) *Glossopetra*, denticulatam linguam assimilans, & fibris nativis conspicua, quarum ductu facile in longum, instar ligni finditur: 3) *Amiantus*, similibus fibris ac filaminibus, instar cujusdam musci, è radice assurgens, & iis quidem adeo flexilibus, ut neri possint ac in telam contexti, quæ ignem non timet, & hinc *Asbesti* nomen lapidi conciliat: 4) *Ammonis cornua* & conchiformes lapides, sive lapidea conchilia; quorum non unum genus, & mirando artificio elaboratorum, circa Altdorffium nostrum reperitur, & ex terræ profundis (dum cellæ subterraneæ fodiuntur) eruitur.

*PHÆN. IV.* Majoris pretii sunt, præter corallium ante memoratum, tum rubrum, tum album; *Crystallus* primum, quem, propter peculiarem figuram, sexangulam scilicet ordinarie, lithophytis accenseri posse putat *P. Fabri*, alioqui pelluciditate sua gratissimum & utilissimum: Deinde *Aetites*, quem Saxonia quoque, Misnia & Silesia producunt, sed orientali vi-liorem. Porro *Hæmatites*, sanguinis colorem præferens, hujusque adeo fluxum sistere creditus; Adde & *Talcum* seu lapidem



dem specularem, qui per laminas tenuissimas concrefcit, vel acicula deinde separabiles, & *Magnetem* denique, de cujus virtutibus peculiari capite agetur.

*PHÆN. V.* Inter pretiosissimos primum locum meretur *Adamas*, pelluciditate sua crystallo affinis, at insigni duritie præ isto clarus. Sequuntur hunc alii, variis coloribus, vel admixta simul tralucencia, vel citra hanc, oculis inspectantium gratissimi, ut *Opalus*, mira colorum varietate, ad instar Iridis, lensum demulcens, atque insuper haut raro pellucens, cum affini *Astroite*; *Smaragdus*, gratissimo virore visum recreans, quem imitantur *Prasus*, *Beryllus*, *Malachites*, *Nephryticus* lapis: *Turcois* parum translucidus ex viridi ac cæruleo mixtum colorem præferens: *Rubinus*, vel ipso nomine gratum flammæque ruborem, quem cum aliqua pelluciditate junctum emittit, prodens, cujus eximia species est *Carbunculus* fulgentissimus: *Hyacinthus*, plerumque flavescens, aliquando tamen etiam minii colore tinctus, *Granato* adeo adfinis: *Amethystus* purpureicoloris, qui fere ex rubro & cæruleo assurgit. *Adamantis* etiam speciem facile induens, dum durior evasit: *Saphirus* cæruleo, sive cœlesti colore clarens, aureo denique colore fulgentes, *Topasus* & *Chrysolithus*.

*PHÆN. VI.* Post istas porro gemmæ quædam opaciores ut *Sarda* sive *Carneola*, subrubram carnem referens; *Onyx*, unguem humanum colore & splendore experimens, cum speciebus suis, *Sardonyche* & *Chalcedonio*, & opacissimæ, ut *Lazulus*, cæruleus & aureis punctulis distinctus; *Achates*, & à vario colore, & variis lineamentis discoloribus, varia nomina, *Dendrachatidis*, *Cerachatidis*, *Corallachatidis*, &c. adeptus; *Jaspis* & ipse quoque à diversis coloribus in plures species distributus, quas inter orientalis viridis (uti plerumque est) at punctis seu venulis sanguineis inspersus, eminet, &c.

*PHÆN. VII.* His gemmis variæ vulgo proprietates & virtutes, tum medicamentosæ, tum aliæ tribui solent, e. g. quod *Adamas* venena præsentia excludans prodat, insaniam curet,



vanos metus depellat, magnetis virtutem suspendat; *Smaragdus* illegitimos Veneris actus non ferat, statim disruptus; *Turcois* infortunia avertat & in se transferat, quin & horas, intra vitri cavitatem suspensus, appulsu spontaneo indicet; *Rubinus* futuras calamitates suo pallore prænunciet, aut alioquin aeræ bilis fumos discutiat; *Amethystus* ebrietatem arceat; *Hyacinthus* industrios & fortunatos efficiat; *Sapphirus* pudicitiam conferat, hæmorrhagiam inhibeat, cum lacte potus, febres malignas & venenatas curet; Nulla denique gemma sit, quæ omnes fere morbos non eliminat, quæ omnia prolixius enarrat *du Hamel de Fossilibus*, à p. 220 per insequentes plures, ubi cum primis p. 226 refert, *Anselmum Boëtium* virum pereruditum, & minime alias credulum, multum in eam propendere sentantiam, dæmones certis lapidibus quasi illigari, ut homines variis præstigiis deludant, & à patre sibi Turchoidem dono datam narrasse (id quod necessarium putent requisitum, si *Turcois* debeat patrare sua miracula) qui Hispani cujusdam olim fuerat, quo vivente pulchre nituerit, eo vero mortuo, quasi lapis domini sui lugeret exitum, omnem fere decorem amisisse &c.

*PHÆN. VIII.* Utilius erit, ad alia quædam gemmarum phenomena attendere, ut quod 1) figuras obtineant paulo regulariores adspectu primo, & quasi específicas, e. g. hexagonam crystallus, similesque alias ex cæteris pleræque, in quibus tale quid multi non adverterint, *Boylius* autem, illis penitus perspectis, illam uniformitatem multo minorem repererit, quam soleat concipi, ut testatur p. 78 & seqq. de orig. & virtute gemmarum. 2) quædam manifeste videantur è lamellis & bracteolis pluribus, instar lapidis specularis, aut vitri moscovitici, concretæ & congestæ: 3) Nonnullæ reperiantur, (vid. p. 147 & 155) aliquando ipse Adamas lapidibus rudioribus & rupibus inclusæ, quemadmodum alias quoque in marmore sili-  
cem, in lapidibus duris, quorum usus est in construendis mu-  
ris,



ris, ligni frusta & conchas, conclusa testatur Vir illustris: 4) pleræque deprehendantur crystallo puro ponderosiores: 5) Aliquæ reculas heterogeneas, aquæ guttulas, pilos &c. non aliter ac succinum muscas, culices ac similia, inclusas teneant: 6) Denique è quibusdam arte Chymica substantiæ metallicæ aut minerales reipsa extrahantur.

*PHÆN. IX.* Neque vero hic omittendum est, non solum fontes reperiri, quorum aquis, injecta corpora quævis in lapides & petras commutentur; imo, quæ ipsæ guttatim in sturias lapideas (quales ipsimet vidimus è vicino principatu Solis-bacensi allatas) convertantur; sed etiam artis ope parari liquores ejusmodi, nescio quo sale imprægnatos, qui non solum animalium cadavera, flores &c. per annos plurimos incorrupta servant, sed & injecta tandem, progressu temporis, in solidum lapidem, illæsa tamen prorsus externa forma, non ita vero florum coloribus, commutent: qualia quidem corpora petrefacta, nostris his oculis intueri nobis ac manibus contrectare, non semel contigit. *Id. Kircheri M. subt. Lib. VIII. p. 48. & paulo antep. 46.)*

## II. HYPOTHESES

Circa Lapidum, sive viliorum, sive pretiosorum generationem, formam & virtutes.

### I.

**I**N Peripateticorum schola *Jacobus Zabarella* quidem cum aliis compluribus, Aristotelem suum secutis, etiam lapides, uti metalla & mineralia reliqua, ex halitu terrestri gignere conatur, (*p. 71. D. de Nat. Scient. Constit.*) Alii, ut *Magirus* Lib. V. Phys. cap. 2. & ex ipso *Prücknerus* Part. Spec. cap: VII. succum aliquem, ex sicca terrestri exhalatione, sed unctuositate quadam aquosa permixta, constitutum, ac temporis diuturnitate, interventu caloris & frigoris, & virtute minerali conglutinatum, lapidem existimat, ac tanto quidem nobiliorem, quanto succus ille excoctior fuerit ac defæca-



fæcator. Et cum cæteri plerumque obscurius & abstractius loquantur, *Honoratus Fabri* distincte conditiones illius succi exponit, Tractat. VII. Lib. I. Prop. III & seqq. usque ad VIII.

II. Humorem scilicet indicat innumeris fere arenulis vel potius ramentis omni arenula minoribus imprægnatum; quas hinc inde præterfluens, & in meatibus terræ percolatus suffuretur: eaque ramenta tanto minutiora & magis divisa concipit, quanto lapis inde pretiosior conflatur, nec alia ratione demum in solidum lapidem, ait, concrefcere succum illum, quam quod, humore vel subsidente, vel vi caloris exhalante, ramenta illa terrea, occasione quadam in cumulum congesta, uliginosi humoris residui particulis implicentur; alia denique corpora succo illo sic perfundi, dicit, ut cum hic deinde in illorum poris concrefcant, totum corpus lapis esse videatur: quemadmodum sachari succus, pyra v. g. condita in suam penitus substantiam commutasse videtur. Inde quoque, dum alii nescio quas lapidum formas inexplicabiles (quas vel nominari sibi *Scaliger* anxie consideravit) supponunt, ipse alias non requirit, quam ipsam illam variarum particularum, in succis variis, variam cohæsionem & implicationem &c.

III. Eadem prorsus esse mens videtur, *Joh. Baptiste du Hamel*, (Lib. de Fossil. p. m. 185, 192) præterquam quod 1) à lapidum generandorum materia, quam tenax lutum, vel humorem viscosum, vel succum lapidificum esse concedit, nec salem (quem Paracelsistæ alias primariam materiam, imo & efficientem causam in hoc negotio constituunt) cujus acrimonia terræ & aquæ particulæ minutius concidantur, & exquisitius permisceantur, nec oleosum & bituminosum humorem, qui partes dissipatas & male-cohærentes conglutinet, exclusum velit: 2) Pretiosiores lapides, sive gemmas speciatim ex aquis metallicis, adeoquod è succo tenui, metallorum minutiis imprægnato, procrefcere statuatur, ac 3) præter calorem & frigus, quibus Aristotelici efficientis officium tribuunt, vel etiam particularum gravitatem, aut similes alias causas, vim aliam lapidum formatricem & plasticam admittendam putat, quam cum aliis quoque spiritum lapidificum appellat ubique regnantem, rationibus seminariis prægnantem, ac supremi artificis organum: qualem etiam vim plasticam jam olim *Avicenna* quoque & *Albertus Magnus* operi huic præfecerunt.

IV. Et videtur sane *P. Fabri* quoque, saltem in Lithophytis simile



mile quid supponere , Tract. VII. Lib. I. Prop. XXVI. Rudimentum certe quoddam plantarum harum lapidescentium , non aliter ac reliquarum, in matrice supponit , juxta cujus primam fibrarum organizationem postea crescant ac vere nutriantur, cum cæteros lapides non nisi per juxtapositionem ab extrinseco crescere judicet, (Prop. XI.)

V. Vir illustris *Robertus Boyle* in specimine de gemmarum origine & virtutibus, id *primo*, quod cæteri supponunt, multis experimentis vero-quam-simillimum reddit; lapides scilicet & gemmas in specie, sub initium formationis suæ, succum aliquem & materiam fluidam fuisse, id arguens, tum ex plerorumque pelluciditate, quæ fluidis & ex talibus ortis hætenus propria videatur; tum ex figuris aliquando satis regularibus, quas induere videantur ex includentis matricis forma, aut particularum in fluore hoc aut isto modo concurrere solitarum, cohæsu, tum vero maxime, è conclusa haut raro materia heterogenea, aquæ v. g. guttulis, pilis &c. in ipso gemmarum meditullio conspicuis; qualia quidem cum succini frustula sepe livisse frequentius deprehenderentur, id fluidum sub initia & succulentum extitisse, pro comperto fuit habitum.

VI. *Secundo* vero, si quid medicamentosæ virtutis aut alius efficacix habeant gemmæ, id ab admixtis metallicis ac mineralium particulis derivandum existimat; qualibus equidem imprægnatas esse, è variis earum coloribus, ex pondere, quo crystallum purissimam gemmam aliæ pleræque superant, ex eo vero maxime concludit, (p. 93, 179, 180) quod ope certorum menstruorum, ex ipsis metalla quædam & mineralia re ipsa extrahantur, imo quasi à priori arguit, cum iis in locis generentur gemmæ, ubi metallicarum aquarum fontes scaturiunt, aut latices quidam absconduntur, aut ad quæ halitus aliquis saltem metallicus pervenire potest; hos, concrecentibus alicubi succis, vel etiam mineralium jam concretorum frustulis occurrentes, aut illas alicubi intra matricem aliquam stagnantes, posse facillime in substantias ejusmodi pellucas, aut hoc illove modo coloratas, inspissari, & postea, prout plus vel minus materiæ metallicæ aut mineralis admixtum illæ habuerint, sive in diverso sive eodem genere, ita virtutem quoque & efficaciam earum variare posse.

VII. *Tertio*, cum aliquæ ex illis figuras admodum regulares, ac suo generi quasi proprias, soleant induere quam tamen regularitatem vel uniformitatem, se attentius insipientem, multo minorem repe-



riffe dicit p, 78 , quam soleat alias concipi) ita ut vix possibile videatur , tam elegantem figuram adeo uniformiter produci , nisi facultate quadam seminali & plastica materia figuraretur tam ordinate & geometricè ; ipse tamen experimentis artificialibus variis (pag 60 & seqq.) ostendit , posse resolutorum salium , & metallicorum aliorumque magisteriorum portiones , per motum fluidi , cui innatant, perque diversas circumstantias auxiliares , ita determinari , ut concurrant & cohæreant hoc potius quam alio modo , has potius quam alias figuras efforment , neque adeo necessitatem ullam urgere , ut confugiamus ad distinctum principium architectonicum ; imo grandem sæpe differentiam occurrere in figuris gemmarum ejusdem generis aut denominationis , quandoque proxime invicem crescentibus.

### III. EPICRISIS ECLECTICA super enarratas hypotheses.

#### I.

**P**Lacet autem omnino , quod unanimiter fere recentiores, ipsi etiam Aristotelici , lapidibus generandis assignant succum aliquem, aut lutum aliquod vel pulmentum quasi paulatim exsiccandum & indurandum ; & in genus lapidis eo pretiosius concreturum , quo purior ille & subactior fuerit , maxime quod experimenta Boyliana illud penitus evincant , & indurati succi exemplum indubium habeamus in succino , cujus frustulum cum sepulta intus musca , omnibus membris & partibus suis adhuc illæsa , nuper adeo cum voluptate inter nostra cimelia vidimus. Possumusque paulo ante memoratis Boylianis experimentis bina nostra circa generationem crassioris generis lapidum , saxi scilicet arenarii ac tophii, merito adungere, quæ paulo post num. VIII. commemorabimus.

II, Ex halitu autem aut vapore terrestri sicco generare lapides frustraneum videtur , quippe quorum natura est non in solidas adeo & compactas massas conglobari , sed filatim quasi & fruticatum dispergi , aut in floccos connecti , etsi nihil interrim



rim veter , quo minus ejusmodi halitus metallici maxime & minerales istis succis subinde se admisceant , bituminosis etiam & pinguioribus non omnino exclusis.

III. Nec aliam formam in lapidibus etiam preciosissimis quærendam putaverim , præter partium tenuium , è quibus lapidescens succus constat diversitatem , majorem vel minorem puritatem & subtilitatem , arctiorem aut laxiorem nexum &c. é quibus deinde major vel minor durities sequitur , major vel minor pelluciditas , prout scilicet ex mente Cartesii , ætherei globuli , aut (si malimus generalius loqui , subtilissimum luminis vehiculum , in materia lapidis adhuc fluida & molli , rectiores aut impeditas magis vias , agitatione sua perpetua , sibi parare potuit ; alius porro aliusque color , prout admixtarum mineralium ac metallicarum particularum diversitas & copia diversa fuerit &c.

IV. Neque adeo necessum fuerit , solo calore & frigore , tanquam causis efficientibus , acquiescere , aut plasticam aliquam vel seminalem vim accersere ; cum nullus hætenus notetur internus partium aut organorum apparatus in lapidibus , qui delineatione seminali opus haberet ; nec lapis lapidem gignere , uti planta plantam solet , aut semen aliquod futuræ prolis emittere : quicquid etiam fuerit de quorundam externa forma , cui similes in distillationibus & filtrationibus chymicis prodire recte vereque monet *B. Boyle* , ubi nemo tamen præter motum fluidi , aliarumque partium admixtarum agitationem , peculiare quodpiam & formativum principium statuerit ; nisi fortassis *Henricus Morus* Principio suo hylarchico id muneris fuisset collaturus.

V. *Dominicus* certe *Guilielminus* in Meditationibus Philosophicis circa figuras salium quas discursu quodam in Academia experimentalis Marsiliana recitavit , Deo quidem tanquam causæ primæ , Geometriam mediantibus causis secundis exercenti , effectus crystallisationum varios attribuit , ita tamen , ut nihil prohibere patet , in operationes secundarum causarum inquire-



re paulo accuratius. Itaque 1) in *Actis Lips. ad mens. April. MDCLXXXIX p. 235.* enarrat Phænomena salium, & speciatim observat, *nitrum* coalescere in prismata hexagona, nonnunquam secundum totam axis longitudinem perforata: *Vitriolum* & *Tartarum* in parallelepipedis obliquangulis, comprehensum planis rhomboïdibus: *Alumen petrosum* in octaëdra: *Sal commune* in cubos, neque tamen id semper contingere in omnibus crystallis, sed multas, licet quasi affectent figuram debitam, in quibusdam deficere partibus, nonnullas etiam in massam informem compingi. Pro rationibus autem horum phænom. reddendis, supponit 2) salia constare ex atomis (h. e. particulis, quæ à nullo agente naturali in minores possint dividi) ejus figuræ, quam crystalli majores referunt, easque deinde à blando motu liquoris, cui innatant, sibi invicem adaptari, & ob pressionem fluidi cohærere, corpusque simile constituere. Exemplum dat de particulis pyramidalibus sibi similibus & æqualibus octaëdra aluminis deinde constituentibus, & allegat *Levvenhœkium*, qui microscopio salium solutorum partes ejusdem fere figuræ viderit, quæ crystallis inde compositis à se assignatæ fuerint, ut hoc saltem ex dictis manifestum sit, laudatum autorem ne cogitasse quidem de principio aliquo plastico (& quoad naturam & quoad operandi modum inexplicabili) sed motus tantum rerum mere materialium (ideo etiam ab effectu ordinario aberrare valentium) in animo habuisse.

VI. Quamobrem etiam nobis efficientis causæ locum in hoc negotio habere posse videtur, quicquid arenulas illas & minutias, lapidi soliditatem daturas, quo quomodo convehit, super invicem incumbere & quiescere facit, aliave ratione, cogit, connectit & conglutinat. Ubi non ipsa solum arenularum partiumve gravitas suas partes agit; sed maxime ac præcipue aeris ingens pondus, & massam lapidescentem undiquaque ambiens circumpressio. Scilicet, ut scriniarius binos assères firmissime conglutinaturus, non solum ipsorum assèrum conglutinandas graciliores facies probe dedolat & complanat, glutine-  
que



que decenter præparato inungit; sed etiam inunctas, apteque sibi invicem impositas, ansis ligneis cochlearibus (opificibus istis germanico idiomate *Zwingen* dictis) validissime constringunt & comprimunt, compressosque in Solis vel hypocausti calore detinent, donec gluten in asserum poros profundius impressum, ibique penitus exsiccatum fuerit: ita ramenta tenuia materiæ lapidescentis non arte quidem dedolata, & facieculis natura planis innumerabilibus mediante unctuositate quadam cohærere primum dein caloris ope illa sensim exsiccari, denique interventu circumprimentis aeris, ita firmiter conneduntur, ut progressu temporis in durissimam firmitatem coalescant.

VII. Quanta enim vis sit aeris in corpora ipsius circumpressioni in fera tempora usque obnoxia, docet non solum calculus, quo totam aeris ponderosam sphaeram universam terræ faciem premere 66, 873, 600, 000, 000, 000, centenariorum onere, columnæ autem lapideæ basin unius pedis quadrati, ab incumbente aeris columna premi mole 1800. librarum, sive 18 centenariorum, Tentam. VII. Part. I. Colleg. curios. p. 42 & seqq. evicimus; sed etiam experientia ipsa docet, saxa arenaria recens ex terris effossa, mollia adhuc & valde friabilia, temporis progressu magis magisque indurari, & (quod nemo facile crederet) longitudine pariter & latitudine sensibilibus tandem decrescere, h. e. instar ligni contrahi & condensari (quod in ligno *schwinden* appellamus.) Hoc, inquam, nemo facile crederet, nec ipse credidissem, nisi moenium oppidi nostri ædibus meis proximorum attentior consideratio me nuper adeo id docuisset. Observo nempe é museo meo prospiciens, saxa quadrata, quibus utraque muri facies intus & extus componitur, intervallis ab invicem hiare (elapso scilicet vetustate temporis & ipso contracto mortario) alicubi digitali, alicubi plusquam digitali amplitudine; quanta in ipsa prima constructione muri, ea ab invicem semota fuisse, & rationi, & artis regulis, & consuetudini denique repugnat.

VIII, Et videmus certe hic loci in vicinis oppido nostro



convallibus versus Brethal devolvi nonnunquam pluviarum impetu arenarum volumina quædam, interventu uliginosæ humiditatis leviter primum cohærentia, postea vero temporis lapsu magis magisque consolidari & indurari solita, ut apertum videatur, arenosa illa saxa non adeo vastæ molis, quæ in imo convallium istorum passim inordinate circumjecta cernuntur, alia jam satis dura, alia friabiliora adhuc, nihil aliud esse, quam congestas à pluviis arenas, & successive dein sub dio arctius coeuntes & cohærentes, donec in halitum sensim emisso humore aqueo, aut aeris incumbentis pressione expresso, istæ propius junctæ, & unctuositate quadam magis conglutinatæ, lapidis duritiem & soliditatem induant: quemadmodum tophos ad pagum Roth, miliaris unius intervallo abhinc post Wagenhusam distantem, ad montis alicujus radicem, ante multos annos, à defluente per declivia scaturigine congestos comperi, hinc inde circa rivuli in planitie procursum dispersos, quorum unum, cæteris adspectu plane similem molliorem adhuc fortuito contactu offendi; & in animalibus calculos, è percolato sanguine & secretis hinc inde, ubi plus quietis habent, aut à peculiari quodam fermento præcipitantur, particulis arenosis, ita concreescere cum doctissimo *Willisio* (de Ferment. p. m. 9, seqq. & in primis 93) judicavi, ut parvulo subinde novæ portiones & crustulæ ex omni parte adhærentes, novum illi corticem superinducant.

IX. Et *Lithophyta* quidem quod attinet, siquidem ista revera plantæ naturam ab initio habuerunt, non aliter certe in lapideam abire substantiam concipienda sunt, quam quod succus alimentaris, quo nutriuntur, aliquo modo lapidescens sit, & particulas ejusmodi solidiusculas, alias post alias, intus apponens, totam denique plantam reddat solidissimam; eodem modo scilicet quo animalium ossa, primitus mere cartilaginea paulatim indurantur, aut alia corpora porosa, hausta frequentius aqua calculosa, tandem lapidescunt. Cujus equidem petrefactionis exemplum egregium hodiernum habemus

in



in trunco cujusdam arboris in ædium Führerianarum cavædio visendæ, cujus universa lignosa substantia in solidum lapidem fusci coloris ita conversa est, ut frustra inde resecta polituram instar Jaspidis alicujus, vel alius gemmæ admittant: prout utriusque specimen desideranti exhibere possum.

X. Quod si vero genuinam plantæ indolem primitus non haberent (uti quidem de multis, ac speciatim de cornibus Ammonis nobis constat, quorum unum aliquando intra matricem suam invenimus molliusculum adhuc & prorsus argilla-ceum) tunc certe nutritio quoque illa ab intrinseco nobis valde foret suspecta, & crederemus, horum quoque non aliam quam aliorum quorundam lapidum, peculiari forma externa præditorum, formationem: prout equidem circa cornuum Ammonis generationem hypothesin aliquam rudiorē valdeque simplicem nobis suggessit gemina fortuita observatio, sua forte verosimilitudine non carituram, si exculpta magis, & porro uno alteroque experimento, destinata opera instituendo, confirmatior prodiret. Observationes illæ duæ geminæ fuerunt sequentes: *Prior* ante hos annos circiter 36 in pago Oetinga-Wallersteinensi nomine *Deiningen* lutosissimo, ut grallis incedere per vicos pueris præsertim, tolenne esset. Ibi in vico quodam ampliore versus orientem, cernebatur continue fere via lutosa, flante zephyro, aut opposito vento, aquarum supernatantibus fluctibus ita striatim sulcata, ut sulcis transversis parallelis, æqualibus intervallis tanquam scalarum gradibus, distincta. *Posterior* Altdorffii non nisi semel & casu quidem oblata. Est locus haut procul à porta, quam vocamus, superiore, (è quo quondam officina vicina lateritia, argillam, lateribus aptam materiam, effodere solebat. Contigit aliquando, æstate summa, ut illum locum argillosum animi gratia perlustrarem, cornua Ammonis, quæ ibi cum argilla frequentius effodi solebant, quæsiturus, cum paulo ante copiosa cecidisset pluvia, argillam valde emolliens, mox autem Solis calor succedebat valde urens, à quo interjecto tempore aliquo, argilla hinc inde dehiscibat.

Ten-



Tentabam forte fortuna, num crustulam dehiscentis argillæ scipione remove possem? quo facto feliciter insperato reperiēbam matricem talis cornu Ammonis, quam hac aliisque vicibus vorticoso pluviarum descensu sic formari potuisse conjiciebam.

XI. Concharum autem elegantissime striatarum &c. forma, qua ratione figurari potuerit, nulla hactenus conjectura assequi licuit. Fortassis autem huic rei illustrandæ conducet, otium habentibus, liber Italico idiomate scriptus, hunc præferens titulum: *La vana speculatione disingannata dal senso. s. Lettera risponsiva circa i corpi marini, che petrificati si trovano in varii luoghi terrestri, di Agostino Scilla, Pittore Academico della Fuccina, detto lo Sclorito. Napoli 1670.* In quo tractatu depicta habentur egregia exempla talium fossilium in Insula Malta, in montibus Sicilia, Calabria &c. reperiundorum; argumento non uno, quantum recordor, evidentissimo, quod hæc fossilia quondam fuerint testæ &c. animalium marinorum.

## CAPVT IV.

### *De MAGNETE speciatim.*

#### *I. PHÆNOMENA.*

**P**HÆN. I. Inter lucidissimas gemmas, quarum pretium à raritate partim ac paucitate, partim ab hominum opinione definitur, virtute certe sua eminet obscurissimus lapis, quem vulgo Magnetem dicunt, de quo *Claudianus* in epigr. ita elegantissime:

——— *Si quid deprehendere verum  
Mens valet, expediat. Lapis est cognomine Magnes,  
decolor obscurus, vilis: Non ille repexam  
cesariem regum, nec candida virginis ornat  
colla,*



*colla, nec insigni splendet per cingula morsu :  
sed nova si nigri videas miracula saxi,  
tunc superat pulcros cultus, & quicquid Eöis  
Indus littoribus rubra scrutatur in alga.*

Portione ille est metallica, & speciatim ferrea seu chalybea manifeste permixtus. Et est quidem hætenus duplex cum primis notata lapidis hujus efficacia, quarum altera jam olim nota, *Virtus attractrix*, altera recentius observata, *directrix* appellari consuevit.

*PHÆN. II.* Atque ut de posteriore prius dicamus, experimentis jam constat innumeris, in quovis magnetis frusto reperiri duas facies sive partes oppositas, quarum altera in boream sponte sua, altera in austrum se convertit; si vel ex filo rite suspensus fuerit, vel supra suberis aut alius ligni particulam tanquam naviculam aliquam, aquis innatet, atque ita libere converti queat: Et harum facierum puncta media magnetis *polos* appellant, alterum quidem *borealem*, alterum *australem*, ad analogiam polorum in globo terrestri, qui simili quadam ratione in boream & austrum diriguntur, uti suo loco videbimus.

*PHÆN. III.* Id tamen hic discriminis intercedit, quod poli terræ polos mundi semper respiciant, quorum alteruter in plerisque locis supra horizontem elevatus est; Magnetis autem poli ad polos terræ potius quam cœli dirigantur; adeo, ut e. g. in hac nostra zona temperata septentrionali, qui in septentrionem converti solet magnetis polus, (quemque ideo septentrionalem etiam vel borealem dicemus) non erigatur versus mundi polum aut stellas polares, sed in horizontis ac meridiani sectionem prospicere videatur obiter attendentibus, illis autem, qui majori cum cura situm ejus considerant, (posito scilicet, quod acus primum accuratissime librata, deinde vero magneti optimæ notæ demum adfricta fuerit) tantillum etiam deorsum incli.



clinari versus terræ polum septentrionaliorem : quod idem circa oppositum, h. e. australem magnetis polum, in australioribus terris observatum narrant Authores; sub æquatore interim utrumque sine inclinatione ad horizontem, huic adeo parallelo existente axe intermedio, prospicere asserentibus.

*PHÆN. IV.* Quod magis mirum est, eandem hanc vim directivam magnes adfricto sibi ferro, præsertim longiusculo, & imprimis acubus chalybeis tenerioribus, facile & prompte communicat, sed eo durabiliorem, quo diutius hæc ipsi admota fuerint : Neque negligendum est, eandem hanc vim sui directivam, etsi debiliorem, quædam ferramenta magneti nunquam admota, nancisci ex mera quasi consuetudine, cum scilicet vel erecta perpendiculariter, vel, (quod melius est ad præsentem statum) juxta lineam meridianam protensa, situm illum per intervallum temporis notabile constanter tenuerint. Conferantur pluribus *Schottus* in *Mag. magnet.* p. 231 & prolixius multo p. 225 seq. *Gassendus* *Scient. phys.* Sect. III. pag. 128 seqq. & in *Animadv. ad Philoloph. Epic.* p. m. 375.

*PHÆN. V.* Ac est quidem notatu digna circumstantia, quod ferramenti sive acus versoriæ ea extremitas, quæ boreali v. g. magnetis polo adfricta fuit, austrum postea semper respiciat, quem in ipsa adfrictione respexerat; boream autem, si polum magnetis australem primum respexerit & attigerit; intellige, si nova interim mutatio non contingat. Nam si pars ea acus magneticæ, quæ polo magnetis australi modo adfricta in boream verti consuevit, adfrictu novo magnetis boreum polum iterum contigerit, converso statim positu in austrum denuo exporrigitur, ac vice versa.

*PHÆN. VI.* Quamvis autem in quibusdam locis, e. g. in *Teneriffa* Insula & in *Xinya* *Leaotumensi* provinciæ metropoli, (adnotante *P. Verbiest* in itineribus *Imper. Chinensis* in *Tartariam* quorum descriptio ex Gallico in Latinum conversa, exhibetur in *Act. Lips.* ad ann. *MDC LXXXVI.* p. 260) pluribus.

que



que aliis, tunc saltem, acus magnetica borealem plagam præci-  
se ostenderit; in pluribus tamen aliis inde plus minus deviasse  
aut declinasse traditam novimus, sive in orientem, ut Amste-  
lodamum  $9^{\circ} 30'$ , Ingolstadii  $4^{\circ} 30'$ , Norimbergæ  $8^{\circ} 0'$ , pro-  
pe novam zemblam  $17^{\circ}$  &c. sive in occidentem, ut Antwer-  
piæ  $9^{\circ}$ , Loretti  $4^{\circ}$ , Neapoli  $0^{\circ} 30'$ , in insula S. Laurentii  $25^{\circ}$  &c.  
ac tum quidem creditum, eam declinationem in unoquoque  
loco perpetuam manere & immutabilem. Aliter tamen edocti  
fuimus progressu temporis, & *Mersenno* jam, *Gassendo*, *Riccio-  
lo*, variantis in uno eodemque loco declinationis diversitatem  
jam suboluisse, ex *Almag. novo* p. 81. patet; novissime vero,  
Romæ Londini, Parisiis, tandemque etiam Norimbergæ, de  
consilio institutis observationibus, deprehensum fuit, hodie in  
omni Europa variationem declinationis esse occidentalem, quæ  
olim fuerat orientalis, & magis quidem in locis seu partibus  
ejus, quæ versus orientem jacent, quam quæ occidentales  
sunt &c. Etenim *Joh. Hevelius*, etiam antequam epistolam  
nostram invitatoriam Lipsia sibi transmissam anno 1682 acce-  
pisset, eodem illo anno d. 20. Junii st. n. summo studio iterum  
instituit, hujus declinationis experimentum eamque deprehen-  
dit gr. 8, 45 vel 50 min. occasum versus, quam ante annos  
duodecim, nempe anno 1670 d. 22. Junii, deprehenderat eo-  
dem loco, nempe Gedani, 7 gr, 20 min. ita crescente declinatio-  
ne 1 gr. 25 min. spatio 12 annorum, cum Norimbergæ annis  
1678, 79 & 80, declinatio magnetis in occidentem, circa quin-  
tum gr. constanter hæreret; Londini vero (ita referente *Dn.  
Roberto Hookio* Soc. Regiæ tum Secretario, d. 6. Aprilis 1680)  
reperta esset  $4\frac{1}{2}$  gr. à septentrione in occasum, *Greenvici* nempe  
4 mill. Londino remoto loco, quæ olim fuisse tradebatur 11 gr.  
16 min. in orientem, ut apud nos 8 gr. in eundem.

*PHÆN. VII.* Posthæc autem, vicit multorum studium  
clarissimi *Halleji* industria, Regiæ Soc. Anglicanæ Collega, qui  
collectis, per viros fide dignos, declinationibus acus, in locis  
plurimis per universum terrarum orbem haut parum à se invi-



cem remotis, dare ansam hujus seculi Philosophis studuit, ut vel tandem rem maxime impeditam explicare, & regulam seu hypothesin generalem formare allaborarent, quæ non uni tantum civitati ac regioni, sed toti universo, singulisque ejus partibus quadraret; qualem ipse primus aliis præire, ex collecta variatione prædictarum proluxa tabula, voluit, inferius inter hypotheses proluxius enarrandam. Extat autem memorata variationum Tab. in transactionibus Angl. n. 148, mens. Jun. 1683, indeque excerpta habetur in Actis Lipsiensibus ad annum MDC LXXXIV. mens. Aug. p. 387, 88 89, 90; inde vero per pag. 91, 92 93, ipsa hypothesis Halleyana.

*PHÆN. VII.* Hæc itaque est illa *vis* magnetis *directrix*, quæ tertio abhinc seculo circiter mortalibus primum innotuit, observatore primo & inventore acus versoriæ, quodam *Joanne Goja Amalphitano*, uti communiter ferunt; tamen *Gassendus* Animadvers. in Epic. Philos. p. m 364, Gallis suis id honoris vendicaturus, toto ante seculo à *Guyoto Provineo*, Poeta Gallo, acus magneticæ, sub nomine *Marinetae*, factam mentionem refert, atque insimul ejus applicationem ad Liliū, Galliarum insignia, quod deinceps nationes omnes in pyxidibus usurparint retinuerintque, testem advocat: Nunc autem de altera lapidis obsecuri virtute *attractrice*, quam ab antiquis usque seculis notam, *Plinius* jam olim Lib. XXXVI cap. 16 admiratus fuit. Nempe magnes magnetem & ferrum attrahit, (cum vulgo loquendo) & ab utroque vicissim attrahitur: h. e. si ferro aut magneti libere suspensio vel natanti, objicias è vicinia magnetem alium; ista adhuc illico accurrunt, nisi nimis magna & ponderosa fuerint; Et vicissim, si magneti libere suspensio, aut supra aquam librato, ferrum paulo propius obvertas, ruit is statim in ferri complexum, eique adhæret.

*PHÆN. IX.* Quin & ferrum à magnete tactum, vi sibi communicata ferrum aliud non solum attrahit, sed eidem iterum vim eandem attractivam communicat, ita ut plures annuli ferrei, aut plures acus chalybeæ catenatim inter se cohærere poss-



possint, & à magnete eodem suspendi, plures quidem & ponderosiores, quanto vis attrahendi vel sustinendi in uno magnete major est quam in altero. Neque adeo momentanea est hæc vis attractrix communicata, sed diutissime durans, adeoque penetrans, ut chartæ, tabulæ lignæ, cupreæ laminæ &c. ferrum inter & magnetem positæ, illam non impedianr.

PHÆN. X. Etsi nec affirmare nec negare velim, quod narrat P. Schottus, Magiæ magnet. p. 235. ex ore P. Caroli du Lieu S. J. non solum sancte id affirmantis, testibusque adductis viris religiosi confirmantis, sed insuper cum hæc scripta à P. Schotto, antequam imprimerentur, laudato P. du Lieu legenda exhiberentur, illa omnia recte scripta & veritati conformia, denuo asserentis; habere se Lugduni in Gallia magnetem „ quinquelibrem, armatum, tantarum virium, ut pro miraculo „ habeatur, ejusque visendi gratia maximum nullo non tempore Optimatum, Doctorum &c. concursum ad ædes suas fieri „ ejus pedunculis armaturæ quadratis, si clavis ferrea, aliudve „ oblongum ferrum secundum longitudinem, è longinquo „ applicetur, eos tentavi id ad se rapere, ut vix bini aut terni viri „ retinere illud possint; &, ubi semel ad se rapuerit sibi que agglutinatum habuerit ferrum, adeo pertinaciter id retinere, ut „ viri decem aut plures, alligato ad ferrum fune, abstrahere nequeant, si tractio fiat perpendiculariter deorsum secundum lineam directionis: ideoque ingentia pondera ferro oblongo alligata cum sustinere, nec dubium esse, quin virum cataphractum appensum teneret.

PHÆN. XI. Quæ cum fidem omnem superare videantur, fatente ipso P. Schotto c. l. cætera quæ ibidem narrantur, tanto erunt creditu facilia, e. g. notissimum illum magnetem, qui Florentiæ in Magni Ducis Armario seu Galeria (ut Itali vocant) conservetur ferro munitus & in aere catenula suspensus, pendere lb 29, & suspensas tenere ferri lb 65. Manfredum Settalam Mediolanensem retulisse P. Kircherum sibi que, habere se in musco suo seu Galleria Mediolani magnetem vix libræ unius,



qui tamen chalybe munitus lamina suspensas teneat ferri libras omnino 60 &c. Quorum loco nos hic adducemus proprium *perillustris Valvasoris* Baronis testimonium, in arce *Wagensberg* sede sua in Carniola, inter Cimelia sua magnetem adservari, ferri seipso quadragies bis gravioris pondus sustinere valentem; id quod in excerptis Lipsi. ad mens. Mart. A. M D CLXXX p. 112. legere est, quibus, *si parva licet componere magnis*, ex paupere nostra supellectile parvulum magnetem armatum ex Norvvegia allatum, pondere non nisi 2 semunciarum, qui alium itidem armatum gestat 7 unciarum.

*PHÆN. XII.* Magnes igitur armatus ferro, h. e. lamina chalybea circa polos munitus, multo plus ferri sustinet quam inermis, maxime, si polus uterque, B & A ita fuerint armati, ut pedunculi laminarum E C & F D (Fig. 81. num. 1) applicatum ferrum G H satis lata & polita superficie, ad C ac D attingant; tunc enim junctæ vires utriusque poli, duplo fere plus sustinent, quam unus solus: Attamen, quod adnotari dignum est, non idcirco plus allicit aut trahit, si vel minimum ab eo removeatur, (imo impeditur in trahendo vel alliciendo, à ferreis laminis, non item ab aliis) nec etiam plus sustinet, si corpus aliquod, quantumvis tenue, interjaceat. Vid. Cartesius Princip. part IV. num. CLXXII & CLXXX.

*PHÆN. XIII.* Trahit autem magnes ferrum, nulla dum virtute magnetica imbutum, utroque sui polo; Magnetem autem alium, vel ferrum magnete excitum, ut acum verforiam, allicit uno polo, altero repellit: Nimirum, boreali polo attrahit alterius partem australem, & pellit borealem; polo vero australi allicit istorum partem borealem, & fugat australem. Idque adeo verum est, ut in duas partes, per utrumque polum, secto magnete, segmentum alterum libere suspensum (num. 2. ejusdem Fig.) se statim convertat, & acquisitis jam peculiaribus polis, eam alterius segmenti partem fugiat, qua ipsi antea conjunctum fuerat; e. g. partem A, quæ ante polo infe-



inferioris segmenti australi A cohæserat, in oppositas partes conversam, cum ejusdem inferioris segmenti polo B conjungat &c. Econtra vero, si magnes secetur transversim inter utrumque polum, segmenta se mutuo alliciunt iis partibus, (tanquam novis et amicis polis) quibus ante conjuncta fuerant, necnon extremis, quæ prius erant integri magnetis poli: Sin unus antiquorum sive extremorum polorum jungatur uni ex novis, se mutuo repellunt. Conferatur *Schottus* Mag. magn. p. 238. Proprietas magnetum VI. ejusque causa deinde p. 267, & sequenti.

*PHÆN. XIV.* Minuitur illa vis magnetica, humiditatis & siccitatis vicissitudine, & hinc contracta rubigine; itemque violento quasi positu ad terram & magnetes alios, ut si aliter collocetur, fixo loco magnes, aut acus magnetica, quam ipsa se converterent, si nihil eorum motui obstaret, (v. g. polo boreali in austrum, & australi in boream, conversis, & in isto situ violento diutius detentis) igne vero prorsus tollitur; quæ notavit Cartesius Part. IV. Princip. Philosoph. num. CXLV. & special. numeris 33 & 34; cum in anteced. numeris 32 31 &c. partim phænomena hætenus exposita, partim alia, hætenus intacta, in Synopsi quadam quasi exhibeatur; quibus conferri omnino debent, quæ fuse tradit *P. Schottus* de morbis & inimicis magnetis p. 286 seq.

*PHÆN. XV.* Augetur contra, conservatur & confirmatur, magnes, applicatione & situ debito, quem sponte sua affectat, humore aqueo vitris incluso, si diu sub ipso tumultus fervetur, & ab initio purus fuerit; scobe item chalybea, seu ferrea; panno rubro, aut herbis iis, quibus id pannorum genus tingi solet, vestitus aut obrutus in situ suo naturali &c. quæ commemorat *P. Schottus* p. 288, 290, 291 & seqq. p. 289 & conseqq. pluribus falsa quoque tum corrumpentia, tum confortantia, enarrans & confutans: quibus adjungi non inutiliter videntur, fabulæ circa magnetem non paucæ, ex tractatu Gallico *Traité de l'Aiman* inscripto, excerptæ in Actis Lips. ad Annum



Annum M DCLXXXVII. p. 428. ubi id interim expertum se  
 „ Autor perhibet , in armando magnete ferrum melius adhi-  
 „ beri quam chalybem, & videndum esse, ut pedunculi magne-  
 „ ti affigendi è ferro scindantur secundum longitudinem, prout  
 „ cudendo ductum est ; sic enim tractionem quarta parte  
 fortiolem fore, quam si sectio fieret transversim & secundum  
 latitudinem. Cui denique vel verbo addimus: Magnetis vires  
 assuefaciendo etiam augeri posse , si vasculo leviculo cum onere  
 ordinario, quod gestare valet, appenso, quotidie non nisi exile  
 plumbi granulum imponatur, &c. Vid. Pars II. Colleg. Cu-  
 riosi p. 231.

PHÆN. XVI. Multa alia , si non innumera , magne-  
 ticarum virtutum Phænomena, tum ex hætenus allegatis, tum ex  
*Gilberto* aliisque autoribus bene multis, congerere possemus, in-  
 primis tria in p. 233 & seqq. alleg. Colleg. Curiosi, huc inde  
 trahenda. Sed quia finis tandem est faciendus, ultimo loco,  
 ad magnetis attractivam virtutem commode hic iterum reduci-  
 tur efficacia similis *electricorum*, quæ vocantur corporum,  
 electri puta primario, dein hispanicæ ceræ, resinæ, gagatis, imo  
 vitri quoque & gemmarum plerarumque, quæ non solum festu-  
 cas, paleas & pulvisculos leviores (de quibus jam supra, cum de  
 succino, cap. II, nonnulla diximus) sed & quævis folia, ligilla,  
 metalla etiam attenuata, &c. ac decenter librata, alliciunt; de  
 quibus hoc loco nonnulla porro dicenda erunt, ad facilitan-  
 dum eo magis attractionis magneticæ conceptum.

## II. HYPOTHESES

### pro explicando Magnetismo principa- liores,

#### I.

**H**ic primo loco ponendi sunt ii, qui succincta satis philoso-  
 phandi methodo, causam aliam electricæ tractionis aut  
 mag-



magneticæ directionis &c. non esse, ajunt, nisi occultam aliquam qualitatem, de genere potentiae motivæ naturalis; consensum quidem Peripateticorum tantum non universalem jam pridem meriti, quos inter nobis nominavit *Edoardum Madeiram* Lib. de qualitat. occult. fol. 425, *P. Schottus* mag magnet. p. 378. Neque multum ab his absunt aliquando *Kircherus* de arte magn. lib. I part. II. *Sen. nert.* lib. V. Epit. nat. Sc. cap. IV. Ipse quoque *P. Schott.* mag. sympath. p. 375 & quos allegat p. 372. *D. Thomas* & cujus verba prolixiora verbotenus allegat duabus seq. pag. *Emanuel Magnan* ex illis sub fin. p. 374. concludens: Itaque inter illa non est proprie dicta attractio, sed mutuus accessus unius ad alterum, qui tamen accessus quoniam provocetur à spiritibus ab uno corpore in alterum transmissis, ideo dici unum trahere alterum; addens tandem sub init. p. sequent. Hæc ultima sententia mihi præ omnibus placet, “ quia melius, quam aliæ rem explicat.,

II. Hi nempe & alii, abstractius ad consensum & cognationem aliquam inter magnetem & ferrum, ad qualitatem aliquam, instar gravitatis aut levitatis corpus suum certo loco constituentem, ubi scilicet majus bonum aut emolumentum sperare possit, ad similia solitos complexus & congressus &c. provocant, (etsi rem ipsam alibi *Kircherus* & *Schottus* attingant propius) etiam subtilissimum *Scaligerum* suo numero complexi, qui Exercit. CII. n. 6. cum non tam trahi ferrum à magnete, quam ad hunc sponte sua accedere statuat, eum tamen accessum internæ cuidam virtuti ferri (quam non explicat) & appetitui alicui tribuit, quo ferrum feratur ad magnetem, tanquam ad matricem suam, cujus abditis principiis perficiatur; quemadmodum ad centrum terra, aut catulus ad mammulam, aut palma fœmina ad marem &c.

III. Hoc ipso vero loco *Cardanum* notat Vir subtilis, quod vivere magnetem putaret, ac per animam suam trahere; quo delirio ipsi pridem *Thales* præluxerit, & si aliis credimus, etiam *Anaxagoras*. Quibus haut incongrue junxeris è modernis Philosophis, *Petrus Gassendus*, qui vim quandam sensui analogam in ferro & magnete agnoscit, loc. supra cit. p. 132; & *Henricum Morum*, qui plusquam animale virtutem ad hunc effectum requirit, Enchirid. met. cap. XV. n. 2, 3 & 4 &c. & ut alibi ita hic imprimis, *hylarchici* sui *Principii* subsidium invocat, sine quo nec allicere ferrum inermis magnes, nec ita valide sustentare armatus posset &c. Confe-



rantur Gassend. in Lib. X. Diog. Laert. p. 364 & Phys. Scient. Sect. III, p. 123, nec non Schott, mag. magnet. p. 370.

IV. Peculiarem circa hoc negotium magneticum, tractionis præsertim, exponit nobis *Joh. Alphon. Borellus* de vi percussionis cap. XXV integro, p. m. 145 & seqq. hypoth. cujus præcipua capita in compendium ita contrahemus. Postquam vulgares quasdam sententias, de effusione corporei cujusdam halitus magnetici versus ferrum, aut emissis catenulis ex atomis uncinatis & hamatis contextis &c. ideo maxime explosisset, quod expedire non valeant, quemadmodum, & à qua causa istæ effusiones & catenulæ retrahantur, & secum apprehensum ferrum versus magnetem referant &c. aliquid tandem verisimilius in medium allaturus, supponit 1) cum pluribus aliis, actionem magneticam non esse solius magnetis, sed esse communem & mutuam &c. id quod distinctius tamen probat experimento tum magnetis, tum ferri suberi vel ligno superpositorum, & alterius ad alterum currentium, ac ferri quidem pusilli ad magnetem grandiore, aut vicissim particulæ magnetis ad ingentem ferri globum admotæ, celerius quasi advolantium; ita ut in grandiore non facile observabilis sit, nisi pusilla vel ferri vel magnetis portione manu detenta, grandioris etiam tardior accessus ad minutioris contactum evadat sensibilis.

V. Supponit 2) non solum in magnete dispositionem pororum secundum directionem axis magnetici extensorum, & per illos diffusionem halituum versus polos, sed etiam in ferro innumeras porositates, intra quas occlusæ contineantur innumerabiles particulæ magneticæ vividiores, ordine perturbatissimo, confuso dispositæ & quodammodo fermentativo deinceps commovendæ. Quod si igitur 3) ferrum magneti approximatur, ab effluvio magnetis, velut fermento quodam agitantur particulæ illæ magneticæ intra ferri poros contentæ; quæ solutæ & in libertatem vindicatæ, veluti totidem acus pyxidum magnete affectarum, dirigunt, suos polos debito ordine versus magnetis polum inibique ebullitionem efficiunt intra porositates magnetis, uti vicissim effluviū ex magnete eductum ebullitionem quandam creat intra ferri porositates &c. quas ebullitiones tandem consequantur contrarii magnetis ferrique motus, sive mutux approximationes utriusque corporis, ut hæc videatur verisimilior ratio hujus arcanæ operationis &c.



VI. Est tamen ex eorum quoque numero *Morus* l. c. n. 1. qui non tam tractione, quam circumpulsionem, magnetem in ferrum agere asseverant, aut generatim saltem cum *Gilberto*, attractionem veram intercedere negant, etsi corporeos quosdam effluxus (quorum necessitatem probat *Gassendus* saepe cit. l. p. 129) intervenire indubium putent. Quam equidem sententiam *Alexander Aphrodisæus* & *Simplicius* quoque, non ipsi tantum tenuerunt, sed & Aristotelici Magistro suo tribuunt. Ita namque *Simplicius* ad lib. VII. Phys. text. 10, sub finem fere p. 372. Quærit *Alexander* pulchre, quomodo “ ea, quæ naturaliter trahunt, ut herculeus lapis non tangendo ea, “ quæ trahuntur, trahant? Et respondit, quod, etsi hæc non tangant “ ipsa, tamen potentia per quam trahuntur ipsa, tangit ea quæ trahun- “ tur. Sed non erat hoc propositum Aristoteli (NB) ostendere, quod “ incorporea potentia & vi, trahens id quod trahitur, attingat, sed “ (NB) corporea &c. Igitur pulchrius est (ita pergit *Simplicius*) “ quod deinceps ab ipso dicitur, vel enim sunt quidam defluxus cor- “ porei, qui proficiscuntur ab ipsis quiescentibus, & sic trahentibus, “ quibus tangentibus & connexis (NB) ut quidam ajunt, trahuntur “ ea, quæ (NB) trahi videntur &c. Et *Empedoclem* quidem, *Demo- “ critum* & *Platonem* per effluxus corporeos magneticam virtutem “ exeri statuiffe, ex eodem *Alexandro* & *Plutarcho* refert *Gassendus* Animadv. in X. Laërt. p. 365.

VII. Id quod de Platone quidem, attractionem exertim negante, manifestissimum est, ex his ejus, in *Timæo*, verbis: Καὶ δὴ, καὶ τῶν ὑδάτων πάντα ῥεύματα. ἔτι δὲ τῶν κεραυνῶν πτώματα, καὶ τὰ θαυμαζόμενα ἡλέκτρων περὶ τῆς ἑλξεως, καὶ τῶν ἡρακλείων λίθων, πάντων τέτων (N.B.) ὅλην μὲν ἐκ’ ἐστὶν ἐθενίποτε. τὸ δὲ κενὸν εἶναι μηδὲν περιωδεῖν τε αὐτὰ ταῦτα εἰς ἀλλήλα, τότε διακρινόμενα καὶ ζύγκρινόμενα, πρὸς τὴν αὐτῶν διαμειβόμενα ἑδραν ἑκασταίεναι πάντα, τέτοις τοῖς παθήμασι πρὸς ἀλλήλα συμπλεχθεῖσι τε θαυματουργήματα τῷ κατὰ τρόπον ζητῶντι φανήσεται. h. e. Interprete *Marsilio Ficino*, eadem est ratio, (quæ scilicet de “ respiratione superius data fuerat) de aquarum fluxibus, de impetu “ fulminum, de electri mirabili illo attractu, lapidisve illius, qui “ Heraclius nominatur. Revera (N.B.) nullius horum attractio fit, “ sed cum nusquam sit vacuum, & hæc se invicem pulsant atque re- “ pulsant, concretaque & discreta suum locum singula poscant, dili- “



„genti harum investigatori, ex his mutuis passionibus, eventus illi mirabiles contingere videbuntur.

VIII. Hanc porro Platonis sententiam *Plutarchus* in quæst. Platonice ita confirmat, ut magnetem dicat emittere graves halitus, quibus aer impulsus, eum qui ante se est, tendat, isque in orbem agitatus, ac ad vacuatum revertens locum, vi una trahat (aut compellat potius) ferrum. Cui rationi similem adsignat *Joh. Costæus Lauden-sis* apud Gilbertum, (allegante hæc loca P. Schotto in mag. sympath. p. 371.) effusos, inquit, ex magnete vapores ad alliciendum ferrum natura sua properare, & repulsum à vaporibus aerem, dum locum sibi quærit, reflecti, reflexumque impellere, & quasi sublatum ferrum transferre; etsi in ipso ferro spontaneam quandam motionem superaddat. Ac pertinet huc omnino *Thomæ Cornelii* apud Magnanum, (Philos. Naturæ cap. 14 Prop. 35.) sententia circa electricismum, qui vult, emanare à succino effluvium & propellere „vapores halitusque in orbem & circumfusus aerem reddere purio-“ rem, adeoque leviolem, indeque fieri, ut mox ad succinum à cir-“ cumjecto aere graviore adigantur corpuscula eique adhæreant.

IX. Platonice vero istam de vi magnetis attractiva hypothesin, non imitatus tantum est, uti modo laudati Authores, sed propriam sibi penitus fecit *Renatus des Cartes*, ingeniosissimo quippe invento exornatam, atque una cum altera directiva ad unum idemque principium revocatam; prout sane alii quoque e. g. Schottus mag. magn. p. 266.) judicarunt, illam ab hac, quoad rem ipsam non differre. Quamobrem, quid de causa & fonte directivæ virtutis alii senserint, breviter ante exponemus, quam integram Cartesii hypothesin exponamus. Et viderunt certe jam pridem *Peregrinus, Ficinus*, & alii apud Gassendum (Animadvers. in X. Laert. p. 364) imo *Kircherus* etiam *Schottus* ac *Zucchi* (mag. magnet. p. 225 & 261) vim istam è mundi polis ultimo, proxime vero & immediate (quod posteriores adverterunt) à polis terræ derivandam esse, & ipsam quoque terram vi gaudere magnetica tum se dirigendi ad polos mundi (de qua in Sect. II. Artic. IV. cap. II. generalius actum fuit) tum alliciendi magnetes & ferramenta ad suos polos: etsi in ipsa deductione causarum ad sympathicarum qualitatum crambem toties recoctam subinde relapsi sint.

X. *Cartesius* autem ad eosdem quidem cum istis fontes respi- ciens, rem omnem ratione quadam mechanica, & imaginationis desiderium explente, demonstrare conatur, prolixa phænomeno- rum



rum omnium deductione, Princip. Part. IV. num. CXLVI & seqq. plurimis) quam in epitomen cogere hoc loco conabimur, ita tamen, ut primaria hypotheseos capita luce sua ne defraudentur. 1) Itaque diversitatem aliquam in oppositis istis, ex utroque mundi polo in terram nostram, influxibus (de quibus alleg. modo II. Sect. in Epicrisi cap. II. prolixè dictum est) non generatim tantum supponit (qualem alioquin in quovis etiam magnete, *Magnanus* etiam & *Schottus* mag. magnet p. 271 admittunt, ad causam reddendam duarum posteriorum partium Phæn. XXII) sed & specialiter striatas facit & cochleares utriusque influxus particulas, ita tamen, ut illæ, quæ veniunt ab australi gyrantis cœli parte, alio plane modo intortæ concipiantur, quam venientes à boreali: prout vel ipsa minutiarum illarum generatio, satis fictitia quidem &  $\pi\lambda\alpha\sigma\mu\alpha\tau\iota\sigma\mu\epsilon\iota\varsigma$  requirebat.

XI. Hoc ipso vero porro 2) fiebat, ut cum striatæ istæ particulae per ferri & magnetis meatus, nec laxos nimis (uti quidem porosiores terræ partes habeant) nec angustos iusto (quales in solidioribus concipiendi) vias sibi ab initio parassent figuræ suæ proportionatas, à B v. g. (Fig. 82. num. 1,) quæ venerant, vias  $b\ a$ , punctulis designatas, ab A vero emissæ oppositas  $a\ b$ , lineis integris hic, discriminis ergo insignitas; ut inquam, unæ alterarum meatus subingredi, ob figurarum diversitatem, non possent, neque regredi per easdem vias proprias, retro quippe in contrarium tortas; atque adeo 3) quia ad A & B quoque porro excurrere prohibeantur ab influxu contrario, boreales quidem recta pergant à B per terram usque ad  $a$ , inde vero per aerem circumfusus ab  $a$  per  $c$  ac  $d$  ad  $b$  (juxta ductus punctulatos) magnam partem revertantur; eodemque tempore australes ab A ad  $b$  recta progressæ, à  $b$  deinde per  $c$  ac  $d$  ad  $a$  (juxta ductus curvilineares integros) regrediantur, multis etiam interim, ob causam alibi dictam, versus C ac D expulsis. Vid. Part. III. Princip. num. XC, XCI &c.

XII. Hinc vero 4) infert, si contingat magnetem aliquem, aut ferrum diu ante secundum lineam meridianam immote-extensum, & nunc libere pendulum, intra hunc vorticem quasi magneticum ita poni, ut eadem pororum suorum ostia utrique influxui obvertant, quæ olim (magnes quidem intra terram, ferrum autem extra eam) obverterant; prout lapsu per istos meatus utrumque influxum transeuntem (& quidem longe facilius quam per aerem) utrumque etiam corpus magneticum in eodem versus austrum boreamque situ detinere ac dirigere; & quidem (quod nuda schematis inspectio docet)



docet) sub æquatore *c* sine ulla versus alterutrum terræ polum inclinatione, cis vero vel ultra æquatorem, in *e* & *f*, cum notabili poli alterutrius, versus vicinum terrestrem, depressione: Sin contingat ex opposito, influxui boreali obverti ea meatuum orificia, per quæ subintrare libere australis consueverat, illum non admissum, & obliquè tamen & fortiter in istos meatus impingentem, non posse non corpus magneticum, sic libere pendulum, convertere ac in situm debitum reducere. 5.) Quod si vero diutius in illo contrario situ violenter detineatur magnes, aut ferrum per consuetudinem directiva virtute imbutum; mirum non esse quod crebriores influxus adversi impulsus meatuum obstacula, in ferro quidem inflectat figuramque adeo pororum immutet, in magnete autem, cujus soliditas plenariam immutationem vix admittat, eam saltem corrumpat, &c.

XIII. Quemadmodum autem 6.) influxus ille, per aërem minus commode fluens licet, paulatim sibi aptare ferri meatus obvios potest; ita mediante magnete ferramentis admoto istam vim præstare tanto facilius, quanto promptius fluida quæ vis per vias longas & angustas emanant, & sic magneticis acubus vim directivam tanta facilitate communicare. Inde vero 7.) porro concludit, similem isti, quem circa tellurem gyrat, vorticem magneticum, circa singulos etiam magnetes diffundi, dum influxus à septentrionali terræ polo ad magnetis quoque partem septentrionalem *b* delatus, à *b* ad *a* per meatus magnetis angustiores celerius multo, quam per aërem fluens, concepto sic impetu fertur paulo ultra *a* in *x* usque (num. 2. Fig. 82.) ibique ab aëre, compressiore jam ac minus cedente, magnam partem retroflectitur, nec per *a* retrorsum admissus, per aërem *c* ac *d* minus compressum ad *b* revertitur.

XIV. Neque concludit hoc tantum dicto modo. Sed & experimento manifesto ipsis oculis fere ingerit, quod *Henricus Morus* etiam, non alibi tantum, sed in hoc ipso de magnete negotio ejus alias adversarius, ingenue tamen confitetur. (Enchirid. Metaph. cap. XV. num. 1. simul ipsum Cartesii locum ex Princip. Philos. Part. IV. num. CLXXIX. allegans) certissimum esse & compertissimum, quodque ipsimet etiam tentantes, in Parte II. Colleg. Curiosi Tentam. XIV. p. 236, re ipsa sic habere comperimus: Immittendo scil. magnetem inermem quatuor circiter pollices longum, plano cuidam ex charta spissiore, ita ut poli ejus *a* & *b* (Fig. 83.) in ipso plano jaceant; & limaturam ferri circa ipsum spargendo; ubi concussa leniter char-




Fig. 83.



Fig. 84.

Num. 1. N. 2. N. 3.



N. 4.



N. 5.



Fig. 85.




Fig. 86.




Fig. 87.




Fig. 91.



Fig. 88.

Eigentliche Form und Grösse derer  
den 11. July 1689. Abends Zwischen 8 und 9 ühr.  
in und umb Wien unter erschrocklichen Donnern und  
Blihen gefallener grösserer Hagelsteine deren  
unzehlbare grossen Schaden, so an  
Menschen als Viehe, getreyd und  
Obs gethan haben

Tzt. Herrn Gehaimen Rht Loosen in Öttingen  
den 4. July. 1689 Von einem Vornehmen Freund  
von Wien aus Communiciret  
worden präsent: den 10. ejusd.

Fig. 89.




Fig. 90.




Fig. 93.






Fig. 94.









ta conspersa tenuissimi limaturæ pulvisculi, in quosdam quasi tubulos compositi, particularum magneticarum vias ita manifeste designant, ut in adjecta Fig. 82. num. 2. exhibentur; nisi quod in Fig. 83. propter majorem magnetis longitudinem, non solum circa utrumque polum *a* & *b* ad latus utrumque reflexam limaturæ scobem, sed etiam circa lateris utriusque medium, *c* ac *d*, introrsum pariter flexuras manifestas formantem conspeximus: Non aliter ac circa magneticam grandiore acutissimam supra pedem Rhinlandicum septem adhuc pollices longam, observavimus, eam non solum binos in extremitatibus polos, sed etiam alios duos circa capsulam mediam habere; ita ut hæc enormis longitudinis acus, ad declinationes observandas minus apta, quam speraveramus, deprehenderetur. Vid. p. 235. part. II. Colleg. Curiosi.

XV. Ulterius igitur 8.) Arguit, quamdiu duo magnetes, alter extra alterius activitatis sphaeram sunt constituti, tamdiu eos in se invicem nihil agere; ut primum autem alter alterius sphaeram subintret, ita quidem ut borealem sui polum istius australi, vel contra obvertat, tunc ambas istas sphaeras statim in unam coalescere; quia particulae boreales e. g. per magnetem X (Fig. 82. n. 3.) juxta ductum *b* X *a* fluentes, in altero magnete Z, circa polum *b* vias inveniunt suis motibus pridem aptatas, per quas adeo facilius porro, quam per aërem retro pergunt, (idem vero de influxu contrario, ex Z in X judicandum est;) deinde vero reciprocum illum particularum fluxum inter utrumque, aërem inter medium statim expellere, utrinque versus *c* ac *d*; qui cum cedere nequeat, nisi motu in circulum continuato, magnetes X & Z, si penduli sint & facile mobiles, ambiente aëre pulsos ad se invicem accedere, aut, si unus fixus sit, alterum ad ipsum accurrere, ipsosque adeo coherere: Et hanc esse apparentem illam attractionem magnetis aut ferri; siquidem eadem manet demonstratio, si loco magnetis alterius, ferrum concipiatur, aut pro utroque magnete acus ferrea, sed alterutra minimum virtute magnetica jam imbuta substituatur.

XV.. Quod si vero 9) magnetes aut ferramenta magnetica polos cognomines sibi mutuo obvertant, tunc utriusque influxus particulas, neutrubi admissas, ob causam sæpius dictam, illas impulsu suo ab invicem, aut unam fixam, alterum pendulum saltem repellere, si fuerint eorum axes in eadem recta linea; sin minus, eadem ratione convertere, debitoque situi restituere, qua superius magnes ad polos telluris conversus dicebatur, &c.



XVII, In hac ingeniosa valde Cartesii hypothesi, non pauca reperit *Dn. Mallement de Messange* in epistola peculiari, in qua multa de hypothesium requisitis erudite differit, & eas falsitatis suspectas arguit, quæ laborent multitudine principiorum (quo nomine Cartesianam generaliter notare videtur.) Et quamvis, ut ingeniosam laudet alius cujusdam hypothesin, qui cum *Hugenio*, loco striatarum particularum, nescio quas spicas supposuerit; putat tamen & has esse nimis *πλασματώδεις* sive fictitias; nec effectus naturæ esse declarandos per alios, qui non minus essent inexplicabiles. Cum igitur singulas hypotheseos Cartesianæ partes multis pressisset difficultatibus; inprimis autem figuras particularum striatarum nimis quæsitæ & naturæ in his simplicibus insolito artificio, quamvis non sine aliqua plausibilitatis specie, detornatas, & vorticem illum ingentem materiæ magneticæ ab uno terræ polo ad alterum, per spatium 2700 mill. germ. in dubium vocasset, (quæ duo supposita mihi quoque semper offendiculo fuerunt, & posterius quidem maxime, ob rationem Part. II. Colleg. Curiosi p. 236 in fine datam, & propter experimenta paulo superius num. XIV in fine commemorata) ipse tandem aliam simplicissimam indicat hypothesin duobus tantum principiis nixam &c. cujus hic facere mentionem volui, ejus autem contenta distincte exhibere non potui, quod pauca nec satis clara excerpta in L. C. possideam, ipsa epistola nunc quidem destitutus.

XVIII. Itaque novam, quæ restat *Honorati Fabri* hypothesin breviter adhuc enumerabo, quam habet Tr. VII. Lib. I. sc. Phys. plusquam ducentis Prop. explicatam & applicatam phænomenis, ad hæc interim capita succincte revocandam: 1) jubet pro meliore hypotheseos intelligentia, considerari frustum suberis, innumeris acubus magneticis: iisque parallelis, quamvis insensibilibus confixum, ideoque ab ipsis in tali situ necessario collocandum, quem habere magnetes librati solent. (Tract. VII. lib. I. prop. XLIII.) &, si per adfrictum hujus frusti cum alio, concipiantur in hoc aliud multæ illarum acum una transfundi, huic cum his acubus etiam directione eandem procul dubio communicaturum, unum porro ejusmodi subereum frustum libere natans, ab altero vicino satis & fixo adductum iri. 2) Igitur suber ipsum cum magnete aut ferro, tanquam vase & receptaculo, acus autem illas cum corpusculis magneticis oblongis, quæ jam vocat acus magneticas primigenias, in magnetis & ferri poris, ut illæ secundariæ in subere, receptis & ex uno magnete in alium,



aliud, aut in ferrum, ultro citroque commeantibus &c. comparat.

XIX. Has porro acus primigenias 3) supponit ab initio terrestri massæ divinitus inditas (Prop. LXIV.) in magna copia, atque ita factas, ut primum adspexit, quantum in ipsis esset, perpetuo servarent, h. e. unam sui extremitatem perpetuo in boream, alteram in austrum constanter porrigerent. (LXIV) 4) Receptas dicit in poris quorumvis corporum terrestrium, non in omnibus tamen effectum suum præstare (LXXIII & LXXIV) sed in iis tantum, quorum pori & angusti & in longum dispositi sunt, ut est ferrum & magnes; ac in his angustis & longis poris receptas, dum se pro innato impetu in boream convertunt, eadem illa vasa necessario simul convertere, ac in easdem plagas dirigere; & porro, cum aliqua istarum acuum portio, ex adfritu magnetis, aut alio modo in ferrum transfunditur, in hoc eundem effectum sequi, communicata virtute &c. (Prop. LXXV.)

XX. Quoad attractivam vero magnetis virtutem supponit porro, imo ex fine & scopo Conditoris deducere conatur 5) acus illas primarias sibi invicem libenter adhærere. & ut cohæreant, ad invicem intrinseco impetu accedere, quod una sola propositum assequi finem non valeat, sed juncta cum pluribus; (Prop. CXXIV, CXXV) ita vero cohærere, ut vel extremitatibus tantum (sicut AB, BC &c. num. I. Fig. 84) vel etiam notabili sui parte (ut EF, GH &c. num. 2.) sese contingant, & sic catenam quandam componant, (Prop. CXXXV, CXXXVI) quæ radius magneticus ipsi dicitur; eamque catenam, versus aliam acum separatam sibi jungendam, non ferri quidem totam, sed extendi tantum & produci, prorepentibus scilicet acubus singulis, una supra alteram, donec separatam illam contingant, sibi adjungant; ut, si v.g. catenæ E, F, H, K, M, occurrat in vicinia separata quædam acus N O, acus G H, paulum prorepat supra EF, & I K supra GH &c. & aucta jam una particula, catena eam habeat formam, qua dextrorsum N. 3. literis minutioribus notata spectatur. Tales porro 6) catenas, ex acubus magno & innato nisu cohærentibus, contextas, tales radios magneticos, è corporibus magneticis, tanquam suo centro, hinc inde in boream & austrum emissos, interim versus commune centrum niti (quem nimum ideo gravitationem magneticam appellat) &, ut alias pro captandis quasi aliis, aut sibi jungendis, explicantur; ita extra hunc casum, contrahi versus centrum, innata singulis gravitate, repente scilicet retro una



acu supra alteram; & si duo corpora magnetica sub eadem linea meridiana posita concipiantur, ab uno ad alterum duci rādios directos; sin sub diversis, obliquos, qui corpora illa ad tantulam declinationem deflectant.

XXI Et ex hoc posteriore quidem fundamento 7) omnem pendere declinationem magneticam, cum scilicet ex uno latere meridiani, v. g. in orientem, qua late patet sicca terra continens, major vis & copia acuum & catenarum occurrit, quam in occidentem, in vastissimis oceanis, adeoque magneticorum corporum rādios sibi obliquius uniunt (Prop. CLIV.) Ex priore autem 8) attractionem demum magneticam profluere; (Prop. CC) cum scilicet ferrum D E in ea vicinia magneti A fuerit admotum, ut hujus radii seu explicatæ catenæ, alias, quæ ferro insunt, attingere & cum ipsis copulari queant; tunc enim contractas, more suo, catenas ista duo corpora jungere, aut alterutrum, quod libere pendet, ut hic ferrum, vere attrahere, etsi hæc attractio alteri corpori, ut magneti, tribui non possit: tum vero attractionem aut actionem fieri nullam, ubi magneticum A, ab alio C tantum distiterit, ut radii unius cum radiis alterius copulari non valeant &c. Denique 9) magneticorum inclinationem versus terræ vicinos polos, nativæ & concreatæ primigeniarum acuum inclinationi, fugamque polorum cognominum, connatæ pariter fugæ extremitatis ex. gr. borealis in una & altera acu adscribit, &c.

XXII. Circa electricorum attractiones autem (uti supra jam vidimus) paulo aliter philosophatur *Honoratus* Lib. II. Prop. LXX & electrica corpora multo ait, igne constare & pingui succo, & ignem illum in hoc humidum viscosum perpetuo agere, ut id rarescens halitum etiam viscidum filatim & cum impetu emittat, ac tanto quidem promptius, ubi tersa prius corporis electrici superficies, & obstructio pororum sublata fuerit. Hæc filamenta porro per impetum illum valde tensa, ac interim, ob lentorem suum, extremitate altera poris electrici corporis adhærentia, vel rumpi vel in se reduci instar chordæ valde tensæ; & hoc posterius ubi contigerit, simulque altera extremitas inciderit in minutissima corpuscula, quæ facile moveri possint; hæc ipsa cum redeunte filo adduci & succino affigi. Eandem sententiam tenere *Thomam Anglicum* Instit. Peripatet. Lib. II. Lect. 2, magna ex parte quoque *P. Kircherum* Lib. III. de arte magn. Par. III. cap. 3. simul attenuati & sic disjecti aeris, qui deinde rediens levicula corpuscula ad electricum corpus propellat, mentionem facien-



cientem ; Ipsum denique etiam *P. Schottum* priores duas sententias conjungentem, & in Honorati Fabri similiumque sententia id speciatim desiderantem, (fortasse tamen injuste) quod non explicent isti authores, quomodo, aut qua de causa, spiritus electrici revertantur ad suum fontem, h, e. ad ipsum corpus electricum è quo emanarunt; dum ipse putat dici posse, ideo eos redire. quod in paleam &c offendant, indeque reflectantur. Hæc omnia ita habere, patet ex *Magia sympath. p. 381.*

## EPICRISIS ECLETICA. circa enarratas superius Hypotheses.

### I.

**Q**uemadmodum inanes illi vocularum soni, & *occultæ qualitatis, sympathiæ, consensus, amoris, appetitus naturalis, similitudinis*, & id genus alia vana nomina, nunquam satiare possunt nostrum sciendi desiderium, nec ista refugia, ad nescio quas intelligentias, lapidum animas, aut causas supernaturales, in Physicis nunquam placuerunt, ubi scilicet de causa alicujus effectus reali & naturali quæstio est; ita quam attractionem vulgo dicimus, ferri scil. à magnete, aut magnetis à ferro, pælearum & promiscue rerum leviuscularum omnium, ab electro sive succino, aliisque similibus, ideo *electricis* inde denominatis corporibus &c. revera non tam tractionem aliquam, quam coitionem illorum corporum, ab externo pulsu & impetu oriundam esse, cum *Platone Alexandro Aphrodisæo, Simplicio* &c. *Cartesio* item & modernis hodie plerisque philosophis, nobis penitus persuademus; ideo maxime, quod verus ac distinctus tractionis conceptus supponat (1.) *Trahens*; (2.) *Trahendum*; (3.) *vinculum seu connexionem* inter utrumque; & (4.) *Trahentis præitonem* aut *vinculi adductionem*, quam alligatum trahendum ex necessitate sequitur.

II. Jam, si de *electricorum* corporum effectibus primo loco hic denuo velimus dicere; facilis erit totius effectus ratio, si



seposita omni tractionis ullus cogitatione, cæteris, de quibus plerique consentiunt, (quod e. g. electrica corpora saltem olim visciditatem aliquam habuerint, ut vitrum ipsum, magis autem succinum, cera hispanica, gummata &c. quod (2) non operentur electrica, nisi fortiter adfricta, & hoc affricu calefacta fuerint, consequenter adeo aërem vicinum calidis & quodammodo viscidis effluviis repleverint &c.) Si his, inquam (3.) hodie demum experimentis infallibilibus detectam aëris gravitatem & elasticam virtutem adjungamus, quod e. g. ubicunque aliqua ejus exigua saltem portio tantillam in elaterio suo mutationem ac debilitationem patiatur, reliquæ vicinæ portiones, quarum vis elastica salva est adhuc & integra, ad locum illum debilitati elaterii undiquaque confluant ad aëris æquipondium accuratissime restituendum. Hoc, inquam si adjunxerimus, omnes aliæ, quæ hætenus superfuerunt difficultates uno quasi flatu dissipabuntur. Etenim, si paleis, chartulis, pulveribus, aliisque reculis levissimis, succinum, probe prius adfrictum propius admoveris ad aeris pauci portionem effluviis illis tantillum debilitatam affluens undique vicinus aër integro suo adhuc elaterio ad succinum ruens, levicula ista eodem una propellit.

III. Quid vero de magnete & ferro nunc dicemus, quibus effectus plane similis intercedit, etsi nulla hic frictione opus est, ad elicienda ejusmodi effluvia, nec tamen plus hic mysterii quam in succino supponendum est, aut comminiscendum. Scilicet ex magnete & ferro effluvia corporea ultro copiosa, & perpetuo quidem emanant, quæ ex terræ polis advenire illa acum magneticarum ad viciniorem polum inclinatio suadet, imo ille ipse gyros vel vortex magneticus, circa quemvis magnetem in scobe ferrea gigni visibiliter solitus, de quo num. XIV. Hypoth. superiorum actum est, non solum effluvia illa manifeste arguit. Sed id quoque docet, effluxum hunc magneticum non adeo longe à magnete recta excurrere. Sed fluxu facto ad oppositum polum utrinque tendere, indeque esse, quod magnetum duorum effluvia se invicem non attingant, nisi in notabili vicinia, & tunc demum longius in rectitudinem ex-

cur-



currant, quod in utroque magnete, qui in utroque magnete poros inveniunt, per quos facilius, quam per apertum aërem profluere queant; ita ut binorum illorum magnetum vortices, in hoc casu viciniae sufficientis, in unum coalescant, juxta num. XV. superiorum hypoth.

IV. Hoc autem semel dato, sequetur eodem modo quo in succino satis vicino post affrictum spatium intermedium inter vicinos magnetes, nullo etiam affrictu præcedente, per reciproca utriusque effluvia, sic repleri, ut aeris in illo elaterium necessario imminuatur, & consequenter aeris ambientis adhuc integrum elaterium hunc in locum imminuti ac debilitati protrudat, & simul utrosque magnetes ad se invicem, si utrique libere pendeant aut natent, vel pendulum aut natantem unum ad alterum fixum & immotum. Id quod insuper experimento quodam eleganti & facili, hic paulo distinctius iterando, pag. 468 Part. generalis ex figura illius XIX illustravimus. Nimirum tubo cuidam vitreo transverso A B indidimus duos cylindrulos ligneos ad A & B ea laxitate vitri ac cylindrorum gracilitate, ut hi intra illam commode quovis aeris flatu moveri possent: Perpendicularem autem tubulum C D cupreum superne ad C (ubi transversus vitreus infra fissura quadam seu rimula hiabat) cera solícite munitum, ita ut rimulam dictam sua cavitate includeret, imposui epistomio exhausti per anthiam recipientis, ceraque ad D quoque probe munivi. His ita præparatis, cum epistomium recipientis infra D revolverem, aere inter cylindros medio per rimulam à tubo cupreo C D comprehensam in recipiens vacuum subito descendebat, eodemque momento, aer externus ad A & B, cylindrulos ligneos ad medium locum, pene evacuatum subito compellebat; ut hoc pacto coitionis illius causam, sine omni tractione, haberemus ex hypothesi Cartesianæ evidentissimam.

V. Quod si nunc vim *directivam* quoque ex eadem hypothesi derivare posse desideremus; id primum non video quomodo negari possit, illam totius globi terreni constantissimam

A a a a a a 3

cum



cum suis polis in coeli polos directionem ab aliquo influxu corporeo ab his in istos constantissime dependere; de quo influxu fusius egimus hujus Tomi II. Sect. II. Artic. IV. Cap. II. de magnorum mundi corporum magnetismo. Magnetum autem directionem ad terræ polos vix aliunde, quam supposito illo circa terram diffuso vortice magnetico quem num. XI. superiorum hypoth. ex Cartesio descripsimus, & seq. num. XII. specialius applicuimus, deducere poterimus. Tametsi vero scrupulus *Domini Mallement* num. XVII. circa finem propositus, me ipsum quoque, ut ibidem fateor, non parum urserit; crediderim tamen, magnam adhuc differentiam agnoscendam esse, inter huiusmodi vorticem magneticum circa terræ vastum corpus diffusum, & inter illos parvulos qui circa quemque parvulum magnetem particulariter formari concipiuntur. Hi enim, non nisi paucis materiæ magneticæ particulis constant, adeoque non nisi ab æque paucis succedentibus protrudi valent; ut vis inde valde debilis, vix circa magnetem longiusculum, nedum circa acum plusquam sesquipedalem, integros circuitus ab uno polo ad alterum absolvere queant; dum è contra vortex magneticus circa terram, ingens quidem spatium 2700 mill. germ. decurrendum haberet; quod in se quidem ingens, respectu tamen æque ingentis fluminis plusquam 1700 mill. lati, & innumera-bilia longi, in quo stupendæ magnitudinis undæ, una aliam indefinenter trudit, perexiguum æstimandum est.

VI. Priore vero dubio, de figuris particularum magneti-carum striatis & cochleatim, ibi quidem dextrorsum, hic sinistrorsum, detortis, (quam suppositionem non solus *Honoratus Fabri* rem ludicram & fabulosam judicavit) non est quod angamur. Nec enim opus est, ut in nostris hypothesebus physicis ad ipsas atomorum figuras præcise definiendas nos adigi patiamur. Sufficit, si phænomena particulas materiæ invisibilis diversas postulent, illam diversitatem generatim supponere, nec eo temeritatis abripi, ut ipsas etiam invisibilium particularum figuras, non dicam utcunque conjicere, sed à priori quoque demon-



demonstrare præsumamus. Hoc certe ex Phænomenis clarum videtur, in hoc negotio magnetico, influxus borealis & australis, ex coeli polo boreo, & opposito austrino in terram descendens, diversissimæ esse conditionis, ita scilicet ut uterque ab ipsa mundi origine in ferro & magnete alios aliosque meatus sibi formaverint; quo minus deinceps alter alteri in iisdem viis occurrere possent, seque mutuo impedire. Sufficit autem ad hoc obtinendum quæcunque generalis diversitas in particularum figuris, qua unæ alterarum meatibus subeundis ineptæ redditæ fuerint ex Conditoris beneplacito, quod ipsum quoque perscrutari præcisius fas non est. Et sane, vel centies aut millies credibilius est, ex diversis mundi regionibus, diversa etiam effluvia & magnitudine & figuris variantia in terram nostram, ex immensis intervallis demitti, quam eadem & magnitudine simul ac figuris paria.

VII. Quod si vero Honoratus Fabri striatas Cartesii particulas sive cochleolas admodum πλασματώδεις merito judicet & fabulosas non minori jure alius quispiam idem de ipsius acubus magneticis primigeniis, quæ eadem sui extremitate boream semper respiciant, & multo magis adhuc de catenis illis magneticis, harumque quasi spontaneis ac tantum non arbitrariis nunc explicationibus nunc contractionibus, feret judicium; insuperque & illud animadvertet, per hanc P. Fabri hypothesein, non explicari aut solvi quæstionem de virtute magnetis directiva & attractiva, sed de hac ad acus istas primigenias transferri, cum de his æque quæri possit causa, ac de magnetibus, quæ eas & in boream altero suo polo dirigi, & unas ab alteris attrahi, faciat? Quod si forte dicat, illas acus primigenias ex mero DEI beneplacito ita primitus in boream directas, & ad mutuas attractiones destinatas fuisse, hodie vero ista statuta DEI arbitraria, loco causarum secundarum & mediarum allegari posse; nescio annon perinde foret, si dicerem: magnetis borealem polum in boream, oppositum in austrum, dirigi, & magnetem vel ferum alteri magneti satis vicinum, cum hoc conjungi & cohære-  
re, ideo



re, ideo tantum, quia DEUS ita primitus hæc fieri voluerit. Id quidem certum est, quod materia aliqua existat, quod ea in particulas vel atomos divisa sit, & ex his formata corpusculatum elementorum, tum mixtorum primorum constitutiva, tanquam semina inorganica, præterea vero etiam rudimenta futurorum animatorum, tanquam proprie sic dicta semina &c. quod denique certam motus quantitatem materiæ huic impressam, ab una ejus parte in alteram transire deprehendamus, ea lege, ut quantum motus ab uno corpore in altero recipitur, tantundem illud prius amittat &c. Hæc, inquam, à mero Conditoris beneplacito dependere necessum erat; cætera vero ex his arbitrariis consequentia, motus impressi, interimque cum cæteris istis à DEO necessario indefinenter conservandi, tanquam naturæ cujusdam agentis effecta censentur, nunquam tamen cum istis arbitrariis communes proprietates (uti hic acus magneticæ & magnetes ipsi cum acubus illis Fabrianis primigeniis) habentia.

IIIX. Probabilius igitur adhuc manet, ex utroque terræ polo perenne quoddam effluvium emanare, quod & ferramentis istorum diu conversis, frequentiore suo transitu, paratisque adeo viis sibi proportionatis communicet, & per magnetum vias similes, intra terram olim paratas, promte fluens, horum quoque directionem efficiat: & esse quidem alterum effluvium ab altero (sive particularum figura, sive magnitudine, sive alio aliquo modo, quem à nobis determinari præcise non est opus) diversum supra num. VI. probabiliter ostensum est; ita quidem ut utrique influxus per aliorum corporum laxiores aut nimis angustos, insimul autem incurvatos forte poros promptius vel impeditius fluxerint, per mediocres autem & rectiores ferri magnetisque fibras, aptos sibi meatus, & in contrarias partes sic conversos sibi aptaverint, ut australis versus boream & borealis in austrum, promte se effundat, retro vero ire ab extremitatibus fibrarum & ramentorum obnixibus prohibeantur; ea fere ratione, qua per sepes aut vepreta, ubi semel iterumque erupimus,



pimus, faciliior est postea transitus, si eodem quo primum ductu iverimus, difficilior, si contrario.

IX. Quemadmodum ergo hoc pacto Cartesianas phænomenorum magneticorum ordinariiorum deductiones, non tantum Fabriana sed aliis quoque, & ingeniosiores & probabiliores in materia adeo abstrusa judicamus; ita vicissim in phænomenis declinationum magneticarum extraordinariis, à Cartesianà hypothesi, ob rationes prægnantissimas, discedendum nobis esse non possumus non judicare. Cum enim ipsæ varietatem illam declinationum à vera linea meridiana, non aliunde provenire credidisset, quam à diversa ferri magnetisque copia in unis, quam in aliis exterioris terræ partibus, velut intelligere est ex ejus Part. IV. Princip. num. vel Artic. CLXVIII. in quo *Gilberto* eandem secum hypothesein attribuit. Inde enim fieri putat, ut effluvia magnetica, ab interiori terra egredientia, majori copia versus quædam loca fluant, quam versus alia, sicque ab itineribus suis deflectant, & acus versorias una eo inflecti faciant: Et quia ferrum quotidie ex unis terræ partibus in alias ab hominibus transfertur, aliæque mutationes in hoc genere contingere possint, variabilem inde in uno eodemque loco concipi declinationem posse.

X. Hæc speciose sane dicebantur, quamdiu variationes declinationum irregulariter & inordinate fieri credebantur; quandoquidem quotidiana experientia testatur, directionem acum à solita linea facile deflecti, cum in vicinia dextrorsum aut sinistrorsum, ferramentorum quippiam collocatum fuerit. Verum cum Phænomena variantium in terris declinationum cæpissent animadverti ordinata magis & regularia; non poterat non causa etiam ordinatior ac regularior inquire. Industria enim & summa cura *Edmundi Halley*, Soc. Regiæ in Anglia membri dignissimi, ac terra marique expertissimi viri, ex theoria sive tab. variationis pyxidis magneticæ, quæ extat in Actis erudit. Lips. ad ann. MDC LXXXIV, p. 387 & seqq. hæc 1) collegit, quod in omni Europa variatio hodie sit occidentalis (quæ



quondam fuerat orientalis) & magis quidem in partibus ejus, quæ versus orientem jacent &c. 2) quod ad oram Americæ prope Virginiam, novam Angliam, ac terram novissime detectam, variatio itidem sit in occidentem, & in sept. euntibus gradatim major, 20 e. g. grad. in terra noviter inventa, 30 in freto Hudsonii, & 57 in sinu Baffinii; quodque navigando ab hoc tractu in orientem variatio minuatur. Ex quibus duabus thesibus, hoc infert 3) consuetudinem; Alicubi inter Europam & septentrionalem Americæ partem, orientalem variationem esse, vel saltem occidentalem nullam; id quod fieri videatur in orientalissima insularum Azorium.

XI. Quod 4) ad Brasiliæ oram sit variatio in orientem, in austrum pergentibus gradatim auctior, in insulis S. Helenæ & Ascensionis minutissima sit, ac prorsus evanescat, punctumque pyxidis exactum sit, 18 fere gradibus longitudinis in occidentem à Cap. bonæ spei &c. Ex quibus ac cæteris multis p. 391 attente legendis, hanc tandem theoriam sive hypothesein p. 392. formavit: *Universum globum terræ unicum esse magnetem, qui quatuor polos magneticos sive puncta attractiva habeat, duo ad quemvis polum æquatoris, & in illis mundi partibus, quæ parum ab aliquo horum polorum distant, acum ab ipso dirigi, ita, ut, qui proximus est, alterum remotiorem superet.* Conjicit autem interim, donec certior hujus rei cognitio suppetat, illum ex 4. dictis polis magneticis, qui nunc proximus nobis sit *borealis europæus* dicendus, septem fere gradibus ab arctico polo distare, in eo meridiano, qui extremam partem terræ firmæ sive continentis Angliæ transit: *Secundum borealem americanum* in eo meridiano situari, qui mediam Californiam transit, 15 gr. à polo arctico mundi remotus: duos autem polos meridionales observat longius ab antarctico mundi polo; *tertium* nempe *americanum australem* vocandum, 16 gr. quem acus sequatur in America meridionali, in mari pacifico, ac magna parte oceani æthiopici sub merid. 20 fere gr. à freto Magell, occasum versus statuendo: *Quartum* denique *australem*



*lem asiaticum* ad 20 gr. usque sub insula Celebes & novæ Hollan-  
diæ Meridiano, cujus potentia sit omnium maxima, quippe in  
septent. Africa se exerens, in Arabia, mari rubro, Persia, India,  
ejusque insulis, in toto itidem mari Indico à Cap. bonæ spei ad  
medium magni maris meridionalis, quod Asiam ab America  
divellit &c. &c.

XII. Non reperi hætenus vel in hac theoria publicis typis  
expressa, vel in literis Authoris ante hujus publicationem priva-  
tim ad me perscriptis, quod peculiariter desiderarem. Non in-  
congruum tamen existimavi, si conjecturam qualemcunque  
meam, pro ratione hujus theoriæ aliquo modo explicanda, hic  
expromam, ex illo scilicet primo omnis magnetismi fonte,  
quem in proxime antecedente num. VIII. è Sect. II. Artic. IV.  
Cap. II. iterato allegavi, petendam. Cum enim in Fig. XI ex  
polis nostri vorticis B B B & A A A materialia duo effluvia, ea-  
que diversæ conditionis, sibi obviam, & per diversas vias euntia,  
& per terræ non solum, sed reliquorum etiam planetarum cor-  
pora transeuntia, supposuerim, quæ telluris e. g. nostræ, sine  
fulcro in æthere pendulæ, constantissimam ad utrosque cœli po-  
los B & A directionem efficiant, (quid enim aliud fingere credi-  
bile liceret?) Subiit mentem, audita hac nova *Domini Halley*  
hypothesi vel theoria, nova quoque hæc cogitatio, annon pos-  
sibile credi possit, utrumque illum influxum ex B & A per terræ  
profunda 1700 mill. germ. transmissum, post objecta & supera-  
ta varia obstacula, tandem in duos quasi ramos divisum per ex-  
teriorem terræ crustam, in quatuor istis definitis terræ locis eru-  
pisse, & 4 illos terræ polos magneticos continue mutabiles  
constituisse.

XIII. Si quis commentum hoc mere arbitrarium forte di-  
xerit, commentum id appellari non refragabor, mere arbitra-  
rium id dici renuam. Phænomenis enim hæc talia supposita  
suadentibus, conficta sunt. Et est profecto melius, fingere  
quippiam cum aliquali probabilitatis specie, quodque occasio-  
nem saltem aliis rectiora cogitandi præbeat, quam nihil omnino



dicere, aut loco rerum inania fingere nomina, certe hoc figmento supposito, ulterius inferre licebit credibilem horum polorum mutabilitatem continuam, indeque ultro fluentem declinationis continuam variabilitatem. Novimus enim exemplis fluminum à recta via semel deviantium, illos flexus quotannis sensibilibiter mutari, & quidem in eandem partem; qua semel inflecti cæperunt; nisi novi quippiam ex improvviso intervenerit.

XIV. Ferrum nondum imbutum virtute magnetica, utroque magnetis polo indifferenter allicitur; quia meatus ferri, tunc adhuc indifferentes, utrique influxui æque facile aptantur. Ubi vero per adfrictionem magnetis unius poli effluviis aptati jam fuerint ferri pori; tunc alterius poli effluvia diversa, iisdem poris ut admittantur, fieri non potest, donec diu admodum hæc altera effluvia, novam in ferri poris immutationem causentur, ramencis ferri subtilioribus in contrarium quasi flexis. Antequam vero hæc immutatio pororum facta fuerit, ferrum pendulum aut alioqui libratum, à novis effluviis alterius magnetici poli repellitur potius, aut in orbem protruditur, quam allicitur: quemadmodum scilicet vepretum aliquod ab initio indifferens est ad percurrendum, sive à dextris sinistrorsum, sive à sinistris dextrorsum tentetur transitus; ubi vero ex una solum parte transitus ille eadem via sæpius iteratus, & iterando facilitatus fuerit; tunc adversa via per idem foramen transitum tentaturus, multam difficultatem & obnitentiam sentiet spinarum sibi in adversum inflexarum.

XV. Quod vero magnes ferro armatus tantopere corroboretur, ut multis vicibus plus possit continere, quam dum inermis est ac nudus; non aliam causam esse hariolatur *Gassendus* *Phyl. Sect. III. p. 135.* quam quia magnes ejus est texturæ, ut & quippiam semper intermixtum habeat, corpusculis magneticis & expoliri perfecte nequeat, neque proinde exquisitè contingere ob interceptos porulos; chalybs autem vel armatura ferrea, & textura puriore sit, adeo ut tota seu secundum totam substantiam, magnetica virtute imbuatur, & perpoliri exquisitius possit;



fit; adeo ut ferrum contingere per plures sui particulas possit? exinde autem fiat, ut quos radios magnes inermis huc illuc dispergit, ob porulorum facieculas, neque immittit directe in ferrum contactum, ipsa cassis ferrea colligat, iisque proinde pluribus, confertioribusque in contactum ferrum transmissis, ipsum vehementius revinciat, & licet mole grandius, nihilominus adhuc stringat? Dico autem ferrum contactum, addit, proximeve saltem admotum; nam magnes quidem armatus, majore vi pollet continendi, & consequenter evehendi aut abducendi, quod ferrum ipsi admotum fuerit; ac non procul tamen diffundit multiplicatam hujusmodi vim, cum etiam vel folio papyri interposito, hujusmodi vim non sis experturus: argumento sane, quod contactus præcipua quædam conditio sit. Quod idem cum *Cartesius* dicat num. CLXXII, non habeo quod utriusque ingeniosissimi viri consensui porro superaddam nisi hoc quod uti coitio ferri & magnetis sit ope virtutis elasticæ aeris ambientis; ita jam congressorum firmior cohæsiō ex eadem causa dependeat, præsuppositis scilicet hætenus dictis; ad eum scilicet modum, quo duo plana chalybea inter se arctissime cohærere supra in Artic. III. Sect. I. cap. IV. num. XXII. ostendimus. Quod vero insuper uterque armaturæ pedunculus eidem ferro gestando simul applicati, duplam vim exerant, quam unus solus, quis miretur?

XVI. Minuitur denique vis hæc magnetica, sive in armatis magnetibus, sive inermibus, etiam à rubigine, quæ meatus & vias influxibus præcludit & obstruit: tollitur ab igne penitus, quia hujus vis nimia ramentorum nexum & implexum, qui meatus istos, figuræ motuique particularum hinc inde affluentium appropriarunt, omnino rumpit & lacerat. Augetur contra & conservatur, tum situ debito, quia sic, continuato fluxus magnetici cursu, meatuum figura conservatur magis magisque, irino perficitur, tum scobe ferrea, aut panno rubro, cujus tinctura ex herbis supra mineras ferreas crescentibus &c. quia diffuens per magnetem virtus, in horum omnium poris



facilius admittitur, quam in aere, adeoque promptius fluit; tum denique aqueo humore, ideo cumprimis, quod ab aere, alias omnia corrumpentis & arrodentis, malignitate sic præservetur, &c.

## ARTICULUS II.

### Aquarum Ipecialiora quædam considerans.

#### CAPVT I.

#### *De Fontibus & eorum origine.*

##### I. PHÆNOMENA.

**P**HÆN. I. In Sect. I. hujus Tomi II. egimus prolixius Artic. IV. de elemento aquæ ejusque generalioribus, e. g. cap. I. de aquæ effectibus, proprietatibus & natura generatim, itemque de immersorum fluidis & humido innatantium phænomenis, quæque ad aquæ gravitationem separatim spectant: Cap. II. de mari ejusque salsedine, cum aliis marium generalioribus affectionibus: Cap. III. de æstu sive fluxu & refluxu marium: Cap. IV. de aliis marium motibus, præsertim illo generali & perpetuo ab oriente in occidentem. Nunc igitur restant specialiora adhuc consideranda; & in hoc I. capite, quæ circa fontes & puteos occurrunt notabiliora.

PHÆN. II. Fontium puteorumque, & consequenter rivorum ac fluviorum aquæ in eo maxime differunt ab aquis marinis, quod dulces sint ac salsedinis expertes; exceptis paucis hinc inde per varias regiones, etiam Germaniam nostram, reperiundis, è quibus sal coqui solet. Ejusmodi fontium & puteorum aquis falsis scaturientium plures, & prolixius quidem nobis describit *Athanasius Kircherus* Lib. X. mundi subterranei p. 225. *Primum* in superiori Austria Traunkirchii, ex relatione & sollicita omnium circumstantiarum descriptione Patris *Johannis Eiffert*: *Secundum* in Tyroli Halæ ad Oenum, ubi ex montibus



tibus non eruitur sal sub forma saxorum, uti Cracoviæ in Polonia & alibi, sed intra falsuginosa montium receptacula, areas elaborant, intra quas aqua dulcis derivata, paulatim falsugine terrestrium glebarum imbuta, deinde intra prægrandes sartagine cacabosque per rivos deducta in salem excoquitur, teste Kirchero Lib. VI. mund. subterr. p. 360. cui jungantur quæ Lib. X. de Tyrolensibus salifodinis p. 227. & quæ loco priore de Salisburgo, & de cæteris oppidis, quæ à sale nomen Halæ, in Suevia & Saxonia obtinuerunt, monuit. *Tertium*, vel plures potius, aquarum salinarum fontes, in Burgundiæ comitatus urbe, *Salina*, vulgo *Salins* dicta; quorum fontium quatuor aut quinque, speciatim descriptorum, cum machinis suis haustoriis, figuralem delineationem opera sedula *Joh. Menecard* canonici, apud eundem Kircherum de mundo subterr. p. 228 seqq. videre est.

*PHÆN. III.* Et fontanæ aquæ ut plurimum ad montium aut collium radices scaturiunt, aliquando etiam ex altioribus acclivium aperturis: An vero, quod perhibent nonnulli, etiam in ipsis altissimorum montium cacuminibus (quale quid de *Meliboco* in ducatu Brunsvicensi, vulgo dem *Brockersberg* accolis dem *Bloksbarch*, aliqui referunt) fontes exiliant incertum esse videtur, & indubiis observationibus comprobandum prius, quam inter phænomena indubia reponatur. *P. Fabri* certe, ex ipso altissimorum montium vertice aquam fluere negat, sed aliquam semper montis portionem supereminere contendit Prop. CVIII. Lib. III. Tractat. VI, velut infra videbimus.

*PHÆN. IV.* Ordinarie quidem fontes ab ipso ortu parum aquæ fundunt, cum vicinis aliis scaturiginibus in rivulum, & confluentibus rivulis pluribus, in fluvium denique coituræ, nonnunquam tamen ipsa scaturigo magnam aquarum vim profundit, aut rivum verius vel fluvium. Videmus enim, inquit Kircherus mundi subtr. Lib. V. p. 227, & frequentissima experientia constat in innumeris locis, ubi ingentes amnes & flumina ex montibus suam originem obtinent, aquam non per modum



modum fontis ebullientis, sed instar vasti fluminis erumpere, & statim navigationi aptum reperiri, ut de fontibus Gangis, Nili, Padi, Rhodani, Rheni, aliorumque fluminum totius Geocosmi videre est.

*PHÆN. V.* Reperiri etiam fontes ac puteos, æstum maris imitari solitos, h. e. bis de die incrementa sua & decrementa accipere, testatur *Honoratus Fabri* Tract. VI. Lib. III. Prop. CX; ita scilicet, ut vel simul cum mari intumescant ac detumescant, ut unus in Gadibus, alter Burdigalæ, vel contra in maris accessu detumescant, intumescant in recessu: tales reperiri quosdam in Hispania puteos.

*PHÆN. VI.* Alios quosdam fontes, idem Auctor narrat, Prop. CX. pati æstum magis inordinatum, ac uno eodemque die frequentiore; quorum duos commemorat, alterum in agro Camberienfi, vix secundo ab urbe lapide; alterum in litore lacus Burgeri, in monasterio Alæ-Combæ, ut vocant, quod vix decem ab eadem urbe miliaribus distat. Nonnulli semel in anno incrementa habent maxima, idque vel statis temporibus, ut in fonte illo vallis clausæ, quam vocant, in comitatu Avenionensi, Petrarchæ nomine illustriore; vel incertis, uti narant de illo flumine, quod vulgo lupam appellant, in comitatu Burgundiæ.

*PHÆN. VII.* Modo commemoratum fontem, aut flumen potius vallis clausæ, vulgo *Vaucluse*, in agro Avenionensi, reperiundum, *Kircherus* anno 1631 se curiose observasse narrat Lib. V. de mund. subt. p. 236 his circiter verbis, quodammodo coarctatis descriptum: Est quatuor leucis Avenione distita vallis prorsus horrida, in qua domus in hunc diem spectatur, etsi diruta, in quam *Franciscum Petrarcham* olim, solitudinis amore poetico raptum, sæpe se contulisse ferunt. Non procul ab hac domo, intra undique clausam vallem, spelunca visitur, quæ dimidium annum semper sicca, in diversos profundos meatus, & hi porro (quorum maximus fine destitui creditur) in varios ramos distribuitur ut labyrinthum te ingredi jurares



jurares. Hiberno itaque tempore, totus hic tortuosus meatus, omnino siccus & arenis, mineraliumque quisquiliis constratus cernitur. Mox tamen eo tempore, quo nives in Delphinatis montibus, sive alpibus cotius liquefieri solent, tum ecce dictus meatus per os speluncæ, ingenti fragore, tantam aquarum molem eructat, ut impetu suo sex molas, ab ostio non nisi quinquaginta passibus distitas statim vertat; & quod mirabilius est, flumen una truttis aliisque piscibus, quos utique aqua subterranea secum adducit, mox repletur. Nivibus vero paulatim consurantis, flumen, induciis constitutis, iterum cessat; evanescentibus paulatim piscibus, defectum aquæ indies majorem præsentientibus. Cui rei mirandæ simile quippiam, paulo post de lacubus acturi, ex eodem Kirchero & aliunde narrabimus.

*PHÆN. VIII.* Et pleræque quidem aquarum scaturigines frigidae sunt & insipidae, aliqui tamen hinc inde ebulliunt fontes calidi, & aquæ reperiuntur passim diversis saporibus, ac virtute medicamentosa varia imbutæ, quas inter, hac quidem vice longius haut commemorandas, *Acidulae* sunt notissimæ, passim per universum terrarum orbem reperiundæ. In Germania nostra celebriores sunt, in finibus Bohemiæ *Egranae* prope Thermas Carolinas: *Gæppingenses* aliæque in Ducatu Würtembergico; *Suvalbacenses* in Hassia Darmstadiensi, sive inferiore Catimelibocensi, in pago scilicet Langenschvvalbach, differentia causa sic denominato; *Spadenses* in confiniis agri Limburgensis, quarum aquas ob egregiam vim medicam, ampullis fictilibus inclusas in Hispaniam usque transportari audivit Eduardus Brovyne in Relat. sui itin. p. 345. Tom. I. Supplem. Ut nihil jam dicam de mirificis ac singularibus quorundam fontium proprietatibus, quibus adnotandis, nimia Authorum credulitas effecit, ut Physici non raro circa fabulas ingenium & stylum exerceant, & cum chymæris, ut novi Bellerophontes, magno labore, fructu nullo, congregiantur; ita judicante P. Fabri Tract. VI, sæpius alleg. Lib. III. Prop. CXVI. sub init. in qua



tamen Prop. præter pauca, aperte falsa pronunciata, plura alia memorabilia narrantur & ad causas suas reducuntur.

*PHÆN. IX.* Præter Acidulas *Kircherus* Mund. subt. Lib. V. p. 247. enarrat longo Catalogo, *salsas, nitrosas, aluminosas, vitriolatas, sulphureas, æruginosas, ex calce & gypso, metallicas, bituminosas, mercurio infectas, ferratas, æratas & lapidescentes*; de quibus singulis deinceps seorsim agit, quorum loco nos hic ea ex *Hamelio* de Meteoris p. m. 18 & 19. enarrabimus, quæ valde compendiose, quarumlibet vires medicas aut noxias describunt; quod e.g. *acetosæ* urinam moveant, sudores excitent, vermes necent, sanguinis grumos resolvant, putredini resistent: *Salsæ* alvum turbent, superfluum educant phlegma, congelatum expellant sanguinem &c. sed cautionem esse, ne consumpta pituita, ventriculum & intestina exedant, scabiem & pruritus ingenerent: *nitrosæ* eadem, quæ *salsæ*, præstent, sed efficacius, abstergant magis quam adstringant, solvant alvum, scabiem sanent, urinam promoveant, arenulam extrudant: *Aluminosæ* multum adstringant & corroborent, sanguinis sistant profluvia, vesicæ & renum ulceribus medeantur, abortus mulierum inhibeant, humidiores alvum exsiccent, oris ulcera & gingivarum tumores sanent; extrinsecus vero, & balneorum loco usurpatæ exteriora curent ulcera, nervos resolutos confirmant, &c. *Atramentosæ* vehementer adstringant, cumque sint acriores, viscera exedant, tutiores, si extrinsecus usurpentur, ulcera maligna quippe & corrosiva sanantes: *Metallicæ*, quæ æris fodinas præterfluunt, iisdem fere virtutibus donantur; quæ auripigmento, vel Sandaracha tinguntur, vim acerrimam & maxime stipticam contrahunt; quæ ferri mineras alluunt, ventriculum firmant, obstructions hepatis & lienis recludunt, colicos dolores sedant, arenulas expellunt, exulceratæ vesicæ & morbo articulari salutare habentur: *Sulphureæ* superfluas humiditates exsiccant, ventriculum solvunt; sed balneorum usus tutior existit; nervos enim exsiccatos emolliat, dolores mitigat, articulare morbum, scabiem, seu maculas



las cuti insperlas curat; intus potæ, hepatis, ventriculi & lienis dolores sanant, tumores resolvunt. Balnea ex bituminosis aquis parata nervis frigore pene enectis vel exsiccatis prosunt, sed caput tentant, oculis nocent: quæ argenti, plumbi vel stibii fodinas proluunt, minus salubres censentur; nam viscera multo humore complent &c.

*PHÆN. X.* Aquarum simplicium differentias ex eodem Hamelio p. 20 annotamus: quo purior est aqua, eo quoque est salubrior, levitate & perspicuitate maxime cognoscenda, mixtæ enim & medicatæ graviores esse solent: gelidior gravis est, & cruditate sua officit; diutius quam par sit, morata in visceribus, putrescit & morbos incurabiles procreat: *Lutosæ* ac *coenosæ* aquæ viscera obstruunt, febres intermittentes procreant; crebro ideo ex uno vase in alterum transfundendæ, ut crassiorem deponant limum: aqua pluvialis, cum levis sit & perspicua, atque ipsius naturæ artificio jam distillata, omnibus videtur anteponenda; hinc cisternarum aquæ, nisi cessarent, optimæ judicarentur: Paludes & lacus aquam præbent minime salutarem, aqua fontana, quæ liberiore fruitur cœlo, longe salubrior est, quam putealis, istam enim nunquam aura liberior verberat. Hæc tamen eo minus nocet, quo sæpius extrahitur.

*PHÆN. XI. De Thermis*, qui copiosas legere relationes desideret, adeat Kircherum Lib. V. M. subtr. p. 260 per inseq. plures usque ad p. 273. inclusive, & primo quidem Thermæ Lusitanicæ, paucae illæ quidem respectu ingentis numeri fontium, in sola interamnensi Lusitania, non amplius quam 18 leucis longa & 12 lata, reperiundorum, qui ad 25000 assurgit, referente *Antonio Vasconzello* S. I. Theologo in Descript. Lusit. Deinde Hispanicæ p. 261. Gallicæ porro p. 267. Germanicæ p. 263 & seqq. Hungaricæ & Italiæ, ead. pag. 264 & seq 265. & speciatim Hetruriæ p. 266. Campaniæ 267. Siciliæ & Liparitanæ p. 268. Asiaticæ, Africanæ & Americanæ p. 269. quarum omnium specialia cum scire sit impossibile, multoque magis enarrare; solum illud universalissimum, de genuina causâ illius caloris, solicite hic inquirendum erit.



## II. HYPOTHESES PRIMÆ de Fontium origine generatim.

### I.

**F**uit jam olim recepta Philosophis antiquis opinio, elevatam a „Sole aquam, iterum plutam & congregatam, sub terra fluere, „ut ex ventre magno, aut omnes ex uno, aut alium ex alio: & „non fieri aquam ullam, sed collectam ex hyeme in talia receptacula, „hanc fieri multitudinem fluviorum. Quapropter & majores semper fluere hyeme, quam æstate, & hos quidem esse perpetuos, hos „autem non perpetuos: quorum enim propter magnitudinem ventris multa collecta aqua est, ut sufficiat, & non prius consumatur, „quam superveniat imber in hyeme iterum, hos quidem perpetuos „esse sine fine: quibuscunque autem minora susceptacula sunt, hos „propter paucitatem aquæ exsiccari antequam superveniat aqua de „cœlo, evacuato vase.

II. Hæc fuit antiquorum quorundam hypothesis, descripta verbis clarissimis *Aristotelis* Lib. I. p. m. 26. Meteorol. cap. 13. (al. 12) t. 41. qui hoc imprimis ipsi opponit, quod, si quis velit sibi ponere ante oculos ratiocinando, susceptaculum aquarum omnium, quæ quotidie & indefinenter fluant per totum annum; id quidem totam terræ molem excedere, aut ab ea non multum deficere sit conclusurus. *Seneca* vero multo plura objicit Lib. III. nat. quæst. cap. VII. & hoc inter alia: pluvias ultra 10 pedes in terram non penetrare, cum tamen in siccissimis locis putei in altum acti per ducentum aut trecentum pedum spatia inveniant aquarum uberes venas; majorem earum partem per alveos fluminum in mare auferri; aliqua flumina faxis & montibus erumpere; aliquos fontes in summo montis cacumine redundare &c.

III. Hæc tamen nihil morati, nuper admodum antiquissimam illam sententiam revocarunt *Isaacus Vossius* in Tractat. de Nili aliorumque fluminum origine cap. V. præcipue, & ante ipsum *Peireskii* apud Gassendum in ejus vita ad ann. 1623. quibus accedit quam proxime *P. Fabri* cum aliis; Fontes nimirum ut plurimum ex pluviis & nivibus oriri statuentes, (Vid de postremo Tract. ejus VI. Lib. III. Prop. CII) ac optimo providoque Conditoris consilio factum, ut ve-



ut vere quidem, autumnō & hyeme fr̄quentes imbres essent; summo vero æstu per siccam æstatem, nives hyeme lapsæ & vere in montibus altissimis adhuc conservatæ, fontibus humorem & materiam suppeditarent; id vero, quod *Senecæ* vinearum indigens fossor objecerat, de imbribus ad 10 pedes in terram non subeuntibus, nugæ appellantes, & ad ultimum illud *Senecæ* cum P. Fabri sine dubio respondentem Prop. CVIII. n. 2. se nunquam vidisse in ipso montium altissimorum vertice fontes salire; posito tamen, quod ita res habeat; ex alio monte excelsiore, per ductus subterraneos eo deductam aquam fuisse.

IV. Sane ex cæteris quoque Patris laudati, ut & Vossii & Peireskii fundamentis, ad objectiones alias quoque responsionem elicere facile dabitur; cum eas aquas, quæ profundius ingrediuntur montium latera, tardius etiam per saxorum quoque rupiumque fissuras erumpant, atque adeo diu post pluvias exsudent, & sic ad implendos fontium alveos sufficiant, dum novus imber, aut nix liquata succedat, longe majorem etiam (sic opinante Vossio cap. VI) imbrium copiam in montes quam in plana decidere; flumina perpetua pigre moveri, quod eorum ortus non sint sublimes, & alvei non multum declives; ridicule fluminibus certum aliquem unumque originis locum vel fontem quæri, quin potius (quod Vossius cum primis urget cap. V. p. 16.) quot rivulos quis invenerit à flumine quodam exceptos; imo quot guttæ pluviales cadant, aut in illos campos, aut in illos montes, quorum declivia latera aut planities, alveum versus inclinantur; totidem haberi principia, unde flumen aliquod constitutur &c. vero quam simillime supponunt.

V. Nec eos moratur Vossius (Cap. IV. p. 9, 10) qui sacrarum literarum sensibus abusi, fontē irrigatam fuisse tellurem urgent, priusquam ullæ descendissent pluviae, & Ecclesiastis evidentissimo testimonio, flumina è mari oriri, & denuo ad mare reverti, siquidem in prima rerum origine, cum primum discreta fuere maria à tellure, madida & humecta tellus æque amnibus & fluviis stillare potuerit, ac si copiosis imbribus saturata fuisset; Ecclesiastes autem commode intelligi possit de aquis pluviis, quarum præcipua origo sit è mari.

VI. Aristoteles autem, cum eam ipsam, quam modo exposuimus, hypothesin allegato loco rejecisset (si quis nempe hanc solam defenderet, ac eo sensu, ac si cavitates haberentur in terris, tanta aquarum copia simul & semel repleta, quæ postea sufficeret fontibus & fluminibus anno toto conservandis omnibus, nam alioquin esse quidem



aliquas cavitates intra terram, è quibus, postquam replentur in hyeme, aliquis accidat fluxus, expresse fatetur t. 42, (teste quoque Alexandri comment.) & t. 44. adhuc clarius) propriam porro exponens, ex aere vaporizante subter terram, aquas eodem modo, quo alias supra terram generari, ait, & sic guttatim ac filatim confluentes, fontes tandem, & horum plurium concursum rivulos, hos denique flumina constituere. Quæ quidem opinio *Honorato Fabri* quoque Propos. CIII. & CIV. ita placet, ut aliquos saltem fontes ex aere vaporoso, in cavitatibus montium liquecente, vel è vaporibus, ex aquarum subterraneis abyssis, ab igne vel calore saltem, subterraneo eductis oriri concludat; ad opera naturæ similia, in generandis imbribus, destillationibus capitis in corpore humano, aquas etiam arte chymica destillatas &c. provocans.

VII *Cartesii* eadem prorsus hypothesis est, quæ *Aristotelis*, nisi quod speciosiore eam nobis sistit, Part. IV. num LXIV; dum annotat 1) meatus terræ, per quos attolluntur vapores, esse angustos admodum, & per has angustias eos promptius ascendere, quam per apertum aerem: 2) Cum in aquas iterum, succedente frigore, coiverunt, ipsos per illas angustias, per quas ascenderant sub vaporis forma, non amplius descendere posse, sed latiores vias quærere, & aliquibi in terræ dehiscentibus rimis & hiatibus exitum invenire. Cæterum, quæ nos è *Cartesio* contractius, ipse vero cit. l. paulo prolixius exposuimus; eadem *Joh. Claubergius* Disp. Phys. XXXIV. per pag. plures distinctissime deduxit.

IIIX. *Athanas. Kircherus* autem in mundi subt. lib. V. istum quidem *Aristotelis* & *Cartesii* modum non rejicit prorsus, sed exornat etiam; negat tamen p. 229. illum unicum esse & generalem, aut sufficientem tot aquis perennibus gignendis: concedit etiam è pluviis & nivibus liquefactis fontes fluere, sed non perpetuos (p. 236, 237) in primis autem, fontes ac flumina à mari immediate derivaturus, supponit, canales ac siphones quasi hydragogos, non casu, sed destinato Conditoris consilio paratos, ac hydrophylacia ingentia sub montibus p. 230 & seqq. in quæ per illos canales aqua marina, nunc ventis, nunc impendentibus ac descendentibus nubibus, ab aeris etiam pondere ordinario, à Luna, influxu & refluxu &c. pressa, etsi humilior, attollatur tamen ad montium vertices, cum etiam altissimorum celsitudo, angustis canalibus pervia, ad ingentem oceani vastitatem non habeat sensibilem proportionem &c. quibus addit tandem alios adhuc modos gene-



generandorum fontium, sed minus notabiles, experimentis variis singulos exornare annixus.

IX. Quid de hujusmodi artificiosis machinationibus e. g. cochleis Archimedeis, siphonibus & fistulis hydraulicis &c. sentiat P. Fabri, vid. cit. l. Prop. CV. Quæ mens fuerit *Un. Mariotte* de fontium origine, libelli ejus gallici, du mouvement des eaux &c. Excerpta mea docent, scilicet aquam pluviam penetrare terram per canales exiguos per quos collecta aqua puteos conficiat; sed in colles & montes delapsam, & aliquo usque penetrantem, obviam frequenter habere terram argillaceam aut petrosam deorsum continuatam, per quam defluens aqua inferne demum prorumpat, fontemque constituat: id quod inde probat, quod pro mensura pluviarum aut siccitatis augescant vel imminuantur flumina; ita ut intra duos menses medietate sui fere deficient, & si continuetur siccitas per duos porro vel 3 menses, plurima prorsus exarescant, aliqua  $\frac{2}{3}$  vel  $\frac{3}{4}$  deficient. Sequanæ sæpe diminui sub æstatis finem  $\frac{5}{6}$  partibus suæ magnitudinis, quam habet post grandes pluvias, & sic alia majora flumina. Quod si quædam non ultra dimidium, vel tertiam partem imminuantur: id provenire ex grandibus receptaculis intra petras formatis angusto exitu: unde etiam non adeo crescant ex continuatis pluviis. Videat, qui poterit, libelli laudati pagg. 20, 21, 22 &c.

### III. HYPOTHESES SECUNDÆ de Thermis speciatim.

#### I.

**V**eluti pro fontium inenarrabili multitudine, & ex horum continuato confluxu, ingentium fluminum magnitudine deducenda *Kircherus* in mundo subterraneo Lib. V. supponit ingentia sub montibus *hydrophylacia*, sic Libro IV. vasta quoque *pyrophylacia* sive ignium flammantium collectiones fingit, pro montium ignivomorum & calidarum aquarum, sive Thermarum phænomenis declarandis. Nempe cum pervulgata sit sententia, imprimi illum calorem aquis, alioqui natura frigidis, ab ignibus actualiter sub terra ardentibus, sive ignis ipsis canalibus aquarum suppositus sit, & canales ipsos calefaciens præterfluentem quoque aquam calefaciat; eodem modo scilicet quo intra ollas ad focum luculentum fervere solet;



folet; fortassis in hanc eandem sententiam inclinare credetur cum hac sua de pyrophylaciis hypothefi.

II. Alia est opinio fatis vulgaris, non calefcere quidem aquam ob actualem ignem, sed ob virtualem seu potentialem, quem vocant: nempe eo modo, quo aqua incalescit propter calorem, qui in calce non actu sed potentia est; ita posse eandem incalescere à calore, qui bitumini aut sulphuri non actu sed potentia insit: Verum obstat (inquit *Gassendus* Phys. Sect. III. p. 54.) quod, quantumcunque aquam bitumini sulphurive affundas, aut aquæ bitumen vel sulphur infundas, nullum tamen sis sensurus calorem; quemadmodum sentis, dum aqua in calcem aut calx in aquam immittitur. Restat proinde (ita pergit) ut censeamus, calorem aquæ imprimi, dum canales præterfluit, ex halitu bituminis sulphurisve (aut, si quod est aliud simile corpus) concalefactos: adeo ut calorem perinde concipiat, dum per loca calida transit, atque concipit, dum tenetur, transferturve, per hypocausta.

III. Idem fere sentit *du Hamel* Phys part II. Tract. II. cap. III. de Thermis p. edit. Norimb. 423 ad quæst. Unde tantus in Thermis calor? Resp. cum Dn. du Clos, hunc calorem non ab igne subterraneo, sed ex vapore calido proficisci. Hinc thermarum aquam igni admotam non facilius ebullire quam aquam frigidam: quin & linguam non sic adurere thermarum aquam, quam aqua communis, quæ ex igne eundem caloris gradum nacta est: quod hujus caloris subjectum sit tenuis vapor, qui non tam alte linguæ aut oris partes penetrat. Intensum calorem pleraque mineralia simul mixta procreant, sic antimonium cum sublimato contusum impense calet, si floribus sulphuris, & limaturæ chalybis aquam frigidam affuderis, magnum calorem excitabis. Quocirca illud non abhorret à verosimili, puri aut impuri sulphuris, ut bituminis carbonum fossilium, & aliorum hujus generis mineralium fumos, qui è terra continenter erumpunt, hunc calorem thermis conciliare. Hinc sulphuri quiddam simile in puteis thermarum colligitur, ut Aquisgrani videre est. Interdum thermæ acidum & adstringentem habent saporem, quod aluminis, vitrioli, ferri quoque particulæ, iis admisceantur. In insulis Azoribus plures sunt thermæ, & multum fervidæ, magna enim in illis locis est sulphuris copia &c.

IV. Ejusdem prorsus sententiæ est *P. Fabri* Tract. VI. Lib. III. Phys. suæ Prop. CXV. causam & rationem hujus caloris ignorari non posse asserens: certum enim esse, aquam illam incalescere ab ignibus sub-



subterraneis : imo licet iis omnibus in locis , quæ calidis fontibus scaturiunt , nulla penitus sint ignis subterranei vestigia , in illis tamen terrarum tractibus , in quibus ignes subterranei perspicui sunt , fontes calidos fluere . Itaque neminem , nisi contumacem , negare posse , quin saltem in his tractibus , à prædictis ignibus , aquæ caliditas accedat ; adde quod aquæ illæ nunquam non præferant , tum odore tum sapore , aliquem ex illis fossilibus succis , qui alimentum idoneum igni suppeditant ; talia esse sulphur , bitumen atque huiusmodi diversa genera : quod vero spectat ad calidas illas fontium aquas , quæ in iis locis profluunt , in quibus nulla sunt ignis signa ; facile dico (pergit laudatus Pater) illum ignem tam alte sepultum esse , in profundissimis terræ cavernis , & tam firmo carcere coërcitum , ut nihil inde , nisi forte fumus exhalare possit . Porro hunc calidum aquis afflatum , talem vel odorem vel saporem conciliare ; aquas vero calefacere , quia , cum vel sub illis fornacibus , vel potius supra fornacem , illæ percolentur & fluant , mirum esse non debeat , si calorem istæ quasi summum concipiant : neque videre se , cur dici non possit , aquas illas ab iis tractibus , in quibus ignes subterranei flagrant , in alios per ductus subterraneos derivari , conservarique primum illum calorem , quia ab aere frigido ambiente nihil patitur , prout certe aqua calida in vase probe obstructo & clauso , calorem suum per multas horas conservat.

#### IV. EPICRISIS ECLECTICA

super enarratas hypotheses.

##### I.

**U**T de postremis hypothesebus nostram sententiam primum dicamus ; illud ante omnia certum indubiumque videtur , ignes subterraneos vere ardentes & flammantes , nullibi reperiri , nisi circa & prope spiracula vulcanorum , quousque scilicet aeri liber accessus patet ad materiam vel actu flammantem , vel inflammationi proximam . Experientia enim non inficiabilis testatur , flammam alii & conservari in occulto loco , ad quem liber aeri accessus denegatur , non posse ; ex ea maxime ratione , quod ad alendam ex materia inflammabili flammam plurimum valeat aeris incumbentis ingens pondus ,

D d d d d d d

à quo



à quo partes alendæ augendæque flammæ aptæ, ex ardente & magnam partem jam resoluta materia extrudantur, cum partibus jam actu flammantibus uniendæ. Illud igitur, quod *Kircherus* & *P. Fabri* de ignibus subterraneis, tanquam in profundissimis terræ cavernis ardentibus promunt, non nisi de vaporibus aut fumis & halitibus ignitis, actu quidem calidis, potentia vero tantum igneis, intelligendum erit.

II. Ab his calidis fumis & vaporibus cum aquis alias natura frigidis copiose admixtis, has ipsas quoque calefieri satis apertum est. Sed quia non solum calent aquæ thermæ, verum etiam pleræque magnopere fervent, (ita ut e. g. *therma Carolina* ob fervorem ab humano corpore, nisi refrigerentur, perferri non possint, in iisque ter quaterve intinctæ gallinæ aut sues, penas aut pilos amittant; teste *Bohuslao Balbino* in *Actis Eruditorum Lipsiensibus* ad ann. MDC LXXXII. p. 243. *Aquisgranenses* autem tanto fervore ebulliant, ut earum aquæ prius per duodecim horas ad tepescendum seponantur, antequam ad lavandum adhiberi queant; id ita testante *Eduardo Brovvn* M. D. in relatione itinerum suorum per varias Europæ partes, Tom. I. Supplem. Act. Lipsiens. p. 345. simul tamen ibidem confitente, non omnium ejus loci fontium calidorum eundem esse calorem) quia, inquam, pleræque thermæ notabiliter fervent; dicendum est, non solum ab ejusmodi vapore seu fumo calido, istas aquas etiam præterfluentes calefieri, sed amplius ab admixtis in isto vapore vel fumo calido portionibus scobis ferreæ aut florum sulphuris novam insuper effervescationis accessionem fieri; juxta ea, quæ in hypothesebus secundis num. III. dicta sunt.

III. Qualis nova accessio cum in via & progressu scaturiginis calentis subinde in diversis terræ locis contingere possit, vel alicubi etiam deficere, obviæ nunc esse rationes possunt seqq. circumstantiarum. I) Cur fontes calidi eodem circiter loco scaturientes, non polleant tamen eodem caloris gradu? quia, tametsi scaturigines ipsæ satis vicinæ fuerint, earum viæ tamen  
sub



sub terra occultatæ, possunt longius ab invicem deviare, ut earum aliquæ prætercurrere ea loca possint, ex quibus cæteræ nova fervoris augmenta capiunt. Quæ simul etiam 2) illius phænomeni ratio esse potest, quod aliquibus locis fons calidus & fervens, cum alio frigido, ex eadem terra erumpant, ex valde dissitis locis scilicet per vias diversissimas, per accidens & casu, ad communem aliquem locum una tendentes. Quod vero 3) ferventes aquæ, etsi longius advenientes, fervorem tamen suum plerumque servant; id non ex eo solum repetendum est, quod per vasa clausa aerisque externi frigori inaccessa fluant, sed ex eo quoque, quod, quantum per viarum longitudinem ignotam de suo fervore possent interim deperdere, id per novas, quas diximus possibiles fervoris accessiones facile possint restaurari.

IV. Jam quod spectat ad fontes frigidos & ordinarios, negari utique non potest, vel studio aliquo adhibito, vel etiam ipsa natura ita ferente, fieri posse, ut hic & ibi, in cavernis subterraneis, aer vaporosus in guttulas resolutus fonticulum aliquem & rivulum progignat, qui *modus* est procreandorum fontium *Aristotelicus*: vel ut aqua marina passim subter terram sese insinuans, ab illarum cavitatum calore sensim in vaporem exhalet, & per fornicum impendentium rimulas ac meatus in cavernas altiores penetret, & ab ambientium frigore in aquosas iterum guttulas confluens, sensim destillet, rivulosque quasi filatim constituens, horum pluribus deinde in unum confluentibus, sub fontis forma per aliquam terræ aperturam erumpat, qui est alter, *Cartesio* complacitus gignendorum fontium modus, in destillationibus chemicorum nimis aperte declaratus: in quo ne quidem opus esset cum Cartesio supponere angustos adeo terræ meatus, præ metu scilicet ne concreti in sublimiore loco vapores retro per apertiores hiatus ad aquas iterum originarias perpendiculariter relabantur. Ab hac enim cura nos facile liberabunt Chemicorum alembici & cucurbitæ, in quorum collis amplissimis sublatis invisibiliter plerique halitus, ad superos



alembici parietes frigidiusculos in guttulas iterum coeunt, nunquam tamen perpendiculariter in cucurbitam relapsuræ, sed lateraliter versus alembici rostrum confluxuræ.

V. At enim vero, uterque hic modus, etsi fontium generationi declarandæ haut inepti, illorum tamen fontium productioni, à quibus rivi, amnes & flumina promanant, ineptissimi sunt judicandi. Etenim si vel unius Danubii aquas hoc modo generandas consideremus, sex illum ostiis in Pontum Euxinum effundi novimus, quorum duo saltem sunt navigabilia, ingentis latitudinis, quæ singulis momentis, noctes atque dies, immensam vim aquarum in dictum Pontum evolvunt. Equidem si flumina omnia quæ inter eundem recipit, numero sexaginta, medio fere numero navigabilia pro ipsius fontibus cum Vossio habeamus, facile quidem concipimus, quomodo tantus fluminum, 30 navigabilium, totidemque minorum numerus, immensam illam vim aquarum tam brevi temporis spatio accumulare valeat: verum si singulorum horum fontium, imo si unius tantum, vel minimi, aquas evaporando ac distillando guttatim, colligi velimus concipere, quam tardam hanc collectionem futuram esse, judicandum sit, is deprehendet, cui vel semel intueri distillatoriam ejusmodi guttularum lentissime cadentium collectionem datum fuerit. Quod si nunc porro, loco unius Danubii reliqua grandiora, solius Germaniæ nostræ flumina, Rhenum, Albim, Vistulam, Viadrum, Virsurgim, Amisiam, quæque ab his recipiuntur vere innumerabilia minora, cogitare quis velit; has omnes, omniumque aliorum regionum ac provinciarum aquas stillatitia hac intra montium cavernas fieri solita collectione, expediri & accumulari posse, penitus incredibile & ἀδύνατον judicabit.

VI. Quod si maxime duobus hisce modis illos omnes jungamus, quos Kircherus alleg. loco operose congeffit & experimentis variis illustravit, quibus nimirum ipsas aquas marinas, fontibus multo humiliores, ad illos tamen immediate sursum



sum attollendas credidit; frustra tamen hac celeri licet plurimarum aquarum collectione, fontium scaturiginibus sufficienter adimplendis, consuluerimus. Aquæ enim ex ipso mari immediate ad fontes sublatae, aut quomodocunque expressæ, marinæ tamen forent, h. e. falsæ, cum aquæ fontanæ ordinarie præque omnes omni falsedine destituantur. Nec ad percolationem in terræ poris faciendam hic provocare licet, quandoquidem hanc percolationem toties studio tentatam, frustra tamen & sine sperato successu semper tentatam fuisse notorium est. Imminui quidem falsedinem percolando, omnem tolli, ut aqua marina potabilis evadat, nunquam compertum fuit.

VII. Restat igitur, ut ad aquas pluviales, niviumque liquefactiones, cum *Vossio*, *P. Fabri*, *Dn. Mariotte*, aliisque tum recentiorum tum veterum recurramus. Ex hoc solo fonte enim omnibus & perennibus & temporariis scaturiginibus, indeque porro replendis rivulis, rivis, fluviiis, amnibus ac fluminibus, sufficiens derivari aqua potest; si nimirum cum *Aristotele* (aut quisquis tandem autor libelli de mundo fuerit) ex hujus cap. IV. sub finem supponamus, ἐμπεριέχειν τὴν γῆν πολλὰς καὶ ἀπὸ ὕδατος, ἔστω καὶ πνεύματος, καὶ πρὸς πηγὰς. h. e. *Comprehendere terram intus multas, ut aquarum, ita ventorum, & ignis, fontes seu scatebras.* Per illas aquarum, nominatim intelligendo, receptacula aquarum pluvialium & nivalium per montium declivia, eorumque aperturas & hiatus demissarum, *Kirchero* Lib. II. Mund. subtr. cap. X. *hydrophylacia* dicta, & speciatim unum Asiæ præcipuum in regno Mogolis; alterum Europæ primarium sub Alpibus Rhæticis; Tertium Africanum sub montibus Lunæ, & quartum ex Americanis principale, sub Antibus, inter Peruviam & regnum Chili suppositum. Conferantur, quæ tradit *Varenius* Geogr. general. Cap. XVI Prop. V.

IX. Necessitatem ejusmodi receptaculorum seu hydrophylaciorum statuendorum imponit plurimorum fontium perennis fluxus, quem cessare tandem necessum esset, in diuturnis siccitatibus, nisi collecta in futurum aqua copiosior, per angustas



stas deinde petrarum rimas parcius distribueretur, & sic in longum tempus continuandis fontibus sufficeret; donec tandem cadens novus imber, aut lapſarum hyeme copioſiorum nivium lenta ſolutio, novum quaſi theſaurum aquarum in eadem illa receptacula recondat, metuendo defectui denuo, parca iſta collecti theſauri diſtributione, proſpecturum. Neque vero quisquam hominum unquam eo ſenſu conceperit ejuſmodi conceptacula in terris aquarum quæ ſemel aquis impletæ ſufficientem aquarum copiam ſuppeditatura eſſent omnibus in & ſupra terram toto anno fluentibus alveis (taliam enim receptacula ipſam totius terræ molem ſuperatura recte collegiſſet, juxta num. II. & VI. Hypoth. primarum) ſed præter illa primaria Kircheri per univerſum terrarum orbem hydrophylacia, quæ num. præced. commemoravimus, innumerabilia alia paſſim in montium cavernis & cavitatibus ſupponimus, eaque non ſimul & ſemel, ſed ſucceſſive, pluvialibus & nivalibus aquis adimplenda, ac ſucceſſive ruruſum evacuanda &c.

IX. Quibus ita ſuppoſitis, omnia fontium phænomena ſuperius recenſita ſuis rationibus haut difficulter muniamus. Nam 1) plerique fontes dulcibus ſcatent aquis, ex pluvialibus quippe & nivium reſolutarum aquis oriundi, exceptis 2) reſpectively multo paucioribus, qui vel ex mari vicino immediate aquas ſalſas recipiunt, ideoque etiam cum affluxu marium augeſcunt, cum refluxu iterum detumeſcunt; vel etiam dulces ab initio, in tranſitu per mineras terræ ſalinas, ſalluginem iſtam demum induunt, prout in ſalinis Hala-Tyrolenſibus, artis etiam conſilio interveniente, fieri ſolere, in *Phæn.* II. adnotavimus. Quod vero 3) aquæ fontanæ ad montium colliumque radices, vel etiam in medio declivitatum ſcaturiant, id ex eo procul dubio deducendum eſt, quod ſuperius imbibitæ uſque ad argilloſæ terræ ſoliditatem deinceps proruant ſuo pondere verſus inferiora, & ubicunque hiatum vel rimam terræ offendunt, iſthac erumpant, cumque fluidorum gravium communis natura ſit, deorſum tendere, nec ſurſum, niſi coacta eniti; nec ego mihi facile



facile persuaderi patior, in ipso summo montis alicujus vertice fontem salire; siquidem, qui talia se observasse credunt, non satis circumspexisse merito credendi sunt, annon ex alio, sive viciniore sive remotiore, ac tantisper altiore loco, scatebra talis, in ipso montis vertice ebullire credita defluerit.

X. Quod si, quæ 4) de fontibus Gangis, Nili, Padi, Rhodani, Rheni &c. narravit Kircherus in Phæn. IV. ita se habeant; judicatu facile est, istam aquarum copiam ex montium lateribus erumpentem, non esse ipsos primos illius fontes, sed rivum potius aut inchoatum jam fluvium, ex confluxu plurium fonticulorum, vel etiam rivulorum, intra montium abdita facto, oriundum. Cur 5) aliqui fontes & putei, cum affluente & refluxente mari simul reciprocentur? proxime antecedente num. IX. dictum fuit. Quod si 6) contrarium eveniat in quibusdam Hispaniæ puteis; ea certe ratio, quam P. Fabri Prop. CX. dedit, non contemnenda videtur; quod, si per multos ductuum & meatuum gyros, aqua per maris æstum in puteum traducenda sit, multum interea tempus effluat, ut vix aqua in puteo intumescat, cum jam ipsum mare detumescere incipit.

XI. Qui inordinato æstu, & frequentius quidem uno eodemque die intumescunt ac detumescunt fontes, illis 7) causa aliqua irregularis utique assignanda est; e. g. ventus aliquis interruptis vicibus in montis alicujus cavitatem, nunc majore nunc minore impetu intromissus, & aquam agitando extrudens, vel calor aliquis in montis cavo ex vicinis calidis fontibus obortus, qui aerem conclusum rarefaciens, aquamque subjectam premens, pressamque expellens &c. cujusmodi causas confictas, schematismo aliquo declarat, in Prop. CXI. Honor. Fabri, qui videri potest, cui libuerit. Qui vero 8) semel in anno magna sua incrementa statis temporibus habent, uti *Fons Vauclusius* Phæn. VI. & VIII. descriptus, in ipsa illa descriptione causam suam apertam habet, nives alpinas repente liquecentes; quæ in vicinam quandam piscinam redundantes, pisces inde secum abducunt, postmodum ubi defecerint iterum aquæ, pristinam sedem



sedem denuo quæsituros. Quod denique 9) non paucis locis terra calidissimas etiam aquas fundat, prioribus hujus epicriseos tribus num. fusc dictum fuit.

XII. Quæ tandem Phæn. IX. ac X. enarratæ sunt variæ differentiæ aquarum, quatenus valetudini humanæ vel profunt vel nocent; illarum rationes partim in ipsa narratione obiter innuuntur, partim ex Medicorum scholis plenius petendæ sunt.

## ARTICULI II.

### CAPVT II.

#### *De Fluminibus.*

#### *I. PHÆNOMENA.*

**P**HÆN. I. Plurium fontium confluxum rivum gignere, & plurium rivorum concursum fluviolum, tandemque fluvium & flumen cumulare, res in vulgus nota est, ideoque verissime à Vossio dictum existimamus, flumini haut facile unicum assignandum esse fontem, sed confluentes in ipsum aquas undecunque omnes, totidem ipsius fontes esse agnoscendos; adeo ut Danubii, Rhenique, similiumque grandiorum fluminum fontes tantum non innumerabiles censendi sint.

PHÆN. II. Hinc fluminum vis, ad instar famæ semper eundo crescens ingentem tandem aquarum copiam in singula momenta indefinenter effundit in maria, prout in Epicrifi superioris cap. num. V. inculcatum fuit; ut certum sit ex Danubio solo (non connumerato Borysthene aliisque minoribus innumeris) anno toto 365 dierum 5 hor. h. e. 8765 horarum spatio, vim aquarum adeo immensam ab Euxino Ponto recipi, quæ plurium saltem annorum decursu, ipsum universum Pontum Euxinum, vastum alias mare, exæquatura videri possit. Quod idem cum de mari Caspio quoque externe à cæteris maribus penitus separato dicendum sit; evidentissimum est, inter hæc



hæc duo maria subterraneam quandam communicationem intercedere: quemadmodum aquas pontum ægeo mari quoque sufficere ex eo colligunt, quod paleæ & ligna aliaque leviora, ex ponto in propontidem continue fluere observentur.

*PHÆN. III.* Quod si jam numerum inire liceret omnium navigabilium duntaxat per universam Germaniam fluminum, ut sunt Rhenus, Albis, Viadrus, Vistula, Amisia, Visurgis, Trava &c. quæ singula innumeros minores secum in maria & oceanos devehunt; per Hispaniam, Iberum, Bætium, Guadianam, Tagum, Durium, Minium, &c. cum accessionibus omnem numerum excedentibus; per totam Galliam, Garumnam v. g. Sequanam, Ligerim, Rhodanum, inter tres maximos totius Europæ computatam &c. cum omnibus suis appendicibus, & sic porro, per omnem Italiam, Helvetiam, Belgium, Daniæ, Sueciam, Britanniam, Bohemiam, Poloniam, Russiam, universamque adeo Europam, ulteriusque per cæteras Europa multo majores singulas vastissimas Asiæ, Africæ, & Americæ, quæque porro restant, incognitas terras: isti harum omnium, inquam, flumina, fluviosque minores & minimos, non dicam numerare, sed obstupescente mente obiter saltem æstimare daretur, una vero ipsam oceanorum immensam vastitatem & incomprehensibilem amplitudinem, satis perpendere & attento animo emetiri possemus; ea quæ sequuntur confectaria essemus agnitori, non humilioris tantum sortis homines, sed cæteri quoque, quos horum abominanda assentatio in eum locum evexit, in quo vix amplius se homines esse forent agnitori, nisi lex illa inevitabilis *moriendum est omnibus*, eos nimis apertæ hujus veritatis vel invitos convinceret.

*PHÆN. IV.* *Primo* hoc ipsum adeo nobis saltem, immensum aquæ elementum, immensam multo verius Creatoris sui magnitudinem potentiamque, & ex adverso potentissimorum etiam in his terris quos vocamus extremam impotentiam ad oculum demonstrare, utpote qui huic etiam indomito elemento dominari visi, omnes tamen cum omni sua potentia ne

E e e e e e e

unam



unam quidem aquæ guttulam, cæteris jam existentibus per divinam omnipotentiam, superaddendam producere valent, imo quod multo minus esse videri posset, ne unicam quidem aquæ guttulam destruere, deperdere, aut, ne supersit amplius, efficere. *Secundo* cum omnia flumina, una cum omnibus suis accessionibus in mare demum sive oceanos evomant, & incomprehensibilem aquarum vim in singula momenta effundant, idque jam non unum, non 10, non 100, non mille annos, sed à nato Christo saltem plusquam 17, à mundo condito autem plusquam 56 secula; dies noctesque continent; evidentissimum est, oceanos ex tanto temporum intervallo in immensum augescere debuisse, nisi, quot flumina in oceanos cum omnibus suis accessionibus jugiter effunduntur, totidem iterum ex oceanis in terras necessario refunderentur; ut de modo solum refusionis hujus cogitandum sit. *Tertio* cum flumina pleraque omnia aquas dulces, non salvas, in oceanos effundant, has ex tot seculorum lapsu aquis oceanorum salis continue admixtas, omnem illorum salsedinem dudum oportuisse penitus diluere & absorbere, nisi aliunde tantundem aquarum dulcium iterum ex oceanis, in restauranda perpetuo flumina iterum impenderetur, quantum cum ipsis fluminibus in oceanos continue effunditur: ut hoc pacto manifeste sit & evidentissime necessaria fluminum in oceanum, & oceani vicissim in flumina *Circulatio*.

*PHÆN. V.* Non solum autem supra terram ejusmodi ingentia flumina, mediocres item & exigui fluvii sunt decurrere, sed etiam infra eam in antris spatiosissimis & sub maribus ipsis reperiri, *Kircherus* in Prodrogo subterraneo demonstratum dicit, mundi subterr. p. 97. Pag. vero 119. & seq. memorantur fluviorum subterraneorum exempla; è *Strabonis* e. g. Lib. VI. juxta Metaurum Siciliae antrum esse testato, per quod ingens fluvius, diu longoque tractu alveo subterraneo percurrrens, tandem in apertum campum devolvatur; ex *P. Pais*, qui fuscè describat vastissimos & immensos specus Æthiopiæ, per quos Nilus & Niger, ingentia flumina, per subterraneos meatus longitudinis



denis inexplicabilis , altitudinisque incredibilis , submersi devolvantur; ex historia Americana , de montibus Andium narrante , quod in eorum visceribus , supra quam dici possit , horrida antrorum receptacula tantæ capacitatis inveniantur , ut integris regionibus in terrena superficie non cedant : In hisce quoque ingentes ingentium fluminum catarractas , tanto fragore & sonorum diversitate suas præcipitare aquas , ut nihil in mundo terribilius se audisse fassores testentur. Inter alia memoranda naviculam ibidem inventam fuisse , quæ unde & quomodo , in hoc intimum terræ receptaculum inuenta sit , neminem fuisse , qui conjecturare potuerit , compertum tamen postea fuisse , flumen hoc ex adversa montis parte centum quadraginta fere leucis in profundissima valle exitum invenire &c.

*PHÆN. V. I.* Fluminis non perennis exemplum vidimus cap. I. hujus II. Artic. Phæn. VII. Taliaque plura reperiri in Africæ præsertim arenosis desertis , legere me , nisi memoria fallit , memini , quæ in æstatibus siccioribus penitus deficere soleant. Illud saltem certissimum est , plerosque etiam grandiores fluvios fere quotannis , ad medietatem sui fere , vel  $\frac{2}{3}$  aut  $\frac{1}{4}$  usque imminui , aliquos etiam , qui intra 2 mensium siccitatem sui medietate decrescant , continuata porro siccitate per alios duos aut 3 menses etiam prorsus deficere ; Sequanam certe sæpe diminui sub æstatis finem quinque sextis suæ magnitudinis partibus , quam alias habet post grandes pluvias. Ac memini , cum anno 1660 Rheno secundo versus Hollandiam deveherer Coloniæ usque me delatum , non reperisse amplius naviculas , quibus inde Ultrajectum alias provehi solent peregrinantes ob vadosam Rheni humilitatem , sed carro Cliviam , indeque porro Arnheimium & Hardervicum deportari necessum habuisse.

*PHÆN. VII.* Econtra vero haut raro accidit , ut magna etiam æstatis siccitate & æstu præcedente , ex improvise flumina aggrandescant , prout ardente bello Gallico proxime superiore factum est , cum exercitus imperialis Rhenum superiore factum est , cum exercitus imperialis Rhenum superiore rem è regione Alsatiæ , invitis Gallis trajecisset , multa præda



onustus, vix regressum ad oras nostras germanicas inveniret propter Rheni una nocte subito grandiscentis insperata, nec prævila incrementa.

*PHÆN. VIII.* Inprimis autem notatu hic dignissimæ sunt plurium fluviorum grandiorum statæ & anniversariæ exundationes; qualis à Nilo flumine in Ægypto quotannis fieri solita, Europæis nostris jam antiquitus innotuit, quamvis vera horum incrementorum causa usque ad hæc nostra fere tempora plerosque latuerit, quo Vossius demum Lib. de Nili & aliorum fluminum origine Cap. XX. & ex illo Dapperus in descriptione Africæ germ. p. 59. eam patefecerunt. Inprimis annotat Dapperus p. 61. initium incrementi Nili fieri quotannis d. 26 vel 27 Junii statim post Solstitium, nunc biduo citius, nunc serius initio exiguis quidem incrementis, intra 24 horas vix 2 vel 3 digitos latos superantibus, quamdiu ☉ in ♄ commoratur. In ♄ autem ingressu, indies notabiliores observantur, primum pedem dimidium, & quod excurrit, dein ulnam dimidiam, & pedem denique integrum cum excessu, idque tam diu, donec ad summum pertingens, primum vicinos alveo agros humectet, dein remotiores inundet, tandemque universos Ægypti campos obruat, in mare quasi navigabile commutatos; id quod fieri solet, Sole circiter in ♄ medio existente, vel paulo serius. Quo magis deinde ☉ à signo ♀ (huc usque enim durat undarum summa altitudo) versus ♀ signum progreditur, paulatim subsidunt aquæ; donec ingressu jam ♀ Sole, Nilus intra confluetum alveum recipitur; ad apertis etiam tunc agrorum aggeribus, qui limum hætenus stercorationis ergo detinuerant &c. usque ad p. 63.

*PHÆN. IX.* Quæ de Nilo ejusque anniversaria exundatione hætenus dicta fuerunt, eadem de Nigro quoque recentiorum relationes confirmant, quod nimirum ob easdem pluvias Æthiopicas, (quibus Vossius, & ex eo Dapperus, & ante hos Gassendus Phys. Sect. III. p. 26, Nili exundationes adscribunt, ut postea videbimus) & quidem eodem tempore, eademque



que ratione, augeantur, qua Nilus teste modo laudato Gassendo cit. l. ubi & locum ex Plinii Lib. V. Cap. I. allegat, hoc ipsum his verbis confirmantem: Nigro fluvio eadem natura, quæ Nilo; Calamum & Papyrus, & easdem gignit animantes, iis. eodemque temporibus augefcit. Simile quiddam narrant alii de multis fluviis in India orientali; prout sane de ejusmodi incrementis fluminis *Menan* ante urbem Siam, mentio fit, in descriptione legationis equitis de Chaumont, nomine Regis Galliaë factæ, sed his additis circumstantiis; quod littus dicti fluminis uno eodemque anno ter aut quater inundetur, id quod, durante hac ipsa legatione, mense Octobri, nisi fallor, anno 1685 factum est.

## II. HYPOTHESES PRIMÆ circa fontes Nili & eorum genuinum locum.

### I.

**D**E Nili fontibus & origine, antiqua est controversia; & fuerunt quidem *primo*, qui eam unquam cognosci posse penitus desperaverunt, ex quibus adduxit *Ammianum Marcellinum*, *origines fontium Nili* dicentem, *sicut adhuc factum est, postera quoque ignorabunt atates*, & Poëtarum *Tibulli, Claudiani, Lucani*, querelas, Gassendus Phys. Sect. III. p. 23. Ubi postmodum, præter homines privatos in hos Nili fontes solícite inquirentes, etiam maximos principes pluribus recenset, qui his fontibus explorandis incubuerint, *Cambysem* puta Ægypto potitum, *Sesostriem* Ægypti regem, *Ptolemaum* item *Philadelphum*, *Alexandrum M. Neronem* denique, teste quoque Seneca Lib. VI. Quæst. nat. cap. 8.

II. Alii *secundo* fontes Nili varie conjecerunt. Et præter Scriptores sacros, ex Paradiso terrestri eum sub nomine *Gihon* derivantes, profani quidam ejus originem nimis longe repetierunt, ut *Pomponius Mela*, qui cap. 4. probabile putavit exortum Nilum apud Antichthonas, seu in alia zona temperata, subtermenso mari, erupisse tandem in continenti Africaë, in montibus Lunæ fortasse, quo



fere loco superiore ætate duos lacus *Zaire* & *Zembre* nominibus insignitos, tanquam oculos Nili posuerunt: alii nimis prope eam arcesserunt, ut apud Herodotum aliquis, ipsi asseverans, caput Nili esse in interstitio duorum montium, Syenen inter & Elephantinam urbeis. Alii Nilum originem habere dixerunt à monte inferioris Mauritanie oceano propinquo; quibus consentire videtur *Vitruvius* Lib. VIII. Cap. II. sub fin. p. m. 156. Aliqui denique ut *Ptolemaus*, ponunt ultra æquinoctialem paludes duas ad sextum septimumque gradum, ex quibus Nilus profluat, & quarum jam supra mentionem fecimus.

III. Nobis quippiam clarius jam constat, subjungit *Gassendus* in fine p. 23. etsi res non est plane in confesso. Nam constat quidem oriri Nilum apud Æthiopas, Abyssinos dictos, ac in eo regno, seu provincia, quæ dicitur Goyama; sic enim Davides Rex Abyssinorum indicavit iis literis, quas ad summum Pontificem Clementem VII. & Emanuele Lusitanie Regem, ante sesquiseculum fere scripsit; sic testante quoque *Francisco Alvarez*. Verum tamen incompertum est adhuc tum quis sit verus regni Goyamæ situs, (neque enim ulli istorum geographice descripserunt) tum an isti, seu paludes, seu capita Nili proxima sint, an magna quædam aquarum copia ex montibus Lunæ eo colligatur.

IV. Atenimvero *Isaacus Vossius* in peculiari tractatu de Nili & aliorum fluminum origine cap. XVI. p. m. 53 & seqq. Fontes Nili quod attinet, quamvis infiniti propemodum sint, præcipuos tamen & maxime conspicuos esse dicit illos, qui in tabula, quam ibi subjunxit, signentur. Remotissimos & maxime australes esse asserit, qui constituent flumina *Maleg* & *Anquet* circa 10 circiter gr. lat. septent. ortos in provincia Damut, ac deinceps confluentes & efficientes maxime occidentalem Nili alveum, nomen Maleg servantem usque quo, post decursum 80 minimum leucarum spatium, conjungitur medio Nili alveo, qui inter omnes præcipuus habetur, circa gr. lat. 15. Hunc medium Nili alveum oriri dicit in terra Sacchala, cujus incolæ vocentur Agaus; qui ortus referri deberet, inter 12 & 13 gr. latit. Hic flexu facto in sept. dimid. fere gr. inde porro versus orientem deflectens & lacus Dambæ australiora transversim secans, tandem novo flexu in austrum longissime, fere usque ad gr. lat. 10 recurrens, in finibus regni Gojam in superioribus memorati, rursus in occidentem devians, & ultimo in septentrionem procurrens (postquam regnum Gojam undiquaque cinxisset) cum flumine Maleg, ceu supra dictum con-



conjungitur. Tertium denique Nili alveum maxime orientalem, fluvium *Tacaze* esse docet in regno Ancote ortum, aliquousque in occidentem, deinceps autem in septentrionem longissime procurentem, donec tandem, ita regnum Tigre præterfluens, & in via fluvio Mareb vel Marabo auctus, & ad regnum Dengni pergens, longe inde ad oppidum Jalac, cum duobus prioribus Nili alveis conjungitur.

### III. HYPOTHESES SECUNDÆ de causis incrementi & exundationis Nili in Ægypto anniverſariæ.

#### II.

**P**Rætermiſſis fabulis & probabilitate omni deſtitutis antiquiſſimorum ſententiis, quas Gaſſendus Phyſ. Sect. III. p. 25. & Seneca Cap. I. & ſeqq. Lib. IV. pluribus enarrant, *Thaletis Mileſii* opinionem, quam Philo judæus quoque, teſte Gaſſendo, Plinius item & alii non improbarunt, primo loco commemorabimus. Nimirum celebris hic Philoſophus, è ſeptem Græciæ ſapientibus unus, exundationem Nili retulit ad ventos Eteſias, quibus è ſeptentrionaliore Græcia in oſtia Nili auſtralia refantibus, aquæ fluminis repellantur impletoque alveo, per ſuccedentes etiam jugiter undas exundent: quæ ratio Lucretio certe Lib. VI. placuit, conſequenter etiam Epicuro placuiſſe verofiſimile fit. Secundo loco *Anaxagora* hypotheſis enarranda eſt, qui Nilum increſcere credidit, ſolutis nivibus, quæ in montibus Æthiopix, per quos montes Lunæ innui, exiſtimavit Ptolemæus; in qua opinione omnem vetuſtatem fuiſſe, teſtatus eſt Seneca Lib. IV. Nat. Quæſt. Cap. II.

II. Alii ad pluviales recurrerunt, ſed tripertiti *Democritus* ex nivibus borealibus ſolutis excitari multos vapores putabat, qui per ventos Eteſias in Æthiopix montes delati, illic concreſcant in pluviæ, ita referente Diodoro & aliis Lucretio autem eidem de pluviis, dicto modo ſuper Nili caput enatis ſubſcribente. *Secundo* Sacerdotes ſeu Philoſophi Memphitani, (Eudoxo apud Plutarchum ac Diodoro teſtibus) cenſuere Nilum fluere ex zona uſque temperata auſtrali. Quare &, cum ibi ſit hyems, dum nobis eſt æſtas, pari de cauſa increſcere Nilum ex frequentibus pluviis, qua apud nos fluvii per hyem  
mem



mem nostram intumescunt. *Tertio* Agatarchides Diodoro probatus, nihil aliud asseruit, quam in Æthiopiæ montibus pluvias existere toto æstivo tempore, atque ex illis augeri Nilum.

III. *P. Fabri* Tract. VI. Lib. III, p. 411. Inundationem Nili celebrem, neque Mercurio vel aliis stellis, nec nitro, quo solum Ægyptiarum abundet, tribuendam ratus (quod Mercurius ne unam quidem aquæ guttulam, nedum tantam aquarum vim attollere possit; & nitrum aquæ vase contentæ admixtum, illaque mixtura Soli vel Lunæ, atque adeo toti cœlo exposita, nihil tamen intumescat) eam ex multiplici capite procedere judicat; 1) ex liquatione nivium tum Atlantis tum aliorum montium: 2) ex maxima imbrium frequentia, qui mense Martio & Aprili in extremam Æthiopiam decidunt: 3) ex adverso Etesiarum flatu (nam per id tempus eos flare solere) non quidem, quod marinam aquam per fauces Nili impellant, sed quia velocitatem aquarum minuunt, & fluminis cursum retardant, ut ad 18 sæpe cubitos, nonnunquam autem ad 12 tantum, intumescat. Cæterum fœcundationem agrorum Ægyptiorum relicto pinguissimo limo tribuit, quam *Gassendus* alleg. p. 26 in fine, & paulo post p. 32, cum doctissimo Cambræo; ad nitrum refert, in priori loco simul addens, ejusdem Cambræi sententiam esse, ipsam Nili inundationem ob nitrum fieri, quod in ea regione, ac in alveo Nili speciatim copiosum, ita vi caloris æstivi diffletur, ac velut ebulliat, ut ipsas Nili aquas intumescere & longe lateque exundare cogat.

IV. Non subscribens tamen huic sententiæ *Gassendus* paulo ante dicit, nostra ætate jam innotuisse, causam incrementi germanam esse pluvias, quæ à medio circiter Junio in Septembrim usque in Æthiopia vigeant. Nempe tunc illis hyemem esse, quæ à fine circiter Maji ad ineuntem Septembrim duret, testibus Alvarez, Fernando & aliis. Neque vero necesse esse pergit, ad argumenta respondere, quibus hæc sententia sit pridem ab Aristide impugnata; sufficere enim illis tam multis unam opponere experientiam, Quod si vero quis requirat, an causa illarum pluviarum vapores sint, qui illuc per Etesias ex Septentrione deferantur, dicit, rem videri incredibilem &c.

V. Nullibi hæc hypothesis de pluviis Æthiopicis incrementa Nili causantibus, aut fufius deducitur, aut melius fundari videtur, quam apud Vossium in tractatu de Nili & aliorum fluminum origine, à Cap. VIII. usque ad XVI. inclusivè; ex quibus tamen potiora tantum, quæ ad præsens negotium facere videbuntur, annotabo. 1) In Cap. VIII, p. 24 anni stationes contrariam in zona torrida, atque apud



nos servare rationem. Quemadmodum enim Sol remotissimus seu obliquissimus, hyemem apud nos & pluvias efficit; sic apud illos, qui intra tropicos habitant, Solem remotum æstates & siccitatem, vertici vero imminente, hyemem & pluvias inducere: idque ubique in illa zona sic obtinere, nisi ubi vasti montes cursum marini aeris, qui pluvias efficit, impediunt. Hoc confirmat amplius cap. IX. ac distinctius adhuc exponit in cap. X. Nimirum 2) illos, qui sub æquinoctiali habitant, gemina singulis annis habere tempora pluvia, Sole nempe ipsis imminente & in æquinoctio verno, & in autumnali. Qui 3) inter æquatorem & tropicum æstivum habitant, illos toto fere hoc spatio, quo Sol borealia illustrat signa, hyemem experiri: attamen illam hyemem non statim sed paulatim & successive ingruere, atque ita priorem hyemis partem, quam autumnum non male vocares. Posterior hyemis pars initium habet à solstitio æstivo, & successive pergens ad australiora, desinit circa æquinoctium autumnale, nempe circa finem Septembris, intensissimis imbribus cadentibus à medio Julio usque ad medium Augustum: quo præcipue tempore pleraque zonæ torridæ flumina in immensum crescunt. Post æquinoctium autumnale incipit illis æstas, seu ver potius, & præcipua æstas advenit post brumam, ac intensissimum æstum sentiunt boreales populi, Sole versante in ♋ &c. In australibus 4) populis omnia contraria contingunt, quæ Vossius pluribus deducit. In cap. vero seq. XII. excipit 5) loca quædam in zona torrida, in quibus, ex adductis ibidem causis, oppositum accidat.

VI. Initium ergo incrementi Nili (cum quo eodem tempore, non Nigrum solum, sed Senegam, Gambiam, & pleraque alia flumina quæ toto orbe in eodem, quo Nilus oriuntur climate, simul intumescere dicit, Phæn. adeo IX confirmans & extendens) quia supra jam ex ipso Vossio ac Dappero ad 26 vel 27 Junii retulimus, nunc in hoc cap. XIII. originem hujus incrementi indicat, pluvias nempe statas & ordinarias in Habassia, unde Nilum profluere superius probaverat, circa finem Maji vel initium Junii cadere quotannis incipientes; quæ quamvis ab initio non sint densæ aut continuæ, tales nihilominus sint, quæ ad humectandam terram & lubricandum fluminis alveum sufficiant. Quia vero quamdiu humilis est Nilus, tamdiu segniter fluat, ideo tarde admodum, & non nisi tribus quatuorve hebdomadibus augmenti hujus rationem in Ægypto percipi. Medio vero Julio & postea, quando pluvix in Abassia densæ & continuæ cadunt, tum demum incitari Nili cursum, crescente scilicet pro ratione altitudinis

Ffff fff

flu-



fluminum velocitate; quæ cum incrementum est in culmine, ad 18 aut 20 assurgens cubitos, cum tanta jam sit velocitate conjuncta, ut etiam 4 aut 5 dierum spatio Ægyptiis adsit; tametsi in ipsa Ægypto, præsertim inferiore, non adeo sentiatur illa rapiditas, ubi nempe latiore & humiliore exceptus alveo late terras inundat, ac propterea segnius fluat. In cap. XIV tempus durationis Nili, tum in Ægypto, tum in Abassia, definit; de quo jam in Phæn VIII. quædam monuimus. In cap. XV & XVI locum fontium Nili numerique ipsorum, in Abassia, ex quibus præcipua num. III. & IV. primarum hypoth., jam excerpimus, determinat.

## EPICRISIS ECLECTICA.

circa Nili fontes, ejusque & similium fluminum anniverfarias exundationes,

### I.

**Q**ui de germanis Nili fontibus explorandis olim penitus desperasse videntur. iis non defuisse causam hujus suæ desperatæ opinionis fortassis existimaverit aliquis, tum ob terrarum istarum, in quibus hi fontes quærendi credebantur remotam nimis, ac multis de causis inaccessam, aut difficillime saltem accessibilem conditionem; tum vero, vel maxime ex eo capite, quod magni adeo principes, qui num. I. primarum Hyp. recensentur, hanc explorationem, non sine multis impensis, frustra tamen tentaverint. At enim vero, etiamsi speciem haut exiguam habeant hæ rationes, non habent tamen tantam vim & ἀνάγκην ut ad desperationem plenariam adigere quempiam, jure quidem, possint; ideo quod naturæ miracula sint quidem omnipotentis DEI opera & effecta, quæ perscrutatu quidem difficilia esse mirari non debemus, neque tamen ideo statim perscrutatu penitus impossibilia judicare; cum exempla habeamus non solum in terris, rerum recte explicatu diu difficillimarum, quæ tandem tamen, indefessa præsertim hodierni seculi industria, communibusque consiliis, post superatas omnes difficultates, feliciter detecta fuerunt, qualia in superioribus multa vidi.



vidimus; sed etiam, quod magis mirum, in coelorum spatiis remotissimis, eclipsium solarium & lunarium, imo & aliarum plurium olim incognitarum aliorumque phæn. rationibus & causis infallibiliter reddendis; plurimum, sit gratia DEO, proficimus.

II. Tametsi vero ea, quæ num. II. prim. Hypoth. enarrabantur, partim omnino credibilia non sunt, quod nullum flumen in terris hætenus innotuerit, tantæ longitudinis (nec dum majoris) ut ab uno tropico ad alterum sese extendisset, & partim experientiæ manifestæ hodie adversa, quia Nili originem longe ultra Syenen & Elephantinam urbem exporrigi, itinera-ria abunde docent; partim etiam nulla fere ratione asserta, quia cum Nilus ab austro in septentrionem per Ægyptum directe profluat, nulla vel probabilis est ratio, quæ fontes ejus longe sinistrorsum ad montem inferioris Mauritaniæ, oceano Atlantico vicinum quærendos esse persuadeat, præter illam fortassis unicam, quod in illo Mauritaniæ fluvio crocodili, ut in Nilo, reperiuntur, quæ tamen illatio ἀσυνλόγητος est & sine consequentia.

III. Clarius quiddam utique est, quod *Gassendus* num. III. princ. hypothesium retulit; clarissimum omnium autem, quod *Vossius* num. IV. ex relationibus Lusitanorum de tribus distinctis alveis, in Abassiæ regno, hodie per *Galarum* vicini ac bellicosissimi populi, perpetuas irruptiones valde contracto, obortis omnibus 10 quidem gr. cis æquinoctialem, quorum medius cum sinistimo *Maleg* dicto, in ipsius Abasseni regni confiniis conjungitur, dextimis autem nomine *Tacazè* cum priorum confluyente longe ultra regnum Abassenum congressus, uno tandem communi Nili nomine in septentrionem excurrunt: ut hoc pacto de Nili fontibus primariis (qui multos alios secundarios secum in communem illum confluxum devehunt) nullum fere possit esse amplius dubium.

IV. Quod ad ipsa Nili incrementa Phæn. VIII. enarrata indeque consequi solitas agri Ægyptii inundationes anniversarias



attinet (rarissimus enim casus est, cum nulla penitus fit inundatio) *Thaletis* equidem & sequacium ratio, speciem veri haberet, si 1) nunquam incresceret Nilus antequam Etesiae spirent, nunquam econtra decresceret, nondum his cessantibus; quod utrumque tamen falsum experientia testetur: 2) quod spirantibus licet Etesis, Nilus nihilominus manifeste observetur influere in mare. Quæ tamen ratio videri posset aliquam pati exceptionem; quandoquidem Etesiae placidius spirantes possent quidem aliquantum retardare Nili influxum in mare mediterraneum, ut interim non omnem cohiberet: quo dato Nilus ex hac parte retardatus, ex opposita vero acceleratione sua vehementius instans, undas suas in latitudinem expandere cogeretur. Interim tamen 3) hæc etiam ratio sine dubio valeret, quod intumescencia Nili non fiat major aut minor, pro ratione Etesiarum vehementius aut remissius contrasantium: quod item 4) idem non contingat in aliis fluviis, quibus Etesiae adversi spirent: quod 5) flumina à septentrione fluentia (ut e. g. Nabus in Danubium descendens, à ventis oppositis non ita repellantur; imparibus scilicet ventorum flatibus, non nisi aquarum superficiem stringentibus, ad obsistendum tantæ profunditatis moli ponderique.

V. *Anaxagoræ* hypothesin jam Herodorus suo tempore modestissimam quidem, at insimul falsissimam vocavit; quod, si intelligatur Æthiopia nostri respectu superior, sive Ægypto propior, illa sit eo præsertim tempore quo Nilus crescit, calidissima & nivium expers, quod venti inde calidi spirent: quod homines ibi nigri sint, præ nimia adustione: quod grues & hirundines illuc hyematum se conferant. Sin ulterior Æthiopia, circa montes Lunæ intelligatur, tunc addi posset cum Gasendo, Solem tunc esse ab illis regionibus remotissimum, cum isti nives ibi solvi contendunt. Quæ ultima ratio recte utique haberet, illæ superiores autem parum concludere videri possent. Licet enim regio illa citerioris Æthiopiæ in planis & humilibus locis sit valde calida, in editissimis tamen montibus posset



posset esse frigus sufficiens ad gignendas & ad hoc solstitii tempus usque conservandas ibi nives, prout certe hujus rei evidens habemus exemplum in Helvetiæ alpibus, quarum nives circa, vel post solstitium æstivum liquecentes Rheni subitanea mense Junio augmenta causantur.

VI. Quicquid vero hujus sit, illa tamen hypothesis, quæ ad pluvias Æthiopicas totum hoc negotium refert, nobis præ cæteris arridet, non quod opus esse putemus, cum Democrito vapores, ex solutis in borealibus regionibus nivibus copiose collectos, Etesiarum interventu in Æthiopiæ montes amandare, illic in pluviam resolvendos; neque cum Sacerdotibus aut Philosophis Memphitanis apud Diodorum, istas pluvias ex zona usque temperata australi accersere; sed quod Agatarchidem cum Diodoro probantes, nihil aliud asseramus, quam in Æthiopiæ montibus pluvias existere perpetuas toto æstivo tempore, atque ex illis augeri Nilum; maxime, si per Æthiopiam intelligamus citeriorem illam, quæ regnum Abassenum constituit, cum adjacentibus regionibus, in quibus pluviae hyemales regnant eo tempore, quo Sol in signis borealibus existens, ac circa solstitium præcipue, nobis & Ægypto quoque æstatem facit; prout nimirum num. V & VI. Hypoth. secundarum ex *Vossio* rem totam narravimus; cum quibus fere consentiunt, quæ *Varenius* Geographiæ general. cap. XVI. Prop. XX. p. m. 256. seq. nisi quod pluvias paulo longius, ex regno Congi usque arcessit; de cætero plures alios fluvios, qui statò tempore ex causis similibus exundent, numero quidem duodecim, partim in Africa, partim in Asia, partim etiam in America, reperiundos, p. 258 & 259 nominatim enumerans.

VII. Quas inter cum expresse ac nominatim numeret fluvium illum, cujus ex descriptione legationis Gallicæ ad Siamesium regem, Phæn. IX. mentionem fecimus, *Menan* scilicet dictum & regiam Siamesensem præterfluentem, cujus exundatio contingat mensibus Septembri, Octobri, Novembri, quo tempore agri tecti sint aquis, & in urbibus plateæ, ita ut cymbis innu-



meris ab una domo ad aliam navigetur &c. in pagis autem (quod in illa legatione Gallica narratur) Nundinae anniversariae in navibus celebrentur, & rusticorum casae ad fluminis praedicti ripam super erectos altiores palos exstructae extent. Cum, inquam, haec Varenius de fluvio Menan narraverit, capi non immerito, quae in dicta legatione commemorata legimus, quod litus dicti fluminis uno eodemque anno ter aut quater inundetur (jam ante mihi suspecta) tanto magis nunc in dubium vocare. Quod spectat antecedens VIII. Phæn., ejus plena ratio ex haecenus dictis facile petetur; quod nimirum statas pluviarum in singulis zonae torridae regionibus periodos necessario consequantur hujusmodi fluminum statae quoque & anniversariae inundationes: quemadmodum econtra in nostris regionibus, quorundam fluminum incerta & sine ordine ac regula facta incrementa, (de quibus Phæn. VII. actum fuit) ab incerta quoque imbrium niviumque colligendarum, & postea suo non statato quidem sed incerto tempore liquecentium, incerta ratione dependent: uti *Varenius* alleg. loco p. 259 & 260 quoque pariter existimat. Reliqua Phænomena, vel non postulant rationes, vel eas sibi jam admixtas habent, vel confectaria saltem sunt moralia praemissorum Phænomenorum.

## ARTICULI II.

### CAPVT III.

#### *De Lacubus, stagnis & paludibus.*

##### I. PHÆNOMENA.

**P**HÆN. I. Horum nominum acceptio non una eademque est inter Geographos. Quidam *Lacus* nomine strictius intelligunt magnam aliquam aquarum collectionem in aliqua mediterranei loci cavitate factam, sed quae fluvios alibi recipiat, alibi rursus emittat. Alii vero generalius accepta voce, quamlibet ejusmodi magnam aquarum collectionem lacus



eus nomine dignantur, sive recipiat aut emittat aliquem aut aliquos fluvios, sive minus; quo sensu laxiore *Varenius* utitur in *Geograph.* universali cap. XV. è quo non pauca in hunc locum transferemus. *Stagnum* autem ein *stehender See* dicit mediocrem solum aut parvam aquarum congregationem, in qua nullus fluvius manifeste, sive recipitur sive emittitur. Palus denique ein *Morast*/ein *Sumpf* oder *Meerland* ipsi dicitur, aqua in mediterraneo loco existens, hinc inde extantes & eminentes terras habens, vel etiam terræ immixta, quæ posterioris generis sunt, magis germanicis vocibus *Morast* oder *Sumpf* indigitari videntur; prioris autem generis aquosiores, *Lacuna* quoque germanice *Lachen* oder *Pfützen* / appellari solent; veluti vadosiores illæ aquæ, quibus urbs Veneta super defixos altissime palos incumbit *Laghune* incolis (maxime in aquarum refluxu) vernacula lingua dici solent.

*PHÆN. II.* Hinc in *Prop. II.* *Varenius* facit lacuum quatuor diversa genera; *Primum* eorum, qui nec emittunt nec recipiunt fluvios; quales, si parvi sint appellantur *Stagna*, uti paulo ante diximus, si magni & vasti fuerint, retinent plerumque *Lacus* appellationem. *Secundum* genus eorum est, qui emittunt quidem fluvios, at nullos recipiunt. *Tertium* eorum qui recipiunt quidem fluvios, at nullos emittunt. *Quartum* denique eorum, qui & emittunt, & recipiunt aliquos; ea quidem porro differentia, quod quidam ex his majores emittant quam recipiant; alii contra, quidam æquales præterpropter, nonnulli minores recipiant quam emittant & contra: Alii emittant aliquem eadem linea recta fere cum eo, quem alibi receperunt, alii in alia linea vel ad aliam plagam: quidam item plures recipiunt quam emittunt, quidam pauciores, quidam numero æquales & vicissim.

*PHÆN. III.* Operæ pretium nunc erit, singulorum horum generum aliquos speciatim enarrare, & *primo* quidem ex illorum numero, qui nec emittunt nec recipiunt fluvios. Hi vero vel parvi sunt aut mediocres tantum, iique vel perennes  
durant,



durant, vel æstate sicca exsiccantur, utrique stagnorum nomen solum ferentes. Talia in India visuntur, Varenio teste plurima, partim natura partim incolarum industria facta; quorum quædam milliare unum, interdum & duo, ambitu capiuntur, lapideo muro cincta, quæ pluviis mensibus implentur, ut æstivis mensibus sufficiant iis, qui longius ab amnibus & fontibus degunt. Quidam horum ex Nili, Nigri, similiumque exundationibus relictæ, incolarum aliquo studio muniti, ad limum stercorationis causa detinendum, ceu supra de Nilo monuimus, vel aliam etiam, cum Indis ante memoratis, forte communem ob causam. Perennes aliquot in montium fastigiis reperiuntur, ut in Bructero sive Meliboco, qui fontis nomine incautis forte illudit, & in Ceniso, inter Sabaudiam & Pedemontium, prope Maurianam vallem & agrum Segusinum, cujus lacus etiam truttas alere dicitur. Præter hos pauci aliquot & parvi reperiuntur in Moscovia & Finlandia, unus rotundus in China & mediocris unus item in Zanhaga Africæ provincia; ad urbem Mexico in America unus, 12 leucarum longitudine, & alius non procul inde.

*P. HÆN. IV.* Unus autem ex hoc genere magnus in eadem America, & solus quidem in universa terra reperitur, omnes alios lacus superans, nempe *Parime* lacus in Guiana Provincia situs & latere suo meridionali ipsum æquatorem, testibus mappis Sansonianis attingens. Computant hujus longitudinem ab oriente in occidentem communiter 300 milliar, latitudinem centum circiter, ubi ea maxima: neque tamen ullum fluvium recipit vel emittit. De quo an penitus certi simus dubito: quis enim ejus ambitum unquam perlustravit? In Lexico Baudrandi certe Europæis tantum nomine & fama notus dicitur, cum ad hæc tempora nullus ex iis eo usque pervenerit. In Sansonianis profecto mappis unus & alter minimum fluvius ab occidente receptus depingitur.

*P. HÆN. V.* Secundum genus eorum est lacuum, qui fluvios quidem emittunt, nullos vero recipiunt, & horum quidem



dem numerus fere infinitus, plurimi certe in Moscovia, Finlandia, Lapponia, exorti visuntur, e. g. in Russia septentrionali, *Volga*, ex quo prima *Volgæ* fluvii origo; *Odojum*, ex quo *Tanaïs*: *Adac*, ex quo unus ramus *Tigris* fluvii: *Osera* in Moscovia, ex quo *Sosnam* fluvius in *Volgam* se exonerans &c. Ex majoribus est inprimis insignis lacus *Chiamay* sub latitudine 30 circiter gr. non procul ab India, à Gange versus ortum jacens; ex quo quatuor exeunt fluvii eximiæ magnitudinis, ac fertilitatis ex inundationibus, in regnis Siam, Pegu &c. nempe fluvii *Menan*, *Axa*, *Cosman*, *Martavam*; Blauiana tamen mappa generalis, parvum etiam fluvium in hunc lacum illabentem notavit; Simul autem ex majoribus lacubus alterum hujus secundi generis fluvium exhibet, nomine *Cincuy-Hay* in finibus Chinæ occidentalibus, qui magnum fluvium mittit versus septentrionem, ubi in via cum alio ex occidente veniente conjunctus, Chinam intrat. Alius porro lacus hujus secundi generis, nomine *Titicaca* invenitur in Charcas provincia Americæ meridionalis, habens 80 leucas in ambitu, qui magnum emittit fluvium in parvum iterum lacum terminatum, nec ultra visum, multis interim circa illum lacum pagis & urbibus conspiciendis. Superfunt *quartus* secundi generis lacus in Nicaragua, ejusdem nominis, parvo à mari pacifico, magno vero ab atlantico mari intervallo, in quod effunditur magni fluminis alveo; *quintus* item *Irequois* lacus in Canada, ex quo fluvius S. Laurentii; quamvis in tabula Sansonis recentiore ex alio lacu *Ontario* dicto ille fluvius derivetur; ac denique *sextus* in Asia Annibi ductus, sub lat. 61 gr. in Asia Blaviana, ubi fluvium satis grandem in oceanum septentrionalem effundere cernitur.

*P H Æ N. VI.* Tertium lacuum genus comprehendit eos, qui recipiunt fluvios, nullos autem emittunt; qualis est (non Nicaraguæ oppositus, ut Varenius in Prop. V. existimat, & per errorem asserit) sed is 1) qui *Titicacam* in provincia Charcas absorbet; 2) *Lacus Asphaltites* in Palæstina, qui *Jordanem* recipit, nullum autem emittit, ipse interim à septentrione in au-

Gggg ggg

strum



strum 70 milliar. longus, non nisi quinque vero latus quorundam opinione. 3) Unus in Asia minore parvus; 4) itidem parvus in Macedonia, nomine *Janna*, non nisi exiguos rivos recipiens: 5) Lacus *Genevensis*, qui Rhodanum recipit, non vero emittit, tanquam alium, sed verius unum & eundem transmittit; 6) in Persia lacus *Burgian* in finibus magni Mogolis, prope Calchistan, complures magnos fluvios recipiens, nullos autem, vel parvum solum unum & alterum ex opposito rivum emittens. 7) *Soran* parvus lacus Chelmiæ in Moscovia, non nisi exiguos quosdam rivos recipiens.

*PHÆN. VII.* Quartum denique lacuum genus illi constituunt, qui & recipiunt fluvios & emittunt, non transmittendo solum eosdem, cujusmodi Niger quatuor vel tres minimum, Nilus plurimos in itinere suo facit: Duina fluvius sex vel septem transit; Alii vero in Moscovia, Finlandiaque cernuntur in mappis magnis sedecim lacus efficere antequam ad ostium perveniant. Verum illos hic præstat considerare, qui alios emittunt quam receperant, eosque magnitudine insigniores; Ut sunt:

1) Lacus *Zaire* in Africa, inter decimum tertium & sextum gr. latid. australis, longitudine 105 mill. exæquans, in cujus medio jacens insula ejus magnitudinis, ut 30 hominum mill. in bellum cogere ferantur incolæ, quasi bifecat lacum, ita ut australior pars pro peculiari lacu habeatur, *Zembre* dictum; tametsi multa forsan circa hos & *Zaflan*, aliosque hoc loco poni solitos, dubia videri possunt. 2) *Onega* lacus in Finlandia 45 mill. longus, latus 30; Accipit multos parvos & mediocres fluvios ex aliis lacubus parvis prodeuntes, & emittit mediocrem fluvium *Sucri* in lacum *Ladoga*; 3) Lacus hic *Ladoga* 30 longus, 15 latus, Russis non nisi quinta parte reliquis Suecis subiectus, totius Europæ amplissimus, accipit fluvium *Sucri* ex *Onega*, & ab aliis locis plures minores; exonerat se in sinum finnicum, mediante *Nieva* fluvio. 4) *Enarack* lacus vel palus in Lapponia, longus 40 mill. latus 15; recipit *Avilam* fluvium



vium & alios minores : emittit fluvium in Lappicum mare. 5) *Ula* lacus in Moscovia, vel secundum Baudrandi Lex. in Bothnia orientali, longus 30, latus 15 mill. Accipit fluvium per 10 lacus transeuntem, & emittit insignem. 6) In *China* quatuor narrat *Varenius* insignes lacus, qui fluvios recipiunt, & varias in partes rursus distribuunt; pariterque 7) in *Brasilia* est lacus *Eupana*, qui recipit plures fluvios, & emittit argenteum.

*PHÆN. VIII.* Utrum Caspium mare, quod nunc vocatur, verum mare sit & oceani pars, an lacus potius cum *Prolemaeo* sit dicendus, quæritur? *Varenius* hoc posterius probat, cit. l. Prop. VIII; alios autem aliter sentire non dissimulat, rationibus ipsorum etiam commemoratis; quod nimirum tot fluvios & quidem multitudine aquarum insignes recipiat, quam aquæ copiam non posset alveus continere, nisi subterraneis cavernis & meatibus in oceanum eam exoneraret: aliis tamen contra existimantibus, illam aquæ copiam aliter absorberi posse, & per vicinos montes distribui ad fontes inde novos gignendos. Veterum quidem opiniones, quasi cum oceano vel indico vel septentrionali quondam cohæsisset, improbat, utpote experientia manifeste satis confutatas; credit tamen, hoc mare aliquot abhinc annorum myriadibus (nimia vero hyperbole!) olim fuisse cum ipso oceano conjunctum, & varias ob causas fretum fuisse obstructum, vel terras interjectas progressu temporis generatas fuisse, (quod in seqq. docturum se pollicetur.) Neque dubium esse, quin *Pontus Euxinus* aliquando, propter hanc causam, futurus sit lacus, obstructo *Bosphoro*: de quibus omnibus infra in epicrisi pluribus videbimus.

*PHÆN. IX.* Ut memorabilia quædam specialia circa lacus quosdam subjungamus, ea cum primis, quæ *Kircherus* Lib. V. *Mundi subt.* p. 236 narrat, de mirabili campo in Carniola, in quo per anni decursum, suis à natura destinatis stationibus, indigenæ feminant & metunt, venationes instituunt, & tandem toto campo in lacum commutato, piscantur. Est in Carniola, (sic pergit) non procul *Laubaco*, locus admira-



tione sane dignissimus, quem hoc loco describendum duxi-  
 mus. Hic locus primo æstivo & autumnali tempore, pratum  
 multiplici germinum foetura gravidum mentitur: in Novem-  
 bri vero longe lateque stagnantis aquæ speciem refert, totaque  
 hyeme glacie constrictum comperitur; verno vero tempore,  
 defluente aqua, in agrum sementationi aptissimum evadit, ita  
 ut unus & idem locus nunc ager, nunc pratum fruticosum,  
 modo lacus, triplici à natura sibi concredito munere fungatur,  
 neque sine insigni publici boni emolumento, cum copiosa  
 messe, tum frumenti, tum leguminum fœnique, patriam beet  
 duntaxat, sed & venatione leporum aprorumque æstivo tem-  
 pore œconomis non exiguum præstet subsidium, uti & sub hy-  
 bernali temporis initium copiosa piscium captura, insigni sane  
 commeatu, territorium provideat. Hactenus Kircherus, af-  
 fectatiore quadam Rhetorica; deinceps in causas horum effe-  
 ctuum physicas inquirens, gemina proposita quaestione, quas  
 inter Hypotheses videbimus. Interea rem ipsam de hoc lacu  
 confirmatam habemus, tum in *Carniola antiqua & nova* Dn.  
*D. Joh. Ludovici Schænleben*, cujus excerpta habemus in *Act.*  
*Lips.* ad annum 1682 p. 380, tum vero proluxius & accuratius  
 in opere prolixo germ. IV. *Tomorum Gloria Ducatus Carniola*,  
 inscripto, Autore *Joh. Weichardo Valvasore*, Barone, ac ditio-  
 nis Carniolensis in districtu inferiore Capitaneo &c. Cujus ex-  
 cerpta ex Tom. I. exhibent nobis *Acta Lips.* ad annum 1689,  
 una cum Fig. ænea farnosissimi *lacus Cirknicensis* propria Auto-  
 ris manu, ex propria experientia delineata, p. 559. ex cæteris  
 vero *Tomis Acta* ad ann. seqq. 1690, p. 105 & seqq.

*PHÆN. X.* Ut in montibus, fluminibus, fontibus, sic  
 in lacubus, magnas subinde mutationes, & quasi metamor-  
 phoses contingere, docet ante laudatus *Kircherus* *Mundi subterr.*  
*Lib. V. Sect. IV. Cap. VII.* p. 290 & seqq. memoratque specia-  
 tim, lacus enatos in eo loco, quem montes antea occupave-  
 rant, idque factum eo ipso anno, quo mundum subter. scribe-  
 bat,



bat, in Gallia ad Pyreneos montes: monet etiam, Bullicami Viterbiensis putei, ferventissimas aquas, amplissimo cratere, continuo ebullientis, quo nihil admiratione dignius se vidisse meminerit, nullam apud Plinium aliosve veteres Scriptores factam fuisse mentionem, qui hodie multorum commemoratione Scriptorum mirum in modum nobilitatus sit; de quo, & similibus, copiose *in itinere suo Hetrusco* se egisse subjungit: Vidisse se denique præsentem suisque oculis horrendum spectaculum, quando nobile oppidum S. Euphemiæ in Calabria, terræ motu absorptum, nihil præter lacum reliquit; de quo in præfatione mund. subt. cap. II. prolixè egerat.

*PHÆN. XI.* Paludes duplices esse notat *Varenius Prop. XI.* Quasdam uliginosa & mixta quasi substantia ex aqua & terra constare, dicit, ita ut vestigia hominum non ferat vel sustineat; quales in *Phæn. I. Moräste und Sumpfe* appellari diximus: alias autem parva stagna vel collectiones habere, hinc inde parvis terræ siccæ extantibus portionibus: Prioris generis quæ sunt, illas nullos fluvios vel recipere vel emittere, quales in Westphalia plurimæ reperiantur: secundæ vero classis plurimas reperiri ad origines seu fontes fluviorum; unde quidam hosce fontes soleant appellare paludes: e. g. Tanais paludes in Moscovia, Nili, quas putabant olim, ultra æquatorem sitas, Chelonides paludes Africæ, paludes Chaldaicas, per quas transit Euphrates &c. Reperiri quoque has paludes frequenter in sylvis ac desertis ericosis; & has secundæ classis paludes, eodem modo quo lacus, posse statui quadruplices, quod quædam & recipient & emittant fluvium, quædam tantum recipient, quædam tantum emittant, quædam denique nec recipient nec emittant. Mæotim autem paludem vulgo dictam, rectius ab Aristotele lacum vocari.

*PHÆN. XII.* Paludes, (quod de primo earum genere maxime verum erit) habere terram sulphuream, bituminosam & pinguem, asserit *Prop. XII.* idque probari tum ex nigro

Gggg ggg 3

colo-



colore, tum ex cespitibus, qui ex ea generantur, & ignem facile concipiunt, ut in Hollandia aliisque locis fieri soleat, addita simul causa, quoniam tales substantiæ & in pluvia & in terra, ubi paludes illæ existunt, contineantur &c.

## II. HYPOTHESES cum intermixta passim Epicrisi.

### I.

**H**ic Authores, ut *Varenius* & *Kircherus*, id agere solent præcipue, ut rationes & generandi modum in singulis paludum lacuumque enarratis hætenus differentiis exquirant & exponant: Ac eorum quidem lacuum, qui neque recipiunt, nec emittunt fluvios, generationem & conservationem, si parvi sint aut mediocres & præterea æstate, vel in defectu pluviarum diuturno exsiccentur, explicatu facillimam esse, quod nimirum pluviarum copię & collectioni unice debeantur. Et enim, si locus aliquis humilior situs sit in medio elevationum, omnem in eum defluere aquam pluviam, & sic stagnum effici. Verum etsi ut plurimum forte contingat talium exsiccatio, quia non nisi colluvies quædam sunt aquarum pluvialium, ut per evaporationem continuam, nova interim aqua, ob defectum pluviarum diuturnum, non subsequente, tandem penitus exhauriatur; non licet tamen reciproce ab exsiccatione lacus alicujus, post diuturnam pluviarum cessationem consecuta, firmum argumentum petere, quod is, omni scaturigine destituitur, omnemque suam aquam à pluviis habuerit. Possunt enim exsiccare etiam ii, qui suas scaturigines in fundo habent, sed adeo pauperes, ut parum illud, quod reddunt, aquarum ab æstu Solis in halitum vertatur ac dissipetur.

II. Ad perennes vero quod attinet hujus primi generis lacus, posset equidem ipsorum generatio pariter ad pluvias referri, si profundum habeant alveum, in quo tanta aquæ copia à pluviis collecta asservetur, quæ Solis calore non possit tota absumi, antequam nova cadat pluvia. Magis tamen verosimile est hos lacus perennantes, in fundo habere peculiare scaturigines, à quibus tantum aquæ ipsis accedat, quantum per exhalationem absumitur: Et sola quidem hæc causa videtur locum habere in iis stagnis, quæ in montium fastigiis, ut in



ut in Bructero & Cenifio , reperiuntur. Quoad lacum *Parime* Phæn. IV. descriptum dubitavimus quidem ibidem, an omnino nulum in se recipiat fluvium. Posito tamen ita rem habere, dicendum videtur cum Varenio, verisimile videri, haberi in fundo scaturigines, quæ tantum suppeditent aquarum, junctis præsertim pluviis, quantum calor Solis absumit.

III. Quod porro spectat illos lacus, qui fluvios emittunt, etsi nullos recipiant; illorum generationem & conservationem non male laudatus *Varenius* ex eo deducit, quod cavitas aliqua quidem sit circa locum fontis alicujus, sed non tanta, ut copiam scaturientis aquæ continere omnem possit; unde lacum quidem stagnare necessum sit, sed alicubi superfluum, ubi nempe abundans aqua alveum aliquem offendit cæteris receptaculi partibus depressiorem. Nec enim dubitare nos posse dicit, quin hi lacus suam generationem & conservationem habeant à fontibus in fundo existentibus; sive veri sint fontes, sive apparentes, aquæ scil. ab alio loco per subterraneum ductum isthuc fluentes: quod posterius de quibusdam lacubus, qui magnos fluvios protinus emittunt, verisimile magis appareat. Quibus recte intellectis, cognoscentur ea omnia, quæ in Phæn. V. pluribus enarravimus.

IV. Ut vero eorum quoque rationes declaremus, quæ Phæn. VI. dicta fuerunt, generandorum sc. & conservandorum illorum lacuum, qui fluvios quidem recipiunt, sed nullos emittunt aut emittunt paucos ac minores, plurimos autem & majores multo recipiunt; hos quidem ab illis, quos recipiunt, fluviis gigni & conservari, lubentes confitemur *Varenio*, rationem ab ipso allatam quoque non improbantes; quandoquidem apertum est, ubi fluvii à fonte suo progressi perveniunt in itinere ad insignem aliquam & amplam cavitatem, in hac illorum aquas colligi & lacum efficere. Verum, cum receptis ita plurimis aquis, lacus tamen aut plane non exundet, aut, si per paucos tantum, & angustos alveos exundans, multo paucioram amandet aquam, quam acceperat; apertiore rationem desideramus, quorsum reliquæ aquarum excessus sese abscondat? Quam sunt illæ à Varenio allatæ. Quod enim 1.) dicit, si forte hic fundi terra sit porosa illam imbibere aquam & ad vicinam terram transmittere; palpabile est *primum* hanc imbibitionem & ad vicinas transmissionem eadem celeritate fieri non posse, qua influentium aquarum copia per apertos sub dio alveos indefinenter infunditur; ut sic *acinde* necessum esset repleti



repletis abunde poris, superabundantes aquas exundationem aliquam causari. Quod 2.) frequentius esse existimat, si forte subterraneus sit ductus, vel ab aqua ipsa talis fiat, per hunc auctum iri aquæ effluentis portionem, ita ut lacus non exundet; id ad veram causam propius accedit; sed restabit quæstio, quorsum ille ductus subterraneus aquas absorptas sit effusus? Hic certe *Kircherus* melius, meo iudicio, lacum Asphaltitem, sive mare mortuum, quod fluvium Jordanem, per lacum Genesaret transmissum, recipit, nullum vero alium, nec ipsum etiam rursus emittit, conjectat, inter hunc & sinum Arabicum, sive mare rubrum, aut cum ipso forte mari mediterraneo communicationem subterraneam intercedere, p. 88. Lib. II. Mundi subterr.

V. Denique quarti generis lacuum generationem & conservationem ut contemplemur, eorum scilicet qui & recipiunt unum vel plures fluvios, & aliquos vicissim emittunt, quorum præcipuos in Phæn. VII. enumeravimus; de quibus ita non incongrue, sub distinctione ratiocinatur *Varenius*: Si maiorem aquarum copiam emittant, quam forinsecus receperant, manifestum est, eos, præter receptos aperte fluvios, occultas etiam ex fundo scaturigines recipere; Si minorem, occultos in fundo aquæ ductus latere, vel spongiosam terram subesse; verius (quia hanc spongiosæ terræ absorptionem insufficientiæ merito arguimus num. præced.) per aquæductuum commemoratorum non adeo amplorum, subterraneam communicationem cum vicinis aliis sive lacibus, sive maribus, rem esse deducendam: Sin æqualem, colligimus, nec occultos aquæductus subterraneos, nec occultas scaturigines in fundo reperiri; sed generati lacus causam, in casu præfenti esse cavitatem ac depressionem loci & affluentis aquæ copiam, quibus accedunt imbres, & in casibus superioribus, occultæ ex fundo scaturigines.

VI. Quod attinet quæstionem de Caspio mari, an lacu? in Phæn. VIII. propositam; de ea à *Varenio* dissentire cogimur, quandoquidem ingentis non solum est magnitudinis, in longitudinem quippe, *Baudrando* iudice, ad 800. milliapaßuum, in latitudinem circiter 650, extensum; sed ingentes in se fluvios, e. g. *Rha* sive *Wo gam*, *Taxartem*, *Oxum*, *Cyrum*, *Araxem*, &c. præter exiguos innumerabiles, recipiens, qui nocte dieque ex tot mille annis in ipsum se exonerantes, universam Asiam dudum inundassent, nisi per vias subterraneas receptam jugiter immensam aqua-



aquarum molem iterum in vicina maria effunderet, probabilissime nempe in viciniorem pontum euxinum, & hoc mediante in mare mediterraneum, ipsumque tandem oceanum atlanticum aut in sinum persicum, & illo mediante in oceanum indicum, vel utraque forte via; prout rem totam *Kircherus* speciose deducit in mundo subterraneo. Lib. II. p. 86. & sequ. adductis etiam ex *Paradia* in libello geographico de mari Caspio, aliisque Persis, indiciis ac testimoniis, quæ huc transcribere superfluum duximus. Cumque *Varenius*, æque ac *Kircherus* cit. I. mare caspium olim euxino ponto per fretum quoddam conjunctum fuisse crediderit, quod postea obstructum & in diluvio terris oppletum fuerit, (quæ opinio tamen mihi non adeo probabilis apparet, propter ingens intervallum plusquam octo grad. inter utrumque mare, h. e. fere 100. mill. germ.) ex ea tamen, κατ' ἀπολογίαν saltem, verosimiliter arguo, aquarum vim subter istum recens congestitium quasi pontem, viam pristinam ex parte duntaxat sibi reparasse.

VII. Circa lacum in Carniola circ' nicensem sive laubascensem *Kircherus*, post enarrata præcipua phænomena, quæ nos in Phænom. IX. è Schoenslebio & Valvasore popularibus confirmavimus, in effectum præcipuorum causas inquit, quærens *primo*, unde tantâ huic loco aquarum copia proveniat, qua derepente in præamplum lacum evadat? Et respondet: Hoc accidere ex eo, quod in alpi-  
bus penninis ingens nivium, qua operiuntur, copia, æstivi, temporis decursu continuo liquefiat, unde fiat, ut alpium hydro-  
phylacium nivium liquefactarum incremento, circa finem Octobris, paulatim exuberet, exundatione vero sua per occultum quendam, subterraneum meatum in hunc locum sese exoneret. Nam ut indi-  
genæ observarunt, statuto tempore, cum maximo frigore, ex visceribus tum scopulosæ rupis vicinæ, tum ex centro campi evolvi-  
tur totam planitiem in lacum convertens.,

VIII. Quærens *secundo*, unde lacui tanta piscium copia?, respondet, ex hydrophylacio quodam seu lacu externo aut interno, piscibus referto, qui magno impetu redundans, una secum in hunc locum pisces rapiat; uti in multis aliis similibus locis accidit. Quod vero verno tempore lacus una cum piscibus, ne uno qui dem superstite, evanescat; ratio est, quod aquæ defluxum paulatim secuti, per subterraneum meatum, eo unde venerant, revertantur. Atque hoc pacto, locus à tyrannide aquarum liber, in campum agrumque vertitur pinguis & optimæ glebæ, adeoque semi-  
Hhhh hhh natio.,



„nationi aptissimum, messe vero peracta, multiplici stirpium fruticum-  
 „que germinatione sylvescens, leporibus, apris lupisque stabulatio-  
 „ni aptissimum locum præbet: Donec nova inundatione oppressus  
 „campus, denuo in lacum mutatus, Neptuni subdatur jurisdictio-  
 „ni; duratque hæc admiranda sane *περικύκλωσις* quotannis, dura-  
 „tura sine dubio in perpetuum. His Kircheri conjecturis, quas sub-  
 „stituam meliores, hæctenus non invenio; præsertim cum perillustris  
 „Dni. Valvasoris opus ad manus mihi non sit.

IX. Prioris generis paludes, quæ neque recipiunt nec emit-  
 tunt fluvios, non poterunt aliam vel generationem, vel conservationem  
 habere, quam ex pluviis & nivibus liquefactis, in terris scilicet  
 profunde-fungosis & spongiosis; cujusmodi in Hollandia, Bra-  
 bantia, Westphalia, Ducatu Bremensi &c. reperiuntur plurimæ  
 æstiva tempestate à Sole exhauriendæ tandemque penitus exsiccan-  
 dæ nisi profunditas primum ejus calorem & vim evaporandi arceret;  
 deinde ipsius humoris intra spongiosæ terræ poros conclusi diffici-  
 lior esset, quam soluti & sub dio expositi; neque demum haut fa-  
 cile siccitas ita continua fungosas ejusmodi terras exhauriat, ut in-  
 tra complures menses ne semel quidem imber aliquis in eas depluat.  
 Difficilius autem adhuc talis exhaustio continget in sylvis ac desertis  
 ericosis, ubi collecta ejusmodi pluviarum & nivalium aquarum  
 colluvies exhalare Solis calore tardissime potest, quoniam frondes  
 & folia arborum, humique erica, ejus radios arcent.

X, Quæ vero pauludes in secundo genere vel recipiunt ali-  
 quos rivulos, aut etiam fluvium grandiusculum, vel emittunt tan-  
 tum, vel emittunt & recipiunt, &c. de iis modo simili philosophan-  
 dum videtur, quo supra de lacubus ratiocinati fuimus. Quæ deni-  
 que de terra paludosa-sulphurea & bituminosa in Phænom.

ult, annexa fuerunt, suam rationem ibidem  
 jam receperunt.





ARTICULUS III.

hujus SECTIONIS III.

Aeris aliqua specialiora adhuc declaraturus.

CAPVT I.

*De Vaporibus & Exhalationibus.*

I. PHÆNOMENA.

**P**HÆN. I. Generalia de aere compluria in Sect. I. Artic. III. consideravimus, & ad causas suas reduximus; nominatim in Cap. I. dicti Artic. effectus, proprietates & naturam aeris generatim exposuimus: Cap. II. ejus gravitatem in specie consideravimus, quatenus illa exacta ponderatione mensuranda est? de gravitate enim elementorum omnium, etiam ipsius ignis, fusius actum erat in cap. II. Artic. I. in Cap. III autem in causam compressibilitatis aeræ, & consequentis inde dilatabilitatis aut virtutis elasticæ, in Cap. IV. plurima naturæ phænomena eorumque genuinas causas declaravimus, quæ olim nescio cui vacui fugæ vel metui adscripta fuerant, in Cap. V. de sphæræ aeræ supra terram altitudine, ejusque ingenti pondere egimus &c. Nunc illa quæ restant in aere specialiora adhuc, nobis contemplanda supersunt.

PHÆN. II. Copiosos subinde halitus è globo terraqueo in aerem elevari, experimentis quam plurimis, frequenter etiam oculorum nostrorum testimonio constat, eorumque duplex genus jam olim observavit Aristoteles, Lib. I. Meteor. Cap. IV. (aliis V.) alterum ἀτμιδωδέστερον (vaporosum magis & aquosum) ex humoribus in terra & supra terram elevatum; alterum πνευματώδες (spirituosius & siccius) ex ipsa terra sicciore sublatum: quorum illud ἀτμίδα vaporem, hoc ἀναδυμίαν καπνὸν, exhalationem fumidam sive fumum, passim etiam



ἀναθυμίασιν κατ' ἐξοχὴν, sive *Exhalationem* simpliciter, appellat laudatus Philosophus. Eadem duo genera evaporationum agnoscit etiam Cartesius, Meteor. Cap. II. Vapores nempe, num. II. sub init. exhalationum quasdam sub ejusd. finem; præcipue vero num. VIII. nisi quod reale magis discrimen inter utrumque genus declaret, inter hypotheses deinceps videndum.

*PHÆN. III.* Tametsi vero vapores oceano, fluminibus, verbo aquis cumprimis, *Fumi* vero terræ siccæ magis suos debent natales; non est tamen putandum, nullas plane particulas fumidas, pingues, terreas, in vapore, nec aqueas ullas in fumis reperiri, sed ab iis, quæ copia sua prædominantur, utrumque genus ne nominari censendum est. Aristoteles certe Lib. II. Meteor. Cap. IV. postquam duo illa genera ἀναθυμιάσεων, sive halituum iterato enumerasset, alterum ὑγρὰν humidam, ατμίδα vocatam, alteram vero ξηρὰν siccam, generatim quidem ἀνώνυμο, per synecdochen quandam partis pro toto vero sive speciei pro genere, καπνὸν sive *fumum* dicendam, addit hæc immediate: Ἔστι δ' ἔτε τὸ ὑγρὸν ἄνευ τῆς ξηρῆς, ἔτε τὸ ξηρὸν ἄνευ τῆς ὑγρῆς. ἀλλὰ πάντα ταῦτα λέγεται κατὰ τὴν ὑπεροχὴν. h. e. Neque „vero humidum est sine sicco, neque siccum sine humido, sed „hæc omnia sic dicuntur secundum excessum sive prædominium.

*PHÆN. IV.* Sicut autem vapores ingenti sua copia excellunt, quam tot imbres, nives, grandines, nebulae, pruinae &c. vastas adeo terræ regiones una sæpe hora contegentes, arguunt, ita fumi multiplici varietate sua notabiles sunt, cum halitus non pingues tantum & oleosos, sed & salinos, sulphureos, nitrosos, vitriolicos &c. per aerem perpetuo diffusos circumvolitare, alios scilicet hic, alios alibi copiosiores &c. tum herbæ ex terra virgine sponte natae (seminibus scilicet ex aere invisibiliter haustis) tum vitrioli, spiritibus calcinando exhausti, sub dio vero novos imbibentis, quasi regeneratio, tum quorundam locorum nitrosæ efflorescentiæ, qualis in Bibliotheca nostra publica singulis



gulis æstatibus copiosæ observantur; tum Londini in Anglia, Leodii &c. frequens utensilium, lintheaminum, etiam in arcibus æsservatorum, aliarumque rerum, ex fumis carbonum fossilium, obfuscatio ac denigratio; tum denique ferramentorum, in locis præsertim maritimis, & quæ salinis sunt celebres, facilior arrosio & rubigo, nec non argenteorum vasorum aeri libero expositorum squalor ac spurcities &c. &c. abunde testantur: quin ipsas terræ crassioris ac limosioris partes copiosissimas in aerem attolli, pluvialium aquarum sedimenta, vasis mundis ex aere immediate excepta, docent.

*PHÆN. V.* Et hanc exhalationum copiosissimarum multiplicem varietatem, tanto facilius agnoscent ii, qui non ex ipsius terræ crusta superiore tantum, sed quæ supra hanc eminent plantis, animalibus, floribus, fructibus, incendiis, aromatibus, liquoribus, aliisque odoriferis, perpetuo quiddam exhalare, & invisibiliter ut plurimum in auras abire, imo infra eam quoque sepultis mineralibus &c. in aerem hunc super-extantem quosdam halitus jugiter emitti, attenta mente consideraverit: id quod adeo verum est ac certum, imo quodammodo generale, ut ne solidissima quidem metalla, aut durissimos lapides, ab hoc attritu quasi aut jactura substantiæ suæ, penitus immunes esse, *ILLUSTRIS BOYLE*, tum ex aliis egregiis observationibus, tum vero ex ponderis plerorumque notabili, intra majus minusve temporis spatium, decremento, bilancibus exactissimis deprehenso, luculenter comprobavit, in *Exercit. de atmosphæris corporum consistentium*.

*PHÆN. VI.* Qui modo dicta de metallis & lapidibus, eorumque perpetuis effluviis, in animum suum admiserit, is multo facilius capiet ea, quæ de *Sanctorii Libra* hoc loco non potui non referre. Fuit Sanctorius celebris in Italia Medicus, qui, cum observasset, ad hominis sanitatem plurimum, & plus quam credi possit, conferre corporis insensibilem perspirationem sive transpirationem, tentaturus, in proprio suo corpore aliisque, quantum conficerent omnes corporis insensibiles

H h h h h h h 3

trans-



transpirationes una nocte invisibiliter per totum corporis habitum emissæ, sequenti artificio rem aggressus est: fecit sibi parari sellam pensilem sive ex fune librata, & super una alteraque trochlea seu rotula, ex opposita parte lance quadam instructam, in qua pondera locari possent, hominem in sella sedentem ad æquilibrium elevantia. Post coenam igitur laute satis assumptam, & vesica prius, alvoque, cum opus esset, exoneratis, omnique amictu exuto, vel ipsum se, vel alium ita præparatum, in prædicta sella collocavit, & injectis lanci ponderibus, donec in exacto cum his sella ponderet æquilibrium: quo facto, & ponderum numero sedulo annotato, vel in ipsa lance relicto, homo ponderatus cubitum securus se contulit, in multam noctem, imo in multum etiam diem dormiens. Cum surgeret mane, ad sellam denuo occupandam rediit, iisdem prorsus conditionibus, quibus hesterno vespero eandem occupaverat; atque ita subtractis ponderibus, donec haberetur pristinum æquilibrium cognoscebatur transpirationis, sive evanidorum interea effluviorum quantitas.

*PHÆN. VII.* Hæc observatio peperit sequentia in Medicina statica Sanctorii conscripta, vel apud ipsum Auctorem, vel apud Franciscum Lanam Magist. Naturæ & Artis Tom. II. Lib. II. Cap. I. p. 39. visenda:

1) Perspiratio insensibilis solet esse longe plenior, quam omnes sensiles simul unitæ: Id est, materia effluviorum, quæ insensibiliter transmittitur per humani corporis poros, ponderis quantitate multo major est illa, quæ excernitur per sensibilia excrementa. Quod facile cognosci potuit ope prædicti experimenti, ex pondere assumpti cibi & potus, & pondere excrementorum,

2) Perspiratio quæ salubriter aufert à corpore multum idque inutile pondus, non est, quæ cum sudore fit, sed halitus ille invisibilis, qualis hyeme uno die naturali ad quinquaginta uncias, & ultra, exhalare potest.

3) Spatio unius noctis sexdecim unciae lotii, plus minusve; qua-



quatuor cunctorum excrementorum per alvum ; quadraginta & ultra per occultam transpirationem evacuari ut plurimum solent.

4) Pluribus unica die naturali per insensibilem transpirationem, tantum evacuatur, quantum per alvum quindecim dierum cursu.

5) Ab æquinoctio autumnali ad solstitium hyemale qualibet die minus libram circiter perspiramus ; Inde usque ad vernum æquinoctium liberius incipimus perspirare.

6) Caro vervecina facile coquitur, & est vaporosa, perspirat enim noctis spatio trientem libræ magis, quam cætera solida edulia.

7) Somnus inquietus impedire solet trientem solitæ perspirationis.

8) Perspirationem insensibilem cursu septem horarum in dormiente iaveni in multis esse quadraginta circiter unciam, in vigilante viginti &c. &c.

*PHÆN. VIII.* De vaporibus autem, sive aquosis exhalationibus, ut quædam adhuc adnotemus, id inprimis facile obvium cuique erit, ex nivibus copiosissimos attolli in aerem vapores, & multo plures, quam ex ipsa aqua immediate: brevi namque temporis spatio notabilis copia nivis à calore Solis in vaporem resolvitur. Notabilior autem multo hæc resolutio, & paucioribus animadversa in nubibus, præsertim candicantibus istis & niveo candore per æstatem maxime, conspicuis. In his enim dicta illa resolutio in oculos sensibiliter incurrit sequenti experimento : Consideat aliquis in aperto quodam loco, ex quo circumcirca circumjectas ejusmodi candidas niveasque nubes, tranquillo præsertim & fervente æstatis aere, conspiciari liceat. Seligat ex dictis disseminatis in aere nubibus, unam aliquam, pro lubitu parvulam, in quam defixum teneat obtutum, vel semiquadrantem unius horulæ. Quo facto conspiciet nubeculam dictam in perpetua mutatione ac momentanea immutatione; evanescentibus gradatim partibus in ambitu rarioribus.



bus, donec tandem intra quadrantem horæ, vel semihorulam, nubecula tota consumpta, & è conspectu sublata, non amplius de ea quicquam cernatur; in vaporem quippe visibiliter, ac tam brevi tempore resoluta. Ita vero dum in unam ejusmodi nubeculam fixo obtutu intuemur, si totidem oculis una in cæteras parvas ac magnas intueri possemus; visuri essemus, illas omnes eodem modo pro rata exhalare, ita ut non raro, ita sensim toto pomeridiano tempore evaporante & Solis calore resoluta una nube post alteram, sub noctem universus aer & horizon, ab omnibus nubibus depurgatus evaporando cernatur, absque eo, ut earum ulla, in omnimoda ista tranquillitate, motu locali infra horizontem translata & abacta cerneretur.

*PHÆN. IX.* Causam porro effluvia hæc è terris, nivibus & nubibus, attollentem, & corporibus partialibus quasi exprimentem, esse Solis extrinsecum, & hoc absente, vel impedito, intrinsecum quendam singulis calorem, extra dubium est, & ex dictis manifestum, & chemicarum distillationum analogica evidens. An vero causæ quædam aliæ concurrant? An calor ille intrinsecus terræ connatus sit? quomodo exhalationes istas ad tantam altitudinem elevet? in quo præcise vaporis forma consistat? &c. inter hypotheses videndum erit.

*PHÆN. X.* Vapores aquei, quam facile in aquam iterum concrecant ad obstacula quævis obvia, præsertim frigidiuscula, nec non in aperto aere aliquantulum refrigerato &c. vel opercula ollarum patinarumque in culinis nostris; & chymicorum alembici, & ros æstate vespertinus, & nebulae &c. satis edocent: Nam in his casibus omnibus, quamdiu vapores à calore sufficienti separatim, absque contactu mutuo, agitantur, tamdiu manent vapores, nec humectandi sensibilem aliquam facultatem exerunt, ubi vero caloris impetus & agitatio, vel ad opercula ollarum ac patinarum, vel in aere sublimiore & frigidiore, vel in humiliore quoque, sed vespertino & occidente Sole statim frigescente, maxime vero ad cucurbitarum alembicos, (infe-



(inferioribus cucurbitarum partibus sensibilibus minus calidos) sistitur aut imminuitur; ibi mutuo facto contactu sibi mutuo promte circumspiciuntur, & in guttulas coeunt, simulque sensibiles factæ, humectare corpora incipiunt. Et hoc pacto, cum sub initium calidi sint natura vapores omnes, ubi concrefcere tamen occæperint, & humectare, frigidi magis magisque evadunt.

*PHÆN. XI.* Sicut autem facile concrefcit vapor, & facillime quoque generatur, uti præcedens Phæn. X. & superius VIII. satis docuerunt; sic è contra exhalationum cæterarum ficciorum multo difficilior est separatio, ac tardior etiam concretio; prout chymicarum resolutionum, quæ huc spectant, exemplis specialioribus plurimis probari posset, si necessitas postulare; interea vero ex hac generali observatione concludere est, quod in plerisque corporum resolutionibus aqua seu phlegma, primo & lenissimo caloris gradu eliciatur, deinceps autem in proliciendis spirituosiss, oleosis, & salinis portionibus, ab invicem separandis, gradatim vehementior ignis gradus sit adhibendus.

*PHÆN. XII.* Exhalationum autem harum, alias proficuas esse & salutare, plantarum, animalium, humanisque corporibus alias noxias; & has quidem illis, alias aliis, (quæ singula singulis exemplis specialibus illustrari possent,) & ab his quoque pendere aeris in diversis locis majorem aut minorem salubritatem &c. vix opus est, ut hic moneamus.

## II. HYPOTHESES VARIÆ cum interspersa statim ubique Epicrisi.

### I.

**E**tiamsi nonnulli (quos inter *Jachaus* Inst. Phys. Lib. VII. Cap. I. *Fromondus* forte ab Honorato Fabri Prop. VI. Lib. II. Tract. VI. notatus, & alii) vaporem ab aqua, cæterasque ex-

liii iii

hala-



halationes à suis corporibus, specie differre negent; plerique tamen alii (quos inter etiam *Zeisoldus* est in notis ad cit. Jachæi locum) cum P. Fabri peculiare hisce formas tribuunt, quod nihil sensibile superfit idem post illam corporis in halitum commutationem. Et Peripatetici quidem aquam terramque in halitum converti dicunt, per attenuationem ac rarefactionem virtute caloris procuratam, quam levitas ex necessitate atque adeo ascensus sequatur; non male quidem nostro iudicio, sed non satis explicate.

II. *P. Honoratus Fabri* aliquid lucis fœneratur huic Hypothesi, cum non à Solis calore tantum, sed à subterraneis etiam ignibus, & partibus ignis, quæ mixtis insunt, istam attenuationem paulo distinctius deducit, atque insuper ascensus illius causam aliam, ambientis scilicet vel aeris aut aquæ gravitatem (Tract. VI. Lib. II. Prop. XI) assignat. Equidem omnes & vaporum particulæ ex aqua, & exhalationum variantissimæ minutia ex elemento terreo, originem suam habent, & consequenter aereis portionibus graviores sunt natura sua; unde etiam, ad quantamcunque altitudinem sublata, tandem tamen cum pluviis in terram recidunt. Prius autem ascendunt caloris impetu leviores redditæ, & postea aëris gravitate altius altiusque sublata; eodem modo scilicet quo fumi seu particulæ terreæ, piceæ, similesque natura sua utique aëreis multo graviores, postquam ignis vulgaris calore impetum nactæ, redduntur leviores, ab aëris gravitate deinceps sursum trudentur, præsertim per augustos caminorum canales, in quibus collectiores ejusmodi halitus, ac dissipari non valentes, longius etiam provehuntur. Quorum omnium tandem generalissima ratio est, quod, quæ jam actu in motu sunt, facilius moveantur; prout videmus, in viis pulverulentis conculcatione plurium pedum, aliquo usque sublatum pulverem, deinceps ab aëris pondere multo facilius in majorem sublimitatem, instar densæ nubis vel nebulæ, attolli; paulo post, ubi conculcationis vis remiserit, sensim iterum terram repetiturum. Conf. Arist. I. Met. cap. IV, ubi *θερμαινομένης τῆς γῆς ὑπὸ τῆς ἡλίου, τὴν ἀναθυμίασιν ἀναγκαῖον γίνεσθαι*: h. e. *calefacta terra à Sole, necesse est exhalationem fieri*, inquit, eamque duplicem &c. uti Phænomen. II. pluribus dictum fuit; & II. Meteor. itidem IV. ubi non solum calorem Solis iterato allegat, sed immediate ante dicit: *ὑπάρχει δ' ἐν αὐτῇ τῇ γῇ πολὺ πῦρ, καὶ πολλὴ θερμότης*, h. e. *Existit autem etiam*



*etiam in terra multus ignis & multa caliditas* ; id quod pluribus insuper confirmat Lib. de mundo versus fin. Cap. IV.

III. Recentiores corpuscularis Philosophiæ propugnatores, *Hamelius*, *Gassendus*, *Boylius*, *Cartesius*, alique, explicatius in particularum terræ vel aquæ minutissimarum, à sua massa, igniculorum impulsu separatarum, in aërem evectarum, ibidemque separatim volitantium, agmine quodam inordinato ponunt, nec aliud quicquam præter hunc separatarum minutiarum quasi volatum, requiri putant, ad vaporum ab aqua, halituumque cæterorum à terra differentiam explicandam : nec immerito quidem quandoquidem hoc uno supposito, non enarratis tantum hoc capite phænomenis satisfieri commode, sed meteororum etiam ex his halitibus generatio, explicari prompte potest ; ut in seqq. videbimus. Dn. *Mariotte*, recentior in Gallia ante hac Philosophus, in *Tract. du mouvement des eaux*, sive de motu aquarum, vapores existimavit p 3. esse guttulas minutissimas (*petites gouttelettes*) quæ, cum visibiles sunt & prope terram, nebulas, in sublimi, nubes constituent. Sed rectius, meo iudicio, vapores ut insensibiles & invisibiles considerantur, per aërem etiam, absque ulla sensibili humectatione assurgentes, & cessante demum calore in guttulas vel pruinosas concretiones, quæ nubes in sublimi & nebulas prope terram, jam redditæ conspicuæ, constituent, coeunt.

IV. Quemadmodum igitur (quo simili paulo ante jam usi fuimus) terræ gleba exsiccator, viatorum pedibus conculcata & agitata, pulvisculos minutissimos in aërem confertim emittit, sub forma fumi sæpe densissimi ; sic impetu caloris, hoc est partium ignis, in agitatione perpetua versantium, impulsu minutiarum terrestrium, inprimis autem aquearum ; minus quippe cohærentium, & separatio quædam, & separatarum motarumque elevatio (alibi enim locum haut inveniunt continuando motui aptiorem) quomodo fiat, facile concipitur : quin etiam, uti pulvisculi illi, cessante impetu, paulatim iterum propius coeunt, ac terram denique proprio pondere repetunt ; ita vaporum & exhalationum in frigidior aëre concretiones variæ, ac reditus tandem ad hæc ima terræ, ex ista hypothese promptissime deducuntur.

V. Neque adeo displicet *Cartesii* peculiare circa vaporum generationem cogitatum, quod habetur de Meteor. cap. II. n. III. quod, cum ex aquæ particulis, flexilibus quidem, & quamdiu aquam constituunt, se mutuo complexis, lævibus interim ac teretibus, ideo-



que facillime separabilibus, constent, ideo maxima statim spatia repleant, quia singulæ illæ particulæ concitatore motu agitatae, in orbem quaquaversum rotentur, & eadem opera in longitudinem suam porrigantur; ita vicinas alias à sphaerulis suorum motuum arcuentes; quemadmodum e. g. funiculus NP (Fig. 85.) per bacillum OM trajectus & cum hoc celerrime rotatus, totum spatium NO PQ ita occupet, ut intrantia quævis alia corpora cum impetu flagellet &c. Hic enim conceptus, uti rarefactionem vaporum ipsis oculis quasi ingerit; ita eorundem, cessante caloris impetu, consequentem condensationem apprimè declarat; quandoquidem minus exporrectæ, & collapsæ magis, illæ flexiles minutiae ad invicem propius accedere citra impedimentum possunt.

VI. Et cum nemo fere melius de vaporibus & exhalationibus philosophatus sit, quam *Cartesius* in alleg. cap. II. optarim ut lectores cætera omnia quoque hujus capituli attente perlegerent, ex quibus pauca adhuc superioribus adjungemus. Illud *primum*, quod sub exhalationum, vaporibus oppositarum, nomine illas quoque comprehendat, quæ fere eandem cum aquæ particulis figuram (longam nempe ac teretem) habentes, magis tamen subtiles sint, & spiritus vel aquas vitæ, sive ardentes componant cum crassioribus aqueis interim hoc commune habentes; quod utræque à cæteris ramosioribus, caloris & ignis virtute, nullo fere negotio separentur, ut in resolutionibus corporum chymicis nunc phlegma seu vapores aquei, nunc spiritus vel exhalationes subtiliores ac lubricæ, primo ac debilissimo caloris gradu separentur, cum ad ramosas crassiusculas, (quas oleosas appellamus) tanquam magis implicabiles, & salinas ponderosiores segregandas, multo majore ignis gradu opus sit: maxime si vehiculo aquosarum multarum destituantur, quæ alias istas difficilius separabiles librare & secum in sublime auferre possunt, eadem ratione scilicet, qua ventus per transversam sepem spirans, paleas vel folia in virgultis hærentia secum rapit, seu potius quemadmodum ipsa aqua, in summum alembici secum attollit exiguas partes olei, quas Chymici ex plantis siccis plurima aqua maceratis extrahunt, omnia simul destillantes, atque hac opera efficientes, ut paulum illud olei quod habent cum magna immixtæ aquæ copia assurgat.

VII. Notandum etiam illud *secundo* est, quod num. III. prolixè monet, & schematismo egregio, attenteque considerando, illustrat, vapores scilicet semper plus spatii occupare, quam aquam ex qua separantur, maximum omnium autem, proxime illius superficiem, ad aliquam



quam usque altitudinem ubi tanta caloris agitatione in omnes partes rotantur, ut sphaerica quasi spatiola num. nostro proxime superiore V. (in schematismo allegato ad A & B) oculis exhibentur: paulo altius autem (ad C ac D ejusdem schematismi) ubi nempe partes illorum vaporum, non amplius satis agitatae, ut rectae maneant & extensae, incipiunt convolvi & accedere ad invicem, vel cum inter montes aut nubes arctatae, vel sub nubibus in E constitutae, satis dilatari non valent; vel plures earum simul in angustia F in eandem partem versus G determinatae, non tam velociter rotentur quam alias solent &c. palam est, vapores quos componunt, crassiores magisque compactos esse, quam si horum nihil accideret. Manifestum quoque est, si vaporem in E fingamus tantundem agitatum, quantum in B, illum hoc multo calidiorem fore, & illum, quem vehementiorem & magis veluti suffocantem aestate interdum sentimus: Vaporem autem, qui ad C, frigidiorum esse illo qui ad B, licet particulas paulo arctius compressas habeat; quia multo minus agitatae easdem supponimus &c.

VIII. Neque *tertio* dubitandum est, quin aer saepe tam multos vel etiam plures vapores contineat, cum nulli prorsus in eo videntur, quam cum densissimi apparent. Quomodo enim sine miraculo fieri posset, ut Sol torridus aestivo tempore, media die, vel lacui aut locis paludosis incumbens, nullos vapores inde elevaret? tum temporis enim notatur aquas subsidere ac decrescere magis, quam aere frigido & obscuro: dum interim fuit, cum Junium fere totum & Julii quoque partem haberemus & siccissimos & serenissimos, aere puro ac defaeco; eo scilicet tempore, quo ante annos bene multos exurebantur non prata solum & agri, ut armentis & gramina & foena deficerent, ne stramine quidem suppetente quo alerentur, sed homines etiam annonae caritate haut parum affligebantur. Scilicet in tali casu, observante P. Fabri, altius ascendit halitus, quam hyeme vel autumnali tempore, ideo, quo propter vim aestus & accensi aeris diutius raritatem acquisitam servant, ut quamvis copiosissimi per aerem volitantes, coire tamen propius & visibiles evadere non valeant.



## CAPVT II.

### ARTICULI III.

#### *De Ventorum natura & proprietatibus.*

##### I. PHÆNOMENA.

**P**PHÆN. I. Aer adeo tranquillus raro est, ut non aliquo flatu nunc leniore, nunc impetuosiore, quem ventum appellamus, aliunde commoveatur; multum equidem variante in plerisque terræ locis adspirantium ventorum plaga sive loco ac directione, ita ut ultra triginta notabiliter differentes, compassus nauticus hætenus adnotaverit, quorum græcas denominationes plures recenset libellus de Mundo cap. IV. Latinas *Varenius* enarrat Lib. I. Geogr. gen. Cap. XX. Prop. VII. commodiores tamen aliquas rationes appellandorum ac distinguendorum ventorum indicat Prop. VI. commodissimam interim omnium illam judicans, quæ fit per nomina à Germanis imposita per compositionem quatuor vocularum *Nord / Sud / Ost & West*, sed in aliis linguis difficiliter imitabilem. Prop. V.

PHÆN. II. Sicut autem è diversis Horizontis cujusque partibus diverso tempore adspirant; ita qualitatibus etiam sensibilibus variant, adeo quidem, ut in his nostris terris *Aquilo* seu septentrionalis ventus frigidus sit ordinarie & siccus, serenitatem ut plurimum, si pluviis aut nivibus ab occidente præsertim continuis superveniat, aut statim aut paulo post tamen reddens; orientalis sive *solsolanus* itidem siccus & hyemali præsertim tempore frigidus; æstivo autem, si lenius spiret, etiam ad caloris augmentum non parum conferens; meridionalis sive *notus* calidior & subhumidus; occidentalis denique seu *favonius* non admodum frigidus, at humidissimus, & in primis post serenitatem diuturniorem, nubilorum, pluviarum ac nivium comes



mes fere individuus. Dixi in his nostris terris enarratas qualitates ventorum regnare; nam in aliis regionibus rem aliter habere, experientia docet, testaturque *Kircherus*, Lib. IV. Mund. subtr. p. 214. ventum borealem, qui Romæ siccitatem frigiditatemque adducat, in Belgio cæterisque oris maritimis pluvias & nubes adducere; eundemque Tuneti in Africa calido-humidæ qualitatis esse. &c.

*PHÆN. III.* Modo laudatus Kircherus eodem loco, Medicorum judicio, omnem ventum, qui ex aeris commotione non fiat, sed ex halitibus & vaporibus, humanis corporibus non nocivos tantum, sed & exitiales esse dicit, nimia uti videtur asserti generalitate, ipse enim ex historiis nauticis, statim sequenti pag. refert, eo tempore, quo cinnamomum maxime floret in Ceilano, insulam tantam odoris fragrantiam spargere, ut ea ad 100 milliaria intra altum mare, non sine sanitatis debilitatæ instauratione, venti deferentis beneficio percipiatur. Interim negari non potest, alios humiditate nimia in modice distendere laxata corpora, alios gelu constringere, corporumque poros, ac superflua vaporum intus conceptorum fuligine, quam expirant, obstruere: unde coacti in interiores corporum sinus humores, catarrhos omnis generis, pleuritides & apoplectica symptomata, causentur: Neque deesse, qui subtilitate & siccitate sua intimam humani corporis œconomiam penetrantes, necessaria humiditate destructa, spiritus tum animales, tum vitales exsiccent; unde mox lassitudo, omniumque membrorum torpor, & molestissima sensatio, πνεύματα omnis generis exotica, capitis cum molesta tussè gravedo, aliaque symptomata, quæ longum foret enarrare, contingant.

*PHÆN. IV.* Quod sub finem Phæn. II. per occasionem monitum fuit, hic amplius ex professo confirmandum est; in aliis nempe terris aliam solere esse ventorum conditionem, adeo, ut non solum in zona temperata australi, septentrionales venti calidiores sint austrinis, sed etiam orientales in Calabria v. g. & litore Africæ ortivo humidi; occidentales, si tantillum ad boream



ream inclinent, in Italia ficciores observantur. Nec iidem venti omnibus terris pluviales sunt, quod Aristoteles jam olim observavit Probl. VII. Sect. XXVI. & eadem Sect. Probl. LVII. mutata paulum quaestione: *Διὰ τί ἀλλοις ἀλλοι τῶν ἀνέμων ὑέτιοι: Cur aliis regionibus alii venti sint pluviales?* e. g. in Attica & insulis, Hellepontius; in Hellesponto autem, & in Cyrene, boreas; circa Lesbum autem notus, nec iidem eisdem terris quovis anni tempore similes, cum ex plaga inter austrum & occidentem media, circa ipsum æstivum solstitium satis frigidos adspirasse, non semel observaverimus.

*PHÆN. V.* Notabilis etiam est ventorum circumstantia, quod tractu plerumque latissimo invehantur, ita ut idem ventus ab occidente v. g. pluribus australioribus nobis, & septentrionalioribus locis nobiscum communis sit. Illud item generale & ventis plerisque omnibus commune videtur, impetu non æquali semper ferri & continuato, sed interrupto & resumptis quasi per intervalla viribus; quod *P. Fabri* quoque Tract. VI. p. 473. annotavit, & Varen. Lib. I. p. 377. sive Prop. XII. Cap. XV. Excipiendus tamen hinc unicus forte videbitur, quem in zona torrida inter Africæ culpidem & Brasiliam, ac inter occidentale littus Americæ & orientalem Indiam, constantem ac perpetuum experiuntur nautæ, magnæ navigationis in occidentem instituentæ compendio: de quo vento paulo post in peculiari capite ex professo agetur.

*PHÆN. VI.* Ut plurimum etiam venti terras desuper obliquius feriunt, & per inclinatam deorsum illabuntur, uti loquitur *P. Fabri* Tract. VI. Lib. IV. p. 473. Quod Aristoteles quoque notavit, II. Meteor. Cap. IV. *Ἡ δὲ πορὰ λοξὴ αὐτῶν ἐστὶ: h. e. Latio vero seu motus illorum (ventorum puta, de quibus immediate ante locutus erat) obliquus est.* Aliquando tamen eos Horizonti *παράλληλως* incedere, fumi caminis exire prohibiti docent, confirmante rem Varenio sub fin. Prop. XI. Perpendiculariter autem nullus ventus ex aere in loca telluris spirat, iterum teste Varenio Prop. XIII. & allegante in eundem sensum Aristo-



Aristotelem II. Meteor. Cap. 9. quamvis obscure de hac quaestione agentem, ita ut Peripatetici de illius sententia non sint concordēs. Reddit tamen rationem aliquam asserti, quam videbimus inter Hypotheses. Quin & de summis montibus ventos frequentissime descendere, annotavit *P. Fabri* Tract. VI. Lib. IV Prop. LI. quemadmodum ex antris & cavernis montium aliquos adflare ferme perpetuos est in vulgus notissimum; testibus eodem *Fabri* Prop. LIV. & *Kirchero* de monte Cæsio sigillatim Lib. II. Mund. subt. p. 115.

*PHÆN. VII.* Digna vero res videtur, quæ distincte sed succincte narretur de monte Cæsio, ex relatione Kircheri oculati pariter & auriti testis. Is nempe anno 1658 occasione itineris lauretani, post spectatam tota Italia celeberrimam Velini fluminis catadupam, postero die Cæsios, ad explorandum vicinum montem Æolium se contulit, cujus situs est inter castellum S. Gemini & interamnium sive *Terni* Umbriæ urbem, longissimo tractu in occidentem protensi. Monti toti saxeo oppidum incubat nomine *Cæsii*, ad quod incolarum industria venti per canales, more aquæductuum in cellas aliaque conclavia deducuntur, ad vinum & aquam, fructusque omnis generis, æstivo tempore grato frigore imbuendos; qui venti, non semper, sed calida solum illa tempestate, per omnes montis fissuras & rimas vehementissimi efflantur. Spectantur autem in nobilium domibus canales adeo apte dispositi, atque epistomiis tam affabre instructi, ut ventorum impetum pro lubitu temperare possint, additis quoque ostiolis sportulisque, intra quas vel potus vel esculenta summa frigoris vehementia tantum non in glaciem convertantur.

*PHÆN. VIII.* Quemadmodum apud nos erratici sunt & vagi plerumque venti, nunc ex hac, nunc ex alia mundi plaga, sine certa periodo adspirantes, ut nimirum scire nequeamus, quo die posthac iterum flaturus sit ventus borealis qui hodie spirat, sic alibi locorum statim quidam sunt & *periodici*, certo & statim mense singulis annis redeuntēs: quemadmodum &

K k k k k k k

plu-



pluviarum rationes in nostris climatibus incertæ sunt & vagæ, nec eadem iterum hebdomade, vel eodem mense, quo superioribus annis redierant, constanter redituræ; prout alibi, nempe in zona torrida, fieri solenne est; uti jam supra, cum de exundationibus Nili similiumque fluminum ageremus, experientia comprobatum dedimus, juxta Vossium p. 40, in Abassia quotannis, primas pluvias cadere circa finem Maji vel initium Junii, unde Nili incrementa in Ægypto circa 26 vel 27 Junii demum evadunt sensibilia, deinceps gradatim sensibilia, quia pluviae gradatim evadunt magis continuæ & densiores usque ad æquinoctium, ubi incipiunt iterum gradatim imminui usque ad medium circiter Octobris. Sed de his periodicis & statis pluviis alibi, & de ventis periodicis in præsentis Articuli cap. ult.

*PHÆN. IX.* Illud quoque negligendum non est, quod frequenter apud nos etiam diversi, imo contrarii venti haut raro simul spirent, alter tamen paulo humilior, alter paulo sublimior incedens; prout nubium superiorum & inferiorum rationes contrariæ manifesto indicant.

*PHÆN. X.* Hyems & ver in primis frequentioribus exagitantur ventis, non paucis etiam autumnus; paucioribus ac minus impetuosius æstas summa, ordinarie quidem in hac nostra temperata zona: *Varenius* vere & autumnis frequentiores ventos asserit, & majori nisu spirare, quam in fervida æstate vel gelida hyeme, nulla, ut opinor, contradictione. Specialiter autem hoc loco enumerandæ venient impetuosissimorum ac subitaneorum illorum ventorum species, quos *Procellas*, *Turbines*, *Ecnephios*, *Exhydrios*, *Typhones* &c. appellant: sed hos inter tempestates inferius considerabimus.

*PHÆN. XI.* Denique nec artificiales venti, quos æolipilarum ope, aut aquarum lapsu in angustiorum receptaculorum marmora, aliisque modis producant, silendi prorsus fuerint; istorum quippe exemplis naturalium generationem haut parum illustrantes. Æolipilarum quidem mentionem fecit *Vitruvius*

Archi-



Architectus, Augusti Imperatoris ætate, & quidem in declaranda naturalium ventorum ratione, Lib. I. Cap. VI. Postea suo tempore *Cartesius* eodem hocartificio in ventorum naturalium declaratione usus, de Meteoris Cap. IV. num. II. id sequenti modo describit: A B C D E (Fig. 36) est globus ex ære vel alia tali materia, totus cavus & undiquaque clausus, nisi quod aper-  
turam exiguam habeat in regione D, cujus parte A B C aqua plena, & altera A E C vacua, i. e. nihil extra aerem continente, illum imponimus igni, cujus calor exiguas aquæ partes agitando, efficit, ut multæ supra ejus superficiem A C attollantur; ubi expansæ & rotatæ colliduntur, magnoque molimine recedere ab invicem nituntur. Et quia se ita expandere atque ab invicem removere non possunt, nisi quatenus aliqua ex iis per foramen D egrediuntur, tota illa vis, qua plures colliduntur, tanquam in unum collecta, id agit, ut proximas per illud exturbet, atque ita ventus à D ad F spirans excitatur. Et quia semper aliæ hujus aquæ particulæ, in altum ab hac superficie A C à calore sublatae dilatantur, & ab invicem recedunt, dum interim aliæ per foramen D nituntur, hic ventus non cessat ante universam globi aquam exhalatam, vel calorem extinctum. Conf. *Kircherus* Lib. IV. Mund. subt. p. 203. hanc eandem æolipilarum fabricam ad ventorum genesis declarandam allegans, & proxime sequente experimento docens, quo pacto ex alto delapsa, per canalem cochleatum A L, aqua in lapidem marmoreum I; intra receptaculum cavum undique clausum, ut non nisi angusto uno loco exitus pateat, supra dictum marmoreum lapidem I, in vaporem copiosum dispergatur, qui aerem intra receptaculum conclusum valde agitet, & per memoratam angustiam instar venti protrudat &c. ad docendum scilicet quomodo per catadupas ventus subterraneus excitetur. Adde si lubet p. 218 & Honor. Fabr. Tr. I. Lib. II. p. 148. ipsum Kircheri ult. experim. Prop. CCXLIII. paulo aliter referentem.



## II. HYPOTHESES circa materiam, formam & originem ventorum.

### I.

**D**E materia ventorum oppositas plane sententias fovent Aristotelicorum & Cartesianorum scholæ, dum isti exhalationem calidam & siccam, hi calidam & humidam potius, h. e. vaporem, eorum generationi substernunt; utrique sequuti magistrum suum, illi Stagiritam Lib. II. Meteor. cap. 4. hi Renatum DesCartes Meteor. cap. IV, n. III. Tametsi enim Aristoteles cit. l. nec humidum esse sine sicco dicat, nec siccum sine humido, sed hæc omnia sic dici secundum excessum sive prædominium; paulo post tamen expresse dicit: ἡ δὲ ξηρὰ τῶν πνευμάτων ἀρχὴ καὶ φύσις πάντων; h. e. *sicca vero* (scilicet exhalatio) *ventorum principium & natura omnium*. Cui consonat libellus de Mundo Cap. IV. Ἐκ δὲ τῆς ξηρᾶς, ὑπὸ ψυχρῆς μὲν αἰθέρος, ὥς εἶναι ἀνεμοῦ ἐγένετο. h. e. *Ex sicca vero* exhalatione) *à frigore quidem pulsa, ut fluat, ventus fit*. Hinc ventus à Zachæo Instit. Phys. Lib. VII. cap. X & Zesoldo in notis materiam habere dicitur, exhalationem calidam & siccam, non tamen solam, sed ei interdum vapores admisceri; & Prucknerus in Comp. Phys. spec. *Venti materia* inquit, *est exhalatio, tum calida*, quia levis, *tum sicca* quia exsiccat.

II. Quod vero impetum ventorum, tanquam eorum formam, attinet, sub finem Cap. IV, sæpius alleg δῆλον, ait, ὅτι τῆς μὲν κινήσεως ἡ ἀρχὴ ἀνωθεν h. e. *Manifestum est, motus quidem principium de super*, esse repetendum, materiæ vero & generationis principium ab imo; cumque motus hujus originem, (quomodo scilicet ἀνωθεν is repetendus sit?) hoc loco distincte non exprimat, in libello de mundo vero frigus, tanquam causa depellens accersitur; ideo huic causæ depellenti altera adjunxerunt Peripatetici, *reflexionem* nempe à nubibus, ad quas paulo ante ascenderant; & quia eadem via, qua ascenderant (nempe perpendiculariter) reflecti non possint, propter  
novos



novos subinde succedentes, adeoque reflectendis occurfatu-  
 ros; ideo illos obliquius descendere concludunt.

III. Hanc fuisse communem Peripateticorum sententiam, patet è *Systemate Ernestino* Lib. III. Part. spec. cap. III. num. VIII. ubi causam proximam venti, à qua hoc habeat, ut lateraliter moveatur, dici nubes esse, ait, aut frigus mediæ regionis aëris, hac ratione; quod exhalationes & vapores in sublime efferantur ad mediam aëris regionem, & inde ab aëre frigido & denso protrusi refracto impetu resiliant, & quia pulsu deorsum aguntur, cui resistunt ob inditam levitatem, qua in superiora contendunt, dum neutra pars vincit, quasi partita contentione, neque sursum, neque deorsum, sed oblique fluant. Sic *Jachæus* cit. I. Ventorum motus hunc in modum fit, inquit: Halitus multi in sublime rapti, cum ad mediam, aëris regionem pervenerunt, ab illius frigore protruduntur: Et quia deorsum pulsi, cum suapte natura sursum ferantur, dum neutra pars vincit, quasi partita contentione, oblique fluunt &c. Conf. *Zeisoldus* in notis, & *Prücknerus* in comp. p. 76. *Stierius*, denique eadem verba ex *Jachæo* cum *systemate Ernestino* describens, in Tab. p. 30.

IV. Has Peripateticorum suppositiones rejicit *Fromondus* lib. IV. Meteor. cap. 2. nubem inquiens, vix posse repellere exhalationem deorsum, sicut paries pilam, quia nubes mollis & rara est, neque frigus mediæ regionis aëris hoc præstare posse, cum inter primas qualitates non sit ejusmodi antipathia, ut se mutuo loco pellant &c. Ipse vero afferit, causam unde vapores impetum venti recipiant, esse gravitatem, idque probat 1) ex eo, quod pluvia, grando &c. gravitate sua delabantur; igitur & venti, nec ob stare, quod venti non cadant in terram perpendiculariter; hoc enim effici ab exhalationum aut vaporum perpetuo ascensu ut venti materia recta deorsum tendere non possit, sed ad latus deflectere cogatur. Idem 2) ex eo probat, quod alias nulla possit dari ratio, propter quam, autumnali tempore plures oriantur venti, nisi hæc, quia exhalationes plurimæ æstate collectæ, tunc refrigescant, deorsumque gravitate sua ruant 3) inde quoque idem concludit, quod à polis & frigidis cœli cardinibus ferociores spirent venti ob majorem ibi exhalationum gravitatem, ex densitate utique oriundam &c.

V. *Cartesius*, & qui supra in Phæn. ult. æolipilarum artificium similiaque declararunt, non alium in finem id fecerunt, quam ut ostenderent, ventos naturales, qui solent in aere sentiri, eodem fere



modo, quo illi artificiales, generari, & præcipue non nisi in duabus rebus discrepare, quas deinde pluribus deducit. Maxime vaporum multo copiosius non ex marium vastissima superficie tantum, sed ex terris humentibus, ex nivibus & nubibus, exhalantium impetum ex angustia spatii cujusdam inter nubes, montes, vapores alios, aut ventos etiam aliunde jam actu spirantes, decurrendi, indeque accelerato motu deducit Cap. IV. de Meteor num III. Tametsi & condensatos alibi vapores, locumque dilatatis alibi, & spatium amplius deposcentibus, cedentes occasionem & facultatem eo ruendi his concedere distincte satis monebat eodem loco, ex hisce præsuppositis postea specialia phaenomena ventorum ordine declarare annisus.

VI. Hæc vero causa, quæ Cartesio quasi secundaria est, & explicandis ventorum sedationum tantum flatibus accommodata, principem fere locum habet apud *Honoratum Fabri*, sed inversa prorsus ratione, cum, rarecente alicubi aere, vicinum alium, aliis partibus notabiliter altiore aut densiore, partim propria gravitate, partim elastica virtute ab incumbente superiore pressum, ad locum rarioris ruerre supponit Lib. IV. Tract VI. Prop. XX. Adjungit autem alterum quoque modum, si scilicet contingat alicubi magis premi aerem, atque ita pressum ad eum proruere, qui minori elatere præditus isti cedat, Prop. XXI. & ex his duobus quasi fontibus aeris puta diversa in diversis locis gravitate, & magis minusve pressi diverso elatere, vel seorsim vel junctim, omnes ventos emanare existimat Prop. XXII. gravitatem autem & elaterem aeris, ex admixtis vaporibus sive terrenis, liquefcentium e. g. nivium, sive lunaribus, ex altitudine sphaeræ aeræ augescere &c. posse augmenta varia capere, judicat Prop. XXIII. & seq. illam interim Peripateticorum hypothesin num II. ac III. traditam Prop. LXXVI. num. 3. alteramque Fromondi quoque num. 9. haut obscure rejiciens.

VII. Id vero, quod de mutabili subinde aeris altitudine supponit idem Honoratus, hic speciatim considerari meretur. Cum enim cum Patribus Ecclesiæ antiquissimis (Vid. Prop. XXV) existimet, omnia mundi corpora ex iisdem elementis conflata esse, & in communi quodam aere (quem in statu suo puriore, ab admixtis crassioribus halitibus abstrahendo, ætherem dicamus) suspensa, singulis etiam determinatam aeris ambientis & versus centra singulorum gravitantis sphaeram attribuit, indeque concludit, aeris in terram gravitantis sphaeram nullibi minus altam esse, quam in ea parte, quæ terram & Lunam media interjacet, atque ita respectu ejusdem horizontis, tum  
propter



propter Lunæ, tum etiam propter aliorum planetarum diurnum accessum & recessum, altitudinem illam, & consequenter gravitatem, subinde mutari. (Vid. Lib. III. Prop. XXXIII.) Atque hoc solo modo ab astris quodammodo ventos dependere concedit Prop. XXV. Lib. IV. (alias influxum stellarum in procreandis ventis & hic & Prop. XVII. non sine causa negat) Solem autem specialiter, non tam causam, quam occasionem ventorum ex eo capite agnoscit, tum quod aeris partem aliquam calefaciens & rarefaciens, alii ex vicinia incumbenti ansam ruendi præbeat; tum etiam, quod excitato è terris halitu copioso aerem subinde alibi graviores aut pressiores, alibi leviores &c. reddat. (Vid. Prop. XXIV.)

VIII. *Isaacus Vossius*, uti aerem nihil aliud esse putat, quam humorem dilatatum; ita Solem ipsi excoquendo ac dilatando varios inducere motus statuit, qui, si leniores fuerint, auræ, si violentiores venti, si concitati admodum, procellæ nomine veniant p. 94. Lib. de motu marium & ventorum. Aerem igitur æque ac marinas aquas à Sole rarefactum sub zona torrida ex alto deorsum occidentem versus ruere perpetuo supponit, ab initio quidem parum, deinceps accelerato motu, notabilius (p. 96.) Hunc autem motum generalem aeris. à montium inæquabilitate, ut aquæ à litoribus, varie deflecti in austrum quoque ac boream, & aliquo modo rursus in orientem, comitante ordinarie & proportionate motu aeris oceani motum. (p. 99.) Atque, uti dilatatus aer inundans terras ventum efficiat marinum; ita Sole occaso, h. e. cessante dilatatione, subsidere aerem, & ad loca sua refluxum terrestres cingere ventos. (p. 103.) Hinc etiam æquinoctiorum tempore, uti marium, ita ventorum motus esse maximos &c. (p. 114.)

IX. *Athanasius Kircherus* Lib. IV. Mund. subt. Sect. II. Cap. I. negat unam & eandem ventorum causam assignari posse, sed pro septemplici varietate ipsorum (quam ibi narrat) alias aliasque in seqq. assignat. (Vid. in epitomen collectas, p. 192.) Et *ventum generalem* quidem vaporibus à Sole excitatis rarefactisque, & ab australiore borealique crassiore aere sub zona torrida in occidentem determinatis, attribuit: *Etesias*, non equidem ex liquefactis subpolaribus nivibus (id quod quatuor argumentis adversus Peripateticos evincit,) sed ex nivibus montium septentrionalium Græciæ &c. viciniorum, cum P. Fabri derivat (197) reliquos in oceano anniversarios, ad Solis motum ab uno tropico ad alterum, tanquam ad causam remotam, ad juga montium nive tectorum, harumque solutionem & illorum positum,



fitum, tanquam causam proximam reducit, (p. 200 ad 202) ventos è terræ cavernis spirantes, ab aquarum subterranearum rarefactione & lapsu, aut ab halitibus igne subterraneo excitatis dependere judicat (p. 203 seqq.) Per medium maris erumpentes, spiritibus sulphureo-nitrosis, ab igne subterraneo copiose-excitatis transcribit: (p. 207.) Extemporaneos, ante casum imbrium, gravidarum nubium descensui & pressioni, à circumstantibus crassioribus vaporibus aut nubibus aliis promotæ, acceptas refert; (p. 208) tandemque causas transversalis & inæquabilis interruptique motus ventorum quorundam, aliquot assignat (p. 212) quas enarrare omnes longum foret.

## EPICRISIS

super enarratas Hypotheses, & Phænomenorum  
singulorum specialior declaratio.

### I.

**Q**uemadmodum *Athanasio Kirchero* in eo assentimur, quod una generalis causa assignari ventis omnibus non possit, aut debeat; ita causam generalis illius in zona torrida venti orientalis, facile concedemus *Vossio*, *Varenio* & aliis, esse rarefactionem aeris ab obambulante Sole successive inductam, qua fiat, ut, majorem locum postulans, ex alto ruat occidentem versus; pariterque largiemur *Cartesio*, ventulos illos orientales matutinos, & occidentales vespertinos, ex aere subsolari rarefacto in utramque partem, ad partes alias condensatiores descendente, pendere, (Vid. p. 176. in *Meteoris*) dummodo duos hosce scrupulos nobis exemerint: 1) Cur aer ita rarefactus in plagas latitudinarias non æque ac in longitudinarias effertur? 2) Cur non, uti prorsus insensibiliter ac pederentim, absque impetu illa rarefactio; ita pederentim etiam absque impetu & insensibiliter, rarefactus gradatim ac dilatatus aer, locum in partibus aeræ sphaeræ condensatiores sibi quærat? Quod idem dubium circa *Fabri* & *Fromondi* hypothesen nos urget; quando ille vicino densiori & graviori aeri, in locum rarefcentis alicubi adfluenti, hic vaporum innatæ gravitati, ventorum impetum attri-



attribuit: cur enim rarefcenti sensim aeris portioni, vicinæ densiores non etiam sensim ac pededentim potius se insinuare, quam post rarefactionem notabilem cum impetu quodam allabi credamus? Et cur vaporum descensum impetuosum concipiamus, quos lentissime ac insensibiliter ascendere novimus?

II. Equidem circa prius non sine ratione videtur obtinere *Kircherus* aëris australioris & borealis majorem crassitiem, cui *Varenius* adjungit ipsum Solis motum, à cujus radiis impulsus aliquo modo aër, in occidentem potius quam aliorum determinetur: Circa posterius autem *P. Fabri* & *Fromondus* facilius forte quam *Cartesius* & *Kircherus*, exciperent, rarefactos ante vapores ac decrescente paulatim impetu sublatos, hoc prorsus tandem cessante, motu gravitatis subinde crescente & accelerato, atque adeo cum impetu descendere; quo casu fortasse probabilius, generalis ille ventus à vaporibus derelictarum tam à Sole regionum orientaliorum ad occidentaliora potius, quam ad orientaliora, & Solis calore adhuc magis obnoxia loca dicto motu ruentibus adscriberetur. Cujus rei veritas aut verisimilitudo saltem, ut innotesceret plenius, pluribus equidem observationibus opus esse videtur, & accuratiori examine circumstantiarum: Utrum e. g. ventus ille orientalis perpetuus, ante Solis ortum, aut ipso jam exorto, validior sentiat in uno eodemque loco, nec ne? an circa mediam noctem, an vero circa meridiem notabile quoddam ejus incrementum percipiatur? &c.

III. Et quamvis ex illa descensus vaporum acceleratione quapiam, impetus aliquis versus loca rarioris aut levioris aëris, quodammodo deduci possit, cum alias foco luculento adflare quidem aërem densiorem (quod *Vossius* p. 95, ex aliorum hypothese adfert experimentum) sed non nisi per rimas & angustias sentiamus; non existimamus tamen hanc solam causam ad omnium ventorum impetum declarandum sufficere; sed in quibusdam saltem, ad fluminum horum aëreorum alveos, sive objecta nubium, montium, ventorum



aliorum alibi spirantium &c. formatas casu angustias, cum *Vitruvio*, *Cartesio*, *Kirchero*, aliisque doctissimis Viris, respiciendum esse persuasi sumus.

IV. *Fromondus* equidem non sine causa rejicit Aristotelicorum rationes, pro impetu vaporibus conciliando, ut formam venti, præsertim impetuosioris, induant; quamvis ejus rationibus aliæ stringentiores substitui posse videantur: Nempe, si maxime vel nubes, vel aër mediæ regionis media essent, ad reflectendum, instar solidi parietis idonea; inconceptibile tamen esset quo pacto vapores aut exhalationes lentissime ac insensibiliter in altum sublatis à nubibus vel aere resistente, majore impetu repercuterentur, quam prius illapsi fuissent, siquidem tum ratio, tum experientia docet, reflexum motum nunquam esse tam vehementem, nedum vehementiorem, motu incidente. Quod si non tam resistantiæ aut soliditati, quam frigori aeris imputare repercussionem illam velint; cogitent quæso, qui motus vel impetus ab eo expectari possit, cujus tota natura in quiete seu carentia motus posita est, id quod de frigore in parte generali à nobis evictum est. Sistere motum potius, quam excitare valet, & hinc rarefacti dilatatique per Solis diurnum calorem vapores æstivo tempore, ingruente vespertino frigore coeunt & condensantur in rorem, terramque sua gravitate petunt, nullo tamen impetu vel motu saltem sensibili.

V. Unde nec ipsius *Fromondi* sententia, ventorum impetum à sola materiæ vaporosæ gravitate deducens, probari nobis potest. Cum enim ros & pruina, ceu modo dictum, imo nix & pluvia quoque, eadem gravitate sua, perpendiculariter descendant, nec tamen vel venti sensum ullum inducant, vel ob vaporum obviorum sibi resistantiam in motum obliquum detorqueantur, ne roris quidem invisibiles guttulæ, nedum nivium & pluviarum flocci & guttæ, minime omnium vero flatus ventorum impetuosius deorsum ruituri; palam est, totum hoc, de perpendiculari vaporum continuo ascensu, (qui negari non potest) sed descendentium acceleratum quoque nisum à perpendiculo



diculo deficiente, suppositum, merum commentum esse, & Peripateticorum etiam commune effugium. Ratio igitur genuina obliqui illius ventorum, & nonnunquam transversi, & quasi horizontalis, motus, ex angustiarum in sublimi formarum, nec facile vel perpendiculariter sursum, vel perpendiculariter deorsum directarum, positu unice petenda est. Neque vel secunda vel tertia Fromondi causa id infert, quod ab ipso intendebatur; autumnali enim tempore utique major copia vaporum, & à polis major eorundem densitas & gravitas concedi potest, ut tamen à neutra illarum, sed à sola motus acceleratione in quibusdam angustis, expectanda sit.

VI. Hanc enim vaporum in angustis locis accelerationem præcipuam impetus ventorum causam esse, compluria docent experimenta, & ipsorum manifestæ rationes. Nam *primo* experientia quotidiana docet, ubi totus aer in aperta camporum planitie summa gaudet tranquillitate, sub urbium portis tamen, & in angustis, nec non circa templa arctius clausa, flatus aliquis notabilis semper percipitur, habeoque hujus rei singulare experimentum in Museo meo, quoties aura levis ex area collegii nostri per rimas fenestrarum cubiculi museo vicini subintrat, toties per januæ in cubiculum aperiundæ fissuras, in Museo sedens, perpetuum audio venti sibilum, qui penitus evanescit aperta janua, illaque adeo fissuræ angustia sublata. 2) In fluminibus alveo lato & amplo lentissime incedentes aquæ, ubi angustiam alicujus pontis vel arcus alicujus attigerint, ibi magnam celeritatem ideo acquirunt, quod subsequens amplo alveo aqua omnem antecedentem per pontis vel arcus angustiam cogat; id quod aliter fieri non potest, quam ut tanto celerius in illa angustia, quam ante in alveo latiore, protrudatur; eodemque adeo modo in fluminibus aeris vaporosis, per angustiora loca commeantibus, illa celeritas acquiritur, quæ venti formam præcipue constituit.

VII. Atque ut extemporaneos ac subitaneos *Kircher* dictos, ut & è cavernis terræ spirantes, & artificiales, ad talem cau-



sam cum ipso & Cartesio merito referimus; sic anniversarios illos oceanum longe lateque perflantes, & Etesia, Græcorum, similesque horum, alibi ex editioribus montibus defluentes, ad lapsum illum vaporum acceleratum, tanquam causam impetus proximam, ab angustiiis convallium forte adjutam; ad Solis autem, nives altissimorum montium liquefacientis, motum intra tropicos variantem, & montium diversum positum, quin & vim venti generalis, tanquam causas remotas ac impetum determinantes, reduci facile patimur.

VIII. *Honorati Fabri* mutabiles tam insigniter gravitatis sphaeræ circa terram & Lunam, nondum equidem sese nobis probant; cum nulla vel assignetur ab ipso, vel appareat ullibi causa, quæ partem aeris paulo ante gravitatis suæ nisu ad terræ centrum desuper nos undecunque urgentem, mox ad exortam Lunam in partes contrarias, ad hujus centrum, sursum eniri faciat; & specialiores plerosque, etiam in hac nostra zona, ventos ex illo generali zonæ torridæ, diversimode tantum determinato, cum *Vossio* derivare velle, nimis coactum nobis videtur; ob ingens utrarumque zonarum intervallum, generalis illius venti sedatum incessum, & ventorum ibi regulares admodum & statas, hic incertas & vagas, pro anni tempore vices.

IX. Sive jam ex halituum addensatorum accelerato descensu, sive ex nubium montiumque angustiiis adspiret ventus, utroque casu deorsum magis ejus impetum ferri necessum est; tametsi remotioribus paulum à vertice, ac Horizonti propius existentibus istis faucibus, etiam Horizonti παραλλήλως incedere flatum nihil impediat, interruptæ vero horum vices, interruptæ quoque & impeditæ subinde Solis actioni, nivibus præsertim, nunc uno quasi impetu, nunc lentius liquefcentibus, aut objectis ipsi per vices in via obstaculis &c. adscribendæ videntur. Conf. P. Fabri Tract. VI. Lib. IV. Prop. XLVII. p. 473.

X. Hiemali ac verno tempore, præ aliis anni temporibus, venti regnare in zona nostra videntur, propter nives copiosas in halitum facillime resolubiles. In zona torrida vero Solis verticalis



calis vis maxima in ciendis vaporibus ex oceano vastissimo copiosissimis, noctiumque latis notabilis longitudo, in his cogen-  
dis potens, ejus diversitatis causæ esse non immerito videntur,  
quam Phæn. VIII. ac X. adnotavimus. Scilicet in zona torrida  
ut ii menses cuique provinciæ sint ordinarie pluviosi, quibus So-  
lem in meridie habent veeticalem, atque adeo toto die ferventis-  
simum, ingentemque vaporum copiam, tum ex oceanorum  
vastis superficiebus, tum ex concretis deinceps, per noctes perpe-  
tuo satis longas, nubibus continue excitantem, qui postmo-  
dum per insequentes noctes, nostris æstivis multo longiores in  
pluviosas nubes identidem iterum concrecant. Pluviosos au-  
tem vel siccos in his nostris terris, calidos item aut frigidos, eos  
menses experimur, quibus venti illi regnaverint, qui vel vicina  
maria, vel regiones sicciores, calidiores aut frigidiores inter eun-  
dem perspiraverint, aut imminentibus humidioribus &c. affla-  
tibus obviam iverint &c.

XI. Et quemadmodum flumina plurima supra terram de-  
currunt; aliqua vero etiam infra illam, ac in diversas sæpe con-  
trariasve partes, prout ipsorum scaturigo altius humiliorve po-  
nitur; ita quosdam ventos altius, alios humilior, ac nonnun-  
quam via contraria, incedere mirum haut est; cum & horum  
fontes nunc sublimiore, nunc depressiore aeris, aut concurren-  
tium nubium montiumque, loco verosimiliter existant, ut hoc  
pacto etiam Phænomeni IX. ratio jam pateat.

XII. Materiam denique ventorum exhalationes aqueas &  
vaporosas magis quam siccas & terreas esse, ut credamus, ingens  
halituum vel uni diuturniori vento continuando necessariorum  
multitudo nobis persuadet, quam oceanus, humens terra, ni-  
ves ac nubes possunt suppeditare: neque metuendum, ut ali-  
quis hoc modo ventus esse siccus possit; cum æolipilarum  
quoque ventus, si paulo validior fuerit, & halitus vaporosus ex  
ore coangustato efflatus, exsiccet obviam; impetu scilicet particu-  
larum aquearum, aqueas alias ex poris humidorum corporum,  
una secum auferendo, & hoc pacto illa quasi per accidens, exsic-



cando, (Conf. Cartes. in Meteor. p. 162.) Ut hac ratione ventorum quoque materia proxima calida dici concedique Peripateticis possit, (quia ne vapor quidem absque calore fieri possit) nec tamen ideo necessarium sit, eam proprie loquendo siccam esse.

XIII. Ea, quæ *Athanasius Kircherus* hypoth. num. IX. docuit, non solum quoad assertum generale, quo negat unicam omnium ventorum posse causam assignari, à nobis omnino approbatur, sed etiam quoad cæteras speciales causas, quas diversi generis ventis separatim assignat, ita censeo, ut plerasque omnes probabilitate non destitui existimem. Quod vero ad phænomena residua, quæ in hætenus dictis nondum tacta fuerunt, attinet; diversæ illæ qualitates ventorum, quas in nostris hisce terris ut plurimum observari Phæn. II. adnotavimus, ad sequentes causas verosimillime referendæ videntur: *occidentalis* (ut ab ultimo incipiam) solet esse vel pluviosus, veris præsertim & autumnii tempore, vel nivosus hyemali tempestate, imprimis autem utrobique post diuturniorem serenitatem; quia nimirum interea temporis, supra vastum mare atlanticum, magna vis vaporum in aere collecta, per supervenientem flatum occidentalem, sub forma vel pluviarum vel nivium copiosiorum, ad nos advehitur. *Aquilo* vero seu *boreas*, è transverso priori superveniens, advectas nubes pluviosas aut nivolas in austrum propellit, ita subitanèam his nostris oris inducens serenitatem. Quod si vero humidus ille ex occidente aer latius in septentrionem exporrigatur, in eo casu ventus borealis non statim, sed post unum alterumque diem demum, serenitatem affert, postquam scilicet humores nobis septentrionaliores ad nos primum (ita ipse quoque per accidens pluviosus aut nivosus) dein à nobis ulterius in austrum propulerit; de cætero per se ipse frigidus est & siccus, ob aerem è septentrione frigidum & siccum, quem secum vehit. *Orientalis* ob similem rationem, quia halitus sicciores ex vastis ab oriente terris ad nos transfert, natura *siccior*, & quia humores ex occidente nobis imminentes retro-pellit, *serenus* & continuata diu serenitate, cum primis diebus æstate



æstate longioribus, haut raro *calidissimus*; hyeme vero, ex montibus Bohemicis, Moravicis & Hungaricis, præsertim longescere diebus, & nivibus in illis montibus sensim in vapores pruinosos resolvi incipientibus, *frigidissimus*. *Auster* denique sive *notus*, propter aerem ex Africa calidum, & supra mare mediterraneo humidum, (quem ita mixtum ad nos transmittit) *calidus & humidus*, ut hoc modo *Kircheri* regulam omnino probem, qua decernit Lib. IV. mundi sub. Sect. II. Cap. VIII. p. 213. *Ventorum qualitates non à plagis mundi, ex quibus spirant, sed à medio, per quod transeunt, æstimandas esse.*

XIV. Qua regula semel admissa, non erat difficile rationes eorum reddere, quæ sub fin. Phæn. II. seqq. III. & IV. annotata fuerunt, scilicet, Romæ quoque septentrionalis ventus, ut in his nostris terris, frigidus & siccus sentitur, quod per multas regiones siccas & ex frigidis nivosisque montibus eo adspiret. In Belgio vero contra humidus & pluviosus est, quia per oceanum germanicum ejusque sinum australem, copiosos vapores eo convehit; Tuneti denique idem ventus calido-humidæ qualitatæ est, quod ex Hispaniæ Galliæque littoribus calorem, ex interjecto vero mari mediterraneo modicum una humorem ad oram Tunetanam transmittit. Sic igitur ventus quilibet hominum corporibus salubris est, qui per loca & regiones salubres, odoribus fragrantibus imbutas &c. transpirant; alii, qui nimia humiditate, siccitate, vel æstu nimio peccant, iisdem varie nocent; prout in ipso Phæn. III. pluribus indicatum fuit. Nec eorum, quæ in Phæn. IV. commemorata, rationes, post hæcenus dicta, obscuræ amplius esse possunt.

XV. Tametsi ventorum, validiorum præsertim, origo aliqualem angustiam præsupponat, ex ea tamen egressus in magnam se amplitudinem dispendere potest, leniores tamen venti ab ipsa origine jam lati & ampli invehuntur, quando scilicet vel rarecente alicubi & leviori reddito aere, gravior aut densior alius ad locum rarioris proruit; vel e contra rarescens altiusque elevatus è sublimiore loco ad condensatiorem humiliorem descendit,



cendit. Ad quod posterius genus referri quoque illi possunt, quorum in Phæn. VI. P. Fabri mentionem fecit.

XVI. Quæ de monte Cæsio narravit *Kircherus* in Phæn. VII. eorum rationes partim spurias, partim veras & genuinas, deinde subjungit. Illas nonnulli putarunt esse aquarum cataractas in visceribus montis latentes, suoque lapsu ventum excitantes, sed hoc ea circumstantia respuit, quod æstate solum spirent; Alii ab extrinsecus insinuatīs per cuniculos subterraneos ventis, hos cæsianos deducunt; Sed nec hoc succedit, quia cessant hi venti hyemali tempore, cum extrinseci maxime regnant. Pro vera & genuina causa declaranda supponit 1.) Montem hunc totum excavatum hinc inde esse, quod ipse *Kircherus* ipso facto comperit. 2.) Totam saxeī montis superficiem foraminibus & fissuris undique hiare. 3.) Concatenatam hanc saxeorum montium molem æstivo tempore, per varias Solis reflexiones, inter montium crepidines & convalia factas, immodicam concipere æstus vehementiam. Hinc igitur 4.) æstuosum illum forinsecus aërem valde reractum & attenuatum per fissuras montis sese insinuare, sed cum internarum cavitatum aëre consistere non valentem, alibi post aliquam compressionem, effugium iterum querere, atque non nisi æstate fervida, quatuor circiter horis ante & quatuor post meridiem, refrigeratorios illos flatus causari; sub noctem vero cessante sensim calore, flatus etiam istos necessario quoque cessare: prout æolipilarum experimento aliquo modo totum hoc negotium, declarari potest; quarum æolipilarum, similiumque machinarum ventos artificiales procreantium descriptiones in Phæn. XI. prolixè datæ sunt, simulque earundem ibid. enarratorum effectuum causas distinctissime explicatæ fuerunt.



# ARTICULI III.

## CAPVT III.

### *De Vento generali & perpetuo sub Zona torrida.*

#### I. PHÆNOMENA.

**P**HÆN. I. De vento hoc perpetuo & generali passim agunt tum modo laudatus *Kircherus* Mundi subter, Lib. IV. Sect. II. Cap. II. *Varenius* Lib. I Geograph. general. Cap. XXI. Prop. II. *Isaacus Vossius* Lib. de motu marium & ventorum Cap. I. *Cartesius* Part. IV. princip. num. LIII. aliique plures. Ventus hic (à nautis *den generalen Wind*, oder *den Passaet-Wind* appellatus) non nisi intra tropicos, vel paulo ulterius perceptibilis est, ac toto fere anno in patulo mari spirat, nusquam tamen magis, quam in mari pacifico, inter Americæ litus occidentale, & insulas Philippinas, in India orientali, 1650 milliar. intervallo, sensibilis.

PHÆN. II. Etenim, quæ à novæ Hispaniæ portu *Aquapulco* solvunt naves versus Philippinas, h. e. quæ ab ortu in occalum tendunt, sæpe sexaginta diebus navigant continue sine ulla velorum mutatione vel collectione, cum constanti vento Euro vel Euroborea: adeo placido & æquabili, ut in hunc usque diem nulla navis in vastissimo illo itinere perierit; indeque nautæ dicere soleant: in hac navigatione licere sibi secure dormire, neque ulla gubernandæ navis cura opus esse, cum generalis ille ventus ultro quasi deducat navem ad optatum portum, h. e. ad Philippinarum insularum conspectum, quo loco deinde alii irregulares venti hunc generalem regularissimum interpellent.

PHÆN. III. Eadem constantia hujus generalis venti orientalis deprehenditur in mari à capite sive promontorio bonæ spei, vel potius ab Africa procurrentis ea  
M m m m m m m parte



parte, quæ in torrida zona jacet, usque ad Americam Brasiliensem, in cuius itineris medio jacet insula S. Helenæ, ad quam cursum dirigere solent nautæ ex India redituri in Europam. Abest insula dicta à promontorio bonæ spei mill. 350, & sæpe diebus sedecim absolvitur, vel etiam duodecim, (prout generalis ventus vehementior est aut debilior, nec enim in hoc est perpetua similitudo, quod notandum) eadem securitate utentibus nautis, (postquam prius ad parallelum illius insulæ, à promontorio bonæ spei, quod extra tropicos jacet, ascenderint,) qua diximus uti eos, qui in mari pacifico ab Aquapulco ad Philippinas navigant; imo, superato promontorio bonæ spei, omni fere ventorum periculo & variatione defunctos se esse judicant, & secure dormiunt, vento constanter implente vela versus insulam & Brasiliam.

*PHÆN. IV.* Estque inprimis notabile, & ad confirmandum hunc ventum generalem non parum aptum, quod iidem nautæ asserunt, hanc unam sibi curam esse ac sollicitudinem, ne insulam prætervehantur (ex qua ordinarie aquas recentes petere solent) cum admodum parva sit. Etenim, si vel octava miliaris parte eam prætervecti sint, non possunt illam repetere, vento nimirum orientali impellente navem versus occidentem: ideo tunc aquationis causa, vel ipsa Brasiliæ litora cum magno itineris dispendio, vel aliam in insulam dictam *Ascension*, adire coguntur.

*PHÆN. V.* Tametsi vero Viri doctissimi magno consensu judicent, si tota terra undis marinis undique tecta obrutaque esset, orientalem hunc ventum vere generalem fore in universa zona torrida, nunc tamen, præsentī telluris conditione, non nisi duo maria sunt zonæ torridæ, in quibus generalis ille orientalis ventus cum suis collateralibus per totum annum sine omni impedimento dominatur; tertia autem pars hujus maris sub zona torrida existentis, nempe inter Africam procurrentem in litore orientali, & Philippinas seu orientis insulas, non quidem destituitur hoc generali vento, sed sæpius in hoc mari interpella-  
tur



tur propter frequentes insulas; quæ tamen interpellatio in quibusdam locis crebrior est quam in aliis &c. quæ porro ex *Varenio* superaddi mererentur, ex quo superiora pleraque desumpta sunt, ideo quod ipso nemo melius aut distinctius hanc totam venti generalis historiam nobis descriptam reliquisse videatur.

*P H.ÆN. VI.* Quemadmodum & illud notabile est, quod generalis hic ventus, in maribus istis, non æqualiter se ad tropicos usque extendat in omnibus partibus, sed magnam esse in hoc differentiam. Etenim tropici distant ab æquatore gradibus  $23\frac{1}{2}$ ; Ventus autem generalis in uno meridiano sentitur ad latitudinem 20 gr. in alio ad 15 in alio ad 12 &c. Ita in Indico oceano, cum mense Februario & Januario ventus orientalis (vel Euro-auster) spirant, non deprehenditur is, antequam ad decimum quintum latitudinis pervenias, sic à Goa ad promontorium bonæ spei navigantibus ventus hic generalis occurrit ad 12 gr. lat. austr. & ad 28 gr. latitud. ejusdem comitatur illos, item inter 4 gr. lat. septent. usque ad 10 vel 11. gr. in mari inter Africam & Americam nullum generalem ventum spirare nautæ annotarunt &c. &c.

## II. HYPOTHESES

pro causis hujus venti generalis, ejusque circumstantiarum, explicandis excogitatae.

### I.

**S**Ub finem tandem cit. Prop. II. causam hujus generalis continui venti docere satagit, quam triplicem afferri à Physicis recentioribus, dicit, (veteribus enim omnino ignotum ipsum fuisse, cum ipsa zona torrida, cujus ne verbo quidem meminerint.) & aliquos quidem 1) statuere, Solem hujus venti ab oriente ad occidentem spirantis causam esse, quoniam is ingenti sua facultate rarefaciat aerem in zona torrida, & ita protrudat ab oriente in occidentem, cum ipse incedat hac via. Alios vero 2) & quidem ex illis, qui cum Pythagoræis cœlum stare, tellurem circumrotari statuunt; illorum, ait,

Mmm mmm 2

quos-



quosdam existimare, ventum hunc generalem ex eo provenire, quod dum tellus circumrotatur, atque aer cum ea, hic minus sequatur motum telluris, sed aliquantum tardior sit ad motum, atque ideo, dum nos cum tellure ferimur ab occidente in orientem, aer minori celeritate motus in eandem plagam, videatur nobis occurrere, & ab oriente in occidentem moveri, cum tamen nos illi potius occurramus. Cartesium denique 3) etiam tertiam causam afferre, eamque omnino novam Prop. 222 in suis principiis (secundum recentiore numerationem, num. LIII. Part. IV. Princip. Philos.) ubi Lunam efficere hunc motum conetur ostendere; non minus ac motum maris ab oriente in occidentem, nolle autem de ea quicquam hic dicere, ob rationes nunc statim subjiciendas.

II. Quia nimirum 1) illa sententia non possit intelligi, nisi omnes ejus hypotheses Physicæ explicentur; præsertim quia 2) causam illam non esse veram, alio loco sit ostensurus. (utrum respexerit ad Cap. XIV. Prop. IX. dubitare cogor, quia hic in tempore futuro loquitur; quid veri autem subsit huic Varenii judicio, in epicrisi nostra paulo post videbimus.) Secunda vero ex hætenus enarratis ideo videtur ipsi non recipienda, quod & Copernicani plurimi eam ipsimet non concedant, & ratio insuper dari non possit, quod tantum intra tropicos, vel ad trigesimum gr. latitudinis, & non in temperatis totis zonis is ventus deprehendatur spirare. Itaque primam ex enarratis hypothesebus sibi placere dicit, sed absque ulteriore ejus confirmatione; qua indigere tamen ipsa videtur in eo, quod asserit Solem, ingenti sua facultate rarefacere aerem in zona torrida, & ita protrudere ab oriente in occidentem, cum ipse incedat hac via. Quæ omnia cum ad vicinam zonam temperatam, saltem ad ejus propiores torridæ vicinæ partes accommodari posse videantur, nullo tamen interim vento orientali continuo inibi percepto, non immerito illa aliquo adhuc defectu laborare videtur.

III. *Athanasius Kircherus* eandem illam à Varenio electam hypothesein approbare videtur, sed cum additamento aliquo, quo defectui paulo ante memorato magna forte parte consulitur. Cum enim per actionem Solis perpendicularem in oceanum torridæ zonæ, ingentem vaporum copiam halitibus (terrestribus puta) mixtam in aerem educi pariter judicasset, indeque intulisset, vapores hosce halitusque rarefactos in anteriori Solis semita consistentem aerem cum summo impetu protrudere, & ex ea protrusione eum ventum, ex ortu in occasum, quem nos generalem vocamus, effici; prompte occur-

rebat



rebat objectio; Hanc à Sole halituum eductionem in omnem oceani circumferentiam fieri, ac proinde halitus quoque in omnem partem diffusos undiquaque ventum causari debere. Sed respondetur à Kircherò, verum esse in omnem partem diffundi halitus, sed (NB.) cum utrinque ab austro & borea aerem crassiores & vaporosum obvium offendant, fieri ut æstuans hic halituosus aer subtilioris substantiæ, à crassiori circumstante retrusus retroactusque, intra regiam Solis, semitam utrimque pressus coarctatusque, continuo ex ortu in occasum dispellatur &c.

IV. *Cartesii* omnino novam, quam vocat alleg. I. Varenius, hypothesein ex ejus Part. IV num. LIII. & Fig. num. XLIX adjecta, (quæ inter nostras Fig. est numero XL.) ipsius verbis describemus; cui rectius intelligendæ, hæc duo præmonemus: *Primo*, unam eandemque hic assignari causam, tum motus oceani perpetui in occidentem, quem in Sect. I. hujus Tomi II. prolixè contemplati fuimus; tum motus aeris perpetui in eandem plagam; Lunæ nempe præsentiam in quolibet horizonte ejusque meridiano, cujus occasione scilicet utrumque elementum ab æthere interfluente prematur, & *secundo*, ob terræ, seu totius sphæræ elementaris potius motum diurnum, cum Copernico suppositum, Lunæ adeo occurstantem, versus occasum determinetur. His ita à nobis præmonitis, jam in alleg. I. Cartesius: Præterea notandum est, addit, dum terra fertur ab E per F versus G, sive ab occidente in orientem, aquæ tumorem 4, 1, 2, itemque aeris tumorem 8, 5, 6, qui nunc parti terræ E incumbunt, paulatim ad alias ejus partes magis occidentales migrare; ita, ut post 6 horas incumbant parti terræ H, & post horas duodecim parti terræ G; idemque etiam de tumoribus aquæ & aeris, 2, 3, 4, & 6, 7, 8 est intelligendum. Unde fit, ut aqua & aer ab orientalibus terræ partibus, in ejusdem partes occidentales, fluxu continuo ferantur.

V. *Isaacus Vossius* in Lib. de motu marium & ventorum sub ipsum initium libri statim & maris motum perpetuum, & ventum perpetuum in zona torrida, ad unam eandemque causam, æque ac Cartesius refert; sed ut causam illam Cartesius Lunam esse existimat, occasionaliter ætheris interventu, subiectum sibi aerem, & huic subiectas aquas oceani, prementem: ita Vossius eandem credit esse Solem, calore suo tum aerem, tum aquas huic subiectas rarefacientem, dilatantem & elevantem, adeoque consequenter ad partes occidentales, ac necdum rectos hujus sideris radios expertes, gravitate sua prolabi facientem. Quod enim in uno casu æquor id ipsum in altero



aerem quoque pati, dicit sub init. p. 4. & p. 95. in fine, ut habeamus universalis illius venti causam illam omnino tenendam esse viam, quam in explicando marium æstu institerit, maxime quod aer aqua sit levior & ad motum promptior. Dilatare igitur Solem aeris corpus (pergit p. 96 versus fin.) & altius evehere ejus superficiem. Cum vero motus fiat ab altioribus ad decliviora, celsiorque sit illa superficies cui aut imminet Sol, aut paulo ante imminuit, necessario decursum fieri in occidentem, qui, quamvis initio exiguus sit, in progressu tamen magis magisque acceleretur.

### III. EPICRISIS

super enarratas huc usque Hypotheses.

#### I.

**M**ulto rectius à Cartesio, utrumque, & oceani, & aeris ipsi incumbentis motum versus occidentem uni Lunæ, quam à Vossio uni Soli fuisse imputatum, sine partium studio censemus. Cum enim in Sect. I. in Artic. de aquæ elemento, ubi de æstu marium ex professio agebamus, hanc Vossii sententiam de aquis marinis rarefaciendo sublati, & procurrendo deinceps magis magisque acceleratis &c. ex cap. non uno confutandam judicaverim; hoc tamen loco, ubi de aeris motu in occidentem generali sermo nobis est, eam ipsam de Sole rarefaciente, tanquam hujus motus aerei continui causa, hypothesein, multo plausibiliorem æstimare cogor; ideo maxime, quod aer subiectum sit ad rarefaciendum, dilatandum, & in altum elevandum insigniter aptum, aqua vero ad similes proprietates subeundas dicto loco judicata sit ineptissima.

II. At enim vero, in Cartesiana hypothese, ætheris pressio, occasione Lunæ præsentis procurata, æque speciose & ingeniose aeræ sphaeræ ac aqueæ, applicata videtur, siquidem utrumque elementum fluidum est & pressioni cedere commodissime valet. Et quamvis Varenius falsitatem aliquam in illa hypothese (cujus alioquin ingeniositatem vix satis deprædicare valet) manifestam se deprehendisse putet; ostensum est tamen cit. I. putati-



tatitiam illam falsitatem ex mente Cartesii non satis penetrata, ipsaque historia æstuum marinorum minus recte percepta, oriundam fuisse. Quod si etiam Copernicanæ hypotheseos admixtio quem offenderet, haut difficile foret, eandem pressionem ætheris Cartesianam etiam Tychonicæ hypothesei accommodare, quamvis Copernicana hodie non amplius adeo vel absurda vel damnabilis habeatur, in ecclesiis præsertim Protestantium, quam olim habebatur; postquam nova coelestium phænomena, eam tantum non extorquere visa sunt, velut in Sect. II. non uno loco inculcatum fuit.

III. Neque vero hæc ideo pro hypothesei Copernicana nunc asserta volumus, quod putemus eam in præsentī casu quoque generalis venti negotio expediendo sufficere posse, neque quod Cartesianæ, ut in marium motibus, ita in vento generali deducendo simpliciter inhærere constituissemus: quandoquidem in hoc posteriore phænomena nos non ita cogunt ad Lunæ motus, ut in illo priore respicere; imo, si verum est (quod annotavit *Varenius* in Prop. II. Cap. XXI. in & à 10 grad. lat. borealis, usque ad gr. 30 adeoque ultra zonam torridam, spirare ventum hunc generalem; eodemque modo ultra tropicum capricorni, inter promontorium bonæ spei & Brasiliam, Euro austrum (ut ibi Euro. boream idque per totum annum) & simul verum esse posset, quod *Vossius* p. 6 & 7 memorat, prius illud fieri, dum Sol versatur in signis borealibus, posterius autem hoc, Sole australia signa lustrante &c. Si hæc, inquam, vera sint & conciliabilia, deberemus utique in causâ venti hujus generalis indaganda ad motum Solis potius, quam Lunæ respicere.

IV. Hoc vero supposito, cum *Edmundo Halley* in Exerc. XI. Tom. II. Eclect. Philos. num. XIV. p. 542. allegato, deferenda videtur hypothesis Copernicana, (cui alias facile se accessurum fatetur) propter continuam malaciam in mari atlantico prope æquatorem, ventos ex occidente spirantes prope oram Guinæ, ac propter motiones periodicas occidentales in mari Indico; & alia causa quærenda, quæ habilis sit ad producendum ejusmodi effe.



effectum perennem, nec tamen iisdem difficultatibus obnoxia. Talem vero esse sua opinione, Solem &c. &c, in quibus distincte mentem suam exponit.

V. Sed in Vossiana Hypothesi, esse impetus illius in aere ab ortu in occasum potius, quam contra, ruente, apertiore rationem, jam in Cap. IV. num. XI. Exercitat. XI. de aeris mutationibus diximus; nec dum poenitet nos illius sententiæ. Cum enim rarefactus sub Sole aer elevatior sit cæteris partibus undique circumstantibus, minus tamen elevatus super orientaliorem; itemque proxime borealiorem & australiorem, paulo ante vel eodem tempore fere, similiter expansos, omnium maxime vero super occidentaliorem, pridem refrigeratum; fluida vero gravia ex altiore loco ad maxime declivia, maxima cum celeritate ruant; manifestius multo est, aeris rarefacti fluxum in occasum, quam in ortum determinari.

VI. Neque parum fortassis adjumenti huic hypothesi ex Kircheriana accederet, si non aerem ipsum tantum, sed vapores é subjacente oceano magna copia sublevatos, suaque natura aere graviores ex alto deinde tanto majore impetu speciose dicat. Nec illud jure, tametsi fortasse speciose, objici Vossio potest, quod ipsemet p. 95. de motu marium & ventorum, fateatur, accenso in conclavi foco, aerem inibi rarefactum, non foras versus aerem frigidiorum & condensatiorum, sed hunc contra ad illum rarefactum, per rimas & commissuras januarum fenestrarumque, cum strepitu & stridore irrumpere, hoc enim mirum ibi nequaquam est, ubi exterior & condensatior aer multo altior est interiore illo, non desuper, ut in præsentî negotio, sed inferne rarefacto.

VII. Illud majori jure & probabilitate omnibus istis hypothesibus pariter opponi posse videtur, quod, cum rarefactio illa ac dilatatio subsolaris aeris, paulatim ac lente, sine omni impetu sensibili fiat, nulla ratio appareat, cur Sole paulatim itidem à loci rarefacti vertice discedente, dilatati aeris descensus, aut remotioris gravioris accessus, cum impetu quodam, & non potius eadem



eadem carditate ac lentitudine fiat? nisi hoc unum pateat effugium, quod Vossius p. 96. indicavit, illum motum, utique exiguum, deinceps more gravibus usitato & ordinario accelerari. Et hoc pacto, quod attinet ejus determinationem ab ortu in occasum, Vossiana hypothesis Hallejanæ præferenda videretur; haut parum forte subsidii, quoad hanc circumstantiam, habitura, si terræ motus diurnus cum ista Solis actione in oppositas partes tendente, conjunctus, aut fortasse plus adhuc, si Lunæ pressio Cartesiana cum hac eadem unita esset. Quæ porro hic addi possent, petantur ex alleg. Exercit. XI, de aeris mutationibus.

### ARTICULI III.

#### CAPVT IV.

#### *De Ventis anniversariis, sive periodicis.*

##### I. PHÆNOMENA.

**P**HÆN. I. Hi venti apud Græcos olim primum innotuerunt, singulis annis sub caniculæ exortum Græciam calore æstuantem flatibus suis è septentrione frigidiusculis quam benignissime afficientes, noctu quidem silere, interdiu vero spirare deprehensi: qui, quia singulis annis eodem tempore redibant, Græcis ab *ἐτήσιος* annus, *ἐτήσιοι*, & intra Latii pomoeria deinceps recepta voce, *Etesia*, appellabantur. Cum vero progressu temporis alibi quoque, sub zona præsertim torrida, in patulo etiam mari observarentur, qui statas vices & periodos, ut *Etesia*, licet non iisdem temporibus, tenebant, ab his annuis suis periodis, *periodici* & (quæ vox *Etesiarum* nomen exacte reddit,) *anniversarii* dicebantur.

PHÆN. II. Varenius tamen has voces ita distincte accipit, ut periodicorum nomen ipsi tanquam generale, anniversariorum vero, ut illius quædam species consideretur; quando Prop. III, Cap. XXI, Lib. I. statos ac periodicos ventos dicit,

Nnn nnn

qui



qui certis anni diebus spirant, ac deinde certo dierum numero cessant, donec iterum spirare incipiant. Horum quidam sunt anniversarii, quidam semissis anni intervallo redeunt, quidam menstrui, qui unius vel alterius mensis intervallo redeunt, quidam diarii, qui singulis diebus spirant. Addit aliter quoque subdividi statos ventos: Nempe quidam, ubi incipiunt spirare, durant per aliquot menses, alii per semissem anni, alii uno mense, alii paucis diebus.

*PHÆN. III.* Inter hosce præcipue illi observantur à nautis, qui per aliquot menses spirant in certis maris partibus, eosque (ut & ipsa tempora, quibus tales venti spirant) *Motiones* vocant, Belgæ *Moussons* secundum Varenium, *Monsons* secundum Hallejum. Hæ motiones ex laudati Halleji certiore, ut ipse credit, relatione, (ipsemet enim in maribus istis æthiopico & Indico longo tempore vagatus est) ab Euro noto (*Sud=Est*) ad secundum usque gradum ab æquatore australem se extendunt mense Junio, Julio &c, usque ad Novembrem; quo tempore intra australem latitudinem 3 ac 10 gr. prope meridianum extremitatis insulæ Madagascaris, ac intra 2 ac 12 lat. ejusdem australis prope Sumatram & Javam usque ad Moluccas insulas, venti contrarii è plaga Zephyro-borea (*Nord=West*) aut circiter ingruunt, ac dimidio anno spirant, videlicet à Decembris initio, usque ad Majum. A tertio vero gradu latitudinis australis septentrionem versus, per totum mare Arabicum ac Indicum, & sinum Bengalensem, à Sumatra ad usque litus Africæ, alia regnat motio. Spirans ab Octobri quidem ad Aprilem è punctis Euroboreæ (*Nord=Est*) ac reliquo semestri, ab Aprile ad Octobrem, è plagis oppositis Zephyro-noti (*Sud=West*) & Africi (*West=Sud=West*) idque majore cum impetu ac coelo nubilo & pluvioso, cum è diverso Euro-boreæ flatus (*Nord=Est*) sereniores esse soleant &c. quæ omnia, cum specialioribus plurimis, enarrari nostrum institutum non deponcit, à nautis autem accuratissime observari receptum est, ac omnino necessarium, ut ad illarum motionum tempora attendant,



dant, itineri suo consona, quo vento utantur secundo, & protectione expedita, neve moras nectendo, & elabi tempus suum passi, donec contraria semet ingerat motio; cogantur spem resignare perficiendi itineris propositi, & ad portum reverti, unde exierant, vel aliorum interim divertere, ad tenendum ibi tempus, donec venti redeant ipsis propitii.

PHÆN. IV. Sunt & alia ventorum particularia intra zonas torridas, vel stata vel perpetua, non penitus hic prætereunda. E. g. 1) Frequens illa *Malacia* sub oram Guineæ australem, cujus nos superius per occasionem, *Varenius* Prop. XVI. c. 1. & *Hallejus* in relatione sua fusius meminerunt, cum obortis subinde flatibus, quos *Tornados*, i. e. in orbem euntes, appellant; siquidem à latere æquatoris boreali, inter 4 ac 10 grad. lat. ac intra Meridianum promontorii viridis & orientiores insularum cognominum, tractus maris occurrit, ad perpetuam fere malaciam damnatus, quam horrida tonitrua & fulgura comitantur, ac pluviae tam frequentes, ut nautæ Angli eam maris partem abinde *imbres* (*The Rains*) appellent; subinde vero ventuli, sive flatus incerti subitoque nati interstinguunt, perquam exigui ambitus & parum durantes, ut singulis fere horis alius aliusque flet ventus, mox in malaciam desinens, quorum ventulorum ope meliorem viæ partem per illos 6 gr. meridiem versus capere navibus necessum est, haut raro integris mensibus ibi detentis, ac vix tandem enitentibus.

PHÆN. V. 2) *Ecnephia* h. e. subitanei & impetuoosi venti ex nubibus erumpentes, inter Brasiliam & Africæ procurrentem crebri, Aprili, Majo & Junio maxime insignes, prope oram Lowango autem, Januario, Febuario, Martio, alibique aliis mensibus frequentes. 3) Venti certo anni dierumque tempore in locis maritimis é mediterraneis ad litora versus mare spirantes, (quos Lusitani *Terreinhos*, Belgæ *Land-Wind* appellant) aliis vero diei horis à mari versus litora flantes alii, (quos *Vira-coins*, *Wind uyt de Zee* nominant) ut in Malabarico litore, inter Septembrem & Aprilem, ab hora duodecima noctis ad duode-



cimam diei, *terrestres*, à 12. diei vero ad 12. noctis *marini*; in litore Americanæ sive novæ Hispaniæ, *terrestres* media nocte, *marini* de die; in regno Congi & in provinciis ad Lopo consalvo, illi à vespere per noctem, hi mane ac deinceps, calorem diei minuentes &c.

*PHÆN. VI.* Neque vero temperatæ nostræ Zonæ prorsus desunt statæ quædam ventorum, ac tempestatum vices. Ut enim taceam ventos istos orientales & confines perpetuos quorum præced. cap. meminimus, ultra tropicorum terminos ad trigessimum latitudinis gr. utrinque constantiam suam exporrigentes; innotuerunt jam olim Græcorum *Etesia* (de quibus Phæn. I. cap. præsent. paulo ante diximus) & his oppositi *Ornithia* sive *Chelidonia* Aristoteli quoque Lib. II. Meteor. cap. 4. commemorati, sed negligenter satis, iudice Varenio Cap. XXI. Prop. IV. Etenim de Etesiiis hæc tantum annotavit; Etesias spirare post solstitia & post canis exortum (*cum Sole intellige*) neque tunc, cum Sol maxime appropinquat (*vertici*) neque cum procul (*abest*) & interdiu quidem spirare, noctu vero cessare, dum alii initium eorum sexto vel 15 Julii, durationem 40 diebus, finem Augusto finiente, paulo determinatius circumscribere conati sunt. *Ornithiarum* vero, non tempus quidem penitus (uti Varenius videtur existimasse) at plagam, unde spirent distinctius adnotare neglexit, his tantum circa ipsos commemoratis, similiter & post brumalia solstitia spirare *Ornithias*, nam & hos esse Etesias (*sive anniversarios*) sed debiles. Exiliores autem & sero magis spirare. Hebdomadatim enim incipere flare non continuetamen spirare. Illum vero canicularum boream, non tantum in Græcia, Thracia, Macedonia, mari ægeo ejusque insulis (generali Græciæ nomine utique aliquando comprehensis) sed in Ægypto quoque & Africa sentiri testatur sæpe laudatus Varenius, imo eos quoque ventos, qui in Congi & Guzuratæ regnis, inter Martium & Septembrem percipiuntur, à septentrione adspirantes, huc referri posse existimat. Utrum Italia, Gallia, Germania, Persia, Etesiiis penitus destituantur, ut habet quorundam opinio, haut immerito dubitamus. Varenius



renius certe non esse negandum dicit, in canicularibus suæ regionis sæpe flare boream, & nos non semel eodem anni tempore, in hoc nostro horizonte flatus ejusmodi boreales blandos sensimus.

*PHÆN. VII.* Quod reliquum est in zona nostra temperata ventorum (exceptis forte provincialibus quibusdam, quod enarrare speciatim, hac vice longum foret) & reliquarum aeris mutationum ac tempestatum, in incerto totum est, neque vel temporibus, vel locis statis alligatum: id quod vel uno eodemque loco frequentissime licet observare, si quis vel hebdomadas cum hebdomadibus, vel menses cum mensibus comparare, quoad observatas interim ventorum tempestatumque varietates, sustinuerit. Sic e. g. (ut binos saltem menses cum binis plurium successive annorum aliqua ex parte conferamus) sub finem Martii 1669 à 24 ad 30 usque exclusive, regnabant circa Oetingam Rhatia venti occidentales, præcipue matutini, cum nocturnis frigoribus ac intermistis grandinibus nivibusque, sub initium Aprilis autem, post frigidam serenitatem per quatuor primos dies continuatam, d. 5. ventus occidentalis exsurgebat impetuosissimus, insequentibus pluviis per 3 dies continuis, & succedente per 8, 9, 10 & 11 septentrionali frigidissimo, non nisi noctu paulum intermittente. Anno 1671 hic Altdorffii versus Martii finem d. 16. præsertim, ventus orientalis subfrigidus cum serenitate, non diuturna tamen; sub Aprilis principium autem occidentalis iterum ventus primo, secundo, tertio, quartoque die spirabat, coeli mutata interim subinde facie, donec insequente quinto April. plenaria succederet serenitas & aer clementissimus ad decimum usque diem continuus.

*PHÆN. VIII.* Anno 1672 d. 24. Martii nebula surgebat in pluviam à meridie desinens, postero die serenitas, cum frigido vento orientali, ad finem usque mensis continuata, sub ultimos dies indies inclementior; ab Aprilis primo ad quartum usque inclusive ventus occidentalis & pluviae quotidianæ, d. 6. serenitas omnimoda cum vento orientali &c. Anno 1673 ultimis



Martii diebus pluviae multae ab occidentali vento advectae; Aprilis sex priores dies pluvias, grandines, nubila, sudum, iterum nubila & pluvias, promiscue afferebant; septimus, cum orientali vento gratam inducebat serenitatem, sed in meridiem posteri tantum durantem. Anno 1674 circa 22 ac 23 Martii ventus borealis sentiebatur satis frigidus, etsi nubilus: d. 24 idem adhuc, sed serenans, in exitu mensis Euroboreas cum serenitate amoenissima, ab aliquot ante diebus in Aprilis quintum usque se exporrigente, sed vento jam ab ortu spirante frigidiusculo &c. Cujus equidem rei specimina alia plurima, ex observationibus nostris novennialibus, afferre in proclivi esset, nisi ventorum haec ac tempestatum in his oris nostris inconstantia & irregularitas, etiam plebejorum vix obiter attendentium sensibus, quotidie sua frequentia se ingereret, nautis autem ad hanc rem ex officio attentioribus, haut raro eodem die diversi, ex diversis mundi plagis, venti occurrerent.

*PHÆN. IX.* Non vagatur tamen sine omni regula, irregularis etiam haec flatuum aereorum variabilitas. Ex multis enim retro annis, & his ipsis, quibus haec scribimus, diebus, noviter observavimus, esse quandam illorum periodicam circulationem; ita ut occidentalem excipiat ut plurimum ac ordinarie septentrionalis, hunc sequatur gradatim orientalis, deinceps auster in occidentalem iterum paulatim determinetur; non neglectis equidem plagis intermediis, & raro admodum in contrarium verso hoc ordine, vix unquam saltem, (si forte ab occidente in meridiem flectatur) ultra orientis terminos excurrente, tantum abest, ut plenum retrogradationis circulum facile absolvat; cum alterum illum directionis frequentissime, saepius uno mense pluries decurrat: adeo ut haec una videatur inde reperta nobis via, qua citra multae artis subsidium, futurae aeris mutationes, in proximos saltem dies, praesciri, & absque frequenti errore praedici queant: id quod multiplici experimento jam compertum habemus.



PHÆN. X. Ab erudito quodam Gallo quoque, Academiæ Regiæ scientiarum membro quondam meritissimo, *Dn. Mariotte*, hoc idem non ita pridem animadversum esse Parisiis & in ejus urbis vicinia, patet ex libello inscripto, *du mouvement des eaux & des autres corps fluides*, p. 50. ubi narrat, locis memoratis, ventos intra quatuordecim fere dierum spatium absolvere circulationem quandam, successive ex omnibus horizontis partibus adspirantes, nominatim Luna nova & plena, ventum fere semper esse borealem vel euro-boream, h. e. si ventus fuerit borealis luna nova, illum post 3 aut 4 dies fieri eurum, porro australem & occidentalem, ac circa Lunam plenam iterum boream. Adnotat insuper, quosdam horum ventorum aliquantum retrogredi, nonnunquam à zephyro ad noto-zephyrum, (à West ad Sud-West) & ex euroborea ad boream (à Nord-Ost versus Nord/) & tunc illos durare 7 vel 8 dies, sed vix unquam absolvere totum circulum; contingere vero id quoque, ut ventus transeat à zephyro ad euroboream, & ab euro ad noto-zephyrum, intermediis flatibus non perceptis. Quæ omnia cum nostris observationibus egregie consentiunt; nisi quod hic locorum istius circulationis cum Lunæ periodicis phasibus correspondentiam, nondum iis experimentis comperitam habeamus, quibus ejusmodi canonem superstruere, liber à præjudiciis animus audeat; siquidem ipso 20 Febr. superioris anni 1694, hærebat ventus inter Eurum & Euro-boream, sexto jam post novam Lunam die, & ante hanc integer circulus breviori spatio ita fuit absolutus, ut, cum sensim à zephyro in boream, inde per euro-boream ad subsolanum deflexisset, unica nocte interjecta ad zephyrum jam rediisse postero mane cerne-  
retur. Ac fuit etiam, cum intra 24 horarum spatium, totum horizontem quasi obequitasset hæc flatuum scaturigo, & ex ad-  
verso, (cujus alibi jam meminimus) magno nostro malo,  
circa subsolanum integros menses hæreret,  
&c.



## II. HYPOTHESES pro salvandis enarratis Phænomenis ex- cogitatae.

### I.

**Q**uod ad *Etesias* jam olim in Græcia notissimos attinet, *Aristoteles* ejusque sequaces crediderunt, eorum causam esse resolutionem nivium in hyperboreis subpolaris regionis montibus, quæ uti à Solis radiis verberatæ & in exhalationes resolutæ, interdum ventorum suppeditabant materiam; ita noctu dicta nivium resolutio, cum Sole quibusdam veluti induciis constitutis, ventos pariter silere cogebat. Atque hæc est de Etesiarum origine *Peripati* opinio, (inquit *Kircherus* Lib. IV. mundi subterranei Sect. II. Cap. III. p. 196.) Quam falsam esse, quatuor argumentis se ostensurum pollicetur.

II. *Primum* argumentum hoc est: Si ex subpolaribus montibus „nive coopertis, & in exhalationes virtute Solis resolutis, ventus ille „Etesius, qui Græciam diebus canicularibus ferit, nascatur; certe non „est ratio, cur non eodem tempore, & Moscoviam, Poloniam, Ger- „maniam, Hungariam, Galliam, Hispaniam, Angliam, iisdem flatibus „pervadat, sed in nulla harum regionum continuatæ quadraginta „dierum Etesiae illi, quos Græcia sentit ad Syrii exortum, percipiun- „tur: Ergo ratio à subpolarium montium nivibus, desumi non po- „test; siquidem non video, cur Græciæ potius, quam recensitis regio- „nibus, ventus istiusmodi dicto tempore dominetur; cum Mosco- „via, Polonia, Germania, Anglia, uti polo viciniore sunt, ita eum „plus sentire deberent, quam Græcia aut Ægyptus, regiones ab eo- „dem remotiores.

III. *Alterum* argumentum, quod *Peripati* opinionem evanidam petiit ab absoluta polarium istorum montium à Græcia distantia, intercapedine nempe 45 gr. quæ per 60 multiplicata det 2700 milliar. Italica, aut in 15 ducta, producat 675 milliar. germanica. Unam autem & eandem exhalationem, per tantum spatium, tot aliis montium catenis impeditum, tamque innumeros vapores exhalationesque, quæ passim ex fluminibus, lacubus &c. eleventur eodem tempore propagari, incredibile esse judicat, qui nullas exhalationes ad 100 leu-



leucas continuari, inferius se probaturum pollicetur, urgens præterea, quis Peripato dixerit sub polo montes esse? cum, an illa plaga subpolaris vere continens sit, an insula, aut undiquaque mari tecta, in hunc usque diem incognitum sit.

IV. *Tertium* argumentum ad absurdum ducit illud Peripati assertum, quod interdiu nives arctoæ à Sole resolutæ ventos diurnos constituent, noctu vero, cessante resolutione nivium, ventus quoque cesset, id quod non solum falsum esse dicit, sed sphaericæ quoque doctrinæ primis principiis adversum: siquidem Astronomorum pueris sit notissimum, à Solis in arietem ingressu usque ad libram, perpetuum in subpolari plaga diem, nullam vero penitus noctem illo toto tempore, nedum circa solstitium æstivum esse. *Quartum* denique argumentum similem absurditatem ex eo Peripateticorum supposito deducit, quasi sub nivibus subpolaribus laterent halitus calidi & sicci, qui æstu Solis elicit illos causentur ventos, quos Etesias vocent. Non negat subinde & in nivibus latere halituosam quandam substantiam, nimirum spiritus salinos, nitrosos aluminososque, à quibus borealium ventorum vehementiam dependere credit, non vero simplicem illam exhalationem calidam & siccam, quæ Etesiarum refocillantibus flatibus originem præbeant.

V. Quod si quæras: Quænam ergo verior Etesiarum origo Kircherò credatur? Respondeo, prolixè admodum illam exponi p. 197. In compendio res huc redit: Simul ac Sol æquatorem attigerit, tum nivium alpestrium moles ac transmontana planities glacie constricta, solvi incipiunt; altius vero altiusque sublato, solutæ Aprilis & Majò nives & glacies, omnia inundant, & ingens inde vaporum copia copiosas quoque gignit pluvias. Post aquas Sol ardentior circa medium Junii, vapores subtiliores halitibus metallicis mixtos educit, qui versus Græciam, Anatoliam, Ægyptum in austrum ferantur, ex montibus scilicet non subpolaribus, sed hisce regionibus jam exsiccatis, adhuc septentrionalioribus, tamdiu scilicet durantes, donec illæ quoque exhaustæ fuerint, ac interdiu maxime circa meridiem potissimum, quo tempore vis radiorum solarium altius penetrat ad halitus eliciendos, cum noctu multum deficientes flatus tantisper suspendunt.

VI. Non multum dissimiles Etesiarum rationes affert P. *Honoratus Fabri*, Tractat. VI. Lib. IV. Prop. XXXVII. ventos eos appellans molliores, à diversis mundi partibus post solstitium æstivum, in diversis regionibus flantes, h. e. fere ab ea parte mundi, quam mon-



tes nivibus argentes terminant; e g. in *Hispania* à pyrenæis, in *Gal-  
lia* ab alpibus, in *Græcia* à septentrione, h. e. à montibus Thraciæ,  
cumque Aristotelem ac Theophrastum eos à liquatione nivium deri-  
vasse dixisset, addit, quasi commentarii loco, ex nive educi multum  
Mercurium, qui aliquam aeri gravitatem conciliet, tanquam venti  
causam. Molliorem autem esse hunc ventum, quia aer rarior sit,  
per summam vim æstus, post Solis ortum demum flare incipere, pau-  
lo post occasum vero cessare, quod non nisi præsentē Sole mercurius  
ex nive educi possit; post solstitium autem hanc suam vim maxime  
exerere Solem, quod eo tempore circa tropicum diutius hæreat &c.  
Eadem est *Hamelii* Phys. Part. II. de Meteor. Cap. VII. n. 4. p. m. 45.  
& plerorumque aliorum Philosophorum modernorum sententia,  
scilicet cum Etesiarum originem olim repetierint à colliquatis nivibus  
in borealibus, & remotis regionibus, quia vero noctu cessent, ideo  
videri probabilius, propiores videri eorum fontes, nimirum in Mace-  
doniæ & Thraciæ regionibus, ubi sunt montes perpetuis fere nivibus  
opaci: sic Madriti in Hispania magna æstatis parte flare ventos borea-  
les à Pyrenæis jugis.

VII. *Bernhardus Varenius* sæpe cit. Cap. XXI. Prop. IV. Ete-  
sias, ventos anniverferios in Græcia, oriri dicit à nivibus & pluviis re-  
solutis in montibus; neque tamen montes Græciæ viciniore intelli-  
gere videtur, sed septentrionales earum regionum, quorum montes  
jam per aliquot menses continue fere (NB) sine occasu illustravit;  
cumque idem illud, quod Kircherus in tertio suo argumento, num.  
superiore IV. Peripateticis, tanquam grande absurdum Astronomicum  
objecerat, quasi scilicet Etesiarum græcorum tempore in partibus illis  
septentrionalibus, perpetua tunc Solis præsentia gaudentibus, ali-  
quam noctem asseruissent. Mirum vero est, quod Varenius ab hoc  
ipso putatitiæ, ex Kircheri mente, absurditatis fonte, suæ causæ con-  
firmationem petens, *atque cum hac causa*, inquit, *apte consen-  
tit, quod Etesia nocte* (in Græcia puta ingruente, non in regionibus  
circumpolaribus, velut è sequentibus evidens est) *cessant nempe,  
quia tunc cessat nivium resolutio, vel minor saltem est, quam ge-  
neratio venti requirit, propterea, quod Sol tunc Horizonti* (in illis  
circumpolaribus regionibus) *nimis vicinus sit vel etiam* (in quibus-  
dam) *omnino occidat.*

IIIX. Jam quod cæteros periodicos vel anniverfarios ventos, in  
mari observatos attinet, pro eorum causis reddendis, *Kircherus* alleg.  
loc. p. 199. seqq. supponit 1) Solis intra tropicos motum, quo nunc  
polo



polo boreo, modo austrino appropinquat, remotam esse causam vaporum exhalationumque. Et Sole quidem 2) in australibus signis constituto, in boreali hemisphærio pluvias, nives, gelu, dominari, ex elongatione nimia Solis &c. Sole vero 3) ex austro redeunte, postquam æquatorem subiit, statim terram calore Solis animatam aperiri, atque ex nivium in montibus resolutione, ingentes inundationes effici; ita quidem ut Sole ad certum gradum Zodiaci promoti, præcise halituosa terræ substantia eidem signo graduique supposita, tunc primum moveatur, mota in ventos paulatim anniversarios disponatur &c.

IX. *Varenius* ferme idem sentire videtur, sæpius alleg. Cap. XVI. Prop. III. p. m. 391. quod motionum harum pleræque prove-  
niant à resolutione nivium vel crassarum nubium per hyemem in septentrionalibus & australioribus locis, præsertim montibus collectarum. Ad quod credendum, inductum se dicit eo potissimum argumento, quod motiones hæ maxima ex parte spirant à boreali vel australi plaga vel harum collateralibus. Quoniam itaque nix & crassiores nubes in septentrionalibus locis resolvuntur à Sole, ea potissimum semisse anni, quo septentrionalem eclipticæ peragrat, ideo motiones tunc erunt septentrionales. Eodem modo in australibus vel antarcticis locis, altero semisse anni, Sol resolvit nivem & crassiores nubes; ideo tunc motio australis sentietur. Sic in specie, cum in regno Guzuratenfi, h. e. in India cis Gatem, uno anni semisse spirare ventos septentrionales, adnotasset, à Martio ad Septembrem usque; altero vero semisse australes; (quod idem *Kircherus* p. 200 Mundi subit. narraverit) non est dubium, quin eandem *Varenius* supposuerit causam, quam *Kircherus* ibidem pluribus deducit, saltem in genere, quoad resolutionem nivium & crassiorum nubium, nunc in borealibus, nunc in australibus futuram, prout paulo ante declaraverat.

X. Quantum ad *Malaciam* illam frequentem Phæn. IV. descriptam ex *Varenio* & *Hallejo*, ille quidem fatetur, se causam nondum reperisse, nisi fortassis hæc sit, quod in Africæ inter Guineam & Barbariam interceptæ, nullis montibus nives reperiantur, quæ flatus continuos generent. Hic autem, nempe *Hallejus* in sua relatione, p. m. 166. & seqq. ad vicinæ terræ Africanæ conditionem montiumque editiorem positum (quas duas esse causas opinatur omnium exceptionum à venti generalis regula) phænomenon illud refert: Regiones asserens Soli propinquas, arenosi ac depressi fundi, qualia sint deserta Libya, plus fervoris à Sole concipere, quam credi possit à non



expertis, eoque adeo frigidiorē ac densiorē marium aerem ruere, atque inde causam patere venti ex occidente flantis prope Guineæ litus, cum ex oriente deberet; & cum tractus ille, the Rains dictus, in medio situs sit inter hos ventos occidentales & ventos orientales statos, à latere ejus occidentali spirantes, aeris hic inclinationem ad utramque partem indifferentem, in æquilibrio stare (unde illa tanta malacia) & cum pondus aeris incumbētis per continuos ventos abhinc emanantes diminuatur; inde fieri, ut aer copiosos, quos recipit, vapores non sustineat, sed in frequentes pluvias decidere patiatur.

XI. Quæ Phæn. IX ac X. partim ex propriis nostris, partim ex Dn. *Mariotte* parisiensibus observationibus, adnotavimus, illorum qualemcunque causam assignare Vir laudatus pag. 50. conatus fuit: Verosimile esse credens, quod Luna versus Apogæum ascendens, multum aeris post se trahat (posito quod in aere natet & corpus tam magnum sit, (ut Astronomi dicunt) partem scilicet sibi vicinam immediate, hæc sequentem &c. usque ad terras sub zona torrida: aerem igitur circumpolarem eo debere ruere, ad æquilibrio constitutendum, & ventum septentrionalem constituere, junctumque deinceps orientali, à terræ motu pendenti, medium, Euroboream (*Nord-Ost*) componere, qualis Parisiis ordinarie regnet, Luna nova. Posteaquam aer à Luna subtractus cesseret, aut antequam redeat, ventum orientalem sentiri solum, ordinarie non nisi unum aut duos dies durantem. Redeunte vero Luna versus Perigæum, aerem reciproce pelli ad polos, & primum ex combinatione Euro-notum (*Sud-Ost*) componere, paulo post austro solo dominante, donec magni venti occidentales, qui regnent circa 40 gr. admixti vento austrino, componant Noto-Zephyrum (*Sud-West*) & refluxu ab austro cessante, solus Zephyrus (*West*) regnet, donec refluxus aeris, quem auster ille vehementior ultra æquilibrio in boream expulerat, faciat Zephyro-boream, & mox novus Lunæ accensus ad Apogæum, iterum Boream &c.

### III. BREVIS EPICRISIS super enarratas hætenus Hypotheses.

#### I.

**H**Æc equidem, quam ex Domino Mariotte huc usque attulimus, Phænomeni IX ac X. circumstantiis, apud nos præfer-



præsertim, nequaquam respondet, imo ne illis quidem, quas ipse Mariottus adnotavit. Etenim (ut nihil dicam de illo supposito, quod Luna versus Apogæum ascendens multum aeris post se trahat, quæ tractio quomodo contingat, posito quoque, quod *λίαν μέγα αἶτημα* est, eam in aere natare, nec explicatur, nec explicabilis videtur) nec in Apogæo semper est Luna, cum regnat Boreas, & circulus iste, ipso viro laudato fatente, haut raro circa Lunam plenam finitur, cum à nova cæpisset, brevior multo spatio, quam quod inter bina Apogæa interjectum est. Hoc interim ex memoratis phænomen. consequentissimum videtur, ventorum causas non esse planetas aut eorum constellationes, quandoquidem hæ, præsertim rariores, (quibus plus virium tribuunt Astrologi, nominatim illæ, quas Argolus Lib. II. Cap. VIII. & Origanus Part. III. Memb. II. Cap. V. sub fin. allegant, tanquam ventorum causas) in orbem nequaquam sibi succedunt, & si quis saltem Lunæ cum cæteris planetis adspectus vulgatiore, ordine quodam circulari sese excipere urgeat, (nobis ipsis id alibi confessis) notandum est *primo*, si uno alteroque mense successio ista eorundem adspectuum eodem ordine fiat, non esse tamen eandem anno toto, nedum omnibus & singulis annis; dum interim illa ventorum circulatio, in unis æque ac alteris, frequens observatur: deinde adspectuum illorum circulum integros saltem menses insumere; cum circulos ventorum, haut raro dimidio mense, aliquando etiam paucis diebus absolvatur; ut taceam alias circumstantias in Phæn. allegatis adnotatas, quæ cum adspectuum lunarium circulo neutiquam consentiunt.

II. Quæ circa malaciam in Guineæ vicinia observatam, num. X. Hypoth. ex Halleji mente notata fuerunt; plus equidem dicunt, quam Varenius dicere potuit; nondum tamen totum negotium plene expediunt. Certe ventorum illorum circa hunc locum undiquaque regnantium, subiri impulsus, distans maris indifferentiam nunc hic, nunc ibi, nunc alibi, sollicitantes, brevibus equidem & subinde mutabilibus flatibus; Ecne-



phiorum item & procellosorum ex nubibus erumpentium ventorum, fulgurum item & concurrentium aliarum hoc loco tempestatum rationes, distinctius exponi exoptaverimus. *Varenius* Lib. I. Cap. XXI. Prop. X. p. m. 409. Duos modos recenset, quibus è nube talis ventus procellosus videtur posse generari. Primus, si nubes sua gravitate deorsum vergens, aerem magno impetu elidat, sicut experimur, si vela passa decidant; commoveri cum impetu aerem, ut, quo minor apparuerit nubecula sive oculus bovis, eo major sequatur tempestas; nimirum, quia nubes altior est, & ideo parva apparet; demittens autem se ab altiori loco, vehementius elidit aerem. Alterum modum generandi Ecnephiæ addere supersedemus: tum quod ipse judicat, hanc primam causam, videri verosimiliorem, tum quod pluribus observationibus instructos esse oporteat eos, qui certi quippiam circa rem adeo abstrusam constituisse decreverint.

III. Quæ num. VIII & IX è Kircherō & Varenio notata fuerunt, velleo nomine placent, quod hoc pacto periodicorum sive anniversariorum ventorum una & universalis causa habeatur: resolutio nempe nivium ex paulo remotioribus montibus qualem scilicet cum Aristotele Plinius & Scholæ peripateticæ Etesiis derivandis accersiverunt, eo solo forte peccantes, quod nimis longinque. Tamen si enim ejus absurditatis & crassæ ignorantiae injuste eas accusaverit *Kircherus*, quasi ignorassent, circa Solstitium æstivum in regionibus circumpolaribus nullam esse noctem, id quod ex iis, quæ ex Varenii num. VII. Hypoth. palam est: Nec id opinor, ullo jure Peripateticis objicitur, quod *Kircherus* pariter urget, sub finem num. III. Hypoth. Quis nimirum Peripato dixerit sub polo montes esse &c. Nemo enim fortasse ex ullius Peripatetici scriptis diserte probaverit, eos præcise sub polo & in illa vicinia montes ac terras pro certo asseruisse, sed ex hypothese statuuisse, si præter novam zemblam, Spitzbergam, aliasque circumpolares terras, aliæ porro versus polum existant, multa nive procul dubio tectæ, ex illis ulterio-

ribus



ribus ac citerioribus, illos flatus caniculares, quos Græci Etesias vocant, oriundos esse.

IV. In quo asserto, cum justo longius accersivisse eorum originem, etiam Varenius haut injuste credatur, cum ex multo minori distantia Thraciorum, Carpathiorum similiumque jugorum resolutis nivibus, istos derivari posse verosimile sit; Neque credendum, hos quasi proprios Græciæ fuisse, sed insulis Ægei maris, Ægypto, Natoliæ, aliisque vicinis terris communes fuisse: adeo ut ne Germania nostra penitus excludi possit, quin ex aliis ulterioribus in septentrionem jugis similes flatus arcessi eodem tempore valeant. Neque vero, quæ Prop. V. quærit Varenius, cur in Italia, Gallia, Germania, aliisque regnis, Etesia non spirant? præsertim cum viciniora sint montibus septentrionalibus, à quibus Etesias Græcorum, Congi, Guzaratæ &c. oriri & spirare, in prioribus asseveraverat? omni dubio carent, ipso fatente Varenio in responsione, optanteque ut magis accuratas haberemus de hoc negotio observationes; nam in Galliæ parte Aquitanica anniversarium esse aliquem ventum, meminisse se, ait, aliquando legisse. Neque negat simpliciter, in Canicularibus nostris boream sæpe flare, & *Honoratus Fabri*, *Hamelius*que &c. uti num. VI. Hypoth. vidimus, similes Etesis flatus in Hispania ex Pyrenæis montibus, in Gallia ex Alpibus, alibi ex aliis montibus annuatim fere spirare adnotaverunt.

V. Nec incongrue, credo, hoc loco mentionem fecere venti alicujus anniversarii, quem quotannis in territorio nostro Norico, ex Bavaria quasi huc adspirantem sentimus. Nimirum menses hyberni priores, November ac December, ordinarie fere frigus afferunt tolerabile, ac frequenter pluviosi magis sunt, quam nivosi. Medio vero Januarii circiter cum longescere dies incipiunt, & consequenter ob augescentem dierum longitudinem, calor radiorum solarium simul augescere deberet; frigus è contra notabile solet sentiri, ex vento præsertim illo Bavarico, sive orientali in austrum tantisper inclinato, frigidissimo & prægelu quasi urente. Hujus igitur venti valde frigidi causam ex  
copro-



eo probabiliter deducimus: quod 1) per antecedaneos duos menses, tametsi in planis terræ multum pluviarum, in cacuminibus montium tamen multum nivium effundatur, quod propter noctium brevitatem, & inde consequentem caloris solaris defectum, ibi quasi immotum & insolutum jacet; donec longescentibus diebus radiorum solarium vis etiam gradatim crescat, ac nives illæ montium Carpathiorum, Moravicorum, Bohemicorum, hætenus congelatæ, solvi occipiant in tenues lamellas glaciales, quæ in venti motum concitatæ & versus has nostras planities, cum acceleratione quadam, atque adeo cum impetu determinatæ, more totidem cultellorum non nudatam solum, sed vestibis etiam tectam cutem, secant quasi uruntque; crescente vero deinceps caloris solaris virtute, glaciales illæ rigidæque particulæ sensim emollescunt, ac flexiles magis magisque redditæ, ventos minus gelidos constituunt.

VI. Jam quæ VIII. Hypoth. numero, ex Kircheri adnotavimus circa periodicorum vel anniversariorum ventorum rationes, probari quidem magnam partem possunt, ex eo maxime capite, quod è montium remotiorum verticibus. per intermedias calidiores regiones delatæ, molliores & blandos magis ventos componant, quam illi, qui è vicinioribus montibus (velut in casu præced. num.) per terras calore tunc omni fere destitutas ad nos propulsantur: Ea vero quæ sequuntur num. 2. quod Sole in australibus signis commorante, in boreali hemisphærio pluvix, nives, gelu, &c. dominantur, approbari minime possunt; cum observationibus *Isaaci Vossii* ex nautarum relatione recentissima collectis, quæ habentur Cap. IX. & in primis XI. Lib. de Nili & aliorum fluminum origine, è diametro adversentur.

VII. Primum vero ac secundum argumentum Kircheri id utique videntur obtinere, quod ipse intendit, nempe Etesiarum causam frustra ab ipsis montibus subpolaribus remotissimis arcessi, quod tamen, an in hoc summo rigore quisquam unquam statuerit, dubium est. Quod vero etiam valde remotos  
sup-



supponere montes septentrionales, opus haut sit, cum ipso, P. Fabri, Hamelius, & alii recte, nostra opinione, credunt; nec alia, quam simili hypothesei resolutarum nivium montanarum, aut crassiorum nubium opus esse in cæteris anniversariis marinis ventis, jam supra, ni fallor, monuimus. De ecnephiis autem ac cæteris procellosis, alio loco infra plura dicentur.

## ARTICULI IV.

De Meteoris corpulentis ac realibus, seu hypostaticis.

### CAPVT I.

*De nubibus, nebulis, nive, pluviis, rore, pruina, cæterisque meteoris aqueis.*

#### I. PHÆNOMENA.

**P**HÆN. I. Nubes eminus satis densæ apparent, & steriles quidem candidissimæ aliquando, instar montium accumulatae; prægnantes autem, & quæ pluvias, grandines, fulmina &c. minantur, cineritiæ magis & obscuræ; omnes tamen aliquo modo, tametsi magis aliæ, aliæ minus, pellucidæ, cum diurnum aliquod in aere lumen per ipsas, etiam densissimas affulgeat, & nives serotinæ, in partibus platearum Soli, licet nubibus tecto, expositis, facilius quam in ædium umbra liquefiant.

PHÆN. II. Pendent omnes, ac natant quasi, in aere libero, veluti glacies in aquæ summa superficie; id quod utrobique arguit, ut aquæ majorem, quam glaciei, sic aeris majorem quam nubium, gravitatem. Neque tamen nubes in summitate aeris, ut glacies in aquæ summitate, suspenduntur, sed in aere medio pendulæ hærent, aliæ quidem aliis sensibilibiter sublimius; æstate quoque plerumque altius quam hyeme; nisi

Pppp ppp

quod



quod impendente graviore tempestate, haut raro una alteraque turrium fastigiis, ac tantum non capitibus nostris, ex intervallo exiguo imminere videantur.

*PHÆN. III.* Sæpissime quoque videre datur nebulas, paulum ultra arborum colliumque vertices sublatas, nubium faciem induere, ita ut editiorum montium fastigia supra illas haut parum emineant, prout etiam alibi nubes infra se conspectas ii testantur, qui montium carpathiorum aliorumque juga conscenderunt. Cujus observationis egregium exemplum nobis narrat *Bernardus Varenius*, Geographiæ gener. Lib. I. Cap. XIX. Prop. XLI. p. m. 365. & seqq. ex viatorio *Davidis Frœlichii* Mathematici Cæsarei in comitatu Hungariæ Sepusiensi, ejusque civitate Cæsareopoli, vulgo *Resmarct* dicta. In illa observatione (quam Varenius ipsius Frœlichii verbis prolixè recenset) inter cætera hæc narrat: Dum altiorem montem petiisset, quasi inter nebulas densissimas se hæsisse; quibus superatis, post aliquot horarum intervallum, cum jam non procul à summo vertice abesset, de sublimi quiescentem prospexisse, atque animadvertisse, iis in locis, ubi sibi antea visus esset intra nebulas hæsisse, compactas atque albas sese movere nubes, supra quas, per aliquot milliaria, & ultra terminos Sepusi commodus sibi prospectus patuerit. Alias tamen nubes altiores, alias item humiliores, nec non quasdam æqualiter à terra distantes se vidisse, & hinc tria intellexisse: 1) Se tum transivisse principium mediæ aeris regionis: 2) Distantiam nubium à terra non esse æqualem, sed pro ratione sublatis vaporis, alicubi altiore, alibi humiliores: 3) Distantiam nubium terris proximam, longe minorem esse, quam quidam Physici statuerint, & quidem non 72 mill. germ. sed tantum dimidiatum.

*PHÆN. IV.* Ego his tribus addam 4) implicite quidem à Frœlichio intimatum, nubes re ipsa quidem nihil aliud esse, quam nebulas, & quidem, quod addo nunc, multis nebulis tenuiores; id quod meis insuper observationibus ita confirmo: 1) communiore quadam & autumnali tempore frequenter ob-

via,



via, qua post lapsas priori præsertim vespere pluvias copiosas, in-  
sequenti mane densa quædam nebula terras obtegit, eique pror-  
sus depressa quasi supernatat: 2) peculiari magis aut penitus po-  
tius singulari, qua ante hos annos fere triginta, exspatiatus versus  
officinam lateritiam, non procul ab hac, ad saltum vicinum sini-  
strorsum, conspicabar parvulam quandam humi nubeculam  
vix 6 aut 7 pedes longam & latam, eamque omnino solitariam,  
ut undiquaque nullibi ejus aliqua similis cerneretur. Mirabar  
hoc insolitum spectaculum, & cum ab eo abessem 100 circiter  
passus, accedere directe lubebat nubeculæ locum, quem tandem  
cognoscebam esse lacunam parvulam, ex qua vapor aliquis te-  
nuis expiraverat, oculo vicino vix nebulam aliquam exhiben-  
tem, quam ante è longinquo instar densiusculæ alicujus nube-  
culæ conspexeram, quamque interea temporis non evanuisse,  
ut certus essem, regressus sum statim ad locum, unde prius ac-  
cesseram, ac deprehendi rursus eandem nubeculam super ean-  
dem lacunam, ubi præsens antea vix quicquam videram.

*PHÆN. V.* Sæpius nebulae humum tegentes, aerem-  
que infimum obscurantes incipiunt paulo post in sublime attolli  
mane præsertim, & post noctes tepidas ac tranquillas, ita ut su-  
per arborum fastigia, collumque cacumina sublatae, non am-  
plius ut nebulae, sed ut nubes spectarentur; alias vero, cum in-  
gravescens paulatim terram peteret, aer superus penitus expur-  
gatus ac depuratus cernitur: adeo ut simplices etiam ruricolæ,  
obortis nebulis vaporosioribus, ad earum solum insequentem  
vel ascensum vel descensum attendant; inde vel tenues pluvias  
paulo post secuturas, in casu primo, vel gratam serenitatem in  
casu posteriore, prælagientes, absque omni fere errore.

*PHÆN. VI.* Et hæ sunt rorulentæ nebulae, inambulan-  
tium crines & vestimenta notabiliter humectantes, quod faciunt  
etiam nubes foecundæ circa montium cacumina fluitantes, prout  
expertus sum ante hos annos circiter 40 & quod excurrit, cum  
iter in Ducatum Würtembergensem facienti, per ipsas nubes gra-  
viores & gravidiores montibus Goeppingæ vicinis incumben-



tes, equitandum esset. Datur autem alia quoque nebularum siccior species, pruinosa magis quam rorida, ideoque in pluviam haut facile resolubilis.

*PHÆN. VII.* A nebulis utriusque generis, præsertim roridis tenuissimis, parum differt *Aura serotina*, quam vocat *P. Fabri* Tractat. VI. Lib. IV. Prop. V. quæ post Solis occasum citius aut tardius, pro maiore vel minore vi æstus, concrescunt ac deorsum eunt. Vulgo vocatur *Serein*, inde forte ducto nomine, quod sereno tantummodo cœlo, nullis nubibus obducto, nec imbris foeto, nec ventis infesto descendat, multis hominibus adeo noxia, ut quodammodo pestilens habeatur, catharros puta, dentium, oculorum, capitisque dolores, aliaque mala ipsis inducens, quæ fusius recenset *P. Fabri* cit. l. rationibus etiam additis. Aristotelis forte *ὀμίχλη* sive *caligo*, quam describit Lib. I. Meteor. Cap. IX. *ὀμίχλη δὲ νεφέλης περίτρωμα*: *Caligo est nubis (vel nebulae) excrementum* quoddam seu reliquiae; & paulo post: *Ἔστι γὰρ ἡ ὀμίχλη ὅσον νεφέλη ἀγονος*: i. e. *Caligo enim est quasi nubes (vel nebula) sterilis*. h. e. in rorem & aquam non concrescens. Addit autem, hanc nebulae decidentiam, ut alii vertunt, esse *σημείον τῆς εὐσίας μᾶλλον, ἢ ὑδάτων*, h. e. *Serenitatis magis, quam aquositatis signum*.

*PHÆN. VIII.* Ros æstivo tempore cum primis abundat, uti *Pruina* autumnali ac hyemali, & ille quidem sereno maxime cœlo statim post Solis occasum cadere incipit, in aere quidem invisibilis, supra gramina vero, & plantarum aliarum, præsertim brassicæ, folia, in grandiusculas guttulas confluere cernitur. *Pruina* vero nivi est similior, ut ros pluviae, estque notabiliter durior, ac stridorem edit calcata pedibus, filatim magis, ut ille guttatim concrescens, ac nebulae quidem, præsertim foetentes, pruina & ros, in primis radiis solaribus excalesfactus, (*der Mehl-Thau*) nocere plantis & animalibus facile possunt, aliquando tamen, & quidem frequentius, etiam prodesse solent, maxime *ros matutinus* in sacris adeo celebratus.

*PHÆN. IX.* Neque multum à pruina differunt, eodem  
etiam



etiam autumnali tempore gigni solita, fila illa meteorica, vulgo Mariæ filamina, quibusdam Veneris capillitium dicta, araneorum filis plerumque longiora & crassiora, nebulosis inprimis & quietis noctibus maxime produci solita: sed viscositatis plus in his, quam in pruina & rigiditatis minus deprehenditur.

*PHÆN. X.* Uti vero nivis cadentis flocci nunc minores sunt, nunc majores; ita pluviarum guttæ magnitudine & copia multum variant, *imbrium* inde, *nimborum*, *stillicidii*, & *psedum*, nomina diversa meritæ. Imber enim est pluvia plenioribus guttis decidens (ein Platz-Regen.) Nimbus est pluvia maximis ac decumanis guttis quasi quatiens (ein Schlag-Regen.) Stillicidium vocatur, ubi rariores & exiliores guttæ cadunt; *psedum* denique dicitur minutissima & quasi pulverulenta pluvia, (ein Staub-Regen / oder das Rieseln.) Ac speciatim quidem, æstate majores quam hyeme observantur guttæ; estque inprimis notabilis *Domini Mariotte* observatio, quam refert in Tract. Gallico *du mouvement des eaux*, p. m. 19. testatus se observasse guttas ejusdem pluviae, ad montis cujusdam radices usque delapsas fuisse grandes, paulatim autem minores deprehensas esse, prout altius ascendisset; in summo valde minutas, ubi intra nebulam fuerit constitutus, quam inferne pro nube habuerit. Nunquam vero majori copia ex nubibus effunditur aqua uno impetu, quam in nubium, quas vocant, fragminibus, sive *exhydriis*, de quibus paulo post, in capite de tempestatibus.

*PHÆN. XI.* Prodigiøsæ sanguinis, lactis, ranarum, carniū, saxorum, frumenti, &c. pluviae, nisi fabulosa sunt, quæ de his leguntur, supernaturalem agnoscunt causam, Physicæque adeo considerationis non sunt? aliquas tamen, ad instar sanguinis rubentes, aut albicantes instar lactis, etiam naturaliter produci posse, unanimis est Phycorum plerorumque opinio; & ranulas æstivo tempore sæpius post lapsas pluvias per compita reptitare magno numero, compertum est: mirum tamen, quod intra magnarum etiam urbium amplas plateas, quæ pluvias



copiosas recipiunt, non reperiuntur tamen unquam ranularum agmina cum pluviis delapsa, qualia in viis camporum publicis, præsertim in vicinia piscinarum aliarumque lacunarum, nonnunquam conspiciuntur. De quibus & similibus aliis circumstantiis, inter hypotheses caute circumspiciendum erit.

*PHÆN. XII.* Nivis floccos ex quamplurimis lamellis glacialibus, inordinate plerumque congestis constare visus testatur: aliquando tamen simpliciores paulo flocculi figuram sexangularem satis accurate exhibent. Unde factum est, ut non solum *Cartesius* in *Meteoris* Cap. VI. sed ante ipsum *Keplerus* quoque, & post ipsum *Erasmus Bartholinus* in *Tractatu de naturæ mirabilibus*. Quæst. Acad. II. Multa ex observatione *Cartesii*, quam habuit Amstelodami Anno 1635, 4 Febr. & seqq. hic annotari oporteret, si subtilius hoc argumentum, circa nivem sexangulam imprimis, cum ipso tractare constituerem; inprimis tota illa Figura quæ habetur alleg. Cap. VI. num. VIII. p. 194. Multa item ex *Erasmi Bartholini* propriis observationibus, quas Fig. I. ad p. 19 ære expressas exhibet; si animus nobis esset, ingeniosas hasce subtilitates ex allegatis utrinque locis, fusius pleniusque persequi. Verum, cum simpliciore quodam concipiendi modo has curiositates declarare proposuerim; potero in sequentibus proluxa illa, & plerisque Lectoribus meistæ diosa futura subtilitate, & consequenter etiam figurarum illarum multitudine, abstinere: satis habens, si forte pauci non nulli curiosiores inter illos reperirentur, istis prolixioris subtilitatis fontes, exserto quasi digito demonstrasse. De grandine vero (quæ restaret inter meteora aquea adhuc enarranda)

Cap. II. sequenti inter tempestates agemus,  
interim hic dabimus



## II. HYPOTHESES PRÆCIPUAS pro declarandis hætenus recensitis Phænomenis.

### I.

**N**ubes è vaporibus in aere superiore & frigidiore concrefcere, communis est Phyficorum omnium, tum antiquorum, tum recentiorum ſententia: quomodo vero fiat iſthæc in eam formam concretio & condensatio, Ariſtotelicæ ſcholæ ſpecialius quidem haut explicant; iſtis generalioribus interea contentæ: *Carteſius* autem in Meteoris Cap. V. ad ſequentia rem totam reducit: 1) vaporum (quorum diſtinctum conceptum Ariſtotelici nunquam formarunt, Carteſiani vero eo nomine nihil aliud intelligunt, quam multitudinem innúmerabilem particularum aquarum calore ſeparatarum, magnitudine inviſibilium. figura longiuſcularum ac teretium, qualitate denique; ex arbitrio mero Creatoris, flexilium &c.) Horum, inquam, vaporum exporrectas calore, & rotatas celerrime particulas, ſicubi in aere, quacunque occaſione, ſic agitari rotarique tantisper ceſſant, hoc ipſo, connata ſibi gravitate propius denſiusque coeunt; id quod *condenſari* evidentiffimo nunc conceptu vocitamus.

II. Ita vero ſenſim magis magisque coeuntes, rigefcere item & exporrigi deſinentes, paulatim inflectuntur, ſeſeque contingentes mutuo amplectuntur, atque in guttulas ita primum parvulas, deinceps ex plurium concuſſu pededentim augeſcentes & conſpicuæ redditæ, vel 2) *rorem* gignunt, ſi prope terræ ſuperficiem fiat illa coitio: in graminum aliarumque plantarum foliis tantum ſenſibilis: vel 3) *nebulam* humidioſiorem, ſi guttulæ illæ roridæ jam auctiores in aere hoc inferiore nos ambiente, notabiliter conſpicuæ quaſi natent; vel 4) denique nebula talis à Solis calore in ſublime ſublata, vel antea in ſublimiore loco ſimili modo concreta, *roridam* ibi *nubem* componat.

III. Quod ſi vero 5) vaporofæ particulæ in aere frigidiore collectæ ibi obrigeant, flexilitate ſua deperdita, tunc coeuntes licet, non amplecti ſe tamen & in guttulas convolvi valent, ſed in rigentes exiguas glaciales lamellas exporrectæ, concuſſu ſuo filamenta glaciei tenuia conſtituent; quæ cohærentia laxius aut arctius, circa plantas ac terræ ſuperficiem, *Pruinam*; in aere liberiore circa nos 6) *nebulam ſiccio-*



*sicciores* ; in sublimi 7. *nubem* steriliorem , candicantem , niveam magis aut pruinosam , quam roridam & guttosam , component ; quod aer , in quo suspenduntur , illæ celsiores nubes , frigidior , vel minimum æque frigidus supponatur , ac is est , qui jugis editiorum montium incumbit , nec tamen nives , æstate etiam mediâ solvi patitur : Et maxime , sublimes quidem talium nubium partes , tantum è tenuissimis glacialis concretionis capillamentis , longe à se distitis , inferiores paulo à glomulis pruinosis & pilosis admodum exiguis infimas gradatim ex majoribus , & quasdam interdum , è sparsis aquæ guttulis , per capillamenta pruinosæ connexis & suspensis , componi , credibile est.

IV. *P. Honoratus Fabri*, Tractat. VI. Lib. IV. Prop. III. n. 11. seqq. eodem ferè modo , steriles nubes instar velleris distractas , ex meris filamentis viscosioris halitus constare putat , excusso scilicet , à ventis , maximam partem vapore ; in cæteris autem admittit quidem humoris partes , etiam liquidas & guttulas perexiguas , sed ab interjectorum filaminum plexu detentas ne confluant. Hinc uti filamina halitus tenuissima , si seorsim essent illico sursum itura credit , & guttulas solitarias statim deorsum ; ita has ab illis detentas compositam nubis massam constituere , ejusdem fere gravitatis cum aere : ut mirum non sit , eas in aere librari , & leviores quidem altius , graviores humilior ; prout ipse quoque aer in imo gravior est , in sublimi gradatim levior. Agnoscere enim Cartesium quoque ejusmodi capillamenta seu filamenta , quorum ope partes nubium graviores librentur ( uti num. III. anteced. intimavi ) patet ex Cap. VI. de Meteor. num. VII. ubi dicit : Calore exigua capillamenta foliorum , à ventis formatorum , liquefacere incipiente , hos primum , quæ supra & infra , decutere &c.

V. Ad hanc eandem nubium librationem , idem Cartesius aliquid conferre putat , ventos subtercurrentes , vapores item terra egressos aut aliunde advenientes aeremque nubibus subjectum distendentes ; vel solum etiam calorem , qui , hoc aere dilatato , illos repellat ; quin & frigus aeris superioris , quod illo compresso nubes sursum attrahat , ( aut rectius loquendo , spatium paret , in quod nubes ab inferiore graviore aere sursum trudatur ) : imprimis autem multam superficiem , quam habeant particulæ glaciei , vel aquæ guttæ , pro ratione molis suæ &c. Cap. VI. de Meteor. num. I.

VI. Et huic rationi ultimæ similis est illa quorundam aliorum , qui librationis illum effectum , expansæ & explicatæ nubium figuræ



guræ tribuunt ; cum videamus ferrum etiam , aliaque ponderosiora metalla in laminas diducta , & acus chalybeas minutiores , aquis innatare. *Fromondus* aere nubes esse leviores ; ut *Honoratus* , docet ; non obstante ipsarum crassitie & opacitate , quam *Plinium* , *Scaligerum* , aliosque in transversum rapuisse narrat , ut vel ad Solem , nubes vi magnetica suspendentem , vel ad DEUM ipsum , supra naturæ vires eas sustentantem , confugerent : levitatem autem illam ex rorulentis nubium partibus leniter defluentibus , & rariores tantum ac tenuiore filo contextas in sublimi relinquentibus , deducit , Lib. V. Meteor. Cap. V. Artic. I.

VII. Sicut autem *nebulam* *Honoratus Fabri* , cum *Aristotele* , putat nihil aliud esse quam nubem crassiorē ac roridam à mediocri calore sublatam , ideoque in terræ vicinia hærentem , & ex optica ratione tenuioribus etiam nubibus magis perspicuam ; cumque humum petens , admixtas sibi exhalationes viscosiores ad dumeta concrecere , aut per aerem , hoc agitato , filatim diduci patitur , *filamentata* illa *Maria* gignentem , quæ vulgo *Capillitium Veneris* vocari dicit. ( *Conf. p. 421. num. I. Prop. CXXI.* ) Vid. Prop. IV. p. 436. numm. quatuor prioribus. *Auram serotinam* vero Prop. seq. V. dicit esse nebulam quasi quandam tenuissimam vespertinam p. 439. *Rorem* autem p. 416. liquatum guttulatim vaporem , qui scilicet frigore nocturno concreseat in perexiguas guttulas , inter delabendum nullo sensu perceptibiles , in corporibus autem , quibus adhærent , per accessionem novarum partium augescentes. Ita *nivem* ait esse quandam vaporis quasi spumam , Prop. CXXI. Lib. III. Tractat. VI. ex nube rorante concretam , cum scilicet illa subitaneo frigore correpta , alio modo congelari non possit , quia humoris particulæ nondum sunt unitæ , ut in aqua limpida , sed valde distractæ ; addit floccos , nivis & infinitis , globulis glaciatis constare , tenui , concreti pariter halitus siccioris , fibula contextis , formasque varias ex accretione humoris varia , ( prout scilicet aer diversimode agitatus fuerit ) casu nactis : hexagonam autem , quod attinet , illam esse naturæ satis familiarem , quod cum circulus ab aliis sex tantum tangi possit , mirum esse non debeat , si ex modica pressione hexagonum ex circulo fiat.

IX. Simili fere ratione de nive sexangula philosophatur laudatus supra *Bartholinus* cit. l. in Phæn. XII. dum hexagonam favorem figuram in alvearibus apum , ex ambientium sex cellularum , circa mediam septimam , dispositione , & ultro citroque



commeantium apum pressione, deducit; cellulis quippe singulis ab initio circa apum teretia corpuscula, ex molli cera, seu cereo potius succo, mox deinde consistente, paulatimque porro durrescente, figura rotunda seu circulari formatis, cum cera molli adhuc, in circellorum istorum contactibus cedere in neutram partem possit; possit autem ex ea parte, qua singuli circuli respiciunt spatia triangula inania interjecta; favorum sexangularis figura ultro, nullo quidem vel apum vel alterius consilio, sola ratione mechanica, sic exurget: cum, apes

— *liquido distendunt nectare cellas,*

sæpiusque exeunt & ingrediuntur, versaturque apis e. g. in circulo A (Fig. 87.) & operi intenta, egreditur intus, ingrediturque; premere debet ab utraque parte ipsius puncti contactus D, à C. & G. æqualiter. Ergo, cum pressioni nulla remora obstat, nisi in punctis contactuum D. B. G. F &c. apibus scilicet aliis in circumstantibus cellulis, B, C, E, &c. contra tantundem prementibus; oportet ut in arcu inter D. & B. intermedio, atque ita in cæteris, media cavitas extrorsum trudatur in spatium triangulare inane; idemque cum fiat æqualiter ab aliis apibus in cellulis vicinis B & T, coibunt paulatim tres illi arcus circulares D B, D F, & B T, in uno puncto, tres ita angulos hexagonorum constituentes; quibus eodem modo in singulis concursibus trium circulorum factis, omnes tandem illi nidi circulares, in cellulas hexagonas erunt commutati: ut saltem hinc evidenter appareat, ejusmodi figuras geometricas, in rebus etiam naturalibus, citra omne consilium fieri posse; prout etiam in araneorum telis frequenter sexagonalibus (sæpius enim etiam pentagonæ, & plurium quoque quam sexangulorum & magis insuper irregulares figuras decircinant illa bruta animalcula) videre est; ratione pariter aperte declarata, ab eodem Bartholino, p. 26.

IX. *Cartesius* autem alleg. Cap. 6. laminas glaciales accurate sexangulas, è compressione circumstantium, ventorum interventu formatas quidem credit; de stellaribus autem ac denticulatis itidem sexangularibus, eodem loco ita ratiocinatur, ut dispositionem quidem illam sex granulorum seu guttularum congelatarum, & à ventis subtercurrentibus complanatarum, circa unam mediam, agnoscat, & pilos è vaporibus iisdem circum circa adnatos, eodem, quo Bartholnus ratiocinio deducat, (p. 195) sed sex illos dentes aut cuspides, alia plane ratione gignit; existimans quippe, su-



pe , supervenientem pilosis illis granis aliquem calorem , exigua , unumquodque granum cingentia , capillamenta liquefacere exceptis tantum iis , quæ versus centra sex vicinorum granorum respiciant , plus frigoris ex illorum majori vicinia sentiant ; illaque liquefacta ad reliqua , quæ remanserunt , confluere , unaque cum ipsis in sex illos denticulos paulo crassiores concrefcere. Quomodo porro binæ interdum ejusmodi stellulæ intermedio axe conjungi , tandemque immediato contactu dodecagonæ , quales interdum natura exhibeat , conflari possint , & similia plura , docet ingeniose allegato loco , quem totum huc exscribere , uti suprâ jam dictum , consultum haut erat.

X. Glaciales vero & pruinosas particulas , quamdiu nubem in sublimi componunt , ut plurimum longius distare concipit , ac non nisi à calore liquefactis capillamentis interjectis , coire in floccos minores , quorum superiores , vel à vi ventorum , vel proprio pondere deturbati , inferiores partes sibi adjungunt , ut auctiores subinde & condensatiores , terram tandem petant , nivemque nostram crassiusculam componant : eosdem vero nivis grandiusculos floccos , si aerem transierint satis calidum ( qualis est apud nos æstate tota ) in guttas resolvi & in pluviam , existimat ; aut si frigidus ventus inter decidendum , inopinatò superveniat , solutis ita aut propemodum solutis , floccis , in grandinem eos converti. Vid. num. III. Cap. VI. de Meteoris. Qua in re adversantes sibi habet Aristotelicos , nominatim etiam P. Fabri , qui contra , superveniente subitaneo frigore , è pluvialibus nubium guttulis , nivem gigni credunt. Vid. de ultimum laudato num. VII. - proximè superior , ac de candidissimo nivis albore sic ille philosophatus concipiatur , ut crediderit , niveum illum candorem à sphæru-  
lis minimis pendere , Tract. VI. p. 422. quod alibi jam docuisset , ( nim. Tractat. III. p. 35. ) superficiem corporis ex sphæru-  
lis minutissimis constantem , alborem necessario induere ,  
propter luminis radios continuè & confertim re-  
flexos. Sequitur nunc





## III. BREVIS EPICRISIS

Super enarratas huc usque Hypotheses , & inde deducendas Phænomenorum superiorum causas.

## I.

**N**ubium generationem & in aere librationem, *P. Honoratus Fabri* & *Cartesius* optime omnium explicasse videntur; & melius quidem hanc ille, ut istam hic, una cum roris, nebulæ, pruinae, cæterorumque similium ratione, statuimusque omnino nubes aere revera leviores & specie quidem, ut loquuntur, tales, veluti glacies aqua specie levior est, h. e. sub æquali mole minus ponderat, ideoque ab ea sustentatur, ipsique innatat, imo, si studio sub aquam deprimatur vel glacies vel lignum, ab illa graviore & inferiorem locum poscente, sursum truditur. Ut hoc pacto cæteris ratiunculis, quas num. V. hypoth. ex ipso congeessimus, supersedere potuisse videatur *Cartesius*, sola quippe specifica nubium levitate, ad istam suspensionem in aere sufficiente.

II. Neque vero hic una exclusa velim illa filamenta vel capillamenta tenuissima, quibus mediantibus, tanquam vinculis, colligentur partes nubium in sublimi pendularum, ex mente tam *Cartesii* quam *Honorati Fabri*. Cum enim sub initium elevati, caloris ope, vapores, propter impetum à calore receptum sint aere leviores, ideo hujus gravitate majori altius altiusque extolluntur, quamdiu caloris illum impetum servantes, illam etiam servant; id quod æstivis e. g. diebus fit, quamdiu Sol in aere sereno operatur. Vix autem occaso Sole, ejusque adeo calore deficere incipiente, cessare quoque incipit vaporum elevatorum levitas, ut ab aere non amplius sustentari, nedum ulterius attolli queant, ideo in aere sensim frigesciente deorsum ruere incipiunt, utpote sua natura aquei & consequenter aere graviores. Itaque propius coeuntes in guttulas confluunt, & sub forma roris terram petunt, Idem procul dubio in iisdem fieret, ad  
mediam



mediam usque aeris regionem delatis, nisi à majore ibi frigore subito correpti, in guttulas inflecti impedirentur, in cumulos potius & flocculos pruinosos coituri, & per ejusmodi tenuia capillamenta, ejusdem frigoris virtute ex sparsis vaporibus formata, utcunque connectendi, ut hoc modo tota nubium moles ex parte ab his retinaculis suspendatur, non aliter ac hominis alijus pondus, à duabus vesicis inflatis interjecto fune connexis, in aqua suspenditur.

III. Cum igitur nubes plerasque saltem, nivosa vel pruinosae quasi substantiae concipere necessum videatur, (niveus enim ille candor in altioribus aestivis nubibus, id manifeste deposcit) facilius etiam erit concipere, nubem talem pruinosam à calore liquecentem (liquefactis adeo ante omnia capillamentis num. præced. memoratis) in nivis floccos primum plerumque resolvi, qui per hybernum aerem sub illa floccorum forma durent usque ad terram, per æstivum inferiorem vero, in guttas & pluviam liquecant; quam guttulas humoris actu jam formatas, in floccos demum fungosos, & lanuginem illam nivis, à superveniente frigore distrahi & commutari. Glacieculae enim illae sive lamellae glaciales, & quasi speculares, in floccis nivium manifeste obviae, non tam globulos concretos, quam exporetas vaporum rigentium particulas præsupponere videntur: & quando tales lamellas suis guttulis in via adnasci credit *Honoratus*, quid obstat, quo minus pleraeque nubium superiorum minutæ partes, tales sint glacieculae? quarum specularis polities, niveum illum sive candorem sive splendorem, æque facile, ac globulorum glacialium rotunditas, exhibeat?

IV. Sexangulae nivis mere-naturalis, absque omni interveniente consilio, efformatio à *Bartholino* & *Cartesio* ingeniose satis declaratur, & ab hoc etiam grandinis nativitas, (de qua sequenti capite pluribus) haut inscite; tametsi *P. Honorati Fabri* cogitationes n. 10. p. 423. propositae negligendae non videantur. Si quis autem plenam Cartesianæ hic subtilitatis mentem assequi & penetrare voluerit, eum oportebit eam pro-



lixitatem, quam nos hac vice evitare merito studuimus, non fastidire; lecturum scilicet attente, quæ cit. sæpius Cap. VI. Meteor. à num. VII. usque ad XIII. utrinque inclusive, per 7 integras paginarum succedentium facies, contemplanda exhibentur.

V. Quod vero pluviarum prodigiosarum, similiumque portenta passim circumferri solita, spectat, ea pleraque quidem nobis valde suspecta sunt; non negamus tamen simpliciter, hæc talia DEUM supernaturaliter facere facile potuisse, & fortasse aliquando fecisse. Speciatim autem ranunculi illi cum pluviis ex aere delabi vulgo crediti, nihil apud me fidei unquam repere-runt; quandoquidem illi nunquam ab ædium tectis, aut hominum urbes incolentium capitibus & vestimentis, sed à patulis tantum campis, & horum palustribus aquosisque partibus excipiuntur; cujus rei experimentum egregium mihi casu obtulit, ante hos viginti, & quod excurrit, annos, ipso I Junii anno 1681; cum scilicet equo Norimbergam solus vectus, post lapsas mane pluvias, ubi ad piscinas Birnthanenses pervenissem, ibi in via publica litoribus proxima, ingentem ranularum fere infinitarum copiam habui obviam, ut pedem ponere equus non valeret, quin plures earum conculcarer. Nuspiam vero vel ante illas piscinas, vel post eas per totam viam potui similes minutulas observare ranulas.

VI. Erat autem totius hujus observationis manifesta ratio: quod 1) circa id tempus ranulæ ex ovis suis sive globulis spermatis ranarum, quod vocatur, ope caloris solaris progeneræ, magno numero excludantur, exclusæ vero statim umbras & latebras quærant, utpote nimium Solis æstum tenellis suis cuticulis in momento quasi exarituris, non toleraturæ. Postea-quam vero 2) dicto primi Junii mane pluvia larga lapsa calorem noctis præcedentis subito temperasset, ea cessante statim agmine magno è latebris suis prorepserunt, transversim per viam publicam proximam sese proripientes, pastus fortasse gratia. Quod si tantum otii mihi iter facienti tunc concessum fuisset,



fuiſſet, ut equo descendens unam alteramque iſtarum ranularum vivam ſecuiſſem, nullus dubito, meidem cum *Franciſco Redi* Patritio Aretino, experimentum obvium habiturum fuiſſe, quod narrat opusculi de inſectis p. m. 207 in fin. & ſeqq. pluribus, quod ſcilicet ſtomachum plenum cibi, & inteſtina plena excrementorum, eo ipſo, quo natæ creduntur, momento habuerint, cujus ſententiæ tamen primum inventorem ſe non venditat, ſed jam olim eandem id in ſchola peripatetica profeſſum fuiſſe *Theophraſtum Ereſium*, Ariſtotelis ſucceſſorem, teſte fragmento illius libri, quem *περί τῶν ἀθρόως φαινομένων ζῴων*, i. e. *de animalibus ſubito apparentibus*, in Bibliotheca Photiana aſſervatum, fatetur.

VII. Notiſſima etiam res eſt, cadentibus nonnunquam imbribus aut nimbis impetuoſioribus, illorum colluviem per platearum declives quodammodo quaſi foſſulas, ex omnium ædium abſtruſis angulis, clavos ferreos aliaque ferramenta convehere; quæ pueros curioſiores ſub ipſis aquarum fluentis conquirere, & quaſi piſcari, probe adhuc memini. Quo ſpectant etiam procul dubio noſtrates pluvix, quas vocamus, ſulphureæ, quas mentiri ſolent æſtate ſumma cadentes nimbi, qui decuſſis in ſylvis vicinis, ex quodam genere abietum, julis, pulveres ſulphurei coloris, in rivos & vicinos oppido lacunas convehunt.

VIII. Pruinæ quidem & roris eandem eſſe materiam, Honorato facile concedimus; hanc ipſam vero in pruinam abire non poſſe, niſi roris prius formam induerit, ægre nobis perſuaſerit; cum ipſa forma pruinæ externa repugnare videatur. Neque vero ejus candor (quem citra ſphæricularum hypotheſin, nimis deamataſe Honorato, explicari non poſſe, fruſtra ſupponit, hætenus nos cogit;) prout ſupra num. III. hujus de nive docuimus. Sane tantus ſplendor ex lamellis illis glacialibus ſenſibilibus, quæ nivis floccos componunt, mane poſt noctes intenſe frigidas, cœlo ſereno refulgens, ut innumerabilia parva ſpecula per camporum planities quaſi diſſeminata videtur, è quibus



bus reflexæ Solis imagines innumerabiles, non tam alborem niveum, quam vividissimam lucem in oculos prætervectorum aut prætereuntium effundant.

IX. Ut paucis nunc, quæ passim restare possunt in phænomenis superioribus, reddendæ rationes, eas exponamus, cum in Phæn. II. dixissemus; nubes in aere pendere libero, veluti glacies in aquæ summa superficie, idque utrobique ex eadem causa quod scilicet glacies aqua, & nubes aere, specie leviores sint, quæri merito poterat: cur nubes non æque ad summam aeris superficiem, uti glacies ad illam aquæ, enatent, sed in aere medio suspendantur? & quidem (quod in Phæn. seq. III. alibi-que animadversum est) aliæ altiores, aliæ humiliores? cui quæsito ex eo satisfieri potest, quod aer utique nubibus gravior sit, ut aqua glacie, sed cum hac notabili differentia, quod aquæ in summo & in imo eadem gravitas sit, quæ adeo corpora specie leviora infra eam, etiam violenter, depressa non potest non ubique supra se attollere, donec ad summum pervenerint: cum econtra aeris gravitas ac densitas prope terram major, deinceps gradatim minor sit, in summo minima, ut nubes non nisi eo attolli queant, ubi æqualem suæ, aeris gravitatem offenderint, ideoque, cum ipsæ quoque non sint ejusdem densitatis & gravitatis, paulo graviores humilior, paulo leviores autem altius suspendantur.

X. Quod auram serotinam, ejusque vim noxiam, attinet, de qua Phæn. VII. ex Patre Fabri diximus, multus ille quidem est eodem loco in causis plurium noxarum declarandis, fontem autem tantorum malorum num. 4. demum alleg. Prop. V. indicat, cum addit, quod acerrima quædam corpuscula humori admixta sint, quæ viam faciant, fibras vellicent, lacerent &c. Nempe non est ros, humoris particulis mere constans, sed halitibus siccioribus plurimis multo penetrantioribus & quodammodo venenatis, componi supponendus est, ex uni terræ locis copiosius, quam ex aliis exhalantibus, unde est procul dubio, quod hic locorum talis auræ noxiæ effecta  
parum



parum sentiantur, nisi quod autumnali tempore, circa Octobris circiter finem, defluxiones & catarrhi quidem regnent ob humores copiosiores, cætera vero graviora mala, quorum Honoratus meminit, rarius occurrant.

XI. Fila Mariæ sive meteorica, nonnulli pro genuinis araneorum filis ac opificiis habent, sed apprime decepti, eo enim tempore quo fila dicta in apertis campis ducta & quasi neta deprehenduntur ingenti copia, autumnali puta & hyemi vicino, aranei nulli amplius ne in ædibus quidem ac sub tectis inveniuntur, ne dum sub dio & in aperto, utpote frigoris æque impatientes, ac recens natæ tenellulæ ranæ sunt æstivi & urentis caloris. Deinde meteorica illa filamina adeo vastos sæpe campos longe lateque obtegunt, ut omnes vicinorum pagorum oppidorumque aranei, ex latebris suis in campos transmigrantes, nequaquam sufficerent ad innumerabilem illam filamentorum multitudinem una nocte ducendam: ut taceam hæc meteorica filamenta multo crassiora & viscidiora esse, quam ut cum filis araneorum, etsi pruinoso halitu obductis comparari jure queant. Quamobrem nihil aliud ea esse conjicio, quam viscosas quasdam exhalationes, quæ in fruticum ramis graminumque foliis collectæ lenique aeris flatu deinceps insequente nocte in filamina exporrectæ, passimque hærentes, eo modo formentur, quo ex massa vitrea adhuc calente, solius motus interventu, filamina neriducique possunt adeo subtilia ac flexilia, ut rhombis & gurgillis, instar filorum lineorum circumvolvi queant.

XII. Pluviæ ex vaporibus in guttulas concretis originem habent, quæ primum valde exiguæ sunt, ut in destillationibus chymicis, lenteque destillant ad instar pulveris in aere librati; deinceps autem & augentur per accessionem aliarum in via occurrentium, & auctæ majori deinde celeritate cadunt, aliasque obvias sibi adjungunt. Ex quo consequitur, quo cadunt ex majori altitudine, eo majores eas fore, ex majori scilicet ac diuturniore plurium accessione. Hinc æstate, ut plurimum majoribus guttis pluit, tum quod vapor æstivo calore multo al-



tius attollitur antequam in nubes pruinosas concreascet, tum quod eodem calore majori plures ejusmodi pruinosa particulae, aut glomuli nivosi suis capillamentis liberati, in majusculos statim flocculos resolvuntur, qui deinceps inter decidendum tanto citius ac sensibilibus augescunt; ut in imo & calidissimo aere in aquam penitus solutae grandiores imbrium ac nimborum guttas constituent. Ubi vero densa quidem nubila velut in Peruvia mensibus Junio, Julio & Augusto, singulis diebus ante meridiem conspiciuntur, quasi mox effusura pluvias, illa tamen propter ventum ab austro perpetuum distraeta, non nisi psecadem seu pulverulentam quasi pluviam (einen Staub-Regen) dispergunt.

## ARTICULI IV.

### CAPVT II.

#### *De Tempestatibus aqueis & ventosis.*

##### I. PHAENOMENA.

**P**HAEN. I. Etsi tempestatis nomine laxius alias significemus quamlibet aeris variationem, quo sensu numeramus quatuor anni tempestates, ver, aestatem, autumnum & hyemem, quas Gallico idiomate *Saisons* appellant, hoc loco tamen tempestatum vocabulo non nisi ea in aere contingentia intellecta volumus, quae cum periculo singulari, damno quodam insigni, terrore vel strage quadam mortalium conjuncta sunt; vernacula nostra, *Wetter & Ungewitter* nuncupari consueverunt; cujusmodi sunt e. g. *grandines, tonitrua, fulgura, fulmina, procellae, ecnephiae, exhydrii, turbines, typhones, praesteres &c.* de quibus singulis maxime memorabilia hic annotabimus, aut si forte consultius videbitur, multiplicem hanc tempestatum materiam in duo genera, totidem distinctis capitibus dispeciemus, in tempestates scilicet aquosas, grandinosas & ventosas, & in alterum genus ignitarum magis tempestatum.

PHAEN.



*PHÆN. II.* Ad prius genus tempestatum pertinent imprimis grandinum varia genera, quæ, ut solet, subtiliter persequitur Cartesius in Cap. VI. Meteor. à num. IV. per seqq. imprimis, ubi num. VI. de aliis grandinum globis agit, qui in partes plures acuminatas, octo, duodecim, viginti, triginta duas &c. dissiliant, totidem grandinis grana peculiariter constituentes. Sed loci præsentis imprimis sunt illa duo genera, quæ nos quoque frequentius observavimus, ut globulis grandioribus vel penitus congelatis constet, vel extus tantum congelatis, aut semiglacialibus conformentur, ita tamen, ut in eorum centrâ aliquid nivis reperiatur. Utrumque hoc grandinis genus inter tempestates strictius acceptas locum merito invenit, quia majori copia, & magno impetu plerumque ex nubibus in terras dejectæ, non solum teneras segetes, sed ipsas etiam fruges nonnunquam lædunt ac dilacerant, flores etiam & fruticum frondes decutiunt, ædium fenestras diffringunt, aliasque strages edunt.

*PHÆN. III.* At enim vero multo major clades ab illis compositis, & è pluribus præcedentium globorum aut glomerum coalitis majoribus glomis metuenda est, qualem non nisi unicam per omnem meam vitam experiri mihi hic Altorffii contigit, ante hos annos plus quam viginti. Circumstantiæ, quarum probe adhuc memini, omnium erant sequentes: 1) Messis jam instabat, ingruente Julio, tum quidem undecim diebus, quam hodie tardiore: 2) Nubes grandinem illam advehens grisei videbatur coloris, ex noto-zephyro ad nos festinabat: 3) Cum longius à nobis adhuc abesse videretur, ventum præmittebat impetuosum, quem statim insequebatur ingens adeo strepitus, ut præ illo campanarum sonitum, quæ more recepto junctim pulsabantur, & à quibus vix centum passibus remotus habitabam, vix ac ne vix quidem perciperem. Tum vero 4) tam horrendam stragem in circumjacente oppido nostro territorio, & in ipso oppido factam, paulo post, proh dolor! comperiebam, ut in Collegii nostri cæterisque oppidi ædibus, dictam supra mundi plagam respicientibus, vix unus ex vi-



treis fenestrarum orbibus salvus & integer cerneretur; extra oppidum vero, omnis ager, cum universis jam maturis frugibus, ita æquatus solo mœstis oculis ingereretur, ut vix culmum aut aristam dignoscere daretur. Glomeres hi glaciales 5) quorum plures collegi & examinavi, irregulares omnes & ex pluribus paulo rotundioribus, quinque, sex, septem numero manifeste concreti ac conglaciati distinctissime videbantur, universi vero eorum acervi, in locis umbrosis maxime, in alterum diem, alicubi in tertium etiam asservati conspiciebantur.

*PHÆN. IV.* Multa alia damnorum similium, tum ex vicinia nostra, tum ex distantioribus locis audivimus passim exempla superioribus annis, ubi grandinum grana sive glaciales a pides exæquabant, nunc columbarum nunc gallinarum ova, alicubi vero horum magnitudinem multum etiam superabant; prout e. g. hoc loco solum in Fig. 88. specimen exhibebo grandinis prorsus stupendum, cujus similia plurimæ Viennæ ac in circumjacente agro, coelitus delapsa fuerant d. 11. Julii, 1689, inter horam noctis octavam ac nonam, cum ingenti damno hominum ac pecudum, frugumque. Hoc specimen transmissum fuit Vienna d. 4. Julii, & præsentatum d. 10. Julii 1689. Dn. D. Loosio, Consiliario intimo Oetingensi, ab amico quodam singulari ac fide digno.

*PHÆN. V.* Eas, quas hætenus descripsimus, grandinum species, æque ac tonitrua cæterasque ignitas tempestates, antecedit ordinarie ventus notabilis ex ipsa nube mox grandinatura, quem ideo *Ecnephiam* congrue dicere possemus, quia ex nube spirat, & si brevius durat. *Varenius* autem, aliique naturæ scrutatores, *Ecnephas* eodem vocabuli sensu vocant, ventos subitaneos & singulariter impetuosos ex aliqua nube vel nubecula prorumpentes, quales crebros esse dicit in mari æthiopico, inter Brasiliam & Africæ procurrentem, in primis autem ad promontorium bonæ spei (de quo mox separatim) item ad Guineam sub æquatore. Addit eos nautas vocare *Travados* Lusitanico vocabulo; latinis dici *Precellas*; sed græcum vocabulum esse aptissi-



aptissimum. Hodie solent appellare ejusmodi ventos impetuosissimos, *Orfans* vel *Orafans* / qui sæpe integra navalia cum suis navigiis susque deque vertunt &c. Nubecula, & interdum plures nubeculae atræ & subnigræ manifeste à nautis conspiciuntur, coire paulatim & augeri & quidem coelo serenissimo, antequam prorumpat ventus: atque ideo, cum eas vident, illico vela colligere, & navem contra mox affuturam sævitiam munire debent. Sed antequam nubecularum harum naturam & prognosticon didicerant nautæ pelagus illud ingressi, pluribus navibus exitio fuit, quod primi experti sunt Lusitani; prout ex Maffeo pluribus refert, p. 405, & 406. Lib. I. Geogr.

*PHÆN. VI.* Diximus nos de hujusmodi ecnephia, quo infame est Promontorium B. Spei, ex eodem Authore separatim dicturos; id quod nunc fiet ex pag. 407., Est non procul ab eo litore excelsus mons, non in apicem desinens, sed planitiem in fastigio habens, unde Belgæ illum vocant, *Dent Tasselberg*. Ab illo fastigio ecnephas frequentissime prorumpit, ingenti cum impetu & mirabili prognostico. Etenim coelo serenissimo existente, & mari placido, nubecula conspicitur super illam montis mensam consistere, quæ adeo parva est ab initio, ut vix granum hordei, deinde juglandem nucem æquare videatur; Unde Belgæ vocant *oculum bovis* (het Ochsenoog) quoniam huic similis esse dicitur illa nubecula. Deinde mox augetur, & extendit se super totam planitiem montis, quod Belgæ vocant, *de Tafel vort gedeckt*; Tum vero illico ecnephas prorumpit è montis illo fastigio, tanto quidem impetu, ut naves imparatas & non monitas, præsertim, si vela expansa sint, obruat, & in tartara præcipiter. Sed nautæ jam cautiores facti, ubi oculum illum bovis vident, statim recedunt à litore, quantum possunt, & vela dein colligunt, aliisque utuntur, ad tuendas naves artificiis: neque enim unquam fallit hoc prognosticon; ideo ferale convivium fugiunt. Eodem modo ad terram de Natal ecnephas



furit , præcedente oculo bovis , quo multæ naves perierunt ;  
& in toto tractu inter illam terram & promontorium B. Spei ,  
nec non in mari sub æquatore inter Africam & Americam fre-  
quentes sunt tales ecnephiæ & Travados , maxime mense Apri-  
li , Majo , & Junio &c.

*PHÆN. VII.* Ecnephiæ similis est alius ventus ex nube  
erumpens , hac sola differentia , quod cum ingenti aquarum  
copia , quasi simul , & perpendiculariter à vertice decedente.  
Hinc *Exhydria* vulgo , nostratibus ein *Wolffenbruch* / ap-  
pellatur. Quique superius à nobis generali nomine procella-  
rum appellati , idiomate peregrino à nobis dicebantur *Orcans* ,  
illos Varenius p. 410. *Typhones* in Prop. XII. vocat atque ita de-  
scribit , quod sint venti impetuosissimi , cum celeritate per omnes  
plagas circumcirca locum aliquem vagantes , & plerumque de-  
super à vertice irruentes. Sequenti pag. 411. addit , Saracenos  
hunc ita descriptum Typhonem vocare *Olifant* , Indos *Orancan* ,  
imprimis frequentem in orientali Oceano , imprimis in mari  
Chinensi & Japoniæ ( inter Malaccam & Japoniam ) Eum ex  
occidentali ferme plaga violentum irrumpere , & rapida verti-  
gine circa Horizontem rotatum , assiduis incrementis , hora-  
rum circiter viginti spatio circulum conficere , impetu horri-  
bili , sævisque turbinibus vasta illa æquora vehementissime  
commoventem navigationem non solum ex India in Japo-  
niam periculosissimam efficere , nec in mari solum , sed in li-  
toribus quoque furere , multasque domos prosternere , ingentes  
arbores radicitus evellere , magnas naves ex mari in terram , ad  
quadrantem etiam miliaris , propellere , &c.

*PHÆN. VIII.* Inter tempestates aliquo modo censerì pos-  
sunt *turbines* vulgares , die *Wûrbel* = *Wind* / maxime si  
tam validi sint , ut arbores eradicent , ædificia prosternant ,  
animalia in sublime abripiant &c. Motu scilicet vorticoso desu-  
per irruentes & in spiras helicesque contorti ; quod arenæ , &  
his admixta levicula corpora , cum & à turbine inconspicuo in  
helices visibiliter circumacta. His jungimus rarius multo phæ-  
nome-



nomenon, in medio mari nonnunquam conspectum, nominatim à Monconysio anno 1648. d. 29. Novembr. in mari mediterraneo observatum, & schematismo peculiari, quem in Fig. nostra 89. exhibemus, repræsentatum; cui jungi potest prolixior eorum descriptio, ex libello recentissimo, *Voyage de Siam*, inscripto Lib. I. p. 42.

*PHÆN. IX.* Scilicet mane videbatur in aere elongatio quædam nubis alicujus usque ad mare, (ita narrat Monconysius) versus euroboream, vix ictus sclopeti intervallo à nostra nave remota, quæ instar proboscidis elephantinæ aquam ex mari haurit adeo distincte, ut circa extremum hujus proboscidis (circa A nempe) cerneretur magnus aliquis quasi vortex ebulliens, durans circiter semiquadrantem unius horæ, postea se separans primum à nube, deinde successive dissipata à summo usque ad inferiorem maris ebullitionem, quæ paulatim pariter evanescebat. Nautæ ab hoc phænomeno sibi magis metuunt, quam à sæva quadam tempestate, & contrahunt illico vela; creduntque rationabilius esse terga vertere, aut tormenta quædam explodere ad dissipandum aerem & vaporem istum &c.

*PHÆN. X.* In altero libello Gallico memoratur hoc idem phænomenon satis extraordinarium, quod observaverint navigantes inter æquatorem & capricorni tropicum, quodque appareat explicatu difficillime. Est nimirum unus ex illis magnis turbinibus marinis, quos nautæ vocant *Trompes*, *Pompes*, aut *Dragons*, ex aqua, qui nihil aliud sunt, quam tubi quasi aut cylindri ex crassis vaporibus formati, quorum una extremitas nubes attingit, altera mare, quæ posterior videtur quodammodo circumcirca bullire. Quo modo credat autor generari has *Trompes*, postea inter hypotheses dicemus, nunc addentes cætera ad phænomenon ipsum spectantia, si contingat, pergit autor, ut secetur aut secandus sit, longus ille tubus aqueus, per ingressum navigii ac transitum mali, (posito, quod id evitari non possit) oportet (ante ingressum scilicet) interrumpere illum per ictus tormentorum aut sclopetorum, quo facto aqua, sustentaculum



culum non amplius habens, cadit in magna abundantia, & totus ille *Dragon* dissipatur subito. Conantur quovis modo evitare hunc accessum, utpote valde periculolum, non solum propter aquas in navem delapsuras, sed etiam ob subitaneam violentiam, & ingens pondus turbinis, qui capax esset frangendi mali alicujus magni navigii, aut hujus ipsius submergendi. Hi *Dragons*, etsi è longinquo appareant satis pusilli, similes columnis 6 aut 7 pedd. in diametro, habent tamen plus extensionis aut spissitudinis, quam crederes. Vidi ego duos aut tres propellitus Portugalliæ, ex intervallo iclus sclopeti minoris qui mihi apparebant, habere plus quam centum pedum circumferentiam. *Guy Tachard. Soc. Jesu.*

## II. HYPOTHESES

circa varia hæc aquosarum tempestatum phænomena.

### I.

**Q**UOD grandines attinet, utraque minutiora aut mediocria genera, ex communi sua hypothese, ita gigni credit Cartesius, cum supponat plerasque nubes in aeris media frigidaque regione gigni solitas, pruinosas & nivolas esse, h. e. ex tenui sparsaque valde nive seu pruina, constare, & , quamdiu tales sunt, tamdiu sunt aere ipso leviores, ideoque, in aere sine sustentaculo suspenduntur ac liberantur. Ubi vel desuper, inferne sursum, circa dictas nubes plus caloris colligitur, incipiunt ante omnia subtilissima illa filamenta, quibus particulæ nubium paulo crassiores colligebantur quasi, & sic una facilius suspendebantur, liquefcere, consequentur, graviusculæ nubium partes condensari magis & propius coire, eoque pacto in parvos primum flocculos: hi deinde cum aliis sibi adjunctis, in majores & graviores concrefcere eo usque, ut sustentari amplius ab aere non valeant, sed deorsum versus terram ruant, inter decidendum subinde nova augmenta capientes, tandemque, si infimus prope terram aer satis frigidus sit (qualis esse hyeme plerumque solet) cum aliquali quidem condensatione, sed sine plena resolutione, integra



tegra floccorum forma, adeoque sub *nivis* densioris specie, terram petant : econtra, si inferior aer gradatim calidior, & propius versus terram adeo calidus sit, ut floccos illos niveos, antequam terram attingant, in aquam penitus resolvi necessum sit, in forma guttarum cadentes, *pluvia* formam induant.

II. Cum vero contingere possit, ut flocci ex alto decidentes, in via forinsecus liquefcere incipiant, liquifaciendis deinceps interioribus quoque partibus, (intererea magis etiam condensatis) nisi quid novi accidisset, adeoque in pluviam, ante dicto modo, degeneraturis; possit etiam contingere, ut jam liquefcere forinsecus cœptis nivium floccis, ex improvviso superveniat frigidus aliquis ventus ex borea, vel euro aut euro - noto, hyeme vel autumno, qui & ulteriorem interioris nivis resolutionem cohibeat, & solutum jam exterius humorem congelat, in proclivi jam erit concipere, quomodo sic generari possint grana rotunda extus glacialia, intus autem plus aut minus condensatoris nivis adhuc abscondentia; h. e. unum genus grandinis, duorum illorum, quæ in II Phæn. commemorata fuere. Quod si porro contingat, ventum illum frigidum serius supervenisse, cum jam flocci nivei penitus solvi continuassent, alterum grandinis ibidem commemorati genus, prorsus fere glaciale, haut difficulter etiam concipietur, durius absque dubio, & fortasse minus rotundum. De grandiore & composito magis genere nihil habet, (quantum recordor) Cartesius; tametsi penitus ipsi ignotum fuisse, non est credibile.

III. *P. Fabri* Tract. VI. Prop. CXXII. grandinem, ex liquore immediate concrefcere dicit, primum quidem in guttula insensibili, quæ deinde in descensu novarum partium accessione subinde augefcatur, & nova quasi indusia, unum alteri superinduat, more cepearum, cereorum & candelarum, quæ per immersionem quasi tunicatim spiffescunt: quo pacto altera grandinis species, tota scilicet glacialis, facile generari conciperetur. Verum, cum altera species, quæ circa centrum fungosa est, h. e. nivis indolem vel molli-  
tiem potius, quam nativam grandinis duritiem præfert, explicanda esset, num. 9, cit. Prop. cogebatur primum ejus rudimentum floccum niveum supponere, cui deinde aliæ partes humoris accedant, quæ congelentur. Rationem redditurus, cur, priusquam grandinet ingens sonitus ut plurimum præeat? illum à pilarum concursu & collisione petendum esse judicat: nempe alias ante alias concrefcere supponit, omnesq; accelerato motu descendere; sed quod addo,



maiores & graviores , acceleratiore ; unde mirum non sit , si una alias assequantur : ex illo vero sonitu colligi posse , ex majore altitudine grandinem cadere , quam aliqui putent ; nam signo illo fragoris edito , longo tandem post tempore grandinem ipsam terram attingere.

IV. *Hamelius* in *Phys.* Part. II de *Meteoris* cap. IX. videtur præcedentes duas Hypotheses in unam conjungere voluisse , cum sub finem dicti cap. primum nubium sublimiorum flocculos niveos calore liquari , dicit , tum subeunte frigidior ventus iterum congelari , & grandinem præbere ; cum autem nivem liquescentem ventus frigidior corripit , ac multos floccos in unum colligat , dum grandinam & majorem , & figuræ polygonæ præcipitem ruere. Hujus extrema sæpe pellucere , quod eas partes prius liquatas frigus occupaverit , neque intimas illius partes ( calor liquefaciens ) subierit : Hinc nivem quandam in medio opacam remanere. Deinde vero , sub ultima capitis verba , fieri etiam posse reddit , ut guttula , jam in glaciem concreta in ipso descensu augeatur , dum novas superficies aut tum eas induit , fere ut cerei , aut candelæ per repetitas immersiones formantur ( quæ sunt ipsissima P. Fabri verba ) unde majores futuros grandinis globos quo ex altiori loco decidunt , & major humoris copia in descensu occurret. Antequam grandinet , magnum plerumque strepitum in sublimi aere audiri solere ; collidi enim jam congelatas guttas , dum aliæ in alias incurrunt : cum autem illud murmur longe ante grandinis lapsum audiatur , id magno argumento esse , grandinem in sublimi , non in infimo aere formari. Conferantur cum his , quæ habentur similia de *Meteoris* Cap. III. *Oper. Philosoph.* du Hamel edit Norimb. p. 3 2. Possemus etiam è Gassendi *Scient. Phys.* Sect III. p. 81. & sequ. multa de Anaxagoræ , Aristotelis , Senecæ & Posidonii apud ipsum , item Epicuri , aliorumque opinionibus huc transferre , quæ tamen rei veritatem viderentur forte magis obscuratura , quam declaratura , ideoque merito omittenda.

V. Jam ut de *Ecnephiis* , *Exhydriis* &c. quædam commemoremus , duos modos recenset *Varenius* , Lib. I. p. 409. quibus existimat ventum ex nube generari ac prorumpere posse. *Primum* , si nubes gravitate sua deorsum vergens , aerem magno impetu elidat , sicut experimur , si vela decidant , commoveri cum impetu aerem. Atque inde fieri , ut quo minor apparuerit nubecula sive oculus bovis , eo major sequatur tempestas ; nimirum , quia nubes altior est , & ideo parva apparet : demittens autem se , ex altiore loco , vehementius



mentius elidit aerem. Alter generationis modus est, si spiritus in nube inclusus, repente erumpat, vel propter aliquem ignem, five sulphuream materiam, ex nubibus angusta facta via & aliis effugiis prohibitis, vapor elidatur, sicut ex vase angusti orificii aquam continente, si calefiat, prorumpit ventus. Sed primam causam, addit esse verosimiliorem.

VI. De *Exhydriis* autem idem Vir laudatus Prop. XI. cit. l. asserit, quod parum differat ab ecnephia, nisi quod nubes illa, ex qua prorumpere videtur, in aquam jam densata sit, & ab aliis circumstantibus nubibus tamdiu sustentata, & forte à ventis in unum coacta, donec gravitate sua deorsum ruat. aeremque elidat, unde magnus ventus existat. Sed raros esse addit exhydrias; ipsum tamen ecnephiam plerumque comites habere pluvias & imbres five potius nimbos; ideoque ab exhydria tantum differre secundum magis & minus: nimbum enim nihil aliud esse nisi ventum cum impetuosa pluvia, ideo generaliore esse, quam ecnephiam: exhydriam autem plerumque perpendiculariter à vertice decidere.

VII. *Cartesius* alterum illum modum, quem Varenius primum dixerat, dudum probaverat Cap. VII de Meteor. num I ac III. Nubes, inquit, non tantum ventos generant, cum in vapores dissolvuntur; sed etiam interdum totæ simul tam subito motu ex alto descendunt, ut omnem subiectum aerem magna vi propellentes, ventum ex eo componant, qui validissimus quidem, sed non diuturnus esse potest: ejusque similem facile experiemur, si velo in sublimi aere ita expanso, ut omnes ejus partes, à terra æquidistant, illud totum simul decidere permittamus. Fortes pluviae plerumque hujusmodi antecursorem habent, qui manifeste ex alto deorsum agit, & cujus frigus abunde monstrat, illum ex nubibus venire, ubi aer communiter frigidior est, quam circa nos. Nube autem descendente, ponderosa admodum & late diffusa (qualis facilius in vasto mari, quam alibi, colligitur, quum vaporibus æqualiter ibi dispersis, simul ac minima nubes in parte aliqua cogi cœpit, statim etiam se per omnia vicina loca extendit,) necessario tempestas surgit, tanto major, quanto nubes major ac ponderosior, atque hoc pertinacior, quo ex altiore loco descendit. Atque ita vehementes illos turbines generari arbitror, quos Travados dicunt, nautis nostris in longinquis navigationibus maximè formidabiles, præsertim paulo ultra Promontorium bonæ spei, ubi vapores magna copia ex mari Æthiopico surgentes, quoniam est latissimum, & Solis radiis maxime incalescit, fa-



cillimè ventum occidentalem efficere possunt, qui cursum naturalem ( ab oriente scilicet in occasum ) aliorum, quos mare Indicum emittit, sistens, illos in nubem cogit; quæ nubes quoniam oritur ex inæqualitate, quæ est inter hæc duo maria vastissima, & hanc terram quæ etiam est valde lata, multo major evadere debet, quam illæ, quæ in nostris regionibus generantur, ubi tantum pendent à minoribus istis inæqualitatibus, quæ sunt inter nostras planities, lacus & montes. Et quia fere nunquam aliæ nubes in iis locis cernuntur, statim ac nautæ aliquam coire animadvertunt, licet interdum initio tam parva esse videatur, ut illam Batavi cum bovis oculo compararint, atque inde appellarint, & licet omnis reliquus aer valde serenus ac defæcatus appareat; nihil ominis vela contrahunt & contra magnam tempestatem se muniunt, quæ statim etiam insequitur. Eo quoque majorem illam esse solere existimo, quo minor initio hæc nubes apparuit, cum enim fieri nequeat satis crassa, ut aerem obscurando sit conspicua, nisi simul etiam fiat satis lata; ita exigua videri non potest, nisi ex eo, quod sit valde remota: & notum est, quo ex altiori loco descendit corpus grave, hoc impetum ejus esse validiorem. Ita hæc nubes sublimis, & subito magna & ponderosa facta, tota delabitur, magna vehementia aerem subjectum agens, & tempestatem hoc ipso ciens.

VIII. *Turbinem* seu *typhonem* *Fromondus* ecnephiam esse putat, sed gyrantem aut vorticofum. Quod si quis desideret sibi dari rationem illius gyrationis? respondet *Gassendus* Animadvers. in Lib. X. Diog. Laert. p. m. 1039. in fine, permirum quidem hoc esse, quomodo res fluxa eam rotationem ex circumobfistentia valeat induere; sed *Senecam* docere ( Lib. V. nempe cap. XIII. ) rem concipere ex similitudine aquæ, quæ, quamdiu sine impedimento fertur, simplici motu se effundat, ubi in ripam aut saxum incurrit, retorqueri & orbem facere. Sic ventus, ( ita applicat porro allatam de aqua similitudinem ) quamdiu nihil obstitit, vires suas recta effundit: Ubi aliquo promontorio percussus est, aut vi locorum coeuntium in canalem convexum tenuemque collectus, sæpius in se volutatur, similemque iis, quas diximus converti, aquis facit vorticem. Hic ventus, pergit, circumactus, & eundem ambiens locum, & se in ipsa vertigine concitans, turbo est. Jam quomodo talis ventus vorticofus *Typhonem*, seu *fistulam*, quam vocant, *marinam*, formet, Jesuita *Guy Tachard*, in sua relatione superius allegata, sic docet: cernitur initio nubes atra & grandis, à qua pars aliqua seperatur ( scilicet



licet impetu illius venti turbinofi ) mutatque insensibiliter figuram, recipitque illam longæ alicujus columnæ , quæ descendat usque ad superficiem maris ; perdurans tanto diutius in aere, quanto diutius violentia venti illam detinet, aut partes inferiores sustinent illas quæ supernè incumbunt.

IX. Paulo ante locum num. præced. allegatum laudatus Gassendus, rem sic esse concipiendam dicit, ut sit nubes aliqua vento extrinsecus compressa, quæ in sui medio plurima contineat venti semina, v. g. Spiritus salium, ac præsertim halinitri, cujus est præ cæteris agitatio & difflatio perspecta. Exinde nempe, dum creatus & concitatus intra nubem ventus quærit exitum, varie intra nubis capacitatem impingitur, deflectitur, contorquetur, circumrotatur, ac impetu semper crescente, prorumpit in eam nubis partem, quæ infirma præ aliis est, & qualem contingit esse inferiorem; cum præsertim superne ipsa regionis frigiditas, à qua nubes magis constipatur, obstet. Et quia tamen nubes aut ipsius pars non facile excutitur, fit, ut quandam ejus portionem secum abripiat & convehat, eaque de causa observetur quædam nubis quasi columna deorsum vergens ac procidens, quæ in mare impacta, ipsum mirifice commoveat, & quasi fervere compellat, quo nomine fere *procella* vocatur. Dicitur autem etiam  $\Delta\iota\upsilon\omicron\varsigma$  *Vortex*, cum manifestiores creat in aqua vortices; ac speciatim Typhon, cum tam rapidos atque vehementes, ut si navigium forte incidat, ipsum & contorqueat, & aperta voragine, ut absorbeatur, faciat; sique contingat, quod ille ait (Virgil. nempe I. Æneid.)

*Torquet agens circum, & rapidus vorat aquora vortex.*

Quod interdum autem navigia revulsione quadam nonnihil attollantur; id videtur contingere ex suppositæ aquæ resistantia, ob quam quædam fit quasi resultatio, quæ manifestius cernitur in *pulveraceis turbinibus*,  $\Sigma\tau\rho\beta\acute{\iota}\lambda\omicron\iota\varsigma$  specialibus vocatis: Pulveres nempe sursum aguntur, quod ventus eos efferat, dum terræ impactus cogitur sursum resultare. Ita species typhonis est, quæ aliquando arbores convellit, & eradicat, lapidesque ita attollit, ut compluere postea iis videatur.

X. *P. Honoratus Fabri*, Prop. LXXVII. Lib. IV. Tractat. VI. explicare conatur, quid sit maritima illa & hydraulica fistula, quæ aliquando navigia obruat effusa scilicet magna aquarum vi; vocat in dubium illorum sententiam, qui volunt, fistulam quandam ex nube



& halitu conflata mari incumbere & tantam vim aquæ, metu scilicet vacui exugere, ut aquæ circumambientes eò confluant & navigia tanquam in vorticem deferant; tum deinde aquam haustam simul effundi, ad instar minoris cujusdam diluvii, negat adduci se posse, ut credat, nubem in fistulam hydraulicam, vulgo *Pompe* conflari posse, nempe metu vacui; aerem quippe potius & facilius, quam aquam adductum iri: Fatetur se nunquam tale phænomenon vidisse; interea tamen iterato negat, adduci se posse, ut credat, formari tornari-que fistulam, seu cavam columnam, quæ aquam exguat: se credere potius nubem illam, ad instar columnæ aquæ maris incumbentem, ex rarissima materia constare; unde aer ambiens ab omni parte gravitans prædictum vorticem excitet. Quia vero nubes illa multo igne confluet uti raritas evincit; secretum esse humorem necesse esse, caloris vi, qui ubi ab igne secretus est, statim fere lique scat. Igitur, mirum non esse si ad instar torrentis vel diluvii deorsum ruat, & illa navigia obruat, oneri scilicet imparia, in quæ incidit: quid aliud de hoc dici possit, se non habere. Hoc interim confirmat, ut hanc pestem abigant nautæ, eos majora tormenta initio explodere solere, nec sine aliqua ratione: Nempe illam aeris agitationem efficere, ne partes ignis colligantur, ne partes humoris secernentur, ac proinde præmissum effectum impediri.

### III. EPICRISIS

super enarratas Hypotheses indque seligendas veriores  
Phæn. superiorum causas

#### I.

**N**on poterat adduci P. Fabri, ut crederet, fistulam ex nube & halitu conflari; quia forte soliditatem aliquam in ejus ambitu & cavitare concipiendam putabat. Ego vero supposito vento vorticoso sive per helices deorsum circumvoluto, satis distincte talis fistulæ vaporosæ nubilæque formationem, & aquarum marinarum per ipsius cavitatem, sine ridiculo vacui metu ascensum, mihi sic imaginor: cum ventus ille turbinosus in ejusmodi densam nubem incidens, facile hujus aliquam portionem violenter ad maris superficiem usque detorqueat, interea vero motus hic vorticosus cum nisu quodam versus exteriora, ut omnis circularis, conjunctus sit: fit ut hoc pacto gradatim distractior prolon-



prolongata sic nubis portio aliquam in medio vacuitatem relin-  
quat, per quam, ubi superficiem maris attigerit aeris ambien-  
tis pressio plurimam aquam sursum exprimat & attollat ejusdem  
ambientis laterali quoque circumpressione & renixu aliquan-  
diu ita sustentatam: donec, vel remittente vorticosi venti  
impetu, vel tormentorum valido ictu disrupta alicubi tex-  
tura hac mirabili, aquæ cylindrus ponderosissimus sustentari  
amplius non possit.

II. Quæ porro subjecit P. Fabri, fateor à me non intelli-  
gi; nec magis conceptibilia sunt, quæ Gassendus num. IX. su-  
periore de seminibus venti, intra nubem ab alio exteriori ven-  
to, compressam contentis, sive fingit, sive supponit. Quomo-  
do enim, supposita tali nube suppositis in ea venti seminibus,  
ex his actualis ventus oriri, exortus, in illa nubis in aere adhuc  
pendulæ raritate, exitum frustra quærere, tandemque perrum-  
pendo invenire possit, & quomodo, datis his omnibus, necessa-  
rio ventus ille in turbinem detorqueri debeat? satis aperta profe-  
cto nondum sunt. Apertius est, quod Seneca de ecnephia ve-  
hementiore in promontorium aliquod impingente, indeque re-  
flexo & in gyrum volutato, dixit tale quid enim ad turbinosum  
venti motum requiri, vel aquarum vortices docere, non frustra  
monet, dictus Philosophus. Verum, ubi in mari patulo, quod  
nautis ejusmodi periculosa phænomena objicit, promontoria  
vel similia solida obstacula? Non alia sane, præter ipsas obstan-  
tes alias vicinas nubes, aquas ipsas subjectas, reperio; à quibus  
tamen adeo validas detorsiones dependere difficulter concipio.  
Terrestres turbines minus difficultatis habere videntur, quibus  
mille obstacula occurrunt impetuosum aliquem ventum in gy-  
rum detorquere valentia: quo gyro semel dato, cætera quæ ta-  
lem consequuntur effecta, utcunque stupenda, non adeo incom-  
prehensibilia videntur.

III. Quæ de ecnephiis dixit Varenius num. V. modo prio-  
re, aliquam habent speciem, ex iis, quæ num. VII. è Cartesio  
excerpta sunt, ulteriorem lucem acceptura. Alter vero modus  
gene-



generationis eodem nostro Num. V. à Varenio propositus, non solum minus verosimilis à nobis judicatur, sed penitus potius respuendus: quomodo enim spiritus in nube conclusus concipi potest, si nubes in aere pendula nihil aliud est quam subtilis nebula? quomodo porro repente in hac nebula eruptio fieri potest ab incluso spiritu, cum hujus subtilitati exitus per mille vias pateat? Quomodo denique talis millies quasi perforata nubes, cum vale angusti & unius solum orificii, jure comparari potest, cujus aqua contenta igne calefacta, ventum producat? Exhydrium vero ab ecnephia parum, aut nil nisi in eo differre, quod nubes, ex qua exhydrius spiret, sit prorsus aquosa & gravida, atque adeo ad lapsum & plenariam solutionem summe matura; adeo, ut vel ventus ipse suo impetu totam nubem in terram detrudat, in aquam penitus simul ac semel defluxuram; vel quod insuper probabiliter adjungi potest, nubes aliqua sublimior, & ipsa condensata graviorque reddita, in humiliorem istam lapsuique jam pronam delapsa, eam derepente totam excutiat.

IV. Hamelii & Fabri conciliationem facile possumus admittere, sed hoc modo in eo casu, quo grandinis grana in centro nivem abscondunt, Cartesiana hypothesis necessario præsupponenda est, qua nubes in floccos nivis, primo minutiores, deinde paulatim grandescences resolvitur, mox autem in descensu, (calore in via gradatim augescente,) hi grandiores flocci, quoad extimam superficiem in aquam, subitoque superveniente vento frigido, hæc aqua in crustam glacialeem convertitur; intima flocci nive immutata manente, aut saltem à circumstante frigore tantisper condensata. Simul autem, dum flocci hi nubis grandiores jamjam prolapsuri, forinsecus liquecunt & immediatè post crustam glacialeem induunt his suis crustis glacialibus adhuc madentibus facile coire, cohærere, in glomum adeo communem glacialeem majorem & ex pluribus compositum coalescere, sine omni fere mora possunt; quales glomos glaciales irregulares in Phæn. III. descripsimus, ipsis his oculis nostris observatos ac diligenter examinatos,

V. Hoc



V. Hoc vero modo rectius, opinior, tam subitanea coalitio plurium grandinis granorum concipitur, quam si credamus (quod olim fecimus) simpliciores grandinis globulos inter delabendum & mutuas collisiones momento coalescere & congelari; quod & conceptu difficilius esset, & observationi minus responderet. Notavimus enim simpliciora illa grandinis minutioris & procul dubio rotundioris ante grana, altius in se invicem penetrasse, & rotunditatem suam plurimum mutasse, id quod fieri non potuit, nisi tunc, cum aliqua adhuc inesset floccis grandinescentibus mollities. Hinc etiam suspicari licet simpliciora quidem grandinis rotundioris grana, allisu suo ad ædium recta, ad fenestras &c. stridorem, imo fragorem aliquem excitare, non autem ante hanc illisionem in aere similem audiri; suspicari, inquam, imo certo prænosse inde licet, ubi ingense ejusmodi fragor & strepitus in aere antecedit, mox secuturam grandinem simplicem rotundiolem, sed compositam & grandiolem, quæ ex nube dimissa, motuque adeo accelerato lata, mutuis allisibus tanto vehementioribus, immane quantum ejusmodi susurrum sonitumque causentur. Ut adeo sic hic num. V. cum I. & II. num. Hypoth. conjungatur tota de grandinibus damnosis materia possit exhausta videri.

## ARTICULI IV.

### CAPVT III.

*De tempestatibus igneis, tonitru, fulgure, fulmine &c.*

#### I. PHÆNOMENA.

**P**HÆN. I. Aestivo præsertim tempore, rarius verno & autumnali, rarissime hyeme, condensatæ & conglomeratæ nubes, fulgida lucis corruscantis quasi jacula emittunt, longius equidem exporrecta, sed momentanea tantum & subito rursus extincta, noctuque quam interdiu luculentiora, fulgu-  
Tccc ccc ra, ful.



*ra*, *fulgetra* *Blitzen* / *Himmel* = *itzen* und *Wetter* = *leuchten* vulgo dicta.

*PHÆN. II.* Hæc uti præcursores habent ordinariæ, & prænuntium quasi, majorem ac molestiorem, quodammodo suffocantem, inferioris aeris æstum (eine geschwülstige Luft) ita subsequuntur mox fragoris, quem *Tonitru* vocamus, indices plerumque sunt; ita ut viso fulguris vibrante splendore, indubii fere simus audiendi mox etiam, citius aut serius, (nec enim æqualia sibi semper sunt inter utrumque intervalla) tonitruum.

*PHÆN. III.* Dixi fere indubii; contingit enim aliquando, præsertim sub noctium æstivarum initia ut fulgura cernantur circa Horizontem frequentia, nullo subsequente tonitruo: Id quod Germani, eine Abkühlung der Luft / appellare solent. Contingit etiam vicissim, audiri nonnunquam tonitrua, nullo præviso fulgure: plerumque tamen, uti jam dictum, solent esse conjuncta, interjecto tantillo, (nunc tamen majore, nunc minore, ceu diximus) temporis intervallo.

*PHÆN. IV.* Tonitrua valde diverso sonitu aures nostras feriunt: nunc enim æquabili quodam & continuo quasi murmure diutius obscuriusque ogganniunt; nunc uno impetu & fragore acutius percellente subito nos terrent; nunc interrupto pulsu, quasi undulabunda, terram aeremque tremefaciunt, ædibus etiam earumque fenestris tremorem manifestum exhibentibus, nunc stridulo quodam, quasi disruptæ relæ, aut membranaceæ paginæ discissæ crepitu formidolosa, quod fulminis ictum plerumque sibi conjunctum habeant.

*PHÆN. V.* Quemadmodum autem cætera fulgura ac tonitrua pleraque innoxia sunt, imo fecunditatem terræ contremefactæ, aut segetum potius plantarumque radicibus quodammodo concussis & agitatæ afferre creduntur: ita nonnulla ipsorum, præsertim ea, quæ ultimo loco in Phæn. præcedente attigimus, quorum fulgura præ aliis valde candicant, quæ nulla fere mora sese consequuntur, quorumque fragor tanquam é

vici-



vicinia, ipsis hominum capitibus imminens percipitur, ictu subitaneo impetuose feriunt, obvia corpora prosternunt, urunt, exanimant, *fulminum* nomen tunc merita.

*PHÆN. VI.* Talis fragor fuit illius tonitruui, quod elapsi mensis Julii decimo die, anno 1696. oppidi nostri arcem percussit, adeo vicinus etiam ædibus ab arce multum remotus visus, ut venerandus aliquis Collega noster, suas ipsius ædes, inde plusquam centum passibus distantes, coelitus percussas crederet. Ac memini ante annos plusculos, posticas ædium Ludwellianarum, tunc vocatarum partes inhabitantem, similem fragorem per caminum, cui proximus adstabam, auribus meis illapsum, ut eo ipso loco excitatus omnino videretur, magno quidem meo cum terrore, sed quod divinæ gratiæ acceptum merito ferebamus, citra omnem vel nostram, vel viciniæ noxam.

*PHÆN. VII.* Horum fulminum genus unum, quod illæsis mollioribus & rarioribus corporibus, solidiora ac densiora sub istis latentia consumit, argentum e. g. salvo marsupio, gladium illæsa vagina liquefacit; animalium ossa, non tactis carnibus absument, vinum illæso vase exhaurit, matre salva embryonem in utero necat &c. (si vera tamen sunt omnia, quæ de his circumferunt, à *Plinio*, *Seneca*, *Lucretio*, aliisque narrata, quæ suspecta quodammodo *Pet. Gassendo*, & *P. Honorato Fabri*, viris doctissimis videntur) *fulmen terebrans* vocare solent; alterum, quod icta disrumpit, quercus discindit, turres & saxa diffringit, &c. *discutiens*, tertium denique, quod in flammam convertit omnia, animalium corpora, hominumque vestes adurit, ædes ac urbes accendit &c, *urens* appellant.

*PHÆN. VIII.* Jam fulmen illud nuperum, quod arcem hujus oppidi tetigit, *urens*, D E O sit gratia, haut fuit, neque *ψολόεις* sive *fumidum*, sed *ἀργὸν* sive *clarum*, (quam distinctionem olim Poëtæ faciebant, teste *Aristot.* Lib. III. Meteor. Cap. I.) quandoquidem diffractum tignum & rasos perfractosque lapides nihil offuscavit aut denigravit, nec inflammabilium quicquam accendit, *discutiens* tamen fuit, quia tegulas tecti



multas in ædium parte occidentali, qua septentrionem respicit, diffregit ac dejecit, excussis muris lateritiis, quibus apertura tecti incumbebat, & sub tegulis tignum sive cantherium, illarum onus gestantem, rupit ac dilaceravit, postem item sinistrum ad januam imam, ex parte ædium orientali, qua tamen eundem septentrionem spectat, ex pluribus saxis quadratis compositum, disturbavit, & sede sua quodammodo emovit, ampliata tantisper commissura, qua is cum saxis cæteris connexus fuerat.

*PHÆN. IX.* Posset item omni jure, imo majori, quam ullum aliud, appellari *terebrans*, siquidem in poste januæ dextro saxum supremum, ita recta & perpendiculari via perterebravit, ut foramen angustum, auricularis digiti vix capax, per totam plusquam pedalis laxi spissitudinem effoderit, citra ullam denigrationis notam; cum interim obliquo manifeste ductu ex proximo sinistrorsum saxeo pariete, frustra quædam arenosi saxi abruperit & quasi abraferit: id quod fere dubios nos reddidisset, de foramine illo perpendiculari, quod antea commemoravimus; nisi domestici, & qui ædium illarum introitum quotidie frequentabant, nihil tale se ibi unquam antehac observasse, sancte fuissent contestati, & aliud paulo amplius foramen, in parietis medio secundæ contignationis, satis idem perpendiculariter terebratum isti quoque fidem fecisset, magni pariter fragmenti excussionem in superliminari proximæ fenestræ conjunctam habens.

*PHÆN. X.* Discutiens ejusmodi non urens fulmen, communiter ein *Wasser-Schlag* oder *Wasser-Strahl* appellari consuevit, non quod aquæ hic ulla potestas interveniret, sed quod citra ignem effectus suos & strages edere credatur; tamen si revera ignis expers haut sit: quod vel calus ille nuperus abunde testatur, in quo fulmen, parata sibi per tectum violentissime via, cum obvium proxime Studiosum, Præceptorem domesticum ita derepente præcipitem dedisset ac resupinasset, ut humi capite vehementer alliso mentis primum compos haut esset, deinde refocillatus, multos tamen dies langueret, longius inde



inde paulo generosæ familiæ filium offendens, non aliam ipsi noxam intulit, nisi quod magno circa caput calore percepto, frigidam sibi affundi, tanquam syderatus posceret, & ancillæ eidem halitui obviæ vestimenta saltem sua probe calefacta, sine adustione tamen, sentirent. Accedit fabri serarii testimonium, qui vocatus ad restaurandam campanulam superioris contignationis, cujus locum in pariete ædium fere medio pariter perruperat fulmen, (ut ante dictum) portione saxi quadrati non exigua excussa, filum ferreum, quo campanula trahi solebat, semisum vel liquefactum deprehendit.

PHÆN. XI, Discutientis fulminis vim non pauci in lapide quodam durissimo, quem *cuneum fulminarem* aut *lapidem ceraunium* (einen Donner-Keil) appellant, repositam credunt, intra nubes repente gigni, & eadem opera in terram dejici violenter solito; cujusmodi multi quidem pro talibus vulgo venditantur, vario quidem forinsecus adspectu, nullus tamen hætenus exhibitus est, quem talem fuisse indubia observatione constitisset. Equidem multa etiam à multis narrantur, de massis metallicis magnæ sæpe molis coelitus in terram delapsis; ac edidit ante hos annos viginti & quod excurrit *Christianus Adolphus Balduinus*, Phosphori, quem vocabat, Hermetici inventor, tractatulum *Venus aurea* inscriptum, in quo multa de hujusmodi lapidibus cerauniis, ex diversis autoribus hominumque fide dignorum relationibus, speciatim de minera quadam quasi aurea cupro mixta, quam Ermendorffii, prope Haynam electoralem urbem homines invenerant, cum fulmine, ut aiebant, delapsam, legere licet; narratque prolixè *Gassendus* de lapide vitulinum caput exæquante historiam, qui Aquis sextiis asservatus, & pro fulmineo habitus, alios lapides, & marmor ipsum pondere exsuperet &c. Animadvers. in Diog. Laërt. Lib. X. p. m. 1024. eamque totidem verbis repetit, Scient. Phys. Sect. III. p. 96. Utrum vero hæc corpora ex aere deturbata, in aere quoque genita & concreta fuerint, nec ne multum dubi-



tat Vir laudatissimus, & cum eo alii plurimi, ut in Hypothesibus videbimus.

*PHÆN. XII.* Faciet ad hanc controversiam decidentem non parum, credo, gemina nostra, imo terna observatio, circa totidem quercus fulmine ictas, quarum unam proxime vicinum nobis pagum Rôtenbach, erectam quasi ad perpendicularum, satisque proceram, ante hos annos circiter triginta illapsum fulmen, cortice extimo, latitudine duorum digitorum, ita nudavit, ut rasura omnis exustionis expers, à suprema quadam ramorum bifurcatione, ad imam usque radicem sæpius iterata helice seu cochleari linea descenderet. In altera haut procul ab oppido nostro, prope viam, quæ ducit Hagenhusam, posita, & occidentem versus multum recurva, cortex similiter degluberetur, nisi quod rasuræ ductus, non in orbem aut helicem detortus, sed directe, per ipsam tamen arboris curvaturam, à summo ad imum decurreret; tertiam denique, ante paucos annos, prope pagum Weissenbrunn medio quasi inter priores, multo latiore tamen, & ad helicem jam inclinato tractu, similiter degluberat ictus fulmineus; superne quidem dimidio fere arboris ambitu soluto cortice, inferne vero angustiore saltem respectiva stria denudata, sed insuper ipsius ligni portione quadam erasa, citra ullam ullibi adustionis notam.

*PHÆN. XIII.* Eodem illo altero infaustæ quercus ictu, sub ipsa infelice arbore, exanimis est repertus studiosus quidam Theologiæ cultor, nomine *Justus Gerardus Rinck* Helmstädiensis, (& facta quidem hæc omnia die 31 Maji vespertino tempore, horam quintam inter & sextam, anno 1681) illæsus quidem toto corpore, nisi quod livoris quædam tenues lineæ, tanquam sulphurææ flammæ vestigia, in extima, ni fallor, hypochondriorum cute comparerent, idemque in multis aliis flebilibus ejusmodi casibus accidit, ut exanimati conciderent homines, nullo uspiam aut vulnerationis, aut læsi alias externi corporis habitus, reperto vestigio; ut vel hinc agnoscere possit is, qui in casu pronupero semianimis conciderat, quantillum à subitanea morte, parum forte paratus, abfuerit.

*PHÆN.*



*PHÆN. XIV.* Neque pœnitebit iterato hic, & paulo distinctius inculcare, quod supra num. VI. obiter attigimus, quod cum alia tonitrua, etsi grandia & gravia, aliquantum tamen è longinquo percipiuntur, ea vero quæ fulmine feriunt vicinas terræ partes, ita horrendo suo fragore nostras aures afficiant, ut fere obsurdescamus præ soni vehementia: quemadmodum etiam pæne excæcamur præ candicatione nimia conjuncti fulguris.

*PHÆN. XV.* Admirandum quoque est, nonnunquam, aut fenestra, aut effracto tecto ingressum fulmen huc illuc dissilire, & hic tabulatum e. g. perforare, illic lapidem à pariete movere, alibi per scalam elapsum, aliquid dejicere &c. quod annotavit Gassendus cit. supra locis, & Honoratus Fabri Phys. Tractat. VI. Lib. V. p. 503. quodque pronuperum exemplum nostrum abunde comprobavit; in quo fulminis horrendi vis & intra ædes, & ad extimos earum parietes, diversis locis, mirabili pernecitate & violentia incomprehensibili sese exseruit.

*PHÆN. XVI.* Neque illud ignotum est, aliquando fulmina denigrare tacta corpora, aut alias iis inurere maculas; qualia à Poëtis antiquitus *ψυλόεντας*, h. e. *fumida* dicta, jam supra ex Aristotele monuimus, quibusque quodammodo accenseri posset illud, quod infelicis Rinckii corpus lineis quibusdam luteo-coeruleis designavit.

*PHÆN. XVII.* Estque speciatim adnotandum, ea quæ adurunt obvia sibi corpora, odorem plane sulphureum post se relinquere, & incendia ex fulminibus orta difficulter affusis aquis extinguui.

*PHÆN. XVIII.* Illud quoque vel maxime attendendum est, quod frequentissimum est phænomenon, post lapsum fulminis & ingentia tonitrua, copiosum ut plurimum imbrem cadere: aliquando etiam ventum impetuosum excitari, qualis etiam frequenter, etsi brevius durans, ingruentes tempestates solet antecedere.

*PHÆN. XIX.* Esse vero sublimia, ut arces, turres, & inter



ter arbores, quercus, præ cæteris obnoxia fulminibus, in omnium ore est, multisque exemplis comprobatum; tametsi in casu nostro pronupero, non summa tantum arcis recta, sed etiam imus ædium ingressus, impetuosum fulminis effectum senserit. Laurum autem, marini vituli pellem &c. à fulmine tuta qui tradiderunt, fabulis fuisse delectatos, forte non immerito dixeris.

## II. Celebriorum Philosophorum

### HYPOTHESES

ad explicanda hætenus enarrata Phænomena excogitata.

#### I.

**M**ulta nunc undecunque ex variis authoribus, antiquis & recentioribus (ex *Plinio* præsertim & *Seneca* de antiquioribus) narrari possent, nisi brevitati nobis studendum esset, & selectus hypothesium habendus. In Peripateticorum Scholis (quod vel è compendiis *Zeisoldi* ad *Jachaum*, Stierii Tabb. &c. licet addiscere) concipiuntur exhalationes, calidæ & siccæ cum primis, intra frigidarum nubium mœnia conclusæ & per ἀντιπρῆξις, aut per motum, aut diversarum materiarum luctam, vel (quod aliqui superaddunt) certorum planetarum occultam operationem excalefactæ, aut penitus accensæ, intra nubem tumultuando, murmurans illud tonitruum efficere, vel uno ictu eandem disrumpendo, fragorem illum subitaneum, cui similem rupta vel displosa vesica, aut membrana spiritu intentata, aut castanea igni imposita, edunt, producere; vel ictibus diversis eam hîc ibi effringendo, multiplicem crepitum causari. Nonnulli tamen in sola exhalationis intra nubem conclusæ & exitum quærentis, nubisque latera pulsantis discussione, tonitruum fulmine destitutorum rationem ponunt; eam vero, quæ accensa nubem aperit vel findit, ac velut per hiatum ignem ostendit, *Præsterem*; quæ citra ignem erumpit, *Procellam*, sive *Ecnephiam*; quæ specu nubis profundiore, exitu angusto, & meatu tortuoso exit, *Typhonem*; quæ verum & conglobatum ignem eruât, *Fulmen*; quæ denique intra nubem adhuc resplendet, *Fulgur* efficere.



II. Hinc etiam causam , quod aliquando tonitrua sint absque fulgure , alii ex inflammationis defectu , alii ex accensæ quidem tenuitate , aut nubium crassitie petunt. Quod vero nonnunquam coruscatio contingat absque tonitru , inde esse putant , quod nubes rarior exhalationi accensæ non valde obsistat : fulminum autem differentiam in accensæ materiæ diversitate quærunt , ac *terebrans* in spiritu subtili , *discutiens* in crassiore & conglobato magis , *urens* denique in sulphuris tenacioris copia reponunt ; lapidem seu cuneum fulminarem , à fulmine quidem plerique distinguentes , aliquando tamen ex fuliginosa & glutinosa materia , caloris per vi *ἀντιπηξασαν* compacta confectum , instar globi tormentarii una cum fulmine explodi , haut inficiati.

III. *Honorato Fabri* tamen , etsi Peripateticorum castra in plerisque sequatur , non placet illa nubium scissio , indeque sequens explosio , quod nulla possit in nube , corpore spirabili , esse resistantia , quo minus ab alio corpore spirabili facile ( saltem citra tantam fragoris vim , aut murmurantes ejusmodi impulsus ) permeetur ac dividatur. Ipse vero sequentem in modum philosophatur : accensa è collectione igniculorum exhalatio valde rarefcit aeremque adeo ambientem comprimit ; qui , extincta flamma , more compressorum pristinae extensioni sese restituens , accelerato motu innumeras vibrationes ultro citroque exercet , & hoc modo fragorem istum causatur. Siquidem generatim sonus ex iteratis aeris appulsibus oriatur , & vibrantis in tonitru aeris indicium manifestum præbeat ædium concussio ac tremulus affixorum parietibus levium corpusculorum motus. Et cum exhalatio longe lateque propagata nunc continuo tractu accendatur , nunc interrupto aliquando , inquit , continuo fragore tonat , aliquando interrupto.

IV. De fulgure gemella habet iis , quæ sub num. I. initium tradidimus , nec aliam inter fulgur & fulmen differentiam agnoscit , quam quod fulminis materia sit crassior , viscosior & gravior , ideoque accelerato & obliquo plerumque motu terras feriens , & pro vario crassitiei aut subtilitatis gradu terebrans aut discutiens , ac pro diversitate materiæ accensæ aliquando adurens. Ventum porro ex illa aeris restitutione subitanea , copiosæ pluviae sequelam , ex humoris ab exhalatione sicca liberati confluxu deducit : in ædes illapsum fulmen , ab aere ( in portarum aliisque angustiis plerumque agitato ) huc illuc rapi dicit , ac impetum fulminis versus terram evibrati , aeris etiam ( ex ea parte calidioris ) paucitati minorique resistantiæ deberi.

Uuuu uu

V. Re-



V. *Renatus Des · Cartes*, in Meteor. c. VII. Nubes, ait, altiores & rariores, si contingat circa ipsas aerem ferri calidiorem, quam circa inferiores, inde paulatim condensatas, aucto tandem pondere deorsum in hanc magno sonitu & fragore ruere; & ex eo solo, quod partes nubium superiorum vel omnes simul decidant, vel una post aliam, vel tardius, vel celerius; vel quod inferiores sint majores, crassiores aut tenuiores, magis adeo minusque obnitatur, facillime omnes diversos tonitruum sonos effici posse: si prægresso magno æstu, copiosæ exhalationes inter utramque nubem reperiantur, has ex compressione accensas & elisas fulgur efficere; haut raro etiam tam exigua nubecula & tam lente descendente, ut aerem haut ita multum commoveat, ac tonitruum nullum efficiat; quemadmodum e contra tonitruum audiri possit, nulla coruscatione apparente, si exhalationes inflammabiles nullæ adsint.

VI. Si tota nubes superior simul, & satis velociter, descendat, ejus extremitates cum extremitatibus inferioris citius, quam ipsarum media, conjungi, atque ita multum aerem versus medium conclusum, statimque post ab incumbente superioris nubis medio pressum, viam sibi facere per inferiorem, magnoque impetu in terram ruere, & ab obviis aliis corporibus reflexum, *turbinem* componere, siquidem exhalationes ad flammam concipiendam aptas non involvat: e contra vero, si satis multæ hæ fuerint, eas in cumulum coeuntes, & conferatim in terram cum impetu ruentes, fulmen componere; siue adurens, si constet oleosis tantum exhalationibus, siue discutiens & fundens, si penetrantibus & maxime subtilibus, quæ salis volatilis aut aquæ fortis naturam habeant. Ex his ipsis insuper, si multæ aliæ pingues & sulphureæ misceantur & præterea quædam crassiores terreæ, lapidem fulminarem gigni posse; quemadmodum ea ipsa terra cum pluviali aqua vase nitido excepta, & cum nitri sulphurisque certa quantitate mixta & accensa, in lapidem momento temporis concreascit. Mirum porro haut esse, quod tonitrua plerumque pluvia immediate consequatur & postea non adeo multum tonet; dejecta quippe vel tota nube inferiore, vel aliquibus saltem nivis floccis excussis: ideoque campanarum etiam sonitu, & bombardarum explosione concussum aerem, inferioris nubis nivem ad descensum invitare, & sic fulminum tempestatumque vim infringere.

VII. *Jacobus Rohault* Tractat. Phys. quadrip. Part. III. cap. XVI. tametsi Cartesium alias in plerisque *καὶ ἀπὸ δα* sequatur, tonitruum murmur & fragorem tamen, non tam ad nubis superioris lapsum



sum immediate, quam ad explosum, per superstitem aperturam col-  
lapsarum nubium, ignem vel aerem refert, organorum pnevmaticorum  
exemplo rem declarans, in quibus aer, qui ex receptaculo prodit,  
cum magno sono transeat per pedalia ipsorum; actum quidem, cum  
aer interceptus ita simpliciter exploditur, non adeo magnum frago-  
rem, sed simplex tantum murmur excitari, sine fulgure, putat: ubi  
vero contingat interceptum sic aerem exhalationibus multis refertum  
esse, & has ab incumbentis nubis impetu valde pressas, expressis  
partibus secundi elementi, intra solum elementum primum inna-  
tare, ignisque formam induere; tunc expandi mirum in modum ae-  
rem & erumpentis flammæ celeritatem ita augeri, ut pro simplici mur-  
mure fragorem stupendum, una cum fulgure emittat.

II. Et quamvis non neget, in aere repente gigni posse corpus  
durum, eodem illo motus experimento, quod num. VI. è Cartesio  
adduximus; fulmineum tamen lapidem fictitium putat, nec effectum  
fulminis maxime ordinarium explicandum necessarium; si perpenda-  
tur vis immensa pulveris pyrii, globum ingentem incredibili cum ce-  
leritate explodens, imo tormenti tubum sæpe medium diffindens:  
arbitratus, si ejusmodi cunei sive lapides ex aere dejicerentur, vix ali-  
ter fieri posse, quin aliquando incidere deprehenderentur in aliquem  
immensæ urbis Lutetiæ vicum, aut domus alicujus aream tectumve;  
id quod tamen à nemine conpertum sciat. In cæteris cum Magistro,  
Cartesio, ubique sentit, ut & *Antonius le Grand*, Instit. Phys. Part.  
VI. Artic. XX. & Histor. Nat. Part. VI. Artic. VII. & VIII. nec non  
*Joh. Greydanus* Instit. Phys. Lib. V. cap. V. nisi quod in fragore toni-  
truum explicando, lapsum nubium in se invicem cum citissima illa  
flammæ eruptione conjungat, & in hujus generatione nitrosas ex-  
halationes sulphureis expressius associet.

IX. *Petrus Gassendus*, cui valde improbabile videtur, flam-  
mam è nubibus explosam, rem adeo fluxam & evanidam, posse sic  
vibrari, ut per liberum aerem trajecta tum collecta maneat, tum im-  
petus vehementiam conservet; existimat, exhalationes inflammabi-  
les, aliis vaporosis, atque adeo nubibus aquosis inclusas, & ab am-  
biente harum frigore candensatas, ubi calorem conceperint (subin-  
gressis e. g. chalcanti & halinitri corpusculis, sulphurea & si quæ  
adsint, tartarea) & à corpore nubis condensato prohibitas, multi-  
plicesque resiltiones ac reflexiones passas, hujus ipsius partem ali-  
quam abripere, seipsas veluti circumstare &c. indeque fieri posse,  
quod Epicurus voluit, συλλογὰς sive glomeres vorticosos ac fulmi-



nares , qui proprio pondere suo , & pro nubis resistentia varia , aut concepto ex prima circumrotatione impetu , huc aut illuc deflectantur ; dum interim intensus magis magisque calor in flammam erumpat , quæ vel remotius à terra , vel prope istam , disrupta glomeris crusta ( qua parte scilicet debilior fuerit ) cum impetu explosa , is evadat ignis , qui *fulmen* dicitur : sic alia procul in medio aere erumpentia nullam inferre noxam ; ea vere , quæ prope terram & animalia emittuntur , timenda esse , & prout vel ictu ipso , vel si non nihil remotius crepuerint , languente jam flamma , res istas attigerint discutientia esse aut urentia saltem , vel etiam sola vehementiore aeris compulsionem animalibus os naresque , obstruendo , aut tenuissimis quibusdam igniculis immixtis interiora lædendo , necem inferre , illæso sensibiliter exteriori corporis habitu.

X. Posse plures ejusmodi glomeres coacervatos & cohærentes multiplex componere fulmen , quorum unum ad tectum crepat , aliud huc illuc diffultat , antequam diffiliat : lapidem fulminarem , nec Aristoteli nec antiquis notum fictitium prorsus videri : fulgur nihil aliud esse quam ipsam fulminis flammam per aerem diffusam ; ac tonitru nihil aliud quam ictum , quo aer ab igne fulmineo , rapidissime validissimeque è suo glomere erumpente circum quaque propulsus , aures nostras tanto vehementius percellat , quanto propius erumpere fulmen contingit ; pluraque successive , & pene continua audiri tonitrua , si vel glomeres plures , unus post alterum , crepent vel unus bombus continenter audiatur , ob varias reflexiones &c. omnia rei tormentariæ & pyrobolicæ comparatione apprimè clara & evidentia , Scientiæque Phys. Sect. 3. p. 98. Animadversionum autem in Diog. Laert. Lib. X. p. m. 1023. fusius legenda.

XI. Duæ adhuc supersunt hypothesès ingeniosiores , *Dni Perrault* & *Dni Mariotte* , duumvirorum in Gallia , propter egregia scripta physica & mathematica celebratissimorum , quas , ut in exceptis nostris in epitomen ante aliquot annos redactæ habentur ( ipsi namque libri non amplius ad manus sunt , nec in bibliopoliis nostris facile reperiundi ) hoc loco communicabimus. Ac *Dn. Perrault* quidem ( quem latina terminatione Perraultium diceremus ) in Tom. II. Tractatus ingeniosissimi *du bruit* sive *de son* Part. II. c. V. ubi simplicem vibrationis sonum in *parvum* distinxit ( qualis ille est , cum e. g. virga vel flagro percutimus aerem , quemque non tam aerem sic à flagro percussum , quam particulas flagri in extrema ejus chorda ab emoto aere plicatas , & resultu suo aeris particulas vicissim eo modo vibrantes , qui



qui ad sonum requiritur producere subtiliter arguit) & in *excessivum*; hujus posterioris exempla incidenter adducit tonitrua & explosio- nem tormentorum, in quibus innumerabiles particulas circumja- centium corporum excitari dicit per ingentem illam aeris rarefactio- nem, ex accensione halitus inflammabilis obortam: inde quædam to- nitrua, scilicet debitora, audiri tanquam ex alto, ex vibratione scili- cet particularum in nubibus spissis circumstantibus; quædam vero, nempe vehementiora, & subitanea, tanquam ex vicinia percipi, quod vibrationibus particularum in nubibus jungantur innumera alia reflexiva ex corporibus terrestribus vicinis.

XII. Quod autem tonitru hoc modo fiat, exinde probat, quod unicum fulgur (hoc autem nihil aliud esse dicit, quam inflammatio- nem exhalationum, quæ silentia sit nec vicinas habeat nubes, præ- fertim aquosas, tonitru nullum post se trahat) consequantur ut pluri- mum fragores ac tonitrua reduplicata: scilicet primum sonitum ex particulis aquosis nubium tremefactis obortum, concutere deinceps aliorum solidiorum corporum particulas, novum & grandio- rem sonitum excitantes; ita ut pro dispositione locorum gradatim augeri fragor ille possit. Tormentorum fragorem in hoc differre à tonitru monet, quod, cum exhalatio accensa sit inclusa solido cavo & vi- cinas habeat ædes terramque, primus fragor major sit proportionali- ter reflexionibus deinceps subsequenter; cui illustrando experi- mentum affert, *que le petard d'une fusée* (Daß der Schlag in ei- ner Raggete) cum in aere dirumpitur, vix dimidium fragorem excitet illius, quem producit raptus supra terram, eodem ab aure intervallo.

XIII. *Dn. Mariotte*, cum in Part. II. Tractat gallici *Dela per- cussion ou chocq des corps*, regulas motus sive percussio- nis ad effectus quosdam naturæ applicare aggredieretur speciatim p. 246. & seqq. tonitruum fulminumque Phænomena exin declarare annititur, se- quentia ordine notans: materiam tonitru speciem quandam esse bi- tuminis, exhalitibus sulphureis, nitrosis, salibus volatilibus &c. com- positi; id quod ex odore fulminis conjiciatur: hanc materiam pos- se accendi pluribus modis, e. g. turbinibus ventorum, aut ex cau- sis similibus iis, quæ calorem in calce viva & id genus aliis produ- cunt: picem, nitrum, & quædam gummata, per intervalla subitas flammæ diversis locis ejaculari: posito igitur materiam tonitru esse inflammata, ejectionem eam tales flammæ prompto rapidoque motu, & (prout in antecedentibus monuerat de jaculis ignitis, quod ipso- rum flamma aerem subito concutiens, per hujus eletarium, impe-



tuosum motum ipsis jaculis conciliet, & de tormentis ratione simili retro pulsus, etsi solo pulvere nitrato sint onerata) & has impetum promptum materiæ inflammatae in partem oppositam daturas, celeriorrem aut tardiorrem, prout eruptiones illæ flammarum magis minusve violentæ fuerint, & aliquantum turbinosum, quod raro contingat, ut centrum gravitatis sit in linea directionis flammæ.

XIV. Hinc, cum subsequens alia flammæ eruptio eodem fere instanti ex alia parte materiæ facta, novo alioque motu priorem directionem necessario mutet, fulmen motum habere undulabundum, prout à pictoribus pingitur; & fulgura non habere speciem luminis ordinarii & continui, sed instar trium vel quatuor parvorum fulgurum, oculum subita successione perstringentium, ut inde tres aut quatuor eruptiones distinctæ præsumendæ sint; Inde porro oriri tonitruum fragorem, quod quævis eruptio fragorem suum seorsim causetur, & cum materia fulminis æque velociter, vel etiam velocius excurrat quam globus tormentarius (id quod ex pyrobolis & globis ignitis noctu projectis constat) necessum esse, ut materia sic propulsa multum aeris & ante se propellat, & post se trahat, qui incidens in turris alicujus angulum, facile inde emoveat unum alterumque lapidem, eoque pacto reliqua commoveat ad lapsum: Obvians vero arbori cuidam fulmen, per suum & aeris ambientis turbinosum impetum, eodem modo quo duobus ramis oppositis per machinam quandam circumactis, stirpem in orbem torquere, radicibusque non cedentibus; duobus aut tribus locis, secundum totam suam longitudinem, diffindere (prout in parvulo caule duabus manibus contorto pateat) aut si radices cedant & frangantur, eam penitus eradicari, ramis etiam nonnullis, qui tanquam vectes adhibeantur, diffractis.

XV. Quod si in locum aliquem clausum penetret fulmen, alibi id effringere fenestras, alibi lapides emovere, aut ligna diffringere &c. per materiæ fulminantis divisionem in tres aut quatuor partes, per occursum alicujus corporis duri; aut in ipso aere resistente in duas partes, postea separatim operantes distribui: Fundere fulmen metallum posse motu suo celerrimo, prout scilicet vitrarii (*les Emailleurs die Glasblaser*) solo flammæ in apicem directo flatu, vitra fundunt, & ope sulphuris admixti chalybem liquefaciunt Chymici, in croco Martis parando; Sonitum denique & fragorem tonitruum sive fulminis (in utroque enim eadem voce *tonnerre* semper utitur) provenire ab ejus celeritate, quæ aerem subito expandat halitu nitroso, cujus effectus obvium habeamus experimentum in mixtura quadam ex nitro sulphure & sale tartari.



### III. EPICRISIS ECLECTICA

super enarratas Hypotheses , & ex iis selectiores Pha-  
nomenorum enumeratorum causas.

#### I.

**A**Nte omnia, quæ certa sunt, circa dicendas causas à dubiis & incertis separabimus. Convenit omnibus, ait Seneca “ Cap. XII. Lib. II. omnia illa in nubibus & è nubibus, fieri, etiamnum convenit, & fulgurationes & fulminationes aut igneas esse, aut ignea specie. Certum est præterea, ex terra nostra in aerem elevari exhalationes non humidæ tantum & vaporosæ, sed siccas etiam & inflammabiles, nitrosas, bituminosas, sulphureas aliasque: certum est, has accensas longe lateque expandi, magna quidem vehementia, nec flammæ solum evibrare, sed ingentes edere fragores; teste vel pyrii pulveris accenso halitu, qui, aut tubis metallicis inclusus, exitum quærit incredibili penitus impetu, nisi res ipsa id credere nos coëgisset, quo globos ingentes, 50, 100 imo sexcentarum & septingentarum librarum per aerem longissime projicit, adeo quidem, ut hi muros obvios turrium, moenium, ædiamque perumpant ac prosternant; imo solitarius aliquando, neque metallica globi mole onustus, ipsa tormenta solidissima dirumpit ac disjicit, ac citra inclusionem quoque, in aperto aere, accensus fragorem tonitruum similem excitat, ac proxima quæque haut leviter affligit; ut taceam auri fulminantis arte Chémica parari soliti vires, cujus parvula dosis super lamina v. g. ferrea in aperto aere accensa, & crepitum edit maximum, qui fulminantis ipsi nomen peperit, & laminam ipsam ictu celerrimo perforat.

II. Certum est tamen & illud, quod inflammatus pulveris pyrii halitus, ubi ex tormenti tubo egressus, aut ab hujusmodi incarceratione jam ante liber, in aerem vicinum undique se expandere cœpit, viribus ita dispersis languere statim incipiat, ita ut aer quaquaversum dispulsus, vi sui elaterii statim ex omni par-



te recurrens, & in tormenti cavitatem, quodammodo vacuefactam irruens, illud retroagat, ipso etiam inclusi paulo ante halitus nisu suam ad hunc effectum symbolam conferente. Hinc vero id vel maxime redditur dubium, quo pacto fulminis materia in nubibus accensa, & per aerem postea (quæ est accensorum halituum natura) longe lateque diffusa, vim suam servare, ex tanta distantia integram, easque in terris, quas proh dolor! experimur, edere strages queat, ut proclive quidem sit, ex accensione halituum in nubibus, aut inter nubes facta, fulguris & coruscationum tenuiorum ac tonitruum é longinquo magis auditorum, rationes repetere, conferta vero & candicantissima lux, quæ in fulminationibus oculos perstringit, ingens ille fragor, quem tanquam proxime supra caput nostrum excitatum percipimus, & horrenda illa strages, quem fulminis divina vis in his inferioribus edit, necessitatem nobis imponat cum doctissimo Gassendo statuendi, fulminum in nubibus exortam accensionem, vi hujus accensionis obortam glomerum fulminarium subitanæ tum generationem, tum versus terras explosionem, genitorum frequentius in ipsis nubibus dislosionem aut explosorum aliquousque in aere altiore diruptionem, (quo pacto primi secundique phænomeni ratio in propatulo esset, emicante scilicet ex his disruptis igne *fulgur*, crepitu vero per subitanæ aeris dilatationem excitato, *tonitruum* speciem constituyente) quorundam vero talium glomerum explosorum in terras vel aerem infimum descensum, ibique demum consequentem crepationem.

III. Quemadmodum scilicet arte pyrobolica parari globi cavi solent ex metallo, plumbo, vitro, & pro ludicris exercitiis charta spissiore solent, quibus pulvere nitrato ad summum fere onustis, canalis capitatus desuper intruditur, repletus mixtura ex pluvre pyrio, nitro sulphure, camphora, carbonibus, minutissime contusis, & cum resina vel petroleo ligneaque srobe decenter commixtis, quique accensa hac mixtura, post morulam parvam, aut manu projiciuntur, uti minutiores, vulgo

Handz



Hand-Granaten dicti, vel è mortariis exploduntur, uti majores (quos Granaten antehac & Spreng-Kugeln salutabant) & hodie ingentes quingentarum & amplius librarum, quos Bomben appellant) quique ordinarie tum demum crepant, cum ad locum destinatum pervenerunt, posteaquam scilicet ardens lentius in canali supra dicto mixtura consumpta est, & ignem ad pulverem pyrium intus conclusum detulit; aliquando tamen vel in ipsa projecturi manu, aut prope tormentum, nonnunquam in aere medio jam projecti dissiliunt, spem adeo & vota impensasque mittentium frustrati.

IV. At enimvero, hi globi pyrobolici, inquit aliquis, magnam temporis moram & multam artificum industriam sibi deposcunt, ac præterea flamma iis accendendis forinsecus admovetur; quod utrumque in ejusmodi glomeribus procreandis & accendendis locum habere non potest. Ita est, inquam ego, nec diffiteor, & ratione temporis & modi accensionis aliarumque circumstantiarum, hoc simile valde esse dissimile, ei qui cum comparatur: hoc tamen non impedit, quo minus natura divina virtute, quæ in ipsa ubique, & sola quidem operatur, momentanea quasi opera præstare effectum ei similem possit, quem ars labore multo ac temporis mora haut exigua, imitari conatur. Et accensionis modum quidem quod attinet, non opus esse semper actuali admota flamma ad flammam aliam excitandam, experimenta chemica innumera testantur, illud simplicissimum cum primis, quo aqua fortis scobi ferreæ superaffusa calorem excitat, non intolerabilem solum tactui, sed ardenti fumo manifeste conspicuum, & in tenebris ignem flammantem procul dubio exhibiturum; ut taceam auri fulminantis exemplum, quod Gassendus urget, & cui accendendo non ignis admotione opus esse testatur, sed quamlemcunque calorem, solis, fimi, animalis, alium sufficere; ut aliqui suo damno, quid rei id esset, experti sint, cum pulverem secum gestantes, ipsum sui calore accenderint. Imo, quid opus est abstrusioribus experimentis? cum haut ita pridem fornacis abundans calor,

Xxxx xxx

lor,



lor, flammæ tamen specie per se non conspicuus, assulas ligni crassiores in flammam tandem converterit.

V. De accensione igitur materiæ fulminantis nulla amplius est difficultas, cum levis calor ex qualicunque agitatione oriri, & pro diversa pabuli ratione in flammam conspicuam erumpere facillime queat, non alio quippe inter calorem & ignem conspicuum reperiundo, quam gradus discrimine: at glomerum ejusmodi fulminarium generatio, quam tantum non momentaneam esse necessum est, difficillima conceptu videtur. Neque vero fusiùs examinabimus modum à Gassendo cit. l. pluribus diductum; sed, qui nobis videatur simplicissimus, ab illo in paucis quibusdam differens, breviter exponemus. Dumdum scilicet à nobis observatum est, & ante quidem, quam ejus rei mentionem aliquam apud virum laudatissimum factam deprehenderemus, candelas sebaceas ex aquosiore paulo sebo paratas, dum ardent, subinde stricturas aliquas quaquaversum explodere; quas cum propius inspicere engyscopii melioris operis lubido nos incesleret, charta quidem nigra exceptas, totidem esse globulos deprehendimus, & cavos quidem intus; id quod in Solis radio positi, & ab ejus calore dehiscences, oculo per microscopium prospectanti manifestissime ostendebant. Hos excavatos intus globulos sebaceos, cum admixto pauculo humore, vi caloris rarefacto, & eo fere ritu exploso formari facile conciperem, quo ex poris ligni viridis humoris rarefacti particulæ quædam cum simili crepitu prosiliunt, quem Aristotele teste Lib. II. Meteor. Cap. ult. quidam Vulcani vel Vestæ risum, alii ex opposito eorundem minas appellarunt.

VI. Non est, opinor, adeo difficile concipere, quo pacto ex inflammatione mixturæ inflammabilis in aere, per rarefactionem ac dislosionem particularum vaporosarum, illa in grandiores ejusmodi bullas seu glomeres excavatos dispani subito & crusta quadam, non sebacea, sed bituminosa crassiore ac tenaciore, nitrosas, sulphureas, intus concludere valeat: qualis bulla vel συλλογή, bituminosa sua crusta concepto simul igne in-

terim



terum ardens, partim proprio pondere, partim aeris à flamma dispulsi, ac mox recurrentis, impetu versus terram ejicitur, (eodem scilicet modo, quo jacula ignita (*die Raggeten*) flamma inferne concepta aerem inferum dispellunt, sed vincente tandem hujus elaterio, ab eodem recurrente sursum, dirigente virga, evehuntur) dum interim ignis alicubi, qua parte nimirum crusta est tenuior, ad interiora bullæ penetrans, collectam ibi subtiliorem & explosivam materiam accendat, & glomerem ad modum pulveris pyrii intra granatos, quos vocant, conclusi, summa pernicitate displodat.

VII. Eo ipso dum hæc scribo, in mentem venit vitrorum in officinis vitrariis confectio, qua unico flatu viscidæ massæ portio in bullam rotundam, aeris circumprimentis ope, subito efformatur; id quod me confirmat in ea sententia, quod ejusmodi bullarum ex materia bituminosa efformatio, difflatione quarundam partium vaporosarum peragenda, conceptu adeo difficilis non sit. Verum id potius anxium me habet, quo pacto talis collectio & condensatio materiæ, quæ necessario prærequiri videtur, contingat, & quid nubes ad totum hoc negotium conferre possint; quandoquidem certum est, & à Seneca recte animadversum, *omnia ista in nubibus & è nubibus fieri*, nec unquam sereno coelo, aut tonitru audiri, aut fulmen emitti, aut fulgur emicare; ipso Dn. Mariotte quoque fatente, fulgura illa circa horizontem absque tonitru visa, esse ex nubibus remotis, ut fragor tonitruum audiri non possit: cum tamen de cætero ejus circa fulminis ac tonitru generationem hypothesis, non magis ac illa Perraltii & P. Fabri, nubium præsentiam præcisè deponere videatur.

IX. Equidem nubium diversæ altitudines extra omne dubium sunt positæ, neque adeo descensus unarum in alteras, quem Cartesiana supponit hypothesis, in certis casibus saltem subitaneus, (quem oculari experimento quopiam ex altissimorum montium cacuminibus, tempestatis alicujus vicinæ tempore prospectantium comprobare exoptaremus) res adeo incredi-



bilis videtur; tametsi alias superiorum lentam condensationem lentus etiam consequatur descensus, prout in quibusdam nebulis terram sine omni aeris sensibili commotione petentibus, videre est. Posito vero condensatarum superiorum nubium subitaneo quodammodo in inferiores delapsu, insignem aeris commotionem, atque adeo illud saltem tonitruum genus oriri posse, in quo manifesta quædam aeris undulatio ipso sensu percipitur, credibile est; quandoquidem lintheamina subtilissima sub lata expansione deorsum subito explosa sonitum edere grandem vel mulierculis notum est, & nivium lapsus non solum ex altissimis Carpathiorum montium jugis (id quod Cartesio hypotheseos occasionem dedit) sed vel è rectis ædium nostrarum in subjacentes nives tonitruo similem fragorem edit.

IX. Et quamvis alioqui exhalationum intra nubium cava conclusarum, ac circumcursitando exitum quærentium, tandemque alicubi violenter erumpentium hypothesis, propter ipsam nubium raram substantiam, nobis æque ac Honorato Fabri suspecta videatur; quo minus tamen in descensu ejusmodi nubis jam multo condensatioris, (alias enim non descenderet) interceptæ inter utrasque nubes exhalationes ita subito oppressæ, in angustum quodammodo cogi, comprimi, propiusque compingi, & hac compactione, compressione, coactione mediante incallescere & accendi, tandemque glomerum illorum fulminarium generatio & explosio subitanea consequi possit, nihil amplius videmus quod adeo obstat.

X. His vero ita semel positis ac mente recte conceptis, enarratorum Cap. I. Phæn. rationes speciales haut adeo difficile erit assignare. Etenim primo potest ex lapsu nubis superioris tonitruum contingere, nullo comparente aut fulgure aut fulmine, si aut nulla reperiatur inter nubes collapsas inflammabilis materia, aut ex impedimento casuali accensio non contingat, quæ adeo esset ratio III. Phæn. Potest etiam fulgur aliquod apparere è longinquo, præsertim circa horizontem, ut tonitruum nec simul nec paulo post, audiatur; non quod nullum sit, sed quod ex  
magna



magna distantia non audiatur, quandoquidem vis luminis ad longinquiora multis parasangis spatia, quam vis soni, penetrat. Et, si forte contingat ex impendente quoque nobis tempestate fulgur aliquod coruscare, nullo audito tonitru; id fieri potest ex levissima quadam tenuissimæ exhalationis accensione, aut parvulæ solum portionis nubis alicujus delapsæ, sive alia quacunque occasione.

XI. Quod ad tonitruum diversitatem attinet, illa quidem quæ tremebundo pulsu inferiora hæc in tremorem similem evidentem exagitant, ex hypothese lapsarum desuper nubium omnium commodissime explicantur, nec alia, quam hæc ad simultaneam alicujus late-diffusæ nubis effusionem, quam vulgo *einen Woldenbruch* appellant, concipiendam aptior esse videtur: quando nimirum ex alto decidens latius expansa nubes inferiorem, solutioni jam maturam ita concutit, ut hæc universa simul in terras dejiciatur, & aquarum suarum simultanea effusione regiones integras inundet. Quod autem nonnulla tonitrua, tametsi simplici constent ac unico impulsu, sonitum tamen edant multiplicem & continuatum, id reflexionibus undecunque & successive subsequentibus deberi, nullum est dubium, habemusque ejus rei analogiam manifestissimam in sclopetis haut longe à sylva quadam aut in longiore convallium tractu explosis. Quæ vero subitaneo fragore aut stridulo, quasi disruptæ telæ, crepitu aures offendunt, ex disruptione glomerum fulminarium variante dependere omnino videntur; & tum quidem, quando longius à terra in aere crepant illi glomeres, nihil noxæ terris inferunt, nec fulmina sed fulgura solum audiunt, fulminis nomen tum demum merita, cum in vicinia crepantes, conferta atque ita candicante luce oculos perstringunt, & fragore quodam, ob viciniam & multiplices, ex circumjectis corporibus concurrentes reflexiones, ingenti, aures vehementissime percellunt: ita ut frequentissime res una ac eadem nunc fulguris, nunc fulminis, nunc tonitru nomine veniat.

XII. Jam prout materia fulminans & accensa valde subti-

X x x x x x 3

lis



lis est, & confertissime ex glomere brevi via erumpens in corpora proxima summa pernecitate & acuminata flamma irruit, illa quæ fundi aut liquefcere apta sunt, eodem fere modo colliquare potest, quo vitrarii parvula lampade, continuo flatu per canalem angustissimum in apicem acutissimum exporrecta, liquefacere vitra & metalla solent; animata suffocante & quodammodo venenato halitu, vel etiam tenellum embryonem subito matris terrore enecare & ad abortum disponere; in lapidum commissuras & vix alias observabiles hiatus aut lignorum rimas patulas, vel sub hiantem alicubi, in bifurcationibus ramorum præsertim, arborum corticem violenter adacta: illos ab invicem dimovere, aut perterebrare, aut radendo quasi frustra abrumpere, illa vero diffindere ac dilacerare, cortices arborum rectiore aut vorticoso ductu deglubere, ramos ipsos nonnunquam decutere, dum fulminis ictus in ipsorum extremitates incidens eorum longitudine, ut veste quodam abutitur; non aliter ac ventus quidam impetuosior aliquando arbores radicitus evellit, eo quidem facilius, quo altiores illæ sunt, & frondes, quas ventus præcipue corripit, à radicibus remotiores haber.

XIII. Ut hoc pacto cuneo aliquo solido fulminari nequaquam opus sit, quem incognitum olim, tormentorum deinceps globi plumbei, ferrei, lapidei, tanquam ad strages fulminum edendas necessarium, frustra sibi persuaserunt; quandoquidem plerique fulminum effectus, quales Phæn. VIII. & seqq. enarravimus, ab ictu lapidis rectilineo provenire non possunt; ut taceam illos, qui vulgo pro talibus venditantur, non habere magis indubia suæ originis testimonia, quam patellæ aureæ, quas ex iride in terras demitti vulgaris fabula est, cum factitium quiddam illas, & nummorum quoddam esse genus, fere certum sit hodie. Quod si vero accensa & è glomeribus explosa materia, crassior fuerit ac tenacior, sulphurea magis & oleosa, tunc ardentior ejus flamma lignis aliisque inflammabilibus adhærens, incendia excitat aquis difficulter extinguibilia; quod mate-



materiae tenacitas ab aqueis portionibus se dividi haut facile patitur, nec alia sit extinguendarum flammarum ratio, quam partium ardentium divisio & separatio; prout non solum incendia quædam subterranea per medios marium fluctus eructata, sed etiam arte parati globi pyrotechnici diversorum generum, qui flammam suas evomunt per medias aquas, satis testantur.

XIV. Tametsi vero unus idemque glomus fulminaris, ob ardentis crustæ inæquabilem dispositionem errabundo quodam motu in diversas partes circumvehi & oberrare potest, antequam dirumpatur, more jaculorum ignitorum virga vel appendice directrice destitutorum, & quodam modo negligentius constructorum (qualia vernacula lingua *Schwärzmer* appellant, vel etiam plures, ob tenacitatem materiae coherentes, ab aere, nunc hic, nunc alibi fortius repulso, fortiusque adeo se restituentem, huc, illuc, extruduntur & successive unus post alterum disploduntur, alius e. g. ad fenestram, alius ad Januam &c. quæ quidem diversa loca vim evibratae propius flammæ maxime experiuntur; non est tamen credibile, ubi totuplex earundem ædium strages, diversis ac longe distitis locis editur, prout in casu istæ arcis factum esse Phæn. VI. & seqq. hujusmodi multos ac distantiores effectus ab unico sive simplici, sive è pluribus composito glomere dependisse, sed verosimilius est, plures ac loco distinctos fuisse glomos, ex eadem tamen nube simul ejectos, quorum unus e. g. in parte ædium occidentali per ipsum tecti quasi dorsum illapsus, ruptis carceribus cantherium primum, sive tignum tecti faciem borealem sustentans, non uno loco disciderit ac discerpserit, inde vero, excussis lapidibus duplicis muri simplici latere constructi, qui tecti aperturam fulciebant, viam sibi ad ipsum tectum latiore tractu aperuerit, ejusque tegulas plurimas extrorsum in subjectam aream prostraverit, sic omnem suum impetum ab austro boream versus exerens; alter vero, vel alteri, rupturam à borea in austrum passi, muros ædium spissos ex arenoso quadrato sa-



xo, tum superne in medio fere pariete, tum inferne ad ædium introitum, enarrato supra modo, terebraverint raserintque.

XV. In urentibus porro ipsemet odor sulphureus eorum materiam evidenter prodit, cujus tenuior halitus tactis corporibus lineamenta quædam cærulea ac livida potest inducere; nonnunquam autem crassior, & fuliginosior, ex admixto copiosiore bitumine, infuscare ista ac denigrare, aliisque maculis ac nævis contaminare. Quod vero tonitrua grandia, & ejecta fulmina, copiosæ plerumque pluvix soleant excipere, ejus rei manifesta satis causa est, aeris ac nubium vehemens per tonitrua & fulmina, præsertim prope nubes, ac inter ipsas displosa, concussio; qua fit, ut nubium nivosa rum flocci, aut guttulæ minutiores vix adhuc pendulæ, excussi, coeant & pondus majus nacti magna copia in terras decidant: ut non absque ratione in his nostris oris, alibique passim, impendentibus gravibus tempestatibus, campanæ junctim pulsantur, tum ob alios pios fines, tum hoc etiam verosimiliter affectu, ut unito plurium campanarum sonitu, nubes jam propius impendentes concussæ, citius sese exonerent, materiamque tempestati diutius alioqui continuandæ, ex parte saltem subducant.

XVI. Ventus autem tempestates plerumque antecedens, at brevi durans, ex eo esse videtur, quod vapores inter nubes appropinquantes, aut pressius fluentes, aut secundum Cartesium, à collapsis validius expressi, accelerarionis impetum acquirant versus nos ex illis angustiiis directum; dum interim ipsæ nubes eodem impetu celerius abreptæ, & cum ipsa sua apertura nos prætervectæ, istorum flatuum cursum, jam ultra verticem nostrum in ulteriora loca dirigunt, nisi fortassis in progressu alius ejusmodi nubium hiatus, similem venti fluxum ad nos, in media quoque tempestate, porrigat.

XVII. Denique, quod altiora & sublimia frequentius feriant fulmina, quam humilia, communiter ex eo deducitur (etiam ab ipso Cartesio) quod obliquo itinere plerumque vibrata, facilius incidant in turrium fastigia & montium vertices, quam



quam in loca humilia ; cuius consequentiæ vim nunquam , fateor , satis penetrare valui , præsertim in vulgari hypothese , quæ fulmina post crepitum in ipsis nubibus factum , ad terras usque emitti statuit. Equidem , si in eo ipso obliquo tractu , quo fulmen incedere dicitur , obviet forte fortuna editior turris aut montis cacumen , hæc prius tangi oportere & fortius , quam humilia longius inde obvia , manifestissime video. Verum , cum valde rarum contingens hoc sit , & multo frequentius contingat procul dubio fulmen eo itinere provehi , in quo ejusmodi sublimia non occurrunt , id potissimum quæritur : cur non alia humilia necessario obvia tunc feriant , quando ab altioribus non intercipiuntur ?

XIIX. Et hic in communiore hypothese nihil rectius responderi posse putem , quam quod vis fulminis è nubibus usque ad humilia evibrati , jam debilior sit ac dissipatior , quam ut effectum edere notabilem possit , atque adeo pleraque fulmina , quibus editior locus non occurrit , inania evadere. Quod si vero casu in sublimia sibi que propiora incidant , collectiora adhuc & constipatiora , majorem in ista vim exercere. At enim vero , cum ea ipsa spatia inter nubes ac turrium quercuumque fastigia adhuc majora sint , quam ut è nubibus vibrata flamma , res adeo fluxa & evanida , tum collecta manere , tum vehementiam impetus , quæ est ad hujusmodi effectus necessaria , servare queat , uti Gassendus rectissime monuit ; non aliunde rectius quam ex ejus hypothese de glomeribus fulmineis , præsentis quæstionis solutio peti poterit. Scilicet adeo tumultuaria est istorum glomerum fabrica ( quam supra num. V. hujus & seqq. exposuimus ) ut plerique intra vel prope nubes crepent , & inania , respectu nostri , pariant fulgura ; nulli , aut rarissimi ad ima usque terræ , antequam rumpantur , descendant , ( quod quidem in recenti nostro casu factum est ; ) aliqui tandem ad eam usque distantiam integritatem suam servant , ad quam editiorum rerum vertices sese exporrigant ; qui dum casu offeruntur ejus-

Yyyy yyy

modi



modi glomerum rupturæ ac displosioni, tanto majorem eorum sentiunt efficaciam, quanto propius ab ista abfuerint.

## EPILOGUS

*hujus cap. III. Articuli IV.*

I.

**E**T hæc pro instituti ratione, ac præscripta nobis brevitate, dicta sunt hac vice, de tam illustri argumento, quod fusius deduci ac pluribus illustrari & facile posset, & omnino mereretur. DEUS Ter - optimus, Ter - maximus, idemque & immensæ in Creaturas suas potentia, ac fulminantis zeli in malitiosè peccantes, avertat à nobis imposterum iram suam & conserve ab ulterioribus periculis, cum illustri matre Noride, almam Palæcomen nostram, ejusque decus & ornamentum, universam Academiam! protagat alis misericordiæ suæ arcem oppidi, cum cæteris, & publicis & privatis ædibus earumque incolis! faxit idem benignissimum Numen ut ortus interitusque nostri memores, qui nascendo moriendoque pares sumus miselli homines, pari quoque humilitate tremendam & ἀπεισωπόληπτον DEI Majestatem revereamur, pari amore nos invicem certatim prosequamur: ita scilicet pacate tranquilleque victuri in omni pietate & honestate. Ita victuri Domino, etsi (quod avertat tamen ejus benignitas) vel ictu fulminis cadendum sit, eidem tamen morituri!

II. Brevi huic epologo non inutile, credo, fuerit, hoc loco jungere ea, quæ exercitationi de fulmine & cognatis, huc translata hætenus, præfaminis loco tum præmissimus, sequentis tenoris:

Vix horrendo illo incendio, quod Aegidianum templum, una cum vicino Gymnasio, septimum diem Julii nocte, pro dolor absumsit, attonita Noris in promiscuam fere confusio- nem acta fuerat, cum alma nostra Palæcome, paucis interjectis diebus fulmine coelitus iceretur, quod arcu primum, ac deinceps oppido universo, perniciem minitabatur, nisi divina longanimitas ita fulminis terrifici moderata fuisset furorem



rem impetumque , ut , quid mereretur impietas nostra , imposterum forte , nisi sic moniti resipiscamus , acerbius luitura , monere potius , quam opere ipso statim exequi voluisse , videatur. Etenim , tametsi fulmina naturales suas habeant causas , & incendiorum rabies , hominum vel inconsiderantiæ , vel etiam destinatæ malitiæ merito feratur accepta ; dubitare tamen , quin coeleste consilium ac divina directio his intercedat eventibus , pudor esset homini Christiano , posteaquam *Seneca* , gentilis Philosophus , non solum , Lib. II. Quæst. Nat. cap. 31. *mira fulminis , si intueri velimus , opera esse , agnovit , nec quicquam dubii relinquentia , quin divina insit illis vis ac divina potentia , sed propius adhuc vero , sapientissimi viri ; ait , ( ibid. cap. 45. ) cum Jovi fulmina tribuerent , ne hoc quidem crediderunt , Jovem , qualem in Capitolio , & in cæteris adibus , colimus , mittere manu fulmina , sede eundem , quem nos , Jovem intelligunt , custodem rectoremque universi animum ac spiritum , mundani hujus operis dominum & artificem.*

III. Quid aliud hoc est , quod sana ratio & res ipsa docuit Senecam & sapientes ejus majores , quam quod divina revelatio etiam expressius nobis inculcat , *Vocem Domini super aquas* , ( in nubibus scilicet contentas , audiri , strepitu nempe tonitruui ; ) *Dominum Majestatis intonuisse ; intonuisse de cælo Dominum , & Altissimum dedisse vocem suam : Misisse sagittas suas* ( fulmina scilicet & grandinem in hostes suos , Psalm 29. ) *fulgura multiplicasse &c.* Nec enim hæc talia ( ut multi putant , & nos ipsi met antehac putavimus , gentilis Aristotelis philosophiæ consuetudine seducti ) Deo solum , ut causæ primæ , remotæ , & universali , in his sacrarum literarum dictis attribuuntur , sed ut proximæ , solique activæ. Causæ enim secundæ , quas vocamus , ( id quod attentior ad motus naturam ratio , cujus motus interventu omnia in universa natura peraguntur , evidentissime cognoscit ( non tam agunt , quam aguntur , ut omnes effectus naturæ , præsertim hi stupendi , fiant quidem mediantibus subjectis materialibus , at immediata ubique divina virtute ; quæ cum



sic per se invisibilis, per hæc ipsa materialia & visibilia se se oculis auribusque nostris voluit ingerere, imo palpari manibus, & contactu ipso se reddere sensibilem.

IV. Agnoscamus igitur nunc, revelationis insuper luce dirigente, quod olim *Heraclitus*, solo rationis lumine (quod ipsum quoque divinum est & ab eodem fonte dimanat) collustratus agnovit, cum ad focum luculentum assidens, ad amicos, ipsum propius accedere tergiversantes, *venite*, diceret, *nam & hic Dii sunt!* profecto, qui flammæ mirabilem naturam non oculo plebejo intuentur, sed animo attento altius rimantur, nihil illam aliud esse certissimis indiciis deprehendunt, quam congeriem quandam particularum subtilium, acutarum, & rigidarum, celerrime in omnes partes agitatarum. At hæ ipsæ sic agitatae particulæ, cum à se ipsis agitari non potuerint, nec magis illa materiæ subtilissimæ ramenta (aut quæcunque horum loco fingere alia lubuerit) quorum interventu illa respective crassiora spicula commoventur, hunc imperum à se ipsis habere possint; nihil profecto superest, quam ut in mediis flammis agnoscamus divinam virtutem, ipsiusque adeo DEI præsentiam, qui non otiose quidem præsens, subtilissimæ illius materiæ minutias, aut, si quas alias adhuc subtiliores fingere lubeat, sua unice activa motivaque virtute excitet, harumque impulsu crassiusculas etiam abripiat ac impellat.

V. Quando magis igitur eandem virtutis divinæ præsentiam in fulminis potentissima pernicissimæque flamma agnoscere nos decet ac revereri, eaque reverentia ductos, ut alia vitia, sic fastum illum præsertim stultissimum, quibus alii super alios ridiculè nos efferimus, exuere? cum certum sit, hominem nulla re alia revera meliorem esse, quam virtute ac pietate posse, cætera in vana opinione consistere, &, ut alta quæque fulminibus magis, quam humiles casæ aut humi repentina fruticeta, solent esse obnoxia; sic humiles mentes, quæ suo quemque loco & ordine ex virtute magis & probitate quam ex isto æstimare didicerunt, à vindicis ira justitiæ, multò longius abesse,



abesse, quam elatas & opinatrices animas, qui alios, tanquam minorum gentium Deos, præ se contemnunt ac vilipendunt. Inprimis ii, quos divina manus in ejusmodi casibus tangit propius, ad frugem meliorem, si optimæ non sunt, ocyus se convertant, sensuri utique brevi multo graviolem, si primam hanc gratiam insensati negligant.

VI. Alii vero quibus parsum est hætenus, cogitent, quod uni contigit, cuivis posse contingere. Sed unde nobis hic novus concionator, inquierit, quem præstaret suas sibi res agere, nec falcem in alienam immittere messem. Ego vero nego ac pernego, alienam hanc esse à Philosopho genuino messem: est enim Philosophi, ut talis, nedum ut Christiani, vel maxime seipsum primum, deinde alios ad bonam frugem, monendo, hortando, increpando, aliisve quibuscunque modis sanæ rationis facem præferendo, deducere; id quod Theologus auctoritate revelatæ veritatis, pro sua quoque virili, ex diverso quidem principio, pariter facit; præsertim cum inter homines etiam nomine christianos reperiantur, quos, revelatæ auctoritatis, cujus fundamenta nunquam satis penetrarunt, negligentiores, rationis dictamina omnibus notissima & negari nescia, vel invitos trahunt, ac evidentia sua convincunt.

VII. Sed ut propius tandem ad rem præsentem accederemus, in supradicto præfamine, quod præsentem hunc Epilogum complere voluimus, acturos nos de fulminis & cognatis tonitruï fulgurisque stupendis phænomenis, primum ipsa phænomena, consueto nobis more, non promiscue tamen, quæcunque passim incertis authoribus circumferuntur, sed comperta & indubia, quæque maximam partem ipsimet observaverimus, historice nos narraturos diximus; deinde, quæ celebratiores Philosophi, vel olim, vel hoc nostro seculo, circa istorum phænomenorum causas commentati fuerint, fideliter, & pro nostri instituti ratione, breviter indicaturos; tandem modesta quadam epicrissi, quanam eorum hic aut ibi rem scopumque propius tetigisse videantur, quæve nostræ hæte-



nus sit sententia citra partium studium declaraturos. Quæ omnia, uti, pro posse quidem hætenus nos præstitisse confidimus; ita, quod tunc adjeceramus etiam nunc adjicimus, nos neutiquam putasse aut vane nobis persuasisse, vel etiamnum persuadere, omnimodam nos veritatem in rebus adeo abstrusis vel detexisse, vel detecturos sperasse, (naturæ enim, aut rectius divini Numinis per naturam & in natura omnia operantis, effecta talia esse probe noveramus, quæ vel subtilitate sua incomprehensibili adeo fugiant mentis aciem, vel immensa sua vastitate sic obtundant, vel innumerabili sua multitudine ita obruant, ut cæcutire ipsam in plerisque necessum sit, neque spes ulla naturalis scientiæ unquam funditus exhaustiendæ, si vel mille secula durante mundo, selectiora quæque ingenia omnem suam operam industriamque in his unis rebus collocarent) sed ut propius propiusque ad eam conniteremur, & hoc unum saltem, vel ex hac ipsa penetrandi divinæ sapientiæ potentiæque arcana, impossibilitate obtineremus, ut ejus indivisibilia τήντε ἀίδιον αὐτὲ δύναμιν καὶ θεότητα, perspiciamus & humillima mente veneremur.

## ARTICULI IV.

### CAPVT IV.

#### *De cæteris Meteoris ignitis.*

#### I. PHÆNOMENA.

**P**HÆN. I. Inter hos sublimes in aere, sed plerosque innoxios, ignes, primum locum merentur, *ignes*, qui vocantur *fatui*, quos alii *erraticos* indeque in vernacula nostra *Irre-wische* oder *Irre-Lichter* appellant, quod huc illuc inordinate excurrant, nunc sursum nunc deorsum sub-aut desilientes, instar hominis fatui; quæ ratio est *Fromondi* in *Meteorol. Lib. II. Cap. 3*, quamvis aliis alia ratione sic denominentur, quia nimirum urticæ quædam species fatua appellatur, quia non urit; cum ignes hi nonnunquam hominum tergis insedisse ferantur: non



non adustis tamen vestibibus: quod idem *Robertus Fludd*, Scriptor Anglus apud *Fromondum* affirmat, testatus, se quondam ignem fatuum secutum & affecutum, materiam invenisse, non igneam, sed viscosam & lubricam, compactam in modum spermatis ranarum, non inflammata, sed lumen stellarum solum instar speculi reddentem.

*PHÆN. II.* Præter istos inordinatos & errabundos subsultus, quorum in *Phæn. I.* mentionem fecimus, sequentes insuper ignibus hisce fatuis communiter attribuunt proprietates: 1) quod in mediterraneis orti ad marium fluminumque litora soleant excurrere; indeque 2) viatores nocturno tempore ad præcipitia, paludosa & aquosa loca seducere: 3) quod insequentibus fugiant, & fugientes sequantur, quodque nonnulli addunt, impetuosius vociferantes tanto magis fugiant, orantes autem taciteque trepidantes acrius insectentur. Unde vulgus hominum eos pro spectris habere solet, & inter nostrates *feurige Männer* appellare. 4) Denique nocturno solum tempore, nunquam interdiu compareant.

*PHÆN. III. Libertus Fromondus Meteorolog. Lib. II. Cap. II.* ignes fatuos frequenter saltem pro spectris haberi ex iis verbis patet, quibus certum esse & expertum dicit, malos genios in perniciem mortalium aliquando hunc ignem dirigere. Ostendit id manifesto, ut putat, exemplo cujusdam sui affinis, qui sibi sæpe denarraverit, rediisse se nocte oppido *Vifeto Haccuriam*, natalem sibi, nempe *Fromondo*, locum, æquali inter *Leodium* & *Mosæ*-trajectum distantia positum, & ecce medio campo circumvolasse se subito tres quatuorve fatuas ejusmodi faces: perterritum abjecisse se illico in terram, permanentibus tamen illis & uno alteroque passu à se distantibus, fixas & immobiles circumluxisse. Cum diutius terræ inhæreret & invocaret *DEI* opem, absiliisse eas inde dimidio amplius milliari. Exurgentem igitur se, quasi liberum, vidisse ipsas transvolasse *Mosam*; sed ecce vix duos aut tres passus se confecisse, cum illæ revolarent derepente & cingerent se, ut prius: ibi se majori terrore recidisse,



disse, & pertinaci procubitu tamdiu ipsas fatigasse, donec rursum sine reditu diffugerent. Cui narrationi hoc epiphonema subjicit Fromondus : nihil certius esse, quam talem motum, non casu, sed ab aliqua intelligentia directum fuisse.

*PHÆN. IV.* Cum ignibus fatuis convenire Castorem, Pollucem & Helenam, Græcorum superstitioni dictos, nec nisi loco hos ab illis differre : in terra enim apparentes ignes fatuos appellari ; cum in mari visuntur circa navigia præsertim, horum sæpe velis, antennis aut malis adhærentes, trium horum Deastrorum nominibus salutantur. Nautarum etiam Christianorum superstitione, duo hujusmodi ignes, tanquam Castor & Pollux, fausti & tranquillitatis indices putantur ; unicus autem, tanquam Helena infausti belli & excidii Trajani occasio, mali ominis creditur, ac tempestatem minari, quamvis Cartesius de Meteoris p. 205. audire se dicat, nunc à nautis etiam quatuor aut quinque simul solere observari.

*PHÆN. V.* *Ignes lambentes* speciatim dici solent, qui circa animalia calidiora, equos puta aliaque animalia maxime sudantia, comparent, ipsorumque auriculis capitibus & capillis adhærent, lucentes quidem, sed non urentes ; quod cum de ignibus fatuis quoque & præced. Phæn. narratis verum esse videatur, discrimen fortassis ex eo solum petendum est, quod his lambentes materiam suam ex ipsis illis animalibus habeant, quorum capitibus, jubis, aliisque partibus pilosis adhærent ; reliqui autem ignes fatui cum cognatis Castore &c. materiam isti similem ex locis terræ mariumque uliginosis recipiant ; prout infra pluribus diceretur : utramque vero hanc materiam posse esse similem, ex eo confirmaretur, si verum esset, quod ex *Kyper's Instit. Phys.* allegat *Systema Physicum Ernestinum* p. 280. in Dania scilicet esse locum, per quem si equi transeant, quasi undique igniti advertantur, quam exhalationem tamen, non ex ipsis equis sed ex terra loci istius exhalare putat.

*PHÆN. VI.* Nempe, quod ad præsens argumentum illustrandum non parum facere videtur, non solum ex brutorum



rum animalium, sed ex ipsis etiam hominum corporibus exhalationes ejusmodi luciferas prodire, non solum iis exemplis, quæ ab *Antonio le Grand* Histor. Natur. Part. VI. de Meteor. Artic. X. Num. III. de *Ascanio* v. g. *Æneæ* filio capillitio innoxio fulgente, de *Alexandro M.* in magno prælii ardore scintillas emitte; de *Tiberii* equo feroci, è cujus capite flamma emicue-rit &c. sed aliis quoque alibi ex historia narratis, confirmari potest; recentissimo exemplo de studioso quodam Tubingensi, nostro *M. Jenisch* Viro certe fide dignissimo, non solum familiarissime noto, sed nisi totus fallor, etiam contubernali, cujus indusium, noctibus æstivis præsertim exutum, totam (in tenebris scilicet) scintillabat & collucebat, id quod suis oculis sæpissime se vidisse, Vir laudatus bona fide testatus fuit.

*PHÆN. VII.* Quæ hætenus enarravimus ignita meteora *Joh. Greydanus* Instit. Phys. Lib. V. p. m. 132. *Puriora & infera* quidem dicuntur, *superis*, qualia sunt *fax, trabs, columna*, &c. loco solum contradistincta; quibus utrisque dein impuriora, v. g. *fulmina* opponit. Cum igitur inferis etiam *stellas cadentes, & dracones volantes*, annumeret, quid his nominibus ipse, alique significant, paucis hic dicendum est. Stella cadens igitur est, inquit *Greydanus*, fumus oblongus, in superiore parte motu vel calore accensus unde flamma pabulum sequens, citissime ad inferiora vergit &c. quæ definitio, non nominalis tantum est, sed realis, adeoque inter Hypotheses deinde pluribus exponenda. Non adeo absimilis huic est, ea quæ habetur p. 308. System. Ernestini aliquanto tamen obscurior, cum dicitur meteorum ignitum, genitum dum exhalatio mediocriter calida, nec densa admodum nec compacta, in longum continuata & accensa, à mediæ regionis vel nubis occurrentis frigore expellitur, ac stellæ è cœlo cadentis formam refert. Quæ postrema demum verba, nominalem rei definitionem, quæ hoc loco præcipue attenditur, exprimunt. Nimirum tale meteoron per aerem celeriter oblique deorsum motum, intelligitur hoc nomine, quod in animis oculisque imperitorum, speciem



delapsæ ex cœlo veræ alicujus stellæ aliquo modo repræsentat; cum tamen nihil minus sit quam stella, sed corpus fumidum exile in infimo hoc aere, adeoque à cœlo immenso intervallo ex halitibus non adeo crassis concretum. Quo modo vero ita concretum videatur &c. inter Hypotheses dicetur.

*PHÆN. VIII.* Similiter *draconis volantis* nomine intelligitur similis massa exhalationis in aere accensæ & lucentis majore talium copia sic disposita, ut capite & cauda quasi gracilior, ventre autem ampliore figuram qualemcumque draconis alicujus æque ruditer exhibeat, ac figura duorum circulorum Solis ac Lunæ sese optice interfecantium speciem refert in Astrologorum oculis, duorum draconum, superne capitibus, inferne vero caudis colligatorum. Ita enim habet definitio *Fromondi* cit. l. quod sit exhalatio pinguis & copiosa accensæ, quæ deorsum oblique cadit è nubibus, similitudinem habens veri draconis in aere circumvolantis.

*PHÆN. IX.* Quemadmodum autem hucusque memorata ignita meteora inferiora ejusdem saltem generalis naturæ esse videntur (uti deinceps in Hypothesibus & subsecutura Episcrisi audiemus; ita communi quasi consensu Philosophi tum recentiores tum antiquiores, unoque ore asserunt, *facem, trabem, ignem pyramidalem, stellam trajicientes, bolidem sive lanceam, clypeum ardentem, capras saltantes, stipulas ardentes, scintillas volantes* &c. consimili materia constare omnia, eodemque modo accendi & lucere, sed figura, situ & magnitudine differre; judice *Joh. Greydano* Lib. V. Instit. Phys. p. m. 132. Cui consentiunt *Sperlingius* Lib. V. Instit. p. m. 808. Facem à trabe parum differre, inquiens & incensionem tantum diversam esse, quæ in trabe æqualis sit ac transversa, in face non nisi in superiori parte detur &c. & *Hamelius* de Meteor. Cap. IV. p. m. edit. Paris. 69. sub persona Menandri dicens, omnia fere meteora ex eodem fonte manare, nempe ex pingui & fumoso halitu; ideoque satis fortasse futurum, de his in universum dicere; & pag. seq. 70 ita pergens: Quid necesse est hic, de dra-



dracone , capra , clypeo & aliis bene multis , quæ figura tan-  
tum, non natura distant , fufius differere?

PHÆN. X. Nimirum (ut aliquas faltem horum defi-  
nitiones nominales , ex ipfo & aliis huc allegemus , reales magis  
infra vifuri) quando exhalatio accenfa in mucronem acuitur,  
*pyramidem* dicunt : fi teres fit & cylindrica , *columnam* ; fi la-  
tiori fastigio fcintillet , *facis* ; fi rotunda fit & plena , vel in me-  
dio obfcura & quafi profundior , *clypei* ; fi oblonga & transver-  
fa , *trabis* nomen obtinebit ; fi mediæ partes intumefcant ,  
*draconis* nomen fortietur. Quodfi globus igneus circum fe  
floccos penfiles , inftar lanæ præferat , ac falu incondito lafcii-  
viat , *capræ* faltantis nomen accipiet , aut *caprarum faltan-  
tium* , fi plures ejusmodi ignes minutiores eodem loco congre-  
gati fpectentur , *ftipulæ* dicuntur , cum globus igneus non  
apparet , fed exhalatio late difperfa incenfarum ftipularum fpe-  
ciem præbet , &c.

PHÆN. XI. Cum fpeciatim de facibus *Sperlingius* pag.  
808. eas nunquam impunè fuiffe vifas afferuerit , exempla ex  
*Peucero* colligens , ad annos urbis 550. 587. 617. 654.  
660; operæ pretium judicavi , recentius etiam exemplum *fa-  
cis* feu *lampadis volantis* anno 1676. die 31. Martii poft So-  
lis occafum *Faventia* Luna filente vifæ , hic in medium addu-  
cere ; cum fcilicet obfcurò , fed fereno coelo , prætereun-  
tium oculos , improvifus tanquam diei fplendor , inopi-  
nata luce percelluit. Erectis ad infolitum jubar luminibus fefe  
obtulit à parte orientis æftivi fax , feu lampas ardens , Lunæ  
totali feu *πανσελίην* apparenter fimilis , quæ motu progressivo  
in meridianum aflurgens , poft fe caudam trahebat , trium fe-  
re fimilium diametrorum , radios undique , ceu quodam fibi-  
lo , ut ajunt , evibrans , & in occidentem hybernum converfa ,  
in multam à meridiano elongationem progrefla , & in nu-  
bem quandam illifa , cum magno fonitu evanuit.

PHÆN. XII. Edidit de hoc magno & raro meteoro  
Differtationem epiftolicam fecunda vice , & fortaffis etiam plu-



ribus deinceps recusam, ad CLARISSIMUM ERUDITISSIMUMque VIRUM ANTONIUM MALIABECHIUM, serenissimi Magni Ducis HETRURIÆ Bibliothecarium, perscriptam; in qua præter ante narrata *Romæ* quoque visam, *D. Hadrianum Auzout* Nob. Astron. Gallum Roma Parisios reducem testatum fuisse: *Florentiæ* à multis, ac nominatim à *Malachia dell' Arpe* observatam & in Epistola quadam descriptam: *Venetis* plurimis etiam visum Phænomenon, non exacte quidem in ipso principio, neque in fine, quia in magnam nubem terminasse contigit. Quibus ita se habentibus, necessum est altum admodum in aere id apparuisse, si verum præsertim sit, quod P. P. Jesuitæ Treviris ad P. Joh. Baptist. Spinulam, Collegi Faventini Rectorem, scripserant, etiam ibi visam hanc facem &c. Certe Dni. Kavinae æstimatione, altitudinem hujus meteori à superficie terræ maximam, 90. mill. ital. statuere decebat; id vero cum nimium videretur Mathematicis, repetiit deinde calculum ex observationibus florentinis ac venetis, & operosa computatione trigonometrica produxit p. g. distantiam à terræ superficie, 121. mill. italicorum h. e. 30. germ. & ultra; ut in aere natum quidem, inde vero ultra ipsum in ætherem sublatum dicendum esset.

*PHÆN. XIII.* Superpondii loco, cum Antonio le Grand. *Histor. Nat.* p. 280. ex *Jonston. Admirandis Meteor. seqq.* annotabo: Anno Domini millesimo quingentesimo quadagesimo quinto, tales in Silesia apparuere imagines, *ursus* ab oriente aciem instructam ducebat, cui ab occasu armata manu *leo* occurrit, intra utrumque exercitum lucidissima emicuit *stella*; mox inter se congressi dimicarunt acriter, ut distillare ex lauciatis *sanguis*, & examinata corpora decidere viderentur. Inter praliandum *aquila* sese supra copias *leonis* de alta rupe, alarum liberavit remigio. Dirempto quasi certamine, *leo* inter suas fulsit cohortes; nullum *ursi* vestigium, sed prostrata jacuere corpora, qua alter constiterat exercitus, quibus canitie venerandi adstiterant *senes*. Finito prælio,



lio, reduxit, exercitum ad occasum *leo*, quo aliquousque progresso, quidam albo equo, & ornato vectus, equo ad pugnae locum à copiis rediit, atque in eum equum juvenem cataphractum, ibi stantem, collocavit, & versus ortum procedentem comitatus, cum cæteris speciebus evanuit.

## II. HYPOTHESES VARIÆ

circa causas phyficas hariolandas enarratorum Phænomenorum.

### L

**P**rimo quod inferiora meteora ignita spectat, horum materiam ex crassiore fumo vel exhalatione constare judicat *Greydanus*, ex eo, quod minus à terra eleventur; etsi non eadem in singulis sit supponenda crassities: & speciatim quidem ignium fatuorum plerique *pinguem* & *viscosam* materiam supponunt, tum quod alioquin à superimposito aere statim extingueretur, ut lucernæ flamma, tum quod locis pinguioribus, ut cœmeteriis, palustribus & cloacis &c. frequenter incubare observentur; quæ rationes afferuntur à *P. Fabri* Tract. VI. p. 496. Accensionem vero hujus materiæ universi fere statuunt, de accensionis modo solum solliciti: dum alii, & cum his *Hamelius* p. 71. de Meteor. edit. Parisiensis, halitum pinguem & tenacem & ipsi teneant, sed nullo igne flagrantem verum instar lampyridum, vel ligni putridi lucentem.

II. Quæ *Fluddus* de materia horum ignium narravit, *P. Fabri* cit. l. commentum vocat & fabulam, cujus nullam fidem apud viros sensatos reperturus sit; *Hamelio* interim dubitante an Fluddo tanta fides debeantur, quem ubique ineptire ejus philosophia Mosaica; titulo superba, re inanis satis demonstret. Interea vero hæc sua de viro judicia ratione quoque, & eadem quoque quoad rem, confirmant, quod credibile non sit, materiam adeo crassam, nullo igne accensam, liquidam & ranarum spermati non absimilem, in aere tamdiu pensilem fluctuare.

III. Quoad cæteras erraticis hisce ignibus communiter attribui solitas proprietates, utrique, & cum ipsis prudentiores quique alii, quoad rem ipsam eas non negant, ut tamen propositum fallendi, malitiam, & quod alias spectris ab imperita plebe solet imputari, ab-



esse statuant. Nempe cum contiguus aer à fluminibus abripiatur, vicinorem in ejus locum succedere, & huic ulteriorem, eoque pacto volatiles hasce luculas eodem provehi; quem motum earum si quis imprudens secutus, in locum periculosum incidat, non ab ipsis eum, sed à sua opinione decipi ac seduci. Similiterque, si quis hos ignes infectetur, & contentius quidem, tanto contentius quidem eos fugere, ab aere scilicet ab infectante propulso & ipsos propulso: quanto contentius autem illos à tergo sequentes fugiamus, eò contentius etiam illos ab aere nos, à tergo sequentes, ipsos quoque ad nos adduci.

IV. Quod vero de nocte duntaxat, non vero de die videantur, ejus causam P. Fabri jam reddit c. l. quia lux diurna, quæ longe major sit, minorem illam extinguat. Cum vero alii castorem, pollucem & helenam, in mari apparentes ignibus fatuis accenseant non nisi loco differentibus, *Sperlingius* eos inter lambentes refert, cum cæteris, qui circa hominum quorundam animaliumque capita & corpora observantur. *Stellas cadentes* Greydanus inter inferiora meteora ignita numerat, ideo maxime, quod ipsius reliquiæ, quæ flamma consumi non poterant, in terram delabentes, gelatinæ speciem referant; quod idem Hamelium etiam credidisse ex eo patet, quod Fluddi experimentum de igne fatuo confutans, hæc addat: "fieri etiam potest, ut stellæ cadentis reliquias pro igne fatuo contraheret; nam illæ sunt viscosæ & lubricæ, ut experti testantur." Nempe in eadem cum Greydano sententia fuisse eum oportet, stellam cadentem esse fumum oblongum, in superiori parte motu vel calore accensum, unde flamma pabulum sequens, citissime ad inferiora vergat, & (quod addi debeat) fumum ita depastum in viscosam illam materiam una condenset, quæ terram deinde sua gravitate petat. Declarat autem hunc descensum flammæ in stellâ cadente per fumum prolongatum, exemplo candelæ recens extinctæ & adhuc fumigantis, hujus enim fumi partem superiorem à flamma alterius candelæ accensum citissime descendere secundum fumi ductum, donec extinctam candelam assequatur ac denuo accendat.

V. *Draconem volantem* idem Greydanus inter meteora ignita inferiora connumerat, eundemque Systema Ernestinum quoque ignibus fatuis & lambentibus conjungit eodem loco, à quo tamen stellam cadentem excluserat, & post fulmina demum, cum lancea seu bolide, clypeo ardente, stipulis ardentibus &c. à Greydano inter superiora narratis, conjunxerat, ideo fortasse utrique, quod à nonnullis rela-



relatum fuerit, ejusmodi draconem volantem visum esse aliquando supra culmen ædis alicujus hære. Dicit autem præterea Greydanus de hoc dracone, vulgus & philosophos varias agere nugas, revera autem nihil aliud esse, quam magna quædam frustra (i. e. amplam quandam expansionem) fumi crassioris, quæ vel interna putredine, vel motu & calore accensa, horrenda specie circa tellurem ferantur; figura quidem varia, nec ulla minus, quam draconis, apparente, plerumque tamen cauda quadam reliquum corpus sequente, præsertim, si validius moveatur: cujus postremi tandem hanc causam assignat, quod flamma accensi fumi, utpote levior, tam cito non moveatur, ac ipse fumus, idem quippe in motu candelæ ardentis apparet; de qua causa in epicrisi videbimus.

VI. Quæ fax supra Phænomen. XI. à Dno. *Kavina* nominata fuit, vi ejusdem ibi descriptionis merito etiam draco volans nominari potuisset, utpote corpore lento, Lunam plenam æmulante, & cauda tres circiter diametris hujus longa constante. Cæterum, hanc à se appellatam facem sive lampadem legitimum aeris foetum plura suaderent, cauda *primo* post se in motu relicta, nempe ob aeris renitentiam, *secundo* brevis duratio, juxta Senecæ VII. Nat. 22. dictum, *quæcunque aer creat brevia sunt*; & vero non conveniant hæc inter se, aeream hanc lampadem fuisse, & tamen 121. miliaribus tandem italicis, aut minimum 90. abfuisse à terræ superficie, consequenter veram magnitudinem unius circiter milliaris italici diametrum adæquasse; hunc vero inferiorem aerem raro, & paucis 5. milliaria altum statui, in qua aeris exigua substantia necquicquam quæramus tantæ moli materiam inflammabilem; conclusit tandem p. 8. hunc globum igneum fuisse ex sulphure & halinitro concretum, conflatum, accensum, & tandem ad tantam altitudinem evectum.

VII. At enim vero, unde tanta vis sulphuris & halinitri, si in aere hoc vix mill. 5. italica, aut  $1\frac{1}{4}$  germ. alto frustra quæsitæ fuisset? respondet *Kavina* p. sequ. 9. hoc phænomenon istis temporibus ac diebus contigisse, quibus Insulas quasdam turcicæ ditionis, nobis præter propter ad orientem æstivum positas, terræ motus concusserrit, unde vehemens è terrestribus cavernis & carceribus exhalationum copia, sulphuream nitrosamque substantiam exclusit, (utpote ad quæ principia terræ motuum causæ aptissime referantur, teste *Joh. Narde* de igne subterraneo cap. 47.) vi ventorum deinceps agitatam, condensatam, accensam, tandemque in sublimine vibratam. His ergo genitum principiis se credere, ait, & occasione terræ motus,



tus, disruptis aut rarefactis terrestris superficiei compagibus natum, & instar bellicæ pilæ, quam *bombam* vocant, tanquam è mortario quodam ejaculatum, non circularem terrenæ superficiei parallelam, sed parabolicam lineam suo motu descripsisse, cujus quidem parabolæ vertex circa suum circulum meridianum extiterit, unde vi ponderis inclinatum in inferiora rursum deciderit, in nubem aliquam illisum, consumptum ac dissipatum, eo sonitu, quem Phæn. XI. ex ipsius relatione commemoravimus. Ut vero quorundam dubitationibus de hac ipsius hypothese, quantum pote, satisfaceret, novo quodam schematismo rem hanc porro illustrare annisus ex est, quem hic exponere super sedemus.

II X. Quæ *Antonins le Grand* circa Phæn. XII. de præliorum in aere visis spectaculis senserit ex ejus Historia Nat. post narratum à Jonstone tale prælii simulachrum, eadem p. 280. legere est, eadem nempe quæ Cartesius sub finem cap. de meteoris senserat aliis paulo, verbis. Haut ignarus sum ( inquit Antonius ) quantum apud plebem hujusmodi narrationes valeant, & quam proni ad ea credenda homines sint, quæ futurorum notitiam sibi detegere imaginantur. Sat est duas nubes in oppositum statui, & aliquas, refractiones & reflexiones efficere, ut statim apprehendant, illas inter se *congregari*, dilucidiores earum portiones *cataphractos* milites esse, imo armorum audiri *crepitus*, *missilia* transvolare & aliorum *clypeis* excipi. Vidi ipse in *Flandria* nocte serena, in aere vapores modo insolito dispositos, & qui nonnihil luminis in sese refundebant, ita incolas terruisse, ut proxima luce passim se instructas *acies*, directas *hastas*, amissos *globulos*, spectasse se referant: imo *tuba* sonum, ensium *strepitum* audiisse asseverarent. *Cartesius* equidem, nullam unquam semet ejusmodi spectacula vidisse fatetur, neque se fugere, quantum superstitio & ignorantia, relationes, quæ de iis fiunt corrumpere soleat & augere; voluit tamen leviter attingere causas omnes, ex quibus aliquid tale produci posse sibi videatur; quarum tres equidem deinceps enarrat, quarum duas etiam *le Grand* exponit, tanti tamen nobis haut visas, quæ hic etiam *tertia* vice repeterentur.



### III. EPICRISIS ECLECTICA,

qua , quid optime dictum in his hypothesebus videatur, modeste decernitur.

#### I.

**Q**uod si nostra nunc dicenda sententia sit de his præliorum in aere spectaculis ; illud 1. ) de allegata ex Jonstono in Phæn. XIII. historia seu fabula potius speciatim monendum est, indignam esse, quæ inter Phænomena numeretur, cum vix obiter Silesia nominetur, neque adeo aut locus definitus, quo, aut tempus determinatum, quando, aut personæ nominatæ, à quibus, visum esset ejusmodi spectaculum : imprimis autem, enarratæ *urfs, leonis, aquila, senum, juvenum cataphractæ* species non nisi nubes revera, de cætero non nisi phantasmata puerilia erant, qualia memini frequenter me in juventute mea spectasse, cum verno æstivoque tempore humi supinus cubans, perpetuas nubium mutationes, in figuram nunc bovis, nunc equi, nunc lupi &c. non sine jucunditate & ridicula sæpe imaginatione, contemplerer : ut totius ejusmodi spectaculi causa non alia dari possit, quam hominum plebejorum fundamento carens imaginatio ; sicut autem prostrata sauciatorum corpora, destillatus ex istis sanguis &c. tandem in ipso narrationis fine, cum cæteris speciebus omnibus evanuisse dicuntur. Quod si vero hæc talia vere vivideque in aere depicta spectacula cernerentur, illorum causæ non forent physicæ aut naturales sed miraculosæ merito haberentur.

II. Quæ de *face* seu *lampade* faventina in Italia, *Petrus M. Kavina*, scripsit, probabilia utique sunt & ingeniosè deducta, cumque calculum ejus Trigometricum examinare non sit præsentis loci, ex locorum, tamen, in quibus idem phænomenon observatum fuit, magna distantia, id sublime admodum & ultra aerem nostrum refractivum extitisse phænomenon cer-

Aaaa aaaa

tum



tum videtur, non incredibile interim in aere hoc inferiore natum, inflammationis impetu ad tantam altitudinem sublatum fuisse, more pyrobolorum vulgo *Raggeten* appellatorum. Quod si vero contingit draconem aliquem volantem (quo cum hanc *Kavinæ* lampadem comparari posse supra diximus) supra culmen ædium quarundam hæsisse; magna hæc locorum differentia, insignem etiam materiæ differentiam arguit. Id quod etiam strepitus illius inter volandum, & sonitus ingens, sive fragor in fine, non parum confirmat. Nitrosam enim & sulphuream illius materiam, hujus autem bituminosam magis fuisse credibile est, & fortasse glomus iste cavus intus fuit & fulminaribus similis, nisi quod hi posteriores à collapsis nubibus & formati & explosi hæc inferiora petere solent; ille vero, materia ab imo, ex terræ motu aliquo recepta in aere inferiore formatus creditur, alioque modo accensus, versus superiora impetum conceperit, igneque tandem per exteriorem crustam aliquatenus etiam bituminosam, ad cavitatem interioriorem penetrante, ubi nitro-sulphurea fere sola stabulabatur, ruptura denique & fragor inter relabendum contingeret: id quod in pyrobolis supra memoratis, imo in granatis quoque, & grandioribus hodie bombis, ex artis præscripto fieri solet.

III. Si verum est, cadentis stellæ reliquias gelatinosum quoddam corpus esse, quod etiam B. noster Antecessor M. Abdias Treu firmiter credidit, ) concipiendum est, per dispersam prius fumosam exhalationem accensam superne flammam eo modo, quo in fumigante ellychnio, decurrisse, eo ipso autem decursu suo sparsas ante exhalationes in unam constipatiorem massam, inflammabilitate jam exhaustam, collectas fuisse, eoque pacto graviores redditas terram petiisse. Quod si vero de origine gelationosæ illius materiæ ex absumpta stella cadente, res non minus dubia hic habeatur, ac superius num. II. Hypoth. Fluddi assertio de materia fatui ignis spermatis ranarum simili, habita fuerat; dici probabilius forte posset, materiam stellæ cadentis valde subtilem & in longum exporrectam esse, casuque in



in uno extremo accensam , secundum ductum illius exporrectionis decurrentem tenuem flammulam , reliquias inflammabilitate jam exhaustas , adhuc sparsas in aere relinquere , utpote adhucaere leviores , postquam aliquibus sui particulis , per exhaustionem & inflammationem diminutæ fuerunt.

IV. Si , prout de Castore Polluce & Helena indubie creditur eos navigiorum velis , malis , &c. adhærere citra ullam adustionis notam , ita ignes fatuos cæteros , hominum quorundam tergis &c. inhæsisse , quod fertur communiter , certum sit ; manifestum erit , quod dudum hariolor , omnes hos ex ignium lambentium genere esse , h. e. ignes non calidos sed lucidos tantum , quales scilicet in quibusdam animalibus , ut in lampyridibus , vel in phosphoris aut noctilucis aliquibus , ex animalium urina præparatis , vel in lignis putridis , cernuntur : hoc vero ita supposito , mirum non est , horum ignium omnium nullum unquam de die apparere , etsi revera non minus de die quam de nocte existant. Nimirum halitus è ligno putrido emissus , & lucula ex quadratulo per diem candicante in ventre lampyridum diffusa , interdiu non minus quam noctu effulget , sed oculum , à majore Solis luce tum affectum & commotum , non afficit sensibiliter : eadem scilicet prorsus ratione qua lumen stellarum fixarum fulgentissimum per noctem , oculum nostrum , tum ab omni lumine vacuum , valde commovet , quem interdiu ( quippe jam validius agitatum ) nullo modo afficit ; ut alibi jam ostensum est.

V. Draconum autem volantium , sive lampadum talium , qualis faventina Kavinae fuit , non lambentes tantum luculae , sed flammæ vere ardentes esse pleræque videntur ; etsi dubitare nolim , in materia ardente unius plus caloris & fervoris esse , quam in altera ; prout in ipsis flammis spiritus vini , olei , ligni mollioris saligni , & durioris quercini vel fagini &c. notabile graduum discrimen observamus. Nec obstat ideo quo minus halitus lambentium ac tantum lucentium possint esse crassiores , quam ardentium in sublimi ; quamvis etiam contrarium ali-



quando obtinere queat ; prout fulminum exempla docent , quæ Greydano non immerito forte impuriora meteora audiunt.

VI. Quæ porro num. III. Hypoth. de fatuorum ignium quibusdam proprietatibus , harumque rationibus dicta sunt , recte dicta omnia existimamus ; nec ad causas supernaturales facile confugiendum , nisi manifesta necessitas id postulet : qualis eqidem in exemplo Fromondi Phæn. III. narrato , nondum apparet. Ut enim de fide narrantis , quis idem & qualis hic Fromondi affinis fuerit , multum & scrupulose non inquiram ; hoc ex propria narratione certissimum est , hominem fuisse timidissimum , qui præ nimio timore ne circumspicere quidem ausus sit , multo minus attentius considerare , quorsum , & quam longe à se prima vice discesserint , & ex quanto intervallo secunda vice redierint , cum præsertim in tenebris incertissima sit intervallorum dimensio. Valde igitur dubitamus de Fromondi epiphonemate , ac nisi me omnia fallunt , ipsum præter solitum mitius notavit P. Fabri , in Prop. III. num. 2. p. 496. his verbis : hinc nimix credulitati philosophi alicujus impostum , à quo deinde reliqui omnes acceperunt , hoc enim philosophis scholasticis satis familiare est , ut omissa omni ratione , “ sola alterius dicentis autoritate stent. “

## ARTICULUS V. de Meteoris emphaticis.

### CAPUT I.

#### *De Iride.*

#### I. PHÆNOMENA.

**P**HÆN. I. Egimus de hac materia curiosa fusius in peculiari exercitatione disputatoria , integri Alphabeti , quarto circiter ab hinc anno , respondente Generoso Dn. Christophoro Theophilo Volcamero P. N. tum Universitatis nostræ incola adhuc dignissimo. Illam diffusiolem argumenti nobilissimi tractatio.



stationem hic ( ne crambem bis coctam lectoribus nostris propinemus ) hic in epitomen redactam exhibebimus. Subito igitur nonnunquam in aere pluvioso apparere, sub ipsum principium notavimus, arcum ingentem coelestem, *Irim* alias vel *Iridem* appellatum, variis & elegantissimis pictum coloribus & ex opposito Solis lucentis conspicuum, vel post lapsam paulo ante in loco observatoris pluviam roridam, vel imminentem ex regione Soli diametraliter adversa; ita quidem, ut Sole occasui vicino, Iris in ortu, oriente illo, in occasu spectetur.

*PHÆN. II.* Subitaneum, inquam, neque successiva quadam elaboratione pictum, apparet hoc phænomenon; ita quidem, ut guttulis rorantibus & ex aere sublimi, sive nubibus in tenuem pluviam actu solutis, lente descendentibus alicubi, si contingat è regione positum, & à nubibus hætenus occultatum Solem, his impedimentis subito liberari; oculus medio loco constitutus eodem momento iridem ex adverso depictam intueatur; eodem modo scilicet, quo spectator se sistit ante speculum, aut, quo corpus aliud pone ipsum eidem exponitur, & hujus imaginem, & vultum proprium, cæterasque partes corporis, quos capere speculi amplitudo valet, derepente accuratissime depicta, cum omnibus suis lineamentis & coloribus conspicatur.

*PHÆN. III.* Sicut autem derepente exsurgit mirabilis hæc apparentia, ita vel uno momento potest iterum evanescere, si contingat Solem à prætervecta quadam nubecula occultari. Neque tamen etiam extra hunc casum durare multum solet elegantissimum hoc spectaculum; sed, cum alia ejusmodi emphatica in aere phænomena, ut halones & parhelii, in plures sæpe horas protrahi soleant, Iridis tamen apparentia, quanto speciosior est & adspectu jucundior, eò brevioris est durationis, ac sæpe paucorum minutorum, cumque sensim evanescat, initium defectus in summitate plerumque citius, quam ad latera vel in imo animadvertitur, cruribus adeo diutius, quam partes sublimiores, ordinarie perdurantibus.



*PHÆN. IV.* Tametsi igitur ad nubes plerumque referatur à spectatoribus, Iridis apparentia, & ad hunc hominum conceptum ipsæ sacræ Literæ se accommodaverint. DEUM introducentes, ut de se ipso testatum: se posuisse, ac posterum positurum arcum suum in nubibus &c. Certum est tamen, & hodie in confesso, non nubem ut & nubem, sed ut rorantem, & guttulas per aerem lente demittentem, aut potius ipsas guttulas in aere descendentes, sive roscidum aerem, sæpius ad terram usque exporrectum genuinum esse pingendæ iridis subjectum, & quasi tabulam, quæ picturam hanc elegantissimam excipiat, & exceptam inspectantium oculis exhibear. Indubitata enim est experientiæ, Irides frequenter, aut earum partes saltem inferiores, è regione declivium in montibus laterum, arborum item, aliorumque terrestrium objectorum, aut rectius ante hæc in aere spectari, in ipsam terræ planitiem nonnunquam alterutro suo, vel etiam utroque crure, exporrectas.

*PHÆN. V.* Id quod ex eo insuper confirmatur, quod in guttosa fontium salientium, per certa epistomia, *Aussätze* vulgo dicta, in huncipsum finem innumeris foraminulis pertusa, de consilio facta adspergine, imo in aqua ore pressa, in vaporem quasi rorantem sursum difflata, aut scopis dispersa, irides gigni ex proposito, & artis adjumento quopiam exhiberi queant (id quod Aristoteli quoque ignotum haut fuisse cap. IV. Lib. III. de Meteoris testatur) minutiores quidem ob subjecti viciniam, de cætero vero eadem colorum varietate eodemque ordine conspicuæ: in fluminum autem altissime delapsorum dissipatis longe lateque nebulis, non perpetuæ tantum quadantenus, sed solitæ quasi magnitudinis, tanquam in coelo nubibusve depictæ, spectari. Habemus hujus rei, nobis ipsis nunquam visæ, testes præcipue *Petrum Gassendum* & *Athanasium Kircherum*; illum, *Animadvers.* in X. Lib. *Diog. Laerr.* pag. 1124. edic. separata Lugdunensis; hunc *Tom. II, Mundi subterr.* p. m. 115. & sequ. omnino videndos.

*PHÆN.*



*PHÆN. VI.* Quod altitudinem iridum supra horizon-  
tem spectat, illa non eadem est in quovis casu, sed humiliores  
aliquando, & quodammodo reclinatæ cernuntur, portionem-  
que circuli semiperipheria minorem exhibent, idque eo casu,  
quo Sol notabili altitudine supra horizontem oppositum eleva-  
tus est. Aliquando vero, cum à Sole jamjam occasuro, aut mo-  
do oriente pinguntur, integri semicirculi ambitu, sublimiores  
multo & vertice suo magis imminentes nobis suspiciuntur.  
Quæ cum Aristoteles dudum agnoverit Lib. III. Meteorol. Cap.  
II. duo tamen ibidem non satis comperta commemorat; 1)  
hoc, quod iridis neque totus circulus unquam exhibeatur, "  
neque major semicirculo sectio; 2) Quod occidente vel orien- "  
te (scilicet Sole) minoris quidem circuli major tamen sit arcus; "  
elevato vero magis, minor tamen arcus appareat.

*PHÆN. VII.* Sicut autem *Gassendus* c. I. hanc poste-  
riorem Aristotelis opinionem de circulis in uno casu majoribus,  
in alio minoribus, ex aliqua visus deceptione ortam recte suspi-  
catur, qua nimirum portio vel arcus circuli minor ad rectam  
magis accedere & ampliorem supponere circulum videtur,  
è contra portio major, e. g. semicirculus, tanto magis curva, &  
ad rectam minus accedere, angustiolemque adeo circulum ar-  
guere: ita prius illud (quod Aristoteles alicunde ratiocinatus  
potius est, quam expertus) universaliter verum esse negat Vir  
experientissimus, & in eo casu, quo quis elevatior, e. g. in edito  
montis vertice constitutus fuerit, & nubem habeat vel totam,  
vel ex parte quadam depressiorem per convallem &c. non se-  
mel esse visam, & ab aliis multis, & à se quoque semicirculo ma-  
jorem. Similiter *Ricciolus* *Almag.* novi p. 83. contra Aristote-  
lem, se, unà forte cum P. Grimaldo, ex paterno monte iridem  
in vallibus plusquam semicircularem vidisse.

*PHÆN. VIII.* Non eandem esse iridis ab oculo spectato-  
ris distantiam, vel ex eo pater, quod *Phæn. V.* notatum est,  
in irrorationibus artificialibus fontium salientium, iridum appa-  
rentias in magna vicinia spectari, in aliis fluviorum desuper ex  
alto



alto lapforum naturalibus guttularum dispersionibus, eas longius multo à spectatore abesse, & tanquam in ipso coelo genitas repræsentari, quam differentiam in ipsis iridibus ordinario naturæ modo productis distincte observare licebit, eo præsertim casu, quo crura sua in terram usque protendunt.

*PHÆN. IX.* Et quamvis imperitiores unam eandemque esse putent, quam plures etiam loco diffusi una intueantur, rem aliter tamen omnino se habere, non solum ratio infra suadebit, sed experientia quoque attentiores facile convincet, si vel unus idemque spectator in iridem aliquam, quæ crura sua ad objecta terrestria, ut arbores, montium latera &c. demittit, ejusmodi objectum, in statione prima illustratum probe notet, deinde dextrorsum aut sinistrorsum promotus, eandem illam alia prorsus, & à priore loco tantundem remotiore, quanto ipse longius progressus fuerat, attigisse animadvertat; vel plures è diversis stationibus una spectantes examinentur singuli, quo loco, aut quorum objectorum respectu iridem conspexerint? è diversissimis enim singulorum responsis patebit, quemlibet suam iridem, in alia roridi aeris parte, adeoque loco ipso distantem ac distinctam à cæteris fuisse contuitum, eoque pacto quasi mobilis, una cum spectatore progrediente videtur, inde forsan *ὤνδς πόδας*, *pedibus velox* Hesiodo dicta; nihilo verius tamen, quam umbram sequi suum corpus, eoque moto una moveri creditur, imo oculis ipsis mutare locum, cum tamen ejusmodi apparentiæ, uti species ambulantium quoque in speculis grandioribus, proprie loquendo non magis, quam umbræ & meræ privationes ex uno loco in alterum transire queant, sed quovis loco, & cujusque oculi respectu, aliæ novæque suo modo generentur.

*PHÆN. X.* Id quod vel ex eo judicare licet, quod evidenti constet experientia, ordinarie Solem, oculum, & iridis centrum, in eadem esse recta linea, atque adeo, cum oculi per intervalla distant, lineas quoque rectas ex Sole per oculos parallelo, quoad sensum, ductu protensas in alia aliaque centra dirigi, quantumque hæc centra ab invicem distant, tantundem & respon-



spondentes singulis peripherias ab invicem abesse. Ex quo nova fluit, non tam observatio, quam illatio, quod in austro præcise nunquam conspiciamus iridem, quia Solem in septentrione positum esse necesse foret, si iris in meridie à nobis spectari deberet: quod tamen apud nos nunquam continget, uti nec oppositum apud Antæcos nostros. Verno quidem æstivo & autumnali tempore iris exhibere se casu, nullo certo die solet; hiemali tempestate haut facile conspicitur. Quod vero à 10 Aprilis usque ad 10 Augusti in nostris oris in ipso meridie nulla videatur iris, ex ratiocinio potius, quam ex observatione novimus, occasionem suppeditante Aristotele Lib. III. Meteor. Cap. 2.

PHÆN. XI. Notabile in primis Phænomenon est, iridem aliquando videri geminatam; unam humiliorem & angustiore, quam ob colorum vivacitatem majorem, *iridem primariam* vocant, alteram minus vividis coloribus expressam, *secundariam* appellatam. Quam ipsam quidem colorum debilitatem in secundaria, nonnulli tanquam argumentum adducunt, quo probare conantur, secundariam iridem à primaria per reflexionem gigni; cui simile argumentum suppeditat aliud phænomenon, quo observamus, si primaria iris in summitate, vel prope eam deficiat, eodem loco deficere etiam secundariam, non contra; infallibili, ut isti putant indicio, hanc posteriorem à prioris reflexione exortam esse, & fallere tamen utrumque illam consequentiam, in progressu clarissime evincemus.

PHÆN. XII. Agē nunc iridis utriusque altitudinem determinabimus, quam respectu horizontis multum variare, Phæn. VI. docuimus. Verum hoc loco sermo est de altitudine supremæ & convexæ peripheriæ in primaria, & infimæ seu concavæ in secundaria, eaque considerata respectu centri iridos, aut lineæ ex Sole per oculum ad iridis centrumeductæ, quicū radius ex oculo ad iridis summitatemeductus, angulum, istam altitudinem gradibus circuli mensurantem, constituit. Hunc Vitellio & Maurolycus obiter & rudius æstimarunt, in iride prima-



ria 45 gr. in secundaria 56; Renatus Des-Cartes autem, in Meteoris suis Cap. VIII. accuratius hæc dimensus, sub finem num. X. altitudinem, sive maximam semidiametrum iridis interioris conclusit 41 gr. 47 min. pro minima exterioris autem 51 gr. 37 min. Quibus lectis Ricciolus decrevit accuratiores instituere observationes, iis, quas interea ipse cum P. Grimaldo qualitercunque & obiter captas, communicaverat Almag. novi Lib. II. p. 83.

PHÆN. XIII. Præcipuum iridum decus & ornamentum sunt earum colores, quorum varietate mire superbiunt. Et sunt sane Philosophorum opiniones circa colorum istorum numerum non minus variæ ac ipsi colores. *Aristoteles* enim non nisi tres agnovit, φοινικῆν, πράσινον, καὶ ἀλεργόν, *punicum, viridem, & purpureum*, unde & τρίχρως ipsi dicitur ἐκατέρω, h. e. *tricolor utraque* καὶ τὰ χρώματα ταυτὰ, καὶ ἴσα τὸν ἀριθμὸν ἔχουσιν ἀλλήλαις, & colores eosdem habent ac numero æquales, cit. Cap. 2. Lib. III. Meteor. Conf. Cap. 4. sub finem fere, eadem fere totidem verbis repetita, tamen & hoc & isto loco mentionem facit expressam etiam τὸ ξανθὸν sive *flavi* coloris, sed tanquam commissuræ tantum cujusdam & mixturæ quasi ex puniceo & viridi, aut potius palloris cujusdam punicei in vicinia viridis; quod tamen de viridi æque, & majori jure, dici posse non immerito judicat *Gassendus*, cum è cæruleo & flavo viridem misceri sit notorium. Unde ipso ab Aristotele recensitis præcipuis coloribus quartum insuper, nempe flavum superaddendum judicat, cum alias horum commissuræ, transitiones ac desitiones inobservabiles pro minus præcipuis haberi possint. Unde Peripateticorum plerique quidem Magistrum sequuntur, tres tantum numerando colores, diversos tamen, *Cartesius* indefinitum reliquit colorum numerum; *Robaltius* tamen, ejus sectator trium tantum meminit, rubri, flavi & cærulei: *Antoni*us le Grand, rubedinem commemorat, flavedinem & virorem cæterosque colores in utraque iride; in Instit. autem *punicum* seu *croceum*, aut cum aliis *rubeum, flavum* deinde, *viridem, &*  
inti-



intimum *purpureum* seu violaceum, aut cum aliis cæruleum &c. Ptolomæus *septicolorem* iridem dixit; alii *multicolorem* vocare maluerunt, cum vel unicum intimum, in violaceum, amethystinum, columbinum, cæruleum ac purpureum distinguere didicerunt, non tam dissensu quodam, quam varietate colorum in iride manifestius aut obscurius, pro diversa spectantium acie, observabilium, discrepantes, ut excusari tandem etiam à Vossii imputata hyperbole, Virgilius videatur cum de iride diceret:

*Mille trahit varios, adverso Sole, colores.*

PHÆN. XIV. Illud porro apud hos omnes in confesso est, iridis secundariæ eosdem esse colores, quos prioris; sed 1) inverso ordine collocatos, ut nimirum intimus sit *puniceus*, paulo superior *flavus*, ulterior *viridis* & extimus denique *purpureus* &c. 2) Multo debiliores, hebetiores & obscuriores. Ita certe Aristoteles c. l. post adducta superius loca: Ἀμυδρότερα δ' ἐν τῇ ἐκτῷ, καὶ ἐξ ἐναντίας κείμενα κατὰ τὴν θέσιν. i. e. *Obscurius tamen picti & hebetiores in exteriore* (sive secundaria iride, sunt colores) & *ex opposito collocati ratione situs*; quod idem repetit Cap. IV. sub finem. Ordinarie quoque dilutiores observantur illi colores in utriusque iridis summitate, quam circa basin in cruribus; nec æque nitide, aut eadem colorum vivacitate pinguntur quovis tempore. Denique, cum primaria sæpe sit sine secundaria, non tamen hanc sine illa spectari, si de partibus utriusque verticalibus loquamur: Testatur tamen P. Fabri Tract. VI. p. 454. ima secundariæ iridis crura aliquando se vidisse, postquam primariae crura jam evanuiscent.

PHÆN. XV. Quod in Phæn. XII. de iridis altitudine dictum est, etiam de ejusdem amplitudine inter centrum & ambitum lateralem undiquaque intelligendum est. Ductam nimirum è centro Solis per oculum ad centrum iridis, lineam (quæ visionis axis commode dicitur) cum alia quavis ex eodem oculo ad mediam arcus latitudinem, h. e. ad confinia flavi viridisque



colorum, in iride primaria comprehendere 41 gr. 30 min. in secundaria 52 gr. quam proxime; cæterosque supremi & infimi utrobique coloris, his datis, aut minores 16 min. aut majores: ita ut puniceus in iride primaria spectetur sub angulo 41. gr. 46 min. in secundaria sub ang. 51 gr. 46. min. (spatio intermedio, coloribus experte, sic 10 præcise gradus explente) cæruleus autem ibi sub angulo 41 gr. 14 min. hic sub angulo 52 gr. 16 min. Quæ quidem angulorum mensuræ ( prout à Rohaltio num. XIII. cit. cap. ult. annotatæ sunt) ab iis, quæ à Cartesio p. 224. deductæ, parum differunt; tamen si fortassis ex calculo potius hujus hypotheseos, quam ex observatione experimentalis ortæ esse queant.

*PHÆN. XVI.* Hactenus ordinaria phænomena in epitomen contracta fuere; nunc extraordinaria multo magis contracta dabimus, quorum I) illud est, quod præter duas hactenus dictas irides, etiam tertiam haut semel visam esse testentur Viri docti, Aristotele id olim simpliciter inficiato, Honorato Fabri autem id simpliciter asserente, imo & quartam possibilem suspicante Tractat. VI. Lib. IV. Prop. XII. n. 17. Cartesio denique sub fin. cit. Cap. VIII. allegante quosdam sibi narrantes, tertiam iridem duas ordinarias cingentem se aliquando vidisse, sed multo pallidiorem, & tantum circiter à secunda remotam, quantum ab illa prima distat; nempe, (ut Honoratus tanquam experimento notum supponit) sub altit. 62 gr. II) hoc est, quod nocturno tempore à Lunæ fulgore in aeris roridi guttulis oppositis, eodem modo, quo tempore diurno à Sole, gignatur vera iris; Aristotele id asserente I. sæpe cit. Cap II. sed veteribus id incognitum affirmante, ob raritatem, quod intra annos plus quam quinquaginta bis tantum sibi id obtulerit. Quibus ultimis assertis tum *Gemman Frisium* anno 1569. coloratam observantem, tum *Snellium* biennio bis, nempe 1617 Decembr. & 1618. propriid. Kal. Jan. tum denique *Danielem Sennertum*, coloratum & solaribus plane æmulum, observantem &c. opponunt; tamen si nonnulli suspicentur, has lunares irides, forte halones fuisse.

*PHÆN.*



*PHÆN. XVII.* Extraordinarium iridos phæn. III) esset iris in altum erectis cornibus, quam P. Fabri merum somnium appellat; Cartesius & Rohaltius pro re possibili saltem habent, & quæ digna sit in cujus causas etiam possibiles inquiratur. Idem factum est ab Hamelio in de Meteor. edit. Paris. p. 80. tanquam de re comperta &c. Illud etiam IV) irregulare quiddam est, quod cum ordinarie linea à Sole per oculum ad iridis centrum excurrat, cruribus sensibilibus æqualibus ab oculo intervallis distantibus, nonnunquam contigerit, unum crus sive cornu valde vicinum oculo inspectanti cerni, altero notabiliter remotiore. Inter cætera exempla unicum adducemus ex Fromondo, qui iridem observavit, & geminam quidem, cujus alterum cornu vix 30 passus ab ipso distabat, cum alterum longissime distitum appareret, testibus & ipsis oculatis Viris clarissimis Medicinæ Professoribus, Thoma Fieno, & Petro Castellano, anno 1625. d. April. nono, hora circiter sexta vespertina extra urbem Lovanium una inambulantibus.

## II. HYPOTHESES PRÆCEDENTIUM seculorum, pro admirandis iridum explicandis,

### I.

**Q**uemadmodum omnes aliæ scientiæ & artes ab incunabulis suis ad justam staturam non nisi gradatim adolescunt: sic naturalium rerum contemplatio, h. e. divinæ sapientiæ potentiæque mirabilia, & multitudine sua & profunditate stupenda, particulatim tantum, & plurium seculorum lapsu, junctaque curiosorum quovis ævo ingeniorum cura & procedente lentis gradibus industria, aliquousque saltem penetrari possunt, & ex rudibus initiis ad majora paulatim incrementa insensibiliter assurgere necessum habuerunt. Speciatim hæc in admiranda iridis Phænomena, eorundemque causas, inquisitio, valde simplicia & erroribus multiplicibus obnoxia habuit initia, deinceps autem, cum accuratiores progressu temporis observationes paulatim detegerent errores, & ru-



dius cogitata subinde melioribus perficerentur ; factum est, ut præsens ævi felicitati, si nondum plenam & omnem in hoc argumento perspicere veritatem, saltem ab ea proxime abesse datum sit : eritque adeo omnino operæ pretium, hoc præsenti capite præcedentium seculorum speculationes in compendio enarrare, & in quibus defecerint, modeste indicare ; in sequentibus tertiis Hypothesibus, ævi moderni cogitationes accuratiores exponere, & quo pacto ex his enarrata ab initio Phænomena multo certius apertiusque, quam è superioribus, deducere liceat, ostendere.

II. Ac primo circa *πρῶτον διηκρινον*, sive subjectum, tanquam tabulam picturam iridos excipientem, multipliciter erratum est ; dum 1. ) Libellus de mundo cap. IV. nubem simpliciter pro subjecto iridos receptivo assignavit, quem postea interpretes omnes, & recentiores quoque peripatetici sexcenti secuti sunt, roridam quidem, pluviosam, aquosam & pluviae vicinam, intelligentes ; cum tamen rectius ipsæ descendentes actu ex tali nube per aerem ipsi subjectum guttulæ intelligantur ; ita suadentibus, imo cogentibus IVtoque Vtoque phænomenis. 2. ) magis absurde idem Autor libelli de mundo, Seneca item, Posidonius, Plinius & alii sine numero, nubem requirunt *formatam in modum concavi speculi & rotundi, cui forma sit partis è pila sectæ*, uti loquitur Seneca c. I. confessus quidem, *hoc probari, nisi Geometra adjuverint*, non posse : cui hypothesi non solum id opponi merito potest, quod systema gothanum urget, quod sic variata nubis figura à ventis aliisque causis, mutari simul figuram iridis oporteret ; quodque ne fingi quidem ullus possit modus, quod in nubis adeo fluxa & distrahibili substantia, tam regularis & sphærica cavitas naturaliter efformari posset, sed quod, ne posita quidem tali in nubibus figura sphærica, talis effectus unquam consecuturus esset.

III. Notum enim est opticis, quod speculum concavum rerum imagines, ne quidem rotundarum, sub arcuata figura nunquam exhibeat, sed vel sub figura propria, eaque aut majore ipso objecto, si sit valde vicinum, aut minore & inversa, prætereaque extra speculum & ante illud in aere, si paulo remotius ; vel sub indistincta prorsusque confusa, si medio loco inter ista duo constituatur : qui omnes casus quidem ad præsens negotium nullo modo quadrant. Nec enim vel ante speculum proxime ponitur Sol, sed plurimis milliarium germanicorum myriadibus à supposito nubis cavo speculo distat ; ut nec primus, nec tertius, nec intermedius casus, locum hunc inveniat,



niat, & in tam immensa distantia Solis, ejus imago speculi cavi subsidio non possit, ut in speculo plano, repræsentari. Quamobrem nulla ratione comprehendi potest, cui usui futura esset ejusmodi specularis in nube rorida concavitas, ad iridis multi colorum & præterea arcualem repræsentationem; cum insuper nec arcuata sit Solis facies (si maxime in tali speculo eam repræsentari esset possibile) nec diversis coloribus distincta.

IV. Uti *Seneca*, vitio aliquo speculi cavi, aliam quam Solis speciem repræsentari credidit, quamvis quodnam illud vitium esse possit, à quo tam elegans ac regularis figura, qua nulla elegantior alia uspiam spectatur, provenire possit, non dicit: ita subtilis Scaligeri subtilitas, eam quæ *Senecæ* aliorumque nubi cavæ objicitur difficultatem elusura: si arcus nihil est quam Solis imago, quare nec circulum absolvit suum, nec tota area solari impletur lumine? Quid est, cur Sol extremo duntaxat margini formam suam imprimat? Hunc nodum cum insolubilem reliquisset *Seneca*, *Scaliger* ausu quasi Alexandrino diffecat verius quam solvit. Nubes ait, in qua Solis imago præsentatur, ita cava est, ut in spatio circa centrum medio, mera sit inanitas, aut, si nubes ibi quoque revera subsit, dicam ejus substantiam non esse aptam ad receptionem &c. Non appellabimus hæc talia ineptias, aut ineptire, multo minus, consueta ipsi *Scaligero* formula, scutica digna esse judicabimus (quod utrumque fecit *Hamelius* in *Tractatu de meteoris* p. m. 76. Hoc tamen omni omnino jure dicemus: si quid uspiam inter hypotheses physicorum occurrit, quod usitato *Aristoteli* vocabulo *πλασματώδης* appellari mereatur, hoc *Scaligeri* commentum id præ aliis mereri.

V. Etenim si *Senecæ* excavata in speculi caustici formam nubes (quam certe non ruditer aut irregulariter cavam esse oporteret, cum imaginem Solis sub forma arcus exacte circularis, ejusdem ubique latitudinis, exhibere manifestum sit, ex tam fluxili roris, aut si majoris, vaporis substantia, efformata, nimis artem consiliumque sapere videtur; quis patietur sibi persuaderi, naturam, agens brutum & consilii expers, efformare quovis casu exhibendæ iridis, nubem ejusmodi annularem, ejusdem semper, ad sensum saltem, amplitudinis, ut à centro ad peripheriam 42. grad: mensuram expleret? ejusdem semper latitudinis ubique æquabilis, ut margine suo colorato Solis diametrum sensibilibiter nullibi excederet? medium vero inter centrum ac dictum iridis marginem intervallum ære nudo repletum, roridisque guttulis destitutum haberet? ali-

quan-



quando vero , multiplicato hoc miraculo , in casu iridis secundariae , alium ejusmodi annulum nubilum , decem gradibus priori amplio- rem , ejusdem tamen latitudinis cum illo , decircinari , spatio interjecto 10. gradibus iterum aquosa materia exhausto , soloque aere repleto ? quis crederet hæc talia viro Philosopho , eique cognomento subtili , & alias ingeniose ratiocinanti , potuisse excidere , si alius de ipso , non ipse de se claris & evidentibus verbis ea fuisset professus ? tametsi vero hoc ipsemet appellet num. 4. sub fin. figmentum suum , neque id multum sibi placere asserat ; existimat tamen in proxime antecedentibus , ex hoc judicio solvi difficillimam quæstionem quæ tamdiu torserit Alexandrum &c.

VI. Minus autem hæc mirabimur , si occasione invitante , aliam quoque hypotheseos Scaligerianæ partem hic examinemus , quæ varietatem colorum in iride spectari solitam declarare & ad causam suam revocare conatur , dum e. g. primum ex luce & terrestri esse dicit , idcirco cæruleum , nigritiæ propriorem : secundum leviori materia , quippe aquea , atque ideo viridem : tertium flavum aeris lucidi referre similitudinem : ignem quartum rutilantiorem. At enimvero , quænam amabo , causa naturalis , hos halitus elementares ita decenti ordine , tam solícite collocabit , quoties iris aliqua depingenda venit ? & collocabit , non in recta solum linea , deorsum versus centrum terræ ( quæ alias partium elementarium est , pro ratione gravitatis dispositio , ) sed in orbem , & in arcus figuram , eodem interim elementorum ordine , etiam ad latera & in imis cruribus , non versus terræ , sed iridos centrum , exacte servato ? & in eadem semper ab hoc centro distantia ? & ( quod omnium maxime mireris ) in iride secundaria , inverso penitus ordine , ut portiones terrestres in summo , aqueo humiliore loco aereæ tertio infimo denique igneæ disponantur ; id quod in hac hypothese omnino necessum est ? Quid est figmentum , si hoc non est ? & quis vel è proletaria phylosophastro- rum turba , hæc talia sibi patietur persuaderi ?

VII. Verum enimvero , ne putemus virum celebrem ubique ejusmodi figmentis Philosopho indignis sibi placuisse , illam certe communem plerisque aliorum Philosophorum opinionem , quod iris secundaria ex prima per reflexionem generetur , improbavit. Postquam enim Aristoteles sub finem cap. IV. Lib. III. Meteor. hanc semel proposuisset sententiam , in eandem itum est deinceps ab omnibus fere ipsius interpretibus , & Peripati cultoribus. Neque defuerunt his rationes ita statuendi , quandoquidem 1.) si in primaria pe-  
rit



rit aliqua pars, eadem in secundaria evanescit; & quia 2. (qui color fuerit inferior in una, sit superior in alia (quæ Greydani ratio est) ut verè dici possit, alteram iridem prioris esse imaginem, reflexione progenitam. At enim vero, quænam hic concipi reflexio potest in partem nubis superiorem ex inferiore, ut ex illa inde inferioris imago ad oculum reflectatur? quis vidit unquam imaginem in speculum inferiore loco positum intransmissam in aliud speculum, supra prius directe locatum, reflexam esse, indeque nova reflexione ad oculum transmissam? Non fert hæc talia speculorum nota, natura & conditio. Si secundaria iris è regione primariæ spectaretur, aut ad latus ipsi posita cerneretur, istam ab hac, reflexionis intervntu ortam credi posset à catoptricæ haut ignaris. Verum, quod Greydanus expressius asseverat, radios priorem iridem constituentes simul ad oculum spectatoris, & ad alias guttas reflecti, à quibus denuo ad oculum; hoc impossibile esse, ex nota reflexionis lege constat. Ut merito miratus sit *P. Fabri* talem iridis genesin in mentem cuique potuisse venire; maxime cum crura secundariæ infima suis oculis vidisset, primariæ cruribus jam evanidis.

VIII Jam, ut ad illud commune scholarum argumentum, quod in Phæn. XI. obiter commemoravimus, totidem verbis ex Vossio in Systemate Gothano adductum, respondeamus, quo inferunt: quia, si in primaria pereat pars, eadem evanescat quoque in secundaria, ideo hanc ab illa productam oportere fateri; neganda omnino est consequentia, utpote ejus vitii merito accusanda, quod Aristoteles, appellat *μὴ παρὰ τὸ το*, Scholæque communiter vocant fallaciam non causæ ut causæ. Non enim hæc est vera causa evanescentis in secundaria portionis, dum ipsi respondens in inferiore sive primaria portio evanescit; sed hæc potius manifestissima, quod primaria aliqua portio non deficiat vel evanescat, nisi quod rorantes guttulæ ex ea parte cessent, nube in summitate jam deficiente: ex quo sua sponte & necessario fluit, in altiore aere jam prius cessasse, vel eodem quoad sensum tempore cessare, plane adeo per accidens, ac sine ulla dependentia secundariæ iridis à primaria; id quod ex eo insuper confirmatur, quod hæc simultanea utriusque iridis evanescencia, haut facile circa earum crura, sed prope verticem & summitatem contingat. Quod si vero neganda fuit hæc posterior consequentia, multo magis illa prior in cit. Phæn XI. allegata, neganda est ob simile illationis vitium; quandoquidem illa colorum debilitas in iride secundaria, ex alia plane causa quam ex reflexione, oritur; uti sequentes demum secundæ hypotheses patefacient.



IX. Sed tempus est, ut ipsam tandem mentem Aristotelis, quantum pote, ex ejus Lib. I. de Meteoris cap. IV. & V. præcipue, plenius cognoscamus, ut quousque tum penetraverit acutum hujus Philosophi ingenium in re tam difficili, quam pulchra, & num multum aut parum, profecerint ejus per sæcula insequentia sectatores ac interpretes, judicare valeamus. Tametsi vero *Fromondus* sub finem Artic. V. Lib. VI. dubitet, an Aristotelis sint, quæ tam profuse & mathematice nobis admetitur cap. illud V. de iride, cum illa prolixitas, præsertim in figuris mathematicis, ei solennis non sit, putetque forsan à mathematico aliquo veteri, verbatim etiam huc transscripta esse; operæ pretium tamen, credo fuerit, vel veteris illius mathematici mentem, si fieri possit, figuram quoque quam innuit, eruerere, quam interpretes, talibus minus adsuæti, neglexerunt. Supponit autem ante omnia, iridem esse quandam ἀνάκλασιν, qua voce solarium radiorum in aquosam nubem illapforum *Reflexionem* potius, quam *Refractionem* proprie sic dictam (quam alias vocis etymon inferret) videtur intelligere, è cujus roscidis particulis, tanquam totidem speculis invisibilibus, non distincta quoque Solis imago, sed confusa solum coloris apparentia, seu totidem punctula colorata oculo repræsententur, quæ junctim demum in continuam quandam superficiem optice concreta, strias ejusmodi coloratas exhibeant; ut hoc modo pateat, *iridem*, ex mente Aristotelis, esse ἀνάκλασιν τῆς ὀψeos πρὸς τὸν ἥλιον h. e. *Reflexionem quandam visionis in Solem*, aut conversim potius, usitatioe hodie loquendi modo, imaginum solarium exilissimarum ac distincte invisibilium, ex innumeris guttulis roridæ nubis ad visum sive oculum reflexionem.

X. *Josephus Blancanus* obscurissimum hunc Aristotelis locum decem integris insumtis paginis illustrare conatus est, è quibus sequentia tantum notabimus: 1.) Solis imaginem (cei supra jam diximus) à singulis roridæ nubis minutiis, tanquam totidem speculis ita reflecti, ut nisi confusam coloris impressionem oculo ingerant, & quidem eandem ex contiguis sub eodem angulo circumcirca speculis: 2) sub certo namque angulo M X V. (Fig. 90.) quem faciat radius Solis e. g. HM, in nubem oppositam illapsus, indeque ad oculum X, in Horizontis centro constitutum, reflexus, & sub nullo alio, posse apparere coloratarum istarum imaguncularum quasiserta in orbem contexta, ubi scilicet ex more speculorum, incidens & reflexus radius æquales faciunt angulos, & sic arcuata iridis figura esset deducta.



ducta, quam obscurè quidem explicat, fatente Blancano, non tamen neglexit penitus, uti Gassendus opinatur in X. Lib. Diog. Laert. p. 1123. Porro vero 3) colorum istorum varietatem ex his principiis videtur deducere, quod lucidum in nigro, aut per nigrum, visum, appareat puniceum; quod idem visio longius protensa debilitetur; quod niger color sit quasi negatio quædam omnium colorum. Sic igitur visionem robustissimam in colorem vividissimum M abire, nem-puniceum; proxime debiliorem *m* (ad quem scilicet visio profundius intra nubem penetret) in viridem, infirmiore porro in cæruleum, deinceps cæteros in nigrum, h. e. colorum defectum. 4) vero secundariæ iridis infimam peripheriam oriri ex reflexione supremæ sibi que proximæ in iride primaria &c. 5) Sole occidente vel oriente, cum centrum iridos existat in opposito horizonte, necessario semicirculum integrum extare &c. Et hinc 6.) circa meridiem, crescente dierum longitudine, nunquam conspici iridem, quod Sole tum nimium elevato, ac centro iridos tantundem depresso, circumferentiæ parum aut nihil supra Horizontem eminere possit.

XI. E quibus id saltem patere potest, hanc Aristotelis hypothesin multo meliorem esse illa Libelli de mundo, cum sequacibus plurimis nubis cavitatem somniantes; sane ad recentiorum cogitata saltem quodam modo ipsum collineasse, ex eo patet, quod arcuatam figuram iridis à certo reflexionis angulo petierit, & quidem angulo incidentiæ æqualem; quod nigredinem omnimodam pro quadam colorum ἀποφάσει sive negatione habeat &c, paria fere cum Boylio Hamelioque statuens de magnitudine iridis nunc semicirculari, nunc minore &c. non ineptè judicans, equidem quod per solam reflexionem colores producere voluit, & per majorem gradatim nubis raritatem radios Solis gradatim etiam altius penetrâsse confinxit, & consequenter magis debilitatos, obscurioresque &c. hæc & similia plura ap. Hamelium in meteoris merito culpantur: imprimis secundariæ ex reflexione primariæ genesin, superius pluribus confutavimus.

XII. Tandem novam adhuc recentioris cujusdam hypothesin intactam penitus dimittere nolumus, qui vult (uti *P. Fabri* refert loco sæpius allegato de iride p. 455.) iridem projici in oppositam nubem à radiis refractis in curva nube, oculum inter & solem constituta &c. Quam quidem suppositionem laudatus Pater meum commentum judicat, & indignum, in quo narrando tempus perdatur; cum tamen Autor ipsius, nisi me omnia fallunt, sit *Chambrans*, de quo *Hamelius* sub initium cap. sive Dial. V. de meteor.



sub persona SIMPLICII, ita sentit, ut neminem hoc argumentum divinius pertractasse dicat, nec ab ejus decretis se diceffurum aperte profiteatur. Itaque post multa aliorum placita dispuncta, relinqui tandem concludit, ut nimirum iris figuram suam non à Sole desumat, nec à nube in qua excipitur & apparet, sed ab ipsa, per quam trajicitur, nube. Argumento est, addit, iris, quam vitrum aqua plenum exhibet: cum enim eadem figura, iidem penitus colores, in utraque iride conspiciantur; necesse est, ut simili quoque modo gignantur &c. At enim vero, nubem ipsam rotundam existere par esse, dicit, ac præterea densitatem habere sui ubique similem.

XIII. Quis vero credat, aut persuaderi sibi sinet, quoties iris ex improvviso in aere pluvio repræsentatur, toties præcise inter hanc & Solem, efformatam esse nubem exacte sphæricam aut rotundam, eamque habentem densitatem ubique sui similem? Et quænam potuerit hujus nubis causa assignari? & unde illa, tam fluxæ substantiæ constantia, saltem in aliquot minuta? cum nullo insuper tempore: ejusmodi nubes uspiam conspecta sit? & quæ sunt dubia alia in Disp. nostra prolixiore fusius adducta. Unde factum est procul dubio, ut *Hamelius*, qui hæc Chamberæi cogitata, vel joco solum, vel ex affectu in eum nimio, mire commendaverat, postea in Philosophia sua Burgundica (Parisiis anno M DC LXXXI. in publicum emissâ, quo eodem loco anno M DC LX sua meteora evulgârat) ne verbulo quidem amplius ejus hypotheseos meminerit, sed Phys. Part. II. Tractat. II. cap. ult. jam nullam pene de loco, natura, coloribus, & figura iridis esse inter Philosophos contentionem asseveret, omnesque fere, qui rem acriori animo expenderunt, in sententia Cartesii acquiescere; fateturque ipse quoque virum hunc ingeniosissimum, quo modo ex varia luminis reflexione & refractione, varii iridis colores emergant, ingeniose explicasse; tametsi ejusdem de colorum natura generalem haut approbet.













# III. HYPOTHESES SECUNDÆ moderri feculi accuratiores & vero

proximæ,

cum admixta ſtatim Epicriſi cauſiſque ſelectioribus,  
quæ Phanomenis ſuperius enarratis phyſicè ſaltem  
ſalvandis ſufficere videntur,

I.

**I**Nter has cum primum locum Hypotheſi Cartefianæ, non ſolum  
ratione temporis merito concedant eruditiores præſentis ævi, ſed  
ingenioſæ *ὀδνγίας* honorem ultro etiam deferant, uti paulo ante  
Hamelii exemplo vidimus; nos etiam ſub ipſum capitis ingreſſum,  
eam fideliter ex ejus VIII. de Meteoris, ac totidem fere verbis enarra-  
bimus. Tam miram ergo, ait, eſſe iridis naturam, & tam curioſe à  
multis egregiis Viris fuiſſe inveſtigatam, tamque parum cognitam,  
ut nullam aptiorem eligere materiam ſe potuiſſe judicet, ad oſtenden-  
dum, ope methodi, qua utatur, poſſe perveniri ad nonnullarum rerum  
ſcientiam, quam ii, quorum ſcripta ad nos pervenerunt, non habue-  
runt. Primo, poſtquam notaſſet, hanc iridem non ſolum in cœlo  
apparere, ſed etiam in aere nobis vicino, quoties multæ in eo guttæ à  
Sole illuſtratae exiſtunt, ut in fontibus quibusdam per fiſtulas aquam  
ejaculantibus experimur; facile ſibi fuiſſe judicare, à ſolo modo, quo  
radii in guttas agunt, atque inde ad oculos noſtros tendunt, eam pro-  
cedere. Deinde, cum ſciret has guttas rotundas eſſe, & ſive parvæ  
ſive magnæ ſint, iridem ſemper eodem modo in illis repræſentari, ſta-  
tuiſſe ſe aliquam valde magnam conſiderare, ut tanto facilius in ea,  
quid in ſingulis contingeret, agnoſceret.

II. Cumque in hunc finem pilam vitream, ſatis accurate rotun-  
dam & valde pellucidam, aqua repleviſſet, ſe deprehendiſſe, Sole e. g.  
lucente ex parte cœli A F Z (Fig. 92) & oculo poſito in puncto E,  
ſi locaſſet hanc pilam in regione B C D, partem illius D totam rubram,  
& multo illuſtriorẽ quam reliquum videri: & ſive propius illam  
adduceret, ſive ulterius removeret, ſive ad dextram ſive ad ſiniſtram  
verteret, vel etiam circa verticem ſuum rotaret: dummodo linea  
DE, cum altera EM, quæ imaginatione ab oculi centro ad centrum

Cccc cccc 3

Solis



Solis est proferenda, angulum duorum & quadraginta circiter gr. constitueret, partem illam D semper æqualiter rubuisse: sed simul ac hunc angulum paulo magis dilataffet, ruborem evanuisse, & si contraxisset, non ita simul omnem evanuisse, sed antea velut in duas partes minus scintillantes divisum esse, in quibus flavus cæruleus & alii colores apparebant. Deinde regionem K quoque hujus pilæ respicientem, notasse, facto angulo K E M duorum & quinquaginta circiter grad. hanc partem K etiam rubram apparere, sed non tam lucidam ut D: Et paulo tandem ampliore eodem angulo facto, alios ibidem colores magis dilutos existere; sed eodem aliquantulum contracto, vel satis multum ampliore facto, illos omnino disparere.

III. Unde manifeste se didicisse, toto aere ad M hujusmodi pilis, aut eorum loco guttis, referto, punctum aliquod admodum rubrum in singulis earum relucere debere, à quibus lineæ ad oculum E ductæ cum lineâ E M, angulum duorum & quadraginta duorum graduum circiter constituunt (quales illas supponit, quæ litera R signata sunt) atque hæc puncta simul considerata, loco in quo consistunt non considerato nisi per angulum sub quo videntur, instar circuli rubri continui apparere: & similiter puncta quædam esse debere in iis guttis, quæ sunt in S & T, è quibus lineæ ductæ ad E, angulos paulo acutiores cum E M constituunt, à quibus circuli dilutorum colorum componantur; atque in hoc primarium & principem cœlestem arcum consistere. Deinde eodem modo supponendo, angulum M E K duorum & quinquaginta graduum esse in guttis X, rubrum circum ibi apparere debere, & alios circulos minus saturo colore imbutos in guttis Y; atque in hoc secundariam iridem consistere: Et denique in omnibus aliis guttis litera V notatis, nullos ejusmodi colores esse debere.

IV. Postea, cum accuratius examinasset in pila B C D, unde rubrus color in ejus parte D oriretur, notasse se illum pendere à radiis Solis, qui venientes ex A & B aquam ingrediendo frangebantur in puncto B & ibant ad C, unde reflexi ad D, & ibi aqua egrediendo, iterum fracti tendebant ad E. Nam simulac corpus aliquod opacum & obscurum, alicui linearum, A B, C D, vel D E opposuisset, rubicundum colorem evanuisse; & licet totam pilam, exceptis duobus punctis B ac D obnuberet, & corpora obscura ubique circumponeret, dummodo nihil actionem radiorum A B C D impediret, lucide tamen illum refulsisse. Postea eodem modo investigata causa rubri illius coloris, qui apparebat in K invenisse, illum esse à radiis Solis, qui  
veni-



venientes ab F ad G, ibi refrangebantur versus H, & in H reflexi ad I, rursusque ab I reflexi ad K, tandemque iterum fracti in puncto K, tendebant ad E: atque ita primariam iridem à radiis fieri, post duas refractiones & unam reflexionem ad oculum venientibus; Secundariam vero à radiis, qui non nisi post duas refractiones & duas reflexiones eodem pertingunt, ideoque hanc semper altera minus esse conspicuam, quod scilicet omnis radiorum reflexio aut refractione (quod alibi docet, e. g. Dioptrices Cap. I. num. IX) luminis radios debilitet, & consequenter post quatuor debilitationes minus, quam post tres, oculum afficere debeant.

V. *Jacobus Rohaltius* (quem multo dilucidius exposuisse judicat *Hamelius*. modum quo duæ illæ refractiones cum una vel duabus reflexionibus in guttis pluvialibus fiant, clarius, inquam, ipso Cartesio, rem eandem licet admodum ingeniose explicante) ipsum saltem hujus experimentum, verbis & circumstantiis paulum mutatis, enarrat Cap. ult. Tractatus Phys. part. III. num. IX aquis scilicet impleto globo vitreo, cujus diameter habeat paulo plus quam tres pollices, eoque Soli exposito, nunquam se direxisse, testatus, oculum ex loco simili illi qui notatur V in secunda ipsi (nobis hoc loco 93 Fig.) quin deprehenderit colorem rubrum seu rutilum, à quo cooperiri videbatur tota ea pars, quæ ambit punctum T, si vero defixo semper oculo in eundem locum, aliquantisper globum inferius posuisset, aut, si illo immoto, oculum leviter elevasset, ita ut collocatus esset in loco notato P, animadvertisse globum quasi coopertum flavo colore rutilante circa punctum N: si iterum globum tantisper inferius collocasset, aut, si rursus oculus suus parumper fuisset elevatus, ita ut in loco notato M esset, semper sibi videndum se exhibuisse globum viridi aut cæruleo colore tinctum circa punctum L. Eodem modo, si oculum admovisset, ad locum notatum F, ipsi tertiæ (nobis 94) figuræ, rubrum illum conspexisse ad locum E; oculum vero opponendo loco notato 7, flavum colorem à se conspectum in loco designato 6: & tandem applicando oculum ad locum notatum M, apparuisse sibi cæruleum colorem aut viridem ad locum notatum L. Id vero notatum dignum occurrisse, quod colores, qui conspicui erant per radios tertiæ (nobis 93) figuræ, minus cæteris micaverint, quorum fulgor aliquando tam insignis sit, ut oculos perstringat.

VI. Addit deinceps, non esse mirandum, si quidam Philosophi, qui hoc experimentum tentarunt infelici successu, id in dubium revocent: sed excogitasse se modum quo id facile reddatur; usum  
arti-



artificio pauci apparatus, eligendo scilicet locum, in quem tantundem radiorum perveniat; quantum necesse sit ad totum globum cooperiendum, apponendoque chartæ foliolo eo loco, in quo collocandus est oculus, ut illi colores videantur: Hoc enim pacto in conspectum venire colorem rubrum, flavum & cæruleum quam distinctissime; porroque subjungit, si oculus attollatur aut deprimatur, ut non amplius in spatio V Y M, aut in spatio notato F 7 M versetur, tunc omnem delitescere colorem; neque suspensionem ingruere, colores antea conspectos ab aliis radiis produci potuisse, quam ab antedictis. Nam, si e. g. totus pene globus vitreus cooperiatur, ita ut radiis lucis nullus pateat transitus, præterquam per loca F & N prioris Fig. eos in conspectum semper venire, cum alias delitescant, si tantummodo cooperiatur unus ex illis locis vel etiam, si per globi vitrei orificium, per quod aqua infunditur, intrudatur corpus aliquod opacum, à quo interceptiatur unus è radiis K F aut K N, globi vero reliquum, liberum sit & apertum.

VII. Facit ad illustrandum ulterius hoc experimentum, quod porro adnotat Vir laudatissimus num. XII, difficultatem quæ occurrit in debita distinctione trium horum colorum, præ nimia micatione, adesse posse aliam quoque peculiarem, si experimentum fiat per globulum justo minorem, & imprimis, si eum circumstant aliqua objecta valde illuminata; Ea enim tanta efficacia possunt commovere loca oculorum, in quibus sui imaginem insculpunt, ob fortem suam impressionem, quæ aliquantisper ad circumferentiam fertur, (h. e. paulo amplius in vicina etiam tunicæ retinæ filamenta se diffundit) ut radii efficaces: qui manent à parvo globo, desinentes in eadem filamenta nervi optici, vi non polleant in ea agendi modo perceptibili: sed parvitas vitium à numero emendari posse, nam plurimos globulos, parvitate guttas pluvix referentes, à lateribus mutuo collocatos, aut sibi invicem superimpositos, efficere posse, ut spatium quod occupant, infectum appareat tribus hisce coloribus, modo constituti sint eo in loco, unde efficaces illorum radii spectatoris oculum feriant. *Arnoldus Eckardus* Rintel. Prof. Publ. multo quoque ornatiorem nobis exhibuit Cartesii hypothesin de iride ejusque causis, in Exercit. Phys. de eadem Anno MDCLXXI. Rintelii habita; cujus excerpta quædam (cum ipsius Exercit. exemplum proprium obtinere haut potuerim) in Exercit. nostra prolixiore, una cum figuris æneis respondentibus, exhibuimus, quæ hoc loco figurarum paulo parciores, nunc omittemus.



VIII. Illius autem loco, *P. Fabri* adhuc hypothesin enarrabimus, qui satis alibi, non frigide tantum, sed abjecte, de Cartesii hypothesibus sentire solet, ( ut, cum e. g. Tract. VII. Lib. I. Prop. CCLXIII. in subjecti Scholii p. 129. particulas ejus striatas sive cochleares rem ludicram appellat, & inter mundi fabulas reponit; & in hac ipsa præfenti materia, Tract. III. Lib. I. Prop. CCCIX. fatetur se cum Cartesio in principiis minime consentire, sed falsum putare, lumen corporis actionem vel motionem esse, neque fieri posse, ut corpus facilius per corpus densum, quam per rarum moveatur &c, ) Interea tamen, refractionis mensuram non solum ex ipso supponit, sed etiam totum ejus experimentum, de quo hætenus agimus, confirmare, laudare, suum tandem facere satagit: quod utique non solum ab ejus sectatoribus & fautoribus, sed etiam ab Hamelio ( qui & ipse alias in quam plurimis aliis Cartesio adversatur ) & laudato hic P. Honorato comprobatum, pro certo & indubio haberi potest ac debet, iridisque adeo superius enarrata Phænomena ad causas suas proximas magisque Physicas reducere, ac iis sufficere, qui abstrusiores & *ναδυναλλωτέρας* colorum rationes excutere ac penetrare vel non possunt, vel non desiderant.

IX. Agnoscit sane Prop. XXIX. Lib. I. Tract. III. & inde à posteriore probat, colores nihil aliud esse quam lumen modificatum, illos in vitreo prisma exhibitos, per radios trajectos & vel semel refractos produci: ostendit seqq. Prop. XXX. & eodem modo, quo Cartesius, deducit, in ampulla vitrea aquæ plena varios exhiberi colores posse, vel *primo* per duas refractiones, vel *secundo* per duas refractiones & unam reflexionem, vel *tertio* per duas refractiones ac totidem reflexiones, remque totam Prop. CCCIX. num. 5. 6. 7. 8. &c. ad calculum revocat: Ex his Propositione CCCX. omnes iridis, tam primariæ quam secundariæ, colores, eadem penitus ratione, qua Cartesius deducit: denique Tractatu VI Lib. IV. Prop. XII. n. 6. totam hypothesin cum suo experimento, iridis generationi ita applicat, ut cogitare jubeat tensum velum, verticali plano parallelum, globulis vitreis distinctum, orienti vel occidenti soli oppositum; constitutumque, solem inter & præfatum velum, oculum indeque, vi dicti totiesque confirmati experimenti concludat: oculum hoc modo positum, & sub enarratis conditionibus collocatum, perfectam esse visurum iridem, non tantum depictam in semicirculo, vel in uno tantum sphaëularum ordine, sed in zona, quæ

Dddd dddd

suam



suam habeat latitudinem; addita illustrationis ergo figura trium globulorum, in linea verticali, in quos radii paralleli cadant, qui post duas refractiones & unam reflexionem oculo K incidant, iridisque colores repræsentaturi sint, secundum latitudinem, & eorundem colorum ordinem, ita, ut E rubrum, H flavum, I cæruleum, exhibeant &c.

X. Age nunc igitur, supponamus, loco tensi veli globulis vitreis distincti telam quandam guttularum rorantium & ex nube pluviosa lente ad ipsam terræ planitiem plerumque descendentium, (cujusmodi earum sese quodammodo tangentium, & ad modum telæ latæ bene contextarum figuram ac dispositionem, jam ante hoc semiseculum mente præcepit *Joh. Zeisoldus* in Notis ad *Tachet* Instit. physicas p. m. 594.) eique oppositum ab occidente Solem, & spectatorem inter hunc & istam ad se conversam, medium: necessum est expansam utique illam guttularum telam bellissimam & latissimam à Sole ubique illustrari, singulasque ejus radios subintrare, inibique inter refractiones binas unam quoque reflexionem pati, post alteram vero refractionem, ex unaquaque gutta rursus egressos, ductu parallelo, quo etiam inciderant, versus plagam oppositam tendere, in quasi positos fingamus totidem oculos, quot guttas & ex illius redeuntis radios; hos omnes ac singulos, in sua quemque gutta eique proximis, eundem visuros esse colorem, quemlibet nimirum in iis guttis, è quibus eductæ ad ipsum lineæ, cum axe visionis, h. e. lineæ ex Sole per eundem oculum exporrectæ, eundem faciant angulum, quem ad hunc aut istum colorem in gutta grandiore spectandum requiri, experimentum Cartesii toties deprædicatum deprehenderat. Quamobrem in certo ac determinato loco positus unus oculus, e. g. E (Fig. 92.) non potest omnia puncta eodem modo colorata in omnibus ubique guttis, sed rubrum e. g. sive puniceum punctum in iis tantum guttis videre, quæ in periphæria R. undiquaque eodem angulo 42. circiter grad. (sive ut Rohaltius determinatius expressit, inter 41. gr. 46. min. versus 41. gr. 30. min.) consistunt; flavum in iis quæ cis & ultra 41. gr. 30. min. in periphæria S; cæruleum denique in iis, quæ ab angulo 41. gr. 14. min. versus 40. gr. 30. min. in T constitutæ sunt; extra hos limites autem, in aliis guttis sive superne sive inferne positis in V & V nullum penitus colorem: prout scilicet experimentum oculare hæc omnia in gutta grandiore evidenter ostendit.

XI. Nec ille nos urgere potest amplius scrupulus, quod guttula in aere rorido sint innumeris modis exiliores illa grandiore: cum  
enim



enim jam supra num. nostro VII. exemit, quod nimirum plurimum guttularum multitudo, unius grandioris magnitudinem compenſet, ita ut uniuscunque ſolitariae punctulum coloratum, æque ac ipſius guttulæ magnitudinem, diſtincte videri ſit impoſſibile, plurimum autem concursus punctum quoddam conſpicuum, & conſequenter innumera talia conſpicua, ſub æqualibus angulis in orbem diſpoſita, ſtriam quandam & peripheriam aliqualis latitudinis eodem colore imbutam neceſſario exhibeant. Brevius & in compendio; cum quaſtio principalis ſit: cur non niſi peripheria quædam, in aere rorido ſive guttoſo, à Sole undique & æqualiter illuſtrato, aut arcus certæ latitudinis, certis coloribus diſtinctus, appareat? reſpondetur: quia gutta grandior, ſub angulo 41. gr. 46. min. ac cis ipſum in toto conſi ex F. viſivi ambitu puncta rubra, in ambitu conſi paulo anguſtioris, anguli nempe 41. gr. 30. min. cis & ultra, flava in ambitu denique anguli 41. gr. 14. min & paulo ultra, cærulea; citra hunc denique terminum, & ultra illum primum, colorem nullum, per laudatiſſimum Carteſii experimentum; igitur & guttulæ plures, iſtius grandioris locum intra commemoratos terminos occupantes, eodem colores, proxime vero extra vel ultra illos terminos, prorſus nullos exhibebunt, h. e. iridem primariam præſentabunt. Q. E. D.

XII. Eodem modo, quia gutta grandior, ſub angulo 52. circiter grad aut preſſius 51, gr. 46. m. & paulo ultra, in toto conſi ambitu, præſentabat puncta rubra; in ambitu conſi paulo laxioris, nempe 52. gr. cis & ultra, flava; in ambitu denique anguli 56. gr. 16. min. cærulea ultra hunc terminum, ac citra primum colorem, nullum, vi ejusd. experimenti; igitur & guttæ plures, grandioris iſtius locum intra determinatos fines occupantes, eodem colores, ordine quidem inverſos, proxime vero cis vel ultra illos terminos, prorſus nullos, exhibebunt, h. e. *iridem ſecundariam* præſentabunt. Q. E. D.

XIII. Neque vero ſcrupulum injiciat, quod experimentum toties inculcatum, ſub iſtis præciſe angulis, tot graduum, totidemque min. nec à Carteſio, nec à Rohaltio, factum ſit, prout è ſuperioribus II. III. & V. numeris apertum eſt, non enim iſta procifio mathematica in ipſo experimento erat ſupponenda, nec etiam actu ipſo in hac deductione ita eſt ſuppoſita, quin licet pauca plus minus minuta terminis iſtis à Rohaltio expreſſis, & ex calculo interim, diſtinctioris conceptus gratia ſuppoſitis, vel demere vel addere, ſalva interim veritate phyſica, de arcu tam primario quam ſecundario,



coloribus iisdem, sed ordine contrario intra definitos terminos quam proxime saltem comprehenso. Scilicet principia ac theoremata mathematica in indivisibili consistentia, dum ad materiam physicam & sensibilem applicantur, quæ nihil habet indivisibile, abunde satis fecerunt suo muneri, si absque sensibili errore applicari se passa fuerint.

XIV. Unde etiam, si ex iisdem definitis terminis, e. g. in iride primaria coloris infimi sive cærulei, à summo sive rubeo, h. e. 41. gr. 14. min. ex 41. gr. 46. min. subtractione, producimus min. 32. pariterque in iride secundaria, coloris rubei, tanquam infimi à summo sive cæruleo, h. e. 51. gr. 6. min. ex 51. gr. 16. min. facta subtractione, obtinemus 30. min. parum interest, utrum ad hæc posterioris minuta unum alterumque addamus, an ab istis prioris residui unum alterumque demamus; ad reddendam, inquam, rationem, cur tota iridis latitudo, quotiescunque aliqua apparuerit, saltem quam proxime diametro Solis adæquetur.

XV. Quod vero primariæ iridis colores à radiis bis refractis & semel reflexis, illi secundariæ autem à radiis bis refractis & bis reflexis oriantur, altera experimenti parte superiori num. IV. evictum fuit, indeque nunc promte concluditur: posteriores colores debere prioribus esse notabiliter debiliores, quod una vice amplius debilitentur prioribus, imo in guttis vitreis aqua repletis vice gemina. Cum enim & aqua & vitrum sint partim opaca, partim pellucida, radios lucis ex aere in eorum superficies incidentes, partim eorum poros attingere, partim in interstitia pororum impingere necessum est, atque ita solos illos, qui poros attigerant, transire, numero quasi dimidio pauciores; eosdemque porro, ubi ad oppositam guttæ partem pertigerint, ibi quoque in aeris contiguam superficiem impingentes, partim in ejus poris absorberi partim ab interstitiis pororum per ipsam guttam retroflecti: ita ut in guttis nudis, qui ad oculum perventuri, duas refractiones subire coguntur, sui divisionem ter (in vitreis guttis ob diversam vitri & aquæ consistentiam, quasi sexies) patiantur; in superioribus autem guttis iridis secundariæ, ob supervenientem necessario alteram quoque reflexionem, si ad eundem oculum debeant pervenire, quater in guttis nudis, octies in vitreo globo conclusis, debilitationem istam sustinere necessum habeant.

XVI. Jam cum luminis actiones quasi momentaneas esse aliunde notorium sit, descensusque guttarum ex nube rorantium, morulam



fulam deponat vix sensibilem, aut potius ipso facto jam præcesserit, cum Sol à vicinis nubilis ex improvviso fuerit liberatus; utique radiorum innumerabilium in innumerabiles guttulas illapsus, & in ipsis peragenda refractiones & reflexiones, ex ipsis denique ad oculum transmissiones, sine mora & sensibili temporis intervallo, totam istam admirabilem vastarum iridum picturam sistant & expediant. Non aliter, ac si decircinati cujusdam in albo pariete ambitus singulis punctis, totidem manus ac penicilli certis coloribus tincti, uno eodemque temporis momento admoventur, ita simul derepente similiter arcum iridiformem totum simul expedituri. Eandem vero fore subitanæ rursus evanescentiæ rationem, si contingeret (quod nescio, an unquam contigerit) Solem vix denudatum velo, & mirabile suum artificium exorsum, mox alio tegi & abscondi, ex dictis manifestum est. Quod vero ipso præseunte licet, & ad picturam suam conservandam, aut verius, momenti singulis iterandam, ac de novo producendam, porro paratissimo, non adeo diu tamen illa hominum sese sistit conspectui; causa est, quod tabula picturam exceptura, fluxa sit & instabilis, depluens scilicet ac rorans nubes, quæ facile exhausta aut stillare desinens, materiam quoque & subjectum excipiendorum colorum suppeditare cessat. Ex quo etiam porro manifesta est ejus circumstantiæ ratio, quod in summo magis & in vertice, quam in cruribus & in imo, deficere incipiat; quandoquidem ultimæ stillantis nubis guttulæ, à summitate ad ima descendentes, illa superiora spatia necessario citius, quam hæc ima, deferant.

XVII. Quemadmodum artificiales, & naturales aliquæ quasi perpetuæ iridum apparentiæ easdem penitus rationes ex hæcenus dictis mutuuntur; ita hæ vicissim evidenter evincunt, iisdem illis requisitis, & solis quidem, positis, indubie (& adversis partibus ipsismet confiteri coactis) genitæ; frustraneum esse, pro cæteris naturalibus generandis alium confingere modum non intelligibilem. Id potius adnotari adhuc merebitur, quod Eckardus in Exercit. de iride è Grimaldo monet, ad iridem artificialem oculo tanto perfectius distinctiusque exhibendam, hunc 1.) ex tenebricoso cubiculo, debere juxta angulum semirectum, (accuratius 42 gr. prospectare, Sole à tergo existente; alium vero 2.) forinsecus in aere illuminato, & è regione cubiculi, scopas vestiarias aqua pura imbutas excutere: ad visum melius terminandum autem 3.) aerem ita guttis innumerabilibus conspersum, expanso retro panno nigro obscurari &c. eoque



pacto iridem pulcherrimam conspectum iri. Huic autem phænomeno in majori adhuc perfectione exhibendo commodior inveniri locus vix posset, area illa spatiosissima Norimbergæ prope urbis exitum obvia, quam vulgo den neuen Bau appellant; in qua fons ingens, per epistomium capacius, suis foraminulis pene innumeris magnam aquæ copiam in orbem ad magnam altitudinem projicere, totumque adeo aerem inter ædificia aerem utrinque claudentia guttulis rorantibus adimplere posset, dum interim oculus iridem spectaturus, intra portulam Hallerorum, quam vocant, aut locum alium, fonti, ut auguror, viciniorem probeque obscuratum, circa vesperam hora sexta circiter constitutus, per angustam quandam aperturam, in aerem istum undiquaque roscidum, obtutum dirigeret, ædificiis post ad circa istum locum undique, quantum possibile esset, obscuris pannis ac tegminibus obfuscatis.

XVIII. Altitudo iridis supra horizontem, seu arcus magnitudo, quod pro varia Solis elevatione variet, ejus rei causa in propatulo est, & apud Philosophos quovis ævo in confesso. Quandoquidem radius Solis per oculum spectatoris, vi dictorum, versus iridis centrum excurrit, hoc tanto profundius infra Horizontem cadere necessum est, quanto Sol ex parte opposita est elevatior, tantoque adeo minus segmentum circuli apparere; eo solo casu autem, quo Sol in alterutro Horizontis semicirculo, iridisque centrum in opposito consistit, integrum exhiberi semicirculum. Neque dubitari potest aut debet, quin oculus multum elevatus, iridem etiam plusquam semicircularem videre possit, prout Gassendo & Ricciolo, viris fide dignissimis, videre ipso facto contigit: imo, si rorida nubes insolitam habere altitudinem & expansionem, & oculi altitudo gravis altivolantis altitudinem exæquaret, integrum etiam iridis circulum ipsi visum iri Timoni Parisiensium philosopho concedi posset.

XIX. Nihimirum autem, si nunc propiorem nobis, ejus præsertim cornua sive crura, nunc distantiorē videamus, cum non eadem sit rorantium nubium à vertice nostro distantia: ex quo fit etiam, ut iridum crura, tametsi, ut omnis reliqua peripheria, à linea ex Sole per oculum ducta, h. e. ab axe visionis, æqualibus semper angulis distent, quoad vulgares tamen passuum perticarumque mensuras inæqualissimis distent ab invicem intervallis, & modo dimidii milliari in terra amplitudinem amplectantur, modo (cum primis in artificialibus) tres pateant, uti cælum in profundo puteo, vix amplius ulnas. Quo loco commode & illud monebitur,



tur, quod extrema nubis rorantis facies, qua Solem respicit, rarissime ipsi sic opponatur, ut linea ex ejus centro, in hujus medium præcise perpendiculariter incidat; ut hinc credibile sit, plerumque crus unum oculo propius, alterum remotius existere, tamen hæc distantiae inæqualitas plerumque non adeo sit sensibilis. Tanto itaque minus admirandum, nedum impossibile aut incredibile, reputandum est, si nonnunquam ea sit faciei stillantis nubis ad Solem obliquitas, ut (quod sibi oblatum phænomenon bona fide testantur Scaliger & Fromondus) cornu iridis alterum & remotius, ab oculo decuplo plus, & amplius, distinctissime cerneretur, quam oppositum vicinius.

XX. Solem igitur, spectatoris oculum, & iridis centrum in eadem esse recta linea, non nisi eo casu verum est, quo facies nubis ad lineam ZEM perpendicularis est, saltem ad sensum: in quo casu ordinario, vel solo rationis judicio manifestum est, quot sunt spectantium oculi ad latera notabiliter distantes, totidem apparere in diversis nubis partibus irides, (ut in Phæn. X. jam conclusimus) eoque adeo sensu, quo in Phæn. IX, exposuimus mobiles cum suis spectatoribus, h. e. ad novum oculi spectantis positum alias novasque depingendas. Quod cum ab experientia insuper confirmatum, sit Simplicius apud Hamellum id negasse ideo solum censendus est, quod de amata hypothesis Amici (quam plurimis tamen nominibus improbabilem superius prolixè ostendimus) eam negationem omnino extorsisset. Ex eodem vero Solis, oculi ac centri iridos ordinario positu, illud quoque manifestum est, cur iris in his nostris regionibus septentrionalibus nunquam in austro, in australibus Autæcorum nunquam in septentrione, spectari possit; quia nimirum apud nos Sol in septentrione, conspicuus quidem & supra horizontem, nunquam cernitur, non magis quam apud Autæcos nostros in austro.

XXI. Quod vero à 10 Aprilis ad 10. Augusti usque, sive ἐν ταῖς δευτέραις ἡμέραις, iris circa horam duodecimam, vel ipsum meridiem, gigni in aere nostro haut possit, ex eo facile est intelligibile, quod circa prius tempus Sol ingrediatur signum  $\gamma$ , circa posterius egrediatur Signo  $\delta$ , quo utroque casu ejus declinatio est septentrionalis, & gradus undecim cum dimidio excedit, hæc vero addita altitudini æquatoris 40. gr. cum dimidio, conficiet altitudinem Solis meridianam 52. circiter gradus; tem-  
pori-



poribus autem intermediis adhuc majorem. Quot gradus autem Sol est supra horizontem, totidem gradibus est iridis centrum infra horizontem : cum vero tota iridis, etiam secundariæ, altitudo à centro ad verticem usque, non sit major notabiliter 52. gr. eam totam infra horizontem delitescere necessum esset; idque ex eo insuper judicandum, quod, cum Solis altitudo supra horizontem, una cum altitudine iridis exterioris, deberet demum conficere 52. gr. & vero illo toto tempore inter 10. Aprilis & 10. Augusti, Solis altitudo meridiana sola, istam habet minimum altitudinem; ipsa iridis summitas supra horizontem oppositum nullam plane possit habere. Et posset sane hæc de possibilitate conspiciendæ iridis illatio multo generalius, ex ratione modo exposita, ita concipi: Quocunque anni tempore, cum Sol est elevatus supra horizontem plusquam 42. gradus, iridem primariam conspici nullam posse; quia tunc hujus centrum totidem gradibus infra horizontem est depressum, adeoque tota iridis altitudo sive semidiameter, (quæ 42. gr. non plene attingit) infra eundem latitaret, si maxime genita quædam supponeretur: Sole vero ultra 52. gr. elevato ( quocunque id anni tempore vel die contigerit ) ne secundariam quidem iridem unquam extitutam. Hyeme vero rarius, quam cæteris anni tempestatibus, irides in ære gigni ( prout quidem his ipsis Decembris diebus initialibus, anni currentis 1702. mane cum ipso Sole oriente, obscuriuscula comparuit ) nemo mirabitur, qui inter requisita hujus partus, tanquam præcipuum, rosçidam ac stillantem nubem, numerari novit, quæ rara est avis hyemali tempore.

XXII. Geminatam iridem multo rarius, quam simplicem conspici, ideo non miramur, quod majorem stillantis nubis altitudinem in generanda secundaria requiri novimus quam in primaria; quantam quidem altitudinem frequentius deficere posse, non est incredibile. Neque vero debilitatem colorum in iride secundaria juste satis arguere ejus ortum à primaria per aliquam reflexionem, supra in Hypoth. primis num. VII. & VIII. adversus Fromondum aliosque ostendimus: veram autem & genuinam ejus rei causam, hic in Ildis Hypoth. experimento Cartesii evicimus; quod nimirum ii luminis radii, qui secundariam iridem oculo repræsentant, ad hunc pervenire prius haut possint, quam post quadruplicatam debilitationem, à gemina scilicet refractione, totidemque refle-



reflexionibus oriundam ; cum in iride primaria duæ refractiones & unica reflexio , non nisi triplam debilitationem causentur. Neque denique defectum colorum in summitate secundariæ statim eodem momento consequentem , cum similis defectus in summitate primariæ contingit , illius ab hac dependentiam probare cit. l. demonstratum est , & ad Fromendi exceptiones abunde responsum ; vera interim causa deficientis una cum primaria etiam secundariæ , exinde petita , quod , cum materia summitati primariæ subtrahitur , eandem jam prius summitati secundariæ , tanquam altiori , subtractam esse necessum sit , atque adeo in rigore philosophico defectus in secundaria , non tam sequi defectum in primaria , quam eum antecedere , dicendus esset.

XXIII. Quod denique sub finem Phænomen. XIV. ex P. Fabri notavimus , ipsum secundariæ iridis crura , aut alterum saltem , aliquando conspexisse , cum illa primariæ jamdum evanuiscent , ea quidem , sicut istius ab hac dependentiam penitus elidunt , ita non aliter potuerunt contingere , quam ut roratione nubis mediæ jam desinente , illa ex alterutra nubis extremitate adhuc continuaverit : quemadmodum omnino quoque necessarium est , aut saltem credibile , utramque rorationem in imo prope terram sensibilibus densiorem , & constipatiorem esse , auctis insuper in descensu , ex plurium confluxu guttulis ; unde mirum esse non debet , vividiores aliquanto colores in imis iridis utriusque cruribus esse , quam circa vertices & summitatem ; & præterea utrobique etiam colorum illa vivacitas aut debilitas diverso tempore variare potest , cum non eadem semper sit nubis roscidæ maturitas vel eadem in guttulis colorationis recipiendæ capacitas. Et hæc sunt ordinariarum ac certorum Phænomenorum ( de extraordinariis ac dubiis adhuc plerisque nunc dicere supersedemus ) circa irides obviarum , genuinæ , ut existimo , veræque ac demonstrativæ rationes , quales equidem in physicis haberi ac desiderari jure possunt , qualesque si reperire daretur etiam circa cætera naturæ phænomena , eam horum notitiam nos habituros esse confiderem , quæ demonstrativa merito dici posset , & rerum istarum scientiam vere - proprieque dictam nobis esset paritura , ad primarium præsertim Philosophiæ scopum apprime facientem. Quod assertum , si dubium forte aliquantum aliquibus videri posset ; pauca quædam adhuc in subsequente Epilogo , circa demonstrationes physicas , haut inutiliter spero , monebimus.

Eeee eeee

IV.



## IV. EPILOGUS

### De Demonstrationibus physicis.

#### I.

**A**D quæstionem, utrum assignatæ superius Phænomenis indubiis rationes pro demonstrativis ac scientificis haberi possint? ego quidem respondeo: Etsi nullus diffitear, eum pleniorẽ multo scientiam esse de iride habiturum, qui præter ea, quæ hætenus evidenter deduximus, & in compendium redegimus, è Sect. I. Exercit. nostræ de iride prolitoris, etiam illa calculi subtilioris optici è Sect. II. (quam hoc loco prætermisimus) sufficienter perceperit; existimare me tamen, illos quoque, qui talis modi demonstrationes opticas, subtiliori calculo nixas, aut non expetunt aut non capiunt, sufficientem sibi iridis scientiam physicam polliceri posse ex iis, quæ hætenus deducta fuerunt.

II. Etenim, quæ circa iridis admirandas apparentias certo cognoscere ex causis proximis desideramus, ad sequentia capita revocantur omnia: 1) Unde sit ejus arcuata figura? 2) unde ista colorum diversitas? 3) cur aliquando geminata appareat? & 4) cur in altera colorum eorundem quidem, sed major obscuritas, & inversus ordo appareat? horum omnium autem rationes & causas physicas proximas ab experimento Cartesiano recte percepto, oculisque præsertim propriis hausto, abunde peti potuisse, iisque nunc licere acquiescere, ex dictis claret.

III. At enim vero, hæc ipsa, dices, si plane & ab ovo ipso, quod ajunt, cognoscere velis, ipsam colorum naturam in universum scientificè deducere opus est &c. Resp. Non nego hæc, sed sub ipsum capituli hujus initium ingenue confessus sum: id vero assero, hæc talia ad iridem, qua talem non pertinere, sed generaliores esse, tum iridis minutis & mere naturalibus guttulis, tum artificialibus grandioribus ex vitro & aqua compositis, par-

tim



tim etiam aliis corporibus non rotundis, ut trigono vitreo communes affectiones, universalioribus adeo rationibus, quoad suum  $\delta\iota\acute{o}\tau\iota$ , alibi firmandas. Quod si vero quis in materia specialiore de iride, istas abstrusiores paulo rationes generaliores, interim supponere malit, &  $\tau\acute{o}\ \delta\tau\iota$  phænomenorum circa colores generalium, experimento sensuali observasse contentus, hinc, tanquam è primo aliquo principio (nec enim ejus veritas ex aliis & prioribus principiis, sed ex oculari inspectione immediate pendet) suam iridis causalem deductionem exordiri velit, eamque per consequentias legitimas ad finem perduxerit; non video quid obstet, quo minus ejusmodi deductio pro vera demonstratione habenda sit.

IV. In Geometria certe (cui verarum demonstrationum possessionem reddere velle dubiam, omnium cordationum ejus cultorum judicio, foret ineptire) frequentissime veritas unius alteriusve propositionis, quoad  $\tau\acute{o}\ \delta\tau\iota$  indirecte saltem & per absurdum vel impossibile ostenditur, ex qua deinde aliarum subsequentium propositionum certitudo, tanquam per suam causam demonstratur. Id vero quod hic deductio ad absurdum præstat, quod hoc vel illud verum sit (etsi, cur verum sit, directe non ostendatur) rationi evidenter & indubie demonstrando, & sic demonstratum pro lemmate & ulteriorum veritatum causa adhibendo; id ipsum in Physicis observatio sensualis (qualis in Geometricis locum non invenit) præstare potest.

V. Exemplis res tota poterit in plena collocari luce. Habemus e. g. phænomenon aliquod naturale in cœlis non adeo infrequens, eclipsin Lunæ, sive defectum luminis mutuatitii in Luna, eo tempore præcise, quo alias plena facie fulgere solet. Ejus rei causa cum desideratur, hinc eam arcessere solemus, omnibus sufficientissimam quovis ævo judicatam, quod in quibusdam pleniluniis (non in omnibus, unde etiam non omnia sunt ecliptica) sive Solis & Lunæ diametralibus oppositionibus, terram contingat, ita poni inter utrumque luminare, ut omnia tria corpora in eadem linea recta, vel proximali, consistent:



quo facto, cum terræ penitus opacum corpus, Solis lumen ad Lunæ corpus transire prohibeat, hæc autem ex sese omni lumine destituta in umbra terræ, h. e. in eo cœli spatio consistat, quo Solis directi radii pervenire ob terram interpositam non possunt; ideo fieri aliter haut posse, quam ut Luna primario isto splendore, quo alias in pleniluniis resplendere solet, privata tamdiu cernatur, quamdiu intra dictum spatium, h. e. in umbra terræ commoratur.

VI. Innumera sunt, quæ præter hætenus dicta cognoscere oportet eum, qui plenam & omnibus numeris absolutam hujus rei scientiam desideraverit, eaque pleraque ex aliis prioribus fundamentis deducenda: e. g. cur in hoc aut isto plenilunio tantum, non in cæteris, terra ita secundum rectam quamproxime lineam inter utrumque luminare ponatur? Id quod nisi ex obliquitate viæ lunaris sub via Solis, quæ plurima præcognita alia præsupponit, itemque ex motuum Solis & Lunæ proportionem, plurimas ex multis seculis observationes supponente &c. cognosci potest, unde certum sit umbram terræ adeo immensæ longitudinis esse, ut longe ultra Lunam immensum distantem sese exporrigat? id quod nisi operoso calculo Astronomico, suppositis insuper plurimis nixo de Solis magnitudine & distantia, terræ item diametro, & Lunæ à terris intervallo &c. demonstrari non valet.

VII. Quis vero, amabo, cum in causam physicam eclipses lunaris inquiritur, has omnes subtilitates sibi declarari ac deduci ex primis initiis deponat: aut quotusquisque est, qui talibus capiendis sit idoneus? Dum interim nemo est ex innumerabili eruditorum multitudine, qui causam eclipses lunaris physicam non percepisse se sufficienter putet, si ea, quæ sub num. V. principium in compendio diximus, clare distincteque perceperit; multis in hac ipsa perceptione experimentis ocularibus (quorum rationes opticas satis perspectas non habet) innixus & adjutus, ut quod lapideus aliquis globus e. g. Soli lucenti obversus, à tergo umbram projiciat, & globus alius ligneus priori minor ab eo-



ab eodem Sole illuminatus, ubi ad aerem illum à tergo majoris globi umbrosum delatus fuerit, ibi lumen suum, paulo ante maxime conspicuum, amittat &c. ac totius demonstrationis in definitione hac causali, quam affert Aristoteles Analyt. post. Cap. I. ad quæstionem, τί ἐστὶν ἐκλείψις, respondens: σέρεσις φωτὸς ἀπὸ σελήνης ὑπὸ γῆς ἀντιφράξεως, *Eclipsis (Lunæ scilicet) est privatio luminis in Luna ob terræ oppositionem vel interpositionem*, ibidemque simul, notanter monens hoc, τί ἐστὶν idem esse, ac διὰ τί ἐστὶ, dum nimirum quærenti, διὰ τί ἐστὶν ἐκλείψις? ἢ διὰ τί ἐκλείπει ἡ σελήνη; *Cur est eclipsis? aut cur deficit Luna?* respondetur: διὰ τὸ ἀπολείπειν τὸ φῶς ἀντιφρατῆσεως τῆς γῆς. h. e. propterea, quod eam lumen destituit, terra opposita vel interposita.

VIII. Alia, adhuc illustriora & ad præsens negotium accommodatiora exempla, suppeditant nobis ea naturæ effecta, quæ ad nescio quam vacui fugam sive metum (rationes pure-metaphoricas) antehac referri solebant, nunc autem proprias & positivas causas indubias repererunt. Exempli causa, quod per fistulam aut calamum utrinque apertum, & altera sui extremitate aquæ vel vino immersum, si ore oppositæ extremitati admotus aer ex fistula (ceu loqui amamus) sugatur, aquam vel vinum repente ad os sugentis usque ascendere videmus, aut ex opposito vinum vel cerevisiam à dolio relicto, & aperto licet epistomio, nequaquam effluere experimur, nisi obturaculum superum (der Spund) remotum, aut exiguo saltem foraminulo pertusum fuerit, & hujus generis alia sexcenta; quibus olim non alia assignabatur ratio, quam quod in casu priore, exsucto è canali aere, vacuum intra illum futurum esset, cui explendo subito aqua, aut alius liquor, contra naturalem suam inclinationem ascendat, in posteriore vero casu contra idem intra dolium detineatur, iterum contra nativam aliàs deorsum fluendi consuetudinem, ad evitandum scilicet vacuum, quod intra dolium futurum esset, si liquor inferne efflueret, aere de super in ejus locum succedere, obstante nimirum obturaculo, haut valente.

IX. Harum autem rationum vis & ἀνάγκη percipi nullo

Eccc eccc 3

modo



modo poterat, nisi vel aquæ vinoque aliquam vacui notitiam, ejusque evitandi studium aliquod attribuamus (id quod ineptum foret & cogitatu ridiculum) vel naturæ saltem universæ ejusmodi evitandi vacui cura adscribatur, tanquam agenti provido & sapientissimo: quo, licet falsissimo, supposito tamen, ostendendum nihilominus esset, quibus mediis utatur natura in aqua, priore casu contra naturalem inclinationem sursum trudenda, & in posteriore casu à fluxu naturali cohibenda: id quod hætenus præstari à nemine potuit, donec oculari experimento evidentissime fuisset evictum (vitrum e. g. recipiens spatiosius, ope antliæ maximam partem exhauriendo, ejusque pondus, dum aere plenum erat, & dum ab eodem vacuum, aliquot drachmarum differentiam subiisse deprehendendo) aerem hunc nos ambientem pondere gaudere, & facultate premendi omnia valde notabili, & hinc obvia consequentia illatum, in casu priore, cum aer ex fistula in sugentis os & pulmones, ascendisset, sugendo quasi adductus, incumbentem aquæ aerem, hanc per canalem sursum expressisse; in casu posteriore vero ejus, per apertum licet epistomium, effluxum cohibuisse; quod aeris altissimi pondus multo majus esset, quam pondus aquæ vinive, sub dolii adeo exigua altitudine.

X. Etiam si vero tam ratio gravitatis in genere, quam causa gravitatis & actualis gravitationis in aere, sit in abstruso, quæque hætenus à Cartesio, Perraltio, aliisque ingeniose sunt excogitata, nondum tamen in expedito sunt omnia; id tamen nullo modo impedit, quo minus prædictæ gravitati, saltem quoad τὸ ὅτι, per experientiam notæ & indubiæ, possint & bini illi superius inde deducti, & innumeri alii effectus, tanquam causæ suæ genuinæ & proximæ attribui, & ab hac initium faciundo, isti demonstrative ac scientifice deduci, hoc similive modo magis formali: Quoniam aeris quævis, etiam non adeo magna, portio gravitatem habet sensibilem vi experimenti præced. num. intimati; necessum est, super ingestis sibi invicem portionibus ejus plurimis, ex altitudine minimum tricies millenorum



norum, sive 30000 pedum, infimam hanc aeris regionem à superincumbente mole altissima valde premi, & consequenter ipsam alia, quibus incumbit corpora validissime ubique premere. Igitur, cum aeri intra fistulam aquæ immerfam contento, aquamque subjectam pariter alias prementi, occasio præbetur ab ore sugente, aut pectoris potius cavo per suctionis conatum manifeste ampliato (quod iterum experientia unumquemque docebit) eo sese explicandi, & à compressione ordinaria liberandi; fit ut aqua, ab aere intra fistulam jam minus pressa, ab externi vi pressoria adhuc integra, sursum in fistulam & in os sugentis, atque adeo (nisi obex ipsi de consilio ponatur) in ipsum pectoris cavum protrudatur, Q. E. D.

XI. Econtra, cum in dolio, relicto licet, liquor ad effluxum sollicitetur sua gravitate, ab aeris externi gravitate vero, effluxuro per apertum epistomium liquori valde obnitente, ille inhibeatur, & gravitas quidem aeris gravitate aquæ specifica, sub eadem scilicet utriusque mole, sit millies fere minor, è contra aeris altitudo altitudine liquoris in dolio: vel 10 pedibus alto, plus quam ter millenis vicibus major; necessum est aerem externum triplo magis liquoris effluxui resistere, quam is ab altitudine sua ad effluendum urgetur, adeoque effluxum illum sisti & cohiberi. Q. E. D. Quod si vero superum obturaculum dolii adaperiatur aut perforetur, ut aeri desuper etiam premendi detur occasio; tunc hic aer ex eadem altitudine, cum altero, qui epistomio imminet, æqualiter urgens, ac propterea proprio liquoris pondere adjutus, coget alterum solitarium cedere, & effluxum nolens volens concedere, Q. E. D. Has igitur similesque demonstrationes sexcentas ex hoc generali de pressione & gravitate aeris principio derivare licet, etiamsi illius genuinam plenamque causam adhuc ignoremus, dummodo aliunde de ejus indubia veritate certi simus: potest enim una veritas alterius vera causa esse, licet ipsa prior veritas, non ex sua causa, sed undecunque, sive indirecte per deductionem ad absurdum, (quod in

Geo.



Geometria nihil novi est) five per experientiam manifestam (quod in Physicis frequens est) innotuerit.

XII. Quidni ergo similiter, tamen si nullam penitus reperire causam possemus, cur e. g. ex guttulis per aerem dispersis, oculo in debito situ collocato, illæ solæ, quæ ab angulo 41 gr. 46. min. circiter, usque ad angulum 41 gr. 14 min. deorsum, & ab angulo 51 gr. 46 min. circiter, usque ad angulum 52 gr. 16 min. sursum, circa visionis axem constitutæ sint, varii colores, ut puniceus, flavus, & cæruleus, extra hæc spatia autem nullibi colores ulli oculis ingerantur? interim autem hæc ipsa veritas, quoad τὸ ὄτι, per experimentum indubium comperta sit? quid, inquam, impedit, quo minus ex hoc experimentalis principio, arcus cœlestis arcuata figura, magnitudo, colores ipsi, & eorum ordo, cæteræque circumstantiæ, & multo quidem certius ac evidentius quam olim, deducantur? Quod ut plenius adhuc inclarescat, agite, materiam hanc nobilissimam & jucundissimam etiam problematice tractabimus cum Maurolyco, ut comparatione quadam inter ipsius solutiones & nostras, eorum Problematum, quæ ipse sub finem suorum Theorematum de lumine & umbra, p. 89 & seqq. proposuit, instituta, quanto longius modernis Philosophis, in peruestigatione admirandorum iridis, hætenus progredi licuerit, elucescat.

## P R O B L E M A T A

### *ad Iridem spectantia.*

**P**ROBL. I. *Quæ causa generationis iridis?* Resp. Vehementissima lux Solis, per expeditum aerem in roridum cadens, inibique, post duas refractiones & unam reflexionem in primaria, aut post duas refractiones, totidemque reflexiones in secundaria, ad visum reflexa; sicut fit, cum quis ore versus umbrosum locum, ad Solem aquam aversus irrorat.

PROBL. 2. *Curnam iris circularis est?* Quia æquales circa lineam è Solis centro per oculum ductam, five visionis axem,



axem, facti anguli, non nisi per circularem ambitum radios disponere valent; aut potius, quia non nisi ex iis guttis aeris roridi, (vi experimenti Cartesiani) puncta colorata oculo exhibentur, quæ undiquaque ab axe visionis distant ad summum 41 gr. 46. min. minimum vero 41 gr. 14 min. in iride primaria, vel 51 gr. 46. min. minimum, ad summum autem 52. gr. 16 min. in secundaria. Neque male *Maurolycus* intelligendum esse dicit, solares radios per cylindricam (ad sensum puta) superficiem in aerem roridum cadentes, inde ad oculum nostrum in conicam formam reflecti, & esse basin communem (annularem scilicet) cylindri simul & conici (quasi cavi) ita ut conici vertex sit in centro visus, ac centra tria, Solis, visus & iridis, sint in una recta (plerumque saltem, cum facies nubis roridæ, Soli quasi perpendiculariter opponitur) quæ cylindri conique communis sit axis, ex histandem recte inferens, falso *Plinium*, *Averroem*, *Joh. Petsan*, aliosque expositores & optidorum Auctores, hanc iridis rotunditatem cavitati nubis attribuere: merito quippe dubitans, unde nubes formam sphaerico-concavam adipisci possit? aut, ubi quis in aerem subobscurum aqua ad Solem irrorat, iridemque generat, num quid ibi concava nubes adsit? non sine causa quærens.

*PROBL. III. Cur iris non apparet major semicirculo?*  
Quia humilitas oculi (ordinaria) non recipit nisi dimidiatum conum, & ideo dimidiam basin, & dimidium iridis ambitum; excelsior autem oculus videret majorem portionem; vel, uti nos superius hoc ipsum aliis verbis expressimus, quia, dum Sol in horizonte consistit, iridos centrum in opposito horizontis semicirculo consistere necessum est, adeoque non nisi semicirculum iridis eminere. Quod autem aliquando semicirculo major conspici possit ab oculo in summitate montis constituto, & iridis parte in imam vallem cadente, *Maurolycus* jam agnovit, & nos in superioribus pluribus confirmavimus.

*PROBL. IV. Cur Sole in Horizonte ad ortum vel occasum constituto, iris in opposita parte ad altitudinem ferme di-*

Ffff ffff

midiz



*midii anguli recti*, (nempe 42 circiter, non 45 gr.) apparet? Resp. Ratio jam patet ex Cartesii experimento, quo constitit, ultra quadragesimum secundum gradum supra visionis axem sive lineam centralem, non posse in guttulis aeris roscidi apparere ullum colorem, quod radius A B refractus ad C (Fig. 90.) inde reflexus ad D, hinc rursus refractus in egressu, è guttulis altioribus non tenderet ad oculum in E positum, sed ad alium tanto altiorem, quanto ipsa guttulæ altiores. Quandoquidem vero in casu præsentis linea centralis est ipsa horizontis diameter, non potest non iridis ambitus extremus eadem altitudine 42 gr. supra horizontem eminere. (NB) Maurolyci ratio hic penitus obscura est & imperceptibilis.

*PROBL. V. Cur, quanto Sol altior est, tanto humilior; tantoque minor semicirculo apparet iris? Respondet Maurolycus: Quia depressio magis cono, cujus basis est iris, de tali basi, ideoque de ipsa iride, minus videtur quam semicirculus. Nos æquivalenter, sed clarius opinor: quia, quo altior est Sol, eo depressior infra horizontem linea centralis seu axis visionis; ergo segmentum iridis, quod extat supra horizontem, tanto minus. Cætera, quæ subjicit Maurolycus, optime omnia se habent, & à nobis quoque similiter Hypoth. II. num. XVIII & seqq. ostensa sunt. Nimirum, quoniam crescente Solis altitudine, decrescit altitudo iridis, (scilicet respectu horizontis) ad æqualem mensuram, semper hæ duæ altitudines conjunctæ faciunt angulum recti dimidium (verius & præcisius 42 circiter graduum.) Quare, si Solis altitudo sit quasi dimidium anguli recti, aut major, impossibile est iridem apparere: ideoque circa meridiem apparere non potest, nisi meridiana Solis altitudo sit inferior dicto dimidio; id quod nobis accidit, Sole existente in tropico capricorni, & in parallelis paulo superioribus.*

*PROBL. VI. Cur altitudo iridis, ut experientia observatum; aliquanto (imo tribus minimum gradibus) minor est; quam dimidium recti? Vera causa jam dicta est in Probl. IV. Maurolyci ratio nulla est, quam à guttulis cadendo in for-*

*mam*



mam ovalem ex sphærica depressis exsculpere laborat; supponens nimirum absque fundamento, altitudinem dictam debere esse 45 graduum. Quod, si maxime poneretur, non apparet tamen ulla sufficiens ratio, cur inter cadendum stillicidia per aerem deberent mutare figuram suam sphæricam, quam ab ipsa aeris circumpressione nanciscuntur; nedum ut in tantum mutaretur, ut altitudo tribus gradibus imminueretur.

*PROBL. VII. Cur iridis colores sunt quatuor præcipui?* Nos rationem ab experimento cum gutta grandiore petimus, & quia in hac, pro quadruplici altitudine, quatuor diversi colores apparent, eosdem in guttulis earundem altitudinum apparere debere conclusimus: id quod interim sufficere debet in hac consideratione physica.

*PROBL. VIII. Num secundaria iris generatur per reflexionem primæ? An potius immediate generatur per lucem Solis, sicuti prima?* Afferuerat prius, aut afferuisse videri saltem poterat Maurolycus in Theor. XXX. iisdem rationibus usus, quibus uti communiter solent. Statim autem in subiecto Theorematis corollario, theorema hoc falsum esse confitetur; idque in additionibus immediate sequentibus prolixè probat, & in præsentì Probl. denuo inculcat; his maxime hic commotus rationibus, quod colores iridis primariæ non sint ita fortes, ut secundariam reflexionem, sicut lux vehementissima facit, generare possint: nec specularis aliqua superficies subjiciatur, quæ radios illos languidos colorum suscipiat ac reddat. Nos hanc opinionem, de iridis secundariæ ex primaria, reflectendo facta, generatione, in Hypoth. primis, per num. plures prolixè confutavimus; in primis autem ejus falsitatem evicimus in Hypothesib. secundis num. XXII & XXIII, insuperque ex eo negativam nostram confirmavimus, quod, si ex reflexione primariæ oriretur secundaria, hæc sursum conversis cornibus deberet spectari: quod idem animadvertit quoque Maurolycus in hoc ipso Problemate, si secunda iris, inquit, esset imago primæ, tanquam à speculo reddita, videretur non solum ordine colorum inverso, sed



etiam contrario situ, & averfis à prima brachiis; nec illud frustra monens, ne quis imaginetur aut confingat sibi cavum in nube speculum; cum in pura irroratione (ut ore aquam irrorantibus experientia demonstrat) utraque iris appareat, ubi neque nubes, neque specularis concavitas adsit: dicendum ergo esse, concludens, utramque iridem fieri à reverberatione solaris lucis: nimirum eo in utrisque modo, quem è Cartesio num. II. III. & seqq. Hypoth. secundarum docuimus.

*PROBL. IX. Quod si utraque iris à Sole est, cur exterioris colores sunt ordine converso? Quæ à Maurolyco redditur ratio, tota in obscuro jacer. Nos experimento Cartesiano innixi, cum in gutta majori, à gradu fere quinquagesimo secundo, per intervallum gradus dimidii gradatim sublata, iidem ordine se sursum consequebantur colores, qui à gradu fere quadragesimo secundo deorsum per æquale intervallum sibi successerant; idem in guttulis minutioribus aeris roridi, eundem positum utrobique habentibus fieri debere rite conclusimus; ipsius experimenti, cujus τὸ ὅτι hic sufficere potest, rationem à priori, sive τὸ διότι in Sect. II. Disp. nostræ prolixioris, pluribus demonstrare annisi.*

*PROBL. X. Cur in iride exteriori colores minus vivaces ac debiliores apparent, quam in primaria? Rationem dedimus cum Cartesio num. IV. ac XV. Hypoth. secundarum, quod in iridis secundariæ guttulis quatuor contingentes debilitationes radiorum solarium, necessario majorem colorum inde oriundorum debilitatem causari debeant, quam tres in iridis primariæ guttulis occurrentes. Maurolycus hic in ipso Problemate, (quod à præsentī etiam diversum esse videtur, quia quartum abhinc huic nostro clare responderet) & multo magis in ejusdem solutione, valde obscurus est; idemque de sequenti dicendum, quod ideo omittimus.*

*PROBL. XI. Quanta est secundariæ iridis altitudo? Maurolycus hic æque ac in iride primaria nimius est, & altitudinem assignat  $56\frac{1}{4}$  gr. asserens, hanc habere recti dimidium &*

*præ-*



præterea partem octavam, idque experimento se didicisse, quod quomodo & qua circumspeditione factum sit, cum non dicat; præferenda sunt ipsi merito recentiorum plurium consentientium experimenta, quæ secundariæ iridis altitudinem, Sole horizontem occupante, ne quidem quinquagesimum tertium gradum attingere, uno ore testantur.

*PROBL. XII. Quenam concurrunt ad iridis generationem?* Hic non male Maurolycus: Lux Solis per purum aerem delata: irrationis opposita (in qua, intellige, illa lux diversimode refringitur, & versus oculum retroflectitur,) & ulterior opacitas. Prima causa est activa, altera passiva, tertia concurrit (sano sensu) sicut plumbum in tergo speculi, ut expressiores appareant colores.

*PROBL. XIII. Cur exterior iris, nisi apparente primaria, non apparet? primaria vero sine secundaria sæpissime?* Prius absolute & simpliciter verum haut esse, testatur phæn. XIV. in fine. Deinde, quæ Maurolycus affert pro solutione, abstractiones sunt & nimis generalia, ideoque rursus obscura. Nos rationem apertissimam dedimus in superioribus hanc, quod si nubis roridæ aut aeris roridi altitudo tanta sit, ut secundariæ picturam accipere possit, necessario primariam etiam depingi; cum e contra ea possit esse aeris roridi, & sæpius quidem ac facilius, altitudo, quæ locum primariæ quidem suppeditet, sed secundariæ pingendæ locum non attingat.

*PROBL. XIV. Unusne est locus iridis, an diversus diversis spectatoribus?* Optime hic iterum Maurolycus: Omni loco quidem diversus, sicut in magno speculo, vel magno lacu, diversi diversi in locis vident Solis vel alterius rei simulæchrum. Præterea, nonne diversi homines, diversis in locis aquam irrantes ad Solem, vident diversas irides? nonne ad visionem iridis opus est lucem Solis per æquales refractionum angulos reflecti ad visum? quod fieri minime potest, nisi tria centra, Solis, visus & iridis, sint in eadem recta linea, & proinde, ut diversi spectatores diversificando lineas, diversificent centrum &



, locum iridis. Non enim colores iridis sunt in rorido aere, , tanquam pictura in tabula, vel albedo parieti, vel subjecto ad, , hærens accidens, sed variant pro situ spectantis locum, nunc, , hic, nunc illic apparentes, sicut imago in speculo: Et sicut, , imago rei non colorat speculum, ita colores iridis non imprimuntur stillicidiis. Et sicut imago absque iactura speculi, ita, , & colores absque infectione stillantis aquæ reflectuntur ad oculum &c.

*PROBL. XV. Cur lunares irides fiunt variores?* Respondet iterum optime Maurolycus, quia contingunt in pleniluniis tantum aut juxta plenilunia, & lucis lunaris debilitas ad eum effectum postulat auxilium fortium causarum, quæ rarius concurrunt; scilicet lunam parum elevatam, irrotationem quietam, aerem expeditum, & à tergo irrotationis opacum.

*PROBL. XVI. Cur non geminatur iris lunaris, sicut solaris?* Respondet Maurolycus primo ex eorum mente, qui putant secundariam ex reflexione primariæ gigni, quia debilitas lucis lunaris, quæ secundaria est & aliena, non est tantæ efficaciam, ut præter primam generet (reflectendo puta) secundariam iridem. Deinde vero ex mente propria, ideo geminationem istam non contingere existimat, quod causæ, quæ ad primam generandam raro, propter debilitatem lucis, concurrunt, vix aut nunquam ad effectum secundariæ proveniant. Inter quas causas illam præcipue considerandam hic monemus, quod roridæ nubis aut aeris roridi altitudo rarenter tanta sit, ut solari-bus radiis, eo ipso tempore quo primariam pingunt, etiam secundariæ pingendæ occasionem præbeat. Quæ occasio cum Lunæ debiliori lumine, primariam iridem rarissime ac debiliter exprimente, multo adhuc rarius ut coincidat necessum est. Nolum tamen id impossibile penitus judicare, quando vel unicum exemplum iridis lunaris in epitome Sennerti commemoratum, valde illustre, suadere videtur, nihil fortasse tunc defuisse, quo minus etiam iris secundaria pingeretur, quam sufficiens aeris roridi altitudo.

*PROBL.*



PROBL. XVII. *Cur Poëta tribuunt varios aut mille colores iridi?* Recte respondet hic etiam Maurolycus: Quia color superior paulatim & pedetentim mutatur (adde quasi insensibiliter, sicut acupictorum sensim diminutæ ac dilutiores inumbrationes, *Schattirungen* appellari solitæ) ita ut junctura illa, sensim magis expallescentium colorum, infinitas fere contineat varietates. Conf. quæ Phænom. XIII. de hoc argumento prolixius enarravimus.

XIII. Hæc ita de iride problematice quoque dicta sunt, quibus adeo illa omnia, quæ Sectio I. Disput. nostræ prolixioris, continet in compendium quoddam contracta sunt, illa nempe, quæ physicam magis iridos considerationem spectant, de qua in hoc Epilogo notabiliora non pauca monuimus. Quæ alteram sæpius cit. Disput. Sectionem attinent, optica magis, & calculi subtilioris diversorum Authorum methodos complexa, hac vice omittimus, Lectorem istorum quoque curiosum, ad ipsam Disputationem remittentes.

## ARTICULI V.

### De Meteoris emphaticis

#### CAPVT II.

#### *De Halonibus sive Coronis.*

##### I. PHÆNOMENA.

**P**HÆN. I. *Halo* proprie significat aream circularem luminosam, vel obscuram & intervallo notabili corona quadam sive luminosa & candicante, sive colorata conclusam; unde etiam quædam halones, coronæ quoque dici solent. Nimirum Dn. Mariotte in Tractatu Gallico generaliter inscripto, *Essays de Physique ou Memoires pour servir à la Science des choses*



*ses naturelles*, p. 443 & seqq. coronas sive halones circa astra, distinguit in duo genera, *minorum* nempe & *majorum*. *Minores* vocat illas coronas luminosas, quæ in nubibus mediocriter spissis circa Solem & Lunam sæpe videntur, 4 aut 5 graduum quoad diametrum, exterius colore subrubro terminatæ, interioribus partibus lucidioribus, & ad cæruleum quodammodo vergentibus. Sicut autem circa Solem & Lunam, ita etiam circa planetas minores, Venerem, Jovem, &c. parvas ejusmodi areas luminosas conspici, ordinarie ultra 3 grad. diametrum non habentes.

*PHÆN. II.* Nonnunquam alias ejusmodi halones sive coronas duos ordines colorum habere dicit p. 444. exteriorem quidem rubrum in remotiore extremitate, deinde flavum, viridem, cæruleum & violaceum; qui postremus jungatur rubro alterius ordinis: & hos ordines distinctius videri per reflexionem in aqua tranquilla, quæ oculos minus perstringat; maxime si ita spectentur, ut Solis imago tecta sit, & solæ nubes proximæ conspiciantur. Ait autem causas hujus apparentiæ magis obscuras esse quam iridis, quod nesciatur, quales sint illæ partes, in quibus spectantur, an vaporosæ an nivolæ?

*PHÆN. III.* Apparere porro dicit p. 467 aliquando aere satis sereno, coronas magnas 45 circiter gr. diametri, circa Solem & Lunam, coloribus ordinarie haut ita vivacibus, cæruleo extus, rutilo intus, ac tota colorum latitudine illi proxime æquali, quæ in arcu cœlesti. Dicitur autem notanter, & ab aliis quoque pridem notatum fuit, has coronas circa Solem & Lunam, tanquam centra sua, non ex illorum opposito, ut irides conspici, à quibus insuper in eo differunt, quod integros (nisi materiæ aut defectus, aut crassities, eos interruperit) absolvant circulos, eosque candicantes magis, quam diversicolores (lunares præsertim) & ambitu seu peripheria multo minore definiant, subdupla scilicet ex mente Gassendi *Animadvers. in Meteorolog. Epicuri* p. m. 1127. h. e. 42 gr. complente, sed P. Honoratus, Hamelius & Cartesius diametrum jam ante Mariottum 45 gr. constituerunt.

*PHÆN.*



*PHÆN. IV.* Testantur tamen *Fromondus* & alii, subindicatque *P. Fabrici* c. l. variegatas etiam aliquando spectari, præsertim solares, & iisdem coloribus imbutas, eodemque ordine, nisi quod puniceus interior sit, teste *Gassendo* quoque, qui sedecim solares observavit, & in istis colorem intimum rubeum, medium flavum, ultimum subviridem, alleg. *Hamelio de Meteor.* 91. ipso vero *Gassendo* rem eandem asseverantius confirmante, *Animadvers.* I 129. ubi ultimos externe colores, viridem & cæruleum non distinctos, sed aliquid ex utroque mixtum exhiberi dicit.

*PHÆN. V.* Quin & duplicem coronam, eamque concentricam visam esse, legere se apud Authores meminit modo laudatus *P. Fabri* c. l. id quod confirmatum quoque fuit per phænomenum anno 1629 d. 29 Martii Romæ spectatum, quod non solum duas incompletas halones circa Solem, ipsi concentricas & variegatas, sed præterea circulum album integrum (de quo *Cap. seqq.* plura dicenda erunt) exhibitum refert, & schematismo exprimit *Cartesius*, sub fin. *Tr. de Meteoris* p. 239.

*PHÆN. VI.* Observatu porro digna est & illa circumstantia, quod in meridiano aut prope ipsum ut plurimum in oriente vel occidente haut facile exhibeantur hæc spectacula; id quod *P. Fabri* affirmat *Tractatu VI.* p. 445. & *Cartesius* de *Meteoris* p. 231, cum ratione ab utrisque adducta. Nec illa negligenda, quam *Gassendus* annotavit, rarissime coronam lunarem ab extremo Aprilis ad extremum Septembrem à se visam esse; & quam *Cartesius* p. 229. nunquam illas apparere pluyente cœlo, ut ex adverso irides nunquam nisi pluyente solent. Cum vero solius lunaris halonis meminerit *Epicurus*, solarem forte penitus ignoravit, quam *Græcos* quosdam penitus negasse *Seneca* refert; *Aristotele* cum ipso, lunarem crebro quidem contingere, solarem perraro evenire, dicente, imo etiam *Cartesio*, num. X. *Cap. IX.* de *Meteoris*, quibus ipsis tamen reclamatione *Gassendus*, sibi saltem solares plures, quam lunares visas esse testatus; nec illud in *Aristotele* probans, quod unicolorem esse aream velit;

G g g g g g g g

ut cun-



utcumque enim lunaris fere albescens duntaxat circulus appareat, solarem tamen seipsum vel centies (per hyperbolen) variegatam observasse.

*PHÆN. VII.* Ita vero in halonis centro semper consistunt Sol & Luna, ut promota licet in coelo, extra centrum illud non emoveantur; quod indicio est, ab his ipsis astris eam continenter in aliis aliisque nubili aeris partibus formari. Ex quo illud etiam conficitur, quod de iride supra diximus, non eandem aream (uti nec eandem iridem) ab oculis uno pluribus conspici, sed totidem esse, quot sunt oculi, quod ipsum abunde probat, aream sive halonem non esse quiddam consistens, sed mere respectivam quandam *ἐμπόσιον* ad certum nempe oculum restrictam; prout nempe eadem Solis facies ex alia aliaque lacus aliqujus grandis superficie, ad alium aliumque oculum reflectitur.

*PHÆN. VIII.* Quod vero *Aristoteles*, *Seneca*, *Plinius*, imo & *Cartesius*, alleg. Cap. IX. n. V, Coronas etiam fieri dicunt circa alias quoque nobiles stellas, præter Solem & Lunam non solum, sed & præter Venerem, Martem & Jovem inter planetas, e. g. circa canem sive syrium, aliasque fixas grandiores, quales in aere crassiore & valde nubilo, nonnunquam spectantur, diametro sæpe vix sesquigradum exæquante; In eo *Gassendo* p. 1127. Animadvers. in Epicur. plane consentirem, qui has omnes minores areas, pro spuris quasi & æquivoce talibus halonibus sive coronis habere videtur, h. e. non tam pro veris coronis, quam pro circumfulgente proxime specie; prout scilicet etiam ejusmodi majores stellæ fixæ, donec degunt præter rariunculam nubem, eam aliquando circumillustrant ad dimidium circiter gradum, cum habere interim eas interdum circumpositas ad magnam distantiam areas, (veras scilicet propriæque dictas coronas) nec ipse observaverit unquam, nec mihi aliisve tale quid notatum uspiam sciam, in his, inquam, utique consentirem Viro laudatissimo, nisi Dn. *Mariotte* in his parvis quoque circumlucentibus astra fulgoribus, colorum varietatem quo-



quoque observasset, ope refractionum in guttis vaporosis mensurabilem, atque ita hoc etiam minorum arearum genus inter emphatica meteora, non minus ac coronas ampliores, iridesque amplissimas, referendum esse obtinuisset.

*PHÆN. IX.* Quod denique *Aristoteles* aream sive halonem facile marcescentem serenitatis significatricem statuit, diu consistentem autem pluviam indicare, ventum contra, si dirumpi cæperit, ac, si ruptio fuerit multiplex, ex mente *Senecæ* tempestatem; hæc *Gassendus* p. 1130. inter meras, & inanes forte, conjecturas, nequaquam vero inter observationes aut phænomena referenda censet, nobis omnino adstipulantibus. Nam experientia ipsa convincit, si quando id ita fiat, ita fieri sæpius oppositum plane. Ac frequenter quidem sibi contigisse, testatur vir optimus, observare aream lunarem serenitatis prænuntiam, & solarem similiter, vespertinam tamen præsertim (nam matutinam sæpe consequutam esse pluviam) veruntamen neque tuto, neque manifesto indicio. Nam quod assumant, aream non fieri, nisi stabili aere & pigro, id falsum comprobari; nec semper, qua ex regione spirat ventus, abrumpi, sed aliquando ex adversa, aliquando ex cæteris, prout se materies habuerit.

## II. HYPOTHESES pro salvandis enarratis Phænomenis,

### I.

**I**Nter has Aristotelis Hypothesin ex Cap. 3. Lib. III. Meteorolog. nemo melius quam *Gassendus* exponit in *Epicris.* p. 1129. seqq. verbis: *Primo* totum vaporem contexti ex corpusculis, quæ sint totidem specula, ex quibus imago, seu radius sideris ad nos reflectatur, & quæ singula insensibilia cum sint, eadem aggregata speciem nubis albescentis exhibeant. *Deinde*, cum ut fieri solet, unus sit radius, qui ex sidere ad oculum directe feratur, tum ex cæteris eos, qui ex corpusculis directo radio vicinioribus, confluere in ipsum citius, seu priusquam feriat oculum; eos, qui ex remotioribus, confluere in eundem ultra oculum, seu qua concipitur ultra oculum exporrectus;

Gggg gggg 2

solos



solos autem qui reflectuntur ex mediocri ac certo spatio in eundem, ubi oculum simul attingit, incurrere: Quare & in eodem spatio seu loco videri alborem, qui neque citerius, neque ulterius appareat. *Tertio* ex eo, quod in pari situ, parique distantia reflexio fiat ad angulos pares, ejusmodi alborem necessario conformari in circuli speciem, cujus centrum sit in explicato radio directo, qua parte in eadem altitudine luminare representatur. Huic vero rei fidem facit, quod, quantumcunque sive Sol sive Luna progrediatur, semper tamen esse in centro appareat; quod minime contingeret, si area foret quippiam consistens, & non continenter in corpusculis succedentibus formaretur.

II, Multum lucis accipiet hæc Aristotelis hypothesis è Cartesiana, quæ Cap. IX. num. IV. de Meteoris, p. 230. exponitur, supponens 1) particulas pro materia subjecta non guttas aqueas aut grandinosas, sed ejusmodi stellas glaciales sive lenticulas, de quibus Cap. VI. de Met. num. VIII. & seqq. pluribus egerat, addens, non aliam causam in nubibus se posse invenire, quæ tale quid efficiat. Et licet nunquam hujusmodi stellas sive lenticulas glaciales decidere videamus, nisi frigidioris cœli: rationem tamen nos certos facere, illas quovis anni tempore formari: cumque etiam calore, ut ex albis, quales sunt initio pellucidæ, ut hic effectus requirit, fiant, verisimile est, æstatem iis producendis hyeme commodiorem esse. Et quamvis hæ stellulæ cum decidunt, planas superficies habere videantur, certum tamen est, illas in medio magis, quam in extremitatibus intumescere; quod etiam in quibus oculus deprehendat: & prout tumor ille major aut minor fuerit, has coronas etiam majores & minores efficere; diversarum enim eas magnitudinum esse procul dubio: & siquidem, quæ sæpius observatæ fuerunt, diametrum 45 circiter graduum habuerunt; facile mihi persuadeo, convexitatem particularum glacialium, quæ illas tantæ magnitudinis efficit, eam esse, quam ipsæ frequentissime habere solent, & forsan etiam quæ est maxima, quam possint acquirere, priusquam omnino liquecant.

III. Id 2) Aristotelis hypothesein perficit, quod loco reflexionis, geminam in his lenticulis glacialibus refractionem supponit, quam vox ἀνὰκλασις apud Aristotelem occurrens alias proprie significaret, apud ipsum autem hic abusive de reflexione accipitur, prout ipse locus allegatus aperte docet. Hæc vero Aristotelis reflexio, ut in particulis lenticularibus Cartesii penitus frustranea foret (quippe sursum ad Solem magis quam deorsum ad oculum, facienda) sic in guttulis non



non magis quadraret; siquidem radii Solis *παράλληλως* in eas incidentes, pariter aut recta sursum ad Solem, vel si guttas solum tangerent, parallele deorsum, non in uno oculo concurrerent. Itaque, ut Cartesii figuram, quam habet p. 230 nobis num. 99. (quamvis ipsi rei minus, quam apparentiæ congruam) nunc declaremus; A B C ipsi Sol est, D oculus, E F G plurimæ lenticulæ glaciales, aliæ juxta alias jacentes. Ex his radius ex A ad G, & ex C alius ad F venientes (& perpendiculariter quidem ac paralleli, si ex vero loqui velimus) refractione duplici ad oculum D pertingunt; dum recti A D, C D Solis speciem in centro repræsentant: & illi quidem refracti circulum vel candidulum, si lenticulæ non sint satis pellucidæ alias coloribus variegatum, & in extrema quidem peripheria G G cæruleum, in interiore F F rubrum, reliquis interim, extra G, & intra incidentibus pariterque bis refractis, vel citra oculum D, vel ultra illum concurrentibus, ipsique adeo neque colores, nec alborem aliquem, oblaturi.

IV. Quod si 3) duo aut plures ordines glacialium particularum congesti sint, dummodo radios solares non ideo plane excludant; illi radiorum qui per duos ordines in stellarum extremitatibus penetrant, bis fere tantundem incurvati, quantum alii qui per unum tantum, alium circulum coloratum producent, ambitu quidem priori longe majorem, sed minus lucidum; ut ita, dum duæ coronæ, quarum una alteram cingat, & quarum exterior interiori minus picta sit, appareant; prout aliquando observatum est. Præterea 4) hic manifestum est, quare non soleant hæ coronæ apparere circa sidera, dum sunt horizonti valde vicina? nam tunc radii obliquius in glaciei particulas incidunt, quam ut illas penetrare possint. Et quare 5) harum colores, coloribus iridis dilutiores sint? nam per refractiones multo minores efficiuntur? & quare (sexto) frequentius illæ circa Lunam appareant, &c.

V. *P. Honorato Fabri* stellulæ Cartesii glaciales minus arrident, quod patet ex Tractat. Phys. III. Lib. I. Prop. 311 n. 6 p. 118. quo loco occasione colorum num. 5. & seqq. de halone agit; quod argumentum deinceps Tract. VI. p. 442 & seqq. ex professo pertinet. Supponit autem ipse in utroque loco, lenticularum glacialium vice guttulas ut in iride, sed multo minoribus, rarioribus ac distractioribus, instar nebulæ tenuioris; ne scilicet cadere deorsum, ut in iride possint, (id quod omnibus experimentis repugnaret) sed in aere libere constantiusque hæreant; raras autem vult & valde distractas, ut radiis sideris centralibus liberam trajectionem permittant; neque ta-



men penitus deesse illa filamina halitus, quæ prædictas guttulas quasi devinctas retineant. Cæterum æque ac Cartesius, supponit in his guttulis duplicem fieri radiorum sensibilibiter parallelorum refractionem, unam in ingressu, alteram in egressu guttularum, à quibus refractionibus etiam colorationem dependere autumat.

VI. Duplicem coronam, eamque concentricam visam, ex aliorum relatione habet; rationem haberi dicit num. 6. prioris loci supra citati. Negat autem illam majorem sive exteriorem coronam fieri per novam radiorum refractionem in aliis guttis subjectis (stellulis volebat dicere lenticularibus, Cartesium enim notat, etsi non nominatum.) Hoc enim fieri non posse dicit, quia qui incidunt in alias guttas, vel lenticulas, omnino distrahantur; cum enim paralleli non incidant, nullum deinde servare ordinem. Igitur non à nova refractione oriri majorem coronam, sed à radiis qui obliquius incidant, non in eandem guttam, sed in aliam, id quod figura sua 29 (quæ nobis est num. 101. paulo correctior) sic declarat: sit oculus in K, verticalis K V, horizontalis V Y; sit guttula A, radius oblique incidens G H parallelus verticali C D; sit primus refractus H I, secundus I K. Sit altera guttula B, radius L M, parallelus G H, atque adeo ejusdem incidentiæ; primus refractus M N, parallelus H I, & secundus N O, parallelus I K, sit autem alius R P, parallelus pariter L M, sed obliquius incidens, (inter gr. 45 & 50 quadrantis in gutta superioris, sicut reliqui minorem coronam definientes incidere supponit, p. 118 loci prioris, inter gr. 40 & 45) ubi primus refractus erit P S, secundus vero S K, oculo scilicet illapsus. Sic igitur idem oculus duas coronas videre poterit, interiorē scilicet cujus semidiameter videbitur sub angulo V K X, & exteriorē, cujus semidiameter videbitur sub angulo V K Y: igitur ex his perspicuum manet, sine novæ refractionis accessione, optime secundam, h. e. majorem & exteriorē explicari.

VII. Cur vero in exteriorē colores minus vegeti sint, id facile se explicare dicit, ex majori radiorum incidentium obliquitate, qua alibi à se demonstratum ait, illas inter refringendum, & in transitu, tanquam magis divisos, minus luminis deferre, & consequenter minus illustres colores depingere. Cur autem coronæ solares cæteris illustriores sint, ejus rationem se frustra explicaturum dicit, cum illa perspicua sit: lunares autem ex ea ratione frequentiores esse solaribus asserit, (tamen si reclamante Gassendo) quod Sol facile rariorem illum, rorantem licet, (forfan non-rorantem volebat dicere) vaporem dissipet; secus Luna quæ vix calefaciat. Cæterum, in quo omnes consentiunt, id quo-



quoque afferit, cuique suam videri coronam, & si quis ex uno loco in alium migret, eum novam coronam videre; imo dum astrum movetur, immoto oculo, licet corona ipsa moveri videatur, non moveri tamen, sed novam priori succedere. Denique rationem probabilem redditurus, cur coronæ lunares præfagiant imbrem? quia, inquit, Luna humore fatam nubem dissolvere nequit, ideo sensim collecto humore, decidere tandem imbrem: cum Sol ex opposito, fervente maxime æstu, rariorem illam nubem facile dissipet.

VIII. *Un. Mariotte* in hypothesei pro halonibus minoribus, supponit p. 446. ejusmodi halones sive coronas unius colorati ordinis, fieri in vaporibus aquosis, quos deinceps in calculo subtilius instituto tanquam guttulas considerat, procul dubio exilissimas, quales P. Fabri quoque supposuerat. Rationes hujus suæ suppositionis ipsi suppeditabant sequentia experimenta: 1) quod flamma candelæ per vapores spissos ex aqua bulliente, tempore valde frigido, spectata, tales coronas 4 aut 5 graduum in diametro gignat: 2) per vitrum speculare halitus oris obscuratum, candelam intuendo, simile phænomenon se exhibeat. Quoad eas vero circa Solem & Lunam, minores coronas, quæ geminos colorum ordines habent, illas videri produci, ait, in particulis nivalibus per fusionem quodammodo lenticularibus & valde pellucidibus, paremque effectum producentibus, nisi quod colores elegantiores sint; quæ pluribus tradit p. 461 mox testatus pag. seq. 462. Talem halonem sive coronam se vidisse circa Lunam, non in nube aliqua spissa, sed in vapore albicante & uniformi, colorem duobus ordinibus contiguis, nulla parte permixtis, ut alias in iride fieri soleat: diametrum fuisse 5 circ. grad. & latitudinem duorum ordinum coloratorum, à flavo interioris usque ad rubrum exterioris, circiter 2 gr. durasse illum ultra duas horas inspectantibus multis. Monet autem hic iterato p. 465. id quod supra Phæn. II. monuerat, ut distincte videantur duo colorum ordines, Solem esse tegendum (& in præsentī casu fuisse tegendam procul dubio Lunam) ac melius in aqua per reflexionem eos esse spectandos: id quod Aristotelem etiam observasse in Meteoris, p. 466. dicit.

IX. Quod ad areas sive coronas majores, Phæn. III. descriptas, pro subjecto hujus Phæn. supponit idem Vir doctissimus p. 468. flamina nivosa mediocriter transparentia, figura prismatis triangularis æquilateri, ob sequentes rationes: quod *primo* stellæ nivosæ intenso frigore cadentes ex talibus particulis consistant, testibus microscopiis; quales etiam in pruina sæpe observentur, sectæ scilicet in 3 facieculas æqua-



æquales, per quas intuendo Solem, colores iridis spectentur. Esse autem probabile, antequam talis pruina, aut tales stellulæ nivosæ formentur, ejusmodi particulas solitarias, inter vapores parum spissos in aere circumvolitare, suspensas à ventis diu satis & circumgyratas, ita ut plures subinde disponantur ad lumen coloratum transmittendum. *Secundo*, quod rutilus color sit ex parte astri producentis, id quod ex hac figura prismatica necessario sequatur. *Tertio*, quod anguli, quos æquilatera prismata faciunt cum radiis Solis centralibus, proxime sint æquales illis, sub quibus hæ coronæ conspiciuntur p. 472.

X Notat autem p. 487 &c. post multa ad calculum subtiliorem pertinentia, hujus phænomeni productionem potuisse quoque attribui parvulis grandinibus pyramidalibus, quorum extrema sint aliquantum pellucida, medio existente niveo, & quæ propter exilitatem suam in aere possent æque suspendi, gyrari varie &c. Vidisse se aliquando tres ejusmodi coronas uno die, quo sæpius ceciderit ejusmodi grando in pyramides secta: potuisse quoque supponi alias in aere particulas, nitrosas e. g. aut similes salinas, prismatica vel pyramidaliforma, aut alias materias similes illi, quæ fila Mariæ in autumno producit, quæ filamenra iridis colores exhibent Soli obversa &c. Sed primam hypothesin de prismatis nivalibus, ait p. 485. videri sibi verosimillimam.

### III. EPICRISIS ECLECTIVA

super enarratas hætenus hypotheses.

#### I.

**T**Ametsi subtiliora hæc, præsertim opticas refractionum calculationes, quæque inde pendent illationes exquisitiores, ex foro physico jam pridem exclusas voluimus in Epilogo proxime superiori Artic. IV. subjuncto, idque nunc vel maxime velle cogimur, cum Autor, cujus hypotheses ultimo loco attigimus, utpote rarior apud nos, ad manus amplius nobis haut sit, sed quædam solum ex ejus libro excerpta, in latinum sermonem à nobis utcunque translata possideamus, id tamen ex hætenus enotatis discere licet, de coronis sive halonibus saltem minoribus, non Gassendum solum, sed nos ipsos quoque, cum innu-



innumeris aliis, ac tantum non omnibus aliis, paulo negligentius fuisse philosophatos: ut qui nihil aliud in iis quam circumfufum aſtris, aliis amplioſem, aliis anguſtiores, fulgorem animadvertimus, cum tamen in his etiam minoribus, multo diligentior *Mr. Mariotte* iridis colores, non unius duntaxat, ſed geminati quoque ordinis, & obſervavit, & ad cauſas ſuas revocare ſubtiliter anniſus eſt.

II. Videtur autem laudatus *Dn. Mariotte* voluiſſe quodammodo inter ſe conciliare Cartesii & P. Fabri hypotheſes, dum in minoribus ſaltem coronis, eas, quæ uno gaudeant colorato ordine, in guttulis formari probabiliter aſſerit; eas autem, quæ geminos ordines coloratos habent, produci credit in particulis nivalibus per fuſionem quodammodo lenticularibus. Tametiſi vero nec hæ duæ, nec illa tertia de filaminibus nivoliſis, figuram priſmatis triangularis æquilateri habentibus, qualia num. IX. Hypoth. ſupponit; uti nec cæteræ num. X. commemoratæ, ingenio carent; placuit tamen hac vice, quod naturæ ſphærica guttularum figura multo familiarior ſit, quam vel lenticularis ſtellularum nivalium Cartesii vel priſmatica filaminum nivolarum, aut pyramidalium grandinoſarum in extremis pellucidarum, Mariotti, (cujusmodi rarius ſaltem, nec præciſe geometrica *ἀντιβείη*, naturam formare non diffiteor) ſimplicitati litare, & P. Honorati hypotheſin præ cæteris ſeligere.

III. Ideo maxime, quod pro coronis vel halonibus ſecundis ſuppoſita ſecunda refractio in inferiore proxime ſtellularum nivalium ordine, radii in ſuperiori ordine primum refracti, deinde in inferiore videantur neceſſario diſtrahi, quia paralleli non incident radii in guttas inferiores, ſicut inciderant in ſuperiores; quæ Honorati ratio ſpeciem aliquam habere videtur, etſi non omnem fortassis exceptionem elidentem. Etiamſi namque radii ex ſtellulis nivalibus aut glacialibus, poſt duas refractiones egreſſi, & in inferioris proxime ordinis ſtellulas mox ingreſſuri, non ſint amplius cum primum incidentibus paralleli, inter ſe tamen ſenſibiliter adhuc ſunt paralleli, æqualibus angulis quippe,

H h h h h h h h

ex



ex uno eodemque halonis ambitu ad eundem oculum coituri. Quod si vero hæc primum futura coitio à subjectis inferioris ordinis particulis lenticularibus intercipiatur, altera in his geminata refractio angulum ad oculum eundem tendentium quasi duplicabit amplioremque circulum exhibebit: prout certe per experientiam quoque didici, cum in telescopio duo ocularia, alias diiuncta, vel in microscopio duo objectiva, alias separatim adhiberi solita, ad ipsum contactum conjungerem, (cæteris quæ deinceps fieri oportebat, decenter observatis) non solum specierum aliqua consequeretur distractio; sed notabilis etiam earundem augmentatio: prout pluribus videre licet in Collegii curiosi Part. I. Tentam. XV. Phæn. V. & VI. p. 145.

IV. Quicquid autem sit de his exceptionibus, quæ suppetias ferre posse videntur hypothesei Cartesianæ adversus motas à P. Fabri difficultates; inhærebimus tamen proposito, & electæ semel simplicitati; quandoquidem ex guttulis minutioribus, non derorantibus in aere, sed constantius pendulis, & exilitate sua suspensis, non interior solum & angustior, sed amplior etiam & exterior corona, plano simplicique modo, deduci potest, illa nempe per radios paulo rectius, inter gradum e. g. 40 & 45, hæc autem tanto obliquius, inter 45 & 50 gradum illapsos, prout num. VI. hypothesium fuit explicatum. Insimul evidentibus, & ratione debiliorum colorum in halone seu corona secundaria, quam in primaria ex num. VII. & ratione longioris durationis in his halonum, quam in iridum apparentiis, ex guttularum, in num. præsentis IV & V Hypoth. superiorum supposita constantiore suspensione.





ARTICULI V.  
De Meteoris emphaticis

CAPVT III.

De Parheliis & Paraselenis.

I. PHÆNOMENA.

**P**HÆN. I. *Parhelios & Paraselenas* dicimus illud phænomenon, quo (mihi quidem fere jam septuagenario, nunquam per omnem ætatem oblato, tamen interea pluribus aliis alibi tam felicibus esse contigit, ut rarum adeo phænomenon suis lustrarent oculis) juxta verum in cœlo Solem aut Lunam, aliæ horum spuria imagines ab eorum latere spectantur, nunc unica, nunc duæ, nunc plures etiam; & quod imprimis notatu dignum est, ambitu minus rotundo, quodammodo lacero & imperfectius terminato, quam solet esse genuina veri Solis, & veræ Lunæ species. Propter aliqualem interim similitudinem, ab aliis relata, &, quia non nisi dextrorsum & sinistrorsum, nunquam autem supra vel infra Solem aut Lunam conspiciuntur, parhelii & paraselenæ, h. e. *Juxta-soles & Juxta-luna Neben-Sonnen* oder *Neben-Monde* nuncupantur.

**PHÆN. II.** Evidens autem erit ex duobus insignibus exemplis, quæ mox commemorabimus, hoc phænomenon frequenter, una cum halonum vel simplicium, vel geminatarum simul eodem cœli loco apparentium phænomeno spectari; imprimis concurrente alio, halonibus dictis multo grandiore & albo circulo, qui præter magnitudinem modo notatam, in eo quoque à dictis halonibus notabiliter distinguitur, quod 1) non verticaliter, aut quasi verticaliter, circa Solem aut Lunam, tanquam centrum suum, sed 2) horizonti parallelus, aut fere parallelus, per illa centra transcat, & halones insimul per medium secet; quodque 3) parhelii vel paraselenæ, in dictis intersectionibus, æqualibus adeo utrinque intervallis, compareant,

Hhhh hhhh z

PHÆN.



*PHÆN. III.* Sub finem Tract. de Meteoris enarrat nobis Cartesius observationem, quam vocat pulcherrimam & maxime omnium memorabilem, quas unquam in hac materia viderit; illam nempe quinque Solium, qui d. 29 Martii anni 1629 Romæ apparuerit, hora secunda & tertia pomeridiana; & iisdem quidem verbis, quibus cum vulgata fuit, illam p. 238 & seqq. adscribebat: A observator romanus, B vertex loco observatoris incumbens, C Sol verus observatus, (vid. Fig. nostra 95, è cit. l. transumpta) A B planum verticale, in quo & oculus observatoris, & Sol observatus existunt, in quo & vertex loci B jacet, ideoque omnia per lineam verticalem A B representantur; in hanc enim totum planum verticale procumbit. Circa Solem C apparuerit duæ incompletæ irides, eidem homocentricæ, diversicolores, quarum minor sive interior D E F, plenior ac perfectior fuit, curta tamen à D ad F, & in perpetuo conatu sese claudendi stabat, & quandoque claudebat, sed mox denuo aperiebat. Altera, sed debilis semper & vix conspicabilis, fuit G H I, exterior & secundaria, variegata tamen & ipsa suis coloribus, sed admodum instabilis. Tertia & unicolor, eaque valde magna iris, fuit K L M N, tota alba, quales sæpe visuntur in paraselenis circa Lunam. Hæc fuit arcus excentricus, integer ab initio, Solis per medium incedens; circa finem tamen ab M versus N debilis & lacer, imo quasi nullus. Cæterum in communibus circuli hujus intersectionibus cum iride exteriori G H I, emerferunt duo parhelia non usque adeo perfectæ N & K, quorum hoc debilius, illud autem fortius & luculentius splendebat, amborum medius nitor æmulabatur solarem, sed latera coloribus iridis pingebantur, neque rotundi ac præcisi, sed inæquales & lacunosi ipsorum ambitus, cernebantur. N in quietum spectrum, ejaculabatur caudam spissam subigneam N O P, cum jugi reciprocatione, L & M fuere trans zenith, B prioribus minus vivaces, sed rotundiores & albi, instar circuli sui cui inhærebant, lac seu argentum purum exprimentes; quanquam M media tertia jam prope disparuerat, nec nisi ex-



exigua sui vestigia subinde præbuit; quippe & circulus ex illa<sup>66</sup> parte defecerat: sed N defecit ante Solem K, illoque deficiente<sup>66</sup> roborabatur K, qui omnium ultimus disparuit.

*PHÆN. IV.* Simile huic solari phænomeno obtulit pronuper, Anno scilicet 1684. d. 24. Jan. st. v. horizon Lipsiensis, hor. post octavam vespertinam dimidia (quod idem tamen etiam Dresdæ, Halis Saxonum, Erfurti, Wratislaviæ, alibique observatum fuit,) *paraselenas* nempe, mens. Februar. anni ejusdem ab actis eruditorum Lips. p. 100. & seqq. his verbis descriptas: Coelo sereno, auraque frigidissima, videbantur B A, C A, H A, K A radii candidissimi, (Fig. 98) & crucis quandam formam præseferentes, in quorum communi concursu Luna A incedebat, bini tamen, B A, C A, sensim se exporrigebant, ut circa horam XI. integrum constituerent circulum A D E, horizonti, quamdiu comparebat, parallelum. In hujus punctis B & C toto tempore conspiciendæ erant binæ paraselenæ, sed imperfectiores, & quas portiunculas dixisses iridis, colorum vivacissimorum, nec enim discum exacte rotundum referebant, & colores utrinque versus K & H aliquousque producebantur in circulo B H C K, satis undique albicante luce conspicuo. Diameter hujus posterioris circuli, radio dimensa, deprehensa est 45 gr. peripheriæ vero pars inferior horizontem spectans, Luna non multum adhuc elevata, in ellipsin fastigiare se videbatur. Binæ aliæ paraselenæ D & E, prioribus B & C non absimiles, nisi quod longe dilutioribus tingerentur coloribus, cum Luna A in circulo horizonti parallelo, triangulum æquilaterum faciebant, eundemque circulum intersecabat alius F G L tenuissimæ lucis, circuloque H B K C concentricus, & ab hujus peripheria 22 grad. 30 min. cujus cum priori illo intersectiones, itidem duas paraselenas F & G exhibebant, ad obscurioris cometæ speciem accedentes. Toto porro apparitionis tempore, arcus M L N circulo ipsi B H C K æqualis, certe non multo minoris (concavitate puta) secundariæ iridis coloribus conspicuus, super Lunam, ad contactum circuli F G L eminebat. Duravit spectaculum ad mediam usque noctem,

H. h h h h h h h h 3

circa



circa quam partes phænomeni hujus, una post aliam sensim disparuere.

*PHÆN. V.* Simile vero priori romano spectaculo Gallis oblatum est, Anno 1666. d. 9. Aprilis referentibus Actis Anglic. edit. Lipsiensis p. 164. in qua relatione præter circulum magnum (100 gradus in diametro habentem) per ipsum Solis discum horizonti parallelum, alius etiam minor circa Solem verum, tanquam centrum descriptus, ac denique tertius, mediæ inter utrumque magnitudinis, nec integer ille, neque concentricus, sed, quod cum primis singulare & penitus irregulare est, minimum circulum ex una parte tangens narratur, & præterea parheliis, genuino Sole minus lucidis ac terminatis, in utraque sectione maximi medique circuli, conspicuis, stipatus, insuperque longius in septentrionem uno adhuc parhelio, qui socio suo destituebatur, auctus &c. Conferantur cum Actis Anglicanis alleg. quæ superaddit Hamelius Phil. V & N edit. Norimb. p. 469 & seqq.

*PHÆN. VI.* Adnotant Honoratus Fabri & Hamelius, ut plurimum parhelia circa ortum vel occasum Solis videri, tametsi & medium coeli tractum occupante Sole plura simul esse visa, non dissimulent. vid. Tract. prioris VI. p. 448. & seqq. & confer Aristotelem III. Meteorol. Cap. 6. p. m. ed. Sylburgianæ 88. illa fieri *περὶ τὰς δυσμὰς καὶ περὶ τὰς ἀνατολὰς*, dicentem, & Cap. II. p. m. 76. Sole *ἢ αἰρομένῃ, ἢ καταφερομένῃ*. Quibus confirmandis haut parum servient observationes Petri Gassendi, qui Animadvers. in Epicuri Philos. p. 1131 edit. Lugd. seipsum quidem mane ad boream anno 1636 d. 5. Augusti, & vespere ad austrum anno præcedente d. 9. Maji ab hora quinta in sextam, Solem spurium unicum juxta verum, & illum quidem satis hebetem, nec unquam alia altitudine, quam qua esset Sol verus conspexisse testatur, & Scheinerum Romæ anno 1629 quinque, insequente vero septem (connumerato scilicet vero) illos quidem d. Martii vigesima (quam Cartesii relatio supra Phæn. III. ad d. 29 aliquo forte scribentis aut typographi errore,

re-  
retu-



retulerat) ab hora secunda in tertiam, istos d. Jan. vigesima quarta ab antemeridiana decima, in pomeridianam secundam, aut aliquando amplius.

*PHÆN. VII.* Notabilis autem illa cum primis circumstantia, quam Aristoteles utroque paulo ante allegato loco inculcat, ὅτι παρήλιοι καὶ ῥάβδοι γίνονται ἐκ πλαγίας αἰεὶ, καὶ ἔτε ἀνωθεν, ἔτε πρὸς τῇ γῇ, ἔτ' ἐξ ἐναντίας. h. e. *Parhelios & virgas fieri semper à latere Solis, neque supra ipsum, neque versus terram, nec ex opposito;* additque statim, vel oriente vel occidente Sole, ut plurimum vero circa occasum, μεσσηνίας δὲ σπάνιον τι γέγονεν, h. e. *circa meridiem autem raro quid horum accidisse,* ut in Bosphoro aliquando contigerit, ubi tota die una continuantes duo parhelii duraverint usque ad occasum. In posteriore vero loco, quem nos prius allegaveramus, priora totidem fere verbis repetit, quod fiant parhelii περί τε τὰς δυσμὰς καὶ τὰς ἀνατολὰς, καὶ ἔτ' ἀνωθεν, ἔτε κάτωθεν, ἀλλ' ἐν τῶν πλαγίαν, h. e. *circa occasum & circa ortum, neque sursum neque deorsum sed lateraliter.* Quæ postrema, cum hætenus constans observatio confirmaverit, oportet plane extraordinarium fuisse id Phæn: quod accidisse anno 1586. ex Rothmanno allegat P. Fabri c. supra l. p. 443.

*PHÆN. IIX.* Neque sane negligenda est hæc temporis, vel durationis circumstantia, quod unum Gassendo vix duraverit horæ dimidium, aliud, & illa quoque anni 1629 per horam constiterint, alia anni 1630 per horas quatuor: Aristoteles autem Lib. III. Meteorol. cap. 2. p. m. 76. uti paulo ante vidimus, in Bosphoro contigisse memoret, ut δι' ὅλης τῆς ἡμέρας συναναχόντες δύο παρήλιοι διέτέλεισαν μέχρι δυσμῶν. Ex quibus circumstantiis non sine causa conclusisse videtur Gassendus, Emphasis esse hoc etiam parheliorum phænomenon quæ iridis halonisque instar, à situ Solis & oculi pendeat, & aliud videri aliudque debeat, ab aliis aliisque oculis, siquidem Solè mutante situm per quatuor horas immoto manente spectatore, ac semper tamen circulum & parhelios cum Sole progressos observante, perinde



fuerit, ac si Sol perstitisset immobilis, mutassetque spectator locum, qualem equidem illationem, tanquam ex Aristotele allegatam videmus apud eundem Gallendum Animadv. sæpius cit. p. 1129.

## II. HYPOTHESES pro salvandis Phænomenis enarratis excogitatæ.

### I.

**P**Arheliorum rationem & alborum istorum circulorum, de quibus Phæn I. & II quædam commemorata sunt, eandem agnoscit tandem *Hamelius* (p. 93. de Meteoris, edit. Paris.) quam excogitaverat *Cartesius* mox distinctius exponendam; agnoscit inquam, & quidem sub persona Theophili, qui paulo ante tamen (p. 92.) dubitanter quæsierat, an nubes rotunda, & luce Solis splendida, illius imaginem mentitur? & mox suæ dubitationis aliquam rationem haut spernendam reddens, at nubes luce solari imbuta, pergit, nec Solem tam religiose sequitur, nec tanto micat fulgore, ut vix à Sole secerni queat; neque figuram rotundam ita perstinaciter retinere solet, nec demum quatuor vel quinque soles tanta luce fulgentes simul videri possunt, nisi nubes concava, & instar speculi terfa, multiplici Solem reflexione exprimat. Enimvero superius à te demonstratum fuit, mi Simplici, Solis imaginem à nube reddi non posse, quod nec solida sit, nec continua &c.

II. Quid serii his subsit, quid minus, hic non definiam, infra in epicrifi visurus. Hoc interim reticere non possum, eundem Theophilum mox seq. p. 91. sub initium hæc subjicere: Verum, ut, cum Menandro (qui ex collocutoribus ordinarie Cartesii partes defendit) in gratiam redeam, Cartesii sententiæ non invitus accedo, qua existimat Solem nubi congelatæ, atque adeo politæ, & perspicuæ imaginem suam imprimere: nubis vero superficies congelatur, cum calore soluta repentino frigore corripitur. Sed quid glaciem illam, in aere suspendit? an vapores, qui continenter è terra erumpunt, aut venti, qui in sublimi vehementius spirant? Quid aliud dracones illos volantes, puerorum ludibria, tamdiu in aere sustinet, nisi vis & impetus venti? ad extremum, nobis fatendum erit, corpora minus gravitare, quo longius à terra discedunt. Conferan-



ferantur cum his ea, quæ vir laudatus in *Phyf. Part. II. p. 469. edit. Norimb.* sub sua persona, iisdem verbis repetit; ut appareat, eum *Cartesii* hypothesein credibiliter præ aliis approbare.

III. Sed plus ingenii occultat hæc *Cartesii* hypothesis, quam ex dictis ab *Hamelio* intelligi queat. Ideo ipsius verbis ex cap. X de parheliis, (sub cujus initium statim ratio illorum circulorum alborum promittitur, qui nec astrum in centro habeant, sed ipsi ut plurimum *Solis* aut *Lunæ* centra permeent, & paralleli aut fere paralleli horizonti videantur) rem totam exponemus. Sit e. g. in Fig. nostra 96. num. 1. & 2. (1) A meridies, ubi *Sol* consistit, comitatus vento calido tendente ad B; & C septentrio, unde ventus frigidus etiam ad B nititur: & ibi suppono, (2) hos duos ventos vel invenire, vel cogere nubem, ex glaciei particulis compositam, quæ tam lata est & profunda, ut non possint unus super, alius subter vel per ejus medium labi, quemadmodum alias solent, sed cursum suum circumcirca tenere cogantur; qua opera non tantum illam rotundant, sed etiam quia à meridie calidius spirat, nivem ejus ambitus paululum liquefacit; quæ statim iterum gelata, tam frigore venti borealis, quam vicinia nivis interioris nondum liquefactæ, (3) magnum quendam velut annulum ex glacie continua & pellucida componit; cujus superficies satis polita est, quoniam venti illam rotundantes admodum uniformes sunt.

IV. Præterea etiam hæc glacies crassior est à latere DEF, quod *Soli* & calidiori vento expositum suppono, quam à latere GHI, ubi tam facile liquefieri nix haut potuit. Et postremo notandum, hac aeris constitutione manente, sufficientem calorem circa nubem B vix esse posse, ad glaciem ibi formandam, quin etiam terra subjecta satis calida sit ad multos vapores emittendos, qui totum nubis corpus sursum pellentes (4) hanc glaciem in aere suspensam teneant. Quibus positis, facile intelligitur, lumen solis, (quem satis altum versus meridiem esse suppono) undiquaque glaciem DE, FGHI illustrans, & inde resiliens in nivem nubis, quam cingit, debere (5) hanc nivem ex terra subjecta spectantibus, instar magni circuli albi exhiberi; quinimo etiam ad hoc satis esse, si nubes sit rotunda, & ejus nix paulo densior in ambitu quam in medio, licet annulus glaciei non sit formatus.

V. Sed cum formatus est, possunt etiam apparere stantibus in terra circa punctum K, usque ad sex Soles, qui circulo albo, tanquam annulo totidem adamantes, inserti sint. Primus scilicet in E,



ob radios directe fluentes à Sole, quem suppono in A: duo sequentes in D & F, per refractionem radiorum, qui glaciem iis in locis permeant, ubi crassitie illius paulatim decrescente, introrsum ab utraque parte incurvantur, quemadmodum ii, qui prisma crystallinum perlabuntur: & propterea hi duo Soles in oris rubrum colorem ostendant, ea parte qua E respiciunt, ubi glacies crassior est, & cæruleum in altera, ubi tenuior. Quartus in H per reflexionem apparet: duo itidem postremi per reflexionem in G & I; per quæ puncta G & I suppono circulum describi posse, cujus centrum in puncto K, & qui transeat per B nubis centrum: ita ut anguli KGB & KBI aut BGA æquales sint, ut & KIB & KBI, aut BIA, Novimus enim, reflexionem semper ad angulos æquales fieri, & hujus glaciei partes omnes, ex quibus Solis radii possunt versus oculum reflecti, ejus imagini referendæ aptas esse. Sed quoniam recti radii semper refractis acriores sunt, hi tamen magis adhuc vegeti quam reflexi, illustrior Sol apparebit in E, quam vel in D, vel etiam in F; rursusque in D & F illustrior, quam vel in G, vel in H, vel in I; & hi tres, G H & I, nullo colore in oris insignes erunt, ut D & F, sed tantum albicabunt, &c.

VI. De hac nube Cartesii sic judicat P. Fabri Tract. VI. Lib. IV. Prop. XI. num. 1. quod aliquis recentior nobis describat nubem ex continua glacie conflata, id suo judicio satis ridiculum esse. Cur enim non cadit? addit, quia inquit, à multa vaporum vi, qui ex terra ascendunt, sustinetur: quasi vero vapor aere levior, tam grave corpus sustentare possit. Ipse vero huic Cartesii huic rotundæ nubi, alias in plana seu facies diversas sectas, substituit, indeque num. 9. dicit, si nubis superficies ita disposita sit, ut radii Solis perpendiculariter incidant, infima vero non sit supremæ parallela, sed inclinata: haut dubie radii, qui paralleli nubem trajacerunt, ubi ex ea erumpent, refringentur, & oculo incident, inde parhelium. Porro. si sint plures hujusmodi nubes, vel potius diversa ejusdem plana dubium certe non est, quin multa parhelia simul videri possint; ad analogiam in prismate vitreo provocant, de quo fuscè actum sit Lib. de coloribus.

VII. Hinc num. 5. & 6. facile explicare se dicit, quomodo circa ortum Solis vel occasum parhelium appareat, & quomodo Sol medius inter duo parhelia, positu verticali, spectari possit, quod accidisse 1586. ex Rothmanno narrat, quod tamen n. 5. non semel observatum dicit, rudi quoque schematismo rem seq. n. declarans, quem



quem hic repetere nolumus. Nempe nubem supponit, in qua directe Sol per nubis planum ipsi directe objectum sine refractione cernatur, & duo alia obliqua plana, per quæ Solis species refracta ad eundem oculum deferatur, alia scilicet humilior, altius alia spectanda; quemadmodum nempe num 15. interrogatus, an lumen Solis in parhelio, an Sol ipse videatur? postquam respondisset, Solem ipsum videri, sed per radios refractos, mox addit, excidisse sibi appositam omnino analogiam, quam habemus in lente poliedra, sive, ut ipse vocat, in polyoptro, quod cum ex multiplici facie constet, objecta multiplicet, modo inter objectum & oculum statuatur. Nihil autem vetare, quin nubes casu aliquo ex diversis planis constare possit: addi denique vult, quod objectum in polyoptro multiplicatum, iride cinctum, vel tinctum videatur.

VIII. Quod denique mentem seu hypothesein *Gassendi* spectat, is (1) cum halonum sive coronarum genesin non adeo incomprehensibilem judicet, juxta ea videlicet, quæ cap. præced. fuere tradita; de circulo tamen albo magno & horizonti parallelo, p. 1132. Animadvers. in Epic. Philos. dicit, ejus profecto generationem non posse non obscurissimam haberi. Posita autem hujus generatione, (2) Parheliorum genesin facillimam intelligi, nempe (ut p. sequ. 1133. pluribus docet, quod sub initium p. 1131. innuerat, parhelia *aut portiones areae esse, aut rem certe ipsis connexam*; hic autem apertius dicit, quam intersectiones coronarum vel iridum cum circulo magno horizontali. Nempe in ipsa intersectione, efformatur, inquit, quadratulum præ reliquo ambitu illius sive circuli, sive coronæ, lucidum, (ob geminatam scilicet ex utriusque intersectione lucem) atque idcirco habitum pro Sole, qui exquisitè quidem & in se rotundus non sit; sed pene tamen rotundus, ob circumradiationem angulos confundentem, appareat; ut hoc pacto non videantur aliunde gigni vulgo parhelia, nisi in intersectionibus coronæ & magni hujus circuli: qualia fuerint duo ex parheliis anni MDCXXIX, K et N (Fig 95.) in intersectionibus albi circuli & coronæ exterioris observata &

IX. Et quamvis duo alia L & M, quæ fuere postica, seu ad dorsum respectantia in verum Solem, sine ulla consimili intersectione visa fuerint; probabile tamen ait esse, fuisse aliquam, etsi à multis non animadversam. Nempe non alia de causa visa fuisse nulla postica in parheliis anni MDCXXX, tametsi plane integro existente circulo albo, quam quia nulla concreata fuit iris aut iridis portio, quæ scilicet interfecisset; nec semper etiam creari antica, dum coronæ



sunt, quia non semper albus circulus creatur. Quin etiam in iis, pergit, quæ conspeximus, adeo exiles fuere portiones tam coronæ, quam circuli, ut, quibus illa monstrabamus, nihil esse judicaretur præter merum parhelium, videlicet non assuefactis ad simile quid observandum.

## EPICRISIS ECLECTICA

super enarratas hæctenus præcipuas Hypotheses.

### I.

**P**rimum equidem veleo nomine placeret Cartesiana Hypothesis, quod circuli albi horizontalis genesis speciosa quadam facilitate declarare videatur, uti sub finem num. IV. Hypoth. dum Gassendica num. VIII. ingenue faterur, eam non posse non obscurissimam haberi; in cæteris autem altum omnino de ea est ubique silentium. Ex altera vero parte suppositorum nimia multitudo tantum non incredibilem reddit, cum 1) supponitur nubes vasta & nivosa, inter oculum Solemque, versus meridiem quidem, media vel reperta, vel cogenda demum; 2) duo venti contrarii, seu ex opposito una spirantes, in eandem quidem illam nubem, in qua 3) tanta vastitas, profunditas & magnitudo requiritur, ut non possit unus illorum ventorum supra eam, alter subter ipsam, aut per ejus medium viam reperire, sed cogantur circa ipsam, in partes oppositas sibi invicem cedendo, promoveri, & hoc pacto vastæ huic nubi rotunditatem aliquam, seu formam latissimi cylindri conciliare. Insuper 4) meridionalis alter ventus, tanquam calidus, debet ita radendo vel lambendo quasi, nubis exteriorum ambitum, ejus nivem tantisper liquefacere, mox autem, superveniens eodem momento septentrionalis frigidus, illam tantisper liquefactam, subito congelare, atque ita rotundatam nubem undique glacialisque polita crusta circumvestire. Ne vero ex hac concretionem densior multo & ponderosior reddita nubes caderet in terram, supponendus erat 5) aut è suppositis concludendus sufficiens calor ad excitandam tantam vaporum copiam, quæ sursum enitens descen-



descensuram nubem cohiberet, & in aere suspenderet. 6) Denique Sol satis altus supra hanc nubem supponitur, ad ea inde deducenda, quæ in fine num. IV. & per V totum pluribus deducuntur.

II. Ecquis autem tot conditionum & requisitorum concursum in eandem horam intra aliquot seculorum decursum sperare possit, & sic parheliolorum apparentiam expectare? quæ, etsi rara satis, aliquando tamen intra paucos annos, imo intra paucos menses ac dies quoque eodem etiam loco, e. g. anno 1629, quinque, sequenti 1630, septem Solium, eodem loco, nempe Romæ, à Scheinero visorum, anno 1636 mense Augusto, & præcedentis anni Majo unius solum spurii à Gassendo observati, anno 1666 d. 9. April. à P. le Bossu, ac tertio post die à D. Stephano Ecclesiæ Carnoutensis tunc Canonico, duorum Solium spuriorum, eodem Galliæ loco, prope Carnutum nempe in exteriori corona visorum &c.) recurrunt. Non dicam nunc, nondum adeo apertam esse consequentiam, quod duo venti contrarii, circa valde latam præsertim nubem spirantes, ac sibi invicem cedendo necessario valde in dextram & sinistram divergentes, illi figuram præcise rotundam, & non potius parallelepipedam aut rhomboidalem, conciliare debeant; nec urgebo cum P. Fabri, ascendentes à terra lentissimè ac sine omni sensibili impetu vapores, vix sufficere posse ad ponderosam adeo nubem à lapsu sustinendam, quin hoc potius pro Cartesii hypothesei salvanda, excipi forte speciosius posse nobismet persuadebimus; cum vasta illa nubes antea raritate sua in aere nativa sua levitate pependit, eam postea quoque, etsi crusta glaciali onustiore (quæ solitaria in aere suspendi neutiquam posset) & quodammodo profundius demersam, adhuc tamen librari posse, & glaciem ponderosam à cohærente interioris nubis levitate una sustentari; quemadmodum novimus, navigia in scilicet ponderosissima, aqua tamen specie leviora, si maxime ingentium molium metallicorum oneribus prægraventur, mergi quidem aliquatenus, non tamen submergi, & juncos porosos aquæ super-



natantes, imposita sibi corpora humana satis gravia, una secum supra aquam submersionis secura sustinere.

III. Id vero ab Hamelio ipsi serio, credo, & jure quidem, objectum est num. I. Hypoth. præced. quod nubes luce solari imbuta annuloque cincta, non tam religiose Solem sequatur, uti soleat alias circulus albus eum sequi, per ejus centrum constanter transiens; quia nempe non est consistens quiddam & reale, sed mera quædam *ἐμφασις*, in aere apto, ejusque partibus successive aliis aliisque, cum halonibus ordinarie, & pro mensura promoti Solis, perpetuo regenita; id quod egregie demonstra- vit Gassendus, Animadv. in Philos. Epicuri p. m. 1132, circa finem, dum interea circulus albus in hac rotunda nube, & cum ipsa, est reale quiddam & consistens, nec à Solis motu progressi- vo, ullo modo dependens. Et quamvis varia conjectet Carte- sius num. III. cit. Cap. X, si spectatores non sint in loco K, sed alicubi viciniore puncto B &c. tunc eos duos Soles G & I non vi- suos, & si contra multum recedant, ad H vel paulo ulterius ad C, quinque solum, D, E, F, G & I, longe ulterius recedentes, tantum tres spectaturos &c. omnes tamen has subtiles specula- tiones experientiæ manifeste contrariari, vel unicum exemplum parheliorum solarium sex, sed cum vero septem, Romæ anno 1630, & aliud paraselenarum, cum vera Luna pariter septem, anno 1684. Lipsiæ spectatarum evincunt; cum utra- que phænomena per 4 horas continuas circiter duraverint, Sole interim Lunaque situm suum plurimum mutantibus, nec spe- ctatoribus vel Romæ vel Lipsiæ, vel alibi etiam sub tali nube, aut eodem loco constitutis, aut situm interim, illius & Solis intuitu multum variantibus, superius memoratorum quicquam obti- gisse constet; imo Lipsiæ coelum serenum, auramque frigidis- simam, nulla conspecta nube fuisse, Phæn. IV. testetur.

IV. Necessitas igitur nobis, vel nolentibus imponitur, (ut seponamus interim illam bonæ notæ Hypotheseos judicatio- nem, quam in Præf. Part. I. Phys. electivæ, Artic. III. Paragr. I. præscripsimus) præsentem Hypothesin Cartesii hac vice de- seren-



serendi, qui superius aliam ipsius circa iridem summis laudibus extulimus, & simpliciorum aliam phaenomenisque magis respondentem quaerere: quam equidem an in P. Fabri cogitatione reperturi simus, nunc videbimus. Equidem multo paucioribus ac simplicioribus suppositis eam, quam Cartesianam, constare; negari non potest; unum tamen ac principale suppositum tale est, quod ut artificiale nimis, naturalibus & instabilioribus rebus, accommodari nullo modo potest. Prisma vitrea triangularia, & vitra, polyedra sive polyoptra, sind Kunst-mässige Körper / aus Glas und CrySTALL / in verschiedene Flächen / so zugleich fein polirt werden müssen / künstlich geschnitten. Facile quidem praelamo, virum talium artificiorum peritissimum, ejusmodi corpora arte figurata & polita, in aere & nubibus non supponere, sed aliquid ipsorum utcunque analogum saltem. Verum nec analogiam qualemcunque in nebulosa & instabili nubium substantia admittere possum, quae phaenomenis, quae sub manibus sunt, vel ulla levicula similitudine applicari possit. Vix momentum aliquod temporis elabi potest, quo non aliqua mutatio in figura nubium notabilis contingat; ut, si maxime persuadere nobis possemus, aliquas in isto loco causas occurrere posse, à quibus polyedra ejusmodi figura nubium fluxae adeo consistentiae, vel rudissime induci posset, illa vix uno alteroque monumento duratura, ejusmodi parheliorum & paraselenarum phaenomena, saltem in horas dimidias, aut integras, vel etiam plures, satis constanter conspicua, exhibere posset.

V. Ut taceam regularitatem in his phaenomenis multiplicem, ut, quod e. g. ordinarie ex utraque parte veri Solis aut verae lunae, parhelia aut paraselenae, dextrorsum & sinistrorsum, sub eadem cum veris astris altitudine, eadem etiam utrobique quam proxime intercapedine, conspiciantur? quod nunquam aut raro admodum in verticali positu spectata sint: multo minus autem oblique locata conspecta unquam, aut alias inordinate valde collocata &c. quis autem sibi persuaderi sinet, à casualibus nubium ordinarie irregularis-

sime



sime figuratarum sectionibus, aut polyedris utcumque complanationibus, talia, sæpe etiam in multum tempus durabilia phænomena satis ut plurimum ordinata provenire posse? profecto, si quis addictior forte Cartesiana gloriæ vindex, in has imaginarias nubium polyoptricas efformationes incideret, & si non magis has, saltem non minus ridiculas Cartesii rotunda & glaciali nube, judicaret, id mirum fortasse nemini à patrium studio alieno videri posset.

VI. Quid igitur tandem restat è superius enarratis hypothese-  
sibus, præter Gassendicam, quæ sua simplicitate se apprimè com-  
mendat, si modo illam unicam difficultatem, de generatione  
circuli horizontalis magni & albi superare daretur. Hoc enim  
supposito & obtento, nihil apertius est, quam parhelia & parasē-  
lenas aliud nihil esse quam geminatam lucem in iis cœli locis,  
ubi circulus albus & coronæ se mutuo intersecant & combinato  
suo qualicumque fulgore resplendent. Suadet id 1) ocularis  
experientia, qua, non alibi parhelia anni 1629 (in Fig. 95) nec  
alibi parasēlenæ anni 1684 (in Fig. 98) quam in intersectionibus  
manifestis, ibi coronæ exterioris, hic utriusque, tam interioris  
quam exterioris, cum circulo horizontali alba luce fulgenti, &  
in aliis minus quidem manifestis ac præsumptivis saltem portio-  
nis alicujus halonis vel iridis paulo obscurioris; unde solent  
etiam talia parhelia & tales parasēlenæ, cæteris magis esse obscuræ.  
Fateretur sane Gassendus, se ad hæc talia attentio-  
nem, ipsas portio-  
nes circulorum se mutuo secantium animadvertisse, ubi alii, qui-  
bus principale phænomenon monstrabatur, huic scilicet in-  
primis intenti, minus principalia altera non animadverterent.

VII. Testantur interim *P. Bossu* quoque & diarii gallici edi-  
tor, apud Hamelium laudatus, non facile parhelios apparere,  
quin una coronæ seu halones aut earum quippiam conspiciatur.  
Profecto portio illa halonis *M N* (in Fig. 98) exteriorem *F L G*  
contingens in observatione Lipsiensi, ita respicit duas parasēlenas  
*D & E*, ut credi queat, harum imagines ab illius obscuriore con-  
tinuatione ortas fuisse, & narrationis Authorem illius portionis  
ambi-



ambitum potuisse justo forte angustiore æstimare. Suadet 2) credibilitatem hujus hypotheseos figura parheliorum & paraselenarum minus rotunda in ambitu suo, uti quidem relationes verbis factæ constanter affirmant, etsi figuræ ipsis adjunctæ à cælatoribus rerum non satis peritis dictis relationibus minus consentiant. Sicut enim in schemate parheliorum apud Cartesium c. I. Sol verus æque lacera parumque rotunda imagine sculptus cernitur (quam nos tamen in Fig. nostra 95. correximus) ita contra, paraselenæ, in schemate Actorum Lipsiensium ad annum 1684 p. 100. æque, imo exactius rotundæ pleræque repræsentantur, quam ipsa Luna vera A, contra clara relationis verba p. 101. ubi adeo similis correctio in Fig. nostra tentanda fuit.

VIII. Quod superest & anomalias quasdam in casibus extraordinariis & à regula Phæn. III. & IV recedentibus attinet; illarum speciales causas ii facile spero conjicient, qui præsentem hypothesein in casibus ordinariis approbabilem judicant, uti profecto simplicitate sua & phænomenorum evidenti exigentia approbationem omnino mereri videtur; si præsertim modus aliquis imaginabilis alicunde affulgeret generandi circuli magni albi horizontalis, prout halonum vel coronarum modus generandi speciosus satis antecedenti capite suppetiit. Quemadmodum nempe ejus varietatis ratio, quod in collatione Phæn. III & IV in priori coronæ exterioris tantum intersectio cum circulo albo horizontali parhelium peperit, cum in posteriori etiam interioris intersectio paraselenen, æque ac illa exterioris spectandam exhibuit, non adeo in obscuro posita est; quia nimirum Solis veris nimius fulgor vicinioris coronæ cum intersecto circulo albo geminatum splendorem minus sensibilem reddebat, quam splendor veræ Lunæ multo debilior: ut sic spes aliqua affulgeat, etiam majorum quarundam irregularitatum iis, qui tales solícite & circumspécte observandi occasionem habent, aliquam rationem, progressu temporis saltem, occursuram esse.

Kkkk kkkk

AR-



## ARTICULI V. de Meteoris emphaticis

### CAPUT IV.

*De Virgis, foveis, & residuis quibusdam apparentiis luminosis.*

#### I. PHÆNOMENA.

**P**HÆN. I. *Virgæ* duplicis generis esse, dicit *Honoratus Fabri* Tract. VI. Lib. IV, Prop. IX. Quædam vulgatiores sunt & magis frequentes, quarum analogiam clarissimam habemus in Solis radio per fenestram in obscurum conclave projecto, qui revera non absimile priori exhibet phænomenon. Alias etiam *bacilli, columellæ & funes tentorii* dicuntur; à Sole quippe, tanquam polo & fastigio quasi tentorii, per nubis infra subjæctæ partes sparsas trajecti, eo fere modo, quo funes ex tentorii culmine in subjæcta terra latius distracti, defiguntur, ad sustinendam contra ventorum imperum, tentorii leviolem alias structuram. Vulgus hominum de hoc phænomeno dicit: *die Sonne zieht het Wasser* // credens scilicet radios illos virgatum distractos humores ex terris udis & lacunis, ad nubes elevare & attrahere, ideoque proximis diebus pluvias secuturas credens. (vid. Fig. 100, num. 1.)

**P**HÆN. II. Aliud nobilius & jucundius genus virgarum quod gratos exhibet iridis colores describunt nobis *P. Fabri* l. c. n. 2. *Du Hamel* de Meteor. p. m. 21. & *Gassendus* Animadvers. in Philos. Epicuri p. m. 1135. versus finem. Ac de his *παράβολοις* sive virgis prolixè agit *Aristoteles* Lib. III. de Meteoris Cap. 6. ubi virgas has cum parheliis conjungit, tanquam congener phænomenon, per reflexionem radiorum ex nube vicina, tanquam speculo, repercussionum, ortum. In Lib. de mundo Cap. IV. defi-



definitur *παῖδος* quod sit *ἴριδος ἐμφασις ἐνθεῖα*, h. e. *irides apparentia recta*; quia scilicet strias coloratas diversas exhibet, ut iris, non vero in arcum circularem, ut in hac dispositas, sed recta sursum exporrectas, & parallelas quidem, pro ratione partium nubis, alibi rariorem, alibi densiorum, simili positu ordinatarum, prout infra in hypothesebus pluribus videbimus. (vid. num. 2. Fig. 100.)

*PHÆN. III.* Inter Emphases numerant etiam Physici *Foveam*; h. e. speciem aliquam hiscentis quasi coeli, quæ si magna sit, *vorago* dicitur, si exigua, *hiatus* appellatur; prout habet *Systema Ernestinum* p. 401. *P. Fabri* cit. superius loco *Prop. X. num. I.* Voraginem vel hiatus dicit in aere apparere, ad instar fossæ profundissimæ, cum scilicet densa & crassissima nubes, brevibus tamen terminis circumscripta, inter Lunam v. g. & oculum, nocte serena interjicitur &c. *Aristoteli* Lib. I. de *Meteor.* Cap. 5. *χάσματα τε καὶ βόθροι* dicuntur ejusmodi apparentiæ; quibus quomodo profunditatis illa species concilietur, mox inter Hypotheses dicetur, ex communi fere consensu allegatorum Authorum.

*PHÆN. IV.* Memorat *Petrus Gassendus* Animadvers. in *Philosophiam Epicuri* p. m. 1137. *Fulgoris* alicujus, qui aliquando nocte intempesta, & silente etiam Luna, totum septentrionalem tractum ita occupet, ut claram auroram mentiatur; unde & *aurora borea* ab aliquibus dicatur; de qua accipienda putat quædam apud *Plinium* Lib. II. Cap. 35, & apud *Senecam* I. *Nat. quæst.* 15 lecta; in quibus posterioribus tamen id notat, quod *Seneca* ait, illos fulgores certo loco permanere, cum tamen lux equidem dilutior aliqua illam coeli faciem (borealem nempe) per complures horas albescens reddat, præterea vero aliqui vivaciores fulgores sint, qui aliquando, seu in ortum seu in occasum progrediantur, motibus etiam aliis prorsus admirabilibus, quos sæpius quidem observaverit, & nunquam illustriores quam Anno MDCXXI. die Septembr. XII, cum *Peynerii* diverteret, oppido inter *Aquas sextias* & *San-Maximum* medio:



quam observationem deinceps per integram pag. & amplius fusius enarrat. Causam autem hujus mirandi, imo stupendi ipsius judicio, phaenomeni p. 1139 denique in medio circiter, utcunque dicere conatur. *P. Fabri* vero, illud tanti non faciens, auram borealem dicit esse cit. Prop. X. num. 3. quoddam subobscurum lumen, quod in nube, versus boream circa mediam noctem subalbescere videtur; idque aestate, circa solstitium æstivum &c.

*PHÆN. V.* Ad hunc locum *fulgor* alius, itidem anniversarius, omnino spectat, quem tanquam rarum, illustre, & admirandum phaenomenon, annum vespertinum, in occidentali plaga, circa nascentis semper anni auspiciū primum aspectabile, & ultra trimestre durabile, ab annis circiter 24 sedulis *Astrophili* vigilantissimi *Georg. Christ. Eimmarti* observationibus oblatum, Anno MDCXCIV. schematismo æri incisum, & sub nomine *trianguli cælestis*, conscio laudato observatore, ex ejus observationibus descriptum & publicatum, à M. C. J. Glasero, SS. Theol. tum Sr. nunc autem V.D. in urbe Norica ad Div. Sebaldi Ministro dignissimo. Summa prolixioris descriptionis huc in compendio redit: Tractum esse albicantem, sub initia Januarii mensis jam conspicuum, ab Horizonte occiduo oblique assurgentem, figura plana trianguli scaleni, apice suo, ultro cornua arietis extensum, (vid. Fig. nostra 97) qui languescens tandem lumine usque ad Plejades in latitudine paulo australiori excurrat; latere suo australi debiliore luce, boreali vero candicante magis coruscum. Cessante crepusculo, duas tresve horas aere defæcato superstitem, nec nisi cum primo mobili, iisque fixis, ubi in mucronem obruffiorem definit, tenaciter adhærens, occidere solitum: Anno 1688, 89, 91, 93. diebus 12 & 14 Febr. serenissimo cœlo, tanta claritudine fulgens, ut non solum stellæ minutissimæ intra complexum ejus dilucide cernerentur, sed & albore suo & pelluciditate galaxiam longe superaret, duraretque in tam saturo luminis vigore usque ad extremum cuspidis suæ occasum, qua anno 88, Martis planetæ  
fidus



fidus involverat, &c. quæ pleraque post Eimmarcum cum pluribus aliis etiam nos observavimus.

*PHÆN. VI.* Observavit hoc ipsum procul dubio Phænomenon in Gallia JOH. CASLINUS, observator Regis undique celeberrimus, quippe cujus descriptionis circumstantias cum suis apprime convenire fatetur ipsa descriptio Eimmartiana; sed, quod notandum & Cassinus ipse confitetur, animadvertente id se primum cæpisse in observatorio regio vespere d. 18. Martii anni 1683. cum observatis, quæ in Saturno contingunt vicissitudinibus, oculos in prima stella Arietis figeret, quæ tubospecillis, tanquam ex binis, suarum diametrorum summa ab invicem distantibus, composita conspiciatur. Observaverat simile Phænomenon *Dn. Chardin*, (teste Lib. ejus de coronatione Solimanni Regis Persici, quem allegat laudatus *Dn. Cassinus*,) Isphani quæ Regni metropolis est, d. 10. Mart. hor. 7. pomerid. Vid. *Act. Lips.* ad ann. 1683. à pag. 274. usque ad 281. inclusivè; è quibus verbotenus allegare quicquam nolui, hoc uno potius notato, quod Cassini figura fulguris ætherei, quæ exhibetur ad p. 271. ab illa Eimmarti, non parum dissentire videatur.

## II HYPOTHESES cum adjecta statim qualicunque nostra Epicrisi.

### II.

**G**aleriana Trianguli cœlestis descriptio difficile admodum judicat sine plurimarum adjumento observationum ad veram rari admodum phænomeni causam perveniri posse, & meminit unius alteriusve conjecturæ, suo fortasse tempore in lucem proferendæ nullam autem earum speciatim commemorat, sed vires acutissimis & sagacissimis ingeniis præditos exstimulat proluxa rhetoricatione ut ad causæ illius genuinæ inquisitionem certatim assurgant.

II. Interea cum laudatus ante Cassinus, speciosam satis allegato loco attulerit, ea interim contentos esse licebit nobis, donec alius



meliozem demonstret. Ea vero in sequentibus consistit : (1) non esse lumen hoc insolitum sine materia ad terram radiante; directionem autem, quam longitudo illius fulgoris ad Solem habet, ansam suppeditare statuendi, illum ab ipso Sole derivari. Hanc vero materiam (2) in æthere esse posse, cometarum caudas, in æthere utique genitas, verosimiliter evincere, quibuscum hoc lumen tam colore, quam claritate, tenuitate & situ ad Solem, apprime conveniat. Neque tamen (3) credibile videri, veri cometæ, sub Solis radiis forte absconditi caudam illud esse, quandoquidem latitudine sua adeo differat, ab omnium, qui huc usque observati sunt, cometarum caudis; & quod addi merito potest, ex tot annorum intervallis eundem cometam sub Sole perpetuo latitare, cauda sua interim ad easdem stellas fixas perpetuo exporrecta incredibile sit, ac penitus inauditum. Accedit (4) lumen hoc in eodem tractu cœli hætenus quotannis apparuisse, quem plures cometæ proxime superioris seculi (annorum np. 1652. 1665, 1672, 1680, alique plures seculorum præcedentium, in ea sibi fascia obviantes, trajecere, cui in tractatibus suis ob frequentiorez cometarum transitum, *zodiaco cometarum* nomen fecerit

III. Distantiam porro illius materiæ sive subiecti dicti luminis, sive per reflexionem sive per refractionem terris allapsi, iusta satis mensura per parallaxin determinari non posse dicit, ob ambiguum ipsius terminum, qui obstiterit, quo minus accurate ad stellas fixas diversis noctis horis, diversisque terræ locis, compararetur. Interea ingentem illam esse, & supra sphæram elementarem in æthere ex circumstantia motus diurni 24. horarum, quo sidera æmulabatur, cognoscere licuisse; sive ex communiore hypothese, sive ex copernicæa iudicemus. Quam enim venti rabiem toto mense, per aerem materiam hanc citra dissipationem propellere posse, tanto cum impetu, quo uno die terram circumvixit, talique ordine, ut eadem perpetuo sidera respiceret? aut in copernicæa, qua vi illam motui sphære elementaris diurno, ab occidente in orientem, esse renixuram continue, ut neque abriperetur, neque dissiparetur? pensato etiam ejus motu proprio nimis exili, eam, ex analogia Saturni tardissimi planetarum, longissime versus regionem fixarum elevatam esse, supponere nos coactum iri.

IV. Circa Auroram boream diversa plane sentiunt Gassendus & P. Fabri posteriori enim huic res parvi momenti est, in qua hæere diu-



diutius non sit operæ pretium. Nempe splendorem Solis in nube circa Solstitium in ipsa nocte media subalbescentem intelligit, eamque à gemina refractione radiorum solarium dependentem: quod equidem nihil mirandi haberet; utpote Sole isthoc anni tempore, ac circa dictam noctis horam non-admodum profunde infra horizontem borealem constituto, non aliter ac vesperi post ejus occasum, & mane ante ejus ortum, cum minus utrobique profundus est in aere superiore resplendescencia aliqua producitur, quæ hîc *aurora* vel *diluculum* ibi *crepusculum* nuncupari solet, at priori illi in Phæn. IV. anterioribus, & multo prolixius in ipso ibi allegato loco, res hæc momenti maximi, imo mirabilis & stupenda judicatur, quæ non circa Solstitium æstivum tantum, verum in ipso quoque æquinoctio autumnali, & quidem illustrius, quam alias observata fuerit: ut operæ pretium omnino futurum sit, hujus generis plures haberi, & ex iis occasionem obtineri posse ad causam phænomeni adeo-rari, quam nunc dare minus possumus, quam fulgoris Phæn. V. commemorati, aliquando horiolandam.

V. Melius de fovea sive hiatu aut voragine, philosophatur P. Fabri, cum cæteris etiam peripateticis; cum scilicet densa & crassissima nubes, brevibus tamen terminis circumscripta, inter lunam v. g. & oculum serena nocte interjecta, in limbo seu margine, (ubi tenuiores plerumque sunt nubes quam in medio) transmissis & per refractionem oculo incidentibus radiis, plus lucis vel splendoris videtur, area vero media, ob defectum transmissorum radiorum, atra & obscura apparet; ut inde remotior hæc, ille vero vicinior judicetur, cum obscuriora procul posita videantur, illustriora vero vicina magis. Id quod Systema Ernestinum c. I. his verbis exprimit: Generari foveam, inquiens, cum serena nocte multi halitus in sublime eVecti & constipati, in medio densiores, in extremis partibus rariores, constituuntur inter astrorum lumen (in extremis, intellige, transparens in medio minime) & inter nostrum aspectum, ut foveæ similitudinem habeat.

VI. Quoad virgas nobilioris generis, variis scilicet striis coloratis & parallelis quoad sensum rectis, pictas, fasciculum adeo, aut fasciam potius parallelogrammam, repræsentantes, melius dici vix potest eo, quod libellus de mundo dixit, *iridos*, eas, aut verius *halonis apparentiam rectam esse*; tametsi, cur recta sit? & cur *iridis* vel *halonis* apparentia dicatur? ipse fortassis Auctor libelli non intellexit, nunc autem ex P. Gas-

sendi



fendi Hypothesi promte à quovis intelligi potest. Is enim, & meo quidem judicio rectissime statuit, virgas illas coloratas nihil aliud esse, quam portionem aliquam halonis mutilæ, cujus curvitas sive convexa sive cava, propter absentiam aut defectum portionum reliquarum, non est sensibilis: quemadmodum sane ex curvatura peripheriæ circularis (præsertim grandiorum, qualis occurrit in halonibus,) resecta quædam, & à residuis partibus seperatim spectata, in rectitudinem quandam, ac tota latitudinis fascia in planitiem quandam rectangulam degenerasse cernitur, striis adeo discoloribus apparenter pariter rectis, & ad sensum parallelis, distinctam. Signa vero veritatis in hac hypothesi, hæc duo vel tria præcipue sunt quod: (1.) hæ virgæ à Solis lateribus in ea distantia ab hoc sidere comparent, qua solent halones aut parhelii comparere; (2) eandem habeant cum halonibus latitudinem; ac (3) eosdem cum his, & eodem ordine positos, colores.

VII. Nec incredibile sane, ejusmodi portionem etiam veræ iridis, sive primariæ sive secundariæ, circa horizontem ex alterutro crure residuam, post evanidas scilicet partes superiores, ejusmodi phænomenon virgarum variegatarum exhibere posse; quale ipso facto fuisse verosimile illam cruris exterioris portionem, quam P. Fabri observatam adhuc à se testatus est, posteaquam iris interior jam penitus evanuerat. Actales equidem virgas, non solum intervallo 42. circiter vel 52. graduum à Sole conspici, sed etiam eadem, qua irides ipsæ, colorum serie vel ordine pictas esse oporteret. Virgarum autem vulgationum ratio in ipso Phæn. I. jam indicata fuit, quod sit splendor Solis, per opacæ & roridæ nubis partes rariores & magis traluentes, transmissus; qualem, radiatim aerem obscurum in templo nostro illustrantem sæpe videmus.





# INDEX RERUM NOTABILIUM

quas

Tomus secundus exhibet.

*A.*

*Acidulae.*

**R**eperiuntur passim aquae diversis saporibus ac virtute medicamentosa varia imbutae, inter quas Acidulae sunt notissimae, quarum celebriores in Germania Auctor recenset,

1121

*Æolipila.*

Artificiales venti in æolipilis producti naturalium generationem haut parum illustrant 1178. harum Vitruvius jam jam fecit mentionem, 1178. 1179. de illarum fabrica,

1179

*Æquator.*

Æquator circulus qui? 457. omnium, diurnorum maximus est, 460. in hoc notantur duo puncta præcipua,

563

*Ær.*

De effectibus, proprietatibus & natura æris generatim, 130. 131.

&c. &c. Aerem tenuissimum & fluidissimum corpus esse experientia docet 130. tactu tamen agitur sentitur & attenuatur à calore 131. Aer inclusus, nullo calore urgente, etiam citra ullam violentam compressionem, si ab ambiente extus alio aere liberatus fuerit, sua sponte valde dilatatur, quod æris elaterium dicitur 131. Aer respectu aquae levis admodum est in se tamen & absolute gravis est, & in proprio quoque suo loco gravitat, 132. Aëris gravitas fere submilleculpa est ad gravitatem aquae comparata 132. non summa hujus est pelluciditas 132. observatu digna est æris necessitas in animalium vita conservanda, in igne fovendo & nutriendo, imò etiam ejus efficacia in corrumpendis, putrefaciendis, arrodendis & rubigine obruendis etiam solidissimis quibusdam corporibus 132. 133. corpora ab æris externi libero accessu munita diu conservantur, quod

LII III II

expe-



experimentis comprobatur 133.  
134. calidior & frigidior, humidior  
item ac siccior per vices evadit  
aër 134. ordinarie pars ejus supe-  
rior, etiam æstate media, valde fri-  
gida est, 134

Hypothesis circa naturam & sub-  
stantiam aëris Peripatericorum,  
135. Hon. Fabri 135. 136. Isaaci  
Vossii, Willisii 136. Magnani,  
Schotti, Hevelii, Cartesii, 136.  
137. Perraltii, Hamelii 137. Epi-  
crisis super has Auctoris eclectica,  
137 138

Aër non nisi abusive & improprie  
humidus dicitur 138. improprie  
magis, summe humidus aut sum-  
me fluidus 139. Termini primæ  
aëris regionis ab Aristotelicis con-  
tra mentem Aristotelis assignati ex-  
ploduntur 139. distinguitur aër à  
fumis & vaporibus ipsi accidenta-  
rie tantum admixtis, cujus nativæ  
particulæ alio modo se habent quam  
illorum 139. 140. Aristoteles po-  
tius quam Schola ejus ad recentio-  
rum de aëre hypothesin proximè  
accedit 140. 141. Aer ignis minus  
humidus inepte dicitur, sensu vul-  
gari siccus verius natura sua, &  
frigidus magis quam calidus dicen-  
dus 142. Vires conservandorum  
aut corrumpendorum corporum  
non tam ex natura aeris propria  
quam ex admixtis sibi ac adventi-  
tiis è terra variis exhalationibus  
dependent 142. Animalium respi-  
ratio ex innata aëri gravitate &

compressione ordinaria oriri vide-  
tur. 142

De gravitate aëris in specie 143.  
144. &c. &c. Gravitas aëris per  
utrem inflatum frustrà ab Aristo-  
tele comprobata, cum Auctor ex-  
perimentum hoc minus recte pro-  
cedere deprehendisset 143. 144.  
alio & certiori modo hoc com-  
probatum dedit Auctor, ope reci-  
pientis vitrei aëre evacuati 145.  
146. Alios modos, minus tamen  
accuratos, exhibet Schottus 146.  
147. E quibus constat aërem gra-  
vem esse & in ipso aëre actualement  
suam gravitationem exerere 147.  
Hypothesis circa aëris gravitatem  
speciatim declarandam, 153

De aëris compressibilitate, in-  
deque consequente spontanea dila-  
tabilitate, seu virtute elastica 147.  
148. &c. &c. Aeris compressibili-  
tas variis experimentis confirma-  
tur 147. 148. 149. 150. Aeris par-  
tem inferiorem, in quo actu vi-  
vimus, vehementer compressum  
esse, non solum à posteriori pluri-  
mis experimentis, sed ratione quo-  
que manifestissime comprobatur,  
150. Remotis partibus superiori-  
bus aut circumstantibus, compri-  
mentibus sive ex toto, sive ex par-  
te, aut quomodocunque, infe-  
riores hæc minus compressas fo-  
re, experimenta docent 150. 151.  
Aëris spontanea dilatabilitas s. vis  
elastica variis experimentis corro-  
boratur 151. 152. causam gravita-  
tis aëris deducit Auctor, 153

Hypo-



Hypothesis circa aëris compressi-  
bilitatem, elaterium & particula-  
rum ejus probabilissimas conditio-  
nes recentiorum, Boylei 154. quæ  
nimis artificialis videtur Auctori,  
155. Cartesii, quæ ipsi magis arri-  
det, 155. 156

Causæ plurimorum naturæ phæ-  
nomenorum, quæ olim alicui fugæ  
vacui adscripta fuerant, hodie ex  
aliis principiis verius deducuntur,  
156. &c.

Causa sublatis liquoris in fistula  
ad os nec attractio proprie, nec  
fuga vacui sed aëris pressio exte-  
rior est, 157. 158. 159. 173. &  
1325. &c. Eadem causa in dolio  
superius clauso, infra vero relito,  
quod tamen nihil emittit contenti  
liquoris, redditur 159. 160. 1325.  
&c. Eadem ratio, quæ in dicto  
dolio, in clepsydris & siphonibus  
vinariis rectis pariter obtinet 160.  
161. ut & in siphonibus recurvis  
five reflexis 161. 162. E siphonis  
reflexi usu fuit jucundum specta-  
culum, quod in poculo quodam ar-  
tificiali exhibetur 163. huc perti-  
nent filtra hortulanorum & cancri  
elixati 163. 164. per siphonem re-  
curvum, si crus brevius altitudi-  
nem perpendicularem duorum pe-  
dum non multum excedat Mercu-  
rius, fluor ponderosissimus, trans-  
fundi potest 164. hoc experimen-  
to eliminatur metus vacui 164. ut  
& alio Tubi Torricelliani ope,  
165. 166. causa vera suspensi in

Tubo Torricelliano Mercurii ad  
altitudinem 28 digitorum est pres-  
sio aëris 164. 167. Eadem causa  
est aquæ in tubo multo altiore sub  
multo majore altitudine suspensæ,  
167. 168

Eadem ratio in folle undique  
probe clauso, dum angustioris  
fistulæ orificium aquæ immergitur,  
& hujus latera diducuntur, & in  
Syringa aquæ immissa, attracto  
pistillo, ut aqua attollatur, depre-  
henditur, 168. 169. Experimen-  
tum prius de folle ad respirationem  
animalium, posterius ad antlias  
spirantes five suctorias commo-  
dissime applicatur 169. 170. Circa  
has nec Aristotelici nec Cartesiani  
veram effectus causam cognove-  
runt 170. Aëris pressio aquam in  
siphonibus & tubis prægrandibus  
non supra altitudinem 30. pedum  
Rhinlandicorum attollit, 170. 171.  
Aëris pressionem alia experimenta  
ludicra demonstrant 171. 172. 173.  
ut & plana duo polita & hemisphæ-  
ria Magdeburgica 172. aliud ex-  
perimentum ope phialæ & Tubi  
Torricelliani institutum, 174. 175

Henricus Morus concedit quî-  
dem aëris pondus & elaterem, sed  
causas deducit ex principio quo-  
dam, quod vocat hylarchicum 175.  
176. Simili conatu, sed alio con-  
silio, hoc deducit Franciscus Li-  
nus ex hypothesi funiculari, 176.  
177. Explodit hanc Hypothesin Au-  
ctor, 177



De sphaeræ aëreæ supra terram altitudine, & quo eandem premit, immenso pondere 177. &c. communiter creditur aëris pondus ad pondus aquæ sub eadem quantitate esse ut 1. ad 1000, sunt tamen quidam qui majorem, alii qui minorem lillam æstiment proportionem 178 ex hoc sequitur aëris altitudinem reciproce millies majorem esse altitudine aquæ in tubo prægrandi ipsi æquilibratæ 178. 179. gravitas totius sphaeræ aëreæ ab Auctore calculo subducitur 179. 180. & 1085. cur homines & cætera animalia tantam gravitatem non sentiant? 180. 181. hoc experimentis comprobatur, & applicatio fit ad animalium hominumque corpora 181. 182. aëris gravitas prodest perquam vitæ animalium & plantarum 183. &c. si quis in Hypothesi prementis aëris ad hanc conditionem recte attenderit, quod pressio ex omnibus plagis undique fiat, &c. tunc ad varia dubia facilis erit responsio 185. ingens vis elastica & compressoria utilitate sua non destituitur,

185. 186. 191

Ad varios scopos accommodæ aëris particulæ à natura quæ sine prudentia & consilio agit, non sunt formatæ, sed providam Creatoris optimi curam præsupponunt 186. 187. aerearum particularum existentia, qualiscunque etiam fuerit, ad effectus & proprietates earum haut quaquam suf-

ficit, nisi quædam alia adhuc subtilior & actuosior materia ipsis admixta superaddatur, quæ gravitatem, compressibilitatem & elasticum conciliat 187. aeris gravitas necessaria est & utilis ob varias rationes, præcipue pro evehendo succo nutritio ad summos apices arborum 189. 190. experimenta commonstrant aërem in medio aëre gravitare 210. 211. Franciscus Lana ex sua circa cœli substantiam Hypothesi phænomena ad aëris rarefactionem & condensationem spectantia facile explicari posse putat 496. aeris mutationes & tempestates præcipue ventis, prout ab ortu vel occasu aut cæteris mundi partibus adspiraverint, deberi credibile est 728. 729. nequaquam vero vel à Lunæ cum Sole vel aliorum siderum cum Luna mutuisque inter se adspectibus sed à sublunaribus potius causis dependere, 932. 933

Aer non mutatur in aquam 1069. magna vis aëris est in corpora ipsius circumpressioni in sera tempora usque obnoxia 1085. mutabilis subinde aëris altitudo est 1182. Isaacus Vossius aërem nihil aliud esse putat quam humorem dilatatum 1183. tam ratio gravitatis in genere quam causa gravitatis & actualis gravitationis in aëre est in abstruso, quæque hætenus à Cartesio Perraltio aliisque ingeniose sunt excogitata nondum in expedito sunt omnia 1326. innumeras



meras demonstrationes ex generali de pressione & gravitate aëris principio derivare licet, etiamsi illius genuinam plenamque causam adhuc ignoremus, dummodo aliunde de ejus indubia veritate certi simus, 1327

*Æther.*

Cartesius ætherem terras ambientem & undique pervadentem absolute levem concipere videtur 59. ætheris gyrationem causam esse quæ terræ molem ingentem ita libere suspensam in æthere sustineat, Auctor decernit 82. ex hac ætheris gyratione sphaerica figura terræ deducenda videtur 82. eadem de planetis & stellis fixis plausibiliter asseruntur 82. 83. cur æthereorum orbium fluor ob absolutam suam levitatem non avolet penitus, centrumque & eo compulsa corpora deferat, rationem indicat Auctor 83. singularum stellarum fixarum ambientes gyri ætherei singulas in suo centro penitus defixas retinent 83. planeta quivis circa se peculiarem quidem habet gyrum æthereum, hos tamen intra solis gyrum multo majorem agitari concipiendum est, 83. 84

*Ambra.*

De ambraë origine variorum doctorum virorum sententias vide p. 1045. &c. ad inveniendam, aut conjiciendam saltem, hæte-

nus dubiam adhuc, circa natales ambraë veritatem quædam confert Auctor 1046. ambraë frustra magnæ molis reperiuntur 1046. de ambraë natalibus Auctor judicium suspendit, 1051

*Animalia.*

Omnia fere animalia à natura apta ad natandum sunt nata, una tamen alteris aptiora 204. quomodo calculus in animalibus generetur, 1086

*Annus.*

Nulla est anni totius tempestas, quæ non alicubi terrarum quavis anni parte obtineat, 469

*Anomalia.*

Anomalia præcessionis æquinotiorum quid? 570

*Antimonium.*

Antimonium semilapis & semimetallum, liquabile, ductile tamen non est, varia, præsertim duriori metallo similem regulum intus abscondit, vim habet purgativam, 1057

*Aphelium. Apogæum.*

Aphelium & Apogæum quid? 614

*Aqua.*

De aquæ effectibus, proprietatibus & natura generatim 192. &c. nulla magis obvia est aquæ affectio quam ejus fluiditas & per declivia rapidus decursus 192. aquarum quandam circulationem iteratis



ratis innumeris vicibus in fluminibus & maribus quovis ævo factum esse & adhuc hodie fieri Auctor non dubitat 192. Alia aquæ affectio est pelluciditas 192. Humectat corpora, eaque facilius, quam oleum, præsertim vi caloris, de erit 193. rarefit notabiliter ab igne & calore, si maxime rarefit, in vaporem degenerat, qui facile iterum frigoris ope concrefcit 193. nulla violenta machinatione aqua multum comprimi potest, quod experimenta demonstrant 193. 194. &c. concrefcit augescente frigore hyberno in glaciem, quæ liquatur accedente calore, 195

Congelantur omnium facillime stagnantes aquæ, difficilius flumina & marina aqua 195. 196. aqua dum in vase congelatur, suprema sua superficie amplius assurgit, quam liquida surrexerat 196. artificialis aquæ congelatio in summa æstate expediri potest 197. aquæ partes inferiores à superioribus manifeste valde premuntur 197. urgentur in omnes partes 198. non ex aquæ mole seu copia sed ex altitudine magis augescit hujus pressionis vis & efficacia 198. gravia omnia sub aquis demersa facilitate quadam attrahuntur 198. aqua in ipsa aqua gravitat, 198. 199

Phænomena varia immerforum fluidis & humido innatantium 199. 200. &c. Epicrisis Auctoris super hæc phænomena 220. &c.

corpus levius innatat aquæ, fluido graviori 201. 202. imò etiam corpus aqua gravius 202. 203. grandia etiam è metallis 203. facilius aquæ currenti innatat corpus ipsa levius quam stagnanti 202. non in aquam marinam tam alte immergitur corpus quam in fluviatilem, 203

Hypothesis circa naturam & substantiam aquæ Aristotelicorum 204. 205. Hon. Fabri 205. Gassendi cum Epicuro 206. Cartesii 206. 207. Epicrisis Auctoris circa has, 212. &c.

Hypothesis circa aquæ gravitationem Peripateticorum 207. cum quibus consentiunt Hon. Fabri & Hen. Morus 208. Cartesii 208. 209. Isaacii Vossii 209. 210. Boylei, Paschalii, Sinclari. 210. 211. conciliat hos posteriores Auctor 211. 212. Epicrisis Auctoris super has. 217

Aqua naturæ Auctorem demonstrat 212. 213. etsi aquæ fabricam præcise definire nulli queamus, non erit tamen prohibitum eam utcunque ex ipsis effectibus hario-lando æstimare 213. Physici aquæ particulis diversam figuram assignant. 213. 214. arridet Auctori Cartesii circa hanc Hypothesis 213. 214. ex qua variorum Phænomenorum causas declarat 214. 215. &c. opinionem Henrici Mori & aliorum, quod partes aquæ inferiores à superioribus non premantur rejicit Auctor 218. 219. in aqua



aqua similibusque liquoribus poros adesse & particulas actu solutas & separatas intellectus recte concludit, 501

Dantur aquæ quibus injecta corpora quævis in lapides & petras commutantur 1079. aquarum simplicium differentias Auctor ex Hamelio denotat 1123. aquæ dulces ab initio, in transitu per mineras terræ salinas saluginem demum induunt 1134. plerique fontes dulcibus scatent aquis 1134. immensum aquæ elementum immensam creatoris magnitudinem potentiamque demonstrat 1137. Nemo hominum, etiam in terris potentissimus, ne unam quidem aquæ guttulam, cæteris jam existentibus per divinam omnipotentiam superaddendam producere valet, imò ne unicam quidem destruere & deperdere, aut, ne supersit amplius, efficere, 1138

*Aqua medicatæ.*

De aquis medicatis variis vid. p. 1122. 1123. hæ graviores esse solent quam simplices aquæ, 1123

*Aqua supra-cælestes.*

De aquis supracælestibus vid. p. 512. 513. 886. 890

*Aqua regia & fortis.*

Inter aquas fortes tria genera notabiliora sunt 406. tantas vires hæ in metalla exerunt, ut ista in minutissimas particulas exsolvant

1033. ratio horum effectuum, 425. 426

*Argentum vivum.*

In quo argenti vivi formam ponat Cartesius? 1040. argenti vivi proprietates quæ? 1057

*Astrologia. Astrologi.*

Astrologi pro suo scopo ac divinandi pruritu signa cœlestia varie distribuunt 464 & 709. ex fundamento quodam generali tota Astrologiæ divinatoriæ basis concutitur 470. ex beneplacito potius & studio vano præsciendorum futurorum contingentium, si non lucri quadam cupidine, profluxerunt innumera Astrologorum decreta & præcepta, quam ex verosimilibus quibusdam rationibus 488. Astrologi cœlestium influentiarum veritatem ac evidentiam demonstraturi à Sole & Luna ut plurimum exordiuntur 706. astris quoque cæteris suam in hæc inferiora efficaciam, nihilo quidem solari lunarive minorem asserunt 707. diversos effectus planetis tribuunt 707. 708. magnus in his Astrologorum dissensus reperitur, 757

Multum planetarum vires variari asserunt, prout in hoc aut illo positu fuerint 708. 709. Astrologi aëris ac tempestatum mutationes è variis planetarum adspectibus & aliararum stellarum similibus configurationibus derivant 710. quoniam



nam adſpectus pro felicibus, infelicibus & mediocribus ab ipsis habeantur? 710. Inſignem hi efficaciam præcipue tribuunt conjunctionibus ſic dictis magnis, majoribus & maximis 711. Speciatim etiam ſtellarum fixarum cum ſole congreſſibus, ortui & occaſui coſmico, heliaco, acronycho multas vires adſcribunt 711. Inter Solis & Lunæ conjunctiones & oppoſitiones menſtruas, eclipticas imprimis, actuoſiſſimas credunt 711. 712. A ſtellis novis, crinitis & caudatis valde metuunt elementari huic mundi, 712

Aſtologi aſſerta ſua falſo venditant pro Phænomenis, quæ non niſi pro Hypotheſibus haberi poſſunt 713. &c. Multa quæ nobis enumerant Aſtologi non dubia tantum, ſed ex horum arbitrio ac libidine conficta ſunt 719. Adſpectuum vis & efficacia majore cum ſpecie veritatis in menſtruis Lunæ cum Sole configurationibus quam in ſtellis cæteris minoribus ab Aſtologis ſtabilitur 720. 721. Ex propria Aſtologorum confeſſione difficilis perquam eſt virium cœli cœleſtiumque influxuum notitia, 722. Dubiam & imperfectam ſtellarum & adſpectuum vim demonſtrat Auctor 722. 723. &c. Non tanti momenti ſunt influxus eclipticum ac vulgo ab Aſtologis deprædicantur, 725. &c.

Unum Aſtologiæ divinatoriæ firmamentum præcipuum eſt præ-

texta experientia ſeu obſervatio, quod pluribus oſtendit Auctor 728. Vaſritiem Aſtologorum prædicentium, & conſulentium ignorantiam & credulitatem inter illius experientiæ fulcra præcipua numerandam putat Auctor, 729. Auctor aëris tempeſtates cum Aſtologiæ regulis Calendariorumque vaticiniis frequentiffime diſſonas deprehendit 730. de genethliacorum prædictionum incertitudine Exempla nonnulla vid. p. 730. 731. &c. Lubrico, imò nullo proſus, fundamento nititur hæc divinandi ſuperſtitioſa temeritas, 737. 738. &c. Non pauci eam lucelli præſentis gratia potius, quam ob futurorum notitiam colunt 739. 740. Plebs & Aſtologi vulgares ex apparitione novorum ſiderum, imprimis cometarum, mala terris annunciare contendunt 750. 751. diſſident in ſuis prædictionibus 751. contradicunt his hariolationibus nonnulli viri doctiſſimi, qui cometas magis admirantur quam timent, 752. 753. Præſagitiones, quas Aſtologi ex effectibus cometarum variis tradunt, incertas eſſe Auctor pluribus evincit, 755. 756. &c.

### *Aſtronomia.*

Aſtronomia, cur ſic vocetur hæc ſcientia, & quid ſit? 429. 430. dicebatur olim quoque Aſtologia, 429. 430. Dicitur etiam Uranoſcopia Uranologia &c. 430. Eminent hæc ſupra omnes alias ex rationis lumine



Iumine haustas scientias 430. 431.  
Mirandum non solum sed stupen-  
dum prorsus est quod Astronomi  
in tanta perplexitate & irregulari-  
tate motuum, præsertim planeti-  
corum, eam tam variam rerum  
evidentiam potuerint consequi,  
431. 432. de ortu & progressu  
Astronomiæ, 432. 433. &c.

Ex observationibus præstantissi-  
morum Astronomorum variæ Ta-  
bulæ Astronomiæ ortæ 433. 434.  
Nulla pars Astronomiæ hæcenus  
tradita est, quæ non requirat ali-  
quid ad sui integritatem, aut sal-  
tem lima non indigeat, ne innu-  
mera quidem secula suffectura ad  
exhaustiendâ cœlorum, imò totius  
etiam hujus inferioris naturæ, mi-  
racula 434. 435. astronomiæ di-  
visio generalis quæ? 438. gemi-  
num Hypothesium genus in hac  
adhibetur 438. Praxis astronomi-  
ca triplici potissimum medio expe-  
diri solet, 439. 440

### *Astronomica Hypotheses.*

Variæ sunt variorum Hypotheses  
de ordine mundanorum corpo-  
rum, inter has è recentioribus, seu  
veteribus quibusdam noviter inter-  
polatis sunt, Tychonica, Semi-  
Tychonica, Ricciolo propria, Co-  
pernicana, Cocæana 792. 793.  
&c, confer quoque pag 549. &c.

### *Atmosfera.*

Crassiora mundanorum corpo-  
rum effluvia intra cujusque atmo-

sphæram consistere, instar macula-  
rum solarium & nubium, subti-  
liora vero non rarò hanc super-  
gressa, per universum ætherem se  
diffundere & tandem concreescere  
in nubeculas atque nucleos diversæ  
magnitudinis, unde crinitæ stellæ  
oriantur, arbitratur Hevelius 670.  
credibile est circa Jovem & Satur-  
num atmosphæram quandam diffu-  
sam esse quæ ab utrisque lunis ita  
perpetuo illustrata, ut remotio-  
rum nullus plane conspectus esse  
queat, 987. & 669

### *Attractio.*

Attractionem ferri v. g. à magne-  
te aut rerum leviuscularum ab ele-  
ctro, revera non tam tractionem  
aliquam quam coitionem illorum  
corporum ab externo pulsu & im-  
petu oriundam esse, cum multis sibi  
persuadet Auctor, 1107

### *Aura serotina.*

Aura serotina quid sit Honorato  
Fabri? 1220. 1225

### *Aurora borealis.*

De hac vide nonnulla notatu dig-  
na, 1363. 1364. & 1366. 1367

### *Aurum.*

Solum aurum in hydrargyro mer-  
gitur cæteris metallis omnibus su-  
pernatantibus, 1056

### *B.*

#### *Balnea.*

Balnea quæ salutaria, quæ minus?  
1122. 1123

Mmm mmm mmm

Baro-



*Barometrum.*

Tubus Torricellianus decenter præparatus à sequentibus Torricellum Philosophis Barometrum deinceps vocatus, 166.

*Bitumen.*

Bitumen quid? 1035. varia hujus sunt genera 1035. generales bituminis proprietates quæ? 1035. 1036.

*C.*

*Chymia.*

Chymia ars jucunda & utilis, quæ præstantior est quam inanis Alchymia, 355.

*Chymica elementa s. principia.*

Chymici sua principia hypostatica quatuor vulgaribus Aristotelicorum elementis superaddunt 19. 1038. generales resolutionum chymicarum effectus sunt ipsa principia chymica 356. numerum ternarium suorum principiorum multis experimentis comprobare student chymici 356. Hypothesis circa hæc principia Hamelii 367. &c. Boylii 371. &c. P. Fabri 380. Lanæ 381. Epicrisis Auctoris super has 393. Hamelius & Boyleus in explicandis rebus abunde insufficientiam principiorum horum demonstrasse videntur 393. 394. nec sec. Auctorem tria ista principia hypostatica simplicissimorum elementorum nomen merentur, 394. 395. & 1053.

*Circuli maximi & minores.*

Circuli maximi qui? 464. Omnes circuli maximi per centrum mundi & terræ transeuntes eodem modo in convexa terræ superficie notantur, prout in cava globi coelestis superficie designati 464. minores circuli qui? 461. 466. tam ex maximorum quam minorum innumera alioqui designabilium multitudine pauci ab Astronomis & Geographis ad dimetienda in utroque globo phænomena necessarii selecti fuerunt. 465.

*Cælum.*

Cælum, expansum illud spatio-ssimum, pellucidissimum corpus est 442 & 489. in hoc vastissimo & pellucidissimo cælorum spatio videmus corpora splendida & fulgentia non facile numeranda 442. & 489. purissima cæteroquin hæc cælorum spatia stria quadam seu fascia candicante per sui ferme medium cinguntur, quæ galaxia dicitur, 443. 489. 490.

Hypothesis de cælorum natura & substantia Gassendi 491. 492. Eudoxi, Aristotelis & ejus Sæctorum & aliorum 492. 493. Anaxagoræ, Democriti Tychonis 493. & modernorum Philosophorum 494. Riccioli & P. Lanæ 494. 495. &c. Epicrisis Auctoris super has. 497. 498. &c.

Exploditur hodie cæli crystallina soliditas, etiam in Peripato 493.



493. cœlum aura ætherea vel æther dictum aer purissimus & tenuissimus est, nostrum hunc ea proportione, qua noster aer aquam subtilitate, superat 493. 494. Cartesius egregie ejus naturam explicat 494. Gassendi contra cœlorum materialitatem prolata hypothese speciosæ contraria est una circumstantia, quæ tollit omnes ejus consequentias 498. 510. 511. Hypothesin de cœlorum orbibus solidis falsam demonstrat Auctor 498. 499. spatia ætherea stellis interjecta non esse vacua & inania demonstratur 499. quod cœlum sive substantia ætherea subtilis tenuis ac fluida sit hæc sententia universalem fere consensum ubique reperit 499. arridet potius Auctori Cartesiana Hypothesis quam Laniana 505. Riccioli & Cabbæi Hypothesis rejicitur ab Auctore 512. 513. De variis cœli phænomenis quæ ab opticis fundamentis & ex visus quadam deceptione maximam partem dependent 809, &c. Hypothesis circa hæc cum Auctoris Epicrisi, 813. &c.

*Coluri circuli.*

Cur sic dicti hi circuli? horum divisio,

464

*Cometæ.*

Cometarum à Tychone observatæ parallaxes falsitatem primum sententiæ Aristotelicæ de cometis in aere gigni solitis detexerunt ac

cœlo superlunari eos asseruerunt 493. cometarum in cœlo ascensus & descensus soliditatem orbium cœlestium destruxerunt 493. de capitum cometicorum nucleis magna est inter Astronomos concertatio, sintne corpora mundo coæva? an recens ex effluviis cœlestium collecta & coacervata? de caudis tamen eorum unanimis consensus est, illas saltem ex halitibus & effluviis cœlestibus colligi, 642

Quid cometæ cum stellis novis fixis commune habeant 645. 646. viam & motum cometæ apparentis in singulos dies prædicere audent nunc Astronomi 646. frequentiores multo sunt cometæ quam novæ stellæ fixæ 646. minus durabiles sunt novis his fixis 646. 647. de cometarum durationibus notanda quædam 647. 648. cur idem cometa unis citius objiciatur quam alteris? 648. 649. præcipitanter judicant il, qui quo cœli loco conspiciunt primum cometam novum, ibi quoque natum illum eodem die exortumque statim putant, 649

Hoc ævo cometæ, ubi conspectum inermes oculi effugere penitus, armato tamen per complures adhuc dies plerumque solent deprehendi 649. cometa anni 1680. mense Novembri matutinus, & brevi temporis intervallo secutus vespertinus pro uno eodem.

M m m m m m m m 2

que



que habetur 649. 650. aliter sentit Montanarius 647. dantur tamen etiam duo diversi intra breve temporis spatium conspecti 650. non unum anni tempus præ altero sibi vendicant cometæ 651. non annum tantum, sed & seculum unum præ altero his spectris obnoxium ex historia cometarum patet 651. cometæ per diem occultantur, possibile tamen est eos etiam interdiu ac sereno cœlo videri, 652. 653.

Cometarum pars primaria caput & stella dicta sub varia magnitudine oculo inermi apparet 653. faciem prorsus aliam per telescopia spectati exhibent, per quæ ut plurimum lugubri facie & frequenter ambitu lacero aliquantum ac minus rotundo conspiciuntur 653. innotuit hodie telescopia priorum beneficio plerorumque cometarum capita mutationibus & alterationibus evidentissimè obnoxia esse 654. 655. sæpius cometarum stellarum apparens etiam per Telescopia magnitudo una cum ipsorum motu & lumine decrescit, cum à terra magis elongantur, aliquando tamen contrarium contingit 655. colore variat cometarum diversorum obscurius lumen ad imitationem quasi planetarum ordinariorum, 655. 656.

Cometæ supra lunam in aura æthereâ motus suos exercent, quod præter parallaxes ex aliis observationibus probare conatur Auctor 656. 657. plerique come-

tæ omnes circa medium caput ac lucidiorem nucleum atmosphæram quandam seu capillitium quasi quoddam obtusiore lumine conspicuum undiquaque diffusum habent, qua sola quidem absque omni alia appendice spectandos sese objiciunt 657. cometæ respectu appendicis suæ ad duo genera revocantur ab Hevello, ab aliis ad tria 657. 658. multi cometæ ex historia antiqua depromti suspecti esse videntur, 658.

Cometæ caudas suas in partem solis obversam exporrigunt 658. aliqualis tamen haut raro inclinatio aut deviatio caudæ ab illa rectitudine observata fuit 659. variant admodum etiam apparente longitudine ac latitudine hæ appendices tum in diversis cometis, tum in uno eodemque diversis temporibus 659. 660. cometæ criniti cauda barbave destituti à sole ut plurimum maxime distare deprehensi sunt 660. cometarum caudæ prope caput compressiores, deinceps quo longiores eo latiores deprehensæ, aliæ à lato principio in mucronem tenuissimum acuebantur, utræque de cætero prope caput s. nucleum densiori plerumque, sub finem rariore & dilutiore, lumine resplendebant, 660.

Incurvatæ caudæ nonnunquam plus minusve circa extrema videntur 660. 661. caudæ cometarum fluctuantes ac vibrantes interdum visæ 661. caudæ cometarum divisæ, imò etiam interdum ab



abruptæ in plures partes visæ sunt 661. 662. aliquando cometarum Soli vicinorum ingens cauda instar trabis aut columnæ igneæ erigitur latente capite 662. cometæ singuli ab aliis omnibus aut capitis aut caudæ figura, magnitudine, splendore, colore, differunt, neque sibi ipsi similis prorsus unus idemque per notabile temporis intervallum permanet 662. coloribus cometarum caudæ non minus ac ipsa capita variant, 662.

In cometis visus duplicem motum ut in astris ordinariis percipit 663. præter communem etiam proprio motu instar planetarum feruntur cometæ, & illo quidem adspectu primo magis erratico & vagabundo quam ordinarii planetæ, non tamen adeo irregulari quin ad certas leges perinde fere illi adstringi ac in futurum prædicti possint 663. 664. plerique cometæ circulum pene maximum in cælo describere videntur, aliqui tamen, sub finem sui cursus imprimis, plus minus ab illa rectitudine deviarunt 664. 665. cometæ planetas hoc ipso quodammodo æmulantur, quod pariter ac illi motus proprii velocitate ac tarditate, prout hæc è terris animadvertitur, multum variant 665. cometarum orbitas non sine varietate ad eclipticam & æquatorem è terris inclinatas cerni, & nodos sive intersectiones porro retrove moveri docet Hevelius, 664.

Non ab invicem tantum sed à se ipsis multo magis dissentiunt diurni motus inæqualitate, planetas hic iterum æmulati 665. 666. etsi motus cometarum deprehendantur inæquales, non est tamen hæc inæqualitas irregularis, subultoria aut disproportionata 666. 667. nullus cometa tam enormi motu raptus facile deprehenditur, ac ille Regiomontani 667, quidam motu retrogrado contra successionem signorum, alii directo semper inceserunt, quidam vero sub ultimos apparitionis dies facti stationarii motum pristinum deinceps etiam servarunt 667. tota viæ longitudo, quam in cælis apparenter emetiuntur cometæ, valde diversa reperitur 667. 668. nullus cometa totum cæli ambitum, uti planetæ solent, unquam decurrisse legitur, 668.

Hypothesis Heveliana circa cometas dilucide exponitur ab Auctore 668. &c. &c. cometas in cælis è concursu planetarum effluviis nasci Hevelius observationibus egregiis firmare nixus est 668. antiquissimam Hypothesin, quod cometæ sint corpora mundo coæva, Auzutus & Petitus revocarunt 668. effluvia ex uno sole sufficientissimam materiam pro cometis generandis præbere Hevelius existimat, 670. 671. ostendit Hevelius ex solarum macularum & cometarum observationibus

M m m m m m m m m 3 bus.



bus in plerisque proprietatibus horum convenientiam, 671

Quomodo secundum Hevelii Hypothesin nuclei cometici generentur? 671. & caudarum productio fiat? 671. 672. Quomodo hæ visibiles fiant 672. 673. qua ratione caudarum annotatæ apparentiæ, etiam monstrosæ & præ cæteris mirabiles, ex hac Hypothesi deducantur? 673. Quomodo in cometarum capitibus diversi nuclei subinde motu intestino irregulariter loca sua, imò & figuram & magnitudinem mutare possint? 673. 674. cur plerorumque cometarum caudæ capitibus suis minus splendidae, prope capita item ut plurimum quam in extremis fulgentiores sint, aliæ fixas obscurent aut penitus tegant? 674. cur caudarum longitudo & latitudines etiam in uno eodemque cometa variabiles sint? 674. 675

Motum cometis, utpote corporibus caducis & disciformibus magis quam sphaericis, cum Keplero rectum potius quam circulare aut ellipticum tribuit Hevelius, circa ortum & interitum, deviantem aliquo modo 675. cometarum diversæ tum ad solem tum ad terram distantiae anguloque inde variato accepta ferenda subinde capta augmenta notabiliora 675. Quomodo progressum corporis cometici discei fieri concipiat Hevelius? 675. Motus trajectorius & insuper annuus telluris motus in subsi-

dium vocatus omnibus Phænomenis ex mente Hevelii commode satisfacit, quæ per motus circulares aut ellipticos salvare prorsus impossibile sit, 675

Trajectoriam lineam vel mechanice describere vel per calculum explorare Hevelius docet. Cometarum nonnullorum mirabiles motus ad leges trajectoriæ revocat Hevelius 676. unde motus cometarum trajectorius rectilineus exoritur, qua ratione propagetur, conservetur, rursus destruat, ac denique sistatur idem exponit, 676. 677. Trajectoriam illam lineam non tam præcise rectam quam parabolicam esse judicat Hevelius 677. Cometarum stationes & retrogradationes ex motu terræ annuo eodem modo deducit Hevelius, quo aliàs Copernicani planetarum ordinariarum similes apparentias, tanquam ineras deceptiones opticas ingeniose salvare solent, 678

Petiti Hypothesis circa cometas in compendio exhibetur ab Auctore 679. &c. &c. Petitus antehac eandem prorsus quoad generalia fovit cum Hevelio Hypothesin, sed ad salvandum motum adeò regularem, quem postea in cometis deprehendit, priores suas cogitationes insufficientes æstimavit 679. 680. Auzutus ex observationibus primis trium diversorum dierum ausus est primus cometæ anni 1664. motum ad calculum revocare, & Ephc.



## Index Tomi II.

Ephemerin omnium ejus motuum in futuros dies expectandorum parare 679. Petitus cometas coæva esse sidera putat, luce propria quidem sed debiliore instructa, & quod deest à Sole fixisque mutuari solita 680. 683. Eosdem intra certum temporis intervallum suos posse decurrere circulos & conspiciuos fere cum ad Perigæum sui circuli descendunt 680. 681. quod Exemplo comprobatur 681. Vario- rum cometarum apparitiones è collatione observationum ipsorum periodis determinari posse credit, 682.

In quo situ circuli cometarum definiendi sint Petitus decernere non audet 682. non per rectam lineam, neque per circularem aut circuli magni portionem sed potius per ellipticam sive ovalem lineam cometas incedere deprehendit Petitus 683. comam circumfluam & caudas eodem fere modo, quo Hevelius, ex effluviis æthereis generat 683. Existimat cometas in motu suo obvias ubique exhalationes cœlestes circa se colligere è quibus comæ & caudæ oriantur, 684. Petiti conjecturæ cur talia corpora per cœlum devolvantur, 684. 685. idem terræ motum annum tanquam minus necessarium, nec è cometarum apparentiis inferendum à sua Hypothesi excludit, 685.

Auctoris epicrisis de utraque Hypothesi, 685. &c. &c. Dubia Au-

ctoris circa hypothesein Petiti 686. 687. Hevelianam in quibusdam præfert 687. Fixam dari cometarum periodum probabile est 687. 688. Quædam hypothesein de cometarum perpetuitate prostertere videntur Auctori 689. Auctor non assentitur Petito 689. 690. neque Montanario 690. 691. 692. Heveliana Hypothesis circa capitis cometici originem magis satisfacit Auctori quam Petiti, ut & causa incurvationis caudæ ab Hevelio allata 692. Cum Hevelio motum rectilineum aut non nihil curvilineum cometarum amplectitur Auctor, 692. Auctor Hevelium circa motum generandorum cometarum & circa motum eorum fere rectilineum defendit 692. 693. &c. Difficultas maxima in Hypothesi Heveliana circa causam cometas moventem deprehenditur, 694. 695. etsi motus terræ concedatur maxima tamen urget difficultas, quod quidam contra successionem signorum, & adverso plane itinere incedant, & denegato hoc terræ motu in alias incidimus 696. Nondum plenam & absolutam habemus rei cometice scientiam, 697.

Hypothesis de cometarum natura & origine Cartesii 698. 699. Vossii, Bernoullii 699. 700. Auctoris judicium & dubia de hac Cartesiana Hypothesi 700. &c.

Succincta historia cometæ anni 1680. & insequentis 1681. circa specialia phænomena ab Auctore tradita



## Index Tomi II.

tradita, 740. 741. &c. &c. Prædictiones motuum hujus cometæ Hypothesi Cartesii, Auzuti, Petiti Cassini de novo multum probabilitatis conciliare videntur, 745. & 704

### *Congelatio. Conglacio.*

Concrescit aqua angescente frigore hyberno in glaciem 125. congelantur omnium facillime stagnantes aquæ, difficiliora flumina & marina aqua 195. 196. Aqua dum in vase congelatur, suprema sua superficie amplius assurgit, quam liquida surrexerat 196. De aquæ artificiali congelatione, 197

### *Copernicana Hypothesis.*

De hac Hypothesi in genere vid. p. 550. 551. 574. 575. &c. & 794. Quædam S. Scripturæ loca ab Anticopernicanis adduci solita, adversantur Copernici assertis, quædam non, 552. &c. qui religioni sibi ducunt à litera recedere abstineant à sententia Copernici, 554. 557. Facilius & concinnius unius parvi globi volubilitate expediri potest id, quod per motum tot innumerabilium corporum fit 557. & 547. ad objectiones varias Anticopernicanorum, quod tanta absurda ex hac Hypothesi consequantur, in genere respondet Auctor 558. 559. contradicunt huic multi absque fundamento, 559. Copernicana Hypothesis multis modis simplicior & expeditior quam Tyconica 560. 566. 576. & 594. Cartesiana co-

pernicana, quæ eadem cum illa est, novam speciem conciliat 566. 567. & 551. Negat Copernicus stellas fixas & planetas moveri motu ullo primi mobilis ab oriente in occidentem 574. quod motuum planetarum irregularitates mere deceptiones opticae sint ex Hypothesi copernicana facile deducitur, 576. 577. 597. Copernicana Hypotheseos præstantiam laudat Ricciolus 581. Petrus Megerlinus 17. argumentis capitalibus Copernici sententiam confirmat 598. huic Hypothesi addicti fuerunt Theologi & Philosophi varii celeberrimi, 598. Copernicanam præ omnibus aliis approbat Auctor, 600. &c. Demonstratio geometrica Megerlini non solem sed terram moveri, 605. 606. pro Hypothesi copernicana motus cometarum ex mente Hevelii strenue militant 675. cometæ ex parallaxibus à Tyconis temporibus altiores deprehensi sunt Lunâ 780. Hypothesis copernicana hodie non amplius adeo vel absurda vel damnabilis habetur, quam olim habebatur, 1199

### *Corallium.*

Corallium fabulis variorum Auctorum celebre est, 1076

### *Cornua Ammonis.*

De his vide quædam, p. 1076.

### *Corona.*

De coronis vide sub voc. Halo.

*Corpo-*



*Corpora cœlestia.*

Generalis usus corporum cœlestium in propatulo est, sed specialior adhuc in occulto latet, soli Creatori forte notus 734. Magna utilitas ex attento cœlestium con-  
tuitu sese exerit, dum Creatoris omnipotentiam & sapientiam ex his maxime cognoscimus, 734.  
735

**D.**

*Deferentes & æquantes Circuli.*

Circuli deferentes & æquantes in Theoria veteri planetarum qui? 522

*Demonstrationes physicae.*

De demonstrationibus physicis varia notanda vide p. 1322. 1323. &c. &c.

**DEUS.**

Unica Dei virtus per diversa media varie pro cuiusque conditione mota innumeros effectus producit, peragitque omnia, & sola in omnibus operatur, 188. 189

*Digestio ciborum.*

Digestio ciborum ad putrefactionem reducitur in ventriculo, 362

*Digestor Papinianus.*

Structuram hujus machinae ex Papini designatione Auctor exhibet, 348. 349

*Diurni circuli.*

Diurni circuli qui? 460. 462. 466

*Dodecatemoria.*

Dodecatemoria quæ dicantur? 481

*Domus cœlestes.*

Domus cœlestes Astrologorum quæ? 481 De harum distinctione, ordine & divisione 482. 483 non eadem olim earum dispositio Astrologis fuit, quæ hodie est, 483. 484. Distinctio in 12 domos nullum fundamentum in natura habet, sed totum negotium humano arbitrio aut libidini potius innititur, 484. 485. ob dissensum Astrologorum in modo earum construendarum incerta est domorum dispositio 485. 710. & 720. Cur 12. hæc cœli partes domicilia, mansiones loca & cuspides appellentur? 485. 486. Nonnulla circa distributionem domorum dissona Auctor exhibet, 486. 487. &c. 709. 710. & 720.

*Draco volans.*

Draco volans, inter meteora ignita numeratus, quid sit? 1282. & 1286. 1287

**E.**

*Eccentricitas.*

Eccentricitas in omnibus planetarum orbibus ex illorum variatis diametris, & quidem in orbe solis vel terræ annuo per exigua, in cæteris vero major observatur, 606. 607. 608. &c.

*Eclipses in genere.*

Miratur totus mundus quid in Nnn nnn nn præ-



prædicendis eclipsibus præstiterit  
Astronomorum industria, nec ta-  
men res ista penitus confecta est,  
437. 438. 871 872

Causas eclipsium veras esse in-  
ventas certissimum est, cum ex his  
prænunciata in futuros annos  
phanomena similia eventu post-  
modum comprobentur, 927

Inauditum olim erat præter So-  
lis & Lunæ eclipses etiam de aliis  
eclipsibus quidpiam percipere 953.  
nonnullæ speculationes notatu  
dignæ circa eclipses solis lunæ &  
terræ simul consideratas 959. quæ  
moralia utilissima suppeditant. 959  
960

### *Eclipses Lunæ.*

Lunæ eclipsis quid? 918. ve-  
rius quam in occultationibus sola-  
ribus hic luminis amissio contin-  
git 918. hoc fit interdum cum  
plena luce fulget & soli è diame-  
tro opposita est 919. plerumque  
pars tantum aliqua disci lunaris  
obscuratur, aliquando vero totus  
discus 919. hoc posterius interdum  
sine mora, interdum cum mora  
temporis aliqua, observatur 920  
924. non tamem Luna, etsi tota sit  
immerfa tenebris, prorsus latet,  
sed effulget colore quodam pru-  
nam referente, & cur? 920. 925.  
Lunares hæ obscuraciones incipi-  
unt ab ejus parte orientali & desi-  
nunt in occidentali 920. ratio hu-  
jus 924. pallor in Lunæ facie cir-  
ca eclipses initium & finem ob-

servatur 920. 921. causa hujus ex-  
plicatur 924. 925. umbra illa, quæ  
Lunæ paulatim superinducitur,  
semper est circuli segmentum  
921. & 924. Eclipses lunæ univer-  
sales sunt 921. & cur? 925. 926.  
extinctio luminis lunaris in ipso  
plenilunio unde oriatur? 922 cum  
via Lunæ sub orbita Solis obli-  
quius incedat, luna non in omni-  
bus pleniluniis eclipsin patitur  
923. Eclipses Lunæ, si circa nodos  
Solis oppositio contingit, partiales,  
in ipsis nodis, vero totales sunt  
823. in eclipsibus Lunæ horizon-  
talibus aliquando utrumque lumi-  
nare supra horizontem eundem  
conspicitur quod ex refractione  
oritur 923 924. quod unus idem-  
que terræ locus plures Lunæ, quam  
Solis eclipses videat, e contra or-  
bis totius intuitu pauciores eclip-  
ses Lunæ quam Solis numerentur,  
ex vera sua causa Auctor deducit  
926. quoties Luna in umbra ter-  
ræ patitur eclipsin totalem cum  
magna mora, toties incolæ luna-  
res, si qui sunt, spectabunt eclip-  
sin Solis totalem cum maxima  
pariter mora 927. hæ magnas no-  
xas, si eclipses efficaciam habent,  
ipsis causabuntur, 958. 959

### *Eclipsis Solis.*

Occultatio solis incongrue ec-  
lipsis dicitur 864. 868. hæc con-  
tingit interdum cum Luna nova  
cum Sole in eodem signi gradu  
optice saltem jungitur 861. multæ  
ani-



aniles fabulæ de hac olim venditata 865. quæ eclipses Solis partiales. quæ totales dicantur? 865. 866. 926. harum aliæ sunt sine mora aliæ cum mora 866. in zona torrida singulis fere annis contingunt eclipses Solis totales 866. in totalium harum media etiam obscuritate fuscus aliquis color apparet 866. cur? 870. 871. sæpius obscuritas illa, quæ Solis faciem contegit, undiquaque lucido quodam limbo s. annulo ambiri observata est 866. 867. obscurationes istæ solares ab occidentali parte incipiunt, & desinunt in parte orientali 867. obscuritas, quæ Solis disco paulatim superinducitur, semper est circuli segmentum 867. cur? 871

Solis eclipses respectu particulares tantum sunt, nec sub eadem ubique magnitudine spectantur 867. & 871. occidentiores incolæ terræ prius, orientiores serius id phænomeni observant 867. Luna unica & vera illius occultationis causa agnoscitur 868. 869. cur non omne novilunium sit eclipticum? 869. 870. cur eclipses totales Solis interdum absque mora contingant, interdum cum aliqua mora 870. quæ annularis Solis eclipsis sit? 870. lunaris eclipsis, si in uno loco terrestris hæmisphærii, cui plenilunium imminet, nulla est, in toto hæmisphærio quoque nulla est, e contra vero nova Luna, si uni terræ loco Solem non

occultat, innumera sunt alia, quibus eundem occultare potest, 927

### *Eclipsis Terræ.*

Eclipsis terræ quid? 952. quoties Sol terræ à Luna occultatur, & apparenter eclipsatur, toties terra revera mutuatitio lumine privatur, veramque patitur eclipsin 952. nulla fit eclipsis terræ nisi in novilunio, non tamen in omni 952. totalis in terra nunquam contingere potest 952. universales tamen omnes essent, uti lunares 952. 953. initium terrestrium eclipsium fit à parte disci terrestris occidentali & finis in orientali, ut solarium 953. cur? 957. figura obumbratæ partis multum differt à solaribus & lunaribus 953. recentiores Astronomi præcepta tradiderunt computandarum eclipsium terræ æque infallibilia ac illa fuerunt, quæ pro Solis & Lunæ eclipsibus jam olim tradita sunt 954. terra sola patitur deliquium luminis non Sol, nunquam tamen, uti Luna, totale 955. 956. eclipsis Solis apparens & vera terræ conceptu quidem eadem non sunt, eandem tamen causam in individuo agnoscunt, eodemque temporis momento contingunt, 956

### *Ecliptica.*

Ecliptica summa Dei providentia constituta est 462. 463. unde hæc dicatur ejusque divisio, 463



*Ecnephia.*

Ecnephiæ venti qui? 1201. 1236. sec. Varenium aliosque 1236. de ecnephia notabili in capite bonæ Spei 1237. Varenii Hypothesis circa ecnephiarum generationem 1242. 1243. Cartesii 1243. 1244. Auctoris de his Hypothesibus epicrisis, 1247, 1248.

*Electrica corpora.*

Quædam corpora virtutem habent attrahendi levia, quam vim electricam appellant 1044. de hac virtute Auctoris Hypothesis, sec. quam talium corporum effectus magis pulsioni quam attractioni tribuit 1052. & 1107. 1108. ex virtute corporum electricorum Auctor magnetis vim attractivam deducere nititur, 1096. circa electricorum attractiones Hypothesis Fabri 1106. & 1044. 1045. hanc eandem Hypothesin fovet Thomas Anglicus & magna ex parte Kircherus 1106. Schottus has conjungit 1107. corpora electrica quæ dicantur? 1107.

*Elementa.*

De Elementis eorumque affectionibus in genere 2. 3. &c. quatuor massæ præcipue mundum sublunarem componunt, quæ elementa dicuntur 3. 327. horum corporum communissima affectio est gravitas, & respectiva levitas. 4. 5. & 25. &c.

Hypothesis de Elementis, ut particularium in hoc inferiore mundo corporum compositionem ingrediuntur, Aristotelis & ejus Secta-

torum, imprimis Hon Fabri 6. 7. & 280. Epicuri & Democriti, 7. 8.

Numerus elementorum quaternarius in Scholis Aristotelis olim immutabilis habitus, quem operose probare conatur Hon. Fabri 14. & 281. Aristoteles quintum etiam elementum agnovit 15. imo sextum quoque 16. & 281. Aristotelis circa hæc doctrina recentioribus hypothesibus multo congruentior est, quam scholarum ejus 17. Cartesius tria tantum Elementa asserit 17. 18. & 281. Hæc ille ex supposita fictitia geogonia deduxit 18. 19. Chymici sua principia hypostatica quatuor vulgaribus Aristotelicorum elementis superaddunt, aut præferunt, 19. 1038.

Nonnulli ex vulgaribus elementis, excluso igne, tanquam elemento vorace & destructivo, tria, alii duo, aquam & terram cum aër ad cælum referatur, quidam unum, aquam, tanquam omnium corporum principium, econtra Democritici & Epicurei innumera elementa ipsas scilicet atomos supponunt 19. 20. Quatuor elementa vulgaria non solum totum Geocosmum componunt, sed etiam particularia in ipso corpora ex iisdem suam mixtionem habent, 20. non vulgari elementorum quaternario inharendum, sed alia duo insuper ætherem & materiam hoc subtiliorem adjungenda esse putat Auctor, 24. & 282.

Ari-



Aristotelici alique negant elementa in proprio seu naturali loco gravitare 207. 208. &c. & 218. alii vero è recentioribus, & quidem hodie magno numero, id affirmant 210. 211. De elementis in corporibus mixtis 327. 340. 341. &c. Quæ notanda veniant circa Aristotelicorum principia 1036. 1037. Gassendistæ & Democritici moderni neque Aristotelica neque chymicorum elementa satis fundata esse arbitrantur 1038. 1039. partim cum chymicorum, partim cum Aristotelicis elementis sentire videtur Cartesius 1039. Non ita admitti possunt decantata Aristotelicorum elementa. ut ea vel sola vel omnia ad omnium corporum terrestrium mixturas concurrere credamus, neque chymicorum principia simplicissimorum illorum elementorum nomen magis merebuntur 1052. 1053. Massæ simplices, quæ sub elementorum nomine veniant, ita puræ nullibi reperiuntur 1053. & 340. Plura tribus aut quatuor elementis numeranda videntur, 1054.

*Etesia.*

Etesia venti quidam apud Græcos, qui dicebantur? 1201. his opposebantur ornithia sive chelidonia, 1204.

Hypothesis de origine Etesiarum Aristotelis 1208. quam falsam esse Kircherus ostendit 1208. 1209.

Kircheri 1209. Hon. Fabri, Hamelii, Varenii, 1209. 1210.

*Excursuum circuli.*

Excursuum circuli qui? 466. & 477

*Exhalationes.*

Exhalationum copiosissimarum multiplex est varietas 1165. Ex omnibus ferè corporibus perpetuo quiddam exhalat & invisibiliter ut plurimum in auras abit 1165. Has exhalationes in corpore humano experimentis comprobavit præcipue Sanctorius 1165. 1166. De exhalationibus aquosis notanda 1167. 1168. Exhalationum sicciorum difficilior est separatio ac tardior etiam concretio quam aquosarum 1169. Exhalationes aliæ salutares, aliæ noxiæ sunt corporibus viventium, è quibus aëris in diversis locis major aut minor salubritas dependet, 1169.

Hypothesis circa exhalationum generationem Aristotelicorum, Hon. Fabri imprimis 1169. 1170. Hamelii, Gassendi, Boylei, Cartesii, aliorumque: ut & Auctoris, 1171. 1172.

*Exhydria.*

Ecnephia similis alius ventus exhydria dictus, 1238. 1243.

*F.*

*Filamenta Mariae.*

Unde hæc fila meteorica producuntur? 1221. 1225.

Nnnnnnn 3.

Fi.



*Fixatio corporum. Fixitas.*

Varii in metallis fixationis gradus sunt, auro nihil fixius, at argentum vivum vix ullum fixitatis principium in se retinet 400. Sales fixi seu alcalici communis salis saporem & cæteras qualitates obtinent, 402.

Hypothesis circa fixitatem P. Lænae 418. 419. &c. Epicrisis Auctoris super hanc, 421. 422. &c.

*Fluida corpora.*

Fluida corpora quæ in æquilibrio consistunt, premunt secundum altitudinem s. perpendiculum, non secundum molem 80. 81. duo diversa & diversæ gravitatis fluida se mutuo servant in æquilibrio, etsi diversæ quoque sint molis & altitudinis modo altitudines illæ sint ponderibus ipsorum reciproce proportionales 177. 178. in fluidis partes superiores in subjectas inferiores actu gravitant tametsi gravitationem illam propter mutuas unarum partium ab aliis reflectendo factas sublationes, nemo sentiat 201. 202. corpus levius innatat fluido graviore 201. 202. Phænomena alia circa fluida vide 202. 203. &c.

*Flumina.*

Eadem flumina & fontes omnes habent originem suam ex oceano, qui alibi tantundem aquarum reddit fontibus, scaturiginibus, nivibus, pluviis, quantum ab his om-

nibus mediante fluminum decursu recipit 230. de fluminibus auriferis quædam 1055. & de fluminibus in genere 1136. Flumini haut facile unicus assignandus fons sed multi, grandiorum innumerabiles censendi sunt 1132. 1136. Fluminum vis semper crescens ingentem aquarum copiam in singula momenta indefinenter effundit in maria 1136. Flumina majora innumeros minores secum in maria & oceanos devehunt 1137 necessaria est fluminum in oceanum & oceani vicissim in flumina circulatio, ille enim à mundo condito in immensum augescere debuisset, 1138. Infra terram in antris spatiofissimis & sub maribus ipsis reperiri flumina Kircherus & alii affirmant, 1138. 1139.

Dantur flumina non perennia, 1139. & 1120. 1121. Magna æstatis siccitate & æstu præcedente ex improvviso flumina etiam aggrandescunt 1139. Notatu dignæ sunt plurimum fluviorum grandiorum Nili præsertim statæ & anniversariæ exundationes 1140. Horum incrementorum causa vera usque ad hæc nostra ferè tempora plerosque latet 1140. quorundam fluminum in nostris regionibus incerta & sine ordine ac regula facta incrementa ab incerta imbrium niviumque colligendarum & postea incerto tempore liquefcentium ratione dependent, 1150, & 1135.

1136

Fæ.



*Fœnum.*

Cur fœnum recens, si recondatur  
antequam sit siccum, paulatim in-  
calescat flammamque sponte conci-  
piat, 120. & 95

*Fontes.*

De fontibus & eorum origine,  
1118. &c. &c. Differentia inter  
fontium puteorumque aquas &  
aquas marinas quæ? 1118. dantur  
fontes & putei aquis salis scaturi-  
entes plures 1118. 1119. & 1114.  
plerique tamen dulcibus scatent  
aquis 1134. Fontium aquæ ut plu-  
rimum ad montium aut collium  
radices, aliquando etiam ex altio-  
ribus, acclivium aperturis scatu-  
riunt 1119. 1134. ordinarie fontes  
ab ipso ortu parum aquæ fundunt,  
nonnunquam tamen ipsa scaturigo  
magnam aquarum vim profundit,  
1119. Reperiuntur fontes ac putei  
æstum maris imitari soliti 1120 &  
1134. alii, quidam patiuntur æstum  
magis inordinatum, ac uno eo-  
demque die frequentiore, 1120.  
1121. & 1135. pleræque aquarum  
scaturigines frigidaæ sunt & insipi-  
dæ, aliqui tamen hinc inde ebul-  
liunt, fontes calidi & aquæ repe-  
riuntur passim diversis saporibus ac  
virtute medicamentosa varia imbu-  
tæ, 1121

Hypothesis de fontium origine  
in genere antiquorum Philosopho-  
rum, præcipue Aristotelis, Senecæ  
1124. Isaaci Vossii, Peirescii, Hon.

Fabri 1124. 1125. 1126 Cartesii,  
Claubergii, Kircheri, Mariotti,  
1126. 1127. Auctoris Epicrisis su-  
per has, 1131

Etsi tam Aristotelis quam Car-  
tesii modus fontium generationi  
declarandæ haut sit ineptus, illorum  
tamen productioni, à quibus rivi  
& flumina promanant, non satis-  
facere demonstrat Auctor, 1132.  
Nulli fontes, vel minimi etiam,  
evaporando aquas ac destillando  
colligi possunt. 1132. nec Kircheri  
Hypothesis Auctori satisfacit 1132.  
1133. ad aquas pluviales & nivium  
liquefactionem cum Vossio, Fabri  
& Mariotto Auctor recurrit 1133.  
Receptacula aquarum, Kircheri  
hydrophylacia dicta, pro fontium  
perenni fluxu necessario statuenda  
sunt 1133. 1134. & 303. 304. His  
suppositis omnia fontium phæno-  
mena suis rationibus haut difficul-  
ter munit Auctor, 1134.

*Fossilia.*

Fossilia quæ & undè horum no-  
menclatura? 1030. Hæc in tres  
præcipue classes generales dispe-  
suntur 1030. de fossilibus primæ  
& secundæ classis diversis scilicet  
terris & succis concretis variis,  
sigillatim, 1030. 1031. &c. &c.

Hypothesis circa naturam & sub-  
stantiam dictorum fossilium Hon.  
Fabri 1037. Chemicorum 1038.  
Cartesii, 1039. 1040. Auctoris,  
1054

De



## Index Tomi II.

De fossilibus tertiæ classis, mineralibus, specialius, 1054. &c. &c. & 1075. &c. &c.

### *Fovea.*

De Fovea, meteorologico emphatico, quædam, 1363. & 1367

### *Fulgur.*

Æstivo præsertim tempore, rarius verno aut autumnali, rarissime hyeme, fulgura cernuntur, 1249. hæc præcursores ordinaires habent majorem inferioris aëris æstum 1250. Fulgura sæpe, cernuntur, præcipue circa Horizontem nullo subsequente tonitru, 1250. 1257. innoxia sunt, 1250

Hypothesis circa hoc Peripateticorum & Hon. Fabri 1256. 1257. Cartesii 1258. Rohaltii, de Grand, Greydani 1259. Gassendi 1259. 1260. Perraltii, Mariotti, 1260. 1261. &c.

### *Fulmen.*

Fulmen quid dicatur? 1250. 1251. 1260. hujus effectus mirandi 1251. &c. 1255. triplex est 1251. 1252. Hypothesis de fulmine Aristotelicorum & P. Fabri 1256. 1257. Cartesii 1258. &c. ut supra.

Fulminum differentia quæ sec. Aristotelicos? 1257. Differentia inter fulgur & fulmen quæ sec. Fabri? 1257

### *Fulminaris cuneus.*

Cunei fulminares qui pro talibus vulgo venditantur, fictitii vi-

dentur Auctori 1253. 1270. ut & Gassendo, 1260

### *Fumi.*

Fumi terræ siccæ magis quam humidæ suos debent natales 1164. fumi multiplici varietate sua notabiles sunt, 1164

## G.

### *Galaxia.*

Cœlorum spatia stria quadam candicante per medium ferè cinguntur, galaxia dicta 443. & 489. 490. quid galaxia sit sec. Galilæum & recentiores Philosophos, 444. pudendus error est quod Aristoteles galaxiam meteorum aëreum reputaverit, 444

Hypothesis de galaxia diversorum Philosophorum veterum, inter quos prævalet Democriti & Macrobiani, quæ hodie aperta magis veritas 445. 449. Aristotelis 446. quæ falsa merito refutatur, 450. 451

Si galaxia in aëre suspensa esset, hæc non tam exacte fixarum circumlationem assecutura esset, 549

### *Gemma.*

Gemmis variæ vulgo proprietates & virtutes tum medicamentosæ tum aliæ tribui solent 1077. 1078. utilius alia quædam gemmarum Phænomena observantur, quæ vide 1078. 1079

Hypothesis circa gemmarum generationem Peripateticorum 1079. 1080.



1080. Hamelii, 1080. Boylii, 1081

Boylius lapides & gemmas in specie sub initium formationis suæ succum aliquem & materiam fluidam fuisse è variis circumstantiis concludit 1081. Medicamentosas virtutes & alias efficacias ab admixtis metallicis ac mineralium particulis derivat 1081. aliquæ ex illis figuras admodum regulares ac suo generi quasi proprias solent induere, 1081. 1082. Forma in gemmis è lapidescentis succi diversitate, nempe majore vel minore puritate & subtilitate, rectissime deducenda videtur, 1083

*Geographia.*

Geographia opponitur Cosmographiæ tanquam altera pars ipsi contradistincta, 428. Eclipses circumjovialium in scientia geographica provehenda utilissimæ sunt, 916

*Grando.*

Grandinum varia genera sunt, quæ subtiliter persequitur Cartesius 1235. Hæ, præcipue si fuerint compositæ, magnas strages edunt, quod exemplis comprobatur Auctor 1235. 1236. Easdem antecedit ordinarie ventus notabilis ex ipsa nube mox grandinatura. 1236

Hypothesis circa generationem grandinum Cartesii 241. Hon Fabri 1241. 1242. Hamelii 1242. Auctoris, 1248. 1249

*Gravitas.*

Corporum conatus & tendentia versus inferiora vulgo gravitas dicitur 4. unum corporum genus alio gravius est 4. nifus discendentis corporis momentum dici solet 4. Elementa absolute gravia corpora sunt 5. & 25. &c. descensus gravium habet velocitatis suæ continua incrementa sec. proportionem arithmeticam numerorum imparium quam proxime ab unitate ascendendum, quod experimentis confirmatur 30. 31. 32. hujus rei ratio physica ex Galilæi schemate multum illustratur 78. monitum circa hoc 79. ex adverso gravium violentæ projectiones in sublime paulatim evadunt tardiores ac tandem omnino cessant, & projecta per impetum gravitatis naturalem ad terram redeunt, 33

Gravia, si hæc quiescere & nihil promovere intra sensibile temporis spatium videantur, non cessant movere viribus omnibus, descensumque tentare 33. 34. & 75. quæ corpora ejusdem gravitatis specificæ dicantur? 34. & 75. quæ corpora specie gravia, specie levia & respective levia sint? 34. 35. gravium leviumque phænomena quædam extraordinaria 35. & 77. miranda alia in fluidis 35. & 80. 81. hisce suppar est universæ mechanicæ fundamentum, in quo statera seu vectis consistit, 36. & 81. 82

O o o o o o o o

Hypo.



Hypothesis de causa gravitatis efficiente Peripateticorum 42. 43. &c. imprimis Zabarellæ 47. 48. Cartesii 48. 49. 50. Hen. Mori, Rohaltii 50. 51. Hugonii 53. 54. Perraltii 54. 55. Democriticorum 56. 57. Gassendi 57. 58. P. Fabri 59. Vossii 59. 60. Auctoris epicrissis eclectica super has, 60. 61. &c. & 69.

Gravitatis causam Philosophi veteres in ipsis corporibus quærebant, eamque qualitati cuidam internæ & inhærenti attribuebant, quæ ea faceret tendere deorsum 42. 57. Aristoteles gravibus & levibus causam suorum motuum assignabat extraneam & ab ipsis mobilius separatam 43. 44. &c. Cartesius primo omnium conatus est gravitatem declarare per motum certæ cujusdam materiæ, quam circa terram gyrare supposuit. 48. 49. Idem fundamentum ponit Hugonius, sed non eodem modo gravitatis effectum ex eodem communi principio deducit 49. 51. 52. &c.

Genuina Cartesii de gravitatis causa Hypothesis 49. 50. Eadem Axiomata Cartesiana enarrat Hen. Morus ut immateriale suum principium hylarchicum, dum sufficientes gravitatis causas reperiri posse negat, stabilit 50. Jacobus Rohaltius ex communi sibi cum Cartesio principio circa gravitatem & levitatem distinctius philosophatus est, quæ in compendio

enarrat Auctor 50. 51. Perraltius evitare quædam conatur, quæ Morus Hobbianæ Hypothesi objecit 55. opinionem eorum, qui gravium descensum ab attractione quadam extrinseca pendere existimarunt, fere propriam sibi fecit Gassendus, consentit tamen in nonnullis cum plerisque recentioribus 57. 58. Isaacus Vossius gravitatis causam è terræ motu deducendam putat, 59. 60.

Auctoris circa causam gravitatis cogitata 62. 63. alia circa hanc Auctoris Hypothesis 74. 75. e quibus rationes phænomenorum deducit 75. 76. &c. solvit Auctor difficultatem quam olim vir quidam doctissimus in sua Hypothesi objecit 71. 72. 73. quæ circa incrementa velocitatis in gravium descensu notanda? 77. 78. 79. de corporibus inæqualis ponderis & æqualis molis ex altitudine demissis notatu digna phænomena 79. 80. &c. consuetudina varia ex demonstratis gravitatis causis Auctor deducit 82. 83. &c. cur corpora totalia ita libere in cœlo suspensa, & sphæricæ figuræ deprehendantur Auctor demonstrat 82. 83. ut & qua ratione fixarum stellarum distantia inter se sint invariabiles 83. corpus leve corpori graviori vel impositum, vel innatans gravitate communi cum eo gravitat 199. de lapsu corporum in aëre nonnulla experimenta, 220



*H.*

*Halitus-*

Copiosos subinde halitus è glo-  
bo terraqueo in aerem elevari ex-  
perimentis quam plurimis, fre-  
quenter etiam oculorum nostro-  
rum testimonio, constat 1163. ho-  
rum genus duplex tam Aristoteles  
quam Cartesius agnoscit 1163.  
1164. quod Auctor exemplis con-  
firmat 1164. 1165. Hypotheses  
circa horum generationem 1170.  
&c.

*Halo.*

Halo quid? 1335. quædam tales  
coronæ quoque dicuntur 1335.  
has Mariottus in duo genera di-  
stinguit 1336. conspiciuntur illæ  
interdum circa solem, lunam &  
alios planetas 1336. nonnunquam  
duos ordines colorum habent  
1336. Halones minores ordinarie  
diametrum ultra 3 gradus non ha-  
bent, majores diametrum 45. cir-  
citer graduum, 1336

Variegatæ etiam aliquando spe-  
ctantur halones præsertim solares  
1337. duplex eaque concentrica  
visa est 1337. in meridiano, aut  
prope ipsum ut plurimum, in  
oriente vel occidente haud facile  
exhibentur hæc spectacula 1337.  
non est quiddam reale sed mere-  
respectiva emphasis ad certum  
oculum restricta 1338. Mariottus  
in parvis quoque halonibus colo-  
rum varietatem observavit 1338.

1339. apparentes halones, nul-  
lam certam tempestatem præsig-  
nificant, 1339

Hypothesis circa generationem  
halonum Aristotelis, quam Gal-  
sendus exponit 1339. 1340. Car-  
tesii 1340. 1341. P. Fabri 1341.  
1342. Mariotti 1343. 1344. Epi-  
crisis Auctoris super has, 1344. &c.

*Homo.*

Duo sunt hominum genera, qui  
impunè mentiri solent, Chymici  
& Astrologi, 1065

*Horizon.*

Horizon quid? 456. & 548. in  
duos semicirculos utiliter dividi-  
tur 456. 457. geminus constitui-  
tur 457. sensibilis Horizon ulte-  
rius subdistinguitur, 457

*Horoscopus.*

Horoscopus quid? 486

*Hypothesis Astronomica.*

Communior Hypothesis, quod  
sol moveatur, sensui plebejo ac-  
commodatior & conceptu facilior  
citra omne rigidæ veritatis præ-  
judicium sæpius adhibetur 467.  
lis est adhuc inter Astronomus an  
Sol, an vero terra moveatur? 467.  
utraque Hypothesis astronomicè  
bona est, physicè vero non ni-  
si alterutra, 484

*Hypotheses Physicæ.*

Non opus est ut in nostris Hy-  
pothesibus physicis ad ipsas ato-  
mo-



morum figuras præcise definien-  
das nos adigi patiamur. Sufficit,  
si phænomena particulas materiæ  
invisibilis diversas postulent, illam  
diversitatem generatim suppo-  
nere, nec eo temeritatis abripi,  
ut ipsas etiam invisibilium parti-  
cularum figuras, non dicam ut-  
cunque conjicere, sed à priori  
quoque demonstrare præsumamus  
1110. 1111. Phænomenis sua-  
dentibus supposita continguntur,  
est enim melius fingere quippiam  
cum aliquali probabilitatis specie,  
quod occasionem saltem aliis re-  
ctiora cogitandi præbeat, quam  
nihil omnino dicere aut loco re-  
rum Inania fingere nomina, 1115.

1116.

## I.

### *Ignis.*

Igni suum inest pondus nec  
alia quam respectiva levitas tri-  
buenda 5. ignis sphæram supra  
aëris sphæram Aristotelici collo-  
care soliti 9. hanc opinionem  
moderni Philosophi plerique om-  
nes explodunt 9. 10. supposititiam  
eandem esse multi inter veteres  
Phisicos, præcipue Aristoteles, con-  
fessi sunt, etiam si ignis flammans  
per 50 jam secula perpetuo suo-  
rum igniculorum fluxu supra aë-  
rem enisus sit 21. hunc scrupulum  
facile tollit Auctor 22. ingentem  
ignis copiam in ipso terræ centro  
ardere & inde per canales in uni-

versum globum diffundi putat  
Kircherus 12. Cartesius quoque  
in terræ centro vastissimam ignis  
sphæram, sed doctrinæ tantum  
gratia, collocat, subterraneum  
tamen asserit 13. negat Gassen-  
dus quoque ignem centalem, sed  
non subterraneum 13. Hon. Fabri  
nec igneam sphæram supra aërem  
agnoscit nec separatam sedem in  
hoc elementari mundo ipsi assig-  
nat.

14

Igni elementari locus in aëre  
aut infra ipsum in aqua, maxime  
vero in terra & sub terra recte assig-  
natur 23. locus hujus non in Sole  
quærendus, cum ignis solaris non  
sit pars mundi elementaris 23. ig-  
nis communis & flamma ponde-  
rabiles sunt 25. horum gravitas  
variis experimentis confirmatur à  
Boyllo 26. 27. &c. multi viri docti,  
his experimentis commoti, Boy-  
lio calculum suum adjecerunt, in-  
ter quos præcipue P. Casatus ex-  
perimentis hoc etiam cum Glau-  
bero stabiliens 36. 37. &c. Ari-  
stotelici plerique quibusdam cor-  
poribus, imprimis igni, absolutam  
quandam levitatem attribuunt 58.  
59. certitudinem de gravitate ig-  
nis absoluta à priori demonstrare  
conatur Auctor 60. 61. rejicit  
Auctor Casati sententiam quod  
igni infimum locum & majorem  
præ cæteris elementis gravitatem  
contra manifestam experientiam  
attribuat,

61



## Index Tomi II.

De elemento ignis 93. 94. &c. &c. ignis effectus omnium vulgatissimi sunt lucere, & eminus in proportionata distantia calefacere, cominus autem etiam adurere 93. 94. Ignis separat solutas mixtorum partes & singula genera, promiscuè ante implicita, seorsim colligit 94. ignis condensata rarefacit & expandit, quædam emollit, quædam indurat, exsiccatur 95, calor igneus in nonnullis corporibus se manifeste prodit, lux autem aut flamma nulla conspicitur & ex opposito in aliis flammæ tennes & aliquæ luculæ, nullus vero calor, reperiuntur 95. 96. ignis lucidus à non lucido distinguitur 95. triplici modo totum ignium genus considerari potest 98. effectus ignis stupendi sunt, 96. 97.

Hypothesis circa naturam & essentiam ignis Aristotellicorum, præsertim latinorum 97. 98. Aristotelis 98, Platonis, Epicuri, Democriti, 98. 99, recentiorum plerorumque Philosophorum, qui maximam partem cum hisce ultimis consentiunt, at in assignanda istis particulis speciali figura quodammodo dissentiunt 99. in specie Gassendi Cartesii 99. 100. Hon. Fabri 101. 102. Auctoris epicrisis eclectica super has, 102. &c.

Ignis solidissima corpora intimè penetrat & violentissime dissolvit 102. quæ Auctori in superioribus hypothesebus incongrua, quæ con-

grua videantur? 102. 103. &c. &c. quilibet ignis sensibilibiter urens aut saltem calefaciens, ex duabus diversissimis portionibus componitur 105. 106. & 324. Auctor ex natura ignis supposita, quæ ad ipsam veritatem quam proximè accedere videtur, deducit phænomenorum rationes, 106. 107. &c.

Vaporum excitatio & sublatio consequensque in poros ligneorum valvarum & januarum intrusio calori sive effluviis ignis subterranei aut solaris vel etiam utriusque, debetur 109. 110. ignis materia subtilissima suum accipit impulsus à sola Motoris primi virtute & nutu omnipotente 110. 111. &c. & 324. 325. &c. tam incomprehensibilis copia materiæ subtilissimæ in immenso solis igneo corpore, quam incredibilis particularum suarum agitatio ab ipso creationis initio hætenus perpetuo conservata infinitæ Creatoris potentiæ debetur, 113. 114.

Degeneratione, conservatione, & interitu seu extinctione ignis 115. &c. ignis generatur & excitatur variis modis, quos vide pag. 115. 116. 117. &c. & 100. ad conservandum ignem semel excitatum tria requiruntur 117. 118. hujus causa 123. ignis diversis modis interit 117. in quo hujus interitus consistat? 122

Hypothesis circa deducenda ignis phænomena Cartesii 118. 119. &c. Anonymi, 120  
O o o o o o o 3 Ignis



Ignis admota flamma inflammabili materiæ subintanea & accelerata augmenta capit, quæ cum celerimis geometricæ proportionis incrementis comparari possunt 118. cur ignis pabulo opus habeat? 122. 123. varius in diversis flammis aut ignibus color notatur 123. 124. ut & opacitas notabilis, in aliis major in aliis minor 124. & fumus in nonnullis crassior quam in aliis 124. horum causas P. Fabri Cartesius & Auctor exhibent 125. 126. pleræque flammæ figuram conicam induunt & superne in apicem terminantur. Hujus causam iidem plinius deducunt 127. 128. alia circa ignem notanda phænomena vid. p. 124. 125. & causæ, 128. 129

Ignes specificè variant, 283  
Stupenda in igne, qui creatura Creatoris omnipotentis summè admiranda est, virtus & potentia palpabilis est, 321. 324. Ignis à multis non adeo pro fideli analysta mixtorum habetur 1038. flamma ali & conservari in occulto loco, ad quem liber aëri accessus denegatur, non potest, 1129

### *Ignes subterranei.*

Ignes, hosce asserunt Kircherus, Cartesius, Gassendus aliique, 12. 13. Ignes subterranei vere ardent & flammantes nullibi reperiuntur nisi prope & circa spiracula vulcanorum 1129 illud, quod Kircherus & P. Fabri de ignibus subterraneis tradunt, non nisi de vaporibus

aut fumis & halitibus ignitis, actu quidem calidis, potentia vero tantum igneis, intelligendum est,

1130

### *Ignes fatui & lambentes.*

Ignes fatui qui dicantur? 1278. proprietates communiter his attributæ quæ? 1279. pro spectris sæpe habentur, 1279. & 1285. 1286. cum his conveniunt nonnulla alia meteora ignita 1280. ignes lambentes qui? 1280. non solum ex brutorum animalium, sed ex ipsis etiam hominum corporibus ejusmodi exhalationes, sese exserunt,

1280. 1281

### *Influxus siderum.*

De influxu siderum seu efficacia in mundum sublunarem 706. 707. &c. &c. Quid influxus aut influentiæ vocabulo intelligatur, 706. Astrologi cœlestium influentiarum veritatem demonstraturi à Solis & Lunæ in terra effectibus exordiantur 706. 707. de his effectibus vid. p. 872. 873. &c. &c. & 928. 929. &c. &c. pro asserenda cæteris astris in hæc inferiora influenza, nihilo quidem solari lunarive minore, partim ad experientiam provocant, partim hanc rationibus evincere laborant 707. &c. Diversis modis sec. Astrologos stellarum vires vel extolluntur, vel impediuntur varieque temperantur, 708. 709. 710 &c. nemo universaliter omnem cœlestium in hæc terrena influxum & efficaciam, si solis influxus perpen-



pendantur, serio negare potest, 713. 714. an Luna efficaciam in teneriora ac morbida animalium corpora exerat, Auctor dubitat 714. 715. Hos similesque effectus ab aëris potius mutatione quam à lumine Lunæ pendere Auctor putat, 715. Si stellæ æquali cum sole & luna vel proportionato tantum intervallo à terra remotæ essent magnam agendi & influendi vim in hanc exerent, at vero in tanta distantia insensibilis est, 716.

Si vires cuius stellæ in elementari hac sphaera satis efficaces essent, impossibile est tamen resciscere quod effectus aliquis in his terris obvius huic aut isti potius inter innumeras cæteras, quam alii cuius adscribendus esset 717. 718. quæ de stellarum singularum absolute spectatis viribus jactitant Astrologi, non dubia tantum, sed ex horum arbitrio & libidine conficta esse Auctor prolixè demonstrat, 719. 720. 721. &c. Adspectuum vis & efficacia in stellis minoribus nullo vel ratiocinio vel experimento hactenus stabilita est 720. 721. 722. Nihil hic qualitatum contrarietas operatur, 723. absurda quædam Astrologorum confutantur, 724. Eclipses luminarium nullum detrimentum terræ nostræ causantur, 725. 726. 727. cometæ magis opinione nostra quam effectui horrendi sunt 727. Nullibi fundatus est influxus stellarum, non physicus, qualem à luna maximè vero à sole

in his terris continuo recipimus, sed astrologicus, 737.

Hypothesis circa stellarum novarum & cometarum efficaciam separatim, vulgi 750. Astrologorum tam vulgarium quam cordationum 750. 751. variorum virorum doctissimorum his contradicentium 752. 753. &c. Epicrisis eclectica Auctoris super eas Hypotheses, quæ cometis efficaciam & physicum in has terras influxum adscribunt 754. 755. &c. super illas, quæ cometis præsignificandi saltem virtutem adscribunt 761. 762. &c. super decantatam toto die effectuum aut significatorum cometicorum experientiam, 770. 771. &c. in qua Epicrisi Auctor horum insufficientiam prolixè comprobatur.

*Iris.*

Subito nonnunquam in aëre pluvioso ex regione Soli diametraliter adversa arcus ingens cœlestis variegatus, iris dictus, apparet, qui mox iterum evanescit 1293. 1328. 1329. Genuinum pingendæ iridis subjectum est aër rosçidus, 1294. 1328. comprobatur hoc per experientiam 1294. altitudo iridum supra Horizontem non eadem est in quovis casu 1295. 1318. Nec eadem est iridis ab oculo spectatoris distantia, 1295. 1296. Non una eademque iris est, quam plures etiam loco disliti una intuentur, 1296. 1308. 1319. Nunquam præcisè in austro spectatur iris, nec in meri-



meridie, 1297 1319. hæc hiemali tempore haut facile conspicitur, 1297. 1320. Iris videtur aliquando geminata 1297. 1320. 1321. non oritur secundaria ex reflexione primaria, 1297. 1305. 1320. 1321. 1331. utriusque altitudo respectu centri iridis quæ? 1297. 1298

Præcipuum iridum decus sunt colores, circa quorum numerum variæ sunt Philosophorum opiniones 1298. 1299. 1331. 1335. Iris secundaria eosdem habet colores, sed multo debiliores & inverso ordine collocatos 1299. 1332. ordinarie dilutiores observantur colores in utriusque iridis summitate, quam circa basin in cruribus, nec semper æque nitide 1299. Primaria sæpe sine secundaria non tamen hæc sine illa quoad partes præcipue ventricales spectatur &c. 1299. 1321. Amplitudo iridis inter centrum & ambitum lateralem eadem est cum altitudine, 1299. 1300. præter duas tertia etiam iris haut semel visa est 1300. Irides quoque lunares spectatæ, 1300. 1334. Extraordinaria duo de iride phænomena vid. p. 1301.

Hypothesis pro admirandis iridum explicandis Senecæ, Posidonii, Plinii, 1302. 1303. Scaligeri, 1303. 1304. Aristotelis & ejus Sectatorum, 1304. 1305. &c. Chambræi 1307. 1308. Hypotheses recentiorum accuratiores Cartesii, 1309. 1310. &c. Rohaltii, Eckardi, 1311. 1312. P. Fabri,

1313. &c. Epicrasis Auctoris, 1314. &c.

Iridis utriusque colores unde oriantur? 1310. 1311. & 1316. Iris quomodo producat? 1317. 1333. Artificiales & naturales inter se conveniunt, 1317. Admiranda iridis Phænomena nunc multo certius ac evidentius quam olim deducuntur 1328. & 1301. Problemata varia ad iridem spectantia, 1328. 1329. &c. &c.

### *Jupiter.*

Hevelius in Jove ex macularum & zonarum albicantium mutabilitate atmosphæram arguit 669. per Tubos Astronomicos Jovis facies maculosa visa 962. Fasciæ variæ in Jove à nonnullis deprehensæ 963. 964. ut & maculæ ab Hockio & Cassino, 964. 965. Campanus telescopiorum suorum bonitate advertit prominentias & inæqualitates plurimas 965. Cassinus Jovem circa centrum moveri deprehendit 965. harum observationum occasione lis suborta inter Divinum & Campanum, & alia inter Cassinum & Gottignies 966. Hugenius binas fascias reliquo Jovis corpore lucidiores, quas tamen in genere alii obscuriores asserunt, vidit, 967. Instabilitas fasciarum plus stabilitatis habere videtur, quam ea, quæ nubibus in Jove cum Hugenio tribuitur 967. ratio curvatis vel rectitudinis fasciarum ex variato globi positu ad oculum pendere



pendere videtur 967. Striæ in Jove obscuriusculæ à non nemine pro paludibus nunc magis nunc minus exhaustis vel exsiccatis habitæ, 968. Cassinus & Gottignies maculas in Jove fixas & constantes, ex his vero motum Jovis circa centrum, deprehenderunt, 968. 973

Constituit Hugenus Jovialis globi diametrum duarum circiter tertiarum ejus distantia, quæ inter nos nostramque lunam interjacet, 970. Jovis globum non solum natura sua opacum esse, nec alio quam mutatio lumine fulgidum, sed è diversis etiam substantiis mixtum, Lunæ terræque simile, ferè omnes recentiores Philosophi arbitrantur, 973. Honoratus Fabri Jovis globum cupreum forte existimat, cum eundem prorsus colorem præferat, 913. hunc Auctor refellit 974. Jovis globus quantus ex Hugeni computo? 974. in Jove reperiri creaturas Auctori plausibile videtur, 974. 975. De vertigine Jovis nunc tanto minus dubitatur cum præsertim de globo Martis gyrationem similem experimenta luculentiora extra dubium ponant, 977

### *Jovis Satellites.*

Circumjoviales non telluris sed Jovis ergò à Deo ordinati, 736. Jovis 4. comites à Galilæo anno 1610. detecti & ab aliis Astronomis confirmati 540. & 969. Præter Galilæanos Schyrlæus alios quinque

exteriores ac multo majores, novo telescopio observatos asseruit, qui fixæ postmodum deprehensi sunt, 540. 541. 969. post Galilæum & Marium recentiores Astronomi, præcipue Cassinus, horum periodos & motus accuratius exquisiverunt, 970. Hugenus orbitam comitis extremi ad nostræ Lunæ orbitam proportionaliter definit, 970. Hi comites sive singulæ Lunæ non videntur terra nostra minores esse, 970. Periodica horum tempora sec. Cassinum quæ? 970. Cassinus & Campanus egregiis telescopiis tam umbras, quas Jovis Satellites in ipsius corpus nonnunquam projiciunt, quam ipsorum copora quasi ab ortu occasum versus promota distinxerunt, 971. Prædictiones horum phaenomenorum à Cassino editæ à celeberrimis Astronomis verissimæ deprehensæ sunt, 971. 976

Circa satellitum occultationes notatu digna quædam 971. 972. & 507. 508. Quomodo ipsa copora satellitum lucida & ipsorum umbræ non nunquam in Jovis disco videntur Auctor explicat, 972. 973. Recentiores Philosophi satellitum naturam Jovi similem propriaque luce destitutam substantiam manifesto satis arguunt, 973. Hon. Fabri Satellites Jovis vel chalcytim vel pyritem aut quodlibet aliud corpus ærarium pro materia habere, fascias autem illas obscuriores collectam æruginem esse existimat, 973. 974. cui contradicit Auctor, Ppp ppp pp 974.



ra cinctam esse Hevelius pluribus argumentis evincit 669. Lunam in teluris usam esse conditam omnes, etiam Astronomiæ rudes, agnoscunt 735. Lunæ tamen etiam terra lumen quindecies majus ac intensius illo communicat, 736.

Quanto sit Lunæ à terra distantia media 783. cum Lunæ distantia satis certa sit, de magnitudine ejus definienda minus laborandum fuit 784. nihil quicquam caloris per vitrum causticum prægrande ex radiis lanaribus luna etiam plena, deprehenditur 822. Lunaris luminis phasem menstruo spatio in orbem eunt 882. 883. Lunæ facies hinc inde maculis multis & magnis deformata, iisque perpetuis & constantibus 883. hæ maculæ lævigatæ & planam superficiem habent, ambientes verò partes lucidiores cæteræ in montosæ asperitates undique manifeste assurgunt & umbras projiciunt 883. illæ maculæ, antiquæ, non prorsus ab omni mutatione exemptæ 884. hæ verò, novæ dictæ, variabiles & montium lunarium umbræ sunt, 884.

Hypothesis de Lunæ natura & substantia ex ejus maculis antiquis C'earchi, Peripateticorum, Pythagoræorum & recentiorum Philosophorum plurimorum, 885. 886. &c.

C'earchi commentum, quod lunæ maculæ sint imagines marium terrestrium 885. Peripateticorum.

schola partium lunæ lucidarum & obscuriorum varietatem è diversa opacitate & perspicuitate pendere judicavit 885. olim Pythagoræi & hodie multi Astronomi & Physici constantes in luna maculas aquas & maria esse senserunt 885. 886. aquas in luna, illas forsan esse, quæ supra cœlos dicuntur, P. Fabri putat, & quidem nostris longe puriores, prout etiam Kircherus statuit, magisque limpidas 886. & 890. has in nubes non concrecere, hinc neque imbres, neque grandinem neque nivem in globum lunarem cadere, nec ex his fontes scaturire nec flumina currere idem probare nititur 887. 890. status & astronomia comparativa Lunæ ex mente Hugonii 887. 888. &c. Riccioli, 941. 942. &c.

Hypothesis circa primarium lunæ lumen ejusque phasem &figurationes veterum Philosophorum 890. exactior recentiorum, quæ in manifestam veritatem degeneravit 891. hanc fusius exponit Auctor 891. 892. Epicrisis ejusdem super has, 892. &c. &c.

Extra controversiam de lunæ substantia illud est partes lunæ splendidiores esse solidas; inæquales, obscuriores & maculosas esse magis perspicuas, & lumen solis magis imbibentes 892. obscuritatem macularum lunarium ex obscuriore coloratione in notabili vicinia tantum, non verò in tanta

ano-



à nobis distantia Lunæ deduci posse Auctor putat 892. 893. Selenita eadem facie maculosa conspecturus terram nostram, qua nos maculas in luna intuemur 893. credibile est maculas lunæ esse aquas 893. 894. cavitates in maculis conspectæ portiones insularum ultra aquas leviter prominentium esse videntur 894. nullas in Luna aut circa illam generari nubes Auctori videtur 894. dubium Auctoris circa planetas & animalia in luna 894. 895. justior causa est conjectandi incolas in Jove & Saturno quam in Luna ex mente Hugonii 895. an luna omni atmosphæra sibi circumfusa destituatur non adeo certum est 896 Auctor Lunæ atmosphæram tribuit, 896

Præter primarium in Luna lumen etiam secundarium observarunt Astronomi, quod à tot retro seculis pro nativo & proprio habuerunt 897. hujus vis crescit & imminuitur 898. & 903. 904. & 906. 907. maxima est in eclipsibus Lunæ totalibus 898. hoc lumen lunæ proprium fictitium esse complures eclipses Lunæ totales demonstraverunt, 899

Hypothesis pro vera causa luminis hujus secundarii declaranda Reinholdi, 900, cum quo consentit Aguilonius & Scheinerus 900, Tychoonis & Liceti 900, recentiorum plerorumque 900. 901. quæ probabilissima & pro ipsa rei

veritate haberi potest 901. 902. &c. displicet Tychoonis Hypothesis Auctori 902. Quindecies magis illustrat terra lunam, quam Luna terram 905. cur non novilunii tempore extra solis eclipses lumen lunæ secundarium omnium maximum in terra nisi tuborum majorum adminiculo percipiatur? 906. hæc in eclipsibus solaribus per accidens videtur 906. mira est inter terram & lunam correspondentia mutua, quæ pluribus demonstrat Auctor, 907. 908

Luna motu reali circa tellurem intra 28 dies, in singulos verò 13 fere gradus circiter circumducitur, posito quod hi semper æquales sint 908. quantum laboris & operæ ad motum lunarem perficiendum requiratur Auctor subindicat 908. 909. quatuor motus menstruos luna exhibet 910. alius adhuc mensstruus, qui librationis motus appellatur, à Galilæo primò observatus 910. 912. Eundem postmodum plures observarunt 910. 911. hic motus explicatur per schema, 911. 912

Hypothesis pro illustrando motu lunæ libratorio Auctoris & Cartesii 913. & 916. 917. Hugonii, Hevelii, Riccioli 914. 915. Kircheri, Galilæi, & Riccioli 915. Auctoris epicrisis 915. 916. &c. cur non necessum fuerit Luna globum circa suum centrum convolvi Auctor indicat 912. Veritigo lunæ, quæ ex vorticibus con-

P P P P P P P P 3

sequi.



sequitur, peculiari virtute hic fuit impedita, de qua conjecturae quædam Auctor secum constituit cum Cartesio 913. Hugenii conjectura 914. Hevelius censet limites utriusque librationis lunaris retinere in disco lunæ eundem perpetuo situm respectu macularum, de quo aliter sentit Ricciolus 914. causa librationis lunaris non physica est 915. 917. Galilæanam Ricciolus confutavit 915. Riccioli Hypotheses circa hanc librationem in Physicis non attenduntur, 915

De diversis Lunæ in terris effectibus 928. 929. &c. primus hujus effectus in terris est illuminatio, magno humani generis commodo 928, frustra negatur aliquis luminis lunaris fluxus & efficacia omnis in corpora nostra 928. 931. radii luminis lunaris in calefaciendo adeo debilitatæ efficaciam sunt, ut ne collecti quidem speculorum vel vitrorum causticorum ope calorem aliquem sensibilem exhibeant 928. quidam radiis lunæ vim refrigerandi & calorem e corporibus provocandi adscribunt 928. alii virtutem augendi humores in diversis corporibus naturalibus quibus innituntur regulæ nonnullæ calendariographicæ & in Architectura &c. 929. ex hac augendi humoris virtute alii vim inducendi & promovendi putrefactionem deducunt 929. 930. porro excitationem spirituum in

corporibus humanis, quod exemplis lunaticorum comprobare nituntur, 930

Effectum lunæ in hæc sublunaria mirandi æstus marini eorumque varietates diurnæ, menstruæ & annuæ comprobare videntur 930. quatuor supra enarrati modi operationum lunæ dubii videntur, cum lunæ influentiis erroneè tribuimus, quod ventis aliisque causis adscribendum erat 931. 932. aëris tempestates & mutationes nequaquam vel à Lunæ cum Sole, vel aliorum siderum cum Luna mutuisque inter se adspectibus, sed à causis potius sublunaribus ventisque præcipuè dependent 932. 933. frigus ordinarium valde augescit non à lumine lunæ augescente, sed cœlo sereno nubiumque velamine denudato aere, ob defectum caloris exhalantis, 933

Quæ de augmentis humorum in corporibus terrestribus luna crescente eorundemque decrementis luna iterum decrescente narrantur, ea modernis Philosophis dudum suspecta visa sunt, quod ex aliorum fide dignorum virorum experimentis Auctor comprobat 933. 934. 935. &c. in luna supposita sine fundamento humectandi potentia peperit ejusdem creditam putrefaciendi facultatem 936. hujus tanquam non satis certæ experiendæ modos varios præscribit Verulamius 936. hi frustra instituentur, si alia penitus causa ter-



terrisque vicina sese prodat 937  
maris æstus tanquam à causa qua-  
dam dependent 937. excitatio spi-  
rituum tanquam à Luna facta sus-  
pecta videtur Auctori 937. an epi-  
lepticorum paroxysmi à lunæ effica-  
cia certò dependeant Auctor dubi-  
tat 937. 938. & 714. 715. Febrium  
diversæ species aliaque, etsi statas  
suas vices teneant, cum luna ta-  
men ejusque mutationibus nullam  
convenientiam habent, 938.

Tellus è luna spectata triplici  
motu videtur moveri 946. Lunæ  
diameter apparens in diversis à ter-  
ra distantis 947. 948. ex generali  
fundamento ab Astronimis elicitæ  
Theoremata de umbra versus ter-  
ram Auctor exhibet 955. 956. si  
in luna sunt maria, justa suspicio  
est in maribus & oceanis lunaribus  
æstuum phænomena, nostratibus  
saltem similia, locum aliquem in-  
ventura 958. inclinatur Auctor in  
sententiam, quod in Luna dentur  
creaturæ, quam argumentis proba-  
bilibus munit, 961. 962

*Lux. Lumen.*

Lux & Lumen ex Hypothesi Au-  
ctoris quid? 505. incomprehen-  
sibilis velocitas luminis ex hac com-  
prehenibilis redditur 506. 510. de  
Rœmeri circa luminis non-mo-  
mentaneam transmissionem Hypo-  
thesi 507. 508. &c. Galilæus & alii  
frustra varias ac difficiles lationes  
excogitarunt, quibus explorari pos-  
sit, quantum temporis lumen insu-

mat in aliquo terræ spatio decur-  
rendo, 508

*M.*

*Magnes. Magnetica acus.*

Inter lapides virtute sua eminet  
magnes, portione metallica, & spe-  
ciatim ferrea seu chalybea mani-  
feste permixtus 1088. 1089. Du-  
plex cum primis hæcenus notata la-  
pidis hujus efficacia 1089. Quivis  
horum duos polos habet, 1089.  
Discrimen inter polos terræ & po-  
los magnetis quod? 1089. Acus  
magnetica inclinatur ad horizontem,  
si illa non fuerit sub æquatore con-  
stituta 1089. 1090. vim hanc di-  
rectivam magnes adfrictio sibi fer-  
ro & imprimis acubus chalybeis  
tenerioribus facile communicat,  
1090. eandem vim directivam, etsi  
debiliorem, quædam ferramenta  
magneti nunquam admota, ex me-  
ra quasi consuetudine nanciscun-  
tur 1090. notatu digna quædam  
circumstantia circa affriccionem  
ferramenti sive acus versoriae ad  
magnetis polos observanda 1090.  
Acus magnetica in plerisque locis  
plagam borealem non præcise  
ostendit, sed in pluribus inde plus-  
minus deviat 1091. creditum olim  
fuit eam declinationem in unoquo-  
que loco perpetuam & immutabi-  
lem manere, aliter tamen tempo-  
ris progressu edocti fuimus, 1091

Hallejus ex collectis acus declina-  
tionibus primus rem maxime im-  
peditam explicare studuit, 1092.



Vis magnetis directricis observator primus & inventor acus versoriae qui? 1092. Virtus magnetis attractrix ab antiquis usque seculis nota fuit, 1092. Magnes magnetem & ferrum, nulla etiam virtute magnetica imbutum attrahit (cum vulgo loquendo) & ab utroque vicissim attrahitur, magnete vero tactum ferrum non solum aliud attrahit, sed eidem iterum vim eandem attractivam communicat, 1092. & 1094. Non adeo momentanea est hæc vis attractrix communicata, sed diutissime durans, 1093. De magnete quinque-libri armato vim incredibilem enarrat Schottus 1093. Alia de his creditu faciliora traduntur, p. 1093. 1094. Magnes magnetem alium, vel ferrum magnete excitum allicit uno polo, altero repellit 1094. &c. Quibus modis vis magnetica minuatur? 1095. 1117. Qua ratione eadem augcatur, conservetur & confirmetur, 1095. 1096. 1117. 1118

Ad magnetis virtutem attractivam Auctor reducit efficaciam similem corporum electricorum 1096. & 1108. ut & directivam ex eadem Hypothesi deducit, 1109. &c.

Hypothesis pro explicando magnetismo Peripateticorum recentiorum, 1097. Petri Gassendi, Hen. Mori, Joh. Alph. Borelli, Gilberti, 1097. 1098. &c. Cartesii, 1100. 1101. &c. Mallement de Messange & P. Fabri 1104. &c. Epicrisi Auctoris super has 1107. &c. Vivere

magnetem & per animam suam trahere nonnulli putarunt Philosophi, 1097. Cartesianæ phænomenorum magneticorum ordinario- rum deductiones aliis ingeniosiores & probabiliores Auctori videntur, putat tamen in phænomenis declinationum magneticarum extraordinariis ab ejus Hypothesi discedendum esse 1113. Phænomena variantium in terris declinationum coeperunt hodie animadverti ordinata magis & regularia quam olim,

1113

Varia Phænomena cura Halleji circa magnetis declinationem exhibita 1113. 1114. Quatuor polos magnetis conjicit, 1114. Conjecturæ Auctoris pro ratione Theorix Hallejanæ explicanda, 1115. Ferrum nondum imbutum virtute magnetica utroque magnetis polo indifferenter allicitur, 1116. cur magnes ferro armatus tantopere corroboretur? 1116. Prout coitio ferri & magnetis fit ope virtutis elasticæ aëris ambientis ex mente Cartesii & Gassendi, ita jam congressorum firmiorem cohæsionem ex eadem causa dependere Auctor judicat,

1117

*Magnetismus corporum mundanorum.*

De hoc magnetismo vid. p. 623. 624. &c. &c. Certum & observatum est Philosophis nonnullos planetas, nempe Terram, Lunam, Solem versus mundi polos binis suis



fuis punctis oppositis defixos perpetuo esse, quæ directio in Jove & Marte hodie per observationes etiam plenarie confirmatur, 623. 624. &c. &c. Non adeo vulgatæ sunt hujus magnetismi in corporibus mundanis observationes, 627

Hypothesis circa hunc magnetismum Kircheri 627. 628. Kepleri & Gilberti de solius terræ directione ipsis tunc nota 628. P. Fabri 628. 629. Cartesii 629. Epicrisis Auctoris super has Hypotheses, 630

Displicet Auctori Hypothesis Cartesii nimis commentitia, 630. nec arridet ipsi illa Kircheri, Gilberti, Kepleri 631. nec Fabri 632. suam Auctor contexit, 633. 634. &c.

*Mare.*

Portio superficiæ maris paulo minor esse videtur ea, quæ terræ continenti competit 223. Absoluta maris vastitas & immensa magnitudo ex omnibus omnipotentis Dei miraculis omnium ferè maximum est, 223. 224. & 1137. Ingens aquarum innumerabilium & vastissimorum fluminum vis perpetuo decursu à mari excepta nihil ipsum augescere, nedum exundare facit 224. causa hujus 230 & 1138. E litore prospicientibus maria in altum assurgere videntur manifeste 224. causa hujus 231. alicubi maria sensim suos extendunt alveos, nonnunquam etiam novos terræ tractus à se desertos aperiunt 225. Maria varios in diversis locis colo-

res exhibent 225. Mare interdum noctu quasi ardere & flammare in tenebris, imò alicubi etiam revera fervere & calidissimum sentiri deprehenditur, 225. causa cur mare noctu scintillet, 231

Notissima maris proprietas est falsedo, quæ traditur æstate fervente, & sub zona torrida, notabilior quam versus Polos 225. Ratio hujus 234. 235. Salsedo in fundo maris non minor est quam in summitate 225. 226. hoc instrumenta, quibus aquæ è fundo hauriri possunt sine admistione superiorum, comprobant 226. 227. Maris aqua fluviali & fontana gravior est, 227

Maris aquæ pinguedine quadam & uligine gaudent, hæ nauseare & vomere plerosque primum navigantes faciunt 227. cur mare nauseam provocet? 231. 232. In eo consentiunt hodie Auctores plerique omnes quod maris aquam falsam credant ex admixto copioso sale, de eo vero in diversas abeunt sententias, utrum admixtus ille sal oceano natus sit, an aliunde haustus & adscititius? 228. cur aqua marina gravior dulci, eadem pellucidior fluviali & difficilius gelu constringatur, Cartesius explicat, 228

Aquam marinam cum sale simul creatam putant, P. Fabri & Cartesius 228. quibus adstipulatur Auctor 234. Salsedinem maris ascititiam statuunt Gassendus, Aristoteles & communiores ejus interpretes, & nonnulli veterum Philosophorum



phorum 228. 229. cur aquæ è mellis quasi falsis haustæ fuerint dulces? 229. Cur marinæ aquæ ex admixtione tot dulcium non dulcescant? 230. Diversitatem colorum in aquis marinis P. Fabri è variis causis deducit 230. De remediis præcavendi nauseationem, 232. 233. Cur nonnulli huic incommodo aut nunquam aut non semper obnoxii sint, 233. Aristotelis Hypothesin circa falsedinem maris Gassendus ex multis capitibus recte confutat, sed non ex omni parte, 233. Marinæ aquæ falsedo imminuitur percolando 1133. Maria nonnulla subterraneam quandam communicationem habere videntur 1137. utrum caspium mare verum mare sit, an lacus potius, quæritur? 1155. dissentit hic à Varenio Auctor &c. 1160. 1161.

### *Maris æstus.*

Inter affectiones maris principalem locum obtinet ejusdem æstus seu reciprocatio, quam fluxum & refluxum maris communiter appellant, 235. Hujus æstus historiam Auctor exhibet, 235. Hic æstus jam olim notus fuit, hodie res quotidianis experimentis confirmatissima est 235. 236. circa litora magis quam in alto deprehenduntur hi motus, 236. 237. Diurna maris reciprocatio cum lunæ motu diurno tam arcte est connexa ut in regionibus maritimis tam incrementa quam decrementa

maris in futurum certo prænunciari possint, 237. 238. Prima ex regularibus æstus marini variationibus est diurna, quæ multas admittit irregularitates 238. 239. in quo hæc consistat? 238. 239. Secunda est menstrua, qualis hæc sit? 239. 240. Annua quoque observata & quidem duplex testibus fide dignis 240. Irregularitates in his tribus regularium generibus singulis innumerabiles occurrunt, quarum potiores Auctor indicat, 240. 241.

242

Hypothesis circa æstum maris variorum, quos Sylvanus Regis & Timplerus Ricciolus & P. Fabri recensent, 243. 244. Galilæi, 246. 247. &c. hujus Hypothesin de motu terræ diurno & annuo ex maris æstu derivato refellunt Ricciolus & Fabri, 243. excipit contra hanc nonnulla Auctor, 248. 249. &c. Inter omnes has Hypotheses præcipuæ sunt Cartesiana & Fabriana, quarum illam Varenius prolixè enarrat & Auctor proponit, 250. 251. 252. Hypothesin Cartesianam graves pati difficultates Hamelius & Varenius asserunt 252. Ad horum objectiones respondet Auctor 253. 254. Desiderat tamen etiam nonnulla Auctor in Cartesiana Hypothesi, 255.

Annua æstus marini variationem ex communi tam Cartesiana quam Fabrianæ Hypotheseos principio exactè deducere nititur Auctor, 256. &c. Fabrianam Hypothesin



## Index Tomi II.

thesin Auctor in compendio exhibet, & simpliciore format 258. 259. Præfert Fabrianam Cartesianæ Hypothesi in nonnullis phænomenis explicandis Auctor 259. & 265. Detegitur Fabri Sophisma, 260. Claudicat hypothesis fabriana & Kircheri 261. ut & Vossii, 262. 263. & 266. de Hypothesi Baliani Cæsalpini & Arconsi causam æstus marini è telluris quodam motu repetentis, 264. 265. Rejicitur ab Auctore Arconsi Hypothesis, 266. 267

De aliis marium motibus, præsertim illo generali & perpetuo ab oriente in occidentem, 268. &c. Hujus motus generalis mentionem faciunt Vossius, Kircherus, Varenius 268. 269. Naves ob hunc motum multo breviori temporis spatio ab oriente in occidentem, quam ab occidente in orientem feruntur, 268. 269. Venti sæpe immutant motum maris generalem, imprimis illi statim, quos motiones appellari docet Varenius 269. Horum motuum specialium magna est varietas 269. 270 motus hic maris generalis Aristoteli ejusque Sectatoribus, imò omnibus Philosophis Europæis ignotus fuit ante Lusitanorum navigationes per oceanum zonæ torridæ, 270

Hypothesis circa hunc motum maris generalem Aristotelicæ Philosophiæ Sectatorum recentiorum, 270. Copernicanorum nonnullorum, ut Galilæi, Kepleri 270. 271.

aliorum, ab Aristotelicis & Copernicis hisce dissentientium, 271. Cartesii, Fabri 271. 273. Vossii 271. 272. Varenii, 272. 273

Fluxus & refluxus marium connexionem habent cum motu lunæ diurno menstruo & annuo, quos efficit luna non cœlitus effusa virtute, sed corporis sui præsentia & motu 714. adeoque hæc non tam causa illorum æstuum quam occasio dicenda videtur, 715 & 937

### *Mars.*

Martis fidus inobservabile veteribus habitum, sed aliter hodie res se habet 435. 436. Mars secundum Keplerum in quadratura cum Sole, & cum terræ propior est, videtur pene dichotomus vel gibbus, 999. Mars cum macula visus à diversis Astronomis 999. 1000. 1001. non autem à Gassendo 999. Sæpe jubatum vidit Rheitenis, & cingulum in Marte observavit Hugenius, ipsius discum autem parte aliqua deficientem 1000. Martem comitibus stipatum putat Rheita, 1000. nullos circa Martem deprehendit Hugenius & P. Fabri 1003. Ex maculis gyrum Martis circa centrum collegerunt Astronomi 1000. 1001. Martem lumen mutuatitium habere & heterogeneæ substantiæ esse, ejus maculosa & aliquando etiam gibbosa facies abunde testatur, 1002. de periodo vertiginis hujus planetæ liticula inter nonnullos Astronomos orta, 1002. Hon. Qqq qqq qq 2 Fabri



Fabri Martis globum ex ferro forte constare putat, sed incongruè 1004. credibilis est hunc corpus esse heterogeneum, & secundum Hugenum, terram aliquam, perinde ac cæteros planetas habitabilem 1004. cur Mars ex mente Hugonii rubicundior appareat quam alius planeta 1004. de Astronomia Martis comparativa sec. Hugenum, 1004.

*Materia subtilissima.*

Solæ divina virtus per materiam subtilissimam movet materiam subtilem, & hæc aërem 188. 189.

*Mechanica.*

Quodnam sit universæ mechanicæ fundamentum præcipuum? 36. demonstratio hujus, 81. 82.

*Mensis.*

Mensis synodici, periodici, anomalistici & draconitici quantitas quæ? 910.

*Mercurius.*

Mercurii dolosum sidus semper ferè sub radiis solis occultum est 436. de Mercurio in Sole viso vid. pag. 617. 618. de modo observandi phænomena hujus generis à Gassendo adhibito 621. 622. &c. phasibus Mercurius variis apparet 1005. 1008. 1009. P. Fabri Mercurii globum ex argento potius quam ex hydrargyro constare putat & cur? 1007. ex heterogenea diversarum substantiarum massa

hunc potius compactum quam argenteum esse rectius Auctor judicat 1011. Astronomia Mercurii comparativa sec. Hugenum 1013. 1014. &c. conversio Mercurii circa axem necessaria esse videtur, 1015.

*Meridiana linea.*

Meridiana linea quid? 459. simplicissimum & facillimum modum, etsi non omnium accuratissimum hanc definiendi docet Auctor 467. 468. Reconditiores modos dedit Ricciolus & Hevelius, quibus pro indaganda declinatione magnetis Noribergæ usi Mathematici Noribergenses, 468.

*Meridianus.*

Meridianus quid 459. nonnulla puncta in Meridiano circulo notanda veniunt 459. 460. Meridiani circuli divisio quæ? 464. 465. Meridianus in globo materialis vicem omnium, qui innumerabiles sunt, subit 465. Meridianus primus diversimode à Geographis constitutus est 465. Meridiani secundarii qui, 465.

*Metalla.*

Metalla non solum intra terræ viscera sunt, sed ablata renascuntur 309. 1056. 1074. 1075. metalla ignis opera commiscuntur 353. metalla diversis mensuris soluta, diversimode præcipitantur 397. metalla non ita pura & integra ut in vasis ex his paratis cernuntur



tur, è terris effodiuntur, sed plerumque materiæ lapideæ terreæque adhærentia multo contusionis, fusionis, lotionis, separationis præcipitationis labore opus habent, 1054. 1055. Reperiuntur istæ terræ glebæ aut lapides metallorum ramentis foeti sub montibus ut plurimum 1055. aquæ inde scaturientes sæpe aliquam illorum ramentorum copiam secum adducunt, auri etiam granula 1055. metalliferæ terræ steriles plerumque sunt, ac aura noxia infestæ, præsertim in ipsis fodinis & cavernis subterraneis 1055. communes metallorum proprietates quæ? 1055. 1056.

De proportionē metallorum respectu ponderis 1055. 1056. Durities in metallis inæqualis est, in ferro & chalybe maxima, in cæteris gradatim minor est 1056. ductilitas in metallis, præcipue in auro, maximè notabilis est, imò prorsus stupenda 1056. In eadem fodina & vena sæpe plura simul metallorum genera reperiuntur 1056. specialiores metallorum proprietates quædam dantur 1057. reperiuntur in fodinis corpora quoque semimetallica, aut metallorum partibus mixta, quorum species diversæ numerantur, 1057.

Hypothesis de metallorum materia, formis, & proprietatibus suarum origine sec. Aristotelicos 1058. Cartesii 1058. Chymicorum 1059. Hypothesis P. Fabri

circa metallorum formam 1060 circa efficientem causam Aristotelicorum, Chymicorum, Sennerii, Sperlingii 1060. Epicrisis Auctoris super has, 1072. &c.

Utrum unum metallum in aliud transmutari possit nec ne? quæstio est omnium vexatissima 1061. Alchymistæ hanc artem pridem inventam crepant, speciatim transmutandi viliora metalla in perfectissimum omnium, aurum 1061. multi viri docti hanc metallorum, viliorum præsertim, transmutationem in aurum omnium nobilissimum negant imò pro impossibili penitus habent 1062. quidam mediæ quasi via incedere gestiunt, qui nec universaliter omnem quorumque metallorum transmutationem negant, nec auri quoque ex argento, vel mercurio, vel aliis metallis, confectionem prorsus impossibilem æstimant, inter quos eminent Kircherus, Gassendus, Hamelius, 1062. 1063.

De transmutatione ferri in æs sec. Gassendum 1063. quomodo argentum vivum in metallum quodpiam mutari possit? 1063. Difficilis est transmutatio hujus & metallorum imperfectorum in perfecta, aurum & argentum 1063. possibilem hanc tamen credunt Gassendus & Hamelius 1063. 1064. P. Fabri de hac dubitare videtur, durius loquitur de Chymicorum chrysopæia 1064. transmutationem veram unius metalli in aliud,



præcipuè in perfectum, Fabri negat 1064. 1065. De metallorum transmutatione & chymicorum chrysopæia Auctoris judicium 1069. &c. dubitat Auctor cum Hon. Fabri utrum æs, vel argentum, vel aurum factitium cum vero ex terris eruto comparari debeat & ejusdem speciei sive naturæ haberi? 1070. de transmutatione ferri in cuprum ex aqua quadam vitriolica 1071. metalla ex seminibus, non quidem organicis, sed specificis producuntur, absque his nullum genuinum esse videtur, 1071

*Meteora.*

De meteoris realibus seu hypostaticis 1217. 1218. &c. &c. de meteoris aqueis & ventosis 1234. 1235. &c. &c. de meteoris igneis 1249. 1250. &c. &c. & 1278. 1279. &c. &c. divisio horum secundum Greydanum 1281. De meteoris emphaticis 1292. 1293. &c. &c. 1335. 1336. &c. &c. & 1347. 1348. &c. &c. ut & 1362. 1363. &c. &c. his ultimo loco additur rarum & admirandum phænomenon, fulgor in occidentali plaga annuus vespertinus, Eimmartinis observationibus oblatus 1364. idem phænomenon procul dubio observavit Cassinus, 1365

*Mineralia.*

Mineralia intra terræ viscera non solum sunt, sed ablata renascuntur

305. & 309. mineralium halitus aliqui salubres sunt, aliorum præsertim corporum mixtura temperati, plurimi tamen, imò omnes, si copiosi sunt, noxii solent esse homini aliisque animalibus 309. tertiam fossilium classem constituent mineralia, quæ duplicis generis sunt 1054. mineralium prima & nobilior species metalla, secunda corpora metallica complectitur 1054. minera quædam aurea cupro mixta cum fulmine delapsa traditur, 1253

*Mixta corpora. Mixtio.*

Dantur corpora mixta quæ varietatem aliquam in ipsis elementis, vel elementaribus particulis præsupponunt 283. & 327. 328. elementa mixtorum quæ dicantur? 327. non alia quam mixta in mundo nostro elementari actu ipso uspiam reperiuntur 328. mixti divisio secundum Peripateticos, præcipuè sec. Hon. Fabri 328. 329. de mixtis prolixissimè agit Fabri, præcipuè de imperfecte talibus 329. 330 mixtionum varia genera sive modos recenset 330. 331. & 344 345. &c. &c. mixtorum diversissimæ species sunt, omnia quidem ex iisdem miscibilibus conflata, sed non eodem modo 331. Alia est unius, alia alterius temperies aut temperamentum, quod secundum Fabri duplex est, 331. 332. & 338

Hypo.



Hypotheses de mixtionis physicae genuino conceptu diversorum Philosophorum 333. 334. &c. nonnullae quaestiones circa mixtionem 335. &c. Hypotheses nonnullae circa temperamentum, quod ex varia & multiplici elementorum in misto proportionem suam sponte resultat 338. 339. Epicrisis Auctoris super has, 340. 341

Utrum dari possit mixtorum temperamentum aequale ad pondus? 339. varia horum divisio 339. 340. ex mente P. Fabri primum genus mixtorum generandorum fit percolando 344. &c. secundum coquendo 346. 347. &c. tertium distillatione 349. 350. quartum sublimatione 350. 351. quintum exhalatione 351. sextum concretionem 351. septimum calcinatione 351. 352. singulare hujus generis amalgamatio est 352. octavum ex simplici diversorum permixtione 352. 353. variae dantur mixturae cosmeticae 407. &c. In explicandis mixtorum proprietatibus ad parvulas simpliciorum particulas, harumque figuras, motum, situm & nexum hodie ferè unanimiter attendunt Philosophi, & ex his solis singulorum formas & essentias explicant, 1054

*Mixtorum corporum analysis.*

Mixtioni opponitur analysis sive resolutio mixtorum in sua miscibilia, natura vel arte nihil aut aliquid conferente 355. Generales resolutionum chymicarum effectus sunt

ipsa principia chymica 356. Mixta alia diversissima sunt specialiores effectus plurimi solutionum specialiorum 357. Resolutio alicujus corporis magis mixti & compositi una generatio est non unius tantum, sed saepe numero plurium ac diversorum mixtorum minus compositorum 357. hoc putrefactionis exemplum praecipue docet 357 de aliis quibusdam corporum resolutionibus, 356. &c. &c.

*Montes ignivomi.*

De montibus ignivomis & ardentibus varia tradunt Kircherus & Varenius, 13

*Motus.*

Motus à Deo dependet, 325. De corporum motu & quiete caute & considerate judicandum est, ne properanter judicemus ea revera moveri, quae soli sensui, ut mota representantur, sed rationem rectam in subsidium vocemus, cum alioqui in errores maximos incidere queamus, 949. 950.

*Mundus sublunaris.*

Mundus noster sublunaris, è diversorum generum massis grandioribus, elementis in genere dictis, compositus est, 2. 3

*Mundus sidereus.*

Consideratio mundi siderei variae scientiae ejus nomina spectanda offert 428. De hoc mundo abstracte &



## Index Tomi II.

& mathematice considerato varia, 440. 441. &c. &c. Ante tuborum usum mundus hic aspectabilis eo usque tantum extendi creditus, ubi stellæ lucentes nocturno tempore inermi oculo conspicebantur 440. 441. cum stellæ fixæ circanos undiquaque quoad sensum æqualiter distantes & in orbem dispositæ videantur figuram sphaericam mundo tribuebant Philosophi 441. Divisio mundi in cœlum & terram non æque incongrua est ac videtur 441. 442. & Præl. n. 2. Post tuborum inventionem cæptum est de termino mundi pristino dubitari,

443. 444

Hypothesis de mundi finitate vel infinitate Jord. Bruni, Plinii, 447. Cartesii 448. Hamelii, 448. 449. nonnullorum veterum Philosophorum 449. Epicrisis Auctoris super has,

451. 452

Brunus mundum infinitum, Plinius finitum, at infinito similem, Cartesius indefinitum statuit 447. 448. & 787. 1023. quod Hamelio minus probatur 448. 449. Seleucus mundum infinitum, Diogenes, Stoici, Democritus, Epicurus, Lucretius universum extensione infinitum, mundum autem finitum putant, 449. Mundus secundum Cartesium non incongruè indefinitus dicitur. 452. 453. Non absurdum est, si mundus infinitus statuitur, dari duo infinita, quia infinitis modis diversa 453. 454. Aristotelem mun-

di infinitatem redarguisse Riccio-  
lus docet, 454. Sive mundus sit actu infinitus sive indefinitus figura sphaerica certò ipsi attribui nullo modo potest, hinc frustra disputatur terrane an sol, an luna sint in mundi medio sive centro posita,

455

De divisione mundanæ sphaeræ per circulos mathematica, 455. 456 &c. &c. de triplici mundanæ sphaeræ positu, intuitu diversorum in terra horizontum 471. 472. &c. de mundi zonis & domibus cœlestibus 477. 478. &c. De mundi partibus ac divisione physica, 488.

489. &c.

Frustra quæritur quo anni tempore mundus sit conditus, cum semper quatuor anni tempora in terra nostra deprehendantur, 470. Quomodo mundus creatus sit conjecturæ Auctoris, 510. 511. 512

De mundi finiti determinata magnitudine 513. 514. &c. Auctor ex Hypothesi eorum, qui mundi magnitudinem finitam statuunt, hanc ut cunque, cum accurata hujus rei definitio impossibilis sit, æstimare præsumit, & quidem ex Tychonis Hypothesi omnium minima 515. 516. De comparatione inter globum terræ ejusque soliditatem, & inter globum totius mundi tychonicum ejusque capacitatem, 516. 517. Ex hoc capacitas mundi stupenda elucescit 517. 518. Mundus ex Riccioli Hypothesi vicibus fere 400, capacior est,

519

Hypo.



Hypothesis de mundi totius magnitudine Tychonis, Riccioli, Kepleri 786. 787. Hugeni 1020. 1021. 1022. Incerta hujus est magnitudo, ac ne quidem hypothetice quidem determinabilis 787. Hypothesis circa figuram mundi veterum Philosophorum nonnullorum, & recentiorum, Gassendi, Gilberti Bruni, Cartesii, Galilæi 788. 789. Hypothesis circa mundi unitatem & multiplicabilitatem antiquorum Philosophorum diversorum, 789. 790. recentiorum 790. 791. &c. Hypothesis de mundi forma quasi intrinseca Tychonica, 792. 793. Semitychonica, Ricciolo propria, 795. Copernicana 794. Coccæana 794. 795. Auctoris Epicrisis super diversa ista Hypothesium genera, &c. in qua varia lectu digna, p. 796. &c. &c. Præsumptuosum præjudicium Hugeni esse putat universi mundi corpora primario in servitium hominis condita fuisse, cui asserto ille contradicit, 997

N.

*Naturalia corpora.*

Naturalium rerum proprietates non melius quam ex effectibus hariolari dantur, 93. Aristotelici naturalia corpora ex elementis composita ad duo præsertim imperfecte & perfecte mixtorum capita revocant, 328. & 1036

Naturæ miracula, quæ DEI omnipotentis opera & effecta, & per-

scrutatu difficilia sunt, non ideo statim perscrutatu penitus impossibilia judicanda, 1146. 1147

*Nebula.*

Nebulæ paulatim in altum sublata nubium faciem induunt, 1219. Ascensus nebularum vaporosiorum pluvias paulo post secuturas tenues, descensus autem gratam serenitatem communiter indicat 1219. Hærorulentæ nebulæ inambulantium crines & vestimenta notabiliter humectant, 1219. Datur alia, nebularum siccius species, pruinosa magis quam rorida, ideoque in pluviam haud facile resolubilis, 1220. Qua ratione nebula generetur? 1223

*Nilus. Niger.*

Causa exundationis & annui incrementi Nili usque ad hæc ferè nostra tempora plerosque latuit, 1140. Vossius & Dapperus eam patefecerunt 1140. Eadem de Nigro flumine recentiorum observationes confirmant, 1140. 1141

Hypothesis circa fontes Nili & eorum genuinum locum veterum Philosophorum 1141. 1142. Gassendi & Isaaci Vossii, 1142. 1143. Hypotheses de causis incrementi & exundationis Nili anniversariæ antiquorum Philosophorum, 1143. 1144. P. Fabri, Gassendi, 1144. Vossii, 1144. 1145. &c. Auctoris super has epicrisis eclectica, 1146

Rejicit Auctor veterum opiniones & approbat magis Gassendi & Vossii



Vossii Hypothesin 1146. 1147. &c. Arridet Auctori hypothesis maxime, quæ ad pluvias æthiopicas totum hoc negotium refert, 1149.

*Nitrum.*

Nitrum sive sal petræ, etsi manifesto inflammabile & igneum, frigidissimæ tamen naturæ esse per experientiam constat, 1033. Nitrum quibus partibus constet secundum Fabri 1037. de nitrosa efflorescentia, 1164. 1165.

*Nix.*

Beneficium terræ & segetibus præstant nives & nubes, quæ pluviosa sua quasi substantia calorem ex imis terræ visceribus jugiter exhalantem circa terram detinent, & frigoris vim, alioqui nocivam futuram, mitigant, 933. De nive ejusque figura notanda nonnulla, 1221. 1222, & 1225. &c.

*Nodi.*

Nodi in planetarum orbitis quid? 562.

*Nubes.*

Nubes diversi generis conspectui nostro sese præbent 1217. Omnes natant quasi in aëre libero, aliæ aliis sensibilibus sublimius, æstate quoque plerumque altius quam hyeme 1217. Editiorum montium fastigia supra illas sæpius haud parum eminent 1218. Nubes quid? 1218. 1219. Nubes è vaporibus in aëre superiore & frigidior con-

concrefcere, communis est Physicorum omnium, tam antiquorum quam recentiorum sententia, 1223.

Hypothesis quomodo in eam formam concretio & condensatio fiat, Aristotelicorum, Cartesii 1223. Fabri, 1224. &c.

*O.*

*Obscuraciones. Occultationes.*

De corporum coelestium variis occultationibus & obscuracionibus 616. 617. &c. Occultationes stellarum frequentius hodie notantur, quam olim observatæ, 616. 617. Hæ indubiæ sunt, cum eadem Phænomena in futurum jam sæpius prædicta, prædefinito tempore apparuerint, 620.

*Orbes solidi.*

Orbes coelorum solidi in fluidos mutati sunt, 522. orbium solidorum suppositionem inter Hypotheses physicas non amplius habere posse locum Auctor demonstrat, 599.

*Occasus & ortus.*

De ortu & occasu stellarum, 548. 549. Ortus & occasus heliacus quid? 616. 617.

*P.*

*Palus.*

Palus quid? 1151. Paludes duplicis generis notat Varenius 1157. Habent paludes terram sulphuream bituminosam & pinguem, 1157. 1158. de generatione & conservatione



tione utriusque generis paludum  
Auctoris Hypothesis, 1162

*Parallaxis.*

Parallaxis seu adspectus varia-  
tio scalam quasi erexit, per quam  
è terris in cœlos ascendere, ac  
cœlestium corporum distantias  
emetiri utcumque datur 778. Sa-  
turni & Jovis parallaxes vix sensi-  
biles sunt, lunaris vero omnium  
maxima 779. Veneris & Mercurii  
parallaxes, ob Solis præsertim vici-  
niam aliasque causas, difficilius  
investigantur 779. & multo diffici-  
lius in sole 780. nulla ex terris in  
stellis fixis deprehenditur sensibi-  
lis parallaxis 780. diversi dantur  
modi observandi solis parallaxin  
incerti tamen omnes 780. paral-  
laxis cometarum à Tychonis Bra-  
hei usque ad hæc nostra tempora  
semper minores observatæ paral-  
laxi lunari, 780. Parallaxium ge-  
nerales conditiones, 806. 807

*Paraselenæ. Parhelias.*

Quæ hæc phænomena sint?  
1347. frequenter una cum halo-  
num simul eodem cœli loco appa-  
rentium phænomeno spectantur,  
imprimis concurrente adhuc alio  
&c. 1347. Parheliarum & parase-  
lenarum apparentias notatu dig-  
nas vid. p. 1348. 1349. &c. ut plu-  
rimum parhelias circa ortum vel  
occasum solis videntur 1350. de  
parheliarum duratione 1351. Em-  
phases hæc sunt, iridis halonisque  
instar, 1351

Hypothesis circa parheliarum  
genesin Hamelii 1352. Cartesii  
1353. 1354. P. Fabri 1354. 1355.  
Gassendi 1355. Epicrisis Auctoris  
super has 1356. &c. deserit Au-  
ctor Cartesii Hypothesin ob sup-  
positorum nimiam multitudinem  
1356. &c. nec Fabriana, sed Gas-  
sendica ipsi magis arridet, 1359.  
1360

*Pendula.*

Nonnulla pendulorum phæno-  
mena exhibita, 33

*Percolatio.*

Crassioribus percolationum  
modis naturales in corporibus  
viventium ac non viventium egre-  
gie declarantur, quæ longe nobi-  
liores quam illæ, cum tota ferè  
natura corporea percolando per-  
ficiatur, 345. 346

*Petrefactio.*

Petrefactio quomodo contin-  
gat 1084. 1085. &c. egregium hu-  
jus exemplum enarrat Auctor,  
1087

*Physica.*

In Physicis non prius ad causas  
supernaturales confugiendum est  
quam naturalis aut secunda cau-  
sa nulla uspiam amplius reperiri  
queat 499. in physicis non nulla  
quidem satis accurate demonstra-  
ri possunt, sed alia plurima per  
suppositiones ac hypotheses tra-  
ctanda veniunt 560. harum requi-  
sita primaria, 560

Rrrrrrrrr 2

Pla.



*Plagæ mundi.*

Plagæ mundi cardinales quatuor sunt, intermediæ verò complures 458. indicia nonnulla quibus plagæ, præsertim cardinales, in ipsa natura dignoscuntur, 458. 459

*Planeta primarii.*

Planetis singulis ex hypothese vulgari antiqua pro ratione diversarum suarum velocitatum singuli separati orbes concentrici assignati &c. 521. observatis planetarum à terra distantis nunc majoribus nunc minoribus concentricorum loco, eccentrici, epicycli &c. conficti, qui revera ficti erant 522. inter innumerabiles stellas paucæ quædam detectæ sunt, quæ speciali proprioque motu obliquius ab occasu in ortum ab una fixa ad aliam irregulariter promoveri solent, unde errantes dicti 538. 539. 561. horum erronum ab antiquis temporibus non nisi septem numerati, 539

Copernicani solem è planetarum numero deturbant & inter fixas numerant, tellure contra in planetarum numerum recepta, 539

Circa Martem Venerem, (Mercurium) & Saturnum nulli satellites reperti sunt 541. planetæ, detectis novis aliis, hodie in antiquos & novos distinguuntur 543.

numerus planetarum sedecim, 7 antiquorum, & 9 novorum, hætenus immutatus mansit 545. Sagaciores Astronomi omnes planetas tam antiquos quam novos pro terris aut terraqueis globis habent 544. Hugenus pro terris cœlestibus 547. planetæ eadem ferè via cum Sole sub 12 Zodiaci constellationibus incedunt, orbitas autem suas circa terram inæqualibus admodum temporibus emetiuntur, 562

Hypothesis circa planetarum motum proprium sive secundum Eudoxi Aristotelis & ejus Sæctorum 563. 564. Tychonicorum plurimorum 564. 565. reliquorum Tychonicorum 565. 566. Copernicanorum & semicopernicanorum 566. Cartesiana, quæ copernicanæ novam speciem conciliat 566. 567. Kepleri 569. 570. Epicrisis Auctoris super has. 572.

573  
Copernicani motum primum planetarum pro mera apparentia, è revolutione terræ diurna resultante, habent alterum autem planetis vere proprium æstimant 566 Eudoxi & Aristotelis hypothesis ob varias rationes exploditur 572. 573. displicet Auctori hypothesis Tychonicorum nonnullorum 573. 574. commendat copernicanam 574. &c. Kepleriana supposita ob suam multiplicitatem Auctori non arrident, 583

De planetarum primariorum retro-



retrogradatione, statione ac directione notanda 586. 587. &c. retrogradationis tempus in planetis diversum est, & arcus retrogradationis magnitudine variant 587. &c. nunquam vel sol vel luna aut stationarii aut retrogradi naturaliter visi sunt, sed perpetuo in consequentia progressi 587. & 596. retrogradationes Saturni frequentiores sunt quam Jovis, & hujusquam Martis, 587.

Hypothesis pro salvandis hisce motibus planetarum antiquorum, Aristotelis & Ptolemæi 588. 589. recentior spiralis Tychonicorum 589. 590. Hamelii 590. Copernicanorum 590 591. &c. hanc Auctor in schematismo explicat 591. 592. ex his Auctor varia constructa deducit pro superioribus planetis 592. 593. pro inferioribus 593. 594. Epicrisis Auctoris ecclētica super has, 594. 595. &c. &c.

Pro planetarum cursitationibus anomalis salvandis nulla alia suppositio simplicius faciliusque remedium suppeditavit, quam copernicana, quæ in compendio exhibetur 595. 596. rationes harum inæqualitatum ex copernicana Hypothesi deductas exhibet Auctor 596. 597. Hypothesis antiqua epicyclica pro his motibus planetariis excogitata non potest pro physice bona, sed ad summum pro astronomice. laudabili utcumque haberi 599. nec epicycli in fluidissimo cœlo nec intelligentiæ in

motibus planetarum dirigendis locum habent 600. refellit Auctor in quibusdam circa Theoriam planetarum Hamelium, Ricciolum, Longomontanum, 600. 601. 602.

De planetarum vicissitudinario accessu & recessu respectu terræ 606. 607. &c. planetarum plerorumque omnium variabilis respectu terræ distantia multis observationibus comprobata est, comprobatur etiam ab Auctore 606. 607. planetæ terris vicini tunc maxime deprehenduntur cum retrogradi sunt, distantiores cum directi, 608.

Hypothesis circa hunc ascensorium & descensorium motum veterum, qui epicyclos, recentiorum, qui circulos eccentricos ac novissime ellipses, denique spirales lineas supposuerunt 608. 609. 610. Epicrisis ecclētica Auctoris supra has 611. 612. &c. rejicit Auctor omnes præter eam quæ ex Copernicana deducitur 611. 612. &c. &c. ex hac nonnulla demonstrat, 614. 615.

De terræ & planetarum plerorumque constanti & perpetua, secundum certas sui partes, in polos mundi nostri directione 623. 624. &c. &c. de hac vide plura supra in M. sub voc. Magnetismus corporum mundanorum.

Planetas singulos atmosphæra quadam cinctos esse asserit Hevelius 669. planetæ interdum fixæ,



rarius unus alterum planetam occultant 778. planetarum inferiorum phaenomena persuaferunt, hos aliquando esse sole humiliores ac terris viciniore, aliquando vero sublimiores & à terra remotiores 779. Solis ac Lunæ diametri communiter & exacte satis definiuntur, in aliis planetis auctores magis dissentiant 781. 784. in distantis planetarum à terra exhibendis multum variant Astronomi 783. de planetarum diametris & corpulentis sec. nonnullos Astronomos 784. proportionem corporum planetarum exacte monstravit Hugenius, 785

Quanto annorum spatio globus è majore tormento emissus à Sole feratur ad planetas ex Hugenii calculo? 786. de planetarum ordine 792. &c. credibile est omnes planetas, si velint beneficio Solis lumine & calore rite frui, circa centra convolvi 881. 912. 913. planetas plantarum varietate exornatos & ab animalibus tam brutis quam ratione præditis habitatos Hugenius putat 887. &c. & 995. 996. in inferioribus planetis omnes lunarium phasium varietates observantur 1005. ex quibus eorum opacitas demonstratur 1007. ante tuborum inventionem Keplerus cum antiquis in eadem fuit sententia planetas minores saltem, ac speciatim Venerem, propria luce fulgere 1007. 1008. Bullialdus omnibus planetis ac speciatim Lunæ, præter prima-

rium, quod à Sole habent, nativam quandam lucem inesse 1008 refellit hoc Auctor 1012. 1013. de variis figurationibus luminis mutuiti nihil veteribus innotuit, 1003

In superioribus planetis, Saturno & Jove, nullæ phasæ, in Marte vero vix una gibbositatis forma observatur 1009. hujus diversitatis ratio explicatur 1009. 1010. prædici possunt phasæ in inferioribus 1010. planetarum inferiorum globos ex heterogenea massa compactos esse, analogia cæterorum suadet 1011. similes lucis & tenebrarum alterationem sicut in inferioribus, etiam in aliis non injuste suspicantur Astronomi, ut & vertiginem in Venere & Mercurio, prout in superioribus 1011. planetæ omnes ab Hugenio pro terris cœlestibus habentur 1011. Saturnus & Jupiter pro terris primariis ab ipso æstimantur 995. sicut Deus in terra nostra plantarum & animalium naturas structurasque ad lucem caloremque Solis providentissime attemperavit, sic idem in cæteris globis pari prudentia præstitit, 1014. &c.

### *Planeta secundarii.*

Planeta secundarii unà cum primariis suis paucis diebus circumlati intra designatum primariis tempus circumrotantur 562. 563. Planetas secundarios faciem eandem, ut luna versus terram, versus primarios convertere credibile est,



*Pluvia.*

Rationes pluviarum in nostris climatibus incertæ sunt & vagæ, multò certiores sunt in zona torrida 1178. Pluviarum guttæ magnitudine & copia multum variant, hinc variæ pluviarum species dantur, 1221. æstate guttæ observantur majores quam hyeme, 1221. observatio Mariotti circa pluviam notanda 1221. Prodigiousæ pluviae nisi fabulosæ sunt, supernaturalem agnoscunt causam 1221. aliquæ naturaliter produci possunt, 1221

*Polares circuli.*

Polares circuli qui? 466.

*Poli mundi.*

Mundi Poli quid? 400.

*Præcipitatio.*

Præcipitationum exempla nonnulla vulgaria, 396. circa sanguinis & urinæ præcipitationes compluria experimenta tentavit P. Lana, 397. Metalla, à diversis menstruis soluta, diversimode præcipitantur 397. & 415. De præcipitationibus corallii, Butyri antimonii & vitrioli soluti 397. 398. Præcipitationes in tincturis variis adhibendæ 398. 399. 416. Quæ acido liquore soluta sunt, præcipitanda mediante alcali seu sale fixo, & è converso, quæ à sale fixo dissoluta fuerunt, præcipitanda mediante liquore acido seu sale volatili, 399. 417. Præcipitatio quid? 408. Dif-

ferentiæ inter præcipitationem & coagulationem quæ? 408. 409. Nullum in hunc usque diem inveniri corpus potuit, quod aquæ salis, seu aquoso & simul falso humori permixtum vim habeat salinas particulas secernendi & ad fundum aquæ præcipitandi, 409

Hypothesis de præcipitationum causis nonnullorum recentiorum, 410. P. Lanæ 410. 411. &c. Epicrisi Auctoris super has, 413. &c. Eandem fovit Auctor cum Luna circa causam præcipitationis hypothesin 413. Quædam, quæ pro præcipitationibus habentur, coagulationes potius dicenda sunt, 414

*Procellæ.*

De procellis notanda vid p. 1236. 1237

*Pruina.*

Pruina quid? 1220. qua ratione generetur, 1223.

*Pulvis pyrius.*

Papinus stupendam vim pulveris pyrii ad commoda & utilitates hominum in attollendis magnis ponderibus ad certam aliquam altitudinem ingeniosè applicuit, 1047. Hypothesis circa hanc vim & operationem Kircheri, 1047. Hon. Fabri, 1047. 1048. Cartesii, 1048. Gassendi 1048. 1049. Epicrisi Auctoris super has, 1049. 1050. &c.

*Putrefactio.*

Putrefactio sec. Aristotelicos duplici ex



plex est, 357. Hanc præsertim à calore externo & humido interno dependere communis experientia docet, 357. 386. 387. Variæ circumstantiæ in putredine notandæ, secundum quas putrefactio vel promovetur vel impeditur 357. 358. &c. &c. 391. Speciatim aëris exclusio vel expulsio in quibusdam corporibus, in aliis ejusdem admisso, vel arcet vel promovet putredinem 360. 361. vicissitudines frequentes tum caloris & frigoris, tum humiditatis & siccitatis, putredinem valde promovent 361. Putredinem nihil magis impedit quam motus & agitatio, 361. 362. Ad putrefactionem refertur caries & mucor, ciborum digestio in ventriculo, quæ ad hanc reducitur opera cujusdam spiritus resolutorii, liquoris gastrici ope 362. 392

Putrefactionis genus quoddam facit P. Fabri deliquium, fermentationem & digestiones diversas, 362. 363. 392. in spontaneis putrefactionibus vermiculi nascuntur, 363. 364. cur? 387. 388. &c. Inter liquores urina facillime, destillatus autem vini spiritus, imo & aqua fontana destillata, difficillime putrescit 364. plurima corpora, dum putrescunt ingratum & sæpe foetidum odorem spargunt 364. metalla omnia, præter aurum, purissimum illud quidem, longa ignis violentia corrumpuntur 364. Partium modica discontinuatio putredinem inducit 365. 390. Balsama-

tiones præservant à putredine, 365. Quomodo corruptum plene corpus in siccum tandem pulverem abeat? 365. 366. & 385. 386

Hypothesis de veris & genuinis putrefactionis causis efficientibus Aristotelicorum 382. 383. P. Fabri 383. P. Lanæ 383. 384. Epicrisis Auctoris super has, 385. 386. &c.

Ignis non putrescit, 386. Aquæ & aliæ res humidæ facilius æstate quam hæme putrescunt, aliqua vero corpora putrescunt facilius tempestatibus intermediis, autumno vel verno tempore 387. Aër à corporibus putrescentibus inficitur, 387. &c. cur ex putrefactis corporibus tot innumerabilium generum & specierum animalcula producantur P. Lanæ conjecturæ, 388. 389. Luna humectandi potentia sine fundamento supposita peperit ejusdem creditam putrefaciendi facultatem, 936. 937

R.

### *Refraction.*

Vi magnæ refractionis pluribus diebus Sol prope novam zemblam navigantibus citius apparuit, quam secundum leges Astronomiæ fieri debuerat, 196. 475. 804. 805. Quemadmodum stellarum situm parallaxis mutat, eas deprimendo, ita eundem earum situm ratione contraria, attollendo scilicet, mutat refraction, 804. 807. 808. Qua ratione refraction perficiatur? 804. Effectus insigniores refractionum



num in Astronomia decem enumerat Ricciolus 804. Effectus huius insignis est in eclipsibus Lunæ horizontalibus 805. Refractionum quantitates illis parallaxium multo notabiliores sunt, 806. Refractio sub diversis Poli elevationibus varia est 806. Refractionum generales conditiones quædam, 806. 807. Experimentum circa refractionem, 808. dantur refractionum species variæ, v.g. altitudinis, horizontales, longitudinum, latitudinum &c.

809

*Ros.*

Ros æstivo tempore cum primis abundat, uti pruina autumnali aut hyemali 1220. ros radiis solaribus excalesfactus plantis & animalibus nocere interdum, prodesse etiam, maxime vero ros matutinus, solet, 1220. quomodo ros generetur?

1223

*S.*

*Salia.*

De salium variis speciebus 1032. 1033. præcipuæ communesque salium proprietates quæ? 1033. De effectibus & usibus salium diversorum 1033. 1034. Sal è quibus partibus constet sec. P. Fabri, 1037. de figuris salium diversis, 1083. 1084. Rationes huius diversitatis Guilielminus reddere nititur, 1084. Lewenhockius microscopio salium solutorum partes ejusdem fere figuræ deprehendit, quas

crystallis inde compositis assignavit,

1084

*Salia fixa & volatilia, seu alcalica & acida.*

Omnes spiritus salini s. partes volatiles salis, cujuscunque demum generis illud sit, aciditatem quandam gustui præ se ferunt, partes vero eorundem salium magis fixæ, falsedinem magis proprie dictam ostendant; imò omnes fere sales fixi seu alcalici communis salis saporem & cæteras qualitates obtinent 402. aliqui recentiores philosophi & chymici acidum & alcali statuunt esse principia unica & universalia rerum omnium compositarum 402. ex duplici sale vitrum compositum est 402. 403. Sal cibarium in quo differat ab aliis salibus? 403. 424. Morborum omnium in corporibus origines deducit Tachenius ab acido fermento vel nimis exaltato, vel à potentiori, acido suppresso, quod experimentis comprobatur,

403. 404

Ex acido agente in alcali & vice versa sæpe odores sparguntur ferè inusitati & sensum valde afficientes 404. 405. Salia volatilia mitiora, magis temperata & quædam aciditate prædita, quæ ad dulcedinem tendit, salia vero fixa acriora sunt & ad amaritudinem vergunt, 405. Liquores qui fiunt ex aliquo fixo sale, minus volatiles sunt, quam aqua communis 406. salium effectus in aquis fortibus mirandi

Sss sss ss

depre-



719. Astrologorum distributio  
12 signorum inter 7. planetas res  
prorsus arbitraria est, 719. &

709

*Sol.*

Solis naturam igneam, effectus  
ignis, lux nempe & calor, com-  
probant 94. incomprehensibilis  
materiæ subtilissimæ in Sole copia  
& agitatio infinitæ Creatoris po-  
tentia debetur 113. 114. sine So-  
lis lumine & calore vita ulla, &  
visionis sensus ferè ex hoc mundo  
sublatus foret 114. quod colle-  
ctio radiorum solarium tam stu-  
penda vi ustiva polleat non tam  
ab ipsis radiis Solis quam à parti-  
culis terreis dependet 119. refra-  
ctionum vi Sol citius in nova  
Zembla apparuit quam leges  
Astronomiæ exigebant 196. 475.  
804. 805. observatores primi ma-  
cularum solarium qui? 434. 625

Solis theoria, quæ ob eviden-  
tiam ac frequentiam observatio-  
num omnibus jam numeris abso-  
luta videri poterat, non omnis  
controversiæ aliam evasit 436. 437  
hæc theoria præcipue diligentius  
inquirenda est cum ab ea om-  
nium siderum (excepta luna) pen-  
deant distantia à terra, parallaxes  
& veræ magnitudines &c. 437.  
Scheinerus macularum solarium  
theoricam ita perfecit, ut, testibus  
viris doctissimis, vix quicquam ac-  
curatius sperari possit 437. 846.  
ex alternis Solis apparitionibus  
& occultationibus à quovis ob-

servabilibus ex una parte orbis à  
nobis habitati ortus, ex altera op-  
posita occasus produntur 456. in  
sole præter diurnum motum ab  
ortu in occasum quotidie obser-  
vabilem notatur alius priori, si  
non directe, saltem oblique, con-  
trarius 460. 461. contrarii hi mo-  
tus simul contingentes inter se  
conciliantur 461. 462

Quæ de Solis motu proprio ab  
occasu in ortum oblique facto  
traduntur, ea ex observatione sen-  
suum unice dependent 468. 469.  
de variata Solis diametro quæ-  
dam 606. hæc variatio aliquem  
Solis accessum ad terram hyemali  
tempore, æstate vero aliquem  
ejus recessum suadet, 606. præ-  
cedente seculo demum inno-  
tuit directio polorum solarium  
versus mundi polos & gyratio So-  
lis circa centrum 625. 626. mo-  
tus macularum ferme mensstruus  
est 626. Solem atmosphæra cin-  
ctum esse Hevelius comprobat  
669. ostendit quoque macularum  
solarium & cometarum in pleris-  
que proprietatibus convenientiam  
671. & 853. de Solis in mundum  
nostrum sublanarem diversis effe-  
ctibus 713. 714. circa solis distan-  
tiam & magnitudinem Astronomi  
dissentunt, 783. 784

De Solis natura & substantia  
820. 821. &c. &c. Solis officium  
est & lucere efficacissime & cale-  
facere vehementer, à quibus uti-  
lia & perquam necessaria in ter-  
ris



ris nostris pendent 820. effectus coloris solaris insignes sunt 820 effectus solis, ope speculorum & vitrorum causticorum prægrandium elicit, mirandi sunt, de quibus experimenta varia vid. 821. 822. &c. per helioscopia Solis facies globi figuram exhibet satis politam & lævigatam, non est tamen substantiæ solidæ penitus & consistentis, sed fluidæ, saltem magna ex parte 823. ab omni tempore Solis corpus purissimæ substantiæ creditum fuit, sed sub seculi superioris initium maculis quibusdam hinc inde distinctis sæpius in eameris obscuris apparuit 824. 845. Prima macularum detectio diversis Auctoribus tribuitur 824. 846. variat interris aliis aliisque luminis solaris diuturnitas & caloris solaris alterna intensio & remissio, 824. 872.

Hypothesis circa substantiam & naturam Solis Aristotelis 825. 826. Zabarellæ 826. 827. aliorum Peripateticorum, qui ab hoc dissentiunt 828. præcipuè P. Fabri 828. Cartesii 828. 829. defendit Auctor Cartesium contra Henr. Mori objectiones 829. 830. &c. & 833. &c. Epicrisis Auctoris super has, 833. &c.

Aristoteles Solem ignem & formaliter calidum esse negavit 825. 826. Zabarella quibusdam argumentis Aristotelis opinionem confirmare nititur 827. aliter sentit P. Fabri, qui Solem formaliter

calidum esse contendit 828. quomodo sol & fixæ formatæ sint ex mente Cartesii 829. Solis igneam substantiam negat Bontekoe 829. Cartesii Hypothesin de formatione corporum mundanorum Auctor non probat 837. rejicit Aristotelis & ejus Sectatorum Hypothesin 839. 840. &c. adeo mirabilis est creatura Solis lumen ut ex ejus instantanea celeritate, facultate obscura omnia illuminandi virtute denique calefaciendi & fovendi, utrum plus potentiæ an sapientiæ vel benignitatis in ejus Creatore eluceat, humana ratio definire haut possit 842. Auctoris Hypothesis & conciliatio inter dissidentes sententias circa naturam Solis, 848. 849.

De maculis, umbris & faculis solaribus 845. 846. &c. &c. Solem maculatum primus conspexit Scheinerus 845. aliis etiam hæc detectio tribuitur 845. 846. 861. nemo unquam harum macularum circumstantias diligentius & simul concisus enarravit quam P. Gassendus 846. nullæ interdum maculæ per aliquod tempus, interdum autem per plures continuos menses, videntur 847. interdum videtur unica, interdum duæ, interdum plures, interdum usque ad 40, quæ interdum valde diffusæ, interdum etiam coherentes 847. videntur omnes circa eclipticam & quidem secundum zonam, quæ tam hinc quam inde



occupat Solis circiter quadrantem, nullæ vero videntur in illis limbi partibus, quibus sol respicit eclipticæ nostræ polos, 848. 862

De motu macularum varia notanda 848. 849. 863. tempus quo macula in toto Solis anteriore disco conspicitur, ut plurimum dierum 12 est, 849. evanescunt quædam post aliquot dies, aliquæ ex opposito in disco nascuntur, aliquæ non longe à limbo, aliquæ in medio circiter disco nobis conspicuo 849. aliæ diu permanent, ut sæpius secunda vice supra Solis horizontem ortivum, rarissime tertia vice prodeant 850. maculæ majores & minores conspiciuntur, maxima vix attingit vigesimam partem diametri solaris, nec vix rotunda sed plerumque irregularis cernitur &c. 851

Maculæ, umbræ, faculæ & nuclei ex diversis partibus in Sole heterogeneis certos gradus opacitatis ac densitatis habentibus constant 851. faculæ solares incertæ videntur nonnullis 852. maculæ solares atmosphæram Solis nunquam egrediuntur sensibilibiter 853 854. non æque distant ab ejus superficie, nulla tamen adeo à Sole remota, ut parallaxin aliquam sensibilem pati possit, 854

Hypothesis circa naturam, affectiones &c. macularum solarium diversorum Aristotelicæ philosophiæ addictorum 854. Galilæi, Kepleri, Scheineri, Biancani, Ric-

cioli 855. Hevelii 856. 857. Petitii 857. Epicrisis Auctoris super has Hypotheses, 859 860. &c.

Nonnulli maculas Solis stellas perpetuas esse à Sole illustratas, ut satellites Solem ambientes, existimarunt 854. quod negant multi & aliter demonstrant 855. quid hæ maculæ sint? 855. 857. 860. Sol & alia cœlestia corpora mutationibus obnoxia sunt 856. de Solis à terra distantia plurimum variant Astronomorum opiniones 856. 858. stupendam materiæ pro maculis copiam Auctor calculo subducit 857. nihil omnino nostrorum corporum simile vivere in Sole aut momento superesse potest, propter summum ibi calorem 857. 858. utilitas Solis eximia est 858. & 872. mundus solaris ex Hugonii demonstratione consideratu dignus perquam est 859. Sol vastissimum corpus est 859 maculæ solares permagnæ sunt, 859. 860. macularum exortus, duratio & interitus casu quodam fiunt, quæ indeterminabilia sunt 861. 862

De diversis Solis in diversis terris effectibus 872. 873. &c. alternans in dies singulos calor solaris ejusque refrigeratio successiva summe necessaria sunt 872. 873. ratione luminis dierum noctiumque alternatio æque necessaria est 873. 874. providentissime DEUS ordinavit ut Sol motu proprio in ecliptica, ab æquatore oblique posito-



posito circulo moveretur, quo calor intuitu magna per universam terram ubique reperiatur æqualitas 874. & 462. &c. Quomodo effectus ille ex supposito Solis annuo per eclipticam motu circa tellurem immotam in triplici sphaeræ positus consequatur. Auctor fusius exponit 875. 876. 877. Etsi alterutrum terræ hemisphaerium alternis Solis conspectu per longum temporis spatium destituatur, crepusculari saltem lucula interim ex providentia Divina perpetuo fruitur 877. 878. & 476. Solis communis lumine & calore foventur omnes planetae, hinc necessario concludendum hosce circa centum gyrari, nec impedit Lunæ exemplum 879. 880. 881. Solis diameter apparens sec. Bullialdum e Saturno, Jove & Venere spectata, 1008. Sol è fixis una est ex mente Copernici, 1018.

*Specula ustorii.*

De speculis ustorii Magini, Septalii, Villetti, Tschirnhusii, vid. p. 821.

*Sphaera mundana.*

Hæc sphaera respectu diversorum in terris horizontum triplicem positum involvit 471. De sphaeræ rectæ proprietatibus, 471. 472. De proprietatibus parallelæ 472. 473. & 475. 476. An terræ dentur, quæ positum cœli exactissime parallelum habent, in ancipiti positum est 473. de sphaeræ obliquæ proprietatibus, 474. 475. Stellæ multæ

in sphaera obliqua semper supra horizontem commorantur, multæ sub hoc semper latent, in recta sphaera omnes oriuntur & occidunt, in parallela autem nullæ præter planetas, 475. In sphaera parallela mera utrobique crepuscula loco noctium regnare videntur, 476. Sphaeræ obliquæ positus ex utraque Æquatoris parte innumera- biles sunt, 476

*Stagnum.*

Quid sit stagnum? 1151. Stagni generatio quæ? 1158

*Stella. Stella fixa.*

Hipparchus ante & Tycho post Christum natum plusquam mille stellæ fixas observavit & dimensus est, ut de mutatis interea earum longitudinibus & latitudinibus constaret, 432. Secundum observationes telescopicas numerus stellarum fixarum insigniter augetur, 435. Distantiæ fixarum observatæ reperiuntur dissentire ab observationibus Tychonicis 435. Astro- nomi sub initium præcedentis seculi tuborum belgicorum ope ingentem vim stellarum antea incognitarum intra constellationum ambitum detexerunt, 443. 444. Radiosam stellarum plerarumque figuram, quæ oculo nudo & inermi apparet, fictitiam esse & deceptoriam telescopium commonstravit, 444. 490

Stellæ fixæ, quæ sub æquatore cœlesti.



cœlesti consistunt, in orientis puncto semper anno toto oriuntur, 460. Stellæ polo vicini multo minores æquinoctiali circulos describunt, 460. Omnes ferè stellæ vividissime scintillantem fulgorem, pauca vero, nempe planetæ, obscurius aut parum saltem scintillans lumen emittunt, ut certum sit Astronomis illud nativum hoc mutuatitium esse, 490. § 22. & 443. De stellarum fixarum à terris distantia sec. Tychonem § 13. Secundum Ptolemæum & Alfraganum, § 13. Secundum Ricciolum § 14. Secundum Copernicanos qui fixarum orbem à terra longissime removent, § 14. § 18. Variis artificiis investigarunt illud intervallum Astronomi præstantissimi, § 15

Si Hooekii experimentum rite se habuerit non amplius necessarium erit spatium illud inter Saturnum & fixas adeo in immensum, prout voluit Cartesius, augere, § 15. A Copernicanis assertæ immanes fixarum à terris distantia absurda quædam & incredibilia importare videntur Tychoni & ejus affeclis, § 16. Quantum spatium stella fixa prope æquatorem intra minutum secundum ex Tychonis hypothese, omnium ferè minima, emetiatur? § 16. Omnia luminosa & lucida in cœlo corpora stellæ vocantur § 19. § 20. Stellæ fixæ unde nomen sortitæ, § 20. & § 48

Ex stellis pauca situm suum, tum respectu fixarum, tum inter se in

partem priori motui oblique adversam mutare visæ sunt, planetæ dictæ, § 20. Revolvuntur omnes stellæ secundum revolutionem stellæ alicujus fixæ in 24. partes æquales divisam § 22. § 23. non semper eodem tempore oriuntur & occidunt § 23. Astronomi has stellas ratione apparentis magnitudinis, quæ oculo inermi conspicuæ sunt, in certas classes, & quidem sex, quibus adjiciebant stellas nebulosas, distinxere § 23. Primi ordinis enumerantur ab Auctore § 23. Tycho corpulentias stellarum omnium magnitudinum definivit, quas veteres multo majores conjecerunt, § 23. § 24

Astronomi memoriæ gratia promiscuam stellarum multitudinem in certos asterismos distribuerunt, quos vide p. § 24. Ratio fixæ & constantis inter fixas distantia difficilissima foret, si astra ab orbe fluido circumducerentur, si verò motus primus fixis stellis denegetur, & unico terræ globo tribuatur fixarum distantia ratio ex suppositis orbibus fluidis loco solidorum, sed circa stellas, foret evidentissima, § 25. § 26. Hypothesis de intelligentiis & dæmoniis stellarum motui olim destinatis inconveniens prorsus est, § 26. § 27. & § 20

Hypothesis de natura & substantia stellarum fixarum Thaletis, Platonis, Empedoclis § 27. Orphæi, Heraclidis, Pythagoræorum, Brunii, Caramuelis, Schyrlæi, Fabri § 28.

Hic



Hic ultimus contra antiquissimorum & modernorum philosophorum plerorumque consensum, stellas fixas corpora dura & quasi polyedra non lucida sed illuminata tantum à Sole asseruit 528. Disputat ex qua materia consent, tandem decernit has corpora lapidea generis nobilioris esse, quod sex rationibus, sed miseris, credibile reddere studet 528. 529. Cur stellæ de die non videantur? 529. circa hanc quæstionem peculiare quiddam habet P. Fabri 529. Ratio allata ab hoc non videtur ab aliis intacta 535. Epicrisis Auctoris super hanc, 535. 536. &c.

Hypotheses de stellarum scintillatione variorum philosophorum, quas Auctor recenset ex Ricciolo, 530. 531. P. Fabri 531. Hanc Auctor pro ingenioso commento habet & confutat 532. &c. Epicrisis Auctoris super has 532. 533. impossibile est solem omnes stellas fixas sua luce imbuere 533. Auctor cum plurimis Philosophis stellarum naturam lucidam, solari similem, verbo igneam esse statuit, quod positivo argumento comprobat, 534. 535.

Non ideo negandæ sunt fixæ esse corpora vere ignea, quod parum luminis & nihil caloris in mundum hunc sublunarem effundant, 535. Auctor tremulum in aëre vaporem pro totali micationis ratione agnoscit, 537. 538. de differentiis micationum in

diversis stellis Auctoris opinio 538. Indubitata olim opinio fuit ad stellæ cujusvis essentiam pertinere habere lumen proprium & nativum, ut stella nativa luce non fulgens videretur contradictionem in adjecto involvere, 543.

De stellarum communibus affectionibus in motu maxime consistentibus 548. 549. &c. &c. Plurimæ stellæ in nostra sphaera oriuntur & occidunt, 548. 549. Hic stellarum ascensus & descensus alibi rectior & magis perpendicularis, alibi obliquior & inclinatio observatur, 549.

Hypothesis circa communem stellarum motum Aristotelis & imprimis Ptolemæi, 549. 550. Tychoonis Brahe, Kircheri, Fabri, Riccioli &c. 550. Aristarchi, Philolai, Seleuci, Heraclidi, Ecphanti, Pythagoræorum, hodie Copernici & ejus Sectatorum 550. 551. & huic copernicanæ succenturiata cartesiana 551. Epicrisis Auctoris super has, 551.

Stante hypothesi Tychonica infinitis in singulos dies miraculis opus est ad obtinendum innumera-bilium stellarum, quarum nulla forte æqualem cum alia circulum decurrendum habet, simultaneum ad sua principia reditum, 555. Nihil horum incomprehensibilium in hypothesi copernicana metuedum est, fixæ enim stellæ secundum hanc prorsus immotæ sunt, Ttt ttt tt 556.



556. Stellæ fixæ, licet eundem inter se ac immutatum positum perpetuo servant, respectu tamen punctorum æquinoctialium positum universa sua sphaera immutarunt notabiliter, perquam tarda tamen promotione 563. Gemina hinc enata est hypothesis, & novus trepidationis seu librationis motus à nonnullis in stellis fixis introductus, 570.

Lansbergius & Bullialdus, annuipariter ac diurni motus assertores, dissentiunt in eo à Copernico quod fixis motum proprium concedant, 571. In fixis stellis ne minima quidem apparentis magnitudinis varietas aut simile quoddam phaenomenon, quod earum accessum vel recessum aliquem indicaret, hactenus observatum est, 608. Orbis aëneus ad incomprehensibilem fixarum distantiam, nullam, aut saltem ita facile sensibilem proportionem habere videtur, 615.

De stellarum affectionibus communibus in positu magis quam motu consistentibus, 616. 617. &c. &c. & 777. &c. &c. Occultantur quotidie à solari luce stellæ, imò nocturnus quoque lunæ, præsertim plenæ, fulgor harum conspectum nobis eripit, 616. contra communem Phaenomeni hujus causam P. Fabri aliquid urget, 618. & 620. Stellas atmosphaera quadam cinctas esse Hevelius asserit, 669. de stellarum influxu seu efficacia in mundum sublunarem 706. 707.

&c. De hoc vide supra in I. plura sub voc. *Influxus stellarum*. Stellæ fixæ erraticis omnibus procul dubio altiores 779. In stellis fixis nulla ex terris deprehenditur sensibilis parallaxis 780. E determinata utcunque, parallaxeos ope, stellarum à terris distantia in ipsarum quoque magnitudinem inquirunt Astronomi, 781.

Hypothesis de distantiiis stellarum à centro terræ Leucippi, Anonymi, 782. Tychonis, Riccioli, 783. Dissentiunt in his inter se Astronomi 783. Hypotheses circa stellarum veram magnitudinem nonnullorum Astronomorum 783. 784. &c. De stellarum mole & magnitudine diversæ quoque sunt Auctorum sententiæ, quando & circa ipsarum distantias & circa diametros apparentes tantus inter ipsos dissensus est, 783. 784. &c.

De stellis fixis quædam specialia, 1017. 1018. &c. &c. Fixarum diametros, etiam maxime splendidarum, nulla unquam latitudine, sed tantum minimi puncti instar, cernere potuit Hugenius, 1017. Hevelius ex consilio suo institutis observationibus aliquam magnitudinem illas præ se ferre vidit, 1017. Singulæ fixæ pro totidem solibus probabilissime habentur, solem vero ex stellis fixam aliquam esse 1018. 1019. & 577. credibile est fixas spargi per vasta cœli spatia 1018. Tanta est fixarum à Sole distantia ut lucem suam ab illo mutuari nequa-



quaquam possint 1018. Keplerus Solem præ reliquis stellis præcipuum, circumque eum unicum in natura planetarum systema, idque in mundi medio situm esse voluit, ad confirmandum suum mysterium cosmographicum 1019. circa fixas alia Systemata planetaria Hugenus statuit, 1019-1020

Stellas inerrantes è Saturno iisdem plane figuris eademque luminis diversitate distinctas, atque apud nos, at non circa eosdem polos, ac nobis, sese convertentes, spectari arbitratur Hugenus 1020. Distantia fixarum ex mente Hugonii tanta est, ut, quæ Solem terramque interjacet, ei comparata, exilis planè habenda sit, quod experimento comprobare nititur, 1020. 1021. &c. Exhibet idem per experimentum Sirii distantiam à nobis ad eam, qua à Sole absumus, 1021. 1022

Quantum temporis spatium ex Hugonii calculo infumturus sit globus tormenti bellici, continua velocitate, quanta exploditur, ut à terra ad Solem & ad proximas stellarum fixarum perveniret? 1022. Nullus numerus stellarum nimis magnus dicendus si Dei potentiam spectemus 1022. 1023. Multitudinem stellarum Brunus infinitam statuit 1022. Nihil obstat, judice Hugenio, quin ultra definitam stellarum regionem res alias innumeras Deus effecerit, à cogitationi-

bus æque ac sedibus remotas, 1023

*Stella nova.*

De stellis novis five extraordinariis 635. 636 &c. &c. Sæpe novas stellas non nisi paucis annis, mensibus ac diebus conspiciendas exhibuit cælum, 636. Hæ duorum generum sunt, 636. Primaria stellarum novarum proprietas quæ? 636. de variis stellis novis conspectis 636. 637. Habent hæ cum fixis illud commune, quod & scintillant valide, & diversæ varios colores, imò eadem quoque successive exhibeant 637. Primo conspectu magnæ plerumque comparent, deinde vero successive decrescunt, 637. 638. credibile est easdem sub initium similia successive subiisse incrementa, sed non ante notata, quam oculos hominum insolita magnitudine in se converterent, 638. Etsi tales stellæ, postquam evanuerunt semel, olim iteratò postea visæ non sint, aliquas tamen oppositæ conditionis modernorum Astronomorum detexit industria 638. 639. nova in collo ceti ob varietates multiplices, *mira dicta*, 639

Hypotheses circa naturam & originem stellarum novarum plurimæ. congruè ad duo genera revocantur 639. Auctores, qui has corpora perpetua & stellis cæteris cœva crediderunt, horumque hypotheses 639. 640. Auctores qui  
Ttt ttt tt 2                      stellas



stellas hasce novas de novo quoque generari statuunt, illorumque hypothesen 640. 641. Auctoris Epicrisis eclectica super has hypothesen 641. 642. &c. arridet Auctori priorum opinio quod hæ corpora sint perpetua, inter hos autem præcipuè Cartesii & Bullialdi Hypothesis 642. 643. sedecim novas stellas enumerat Ricciolus 642. in posterioribus Hypothesibus materiæ ex qua fiant stellæ hæ, agnoscendæ occasionem præbent maculæ solares & caudæ cometice 642. quomodo hæ secundum priores Hypothesen sint novæ Auctor exponit 643. 644. confutat nonnullas ex prioribus Hypothesibus Auctor 644. 645. à stellis novis valde metuunt elementari mundo, viris magnatibus imprimis, & imperiis Astrologi, 712

*Stellæ cadentes.*

De his vide quædam, p. 1281. & 1286

*Succinum.*

De succini origine & natali loco variæ circumferuntur opiniones, ab aliis pro vegetabili, ab aliis pro minerali habetur 1040. succinum cum ambra sæpius confunditur 1041. succinum Europæ soli debetur, ad litora Borussia imprimis in copia reperitur 1041. & 1045. Hartmanni Hypothesis circa succini generationem 1041. 1042. &c. divisio succini secundum eundem

Auctorem 1043. idem animalculorum succino inclusorum perfectiora pro suspectis & artis fraude inclusis habet, 1043.

Quidam negant revera existere in succino animalcula, cum ludibria sint mera 1043. 1044. his contradicit Hartmannus & Auctor 1044. & 1051. ad quam classem fossilium succinum ex mente Hartmanni referri possit 1044. artificium succinum fundendi, & parva frustra in unam molem, salva firmitate, uniendi, frustra hætenus tentatum est 1044. etiam ab Auctore 1051. inter virtutes succini bene multas eminet vis electrica, Platonis ævo jam nota 1044. rationem hujus effectus explicat P. Fabri 1044. 1045. Auctor, 1052

*Succus.*

Succi concreti sub terris reperiendi in macros & pingues distinguuntur, isti generali nomine salia dicuntur 1032. pinguium succorum duo genera constituuntur 1034. succorum acrium & acidorum ratio in quo consistat secundum Cartesium, 1040

*Sulphur.*

Sulphur rarissimè purum effoditur 1034. præcipuæ sulphuris proprietates quæ? 1034. oleum aut spiritus è sulphure arte chymica paratus extremis quibusdam morbis feliciter applicatur 1034. è sulphure vitrioli, aluminis, silicium-



millumque generatio deducenda videtur 1034. notabilis est sulphuris usus & effectus, quem in pulvere tormentario præstat 1034. 1035. è quibus partibus sulphur compositum. secundum Honor. Fabri, 1037

*T.*

*Temperamentum.*

Temperamentum quid? 331. 338. duplex est sec. P. Fabri 331. plura de his tradit 331. 332. Hypotheses de temperamento 338. 339. utrum dari possit temperamentum æquale ad pondus? 339. divisiones variæ temperamento- rum 339. 340. Epicrisis Auctoris super has, 340. 341. &c.

*Tempestates varia.*

Astrologi aëris & tempestatum varietates è variis figurationibus stellarum deducunt 710. quemadmodum Sol remotissimus s. obliquissimus, hyemem apud nos & pluvias efficit, sic Sol apud illos, qui intra tropicos habitant, remotus, potius æstatem & siccitatem, vertici vero imminens, hyemem & pluvias inducit 1145. de tempestatibus aqueis & ventosis 1234. 1235. &c. &c. de tempestatibus igneis, 1249. 1250. &c. &c.

*Terra. Tellus.*

Terræ figuram sphaericam Auctor ex hypothesi de causa gravitatis à priori, ex observationi-

bus vero à posteriori deducit 82. &c. & 84. 85. &c. &c. terræ magnitudo per varias dimensiones explorata est 86. 87. &c. unus terræ gradus 15. miliaribus germanicis æquiparatur, hinc ambitus terræ 5400. talium miliarium 88. 89. quanta sit terræ superficies & ejus soliditas? 89. 90. 91. 517. 518. quamvis terræ globus per se spectatus ingens moles sit, respectu tamen Solis & intuitu denique totius sphaeræ mundanæ reapse vix tenuis arenulæ rationem habet, 92. 516

Deus secundum Ricciolum ad- mensus est terræ globum humanæ staturæ & facultati ambulatrici conformem 93. terra successivè lumine & calore Solis diurno & noctium æstivarum frigore suo commodo utitur, 456. diameter terræ ex Gallorum probatoribus observationibus 786. mira est inter terram & lunam correspondentia mutua, quod Auctor fusius comprobat 907. Terra à Sole, uti Luna suum lumen habet, quod primarium dici meretur, & perquam fulgens est 940. de Phænomenis è Luna spectatæ terræ secundum Ricciolum 941. explicantur hæc per schematismum, 943. 944. &c.

*Telluris motus.*

Ricciolus & P. Fabri argumen- tum pro terræ motu annuo & diurno ex maris æstu derivato con-



futant 243. tellus nostra non solum ut commune observatorium, sed etiam ut corpus mundi totale, ex mente Copernicanorum inter sidera connumerandum, consideratur 428. 429. Tellus nostra cum circumfuo suo aëre in amplissimo illo ambientium cœlorum spatio, medio quoad sensum loco, libere pendulo, inter cœlestia illa corpora vel immota consistit, vel celeriter gyratur 490. terram inter stellas numerare velle absurde sonat in auribus plebejornm, 543

Argumenta nonnulla quibus Copernicani probare nituntur, terram potius quam Solem inter planetas referri debere 545. 546. multò concinnius omnia supposito terræ motu, exhibentur 547. non nulla dicta è sacra Scriptura ab Anticopernicanis adduci solita minus adversantur hypothese motæ terræ, aliqua tamen huic contraria sunt 552. 553. &c. qui Religioni sibi ducunt à litera recedere Tychonicæ adhærescant 554. quantum spatium punctum sub æquatore in terra mota intra minutum secundum emetiatur calculo subducit Auctor, 556

De motu terræ primo 574. 575. secundo 575. 576. tertio, qui secundi modificatio quædam est 578. 579. huic alii addunt quartum pro salvanda æquinoctiorum præcessione 579. 580. credibilis est unicum æquinoctialis pun-

ctum retrocedere, quam universum fixarum exercitum progredi, cum insuper plurium similium non lucentium punctorum exempla suppetant in planetarum nodis vel in antecedentia vel in consequentia mutari perpetuo solitis 580. 581. motus telluris annuus magis adversatur communi hominum opinioni quam diurnus, 582

Terram supra Solem elevari familiare nobis est & quotidianum, & sec. vulgarem etiam hypothese in singulis noctibus Sol infra nos & terram nostram est 583. Parallaxin orbis telluris sensibilem esse, hoc ex hypothese terræ motæ adversus Tychonicam confirmari posse Hockius experimento indigitavit 585. 586. 604. demonstratio geometrica Megerlini Terram non Solem moveri 605. 606. Telluris motum ex phænomenis motuum cometicorum deduci posse Hevelius statuit 675. 676. stationes & retrogradationes cometarum ex motu terræ annuo, quo alias Copernicani planetarum ordinariorum similes apparentias salvare solent, deducit Hevelius 678. cum terra quindecies plus luminis mutuatur à lunam quam hæc in terram emittat, eodem, imò multò majori jure, illa astri nomen meretur, 908

De terræ, ceu planetæ ex mente Copernicanorum primarii, lumine mutuatio varia 939. 940. &c.



si natura sideris propriam aliquam & nativam lucem postulare, difficillimum foret telluri nomen sideris asserere, cum luna vero æque ac terra proprio lumine destituta, non impedit quo minus terræ quoque locus inter sidera concedatur 939. 940. 943. & 960. Terræ quoque inest lumen aliquod secundarium & nocturnum, non proprium ipsi & nativum, sed à lumine primario lunæ nobis communicatum, hoc secundarium quintuplo minus est illo secundario Lunæ, quod ipsi ex nostro primario communicamus 942. 943. Phænomena terræ illuminatæ & phasibus distinctæ è Luna conspicienda Ricciolus & Auctor. varia explicant, 941. & 943. &c.

De variis telluris, five veris, five apparentibus, in cœlo motibus, 946. 947. &c. &c. ut tellus nostra inter sidera referri mereatur, motus etiam ipsi tribuendus est, qui duplicis generis 946. Terra è Luna spectata etsi illa re ipsa quiesceret, triplici distincto motu moveretur 946. hoc è fundamento generali demonstrat Auctor 948. 949. Hypothesis Copernicana triplicem in tellure motum realiter agnoscendum supponit 947. Diameter Terræ apparens è Luna in diversis distantis secundum Ricciolum exhibetur, 947. Diameter terræ ex Luna visæ quam proxime quadrupla est diametri Lunæ, 950. discus terræ quinquies ac decies quam

proximè major est disco Lunæ, 951

De terræ eclipsibus five obscurationibus realibus vide supra in E. sub. voc. *Eclipsis Terræ*. Terra, sicut luna, geminam sui duplicis luminis primarii & secundarii patitur extinctionem, 951. Terra respectu lunæ non minus meretur magni luminis nomen, quam Luna respectu terræ, hæc etiam ut Luna, suo mutuatio interdum privatur lumine, 954

De terræ in lunam reciprocis effectibus 957. 958. &c. &c. Tellus nostra & luna magnam ad se habent similitudinem, 958. Illi qui motum terræ statuunt, in Jove ob motum ejus circa axem, analogiam sentiunt omnimodam, 968. & 995

### *Terra.*

Terra, prout actu ipso in hoc mundo elementari reperitur, multo difficilior sub elementi forma & sub aliqua simplicitate quam cætera elementa, considerari potest 278. Terreum hoc elementum habet particulas penitus immobiles, easque ex effectibus inenarrabilis quoad figuram varietatis 278. 279. Terra elementum siccum & respectu frigidum vel etiam frigidissimum dici potest, 279

### *Terræ varia.*

Terrarum communium five vulgarium aliquæ steriles sunt, aliquæ frugiferæ, quarum variae sunt species.



cies 1030. 1031. His & aliis plerisque terris inest vis abstergendi & poliendi 1031. Pretiosis adnumerantur eæ terræ, quæ vel in medicina usum habent, vel parandis vasis pretiosis materiam præbent, quarum diversæ species dantur, 1031. 1032. Harum terrarum plerisque vis desiccandi & adstringendi, imo & alexipharmaca quoque inest, 1032. Honor. Fabri diversarum terrarum diversas naturas è diversis elementorum conjugationibus, indeque natis corpusculis seminalibus, imò horum etiam è generibus variis succorum commixtione deducit, 1037. Terræ metalliferæ steriles plerumque sunt ac aura noxia infestæ, præsertim in ipsis fodinis & cavernis subterraneis, 1055

*Terra - motus.*

De terræ-motibus, 283. 284. &c. &c. Nunquam terræ-motus orbem ejus universum sed aliquam saltem ejus particulam naturaliter afflixerunt 285. opinio Thaletis de terræ-motu rejicitur 285. Differentia terræ-motuum tum diversorum quoad diversa tempora, tum unius ejusdemque respectu diversorum locorum, quæ? 285. 286. 311. 312. &c. & secundum Senecam 286. Exempla horum tristium phænomenorum 286. 287. &c. Plerumque cum ingenti fragore conjunctæ sunt ejusmodi terræ concussiones & rupturæ 289.

290. 315. Frequentissime ubi terra dehiscit & rumpitur flammæ simul eructantur, & fumosæ exhalationes latissime dispersæ &c. 290. 291. & 314. Sæpius etiam aquarum torrentes, post illas rupturas effunduntur, adeo ut lacus, fluvii, fontes oriantur, ubi prius nulli fuerant, integræ item urbes ac insulæ submersæ fuerint, 291. 292

Venti quoque & flatus antecessisse & comitari rupturas præsertim terræ deprehensi sunt 292. Flumina fontes & lacus evanuerunt, ubi prius fuerunt, maria deseruerunt, saltem ad tempus, consueta litora, insulæ enatæ, quo loco prius aquarum fluctus libere ultro citroque fuerant agitati 292. 293. Aliquando brevissime durant terræ-motus, uno singulari vel paucioribus interruptis pulsibus, finiti, nonnunquam in dies, in menses, in annos, per intervalla tamen continuati, 293. 315. Non unum solum locum afficiunt, sed plerumque ad urbes & regiones plures, multorum milliarium intervallo diffitas, extenduntur, ita tamen, ut alibi vehementius, alibi remissius, sentiantur, licet eodem tempore,

294

Quæ vehementissime his concussionibus vexantur, montosa sunt & maritima loca, cum econtrapalustria aliæque nonnullæ mediteranæ planæque regiones ejusmodi, primariis præsertim conquassationibus, minus obnoxia sunt 295.

& 316.



& 316. Contingunt terræ-motus quacunque anni tempestate, noctu pariter ac interdiu, sub his & illis constellationibus 295. 296. & 316. Ubi maximi fuere terræ-motus, orta que inde incendia horrenda, non subsequitur cito par alius, sed mora longa plerumque interposita &c. 297. Antecessisse sapicule narrant, aliquando etiam comitata fuisse, meteora ignita, Solis obnubilationem &c. consecutas denique pestes, famem, seditiones &c.

297. 298. & 317

Hypotheses de terræ-motibus nonnullorum recentiorum & veterum, quæ commenta tantum sunt, 298. 299. Aristotelicorum, 299. 300. aliorum veterum, 300. Recentiorum Philosophorum famigeratorum, 301. & 319. 320. &c. &c. Epicrisis Auctoris super has eclectica, 302. 303. &c. &c.

Terra multis & magnis cavitatibus, cryptis & canalibus intus undique, præsertim sub montium jugis, hiat, inter quas aliæ cavitates aquis repletæ voragines quasdam, abyssos & rivulos componunt, fontium postea fluviorumque origines, aliæ flatuum & exhalationum plenæ, aliæ denique ignibus & flammis latissime perfusæ sunt, 302. 303. &c.

Loca quæ motus maxime horrendos passa sunt, sulphuris, bituminis, nitri aliorumque salium variorum generum copia magna præ aliis abundare observantur, 305.

306. Copiosi halitus ex inflammabilibus istis corporibus perpetuo emissi subterraneas cavitates complent, & inflammabiles sunt, qui accensi & rarefacti magnam vim exerunt, 307. 308. Terræ-motuum variorumque circa ipsos observatorum accidentium causas Auctor indicat, 310. 311. &c. &c. Terræ motuum effectus, tanquam proportionatum infinitæ potentiæ summi Numinis opus, ejus uni ac immediatæ virtuti adscribit Auctor, 323. &c.

### *Thermæ.*

De thermis multivariis copiosas relationes suppeditavit Kircherus 1123. Hypothesis de Thermis Kircheri, 1127. 1128. Gassendi, Hamelii 1128. P. Fabri 1128. 1129. Epicrisis Auctoris super has 1129. 1130. &c. unde tantus in thermis calor secundum Hamelium 1128. Cur pleræque thermæ notabiliter ferveant, & diverso caloris gradu polleant ex mente Auctoris, 1130. 1131

### *Tonitru.*

Audiuntur nonnunquam tonitrua nullo præviso fulgere, plerumque tamen solent esse conjuncta, interjecto tantillo, nunc majore, nunc minore, temporis intervallo 1250. Tonitrua valde diverso sonitu aures nostras feriunt, 1250. Tonitrua pleraque fœcunditatem terræ contremefactæ, aut segetum potius plantarumque radicibus  
Uuuuuuuu quo-



quodammodo concussis & agitatibus  
afferre creduntur 1250. Nonnulla  
noxia sunt 1250. 1251. Tonitrua  
quæ fulmine feriunt vicinas terræ  
partes ita horrendo suo fragore au-  
res afficiunt, ut ferè obsurdesca-  
mus præ soni vehementia, 1255.  
Post ingentia tonitrua copiosus ut  
plurimum imber cadit, 1255

Hypothesis circa hoc Peripateti-  
corum & Hon. Fabri, 1256. 1257.  
Cartesii 158. Rohaltii, Grandii,  
Greydani, 1259. Gassendi, 1259.  
1260. Perraltii, Mariotti 1260.  
1261. &c. Epicrisis Auctoris super  
has, 1263. 1264 &c. &c. Toni-  
truum rationem ex pulveris pyrii  
accenso halitu declarat Auctor,  
1263. &c. Rationes speciales phæ-  
nomenorum deducit 1268. &c. &c.  
Hæc talia non Deo solum, ut causæ  
primæ, remotæ & universali, sed  
ut proximæ, solique activæ tri-  
buenda Auctor asserit, 1275.  
1276. &c.

### *Transpiratio.*

Ad hominis sanitatem plurimum,  
& plusquam credi potest, confert  
corporis insensibilis transpiratio  
1165. de transpiratione insensibili  
è corpore humano Sanctorii expe-  
rimentum 1165. 1166. varia ex hoc  
confectaria Sanctorius in medicina  
sua statica deduxit, quæ vide pag.  
1166. 1167

### *Tropici.*

Tropici cancri & capricorni qui  
vocentur? 462. & 465. 466

### *Tubus opticus.*

Tubi optici, (qui sub initia præ-  
cedentis seculi inventi) astris ob-  
servandis admoti, miranda detexe-  
runt in cœlo, quæ omnibus retro  
seculis oculos effugerunt, 962

### *Tubus Torricellianus.*

Hujus Tubi inventor qui? 166.  
167. Experimentum in hoc ope  
argenti vivi institutum 165. 166.  
causa hujus experimenti, 166.  
167. &c.

### *Turbines.*

Inter tempestates aliquo modo  
recenseri possunt turbines vulgares  
1238. Rationem gyrationis horum  
suppeditat Gassendus, 1244

### *Turbines marini.*

Inter phænomena rariora, quæ  
in medio mari nonnunquam con-  
spiciuntur, numerantur turbines  
marini 1239. quid hi sint? 1239.  
interrumpuntur per ictum tormen-  
torum & sclopetorum 1239. 1240.  
Nautæ ab hoc phænomeno sibi me-  
tuunt 1239. & 1240. Hypothesis  
circa formationem & generatio-  
nem talium turbinum, P. Tachar-  
di, Gassendi, Hon. Fabri 1244.  
1245. 1246. Auctoris Epicrisis su-  
per has, 1246. 1247

### *Tychonica Hypothesis.*

De hac hypothesis in genere vide  
p. 550. 573. 792. &c. Tychonica  
non tam expedita & simplex quam  
coper-



copernicana hypothesis, 560. 566.  
576. 594

*Typhones.*

De Typhonibus quædam vide  
P. 1238.

*V. U.*

*Vapores.*

De vaporibus & exhalationibus 1163. 1164. &c. vapores aquis cumprimis suos debent natales 1164, vapores ingenti sua copia excellunt, quam imbres, nives, grandines, nebulæ, pruinae, &c. arguunt 1164. vapores sive aquosæ exhalationes ex nivibus copiosissimæ attolluntur & multo plures, quam immediate ex ipsa aqua 1167. notabilior hæc resolutio est in nubibus, præsertim candicantibus istis & niveo candore per æstatem maxime conspicuis, quod experimento Auctor comprobat 1167. 1168. causa has exhalationes è terris, nivibus & nubibus attollens, & corporibus partialibus quasi exprimens est calor Solis extrinsecus, & hoc absente vel impedito, intrinsecus quidam singulis calor 1168. vapores aquei pertacile in aquam iterum concrescunt ad obstacula quævis obvia, præsertim frigidiuscula, nec non in aperto aëre aliquantulum refrigerato &c. 1168. 1169

Hypothesis circa vapores Peripateticorum, imprimis P. Fabri 1169, 1170, Hamelii, Gassendi,

Boyllii, Cartesii, Mariotti Auctoris 1171. 1172. &c. quid sint vapores & quomodo generentur? 1171. 1172. vapores semper plus spatii occupant quam aqua ex qua separatur 1172. 1173. aër sæpe tam multos vel etiam plures vapores continet, cum nulli prorsus in eo videntur, quam cum densissimi apparent 1173. è vaporibus in aëre superiore & frigore nubes concrescunt, 1223

*Venti.*

Venti sæpe immutant motum maris generalem imprimis statim, quorum magna est varietas motuum 269. Germani ventos iisdem voculis, quibus plagas mundi indicant, designare solent 458. à ventis potius aëris tempestates & mutationes quam ab aspectibus stellarum dependere non absque fundamento Auctor asserit 932. 933. orientalis ventus hyemis tempore ex peculiari ratione, septentrionalis toto anno (magis tamen hyeme quam æstate cæterisque anni tempestatibus) respectively frigidi esse solent, 933

De ventorum natura & proprietatibus 1174. 1175. &c. quid ventus appelletur? 1174. multum variant in plerisque terræ locis ventorum locus & directio 1174. sicut venti è diversis horizontis cujusque partibus diverso tempore adspirant, ita qualitatibus etiam sensibilibus variant 1174.

Uuuuuuu 2

qua-



qualitates ventorum primariorum in nostris terris recenset Auctor 1174. in aliis regionibus res aliter se habet 1175. quod Kircherus omnes ventos, qui non ex aëris commotione sed ex halitibus & vaporibus fiunt non nocivos tantum sed & exitiales esse dicat, nimia asserti generalitate uti videtur 1175. multi venti diversos morbos causantur 1175. non iidem venti omnibus terris pluviales sunt nec iidem eisdem terris quovis anni tempore similes, 1176

Tractu plerumque latissimo invehuntur venti, impetu non æquali semper feruntur & continuato, sed interrupto & resumptis quasi per intervalla viribus 1176. ut plurimum venti terras desuper obliquius feriunt, & per inclinatam deorsum illabuntur 1176. aliquando horizonti *παράλληλως* incedunt, perpendiculariter autem nullus ventus ex aëre in loca telluris spirat 1176. de summis montibus frequentissime descendunt venti, & ex antris & cavernis montium aliqui adflant ferme perpetui 1177. venti per canales more aquæductuum in cellas & conclavia deducuntur, 1177

Apud nos erratici & vagi plerumque sunt venti, alibi locorum statim quidam sunt & periodici, certo & stato mense singulis annis redeunt 1177. frequenter

apud nos etiam diversi imò contrarii venti haud raro simul spirant, alter tamen paulo humilior, alter paulo sublimior incedens 1178. hyems & ver imprimis frequentioribus exagitantur ventis, non paucis etiam autumnus, paucioribus ac minus impetuosus æstas summa, ordinarie quidem in hac nostra temperata zona 1178. artificiales venti, qui æolipilarum ope, aliisque modis producuntur, naturalium generationem haud parum illustrant 1178. 1179. 1181. 1182. 1192. quomodo ventus subterraneus excitetur, 1179

Hypothesis circa materiam, formam & originem ventorum, Aristotelicorum 1180. 1181. Cartesii 1181. 1182. P. Fabri 1182. Isaaci Vossii 1183. Kircheri 1183. 1184. Epicrisis Auctoris super has, 1184. 1185. &c. &c.

De materia ventorum oppositas sententias fovent Aristotelici & Cartesiani 1180. Solem non tam causam quam occasionem ventorum agnoscit P. Fabri 1183. Vossius aërem nihil aliud esse putat quam humorem dilatatum 1183. Kircherus negat unam & generalem causam ventis omnibus assignari posse 1184. cui Auctor assentitur 1184. 1190. causa generalis venti orientalis in zona torrida est rarefactio aëris ab obambulante Sole successive inducta 1184. Dubium Auctoris circa Fabri & Fromondi hypothesin 1184. rejicit

Au-



Auctor Aristotelicorum & Fromondi sententiam 1186. Vaporum in angustis locis acceleratio præcipua impetus ventorum causa est 1187. causæ remotæ impetus ventorum exhibentur ab Auctore, 1188.

Hiemali ac verno tempore præ aliis anni temporibus venti regnare in zona nostra videntur propter nives copiosas in halitum facile resolubiles 1188. in zona torrida Solis verticalis vis maxima in cingendis vaporibus ex oceano vastissimo copiosissimis, noctiumque satis notabilis longitudo in his cingendis potens, diversitatis causæ non immerito videntur 1189. materiam ventorum exhalationes aqueas & vaporosas magis quam siccas & terreas esse credibile est 1189. causas qualitatum ventorum in nostris oris Auctor deducit 1190. 1191. cur in aliis regionibus varietas horum regnet? 1191. qui venti salubres sint, qui nocivi? 1191.

De vento generali & perpetuo sub zona torrida 1193. Auctores qui de hoc passim agunt 1193. hic ventus non nisi intra tropicos, vel paulo ulterius perceptibilis est, ac toto ferè anno in patulo mari spirat 1193. hujus constantia in nonnullis maribus reperitur 1193. 1194. ille ventus generalis, quia perpetuo generalis est, impellit naves versus occidentem 1194. interpellatur nonnunquam hic

ventus propter frequentes insulas 1194. 1195. non æqualiter se ad tropicos usque extendit in omnibus partibus sed magna est in hoc differentia, 1195.

Hypothesis pro causis venti generalis ejusque circumstantiis explicandis Varenii 1195. Kircheri 1196. 1197. Cartesii 1197. Vossii 1197. 1198. Epicrisis Auctoris super has 1198. 1199. &c. non est credibile hic hypothesein Copernicanam generalis venti negotio expediendo sufficere posse, 1199.

De ventis anniversariis & periodicis 1201. 1202. &c. hi venti apud Græcos olim primum innotuerunt, quos Etesias appellabant 1201. Varenius distinguit inter periodicos & anniversarios 1201. 1202. venti, qui per aliquot menses spirant in certis maris partibus à nautis motiones vocantur 1202. horum ventorum particularia intra zonam torridam enarrat Auctor 1202. 1203. habet & temperata zona statas quasdam ventorum & tempestatum vices 1204. reliquum in incerto totum est 1205. magna est ventorum in his oris nostris inconstantia, non vagatur tamen sine omni regula irregularis etiam hæc flatuum æreorum variabilitas 1206. hoc Mariottus quoque observavit, 1207.

Hypothesis circa ventos anniversarios in specie circa Etesias Græcorum, Aristotelis & ejus Sectatorum 1208. quam refutat



Kircherus, 1208. 1209. Kircheri, 1209. P. Fabri 1209. 1210. Hamelii 1210. Varenii 1210. Circa alios periodicos s. anniversarios Hypothesis Kircheri 1210. 1211. Varenii, 1211. Halleji, 1211. 1212. Mariotti 1212. Epicrisis Auctoris, 1212. 1213. &c.

*Venus.*

Motus Veneris nondum satis exacte definitus deprehenditur, 436. Nonnunquam Venus de die conspicitur 456. Hujus phaenomeni Auctor ipse testis oculatus est 466. & 652. simile exemplum Auctor exhibet 467. Veneris phases in futurum praedici possunt, æque ac lunares, 1005. Observationes diversarum Veneris phasium, 1005. 1006. Venerem non sine aliquot salebris videri, imò in falcata atque etiam in dichotoma ipsam luminis & umbræ sectionem non uno ductu ire, sed inæqualem esse ac denticulatam testantur P. Fabri & Buratinus, 1006. Idem Buratinus per telescopia majora in Venere maculas observavit illis, quæ apparent, in Luna similes, 1006. Cassinus non maculas tantum in ipsius disco, sive gibbosa sive cornuta facie spectato, sed etiam inter has alicubi particulam quandam præ cæteris lucentem detexit, & eam quidem à disci marginibus nunc recedentem magis, nunc propius ad istos accedentem, 1006. 1012. Inde Cassinus Veneris circa centrum revolutionem aut libratio-

nem aliquam suspicatus est, 1006. Veneris maculosa facies & superficiei asperitas corpus ejus heterogeneum indicat, 1007. P. Fabri maculas in Venere aquas esse non posse existimat, quia neque plus neque minus humiditatis pro diverso ejus ad solem positu participemus, adeoque earundem rationem à diversis tantummodo cavitatibus petendam probare conatur, 1007. Rejicit hanc rationem Auctor 1008. 1011. Corpus Veneris, si quod ex nostris mixtum sit, stannum esse putat Hon. Fabri, 1007. Improbat hanc sententiam Auctor, 1011. Venerem propria luce fulgere ante telescopiorum usum Keplerus in eadem cum antiquis sententia fuit, sed mutavit postmodum hanc 1007. 1003. Bullialdus existimat, Veneri etiam, prout stellis omnibus, minimum planetis, ac speciatim Lunæ quoque, præter primarium, quod à Sole habent, lumen, nativam quandam lucem inesse, 1008. Dissentit ab ipso Auctor, 1012. 1013. &c. Varias luminis mutuatitii figurationes Auctor per schematismum explicat 1008. 1009. Astronomia comparativa in Venere secundum Hugenum, 1015. 1016. Quod maculæ fere nullæ aut tam raro in Venere observentur, hoc densiorem ibi, quam in Jove aut Marte, vaporum regionem à Sole illustratam Venerisque globum circumdantem impedire credit Hugenius, 1016. 1017. & 670

*Virga.*



*Virgæ.*

Inter meteora emphatica numerantur virgæ, quæ duplicis generis sunt, 1362. Nobilius genus virgarum colores iridis exhibet 1362. Has nihil aliud esse quam portionem halonis mutilæ statuit Gassendus 1368. nec incredibile est, eandem portionem iridis, sive primariæ sive secundariæ, residuam post evanidas superiores partes exhibere posse, 1368

*Virgula divinatoria.*

Indicia metallorum latentium incerta præbet virgula columna seu divina 1055. Hon. Fabri & Georgius Agricola virgulam divinam, quam metallici ad venas investigandas adhibent, meram superstitionem esse putant 1065. quidam affirmant, quidam negant hujus effectum, 1066. quinque conditiones ii, qui tales effectus concedunt, requirunt, ut virgula suum faciat officium 1066. Rejicit hos effectus Agricola, Schottus, Kircherus Aldrovandus &c. 1067. 1068. Signa alia, aut veriora, aut probabiliora magisque naturalia recenset P. Fabri, 1068. & 1055.

*Vitrum.*

Vitrum est compositum artificiale, quod consurgit ex duplici sale fixo seu alkalizato 402. quid vitri fel appelletur? 403

*Vitrum causticum.*

De vitri caustici bipedalis Tschirnhausiani singularibus effectibus vide

p. 822. 823. Lignum & papyrus concremantur à radiis ab hoc vitro versus Solem reflexis, cum lens quævis indefinitos numero habeat focos, quorum tres in illa satis erant conspicui 823. in media hyeme eadem vi pollet hoc Instrumentum, cujus vires etiam augeri possunt,

823

*Viventia.*

In viventibus multò expressius Divinæ providentiæ & intelligentiæ præstantia cernitur quam in corporibus vita carentibus. 995

*Umbra.*

Umbrarum, præcipue meridianarum, respectu, incolæ terræ alii ascii, alii amphiscii, alii heteroscii, alii periscii appellantur, 479. 480. 481. de umbra lunæ versus terram projecta Theoremata nonnulla 955.

956

*Volatilisatio.*

Aurum nunquam ab igne avolat, aut in vapores seu halitus resolvitur, cætera metalla minus fixa sunt 400. Lapides avolante humido in calcem resolvuntur 400. Argentum vivum maximè volatile est, & vix ullum fixitatis principium in se retinet, 400. Vini spiritus perfecte rectificatus inter alios liquores maxime omnium volatilis habetur, 400. & 423. quomodo hic spiritus ad maximam volatilitatem exaltari possit P. Lana docet 400. 401. E. quolibet vegetabili, præcipue eorum semini-

bus,



bus, separari potest substantia volatilis, 401

Spiritus nitri, aliorumque salium volatilis est 401. 492. Partes volatiles horum spirituum aciditatem quandam gustui præbent 402. Salia volatilia mitiora, sunt quam fixa, 405. Ex corporibus consistentibus nullum aliud in hunc usque diem invenire licuit magis volatile & spirituosum quam caphura, 405. 406. Liquores ut plurimum sunt magis volatiles quam solida corpora 406. minus volatiles sunt oleosi, & qui fiunt ex aliquo fixo sale, 406

Hypothesis Fr. Lanæ circa hanc, & quid magis, quid minus proprie volatile dici possit, 420. Idem demonstrat omne acidum volatile esse, non verò statim omne volatile esse acidum 420. 421. Rationes horum phaenomenorum Auctor breviter attingit, 422. 423. Nihil est volatilius igne, ita ut aqua comparative considerata ad ignem quodammodo fixa dici possit. 423

### *Vortices cælestes.*

Verosimile est solo DEI arbitrio, quo primitus constituti & hætenus conservati sunt vortices cœli fluidi, universum mundi systema consistere 526 quod ingentes corporum mundanorum moles in æthere subtilissimo citra fulcrum & vinculum pendulæ hæreant, ex hypothesi de vorticibus cœlestibus consequitur 526. Cartesius fluidum cœlum in tot

vortices primarios contorquet, quot hærent in ipso stellæ fixæ, 555

Non potest dari hætenus causa naturalis motuum planetarum verosimilior, quam fluida cœli vorticosi gyratio, quæ suspensos in ipso planetarum globos una circumducat 566. 567. Henr. Mori circa hos vortices cogitata, 568. 569. Plura de his vorticibus, Auctor tradit p. 609. & 1024. 1025. &c. Primus vortices cœlestes ordinavit Cartesius, quem post multos Hugenius secutus, qui vortices pariter, sed Cartesianis dissimiles statuit, 1024. 1025. &c. Auctoris hypothesis circa hos vortices, 1025. 1026. &c.

### *Zenith.*

Zenith quid? 459. Huic oppositum punctum è diametro Nadir est, 459

### *Zodiacus.*

Zodiacus quid? 477. Zodiacus cum ecliptica communes habet signorum distinctiones. 477

### *Zona.*

Quid dicatur Zona in superficie sphaeræ mundanæ? 477. Quæ & quot sint? 478. Zona torrida quæ? 478. inhabitabilis à veteribus habitata, 478. Temperatæ quæ? 479. Frigidæ quæ? 479. non inhabitabilis prorsus est septentrionalis, 479. Conditiones incolarum sub Zona torrida, 479. 480. sub zonis temperatis 480. 481. & sub frigidis, 480. 481

*Sphalmata potiora in ipso opere.* Pag. 22. lin. 1. leg. 50. p. 102. l. 15. leg. arctissimos. Ib. l. 22. leg. tenuium: p. 117. l. penult. leg. afflatum: Ib. lin. ult. leg. alendam: p. 134. l. 17. post formosos pon. vermes: p. 147. l. 5. leg. experimentando: p. 152. l. penult. leg. absolutam: p. 156. l. ult. & p. 157. l. pr. leg. quis immergat. p. 157. l. 16. leg. contiguus. p. 159. l. 18. leg. Principiis: p. 163. l. 9. leg. ad: p. 182. l. 26. leg. alteram: p. 210. l. penult. del. post secutus punctum: p. 226. l. ult. leg. interpretis: p. 250. l. 23. leg. confitentur: p. 271. l. 24. leg. generalem: p. 278. l. 19. leg. rigidiores: p. 318. l. 20. leg. accommodat: p. 481. l. 29. leg. Domus: p. 489. l. ult. leg. expositus: p. 494. l. penult. leg. crystallinum: p. 505. l. 23. leg. consequentes: p. 511. l. 14. leg. remotioribus: p. 526. l. 11. leg. hoc solo: p. 532. l. 19. leg. tetraëdras: p. 536. l. 7. leg. expositæ: p. 556. l. 26. leg. 225 talia: p. 558. l. 5. pro nos oportet leg. credere: p. 562. l. 24. leg. inæqualibus: p. 576. l. penult. leg. specimen: p. 579. l. 12. leg. vortice: p. 586. l. 3. del. A.: p. 600. l. 1. & 2. leg. superequitantes: p. 603. l. 23. leg. multos: p. 645. l. 18. leg. ferè: p. 663. l. 30. leg. captis: p. 673. l. 1. leg. à sole: p. 675. l. 23. leg. capiat: p. 686. l. 17. leg. humeros: p. 725. lin. 28. leg. jovialium: p. 976. l. 19. leg. provehenda: p. 992. l. 28. leg. absolvit: p. 1037. l. 33. leg. deducat: p. 1055. l. penult. & ult. leg. inæquale: p. 1061. l. 14. leg. jactant tamen: p. 1075. l. 11. leg. Caput III: p. 1107. l. 29. leg. præitionem: p. 1134. l. 16. leg. sed: p. 1137. l. 18. leg. si harum: p. 1182. l. 23. leg. omnes: p. 1208. l. 19. leg. continuati &c.















